

HIERONYMI  
**CARDANI**  
MEDIOLANENSIS  
**PHILOSOPHI AC MEDICI**  
CELEBERRIMI

O P E R V M

**TOMVS QVINTVS;**

*QVO CONTINENTVR*

**ASTRONOMICA, ASTROLOGICA,  
ONIROCRITICA.**

*CONTENTORVM HVIVS TOMI SERIEM*

*Index Titulorum exhibet.*

**EDITIO, VT CÆTERIS ELEGANTIOR ITA ET ACCVRATIOR.**



**LVGDVNI,**

Sumptibus IOANNIS ANTONII HVGRETAN,  
& MARCI ANTONII RAVAVD.

---

*M. DC. LXIII.*

**CVM PRIVILEGIO REGIS.**




1

215

101

ADDITIONAL INFORMATION



STAMP OF THE





# INDEX

## Librorum, Tractatum, & Capitulorum Tomi Quinti.

~~~~~

### I.

De temporum & motuum erraticarum restitutione.

- CAT. **D** E motu Solis communi & anno. fol. 1  
2. De motu Solis Thebith & Ptolemai. 2  
3. De observationibus Ptolemai, temporibus Adriani & Antonini. 3  
4. De vera anni longitudine. 4  
5. De tabulis reuolutionum & ascendentium annorum & earum usu. ibid.  
6. Cur Ptolemaeus non existimauit absidem Solis moueri. 6  
7. De causa erroris Ptolemai in motu Luna. 7  
8. De causa erroris motus Saturni & Martis. 8  
9. De emendatione motus Luna. 10  
10. De emendatione motus Saturni & Martis. 11  
11. De modo dirigendi Paridis Ceresary conuenientiore. ibid.  
12. De praecognitione qualitatum aeris, & septem Planetarum accidentibus; scilicet de loco & latitudine, de fixarum & Planetarum congressu: de motu Planetarum, de absidibus, de comparatione Planetarum ad Solem. De situ: De eadem ratione in genituris. 12. 13. 14

### II.

De prouidentia ex anni constitutione. 15. ad 29

### III.

Aphorismorum Astronomicorum Segmenta VII. cum totius operis peroratione. 29. ad 93. inclusive.

Tom. V.

### IV.

Commentariorum in Ptolemaeum de Astrorum iudiciis Libri IV. 93

### LIBER I.

- CAP. I. 2. & 3. **T**ractant proœmium authoris. 94. ad 118  
4. De viribus stellarum errantium. ibid.  
5. De stellis masculinis & femininis. 127  
6. De diurnis & nocturnis. ibid.  
7. Quid valeant configurationes erga Solem. 129  
8. De viribus stellarum inerrantium. 132  
9. De anni temporibus & quatuor angulorum natura. 136  
10. De signis tropicis equinoctialibus & bi-corporibus. 140  
11. De signis masculinis & femininis. 141  
12. De configuratione duodecim locorum. 143  
13. De imperatibus & obediētibus signis. 147  
14. De intuentibus & eiusdem potentia signis. 148  
15. De coniunctis. 149  
16. De domibus. 150  
17. De triangulis. 152  
18. De altitudinibus. 155  
19. De Finibus. 156  
20. De sua cuiusque stelle persona & carpentis ac soliis. 162  
21. De applicationibus & defluxibus. 163

### LIBER II.

- CAP. I. **P**roœmium authoris. 169  
2. De proprietate uniuersali gentium. 176  
3. De familiaritate locorum & triangulorum & stellarum. 178  
4. Particularium praedictionum ratio. 190  
5. De regionibus quarum sint significationes. 192  
6. De tempore euentuum. 193  
7. De genere euentuum. 195  
8. De modis futurorum. 200  
2. 2. 9. De



# Index Capitulorum.

|                                                             |     |
|-------------------------------------------------------------|-----|
| 9. De coloribus in deliquiis & crinitis, & huiusmodi aliis. | 207 |
| 10. De nouilunio.                                           | 221 |
| 11. De particulari natura signorum in tempestatibus.        | 224 |
| 12. De particulari tempestatum consideratione.              | 226 |
| 13. De obseruandis meteoris & facie cæli.                   | 239 |

## LIBER III.

|                                               |     |
|-----------------------------------------------|-----|
| CAP. I. Proæmium authoris.                    | 243 |
| 2. De parte Horoscopi.                        | 247 |
| 3. Diuisio præcipiendorum.                    | 251 |
| 4. De parentibus.                             | 253 |
| 5. De fratribus & sororibus.                  | 259 |
| 6. De partu masculino & feminino.             | 260 |
| 7. De partu geminorum.                        | 261 |
| 8. De monstris.                               | 262 |
| 9. De his qui non nutriuntur.                 | 264 |
| 10. De vita spatio.                           | 266 |
| 11. De locis Apheticis.                       | 267 |
| 12. De sorte sue parte fortuna.               | 268 |
| 13. Quos eligere conueniat vitæ gubernatores. | 269 |
| 14. Quanam sint vitæ moderanda rationes.      | 271 |
| 15. De forma & temperatura corporis.          | 284 |
| 16. De vitiis & morbis corporis.              | 287 |
| 17. De qualitate animi.                       | 293 |
| 18. De vitiis & morbis animi.                 | 305 |

## LIBER IV.

|                                     |     |
|-------------------------------------|-----|
| CAP. I. Quid est Proæmium.          | 310 |
| 2. De nati fortunis.                | 311 |
| 3. De fortuna honoris & dignitatis. | 316 |
| 4. De actionibus seu opificio nati. | 321 |
| 5. De coniugio.                     | 329 |
| 6. De filiis.                       | 337 |
| 7. De amicis & inimicis.            | 341 |
| 8. De seruis.                       | 344 |
| 9. De peregrinatione.               | 345 |
| 10. De morte.                       | 349 |
| 11. De temporum diuisione.          | 356 |

## V.

### De septem erraticis stellis.

#### ET QUIDEM

|                |     |
|----------------|-----|
| 1. DE Saturno. | 369 |
| 2. DE Ioue.    | 382 |
| 3. DE Marte.   | 389 |
| 4. DE Sole.    | 397 |
| 5. DE Venere.  | 404 |
| 6. Mercurio.   | 410 |
| 7. DE Luna.    | 423 |

|                                                           |     |
|-----------------------------------------------------------|-----|
| 8. De fixarum stellarum qualitate.                        | 428 |
| 9. De partibus numero, sexu, naturali forma & nutritione. | 431 |

## VI.

### De iudiciis Geniturarum.

|                                                                                          |       |
|------------------------------------------------------------------------------------------|-------|
| CAP. I. DE Planetis in singulis domibus & de vi ac natura applicationis ac separationis. | 433   |
| 2. De Alfridarius.                                                                       | 435   |
| 3. De proprietatibus stellarum.                                                          | 436   |
| 4. De directionibus.                                                                     | 437   |
| 5. De significatis directionum & modo.                                                   | 439   |
| 6. De significatis reuolutionum & de modo indicandi ex propria nostra sententia.         | 440   |
| 7. De aspectibus & coniunctionibus quomodo sumi debeant.                                 | 444   |
| 8. De vitiis nati.                                                                       | ibid. |
| 9. De vita nati.                                                                         | 445   |
| 10. De diuitiis nati.                                                                    | 446   |
| 11. De gloria & honore nati post obitum.                                                 | ibid. |
| 12. De moribus nati.                                                                     | ibid. |
| 13. De parentibus & filiis & vxoribus & concubinis nati.                                 | 447   |
| 14. De itineribus nati & significatis aspectuum.                                         | ibid. |
| 15. De morbis nati.                                                                      | ibid. |
| 16. De industria & exercitatione nati.                                                   | 448   |
| 17. De amicitia & odio nati.                                                             | ibid. |
| 18. De forma corporis nati.                                                              | 449   |
| 19. De potentia nati & fama eius.                                                        | ibid. |
| 20. De morte nati.                                                                       | ibid. |
| 21. Quid eclipses significant & coniunctiones magna in genituris.                        | 450   |
| 22. Quomodo operum initia à genitura ipsa pendeant, & an electio aliquid proficiat.      | 451   |
| 23. De pestilentia bello & naufragio quomodo ad genituras comparentur.                   | ibid. |
| 24. De diuinatione per somnia, & reliqua & de natura signorum.                           | 452   |
| 25. De scientia mensis diei & horæ futurorum.                                            | ibid. |
| 26. De perfectione artis, & significatoribus hominum Heroum.                             | 453   |
| 27. De viribus & dignitatibus Planetarum.                                                | ibid. |
| 28. De significato virium Planetarum.                                                    | 456   |

## VII.



# Index Capitulū.

## VII.

### De exemplo centum geniturarum.

#### QVORVM

|                                        |       |
|----------------------------------------|-------|
| 1. Francisci Petrarchæ.                | 458   |
| 2. Georgij Trapezontij.                | 459   |
| 3. Francisci Philelphi.                | ibid. |
| 4. Facij Cardani.                      | 460   |
| 5. Gualterij Corbettæ.                 | 461   |
| 6. Pauli III. Pontificis summi.        | ibid. |
| 7. Caroli V. Imperatoris.              | 462   |
| 8. Francisci Regis Gallorum.           | 463   |
| 9. Ludouici Sfortie Ducis Milani.      | ibid. |
| 10. M. Tullij Ciceronis.               | 464   |
| 11. Martini Lutheri.                   | 465   |
| 12. D. Erasmi Roterodami.              | ibid. |
| 13. Andrea Alciati.                    | 466   |
| 14. Medici ac Professoris famosi.      | ibid. |
| 15. Hali Rodan.                        | 467   |
| 16. Baptiste Carmelitani Poëta.        | ibid. |
| 17. Francisci Musci.                   | ibid. |
| 18. Calitis Chiromantici.              | 468   |
| 19. Hieronymi Cardani autoris.         | ibid. |
| 20. Cornelij Cardani.                  | 472   |
| 21. Galeaz Capræ.                      | 473   |
| 22. Gasparis Vicomercati.              | ibid. |
| 23. Cavaleroti filius.                 | 474   |
| 24. Veronice.                          | ibid. |
| 25. Baptiste Pagani.                   | 475   |
| 26. Socij Hali qui se precipitauit.    | ibid. |
| 27. Comitiss Galazij.                  | 476   |
| 28. Ducis Bourbonij.                   | ibid. |
| 29. Camilli Triumlij.                  | ibid. |
| 30. Iacobi Triumlij.                   | 477   |
| 31. Hieronymi Moroni.                  | ibid. |
| 32. Philippi Archinti.                 | 478   |
| 33. Ioannis Medices.                   | ibid. |
| 34. Ioannis Symi.                      | ibid. |
| 35. Effeminati.                        | 479   |
| 36. Baptiste Bergonensis.              | ibid. |
| 37. Mathie Bolognini.                  | ibid. |
| 38. Oculo priuati.                     | 480   |
| 39. Simonis Rigoni.                    | ibid. |
| 40. Neronis Cesaris.                   | ibid. |
| 41. Ioannis Maria Mediolani Ducis.     | 481   |
| 42. Philippi Maria Mediolani Ducis.    | ibid. |
| 43. Francisci Sfortie Mediolani Ducis. | 482   |
| 44. Galeaz Sfortie Mediolani Ducis.    | ibid. |
| 45. Francisci Sfortie Mediolani Ducis. | 483   |
| 46. Henrici Angliæ Regis.              | ibid. |
| 47. Leonis X. Pontificis.              | ibid. |
| 48. Iulij secundi Pontificis.          | 484   |

|                                      |       |
|--------------------------------------|-------|
| 49. Cosma Medices.                   | ibid. |
| 50. Don Cesaris Dauali.              | 485   |
| 51. Nepotis Antonij Leuæ.            | ibid. |
| 52. Monstrosi.                       | 486   |
| 53. Caf. Lance Posthumi.             | ibid. |
| 54. Prænestini & Spurgj.             | ibid. |
| 55. Orni infantis.                   | ibid. |
| 56. Infantis infelicis.              | 487   |
| 57. Tabescentis.                     | ibid. |
| 58. Hieronymi de Rouore.             | ibid. |
| 59. Mulieris qua veneno periit.      | 488   |
| 60. Venetiarum edificatio.           | ibid. |
| 61. Mediolani instauratio.           | 489   |
| 62. Florentia instauratio.           | ibid. |
| 63. Instauratio Bononia.             | ibid. |
| 64. Hieronymi Sauonarola.            | 490   |
| 65. Ioan. Pici Mirandula.            | ibid. |
| 66. Georgij Putachij.                | ibid. |
| 67. Cornelij Agrippæ.                | 491   |
| 68. Viri varia fortune.              | 492   |
| 69. Gabrielis de Aratoribus.         | ibid. |
| 70. Thome Isei medici.               | ibid. |
| 71. Francisci Zazi.                  | ibid. |
| 72. Bene fortunati & cati.           | 493   |
| 73. Bene fortunati.                  | ibid. |
| 74. Bene fortunati sortis infime.    | ibid. |
| 75. Spurgj pertinacissimi.           | ibid. |
| 76. Basily Heretici.                 | 494   |
| 77. Marci Antonij Maioragij.         | ibid. |
| 78. Urbani Landriani.                | ibid. |
| 79. Petri Bembi Cardinalis.          | 495   |
| 80. Francisci Sphondrati Cardinalis. | ibid. |
| 81. Francisci Gadij.                 | ibid. |
| 82. Antonij Brasauola.               | 496   |
| 83. Herculis Ferrarie Ducis.         | ibid. |
| 84. Ioannis Mathæi Sacher.           | ibid. |
| 85. Fratris præcedentis.             | ibid. |
| 86. Oblesi oculo.                    | 497   |
| 87. Hieronymi Cutica.                | ibid. |
| 88. Alphonsi Auali.                  | ibid. |
| 89. Ioannis Montereij.               | 498   |
| 90. Maximi cuiusdam medici.          | ibid. |
| 91. Andrea Mantinei Mantuani.        | ibid. |
| 92. Andrea Osiandri.                 | 499   |
| 93. Andrea Vessalij.                 | 500   |
| 94. Angelus Politianus.              | ibid. |
| 95. Iacobi Mycilli.                  | ibid. |
| 96. Ludouici Ferrarij.               | ibid. |
| 97. Maximiliani Imperatoris.         | 501   |
| 98. Lolliani genesis.                | ibid. |
| 99. Paricidæ.                        | 502   |
| 100. Alberti Durerij pictoris.       | ibid. |

## VIII.

### Duodecim Geniturarum Liber.

|                                    |     |
|------------------------------------|-----|
| QVARYMI. S Erenissimi Anglorum Re- |     |
| gis Edoardi VI.                    | 503 |
| 2. Illu                            |     |



# Index Capitem.

|                                                                    |     |
|--------------------------------------------------------------------|-----|
| 2. Illustrissimi Archiepiscopi B. Andrea Scoti Ioannis Amulthonis. | 508 |
| 3. Illustrissimi Principis Badolpha Claudij Lanalli.               | 510 |
| 4. Illustrissimi Ioannis Cheki à secretis Anglorum Regis.          | 512 |
| 5. Illustrissimi Prasidis Senatus Lutetiani Ranconeti.             | 513 |
| 6. Ioan. Iacobi Medices Principis.                                 | 514 |
| 7. Cardinalis Sfondrati.                                           | 515 |
| 8. Hieronymi Cardani Medici & expositoris huius operis.            | 517 |
| 9. Gulielmi Casanati Besuntini Medici.                             | 541 |
| 10. Pauli III. Pontificis Maximi.                                  | 544 |
| 11. Petri Aloysij Farnesij Principis.                              | 549 |
| 12. D. Erasmi Roterodami Batavi.                                   | 551 |

|                                                                |       |
|----------------------------------------------------------------|-------|
| 5. De permutatione significatorum ad inuicem.                  | 564   |
| 6. De exemplis supradictorum.                                  | 565   |
| 7. De modo indicandi in mensibus & diebus.                     | 567   |
| 8. De modo sciendi exitus morborum.                            | 568   |
| 9. De coniunctionibus & eclipsibus.                            | 569   |
| 10. De proprietatibus Planetarum & signorum in reuolutionibus. | ibid. |
| 11. De singularibus regulis reuolutionum.                      | 570   |
| 12. De reuolutione mensum & directionibus annue conuersionis.  | 571   |
| 13. De regulis ad hæc scienda necessariis.                     | 573   |
| 14. De projectionibus.                                         | 574   |

## IX.

### De interrogationibus.

|                                                                          |       |
|--------------------------------------------------------------------------|-------|
| QVÆSIT. I. <b>R</b> Ex quantum superuicturus sit.                        | 553   |
| 2. Regis administratio qualis erit.                                      | ibid. |
| 3. Reges an sint amici.                                                  | ibid. |
| 4. Regum bellantium inuicem quis erit superior.                          | 554   |
| 5. Bellum an erit in patria.                                             | ibid. |
| 6. In monomachia & lite quis victor erit.                                | ibid. |
| 7. Tempora qualia erunt.                                                 | 555   |
| 8. Annone pretium quale erit.                                            | ibid. |
| 9. Pestis an in patria erit?                                             | ibid. |
| 10. De naui an infortunium patietur?                                     | 556   |
| 11. Iter an erit tutum & utile?                                          | ibid. |
| 12. Ager an sanabitur?                                                   | ibid. |
| 13. Furtum quis fecerit, an inuenietur?                                  | ibid. |
| 14. Electiones an prosint?                                               | ibid. |
| 15. De gratia à Principe obtinenda.                                      | 557   |
| 16. De cogitatione, seruo, opificio.                                     | ibid. |
| 17. Coniuges an se diligant?                                             | ibid. |
| 18. Coniugum quis prius morietur.                                        | 558   |
| 19. Pregnans cuius sexus fœtum habeat.                                   | 559   |
| 20. Filius an sit eius patris cuius creditur; & an fama sparsa sit vera? | ibid. |

## X.

### De Reuolutione annorum, mensium & dierum ad dies criticos & ad Electiones.

|                                                           |       |
|-----------------------------------------------------------|-------|
| CAP. I. <b>D</b> E modo generali reuolutionum.            | 561   |
| 2. Soluit duo quesita.                                    | 562   |
| 3. Docet differentiam temporum.                           | ibid. |
| 4. De distinctione inter dominum genitura & reuolutionis. | 563   |

## XI.

### De Supplemento Almanach.

|                                                          |       |
|----------------------------------------------------------|-------|
| CAP. I. <b>D</b> E cognitione Planetarum ad oculum.      | 576   |
| 2. Quomodo cognoscatur polus mundi.                      | ibid. |
| 3. Quomodo cognoscatur polus Zodiaci.                    | 577   |
| 4. De cognitione Zodiaci & coluri solstitialis.          | ibid. |
| 5. De Imaginibus cœlestibus & earum nominibus diuersis.  | ibid. |
| 6. De inueniendo vero loco stellarum cum instrumentis.   | 578   |
| 7. De stellis Zodiaci.                                   | ibid. |
| 8. De stellis regis.                                     | 584   |
| 9. De stellis insignibus extra Zodiacum.                 | ibid. |
| 10. De stellis verticalibus.                             | ibid. |
| 11. De stellarum magnitudine.                            | 585   |
| 12. De occultatione.                                     | ibid. |
| 13. Modus memorandi stellas iam cognitatas.              | 586   |
| 14. Cognitio figurarum Zodiaci ad oculum.                | ibid. |
| 15. Cognitio locorum Planetarum ad oculum.               | 587   |
| 16. De modo sciendi quando Planeta iungitur alicui fixæ. | ibid. |
| 17. Modus cognoscendi horas in nocte sine instrumento.   | ibid. |
| 18. De natura Planetarum.                                | 589   |
| 19. De natura fixarum ex experientia.                    | ibid. |
| 20. De natura imaginum & stellarum.                      | ibid. |
| 21. Cognitio nature stellarum ad oculum.                 | 590   |
| 22. Aphorismi indicatorij.                               | ibid. |
| 23. Secreta indicandi.                                   | ibid. |
| 24. Secretum cœli medij.                                 | ibid. |
| 25. Modus inueniendi artem iudicialem.                   | 591   |
| 26. De temporum natura.                                  | ibid. |

## XII.



# Index Capitulorum.

## XII.

Synesiorum Somniorum omnis  
generis insomnia explicantes  
Libri IV.

## LIBER I.

De generali tractatione & differ-  
rentia eorum penes visa.

- CAP. I. **S**omnia esse apud omnes gentes  
leges ac sapientes accepta & de  
eorum usu ac authoribus. 596
2. De diuisione somniorum & ordine tra-  
ctationis. *ibid.*
3. De causis insomniorum. 597
4. Vnde in somniis veritas. 599
5. De cognitione verorum somniorum. 600
6. De utilitate ex cognitione somniorum.  
601
7. De sua cuiusque providentia. 602
8. De cognitione temporum in quibus futura  
sunt expectanda. 603
9. De modo habendi vera somnia. 604
10. De generali somniorum distinctione. *ibid.*
11. De generali ratione interpretandi som-  
nia. 605
12. De partibus hominis & qua ad illum  
spectant. *ibid.*
13. De partibus mundi. 606
14. De communi ratione comparandi partes  
mundi ad partes hominis & partes  
mundi atque affectus ad hominum affe-  
ctus. 607
15. De generalibus regulis somnia interpre-  
tandi. 612
16. De Diis. 614
17. De Diuis. 615
18. De statuis & imaginibus Deorum & di-  
uorum. *ibid.*
19. De demonibus & heroibus. *ibid.*
20. De sedibus beatis, campis Elisiis, Taria-  
ro & pena temporaria. 616
21. De mortuis. *ibid.*
22. De Cælo, Sole, Luna, Stellis. 618
23. De aëre, ventis, iride, cometa, pareliis,  
inani, nebulis. *ibid.*
24. De aqua, mari, lacubus, paludibus, sta-  
gnis, fluminibus, fontibus, riuis, piscinis,  
puteis, cisternis, pluuiis. 619
25. De igne, fulgure & tonitru. 620
26. De niue, grandine, pruina & glacie. *ibid.*
27. De terra & terra motu. 621
28. De montibus, collibus, vallibus, pratis,  
campis, nemoribus, desertis. *ibid.*
29. De gemmis, lapidibus, metallis, atque

- figuris. 622
30. De Plantis. 624
31. De his qua ex plantis colliguntur, fructi-  
bus, floribus, succis. 625
32. De Plantarum materia. 626
33. De Animalium generali diuisione. *ibid.*
34. De Animalibus minutis. 627
35. De Animalibus qua repunt. 628
36. De Piscibus. 629
37. De Auiibus. 630
38. De Quadrupedibus. 632
39. De Animalibus feris & Licuriis. 633
40. De materia, & excrementis animalium,  
pellibus pilis, cornibus, ungulis, stercore,  
& urina. 635
41. De hominum generalibus differentiis.  
636
42. De propriis partibus hominis. *ibid.*
43. De Affectionibus. 638
44. De Actionibus & passionibus. 639
45. De Sensibus omnibus. 644
46. De verbis auditis, aut scriptis. 646
47. De Cibis, carne, & ouis. 648
48. De omni potu, tum lacte, & sanguine.  
650
49. De Piscibus salitis, & sale. *ibid.*
50. De Artibus, & scientiis. 651
51. De Artibus aliquid facientibus seu opi-  
ficiis. 652
52. De vestibus. 654
53. De ornatu. 655
54. De Armis, & Machinis. 656
55. De vasis, & reliquis Instrumentis dome-  
sticis. *ibid.*
56. De Magistratibus, & honoribus. 657
57. De vite cursu. *ibid.*
58. De Urbibus. 658
59. De Domibus. *ibid.*
60. De Morbis & vulneribus. 659
61. De Morte. 660
62. De Sepulchro. *ibid.*
63. De Domesticis omnibus. 661
64. De Notis. 664
65. De Incognitis. 666
66. De Regibus & Principibus. *ibid.*
67. De Peregrinatione, nauigatione, &  
nauis. 667
68. De Damnatione, exilio, & carcere.  
668
69. Senarij Authoris ignoti ex Adriano Ju-  
nio. 670

## LIBER II.

De Somniis prout Propriis Diffe-  
rentiis Distinguuntur.

CAP. I. **N**on posse hanc scientiam dedu-  
ci ad exactam perfectio-  
nem,



# Index Capitulorum.

|                                                                                                                                                                                                                                                                                     |  |       |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------|--|-------|
| <i>nem, nec debere ob tres causas: fati repugnantiam: exemplum aliarum scientiarum, quæ deuinare docent, tum ob id quod est in ipsis de potentia: quia anima essentia immortalis esse non potest ratione eorum quæ sunt in actu, quodque tantum abest maximum, quantum minimum.</i> |  |       |
| <i>Responsio ad Ciceronis obiecta.</i>                                                                                                                                                                                                                                              |  | 671   |
| 2. De somniis obscuris.                                                                                                                                                                                                                                                             |  | 676   |
| 3. De somniis obliuiosis.                                                                                                                                                                                                                                                           |  | 677   |
| 4. De somniis imperfectis.                                                                                                                                                                                                                                                          |  | ibid. |
| 5. De somniis in quibus euigilare videmur.                                                                                                                                                                                                                                          |  | 678   |
| 6. De mediis somniis.                                                                                                                                                                                                                                                               |  | 679   |
| 7. De somniis meridianis.                                                                                                                                                                                                                                                           |  | ibid. |
| 8. De extasi, & tremore.                                                                                                                                                                                                                                                            |  | 680   |
| 9. De seipso duplicato.                                                                                                                                                                                                                                                             |  | 681   |
| 10. De expositione somni in somno.                                                                                                                                                                                                                                                  |  | ibid. |
| 11. De somniis terribilibus.                                                                                                                                                                                                                                                        |  | 682   |
| 12. De somniis magnis.                                                                                                                                                                                                                                                              |  | 684   |
| 13. De somniis fatalibus.                                                                                                                                                                                                                                                           |  | 685   |
| 14. De somniis repetitis.                                                                                                                                                                                                                                                           |  | ibid. |
| 15. De somniis consuetis.                                                                                                                                                                                                                                                           |  | 686   |
| 16. De somniis compositis.                                                                                                                                                                                                                                                          |  | 687   |
| 17. De somniis perfectis.                                                                                                                                                                                                                                                           |  | 688   |
| 18. De Idolis.                                                                                                                                                                                                                                                                      |  | 689   |
| 4. De Conditione.                                                                                                                                                                                                                                                                   |  | ibid. |
| 5. De fortuna, seu opibus.                                                                                                                                                                                                                                                          |  | 694   |
| 6. De uxorem habente sacerdote & cælibe.                                                                                                                                                                                                                                            |  | 695   |
| 7. De orbo & filios habente.                                                                                                                                                                                                                                                        |  | ibid. |
| 8. De Artificio.                                                                                                                                                                                                                                                                    |  | ibid. |
| 9. De Natura proprietate.                                                                                                                                                                                                                                                           |  | 696   |
| 10. De Etate.                                                                                                                                                                                                                                                                       |  | 697   |
| 11. De Sexu.                                                                                                                                                                                                                                                                        |  | ibid. |
| 12. De Valetudine.                                                                                                                                                                                                                                                                  |  | 698   |
| 13. De Mutatione.                                                                                                                                                                                                                                                                   |  | ibid. |
| 14. De Nobilitate maiorum successione posterorum, & fama post mortem.                                                                                                                                                                                                               |  | 699   |
| 15. De Oraculis, & quod vigilantes diuinare possumus.                                                                                                                                                                                                                               |  | 700   |
| 16. De usu somniorum.                                                                                                                                                                                                                                                               |  | 702   |

## LIBER III.

### De Somniis.

|                                    |     |
|------------------------------------|-----|
| CAP. I. De necessitate vatis.      | 692 |
| 2. De dignitate seu hominis statu. |     |
| 3. De moribus.                     | 693 |

## LIBER IV.

### De Exemplis.

|                                                                   |     |
|-------------------------------------------------------------------|-----|
| CAP. I. In quo utilia sint somniorum exempla, & illorum rationes. | 704 |
| 2. De exemplis alienis in primo genere Idolorum scilicet.         | 705 |
| 3. De Exemplis alienis in secundo & tertio genere significandi.   | 708 |
| 4. De Exemplis propriis.                                          | 715 |

## XIII.

|                      |     |
|----------------------|-----|
| Encomium Astrologiæ. | 717 |
|----------------------|-----|





# HIERONYMI CARDANI, MEDICI,

## De temporum & Motuum Erraticarum restitutione.

### CAPVT I.

*De motu Solis communi, & anno.*



ANNVM primi inueni-  
runt Thebæi Ægypti po-  
puli alia ratione, quam  
ante diluuium ab He-  
bræis prius fuisset obser-  
uatus: nam Lunaris an-  
nus ille fuerat. Verum  
apud Græcos, Thales  
Milesius, & septem sapientibus vnus, ipsum  
promulgauit. Eudoxus & Hipparchus ratio-  
nem Ægyptiorum secuti, primi propinquum  
revolutionis Solis tempus statuere: quos in-  
ter Latinos, C. Iulius Cæsar ante alios ad-  
imante Sosigene Astrologo imitatus est, an-  
num constituens dierum 365. & horarum 6.  
vnde cum in quatuor annis 24. horæ colli-  
gerentur, singulis annis quatuor vnus ex-  
creuit dies, quem post 24. Februarij collo-  
cauerunt, eumque annum qui diem illum  
susceperet, Bisextilem appellauere. Vnde  
factum est, vt cum anni tres primi, horis in  
quartum annum deductis, dies tantum 365.  
possiderent, solus quartus 366. habuerit  
dies.

Fuit autem anni triplex modus: nam alij  
annum reuersionem Solis ad eandem fixam  
stellam nuncupauere, veluti Thebith Ben-  
chorat filius Choræ. Alij reuersionem Solis  
ad eundem æquinoctij, aut tropici punctum  
existimant, veluti Ptolemæus. Recentiores  
autem annum appellant, & verius, Solis  
restitutionem ad eundem punctum eclipticæ  
fixæ, tam in longitudine, quam in latitu-  
dine, per arcum orbis magni, à polis eclip-  
ticæ fixæ ductum in centrum Solis, atque  
in eundem punctum in quo prius Sol fuerat  
terminatum: nullam ex hoc statuantes diffe-

*Tom. V.*

rentiam, quod Sol sub mobili ecliptica de-  
latus à fixa, modò in borealem, modò in  
australem partem declinet: atque hoc modo  
Alphonso & Monte regius anni initium  
statuere.

Mouetur enim Sol tribus motibus. Vno  
quidem ex orbe toto ab Oriente in Occi-  
dentem, in horis 24. super mundi polis.  
Alio autem ab Occidente in Orientem, su-  
per eclipticæ mobilibus polis, vt Alphonso  
in 49000. annorum, quod longissimum  
tempus est: aut in 4056. annis, 330. diebus  
46. min. 50. sec. quod breuissimum, vt The-  
bith: aliis autem in 1300. vt Ciceroni: aliis  
in 36000. annorum, vt Platoni, circuitum  
perfici placuit: quo motu cum ex orbe etiam  
toto fiat, non solum absis ad diuersa loca  
progreditur, aut retrocedit, verum ecliptica  
mobilis alios atque alios angulos cum æqui-  
noctij orbe facit: nec verum est, solos absi-  
dem deferentes, vt plurimi existimant, sic mo-  
ueri. Vltimo vero, ex eccentrico orbe aut  
sphærule ita ab occidente, sub motu eclip-  
ticæ deferitur ad orientem, vt in diebus 365.  
horis 6. minus quadam portiuncula temporis  
reuertatur. Non solum autem totus Solis or-  
bis sub eclipticæ motu ab Occidente reuer-  
titur in Orientem, sed & vniuersa cælorum  
machina, non minus tardissime simul ad  
Orientem retrocedit, quam velocissime fe-  
ratur ad Occasum. Vnde cum hunc motum  
in orbium Planetarum & Lunæ omnes ne-  
glexerint, siue ob paruitatem, siue ob in-  
curiam, causam dedit, vt in temporis ma-  
gnitudine non dissimulandus error ac vix  
inexplicabilis consurgeret. Nam cum Sol  
cæterique Planetæ, eandem ad mobilem  
eclipticam perpetuò seruent habitudinem,  
manifestum est eos necessario illius motu  
moueri: atque non tantum absidum delato-  
res, quinimò cum totus orbis Planetarius si-  
mul moueatur, orbis absidum delatores  
A  
potius



potius imaginarios esse, quàm re vera sic posse appellari.

## CAPVT II.

### *De motu Solis, Thebith & Ptolemai.*

**V**idetur autem Thebith opinio veritati repugnare, nam spica virginis, quæ Ptolemæi tempore declinabat ab æquinoctiali meridiem versus, partibus nullis, minutis 31. nunc recessit ad eandem regionem partibus octo, minutis 25. quare in 1404. annis declinationem auxit partibus 7. mi. 54. Dimetiens autem circuli parui, secundum Thebith, partium est octo, minutiarum 37. secundarum minutiarum 26. Igitur cum 1404. anni sint parum plus tertia parte de 4056. oportuit tantum circiter 130. partibus caput arietis deferri in circulo paruo: quare non potest hæc differentia implere partes 8. ferme circuli magni. Una etiam locus declarat stellas ab æquinoctiali plus quinque partibus recessisse, vt ex tabula declinationum apparet. Quare constat, tum ex planisphærio, tum ex aliorum Planetarum motu, stellas moueri per maiorem differentiam, quàm sint partes quinque.

Ptolemæus autem existimat motum Solis in anno fieri, in diebus 365. hor. 5. min. 55. secun. 12. ita quod in annis 300. dies vna intercalanda sit à bisextili, locoque dierum 75. qui in 300. annis superadduntur, 74. tantum super augendos existimat: minutia enim quatuor, & secun. 48. in 300. multiplicata, diem vnum producant. Verum hæc mensura anni, obseruationibus (vt infra dicitur) non conuenit, & velociorem statuit motum fixis stellis quàm deceat, & anni initium non ex capite arietis, quod ex tertia ratione fuit, sed ex æquinoctio sumpsit, & motum in auge negat: quamobrem his quatuor causis ab anni vera quantitate recedit.

Albategnius autem annum statuit dierum 365. horarum 5. min. 45. secun. 36. ita vt in annis 100. cum bisexti fiant 25. erunt tantum 24. admittendi, detracta vna die: centies enim min. 14. sec. 24. diem vnum conficiunt. Sed hæc ratio cum stellarum motum in 100. annis statuatur, nec regressum octauæ orbis intellexerit, à vera mensura aberrat: nam cum 360. diebus, quæ 6. secun. notantur, min. 3. sec. 2. ter. 28. quar. 54. respondeant ex parui circuli motu, atque ea causa æquationis secun. 28. ter. 30. Eodem autem tempore motus in nona, sit secun. 26. ter. 4. constat retrocedere sphæram octauam in anno sec. 2. ter. 26. nedum vt antecedit: cumque hoc 875. annis perseverare possit, quibus dimidia ferè vna pars peragratur, conuenit vt eo tempore stare quasi videatur. Vnde hæc positio à Thebith multum differt, in qua non solum stationem, sed & manifestam & amplam retrogradationem apparere necessarium esset.

Thebith autem annum statuerat dierum 365. horarum 6. minutiarum 9. secundarum 12. quem Campanus sequutus videtur. Sed

cum reuersionem Solis ad stellam, non ad arietis initium supponat, & motum stellarum male accipiat, fidem nullam apud posteros promeruit.

Azrael autem tabularum Alphonsi auctor, Purbachius, Monteregus, & ephemeridum conditores, annum statuunt reuersionemque Solis diebus 365. horis 5. minutis 49. sec. 15. tert. 58. quar. 51. quin. 12. verumtamen in tabula reuolutionum annorum, loco tert. 58. quar. 51. quin. 12. suppositi sunt tert. 43. quar. 42. vnde erroris nonnihil admissum videtur, cum tempus à tempore differat ter. 15. quar. 9. quam suspicionem inferius diluamus. Hac anni igitur cõstitutione, in 136. annis supersunt horæ 24. mi. 19. se. 46. ter. 36. qua. 24. vnde in 136. annis, vno prætermisso bisexto, atque in 9928. loco 73. bisextorum dimittendorum altero superaddito, vt fiant 74. bisexti non numerandi, erit cursus Solis in hoc tempore emendatus: nam quæ relinquitur differentia min. 3. secun. 42. ter. 17. quar. 12. tantum implet, quæ vt diem perficiant omnem memoriam excedunt, vt pote 3871920. annorum.

Vt igitur faciliorem aditum ad sequentia habeamus, scire operæ precium est, hos qui sic motus distinxerunt, in octauo orbe triplicem motum statuisse. Vnum quidem ab oriente in Occidentem in 24. horis super mundi polis. Alium vero ab Occidente in Orientem in annis 49000. super polis eclipticæ immobilibus quo fit, vt vna pars perficiatur in annis 136.  $\frac{1}{2}$ . Vltimum autem, quem quidam Trepidationis appellant, licet hoc nomen motui Thebith potius tribuatur, in 7000. annorum perficit, circumuoluens se ad periferiam circuli, cuius dimetiens ex orbe magno partes 18. continet. Quæ ex causa, & Solis maximas ab æquinoctij orbe differentias variari necesse est, & magnam in velocitate & tarditate motus stellarum differentiam apparere. Hos duos complices motus tanquam vnum imitantur planetæ omnes, totis orbibus, non secus ac diurnum, prout superius explicauimus.

His suppositis, ne forte temere confusio nem in motu Solis Azraeli quisquam accidisse existimet, ratio reddenda est, cur reuolutionum annorum tabella cum Solis medio motu non concordat. Nam errorem haudquaquam censebimus Impressorum, siquidem in tabula reuolutionis ascendentium annorum scriptum offendi gra. 87. minut. 18. secun. 55. ter. 55. Cum igitur hoc diuiseris per 15. (nam tot partes singulis horis ex æquatore exoriuntur) prodibunt horæ 5. min. 49. se. cum. 15. ter. 43. Ea igitur causa est, vt differentia illa intercesserit, quod cum motus in anno octauæ orbis à motu noni, tempore Alphonsi differet minutis secundis 13. ter. 6. quar. 17. quin. 8. sex. 34. in futurum autem adhuc longe minus visum est, cum non posset ad certam quantitatem motum absidis & eclipticæ statuere, mediam quandam viam comminisci, ac velociorem quàm pro motu Solis reuersionem anni, tardiorè tamen quam aliquando sit futura describere, vt sic non omnino ab euentu discordare videretur: in mensibus autem, cum modicam vnus tan-



tum anni differentiam diuidant, non existimauit opportunum fore à Solis cursu discere.

## CAPVT III.

*De obseruationibus Ptolemai, temporibus  
Adriani & Antonini.*

**I**nuenimus autem duas diligentiores à Ptolemæo obseruationes factas, ingressus Solis in primum æquinoctij punctum autumnalem: quarum prima 8. cap. lib. 3. sic describitur. Exquisitissimam fecimus anno decimoseptimo Adriani, septimo die mensis Athus obseruationem, horis duabus æqualibus post meridiem, ingressus Solis in punctum autumnalis æquinoctij: à Nabuchodonosoris coronatione annis 879. diebus 66. horis 2. ab Alexandri autem morte annis 455. diebus 66. horis 2. ab Octauij vero principatu annis 161. diebus horisque iisdem. Secunda autem obseruatio, in capite secundo libri ipsius, sic describitur: Tertio Antonini anno, nona die mensis Athir, hora vna post Solis ortum, vidimus solem in primo autumnalis æquinoctij puncto, fuitque hic annus ab Alexandri morte 463.

Primum igitur, quales annos illos intelligat, sic demonstrabimus. Nam cum differentia motus Solis à Nabuchodonosore ad primam obseruationem sit partium 211. minutiarum 25. quam in 879. annis, diebus 66. horis 2. conflata posuit: motus autem in anno describitur à Ptolemæo partium 359. minut. 45. secun. 24. ter. 45. quar. 21. quin. 8. sex. 35. vt annus dies complectitur 365. Ducto autem hoc motu in 879. additæque superatione dierum 66. hor. 2. conflantur ultra reuolutiones 878. partes 211. minut. 25. relinquitur igitur annos illos fore absque dubio omnes Ægyptios, dierum 365. præcise, & sine bisexto, cum eandem motus differentiam Ptolemæus ipse posuerit: idem etiam ex tabulis motuum cælestium ipsius aperte demonstrari posset. Cum igitur hi 879. anni consentent ex 424. qui sunt inter Nabuchodonosoris regnum & Alexandri mortem: itemque ex 294. qui inter Octauium & Alexandrum fuerunt: atque ex 161. qui fuerunt ab Augusto ad 17. Adriani annum. Constat igitur annos hos omnes inter medios fuisse Ægyptios.

Cum vero radix temporis regni Nabuchodonosoris à Ptolemæo posita, superiores tres Planetas, eodem fermè loco constituat, quo & Alphonfus, sequitur eodem anno ab ambobus fore constitutam. Cum autem Solis locus non plus differat partibus tribus in vno alteroque, constat differentiam temporum dies tres excedere non posse: at cum feria in vtroque sit eadem, satis manifestum est, radicem coronationis Nabuchodonosoris ab Alphonso descriptam, eandem esse penitus quæ à Ptolemæo prius fuerat constituta.

Nec obiter illud à me videbitur prætereundum, quoniam cum Alphonfus ferias ad

*Tom. V.*

vulgarem vsum constituisset (porro dies currentes non à meridie computantur: radices autem à meridie, tanquam diei initio sunt constitutæ) Ea causa coactus canonem constituit, vt dies quærenda in introitu tabularum non admitteretur: nam cum Ægyptios annos 879. dies 66. in Romanos annos quibus nos vtimur verterimus, fient anni 878. dies 212. Anni autem à Christo ad Nabuchodonosorem sunt 746. dies 310. ex quibus sequitur Nabuchodonosorem coronatum fuisse die vigesimaquarta Februarij, anni 747. ante Christum currentis, quæ dies vulgariter Martis erat in meridie, siue prima mensis Thoth inchoantis: sic enim in feriis intelligimus. In astrorum autem supputandis motibus exactos dies accipimus, detractis etiam annis 746. diebus 310. ex annis 878. diebus 212. relinquantur anni 131. dies 267. Igitur cum annus ille foret bisextilis, si quidem fuit centesimus trigessimus secundus currens à Christo, sequitur inita per menses computatione, vt hic introitus in vigesimumquartum diem Septembris statueretur. Ex quo non latet error manifestus Stœphlerini, qui bisextum non animaduertens, in vigesimamquintam Septembris diem considerationem hanc retulit.

Ex hoc constat, cum centesimus trigessimus secundus à Christo annus fuerit Adriani decimusseptimus, Adrianum non anno salutis 119. regnare cœpisse, vt existimat Ioannes Lucidus, sed anno 116. iuxta anni initium: nam sic tempore obseruationis decimusseptimus imperij annus agebatur.

Porro secundam obseruationem posuit, tertio Antonini anno, quadringentesimo sexagesimotertio autem ab Alexandri morte. Vnde cum prior eodem tempore 455. annos acceperit, sequitur vt hæc à præcedente annis præcise Solaribus octo, non Ægyptiis distet, eademque die apud Latinos, videlicet vigesima quarta Septembris: erat autem nona mensis Athus, quia ex Ægyptiis annis cum fluxissent octo, necesse erat vt mensis initium per duos dies ante sumeret, quibus bisextiles anni duo intercepi, Ægyptiis superabundabant. Quamobrem hanc obseruationem anno centesimo quadragesimo salutis currente factam fuisse liquet: cumque foret tertius hic annus Antonini, erit vt necessario Antoninus, vel in fine anni 137. aut in initio 138. salutis regnare cœperit. Constat enim ex obseruatione 3. cap. libri quinti, non potuisse plus 38. diebus post initium anni 138. salutis, initium sumpsisse imperium Antonini: nam septima Februarij 138. anni, erat iam secundus Antonini annus.

Quare errauit Albategnius, ac Ioan. Lucidus cum eo, qui obseruationem hanc 142. anno salutis factam existimarunt: ac etiam Antoninum regnare cœpisse in anno 140. cum fuerit initium imperij in fine anni 137. aut in initio anni 138. obseruatioque anno 140. currente.

Ex his manifestum est, Alexandrum mortuum fuisse anno ante Christum currente

*A 2*

324.



324. die 11. mensis Nouembris. Octavianum autem regnare cœpisse annis ante Christum 30. agente, die 30. mensis Augusti. Quare Chronographi non parum errant, cum Alexandrum annis 323. mortuum fuisse tradant: mortuus est enim anno 324. Initium autem imperij Octauij ad annos 42. ante Christum transferunt: nam licet duodecim annis in triumuiratu fuerit, non tamen sumendum tunc fuit imperij initium, sed & sic in vno anno errant, cum non trigesimo, sed vigesimonono statuunt initium principatus atque cum 12. fuerint anni, quibus cum aliis regnavit, Monarchiam in 16. annum imperij impudentissime transferunt. Ptolemæus autem, cum Ægyptius esset, non Romanorum decretum, sed Alexandria captiuitatem obseruauit: quæ cum 12. anno facta fuerit, Romanum imperium in decimumquartum annum, non in decimumsextum transfert.

## CAPVT IV.

*De vera anni longitudine.*

**H**is visis, non erit difficile ex prima & secunda obseruatione veritatem motus Solis indagari: hoc vnum supponentes, obseruationes illas, quantum ad horas non fuisse exactas, verum tantum inueniendi cursus Solis gratia, in longiore tempore quasitas: non enim ex opinione nostra fieri potuit, multo autem minus Ptolemæi, vt intra 8. annorum spacium secunda obseruatio primam horis septem præcessisset. Hoc igitur sublato errore, capiamus Solis ingressum priorem, quem omni diligentia considerasse affirmavit, in autumnale æquinoctium, die 24. Septembris. Vnde cum tunc in 5. gra. geminorum absis Solis esset, atque ea causa vernale æquinoctium diebus 187. autumnale præcederet, necesse erat vt vernale æquinoctium 21. Martij, horis 2. post meridiem fuisset. Anno autem 1536. æquinoctium vernale Tubingæ gymnasio Ger-

mania, 10. Martij in meridian a hora exacte fuit: nam quodd ponitur min. 6. secun. 8. ante, incomprehensibile est. Igitur in annis 1404. anteceffit æquinoctium vernale diebus 11. hor. 0. mi. 32. Nam cum Alexandria sit orientior Tubinga ho. 1. mi. 28. distat enim partibus 22. sequitur vt æquinoctium vernale Alexandria in anno 1536. sit die 10. Martij, ho. 1. mi. 28. à meridie: quare dies 11. ho. 0. mi. 32. inter hoc & illud æquinoctium intercesserunt. Cum igitur diuiserimus horas dierum 11. quæ sunt 264. minutias 32. in part. 1404. exhibit anticipatio detrahenda ex horis sex, annis singulis min. 11. secun. 18. ter. 17. quar. 26. quin. 9. sex. 50. Verum quia volui exponere min. 2. secun. 52. differentia, fiet pars detrahenda mi. 11. secun. 18. ter. 12. quar. 21. quin. 16. sex. 50. Quare erit anni longitudo dies 365. horæ 5. mi. 48. secun. 41. ter. 47. quar. 38. quin. 43. sex. 10. quare ascendunt vltra circuitus perfectos in æquinoctiali partes 87. mi. 10. sec. 16. ter. 54. quar. 40. quin. 48.

## CAPVT V.

*De tabulis reuolutionum, & ascendentium annorum, & earum vsu.*

**F**uit igitur differentia anni Alphonsi à vero. min. 0. sec. 34. ter. 11. quar. 11. quin. 29. Quæ licet videatur insensibilis, in reuolutionibus tamen errorem maximum, cum quatuor transit annos, parere potest: nam & ascendentium differentia singulis annis est pars 0. min. 8. secun. 32. ter. 48. quar. 7. In his omnibus cum noster annus sit anno Alphonsi minor, necessarium est in quatuor annis differentiam 34. minutiarum ex æquinoctiali iniercedere, cum quibus pars integra ex Zodiaco in nostra regione oritur, iuxta arietis initium ac finem piscium. Cum igitur has differentias iunxerimus, consurgent tabulæ duæ: quarum altera est reuolutionum annorum, altera ascendentium annorum.



| D.   ho.   mi.   sec. |       |      |    |    | Par.   mi.   secun. |       |     |    |    |
|-----------------------|-------|------|----|----|---------------------|-------|-----|----|----|
| 1                     | P. B. | A o  | 5  | 48 | 41                  | 1     | 87  | 10 | 26 |
| 2                     |       | A o  | 11 | 37 | 23                  | 2     | 174 | 20 | 53 |
| 3                     |       | M o  | 6  | 33 | 54                  | 3     | 261 | 31 | 20 |
|                       |       |      |    |    |                     | 4     | 348 | 4  | 47 |
| 1                     |       | A o  | 5  | 48 | 41                  | 5     | 75  | 5  | 14 |
| 2                     | P. B. | M o  | 12 | 22 | 36                  | 6     | 163 | 2  | 41 |
| 3                     |       | M o  | 6  | 33 | 54                  | 7     | 250 | 13 | 8  |
|                       |       |      |    |    |                     | 8     | 337 | 23 | 35 |
| 1                     |       | M o  | 18 | 11 | 18                  | 9     | 64  | 34 | 2  |
| 2                     |       | M o  | 12 | 22 | 36                  | 10    | 151 | 44 | 29 |
| 3                     | P. B. | M o  | 6  | 33 | 54                  | 20    | 303 | 28 | 58 |
|                       |       |      |    |    |                     | 30    | 95  | 13 | 27 |
| 1                     | B.    | A o  | 5  | 48 | 41                  | 40    | 246 | 57 | 56 |
| 2                     |       | A o  | 11 | 37 | 23                  | 50    | 38  | 42 | 25 |
| 3                     |       | A o  | 17 | 26 | 6                   | 60    | 190 | 26 | 54 |
| 4                     |       | M o  | 0  | 45 | 12                  | 70    | 342 | 11 | 23 |
| 8                     |       | M o  | 1  | 30 | 25                  | 80    | 133 | 55 | 52 |
| 12                    |       | M o  | 2  | 15 | 38                  | 90    | 285 | 40 | 21 |
| 16                    |       | M o  | 3  | 0  | 51                  | 100   | 77  | 24 | 51 |
| 20                    |       | M o  | 3  | 46 | 4                   | 200   | 154 | 49 | 42 |
| 40                    |       | M o  | 7  | 32 | 8                   | 300   | 232 | 14 | 33 |
| 60                    |       | M o  | 11 | 18 | 12                  | 400   | 309 | 39 | 24 |
| 80                    |       | M o  | 15 | 4  | 16                  | 500   | 27  | 4  | 15 |
| 100                   |       | M o  | 18 | 50 | 20                  | 1000  | 54  | 8  | 31 |
| 200                   |       | M 1  | 13 | 40 | 40                  | 2000  | 108 | 17 | 2  |
| 300                   |       | M 2  | 8  | 31 | 1                   | 3000  | 162 | 25 | 34 |
| 400                   |       | M 3  | 3  | 21 | 20                  | 4000  | 216 | 34 | 5  |
| 500                   |       | M 3  | 22 | 11 | 41                  | 5000  | 270 | 42 | 36 |
| 1000                  |       | M 7  | 20 | 23 | 25                  | 10000 | 181 | 25 | 15 |
| 2000                  |       | M 15 | 16 | 46 | 51                  |       |     |    |    |
| 3000                  |       | M 23 | 13 | 10 | 17                  |       |     |    |    |
| 4000                  |       | M 31 | 9  | 33 | 43                  |       |     |    |    |
| 5000                  |       | M 39 | 5  | 57 | 9                   |       |     |    |    |
| 10000                 |       | M 78 | 11 | 54 | 19                  |       |     |    |    |

Modus autem operandi is est in tertia exempli causa suppositarum geniturarū. Cum mortuus sit anno 1481. accipio annos 83. cum quibus inuenio primo ex 80. horas 15. mi. 4. sec. 16. minuenda, & quia ultra annos 80. superfluit 3. & annus geniturae est 1398. qui est secundus post bisextum, in tabula parua, vbi P. B. est in directo 2. quæro annos tres, qui sunt ultra assumptos 80. è directo, quorum inuenio minuendas ho. 6. mi. 33. secun. 54. quas addo ad horas præcedentes, quia ambæ minuendæ: fient igitur ho. 21. mi. 38. sec. 10. auferenda vnde tempus reuolutionis erit die 24. Iulij 1481. ho. 2. mi. 22. post ortum Solis. Et similiter in tabula ascendentium annorum, inuenio partes 133. mi. 55. sec. 52. in directo annorum 80. at in directo annorum 3. par. 261. mi. 31. secun. 20. iungo, fiunt par. 35. min. 27. secun. 12. addenda ascensioni ascendentis.

Exemplum in quarta figura. Volo reuolutionem anni 1524. & est 79. annorum, inuenio in directo annorum 60. hor. 11. mi. 18. secun. 12. minuenda, & in directo annorum 16. ho. 3. mi. 0. sec. 51. minuenda. Et quia annus geniturae 1445. est primus post bisextum, quæro in tabula, vbi P. B. est in directo 1. & ibi quæro annos tres, qui deficiunt ad complementum annorum 79. & inuenio

Tom. V.

minuendas ho. 6. m. 33. sec. 54. iungo omnia, & fiunt ho. 20. m. 52. se. 57. minuenda à tempore ortus: vnde cadet tempus in decimam quintam Iulij, ho. 5. mi. 33. ante meridiem. Et similiter in tabula ascendentium annorum, inuenio è directo annorum 9. partes 64. mi. 34. sec. 2. quas iungo simul (nam partes huius tabulæ semper adduntur) fiunt par. 46. mi. 45. secun. 25. Arcus autem ex æquatore ascendenti correspondens erat in nostra regione partes 79. mi. 12. cui si addantur partes 46. mi. 45. fient partes 125. min. 57. quibus initium 20. partis leonis correspondet.

Et similiter in quinta genitura. Volo reuolutionem anni 1537. in quo vita functus est, in directo annorum 4. accipio ho. 7. mi. 3. sec. 8. minuenda, & quia 1495. annus geniturae, est tertius post bisextum, in tabula vbi P. B. in directo 3. ponitur: quæro deficientes annos à 42. qui sunt 2. è quorum directo minuendas inuenio horas 12. mi. 22. secun. 36. quæ additæ præcedentibus, aggregant hor. 29. mi. 54. sec. 44. minuendas ex proposito geniturae tempore. Et similiter in reliqua tabula, è directo annorum 40. inuenio partes 246. mi. 57. sec. 56. & è directo annorum 2. partes 174. mi. 20. secun. 53. quæ iuncta, faciunt partes 61. mi. 18. sec. 49. quibus

A 3 bus



bus si addantur ascendentes partes, fient hæc 140. mi. 30. è quorum directo prima virginis pars ex ecliptica coascendit: in qua corporaliter tunc Saturni corpus, ut postea emendabitur, residebat. Vnde eo anno directione cooperante, mortuus est violentissima emoptoi.

His visis, non abs re erit, videre an Christi conceptio in æquinoctio fuerit. Nam cum Christus conceptus fuerit annis 132. ante Ptolemæi primam æquinoctij observationem, fiet ut introitus Solis eo anno in punctum vernalis æquinoctij fuerit die 22. Martij, hor. sec. 2. mi. 520. post meridiem: nam ex tabula præcedenti veniunt ex annis 132. retrospectis, addendi dies 1. ho. 0. m. 52. se. 2. Nam sicut tabula ex addito tempore detrahenda docet, ita ex adempto addere: nam hic mos est communis omnibus tabulis, ut ex contraria assumptione, contrariam indicent operationem.

Fuit igitur æquinoctium iuxta vespæram vigesimæ secundæ diei Martij: verum conceptus est Christus die 24. completa, ita ut tunc Sol in initio tertiæ partis arietis foret. Vnde proximus dies ad exactam rationem in scriptura deducitur, veluti cum de Iona propheta loquitur, quod in ventre Cæti tribus diebus mansurus foret, Christus tamen in monumento particeps tertiæ tantum diei mansit. Verum & alia ratio longe clarior est, nam antiqui æquinoctium non in vigesima secunda die, sed vigesima quinta Martij celebrabant: quoniam antiquorum æquinoctium ex Hipparchi ratione sumptum fuerat qui cum anterior esset Christo annis 156. æquinoctium vernum, ut etiam ex tabula patet, vigesima quinta Martij constituit. Vnde Plinius lib. 18. capite à vigesimo quinto ad trigessimum quartum, & Paulus Medicus libro 1. cap. 100. ex Diocle, die vigesima quinta Martij vernum æquinoctium, & vigesima quinta Decembris brumam, quam solstitium nostri hyemale vocant, sternere. Hanc enim Hipparchi sententiam & Archimedes secuti sunt, cum ratio Cæsaris exacta putaretur, nec diligentiore emendatione uti possent. Vnde cum Christus æquinoctij verni die conceptus sit, & bruma natus, maiorem fidem prophetiæ tribuit: non obscure enim de æquinoctio, quod plurimos latere potuisset, Propheta locutus est, sed de æquinoctij die, qui omnibus, ut nunc festum natalis, notus erat.

#### Secundum Ptolemaum.

|                        |    |    |
|------------------------|----|----|
| Abis Saturni, Scorpij. | 14 | 10 |
| Abis Iouis, Virginis.  | 2  | 9  |
| Abis Martis, Cancr.    | 16 | 40 |
| Abis Solis, Geminorum  | 5  | 30 |
| Abis Veneris, Tauri.   | 16 | 10 |
| Abis Mercurij, Libræ.  | 1  | 10 |

describuntur, in tempore Nabuchodonosoris, suas exactius computatas volens ad idem referre principium, ex supposita Ptolemæi

#### CAPVT VI.

#### Cur Ptolemaus non existimavit absidem Solis moueri.

**C**Ausa suppositionum ecentricitatis deferentium Planetarum tres sunt. Vna quidem, quoniam planeta modò altior videtur, modò humilior: hoc autem non tantum ex ipsa corporis magnitudine, verum ex eclipsibus in luminaribus deprehenditur. Altera, quoniam in superiore parte tardius mouetur planeta, in inferiore velocius. Tertia, quoniam in his, qui in epicyclo constituuntur, maximam æquationem augeri necesse est, cum epicyclus maximè terræ propinquior sit: minui autem eo magis, quod etiam magis elongatur ab ipsa. Hæc igitur cum ita sint, necesse est paruum motus absidis differentiam duabus causis primis latere: nam quæ ad eclipses solares colligitur variatio, nullo modo ob titubationem eclipsis & magnitudinem luminis deprehendi potest. In lunaribus autem umbræ magnitudo, in gradibus 5. ab abside, aut parum, aut nihil variatur. Vnde ex hac causa in Sole motus absidis minime probari potest, at nec ex motu, siquidem certitudo loci Solis ex instrumentis non potest admodum esse præcisa. Motus autem absidis Solis per partes tantum quinque nullam potest parere differentiam sensibilem aspectui nostro: nec in Sole epicyclus ultra ecentricum poni debet, vnde nulla maximæ æquationis differentia accidere potest. Manifestum est igitur, cum Ptolemaus observationes Solis annorum 500. tantum habuerit, non potuisse ipsum demonstrare absidem Solis moueri: at non deuit virum tam egregium in Mathematicis ea supponere, quæ nec demonstrari poterant, nec aliqua sensus euidencia confirmari. In reliquis autem Planetis, tum quia maior præcisio motus eorum haberi poterat, per suppositionem ad Solem, cuius & stellæ distantia quidem exactissime nota erat, & si radix (ita enim vocant suppositum ab initio locum quendam) minus exquisita haberetur: tum quia elongationis diuersitas, quæ ad minimam quamcunque ab abside differentiam fit, latere non potest. His igitur causis, motum absidis in reliquis planetis Ptolemaus non tantum inuenit, verum & demonstravit: in Sole autem neque inuenire, nedum demonstrare potuit. Alphonsus vero suppositas ab initio Ptolemæi radices absidum videns, quales hic.

#### Secundum Alphonsum.

|          |    |    |
|----------|----|----|
| Scorpij. | 17 | 54 |
| Leonis.  | 28 | 7  |
| Cancr.   | 19 | 43 |
| Gemini.  | 5  | 56 |
| Gemini.  | 5  | 56 |
| Libræ.   | 5  | 10 |

#### Differentia.

|    |    |     |
|----|----|-----|
| 3  | 44 | ma. |
| 4  | 2  | mi. |
| 3  | 3  | ma. |
| 0  | 26 | ma. |
| 19 | 46 | ma. |
| 4  | 0  | ma. |

ratione & euidencibus naturalibus axiomatibus, eundem motum, quem & fixis stellis statuerat, absidibus tribuit. Inuenit autem centro



centro epicicli Veneris iuxta extremam sagittarij partem existente, maiorem accidere quam Ptolemæus posuisset, elongationem maximam partium quidem 47. mi. 32. vnde alio loco Veneris absidem etiam transferre coactus est, iuxta quod punctum, ex supposito Solis motu, licet non præcisè, cum Solis absidem esse cognosceret. Propterea, quod neque præcisionem exactam assequi omnino poterat, nec à verisimili ratione alienum videbatur Veneris, quæ multum cum Sole convenit motu medio, cum differentem locum sensibilibiter in abside non haberet, eundem statuere, iuxta quandam coniecturam probabilem, absidis Solis locum iuxta postremam geminorum partem transtulit vt eadem cum illa Veneris esset, nec minus Ptolemæi supposito coadiuvante, qui cum Nabuchodonosoris tempore Solis absidem ad 5. geminorum partem collocauerit, fueritque Nabuchonosor Alphonso prior annis 1998. diebusque 96. quo in tempore octauæ motu ad locum absidis Veneris, Solis absis transfertur. Vtroque igitur modo, tum ratione, tum experimento, & Solis absidem mobilem posuit, & eandem ad absidem Veneris traduxit: & in 1119. annis, dieb. 249. quibus posterior prima obseruatione Ptolemæi Alphonso radix fuit, motum absidis fermè 23. partium coactus est ponere, nec tamen cuiquam repugnans rationi, cum Ptolemæi suppositum, per quod immobilis Solis absis derelinquebatur, experientia fuisset reprobaturum.

## CAPVT VII.

*De causa erroris Ptolemæi in motu  
Lunæ.*

Initium igitur faciamus à Solis motu, qui secundum suppositas iam demonstrationes velocior ab Alphonso supponitur diebus singulis ter. 2. qua. 24. qui. 6. sec. 42. quàm à Ptolemæo: vnde cum ad posteriora tempora Alphonso etiam radices firmare voluisset, singulis 4. annis mi. 1. secundaque 45. vt in posteriore tempore addere, ita in præterito adimere cogeatur: tantus enim erat his annis Solis progressus, vltra perfectos circulos: verum à Ptolemæo transgressus hic secun. 47. tantum ponitur. Superabat igitur Alphonso motus eum, qui à Ptolemæo positus fuerat in annis quatuor, minutiis secundis 58. at vero in annis 878. quibus Nabuchodonosor Ptolemæum antecessit, quadruplicati anni sunt 219. cum dimidio, qui ducti in secun. 58. produciunt min. 212. secun. 21. Partes igitur. 3. mi. sec. 21. quibus ablatis ex Ptolemæi radice, in qua Sol ponebatur in mi. 45. primæ partis piscium, terminabatur Alphonso radix solaris in parte. 27. mi. 13. aquarij. Verum posuit in parte. 27. mi. 48. aquarij, quod ex errore factum est, ut. 35. minutiis discrepet: aut forsitan, qui librum transcripsit, mendam hanc adiecit. Non enim raro aut bibliopolarum vitio, aut non intelligentium temeritate, multa adijci-

untur adimunturque, quæ præter autoris sententiam fuere: quemadmodum in Alphonso accidit. Cum enim stellarum loca uerificata instrumentis ædidisset, annis post Christum. 1251. diebus. 152. quo tempore Alphonso Era, (sic enim initium cuiuscunque regni appellauit) constituebatur, quidam perperam motum octauæ sphaeræ adiecit, partium. 17. mi. 13. sec. 33. quasi ille motus loco fixarum Ptolemæi foret adiiciendus, cum tamen Ptolemæus Christo iam sit posterior annis. 142. Quare non tantus fixis stellis motus debebatur, sed minor partibus 2. mi. 1. sec. 32. Vnde impossibile fuisset, aut radicem Ptolemæi suppositam ab Alphonso, aut stellas ad descripta loca peruenisse. Cum igitur Alphonso temporum suorum loca describere vellet, non ex assumpta radice Ptolemæi, quoniam verificare impossibile fuit, sed ex instrumentis loca stellarum accepit, præcedentibus autè temporibus (etsi ex data suppositione stellas fixas aliis locis consistere necessarium foret, quàm à Ptolemæo positæ fuissent) nihil minus Alphonso id curæ non debuit esse, quam doquidem non hominem clarum arguere propositum erat, verum veritatem inquirere: quod si quis eum reprehendere conetur, quod non secundum temporis differentiam, inter suas Ptolemæique obseruationes motum octauæ statuerit, Alphonso diceret non exactam fuisse fixarum stellarum obseruationem: quoniam neque motu, qui nondum exquisitè inuentus fuerat, nec instrumentis, quæ minus exacta erant, apud Ptolemæum (vt Hebbert Hispanus testatur) locus illarum tunc deprehendi poterat, verum longa obseruatione didicisse motum fixarum duplici illa ratione contineri, quæ prius in tabulis fuerat descripta, quod etiam ex nostris obseruationibus demonstratur. Siquidem constat iis nunc locis stellas videri, ad quæ ex tabularum supputatione peruenissent. Quod vix fieri potuit, nisi radix illa verificationis supponeretur, tabulæ quæ ipsa veritatem continerent. Nam si duabus partibus fuissent posteriores, non potuisset fieri, vt in. 1400. annis, quibus nos Ptolemæo sumus posteriores, stellæ per. 21. partes processissent.

Simili fermè causa, in codicibus variis Ptolemæi perperam regnorum differentia adiectæ sunt. Nam inter Philippum & Alexandrum anni. 12. menses. 6. dies. 9. numerantur: cum ex Alphonso sint anni. 11. menses. 10. dies. 27. ad rationem Aegyptiorum. Sic & à Nabuchodonosor ad Alexandri mortem, anni. 436. numerantur ex opinione Alphonso: cum tamen manifestum sit eos tantum à Ptolemæo positos 424. ita vt annum eundem, quem Ptolemæus morti Alexandri ascripserat, decepti rudes correctores in melius emendare existimantes, Philippi neci attribuere, Alphonsum aliam opinionem tenentem sequuti. Ioannes autem Lucidus existimat Alphonsum fuisse Albaregni opinionem secutum, qui Alexandri mortem 12. annis posteriorem fecit quàm Ptolemæus: sed nec ipse videtur quæsito satisfacere, cum 324. annum ante Christum, quo



Alexander mortuus fuit, secundum Ptolemæum nonum annum regni Alexandri faciat, ita ut tribus etiam annis mortem Alexandri dilatat, totidem etiam annis vniuersam temporum seriem posteriorem faciat.

Nunc igitur tandem ad constitutam rationem accedamus, in qua supponendum est, quod quarto magnæ compositionis capitulo septimo à Ptolemæo scribitur, tres lunares eclipses in annos septemdecim Adriani obseruatas, posteriores fuisse primo anno Mardocempadi regis Babyloniorum, annis Ægyptiis 854. At superius demonstratum erat, Nabuchodonosorem antecessisse decimum septimum Adriani annum 879. Ægyptiis annis. Vnde colligitur initium regni Mardocempadi fuisse anno 26. à regno Nabuchodonosoris: totidem autem annis cum Mardocempadus posterior sit Dario rege Persarum, manifestum erit eodem anno Nabuchodonosorem in Babylonia, & Darium in Perside regnare cœpisse, nisi vnus atque idem Nabuchodonosor & Darius fuisse credatur. Sit igitur æqualis motus Lunæ Ptolemæi, ex hac temporum differentia cognitus, in die par. 13. mi. 10. sec. 34. tert. 58. quar. 33. quin. 30. At Alphonsus diligentius inquirens, inuenit motum in die par. 13. minut. 10. secun. 35. ter. 1. quar. 15. quin. 11. Ex quibus in Ægyptij anni quantitate, qui 365. diebus constat, motus à Ptolemæo quidem supponebatur par. 129. mi. 22. secun. 46. ter. 13. quar. 50. quin. 32. ab Alphonso autem inuentus par. 129. mi. 23. sec. 2. ter. 37. quar. 22. quin. 22. Fuit autem inter Alphonsum & Nabuchodonosorem spacium Ægyptiorum annorum 1999. dierumque 230. vnde & motus à Ptolemæo colligeretur vltra exactas circulationes (sic enim semper intelligitur) par. 300. mi. 12. secun. 20. ferme: ab Alphonso autem p. 309. mi. 18. secun. 38. ferme. Quamobrem motus differentia partes habuit 9. minu. 6. secun. 18. quibus Alphonsi motus velocior ponitur quàm existimauit Ptolemæus. Verum hac supputatione facta Alphonsi tempore, supposita radice Ptolemæi in tempore Nabuchodonosoris, in par. 11. min. 22. tauri, perueniebat Luna ad 20. partes, minutaque 40. piscium: additis enim partibus 309. minutis 18. ad radicem Ptolemæi, cadit locus Lunæ æqualis siue medius, ad locum iam dictum. Inuentus autem ab Alphonso tunc in partibus 6. minutis 5. piscium, tantum occasionem dedit, ut motum Lunæ eam differentiam implere non posse cognosceret: quippe qui tantum nouem partium (ut dictum est) fuit, & sex minorum. Hæc autem differentia fuerat partium 14. mi. 35. propterea coactus videtur fuisse, per easdem partes 14. mi. 35. radicem Ptolemæi retrahere, quo fit, ut cum detraxeris partes 14. mi. 35. ex partibus 11. mi. 22. tauri, quo in loco Lunæ motus æqualis existimabatur, remansit locus ipsius in partibus 26. mi. 47. præcise ipsius arietis. Quamobrem & eo loco, Nabuchodonosoris tempore, Lunæ radix ab Alphonso est constituta: nam locum ipsum ex instrumento Alphonsus collegit, motum

ex tempore, quod inter deliquia Ptolemæi & Alphonsi fluxerat, tanquam emendatiora accepit. Quæ cum à prædecessoribus Ptolemæus habere non potuerit ea diligentia, non mirum est si Lunæ motum tardiorē quàm debebat, in anno 16. secun. & 24. ferme tertiis descripserit: quæ particula, etsi parua sit, in 2000. tamen annis, quibus quasi Alphonsus radice Nabuchodonosoris posterior fuit, partes (ut dictum est) nouem implet. Porro non tantus error ex Ptolemæi tabula accessisset: nam ad partes 11. mi. 34. piscium, tantum locus Lunæ procedit, quamobrem Alphonsi loco partibus tantum 5. minutis 29. posterior est. Motum igitur velociorem partibus 9. minu. 6. Alphonsus videns, locum autem anteriorem quàm secundum Ptolemæum, inueniens par. 5. mi. 29. ferme, cum posterior ob motus velocitatem debuisset esse eo, qui à tabulis Ptolemæi supputabatur, coactus est, iunctis vtrisque differentiis, & motum velociorem partibus 9. mi. 6. tantum, & locorum differentiam part. 14. mi. 35. his quæ à Ptolemæo posita erant posteriorem constituere. Cur verò differentia illa par. 5. minu. 29. vltra motum acciderit, inferius exponam, nam quandam erroris Alphonsi falsam imaginem præferre posset.

## C A P V T VIII.

### *De causa erroris motus Saturni, & Martis.*

**E**Rit autem denuò repetenda ratio inuentionis motuum cœlestium, ac verificationis eorum. Principium enim omnium simplicissimum esse conuenit. Motus vero Solis simplicissimus est, vnde ab ipso reliquarum omnium stellarum cursus habebitur. Emendari autem Solis motus à seipso per instrumenta & debet & potest: aliorum autem ad Solem tanta est conuenientia, ut neque ab eo temere digredi, nec sine illo cognosci possunt.

Triplex autem Planetarum ad Solem obseruatio habebitur. Prima, quoniam vbi ecliptica sit, vbi æquinoctij orbem secet, quantum ab eo maxime recedat, vbi arietis ac signorum principium exoriatur, à Sole tantum captari potest: porro hæc omnia videntur ad omnium stellarum longitudes, latitudes, ortus, circuitusque habendos necessaria. Relinquitur igitur, vniuersorum astrorum lationes ac situs ex Solis ratione exactissima constare.

Altera autem planetarum superiorum ad Solis motus necessitas ex hoc probatur: nam quantum planeta ab abside media sui parui orbis distiterit, tantum æqualis motus centri eiusdem parui orbis linea, ab æqualis motus Solis linea distat. Vnde fit, ut in medio planetæ cum Sole coitu, ipse planeta in media abside parui circuli sit: quapropter etiam, ut velocissime tunc feratur necesse est. Cum autem in Solis opposito, media parui orbis linea fuerit, tunc & in eiusdem parui orbis imo planetæ corpus situabitur: quare & tunc maxime



xime retrocedet, ac contra signorum ordinem mouebitur. Cum autem longitudines mediæ ( sic enim appellant puncta, retrocessum & progressum planetæ in paruo orbe distinguunt ) à media abside fermè 120. partibus distent vtrinq; 60. autem ab imo, conuenit vt cum planeta à Sole per trinos radios distiterit, etiam in suo orbe paruo ( epiciclum à græco nomine vocant ) iuxta longitudines medias sit. Vnde cum genituram quampiam inspexerimus, non erit in superioribus planetis extemplo difficile sola loci Solis cōsideratione habita diiudicare, an Planeta directus sit, an retrocedens, auctus numero, motu vel lumine, vel diminutus, nam cum à planeta Sol recedit, ad trigonum directus est, à trigono autem fermè transiens per oppositionem retrocedit: rursus vsque ad Solis coitum directus est, cum autem maior est motus verus medio, Hoc verò plerumque est à coniunctione Solis, cum Planeta ad oppositionem fertur, tunc auctus motu planeta dicitur, quanquam retrocedens: ab oppositione autem ad coniunctionem, diminutus, quanquam directus. Aucti autem numero dicuntur, quoties argumenti æquatio æquali motu addenda fuerit. Hoc vero contingit centro parui circuli, ab opposita abside eccentrici ad absidem progredienti. Porro ab abside ad oppositum si processerit, diminutus numero planeta est, quoniam æquatio minuitur. Cum autem Sol à superioribus distiterit partibus minus 180. tunc lumine aucti dicuntur, recedit enim Sol ab eis: si autem plus 180. partibus distat, quoniam accedit, diminuti lumine vocantur. Eccentricus igitur

numerus, paruus orbis lumen, vterque autem motus augmentum aut diminutionem ostendit.

Tertia autem ratio sic constat, quæ in nono magnæ compositionis cap. 3. descripta est: quot reuolutiones facit planeta in eccentrico atque epiciclo, tot per se Sol facit in eccentrico. Exemplum igitur assumamus, Saturnus in annis 59. die vno, horisque 18. ex Ptolemæi ratione 57. reuolutiones in paruo circulo, at in proprio orbeduas perficit, tantumque plus quantum Sol ipse in 59. annis perambulat, in die vna horisque 18. superadditis: quamobrem 59. reuolutiones perficiet, portiunculamque vterque pro die horisque superadditis, vnde cum æqualiter moueantur, tantam ex vtroque motu portionem à planeta eodem tempore pertransiri necesse est, quantum ab ipso Sole. Sic & in Ioue, cum in annis 71. diebus autem 4. ho. 21. min. 36. minus, 71. reuolutiones minus ea parte perficiantur, necesse erit 65. in paruo circulo, 6. autem in eccentrico perfici, detracta tamen parte quæ diebus 4. horisque 21. min. 36. correspondet. Similiter & in Marte, in annis 79. diebus 3. horis 5. minut. 12. in quibus epiciclus 37. reuolutiones perficit, eccentricus 42. vicibus reuoluitur, parte ea superaddita, quam Sol in diebus 3. horis 5. minutis 12. pertransibit: est autem partium 3. minu. 10. erit motus Solis quasi ex vtraque reuolutione Planetæ compositus. Supponuntur autem Saturni & Martis radices motuum, quales hic describuntur, tum eccentrici, tum epicicli: priores quidem medij, posteriores inæqualitatis appellatæ.

Secundum Ptolemeum.

|                 |     |    |      |
|-----------------|-----|----|------|
| Saturni me. mo. | 26  | 46 | Cap. |
| Inæqualitatis.  | 34  | 2  |      |
| Martis me. mo.  | 3   | 32 | Ari. |
| Inæqualitatis.  | 327 | 13 |      |

Secundum Alphonsum.

|     |    |      |
|-----|----|------|
| 26  | 38 | Cap. |
| 31  | 10 |      |
| 3   | 2  | Ari. |
| 327 | 45 |      |

Differentia.

|   |    |     |
|---|----|-----|
| 0 | 8  | mi. |
| 2 | 52 | mi. |
| 0 | 30 | mi. |
| 0 | 32 | ma. |

Saturni medius motus in anno Aegyptio à Ptolemæo ponitur par. 12. min. 13. secun. 23. ter. 56. quar. 30. quin. 30. ab Alphonso autem par. 12. mi. 13. secun. 34. ter. 42. quar. 30. quin. 28. Differentia igitur parte 0. min. 0. secun. 10. ter. 45. quar. 59. quin. 58. Martis æqualis motus in anno à Ptolemæo ponitur partium 191. min. 16. secun. 54. ter. 27. quar. 38. quin. 35. sed & ab Alphonso sic par. 191. min. 17. secun. 5. ter. 13. quar. 50. quin. 0. differentia igitur erit in anno par. 0. mi. 0. sec. 10. ter. 46. quar. 11. quin. 25. Velocior igitur in vtroque Alphonsus, ac pariter ferè: nam vtraque superatio vix in anno secun. 10. ter. 46. implet. Per differentiam igitur motus Solis, aucta est velocitas tam in Saturno quàm in Marte ab Alphonso, secun. 10. ter. 46. annis singulis: quamobrem ter. 646. Cum igitur diuiserimus tertias 216000. vnius partis per 646. exhibunt 334. & ferè tertia pars: qui numerus annorum est, quibus Saturnus aut Mars velocius procedit parte vna, secundum Alphonsi suppositionem, quàm existimauerit Ptolemæus, cuius causam in Solis motu ali-

quis non perperam forsitan assignabit. Verum ad hoc ostendendum, primo supponemus duas vltimas Planetarum superiorum ad Solem habitudines, re ipsa vnam tantum esse, atque motum Solis, qui ab æquali planeta inæqualique componitur, diuersitatem in motu æquali necessariò parere: necnon diuersitas in retrogradatione Martis Heber Hispani erit explicanda. Similiter & observatio coniunctionis Martis & Saturni, in anno 1538. quamuis ob tempus nubilosum exacte haberi non potuerit: fiebat enim ante caudam leonis, quæ stella cum Veneriæ Saturninæque sit virtutis, multas noctes parit nebulosas & tempora turbida.

Primum igitur accipiamus, quod ex secunda suppositione patet, Planetam tantum ab abside media epicicli moueri, quantum medij motus Solis linea, à linea medij motus Planetæ elongatur. Necesse igitur erit, vt cum Planeta ad absidem parui circuli reuerteretur, quòd medij motus Solis linea totum peregerit circulum, atque vltra id, quantum Planeta suo proprio motu in eccentrico pertransiit. Si igitur in 57. reuolutionibus, exempli



exempli causa, Saturni planeta ipse ad eundem reuertatur punctum, erit vt Sol 57. reuolutiones peregerit, atque id vltra, quantum planeta in ecentrico perambulauit: & fuit portio hæc à Ptolemæo constituta, circulations duæ, pars una, minu. 45. Igitur constat Solem 59. reuolutiones peregisse, partemque unam, minu. 45. Constat igitur secundam & tertiam Solis cum Planeta concordiam reuera unam tantum esse.

Ex hac patet duas confurgere proportionnes. Alteram motuum æqualium ad Solis motum, nam quanto Sol uelocius mouebitur, eo magis erit necessarium motum æqualem augeri: nam epicicli motus per hoc non alteratur, nisi quod uelocior in reuolutione sit, Alia erit, inter æqualem inæqualemque motum, qui ex utroque termino variabitur. Supposuit autem Ptolemæus inæqualitatis motum in anno Saturni quidem par. 347. minu. 32. secun. 0. ter. 48. quar. 50. quin. 38. Martis autem part. 168. minu. 28. secun. 30. ter. 17. quar. 4. quin. 32. Reuolutionem vero Saturni in anno 1. diebus 13. ho. 2. min. 14. Reuolutionem autem Martis, in annis 2. diebus 49. horis 22. minu. 31. Alphonsus autem motum in anno inæqualitatis Saturni, par. 347. mi. 32. secun. 4. ter. 29. quar. 31. Martis vero, par. 168. minu. 18. secun. 34. ter. 8. quar. 11. Reuolutionem autem in paruo circulo Saturni quidem in anno 1. diebus 13. horis 2. minutis 12. Martis autem reuolutionem in annis 2. diebus 49. horis 22. minutis 23. Ioannes etiam Blanchinus inæqualitatem Saturni compleri existimat in anno uno, diebus. 13. horis 2. minutis 12. Martis autem in annis 2. diebus 49. horis 22. minutis 23. Ex quibus manifestum est, posse, quo ad medios inæqualitatis motus, procedere differentiam in tempore reuolutionis: nam si in omnibus 59 Solis reuolutionibus, cum aliqua parte superaddita Saturnus 57. perficit reuolutiones Igitur aucta illa temporis parte, tardior motus epicicli fiet, diminuta uelocior. Verum si ita sit, non erit impossibile ex unius aut duorum dierum differentia tantam aggregari quantitatem per plures reuolutiones, partes quibus Saturnus anterior est super.

Est igitur Saturni differentia, sec. 10. ter. 45. quar. 59. quin. 58. Martis, secun. 10. ter. 46. quar. 11. quin. 25. quibus in anno uelocius reuoluitur planeta apud Alphonsum, quam decreuerit Ptolemæus. Porro Alphonsi annus breuior est anno Ptolemæi. mi. 5. secun. 56. ter. 2. quar. 12. fermè unius horæ: in quo tempore, licet ex motu medio Saturnus tantum perficiat ter. 29. quar. 59. quin. 46. sex. 45. nihil minus, quod Sol in eo tempore perambula verat secun. 4. ter. 4. quar. 28. quin. 46. sex. 50. reuersionem Saturni in epiciclo uelociorem statuebat. Mars autem eodem tempore pertransierat secun. 7. ter. 49. quar. 18. quin. 10. sex. 6. quare nec ipse sec. 10. ter. 46. attigit. Conuenit igitur, vt tum ex observationibus, tum ex Solis motu uelocior statuatur motus Saturni & Martis apud Alphonsum, quam à Ptolemæo fuerit constitutus: nam vltra Solis differentiam, singulis annis Alphonsus celerioem motum Saturni constituit sec. 10.

ter. 16. quar. 0. quin. 11. Martis vero sec. 2. ter. 56. quar. 53. quin. 15. Ob hoc igitur minor in motu Martis, quam Saturni inuenitur est.

Est & in Marte erroris alia causa, cum epicicli centro in abside existente, retrogradationis dies numerentur 80. in mediis longitudinibus 73. in ima ecentrici parte 64.  $\frac{1}{2}$ , vt dnoedcimo magnæ compositionis eap. 8. scripsit Ptolemæus. At Heber lib. 8. capite penultimo inuenit demonstrationem, super quam Ptolemæus fundatur supponere epicicli centrum tanquam immobile: nam duplato arcu inter longitudinem propiorem visibilem, & punctum qui ab eo vocatur noctis extremitas, tempus retrogradationis venatur, at euoluto ecentrico puncta illa variari necesse est. Necessario igitur minor portio arcus retrogradationis in Marte euadet, atque id 9 dierum in vtraque parte spacio minuit. Vnde sicut Saturnus anterior, & in paucioribus gradibus inuenitur, quam ponatur in tabulis: ita Mars posterior, atque in pluribus nulla facta in medio motu variatione apparebit.

Hæc quanquam ita sint, ex directionibus tum in genitura nostra pro morbis proque patris morte, tum in congressibus cum Sole pro temporum mutationibus, tum etiam in genituris pro aspectuum & stellarum significatis appareat Saturnum parum vel nihil saltem quandoque distare à loco, qui in Ephemeride ei ascribitur.

## C A P V T. IX.

### *De emendatione motus Lunæ.*

Est autem emendatio motus Lunæ facilior, quam vt existimari possit: nam cum motui, qui ab Alphonso positus est, tantum addiderimus, quantum est id in quo Solis motus noster, Alphonsi motu uelocior est, constituemus Lunæ motum emendatum in die ac anno, non enim singulis reuolutionibus, sed ex tempore adiicietur. Porro pars addenda, quoniam superatio Solaris motus superius descripta est, neminem latere debet. Hoc autem licet nunc sit insensibile, in annis pluribus ad stellas habita ratione aperte dignoscetur. Cum autem stellas dicimus. 1022. tantum quæ in orbe continentur intelligimus quoniam de earum motu iam sermo plenior ab Alphonso habetur. Nec enim ignorandum est, plurimas alias cælo vix visibiles contineri, quæ vltra prædictas 1022. infinitam fermè multitudinem complent, siue hæ octauo orbe contineantur, siue (vt quidam Aegyptij iactant) nono infixæ sint: difficile enim est in nostra regione coniectari. Plures tamen certum est, & ex his euidentiores inter minimas tamen adnumeratas, etiam in ipso octauo orbe sitas esse: inter quas una media triū currus superius descripti, propinquissime adiacet. Non enim animaduersum est, à cæteris plane apparentibus, situm permutare verum altiores aliquæ aliquæ minores cæteris sunt, siquidem & inter magnas vnam alia altiorē esse constat, cum tamen in eodem orbe



orbe sint: unde & quæ altiores sunt, frequentius titubant, veluti minor canis, ut in libro de Supplem. plenius disseruimus.

CAPUT X.

*De emendatione motus Saturni  
& Martis.*

**V**Tinam nobis ex superis aliquis reuelaret exactam motuum cœlestium vicissitudinem: at postquam id fieri minime contingit, tentabimus per proximiores accedere coniecturas. Quod si ex antiquis Ptolemæus scopum attingere visus fuerit, frustra ab eo digrediemur. Nam cum in anni initio 1539. quod observatio nostra antecessit. ter. 29. secun. 4. pri. 35. à radice Alphonfi computentur: quibus anni respondent Ægyptii 286. diesque 285. Ex quo fit, ut secundum Alphonfi institutum, Saturnus peragraverit circulum novies, atque insuper signa 4. partes 26. min. 16. secun. 14. ter. 16. quar. 8. Mars vero ultra exactos circuitus, signa 2. partes 16. min. 48. secun. 29. ter. 38. At in eodem tempore Ptolemæus Saturni motum statuat, signa 4. par. 25. minut. 24. secun. 46. ter. 35. quar. 55. Martis autem 2. signa. 15. partes 57. minuti. 1. secun. 1. tert. 47. quar. Erit ut pro Saturno nobis sufficiat motum Ptolemæi accepisse, quoniam signa 4. partes 26. mi. 16. sec. 14. ter. 16. quar. 8. excedunt signa 4. partes 25. min. 24. sec. 46. ter. 35. quar. 55. in par. 0. minutis 51. secun. 27. tert. 40. quar. 13.

Porro in Marte, quoniam differentia Alphonfi à Ptolemæo videtur, par. 0. mi. 51. secun. 28. atque eadem secundum signotum successionem. Idcirco cum eadem superatio sit in apparitionibus fermè, non proderunt Ptolemæi tabulæ, sed abbreviandus erit retrocessus: utpote statuemus dies 9. antè. ex prioribus progressionis, totidem etiam auferemus ex posterioribus. Unde ex hac computatione fiet secundum successionem signorum, auctus à Ptolemæi loco quidem par. 1. mi. 40. ab Alphonso autem par. 0. min. 50. fermè, sicut consentaneum est apparitionibus. Porro cum processerit, minor est distantia visibilis loci ab eo, qui in tabulis computatur: minima vero in antecessione retrocessus, cum ad Solis oppositum se accingit. Quamobrem certius existimandum est, non ex aequali motu, sed ex inæqualitatis differentiam ipsam oriri.

CAPUT XI.

*De modo dirigendi Paridis Caresarij  
convenientiore.*

**O**bservauimus & in pluribus, ob dirigendi variam formam, pleraque secus in temporibus, quàm forent prædicta obtigisse: nec tamen ex hoc sperandum est, futurorum omnium scientiam definiri. Pleraque enim sunt, quæ & si artem minime lædant,

artifices tamen egregie fallunt. E quibus, vique ad tempora nostra, fuit stellarum fixarum inscitia: sed & multa sunt generalia, quæ percipere non possumus, bella, inundationes, pestes, incendia, penuriæ, legum mutationes, principum casus naturalis. Illud vero maximum est, quod ea quæ nos tanquam minima negligimus, maximas habent causas, exortusque: contra, quæ maxima à nobis videntur, nec vestigium cœlestis nanciscuntur. Ob hæc igitur animi & corporis ornamenta, exigua quidem apud homines, egregia autem & maxima à conditore facta sunt, & potentissimis causis subiacent. Honores autem, diuitiæ, ac quodcunque labile est, & vna hora abduci potest, hominibus quidem non parvam pariunt admirationem: verum causas vix vllas habent cœlestes nisi maxima hæc sint & incomparabilia. Quamobrem si de euentibus fortunæ quis iudicauerit ex genitura tantum, non secus ex interrogatione pronuntiabit: si vero de genitura, animi & corporis qualitates, nec non eorum passionibus pronuntiauerit, aut ex resolutionibus fortunam & gloriam, hic rectus erit iudex, modò tamen existimet in his, quæ generalia sunt, nullum firmum iudicium posse proferre. Utinam aut mortales non ampliora exigent, quàm præstari queat, aut Astrologi non maiora pro viribus pollicerentur. Sed importuna flagitatio utrumque fallit, illum credendo, hunc audendo. Sed quid putat miser homuncio, quatuor millium aureorum, quos infinitis laboribus dolisque congeffit, aut gloriæ miseræ, quæ utrique poena magis quàm gloria est, illi conscientia sceleratæ vitæ, alteri ob inuidiam, cœlum replem esse prodigiis, cœlestes principatus non aliud cogitare, quàm quod huic aut illi per nefariam vitam disperdendæ diuitiæ tanquam in cloacam effundantur? Solus animus cœlestis, atque huic corpus affinitate eximia iunctum est: tertia accedit, gloria bene actæ vitæ. Hæc tria à cœlo fouentur aut ministrantur: sordes & labes à terrenis emergunt. Quot fuere Athenis prædiuites, ob neminem tamen præter Socratem pauperem, iniusta morte publicè mulctatum pestis inuasit? Innumera essent exempla, quibus probari posset, animi dignitatem præcipuam Deo, maximam Angelis, solam demonibus supernisque potestatibus fuisse perspectam.

Cum igitur significatorem aliquem eligere vis, eum accipito, qui loci illius significantis partes anteriores corpore, vel radio occupet. Quod si duo sint, potior em elige, alium ne recusa: si nullus, non erit hic in illa conditione potens, sed magna ex parte etiam in necessario negotio vacabit. Porro si infirmus significator extiterit, tristis erit illius conditio: quod si ad alienum signum radij anteriores ceciderint, non prohibebit. Nam illud observare oportebit, super quem locum aut radium primo significator ceciderit motu diurno: nam & aliqui Lunam, quod post genituram ingressa fuerit, signum observant, hoc tamen minime convenit, siquidem diuersa ratio est.

In



In diuidendis autem domibus, meliorem ad dit omnibus ailis obseruatoinem, eclipticam per æqualia secans, deductis ex eius polo circulis: par enim erat diuisionem circuli rectam fore, & per polos eosdem esse. Nec domorum diuisionem particularis esse poterat: nam quemcunque ex tribus aliis modis amplexus fueris, non habebis in seruitutem vniuersis, & qui in gelida & qui feruida habitant regione. Quapropter cum cogeremur aliquem punctum in summa fortitudine existentem supponere, hic autem supra verticem necessario erat, visum est, vt punctus ille seorsum, quasi cœli cor poneretur, atque à diuerso contrarius sub terra: alia enim est ratio fortitudinis, alia significati.

Post hæc autem directiones constituit, promissorum quidem ad significatores in ascendente medietate: in corde quidem cœli, & imo, per rectum circulum: in ortu, per ascensiones regionis: medias autem in interpositis locis. In descendente vero parte vtriusque considerauit directionem, quemadmodum & Ptolemæus: verum quod plus obseruauit, inductio fuerat posterioris loci qui propinquior cordi cœli esset ad antecedentem, in successione signorum secundum loci præcedentis descensiones, loci oppositi ascensionibus cœquales. In his autem & stellas considerauit, & planetarum radios dextros ac sinistros. Vnde contingit, quod & à nobis iamdiu fuit inuentum, radios Planetarum dirigi, atque directo loco occurrere, maxime autem in occidentali parte.

In abscessionibus autem statuendis, non paruum directioni fidem tribuit: nobis autem visum est, sæpe etiam solam sufficere anni restitutionem, quando non sponte, sed quasi violenter homo moritur. Sæpe numero enim directionis annus incolumis est, reuersionis perniciosus, & e contra, verum si ambo inciderint, non euadet. Summam autem pluribus ingeniis adhibuit diligentiam, ad firmandum genituræ tempus: frustra enim queritur, Quando quod futurum an sit nescitur.

In particularibus autem Firmico indulget, ob bonorum authorum inopiam: verum tantum ille abest à veritate, quantum ab errore Ptolemæus.

In dignoscendis particularibus anni temporibus, multi multa varie ac dubie commenti sunt: verum & hic nixus est eandem formam seruare, vt ad exquisitam diem per directiones perueniret, attamen nobis videtur illud ambiguum atque perplexum. Quapropter si ab ingressu Solis in punctum significatoris dies computauerimus, aut etiam significatoris alicuius, quotcunque fuerint ab eo ad primos radios eiusdem, aut condominantis in angulo genituræ partes, tot illos esse necesse est. Occultat autem promissa loci sub terra positio, & genituræ tempore, & ingressus, & hora coniunctionis aut oppositionis, quæ ingressum proxime præcedit: quod si non in angulis fuerint differetur, quod si significantes in angulis fuerint, Sol autem ceciderit cum anareta, aut significatore loco, non perficietur promissum,

aut tarde, succedentibus reuersionibus aut nouiuniis, quibus in angulis anareta locus in aspectu sit luminarium: nam & Luna, cum fortis fuerit, in particularibus temporibus vices Solis obibit.

Infirmæ etiam genituræ per angulares reuersiones fortioribus æquiparantur, cum in illarum annuo reditu luminaria & significantes ab angulis remouentur.

## CAPVT XII.

### *De præcognitione qualitatum aëris.*

Planetis septem accidunt: **Locus, motus, absis, comparatio ad Solem, latitudo, fixæ, & situs.**

### *De loco, & latitudine.*

**S**aturnus in ariete, significat aëris corruptionem, si sit borealis: si australis, frigoris magnitudinem. In tauro borealis præter stellas, siccitatem & tranquillitatem aëris: australis, corruptionem aëris. In geminis borealis, terræ motus facit & ventos: australis, corrumpit aërem, & calefacit ad tempus. In cancro borealis, auget aquas & pluuias: idem etiam australis, sed cum calore aëris. In leone calorem cum siccitate vrente, si borealis fuerit: si australis, dabit tempestates. In virgine borealis, aërem cum ventis salubrem pollicetur: australis exiccabit fontes. In libra siccitatem aëris & fontium si borealis, salubremque statum: australis, ventos suaves, & aëris bonam ostendit qualitatem. In scorpione pluuias multas, si borealis: australis, aquas, & aëris occultam quandam malitiam. In sagittario borealis niues facit & frigus: australis proximior est temperamento. In capricorno salubris est cum frigoris multitudine, si borealis extiterit: australis, multitudinem frigoris & aëris tenebrositatem. In aquario producit hyemem borealis, australis exiccatur flumina. In piscibus seu borealis seu australis, multitudinem ventorum declarat, deterius etiam si australis.

Jupiter in ariete borealis, aërem serenat: australis, ventos. In tauro siccitatem firmam præter stellas, seu borealis seu australis: In geminis si borealis, ventos ciet salubres: australis, tonitrua & fulgura. In cancro borealis, auget aquas, tonitrua cum fulminibus australis tranquillior statum reddit. In leone borealis, tonitrua cum fulminibus: australis, siccitatem aëris. In virgine, pluuias multas aut ventos, si borealis: sed australis, pulchritudinem aëris. In libra, ventos multos & pluuias lenes borealis: australis pluuias copiosiores, & æstum. In scorpione borealis pluuias, & australis ventos & pluuias, non tamen multas. In sagittario paucitatem pluuiarum, & hyemem temperatam, vsque ad eius finem, in australi & boreali latitudine. In capricorno exiccatur



exiccat aërem & repentinas facit mutationes, si borealis extiterit: australis, tranquiliorem reddit statum, minuitque hyemem. In aquario borealis obtenebrat aërem: australis, facit tonitrua, & aquas. In piscibus borealis, aërem humidum reddit: australis etiam aquas præstat, Atque ut Saturnus duobus annis cum dimidio diiudicat: sic Iupiter anno, & Mars duobus mensibus, & Sol, Venus, ac Mercurius vno mense, & Luna duobus diebus & quarta.

Mars igitur in ariete borealis, calorem auget ac siccitatem: australis dat tonitrua & fulgura. In tauro borealis, ventos & tempestates atroces: australis vero minus asperas. In geminis borealis dat multitudinem pluuiarum: australis, aquarum paucitatem. In cancro borealis, aquas multas è cælo: australis, ventos & pluuias aliquas. In leone borealis & australis auget calorem & siccitatem, & facit fulgura & grandines. In virgine corrumpit aërem, & quæ nutriuntur ex terra, facitque ventos cum siccitate, seu borealis seu australis. In libra borealis obtenebrat aërem, australis obscurat & fulmina facit. In scorpione borealis è cælo dat aquas, australis fulgura & siccitatem. In scorpione borealis è cælo dat aquas, australis fulgura & siccitatem. In sagittario borealis minuit hyemem augetque calorem: australis perturbat ad vices ipsum. In capricorno borealis facit nives, & australis obtenebrat aërem. In aquario borealis, frigora & nives: australis, aërem turbulentum. In piscibus borealis bonitatem aëris significat: australis, pluuias paucas & lenes.

Sol in ariete, cancro, libra, & capricorno, manifestè tempora mutat: in tauro, leone, scorpione, & aquario retinet ea: in geminis, virgine, sagittario, & piscibus ambigua reddit.

Luna in cancro, scorpione & piscibus, & aquario imbres facit: in ariete, leone, & capricorno, siccitatem: in tauro & sagittario siccitatem cum repentinis mutationibus: in geminis & libra, ventos: in virgine, sævas tempestates.

Venus in ariete borealis, siccitatem: australis, lenes pluuias. In tauro, calefacit & pluuias reddit, borealis: australis infrigidat, & pluuias auget. In geminis, ventorum & aëris salubritatem generat borealis, sed australis ventos vberiores præstat. In cancro scorpioneque auget aquas fontium & pluuias, australis vel borealis. In leone virgineque aërem temperat borealis, sed australis dat tonitrua & fulgura. In libra suauem reddit aërem, mitigatque malitiam Solis in eo signo existentis. In sagittario & capricorno, aërem humectat, minuitque nives, nisi Saturno copuletur corpore vel aspectu, tunc enim in niuibz fomentum subministrat. In aquario inducit ventos & pluuias. In piscibus, aërem serenat.

Mercurius in omni signo orientalis humectat, occidentalis exsiccat. Proprie in piscibus ventos & in geminis ciet, & in virgine ac libra aërem corrumpit.

Tom. V.

### De fixarum & planetarum congressu.

Omnis Planeta, planetæ vel fixæ congregiendi simili in qualitatibus, aërem sub ea qualitate confirmat, dissimili autem mutat. Similes sunt, Sol, Iupiter, Mars, item Iupiter & Saturnus, item Luna & Venus, item Saturnus & Mercurius, item Sol & Mercurius, item Sol & Venus: dissimiles autem, Saturno Sol & Luna, Ioui Mercurius & Mars, Marti Venus & Luna, Soli Luna, Veneri Mercurius, Mercurio Luna. Cum igitur dissimiles sunt in actiuis, fiunt passiuus pluuiæ, & temporum varietates in calore & frigore: cum in passiuis, venti & aëris turbationes ac turbulentiae: cum in utroque tempestates. Exemplum, cum Luna corporaliter applicatur stellis de natura Mercurij, mouebit lenes ventos: & si de natura Martis, tonitrua.

### De motu Planetarum.

Planeta veloces motu, calorem augent: stantes autem, si calidi, calorem faciunt grauem, frigidi frigus, humidi augent pluuias, sicci exsiccant. Retrogradi omnes infrigidant, aut minus calefaciunt, præter Iouem, cum auctus fuerit lumine in opposito Solis existens.

### De absidibus.

Abidum mutationes ex Planetarum terminis ea faciunt quæ Planeta. Velut absis Saturni in Saturni termino, siccitatem & frigiditatem auget, pestes, paucitatem frugum & animalium. Quanquam hoc magis ad absidem Solis pertineat: nam cum absis Solis fuerit in virgine, propter incommoda multa incipiet inhabitari pars australis, & borealis fiet inhabitabilis. Cum igitur mutatio est ex signo, maior sequetur aëris permutatio. Cum igitur Saturnus significet frigiditatem siccitatemque & tempora, Iupiter calorem humiditatemque, ventos ac aërem, & plantas omnes, Mars calorem cum siccitate, ignemque ac lapides. Sol calorem & temperamentum in humore, ac animalia omnia. Venus humidum & temperatum calorem, & vim germinandi in omnibus quæ viuunt, Mercurius siccitatem lenem, coagulationemque ac varietatem temporum. Luna aquas & humorem omnem, temperatque calorem: manifestum est, quod etiam absides in vnoquoque loco significant. Verum planeta, cum in abside est, maiores effectus tardius operatur, in eius opposito celeriores minoresque, mediis in longitudinibus mediocres.

### De comparatione Planetarum ad Solem.

Planeta cum discedit ab occultatione usque ad oppositum Solis, auctus est lumine: ab oppositione ad occultationem, diminutus lumine: cum verus motus medium superat, auctus est motu cum minor est diminutus, cum retro agitur, retrogradus:

B cum



cum sub Sole, combustus. Medij igitur motus planetarum, in die sunt hi, secundum Ptolemaeum. Saturnus par.o. min.2. Iupiter par.o. min.5. Mars par.o. mi.31. Sol par.o. mi.59. sec.8. quod idem in Venere & Mercurio. Luna par.13.mi.10. Venus igitur & Mercurius cum sunt diminuti motu, & vadunt versus Solem, aut superiores, versus oppositum Solis, descendant in paruo suo orbe, cum autem inferiores, recedunt à Sole, vel superiores, ab opposito ascendunt. Ex hoc itaque consurgunt quatuor modi. Auctus igitur lumine ac motu calefacit, & salubrem reddit aërem ac serenum: diminutus lumine & motu, inconstantem reddit aërem, infrigidat & humectat: diminutus lumine & auctus motu, exiccat multum & infrigidat parum: auctus lumine & diminutus motu, multum humectat, parumque calefacit.

#### *De situ.*

**P**laneta plures habet situs. Primo, quia vel est supra terram, vel infra, in angulo, in succedente vel cadente, in loco forti ab anni reuolutione mediocri vel debili, in loco forti à coniunctione cum altero planeta vel debili. Cum igitur fuerit supra terram, fortius operabitur, infra lenius in omni casu. Item super terram, auct calorem plusquam frigus: sub terra non est tantum discrimen. In angulo auct effectus, & qualitatem eius celeriter ostendit. Minus in succedenti, parum vel nihil in cadenti, ab omni reuolutione. Cum Sol æquinoctium facit, in locis quadratis & oppositis, fortior est. Si cadat in locum alterius planetae, effectum eius imitabitur. Idem in vnoquoque mense, cum Luna Soli iungitur: nam tunc vide planetas, qui cum fixis aut aliis coeunt, maximè in angulis existentes. Cum ad eas fixas Luna peruenerit, proculdubio fixæ ac planetae opus imitabitur: sic & reliquorum, sed obscurius. Concurfus igitur in vnoquoque mensæ Lunæ cum Planetis est duplex, vnus ad corpus eius, alter ad stellam, quæ illi erat proxima hora nouilunii. Cùmque planeta aliquando in anno iungitur alteri planetae, considera congressum radiorum vtriusque: nam si ceciderint in eodem loco, vel quadrato, vel opposito, à loco congressus accidet permutatio in qualitate aëris, secus non.

#### *De eadem ratione in genitura.*

**H**æc eadem fermè in genituris considera, & reuolutionibus annorum. Nam cum hostiles planetae per locum oppositum, aut quadratum significatoribus discurrerint, offendunt rem quæ per significatores gubernatur: vt per septimum locum corpus, per Solis oppositum dignitatem, per Iouis oppositum substantiam, per Lunæ oppositum famam & actiones naturales. Et si fuerint amici ac beneuoli, erit contrarium: etsi directio bona sit, & discurrant inimici per locum oppositum significatori, non habebit donec præterierint, terminum totum illum, & interim erit in magno impedimento. Sic mihi Saturnus in leone obstabat, quoniam opponebatur angulo decimæ: quia tamen dominatur in aquario, non deturbauit me, etsi fuisset Iupiter in capricorno, & medium cœli cancer, obtinuissem: quia cum Iupiter cancro dominetur, est etiam planeta bonus. Et eodem modo in reuolutione anni considera, quo in loco sint Planetae, & in hora coniunctionis genituram præcedentis, etsi ascendat locus fortunatus, ille habebit bonum in ea ciuitate & patria: etsi sit fortunatus locus respectu alterius loci, ille melius habebit in eo loco, quàm in patria.

Et ideo hic esset necessaria cognitio initij vrbium: generaliter tamen intelligatur de annua Solis conuersione, quæ sit eo initium arietis ingrediente. Et non est possibile, vt effectus aliquis in hoc mundo fiat, vel in temporum mutationibus, vel in vitæ hominum cursu, vel fortuna, quin Sol aut Luna eadem hora, & horæ momento non sint in loco aliquo principali, significante effectum illum, vel connexo significatori eiusdem rei per radium ad vnguem oppositum, vel quadratum, nisi stella ei valde proxima impediatur: nam tunc luminare, cum illam attigerit, illicd perficit. Impossibile est etiam, planeta cum fixa corporaliter coeunte, si Luna ibi aspiciat, non illicd aëris qualitatem permutari. verum si in angulo fuerit, manifesta erit hæc permutatio: si in cadenti obscura. Ex his apertum est, sapientem multum vtilitatis consequi posse ex hac scientia, velut ex Medicina, circa sanitatis conseruationem, & ex Nautica, circa nauis salutem, cum Astrologia sit vndeque scientia naturalis.





# LIBER

## De prouidentia ex anni constitutione.

**N**T ER Reliqua munera quæ Deus Opt. Maximusque mortalibus concessit, quæ quamplura sunt, ac præstantissima, illud proflus diuinum atque incomparabile est, quo ea quæ futura sunt humanæ prouidentia subiecit: seu in actionibus nostris per prouidentiam, seu in naturalibus per tot artes, inter quas primum ferme locum medicina sibi vendicat. Etenim ex anni constitutionibus qui futuri sint morbi, quanti, quando, ubi, quam perniciosi, & quibus in ætatibus, temperaturis, viuendi consuetudine, sexuque, præscire licet. Quorum auctor atque inuentor, mortalium decus Hippocrates, nisi multis iam annis illius scripta latuissent, tam claræ ac perspicuam doctrinam nobis reliquerat, ut nihil desideraremus. Iam primum nunc annus trigessimus octauus absolutus est, ex quo opera ac diligentia Aldi Manutij ciuis Romani factum est, ut Italis Europæisque omnibus Hippocrates restitueretur. Ut nil mirum sit, si tam breui tempore res quæ iam in desuetudinem abierat, restitui non potuerit. Accedit, quod quæ Hippocrates scripsit cum in Thesselia ultimò, antea in Coa esset, non ita ad vnguem quadrare nostris regionibus potuerunt. Verum neque tantum discrimen est locorum, ut possit impedire diuinationem, siquidem non tam Hippocratis dicta (quæ fateor esse propria magis) quam illius rationes, quæ toti orbi sunt communes, expendere oportet. Quærentur igitur hæc: Primum, quales natura morbi fuerint, qui humanum genus anno præterito vexarunt, & vnde processerint: quique etiam nunc magis vigeant, & quinam futuri sint eiusmodi, à generalibus causis procreati. tum verò etiam in omnibus his temporibus duo alia communia: scilicet quæ loca magis minusve obnoxia, & quæ varietates morborum, & generis, & magnitudinis ratione: tum verò & illud tertium, in singulis temporibus an contagium ullum accedat. Quibus pro coronide adiicitur, quanto tempore timendum sit ab huiusmodi generalibus constitutionibus.

- 1 Morbi præteriti cuius speciei fuerint.
- 2 Morbi præteriti quibus in locis maximè, & quæ causa propria.
- 3 Morbi præteriti an contagiosi.
- 4 Morbi præsentis quales, & cuius speciei.

Tom. V.

- 5 Morbi præsentis quibus in locis causas proprias habent.
- 6 Morbi præsentis an contagiosi.
- 7 Morbi futuri cuius speciei.
- 8 Morbi futuri quibus in locis quales vi-  
gebunt, & causa.
- 9 Morbi futuri an contagiosi.
- 10 Morborum generalis constitutio hæc  
quousque perseverabit: & qualis sci-  
licet, an mutabitur.

Digeramus ergo singula, & sicut decem Capita. Ut verò causam reddamus omnium, auctoritate & ratione, tum experimento utendum est. Auctoritatem ex Hippocrate sumemus. Ergo cum posteriores non solum his quæ Hippocrates tradidit, nihil addiderint: verum neque illa quæ tradidit, plenè sint assecuti: dico Galenum, Aëtium, Paulum, Rasin, & Abenseni, seu Auicennam: liquet, ex Hippocrate omnia desumenda in hoc casu esse. At hæc quidem Hippocrates tractat in libris Epidemiorum, & tertia Aphorismorum, & libro de Aëre aquis & locis. Videndum est igitur, cum ex libro de Aëre aquis & locis, ac tertia sectione Aphorismorum satis constet, eos esse legitimos, de libris Epidemiorum, & in quibus maximè hæc tractatur materia, & qui sint legitimi: & rursus constat, tertium, inde primum, & præcipuè huic proposito peritiles esse, & etiam legitimos: in cæteris septimum & quintum maximè spurios affirmat Galenus primo in sextum Epidemiorum: quartum autem similem primo & tertio, loquendi forma, sed contemplatione valde inferiorem. Quam sententiam confirmat tertio de Difficultate spirandi, & secundo de Diebus criticis. quamquam de quinto addubitare videatur, in eandem tamen descendit sententiam. Quid plura? ex primo sumemus tres constitutiones, ex tertio non habemus nisi vnam: ex secundo duas, prima & tertia sectione: ex sexto vnam, in septima sectione: ex quarto duæ, sed valde imperfectæ: ut sint omnes quæ ex Epidemiis (nam quintus & septimus non habent constitutiones) nouem. Ex libro de aëre aquis ac locis, habentur sex, è quibus sunt quatuor illæ numeratæ in Aphorismis, & duæ aliæ additæ. Quamobrem cum plures sint, & diligentius explicatæ, quam in Aphorismis, sufficiet illis vti. Appello autem constitutionem quotidianam, numerum dierum propè sexaginta complectentem, quasi vnam è septem partibus anni: ut à Galeno ex Hippocratis sententia in lib. de

Comp. pri.

Cap. pri.

Cap. 4. in  
fmo.

Pag. 1. & 4.  
Pag. 7. in fmo.  
no.

B 2 Septi



Septimanis, vt primo in primum Epidemiorum explicauit, consimilem & æqualem, vel in primis qualitatibus tantum: vel in sereno & imbre, vel in natura ventorum: quorum omnium Hippocrates proponit exempla tertia Aphorismorum. Qualitatum quidem in eo, quando æstas fit veri similis: serenitatis & imbrum in illo, ex anni autem constitutionibus quod in totum dixerim, ventorum vero aliquanto post in eo: Quotidianæ autem constitutiones Aquiloniæ quidem. Addeamus, insuper considerationem à situ locorum ex eodem libro: & est quadruplex, vt etiam quæ est à ventis, & fient omnia ex quibus coniecturam accipere possumus, decem & nouem, excepto ortu & occasu siderum: qui cum sit communis, non sunt rationes horum illis tribuendæ, sed quatenus solum augent aut minuant. Hæc volui ascripsisse, ne sæpius repetendo, longiorem facerem tractationem: aut omittendo, fidem dictis non facerem.

Constat igitur, annum hunc præteritum habuisse æstatem calidam, & siccam vehementer, adeo vt à Calendis ferme Maij ad medium Septembris, vix ter aut quater, nec copiose imbres ceciderint. Quod etiam ex astrorum constitutione facile intelligere possumus, quoniam Mars occiduus & borealis iuxta eclipticam, ab eo tempore ferme vsque ad finem Septembris, Soli assiduus comes fuit: & eum antecessit, sub eius radiis, itaque quod ad primas qualitates attinet, haud dubium est, ex astris hoc pendere. Vnde Hippocrates: Cum enim temporum mutationes, & astrorum ortus ac occasus obseruauerit, quemadmodum singula horum eueniant, prænoscet vtiq; & de anno qualis hic sit futurus: hoc nanque modo si quis rimatus fuerit ac præcognouerit temporum occasiones, maxime de singulis sciet, vt plurimumque sanitatem assequetur, & recta via procedet non minima artis suæ gloria. Quod si cui hæc diuiniora videantur, is si ab hac sententia discedat, discet sanè non minimam partem conferre ad rem medicam, ipsam astronomiam: sed omnino plurimam, cum vnà cum temporibus & ventriculi in hominibus mutantur. Quod vero dicat Fracastoreus, cum multæ erraticæ ex eadem parte coierint, fieri morbos vagantes, & contagiosos: siquidem intelligit medio primarum qualitarum, rectè dicit, & cum Hippocrate & philosophis: sed si intelligit quod influant, hoc est solum dogma Astrologorum, quos pro nunc mittamus: quandoquidem sufficiunt nobis præcepta Hippocratis ad veritatem eruendam. Cum ergo ex dicta conspiratione Solis & Martis in Cancro, Leone & Virgine, signis æstiuis, fuerit æstas immoderate calida & sicca, inde per discessum Solis à Marte, factò Marte Orientali in Libra casu suo, & aliis rationibus fuerit factus Autumnus immoderate humidus: & venti æstiu fuerint Austrini, sicci partim, & partim Vulturini: autumnales autem Cori & Thrasciæ, liquet grauem factam esse mutationem in corporibus nostris. Et quia morbi ab aëre trifariam fiunt, primum sensim ex constitutione aëris, vt tertia Aphorismorum (Æstate febres

continua, & ardentes) cum enim calor est immodicus, vt primo de Natura humana, generat bilem plurimam: quæ cum non possit regi à natura, putrescit eius pars aquosa, & accenditur, & humor inflammatur, & fit febris iuxta naturam temporis. Secundus modus est ex congenitis humoribus in priori tempore, velut in Aphorismo illo, Autumno morbi acutissimi: dicit Galenus, quia autumnus succedit æstati, in quo multi humores sunt superassati, ideo fiunt morbi acutissimi. Tertius modus è ratione, sicut dicebat Hippocrates in eadem particula, cum inquit: De temporibus, si quidem hyems sicca & Aquilonia fuerit. Hæc causa multo potentior est aliis, quia corpus percellitur, & post secunda, inde prima. Sed dubitatur, an quando tempora contraria sibi succedunt, pariant morbos tunc? Et dicit Galenus in tertia Aphorismorum, quod non: imò potius intemperies corrigitur. Velut si hyems fuerit aquilonia, & frigida & sicca, & ver australe, calidum & humidum, dicit Galenus quod erit ver illud temperatum & ratio est ex verbis Hippocratis in libro de Aëre & aquis, huiusmodi: Si verò hyems quidem sicca sit, & Borealis, ver autem pluuiosum & australe, necesse est æstatem febriculosam fieri, & lippitudines inducere. Quum enim æstas derepentè accedat, terra humida facta à vernis imbribus: & ab austro, necesse est æstum duplicatum esse, & à terra irrigua ac calida, & à sole vrente: quum ventres in hominibus nondum constricti sint, neque cerebrum resiccatum. Non enim fieri potest, cum ver tale existat, vt corpus & caro non humore fluida fiant, adeo vt febres acutissimæ in omnes irruant: maxime autem in pituitosos. At dysenterias par est fieri & mulieribus & viris humidioribus. Solum id restat dubitatione dignum, cur, si æstas superueniens madida ex vere terra sufficit hæc gignere: quorsum adiecit in singulis coniugationibus vnum tempus, vt hic hyemem? qualiscunque enim fuerit, omnino idem se qui esset necesse. Hæc non disputandi causa, sed vt intelligamus perfectè rationem temporum. Præsupponit ergo Hippocrates primum statum, & non (vt Galenus) simpliciter interpretatur, non animaduertens sequentia verba quæ sunt hæc: Si verò hyems australis & pluuiosa & clemens fuerit, ver autem siccum boreale & tempestuosum, pituitosis & mulieribus dysenterias fieri verisimile est propter naturam humidam. Vnde ergo humidum hoc in vere boreali ac sicco? Dices, ex illo verbo Tempestuosum. At non est ex textu, sed quispiam addidit loco contrarij *ἡσυχίαν*, quod est tranquilla seu clemens: *ἡσυχίαν*, id est tempestuosum, cum in tertia Aphorismorum non adsit, nec Græcè, nec Latine. Fuchsius autem solita temeritate etiā in textu Græco sustulit *ἡσυχίαν*, quod tamen adest, sed nō *ἡσυχίαν*. Dico ergo: Vnde humidum illud, nisi ex copia cōgestæ in hyeme pituitæ: cū neque in vere quod supponitur siccū & boreale (sic enim legi debet (neque in æstate cū sit calida & sicca, sumi potuerit. Ergo Hippocrates duo tempora, nō vnum (vt Galenus putat)

Pag. 2.  
Com. primo  
post Proæ-  
mium.

Lib. de Aë-  
re & aquis  
& locis.  
pag. 2.

Aph. 9. 3.  
partic.

Ab II. ad 14.  
Aphorismorum.

Com. 11.

Pag. 7. in  
fine.

22



putat) ad prædicendum, de tertio præsupponit. Quandoque ergo vnum tempus præsupponit, vt de illius morbis prædicat, velut secundo Epidemiorum: Carbunculi in Cranoque æstiu, puebat in ardoribus aqua larga. Contingebat hoc per totum, & maximè ab austro: & oriebatur sub cute sanies. Quandoque ex duobus temporibus venatur tertium: semper autem primum assumit æstatem aut hyemem, & sequens autumnum pro æstate, & ver pro hyeme, & pronunciat de futuro, vt in Aphorismis, & libro de Aëre & aquis, & secundo Epidemiorum. Quandoque assumit quatuor tempora, vt pronunciet de toto anno: velut in primo & tertio Epidemiorum. Sed in tertio non solum quatuor tempora assumit, verum quinque. Vt mirum sit, quod in aliis locis duorum tantum meminerit. Videndum est igitur, quando velit tempora esse salubria, quando morbosa: & quando morbosa, quot tempora assumere necesse sit: & post, qui morbi ex quibus temporibus fiant: demum applicabimus hæc proposito. Et repetam, quod dixit Galenus tertio in tertiu Epidemiorum, statum esse temporum alium naturalem, alium præter naturam, qui sit causa morborum: & illum tribus (vt dixi) modis, ratione humorum præparatorum aliis temporibus, ratione propria intemperiei, & ratione ipsius mutationis. Cum vero considerauit duos annos, vt anni pestilentis prædictionem conficeret, legere oportet tertium Epidemiorum sub hoc sensu. Cum totus annus fuisset pluuius, & austrinus: id est calidiusculus atque humidior, austrinis ventis flantibus sed ita vt omnino tranquillus, & sine ventis sentiretur. Vt totum illud proponatur loco tituli, hoc modo, quod ab aliquo interprete factum puto.

*Annus austrinus Pluuius, à ventis in totum silens.*

Cum paulo superioribus anni temporibus squaiores præcessissent, sub Arcturum flante austro, multum pluit. Autumnus nubilosus, vmbrosus, largè pluit. Hyems, austrina erat, humida, & lenis: multo post solis reuersionem circiter æquinoctium aspera erat extrema hyems: & iam sub æquinoctium Boreas spirauit & ninxit, non ita diu. Ver rursus austrinum sine ventis, pluit multum, & continenter ad canem vsque. Æstas serena erat, & calida, magni erant æstus. Etesia parua dispersim spirarunt. Sub Arcturum rursus spirante Borea, multum pluit. Cum esset totus annus austrinus, humidus & lenis, per hyemem salubriter quidem egerunt, præter tabidos, de quibus modo scribemus. Ante ver, vnà cum frigoribus consecutis, sacri ignes multi. Et post peruenit ad illa verba: Vere longè plurimos exercebant sacri ignes, tenebanturque æstate, & sub autumnum: æstate carbunculi multi, & putredines. Cumque posterius tempora comparasset inuicem, demum concludit hoc modo: Omnibus quos supra descripsimus, ver erat infestissimum, plurimosque sustulit: æstas commodissima, paucissimi que periere: autumnus

Text. 30.  
Text. 50.  
Text. 56.  
Text. 71.

Tom. V.

no rursus, & sub Virgilia multi interierunt τεταρτοις.

Vocant autem annum ex toto silentem, licet sub Æquinoctio Boreæ, & Etesia flauerint per æstatem, quoniam cum essent venti ordinarij, & necessarij tamen, in primo addidit: Non ita diu. in secundo: parua dispersim. Liqueat autem quod ab hyemis fine prædictionem inchoat, & extendit ad autumnum. Vt ad totum annum desit solum prima pars hyemis. Nec miraberis qui legis hæc: nam totus labor consistit in castigando textum, vt exemplar habeamus purgatum à mendis. hoc autem quantis laboribus, quisque intelligit qui expertus est, ex illa profunda caligine vetustatis eruere veritatem, & lucidam interpretationem. Sed iam ad rem veniamus. Quatuor sunt genera constitutionum anni, tum partium eius: primum est extrema salubritatis, de quo dicebat Hippocrates libro de Aëre & aquis & locis: Si signa fiant in astris orientibus & occidentibus secundum rationem: & in autumno decendant pluiæ, & hyems sit moderata, nec valde eleuens, nec modum excedens in frigiditate vere verò & æstate tempestive: intelligitur pro ratione consuetudinis illius regionis, Romæ suo more, & Bononiæ suo, & Mediolani proprio. Quod si excedant ad humidum, illud deterrimum est inter simplices intemperies, inter compositas calida & humida. Deterior enim est humida quàm calida: quia humida per se, & humida & calida, & humida & frigida, facit morbos. Et hoc est quod dixit Hippocrates: Ex anni autem constitutionibus siccitates imbris sunt salubriores, & minus mortiferae. Calor autem per se non facit graues morbos: nec etiam multum cum siccitate. Cum vero in omnibus quæ eduntur & bibuntur, calida & humida sint optima, solus aër (quod natura vere, dum purus est frigidus sit, & siccus) cum fuerit calidus & humidus, pessimus est: aut enim huiusmodi vaporibus plenus est, aut substantia eius (quod vix accidere potest) corrupta est. Humida ergo, & calida aëris temperies, pessima est inde humida & frigida: aut humida simpliciter, post calida: vel calida & sicca: inde optima est frigida, & sicca moderata. Nam cum aër sit ad temperandum calorem naturalem qui est humidus, & turbidus ob excrementa, optimus est qui est frigidus & siccus moderatè, & purus valde. Dixi moderatè, quia nimis immoderata intemperies mala est, & excessus exiguus in qualibet qualitate non potest parere morbos. Propterea dixit Galenus, cum constitutio parum variat à naturali statu, non sunt morbi: & maximè si ad siccum vel frigidum. Considerare etiam decet, quod dicebat Hippocrates libro de Aëre aquis & locis, in cognoscendis futuris ac natura præsentium, statum anni: scire oportet situm, & rationem victus. Status anni duplex, naturalis & præternaturalis: situs constat ex positione ad ventos aquarum natura, & loco elato vel humili, terra arenosa, monte, fluuiis, littore maris, boream prope aut austrum. Scire etiam expedit, qui morbi ab vnaquaque qualitate

B 3 domi



Tex. 3.  
et 4.

Text. 5.

Pag. 5.

Com. 3.

dominante fiant hos docuit Hippocrates ter-  
tia Aphorismorum. Demum cur, cum aliqua  
constitutiones pessimæ fuerint, velut secu-  
do in primum Epidemiorum, cum dixisset  
quod hyems Aquilonia, imbres multi, lar-  
gi, magni, post brumale solstitium Aquilo  
multum spirabat, nungebat, pluebatque  
plurimum, & continenter, & reliqua ni-  
hil tamen dicit accidisse insigne circa mor-  
bos, quinimo subiicit: Cum totus annus  
fuisset frigidus, & humidus, & aquilonius,  
per hyemem commode fere se habebant.  
Cum ergo tempus fuerit pessimè dispositum,  
id est vehementer pluuiosum & calidum,  
tunc statim & in ipso tempore accident  
morbi quod dixit & in secundo Epidemio-  
rum: Carbunculi in Cranone. Tertium ge-  
nus constitutionis est, cum fuerint duo tem-  
pora similia, & dat duo exempla Hippocra-  
tes libro de Aëre aquis & locis, dicens in  
primo: Si æstas pluuiosa sit, & Austro mul-  
tum perfleretur, similisque sequatur autumnus,  
necesse est hyemem turbidam esse, & his  
qui pituita abundant, & his qui quadragesi-  
mum annum excefferint, febres ardentes fie-  
ri verisimile est: qui verò bile abundauerint,  
lateris & pulmonis inflammationes. Secun-  
dum exemplum est huiusmodi: Si neque sub  
cane, neque sub arcturo pluuiæ sint, autum-  
nus autem Borealis, & siccus, confert pi-  
tuitosis, reliquis autem infestissimum est hoc  
tempus. Quartum genus est, de quo est nunc  
dubitatio, cum tempora à natura sua eu-  
ariant. Solum restat ut doceam, quare cum im-  
moderata sunt tempora, nonnunquam homi-  
nes tamen per tempus sani degunt, & hoc  
maximè per hyemem. Duæ sunt causæ (qua-  
rum vnius apertè, alterius obscurè meminit  
Galenus secundo in tertium Epidemiorum)  
aperta est, quod cum tempora variant, sed  
tamen vergunt ad naturalem temperiem, ut  
hyems insto frigidior & humidior, æstas cali-  
dior & siccior, autumnus imbriferus, tunc  
corpora quadam contraria scilicet temperie  
affecta, melius se habent: reliqua paulo deter-  
ius, ut in eo casu sub obscura quæ vergunt  
in hyemem, & ad frigidam, quia frigiditas  
aëris inuat ad salutem: tum primum, quia ro-  
borat calorem naturalem (prima Aphorif-  
morum: Ventres hyeme & vere natura cali-  
dissimi) tum quia humores congelat, & con-  
gelando sistit fluxiones: tum quia prohibet  
putredines, quod raro afferunt morbos in ea  
autem constitutione ambo hæc iungebantur:  
ideò quamuis esset immoderata, non appa-  
ruerunt interim morbi violenti, neque multi.  
Ex quo sequitur, quod licet ob causas tales  
non ægrotauerint, neque statim, neque per  
hyemem, seruatis tamen humoribus pluri-  
bus & prauis per hæc tempora, succedente  
vere & æstate, & reliqua parte anni morbi  
plures ac violenti aduenerunt. Ex hoc etiam  
patet, quod Hippocrates refert causam to-  
tam morborum in annum præcedentem, &  
non indiguit explicatione qualitatibus tempo-  
rum, in quo morbi ipsi acciderunt: quoniam  
sufficit natura temporis consueta paratis hu-  
moribus ad progignendos morbos: quod de-  
clarauit in libro de Aëre aquis ac locis, loco

iam adducto, cuius est initium: Si vero hyems  
quidem sicca sit. Et si quis obiiciat, Non-  
ne posset succedere aliquid, quod augeret  
aut minueret hoc? Respondeo, quod si suc-  
cessisset, & fuisset magnum valde, tunc com-  
memorasset illud Hippocrates: Velut æstas  
frigida. Sed si non est tantum quod possit  
euertere naturam propriam temporis, tunc  
non est in consideratione, cum iam adsint  
efficiens temporis, naturalis temperies,  
& materia humoris, scilicet congeniti  
prioribus temporibus. Itaque liquet,  
quàm difficilis esset hæc ratio: & quod  
personati isti medici fœdant artes, dum pro-  
nunciant de rebus difficillimis, tam leuiter  
eas tractantes. Ideo nunquam recte pronun-  
ciant de rebus. Ut vero de singulis locis dica-  
mus, fieri non potest primum, quia oportet  
singulas vrbes adisse, & situm earum  
spectasse: deinde, quod cum causæ ge-  
nerales ex astris sint eisdem, & situs loco-  
rum diuersus: igitur necessariò effectus erit  
diuersus. Et ut inquit ille,

*Limus ut hic durefcit, & hac ut cera lique-  
fcit,*

*Vno eodémque igni.*

Propter hoc satis erit, si dicam de Roma:  
exculatum tamen me habebunt, quod Ro-  
mam non viderim, sed si vera est imago an-  
tiquæ & nouæ vrbis: Auentinum montem  
habet ab occidente & meridie, Caelium à  
meridie, & Aluum fluium, aquamque  
Crabram, Palatinum montem in medio fer-  
mè, sed partis magis cultæ à meridie: Tybe-  
ris totus ad occidentem positus (et si pars sit  
vrbis, non enim me later, quæ Transiberi-  
na dicitur) à septentrione fertur ad meri-  
diem, vnde 20. fermè M. P. in mare ingre-  
ditur. Esquilinus & Quirinalis ad orientem  
ambo positi: Tarpeius autem & Capitolinus,  
partes Saturnij montis (ut auctor est Philan-  
der Castillioneus, Romanus ciuis) ad septen-  
trionem & occidentem partis magis frequen-  
tæ: magnitudinis autem respectu, ad me-  
dium positi sunt. Viminalis prope aggerem  
Tarquinij Superbi. Liquet ergo, intercur-  
santibus tot collibus, ventos, ne latè pro-  
deat, impediri: ipsosque ob id acutius feri-  
re, velut solent & gladij. Tum verò circiter  
horam æstus, scilicet diei, nonam, ut late-  
rales morbi facillime excitentur, & pulmo-  
niæ. Ipsum quoque solum metallicum est, vn-  
de exhalant vapores prauis, & aquæ puteo-  
rum corrumpuntur, argumento improbita-  
tis terræ: & ipsæ (præterea quod inutiles)  
exhalant perpetuos vapores, cerebro, cordi,  
pulmonibus ac pectori inimicos. Ipsa Tybe-  
ris aqua praua admodum, licet secus aliis vi-  
deatur. Diligenterque animaduersum ab eru-  
dito medico, memoriæque mandatum: cum  
plures excipiat fluios, quorum alui & ripæ  
terra colorata constant, metallicam illis fa-  
cultatem inesse. Quamobrem tametsi li-  
mus & puluis mora petat fundum, etiamsi  
decem annis maneat, nunquam spoliari po-  
test metallica facultate: quæ etsi perexigua  
sit, cum omnia metalla imperfecta noceant  
pectori (ob sulphuream vim) & ventriculo  
iecori ac renibus, illa quod hydrargyrij fa-  
piat

Strabo Geo-  
graph. lib. 5.

Lib. 4. c. 7.



piat vim, hi quod terræ: necesse est annis illius aquam esse insalubrem est etiam à se-  
prentione posita, ut dixi, in qua parte  
cruda necessario est. Vnde ex hoc li-  
quet, non solum Tyberis, sed cuiusvis  
fluminis magniaquam, præterquam Nili, es-  
se malam: quod magna flumina omnia, ut  
Padus & Ister, multos recipiunt fluuios. Di-  
xi, Nilo excepto. is enim purus è montib.  
suis fluens, vix vnum aut alterum excipit flu-  
uium in mare. Itaque Roma ad occidentem &  
septentrionem sita est, ut Felsina ad septen-  
trionem. nanque Apeninnum à meridie habet,  
qui cum excurrat in latera, ab oriente etiam  
& occidente hyberno testis dicitur. Quo-  
brem cum duobus modis vrbes ad regiones  
comparentur, sitque hæc utroque modo ad  
Boream sita, scilicet contacta à tribus parti-  
bus aliis, & prona ex meridie, ac pendula  
quasi in Boream: necesse est, hyemalem  
illam habere situm, & aerem crassum. Licet  
egregij medici quidam aliter persuaferint.  
Indicio etiam est, quod solum bituminosum  
est: hoc enim à nobis declaratum in libris  
de subtilitate. Qua propter & aquæ puteo-  
rum praua sunt, & exhalatio corrumpit aerē,  
ut de Roma dictum est. Aqua verò Rheni  
nec ipsa salutaris, cruda, & quæ calculos in  
renibus, & vrinæ impedimenta gignat.

Plin. lib. 3.  
cap. 6. &  
cap. 16. cap.  
36.

Sec. prim.  
com. prim.  
in fine.

Itaque ut ad rem redeam, de Roma so-  
lum dicturus sum, cuius exemplo singularium  
vrbium statum intelligere licet. Illud tamen  
admonens, cuius Galenus meminit in primo  
Epidemiorum: cum natura loci constitutioni  
fuerit similis, adiuvat ad morbos procrean-  
dos. Velut Cranon Austrina ex constitutio-  
ne deterius affecta est, quod in valle esset, &  
Austrinis ventis exposita: ita Roma à cali-  
da & humida constitutione plurimum  
lædetur. Calida enim & humida, in calido  
& humido loco, dicit Galenus, maximas  
putredines, statimque concipiunt. contra  
Thafus Boreæ, & in edito exposita. Ita Bo-  
nonia frigida & humida est: est enim Boreæ,  
sed in valle exposita. Cum ergo fluxiones  
fuerint ex cerebro in thoracis partes, id  
fuit conceptis longo calore ac siccitate hu-  
moribus tenuibus in capite, siquidem (ut  
dicebat Hippocrates) caput supra situm est  
cauum ac rotundum, humidum ex reliquo  
corpore contrahens, & corpus simul vapo-  
res omnis generis sursum in illud mittit, quos  
caput rursus infra demittit: non enim immo-  
rari ac manere potest in quod influit, non  
habens vbi sedem firmet, nisi sanè caput  
ægrotet: tunc enim non remittit, sed isthic  
retinet. Postquam verò attractionem remi-  
serit, fluxio vergit in glandulas, & nullam  
molestiam affert: donec pauca & moderata  
fluxio fuerit, & ipsæ glandulæ validæ extite-  
rint. si enim multa & acris extiterit, mam-  
feritque acris & glutinosa, inflammatur &  
intumescit, acque sic collum distenditur, &  
ad aurem progreditur. Et quarto de morbis:  
Caput ut cucurbitula corpori incumbit, &  
quod ingestum est, cum ipso corpore, ex  
ventriculo ad se trahit: intelligens vapores.  
Cum ergo materia illa hoc anno immoderato

Libro de  
Glandulis,  
pag. 2.

pag. 3.

ex calore & siccitate ascenderet, ut in mun-  
do hic inferiore ad superiores partes, unde  
qui libet prudens vir largos & continuos im-  
bres expectabat: ut etiam post quoscuque  
cometas omnes enim cometæ immoderatas  
siccitates primum, post autem largos imbres  
decernunt: unde qui dicunt, cometas parere  
siccitates, vera dicunt: & qui pluias & im-  
bres, etiam vera dicunt: ordine enim certo  
& siccitates primum longas, & ob id neces-  
sario largos etiam imbres: & ob id rursus  
necessario morbos communes, de quibus  
suo loco dicam, non solum prænunciant, sed  
etiam faciunt: & inde mortem potentiorum  
& regum: propter id (quod dicam aliquando,  
neque enim hic est locus) expectare oportebat  
in hominibus hanc collectionem, scilicet  
serosorum humorum, & tenuiorum in  
capite, & biliosorum exustorumque in toto  
corpore. Ergo facta collectione, dicit Hip-  
pocrates, vel retinentur, vel dimittuntur: si  
retinentur, vel putrescunt, vel non putre-  
scunt: si non putrescunt, dicebat sexta Apho-  
rismorum, sunt melancholiae, aut apoplexiæ,  
aut cæcitates, aut conuulsiones, aut furores.  
Hi morbi ergo verè expectandi sunt, & ma-  
ximè comitales in pueris, & furores in adul-  
tis, & apparuerunt iam aliquot. Verum ma-  
gis hi qui sunt ob putredinem, lethargi &  
phrenitides. licet enim per humidum autu-  
mnium, ut dicam, facti fuerint morbi ex  
fluxione illis tamen quibus non fuerint flu-  
xiones, incumbit periculum ne materia re-  
tenta fiant morbi de quibus dicemus. In vni-  
uersum ergo hac æstate non erunt expectan-  
di multi morbi, quia licet concurrerent è  
tribus causis quæ pariunt morbos præsentis,  
in constitutione scilicet tranquillitas à ventis  
magnis, per quos aer non solum à vaporibus  
purgatur, sed etiam temperatur à qualitate  
maximè frigida, & adesset immoderata &  
perseuerans intemperies calida & sicca: de-  
erat tamen tertia conditio, scilicet quod es-  
set intemperies calida & humida, cum fuerit  
sicca. Ergo hac æstate, præter febres arden-  
tes aliquas & tertianas (morbos tempori  
consuetos) & sporades, non fuerunt morbi  
communes. At in autumno fuerunt pluias  
multæ, unde necessarium erat ut fierent flu-  
xiones, non morbi in capite, quia non po-  
test contineri diu multa materia. Sed anima-  
duerte, quia illæ fluxiones debuerunt esse  
hyeme, non autumno: quia, ut dixi, duo  
tempora saltem requiruntur ad preparatio-  
nem: sed quoniam tam immoderata fuit v-  
triusque temporis intemperies, & ætatis  
calida & sicca & diuturna, & autumnii hu-  
mida, non potuit tanta materia, & tam  
tenuis, diu contineri, quin confertim flue-  
ret sub fine autumnii, & magis in ciuitatibus  
humidioribus nec calidis (ut Mantuæ, postmo-  
dum Felsinæ: sunt enim vrbes valde humidæ,  
& humidioris victus) quare necesse fuit flu-  
xiones fieri.

In autumno igitur necesse fuit fluxiones  
fieri, at fluxiones è capite (dicebat Hippo-  
crates libro de Locis in homine, & clarius  
in libro de Glandulis) sunt septem: tres di-  
cit conspicuæ, ad nares, aures, oculos: qua-

Pag. 31  
Pag. 31



tuor occulta, ad pectus, ventriculū, venas, & spinam. Videamus ergo, ad quas partes debuerit esse defluxio. Et clarum est, quod cum materia est mediocris in multitudine, & temperata, tunc regitur à natura, & mittitur per loca minus periculosa: scilicet nares: post aures, inde ad oculos. In his ergo quibus caput erat robustum, facta est fluxio ad hæc loca & mihi fluxit ad aurem dextram adeo copiosa, ut timuerim de surditate: quia sum iam senex & his diebus per Padum veneram, atque ob id natura non potuit mittere per nares, quod erat optimum auxilium: quanquam non levis pars per eas etiam fluxerit, & aliquid etiam ad ventriculū. Neque fieri potest ut quisquam, cui probe fluxerit materia per nares, perierit. At verò qui materiam multam congefferunt, aut prauam, aut imbecilles fuere, his necessariò serosum illud fluxit aut ad ventriculū, aut ad pectus, aut venas, aut ad spinam. At fluxio ad ventriculū mitior est inter interiores, sicut ad nares inter manifestas. Quæ igitur multa est, & mala, fluxit aut ad pectus, aut ad venas: quæ ad venas, facit morbos laterales, & pulmonias, & præfocationes, quæ citò interimunt: dicebat Galenus cum Hippocrate tertia Aphorismorum. Et hoc, dicit, accidit maxime senibus: unde plures senes quasi repente interierunt. Et in hoc medici plerique aberrauere, eas fluxiones existimantes esse ex earum genere quæ possent per tussim expurgari & laborabant cum bechicis medicamentis, frustra vexantes naturam, & non parum nocentes. Et ex simili morbo cum periisset nobilis Cæsar Brippius Mediolani, quod serò aduocatus essem, dissecuius illum: & inuenta est sanies multa in vinculo quo iecur annectitur costis: & non erat pus bonum, sed liquidum: & superuixerat plus quadraginta dieb. cum hoc morbo. Et similiter dissecuius Petrum Casatum, puerum quatuordecim annorum, qui obierat extra urbem, & ideo non potui illum inuifere dum esset æger: & quoniam erat diues valde supra quadraginta millia coronatorum, suspicabantur de veneno: & inueni in pulmone saniem tenuem à latere dextro, quæ eius partem exederat: & pronunciaui, quod non perierat ex veneno, sed ex fluxione, sicut primus. Et aderat huic spectaculo Gabriel Cuneus, chirurgus egregius, & qui dissecuit. Dicam autem quod etiam accidit Comiti (hæc est Longobardica potestas) Aluisio Gonzaghæ: ad quem cum vocatus essem quarta die, prædixi, non superuicturum ultra septimā. Itaque mortuus est sexta die vespere. Et nos (eramus enim quatuor medici) dissecuius illum, inuenimusque non esse abscessum: sed omnia vasa pulmonis ex triplici genere magis tamen asperæ arteriæ rami erant, plenissime simili lacti, adeo ut nullus adesset prorsus sanguis & huic dissectioni, tum etiam primæ, adfuit Melchior medicus eruditus. Quid plura? Fluxio illa non erat ut duæ priores, sed pulmonia mendosa. Quo genere morbi mortuus est, qui vice legatiungebatur olim, Daniel Rizius Venetus, vir egregius, apud Insuorum præsidem: sed illum non dissectui.

Differt hic morbus à pulmonia, quod abscessus non est. Hac etiam æstate ad finem dissecui puellam tredecim annorum nobilissimam, quæ cum esset prædiues, ad sexaginta millia coronatorum, & vnica matri suæ suspicantes de veneno, ob magnitudinem patrimonij, cum non potuissem adesse ægrotanti, aduocatis à me in re tanti momenti octo aliis medicis, cognoui illam ex defluxione repentina obiisse, non ex veneno, atque ita omnes medici in vnum consenserunt. Erat enim puellæ morbus iamdiu in capite, & suppressa purgatione per vlcera, nec aduentantibus mensibus, correpta febris, cum alioqui non videretur grauiter ægrotare, imò contenti fuissent duob. familiaribus medicis, repente tanquam siderata interiit quo casu perculsi, suspicabantur de veneno. Omnes autem huiusmodi fluxiones necessariò adducunt febrem æstuosam, non tamen ardentem, nec valde siticulosam: quoniam materia, ut dixi, putret prope cor, & implet vacuum pectoris, & est humida, & cruditatibus permixta: demittit autem cerebrum in pectus, propterea quod guttur non est contextum, & est ere-

Pag. 5.

gionè, libro de Locis in homine. Sunt autem morbi cerebri violentissimi atque acutissimi, nec non lethales, ac difficilis sanationis, ut dicebat in libro de Sacro morbo. Et illius fluxiones ad pulmones & pectus proclines. Vnde in libro de Carnibus: Similiter etiam vbi cerebrum ipsum de seipso plurimum liquefecerit, in palatum, & fauces, & pulmonem, ac reliquum ventrem. Cognoscunt autem hoc homines, & ex capite destillare dicunt. destillat autem & in reliquum corpus. Mors autem contingit in senibus ob imbecillitatem, & quibus pectus angustum fuit, & immoderatis in ratione victus, plerique tamen euasere. Sed cur magis Romæ & Mantuæ plures perierint? Mantuæ, materiæ copia occidit: est enim inter paludes, Eridano etiam proxima Romæ verò, & multitudo ob Tyberim & alias aquas, & auras perne-

Pag. 6.

cantes, & soli & aquarum quæ in puteis sunt corruptionem. Atque hæc de autumnii, & initij hyemis statu, seu constitutione communi morbosa. Quo ad causas primas, liquidum est, fuisse aeris intemperiem vtriusque temporis contrariam, ex siderum maiorum situ: proximas autem fluxiones omnibus è capite, sed diuersas, per venas intimas perniciosissimas, & citò perneccantes: per communes venas, vnde abscessus pectoris, pulmonis, & partium circumiacentium: per palatum, ex quibus peripneumoniæ mendosæ, & catarrhi, destillationesve cum tussi: ad dentes præterea, aures, atque huiusmodi: ad partes externas, vnde multi vexati sunt dolore pectoris & dorsi. Et ita fuerunt quinque generum: sed prima tria solum cum vitæ periculo, reliqua duo omnino sine periculo: & quod senes, mulieres, pituitosi magis fuerunt in vitæ periculo, quam viri robusti, exercitati, biliosi: & quod adueniente hyeme valida cessauit. Et cur etiam loca humidiora prius occupauit: loca autem vbi aer est deterior, magis vexauit, atque ibi plures peremit. Quodque paucos viros

insignes;



insignes: nam cū causa morbi sit, vt dixi, cum cerebrum, qui cerebrum habent validum, non sunt obnoxij talib. morbis qui à cerebro originem ducunt: at viri insignes armis, literis, prudentia & negociatione, validū omnes habent cerebrum, ideo in talibus constitutionibus pauci pereunt, sed vilis plebs. At si iecur & ventriculus, evadunt viles, pereunt inclyti viri: vt in febribus maculosis. Si verò cor, omnes sunt in discrimine: vt in peste quamquam in hoc diuites sint ex accidenti securiores. scilicet ob.eommoda,

Reliquum est vt dicam, an morbi isti contagiosi sint? Ignoscetis, si paulo longior hac in parte fuero, quam nemo alius explicauit, aut etiam intellexit: tum maximè, quod ex horum intellectu multa & præclara deducuntur, quæ ad curationem tum generalem, tum singulorum pertinent. Et quoniam non soleo quicquam bis repetere, ea solum commemorabo quæ in libro de Venenis, quem diebus istis conscripsi, vt in hunc libellum referrem prætermisi: reliqua in libro illo, si quis volet diligentius rem hanc scire, inueniet. Causa, quod sit contagium, omnibus medicis incognitum est: quod cum duplex illud sit, præsentis medici vnum tantum genus, quod consuetudine contrahitur, norunt: quod ex aëre, non sciunt. Antiqui contrā, quod ex aëre contrahebatur, cognoscebant: quod ex consuetudine, ignorabant. At vt quis verè sciat quid sit vtrumque oportet vt vnum ad alterum comparare norit: at hoc per se inuenire non possunt: ab antiquis, qui alterum genus ignorabant, discere non potuerunt: propterea ignorant. Et vt id non sine causa dixisse videar, Hieronymus Fracastoreus (vir nostra ætate insignis, & præter medicinam, etiam in Mathematicis rebus subtiliter exercitatus, & huic negotio totus intentus, vt qui tres libros in hac materia luculenter scripserit, inscriptos de Morbis contagiosis) ne vmbra tamen contagij assequi potuit: cum tamen ex ingenio proprio multa inuenerit, atque in libros illos retulerit, & vera, & non aspernanda, Doleo tamen, quod multi quæ hic scribuntur, cum non viderint librum de Venenis, cogentur potius his credere, quam vt demonstratione (quod mei esset muneris) persuadeantur. Sed quando liber ille iam à me sit absolutus, & cum Aphorismorum Commentariis proximè proditurus in lucem, hæc tanquam alibi demonstrata subiiciam. Ergo cum omnes morbi communes à re aliqua communi proficiantur: quatuor autem nobis tantum sint communia, Cælum, aer, aqua, & terra: cælum autem non nisi per aerem agat, etiam teste Ptolemæo: terra autem communis dici non possit, quoniam immobilis sit: constat, contagium commune non nisi ab aëre vel aqua contrahi posse quod etiam testatur Hippocrates secundo de Humana natura. Ergo de aëre dicatur, quandoquidem multa breuitatis causa omittere cogor. Si igitur ille causa sit morbi, cum maxima in copia hauriatur à nobis die noctuque, & per asperam arteriam à corde & pulmone, & per nares & palatum à cerebro, haud dubium esse potest, si insignem prauam aliquam qualitatem

haberet, confestim nos interituros. Propterea dicebat Curtius, sed pauci illum intelligebant: Malle se habere prauum aerem, quam prauas aquas: quia aeris prauitas vbi que adeò exigua est, vt facile emendetur, aquarum non ita. Cum ergo prauitas non possit esse nisi admodum exigua, neque etiam magnas corruptiones efficere potest. neque enim magnitudine qualitatis interficere potest, sed diuturnitate temporis totos corrumpere humores, atque ita occidere. Si ergo hoc non nisi longo tempore, quanto minus in breui? Porro aquæ, & per se ebibitæ, graues noxas inferre possunt, & quod, vt dictum est, exhalatione aerem corrumpant. Idque videre licet in hyeme, cum tanquam fumus ascendant, & perpetuò, & multus ab vnoquoque puteo: neque credendum est, quod æstate ob frigiditatem non exhalet vapor ex aqua, cum calidior sit aqua æstate quam hyeme, etsi non videtur. Causa est aer calidior, qui illam dissipat: sicut etiam respirationem videmus hyeme, non æstate, eandem ob causam. Sed intemperies hæc aëris cum fuerit manifesta, & ex primis qualitibus, non est contagiosa: cum verò aliquam qualitatem corruptionis habet, necessariò est contagiosa: vt declaratum est in libro de Venenis. Si ergo aer est per se contagiosus, & qui respiratur ab agro habet contagium, & morbi, & commune: sequitur vt cuiusvis morbi communis, qui non ex primis sit qualitatibus, natura contagiosa sit si quis cum agro versetur diutius atque id primum. Secundum, cum declaratum sit, morbos qui sunt circa pectus, ob respirationem maximè & celerimè esse contagiosos, vt morbos laterales, & pulmonias: horum omnium quicunque occidunt sine phlegmone, sunt magis contagiosi, quia per solam qualitatem parentem contagij interimunt. Ergo peripneumoniarum non verè, in hoc casu pessimæ erunt: & febres quædam præfocantes, & aliæ hecticis similes. Cum verò vt dictum est, qualitas hæc praua, necessariò sit exigua: sequitur, vt contagium quod ex consuetudine contrahitur, exiguum sit, nec efficere potest quicquam effatu dignum: quia ferme tota vis est in ambiente. Quod etsi multi inuiscendo agros & proximos & notos pereant, id contingit potius ex timore quam ex contagio & ob hanc causam medici paucissimi ex pestilentia communi moriuntur: ex ea verò quæ fit per consuetudinem, omnes ferme, si inuiserint. Et ideo antiquo tempore etiam Hippocrates & Galenus inuisebant in pestilentia agros, sine discrimine. Animaduertendum est circa duo: Primum, quia dixi, quod aer non potest esse valde prauus vnuquam, sed exiguum necessariò habet qualitatem, quod regula hæc vera est de aëre libero & quieto nam aer specuum, qui repente occidit, & sepulti frumenti, & sepulchrorum, & aer pestilens qui fertur per ventum validum etiam in pestilentia communi, id est ab astris, potest occidere in tribus vel quatuor horis: quia motus impressionem qualitatis & ita etiam aer valde frigidus post aerem valde calidum, potest asferre breui mortem. Secundum, quod contagium ex consuetudine,

Prim. qua.  
dripartit:  
6.2. in pr. seu  
tex. cap. 10.  
Tex. com. 4.



si pendeat ex pestilentia bubonia, id est, quæ non pendet ex aëris dispositione: illud poterit interficere breui. quia est res propagata sicut venenum: & occidit per se ratione vaporum: & est cum perfecta putredine, & est aliud genus, valde diuersum à primo, quod incognitum fuit Hippocrati & Galeno. Quibus visis, considerandum est, an ex peste communi quæ sit ab aëre, possit fieri pestis contagiosa, vt isti credunt communiter? Et dico quod non: sed contingit per accidens, ex multitudine corporum insepulcorum, vt eleuentur vapores, qui efficiant pestem buboniam. Et ita post magnas clades præriorum, & non solum hominum, sed locustarum, si putrescant: fieri potest pestilentia bubonia. Quare concludo, quod generalis pestilentia aëris non potest generaliter facere pestem buboniam, sed potest ex effectibus producere causam pestis buboniæ: id est, quæ ex conuersatione contrahitur. Et hoc fecit Deus Gloriosus: quia si pestis communis posset per se transire in buboniam, cum quæ ab aëre sit aliquando sit communis toti orbi, (vt de illa quæ fuit tempore Antonini & Galieni, & ea quæ fuit anno 1339. & perseverauit quindecim annis) posset & secunda esse communis toti orbi orbi: & ita interiret totum humanum genus, quia non possent se tueri ab vno & altero simul. Et cum hoc accidit in vna provincia, destruitur ferme tota. Imò, quod maius est, plerunque vna prohibet aliam, quia absument corpora parata ad contagium: & ita reliqua cum robusta sint, non facile peste corripuntur. Ex hoc patet, quod qui ægrotant in principio cuiusvis sæuæ pestilentia alterutrius generis, omnes ferme moriuntur, & circa finem seruantur multi. Omitto quod constitutio in communi sit facta imbecillior in fine, in contagiosa ex consuetudine hoc non accideret: sed contingit in vtraque, quod primo afficiuntur corpora imbecillia, & cacochyma: & ideo euadere non possunt: in fine valde remota tum robore tum puritate à contagio, ideo euadunt. Præterea corruptiones illæ aëris in bubonia, cum panem dicunt murescere, non contingunt nisi ex vaporibus, qui sunt proprii illi regioni, vtpote ex clade, vel sepulchro recluso, vel exhalatione terræ, vel si mortui non sepeliantur bene nam non possunt pertinere ad constitutionem aëris: ideo apparent ignes, & aër puluerulentus. Et breuiter, contagium buboniæ est in vaporibus & proprius vni regioni, & communis in aëre ipso, & est generalis. Et si coniungantur, vt dixi, valde mala res est. Ex quo liquet, quod datur tertium quoddam genus pestis, quod est quasi medium inter buboniam & communem: quia communis est in aëre, bubonia solum in hominibus ac vestibus: media est, cum aded sauerit bubonia vel communis, vt ex cadaueribus aër corruptis vaporibus repleatur. Sed vnam transire in aliam, est absurdum. Et quia dixi, quod aër in communi pestilentia leuem necessarium adipiscitur corruptionem: dixi quod generaliter verum est, neque enim me latet, aliquando contingere in multis annorum periodis, vt qui sunt in medietate citra æ-

quinoctij circulum versus Boream, pereant ferme ad vnum ex communi pestilentia, corrupto aëre valde: sed alij in contraria parte seruantur, quia non est eadem comparatio causarum. Cum ergo queritur, an morbi sint contagiosi: dico, habet quadruplicem sensum hoc queritum. Primum, an fuerint morbi communes: ergo cum non fuerint nisi ex aëre, igitur fuerunt contagiosi sub hoc sensu. Secundus sensus est, vtum fuerint contagiosi, id est, consuetudine propagati: & respondeo quod sic, quia fuerunt morbi communes ex latente, & non manifesta qualitate: ergo cum corruptione aëris, ergo contagiosi: sed, vt dixi, leui modo: aded vt hoc contagium non debuerit esse in consideratione. Tertius est, an fuerint contagiosi, vt sunt bubonij: & dico quod non, sed si mortui sint aliqui hoc modo, contigit ex timore. Dico tamen, quod versari cum agris cuiuscumque modi parum est vtile, præcipue cum laborant partes pectoris, vel cum consuetudine lecti. Quartus est, an præter vim aëris alicubi essent contracti vapores ex putredine: & respondeo quod non, vt declaratum est in libro de Venenis: neque enim fuit aliqua putredo, prout putredo est perfecta, sed corruptio tantum. Fuerunt tamen vapores ex prauitate aëris, quia cum corrumptur aër, necessarium corrumuntur vapores, non tamen contrario modo.

Hæc satis de præteritis: de præsentibus pauci ob causas dictas ægrotant, & qui ægrotant, maxime lateralibus morbis corripuntur, & lethalibus: quoniam, vt dixi, diu exassata destillatione sunt.

Vt verò de futuris dicam, cum ex multis adductis ex Hippocrate ostenderimus, hyemis decursum non reddere nos tatos à morbis veris, neque æstatis, neque aliorum temporum: omitto modò quod posset succedere *ἐν φουλαίᾳ* aliqua magna intemperies aëris, quæ morbos generaret in vere: dico vbi omnia rectè succedant, adhuc expectandos esse aliquos morbos communes pro ratione locorum. Et ratio est, quia segregata materia tenui ex defluxionibus & etiam per victus tenuis rationem, nihilominus fex illa relicta est in corporibus ex immoderata & longa caliditate & siccitate, quæ primum augebit morbos Romæ familiares, qui duo erant Galeni tempore, defluxio pituitæ à capite, secundo de Temperamentis, & hemitritæ. Vnde secundo de Differentiis febrium: Quotidie ferè nos huiusmodi febrem videmus, potissimum Romæ, sicut enim aliis in locis alia, sic in illa ciuitate hoc mali abundat. Et primo in primum de Morbis vulgaribus: Quæ ex sola bile generatur, ei tertianæ nomen est: quæ verò partem assumpsit crudum humorem, exquisita efficitur semitertiana: Romæ illa incolis frequentissima, vt quæ sit illius vrbs familiarissima. Causa fuit olim: vt colligitur quarto in sextum de Morbis vulgaribus, quod non aqua Tyberis, quæ prorsus mala est, vt dixi (neque enim tot Imperatores latere id potuisset, quod defecata esset bona) sed fistularum, vt Tiburtina aliisque vterentur, puræ quamuis limpida & clara, sine odore villo iucundæ sint:

attamen

Cap. 6. ante  
med. cap. 8.  
com. 25.

Com. 10.



astamen non ut fontium concoctæ, sed valde crudæ erant, & quibus vix legumina coquerentur. Ex horum igitur genere morborum sunt omnes febres compositæ, & laterales morbi, qui cum similibus, velut læuitatibus intestinorum, in senibus plus iusto, vere, pro ratione temporis, quod saluberrimum esse solet, erunt Ratione constitutionis, attoniti morbi aliquot, & resolutiones, & furores, aut melancholiæ: nihil tamen magnum aut popolare, sed magis febres, propter rationem dictam, laterales morbi perniciosi, quod hyems clemens (talís enim dicitur hæc) atque austrina, non ab austris flantibus sed suspirantibus: ut tandem discant medici, præsentis temporum status, cum adsunt: nam plerique sola nomina norunt. Si ergo *ἐν φθιναίᾳ*, quæ intra quinque vel sex dies inchoare solet, ut tardissimè intra duodecim, frigora sæua euenerint, tunc erunt sacri ignes maligni, & febres ardentes, & phrenitides, lethargi, lippitudines, carbunculi, alui turbata, ciborum fastidia: atque in huiusmodi vrinæ turbata, multa, mala, & maculosæ febres: quoniam iamdiu factæ sunt endemiæ his regionibus & laterales morbi endemij temporis & regioni. nam & tertio Epidemiorum per hyemem bene se habuerunt: & fuerat, ut hæc, humida, mollis, & austrina, & post arcturum aquæ multæ: & æstas fuit serena, calida, cum æstibus magnis. Hoc est ergo primum periculum, si admodum frigida fiat *φθιναίᾳ*: & similiter si ver, sed non tantum, quia frigus non adeo magnum esse potest, neque diuturnum, ut in *φθιναίᾳ*. Secundum, ubi ver esset humidum valde, æstate carbunculi & febres pestiferæ exorirentur, ut declaratum est in libro de Venenis: & hoc circiter decimam Iulij: per caniculæ dies, atque eo magis si feruida esset, & vulturni leues flarent nam turbulenta esset, neque sicca, neque pluuiosa, sed nubilosa. Tertium est, ubi ver esset aquiloniam, valde frigidum & siccum, tunc essent morbi attoniti plures & frequentes, mortes repentinæ: maximè Florentiæ & Romæ, etiam non pauca: Florentiæ quidem, propter aërem siccum, & temperaturas melancholicas: Romæ, ob humidum ex aquis aërem, qui est impurus. Nec hæc sibi contradicunt aër enim humidus secundum substantiam esse debet, & siccus: id est, purus ratione vaporum unde Romæ & Florentiæ malus aër: Romæ ad morbos magis paratus, Florentiæ ad vitæ breuitatem. Generaliter dico, cum desit etiam signum Georgij, hoc anno non est timendum à peste quæ ex aëre ortum ducit, usque ad ver.

3. Aph. 11.

Et ut exquisitius res hæc possit haberi, sciendum quod Hippocrates plerumque in mutationibus temporum non assumit nisi vnum tempus anni medium, ut diiudicet de sequenti velut in Aphorismo illo: De temporibus, siquidem hyems sicca & aquilonia fuerit, ver verò pluuiosum & australe, necesse est æstate, &c. non assumit ver. Galenus verò non animaduertit, quod non assumit nisi veris, non hyemis constitutionem: sed sufficit humidum præter naturam, cum ca-

lore æstatis naturi, ad pronunciandum de statu æstatis. Ut ergo hoc maximè & apertissime declararet, assumpsit hyemem non solum naturalem, & etiam contrariam: adeo ut liceat inferre si hyems fuerit secundum naturam: ver autem Austrinum & humidum, erunt etiam hæciora, & efficaciora. Quod si hyems fuisset etiam australis & pluuiosa, tunc non solum erent morbi acutissimi, & febres malæ, sed etiam pestilentes. Hoc autem declarat in le Aphorismo: Si verò aquilioni & siccus, bi ex immoderata frigiditate & siccitate, quamvis hyems non soleat parere morbos graues acutos, tamen dicit febres acutas fieri & atras biles. coniunxit autem immoderantiam qualitatem congruentem duorum temporum, sed saluberrimam, utpote siccam & frigidam, & tempus saluberrimum, saltem quod ad acutos pertinet morbos, scilicet hyemem, & tamen pronunciat de morbis grauib. Propterea in libro Aere & aquis, iungit duo, scilicet constitutionem temporum duorum similium, & morbosam, sed non in tempore morbofo, & tamen hæc habet: Si autem æstas pluuiosa sit, & austro multum perflatur, similisque sequatur autumnus, necesse est hyemem morbidam esse: & his qui praua abundant, & qui quadragesimum annum excesserunt, febres ardentes fieri verisimile est: qui verò bile abundant, costarum inflammationes, & pulmonis. Vnde constat, quod si hæc inciderent in æstatem, tunc adessent omnia quæ necessaria sunt ad morbos perniciosissimos, & plurimos sed hoc declarauit in tertio Epidemiorum. Vbi ergo temporis constitutio fuerit morbofa, & inciderit in tempus cuius qualitas alia non fuerit morbofa, tunc iubet Hipocrates expectari tempus succedens velut ver austrinum & pluuiosum habet qualitatem humidam morbosam: sed quia non habet calorem sed temperamentum in actiuis qualitatibus, morbi differuntur, donec venerit æstatis initium, ut calor humido iungatur, & efficiat morbos. Sed si in tempus incidat, quod habeat qualitatem ad morbos faciendos idoneam, tunc erunt morbi in eodem tempore. Vnde dicebat in secundo Epidemiorum: Carbunculi in Cranone æstiu, pluebat in ardoribus aqua larga: continebat hoc per totum, & maximè ab austro. Quia tamen non erat nisi vnum tempus vitiatum, non fuerunt morbi pestilentes: & similiter si duo tempora succedentia, vnum qualitatem vnā, aliud aliam: ut si ver humidum, æstas calorem subministrant, fient morbi: sed neque pestilentes. Sed si tria tempora coeant simpliciter, ut hyems, & ver humidum, & æstas naturalis, fient morbi maligni. Sed si tertium tempus alia qualitate propria qua morbum facit exuperet, fient morbi pestilentes. Et similiter si duo tempora congeminentur, fient etiam pestilentes ut si ver sit austrinum, pluuiosum, & valde calidum, & similiter æstas, fient morbi pestilentes. Scire autem decet, quod Hippocratis mens est, quod talia eueniant necessariò, & non sint coniecturalia & dubia, ut isti putant. Et ob id passim addit, Necesse est hæc

Pag. 8.

sect. 3. constitutioni pestilenti.

Sec. prim.



hæc & illa enenire. Et rapid ostendit: quoniam aëris constitutio, cum nos die noctuque aërem perpetuo hauriam, & ex corde, & cerebro ut nostrum corpus immutetur. Et præsertim ad quatuor genera morborum febres, ob cor: abscessus pectore & pulmone, quia eò trahitur aër: & gutturis, synanchem vocant: & cebra, & ophthalmias, quia cerebrum haurit aërem, & oculi facillime patiuntur ob copiam sanguinis, & spirituum qui ad illos deferuntur. ophthalmiæ enim febribus proportionem respondent, ut etiam Aristoteles prima Problematum: sic abscessus pectoris cerebri abscessibus: & in his maxime consistunt pestilentia. Sequitur ergo, constitutio pestilens: ut ergo & pestilentia sequitur nam humanum consilium generaliter ob tot errores & necessitatem non potest resistere constitutionibus aeris. ideoque pronunciat Hippocrates, ad iiciens hoc verbum, Necessè est. At si constitutio non minetur pestem, non possumus tamen securè dicere, non erit peis: sed dicimus, non generalis in tota provincia ex aëre, sed, vel si succedat, erit non generalis: ut si ex cadaveribus in præliis, vel aperto aliquo ingenti specu pravocorumpatur aër in ea regione: aut erit circa aëris corruptionem, propter famem, quæ non solet ad eò esse generalis, quanquam & ad omnes perveniat, ut dictum est in libro de Venenis, seu potius in primo libro (sunt enim tres) aut propter contagium, quod etiam ponitur ab Aristotele, & fuit illi cognitum: ut prima Problematum ex quo mirum est, cur quasi latuerit Galenum, qui post illum fuit. Sed ibidem hæc declarata sunt. Ex hoc patet, cur Hippocrates modò unum tantum tempus assumit, in pronunciando de morbis, ut secundo Epidemiorum: modò duo, ut in libro de Aëre & aquis, & tertia Aphorismorum, cum præcedens fuerit contrarium primo assumpto: modò tria, ut in eisdem locis, cum præcedens fuerit simile, ut hyems veri: modò quinque cum vult pronunciare de ingenti peste. Et quòd necesse est assumere plura tempora in duobus casibus, vel cum volumus pronunciare de magna multitudine morborum, ac prauitate: vel cum tempora parum recedunt à naturali statu, & ad qualitates minus morbificas, ut frigus & siccitatem. Propterea dixit in quinto Epidemiorum: In illa media constitutione (non enim numeravi illam inter constitutiones, quòd imperfecta & mutilata esset (siccitates multæ post Favonium factæ sunt, usque ad æquinoctium autumnale: sub Canem æstus validi, calidi venti, febres sudorificæ, tubercula iuxta aurem multis oborta sunt, Favonius siccus ventus post æstatem. Verisimile est auctorem loqui de æstate anteriore converso modo, ne interponeret hyemem totam, & ver, & medietatem primam æstatis: Neque scribit quando fuerint febres sudorificæ, & tubercula. Verum credendum est, in ipso æquinoctio, & post subsecutos imbres: id eò ex corruptione aeris immodicè siccis, & prius etiam calidis, exurentis humores, quasi diluto veneno in multo humido ex imbris genito, factas fuisse febres sudorificas, & tubercula. Sed iam declaremus unum pro exemplo ex difficilioribus, quod est Georgij scilicet: Cur ver præter naturam loci vehementer frigidum, faciat pestem sequenti æstate quod etiam est Hippocratis tertio Epidemiorum, cum inquit. Quum autem esset annus austrinus, humidus & mollis per hyemem quidem sani degebant, exceptis tabidis. Ante ver autem, simul cum orientibus frigoribus, sacri ignes multi quibusdam cum occasione, quibusdam non: atque hi maligni multos peremerunt: multis fauces doluerunt, voces vitiatæ, febres ardentes, phrenitici, ora ulcere feruido affecta: in pudendis tubercula, lippitudines, carbunculi, alui turbata, ciborum fastidia. Inde non multo post subiicit: Cœperunt igitur febres ardentes ante ver: itemque phrenitis post facta frigora: & plurimi tunc ægotarunt. Nec refert quod in primo dixerit, Ver autem frigidum aquilonium, aquosum, nubilum. Nam non fuit nec siccum, nec cum magnis frigoribus. Nec quod post: Circa æquinoctium hyemes maximæ ver aquilonium, siccitates, pluviae paucae frigidae: circa solstitium æstium aquae paucae, magna frigora usque ad Canem. Nam hyemes, id est tempora humida fuerunt, & quod subsecutum maxime frigidum, ut neque ante propter humidum, neque post propter frigus, morbos generare potuerit. Sed audi illum in quarto: Circa solstitium hybernum aquilonares venti erant, morbo regio corripiebantur, abundè colorati, & partim horridi, partim non, linguæ combustæ tertia die. Ut clarum sit, frigus ipsum vehementer cum ventis aquilonaribus etiam hyeme obesse, quanto magis vere: Nam coacto humore intus copioso, & ultra metam, aduruntur: quoniam calor non potest exhalare, ideo putrescunt vehementer, & morbos generant pestilentes. Si enim ver secundum naturam, & cum hoc quod exhalare facit humores, generat furores & atra biles, morbos comitiales, & attonitos. quales generabit morbos, cum ipsos humores exhalare prorsus prohibuerit, & præter naturam fuerit? Certè longè plures, & lethalissimis lethaliore. Ex aëris autem præsentis qualitate, Aristoteles docet turbulentum, qualis est iuxta lacunas & stagna hyeme, si perseveret æstatis tempore, vel etiam autumnii initio, dum adhuc calet aer, pestem brevi futuram prædicere. At ex ortibus & occasibus siderum (ut iubet Hippocrates in libro de Aëre & aquis ac locis) ut dixi, observatum est, quoties Pleiadum matutino sub occasu, qui sit autumnio, Sol, Venus Mercurius simul fuerint in Scorpione, cum Saturno aut Marte, vel Saturnus aut Mars inter Pleiades tunc fuerint: aut regio illa talis fuerit, ut alter eorum sit in Leone, & meridie, dum Sol oritur, ex Marte quidem per pestilentes & acutissimos morbos plurimos ipso eodem tempore interire: ex Saturno autem, acutos non simpliciter, sed & diuturnos, eodem modo. Oportet autem saltem per octo dies permanere. Ex huiusmodi igitur rationibus facile est, ut liquet, præscire

Probl. 8.

Probl. 7.

Pag. 12.

Const. pesti. lenti.

Const. 2.

Const. 3.

Pag. 2.

3. Apho. 11.

Pri. prob. 21

Pag. 2.



præscire cuncta quæ in annis euentura sunt, præsertim medico, vel philosopho, circa morbos, præcipuè quatuor illos iam dictos, cum pestilentes futuri sunt, aut non, considerare atque præscire, prædicereque. Sed iam ad institutum redeamus.

Cap. pri. in  
prim.

Quantum periculum est ex annonæ caritate, in qua tot pauperes moriuntur. Nec est quod quis putet, vt quidam simplices aut improbi credunt, aut credere simulant, quod debeant perire fame, id est defectu ciborum prorsus: hoc enim vix vnuquam accidit, sed moriuntur fame, quod coguntur edere cibos malos natura, & etiam corruptos. Vnde Galenus in libro de Cibis boni & mali succi, longa serie docet, quod cum primo omnia cerealia defecissent, post etiam legumina, rustici coacti sunt edere radices & germina agrestium plantarum, & herbas etiam incognitas, vnde vere & æstate facta est pestilentia illa generalis, sed non contagiosa, nec primi nec secundi modi: quæ tamen tandem transit in pestem contagiosam, non buboniam, ex qua passim moriebantur, tam qui bono quam qui malo essent vsi regimine. Quod licet Galenus ibi non aperte dicat, cognoscitur tamen ex historia Eusebii Casariensis, & ex dictis ipsius Galeni, qui plures nobiles, & seipsum fatetur correptum esse, vt dixit in libro de Libris propriis: vt solum id in dubium reuocare liceat, cur post famem pestis succedere soleat, & afficere etiam non tantum illos qui malè vixere, sed qui bene. Et dicam quid sentiam. nam & Eusebius refert, Christianos, qui tunc in villis habitabant tempore pestis Maxentij, quæ fuit posterior pestilentia, cuius meminit Galenus (nam ob religionem, ab vrribus prohibebantur) multo minus vexatos, quanquam fame premerentur ob paupertatem, quam qui in vrribus. Causa erat, quoniam (omitto modò, vt ille rectè dicit, quod Deus suis faueat) qui in villis degunt, magis subiiciuntur pestilentia communi non contagiosa: qui in vrribus, bubonia. nam qui in villis sunt, primum vberiore habent copiam germinum, & herbarum ac radicum, & recentium & incorruptarum, & liberiorè aërem: ideo morbos plures contrahunt. & quia robusti sunt, si materia protrudatur ad cutim, fiunt carbunculi, & pustulæ, & enadunt, vt Galenus ibidem dicebat: neque est aliquid ex terrarum quod possit gignere buboniam pestem, præter fungos, & hoc etiam rarò. & ideo rarò ad illam deueniunt. at qui in vrribus, primum herbas & germina semiputrida comedunt, & præter id carnes corruptas, salitas, recentes, & animalium non esui aptorum: præterea sanguinem, pisces, caseum, corrupta, at ex his bubonia & deterrima pestis generatur. Et hoc latuit Galenum, quia non nouit pestem buboniam ideo propagatur tempore famis, in vrribus maximè, vbi aër non est corruptus, contagium consuetudinis, & corru-

Tom. V.

ptionis aëris ex vaporibus: in ruribus autem, pestis ex cibis. Ex quo patet, quod sunt quatuor genera pestis: Commune, quod fit ex corruptione aëris, vel aquarum, quod (vt dixi) est contagiosum, id est ab aëre: & etiam à consuetudine, sed leuiter, & est impressio ab astris, & non potest gigni (vt putant stulti) neque ob inopiam rei frumentariæ, neque alia causa, sed est à Deo, & cælo. Secundum est ex cadaverum multitudine, exhalatione terræ, & locustis: & hoc fit ex vaporibus, & est contagiosum ab aëre, non à consuetudine, sed persæpe generat pestem buboniam. differt à primo, quia est in vaporibus, non in aëre, vel aqua. Tertium est ex consuetudine, & contactu, & est bubonia pestis: & est cum vltima putredine, & potest generare secundum genus, & inficere aërem vaporibus lethaliibus, & est pessima celeritate mortis, & multitudine morientium: & quia pauciores seruantur. Quartum est, quod fit ex fame: & si comedant cibaria agrestia, non permutatur, nisi quandoque in secundum genus. si autem comedant res corruptas, & maximè ex animalibus, permutatur in buboniam. Et recitat Auenzoar, quod aliquando fuit tanta fames in Africa, vt homines eruerent ossa è sepulchris (horribile auditu) & comederent medullas, & statim mortui concidebant. Et de his non est dubium quin facta fuerit pestis bubonia, ex tanta putredine. Et sicut primum genus non potest fieri ab aliis vnquam, sed potest esse causa omnium aliorum, vt dictum est: ita bubonia pestis necessariò fit ab vna aliarum semper, & per accidens. Et hoc declaratur, quia cum non fiat à cælo, nec aëre, nec sit perpetua: igitur oportet vt oriatur casu ex aliis, vel etiam per putredinem linteorum sepulchrorum, vel exhalationis alicuius corruptæ. Et nullum genus etiam, præter primum, potest esse generale toti orbi, sed vni prouinciæ tantum. Dico ergo, quod ob diurnam famem quæ perseuerat, periculum est ne succedat vnum ex tribus generibus pestis: & forsan possent coniungi duo, vel tria. Et tandem vt dicam quod sentio, vbi perseuerauerit fames, necesse erit vt hoc contingat.

Propterea sciendum, quod humores gignuntur prauis in corpore, ex cibis prauis: qui si sint ex plantis, non eò corruptionis deneniunt, vt faciant pestem buboniam, quia non perfecte putrescunt. quod apparet experimento: si causis & caro putrescant, odor caulis parum sentitur, nec est horribilis: at carnis est foetidissimus. Corruptio ergo humorum ex plantis genitorum, diu seruari potest, & ad extremam putredinem non peruenit: ouorum, piscium, carnis, & eorum quæ lacte constant, ad summum peruenit putredinis, & statim vt etiam concoctio optima est. Deus enim rectè cuncta dispensauit, optima pessimis opponens. Aqua non bona, non mala. Vinum optimum, pessimum: olera non bona, mala parum: caro optima, pes-

3 Theisr.  
Tract.  
3. c. de feb.  
Pestilenti.

C

sim



lima. Ergo concepti iam humores cum aduruntur, morbos lethales efficiunt: at tamen pestem buboniam non gignunt. Non enim, quod medici falso putant, exustio ad veram pestem, quæ est putredo & contagium primi modi, deducit, sed ad contagium secundi. Voco primum & secundum modum, ut in libro de Venenis, quoniam quæ ardent, siccantur, sicca minus perfecte putrescere possunt. Seruantur autem humores diu in venis, & si in constitutione praua possunt ferme per duos annos, aut saltem plus quam per annum seruari: quanto diutius, si tempora non declinent multum à suo naturali statu? Et ideo ad propositum veniendo, fieri potest ut humores ex mala constitutione geniti seruètur ad multos annos, & tandem perimant. Et dedi exemplum de alimento ex cucumeribus, in libro de Venenis. Si ergo non fuerit famæ causa pestilentia, non video aliam causam, loquendo de pestilentia alia à primo genere. Et hæc de generali dispositione, & quo ad Romam. nam fieri potest ex his quæ adducta sunt, ut in aliquibus vrbibus atque oppidis contingant euentus quidam admirabiles: quod non solum verisimile est, sed necessarium, propter tot causas: famem, constitutionem præteritam, rationem victus in pluribus locis malam, & tot fortuita quæ contingere possunt. Solet enim dici: Qui sæpe iacit, aliquando collimat. Velle autem hæc specialiter quærere, nec est in petitione: & laboriosum esset mihi inter tot occupationes. Et etiam Hippocrates secundo Prædictionum, iubeat nos abstinere, quantum possemus, à prædictione futurorum. Superiunt autem solum duo dubia.

Primum, quia forsitan dicet aliquis, Cur non censendi sunt morbi pestilentes qui præfuere, cum tam multos interemerint? & si pestilentes, etiam contagiosi. Respondeo, quod morbi epidemij non dicuntur pestilentes, cum multi moriuntur: sed cum maior pars ægrotum: gratia exempli sit, ut in vna vrbe ægrotent decem mille viri, & moriantur tria millia ex his: in alia autem ægrotent mille tantum, & moriantur septingenti: prima vrbs dicitur laborasse epidemio morbo solum, licet plures perierint, & secunda pestilenti: est enim pestilentis morbi, quod in multis viguerit, & plures perierint quam seruari potuerint. Ideo si triginta solum in vna vrbe ex eodem morbo pereant, etiamsi nulli alij ægrotauerint, non dicitur pestilens morbus: quia ut sit pestilens, necessarium est ut sit epidemius & ut sit epidemius, ut sit in magna parte habitantium: & non sit consuetus, aliter diceretur Endemius, non Epidemius. Ideo dico, quod fuit morbus epidemius, non pestilens.

Secundum dubium est, Quænam febres fuerint, quæ hos morbos concomitantæ sunt? Quidam dixere, continen-

tes, & synochas. at constat tales esse ar dentes, non lentas, ut pleræque fuere. Deinde quia perire multi ex suffocatione, non ex vi febris. Materia etiam erat maiori ex parte pituitosa. Et peripneumoniarum in hoc differunt ab erysipellate pulmonis, quod maxima ex parte fiunt ex pituita: ut in vndecimo Contradictentium docuimus. Propterea ad pauca respicientes, de facili pronunciant. Non negauerim, aliquas fuisse febres, continentes sporades: nam etiam in singulis constitutionibus communibus eueniunt morbi Endemij, id est, loco vel tempori proprii, & sporades: sed morbi Epidemij habuerunt febres infra mediocritatem. Et pulsus non eleuabantur ad symmetriam, quod est proprium continentium. At & hic medici refugiunt ad suas febres occultas, & sepultas: verè utrumque, occultas illis, & quæ ad sepulturam deducebant. Dico ergo breuiter, quod huiusmodi febres erant ex his quæ consequuntur collectionem, ut declaratum est à nobis in Arte medendi parua, quam nos confecimus. Et non sunt hæcticæ, nec putridæ, nec ephemeræ: Et si dicant (quod scio statim dicturos) ex primo de Febrium differentiis, non possunt esse plura subiecta, ut ex Hippocrate sexto Epidemiorum, quam continentia, contenta, & impetum facientia, seu membra, humores & spiritus. Dico, quod ibi Galenus diuidit febres per se. Si tamen velis esse febrem vnus ex his generibus, ut Galenus tertio de Præ-

Contrad. 7.

Cap. pri.  
sec. 8.

Cap. 4.

Prima 4.  
tract. 1.  
cap. 1.

Ex contagio autem primi modi etiam multos



Sec. prim.  
Pag. pri.

Cap. 20.  
c. 18. & 19.

Sec. 3. in pr.

3. Aph. 11.

Aph. 12.

Aph. 13.

multos, imò plurimos, qui non nouerit, plus medendo quandoque nocebit quam iuuabit: seruabitque ægri non multos: nisi ex eo genere morbi sint quod non fit lethale, quanquam grauis: velut Hippocrates recitat de illis ægris primo Epidemiorum, qui vehementer conflictati euadebant. Neque hoc ignorat vulgus, qui plus his empiricis tribuit, quam medicis. Nos autem de his, quod nondum ingruant, nec interrogati sumus, dicere superfedemus, satis enim est eam curam me explicasse in tertio de Venenis. Itaque & horum, & illorum scilicet qui ex aëris vitio morborum fiunt, per singula genera curam enarrauimus. Nam nisi præcipiti nimium morte perimat, ut ea fuit pestis quæ ab anno M. CCCCXXXIX. quindecim perpetuis annis totum peruagauit orbem: prudentis medici munus erit, obuiam ire tum in singulis, tum in vniuersis. At in huiusmodi securior est custodia, quam cura. Quanquam, ut dixi, & cura, per ea quæ propriè opponuntur, admirabilis sit. Nos itaque per genera, ut diximus, singulatim eam tractauimus. Liqueat enim ex coniugationibus temporum, simplices pestilentes cum his quæ fiunt ex duorum comparatione, & anhuas, ad numerum mille septuaginta octo peruenire. Quod facile sic colligimus: In aëre octo possunt esse simplices intemperies harum singulæ & per se, & cum borealibus ventis, vel austris iungi possunt, ut sint sexdecim. E quibus sex sunt humidæ, quæ possunt esse imbriferæ atque serenæ: itaque sex illis duplicatis, fient duodecim: additis autem decem reliquis, fient viginti duæ, quæ veri congruere possunt. Vnaquæque harum singulis æstatis iungi potest. Ductis igitur viginti duobus in se, fient constitutiones veris, comparati ad æstatem, CCCC LXXXIII. totidemque autumnii ad hyemem collati, eruntque in vniuersum DCCCC LXVII. Quibus si singulorum temporum simplices, octuaginta octo (sunt enim quatuor tempora) & totius anni viginti duæ addantur, fient omnes coniugationes temporumque constitutiones mille septuaginta octo, præter eas quæ imperfectæ appellantur: velut in sexto Epidemiorum: Tusles (inquit) cœperunt ex frequenti australium & aquilonarium, & nimborum transmutatione. Est & vna inconstantis temporis, de qua Hippocrates tertia Aphorismorum: In temporibus quando eadem die modò calor modò frigus fit, autumnales morbos expectare oportet. Omnes igitur M LXXXIX. Quæ ad tria genera reducuntur. Leues vnius temporis, velut in Aphorismo illo: De temporibus, siquidem hyems sicca & aquilonia fuerit. Duorum temporum, velut in sequenti. Trium temporum, ut cum ex duobus in tertio secundum naturam prædictio fit, ut in illo: Si verò aquilonius & siccus. huiusmodi numerum non augent dicuntur enim duorum temporum constitutiones, quia tertium tempus secundum naturam est. Etenim quæ duorum temporum sunt, aliæ habent tempus secundum, iuxta naturam suam

Tom. V.

& dicuntur mediæ inter eas quæ sunt vnius temporis, & duorum. ad numerari tamen debent constitutionibus vnius temporis: ut quæ in Cranone, Epidemiorum secundo. Similiter & quæ in duobus, aliæ quidem in secundo tempore morbos decernunt, quæ non tam validæ ut quæ in tertio secundum naturam: vocantur tamen duorum temporum, quia solum duo tempora à naturali statu euariant. Ita erunt quinque genera constitutionum apud Hippocratem: Mitissimum, cum in vno tempore fit permutatio & morbi: Mite, cum in vno tempore fit mutatio, in sequente autem secundum naturam, morbi: Mediocre, cum in duobus temporibus mutatio fit à naturali statu, sed in secundo eorum fiunt morbi: Vehemens, cum mutatio fit in duobus temporibus, morbi in tertio, quod secundum naturam sequitur: & Violentissimum, cum mutatio à naturali statu fit in toto anno, & est tota similis & vniuersi aut etiam si plus duret, morbi autem insequenti anno apparent, postquam constitutio præter naturam cessauit. Vnde etiam illud animaduertendum, quod tempora præter naturam quandoque præsentem faciunt morbos, cum calida & humida fuerit constitutio, aut venti mutantur in contrarium frequenter: aut si valida est multum: secus autem fiunt morbi in temporibus secundum naturam, qui illis succedunt. Inconstantem ex ventis australibus & borealibus consecuta sunt angina, sexto Epidemiorum: è quibus mortui sunt qui febricitabant, ceteri seruati sunt. Oporteret autem solum tamen eas obseruare, quæ evidentes habent qualitates, & conspicuas constitutiones validas & firmas, ac diuturnas: ne pulcherrimum inuentum Astrologorum more fœdetur. Quas cum quis diligenter obseruauerit, & ad causas suas retulerit, non solum securè & tutè, sed magna cum admiratione de singulis temporibus prædicere poterit. Etenim si quis diligenter animaduertat, cuiusque harum prædictionem exemplo commonstrauimus: modò ne desit ingenium, solersque cura: Sed & vtiliore inuento etiam in singulis edoctus, per ea quæ diximus in libris de Venenis, occurret. In vniuersum enim septem sunt naturæ pestilentium morborum, ex aëris constitutione. nam cum tria sint membra vitæ, principalia, cor, cerebrum, iecur: hocque solum non respiret: duo reliqua ab aëris constitutione inficiuntur. aut igitur materia in cerebro collecta facit abscessum, fitque phrenitis: aut spargitur, oriturque atrabilis: aut emittitur ad oculos, guttur, venas, soporarias, fitque lippitudo, angina, attonitus: aut circa cor colligitur, fitque lateralis morbus ac peripneumonia: aut spargitur, oriturque acuta febris: aut expellitur dum prope iecur est, fitque difficultas intestinorum ex cana, & vrinæ ex gibba: aut in ambitu, gignunturque carbunculi, & sacri ignes. Manifestum est autem, quod ex his quæ dicta sunt, finis hyemis, & veris initium, laterales morbos & pulmonias habere debet: æstatis autem initium, si ver

Sec. pri.

Sec. 7.



## 28 Liber. De prouid.ex anni constit.

humidum & australe perseverauerit, febres acutas, intestinorum difficultates, lippitudines pestilentes secundi modi, iuxta naturam aëris constantem: omnis enim immoderata qualitas partium anni pestilentes morbos parere nata est, præsertim calida, & humida, & aquosa, & frigida, & sicca.

Hæc sunt, vir illustrissime, quæ mandante amplissimo viro Gubernatore huius almæ Urbis, inter multas occupationes sex dierum spacio absolvimus: ut Summo ac Beatissimo Pont. & tibi satisfaceremus, & communi utilitati pro viribus consuleremus. Nonis Martij, 1563.







# APHORISMORVM ASTRONOMICORVM SEGMENTA SEPTEM.

## SEGMENTVM I.



Ita brevis, ars longa, experimentum non nostri arbitrij, iudicium difficile, oportet autem non solum seipsum exercere in iudiciis, sed etiam aliorum, quisecondum rationem locuti sunt, scripta perlegere, ac causas naturales eorum, quæ experimento apparent, inuenire, loca etiam vera syderum habere, tum veros progressus locorum, ac veritatis amatorem præcipuum esse.

2 Scientia casuum tribus modis perficitur: quod futuri sint, quod occidant tandem, & quod tunc occidant. maximum est igitur scire, quid horum trium significetur.

3 Cum artes, quæ propriis subiectis inhaerent, nihil certi polliceri de futuris possint, Astrologus nunquam absolute quicquam de futuris pronuntiare debet.

4 Validas syderum constitutiones, natura tamen mediocres, in pauperibus ad infortunia, in potentibus ad egregia facta retrahes. Si tamen bonæ, cum hoc etiam valde

fuerint, aut malæ, foelicitatem aut detrimenta significabunt.

5 His quæ non secundum rationem sunt, non est fidendum, neque ut diuturna sint, sperandum.

6 Quibuscunque magnæ eueniunt repente foelicitates, his & detrimenta repente magna eueniunt.

7 Syderum locos ante diligenter oportet habere exploratos, quàm ad iudicandum venias, tum vero ex coniectura, velut eum Lunæ scimus locum, addito argumento latitudinis, capitis draconis, & reliquorum planetarum, per Solem.

8 Arithmetica nonnisi aliqua ex parte sciri potest. Ob id igitur motus astrorum nunquam perfecte sciri poterunt, nec iudicia quæ ex his oportet igitur singulis temporum curriculis, ex nouis obseruationibus motus syderum emendare.

9 Melius est longe, pauca rectè & firmiter scire, quàm multa erroribus mixta.

10 Bonum est scire, quantum quisque Planeta antecedit singulis annis, & rursus, circuitus eorum, necnon fixarum, & capitis Draconis.

### *Circuitus stellarum & syderum.*

|             | An. | Dies | hor. | mi. | sec. |
|-------------|-----|------|------|-----|------|
| Fixæ 49000. | 0   | 0    | 0    | 0   | 0    |
| Satur.      | 29  | 157  | 22   | 43  | 0    |
| Iupiter     | 11  | 311  | 23   | 0   | 3    |
| Mars        | 1   | 321  | 22   | 40  | 18   |
| Sol         | 0   | 365  | 5    | 48  | 41   |
| Venus       | 0   | 365  | 5    | 48  | 41   |
| Merc.       | 0   | 365  | 5    | 48  | 41   |
| Luna        | 0   | 27   | 7    | 43  | 7    |
| Caput       | 18  | 224  | 8    | 0   | 0    |

### *Progressus in annq.*

|     | Par. | mi. | sec. | ter. |
|-----|------|-----|------|------|
| 0   | 0    | 32  | 14   |      |
| 12  | 13   | 53  | 5    |      |
| 30  | 21   | 35  | 18   |      |
| 191 | 24   | 31  | 14   |      |
| 360 | 0    | 0   | 0    |      |
| 360 | 0    | 0   | 0    |      |
| 360 | 0    | 0   | 0    |      |
| 132 | 34   | 12  | 7    |      |
| 19  | 20   | 29  | 33   |      |

11 Sunt & præter septem planetas cognitæ stellæ in octauo orbe, in prima magnitudine 15. in secunda 45. in tertia 208. in quarta 474. in quinta 217. in sexta 49. obscuræ 9. nubilosæ 5. omnes igitur 1022.

12 Partes octauo orbis inanes, partim ex natura signorum, partim ex natura circumiacentium syderum constant.

13 Principia artis sunt tria, ratio, sensus, experimentum. Principia vero operationum sunt quatuor, Planetæ, partes cœli, fixæ & situs.

14 In coniunctione & quadrato, dirige locum planetæ & corpus, sed in oppositione, trino, & sextili, semper directio loci fit,

*Tom. V.*

computata latitudine radij.

15 Scies æqualitatem dierum, & inæqualitatem, quæ provenit, vel quia Sol mouetur celerius in absidis opposito, quàm in abside, vel quia arcus ab initio Capricorni ad finem Geminorum, celerius ascendunt arcibus reliquæ medietatis.

16 Cum volueris ex loco syderis habito per instrumentum, horam distantia ab aliquo principio, dando cuilibet parti minuta quatuor horæ, operare cum conuerso.

17 Manifestum est igitur, quod differentia tota, quæ contingere potest, erit horæ vnius, minutiarum quinque & secundorū viginti octo, quanquam paulo maiorem, sed

*C*

absque



absque differentia sensibili eam inuenerit Ptolemæus.

18 Scire etiam conuenit reuolutionem singulorum Planetarum in paruo circulo, in quanto tempore fiat.

19 Melius est modicum scire de rebus altissimis, quam multum de humillimis.

20 Astrologia altissima scientiarum est, tum quia de cœlestibus, tum quia de futuris, quorum scientia non solum diuina est, sed etiam vtilissima.

21 Quædam tamen sciuntur perfectè, vt circulorum ascensiones, quædam propinquo modo, vt Solis reuolutio, quædam sciri possunt etsi non sciuntur, vt reuolutio superiorum: quædam sub scientia sunt, sed

nunquam sciri poterunt, vt ingressus Solis in æquinoctij punctum: quædam nec sciuntur nec sciri possunt, vt mixtiones syderum ac vires.

22 Est autem quoddam supercœleste, quod hominem ad diuinandum iuuat.

23 Nullus Planeta in æternum redibit ad primum locum, nec etiam in longissimis temporum spaciis, ad locum pristinum secundum sensum, alius à Sole.

24 Stulti negligunt & contemnunt Astrologiam, qui contradicit ambitiosus est, qui maledicit fatuus, diuinum enim est arcanum, ob id qui naturalibus relictis causis, illi tantum inhæret, leuis est, oportet igitur adiuuari.

### Tabula æquationis dierum.

| Partes |     | 3  | 6      | 9  | 12 | 15 | 18 | 21 | 24 | 27 | 30      |
|--------|-----|----|--------|----|----|----|----|----|----|----|---------|
| Aries  | Gr. | 1  | 1      | 1  | 1  | 0  | 0  | 0  | 0  | 0  | 0       |
|        | Mi. | 55 | 40     | 24 | 9  | 55 | 40 | 26 | 12 | 1  | adde 11 |
| Taur.  | Gr. | 0  | 0      | 0  | 0  | 0  | 1  | 1  | 1  | 1  | 1       |
|        | Mi. | 23 | 32     | 41 | 49 | 55 | 0  | 3  | 6  | 5  | 4       |
| Gemi.  | Gr. | 1  | 1      | 0  | 0  | 0  | 0  | 0  | 0  | 0  | 0       |
|        | Mi. | 2  | 0      | 55 | 49 | 42 | 35 | 27 | 19 | 10 | 0       |
| Canc.  | Gr. | 0  | 0      | 0  | 0  | 0  | 0  | 0  | 1  | 1  | 1       |
|        | Mi. | 11 | 20     | 29 | 37 | 45 | 53 | 58 | 3  | 5  | 7       |
| Leo.   | Gr. | 1  | 1      | 1  | 1  | 1  | 0  | 0  | 0  | 0  | 0       |
|        | Mi. | 10 | 10     | 8  | 5  | 1  | 53 | 46 | 37 | 28 | 16      |
| Virgo  | Gr. | 0  | adde 0 | 0  | 0  | 0  | 1  | 1  | 1  | 1  | 2       |
|        | Mi. | 3  | 9      | 22 | 37 | 52 | 7  | 22 | 38 | 54 | 10      |
| Libra  | Gr. | 2  | 2      | 2  | 3  | 3  | 3  | 3  | 3  | 3  | 4       |
|        | Mi. | 25 | 40     | 54 | 7  | 19 | 30 | 40 | 46 | 55 | 1       |
| Scor.  | Gr. | 4  | 4      | 4  | 4  | 4  | 3  | 3  | 3  | 3  | 3       |
|        | Mi. | 5  | 8      | 7  | 5  | 3  | 58 | 51 | 42 | 31 | 19      |
| Sagit. | Gr. | 3  | 2      | 2  | 2  | 1  | 1  | 1  | 0  | 0  | 0       |
|        | Mi. | 4  | 48     | 31 | 13 | 52 | 31 | 9  | 47 | 24 | 0       |
| Cap.   | Gr. | 0  | 0      | 1  | 1  | 1  | 2  | 2  | 2  | 3  | 3       |
|        | Mi. | 25 | 46     | 7  | 29 | 49 | 9  | 28 | 45 | 0  | 15      |
| Aqu.   | Gr. | 3  | 3      | 3  | 3  | 3  | 4  | 4  | 4  | 4  | 3       |
|        | Mi. | 26 | 38     | 46 | 54 | 58 | 1  | 2  | 3  | 0  | 56      |
| Pisces | Gr. | 3  | 3      | 3  | 3  | 3  | 3  | 2  | 2  | 2  | 2       |
|        | Mi. | 51 | 45     | 36 | 27 | 16 | 5  | 52 | 38 | 24 | 10      |

### Reuolutiones Planetarum in paruo circulo.

|          |      |     |     |           |      |     |     |       |     |     |     |
|----------|------|-----|-----|-----------|------|-----|-----|-------|-----|-----|-----|
| Saturnus |      |     |     | Iupiter   |      |     |     | Mars. |     |     |     |
| An.      | di.  | ho. | mi. | An.       | di.  | ho. | mi. | An.   | di. | ho. | mi. |
| 1.       | 12.  | 20. | 24. | 1.        | 33.  | 15. | 24. | 2.    | 49. | 10. | 47. |
| Venus    |      |     |     | Mercurius |      |     |     | Luna. |     |     |     |
| An.      | di.  | ho. | mi. | An.       | di.  | ho. | mi. | An.   | di. | ho. | mi. |
| 1.       | 218. | 16. | 26. | 0.        | 115. | 21. | 5.  | 0.    | 27. | 13. | 8.  |

25 Difficile est indicare, per ea quæ scripta sunt: longe difficilius, artem ipsam tradere: difficillimum autem, artem ipsam inuenire.

26 Puer tunc nasci dicitur, cum aërem primum, per os inspirat, extra matris uterum.

27 Cum duplicaueris distantiam loci æqualis Lunæ à loco Solis: fit argumentum Lunæ medium cumque numeraueris partes

distantiæ Solis à superiore Planeta per motum æqualem, habebis distantiam ipsius Planetæ ab abside.

28 Et modus erigendi figuram, pro directione talis erit, vt non solum planetæ, sed & fixæ, cum suis dimensionibus imponantur, fixæ signiferi 246. & 27. extra.

29 Et conuenit, vt habeas instrumentum Planisphærio simile, magnum valde, diuisum in 3600. cum quo facies directiones sine labore



labore, tam directas quam conuersas Et eodem modo pro genituris, pones in tabula magna omnes fixas signiferi, & reliquas magnas extra loco suo ad vnguem, & in limbo exteriori partes & minuta latitudinis, pro imprimendo.

30 Est etiam vero simile, vt quilibet Planeta dirigatur per lineam, per quam defertur, vt Sol per eclipticam, & reliqui omnes per circulum suae latitudinis, & sic sciemus fixas, quibus occurrunt secundum corpus,

nam directio loci semper est per partes eclipticae.

31 Cum igitur ita sit, conuenit vt etiam radij, omnes eodem modo in illo circulo sumantur, quare oppositi Soli, cum modo Blanchini conueniunt, Oportet igitur scire maximas Planetarum latitudines, & loca in quibus circulus latitudinis eo tempore eclipticam secat, inde querere radiationes & directiones per tabulas primi mobilis, vel cum instrumento.

## Latitudines maxima Planetarum.

| Saturnus | Iupiter  | Mars     | Venus    | Mercur.  | Luna.     |
|----------|----------|----------|----------|----------|-----------|
| Par. mi. | Par. mi. | Par. mi. | Par. mi. | Par. mi. | Par. mi.  |
| 3. 5.    | 2. 8.    | 7. 7.    | 7. 22.   | 4. 13.   | 5. . Au.  |
| 3. 2.    | 2. 4.    | 4. 21.   | 7. 23.   | 4. 5.    | 5. 0. Bo. |

32 Oportet autem non simpliciter sumere maximam latitudinem, sed illam quae tunc maxima est, cum planeta in eo circulo fertur.

33 Manifestum est igitur, Astrologiam constare ex scientia motuum exquisita, & naturali philosophia, quorum neutrum cum plerique habeant, vtrumque ante haec nemo, nil mirum est, infamiam arti praedecel-

fores nostros addidisse.

34 Est igitur Astrologia, vt pulcherrima, sic laboriosissima, & difficillima.

35 Ex rotunda autem figura, habemus quo loco directio pertingat, naturam partium existentium in domibus, totius similitudinem caeli, reuolutionum concursus.

36 Licet & inter duos circulos, lineis deductis minuta deprehendere in instrumento.

## Absides Planetarum 1540.

| Saturnus   | Iupiter     | Mars       | Sol & Venus | Mercurius. |
|------------|-------------|------------|-------------|------------|
| S. gr. mi. | S. gr. mi.  | S. gr. mi. | S. gr. mi.  | S. gr. mi. |
| →. 13. 39. | my. 23. 53. | ♂. 15. 28. | ♂. 1. 41.   | ♂. 0. 55.  |

Aux Luna singulo mense reuoluitur.

37 Permutationes absidum, regna, & regiones, & religiones mutant, & Planetae vel ascendens in his, vel oppositis, vim a natura eius contrahunt, cuius est absis, puram in abside, deprauatam in opposito, conuenit igitur hos scire.

38 Impressiones a genitura, quae in loco remanent, vsque ad tempus, in quo perfici debent, sunt partim in loco, & partim in materia quae variatur, & morborum circuitus declarant eas.

39 Et planetas superiores constat reuerti ad eundem suum cum Sole, Saturnum in annis 59. Iouem in 71. Martem in 79. quos maio res planetarum vocant annos.

40 Luna cum nodo esse dicitur, quoties intra terminos eclipsis constituerit.

41 Luminare temporis Sol est in die, & crepusculo matutino, Luna in nocte supra terram, & in suo matutino exortu. Duo igitur quibusdam temporis luminaria, quibusdam nullum.

42 Additiones 360. partium supra anni dies, vsque ad 69. partes, semper in sequentem annum iudicium directionis transferre possunt, in 70. partibus necessario transferunt, & quandoque etiam ad secundum annum cum in finem reuolutionis directio incidit.

43 Bonum est ac necessarium etiam, scire initia & fines figurarum caeli, cum quibus partibus, caeli cor possideant, orienturque, & occidant.

44 Planetae in quibusdam partibus suorum signorum, magis exaltantur, vt necesse

fit hoc scire in horum antem oppositis de-terius se habent.

45 Non solum scire decet, singuli partibus quot anni vel dies correspondoant: sed etiam annis vel diebus, quot partes,

| Anni | Dies | Par. | Mi. | sec. | ter. | Exaltationes. |
|------|------|------|-----|------|------|---------------|
| 1    | 0    | 59   | 8   | 20   | h    | ♂ 21.         |
| 2    | 1    | 58   | 16  | 40   | ♂    | ♂ 15.         |
| 4    | 3    | 56   | 33  | 20   | ♂    | ♂ 28.         |
| 8    | 7    | 53   | 6   | 40   | ♂    | ♂ 19.         |
| 16   | 15   | 46   | 13  | 20   | ♂    | ♂ 27.         |
| 32   | 31   | 32   | 26  | 40   | ♂    | ♂ 15.         |
| 64   | 63   | 4    | 53  | 20   | ♂    | ♂ 3.          |
| 128  | 126  | 9    | 46  | 40   | ♂    |               |
| 256  | 252  | 19   | 33  | 20   | ♂    |               |

46 Figurae aequicruriae, dicuntur, quae ad eosdem ab aequinoctij circulo par parallelos terminantur, nam in aequi cruriis essent omnes planetae, qui aequalem & eandem haberent latitudinem, si a polo signiferi arcus aequales ducerentur. Qui vero a puncto sectionis circuli meridiei & orientis ducti aequales sunt, non tamen aequicruriam figuram possunt constituere, cum stellae illae secundum nullum motum in vno & eodem circulo ferantur, quae igitur latitudine carent, aequicruriam constituunt figuram, cum in antiscaequaliter a tropicis distantibus fuerint & aliae eadem ratione.

47 Oportet & mensem appellare, lunarem reditum Lunae ad eundem locum, numeran-



do dies per reditus Lunæ ad circulum horizon-  
talis, diebus 26. horis 9. minutis 30. secun-  
dis 51. igitur constabit, unde alia ratio indi-  
catoriarum dierum, quàm ea, quæ dicta est  
in primo contradicentium.

48 Gloriabuntur multi ea quæ scripta  
sunt intelligere: quos ex prædictionibus agno-  
sces. Quicumque autem totum non intelli-  
git, nec vel partem minimam intelligere se  
sciat.

49 Res veræ ex seipsis sunt expetendæ, sci-  
entia enim bonum quoddam est. delectamur  
autem bonorum expectatione, futura mala  
vitamus, lenimus, aut lenius ferimus.

50 Multitudo geniturarum necessaria fuit  
experimento, illam peperit facilitas suppu-  
tandi, unde ars, ex experientis enim mul-  
tis illa constat.

51 Vitæ hominum perfectis ex se constant  
circuitibus, corrumpuntur autem nec per-  
ficiuntur, obuiantibus syderibus & casuum  
varietate, partes igitur sunt eorundem.

52 Cum Luna in morbis, ad planetas  
morbo contrarios, maxime autem fortunas  
acceserit, morbus in melius mutatur.

53 Sol euentissimus, inde Luna, inde  
stellæ maiores & clariores, effectus habent  
manifestiores. ubi igitur ordo, & ratio etiam  
ordinis erit.

54 Maiora cum sint astra quàm Luna, mo-  
ueanturque & radiis inferiora illustrent, ne-  
cessè est etiam, vt maiores quandoque effe-  
ctus in hæc inferiora producant.

55 Quæcumque vero lentius operantur,  
diutius protrahunt effectus suos, neque  
enim delitescere vis syderis potest nec abo-  
leri, indicat autem hoc nebula circa asinos.

46 Cum vero singularia ex generalibus  
constet, generalia autem ab astris gubernan-  
tur, vt aquæ æstus à Luna, necesse est etiam,  
ex illorum mixtione, vnumquoque singu-  
lare agi.

57 Ostendunt & astrorum effectus quæ-  
dam propria, vt Hercules lapis, cum ad  
Boream semper dirigatur, & Vergiliarum  
herbarum ortus & mors.

58 Dei igitur altissimi cælum est instru-  
mentum, quo inferiora agit, impellit, re-  
gitque.

59 Ostendunt & artis veritatem, Tiberij,  
Claudij, Neronis, Domitiani, Adriani,  
Gordianique Cæsarum experimenta, præter  
ea quæ Picinino, & nostris temporibus ac-  
ciderunt.

60 Liceat & illius firmitatem: ex supre-  
mo in vnaquaque genitura fructu colligere.  
Vnde multi etiam parum exercitati immi-  
nentem sibi ipsi mortem prædixerunt, vt  
Ioannes Bergomensis.

61 Luna cum eclipsim patitur, proprio  
lucet lumine rubente, unde duplex ei vir-  
tus inest.

62 Sydera pleraque, quæ in signifero  
sunt, quandoque ab inferioribus planetis  
obscurantur, quod si contingat, proximis  
temporibus, vt in luminarium eclipsibus  
considerandum est.

63 Magnis viris, infirmæ genituræ, ad  
eruditionem conducunt: unde etiam plerum-

que brevis vitæ, vt Pico Ioanni. Pauperibus  
vero clare, vt Erasmo.

*Ioanni Pico Mirandula Ludus Bellianus Senen-  
sis, qui contra eum scripsit, annum 34. illi  
ultimum ac fatalem prædixit ex reuolutione,  
nec deceptus est.*

64 Considerare oportet coniunctiones,  
magnas, medias & minores, tum lumina-  
rium, atque etiam mutationes Planetarum  
tardigradorum in signis, congressusque ad  
fixas, pro temporum mutationibus.

95 Saturni & Iouis con iunctio minor fit,  
singulis annis 19. diebus 315. horis 19. Vnde  
processus fit per partes 242. mi 56. sec 9. hoc  
est autem per signa signiferi 8. par 2. mi 59.  
sec. 9. & sic in eadem trigona signorum na-  
tura, vt ex Ariete in Sagittarium, partibus  
ferme tribus procedens. Inde cognoscimus,  
ex ignea in terream, inde in acream, post  
in aqueam transire signorum naturam, de-  
cem completis reuolutionibus, sub eadem fi-  
gnorum natura ac qualitate. Manent igitur  
in eodem signorum trigono, annis 198. die-  
bus 236. communibus. Mediæ autem con-  
iunctionis radix, fuit post Nabucodonosor,  
annis 6. diebus 67. cum Saturni & Iouis me-  
diæ coniunctio, in par 12. min 23. Arietis  
celebrata est. Quare magna coniunctio  
fuit, annis 53. diebus 148. ante Nebucdono-  
sor coronationem, in par. 3. min. 21. Arie-  
tis. Annis igitur ante Christum 800. diebus  
98. sumpsit initium magna coniunctio, quæ  
singulis 794. annis 214 diebus renouatur.

66 Ex his igitur facile est videre, mino-  
rum coniunctionum loca & tempora, per  
continuum additionem annorum 19. dierum  
315. & par. 242. min 59. sec. 9. & quæ tem-  
pora, quibus coniunctionibus subiiciantur.

67 Maxima coniunctio dicitur, cum per-  
mutandose ex aqueo signo, Arietem ingre-  
ditur, unde prima non talis est, alia enim  
in Leone præcesserat.

68 Manifestum est igitur, quod Mahu-  
meti lex, sub Scorpione initium habuit, se-  
cundum authoris genituram in Piscibus. Sic  
fermè & Lutherani.

69 Tabulæ Ptolemæi, pro supputandis  
motibus Planetarum antiquis præstantiores  
sunt, Ephemerides pro præsentibus. Tabulæ  
Zacuti, Tabulæque Helisabet, breuitate  
sua difficiles, nec exquisitæ. Alphonsi me-  
diæ inter Ephemerides & Ptolemæi. Tabulæ  
Ioannis de Lineriis & Hipparchi, diffi-  
cultate, alteræ quod non exactæ essent, exole-  
uerunt. Perpetuarum ephemeridum Tabu-  
læ, crassa minerva conditæ sunt. Ioannis  
Blanchini tabulæ, falso innituntur supposito,  
cum Solis maximam longitudinem in parti-  
bus 11. min. 32. Geminorum Christi, in ra-  
dice quæ Ptolemæi tempora præcedit annis  
plusquam 140. posuerit, atque alia multa qui-  
bus demonstrationes Ptolemæi haud consen-  
tiunt. Copernici autem nondum perspecta  
est recte sententia: vix enim, quæ vellet,  
dicere visus est.



| Anni | Dies | Sig. | par. | mi. |
|------|------|------|------|-----|
| 800  | 98   | Σ    | 3    | 21  |
| 621  | 177  | Σ    | 0    | 14  |
| 422  | 306  | Σ    | 0    | 5   |
| 204  | 120  | Σ    | 2    | 56  |
| 5    | 249  | Σ    | 2    | 47  |
| 192  | 352  | Σ    | 2    | 39  |
| 391  | 223  | Σ    | 2    | 30  |
| 590  | 94   | Σ    | 2    | 22  |
| 788  | 330  | Σ    | 2    | 13  |
| 987  | 201  | Σ    | 2    | 5   |
| 1186 | 72   | Σ    | 1    | 56  |
| 1384 | 308  | Σ    | 1    | 48  |
| 1583 | 179  | Σ    | 1    | 39  |
| 1782 | 50   | Σ    | 1    | 31  |
| 1980 | 286  | Σ    | 1    | 22  |
| 2179 | 157  | Σ    | 1    | 14  |
| 2378 | 28   | Σ    | 1    | 6   |
| 2576 | 264  | Σ    | 0    | 57  |
| 2775 | 135  | Σ    | 0    | 48  |
| 2974 | 6    | Σ    | 0    | 40  |
| 3172 | 242  | Σ    | 0    | 32  |
| 3371 | 113  | Σ    | 0    | 24  |
| 3569 | 349  | Σ    | 0    | 16  |
| 3768 | 220  | Σ    | 0    | 8   |
| 3967 | 91   | Σ    | 0    | 0   |

70 Si à Nabuchodonosor ad Christū anni  
46. communes, diēque 310. computentur,  
iuxta Alphonsi placita, error in omnibus  
accidet planetis, secundum Ptolemæi tabu-  
las: vt in Saturno vnius anni motum tran-  
scendat.

72 Primus mensis est vtero gerentium,  
Lunæ, secundus Mercurij, septimo & nono  
non viuunt, qui autem septimus ac nonus,  
octauus ac sextus à philosopho & Hippocrate  
appellantur.

74 Principium eorum quæ à casu contin-  
gunt, in anima nati est, quæ illum impellit,  
vt causam illam subeat, anima autem à cœlo  
secundum Lunæ motum impellitur, non in  
his quæ à natura sunt.


76 Eorum quæ in genitura decernuntur  
necessaria, in genere producuntur per signi-

77 Considera duos status vitæ, seu tres, per Saturni revolutiones & status crementi, per revolutionem Iouis, in secunda enim incipiunt aphrodisia, & operationum, per revolutionem Martis, & annorum dispositiones per Solem, & mensium per Lunam, & dierum per circuitus Solis in firmamento, & horarum & partium per ascendens.

79 Delectatio est in his quæ iuxta Venerem sunt. Gemmarum, cum in loco Solis, aut Iouis. vestium, cum in loco proprio. Sed & Iupiter in ascendente, facit hominem delectari gemmis, & Saturnus in trino domini ascendentis, lapidibus sculptis.


81 Sicut revolutio anni, est ex deterioribus, iuxta directionem apud genituram, Sic morbi initium ex deterioribus illius revolutionis, iuxta directionem lunarem, à nobis demonstratam in libro de Iudiciis, sic & mors in comparatione ad constitutionem initij morbi.

83 Oportet diuidere ascendentem in vno die coeli quantitatem, quæ est partium 360. mi. 59. sec. 8. per motum Lunæ in vno die, qui est par. 13. mi. 10. sec. 35. & exhibet verus mensis, quo diuiso per eundem motum, exhibet portio vni parti correspondens. Est igitur lunaris mensis dierum 27. ho. 9. mi. 30. sec. 48. portio partis, dies 2. hor. 1. mi. 54. sec. 3.




Ascendens





Ascendens fuit ex loco infortunij in genitura, & dominus eius in quadrato Mercurij, existentis in Cacodemone genitura, & domini octavi loci, & Sol iam locum infortunij superauerat, adiens Cacodemonem, & Luna in opposito Saturni & Veneris, & ipsa in loco cauda, & ipsi cum capite genitura. Expuit igitur nocte ante 22. Octobris & sequente, id est, septima & octava ab initio morbi, & post quasi conualuit. Inde 14. Nouembris nocte antecedente, & fuit 31. ab initio morbi, expuit plusquam ante unquam fecerit, & rursus die 15. & nocte sequente. Post quiescit paululum, & rursus die 5. Decembris hora 5. noctis sequentis, & in nocte sequente hora noctis 7. rursus die 26. & 27. sequentibus noctibus malum sputum excreauit. Manifestum est igitur, quod in 52. & 53. & 74. & 75. sanguis effluxit. Mortuus est autem 77. die ab initio morbi Quare non seruata est ratio dierum indicatoriorum. Hora autem mortis, Luna ingressa est radios Solis, & cauda fuit in ascendente, & infortunata in cœli medio, & in virgine, & Luna cadebat, & erat in trino Martis, & Iupiter in sexta in Cacodemone. Propterea vides quod melior est ratio quam docuimus, de directione mensum secundum Lunam ac dierum.



84 Reuolutiones Lunæ non complent in anno circulum totum, sed neque partes signiferi, in vita hominis circunt totum orbem.

| Par. | di. | ho. | mi. | sec. |
|------|-----|-----|-----|------|
| 1    | 2   | 1   | 54  | 3    |
| 2    | 4   | 3   | 48  | 6    |
| 4    | 8   | 7   | 36  | 12   |
| 8    | 16  | 15  | 12  | 24   |
| 16   | 33  | 6   | 24  | 48   |
| 32   | 66  | 12  | 49  | 36   |
| 64   | 133 | 1   | 39  | 12   |
| 128  | 266 | 3   | 18  | 24   |

| Di. | Par. | mi. | sec. |
|-----|------|-----|------|
| 1   | 0    | 28  | 51   |
| 2   | 0    | 57  | 43   |
| 4   | 1    | 55  | 26   |
| 8   | 3    | 50  | 52   |
| 16  | 7    | 41  | 44   |
| 32  | 15   | 23  | 29   |
| 64  | 30   | 46  | 58   |
| 128 | 61   | 33  | 57   |
| 256 | 123  | 7   | 54   |

| An. | Par. | mi. | sec. |
|-----|------|-----|------|
| 1   | 303  | 2   | 30   |
| 2   | 246  | 7   | 0    |
| 3   | 189  | 10  | 30   |
| 4   | 132  | 42  | 51   |
| 8   | 265  | 25  | 42   |
| 16  | 170  | 51  | 24   |
| 32  | 341  | 42  | 48   |
| 64  | 323  | 25  | 36   |

85 Esse potest, vt processus fiat etiam a loco genitura, per singulos annos in Lunæ reuolutionibus.

86 Expulsiones & decrements in morbis, non solum ex syderum sed etiam continentis communi fit constitutione, ac fortuitis euentibus.

87 Luna cum in principio ægritudinis perseverantis fuerit vel sub radiis, aut cum cauda, vel Saturno, aut Marte, ingens periculum significat. Quod si senex fuerit, etiam Ioui iuncta, aut Mercurio, vel Veneri. Quod si in horum oppositis, vel quadratis, idem, sed leuius contingeret.

88 Quod si cum hoc in locis his a genitura etiam inuenta fuerit, proculdubio morietur.

89 Non ægrotat homo, propter Lunam alicui horum occurrentem in ea hora, nisi cum directio ad hoc peruenerit.

90 Cum igitur duo ex his conuenerint, & alterum validum fuerit, ægrotabit homo. Si autem ambo valida sint, grauiter. Si tertium adest morietur. In senio autem vt diximus, duo tantum possunt occidere.

91 Mars & Iupiter & Venus sanguinem, Mars & Sol bilem, pituitam Luna & Venus, Melancholiam Saturnus & Mercurius, Attram bilem Mars & Mercurius cum Sole.

92 Si Luna iuncta Ioui aut Veneri, ægrotet homo, hoc si fiat, quia in loco a genitura malo fuerit, seruabitur æger, si autem in bono a genitura loco, fortuna illa est mortis significatrix.

93 Saturnus longos morbos facit. Venus mediocres, Mercurius varios, Luna reuertentes, vt vertigines, comitiales, podagras. Iupiter breues, tum Sol, breuissimos Mars: cumque



cumque loca principalia & abscondentia valida utraque, vel debilia fuerint, morbus longus erit, brevis cum altero valido existente, reliquus fuerit debilis.

94 Quicumque autem de morbis, eadem de salute & morte dicta erunt. moriuntur enim vel cum directio ad finem peruenierit, vel cum Luna ad locum genituræ deteriore, vel cum infortunis inimicis applicuerit. Quo fit, ut congressus salutem non minus quam mortem decernant.

95 Optima operatio est sphaeræ, post planisphaerij, vltima tabularum in infinita enim multitudine solida sphaera magnum affert auxilium.

96 Est etiam unicuique aliquod proprium, in comparatione ad genituræ partem, quod considerare oportet.

97 Quibuscunque sub initiis morborum, cœli constitutio longe lenior est morbo, his à nativitate morbus sinitatem contraxit, principalibus locis in prava cadentibus.

98 Considerare etiam solemus, coniunctiones luminarium, præcedentes morbi initia, & ex his etiam de venturis morbis indicamus.

99 Deterior conditio incipientis morbi est, cum morbo saevo existente, Luna & dominus ascendens non cum malis existentes, ad malos deferuntur.

100 Sicut amator divitiarum, divitias inuenit, & penes solus, sic veritatem veritatis amator.

101 Maius est discrimen inter Ptolemæi præcepta, & omnium reliquorum qui eum secuti sunt, quam inter Smaragdum & litum. Verisimile autem est illum Chaldeorum & Babyloniorum scripta miranda multorum seculorum, nec non Aegyptiorum habuisse.


102 Genituræ Principum, maxime veræ, nec subiacent generalibus constitutionibus, nec privatorum decretis, Proecrum veræ, subiacent autem cœlo. Pauperum & servorum non aded veræ: subiacent enim cœlo, id est legibus, genituris principum, & generalibus constitutionibus. Bene igitur dixerunt aliqui, principum successus astris non subiaccere: puri enim sunt.

## SEGMENTVM II.

### Aphorismorum Astronomicorum.

Quicumque infortunati sunt ex luminaribus in angulis, necesse est illos biothanatos interire.

2 Considerandæ sunt xlv. planetarum, & Lunæ nodorum, radiationes atque coniunctiones. quicumque enim plures ex his habuerint, validiores habent genituras.



Francisci Tagaini nostri, hic caudam habet cum Ioue, ideo maxima sollicitudine pauca acquisiuit.

3 Quicumque Saturnum in Iouis opposito habent, nunquam quiescunt.

4 Quicumque caudam cum Ioue habent nunquam ditantur.

5 Quibuscunque dominus ascendens cum infortuna est ac combustus, tum luminaria ambo infortunata in sexta, mortui nascuntur, & matres ipsorum pereunt.

6 Quibuscunque Saturnus & Mars in eadem sunt parte signiferi, necesse est in eorum vita magna infortunia accidere.

7 Quicumque Saturnus & Mars in Tauro, in quarta fuerint in eadem parte constituti, cum ascendens ad radios eorum peruenierit, vel casus ab alto, vel ruina continget.

8 Domorum contrariarum vires, eo magis diffident, quo domus ipsæ validiores fuerint.

9 Cum cor cœli, idem fuerit angulo decimæ, tantum distat pars remotissima nonæ à decimæ angulo, quantum pars propinquissima vndecimæ, vnde nonam robustiorem vndecima, nostri prædecessores admirantur.

10 Luna cum stellis parvis, paruos facit oculos, propriè autem cum dorso Piscis, & in Martis, Saturni, Solisue quadrato.

11 Fixarum robur est à magnitudine, à splendore, à natura, à proprietate, à propinquitate eclipticæ, à loco in mundo, à multitudine, à prima apparitione orientali, à loci puritate, à similitudine corporis vel radij Planetæ secum existentis, à circulo positionis.

12 Sol omnibus Planetis præstat, immobilitate, magnitudine, lucis primigenia natura.

13 Quando omnes planetæ sub Sole fuerint, genitura illa vnum tantum habebit planetam, viribus omnium aliorum præditum.

14 Solis virtus omnibus alijs planetis validior est, quia nunquam ab illis tota deleri potest.

15 Revolutiones temporum, quinque modis fiunt, vel reditu Solis ad eundem punctum, qui præstantissimus est, vel reditu centri planetæ ad eundem eclipticæ locum, in quo genere; in hominum natiuitatibus Luna, post Saturnus ac Iupiter præcellunt, vel reditu centri parui circuli ad eundem locum, vel reditu Planetæ ad suum locum in paruo circulo,



circulo, vel reditu Planetæ ad locum cum quo ab initio conuenerat, sicut est alterius planetæ locus.

16 Eclipsium Solis effectus, potentes sunt, unde si in florentem messem incidant, sterilitatem afferunt.

17 Considerare oportet tempore eclipsis, vires planetæ dominantis, nam non eclipsis, sed illius significatio apparebit.

18 Eclipsium lunarium, quædam tunc, aut etiam antequam eneniant, imbres afferunt, quædam siccitatem multam, aliæ ventos, aliæ terræmotus, aliæ sterilitatem, quædam incendium.

19 Cum tempore eclipsis, vitæ locus significator in occisoris aut infortunæ non amicæ radiis fuerit, natus periculum vitæ extra ordinem incurrit.

20 Signa fixa eruditionem præstant: excipitur Scorpius, Mediocritia animi mores & conuersationem: Virgo excipitur. Mobilia diuitias, excipitur apicornus.

21 In his igitur erraticæ in Virgine, Scorpio & Capricorno omnes, multa mala adesse necesse est.

22 Cum in peregrinis locis, Sol & Iupiter in opposita vel quadrata fuerint radiatione, Saturnusque in secunda: fuerint autem Sol & Iupiter in angulo: semel in honore erit, & diuitias magnas acquisitas conseruabit.

23 Dixit Albumasar, Cometes supra Venerem visus est: non igitur in regione est elementari, contra philosophum, cui igitur in corde cæli, vel alio angulo, vel cum luminari, vel cum significatore aliquo ei magnum aliquid nato de illius natura continget.

24 Promissor ostendit qualitatem, Mars malos, Iupiter bonos filios dabit, filia autem meliores sunt, quia Venus & Luna, sunt earum significatrices.


25 Cum ascendens in muto fuerit signo, & Mercurius non in humano cum stella in qua Saturni vis appareat, natus non recte omnino loquetur.

26 Signa bicorporea, non sunt necessaria in geminorum natiuitatibus, sed vt superesse tantum possint, cum autem per tempus victuri aliquod sunt, raro accidit, vt non adsint.

27 Omnis planeta orientalis, calidior est & humidior. Sed caue ne præternaturalis te decipiat.

28 Saturnus præest plebi, senibus, infirmis, ob hoc cum vitæ inimicus sit, facile tales omnes perent ac gregatim.

29 Maxima quæcunque rara sunt, rara igitur genitura, præclara, aut miserrima significantes. Cum autem vnicuique ferme reuolutio aliqua rara contingat, cuilibet ferme in cursu longo vitæ rarum aliquid contingit. Hoc autem aut non diuturnum est ob id, & si quod sequitur, plerumque comitetur ad mortem.




30 Luna sub Sole existens, cogitabundos & melancholicos facit, aduritur enim cerebrum.

31 Est & alter reuolutionis modus secundum naturam, cum locus qui ad ascendens peruenit hora reuolutionis anni, pro ascendente ponitur.

32 Mali sunt animi, quibus Mars est in Mercurij quadrata radiatione.

33 Si Luna in Tauro in secunda, à Iouis quadrato separetur vel opposito, ad Solis trinum iens, is non obscuras acquirere diuitias.

34 Si luminaria, & dominus ascendentis, & loci coniunctionis vel oppositionis,



sic cadant ab angulis, vt nec ascendens, nec locum coniunctionis vel oppositionis aspiciant, nascetur monstruosus.

35 Quod si locis his ac planetis se sic habentibus, infortunæ fuerint in angulis, monstrum erit ab humana natura alienum, & morietur protinus.

36 His vero sic se habentibus rursus, Venere ac Mercurio disponentibus, Iouequæ locum ascendentis respiciente, Androgynus nascitur, Somniorumque interpret, magus, aruspex, præcantator.

37 Cum disponens loca luminarium fuerit in loco infortunarum, & luminare temporis in eadem parte cum infortuna, in aliquo angulorum, vel fuerint in figura æquicruria in eodem angulo, fueritque latitudo eadem, qui nascitur, cibum non degustabit.



38 Sed nec si ambobus luminaribus in angulo existentibus, utraque infortuna ex diametro exacta eis opponatur.

39 Rursus Marte post Solem, vel ante Lunam, Saturno vero post Lunam, & ante Solem, ambobus in angulo sic luminaribus existentibus impeditis, ascendentibusque ad anguli apicem, modica inter luminaria & infortunas existente distantia, infans non nutrietur.

40 Si vero radij fortunarum, anteriores luminaribus, posteriores infortunarum, omnibus ad anguli apicem ascendentibus, tamdiu viuet donec per Solis aut Lunæ circuitus, aut primi mobilis, infortuna ad locum pervenerit luminaris.

41 Quod si luminaribus sic ad apicem anguli ascendentibus, radij fortunarum posteriores extiterint, natus viuet, aut vivere potest.

42 Cum vero locis luminarium infortunæ dominantur, & super ea eleuantur, nec aspiciunt ipsa, viuet quidem sed non longa vita.

43 Nec implebit annum, cum luminare temporis fuerit in angulo septimæ, idest in apice, sic enim intelligo, cum de ascensu illorum non loquor, & infortuna eleuata super ipsum peregrina, nec fortuna asperxit locum, nec alius fuerit vitæ significator.

44 Robur rei significatæ, est per vim significatoris, debilitatem abscondentis: remotionem impediens, infortunæ quæ loco non dominatur: & fortunas quæ inter abscondens & significatorem positæ sunt.

45 Si daretur significator annorum alius à significatore vitæ, nemo biothanatus esset.

46 Saturnus habet melleum & nigrum, Iupiter album & rubrum commixta, Mars citrinum & rubicundum, Sol & Luna parentibus similem, Venus roseum & candidum, Mercurius cinereum & fuscum.

47 Figuræ cœlestes, etiam extra signiferum coascendentes, cum planetæ & fixæ iuxta locum in dando formam debiles extiterint, pattem quam magis possunt, sibi assimilabunt.

48 Cum videris post xl. annos frequentes & validos morbos, scias quod significator vitæ concussus est, applicante ei infortunæ corpore vel radio.

49 Signa fixa robur vitæ præstant maxime Taurus & Leo, maximeque occidunt præcipue Scorpius deinde Aquarius.

50 Cum absisor fuerit in ecliptica, fueritque in angulo infortuna, mors erit violenta.

51 Cum in apice 7. loci infortuna fuerit, natus magnis afficietur calamitatibus.

52 Cum infortuna fuerit iuncta Soli in eadem parte, vel Lunæ infortunatæ, nato, etiam si rex fuerit, magna inconuenientia contingent.

53 Cum in initio Sagittarij, hoc tempore, vel in fine, Mercurius in eadem parte cum Sole fuerit, ascendens autem Gemini vel Virgo, natus comburetur. Quod si auxilietur fortuna, vitæ periculum euadere

poterit, quod si Mars locum aspiciat, nulla salutis spes est.

54 Cum extraxeris figuram ex figura, pones ascendens iuxta rationem eleuationis poli super circulum positionis significatoris, hoc autem maxime in filiis.

55 Comptos & pulchros Aries facit, Scorpius mendaces.

56 Mercurius cum in summo fuerit parui circuli, facit promptos & diuinatores.

57 Mars in cancro facit eos qui volentibus sanguinem detrahunt, in Capricorno qui nolentibus.

58 Cum domini trigoni luminaris potentes extiterint, natus bene nutrietur, & validus erit. Si autem debiles & contrarij, non distinguunt vnquam bonum à malo.

59 Cum Saturnus dominus ascendentis ad Venerem pervenerit directione, diligit pulchra. At si Venus domina extiterit, turpibus commiscebitur nec diligit.

60 Mercurius in Piscibus & Sagittario, & termini eius, indicant vasum, verbum, & deceptorem.

61 Secunda domus multum potest, quia ad ascendens pervenit quod in ea est in annis melioribus.

62 Pauper non erit, cui Iupiter dominus est locorum erraticarum, Cui vero Saturnus, vel dives non fiet, vel relictis non utetur.

63 Cum Iupiter & Venus Soli, nec iuncti, in eadem domo fuerint, in Scorpione, Virgine, Tauro, vel Capricorno, item in Geminis, natus potius vitam ducet amœnam, quam quod sit felix.

64 Iupiter in Arietis septem primis partibus, magna bona præstat mundo & natis.

65 Iupiter dominus ascendentis solitarius, facit ut diligit natus disciplinas.

66 Mercurius in Saturni dignitatibus, vel illi congregiens facit prudentes, odiosos, viciosos.

67 Eudæmonis locus est, cum Iupiter & Venus miscentur, vel alteri eorum fixa fortunata, vel radius Solis propicius, vel Sol ipse corpore valde propinquus, vel Lunæ corpus radiive felices, vel caput draconis, vel cum Luna capiti draconis miscetur, aut est in trino Solis, vel in initio Arietis Sole in initio Cancris existente, vel cum felici fixa, vel cum Soli fixa è regis benigna, aut alia extra signiferum, vel cum Iupiter aut Venus in ascendente, vel regia felix, aut in cœli corde Sol, aut fixa aliqua, vel Iupiter Venusve, aut etiam in septimi loci cuspide, cum tamen fixæ claræ & fortunatæ fuerint. Nec contemnendus congressum Iouis cum Saturno in Libra, Sagittario & Aquario, vel Veneris cum Marte in Piscibus aut terminis Veneris, signis vero communibus.

68 Cacodæmonis autem locus à Saturno & Marte & Mercurio & luminaribus & stellis maleficis, per radios aut corpore in vnum cœuntibus.

69 Cumque locus Eudæmonis impeditur, erit locus quadratus ab eo Eudæmon, si in eo alter aut ipse planeta felix dominetur, fueritque locus purus.


D

70 Cum









*In hac genitura, tria maxime spectanda sunt. Concinator inter primos sui temporis, nam Mercurius in eadem parte cum Sole, in quadrato Luna, & Venus cum oculo sinistro Tauri.*

*Fuit & hemopticus, ita ut integras ex pedore denas libras sanguinis reieclaret, facit hoc Luna in quadrato Saturni, cum luminoso lanceis, & in quadrato Solis & Mercury hoc solum mirum est, cur euaserit.*

*Fuit & religiosus, nam Saturnus & Iupiter, luminaribus praevalent, &c.*

94 Nisi posueris in qualibet re plures significatores, plures res eodem modo necessario euenient, quodd nisi plura dirigantur, & commutatio eorum obseruetur, plura eodem tempore simul euenient.

95 Eandem stellam, aut in diverso situ, vel alio loco, aut cum aliis, idem significare, aut consimile, penitus est impossibile. Similia igitur ex contrariis magnis fiunt tamen magis auxilio materiae.

96 Non est transgressus repentinus in cœli partibus, imò & si secus videatur, nec in ipsis significatis.

97 Reuolutiones annorum, in sequentes producant effectus, vel quia ex pluribus vna fit, alteraque est ad succedentem preparatio, vel quia à genitura decernitur, quod ex reuolutione perficitur, vel ob euentus magnitudinem, ut in morte, vel causarum, ut cum Sol Ioui ad vnguem opponitur.

98 Dominus nonae domus cum fortuna fuerit, & male dispositus, in comparatione ad dominum ascendens, recte, sed parum credet.

99 Cum dominus duodecimae domus, infortuna fuerit, & domino primae superior, natus alienis cum iactura inferuiet.

100 Quando Saturnus fuerit cum dextro Orionis humero, natus erit insignis pertinacia & perseverans, unde nomen illustre consequetur.

101 Quoniam natura signorum non est plene cognita, natus existimatur esse illius qualitatis, quam decernunt radij ante cedentes ascendens.

102 Proportio constitutionis cœlestis ad corpora humana similis est secundum existi-

Tom. V.

mationem rationi infiniti ad finitum.

103 Saturnus cum oculo Tauri generaliter facit magna de trimenta, & vitia animi flagitiosa decernit.

104 Saturnus in quadrato Solis mortem decernent, per strangulationem rei duræ efficit, ut cum fune, ruina, lapidibusve obruuntur, & hoc in fixis signis.

105 Sed si in ferarum figuris fuerit, à furit opprimetur, aut cane rabido, & hoc cum mortem decreuerit violentam.

106 Si Saturnus in Cancro vel Capricorno, in quadrato vel opposito Solis aut Martis, vel cum eis fuerit, in locis humilibus, ruina opprimetur, si in nona, decima, vel undecima, præcipitio.

107 Si Saturnus in Cancro, Scorpione, vel Virgine, vel Piscibus, in horum quadrato oppositio, vel illis iunctus fuerit, submergetur. Quod si in constellatione natus fuerit (est autem nunc cum Cancro, Leone, & Virgine) submergetur tempestate. est & Orion tempestatum significator, unde Cancer maxime, inter signa nunc procellosum.

108 Si Saturnus cum his in signis venenosorum ac tortuosis fuerit, hoc enim natura constat cum Venere, venenum proculdubio bibet.

109 Mars author mortis, in humanis, in quadrato Solis vel Luna, interfici illum debere ostendit, causam autem ex loco condisce, nam si cum Veneris potestate, mulierum causa, si in secunda, substantiæ. Si autem Mercurius dominetur, à latronibus intercipientur, aut mandato principis.

110 Signa quæ detractionem significant membrorum, sunt abscisa & imperfecta, ut caput Gorgonis, vel cæthenæ caput.

111 Quod si Mars sic fuerit dispositus in Tauro, vel Scorpione, cruciatu peribit, aut comburetur.

112 At sic dispositus, cum Andromeda vel Cassiopea, vel capite Gorgonis, in nono, decimo, undecimo loco fuerit, aut in cœli imo, suspendetur.

113 Si vero in ascendente vel occidente, in igneis, comburetur.

114 Si vero in sublimibus locis, in quadrupedibus, cadendo conteretur.

115 Cum autem Iupiter accesserit, non recte dispositus ad interfectorem, indicio peribit.

116 Detrimentum in Marte, & à luminaribus in morte violenta In Saturno à Sole vel Marte.

117 Gemini & Sagitarius, & Pisces, multiplex genus mortis significabunt, quod & Saturnus & Mars cum simul dominantur.

118 Et oportet ut in hoc verseris experimento longo, propter regionum & morum varietatem, non enim secus continget, quam ei qui herbas vult cognoscere, potest enim per longum experimentum inter simillima exiguum perspicere differentiam.

D 2 119 Cum



119 Cum vero cum signis violentæ mortis, etiam quartæ, infortunæ præfuerint, corpus mortui insepultum iacebit, maxime, si luminaria illis congregiantur planetis quæ mortem decernunt violentam.

120 Submerfionis igitur notis assistentibus, cadaver à piscibus deuorabitur. Patibuli autem ab auibus, dilacerationis à quadrupedibus & hæc maxime si in signis auium, aut quadrupedem, aut piscium fuerint.

121 Testimonia diuersa, comparabis, magnitudine, robore, moltitudine, & temporis ratione.

122 Locum imi cæli, si Sol possideat, erit gloria perpetua, eoque magis, si cum regia ibi fuerit, si Luna erit etiam memoria diuturna, sed varia. Si Regia videlicet Bebenia, erit diuturna, sed apud paucos. Si Saturnus aut Iupiter, erit inter multos, non tamen adeo diuturna. Si locus coniunctionis ibi fuerit Solis & Lunæ, erit celebris, cito tamen interibit. Si infortunæ præfuerint, ob flagitia.

123 Considerare etiam oportet, cum quo conueniat dominus octauæ loci, ad eum enim deferetur hæreditas.

124 Cui in hora mortis Sol in cæli medio fuerit, gloria illustris post mortem diu perseuerabit.

125 In quo homo excellit, in eo etiam planeta optime dispositus, est significator.

126 Plus potest mediocris eruditio cum optimo iudicio, quàm mediocre iudicium cum optima eruditione, veruntamen & iudicium eruditione perficitur.

127 Electio non proficit, nisi cum conuenierit genituræ, & tempori, in quo elegit.

128 Malefica ad malos vsus quandoque proficiunt.

129 In rebus quas latere desideras, Lunam sub radiis Solis positam expecta.

130 Cum luminaria in eodem minuto coeunt, aut ex opposito quadratoque se respiciunt, maximum euentum in ea genitura expectabis.

131 Ascendens inimicorum regni, est ex opposito significatoris ex septimo loco, ac duodecimo, & generaliter ex descendente medietate.

132 Pestilentiam regionis vnius, ex sola stellarum dispositione agnoscere, est impossibile.

133 In constitutionibus generalibus etiam Cometas & reliqua incidentia obseruare oportet.

134 Cum fuerit dispositor loci mortis cadens ab angulo, maxime autem in nono loco & in magna distantia ab ecliptica, & peregrinus, natus extra patriam morietur.

135 Sicut cor cæli est angulorum in pluribus validissimus, sic nonus locus inter cadentes.

136 Mars in Leone, per se solus, occisores facit, & iracundiam prauam.

137 Saturnus cum fuerit cum capite, & respexerit ascendens, aut fuerit eius dominus, malum animum, sed fidelem tamen nunciat, cum cauda autem perfidum etiam.

138 Cum dominus ascendens fuerit cum oculo Tauri, natus erit occisor, & hoc si talis dominus fuerit planeta masculinus, maxime infortuna vel Sol.

139 Cum Saturnus cum capite existens, aliquid significauerit, in reditu illud perficiet.


140 Mercurius maxime hebetatur in humidis signis, Sed in Scorpione maleficum facit.

141 Cum Iupiter fuerit in sexto loco retrogradus, & dominus secundi loci infortuna peregrina, nec fixa adiuuerit, natus erit pauper.


142 Cum Venus fuerit in Virgine, & Iupiter in opposito, natus si habuerit uxorem, illa erit pudica, & boni regiminis, & satis pulchra.

143 Cum Luna fuerit in Cancro in cæli corde, nati fortuna inconstans erat.

144 Cum oculus Tauri fuerit cum infortuna ascendens domina, & in Alfridaria conuenienti ceciderit in ascendente, natus eo anno occidet hominem.



Hic Saturnus est dominus ascendens, cum capite & oculo Tauri, & significauit, quod hominem occideret & non unum, tamen magis, quia respicit ascendens, & Solem, & est eleuatus, & Mars est in Leone. Cum igitur ascendens peruenit iuxta sexilem Martis, in annis. 24. In Alfridaria Solis, occidet illum.



Saturnus reuersus est ad caput, & respexit ascendens, & oculus Tauri fuit in eius apice quasi,



quasi, & forsan genitura fuit posterior tribus partibus, & Mercurius cum cauda fuit in Iouis, & Saturni opposito, respiciens quadrato ascendens, & Luna in eius trino cadens, & in octava, & in opposito Veneris, & in sextili Iouis, qui fuit in trino Veneris; ideo eo anno occidit consobrinum, vulneratusque est ab aliis consobrinis, fuit in carceribus, liberatusque est, propter Iouis sextilem, & Venerem receptam à Luna.

145 In exquisitis iudiciis semper domus apex requiratur, in imperfectis operibus domus tota.

146 Fuge illius societatem, cuius dominus ascendens est infortuna cum nodo, aut mala fixa, nec tua genitura cum illius genitura concors est, nam etiam nolens te offendet.

147 Luna Ioui iuncta vim noxij medicamento hebetat: concocta autem materia iuuat.

148 Luna in fixo signo minus agit medicamentum, in ruminante etiam manscara excitat.

149 Signa ruminantia sunt, Aries, Taurus, Capricornus.

150 Melius est in purgationibus, vt tam Luna quàm dominus ascendens descendant, & sint sub terra, in vomitoriis, vt ascendant.

151 Tam purgationes, quàm vomitoria, & venarum sectiones, & incisæ cucurbitulae & inedia fieri debent, Luna in humidis signis existente, horum præcipuum Piscium est, post id Cancræ.

152 Caue ne Luna existente in Ariete caput tangas, tum præcipue si infortuna ibi radios dirigat. Sed si ab initio ibi fuerit infortuna, violenti casus effectum similem producat.

153 Caue etiam, ne vestes conficias, dum Luna est in Scorpione, magis si luminibus plena, & eam aspiciat Mars, celeriter enim lacerabuntur.

154 Acræ, ne seras, aut colligas, aut reponas, nisi Luna infra terram existente.

155 Vites si putaueris, Luna plena lucente, in Tauro, Leone, Scorpione vel Sagittario, nec sorices nec volucres vnas infestabunt.

156 Caue rursus ne decrefcente Luna, aut latente, arbores inferas.

157 Si quis diu obseruet, vt decrefcente Luna tondeat capillos, caluus fiet. melius etiam oues, crescente ea, tondentur.

158 Frumenta, & cæduam syluam ad opus, decrefcente Luna metes, aut secabis, si diligentius ad opera egregia, vltima quarta, melius autem longe, si interlunij die, optimum omnium & ad æternitatem faciens, si is in nouissimum brumæ incidat, Saturnusque respiciat, & sub terra sit Luna, carriem enim non solum non sentiunt, sed durissima redduntur.

159 Syluam autem, ad ignis materiam, ac lucos, & quæcunque celeriter crescere denuo cupis, nulla resecti habita cura, Lu-

na supra terram, in prima quarta, Veneri aut Ioui iuncta cædes.

160 Effectus maxime latent, cum significator peregrinus & cadens, vel sub terra, vel Solis radiis iunctus fuerit.

161 Cum Lunam duobus simul planetis aptare nequis, fixæ naturam amborum habenti copulabis.

162 Luna in Tauro, Virgine, vel Capricorno, in aspectu Saturni vtili, sere, aut planta, aut etiam deiicito, suffoditoque vineas resecturus. in Cancro frugum genus omne terræ manda, in Libra, vel Aquario, hortos cole, & consita, ac arbuta.

163 Cum celeriter perficere cupis, Lunam & significatorem in mobilibus signis constitues: cum diu manare opus desideras, in fixis, ob hoc difficile est vtrumque assequi.

164 Melius efficitur, quod natura duce astra habet propitia, quàm quod humana industria.

165 Cum Luna fuerit cum Venere, melius ac tutius bilis pellitur, cum Ioue melancholia.

166 Dominus interlunij, multum potest in qualitate aeris, & qui respicit eos, tum maxime, si in catdinibus fuerint.

167 Temporum igitur quatuor initia, ex quatuor interluniis aliqua ex parte condiscas.

168 Recte inquit Ptolemæus, quod transitus Solis iuxta stellam illius, ab eo tempore vim mouet. Sed & loci aliquid significantis, effectum præparare ab ea statim die incipit.

169 Cum in alicuius ciuitatis initio, Mars in corde cœli fuerit, necesse est eam urbem esse sediciosam. Quod si Saturnus, multa prae operabuntur ciues illi, eruntque laboriosi.

170 Mercurius in Leone, facundos facit, in Ariete autem sermo ne gratos.

171 Mercurius in Libra, vel Aquario, ingenium celebre, vt nullibi aliàs præstat, acit & faliquid in Capricorno.

172 Melior electio in homine, est loci habitationis, nam si ascendens urbis fuerit locus ascendens, bene valebit, Si cor cœli, exaltabitur, si Solis, dignitates proculdubio recipiet, si Iouis, lucrabitur. si Lunæ, felicitatem consequetur omnibus modis,

173 Saturnus inuidum, Iupiter opibus intentum, Mars furibundum, Sol ambitiosum, Venus delitiosum, Mercurius versutum, Luna vagabundum facit.

174 Solares, paucum, mundum, simplicem cibum volunt, Ioue nati, multum, mundum, simplicem. Venus lautum, mundum, paucum. Mercurius, paucum, simplicem, & indifferentem. Luna multum, immundum, indifferentem. Saturnus paucum, immundum, indifferentem. Mars multum, immundum, lautum.

175 Similiter & in potu. Sol paucum, non vinosum, non affatim. Iupiter paucum, affatim, ac vinosum. Venus multum, non affatim, non vinosum. Mars affatim, multum, vinosum.



vinosum. Saturnus multum, non confer-  
tim, sed vinosum. Mercurius paucum non  
affatim, vinosum. Luna multum, affatim,  
non vinosum.

176 In humanis fortunæ signis, huma-  
num & comem faciunt: infortunæ autem  
dolosam vrbānitatem, sicut in feris fortunæ  
agrestem integritatem.

177 Cum ascendens serui, fuerit sextum  
signum ab ascendente domini, bene con-  
uenient.

178 Cum ascendens subiecti, fuerit cul-  
men genituræ principis: & loca luminarium  
commutata, & dominus ascendens subditi,  
elevator supra dominum ascendens princi-  
pis, in genitura subditi, & dominus ascen-  
denti principis, sit inferior aliquo planeta  
dominante in sexta vel vndecima, aut in ge-  
nitura subditi, tunc princeps ille, subditi sui  
parebit arbitrio.

179 Plurimum potentia apud regem est,  
cum dominus cœli medij, aut loci Solis sub-  
diti, potens fuerit in figura regni ac regis.

180 Magni nascuntur, sub figis magnis,  
longarum ascensionum, in initijs signorum,  
sub Planetis existentibus in altitudine eccen-  
trici, & parui circuli, & mundi.

181 Obesi autem, iuxta longitudines me-  
dias, cum magna latitudine, in signis latis,  
ac multarum stellarum.

181 Qui Martem habet in ascendente,  
multis exponetur periculis, & in facie cica-  
tricem tandem habebit.

183 Oculi Tauri in apice ascendenti,  
siccarios facit, ac biathanatos, in occasus au-  
tem linea, vtriusque effectus significatio au-  
getur.

184 Cum naus mare ingreditur, & Bebe-  
nia vel Regia de natura Martis in linea  
ascendentis fuerit, aut Mars ipse, naus nau-  
fragium patietur, quod si cum hoc luminaria  
cecidissent, aut testimonium dederint Martis,  
aut Saturnus in sublimi loco fuerit, naus illa  
submergetur.

185 Similiter, si Mars in cœli medio fue-  
rit, hæc eadem ferme euenient. Manifestum  
est autem, quod exorientia sydera plus mo-  
uent tempestates, inde quæ in corde cœli  
sunt, vltimo quæ occidunt.

186 Maleuolæ, cum in synodo luminari-  
um illa respexerint, aut Luna ad eas perue-  
nit, minus violenter tempestates mouent,  
quàm si exoriantur, attamen longe diutur-  
ni res.

187 Coniunctionis locum, reuolutionem  
præcedentis, quo in loco ab ascendenti fuerit  
reuolutionis considera, nam magna euenient  
iuxta domus naturam.

188 Si cum profectio ascendenti ad lo-  
cum coniunctionis attingit, effectus seque-  
retur, eodem tempore semper cuncta eueni-  
rent.

189 In omni planetarum coniunctione,  
eum planetam dominatorem constitue, qui  
sublimior fuerit in eccentrico, & paruo cir-  
culo, & qui in loco plures habuerit dignita-  
tes, & qui plures stellas suæ naturæ similes  
habuerit.

190 Generalia ex singularibus, & ex ge-

neralibus singularia, sed alio modo.

191 In coniunctione superiorum ille al-  
tior est in paruo circulo à media coniunctio-  
ne Solis ad mediam oppositionem, qui cele-  
rior est: tardius enim mouetur in paruo cir-  
culo, à media vero oppositione Solis, ad  
mediam coniunctionem, altior est qui tar-  
dior.

192 Considerare etiam oportet, motus  
ab abside, ab imo enim seu eius opposito, au-  
getur motus, auctusque lumine etiam dicitur.  
optima igitur constitutio, cum ibi circulus  
paruus id est in ea quarta parte fuerit. Plane-  
ta vero in initio suæ apparitionis.

193 Matutinus ortus superiorum est, cum  
planetam Sol motu suo transgreditur, ac sic  
mane incipit ante Solis ortum apparere. Vo-  
spertinus autem occasus, cum illi Sol appro-  
pinquans, in vespertino crepusculo super ter-  
ram existentem occultat.

194 Matutinus ortus in inferioribus est,  
cum planeta retro cedens à Solis coniunctio-  
ne, in imo parui circuli abscedit tantum à  
Sole donec ante lucem exotiat, occasus au-  
tem matutinus, cum sic apparens directus  
factus ad summum tendens parui circuli la-  
tere incipit. Ortus autem vespertinus, cum  
exacta in summo parui circuli coniunctione,  
planeta velocius mouetur Sole, donec orien-  
tior existens in principio noctis incipit ap-  
parere. Occasus autem vespertinus, cum de-  
scendens donec retrogradari incipiat, Soli tan-  
tum appropinquat, vt illo occidente quamuis  
orientior existens, minime tamen videatur  
in crepusculo vespertino.

195 Cum ab oppositione, quæ est post  
transitum Solis super capillos Ceti, Luna  
Saturno iungitur plena luminibus fueritque  
Saturnus cum stella de natura sua, aut Vene-  
ris, aut etiam in cardine, vel eadem latitudi-  
ne, vel in Scorpine, vredo & carbunculus,  
vinum eo anno auferet.

196 Oportet autem scire distinguere in-  
ter id quod per se est, & id quod est per acci-  
dens.

197 Domini trigoni signi ascendenti,  
pro nutritione, & luminaris pro vita. Sed  
& validius domino exaltationis, & domus, &  
trigoni, diuisa tempora tribues.

198 Cum Sol fuerit cum Gorgonis ca-  
pite, fortuna non aspiciente ipsum, Dominus  
autem ascendenti, vel Luna, vel dominus  
loci luminaris, in opposito, quadrato aut  
coniunctione Martis: nato caput amputabi-  
tur. Quod si Sol in sublimi fuerit, lacerabi-  
tur corpus adhuc viuentis. Si autem Mars  
ipse, aut dominus qui affligitur, in Geminis,  
vel Piscibus, corpus eius aut lacerabitur in  
partes, aut saltem manus illi amputabitur,  
antequam moriatur.

199 Cum Sol in Leone, aut Sagitario,  
dominus ascendenti, aut Lunæ iungitur,  
Marte aspiciente, aut stella de natura illius  
ibi existente, natus cremabitur. Quod si  
Saturnus loco Martis affuerit, fumo suffoca-  
bitur.

200 Traiectiones aeris, siccitates, & aqua-  
rum paucitatem, & vtriusque turbulentiam  
inducant. Quod si ab angulo ad angulum  
ferantur,



ferantur, ventum ex ea regione protendunt.

201 Directiones, significant temporum generalium partes. Alfridaria generalia tempora. Sed reuolutiones, tempora propria vniuscuiusque rei.

202 Rerum quæ fiunt, aliæ ex principiis pendent, aliæ ab exterioribus, directio autem rebus principalibus magis dominatur, reuolutio autem his quæ ab exterioribus.

203 Cometes, magnos aliquando nasci-  
turos homines indicat, ille autem sub eo nascitur, non qui eius tempore, sed qui in regione, quæ illi subiaceret, angulo ac signo. Solque in loco illius, aut Luna, reliquum luminare in cardine? & ascendens similiter, ac dominus ascendens, in cardinibus, cometes cum exoritur, aut occidit, aut cæli summum occupat, neque enim vllus hæc omnia cometes facere potest. Tum coniunctionem, aut saltem oppositionem, natiuitatem illius præcedentem in loco cometis factum fuisse oportet.

204 Cometes in oriente, maxime exortum significat viri magni legumlatoris, & in cæli medio, regis præponentis, in occasu autem raro, & in succedentibus.

205 Qui autem cum filio cometis participant in genitura, ministri illius fiunt.

206 Cometes mutant leges, si in nono, vel vndecimo loco apparuerint, seditionem in lege, non legem ostendunt, nec erit in illa vnum caput.

207 In religione quæ sacerdotes à coniugio prohibet, & à filiorum generatione: significantes vxorum, declarant concubinas: & filiorum, filios illegitimos, vel adoptiuos.

208 Conuersiones variæ ingenio debentur, vt Mercurio, magnitudini luminis tempore, qualitates, & fata ac germinationes, vnde Soli ac Lunæ, præpotentes affectus, parui circuli magnitudini, vt Marti ac Veneri, corporum consistentiæ, orbium magnitudini.

mortis, & fuerit ille in loco infortunæ à natiuitate illo anno morietur.

6 Cum Luna fuerit combusta, ob iracundiam multa mala patietur.

7 Cum dominus mortis, secundum naturam peruenerit ad oppositum loci significantis vitam, & fuerit vnus in genitura & reuolutione, magnum affert periculum.

8 Cum infortunæ dominantur in genitura, & Luna applicauerit fixæ potenti de natura Martis in reuolutione: natus inclinabitur ad homicidia, & futurum est, vt & ipse periclitetur.


9 Cum Sol miscetur Mercurio, facit crudeles, cor enim eorum est siccum.

10 Cum Mercurius commiscetur Marti, tum hoc est potentissimum ad omne genus violentæ mortis.


11 Cum Luna & Iupiter valde infortunati fuerint, etiam si reliqua ad libitum appetuntur, erit natus tamen infelicitissimus.

12 Cum Mars fuerit in corde cæli, in Ariete, & radio quadrato Iouem in Capricorno, dominum ascendens aspexerit, vulnerabitur natus, eodem modo, si in Scorpione Mars ibi, ascendat autem Aquarius, pulset autem Saturnum in Leone.

13 Cum Mars iuxta inum cæli fuerit, cum nodo proprio, vel Lunæ, quo ad austrum tendit, & ascendens aspexerit quadrato, natus claudicabit.








Loca principalia hora mortis.

Ascen. \* ♄ ♄ ♄ ♄ ♄ ♄ ♄  
 13 m. 4. 18. 14. 13. 13. 23. 28 m.


16 In ascendente omnes corporis partes sunt, qui vero damnat planeta, est inspiciendus, & in qua domo sit, & quam vim habeat ad signum ascendens.

17 Saturnus gaudet in Aquario, & Iupiter in Sagitario, & Mars in Scorpione, & Mercurius in Virgine, & luminaria in suis locis, & Venus ambigua est.

18 Mercurius in Leone, Mars in Libra, Saturnus in Capricorno pedes habent.



Super his duabus genituris fundantur exempla claudorum. hic propter radios Martis quadratos cum nodo, & domina ascendentis cum cauda in eodem quadrato infortunata à Saturno & cadens, erit autem contentiosus & carus, & reliqua.



De hoc non est dubitatio, cum Sol & Mars cum cauda Lunam afficerent ex piscibus in imo cœli.

19 Iupiter in trino Lunæ dat filios, & diuitias, magis tamen in humanis.

20 Quando Luna & Mercurius in Tauro iuncti fuerint, erit studiosus & etiam eruditus.


21 Cum occurrunt genitura falsa, aut absurda, & non conuenientes significatis, monstrosa appellantur: Et ut corpora monstrosa in dissectionibus sunt fugienda, artem enim enertunt.

22 Cui Sol in trino, vel quadrato amico Martis fuerit, Mars autem in quadrato Lunæ, dominæ ascendentis non amico fuerit, ille à principe, & populo odio habebitur.

13 Odium significantia in nobilibus, contemptum in vilibus ferunt.

24 Quibuscunque Aries, Taurus, Cancer vel Leo ascendit, his corpus animæ obedit, & robustior vita, robusta autem, si vitæ significator, est dominus ascendentis.

25 Qui respicit locum mortis, mortis significator & ipse est, ille autem locum vitæ necessario respicit, ob id decepti sunt antiqui, cum tamen idem naturalibus accidat.



Hic sine arte, sine magistratu, sine opibus ullis, octingentorum coronatorum redditus, ab uxore fundos accepit, habet autem Venerem Ioni iunctam in septimo loco in quadrato Lunæ recepta, in cuius trino est Mars, dominus loci septimi.



26 Locus significatoris, materiam præstat, significator autem formam, promissor efficientem: respicientes planetæ, auxilia, & impedimenta rei futuræ.

27 Signa significatoris modum mortis, aut promissoris, vel vtriusque, ostendunt.

28 Cum Venus & Iupiter, in angulo septimæ fuerint, & Luna ex superiore loco eos aspexerit, existens in dignitate, fueritque caput cum illis, vel cum Mercurio, natus ex vxoribus maximas habebit diuitias.

29 Sol & Luna, vires ad xv. partes circumquaque extendunt, Venus ad viij. Mercurius ad vij. Saturnus ad ix. Iupiter ad x. & Mars ad viij. & Lunæ nodi, ad xij.

30 Quando Luna applicatur Marti, facit irascibilem, & si in aqueo signo. si in terreo, iracundum, si Saturno tristem.

31 Cum planeta applicat alteri, in domo vel exaltatione existenti, dat ei vim suam, & eo magis, si fuerit peregrinus. Quod si dominus loci alteri applicet, vim dabit sine vtilitate, & labores eius irriti erunt.

32 Cum inter duos planetas medius intercesserit, priorum nulla fit virtutis mixtio, nisi per medium ex altero in alterum deferatur.

33 Cum planeta combustus, non proximus extiterit, quod virium ei est, illi tribuit.

34 Cum planeta exit signum, antequam applicet alteri, mutabuntur significata illius, & qui in duobus signis sunt res multas in vnum permiscebunt, si iuncti fuerint.

35 Planeta qui primo radios Solis exit, & nulli applicat, purissimus effectus ostendit.

36 Cum vero in signo planeta est solus, vbi nec radij aliorum sunt, inconcinnitatem declarat.


37 Cum planeta retrogradatione sua alteri applicat, post ablatum metum vel spem, effectus ad finem perducit.

38 Sol assimilatur ascendenti, & cordi cœli, Planetæ reliqui fixis stellis.

39 Dirige planetas, & fixas, & radios etiam planetarum, ad secundam domum, pro diuitiis.

40 Natiuitas non significat super alios à filiis, nisi in comparatione ad natum.

41 Cum Planeta alteri proximus, incipit retrogradari, nec coniungitur postmodo illi, nisi alio in signo, vel post alterius planetæ coniunctionem, frustrabuntur significata per illam coniunctionem, postquam perfecta existimabuntur.



*Hæc figura deseruit 44. 45. 46. & 47. Aphorismis, laborabit hic fœdissima Venere semper, & erit aliquando insanus.*

24 Qui in signis breuium ascensionum loca habent principalia, obedient aliis, vi vel sponte.

43 Cum Sol reuertitur super locum promissoris, aut abscisoris, distans ab illo quibusdam partibus, tantundem adimit virium ex loco significatoris, aut addit, quanta portio est pars vna totius distantia, hocque idem facit in mensibus Luna.

44 Cui Sol cum capite in angulo fuerit, maxime in prima, vel corde cœli, pater eius ingenti fœlicitate fruatur, oportet autem non plus parte vna distare.

45 Cui Mercurius in linea fuerit ascendentis, motu velocissimus, in humano signo, hic bonæ memoriæ bonique erit ingenij ac acuti: sed mutabilis in consiliis.

46 Cui luminare temporis, cum constellationibus fuerit, ambo oculi erunt aliquo modo vitati.


47 Cui Luna à Venere separatur, in masculino signo, fueritque in constellatione aliqua, vel cum Regia, vel Bebenia, is luxui & libidini nimium vacabit, nec ab ullo genere libidinis abstinebit, magnam fortunæ tamen fœlicitatem consequetur, sed ob uenerea periculis subiicietur.

48 Luna plena luminibus cum Marte, præbet opinionem stultitiæ, & vacua cum Saturno, facit stultos vere.


49 Venus cum in corde Solis fuerit, ingentes largitur dignitates.

50 Si Planeta cum corde Leonis Lunam aspexerit, idem efficiet.






Apposui quatuor has Cardinalium genituras à Bonauentura Castellioneo acceptas ut quis intelligat decreta nostra esse firmissima.




In prima igitur propositarum Luna fuit in sextili Mercurij existentis cum corde Leonis, & Sol in sextili Iouis quasi. Sed Luna cum cauda & Mars in quadrato Saturni, breuem uitam & magna decernunt inconuenientia. In secunda est Sol cum corde Leonis, & triplicatur eudamon in trino Iouis, ideo fuit vir maximus causa dignitatis, est Sol cum duabus fixis nobilibus, & trinus Iouis, & Veneris. Anno 1537. die 20. Septembris, amisit pileum, res vari exempli, vide reuolutionem & directionem. Patitur morbum diuturnum, & perpetuum, quia dominus ascendens est in sexta.



Quia Iupiter in trino Iouis in tertia figura,

fuit vir doctrina & prudentia singulari. Luna in ascendente, & Sol cum corpore Veneris, Cardinalem afficiunt.



51 Mars in Cancro subitam efficit iram, sed minime tenacem.

52 Cum fortunarum aliqua cum regia fuerit, & respexerit Solem, vel sub radiis eius fuerit, vel etiam fuerit in parte Lunæ, vel ex parte aspiciens amico aspectu, natus non vulgarem adipiscetur dignitatem.


53 Amicus aspectus est trinus & sextilis, vel etiam si ex quadrato, vel opposito recipiat.

54 Cum Sol fuerit in Libra, vel Aquario cum bonis, & malis, vel solitarius cum fixa, perueneritque directio mala cum reuolutione, natus decedet à perpetua dignitate prodigiosè. Si vero inciderit vnum eorum tantum, decedet à dignitate quæ non est perpetua, sed ad arbitrium.

55 Luna sub Solis radiis, generaliter infœlicem exitum decernit.

56 Luna in septimo loco magis facit comitiales quàm alibi, post autem in ascendente, sed ibi potius fatuos, si male fuerit posita.

57 Si mors hominum, omnibus ex genitura decerneretur, impossibile esset clades magnas aut pestilentias aduenire.




Hic est qui precedentes quatuor genituras ex suo libro desumptas nobis tradidit.

58 Cum in extremis signorum accidunt Planetis impedimenta, in extremis corporis timendi sunt morbi, ut chiragra & podagra, tum etiam vitia, ut claudicationes.

Iam





Iam vides, quod in prima harum duarum, Luna est cum Spica & arcturo, de natura Iouis & Veneris parumque Mercurij. Significat igitur hominem amicum, omni genere literarum & musica refertum, & quia oculus Tauri est in ascendente, significat vehementiam & audaciam, & quia Luna est in trino Iouis cum capite, significat magnam vitæ felicitatem. Sed quia est non per gradus, erit multiplex hæc, sed in nullo genere perfecta. Saturnus etiam in occidente, omnia aut impedit aut retardat. In secunda vero, quia Mercurius est in opposito Luna, & Mars in trino Mercurij, & in sextili Luna, & omnes respiciunt ascendens in quo cauda, & omnia partem eandem, sequitur ut fuerit callidissimus mortalium, caruit tamen literis.

59 Deteriora impedimenta accidunt, cum infortunæ fuerint in ascendente, & fortunæ in occidente, quàm cum contratio modo.

60 Si Mars in nocturna genitura, aut Saturnus in diurna, Mercurium cum Luna impediunt, fient comitiales, sufficit etiam ut Lunam solam nec illa nec Mercurio ascendens aspiciente, nec altero alterum.

61 Infanti vero, cum Luna sub Sole à Saturno opprimitur. Dæmoniaci, cum ea in opposito Solis à Marte vexatur.

62 Iupiter & Mercurius cum dominantur locis impedimentorum, cemitialem augent. Sol & Mars, dæmoniacos. Saturnus, & Luna insanos.

63 Tres Planetæ curationes significant, Iupiter per pecuniam & bonum consilium, Mercurius per medicinam, Venus per magiam, auxilium diuinum, & somnia & calum.

64 Cumque luminaria, & Mars, ac Venus, in masculinus signis fuerint, & maxime Ariete, Libra, Aquario, ac Geminis, mulieres efficientur tribades, & masculi in masculos prout erunt, non tamen pati desiderabunt.

65 Quod si hæc omnia in fœmininis, & maxime in Tauro, Scorpione, & Capricorno, fœminæ secundum naturam se habebunt, viri autem pati desiderabunt.


66 In genituris geminorum, ascendens dominus, & si in bicorporeo fuerit, & loci coniunctionis dominus etiam, si ascendens in fine signi fuerit, quod bicor-

poreum signum sequatur, sufficiet. Atque alterum sub succedente signo expecta, si vero etiam Luna in bicorpore fuerit, ambo vivere possunt.

67 Luna cum à radiis Martis amicis recesserit, facit natum exerceri ac corpore agitem ac robustum.

68 Quandoque accidit ut qualitates animæ in filiis, consimiles ad vnguem in genitura eis, quæ sunt patris videantur.

69 Mercurius cum nodis, subtilitatem præstat magnam ingenij, fœliciolem tamen cum capite quàm cum cauda.



Hic fuit gemellus, & qui posterius natus est, infans periit.

70 Quando dominus ascendens fuerit in bicorporeo peregrinus, natus erit anceps in negotiis suis.

71 Iouis & Veneris trigona radiatio, si natus vixerit, magnam aliquando dabit animi voluptatem.

72 Cum infortunæ, luminaria ex inferiori parte pulsauerint, pericula significant & læsiones, cum ex superiori, detrimenta.

73 Cum in septimo loco, infortuna cum regia, Lunam pulsauerint radiis, natus magnas patietur insidias & damna.

74 Sol cum Saturno, nonæ domui præxiens, vera & mala somnia dabit. Sol & Iupiter, aut Venus, vera ac bona. Saturnus & Venus, mixta veraque Saturnus & Luna, aut Saturnus ac Mars, vel Saturnus ac Mercurius, falsa ac mala. Mars & Mercurius etiam falsa ac mala. Luna & Mercurius, aliquando vana, aliquando vera. Venus sola debilis, aut Iupiter, iucunda, attamen falsa.

75 Spuriarum genituræ habent ascendens cum Luna alligatum non cum significatore patris, & plerumque habent indicia magnorum malorum, & dominus quartæ parum concors est cum domino secundæ, & Luna; aut Venus, cum Marte, vel Mercurio conveniunt.

76 Adoptivi filii sunt, quorum domino genituræ, Saturnus cum Iouis virtute accedit, est quoque Saturnus quartæ dominus. Quod si cum hoc fuerint spurij signa, erit adulteri filius, pro proprio habitus.

77 Primus



77 Primus sextæ significator morbos, secundus seruos, tertius significat animalia.

78 Cum Luna cum Marte conuenesit, erit natus audax, præceps, iracundus & inconsultus ac agilis. Si autem cum Saturno, lentus, iners, timidus, iniuriæ patiens, dolosus: Cum Ioue, moderatus, prudens, ac boni habitus: cum Sole, ambitiosus & clari nominis necessario: cum Venere, placidus, mansuetus, iocosus, eneruatus: cum Mercurio, docilis, & acutus, animique subdoli.

79 Cum dominus secundæ fuerit fortuna, ut si Pisces ascendant, & dominus sextæ, erit nato lucrum vel ex ægris, vel ex seruis, vel ex bestiis, idem si alter alteri iungatur.

80 Cum commutantur planetæ duorum, in reuolutione beneuoli, fiet amicitia quæ finietur, & domini locorum, causam significabunt, & si fuerint fortunæ, lucrum & voluptatem.

81 Cum duo planetæ eiusdem naturæ simul conueniunt, vel etiam exquisitis radiationibus colligantur, quod per ambo significatur, clare apparet, ut iucunditas ex Ioue & Venere.


82 Maximi omnium sanguinis effusores sunt, cum Mars Solis radiis roboratur, post hi in quibus Mars est in Solis dignitatibus potens.

83 Solis commutatio, facit amicitiam, propter honestum, decorum & gloriam. Iouis ob utilitatem, Veneris ob voluptatem Luna ob naturæ conuenientiam,


84 Mars, & Sol, ac Luna, itinera significant, nonaque ac tertia domus, si eorum significatores cum luminaribus, maxime temporis conuenierint.

85 Planeta quilibet virtutem suam ad actum perducit per luminaria, non quod luminaria talia significant.

86 Partes orbis, ex natura Planetarum, & signorum, & cœli partium, & latitudinibus habentur.



Hic rusticus, virtute sua factus est dux exercitus, reliquit autem Franasum Sfortiam primum, qui fuit dux Mediolani. Obrutus est aquis 55. ætatis anno, vi in sequente figura.



Causa mortis fuit, quia Luna applicuit loco Martis per directionem, & cecidit in loco eius trino à genitura, & fuit in quadrato Saturni existentis cum arcturo in boote, stella potenti & nimbofa, & genitura genus hoc mortis declarabat, Ascendens applicuit per directionem loco Mercurij in Cancro, erat etiam Luna cum sydere regio Herculis, de natura Martis, fuit autem dies mortis, aurocis prelij, in transitu fluminis, tertia Ianuarij, 1424. quare dum collabentem puerum adiungere nititur, ipse lapsus ex equo, submersus est, ac suffocatus.

87 Sol orientem, Luna occidentem, Venus austrum, Mars Septentrionem, Mercurius multiformem mutationem ostendunt.

88 Cum in signis aqueis significatores fuerint itinerum, infortunæque super eas eleuata, aut fortunæ inimicæ, tempestatibus obtinentur in itinere.

89 Cum Iupiter in decimo loco fuerit in trino Martis ac potens, & Sol cum capite draconis, & Luna cum corde Leonis, etiam filius rustici exaltabitur.

90 Cum planeta aliquis, per partem in cuspide septimæ domus, in domo sua fuerit, erit mors proculdubio ex natura planetæ illius atque loci.

91 Taurus à proprietate significat præcipitium: humana signa latrones. Mobilia signa insidias, & varia impedimenta: quadrupedia canum aut equorum vel ferarum detrimenta in itineribus.

92 A decima ad primam meridiem, à prima ad quartam oriens, à septima ad quartam septentrio, à septima ad decimam occidens.

93 Causam itinerum domini significatorum ostendunt.

94 Saturnus potentior est ad mortem, Mars ad genus violentæ mortis.

95 Cum Iupiter potenti stellæ copulatur, aut Sol benefica, & Luna fuerit in opposito, vel quadrato, magna fortuna, cum malo exitu plerumque decernitur.

96 Si processus esset per signa singulis annis, decimus nonus ac septimus semper ingens periculum afferrent.

97 Locum occidentem ex natura propria conuenit obseruare, & planetæ aspicientis, & euntis ad eum motu æquinoctij vel proprio.

98 Loci



98 Loci propria natura est, ex stellis ibi existentibus, vel in eodem circulo ascendentibus, vel ex se ipsa, vel dominantis planetæ.

99 Venus facit homines verecundos.

100 Venus facit obstructions, cholericam, & choleram, morbum per accidens.

101 Mercurius facit comitiales, & melancholicos, vi morbi, Luna autem vt ægritudines.

102 Mors violenta decernitur cum infortunarum vtraque loco mortis dominatur, vel si altera aspiciat altera dominetur, vel vtraque aspiciente, vel cum ambæ super dominum mortis eleuantur, vel cum altera earum duobus primis vitæ significatoribus præest, vel cum dominus mortis impeditus fuerit, maxime sub radiis Solis, & infortuna ex toto, loco mortis dominetur, vel si fortuna omnem in loco mortis sibi vindicet potestatem, vt in primis partibus Scorpii.

103 Infortunæ in angulis mortes publicas decernunt, eadem celeriter, ob hoc raro publica mors in senio.

104 Sol publicam mortem vt decernit ferro vel igne, sic Luna suspendium.

105 Cum infortunæ præfuerint & validæ, mors violenta erit ab initio ad finem. Si mediocres, initium erit violentum, morietur tamen ex morbo. Si autem debiles, mors quidem acerba erit, sed minime violenta.

106 Quicquid significat coniunctio duorum planetarum, idem decernit coniunctio planetæ aut radius cum fixa eiusdem naturæ.

107 Multi relinquunt Astrologiam, vt vanam, alij vt incertam nobis. Qui autem hæc quæ hic tradita sunt non intelligent, vt difficillima destituent.

108 Difficillimum omnium, est scire locum interfectoris, nam ex hoc habetur & tempus mortis, & locus, & genus, non enim facile est diiudicare, an interficiatur. Sed & ex eo scimus, quæcunque in vita aguntur.

109 Cum igitur debilis, & vnicus fuerit significator, & planeta contrariæ naturæ in loco valido fuerit, ille vel eius radij, sine fortunæ auxilio, proculdubio occidet.

110 Si mortis significator in angulo fuerit, si orientalis, si cursu velox, si in dignitatibus suis, si iuxta nodos suos, si in summo parui circuli, mediocrem vitæ significatorem solus abscindet.

111 Si mortis genus violentum significatur, promptius & frequentius abscindit.

112 Si geminata fuerit vis occisoris planetæ, per alium, vel alterius radios, vel sydus aliquod, vitæ autem significator validus extiterit, occidet omnino, cum occisor fuerit per se potens.

113 Maxima igitur ambiguitas est, cum radij felices luminarium, aut fortunarum, super locum interficientem ceciderint, frequenter enim seruantur præter spem, alij autem, de quibus spe rabamus, vt etiam in morbis medici, intereunt.

114 Cum Luna Soli opposita nebulosis

Tom. V.

stellis iuncta est, vitio luminum capietur.

115 Capietur & vitio eodem, cum Luna in septimo loco existens, ab ambabus infortunis, ex superiore loco pulsata fuerit, quod si valida sit radiatio, cæcabitur.

116 Cum inter significatorem & promissorem, fuerint corpora infortunarum, non abscindentia, vel regiæ malæ, in occursum radij primi consentiente reuolutione, absque eo quod ad consimilem perueniat partem, natus morietur.

117 Cometæ immobiles, seditiones, mobiles autem bella indicant ab externis. In cardinibus, regum mortes, in nono loco, religionis iacturam, in octauo vel duodecimo loco, pestilentiam, aut iacturam segetum, in vndecimo, nobilium mortes.

118 Frustra querimus beatos, sanctos, ac vere Deo gratos, ex syderibus siquidem maius est, Deo gratum esse, quam cæli promissa possint polliceri.

119 Rex ille firmiter regnum administrabit, cuius genitura cum regni initio consentit.

120 Quatuor cardines genituræ, sic quatuor elementis assimilantur, vt cui Taurus ascendit, plus terra, post aër dominetur, cui Leo, plus ignis post terra, ac sic de aliis.

121 Quæque genitura cuique in aliquibus dissidet, ac conuenit, oportet igitur cum hominibus conuenire, in his solum, in quibus genituræ conueniunt, in cæteris ab illorum communicatione abstinere.

122 Recondite rationes rerum docent nos, vt illis credamus, qui autem inter multa falsa, pauca miscet vera, non est in recitando dicta eius illi quicquam tribuendum.

123 Cum dominus duodecimi loci, dominum primi oppresserit, vir ille & si egregius fuerit, inimicorum tamen potentium odio, à multis impeditur. Sed hoc magis, cum constans planeta fuerit & infortuna, nec in ascendente vim vllam habeat.

124 Luna cum in debili loco existens, vitæ significator extiterit, Iouis iuncta corpori, in finibus Iouis, ad illum transfert vitæ significatum, significator debilis, in qualibet enim ætate non perfecta, corpus ponderosi Lunæ iunctum, discrimen non leue affert.

125 Compositio ex Ioue, Venere, Luna, & Mercurio, suauitatem eloquij maximam affert, vnde si Iupiter in Virgine, & Luna in Piscibus fuerit, poetæ fiunt.

126 Habet & Leo præcipuum quiddam in eloquentia, cor enim est, in quo animi sedes.

127 Pertinacissimi sunt, quorum ascendenti Saturnus præest, & ipse cum Regia, vel Bebenia.

128 Crudelissimi, quibus Mars eodem modo cum stella de natura Martis aut Saturni.

129 Sine exemplo artem condere temerarium, cum vno vel duobus leuæ, cum pluribus autem negociosum.

130 Per ordinem artem tradere, incudius legentibus. At per sermones diuinos magis proprium inuentoribus, sic enim vnæ

E

quæque



quæque ars intuenta & tradita est.

131 Singularibus non possumus quicquam determinare, composita sunt innum erabilia. Ob id decet enarrare singularia omnia, pauca etiam generalia, vt ex his infinitum illud, iudicio comprehendere possit.

132 Cum fuerint planetæ in eadem latitudine, in oppositis partibus, erit diminutio oppositionis secundum aggregatum vtriusque latitudinis, idem de quadratis, sed non eodem modo.

133 Rectene videtur in hoc dixisse Ludovicus Rīgus, cum Mercurius & Venus retrocedant in Scorpione cum Sole, & Mars est in Geminis vel Virgine, violenti morbi contingunt.

134 Non perueniet ad finem bonum, vixque fieri potest vt perseueret in magno gradu, cui nulla ex progenitorum figura genitura propria auxiliatur.

135 Si Sol, & Iupiter, & Mars, vel Saturnus, in trigono igneo fuerint, vel in locis sublimibus, vel cum fixis nobilibus, vel se aspicientes, erit natus magni nominis, ratione potentia, & si Sol cum Ioue & Mercurio in Aereis, eodem modo erit, ratione industria.

136 In augium transmutatione, & regiarum, & magnarum coniunctionum, magni homines nascuntur, quamuis genitura hoc adeo expresse non ostendant.

137 Dirige Saturnum, vt scias statum parentis, & constantiam, & agrorum, & ædium constitutionem: & Iouem, vt intelligas amicos, potentiam, & diuitias, & iudicium. Et Martem, vt cognoscas audaciam, promptitudinem, contentiones, & pericula, ac flagitia. Et Solem, vt cognoscas patris statum, existimationem, vitam, & honores. Venerem autem, vt sciamus matrem: sorores, filias, & coniugium, ac gaudia. Mercurium, vt studium, industriam, ingenium tractationes. Lunam, vt Sorores, matrem, filias, vxores, statum corporis, animique, itinera, famam rationem. Ascendens, vt corporis propria, & animi qualitates agnoscas. Cor cœli, vt statum & dignitates. Secundam autem, vt lucrum, decimam vt artem, & cum his commisceas, quod non proprium est, & rursus consideres, quid non proprie significant.

138 Consistentia Lunæ in primo mense generationis, & Mercurij in secundo: atque aliorum, qualiter corpus & animi magis decernit, quam genitura. Quia vero difficile fuit hoc scire, genituram in qua vmbra horum omnium apparet inspicimus.

139 Quintum signum ab ascendente filios significat, quia eiusdem naturæ est cum signo ascendente, & si fuerint duo signa in ascendente, erunt & nati diuersorum morum inter se valde, & nona significat eadem causa, filios filiorum.

140 Decima domus artem significat, & secunda diuitias quæ arte parantur, est enim in signo eiusdem naturæ, & sexta labores, bestias, & seruos: ad artem & diuitias comparandas necessar. a.

141 Si cometes apparuerit in quarto, vel quinto, vel octauo mense, vel decimo prægnantis, natus erit iracundus & seditiosus.

142 Consistentia infantis in vtero, nihil recipit præter significata corporis & animi.

143 Luna cum cauda existens, matrem adulteram plerumque significat, ac puerum etiam adulterinum & malorum morum. Sæpius etiam infortunatum.

144 Cum videris, quod decreta patris non eueniunt ei, qui nutrit filium tanquam suum, tunc certus esse debes, quod adulterinus ille est.

145 Antiqui huius artis scriptores, adeo oscitanter ac ludibrio artem hanc tractauerunt, vt in eorum libris exempla inuenias, quæ syderum lex non admittit. Vnde non solum illos fugere decet, sed qui eorum libris innitti se fingunt, artem ignorant, & plerique eorum lycophantæ sunt.

146 Qui artem aliquam destruit, longe deterior est imperito, nec vacat mens illius malicia, desidia, & ignorantia.


147 Sol non potest recipi à Venere, nec à Mercurio, nec illos recipere.

148 Optima est genitura, in qua Iupiter Solem recipit: post vbi Lunam: post Saturnum, & Martem, post Mercurium & Venerem, oportet autem ex eadem parte esse.

149 Cuique Iupiter est in aspectu Solis, is superbus erit, & sine causa, si non recipiat.

150 Si Reges præponerent ex filiis, regno optimam & dignam habentem regno genituram, ac illius initio concordem, nunquam successio regni tolleretur. Quod si cum hoc etiam vni indiuisum relinquatur, illæque ad artes rege dignas instruatur, non ad aulicos luxus ac ceremonias, illa successio tandem orbis imperio potiretur.

151 Quatuor quartæ terræ, quatuor similes sunt elementis, & sicut nullum quod ex his constet, perpetuum esse potest. Sic totus orbis in vnum imperium diu consentire nequit.



Mars & Saturnus in angulis, & Venus in domo Mercurij in quadrato Martis, flagitiosissimum ostendunt, vt Venerea, iam tantus ætate patiat. Sol & Luna cadentes sacerdotium. Luna afflicta infamem. Mars cum capite in sextili Iouis




*Iouis, insignia per nephas, eundemque toto orbe cognitum reddunt. Suauiloquentiam praestat Mercurius omnium planetarum radios recipiens, Solis & Iouis ac Martis & Saturni ac capite, tum Veneris, facitque ut omnibus sui temporis mortalibus antecellat, eadem insignem memoriam decernunt.*

152 Terrea occidentem occupant, austrum autem ignea, orientem aerea, boream aquea.

153 Terrea & aquea bello, Aerea & ignea contemplationi, ob id atroces bello gentes, literis semper inimicae fuerunt.

154 Boreales intelligas, qui sub vtrisque polis, australes qui in torrida habitant regione.

155 Astrologi, ut diuinatores, pessimi homines sunt, deceptores ac malorum morum: philosophi naturales veritatis studiosi ac probi, ob hanc Astrologus tantum verax est ac probus, quantum in sua diuinatione adheret principiis philosophiae naturalis.



*Saturnus & Mars in angulis & cum nodo, & Mercurius in ascendente cum cauda callidissimum, & multis incommodis subiectum periculisque decernunt, idem casurum aliquando ex dignitate, tum magis, quia Sol affligitur, magnam in opibus fortunam Iouis & Veneris ac Luna concursus, fuitque magnus sycophanta, at tamen bonus medicus.*

156 Aries, Leo, & Sagittarius, similitudine, non proprietate naturae, sunt orientalia.

157 Scientia haec, scientia mea non est, ob hanc ne coneris, quae diuina sunt, in alstra redigere: multis enim videtur, ad opinionem de se facere, ut impij habeantur.

158 Qui de seipso multum pollicetur, multorum errorum est author. Qui diffidit huic scientiae, non est idoneus.

159 Qui inconnexa scribunt simul, volunt videri abstrusum aliquid docere velle, cum ridiculi sint, & inanes.

160 Oportet authorem veritatis multo magis insistere in falsis destruendis opinionibus, ab aliis traditis, quam in enarratione veritatis.

161 Sunt & figurae coelestes, aliae ab his, quas nos situ stellarum fingimus, vires ha-

Tom. V.

bentes, quae tamen, cum ad stellarum & erraticarum vim comparantur, aut raros, quam graues, aut leues, & si frequentes effectus producant.

162 Ambitiosi planetae sunt Sol, & Iupiter, & Mars, ubi igitur in angulis & fixis signis fuerint, ambitiosos reddunt, maxime si locis Lunae & ascendente dominetur.

163 Luna in ascendente, diuinandi cupidum & futurorum scientiae facit, maxime autem in communibus ac mobilibus signis.

164 Causa, cur rari euentus praedici soleant ab astrologis, est, quoniam imperfecta est ars, ex his quae scripta sunt, ad hanc diem, qui vero excellentes in ea fuere, infantium quidem euentus videre iam senes existentes desperauerunt. Sed iuuenum non adeo certam genituram, tot laboribus indignam iudicauerunt.

165 Incommensuratae sunt geniturae, vel quia planetae omnes in vno sunt signo, aut quia se respiciunt, vel quia omnes cum fixis potentibus, aut in angulo.

166 Cum fuerint planetae sparsi, nec in vno trigono, homines erunt magis accommodati generaliter: cum in eodem trigono, plus valebunt in vna re.

167 Geniturae in quibus ascendens, aut Luna, aut dominus ascendente, vel Sol, aut plura ex illis, sunt in leco coniunctionis proximae Saturni & Martis & in signis igneis ad fortitudinem homines inclinant. Quod si Sol & Iupiter eos adiuuerint, erunt duces militum strenui. Hoc idem praestat Capricornus.

168 Sol & Mars in secunda peregrini, aut cauda, effundere substantiam hominem significant.

169 Ille non erit omnino infelix, cui loca principalia fuerint omnia in dignitatibus Iouis.

170 Luna in octauo loco, acerbum morbum in capite, & plerumque exitialem significat, in genitura autem, praecocem mortem.

171 Mora nati in vtero, raro excedit motum Solis, usque ad consimile signum.

172 Saturni regressus par. 7. mi. 18. Iouis par. 9. mi. 55. Martis par. 11. min. 12. Veneris par. 14. mi. 4. Mercurij par. 15. mi. 13. Tempus autem in Saturno regressus, dies 136. in Ioue 118. in Marte 64. hor. 12. in Venere 40. hor. 16. in Mercurio 23.

## SEGMENTVM IV.

### Aphorismorum Astronomicorum.

I. Geniturae mulierum, in vita similes sunt virorum genituris, in fortuna ex toto dissimiles, in moribus autem medio modo se habent.

2 Cum plurimi planetae in eodem signo, non in eadem parte fuerint, temperaturam ad vnum genus, & actiones, inclinabunt, succedentia sibi in annis plurima, sed nil egregium promittunt.

3 Cancrī signum, nostro tempore validum

E 2 dum




dum existit, ob sydera in eo existentia, ob magnam cōiunctionem, quæ in aqueo signo est, & ob planetarum dominantium robur.



*Hæc debuisset mori morte violenta, nec tamen mortua est, & magnam felicitatem habere.*

4 Mulier, quæ Martem cum Luna habet, nullo modo casta & pudica esse potest.

5 Stellæ, quæ in hydra, & quæ in cauda Scorpij, & Serpentarij caput, quæ de natura Saturni & Veneris vt Leonis cauda, & Saturni cum Venere congressus, & quæ sunt de natura Lunæ & Saturni, quarum non est exemplum, & congressus Saturni & Lunæ & Veneris & Mercurij, & iterum Saturni & Martis congressus, & stellæ, naturæ eorum eorum, & etiam Mercurij, & Saturni, & eorum congressus, & quædam puræ Martis, & quædam ex natura Solis & Martis, & iterum luminarium oppositio, & nodus vterque nullo minus, maxime cauda, venenum significant,



*Hic est infima sortis, habet Solem & Mercurium & caput iunctos in decima. Item Saturnum Iouem & Martem in eadem parte: unde illi continget vt honore periclitetur, & magni aliquid habeat. Significatur igitur podagram & talia.*

6 Superiores planetæ cum primum è radiis Solis exeunt, animam nobilem, alacrem splendidamque efficiunt: cum radios Solis il,


lico sunt subituri, agrestes, timidas, auaras: cum in statione prima, ancipites, potentes, dolosas: cum in secunda, ancipites, deiectas, debiles: cum in imo circuli parui retrogradantes ante oppositionem, pertinaces, validas, sperantes: post oppositionem pertinaces, debiles desperantes.

7 Inferiores planetæ, cum primum è radiis Solis orientales exeunt, languidas & sollicitas animas faciunt: at cum primum post occasum apparere cœperint, incrementa omnium demonstrant, cum vero retrogradari volunt, tristes & ancipites: cum ab illa exire festinant, debiles quidem, & omnino in aliorum potestate: dum vero retrogradantur, ad Solis coniunctionem vsque, timidos, nec sui iuris: cum vero iam Solem retrogradando præterierint, pœnitentes, ac dissimulatores. Luna in Solis opposito, perpetuas declarat contentiones, claræque facta. At sub radiis, magna detrimenta, calamitates, infidias inferentem aliis, ac sibi quæ parentur. Inprima apparitione, sperantes, ac mutabiles.

8 Debilis est status Veneris & Mercurij, cum occidentales matutini extiterint, vel orientales vespertini, at apparentium contra potens, mediocris autem, cum in die occidentales vespertini, aut in nocte orientales matutini, possunt enim sed non perficiunt: At inter mediocrem validumque proximior mediocri est, cum nocte quidem occidentales vespertini iam sub terram descenderint, valido propinquior status, cum ante lucem orientales nondum tamen super finito rem visus ascenderint.

9 In perfectis genituris, Luna redit ad signum ascendentis conceptionis, vel eius oppositum, vel ad Planetam, cum quo in conceptione fuerat, aut eius aspectu, vel ad signum proprium. Ascendens autem, est locus Lunæ conceptionis, vel eius oppositum, aut locus domini coniunctionis conceptionem præcedentis.

10 Si loci Lunæ & ascendentis genituræ & conceptionis commutarentur, non possent in vna die nisi certis paucis momentis homines nasci, essetque plurimum idem fatum.



*Manifestum est, quod hic primo natus est die 176. à conceptione. Nec vicissim correspondens natiuitatis & conceptionis, locus Luna & ascendentis.*




11 Nullus nascendi certus terminus datur, plerique tum à 166. ad 178. diem nascuntur cum perfecti fuerint.

12 Sunt & geniturae solares, cum Sol ad locum ascendens, aut domini eius, aut ad locum domini coniunctionis, vel proprii loci, reuertitur.

13 Saturnus debilis redditur, in locis luminarium & Martis.

14 Planeta syluester prædominans, facit desiderare solitudinem, præcipue Saturnus.



*Mansit igitur mensibus novem solaribus & diebus sex, & Luna rediit ad idem signum in quo erat, & ad quadratum Martis, & sic apparet quod per perfectos circuitus & vocantur menses Martis, alij Solis, alij Iouis &c.*

15 Si loci Lunæ & ascendens commutarentur in genitura & conceptione, impossibile esset, ut gemelli simul generarentur.

16 Si confimilis angulus loco domini coniunctionis in genitura secundum partium numerorum, necessario inueniretur: & necessario esset multorum singulis diebus una genitura.

17 Saturnus bene dispositus, facit dominandi cupidos, avaros, fallaces secretorum cognitores & legis, crudeles. Si autem male sit dispositus, inuidos, timidos, lugubres inuerecundos, proditores, odio bonos etiam gratuito prosequentes.

18 Male dispositus planeta dicitur, in contrario suarum dignitatum, ingrediens radios Solis, retrogradus, pulsatus radiis infortunarum, occidentalis proximus Soli per 30. partes, cadens ab angulo, malæ fixæ potenti copulatus, impeditus, stans, tardigradus, syluester, diurnus infra terram de die, vel de nocte supra terram, nocturnus contrario modo, orientalis vespertinus, occidentalis matutinus, & lumine diminutus.

19 Communicare dicuntur planetæ, cum ambo communiter loco vni dominantur: vel cum qui dominatur, respicit alium, aut ei per partes paucas iungitur, aut quod, qui gubernat, reddit virtutem alteri, vel ad illum à leuiore planeta lumen defertur. Quod si coniunctus planeta, aspiciensque, in loco nullam habet dignitatem, homo erit dissimilis sibi, & incompotus. Quod quidem etiam videtur, quamvis non sint in

Tom. V.


planetis simul dominantibus, contraria naturæ, ut Saturno & Venere, Marte & Luna, vel Ioue & Sole & Luna. communicant etiam, cum in loco dominatoris alius planeta dominatur. Solitarius igitur, & in suis dignitatibus esse debet, qui solus præest.

20 Assimilari planeta dicitur, quotiens in illius dignitatibus & aspectu fuerit.

21 Cum planetæ duo simul dominantur, erit iudicium ex amborum significato mixtum. Cum autem dominus ipse alteri assimilatur, præcipuam quandam vim obtinebit.

22 Quando Mercurius fuerit Lunæ proximus, natus erit vndequeque sibi similis.

23 Saturnus si Ioui assimiletur, fueritque bene dispositus, erit natus prudens valde, magnanimus, quietus, philosophus, & regni minister. Male autem, sine sensu, pertinax, vanis deditus artibus, solitarius, & tediosus, difficilis, infortunatus.



*Dies 170 ad vnguem, Locus solis est locus hic ascendens, & locus ascendens ac Iouis locus Luna hic, de hora tamen non sumus admodum certi. illud adnotare conuenit colligantiam maxime constare in commutatione signorum Iouis & Luna, & talis est natura factus qualis planeta cum quo Luna commutatur, inde commutatio Veneris & Saturni. Mars etiam peruenit ad oppositum loci sui.*

24 Saturnus si Marti assimiletur, bene dispositus, erit pertinax, crudelis, proditor, temerarius, loquax, iracundus, adulator, Deos, homines, principesque odio prosequitur, sicarius nullis flectetur precibus, nullis rationibus, lusor, ostentator, in rebus omnibus immoderatus, laboriosus, miser, nocens, facinorosus, incestus. Si male, erunt hæc validiora, imbellisque cum hoc, fur, latro impius, omninoque infelix.

25 Eadem ferme erunt, si Mars Saturno assimiletur, nisi quod proprietates Martis magis retinebit, erit enim audacior magis, iracundus, & præceps, minus vero proditor, ac dissimulatur, & avarus ac inuidus.

26 Saturnus si Veneri bene dispositus assimiletur, erit olor mulierum, spernetque formosa, inuidus, & deceptor, ac maledicus, legi suæ non credet, Deum tamen timebit, occulti

E 3

consilij,



consilij, pacificus, verecundus, diuinator, zelotypus, tediosus, in mundicie medio-  
cris. Male, ebrius, pollutus omni vene-  
reo flagitio, pati non solum agere cupiet,  
etiam ad belluarum concubitus inclinabi-  
tur, deteriora his cogitans, maledicus, in-  
videntissimus, maleficus, immundus, ocio-  
sus & deses, miser ac infortunatus.

27 Si Soli Saturnus assimiletur, erit reli-  
gius, taciturnus, fidelis, melancholicus,  
mente superbus, crudelis, & hoc si bene fue-  
rit dispositus. At si male, erit Dei contem-  
ptor, auarissimus, ac superbissimus, dissimu-  
lator magnus, & inæqualis.

28 Si Lunæ Saturnus similis bene fortu-  
natus extiterit, vilibus implicat illum exer-  
citiis, sordida amat & vilia, auarus, perti-  
nax, vetulas diligit, & erit specie benignus;  
sed deceptor. At si male, miser, periurus,  
per tinacissimus, timidissimus, vagabundus,  
infortunatus, nullius omnino existimationis,  
etiam si Princeps extiterit, in vtraque au-  
tem dispositione, rei rusticæ amatores fa-  
cit.

29 Oculus Tauri, vt recte inquit Ioan-  
nes Schonerus, facit natum inquietum, tur-  
bulentum, seditione populari gaudentem,  
interdum bonum socium, si in ascendente,  
vel cum Luna fuerit.

30 At quod ei opponitur (Scorpii sydus)  
crudellem, rapacem, præter hæc, violentum,  
bene tamen fortunatum, si cum Luna  
fuerit, nam quæ in ascendente, mores so-  
lum significat.

31 Oculus autem Tauri, si cum Sole fue-  
rit, cordis pulsus dabit, maxime in sexta,  
dignitates, sed violentas, vixque euadet,  
quin veneno aut cordis vulnere pereat, nisi  
cum eo fortuna fuerit.

32 Hoc & Schonerus recte dixit, quo-  
niam Venus in Scorpione & Libra, Vene-  
reis intentum facit, in Leone autem amato-  
rem: in Tauro musicum, ebrium, gulosum;  
in Piscibus saltatorem, choreis se delectan-  
tem, & euntem per loca amœna libenter:  
in Geminis, dat delectationem ex annulis,  
& pingendi ac fingendi desiderium affert,  
tum pulsandi musica instrumenta. Sic & in  
Ariete, delectabitur videre pulchras pictu-  
ras, audire musicam, & odoribus gaudebit,  
ac etiam opipare conditis. Sed in Cancro,  
nauigationibus, aquis rebus popularibus,  
cantu proprio: in Virgine, omni genere vo-  
luptatis, nam desiderium est in iecore, fa-  
citque gulosos: in Sagittario, & Capricorno.  
saltibus, & equis delectabitur, in Aquario  
autem, cursu. Hæc autem in pueris clariora  
videntur, qui institutione aut pudore minus  
tenentur.

33 Saturnus cum Mercurio similis, ac be-  
ne dispositus extiterit, facit bonum, ac ad  
omnia mirabile ingenium, occulta sciet,  
erit inuidus, versutus, maledicus, sophista.  
Si male, erit deceptor, fur, nigromanticus,  
mendax, laboriosus, infœlix, invidentissi-  
mus, consanguineis odiosus, noctes ducet  
inquietas.


34 Iupiter facit verecundos, lætos, mag-  
nanimos, liberales, iustos, pios, alti consilij,

mansuetos, benefactores, fœlices. Male di-  
spositus, prodigos, dæmonibus seruientes,  
superbos, adulatores, contumaces, inuere-  
cundos, vitiis delectabitur, & vilis erit ani-  
mi, patiensque iniuriarum.

35 Iupiter, si Marti similis extiterit, erit  
fortissimus, & in re bellica prudentissimus,  
vindex, calidus crudelis, magnanimus,  
valde iracundus, honoris cupidus, callidus,  
fœlix, seipsum ad maiora prouehens, & hæc  
si fortunatus planeta extiterit, at si contra  
erit impudens, vilipendens alios, superbus,  
inobediens prædo, pœnitens, lenis, infide-  
lis, fœuissimus, absque sensu, & sine consilio,  
suos disperdet, temerarius Dei contemptor.

36 Generaliter autem cum planeta male  
dispositus fuerit, extremum virtutis quod  
vitium est pro virtute significabit, vitia ve-  
ro ipsa augebit in immensum, proximaque  
illi etiam adiiciet.

37 Iupiter cum Soli assimilatur, libera-  
les, cum tenacitate.



*Hunc regem fœlicissimum fuisse ostendit caput  
cum Venere, & Mercurio, in Iouis opposito, &  
mores decernuntur à Ioue & Mercurio & Vene-  
re & Sole bene positus, ideo fuit in præliis victor,  
in pace fidelis, erga subditos iustus, in tractando  
cantus, in administratione prudens, magnani-  
mus &c.*

tamen facit, splendor, fortes, iustos, pios,  
fideles, sapientes, magnificos, magnanimos,  
fœlicissimos, denique diuinos, ornatos etiam  
vestibus, nitidos, mundos, verecundos.

38 Iupiter si Veneri similis extiterit, erit  
natus pius admodum, amans, gratus, ius-  
tus, humanus, splendidus, munificus, niti-  
dus, mundus, ornatus, liberalissimus, ioci  
& cibi appetens, probus, fidelis affinium ob-  
seruator, amicos diligit, venereis secundum  
legem addictus, filiorum & vxoris amans, sa-  
ni sensus, doctrinam & scientias magis co-  
let, quàm habebit, candidi animi, propter  
Deum etiam mala sponte subibit, miseri-  
cors.

39 Iupiter si Mercurio assimiletur, erit  
omnium scientiarum peritus, boni ingenij,  
boni consilij, bonorum morum, beneficus,  
amabit collegia, amicos, & consanguineos  
fouebit, diuitias, & honores habebit, & ne-  
gocia principum administrabit, erit tamen  
diuerforum



diuersorum morum, catus, & fraudulentus.

40 Cuicumque Luna & Mars in Cancro sub radiis fuerint Solis, is & si rex fuerit fagedana perpetua tenebitur.

41 Iupiter si Lunæ assimiletur, erit bonus, mitis, laboriosus, diues, non vindex.

42 Mars cum solus dominus extiterit morum, ac bene dispositus, erit fortis, iracundus, crudelis, contemptor aliorum, reget bene milites, male ciues, deos spernet, arma diligit, destruet aliena, propriaque, immodicus, confidens de se, fortunatus.

43 Mars Soli similis, crudeles, fortes ad summum facit, fidos, suis principibus, veloces in operationibus, claros & iracundos, foelices.

44 Si Lunæ Mars similetur, facit contumaces, & maxime laboriosos, vilibus incumbunt, & vitam valde diuersam ducent, itineraque amabunt.

45 Si Veneri Mars similis extiterit, erit alacer, bonus socius, libidinofus, iocosus, saltator, cum foeminis & pueris ex æquo concumbit, sed mulieres tamen plus diligit, foelix valde, deses, nec amat artes, vt laboret in eis, Zelotypus, facilis ad iram, haud tamen tenax eius, plura tamen vastabit.

46 Mars si Mercurio assimiletur, erit festinus in negociis, bonus artifex, potens, laboriosus, versutus, dissimulator, proditor æqualium, instabilis, contumax, variæ fortunæ, promptus admodum ad negocia, crudelis, inquisitor, inimicis valde malus, sociis satis bonus, inquietus, lusor, & violentus, nequam autem erit, & rapax, vitia tamen animi dissimulabit.

47 Sol ipse facit claros, iustos, fortes, magnanimos, avaros, castos, prudentes ac pios, fideles quoque, ac verorum somniorum, amicitiae custodes, filios non amant, minusque vxores, honorum & dignitatum appetentissimos, crudeles etiam, & iram seruantes, nitidos, & mundos.

48 Veneri assimilatus, non solum pios, sed mites ac misericordes, vincit enim Veneris misericordia, Solis crudelitatem, quæ leuis est, verissimorum somniorum, nitidissimos, ornatissimos, ac maxime mundos, candidi animi, mediocriter hilares, moderatos, verecundos, pudicos iustissimos, amicitiae obseruantissimos, non adeo prudentes, parum liberales.

49 Mercurius, si mores significet, erit ad omnes artes ac scientias & pronus & aptus, antiqua & secreta in lucem reuocabit, magnus arithmeticus, mercaturam sponte amplectetur, etiam si princeps extiterit, amabit picturam, sculpturam, & plasticam artem, acuti ingenij, bonæ rationis experietur multa, aliqua etiam inueniet.

50 Homo ad ea inclinatur, quæ per planetam, in cuius reliqui dignitatibus planetæ extiterint, significantur, atque in his plurimi terminos obseruant. Si quidem Saturnus dominetur, turpibus factis, ac sermonibus, & cogitationibus incumbet. Si Iupiter, lucris, honoribus, & rebus dignis. Si Mars, contentionibus, & vexationi. Si Sol, rebus publicis, ac magnificis, cultuique Dei.

Si Venus, luxibus, & comendo & ornando se. Si Mercurius, disciplinis ac studiis. Si Luna, popularibus rebus, & itineribus, ac rebus alienis tractandis, hoc enim huic planetæ proprium.

51 Luna si præsit maioribus, facit contumaces, varios, obtusi ingenij, vagabundos, viles, timidos, nulliusque seruitij. Male posita, proculdubio stultos facit.

52 Luna Soli assimilata, quod rarissime euenit, facit homines spiritu inflatos, nulli tamen negocio aptos, fideles, nulli seruientes, publicis delectantur, ineptos, contumaces, variæ vitæ ac morum, quoddam diuinum præferunt, ac superstitionibus deditos amant, maxime magiam, de seipsis multa pollicentur, ingratos.

53 Venus cum Mercurio assimilatur, magnam in artibus exercendis gratiam affert, & in voluptatibus excogitandis callidos facit, Musica & Astrologia appetentissimos, varios etiam, & ad negocia tractanda maxime aptos, tum etiam leuiter fallaces.

54 Cum Venus assimilatur Lunæ, voluptatem totam ponit in peregrinatione, in rerum publicarum administratione, hominum parui ingenij, mollis, & effoeminatus.

55 Cum Mercurius Soli assimilatur, facit acutos, iudices bonos, rectos, sapientes, in regum negotiis expertos, diligunt vaticinia, compti, & modesti, ac sobrij, fideles, ambitiosi, casti, ac tales qui pro moribus ab omnibus laudentur, quanquam nemo ex his comis sit.

56 At cum Mercurius Lunæ assimilatur, agunt negocia, etiam dormientes, celeres, mutabiles, versuti, ingrati, vaniloqui, mendaces, varij, mediocris fortunæ, & hoc, si bene Mercurius fuerit dispositus.

57 Cum Luna & Mercurius sub radiis fuerint Solis, in Leone vel Ariete, aut Sagittario, Sol erit morum dispositor solus, aut cum Marte, vel cum Ioue.

58 Scire necesse est mensuram virium vniuscuiusque, sicut ex quatuor elementis tot genita constant.


59 Natura Solis est quasi media inter naturam Saturni & Iouis.

60 Pessima ei accident, cū Sol cum fixa mala mala, & valida, sine fortunæ auxilio extiterit.


60 Omnis immoderata syderum constitutio, in senibus ac debilibus, mortem affert, in aliis autem violentos casus, & exitia crudelia.

62 Luna, cum Mercurio assimilatur, mala est, cum iungitur, bona, Saturnus cum Veneri assimilatur, bonus, cum illi iungitur, malus.





*Hic debilis, ex reiectione sanguinis ex pul-  
mone, ac quasi tabificus, cum consulisset Con-  
stantium Bononiensem de Symis, an adepturus  
esset à Cesare regnum loco fratris, dixi ego illo  
ostendente figuram, moriturum eo anno, nam  
Luna inter pleiadas erat in sexta, in quadrato  
Martis & Iouis in fixa Saturni domo peregrin-  
antium, & sic repente in itinere suffocatus  
est.*



*Causa ex genitura reiectionis sanguinis, est  
Mars in quadrato Solis & Mercurius cum  
Saturno infortunata.*

63 Luna, cum male disposita fuerit, magna autem genitura polliceatur bona, multa quidem egregia inchoabit, sed non perficiet, nisi paucissima ex illis.

64 Luna in Solis opposito, morbus, si initium accipiat, ex humorum est abundantia, si deficiat, ex virtutis imbecillitate.

65 Non malè omnino videtur Copernicus existimasse, Lunam solam circa elementa versari, vt centrum, nam verè operationes eius sunt à cæteris planetis diuersæ multum.


77 Infortunæ orientales , dant morbos:  
occidentales , defectus.

67 Luna autem cum Sole, & nebulosa,  
in angulo, oculum sinistrum amittet.

68 Venus cum Saturno, in septimo loco  
fociata, cum stella Saturni, aut Marte, su-  
per ambos eleuato, Sterilitas in uiris, Abor-  
tus vel sterilitas in mulieribus.


69 Quod si cum his Luna Marti applicet,

in Cancro Virgine, vel Capricorno, erit ut  
ex genitalibus aliquid deficiat, vel peruer-  
sum sit.



*Saturni quadrati radij ad ascendens perueni-  
runt, sed non ad unguem, & quod magis potuit,  
quadrati radij Martis qui cum Luna & Venere  
& Leonis corde, ad Solem, dixi enim quod  
omne immoderatum occidit, & Mars fuit in  
renouatione, cum capite, & Luna cum oculo  
Tauri, & Venus rediit ad locum infortunij, cum  
corde Leonis in genitura, & Saturnus fuit in op-  
posito Iouis, & oportuit ut mors esset causa mu-  
lieris admodum pulchra.*

70 Si Saturnus cum Mercurio & Sole  
occidentales ab ipso in angulo fuerint, Marte  
non aspiciente : nec Ioue , impiedietur lin-  
gua,



71 Cum vero in curvis signis, cum nodis aliquibus, maxime Lunæ, luminaria extiterint, in aspectu infortunarum, & in angulo, natus erit gibbus, aut contortus.

72 Cumque Mars & Luna cum capite fuerint, aut cauda, in duodecima, & Sol & Iupiter in quarta, natus etiam erit gibbus,

73 Vitiliginem dant Aries , impetiginem  
Cancer , albam impetiginem Libra, Epheli-  
des Capricornus , cum Luna in eis damnata  
fuerit , generaliter autem exanthemata ac  
defedationes.

74 Sagittarius & Gemini faciunt mor-  
bos, qui cum casu eueniunt, resolutionem,  
comitia



comitalem, attonitum, vteri suffocationem.

75 Exedentes, iuvant omnia, quæ ex aqua, vt Cancer & Pisces, & quadrupeda, vt Leo, Capricornus, pessima tamen, Cancer ac Capricornus.

76 Quando significator vnus rei, vnus est, atque combustus, res illa ex toto destruetur. Quod si duo, & primus combustus, secundus retrogradus, debilissima euadet.

77 Astrologus ad ea quæ apparent, multum conferre potest, ad ea autem quæ futura sunt nihil, non enim eadem est scientia futuri, & partis magis manifestæ. Eadem autem est causa effectus, & scientiæ, qua ad effectum illum producitur.

78 Saturnus cum in Martis domibus comburitur, Marsque illum aspexerit, figuras conicas ex vaporibus ascendentes sæpe generat, quæ sunt signa futuri terræ motus.

79 Nullius planetæ cum altero, præterquam cum Luna, exacta coniunctio, vt per ipsam signum ascendens sciri queat, haberi potest.

80 Boreales planetæ, in declinatione, & latitudine, validiores semper australibus, cum reliqua paria fuerint.

81 Infortunis, vt veneno vtaris, validos enim habent effectus, sed, vt illo, tamen parce.

82 Dixit Ludonicus Rīgus, Luna iuncta Marti, in æreis signis, percussionem ab homine, maxime in Geminis significat. Sed in igneis, in opposito Martis, venenosos, & plerunque exitiales.

83 Cum in aliquo morbo, luminaria sunt ambo cum infortunis, vel eorum opposito, initio ipsius, vix euadet æger ab eo.

84 Longe difficilior est hic liber, quam magna Ptolemæi compositio, vel magna ars, aut Archimedis Sphæroidica, vel Aristotelis Physica, Platonisve ænigmata.

85 Repetitio necessaria est in hac scientia, vel ob difficultatem, vel ob necessitatem, vel ob vtilitatem ingentem, aut ob contradictionem.

86 Sicut proprium est cordis Leonis facere fortem & comem, ita cordis Scorpionis, rapacem, & præcipitem, ac Caniculæ ambitiosum, ac magnanimum.

87 Per applicationem Lunæ ad fortunas, aut Solis radios, illis non existentibus morbo inimicis, non infelicitibus, nec in infortunarum potestate, salus in morbo acquiritur, per applicationem autem ad infortunas dominantes, naturæ morbi similes, aut radios malos Solis, simili modo mors fit.

88 Morbi frigidi & sicci, atque hi sponte longi, à Saturno: breues vero, calidi, & sicci, à Sole, vel Marte, incrementum accipiunt. Hi vero soli natura sua mortales, frigidi & sicci, quoniam non aliud mors est: calidi autem & sicci, præfocantes, casu autem, aut permutatione cæteri perimunt.

89 Coniunctio luminarium in Ariete, facit alienationes, & mortes, Si Venus ac Mercurius ibi retrogradi fuerint, hoc idem

ferme in Scorpione & capricorno, ac etiam in humanis signis.

90 Cum coniunctio ipsa luminarium eeciderit in sexto, septimo, vel octauo loco ab ascendente initij morbi, infortuna aspiciente, æger in mortis periculo versabitur.

91 Mars in ascendente, hora initij morbi, morbum facit velocem, vehementem, & partes superiores affligentem perturbantemque mentem. Quod si cum hoc dispositores luminarium, & ascendentes fuerint impediti, succedet mors, idem si ambo luminaria ab angulis cadant, nec à fortunis eleuentur.

92 Quod si sic dispositis omnibus, duobus locis ex his fortunæ potentes dominantur, morbus acutus in diuturnum vertetur, seruabiturque tandem, præter spem.

93 Traiectiones igneæ, post pluias multas, morbos incendentes generabunt.

94 Signa circa Solem, in Lna, vel stellis, aut circa eas, tum in cælo valde à naturali cursu alienam, si locum vbi apparent, & figuram cæli cum hoc, ea hora ab initio in finem obseruabis intelligere poteris quid significent.

95 Monstra vero, & portenta, clades, & mortes hominum, sed non eodem modo, neque statim significant, oportet autem & exortus eorum obseruare. Sed illorum casus, & vis, non est præsentis contemplationis.

96 Quicumque Planeta fuerit in directo corporis Lunæ in longitudine ac latitudine, in corde Lunæ esse dicitur, magnosque effectus producet in genituris, hoc idem fixa, at longe vehementius, cum Sole hoc, Lunæ loco, si fixa, vel planeta, in corde eius fuerit, continget.

97 Qui autem natus fuerit, hora eclipsis, maxime, si potentis viri filius fuerit, multitudinis hominum, causa erit mortis.

98 Mars facit in ascendente mendaces, inconsideratos, violentosque, ac vinolentos. Saturnus autem mendaces, dolosos, sordidos, & auaros.

99 Mars, cum dominus ascendens fuerit in corde cæli, natus habebit potentiam, quia male utetur.

100 Hermes recte dixit, planetas tribus modis amicitia iungi, vel natura, vel radio, vel communibus dominiis. Aspectus autem duplex est amicitie, alius quidem secundum naturam, alius quia alter ab altero recipitur.

101 Iupiter potest emendare fortunam & mores, Venus fortunam tantum, vnde hoc facilius.

102 Venus multum opponitur disciplinis & eruditioni, nec vincitur, nisi à Saturno, ideo eruditi, vt plurimum sunt, malorum morum, circa venerea.

103 Rumores qui excitantur, Luna existente in initio Scorpionis, vel Capricorni, sunt falsi.

104 Coniunctio vt plurimum validior est oppositione, illa quadrato, ipsum trigona radiatione.

105 Trinus omnis radius, bonum affert, sicut omne quadratum, quod est inter dissimilia signa, malum.

106 Tri



106 Trinus Saturni & Iouis, non in aqueis signis, longæuum facit, virumque stabilem ac prudentem.

107 Magnorum principum, Sol est significator. Iupiter autem magistratum. Mars operarium. Saturnus rusticorum. Mercurius artificum, qui industria, non labore artes perficiunt. Luna mulierum, & Venus puellarum.

108 Equales, ac mediocres in affectibus sunt, quibus, ascendunt initia Arietis, vel Libræ, aut fines Piscium, & Virginis: immoderati autem, quibus initia Cancris, aut Capricorni, vel fines Geminorum & Sagittarii.

109 Luna in Scorpione, vel Piscibus, meridionali ascendente existente, ne incipiat fabricare.

110 Cum in ascendente mulieris, est signum Martis & in eo Venus: aut signum Veneris, & in eo Mars, aut Mars dominus ascendens in cœli corde, adultera erit mulier illa.

111 Cum in exitu principis ad bellum, ascendens & dominus, tum luminaria recte se habent ad regni radicem, proculdubio non succumbet ille: & si ad regis genituram, spes erit: & si ad initium regni illius regis, pauca recipiet detrimenta, donec ad prelium peruenerit, & si per se ascendenti luminaria & dominus configurantur, fortiter ac prudenter se geret.

112 Ascendens significat corpus potius, & dominus illius animum magis.

113 Non solum Luna, sed & dominus loci eius plurimum possunt, natus autem versabitur in his, de quorum natura locus est Lunæ.

114 Domini trigoni loci coniunctionis validi, ac se aspicientes, seruant natos illo mense, si fortunæ fuerint, debiles & inuolidi, magna ex parte perdunt.

115 Eadem autem in genituris loci, ascendens & Lunæ, nutritionem eodem modo, aut ante nutritionem mortem indicant.

116 Robur eclipsis summum est, cum luminaria iunguntur vel opponuntur.

117 Planete orientales, non solum celeriter sed & faciliter dant dona sua, & hoc si à Sole fuerint, in mundo autem, celeriter, sed non adeo faciliter: hoc etiam contingit, cum occidentales à Luna fuerint, tunc enim Luna exoritur ante illos.

118 Si Saturnus, aut Mercurius in sexto, vel duodecimo loco impediuntur, vel etiam in octavo, natus carcere intrudetur. Quod si fixæ male cum his, vel cum impediuntibus planetis fuerint, vel Sol cum eis, absque fortunarum auxilio, natus morte multabitur.

119 Stellæ Regiæ, aut Bebeniæ bonæ, cum luminariis, aut eudæmones triplicati, cum in cadentibus locis fuerint, non impedita, fortunam significant insperatam omnino: sed in succedentibus, cum mediocri spe, in angulis autem per successus.

120 Stellæ de natura Mercurij & Veneris, in ascendente, vel cum Luna vel in cor-

de cœli, vel cum domino ascendens, vel in radiis Solis, aut Lunæ, vel cum Sole, vel cum Ioue, Venere, vel Mercurio, significant gratiam, formam, & scientiam, hoc autem erit in directionibus, aut reuolutionibus tantum, cum à locis principalibus remotæ fuerint, iunctæque radiis planetarum tantum: in corde tamen cœli largiuntur dignitates, vt etiam cum Sole. At cum infortunis, augent illarum decreta, quæ eis conueniunt, reliqua minuunt.

121 Quæ autem de natura Iouis & Mercurij, ad disciplinam meliores, & ad bonam fortunam, ad vitæ autem tranquillitatem, & pulchritudinem ineptiores.

122 Quæ autem de natura Martis & Mercurij, ad opificia manuum, ad bellum, & ad venationes promptos efficiunt, ceterum haud fortunatos, nisi in his, fallaces quoque, crudeles, & malorum morum, ac rapaces.

123 Quæ autem Iouis & Veneris, formosos aut honestos & probos, diuites suo loco, aliis autem, mulierum amatores. Et hæc Martis naturam, si quid aliud maxime frangunt.

124 Quæ vero Martis ac Veneris, repentinæ ac magnas felicitates præbent, maximamque incontinentiam, pueros formosos, sed turpes viros, eadem etiam violentos casus, & gaudia decernunt infortunia, si à Ioue, vel Venere non inuentur, hi tamen semper malorum morum erunt, oculum Tauri quanquam quidam soli Marti tribuant, eiusmodi proculdubio esse constat.

125 Quæ vero Saturni ac Veneris, inuidiosos efficiunt, & fallaces, aut in diuitiis mediocriter fortunatos, auaros in honestis, in turpibus autem causis prodigos. Vel si de corpore decernant, nigros oculos, mundos, & comptos, sed tamen foedos, & male olentes. Circa Venerem ac mulieres ea probat, quæ alij generaliter refugere solent, & in his nigras, aut nigros diligit.

126 Quæ vero Iouis & Saturni, lentos, & patientes, aut diuites, vel etiam nimium pertinaces, in omnibus grauitatem, & senum naturam referunt.

127 Quæ autem Saturni ac Mercurij, turpes nimis aut dolosos admodum, tamen infelicitissimos, ac à mulierum ac filiorum amore alienos.

128 Quæ autem Saturni & Martis, tantumdem malorum decernunt, quantum Veneriæ ac Iouiæ bonorum, oppositis vndique rationibus.

129 Quæ autem Solis ac Martis, crudeles efficiunt, aut turpes, vel infelices, plerumque audaces, vt cum Luna ascendente, vel eius domino, & si interfectori planetæ associantur, vel Soli, aut Marti, vix euadet, quin igne, etiam si fulgure opus sit moriatur, pauperes etiam, & ad literas ineptos, suis locis efficiunt.

130 Martis autem & Lunæ, populares, seditiosos, turpes, vagos, inconstantes, laboriosos, pauperes, infames, oculorum vitiis captos, morteque repentina exitum fortientes, equilones ac bibones immoderatos.



131 Ionis & Martis, fortes, felices, promptos, fortunam magnam & infortunia, ut nihil in illis sit mediocre, præter formam, & mores, qui mixti sunt.

132 Veneris & Lunæ, formosos, aut se-gnes & luxui immenso deditos, vel bene fortunatos, aut mulierum amatores, ac pios.

133 Confidentia hominum est, cum domini ascendenti, & Planetæ plures, in suis fuerint dignitatibus, & cum luminaria, & dominus ascendenti cum fortunis, & cum Luna fuerit lumine ac motu aucta, cumque dominus ascendenti natura talis est, & orientalis à Sole, & in superiore eccentrici parte, ex oppositis autem maxima diffidentia.

134 Pessimi mores sunt ab infortuniis, maxime iunctis inter se, vel cum Mercurio, in septimo loco, post in octavo, inde in nono, nam Deum tunc non verebuntur, atque hoc magis, si vim habeant in ascendente.

135 Melior est infortuna in ascendente felix, & fortuna in secundo loco, quam fortuna in ascendente felix, & infortuna in secundo loco, primi tamen differentia maior est.

136 Saturnus in quarto loco, in fixo signo, maxime in Tauro vel Aquario, firmam significat fortunam, & tamen plerumque malum finem. Quoniam malitia eius frangitur, sed non tollitur, Mars inobedientes subditos, & seditiosos facit.

137 Leues sunt, quibus ascendit Taurus & Aquarius: leniores quibus Pisces, at lenissimi quibus Aries, & inconstantes: inconstantes & quibus Cancer, sed non leues, creduli tamen, quibus verò planeta levis in ascendente, cursu velocissimus, prompti, fallaces, & inconstantes.

138 Quando dominus ascendenti fuerit in via combusta, natus confusus erit in negotiis.

139 Cum infortuna, in decimo loco, ascendenti non amica, atque ibi peregrina fuerint, natus erit suspicionem plenus, atque eo magis, si in corde cœli.

140 Ptolemæus radices artis posuit, nos autem obscura eius dicta declarauimus, suppleuimusque deficientia, & ambigua determinamus.

141 Causa autem quod mille nugæ inuenerint Ptolemæo posteriores, fixas autem reliquerint, fuit, quod plurimi ex his, ex Grammatica translati, artem penitus ignorauerunt, ut Firmicus, Albomasar, Albubater, Bonatus, atque Pontanus. Alij secuti Alphonsi tabulas, cum loca stellarum parte 1. & mi. 9. aucta essent supra veritatem, eos qui fixas infelices cum luminariis habebant fortunatos cernentes, alios qui non habere videbantur, rursus infelices, crediderunt vanam esse illarum significationem. Alij ex tanta multitudine, quas præcipue deligerent non habentes, aut nullam vim inesse voluerunt, vel adeo confusam, ut sub arte non comprehenderetur. Alij proprietates præcipuarum nondum perspectas à prædecessoribus crediderunt. Alij ob rationem

diuersarum opinionum in motu earum, loca incerta ipsarum existimarunt.

142 Stellæ fuerunt, ad variationem temporum, in paucis intervallis, alioqui Sol ab initio Arietis ad finem Leonis, perpetuo calore terram quassans, sine imbris, aut intermissione, sterilitatem & nimios aestus pareret. Ob hoc etiam diuisa est signorum series in duodecim, alternata illorum natura, ne tam diu perseverans Sol in quadrante vno, nimis vrgeat terram, sed hanc diuisionem Iupiter per singulorum annorum motum facit, par autem erat, hanc fieri à fortuna, Soli amica.

143 Sol autem mutationes facit, propter motum in eccentrico, dum velocius aut tardius mouetur, aut in sublimiori vel humiliori parte illius, vel ex motu ab æquinoctij circulo, qui propter eclipticæ inclinationem inæqualis est, vel propter velocitatem motus in circulo æquinoctio, quasi parallelo, quæ semper inæqualis, ad sequentes & antecedentes redditur dies, quantoque magis ab æquinoctio velociter recedit per eclipticam, maius spacium acquirens distantia, tanto minus tarde mouetur quam præcedentibus diebus, contrario autem modo in solstitiis, ubi parallelorum distantia breuissima sed differentia maxima, occursum etiam stellarum fixarum, variatur illius vis. At ceteræ erraticæ, præter hæc habent vim diuersam, quam inferioribus his influant, vel ex motu in paruo circulo, vel in latitudinem, vel in comparatione partium, quæ vberius vim ipsius Solis susceperunt.

144 Stationes in Solis distantia in Saturno quidem saltem 108. partes attingere debent, in Ioue 122. in Marte 127. in Venere 27. in Mercurio 16.

245 Planetæ omnes supra terram, in vita, factis, omnibus mortalibus cognitum efficiunt.

146 Cum in coniunctionibus aut oppositionibus Solis & Lunæ, Luna velociter mouetur, in ima parte est sui parui circuli. Cum autem diuidua quasi existens, tarde, ipsa est in supremo parui circuli, atque alia eadem ratione.

147 In negotiis bellicis, Mercurius sit in summo parui circuli, facit enim impigros.

148 Quando planetæ omnes aucti motu fuerint, ille valde felix erit, facile enim cuncta perficiet.

149 Quæcunque in ascendente, ad animi vires; cum Luna ad sensus & rationem, cum Mercurio ad intellectum. Cor enim ascendens significat, unde ira & audacia.

150 Radij planetarum, plus ad fortunam, impediunt corpora, animo vitiant aut instruunt.

151 Cum inter significatorem, & promissorem, nec regis stellæ, nec planetarum corpora aut radij fuerint, proculdubio tunc partes, annuos euentus significabunt.

152 Quando fixæ magnæ cum planetis fuerint, ut plurimum obscurabunt fixarum paruarum decreta.

153 Luna iuncta Saturno, plena luminibus,




bus, facit prudentes, tenaces, memores iniuriarum: affligit autem cerebrum, & ventriculum & membrum signo, in quo est correspondens.

154 Luna in Solis quadrato non recepta, facit humiles corde, & parcos, sed tamen, qui in quibusdam rebus sint immoderati, ambitiosos, splendidos, & honoris cupidos.

155 Animæ per Cancrum descendunt, per Capricornum ascendunt. Luna enim & Cancer, maxime vitales sunt.

156 Quarta Luna nati, ut in adagio est, plerunque sunt infelices, nam luminaria simul in angulis esse non possunt, nec sese respicere inuicem, nec esse in signis eiusdem naturæ.



## SEGMENTVM V.

### Aphorismorum Astronomicorum.

1. **Q**uibusunque Luna, ascendens domina, sub terra fuerit cum cauda Leonis, & Virginis capite, & Sol in sexta, & Saturnus vel Mars in sua dignitate, in angulo septimæ, perpetua debilitas inerit.
2. Natiuitates fratrum, plerunque habent ascendens vnum, quia locus filiorum in parentibus vnus sæpe existit.
3. Quicunque habent Venerem in Ariete, in eadem parte, in qua Saturnus vel Mars geminos possident, hi omni erga pueros & sacras virgines laborant incestu.
4. Dominus secundæ, in secunda, diuitias significat ex redditibus, in tertia, à consanguineis, vel itineribus, omnis igitur Planeta in domo sua, aliquid facile bonum aut malum ostendit.
5. Omne impedimentum mali bonum, boni malum.
6. Redditus lucis ad meliorem bonus est.
7. Æqualia sunt, seu simul tres significatores impediuntur, seu vnus à tribus.
8. Mercurius in Piscibus, facit impedimentum in lingua, & in sermone absurdum, dicuntque aliud, quam mente conceperint, sic & ascendens.
9. Cum Saturnus est in septima, vel Mars in cæli corde, sunt detrimenta maiora.
10. Quicunque natus fuerit æquinoctij meridie, vel hoc solo magnus euadet.
11. Absurde copulationes sunt, Saturni Martis & Solis. Itemque Saturni Veneris & Lunæ.
12. Mulieres, quibus ascendens, & Luna, & Mars, & Venus, & Mercurius, sunt in bicorporeis, pessimorum sunt morum.
13. Iupiter cum in corde cæli fuerit, iuxta apicem, in Capricorno, multam dabit bonam fortunam ex violenta iusticia, quæ infelicem habebit exitum.

Hic mutus est, agit octauum annum, & stupidus, ac quasi omnino sine sensu, credo tamen quod sit paulo tempestiuor ut Sol cadat ad vnguem in linea sexta domus & Mars septima quod & affirmant sui. Morietur ante pubertatem, nam Saturnus inimicus ascendenti & Mars damnant ascendens, & non est alius vite significator, verum quia Venus respicit Lunam & ascendens, melius quoquomodo videbitur se habere. Sed Venus in septima parum potest.

14. Semper autem Iupiter valde potens in genitura, bonum aliquod ingens pollicetur.
15. Cometes valde clarus ac conspicuus, tum etiam mobilis ac diuturnus, mutationem alicuius imperij decernit.
16. Saturnus, regna acquirit per laborem, fraudem, & infamiam. Mars per rapinas, fortitudinem, & sæuitiam. Iupiter autem per iustitiam, & probitatis opinionem.
17. Famosi viri sunt, in quorum genituris Luna multorum recipit lumen planetarum, aut si fixæ potenti regiæ iuncta fuerit.
18. Diuitias regias, non solus dabit Iupiter, nisi alterius luminarium testimonium accesserit.
19. Canis maior de natura Solis aliquid habet.
20. Cum Sol & Iupiter non præfuerint, ac in locis Mercurij, Lunæ, & ascendens, dignitatem habent, altero alterum respiciente, oracula vir ille proferet.
21. Cum inter bonum & malum modica est differentia, recte inquit Rīgus, tempera à iudicio.
22. Si Iupiter, aut Venus, in secundo fuerint loco, diuitias dabunt: si autem in quinto aspiciente, superstites filios, nisi à Sole vel Saturno impediuntur.
23. Impedimentum duplex est, aliud prohibens, aliud iam datum auferens, primo genere in vxoribus, secundo in diuitiis, utroque in filiis vtimur.
24. Iupiter & Sol in secunda, splendidum efficiunt.
25. Saturnus autem & Mars, aut Saturnus cum Mercurio, in septimo, sordide auaros.
26. Facilius ac certius de genitura, quam de tempore iudicamus, quoniam scimus horam natiuitatis, non congregationis vaporum.
27. Non



27 Non argumentis, aut ambagibus in iudicando uti debemus, aut adulationibus, Sed his quæ experimento cognita sunt, cum inconcussa ratione.

28 Cum fuerit ascendens revolutionis, ascendens genituræ, aliquid promissum in genitura eveniet. Sed longe magis, si Luna fuerit etiam in loco genituræ, aut dominus ascendens, in loco aspiciente ex parte locum radice.

29 Dixit Riginus, cum in initio anni reuertentis, dominus genituræ retrogradus, ex inferioribus incipit esse sub radiis Solis, aut si ex superioribus aliquis ab infortuna opprimatur, vitæ periculū illo anno expecta.

30 Cum dominus genituræ retrogradus est in natiuitate, & utroque modo cadens, natus erit deiectionis animi, imbecillis, ac nihil perficiens.

31 Quod si ipse non talis sit, sed tali existenti applicuerit, erit hoc in quibusdam negotiis tantum.

32 Quam stulte quidam faciunt, qui volunt solum habere Ptolemæo, cum ipse ex artis infinita magnitudine, minimam partem nobis tradiderit. Sic enim si Galenus fecisset, Hippocratis scriptis contentus existens, medicina careremus.

33 Sol in Leone erigit hominem, nec sinit mendicare.

34 Cum Iupiter in revolutione aspiciat Lunam, aut Venerem, in ætate perfecta, aut in angulo existit, in radice loco, hominem inclinat ad coniugium.

35 Cum Leo ascendit, facit hominem non sine spe, & rationis participem non vulgaris, nam Sol in suo circulo omnino æqualiter mouetur, caret enim paruo circulo, nec in latitudinem aliquam etiam inclinatur.

36 Sed si Cancer ascendat, & Luna in mobilibus, vel communibus signis fuerit, maxime ab angulo remota, erit credulus & inconstans.

37 Venus in domibus vel exaltatione Martis, semper aliquod turpis libidinis pollicetur.

38 Contemptores deorum, quibus infortuna in ascendente, vel angulis, domini loci noni, tamen magis, si in ipso loco nono retrogradæ & male affectæ. Sed Mars facit, palam deum conuiciis incessentem, Saturnus hæreticum.

39 Coniunctio planetarum in prima, dat sapientiam, in corde cœli regnum, in septimo loco, famosum obitum, in quarto gloriam, aut cadaueris absque corruptione permanentiam.

40 Filiorum genituræ, usque ad natiuitatem sequentis, permutant fortunam patris, & alumni. Sed regis noui constitutio, ciuium, donec vixerit: huius autem magis, illius minus.

41 In electione principum, & pontificum, querere significatores vitæ ac potentia ut in genituris, & computa vitam secundum annos partium in comparatione ad robur significatorum, & etiam ætatem iam exactam illius.

42 In his autem, & medij radij debili-

Tom. V.

tant, aut roborant inter significatorem & abscisorem.

43 Et iudicabis de moribus, permutantur enim ex toto quasi, ab eo genere, quod erant in genitura.

44 Effectus principis, ex sua electione, & ex eo ad quod peruenit figura regni.

45 Eclipses luminarium super ciuitates, prouincias, & regna, magis quam super priuatæ conditionis homines, aut etiam super reges, respiciunt enim multitudinem.

46 In ludo ac bello multum confert, si facies tua ad partem cœli amicam respiciat, quod si uterque, diuturna erit contentio. Si nemo, uterque in pugna breuiter cadet, in ludo parua erit differentia, vel tertio succumbetur, si alter tantum, breui ille cursorem suum superabit.

47 Iudicia stellarum vel generalia, vel ex maxime euentibus, & in rebus magnis proferes.

48 In coniunctione superiorum in aqueis signis, bella magna exoriuntur propter Scorpionem, quæ tamen in pacem non internitionem plerumque rediguntur, propter Cancrum & Pisces.

49 In oppositione duorum superiorum, sunt strages, vincetque superior ex illis.

50 In coniunctione Saturni & Iouis, cum capite simul, aut domino loci Venere, vel cum capite existente, vel ipsis aspiciente, legislatores fiunt. Fiunt etiam cum in nona coniunctio acciderit, sed hoc scire est impossibile. Si autem Saturnus in ea superior erit, mendacem & improbum dices: si Iupiter, contrarium.

51 Qui ea profert, quæ nunquam experientia liceat comprobare, falsus est & ambiciosus.

52 Finis rerum habetur, vel per periodum significatoris, vel casum qui provenit ex concursu planetarum, ex quo accidit aliquid, quod alteri finem imponit, vel ex concursu domini imi cœli luminari tempora diuidente & gubernante, id est Sole.

53 Cum quis artem nescit, transit ad ambigua, difficilia, vel mirabilia.

54 Bethen recte videtur comparasse planetas, qui ab infortunis quadrata radiatione pulsantur, eis qui iam in extremam incidunt calamitatem.

55 Sed non recte existimauit, neque qui author est centiloquij nobilioris animam interrogantis præsensionem futurorum habere, hoc enim ut generaliter dictum, omnino falsum, inartificiosum autem penitus, si ad aliquos referatur.

56 Initium Arietis per se bonum est & alacre: turbulentum autem ac malum Libræ initium.

57 Luna in Aquario & Piscibus, gratum minime facit natum principibus.

58 Cum domini trigoni ascendens ceciderint, fuerit tamen in ascendente fortuna, aut fixa de natura fortunæ, aut domini trigoni ex primis, natus poterit nutrir.

59 Proportio Martis ad Lunam plenam, minor est proportionem Saturni ad Lunam vacuam.

P

60 Saturn



60 Saturnus in fixis, penuriam annonæ facit, & hominum mortem ut inquit Rasis.

61 Saturni detrimentum maius est in aquis, Martis autem in terra.

62 Cum fuerit Luna à Planeta impedita, & cogeris electionem ea die facere, pone ascendens signum ex domo vel exaltatione impediens.

63 Operationes planetarum nunquam cessant, donec contrario, à planeta, aut fixa stella, aut signi parte contrariæ qualitatis impediatur, vel in Solis radios incidunt.

64 Cancer, significat aquas pluvias, propriæ, & currentes. Scorpius lacunas & stagna, maria autem Pisces.

65 Signa mobilia itineribus valde comoda, & celeritatem & reversionem indicant, fixa autem pessima.

66 Cum in genitura alicuius Sol geminatur, ut aliquando contingit ex ratione aspectus, ille seditionem mouebit aduersus principem, aut illustris erit, & cum in eadem hora hoc acciderit.

67 Cumque tres Soles eodem modo, & in ambitu medijs circulus completus ac permanens admodum Iridis, eo anno, in ciuitate libera, nascetur ex ciuibus rex, quod si cum hoc stella apparuerit in die lucida, erit eadem hora.

68 Res omnis quæ celeriter fit ac destruitur, & redit, est de natura Martis.

69 Quæ autem destructa celeriter, nunquam redit, est de natura ambarum infortunarum.

70 Cum Sol fuerit in parte exaltationis in Ariete, & Luna in parte exaltationis in Tauro, Solque in ascendente, vel nona: Aut Sol in Leonis initio, & Luna in Cancro, fueritque Sol in secunda vel decima, indicat naturam moliri virum potentem, ac regiæ planè authoritatis.

71 Cum dominus cordis cœli, retrogradando separatur à Domino ascendente, princeps versabitur natus, quod si dominus ascendente retrocedendo relinquat dominum cordis cœli, natus principem odio habebit. Hoc idem in alijs domibus significat.

72 Cum Luna, & dominus ascendente, ad absidem eccentrici ascendunt, nec cadunt casu aliquo: & fortunæ se inuicem aspexerint, natus erit inclyti nominis.

73 Cui ferrariæ quinta Leonis ascendit pars, hic sine alio, nomen adipiscetur.

74 Cum moritur natus ante horas xxiv. erit ac si natus non esset, cum sponte sua moritur, & similiter si non acceperit cibum, etiam si diutius viuat. Qui verò non acceperit, sed inditum transmittit, si superuixerit, significatum habet, dummodo triduum superauerit, nutritur enim.

75 Primogenitus, maius habet significatum super parentes, completum autem, donec alter nascatur filius, completum autem dico, eius comparatione solum, quod significare potest.

76 Natiuitates regum, habeant signum igneum in ascendente. Quod cum hoc cor

cœli etiam in igneo sit optimum erit.

77 Tropica signa, quæ sunt, Cancer & Capricornus, homines animo & moribus, & corpore inæquales faciunt: æquinoctia, Aries & Libra, moderatos.

78 Cum Sol fuerit in suo trigono, in corde cœli, in aspectu Lunæ, natus erit potens.

79 Cumque domini loci Solis, Lunæ, & ascendente, fuerint à Sole orientales, ac potentes, natus seipsum euehet ad magnum statum, modo Luna non obstiterit.

70 Dixit Rasis, cum quis postulauerit aliquid, Luna eunte ad Iouem, cum capite existentem iuxta cœli cor, obtinebit à Deo & ab hominibus.

81 Cum Saturnus cordis cœli dominus fuerit, natus difficulter impetrabit à principibus.

82 Cum fuerit fortuna retrograda vel debilis, in locis Saturni vel Martis, contrariam habens qualitatem significatori, destruet ipsum ut infortuna.

83 Quando dominus secundi loci, aut loci Iouis, ad dominum ascendente pergit, & maxime, si ille dominus ascendente Iupiter sit, toto tempore vitæ suæ in diuitiis acquirendis foelix erit adeò natus, ut de eo homines admirentur.

84 Cum dominus cordis cœli retrocedendo applicat domino ascendente, natus erit multum principi necessarius.

85 Non incipias iter, domino ascendente, vel loci Lunæ, in sexta, vel octaua, vel duodecima existente, timetur enim carcer, vel morbus, aut mortis suspitio.

86 Signa significant corpora: & planeta quæ mouent ea: & illorum comparatio ad suum orbem, & luminaria, maxime Solem, exitum ipsarum rerum.

87 Rumores sparsi, Luna cum Ioue existente, & in signo masculino, veri sunt plerumque, hoc tamen non est necessarium, quia opus humanum, est non naturæ.

88 A prima die hora vsque ad sextam, sanguis prædominatur, inde etiam somni dulces, à sexta ad duodecimam bilis, atra autem bilis inchoante nocte vsque ad medium eius, sex reliquæ horæ pituitæ dedicantur.

89 In omni coniunctione considera locum, & quis eorum sit superior.

90 Cum dominus ascendente aspexerit Solem benigno aspectu, vel fuerit orientalis proximus Soli, vel iunctus domino cordis cœli, natus à regibus diligetur, causam autem habebis ex natura domini ascendente ipsius, ac illius loco.

91 Cum duæ infortunæ iunguntur (inquit Rasis) inspicere cum quo Luna concordat in latitudine, nam si cum Saturno, erit fames ac lues, si cum Marte, strages, cædes, & regnorum permutatio.

92 Et similiter cum Iupiter & Venus iunguntur, Luna si Ioui concordet in latitudine, erit iustitia & quies: si Veneri, gaudia & voluptas.

93 Cum in eadem parte fuerint, Sol, Iupiter, & Venus, natus erit propheta.



94 Cum in eadem parte fuerint, Sol, Mars Venus, in Veneris dignitatibus, qui nascetur, fiet rex potentissimus, eumque audient omnes sponte, sed malis quassabitur morbis.

95 Cum Sol & Saturnus, in corde cœli, in eodem fuerint puncto, natus erit maximæ authoritatis.

96 Cum Iupiter & Luna, in eadem parte fuerint, ad absidem ascendentes, erit natus in diuitiis felicissimus.

97 Optimum ex his quæ accidunt est, vt luminaria in finibus fortunarum existentia, ex angulis mutuo se aspiciant, post hoc est aspectus Iouis.

98 Climatum differentia facit, vt celerius aut tardius, euentus proueniant, & vt planetæ in angulis sint, cadentibus vel succedentibus.

99 Meridianorum autem diuersitas, vt radiationes sint, ac planetæ, propiores angulis, aut succedentibus illis, vel etiam cadentibus, vtque diuersum sit dominium planetarum in figura: quod etiam in diuersitate climatum accidere potest.

100 Liceat nobis, præuidere futura, ob scientiam eorum, & ob auxilia naturalia, aduersus imminetia pericula, non ob electiones ipsas, quæ plus incommodi, ac frequentius, quàm utilitatis adducere solent.

101 Saturnus in igneis, cum Sol debilis fuerit, facit heclicas. Iupiter autem sanguineas, absque putredine. quod si Mars affuerit, putridas. Mars in illis, ardentis omnis generis. Venus ephimeras. Quod si Mars commisceatur, putridas ex pituita. Mercurius mixtas. Quod si Luna ipsa in eis similis sit, facit pituitosas, ex crasso humore putrescente. At si Saturnus sic existens, cum Marte misceatur, sunt melancholicæ febres. Si Mars sub Sole sit, in sexto, vel duodecimo loco, in igneis, aut sic existens, in alia domo vitæ significatorem, aut ascendentis dominum, in reuolutione pulsauerit, aut ad illius radios sic existens, eo tempore per directionem dominus ascendentis aut vitæ significator pernenerit, febres æstuosas, & incendentes ac perniciosas, similesque venenosis efficit. Quod si his existentibus, humana signa pro igneis supponantur, eadem erunt, sed vt mitiora videbuntur, sic magis occulta ac veneni qualitatem præferentia. At si cum his Saturnus, aut cauda, caputue, aut Venus combusta misceatur, vel stella ex generibus venenum decernentium, aut constitutio fuerit pestifera, vel planetæ hi in Scorpione, vel Leone adurantur, erunt febres hæ omnino pestilentes, ac perniciosæ.

102 Proprium prauarum februm est, vt fiant Sole in Leone damnato.

103 Sole valido existente, non fiunt febres ex putrescente materia, nisi casu.

104 Vt resistimus tertianæ futuræ, per victum humidum ac frigidum, ac minime putredini obnoxium, & purgationem bilis ac sanguinis, si febris ex æstu Solis ventura præuideatur, sic quartanæ per Saturni frigus ac siccitatem decretæ ac prauisæ per auxilia futuræ quartanæ opportuna.

Tom. V.

105 Signa autem aquea, febres putridas minantur, & mali mortis: sed & putredines & corruptiones, cum Mars in eis dominatur, præsertim combustus. Terrea autem, à putridis febribus maxime sunt remota.

106 Quando cœli medium, idest cor, fuerit in potestate infortunarum sic vt illi dominantur, natus mediocrem sed perpetuam habebit exaltationem. Si autem fortunæ exaltabitur multum, sed etiam ne cadat in maximis erit aliquando discrimini-bus.

107 Quando Sol fuerit ab octaua ad sextam, & tres superiores à prima ad secundam, natus cum maximis impedimentis semper ascendet, eritque in perpetuo fortunæ augmento. Quod si Sol in octaua, & tres superiores in octaua, vel septima, natus ab initio magnis felicitatibus gaudens, semper temporis successu declinabit donec miser euadet, sic & in aliis.

108 Cogimur persæpe aphoristicam breuitatem excedere, vel obscuritatem, vel ob egregiam aliquam vtilitatem: non enim tot habiturus est hic liber expositores, quot aphorismi Hippocratis.

109 Cum plures filij eandem consequuntur fortunam, si in pueritia, sit ex genitura parentum per se: Si autem in iuuentute vel senio, parentum genitura adeo potens fuit, vt filiorum genituras inter se, ac dispositori filiorum, assimilaue-rit.

110 Mars in mobilibus signis faciles facit ad iram, nullibi tamen magis quàm in Cancro, nec minus quàm in Capricorno. Sed & in Cancro linguam plerumque reddit ineptiorem.

111 Saturnus in duodecimo loco, podagram minatur. In sexto autem morbum vt dixi perpetuum, aut sempiternos carceres.

112 Dixit Alubather, & rectè inquam, cum omnes planetæ in sexto loco fuerint, octauo, vel duodecimo, natus non nutrietur.

113 Maximum detrimentum vt non nutriatur à Luna est, quoniam ipsa cerebrum significat, pueri autem conuulsione capiuntur.

114 Anni reuolutio, alia quidem in temporibus, & est Solis ad eundem punctum ab æquinoctio reditus, alia autem in mundo, & est reditus ad eandem fixam, alia autem in genituris, & est reditus ad priorem locum, addita tanta parte eclipticæ, quantum peragere potest in vna die naturali.

115 Annus ac dies similis est. dicimus autem diem, cum Sol reuertitur ad locum peragratum: idem etiam in anno statuendum, est enim reditus ac transitus partium, quas in vna die naturali peragit.

116 Luna cum coniungitur, aut Soli opponitur, in abside est sui eccentrici, cum igitur in quadrato Solis est, optime posita est.

117 Saturnus ac reliqui superiores, in abside eccentrici gaudent: & in primis aperitionibus orientalibus, Venus & Mercurius in opposito absidis, sed hi non æqualiter se habent, Luna in opposito absidis eccentrici, & in opposito absidis parui circuli, ele-

mentorum



mentorū enim est domina, opponitur autem absidi eccentrici cum iuxta Solis quadratum fuerit.

118 Contrariorum latitudines magnæ sunt, ipsa tamen contigua sunt, ob hæc circa illorum tetminos etiam periti falluntur.


119 Cum fuerit Iupiter, aut Venus in medio duarum infortunarum, illis propinquus, dicentur tres infortunaë, hoc autem maximè in Virgine, vel Scorpione, aut Capricorno.

120 Idem autem continget, si Venus cum Marte & Mercurio, aut Iupiter fuerit, Marte super ipsos elevato, idemque de Saturno dicendum erit.

121 Cumque Mars cum Sole, & ibi Iupiter, altior autem Mars, aut Iupiter cadens, erit hoc deterius, minus autem in Saturno.

122 Et generaliter, si fuerit infortuna fortunæ cadenti copulata, aut infortuna eleuata, fient duæ infortunæ, nihil ferme iuuantes & multum nocentes.

123 Quod si fortuna eleuetur, infortuna  
inuabit quidem, sed & nocebit, quoniam  
detrimenta magna facilius est inferre, quàm  
fœlicitates, impediuntque detrimenta fœli-  
citates, fœlicitates autem detrimenta impe-  
dire non solent.



*Hac est reuolutio una nostra genitura, secundum modum processus Solis, & est anni praesentis, & significat quo ad naturales causas robur vitae, sed est in reliquis mediocriter. Sumpsimus exemplum in nostra, quoniam nullius alterius praeterquam filiorum, tempus exquisitum habemus.*

124 Filiorum & parentum dilectio, sicut  
& fratrum ex genitura filiorum, ex genitu-  
ra parentum, & ex comparatione vtrorum-  
que fit, manifestum est autem quinque mo-  
dos fieri, sed tres maxime considerari de-  
bent, nam si dominus filiorum ad dominum  
genituræ in patris natiuitate accesserit, filij  
parentibus obediunt, ob hæc autem aliqui  
obediunt alij non: alios diligit alios autem  
non: cum his autem erit concordia, & quies,  
cum aliis autem non.

125 Faba ipsa, plena Luna feri debet, sed lens post diu diuam Lunam vltimam, quo tempore & amuleta doloris capitis auelli solent, vt plantaginis radices.

126 Quicunque oriuntur à 16. Libræ ad  
19, Sagitarij partem, nostris in regionibus,  
ad carceres & vincula proni sunt, est enim  
Andromeda in occasu.

127 Infœlicem autem fortunam fortiuntur, quibus à 23. ad 27. Tauri ortus est, nam Delphin cor cœli occupat.

128 Sic & ingeniosi ac subdoli, quibus  
ascendens est à 12. ad 20. partem Piscium,  
triangulus enim cum illis partibus exoritur.

129. *Abſis Solis*, ab Ariete ad Cancrum, inhabitabilem reddit *Auſtrinam* partem, Bo-  
realem autem habitare facit, à Cancro ad  
Libram, bene habitabitur *Borealis*, & *Au-*  
*ſtrali* dominabitur, à *Libra* ad *Capricor-*  
*num*, *Auſtrina* habitabitur, ſed *Boreali*  
parti minime imperabit, à *Capricorno* ad  
*Arietem*, imperabunt *Auſtrales Borealiſus*  
quafi deſolatis.

130 Sol habet aurum, sed Luna argen-  
tum, æs habet Iupiter, ferrum Mars cum  
calibe, plumbum autem Saturnus, stannum  
Venus, cuprum Mercurius.

131 Metallica autem, vt argentum vi-  
num, ac, fulfur, & calchantum, ac reliqua  
huius generis, partibus cœli, non autem pla-  
netis subsunt.

132 Lapidés autem ac gemmæ, tum herbarum ac arborum species, proculdubio subsunt fixis, in quibusdam tamen virtus planetarum magis apparet.

133 Sol habet micantes Carbunculum & Adamantem. Iupiter Saphirum & Smaragdum, Granatum & Corneolum. Saturnus Onicem, Iaspidem, & genus quod ex eo perspicuum est, vocatum Heliotropium, habet & Topasium. Luna habet Lunarem, & Caruleum lapidem, & Corallum & Calcedonium. Venus Turchesiam, Margaritam, Berillum. Mars Garatronium, Magnetem, & Iacintum ac Ametisfrum ex perspicuis. Mercurus Achatem, Chrysolithum, raros ac varios plerosque lapides habet. Qui vero affines sunt his, ad genus suum reducuntur, vt Prassius ad Smaragdum, Balassus ad Carbunculum.

134 Similiter & in arboribus, Laurum  
habet Sol & Cinamomum. Myrtum Venus,  
& Vitem & Oleam. Saturnus autem Ta-  
xum & Cupressum Sorba Mespila. Iupi-  
ter Citria, & omnia eius generis, tum Ficus.  
Mars, Robur & Iuniperum ac Piper. Luna  
Poma, Cerasa, Pruna, Mercurius Punica, &  
Vnedonem, ac Vuam crispam.

135 Plenilunia Lunæ putrefaciunt fruges,  
& triticum, & occidua Luna seruat cædua  
ligna.

136 Sol habet lupinum & vtramque so-  
larem. Luna vero lunarem lentiscum, cal-  
tham & coluteam. Saturnus toxica. Iupiter  
fœniculum & anisum. Venus amaracum, ozi-  
mum, rosam, violas, vacinia. Mars, ruam, ab-  
sinthium. Mercurius caulem, blitum, daucum,  
melissophyllon, virgiliam, virgilias.

137 Luna custodit oues & omnia animalia amphibia, vt cancos, testudines, & ranas. Saturnus autem salamandras, remoras, torpedines, cochleas, & asinos. Sol hominem, leonem, aquilam, delphines. Venus, cunicu



cuniculos, cernos, damas, columbas. Iupiter, elephantos, equos, fues. Mars, tauros, canes, tigres & pantheras. Mercurius simias, & cerco-pithecos, ac feles.

138 Saturnus habet nigrum, Iupiter rubrum, Mars flammeum ac croceum. Sol splendidum ac lucidum, purum. Venus, viride ac caeruleum. Mercurius ferrugineum & cinereum, Luna autem candidum.

139 Aries habet Germaniam, Galliam, Britanniam, Baſterniam, Syriam, Palestinam, Poloniam minorem, Burgundiam superiorem, Sueuiam, Slesiam superiorem, partem Vuestriae.

Taurus, Parthiam, Mediam, Persidem, Arcipelagi insulas Cyprum, Asiae minoris partem maritimam, Poloniam maiorem, Russiam albam, Campaniam, Rhetiam, Heluetiam, Franconiam, Hiberniam, Lotharingiam, Irlandiam, Suetiae partem.

Gemini, Hyrcaniam, Armeniam, Martianam, Cyrenaicam, Marmaticam inferiorem, Aegyptum, Angliam, Sardiniam, Brabantiam, Vuitembergensem regionem, Flandriam, Longobardiam.

Cancer vero Numidiam, Africam, Bithiniam, Phrygiam, Colchidem, Carthaginem, Francorum regnum, & Scotiae, & Granatae, Prussiam, Holandiam, Selandiam, Burgundiae comitatum.

Leo, Phoeniciam, Chaldeam, Orchiniam, Galliam togatam, & Italiam, Siciliam, Apuliam, Bohemiae regnum, Turciae partem, Aemiliam, & Sabinam.

Virgo, Assyriam, Mesopotamiam, Babiloniam, Graeciam, Achaiam, Cretam, Ciliciam, Croaticam, Ducatum Atheniensem, Carinthiam, Slesiam inferiorem, Athesanam prouinciam, Rheni vicina, Rhodum.

Libra, Baſtrianam, Caspiam, Seres, Thebaidam, Oasim, Aethiopiam, Trogloditicam, Austruam, Alsatiam, Tusciam, Sundgauiam, Liunionam, Sabaudiam, Delphinatum.

Scorpius autem Cappadociam, Comagenam, Maragonitidam, Iudaeam, Idumaeam, Mauritaniam, Getuliam, Nordbegiam, Suetiam occidentalem, Cathaloniam, Bauariam superiorem.

Sagittarius, Arabiam foelicem, Tyrrheniam, Celticam, Hispaniam, Portugaliam, Vngariam, Dalmaciam, Morauiam, Sclauoniam, Mysnam.

Capricornus, Indiam, Arrianam, Gedrosiam, Macedoniam, Illyridem, Thraciam, Albaniam, Bosfinam, Bulgariam, Lituaniam, Saxoniam, Massoniā, Thuringiam, Hessiam, Marchiam, Styriae orchades insulas.

Aquarius Oxianam, Sogdianam, Arabiam petreiam, Azaniam, Aethiopiam, Sarmatiam, Tartariam magnam, Daniam, Russiam, rubeam, Amaxobiam, Sueciae partem meridionalem, Valachiam, Pedemontanam regionem, Vuestphaliā, Mosellanos, Bauariae partem, Montem ferratum, Alcheyram.

Pisces, Phasianiam, Nasamones, Garamantes, Lydos ac Cilices, Pamphiliam, Calabros, Vuormatiam, & Nordmaniam. Sic enim scripsit Ioannes Schonerus vir in hac scientia exercitatissimus, ut etiam de ciuitatibus

Tom. V.

horum autem reddere rationem omnino difficillimum est.

140 Aries autem ex ciuitatibus creditur habere Neapolim, Capuam, Florentiam, Ferrariam, Vincentiam, Veronam, Bergamum, Imolam, Patauū, Brunſuicum, Vtricam, Lindauiam, Cracouiam, Marſiliam, Epidaurum,

Taurum, Palermum, Bononiam, Senas, Mantuam, Tarentum, Parmam, Panormum, Thurregium, Lucernam, Herbipolim, Carolostadium, Metim, Brixiam, Caput Histriae, Pofnam, Gnesnam, Nouogardiam, Nanceium, Burgim, Lypsiam.

Gemini, Cefanam, Viterbum, Taurinum, Rhegium, Verecellas, Louanium, Moguntiam, Babenbergam, Brugim, Villacum, Chirzincum, Hasfordiam, Londinum, Cordubam.

Cancer vero Constantinopolim, Thunetum, Venetias, Mediolanum, Gepuam, Lucam, Pisas, Lubecum, Treuerim, Magdeburgum, Gorlitiū, Bernam, Eboracum, Sanctum Andream.

Leo habet Damascum, Rhomam, Rauennam, Syriaculas, Perusium, Cremonam, Pragmam, Vlmam, Confluentiam, Linceam, Cremsium.

Virgo Hierosolymam, Alexandriam, Corinthum, Papiam, Nouariam, Aretium, Cumanam, Brundisium, Vuratisuiam, Erdſfordiam, Basileam, Heidelbergam, Segniam, Lutetiam Parisiorum, Lugdunum, & Tolosam.

Libra Caietam, Laudem, Sueſſam, Placentiam, Argétoratum, Viennam, Austriae, Francfordiam iuxta Moenum, Spyrā, Halam Sueuorum, Haylprunam, Vuimpinam, Landtshutam, Frisingam, Mospachiu, Veldchirchium, Arelatum, Lysbonam.

Scorpius Foroiulium, Trapezuntinum, Algeram, Aquileiam, Paduam, Vrbinum, Pistorium, Camerinum, Brixiam, Taruſium, Mesſanam, Gedanum, Monacum, Aychistadium, Viennam, Allobrogum, Valentiam.

Sagittarius vero habet Volaterram, Mutinam, Coloniam Agrippinam, Nurimbergam, Sturgardiam, Rotenburgum iuxta Tuberim, Indeburgum, Budam, Caſchouiam, Narbonam, Auinionem, Toletum.

Capricornus, Brandeburgum, Anchonam, Tauentiam, Derthonam, Augustam Vindelicorum, Constantiam, Iuliacum, Cleuoniam, Bergam, Gandauum, Machliniam, Vilnam, Oxonium.

Aquarius, Pisaurum, Tridentum, Hamburgum, Bremam, Saltzeburgum, Ingolostadium.

Pisces autem Parentium, Ratisbonam, Rothomagum, Compostelam, Hyſpalim, Roanam, Sybiliam.

141 Sol ignem & aërem, & quae in eo sunt animalia, custodit. Luna autem aquam ac terram, & horum animantium vitam, propterea talpae & vermes cum Solem vident moriuntur, Belluae, cum terram, aut aquam ingrediuntur.

142 Pestilentiae igitur accidunt, afflicta vi Solis, per aërem, & Lunae per aquas.

143 Si Luna fuerit inter Martem & Solem, vel cum eis, natus erit brevis vitae.



144 Si Luna ceciderit in septimo loco à dignitate, & descendat tam in eccentrico quam paruo circulo, erit nimio humore infirmus.

145 Cum Luna fuerit in eadem parte cum Sole, & ambo in quadrato vel opposito Saturni, natus non nutrietur.

146 Cumque ambæ infortunæ fuerint in ascendente, & luminaria cadentia ambo ab angulis, natus non nutrietur.

147 Infortunæ non faciunt monstrosos, nisi cum partibus cœli malis coniunctæ fuerint, & fuerint ipsæ potentes, manifestum est igitur, cur nati monstrosi, brevis vitæ sint.

148 Luna cum in Ariete in opposito fuerit Martis per partem, vix nutrietur.

149 Luna cum inter ambas infortunas fuerit cadens vel in signo masculino, vix aut nunquam nutrietur.

150 Quicumque Lunam peregrinam iuxta radios quadratos, vel oppositos, infortunæ habet minus quam 17. minutis distantem, magna in nutritione infortunia subibit.

151 Saturnus vitam, & Mars nutritionem, ac Luna magis fouet, diurnam vitam magis Sol & Iupiter.

152 Optimum etiam est pro vita, vt Luna sit in Tauro, Cancro, vel Piscibus, in ascendente, libera.

153 Si Luna separetur ab infortuna, natus habebit morbos in nutritione, & post etiam multa mala patietur.

154 Qui exponuntur, sunt, quibus Luna est in Solis opposito, vel quadrato ad vnguem infortunati, vel si in opposito aut quadrato Saturni, vel Martis patrem significantis, & similiter accidit aliquando, si iidem punctum ascendens eodem modo aspiciant, pauci igitur ex his viuunt, & pauci à matre exponuntur.

155 Quod si Lunam sic existentem Iupiter foueat, & ipsa cum regia nobili vel Bebenia, natus ex ea expositione ad statum sublimem perueniet.

156 Solis vis est, calefacere & producere, Lunæ autem humectare & aquas mouere, Saturni, infrigidare, & Martis, exurere, & Veneris, aerem mitem facere, ac rorem dare, & Iouis, pulchram serenitatem ac salubritatem inducere, & Mercurij, flatus mouere, ac aëris qualitatem sæpe mutare. Cum igitur hæc absque radiis vel accessibus videris, iudica eum planetam dominari, & locum in quo tunc est, esse ex illius præcipuis dignitatibus, vel quod fixæ suæ naturæ copulatur.

157 Vitæ validæ sunt, quibuscunque Aries, vel Leo ascendit, & Sol est in nono, decimo, vndecimo, vel septimo loco, aut Taurus vel Cancer, Luna vero in his.

158 Quando Sol cadens, aut Luna, aspiciuntur ab infortuna, in angulo potenti, vt nutritionem non indicet, ipso luminari motu proprio ad ipsam infortunam perueniente, natus vt plurimum ea hora morietur.

159 Cuicumque cor cœli est septimus locus suæ ciuitatis, natus ille oppugnabitur in ea, & si fuerit oppositum loci Saturni, vel

Martis, vituperabitur, & si ascendens sit locus iste pro cœli corde, non enadet quin in ea male moriatur.

160 In directionibus, maior securitas est in radiis, post in fixis, vltima in finibus vis est.

161 Plurimis eorum, quibus mors accidit violenta, Mars aut Venus, ascendenti, vel Lunæ loco dominantur, aut aspiciunt, his quidem propter contentionem, illis ob amorem.

162 Cum Venus & Luna & Saturnus prævalent, cadente Marte, natus erit timidus.

163 Quando Mars in nocturna genitura, fuerit in quadrato Lunæ crescentis, ac plenæ, natus ob impatientiam & iram sibi negotium sæpe facesset.

164 Mars in octauo loco, in igneo vel humano signo, facit insanam vindictæ cupiditatem.

165 Cuicumque Venus non bene posita in Martis infortunati radiis est, ei causa amoris ingentia inconuenientia contingant necesse est.

166 Aquea signa faciunt proditores, atque in his Scorpius excellit.

167 Quando Luna domina ascendentis, fuerit in Scorpione, natus prodet dominum suum, & si fuerit in figura vrbis, rebelles erunt ciues principibus suis.

168 Mars plerumque male Mercurio sociatur, facit enim improbos & inuerecundos, circa tamen artes industrios, vnde tales plerumque malorum morum.

169 Mars in nona infortunatus, plerumque facit mendaces, contemptoresque diuorum.

170 Sicut superiores orientales descendunt in paruo circulo, occidentales, ascendunt, sic in inferioribus contrarium ad vnguem accidit, motus enim eorum in paruo circulo cum motu in eccentrico motum Solis superat.

171 Sol omnibus planetis tribuit vires, Luna autem recipit, ob id decreta Lunæ non omnia, nec ex maiore parte, sua sunt, sed quia aliorum planetarum.

172 Cuicumque Mercurius bene dispositus fuerit, Luna autem male, bene is intelliget, & male deliberabit. Vnde hi etiam aliis optime consulunt, rem suam male gerunt.

163 Mars & Mercurius domini sunt mendacij, Sol & Iupiter veritatis.

174 Pudoris Sol & fortunæ, impudentiæ infortunæ cum Luna.

175 Venus vbi nimis potens in genitura fuerit, & in locis infortunarum, multa ex fœdis amoribus expecta inconuenientia.

176 Venus pudorem facit quendam, qui tamen veneris gratiam potius addat, quam à concubitu retrahat, itaque Veneris pudor est letis.

177 Mortes vulgares fiunt, vel elementis affectis, & sunt consimiles, vel natura temporis, cum multis ac diuersis moriuntur morbis, vel casu, cum plurium anaretæ in idem tempus coincidunt, hoc autem minus.

178 Genituræ filiorum ex parentum genituris primo prodeunt, post ex patriæ, & regionis, ac fato vniuersi.



179 Cum natus ascendens habet in opposito Luna urbis suae, in ea urbe infortunatus erit.

180 Cum vera via nondum nota est in arte, ille recte agit, qui antiquorum dicta fideliter recitat.

181 Quando Luna in occidente, & Iupiter in oriente, in Martis aspectu, natus facto & Astrologia credet, legibus contemptis.

182 Si quis Luna inter infortunas existente supervixerit, Deo non credet.


183 Si Luna, & Mercurius, & dominus ascendens fuerint in bicornis, natus haereticus aut alienae legis particeps fiet.

184 Si Saturnus, ex loco debili, Mercurium, amica ac exacta radiatione aspexerit, praesertim ex nono vel tertio loco, natus sciet secreta multa in disciplinis. Quod si ex valido, erunt res magnae aestimationis.

185 Quadrata radiatio Iouis & Mercurij, facit iudices sacerdotum in aptis, ut Albubather inquit.

186 Nullus Planeta deterius afficitur in retrocessu, quam Mars.

187 Simples significationes ego singulas docui, cum autem contrariae fuerint, eas metiaris, comparabisque, ac iudicabis: ficta enim multa non evenient.



Cum igitur hoc morbo perpetuo detineretur, & ardore urinae intollerabili, dixi succedente hac reuolutione, cum in Octobre sequente moriturum difficultate spirandi, tradidique omnia hac illi in scriptis petenti, & adhuc exant apud suos, custodiens igitur se valde, euadere non potuit diem quartum Octobris. Mortuus est ex difficultate spirandi in quinque diebus, prout praedixeram.

2 Cum Saturnus & Mars se aspexerint, fuerintque luminaria in sexta, octava, vel duodecima, natus ex morbo incurabili vitam miseram ducet, & tristis viuet.

3 Infortunae cum dominantur malos faciunt, cum fuerint potentes, faciunt infortunia.


4 Si genitura debilis fuerit in vita, tribus Planetis simul in reuolutione iunctis, periculum imminet, morbi, maxime si in sexta.

4 Cum Luna fuerit in caeli medio in Capricorno, & Saturnus, aut Mars, in imo, natus erit infamis, quod si Mars fuerit in Tauro, & Luna in Scorpione eodem modo, erit hoc deterius ac firmitus, & erunt toto tempore vitae suae multa inconuenientia.


## SEGMENTUM VI.

### Aphorismorum Astronomicorum.

I. CVM in reuolutione illius cui vnctus vitae significator iam debilitatus est, boni planetae combusti, fuerint in alio loco quae in ascendente, & infortunae Solem aspexerint, supra terram existentes, ac ascendens, & Lunam, vel Luna sub terra fuerit: absque mala directione vlla, proculdubio eo anno ille morietur.



Huius primi Aphorismi fiducia, pronunciamus eum, qui sine mala directione securus sibi videbatur, omnino eo anno moriturum, erat autem medicus, cuius genitura praecedens debilitatum habuit ascendens in anno 33. vita sua, cum Saturni quadratum ad ipsum peruenit, incidit enim in lapidem vesicae.



Hic fuit omni genere infamia respersus, adulter, in pueritia cinadus, pedico iuuenis, aliis etiam vitis notus, & ob id infelicitissimus. Apposui autem, ut intelligas nec artis nobilitatem, nec trinum Iouis & Solis, mutuo se recipientium profuisse, euasit tamen pericula, & si vixisset tandem ad honores & diuitias aditus paruisset.



6 Ne laudes ingenium illius, qui habet Mercurium in Tauro vel Virgine occidentalem, multo minus in Capricorno, quamuis egregium videatur, nisi Ioui, vel Veneri, vel Lunæ, vel fixæ ex horum natura societur.

7 Luna cum in Ariete fuerit, bonum ingenium, sed mutabile præstat.

8 Claudicationes, oculorum obliquitates, & crurium, ac reliquæ calamitates, à Luna damnata efficiuntur, quod conuulsionem moueat.

9 Veri motus, actiones perficiunt, medijs autem sunt, vt illorum exempla.

10 Cum Sol superiorum aliquem respexerit, eandem considera habitudinem illius aspectus in dimidio reuolutionis, & quarta parte, vt aliorum sit 15. aliorum 18. aliorum 20. vel 40. vel reliquorum.

11 Vehementes etiam sunt reditus ad eadem loca, in tempore reuolutionis, cum Sol planetam aliquem aspexerit.

12 Cum Saturnus, Venus, & Mercurius miscentur, facient virum pollutum omni libidinis genere. Sed si in dignitatibus Solis, erit splendidus præter hoc. Si autem Saturni & Mercurij, eruditus admodum. Si autem Veneris, erit magis circa fœminas, quàm pueros, & erit comis & venustus, in omnibus tamen his venereorum impotentia, quandoque laborabit.

13 Sed si Mars & Venus & Mercurius misceantur, tunc flagitia eius erunt immensa, vim stupris adhibebit, & spintria erit, mastrubator, crudelis, deceptor, & sine ratione, potens in Venere: fœminas tamen magis diligit pueris.

14 Curua signa sunt Aries, Taurus, Cancer, Scorpius, & Capricornus, conuersiua Cancer & Capricornus, æquinoctialia Aries Libraque, bicorporea eadem & communia Gemini, Virgo Sagittarius, Pisces. Fixa, Taurus, Leo, Scorpius, Aquarius, reliqua autem sunt mobilia. Humana, Gemini, Virgo, Libra, Aquarius, & prima pars Sagittarij. Aquea, Cancer, & Pisces, reptilia, vt Scorpius & serpens vterque fera, vt Leo & Pegasus mansueta, vt Canis vterque, & Aries semifera, vt Taurus & Capricornus, & Lepus, inanimata, vt thuribulum.

15 Domus quæ violentos casus efficiunt, sunt septima, decima, vndecima, duodecima, post prima, & quarta, & octaua, & sexta.


16 Cum luminaria & fortunæ in angulis fuerint, optimum erit: bonum est etiam si sine eis. Malum vero si sine luminaribus infortunæ: pessimum si cum eis.

17 Luna bene fert Venerem: Sol etiam Iouem.

18 Quæcunque vehementia sunt circa animam, etiam pro parte in filios transeunt, quæ autem lenia sunt, talia autem plurima corrigit educatio, validissima vero etiam irritat, mediocria tamen lenit.

19 Quando Iupiter cum Marte, aut Saturnus cum Venere, aut Sol cum Luna, aut infortuna aliqua, aut regia mala cum aliquo

luminarium in eadem parte peregrini fuerint, ingens aliquod malum nato expecta.



Latitudines. ♀ Sept. 1. 15. ♀ Sept. 1. 49. ♀ Sept. 1. 52. ♂ Sept. 0. 40. ♀ Sept. 2. 46.

20 Cum res ipsæ consequentes sint, male diiudicat astronomus, tanquam de omnino separatis.

21 Egregij mores, & facilitas in tractatione, per se hominem euehant.

22 Ad regnum adipiscendum ex tribus duo semper sunt necessaria, coniunctio familiæ cum successione, bonum aliquod ingens in genitura, & eius conuenientia cum regno.

23 Facile igitur est intelligere, cur facilius & frequentius amittatur successione quàm propriis viribus partum.

24 Magis propria significatio domini trigoni est super annos infantiae, domus autem super corpus exaltationis super fortunam & potentiam, termini super animi mores.

25 Cum in ætate perfecta reuolutio habuerit Venerem in sextili Mercurij, qui illi in genitura in eodem loco iunctus esset, natus imaginationibus venereis mirum in modum vexabitur, quod si coniungatur vbi prius erat in sextili, eo anno dilecto scorto potietur.


26 Orientales planetæ matutinalésque, masculini magis, ac directi, in operibus suis occidentales, secreti, molles, & effœminati.

27 Saturnus in venereis auget fœditatem, horrorem, turpitudinem, inuerecundiam & infamiam. Iupiter pulchritudinem, decorem, munditiem, & voluptatem, absque infamia. Mercurius detegit, vitiaque multiplicia efficit, ac sæpe ad actus ipsos reuocat.

28 In exercitio seu arte nati, planetam qui primo radios Solis orientalis existens egreditur considerabimus, quod si cum hoc alius in cœli medio sit, & Lunam aspiciat, illum assumemus socium. Quod si nullus egrediatur Solis radios orientalis existens, cum assumemus qui est in cœli medio. Quod si nullus iuxta cœli cor sit, dominum cœli medijs considerabimus, locaque in quibus Mars est, & Venus ac Mercurius, tales autem cum multi sint



sint ferme semper, & semper ferme hi diuer-  
sas exercebunt artes.



Latitudines. ♄ Sept. 1. 8. ♀ Mer. 1. 29.  
♂ Sept. 2. 32. ♂ Mer. 0. 3. ♀ Sept. 1. 24.

Hæc est vera Neronis genitura, nam in Tranquillo legi debet 18. Calendas Iulias, nam dicit nono mense ante Tiberij excessum, quoniam palam est mortuum fuisse 17. Calend. Aprilis. Nec nix niui similior, ut hæc genitura gestis moribus ac fortuna Neronis.



Latitudines. ♄ Mer. 1. 56. ♀ Sept. 0. 40.  
♂ Mer. 2. 57. ♂ Mer. 0. 9. ♀ Sept. 1. 26.

Placuit hanc Ascletrionis prædictione conspicuam subiungere. Porro quomodo eam venari sinus, dicamus. Inquit Suetonius. Occisus est 14. calendas Octobris, id est 18. Septembris, hora scilicet 5, diei, Anno imperij 15. ætatis 45. Imperium inuit, ut in Tuo habetur, 13. Septembris natus est 9. calendas Nouembris, id est 24. Octobris, imperij igitur annus 15. perfectus fuit natiuitatis autem non. Ptolemaus 7. magna compositionis cap. 3. inquit Anno 840. Nabuchodonosor, mense Tybi, qui annus fuit 12. Domitiani, Solem fuisse in Sagittarij quinta parte, Lunam in Tauri par. 3. mi. 15. horis 5. mi. 20. ante noctis medium Alexandria, diebus autem aequalibus, hor. 5. mi. 45. Colligitur & lib. 3. cap. 8. ubi Adriani legatur.

29 Oportet autem artem illam, ad quam inclinatur, intelligere: eam vero exercebit

quam reuolutionum series ostendet, quod si concordent, natus delectabitur in arte quam exercebit, si autem validiores fuerint reuolutiones, inuitus exercebit artem. Si autem planeta ab initio genitura præualeat, cupiet artem exercere, sed impedimenta prohibebunt.

30 Si Mars artem significet, cum ferro ars exercebitur si Sol cum illo communicet, erit etiam cum igne. Quod & si Venus ad delicias spectabit, ut coquinaria, & farcinatrix & ientaculorum conditrix, Sed & aurifabros facit.

31 Venus autem facit pictores, pigmentarios, & qui vestes miris ornant modis. Cum Ioue physicos, cum Marte chirurgicos medicos, cum Mercurio sculptores, & musicos, cum Saturno deceptores & magos, ac fuci artifices.

32 Cum Venus fuerit artis domina, iuncta Lunæ in libra iuxta apicem sextæ domus, & Luna ad Saturni sextilem, aut trinum applicuerit, erit natus textor vilium pannorum varij coloris, & lauans illos.

33 Mercurius facit Mercatores, Arithmeticos, vates & disciplinis intentos. Sol si cum eo commiscebitur, aurea opera, pulchra, faciet, cum Sole Marte, facit chymistas, eo magis si Saturnus adiungatur, facit & adulterinæ monetæ opifices cum Ioue, facit iurisconsultos & trapezitas. Si Saturnus, erit procurator alienæ rei, vel etiam miseram in templis supplicando ducet vitam.

34 Cum Saturnus validè artem disposuerit, vix euadet filius, ne succedat in arte illa ut agricolarum, nautarum onera gestantium vespilonum, & greges custodientium.

35 Mars & Venus non rectè dispositi, leoniam significant, rectè dispositi, armorum lusus, & pictarum vestium fabricatores phrygij & cinifiones ab his sunt.

36 Impressoria ars, fit Marte & Mercurio dominantibus, rectè dispositis, sicut & armorum factrix, & ædificiorum, cum autem male, aleas & ludum, & adulterinas tabellas.

37 Saturni Martis & Mercurij constitutio, facit Monetæ etiam adulterinæ fabricatores, latrones, fures, sicarios, venenorum opifices, falsarum alearum auctores, deceptores, & sycophantas.

38 Luna aurem generaliter, diuinatores facit, præcipue in Tauro Cancro, & Capricorno, cum ad Mercurij radios aut corpus accesserit. Si in Virgine vel Scorpione, erit Astrologus, & fascinator, ac veneficus. Si in Sagittario, vel Piscibus, dæmonum & mortuorum societatem habere partim sperabit, partim simulabit. Si in Ariete, Leone, vel Libra, sponte quasi diuinabit, erit & præcantator. Si cum Marte misceatur, erit lanus. Quod si cum hoc Mercurij Saturni ac Iouis testimonium associetur, dissecat humana corpora, & introspiciet scientiæ causa. Si Iupiter non adsit, erit spiculator, aut magus veneficus. Si Mercurio & Saturno miscetur, facit circulatores.

39 Luna cum Saturno, eos facit, qui riuos ducunt, & piscatores & fossiores.

40 Signa etiam artes ex se decernunt per genera



genera, humana, circa homines : aquea, circa aquas, herbas, & fata : quadrupeda, lanios, pastores, ædificatores, coriarios, lanarios, lapidum artifices, metallicorum foflores.

41 Honorati artifices erunt, cum artis significantes validi & orientales extiterint.

42 Vtilis autem ars ac sine impedimento, cum fortunæ felices prædominantur, si autem infelices fortunæ sine impedimento erit quidem ars, sed parum utilis.

43 Cumque hoc scire exquisite omnino sit impossibile, per genera res erit diducenda, nam præter immensam artium multitudinem, regionis, loci, familiæ, patris religionis, opumque causa, & à diuersis significantibus eadem ars, & ab iisdem diuersa decernitur.

44 Diuitiarum auctio, per Saturnum fit sensim, repente per Martem, modica ex utroque.

45 Saturni cum Ioue constitutio, propria est ad hæreditates consequendas, inde Saturni ac Veneris, ultimo autem Saturni ac Lunæ.

46 Iouis ac Veneris constitutio, ex sacerdotio diuitias præstat, eademque in fixis, quæ de natura horum planetarum sunt.

47 Constitutio diuitiarum, melior est succedentium ratione, vitæ autem aspicientium.

48 Iupiter in secunda, vel Luna in prima, aut in prima. Iupiter in sua dignitate, vel Luna simili modo in secunda, diuitias præstant.

49 Luminaria dant manifestas & splendidas diuitias, orientales planetæ celerius & manifestius : serius & occultius occidentales.

50 Si luminare temporis in anguli apice fuerit cum regia, & superiores planetæ orientales ab eo fuerint, inferiores occidentales, natus, etiam si seruus fuerit, ad regiam dignitatem ascendet. Optimus autem est cæli cor, inde septimus locus, post ascendens, hoc autem magis, si in Ariete, Leone, & Sagittario fuerint, proxime si in aereis signis.

51 Oportet autem in his tempora conuenire, ne prius vitæ significator impediatur.

52 Status hominis ex præcedentibus constatur, & subsequentibus. sunt autem subsequentia, diuitiæ, mores, robur, amici, ac cætera eiusmodi. Præcedentia, familia, affines ac parentes, lex quæ transferri non solet, coniunctiones magnæ, regnum.

53 Cum in angulo sine regia fuerit luminare à planetis circumdatum ut oportet, erit regni administrator, si in apice fuerit.

54 Cum autem in anguli apice, sine planetarum constitutione, luminare temporis fuerit, erit natus aut inter primos apud regem, absque administratione, aut cum administratione proximus primis.

55 Quartus rei status est, cum luminare temporis, non in apice fuerit anguli, planetæ tamen illud ut oportet circumdederint, aut si in apice anguli, luminare non temporis, sine planetarum, aut etiam cum planetarum testimonio fuerit.

56 Quod si nec luminaria in angulis nec ipsa à planetis circumdantur, erit status eius similis parentibus.

57 At si ab angulis cadant luminaria, & planetæ, erit miser & deiectus, et forsan in villis & oppidis versabitur.

58 Quod si præter hæc in cadentibus existentibus luminaribus aut in fœminibus signis, aut in his in quibus tristantur signis absque fortunarum aspectu, erit natus in extremo infelicitatis, ac miseriæ positus.

59 Liberant autem ab infortunio, aspectus fortunarum, & amicus infortunarum, verum ad tempus plerumque, & itinera, & exilium, & mora in aliena patria, aut in villa & oppidis, exhauriunt enim mala stellarum decreta.

60 Et dispositor loci luminaris ostendit causam potentia & honoris.

61 Si Soli fuerit in parte orientali à prima ad decimam, Luna autem in occidentali, in viri genitura, iuuenis seni uxori copulabitur.

62 Est autem Luna orientalis, vel à prima ad decimam, vel à coniunctione ad oppositionem, locus autem à septima ad quartam orientali similis est.

63 Luna si Saturno complicatur, erit uxor laboriosa & tristis, aut feralis, vilis, turpis, & malæ voluntatis. Si Ioui, modesta, & prudens, aut nimium lasciuia. Si Marti, audax, procax, indomita, vel adultera, ac pessima. Si Veneri, formosa, & iocosa, aut impudens, & adultera, mitis tamen. Si Mercurio, prudens, & recte domum gubernans, aut mendax & deceptrix. Si Soli, modesta, casta, continens, talis autem constitutio, ut diximus vix vnquam euenit. Si tamen Sol male sit affectus, erit ambitiosa, & superba, ac intractabilis.

64 Commutatio Solis & Lunæ, in natiuitate viri ac mulieris, ut significatorum, parit amicitiam, posterior autem concordiam.

65 Commutari dicuntur planetæ, vel cum alter in alterius genitura, locum commutati mutuo occupauerit, vel si aspectu beneuolo id fiat, vel si Luna, in viri genitura, sit in loco Solis mulieris, in coniugiorum commutatione, vel cum duo planetæ locum eundem possident, vel cum significantes proprii, in propria genitura, in loco proprio alterius, proprii significatoris, in aliena genitura fuerint, vel cum planetæ easdem recipiunt vicissitudines, aut cum Sol in mulieris genitura, oppositum locum Lunæ in viri genitura, aut quadratum, secundum eadem partem possidet.

66 Causæ separationis viri & uxoris, sunt diuersæ, secundum leges, & in his ingreditur luminarium discordia, cum malis aspectibus infortunarum, præcipue mutuis.

67 Causæ non ducendi uxorem, & cœlibatus, in viris, est Lunæ combustio, cum Saturno, item magnum Lunæ à Saturno impedimentum, ac rursus, concordia genitura, cum sacerdotum & heremitarum principibus cœlestibus. Sic & in fœmina, si planeta sit cum Sole combustus, aut Sol à Saturno vehementer



opprimatur, aut genitura cum principiis monallicorum conuenerit. Atque hæc in his qui suo iure vtuntur.

68 Concubinæ autem, & pellices, & secreta matrimonia, & pueri nobiles, à Saturno, Marte, ac Venere decernuntur, absque luminarium testimonio.

69 Si diuortij significatoribus Venus præfuerit erit ob adulteria, & veneficia. Si Mercurius, erit publicum. Si Mars, valde infame, violentum, & periculosum.

70 Si Saturnus, aut Mars, cum Venere conueniant, aut inter se, in signis communibus illis, vt Libra, & Capricornus, natus consanguineam pro vxore habebit. Quod sit in ascendente fuerint significatores, erit nouerca vel soror.

71 Si Sol, ac Saturnus & Venus, in communibus illorum signis fuerint, in septimo loco, natus commiscebitur nuri, aut filia fratris. vel sororis.

72 Cum Venus Marte potentior extiterit, natus sectabitur nobiles.

73 Planetæ orientales, ad pueros magis inclinant, cum in masculinis signis fuerint.

74 Iuppiter, Sol, & Mercurius, sunt castitatis & pudoris authores. Venus & Mars, impudentiæ & libidinis. Luna & Saturnus, vario modo se habent.

75 Quando Mars fuerit cum Hercule, & Luna cum arcturo, fueritque Mars in septimo, nono, decimo, vel vndecimo loco, vel in ascendente, natus occidetur ab hominibus. Idem de Saturno dicemus.

76 Quod si in his locis Mars fuerit cum arcturo, & Luna cum Hercule, natus suffocabitur, & hoc quamdiu Hercules fuerit in Cancro, cum autem fuerit in Leone, à feris, vel præcipitio id fiet. Similia de Saturno.

77 Cum conditiones geniturarum multæ non admittant vitam, quæcunque tales in reuolutione accidunt, vitam eo anno adiungunt.

78 Cum infortuna, in primo, vel septimo, vel quarto loco, vel vndecimo, vel nono, vel duodecimo, fuerit cum oculo Tauri, & Luna cum corde Scorpii, natus iaculo vel ruina morietur.

79 Cum autem in prædictis locis, commutata vice, Saturnus cum corde Scorpii, Luna cum oculo fuerit Tauri, natus suspendetur, aut ictu teli occidet, idem de Marte dicendum erit.

80 Quæcunque Luna significat, circa corporis detrimenta, idem & dominus ascendens. Quamobrem in his, qui Taurum aut Cancrum habent ascendens, fit duplicatum infortunium.

81 Quæ autem eueniunt, sic collatis syderibus, eadem fient, si Luna cum infortuna in eadem parte, in eisdem locis cum eadem stella, aut earum altera iuncta fuerit.

92 Quibuscunque infortuna cum capite Gorgonis, Luna autem cum splendida Aquarii, huic mors violenta mandato principis eueniet, colloque læso vel abrupto morietur.

83 Quod si infortuna sic posita, Luna fuerit cum hydræ lucida, in aquis vel vene-

no aliquo peribit, oportet autem in his omnibus infortunam loco sublimi esse.

84 Quod si infortuna cum hydræ lucida, Luna autem cum splendida Aquarii, mergetur aquis.

85 At si infortuna cum splendida Aquarii, Luna cum capite Gorgonis, strangulabitur.

86 Quod si infortuna sic posita, Luna cum splendida hydræ fuerit, venenum hauriet.

87 At si infortuna cum hydræ lucida, Luna autem cum Gorgonis capite, & Sol cum splendida Aquarii, etiam si rex fuerit, solenni die capite plectetur, & si non extiterit rex, corpus eius etiam lacerabitur.

88 Si Sol & Mars, cum vulture cadente, in sublimi fuerint, Luna autem cum canicula ardente, natus morietur morfu canis rabidi.

89 Quod si contrario modo disponantur planetæ, venenum hauriet, aut mandato magistratus necabitur.

90 Loca sublimia sunt, primus, decimus, vndecimus, septimus, nonus ac duodecimus, his adnectuntur quandoque quartus & octauus.

91. Cum infortuna fuerit cum vmbilico pegasi, Luna cum cane ardente, natus morietur ex iaculo ignito vel morsus à feris.


92 Cum infortuna fuerit cum vmbilico pegasi, Luna autem cum splendida liræ, natus biothanatus erit, multis tamen modis hoc contingere poterit.

93 Cum infortuna fuerit cum dorso pegasi, Luna autem cum cingulo orionis, natus in aquis obruetur.

94 Cum vero contrario modo planetæ disponuntur, occidetur hominum manibus.

95 Cum Luna fuerit inter pleiadas, & infortuna cum corde Leonis, nato oculi effodientur, vel eorum alter.

96 Cumque Mars inter pleiadas fuerit, Luna cum corde Leonis, natus à multitudine occidetur.



97 Et si Luna fuerit cum altera canicularum, vel cum cuspide Sagittarij, & ibi aut in opposito, vel quadrato, Sol cum infortuna, maxime Marte, natus igne cremabitur.

98 Cum Luna fuerit infortunata in sexta



cum constellatione, natua morbo obcæcabitur.

99 At verò hoc magis erit, si à congressu planetæ cum cauda existentis separetur, fueritque Luna in via lactea, & infortuna in ascendente, tunc enim ambobus capietur luminibus.


100 Infortunia violenta, magis affligunt vnum oculum, morbi autem ambos.

101 Cumque Luna fuerit cum orionis cingulo, sub radiis, Solis, natus obcæcabitur vno saltem oculo.


102 Cum fuerit luminare vnum valde infortunatum, ex vnius oculi morbo, propter illorum affinitatem, natus ambos amittet.

103 Cumque Sol fuerit cum antecedente Capricorni, quæ est ex regis, quoniam est ferme sine latitudine, natus obcæcabitur oculo dextro.

104 Quodque non significat vnum signum validum, ostendunt planeta debilia.



Harum geniturarum domini soror ac frater, ambo in infantia, sexto puer, octavo puella, cad ex morbo facti sunt, causam habes in nonagesimo octavo Aphorismo & septem sequentibus.



Hunc diuitem fieri, ostendit Iupiter in Libra, in secunda domo, & quod pessimus sit, etiam Sol cum Saturno, & cauda, & Venere, dignitatem decernit. Luna inter pleiadas, in sextili Solis, existentis, cum stellis de natura Iouis, & iuxta crux pegasi, & ipsa Luna in cæli corde. Quod non sit perpetua, facit Mars in Luna opposito, ut in sexta Apho, in figura Medici,

qui Lunam habuit in cæli corde in Martis opposito sed tamen contrario modo huic. Mars autem in trino Solis in aqueo, dabit huic potestatem super provinciam, vita prolixa, quia Luna robusta est triplici modo. Mors violenta tamen necessario, & erit ex re cadente, seu cum casu, & cum potu postmodum veneni, & significat vitium in dentibus, & casum eorum, & lapillum, & fœdum aspectu, & anequam moriatur, generabitur lapis in illius vesica. Mors eius, cum Luna ad 21. partem Cancræ directione pervenerit, habebit, morbum exedentem, & serpenti per corpus, nam Saturnus in Piscibus comburitur initium fortuna anno 32 uxoris causa.

103 Multas genituras fœlices, infortunium magnum evertit, & tunc non significantur per egregium astrorum consensum, nisi super mores & corporis dispositionem.

106 Et detrimenta valida radiorum Solis, à fortunarum aspectu non emendantur.

107 Cum Mars Veneri commiscetur, sunt clamores & violentiæ in Venereis, cum autem Saturnus, fœda omnia, cum dolo ac insidiis.

108 Et non est dubitandum, quod vsque ad adultam ætatem, sufficit consensus geniturarum filiorum, ad eorum ingentia detrimenta significata per genituras parentum.

109 Luna, cum minus perambulat partibus 13. minutis 10. tarda est motu, & in summo consistit parvi circuli, & dimetiente minor, tunc igitur lentè effectus suos producit, & fœccior est.

110 Obserua locos, vbi quilibet Planeta incipit retrogradari, à retrogradiendi tempore, & stationem secundam in directis: & ibi planetæ per directionem permutabuntur, & eodem modo loca in quibus inunguntur Soli, vel opponuntur, & absidem ac oppositum eius.

111 Sol alligat planetas omnes corpore suo; præcipue superiores. Saturnus & ipse hoc corpore suo facit, præsertim inferiores, maxime Mercurium, omnes igitur stupidi.

112 Quando Venus fuerit domina ascendentis, cum corde Leonis, & Luna cum capite, & in sextili Martis, nec fuerit impediens in genitura mulieris, mulier illa erit pulchra, & ob pulchritudinem nubet viro potenti, & ex paruo statu in magnas diuitias ascendet.

113 Quando Venus cum Saturno fuerit, & Mars & Mercurius in loco Lunæ, natus erit stultus philosophum se putans.

114 Quando Luna fuerit sub radiis Solis cum Mercurio, aut Mercurius sub Solis radiis, Luna diminuta lumine, natus erit stultus, sed non omnino.

115 Sol in Cancro existens, Luna lumine diminuta sub terra, erit sicut asinus.

116 Quando Saturnus cum Mercurio in ascendente fuerint, & Iupiter eis oppositus, erit autem retrogradus, & in septimo loco, natus erit duri sensus.

117 Mars & Mercurius, ac Venus, fortunata Luna, vel in Solis domicilio iuncti, faciunt histriones.



118 Mars & Mercurius cum Luna iuncti, malèque dispositi, fures aut latrones faciunt. Quod si Saturnus aspexerit eos, vel in septimo loco fuerit, ob scelera dabunt pœnas. Sola etiam radiatio mala, Saturni & Martis ex angulo, hoc facere potest.

119 Valde eruditi sunt, quibus planeta Saturnus, Venus, Iupiter, ac Luna, Mercurium exquisitè respiciunt, vno ex his, non Saturno tamen, nec Luna, in ascendente existente, atque in horoscopo, & nullo alio planeta in angulo, nec ex his ipsis existente, omnis enim planeta robustus in angulo, impedit sapientiam.

120 Venus, cum locum cum Marte commutauerit, adulterum facit, atque eo magis, si illum aspexerit, aut si cum regia de illius natura fuerit.

121 Tribades ac pedicones fiunt, à sexto ac septimo loco, oportet autem Venerem ac Mercurium commisceri, sufficiet post hos quælibet infortuna.

122 Cum grauium scelerum indicia apparent, vide an infortuna validè extiterint: nam si fuerint, premantque Solem, vel Lunam, vel dominum ascendentis, vel si dominus ascendentis combustus sit, aut hostis Soli, natus proculdubio pœnas dabit.

123 Castitas sit, vel ex sola regia naturæ Iouis & Veneris in ascendente existente.

124 Luna, si Venerem, tum maximè domina ascendentis, vel fortunarum altera, in ascendente existente, aspiciat, natum comptum ac pulchrum facit.

125 Quieti sunt, quibus Luna in Tauro cum Ioue iuncta, vel etiam in Leone, vel Aquario, iidem mansueti ac bonorum morum.

126 Mars prodigos facit, Iupiter liberales, Venus incontinentes pecuniarum in voluptatibus, Luna tenaces, Sol continentes, Mercurius parcos, Saturnus auaros.

127 Planetae super terram existentes, in manifestis corporis locis, sub terra autem in occultis significant morbos.

128 Morbi maxime ex genere fiunt domini sextæ domus, aut planetae in ea existentes, non solum in natiuitate, sed etiam in resolutione.

129 A Ioue vsque ad Mercurium febres significantur, omnes enim caliditate participant, Luna autem caliditas humido obruitur, & Saturnus ab aliis adiunatur.

130 Singula velle per capita distinguere, infinitum est, cum vero mensuram etiam adhibere non possis fallax.

131 Quàm grauis erit iactura membri, cum Luna in obliquo signo sub radiis Solis existens, à Marte in opposito existente, pulsatur.

132 Apti ad regnum sunt, quibus Sol est in prima domo, ascendens autem ex quatuor superioribus, post autem, quibus Sol in dignitate sua, iuxta cœli cor, proximi quibus Sol iuxta cœli cor, ad 25. partes, & Luna in signo fixo, post hos, quibus Luna sub Sole est, in secundo, vndecimo, vel nono loco. Post hos autem, quibus Sol elenatus ac potens cum Ioue, vel in eius aspectu, post quibus ascendens Leo, & Sol, in quinto, vel

quarto loco, vel supra terram elenatus, hoc autem melius.

133 Luna in sublimi valde loco, raro apta principibus est.

134 Malum est successuro in regno, vt ascendens sit cum inferioribus, sine superiore, vt Sol cadat ab angulo, & maxime in Libra, vel Aquario, vel fœmineo signo, vt sit iunctus, vel in aspectu malo infortuna, vt Luna sit valde potens in figura, ipsa enim regnis multum aduersatur, vt ipsa sit debilis in locis mundi, vt sit infortunata à planeta, vel fixa mala potenti, vt infortuna in angulis præualeant: vt illæ aduersis radiis se oppugnent, aut coniunctæ sint, vt Mercurius à Saturno infortunetur, aut sit cadens, vel retrogradus sub radiis, vt Saturnus aut Venus sint in figura potentissimi.

135 Cum in regis genitura, infortuna potentes in mundo, & circulis, ac dignitatibus fuerint, luminaribus mediocriter se habentibus, regnum ad hæredes transibit: quod illi amittent.

136 Cum in filij regis genitura, vel eius ministri, plures planetae in eadem parte fuerint, tum maxime Iupiter, Venus, Mars, & Mercurius, in signo humano, absente Sole & Saturno, natus infans loquetur, & excidium regni significabit, coniuncta enim est eius genitura, cum regni constitutione, quæ portet prodigia & miracula producere solet.

137 Successuris in regno, faciliior transitus, si Sol in Leone fuerit, adepturis autem, si in Ariete vel Sagittario.

138 Quando Sol in corde cœli peregrinus fuerit in quadrato Lunæ existentis in septima, natus erit maximus inter suos, & repente morietur.

139 Examina in genituris omnem Lunæ conditionem, secundum tres modos quibus exaltatur, vsque ad amissum: opus est enim illis.

140 Pro rege consule, Solem, & Mercurium, & Martem.

141 Domum duodecimam, & quartam, & dominos earum, & planetas in eis existentes, pro carceribus considera, & Saturnus est proprius eorum significator.

142 Cum infortuna in angulis, fortuna in succedentibus: aut Luna combusta, & dominus loci eius fœlix, aut locus coniunctionis ab infortuna oppressus, & cadens, seu oppositionis, & dominus eius fortuna potens, vel Iupiter cadens, & dominus loci eius fœlix ac potens, natus ex infima fortuna & iuuenta miser ad bonum statum perueniet, idem in contrariis.

143 Cui Luna est in loco Iouis, si Iupiter non omnino sit infœlix, bonum est.

144 Quando Luna Saturno iuncta, in angulo fuerit, etiam si rex fuerit, ad inopiam redigetur, dixit Albubather.

145 Statum dignitatis Sol retinet, ac vitæ robur, is si cadat, dominus loci succedenti tempore dignitatem quidem adaugere potest, vitam roborare non potest.

146 Qui Marte in secundo loco habet, caueat à mercatura.

147 Fortuna domini, natura sunt Sol,  
G Luna,



Luna, Iupiter, & conjunctionis locus. Venus autem in quibusdam tantum.

148 Qui genituram habuerit pro diuitiis & honoribus infortunatam, & Lunam cum præclara fixarum, fiet insperato potens, inde iterum redibit miser, magnitudinem euentus, ex statu Lunæ deprehendes.

149 Quando Venus in vndecima, Mercurius in duodecima, Sol in prima, Iupiter in secunda, Saturnus in sexta, Luna in nona fuerint, nato euenient tot tantaque, vt prodigiosa vita eius videatur.

150 Numerum fratrum, sume ex domino ascendenti, trigoni primo vsque ad ascendens, si supra terram fuerit: vel ab ascendente ad ipsum, & communi da duos.

151 Communia signa in tertio loco, & vbi est dominus tertij loci, significat fratres, ex vno tantum parente, sed hæc leuia quæ dixit Albubather, non omnino falsa.

152 Tardum progressum ex vtero, Luna in aspectu infortunatum significat, & in signo obliquo, & planeta retrogradus aut stans lenti motus in ascendente.

153 Iupiter retrogradus diuitias non largitur, nisi in fine vitæ, quod si cum hoc fuerit impeditus cum domino eius nunquam, idem si combustus cum suo domino.

154 Iupiter si comburatur in Leone, vir ille nunquam erit pauper neque diues.

155 Quando Sol fuerit cum Saturno, radiis Martis pulsatus, in diurna genitura, pater eo anno morietur. Si vero Luna, in nocturna, mater ex partu morietur.

156 Cum fixa aliqua Mercurio proportionata ex illius natura, aut benefica ei coniuncta fuerit, natus erit ingenio & eruditione illustris.

157 Improbata constitutio, ac Neroniana Antonianaque, Luna & Venere ac Marte coniunctis.

158 Non solum sapientis est, ex genitura euentum, sed ex euentu diuinare genituram.

159 Genituræ domini, quatuor habent vitæ significatores, aut ad summum quinque si locus conjunctionis adnumeretur, totidem habent filij vt par est, genituræ enim eorum cum vitæ significato, parentum autem vno minus.

160 Numerus filiorum, à domino primo triplicitatis Iouis ad ascendens, vt Albubather inquit, communibus autem signis duo. Sed melius habetur per revolutiones ac directiones, his exceptis, qui non superuivunt.

161 Quando dominus quinti loci, & Iupiter sub radiis Solis fuerint, natus filios habebit absconditos ac latentes.

162 Quando Mars in oriente fuerit, & Luna in occidente, filij nati erunt miseri.

163 Quando Sol fuerit in eadem parte cum Saturno, vel cum eo, & Mercurio in corde cæli, Lunam aspiciens, natus morietur sine filiis, quotquot etiam nascentur, interibunt.

164 Quando Iouem Mas ex quadrato, vel opposito pulsauerit, filij nati maxima ex parte violenta morte peribunt, tum certe, si cum hoc dominum quinti aut decimi loci.

165 Locus filiorum decimus, si nec Sol, nec infortuna in eo, aut dominetur, post autem vndecimus, inde quintus, tum Iouis, Lunæ, ac Venetis locus cum dominatores extiterint, vnus igitur duo vel plures aut nullus.

166 Domini trigoni Iouis infortunati, ex paupertate orbitatem præstant.

167 Iupiter elenatus ac infortunatus mediocriter, filios perimit, opes seruat: descendens & humilis, sed non infortunatus, seruat filios, & opes non largitur. Sic & in aliis.

168 Cum Luna ad vnguem diuidua extiterit, natus erit quieti animi.

169 Quando Luna per radios, à Marte ad Saturnum fertur, in nocturna genitura, causa mulierum infinita accidet inconuenientia.

170 Cum dominum septimi loci Mars & Mercurius altiores existentes pulsauerint, natus uxorem vel inimicum occidet, vel etiam veneno, & hoc, si eorum alter in ascensione potestatem habuerit.

171 Saturnus cum violentam mortem non significat, in septimo vel octauo loco existens, vel dominator, mortem, ex animi tristitia nunciat.

172 Infortunæ peregrinæ in septimo loco, ascendenti dominantes, vxorum aut inimicorum mortes denunciant.

173 Saturnus, Mars, & caput in quarta subitam mortem nunciant.


174 Subita mors, vel ob vehementiam, vel ob proprietatem, vt cum Luna in octauo, vel septimo loco fuerit.

175 Causa cur planetam in octaua pro morte considerauerunt, fuit conuersa directio.

## SEGMENTVM VII.

### Aphorismorum Astronomicorum.

I. Quibusunque planeta nullus est supra terram, nec in prima, hora ortus sui, non solum longam habere vitam, sed egregiū aliquid perficere est impossibile.





*Iouem, Martem simul iunctos in Piscibus, sed hac praueniente morte, in irritum ceciderunt, quia omnes planeta sub terra sunt.*

2 Cui Luna in sexta fuerit, in infortuna aspectu morbum patietur incurabilem, atque eo magis, si domina fuerit ascendenti.



*Manifestum est, quod hic habuit Lunam oppressam, radius Saturni, & Martis, in sexta, sine fortuna, & ita debuit esse ager perpetuo tempore, nec esse diuturna vita, quorum utrumque ei contigit.*

3 In morbis tot numerus dies, quoties Luna ad eundem punctum in circulo positionis redierit, sic enim & in Sole numerantur.

4 Ratio dierum indicatoriorum ad octuagesimum integra peruenit, sed & ad centuagesimum & centuagesimum vigesimum, quia cæptus pro integro numeratur.

5 Quotiens igitur Luna, à puncto ad punctum transiens, orbem peragravit supremum, rediitque ad eundem circulum positionis, toties Solem idem efficere, hoc autem in tempore breuiori necessarium est.

6 Quando Saturnus in Libra fuerit, & Iupiter in Cancro, tunc magnæ in mundo mutationes contingent.

7 Cum Luna in hieme, in signo aqueo, iungitur planetæ retrogrado, pluuia erit vel nix, maxime autem Saturno.

8 Multitudinem vxorum, ubi vnam tantum ducere licet, non ex planetarum concursu, aut signis communibus venaberis: sed si cum hoc, radij Lunæ, aut corpus eius, ad planetas, in ætatibus robustis applicuerint, ac mortis vxorum signa adsint.

9 Robur vxoris intelliges, ex statu, ad quem Luna per directionem eo tempore peruenit, sic & in filiis, ac succedentibus fratribus.

10 Parentum autem, ac præcedentium fratrum, à statu significatorum in loco anteriore, per annos totidem, quot illi genitura tempus antecedit.

11 Cum in mulieris genitura, Mars sub Solis radiis fuerit, mœchabitur cum vilibus & seruis, si vero illius loco Venus, cum nobilibus.

12 Infortuna locis filiorum infestæ, si parum fuerint debiles, habebit filios natus,

Tom.V.

si magis, nati morientur, si maxime, erit sterilis.

13 Cum vero dominus genituræ, infortuna fuerit, nec aspexerit dominos loci filiorum, aut non infortuna existens, aspexerit inimico aspectu, natus filiis erit infensus.

14 Cum loci significantes à luminariis remouentur, erunt filij illius illegitimi.

15 Cum dominus ascendenti fuerit in tertia, fortuna existens, natus inferuiet beneficiens consanguineis suis.

16 Cum secundus dominus tertiæ domus fuerit infortuna in ascendente, familiares & serui nati obedient illi, sed malè afficient eum.

17 Impossibile est aliquem vndeque beatum esse.

18 Cum tertius tertiæ domus dominus felix fuerit, natus ex breuib. itineribus voluptatem ac vtilitatem capiet.

19 Saturno & Marte in Sagittario iunctis, & cum cauda existentibus, Luna per oppositum gradiens, si Sol fuerit ultra Libram, nec illi sub radiis, cum ad Cancrum peruenerit nigget.

20 Cum Saturnus & Iupiter, ad radiorum vel corporum coniunctionem peruenerit, sunt consistentiæ temporum.

21 Saturnus & Mars, & Mars ac Sol, & Mars ac Mercurius, grandines generant, at æstate magis Saturnus, autumno Sol & Mercurius.

22 Quæ æstate & autumno grandines pariunt, eadem hieme niues, ac vere.

23 Saturnus ac Luna in siccis temporibus generant pruina & vredinem.

24 Saturnus ad luminaria, & Iupiter ad Mercurium, & Mars ad Venerem portas aperiunt, magnasque temporum mutationes efficere solent.

25 Cum ab altero aperientium ad reliquum planeta leuior defertur, idem ferme contingit, quod eueniret altero alteri applicante.

26 Cum in temporum mutationibus levis planeta ab altero ad alterum fertur aperientium portas, tum etiam in aliis, natura vincit eius ad quem defertur.

27 Cum planeta dominus qualitatis temporis mensis proprij, in signo diuersæ naturæ ac contrariæ fuerit, procrastinabitur æris constitutio, & similiter si luminarium coniunctio, à loco in quo Sol opus suum incipit, multum disteterit, & si eo tempore, non sit apertio conueniens illi constitutioni.

28 Mars cum Ioue si iungatur, in igneis signis, ubi sydera sint tempestuosa, etiam hieme media, grandines efficere possunt, aliter autem niues.

29 Oportet etiam cælum cognoscere regionis, & quo tempore anni sit tempestuosum, nec non consistentiam, aut mutationem ob ventos, tum etiam cui signo regio magis conueniat.

30 Sol habet ultra ac citra æquinoctium differentias, cæteri præter hoc etiam eclipticam.

31 Qualitates æris, dignoscuntur ex

G 2 fin




situ planetarum in eccentrico, in paruo circulo, in partibus eclipticæ, & æquinoctij, in propria natura, in coniunctione cum aliis, vel per radios, aut ad fixas, in delatione luminis, in locis mundi, in hora radiationis suæ, vel in coniunctione luminarium, aut in comparatione ad loca coniunctionum potentium, Atque in comparatione ad locum Solis, qui potentissimus est, tum etiam directiones coniunctionum magnarum, & tempora ac qualitates eclipsium, & incidentia, vt terræmotus, fulgura, & cometas, & constitutiones planetarum cum fixis, in circulis ascensionum: & loca duorum superiorum, & frequentationes, repetitiones, ac multiplices simul habitus, præter hæc considerare oportet. Atque ex his singularia cognoscere licet.

32 Neque tamen in omnibus, nam excessus magni per se significant, quæcunque autem leuissima, vt in pluribus, sensum effugiunt.

33 Et qui plus præstat, quàm quod sensu percipi queat, necessario ingratus Deo est, necesse est autem, qui hæc scribat, ad perfectionem attingens, eum alia etiam scribere, quam quæ solo sensu percipi queant.

34 Cum eclipses in terreis aut cometæ fiunt, sterilitates portendunt ob siccitatem: cum in aqueis, ob imbrium abundantiam & sterilitates & pestes. In æreis ventos, ac seditiones, & pestilentiam etiam, sed non semper tamen, in igneis autem bella.



Hæc est illa syderum constitutio, in qua Sto-  
flerinus viuperio exposuit astrologos. Existimans  
enim diluuium portendi eo tempore, quo maxima  
fuit serenitas, magnam calamitatem mortalibus  
pronunciauit, adeo, vt ad montes plurimi confu-  
gerint, ego vero Francisco duci nostro, annum agēs  
vigessimus, tunc nihil timendum de hoc prædixi,  
ceterum pestem, quæ rarissima fuit, nostræ urbi pro-  
nunciauit eo anno. Sed & luem anno 1528. quæ  
vniuersus orbis conflctatus est. Nec igitur incom-  
mode de his agemus hic, ubi maximus certe vir,  
verum philosophia naturalis expertus, hallucinatus  
est. Primum igitur dicendum, cur nostræ urbi pe-  
stem pronunciauerit, fuit Luna, in opposito Solis,  
cum Saturno, ac Mercurio infortunato existentis  
in trigono ascendenti nostræ ciuitatis, atque ascen-  
dens, ciuitatis ascendenti, & qua infortunio tanto

afficiebatur. Luna, vtriusque ascendenti domina,  
& in Virgine. Quare pestis adeo seu causa in ci-  
uitate nostra patet.

Eadem vero ratione, quotiens Luna infortunio  
magno afficitur, luem portendit, hoc autem ne ma-  
ius quidem contingit excogitare, accessit, quod lo-  
cus Solis est, ubi Saturnus Iupiter ac Mars coie-  
runt, triplicato infortunio, nam & hoc nos demon-  
strauimus, hic mihi Luna locus fuit, vnde gloria,  
sed vnde vita, alias rationem docuimus, nam si  
contrario modo fuisset, tunc mors & vituperatio,  
itaque ex superiorum coniunctione, Sole ac Luna,  
infortunatis, generalis lues.

Cur vero serenitas? Luna in sicco signo, & pla-  
neta cum dorso Pegasi, ac crure illustrioribus stel-  
lis, de natura Martis. Mars quoque ac Iupiter,  
Saturno potentiores sunt, ipso non super illos sensi-  
biliter elenato, locus quoque fortunarum.

35 Cum sub hyemis fine, aut initio Sa-  
turnus Lunæ dominatur: & figuræ cæli, in-  
solita frigora accidunt nubilo tempore, & in  
his nives expecta.

36 Cum mutatio temporis ab ingressu  
Lunæ in signum aliquod inceperit, nec radij  
occurrant impediens, illa temporis consti-  
tutio 52. horis perdurabit.

37 Omnium quæ ad artem aliquam au-  
gendam maxime faciunt, præstantissima sunt  
diligentia, ac iudicium.

38 Ars tunc perfecta dicitur, cum id quod  
quærimus hominibus necessarium, haberi po-  
test, Atque his inuentis ac radicis, antiquo-  
rum scriptis acquiescere par est, non autem,  
cum minima pars docetur.

39 Dominus figuræ in affectibus lumina-  
rium, est dominus ascendenti & medijs cæ-  
li, hora exactæ radiationis, aut coniunctio-  
nis, in regione, in mundo autem, dominus  
loci ipsorum luminarium.

40 Saturno ex signo in signum transeun-  
te, per plures dies, fiunt in cælo signa splen-  
dida.

41 Sol coniuncta Ioui, præcipue in æ-  
reis signis, ærem temperat. Saturno, frige-  
facit, maxime in Sagittario, & Capricorno, Sed  
Marti, æstum & tenebrosam ærem, in vere  
præcipue, & insuper morbos.

42 Rasis dixit Venerem cum in prima Can-  
cri parte fuerit pluuias facere.

43 Cum Saturnus Soli iungitur, frigus au-  
getur, estque hoc argumentum astrologicæ  
veritatis.

44 Mutationes æris declarant genitura-  
rum veritatem, & geniturarum exquisita tem-  
porum ratio, exactam temporum rationem  
in æris mutationibus.

45 Frigus augetur à Luna, cum plena est  
iungiturque Saturno, aut per aspectum ei  
copulatur. Sic enim illa vicem Solis gerit.


46 Cum vero Luna vacua, Saturno co-  
pulatur, aut ipsum aspicit, siccitas augetur.

47 Saturnus longe frigidior est, quàm sit  
siccus.

48 Cum ad vitam conseruandam animan-  
tium ac stirpium, calore primo indigeremus,  
solus Saturnus frigidus inter erraticas crea-  
tus est. At verò eo non potente tot cali-  
dis planetis resistere, ne per successum  
temporis




temporis mundus adureretur, eclipses Deus molitus est, quæ certis necessario temporum intervallis recurrentes, mundum totum refrigerarent, ob id nec in minori temporis meta hæ geminari queunt, nec ultra certum temporis modum differri. Quamobrem omnes eclipses infrigidant.



In hac coniunctione, fuit Saturnus tribuens Lumen Venæ, & ipsa in Aquario, & Iupiter in opposito luminarium: & ideo cum dominus figura esset Sol, & Mars significavit salubrem annum, sed humidum, locus enim Luna, cum stellis de natura Iouis & Venæ: tunc tamen nulla erat in signis stella, quæ imbres vere ac astate significaret.

49 Plures planetæ sicci creati potuerunt, non solum, quia plures humidi etiam sunt: Sed quoniam siccitas ipsa, frigore tardius inducitur: & temperatus humor, etiam naturalis necessarius est, calor autem ut maior, sic etiam validius vivens reddit.



Duravit eclipsis, hor. 3. mi. 40. puncta 16. mi. 30. Initium hora 10. mi. 22. medium hora 12. mi. 12. finis hora 14. mi. 2. Dixit itaque Georgius Moneta medicus, post multos imbres, serenitas cepit die 16. Octobris, hoc autem fuit propter coniunctionem Martis & Iouis, quæ fuit die 13. secundum ephemerides: sed 13. secundum observationes Monteregij, nam Mars retro est. Fuit autem hoc per ventos, quamvis non scripserit propter locum coniunctionis, pluvia autem propter venturam eclipsim.

Tom.V.

50 Frigus per accidens humorem auget.  
51 Eclipses Solis, multum refrigerant, ideo generales orbi esse non debuerunt, Luna parum refrigerant & per se semper exsiccant.


52 Cum multiplicantur eclipses magnæ, ut ab anno 1539. ad annum 1545. necessario sterilitas succedit sequentibus annis, refrigeratur enim terra & exsiccat.

53 Quod si cum hoc imbres copiosi, aut inundationes successerint, quæ aucto frigore nimium evenire persæpe solent, tunc fame dira succedit.

54 Saturnus, & Venus, adiuvant Lunam, ad inundationes, Iupiter autem, & Mars, Solem, ad vehementes siccitates. Sed Mercurius utrumque auget.

55 Aliorum narrasse observationes, maiorem habet fidem, in ostendendo non voluntariam esse rationem eorum quæ scribuntur.

56 Robur maximum Solis facit grandines, minimum pruinas & nives: mediocre pluviæ, iuvant autem extrema utraque venti validi, hoc autem in libro de supernis est declaratum.



Dicit, prima die Nouembris ventus cepit, & quasi triduo perseveravit, hoc autem, quia Venus aspexit Mariem ex Sagittario, & ipsa domina ascendens cum illo, ipse vero cum Ioue, & in quadratura precedente, Luna fuit in trine Saturni & Iouis, & illi in trigona radiatione inuicem, omnes in ære, cum igitur reuerfa est ad quadratum Saturni, fecit illud.

57 Mansiones Lunæ ne inspicias, est enim Lunæ vis, à loco suo, à loco in signifero, à lumine, planetis ac fixis.

58 Cum eclipsis Lunæ fuerit in igneo signo, & Mercurius iuxta Solem, erunt venti, hoc idem in oppositione.

59 Eclipsis tres habet vires, potentem ratione coniunctionis vel oppositionis: generalem, quoniam lente infrigidat, atque ideo in multos extenditur dies: & propriam, quæ à loci dominatore habetur.

60 Robustissimæ constitutiones, si primæ sint, in primis restitutionibus operantur. Si autem debiles, in primis validis.

61 Sicut Gemini est ventorum auctor, sic Sagittarius nium.


63

64 Opor



62 Oportet autem loci Lunæ dominatorem observare, qui si fuerit Saturnus, duplicatas habebit vires cum Luna ad ipsum denuo applicatur.

63 Proportio Veneris ad ignea signa, est ut Iouis & Mercurij ad aërea.



*A decima autem die Nouembris ad tredecimam fuerunt nebula, & undecima fuit serena. Luna inter pleiadas hoc facit. Sed Iupiter & Mars alti resistebant, in aliis igitur regionibus plueret potuit, quanquam non multum, ob Iouis & Saturni trigonum, in 13. die pluit, quadrato intercedente, sed leniter. Nebula autem ab ingressu in Sagittarium.*

64 Planetæ non immutantur à fixis, iuxta temporum rationem, sed reborantur, Sol à Luna excepta.

65 Ex tribus portarum apertionibus, ventos maxime facit ea, quæ Iouis & Mercurij, aquas Martis & Veneris, Grandines aut niues ac frigus ea quæ Saturni & luminarium.

66 Calamitates non fiunt nisi prædominantibus infortunis, vnde in Piscibus, vel Cancro inundationes fieri nequeunt.

67 Saturnus facit inundationes, terramotus, & niues, ac pruinas, & frigora immensa.

68 Mars, æstus, & incendia, & fulgura, ac grandines & bella.

69 Mercurius autem ventos exitiales.

70 Communia autem Saturno & Marti, lues & sterilitates, ac seditiones.

71 Oportet & exortus & occasus Heliacos clariorum syderum observare, vix enim fiet, ne sub ortu caniculæ, siccitas, & morbi non vigeant, & sub arcturi occasu imbres.


72 Nisi fixarum ortus & occasus aliquid facerent, imbres non vno magis tempore, quam alio fierent, incertus est enim planetarum concursus.

73 Habent & cæli partes, proprietates, nam Pisces, Aries, ad Tauri dimidium, ventos movent, reliquum Tauri, & quicquid est Geminorum, aëris suauitatem, & imbres repentinos, sed Cancer & Leo, faciunt calorem magnum, & grandines. Virgo autem remittit calores, & imbres præstat. Libra & Scorpius inæqualitatem aëris dant. Sagittarius, niues & imbres, Capricornus autem, frigus, Aquarius vero aquas adauget, cum


initio Piscium.

74 Nix maxime fit ab humido subtili, ideo à calidis planetis, & signis iuuatur, ac multiplicatur.

75 Lunaris eclipsis, per tot menses, Solaris per tot annos, quotus horarum fuerit numerus extenditur.



*Manifestum est, quod coniunctio hæc serena est, ac ventis plena dominante Mercurio ob angulos & Saturno eleuato, fuerunt igitur venti die 23. cum Luna applicuit quadrato Iouis dominatori loci. Hæc pluit ut dixit nisi 28. die propter quadratum Solis Saturno iam oppositioni Solis proximo ut declaravi, & fuit lenissima.*



*Inde ab initio ferme Decembris ad diem decimam sextam ferme fuit serenitas magna, nam Sol fuit in sextili Iouis, & ipse cum Mercurio, & Luna cum dextro orionis humero & reliqua natura Martis & Mercurij. Die autem sedecima iam Luna existente in ultima quadra & accedente ad oppositum Saturni ex Scorpione, fuit nix ac pruina. Inde pluuiæ, quia Saturnus non potuit frigus continere cum esset in geminis iuxta bellatricem naturæ Martis ac Mercurij.*

76 His igitur statim mutatio fit, quibus in orientis est linea, maximus autem vigor, quibus in cæli corde.

77 Mutationes temporum, & status, ex ventis plerumque tum regionibus propriis, eos igitur scire conuenit.

78 Austri ex cæli medio, & ex latitudine, & declinatione australi, orientales cum fuerint



fuerint in angulo orientis, vel à Sole primum orientales euadant. Sic & occidentales, Boreales à latitudine & declinatione, & imo cœli, Medij cum debiliores planetæ fuerint.

79 Faciunt & ad hoc signa, tum magis, cum Sol in eis fuerit, nam Pisces occidentales ventos, Aries Boreales, Taurus orientales, Gemini australes plerumque excitant.

80 Quibuscunque, eclipsis tempore medio, dominus loci in ascendente Linea fuerit, his statim vigor effectus accedet, quibus autem in corde cœli ille fuerit, in declinatione eclipsis, his diuturnus, sed non magnus effectus.


81 Eclipses in quarta domo, iuxta cœli imum, validiores, quàm in octauo, vel duodecimo loco, & in prima domo, validiores, quàm in nona, vel vndecima.

82 Quæcunque ex vna tantum pendent causa, subtili indigent inuestigatione, quæ autem ex pluribus, iudicio magno, ob hæc exempla quæ adduximus, non exactæ computationis esse necessarium est.

83 Planetarum superiorum quisque, tum maxime Mars, paulò plus à Sole distat in oppositione illius, quàm in coniunctione, ideo æquale ferme lumen recipiunt.

84 Luna autem, si supponatur, quod Ptolemæus asserit, rationem habere ex dimetiente quàm 10. ad 187. ad Solis dimetientem, altitudinis autem rationem, vt ad 19. ferme, ad dimidium autem dimetientis terræ, altitudo Lunæ vt 59. ad 1. erit vt in coniunctionibus plusquam partes 181. ex 360. illuminentur, in oppositionibus autem ex 360. minus partibus 181.

85 Cum autem Luna maius suscipit lumen magis quidem exsiccat, cum autem minus humectat.



*In hac ipsa die. inquit pluuia fuit & ventus, pluuia quidem iam perseuerans à 16. die, sed ventus Saturno dominatore loci in Geminis existente & Ioue in sextili Mercurij stantis, & cum luminaribus fuerit vulnus cadens natura Veneris & Mercurij, ideo cessauit pluuia 20. die, nam Iupiter & Mercurius boreales erant, ideo venti adducunt siccitatem, & sic successit serenitas.*

86 Incrementa maris Oceani & Adriatici ac æstus, sunt maxima, cum Luna Soli opponitur, minima autem in diuiduis, medio-


cria in nouiluniis, temporibus mediis decrescunt ad diuiduas.

87 Mars maria exagitat, Saturnus pluias auget, & stantes aquas, Luna autem maria & flumina.

88 Cum Luna, latitudinem habens borealem, in Cancro, ab oppositione ad Venerem noctu fertur, tum maxime in initio signi, ac nocte in cœli corde, aut ascendente, æstus obruet circumiacentia.


89 Sed si cum his Mars opponatur Lunæ ac Veneri, aspiciatque Saturnus, terra quæ submergetur, pro mari habebitur.

90 Æstus fuit, duabus horis ab ascensu Lunæ, ad anguli summitatem, & postera plenilunij, nouilunijve.



*Cum Luna est ingressa Cancrum pluit die prima & secunda Ianuarij. Sed quia Sol fuit potens in signo & in quadrato Iouis domini loci, Luna & alti existens, ideo fuit serenitas maxima usque ad sequentem coniunctionem. Et ad hoc adiunabat oppositio Martis ac Saturni ex locis minime tempestuosis.*

91 A diuiduis, seu oppposito absidis ad absidem, incrementa maiora aquarum, ab abside ad oppositum, seu à plenilunio & nouilunio ad diuiduas, minora aquarum incrementa sunt in dies. Solstitio æstiuo etiam minimi æstus, tum vero nec magni bruma. Maiores autem ab æquinoctio verno, Sed maximi autumnali, & præsertim cum ad nos prope venerit.



*Cum Saturnus esset loci dominus & eleuatus*



ac in trino luminarium, & cum Saturno per orionis de natura Saturni & Iouis, & cum luminaribus stella de natura Maris, & Mercurij & tempus serenum iam, ideo indicavit firmam serenitatem qua ad trigessimam diem mensis usque perduravit.

92 Si igitur iuxta æquinoctia, Luna in Cancro, æstus exaltavit plenilunij aut nouilunij, Saturnus vero sit in opposito, vel quadrato, intumescet æquor, & vicina inundabit, tum vero magis, si cum arcturo Saturnus, aut Luna cum Orione fuerit.

93 In singulis autem diebus, cum sex horis fluat, totidemque refluat, parte ea addita diei, quam Luna peragrat, ut ferme ad sex horas, quarta horæ adiciatur, cum Luna Saturno applicuerit, aut Veneri, æstus augetur, refluxus autem, cum Marti aut Ioni: ipsa vero ab ortu æstus facit ad cœli cor, consistitque paululum, & concitata aquæ etiam augentur, feruntur autem ad maria, cum ad initium ferme sextæ domus venerit perfecto itinere.

94 Proximi septem dies à bruma totidemque ante eam raro ventis infestantur, halcionique vocantur: Delphini vespertino occasu dies hyemant. Et cum occidit cor Leonis, Fauonij insurgunt, cumque arcturus vesperi exoritur, hirundines apparent, iamque ver est, Libræ autem occalus imbres matutinus, & succularum, vespertinus, tempestates magnas asferre solet. Capella autem exoriente matutino, imbres affert. Canicula exoriente, simili modo maria ac terras & animalium omne ferme genus concutit. Aquila occidens matutino, Etesias ventos suscitatur.

95 Aquilæ exortus si in interlunium incidat, omnes præcoces, tum vernos fructus lædi necesse est.


96 Procyonis occasum, qui quadriduo ferme extenditur, aut si florentem messem occupaverit, plenilunium, fruges omnes lædi necesse est.

97 Sed & canis ortus in interlunio, & caniculæ in plenilunio, aut cum aquila exoriente vesperi plenilunium: o'eas ac vites florentes tum maxime fructibus priuat, ac etiam in posterum minus fecundas reddit.

98 Validæ constitutiones, dum florent fata, si in Lunæ oppositionem incidant, aut conjunctionem, plerumque annonæ inducunt penuriam.


99 Sed & generaliter cum plenilunia æstate, aut hyeme, nouilunia in florem, aut primum exitum germinum, satorumve inciderint, aut cum ortu occasive potentissimorum syderum, magna calamitas in prouentibus est expectanda.

100 Plenilunia æstate frigida, hyeme autem temperatiora in Saturni vis refragetur: Nouilunia autem æstate calida hyeme frigidissima, noctes agere solent.



Trigesima die parum nixit: nam Luna in Cancro, & Delphini occasus, qui hyemem ac ventos commouet, & tunc Maris cum Ioue sextilis, ac Luna in Iouis quadrato & diuidua Luna non omnino repugnauit, ideo cum Mars in Sagittario, modica nix, per ventos delata ceciderunt, mox serenitas ab ultimo Ianuarij ad sextam Februarij ubi nix modica, nam Iupiter in oppositione fuit in aspectu luminarium. Sed Sol fuit cum lucida Aquarij, & Iupiter in trino Mercurij ea die.

101 Etesia in Ponto ab aquilone, in Affrica & Hispania ab oriente, alijs à meridie perflant, mane quidem à tertia diei hora incipientes, vesperæ autem desinunt, Brumales ac paucis diebus spirare solent.



Decima & undecima die parum pluit propter diuiduam. Inde serenitas inquit usque ad decimamnonam, Saturnus enim & Mars luminaria aspiciébant, verum quia fuit Venus in ascendente, & quasi in Martis quadrato apertio portarum facta est. Sed die 26. inquit grando & tonitrua apparuerunt, tunc enim Luna ad Martis oppositum ex Cancro cum orionis cingulo, & Saturnus in sextili Veneris, & Luna diuidua procefferat. In qua Luna Saturno iuncta fuit, & Mars Solem aspexit, & Venus retrograda cum cauda ad Saturnum ferebatur radius. Saturnus autem ac Iupiter ab angulis ceciderunt, & Luna fuit in ascendente, & cum capella quam diximus facere tempestates.


Quadrata igitur radiatio Iouis, Ioue dominante, & retrogrado ventos excitauit validos, unde



unde reliquis auxiliis grando tunc facta est. Ideo dixit ventus usque ad quartam diem Martij perseveravit, à 26. autem die Februarij, mox subsequuta est serenitas.

Et ex hoc patet, coniunctionem annuam parum aut nihil supra totum annum significare.

102 Orientales, nobis & austrini afferunt imbres: Venti autem boreales & faunij serenitatem. Sed alia aliis.



103 Vergiliarum exortus Subsolani excitat ventum, Fauonius Solem existentem in 25. Aquarij parte, suo initio sequitur: duratque diebus circiter nouem. At caniculæ exortum, octo diebus antecedunt prodromi aquilones, succedunt autem illi post dies duos, Etesia quadraginta diebus, quibus, caniculæ vis etiam ferme perdurat. Ante occasum arcturi, venti austrini, Corus autem in autumnu æquinoctio. Vergiliarum autem occasus excitat aquilonem hyemalem.

104 Corus & aquilo, omnium frigidissimi, tamen boreas, Humidissimi autem aphricus & auster. Sicci vulturinus & corus, præterquam cum desinunt. Grandines infert corus ac septentrio, Nives autem septentrio & aquilo, tepidi Fauonius & vulturinus. Sed calidissimus omnium auster, dictum autem satis etiam de his in secundo contradicentium medicorum.

105 Noctu auster vehementior, interdum aquilo, mari quoque auster, terræ aquilo.

106 Succedunt plerunque, vel minimis syderum causis ex opposito, venti, dictum est autem hoc in libro de supernis.


107 Calidissimis ac frigidissimis temporibus venti rari, ac leues, sic & meridie & nocte media. Sopiuntur & imbris ut Plinius existimat, cuius Aristoteles causam reddit, exorients Sol vel occidens excitat.

108 Ianuarij 17. Italia, aquila exoritur matutino, ut Syrigatus autor est. Februarij primo, cor Leonis occidit matutino, Martij 14. vespertinus arcturi ortus, 19. Aprilis Libra occidit matutino. 28. autem Virgilæ matutino exoriuntur. 6. autem Maij, Succulæ occidunt vespertino. 7. autem, aquila vesperi exoritur. 10. autem canis minor, seu procyon occidit vesperi. Iunij 11. capel-

la matutino oritur. die 22. Iulij ortus est caniculæ. 4. autem Augusti aquila matutino occidit. 17. Septembris, arcturus matutino oritur, qui iuxta 27. Augusti occidere heliace cœperat. Procyon autem 17. Iulij incipit matutino oriri. 7. Nouembris virgilæ occidunt matutino. Bruma 13. Decembris, Delphini occasus vespertinus primo Februarij, hæc ita sint nobis.

109 Arborea cum florent, maxime afficiuntur cœli iniuriis, similes enim sunt parientibus mulieribus: cum autem fructus ædunt, lactantibus ac nutrientibus.

110 Eclipses cum in florentem arborem inciderint, eius fructus eo anno inferunt penuriam.



In coniunctione autem fuit serenitas permanens, nam loci dominus est Mars, & etiam anguli unius, alterius autem Sol, & Sol & Mars in siccis, & coniunctione infra terram existente, ambo superiores, & Soli, supra terram, in ære signis, & luminaria cū umbilico pegasi, nature Martis Mercurij nec obstitit nisi sexilia Martis cum Venere.

Cum igitur Mars & Venus essent infra terram, perseveravit serenitas usque ad diuiduam Lunam primam, atque etiam post, cum Mars & Iupiter ac Mercurius dominarentur, eratque Iupiter quasi in opposito Mercurij. Sed quia Venus in angulo, in aqueo signo retrocedens, loci domina fuit, ipsa die diuidue, turbatum est tempus, tum 28. etiam propter Mercurij retrocedentis cum Luna trinum.

Pluit autem, quod mirum est trigesima prima die in oppositione Iouis ac Solis. Sed Luna plenilunibus ad arcturum, qui Ioui proximus erat, ferebatur.


111 Annonæ, & fructuum penuria, non ex anni principio ut quidam fabulantur, sed ex aeris temperantia, in humido ac sicco, vel inæqualitate, tum etiam ex pleniluniis nouiluniisve, ac ortu syderum & eclipsibus, tum maxime dum singula florent, est exploranda.

112 Quicumque autem non potest in singulos dies de pruina, niue, grandine, imbre vento, distincte prædicere, huic ne credas, abundantiam, aut penuriam frugum, aut vini prædicentis.

113 Nives etenim suo tempore mediocres,



cres, frugum indicat abundantiam, occidunt enim vermiculos, & terram calefaciunt.



114 Cum Luna iuerit ex absidis opposito ad absidem, nodis propinqua, & iuxta Solis viam, ad Solem appropinquans vel eius oppositum, cum nimbofo sydere, vel in aspectu Saturni, ab opposito absidis discedens, imbres diuturnos commouet.

115 Omnes magnæ constitutiones in hyeme, ad niues proclines sunt, & in vere ad ventos, & in æstate ad grandines.

116 Constitutiones syderum, quæ ventos in superioribus commouent, non vocamus ventosas, quia pluuia plerunque vel nix subsequitur. Si autem descendat ventus non commouet pluuias nec niues, & tunc eum magis sentimus, vocamusque ventum.

117 Cum validæ constitutiones fuerint ac contrariorum planetarum, venti contrarij excitantur, vnde nubium congregatio, inde nix aut grando.

118 Ex superioribus, nullus præter Iouem pluuiæ: ex inferioribus, nullus præter Mercurium, siccitates facere potest.

119 Cum fuerint calidi & humidi planetae, cum stellis calidis & humidis ac in signis similibus, turbulentum, æstuosum, ac insalubrem aerem efficient.

120 Facillima res est geniturarum, sed haud certissima, post temporum constitutionis, post frugum & vini abundantiam, aut penuriam, vltimo autem luis. Bellorum autem, scientia nulla propemodum est.

121 Nulla eclipsis omnino, toti orbi penuriam, aut pestem pronunciare potest. Pestis autem ex his, quatuor annis durare nunquam potest.


122 Detrimenta rerum, fiunt maxime, locis quæ subsunt ascendenti, & qui in aspectu sunt constitutionum, & his qui eidem subsunt trigono.

123 Incommensurata quæcunque constitutio annonæ penuriam, & in animantibus perniciem parit.


124 Quando absides infortunarum fuerint in aqueis, maxime in Cancro & Scorpione, fient inundationes: cum in igneis sterilitates, & conflagrationes: cum in terreis, terræ motus maximi: cum in aereis, lues. oportet autem & stellas, locis consimiles esse,

hæc autem in sua media coniunctione.

125 In coniunctionibus, serenitatem, in oppositionibus luminarium & aliorum planetarum magis pluuias expectare oportet.



Sub hac oppositione, pluuiæ die secundo cessauit, sed totum tempus fuit turbulentum, propter Arcturi & etiam Spicæ propinquitatem & hoc manifestum est secundum nostra principia, nam fuerunt quatuor humida in eadem parte ferme, locus, ex Libra, Luna, Iupiter retrocedens, & sydera fixa, & omnia in Solis opposito. Placuit & æstiuam subiicere coniunctionem, ex illius observatione, qua tota serena mansit, ad



diuiduam, cum tamen pridie pluisset, nam luminaria sub terra erant, & loci dominus Iupiter, eleuatus super ea, & cum arcturo ac spica in Libra, & in quadrato Mercurij, & uterque borealis, vnde ventos serenos significauit, nec magnum calorem, hoc tamen ille non adiecit, & quamuis his diebus capella exoriatur: Martis tamen quadrata radiatio cum luminaribus exoritur, exquisitam serenitatem continuit.


126 Serenitates à Sole, ac tribus superioribus: imbres, à tribus inferioribus, ob hæc serenitates, cum magnis caloribus, ac frigoribus imbres omnes tepidi.

127 Planetæ, veloci motu suo, siccitates inducunt, stantes autem ventos, retropedantes aquas.

128 Luna, humidis in signis existens, magis ad vitam conducit, in siccis autem, ad actiones ciuiles.




129 In religione, ubi sacerdotes carent vxoribus, necessario sacerdotum initium habet Saturnus potentem, & Venerem debilem.



Hæc genitura fuit admirabilis, fuit autem Patavius spiritus, & hoc declaravit Luna cum Marte, & in aspectu alterius infortuna. Erat autem ex familia Mazochorum, cuius frater mihi cognitus, optimus fuit vir. Et quia Luna cadebat, & fuit in aspectu Saturni, & Sol infra terram, fuit religiosus, tum maxime, quia Venus cadebat in Virgine, & quia Iupiter fuit in imo cæli, & in Libra, & Venus cum capite in secunda, significavit diuitias, & sic congregavit ad mille aureos, & quia Luna fuit domina ascendens, & cadens, & cum Marte, & in eius signo, & in aspectu Saturni, & similiter Mars, & Luna, in quadrato Mercurij, significavit omne genus sceleris, & rapinas, quibus congregavit diuitias, & hypocrisim maximam, propter Saturnum eleuatum. Et ita defraudata religione, & multis ciuibus, & admissis multis alijs flagitijs, congregavit eas, & multo plures pecunias, quarum partem in alia illicita effudit. Et quia Mercurius fuit cum corde Leonis, & aspiciens Lunam, & illa in trino Saturni, & cum Marte, domino loci, & Sol in Leone potens, in angulo, & Iupiter in angulo, declaravit dignitatem, quasi perpetuam, in religione, quæ illi deberetur, partim ob suauiloquentiam propter cor Leonis cum Mercurio, partim ob facinorosa terra, ob Martem cum Luna. Et quia ascendens fuit ascendens nostra ciuitatis, & signum Luna signum Luna nostra ciuitatis. Ideo significavit hoc, in nostra ciuitate, nam domini ascendens Iupiter & Luna ambo erant peregrini, & Iupiter in tertio loco. Et quia Saturnus, Mars, Luna, ascendens fuerunt in aqueo signo, significavit quod ab omnibus cognosceretur, & a multis foueretur, & sic magnam ciuitatis partem ad amicitiam traxit, ac etiam Principes, propter Mercurium cum corde Leonis, & quia Mars, & Luna, & Saturnus, trino aspectu aspexerunt ascendens, & Sol fuit in eo, & in Leone, significavit incolumitatem longam, & vitam naturalem, diuturnam, & quia Venus fuit cum capite, in Virgine, in secunda, significavit spem non parvam, ut principatum religionis assequeretur, & certe, non multum abfuit ab eo adipiscendo, sed vetuit Veneris casus, & distantia à capite: nam quod ad Saturnum pertinebat, non

solum non nocebat, in hoc, sed egregie iuuabat, quia erat in nona, & in Piscibus, in quibus utraque fortuna dominatur. Et quia Saturnus erat ibi retrogradus, & in signo communi, significavit nullam fidem, ac nullam religionem, quod verum esse cognitum est, cum tamen à plebe, ut sanctus coleretur, & quia erat malorum morum valde, & Luna domina ascendens, cadens in signo Martis, & illi iuncta corpore ipso, illo dominante, & Saturno super ambos eleuato, significavit, quod proculdubio mors violenta futura esset, tum maxime, quia Mars & Saturnus, ascendens, in quo cadunt, aspicebant, & quia Mars prædominabatur significabat per ferrum, habetur enim in Aphorismis, dominus loci causam significat, & etiam constitutiones valide, natura mediocres, malos exitus, in pauperibus natis pronunciant, & quia Saturnus erat eleuatus super ascendens, & Lunam & Martem, significavit quod esset melancholicus. Et quia Mars fuit cum Luna corpore ipso, & dominus seprimi loci, significavit hoc expresse, quod semetipsum occideret, & ita res mira accidit, quod in arce Cremona accusationibus impulsus, & melancholia urgente, semetipsum in collo ingulauit, vixit tamen ad alteram usque diem. Scriptum est enim, cum dominus mortis, corpore iunctus fuerit, significatori vite, aut domino ascendens, natus seipsum interficiet. Hoc autem fuit, quia aspectus ascendens, & fuit cum Luna domina ascendens, Mars interfectus, iunctus corpore ipso. Manifestum est autem, quod hic magis seipsum occidit, quam socius Hali, qui se præcipitavit. Tempus autem fuit in accessu sextilis loci Martis ac Luna ad Solem. Mortuus est igitur anno 1545. die 20. Iunij, mortuus est, cum Luna in Scorpione esset, ubi ab initio fuit infortunata.



Considerandum est igitur denuo in tempore, fuit itaque in reuolutione, Mercurius dominus ascendens, & in quadrato Saturni, in loco magni infortuni radice existens, & Luna fuit in sexto loco damnata, & cum direxeris locum Saturni interfectoris in hac reuolutione, & genitura ad ascendens perueniet in diebus 536. sed ad corpus Iouis in 328. diebus ad vnguem, & ipse interfecit se in 327 die. Et manifestum est, quod in hac reuolutione, amba infortuna fuerunt in secunda statione, & Mars in angulo, & Luna cum corde Scorpij, & Venus cum cauda, & Mercurius iuxta locum proprium. Et si quis dicat, quod Venus est in trino Iouis & Saturni, respondeo



respondeo quod Venus fuit infortunata ab initio genitura, & ideo non potuit iunare in hoc, est etiam inimica loco, in quo est Iupiter, & Saturno infortunati, & Iupiter infortunatus sit occisor, & iam dixi, quomodo Virgo est signum per se infortunatum, & nullus planeta supra terram est, nec in angulo aliquo, nisi Mars ipse. Hanc vero tamen causam, adiuvit constellatio existens regia, in 25 parte Scorpij, trium stellarum in signifero existentium, tertia magnitudinis, de natura Martis, ac parum Saturni, unde etiam in reuolutione, Saturnus intersector fuit cum illis: & dominus octavi loci, cum longe domino septimi loci. Manifestum est igitur, hanc genituram esse magnum exemplar veritatis astronomica, qua à nobis per aphorismos & reliqua ostensa est, ipsa vero genitura apud innumeros extabat, cum ille nulli non eam ostentaret, deceptus à quodam sycophanta, qui ei mira pollicebatur, cum vero apud me non esset, absoluto penitus opere, transmisit eam ad me, ex Bononia, Constantinus Bononiensis.

130 Mercurius, cum fixis foelicibus, de natura Iouis, Martis vel Solis, dat vulgarem eloquentiam, tum magis, si magna fuerint, cum syderibus Saturni, ingenium profundum, & hebetem persuadendi vim.

131 Mercurius, maiorem habet vim ad artes infra terram, ad eloquentiam supra.

132 Facundia in scribendo vel in orando aliena lingua, constat ex præceptis, ac natura, ideo nemo potest esse perfectus.

133 Lunæ dispositio, in sacerdotio significando apud Christianos, & Saturni, maior est, ut hic impediatur, illa impediatur.

134 In voluntariis actionibus, coguntur homines ab astris, ob affectum cum ignorantia.

135 Planetæ maximam habent in nocendo vim per tantum temporis, quantum durat retrogradatio futura.

136 Et vis in orbe suo, ac in signifero, per spaciū sui retrocessus, alia sui luminis.

137 Cumque in hora reuolutionis, planetæ superiores, vel etiam alij, in loco significatoris coniunguntur, expecta aliquid magnum, ex genere promissorum per illum.

138 Astrologia igitur, ut ad genituram comparatur, ex parte est necessaria, ex parte autem similis contingenti.

139 Ea prædixisse quæ futura sunt, & scripsisse quæ postmodum incognitis prolatis genituris verificantur, quo ad artis magnitudinem, & illius scientiam, paria sunt. Quo autem ad vulgi opinionem, prior experientia longe antecellit.

140 Difficillima pars inventionis artis, est initium.

141 Inferiores duplici modo possunt esse ante Solem, accedentes supra longitudinem mediam, & recedentes infra, post autem accedentes infra & recedentes supra, sic motu aucti cognoscuntur.

142 Cum in locis significatorum, conjunctiones validæ acciderint, parum faciunt: multum autem in locis promissorum.

143 Significatores loci esse possunt, pro-

missores necessario erraticæ, sydera, partes.

144 Cum in locis promissorum in reuolutione, contigerint, constellationes hora reuolutionis, eodem anno perficientur, cum alia hora, in aduentu loci promissoris, ad locum significatoris.

145 Cum erraticæ, aliquid detrimenti per radios trinos, aut sexiles hostilis significauerit, perficiet illud proculdubio in oppositis, vel quadratis.

146 Debiles consistentiæ à validis constitutionibus sub illarum apparitionibus euincuntur, mediocres paulo ante, validæ in ipsa constitutione. Mediocres autem consistentiæ, à mediocribus, similiter à validis paulo ante, validæ à validis, paulo post, & aliæ eadem ratione.

147 Stationes planetarum, maxime Martis, pessimæ, atque in his deteriores secundæ.

148 Quibus Luna Saturno copulatur in reuolutionem, & ipse quadrata ratione aspicit dominum ascendentis, eo anno, morbus animi, corpori nocebit.

149 Cum directio non potuerit lunaris perungere ad planetam, fiet illud in quadrato, vel opposito.

150 Cum fortuna peregrina, iungitur infortunæ peregrinæ, super eam eleuata, fit infortuna, & malum à domino loci est.

151 Cum Mercurius fuerit in Martis constellationibus, natus erit mali intellectus.

152 Additiones, quæ sunt per processum Solis, in annua reuolutione, transferunt ferme significata, per tot dies post reuolutionem, quot sunt anni, qui transierunt.

153 Si Luna fuerit in duodecimo loco, melius est, ut sit in Capricorno, & sub Solis radiis.

154 Genituræ quas impossibile est esse bonas, sunt, cum utraque infortuna in eadem parte alteri iungitur luminarium, vel luminariis, infortunæ singulæ, singulis iunguntur, vel cum Luna sub radiis Solis est, cum Saturno aut Marte, vel ubi omnes planetæ in tertia, sexta, octaua, ac duodecima sunt, vel cum infortunæ in angulis sunt connexæ, luminaria autem & fortunæ cadunt, vel cum luminaria cadunt ab angulis, & omnes planetæ sunt retrogradi, vel cum luminaria ambo, ambæque fortunæ infortunantur, vel cum solus Mars supra terram extiterit, non connexi aliis planetis inuicem, nec in angulo existentibus.

155 Cum planetæ fuerint iuxta longitudes medias, nihil ex hoc significabunt, nisi mediocritatem, quæ in pluribus optima est.

156 Omnis planeta quanto magis est terræ propinquus, eo impressiones celerius recipit.

157 Quando Mars fuerit in parte ipsa cordis cœli vim non habens in ascendente, si vixerit natus, omnino interficietur.

158 Antiscia, quæ ex ascensionibus æqualibus sunt, animos uniunt hominum, sed quæ æqualiter à tropicis distant, planetarum vires iungunt.



159 Eius qui in aliena habitat regione, reuolutionem facies, secundum vtrumque meridianum, veruntamen potior est prima.

160 In ciuilibus actionibus, semper confer genituram ac reuolutionem, ad loci in quo habitas initium.

161 Cum post 40. annos, Luna cum Saturno in genitura conueniente, vel cum planeta, in illius dignitatibus existente, ipsa in reuolutione fuerit cum Saturno, corpore, & cum eadem latitudine, vel plena luminibus in opposito, atque opposita latitudine, à sexta ad octauam, natus proculdubio attento morbo concidet, & ex eo morietur.


162 Cum Luna in Ariete coierit, liquida conseruat, maxime in frigidis regionibus: cum in Leone, farinam, maxime in calidis regionibus.

163 Cum Mars & Mercurius iuncti fuerint, Lunamque aut ascendentis dominum, in sexto, aut leptimo loco existentem pulsauerint, immodicam declarant siccitatem.

164 Non solum capita anguium, id est nodi, sed etiam ventres, id est maximæ latitudines, vires habent, hi quidem circa corpora, illa vero circa animam.

165 Clarorum virorum genituræ, quorum significatores in genituris patrum infelices fuerunt, in diuitiis ac honoribus vitam laboriosam vsque ad senectutem nunciant, inde per successiva incrementa, ad magnos statum illi peruenient. Vnde ex his patet, nullas magis esse dissimiles vitas, quàm eorum, qui eodem momento nascuntur.

166 Genituræ validæ, regna mutant. Debiles autem ab illis immutantur, & fortunam illorum sequuntur. Validas autem dico, etiam quæ malis potentibus subiiciuntur.



♈ 0.44. ascendens meridionalis, in ventre anguis.

♊ 0.42. descendens septentrionalis.

♋ In nodo, meridionali anguis.

♌ In nodo, Borealis tamen 0.43.

♍ 2.9. Borealis in ventre anguis.

♎ cum cauda Leonis.

Rari admodum casus genituram raram esse dicitur. Multos ego, imo pene innumeros laborantes fluxu vrina vidi, quos medici, dum Diabetem fingunt, ferme omnes occiderunt, alioqui incolumes futuros. Ego vero, cum fluxum vrina præsumerem,

omnes qui ad me venerunt, seruavi, inter quos, me ipsum, pipere, passis vuis, vino eitoniorum, ac somno. Intelligebam enim raram esse auem, Diabetem, et quæ tantum bis Galeno in vita occurrerit, solumque paulo frequentiore in calidis regionibus Lybia & Egypto. Tandem hoc anno puer natus 14. annos mihi occurrit, quem confestim, ut vidi, Diabetem pati agnoui, & si alias, nunquam talem morbum viderim. Inextinguibili laborat siti, & ad cct. uncias aquæ, singula nocte, cum tamen nox brevis sit ebibit, ac tantundem mingit. Quodque magis mirum, iam triennio perpetuo laborat hoc morbo, nihil proficientibus medicis, ossa quoque suo loco prominent. Hunc ego curandum suscepit, leni spe, præsertim, cum immensis distinear negociis. De siderum tamen habenda genitura ad hoc me impulit. Causa apparentes fuisse potius vini sincerit, tum mixti copiosi, esuque piscium salutorum non ablutorum, unde sensim inualuit morbus, non repente adeo grauis inualuit. Causæ ex genitura, Luna cum cauda Leonis, & nodo in Virgine, & in septima, & forte sextam attingit, & in sextili Saturni in Cancro infelicitis, unde etiam quasi lepram & iussim patitur. Et Luna est potestatem habens in ascendente, & in sextili Martis, & Mercurij, & Mars cum suo nodo meridionali, & Mercurius cum ventre anguis. Et quod mirum est, puer non extenuatur.

167 Significatores loci mortis, cum fixis splendidis existentes, mortem præcognosci facient. Martis & Solis, quia violentæ, & cum mandato reliquorum errantium prodigiis.

168 Ciuitatum excidia præfagia habent, nam interitus significatores cum insignibus fixis necessario erunt.

169 Cum dominus ascendentis aut Luna in opposito aut quadrato fuerint infortunarum, in reuolutione, natus detrimenta magna patitur. Si autem cum illis fuerint, peraget mala, & detrimenta inferet. Quod si cum hoc locis inimicis, infortunæ dominantur, patra-bit & patietur.

170 Reges subiiciuntur secundum corpus & elementa, his, quibus priuati. Sed in cæteris, quæ ad fortunam pertinent, oportet adesse regni ipsius testimonia. Et quod est inferius, supra superius, vim per se non habet, nisi tantum per consecutionem.

171 Luna cum in coniunctione Solis media fuerit, centrum habet parui circuli, non solum cum centro Solis, sed & parui circuli Veneris & Mercurij, unde mirabiles sequuntur effectus. Manifestum est autem, & centrum parui circuli, proprias vires habere.

172 Ante 40. annum, paucis significatores vitæ concutitur, repugnante lege naturæ, quibus autem vnicus existens concutitur, impossibile est, eos ad sexagesimū annū peruenire.


173 Quicumque his præceptis recte utetur, sciat, futuras res maxima ex parte prædicere posse, & quæ nos fecimus, ac maiora longe faciet, si tamen cælum, esse diuinum instrumentum recte intellexerit.

Cum Georgius Ioachim Reticus, syderalium motum peritissimus, Mediolani moram per hos dies trahens, audisset à me sapius, posse hac arte, nuper à me inuenta & tradita, oblata ge-nitura,











Alterius sequentis figura natiuitas, fuit infantis filij regis cuiusdam in Aphrica, qui superuixit 24. horis, postquam natus fuit, & post locutus, prædixit excidium regni paterni, & repente mortuus est ut refert Haly, sed loca trium planetarum desiderantur.




Alterius figura infans ut Haly refert, anno secundo ut mortuus iacuit, nam Mars ex sextili Lunam pulsabat, euasit tamen, quia loco Luna Iupiter succedebat, Sed & distantia ab ascendente partium duarum. Mortuus est 28 anno, nam ascendens ad Martis in fortunati quadratum peruenit.




Hoc anno, die 22. Martij, dum Saturnus esset in 25. parte Sagittarij, & Luna in nona parte eiusdem, hora 21. cecidit ille, cuius genituram posuimus, quinta parte Libra ascendente, Sole & Marte in Leone, mirabili modo, ab alto, retro, & præter omnem spem, seruatus est: erant autem

Tom. V.

hora reuolutionis, planetæ ut vides, seruatus est genitura hand consentiente, cecidit autem reuolutionis ipsius violentia. Causa casus, Luna in opposito Solis, & Martis, Venus autem adiunxit



De hoc Nicolaus frater Franciscanus, qui iam quatuor ab hinc annis obiit, ita scripsit. Anno M. D. L. mense Ianuarij, patietur morbum frigidum & humidum, circa pudenda, femora, & ilia, & erit periculosus. Morietur autem circa annum M. D. L. XV. febre, cum ventriculi imbecillitate, & erit in diuitiis felix. Dico de vita, posuit ascendens vita significatorem, & oppositum



Martis ad illud direxit. De hoc autem euenum expectare oportet, nam paucis partibus aberrauit. Circa diuitias recte dixit. Causa est Iupiter, dominus secunda, in trino Luna, in opposito Veneris existens. Quia tamen Iupiter & Luna cadunt, & Saturnus infelix, secundam, & Lunam, quadrata respicit radiatione, ideo etiam non erunt illustres, & erunt aduentitia. Dixit etiam, non significat filios, nisi unam filiam, ac vix superstitem, quod & verum est, & causam habet, nam Saturnus est in quinto loco, infelix, & Iupiter cadens, & Luna in radiatione Saturni mala, & Venus cadens, & ipsa, qua filiam significare potest. Sed dixit, erit Sacerdos, & non attulit causam hoc enim tantum ex relatione sciebat. Sed cuius est quia virumque luminare cadit, & est in aspectu Saturni, tum maxime, quia Sol erat in nono loco, qui religionem significat. Sed quod dixit de dolore, fuit verum ad vnguem, nisi quod deceptus est in tempore. Anno enim 1545. quinto scilicet antequam ipse dixisset, euenit dolor a materia frigida & humida.


H 2. cmta




cum flatu, incipiens ab illo sinistro, extendens se ad pudenda, inde ad femur, usque ad genu, cumque iam annus ferme sit, nullus tamen tollitur auxiliis, ut nihil ad unguem verius dici poterit, causam autem non expressit. Extat apud me exemplar, igitur direxit Luna corpus, & quadatam Saturni radiationem, ad ascendens, & perueniebat ad ipsum in annis 54. Sed hoc, quia ipse correxit, & traduxit tempus datum sibi, secundum moram nati, qua ut dixi, sapius fabulosa est, ascendit autem 26. pars, non 24. Scorpij, & ideo Luna infirmitate, peruenit ad ascendens peracto cum primum anno 49. atque ideo, cum Luna esset infelix, & à radiis Saturni quadratis cadentis & retrogradi obfessa, significauit morbum, meo iudicio, incurabilem. Cur autem in his locis dicerent quidam, quia Luna in Capricorno se habet, ut Mars in Libra, occupat igitur pudenda, Sed in die, Saturnus est in quinta, & damnat genitalia, & circumuicinas regiones, ob hoc enim filios denegat, & vitia facit in pudendis. Lunam igitur ex eo loco affligens, lia & genitalia, & femora affligit, tum magis, quod Luna est in Saturni domo. Et sic habes quanta sit artis veritas.

Hic puella, dum hac scriberem, accidit, ut mihi modo precipitaretur, unde vel volens quispian, cadere non posset, vidimus locum, astra sola hoc potuerunt.

Causa est, radius Solis existens in cœli corde, ad Lunam, qua defertur ad Martis radios combusti, & ipsa est ascendens domina, & hoc fuit 7. anno expleto, cum ascendens peruenit ad trinum Solis infortunati, & Mercurius sublimis, Saturno ea hora opponebatur.



Et hora reuolutionis, fuit Saturnus dominus ascendens, in quadrato Mercurij, & Luna ibat ad ipsum Saturnum, cum capite existentem, & Luna erat in quadrato Solis, & Mercurius iuxta locum Martis, & Luna fuit in sublimi, & Mars hora genitura & reuolutionis, fuit sub ecliptica, in capite hora natiuitatis, in canda hora reuolutionis. Hora autem casus, fuerunt planeta hoc modo, die 22. Aprilis, 1546. hora tertia post meridiem.



|           |    |    |          |
|-----------|----|----|----------|
| Sol       | 11 | 34 | ♂        |
| Luna      | 29 | 2  | ♀        |
| Saturnus  | 23 | 47 | ♄ retro. |
| Iupiter   | 5  | 46 | ♃        |
| Mars      | 14 | 43 | ♂        |
| Venus     | 4  | 36 | ♀        |
| Mercurius | 4  | 21 | ♂        |
| Caput     | 19 | 27 | ♄        |
| Ascendens | 2  |    | ♄        |

Qui damnauit, fuit Iupiter infortunatus, dominator loci Martis, & Solis, in genitura. & loci Lune & Saturni, in reuolutione, cadens, & in exaltatione Martis, & in duodecima domo. & Venus domina ascendens, ungitur Mercurio, ea hora, qui fuit infortunatus à Saturno, hora genitura, domino septimi loci, & ipsa Venus erat in quadrato Iouis, ut dixi, significatoris causa mortis, & Iupiter fuit, tam in reuolutione, quam in genitura, in duodecimo loco, & fuit cum cingulo orionis, & ascendens fuit locus Saturni ad unguem, & oppositum Mercurij, in genitura. Et quia dominus loci infortunium facientis in genitura, & dominus ascendens, fuit Venus, quasi nixu, sponte, non tamen volens, se precipitauit. Hora autem mortis, fuerunt planeta, ut vides, & fuit dies 27. Aprilis, hora 21. eiusdem anni, idest post quinque dies.


|         |         |          |         |
|---------|---------|----------|---------|
| Sol     | Luna    | Saturnus | Iupiter |
| 16.22.♂ | 11.15.♀ | 23.32.♄  | 6.6.♃   |
| Mars    | Venus   | Merc.    | Caput   |
| 18.6.♂  | 10.43.♀ | 13.50.♂  | 29.12.♄ |
|         |         |          | 12.12.♄ |

Hora mortis fuit cum Luna peruenit ad Martis sextilem, & fuit locus Veneris à Saturno in genitura infortunata. Et tunc ascendens peruenit directione secundum Lunam à nobis demonstrata ad locum Saturni. Et cum quis recte considerat videbit principia nostra esse verissima.


Hanc figuram obtulit mihi Georgius Ioachim, & ego dixi, quod combureretur, & ipse dixit, est femina, & fuit in carceribus ut combureretur, euasit tamen, & hoc fuit beneficio Veneris, non tamen euadet, rogauit causam, & dixi, Fascinatrix ac Prestigiatrix est, respondit ille, multa vera predicat, miro modo. Causa est, viraque infortuna in Leone, in trino ascendens, & ideo est deceptrix maxima, cum Luna sit in Scorpione, & ideo erit pessimorum morum, & meretrix, & multa patietur infortunia, ob locum Luna. Sed quia Venus respicit infortunas, ideo videtur



videtur vera dicere, sed sunt omnia commenta, ut clarum est ex genitura, & habitat Mediolani, sed alio loco est oriunda, & est hilaris, & mala morte peribit, non tamen necessario publica, nisi Sol in resolutione testimonium præbuerit. Est autem ut (dicunt) valde famosa ob vaticinium, sed necessario est prestigiatrix ac malefica. Et Iouis sexilis fecit, ut euaderet, cum esset domi-



nus ascendens, quia tamen cadit, tandem male peribit. Mortis violenta tempus rogauit, sed clarum erat, labore opus esse, cum tamen mihi tempus haud suppetere. Erit tamen, cum Luna fuerit in Aquario in resolutione. Et quia infortuna non sunt in angulo, erit tarde.




Hac vero genitura est sacerdotis, qui nunc agit LXX. annum, satis prospera valetudine, & vides quod est sacerdos, quia virumque luminare est infortunatum. Et causa longa vita est, quia dominus loci Solis & ascendens, est cum fortuna, in illius loco, & Sol est saluus, & in signo masculino, & in nona domo, quæ valida est iuxta nostra principia. Iouis autem ac Saturni trigona radiatio, in igneo signo, dat auctoritatem ac firmitatem magnam, & longam etiam vitam, quia Saturnus habet potestatem in loco Solis, & Iupiter respicit ascendens, & habet potestatem in loco suo, & manifestum est de moribus & reliquis. Et scias quod morietur in prima mala resolutione, quia ascendens est in quadrato Saturni, secundum directionem, in decima septima parte Scorpij.

|                   |                        |
|-------------------|------------------------|
| Sol               | velox motu.            |
| Luna 5. D. 3. 46. | Motus 13. 28. velox.   |
| Saturnus M. A.    | Motus 0. 6. velox.     |
| Iupiter 5. D.     | Motus 0. 11. velox.    |
| Mars 5. A.        | Motus 0. 40. velox.    |
| Venus 5. D.       | Motus 1. 14. velox.    |
| Mercurius M. A.   | Motus 1. 53. velociss. |

Luna cum corde Scorpij.

Venus est cum tribus stellis paruis de natura Martis & Mercurij.



Hac est illustrissima genitura hominis, qui ex humili fortuna, bellicis factis, ad potentiam magnam euectus est. Nam primo oppida multa ac villas subegit, post terrorem principibus incussit, vix conspiratione potentissimorum principum ad deditionem compulsum est, non solum decoram & honestam, sed suis seruatis, etiam oppida & pecunias accepit. Post in carceribus fuit a Caesaris ministris detentus, non breui temporis spacio: inde dux exercitus, aduersus Turcarum regem: post cum Casare aduersus Gallorum regem: inde ex hoc bellicorum tormentorum Caesaris prefectus. In fine 48. anni affinitatem arctam, cum Placencia Duce contraxit. Hac igitur ita sunt.

Causa vero indicant hoc, omnes enim planetae supra terram sunt, nam Mars, ob Borealem latitudinem, est in finitoris linea ad vnguem, hic igitur status declarat, cum futurum omnibus notum, ut est, ac in maximis rebus versaturum.

Rursus, quia Mars est in linea finitoris ascendens, erit magnus, ac in professione sua inuictus, est autem sua professio à Marte bellica, facit autem impigrum Mars sic positus, in Solis & Mercurij sexili, & Iouis trino, audacem, violentum, callidum, crudelem, iracundum, & qui in arte bellica, parem arte, & audacia, minime habeat. Atque in his negotiis erit valde fortis & prudens.

Et quia Luna est cum corde Scorpij, significat audentem incredibilia, violentum, terribilem, in suis viribus confidentem, aliaque quæ de his scripta sunt, atque inter cetera, magnam potentiam semper.

Et quia omnes planetae sunt aucti motu, significat veloces successus, ac perpetuam quandam felicitatem in rebus peragendis, & quodcunque ferme desiderabit habebit.

Sed tamen, quia Mars cadit in Tauro, & Saturnus in Ariete est in duodecimo loco, significat quod capi deberet, & esse in carceribus, & ex hoc potest verificari exquisitum geniturae tem-



pus. Significat etiam aliquos aduersa praelia.

Et quia dominorum loci Iouis, aliter est potens, aliter infelix, & Iupiter cadit, & est cum cauda, significat, quod acquisitioni bello maxima pars peribit, & non erit ita diues, ut existimabitur. Sed diuitia manentes, erunt maxima ex parte à principibus, propter sexuilem Solis, & tales erunt valde magna.

Et quia Venus est in cœli medio, significat in quadrato Martis, multa & magna circa actus Venereos, Et felicitatem etiam, quia Venus recipit Martem.

Cumque Luna sit in octaua, & in ultima quadratura ut vocant, tardum significat coniugium, & cum Principe propter Solis quadratum recipientis.

Et quia Luna est in quadrato Solis & Mercurij à Sole recepta, significat quod quandiu vixerit, erit potens apud reges, & in honore.

Et quia Sol est in aspectu Iouis recipientis, & uterque respicit ascendens, & Sol Lunam, & Sol vita significator, ac distributor etiam cum Luna & ascendente. Declaratum est autem, quod tales antequam moriantur in morbum consuetum cadunt, ut Podagra, comitialis, lapillus, difficultas spirandi, & talia, audio tamen ex his minus malum ei contigisse, siquidem podagram. Atque hæc omnia & plura alia, clare ex nostris præceptis patent. Longum autem esset omnia declarare, atque eò magis etiam si de futuris quicquam vellem adicere. Sed talia conuenit, si modo Principes sint grati, illis tantum prædicere.



## OPERIS PERORATIO.

**P**ROPOSITVM nostri negotij in hoc libro fuit ut artem iam ad infamiam, vicio professorum redactam, ab iniuria vindicarem, ostenderemusque, esse stellarum in nos decreta manifesta: & ut quæ ab aliis obiciuntur dilueremus: tradidimus etiam ea quæ vera erant sub compendio, ut nihil tamen desiderari posset, quod vero corruptum erat, aut inane, emendauimus aut abieciimus: emendauimus cælestes cursus, abieciimus partes, facies, nomenclaturas, dodecatemoria, horas planetarias, atque cætera id genus nugamenta, effecimusque eam partem naturalis philosophia, nam & in ipsa proprietates occulta rerum cernuntur. Quod vero sciri potuit, absque errore explicauimus: atque quod maius est, in artem redegitur semper eternam. Ut vero eorum quæ dicta sunt, experimentum sub compendio addamus, opera precium nunc fore existimo.

Nemo est primo, qui Solis ac Lunæ decreta non confiteatur. Sed & Venus ipsa cum umbram mittat, immutat hæc inferiora, eadem igitur ratione & reliqua sydera, videmus etiam ortum Arcturi pluias excitare, occasusque syderum tempora immutare, quod Galenus & Plinius & quicumque rem rusticam tradiderunt, aperte & fatentur & docent. Nauta vi Asinos nubecula obductos vident, præagiunt certo euentu tempestatem, cum tamen clariores stellæ (etenim Asini pusilli sunt) id efficere minime valeant. Congressus etiam Martis & Veneris, aquas excitat in aquis signis, vel certe statum mutat aeris. Mercurij & Iouis, ventos plerumque excitat. Quæ igitur insania est, etiamsi artem nescias, illam artem esse negare? At dicunt, hæc inferiora certe mutant sydera, & statum aeris mouent, ut causa naturales, & Sol Lunaque: at in singularia nihil efficiunt, sed solum (ut ille dicebat) Limus ut hic durefcit: & hæc ut cera liquefcit, uno eodemque igni. Afficiuntur diuerso modo à constitutionibus syderum, ut etiam à ventis & imbris, alij enim ex ventis morbum lateralem contrahunt: alij attonito morbo percussi, illico moriuntur: alij grauedine afficiuntur sola: alij melius se habent, prout diuersa fuerit corporum constitutio, tum magis, quod nasci hæc vel illa hora, fortuitum est: cum plerisque motus, aut casus, aut purgatio, celerioris ortus causa sit, quare necesse esset, ut decreta cæli, & fortuna etiam, nostro subicerentur arbitrio. At quicumque nascuntur, proculdubio, ut tenera & mollia, & tunc primum edita, non aliter syderum vim excipiunt, quàm cera, cum ab igne sublata, vel plumbum, cum primo in subiectam formam effunditur cogiturque: indicio autem tot sunt genitura, non à me confecta, sed præter unam meam, ab aliis sumpta, licet etiam experimentum sumere, nam qui luminaria habuerint in constellationibus, non euadunt, quin oculos habeant quasi albos, & ab aliorum forma dissimiles, ac ut plurimum



rimum praevalides. Voco autem constellationes, Saculus, Virgiliae, & quae sunt iuxta Herculem in Cancro, & quae iuxta Virginis Spicam, & in fronte Scorpj, & sunt in Scorpionis partibus ultimis, sicut & quae in capulo Sagittarij, in eius fine, & quae in corpore Scorpj, in Sagittarij initio, & quae extra formam Scorpionis, in medio Sagittarij, & quae in cornibus, ac quae in rictu Capricorni, ambae iuxta Capricorni finem, & quae iuxta sextam Aquarij partem, in corpore Capricorni: & quae in medio Aquarij, ex Capricorni cauda, & quae in fusione aquae Aquarij, in Piscium nunc octava parte, & cingulus Orionis, & Canicularum singulae. Ostendunt & huius scientiae claritatem, Asclepiarionis in Domitiano, de hora & mortis genere apud Suetonium, tum de semetipso, praedictiones. Et in Tiberio Thrasulli, in Calligula & Nerone Sulla illius filij, in Gordianos ignoti. Attamen vi, vel consilio, ut etiam Solis calorem, sic praesentem vitare, aliamque subire astrorum genesim posse quis dubitat? cum causae sint naturales, finis enim & miseri, & diuites, & agri, sanamurque vi ac consilio, non tamen licet ad certam horam, aliqua industria, infantem in lucem educere, incerti etiam sumus, quid illi conducat, etiamsi possemus facere ut infans certa hora à nobis constituta nasceretur. At vero quod postquam editus est, Alfridarii nostro ordine subiiciatur, iam palam est, nam septenis annis immutatur manifeste, primo dentes, secundo semen producere incipit. tertio clementum corporis in solidum finit: ceterorum, ut magis abortu recedunt, ita occultior mutatio, at cum nullus planeta, per septenos moveatur annos, vel menses, aut septem partes peragret in die, manifestum est, hoc deberi circuitui numeri planetarum: ut singuli, cum sint septem, annum unum custodiant: atque gubernent. Nisi quis velit, quot dies Luna perficit, à puncto ad punctum, qui ab ea quarta circuli parte distat, totidem annos Solem absumere. Sed qui sic diceret, praeter cetera absurda, Solem Lunae ancillari facit ac inferuire, quod haud ratione dignum est. Ceterum cur unicuique parti, ferme, atque solum in ecliptica dirigendo, id est deducendo, progrediendove unum annum ascribamus: & si nos etiam latitudinem in directionibus consideraverimus, nunc accipe, & cur per ascensiones regionis computentur. Igitur, cum Sol sub ecliptica perpetuo octavi orbis moveatur, atque hunc in uno anno perficiat motum, dum in singulis est partibus, semel singulis etiam diebus circumvoluitur, quasi parallelo aequinoctij circulo, intelligatur igitur aequinoctium aliquod quiescens, seu orbis aliquis talis sit, qualem Theologi ponunt, dum Sol peragrat partem illam, una die, pars illa circumvoluta, aequaliter distans aequinoctij circulo, seu sub parallelo suo, Solis virtute totius circuli aequinoctij, seu paralleli, vim universam recipit: quo fit, ut cum Sol aequinoctium totum circumambiat, ac eclipticam, proprio motu in uno anno, pars illa aequinoctij, (cum aequinoctium 365. parallelorum, atque ideo etiam totidem eclipticae revolutionum vim susceperit) quae uni respondet eclipticae revolutioni, annum unum representet, at cum partibus aequinoctij, quae aequales sunt, diversa in regione, & pro caeli situ eclipticae respondeant partes, hinc fit, ut habitis partibus eclipticae, ad sciendum tempora, oporteat invenire partes ex aequinoctio sibi correspondentes, siquidem solum aequinoctium, aequaliter per tempora omnibus oritur. Manifestum est igitur, quod in directionibus, latitudo non est computanda; cum directio sit deductio eius, quod est in potentia, per significatorem & promissorem, ad actum, per Solis vim. Quia solus Sol, habet lucem propriam, & actum operationis in se continentem, nam Luna ipsa lumen illustre, quo operatur in hac inferiora, à Sole mutatur.

Ergo, quod ratione & experimento assequi licuit, docuimus: quicumque vero inania commenta moliti sunt, aut quae praevideri non poterant, vel ostentantes se, aut placere cupientes Principibus, praedicere conati sunt, artem infamem, ac totam contemptam reddiderunt, nam quae fato & complexu illo causarum continentur, explicare astris est impossibile. Quod si quis dicat, cum ea quae eveniunt, ex hac infinita causarum serie pendeant, quomodo ex astris praedicere illa quisquam poterit? ut enim occidatur Aeschylus, Aquila testitudinēque indigemus: & quod subditi ille iaceat, an Mars aut Saturnus omnia haec movebit & coget? Verum facile est huic respondere rationi, nam & nauta tempestatem praedicat, & mortem medicus, nec tamen nauta partes aquarum ac ventorum universas, ac motus earum agnoscit, nec medicus humani corporis omnes fluctus, qui fato aguntur, sed unicuique artifice sufficit, ut generales causas recte noverit, quomodo autem singulares illis pareant, solus Deus scit.

Haecenus



Haecenus philosophis, & philosophia studiosis, responsum esto, nec etiam Theologis, quos eos placatiores habeamus, nonnihil respondendum arbitror. Solent enim hanc artem, ut superstitiosam, magis ex consuetudine quorundam auctoritate introducta quam certo iudicio, reiicere & damnare. Afferunt autem, prater rationes philosophicas, iamdudum satis confutatas, etiam sacrarum literarum testimonium, nempe illud Ieremia 10. *A signis caeli nolite metuerē, putantes tam pauci verbis, probari posse, quod astra, nullam neque in efficiendo, neque in significando vim obtineant, ideoque ut propheta inquit, metui non debeant.* Et certe si propheta hoc sensisset, eius auctoritati cedendum esset. Nunc vero longe aliud mea quidem sententia propheta agit, quam ut significatores astrorum euertat. Non enim dicit, astra, seu constellationes caeli, signa non esse, sed clarē vocat ea signa, quod certē non faceret, nisi signa esse indubitato sciret, & ut pro signis haberentur, humano generi expediret. Quanquam etiam si id non faceret, tamen auctoritas Moysis, ut vetustioris & maioris propheta, nobis abundē sufficeret, qui ea Genesis 1. dicit in firmamento à summo Deo esse collocata, ut sint in signa, & tempora, & dies, & annos. Nam ex hisce verbis clare intelligitur, quod prater distinctionem dierum, annorum, & temporum, etiam aliarum rerum signa sint. Quod autem dicit, ea metuenda non esse, eodem planē modo est intelligendum, quo verba Christi intelligimus, cum dicit. *Nolite metuerē eos, qui corpus occidunt, animam autem occidere non possunt.* His enim verbis Christus nequaquam dicit, nullos esse, qui occidere possint & velint. Sed hoc potius sentit ac dicit. Quanquam multi sint, qui vos occidere non solum velint ac possint, verumetiam frequenter ac crudeliter occidant: Vos tamen eos nullo modo metuerē, sed persecutiones eorum forti animo excipere, & mortem quoque per patientiam vincere debetis, cum illorum crudelitas vos ab aeterna felicitate, nisi vestra culpa, impedire non possit. Ita etiam Ieremias, cum dicit: *A signis caeli nolite metuerē.* Nequaquam dicit, *Astra caeli, signa non esse, aut nihil certi significare,* sed hoc potius sentit ac dicit. Quanquam astra caeli, multorum euentuum vera ac certa signa sint, multaque significant, quae nos nostra industria vitare non possumus, nos tamen ea neutiquam metuerē, multominus pro diis colere. Sed eorum significata, si bona sint, aquabili animi moderatione: Sin mala, summa fortitudine expectare & excipere debemus, praesertim cum nos à vera pietate, ac aeterna felicitate abstrahere, nisi nostra culpa non possint. Hanc sententiam si retinuerimus, Astrologia non modo superstitiosa non erit, verum etiam pietati non vulgariter inferuiet, cum nos in prosperis ad animi moderationem, in aduersis, ad fortitudinem informet, maximè, si vera pietas accedat, quae credat, Deum horribiles astrorum minas pro sua potentia facile auertere posse, & pro sua bonitate, ad nostras preces, non raro auertere solere.





CLAVDII  
PTOLEMÆI  
PELVSIENSIS  
LIBRI QVATVOR,

*De Astrorum Iudiciis cum expositione Hieronymi Cardani.*

PROOEMIUM EXPOSITORIS.

**L**IBROS hos antiquorum more de iudiciis inscripsit Ptolemæus Pelusensis Ægyptius, unde Alexandrinus etiam dictus est, quod Pelusum ab Alexandria parum distet. Constat hunc illum esse qui Magnam compositionem motus syderum scripsit, tum quia id in proximo huius operis testatur, tum quia nullus alius tam subtilem tractationem perficere potuisset, tum ex styli similitudine, ubique enim Philosophum præfert. Et qui hæc scripsit, tractavit etiam Geographica, & Musica, & Arithmetica, nec dubium est de his, scripsit & de speculis: Sed an centum illas propositiones forsitan dubitatione dignum est: dicemus autem aliquid de hoc loco suo. Dignus igitur est cui ob excellentiam & iudicium graue credatur. Tractat autem de futurorum cognitione, ut sit fructus scientia magnitudinis motuum & affectionum astrorum. Ex quo possunt futura bona augeri, & ad illa tutius nobis licet accedere, mala autem vitare, minuere, declinare, infringere, & ad omnem occasionem paratos esse. Nec est ullus qui in hac arte scripserit propior veritati & rationi. Est autem ars hæc Philosophiæ pars prognostica & præcognoscere docens, unde non verè scientia, sed ut ad medicinam se habet liber prædictionum Hippocratis aut Galeni, ita hic ad totam Philosophiam. Vnaquæque enim ars quæ de naturalibus, tractat ea ratione, quæ causas præsentium rerum explicat, docet & futurorum, nam futura à præsentibus non specie nec genere differunt, sed tempore, quod illis, ut accidens adiungitur. Nec potest hic liber plenè intelligi nisi Magna compositione perlecta, ea autem indiget Geometria, & Arithmetica, ut hic sit quartus in ordine doctrinæ inter Mathematicos, & penè ultimus inter naturales, nam etiam parua naturalia perlegisse oportet, qui hos libros intelligere voluerit. Diuiditur autem in quatuor libros: In primo, ponit generalia præcepta artis, & tanquam principia: In secundo, tractat de propriis iudiciis rerum, quæ partibus vniuersi & ipsi vniuerso contingunt, veluti de calamitatibus regionum: In tertio, de propriis prædictionibus singularium hominum ex genitura sumptis, pertinentibus ad animam, vel corpus. In quarto, de his quæ futura docent in exterioribus, & annexis unicuique homini, veluti de filiis, opibus & itineribus. Hæc enim non insita sunt homini, sed cessare possunt animo, & corpore minimè affecto. Iuvat & hic liber ad cognoscendum præsentia & præterita eadem ratione quæ futura, quæ cognitio non adeo utilis est interrogantibus, ut futurorum scientia, sed ipsi artifices magis gloriosa existit. Nec est officium expositoris, ut Galen. inquit, vel reddere rationem dictorum ab authore, vel si quæ non placeant reprehendere, sed verba illius ac sententias dilucidè explicare; nos tamen non propriam faciemus expositionem, sed



conabimur declarare causas dictorum à Ptolemaeo, & quæ ab ipso obscure dicta sunt, clariora reddere, quæ breuiter ac circumcisè, perficere, quæ dubiè, determinare. Mirum est autem, quod à tam paucis, tam celebris utilisque liber sit expositus, ut vix præter Haly Heben Rodoam Arabem alium scirem, qui prodierit in lucem tanto Authore dignus: Is verò si veram mentem Ptolemai verborum translatione explicatam habuisset, forsitan nos hoc labore liberaffet. Nuper vero prodierunt in lucem scholia quadam Porphyrij satis breuia, & utilia in eundem: alia quoque anonymi, seu ut quidam existimant Procli, seu commentaria optima sanè, sed breuia. Quare cum ex omnibus his horum librorum intellectui satisfactum non putarem, coactus sum, utilitatis publica causa, tū Ptolemai gloria ad hunc nouum laborem descendere. Via autem huius doctrina ex resolutione compositiua facta est, ut plerique alij libri artium. Procedit autem Ptolemæus diuidendo, & deducendo ex similibus causarum & compositione plurium, causæ verò ab effectibus cognoscuntur, ob id coniecturalis est hæc ars non exquisita scientia. Procedit etiam à causis ad effectus, hic autem processus in naturalibus non adeò firmus est, ut Mathematicis, in quibus causæ eadem sunt principiis, & non per effectus, sed per se notæ sunt. Artes autem quæ futura, hoc modo, cognoscere docent, sunt Agricultura, Nautica, Medicina, Physiognomia, & illius partes, Somniorum interpretatio, & Magia naturalis, ac Astrologia. Harum nobilissima astrologia est, quia de omnibus est, alia autem sunt certi generis. Est etiam per causas semper atque eas nobilissimas, reliquarum nulla semper, sed etiam per signa docet futura prædicere. Non est autem ut quidem existimant scientia Astrologia, Fati scientia, sed Fati pars constitutio astrorum est. Porro quanto Fati scientia certior atque nobilior, tanto etiam obscurior. Principalis autem ac nobilissima Fati pars astrorum est constitutio: nobilissima igitur Astrologia est omnium artium quæ diuinare docent. At diuinatione nihil melius atque diuinius, præstantissima igitur astrorum hæc contemplatio est. Inscriptis autem librum hunc Syro amico suo more antiquorum laudabili, cui etiam ignotus interpretis referri inscripta esse reliqua Ptolemai opera, quod tamen non vidi, sed utcumque sit existimat hunc fuisse medicum qui has artes calleret eisque delectaretur. Talibus enim iure merito inscribuntur. Hunc nos exposituri sapius, ubi Author rem clarè explicat paraphraste vices imitabimur, tum ne opus in immensum augeatur, relinquaturque locus difficilioribus explicandis, tum ut repetitionem fugiamus. Ab illius igitur præmio auspicemur, diuidentes singula capita, prout commodius videbitur.



# LIBER PRIMVS.

Proœmium Authoris.

ramus subiectarum rerum mutationes.

CAPVT I.

COMMENTARIVS.

TEXTVS I.

**D**VO sunt Syre, quibus peruenitur ad Astronomicas prædictiones, præcipua quidem & maxima: vnū quod primum & loco est, & potestate, quo Solis & Lunæ, & Stellarum motuum configurationes cum erga se, tum terramprehendimus: Alterum quo de illarum configurationum naturali proprietate conside-

**A**VTHORES proœmia faciunt, ut quod non ex arte est, ad artem tamen est necessarium explicetur: id facit Ptolemæus hic, nam quid tractaturus sit exponit primo, deinde ne de re inani verba facere videatur, proponit dubitationem in primo capite proœmij, nam tria proœmium hoc capita continet, in secundo capite cuius initium erit, in decimo textu declarat, Astrologiam esse artem, posseque præsciri futura, in tertio autem cuius initium est, quo igitur modo, declarat esse utilem. Nam ut apud Gellium Phanorinus qui parum ante Ptolemæum floruit famosus Philosophus, more ambitiosorum artē Astrologiæ infamem reddiderat



diderat, duobus maximè argumentis quod futura sciri non possent, nec si possent cognitio illa utilitatē aliquam mortalibus esset allatura. His igitur Ptolemæus diligenter occurrit duobus illis postremis procemij capitibus. In hoc autem ostendit finem artis: nam ut à Galeno habetur in libro de Constitutione artis medicæ, ars vnaquæque à finis notitia per resolutionem constituitur. Quomodo igitur Ptolemæus artem hanc constituet in hoc libro, nisi primum finem artis declarauerit? Hic autem est scientia futurorum: Huic igitur fini, duo docet esse præcipua & maxima. Præcipua quidem, quia & alia sunt necessaria, utpote scientia rerum naturalium, dialectica, cognitio multarum rerum, ingenium acre, memoria, exercitatio, eruditio in illa lingua. Nullum tamen horum est præcipuum & proprium scientiæ futurorum per astrâ habendæ, maxima verò quoniam partes hæ duæ totam complent artem, & singulæ plurima continent capita & non medioeris sunt magnitudinis. Sunt etiam singulæ harum partium difficillimæ & ob id maximè. Primum igitur est cognitio Solis & Lunæ, & Stellarum, scilicet quinque erraticarum, tum aliarum fixarum circa passionem motuum, ut velocis, tardi, retrogradi, stantis, tum figuras erga se ut trigona, quadrata, & quod sint in initio Arietis vel in fine Tauri, aut in latitudine australi, vel in abside eccentrici, vel epicycli, omnia enim hæc ad partes alias cœli referuntur, vel terræ ratione, ut in deliquis ortu & occasu stellarum. Solem & Lunam dixit separatim, quia nomine stellarum non intelliguntur, & quoniam maximè hæc sydera in cœlo conspicua sunt, ut etiam luminarium nomen sola mereantur: Et etiam quia ab horum motu reliquorum cognitio motuum ac locorum pendet. Nam Solis causa Lunæ motum venatur Ptolemæus, inde per Lunam reliqua sydera. Neque enim illa à Solis cognitione pendere poterant cum Sole viso nulla stella sit conspicua. Talem igitur scientiam motuum astrorum dicit esse priorem loco, quia non possumus habere proprietates & significata syderum, nisi ubi ea sint, ac motus magnitudines, cæterosque affectus cognouerimus prius. Potestate autem, quia scientia illa demonstratiua est & certa, hæc autem quæ ad iudicia pertinet naturalis est, & præter id etiam coniecturalis. Hæc igitur coniecturalis ex naturalibus proprietatibus tanquā causis docet cognoscere mutationes, quæ in his inferioribus contingunt. Hæc enim inferiora, inquit Aristoteles, superioribus corporibus coniuncta fuere, ut ab illis gubernarentur.

## TEXTVS II.

Atque horum prius & suum habet & per se dignum tractatu studium, etiamsi adiunctione alterius ad finem prædictionum non perueniatur, deque illo peculiariter etiam quàm po-

Tom. V.

tuimus certis argumentis rationem vestigatam alio libro explicuimus.

Declarat primum membrum eorum quæ præposuit, scilicet motuum astrorum scientiam duplicem finem habere, alterum quidem proprium & est contemplatio, reliquum verò ut ordinatur in cognitione futurorum, pro quo sciendum est, quod ut habetur secundo primæ philosophiæ, duplex quidem scientia, altera quidem quæ in solam veritatis cognitionem tendit: theoricæque verbo Græco dicitur, reliqua quæ in opus, atque hæc practica dici solet. Prima quidem quæ de astrorum motibus tractat verè Theorica seu contemplatiua est, reliqua verè quam in hoc libro tractat quasi in opus primæ cōparatione tendere videtur, cum tamen & ipsa cōtemplatiua sit. Primam igitur proprium finem habere demonstrat etiam si posteriori non coniungatur, proprium enim priorum est à posterioribus posse seiungi, posteriorum autem non posse à prioribus separari. Dicit igitur primam partem tractasse in alio libro, id est, Magnæ compositionis qui in tredecim libros diuisus est, ubi exactissimam omnium astrorum, quæ visui subiiciuntur doctrinam tradidit.

## TEXTVS III.

De altero autem, minusque adeo ex sese perfecto, in præsentia verba facere decreuimus, conuenienti quidem philosophiæ modo.

Dicit se tractaturum in præsentii libro de contemplatione astrorum, prout pertinet ad futurorum cognitionem, quæ minus perfecta est, quia minus perfectè scitur modo conuenienti philosophiæ, id est, per causas & per qualitates primas, & per corpora & modum demonstratiuum. Per causas quidem, quia cognitio per signa posteriora sumpta in causis videtur absurda. Velut si quis ex natiuitate fratris velit de alio fratre decernere simpliciter, ut faciunt Arabes, quanquam hunc modum neque exquisitè Ptolemæus obseruauerit, nam & ex genituris filiorum fortunam parentum venari conatur, verum si rectè interpretemur & nostram sequi voluerimus sententiam, nihil absurdum continget in hoc, neque sententiam Ptolemæi generalibus philosophiæ præceptis repugnare cogemus, scilicet ut filij genitura parentum fortunam ab ipsius filij ortu non antea mutet, constituat atque decernat. Corpora autem, velut Philosophus considerat, ut nugas illas Arabum partium dodecatemorias infinitasque alias exploderet. Demonstratione autem procedit velut Philosophus, non ut Arabes, qui aliorum autoritatibus simpliciter vtuntur, atque etiam ob scurrorum virorum, tum verò experimentis singularibus atque præter rationem. Similiter & ut reiceret eos qui absque concursu causarum, aut leuibus debilibusque argumentis effectus maximos

I 2 tribuunt



tribuunt, velut Firmicus in sua illa admirabili mathesi. Per qualitates etiam, quia ut habetur à Galeno in libris de Simplicibus medicamentis ex calido & frigido, sicco atque humido, quæ nomine primarum qualitatuum intelliguntur, procedunt asperitas, exustio, incisio, taliaque multa quæ secundarum qualitatuum nomine appellantur. Rursus ex his procedunt qualitates aliæ, quas tertias vocant, velut generandi semen, ut lac, rursus ex his, similitudine substantiæ conflata, fiunt aliæ qualitates opere quidem sensui manifestæ, sed operis ratione occultiores, quas catharticas vocant, seu purgantes: ab his demum etiam aliæ obscuriores intellectu, quas vocant proprietates, ita Astrologus, inquit Ptolemæus, eodem modo procedit. Sit cuiuspiam gratia exempli Luna in tertio loco in Cancro, Saturnus verò in sexto in Libra, tunc Saturnus immoderatam frigiditatem humidamque intemperiem in cerebro Lunæ ratione operabitur, pectus quoque angustum atque debile easdem ob qualitates efficiet, ab his igitur qualitatibus immoderata pituita generabitur, quæ ob debilem naturalem calorem à Saturni siccitate factam in pulmones descendet, ab his secundo loco genitis tertia procedet dispositio, scilicet spirandi difficultas, à qua rursus extenuatio ipsius corporis & tabes, propter exsiccationem in corde factam, propter prohibitam respirationem cum frigiditate iunctam. Namque tam pulmo, quam pituita frigida supponuntur. Ecce vides quonam pacto ex Saturni & Cancri immoderata frigiditate tum humida qualitate immoderata etiam Cancri & Lunæ, tum etiam robore Saturni in Libra, & loco qui morbos decernit, atque id etiam qualitatuum primarum ratione, ut suo loco ostendetur, in tabis cognitionem futuræ deuenimus, seu præsentis seu præteritæ, atque hic modus naturali contemplationi quemadmodum Ptolemæus dicit persimilis est.

#### TEXTVS. IV.

Atque ita ne ab ullo, cui veritas curæ sit, harum rerum comparatio fiat cum prima & immutabili scientia, ubi intellexerit materiæ & illius habitudinis imbecillitatem, & difficultatem coniecturæ capiendæ.

Declarat non esse comparisonem inter hæc duo genera, quoniam inter propinqua solum est comparatio, sed scientia iudiciorum astrorum quadruplici ordine inferior est, quoad certam notitiam atque securam scientiam, quæ traditur in libro de motibus ipsorum, quem Arabes Almagestum vocant. Duos tamen Ptolemæus tantum ordines declarat, scilicet modi cognoscendi & mutationis materiæ. Namque Mathematica nobilior est scientia naturali quoniam certior hocque Philosophus fatetur. Secundus ordo est, quia in philosophia naturali etiam scientia de cælo certior est scientia istorum inferiorum, quia cælum est perpetuum & sem-

piternum, sed ista inferiora sunt corruptioni obnoxia. Tertia, scientia de astris est ex suppositis exquisitis, habitis per instrumenta & observationes, sed scientia de iudicijs, cum non habeat signa exquisita, nec cognita ad vnguem, idè minus certa redditur. Accedit quarta differentia, quia scientia de astris est simpliciter de illis, sed scientia iudiciorum est comparatiua, & idè coniecturalis, quare in certitudine non est hæc illi comparanda. Non solum autem liber de motibus astrorum duos illos habet fines à Ptolemæo descriptos, scilicet veritatis scientiæ causa & futura dignoscendi, sed etiam multos alios vsus, primum quidem in legum observatione. Iudæi enim Pascha celebrant à nouilunio, quod primum æquinoctium sequitur: Christiani & ipsi Paschatis rationem ita obseruant, ut coniunctio luminarium in diem passionis, qui tertius est ante Pascha incidere non possit. Gentes etiam omnes dies in hebdomadas iuxta septem planetarum numerum distribuerunt: similiter & ratio horarum à Solis motus diuisione sumpta est. Medici quoque ne sub Æquinoctiis aut Solsticiis medicamenta propinent, præceptum ab Hippocrate habuerunt. Idem criticos dies iuxta Lunæ motus rationem statuere. Agricola in secandis arboribus Lunam obseruant, & diligentiores etiam dum ferunt semina, aut arbores inferunt. Nautæ ex aspectu syderum, motus ventorum & qualitates temporum diiudicant. Respublicæ multæ certas habent constitutiones à syderum ratione sumptas, velut Lacedæmonij, qui iuxta Lunæ observationem egredi in expeditionem non audebant. Hæc omnia cum scientia astrorum contemplatiua etiam præter veritatis cognitionem præbeat, iure merito dubitari potest quænam harum sit nobilior? Et certè videtur scientia motus astrorum præferenda duabus rationibus, tum quia certior, tum quia sine illa hæc haberi non potest: potest etiam subiici tertia causa, quod tot alijs feruiat commodis, de quibus nuper dictum est. Sed si citra affectum rem diiudicare velimus, erit hæc disciplina iudiciorum omni scientia motus astrorum longè vtilior. Quod enim hæc sine illa haberi non possit argumentum potius est nobilitatis huius quam illius. Nam videmus in artibus vltimam, præcedentibus semper esse nobiliorum. Etenim quis dubitet artem fabricandi naues nobiliorem non esse arte secandi ligna? & nauticam ipsam non esse nobiliorem ea fabrilis parte quæ naues fabricare docet? & rursus militarem nautica, atque ita in alijs? Sed nec quod certa sit nobilitatis, aut vtilitatis argumentum est firmum, cum pleraque nobiliora, teste Aristotele, magis sint nobis ignota. Vtilitatis etiam scopus à fine sumitur, non à cognitionis qualitate aut modo. Itaque constat scientiam iudiciorum ea parte Astronomiæ, quæ de motibus tractat esse vtiliorem longè atque nobiliorem.

#### TEXTVS



## TEXTVS V.

Néve quis à contemplatione eorum, quæ percipi possint resiliat, cum videat tam in multa in vniuersum planè ab hoc circumfuso cœlo affluentes nobis causas declarare.

Cum docuisset hanc scientiam esse dubiam si ad scientiam motus astrorum comparatur, ostendit partem eam quam assequi, licet non esse contemnendam, vt verò hoc doceat, declarat eam partem esse, testimonio hoc quod multa declarant cœlum ipsum in hoc vniuersum, id est, mundum inferiorem agere, quasi dicat eadem est ratio totius atque partis, sed de parte constat, vtpote de Sole tanquam principalissimo, de Luna etiam in æstu aquarum, igitur & de aliis.

## TEXTVS VI.

Solet autem fieri, vt quidquid pauci assequi possunt, id in multorum reprehensionem incurrat.

Sententia huius loci est, quod omnis disciplina difficilis aded vt pauci eam assequi possunt, causa est vt multi illam reprehendant, quoniam cum pauci veritatem assequantur, plerique ob difficultatem decipiantur, scientia illa inanis existimatur. Contingit enim in pluribus hominibus quod in vno homine, nam si vnum hominem videris qui quampiam artem profiteatur, in pluribus verò aberret quam diuinare possit, quis illius scientiam non inanem esse dicat: Nam in multis prædictionibus quæ sine arte fiunt & omnino fortuito aliquando diuinare licet, imò contingit, & necessarium est. Ergo si in pluribus hominibus pauci diuinare soleant, multi errent cum quisque artem tenere se dicat, artem illam inanem vulgus existimabit.

## TEXTVS VII.

Harum verò duarum scientiarum, quam loco & potestate priorem diximus, si qui calumniari velint, merito cæci prorsus habeantur.

Clara est sententia huius loci quoniam Mathematicæ demonstrationes reprehendi non possunt, neque enim in his, teste Aristotele, decipi hominem contingit, aut aberrare propterea qui eam scientiam reprehendere ausus fuerit, vitio aliquo animi, velut odio disciplinæ aut liore profitentium, aut petulantia obcæcatus est. Verum dicet quispiam non ne ab Auerroë eccentrici & epicycli reprehenduntur: qui tamen ad genus demonstratiuum proculdubio pertinet: hos autem Ptolemæus in sua Magna compositione supponit. Sed non est ita, namque Ptolemæus neutrum horum esse supponit, sed dicit si ita esset, ratio motuum astrorum, & experimenta seruari possent. Conclusiones igitur quæ

Tom. V.

demonstrantur in scientia à Ptolemæo sunt admodum certæ, quamuis media sint ficta, neque hoc inconuenit, nam cum Archimedes sphaeræ magnitudinem, tum illius superficiei per conos demonstrat, quæ intus clauduntur, quique sphaeræ spatium complent, fictis vitur medijs: non enim sphaera conis constat, neque si conis inscriberentur illam complere possent, nisi prorsus essent infiniti, infinitum autem esse non potest.

## TEXTVS VIII.

Sed altera præbet sanè non leuem occasionem insectatoribus. Nam alij difficultate cognitionis adducti scientiam esse negant, alij quia non facile quæ impendere sciant, possint euitari, inutilem etiam finem cognitionis criminantur.

Nunc declarat partem scientiæ quæ ad iudicia spectat, propter difficultatem occasionem præbere maledicendi de arte duobus modis, altero quidem quod vera non sit, reliquo quod & si vera sit, inutilis tamen censeri debeat. Ex quo patet difficiliorem esse hanc scientiam, scientia motus astrorum. Tum verò relicta expositione duarum illarum obiectionum, transit ad contradicendum, verum nos decet prius exponere rationem Phauorini superius tactam, qua non veritatem artis oppugnabat, nam de hac quidam quibus forsitan temporis abundantia erat non vnum sed multos, atque etiam prægrandes scripsere libros, aded quibusdam iudicium peruersum est atque corruptum, vt propter ambitionem aut stultitiam velint tantum temporis multumque laboris in oppugnanda veritate consumere, sed eam qua inutilem docet esse artem etiam si vera sit. Eratque ratio sanè persuasiva, dicebat enim: Si quæ futura sunt mala, auerti nequeunt, & nos diuturno metu torquent atque discruciant. Sin bona, omnino etiam non præscientibus ventura erunt, atque maiore cum voluptate. Nam eam dulcedinem quam repentina felicitas affert, cognitio antequam veniat, & expectatio aufert. Itaque si futura necessaria ventura sunt, præscita aut minorem voluptatem afferunt aut maiorem tristitiam. Cui rationi Ptolemæus respondet vno verbo, quod futura possunt imitari. At Phauorinus dicet, quod talia futura non erunt, si mutari queant. Verum Ptolemæus respondebit, quod futura non sunt per se futura, sed in comparatione, velut si præsciam calorem magnum & sitim occisuram, oves meas in ædito monte pascentes excauato specu & fonte non morientur. Ergo Astrologia non est de rebus futuris, sed comparationem causarum ad suos effectus solum, his autem contingit vt futuri sint.



## TEXTVS IX.

Proinde antequam ad explicationem singillatim accedamus, placuit exponere rationem vtriusque, quatenus & possit hoc modo, & vtile sit prænosci futura. Possesse autem priore loco disputabimus.

Docebit hic Ptolemæus prius explendos illos duos errores, quibus ars inutilis esse videretur seu nulla esset, seu etiam quod esset nihil proderet. Cum enim hæc, vt declaratum est, cognitio ad artem non ad scientiam referatur sub lato fine, quo ars consistit, ars nulla esset. Sed dices ex primo Physicorum non pertinere ad artificem disputare contra negantes sua principia. Verum non ad artificem, sed ad primum Philosophum naturalem scientiis: at verò in artibus, vt Galenus facit, experimento pugnandum. Itaque primum dicit, disputabimus contra eos, qui negant aliquam esse cognitionem, deinde contra illos qui dato quod sit, affirmant esse inutilem. Ex quo patet aliquos esse mentis habitus, qui ex nullo quinque generum, in quæ habitus diuiduntur erunt, velut gratia exempli, qui figuras Geomantiæ norunt fabricare, & qui cicere collimabat merito ab Alexandro Magno contemptus, inquit enim Galenus, artificialium præceptorum commune est, vt sint vtilia.

## CAPVT II.

## TEXTVS X.

**P**Rincipio euentissimū est, & non indiget verbosa probatione, pertransire, & diffundi vim quandam ab ætherea & sempiterna natura, in vniuersa terræ circumposita & semper mutationi obnoxia, quæque sub Luna sunt prima elementa, ignis & æris, quæ quidem ipsa includantur & agitentur æthereis motibus, includant autem, & coagitent inferiora omnia, terram & aquam, & quidquid in illis nascitur animantum aut germinum. Nam & Sol ipse vnà cum cælo circumdante omnia terrestria perpetuò quasi ordinat, non modò per mutationes statorum in anno temporum, quibus animantibus vita, germinibus fructus, quibusque suis tribuitur, & laticum fluctus & corporis affectiones procurantur, verum & quotidiano circuitu, cum calefaciens & humectans, tum arefaciens & refrigerans constanti ordine, & modo profigurationibus conuenientibus ac puncto verticali nostro. Luna

verò vt proxima terris, manifestè in terrena influit, cum illa enim consentiunt & commutantur pleraque omnia & animata & inanimata. Ipsi fluuij nunc augescunt, nunc decreescunt, secundum Lunarem splendorem. Ipsaque maria impetu diuerso, pro eo ac illa oritur aut occidit, feruntur. Denique germina ac animantes, aut omnino, aut aliqua ex parte vnà cum Luna incrementa & detrimenra sentiunt. Iam stellarum decursus plurimum significant in ære, vel æstus, vel ventorum, vel hyemis, quibus conuenienter & terrena afficiuntur. Ipsarum inter se configurationes, cumque congressæ effectiones suas commiscunt, plurimarum & variarum mutationum causæ sunt. Nam quamuis Solis vires in ordine generalis constitutionis antecellant, ipsæ tamen in reliquis, aut adiiciunt aliquid illi, aut demunt. De Luna quidem res est & manifestior, & crebrior per interlunia & plenilunia, atque item medio tempore, de reliquis autem & incertior & interuallis rarior: vt dum illæ apparent aut occuluntur, aut aliqua in declinatione sunt. Quæ si quis considerauerit, facile intelliget non modò constitutiones rerum affici ab illarum motibus necesse esse, sed etiam seminum & initia, & perfectiones fingi & informari, pro habitudine cæli consequens iudicabit. Quapropter qui inter agricolas & pastores præ cæteris sunt diligentes, de statibus eorum temporum quo sementem fecerunt, aut pecus ad coitum admisere, coniecturam facere solent de euentu. Et vt breuiter dicam, quidquid in vniuersum accidit, hoc non contemplatione naturæ, sed sola obseruatione de euentibus Solis & Lunæ configurationibus, & reliquarum stellarum significationibus præuideri à plerisque cernere est.

Diuiditur hoc caput in quatuor partes principales. In prima docet esse influxus & regimen astrorum in hæc inferiora. In secunda docet hunc influxum & hoc regimen sciri posse, ibi: Atque horum nonnulla. In tertia declarat causas quare errores multi contingant in hac disciplina, ibi: Quod autem non. In quarta recolligit & docet quæ necessaria sunt, ne quis aberret, ibi: Ex his igitur. Liqueat autem quod neque plures partes erant necessariae, neque pauciores, nam cum decretum esset declarare, quod ars hæc sciri



sciri posset, & non posset hoc declarari nisi prius demonstraret rem, quæ sciri debet, esse: Hæc autem est influxus seu regimen stellarum, necessarium fuit docere primo hoc regimen hunc influxum esse. Deinde in secunda parte docere, quod hic influxus & hoc regimen sciri potest. Et quia obiciebatur quod multi aberrant in hac arte prædicendo, tertio loco respondendum erat huic objectioni docendo quibus causis fiat, ut Astrologi aberrant in iudiciis. Quarto cum instruendus esset Astrologus ne aberraret: id verò non promptè fieri poterat, nec facile aut perfectè, nisi cognitis causis propter quas homo aberraret. Nemo enim morbum ex arte sanat, nisi prius eum cognouerit: ideo pars hæc illam proximè sequitur, atque hæc de vniuersali diuisione. Cæterum de singulari cuiusque partis ratione mentione facere propter prolixitatem haud expedit: tum maxime quia Auerroës dicebat, exquisitum hunc diuidendi morem in explicandis Authoribus, quem quidam claritatis causa nomine quidem Latini, sed oratione potius barbari observant, signum esse debilitatis virtutis eius, quæ homo intelligit atque cognoscit.

Pro declaratione igitur textus, sciendum est quod Author intendit probare duo, primum quod hæc inferiora ab astris gubernantur, secundum quod dispositio astrorum, quæ ex principio aliquid generat aut facit, sufficit ad conseruandum atque gubernandum illud quod genitum est aut factum, usque quoad finem peruenierit. Hoc autem erat necessarium ipsi Ptolemæo demonstrare, quia cum propositum esset docere hanc artem sciri posse, oportebat dicere etiam astra horum inferiorum sic esse causam, ut causa illa sciri posset. causa autem illa sciri non poterat, nisi ad principij rationem deduceretur, quo cognito effectum ipsum intelligeremus. Veluti quispiam nascitur victurus quinquaginta annis, si astra solum ita agerent, velut ignis coquendo lateres, qui non nisi tamdiu coquit quam diu præsens est, amoto enim igne lateris coctio cessat, necesse esset Astrologo, ut totum hoc spatium annorum quinquaginta per singula momenta consideraret, ut scire posset quid illi vnoquoque tempore boni aut mali venturum esset. Ut igitur hoc facere non cogatur, necessarium fuit aliquod principium statuere, ex quo si non omnia ventura, saltem eorum maxima pars penderet, ut eo cognito illa cognoscerentur. Atque illud idem in medicina manifestum est, nam huius artis exemplo Ptolemæus etiam maxime utitur, nam medicus supposita temperie, quam ab initio genitura est consequutus aliquis, de illius statu toto tempore vitæ suæ constituit, unde sanum semper & ægrum aut neutrum, vel etiam ut multum appellatur. Ut igitur res ipsa melius intelligatur, scire oportet quod eisdem modis aliquid esse demonstratur, & de illo ars constituitur. Constituitur autem ars artifexque instruit, ut Gal. docet 9. Artis curatiuæ duobus modis, ratione & experimento: ita ergo Ptolemæus docet astra in hæc inferiora agere experimento atque ratione. Experimento quidem, dum

singula prosequitur astra declarando actionesque eorum. Ratione autem hac: Sol agit in ista inferiora; similiter & Luna, hoc assumptum experimento declarat, non quidem ut in aliis quod doceat, sed ab omnibus concessio, reliqua verò astra eiusdem sunt naturæ atque substantiæ cum Sole & Luna, igitur & reliqua astra in hæc inferiora agunt atque illa gubernant. Assumptam hanc propositionem secundam, facile est declarare, cum Aristoteles doceat in primo cœli quinque esse corpora tantum simplicia, è quibus vnum est cœlum, ut omnes cœli pro vno corpore habeantur. Atque hæc forsitan est causa, cur apud Latinos cœlum heteroclytum sit. Nam cum vnum tantum esset neutro genere in singulari solum dicitur. Cum verò quibusdam placeret plurali numero proferre masculino numerum illum significarunt. Unde non quemadmodum templum, & templa dicimus, sic cœlum & cœla in plurali numero. Sed cœlum atque cœli. Igitur ut ad rem reuertar, sciendum est quod & Aristoteles 2. de Generatione & Corruptione vtramque partem, quam Ptolemæus hic declarat dilucidè comprobauit, dicens: Ex planetarum accessu atque recessu in circulo obliquo fieri generationes atque corruptiones in istis inferioribus. Vnicuique etiam genito certum tempus circuitu deberi ab astris concessum quo vita peragatur, diuersumque illud esse demonstrat in quarto de generatione animalium pro cuiusque syderis natura, atque propriæ reuolutionis mensura temporis. Itaque constat ab initio cuiusque geniti constitui quoddam principium, quo cognito, totius vita illius peragratio decernatur atque cognoscatur. Verum quia hæc pars tam promptè à Ptolemæo ratione demonstrari non poterat, locum à communi consensu hominum in ea demonstranda sumpsit. Qui locus in artibus certè atque scientiis valde infirmus est atque debilis: Verum quia aduersus absurda dicentes nititur, licet eisdem armis repugnare, quibus oppugnatur. Atque hæc de generali expositione dicta sint, nunc textum ipsum quasi per paraphrasim declaremus.

Primum igitur manifestum esse supponit terram & aquam à circumfusa vndique cœlesti sempiterna natura vim quandam recipere per ignis & aëris (sequitur enim opinionem antiquorum in hoc Aristotelique attributam) medium: quæ cuncta quæ in terra & aqua seu ardores sint, seu animalia gubernantur ac agitantur: quod vero istud sit euidenter declarat, quia manifestum est Solem non solum cum cœlo hæc efficere per motum illum, quo in signifero delatus quatuor tempora constituit, in quibus manifestè omnia mutantur. Nam veræ plantæ quidem germinant, animalia verò coeunt pleraque, ut aues asinique æstate verò fructificant plantæ, pulli animalium adolefcunt, aquæ silent: autumnio cuncta senescunt & arescunt: hyeme contrahuntur & silent, contrà aquæ turgent & intumescunt, sed etiam motu diurno eadem ferè operatur. Nam ut Galenus in 6. Epidemiorum dicebat, partes diei naturalis partibus ipsius anni correspondent.



Matutina quidem veri, in qua homo latius exurgit sanguisque mouetur, lætæque omnia sunt, post meridiem verò calor ingens bilisque feruet, prima verò noctis parte melancholia dominatur, homo arefcit & contristatur, post mediam verò noctem pitiuita & somnus dulcis & iucunda quies mortalibus segnisque torpor accedit. Nam quod homines prima noctis parte profundius dormiant, non id contingit ob temporis naturam, sed ob cibos adsumptos. Illud idem in floribus contemplari licet, qui quidem matutino aperiuntur optimèque olent à meridie exarescunt odorque euanesceit, sub primam noctem quasi senescentes omninoque absque odore contrahuntur, à media nocte constringuntur & humectantur roremque excipiunt loco imbrum hyemis. Illud idem in Luna manifestum esse docet, quæ cum sit propinquissima terris, manifestè quidem animata omnia ut plantas ac belluas, ac pisces, & inanimata etiam ut maria & flumina agit ac mutat: Quædam quidem manifestius ut Oceanum magis quam mare Mediterraneum: & sinus quosdam ut Adriaticum, in quo Venetiæ, magis quam reliquam partem maris, & mare magis quam flumina, & fluminum quædam magis, ut Nilum quam reliqua. Tum verò Cancræ magis quam Pisces reliqui: piscesque ipsi magis quam belluæ, & inter belluas mures & feles, imò manifestè afficiuntur. Recitat commentator (nam hoc nomine intelligo eum cuius nomen non ascriptum est. In Ægypto fuisse Taurum sacrum, cuius genitalia pro luminis Lunæ ratione augerentur ac minuerentur. Minus autem aures quam pisces quod sicciore omnibus sint animalibus, ideoque etiam minus quam belluæ, tamen & ipsæ quoquo modo à Luna afficiuntur. Similiter & plantæ atque inter ipsas maximè lunaria appellata, ob id quod Lunæ motibus afficiatur variisque formis eius varias & ipsa induat figuras. Commentator affirmat suo tempore fuisse lapides, qui rationem incrementi Lunæ ac diminutionis sequerentur. Intellexi lapidem fuisse, qui in manus Pontificis Leonis decimi peruenit, qui pro varietate luminis Lunæ ex cœruleo in candidum transiret. Lapidem quoque in chelis cancrorum inueni mutationem luminis Lunæ sentire videntur. Alium intellexi fuisse lapidem seu gemmam, namque gemma nobilior erat in manibus Pontificis, ni fallor, Clementis septimi postquam eius mortem subreptum ac Mediolanum translatum, illoque qui eum attulerat in arce capto non potuisse tamen haberi. Is lapis maculam habebat, quæ iuxta Solis motum singulo die oriens atque occidens circumageretur. Sed & ligna cadua quæ inter inanimata meridie cœnulentur, mutationem magnam à motu Lunæ sentiunt. Et quamvis de hac mutatione contrariæ sint opiniones, mutari tamen ea constat: Sed & capilli resecti post plenilunium serius crescunt, ut qui à nouilunio celerius. Quod verò dixerit figuras conuenientes & verticis punctum causam esse ut Sol vario modo nos afficeret Idem in Luna quo-

que obseruandum est, quamvis non tamen euidenti mutatione neque insigni. At enim cum Sol in medio cœlo verticèque nostro fuerit, egregiam mutationem in aëre & animalibus parit. Sunt etiam herbæ quædam quæ iuxta Solis motum circumaguntur, velut Lupinus & Heliotropium. Similiter & ægri plerumque à meridie deterius se habent & usque ad mediam noctem, obseruatumque est plures eorum qui grauius ægrotant eo tempore mori, quam à media nocte ad meridiem usque quod in ea medietate diei naturalis, quæ à meridie est usque ad mediam noctem Sol perpetuo descendat, ut in reliqua ascendit. Quod etiam in Lunæ motu euidentius quandoque est. Sed & prælegmina vnguium & medicamentorum opera mirum in modum pro Lunæ qualitatibus immutantur. Adeoque euidenter, ut qui Astrologiam negant iudiciæque tollunt, hos tamen Lunæ effectus confiteantur. Quod verò dixerit conuenientes configurationes, intellexit primo Solis ascensum super terram, descensumque tum locum nonum atque vndecimum, qui ut inferius declarabit, quod ascendens ipsum respiciant, robore pollent, ut contra octauus atque duodecimus locus infirmissimi sunt, atque debiles, quod nulla radiorum ratione ascendenti iungantur. Demum his declaratis quæ ad Solem & Lunam pertinent, quæque manifesta iam sunt, ad genus de quo est dubitatio transit, scilicet utrum reliquæ stellæ aliquid agant in hæc inferiora, utiturque ratione & experimento. Experimento quidem sumpto, prout decet eum qui artificiosè docet, à manifestissimis: Nam ortus syderum atque occasus adeo euidentes temporum mutationes faciunt, ut ab omnibus qui naturales res scripserunt temporum obseruationes iuxta eâ descriptæ sint. Et clarissimi medicorum, inter quos Galenus, tum etiam Hippocrates, tempora anni magis ab his quam à Solis locis distinxerint. Et ut aliquid pro exemplo adducam: nonne Canicula exorients mundum immenso æstu afficit, maria turbat, plantas arefcere facit, canes in rabiem agit, siccaturque cuncta, ut contra Arcturus exorients pluuias & imbres facit? Quod etiam in configurationibus maximè autem coniunctionibus magnorum syderum, & in his præcipue qui contrariis sunt domibus (hæ autem sunt quatuor, Solis & Lunæ cum Saturno, Mercurij cum Iotie, Veneris cum Marte) facillè quilibet perspicere potest. Nam modò venti, modò frigus immensum fit. Ratione verò sic agitur: Quoniam planetæ cum iunguntur Soli, illius augment vim aut minuunt, omne enim corpus corpori iunctum, aut illud impedit aut confirmat, quo fit, ut cum ex eodem genere sint, ut etiam illius potentiam varient; augeant minuantque. Atque id verum est de corporibus quæ cum lumine coniuncta sunt. Nam si quis ingenti faci exiguum candelam approximauerit, videbit & lumen & opus variari, nam & prius lumen confundetur aliqua ex parte, & diuersa erit ratio caloris, maiorque ex parte ubi lumen ipsum affuerit. Atque hæc ita fiunt, cum ta-



men candela ipsa neque colligat, neque reflectat lumen ipsius facis. Rursus verò loco candela speculum applicetur quanquam exiguum, videbis quantam varietatem & in lumine, & in calore, & in umbris pariat. Modo verò sydera cum Sole vicem & speculi. & candela referunt, nec parua adeo sunt, imò quædam parum diametri comparatione à Solis magnitudine differunt, veluti Iupiter & Saturnus & Canicula, quam etiam Sole longè maiorem esse haud dubium est, manifestum facit quantam mutationem in influxibus Solis atque operibus factura sint. Videtur enim actio Solis maxima esse atque præcipua, non tamen sola atque invariabilis. Quòd autem ita sit per Lunæ cum Sole congressus hoc demonstrat. Nam proculdubio iam de Luna conclusum est quod multa operetur & agat quasi per se: ergo etiam cum Sole agere & operari manifestum est, per ea quæ nuper adduximus exempla. Sed & commentator pro exemplo addit quod tria faciunt ad temperiem hyemis, Mars in Cancro & Leone, Saturnus in Aquario, & Iupiter cum Sole. Eadem æstatem æstuosam & longissimam reddunt. Ratione quidem clara conspicuaque. Nam Saturnus cum plurimum abest, frigus angere non potest. Mars quidam parvus Sol est, Iupiter cum Sole calorem illius maximè auget & fouet. Contrariis rationibus hyems saua & æstas temperata fiet, ut si Sol & Mars, & Iupiter absint in Aquario, Saturnus verò in Cancro vel Leone. Illud igitur idem eadem ratione & in aliis syderibus manifestum erit: verum, inquit, cum reliqua sydera omnia tardius motu proprio longè quàm Luna moueantur, idcirco tribus de causis, quarum tamen tantum duas explicat, syderum aliorum opera obscuriora sunt quàm Lunæ. Prima quod propter tarditatem, non adeo frequenter licet obseruare actiones eorum. Secundo quod tempus exquisitum non adeo licet habere declinationis, aut conjunctionis vel occultationis, aut cum primum apparere incipit propter motus tarditatem, unde incerta sit obseruationis ratio. Tertia quia eadem tarditate fit, ut opus ipsum sensim fiat: quod autem sensim fit occultius est, quam quod statim etiam si longè sit maius, veluti de motu Solis in cælo & lapidis proiecti in aëre, si alter ad alterum comparetur, liquet. Quæ si quis consideret non modo in temporum constitutionibus, sed etiam in seminibus serendis propagandisque plantis, cæterisque aliis utpote pecoribus & iumentis procreandis sydera esse causas, atque obseruanda esse existimabit. Testimonium verò sumit à pastoribus & agricolis, qui ex ventorum varietate prouentum segetum & propagationem animalium certa ratione coniectantur. At verò ventos cum ad generalem pertineant constitutionem ex syderum configurationibus pendere docuit. Igitur à primò ad vltimum propagationes animalium & prouentus segetum, taliaque omnia eiusmodi à syderibus pendent. Et ut breuiter dicam quidquid in vniuerso fit, seu ad temporum mutationes per-

tineat, seu ad generationem interitumque plantarum aut animalium, id totum ad syderum motus & naturas atque configurationes referri debet, atque ex his præcognosci. Quandoquidem eos qui talia prædicunt non ex natura rerum, neque ex parte cognitionis quàm à philosophia sumplerint, sed ex syderum obseruatione prædicere videmus.

## TEXTVS XI.

Atque horum nonnulla excellentiore quadam vi & simpliciore ordine procedentia intelligunt, non modo penitus indocti homines, sed & bruta animalia quædam, sicuti sunt temporum & statuum annua discrimina, quorum semper est Sol author. Quæ verò maioris negotij sunt, ea tamen non fugiunt quosdam necessitate rerum suarum adactos ad obseruationes. Ut nauitæ, sciunt illi quidem significationes certas hyemis & ventorum, quas dant & Lunæ & fixarum stellarum cum Sole configurationes: verum quia neque tempora neque loca, quippe imperiti Astronomicæ scientiæ, notata, neque cursus stellarum errantium collectos habent, idè non raro contingit illos errare. Quid autem obstabit quo minus qui exquisierit stellarum omnium atque Solis & Lunæ motus, ut iam nullum configurationum neque tempus, neque locum ignoret, si etiam ordine & consequentia expositionis harum rerum percepto distinctas naturas omnium quæ diximus perspexerit, non iam dico quæ in rebus subiectis appareant, sed quarum effectiones potestate cõstent, ut quod Sol calfacit, Luna humectet, deque reliquis similiter, si quæ is sit, cui ingenium hac in parte suppetat, quid inquam, obstabit, quominus naturaliter & certo ex omni commistione, proprietatem habitudinū discernere possit, ita ut de quocunque tempore proposito explicet iuxta rationem eorum, quæ tum in cœlesti contemplatione obseruauit, circumfusi cœli proprium modum & statum, veluti futurum aut calidiorum, aut humidiorum? Similiter ut hominum propriæ singulorum constitutionis generalem cognitionem habeat, collectam à statu circundantis cœli, veluti corpus alicuius tale esse, talem autem animum, quæ etiam consequeretur casuum singularium præuisio, nempe quod talis cœli status



rus, tali constitutioni aptus sit & conducatur ad prosperitatem, talis vero contrarius & in aduersa impellat. Hæc igitur fieri posse ut percipiantur, ex his atque similibus facile patet.

Exequitur propositam rem declarare atque principalem, scilicet futurarum rerum per astra certam esse scientiam, atque illam hoc modo ad syllogismum reducemus orationem. Quæcunque ex simplicibus constant quæ facile cognosci possunt, ab ea excellentiore ingenio & diligentiore cura cognosci possunt, verum astronomica talia sunt, igitur astronomicorum iudiciorum scientia habetur. Maiorem propositionem declarat, quia quædam sunt adeo euentia, & simpliciore ordine procedunt, & ab efficacibus causis eueniunt, ut non solum homines parui ingenij, verum bruta animalia quadam vi naturæ, occultaque præcognoscant, veluti tempora anni, quis enim ignorat mense Decembri futuram Hyemem, Martij Ver, Iunij Æstatem. Vnde & piscium genera quædam apparant se gregatim ad peregrationes antequam tempora aduenerint. Et similiter aues nidos præparant. Similiter & Fauonij post initium Februarij spirare incipiunt, ut Etesia sub æstate, quos ventos ut & alios certis ferme temporibus adeo tuto expectare licet, ut reditum planetarum ad loca constituta, omnia autem hæc ob id facile dignoscuntur, quoniam à Solis motu pendent. Porro cum Solis motus sit inter omnium syderum simplicissimus, & Sol ipse astrorum potentissimus, ut non facile impediri possit quod decernit, & certo & facile, & constitutis temporibus præscire quæ expectantur contingit. Quæ vero motus magis varios habent, & non adeo robusta sunt, sunt tamen simplicia, ab his qui non omnino rudes sunt, sed aliquam artem tenent, præsciri possunt, velut ea quæ à Lunæ & stellarum fixarum cum Sole configurationibus pendent, qualia sunt procellarum & ventorum fortuiti quidam euentus naturæ cognoscunt. Et si motuum astrorum paulò diligentior notitiam haberent, exquisita talia prædicere possent. Quid igitur obstat quod si quis naturam horum syderum perspectam habuerit, & numerum motuum perfecte teneat, sit quoque præstantis ingenij vir, & norit ordinem & consequentia rectè concludere, quin per has notas qualitates calidi, frigidi, humidi & sicci, quocunque tempore proposito ac loco qualitates status aëris cognoscere non possit? Inde ut ex qualitate circumdantis non aëris etiam qualitatem corporis primo quidem generaliter omnium hominum simul, deinde singulorum dum nascuntur, ultimo vero præsentis status, agnoscat. Vtpote si Soli Mars iningat in Leone arida quidem primo atque feruens erit constitutio temporis illius, tum vero omnium hominum generaliter: & qui eo nascentur tempore calidi erunt, atque sicci immoderate, præsertim cordis, atque ob id

animi iracundi, crudelis, ambitiosi, prompti, rapacisque. Qui vero iam nati sunt his quidem qui frigida & humida sunt intemperie præditi salutem afferet corporis, atque animi moderationem: illis vero qui calido & sicco sunt temperamento, ardorem, æstum, morbosque ob id biliosus, iram quoque imò iracundiam & præcipitem animum præstabit, hæcicos vero debilesque iam factos immoderata caloris & siccitatis intemperie enecabit. Manifestum est igitur quonam pacto ex simplicibus qualitatibus, ac primis stellarum Ptolemæus in constitutionem temporis primo, inde hominum generaliter, tum temperiei singulorum, tum qualitatum corporis (qui enim calidi & sicci cordis sunt, hi idem hirsuti pectore & graciles erunt) inde ad animi qualitates procedens, audaciæ puta & furoris cognitionem deueniat. Deinde etiam ad singulorum salutem, aut morbos, aut mortem, aut casus alios fortuitos procedet.

Constat autem ex his rerumque ipsarum natura quædam iam factis ex astris decerni, quædam his quæ nondum facta sunt, iuxtaque hæc duo prædictionis esse genera. Veluti si homo valebit, dicabitur, pugnabit, longæuus erit: circa facta versatur. An tempus hoc ferendo aut propagationi opportunum: circa faciendâ. Atque hæc de textus expositione dicta sint.

Cæteram tria quæ ac intellectum pertinent silentio pertransire non par est, primum quidem quod manifestum est, Ptolemæum existimare mutationes corporum humanorum, cæterorumque non fieri nisi per ambientis non aëris mutationem, utque dicebat Poëta:

*Limus ut hic durefcit, & hæc ut cera liquefcit*

*Vno eodemque igni.*

Sic ex ambientis eadem constitutione varios in variis corporibus effectus contingere atque etiam casus. Alterum est quod quantum Ptolemæus omnia in primas qualitates referre videatur, non tamen id haud verum est, aut verum esse putat. Nam inferius edocebit ex figurarum natura & proprietatibus etiam stellarum, propria quædam significata, propriosque quosdam casus, & euentus pendere. Et iure merito quidem, nam & medici proprietate rerum quasdam habent, quæ vel omnino à primis non pendent qualitatibus, vel omnino in illas referri nequeunt vlla certa ratione. Quod perinde est quantum ad artis tractationem pertinet, ac si omnino ab illis non dependeant, causa vero propter quam Author hic harum proprietatum non meminerit, sed omnia in primas transfulerit qualitates duplex est. Prima quidem, ut aduersus negantes Astrologiam euentibus & manifestis suppositis, atque principiis procederet, Altera ut doceret lectores se artificiosam non inconditam tradere doctrinam. Quamobrem & Galen. in libris de Simplicium medicamentorum facultatibus in totum ab hoc genere causarum abstinuit. Non quod illas esse non crederet, nam de eis ibidem tractaturum seorsum pollice



pollicetur, sed quoniam tractatio illa quamuis pulcherrima in artem tamen reduci non poterat. Nunc verò tertium adiciendum præceptum est, quod docemur ut manifestissima esse intelligamus opera vniuscuiusque sideris, quanto sideris ipsum maius est, ac motus velocior, veluti ut exillimemus manifestissima esse opera Lunæ post Solem, inde Veneris post Mercurij. Nam Mercurius ut celerior est, ita Venus robustior ob magnitudinem, inde Saturni post Iouis, atque hæc in comparatione ad Solem. Mars igitur obscuriora habet opera, quod serius Soli coniungatur, sitque minor Ioue & Saturno. Stellarum verò fixarum opus manifestius est opere trium superiorum, earum dico quæ magnitudinis sunt conspicuæ, aut saltem mediocris cum parua latitudine, minus verò quam Mercurij & Veneris. Quoniam enim tardissime mouentur singulo fermè anno, imò dicam simpliciter singulis annis Soli iunguntur. Venus verò propter epicyclum sæpius, ac longè sæpius Mercurius iunguntur Soli in anno. Quo verò ad opera Lunæ, fixæ quidem manifestiora ostendunt opera & maiora, inde Saturnus, deinde Iupiter, ac Mars, & Venus, ac Mercurius. Horum omnium causa est, quod sæpius redeunte planeta leuiore ad congressum alterius qui tardius mouetur, seu per coniunctionem, seu per radios illi applicetur, proportionem enim hæc sibi inuicem respondent, quod polliciti fuerant ab initio sæpius reperendo confirmant atque augent. Verum Venus ac Mercurius cum nunquam Solem respiciant, alios loco horum affectus patiuntur, illius comparatione.

## TEXTVS XII.

Quod autem non sine causa, quamuis immeritò, quasi fieri, ut percipiantur, nequeat, calumniam sustinent, nunc deinceps docere conabimur.

Hic incipit tertia pars præsentis capitis, qua docet causas errorum in indicando, diuiditurque in tres partes proprias, in quarum prima ostendit duas causas generales errorum, qui contingunt his, qui futura prædicere student, huius partis initium est. (Primum quidem) In secunda docet duas causas errorum, qui contingunt in prædicendo de constitutionibus temporum, ibi: At est manifestum. In tertia ostendit tres causas principales errandi in prædicendo casus hominum per natiuitates, ibi: Quod autem ad. Subiicit ergo primam causam generalem.

## TEXTVS XIII.

Primum quidem intelligendum multa errata, eorum qui parum accuratè in re magnæ & multiplicis considerationis versentur, derogare

fidem scientiæ, & facere ut fortuita videantur etiam quæ veritatem complectuntur. Quod non rectè fit. Nam hæc imbecillitas non est scientiæ, sed professorum.

Primum hoc peccatum quamuis videatur vulgare, non tamen est negligendum. Nam hoc tempore maximè viget. Nam rem difficillimam, & maximæ industriæ adeò oscitanter tractant, ut artem in maximam vituperationem deduxerint. Nec immeritò dicere solebat Ioannes Marlianus vir grauis iudicij. Si vis diuinare, totum contrarium ad vnguem dicito eius quod Astrologi, aut pollicentur, aut minitantur. Adeò verò in hoc errauerunt, ut non inanem tantum, sed infamem disciplinam reddiderint. Neque enim vix centesimam, aut laboris, aut industriæ, aut diligentiae aut temporis, partem impendunt eius quam impendere debent. Nec solum tunc cum inquirere volumus futura negligentia delinquimus, sed cum ars ipsa discenda est, laborare oportet. Oportet enim, ut Ptolemæus etiam docet, eam qui vult hanc artem profiteri cum honore & laude, ut has omnes duodecim conditiones habeat. Prima, ut sit valde ingeniosus: secunda, ut sit valde memor: tertia, ut sit prudens & boni iudicij: quarta, ut veritatem omnibus aliis præponat: quinta, ut sit bonus Dialecticus: sexta, ut sit bonus Philosophus naturalis: septima, ut optimè calleat astrorum scientiam, quæ motus & locos docet eorum: octaua, ut sit bonus Arithmeticus: nona, ut clarissimos sui temporis viros audierit, & qui experimenta artis de se egregia & admiranda dederint, similiter & operam his libris dederit, qui à clarissimis eius artis Authoribus conscripti fuerunt: decima, ut sit assiduus in studiis & laboribus, atque illi arti fermè totus intentus: undecima, ut diu ac longo tempore operam dederit ipsi arti, multaque per se experimenta collegerit: duodecima, ut agriculturæ, nauticæ, militaris, ac medicæ artis, tum situs locorum, habitus hominum, morum illius regionis, legum, & religionis, consuetudinisque, ventorum, & generaliter omnium rerum quandam habeat mediocrem cognitionem. Nam si Architecto hæc necessaria sunt, teste Vitruuio, qui de Solis ædificijs tractat, & quæ tractat sub sensibus habet, quid de Astrologo dicendum est, cuius contemplatio de omnibus est, & absque sensuum auxilio. Itaque quantum & qualiter peccent qui hanc artem tractant, & quam pauci sunt ad illam idonei manifestum esse existimo. Atque hæc certè causa errandi maior per se est omnibus aliis, etiam pariter acceptis.

## TEXTVS XIV.

Præterea bona pars quæstus gratia huius scientiæ nomen & dignitatem aliis artibus vaticinatricibus prætexere consueuere, qui cum

fidem



fidem apud vulgus intenerint, illis quidem imponunt, cum videantur prædicere plurima, atque ea quoque quibus prædictis naturalis nulla ratio subfit, verum qui rerum inquisitioni student, ex eo ipso etiam damnant prædictiones naturalibus rationibus munitas. Sed iniuria, nisi & philosophiam è medio tollendam censeamus, idcirco quod qui illam professi sint, nonnulli improbi reperiantur.

Similem hunc errorem præcedenti, docet Ptolemæus ex hoc quod vitia Artificum in artem reici non debent: Verum dissimilem, quia præcedens error ad negligentiam, aut naturæ defectum pertinet, hic verò ad mores cum lucri causa alias inanes tractando illas Astrologiæ velamine muniunt. Quemadmodum Geomantici qui primam figuram certò signo tribuunt, ut gratia exempli minore fortunæ Taurum, atque inde secundæ Geminos, ac terciæ Cancrum, & ita usque ad duodecimam figuram. Similiter & planetas eis adscribunt impudentissimo mendacio. Alij verò quod natus sit in die Martis, vel Mercurij, Luna quinta vel sexta, mense Octobris, gratia exempli, fabulosam texentes historiam de futuris, artem naturalem & egregiam infamem reddunt. Quidam nomen proprium & matris in numeros digerunt, & numeris planetas & signa adscribunt, mendacijs absurdas artem hanc vituperantes. Sunt & qui cum non sint videri volunt lucrique cupiditate artem profitentur, quam vix à limine salutarunt. Velut de illo refert Haly, qui quod vellet egregius Astrologus videri, dixit se mirari quod cum cor Leonis (stella hæc est egregia signiferi) ad quintam decimam partem Leonis peruenerit, quodd mundus non conflagraret. Stultissimam hanc vocem audiens quispiam ab eo quem peritissimum in arte iudicat, præsertim eo tempore quo fortè fortuna maxima sæuit hyems, quis non irrideat meritò artis tam egregia & præclara iudicia? Neque id rarò euenit, ut rectè Petrus Aretinus scurra famosissimus, dixerit, Astrologos pulchrè prædixisse diluuium anno 1524. quo mense nullus vnquam serenior extiterit. Neque enim eo anno Februarius pluuias dedit, vel etiam saltem nebulas, cum soleat reliquis annis pluuiosus mensis esse. Atque id egregium vaticinium è sex errantium syderum concursu (omnibus quippe præter Lunam quod mirum est in piscibus) ortum habuit. Tercium genus est eorum qui quæ præstari non possunt arte, per artem pollicentur. Vnde ridiculi cum euadant ipsi arti infamiam tribuunt. Velut de quodam recitat Haly, qui ex Marte in secundo loco volebat propriarum vestium furtum significari. Cum neque hoc de furtis propriarum vestium ab Astrologo possit prædicti, quippe nimis singulare est. Nec si possit prædicti ex tam generali causa prædicere licebit. Igitur hæc supra artem sunt, quæ tamen lucri causa illi

præstare pollicentur. Quartum genus est eorum qui ob lucri eiusdem cupiditatem res inanes confixerunt, ut partes & gradus debilitatis & putei, taliæque multa quæ non solum ab Arabibus, verum & à Guidone Bonato atque conditoribus Ephemeridum descripta sunt. Atque his eisdemque rationibus interrogationes, atque electiones finxerunt, quibus pecunias corraderent. Vnde tecum æstima lector qualem risum mouerint qui vendita electione, infelicissimum illi exitum pepererunt. Cum multi in eadè causa nullo videntes Astrologi consilio felicissimè rem peragant. Atque ut ex multis vnum euidentis ac præclari exitus exemplum referam hominis à me cogniti: Fuerat Princeps Mediolanensis provinciæ Ludouicus Sfortia qui quæstuosum Astrologum, quique nihil minus quàm Astrologiam sciret (erat enim ex his quos Ptolemæus hic meritò fugillat) alerèt, eumque ditauerat egregiè centum atque plus magnis aureis talentis. Ab hoc pro tanta mercede tempus vniciue negotio inchoando præscribatur, adeò ridiculè ut sapientissimus alioquin princeps cogeretur tempestatibus maximis equos conscendere, totamque auleam cohortem & stipatores per medios imbres per cœnum atque lutum tanquam hostes, vel infecuturus, vel fugiturus deducere. Nescio an Astrologi amentia, an ambitione summa, an potius irrisione: Ut qui Principi ipsi talibus commentis per flagitium illuderet. Atque ei quod nullis alijs prorsus provinciæ nostræ Principibus contingerit vnquam, euenit, ut Regno ab inimico Rege spoliatus, & captus miserè vitam in carceribus, etiam colapho accepto, & in clatrata ferrea dormiens finierit. Itaque id ad artis vituperationem minimè pertinet. Vnaquæque enim ars quanto nobilior est eò perniciosior, si per sycophantas administratur. Quid enim sanctius religione? quid iniquius perditio sacerdote? Quid melius Iurisprudencia? quid deterius improbo Iuriconsulto? Medicina vtilissima est humano generi, venefici & ipsi titulo sanctissimæ artis, pessima admittunt flagitia. Sextum genus hominum, qui eadem causa peccant eorum est, qui seruientes Principibus aut magnis viris, ut pecuniam extorqueant, leuissima quæque, & quæ nullius propè sunt momenti felicitatis indicia pro maximis ac securissimis dant. Quod familiarissimum est Iulio Firmico. Is enim ex minimis causis atque configurationibus, puta accessu Lunæ plenæ luminibus ad Iouem, provincias, & administrationes, & regna etiam decernit. Nescio an impudentius, an stolidius cum multi talem habentes configurationem vomere terram vertant, aut in parua nauicula operam menstruam alijs collocent; Ptolemæus tamen primi generis tantum meminit tanquam notissimi, & cuius medio cum causa ut dictum est nota sit, atque eadem, scilicet lucrum, alia membra diuisionis nota sunt.

#### TEXTVS XV.

At est manifestum, multum falli  
in



in hac parte etiam diligentissimos & summo studio in Mathematicis versatos. Non fit hoc propter quicquam eorum quæ diximus, sed rei natura, & infirmitate profitentium in tanto onere professionis. Nam præter id quod materiam quomodo se habeat generaliter consideramus, nec certa scientia, sed coniectura, præsertim quæ ex multis diuersisque rebus concreta sit, hoc quoque accidit, ut configurationes quas veteres tradiderunt, & quibus nos iudicia accommodare consueuimus, pronunciantes de iis, quas nunc obseruamus, ut illi olim: eas configurationes ne semel quidem cum nostris similes, & congruentes reperire contigerit. Nam magis quidem, aut minus concordare possunt, atque id quidem immensis temporum ambagibus, prorsus autem conuenire nullo modo, cum omnium rerum, cælestium simul ac terrestrium instauratio (nisi cui lubeat inanitate quadam gloriosa ostentare scientiam & perceptionem earum rerum quarum nulla esse potest) aut non sit prorsus expectanda, aut non intra saltem tempus, quod humano intellectu comprehendatur. Si quando igitur in prædicendo erratum fuerit commissum, ex eo usu venit, quod subiecta exempla dissimilia inter se fuerint. Atque hæc vna est in aëris exploratione difficultas, ad quam nulla accedit causa comperiendorum motuum cælestium.

Non solum ex errore artificium negligentiaque aut etiam improbitate Astronomica diuinatione perculsa est, adeo ut nostris temporibus in tantum contemptum abierit, ut Astronomum consensus hominum communis, dicere aliud non existimet, quam factum, quam stultum, quam insanum, ita perseverans improbitas artificum artem ipsam perdidit. Neque desperandum ob id gloriam artis redimi posse, neque vitium id artis huius quisquam esse putet, sed temporum conditione ita ferente, cum Galenus testetur suo tempore actum esse de Medicina, nisi quis Deus humani generis miseris auxilietur, & tamen modo nuper reuiuiscit atque floret: Ita haud inconueniens est artem hanc, quæ olim quandoque ut temporibus Gordianorum senioris ac iunioris casarum floruit, aliquando etiam pristinae suæ dignitati restituendam esse: Et certe nostra quantulacunque sedulitate sola effectum est, ut si ars gloriæ esse non potuerit, tam profligatis eius rebus, saltem dedecori non futura sit: Atque pro vna Ge-

Tom. V.

nitura centum coronatos habuerimus, aliaque reiecerimus non minore honorario remunerandas, & nobis quidem nisi maiora impedimento fuissent negotia magnarum diuitiarum, vel hoc solo nomine accessio in promptu erat. Neque euentus prædictionum minores fuerunt, ab arte à nobis restituta, præmiorum spe, aut principum sollicitationibus: neque si in medicina tot sint artifices nebulones, tam pauci synceri professores, maiorem illa habitura est auctoritatem apud homines quam Astrologia. Sed etiam quippiam proprium est Astronomicæ tractationi, quo necesse est artificem falli. Idque cum Ptolemæus Philosophus esset, ac verax fateri maluit, quam dissimulare. Est etiam egregiorum virorum mos errata propria fateri, quoniam præstat se virum probum atque veridicum ostendere, quam mendacis, & dissimulatione sapientem. Tanta enim est huius artis præstantia, ut etiam si quandoque contingat, qui etiam in aliis artibus veluti medicina error necessarius, nihilominus, neque ars ipsa, neque artifex ulli alteri cedat. Nam & in septimo Epidemiorum quicumque illius libri author fuit (& certe vir egregius fuit) ingenuè fassus est deceptum se futura capitis. Et Philosophus testatus est præstantius esse, atque melius de rebus maximis, vel minimum scire, quam de minimis vniuersa. Itaque neque scientia ipsa iudiciorum, nec qui eam profitemur minoris æstimanda erunt, aut existimationem suam minuent, si quandoque (tamen raro eueniet) error incidat necessarius. Atque hæc præfari necessarium fore duxi, nunc ad textus expositionem deuenio.

Cum in omni actione naturali duæ causæ sint omnibus quidem manifestæ atque principales, scilicet materia & efficiens, nam finis & forma in faciendo non concurrunt, sed alterum eorum necessarium est, ut fiat, alterum verò ut factum sit, ut actionis quidem sint duæ tantum illæ causæ priores, effectus autem omnes quatuor. In vtraque causa principali Astrologum peccare contingit: in materia quidem quoniam coniectura illam assequimur, præsertim cum ex multis conflata fuerit, velut cum de homine agimus. Atque in hac scientia hæc est longe inferior scientia Fati, ut in libro de Fato scripsimus. Et ob id contingit multa animalia magis præscire futura, & ecstasim patientes & per somnum, & longè magis oracula, itemque sortes quam Astrologum. Exquisitius enim ista scire possunt, quam Astrologus, quoniam totius materiæ imaginem habent, quam Astrologus comprehendere aliquando non potest, quamuis sagacissimus & diligentissimus. Sed tamen illorum scientia fortuita est, nec Astrologi scientiæ comparanda, cuius est certa ars atque præcepta. Altera causa est, quoniam configurationem cælorum nostris temporibus similes non sint, neque esse possunt antiquis, quarum similitudine ars ipsa confecta est. Ars enim omnis à sensu & obseruatione initium ducit, ut etiā Aristoteles docet in Analiticis. Quamobrem cum Sol semper calefa-

K



calefaciat, & Luna humectet, non tamen neque quantum, neque quam celeriter illud faciant, nisi per observationes, constat. Itaque cum propter hoc, tum propter proprias vires de quibus dictum est superius, necessarium est ignoratis observationibus Astrologum de inquirere. At necessarium est, ut hæc observationes aliqua ex parte à prioribus differant, neque enim ad vnguem concursus syderum in æternum in idem redibit, aut saltem in tempore tanto cuius memoria humana, aut libri sint capaces. Alludit autem ad illud Virgilianum:

*Atque iterum ad Troiam magnus mittetur Achilles.*

Et opinionem illorum Platonis de Anno Magno qui constabat triginta sex millibus annis Solaribus: in tanto enim tempore octauus orbis, qui stellas omnes quas videmus continet, circumuoluitur. Fuerit igitur gratia exempli, coniunctio aliqua Saturni, atque Iouis in initio Arietis, ante tempus Seruatoris nostri, cum stellis ut tunc erant initij Arietis, redeunte in eundem locum coniunctione, quæ non nisi post nongentos annos reuerti potest, stella illæ iam nouem penè partibus processerunt: aliæ verò ex piscibus ad eum locum accesserunt, quo fit ut duplex discrimen sit præcedentis coniunctionis à posteriore, ut ex priore quid posterior decernat ad vnguem statuere non possimus. Similiter & in coniunctionibus ipsis solum Planetarum discrimen est, ut quamuis ad eandem partem redeant, neque id tamen nisi post multos ac multos annos, imò post multa secula, non tamen in eodem minuto partis reditus fiet. Et quamquam etiam ad idem minutum rediret, non tamen in ea parte Epicyclus, aut eccentricus absidem habebit in qua prius, quo fit, ut Planeta ipse altior sit, vel humilior quam in priore coniunctione. Erit etiam Planeta aliam habens latitudinem, aut in alia cœli parte collocatus, utpote in priore in nono loco, in posteriore in duodecimo, ut quæ in Gallia circa religionem significantur in priore congressu, significantur supra discordias in posteriore. Et quæ eadem sunt obiecto, utpote circa religionem in Palæstina per primam coniunctionem, in Gallia per secundam expectare oportet. Illud præterea contingit, cuius exemplum præstitisse referunt Publicum Nigidium Figulum: Is enim accepta rota duabusque simul effusis guttis, dum celerrimè illam versaret ac toto impetu, ubi rota moueri destitit, guttæ quæ simul ceciderant, procul altera ab altera inuentæ sunt, quòd ex astris nihil eodem modo atque cœlo, horum inferiorum comparatione, procedit. Vnde Albubater in libro de Natiuitatibus refert, singulo horæ momento ascendere viginti quatuor millia Roboat cœli, quorum singulum diuersam habeat naturam atque colorem. Istud verò quam ratione dicere potuerit incertum est, sed tamen hac ratione dictum existimo, quod cum cœli octauæ magnitudo tanta sit, ut si etiam in mille quadringentas quadraginta partes diuidatur, totidem enim

momenta horæ in vno die naturali contineri certum est, vnaquæque pars plusquam ducenta millia Italicorum milliariorum continebit. Atque hæc vna est difficultas cognoscendi aëris qualitates, scilicet non reuerti congressus aut configurationes, ad quam dissoluendam nulla cognoscendorum motuum cœlestium diligentia accedere potest.

Huc usque duas causas explicauimus propter quas in diiudicandis aëris qualitatibus Astrologi falluntur, atque vtinam hæc tantum esset causa, seu causæ in permutandis aëris qualitatibus, nempe venti afferunt & referunt nubes, ut necesse sit etiam illorum originem nosse: Sed Ptolemæus vult, à vëpitis initium prædicendi sumamus. Porro qualitates quæ in ambientem aërem referuntur, si non sint qualis lux (atque id rationi consentaneum est fieri) necesse est, ut flante vento syderum constitutiones & promissa ex vno in alium hominem, & ex vna in aliam regionem transferantur, alterque pro altero occidetur, aut infirmabitur, aut dubitabitur: quæ omnia cum absurda sint, dicendum est ea, quæ in continent ab astris recipiuntur, quædam quidem ut qualitates, quædam ut sonos, quædam verò ut lucem recipi. Qualitates quidem plenè transmutantur ex loco in locum lux nequaquam, sonus verò medio modo. Impressiones quoque quæ à cœlo fiunt per consensum recipiuntur in subiectis non secus ac Hercules lapis vires a certa cœli parte obtinet. Atque hæc sola ratio est, qua & Ptolemæi opinionem & scientiæ iudiciorum authoritatem, & veritatem, & ipsam aduersus nimis callidas contradicentium disputationes tueri possumus. Iam uerò ubi diligenter vtrasque has difficultates quas Ptolemæus proponit euaserimus, via nobis latissima aperta est. Maior etenim vis astrorum est, quam ut quisque eam existimare possit. Namque & Legum mutationes, & Imperia, & miracula naturæ quæ varij in varia referunt ab his prodeunt. Naturæ miracula dixi, non quæ diuina fiunt præuidentia, ut mortuorum resurrectio. Itaque Ptolemæi via, velut & Aristotelis in Philosophia, sic ab errore remotio est in tradendis regulis eorum quæ futura sunt, ut illustres prædictiones atque admirabiles pariat.

## TEXTVS XVI.

Quod autem ad Genethliologica & alia singulatim, & peculiariter compositarum rerum iudicia attinet, permulta cernere est, quæ singulares constitutiones illarum adiuuent, & conficiant. Quis enim nescit quantum seminum diuersitas ad proprietatem generis vniuscuiusque momenti habeat, cum & hoc ipsius cœli circumfusi & definiti omnibus terris hemisphærij ambitus opus sit, ut vires omnibus seminibus instruantur, quibus vnumquodque in sui generis effectione



fectione, & informatione excellat, ut hominis, æqui, & cæterorum.

Iam declarauit difficultates quæ in qualitatibus æris cognoscendia contingunt, atque ex his duo nos Ptolemæus docet, vnum quod quæ frequentius reuertuntur exquisitiùs etiam cognosci possunt, quia sæpius reuertendo proximius etiam ad loca præcedentium congressuum accedunt: Atque ex his per successum prioris experientiam confirmare licet, ut ex multis experientiis ars confletur iuxta præcepta Aristotelis. Notissimi igitur primo sunt congressus Lunæ cum fixis stellis inde cum Sole, post cum Saturno, atque aliis Planetis. Quarto loco congressus sunt Solis cum fixis stellis, inde cum Saturno, post cum aliis Planetis. Septimo loco congressus sunt Mercurij cum Sole, & cum fixis stellis, & cum Saturno. Decimo & undecimo, & duodecimo sunt congressus Veneris cum iisdem Mercurij verò & Veneris congressus tertium decimum locum obtinent. Reliqui vix noti sunt. Saturni quidem & Iouis propter tarditatem motus. Martis autem propter parui orbis in quo defertur magnitudinem. Reliquum est, quod Ptolemæus cum causas illas proprias esse censuerit qualitatibus æris, docuit nos non ex ambientis mutatione, vel sola, vel maxime immutari corpora nostra, sed per impressionem factam quidem medio ambientis. Sed ut dictum est lucis causæ per lumen. Hic igitur declarat tres causas principales. Nam plures longè sunt quibus promissa astrorum minuuntur, aut augentur, aut peruertuntur; quarum prima est natura seminis, & eius augmentum est à notissimis, si lactuca & quercus & ouis eodem momento generentur, & eodem loco ex eadem constitutione astrorum oriuntur, & tamen omnino diuersa sunt: Igitur si ex diuersis hominibus filij nascantur quamuis eodem tempore & loco, tamen pro natura parentum erunt diuersæ naturæ, formæ, & ingenij, & fortunæ. Recitat Aristoteles, quod si canis ex cane non venatico oriatur vix in sex mensibus instruitur (venat cum dico ex eorum genere qui retiarij appellantur) si ex venatico in quindecim diebus eruditur. Illud Horatianum in mentem mihi venit:

*Nec imbellem feroces  
Progenerant aquila columbam.*

### TEXTVS XVII.

Loci etiam in quibus gignimur, ne ipsi quidem mediocres mutationes afferunt constitutionibus. Nam & singulorum generum feminibus propositis, ut exempli gratia, humanis, & eodem in statu æris, tamen multum diuersis in locis geniti, & corporibus & animi inter se differre comperimus.

*Tom. V.*

Quis dubitare potest mores Gallorum, & Italarum, & Anglorum, & Æthiopum, & Indorum, & temperaturas & vitam non differre multum inuicem? Atque hic narrauit duo principia, quæ sunt intima & causæ per senatorum, patria quidem generale, parentes autem proprium, plus autem potest proprium principium quam generale: Vnde filius robusti Æthiopis validior erit filio debilis Germani. Cum igitur tractasset de principiis propriis & generalibus per essentiam, transit ad principia exteriora. Manifestum est igitur quod genere plura esse non potuerunt. Principium autem proprium in duo diuiditur, patrem & matrem. Principium autem generale vnum est, scilicet patria. Verum & in patria discrimen est montium & vallis, loci aridi & aquosi. Quemadmodum in commentariis super Hippocratem de Aëre, Aquis & locis diximus. Sed si pro patria locum, Ptolemæum sequentes, dixerimus, omnes differentias amplectemur. Itaque si nascatur puer ex parentibus candidissimis prædominante corpori Venere in regione Æthiopum, nascetur quidem candidus, sed non candidissimus: Successu tamen temporis fiet niger, quia nigredo est opus Solis, & Sol est potentior omnibus Planetis. Sed principia exteriora cum sint varia & diuersa, ideo aliqua vincunt principia, quæ sunt per se, & aliqua vincuntur ab eisdem.

### TEXTVS XVIII.

Et ut hæc omnia paria faciamus ipsam tamen educationem, & consuetudines nonnihil ad vitam degendam singulatim conferre constat. Quocirca, & si vix maxima est circumfusi cœli, quod hæc omnia quæ diximus, & ipsum in talem modum adornarit, cum illa contra in hoc nihil contulerint, tamen nisi quis & ipsa coniunxerit cum æris causis multum turbabuntur, qui omnia arbitrati fuerint sese collecturos ex solo supernorum motu, etiam quæ ab illis absolute non dependeant.

Ostendit duo membra similiter causarum fortuitarum generale, scilicet consuetudinem, & proprium, & est educatio. Consuetudo quidem constat ex pluribus, religione primum, legibus secundum, moribus tertium, & naturæ principiis, quæ pro lege habetur. Educatio & ipsa plurima habet capita, nam & parentum mores, & cibi, & conditio fortunæ, & affines, & amici parentum, & ars, & studia, omnia quidem ad educationem pertinent. Hæc igitur augere & minuire, & mutare decreta syderum possunt. Quamobrem dicit Ptolemæus, si quis hæc omnia prætermittere voluerit & Soli syderum constitutioni inhærere, vel etiam aliqua solum ex his præterire in mag-



gnos incidet errores, decipieturque in prædicendo. Et quoniam hæc à cælo non pendet, id est, à constitutione nati illius, non à cælo simpliciter, quoniam omnia quæ sunt in vniuerso mundo à cælo dependent, sicut in libro de Fato demonstratum est. Et velut omnium corporum vmbra sunt, & totidem quod corpora cuiusque luminis ratione, ita omnia, quæ hic sunt in cælo principium habent, velut vmbra corpora. Sed talis consideratio ad librum de Fato pertinet, non ad Astrologum, vt aliàs dictum est.

### TEXTVS XIX.

Ex his igitur facile poterit intelligi, quàm peruersè facturi simus, si propter quædam errata iudiciorum, ipsam totam rationem euertere velimus. Neque enim gubernandi artem ideo respuimus, quod gubernatores sæpe offendant. Ac si non potius vt in tanta & tam diuina professione grato quidem animo contenti fuerimus, eo ipso quod supra vires nostras non sit, siue tanquam humano quodam more certa omnia ab ipsa postulauerimus, cum magis debeamus nostrum studium ad illam conferre, & bonitate quadam animi attribuire etiam aliena.

In prima parte huius vltimi ac principalis membri, docet Ptolemæus non esse relinquendam artem tam celebrem, propter errores paucos qui in ea contingunt, neque propter id quod totam artem assequi non possimus. Nam humani ingenij, inquit, est plura semper velle, quàm præstari possit ab arte. Et reliquam partem exemplo comprobatur, quoniam gubernatores nauium non propter id artem relinquunt, neque homines artem illorum respuunt, quod sapius ipsi artifices decipiantur. Itaque operam bono animo illis dandam consulit, & vt aliena tribuendo etiam illam aliis auxiliis adiuuare. Et quæ nam sint, statim declarat.

### TEXTVS XX.

Vtique non vertimus medicis vitio cum & de morbo, & de ægrotantis natura sæpe percontantur: ita etiam hac in professione ne pigeat assumere, & genus, & regionem, & alimoniam, atque adeò nonnihil etiam eorum quæ iam acciderunt.

Ea quæ sunt aliena, & quæ assumere oportet Astrologum, eadem sunt ad vnguem quæ de relinquendo peccare nos docuit, ea autem sunt vt dictum est, quatuor, patria, parentes, consuetudo & educatio: Addit

præterea quintum, scilicet non nihil eorum quæ illi contigerunt, duabus quidem causis: altera, vt per directiones exquisitam genitura constitutionem colligat: reliqua, vt per ipsam doceamur quantum ex occulta quadam vi syderum influxus augeantur minuanturque. Vidimus enim quosdam quibus plus satis infelicitatis atque frequentius contingebat quàm astra polliceri viderentur: Vt contrà aliis. Nam & filia nostra, & minori filio plura longè videbantur imminere pericula, quam euentus præstiterit. Et filia cum satis imbecillis videretur futura, vix tamen vnquam graui aliquo morbo correpta est. Et nobis longè maiora successerunt, circa honores, & actiones, & vitam, quàm sydera polliceri viderentur. Adeò, vt Hieronymus Cutica sacerdos conciuis, & amicus noster auderet dicere, cum petitus esset Matheos hanc genituram, quæ præfertur à nobis non esse nostram, cum tamen nulla sit certior. Sed tamen horum omnium manifestissimæ sunt causæ. Quemadmodum & quod non consulto cælo 23. die Februarij 1552. quo tempore hæc scribimus è patria discesserimus, quo tempore Luna iuncta Saturno, & Marti coniunctis in initio Piscium, Solis radios ingrediebatur: Nam Sol ipse iuxta locum Lunæ in genitura positus erat: Sed hæc non vidimus, quamuis videre facile potuerimus. Illud verò & vidimus & non vitauimus, quod cum essemus Lugduni, secunda die Maij discessimus, ituri in Scotiam hora fermè quarta post meridiem, quo tempore Luna Saturni opposito applicabat, parum plus parte vna ab eo distans. Erat autem Luna in genitura nostra radiis Saturni infœlix, & ipse Saturnus in Piscibus quod submersionis periculum denuntiat, quod quàm malè conueniat ituro per mare, quicumque vel principia artis ipsius degustarit promptè intelligit. Et nunc vsque nihil hæc scribentes passi sumus incommodi, nisi multitudinem pluuiarum. Verum de omnibus his quod conspicuum sit exemplum, suo loco dante dicemus: Additis etiam genitura & reuolutionis, & principiorum itineris figuris. Nam iter hoc duo habuit necessaria principia, vt inferius historiam enarrando declarabimus. Sed & schemata consensus adiiciemus figuræque illorum. Consensus enim primus die 12. Februarij fuit, alter die 18. Aprilis. Horum meminisse volui, vt quisque intelligeret cur eam particulam adicerent Ptolemæus (atque adeò nō nihil etiam eorum quæ iam acciderunt.) Nunc verò ad explicationem verborum Ptolemæi reuertor. Is comprobatur dicta & præcepta quæ nunc dederat Medicorum exemplo. Nam & ipsi interrogare solent si ægrum non nouerunt, cuius sit, & num morbus ille sit hæreditarius, de consuetudine etiam atque educatione cuncta diligenter perquirunt, atque sciscitantur. Trium igitur impedimentorum, quæ in tertia parte huius capituli proposuit. Primum quidem quod ad vitia pertinent, aut negligentia, aut auaritia, vel ambitionis ex toto tolli potest. Secundum verò, quod ex materiæ mobilitate mixtionéque



mixtionēque ac propria dispositione, tum astrorum non exquisita cum præcedentibus configurationibus similitudine nulla ex parte tolli potest, sed manet. Vltimum verò, quod ex adjacentibus prouenit, hisque quæ nequaquam ex arte sunt, minui potest diligentia atque solertia, non autem tolli.

## CAPVT III.

## TEXTVS XXI.

**Q**uo igitur modo fieri possit, ut de Astronomia aliquid prænoscamus, & ulterius non tendat hæc scientia quam ad aëris accidentia, & quibus ex ea causa homines afficiantur, quæ sunt, ut opinor, prima compositio virium & actionum corporis animique: itēque certæ affectiones longæuitas, & breuitas vitæ, præterque etiam illa, si qua sunt cum his principiis propriè & naturaliter copulata, ut cum corpore res familiaris & conuictus, animo existimatio, & dignitas quo etiam certi casus referendi erunt. Hæc igitur confido in superioribus esse explanata.

Diuiditur hoc capitulum in octo partes primas, ab initio verò colliguntur quæ prius dixerit, ea autem erant tria principaliter: Primum, quod aliquid per Astrologiam præcognosci potest. Secundum, quod talis immutatio non sit, nisi per aëris transmutationem. Tertium, quod in mutato aëre ambiente simul, primo corpora nostra primis qualitatibus immutantur, inde corpus, atque animus vnde temperaturæ, sanitas & morbi, breuitas vitæ longitudineque, & quæ unicuique horum coniuncta sunt, ut corpori res familiaris & conuictus animo existimatio & dignitas. Ad quæ, scilicet animi commoda incommodæque casus sequuntur. Veluti quoniam magni viri capite truncantur, si quid deliquerint, pauperes eisdem flagitiis suspenduntur atque minoribus etiam: pauperes corpore poenas dant, præciduntur membra, triremibus mancipantur, diuitibus & potentibus exilium pro poena est, vel etiam multa pecuniaria. Ita nunquam vidi diuites pro privato, scilicet poenas corpore luisse, quanquam multi sint flagitiosissimi, milites quandoque vel vno pullo subfurato suspenduntur. Sed & in itineribus multi ob societatem non solum à latronibus, sed etiam in maris tempestatibus seruati sunt, qui vel soli, vel vno comite periissent. Ergo primum hoc ad existimationem referri debet, deinde quoniam à multis auxilium habet, qui multis potest imperare. Accedit quod maximum est, quod genitura plurimæ in calamitatibus rarius possunt consentire quam pauca, itaque fit ut si in nani vnus sit qui submergi debeat, plu-

Tom. V.

res autem alio mortis genere perire & ferius, num par est nauim propter illum vnum periclitari, quin potius seruabitur propter multos. At dices & naues quidem cum plurimis pereunt, & plerumque aliæ cum paucissimis, quia leniores seruantur. Hoc verò in secundo libro declarabitur. Nunc satis est edocuisse ea, quæ ad intellectum verborum Ptolemæi pertinent de existimatione, adeo ut nunquam legisse me meminerim principem aliquem insignem, imò ne Philosophum quidem præter Architam naufragio periisse, cum tamen multi à sæuissimis tempestatibus vexati sint. Iuuat igitur in itineribus, & in negotiis multos secum ducere. Et præsertim rei peragendæ vel itineris gnaros & fidos, & fortes: His etenim iuuantur manifestissimis naturæ causis & evidentibus, tum etiam quia talibus plerumque felicia sydera fauent, infelicia non obsunt. Atque hæc dixisse volui quæ ad præsens caput attinent, quoniam tractatio est scientiam Astrologiæ vtilem esse. Cæterum conuictus nomine iuxta Haly sententiam intelligimus Vxorem, Filios, & Familiam. Hæc enim cum corpore iuncta sunt.

## TEXTVS XXII.

Sequitur vtilitatis consideratio, quam & ipsam paucis absoluemus. Sed prius constituendum videtur, quid vtile hac in parte intelligi, & ad quem finem referri velimus. Nam si animi bona spectabimus, quid poterit esse optabilins ad tranquillitatem, gaudium, felicitatem, quam hæc de qua loquimur futurorum cognitio, quia & humanorum & diuinorum contemplatores efficimur. Siue corporis magis à nobis respectus habetur, nulla est scientia quæ intelligi melius possit, quid vniuscuiusque constitutioni aptius conducibiliusque sit. Quod si fortè non est largitrix opum & gloriæ, & aliorum huius generis, non feramus molestè, cum idem crimen totius Philosophiæ inueniatur. Nihil enim horum ipsa quidem docet acquiri. Sed ut neque hanc ideo damnamus, ita etiam nostram scientiam conseruabimus, maiores & potiores vtilitates persequentes. Omnino si quis exquirat reperiet à nulla planè re quæ alicuius momenti sit, huius scientiæ reprehensionem duci.

Quod inutilis esset hæc scientia obicere illos iam te auduisse satis existimo, nunc verò argumento pulcherrimo hanc obiectionem diluit ipse Ptolemæus atque coarguit, argumentumque demonstrat profectò, estque sententia hæc præstantior, quam hucusque

K 3

tradide



tradiderit, est autem talis: Omnis scientia per se utilis est, etiam si nullum alium habeat finem, sed etiam vos fatemini iudiciorum Astrorum aliquam esse scientiam, igitur iudiciorum Astrorum tractatio utilis est. Maiorem propositionem assumptam declarat, quia cum triplica sint bona, ut Aristoteles in Ethicis docet, animi, corporis, atque fortunæ. Animi quidem bona sunt, virtutes atque eruditio. Nam ut primo primæ Philosophiæ habetur, omnes homines natura scire desiderant, nihil autem est optabilius, neque felicius quam naturale explere desiderium. Id verò tanto maius est, quanto ea quæ cognoscuntur nobiliora sunt, rario-  
ra, & magis optata, at nihil magis optatum, quam futura scire, nihil verò nobilius quam cognitio cœlestium rerum. Estque ac si quis in concilium superum aduocetur. Raro verò hæc scientia atque paucis omnino concessa, propria verò ipsis intelligentiis. Esse verò aliquam felicitatem in contemplatione, atque eam egregiam & singularem docuit Aristoteles duodecimo primæ philosophiæ dicens: Vita quidem in nobis paruo tempore qualis sempiterna diis dum contemplamur. Itaque constat maximam faustitatem & huius scientiæ solum studio atque cognitione accedere. Sed neque si ad corpus respicias, inquit Ptolemæus, nulla scientia hac utilior esse poterit. Atque istud inferius demonstrabit. Quod si neque opes, neque gloriam, nec talia largitur æquo animo ferendum suadet duabus rationibus, tum quod cum sint tria, ut dixi bonorum genera, nobilissimum animi atque utilissimum, ignobilissimum & minus utile ipsius fortunæ, mediocri ipsius corporis, Astrologia in maximo & mediocri egregiam præstet utilitatem: Altera quod & Philosophia, quam omnes tamen colunt ac venerantur nihil tale præstat, scilicet neque gloriam, neque opes. Cum ergo philosophiam ob id non deservamus, quod talia nobis præstare nequeat, cur Astrologiam ea sola ratione negligere debemus? Animaduertendum, quod quamvis Ptolemæus negat Astrologiam gloriam & opes parare, similiter & Philosophiam, quæ tamen domina est omnium, ut commentator docet, scilicet disciplinarum, & etiam nobilissima omnium quæ homo possidere possit, nihilominus videmus multos philosophos nostræ ætate prædiuites, & opulentos multique alij fuerunt, nec solum opulenti & diuites, sed vel hoc solo nomine gloriosi, quorum nomen etiam nunc celebratur: Velut Plato, Aristippus, & Aristoteles. Nec nostro tempore defuerunt etiam cum mendace illa Astrologia qui sibi rem pinguem familiarem parauerunt. Quid si veram artem calluissent? Nonne Thrasybulum dirauit Tiberius Cæsar, cuius etiam arbitrio atque consiliis orbis imperium agebatur. Ergo Ptolemæus hoc docere nos voluit, artem non per se esse lucrosam, ut medicina & mercatura, neque ad humanam gloriam natam, quemadmodum militia & iurisprudentia, sed ipsa quidem dum præscire docet, nihil vetat quin utilius sint ad om-

nia bonorum genera comparanda, scilicet diuitias, honores, amicos, & reliqua. Hæc verò cum notissima esset Ptolemæus prætermisit. Nam quemadmodum Galenus de Hippocrate inquit, in libros quos de difficultate spirandi conscripserat, ita nos de Ptolemæo existimare oportet: nihil, scilicet, illum scripsisse commune, aut vulgare, sed omnia singularia atque recondita. Itaque subiicit, nullius rei quæ alicuius sit momenti hæc disciplina, vel accusat, vel accusari potest. Quod verò ita sit, & quale sit id in quo accusatur, iis planè verbis edocet.

### TEXTVS XXIII.

Hoc enim tantum dici audimus, superuacaneam esse cognitionem earum rerum futurarum, quæ ineuitabili modo futuræ sint, & dici ne hoc quidem disertè. Neque enim etiam in iis rebus quæ necessario accidunt, ignoramus subitis & inopinis aduersitatibus animos magnopere percelli, & successibus extolli. Sed præuisio futurorum animum componit & moderatur meditatione absentium tanquam præsentium, & præparat ad excipienda ventura cum tranquillitate & constantia.

Cum res futuræ necessariò sint venturæ superflua est præcognitio illarum ex argumento Phavorini, quod sæpius declaratum est. Respondet igitur Ptolemæus, hoc neque disertè dici, sic interpretatur Ioachimus Camerarius, qui primos hos duos Ptolemæi libros in Latinam vertit linguam, postremos autem duos qui difficillimi sunt Antonius Gogana Grauiensis, qui & priori subscribit duorum primorum librorum conuersioni. At nobis certè iter agentibus codex Græcus non adest, curabitur tamen tametsi diligentissime translatus sit ab his Germanis, ut antequam edatur Græcæ orationi conferatur, præsertim in his locis ubi varietas dictionum sensum peruertere possit. Cum enim nunc iam Lutetiæ proximi sumus facile erit codicem recuperare. Itaque pro disertè, efficaciter aut benè, imò verè interpretabimur. Nam, inquit, inopinata mala magis affligunt, præuisa minus: Vnde etiam carmen illud vulgatum est.

*Et præuisa minus tela nocere solent.*

Quantum verò ad felicitatem pertinet, quod Phauorinus in malum vertebat, bonum egregium Ptolemæus esse contendit, scilicet successibus non extolli. Sed moderate vtramque fortunam ferre. Et assignat rationem, quia cum futura certò expectantur, iam sunt tanquam præsentia, cumque aduenerint, quasi iam præterita sint, animum diuturna cogitatione fatigatum, non secus, ac præterito, quorum iam memoria delituerit diuturnitate temporis, parum aut nihil mouent, aut mutant. Itaque sit ut ventura



## TEXTVS XXV.

tura mala constanter, & bona tranquille ac moderate suscipiat. Neque enim Solis malis malis repentinis animus humanus perturbatur & deicitur ac consternatur, verum etiam bonis. Adeo ut Galenus recitet historicique alij plures quosdam repentina læticia subito periisse, omitto quod futurae felicitatis certa expectatio deliniat animum, & in aduersis praesentibus multum afferant medellae: Cum etiam sola spes quae sine certa expectatione est non parum inuict miseris afflicto. Accedit quod prauius bona fortuna hominem non reddit aliis intolerabilem. Repentino enim aduentu faustitatis animus elatus amicis & affinis grauis redditur. Et haec est causa cur, qui ex humili loco ad magnam fortunam ascenderunt, ambitiosiores & difficiliiores illis sint, qui è magna nobilitate eò potentiae peruenerunt. Excipiuntur etiam occasiones illae paratis magis rebus ut duplo iucundiores ornatiores, splendidumque atque accommodatum usum felicitatis praebant. Tot igitur tantisque modis prauius bona, non prauius praestant, etiam si auerti, neque haec, neque mala possent. Verum utrumque posse nunc demonstrabitur.

## TEXTVS XXIV.

Non autem existimandum est omnia à supernis causis in res rectè humanas deriuari, tanquam inuolabili, & diuino quodam edicto proposito singulatim, ut nulla alias vis obistere, quin ita illa grassentur valeat. Nam ipse quidem coelestium corporum motus sempiternus est, & procedit diuino & inuariabili ordine & lege. Inferiora autem mutationibus subiiciuntur de superioribus quidem & primis causis, sed accidit hoc illis per consequentiam legis, & ordinis naturalis, & variabilis.

Motus quidem coelestium corporum, & influxus eorum in haec inferiora sempiternus est, & ordine procedit ac lege diuina, necessariusque est. Verum non ita ut à superioribus procedunt, sic ab inferioribus recipiuntur, sed ut fortuita & mutabilia, & quae euitari, perueri, augeri, ac minui possint, non quidem superiorum corporum causa, nam ipsa ut dixi sunt immutabilia & necessariam habent actionem in haec inferiora, sed merito inferiorum ipsorum quae inconstanti materia ac semper fluente composita sunt. Non igitur quae ab astris decernuntur sunt necessaria, sed neque aequaliter fortuita: quaedam enim sunt necessitati proximiora magis, quaedam minus. Quod etiam in rebus ipsis quotidie spectare licet, ut de morbis, contentionibus, negotiorumque difficultatibus. Atque haec in sequentibus proximè declarat.

Præterea sunt quae hominibus accidunt circumstantia aliqua generali, non autem ex vniuscuiusque naturali & propria constitutione, ut si quae ingenti & valida aëris conuersione, totae gentes intendant, sicut fit in ardoribus, pestilentia, diluuiionibus, cum semper minor causa maiori succumbat. Alia autem eueniunt singulorum peculiari & naturali constitutione, per exiguas & faciles aëris contrarias affectiones. Quibus hoc modo disertè cognitis, perspicuum fit, quod quaecumque à prima causa vel in vniuersum, vel singulatim moueantur, haec inuariabili modo procedere, cum illa insuperabilis sit & omni contranitante vi praestantior. Quae autem aliter se habeant, eorum quibus contrariae affectiones contigerint, facilem esse conuersionem, quibus verò defuerint illa primas causas sequi. Hoc verò fit in scientia hominum, non illarum necessitate & potentia. Quod ipsum animaduertere est similiter geri in omnibus, quibus naturalia sunt principia. Nam & saxa, & gemina, & animantes, atque insuper etiam vulnera, & morbi, & ægitudines, partim necessarias affectiones, partim ex eo quod contrariam habet affectionem, dependent. Atque ita existimari par est, naturae studiosos prædicere hac scientia euenturas res hominibus non inanitatem quandam opinionum ingredientibus. Quae enim habent multas & ingentes affectionum vires, euitari non possunt, cum alia quibus illud non accidit facile conuersiones admittant. Hoc modo & medici, si qui in notandis morbis exercitati sunt, planè prauident qui lethales sint, quique curabiles. De his igitur quae mutationibus obnoxia sunt, ita audiemus differentem Genethliacum: ut si verbi causa, talem orientem habeat. Quoniam talis est de qua loquor constitutio, fiet, si proprietates aëris tali modo conuertantur, magis quidem aut minus ad subiectas congruentias, ut illinc talis quispiam morbus existat. Eodem modo & medici praedicunt de vlceribus, quae vel ut serpent, vel ut putrescant, futurum pronuntiant. Similiter & de metallis exemplum dari possit, ut si quis do-



ceat lapidem Magnetem, id est, Herculanum, ferrum ad se trahere. Nam quemadmodum horum utrumque per se tendit rectam viam, in quam à primæ illius naturæ vi rapitur, si relictum sibi sit, ignoratione contrariæ effectiōis, sed si medicinam contrariam vlceri opposuerimus, neque illud iam serpet, neque putrescet, neque lapis Herculanus illito alij succo iam ferrum attrahet. Sicut igitur hæc obfistunt, & contrarias effectiōes inducunt naturaliter & fatali lege: ita in his quoque rebus fit, de quibus loquimur. Ignorata enim aut præuisa quidem, sed neglecta tamen ea quæ hominibus euenire debeant, haud dubiè seriem primæ illius naturæ sequuntur, præuisa autem & sortita curam, naturaliter & fatali etiam lege aut auertuntur penitus, aut læuiora efficiuntur.

Haly rectè inquam mihi dicere visus est, Ptolemæum per hæc verba ostendisse maximam in rebus diuinis atque humanis sapientiam. Namque profecto maximarum rerum & quæ pluribus etiam sapientissimis viris difficultatem pepererunt noticiam tradidit, humanas leges atque diuinas cum naturalibus rationibus euentibusque ipsis, tum astronomicis iudiciis concordans. Itaque inquit, quædam sunt influxus generales qui toti vni genti pertinent, velut pestis, inundatio, annonæ penuria, æstus ingens, atque hæc cum à vehementissimis & primis causis fiant euadere non licet. Sunt enim à potestate & vi quæ comparem non habet in his inferioribus resistantiam. Vnde manifestum est, quare in sacra scriptura scriptum sit, cor Regis in manu Dei est, quocumque voluerit vertet illud. Sit enim gratia exempli, vt Deus velit affligere bello aliquo ingenti & clade Germanos, cor Cæsaris & Regis Gallorum cœli medio & magnarum coniunctionum ac generalium congressuum seu constellationum. (Ita enim clarius hoc nomine res ipsa explicatur (disponet vt pacem nolint inter se. Atque ita Regum corda cum ad eorum voluntatem pertineat regiones bene vel malè tractare, regionum autem accidentia generalibus subiiciantur congressibus syderum, necesse est vt etiam corda Principum à generalibus cœli constellationibus gubernentur. At cor humanum tantæ violentiæ resistere non potest. Patet igitur cur corda Principum & mentes magis necessitati syderum & diuinæ voluntati subiacent, priuatorum autem sint magis libera. Hæc autem necessitas cordis Principis quæ annexa est diuinæ voluntati, est necessitas effectus & non peccati. Quamobrem non tollitur libertas arbitrij. Et ob id nihil absurdum contingit etiam apud illos, qui omnino liberam voluntatem nostram esse affirmant. Ex

hoc quoque clarum est cur in superioribus verbis Ptolemæus dixerit hanc scientiam diuina docere cognoscere, hoc enim diuinum est prorsus, quod nuper diximus, scilicet quod quædam eueniunt fatali necessitate, quædam vero ita vt declinari possint, veluti si quis sit in mari cum tempestate, quamuis periculum præuideat non tamen euadere poterit: at verò in flumine natandi peritus, aut periculi gnarus seruabitur, alius verò minime. Similiter & illud diuinum est, quod omnino est necessarium, quodque euitari non potest à diuina mente profectum. Est etiam aliud argumentum generalium horum decretorum præter id quod sumitur à pestilentiiis & inundationibus, & bellis, & sterilitate, & terræ motibus, quæ quidem nisi in hos generales influxus referri possunt, & hoc quidem Velleius Paterculus egregius rerum Romanarum scriptor in primo volumine historiæ Romanæ descripsit his verbis: Quis enim abundè mirari potest, quod eminentissima cuiusque professionis ingenia, in eandem formam, & in idem arctati temporis congruens spatium, & quemadmodum clausa capsa alioque septo diuersi generis animalia, nihilominus separata ab alienis in vnum quoque corpus congregantur, ita cuiusque clari operis capacia ingenia, in similitudinem & temporum & profectuum semetipsa ab aliis separauerunt. Vna neque multorum annorum spatio diuisa ætas, per diuini spiritus viros, Æschylum, Sophoclem, Euripidem, illustrauit Tragicæ: Vna priscam illam & veterem, sub Cratino, Aristophane & Eupolide, Comædiaz, ac nouam comicam Menandrus, æqualesque eius ætatis magis, quàm operis Philemon ac Diphilus, & inuenere intra paucissimos annos, neque imitanda reliquere. Philosophorum quoque ingenia Socratico ore defluentia, omnium quos paulò antè enumerauimus, quanto post Platonis Aristotelisque mortem florere spatio? Quid ante Isocratem? quid post eius auditores eorumque discipulos clarum in oratoribus fuit. Ad eò quidem arctatum angustiis temporum, vt nemo memoria dignus alter ab altero videri quiverit. Neque hoc in Græcis, quàm in Romanis euenit magis. Nam nisi aspera ac rudia repetas, & inuenti laudanda nomine, in Accio circaque eum Romana Tragicæ dia est. Dulcesque Latini leporis facetiæ per Cæciliū, Terentiūque & Afranium sub pari ætate nituerunt. Historicos, vt & Liuium quoque priorum ætati astruas, præter Catonem & quosdam veteres & obscuros, minus 80. annis circumdatum ænum tulit: vt nec poetarum in antiquis citeriusve processit vbertas. At oratio ac vis forensis, perfectumque prosæ eloquentiæ decus, vt idem separaretur, Cato pace, P. Crassi, Scipionisque & Lælij, & Gracchorum, & Fannij, & Serui Galbæ dixerim, ita vniuersa sub principe operis sui erumpit Tullio, vt delectari ante eum paucissimis, mirari verò neminem possis, nisi aut ab illo visum, aut qui illum viderit. Hoc idem euenisse grammaticis, plasticis, pictoribus, sculptoribusque, vt quisque temporum institerit notis,



„ notis, reperiet eminentiam cuiusque operis  
 „ ætissimis temporum claustris circumdatam  
 „ Huius ergo præcedentisque sæculi ingenio-  
 „ rum similitudines congregantis, & in stu-  
 „ dium par, & in emolumentum, causas cum  
 „ semper requiro nunquam reperio, quas esse  
 „ veras confidam, sed fortasse verisimiles, in-  
 „ ter quas hæc maxime. Alit æmulatio inge-  
 „ nia, & nunc inuidia, nunc admiratio inci-  
 „ tationem accendit, naturaque quod summo  
 „ studio petatum est, ascendit in summum, dif-  
 „ ficilisque in perfecto mora est: naturaliter-  
 „ que quod procedere non potest, recedit, &  
 „ ut primo ad consequendos quos priores duci-  
 „ mus, accendimur, ita ubi aut præteriri, aut  
 „ æquari eos posse desperauimus, studium cum  
 „ spe senescit, & quod adsequi non potest, se-  
 „ qui desinit, & velut occupatam relinquens  
 „ materiam, quærit nouam, præteritoque eo,  
 „ in quo eminere non possumus, aliquid in  
 „ quo nitamur, conquirimus, sequiturque ut  
 „ frequens ac mobilis transitus maximum  
 „ perfecti operis impedimentum sit. Transiit  
 „ admiratio ad conditionem temporum, & ad  
 „ urbium. Vna vrbs Attica pluribus annis  
 „ eloquentiæ, quam vniuersa Græcia, operi-  
 „ bus floruit, adeo ut corpora gentis illius se-  
 „ parata sint in alias ciuitates, ingenia verò  
 „ Solis Atheniensium muris clausa existimes.  
 „ Neque ego hoc magis miratus sum, quam  
 „ neminem Argium, Thebanum, Lacedæ-  
 „ monium, Oratorem, aut dum vixit autho-  
 „ ritate, aut post mortem memoria dignum  
 „ existimatum, quæ vrbes & multæ aliæ ta-  
 „ lium studiorum fuere steriles, nisi Thebas  
 „ vnum os Pindari inluminaret. Nam Ale-  
 „ mana Lacones falsò sibi vindicant. Rectè  
 „ quidem me hercle fecisset Paterculus si tam  
 „ pulchrè difficultatem dissoluisset quam dubi-  
 „ tauit, nam neque id facere poterat citra hu-  
 „ ius artis præcepta, cum non ob id solum de-  
 „ sinant simul ac simul floreat, quod ad api-  
 „ cem artes producantur, & studia virorum  
 „ clanguescant, cum videamus in vno & eo-  
 „ dem genere plures posse eminere principes.  
 „ Qui sit ergo ut post Virgilium alius facta  
 „ Romanorum non tam egregiè canere po-  
 „ tuerit, quam ille Troianorum, præsertim  
 „ quod res ipsa maius suggereret argumentum?  
 „ Et quale fuit inconueniens quod Virgilius si  
 „ vita superfuisset cuius mens erat ad tempora  
 „ Augusti peruenire mediis quidem iuxta Flac-  
 „ ci sententiam:

*Ut iam nunc dicat, iam nunc debentia  
 dici*

*Pleraque differat & præsens in tempus  
 oritur,*

*Hoc amet, hoc spernat promissi carminis  
 author.*

Et rursus,

*Semper ad euentum festinat, & in medias  
 res*

*Non secus, ac notas auditorem rapit, &  
 qua*

*Desperat tractata nitescere posse, relin-  
 quit.*

Sublatis aliis properantem ad Augusti tem-  
 pora quempiam alium quod ille sperat facere  
 potuisse. Et melius sane quandoquidem, te-

ste Quintiliano, multum ab Homero Virgi-  
 lius deficiat: nec linguæ vitio quandoqui-  
 dem Demosthenes à Cicerone eodem teste  
 superetur. Deinde cum videamus res quæ a  
 sideribus procedunt ex generalibus constitu-  
 tionibus non vnas esse, sed multiplices. Nam  
 adueniente Sole, gratia exempli ad nos, non  
 solum herbæ pululant, sed arbores florent  
 ac germinant, anes nidificant, quadrupeda  
 ad Venerem incitantur, serpentes è latibu-  
 lis exeunt, pisces gregatim loca mutant, adeo  
 ut flumina quædam maritimis impleantur.  
 Veluti id quod per Lugdunum transit quod  
 Ararim esse putant, alij vocant Sequanam,  
 piscibus quos illa appellant Loxas tanta mul-  
 titudine, ut videatur flumen ipsum totum ple-  
 num. Similiter & homines latantur. Idem  
 in Lunæ contingit affectibus. Non enim so-  
 lum in pleniluniis turgent maria, sed &  
 Cancris pinguescunt, & ligna redduntur vi-  
 uaciora, & morbi plerique ingrauescunt, &  
 talia multa. Cum igitur eodem tempore non  
 vnum genus artis floreat, utpote militaris  
 disciplina, poësis, eloquentia, pictura, p'a-  
 stica, musica, medicina, philosophia, si-  
 mul quoque desinant, ut Alexandri, & Au-  
 gusti, & nostra etiam ætate, cum tamen ab  
 Augusto ad initium nostræ Florentis ætatis,  
 quod fuit circa annum salutis 1440. fluxe-  
 rint anni inter medij circiter mille quadrin-  
 genti, nihil egregium pro miraculo natura  
 produxerit in lucem, præterquam Antonini  
 tempore cum tunc etiam floruisent simul  
 Alexander Aphrodisæus, Ptolemæus Pelu-  
 siensis, & Galenus Pergamenus, & parum  
 ante id etiam C. Plinius & Plutarchus Che-  
 roneus Traiani magister, manifestum est ex  
 generalibus constitutionibus cæli principaliter  
 ista pendere. Non inficiamur etiam ali-  
 quid in rem facere quæ adducuntur à Pater-  
 culo. Sed iam ad textus expositionem deue-  
 niamus.

Inquit igitur (Præterea sunt) id est, sunt  
 quædam constitutiones generales adeo po-  
 tentes, in quibus homines per graues con-  
 tinentis affectus, scilicet terræ, aquæ, &  
 aëris superantur. Veluti quis habeat genitu-  
 ram felicitis ac diuturnæ vitæ, contingat ter-  
 ræ motus in vrbe sua qui totam diruat ciui-  
 tatem, aut inundatio, quomodo is seruari  
 poterit? Verum in propriis affectibus cum  
 per aëris constitutiones debiles fiant, contra-  
 riis causis licebit obniti. Deinde docet quod  
 quædam fiunt à prima causa generaliter, ve-  
 lut cum tota vrbs, vel prouincia opprimatur,  
 aut cum singulatim pluribus mala eiusdem  
 generis contingunt, veluti anno salutis 1528.  
 morbus epidemius & pestilens generalis v-  
 niuerso, vexauit vniuersum humanum ge-  
 nus, non tamen ita ut in singulis ciuitatibus  
 omnes, sed in omnibus aliquos. In his ergo  
 ambobus generales constitutiones dicit fieri  
 necessitate alligantur. (Quæ autem) intelli-  
 git quatuor genera influxus duo iam dicta  
 quæ permutari nequeunt, & tertium iam di-  
 ctum quod à propria pendet genitura, & po-  
 test conuerti studiis ac diligentia hominum.  
 Quartum genus est illorum qui nihil habent  
 proprium tunc, & hi sequuntur primam cau-  
 sam,



fam, & hic declarauit magnum secretum, de quo inferius dicam. Dicit autem quod tales euentus sunt in hoc quarto genere propter vim causæ vniuersalis, sicut in aliis duobus. Proba autem hoc ibi: (Quod ipsum) Quia & in morbis, & in rebus naturalibus, quædam sunt per se insuperabilia, quædam possent superari vel deduci ad effectum, quæ tamen non superantur, neque ad effectum deducuntur, propter ignorantiam. In quibusdam verò diligentia, fortitudine & scientia, (nam hæc tria scientiæ nomine intelligit) decretis contrariis astrorum occurrimus. Et propter hoc qui fortes sunt, solliciti & prudentes, felices sunt plerumque nam multæ eueniunt occasiones, præter illas generales quas vir industrius arripiat, & in commodum suum vertit. Vt contra negligens & stultus, aut diffidens prætermittit. Vnde etiam patet quod triplo plures necesse est esse infelices quàm felices, quia ad felicitatem tria illa omnia sunt necessaria ad infelicitatem vnum solum deficere, sat est. (Quæ enim) Dicit igitur quod in inuitabilibus non est utilitas quantum ad consilium. (De his igitur) Instruit Astrologum futura prædicentem sic: Si talis constitutio quæ tum ab astris pendere videtur fiat, tales morbi euenient: Veluti si Mars in Leone sit cum Sole calorem & siccitatem immensam produci consentaneum est. Hæc si producantur persenerentque multas acutas febres parient illo loco magis, vel illo minus: vtpote in persflatis ab Austro quàm ab Aquilone magis, & plus in viris quàm in mulieribus, & biliosis & exercitatis quàm pituitosis & in otio degentibus, & in his qui multò vini potu vtuntur, & maxime potentis, & aromatibus quàm qui contrariis, & in pestilentibus locis pestilentes, vt in Anglia & Flandria, magis quàm in India, & aliis salubribus locis: (Eodem modo) Declarat hoc per duo exempla notissima, alterum de medicis, qui dicunt vlus hoc ad Cancrum Sphacelon perueniet, nisi medicina contraria adhibeatur: & similiter lapis Hercules ferrum trahet, nisi succo allij inclinatur, sequutus potius in hoc communem opinionem, quàm rei veritatem. Declaratum enim est à nobis in libris de Subtilitate, hoc experimentum esse falsum de succo allij. Nam nihilominus lapis Hercules ferrum trahit: quamuis per litum allij succo, quam antea. Sed exempla dantur non quia ita sint, sed vt intelligant qui docentur. (Sicut igitur) Per fatalem legem intelligit naturalem quæ à nulla alia peruertere potest, nisi potentiore alia naturali. Velut fluminis aqua necessario inundationem pariet nisi aggeribus ripa muniat. Hoc enim necessarium est, aquam turgentem effundi in humiliorem ripam & campos ei adiacentes: Sed & istud magis necessarium terram plus posse quàm aquam, & idè aquam non effundi. Dixit autem hoc, scilicet naturales esse fatales, vt à voluntariis actionibus distinguantur, quæ necessariae non sunt. Nam voluntas mutatur etiam per se, quod verò à natura sit non nisi à potentiore causa alia naturali impediri potest. Dicit igitur quod sicut naturalibus affectibus morbo-

rum & Herculei lapidis occurrimus aliis causis naturalibus potentioribus seu necessariis (melius enim ita erat vertere *ναδ' ειμαρτυρια*, quàm fatali) occurrere licet. (Ignorata enim) Dicit quod seu ignorentur causæ istæ generales seu negligantur, hoc autem dupliciter fieri contingit, vt dictum est, vel diffidentia, vel socordia, seriem primæ causæ sequuntur: & homo prælio cadit, vel suffocatur aquis, vel peste moritur, quod si præuideat euadere poterit, aut infortunium lenire. Dixit commentator circa hoc pulchram sententiam: Si præuideamus quod futurum est & occurramus, duorum alterum sequi necesse est, aut vt effectus impediatur, & tunc habebimus utilitatem contra illos, scilicet qui negant artem esse vtilem, aut non impedietur, & ita veri vates iudicabimur, erique scientia vera, & ita duarum opinionum, quæ Astrologiæ contradicunt vna alteri repugnat. Nam si occurramus præuisis malis & non sequatur effectus, utilis erit hæc scientia: si omnino sequatur, erit necessaria. Verum ex his nobis insinuat Ptolemæus duplicem esse causarum connexionem, vnā quidem stellarum ad continentem in primis qualitibus, altera quæ est continentis ad singulares effectus, vtpote pestilentia, belli, penuriæ annonæ, & hanc secundam connexionem vult esse validiorem primā, non quidem in se; hoc enim impossibile est, quia causæ quāto primæ sunt proximiores, tantò sunt potentiores, idè cælum plus influit in continens, quàm continens in homines, vel animalia, sed hoc dicit, quia vt sciuerimus affectum continentis, nihil est quod possit impedire opus illius in nos vel in animalia: Quia vel erit consilium hominum vel cælum, vel ipsum continens. Consilium hominum imbecillius est, vt declaratum est, quàm vt possit resistere generalibus causis. Continens non agit nisi virtute cœli vt docuimus, hanc autem iam recepit, cælum non potest prohibere, quoniam non agit nisi medio primarum qualitatum, & has iam produxit, nec potuerunt impediri. Concluditur igitur quod fatalis lex seu naturalis est, & à generali constitutione cœli proficiscitur, firmior est quod ad nostram cognitionem pertinet, ea quæ proficiscitur ab astris in hæc inferiora. Quia cum astra sint plura & multa ex illis penitus incognita: aliorum verò quæ cognita sunt natura non prorsus sit perspecta, & quorum prorsus perspecta sit etiam non sit modus exquisitè cognitus, vel etiam dubius, vtpote an per circulum positionis, an per locum, an per antisclia, an per eandem declinationem stellæ agant. Item cum sit de locis dubitatio in nonnullis, vt maxime Mercurio, Marte, & Saturno, tum verò propter principia locorum & situs varios, & proprios, affectibusque quibusdam singularibus præditos, & non exquisitè consideratos, & ipsa etiam principia incognita: his sex de causis contingere potest, vt Saturnus sit in Aquario, & Iupiter in Cancro cum Sole, & Mars in Leone, & tamen æstas sit temperatissima. Et si Astrologus prædicat eam futurum calidissimam, erit ridiculus. Et propterea consilium

Ptolemæus



Ptolemæus ut Astrologus prædicat hoc modo: Quia Saturnus est in Aquario, & Sol in Cancro, tum reliqua quæ diximus, idèd verisimile est futuram æstatem calidissimam, puta in Italia. Et si talis fuerit erunt febres acutæ, & etiam patientur fata, & qui biliofi erunt malè se habebunt, & qui calidis & siccis vtuntur cibis & vinis potentibus, & qui multum exercentur, & erit penuria aquarum, & pisces pauci erunt, & qui illis vtuntur, lædentur. In primo igitur dicto plerumque erit verax Astrologus. Nam licet aliquando vt dixi possit contingere contrarium propter causas illi incognitas, nihilominus raro istud contingeret, imò rarissimè. In secundo autem erit semper verax, scilicet quod si contingeret illa immensa caliditas, contingeret & illa quæ dicta sunt. Non solum propter ipsam caliditatem, sed quia signum est causas ipsas caliditatis, scilicet astra, non impediri.

Ex his colliguntur septem dubitationes celeberrimæ: Primum, quod fuerint famosissimæ & ab omnibus fermè antiquis sapientibus quæsitæ. Secundum, quod illis dissolutis apparebit veritas ipsius Astrologiæ. Nam omnes qui illam oppugnaverunt, aliqua ex his septem difficultatibus ad illam oppugnandam vsi sunt. Quod si eas diluerimus rectè, vt speramus, nemo tam huic arti infensus fiet, qui illi manum non det. Tertium, quia his cognitistatquam principiis, ars tota constitui poterit. Quartum, quod horum cognitio ad seriem rerum naturalium cognoscendam, & Fati vim intelligendam, & ad sciendum quid necessarium sit in rebus naturalibus, & quid fortuitum, & quomodo liceat fortuitis occurrere, utilis erit.

Prima igitur est, quænam dicatur constitutio generalis, & quæ propria? cum videantur in cælo omnia astra semper esse & moveri absque alio principio? similiter quot sint illius genera?

Secunda, in quo differat constitutio generalis locorum à constitutione generali quæ singuli homines afficiuntur.

Tertia, quomodo cum cælum sit absque principio & rotundum, plus influat ex hac parte quam alia? & in hanc partem quam aliam? cum videamus in terra pluere hic, & procul decem millibus passuum immensa affici siccitate, & rursus ad duo millia passuum imbres cadere, & hoc adèd vicissim, & per parvam distantiam vt mireris: similiter in partibus maris tanta ventorum varietas & singulis horis, vt sit incomprehensibilis.

Quarta, an generales constitutiones in comparatione vnius hominis sint potentiores illius genitura propria? cum videamus morbum lætalem, quo quis moritur magis inexpugnabilem, quam pestilentem.

Quinta, an homo, gratia exempli, qui debet mori ex peste, habeat aliquid necessario coniunctum cum constitutione? Et si habeat quomodo sit? Et an inevitabilis, sicut talis connexio illum adigat necessario ad mortem? Et an ex mutatione loci quis debeat euadere à periculo? Et cur aliquæ constitutiones sint à quibus nulli euadunt, & aliæ à quibus eua-

dant? Et cur illi qui euadunt euadant?

Sexta: an in bello singuli qui moriuntur genefim habeant constitutioni belli connexam? Et an ille qui est in bello extra patriam, vel in negotiatione, subiiciatur genituræ secundum locum proprium, aut secundum locum in quo moram trahit? Et an electiones Regum, & initia dignitatum, & habitationis in alia regione sint obseruandæ & potestatem habeant? Et an fortuita commigratio potestatem habeat, & quæ sit cum electione habeat? Nam hoc multum refert, quia si etiam electio temporis habitationis aliquid potest, essent electiones valdè vtilis? Et posset aliquis facere differendo vel accelerando partem quod filius priuati nasceretur Rex aut Imperator? Et etiam dubitare contingit an reuolutiones reuolutionibus succedentes absque testimonio genituræ aliquid possint? & si possint, quid possint, & quantum, & in quo genere? nam de vita haud verisimile est.

Septima, an naus quæ submergenda est aquis, habuerit hoc à principio constitutionis suæ vel à lignis? Et quando debeat intelligi principium in vnaquaque re? Et an artificialia & maximè quæ consilio sunt, habeant principium verum & recipiant influxum ab astris? Nam si hoc ita erit, euidentius electiones valebunt & forsitan etiam sigilla? Quod si non non. Hæc igitur cum totam artem comprehendant singula suis locis declarabuntur. Nam si vellemus hæc omnia hic declarare oporteret in expositione vnius huius commentii totam artem compleri: Et expositionem huius textus quæ satis per se prolixa est, in immensum extendere & augere: Idèd prosequamur in textu.

Lib 2. com.  
2. & sequē-  
ribus.

## TEXTVS XXVI.

Cum autem, vt semel dicam, nihil intersit quod ad hanc vim attinet, inter generalia & singularia, mirum videri possit, quanam de causa in vniuersum quidem persuasum plerisque sit, & præiudici illa posse, & præiudici vtilem esse attentionem. Maxima enim pars hominum fatentur se quoque venturas cognoscere, & annuorum temporum mutationes, & significationes stellarum inerrantium nec non Lunæ configurationes. Adque eam cognitionem non mediocrem cautionem adhibent magna cura præparantes ad æstus gelidifica, ad hyemes calidifica, omninoque dant operam vt rerum cunctarum naturæ temperentur. Præterea quòd rectiora fiant omnia, & in temporum conuersionibus & tutò naues in portu soluantur, obseruant significationes fixarum stellarum. In coitu autem pecorum & sementibus configurationes Lunæ augescere illius lumine,



ne, neque quisquam inuentus est qui hæc damnet, ut quæ aut non obseruari possent, aut obseruata nihil afferrent fructus. Cur igitur negant esse singulatim præuisionem, ex proprietatibus reliquarum commissionum, ut æstus hyemsue intentiones aut remissiones futuras, deque item vniuscuiusque propria constitutione, vel quare inutilem ferè in his cautionem esse volunt? Cum manifestum sit, si ad generales æstus gelidis instructi minus illum sentiant, similem posse efficientiam esse etiam in singularibus rebus, quarum constitutio augmenta magni caloris complectatur. Sed enim omnis hic error ex eo nascitur quod ferè propter difficultatem in singularium præuisionibus parum exercentur, quæ res & aliis penè omnibus scientiis fidem detrahare solet, quodque contrariæ effectiois vis negligitur. Et quia non multum inuenire est talem constitutionem & tam perfectam, cui non impedimentum à prima illa natura obiciatur, ideo opinio extitit, incommutabiliter nobis vniuersa & inuitabili modo penitus immitti. Verum sicut ipsa præuisionis, & si non nusquam incurrens, tamen quia aliqua sit, digna summo, nisi fallor, studio videatur. Ita etiam de attentione faciendum iudico, ut quamuis non cuncta sanare possimus, tamen quæ possimus seu magna siue parua, in his libenter & grato animo illam amplectamur, & non vulgaris lucri instar ducamus ipsius factam nobis copiam.

Proponit Ptolemæus fundamentum ex vniuersalibus, volens demonstrare singularem etiam esse artem præsciendi futura. Vniuersale autem tripliciter dicitur, aut quod multa continet, ut populus, gens, prouincia, ciuitas, & hoc est, plerumque minus notum singulari, nec de hoc intelligit author. Est etiam vniuersale quod dicitur de multis, quod consideratur à Philosopho naturali & Dialectico, & hoc quadoque potest esse notius singulari. Tertio modo pro communi & indiscreta cognitione ut hic capitur: Argumentum igitur est generales constitutiones sunt notæ & utiles iudicio omnium hominum, ergo singulares. Quæ autem sint generales constitutiones, declarat tribus pulcherrimis exemplis: Primum de tempore, & hoc dicit pendere à Sole. Nam scimus certò æstatem & hyemem futuram, & ita etiam sit utilis hæc cognitio, quoniam homines præparant ligna, & vestes ad temperandum frigus hyemis, & umbras ac porticus & au-

las ad temperandum calorem æstatis. Secundum exemplum est de navigatione, in qua cauemus congressum Lunæ cum stellis fixis quæ tempestatem inducunt, ut sunt Orion & Arcturus. Igitur hæc est scientia & utilis. Tertium est in serendis feminibus, plantandis & inferendis surculis, & admittendis iumentis, porcis & ouibus, & fouendis ouis in quibus quaritur Lunæ incrementum. Hoc igitur præciri potest, & utile est. Igitur, inquit, etiam singularia præciri possunt. Singulare appellat certam rei quantitatem, & mensuram, quæ per reliquorum astrorum errantium missiones figuras & effectus sunt. Ex hoc patet trium generum maximè illustres esse effectus, & qui ab antiquis non negarentur, Solis, Lunæ, & fixarum stellarum insignium, magnitudine vel situ propinquo vitæ per quam Sol graditur.

Sed enim docet causas tres, quare singularis cognitio negligatur: Vna, quia existimant illud quod aduersantur (puta Saturni frigiditatem) calori Solis, esse minimam & insensibilem, atque ideo contemnendam, & ita de calore Martis vel Iouis. Secunda quia scientia istarum stellarum in situ, motu, & loco est difficillima, ideo ut reliquarum scientiarum, quamuis etiam vtilium ad comparandas diuitias partes difficiliore prætermittuntur, velut in medicina dissectio tuta in profundis partibus quæ supponit scientiam locorum musculorum, v. narum & articularum. Et in Geometria scientia conoidalium corporum, & conic sectionum. Et in Musica Enarmonicum diatessaron. Tertia causa est, quia quidam putant vim primæ causæ seu naturæ esse adeo potentem, ut possit auertere quæcunque velit. Et intelligit secundum Haly per primam naturam stellas fixas: Aliter possit intelligi Deus. Verum commentator aliter interpretatur, scilicet quod raro (id significauit Ptolemæus per non multum) contingit, ut talis constitutio peruertat quæ ex principio decretum est. Vnde factum est ut homines existimauerint, cum tam raro cæli decreta soleant peruertere, ut cuncta necessario fieri arbitrentur. Cumque parum hoc ad artem pertineat, non laborabo ut doceam quid magis Ptolemæus per primam naturam intellexerit.

(Verum sicut) Declarat quod quemadmodum in medicina quamuis non omnia curare possimus in his, in quibus potest, siue magna sint, siue parua, quasi dicat, siue multi seruari possint ut in salubribus, seu pauci, sicut in pestilentibus, pars ea tamen medicinæ non est negligenda. Ita in Astrologia quamuis non possimus occurrere omnibus, non debeamus eam vtilitatem negligere. Sicut etiam illius scientiam quod quandoque (incurrens ille vertit) aberrans sit, non debemus parumper: Sed loco non vulgaris lucri ducere illius factum nobis esse copiam. Atque hæc cum communi consensu hominum & ratione demonstrauerit, ad authoritatem sapientum Ægyptiorum se conuertit.



## TEXTVS XXVIII.

Quæ omnia ita vt exposuimus sese habere cum & Ægyptij intellexissent, à quibus maximè auctam huius artis vim scimus, adiungere vbiq̃ue Astronomicis præuisionibus medicinæ præcepta. Neque illi constituisent expiationes & auersiones, & curas eorum quam ab aëre vel inciderent, vel imminerent & in vniuersum & singulatim, si in ea opinione fuissent ammoueri illa aut auerti nullo modo posse. Nunc vero quæ contrarias effectiones in ordine naturæ habeant, quasi secundo in loco fati ponentes, coniungere cum præuisionis vi, ad vsum & fructum omnium, viam præceptionum quas illi vocant compositiones iatromathematicas, quæ vox significat coniunctionem rerum medicarum cum mathematicis. Quæ ratione Astronomia quidem declararet subiectarum constitutionum proprietates, & quid casuum cœlum circundans nos intenderet, & suas quorumque causas, nam sine horum cognitione opem certam ferri posse non sunt arbitrati, quippe qui scirent non eandem omnibus corporibus aut morbis conuenire. Sed medicinæ scientia hoc efficiebat, vt & futuri mali auersio, & præsentis curatio quod ad eius rectissimè fieri posset, de concordibus aut contrariis singulorum effectionibus existeret.

Probat igitur illorum autoritate scientiam Astronomiæ bifariam esse vtilem. Primum quod ipsi constituerint iatromathematicam scientiam, id est, scientiam ex medicina & Astronomia: veluti si quis, gratia exempli, laboret, obseruabant horam qua incipit ægrotare, & similiter ad quem locum directio significatoris vitæ peruenisset, & ex his morbi naturam statuiebant, atque inde curam ex his constituiebant à medicina sumptam eo axioma, quod contraria contrariis curantur. Alio modo docebant quoniam futuri morbi essent per Astronomiam, & futuros morbos, atque homines contrario regimine vitæ instituebant, vt sic tuti essent ab imminenti periculo: dicit igitur, quid profuisset hæc diligentia, gratia exempli, quod Mars & Saturnus, cum Sole in Leone æstate futura coituri, debeant producere febres ardentes & maxime siccas ac venenosas, & ob id vitendum esse humidis, & cordi vtilibus medicamentis, si omnino nihil hæc diligentia

Tom. V.

profutura erat, neque ad tollendos, neque ad auertendos, neque minuendos morbos? Et quamuis de morbis etiam factis hoc intelligi posset, attamen vt etiam Haly rectè interpretatur, de futuris tantum loquitur. Secundum exemplum est de expiationibus & auersionibus quæ hodie etiam in vfu sunt, dum supplicationes populi & sacerdotes præsertim imminente siccitate, aut imbris fatigati celebrant, Sed tunc multò antea quam fierent Astrologia edocti procurabant, nunc verò nisi iam malo ipso percussi atque edocti, talia facere solent. Intelligit autem per expiationes preces ad Deum atque sacrificia: per auersiones, magica quadam quæ grandines aut pruina à campis auertere credebantur, per curam verò quod ex arte rustica est, veluti si frigus imminet ingens, malorum punicearum arbores palea circumcinguntur: Si carbunculus vitibus, serius putantur, procurandumque est vt serius germinet. Namque si non turgent plantæ ac germinare properant vix hoc malo pereunt. Propter quæ morus arbor raro perit quod sero pariat germen, vltima quippe est omnium arborum, & id sapientissima appellata.

Quod verò de Ægyptijs adiecit quos auxilii artem refert, intelligit tum illos tum afines illis quasdam provincias, veluti Chaldaeos, de quibus narrat Suetonius in Nerone prædixisse illi imperium & paricidium matris, quod cum illa audisset, dixit, occidat cum imperet. Ex his fuit Thrasylus qui imperium Tiberio exuli prædixit nimis magnus autoritate, quod Tiberius flagitiose vixerit: Et C. Caligulae Sulla Astrologus necem similiter & imperium atque vtrunque insperatum: Atque hic maxima etiam autoritate vixit. Infeliciores fuit Asclepiades sub Domitiano, sed illustrior euentu duplici atque exquisitissimo, ex hoc genere fuit etiam qui Gordiano Imperium per instrumenta temporis prædixit. Vt appareat Chaldaeos atque Ægyptios hac in arte supra fidem fuisse celebres. Quorum scripta cum collegisset Ptolemæus, in hunc librum compegit, sed tam breuiter, vt maxima pars artis desideretur. Præstabat enim quemadmodum & præstantissimus Hippocrates postquam ex singularibus artem compegerat, librum etiam & singularium exemplorum epidemiis correspondentem conscribere. Multum enim attulisset lucis ad intelligendum ea quæ hoc in libro scripta sunt, simulque fidei aduersus illos qui artem inanem esse declamant. Sed hoc nos in Ephemeridum Supplementis facere conati sumus. Nam neque hoc efficere opus est cuiusque sed eius primum tantum qui in omnibus bonis disciplinis, quemadmodum superius diximus, fuerit exercitatus. Secundum qui diligenter ea quæ Ptolemæo atque aliis scripta sunt, legerit & fuerit meditatus. Tertium, qui multa diuersis in disciplinis feliciter conscripserit, ne authoritas exemplis desit. Quartum, vt sit hac in disciplina exercitissimus, vt opere ipso præstare possit, quæ docendo pollicetur. Quintum, vt sit verax, ne fides in scriptis desideretur. Sextum, vt sit grauissimi iudicii, tum vt sciat

L

quid



quid ex vnaquaque feligendum constitutio-  
ne, seu generalis fuerit, seu Genethliaca,  
tum vt sciat distinguere veras à falsis geni-  
turas, cum plurimi delectentur falsas offerre  
vt vel Astronomos probent, vel illudant eis:  
Est etiam ex vsu iudicij grauitas, vt solum  
rara & vulgaribus Astronomis incognita do-  
ceat, quemadmodum Hippocrates in medi-  
cina fecit. Quantum profuisset genituræ  
Domitiani exemplum atque Neronis, cum  
temporum indicationibus habuisse, non so-  
lum ad gloriam artis Astronomicæ, verum  
ad ipsam disciplinam excolendam ampli-  
candamque quas quidem Ptolemæum ha-  
buisse verisimile est, quod proximus ei ætati  
fuerit, & ipse prædixit, sed neglexisse visus  
est. Periere & multa illorum monumenta,  
siquidem Chaldeorum, & Ægyptiorum,  
quæ in Iulij Firmici manus peruenerunt,  
quamobrem & ex eo multa feligemus trans-  
feremusque in alium librum, maxima tamen  
cum difficultate, quod cum ille purus esset  
Grammaticus expertusque omnino huius artis,  
non solum omnia absque iudicio, bona, ma-  
la, falsa, vera, ex toto, & ex parte veritatem  
continentia, coniuncta disiunctaque in vnum  
absque discrimine compegerit, sed quod  
multa non intelligens confuderit atque cor-  
ruperit, & quod deterius est, suppressis vn-  
diue nominibus, quæ si addidisset, vt Aë-  
tius in suo medico volumine & Galenus pas-  
sim in libris de Medicamentis, (quoniam ta-  
lia experimento constant) facile fuisset con-  
iectari, quantum unicuique præcepto, fidei  
esset tribuendum.

Quod verò dicat (quasi secundo in loco  
Fati ponentes) intelligit vt dixi præuisionem  
seu auxilia pro Fato, id est, opere necessario  
naturæ quod vincit secundum Fatum, id est,  
minorem necessitatem, quæ ex astris habe-  
tur. Veluti si futura sit tertia in æstate se-  
quenti, purgaueróque bilem ante, vsusque  
fuero lactucis & aqua lactis, & lymphato  
vino planè albo, necessitatem primam &  
certam, quam Fatum hic exposuit ne tertia  
hic adueniat, inducet, Astrorum verò  
influxus, secundi Fati vim retinebit, quæ ne-  
cessitas illius ab alia necessitate opposita su-  
peratur.

### TEXTVS XXVIII.

Verum de his ac summatim qui-  
dem hætenus. Nunc transeamus ad  
explicationem harum rerum, ordien-  
tes vt in præceptionibus à primis, hoc  
est, quæ sit cœlestium eorumque &  
propria vniuscuiusque natura & effi-  
cacia, ita vt tradidère veterum natu-  
rales obseruationes, præque cæteris  
de stellarum errantium viribus, deque  
Solis & Lunæ differamus.

Proponit ordinem tradendorum in hoc  
primo libro, scilicet de natura, inde de viri-  
bus eorumque cœlestium, præcipue autem  
Solis & Lunæ, inde errantium stellarum, &  
hoc secundum traditiones veterum non quo-

rumcumque, sed naturalium tantum, vt do-  
ceret non contemnendas esse nugas illas quas  
postmodum ex quibusdam sortilegis tradu-  
xere ad nos Arabes satis infelicitè artem  
corrumpentes. Per naturam verò intelligit  
masculinos fœmininosque Planetas, item  
diurnos ac nocturnos, tum verò potestatem  
insignis. Similiter & situs, & motus, & fi-  
guras ad Solem, & generaliter quæcumque  
extra cœlum non extenduntur: Sed per vi-  
res quod calefaciant, infrigident, humectent,  
siccent, beneficæ sint ac maleficæ, ventos aut  
imbres generent, diuitias aut paupertatem  
genitis, animos magnos, aut humiles, aut  
auaros, aut sapientes, & generaliter quæ-  
cumque ad hæc inferiora pertinent.

## CAPVT IV.

### TEXTVS XXIX.

*De viribus stellarum errantium.*

**A** Nimaduersum est naturam So-  
lis effectum habere caloris pau-  
latimque siccitatis. Hunc nos etiam  
sensibus percipimus multo certius,  
quàm reliquarum stellarum, propter  
ipsius & magnitudinem, & euiden-  
tiam mutationum temporalium, quā-  
doquidem quo proprius Sol accedit  
ad verticem nostrum, eo magis ea  
quæ diximus experimur.

Quoniam expositores hic præfari solent  
quadam atque adeò curiosè, vt etiam circa  
titulum multa dicant, idè & nos quatuor  
circa hunc præsentem textum faciemus: Pri-  
mum quidem ponemus subiecta de quibus  
Astrologus considerat. Secundum expone-  
mus titulum capituli atque diuisionem affe-  
ctuum Planetarum & reliquorum. Tertio  
præfabimur quidam circa textus expositio-  
nem. Quarto & vltimo ipsum textum ex-  
plicabimus. Primum igitur dico quod sub-  
iecta quæ Astrologus considerare debet sunt  
quatuor: Primum sunt stellæ erraticæ dictæ,  
quod variis motibus moueri videantur ma-  
nifestè, & etiam quod solæ uagentur, nam  
quamuis fixæ variis motibus moueantur, ab  
antiquis tamen propter tarditatem motus ab  
Occidente in Orientem visum est illas solo  
vno motu moueri, propter hoc, & quo-  
niam etiam simul mouentur, fixas aliqui alij  
inerrantes appellauere: Planetas enim erra-  
ticas Græcè sonare & aplanas, id est, non  
errantes, haud obscurum est. Planeta igitur  
septem sunt, Luna quæ omnium infima  
est & terræ propinquissima, inde ascenden-  
do Mercurius, Venus, Sol, Mars, Iupi-  
ter, Saturnus. Secunda pars subiecti à stel-  
lis inerrantibus comprehensa fuit. Tertia  
verò est de partibus cœli quæ secundum  
longitudinem, aut secundum latitudinem,  
aut substantiam, aut situm distinguuntur.  
Secundum longitudinem quidem sunt duo-  
decim



decim signa, quæ in Tabula depicta vides cum characteribus, quorum initium est ab Ariete, cuius initium est in æquinodij puncto, id est, puncto æqualiter distante ab utroque polo.

| Planeta seu Erratica. |         |         |         |        |         |      |  |  |  |
|-----------------------|---------|---------|---------|--------|---------|------|--|--|--|
| Lun                   | Me      | Ven     | Sol     | Mars   | Iupiter | Sat. |  |  |  |
| ☾                     | ♂       | ♀       | ☉       | ♂      | ♂       | ♂    |  |  |  |
| Signa.                |         |         |         |        |         |      |  |  |  |
| Aries                 | Taurus  | Gemini  | Cancer  | Leo    | Virgo   |      |  |  |  |
| ♈                     | ♉       | ♊       | ♋       | ♌      | ♍       |      |  |  |  |
| Libra                 | Scorpio | Sagitt. | Capric. | Aquar. | Pisces. |      |  |  |  |
| ♎                     | ♏       | ♐       | ♑       | ♒      | ♓       |      |  |  |  |

Secundum latitudinem autem in Borealem & Australem ab Ecliptica, aut æquinodij circulo, & vocatur declinatio. Secundum situm autem quoniam quædam sunt in cæli corde & ad fortunam magis valent, imò ad existimationem, quemadmodum in ascendente propria corpori & animæ, quædam in septimo loco quæ ad fortunam, & potentiam, quædam in imo cæli, atque de aliis eadem ratione. Quo vero ad substantiam, partes sunt cæli aliæ aliis feliciores. Nam cælum sic se habet ut terra stellæ montium vicem habent & lapidum: ipsa cæli substantia quædam affert bona malaue, calidior frigidior, siccior humidior, pinguis macilentior, arida fecunda, felix infelix, æqualis inæqualis, pertinax mutabilis, ferax sterilis. Sed illud quod vitare non possumus, (nam de inani & pleno, tenebroso & lucido, magna est dubitatio) est, quoniam partes cæli quædam sunt turbide, velut via lactea, & quædam perspicuæ. Quartum genus est crinitarum stellarum, Cometas Græci vocant: Hæ enim in cælo sunt ut alias docuimus. Non autem trabes, aut gemini Soles vel Lunæ vel talia: hæc enim sunt in inferiore aëris regione: De his igitur omnibus considerandum. Cæterum quod ad titulum pertinet, illud primo animaduertendum, quo ad vires planetarum intelligit quatuor modis, non tamen hic nisi primo modo, qui est simplicissimus iuxta primas qualitates. Secundus est, quo ad propinquitatem Solis, & refertur ad principium. Tertius est quod refertur ad locum, & hic est duplex, aut enim ad locum naturalem velut in signo, vel in latitudine, aut in comparatione nostrum, velut in medio cæli, in occidente, supra vel infra terram. Vel in comparatione ad ipsum proprium cælum, ut quod est in abside, vel in opposito, vel quod sit velox vel tardus. Velox enim sit in opposito utriusque absidis, sed tamen cum absidem intelligo de eccentrico loquor, cum vel velocitas motus sit propinqua naturæ absidis vel oppositi eius, & propinquitati Solis, ut libet ex his quæ dicta sunt à Ptolemæo de stellarum motibus. Diuiditur autem motus primus in tria, in naturam, sexum, & qualitatem. Natura quidem ut dictum est, calidi, frigidi, sicci, & humidi ex qua deriuantur benefica, malefica, exitiales & vitales, fœ-

Tom. V.

cunda atque steriles. Sexu autem, masculina & fœminina. Qualitate autem diurnæ & nocturnæ. Diuiduntur autem, planetæ præter id tribus modis, in luminaria & quæ erraticæ simpliciter dicuntur, Luminaria dicuntur, quæ plurimo abundant lumine, & sunt Sol & Luna, tantum enim habent luminis ut utrumque in die videatur & reliquas etiam stellas obumbrent, quamquam Venus aliquando & maximè ab his qui acie videndi pollent, quique iam ut dixi eius locum nouerunt, videatur, obscure tamen, & obscurius illa Mercurius quatuor eisdem conditionibus, situ, aëris natura, acie videndi, & scientia loci, iuuantur & instrumento, ut iam quinta sit conditio obseruandi stellas in die. Secunda verò diuisio est, quoniam luminarium alterum quidem primum & perfectum est, & est Sol: aliud quod illi succedit, estque Luna. Ob id clarum est cur à Sole inceperit: Nam Sol luminarium primum est, & luminaria erraticis quadrifariam præferuntur, potentia, claritate, cognitione, (multi enim sunt qui sola illa ab aliis separata esse syderibus putant) & simplicitate motus. Cum igitur Sol non solum cæteris quinque erraticis, sed etiam ipsi Lunæ his quatuor causis præstet, manifestum est cur Ptolemæus à Sole initium duxerit. A manifestioribus autem, ut bene dicit Haly peripateticorum sententia, è quorum numero Ptolemæus est, initium doctrinæ sumendum est, atque ea de causa, quamuis non ordine situs, de Sole primum, secundo de Luna, tertio de aliis quinque erraticis, tractat. Atque in illis cum non videretur manifestus ordo doctrinæ, ab euentioribus aut potentioribus, ordinem situs sequutus est, non quidem ascendendo, sed descendendo, scilicet ut à Saturno initium duceret. Nam quinque hi planetæ tertia diuisione distinguuntur, tres enim qui supra Solem sunt, superiores dicuntur, scilicet Saturnus, Iupiter, & Mars, duo verò qui infra illum, scilicet & Mercurius, inferiores.

Ut verò ad rem potius accedam, tria præponere docet: Primum est, quod Solis opera sunt à Lunæ operibus maximè distincta partibus anni: & diei, & elementorum, & regionum. Sol quidem æstate, id est, dum est ab initio Arietis, usque ad initium Libræ, potentior est, & euidentiores facit effectus, Luna verò in sex reliquis signis. Similiter Sol in die potentior est quam in nocte, Luna verò in nocte quam in die. Similiter Sol potentior est in aëre, Luna in aqua, terra verò utrique communis est. Declaratum enim est à nobis in physicis quod tria tantum sunt elementa, Terra, Aqua, & Aër. In horum igitur altero, scilicet aëre Sol magis prædominatur, in altero, scilicet aqua Luna magis, in terra quod calore Solis & humido Lunæ æqualiter indigeat, utrumque luminarium quantum ad fœcunditatem arborum, & herbarum, & segetum, æqualiter dominatur. Quod verò ad regiones pertinet, Sol quidem in regionibus dominatur magis, quæ sub torrida sunt Zona, & propinquis, Luna vero magis in his quæ iuxta polos sunt.

L 2



sunt. Adedò vt in Scotia ( ea vltima est Britannia pars quæ ad Boream spectat ) quinquaginta septem & amplius partibus ab æquinoctio distans , Luna potius quàm Sol videatur æstatis , aut hyemis esse causa. Sed tamen hyemis quidem & vbique vt dictum est , causa est & moderatrix , æstatis autem solum moderatrix. Vltra verò circulos poli Arcticum atque Antarcticum , Luna vtraque tempora disponit , in mediis autem regionibus vtrunque luminare ferè æqualiter. Sed & orienti magis præest Sol , Luna occidenti , Mediterraneis autem locis , Sol , insulis & locis iuxta mare , Luna. Regula verò vna debet esse generalissima , quòd planeta omnes successionem sunt potentiores , veluti Luna non dominatur , neque moderatur , nisi quia Sol non perfectè agit , vel quoniam regio est in extremo occidentis , aut septentrionis , aut insula , aut iuxta mare aut est ipse Sol in signis Australibus , quod sit tempore hyemis vel autumnus , aut in nocte , aut impeditur velut à Saturno , vel in duodecimo vel octauo loco. At si consideres potentiam Lunæ , non solum magis nocte quàm die potest , atque hyeme quàm æstate , sed etiam plus Sole , sic etiam in terræ parte septentrionali : atque hæc secunda est regula. Nam si Lunæ vis post Solem desinat , tunc locus est planetæ prædominanti alteri. Itaque fit vt hac causa per se Saturnus terræ prædominetur. Quoniam Sol propter illius frigiditatem tantum non potest , quantum debeat excalefacere , neque Luna quantum debet humectare : Ideoque sub Saturni imperio relinquitur.

Hæc verò est prima regula , ex principalibus quibus vtitur Ptolemæus , & in genitris etiam vtilissima. Capit enim semper robustiorem pro purificatore & domino , sed si ille sit imbecillior , quamuis non sit impeditus deuoluitur dominatio ad sequentem : atque ita quandoque ex bono ad malum ex libero ad impeditum , nonnunquam contra peruenit dominatus. Et de imbecillitate non est dubium quod non transferat dominum , sed de impedimento magna est dubitatio. Secunda verò regula principalis est , quod rem , modum & affectum partitur semper Ptolemæus , vt non tribuat vnquam omnia vni , nisi coactus , hæc autem videbuntur explicata inferius , nunc ad propositum redeo. Tertia regula est , quod omnis planeta aliquid adimit vel addit operibus Solis , aut Lunæ , aut alterius , cum ei adiungitur vel opponitur , vel aliquo aspectu , seu radio copulatur vel aduersatur. Illud tamen minimum est , cum planeta natura nobilior validus fuerit. Memento tamen quòd tempore omnia senescunt , & Sol quantumcunque validus , aut Luna , temporis successu per directionem impeditur. Eadem est ratio stellarum fixarum. Ex his tandem colligitur quòd Solis opera illustriora sunt , inde Lunæ , inde Iouis , aut Saturni , inde Martis , aut Veneris , post Mercuri , inde fixarum stellarum secundum illarum magnitudinem & lumen , vt per sepe errantium vires vincant.

Secundum ex his pendet atq; dubitationem habet : nam cum Ptolemæus velit per quali-

tates manifestas in ambientem diffusas ærem , corpora nostra affici : sequetur natos mense Iunio Iulioque calidissimos futuros , vel saltem calidiores natis mense Decembri & ianuario , cuius tamen oppositum sæpius experimur. Imò quod maius est , nati regionibus & temporibus frigidis , calidiores sunt , atque robustiores Arabibus , atque Indis , atque æstate natis. Propterea plurimi meritò Ptolemæum reliquerunt , ob hæc Astrologiam contemnentes. Sed ratio Ptolemæi subtilior est quàm vt à quoque possit deprehendi. Non enim in eo quod factum est , sed in eo quod fit , vis consistit. Decebat autem Ptolemæum hanc rationem prætermittere , quia apud populum non intellecta , ab arte alienaret legentes. Res autem ita se habet , pascitur quispiam Sole in medio cœli in primo Leonis puncto constituto , Saturno verò in oriente , tunc proculdubio ær calidissimus erit , ex impressione iam facta : ex ea autem , quæ fit in frigidabitur à Saturno ascendente super terras : vtroque autem modo ær exsiccabitur & à Solis , & à Saturni impressione. Duo ergo quod qui tunc nascetur infans erit niger immodice siccus & frigidus , quia non in eo quod factum est in aere : sed quod impressio in infantem consistit. At rursus instabis aduersus noscitur non in eo quod fit , sed quod factum est fortunam & naturam fortuitur. Si serantur semina iulio mense quantam vis felici sydere non prouenient , quia calor & siccitas immodico obstat. Respondeo quod alia ratio est , in his quoniam terra quæ nutrire debet iam affecta. At animalia quæ lacte matris nutriuntur solum recipiunt mutationem , non vim iam diu in ærem impressam : Ergo statuendum est , quod cum syderum actiones per singula momenta mutantur , corpora nostra recipiunt vim illorum ex ære , non tamen per modum quod ær affectus est , sed actionis syderum quæ pro quolibet instanti temporis in nos influunt. Et hanc regulam diligenter considera atque etiam obserua.

Tertium verò quod præmittere oportebat est , quoniã declarauimus in physicis , non esse nisi duas qualitates , vnã quidem agentem cœlestemque , & vocatur calor cui opponitur priuatio quæ est frigiditas , alteram quæ est humidum elementale , cui siccitas , tanquam priuatio opposita est. Omnia igitur astra calida sunt , quia omnia aliquid operantur , atque hoc Aristoteles & Auerroes quasi vates intellexerunt , propter principia tamen falsò supposita , quæ ab Hippocrate & prioribus acceperant , non poterant reddere rationem eorum quæ admittebant , imò in maximas difficultates inciderunt tunc maxime Auerroës. Igitur Saturnus caliditatem habet metallis , & lapidibus conuenientem , tunc etiam herbis atque arboribus , tunc etiam quibusdam animalibus , vtpote Scorpionibus & scarabeis : homini autem noxiam ac minimè congruentem ob idque frigidus dicitur. Sic non solum vnusquisque planeta , sed etiam inerrans stella & suum habet calorem , & comparatione



tione diuersorum calida dicitur, aut frigida, sed hic omnia ad hominem referuntur. De sicco autem & humido alia ratio est, de qua nunc texum explicando differam.

Dicit igitur Solem esse calidum, sed paulum habere siccitatis: intelligit ergo Solem magnam habere caloris vim: Nam verè Sol est calidissimus, cum tam procul distans & à terra, & à vertice sic quandoque aërem in Britannia excalefaciat, quem nec mille magnæ pyræ accensæ excalefacere sufficerent. Quod si dicas hoc ex magnitudine contingere respondemus id non sufficere, quoniam Sol licet dimetientem habeat quinque cum dimidio globo terræ maiorem, habita tamen distantia ratione, videtur ac si esset tantus, quantus apparet. Vnde non malè omnino videntur Epicurei dixisse: Solem non esse, nisi qualem apparet, scilicet pedalem, vel paulò maiorem. Caliditas igitur illa est potius ob robur syderis, quam magnitudinem. Nam si ignis pedali rotunditate magnus sub initio Cancris distans mille passibus à terra, solum circumageretur Britannia, nullum penitus sensum caliditatis effingeret in aëre. Ergo Sol ipse longè igne calidior, atque viuacior. Verum calor ille, quia siccus non est, immoderatus non dicitur. Intelligit ergo Solis calorem esse multum, non tamen immoderatum, coniungitur enim calor hic cum mundo. Itaque corpus quod sic murmuratur, calidum est vehementer. Regula enim est, & quarta in ordine, observatione digna. Quoniam omnis Planeta, & omne sydus talem habet virtutem qualem habet impressionem. Veluti Luna, gratia exempli, Sole potentior est in nocte, quia lucere solet in nocte: quamvis ergo Luna sit sub terra nocte, sicut & Sol, attamen Luna plus poterit quam Sol, quia Lunæ non repugnat lucere de nocte, sicut Soli. Et similiter, Luna plus potest in Borealibus regionibus & Australibus iuxta Polos, quam Sol, quia magis appropinquat illis partibus. Nam Luna potest habere quinque partes latitudinis tam Australis, quam Borealis: ergo cum fuerit in primo puncto Cancris cum latitudine Boreali maxima, id est, in capite Draconis, erit propinquior Polo Boreali, quinque partibus ipso Sole. Et eadem ratione cum fuerit in cauda Draconis in initio Capricorni, erit propinquior Polo Antartico, quinque partibus ipso Sole. Licet igitur in hyeme Luna esset in principio Capricorni cum Australi latitudine quatuor, aut quinque partium, plus posset in mutationibus temporum, & plus faciet apud Scotos quam Sol, quia potentia talis est. In Brasilia autem & sub Antartico Polo duplici causa, & quia potentia talis, & quia actu iam propinquior est. Simili ratione sub Polis non tanta est frigiditas quanta creditur, quia Luna, Venus, & Mars maximas habent latitudines. Luna quidem quinque partium, Venus autem, etiam octo excedit. Saturnus autem, qui frigoris author est, vix tertiam partem potest implere: Dictum est autem de his in Problematibus, & libris decem Astronomico-

Tom. V.

rum Iudiciorum. Sequitur etiam pari ratione, ut Planeta in prima domo vires habeant maximas, non in sexto loco, cum tamen vtrique fiat crepusculum in Sole (nam stellæ aliæ iuxta luminis quantitatem eandem rationem subeunt) quia matutinum crepusculum ad perfectum splendorem terminatur, vespertinum autem definit in tenebras. Iuxta hoc igitur dicemus, Solem esse calidissimum. Et quomodo non erit calidissimus cum longissimam vitam decernat? Declaratum enim est à nobis in Medicis, vitam consistere multitudine humidi pinguis, & humidum pingue idem substantia esse cum calore naturali. Cum igitur Sol longævissimos faciat, idem humidissimos, & calidissimos necessario faciet. Hoc autem conringit illi propter motus æqualitatem, ut non videatur immoderatè calidus: Quæcunque enim moventur æqualiter, tepescunt: quæ autem modo velociter, modò tardè, qualitates magis excitant, non autem substantiam mutant. Declaratum est enim à nobis in expositione primæ partis primi libri Anicennæ, duplicem esse calorem, atque etiam duplex humidum, alterum quidem, substantia, atque hoc in genere Sol est calidissimus atque humidissimus, cuius aduentu omnia virent, & animalia turgent ad Venerem, & homines, ut dixi, sunt longævissimi qui illo præsentè, & potentissimo nascuntur. Cum verò ad qualitatem respicimus, moderatè calidum dicimus; ut Ptolemæus: quia immensitas caloris humidi multitudinem obtunditur, & siccum paululum, quia humidum aqueum ab illo totum consumitur, aut immutatur, iuxta quod humida secundum qualitatem dicuntur, id est, quæ aqueo abundant humido: ob id igitur Solem paulum siccum dixit Ptolemæus, quia ubi dominatur, nihil videtur humida aquei, sed totum in pingue conuertitur humidum. Dixit autem effectum habere caloris & siccitatis verè potius quam calidum & siccum: quia, ut diximus, Sol minimè siccus est, imò neque vlla alia stella (ut docebimus) sed humidissimus, & non calidus, sed calidissimus. At ipse alia ratione sequutus Peripateticos somniantes Solem non calidum esse, sed calefacere, dixit effectum habere caloris & siccitatis, non calidum esse, vel siccum. Quod tamen, ut dixi, si ad qualitates referatur impressas, & non substantiam, verissimum est. Neque enim Sol, neque vllum aliud astrum qualitate prædictum vlla est, sed sunt astra omnia impressuarum qualitatum expertia. Calor enim qui in nobis fit, seu in igne, seu cum res dura movetur. Ostendit autem hoc Ptolemæus in magnitudine non quidem simpliciter tantum, sed simpliciter & quo ad nos, nam fixarum plurimæ simpliciter maiores sunt Sole, sed non quo ad nos magnæ, Luna verò quo ad nos æqualis fermè Soli, sed non simpliciter, Sol utroque modo. Igitur cum maximus fermè sit, plus continet luminis & caloris. Peripateticorum enim sententia, calor pro luminis magnitudine distribuitur. Non autem magnitudo simpliciter, sed ex quantitate,

L 3

densitate



densitate, & claritate: sed Ptolemæus duo hæc vitima breuitatis causa prætermisit. Sicut etiam mutationem quatuor temporum causam facit magnitudinis caloris. Igitur, ut tandem hanc expositionem concludam, Sol quidem secundum substantiam calidissimus est, & humidissimus, secundum qualitatem impressam moderate calidus est, atque paululum siccus. Ex quibus Haly non ineptè has quatuor regulas colligit.

Prima, Virtus omnium syderum consequitur magnitudinem ipsius syderis. Sed, ut dixi, melius est dicere ipsius luminis, quæ consistit in tribus, ut dixi, in corporis magnitudine, luminis claritate, & densitate. Secunda est, quod postquam Sol præcellit alias stellas omnes, ideo etiam dominatur in omnibus, quæ sunt maxima, scilicet Regnis, Regibus, Magistratibus, Sapientia, Magnanimitati, Nobilitati, Fortitudini, Splendori, ac talibus. Tertia, quod propter temperiem significat etiam mores bonos, longævam vitam, & incolumem, rationem bonam, amorem honorum, fidei, lucis, claritatis vestitum, pulchrum gemmarum, & aureorum valorum, munditiæ, & lautitiæ. Quarta, ut habeat opera affectibus consequentia, ut versari cum principibus, diligere ab illis, ludere, iocari, à Republica non alienum esse, dignitatem retinere, & tamen esse comem, oculorum claritatem habere. Ex his etiam sequitur, ut omnia optima possideat in vnoquoque genere, inter metalla, aurum, inter gemmas carbunculum (Haly dicit Hyacinthum) inter animalia equum, leonem, aquilam, & inter arbores palmam, atque ita in cæteris.

### TEXTVS XXX.

At Luna propterea quod proximè terram fertur, unde humidæ exhalationes exeunt, plurimum madefacit: Atque ita prorsus subiecta corpora potissimum & mollia reddit, & putrefacit. Habet tamen propter illustrationem Solis, etiam calefaciendi communicationem.

Saturni stella maximè frigidifica est, sed & non nihil arefacit. Quod ut verisimile est à Solis calore, & terræ humiditate longissimè distat. Cæterum & huius stellæ, & reliquarum vires exquiruntur etiam de observatione configurationum ipsarum cum Sole & Luna. Nam secundum illas, aliàs aliter, pro intensione & remissione circumfusi nobis cœli, modum constituere, manifestum est.

Stella Iouis temperatæ naturæ est. Media enim fertur inter frigidificam Saturni & æstuosam Martis. Calefacit autem & humectat, sed quia calefaciendi vis præcellit, ideo fecundi ad illa venti excitantur.

Martis stella & arefacit &urit, sicut congruit igneo ipsius calori, & viciniori solari, cum subiectus illi sit orbis Solis.

Stella Veneris eisdem habet effectus, quod quidem ad temperationem attinet, quos Iupiter, sed ratio est diuersa: Nam quod videtur, quemadmodum & Luna, propterea quod ingenti luce prædita attrahit exhalationem humidam à proximis terræ locis.

Mercurij stella ferè quidem non minus, aliquando arefacere quàm humores absorbere, propterea quod non valdè longè à Sole recedat, aliquando tamen & humectare deprehenditur, cum superposita sit terræ proximo orbi Lunæ. Subitarum autem mutationum in utràque partem effectrix est inflata, quasi celeritate comitatus solaris.

Quicumque expositores conati sunt hunc librum exponere ante vos, non solum coacti sunt dissidentia à philosophis affirmare, sed nec sic etiam experimentis satisfaciebant, quandoquidem in stellis nihil aliud sit quàm calor, nam humidum & siccum affectus sunt patientium corporum, qualia non sunt cœlestia: Frigiditas verò priuatio solum caloris est. Sed nec simpliciter calor qualitas est, qualis in igne vel motu, sed substantia in lumine, ut iam dixi. Hic verò trifariam distinguitur, multitudine (quæ duplex est) tenuitate, & puritate, seu claritate. Siccantur etiam omnia, vel à crasso calore, vel à modico. Cum enim aer humidus sit, maximus calor, si sit tenuis penetrando aërem inducit aqueos vapores atque ita concoquit & humectat, non siccatur. Crassus autem, dum non penetrat, cum primum calefacit, statim etiam siccatur. Exiguus verò etiam siccatur, tum præcipue cum crassus fuerit, quoniam cogit, neque dissolvit humidum: ob id Saturnus atque Mars siccant, sed Mars longè plus, tum quia plus calefacit, tum quia substantia illius impurius est. Est autem substantia illius non tota lux, sicut in Sole, sed crassior ac magis perua.

Ut autem aliquid de his diligentius habeatur exquisitum, scire decet, quod vnumquodque astrum, ut in physicis docuimus, dupliciter lucet, velut & Luna proprio quidem lumine atque Solis, quod à corpore astri tergo, atque solido reflectitur. Itaque cum neque omnino purum est astrum, sed substantia minus lucidum, neque solidum, tunc obscurius est: velut Mars & Luna ea parte quæ à Sole non illuminatur. Igitur stellæ fixæ quæ plurimum lucent, ut Canicula, proprio lumine lucent. Proprium autem non Soli simile, sed vel obscurius, vel debilius.

Verum dices, Saturnus frigidus esse videtur,

nam



nam refrigerat homines & illorum membra grauius lædit: sed non simpliciter hoc fit, verum quia Saturni corpus minorem habet quam homini conueniat, caliditatem. Rursus dubitabis, quia iunctus Lunæ frigiditatem auget, maximè hyemis tempore: Sed id etiam fit, quia cum Saturni calor minor sit quàm Lunæ, ut tepida aqua feruenti mixta, minus calidam efficit feruente: Et quæ minus calida est tepida, tepida, reddit minus quam tepidam. Itaque Saturni calor calori Lunæ iunctus, minorem illum reddit. Verum dices, etiam cum solus Saturnus ascendit absque aliis frigus auget. Causa est pulcherrima, quia cum, ut dictum est in libris de Subtilitate, aer sponte sit frigidissimus qualemque consequitur caliditatem, ab astris consequitur: Saturnus verò cum omni alio astro frigidior sit, semper refrigerat dum aliorum opus impedit.

Sciendum est etiam quod vniuscuiusque syderis lumen proprium, est magnitudine, multitudine, tenuitate, & claritate ab aliis diuersum: Quod verò reflectitur, cum sit Solis, purissimum est, tenuissimum atque densissimum, ob id etiam concoquere potest, calefacit & humectat. Quamobrem Ptolemæus Soli & Lunæ propriè & maxime vitæ principia tribuit. His visis, ad textus expositionem accedo: Luna cum sit terræ propinquissima, plus in illam agit lumine suo, eleuatque vapores ex parte humidioris (nam exsiccata non possunt eleuari) idèd humectat & madefacit aërem. Est alia causa quæ à Ptolemæo adducitur, scilicet cur Luna trahat vapores manifestè à terra, & humectet; quia non habet à quo impediatur. Nam licet Venus & Iupiter humectent & madefaciant, cum tamen Mercurius & Luna intercipientur, non potest adeò esse manifestum opus illorum. Tertia causa est à Ptolemæo declarata cum dixit, quod propter lumen Solis habet vim excalefaciendi, & est clarum, quia lumen illud, ut dixi, est densum, purum, & tenne, humectat autem utroque lumine, scilicet proprio & Solis, sed calefacit solum manifestè lumine Solis. Calor enim illius proprius est fermè similis calori Saturni. Dixit quod propter hoc molliat corpora & putrefacit: molliat quidem quia humectat, omne autem corpus tantum habet molliciei quantum & humidum. Verum putrefacit quia humidum & calidum augentur: Sed humidum à duobus caloribus: scilicet proprio & Solis, calidum ab vno tantum. Quapropter humido vincente calorem, fit putredo: nam putredo prohibetur, vel quia calor dominatur humido, vel quia deficit humidum, vel quia deficit calidum: modo Luna dominante nihil horum fieri potest, igitur Luna putredinis causa est. Sed dubitatur, quoniam Luna plena luminibus frigus maximum fit in hyeme: augetur enim frigus apud nos à nouilunio ad plenilunium, tametsi Luna cum recedat à cōiunctione Solis, quia est in signis Australibus veniat ad nos, igitur Luna videtur esse frigida. Sed hoc est casu, non per se: vapores enim plurimos eleuat à terra, qui cum sint frigidissimi aërem magis infrigi-

dant. Nam & Sol à Tropico Capricorni recedens hanc ob causam magis infrigidat & fauiorem facit hyemem. Par autem est ratio de Sole per triginta partes Capricorni, & de Luna donec peruenerit ad oppositum Solis peragratis fermè ducentis partibus signiferi: Nam Luna est longè tepidior Sole: Cum igitur Sol per triginta illos gradus in quibus accedit ad nos, deberet minuere hyemem, & tamen auget, Luna idem faciet per totam illam medietatem qua ad nos accedit, eadem ratione:

Ex his verò quæ à Ptolemæo dicta sunt quædam excipiuntur, primum, quod Luna significat omnia quæ sunt secundo loco, velut inter metalla argentum. Similiter & omnia quæ humido abundant, ut cerebrum in homine, & oculos, & medullas, & etiam in animalibus, hæc enim valde correspondent naturæ Lunæ, quia sunt vehementer humida & parum calida. Idèd nihil mirum est quod ouium medulla & oculi felium sequantur incrementa Lunæ. Tertium, quod cum Luna sit velocis motus, significat etiam eos qui sūt in assiduo motu, vel ut nuncios & cursores. Quartum, quod cum agat ratione humidæ qualitatis propter propinquitatem ipsi terræ, id est, cum erit in media cum Sole quadrata radiatione, tunc maximè humectabit. Hoc autem magis in ea quæ sequitur oppositionem, quamque coniunctionem. Ob id tunc maximè Oceani æstus augentur. Quintum, quod cum caliditas augeatur iuxta luminis quantitatem, quam à Sole recipit, cum magis plena erit luminibus tunc magis excalefaciet. Sextum, quod cum Luna in quadrata radiatione Solis sit humidissima, quia terræ propinquissima & mediocriter calida, quia mediocre lumen habet à Sole, idèd tunc maximè putrefaciet, & hoc est manifestum in pestilentia temporibus experimento. Nam nullo tempore magis sanit pestis, quàm in vltima quadra. Septimum, quod Luna ut propinquior Soli fuerit plus simpliciter recipit luminis à Sole, minus autem in comparatione nostri. Idèd verò cum recedit maximè à Sole tunc plena luminibus dicitur. Octauum, quod in planetis tardioribus non tantum facit velocitas motus, sicut in tribus inferioribus. In Venere igitur velocitas motus consideranda est, & multum facit, magis autem in Mercurio, maximè autem in Luna.

Ut verò Solis proprium est gignere & vitam animamque fouere, ita Lunæ corporis incrementa præbere, ob id humidis omnibus præest. Et nocte etiam quod eo tempore maximè illius vis vigeat, cuncta augentur maximè plantæ, ut in die vitam accipiunt floresque aperiantur, & fructus ac semina maturantur. Eademque ratio est aspectuum illius ad Solem in incrementis, quæ quatuor temporum in Solis vita augenda, nam prima quarta maximè humectat, secunda calefacit, tertia siccatur, quarta refrigerat, atque huiusmodi plerumque est, dispositio cerebri natorum. Sed & ipsa ad Solem habitudo si subtilius distinguatur, in nouem diuiditur discrimina. Falcata à prima visione ad sextilis



Solis radios : inde ad quadratos diuidua ad trigonos verò gibbosa, post plena, vsque ad Solis oppositionem, inde ad trigonos radios rediens, globosa ad quadratos, ex his repanda, post cæsa, inde incurua, demum filens & occulta.

Saturni autem stella quia plurimum recedit à Sole, debiles recipit illius radios, igitur minimum calefacit simpliciter, hoc autem est multum refrigerare in comparatione quoad nos. Cum verò Saturnus, Ioue & Marte intermedio, distet à Sole, longè plus distat quàm Luna, quia Martis & Iouis cœli decuplo maiores sunt cœlis Veneris & Mercurij, & quoniam tardè mouetur longè frigidior est Luna, quæ velocissimè & generaliter nullum astrum frigidum est, sed non tantum calefacit, quantum ex vsu humanæ naturæ est, quæ calida est & humida, & non parum: planetarum autem comparatione calidus est & humidus. Coacti autem sunt antiqui dicere Saturnum frigidum valde & ita credere, quia elementa omnia non posuerunt frigida, vt nos arbitramur, sed aerem esse calidum, & etiam ignem esse elementum frigiditas: ergo est elementum. Astra dicuntur frigida, quæ non possunt quantum debent calefacere, illa eiusmodi est Saturnus ob altitudinem & substantiæ raritatem.

Cæterum dat regulam generalem, quoniam oportet in aliis quinque erraticis considerare illorum habitum ad Solem non solum, sed etiam ad Lunam: Quomodo autem, dicimus inferius: Bisariam autem generaliter, vel aspectuum ratione, vel vt sint orientales à Sole: hac enim constitutione omnes gaudent, & vt sint occidentales à Luna. Dixit autem Saturnum parum arefacere, quia plurimum ab humido terræ distat: quoniam declaratum est quod Luna propter id humectat, quia plurimum vaporum eleuat à terra propter propinquitatem. Saturnus igitur cum sit distans plurimum à terra, siccat, quia comprimet vapores humidos propter crassitiem & paucitatem caloris sui. Parum autem, dicit, exsiccatur, quia non potest fieri siccitas magna, vt dictum est, nisi à calore immenso. Saturnus autem præest plantis, non quia frigiditas eius faciat ad plantarum generationem, nihil enim minus, sed quia prohibet generationem vermium frigiditate sua, & seminis putredinem, à quibus semina corrumpuntur & infrugifera euadunt. Nam quod ad fecunditatem illorum pertinet, Iupiter auctor est cum Sole & Luna.

Is igitur cum sit medius inter Saturnum & Martem temperatus est in calore, quia mediocriter propinquus est Soli, & quia mediocriter validos excipit Solis radios. Idè verò temperatus & fecundus, quia vbi calidum humido dominatur, ibi est temperamentum & fecunditas optima: modò Iupiter calidus est mediocriter & temperatè humidus, idè fecundus est, & temperatus dicitur, id est, optimè dispositus. Excitat autem ventos, quia calidum humido iunctum, superante humido, generat vapores, vt in Venere & Luna, superante autem calore, ventos,

vt in Sole & Ioue. Mars igitur calidior est Ioue, quia propinquior, & etiam quia densior: ob id enim rubet quia substantia crassa est, ob id etiam arefacit. Sed & Venus calida est & Ioue calidior, quia Soli proprior est, ob id igitur excalefacit manifestè: Similiter & humectat, causa est, dicit Ptolemæus, quia plurimum habet luminis, supple solaris: tale enim lumen profectò, vt declaratum est quia tenue est, & densum, & purum multum excalefacit. Quia in hoc sequutus est Aristotelem, qui existimauit omnia astra lumine solo Solis lucere, cum tamen non ita sit, hoc enim bis demonstratum in physicis. Ideo nostra sequendo principia, in quibus si quis persistat nihil absurdum cogetur fingere, & quæ Ptolemæo non contradicunt, quoniam nondum inuenta essent, dicimus Veneris lumen proprium esse ex Solis natura. Est enim Veneris cœlum quasi vnum substantia cum cœlo Solis quod apparet ex motibus qui ferè iidem sunt: Vnde qui fabricant sphaeras cœlestes iungere solent Venerem Soli in vna sphaera.

Solum igitur supponere decet, omnia Astra proprio & Solis lumine prædita esse, Lunam quidem plus alieno, cætera proprio, aut æqualiter, sed valde pauca: demonstratum est enim hoc, vt diximus. Superest igitur vt declarem, cur Venus non sit adè calida vt Mars, cum tamen sit Soli proximior: deferens enim absidis Veneris superius tenuius est deferente Martis inferiore. Causa est, quia vt dixi de Sole (& innuitur à Ptolemæo in textu) multitudo luminis & (vt dictum est de Luna) propinquitas eius ad terram, facit vt attrahat plurimos vapores à quibus refrigeratur aer & calor minor redditur, atque ita temperatur. Quod verò hoc non sit commentitium, facile est intelligere ei qui scit quod iam etiam diximus alias, scilicet insulam sancti Thomæ, quæ sub æquinoctij circulo posita est, hyemem pati, quodque maius est, Sol illorum capitibus superstat, scilicet propter vehementem humiditatem attractionem atque vaporum. Si igitur hoc in Sole qui tanto viuacior est Venere, quid de Venere censendum erit? Venus igitur minus calida est Marte, quia Mars propter paucitatem luminis, & raritatem, & remotiorem à terra non potest trahere vapores, sed ab aliis attractos consumit & dissipat, & ob id Mars dicitur siccus: vt regula qualitatuum passiuarum ita statuatur: Astra quæ abundant plurimo lumine & puro atque tenui, dum trahunt multos vapores & purum, multum resolvunt, humectant egregè: Quæ autem mediocriter resolvunt, temperatè humida sunt: quæ autem non trahunt & plurimum resolvunt, sicca sunt valde, vt Mars; & fixæ quæ ex illius natura sunt. Quæ verò non trahunt, resolvunt tamen parum, parum sicca sunt, vt Saturnus & fixæ quæ ex illius natura sunt. Hinc soluitur dubitatio, cur, cum Iupiter medius sit inter Saturnum & Martem, qui sicci sunt ambo, ipse tamen sit humidus? videtur enim pari ratione qua Ptolemæus illum esse temperatum dicit, quia medius sit inter Saturni frigiditatem & Martis calorem, quod etiam



etiam debeat esse ficcus? Sed hoc non vult Prolamens quod quicquam Iupiter accipiat à Saturno vel Marte: esset enim absurdissimum: sed quia mediocriter distat à Sole: Mars autem quia nimis propinquus, idè calidissimus: Saturnus quia maximè remotus, idè quam minimè calidus. Ex quo apparet Solem minimè esse ficcum sed humidum, aliter Ionem necesse esset esse ficcum. Humidum autem & ficcum, vt centies dixi, non pendent in planetis à Sole, sed à proptio calore & illius qualitate, scilicet multitudine, densitate, puritate, & tenuitate. Iupiter igitur cum luminis plurimum habeat & sit valde magnus, scilicet maior Saturno & Marte, & verè, & quoad visum, trahit vapores, & humectat, sed parum trahit, quia valde est remotus à terra. Nullus igitur superiorum potest esse valde ficcus. Mercurius tamen est ficcus.

Idè dixit quod Mercurij stella aliquando siccat propter propinquitatem Solis: non intelligit in situ, quia sic Venus est Soli propinquior, sed in loco, quia non recedit à Sole vnquam plus viginti octo partibus, modo citra, modo vltra: sed humectat quia est prope Lunam secundum situm. Cælum enim Mercurij contingit cælum Lunæ, & etiam quia dum est propinquus Lunæ, est etiam propinquus terræ, & idè trahit vapores & humectat. Et quia breuissimo tempore redit ad Solem, & recedit ab illo idè facillimè mutatur, & omne quod est potentia tale. Præterea quod frequenter ad secundam peruenit stationem vbi inferiores plurimum humectare solent, ea autem est cum orientalis est: idè Mercurius semper facit anticipem naturam & semper oua excogitantem, quia Mercurij sydus nunquam quiescit, vt bene dicit commentator: Idè Luna & Mercurius efficiunt admodum instabiles homines, quia neuter eorum quiescit vnquam. Sed quia Lunæ est perpetuò manifestus, idè instabilitas lunaticorum est omnibus cognita: quamobrem stultitia nominatur. Mercurij verò cum dubia sit & non adè manifesta, calliditas appellatur, & ad prudentiam referri solet, quamuis non sit verè prudentia, sed natura instabilis & dolosa. Neque enim verè vnquam quiescit, nec stare vllibi propriè dicitur, sed à directo cursu statim redit, & à reditu progreditur, & ob assiduum motum exiccat.

Cum igitur est cum Sole, exiccat ob paucitatem luminis, & etiam occidentalis, vt dicemus: orientalis autem humectat si sit remotus à Sole, & maximè Lunæ propinquus, aut in illius configurationibus. Quātum enim Sol calefacit, tantum ferè Luna humectat. Indicio est, quòd dormientes sub Lunæ splendore, humido alieno valde replentur: & carnes quæ in lumine Lunæ exponuntur, putrescunt. Ergo Mercurius ob frequentes & celeres mutationes, & ob luminis puritatem (adè enim lucet, vt quandoque etiam per diem, vt dictum est, videatur) mouet ventos: præcipuè tamen ob duas

alias causas, & quòd circa Solem versetur semper, Sol autem, vt dictum est, ventorum causa, & quòd in paruo circulo celerimè motus, vt virga quasi stridens dum concutitur, aërem perpetuò moueat & conturbet. Atque hæc de textus expositione.

Nunc verò doceamus ex his consequentia: Saturnus dominatur melancholiæ: Iupiter sanguini: Mars bili: Sol sanguini in arteriis contento: Venus femini: & Mercurius spiritui & vaporibus: & Luna pituitæ & sanguini menstruo, is enim pituitosus & crudus. Rursus Saturnus dominatur senectuti & senibus à 68. anno supra, Iupiter antecedenti ætati in qua sanguinis temperies viget, non feruor: Luna in primis quatuor annis, quibus maximè comitiali morbo obnoxij sunt, atque ita à quinto ad 14. Mercurius præest: post Venus ad 22. & sic de reliquis. Nam vltima ætas est frigida, tremula, inepta, tristis, morbosa, pauida: quæ omnia sunt Saturni & eius naturæ propriæ. Sic de aliis. Et eodem modo Saturnini lenti sunt, pauidi, taciturni, suspitione & dolis pleni, auari, tristes, & stulti: ob id etiam laboriosi & pauperes, contempti atque infelices. Iupiter graues, mediocres, in actionibus prudentes, iustos, liberales, diuites, honoratos, fideles atque felices. Mars præcipientes, audaces, & temerarios, loquaces, simplices, prodigos, latros, furibundos, inæquali statu semper varios. Sol fortes, secretos, probos, magnificos, lætitiæ præseferentes, magnanimos, cogitabundos, honoratos, quietos. Venus quales Iupiter, sed luxui, & ocio, & libidini magis deditos. Mercurius varios & sagaces, dolosos, & auaros. Luna inconstantes, laboriosos, minimè magnanimos. Saturnus quoque dominatur cicuta, halicacabo, appollinari herba, mandragora, scorpionibus: Sol aromatibus & acribus: Mars amaris & venenis quæ ob calorem statim occidunt: Iupiter dulcibus: Venus pinguibus: Mercurius falsis, mixtam enim talia habent naturam: Luna insipidis. Saturnus iuxta hoc, pater est agrorum & mendicorum: Iupiter mercatorum, magistratum, sacerdotum: Mars militum & tribunorum: Sol Regum, Principum, & aulicorum: Venus ociosorum, & coquorum, ac musicorum, & poetarum: Mercurius Thesaurarios secundos, qui sunt à secretis, artifices omnes generaliter, scriptores & eruditos omnis generis, philosophos & professores: Luna nautas & nuncios significat. Iuxta hoc igitur solum ex primarum qualitarum natura ac mensura mixtionèque non propria, sed quæ ex caloris magnitudine procedit, genera omnia effectuum in planetis dignoscuntur. Quæ verò ex illorum commixtione fiunt, tot sunt & alia ac tam diuersa ab illorum simplici natura adèque mirabilia, vt qui non vim compositionis intelligat, vix credat hæc fieri posse stellarum decreto. Tertia regula est, quòd postquam hæc à temperatura proueniunt, ita illa mutata, mitescunt, aut corrumpuntur.



## TEXTVS XXXI.

Quæ cum ita sese habeant, cumque quatuor sint humores, seu primæ naturæ: Duæ fecundæ & viuificæ, nempe calidi & humidi, ex his enim omnia & coalescunt, & roborantur: itémque duæ exitiales & detrimentosæ, aridi & frigidi, unde rursus dissipantur, & debilitantur omnia. Tradidere similiter veteres, & stellas beneficas esse, Iouem, Venerem, & Lunam, eo quod temperatæ naturæ sint, & in qua plurimum insit calidi & humidi. Stellas verò Saturni & Martis maleficas, quod contrariæ sint naturæ & effectus. Alteram enim frigidissimam, alteram feruentissimam esse voluerunt. In medio verò reliquerunt Solem & stellam Mercurij, ut participes vtriusque naturæ suosque effectus accommodantes illarum stellarum ad quas accesserint, proprietatibus.

Cum docuisset primas qualitates harum stellarum, scilicet errantium, declarat, quæ ex his sequuntur, eandem fermè quam & nos docuimus primarum qualitatum, quantum eorum qui ante nos fuerunt opinionem sequuntur. Par enim erat cum frigiditas atque siccitas solæ essent priuationes, nihil præstare præter impedimentum. Itaque quæ vel immodicè frigida sunt, velut Saturnus, vel immodicè sicca velut Mars, quem feruentem appellat, quoniam maximæ siccitati immodica caliditas necessario, ut dictum est adiungatur: intemperata seu malefica appellat. Quæ verò calido humidoque abundant temperata atque benefica. In quibus igitur calor humido perfectè dominatur, ut in Ioue, temperamentum est supremum, & benefica maximè: in quibus mediocriter propter humidi abundantiam mediocriter temperata ut Venus, atque benefica. In quibus autem minimè propter caloris paruitatem minimè temperata, minimèque benefica, velut Luna. Manifestum est igitur quod Luna dum luminibus plena est, maximas adducit felicitates, quoniam calida satis est pro humidi ratione: Vbi verò vacua, debiliter quidem nobis beneficit. Eadem ratio & in Mercurio, qui cum modo siccus sit, scilicet cum Soli aut Marti iungitur, modò frigidus, cum Saturno, maleficus erit atque intemperatus. Similiter cum Ioui, Veneri vel Lunæ iungitur, calidus & humidus efficitur, atque idè temperatus & beneficus. Mercurij enim stella à Sole atque Luna vincitur ratione quidem generali, quòd potentissima sint hæc luminaria. At verò ab omnibus aliis planetis, tum

verò in errantibus maioribus vincitur atque mutat duplici ex causa, & quòd simpliciter minimus sit inter omnes stellas, visu etiam minimus, & quòd celeriter motus ab aliis astris, quæ non celeriter moveri possunt, validiore influxu facto succumbat. Accedit quòd Mercurij sydes potentia, ut dixi, in veramque naturam mutari paratum est. Tria igitur in his iam docuit, qualitatem, scilicet luminis, magnitudinem, (quæ prima est in Sole, deinde in Ioue, quoad robur & quoniam in totò corpore est. In Luna verò, quoad densitatem ac terræ propinquitatem, post Venerem post Marte, inde Mercurio, atque Saturno) deinde temperiem, quæ optima est in Ioue, secundo loco in Venere, tertio in Luna, mediocri in Mercurio atque mutabilis, praua in Marte, pessima in Saturno, ab his verò opus quòd à facultate sit, id verò perpetuò similimum facultati. Vnde temperatissimæ etiam maximè beneficæ, intemperatæ autem maleficæ. Sol maxima omnium fortunarum est, neque planeta ullus magis est beneficus, neque magis temperatus, ut supra ostendimus. Verum quia planetas reliquos primum lumine suo impedit dum occultantur sub illius radiis, maleficus dicitur, quoniam illius luminis aliorum decreta benefica frustrantur. Deinde etiam quòd maleficarum vires fouendo, aut repugnantia quadam ac veluti dissidio, ut cum Saturno iungitur, maxima afferat incommoda Tertium, quòd cum æstatem facere possit, & hyemem, potentia quidem maximas mutationes subire aptus est: omne autem astrum, ut declaratum est, tales habet actiones, quales potentia ipsum est. Mutationes autem recipit & ab astris errantibus, & à locis ipsis superioribus cœli noni. Ab astris quidem magnis triplici causa, & quòd tardiora sint, & quòd maiora, & quòd altiora. Porro neque altitudo, neque tarditas lumen illius immutant, sed opus tantum vincunt. Magnitudo verò etiam lumen vincit & superat. Est & quarta ratio qua Solem inter ambigæ naturæ sydera collocamus, quoniam velut quicquid nobis euenerit boni maline in signis Principibus imputamus, ita impedito Sole ingentia mala sequi consueverunt, quæ in illum reicientes, infortunatum & maleficum appellare audemus ingrati, cum tamen natura sua nullus sit melior. Nam longæua vitæ spatia, corpus incolume, mentem synceram atque optimam Regias dignitates, honoresque atque opes, plus Sol largitur, quam omnes errantes aliæ stellæ simul, ut non immeritò Sol quasi solus appelletur. Quòd verò calidam & humidam intemperiem temperatam appellauerit, nos equidem non ut alios, minimè fatigat. Moderata enim qualitas temperamenti nomen meretur, multitudo autem ut calida dicantur & humida. At quæ non ob multitudinem, sed qualitatis excessum calida & humida dicuntur, non iam temperata merentur



fed calida & humida intemperies, velut frequenter Veneri & Lunæ, rarissime autem Iovii contingit, cum debilitatis luminibus atque corruptis, inanes qualitates potius quam luminis multitudinem ad nos detulerint.

## CAPVT V.

## TEXTVS XXXII.

*De Stellis masculinis & femininis.*

**R**ursus cum primarij sexus duo sint: Masculinus & Femininus, conferenda ex supra dictis naturis humiditas ad femininum, quod illa in hoc seu abundet, reliquæ verò ad masculinum apponentur. Proinde conuenienter traditur Veneris stella & Luna feminini sexus, propterea quod in illorum naturis humiditas excellat. Sol verò stellæque Saturni, & Iouis, & Martis masculini: At Mercurij stella vtriusque particeps, cum ex pari sicca & humida constitutionis effectrix sit. Cæterum ipsæ etiam stellæ masculas femininasque vires suscipere dicuntur, pro eo atque erga Solem sese habuerint. Ac masculificare quidem matutinas & antecedentes, vespertinas & sequentes effeminari: Similiter pro eo atque habuerint sese erga horizonta. Nam ab oriente vsque ad medium cœli, nec non & ab occasu vsque ad imum cœli, masculificare tanquam orientales, in reliquis autem duabus portionibus, tanquam occidentales effeminari.

Masculos planetas vocat efficaces magis, & qui etiam masculorum sœcunum sunt significatores. Constat enim quod in omni ferme genere masculi sunt feminis efficaces præterquam, vt dicunt, in Vrsis. Hæ igitur sunt utilitates: & vt sciamus quibus gaudent locis atque signis. Vnusquisque enim errantium suo simili gaudet. Non tamen loco, sed omnes masculino. Beneficæ etiam masculino maleficæ effeminatæ quoniam modo minus nocent. Trifariam autem dicitur masculinus planeta, aut femininus: Na ura, & hæc est quoties humidum non vincit calorem, at ita Saturnus, Iupiter, Mars, & Sol masculini sunt: nam Iupiter rareris humidus sit, non tamen humidum calorem vincit. Sic & Saturnus cum frigidior sit quam sicca, masculus est. Nō igitur quia humidus planeta, idem femininus, sed quia calor ab humido vincitur, vt contra in masculis superat & concoquere potest semen. Venus igitur & Luna, cum humidum maius sit calore, feminini sunt planetæ. Mer-

curius verò, vt in reliquis, anticipis est naturæ. Comparatione ad Solem quilibet planeta masculinus sit, cum dum Sol oritur, est supra terram, & quicumque sub terra est, tunc femininus: vel, vt idem aliis verbis dicam, quicumque ordine signorum minus sex signis distat à Sole, femininus est & occidentalis, quicumque plus sex signis, masculinus & orientalis: orientales matutinas vocat, quæ ante Solem exoriuntur, occidentales vespertinas dicit, quæ post Solem oriuntur stellæ: vel, vt aliter explicem, & causam simul reddam, cur orientales stellæ occidentales sint efficaces. Orientales vocantur, quæ nocte oriuntur, nam tunc splendorem suum visibilem habent, atque idem efficacem: omne enim astrum, vt inferius docebimus, vim suam in ortu acquirit, quæ si iam exorto Sole obumbretur, vt in occidentales, quorum ortus est de die, multo minus aërem afficit. Itaque qui sint orientales qui occidentales planetæ, & cur masculini sint, aut feminini, debiles aut validi, iam intellexisti. Occidentalem autem planetam intelligit hic, atque orientalem generalius quam a bi quoniam per opposita diuisio est, vt omnes errantes hac diuisione sub altero membrorum masculini vel feminini comprehenderentur: Comparatione mundi, quicquid est ab ortu ad cœli medium quod ascendat, est masculinum, quod à cœli medio ad occasum, femininum, atque id omnino certum & ab omnibus receptum. At quod à septima ad quartam sit masculinum cum descendere videatur à quarta verò ad primam femininum cum ascendere, id non ab omnibus conceditur, sed plerique quod est à quarta domo ad decimam masculinum, quod à decima ad quartam femininum esse volunt. Verum seu ratio sumatur ab ascensionibus, quæ æquales sunt à prima ad decimam, & à septima ad quartam, sicut & à decima ad septimam, his quæ à quarta ad primam, seu quoniam ambæ vel æqualiter ascendunt ad meridiem circulum vel ambæ æqualiter descendunt, seu quod non nisi partibus quæ supra terram sunt, vim tribuat Ptolemæus, aliis autem oppositionis causa, tandem id constat (atque ea ratio maxima est) à septimo loco ad quartum ascendere astra à quarto autem ad horizontem seu ascendens descendere. His regulis manifestè declarauit Ptolemæus non solum quæ astra essent masculina aut feminina sed & quæ validiora & imbecilliora. Nam tres superiores ac Sol, cum maximi sint inferiorum comparatione & altiores, potentiores sunt femininis minoribus atque inferioribus: inferiores enim feminini sunt. Mercurius enim qualitate masculinus est, imbecillitate femininus.

## CAPVT VI.

## TEXTVS XXXIII.

*De Diurnis & Nocturnis.*

**P**ræterea cum euidencia temporum discrimina dies & nox efficiat,



ciat, & diurnum quidem spacium masculinum censeatur propter calorem & rerum gerendarum opportunitatem, nocturnum verò foemininum, propter insitum humorem illi & acquiescendi convenientiam. Stellarum quoque consimili ratione nocturnam esse docuere Venerem & Lunam, diurnos Solem, & stellam Iouis, promiscuum Mercurium. Sicut matutina in figura diurnus, in vespertina nocturnus habeatur. Vtrique etiam conditioni attribuerem maleficarum alteram, secuti non similitudinem, sed diuersitatem naturarum. Nam si stellis bonæ constitutionis similia applicata fuerint, augentur vires bonitatis illarum, sed exitiabilibus admista dissimilia coercent vehementiam maliciæ illarum. Qua de re frigidam Saturni stellam attribuerem calori diurno, ac Martis siccam humiditati nocturnæ. Hoc enim modo vtrique ad temperatam conditionem accedet, postquam à contraria constitutione correctæ moderationemque adeptæ fuerit.

Post temperiem ac sexum docuit errantium naturam tempori congruentem, naturalem in omnibus secutus rationem, ut scilicet, temperatis similia tribueret, unde Soli & Ioui diem propter calorem, Veneri & Lunæ noctem ob humidum: planetæ enim hi temperati sunt, & qualitates tantum duæ ut dixi, calor & humidum: In Sole autem & Ioue calorem humidum & omnem aliam qualitatem superare docuimus: velut in Veneri & Luna humidum superat calorem, longèque magis aliam omnem qualitatem. Saturnus autem & Mars non ut reliqui sunt accipiendi, diurni & nocturni ob naturam suam, sed ut minus noceant: ita ut Saturnus est diurnus, quia minus nocere potest, cum sit minus frigidus, idè etiam minus siccus, quia frigidum non redditur siccus, nisi frigiditate aucta, ut in nocte tempore enim hyemis non magis siccatur terræque in nocte per glaciem: Ita Mars cum sit calidus & siccus nocturnus redditur frigidior: & idè humidior, quoniam in æstate non magis siccatur terra à calore quàm in die. Sic igitur Mars cum sit diurnus efficitur nocturnus quia minus nocet: est enim temperatior & humidior. Intelligi autem potest trifariam nocturnus vel diurnus, vel quod natiuitas sit, utpote nocturna, & hic sensus non est verus: Si enim tum sit sub terra duplici afficietur malo, & quod erit calidior ac siccior ob Solis præsentiam & quod erit sub terra. Secundus modus est, ut diurnus intelligatur super terram, nocturnus sub terra, nec hic sensus congruit: quomodo enim erit Saturnus diurnus super terram de nocte, cum propriè sit

nocturnus relinquatur, tertius modus ut dicatur diurnus in diurna genitura super terram, & in nocturna sub terra, nocturnus autem in diurna infra terram in nocturna supra terram, & sic intelligi debet. Sed quia videretur quod Mars si deberet esse nocturnus in die, oportet ut sit sub terra & in nocte super terram: & idè videretur esse quasi in opposito Solis, & ob id retrogradus: dico quod erit in bono statu, in die si fuerit in sexto loco dum Sol est in septimo. Sic enim erit orientalis, numeroque auctus & nocturnus, melior etiam si sit in quinto loco, & Sol in septimo, non distans plus 45. gradibus, cum sit orientalis auctus numero & motu nocturnus, & in succedenti. Pari conditione erit in ascendente, cum Sol fuerit in duodecimo aut undecimo: licet enim tum sit nocturnus & in angulo erit, tamen occidentalis luminèque diminutus, licet motu auctus. Melior istis cum Sol fuerit in ascendente & Mars in duodecimo loco, vel in nono in trigono eius radio, sed tum erit fermè in prima statione, cum erit orientalis & humidus. Optimus est, dum Sol est in ascendente ut sit in undecimo loco, nam Sol tendit ad eius Sextilem, & Mars erit in succedenti orientalis auctus lumine & motu. Et tamen nocturnus cum hoc, & in omnibus his præsupponitur, quod Mars sit in signis in quibus gaudet, aut saltem finibus, aut locis. Eadem pro ratione in Saturno. Oportet enim in mala temperie semper deteriores qualitates emendare. Ita fiet, ut si Saturnus in die dominetur, non adeò refrigeret, nec Mars in nocte adeò exiccet: quare neuter tantum nocebit. Sed Iupiter quomodo in die magis iuuabit, cum iam confessum sit omnia astra die vires amittere? Hoc igitur per se est intelligendum seu supra terram sit, seu infra, seu orientalis, seu occidentalis, ut fiant iuxta hoc status octo singulorum planetarum, Solem excipiendo.

*In die supra terram orientalis.*

*In die supra terram occidentalis.*

*In die infra terram orientalis.*

*In die infra terram occidentalis.*

*In nocte supra terram orientalis.*

*In nocte supra terram occidentalis.*

*In nocte infra terram orientalis.*

*In nocte infra terram occidentalis.*

Cum igitur Iupiter in die fuerit supra terram atque orientalis, erit optime dispositus. Quod si orientalis de nocte supra terram, erit etiam benè dispositus. Quod si orientalis de die infra terram, minus benè dispositus, quam his duobus modis, & quam si supra terram diurnus, sed tamen occidentalis esset. Habes quatuor modos in benefica atque diurna: quatuor reliqui modi deteriores sunt, ut pessimus sit Ioui esse in nocturno tempore infra terram & occidentalem, atque alij eadem ratione. Fuerunt tamen qui absurdissimè diurnum in nocte præferrent sub terra, cum Ptolemæus doceat hæc non ante Solis præsentiam, sed ad temporis naturam debere referri. Itaque orientalis semper melior est occidentali & diurnus in die quam in nocte, supra terram quilibet plane-



ta quam infra terram. Solis autem præsenti-  
tia ex se plus nocet quam iuuat. Amittunt  
enim omnes stellæ coram Sole lumen atque  
splendorem, & cum his etiam vires. Diurni  
verò actionibus sunt magis opportuni, no-  
cturni magis defatigantur & præcipuè Ve-  
nus. Mercurius suam ancipitem naturam re-  
tinet, matutinus cum calidior sit, diurnus est,  
vespertinus autem nocturnus.

Cæterum sic colligemus hos status plane-  
tarum breuiter quandoquidem vtilissima sit  
hæc doctrina ad sequentia, & maxime con-  
gruens naturalibus rationibus. Duo sunt  
planetæ principales, qui & luminaria dicun-  
tur Sol diei, Luna noctis. Sed in hoc diffe-  
runt, quod Sol illuminat diem & efficit, Lu-  
na autem & si noctem illuminet, non tamen  
efficit: sed potius Solis ipsius absentiam Sa-  
turnus verò Iupiter diurni dicuntur, quia  
simpliciorum motum habent, semelque sub-  
sequuntur, ac Mars & Venus nocturni ap-  
pellantur, quia in eodem anno diutius sub  
Sole uterque eorum lateat: non quod sæpius  
occidant & obscurantur: quandoquidem  
hoc solum verum, sit de Venere non de  
Marte. Venus enim quia nunquam à Sole  
ex proprio orbe discedit, & circulus eius  
paruus celerius anno vertitur modo orien-  
talis, modo occidentalis euadit. Martis au-  
tem orbis semper progreditur lentius quam  
Solis, idè non potest eodem anno bis fieri  
orientalis, aut occidentalis, ut Mercurius &  
Venus: bene diutius latitat sub Sole, ut illi:  
nam Saturnus & Iupiter propter motus tar-  
ditatem paulò plus mense absconduntur,  
Mars tribus & mensibus, & Venus quatuor  
latitant. Ait etiam Porphyrius non verè  
contra signorum successionem ferri planetas.  
Ex quibus duobus tam manifestis erroribus  
patet, quàm imperitus fuerit artis: quan-  
quam parum fidei illius commentariis in Pto-  
lemæi libros sit adhibenda. Quem enim  
in clavis cecurireprehendimus, quid in  
dubiis rebus authoritatis, aut quantum ha-  
biturum censebimus? Verùm quod de statu  
inferiorum ait sic intelligendum est, Venus  
& Mercurius semper cum Sole eodèque  
motu progrediuntur, verùm paruis propriis  
Sphæculis modo ante, modo retrò feruntur:  
terminus distantie orientalis, atque occi-  
dentalis vocantur maximèque longitudines.  
Ibi motus planetæ incipit permutari, nam si  
celerius Sole mouebatur post tardius proce-  
dere incipit: si tardius celerius atque hic iam  
habes longitudinem duplicem, & motus mu-  
tationem, seu ad excessum, seu ad diminutio-  
nem. Post verò ubi à longitudine occidentali  
diu erga Solem retrocesserit, in signifero ta-  
men processerit ad primam peruenit stationem:  
ubi non solum Soli propinquior fit, sed  
etiam in circulo signorum retrocedit, do-  
nec ad Solem appropinquando deuenit &  
abscondatur, vocaturque hic occasus ve-  
spertinus, qui enim vesperi videbatur, de-  
finit occultatus radiis videri. Cum verò So-  
lem regrediendo superauerit tandèque an-  
te Solem apparere cœperit, ortus vocabitur  
matutinus: habes iam sex status. Etenim  
ex hoc ad longitudinem maximam orienta-

lem fertur, dum minus iuxta ordinem signo-  
rum procedit, habes & ex hoc duos alios  
status, stationem scilicet vtramque, quæ à  
visione & occultatione differt, licet plerun-  
que propè sint, & nonnunquam in eodem  
loco fieri vtrumque possit statio, scilicet pri-  
ma & occasus vespertinus: statio secunda  
& ortus matutinus. Vbi verò longitudi-  
nem orientalem planeta superauerit versus  
Solem maiore impetu fertur, donec propius  
illi accedens occasum efficiat matutinum:  
inde delatus ultra Solem efficiat ortum ve-  
spertinum. Hi autem duo ortus & occasus  
sunt absque retrocessu. Contingunt ergo  
duobus humilioribus planetis, hæc decem  
affectiones, quas seorsum distinguere nos-  
cere oportet: inde coniungere, nam quæ-  
dam perpetuò iunctæ sunt, ut maximè lon-  
gitudines, cum mutatione velocitatis mo-  
tum in comparatione ad Solem, quædam  
nunquam ut retrocessus, & directio cum  
occasu vespertino & ortu matutino quædam  
nunquam ut ortus vespertinus, atque ma-  
tutinus occasus. Ex his manifestum est  
etiam Ptolemæum æqua ratione diuissse er-  
raticas in diurnas, & nocturnas tres, & tres,  
& vnum ancipitem.

## CAPVT VII.

## TEXTVS XXXIV.

*Quid valeant configurationes erga  
Solem.*

**N**Eque ignorandum vires cum  
Lunæ, cum trium stellarum, Sa-  
turni, Iouis & Martis intendi, aut re-  
mitteri defigurationibus erga Solem.  
Luna enim ab oriente vsque ad pri-  
mum incrementum cum quasi dimi-  
diata, apparet, efficiens est humidi-  
tatis maximè. Inde verò vsque ad  
plenilunium, caloris. Hinc etiam  
vsque iterum ad dimidiationem, sic-  
citaris. Atque etiā hinc ad interlunium  
vsque frigiditatis. Et stellæ quas di-  
ximus, matutinæ vsque ad primam  
stationem, humoris plurimum habent  
A prima verò statione vsque dum o-  
riuntur de nocte magis calefaciunt.  
Hinc etiam vsque ad secundam sta-  
tionem, magis desiccant, à qua qui-  
dem donec occultentur, magis frige-  
faciunt. Atque has singulæ vires in  
vniuersum quidem in circumfuso no-  
bis cœlo exercent, quibus prævalen-  
tibus varietates tamen constitutio-  
num plurimæ existunt, ex commi-  
stione diuersarum stellarum, coër-  
cente contraria semper natura vniuf-  
cuiusque effectuum vehementiam.



Cum in tribus præcedentibus capitulis de propria vniuscuiusque planetæ natura egisset, in hac de aduentitia agit. In fine autem, ibi: (Atque has) duarum dubitationum notationem reddit, primæ scilicet, cur non semper talia proueniant ab erraticis: impediri enim singulas aut mutari posse doces. Secundæ verò, quoniam cum quinque sint tantum erraticæ ac duo luminaria, quonam pacto tot possint fieri effectus naturales omnino distincti. Respondet, quoniam ex mixtione horum, varietates plurimæ emergunt. Septem enim cum sint stellæ quæ cælos habent proprios, ac singulæ iam octo modis varientur, vt diximus, fient 56. modi. Inde simplicium vnusquisque masculini vel fœminini sexu duplicatur mundi non sui ipsius habitatione vel Solis, nam hi modi annectuntur vt fiant 112. Quatuor verò ex

|          | Statu. |  |
|----------|--------|--|
| Saturni  | 32     |  |
| Iouis    | 32     |  |
| Martis   | 32     |  |
| Lunæ     | 32     |  |
| Veneris  | 16     |  |
| Mercurij | 16     |  |
| Solis    | 4      |  |
| Omnium   | 164    |  |

his, vt docebimus, quadrifariam etiam mutantur, sed dicamus bifariam tantum, ne orientalem & occidentalem iterum repetere cogamur: igitur status trium superiorum & Lunæ 32. Veneris autem & Mercurij 16. Solis verò à mundo quatuor. Sic igitur omnes erunt 164. vt verò duxeris Saturni status in reliquorum, fient 32. in 132. eruntque quatuor millia ducenti viginti quatuor. Iouis autem tria millia ducenta. Martis bis mille centum septuaginta sex. Lunæ mille centum quinquaginta duo. Veneris trecenti viginti. Mercurij sexaginta quatuor. Bini igitur planetarum status totidem modis variari possunt, scilicet vndecies millies & centum triginta sex. Quid de ternariis dicam quorum Saturni & Iouis status possunt variari, cum tertio planeta centies atque bis millies supra centum. Inde Saturni & Martis cum reliquorum præter Iouem vno, sexagies novies mille sexcenti triginta duo. Toridè ad vnguè erunt Martis cum Ioue, & tertio alio planeta à Saturno. Ita de reliquis combinationibus quæ ex tribus fiunt. Quaternariæ autem longè plures vt vna sola combinatio ad bis millies ducenties vices octies mille supra ducentos viginti quatuor modos perueniat. Ita fit igitur, vt exceptis mutationibus, quæ à signis & inerrantibus proueniunt, tum radiis, genera ipsa complicationum erraticarum etiam præter singulares modos, sit infinita. Atque hoc Ptolemæus in vltima parte huius capitis indicauit. Quòd si quis simplices binarias ac ternarias aliàsque scire desiderat vsque ad septenariam, quæ sola modos continet 1073741824. ex superio-

re tabella facilè condiscet.

Cæterum quinque nobis insinuare videtur Ptolemæus, quorum primum declarat, tria alia ex verbis illius intelliguntur, vnum penitus remanet indiscussum. Primum, quod proponitur, est quod planetæ quatuor habent status, superiores scilicet & Luna: & istud declarat litera adeò apertè, vt dubitatione non indigeat nec vltiore expositione. Secundum est, quòd sydera hæc cum sub Sole sunt, nullas habent vires: nam primum statum tam in Luna, quàm in superioribus orditur ab exortu, & vltimum statum finit ad occultationem. Habent igitur sydera quinque status, sed vnum in quo nihil penitus possunt. Tertium est, quod Venerem & Mercurium ab hac cōparatione eximit, licet Haly conetur inferre. Causam describat commentator dicens, quoniam hi status metum recipiunt ab oppositione. Venus autem & Mercurius ad Solis oppositum nunquam perueniunt. Quartum, an solum Luna humectet, videturque ex dictis, ὑγρότης ἐστὶ μᾶλλον πικρῆς, id est, magis humidi factiua est, vt intelligamus in primo exortu, scilicet Heliaco (nam vesperi à coniunctione Luna incipit exoriri, quod Sole velocior) eam esse magis humidam quàm calidam post magis calidam quàm siccam vsque ad plenilunium, à plenilunio siccam magis quam frigidam quousque dimidia sit, ab eo tempore frigidam magis quam humidam, & ob id maximè in vltimo quadrato aquæ maris augentur, & quæ dum est in Solis quadratis, sit in absidis opposito propinqua terræ, & quæ peculiariter ab oppositione quadra sequens frigida sit & humida, quæ temperatura aquæ consimilis existit. Quod quidem etiam de superioribus intelligendum est, vt de Luna. Quintum verò dubitatione dignum, quomodo Iupiter ab oppositione Solis & reliqui superiores siccet, cum superius dictum sit planetas vt propinquiores terræ fiunt, vapores magis ad se trahere atque inde humectare. Nam superiores cum in oppositione Solis sunt in absidis etiam parui circuli opposito sunt constituti. Et non solum ratione huius orbis ficti inferiores videntur, sed tales esse deprehenduntur, ob magnitudinem: vidimus enim aliquando Iouem in Solis opposito, qui duplo fermè maior videbatur, quàm cum primum Solis radiis relictis exoriebatur. cum tamen in opposito Solis fermè cœli medium possideret, quo in loco astra minora videri solent. Vnde etiam dubitatio alia emergit, quonam pacto, cum occidentalis sit siccior quàm orientalis, cur occidentalis masculinus non sit, & orientalis fœmininus, vt in præcedenti capite ostensum est? Simile est quod dicitur de Mercurio, nam occidentalem statuit fœmininum, orientalem masculinum, & tamen infra statuit Mercurium orientalem humidum, occidentalem autem siccam: cum tamen velit planetas humidos esse fœmininos, siccios autem masculinos? Haly ad primum dubium, cuius ipse fuit author, respondet, quòd planetæ debiles fiunt in Solis opposito, qui à vi Solis vincuntur, & quamquam hoc verum sit, attamen dicimus planetas



planetas in Solis opposito sicciore esse secundum qualitatem, non secundum quantitatem, nam Iupiter in Solis opposito magnas præstat felicitates, & lumen, ut dixi, habet, si quando alias illustrissimum: opera autem planetarum, illorum lumen sequuntur. Propterea dixi, quod qui nostra non fuerit secutus principia, nunquam ab his evadet, ut non intelligat Ptolemaum. & ipsum etiam in absurdas coniciat contradictiones. Propterea ad reliqua duo dubia dicimus, orientales planetas esse humidiores quantitate luminis, non qualitate. Purum enim lumen atque abundans humidum est secundum substantiam, & tale masculorum auctor est & efficax: est enim hoc principium vitæ masculi verò non minus abundant vitæ principis fœminis, imò magis: occidentales autem humidiores in comparatione ad calorem qui minor, ideòque fœminei & debiles.


Præterea cum dicat planetas in prima statione esse calidiores, ignotus explanator addit etiam humidiores in secunda sicciore. Et sanè prima validior est, & melior secunda atque temperatior. Sunt autem in distantia à Sole penè, ut in tabula vides. Variantur au-

|           | G. Gr.    | G. Cr.    |
|-----------|-----------|-----------|
| Statione. |           |           |
| ♂         | ♂ 104 110 | ♂ 109 115 |
| ♀         | ♀ 113 118 | ♀ 113 118 |
| ♂         | ♂ 105 116 | ♂ 164 109 |
| ♀         | ♀ 22 30   | ♀ 28 30   |
| ♂         | ♂ 15 18   | ♂ 19 21   |
|           | Prima     | Secunda   |

tem satis ob propinquitatem apogeorum & perigeorum, sed tamen eandem vim retinent iuxta propinquitatem, nam initium retrogradationis est pro statione prima, ut etiam finis directionis. Et finis retrogradationis & principium directionis pro secunda. Et miscetur stationis significatum cum initio aut fine retrogradationis aut directionis, & variantur etiam hæ distantie iuxta alias causas, licet non multum. Sed in planetis tardioribus ut Ioue & magis Saturno, maius est spatium stationis & etiam tempus, sed in planetis inferioribus stationes se habent contrario modo superioribus. Cum enim in utrisque statione prima sit cum planeta incipit retrogradari, secunda cum desinit: in superioribus statione prima contingit, cum sunt orientales à Sole. Secunda cum occidentales, in inferioribus aut prima cum occidentales, secunda cum orientales. Iuxta hoc igitur omnia clara sunt. An verò inferius dum sunt Saturnus, Iupiter, atque Mars sint debiliores, quod Haly censere videtur, quanquam non hoc dicat Ptolemaus? Respondeo, sic: Sed non ob luminis paucitatem cum, ut dixi, plurimum habeant, nec quia à Sole impediuntur, imò in ipsa oppositione à Sole ma-

Tom. V.

gis illustrantur: Sed quia naturali suo motui contrario modo versantur, ac quasi non or-



bis legi repugnant. Siquidem quod fertur ex A in B consentit, cum eo motu in quo A fertur ante B, præcedit enim A ipsum B in utroque igitur quod fertur ex B in A utriusque motui contra ferri videtur. Cum itaque retrogradi sint debiles, in ipsa tamen cum Sole oppositionis parte, sunt potentes. In reliqua etiam parte retrocessus sunt potius à natura propria alieni, quàm debiles.

Reliquum est ut quædam verba exponam, Quasi dimidiata, intellexit quadratam radiationem exquisitam sed tunc Luna non est verè dimidia sui corporis parte illustrata, ideò dixit Quasi. Primam stationem vocat cum planeta incipit retrocedere. Secundam, cum ex retrocessu incipit dirigi. Oriri in nocte incipiunt, cum in Solis sunt opposito. Ante enim dum essent iuxta primam stationem oriebantur de nocte: Itaque ortum hic vocat communem, cum stella, occidente Sole, in oriente est, id est, quandiu post stationem primam adhuc stella exoritur de nocte, donec exoritur ad vnguem, occidente Sole, calefacit magis quàm humectet. Manifestum est igitur ex hoc quod cum status stellæ in quatuor modos dividat, orientalem proprie dici à primo exortu usque ad stationem primam non usque ad oppositionem, & occidentalem à secunda statione ad occultationem, non ab oppositione ad occultationem, quibus modis capi orientale ac occidentale superius diximus. Separata igitur est ratio orientalis & occidentalis à natura retrocessus & directionis: Et quanquam idem sit planeta qui à prima statione fertur ad Solis oppositum, & qui retrocedit, alium tamen habet effectum ut retrocedit, alium ut ad Solem comparatur, & tertio, ut terræ sit propinquus: quamobrem hos status commiscere non oportet, etiam si inuicem necessario coniuncti sint. Nam si non commiscueris non errabis, intelligesque plura decreta vnius planetæ valde inuicem diuersa, & illorum magnitudines inuicem distinctas: quod etiam in aliis ut facias suadeo. Similiter ut memineris distinguere calidum & humidum cum pro qualitatibus sumuntur, ab ipsa substantia illorum, quæ est lumen vel luminis effectus. Verum cum de superioribus dictum sit, inferiores hoc modo illis assimilabuntur. In primam stationem ut dictum est sunt, humidiores: vespertini calidiores,

M 2 ab

Cap. 5.



diores ab hoc ad secundam stationem sicciores, ab ea ad occultationem frigidiores: siccitas enim diurna velut in senibus frigiditatem parit.

## CAPUT VIII.

## TEXTVS XXXV.

*De viribus stellarum inerrantium.*

**S**uperest ut stellarum quoque fixarum naturas & proprietates effectuum percurramus. Nunc igitur deinceps sicut de errantibus fecimus, percensebimus & in his peculiariter obseruatas rationes. Ac primum quidem earum quæ per signiferum descriptæ sunt. In capite Arietis stellæ effectus habent commistos ex viribus Martis & Saturni. Quæ in ore sunt idem possunt quod stella Mercurij, nonnihilque quod Saturni. Quæ in posteriore pede, Martiæ: incauda, Veneriæ sunt.

Vbi Tauri signum quasi amputatum cernitur, ibi stellæ sunt naturam sapientes Veneris & Saturni aliquantum. At Vergiliæ Luna Martemque referunt. In capite inter fuculas vna luce rutila excellens, quæ & facula dicitur, Martia est.

Geminorum signum in pedibus stellæ habet, quarum natura similis est naturæ Mercurij, & nonnihil Veneris. In femoribus lucidæ stellæ Saturniæ sunt. In capitibus duæ nitent, quarum prior Mercurialis est, cognomento Apollinis, posterior Martia, cognomento Herculis.

In Cancriculis stellæ duæ, effectum similem habent stellæ Mercurij, & aliquantulum Martis. In brachiis stellæ Saturni sunt & Mercurij. Illæ verò in pectore quasi girus nebulosus præsepis cognomento, Martius & Lunaris est, iuxta quem vtrinque positi, ut vocantur, asini, Martij sunt & Solares.

Duæ stellæ in Leonis capite idem possunt quod Saturnus, & paulatim accedunt ad Martis etiam naturam. In ceruice tres Saturniæ sunt, & aliquantulum Mercuriales. At illud in corde lucidum sydus, Regulum vocant, æquale est Marti & Ioui. Aliæ in ilio, & vna cauda splendida Saturniæ & Veneriæ Aliæ in femoribus Veneriæ, &

nonnihil Mercuriales sunt.

Virgo habet in capite stellæ, & vnam supra alam Australem idem pollentes, quod stella Mercurij, & referente nonnihil Martis quoque naturam. Reliquæ in ala & quæ sunt in cingulo Mercuriales sunt, & aliquantum Veneriæ. Vna in ala Septentrionali, vindemiatoris nomine Satur. & Mercur. At illa quæ Spica nominatur, Veneria & aliquantum Martia est. Aliæ in extremis pedibus & vestimenti tractu, \* Veneriæ, & nonnihil Martiæ sunt.

In chelis quæ sunt in iugo, siue chelis Scorpij extrema stellæ effectus habent similes stellæ Iouis & Mercurij. Mediæ verò Saturni, & aliquantum Martis.

In ipso Scorpio, quæ in fronte sunt splendidæ, idem valent quod Mars, paulatimque accedunt ad Saturni quoque naturam. Quæ in corpore numero tres, quarum media reliquis rutila luce præstat, nomenque habet Græcum, quo Marti comparatur, referunt naturam Martis, & nonnihil Iouis. Quæ sunt in nexibus dorso, Saturniæ, nonnihilque Veneriæ. Quæ verò in ipsa cauda, Martiales & Martiæ sunt. At girus ille nebulosus, ut dicitur, Martius est & Lunaris.

Ex stellis, quibus Sagittarij signum effingitur, sunt in cuspide sagittæ Martiæ & Lunares. In arcu & vbi ille manu comprehenditur, Iouiales & Martiæ. Ille in ore girus Saloris & Martius. Aliæ in fascia & dorso, Iouiales, & aliquantum Mercuriales. Aliæ in pedibus Iouiales & Saturniæ sunt. Illa caudæ quatuor laterum figura Veneria, & aliquantum Saturnia est.

Stellæ, quæ sunt in cornibus Capricorni, idem efficiunt quod Veneris stella, & ad Mart. quoque naturam paulatim accedunt. Quæ in ore quod Saturn. habentque nonnihil Vener. virium. Quæ in pedibus & aluo Martis naturam & Mercur. Quæ in cauda, Saturni & Iouis naturam referunt.

In Aquarij humeris, itemque veste & manu sinistra, stellæ sunt effectus similis stellarum Saturni & Mercurij. In femoribus quæ cernuntur, magis Mercurium, minus Saturnum referunt. Quæ in profuso latice, Saturni & aliqua ex parte Iouis naturam habet.

Stellæ in capite Piscis Australis, Mercurij vires representant, habentque



que Saturni quippiam. In huius corpore stellæ Mercuriales & Iouiales sunt. Quæ sunt in cauda & filo Australi, cum naturam referant Saturni, accedunt sensim tamen & ad Mercur. Quæ sunt in corpore & spina Piscis Septentrionalis, Martiæ sunt, valent tamen & Venerium quiddam. Quæ in filo Septentrionali Saturniæ sunt & Iouiales. Illa in nodo splendida Martis naturam & Mercurij quoque nonnihil habet.

Reliquarum effigierum in regione Septentrionis sunt stellæ in Vrsa minore lucidæ, natura Saturniæ, non tamen nihil Venerem quoque referentes.

Stellæ verò Vrsæ maioris, Martiæ sunt. Sub huius cauda quasi crines, Lunares sunt & Veneriæ.

Draconis splendidæ stellæ Saturniæ sunt & Martiæ, atque etiam Iouiales.

Stellæ Cephei, Saturniæ sunt & Iouiales.

Bootæ, Mercuriales & Iouiæ sunt. Rutilus ille fulgor qui Arcturus nominatur, naturæ est Iouis.

Stellæ Coronæ Septentrionalis, Veneriæ sunt & Mercuriales. Quæ in signo quod in genua videtur procubuisse, Mercuriales.

In Lyra Veneriæ & Mercuriales.

Quibus idem valent alitis quoque stellæ.

Cassiopeiæ, Saturniæ sunt & Veneriæ.

Persei, Iouiales & Saturniæ. Girus ille in Capuloensis, Martius & Merc.

Aurigæ stellæ splendidæ, Martiæ sunt & Mercuriales.

Serpentarij, Saturniæ, quæque Veneris aliquid habeant. Ipse quidem Serpens Saturnius & Martius est.

Sagittæ stellæ, Martem referunt, habent & Veneris quiddam.

Aquila, Martia est & Iouialis.

Delphin, Saturnius & Martius.

Stellæ lucidæ equi, vires habent Martis & Mercurij.

Andromeda Veneria.

Delta, Mercuriale est.

In regione Australi, est in rostro Piscis Australis stella lucida, potestate Veneria & Mercurialis.

Cœti stellæ sunt Saturniæ.

Orion in humeris stellas habet Martis & Mercurij naturæ. Reliquæ splendidæ Iouiales sunt & Saturniæ. Extre-

ma splendida illa fluminis stella, Iouem, reliquæ Saturnum referunt.

Leporis stellæ Mercuriales sunt.

Canis, Veneriæ, vna in rostro fulgida, Iouis, & aliquantum Martis naturam habet.

Hydri lucidæ, Saturniæ & Veneriæ sunt.

Crateris, Veneris vires, deque Mercurij aliquid habent.

Corui, Martiæ & Saturniæ sunt.

Argo navis lucidas stellas habet Saturnias & Iouiales.

Centauri humana figura, stellas complectitur Veneris & Mercuriales. Equina habet splendidas, Venerias & Iouiales. Quæ infera sunt splendida, Saturnum referunt, & nonnihil Martem. Quæ verò in ara, Venerem, & aliquantulum Saturnum.

Corona Australis stellas habet splendidas natura Saturnias & Mercuriales.

Hic textus per se manifestus est, nec longa indiget declaratione, adeò ut Ha'y pauca circa illum dicat, commentator verò ignotus etiam videatur prætermittere illius expositionem. Quamobrem solum cum essent quædam circa illum adnotanda totum in vnum redegi. Itaque videtur primum illud animaduertendum duobus modis stellarum fixarum notitiam effectuum haberi: vno quidem modo per experimentum, quod certè securissimum est, altero per rationem. Ob id igitur Ptolemæus docet experimento vires illarum cognitæ fuisse. Quo autem experimento facile est intelligere, quod ex observationibus Chaldaeorum & Aegyptiorum, cum Sol vel Luna eis iungebantur, per longitudinem deprehensæ sunt vires. Solis quidem propter magnitudinem effectuum & naturæ simplicitatem, & reditum annuum ad illas, tum moram vnius diei aut etiam plurium. Vltimò, propter exortus qui quidem ad multos dies extenditur cum fixa primum ante Solem sub auroræ tempore ab oriente emergit: Lunæ verò propter frequentes coniunctiones certissimasque: tum verò magnitudinem effectuum & maximè in mari ob æstus, & naturæ simplicitatem, & luminis delationem. Quinque igitur modis & à Solis coniunctione, & à Lunæ, seu accessibus & recessibus fixarum naturam antiqui venati sunt. Licuit & in coniunctionibus aliorum planetarum & dum emergerent occiderentue, tam in temporum mutationibus, quam etiam genituris, & dum cœli medium, seu cor occuparent, in genituris tamen tantum, & ex locorum natura quibus super verticem feruntur, aliquid de natura illarum intelligere. Ratione verò etiam quinque modis, aut magnitudine: quæcunque enim sunt maiores, eò sunt efficaciores, parvæ autem imbecilles: Lumine quæcunque lucidum habent illustra omnia faciunt, seu mala: tenebrosæ



obscuritate mentis, & intellectus, atque aliorum effectuum: Rursus quæ densum habent lumen, efficaces, quæ rarum, debiliores, quæ plurimum scintillant, ut Canicula, magnas conturbationes efficiunt & maria agitant, & proditones fuscitant, & mentes hominum inquietas reddunt. Rubræ quoque hoc autem ad colorem pertinet, Marti assimulantur, ut plumbeæ Saturno, & claræ micantes Soli, atque aliæ, ut dictum est, à nobis in decem libris Astronomicis, quibus Titulus est Supplementum Ephemeridum. Loco verò, quoniam robustissimæ sunt quæ circa viam Solis locum habent: Vnde dicebat Haly. quod cor Leonis cum sit secundæ magnitudinis propter robur (hoc autem illi inest quia maximè propinquus est eclipticæ) numeratur inter stellas primæ magnitudinis. Est enim efficacissima omnium earum ferè quæ in cœlo sunt. Causa est, quoniam à Solis lumine & dum præsens est, & per radios vehementius illustrantur stellæ, quæ in via Solis sunt quàm quæ extra illam. Proximæ his quæ vsque ad octo gradus (ea enim est latitudo Veneris maxima ab ecliptica) distant, seu Australes seu Boreales. Causam reddebat Haly, quoniam cum fixæ plurimum absint à terra, & proprio motu tardissimè moueantur, vis illarum ad terram non deferitur. Quæcunque igitur proximiores sunt eclipticæ, erraticarum, quæ illis iunguntur beneficio, vires ad nos transmittunt. Ideoque & frequentius quanto propiores sunt eclipticæ. Validissimæ igitur quæ intra tertium gradum latitudinis continentur, quoniam corpore omni planetæ præterquam Soli, iungi possunt. Post has sunt quæ à tertio gradu vsque ad quintum, nam & his Mars & Luna iunguntur. Debiles verò quæ à quinto vsque ad octauum. At de his in Ephemeridum Supplemento distinctè conscripsimus. Propter hoc igitur Ptolemæus à stellis, quæ in Zodiaco sunt tanquam validioribus, & quarum opera celerius & vehementius nobis manifesta sunt, initium duxit. Præponuntur tertio loco quæ Borealem habent latitudinem nobis, quæ Australem, habitantibus in regione Antartici poli. Similiter & quarto loco quæ declinationem habent Borealem nobis: quæ Australem, habitantibus ultra æquinoctialem. Quinto, quæ supra verticem alicuius regionis sunt, plurimum in illa regione possunt, quæ autem remotæ sunt à vertice regionis, tantò minus possunt, quantò magis remotæ sunt. Sexto, quæ cum aliquo planeta in longitudine iunctæ sunt. Septimo, quæ in antisicio alicuius planetæ ad vnguem sunt constitutæ. Octauo, quæ simul oriuntur aut occidunt cum aliquo planeta plurimum possunt, vimque exhibent illi planetæ cum quo oriuntur vel occidunt. Nono, cum medium cœli cum aliquo planeta occupauerint. Decimo, cum simpliciter exoriuntur. Vndecimo, cum occidunt. Duodecimo, cum radiis alicuius planetæ illustrantur. Hic autem modus est valde debilis, quia neque plantæ à stellis radiis afficiuntur, quoniam fixæ radiis carent: neque ipsæ fixæ per se vires ad nos transmittunt

validas, nisi cum coniunctæ fuerint planetæ alicui, aut in eadem declinatione ab æquinoctij circulo, aut secundum aliquos in circulo equicrurio cum planeta aliquo (id est, in circulo magno qui per puncta intersectionum transit circuli meridiei & horizontis habitationis illius) aut cum stella emerferit primum in horizonte, aut cor cœli occupauerit aut occiderit in horizonte posita, vel septimo loco cum directio ad illam peruenierit, ipsa verò aut maxima fuerit, aut prope eclipticam. His septem modis fixæ solum habent evidentes effectus: atque eo ordine quo scripsimus euidentiores: reliquis omnibus obscuros & penè inutiles. In his etiam cum Sole maximos circa vitam & honores: cum Luna deinde circa fortunam: post ioue, Saturno, Marte, Venere, atque Mercurio, nisi similitudo naturæ præuertat ordinem. Similis enim stella fixa, cum erraticæ euidentissimos habet effectus, cum contraria obscurissimos, cum dissimili atque alterius generis, incertos, & qui ferè non nisi post euentum dignosci possint. Figuræ verò existimantur vires habere, multum quæ his Ptolemæus tribuit, cum tamen figura non sit principium actionis: deinde quod figuræ illæ haud exactæ sint, imò ne tales ut quisque vnquam vllam agnoscat, nisi valde edoctus ac potius persuasus quàm edoctus. Plurimum enim absunt Arietis stellæ ab Arietis figura, & longè plus quæ in Tauro à Tauri, atque ita in cæteris, præter triangulum: ea enim sola, quod simplicissima sit forma, nomen refert & dignosci absque artificio potest. Verum dicam, figuræ illæ his stellis ascriptæ sunt ut nomen posset imponi. Nam quod fortuitæ sint, vel solum declarat quod adiungendo alias vel adimendo, semper figura commutetur, ut liquidum sit eas esse voluntarias. Sed tamen aliquid posse videntur quod experimento, non ratione vlla, comprehensum est. In quibusdam tamen succedit, ubi nomen consequens effectui impositum est: Velut Tauro qui laboriosus significat & frontem facit elatam vtrinque prominentem: Sed quid habet Aries cum stellis quæ Arietem formare videntur? Itaque figuræ hoc modo vires habent cum linea horizontis comprehenduntur, atque aliquam effigiem formant. Refert enim natus & qui sub ea constitutione nascuntur, effigiem lineæ comprehendētis stellas quæ tunc exoriuntur: atque id pulcherrimum scire est. Nam ob id in diuersis regionibus idem signum eademque pars signi diuersas hominum formas præstat, sed tamen consimiles, quoniam horizontis linea diuersis modis figuras illas secatur. Est etiam, ut dixi, quippiam ex figuris ortum habens incertis quidem nobis, conditori autem certissimis, ex quo plurima atque ardua, sed solo experimento, deprehenduntur.

Est etiam illud consideratione dignum, quod fixis stellis quippiam accedit Solis causa superioribus planetis simile, non tamen idem. Cum etenim primum Sole illas relinquentē ante ipsius exortum illuxerint, tunc validissimæ sunt, remittuntur autem dum



Sol longius ab est. Cum verò sub oppositio-  
ne fuerint, debiliores sunt, donec ad exor-  
tum matutinum redierint. Hoc autem expe-  
rimento & Mathematica ratione constat:  
nam cum proximæ Soli fuerint, lumen So-  
lis, quod altiores sunt, ad nos reflectunt:  
quod imbutum viribus stellæ, dum illa no-  
cte exoritur, minimè nativis impedita radiis  
Solis, maximos effectus atque repentinos,  
tùm celeres in his inferioribus producit.  
Vtrum verò à primo discessu à Sole stellæ  
sint humidiores, deinde vsque ad oppositio-  
nem calidiores, Caniculæ exortus ostendit  
verum non esse: quandoquidem dum pri-  
mum apparet, omnia excalefaciat atque exu-  
rat. Calidior igitur est atque humidior So-  
lis radiis proprio lumine infectis, non qui-  
dem vt dictum est centies, humido secun-  
dum qualitatem, sed secundum quantitatem,  
atque inimico humano generi, quemadmo-  
dum est visus serpentum. At verò quæret  
quispiam de planetis in oppositione atque  
quadratis Solis, quonam pacto se habeant  
cum in ipsismet punctis fuerint? Itaque dico  
in primo stationis primæ puncto tanto cali-  
diores sunt quanto humidiores, antea humi-  
diores quàm calidiores, post sicciores quàm  
calidiores. In ipso oppositionis puncto tan-  
tò calidiores quàm sicciores, tunc verò est  
ac si nihil caliditatis ac siccitatis addidissent.  
Protinus verò sunt sicci atque frigidi, sicut  
siccitas augeri incipiat vsque ad medium spa-  
tij quod est vsque ad stationem secundam:  
inde siccitas remittatur, frigiditas verò sem-  
per augetur, donec ad medium spacij perue-  
nerit, quod est inter stationem secundam &  
occultationem: tunc enim propter quintum  
tempus frigiditas in ultimo consistit, & pla-  
neta fit debilissimus. Hæc autem necessaria  
sunt ad determinandam magnitudinem qua-  
litatum. Sententia igitur Ptolemæi est, vt  
in omnibus astris habitum illorum ad Solem  
tribus ex causis respiciamus: Prima, quia  
omnia astra moderantur Solis effectus, & il-  
lius virtutem in hæc inferiora augent aut mi-  
nuunt, ipse autem principalis causa om-  
nium est. Secunda, quia virtus quæ ad nos  
defertur ab astris tanta est, quantum est lu-  
men quod à Sole recipitur ab illis. Hoc au-  
tem, vt dictum est, non simpliciter intelli-  
gi debet, sed omnibus his modis quibus ex-  
plicauimus. Tertia, quia omnes planetae,  
vt dicebat Messahallac, alligantur Soli velut  
funi: & verum dixit, omnia enim cœli sy-  
dera Solis cursum observant. Nam Venus  
& Mercurius eodem motu in eccentrico mo-  
uentur, & centrum epicycli eorum idem est  
cum centro Solis semper. Luna epicycli cen-  
tro & abside media hinc inde semper æqua-  
liter distat à linea medij motus Solis: sicut  
linea quæ ducitur à centro Solaris circuli per  
centrum Solis media semper sit inter absidem  
Lunæ, & lineam ductam ex centro circuli  
Lunæ per centrum parui sui circuli. Tres ve-  
rò superiores tantum distant ab abside sui  
parui circuli, quantum linea medij motus  
ipsius planetæ. Fixæ verò stellæ eodem mo-  
tu ad vnguem moventur quo ipsius Solis ab-  
sis. Itaque constat Solem esse metrum & me-

suram omnium syderum, quæ in cœlo sunt.  
Hæc volui dixisse, vt intelligeres Solem esse  
principem atque regem inter astra, cuius  
consideratione atque respectu omnia metiri  
debeant. Quantum verò ad figuras signo-  
rum, sciendum est quod propter octauæ orbis  
motum Aries amplius non est iuxta æquino-  
ctij circulum nec signa ipsa æqualis sunt lon-  
gitudinis atque latitudinis, sed quædam qua-  
draginta & amplius partium in longitudine.  
Similiter & circa latitudinem plurimum, vt  
dixi, differunt: Quamobrem non ex anti-  
quo situ, sed ex stellarum natura & configu-  
ratione, Virtus signorum octauæ orbis su-  
menda est. Signa verò noni orbis neque fi-  
guras habent, neque figuris cognitis con-  
stant, sed partes ipsius cœli ad æquinoctij  
circulum comparatæ, diuersas existimantur  
habere naturas, siue in nono cœlo sint, siue  
in octauo. Et tamen cum omni figura careant  
hæ partes, signorum nomine intelliguntur,  
non autem figuræ octauæ orbis. Cum ergo  
dixero Arietem, non iam figuram in octauo  
cœlo intelligo quæ stellis Arietem refert, sed  
triginta primas illas partes eclypticæ, quæ  
primum ab æquinoctiali Septentrionem nu-  
merantur.

Cum igitur stellas octauæ orbis considerat  
eas quæ proximè sunt, id est, in eodem sig-  
no aut cœlesti imagine, & quæ easdem ha-  
bent vires, breuitatis causa & evitandi tædij  
studio sub vna ratione connumeravit: Velut  
eas quas in ore Arietis, naturæ Mercurij si-  
miles parumque Saturni esse dixit.

Hic igitur dubitatione dignum est, an qua-  
litates ipsas simul temperet an vtrasque simul  
tametsi contrarias esse velit: Similiter an, cum  
dixit, gratia exempli, stellam quæ est in cor-  
de Leonis habere vim Iouis atque Martis  
velit, in his quibus naturæ horum planeta-  
rum pugnant, vtramque aboleri, an vtram-  
que adesse? Velut Iupiter significat iustitiam  
iustosque, Mars iniustitiam atque iniustos,  
vtrum ne illi quibus cor Leonis in ascenden-  
te erit, erunt modò iusti, modò iniusti aut si-  
mul iusti atque iniusti, an prorsus medij in-  
ter iustos atque iniustos? Sed mihi videtur vt  
non aliter interpretandus sit Ptolemæus quæ  
per ipsummet: In tertio libro enim Planeta-  
rum naturas miscet, vbi de qualitatibus ani-  
mi loquitur. Quamobrem ex eo loco stella-  
rum errantium mixtionis ratio in fixis erit  
interpretanda. De qualitatibus autem, quo-  
niam non Galeni, sed Aristotelis sequurus  
est opinionem, existimandum est similes in  
vnum coëgisse, atque ex similibus similia  
auxisse, in contrariis autem ob repugnantiam  
aut vtramque sustulisse, aut ex maiore mi-  
norem ademisse. Eademque ratio est de cor-  
poris & fortunæ decretis, quàm de animi  
coniugationibus observandam ex Ptolemæo  
docuimus. Igitur stellæ in cauda Ursæ ma-  
ioris quasi crines humidissimæ sunt, & suffo-  
cationes ab aquis, vel propter pituitam nun-  
tiant: quia ex natura Veneris sunt atque Lu-  
næ. Vterque autem istorum planetarum hu-  
midissimus est, in calore verò mediocres: Lu-  
na scilicet calidiores & Venere frigidiores.  
Ita stellæ de natura Saturni & Martis siccissi-  
mæ

Cap. 17.



ma erunt. Vterque enim planeta siccus est, in calore quasi temperata, sed declinabunt ad frigus, quia Saturni frigus Martis calore maius est: Erunt autem iracundi propter Martem, & tenacis iracundiæ propter Saturnum, & in illa iracundia feroces & audaces, ea deferuescente, timidi, propter Saturnum.

## CAPVT IX.

## TEXTVS XXXVI.

*De Anni temporibus & quatuor  
angulorum natura.*

**A**Tque hæ sunt vires singularum stellarum, ut à veteribus obseruata fuere. Exquiri autem & anni temporum quatuor natura debet, quæ nominamus, Ver, Æstatem, Hyemem, Autumnum.

Qui putant Ptolemæum solum ea quæ sunt considerare non ea quæ facta sunt caput istud non diligenter considerauere: Docet autem se tradidisse doctrinam de stellis iuxta antiquorum experimenta: nunc anni tempus in quatuor partes diuidit proportionem respondentes quatuor mensis Lunaris, & quatuor partibus diei, & quatuor ætatibus, & quatuor constitutionibus superiorum: in omnibus enim his prima pars est humida & calida, sed minus calida quam humida: secunda calidior quam sicca: tertia siccior quam frigida, & quarta frigidior quam humida. Ideo ex natura horum temporum præter id quod cognoscimus illam, cognoscimus etiam quod dictum est de comparatione Lunæ, & superiorum, & fixarum quomodoque & ætatem, & partium diei in medio puta in stationibus. Nam quemadmodum medium inter Ver & Æstatem, ubi Ver Æstati coniungitur, est calidum manifeste, in humida autem & sicco temperatum: Ita in fine pueritiæ dum iuuentuti iungitur, & dum Luna est in prima quadrata radiatione Solis, & in superioribus in prima statione. Posuit autem hanc tractationem post stellas fixas, quoniam à stellarum exoribus tempora permutantur.

## TEXTVS XXXVII.

Ac Ver quidem humiditatis plurimum habet, cum soluto frigore aura calore diffunditur. At æstas calidior est, propterea quod tum Sol proximè verticalem nobis punctum fertur. Autumnus verò propria siccitas est, humiditatem tum præterito æstu reprimente. Hyems autem tota est frigida, quod Sol tum longissimè distet à verticali nobis loco.

Quod Ver sit humidum secundum Ptolemæum, & temperatum secundum Galenum nullam habet repugnantiam: quoniam quantitate quidem humidi ac substantia humidum dicitur, iuxta qualitatem autem est temperatum, non sicut humidum hyemis quod crudum est: eodemque modo de ioue supra distinximus. Similiter quod medici breuius faciant Ver & Autumnum, longam Æstatem, & longissimam Hyemem, Astrologi autem omnia tempora æqualia, neque id rursus repugnans est, cum Astrologi rationem sequantur omnibus gentibus generalem, quæ est quod Ver sit dum Sol permeat ab initio Arietis usque ad initium Cancris: dissoluit enim humidum & impinguat terram, nec tamen adhuc sensibilibus excalescit. Ex quo liquet manifestè quod diximus prius stellas humectare antequam excalescant: parvus enim calor & multus humectare potest, non autem calefacere. Æstas verò à Cancris initio ad Libræ initium: à Libræ initio ad Capricorni initium Autumnum, à quo ad Arietis initium rursus Hyems. Neque obstat quod medici annum in septem tempora diuidant: nam rationem stellarum fixarum, non Solis tantum sequuntur. Hæc autem inferius declarabitur.

Porro cur Zodiacus in duodecim signa diuidatur, Haly duas pulchras rationes adducit, primam, quoniam vnumquodque tempus istorum quatuor habet initium medium, & finem: cum igitur tria ducuntur in quatuor, fiunt duodecim signa. Secunda, quia Luna, quæ & ipsa quatuor tempora facit in mense, licet non adeo conspicua, duodecies in anno coniungitur Soli, adeo ut multi Lunarem rationem non Solis sequuti, annum constituerint dierum 364. Quia verò Sol in trecentis sexaginta quinque diebus & sex horis fermè totum peragrat signiferum, & hic numerus erat incommodus supputationibus, diuiserunt signiferum in numerum proximiorum partibus plurimis constantem, qui est 360. ut sic vnumquodque signum triginta partibus constet. Sed hæc diuisio ut computationi aptior est, ita physica minimè est, sed ea quæ sit in trecentas sexaginta partes cum quarta fermè: Diuiduntur etiam partes singulæ ex trecentis sexaginta in sexaginta partes quas minuta vocant. Ultra quas procedere curiositatis est, non utilitatis: nam nullum instrumentum exquisitius est senis minutis, ut dicit Monteregius. Sed tamen cogimur & debemus in supputando, non autem in assignando loca planetarum, & fixarum, & signorum, minuta enim sufficiunt.

## TEXTVS XXXVIII.

Sed cum signiferi nullum sit initium, ex ipsius quidem, ut circuli, natura, prætulere tamen aliis, principiumque fecerunt Arietis locum tribuentes, ut in animante primas. humido quo ver excellit, atque ordine reliqua tempora adnumerantes. Omnia



nia enim animalia prima in ætate humido abundant, & mollia teneraque sunt, sicut illa tempestas sentitur. Proxima verò ætas, ut æstas feruet. Tertia, tanquam deflorescens & prior interitui, arida est, autumnoque assimilis. Ultima, in qua animantis est corruptio, ita ut hyems, prorsus est frigida.

Octo comparasse iuxta conjugationes primarum qualitatum quatuor modis, primum Solem per quatuor anni tempora, secundò Lunam, tertio superiores, quarto inerrantes, sed obscurè tamen, quinto horas diei, sexto ætates, septimò ventos, octavo angulos atque cum his regiones, iam dictum est. Cum igitur in circulo Zodiaci non liceret inuenire principium quatenus circulus est, initium statuerunt à sectione æquinoctij, & idèd initium veris fuit ab initio Arietis: Tunc verò existimabatur octauis orbis initium facere veris, quia Ptolemæi tempore Aries octauis orbis prima sui parte tangebatur æquinoctij circulum fermè, intelligendum tamen de signis noni orbis, seu octauis imaginariis, & sunt triginta gradus primi, qui sunt à sectione eclypticæ & æquinoctij versus tropicum Cancræ, vel loco eclypticæ dicas Zodiaci. Gradus autem dixi sequutus Arabes, melius est Latine dicere partes. Dicit igitur quòd prima ætas quæ est à natiuitate vsque ad vigesimum primum annum ubi finitur incrementum, est humida longè magis quàm calida, & assimilatur veri, & vocatur ætas incrementi. Secunda, quæ assimilatur æstati, est calidior quàm sicca, & incipit à vigesimo primo anno, & extenditur vsque ad trigessimum quintum annum, in robustis vsque ad quadragesimum, & vocatur iuuentutis. Tertia, quæ assimilatur autumno incipit à trigesimo quinto & terminatur ad quinquagesimum annum: in robustis autem, incipit à quadragesimo & terminatur ad sexagesimum. Quarta & vltima, quæ assimilatur hyemi, quæ est frigidior quàm humida, sicut præcedens est siccior quàm frigida, incipit in omnibus inter quinquagesimum & sexagesimum annum, & terminatur vsque ad finem vitæ. Prima igitur ætas est incrementi. Secunda roboris. Tertia sapientiæ. Quarta debilitatis, sicut & inter tempora anni. Primum est voluptatis, scilicet Ver. Secundum generationis & profectiois, scilicet Aestas. Tertium collectionis, Autumnus. Quartum debilitatis. Prima igitur sectio vernalis erit, calida humida puerilis, & sanguinea, & continet Arietem, Taurum, & Geminos. Secunda calida & sicca æstiuæ iuuenilis, & continet cancrum Leonem, & Virginem. Tertia est frigida & sicca, melancholica decrescens, & continet Libram, Scorpionem, & Sagittarium. Quarta & vltima, est frigida hyemalis senilis, & continet Capricornum, Aquarium, & Piscem. Harum media maximè sunt talia, ut Taurus temperatissimus, sepe calidissimus, & humidissimus secundum substantiam & multitudinem: Leo

calidissimus & siccissimus: Scorpio frigidissimus & siccissimus: sed ut dixi, siccior quàm frigidus: Aquarius frigidissimus & humidissimus. Initia quoque seu prima signa cuiuslibet quartæ partis Zodiaci excessum habent maximum vnius qualitatis supra reliquam, ut pote Aries est longè humidior quàm calidus, Cancer longè calidior, quàm siccus, Libra longè siccior quàm frigida, Capricornus longè frigidior quàm humidus. Vltima verò signa minimum habent excessum vnius qualitatis super aliam, & ad naturam alterius temporis tendunt: in Geminis calor superat humidum, in Virgine siccum superat calidum, in Sagittario frigidum superat siccum, in Piscibus humidum superat frigidum. Secundum hoc igitur habes naturam duodecim signorum ad vnguem: Et quia, ut dictum est, omne quod potentia est tale, fit actu tale: planetæ in his signis, & fixæ, & comete, & ascendens, & reliqua talia sunt & adipiscuntur naturam signi. Ex his etiam sequitur quod Taurus est temperatissimum signum quod sit in cælo: nam est temperatissimum quartæ partis vernalis, quæ est temperatior omnibus aliis, & Leo est ardentissimum omnium signorum quæ sunt in cælo, biliosissimum & animosissimum, quia est ardentissimum quartæ partis æstiuæ Zodiaci, quæ est calidissima & siccissima omnium partium Zodiaci. Et Scorpio erit perniciosissimus & inimicissimus naturæ humanæ, quia est frigidissimus & siccissimus omnium signorum quæ sunt in cælo: & idèd venenum ei meritò tribui potest. Aquarius verò erit timidissimus & ignauissimus, frigidissimus & humidissimus omnium signorum, &c. Hucusque locutus est Ptolemæus secundum vera principia Physica, & absque dubitatione digna, modo quis sciat distinguere inter caliditatis magnitudinem & naturam, seu luminis & opus eius, quod est in se calidum ubi multum sit de lumine, & frigidum ubi parum sit de lumine & calore: & in comparatione ad elementa, humidum ubi sit multum de vapore concocto, siccum ubi sit parum de illo vapore concocto, & de illa humida substantia. Omne enim astrum qualecunque sit, sicut est author caliditatis, ita etiam humiditatis, sicut frigidum & siccum in astrorum operibus non sint qualitates contrariæ, calidi & humiditatis, sed nomina mensuræ paruitatis calidi & humiditatis: Et ut sciat distinguere inter primas qualitates in quanto quæ sunt substantiæ, & inter qualitates primas, quæ sunt accidentia & impressiones: Ut sit exemplum, quòd Taurus est temperatissimum signum plurimum habens calidi & humiditatis, quia est signum vernale medianum, ut dictum est, dicitur tamen planeta in eo siccus cum Taurus fuerit, in parte orientali cæli secundum qualitatem, id est, quod natus sub illo, licet habeat plurimum de calore naturali, & humido virali quod substantia ipsi dem est, ut in medicis expositionibus docuimus, illud tamen humidum erit siccior, & non erit tam purum, neque tam feruens secundum qualitatem, ut esset humidum illius qui natus esset cum Taurus occidit. Et ita per contrarium

natus



natus sub planeta in Libra occidente, humidum habet purius & syncerius secundum qualitatem, non erit tamen neque densum, neque multum: imò, ut ita dicam, aqueum, & benè vides ista non repugnare. Dabo aliud exemplum clarius: capiat puer, & senex, & nutrianrur duobus annis: puer quidem lentibus decoctis & brastica, bibens aquam, senex autem carnibus & ouis, & vino dulci bono: puer referet temperiem nati sub Tauro tam in quando quam in quali, & senex nati sub Libra, tam in quanto quam in quali. Hæc igitur vobis te intelligere, quoniam dubia videntur & non sunt: & sunt clauces ad intelligendum omnia dicta Ptolemæi tam quæ antecedunt, quam quæ sequuntur: Sed quæ subiicit cum clara videantur, maximam in veritate habent dubitationem & sunt.

### TEXTVS XXXIX.

Ad hoc exemplum quatuor anguli horizonis, ex quibus nascuntur, totas illas partes occupantes venti etiam distribuuntur. Orientalis enim ariditatis plurimum habet: quod cum ibi Sol est, cum per noctem excitata humiditas desiccari incipiat. Hinc igitur venti spirant aridi, & desiccantes auras, qui verè Subsolani vocantur. At plaga meridionalis & calidissima ipsa est, propter flammationes Solis in cœli medio, quod non nostrarum terrarum situs est ad meridiem maximè declinat. Huius venti nominantur communiter Noti, suntque calidi & rarifici. Cæterum locus occidentius, quod ad illum cum Sol peruenit, tum primum humiditas per diem exhausta diffundi incipiat & humectus ipse est, & qui inde exeunt venti, quos nominant Fauonios, teneri sunt & madidi. Verum Septentrio totus frigidus est, propterea quod pro situ nostræ terræ longissimè absit à calore cursus Solis per cœli medium, quique inde spirant venti, commune appellatione dicti Aquilones, frigidi sunt & congelatores.

Maximam causam esse oportuit propter quam Ptolemæus à solito ordine in ventis & diei partibus, seu partibus cœli quæ horizontem & meridianum distinguuntur, recesserit. Si quidem ex ordine fuisset solito ut ventum orientalem veri assimilasset, & similiter primam partem diei, quæ est ab ortu Solis usque ad meridiem, & partem illam etiam cœli quæ inter horizontem & medium cœli posita est: Sequentem verò à meridiem ad occasum: æstati: Ita & tempus & ventum, sed in hoc conuenit, in prima autem non conuenit. Similiter ventum occidentalem & par-

tem primam noctis, quæ est ab occasu ad mediam noctem poterat assimilare autumno, sed non facit. Partem verò, quæ est ab imo cœli usque ad orientem, & noctis quæ est à medio ipsius ad Solis ortum, & Borealem ventum, hyemi, quod & facit fermè. Dissidet autem in duabus partibus quæ sunt oppositæ ab ortu, scilicet ad meridiem, & ab occasu ad cœli imum. Nam illam quæ est ab ortu ad cœli medium, siccam facit, contrariam humidam: atque ita Ver siccum, autumnum humidum. Primum igitur videre decet quid Ptolemæus in hanc opinionem impulerit, inde contrariæ rationes adducentur. Quatuor igitur rationibus, ut mihi videtur, Ptolemæus innixus est: prima est, quod nox tota sit humida: unde etiam illud Poetæ, humida cœlo: dies verò siccus. Ut igitur statueret diem totam siccam & noctem humidam, coactus est ponere partem quæ ab oriente est ad meridiem, siccam & non humidam. Secunda est, quia dum Sol confurgit purus est & nitidus usque ad meridiem: pelit enim vapores, non trahit, excalefacere multum non potest cum sit nouus. Igitur pars illa cœli ac temporis sicca est & contraria humida. Tertia causa est, quia si humida poneretur & calida velut Ver, esset pars ima hyemi respondens, id est, à media nocte usque ad ortum Solis, seu ab imo cœli ad ascendens, quare non posset esse principium vitæ. Quarta adducitur à Ptolemæo in textu, quod Sol cum oritur exiccat humidum vaporem, igitur est siccus: & illud docet ab experimento quod venti orientales exiccent. Verum in oppositum plurima sunt. Primum, quod iam peruertat ordinem consuetum. Secundum, quod ventus orientalis humidus sit & adducit pluitas in Italia, quod & Galenus innuit §. Methodi, occidentalis verò exiccat & serenitatem parit, quod etiam Petrarcha docet in carminibus suis italicis. Tertium, quod venti iidem in diuersis regionibus diuersos effectus prorsus faciunt. Quartum, quod Hippocrates in sexto Epidemiorum assimilat primam partem diei quæ ab ortu ad meridiem, Veri: sicut tempus quod est à meridiem ad occasum, Aestati, & tempus quod est ab occasu ad mediam noctem, Autumno, & reliquum Hyemi: ita etiam dicit moneri humores & morbos. Quintum, quod idem author in libro de Aëre & Aquis dicit, quod ciuitates expositæ Euro, sunt similes in qualitatibus his quæ à tempore Verno procedunt. Sextum, quia ratio sua de vere probat quod prima pars diei sit humida: calor enim moderatus eleuat vapores. Septimum, quoniam si pars quæ est ab imo cœli ad ascendens ponatur frigida, quomodo ascendens & prima domus erunt vitales? cum vita consistat in calido. Octauum, quia si pars quæ est ab oriente ad medium cœli sicca est, vel tantum sicca est: vel etiā frigida? vel calida? si sicca tantum peruertitur ordo omnium aliarum qualitarum in temporibus, ætatibus superioribus, & Luna, ubi nunquam vna sola viger qualitas: Præterea vna qualitas sola diu manere non potest, ut Galenus & Auerroës docent. Si erit sicca & calida, talis

Cap. 11.

Part. 1.  
Com. 15.

Cap. 2.

lis



lis erit etiā illa quæ est à meridie ad occasum seu in parte cœli, seu in tempore, & ita erunt tantum duæ coniugationes qualitatum: una in die, calida & sicca, alia in nocte, frigida & humida. Præterea non differret specie natura partis diei ab ortu Solis ad meridiem, & à meridie ad occasum: Si verò ponatur sicca & frigida, erit contraria illi quæ est ab occasu ad mediam noctem, calida & humida quod est absurdissimum & contra omne experimentum ponere primam partem diei usque ad meridiem frigidam, & primam partem noctis usque ad mediam noctem calidam? Perinde ac si lucem obscuram & tenebras claras. Nonum, quoniam processus erit contra ordinem quomodo libet ponatur, scilicet à sicco ad calidum, à calido ad humidum, ab humido ad frigidum, à frigido ad siccum, nā iste processus est absurdus & omnino contra naturæ ordinem: quia videmus primo materiam dissolui & fieri humidam à calore non tamen incalescere, post incalescere & exiccari, & siccitate fieri frigiditatem, ut in senibus, quia sicci sunt, idèd fiunt sicci. Ita pueri quia humidi, fiunt calidi, non quia calidi, idèd euadunt humidi. Hæc omnia adduxisse volui ut quisque intelligat Ptolemæi sensum non fuisse perceptum ab vllis expositoribus, nec percipi potuisse nisi quis intelligat nostra principia, mordicusque retineat. Sensus igitur est, tale tempus, talisque pars cœli, talisque ventus qui ab oriente usque ad meridiem ortum habet siccus est qualitate & actione, non substantia, nec aliam copulat illi qualitatem. Ratio est, quia in his quæ sunt brevis temporis actiones considerare oportet, quæ vehementes sunt, hæc verò pariunt qualitates non substantias. Substantia enim concoctione indiget, concoctio tempore, tempus autem breue est & perexiguum. Idèd planetæ & fixæ in partibus diei atque cœli qualitatem mutant non substantias. Non igitur inconuenit actionem ex sicca transire in calidam, vel ex calida in humidam. Alia dubitatio est, quomodo inum cœli septentrioni tribuat, qui nobis & Ægyptiis etiam semper apparet, inum verò cœli semper occultatur: & contraria ratione medium cœli austro, cum Antarcticus polus semper nobis & Ægyptiis occultetur. Verum hoc agit propter similitudinem Solis: cum enim medium cœli in meridie initio æstatis comparetur, medium noctis initio hyemis (vtrinque enim initium maximi caloris aut frigoris (Boreas verò frigoris maximi initium sit, Australis verò pars, id est, torrida Zona, non Antarcticus polus caloris author immensi, manifestum est cur inum cœli Boreæ, medium autem plagæ meridionali tribuatur.

### TEXTVS XL.

Vtilis est harum rerum notitia ad iudicia singularum commissionum. Patet enim quod de talibus constitutionibus, horarum, ætatum, angulorum, ipsa etiam stellarum efficien-

tia variet, quæ certè ut simplicior, ita & validior est peculiaribus aprisque in locis, ut in calidis calidificæ, & in humidis humidificæ. In alienis verò admistione diuersitatis debilitatur, ut in frigidis calidificæ, & aridis humidificæ atque ita aliæ in aliis pro ratione consequentia commissionis.

Non est nisi ut breuiter exponam quid dicat, scilicet quoniam scientia quæ in hoc capitulo continetur utilis est ad dignoscendum vires astorum. Nam cum astra simplices obtinuerint qualitates, id est, non contrariis mistas, ut calida & humida in calidis & humidis, frigida & humida in frigidis & humidis, maximos effectus faciunt. Nam & cicuta quæ frigida & humida est, in vmbrosis locis nata, & frigidis atque humidis validior est, in suo genere & celerius interficit. Coniuncta verò contrariis locis astra, imbecilles effectus habent.

Sed vtrum qualitates ipsæ ad substantias conferant & an substantia ad qualitates? an omnino diuersa sint opera? & rursus, an contrariæ qualitatibus & substantiis qualitates se mutuo destruant? Et mihi videtur quod ad conseruationem quidem similia similibus conseruentur, à contrariis verò destruantur: atque hoc de substantiis ad qualitates comparatis intelligatur. De generatione autem non ita est, nam substantiæ à viribus fiunt, vires autem à multitudine & densitate substantiæ & puritate. Qualitates autem à robore & debilitate, aut consimili qualitate, sic calor à multo calido vel à caliditate, frigus à paruo frigido vel à frigiditate, humidum à multo humido, vel ab humida qualitate, siccum à paucio humido in substantia, vel à sicca qualitate. Et generaliter substantiæ quæ plurimum habent principij vitæ, id est, calidæ & humidæ, fiunt ab abundantia talis substantiæ non impediente contraria qualitate. Frigidæ vel siccæ substantiæ à paucio calore, vel humido in substantia, vel à vehemēti qualitate consimili, vtpote sicca vel frigida. Calidum verò & humidum in qualitate à qualitate consimili, frigidum verò vel siccum in qualitate consimili vel defectu substantiæ calidæ vel humidæ.

Rursus dubitabit aliquis, si calidum & humidum in substantia idem sunt, quomodo dabitur substantia frigida & humida? aut calida & sicca? Oportet autem frigidam & humidam substantiam intelligere, quæ potentia quidem calida est, actu autem humida: velut vinum cum nondum calidum est, qualitate actum substantiæ impediēte. Et similiter calida & sicca substantia dicitur quantitate, cum substantia calida est, non tamen humida videtur qualitate sicca impediēte. In vniuersum igitur quod ad substantiam attinet, verè non sunt nisi duæ temperaturæ, calida & humida, & frigida & sicca. Cum tamen concreuerit humidum manente calore, appellamus calidam & siccam propter qualitates manifestas



tates quæ euidenter apparent : & cum humidum nondum incaluerit , propter qualitates manifestas appellamus frigidam & humidam.

## CAPVT X.

## TEXTVS XLI.

*De signis Tropicis , æquinoctialibus  
& bicorporibus.*

**H**is expositis, annectere pergamus ipsorum etiam duodecim locorum traditas naturales proprietates. Ac ipsorum quidem generales constitutiones, rationem eandem habent cum suis temporibus, colliguntur tamen quædam ipsorum proprietates à familiaritate Solis & Lunæ & reliquarum stellarum, sicut postea dicetur, ubi prius vires duodecim locorum simplices & quas per se, & quas erga sese inuicem habeant, explicauerimus. Primum discrimen solet fieri signorum, ut alia dicantur esse tropica, alia æquinoctialia, itemque firma & bicorpora. Tropica sunt duo; Primum, Solstitio æstiuo, hoc est, partes triginta Cancræ. Alterum à Solstitio hyberno, id est, partes triginta Capricorni: Atque his nomen à re inditum est, quoniam Sol, ubi hæc primum ingressus est, mox retro conuertit, abique diuersam latitudinis viam, in Cancro quidem æstatis: in Capricorno vero Hyemis author. Sunt & æquinoctialia duo, vnum quod est æquinoctij verni, Aries: Alterum quod autumnalis, Libra, quibus & ipsis à re nomen est impositum: Cum enim primum ad ea Sol peruenerit, per totum orbem terrarum exæquantur diebus noctes. Ex reliquis octo signorum locis quatuor firma vocantur, quatuor bicorpora. Firma quidem quæ tropica & æquinoctialia sequuntur, Taurus, Leo, Scorpius, Aquarius, quod per illorum peculiaria tempora, ubi ad hæc Sol accessit, multo vehementius sentiamus humidum, calorem siccitatem & frigus. Non quod tum aeris status simpliciter sit natura sua, sed quia non aliquantulum in illis temporibus versati ipsa mora vires eorum magis experimur. Bicorpora sunt quæ post firma numerantur Gemini, Virgo, Sagittarius, Pisces, inter enim firma tropicæque,

& æquinoctialia posita, & initio & fine communes naturas, cum illis habent, quæ & antecedunt, & sequuntur.

Excusat quod signorum iam proprietates tradiderit, & tamen rursus recensere videatur. Sed tamen hic diligentius, tres faciens ordines à Solis motu sumptos: Sed alia comparatione. Nam hæc à prioribus deducta est. Prima quatuor signa, quatuor temporum anni, quæ sunt Aries, Cancer, Libra, & Capricornus, quæ à plerisque mobilia vocantur, diuiduntur, nam Aries & Libra dicuntur æquinoctialia, quoniam cum Sol est in illorum initio æquinoctium est in vniuersa terra. Cancer autem & Capricornus tropica, quia dum Sol est in illis, conuertitur, in Cancro quidem à nobis recedendo, in Capricorno accedendo. Dum etiam in illa ingreditur commutatur vicissim noctis & diei: Sole enim Cancrum ingrediente, nox crescere incipit, quæ prius minuebatur: Sole vero Capricornum intrante, crescit dies, quæ iam antea perpetuo minuebatur. Sunt etiam ista quatuor initia mutationis temporum: Sole enim Arietem ingrediente Hyemis mutatur in Ver, Cancrum, Ver in Æstatem, Libram, Æstas in Autumnum, Capricornum, Autumnus in Hyemem: Ob id igitur mobilia dici solent. Sequentia Taurus, Leo, Scorpius & Aquarius fixa sunt, quoniam status temporis in illis sunt firmi. Dicit Ptolemæus non quod in Taurus sit tempus temperatius, aut in Leone ardentius, sed quod corpora hominum iamdudum eam qualitatem in mobili signo experta, inde in hoc eandem magis sentiant, atque immutatam. Tertius ordo est bicorporeorum, dicta ob id bicorporea, vel quod duobus corporibus constent, nam Gemini duos habent pueros, Pisces totidem animalia, Sagittarius, equi & hominis corpus, Virgo autem quod Libram contineat: vel bicorporea, quod Sol, dum est in illorum initio, vim temporis præsentis ostendat, dum in fine, succedentis. Ut dum Sol est in Geminorum initio, verè Ver sentitur, sed dum est in fine, potius Æstatis species quædam quam Veris. Quamobrem & medici tempora finium horum signorum dum Sol in illis est, succedentibus statibus aeris, non præsentibus ascribunt. Vtrum verò signa sint tantum velut materia, stellis octauæ orbis relictis? non dicam. Cælum enim substantia est, & substantia opus habet. Et etiam quia in ascendente varias facultates habent, ut Ptolemæus testatur. Et cum omne quod potentia iam tale est alterius comparatione tale actu per se fit, quia quælibet pars cœli octauæ & multo magis non à Solis radiis perpetuo illustratur. Cum igitur potentia ad Solem talis sit, erit & talis semper actu per illius radios saltem. Porro mobilia signa dicta sunt quia mutantur tempora ab illis non in illis. Communia autem non ab illis, sed in illis. Dicta autem sunt communia quod inter fixa, & mobilia sint constituta. Palam autem est eadem esse bicor



bicorporea quæ & communia. Vt animum duplicem quasi vt corpus habent. Docuit autem nos per hæc quod in his signis multum referat an in initio an in fine quis nascatur: minus in mobilibus minimè in fixis. Porro cum fixa & communia indiuisa maneant, mobilia autem diuidantur in tropica & æquinoctialia, male faciunt qui illa confundunt, cum valde diuersa sint natura: Sed sufficit scire quod omnia talia mobilia sint. Per familiaritatem autem Solis, Lunæ, atque Stellarum intelligit domos, altitudines, triangulos, & fines. Quod verò communia signa interposuerit mobilibus ac fixis, ea ratione factum est vt intelligeremus naturam ab extremo in extremum non transire, nisi per media. Oportet autem sic à fixo, inde communi, deinde mobili, initium ducere, atque ita à Tauro. Hoc autem voluit nos scire quia quomodocunque communia signa mutantur & fixa atque mobilia, necesse est vt fixa mobilibus abique inter medio villo cohæreant: vt Arieti Taurus, Cancro Leo: Sed sufficit vt alio ordine interponantur. Nihil autem refert quod in illo ordine non sumamus initium ab Ariete, sed à Tauro vel Leone, vel alio fixo signo, quandoquidem Zodiacus circulus sit, & in circulo principium omne ex voluntate pendet, non autem à natura.

## CAPVT XI.

## TEXTVS XLII.

*De signis Masculinis & Fæmininis.*

**P**RAETEREA sex loca signorum masculino sexui & diurnæ conditioni attribuere, totidemque fæminino & nocturnæ. Ordinis autem huius ratio consequentia & serie ipsa constat, ita vt vicinitas coniunctioque est diei & noctis, maris & fæminæ, cumque initium Arieti tribuatur, propter causas à nobis expositas, & mares principes dominique sint naturaliter, semper enim quod agit potentia prius est eo, in quod agitur, Arietis quidem locus, atque idem libræ masculina signa esse accepimus & diurnus. Vel ob hanc etiam causam quod per hæc circulus æquinoctij describitur, qui primæ & maximæ rerum omnium agitationis author est. Ab his igitur, serie singillatim seruata, consequenter ordinis ratio ducitur, id est, vt masculinis & diurnis continuè fæminina nocturnaue subiiciantur.

Nisi quis omnino sibi de Ptolemæo persuadeat, quod de Hippocrate Galenus dixit, scilicet quod nihil Hippocrates scripsit commune, sed solum reconditum & abstrusum:

*Tom. V.*

profunditatem quoque sensuum illius nouerit, atque in perquirendis causis quam longè semper recedat à manifestis sensibus (is verò eam profunditatem agnosceret solus qui quæ in magna compositione scripserat de causis motuum ac varietatis planetarum quam procul illas venetur, perpenderit) nunquam quæ in hoc libro scripta sunt intelligere poterit. Proponit igitur tria de signis circa antiquorum opinionem: Primum quod quædam sunt vera & hic tractanda, in prima parte verò id exponit: Quædam falsa atque reicienda, in secunda parte ibi (Nonnulli tamen) Quædam vera sed non hic tractanda, ibi (sunt & aliæ) in prima igitur parte docet esse sex signa masculina & diurna, & sex fæminina & nocturna, vt intelligamus diurnum & masculinum conuerti, quia ambo sunt calida & sicca, & similiter fæminina nocturna eadem causa quia conueniunt ambo cum frigido & humido: & hæc regula est generalis, tam in signis quam in Planetis, quod diurnum & masculinum conuertuntur, præterquam in Marte qui & ipse verè diurnus est, id est, efficacior in die quam in nocte, sed ponitur nocturnus propter id quod minus nocet de nocte, non quia efficacior. Deinde reddit rationem quare melius sit alternatim ponere ista signa, & non sex masculina continua, & sex fæminina continua, quia & masculi fæminarum societate gaudent, & dies & nox semper vicissim sibi succedunt. Rursus necesse fuit vt essent aliqua masculina, & aliqua fæminina, diurna & nocturna, tum quia hæc vicissitudo in cunctis rebus inuenitur, plantis, beluis, piscibus, tum quia signa sunt, quasi materiæ, & planetæ quasi formæ: & istæ differentiæ inueniuntur in formis, igitur etiam in materiis. Tertio, vt Planetæ habeant quibus gaudeant. Sed quod masculinum debeat præcedere fæmininum adducit rationem, quia agens prius est natura eo quod ab ipso pati natum est. At masculinum est agens, princeps & dominus, fæmininum patiens, subiectum & parens alteri: Igitur masculinum natura præcedit fæmininum. Ita etiam dies deberet præcedere noctem. Iam igitur habes quatuor de signis: Primum, quod debent esse masculina & fæminina, diurna & nocturna: Secundum, quod debet esse totidem ex vno genere quot ex alio, scilicet sex ex vnoquoque eorum: Tertium, quod debent esse alternatim disposita masculinum & fæmininum, & non continuata masculina masculinis, & fæminina fæmininis: Quartum, quod masculina debent præcedere fæminina. Diximus etiam quod quæcunque sunt masculina, sunt & diurna, & quæcunque fæminina, nocturna, & vicissim contra. Relinquebatur quintum, à quo signo esset incipiendum, & probat quod ab Ariete, duabus rationibus: prima est dicta quia initium anni & accessus Solis ad nos est ab Ariete, & posita fuit superius, scilicet quod initium in mundo & in anno (annus enim est quasi ætas mundi) & initium in animante, quoad ætates, debet esse vnum: Est enim mundus magnum animal in

N

vita



vita Aristotelis : sed principium in animante seu atas, prima est cum animal est humidissimum & mediocriter calidum, hoc autem contingit in Vere : nullum enim tempus est humidissimum & calidum nisi Ver, igitur Ver debet esse principium anni : igitur cum Sol Arietem ingreditur faciat Ver, à primo ad ultimum Aries erit primum in ordine signorum, ipse igitur erit masculus, & Taurus foemineum signum, & ita Gemini masculinus & Cancer foemininus. Secunda ratio Ptolemæi est quod oporteat esse masculina signa, ubi est vehementissima mutatio : declaratum est enim superius quod masculinum idem est quod efficax, seu quod agit, seu in quo est principium motus : sed Aries & Libra talia sunt, quia sunt circa æquinoctij circulum qui efficacissime agit, quia velocissime movetur : actio enim per per motum fit, consequitur motus velocitatem.

### TEXTVS XLIII.

Nonnulli tamen masculina signa ab orientali loco, qui horoscopus dicitur ordientes disposuerunt. Sicut enim aliqui tropicorum locorum initia à Lunari circulo ducunt, quod celerissimæ Lunæ conuersiones sint, ita & illi principium tribuere masculinis locis orientem propter subsolanum. Horum etiam alij seriem consequentiamque singulatim ut diximus secuti sunt. Alij totius circuli in quadrantes diuisionem. Loca quidem ab horoscopo usque ad M. C. hisque opposita, ab occidua plaga usque ad I. M. matutina & masculina nominantes : vespertina verò & foeminina, quæ sunt in reliquis binis quadrantibus.

Nunc ponit opiniones aliorum distinguendum signa masculina à foemininis & matutina, à vespertinis ratione ascendens, sicut primum signum quod ascendit sit masculinum & matutinum subsolanum enim est, id est, orientale : veluti Virgo ascendat, erit Virgo signum matutinum & masculinum, Libra erit foemininum & vespertinum. Scorpio rursus masculinum & matutinum, & ita de aliis alternatim. Alij verò dixerunt signa contenta ab ascendente ad medium cœli & ab occidente ad imum cœli esse matutina & masculina, in aliis verò duabus quartis foeminina & vespertina. Alij verò tropicorum initium sumpserunt à Lunæ circulo : hoc bifariam potest intelligi, vel de loco, ita ut signum in quo Luna est sit signum tropicum propter velocitatem conuersionis Lunæ : Veluti Luna est mihi in Piscibus, Pisces erunt loco signi tropici Australis, inde quantum ab illo quod est Gemini signum æquinoctium Vernum & ita de aliis : Vel de loco vêtis Draconis quia dicit *σελῳιακὸν κύκλον*, non *σελῳιακὸν τόπον*, id est, si cuius caput Draconis, sit in quinto gradu Geminorum

ibi erit punctus æquinoctij Vernalis & quintus Virginis erit tropicus æstiuus, quia tunc Luna incipit recedere versus astrum : & quia est velox motu faciet æquinoctia & solstitia. Non laboro in distinguendo quæ sit verior opinio quia utrumque reiicit Ptolemæus. Quare autem reiicienda sit manifestum est tum hæc, tum etiam opinio de ascendente : quia idem esset masculinum & foemininum, utpote si Luna sit in Piscibus vel caput Draconis in Tauro, Pisces & Taurus erunt masculina, & iam erant foeminina ex naturali ratione, igitur erunt masculina simul & foeminina. Nec obstat quod dicas posse esse masculina respectu vnius & foeminina respectu alterius, velut dictum est, de quartis cœli quæ simul habent contrarias qualitates, velut quarta quæ est ab oriente usque ad meridiem, est Vernalis calida & humida, sanguinea puerilis, & alio modo est sicca : Et quæ est inter occidentem & imum cœli est autumnalis frigida & sicca, melancholica, ex alia tamen ratione est humida ut dicebat Ptolemæus. Sed hic non licet ponere signum idem sub contrariis qualitatibus secundum naturam, nisi assignemus opera diuersa : non licet autem assignare opera diuersa masculini à masculino, nec foeminini, à foeminino. Quod si dicas quod quarta cœli possunt esse matutina vel vespertina, dico quod illud iam declaratum est superius. Alia ratio est quia non decet sexum mutari in signis & tropica, & æquinoctialia propter tam leuem causam, quia sexus est res naturalis, & similiter affectus illi sunt valde potentes, ut non possunt per motum Lunæ & multo minus per ascensionem cœli in motu diurno toties mutari. Quod si dicas : nonne poterit quarta orientalis gratia exempli, esse masculina & signa in ea erunt masculina ? Respondeo quod antecedens primo non conceditur à Ptolemæo : & dato quod concederetur non sequitur, quod masculinum signum conuertatur in foemininum : sed signum retinebit suam vim, & locus contrariam : non secus ac si Mars esset in Tauro, non enim sit foemininus, sed effoeminatur & gaudet tanquam nocturnus in nocturno. Ita loca possunt augere, minuire, imò etiam vincere, sed non immutare naturam contentorum in ipsis locis. Quod autem horum opinionem non approbet præter id quod absurda sit, & quod nullibi illius meminerit phrasis ipsa Græca, edocet, inquit enim *ἡ ὁρὰ τῆς πέντε τῆς τριῆς ἀφ' ὧν*, quam efficacius Ioachimus Camerarius Pabergensis vertit his verbis : ( Nonnulli tamen masculina ordientes ) ut per aduerbium tamen Ptolemæus ostendat se non approbare ea quæ illi designis adiecerunt. Approbat autem ea quæ subiiciuntur. Sunt autem hæc.

### TEXTVS XLIV.

Sunt & aliæ appellationes locis factæ, de formis signorum, ut aut quadrupedia dicerentur, aut terrestria, aut ducalia, aut foecunda, aut aliquid huiusmodi.



huiusmodi. Quorum omnium cum ex ipsis figuris causæ manifestæ sint, nos illas verbosè persequi superuacaneum duximus. Cum quidem expositæ à nobis sint huiusmodi imaginum naturæ, quatenus in iudiciis vtiliter vires illorum considerari deberent.

Proponit hic alias differentias signorum quæ ab antiquis acceptæ probantur, non tamen dignæ sunt peculiari expositione, quoniam à forma facillè est illorum vires intelligere. Quas figuras se suo loco referre docet utpote in capite de morte & de itineribus, & de opificio. Sunt autem maximè duodecim principales. Humana ut Gemini & Virgo. Quadrupedia domestica, ut Aries, Taurus, Capricornus. Aues ut Aquila & Gallina. Aquatica, ut Delphin & Pisces. Naufraga, ut Argo & Naui. Fera, ut Leo & vltima pars Sagittarij. Venenola, ut Scorpio & Serpentes. Sunt enim plures in cælo. Mutilata, ut Taurus & caput Meduæ. Vincita, ut Andromeda & Cepheus. Ducalia, ut ambæ Coronæ Borealis & Australis. Fœcunda, ut Cancer, Scorpio, Pisces. Sterilia, ut Leo & Virgo. Horum omnium meminit Ptolemæus suis locis.

## CAPVT XII.


## TEXTVS XLV.

*De configuratione duodecim locorum.*

Familiaritas autem intercedit locis Zodiaci secum, primum iis quæ cum aliis aliquam figurarum describunt, quæ demetiens, id est, an-

guli bini recti. Signa autem sex, partes centum 80. Triquetra (hoc est) angulus rectus vnus atque insuper triens illius. Signa verò quatuor, partes 120. quadrata, hoc est, vnus rectus angulus, tria signa, partes 90. Sexangula, id est, illæ reliquæ duæ partes anguli recti, signa duò partes 60.

Vnumquodque indiget propria ratione ut demonstratur, aliter è minima difficultate in maximam res euadit. Hæc Ptolemæi sententia figura indigebat. Sit igitur circulus signorum quem vocant Zodiacum quod signa contineat, & in eo signetur punctus B vbicunq; velis non refert, sit gratia exempli manifestioris doctrinæ causa initium Arietis, & sit centrum eius circuli A & capiantur 60. partes à puncto B, quæ sint contentæ arcu B C & ducta B C, recta ipsa erit sextilis radius. Nam totus Zodiacus ut superius vltum est 360 partes, B C autem 60. cum igitur 60. sit sexta pars 360. erit B C latus exagoni, idèoque radius sextilis. Et quia anguli circum A sunt quatuor rectis æquales, & angulus BAC, talis est pars spaciij circum A qualis BC, portio arcus totius Zodiaci, erit angulus BAC sexta pars quatuor rectorum, igitur duæ tertiæ vnus recti. Et similiter captis partibus 120. quæ sint arcus B F, erit B E tertia pars Zodiaci, nam 120. est tertia pars 360. & angulus B A F eadem ratione erit rectus cum tertia, id est, tertia pars quatuor rectorum, & residuum ad duos rectos anguli sextilis, nam rectus & tertia pars recti cum duabus tertiis recti faciunt duos rectos. Constat igitur & in trigono, & in sextili, & quadrato quod radij, & rectè, si reflecterentur versus partem oppositam, utpote sextilis ex C in E, & ex E in G, & ex G in F, & ex F in K & ex K in B, tan-



dem rediret per æquales lineas & angulos. Et similiter latus B E trigoni si reflecteretur transiret in F & ex F in B, & ita per æquales angulos, & lineas. Idem dico de quadrato B D, quod est latus arcus B D, qui est partium 90. & idè quarta pars

*Tom. V.*

360. & totius Zodiaci: Cum igitur etiam angulus B A D, sit quarta spaciij pars eius quod est circa A, erit angulus B A D rectus ad vnguem. Pari ratione spaciium B A G ex vna parte cum contineat dimidium quatuor rectorum, erit duorum re-

N 2 etorum,



torum, & arcus B D G partium 180. id est, dimidium 360. & ita G dicetur opponi B. Omnes autem radij præter oppositos duplices sunt sinistri & sunt qui tendunt secundum ordinem signorum, ut sextilis B C, & trigonus A F, & dextri qui tendunt contra ordinem signorum, ut sextilis B K & trigonus B F. Et ita de quadratis ex quo patet quod radius B C dicitur sinister respectu B, & dexter respectu C. Et ita trigonus E F sinister est respectu E, & dexter respectu F.

Ex his patet quod radij veri sunt ex similibus partibus in similes, velut posito Sole in parte vndecima Libræ, radius quadratus dexter erit in 11. parte Cancræ, sinister in 11. parte Capricorni. Sextilis dexter in 11. parte Leonis & sinister in 11. parte Sagittarij. Et oppositio in 11. parte Arietis. Et trinus dexter in 11. parte Geminorum & sinister in 11. parte Aquarij. Idem etiam intelliges de partibus partium. Ut si Sol esset in partibus decem minutis 47. Libræ, erunt radij omnes dicti in eisdem signis partibus decem minutis 47.


Sed dices quare Ptolemæus non respexit latera octogoni quæ respiciunt per 45. partes & duodecagoni quæ per 30? Respondeo quia latera octogoni non comprehendunt integra signa. Duodecagoni autem quia nimis sunt debilia. Igitur isti aspectus solum sufficiunt. In creticorum tamen dierum supputatione utimur figura octageni aspectus in quem cadit quartus dies indicatius, ut sit in consideratione.

### TEXTVS XLVI.

Cur autem hæc tantummodo discrimina recepta fuerint, hinc cognitu facile erit. Atque ipsius quidem diametri ratio per se patet, nam oppositio est in vna linea recta. Cæterum si maximas duas portiones conuenientes, atque item supra portiones accipiamus. Nempe reſtangelorum duum ex diametro dimidium & trientem, quæ portiones conuenientes, atque item supra portiones sunt, fit ut dimidiatio tetragonum constituat. Triens verò sexangulum. Supra portionum autem si constituatur à reſtángulo quadrato hemiolion, hoc est, sesquiplum & epitriton, hoc est, sesquitertium, illud discernit quadratam à sexangula, hoc triquetram figuram à quadrata, quarum quidem figurarum triquetra & sexangula conuenientes putantur, quia consimilia loca signorum complectuntur, hoc est, omnia aut masculina aut foeminina. Inconuenientes verò figuræ habentur quadrata & dimetiens, quod illæ per dissimilia loca constituentur.

Triā facit in hoc textu Ptolemæus: Primum colligit ex dictis cur solum hæ figuræ sint necessariae, scilicet trigona, exagona, quadrata: nam per integra signa constituuntur, & partes totius circuli integras. Coniunctiū verò, ut infra declarat, per proportionales primas & musica etiam ratione constantes: sed quia de oppositione nihil dixerat, fieri eam inquit per rectam lineam, supple quæ per centum circuli seu zodiaci transit. Nam & alij omnes aspectus per rectas fieri lineas intelliguntur, sed nulla illarum per centrum transit præterquam oppositionis linea. Ideoque ex hoc declaratur oppositionis aspectum esse omnibus aliis potentiorē. Nam lineæ quæ per centrum transeunt sunt omnium validissimæ ut in cauis etiam speculis apparet. Cum igitur quinque modis erraticæ inter se misceantur, vel etiam cum fixis, omnium commixtionum validissima est coniunctio, post oppositio, inde quadratam & trigonum ferme æqualia: vltima & debilissima est exagonum. Solent autem his notis breuitatis causa describi. Coniunctio  $\odot$ . Oppositio  $\oslash$ . Quadratum  $\square$ . Trigonus  $\triangle$ . Exagonum seu sextilis  $\star$ .


Cæterum si maximas (Hæc est secunda pars in qua adducit Mathematicam rationem istarum radiationum duplicem, Geometricam atque Musicam. Geometrica est quoniam si fiat circulus & sumatur quadratum siue dimetientis quod sit C D medietas eius quadrati, quæ est superficies A B D G, æqualis est quadrato A E B F: vtraque enim est



medietas quadrati C D ex demonstratis in penultima primi elementorum, igitur A E latus seu radius quadrati est potentia dimidium A B dimetientis quod est primum. Rursus si accipiamus tertiam partem quadrati A B, erit proportio A E B F ad illam veluti arcus quadrati ad arcum exagoni, id est sexquialtera. Et si fiat comparatio quadrati ad trigonum & exagonum in superficiebus, erit trigoni arcus ad arcum quadrati epitrita, arcus autem quadrati ad arcum exagoni hemiolia. Et ut vno verbo dicam traduxit quod erat ignotum in arcibus ad quadratum dimetientis diuisum ut vides. Ponatur igitur A B sex & loco arcus oppositionis quadratū A B, quod sit C D, erit A B D G pro arcu quadrati, quia est æquale quadrato A E B F decem octo, & H G D K tertia pars quadrati C D. id est duodecim,



eim, quare ut arcus exagoni. Et GLMD  
duæ tertiæ partes quadrati CD, id est vigin-  
ti quatuor, idè quantus est trigoni arcus.  
Et cum ABDG sit æqualis AB BF, igitur  
constat esse proportionem ut quadrati dia-  
metri ad quadratum in circulo descriptum.  
Nam oportebat rationem quadrati manere.  
Comparando etiam ad medium, id est, qua-  
dratum AEBF superficies GHKD, & GLMD  
proportio GABD ad GHKD est hemiliola,  
id est, sexquialtera. Et comparando GLMD  
ad GABD, est sexquitercia seu epitrita: igi-  
tur ponendo AEBF loco GABD erit quadra-  
tum hemiolium ad exagonum & trigonus ad  
quadratum epitritus. In Musica verò mani-  
festum est quod ratio arcuum est ut 6.4.3.2.  
Nam arcus oppositionis est 180. trigoni. 120.



quadrati 90. exagoni 60. quos cum diuise  
per 30. prodibunt 6.4.3.2. in eadem pro-  
portionem. Sed 6.4.3. faciunt continuam pro-  
portionem musicam, quia talis est proportio  
6. ad 3. extremi ad extremum, ut 2. diffe-  
rentiæ 6. à 4. ad 1. differentiæ 4. à 3. Et ita  
6.3.2. faciunt aliam proportionem musicam  
continuum, nam talis est proportio 6. ad 2.  
extremi ad extremum, ut 3. differentiæ 6.  
à 3. ad 1. differentiæ 3. ad 2. igitur in 6.4.3.  
2. est duplex continua proportio musica. Ali-  
ter ratio Geometrica congrueret in rectis,  
quia dimetiens si faciat quadratum 36. erit  
quadratum intus 18. medietas, scilicet illius,  
& quadratum lateris trigoni 27. & quadra-  
tum lateris exagoni 9. Ita ut quadratum in-  
tus descriptum circulo sit duplum quadrato  
lateris exagoni. Et quadrato intus descripto  
quadratum lateris trigoni sit sexquialterum:  
Et illi quadratum dimetiens sexquitercium.  
Et hoc esset rectas ipsas & radios in propor-  
tione potentia collocare. Et esset magis ad  
mentem Ptolemæi & ad propositum rei de-  
monstrandæ: sed oporteret sic literam lege-  
re. Nempe rectangulorum duorum ex dia-  
metro dimidium & quadrantem, quæ por-  
tiones conuenientes, atque item supra por-  
tiones sunt, fit ut dimidiatio tetragonum  
constituat, quadrans autem exagonum. Su-  
pra portionum autem si constituantur à re-  
ctangulo quadrato hemiolium, hoc est, sex-  
quiplum, & epitriton, hoc est, sexquiter-  
cium, illud discernit quadratam à trigona, hoc  
autem trigonam à quadrato. Inde subiungit  
(Quarum quidem figurarum) Hæc est terti-  
a pars in qua declarat causam quare triquetra  
radiatio & sexangula sint conuenientes &  
amicæ, quadrata & opposita inconuenien-

tes & inimicæ. Et causa amicitiae est cla-  
ra, certè quia dicit trigona radiatio est sem-  
per inter similia in sexu ut ambo masculina  
vel foemina. Et cum dixit hoc sub intelle-  
xit & quod ambo etiam sunt diurna vel no-  
cturna. Declaratum enim est superius quod  
idem est masculinum, & diurnum in signis  
& foemininum atque nocturnum. Signa  
igitur quæ se trigono radio respiciunt sunt  
ambo necessario masculina & diurna, vel  
ambo foemina atque nocturna, ut de ♈ ♎  
& ♊, quæ tria cum se mutuo respiciant tri-  
gono radio ita quod Aries respicit Leonem  
& Sagittarius, & ita Leo, Arietem & Sa-  
gittarium, & Sagittarius. Arietem & Leo-  
nem, sunt omnia diurna & masculina. Sic  
Taurus, Virgo, & Capricornus omnia no-  
cturna & foemina. Et ita de reliquis. Idem  
in sextili aspectu, nam Aries & Gemini,  
qui se respiciunt exagona radiatione. Et  
Aries atque Aquarius sunt ambo semper  
masculina & diurna: vel ambo foemina at-  
que nocturna, ut Taurus & Cancer. Item  
Taurus & Pisces, & ita de aliis. Et hoc to-  
tum est clarum, & quod conueniant non est  
dicendum, v quidam quod sint amica, nam  
talen nomen conuenit potius Planetis quam  
signis: Et etiã quia amicitia esset magis inter



masculum & foeminam, quàm inter mas-  
culum & masculum, vel foeminam & fo-  
eminam: Sed dicitur conuenientia, seu simi-  
litud. Hucusque totum rectè se habet. Et



similiter quod signa, quæ quadrato radio se respiciunt, sunt disconuenientia, seu dissimilia natura, quia si vnum est masculinum, & diurnum alterum necessario est foemininum & nocturnum, igitur si Aries est masculinus & diurnus Cancer, & Capricornus, quæ respiciunt Arietem respiciunturque ab illo quadrato radio, erunt foemina atque nocturna. Et ita de aliis eadem ratione dissimilitudo constat. Ex hoc totum bene se habet. Sed quod dicit de Oppositis signis non videtur verum, nam Aries & Libra quæ opponuntur sunt ambo masculina atque diurna: Et similiter Taurus & Scorpio sunt ambo foemina & nocturna, & tamen opposita & disconuenientia? igitur causa disconuenientiae non est diuersitas, seu contrarietas in sexu & natura, cum signa opposita maximè disconueniant, & longè plus etiam quam quadrata, & tamen sunt similia in sexu & natura. Propter hoc dixerunt quidam quod opposita radiatio est inconueniens, quia ex duabus quadratis constituitur quæ sunt inconuenientes inter se: vt opposita Arietis & Libræ ex duabus quadratis Arietis & Cancræ: Item Cancræ & Libræ: vel etiam Arietis & Capricorni, & Capricorni atque Libræ. Sed hæc responsio est omnino falsa, quæ enim vni disconueniunt potius inter se conueniunt quàm disconueniant. Item quadrata potius disconueniunt propter oppositam, quam opposita propter quadratam, cum opposita sit simplicissima, & per pauciores partes. Rursus opposita componitur ex duabus conuenientibus, Trigona & Exagona, igitur maximè deberet esse conueniens illa ratione. Haly ob id dixit quod opposita disconueniunt ob duas causas, tum quia quando vnum ascendit, aliud descendit, tum quia quando Sol est in vno eorum, facit tempus contrarium ei quando est in reliquo. Veluti quando Sol est in Ariete facit Ver, & tempus humidissimum. Et quando est in Libra Autumnum & tempus siccissimum. Et quando Sol est in Leone, facit feruidissimam Æstatem, quando in Aquario illi opposito, gelidissimam Hyemem. Sed Ptolemæus non assignat rationem hanc, nec vllam harum. Item istæ non conuenirent cum illis quas pro conuenientia assignat, vult enim oppositas esse causas conuenientiae & disconuenientiae, quod in quadrato aspectu declarat. Præterea si vltima ratio esset vera, Aries & Sagittarius essent dissimilia, cum Aries sit vernale signum non minus quam Gemini, qui opponitur Sagittario, Et tamen Aries & Sagittarius conueniunt. Ob id igitur dicendum quod Ptolemæus induxit Syllogismum modo Aristotelis proponens illum & declarans prius quod ex illo euenit. Et est: contraria omnia maximè disconueniunt, & hæc est per se nota: & quæ maximè distant in vnoquoque genere sunt contraria & hanc declarauit: igitur quæ maximè distant disconueniunt. Posuit postmodum aliam propositionem in hoc capitulo, quod opposita signa maximè distant, seu per circuli partem quæ est medietas, & est maxima commensurabilem, seu per

rectam quæ est dimetiens, quæ est maxima rectarum, quæ circulo includi possint vt demonstratum est ab Euclide: igitur signa opposita maximè disconueniunt. Quadrato autem radio iuncta disconueniunt minus, quia contrarietas est minor, scilicet sexus & naturæ igitur disconuenientia minor est. Trigona autem & exagona radiatione iuncta non maximè distant, igitur non sunt contraria, nec ideo maximè disconueniunt, sed nec mediocriter, quia sunt similia natura & sexu, igitur sunt conuenientia in natura. Dixit autem Ptolemæus hoc de conuenientia in sexu & natura in trigonis, & exagonis, & disconuenientia in quadratis, vt intelligeremus, quod non est, vt quidam existimant in tempore ob id, cum signa quæ exagona radiatione iunguntur, vt Leo & Gemini, non sint eiusdem naturæ, sed alterum humidum, aliud siccum: Et ideo cum conuenientia trigona sit eiusdem naturæ cum sextili, igitur nec signa trigona sunt eiusdem temperiei, sed solum naturæ & sexus, & inter se congruentia. Notandum quod licet signa trigona, vel exagona radiatione iuncta non sint amica, sed solum conuenientia, attamen aspectus inter Planetas talis est amicitiae, vt etiam oppositus & quadratus inimicitiae. Quia signa cum sint materiæ loco, possunt conuenire & discrepare, amare & odisse non: at planetæ amant & odio se habent, non solum conueniunt ac discrepant, cum agentium habeant rationem: hoc autem infra videbitur. Quod si quis dicat, nonne signa masculina & diurna erunt etiam calida & sicca & nocturna foemina frigida & humida? Dico quod non est necessarium hoc, quia diurnum & masculinum non proueniunt à primis qualitatibus, sed diurnum & nocturnum à masculino & foeminino, sed masculinum & foemininum ab efficaci & inefficaci. Efficax autem à principio motus robustissimi qui sit iuxta æquinoctialem, ideoque ab Ariete & Libra. Hanc virtutem communicant Aries & Libra, Gemini, Leoni Sagittario & Aquario, quoniam hæc signa ab vtroque principio scilicet, Ariete & Libra amico aspectu respiciuntur, scilicet trigono vel exagono, Et ita sexus & natura diurna atque nocturna à motu non à qualitatibus originem ducunt. His visis breuiter sensum Ptolemæi explicare decet, qui talis est. Signa quædam aliis sunt familiaria, vt quæ portione integra circuli se aspiciunt, ea autem quadruplex, dimidium, vnde oppositio: Tertia pars vnde trigonus: Quarta pars vnde quadratum: Et sexta vnde sextilis. Hæ autem & ad totum comparantur vt partes, & ad dimidium vt superparticulares, ad totum quia quadratum & exagonum sunt dimidium, aut tertia pars semicirculi, nam 90. qui est arcus quadrati, est dimidium 180. semicirculi, & 60. est tertia pars 180. Ad dimidium autem 180. quod est 90. comparantur sextilis & trigonus, per hemioliam quæ duplæ respondet, & per sexquiterciam quæ triplæ, nam 90. ad 60. arcum exagoni sexquialteram habet proportionem, 120.

autem

In 3. Flou  
mantophora

Cap. 17.



autem trigoni arcus ad 90. epitritam seu sexquitertiam. Ex hemiola autem quæ constat diapente in musica & epitrita ex qua diatessaron, fit d' apason trigoni ad sextilem quæ dupla constat proportionem qualis est 120. ad 60. Similiter dupla quæ est diapason oppositionis ad quadratum intercedente trigona, inter eas fit hemiola 180. ad 120. & epitrita 120. ad 90. Cum igitur opposita signa maximè dissent, erunt maximè contraria, Ideoque dissidentia. Quæ autem quadrato distant minus sunt contraria, quia solum ratione sexus & temporis. At quæ trigona radiatione iunguntur & sextili eo quod sunt ex natura ternarij, & oppositio & quadratum binarij, & ternarius, & binarius sunt numeri non communicantes, sed inuicem primi, non conueniet natura trigoni & sextilis cum natura oppositionis vel quadratæ radiationis: quare cum sit inter signa similia sexu & tempore, erunt aspectus hi conuenientia & similitudinis. Et quia triquetra radiatio constat paucioribus lateribus & non est particeps oppositioni vllō modo ut sextilis, idē triquetra est magis conueniens sextili, sicut oppositio quadrato: semper enim quod fit paucioribus lateribus est validius quàm quod fit multis, idē oppositio validior est trigono, & trigonus quoquomodo quadrato, nisi quodd mala in nocendo promptiora sunt bonis in benefaciendo, Et ita quadratum exagono validius. Hucusque volui reddere rationes eorum quæ dixit Ptolemæus etiam quod causæ non multum ad artem facerent: modo deinceps sufficiet declarare causas solum quæ faciunt ad intellectum illius, aut quæ necessitatem rei dubiæ demonstrant in alijs sufficiet Ptolemæi auctoritas quæ experimento & antiquorum testimonijs confirmata est auxiliante ratione. Nam iam de artis firmitate satis constat. Tot autem explicata sunt propter calumniatores. Verum non decet inlanire circa illos, tum maxime quod angustia temporis non patitur & si pateretur, melius esse existimo illud utilioribus in tractationibus absumere. Nam qui circa calumniatorum negas tempus, preciosissimam rem terit mortalium rerum, imò immortalem, videtur aut omnino plura velle videri longè scire quàm sciat, aut quod minimum, impetu animi quodam transferri. Sicut Galenus ob id accusatione vix non dignus videri possit, quanquam à prima suspicionē procul absit: Sed decet etiam secunda carere. Melius est tamen contra calumniatores tempus absumere, quàm in scribendo calumnias. Ob id igitur præstat quæ ex his sequantur arti vtilia edocere.

## DOMORVM VIRE S.

Ex dictis igitur licet vires domorum coniectere, hoc ipso supposito, quodd astra agunt lumine, & quodd vis eorum est qualis in effectu videtur. Igitur his rationibus cœli cor seu medium est omnibus validius, inde ascendens. Sed in vitæ affectibus & animi atque corporis, ascendens est validius quia magis proprium. Tertio loco est septima domus,

inde vndecima, post nona, nequē de his est dubium. Post septimo loco est duodecima, quia ascendit: inde octaua. Post octauo ordine est domus secunda, quia est in crepusculo matutino. Nam posito initio Arietis in ascendente intra duas horas oritur pars 22. Tauri, sed hoc est tempus crepusculi matutini, igitur pars secundæ domus quæ est à 18. parte Tauri usque ad 22. eiusdem, continetur in crepusculo. Et ita Planeta cum fuerit in secunda domo habet vires. Omne enim quod potentia tale est, actu fit tale: seu quod aliquando tale actu fuit, fit tale potentia, & semper manet. Est etiam ipsa secunda domus in triquetra radiatione decimæ: decima autem vires habet maximas, quia potentia est cor cœli. Nec Ptolemæus eam prætermisit, quamvis in sua regione minima illius pars in crepusculo clauderetur matutino, propter parvam poli elevationem. Sexta autem domus quoniam pariter est in trigono decimæ, & ubi quæ gentium clauditur in vespertino crepusculo, ob id à Ptolemæo consideratur & apud illum nonum locum retinet. Sed quispiam dicet, cur etiam quintam non licet considerare, cum quoad crepusculum attinet, locum obtineat secunda? Respondeo, quoniam decimam non respicit, & crepusculum debilius est quippe vespertinum, & præterea pars quæ contermina est sextæ non est quintæ initium sed finis, qui merid ob debilitatem negligi potest. Et tamen virum aliquid habet, quia in lumine positum est, sed non consideratione dignarum, nisi apud borealiores.

## CAPVT XIII.

## TEXTVS XLVII.

*De imperantibus & obedientibus signis.*

**D**icuntur etiam imperantia & obedientia, loca quæ æquali spacio distant, seu ab vno, siue ab utroque punctorum æquinoctialium, eò quodd æquali spatio temporis peroriantur, æqualesque describat parallelos. Cæterum quæ in æstiuæ spheræ parte sunt imperantia, quæ in hiberna obedientia nominantur, quia Sol illic dies, hic verò noctes longiores facit.

Quia enim hæc signa æqualiter ab æquinoctio distant, idē Sol dum est in eis, æquales describit parallelos, quoniam lineæ æqualiter distantes à diametro æquales sunt, ut Euclides demonstrat. Oriuntur etiam æquali spacio temporis ut in nostra regione Aries & Pisces, in vna hora & quinque minutis vnumquodque eorum: Taurus & Aquarius in vna hora & viginti minutis: Ge-



mini & Capricornus in vna hora & quinquaginta vno minutis : Cancer & Sagittarius in duabus horis & nonem minutis. Leo & Scorpio in duabus horis & quadraginta

|            |   |   |   |   |   |   |
|------------|---|---|---|---|---|---|
| Imperantia | ♊ | ♋ | ♌ | ♍ | ♎ | ♏ |
| Obedientia | ♐ | ♑ | ♒ | ♓ | ♈ | ♉ |

minutis. Virgo & Libra in duabus horis & quinquaginta quinque. Talia igitur signa dicuntur quæ in australi parte obedientia, quoniam Sol maiores noctes efficit diebus, Borealia verò imperantia contraria ratione. Itaque Aries Piscibus imperat, & Taurus Aquario, & ita de aliis. Interpretes bis lapsi sunt, cum litera Græca lucida sit.

## C A P V T XIV.

### T E X T V S XLVIII.

*De intuentibus & eiusdem potentia signis.*

**P**Ræterea dicimus eiusdem potentia esse eas partes quæ æquali spacio distant, seu ab vno, seu ab utroque puncto tropico : fit enim per illas partes Sole meante ut spacia dierum ac noctium itemque horarum sibi respondeant. Itaque & intueri sese mutuo illa signa dicuntur, cum ob eas causas quas exposuimus, tum quod vtrique & ab iisdem partibus horizonis & oriuntur & occidunt.

Quod penè præterieram, est ut tam in hoc, quam in præcedenti capitulo res referatur ad partes : veluti prima pars Arietis cum vltima Piscium, & secunda Arietis cum pe-

|           |   |   |   |   |   |   |
|-----------|---|---|---|---|---|---|
| Intuentia | ♈ | ♉ | ♊ | ♋ | ♌ | ♍ |
|           | ♎ | ♏ | ♐ | ♑ | ♒ | ♓ |

nultima Piscium, & tertia cum vigesima-octava, & ita de aliis signis. Hoc enim idem & de aspectibus declaratum est. Simili ratione quæ à tropicis æqualiter distant intuentia dicuntur sese signa, & æqualis sunt potentia : veluti Gemini & Cancer, & quæ in Tabella descripta vides. Nox enim atque dies dum Sol est in talibus signis alter alteri sunt æquales. Veluti cum Sol est in vigesima sexta parte Cancræ, tantus est dies atque nox, quantus est cum est in quinta parte Geminorum. Et similiter horæ temporales sunt æquales in ambobus : propterea vis eorum signorum est quasi duorum eadem potestate prædicatorum. Quod verò dixit, vtrique ab

eisdem partibus horizonis oriuntur & occidunt, id est, in eodem puncto horizonis fecit ecliptica horizonem, seu ascendendo, seu descendendo quando oritur vigesima sexta pars Cancræ, gratia exempli, & quinta Geminorum. Et similiter quando occidunt, occidunt in eodem puncto ad vnguem ipsius horizonis. Igitur habent duplicem concordiam & ratione Solis & ratione horizonis, vtrique tamen provenit quia sunt in eodem parallelo : Intelligit enim principaliter de partibus, & per consequens de signis, principalissimè autem de punctis. Et generaliter puncta se intuentia sunt in eodem parallelo, & idè feruntur cum quavis stella simul : Imperantia verò & obedientia æquales habent ascensiones.

Notanda est vnā pulchra regula circa imperantia & obedientia, & intuentia signa seu æqualis potentia, quia habito vno semper habes aliud quod est oppositum signum & pars prioris. Velut secunda pars Arietis imperat 29. Piscium, igitur secunda Arietis intuetur 29. partem Virginis. Et ita ♏ intuetur ♊, igitur ♏ obedit ♊.

Notanda est etiam alia regula valde utilis, & est quod intuentia, & imperantia, cum obedientibus quanto sunt propiora tropicis, id est, initio Cancræ aut Capricorni, eò sunt potentiora. Et virtus eorum extenditur ad plures gradus quia declinatio parum variatur, & idè decima pars Cancræ cum decima parte Geminorum fermè conuenit, quia circuli paralleli æquinoctio non differunt, nisi 57. minutis. At per contrarium iuxta initium Arietis & Libræ, nisi partes partibus respondeant parum possunt.

Notandum quod Ptolemæus consideravit in his duobus capitibus & sequenti, quod homines quadrifariam possunt comparari : aut enim vnus naturaliter & sponte quasi alteri obedit, & talium genitura sunt constituta in imperantibus & obedientibus punctis, & si sint ad vnguem erit obedientia perfectissima : Veluti qui habuerit significatorem in sexta parte & decimo minuto Tauri, exempli gratia, obediens ei perfectè ille qui habuerit significatorem in vigesima tertia parte & quinquagesimo minuto Aquarii, etiam si iste esset Rex & prior esset seruus illius dummodo ageret negocia illius : Imò dico quod aget ubi sint eiusdem regionis & ad vnguem ex minuto conueniant. Quod si conuenerint ex gradu seu parte sola, obediens alter alteri si sint æquales : aut qui debet obedire minoris conditionis dignitate opibus, sexu, vel ætate. Quod si conuenientia fuerit solum ex signo, tunc solum obediens etiam quando, qui habet significatorem in obediens, fuerit seruus, & qui in imperante fuerit dominus. Ex hoc manifestum est quod aliqui nascuntur quibus nulli libenter parent : alij quibus nulli possunt imperare. Nam si aliquis in sua genitura nullos habeat significatores in imperantibus signis, nulli nisi coacti volent illi obedire. Quod si nullos habeat significatores aliquis in obedientibus signis, nemo poterit illi imperare nisi vi. Et hoc est quod dixit Aristoteles bene, quod



duodecim sunt, erunt sexaginta sex: sex ex-  
hauriunt intuentia, sex imperantia & obe-  
dientia, sex oppositio duodecim sextilis,  
duodecim quadratum, totidem trigonus  
igitur erunt quinquaginta quatuor. Relin-  
quuntur igitur duodecim coniugationes solum  
quæ inconiunctæ dicuntur. Sed plures lon-  
gè esse videntur propter iterationem, sunt  
enim triginta duæ quas in tabula descripsi.  
Verè autem sunt sexdecim, vt in secunda  
tabula in quibus neque signum signo, ne-  
que gradus gradui concordat multo minus.  
Verùm dices, vnde sunt sumptæ quatuor il-  
læ coniugationes supra duodecim? Respon-  
deo quod quatuor sunt iteratæ, vt priores  
non sint nisi quinquaginta. Quæ iteratæ  
sunt, sunt duæ ex imperantibus, & obedi-  
entibus, & sunt Tauri & Aquarii, Leonis &  
Scorpionis: Nam illa eadem cum sint impe-  
rantia, sunt etiam in quadrata radiatione, vn-  
de dicuntur odiosè imperantia. Reliquæ  
duæ coniugationes, sunt se intuentium, &  
sunt Tauri & Leonis, Scorpionis & Aqua-  
rii, quæ etiam sunt inimica & odiosa. Ex  
quo patet quod nati sub signis fixis generali-  
ter gerunt hostiles inimicitias. Et imperan-  
tia & obedientia faciunt illud conculcando  
& patiendi sicut est è quibusdam qui per-  
mittunt se decipi ab inimicis suis, & quam-  
vis videant damna expressa non tamen se  
sciunt retrahere, sicut dicitur de Carolo Ma-

gno, & Gano Ponterio, & de his videntur infinita exempla apud Reges hodie qui malis consultoribus obedientes, quamvis videant iacturam expressam, non tamen possunt se rettahere. Est autem discrimen, quod si imperans fuerit humilioris fortunæ agit dolo in obedientem, si nobilior, vi. Ex hoc etiam patet quoddam intuitum & eiusdem potentia non sunt amica, sed conueniunt inter se similitudine morum, velut qui sunt de vno magistratu: quidam tamen sunt inimici, vt in duobus coniugationibus superioribus Tauri & Leonis, Scorpij & Aquarij: Scripsi autem has quatuor seorsum in tertia tabella facilitatis causa, vt vides à latere. Cæterum vt veniam ad textum Ptolemæi dicit, signa & partes quæ non continenter sub aliquo trium membrorum, scilicet imperantium & obedientium, & hoc est primum: neque intuitum se atque eiusdem potentia, & hoc est secundum: neque se aspiciunt



aspiciunt oppositis radiis, triquetris, quadratis, aut exagonis & hoc est tertium: talia sunt inconiuncta, & sunt, ut dixi, sexdecim coniugationes. Deinde docet eas inuenire & causam illorum. Circa inuentionem dat regulam quam oportet sic intelligere: quatuor signa quæ sunt fixa, scilicet Taurus, Leo, Scorpio & Aquarius, habent inconiuncta signa antecedentia & sequentia cum illorum oppositis, quæ sunt sexta ante & post, veluti Taurus habet Arietem & Geminos, quæ sunt secunda à Tauro, & Libram & Sagittarium, quæ sunt opposita illis secundis, & sunt sexta ab ipso Tauro, vnum ante & aliud post. Et ita singula signa fixa habent quatuor signa inconiuncta. Singula verò signa mobilia, ut sunt Aries, Cancer, Libra, Capricornus, habent tantum duo signa inconiuncta, scilicet succedens & ei oppositum quod est sextum ante. Vtpote Aries habet inconiuncta solum Taurum, quod est secundum ab ipso, & Scorpionem quod est oppositum Tauri signum, & sextum ante Arietem. Communia verò seu bicorporea habent duo tantum signa inconiuncta, scilicet antecedens quod est secundum signum, & illi oppositum quod est sextum succedens. Veluti Gemini est solum inconiunctum Tauro quod est signum secundum antecedens, & Scorpioni quod opponitur Tauro, & est sextum signum succedens Geminis. Quo ad causas dicit de sexto signo vtpote à principio Geminorum ad principium Scorpionis sunt centum quinquaginta partes: Cum ergo totus Zodiacus sit 360. partium & 150. non sit pars 350. quota, ut isti dicunt, id est, quæ ducta in aliquem numerum producat 360. Neque à 150. ad 179. procedendo, neque à 150. vsque ad 121. retrocedendo sit vlla pars quota, seu pars propriè dicta ipsius 360. manifestum est quod non solum signum Geminorum est inconiunctum Scorpioni sexto ab illo, sed quælibet pars Geminorum erit inconiuncta cuilibet parti Scorpij, quod erat demonstrandum. Quo ad secunda signa reddit causam, quia detorquentur ad diuersas partes, ita ut videantur continere angulum. Hucusque loquutus est de Planetis simpliciter à capite quarto ad caput octauum, inde de signis simpliciter à capite nono vsque ad caput quintumdecimum: Modo loquetur vsque in finem de planetarum comparatione ad ipsa signa, immiscens aliquid de ipsorum planetarum comparatione inter se: Ita ut totus iste primus liber, præmio computato, ex quatuor principalibus partibus componatur.

## CAPVT XVI.

## TEXTVS L.

*De Domibus.*

**A**diunguntur etiam planetæ locis signiferi propter domos, ut nominantur, & triangulo, & altitu-

dines, & fines, & quidquid huiusmodi est. Domuum autem ratio naturalis hæc est. Quia ex duodecim signis duo proximè accedunt ad verticalem nobis punctum, ideò calores & Æstus generant, ea sunt Cancer & Leo: placuit attribuire illa duobus præcipuis & maximis, hoc est, ipsis luminibus Soli quidem Leo, propterea quod masculinum est signum: Lunæ verò Cancer, quod fœmininum esset. Atque ita factum est, ut conuenienter dimidium orbis à Leone vsque ad Capricornum Solare vocaretur, dimidiumque ab Aquario vsque ad Cancrum, Lunare, & in utroque possent singula loca suis stellis assignari, quarum alia figuras cum Sole, alia cum Luna describerent, pro conuenientia orbium motus ipsarum & naturæ proprietate. Nam Saturno, quod natura maximè frigidificus esset, quodque supremum & à luminibus remotissimum haberet orbem ob contrarietatem caloris opposita signa attributa fuere Cancro & Leoni, Capricornus & Aquarius. Quæ signa & ipsa sunt frigida & hyberna, & propter oppositionem malefica. At Ioui qui esset temperatæ naturæ & subiectus Saturni globo, data sunt proxima illis signa spiritu & fecunditate præstantia, Sagittarius & Pisces, quæ cum luminum signis triquetram figuram describunt, quæ conueniens est beneficentiæ. Post quem Marti desiccatori, & subito sphæræ Iouiali, similiter proxima his ascripta sunt, quæ & ipsa similem haberent naturam, Scorpio & Aries quadrata dispositione, ut congruebat illius corruptrici & noxiæ constitutioni. Veneri, verò, quod natura esset temperata & sub Marte, dedere coniuncta his signa, quod fecundissima essent Libra & Taurus. In quibus & ipsis situs sexangularis custoditur. Neque ipsa etiam hæc stella amplius duobus signis vnquam neque anteit, neque sequitur Solem. Mercurio, qui & vltimus neque vnquam vltra vnum signum abesset à Sole, omniumque aliarum stellarum infimo in loco, data fuere proxima signa luminum signis, Gemini & Virgo, quibus & ipsis ambobus ferè in primis vicinis ferretur.

Postquàm pauca ad declarationem textus requiruntur, quinque nobis proponenda videntur



dentur : Primum quidem quot sint genera dignitatum apud Ptolemæum : atque ea septem sunt , domus , altitudo seu exaltatio , trigonus , finis seu terminus , persona , gaudium , carpentum seu solium . Omnium quidem nobilissimum est carpentum seu solium , inde domus , post altitudo , inde trigonus , deinde finis in generalibus constitutionibus , in propriis autem finis trigonum præcedit , inde persona , ultimum est gaudium

Videndum est autem quid vnumquodque horum possit , & non vt Haly , qui domum domui , exaltationem regno comparat , talibusque explicat vires dignitatum , vt tantundem scias postquam videris quæ de his scribat , quantum antea . Mentem igitur adhibere decet , quoniam præstantissima hæc est traditio , & à nobis longa obseruatione & subtili ratione inuenta . Nec minus debemus Haly qui præter id quod potuit præstitit , causam nobis præbuit inquirendæ veritatis . Igitur carpentum est cum planeta quasi in omni suo gaudio & in omni sua dignitate est . Nam natus tali significatore , apud suos & apud alienos diligitur , honoratur , omnia illi deferuntur , creduntur , vitam agit tranquillam , disponit omnia cum facilitate quadam , vt verè fortunatus dici mereatur . At in domo planeta cum fuerit eo disponente , vim habebit perpetuam , & sine strepitu sponte homines illi parebunt : vitam agunt tranquillam & quandam perpetuam efficaciam planetæ illius ostendunt : Si sit Mercurius , studij & negociationis , si sit Venus , gratiæ & lepōris , si Iupiter , probitatis & administrationis , si Sol , dignitatis & maiestatis , si Mars , audaciæ & promptitudinis , fortitudinis , iracundiæ , si Saturnus , morositatis , stabilitatis , astutiæ , pertinaciæ , solitudinis : si Luna , desiderij itinerum & aliena negocia tractandi . At si ad generales constitutiones referas , eandem videbis similitudinem . Nam si Saturnus in domibus fuerit suis & dominetur , erunt tempora generaliter frigida & sicca , cum frigiditate fixa & valida : & si fuerit Aestas , erunt tempora perpetuè temperata : Si Iuppiter , erit tempus letentum , iucundum , pulchrum , lætum , cum ventis moderatis & gratis : Et si Mars , tempus aridissimum & siccissimum : Si Sol , tempus calidissimum cum paucis pluuiis tamen : Si Venus , totum lene , suauē , pluuiosum : Si Mercurius , totum varium , & inconstans , & mutabile , vt nunquam tribus diebus perpetuis in eodem tenore constet : Si Luna tempus nubilosum , pluuiosum , inconstans & graue . Hæc si quis dicat vnde ex Ptolemæo ? ( Nam expositor non debet addere , nisi ea quæ ex verbis authoris colliguntur : Quamobrem neque liber dignus est expositione , qui vel non totam artem plenè attigerit , vel qui parti , de qua tractat , non plenè satisfecerit ) Respondeo , Ptolemæum hoc nos docuisse expresse in omnibus imitandam esse Solis actionem : Is igitur cum in Leone est , maximos facit feriores atque æqualiter dominatur . At Leo Solis domus est , imò carpentum & solium ( sed trigonorum ratio vix debet inter capenti partes numerari , cum

fit à domo pendens & altitudine ) ideò Solis vis in Leone à domicilio procedit . Eadem ratione altitudo ipsa deprehenditur : nam altitudinis dignitas in priuatis quidem genituris nouas & non perpetuas adducit potestates , magisque inter externos quàm proprios , & inquietum vitæ genus producit . Propterea neque tranquillitate , neque diurnitate , neque facilitate domui comparanda est altitudo . Sed quia noua & inusitata , ac quasi insperata affert commoda , illustrior apud plerosque habetur . Solent enim homines admirari magis insperata , licet infirmiora minoraque solitis ac maioribus . Quis enim non magis miretur hæreditatem quatuor millium coronatorum ab externo acceptam , quàm quòd filius succedat patri in triginta millibus ? Atque ea ratio est quòd multi altitudinem domui proposuerint . Quòd si quis nobis obiiciat genituram nostram , neque carpentis , neque domibus , neque altitudinibus ullis penitus inniti , & tamen apud proprios atque externos nomen & honorem ubique suscepisse ? Respondemus , nullum esse maius huius præcepti exemplum quàm hoc : nam sponte quidem neque apud nostros , neque alienos honorem suscepimus , neque suscepturi sumus , sed violentum quippiam propter illustrem stellam effusionis Aquarij , quàm Ptolemæus ex Saturni natura parum louis , alij verò Veneris & Mercurij , & loquem ipsam , quæ ambo maxima astra in ipso horizonte sunt ad vnguem . Prorò talia maxima sunt : Sed neque id nisi velut à Cometis concussionibus quibusdam orbis : nec quæsitum . At verò sponte ne quicquam , neque singulari causa nostra , sed publica quadam ratione , vt inferius declarabimus . Itaque vt ad rem redeam , in generalibus constitutionibus Sol cum intrat Arietem altitudinem suam totum commouet orbem , omnia pullulant , omnia exhilarantur , nec tamen calefacit vt in Leone , imò neque vt in Cancro , nec Tauro . Et vt vno verbo dicam , domus rem quietam & perpetuam facit , altitudo in mutatione & specie maiorem . Trigonus verò plus habet virtutis in diuidendo regiones terræ , quàm in genituris . In genituris autem significat robur & efficaciam , receptaque apud homines mandata illius , si præsit , vel consilia si sit socius . Fines declarant vires potentiores , sed temporibus terminatas , vel legationes , annuos magistratus & negocia singularia . In temporibus verò mutationes non generales , sed quæ paucis diebus aut mensibus finiant . Vnde fines quod finem accipiant dicti . Qualitates autem cum animæ tum corporis expoliunt , non faciunt . Vnde qui in finibus Martis aut Saturni morum dominum habuerit , poterit quidem esse bonus alioquin , sed moribus rudibus , aggressibus & incomptis . In corporis etiam affectibus mala lenit aut auget finis , non facit . Persona facit vt videatur & speciem referat , non vt sit . Gaudium autem lenit aut exacerbatur significata , sed vix sentitur . Proficit aut lædit cum nihil aliud iam est boni aut mali .

Quantum



Quantum verò ad domorum ordinem, tabulam enim præfixi qua facillè intueri possit, quisque cui signo Planeta quilibet dominetur, aut cuicunque Planetæ quæ domus sit, aut quibus signis imperet. Id etiam certò ordine vt facillimè memoriæ commandari possit. Est igitur ratio talis : Cancer est domus



| Termini Solis. |   |   |   |   |   |
|----------------|---|---|---|---|---|
| ♌              | ♍ | ♎ | ♏ | ♐ | ♑ |
| Termini Luna.  |   |   |   |   |   |
| ♊              | ♋ | ♌ | ♍ | ♎ | ♏ |

Lunæ, Leo, Solis, inde quæ circundant signa dantur Mercurio, & sequentia scilicet, quæ illa circundant Veneri, & ita ascendendo ordine planetarum vsque ad Saturnum. Nunc verò rationes ipsius Ptolemæi aggrediamur : Dicit igitur quod efficaciora signa nobis sunt Cancer atque Leo : nam cum Sol est in illis, maximum calorem apud nos excitat, igitur etiam reliqui Planetæ : quia eadem est ratio qualitarum, quæ sola magnitudine differunt. Itaque danda sunt efficacioribus Planetis : ea sunt luminaria. Reliquum est clarum vsque ad id ( Atque ita factum est ) Ponit terminos Solis & Lunæ quos hic describo in Tabula sub nomine terminorum : nihil enim refert siue terminos, siue fines dicas. In aliis verò Planetis quod maximè distaret à Luna & frigiditate sua maximè cōtrarius esset Soli Saturnus, data sūt ei signa opposita Cancro atque Leoni, scilicet luminarium domibus quæ etiam malefica sunt, quia ambo frigidissima. Ioui data sunt proxima velut & Iupiter Saturno proximior est. Respicit etiam Sagittarius Leonem, & Pisces Cancrum trigona radiatione, vt domibus cum luminariis conueniret quemadmodum & naturæ beneficentia. Marti verò succedentia velut & Ioco Mars Ioui succedit, Aries autem Cancrum quadrato respicit & Scorpio Leonem, velut & Mars luminarium naturæ aduersatur. At verò dices sed Aries Leonem, & Scorpio Cancrum respicit trigona radiatione ? Respondeo duplex est discrimen à Ioue, primum quod Iouis domus sola trigona radiatione respiciunt luminarium domus, nam neque Pisces respiciunt

Leonem, neque Sagittarius Cancrum : Præterea domus secundum successionem signorum à Sole considerari debent, à Luna autem contra : sic Aries Cancro, & Scorpio solum Leoni conferri potest. Eoque modo non nisi quadrata radiatio excipi potest. Similiter, & Veneri, sexangularem signorum cum domibus luminarium radiationem habentium par tribuerunt quod Venus amica sit luminariis, & non plus tertio signo à Sole vnquam recedat. Mercurio quoque proxima signa luminariis quod Lunæ proximus adhæreat situs ratione, & Soli loci causa : neque enim plus vnquam signo à Sole recedit.

Quod verò ad signorum proprietatem attinet, Pisces concordat cum Ioue, quia est signum fœcundum, & Sagittarius quia ventos mouet, Taurus verò cum Venere concordat quia fœcundum inter animalia & ratione etiam temperamenti Vernalis, Libra verò fœcundum seminis causa : homo enim fœcundissimus est, inter animalia quasi seminarius, non autem proles ratione. Ex hoc tandem sequitur quod in Australi medietate Capricornus erit domus Lunæ, & Aquarius Solis, Piscis & Sagittarius Mercurij, Aries & Scorpio Veneris, Taurus & Libra Martis, Gemini & Virgo Iouis, Cancer & Leo Saturni.

## CAPVT XVII.

### TEXTVS LI.

#### De Triangulis.

**T**riangulorum conciliatio talis est. Nulla sanè figura magis consentiens est, quàm triquetra æqualium laterum, ipseque signifer tribus circulis definitur, æquinoctiali & duobus tropicis. Ipsius verò duodecim loci diuiduntur in triangula æqualium laterum quatuor.

Caput hoc in quinque partes diuiditur, in prima proponit de triangulis generaliter : in reliquis quatuor succedentibus agit de singulis triangulis. Cum verò quatuor sint, quatuor sunt partes huius capitis præter hanc quam suscepimus exponendam. Intendit autem de vnoquoque triangulo atque de omnibus, simul octo ostendere : quatuor quidem generalissima : quatuor verò propria. Generalissimorum tria hic proponit : Primum quod talia signa maximè concordant & vnius sunt naturæ fermè, quia eisdem parent dominis : Secundum quod in vnoquoque triangulo sunt duo signa, quæ duobus ex principalibus tribus circulis hærent, & tertium est in medio. Tres autem principales circuli sunt æquinoctialis & tropicus Cancri, & tropicus Capricorni, seu circulus æstiuus & hyemalis. Et dicuntur principales circuli quia omnes tangunt circulum zodiaci.



zodiaci, æquinoctialis quidem in medio secans eclipticam, circulus autem hyemalis & æstius ab extremis. Inde sequitur tertium, ut in quolibet trigono sit unum signum fixum & unum mobile & unum commune: describam igitur primum ipsa triangula per ordinem, ut sit facilius intellectus & breuior explicatio. In primo igitur trigono Aries sui

| Trigona. |  |   |   |  |   |
|----------|--|---|---|--|---|
| 1        |  | ♈ | ♊ |  | ♉ |
| 2        |  | ♈ | ♋ |  | ♌ |
| 3        |  | ♈ | ♍ |  | ♎ |
| 4        |  | ♈ | ♏ |  | ♐ |

initio tangit circulum æquinoctij, Sagittarius sui sine hyemalem, Leo nullum: sic in secundo. Hoc autem in suis locis explicabitur a Ptolemaeo. Ex hoc patet quod signa eiusdem naturæ, ut Arabes existimant, quantum ad temperamentum.

## TEXTVS LII.

Horum igitur primum ducitur per Arietem, Leonem & Sagittarium, tria signa masculina, quæ sunt Solis, Martis, & Iouis domicilia. Hoc triangulum ascriptum est Soli & Ioui. Mars enim propter alienam conditionem exclusus fuit. In administratione autem primas tulit interdiu Sol, nocte Iupiter. Locus autem Arietis æquinoctialis est, Leonis æstivalis, Sagittarij hibernus. Idem triangulum potissimum Aquilonare est ob Iouis dominium, quippe qui sit fecunditatis & spirituum author, sicut & Aquilonares venti. Sed admiscetur tamen huic & Africus propter Martis domum, ita ut fiat triangulum, ut Græci vocant, Borrolibycum, quod misturam Aquilonis & Africi significat. Nam Africos Mars excitat, qui conditionem Lunarem sequitur, cum & occidua cœli plaga effœminata habeatur.

Quinque alia supererant de triangulis declaranda quorum unum erat generale, scilicet ut septem Planetæ quatuor triangulis dominarentur: ob id primis tribus duos Planetas præfecit, quarto autem unum tantum, ut sic numerus æquaretur trigonorum penes dominos ipsis Planetis. Singula verò triangulo considerat quatenus conformia sunt in masculino & fœminino diurno, & nocturno, nam alterum alteri consequens est, ut sæpe diximus. Secundò quatenus dominos debeat in illis inuenire. Quibus inuentis, tertio quærit quibusnam ventis prædominantur: atque ex ventorum natura, quartum, scilicet quibus regionibus. Diuidit

Tom. V.

autem totum hemisphærium, quod ab æquinoctiali versus arcticum polum, in quatuor partes: Orientem, quam Saturno tribuit, quoniam contrario gaudet, diurna verò est illa pars, vocat autem partem hanc Subsolanum. Occidentem quam Marti tribuit & vocat Africum, tribuitur autem Marti quia Mars siccus est & contrario pendet. Occidens autem nocturnum atque humidum: humidum quidem ob eam causam quæ supra dicta est, quod Sol occidens vapores superius eleuatos per diem, demittat in terram: Et etiam quod Luna dum primum è radiis Solis exit, in occidentem appareat. Septentrio Ioui tribuitur, quoniam ex ea parte flant venti fecundi, hos Aquilonares vocat. Meridies Veneri tribuitur, quoniam ipsa humida est: Excipit autem luminaria & Mercurium: luminaria quidem, quia generales sunt causæ ventorum, ut dictum est: Mercurium verò veluti qui luminaribus semper famuletur. Cum verò vnique triangulo duo Planetæ dominarentur, par erat ut etiam duo venti præessent, & regio ipsa quasi media esset. His itaque intellectis, facile est exponere quæ Ptolemæus in vnoquoque triangulo scripsit, quare sola paraphrasi opus erit.

Quoniam igitur in primo triangulo quod è masculinis & diurnis, constat signis Mars & Sol, & Iupiter domus habet: Mars in Ariete, Sol in Leone, Iupiter in Sagittario, Marte reiecto quia Soli inimicus est, qui plurimum potest per se quod dominus sit Planetarum, tum etiam quia exaltationem habet in eodem triangulo. Sol die factus est dominus primus, Iupiter secundus: nocte autem Iupiter primus, Sol secundus, ob id cum Sol, ut dixi singularem ventum non habeat, Iupiter Aquilonares excitabit ventos: cui Mars hac in parte Solis inuicem gerens quod iure merito in trigono dominium habere deberet, ob domum associatus occidentales excitat ventos: Ex hoc, & in hoc triangulo, & in aliis, intelliges ventos & regiones quæ inter Occidentem & Septentrionem sunt, huic triangulo debere adscribi.

## TEXTVS LIII.

Secundum triangulum ductum per Taurum Virg. & Capric. quodque constat signis tribus fœmininis Lunæ & Veneri datur. Ipse Taurus vicinior æstiuo circulo est, Virgo æquinoctiali, Capricor. hiberno. Hoc triangulum potissimum Australe est, propter Veneris dominationem, cuius stella illius partis ventos suscitatur, propter validi & humidi vim. Quia verò & Subsolanum admittit propter Saturni domicilium, Caprior. qui hunc ventum ciet, quique orientem propter conditionem Solarem tenet, fit hoc tanquam priori oppositum, ut ita dicam, Austrisolanum.

O. Cum



Cum in singulis triangulis Ptolemæus obferuet tria in deligendis dominis, primum vt Planetæ sint diurni in diurnis triangulis, & nocturni in nocturnis, & ob id etiam reiecerit Matrem à trigono primo: secundum vt masculini Planetæ masculinis triangulis & fœmininis referantur: tertium, vt qui dominus est signi fixi in triangulo, semper omnibus aliis præferatur. Ita Sol qui a dominatur in Leone præfertur in primo triangulo & Luna, & Venus quia Tauro dominantur reiectis Saturno, & Mercurio quod masculini & diurni essent, Luna igitur nocte primas partes obtinebit, Venus secundas, die contra. Poterat tamen & Mercurius quippiam virum sortiri meritò, quod & si non fœmininus sit, ambiguus tamen, & plurimum possit in Virgine. Sed ad Ptolemæi opinionem reuertor, qui fixis signis quod validissima sint & pura & syncera, maximè innititur. Cum igitur Luna certos non habeat ventos, Veneri quidem Auster, Saturno verò ob id Capricornum succedenti tanquam validiori Mercurio & quia Mercurius proprios non habet ventos, orientalis ventus associatur. Itaque & regio & venti inter Austrum & Orientem.

## TEXTVS LIIII.

Triangulum tertium Gemini, Libra, Aquar. complectitur tria signa masculina. Alienum prorsus à Marte proprium verò Saturni & Mercurij propter duas illorum domos. Quare his permissa est administratio, diurna quidem Saturni. conditionis causa, nocturna verò Mercurij. Ipsum quidem signum Gemini vicinum est circulo æstiuo, Libra æquinoctiali, Aquar. hiberno. Hoc triangulum potissimum est Subsolanum propter Saturnum. Sed quia conditionis nomine Iupiter conciliatur Saturno, admiscetur ventus Iouialis Aquilo, vt fiat triangulum, Græca voce Borrapelioticum, quod significat confusionem Solani cum Aquilone.

Venus cum nocturna sit & fœminina ab hoc trigono penitus quamuis Libræ domina, excluditur: res igitur, redit ad Saturnum & Mercurium. Saturnus igitur de die quia diurnus primus dominatur succedente Mercurio, in nocte verò Mercurius quod anticipis naturæ plus Saturno potest. Quia tamen neque Mercurius ventos habet proprios neque Venus, Saturno sociari potest, tum quia nocturna & fœminina, tum quia Saturno inimicissima, neque Mars quia cadit in Libra & nocturnus est, & Saturno inimicus res redit ad Iouem. Saturnus igitur orientalem, Iupiter Borealem ventum affert & quartam partem regionis quæ inter illos terminos continetur, ventosque intermedios. In hoc triangulo Saturnus plurimum

potest quod etiam ibi habeat altitudinem, sicut etiam in primo Sol, quod in Leone exaltetur.

## TEXTVS LV.

Quantum per Cancrum, Scorpionem & Piscem relinquatur Marti qui solus restet, quique ius sibi huius vendicet propter domicilium suum. Adiunctæ tamen huic sunt sociæ administrationis, cum propter conditionem, tum propter signa fœminina, nocte quidem Luna, interdiu verò Venus. Ipse Cancer in æstiuo est circulo, Scorpio accedit ad hibernum, Pisces ad æquinoctialem. Hoc triangulum potissimum est Africum, propter dominium Martis & Lunæ, sed propter Venerem commistione Austri fit Notolibycum, id est, Austri Africum.

Cum hoc triangulum fœmininum esset Mars Iouem exclusit, tametsi dominus esset Iupiter Piscium & exaltaretur in Cancro: quod verò Mars potentior esset Venere & Luna & dominus signi fixi, primam vim sibi arripuit: Lunam tamen in nocte propter Cancrum domum eius, & Venerem in die dominam altitudinis Piscium, socios assumpsit. Venti verò Auster propter Venerem, & Occidentalis seu Africus propter Martis dominium cum Lunæ auxilio, quæ, vt dictum est in ea parte cum è radiis Solis exit, videtur: quamobrem & Solem aliquid in Oriente plus præstare credendum est.

Animaduertendum quod in regionibus nostris Saturnus Austro deberetur, Iupiter Occidenti, Mars Boreæ, Venus Orienti: quia meridies calidus est, & humidus & Saturnus in eo temperatur: occidens temperatum quo gaudet Iupiter: Boreas frigidum quo Mars, oriens humidum quo Venus. Dictum est enim quod benefica sydera vt temperata gaudent similibus, & malefica vt intemperata, contrariis. Præterea oriens facit voluptatibus deditos, quales Venus, Boreas autem furibundos & fortes, & atroces, quales Mars: occidens moderatos, ciuiles, iucundos, quales Iupiter: Meridies tristes, melancholicos, timidos, crudeles, sollicitos, quales Saturnus. Quia tamen Haly dicit quæ Ptolemæus comprobauit, experimento consentire, credendum est tradita à Ptolemæo certiora esse ac magis conformia Aegyptiorum & Chaldæorum obseruationibus. Verum qui ex Astronomia futuras calamitates priuatis prædixerint, & ego experientia didici, & historia teneo: qui publicarum rerum interitus prædixerint, nunquam accepi. Hæc tamen diligentius infra docebuntur.



## CAPVT XVIII.

## TEXTVS LVI.

*De Altitudinibus.*

**A**litudinum planetarum, vt vocant, ratio hæc est. Cum Sol, vbi ad Arietem peruenit, in semicirculum Aquilonarem conscendere incipiat: vbi verò ad Libram, deiici & deferri ad austrum non inconuenienter ipsi tribuere in Ariete altitudinem, cum etiam dies tum crescant & calor viuificus exoritur. Eidem Libra vt deiectione constituta est propter contrarias causas. Saturno vt Soli opponeretur, sicut & illius domicilium, voluere oppositum signum Libram altitudinem, Arietem deiectionem esse. Nam vbi calor intenditur, ibi remitti frigus necesse est: contraque vbi hoc augetur, illud diminuitur. Cæterum cum Luna à congressu cum Sole in Ariete primum appareat luceque augeat & quasi extollatur in Tauro trianguli sui principe signo, ideo Taurus illius altitudo perhibetur, eidemque oppositum signum Scorpion, deiectione. Iouis autem vis cum pateat in suscitatione aquilonarium & fœtificorum flaminum, extollitur à Cancro in Aquilonem maximè, intendunturque ac complentur illius vires, ideoque hoc signum ipsius altitudo dicitur, deiectione verò Capricorn. At Mars qui natura æstuosus multoque quam alibi in Capricorno magis, quòd ibi terræ sit proximus, eam ob rem meritò accepit altitudinem signum Iouiali altitudini oppositum Capricorn. deiectionem autem Cancer. Sequitur stella Veneris, quæ cum humidi maximè efficiens sit, eumque potissimum in piscibus effectum exercent, vnde humiditas Vernalis moueri cernitur, in illo loco inuenit altitudinem, deiectionem verò in Virgine. Iam Mercurij aridiuscula stella vt contrariæ efficientiæ contrariam etiam altitudinem in Virgine, cum impendet iam Autumni siccitas, ipseque quasi extollitur, deiectionem verò in Piscibus sortita est.

Astrologi vna regula potestatem inerrantium in ipsis signis venati sunt, scilicet cum signum illud aut partem ingrediens planeta

*Tom. V.*

maximam in aëre ostenderet mutationem; atque eò magis si id absque stellarum consortio fiat: ea enim sola causa res in dubium vertitur. Itaque longis obseruationibus & certo syderum loco opus est, quæ si accedant certos rei euentus in causas suas facile reducere possunt. Itaque de Sole & Luna ratio Ptolemæi adeò euidentis est & experimento concordans, vt dubitare de illa non liceat: de Ioue quoque satis manifesta est. At de Marte quod opponatur Ioui, consensaneum rationi: quòd verò ob id in Capricorno eleuetur, quòd Capricornus terræ sit maximè propinquus, certè multiplicem sensum habere potest: aut quòd ibi tunc esset oppositum absidis Ptolemæi tempore, quòd & verum erat: aut quòd linea ducta ex oculo ad Capricornum humilior sit, omnibus quæ ab oculo ducuntur ad signiferum: aut quòd dicatur humilior Capricornus solum respectu Canceri, id est, remotior à vertice nostro: atque hic est sensus Ptolemæi magno interpretis lapsu obscuratus, cum Græca litera clara sit. Verum, vt dixi, talia magis experientia constant, quàm vt certis demonstrationibus possint ostendi. Dicam autem quod ad explanationem rationis Ptolemæi pertinet hæc in parte, vt vno exemplo mentis illius subtilitatem intelligas. Mars cum in Capricorno fuerit, milites facit egregios: nam miles tribus indiget, feritate calliditate, & ne sit præceps in negociis agendis. Calliditas maxima est propter Saturni consortium qui maximè dolosus est, pessimus & prauus omnino, propterea qui bellicæ rei student egregiè auari, rapaces, subdoli, incontinentes, perfidi ac denique scelesti sunt. Minimè possunt esse præcipientes propter Saturni frigiditatem Capricornique frigidam & humidam intemperiem. Feritas à natura sibi prouenit quod minimè humanum est signum Capricornus. Hæc omnia comprehendit Ptolemæus paucis verbis, quæ sunt recondita altiore sensu. Cum enim Capricornus frigidum sit & humidum signum, & Saturni domus maximè Marti congruit, tum quia plurimum abscedit à vertice nostro, nam sic vis Martis fit moderatior, quæ vt moderatior est eò maior. Quod ad Saturnum attinet maior est dubitatio, quoniam & si clarum sit ipsum altitudinem debere habere oppositam Soli, Veluti Drances Turno: in vnoquoque enim genere aliquid fingitur supremo aduersum: in astris Saturnus Soli, Deo Sathanas, Aquilæ Scarabeus. Itaque hæreditario iure vbi Sol cesserit, Saturnus vincit. Sed quod Saturnus exaltetur in Libra atque recedendo frigus augeat dubitatio est: Nam superius visum est Saturnum ea ratione infrigidare quòd remotus sit à capitibus nostris. Omne tamen agens vt propinquius fuerit magis agit, verum Saturni sydus idè refrigerat quia minus excalefacit: minus autem excalefacit dum procul est. idè Saturnus à Libra vsque ad Arietem aërem plus refrigerat tum maximè si ventosus extiterit. Similiter Mercurius ob id gaudet in Virgine, quia siccus est tēperie. Siccū verò intelligentiæ & sapientiæ amicū veluti Galenus docet. Cæterum an in

*In libro quod animalis mores corporis temperaturam sequantur.*

O 2 partibus



partibus magis sint altitudines dubitatione dignum aliquibus visum est. Videtur enim rationi, quoquomodo consentaneum, quoniam experientia deprehenditur Solem, ubi primum decimam nonam partem Arietis ingressus fuerit statim Ver manifestum nobis ostendere: Sed de his in decem libris nostris Astronomicis satis dictum est: Hic sufficiat Ptolemæi opinionem declarasse.

## CAPVT XIX.

## TEXTVS LVII.

*De Finibus*

**F**inium ratio duplex est, vna Ægyptiaca quæ principatus modo domiciliorum obseruat. Altera Chaldaica accommodata ad triangulorum administrationes. Ac Ægyptiaca quidem quomodo vulgo tenetur, non admodum seruat neque ordinis, neque numerorum consequentiam. Primum quod in ordinatione finium nunc priores dat domiciliorum, nunc triangulorum dominis non etiam nunquam altitudinum. Vt exempli causa quæri possit, si domiciliorum dominos respiciant, cur si fortè de Saturno sermo sit, primas illi tribuerint in iugo ac non Veneri potius? Itemque in Ariete, cur Iupiter potius quàm Mars? Quod si triangulorum dominos spectent, cur principem locum assignent in Capricorno, Mercurio, ac non Venere potius. Iam si placeat altitudinum principatus, cur ducit agmen in Cancro Mars, ac non potius Iupiter: Iam si hæc aggregent singulis, quique horum obtinuerint plurima illi præstantiam concedant, quæramus licet cur præcedat reliquis in Aquario Mercurius, cui in illo loco præterquàm trianguli ius nullum est, cum Saturnus teneat & domicilij & trianguli. Quin etiam Mercurium cum in Capricornum primum

in ordinem statuerint, qui planè ab illo sit alienus. Huiusmodi inconuenientiam in reliqua serie passim animaduertere, deinde numerum etiam finium incongruum esse manifestum est. Nam quod aiunt singularem stellarum ex terminis collectum numerum eundem esse quem eadem attribuat in annis, rationem propriam aut probabilem habere non videtur. Quin etiam si tali collectioni, quod ad annorum attributionem attinet, credamus, quia hoc ab Ægyptiis asseueratur, fieri tamen potest, vt idem conficiatur etiam si aliter & diuersis modis terminorum numerus per singula signa exquiratur. Quod autem aliqui sapere & probare volunt hanc rationem, contra veritatem manifestò nituntur. Nam plenè falsum est quod aiunt illum numerum singularem stellarum temporalem effici secundum ascensionum rationes. Primum enim sequuntur vulgares traditiones de planis ascensionum eminentiis, quæ ne minima quidem ex parte ad veritatem accedunt. Nam secundum illas in parallelo inferioris Ægypti volunt exoriri signum Virginis & Libræ temporibus 38. & triente. Leonis verò & Scorpij tempor. 35. Cum demonstretur per lineas quod hæc plus temporis in exortu consumant, illa verò, hoc est, Virgo & Libra, minus. Præterea qui hæc conquisierunt ne secutos quidem apparet numerum finium ab aliis traditum, quamuisquæ multa necessario commenti, atque alicubi ipsarum portionum portionibus vñ fuerint, quo constaret ipsis quod proposuissent, tamen ne sic quidem ad veritatis metam peruenisse cognoscuntur. Quæ autem ferè traditur ab illis ratio finium propterea quod, vt diximus, plurimum huic fides tribui soleat, ad subiectum sese modum habet.



## FINES ÆGYPTIORVM.

|   |      |    |      |    |      |   |      |   |      |   |  |
|---|------|----|------|----|------|---|------|---|------|---|--|
| ♀ | Iup. | 6  | Ven. | 6  | Mer. | 8 | Mar. | 5 | Sat. | 5 |  |
| ♂ | Ven. | 8  | Mer. | 6  | Iup. | 8 | Sat. | 5 | Mar. | 3 |  |
| ♀ | Mer. | 6  | Iup. | 6  | Ven. | 5 | Mar. | 7 | Sat. | 6 |  |
| ☿ | Mar. | 7  | Ven. | 6  | Mer. | 6 | Iup. | 7 | Sat. | 4 |  |
| ♄ | Iup. | 6  | Ven. | 5  | Sat. | 7 | Mer. | 6 | Mar. | 6 |  |
| ♀ | Mer. | 7  | Ven. | 10 | Iup. | 4 | Mar. | 7 | Sat. | 2 |  |
| ♄ | Sat. | 6  | Mer. | 8  | Iup. | 7 | Ven. | 7 | Mar. | 2 |  |
| ♀ | Mar. | 7  | Ven. | 4  | Mer. | 8 | Iup. | 5 | Sat. | 6 |  |
| ♄ | Iup. | 12 | Ven. | 5  | Mer. | 4 | Sat. | 5 | Mar. | 4 |  |
| ♀ | Mer. | 7  | Iup. | 7  | Ven. | 7 | Sat. | 4 | Mar. | 5 |  |
| ☿ | Mer. | 7  | Ven. | 6  | Iup. | 7 | Mar. | 5 | Sat. | 5 |  |
| ♄ | Ven. | 12 | Iup. | 4  | Mer. | 3 | Mar. | 9 | Sat. | 2 |  |

Dixeramus Mercurium in Virgine exaltari, ob id quod Virginis siccitate gaudeat: adduntur plurimæ aliæ causæ, utpote à Ptolemæo quod ancipitis sit naturæ, Virgo etiam anceps cum autumnale sit signum: Autumnus autem, teste Galeno naturæ ancipitis, ut qui mane frigeat, meridie caleat egregie, rursumque vespertino tempore sit frigidissimus, aded ut homines nisi caueant, manifestè lædantur. At verò dices: Virgo æstium est signum: verum illius vltima pars, quoniam commune est signum, in alterius naturam transit temporis. Haly addit quod cum Mercurius vespertinus apparere incipit dum Sol in Leone fuerit, in signo est Virginis. Sumptum illud à similitudine Lunæ: Sed nihil magis quam quod experientia constet. Id tamen consideratione dignum, planetas inferiores quandoque occidentales gaudere, velut Ptolemæus in tertio libro docet: Ratio est quoniam inferiores cum habeant motum alium præter motum Solis. Motus autem communis qui medius dicitur, idem est cum motu Solis, videntur esse velociore Sole: at qui velocior est planeta natura motus euadit occidentalis, quoniam superiores solum orientales gaudent, occidentales debilitantur: Luna quod omnino velocior sit Sole occidentalis robustior semper est, tunc enim primùm apparere incipit. Venus igitur & Mercurius in vespertinis heliacis ortibus occidentales non minus gaudent, cum Lunæ assimilentur, quàm in matutinis orientalibus cum tribus superioribus. Obseruandum igitur est qua in medietate cœli ipsi fuerint, hoc autem suo loco magis declarabitur. Similiter & Mercurius Veneri aduersatur, sicut Autumnus Veri, & inæquale æquali, & Virgo Piscibus, & siccum humido. Cæterum in isto capite maxima est confusio de Finibus, cum Ptolemæus narrat tres opiniones, quarum duas ipse reprobatur: Sed tamen primæ experientia egregie subscribit. Et videtur Haly dicere de his hæc verba (Tamen ego dicam id quod vidi de vna experientia quam inueni in loco qui dictus est oculus Solis, quia modico tempore miracula magna vidi) Sed Ptolemæus claram rationem adducit

Tom. V.

quod ordinem non seruauerint. Ratio verò illa clara est. Quod verò dicit: Nam quod aiunt, respondet rationi quorundam qui certum numerum annorum vitæ significatoribus tribuebant dupliciter: primum, quod opinio illa falsa sit, ut in tertio etiam libro ostendet dum de vita agit: Secundum, quod & si talis numerus vim aliquam haberet, tamen aliter diuidendo signa, idem numerus confici posset. Quamobrem, ut inferius docet, nec talis numerus conueniat numero annorum qui planetis assignari solent. Nam Saturno dant 60. partes, & Marti 67. Ioui autem solum 76. & Veneri 81. ita ut in solo Mercurio conueniant. (Quod autem aliqui) Declarat secundum fundamentum quorundam quod Haly nullo modo intellexit, neque explicare aggressus est: tantò plus enim dabant fortunis, quantò ascensione ascensio maior erat: Veluti in Virgine quod in Aegypti parallelo ascenderet in partibus æquinoctij 38. & triente, Leo autem triginta quinque, dederunt Ioui & Veneri in Virgine quatuordecim partes, in Leone solum vndecim: propter trientem verò superadditum cum non liceret frangere partes & Libra in eisdem temporibus ascendat, in quibus Virgo, & Scorpio in eisdem in quibus Leo, geminato triente quamuis fierent minuta 40. tantum, tamen dederunt singulo trienti partem vnā: ut in Libra Iupiter & Venus quinque partes plures haberent, quàm Iupiter & Venus in Scorpione. Hanc rationem rejicit Ptolemæus bifariam & quod ascensiones signorum in tali parallelo falsæ supponantur. Et quod ne sic generaliter quamuis per minuta rem tractantes, veritate assequi potuerunt, ut infra docebitur.

Ratio autem ordinis sic habetur: distributo signifero in quatuor quadrantes Arieti datur Iupiter, trigoni dominus, inde Veneri dominæ sequentis signi, post Mercurio domino sequentis, post Marti domino loci, inde Saturno, cum nihil est familiaritatis, cum eo signo Tauro locus datur Veneri ob trigonum, & ob domum augetur duabus potestatibus, inde Mercurio domino trigoni sequentis, post Ioui sequentis domini altitudinis, exultatur enim in Cancro inde Satur-

O 3 no

Primo de  
Tempera-  
mentis.

Cap. 17.



no domino diuerso à Venere, cum sit diurnus ipsa nocturna in sequenti signo Geminorum, inde Marti reliquo Marti. Par irratione & Cancer & Leo habent primos dominos trigoni, vt etiam Libra, Scorpio, Sagittarius & Aquarius, & Piscis vbi ob trigonum & altitudinem Venus congeminat potestatum numerum: in Virgine altitudo & domus trigono præferuntur. Idè Venus priuata suo loco sequentem occupat vt scœnore magno, sed in Capricorno Mercurius præfertur, quod in trigono sit Virginis, & dominus sequentis trigoni Aquarij, & quod è Sagittario exeat vbi vires habet infirmas cuius causa Iupiter Cancræ altitudinis dominus & Piscium secundum locum accipit. Explanator tamen non vult vt ratio signorum extendatur vltra tertium Aries ad Geminos, Taurus ad Cancrum, Gemini ad Leonem. Sed non concordat in Capricorno neque numeris, quia exposuit fines Ptolemæi non communes de quibus nunc agemus.

### TEXTVS LVIII.

Ratio Chaldaica simplicior quidem est, magisque persuasibilis, sed non proinde absoluta, cum ipsa in serie, quàm ad triangulorum dominationes refert, tum numero quoque finium. Hæc etiam absque præscriptione perspicui facillè poterit. Nam in primo triangulo Aries, Leo & Sagittarius similiter per signa definiunt terminos, sic vt primum locum teneat dominus trianguli, id est, Iupiter. Secundum sequentis trigoni, præfens ea est Venus. Ponantur tertij dominatores consequenter, ij erunt Saturnus & Mercurius, & vltimo Mars dominatur postremi trianguli. In secundo triangulo, vbi similis per signa distributionem seruant. Primus locus est Veneris Secundus & tertius Saturni & Mercurij. Quartus Martis. Quintus Iouis. Ad hunc modum ferè sese habet etiam in reliquis duobus triangulis finium terminatio. Cæterum vbi sunt minus duo dominatores, Saturnus inquam & Mercurius principatum ordinis sui tenebit interdiu Saturnus, noctu Mercurius. Iam numerus finium ne ipse quidem inuolutus est. Vt enim quæque stella alteram ordine præcedit, ita vna parte voluerunt excellere. Sic fit vt prima semper habeat partem 8. Secunda 7. Tertia 6. Quarta 5. Quinta 4. quibus numeris triginta cōficiunt. Ex hac distributione colliguntur Saturni partes diurnæ 78. nocturnæ 66. Iouis 72. Martis 69. Veneris 75. Mercurij diurnæ 66. nocturnæ 78. quæ omnes par-

tes sunt, 360. Ex his duabus rationibus finium dignior est cui accedatur Ægyptiaca, propterea quod pro vtili ab Ægyptiis scriptoribus illa est tradita, & quod penitus congruant partes in illa finium cum exemplaribus genituris, quas Ægyptij collectas habent. Verum cum scriptores nusquam ipsorum neque seriem, neque singulatim numerum declarauerint, suspicioni fuerit atque etiam reprehensionem ista incertitudo obnoxia.

Cum neque Ptolemæus hos terminos confirmauerit, neque experientia approbauerit, non est cur exponendo laboremus, præsertim cum litera clara sit. Etenim omnis expositio alicuius boni causa esse debet, omnique scriptura temporisque iactura. Adiecit autem numeros illos, vt ostenderet eos non congruere annis maioribus planetarum.

Cæterum quod ad Ægyptios terminos attinet, Dorotheus & melius Græci sapientes illos potius quàm Ptolemæi obseruauerunt. Ideoque ratio ipsorum meo iudicio talis est. In vnoquoque signo initium dabitur planetæ qui plures obtinuerit dignitates: si autem solam vnam, præfertur trigoni dominus domino exaltationis: Hic verò domino domus, nisi infortunæ fuerint. Hac de causa liquet quare in Capricorno & Aquario Saturnus non præponatur, Mercurius autem in Aquario trigonum habet: Idè ipse præponitur. In Scorpione præponitur Mars, quia trigonum habet & domum: In Cancro autem quod eius trigoni solus sit dominus. In Libra verò Saturnus quod Carpenterium in ea obtineat: altitudinis scilicet & trigoni dominus. Ob hæc igitur nulla alio in signo malefica, neque primas, neque secundas obtineat partes. De Capricorno autem cur Mercurius præponatur vna ex tribus causis esse potest: vel quia Venerem pro Mercurio & Mercurium pro Venere propter figurarum similitudinem supposuerint: vel quod Mercurium, vt dixi vim in trigono illo habere propter Virginem existimauerint: vel quod experientia comprobata aliquam insignem virtutem animaduertent. Nam si quis rectè rem perpendat præter Venerem quæ valde debilis est in eo trigono, nullum planetam quem iure proponerent habebant, nam Venus debilis est quod solum in Tauro ex secundo trigono exalteretur: ob id Luna & Venus minimas vires sortitæ sunt, quod duorum trigonorum participes sint, scilicet, terre & aquei: quod si in Capricorno Venerem pro Mercurio supposueris, & pro Venere Mercurium exactam habebis rationem.

Fuisse Chaldaeos in Astrologos in Babylonia quæ non procul à Iudæa ad orientem posita est liquido constat: ob quorum sapientiam qui futura prædicere profiterentur Mathematicos tametsi non per astra diuinerent, vt Chaldaei vocari soliti erant, vt in numerum hunc & Ægyptios sapientes, Magos,



## TEXTVS LIX.

Magos Persas & alios quamplures traduxerint, de quibus supra etiam actum est. Meminit & Porphyrius in nulla alia re utilis quam in commemorandis huiusmodi nominibus Trasybuly & Petosiridis, qui ante Ptolemaeum in magnafuerunt existimatione, quos etiam vocat vetustiores, sed & Antigoni & Ptolemaei Aegyptiorum, quorum etiam placita adeo absurda sunt, & plena nugis ut Porphyrius totam artem ut nunc etiam Latini, & Arabes olim deturparint, constatque Arabum, omnia illa commenta non esse illorum, sed horum inventa inter quae sunt radij per ascensiones, ut in nostro parallelo trigoni inter initium Capricorni, & vigesimam quartam partem Geminorum cum sint ferme oppositi. Quadrati vero ab eodem ad decimam octavam partem Tauri trigonis lotiores non parum, ut liquet & haec sunt horum inventa. Trasybuli vero fines aut ignoti non habentur: aut sunt Aegyptij, aut Chaldaei, nam Ptolemaei si fuissent, verisimile est Ptolemaeum nomen eius proditum, cum antiquior fuerit Ptolemaeo Trasybulus annis ferme centum, invidia superior meminit & Petosiridis auctor ignotus, cum Chepsone alio nobili antiquo Astrologo, alibi mentionem facit Necepsi, qui multa ad artem addidit: Forfan idem cum Chepso sed corrupto vocabulo certe praestantissimus. Hi fuerunt partis fortunae seu horti s. quam Ptolemaeus secutus est inventores atque eos nomine antiquorum intellexisse affirmat ille. Quorum & aliorum omnium placita, absque discrimine bona & mala (sed haec longè plura) ut Grammaticum verisimile est, congestit in unum Iulius Firmicus, cui tamen & ob hos gratias debemus, licet pauca è multis, atque ea magno cum iudicio decerpenda suaserint.

Sed ad nostras manus pervenit, liber peruetustus multis iam in locis ætate consumptus, in quo contineretur naturalis & conveniens ratio ordinis & numeri illorum, concordabatque & in expositis genituris partium descriptio, & totius numeri comprehensio cum veterum traditione. Cæterum oratio erat expositionis cum verbosa, tum multa superuacua argumenta complexa. Ipse vero liber mutilatus, ut ægrè à nobis generaliter dictorum sententia perciperetur, & si non parum adiuuaret ipsorum finium descriptio, quæ in fine libri integrior remanserat. Sed tota ratio exquisitionis illorum ita se habet, nam in ordine signorum assumuntur altitudines, triangula & domus, quorum si qua stella duorum compos fuerit in eodem signo, illa principem locum tenet, quamvis malefica fuerit, quod si hoc non usu venerit, maleficæ semper in loca ultima collocantur. Sed altitudinum domini præponuntur dominis triangulorum, atque hi domiciliorum dominis, consequenter quidem secundum signorum seriem: ita etiam ut duplicis administrationis stella antecedit semper habentem simplicem. Cancer tamen & Leo domicilia Solis & Lunæ

|   |      |   |      |   |      |   |      |   |      |   |  |
|---|------|---|------|---|------|---|------|---|------|---|--|
| ♀ | Iup. | 6 | Ven. | 6 | Mer. | 7 | Mar. | 5 | Sat. | 5 |  |
| ♂ | Ven. | 8 | Mer. | 7 | Iup. | 7 | Sat. | 4 | Mar. | 3 |  |
| ♀ | Mer. | 7 | Iup. | 7 | Ven. | 7 | Sat. | 4 | Mar. | 6 |  |
| ♂ | Mar. | 6 | Iup. | 7 | Mer. | 7 | Ven. | 7 | Sat. | 3 |  |
| ♀ | Sat. | 6 | Mer. | 7 | Ven. | 6 | Iup. | 6 | Mar. | 6 |  |
| ♂ | Mer. | 7 | Ven. | 6 | Iup. | 5 | Sat. | 6 | Mar. | 6 |  |
| ♀ | Sat. | 6 | Ven. | 5 | Iup. | 8 | Mer. | 5 | Mar. | 6 |  |
| ♂ | Mar. | 6 | Iup. | 8 | Ven. | 7 | Mer. | 6 | Sat. | 5 |  |
| ♀ | Iup. | 8 | Ven. | 6 | Mer. | 5 | Sat. | 6 | Mar. | 5 |  |
| ♂ | Ven. | 6 | Mer. | 6 | Iup. | 7 | Mar. | 6 | Sat. | 5 |  |
| ♀ | Sat. | 6 | Mer. | 6 | Ven. | 8 | Iup. | 5 | Mar. | 5 |  |
| ♂ | Ven. | 8 | Iup. | 6 | Mer. | 6 | Mar. | 6 | Sat. | 4 |  |

attribuuntur maleficis, nam finibus luminaria non includuntur, maleficæ autem in illis potentiores inveniuntur, & Canc. quidem Mar. Leo autem Satur. habetur, atque his conveniens ordo conseruatur. Sed numerus sic exquiritur. Si non inveniatur stella dominatrix duplici modo, vel in eodem signo, vel in se-

quentibus duobus, tum dari solent beneficis, hoc est, Ioui & Veneri, singulatim septenæ partes, sed maleficis, id est, Satur. & Mart. quinæ: Mercur. autem qui communis est, septenæ, quibus numerus 30. partium expletur. Sed hoc est accipiendum de iis, qui non nisi simplici modo dominantur. Verum cum aliquæ dupli-



cem rationem habeant, nam Venusola est domina trianguli Canc. & Taur. cum Luna finibus non claudatur. His igitur singulatim una pars adiicitur, siue hanc rationem in eodem signo, siue in proximis duobus, hoc est, uno quadrante habuerint, atque talibus adiectis partibus animaduerti in memorata percensione fuisse punctula superposita, sed adiectitiæ duplici huic rationi partes auferuntur, à reliquis & solitariis plerumque quidem à Satur. sed tamen à Ioue propter tarditatem motus. Horum autem & ipsorum finium descriptionem in sequentibus expositam subiecimus.

Nec defuere qui partirentur etiam subtilius dominationum iura, nominarentque loca & partes, illa quidem volentes accipi duodecimam vniuscuiusque signi portionem, id est, partem secundam, & dimidiam. Incipiunt autem attribuere ius sequentibus semper signis ab eo in quo stella fuerit inuenta, sed non hac una, verum aliis quoque ratione carentibus modis. Partes autem ascribunt iterum à principio signorum omnibus singulatim stellis ordine exposito in Chaldaicorum finium demonstratione. Sed hæc, ut disputabilia & naturali ratione carentia, magisque ostentationi comparata, prætermittamus. Hoc monentes quod scitu dignum est, signorum vel locorum duodecim initia sumenda ab æquinoctialibus & tropicis, quod & ipsum à scriptoribus ostenditur, & quod ut exposuimus, illorum naturæ vires, societates, de æquinoctialibus & tropicis solis initiis existunt. Quod si alia initia constituerimus, aut signa ab usu indiciorum necessario excludemus, aut assumentes multum frustrabimur, quippe cum præterita & mutata fuerint spacia signiferi, à quibus illis vires inseruntur.

Diuiditur hic textus in duas partes, cuius secundæ initium est ibi. Nec defuere: quia non tamen separari meretur, neque ut Arabes faciunt titulus præponendus ei parti, quoniam Ptolemæus omnia talia reiecit, nec recitat ut doceat, sed ut refellat tales nugas consimilesque omneis. Illud verò vtiliter additum in calce (Hoc monentes quod) declarando quod signa non à formis stellarum, quæ in octauo sunt orbe, sed ab ipsis punctis æquinoctiorum aut etiam tropicorum sumenda sunt: quod si aliter fecerimus, di-

cit, ut scilicet ab initiis figurarum octauis orbis computemus, duorum alterum fieri necesse est, aut ut existimantes eadem esse initia signorum octauis atque noni orbis frustreremur, cum iam talia initia diuersa sint, quippe quod figuræ illæ tempore Ptolemæi ab observationibus Ægyptiorum & Chaldaeorum, quæ forsitan mille annis & plus antea factæ fuerant non parum recesserint, utpote octo vel decem partibus. Vnde si gratia exempli initium Arietis quod ab æquinoctio est humidissimum statuarur, ut est, inde primas stellas quæ in capite Arietis sunt humidissimas esse existimes, ea ratione falleris cum sint siccissimæ, ut suo loco visum est. Quod si virtutes has figuris octauis orbis tribuas sciens prudensque nec omnino ignorans eas à punctis æquinoctiis ac tropicis recessisse, tunc signa, quæ à ialibus punctis initium ducunt erunt superflua: ut quibus neque stellarum ratione, quæ nullæ ibi sunt saltem nobis cognitæ, neque ipsorum initiorum ac Solis motus causa vires aliquas esse existimentur. Rursus aliquis merito dubitabit, si ipsi eclyptica vires & diuisio à Sole accedit, Sol autem ipse ab ingressu æquinoctij Verni ad ingressum tropici Æstiuus dies absumit nonaginta tres, sed ab ingressu tropici Hyemalis ad ingressum æquinoctij Vernalis solum sunt nonaginta trium partium, & à solstitio Hyemali ad æquinoctium Vernalis nonaginta: vel potius reducendo ad partes ex trecentis sexaginta erit quarta Vernalis partium nonaginta vnius cum dimidio, & Hyemalis octuaginta octo cum dimidio, & ita signa Vernalia erunt partium triginta cum dimidio, & Hyemalia viginti nouem cum dimidio: Signa igitur non erunt æqualia: Sed ad hoc Haly respondebat quoniam potentia hoc, in vnaquaque parte fiet: nam absis Solis mobilis est, secus si esset immobilis: propterea arcus octauis vel noni orbis in eclyptica æquales sunt.

Cæterum ut ad finium Chaldaicorum imò potius Ptolemæi deueniam expositionem, cum dixit (In expositis genituris) à quatuor laudat causis inuentionem hanc finium propriorum: quos tamen dicit à quodam antiquo inuentos, & obseruatos. Primum quod ordinem seruent planetæ naturalem in signis. Secundo quod numerum. Tertio quod genituris congruant: hoc autem est quod gratia exempli, ♄ fuerit in quartadecima parte Piscium in genitura, dum Sol est in quartadecima parte Cancris, ubi immensas significat diuitias. Cum verò Iupiter directione initium Arietis attigit, quoniam ibi fines erant Iouis, ditatus est egregie adolescentulus, illæ & diuitiæ creuerunt, maxime donec Iupiter sextam partem Arietis excessit. Cum verò ad vigesimam secundam peruenit Arietis, quoniam ibi Mars fines habebat, multum iacturæ à latronibus, à furibus, propter rixas aliæque violenta donec vigesimam sextam partem Iupiter superauit, accepit. Quarto quod totidem partes vnusquisque planeta finium in signis accepit, quot etiam in Ægyptiacis. Velut Saturnus quinquaginta septem gratia exempli, & Mars sex-

aginta,



aginta sex, atque ita de aliis: non quod totidem annis homines illis dispositioribus viuant, ut rebantur Arabes, sed quod plus dominaretur quod magis generationi & animantium commodo utile esset. Quamobrem plus etiam Venus accepit, quam Iupiter: non quod temperatior sit, sed ut commodius omnia luxuriarent, & ob amorem in proles generationem accenderentur. Itaque Venus 82. Iupiter 80. Mercurius 76. Mars 65. Saturnus ut dictum est 57. partes accepit. Mercurius enim propter luminarium propinquitatem & Veneris frequentes coniunctiones, & quia proximus terræ est, parumque afficitur à retrocessibus ob frequentiam, & à Sole ob familiaritatem, in causa vitæ & generationis plus longè beneficis accedit quam maleficis. Eadem causa Mars longè Saturno præferendus est, quod Mars calidus sit egregie, ideoque præferoces milites & amant, & concumbunt, & generant, & validos generant: decrepiti neque amant, & minus concumbunt, & multò minus generant, & quoscunque generant inualidos generant. Verum quod ad rationem attinet ordinis hæc talis est. Quicumque planeta ut etiam in Ægyptiaca diuisione diximus, carpentum seu solium obtinet, aliis proponitur: Inde dantur vltima loca maleficis semper, si carpentum non obtinuerint, præterquam in Cancro & Leone, in Cancro Marti, in Leone Saturno. Nam cum luminaria sunt fines per sex integra signa sortiantur, ut superius dictum est, initia horum signorum maleficis dedicantur, propter hanc causam, quod initio Canceri quod frigidissimum sit & humidissimum signum, & Luna in eo maxime gaudet Martis calor temperetur ac siccitas, atque ideò gaudere in eo videatur. Plurimum enim potest ibi Mars ubi maxime temperiem acquirit. Eadem ratione Saturnus ubi illius frigus tum à calore Solis, tum à calore signi mitigatur, atque boni causa. Nocendi verò per antiparitas frigus Saturni in initio Leonis, & Martis caliditas ac siccitas in initio Canceri augebuntur, unde grandines & tonitrua & æstus ac incendia per Martem ibi constitutum fient. In cæteris autem præponitur dominus altitudinis triangulo, & triangulus domui, nisi ut dictum est maleficæ fuerint: nam hæc ut diximus Solis in carpentis præponuntur. Cæterum & inter Martem & Saturnum id ordinis intercedit: ut semper quæ dignitatem obtinet præferatur: Veluti in Geminis, Saturnus Marti, in Capricorno, Mars Saturno. Vbi verò neutra maleficarum dignitatem obtinuerit, ut in Tauro & Virgine, Sagittario, semper Saturnus Marti præponitur. Quod verò ad numerum partium attinet, regula hæc seruanda est: beneficis septem partes dari solent, maleficis autem quinæ, si non in eo signo neque duobus sequentibus (& Mercurio senæ) inueniatur carpentum. Porro carpenta sunt ex toto signo, Taurus Veneri ob domum & trigonum, & Gemini Mercurio, & Virgo etiam Mercurio ob domum & altitudinem: & Libra Saturno ob altitudinem & trigonum, & Scorpio Marti ob domum & tri-

gonum vel altitudinem. Adeò ut sola quatuor signa carpento careant, Aries, Cancer, Leo, Capricornus. Propterea licet simpliciter dicere quod omnibus in locis Veneri & Ioui septem partes dandæ sunt, Saturno & Marti quinque, nisi quod si qua stella duas potestates in ipso signo vel sequenti, vel tertio habuerit, vnam partem addere oporteat. Hæc verò quæ talibus adiciuntur, adimi solent grauioribus planetis, scilicet Saturno & Ioue, præsertim tamen à Saturno quod maleficus sit. Exemplum autem in duobus signis demus in Ariete: ex simplici ratione Ioui septem primæ partes debentur, quod dominus sit trigoni: Veneri septem, quod benefica sit: Mercurio sex: Marti quinque sequentes, quod domicilium habet in Ariete: Saturno quinque postremæ: atque hæc est pri-

|       |      |   |      |   |      |   |      |    |      |   |
|-------|------|---|------|---|------|---|------|----|------|---|
| Aries | Iup. | 7 | Ven. | 7 | Mer. | 6 | Mars | 5. | Sat. | 5 |
| Aries | Iup. | 6 | Ven. | 8 | Mer. | 7 | Mars | 5. | Sat. | 4 |

ma constitutio quam demonstratam vides. At quia Venus in Tauro carpentum habet sequenti ab Ariete signo, punctum Veneri superaddemus in signum additionis partis vnius, hanc à Saturno detrahare licet quod maleficus sit primum, deinde quod tardissimus, & Veneri inimicus. Similiter cum Mercurius in Geminis tertio ab Ariete signo carpentum obtineat, punctum superscribemus Mercurij numero, in signum addendæ partis, detrahemus verò à Ioue propter tarditatem motus & quia Mercurius inimicus est Ioui: puncta verò subicere decet numeris Iouis & Saturni, atque sic constitutio secunda fiet distributionis finium. Secundum exemplum capiamus Capricornum in quo Venus domina trianguli septem partes ex generali ratione habet, Mercurio sex sequentes quod dominus sit sequentis trianguli, inde Ioui septem generali ratione, quod benefica sit, post Marti quinque quod habeat altitudinem quæ domicilio præponitur, inde Saturno quinque. Sed Mars quod in Piscibus solus ut dixi trigonum obtineat, & in Capricorno altitudinem, partem vnam sibi iungit, hanc à Saturno adimere non licet, quod domus dominus sit, neque à Mercurio quod dominus sit sequentis trigoni, neque à Ioue quia dominus sit Piscium, aufertur ergo à Venere quæ quamuis carpentum habeat in Piscibus, inimica tamen est Saturno domino domus scilicet Capricorni, neque vllibi Venus partes habet pauciores septem, præterquam in Sagittario, ubi sex habet, quod ibi solitaria sit & in duobus sequentibus signis: Et in Libra ubi quinque habet tantum propter trium superiorum robur in eo signo & duobus sequentibus. Nam Libra carpentum Saturni est. Scorpio Martis, & Sagittarius Iouis, quamobrem tres partes sibi præter solitum vindicauerunt, vnam scilicet singuli: & Veneri quidem duæ ademptæ sunt, vna verò Mercurio, quod ipse Venere validior esset ob trigonum. Cæterum merito dubitabit aliquis, propter quid triangula in finibus distribuendis validiora sint domibus cum à domorum ratione pendeant? Causa autem est quoniam



niam finium distributio est ex quodam consensu, sicut etiam in publicis rerum partitionibus fieri solet, maiusque vniuscuiusque planetæ dominium est, ob id concordi quodam consensu signorum partes sibi inuicem partiuntur. Sed tamen carpento cedunt, quod planeta ille tanquam princeps vi opti-

mam partem sibi eligat ac vindicet. Ceterum cum in his duabus viis dubitatio, si quænam præferenda iure merito sit, Tabulam subieci partium illarum, in quibus Ptolemæus cum antiquis concordat cuius exemplum est, volo scire 24. partem Cancrī, cuius sit finis. Inuenio quod in Cancro à 19.

|                                                    |  |
|----------------------------------------------------|--|
| V ♂ 6 ♀ 12 D. 14 ♀ 20 D. 21 ♂ 25 D. 26 ♂ 30        |  |
| ♂ ♀ 8 ♀ 14 D. 15 ♂ 22 ♂ 26 D. 27 ♂ 30              |  |
| ♂ ♂ 6 D. 7 ♂ 12 D. 14 ♀ 17 D. 24 ♂ 25 D. 30        |  |
| ♂ ♂ 6 D. 13 ♀ 19 D. 27 ♂ 30                        |  |
| ♂ D. 25 ♂ 30                                       |  |
| ♂ ♂ 7 ♀ 13 D. 17 ♂ 18 D. 24 ♂ 28 D. 30             |  |
| ♂ ♂ 6 D. 14 ♂ 28 ♂ 30                              |  |
| ♂ ♂ 6 D. 27 ♂ 30                                   |  |
| ♂ ♂ 8 D. 12 ♀ 14 D. 17 ♀ 19 D. 21 ♂ 24 D. 26 ♂ 30  |  |
| ♂ D. 16 ♂ 24 D. 30                                 |  |
| ♂ D. 16 ♀ 7 D. 12 ♂ 13 D. 30                       |  |
| ♂ ♀ 8 D. 12 ♂ 14 D. 16 ♀ 19 D. 20 ♂ 26 D. 28  ♂ 30 |  |

ad 27. est dubia tota illa pars: Secundum enim antiquos est tota Iouis iuxta Ptolemæum Veneris, idèd multum refert, cum vnus possit respicere, altero non respiciente: Sed hic si sit Iouis non adèd refert, cum nihilominus habeat ibi altitudinem. Et ita in Capricorno à gradu 14. ad 30. est varietas: nam iuxta antiquos est sub Saturno secundum Ptolemæum sub Marte.

luti si Sol sit, vt dixi, in Libra & Saturnus sit in Piscibus. Eodem modo quoad Lunam veluti in Sole, sed vt sit in antecedentibus signis, vt Mercurio in primo signo ante Lunam: Veneri in secundo, Marti in tertio, Ioui in quarto, & Saturno in quinto. Vt si Luna sit in Piscibus, & Mercurius in Aquario, vel Iupiter in Scorpione dicerentur gerere personam. Quod verò hanc dignitatem probet, & non vt reliquas nugas Chaldæorum in fine textus præcedentis descriptas confutet, docet continuatio ad carpenta ac solia de quibus nulla est dubitatio. Inquit enim.

## CAPVT XX.

### TEXTVS LX.

*De sua cuiusque stellæ persona, & carpentis ac solis.*

**A**Tque hoc ferè modo sese habent familiaritates stellarum, locorumque duodecim. Dicuntur autem stellæ & suas quasi personas gerere, quod videre faciem vulgus vocat, cum singulæ eo modo cum Sole, aut etiam Luna configurentur, quod domicilia ipsorum cum domiciliis luminum: vt Verbi causa Venus in sexangula configuratione cum luminibus, sed cum Sole vespertina, cum Luna matutina esse debet, pro eo atque etiam domicilia collocata sunt.

Personam suam gerere Mercurius dicitur cum fuerit in sequente signo post Solem, quocumque loco fuerit Sol. Vtpote si Sol sit in Libra & Mercurius sit in Scorpione. Venus verò cum secundum signum à Sole obtinuerit & Mars tertium, & Iupiter quartum, & Saturnus quintum post Solem: Ve-

### TEXTVS LXI.

Suis autem quasi in regis curribus & carpentis insuehi, & solis insidere & in istiusmodi excellentiis tum esse dicuntur, cum duobus aut pluribus nominibus declaratum in superioribus familiaritatis ius exercuerint in iis locis stellæ quibus institerint. Nam quia tunc ipsorum maxime efficaces vires fiunt, propter convenientiam & similitudinem & quasi collatam operam duodecim locorum, idèd solis suis insidere & illustres dicuntur.

Quis iure non dubitet antequam de solis agamus cur Ptolemæus personam agere planetas occidentales à Sole maxime superiores atque occidentales à Luna velit, cum expresse in tertio libro matutinas circa Solem, & vespertinas circa Lunam contraria penitus ratione præferat? Verum nisi quispian, vt sæpius dixi, diuidat significata atque conditiones, nunquam ad veram artis scientiam peruenire poterit. Est igitur, ac si sit sensus, tres superiores (Nam de inferioribus quod



quod Occidentales à Sole bene collocentur, iam superius ostensum est) si quando occidentales fuerint à Sole, aut à Luna orientales, optimum erit & personam agere dicentur, quando tot signis à Sole differerint, vel à Luna, quot propria domus post Leonem, scilicet Scorpio, Sagittarius vel Capricornus à Leone, aut antecedens Cancrum, scilicet Aquarius, Pisces, & Aries ab ipso in Cancro.

Rursus sciendum est quædam ex ipsius Ptolemæi sententia derivari quæ expositorem decet adicere, ut non Haly qui palam non recepta à Ptolemæo non solum his in locis

| <i>Falices</i> |    | <i>Infalices.</i> |        |
|----------------|----|-------------------|--------|
| ☿              | 7  | ☿                 | 26     |
| ♂              | 15 | ♂                 | 26     |
| ♄              | 20 | ♂                 | 25     |
| ♊              | 14 | ♊                 | 24, 30 |
| ♋              | 12 | ♋                 | 25     |
| ♌              | 15 | ♌                 | 25     |
| ♍              | 9  | ♍                 | 30     |
| ♎              | 21 |                   |        |
| ♏              | 9  |                   |        |

adicit, verum & ipsius sententiæ repugnantia, & ab illius prorsus doctrina aliena. Quod autem Ptolemæi doctrinæ convenit, est ut partes in quibus fines utriusque beneficæ iunguntur sint felicissimæ: vepote initium septimæ Arietis est Veneris initium termini, finisque Iouis, ob id commista natura beneficarum feliciores extant cæteris. Contraria ratione ad vnguem habentur infelices: ut à latere vides. Cæterum ut ad textus explicationem deveniam, carpentum seu solium bifariam accipitur, vno modo prout in signis & principaliter consideratur pro finibus constituendis: & est cum planeta e tribus dignitatibus, primis quæ sunt altitudo domus & trigonus duas obtinuerit: alio modo. Cum duas quomodoque e quatuor dignitatibus aliqua in parte obtineat & fuerit in illa. Tertio cum in eo loco licet non sit plures duabus habet dignitates Ptolemæus secundum modum solum recipit, quia facit ad robur planetæ, licet tertius faciat ad vim in loco illo, & ideo aspectus non iuvat ad carpentum verum, sed solum tertij modi. Sol etiam & Luna habent debiliora carpenta, quia finibus carent. Validiora sunt reliquorum planetarum etiam si non sint in finibus, ut Mercurius in tota Virgine, Venus in toto Cancro. Si verò in finibus ipsis validissima.

Quod verò dixit, collatam operam duodecim locorum, id est, quod videntur omnia operam contulisse in illum planetam, veluti dictum est de Mercurio qui cum habeat domum in Virgine & similiter altitudinem quam par erat habere in alio signo, & fines quibus etiam si in alieno habeat signo plurimum potest, videntur domus omnes in illum planetam vim suam contulisse: Tum etiam quia ut visum est superius, pleraque signa, quatuor scilicet exceptis, novem coniunguntur signis aliis, aspectu, præcipiendo vel vires æquando: Cum igitur planeta in carpen-

to suo fuerit singulas domos possidere videbitur.

Porphyrus dicit Planetas habere quiddam peculiare in certis signis adeò ut si quid minimum accedat, possint dici iure etiam in carpentis suis & exponit Saturnum in Aquario, Iovem in Sagittario, Martem in Scorpione, Solem in Leone, Venerem in Tauro, Mercurium in Virgine, Lunam in Cancro.

## TEXTVS LXII.

Gaudere etiam volunt, cum loca in quibus stella fuerit non ipsi, sed alteri suæ conditionis obnoxia sunt, quæ quidem satis è longo congruitatis ratio dueitur, sed similitudo illam tamen efficere putatur. Contra autem si in locis alienis & contrariis conditioni suæ inveniatur, valde diluitur peculiaris ipsarum vis, diuersarum naturarum confusione, propter dissimiles signorum constitutiones.

Hoc quod scripsit hic parum esse videtur, sed ratione eius quod subiicitur tam magnum est, ut sit maximum. Nam ponamus quod Sol sit in finibus Iouis, vtpote in principio Piscium, gaudet non tanquam in loco proprio sed amici: hoc gaudium dicit Ptolemæus leue est & paræ efficacæ. Sed si Planeta in contrariis signis fuerit ab his in quibus exaltatur aut domicilium habet trigonum, virtus illius diluitur & debilitatur: ut Mars in Tauro, Saturnus in Cancro: tum maximè cum contraria fuerit vis planetæ naturæ signi. Differt autem in hoc quod cum Saturnus æqualiter cadat in Cancro & in Leone, in Cancro quidem plus nocet ob frigiditatis immoderantiam, in Leone minus, iuvat debilitatis viribus à casu domus & contraria intemperie. Sic Mars minus nocet in Cancro, & minus benefacit in Libra. Quod si quis miretur quomodo Cancer sit frigidum & humidum signum, cum sit Æstivum? dicimus id fieri propter Lunæ familiaritatem.

## CAPVT XXI.

### TEXTVS LXIII.

*De applicationibus & defluxibus.*

**I**N vniuersum autem intelligimus applicare præcedentes sequentibus defluere autem à præcedentibus sequentes, sed non oportet longum esse interuallum. Idque intelligitur & in corporeis congressibus & in configurationibus illarum.

Postquam



Cap. 9.

Postquam declarauit omnes affectus planetarum in signis, nunc declarat affectus ipsorum prout sunt in motu & inter se. Vnde notandum primo quod apud Ptolemæum non propriè dicuntur planetæ coniuncti esse vel in radiis, propter duas causas: prima, quia corpora eorum parua sunt & semper sunt in motu. Ideò non possunt figi, nec dici coniuncti, vel in aspectu verè. Secunda causa quæ validior est, est quoniam, tantum est discrimen inter applicationem & defluxum, vt sub vno nomine non mereantur comparari, propterea distinxit illas. Comparantur autem trifariam, aut ratione roboris, velut Ptolemæus in tertio libro dum applicationem defluxui comparat. Nam applicatio validior est longè defluxu. Defluxum voco quotiens planeta leuior est in pluribus partibus & recedit ab altero: Veluti in prima genitura Mercurius dicitur à Sole defluere: & Luna per quadratum ab eodem: & similiter Luna ab ipso Ioue per trinum. Sufficit autem quod leuior, si non sit in pluribus partibus vt saltem sit vno minuto vel pluribus recedens: Velut in dicta genitura Sol est in vigesima octaua parte & sex minutis Libræ, & Luna in vigintiocto partibus & minutis quadraginta quatuor Capricorni, Luna dicitur recedere ab ipso sole. Et similiter in tertia figura Luna dicitur applicare quadrato Saturni, & quadrato Martis etiam, & Mars ipse dicitur applicare per corpus ipsi Ioui: Et ideò plus boni pollicetur Mars ex Ioue, quàm mali ex Saturno, quanquam à Ioue longè distet plus quàm à Saturno, quia Ioui applicat, à Saturno autem recedit. Secundum discrimen est in qualitate significatorum, de quibus apud Firmicum multa tractantur: & nos omnia quæ vtilia erant ex illo traduximus in nostros decem libros de Astorum Iudiciis. Secundo considerandum est non oportere esse longum intervallum: hoc autem quale sit in Ioue & Venere, declaratur infra in tertio libro: iuxta hoc etiam in aliis planetis decernuntur prout à

Cap. 14.

| Applicationes & Defluxus. |      |            |  |
|---------------------------|------|------------|--|
| Saturni                   | Par. | 20         |  |
| Iouis                     | Par. | 12         |  |
| Martis                    | Par. | 7 mi. 30.  |  |
| Solis                     | Par. | 17         |  |
| Veneris                   | Par. | 8          |  |
| Mercurij                  | Par. | 7          |  |
| Lunæ                      | Par. | 12 mi. 30. |  |

latere vides. Cùm igitur planeta cui applicatur, vel à quo fit defluxus vel separatio non plus disteterit ab eo qui se applicat aut separat tunc dicitur applicatio separationis, sicut partes illæ de planeta cui fit defluxio intelligatur, nõ de eo qui defluit aut applicat. Qui quanto tamè ex paucioribus partibus fuerit & propinquior, eo validior erit. Adeò vt iure cum corpora fermè iunguntur validissima sit applicatio. Illud quoque animaduertendū est diligentissimè quòd defluxum & applicationū quatuor sunt genera, primum in applicatione dicitur

simplex; quotiens vterque planeta est directus & est leuior in paucioribus partibus tardiore seu ponderosiore: Velut in tertia genitura Mars applicat Ioui & Mercurius Soli. Si verò vterque sit directus & leuior sit in pluribus partibus dicitur separatio simplex velut in prima genitura Luna dicitur separari à Sole simpliciter. Secundum genus applicationis dicitur mutuum, & est cum duo planetæ vnus motu directo, qui est anterior, & alter motu retrogrado sibi inuicem occurrunt: Velut in octaua genitura Venus est directa in partibus viginti tribus & minutis tribus Libræ, & Mercurius est retrogradus in partibus viginti tribus & minutis septem eiusdem signi, ideò sibi inuicem occurrunt, & significat affectus duplicatos qui per illā applicationē fieri solent. Eodem modo est defluxus mutuus cum planeta qui est in pluribus partibus est directus & qui est in paucioribus retrogradus, & significat frustrationem significatorum: Velut in eadem genitura Venus directa defluit à Saturno retrogrado trigona radiatione: & ita significata illa alchimie & necromantie quibus delectari portenderet si non ita deflueret, irrita omnino euadunt, vt nunquam talibus sim delectatus, cùm tamen pater in iis plurimum profecisset. Tertium genus applicationis est cum vterque planeta retrogradus est, sed leuior est in pluribus partibus & celeribus redeundo grauiorem attingit: Velut in eadem genitura Mercurius applicat Saturno, qui si non esset retrogradus fieret defluxio mutua, vt dictum est, aut mutua applicatio si Saturnus directus esset. Quod si leuior sit in paucioribus partibus fiet defluxio violenta, seu auersa, velut in tertia genitura Venus defluit à Saturno, cum sit retrograda & in paucioribus partibus, & Saturnus in trigono eius & in pluribus partibus retrogradus. Quattuor generis applicationis est cum planeta leuior retrogradus est & in pluribus partibus, & tardior directus & in paucioribus partibus: nam esset defluxus ratione medijs motus, sed ratione veri fit applicatio. Et hæc contingit duobus modis vel quia leuior iam sit retrogradus, vel quia antequam separaretur extra metam descriptam in tabula exiens retrocedat. Pari ratione fiet separatio minima quotiens leuior fuerit in paucioribus & retrocedat, vel retrocessurus sit antequam ad coniunctionem perueniat. Quod si cum hoc & grauior, permuetur, tunc alij modi compositi. Et generaliter hi modi per viam diuisionis habentur, ponatur igitur vt in prima genitura Venus in duodecima parte Virginis, & Saturnus in decima septima, scilicet leuior in paucioribus, seu velocior & tardior in pluribus partibus: tunc est applicatio secundum naturam. Vel igitur vterque erit directus, vel vterque retrogradus, vel leuior directus & tardior retrogradus, vel leuior retrogradus & tardior directus: item quilibet istorum quatuor modorum quadrupliciter variari potest. Dabo exemplum in vno modo & tenebit in omnibus: Vel enim posita Venere directa & Saturno retrogrado antequam iungantur non mutabunt statum vel sola Venus fiet retrograda



grada, vel solus Saturnus fiet directus, vel Venus fiet retrograda & Saturnus fiet directus: fient igitur sexdecim modi quando planeta leuior est in paucioribus partibus & tardior in pluribus. Totidem etiam fiunt in naturali separatione quotiens planeta leuior fuerit in pluribus partibus, & tardior in paucioribus. Ita igitur fient modi triginta duo. Et quia quotiescunque iunguntur antequam exeant metam dicitur applicatio, & quotiens non iunguntur separatio seu defluxus, fient sexdecim modi applicationis & totidem defluxus distincti robore & significato. Attamen ego descripsi nobiliores & magis manifestos ne commentarius cresceret in infinitum. Per hos enim reliqui intelliguntur. Docebo autem significata. Et hæc de duobus planetis tantum dicta sufficiant.

Cum verò fuerint tres planetae & leuissimus fuerit medius inter reliquos & intra metas, dicitur leuissimus transferre lumen anterioris ad posteriorem: Velut in tertia genitura Mercurius transfert lumen Iouis ad Solem. Secundum est reddere lucem, & hoc est, cum duo planetae non se aspicientes, tertio reddunt lumen, vt in octaua genitura Sol & Luna reddant lumen Marti, quia Mars est in trigono Solis & quadrato Lunæ & est ponderosior vtroque seu tardior. Tertium est collectio luminis quotiescunque non se aspicientibus planetis, vt in prima genitura Sole & Ioue, tertius leuior puta Luna in pluribus partibus existit & ab vtroque simul se separat, tunc Luna dicitur colligere lumen Solis & Iouis. Et quidquid euenierit Lunæ eueniet Ioui atque Soli tam in directionibus, quam in resolutionibus, & tales sortiuntur maximos euentus. Quartum est coniunctio luminis: & est cum duo planetae non se aspiciunt & tertius leuior applicat vtrique & est similis præcedenti, nisi quod ille fit per defluxum, hic verò per applicationem. Quintum est prohibitio lucis & est cum planeta tardior fuerit inter duos leuiores, tunc prohibet lucem illorum leuiorum communicari. Quod si talis coniunctio leuiorum mala esset, iuuat: si autem bona, nocet. Sextum est delatio virtutis cum fuerint tres Planetae in vno signo, & grauior fuerit in pluribus partibus, leuior in paucioribus, nec intra metas, sed medius intra metam applicationis ad tardio-rem & intra metam in qua leuior illi applicet, tunc medius defert vim leuioris ad tardio-rem. Velut in octaua genitura, Venus defert vim Solis ad Mercurium, quia Mercurius propter retrogradationem est ponderosior Venere & Venus propter tarditatem motus ipso Sole. Septimum est perturbatio, & hæc fit cum duo Planetae applicant alter alteri quantum ad naturalem motum, sed est vnus tertius Planeta in pluribus partibus vtroque, qui antequam duo primi iungantur, vel quia iam fit retrogradus, vel quia paulò post fiat retrogradus iungit se tardiori & interponit se inter primos duos, & ita perturbat coniunctionem primorum duorum planetarum. Octauum dicitur abs-

Tom. V.

cisio luminis, & est quotiens fuerint tres Planetae intra metas & leuior fuerit in paucioribus partibus, sed cursu præcedat & attingat illum qui est in pluribus partibus antequam medius illi coniungatur: tunc leuior ille dicitur abscondere lumen medij à postremo qui est in pluribus partibus. Et omnes istæ regulæ originem ducunt ab ea quæ sæpius repetita est: scilicet quod omne potentia tale vim retinet talem.

Exemplum in tertia genitura, Mars esset iturus ad Iouem, sed Luna transeundo ipsum Martem quadrato attingit ipsum Iouem, & abscondit lumen Martis à Ioue. Licet enim Luna nondum attigerit Iouem neque interposita sit inter Martem & Iouem radiis quadratis, est tamen ac si iam attigisset, quia potentia talis est. Illud tamen euidentius esset vbi Luna esset in eodem signo cum Ioue & Marte, quia abscisio luminis fit quidem per radios alterius Planetae, sed valde debilis.

Notandum quod vnusquisque horum modum tam in tribus Planetis quam etiam in duobus descriptorum potest fieri, vel ex Planeta debili valde, vtpote qui fit fermè sub radiis Solis in validum vel in alium debilem, vel ex valido in debilem, vel ex valido in validum. Vtiles sunt translationes in validos quæ bonæ sunt, & in debiles quæ malæ, & rursus ex validis quæ malæ, ex debilibus quæ bonæ. Præterea qui recipitur seu qui applicat, vel in dignitate est propria vel alterius, vel nulla, vel in cadenti propria vel alterius: similiter & de eo qui recipit, vt fiant viginti quinque modi qui ducti in quatuor priores faciunt centum: deinde quilibet modus propter beneficas maleficasque variatur quadrupliciter: Nam mediæ situ vel positione, vel loco declinant ad alterum duorum, vt fiant modi quadringenti qui ducti in quadraginta priores faciunt modos sexdecim mille. Hi verò cum fiant per quinque congressus & qui per tres Planetas geminati sint, fient modi omnes nonaginta sex mille: tot igitur erunt combinationes, quæ ex applicationibus & recessibus tum coniunctionum, tum aspectuum fiunt: quas si quis diligenter sciuerit intelligere, magnam artis partem à Ptolemæo traditæ adeptum se fuisse iure merito existimare poterit.

#### TEXTVS LXIV.

Nisi quod in corporeis congressibus applicationis & defluxus etiam latitudines conuenit notari, nam non nisi eos qui in linea per media signa ducta existunt admittere consueuimus, quod in configurationibus obseruare superuacuum fuerit, cum radij vniversi eodem, id est, in terræ punctum intimum tendant, atque ita vndecunque emissi semper concurrant.

P

Ipsius



Ipsius rei expositio tam facilis est ut paucissimis verbis possit absolui, scilicet quoniam in aspectibus latitudo observanda non sit, in coniunctionibus autem sit: veluti si Venus sexdecim gradibus distet à Sole, latitudinem verò habeat septem vel octo graduum, ipsa profecto erit extra radios Solis: hoc autem magis manifestum est in stellis fixis, quarum applicatio ad Solem si egregiam habet latitudinem non multum impedit. Quinimò exortus potius heliaci talium, quam coniunctiones cum Sole, sunt observandæ. Sed quod ad causam attinet maiorem habet difficultatem: vult tamen dicere quòd trigonus gratia exempli sit cum arcus interceptus est centum viginti partium, & in centro terræ vnius recti cum tertia: sed ista quantitas anguli non variatur manifestè propter latitudinem, quia arcus circulorum magnorum qui se interfecant in eclyptica ferme non differunt siue sumantur ex eclyptica, siue ex circulo transeunte per centra planetarum: adeò ut octo partes latitudinis faciant differentiam quindecim minutorum tantum in veris locis. Ex quo patet quod opinio Blanchini est falsa de projectione radiorum, quantum ad latitudinem: nam ut ex sphaeræ ratione habetur, radij ad centrum venientes sunt æqualis ambitus: Idèò opprimè causam reddidit Ptolemæus. Ex quo colligitur vnum pulchrum, scilicet, quod Ptolemæus non considerat, radios planetarum ut ex vno perveniunt ad alterum, sed ut perveniunt ambo ad centrum terræ & in ipso angulum faciunt. Sed hic occurrunt plures dubitationes. Prima. Quia Ptolemæus inferius in tertio libro dum de vita agit, latitudinem non considerare videtur. Rursus quia reicit hic defluxus atque applicationes quæ non sunt in eclyptica, hoc autem experimento non consentit, cum omnes ferme coniunctiones planetarum evidentes faciant effectus, cum vix ex centum vna in eclyptica fiat. Præterea videmus fixas quæ procul sunt à Zodiaco Luna illis coniuncta agitare tempora. Propterea respondè ad omnia hæc quod sententia Ptolemæi, est quod coniunctiones omnes referantur ad eclypticam, quia tunc dicunt sydera esse iuncta quando linea ducta per polos transit per ambo centra, & tunc necessario dividit eclypticam: Igitur cum sydera illa sunt iuncta ipsa sunt in eodem puncto eclypticæ: Et hæc est causa Mathematica. Alia naturalis quoniam vita & reliqua ut dictum est sunt per lucem Solis: & Sol semper sub eclyptica fertur: Idèò auxilia & detrimenta ad illam lineam referri debent. Verùm sententia Ptolemæi est quod defluxus illi & applicationes ad lineam illam referri debent, quia quanto propinquiore fuerint Planetæ aut inerrantes, tantò maiores facient effectus: quantò remotiores, debiliores. Non tamen variantur tempora aut effectuum genera. Fixæ tamen, propter magnitudinem & stabilitatem, magnos præstant effectus etiam quod procul sint: Maiores tamen longè cum exoriuntur heliacæ vel cum ipsis Planetis:

propter duorum magnorum circulorum intersectionem, & etiam propter causam naturalem manifestam, quæ est aëris immutatio repentina.

## TEXTVS LXV.

Ex quibus omnibus evidens sit, habitudines stellarum singularum exquirendas, cum ex propria natura earum, tum de natura signi in quo fuerint, necnon secundum configurationem ad Solem & cardines, quæ cuncta à nobis indicata sunt.

Tria sunt quæ de futuris præcognosci ab Astrologo quærentur: genus euentus, magnitudo, & tempus. Genus euentus, utpote si futurus sit sapiens aut stultus, pulcher vel deformis, robustus vel imbecillis, dives vel pauper, & ita de aliis. Magnitudo, ut si futurus sit valde dives, vel valde pauper, vel valde magnus, vel valde parvus. Tempus autem, ut si in pueritia vel adolescentia, iuventute vel senectute, & quo anno mense die ac hora ista fient, bona vel mala. Primum ergo genus ex quatuor dicit Ptolemæus sumitur, ex natura propria Planetæ, quia Iupiter gratia exempli, præstat temperamentum, & quia virtutes, & boni mores, & naturæ robur consistunt circa temperamentum, idèò Iupiter significabit hæc omnia. Et similiter significat diuitias & honores, quia talia proveniunt ex moderatis actionibus, & nunquam ex extremis: neque enim omnino iracundi neque omnino abiectioni animo, commercia contrahere possunt: nec in extremo avari, nec prodigi, nec qui nihil attingere audent, nec qui insanam habent audaciam possunt pecunias aut honores sibi parare. Secundo ex natura signi, nam signa temperata & in quibus planetæ gaudent, multum adiuvant ad qualitates præcipuè: tria prima signa, Aries, Taurus, Gemini propter temperamentum, Cancer, Leo, Virgo propter promptitudinem actionum & audaciam, Libra, Scorpio, & Sagittarius propter caliditatem: reliqua tria ferme sunt inutilia. Similiter mobilia propter conversationem, fixa propter perseverantiam, communia propter prudentiam. Altitudines quoque & reliquæ dignitates Planetas reddunt meliores. Tertio propter configurationes ad Solem: per Solem intelligere etiam Lunam & reliquos Planetas: sed posuit manifestius exempli loco: Veluti in quarta genitura Iupiter primo orientalis cum Aldebaran ferme seu oculo Tauri & Luna applicans Mercurio ferme de sextili, afferunt felicitatem & dignitates quas habet. Dictum est enim à nobis sapius quod Iupiter significat diuitias & honores, & ipse est in angulo & dominus loci Solis cum ipsa Luna. Quarto cardines, nam & hi significant qualitates euentuum, ascendens circa vitam, & cor cæli circa honores & dignitates.

Aliter



Aliter potest exponi iste textus & utraque expositio est bona, scilicet ut conditiones stellarum & quantum ad qualitatem seu genus, & quantum ad quantitatem & tempus sumantur ex his quatuor: sed quæ augeant & minuant in sequenti textu subiicit, ita ut præsentis textus sequens sit expositio cum dixit.

## TEXTVS LXV.

Sed vires assumunt primum si orientales sint & cursum suum intendunt, tum enim plurimum possunt, sicut minimum si occidua sint & remittentes cursum suum. Deinde propositu suo & respectu erga finitorem, nam in medio cælo aut succedenti illi loco potentes maximè, sed potentes etiam sunt in ipso finitore & succedenti loco, plurimum autem possunt in finitore orientali. Contra verò minus in imo cælo aut alia conformi finitori orientali loco.

Ponit igitur quod robustissimæ sunt erratice dum orientales fuerint & motum habuerint medio motu velociorem: Is facillè ex subiecta tabula & ephemeridibus conicitur: id autem licet diuersimode contingat, plerumque tamen in superioribus sit circa quadratum: In Marte tamen sit circa distantiam

| <i>Medij motus Planetarum in die.</i> |     |         |     |    |          |
|---------------------------------------|-----|---------|-----|----|----------|
|                                       | mi. | secund. | mi. | 2. | Part. m. |
| ♂                                     | 2   | 0       | ♂   | 59 | 8        |
| ♂                                     | 4   | 59      | ♀   | 58 | 8        |
| ♂                                     | 13  | 28      | ♀   | 59 | 8        |

duorum signorum cum dimidio: In Venere autem usque ad partes quinquaginta duas vel circa post coniunctionem à Sole dum directa est: Verum ante coniunctionem totidem fermè partibus dum Soli appropinquat: reliquo spacio, id est, dum post maximam distantiam redit ad Solem occidentalis aut orientalis elongatur, à Sole est diminuta motu. Idem verò iudicium est de Mercurio, sed Mercurius vix excedit vigesimam octauam partem, seu orientalis seu occidentalis. Hic igitur primus est status. Secundus est, tum est orientalis usque ad stationem primam & est validus, primo tamen multo inferior. Tertius status est à statione prima ad oppositionem quasi mediocris. Quartus est debilis ab oppositione ad stationem secundam. Quintus est debilissimus à statione secunda usque quo ingrediatur sub radiis Solis; & iste status non diuiditur, quia quanto magis augetur de motu tanto magis minuitur de lumine: sed si diuidendus est, debilius est à statione secunda, donec incipit esse auctus motu, cum verò inceperit donec

Tom. V.

occultetur est debilissimus. Ex quo colligitur quod Planetæ habent sex status, & quod plus facit diminutio luminis quam motus. Tertio ratione cæli, & primum locum obtinet cor cæli, inde vndecima, deinde oriens seu prima, inde septima, post octaua, & hoc propria stellæ ratione. Quæ si bene meministi super dicta sunt: Sed & de ea in sequenti expositione dicemus. Videtur autem tribuere vires imò cæli, & quinto loco & nono. De nono autem nulla est dubitatio, de quinta autem dicemus nunc.

Iuxta hoc debemus scire erigere figuram cæli seu duodecim domorum & ne reperere cogar, sit datum tempus à meridie seu ante die 24. septem anni 1501. hor. 6. min. 40. post meridiem sub altitudine Poli Borealis par. 44. mi. 20. tot enim sunt necessaria situ. Quæro primum Solis locum qui est in par. 10. mi. 37. Libræ, cuius ascensionem rectam inuenio partium 189. mi. 45. & ei addo par. 100. scilicet pro qualibet hora partes 15. & pro quibuslibet 4. mi. horæ par. 1. & ita pro horis 6. par. 90. pro mi. 40. par. 10. ut sint par. 100. sunt par. 289. min. 45. ascensio recta medij cæli cui in tabula ascensionum rectarum respondet par. 18. mi. 15. Capricorni & si tempus fuisset ante meridiem detraxissem partes illas ab ascensione recta medij cæli: & si non potuissimus detrahare quia fuisset minus id à quo detrahare oportebat addidissim circulum, id est, par. 360. Et ita se excreuisset plus 360. in additione abiicissim 360. pro circulo & residuum quæsissem punctum eclipticæ correspondentem, ascensioni in tabula ascensionum rectarum. Ascensioni igitur rectæ medij cæli addo 90. partes, quæ respondent sex horis quibus semper ascendens distat à medio cælo & sunt partes 379. mi. 45. à quibus obicio partes 360. & relinquuntur, par. 19. mi. 45. quibus quæro sub altitudine poli par. 44. mi. 20. data ascensionis obliquæ punctum quod est par. 6. mi. 10. pro horoscopo. Hucusque eodem modo sunt omnia, de reliquis autem domibus vndecima, duodecima. Secunda & tertia quia sunt duæ opiniones vna Arabum & antiqua quæ magis etiam & naturalis, & respondet experimentis altera Ioan. Montereij magis rationi Mathematicæ consentiens & verbis etiam videtur Ptolemæi apposita idèò utrunque modum proponam & quid agendum sit docebo: Ascensioni igitur rectæ medij cæli pro antiqua diuisione domorum addes duplum horariorum temporum ascendentis pro qualibet domo, scilicet par. 34. mi. 44. quæ sunt du-

|           | <i>Ascens.</i>  | <i>Rect.</i> | <i>Cæli Med.</i> |                       |
|-----------|-----------------|--------------|------------------|-----------------------|
|           | <i>Antiqua.</i> | 289          | 45               | <i>Io. Montereij.</i> |
| Vndecima  | 324             | 29           | ≈                | 22 5   319 45         |
| Duodecima | 359             | 13           | ×                | 29 8   349 45         |
| Secunda   | 68              | 41           | Π                | 9 21   49 45          |
| Tertia    | 103             | 25           | ⊖                | 11 24   79 45         |

plum horariorum temporum part. 6. min. 10. Tauri & habebis partes 324. minut. 29. pro  
P 2 vndecima



vndecima & inde addes par. 34. mi. 44. pro duodecima post quia inter duodecimam, & secundam interiacet prima addes ascensionem rectæ duodecimæ duplum par. 34. mi. 44. & sunt part. 69. mi. 28. pro secunda. Et aggregato addes pro tertia part. 34. min. 44. rursus & semper reiiciendo circulum ubi excesserit numerus par. 360. & ita habes ascensiones domorum quibus quæres puncta eclyptica in tabula ascensionum rectarum ascensionibus illis respondentia, & habet ut vides, pro Monteregij autem diuisione addes 30. par. ac si adderes duas horas æquales pro singulis, domibus ascensionem medij cœli nisi quod duodecima ad secundam, cum transmittat prima quæ in medio est oportet adicere duplum, & ita habebis ascensiones singularum domorum quibus inuenies condidit tabulam quam vocauit domorum rationalem, sed & in Ephemeribus sunt tabulæ domorum sex propositarum cum quibus habes ex oppositis reliquas sex domos. Habita vtraque diuisione considera in quibus concordent velut in nostra genesi Sol, Iupiter, Mars, Venus & Mercurius, cadunt in iisdem domibus, sed Saturnus & Luna mutant domicilia: Et ideo de illis quinque proferes securè prognosticum, de his duobus miscèbis significata: nam Luna cum sit secundo modo in duodecima primo modo etiam infra medium vndecimæ, dices eam esse vitæ significatricem debilem, ut ascendens etiam multum sibi arroget. Et Saturnus contraria ratione cum primo modo sit in tertia secundo infra medium, secundæ etiam debilis erit. In regionibus præterea meridionalibus velut Ægypti modus, secundus est potentior quia diuisio domorum non adeo recedit ab æqualitate & diuisione facta per semicirculos à polis ductos in nostra regione primus propter inclinationem eclypticæ à vertice nostro.

### TEXTVS LXVI.

Sed extra hæc omnia reperti, imbecilles & prorsus infirmi habentur.

Quod igitur à finitore excluditur ex orientali parte est duodecimus locus & sextus & tertius: In his igitur Planetæ omnino imbecillissimas habent vires. Sed dices superius aliter diximus, nam imum cœli & quintum locum & tertius ex toto abiecinus, duodecimum vero admisimus, & nonum octauo præposuimus, & primum vndecimo: verum hæc quæ hic Ptolemæus scripsit generali ratione tradita sunt, quæ autem nos scripsimus propria. Discrimen est in ratione propria vel comparando: sexta enim vitæ omnino aduersatur, vim tamen habet aliis in causis. Secundus locus nullam in vita habet potestatem ratione tamen honorum præfertur & diuitiarum omnibus, præter angulos & vndecimum ac nonum. Itaque duodecimus quarto & quinto & tertio, & secundo præfertur quoad vitam quia plurimum habet luminis, non tamen aliis in causis. Quartum verò locum non præferes vlla ex parte sexto vel duodecimo per se, sed si Planetæ ibi coierint quia radios mittunt in singulos angulos, propterea robusti sunt: ipse tamen locus nullam habet significationem. Superius igitur à nobis demonstratæ sunt vires locorum per se, hic verò Ptolemæus illos declarat, ut Planetæ fiant potentiores: atque in hoc ut respiciant angulos valido aspectu est obseruandum. Aspectus autem validus dicitur oppositio maximè atque inde quadratus. Id quoque certum est, quod ut inferius habebitur in tertio libro, sextus locus vim magnam ad nocendum habet. Sed de his inferius dicemus. Vnum est quod Planetæ maximam vim habent in decimo loco, deinde in primo, post in septimo, inde in quarto, post in vndecimo, inde in secundo, post octauo, demum quinto: & hoc ratione propria locorum: Post ratione altitudinis, & ita decimus, vndecimus, & nonus præferunt, septimo non solum, sed primo, Sol enim calidiorē efficit diem, dum est in his locis debilissimis in quarto. Inde ratione proprietatis, in primo enim profertur ratione vitæ, in decimo gloriæ, in septimo prudentiæ, in quarto stabilitatis.





# LIBER SECVNDVS,

## DE IVDICIIS ASTRORV M.

Prooemium Authoris.

### CAPVT I.

#### TEXTVS I.



ACTENVS quidē percurramus ea, quorum maxime cognitionem prædictiones rerum singularium requisituræ viderentur, exponentes per certa quædam capita quasi in tabella. Nunc igitur deinceps explicabimus rationem vniuscuiusque rei, cuius quidem præcognitio esse possit, sequentes ubique naturalem quendam modum expositionis.

#### COMMENTARIVS.

**G**eneralem expositionem euentuum in vniuerso orbe quam hic proponit arduum magis ac longè maioris operis quàm vnius solius hominis esse debere, nemo est qui iure dubitare possit: Similiter & magis necessariam omnes esse intelligunt, cum tamen Ptolemæus huius generalis expositionis vnicum tantum fecerit librum, & scilicet hunc secundum, geniturarum autem, singulorum hominum euentus duobus libris explicauerit, scilicet tertio & quarto, quorum tertius per se solus dimidio maior est hoc secundo. Causam igitur huius quærere oportet, nam nihil absque maxima ratione fecisse Ptolemæum existimandum est. Vna igitur causa sola esse potest, scilicet quod longè minorem cognitionem habemus de generalibus constitutionibus, quàm de propriis, ob id parçè de his tractandum esse existimauit.

Diuiditur etiam tota tractatio huius libri in Apotelesmata & Principia. De Principiis in primo libro actum est. Apotelesmata autem diuiduntur in generalia & propria: De propriis in tertio & quarto loquetur Ptolemæus: De generalibus autem hoc in libro tractandum est. Ptolemæus principiorum tractationem quasi in tabella descriptam vocat, quod per singula capita res ipsas explicauerit. Nunc autem Apotelesmatum tam generalium, quàm propriorum promittit: Igitur cum duæ sint, idèò has in sequenti textu diuidit dicens.

Tom. V.

#### TEXTVS II.

Cum autem prædictiones Astro-nomicæ in duas potissimum & propriè partes diuidantur, quarum vna & prior totas gentes, regiones, vrbes generaliter, quam nominant vniuersalem, altera particularis singulorum hominum fata complectatur, quæ dicitur à genituris Genethliologica, cõueniēs videtur de vniuersalibus priore loco disputare, quãdo hæc quidem maiore vi quadam & efficacioribus à causis mouentur quàm particularia. Iam cum necesse sit summitti imbecilliores naturas valentioribus atque adèò specialia vniuersalibus. Si quis ipsarum rerum prædictionibus operam dare velit, non possit sine comprehensione generaliorum esse ad illas instructus.

Sensum huius partis adèò clarum esse liquet, vt omnino quatuor verbis absolui possit. Si quis (inquit) velit Genethliacarum habere cognitionem necesse est vt prius vniuersalium scientiam habeat: quia vniuersalia maiore vi & efficacia, vt superius visum est à causis suis mouentur. Ratio autem sic constituitur: Causæ potentiores magis mouent debilibus: hæc per se manifesta est: Causæ autem vniuersales sunt potentiores causis propriis. Igitur causæ vniuersales magis mouent. Minor propositio declaratur, quoniam causæ maiorum effectuum potentiores sunt causis minorum, igitur cum effectus vniuersales, puta quod occidat vna tota gens maiores sint effectibus singularibus, vtpote quod occidat vnus homo, manifestum est propositum quod à principio diximus.

Ex hoc patet solutio problematis secundi superius propositi, scilicet quod non est nisi vnum genus vniuersalis constitutionis seu influxus, quod quidem pertinet ad prouinciam vel ad gentem. Nullus autem potest esse vniuersalis sub hoc sensu vt contingat toti: Quamuis enim Saturnus Ioui iungatur, quia tamen coniunctio illa orientalibus contingit alio ascendente atque schemate cœli: Itè his qui habitant versus meridiem quàm occidentalibus aut borealibus: prioribus quidè propter horæ varietatem, atque idèò cordis cœli, posterioribus verò tamen cor cœli vnum sit scilicet meridionalibus atq; borealibus, diuersum tamè est ascēdēs ob varietatem finitoris, idèò nihil vnum potest toti orbi generaliter.

P 3

Ergo



Ergo non dantur constitutiones generales ratione causæ agentis, sed solum ratione loci. Ea autem diuiduntur vt in sequenti textu docet.

### TEXTVS III.

Cæterum hæc ipsa vniuersalis consideratio, aut est totarum regionum, aut harum & vrbium.

Diuidit vt dixit naturam hanc constitutionum in tria genera: vel enim totæ regiones afficiuntur, vtpote tota Gallia, vel tota Italia, vel etiam plures regiones, vtpote Europa: vel (harum) id est, partium: Velut si Hetruria tota vel Gallia togata affligatur. Vel vna vrbs tantum vt Florentia & Mediolanum. Manifestum est autem quod quanto generaliores sunt hi effectus, tanto etiam sunt potentiores & efficaciores, ex ratione superioris adducta.

Hinc patet solutio primi Problematis superius inducti, scilicet quænam sit constitutio generalis, quia est illa quæ significat super gentem aut provinciam: propria verò habetur ex genesi vniuscuiusque hominis. Et quod generalis diuiditur in quinque modos, qui hic à Ptolemæo sub tribus comprehenduntur: scilicet generalis pluribus provinciis integris, & vni provincæ, & vni parti provincie, & vni ciuitati, & vni membro ciuitatis, veluti oppido vel villæ. Diuiduntur etiam influxus generales bifariam, aded vt sint tres diuisiones cum prædicta, constitutionum generalium. Quæ autem sint reliquæ, in sequenti textu explicantur.

### TEXTVS IV.

Præterea interdum grauiores & certarum quasi recursionum casus exquiri solent, quales sunt bellorum, pestilentie, terræ motus, diluuij & huiusmodi. Interdum leuiiores & minores, vt annuæ tempestatis intentio vel remissio, itemque hyems aspera vel leuis, deque ventis & æstu similiter, nec non fertilitate & infœcunditate, quæque sunt alia generis huius.

Duo genera constitutionum generalium duabus reliquis diuisionibus singula distinguit in duas species, quarum altera, scilicet diuisionum, à quantitate effectus sumitur, altera à qualitate. Quæ à quantitate sumitur, duas species habet mutationum magnam & leuem. Magnam appellat quæ omnino præter naturam est vt inundatio, pestis, bellum. Leuem autem quæ est secundum naturam, sed quantitas immutata est, vt immoderatæ niues, grando, pruina, æstus, penuria annonæ. Circa quod notandum est sterilitatem esse duplicem, aliam quæ non est extrema & hæc pro naturali habetur à Ptolemæo, aliam esse extremam qualis tempore Pharaonis & Iosephi: & hæc magna est mutatio & præternaturalis. Mutationes

igitur magnæ præternaturales, vt alias declaratum est, sunt septem: aut in terra, & vocatur terræmotus, aut in aqua, & est inundatio, aut in satis, & est sterilitas, aut in animalibus, & est duplex, lues in vtilibus & multiplicatio in inimicis naturæ humanæ, vt serpentibus & locustis, aut in hominibus ab aeris vel aquæ corruptione, & vocatur pestis, aut ab aliis hominibus, & vocatur bellum. Et hæc est tertiadiuisio secundum qualitatem quæ est vt dixi in septem membra. Verum naturalis seu leuis infinitas habet species, propterea sufficiat eas solum declarare quæ in textu obscuræ sunt. Sunt autem duæ, illa de æstu & de tempestate. Sed si clarius litera conuersa sit, hoc modo interdum leuiiores & minores vt annuarum tempestatum, hyemisque ac ventorum æstusque intensio ac remissio, non relinquitur dubitatio, quia per hyemem & æstum intelligit tempora contraria, scilicet hyemem & æstatem: Per annuas tempestates, generalem quatuor temporum constitutionem intelligit: Vnde hyemis additio vel diminutio, seu vehementia & mitigatio succedit.

Hinc tertiæ dubitationis solutio emergit, scilicet cum cælum sit sempiternum atque rotundum, vnde initium constitutionum & quando seu vbi sumendum? Innuat igitur Ptolemæus quoddam initium annui status principium est mutationis quatuor temporum & qualitatum eius. Ita longioris temporis rariores ingressus & coniunctiones. Velut Saturni coniunctio cum Ioue annorum ferme viginti: eorum verò recursus ad initia Arietis septingentorum nonaginta quinque annorum. Quartæ partis autem, id est, decentorum ferme annorum mutatio illorum ex trigono in trigonum. Tardiorum autem, id est, inerrantium mutationes annorum millibus distinguuntur. Verum Ptolemæus omnia principaliter sumit ab eclipsibus luminarium & eorum coniunctionibus.

Est etiam illud consideratione dignum, quod quantitas effectuum magnitudine dupliciter mensuratur: aut enim magna dicitur, aut parua quantitate effectus aut temporis. Atque in effectu quoque duplex est consideratio magnitudinis, vel quia generaliter ad statum perueniat, vel quia celeriter. Veluti pestis tripliciter magna dici potest: vel quia diu perseverat vt quæ Mediolani fuit anno 1451. toto enim biennio perseverauit: aut quoniam maximè sit exitialis quamuis non diu perseveret: vt quæ anno 1524. sæuiit in eadem vrbe: aut quæ breui interficit quamuis neque diu perseveret, neque plerisque occidat, sed plurimi euadant: Velut anno præterito sudor anglicus cum plures euaserint, quam interierint pro sæua peste habitus est, quod quoscunque interimeret intra viginti quatuor horarum spacium interimebat: plerisque autem intra sex aut octo.

### TEXTVS V.

Horum potius priusque habendum ob eam quam reddimus causam, illud quod



quod totarum est regionum & maiorum casuum.

Cum tres diuisiones generalium constitutionum Ptolemæus supra ostenderit in magis vniuersalem & minus vniuersalem ratione loci, in præternaturalem & naturalem ratione quantitatis & magnitudinis, & in diuersa genera effectuum quæ ad qualitatem pertinent & in quibus prædictio ipsa versatur: Veluti Saturnus & Mars cum cordi Leonis iunguntur, significant autem aliquid super Italiam quod Italia Leoni subiiciatur: videndum est igitur quid significet: an pestem? an bellum? an terræmotum? an luem atque talia? Cum igitur hæc vicissim veniant, ordo inter illa cadere non potest, sed in duabus primis diuisionibus. Sed cum ex primis duabus diuisionibus quatuor fiant membra scilicet effectus magnus & magis vniuersalis: magnus & minus vniuersalis: parvus & magis vniuersalis: parvus & minus vniuersalis? de magnis ac magis vniuersalibus prius tractandum docet: Innuens scilicet quod de minimis & minus vniuersalibus ultimo sit tractandum vnam ob causam verè, sed duas si eam distinguere voluerimus. Causa enim quæ dicta est, est quod potentiores sint maiores causæ maiorum effectuum & magis vniuersalium, ergo non poterimus scire minores effectus, aut minus vniuersales nisi scitis maioribus ac magis vniuersalibus. Vtpote sit constellatio, quæ significet maximam felicitatem Mediolano, & sit alia constellatio quæ significet bellum exitiale toti Italiæ, quomodo poterimus ex constellatione nostræ ciuitatis diuinare felicitatem quam calamitas totius provincie sit peruersura. Alia causa est quia via doctrinæ notiora sunt præferenda, est autem fermè notius semper quod maius est.

Sed & ex præcedentibus habemus solutionem quartæ dubitationis superius propositæ, scilicet quod causæ vniuersales quædam sunt potentes & quædam debiles: debiles debilibus & potentes potentibus conferri docent: semper quæ generales ex sententia Ptolemæi potentiores sunt propriis, & generaliores minus generalibus. Sed dupliciter hic distinguere oportet: & idè diligenter animaduertere: præter id quod vt dictum est quod debilis vniuersalis non potest vincere validam propriam: Veluti si constellatio vniuersalis faciat aërem benignum, temperatum & salubrem & aliquis ex propria genesi debeat ægrotare grauitè, non euadet quidem ille à graui morbo, nedum à morbo ex toto propter generalem constitutionem, sed minus grauitè ægrotabit. Similiter & si constitutio pestiferos morbos denunciaret non tamen validissima sit, aliquis verò ex genitura & directione, & reuolutione debeat optimè valere, non ægrotabit omnino. Vult igitur Ptolemæus vt vniuersalis constitutio vincat propriam: vbi par sit magnitudo effectuum significatorum: obseruando tamen duo, primum quod malum vincit bonum duabus ex causis: Prima quod malum est de necessitate naturæ, vt mors: bonum autem

non ita, vtpote quod quis debeat suscipere filium: Secunda quia bonum est de ratione constructionis, & malum destructionis & ad construendum sufficit vnum, vt rectè inquit Aristoteles. Igitur malum est certius bono. Secundò quod magis ad rem attinet, cum constellatio generalis comparatur vnicuique homini, vel simpliciter comparatur non determinatis hic qui sint, & sic semper est validior vniuersalis constitutio quàm priuati, vbi pares sint magnitudine vt dictum est: Veluti est futura pestis certo anno Mediolani quæ multos interfectura est, quidam Papiæ ex morbo laterali eodem anno moriturus est, dico quod facilius est illum posse euadere à morte qui Papiæ est, quàm facere ne pestis multos occidat Mediolani: quia comparatio constellationis vniuersalis ad incertam multitudinem est, comparatio ad proprium effectum, sicut genesis propriæ ad illum cuius est genesis. Sed causa vniuersalis, vt dictum est in comparatione ad proprium effectum, potentior est quàm propria ad illum cuius causa est comparata, vt dictum est, ergo certius est pestem plures occisuram quam Socratem moriturum ex morbo laterali. Sed si comparatio fiat vtrarumque constitutionum ad eundem hominem puta Socratem, tum oportet distinguere vel genesis Socratis est valde coniuncta constitutioni vniuersali, & nunc magis oportet credere constitutioni vniuersali & certior est quàm constitutio propria: vel est parum coniuncta & tunc plus potest propria quam vniuersalis. Et maximè istud contingit cum non solum propria parum coniuncta est vniuersali, sed etiam illi repugnat. Et idè ille qui ægrotat in peste, habuit coniunctam constitutionem cum constitutione vniuersali, si autem euadit, parum coniuncta fuit aut omnino repugnat propria genesis illi constitutioni. Et similiter qui euasit è nauì quæ submersa est in mari, habuit constitutionem repugnantem constitutioni nauis & submersioni, non autem solum sine periculo. Et idè istud habet aliquid annexum cum scientia fati.

In vniuersum constitutio generalis mala cuiusvis hominis potest mutare propriam bonam ad malum, & ille qui nullam habet mortis significationem morietur in nauì, quæ submergitur in clade accepta, in peste quæ grassatur, sed generalis bona non poterit tollere malum per propriam genesis significatum, nisi omnino essent è regione contraria & bona esset longè potentior mala. Et idè scientia oraculorum fuit præstantior multò scientia Astrologorum. Est verò illud omnino scientia dignum, quod omnis homo qui nascitur in aliqua vrbe vel oppido habet iam constitutionem connexam cum illo oppido: quia stellæ verticales & altitudo poli sunt eadem ipsi & loco in quo natus est. Et similiter dominus trianguli dominatur illi: & idè si constellatio fiat secundum vnum istorum trium, tum communicabitur nato & poterit euadere tamen. Quod si fiat secundum erectionem loci & ædificationem vrbs, tunc si genitura nati communicauerit illi, afficietur natus & non euadet: & si non communica-







coniunctiones illas magnas Saturni, scilicet & Iouis, nisi ut ab eclypsibus vim recipiunt. Cum verò eclypses nunquam plus biennio intermittant: idè calamitatum causa nunquam deesse possunt. Et cum Saturnus Ioni propinquus vltro citroque Ioni per lumen maneat octo aut nouem nonnunquam mensibus, semper autem plus quinque, manifestum est luminarium eclypses persæpe incidere in coniunctionem Saturni & Iouis, & longè etiam frequentius in coniunctionem aliquam duorum superiorum: quorumcunque ut Iouis & Martis. Ideoque tunc maximi effectus contingunt absque dubio. Similiter & tempora deliquiorum docebit Ptolemæus diuidere per tempora coniunctionum Solis & Lunæ. Cur autem exortus & stationes Planetarum Ptolemæus prætulit eorum effectibus aliis quibuscunque, inferius explicabitur: nam commentum hoc per se satis prolixum est,

Illud potius enarratione dignum videtur, quod mihi contigit anno 1539. Nam cum (ut in explicatione octauæ genituræ apparet) deliquium maximum Solis iuxta ascendens meum contigisset, multique Astrologi mortem prædicerent certam, tantum absuit ut morerer, ut nunquam sanior extiterim iam 13. exactis annis. Tamen magnis ac multis negotiis implicatus semper fui. Et ad annum vsque 1549. multorum & potentium virorum æmulationibus vexatus. Nihilominus in corpore incommodi nihil passus sum: Quinimò honoribus & dignitatibus perpetuo auctus fui. Adicere inquam hæc volui quæ inferius suo loco declarabuntur, ut homines intelligant deliquia ipsa si magna sint, magnorum euentuum causam præbere, non tamen in omnibus. Et enim, ut inferius ostendemas, ciuitas nostra cum eclypsi minimè concordabat. Nec etiam semper mala à deliquiis procedunt, sed persæpe etiam bona atque felicitates. Ptolemæus verò tamen videatur hanc partem intactam reliquisse, quæ maxima tamen erat & maximè necessaria, nulla tamen verior est sententia de hoc quam illius. Caterum illud dubitatione dignum videtur, cur coniunctiones superiorum multi obseruent, oppositiones non ita? Cum tamen in luminariis hoc non contingat, nec videantur oppositiones coniunctionibus minora damna inferre: imò longè maiora & grauiora? Decet ergo existimare quædam in generalibus causis plus posse, quædam in propriis & specialibus. Coniunctiones enim quod lumine constant, pluribus diebus manent, oppositiones vnica die transeunt. Itaque ut declarabitur, quæ minus manent, maiores effectus & efficaciores produciunt, quàm quæ diu. Quæ autem diuturniores, breuius. Ea de causa oppositiones & quadrata mortes repentinas & subitas mutationes faciunt: coniunctiones verò generales euentus. Oppositiones enim & quadrata sunt cum motu veloci, & mutatione ob id magna, atque ob id efficaciore, sed minus diuturna: Quæ autem corpore constant, diuturna & lenta. Nullum verò lentum efficax,

nec vllum quod efficax non sit, validos effectus producere potest. Verum cur neque de qualitate futurorum, neque de modis ipse hic quicquam decernat, cum tamen prius proposuerit & posterius sit executurus? Ratio est, quod illorum explicatio longior sit, & magis propria, quam ut hic mereatur exponi. Cur verò à deliquiis temporum summat significationes, non autem à magnis coniunctionibus, scilicet Saturni & Iouis. Causa est quoniam si velis Saturni vim considerare tamquam appropinquationem quandam cum Ioue, cum hæc sit longioris ut dixi temporis, in eo toto cursu infinitas fieri varietates necesse est, non solum illum, sed & aliorum syderum atque figurarum cœli in vnaquaque regione. Quod si exquisitam coniunctionem habere volueris cum in eadem parte cœli Soli propinquissimi fuerint, tunc enim velocissimè mouentur, & Iuppiter à Saturno discedit, sex minuta discrimen non superat, certè septimum non attingit. Ad hoc discrimen nullus mortalium, nec instrumento, nec aliter discernere potest. Exactissima enim ratio obseruationum instrumento armillarum constat. Armillis autem tam parua distantia non deprehenditur, cum hoc instrumentum non in minores partes diuidatur, quandoquidem ut diligentissimè in tres mille sexcentas diuisum fuerit à Ptolemæo. Igitur nec certa dies, nedum hora, aut cœli figura & status, haberi possunt. Multoque minus sciri vbinam gentium euentus futuri sunt. Hanc ob causam scientiam talium coniunctionum quæ ad hanc vsque diem aded celebrata fuit, quàm parui sit momenti clarè quisque intelligit. Sunt tamen quædam generalia quæ ex coniunctionibus magnis habentur, & sunt quod coniunctiones in signis aqueis, quia trigonus est Martis, significant multa bella & inuentiones operum mechanicorum propter Martem, & morbos malignos contagiosos propter Scorpionem & Cancrum, & mixtionem Martis cum Venere, vel cum Luna, & hæreses graues, & magnas, Mahumeti, & aliorum quorundam dogma, lex, sub eo trigono ortum habuit. In primo autem trigono, scilicet Arietis fiunt mundi imperia & monarchæ propter dominum Solis & Iouis qui significant tranquillitatem in mundo: hæc autem non possunt contingere nisi vno regente omnia. Apparent, & sapientes & viri insignes, & sterilitates magnæ propter dominium Planetarum calidorum, parumque humidorum.

Primum enim Arbace authore cœpit imperium Medorum, (quæ enim ante caligine vetustatis obumbrata fabulis, quàm historiæ propiora sunt) anno ante Christum 800. cum eadem coniunctione in Ariete Christi tempore Imperatorum sub Augusto. Anno 790. Carolus Magnus dissolutum Imperium redigit in vnum totidem annis in singulis collectionibus penè anticipando. Ideo post annum millesimum, quingentesimum, octuagesimum tertium vsque ad annum millesimum, septingentesimum, octuagesimum secundum ante medium, incipiet Monarchia,



Monarchia, & omnia regentur nutu vnus. In secundo autem trigono, scilicet Tauri, fient terræ motus & inundationes, & Cometæ plures propter Capricornum in quo dominantur Saturnus & Mars: & debilitatem præfectorum, qui sunt Venus & Luna. Dissoluenturque quæ parata sunt sub trigono aqueo.

Eiusmodi apparuerunt temporibus Tarquinij Prisci ante Christum annis circiter sexcentis & post ducentis. Et post rursus mille omnia dissoluta. Sed cum coniunctio pervenerit ad trigonum humanorum, id est, Gemini, tunc dissolventur Monarchiæ per trigonum Arietis factæ, & loco eius tradetur in aliam Monarchiam & propter dominium Saturni & Mercurij erunt multi Sapientes, & artes vigeant, & erunt multi deceptores: & homines erunt improbi & vigeant vitia in libidinibus maxima: & cometæ multæ in cælo videbuntur propter Mercurium.

Et ante Christum primum floruerunt Hippocrates, Pythagoras, Plato, Aristoteles, Theophrastus & Euclides, annis post Christum quadringentis lumina ecclesiæ Augustinus, Hieronymus. Annis rursus 1200. Arabes inter quos Princeps Auerrois Algazel, Heber. Trigoni autem aquei effectus ante Christum apparuerunt bella quidem sæuissima Romanorum cum seditionibus inauditis & conuersione totius orbis, & tum artes maximè floruerunt ferè ut etiam nunc. Post à Christo nato, scilicet à 600. anno ad 800. bella Saracenorum & sectæ Mahametis, tumque iterum concussus orbis, artes florere sub Heraclio Imperatore. Rursus anno post 800. id est, à Christo nato 1400. Typographica & machinarum ad miraculum vsque, tum alia inuenta mirabilia: talia igitur & his similia suis circuitibus erunt: sed non licet determinare tempora ac diuidere, & regiones temporibus accommodare propter causam dictam, sed licebit ex deliquis illa inuenire.

Reliquum est vt dissoluamus residuum quartæ dubitationis, quia relictum fuit vnum argumentum contra Ptolemæum, scilicet quod aliqui moriuntur ex morbis propriis magis inexpugnabilibus quàm sint communes, vt pote aliquis ex carcinomate, hydrope vel febre propria adeò concidit, & inuitabili morte detinetur, vt longè magis ille morbus inexpugnabilis videatur quàm sit pestis. Videmus enim concidere virtutem statim & occulta causa, in quibusdam morbis propriis, quod non contingit in peste, cuius si inueniretur proprium auxilium sanabilis redderetur morbus. Et ita aliquando inuentum est, & quia laborabant sanati sunt. Non igitur inexpugnabilis est hic morbus communis quia communis sit, & à potentiore causa, sed quia ignota est medela. Respondeo igitur quod morbus communis dum viget constitutio & nondum declinat, potentior est & magis inexpugnabilis proprio. Et quando inueniuntur auxilia, est quia iam est in declinatione. Et quoniam dicis, aliquis morbus proprius est magis in expug-

nabilis: dico quod non est verum: Sed quia est absolute inexpugnabilis, videtur quod non possit esse maior. Veluti comparemus morbum proprium, casui domus super aliquem, & morbum communem, casui montis super aliquem: tunc tam inuitabilis videtur mors cadente domo, quàm cadente monte, quod ad mortem solum attinet illius: attamen casus domus posset facilius prohiberi & à minore causa impediri, quàm casus montis.

Per hæc ad quintam dubitationem clara est responsio, quod coniunctus loco in magna constitutione, vtpote in naui submergenda, in ciuitate destruenda, in exercitu cadendo ad internitionem, efficitur necessario & moritur, tametsi nihil aliud habeat commune cum illa constitutione, nisi habeat genesim potentem cuius dispositor dominetur domino constitutionis, aut loco exiliati ipsius constitutionis. In aliquibus autem mediocribus constitutionibus, si debeat interire, non sufficit consensus loci: Sed oportet vt constitutio ipsa sit colligata cum genitura vel cum loco directionis, vel profectionis seu reuolutionis. Constitutiones verò à quibus nulli euadunt, sunt in quibus domini sunt valde potentes & in cardinibus ad vnguem illius loci. Qui igitur euadunt, euadunt quatuor de causis: aut quia mutant locum & ita non afficiuntur triplici illo consensu iam dicto superius: vel quia dominus genesim illius dominatur loco infortunij & dispositoris illius: vel quia dominus genituræ illius & loci directionis & profectionis salui sint, ipsa verò constitutio extrema non sit: vel quia solum loci generali atque triplici affinitate loco iuncta sit, cæterum alioquin robusta genitura profectione atque directione. Differt hic modus à præcedenti, quia in præcedenti etiam alio modo genesim constitutioni alligatur, sed vinculum non magnum est, constitutio mediocris, hic verò constitutio magna est, sed nullo modo genesim ipsi constitutioni alligatur. Verum nihil est quod magis tutum reddat à constitutione generali quàm cum dominus genituræ dominus est etiam ipsius constitutionis: & maximè si benefica fuerit: nam si malefica seruabitur quidem ab initio, sed postmodum morietur aut interficietur.

Cæterum an Astrologus possit mutare decreta in se ex astris: quodammodo non tum primum, quia illa non exactè nouit, idèd non illis occurrere poterit: neque ipsa scimus, quoniam non est eius cognitio qualis scribitur, vt dixi, tum verò quia idem futurum esset & non esset, est autem futurum ex astris decretum non futurum, quia ex scientia ipsa prohibetur, cum sit liberum decernere inutilis ergo est scientia. An quatenus pars & causæ non omnes possunt prohiberi, vt quoniam edit aromata & exercitur febricitaturum, verisimile est quod verò necesse est omnes colligit causas in quibus etiam illud continetur, an sciturus sit & præuisurus inclinationem: at fatum præsciri potest non cauere quia causæ latent: neque enim oracula produnt, neque genij. Astrologia autè causas docet non quod futurum est, idèd prohiberi potest



potest, neque enim futurum erat: sed forsan fuisset. In quibusdam ergo scientia illius fato meliori interuit veluti ut non mendicare cogar: non tamen ut fatum mutetur, aut astorum decretis superatis diues euadam. Ex hoc tamen lucramur ut non nitamur in vanum ut æquo animo feramus: ut conditionem minus malam reddamus, non solum aliquid addentes in eam, sed aliquando abstinento magis & commutando, & si non possumus addere in veilibus inutilia auferamus. Et commutatio eiusmodi sit, ut vel totum assequi possimus, ideo hæc non in senectute, aut ut non totum relinquamus.

## TEXTVS VIII.

Ante omnia huius quasi consensionis naturales causas exquiramus, obiter etiam percurrentes gentium ipsarum proprietates corporis ac morum, qui quidem cognoscantur, nequaquam discrepare à naturali constitutione cum stellarum dominantium, tum locorum zodiaci quibus subsint.

Trariam naturali ratione aliquid queritur, velut ex principiis naturalibus, sicut Geometriæ faciunt, velut ex experimento ut Medici solent, velut à notissimis, ut est ordo doctrinæ: omnibus his modis naturali ratione Ptolemæus procedit ad quærendas causas effectuum ac temporum: & ponit proprietates corporis atque animi ipsarum gentium miro artificio, ut in sequentibus exponemus. Verum prius difficultates propositas explicemus.

Proposita fuit sexta difficultas, an homo subiiciatur euentibus secundum naturam loci, in quo natus est, vel ubi habitat? & respondemus quod secundum naturam loci in quo habitat: ut qui exit è patria laborante peste euadit periculum, nisi habeat generis coniunctam constitutioni factæ in patria. Exemplum cuiusdam ascendit Virgo, & in regione sua sit eclipsis Sole Geminos occupante Saturnus verò dominus loci in septimo loco sit, ex quadrato deliquium respiciens, ut pestem omnino significet: Sit verò Mercurius iuxta deliquij locum, morietur natus ille etiam quod è patria fugiat, ex morbo pestifero. Acquirat autem propter consensum loci in poli elevatione & verticalibus stellis & consensu ascendentis, naturam loci: Et sicut calefacit Sole illo non patriæ, & Ventis refrigeratur, & imbris madescit, ita & loci constitutionibus afficitur: nisi ut dictum est. In electionibus autem Regum & dignitatum, voluntariam rationem sequi non oportet, sed ut profectio Regni ad locum peruenerit, ita fiet: & ut genesis illius congruet profectio & Regno, ita eueniet similiter, & de aliis dignitatibus, & itineribus. Propterea nihil melius est ad augendam felicitatem, quam sequi spontaneum affectum: Ad calamitatem autem impediendam electio nonnihil proficit non tam syderum constitutione quæsitam quam exitiali

ac naturali impedita. Circa partum verò totum tempus comprehenditur, & qui violento exeunt partu, seu etiam detinentur, læduntur, & nihil proficiunt. Verum omnis ratio ad naturalem partum referri debet: Propterea tales permixtum habent genituræ genus, & inualidum: quoniam dissipata est & impedita nascendi virtus. Sed tamen nonnihil iuari possunt corpore & animo, nam fortuna ex succedentibus maximè reuolutionibus variatur: quæ ubi in generales constitutiones bonas inciderint aut malas, similiter & directiones & genesis ipsa bene, vel malè afficiuntur: At verò cum tales constitutiones soli Deo cognitæ sint, aut superioris, relinquuntur ut partus acceleratio, aut retardatio nihil certi afferat præter iacturam fœtus. Vltimò quæri solet an nauis principium recipiat ab astris? & an qui submerguntur in naui ex genesi sua hoc habeant, an ex constitutione nauis, an ex ingressu nauis in mare, vel hora discessus? Dicimus autem nauim quidem habere principium quo submergatur aliquod, sed maius esse in anima nauæ, sicut & ducis belli in prælio: & propterea multum confertur nauæ, & dux belli prudentes sint atque felices. Nam talibus beneficiæ & benè constitutæ dominantur. Melius est autem ita opinari quam principia dare rebus artificiosis, quæ & voluntariè fiunt & agendi principium verè non habent: Inditio est quod eadem tempestate plurimæ naues pereunt, quæ tamen diuersis temporibus constructæ fuere: Aliquot etiam seruantur non discrimine ipsarum nauium, sed prudentia atque scientia gubernatorum. Itaque principia omnia actionum in rebus potius sunt naturalibus, quam voluntariis aut artificiosis. Dico autem naturalia, homines, plantas, belluas, pisces, elementa, ipsaque artificiosa, ut impetu naturali feruntur: Veluti grauitate vel impulsu: Et mentes hominum, ut appetitu naturali feruntur atque vincuntur: Ut verò consilio agunt, parum aut nihil habent principij ab Astris. Aliter & melius: tempestas in mari est generalis constitutio, ut in terra prælium, in aëre pestis. Sufficit ergo significatio ingrediendi aquas eo tempore. Ergo si dicas non ex genesi, poterit vitæ terminus qui à constitutionibus generalibus, intercipi potest, neque fortuna quæ tum ab illis tum à profectioibus mutari solet sciri: Respondemus esse verissimum, sed veluti diuites homines fiunt paulatim singula colligendo, pauci tamen vel à prædonibus, vel à tempestate in mari pauperes euadunt: Sic genituræ hominum quid cuique venturum sit decernunt: Aliqui tamen constitutionum magnitudine oppressi, aut perfectionum potentium multitudine acti, alios sortiuntur exitus. Qui cum multi videantur, eorum tamen qui singularem genesim absque interruptione sequuntur, maximus est numerus. Atque in illis etiam qui constitutionibus generalibus deprehensi, aut reuolutionibus assiduè decreta genesis mutant, tamdiu effectus illius relucet in eorum vita, quoadiū à constitutione, aut reuolutionum perpetuo successu fuerint

*Pro hoc vi-  
de lib. 4.  
com. 77.*



fuerint remoti. Id verò temporis etiam in iis maximam plerumque totius vitæ partem occupat.

explicata, reliquæ manifestæ sunt. Primum igitur, ut dixi, sic in partes tres distinguit.

## TEXTVS X.

## CAPVT II.

## TEXTVS IX.

*De proprietate vniuersali gentium.*

**S**olent igitur gentiles proprietates distinguere aut per totos parallelos, & totos angulos, aut per situm erga eclipticam & Solem ipsarum.

Intelligitur per parallelos lineas quæ ab oriente tendunt, in occidentem, & sunt gentes quæ diuersam habent poli altitudinem. Per totos angulos, id est, qui sunt sub meridiano, quasi dicat qui sunt sub eodem parallelo, sunt eiusdem naturæ, & inter se conuenientes: & similiter qui sub toto angulo comprehenso inter parallelum, & meridianum. Sed melius est legere coniunctim: ut sit sensus, distinguuntur bifariam gentes, vel ut comprehenditur vna tota latitudo à parallelo & meridiano, aut ut partes illæ comprehensæ diuiduntur penes maiorem propinquitatem aut distantiam ab æquinoctiali, & oriente. Prima igitur diuisio est generalis, & fit in tres partes: Prima est ab oriente in occidentem, secundum longitudinem, & à tropico Cancræ ad æquinoctialem secundum latitudinem. Secunda quæ etiam extrema est, cum eadem longitudine latitudinem habet inter circulum arcticum & polum. Tertia similiter est ab oriente in occidentem in longitudine, id est, centum octuaginta partium latitudinem habet inter duos circulos arcticum & æstiuum, fermè æqualis ambabus aliis pariter acceptis. Ex his habetur ratio trium reliquarum quattarum mundi, seu terræ, quarum mentionem non facit Ptolemæus qui ex ista dignoscuntur. Nam singulæ quartæ tres habent partes prædictis correspondentes. Veluti quarta borealis, quæ est apud antipodas, partes habet similiter tres, vnam quæ est ab æquinoctiali ad tropicum Cancræ, quæ correspondet primæ, secundam à circulo arctico ad polum correspondentem secundæ, & tertiam inter duos polos correspondentem tertiæ. Hoc solum discriminis est, quod illis oriens statuendum est ubi nobis occidens: & occidens illis, ubi nobis oriens, propter contrapositum situm. Similiter & quarta australis ultra æquinoctialem superior orientem habet & occidentem, ubi & nos, inferior contrario modo. Et pars quæ est inter æquinoctialem, & tropicum Capricorni, correspondet parti quæ est inter æquinoctialem & tropicum Cancræ. Et quæ est inter circulum antarcticum & polum antarcticum, ei quæ est inter circulum arcticum & polum arcticum. Et similiter quæ est inter tropicum hyemalem & circulum antarcticum, ei quæ est inter tropicum æstiuum & circulum arcticum. Vna igitur

Nam nostræ terræ quæ iacet in vno Aquilonari quadrante, incolæ qui subiecti sunt australioribus parallelis, id est, iis qui describuntur ab æquinoctiali vsque ad tropicum æstiuum, cum supra verticem illorum feratur Sol, quasi vstilatis, nigrisque corporibus videntur, & capillo esse crispo & denso, facie etiam contracta & statura contorta, natura ferè calidi, moribusque feris propter magnitudinem æstus in locis suis, quos Æthiopas vocare consueuimus, qui & ipsi ad expositum modum se habent. Et aëris ibi talis constitutio est, omnesque animantes ac quæ nascuntur è terra cum his congruere reperiuntur. At qui subsunt Aquilonariis parallelis, hoc est, sub Septentrionibus posita loca incolunt, cum eorum punctus verticalis à signifero & Solis calore longè absit, ideo etiam frigore & humido abundant. In quacumque alimenti copia insit, non exhauritur ipsa à vicino calore. Ibi sunt igitur colore albo homines, capillo promisso, statura proceri & bene habiti, natura subgelidi, sed & ipsi moribus feris propter frigoris illis in locis vim. Et conueniens cum his accedit hyemis magnitudo, & è terra nascentium granditas, & animantium sæuitia. Hos vocamus generaliter Scythas. Qui autem loca tenent interiecta inter tropicum Æstiuum & Septentriones, quia neque supra verticem illorum Sol fertur, neque inde longissimè ad Austrum recedit, in aëre degunt valde illo quidem temperato & singulariter, sed frigoris, æstusque differentię admodum paruæ notantur, quapropter & medio quodam colore & mediocri statura & natura temperata sunt, habitationibus coniuncti & moribus mansuetis.

Intemperata corpora à calido & sicco, frigida sunt interitus & calida exterius: Ideo nigra & crispa & contracta, & imbecillia & fera, propter siccitatem. Et similiter animalia. Contraria ratione, quæ posita sunt inter circulum arcticum & polum, recta & alba & sæua propter frigus, id est, propter calorem magnum qui fit à contractione facta propter frigus: Ideo etiam iracunda. Et in feritate, & iracundia sunt similes hi quidem qui



qui habitant in frigidissima regione propter caliditatem, & hi qui in calidissima propter siccitatem. Et ideo inueniuntur Antropophagi in vtraque, quorum facies sunt terribiles & ab humana adeo alienae, ut vix videantur esse homines. Ita Haly & nostro tempore plures alij qui viderunt, referunt. Hoc tertium ex duobus aliis pendet, nam ex ira & crudelitate ceperunt primo hostes captos deuorare, inde paulatim assueverunt. Quartum, est quod corpora illorum sunt magna in vtraque regione propter calorem exteriorem in vna, & naturalem in altera. Quintum est ferarum abundantia in vtrisque, quia homines non persequuntur illas propter vastitatem solitudinum. Sextum est penuria meliorum ciborum ut vini & tritici, in caliga propter siccitatem, in frigida propter frigus. Septimum est extrema quaedam paruitas quorundam hominum in vtrisque regionibus, in calidissima propter siccitatem, in frigidissima propter frigus congelans humidum. Octauum est agilitas magna incolarum, in frigida propter robur caloris natui & exercitationem assiduam, in calida propter siccitatem neruorum, sicut apparet in phreneticis, & propter gracilitatem corporum. Nonum est malorum spirituum ut Hermes dicit, & reliqui spectra: seu quod solitudines mali spiritus incolere soleant, seu quod in talibus regionibus tum propter aeris malitiam & intemperiem, tum propter prauorum ciborum vsum humores adeo corrumpantur, ut talia falso videre & audire sibi persuadeant: tum praecipue solitudinum metu imaginem talium augente. Ex quo sequitur decimum, quod in talibus regionibus inueniuntur praecantatores & necromantici & magi maximi: tum propter spiritus malignos, aut persuasiones de illis, tum propter simplicitatem incolarum, quibus talia facile est persuadere. Undecimum, quod in talibus regionibus sunt herbae veneficae: sed tamen longe plures in calidissima: quamuis & in frigidissima non paucae praesertim frigidissimae. Vnde in Scotia passim est cicuta, & apollinaris herba. Et hoc prouenit propter solitudines & intemperiem aeris, licet Scotia sit comprehensa sub regione temperata: Sed est in fine eius versus circulum arcticum. Duodecimum, quod in vtrisque sunt homines rudes & deceptores: ruditas prouenit propter raritatem hominum: deceptio propter ruditatem: quia dum timent decipi, malunt praenire: Et etiam propter ruditatem non est illis cura Dei aut honoris, propter quae homines maxime custodiunt fidem. Differunt autem maxime in tribus, quia in calida homines sunt nigri, graciles, & regio serpentibus abundat: In frigida vero homines sunt pingues, albi, & regio absque serpentibus. Calida etiam regio profert gemmas & aurum, quia talia fiunt a magno calore & humido pauco: In frigida autem fiunt metalla imperfecta. Velut plumbum & ferrum, quia fiunt a multo humido & pauco calore. Sed & argentum proportionem enim se habet ad aurum, ut plumbum ad aes. Verum in

*Tom. V.*

temperata regione omnia sunt mediocria magnitudo natura mores color quasi rubor, & roseus & subrufus, qui medij sunt inter album & nigrum. Ex hisque colligitur regula generalis quod cum regio calidissima terminetur ab aequinoctiali, & usque ad tropicos frigidissima a polis, & usque ad circulum arcticum & antarcticum erit temperatissima in medio harum ut quae aequaliter distet ab vtraque. Intelligimus autem per hanc ut in commentariis de Aere Aquis & locis hominum quatuor differentias quas toto genere & natura distincta Aethiopes nigros prorsus, & Indos quosdam nigros ut carbonem, oleaginos usque ad Alexandriam partibus triginta & vna ab aequinoctij circulo Seythas & temperata in regione habitantes. Horum omnium mores, forma, victus toto genere quasi inuicem distant, inde patet temperatissimam causam esse regionem, quae est media horum non mensura sed ratione, cum enim Sol est in initio Tauri nobis est praecipuum temperamentum tuncque distat a vertice nostro partibus 33. quibus ergo dum sub aequinoctij circulo est, distat a vertice partibus 33. his cum tantundem recedat quantum accedit facit temperamentum, cum vero regio iam propior sit aequinoctij circulo addemus ob hanc partem 11. & fient partes temperatae regionis. Contra in calidiora detrahemus eandem partem iuxta rationem maioris distantiae apparebitque distantia in qua Sol efficit medium Ver in ea regione. Velut ubi polus altior est horizonte 53. partibus, velut Edimburgi tunc Bononiae est Ver medium temperamentum cum Sol distat a vertice par. 33. igitur cum 53. superet 23. in 20. quod est pars ferme 7. ex 11. detrahemus hanc partem & insuper differentiam a 53. relinquentur partes distantiae Solis a vertice Edimburgi 30. & ideo Sol declinabit ab aequinoctij circulo partibus 43. & ideo erit in fine Geminorum. Quando vero magis appropinquat extremis inhabitabilibus, id est, male habitabilibus, tanto magis assimilantur illorum moribus, si frigidissimae, moribus Getarum & Lapponum: si calidissimae, moribus Aethiopum & Indorum. Contraria ratione qui ex inhabitabilibus regionibus sunt, eo mitiores erunt & minus barbari ac feri, quo magis temperatae regioni erunt proximiores.

#### TEXTVS XI.

Horum etiam propiores Austro ingeniosiores & calidiores, & rerum diuinarum periti magis esse consueuere, quod punctus ipsorum verticalis propinquior sit cum signifero, tum errantibus sub illo stellis, pro quarum quasi familiaritate & ipsi animos habent promptos & faciles in comprehensione ac vestigatione rerum ac artium, maximeque earum quae proprie Mathemata vocantur, praeterea orientales

Q



orientales horum viridiores sunt & animis fimis, nihilque celantes. Orientem enim iure Solaris naturæ esse dixerimus, proinde & pars illa diurna & virilis & dextra putanda. Cernimus autem in animantibus quoque dextra esse magis valida & robusta, contra occidentales effœminatores sunt, & molliores & occultatiores. Nam hæc pars Lunæ debetur, quæ ab occidente semper post interlunia conspiciendam se præbet, atque ob hanc causam & nocturna & sinistra, vt opposita orienti traditur.

Rectè etiam non regione temperatam, sed propinquam signifero prætulit hic Ptolemæus: & certè in Mathematicis & præsertim in Astrologia ea regio præstantissima est in cæteris disciplinis plus valent studia reliquis: cum etiam in Mathematicis & in Astrologia diligentia gemmarum ostenderit, plus posse industriam ad sapientiam, quàm patriam seu cælum. Nam litera Ptolemæi clara est. Quæ igitur in temperata regione ad Boream accedunt, quoniam ibi stellæ sunt egregiæ magnæ & illustres in Visis, & rutilus fulgor, Arcturi, fortes sunt propter Martem, & patientes laborum propter Saturnum, iucundique & hilares propter Venerem, atque effusi in largitionibus & conuiujs, nam stellæ illæ de natura maximè Martis sunt, inde Veneris & Saturni, parumque Iouis. Occidentales verò propter Lunæ naturam minus superbi, & peregrinatores magni, fortes quoque propter commistionem Martis cum Luna. Ex his patet, quod Ptolemæus existimat stellas verticales magnam habere vim, & sunt illæ quæ tantum habent declinationis ab æquinoctij circulo, quanta est altitudo poli illius regionis. Præter has considerare decet stellas quæ simul in ea regione ascendunt, aut cœli medium obtinent, aut descendunt, commiscunt enim vires inter se, quia plurimum eodem tempore possunt. Post has sunt quæ in communi sunt circulo positionis, nam & hæ singulis diebus vires suas miscent inuicem. Inter has potentissimæ etiam sunt quæ semel in die perueniunt ad communem intersectionem finitoris & Meridiani. Hæ enim singulo die cum in eo puncto fuerint, erunt cum omnibus Planetis ac fixis in vno circulo positionis. Sunt autem hæ quæcunque tantum habent declinationis Borealis seu Australis, quantum deest eleuationi poli regionis ad complendas 90. partes. Velut Londinum habet altitudinem poli partium 53. Et cauda Scorpij declinationem meridianam ab æquatore 37. partium, & Vultur eadens tantumdem versus Boream. Dico quod vtraque harum stellarum semel in die erit in communi sectione finitoris & Meridiani Londini: Ideò illæ stellæ plurimum poterunt in ea ciuitate. Et quicumque nascetur ibi altera harum stellarum in illa intersectione constituta plurimum poterit apud illos,

& habebit mores ciuitatis exquisitissimos: Etenim omnia sydera in illa genitura cum illa stella, quia erunt in aliquo circulo positionis, cum ea necessario participabunt, inficienturque illius qualitate. Vnde hoc notabile est in genituris.

## CAPVT III.

## TEXTVS XII.

*De familiaritate locorum & triangulorum & stellarum.*

Iam verò sequuntur hæc etiam de duodecim signiferi locis certi modi proprietates morum & naturalium institutorum. Vt enim in prædictis constitutionibus aëris & iis quos generaliter calidos, frigidos, temperatos esse perhibuimus, certorum quædam sunt proprietates locorum ac regionum, vbi illa generalia intenduntur remittunturve, vel ob positus sui naturam, vel altitudinem, vel humilitatem, vel propter etiam vicinitatem. Itemque cum alij equestres sunt propter campestria suæ patriæ loca, alij nauigatores ob vicinitatem maris, nec non mitiores aliqui ob soli bonitatem. Ita & certi modi naturas animaduertere in his est, de naturali familiaritate stellarum iuxta duodecim loca signiferi particulariter & ipsa sumpta non singulatim sed generaliter. Neceffe igitur fuerit hæc quatenus particularibus considerationibus famulantur, nunc deinceps exequi.

Cum declarasset orbis partes generales, trifariam illas variari secundum diuersas portiones docet: primum quidem, gratia exempli assumpta Hispania, cum sit prouincia temperatæ regionis, plurimum differt à Germania, & longè plus à Mesopotamiâ: Hoc autem trifariam contingit vel ob propinquitatem maiorem ad æquinoctialem, vel minorem, & ita ad occidentem: Nam Hispania est propinquior æquinoctiali & occidenti quàm Germania, longè etiam plus occidenti propinqua, quàm Mesopotamia, minus autem longè æquinoctiali: quamobrem maxima est differentia inter incolas istarum trium prouinciarum. Et per hoc nō solum nobis dedit modū cognoscendi differentiam prouinciarum inter se, sed etiam partium prouinciarum inter se. Veluti Mediolanum est magis occidentale & Boreale, quàm Florentia: Ideò Mediolanenses sunt fortiores, & pulchriora habent corpora, & delicatiores, & laborum patientiores: At contra Florentini sunt magis compiti, & ornati, & lingua liberiores, & minus cibo



cibo indulgent, & magis amatores scientiarum & disciplinarum Mathematicarum. Hæ enim sunt proprietates australium & orientalium quas declarauit in textu præcedenti, & pertinent ad Astrologum: Sed sunt adeo manifestæ ut possint ascribi etiam philosopho naturali. Secundum est discrimen à natura loci, de quo locutus est Hippocrates in Libro de Aëre & Aquis, & sumitur maximè à quinque conditionibus principalibus, quarum prima est quod locus sit campestris aut montuosus, & est figura terræ: Nam campestris, sunt molliores, mitiores & minus robusti habitatoribus montium, magis diuites & compti, artiumque cultores. Secunda est à natura terræ, quædam enim arenosa est & facit robustiores homines, sanos & industriosos: quædam est argilacea quæ facit opulentiores sed infirmiores: ubi verò opulentia, ibi mores sunt mansuetiores & cultus artium viget propter præmia, & omnia magis ornata. Tertia differentia est à situ quo ad montes: si enim montes sint à parte orientis & septentrionis, erunt morbofi imbecilles & effœminati: si verò regio ab his partibus patuerit, montes verò sint ab occidente & meridie, erunt incolumes, viribus firmi, armis dediti, feroces, artium minutarum contemptores, ut pinguendi, musicæ. Quarta est in comparatione ad situm aquarum: Vel enim omnino arida est, vel stagna, adsunt & paludes, vel torrentes, vel fluij, vel flumina magna: & hæc vel ab oriente, vel occidente, septentrione aut medio quodam situ. Salubriores enim ubi aqua velociter mouetur & Soli exponitur, & à latere orientali est & boreali, contrario modo montibus. Quinta est à vicinitate maris vel distantia: Mare enim non debet aliis adnumerari aquis, tum ob falsedinem, tum ob caliditatem, tum etiam ob amplitudinem & ventorum perpetuum flatum. Vnde qui mari vicini sunt omnes sunt mercatores, vel pyræ, magis longæui & magis firmi, periti natandi & nauigandi. Quædam verò ex his consequuntur veluti quod habitantes in planitie magis sunt equites: Et ob id etiam equitando magis valent: Habitantes in montibus omnes sunt agiliores & firmiores. Rursus habitantes in regionibus insalubribus etiam ob id sunt imbecilliores: Ideoque etiam minus fortes quia conscij suarum virium, minus ergo crudeles ob timorem: unde consuetudine postmodum fiunt misericordes. Ob hæc verò astuti & fallaces conscij suarum virium, omne enim genus non solum hominum sed etiam beluarum robore vel astutia se tuetur. Ob id dici solet quod ubi pellis Leonis desit, Vulpina illi assimilis assuitur. Hæc enim duo animalia satis accommodatè inuicem comparantur, quod alterum roboris, alterum versutiæ maximæ sit: Et pelles illorum ambæ quasi sint flauæ. Propter hæc & tales laboriosi sunt, & circa minutas artes, propter virium imbecillitatem tractant minutas artes, & solitudine complent atque assiduitate, quod viribus deest. Ob id etiam mercaturam exercent quia potius assiduo labore indigent,

Tom. V.

quàm magno. Ideoque etiam specie liberales videntur, ob conuersationem, intrinsecus tamen auari: quoniam omnis timidus est auarus, & omnis auarus timidus. Propter hæc etiam blandi sunt verbis admodum, tales enim sunt timidi auari & mercatores. Sunt etiam ob hæc omnia dissimilatores maximi, adeo ut etiam metum ipsum dissimulent. Hæc & multa alia quæ innumera essent, ex hoc vno principio quod morbofi sint, omnia sequuntur, quæ si velim singula persequi commentarius in infinitum excreceret. Sufficiat autem hæc quæ ad morbosum statum succedunt, licet non omnia præscriperim, pro exemplo adduxisse: ut non solum ex hoc aliorum statuum successus intelligas, sed etiam vel huius omnia quæ succedunt & consequuntur nondum tamen sunt explicata. Itaque bene dicebat Haly quod si quis nascatur in oppido littoris maris qui debeat esse ex genitura maximus medicus, quomodo poterit si ibi omnes fuerint nauaræ fieri medicus, nisi exiuerit illam patriam: sed erit inter nauas peritior, & sciet etiam quædam auxilia in medicina empirica, ut solent scire nauaræ. Et ita si quis debeat esse ex genesi maximus ductor exercitus & Rex, & nascatur inter imbelles Nasamones, quomodo poterit fieri dux & Rex? sed tamen fiet dux inter suos, & forsan in suspitionem Regis adductus de rebellionem, occidetur mandato Regis. Et ita eadem genesis in ciuitate libera & armis potente significabit ducem & Regem felicem, & inter Nasamones vel alias imbelles gentes, vel subditas alieno Regi significabit obscurum tyrannum & seditiosum ducem, qui breui etiam sit malè periturus. Et hæc est causa quod tot fuere inclyti duces Romanorum, Atheniensium & Lacedæmoniorum. An putas defuisse geneses strenuorum ducum in aliis ciuitatibus? Tamen omnes mediocres, & egregiarum plurimæ effectu frustratæ sunt: In tribus verò illis ciuitatibus, quod iam bello inclytæ essent, & magnum imperium adeptæ, sufficiebat mediocris genitura. Et ita considera de diuitiis de artificibus, & de omnibus aliis.

Ex hoc patet quod Ptolemæus scripsit de vniuersalibus, non tamen propter illa quàm etiam propter singulos & geneses ipsas, in quibus maxime diligens fuit: quod etiam patet per ea verba ( Si quis singularum rerum prædictionibus operam dare velit, non possit sine comprehensione generaliorum esse ad illas instructus ) Et hæc est causa præcipua quod librum hunc, qui subiecti ratione longè maior esse debuerat, aliis breuiorem fecerit, & nisi vnicum: nam tractatio hæc etiam propter se facta sit, maiore tamen ex parte propter geneses facta est. Nec solum vniuersalis ratio regionum ad priuatos, sed etiam ad Reges pertinet. Nam Scotici Reges omnes fermè ferro pereunt, adeo ut ex centum quinque vix quatuor vel quinque morbo perierint. Anglorum verò Reges omnes fermè seditionibus agitantur. Galorum autem Reges ab vtrisque sunt immunes. Si igitur nascatur Rex Scoticus, cum vel

Cap. 1.  
huius.

Q 2 medio-



mediocribus signis necis violentæ, omnino trucidabitur. Si verò Rex Anglicus cum genesi habente signa seditionis populi, Rex ille non solum habebit, sed & magnas & plures. Si verò Rex Gallorum cum signis violentæ necis & seditionis medio cribus, nec occidetur, & minima seditione vexabitur. Et hæc fuit causa quod Rex Gallorum Franciscus primus non obierit in prælio anno 1525. quando captus fuit à Cæsarianis, nec seditione exturbatus fuerit à Duce Borbonio, nec mortuus fuerit in carcere in Hispania: Nam in omnibus his Regnum seruauit Regem, & non Rex seruauit Regnum: nec propria genesis ipsius Regis, quæ mala erat & infelix. Et idè hæc est causa, quod qui nesciunt uti bona fortuna dum Reges ipsi infelices habent genituras, magna incommoda patiuntur successu temporis. Non enim decet in bellis Regum, fortunam existimare esse Regni. Et hoc totum alta mente celauit Ptolemæus.

Tertium discrimen partium regionum est, ex trigonis, nam reliqua duo faciunt quidem ad genituras, non tamen possunt reduci ad euentus vniuersales. Vtpote si incidat cometas vel eclipysis in Ariete, non possum dicere quod pertineat ad Britanniam, quia sit vicina occidenti vel circulo arctico, vel quia sit plana vel circumdata mari: sed oportet quod sciam rationem qua sub signo Arietis, puta, collocetur. Secundo vsus est ratione trigonorum quia regiones propinquæ sunt similes in multis, vtpote Galli sunt medij inter Germanos, Anglos, Hispanos & Italos. Cum igitur sunt similes magna ex parte Italici, & non sint sub eodem signo, si ponantur gratia exempli signa propinqua, vtpote Leo dominari Italiae, Cancer aut Virgo dominabuntur Galliae: sed talia signa & domini illorum sunt omnino diuersa à Leone & Sole domino Leonis: Igitur non fuisset seruata ratio similitudinis morum. Similiter multo maior confusio fuisset si hæc familiaritas fuisset sumpta à signis quadratis vel oppositis: Et præter id oportuisset diuidere orbem terrarum vel nostram regionem in sex partes ratione oppositionis, vel in tres ratione quadrati, quod est contra naturam diuisionis quæ sit per circulos magnos. Nam cum duo circuli magni se diuidunt, diuidunt spheram in quatuor partes, & si fuerint tres circuli in octo, & si quatuor in sexdecim: Ergo nunquam poterunt in tres aut sex partes diuidere. Signa ergo trigona primum cum sint quatuor ordinibus distincta maximè conueniunt diuisioni habitabilis terræ per circulos magnos in quatuor partes. Secundo conueniunt ratione similitudinis formæ: Aries enim Leo & Sagittarius sunt agrestia & quasi fera quadrupeda: Cancer, Scorpio & Pisces sunt quasi aquea: Nam Scorpio licet non viuat in aquis, viuat tamen in locis humidis, & sunt omnia muta: Gemini, Libra & Aquarius omnia sunt humana voce, moderata etiã moribus: Taurus verò & Virgo, & Capricornus sunt mansueta & cicurata animalia, nisi quod Virgini tribuitur forma huma-

ana propter magnam potestatem quam in eo signo obtinet Mercurius. Conueniunt etiam ob trigonum radium ista signa familiaritate quadam naturæ, adèd ut quidam existimauerint esse qualitatum similium, neque id absurdum est, nec contra Ptolemæi opinionem: Non tamen ob id solum inter se conueniunt. Sed sicut tres mercatores quorum vnus sit Italus, alter Gallus, reliquus Hispanus qui societatem inierunt, familiaritatem inter se habent & amicitiam & consensum, & eodem modo tractant negotium mercaturæ & simili forma literarum, cum tamen sint diuersorum morum & naturarum: Ita contingit de trigonis quorum signa communi consensu susceperunt administrationem vnius quartæ partis terræ habitabilis. Et tum maximè quia concordant singula triangula in duobus dominis quibus parent & à quibus reguntur & gubernantur. Tertio, factum est istud quoniam quædam regiones valde distantes magnam habent inter se similitudinem non solum morum, sed etiam quia simul eisdem infortuniis quandoque magis affliguntur, quam confines prouinciæ. Imo plerunque confinium prouinciarum contingit ut vna sit felix, & alia infelix, cum vna aliam inuadit. Vtpote cum Galli veniunt in Italiam bello eam deuastantes. Non conueniebat igitur confines prouincias ponere sub eodem signo propter hanc causam, neque succedentibus sibi inuicem propter causam antè dictam. Cumque inuenirentur ut diximus regiones distantes magis similes inter se euentibus & moribus quam propinquæ, veluti Britannia & Iudæa, ob id Britannia & Iudæa, quod sint periculosæ & truces atque seditiosæ, Britanni Arieti tribuuntur, Iudæi verò quod impij infidiosi & audaces, similiter sub eodem signo sunt atque Planeta. Sic utraque harum regionum sapius & obstinatius ut nulla alia à Romanis rebellauit ac sapius ad internecionem concisa. Et utraque similiter novos ritus legis & diuini cultus sibi fabricauit, aliquando quidem in melius, persæpe in deterius. Quod verò hæc diuisionis per trigonos aliis tribus quartis terræ contineat satis dictum est. Sed in Septentrionali inferiore sufficet occidens pro oriente, & oriens pro occidente commutare. Qua ratione inuenta commutato ordine domiciliorum fiet trigonus Solis & Iouis: Primus Libræ, Aquarii & Geminorum. Secundus Lunæ & Veneris, Scorpii, Piscium & Cancræ. Tertius Saturni & Mercurij, Sagittarij, Arietis & Leonis. Quartus Martis & Lunæ, vel Martis & Veneris, Capricorni, Tauri & Virginis. Primo igitur dabitur pars quæ est inter occidentem & antarcticum Marti & Ioui. Secundo, dabitur pars quæ est inter æquinoctialem & orientem Saturno & Veneri. Tertio, quod est inter orientem & antarcticum, eiusque dominis Saturno & Ioui. Eadem ratione & quarto dabitur quod est inter æquinoctialem & occidentem Marti & Veneri. Eadem quoque ratio erit de finibus: Nam fines finibus erunt contrarij ad vnguem: dabimus enim fines Ptolemæi de-



scriptos in tabula superius Libræ, ipsi Arieti, & Scorpionis, ipsi Tauro, & Arietis ipsi Libræ, & Tauri ipsi Scorpionis commutata ratione, seruatis eisdem dominis atque numeris ad vnguem. Inuenta autem ratione quartæ partis superioris terræ versus antarcticum quo ad triangulos & fines, habebis etiam inferiorem solum commutatis vt in nostra regione oriente in occidentem, & occidente in orientem, superioris partis cum inferiore.

## TEXTVS XIII.

Cum ergo in signifero quatuor triquetra configurationes animaduerti soleant, ostensum est in superioribus à nobis vnum triangulum, nempe Aries & Leo, & Sagit. esse Borrolybicum, quod nomen significat Aquilonis & Africi confusionem. Hoc gubernatur primum quidem à Ioue propter Aquilonem, deinde à socio Marte etiam propter Africum. Triangulum autem Taur. & Capricor. & Virg. Austrisolanum est, habetque principem dominatricem Venerem propter Australitatem, socium verò Saturn. propter matutinitatem: At Gem. & Lib. & Aquar. triangulum commissionis Aquilonis & Subsolani est, cuius dominatio præcipua est Saturn. propter matutinitatem, sociumque admittit Iouem ab Aquilone. Triangulum Canc. & Scorp. & Pisc. Notolybicum, id est, Austri est & Africi, primumque regitur à Marte propter Africum, deinde & à socia Ven. propter australitatem.

Cap. 17.

Qui memor est eorum quæ in primo libro superius scripta sunt, ne vel vno verbo quidem ad expositionem hoc in loco indiget. Qui verò illa non intellexit quæ toties repetimus, nec nunc, etiam si folia centum commentatij scripserim, intelliget. Cæterum hæc repetit Ptolomæus non vt necessaria, sed vt ordo ad sequentia melius connecteretur. Quam etiam ob causam figuram apposui per quam quæ sequuntur facile possent intelligi. Sed prius ipsum Ptolomæum audiamus dicentem.


## TEXTVS XIV.

Quæ cum ita se habeant, & cum nostra terra distribuatur in quadrantes æquales numero triangulis quatuor, per latitudinem quidem à mari nostro ex Herculano freto vsque ad sinum Issicum & vltius versus orientem Montanum vsque dorsum, quibus separatur pars Aquilonaris ab Australi. Per longitudinem autem ex

Tom. V.

Arabico sinu, per Ægeum pelagus & Pontum ac paludes Mæotidas, quibus diuiditur pars orientalis & occidentalis, conficiuntur ita quadrantes numero posituque congruentes cum triangulis, quorum vnus totius terræ collocatus est, secundum Aquilonis & Africi commissionem dictus Borrolybicus, ad Celticam, habetque commune nomen Europæ, illique oppositus, item vnus secundum commissionem Austri & Subsolani, quem dicunt Notapelioten ventum, ad Æthiopiam orientalem, quæ pars Australis magnæ Asiæ rectè dici poterit. Tertius est quadrans situs secundum Aquilonis & Subsolani commissionem, qui ventus vocatur Borrapeliotes, vbi est totius terræ pars, quam nominamus Scythiam, sitque planè Aquilonaris magnæ Asiæ pars, huicque oppositus secundum Africi & Austri, qui venius vocatur Libonotus, commissionem ad occidentalem Æthiopiam, vocaturque communiter Libyæ.

Facile imò facillimum est in proposita figura quæ Ptolomæus proponit distinguere. Diuidit totam terram huius quartæ partis tam habitabilem, quam inhabitabilem per duas lineas, quarum altera transit ab oriente in occidentem, reliqua à septentrione in meridiem in quatuor quadrantes: primum quod est inter septentrionem & occidentem quem vocat Europam & à vento medio Borrolybicum dat Arieti, Leoni & Sagittario, & dominis eius Ioui & Marti. Secundum statuit illi oppositum inter meridiem & orientem in quo est Asia, & subiicitur medio vento inter Austrum & orientem, quem vocant Notapelioten trigono secundo Tauri, Virginis & Capricorni, & dominis eius Veneri atque Saturno. Similiter tertium statuit inter septentrionem & orientem vbi dicit esse Scythiam & tribuit trigono Geminorum, Libræ & Aquarij dominis eius Saturno & Ioui. Et quartum illi oppositum vbi ponit Lybiam seu Africam, quarto trigono Cancræ, Scorpij & Piscium, & dominis eius Marti & Veneri.



Animaduertenda sunt hic duo pro intellectu sequentium, quod totius partis Australis vltimam

Q 3



ultimam extremitatem, quæ est iuxta lineam CD vocat Æthiopiam: sed partem ipsius quæ est orientalis iuxta DF vocat Æthiopiam orientalem, & quæ est iuxta FC vocat Æthiopiam occidentalem. Secundum quod magis refert est, quod cum toti Septentrioni præponat Ionem, & toti meridiei Venerem, & toti orienti Saturnum, & toti occidenti Martem, fit ut in primo quadrante dominetur Mars & Iuppiter non simpliciter, sed occidentalis, id est, Iuppiter pro ut habet conditiones occidentalis. Et in secundo Saturnus & Venus, non simpliciter Venus, sed Venus orientalis. Et in tertio Saturnus & Iuppiter, non simpliciter, sed Iuppiter orientalis. Et eodem modo in quarto Mars & Venus occidentalis. Et hanc distinctionem orientalis & occidentalis in beneficiis inuenit Ptolemæus, ut doceret varios mores gentium. Nam stellæ orientales habent aded diuersos mores ab occidentalibus, ac si essent non vnus Planeta, sed duo penitus diuersi. Et hoc diligenter nota pro intellectu eorum quæ inferius adiiciuntur. Incepit autem Ptolemæus numerare quadrantes ab occidente & septentrione, & non ab oriente neque à meridie, ut sequeretur eundem ordinem quem sequutus est in Geographia: nam ibi incipit ab extremo occidente, id est, à fortunatis & à septentrione, ided fecit primam tabulam in qua descripsit Hiberniam & Albionem, id est, Angliam, quia sunt in extremo septentrionis & occidentis. Diuidit autem vnumquemque quadrantem in duas partes, ut cum dicit.

#### TEXTVS XV.

Præterea sciendum singulos quadrantes qua vergunt in medium totius terræ nostræ, sortiri diuersam naturam naturæ suæ, quam in totius terræ diuisione obtinuerint. Nam quadrans Europæ quem diximus in diuisione totius terræ in Borrolybico loco, id est, ad Caurum positum, in medio & qua angulus exit in oppositi quadrantis angulum ad Notape-lioten, id est, Vulturum tendit, & in positum huius quadrantis deuoluitur. Quod ipsum & de aliis similiter accipi debet. Vnde apparet singulos quadrantes binis triangulis contrariis conciliari, cum alia quidem loca prorsus in se incumbens triangulum sustineant, media autem illa etiam in contrarium incumbant. In hac conciliatione assumendi sunt & gubernatores singulorum triangulorum, atque rursus hi quidem soli aliis in locis, in mediis autem illis & cum his Mercurij stella, quod media hæc quidem & communis sit vtriusque conditionis.

Duo facit in præsentī texto Ptolemæus, primum quidem diuidit vnumquemque quadrantem linea recta in duos triangulos sibi inuicem oppositos, ut in figura vides: Gratia exempli primum quadrantem diuidit per lineam ductam a septentrione in occidentem in duos triangulos: vnum qui vocatur extremus, & est ille in quo inscriptæ sunt notæ ♄ & ♂: Alterum qui tendit ad medium in quo est inscriptus primus & ita de aliis quadrantibus. Cum igitur sint quatuor quadrantes, sient octo trianguli, quorum quatuor dicuntur extremi & puri quia non tanguntur ab aliis quadrantibus: & quatuor qui vocantur trianguli medij qui circumdantur ab aliis tribus triangulis mediis. Vnusquisque enim eorum habet duos alios triangulos à latere, & tertium à fronte seu opposito. In vno quoque autem illorum posui numerum sui quadrantis, scilicet primus, secundus, tertius & quartus, ut intelligeres cuius quadrantis essent illi trianguli. Secundum quod docet, est quod cum sint octo trianguli, quinam Planetæ singulis dominantur: & regula est generalis, quatuor triangulis extremis seu puris dominantur sui duo Planetæ inscripti: utpote primo Mars & Iupiter occidentalis: Secundo Saturnus & Venus orientalis: Tertio Saturnus & Iupiter orientalis: Quarto Mars & Venus occidentalis. In triangulis autem mediis ponit Mercurium in medio sicut vides in figura, quia Mercurius est particeps dominationis in omnibus triangulis mediis propter quatuor causas: Prima ut & ipse haberet dominium in mundo: Secunda, quia habitantes in mediis regionibus sunt ingeniosiores & disciplinis magis dediti & artibus, quæ omnia per Mercurium significantur: Tertia, quia sunt negotiatores & transeunt de vno triangulo in alium triangulum, & ex vno quadrante in alium quadrantem: Et hoc est proprium Mercurij, qui transit in naturam singulorum planetarum excepto Sole & Luna. Fit enim Mercurius quandoque perfidus, ut Saturnus malè dispositus, & patiens, ut Saturnus benè dispositus, & lasciuus ut Venus, & ferox ut Mars, & iustus ut Iupiter. Quarta, quia natura illius est media inter Planetas reliquos omnes quatuor, ided meritò collocatur in medio. Sol autem & Luna non ponuntur domini triangulorum propter id quod omnibus dominantur generaliter. In omnibus enim regionibus est aliquid iustitiæ & fidei, & studij gloriæ & modus dominandi, quæ omnia habentur à Sole. In omnibus etiam regionibus vigent commercia hominum & consuetudines, desiderium nutriendi filios, & videndi regiones nouas, & piscandi & colendi agros, & lucrandi, quæ omnia sunt à Luna. Ided nulla est gens tam barbara quæ ex toto possit se expoliare ab affectibus & moribus Solis & Lunæ, qui sunt communes omnibus gentibus. Sed si vis distinguere inter mores Solis & Lunæ: discrimen est quia mores Solis tendunt ad honestum, generosum, munditiem, & imperandum: Lunæ humiliora sunt omnia, idedque ad lucrum, voluptatem,



tem, sorditiem & seruendum. Potest facile comparari Sol nobilitati, Luna plebi in ciuitate. Sol patri, Luna matri in domo. Et ideo Sol non diligit adeo filios sicut Luna, id est, nati sub illis. Et ita Sol significat ex ætatibus iuuentutem, Luna pueritiam. Mercurio igitur in medio constituto, iste ordo seruatur in mediis triangulis: primum dominantur Planetæ trianguli oppositi, utpote in primo triangulo medio primum dominantur Saturnus & Venus orientalis, secundo Mercurius, tertio domini ipsius quadrantis, id est, Mars & Iuppiter occidentalis. Et ita in quarto triangulo medio dominantur, primum Saturnus & Iuppiter orientalis, qui sunt domini tertij quadrantis, inde Mercurius, inde Mars & Venus occidentalis, & ita in aliis: Et hæc est causa quod ipse posuit secundum trigonum illum, qui est ab opposito primi & non à latere. Et causa est quia quæ pendent ab astris & nihil habent commune cum coniunctis & adherentibus, sed potius cum oppositis. Ideo primus triangulus participat de natura secundi oppositi, & non de natura tertij & quarti qui sunt à lateribus. Ex hoc etiam patet quod regiones quanto magis sunt versus medium in triangulis mediis, magis participant de natura Planetarum quadrantis oppositi, deinde Mercurij, & minimum de natura Planetarum proprii quadrantis. Quæ verò sunt iuxta basim trianguli medij, plus participabunt de natura Planetarum proprii quadrantis, & minus Mercurij & oppositi quadrantis. Medij verò inter cuspidem & basim æqualiter omnibus. Exemplum in primo triangulo medio, id est, primi quadrantis basis habebit plus de natura Martis & Iouis occidentalis ac Mercurij. Cuspis verò trianguli eiusdem scilicet primi quadrantis plus habebit de natura Saturni & Veneris occidentalis inde Mercurij, inde Martis & Iouis occidentalis. Medium verò inter cuspidem & basim medio modo & quasi æqualiter omnium particeps erit. His igitur constitutis, ipse tractat primo de primo triangulo, id est, exteriore primi quadrantis: deinde medio primi quadrantis: post de exteriore secundi quadrantis: deinde de medio secundi quadrantis: & ita deinceps. Circa quod notanda duo sunt, primum quod partes triangulorum extremitatum, ut magis appropinquant medio, id est, lineæ mediæ, sunt maxime de natura ferme vnus Planetæ tantum: velut qui sunt maxime sub Borea & declinant, neque ad orientem, neque ad occidentem nisi parum, ipsi sunt de natura Iouis ferme ex toto, & parum valde Martis aut Saturni. Et ita qui sunt in linea occidentis & non declinant ad meridiem neque septentrionem, ipsi sunt ferme ex toto de natura Martis, & quasi nihil Iouis aut Veneris. Et ita illi qui sunt iuxta æquinoctialem, nec declinant ad orientem, nec occidentem sunt toti de natura Veneris & nihil ferme Martis vel Saturni. Et ideo in totum similes feminis, imbelles, libidinosi, luxui & voluptatibus ac delitiis dediti, nihil omnino ingenuum aut virile cogitantes. Et

ita de orientalibus, qui sunt omnino medijs inter septentrionem & austrum pro Saturno. Secundum, quod in triangulis medijs licet obseruentur Planetæ contrarij quadrantis, tamen vult quod illi exuant naturam propriam quantum ad orientale & occidentale, & induant naturam quadrantis proprii. Exemplum in triangulo medio quadrantis primi dominantur Saturnus & Venus, qui sunt domini quadrantis secundi, scilicet oppositi, sed in quadrante secundo semper dominantur Saturnus & Venus orientalis: In triangulo autem medio quadrantis, primi dominantur Saturnus & Venus occidentalis, quia triangulus ille est pars quadrantis occidentalis non orientalis. Secundum hoc igitur statuemus dominos octo triangulorum per ordinem, sicut ipse facit ad faciliorem intelligentiam textus sequentis. Circa quod notandum est quod beneficæ variantur penes orientale & occidentale, scilicet Iuppiter & Venus: sed Saturnus & Mars non variantur penes boreale & australe. Causa est duplex, tum quia beneficæ facilius variantur quam maleficæ: tum quia orientale & occidentale sunt qualitates in re, id est, in ipsis Planetis, veræ & naturales, quæ ortum habent à comparatione Planetarum ad Solem: sed Australe & Boreale sumuntur hic non ut latitudines ab eclyptica, sed solum ut differentia partium terræ quibus Planetæ dominantur. Et ita non faciunt aliam differentiam quam illam quæ dicta est superius in primo discrimine prouinciarum, quæ magis appropinquant æquinoctiali vel polo Boreali. Quod si quis vellet considerare Australe & Boreale iuxta latitudinem in Saturno & Marte, tunc posset ponere Australes agiliores, leuiores.

Secundum hoc igitur, ordinem dictum sequentes externo triangulo quadrantis primi dominantur Mars & Iuppiter occidentalis soli. Et ex signis ♄, ♀, ♀.

Triangulo medio quadrantis primi dominantur, primo Saturnus & Venus occidentalis, inde Mercurius, inde Mars, atque Iuppiter occidentales. Ex signis ♄, ♀, ♀.

Triangulo externo quadrantis secundi Saturnus & Venus orientalis soli. Et ex signis ♄, ♀, ♀.

Triangulo medio quadrantis secundi Mars & Iuppiter orientalis primo dominantur, deinde Mercurius, deinde Saturnus cum Venere orientali. Et ex signis ♄, ♀, ♀.

Triangulo externo quadrantis tertij soli dominantur Saturnus & Iuppiter orientalis. Et ex signis ♄, ♀, ♀.

Triangulo medio quadrantis tertij primo Mars & Venus orientalis, deinde Mercurius, deinde Saturnus & Iuppiter orientalis. Et ex signis ♄, ♀, ♀.

Triangulo externo quadrantis quarti soli dominantur Mars & Venus occidentalis. Et ex signis ♄, ♀, ♀.

Triangulo medio quadrantis quarti dominantur, primo Saturnus & Iuppiter occidentalis, inde Mercurius, inde Mars & Venus occidentalis. Et ex signis ♄, ♀, ♀.

Et secundum hoc omnia dicta Ptolomæi,



quæ in sequenti textu sequuntur, sunt aded manifesta vt nulla indigeant expositione, nisi quod oportet vt habeas Geographiam illius ante oculos, sine qua non potes bene intelligere quæ ille scripsit de prouinciis & earum natura. Et ideo malè faciunt qui multa nugantur in declaratione situs prouinciarum, cum commentaria augeant in infinitum & nihilominus non possunt rem perfectè docere, nisi depicta figura orbis habitalis, Quæ profectò hic si suis coloribus depicta adiciatur plus proficiet ad exquisitum intellectum sententiæ Ptolemæi de prouinciis, quam si magnum volumen commentariorum conscribatur.

### TEXTVS LVI.

Quibus ad hunc modum distributis primi quadrantis Europei superiora loca, quæ sita sunt in totius terræ diuisione inter septentrionem & occasum, conciliantur Borrolybico, hoc est, Careo triangulo, quod est Aries & Leon. & Sagit. dominos habet conuenientes Iouem & Martem vespertinos. In hoc totæ gentes hæ nominantur. Britannia, Gallia, Bracata, Germania, Bastarnæ, Italia, Gallia Tolia Togata, Apulia, Sicilia, Tyrrheni, Celtica, Hispania. Atque in gentibus consequenter hi mores animaduertuntur, vt sint ob principatum trianguli sui & dominorum illius impatientes regni, & amantes libertatis. Armorum, bellicque studiosissimi, patientes laborum, præstantiæ, munditiæ, fortitudinis, sectatores. Propter vespertinum autem habitum Iouis & Martis, propterque suum triangulum accidit his vt prioribus partibus viriles sint posterioribus effæminati & mulierum amore non tangantur, cupidi masculæ Veneris, & hac in parte æmulatores neque hoc apud illos vitio datur ulli, neque molle ducitur, quod hoc ipso animi illorum non perturbentur & quasi laborent, sed retineant nihilo secius vsum virtutis, amicitia, fidei, curæ rei familiaris, beneficentiæ. Harum ipsarum regionum, Britannia, Gallia, Bracata, Germania, Bastarnæ, propriè subsunt Arieti & stellæ Mart. Itaque harum incolæ sunt communiter feroces, peruicaces, truces. At Italia, Apulia, Gallia Togata, Sicilia, Leoni subiecti subiectæ sunt & Soli, præstantiæ, benignitati, amicitia student. Tyrrheni verò & Celtæ, Hispanique com-

mendati cum Sagittar. Ioui libertatis, simplicitatis, munditiæ sunt amatores. Reliqua loca huius quidem quadrantis, sed vergentia in medium totius terræ, Thracia, Macedonia, Illyricum, Græcia, Achaia, itemque Cretæ, & insulæ Cyclades & maritima loca Asiæ minoris, ac Cyprus, decliua de quadrante suo ad Vulturum, adiunguntur etiam triangulo hoc Vulturini quo comprehenditur Taur. Virg. Capricorn. & gubernatricibus stellis Vener. ac Saturn. atque insuper etiam Mercur. Quapropter horum locorum incolæ magis sunt & corporibus & animis compositi & temperati. Et ipsi sanè præstantiæ cupidi, fortes, regni osores propter Martem, Musicæ autem & studiorum, libertatis cupidi, legum institutorumque suorum tenaces, populari imperio gaudentes, latores legum, quæ à Ioue habent. Certaminum & munditiæ studiosi à Vener. Amicitia, hospitalitatis, iuris literarum, eloquentiæ cultores, Mercur. Idem arcanorum sacrorum & initiorum institutores de Vener. vespertino habitu. Rursus ex his peculiari-ter pertinent ad Taur. & Vener. maritima minoris Asiæ loca, Cyclades insulæ ac Cyprus: ideoque fermè voluptatibus munditiæ, corporique seruiunt. At Græci, Achiui, Cretenses, subditi Virg. & Mercur. ingeniosiores & doctiores & animorum cultores euaserunt. Macedones autem, Thracæ, Illyricum subiiciantur Capricorn. & Saturn. in re quidem paranda non inertes, sed à mansuetudine morum & coniunctionibus alieni.

Secundi quadrantis quæ pars est Australis magnæ Asiæ, loca in quibus India, Ariana, Gedrosia, Parthia, Nedia, Persia, Babylonia, Mesopotamia, Assyria, spectantia Vulturum in totius terræ diuisione, conciliantur & ipsa meritò triangulo Notapeliotico, id est, sito inter ortum & meridiem, Taur. Virg. Capricorn. Gubernaturque à Vener. & Saturn. de orientali habitu. Quare & naturas illorum hominum cognoscere est huiusmodi modi dominationi conuenire, nam & Vener. numen adorant, vocantque Isin, & Saturn. itemque Solis, quen Mitram nominant. Multi etiam horum futura præcinnunt, necnon & pudendæ ab his partes consecrantur,



erantur, quæ efficiuntur ab habitu præpositarum stellarum feminalium. Ipsi natura sunt flagrant concubitus, reique Venere appetentes. Saltungen his & repudia, comptusque cordi à Venere, delicatusque victus à Saturno cum mulieribus propalam non in occulto consuecunt, propter habitum orientalem, sed masculam Venerem odere. Neque pauci ex matribus liberos suscipiunt & pectore supplices gestus edunt propter matutinum ortum, & congruentiam cordis præstantiæ cum vi Solari. Vestitus ferè ornatufque & corporis delitiis effœminati à Venere, animis autem, consiliisq; excelsis, fortes, bellicosi, eo quod Saturn. cum habitu orientali congruat. Sed peculiari-ter sunt Iouis, Venerisque magis Parthia, Media, Persia, Qua de re & harum regionum incolæ florido vestitu vtuntur, seque totos illo præter pectora operiunt, delicatoque victui, ac munditiæ dant operam Virginis & Mercur. est Babylon, Mesopotamia, Assyria, quibusideo & eximia Mathematicarum disciplinarum cognitio & obseruatio syderum contigit. Saturno verò cedit propriè India, Ariana, Gedrosia, habentque eam ob rem cultores deformes, fœdos, immanes. Media huius quadrantis loca in diuisione totius terræ, Idumæa, Cælosyria, Iudæa, Phœnice, Chaldæa, Orchinia, Arabia fœlix, recedunt à suo quadrante ad Cancrum, qui ponitur inter septentrionem & occasum, itaque Borrolybico triangulo conciliantur, quod est Ariet. Leon. Sagittar. cum dominis Ioue & Marte, quibus communis Mercur. adiungitur, vnde sunt ad mercaturas faciendas aliis aptiores & callidiores, in formidine contemptores, insidiosus, animis seruilibus, omninoque instabiles pro stellarum præpositarum figuratione. Est autem Cælosyria, Iudæa, Idumæa, magis Scorpion. & Ariet. Martisque propria, ob eamque rem incolæ habent ferè audaces, impios, insidiosos. Phœnices, Chaldæi, Orchinij sub Leone & Sole sunt, quod simplices, humanos syderum obseruatores: inque primis Solis veneratores reddit. Arabia fœlix subest Sagittar. & Ioui, vnde exitit illa consentanea, appellationi feracitas & copia aromatum, &

hominum dextèritas & liberalitas vitæ contractuum negotiorum.

Sequitur quadrantis tertij Septentrionalis pars magnæ Asiæ, cuius superiora loca continent Armeniam, Hircaniam, Mattianam, Bactra, Casperiam, Seticam, Sauromatas, Oxianem, Sogdianen, quæque alia in diuisione totius terræ spectant Aquilonem, qui est inter Septentrionem & Orientem locus. Hæ regiones igitur conciliantur Aquilonari triangulo Gemin. Lib. Aquar. Gubernatores autem Saturn. atque Iup. habitu orientali. Harum itaque incolæ Iouis & Saturni numina venerantur, suntque ditissimi & auro abundantes, victu mundo & consuetudine honesta, sapientes magi, periti rerum diuinarum, moribus ad liberalitatem & iustitiam compositis, animo magno, fortes, osiores improbitatis, ita naturæ quodam instinctu amantes suorum, vt pro ipsis ne mortem quidem oppetere dubitent, respectu decoris ac pietatis. In vsu rei Veneriæ moderati vt puri, vestitu sumptuosi, benigni, animo sublimi, quod ferè Saturn. Iouisque stella orientali in habitu conficit. Cæterum ex his Hircani, Armeni, Mariani propriè referuntur ad Gem. & Mercur. itaque & sunt mobiliore ac improbi. Bactrianæ gentes & Caspiæ vnà cum sericis Lib. parent & Vener. indeque diuitias congerunt, Musicæ delitiis indulgent. At Sauromatica, Oxianæ, Sogdianæ subiiciuntur Aquar. & Saturn. habentque homines immanes, tetricos, feros. Reliqua huius quadrantis & in medium totius terræ decidua loca, Bithynia, Phrygia, Colchis, Syria, Commagene, Cappadocia, Lydia, Cilicia, Pamphylia descendunt à suo quadrante ad Africum, qui est inter occasum & meridiem, inciduntque in Notolybicum triangulum Canc. Scorp. Pisc. dominante Mart. & Vener. cumque his Mercur. Hinc illæ gentes ferè nomen Veneris adorant, multis variisque suæ linguæ vocabulis vt matrem Deum celebrantes ipsumque Matrem Adonin, rursumque aliter appellant, hisque diuis cum quæstibus initia habent constituta. Sunt autem perimprobi & animis seruilibus, laboriosi, mali, impliciti expeditionibus mercenariis, belligationibus, rapinis, prædationibus, ipsi

mutuo



mutuo sese subigantes, & vestationes sibi ipsis, bellumque inferentes: quæ omnia à Mart. & Vener. orientali concursu proficiscuntur. Quoniam autem in Vener. triangulari signo Capricor. altitudinem habet Mart. & in huius item triangulari signo Pisc. ipsa Venus extollitur, fit ut illis in locis summa beneuolentia & charitate maritos suos fœminæ complectantur, domique custodes sint & operum studiosæ, famulatione, sedulitate, obedientia commendabiles. Ex his Phryges, Bithyni, Colchi pertinent magis ad Cancr. & Lunam. Quo fit viri ut ferè leues sint, morigerique mulieribus. Contra harum pleræque de Lun. orientali masculinitate, viriles, imperiosæ, bellatrices, ut Amazones perhibentur, fugientes virorum, gaudentes armis, ad virilitatemque fœmininum sexum instruentes ab infantia dextræ mammæ amputatione, quò habiliores ad subeunda belli munia fiant. Has etiam partes corporis nudare solent, ut in rebus gerendis muliebritatis omnis opinio amoueat. Qui verò Syriam tenent & Comagenem, & Cappadociam subduntur Scorpion. & Mart. itaque multum audent, improbi sunt, insidiosi, laboriosi: At Lydi, Cilices, Pamphylij cedunt Pisc. & Iou. suntque in reparanda attentiores, commercia & mercaturas faciunt, liberales, faciles in contractibus.

Restat quadrans Lybies, ut appellant, in quo sunt Numidia, Carthago, Africa, Phyzania, Nasomonitis, Garamantes, Mauri Getulia, Metagonitis. Huius situs in diuisione totius terræ est ad Libonotum, id est, Africum inter occasum & meridiem, conciliaturque Notolybico triangulo Cancr. Scorp. Pisc. regiturque conuenienter à Mart. & Vener. habitu vespertino. Ex quo apud illas gentes usu multum venit ut vir ac mulier, aut frater ac soror vna matre geniti regnum teneant, sic quidem ut vir viris, mulier mulieribus præsit, & hoc in successionibus seruetur. Calidi ibi sunt homines, procliues in muliebrem Venerem, raptore coniugum. Ibi multis in locis cum nouis nuptis primi sunt regum concubitus. Alicubi etiam est mulierum inter omnes communitas. Mangonissantur autem admodum & muliebres mundos ge-

stitant, quod à Venere habent. Non est tamen animorum illis promptitudo. Sunt nonnihil improbi, præstigiatores, peruersi, temerarij, obuij discriminibus, idque à Mart. Rursus ex his Numidæ, Carthaginenses, Afri, debentur Cancr. & Lun. & hac de causa à coniunctionibus commertiisque non alieni sunt, inque omnium rerum affluentia degunt. Sed qui incolunt Metagonitida, Mauritaniam, Getuliam, Scorpio obediunt & Marti, immanes, bellicosi, carniuori, discriminibus obuij, neglectores vitæ, inque sese mutuo inuadentes. Phizani, Nasamonites, Garamantes subiecti Pisc. & Ioui, liberalibus & simplicibus sunt moribus, opus faciunt, consiliis valent, sordium regnique fugientes, propter Iouem, Ammonis veneratores. Huius quadrantis media loca in totius terræ diuisione Cyrenaica Ægyptus, Thebais, Marmarica, Oasis, Troglodytæ, Arabes, Asania, Æthyopica media, à suo quadrante verla ad Aquilonem subeunt & sub Borrapelioticum etiã triangulum & dominos Saturn. ac Iou. insuperque Mercur. Vnde gentes hæ pro communi stellarum istarum vespertino imperio Deorum sunt reuerentes, supersticiosi, seruientes diis, eiulatores, mortuos suos occultantes terra & amouentes è conspectu, propter vespertinum habitum, institutis & ritibus variis, neque vno cultus numinum genere vtuntur. Parent humiliter, cumque metu & abiectione ac patientia. Imperant animosè & magnificè. Viri plures vxores, fœmininæ maritos habent. Connubia appetunt, cumque sororibus commiscuntur. Virorum in gignendo magna efficacia, in concipiendo mulierum fœcunditas, ut in regione accommodata generationi. Multi ibi viri putidi & animis muliebribus reperiuntur. Aliqui & in partes genitales grassantur, propter maleficarum ac Veneris vespertinam figurationem. Ex his Cyrenarum Marmaricæ inque primis inferioris Ægypti incolæ ascribuntur propriè Gem. & Mercur. ideoque sunt cogitantes, prudentes, intelligentes rerum omnium, sed maximè sapientiæ & diuinitatis, magi, arcanorum initiorum institutores, in Mathematicis planè excellentes. Qui Thebaida tenent Oasin, Troglody-

ticen,



ticen, Lib. sunt ac Ven. Vnde calida natura est illorum & mobilis & in abundantia degunt. Arabes, Azani, Medi, Æthiopes dantur Aquar. & Saturn. Suntque carniuori ac pisciuori & pastores. Agrestem & feris similem agunt vitam.

Nihil iam puto deesse ad intellectum præcedentis textus, sed existimo melius ut postquam hæc omnia principaliter propter geneses Ptolemæus descripsit ut etiam ad geneses Planetarum hi dominatus certo ordine ascribantur. Igitur ut ad dominos tertij trigoni deueniam: Saturnus & Iupiter orientalis facit diuini cultus obseruatores, ditissimos & auro abundantes, mundo victu, consuetudine honesta, sapientes, magos, peritos rerum diuinarum, moribus ad liberalitatem & iustitiam compositis, animo magno, fortes, ofores improbitatis, atque adeo ut pro decore ac pietate mortem oppetere non dubitent. In vsu rei Veneræ moderatos & puros, in vestitu sumptuosos, benignos, & animo sublimi.

Mars cum Ione occidentali facit amatores libertatis, armorum & belli studiosissimos, laborum patientes, fortitudinis, munditiæ ac præstantiæ, conseruatores amicitia ac fidei: Rei familiaris studiosi sunt custodes, beneficiæ ac virtuti dediti: verum à mulierum amore magis alieni, puerorumque sectatores: & qui ea ætate etiam Venerem libenter pariantur. Atque hi primo trigono externo conueniunt.

Saturnus & Venus orientales, faciunt diuinos, cupidosque saltationum, & comptos, delicatosque concubitus multi cum mulieribus. Sed tamen cum consanguineis & matribus etiam quandoque concumbunt: vestitus & ornatus & delitiæ fœmineæ quasi & molles: sunt etiam eunuchi natura, alij voluntate, nonnulli casu. Cæterum animis atque consiliis excelsi, fortes: bellicosi: Talem fuisse Narserem Eunuchum Iustiniani qui barbaros ex Italia expulit, credendum est. Atque hi secundo congruunt trigono externo. Sed tales etiam à masculina Veneræ abhorrent.

Mars cum occidentali Venere facit proclines in Venerem muliebrem, raptos virginum, violentos adulteros: adornant se, & muliebri habitu gaudent, improbi, præstigiatores, peruersi, temerarij, prompti manu, denique omnino mali præter fortitudinem, similes sunt habitantibus in quarto trigono extremo.

Iouis & Veneris orientalis mores sunt delicatos esse, & munditiæ studiosos, & florido vestitu uti super omnes homines: tales sunt Persæ. Sunt etiam in re paranda, attentissimi: Mercatores faciles in contractibus & liberales, consilio quoque valent.

Saturnus orientalis facit deformes, fœdos & inanes, ut Indi. Occidentalis autem carniuoros, ictiophagos, pastores, moribus agrestes & feros: ut sunt Æthiopes occidentales.

Mercurius orientalis facit eos qui Mathematicas optimè assequantur, & siderum obseruatione maximè delectentur. Occidentalis autem ingeniosos & doctos, verum non adeo Mathematicarum studiosos: sed qui animorum cultui tamen maximè incumbant. Generaliter autem facit mobiles & subimprobos.

Venus occidentalis facit voluptatibus omnino deditos, sed tamen mundos: ut Cyprij. Orientalis autem musicæ studiosos & delitiorum. Generaliter autem mobiles, ut fœminæ.

Mars occidentalis facit feroces, peruicaces, truces ut Germani. Orientalis audaces, impios, insidiosos. Malè dispositos, immanes, bellicosos, carniuoros, seditiosos, vitæ contemptores, periculis vltro se offerentes.

Iupiter occidentalis facit libertatis amatores & simplicitatis & munditiæ, ut Hispani. Orientalis autem liberales dexteritatis maximè. Ad coniunctionem cum hominibus aptissimos & mercaturæ studiosos.

Sol facit præstantes, benignos, amicitiaque maximè obseruatores ut Itali: facit & humanos simplicesque, & qui obseruationibus siderum delectentur.

Mars cum Venere orientali facit improbos, laboriosos, latrones, rapaces, milites, mercenarios, seruilibus animis atque omnino malos. Tum magis si Mercurio adiungantur.

Saturnus & Mars occidentales in re paranda facit minimè inertes: sed ab amorum consuetudine & aliorum hominum coniunctione alienos, ut Macedones.

Luna orientalis facit fœminas viriles, imperiosas, contentiosas, laboriosas. Occidentalis autem viros molles, effœminatos & mulierum imperio subditos. Vnde fit ut quibus in regionibus mulieres viris exæquantur aut plus possint, ut in Gallia, hæc regiones Lunæ imperio magna ex parte subditæ sint. Tales autem mercaturæ apti & à coniunctionibus cum aliis hominibus non alieni, diuitesque.

Saturnus, Venus & Mercurius occidentales, faciunt animo compositos & temperatos, fortes, libertatis amatores, & regni ofores: Musicæ studiosos, & eruditionis. Leges & instituta tenaciter seruant, & noua etiam condunt & inueniunt. Certamina & munditiem diligunt, amicitiam & hospitalitatem colunt, eloquentiæ operam dant, arcanorum quoque & sacrorum maximè periti.

Iupiter Mars & Mercurius orientales faciunt callidissimos mercatores, audaces, insidiosos, laboriosos, seruales & omnino instabiles.

Saturnus, Iupiter & Mercurius occidentales, faciunt superstitiosos, mortuos sepe liunt & illos multis ceremoniis lugent, Deum maximè timent. Sed multæ hæreses & multi ritus. Imperant animosè & magnificè, qui verò parent maxima cum patientia & metu, atque adeo humiliter ut omnino abiecti esse videantur. Fœcundi sunt tam viri, quam mulieres.

TEXTVS



## TEXTVS XVII.

At conciliationes quidem stellarum, signorumque cum certis gentibus communesque harum proprietates designatæ à nobis breuiter ad hunc modum sese habent. Ad vsus autem facilitatem exponemus deinceps nudam traditionem conciliationis singularum gentium, cum vnoquoque signo ex superioribus conuenienter ductam, hoc modo.

Quoniam hæc omnia eò tendunt vt effectus eclipsum & constellationum sciantur quas in prouincias dirigantur, idè cum id sciri non possit nisi cognouerimus quodcunque signum quibus prouinciis dominetur: Restat igitur dubitatio quonam pacto affecto signo, sciamus quam prouincia debet affici. Vtpote Aries dominatur Britannia & Germania, & Iudæa, atque aliis prouinciis multis quas inferius describet, non par autem est Ariete per eclipsum affecto, vt in has omnes prouincias simul calamitas aut felicitas perueniat: Postquam igitur non in omnes venturus est effectus, scire par est in qua ventura sit, hoc autem inferius declarabitur. Solum enim iam illud restat quandoquidem ex tam communi regionum situ in paucarum solum discrimina deueniamus, vt etiam distinctè sciamus affecto vno signo quam prouinciæ vt dixi, illi ita subiiciantur, vt effectus in eas solas perueniat. Veluti Ariete affecto an sola Britannia, an Iudæa, an Germania constellationi subiiciatur. Neque enim vt dictum est verisimile est quod in omnibus idem effectus eueniat.

Circa hæc notandum est quod leges omnes, vt Haly dicit, in medio habitabilis promulgantur, & ex illo in extrema perueniunt: quia Mercurius dominus est eius partis, scilicet mediæ, vt declaratum est. Leges autem multis verbis indigent & rationibus, ac mutatione institutæ vitæ, quæ omnia à Mercurio significantur. Nihilominus Mercurius per se non potest dare legem, sed socius fit Saturno & significat legem Iudæorum: quæ est durissima, & foedissima, & cum auaritia, & vsura, & diuortio, & connubiis illicitis, & lepra & immunditiæ gentis. Et cum his tamen stabilitatem magnam & constantiam, & obseruationem ipsorum præceptorum vsque ad superstitionem, & associatur Ioui, & significat legem Christianorum quæ est munditiæ, pietatis, castitatis, misericordiæ, probitatis, & in qua plura fuerunt regna & honos summus sacerdotij: quia Iupiter præest sacerdotio, & non admittit diuortium. Et associatur Mercurius Marti, & significat legem Mahumeti, & arma, ac bella, violentiam & sæuitiam. Et associatur Veneri significat legem Idola colentium varia & diuersa: totam plenam voluptatibus, lasciniæ. Et qualibet lex associatur stellarum inerrantium dominationi præter planetas ob longitudinem temporis quo manent: nimis

enim multi circuitus essent planetarum, si ad illos solum referrentur, vtpote Saturnus qui circuit cælum in triginta annis, & iam lex Iudæorum inchoauit annis ter mille septuaginta sex vt centum reuolutiones ac tres insuper exegerit. Præterea multa sunt quæ legibus peculiaria sunt, & hæc à mitione procedunt planetarum cum fixis & luminariibus, & etiam planetæ ipsi commiscuntur vt vidimus ac videbimus. Et earum etiam promulgatio habet causas superiores Deum & Dei inimicos, nos autem mundana solum attingimus. Et leges habent ortus ac initia à suis planetis velut Iudaica ab oriente, quia Saturnus orienti præest. Mahumeti autem ab occidente, quia Mars occidenti dominatur. Et Iouis imperium est à septentrione, idè in ea parte fundata est lex Christiana, licet & ipsa ab oriente, propter coniunctionem cum Iudaica, originem sumpsit. Idolorum autem lex quoniam à Venere exortum habuit, initium sumpsit à meridie, scilicet, Assyria, Babylonia & Chaldæis. Primus enim Belus Assyriorum Rex adorari se præcepit. Hæc autem dicta sunt quæ ab Haly exciduntur non obiter, sed vt accidentia quæ in legibus contingunt & mutationes, & hæreses ex astris prauideri possint. Affligentur autem leges maximè vt in trigonis oppositis coniunctiones maximæ fuerint. Est autem trigonus Christianæ Aries, Leo, Sagittarius, & eius dominus Iupiter, quia Sol communis est. Idololatriæ Taurus, Virgo, Capricornus, & eius dominus Venus, nam Luna communis est. Iudaicæ Gemini, Libra, Aquarius, & eius dominus Saturnus, nam Mercurius communis est quia omnibus fauet. Et idè posteriores leges Iudaicam non deserunt, sed recipiunt: quia Mercurius quo omnes leges indigent, propriè dominatur trigono Iudæorum. Idè decreta eius legis tanquam fundamenta ab aliis recipiuntur. Trigonus autem Cancræ, Scorpionis & Piscium Mahumeticæ præest, nam Mars religioni illi dominatur, & initium dedit coniunctio media anno Christi 591. in Cancro, quæ postmodum perseverauit vsque ad annum 789. in signis aqueis: nemini autem dubium est quod Mahumetes natus est, intra hos terminos, legemque ipsam promulgauit. Christus quoque natus est post sex annos à coniunctione maxima in Ariete, promulgauitque legem ea coniunctione in trigono Arietis, Leonis & Sagittarij vigente. Itaque tum ab origine temporis, tum regionum vbi cœperunt, tum moribus, patet hos trigonos hosque Planetas, has leges moderari. Aduersantur autem trigoni prout & Planetæ: trigonus quidem Arietis trigono Cancræ, quia Mars & Iupiter inimici sunt, & maximè potentes ambo, idèoque diuturnum bellum. Similiter trigonus Tauri trigono Geminorum, quia Venus & Saturnus inimicissimi, sed ambo debiles tamen. Vnaquæque etiam lex, maximè posterior, alias destruit. Hæc autem alibi dicta sunt: sed hæc præsentis proposito sufficiunt.



## TEXTVS XVIII.

*Nuda expositio qua gentes quibus sub  
signis ponantur.*

Aries, habet Britanniam, Galliam Bracatam, Germaniam, Bactanas, Cœlosyriam, Palæstinam, Idumæam, Iudæam.

Taurus, Parthiam, Mediam, Persida, Cyclades insulas, insulam Cyprum, maritima loca Asiæ minoris.

Gemini, Hircaniam, Armeniam, Mattianen, Cyrenas, Marmaricam, inferiorem Ægyptum.

Cancer, Numidas, Carthaginenses, Afros, Bithyniam, Phrygiam, Colchida.

Leo, Italiam, Galliam Togatam, Siciliam, Apuliam, Phœnicen, Chaldaeos, Ochiniam.

Virgo, Mesopotamiam, Babyloniam, Assyriam, Græciam, Achaïam, Cretam.

Libra, Bactra, Casperiam, Seras, Thebaida, Casin, Troglodytas.

Scorpio, Metagonitida, Matros, Getulos, Syriam, Commagenem, Cappadocas.

Sagittarius, Tyrrhenos, Celtas, Hispaniam, Arabiam fœlicem.

Capricornus, Indiam, Arrianen, Gedrosiam, Thraciam, Macedonas, Illyricum.

Aquarius, Sauromatas, Oxianen, Sogdianen, Arabiam, Azaniam, mediam Æthiopiam.

Pisces, Phazaia, Nazamonitis, Garamantice, Lydia, Cilicia, Pamphylia.

Dubitabit aliquis quare Iudæam diuiserit à Palæstina & Idumæa: Et similiter Italiam ab Apulia, cum Apulia sit Italiæ pars, & Idumæa ac Palæstina Iudææ? Respondeo quod Ptolemæus fuit Græcis in hoc, quia Apulia vocabatur Græcia magna: in alio Ethnicis seu Idolorum cultoribus: nam Iudæi vnum Deum colebant, volebat videri Ptolemæus quod Iudæi occupassent illas provincias, hocque studium fuerat Regum ipsorum Ægyptiorum, ut eo prætextu quod & sæpe fecerunt, Iudæam inuaderent.

Animaduertendum quod ad trigonos attinet atque leges: Mahumeticam quæ sub Marte est sibi adiungere Venerem vel Lunam, ut in triangulo visum est Venerem ob inexhaustam libidinem, diemque illi dicarum colunt, Lunam quod laboriosissimi sint atque vagi, eiusque in vexillis imaginem referunt. Ob utramque autem plures accipere uxores lex illa permittit. Iudaica autem Mer-

curium Saturno adiungit, unde ipsi maxime sunt industrii, loquaces & miseri, & paranda rei pecuniariæ dediti. Christiani Ioui iunctum habent Solem, illiusque diem colunt Dominicum, sicut & Iudæi Sabbatum propter Saturnum. Sol autem significat iustitiam & veritatem. Christiana autem lex plus continet veritatis, & simpliciores reddit homines. Idolorum lex Veneri Lunam adiungit orientalem, sicut Mahumetica occidentalem: Ob id multos deos, multasque illorum formas fingeat pro varietate formarum Lunæ. Obseruabat autem Calendas à nouiluniis sumptas more totius Græciæ & antiqui ritus Romanorum. Inditum enim est unicuique legi, provinciae, genti, regno, ciuitati, familiae, denique domini cuique ut aliquid eorum obseruent quæ à dominatrice stella significantur, vel etiam ipso nomine ad eam pertinent.

His itaque explicatis, reliquum est ut ipsorum signorum significata & mores, pro genesi unicuiusque hominis utilia, ipsisque provinciis à Ptolemæo descriptis correspondentia, subiiciam. Igitur:

Aries facit feroces, pernicaces, truces, audaces, impios, infidiosos.

Taurus voluptatibus deditos & munditiei corporis, florido vestitu vtuntur, delicato victui operam dantes.

Gemini nobiles ac subimprobos, cogitantes, prudentes, intelligentes rerum omnium, sed maxime sapientiæ & diuinitatis, magi, arcanorum institutores, in Mathematicis plane excellentes.

Cancer facit mercatores, & bonos socios, & qui rerum affluentia gaudeant: sunt tamen leues & morigeri mulieribus. Mulieres autem quibus signum hoc dominatur, viriles, imperiosæ, contentiosæ, laboriosæ.

Leo constantes, benignos, amicitiaeque studentes, simplices, humanos, siderumque observatores.

Virgo facit optimos Mathematicos, observatores syderum, & omnibus disciplinis aptos, ingeniosos, doctos, animorumque cultores.

Libra Musica & delitiis deditos & qui diuitias congerant, calida sunt natura ad Venerem, mobilisque consilij.

Scorpio immanes, bellicosos, carniuioros, discriminibus obuios, neglectores vitæ, seditiosos, improbos, denique & fallaces ac laboriosos.

Sagittarius simplices, munditiei & libertatis amatores, liberales, dexteris in negociis, & contractibus aptos.

Capricornus, deformes, fœdos, immanes, ac mansuetudine morum & coniunctionibus alienos, sed in re paranda minime inertes.

Aquarius carniuioros, ictiophagos, pastores, & agrestem vitam, ferarumque similem agentes, immanes & tetricos.

Pisces liberales, mercatores attentos, faciles tamen in contractibus, simplicibus moribus, minime sordidos, popularem statum amant, consilio valent, & pulchrorum operum sunt artifices.



## CAPVT IV.

## TEXTVS XIX.

*Particularium prædictionum ratio.*

**H**is expositis conuenit & hæc adiungi huic parti. Fixarum etiam stellarum singulis aliquo in signo reperiis, conciliari easdem regiones quas illud signum sortitum fuerit, quo cum ipse inducto per polum suum circulo, regiones eas aspiciant.

Habent enim trigoni & signa familiaritatem ut dixi cum gentibus & legibus, & eadem cum fixis: fixæ ergo etiam cum gentibus & legibus. Velut Boreas & stellæ naturæ Iouis fouent Christianis & trigonus Arietis, & ♀ Mahumetis & stellæ naturæ Martis & trigonus aquens, & hoc quo ad fortunam hominum & regionum non amicos. Sed iam ad textum redeamus. Docuerat superius tres esse differentias ipsorum locorum quibus diuersitas contingeret in hominibus atque in genituris: sed vnā præcipue per quam regiones vniuersales distinguerentur, calidam, frigidam & temperatam. Secundam per quam distinguerentur prouinciæ temperatæ regionis: imò etiam interperatarum nam hæc tribuuntur conterminis regionibus trianguli externi temperati. Veluti Lituania, & Mosconia, & Lappones, & Getæ, & Noruegia erunt sub Marte & Ioue, & Ariete, sicut Germania. Tertia differentia fuit illa quæ quinque discriminibus constabat quam reducit ad secundam. Quia tertia illa naturalis erat & eo modo reducitur ad Astronomicam. Hoc igitur in capite tria facit, primum quidem docet fixarum vires ad regiones traducere. Nam sicut cuique regioni suum dominum signum ascripsit & Planetam aut Planetas qui signo præessent, ita fixas non ex dominio signi cum non dominantur signis, ex loco adiungit: Veluti oculus Tauri tempore Ptolemæi erat in Tauro, & ita afficiebat Cyprum & maritima loca Asiæ minoris & Parthos, ita nunc afficit Hircanos & Armenos & Ægyptum quia nunc ingressus est Geminos. Et ita cor Scorpii cum olim esset in Scorpio, afficeretque Syriam & Mauros & Capadocas, ita nunc afficit Hispaniam, & Celticam Galliam, ubi est Lutetia, & Normanni, & Neustrij, & quos vocant Britannos Galliæ: fecit querapaces & subdolos qui alioquin antiquo tempore erant boni socij, quia erat sub Sagittario, & nunc stella illa quæ maximam significat auaritiam & credulitatem atque audaciam Sagittarium ingressa est. Ita loca stellarum in signifero quæres, & vires illarum signis ascribes.

Præterea ea loca signiferi potissimum consideranda de magnis vrbibus quæ metropolis dicuntur, per quæ in harum extructionum principiis, ut in genitura hominis, ferri Solem ac Lunam animaduersum, ubique ex cardinibus præcipue horoscopus fuit. Quarum autem tempora extructionum non comperiuntur, videndum quo cadat M. C. in genitura Principum ac Regum, quæ quoque tempore rerum potientur.

Hæc est secunda pars in qua docet denotare ex prouinciis ad ciuitates metropolitanas, id est, principes aliarum ciuitatum: Veluti in Italia Roma, Venetiæ, Mediolanum, Neapolis, Florentia, Sena, Ferraria, Mantua, Genua, Luca, Taurinum, & quæcunque tales seu imperent aliis vrbibus etiam quod alieno Regi pareant, ut Mediolanum & Neapolis, seu non pareant ut Venetiæ, seu nullis imperent vrbibus libertatem tamen suam tueatur, ut Luca. Metropolis nomine intelliguntur. Nam reliquæ ciuitates quæ neque per se reguntur, neque aliis imperant, fortunam Metropolis maxima ex parte sequuntur. In omnibus igitur his quæ quomodo seorsum aliquid habent principatus, ut in Mediolanensi reginne Papiæ atque Ctemona, iubet Ptolemæus principalia loca debere obseruari erectionis illius ciuitatis tanquam in genituris. Tria autem maxime principalia docet Solis & Lunæ & horoscopi seu ascendentis: nam medium cœli pertinet ad Principem potius ciuitatis, & horoscopus refert ipsam ciuitatem. Si igitur talia loca afficientur, afficietur & ciuitas. Quod si ignota sit constitutio cœli quæ fuerit ædificationis ciuitatis tempore, tunc medium cœli ciuitatem gubernantis in genitura tanquam principalem locum ciuitatis, obseruabis.

Ex hoc habetur pulchra regula: quod ubi habueris & genesim ciuitatis (ita enim nunc manifestioris doctrinæ causa figurarum cœli voco constitutionem declarantem siderum tempore primæ ædificationis) & genesim gubernantis, oportebit medium cœli genesi gubernantis considerare & locum Solis ac Lunæ atque ascendentis genesi ciuitatis conferre, tum inter se pro generali regimine, tum ad eclypsum præcedentium constitutionem. Quod si locus gubernetur ab aliquo proconsule, princeps autem procul absit: tunc permixta erit fortuna ex ipsis tribus, scilicet genesi vrbis quæ primum obtinet locum, inde medijs cœli veri principis, tertio loco medijs cœli gubernatoris. Sed si princeps verus in vrbe sit, vel propè, gubernatoris genesi prætermittenda est.

## TEXTVS XXI.

His præcognitis consequens fuerit  
per



percurrere rationem prædictionum, primumque illas quæ totas regiones vrbesue complectuntur, cuius contemplationis modus erit talis. Non est prior neque potentior causa huiusmodi casuum, quam quæ ducitur à defectiuis Solis Lunæ copulationibus, & transitibus stellarum illarum tempore.

Hæc est tertia pars in qua docet generalem modum & proprium procedendi: de proprio agit ibi: sed prædictionum. In hac igitur proponit duos modos generales, quorum primus pertinet ad locos, & est ut consideremus secundum tres illas divisiones, scilicet an hoc erit in regione calidissima vel frigidissima, vel temperata: deinde per trigonos & signa in qua provincia illius partis. (Sed maximè temperatam habet in consideratione) Tertio in qua metropoli illius provincie. Propter quod sciendum est quod ubi concordaret ciuitas cum constellatione & non concordaretur provincia effectus contingeret. Sed nunquam poterit provincia concordare quin etiam quadrans ipsum concordet. In hominibus autem etiam quod concordaret generis propria & non concordaret ciuitas in qua est homo, nihil erit. Et propter hoc credo quod eclipfis illa in Tauro, in parte horoscopi mei anno 1539. nihil egerit, quia non concordabat cum ciuitate Mediolani, ubi ego eram & habitabam vel propè. Nam nulla fuit pestis aut magna calamitas ab eo tempore usque nunc in tota regione Mediolanensi in qua perpetuò habitauit. Et ex hoc patent duo corollaria primum quod non afficiuntur homines à generalibus constitutionibus, nisi afficiatur ciuitas. Ciuitas tamen afficitur etiam quod constitutio non adiungatur provincie signo, & non potest adiungi provincie signo, nisi prius consentiat cum illo ex octo trigonis in quo est provincia, & non potest affici trigonus, nisi tota afficiatur pars, scilicet quæ vniuersalis, & in qua trigonus continetur. Causa autem cur absque testimonio trigoni loci deliquij affligitur ciuitas, non autem provincia, est quia ciuitas habet principium per se, provincia autem non nisi ut est pars quadrantis. Sed de ciuitate & homine est alia ratio, quia ciuitas potest pati pestem & excidium per se, quia cum sit res vniuersalis respicit constellationem vniuersalem, per se absque provincia, homo autem non potest pati pestem aut excidium absque excidio, aut peste ciuitatis: Quia cum sit singularis non est subiectum proportionem respondens causæ vniuersali. Similiter est animaduertendum signum ascendens pro ciuitate, nam si congruat provincie aut loco Lunæ, aut Solis, aut horoscopi ædificationis, augebit effectum. Quia cum locus deliquij non sit nisi vnus, non potest concordare nisi cum loco principali ciuitatis, nec posset concordare vel cum provincia, nisi ubi ciuitas haberet ascendens ipsius provincie, sed hoc non

Tom. V.

semper ita euenit, imò omnes ciuitates vnus provincie affliguntur diuersis temporibus: igitur concordia est sumenda etiam ab ascendente. Sed Ptolemæus commemorauit solum principalem locum qui est deliquij. Manifestum est igitur ex ista demonstratione quod non est necessaria concordia provincie, ut ciuitas deliquio subiiciatur. Secundum, quod quilibet potest euadere à talibus infortuniis generalibus mutando regionem, nisi sit omnino connexus per ascendens aut significatores primos.

Secundum autem vniuersale est quod ducitur ex causis ipsius effectus: & illæ erunt eclipfes primo Solis vel Lunæ: deinde stellæ quæ loca eclipsum respiciunt, aut quæ simul ascendunt, aut in cœli sunt medio. Nihil autem refert seu transitibus scribas, seu circuitibus, quod Græca dictio sonat.

## TEXTVS XXII.

Sed prædictionum huius partis, vna est localis, quæ continet præscientiam regionum ac vrbium, quibus intenditur significatio particulariter defectuum luminarium, aut concurrentes stellarum menstruationes, quæ sunt Saturnus, Iupiter, Mars cum stationarij fiunt.

In parte hac declarat primum proprium quod ad locos pertinet, quod sumitur ex defectibus luminarium aut stationibus trium superiorum, quoniam ut dictum est, vix inferiores dicuntur habere stationes, cum fuerint superiores hi domini loci eclipfis, vel in ipso loco eclipfis, vel in aspectu ipsius eclipfis, vel exoriantur hora eclipfis & maximè si cum horum vno fuerint in stationibus, aut oriantur chronice, id est, vespere, in opposito Solis: aut occultentur ita ut sint quatuor status horum principales, & tres qui accedunt.

Notandum quod eclipfis quanto maior fuerit, tantò ipsa est generalior: & generaliter, licet non semper, certum Lunæ proximius est ipsaque Luna ecliptica: imò ferme necessarium est cum eclipfis generalis fuerit ut Luna circumferentia extremitate saltem tangat eclipticam: ideoque effectus fiunt vehementiores atque generaliores, tum verò diuturniores.

Notandum etiam quod ex deterioribus concursibus quæ in cœlo fiunt est coniunctio Saturni & Martis in Cancro, cum deliquio coniungitur: quoniam Saturnus cadit à domo, Mars ab exaltatione, & Saturnus corrumpit effectus Lunæ quæ ibi habet domum, & Mars corrumpit effectus Iouis qui ibi exaltatur. Et Martis calor in signo æstiuo augetur & Saturni frigus propter Lunam: & est signum propinquissimum vertici hostio & quadratum respectu Arietis quæ dominatur in Europa quamuis non in Italia. Est etiam signum quod præest mari & morbis serpentibus, ut elephantiasis & paruis ut carcinomati & phagedenæ.

R 2 TEXTVS



## TEXTVS XXIII.

Altera est temporalis, qua comprehenditur & significationum tempus, & durationis magnitudo.

Hoc est secundum proprium, quod continet duo genera temporis dilationis & perseverantiae. Exemplum: sit eclypsis aliqua Solis decima Maij alicuius anni, quæ durat vna hora & tertia parte horæ, & distat ab occasu quatuor horis ad vnguem: tunc dicemus quod initium istius effectus eclipsis erit, post quatuor menses à tempore ipsius eclipsis propter quatuor horas distantia: Et quod durabit anno & tertia parte anni: & ita de tempore magnitudinis effectus. Hæc autem inferius aperte declarabuntur.

## TEXTVS XXIV.

Tertia generalis, in qua inest cognitio, quibus quidque rerum generibus aduenturum sit.

Vult declarare in ea parte genus materiae, seu subiectum in quo erit futurus euentus, scilicet an erit in terra, vel in aqua, vel in aëre, vel in arboribus, vel fegetibus, vel in piscibus, vel in serpentibus, vel in auibus, vel quadrupedibus: & sunt genera decem subiectorum hominibus additis. Sed hominum genus diuiditur per sexus, ætates, leges, conditionem & qualitatem. Sexu an in masculis, an in fœmininis? Aetate an in pueris, an in iuuenibus, an in senibus? Lege an in Christianis, an Mahumetanis, aut reliquis? Conditione an in infima plebe, an patitiis, an magistratibus, an principibus? Qualitate an in biliosis, vel pituitosis? vel sapientibus, vel rudibus? vel ociosis, vel exercitatis? vel artificibus, aut agricolis?

Denique ex tot conditionibus dum vna alteram contrahit ad ipsa fermè singularia peruenimus, & distinctè poterimus diiudicare de genere patientis.

Notandum circa intellectum propositorum & perfectionem eorum quæ tractantur à Ptolemæo, quod quinque sunt necessaria in omni actione: agens & est principium vt deliquia & stellæ cum illis coniugata: patiens & est genus materiae, de quo nunc dictum est, & locus de quo loquetur in capite sequenti: & tempus de quo diximus quod habet duo genera dilationis & perseverantiae: & qualitas effectus de quo in sequenti textu. Ergo Ptolemæus nihil addidit superfluum neque defecit in aliquo necessario.

## TEXTVS XXV.

Quarta & vltima specialis, qua definitur singulatim modus venturorū.

Hæc autem sunt velut casus domorum, læsiones à serpentibus, faces, & cometae in cœlo. pestis, bellum naufragia, inundationes, sterilitas, seditiones, atque talia.

## CAPVT V.

## TEXTVS XXVI.

*De Regionibus quarum sint significationes.*

**P**rimam igitur quam diximus localem ita explicabimus. In copulationibus enim defectiuis Solis & Lunæ, præsertim euidentibus, considerabimus defectuum signiferi locum, itemque conciliationes cum signis regionum per triangula. Item quid habeat consensum cum loco defectiuo signiferi, siue in vrbium primis extructionibus, siue ab horoscopo, siue ab illis locis quæ tum lumina occuparunt, seu M. C. eorum qui iam rerum summæ præsent. Quibus conciliationibus repertis, decernemus euentus omnino ad illas quarum fuerint regiones pertinere, inque primis si cum signo defectiuo coniungantur, & si ipsis deliquium supra terram exiitens apparuerit.

Lunæ deliquia fiunt interposita terra inter ipsam & Solem, quo fit vt cum ipsa soleat lumen à Sole recipere, non recipiat, & fiat obscurior, non tamen planè obscura, sed quasi rubra: quia præter lumen Solis & ipsa quippiam habet luminis quo luceat velut obscura pruna. Cum igitur Luna delinquit, cum vere lumine Solis priuetur, modo ipsa sit super terram, deliquium eius videri potest. At de Sole non eadem est ratio, quippe Sol delinquit Luna interposita inter ipsum & terram, quo fit vt lumen Solis intercipiatur ab oculis nostris, non tamen ab ipso Sole anfertur cum sit ipsius proprium. Itaque contingit Solem esse supra terram & deliquium pati apud quasdam gentes, apud alios autem non, propter aspectus diuersitatem. Vt igitur locus à deliquio affici debeat in Luna, duo sunt necessaria: vnum quod Luna tunc temporis in hemisphærio superiore illius loci sit, & cum prouincia illa concordet signo vel trigono saltem: secundo cum ciuitate in Solis loco, vel Lunæ, vel ascendentis, vel cum medio cœli illius qui regit ciuitatem ipsam. In Sole verò necessarium est præter id quod sit super terram & conueniat locus eius prouinciæ vel ciuitati, vt illi parti prouinciæ atque ciuitati eclipsis ipsa appareat. Fieri enim potest vt diximus quod quamuis Sol ipse deliquium patiatur & sit supra hemisphærium alicuius gentis, attamen propter aspectus diuersitatem gens illa deliquium nullum Solis patiatur, sed Solem totum, clarè, lucidum atque liberum intueatur. Quo fit vt duæ maximæ dubitationes emergant necessariae admodum, quarum altera est.

Quod si eclipsis necessaria est vt videatur illi



illi genti, igitur vis eius non consistit in hoc quod ambo luminaria sub eadem linea ferantur quæ eclyptica nominatur: Quandoquidem & in eclypsibus tam Lunæ, quam Solis quæ sub terra fiunt, Luna sub eclyptica semper sit, aut valde propè: Et in eclypsibus Solis quæ supra terram fiunt ab aliqua tamen gente non videntur propter aspectus diuersitatem, Luna etiam sub eclyptica eodem modo sit, aut valde prope: nec tamen vllam eius rationem habendam censet Ptolemæus, nec illarum quæ sub terra fiunt. Quinimò magnitudinem eclypsium Ptolemæus pro magnitudine provinciarum & vehementia effectuum metitur: & tamen contingere sæpe solet in Solaribus eclypsibus ob aspectus diuersitatem vt maior fiat obscuritas ipsius Solis dum Luna aliquantulum ab eclyptica recedit: longè verò minor dum sub ipsa linea exquisitissimè fuerit. Ergo vis deliquij in luminis defectu consistit, & non principaliter in appropinquatione Lunæ ad eclypticam: Non tamen negauerim etiam illam propinquitatem aliquid facere ad effectus magnitudinem. Sed illud quod Haly impulit ad credendum quod principalior causa effectuum deliquij propinquitas esset Lunæ ad eclypticam, fuit quod defectus est priuatio, & priuatio inter causas agentes referri non potest. Præcipuè verò quod Ptolemæus deliquia non solum inter causas malorum, sed etiam bonorum refert. Ergo dicendum est quod per deliquia luminarium lumen ipsum quod ad nos transit (nam neque vnquam Luna, vt dixi, ex toto priuatur lumine & multo minus Sol, sed in maximis deliquiis quod corpus Lunæ perspicuum sit adeò vt Venus per ipsam intueri possit, vt in physicis declarauimus, lumen croceum ad nos deueniat) affectum externa qualitate immutat & concutit partes orbis loco in quo est, addictas. Fieri igitur non posset vt si deliquia lumen auferrent vt inter causas agentes & præsertim bonas numerari possent. Sed non auferrent lumen ipsum, verum immutatur, ideoque hæc mutatio tum bona esse potest quam mala, sæpius tamen mala.

Secunda dubitatio est quid per consensum intelligat cum loco defectiuo signiferi? Respondeo quod in provincia vult quod sufficiat, quod sit ex trigono illo: Sed in ciuitate oportet quod conueniat ex signo eodem: quia conuenientia hæc sumitur à loco Solis vel Lunæ vel horoscopi. Cum igitur sumatur ex tot locis si non referentur ad signum solum deliquij, sed ad triangulum, fieri non posset fermè, vt vlla ciuitas illius provincie ab eo effectū esset immunis, quod tamen rarissimè contingit. In provinciis autem ob id consensus trianguli solus sufficere potest, quia ipsæ regiones non certam habent rationem, qua verè signo subiiciantur: Sed solum illam communem quæ dicta est: At ciuitates genesim vt dictum est habent. Propterea in ciuitatibus vel illarum principibus signi consensus requiritur, trianguli non sufficit, in provinciis autem sufficit.

Si autem deficiat origo vrbs, accipiemus loco eius decimam principis. Verbs enim est

Tom. V.

regnum Principis aut pars eius: decima autem regnum Principis significat sed tunc hoc infortunium contingat causa principis, & significat in Metropoli regni magis ob id aut in parte.

Notandum etiam quod si consensus fuerit ex gradu, deliquij effectus erit validior & certior: sin ex paucis gradibus, eo minor quo magis disteterit locus deliquij à loco principali ciuitatis. Similiter & magnitudo deliquij in plures partes signi consensum extendit: ita tamen vt nunquam totum signum prætergrediatur. Habenda est etiam ratio cuius luminaris deliquium sit: nam deliquium Solis in plures partes extenditur signi quam Lunæ: Et vt extenderit, maiores etiam effectus facit: Lunæ verò etiam si extendatur in extremis effectus, multum virium amittit. Facit & vt dixi aliquid propinquitas Lunæ ad eclypticam. His quatuor modis effectus deliquiorum magis aut minus extenduntur in eiusdem trigoni partibus: Et ad plures aut pauciores ciuitates, maioresque aut minores effectus produciunt.

## CAPVT VI.

### TEXTVS XXVII.

#### *De Tempore euentuum.*

Sed temporalis tractatus qui conspiciatur significationum tempus & durationem, talis est. Cum enim quæ deliquia eodem tempore accidunt, non soleant apud omnes vbi que habitantes eisdem horis inæqualibus consummari, nolo autem & Solis & Lunæ deliquia intelligi, neque etiam obscurationem, nec durationem pariter intendi, primum in vnaquaque regione cuius situs ratione comprehensus est ad horam deliquij, poli altitudinem, & cardines tanquam in hominis genitura experimentur, deinde exquiretur quot horarum æquinoctialium in vnaquaque comprehensa ratione regione duratio sit obscurationis. His enim constitutis, quotquot horas æquinoctiales inuenerimus, tot in solari quidem deliquio annos, Lunari verò menses duraturos effectus pronuntiabimus.

Duo sunt genera horarum: vnum quidem quod vocatur æquinoctialium seu æqualium, & est temporis spacium quod est vigesima quarta pars eius quo Sol ab ortu ad ortum redit, seu à meridiè ad meridiem: alterum vocatur inæqualium & sunt duodecima pars

R 3

temporis



temporis ab ortu Solis ad occasum, seu diei artificialis: quàm palam est & pro varietate temporis & regionis variam esse. Siquidem in æstare longiorem quam in hyeme, & apud Scotos, quàm apud Italos. Quibus cognitum, manifestum est deliquia tam Solis quàm Lunæ neque eisdem horis inæqualibus terminari, id est, durare apud omnes gentes: atque id est primum. Neque eisdem horis inæqualibus incipere apud omnes aut desinere: hoc enim diuersitas facit meridiani, quandoquidem prius apud occidentales incipit ac desinit illud, diuersitas altitudinis poli: atque id secundum est. Neque æqualium horarum comparatione æqualiter incipiunt: prius enim apud occidentales, ut dictum est, atque id est tertium. Neque in solari eclipfi æquale tempus est apud omnes, atque id quartum est. Solum quantum superest, quod est commune omnibus gentibus, scilicet tempus horarum æqualium eclipfi Lunæ idem esse. Placuit autem Ptolemæo exemplum solum primi dare: quanquam litera hæc diuersis modis legi soleat: dummodo tamen quinto non legatur, verissima est. Quod verò de obscuratone ac perseverantia dixit, iam ad tertium sensum & quantum referri debent ac si diceret eclipfes Solis ac Lunæ apud omnes gentes in eisdem horis inæqualibus non perficiuntur, neque obscuratio aut duratio eodem tempore, vel horis æqualibus incipiunt aut perficiuntur: hoc autem postremum ad tertium modum pertinet. Quod si ad Solem solum referas ut Haly facit, posset ad quartum referri modum. His intellectis, figura fiat dicit Ptolemæus quemadmodum in genesi erectis quatuor cardinibus: inde consideretur quantum temporis intercedit inter initium, finemque deliquij, quotque erunt æquinoctiales horæ in Sole deliquium patiente, tot erunt anni effectus, & pro partibus horarum partes eadem anni: Luna verò pro singulis horis atque partibus menses totidem exposcit. Ex quo patet quod cum effectus magni procedant ab eclipfi Solis, & eclipfis Solis non possit durare plus duabus horis & media æqualibus, quod nulla magna calamitas potest durare, plus duobus annis cum dimidio. Verum nec leuiore possunt plus durare quia fiunt à Luna deliquium patiente, Luna autem licet in deliquiis tres horas cum dimidio possit excedere quia tamen menses significat non potest producere calamitatem.

### TEXTVS XXVIII.

Cæterum exordia ipsa & vehementiores progressiones cognoscuntur ex loci defectui habitu erga cardines. Nam cum locus ille inciderit in orientalem finitorem, significat euentuum exordia circa primos quatuor sequentes statim deliquij tempus menses futura esse, vehementiores autem progressus in primo triente totius durationis affectionalis. Sed si

inciderit idem locus in Med.C. exordia erunt proximè sequentium mensium & trientis medij totius durationis. In occidentali autem cardine significantur exordia vltimorum quatuor mensium & vltimi trientis totius durationis futura esse.

Hoc est secundum, & sumitur ab horis inæqualibus, docetque duo simul inuenire, tempus initij euentus & magnitudinis. Et est ut videas quo in parte contingit locus eclipfi, id est, initium eius: quod quidem initium potest esse sub terra. Sed tamen melius est ut existimemus propterea verba capitis præcedentis (supra terram existens apparuerit) quod sit ab initio orientis vsque ad occasum, diuidendo per duodecim horas quas vocant temporales seu inæquales, & secundum totidem horas menses numerentur. Ut pote si disteterit ab ascendente quatuor horis, initium erit quarto mense. Vel melius, ut medium ipsius deliquij pro tempore eclipfi statuas, & videas figura constructa cui cardini propius sit: Et si fuerit propius ascendenti, continget euentus ille in primis quatuor mensibus: & si occidenti, in quatuor vltimis mensibus. Deinde dicit quod eadem ratione si deliquij locus medio eius tempore quo scilicet maximum est fuerit, propinquius ascendenti, effectus maximus apparebit in prima tertia parte temporis ipsius effectus: & si medio cælo vltro citroue, in secunda tertia parte temporis effectus: & ita si propinquius occidenti, in tertia & vltima parte. Exemplum sit eclipfis Solaris, cuius tempus deliquij sit vnus horæ cum dimidio: & palam est quod significat effectum qui durabit anno cum dimidio: cadat igitur locus deliquij tempore maximæ obscuritatis iuxta ascendens alicuius regionis, tunc initium talis effectus puta pestis significatæ per tale deliquium, continget in primis quatuor mensibus, & per primos sex menses sequentes erit validissima, deinde mitigabitur paulatim donec compleantur decem octo menses ab initio in quo pestis incepit: Seu ante viginti duos menses post tempus eclipfi. Rursus sit locus deliquij iuxta cor cæli magis quàm orientem vel occidentem: tunc incipiet effectus seu pestis inter quartum & octauum mensem ab hora deliquij, & per sex menses sequentes, scilicet vsque ad quartum decimum ferme ab hora augebitur mediocriter, deinde sex aliis mensibus sequentibus fiet maxima pestis: post reliquis sex mensibus ita declinabit, ut post vigesimum sextum mensem tota finiatur. Rursus sit ut illa eclipfis cadat in occidentem, tunc effectus incipiet ab octauo mense vsque ad duodecimum, & per duodecim menses sequentes erit valde magna, sed in vltimis sex mensibus sequentibus qui ferme terminabuntur ad trigessimum mensem, erit maxima pestis. Ex his sequitur quod nullius eclipfi effectus potest extendi vltra tres annos cum dimidio ab hora ipsius eclipfi. Et hoc erit quando fuerit



fuerit maxima eclypsis Solis, quæ non attingit duas horas cum dimidio, & fuerit in occidente: tunc enim incipiet in fine anni ab hora eclypsis, & durabit duobus annis cum dimidio ferme, & ita extendetur effectus usque ad tres annos cum dimidio. Eclypsis verò Lunæ eadem ratione quando fuerit maxima & in occidente, non poterit effectus eius extendi ultra sexdecim menses, scilicet duodecim dilationis & quatuor operationis. Opinio igitur Ptolemæi est quod omnium eclypsum effectus incipiant intra primum annum ab hora eius. Haly verò deceptus est existimans quod posset proferri in deliquiis Solis, usque ad duodecimum annum propter auctoritatem in Centiloquio quam credidit esse Ptolemæi, quoniam falsò illi ascribitur. Similiter & deceptus est quod protulerit effectus eclypsum in multos annos, cum id facere non possint, neque secundum Ptolemæi opinionem ultra duos cum dimidio, ut dictum est, extendantur. Quod verò medium eclypsis & non initium assumamus, rationem habemus ex præcedenti capite, cum dixit (In copulationibus enim defectiuis Solis & Lunæ præsertim evidentibus considerabimus defectum signiferi locum (nam coniunctionem luminarium seu copulam præsupponit: hæc autem non fit nisi in medio eclypsis. Secundo, quia evidentia quærit, evidentissimum autem medium, non initium ipsius deliquij. Præterea non loca, sed locum considerare docet: sed si initium considerare oportet & finem, par enim est ratio utriusque.

## TEXTVS XXIX.

Verum particularium, remissionum intentionumque iudicia fient de intercedentibus toto tempore luminaribus copulationibus, cum in locos auctores effectionis, aut illis configuratos inciderint, deque aliis vna exorientibus stellis effectionis designatricibus, cum aut in emersionibus, aut occultationibus, aut stationariæ, aut noctu emicantes, configuratæ cum auctoribus effectionum locis fuerint. Emergentes autem vel stationariæ intendunt eventus, dum verò occultatum se eunt aut splendore Solis obruuntur, nocturne emicantes, & de eventibus remitti aliquid solet.

Docet hæc in parte singularia tempora in quibus effectus eclypsis iam inchoati augentur, aut minuentur duobus modis, aut per interlunia seu plenilunia, vel quadratas radiationes luminarium, cum in locos auctores effectionis, id est, in locos eclypsis aut illi configuratos, id est, ex trigono respicientes inciderint. Atque hæc pulcherrima est regula, quoniam multi decipiuntur existimantes luminarium coniunctiones & aspectus semper debere aliquid adiungere effectui

iam per deliquium designato: cum tamen plerumque potius minuant. Namque si concordauerint, augebunt: si non concordauerint, non solum non augebunt, sed dum quippiam semper faciunt, aliud faciendo minuant.

(Deque aliis) Intelligit stellas quæ cum loco deliquij concordarunt: Concordia est, ut inferius docebit, cum dominatur Planeta è domo vel altitudine, vel trigono, vel fine, vel respicit locum. Si igitur quæ disponunt stellæ noviter emergant, aut occultentur, aut stationem ingrediantur, vel noctu emicent, vel minuunt affectus. Augent quidem emergentes è Solis radiis haud dubiè, quia lumine & motu aucti sunt. Augent & in stationibus, quoniam licet debiliores sint, quia tamen firmi in vno loco, plus operantur: Debilis enim assidue assidens plus operatur, quam validus vagans. Propterea ad fortunam bonam malamve etiam in genefi stantes Planeta plurimum valent, quoniam inuariabilem decernunt. In animi autem viribus & corporis non idem possunt quia sunt imbecilles. Dum verò occultantur dispositores Planeta, imbecilliores reddunt effectum. Et similiter noctu emicantes, id est, cum Sol occidit. Planeta qui in oriente lucet is est occidentalis, & in die exortus, imò etiam retrogradus, is factus est imbecillis (Intelligit autem de superioribus tantum tanquam manifestioribus, nam status inferiorum obscuri sunt valde & implexi) idè effectus minuant.

Illud animadvertendum est quod de effectibus longioribus non tractat Ptolemæus, quæ spectant ad coniunctiones trium superiorum, maxime Saturni & Iouis, quia effectus tardiores sunt, & non adeò evidentes: qui potius ad prophetas pertinent, quam ad Astrologos. Hi tamen effectus, ut dictum est, ab ipsis eclypsis augentur ac minuantur, vel etiam ad actum deducuntur.

## CAPVT VII.

## TEXTVS XXX.

*De Genere euentuum.*

Tertio loco propositum fuit cognoscere in quæ genera rerum euentus exituri. Hoc ipsumprehenderetur & de natura signorum & de forma in quas loci deliquiorum inciderint, horumque locorum dominarrices stellæ, cum vagantium, tum fixarum, hæc & de ipsius deliquij & de cardinali signo deliquij sunt intelligenda.

Genera accidentium descripsimus superius esse res subiectas quæ bifariam sumuntur, aut ex loco deliquij, aut Cardinali signo: locum deliquij nemo ignorat qui sit: Verum signum



Cardinale appellat illud quod est in angulo sequente eclipsem, hoc enim in presenti capite inferius declarat. Manifestum est autem quod nullus angulus potest sequi locum eclipsem, nisi cœli cor & ascendens. Si enim eclipsis fuerit inter cœli cor & occidentem, cor cœli erit signum Cardinale: sin autem inter ascendens & cor cœli fuerit eclipsis, erit signum Cardinale, signum ascendens. Horum vnumquodque quadrifariam imò quinque modis accipi debet: primum de natura signorum, utpote si sit in signo masculino diurnoque, aut fœminino vel nocturno, æquinoctio, æstive, tropico, morbili, fixove, imperante, obediēte ac intuentē, vel trigono. Secundum à forma non in nono orbe, sed in octavo stellarum, avis, piscis, quadrupedis, humanaque. Tertium à dominis locorum, puta domus altitudinis, trigoni & finis. Nam ut sæpe dixi hæc solum sunt genera principatus stellarum. Quartum si quæ erraticæ in ipsis locis sint. Quintum si quæ pari modo fixæ sint in eodem loco. Atque id plurimum potest in regionibus quæ plurimum distant ab æquinoctiali: Nam fixis magis reguntur quàm erraticis. Hodie quæ est vigesima sexta Iulij 1552. hora sexta à meridie in Scotia Edimburgi dum essem, nebula tantum in aëre apparuit, ut homo ab homine dignosci non posset, neque tamen id frequens, cum iam mense ab hinc expleto nihil tale visum sit (nam iam illum exegimus) nec tamen Luna ullæ planetæ iungebatur, nisi quis velit dicere Venerem Mercurio iunctam aut tardius, quàm in Ephemeride, aut Solem Ioui celerius. Sed mihi profecto in causa fuisse videtur quod Luna eo in parallelo coascendit spicæ Virginis primæ magnitudinis stellæ naturæ Veneris & paruum Martis, quæ iuxta eclipticam posita est, eratque cum quadrilatero Virginis naturæ Mercurij Venerisque quæ & ipsæ iuxta eclipticam erant. Et rursus coascendit cum stella secundæ magnitudinis quæ est in Corona boreali quarta parte & minuto decimo octavo Scorpionis, boreali latitudine partium ferme quadraginta quinque, naturæ Veneris atque Mercurij. Itaque constat quantum fixæ stellæ possint, erraticæ quidem ab æquinoctiali ad tropicos maximè: fixove, à polis ad quos declinant vsque ad suos circulos: in temperata regione ut magis ad hanc vel illam extremarum appropinquaverint: Et pro magnitudine & luce & situs rectitudine supra regionis verticem.

### TEXTVS XXXI.

Dominatio autem stellarum erraticum ita colligitur. Quæcunque enim pluribus modis utriusque loco, id est, deliquij ipsius & hoc sequentis cardinis adiungi cernetur, ea sola dominationem occupabit. In hoc autem considerantur proximæ & apparentes accessus & deflexiones, ratione comprehensæ figurationes, itemque

domiciliorum, triangulorumque potestas, vna cum altitudine & terminis.

Tres ordines pulcherrimos proponit: Primus est in genere coniunctionis corporum, & est applicatio & defluxus. Secundus in genere radiorum, & sunt sex: quatuor tantum tamen commemorat, & duo prætermittit tanquam nota Tertius ordo est dominij: qui diuiditur in quatuor. Ut autem primum singula discutiamus, sciendum quod corporis vis validior est quàm radij: Et ideo primus ordo sumitur à corpore, & diuiditur in applicationem & defluxum quarum applicatio validior est defluxu. Secundus ordo est validior tertio: quia radij sunt magis res secundum naturam, quàm potestas: Nam potestas est inuenta quadam ratione generaliore & ad aliquid dicta seu comparata. Ergo secundum ordinem, in species sex diuidere licet: validior est oppositio, inde quadratus, inde trigonus, post sextilis, post intuentia & imperantia: quamvis de his non constet an sextili debeant præponi. Hoc tamen infra videbitur. In tertio ordine præponit domum trigono, & trigonum altitudini, altitudinem verò finibus. Itaque tria sunt genera per ordinem posita, coniunctio, aspectus, potestas: genere quidem se præcellunt, sed non semper species speciem. Ordo autem specierum talis est. Primum est applicatio: Secundum defluxio: Tertium oppositio: Quartum quadratus in contrariis, & trigonus in similibus: Quintum est quadratus in similibus, & trigonus in contrariis: Sextum sextilis, vel intuentia, vel imperantia: Inde septimum & octauum: Nonum verò est domus: Decimum trigonus: Undecimum altitudo: Duodecimum finis. His intellectis, dicit Ptolemæus, debes videre qui plures habet in utroque loco, scilicet deliquij & anguli antecedentis potestates, is erit dispositor.

### TEXTVS XXXII.

Si vna eademque stella dominium utriusque loci, id est, defectiui & cardinalis sortita non fuerit, præferetur quidem defectiui loci dominus, sed assumetur etiam ille qui præ cæteris utriusque loco pluribus modis de præscriptis adiungi videbitur.

Hanc eandem regulam non satisfacere ubi plures sint domini ex diuersis locis sumpti, sequens textus edocebit. Vbi verò ex eodem sumuntur loco maior minorem obscurat: ideoque vnum tantum sumemus dominum. Hic verò cum ex cardine & ex loco deliquij dominos sumat, si non concordēs fuerint, ambos accipere oportet, scilicet potentiorē in loco deliquij, & potentiorē loco cardinis. Ut sit regula generalis pulcherrima: quotiescumque fuerit vnus locus tantum significator alicuius rei, potentiorē



tentior in illo loco pro disposito accipimus: Si verò duo aut plures loci fuerint significatores, principalis erit qui plus habet potestatis in primo loco, inde etiam illi ex ordine adiunguntur qui reliquis locis primi imperabunt.

Ex hoc manifestum est deliquia quæ in cardine ipso fiunt, maximas vires habere non solum quod idem sit dominus vtriusque cardinis & loci deliquij, sed quod simul fiant. Neque fieri posse ut simul euentus accidat, & idè pestis pleræque & sudor Anglicus ab oriente in occidentem fertur. Et pestis illa maxima quæ iam annis plurquam ducentis in toto orbe sævit. Qui verò sub eodem sunt circulo meridiani & diuersis altitudinibus non eisdem habet angulos orientis & occidentis, quare in illis tempora in his variantur effectus.

### TEXTVS XXXIII.

Sed multis dominationem sibi vendicantibus propter æqualitatem respectus ad vtrunque locum, præponetur reliquis vel cardinalior, vel potentior, vel qui maioris conditionis sectæque fuerit.

Vt igitur ambigua fuerit domini ratio, præponetur ille qui in angulo fuerit: vel potentior, utpote in domo sua, vel altitudine, peregrino; vel qui fuerit maioris sectæ & conditionis, ut directus retrogrado, orientalis occidentali. Verum hæc regula non valde necessaria est, cum raro contingat ut æqualis sint potentie plures stellæ. Illud tamen scire necessarium est, quod si plures æqualibus numero potestatibus præferantur, qui maiorem habebit potestatem eligi debet. Veluti quispiam est domus domus & altitudinis, alius trigoni & finis, primus secundo præponi debet: Secundus etiam habebit aliquid potestatis, non tantum, quantum ille qui in alieno loco potestatem habente dominabitur.

### TEXTVS XXXIV.

Stellarum autem inerrantium assumetur ea quæ loco defectiuo, quasi affederit in præcedente, primum splendore secundum nouem modos demonstratos in primæ compositionis nostræ libris. Deinde vel cardine orientis vel M.C. sequente locum defectiuum reperta.

In fixis autem stellis duos angulos observare iubet, alterum quidem quem eclipsis ipsa sequitur, alterum quem antecedit. Ut si eclipsis inter septimum locum & medium cæli, primum locum obtinebunt stellæ quæ sunt in septimo loco, inde in cæli medio: Quod si eclipsis fuerit inter cæli medium & ascendens, primum locum obtinebunt

stellæ quæ in cæli medio, inde quæ in ascendente. Et ita antecedentes præponuntur sequentibus, eligit tamen vtrunque locum antecedentem & sequentem. Ex his non omnes eligit stellæ, sed quæ lumine præfertur: id est, maximè illustres. Præferuntur autem nouem modis, de quibus locutum fuisse affirmat in primæ compositionis libris, id est, in octauo Magnæ compositionis, quam vocant Almagesti: Vt pateat omnibus hunc eundem fuisse Ptolemæum qui & Magnam scripsit compositionem. Hi igitur modi sunt: Primus ortus matutinus, cum stella cum Sole oritur: Et hic est triplex, aut enim est parum post Solem, aut cum ipso Sole, aut parum ante Solem, & hoc solo potest videri: & si videatur est firmissimus status. Secundus qui dicitur meridiale: est cum Sole oriente stella cæli culmen attingit: Et hic triplex, vel enim postquam ortus est statim, vel in ipso ortu, vel ante ortum subito, & hoc solo stella videri potest. Similiter totidem membra fiunt si Sole oriente stella sit in imo cæli. Hic in genere est validior primo, sed distinguendo tertius est validior sexto. Tertius est cum Sole oriente stella occidit & habet tres differentias, vel post ortum, vel in ipso ortu, vel ante statim: Et hoc solo tertio stella videri potest. Debiliior est in genere & singulatim secundo, primo autem validior nisi quod nonus est debiliior tertio. Tres alij modi principales, scilicet quartus, quintus & sextus fiunt ad vnguem ex opposito, scilicet Sole posito in occidente, aut enim stella est in occidente, & sit quartus modus: tria habens membra ut primus, aut stella est in medio cæli, & sit quintus modus: qui & ipse habet sex membra, tria dum est in medio cæli, & tria dum est in imo, aut stella est in oriente, & sit sextus modus: habens tria membra, septimus modus est cum Sol est in medio cæli, vel in imo, & stella est secum vel in opposito, & ita habet quatuor membra: octauus modus est cum stella oritur & Sol est in medio cæli, vel in imo, & ita habet duo membra: nonus modus est cum stella occidit & Sol est in medio cæli, vel imo, & sic habet duo membra. In vniuersum igitur sunt 32. membra & nouem modi principales, & in vnoquoque modo solum est vnum membrum in quo stella videri potest, & ita nouem modis solum stella videri potest, ita ut Sol & ipsa sint in angulis.

Tunc cum stella est cum aliquo Planeta vel in angulo, considera, si in aliquem horum nouem modorum incidat an non: si non, est debilissima: si sic, considera an non videatur & sit cum Sole, & tunc est etiam valde debilis: Vel si non videtur, nec est cum Sole, tunc est debilis: Vel si videtur & est cum Sole occidentalis: & est mediocris. Vel si videtur & non est cum Sole: & est potens. Vel si videtur & est orientalis à Sole: & est validissima. Hæ igitur sunt sex regulæ inferuientes nouem modis.

Sed dubitatur quoniam in erraticis præponit sequentem angulum & omittit antecedentem, in fixis autem non solum antecedentem



dentem omittit angulum, sed etiam sequenti præponitur. Causa est quia erraticæ cum moveantur ab occidente in orientem magis, locum deliquij superasse videntur, & ad illum ferri motu primi mobilis: At verò fixæ cum valde moveantur ab occidente in orientem videntur in præcedente loco esse robustiores, quia orientales sunt à Sole.

Considerandum autem in locis triangulum domus altitudo finis. Et in his forma vt mox dicet: Situs vt in angulo vel succedenti decima, vel horoscopo proprietates: vt terrestrium vel in aqua degentium. Velut cancri, ranæ & testudines viuunt in aquis, nec tamen habent formam piscium, sed & stellæ obseruandas iubet non omnes, quæ in angulis sunt, sed solum illustres, vel ibi positas, vel in oriente ortas, aut in occidente occidens, vel in medio cœli meridianes: aut quæ in ecliptica sint, aut valde propè etiam si paruæ sint: simul enim ascendunt & occidunt.

### TEXTVS XXXV.

Atque ita animaduersa in stellis authoritate effectuum contemplabimur & formas signorum, in quibus & deliquium ipsum & huius dominatrices stellæ repertæ fuerint, à quorum proprietatibus modi generalium euentum communiter ducitur. Nam quibus signis forma humana tribuitur, siue in signifero, id est, ecliptica intelligantur, siue per reliquos inerrantes appareant, significant euasuros euentus in genus humanum. Aliorum terrestrium formæ quadrupedes, assimilibus brutis, serpentes anguibus & huiusmodi, rursum feræ, immanuetis & noxiis humano generi, mites, vtilibus domitis, operamque & adiumentum commoditatibus vitæ nostræ afferentibus pro cuiusque formæ descriptione, vt equi, bovis, pecudis, ventura portendunt. Præterea septentrionales formæ terrenæ, terræ subitos motus, meridionales nimborum fluxus afferunt. Iam cum loci illi authoritatis fuerint in figuris pennigeris vt Virg. Sagittar. Gallinæ, in aues & volatica, inque primis ea, quæ victui apta sunt, similiter cum natantibus in aquatica & Pisces euentus cadunt. Quæ figuræ si fuerint marinæ vt Canc. Capricorn. Delphin marinis piscibus, classibusque insuper & nauigationibus: sint Fluiatiles, vt Aquar. Pisc. Fluiaticis & Fontanis ventura decernunt. Argo autem vtrunque genus complectitur.

Stellæ quæ dominatur in loco deliquij & cardinis eum sequentis ordine signorum considerat, in quibus signis sint; tum etiam ipsius deliquij locum gratia exempli, ascendat Gemini, deliquium sit in Ariete parte vigesima octaua: Mars & Mercurius principaliter dominabuntur: sed Marti primus locus debetur. Sit igitur Mars in Virgine, & Mercurius in Tauro, exempli gratia, hoc in deliquio, Arietem propter deliquium, & Virginem propter Martem, & Tauri signum propter Mercurium considerabimus. Non quidem signa noni cœli, sed quæ in octauo formantur ex configurationibus fixarum stellarum: Hoc enim nunc tractat. Tria autem in illis considerat, formam, mores, declinationem. Formam vt in volatilibus, piscibus, quadrupedibus. Afficiuntur enim similia similibus: Mores vt in feris & mansuetis, & in nauibus veluti Argo in marinis & fluiatilibus piscibus, tum nauigiis detrimenta aut felicitatem significat. Ex declinatione autem septentrionale, terræ motus: in meridionali autem protendit imbres & tempestates. Hoc autem tam in figuris signiferi quam extra. Capricornus autem mare significat Australe, quia Cancer significat Boreale.

Notandum tamen est quod indicia sumpta à figura stellarum paruæ sunt efficaciam præter pauca, vt fluius & serpens: nam variantur iuxta cuiusque sensum & etiam addito quouis astro: in quibusdam verò experimentum confirmat opinionem, est tamen parum firma iudicatio.

### TEXTVS XXXVI.

Ad hæc repertæ authoritatis stellæ in signis tropicis ac æquinoctialibus communiter aëris & temporis sui statum significant: propriè autem Verum tempus & ea quæ à terra nascuntur. Si enim reperiantur in æquinoctio Verno, iudicio sunt pululationum arborum fructiferarum, vt vitis, ficus, fructuum maturitatis. In solstitio perceptionum frugum & conditionum, peculiariter autem in Ægypto & nili exundationis. In æquinoctio autumnali sationum & pabulariorum & huiusmodi. In bruma oleum & auium ac piscium illius temporis.

Nunc aggreditur signa nonæ sphaeræ: seu quæ distantia ab æquinoctiali vel motu Solis esse intelliguntur potius quam sint (Hæc autem sunt de quibus locutus est superius à capite de anni temporibus vsque ad caput de carpentis, in præcedenti libro) illorumque significata docet. Nam tropica & æquinoctialia aëris mutationem significant, & propriam conditionem satorum & arborum eo tempore. Præcipuè autem æstiuum solstitium vim habet in Nili inundatione. Sed hæc propria



propria Aegypto est. Ipsa autem textus structura clara est.

## TEXTVS XXXVII.

Sed æquinoctialia etiam significationem dant sacrorum & diuinæ culturæ. Tropica mutationum aëris & in rebus publicis morum ac legum.

Præter generalia æquinoctiorum & tropicorum signorum significata Ptolemæus subiungit propria vniuscuiusque scilicet quoniam æquinoctia super status legum dominium sortiuntur. Haly declarat causam dicens, quod in talibus signis fit augmentum diei ac noctis: utpote dum Sol est in Ariete dies augetur: & dum Libram peragratur nox crescit, Itaque, inquit, cum consensus hominum in legibus fiat, consensus autem hominum significetur à signis æquinoctiis: Idè etiam & leges per illa. Sed clarius leges constant mutatione opinionum quæ significatur per signa æquinoctia: quoniam dum Sol est in æquinoctiis signis facit viginti quatuor minuta, quandoque declinationis singulo die, ergo maximam mutationem affert in rebus humanis. At nulla est maior mutatio quam legis promulgatio, quæ plerumque fit aduersus constitutiones Principum & pœnam mortis, & consensus patriciorum & magistratuum. Idè est tanquã fax quædam in mentibus hominum accensa quæ fertur maximo impetu quasi ardens ex cœlo demissa, quam homines hauriunt velut ihianti ore, contempto metu mortis, & gratia principum, ciuilibusque legibus commodis propriis, ac filiorum, ut quidam gaudeant illos contra omnem humanitatem modo constanter pereant) à carnificibus excrucari, ob legis amorem. Est & alia ratio similitudinis, quia initium signi æquinoctij commune est ipsis ambobus hemisphæriis: Leges autem ipsæ solæ inter omnes communes sunt toti humano generi: Idè ergo meritò leges signis æquinoctiis assimilantur atque tribuuntur. Necesse est igitur ut talia signa rebus quæ ad leges pertinent: ut sunt sacra, ceremoniæ, hæreses, emendatio, quàm vocant reformationem, sacerdotia, redditus, Pontificatus, ac talia præsent. Tropica verò signa significant mutationem aëris, quoniam efficacissimæ sunt qualitates illius cum Sol est in eis, caloris vel frigoris: omne autem ut dictum est potentia tale fit princeps illius in toto genere. Veluti quod summam efficit caliditatem caloris princeps est, & illius quantitatem moderatur. Præsent & mutationibus legum & moribus: mutationibus quidem legum quia maximè ab æquinoctiis distant tropica, & quoniam cum Sol est in eis cursum mutat. Nam si prius ibat ad austrum ubi ingressus fuerit Capricornum redit ad Septentrionem: contraria ratione in Cancro. Mutatio autem morum sit eadem ratione qua mutatio legum, tum etiam quia mutatis legibus, necesse est & mores mutari.

## TEXTVS XXXVIII.

De solidis iudicium fiet fundationum & substructionum. De bicorporibus hominum, ipsorumque Regum.

Ponit duo genera reliqua signorum, nam in præcedenti textu de mobilibus locutus est, hic de fixis & communibus seu bicorporeis, Fixa igitur res significant quæ illis meritò debentur: Debentur autem ædificia, quoniam ita compartum est, ut quæ ædificia manere debent, sub fixis signis ædificentur: Sunt autem fixa, ut dixi ♄, ♀, ♁, ♃. Communia autem significant homines quia ex illis tria sunt forma humana, scilicet ♀, ♁, ♃: significant autem super Reges propter similitudinem, quia Reges plerumque sunt duplicis animi, & valde callidi, & Sagittarius maxime. Et idè poëtæ rectè finxerunt magistrum Achillis fuisse centaurum Chironem, quia reges & Magistratus primò habent faciem humanam ad alliciendum homines & ita audiunt blandè, quos etiam oderunt exitialiter. Inde in recessu cum habeat Sagittarium partem posteriore ferinam, vel quasi non cognouissent, ingrati quosdam, alios crudeliter tractant. Et eos quos tam libenter & auidè amplexabantur, dum illis indigebant, peracto negotio quasi illos non agnoscant, neque admittunt, & admissos non audiunt, auditos superbis responsis repellunt à se. Igitur Reges & homines tanquam duo extrema posuit, sub quibus magistratus etiam intellexit.

Sed & quoniam communia coniuncta sunt ex diuersis non tamen possunt separari: ut Reges ad subditos, & subditi ad reges dicuntur relative coniuncti, nec tamen sunt idem, imò persæpe inimici, nam per reges hic etiam tyrannos intelligit. Sunt autem ex his magistratus etiam ut medijs atque alii significati per Geminos & Virginem: qui quamuis sint subdoli, sunt tamen meliores & sapientiores & humaniores, quorum quidam sunt grati: qui cum Sole, vel Ioue, vel Venere aliquid commune habent: Qui à Sole ob magnificentiam, ut dicatur de eis) non quia auari non sint natura) talis Princeps aut Rex est magnificus: Qui verò à Ioue, sunt liberales & dant, quia existimant tales mereri, Hi autem pauci sunt: Sagittarius autem ut dixi, partem posteriorem ferinam habet. Qui verò à Venere propter innatam quandam mansuetudinem atque beneuolentiam: vel propter persuasionem amicoeum atque hi plurimi sunt: pauciores qui propter Solem: paucissimi verò ob Ionem.

## TEXTVS XXXIX.

Quæ verò tempore deliquij orientali magis positi fuerint, fructibus, adolescentiæ, fundamentis euentura, sed à M. C. templis, rebus ætati virili. Occidentalia autem legum, institutorumque



tutorumque mutationes & senectas casus : & vita functos significant.

Tres ordines nobis insinuat: Vnum quando eclipfis & significator fuerint iuxta orientalem angulum : Secundum cum iuxta cœli medium : Et tertium cum iuxta occidentem. In vnoquoque autem eandem feruat rationem, vt si fuerint iuxta orientalem angulum, significat initia omnium rerum, aut res quæ facile perficiuntur. Ex ætatibus igitur exemplum dat adolescentiam, & tanto magis pueritiam & infantiam. Ex ædificiis eadem ratione initium : Initium autem sunt fundamenta. Fructus autem significat quia facile perficiuntur. Et sic per hæc exempla significabuntur etiam germina & disciplina primæ, vt Grammatica, & Tyrones. In medio cœli perfecta & magnæ authoritatis : Vt est ætas virilis : ea enim perfecta est, & templa & reges qui sunt in magna veneratione. Si verò versus occidentem quæ fuit in extremo vel iuxta extremum : ita tamen vt adepta sint perfectionem. Itaque qui vita functi sunt in extremo iam fuerunt: Senes propè extremum.

Atque hæc significatio generalis est : vt qui habuerint maleficas in ascendente quasi iratas, id est, absque dignitate, difficilem habebunt pueritiam & adolescentiam, & qui beneficas in solio suo in septimo loco splendide senectutem. An verò maleficæ cadentes plus noceant, quàm sine dignitate. Si robustæ sint alioquin aliter minus, nisi certis occasionibus : tum enim insperata exitia afferunt, vt ex his statum syderum intelligere possis: cum tranquillam vitam satis repentina calamitas vt de Priamo fertur exceperunt. Sed si ab angulis cadant non multum metuendum est.

Leges autem & instituta similiter suos fines habent, nam & ipsæ suam perfectionem habuerunt. Indicat autem septimus locus mutationes & interitus : propriè autem leges & instituta quæ sæpius & faciliè mutantur, ob id occidentalis angulus in talibus plurimum potest, quod sæpius illis imperat. Fit autem in omnibus etiam cœlestibus vt sympathia quadam & assuetudine dominium fortiantur atque regant.

### TEXTVS XL.

Cæterum quatenus in depræhensum genus affectiones progressuræ sint, ostendet magnitudo obscuritatis deliquiorum & erga defectuum locum stellarum authoritatem sortitarum habitudines. Nam vespertini erga Solaria deliquia. Matutini verò erga Lunaria, minora omnia reddunt. In oppositionibus autem dimidium demunt. Sed matutini erga Solaria, vespertini erga Lunaria deliquia augent.

Magnitudinem affectus & subiecti declarat : scilicet an si gratia exempli super pueros influxus extendatur, an super plerosque, an paucos, an mediocres. Id verò ex duobus coniectatur ex magnitudine deliquii : magnum enim in plerosque extenditur, minimum in paucissimos. Tum verò ex stellis dominantibus : Atque in his tres status declarat, vnum communem, scilicet quod quando erunt in opposito ipsius eclipfis afficietur dimidium illius generis : In eclipsi autem Solari si fuerint orientales, aut in Lunari occidentales ab ipsa Luna tantò plus dimidio significabunt, quando erunt ipsi eclipsi proximiores, & tanto minus quanto remotiores : quod si in Solari fuerint occidentales, aut in Lunari orientales eo minus quo fuerint propiores ipsi eclipsi. Eademque ratio in quantitate eclipfis seruanda erit: Nam si vmbra perfecta fiat & maxima in Luna quæ fieri possit, totum genus definitum afficietur : si dimidium fiat maximæ vmbre, tunc verò fermè tota Luna eclipfabitur, dimidium definiti generis afficietur. Propterea in eclipsis Solis quantitatem partis obscuratæ obseruabis, in Lunæ autem ipsius vmbre.

## CAPVT VIII.

### TEXTVS XLII.

#### *De modis futurorum.*

Quarto loco proposita fuit à nobis exquisitio modorum præcogniti euentus, hoc est, in bonum ne an malum illi euasuri, & quales per vtrumque in sua specie futuri essent. Hoc ipsum declarat naturalis efficiencia stellarum dominantium in autoritatum locis, & cum ipsarum secutum etiam, cum iis locis in quibus ipsa fuerit commissio.

Erat quartum genus conditionum futurorum qualitas ipsa euentuum. Id autem superius declaratum est. Ex duobus autem venatur, stella quidem dominante in locis, & eas quæ illi commiscuntur : seu quæ commiscuntur & ipsæ domineantur, seu non. Nam prius dixit plures dominos aliquando necesse fore, vt accipiamus. Ponamus exemplum, fiat eclipsis Solis in initio Capricorni, sitque in medio cœli Saturnus disponet : ipse verò sit in decima parte Aquarii, Iupiter verò in nona parte Libræ, Mercurius autem Saturno applicet ex fine Capricorni, tunc hic accipiemus qualitatem significationis à Saturno primum, inde Mercurio, deinde Ioue. Rursus fiat eclipsis Solis in Leone parte quidem vigesima quarta, sit verò tunc Sol in vndecima, ascendat autem in eo finitore Libræ pars vigesima quarta. Quoniam igitur Sol excluditur ab hoc negotio Iupiter donabitur loco deliquij finem ibi habens



bens & trigonum. Saturnus verò cum Mercurio & Venere loco ascendens. Sint autem omnes hi Planetæ in Virginis principio quod signum est domus, altitudoque Mercurij, fiet Mercurius omnium dominus, inde verò Iupiter: post Saturnus, vltima erit Venus. Itaque non tam inspicendum qui Planetæ dominantur, quàm qui non dominantur: pauci enim sunt qui non dominantur. Atque in his qui dominantur respicere oportet ordinem ipsum. Itaque iam vides discrimen loci effectus qui à signo eclipsis & visione eiusdem sumitur: Et temporis quod sumitur à loco deliquij inter orientem & occidentem. Habetur & de subiecto quod ex loco deliquij, locoque stellarum dominantium. Et qualitate euentus quæ sumitur à natura stellarum dominantium deliquio & cardini, & quæ illis commiscuntur: vel radiis, quia dominæ sint locorum in quibus ipse stellæ sint constitutæ.

## TEXTVS XLII.

Nam Sol & Luna vt Principes omnium imperium & edictionom penes se habent, authores effectuum & dominationis ius stellis committentes, ipsorumque stellarum aut vires augent, aut imminuunt. At quibus stellis potestas contingit commisionis earum consideratio demonstrat euentuum modos.

Dat differentiam inter Solem & Lunam & reliquos quinque Planetas, dicens luminaria significant affectionem & magnitudinem ipsius affectionis. Vtpote Sol si deliquium patitur, causa est vt fiat effectus in istis inferioribus & secundum quantitatem deliquij magnitudinis & paruitatis. Et possunt comparari accensione ignis in fornace: Nam cum accensus fuerit ignis in fornace, non significat nisi quod possunt fieri multa medio illius, & quod si est magnus possunt fieri magna, si parvus parua: non tamen an debeant coqui lateres, an liquefcere vitrum, an purgari argentum, an separari ferrum ab are, an commisceri plumbum nigrum albo: & sic de multis aliis. Hoc igitur simile, pertinet ad quinque Planetas, scilicet definire qualitarum euentus.

Sed iam dubitatur quomodo poterimus hos euentus, si in omnibus eclipsis ferme quinque Planetæ dominantur? Respondeo oportere diligenter inquirere, quoniam primus sit dominus, qui secundus, qui tertius, qui quartus, & qui quintus? Nec solum inspicere qui plus dominetur, sed plus possit. Cum enim idem fuerit dominus loci deliquij & loci sequentis anguli, ille prorsus erit dominus & principalis. Quod si non fuerit vnus idem Planeta, si quis locum deliquij aspexerit, aut ad illum applicuerit vel fuerit in sequenti angulo ille erit primus etiam & principalis dominus. Quod si neutrum horum fuerit? inspicemus an alter alterius loco dominetur: & qui Planeta ab aliis Pla-

Tom. V.

netis acceperit testimonia, & illum statuemus primum dominum in hac causa. Et similiter si stellæ fixæ commistus fuerit quæ lucida extiterit & nobilis idem continget. Vltimum est cum nihil horum contingat, tunc primus dominus erit is Planeta qui loco deliquij præest; secundus qui loco cardinis sequentis præfuerit: tertius qui locis in quibus primi duo fuerint.

## TEXTVS XLIII.

Incipiemus autem nunc deinceps singulatim Errantium stellarum proprietates explicare, vbi hoc prius monuerimus lectores huius brevis institutionis nostræ, quod in generali hac mentione quinque errantium stellarum commisionis & efficientiæ similis natura intelligenda sit, siue illa ipsa huius constitutionis suæ locum teneat, siue alia inerrantium, aut signiferi etiam aliquis locus, perinde ac si naturæ hæc & proprietatis ipsarum, non stellarum essent appellationes.

Duorum necessariorum lectorem monet, primum quidem est quod cum dicit Saturnus gratia exempli facit hoc, & illud, non intelligit solum ista de Saturni stella, sed de quacunque stella etiam fixa quæ sit de natura Saturni. Veluti quæ in Cato sunt & quædam quæ in Orione. Et similiter debet intelligi de locis signiferi: Velut est finis Scorpionis ratione naturæ signi quæ est frigida & sicca, & termini qui est de natura Saturni. Aded vt hoc nomen Planetæ quod ponet inferius sit nomen commune tam errantibus quàm inerrantibus ac locis. Quia effectus illi tribuuntur naturæ Planetæ, non syderi. Exemplum, rursus quando dicit (Saturnus vbi solus dominationem fuerit sortitus, corrumpit generaliter frigore) est ac si diceret (vbi quæ dominatur stella aut locus in deliquio naturam sortiatur Saturni solum & non alterius Planetæ tunc generaliter corrumpet omnia frigore & reliqua quæ sequuntur) secundum quod docet est.

## TEXTVS XLIV.

Itemque quod in missionibus non solum ipsarum inter se errantium coitus, sed etiam inter has & alias similis naturæ siue inerrantes, siue loca signiferi, necnon quid cum hic errantibus familiaritatis intercedat, inspicere oporteat.

Non oportet solum errantes ipsas ipsarumque missiones considerare, sed etiam missionem cum fixis stellis & cum locis familiaritatem. Et quanquam familiaritatem in-

S

telligamus



telligamus radios atque dominium, hic tamen coniunctionem potius intelligit atque æqualem ascensum. Hic autem est quadruplex vt superius demonstratum est: Vnus est quando sunt & Planeta & fixa stella in eodem circulo paruo, & ex eadem parte, & vocantur intuentia se vt Gemini & Cancer, sic tamen vt partes partibus respondeant vt superius dictum est. Secundus, vt sint in similibus circulis & æqualibus, sed in diuersis partibus declinationum vt vna stella sit Borealis, altera Australis & vocantur imperantia & obedientia, veluti in octaua genitura Venus & Mercurius, sunt cum stellis extra formam Leonis de natura Saturni & Veneris. Et Iupiter afficitur à stella quæ vocatur sequens in dextra vertebra Aquarij, sed parum, quia est parua, & in alia latitudine. Tertius modus est vt sint in eodem circulo magno meridiei: & hic est duplex vel in eadem parte, & sic est validior, vtpote quod sint in medio cœli simul vel in diuersis partibus, vt cum vna fuerit in medio cœli, altera sit in imo. Quarta erit vt sint in eodem finitore & hoc potest trifariam contingere, vel quod simul oriantur, vel simul occidant, vel vna oriente, altera occidat. His omnibus modis Planetæ à fixis vel à locis afficiuntur: Item applicatione, ac separationes ac loco. Fixæ verò etiam radiis à Planeti, afficiuntur.

#### TEXTVS XLV.

Saturnus vbi solus dominationem fuerit fortitus, corrumpit generaliter frigore. Peculiares autem sunt huius cum in homines illa corruptio cadit, morbi diuturni, tabes, marcores, humores, molestiæ & fluxiones, febres quartanæ. Tum exilia, inopia, angustia, luctus, terrores, mortes potissimum ætate prouectorum. Bruta ferè apta hominum vsui comminuit, rebus ipsis morbifera mala infert, vt illis vescentes similia in mala deuenientes intereant. In aëre excitat frigus horrendum, glaciolum, nebulosum, pestilens. Tempestates aduersas, densas nubes, caligines. Item niuis magnam vim non opportunè, sed contrariè, vnde serpentum noxia hominibus multitudo concreta existere consuevit. In fluuiis ac mari communiter, hyemes, naufragia, difficiles cursus, piscium penuriam & interitus, peculiariter autem vorticofos in mari fluctus, & fluuiorum exundationes, & aquarum deprauationes. Terra verò frugum caritatem, penuriam, vastitatem, potissimum earum quæ necessaria sunt ad victum immittit per erucas, locustas, aquarum inundationes, nimborum impetus,

grandinem, aut alia huiusmodi, quæ vsque eo procedunt, vt fame, simili-que perniciæ homines extinguant.

Iupiter solus nactus dominium, generaliter incrementa rebus confert. Sed peculiariter cum euentus in humanum genus exeunt, largitur gloriam, amicitias, tranquillitatem, pacem, rem familiarem auget, corpus animumque componit, cōfiscit dona & beneficia à regnatoribus, hosque ipsos auget ac ornat, facit magnis animis, inque summa felicitatis vniuersæ est author. Animantium reliquarum vtilium ad vitam degendam copiam & abundantiam, contrarium, exitium & interitum procurat. Tempestates reddit salubres ventis & imbribus alerices terrestrium, fortunat classibus cursus, fluuiorum aquas moderatas conseruat, frugum copiam & his similia efficit.

Mars vbi solus arripuit dominationem, generaliter corrumpit feruore, se peculiariter in humanum genus sauit bellis, seditionibus intestinis, carcere, populationibus, tumultibus plebeis, iracundiis principum, & ab his inopinatas mortes infert. Huius sunt æstuentes febres tertianæ, sanguinis eruptiones, morbi acuti, violentæ mortes, in primis ætatis validæ. Item vis, contumelia, iniuriæ, incendia, homicidia, rapinæ, latrocinia. In aëre commouet calidos ventos, pestilentes, tabificos, fulminum iaculationes & flammæ, squalorem. In mari subitas nauium subuersiones per ventos turbulentos, fulmina uæ, aut alia huiusmodi. Fluuiorum aquas exorbet, desiccæ fontes, deprauat latices. Quæ necessaria sunt ad vsum vitæ humanæ animantes eque terra nascentia pessundat, vel pernicioso hæc æstu nondum percepta vastans, vel condita conflagrationibus.

Venus sola domina euentuum generaliter ea efficit, quæ Iupiter cum venustate quadam, peculiariter autem hominibus conciliat famam, honores, gaudia, frugiferos annos. Dat fortunata connubia, copiam liberorum, & gratiam in coniunctionibus, incrementa bonorum, victum mundum, honestatem, reuerentiam, venerationem. Insuper & corporis decorem, & necessitudines gratas potentiorum ac principum. Aëra ventis replet tēperatis, humidis, fecundissimis,



commoda tempestate, serenitate, demittitque imbrium tempestivas pluias. Nauibus felices cursus & successus lucrosos tribuit. Fluminum alueos complet. Animantium vtilitati feruentium & frugum in primis copiam abundantiam commoditates confert.

Mercurius adeptus dominationem generaliter quidem in illius stellæ naturam se insinuat, cum qua fuerit configuratus, est autem omnium maximè impetuosus. Et in iis quæ humana sunt, acer, efficax, accommodabilis, offerentibus se rebus. Vsurpator, atrociorum, furtorum, pyratice inuasionis, contrariorum ventorum susceptor, in configurationibus cum maleficis. Author morborum siccitatis, tertium cottidianarum, tussis, anhelationis, tabis. Habet & sacerdotalem rationem & cultus diuinus, & regios reddit. Habet & mutationes suis temporibus legum ac morum, quasi omnia congruat cum illius ac reliquarum stellarum singularum comissione. In primis ventos turbulentos, vehementes, instabiles, siccitatem aëris & mobilitates commouet, cum de vicinitate Solis, tum celeritate cursus sui. Itaque & tonitrua flammantiaque fulmina immitit, dissipatque ac concutit terram, fulgura ciet. Vnde & interdum perniciosus est aptis vsibus vitæ, animantibus & frugibus: flumina occidens siccet, explet oriens.

Quæ hic traduntur adeò clara sunt vt sufficiat admonere lectorem ordinis ipsius qui bifariam constat: Primum quod beneficæ duæ Iuppiter & Venus semper benefaciunt: Maleficæ autem semper malefaciunt: Sed diuersis modis Saturnus quidem immodicè refrigerando, idè cantharidarum non meminit quod ad Martem potius ob caliditatem pertineant. Mars autem exiccando cum calore, feruorem hunc appellant, Mercurius autem iuxta naturam stellarum quibus commiscetur. Secundus ordo est penes subiecta: diximus autem superius ea esse tria elementa & tria genera animalium in illis contenta: & præter id serpentes, deinde arbores & feges, hominumque genus, quod diuidebatur multis modis. In singula igitur generum horum declarat Ptolemæus quid agat vnusquisque Planeta: distinctèque ita vt alia expositione non indigeat. Præponit autem semper generalem causam effectumque propriis. Venus autem calefacit & humectat: Iuppiter est temperator: Veneris igitur opera

Tom. V.

validiora sunt propter multitudinem luminis, substantiæque innati caloris, ideoque & fecundior, & ad vitæ longitudinem magis opportuna: Saturnus vt dixi frigiditate nocet, inde siccitate: Mars siccitate, inde caliditate.

Notanda est etiam regula quod beneficæ non solum hominibus benefaciunt, sed etiam omnibus animalibus quorum consuetudine homines gaudent, vt equis, asinis, canibus, vel quæ esui apta sunt, vt auiculis & piscibus, & ouibus, & feris esui aptis: veluti capreolis, ceruis, cuniculis: item plantis omnibus propter lignorum vsum. Sic etiam lapidibus in Scotia quæ ardent, item gemmis. Nocebunt autem lapidibus inutilibus, herbis venenosis & animalibus etiam homini noxiis: aut feritate vt Leones & Lupi: aut veneno vt Serpentes & Scorpiones: aut quia edant quod vtile est, vt corui, cornices, mures, locustæ: aut quia sola fœditate sint homini odiosa, vt crabrones, muscæ, pulices, cimices, pediculi, vermes: omnia enim talia minuunt. Quod sit vt cum maleficæ contraria ratione vtilia omnia homini minuant, noxia verò multiplicent: & in regionibus & in annis abundantia istarum sortierum, vt sunt muscæ, vermes, crabrones: itemque venenosarum herbarum in regionibus quidem prauitatem hominum significat, in annis autem periculum pestilentiae aut sterilitatis. Quod si quis dicat quoniam pacto fieri potest, vt tanta bona fiant ab ipsis deliquis qualia beneficæ pollicentur? Respondeo hoc esse interregnum. Cum enim duo sint Reges in cœlo, Sol & Luna, altero delincente subit Planeta qui plurimum potest vices obscurati luminaris. Ergo si beneficus fuerit benefaciet, si maleficus malè atque pessimè. Rursus dices quomodo potest in tam breui tempore stella prouinciæ vel partis mundi dominium suscipere cum nulla eclipsis vt dixi quatuor horarum spacium possit attingere? Respondeo id fieri interrupto luminaris dominio, fauente verò altero luminari. Est autem temperamentum & mistio: non quod solus Planeta absque luminari deliquitum patiente reget. At dices ergo dabuntur stellæ humano generi salubriores ipsis luminaribus? Respondeo non simpliciter id fieri posse nam luminaria plus luminis habent, ergo caloris & humidi vitalis. Inditio etiam est vitæ longitudo, quam decernunt nulli alteri Planetæ comparanda: similiter & robur illius. Sed dicitur benefica magis fauere, quia certo generi fauet, luminaria autem omnibus. Dum ergo luminaria fauent locustis, gratia exempli, sterilitatem inducunt: Dum addunt animos hostibus bellum pariunt: Dum humida terra calorem subministrat reptilia multa gignunt: quæ primum homini infesta sunt, deinde etiam pestem excitant. Non igitur beneficæ meliores sunt simpliciter ipsis luminaribus, sed certo generi cui fauent comparatæ. Fauent autem hominibus & circuribus animalibus ac mansuetis: Maleficæ autem horum inimicis: sunt enim beneficis contrariæ. Rursus

S 2 beneficæ



beneficæ ex hominibus fauent his qui mansuetiores sunt moribus, & separatas habitant regiones. Maleficæ latronibus, feris gentibus atque barbaris. Rursus beneficæ huic provincie vel illi ex temperatis magis utpote Italia: Maleficæ contrariæ utpote Gallia: quæ semper infensa Italia: fuit. Licet nunc Regum moderatione dissensio mitescerit. Similiter & in eadem ciuitate beneficæ huic vel illi fauent, maleficæ illorum inimicos impellunt: Itaque cum luminaria omnibus quasi ex æquo faueant, non dicuntur ad eod beneficæ huic vel illi. Gerunt ergo luminaria vicem regis atque magistratus ex æquo omnia distribuentium, quæ licet plura dent, quoniam tamen communiter dant beneficorum nomen non meruerunt. At Iupiter & Venus amicorum vices semper referunt, ideoque beneficæ appellantur. Saturnus & Mars inimicorum ideoque maleficæ Mercurius medius est inter illos quadrifariam: vel quia modo totus bonus in vna re vel vni alias, vel aliis totus malus, vel quia modo bonus, modo malus vicissim in eadem causa atque in eodem homine, vel vrbe, vel provincia, vel quia partim bonus, partim malus simul: vel quia omnino mediocris, neque bonus, neque malus, neque dans, neque adimens. Est autem propria natura impetuosus ut in mari & ventis: & in humanis actionibus acer, efficax & qui omnibus se accomodat. Hoc autem contingit illi quia celerrimè vertitur in paruo circulo, adeoque ut omnino careat statione. Hoc adiungere volui ut intelligeres quomodo Mercurium dominari, vel in temporibus, vel in gentibus, vel in hominibus cognoscere posses. Sed dices status hi beneficorum sunt cum bene se habent: maleficorum autem cum malè: quid si beneficæ malè dispositæ fuerint? aut maleficæ bene? Respondeo minora omnia fient. Hoc autem docet dicens.

## TEXTVS XLVI.

Vbi igitur peculiari in natura re-  
perta stella fuerit, effectiones quoque  
illam ipsam consequuntur similes.

Peculiarem vocat naturam quæ duo habet: primum quod sola imperet: secundum quod in proprio sit statu ut masculinus Planeta atque diurnus in masculino signo, in quo etiam gaudeat & in die. Id autem continget si orientalis fuerit à Sole & supra terram dum dies est, non nox, ut imaginantur Arabes. Nam vim acquisit cum ante Solem noctu exortus sit. Licet autem hunc appellare primum statum. Secundum autem cum emerferit ante Lucano prope Solem ante ipsum, sed nondum iam emerfit Sol. Tertium cum supra terram est diei tempore, sed occidentalis à Sole. Quartum cum infra terram orientalis in die. Quintum cum infra terram orientalis in nocte. Sextum atque vltimum cum infra terram occidentalis extiterit.

## TEXTVS XLVII.

Sed cum inter se permiscantur cum configurationibus ipsis, tum permutatione signorum & à Sole apparitionibus, consentanea etiam in effectionibus temperatio, & mixtæ variæque proprietates decretorum existunt. Quia verò infinitum, hoc est, neque fieri potest ut vniuscuiusque temperaturæ peculiare decretum doctrina comprehendat, omnesque simpliciter aliquis cuiuscunque modi configurationes tam multiplicis præfertim rationis, exequatur, relinquendum meritò est hæc pars Mathematici in singularum rerum iudiciis gnauitati ac industriæ.

Duo proponit quæ dixeramus: tertium quoque in sequenti adiungit textu: primum igitur est de puritate naturæ ipsius Planetæ, utpote quod sit in signis similibus sibi itemque in bono habitu erga Solem. Ex quo patet quod Planetæ sunt similes magistratibus & Sol Regibus: cum magistratus est in gratia Regis utitur plenè sua potestate. Si verò in illius iram aut odium inciderit boni nihil facit, mala quoque implicat. Secundum est, ut non aliis misceatur Planeta: Si verò aliter contigerit (Per hæc enim multa alia intelliguntur, utpote quod ab angulo decidat quod Lunam venientem ad se non excipiat, sed sit orientalis ab illa) debilis prorsus erit & infelix. Circa quod notandum est, quod apud Ptolemæum non sunt nisi quinque genera status Planetarum: Primus est quo ad Solem: Secundus quoad Lunam: Tertius quoad stellas, & hic est duplex, fixas, & errantes: & horum vnusquisque triplex est, coniunctio & est ratione polorum Zodiaci & ferri in vno circulo, vel respectu verticis, id est, finitore vel respectu polorum mundi, & est in parallelis æquinoctialis: vel respectu vtrorumque, id est, verticis & polorum mundi, & est ferri in meridiano. Quartus est quoad partes cœli, & hic est duplex ratione naturæ signorum, & ratione dominij. Quintus & vltimus est ratione mundi: & hic est duplex vel ratione quatuor quartarum vel ratione propinquitatis ad angulos. Potest & addi sextus: sed de hoc non inuenio quod immutet robur. Et est latitudo ascendens vel descendens meridiana vel Borealis, magna vel parua. Dicit ergo quod hanc mixtionem vel remissionem qualitatum aut argumentum impossibile est penitus describere: quod etiam Galenus in libris methodi, & Avicenna quarta primi testati sunt. Illud ergo industriæ & labori cum iudicio hunc gnauitatem appellat relinquendum Ptolemæus docet. Et hoc est quod rectè dixit Hermes in centiloquio: *ὁ δὲ οὐκ ἔστιν ἀπὸ τοῦ ἀστρονομικοῦ*. Id est scientia Astronomica ex astris habetur, & ex industria, iudicioque tuo.

## TEXTVS



## TEXTVS XLVIII.

Sed hoc diligenter obseruabimus, quis sit stellarum principum decreti respectus, & regionum ipsarum ac urbium in quibus significationes cadent.

Declarat tertium quod supra dixi, & est quod oportet etiam obseruare robur stellarum, quæ illis dominantur: ut pote si è directo sint vel supra capita illorum ferantur, validiores enim effectus facient. Vnde regiones quæ æquinoctio proximæ sunt magis ab erraticis afficiuntur, quæ verò à Borea vel Austro positæ sunt, minus ab erraticis afficiunt: generaliter etiam minus à deliquis eadem causa, ab inerrantibus autem magis. Aliud quod magis refert quod stella dominatrix loci deliquij si loco significato dominetur minus affert malum, seu locus ille fuerit ciuitas, seu prouincia, seu fuerit homo: & hoc est quod dixit Hermes in centiloquio (Cum Mars coniunctus fuerit in Leone cum ascendente domino corpore ipso natus cremabitur, nisi Mars ipse dignitatem habuerit in ascendente vel benefica fuerit in octaua) Ecce vides quod Planetæ non nocent tantum ubi dominantur: Sicut etiam videmus in malis principibus, qui non tam malè tractant suos proprios subditos, quam alienos.

## TEXTVS XLIX.

Cum enim sunt illæ beneficæ & conciliatæ locis obnoxiiis, neque superantur ab aliis diuersæ sectæ, multo magis absoluunt naturæ suæ bonitatem, sicut & alienæ aut superatæ, ab aduersariis minus profunt. Quod si noxiæ hunc principatum cœperint, conciliatæ cum obnoxiiis locis, aut superatæ à stellis aduersariæ sectæ, minus nocent. Quæ cum neque dominatrices regionum erunt, neque superabuntur ab aliis, quæ illarum commendationem accepere, tum vehementiorem suæ constitutionis pestem infligent.

Sensus est cum domini deliquij & cardinis fuerint beneficæ, & dominantur ciuitatibus vel prouinciis, in quas significata incidunt nec impediuntur à maleficis: his tribus conditionibus iunctis plurimum illis locis benefacient: quod si defecerit conditio aliqua, utpote quod impediatur ab aliis Planetis, vel quod non dominetur regioni, ciuitati, vel homini, vel, (quod subintelligit) quod benefica debilis sit, omnibus his modis minus iuuabit. Malefica verò si præfuerit deliquio & cardini, præfuerit & locis per deliquium affectis vel vincatur à beneficiis parum Oberit: & multo minus si vtrumque

Tom. V.

adfit. Quod si non dominantur locis affectis, seu regionibus, vel ciuitatibus, nec à beneficiis impediuntur, maleficæ deterius afficient ac pessimè, & quanto validiores fuerint. In genere igitur bonorum est benefacere semper: item dominari locis subiectis deliquio & id semper prodest, seu bonum augendum sit, seu malum minuendum. Sed robur stellæ non ita: namque tam bona, quam mala auget sicut & imbecillitas minuit. Dubitatur autem quomodo stellæ quæ deliquio dominantur possint non dominari loco per deliquium significato? Exemplum si Iupiter dominetur Leoni ubi deliquium factum fuerit, & Leo dominetur Italiæ & præsertim Romæ, vel Rauennæ, vel Cremonæ quomodo fieri potest ut Iupiter his ciuitatibus, aut Italiæ non dominetur? Hoc certè difficillimum videtur. Haly exponit quod concordauerit natura, Planeta cum regione. Sed istud difficillimum videtur, quamuis ex textu suo posset expositionem tueri, & antiqua versione: Sed Græcæ literæ accommodari nequit. Propterea dicerem quod Planeta hic dominari regioni intelligitur, quotiens ascendenti dominatur, aut principalis est. Esse etiam potest ut figuræ dispositio non dominetur loco illi quia ipse erit dominus sequentis cardinis loco deliquij, & locorum etiam in quibus domini deliquij inueniuntur: locum quoque ipsam deliquij aspiciet, aut in ipso peregrinus erit. Exempli gratia, deliquium sit in Leone in duodecimo loco, ascendatque Mercurius in initio Virginis: tunc Mercurius dispositio erit deliquij, & quidquid facere mali poterit, faciet, cum nullam prorsus in loco deliquij potestatem obtineat.

## TEXTVS L.

In genere autem vniuersalibus à malis potissimum corripiuntur ij quorum in genituris præcipua loca, nempe luminum aut cardinum eadem fuerint cum illis à quibus vniuersalium casuum causæ veniunt, id est, eclipticis ipsis aut his oppositis. Sed in primis periculosa ac ineuitabiles sunt partiles occupationes, dimetientesque deliquiorum vtriusvis illæ luminum respectum habuerint.

Hæc est vltima pars huius capitis, in qua docet principale. Principale autem fuit, si bene meministi, ut ex generalibus constitutionibus fata singulorum dignoscerentur. Hoc igitur est quod docet: Docet autem hoc modo, quoniam illi maxime affligentur ab vniuersalibus calamitatibus, quorum in genituris loca præcipua luminarium & cardinum supple medijs cœli & ascendente, medium quidem cœli pro fortuna & honoribus, ascendens autem pro vita & corpore: similiter & luminarium, alterum pro vita, reliquum pro honoribus, eadem fuerint cum loco eclipsis & in eadem parte. Secundo

8 1 qui



qui in opposita ad vnguem parte. Tertio intelligit quæ sunt in quadrata, inde quæ proximiora, ( Ex manifestissimis enim doctrina procedit ) eodem ordine.

Dubitarur cur non dixerit de his qui bene afficiuntur. Existimandum est enim parem esse rationem ut in his qui dantur, honoresque consequuntur, propter novarum legum aut institutorum promulgationes: itemque cum ciuitas aliqua imperium adipiscitur: cum princeps aliquis nouus non hæreditario iure provinciæ præficitur: Igitur dicendum est eandem esse in vtrisque rationem. Verum consentientia potius in his licet accipere, quàm opposita vel quadrata, ita ut cum medium cœli, aut Sol vel Luna, aut ascendens ( Hoc autem est vltimum ) eadem parte consenserint cum eclipfis loco, aut in trigono illius fuerint partili, id est, quod si deliquium fuerit, gratia exempli in decima Virginis, ascendens vel locus luminarium, vel locus medij cœli, sint in decima parte Tauri vel Capricorni, tunc ille sperare poterit quod boni pollicentur decreta deliquij. Obseruare autem oportet ut ex his qui præficuntur eligatur. Veluti si cui Luna sit vitæ significatrix eclipfis in ascendente parum aut nihil oberit vitæ. Omnia autem hæc ut dixi, & Haly bene animaduertit de hominibus intelligenda sunt ciuitatis deliquio subiectæ.

## C A P V T IX.

### T E X T V S LI.

*De coloribus in deliquiis & crinitis,  
ac huiusmodi aliis.*

**O**bseruandæ etiam sunt in vniuersalibus considerationibus colores in deliquiis, non modo ipsorum luminum, verum aliorum quoque quæ iuxta illa solent colligi, ut Virgularum ac Arcarum, & quæ alia sunt huiusmodi.

Omnes scientiæ certiores sunt atque pulchriores, quo subiectum illarum firmitus est atque stabilius. Ob id certissima est atque pulcherrima Astrologia: certior quoque illa ac pulchrior longè Theologia: post Astrologiam verò est Mathematica: inde naturalis Philosophia, demum Medicina. Atque hic ordo est scientiarum naturalium in nobilitate ac certitudine. Verum cum ad nostri intellectus imbecillitatem respicimus non illarum natura, sed nostro vitio fit ut res penè contrario modo se habeat: Nam relictæ Mathematica, certissima omnium est Medicina, inde Philosophia naturalis, post Astrologia, vltima omnium est Theologia. Inde factum ut nostris etiam temporibus generosi Medici qualis fuit Galenus Prophetarum auctoritatem retineant. Dictaque horum de futuris tanquam oracula habeantur. Et ita contingit ut Medicorum pronunciata de futuris

tanquam solida ratione & firma fundata nihil vani retineant: Ut contra Philosophorum naturalium, atque magis Astrologorum & Theologorum, vana sunt: atque talia ut ne vnus cum altero idem sentiat, ( Quod etiam magis mirum est, quodque vix fieri posse videtur ) omnes tamen ab ipso scopo longè lateque aberrent. Id fit partim incuria, ut dictum, ipsorum artificum: partim etiam quod scientia ipsa astrorum altior sit longè quàm ut intellectus noster eam possit intueri. Id inspiciens Ptolemæus non quod ipsa scientia, quæ in se ut dixi certissima est, atque clarissima talibus indigeret auxiliis incertis atque obscuris, sed quod intellectus noster imbecillus sit, voluit coniecturas etiam è naturalibus signis sumptas ipsi adiungere. Nec solum hic, ne obiter fecisse credas, sed & alibi etiam, ut cum de facie cœli obseruanda loquitur. Duo igitur hic proponit: primum ut colos in luminari patiente obseruetur: Secundo Virgularum & Arcarum ac talium quæ circa eclipsem contingere solent. Circa quod scire primum decet, quod dum eclipfis fit ex agitatione luminis magna atque illius imbecillitate quod non potest dissoluere multos vapores, multaque caligo trahi superius & maximè versus eclipsem solet. Ex qua primum fieri solent virgæ quædam splendentes ex refractione luminis imbecillioris, nec penetrare potentis densam caliginem nubem à latere ipsius deliquij, & Arcæ, quas Græci Alonas vocant. Sunt autem coronæ quædam Iridis in modum circa Lunam plerunque quandoque etiam circa Solem à me visæ variis distinctæ coloribus atque incandæ visu, de quibus in libris de Subtilitate, huculentius verò in libris de Varietate rerum dictum est. Hæc igitur, tum ipsa nubes afficiuntur à Planeta tempore deliquij dominante. Nam si Saturnus dominetur cogit nubem, atque idè colores seu luminis deliquij, seu Arcarum vel Virgarum ad nigrum, seu liuidum inclinât, atque ita de aliis. Scitu autem dignum est quod colores hi non tales inspicere licet, cum semper colos delinquentis Lunæ sit rubeus & Solis croceus: Sed ita accipiendi sunt ut declinant à proprio atque naturali veluti in deliquio Solis: si color fuerit paulò nigrior, atque obscurior croceo ac quasi teter, dicitur niger: aut si lux ipsa paululum hebetescat & splendor ille croceus desinat, ut potius remaneat color quàm splendor, dicitur liuidus, qui color est plumbi, & evidentius spectatur in carne puerorum cæsa loro, vel virgis citra sanguinem tamen, est enim fuscus & aliquanto nigrior plumbi colore, aliquaque luce participat qua à fusco & subfusco etiam differt. Splendescit enim liuidus aliquantulum, fuscus atque subfuscus nequaquam. Ergo si color luminis deliquij croceo aliquantulum fiat rubicundior atque sanguineus, Martis erit opus, diceturque rutilus. Quod si color ille croceus aliquantulum remissus fuerit, splendor verò auctus qualis auri fiet, diceturque flauus. Quamobrem hos solos duos flauum & rutilum,

Cap. vii.  
huius.

Lib. 3.4.  
Lib. Cyp.



lum, deliquij lumen accipere potest. In deliquio quidem Solis flauum verius quam rutilum spectare licet: I una verò rutilum verius quam flauum: Reliquos verò colores quod ad illos vergant, potius quam quòd tales sint ita appellare libet. Nam quòd de albo dicitur in deliquio Solis fit quotiens purissimus aer, croceaque vis illa citri colorem dum impalescit imitatur. Varium verò colorem facile est intelligere atque videre si diligenter animaduertas, sed si oscitanter, effugiet oculos tuos quoniam paruum est discrimen varietatis. Neque enim expectes vna in parte videre lumen candidum, in altera nigrum, in alia rutilum: Sed vna in parte croceum obscuriorem, in alia dilutiorem, in alia splendidiorum. Quinimò etiam si contingat, intentusque fueris, videbis quandoque in vna eademque parte ex pluribus intermixtum simul coloribus. Videntur autem hi colores non solum in luminari deliquium patiente, sed & in ipso aere, & in parietibus. Omnia autem hæc considerata sunt: Verum ne omnino intentus inspicere deliquium Solis satagas. Solem ipsum intiendo, cum aliqui hanc ob causam facti sint cæci: Non solum ratione generali claritatis Solis, sed etiam peculiari quadam natura quod lumen illud per Lunæ corpus transiens vitiatum, oculos vitiet, offendatque caput certa ratione. Nam plurimis quibus caput est imbecille, in magnis eclipfibus caput dolet. Illud quoque considerandum quod ad rem pertinet, quod eclipfes Solis præsertim magnæ si in florentem segetem inciderint, eo anno stipulæ abque granis colliguntur. Et maximè fit illud si Sol exoriens deliquium patiat. Dicta est autem causa huius superius, quoniam cum inter florentem segetem & absolutum granum, paulò plus minusve quadraginta diebus intercedat, si deliquium fiat in oriente, effectus eius statim prodit, atque effectus pars maior ac robustior sub ipso initio: quo fit vt seges ipsa naturali ratione afficiatur ac corrumpatur. Verum vt ad colores reuertar, eadem diligentia adhibenda est in mutatione Arearum atque Virgarum, quæ natura sua variæ sunt. Ideò omnes dicandæ Mercurio, sicut Solis colores delinquentis Veneri & Lunæ Marti. Sed vt dixi non naturalis color spectandus est, verum ad quem à naturali variatus aliquantisper accedat, scilicet si ad rutilum, si ad nigrum vel fuscum, si ad album, si ad flauum, si ad varium. Ita colores ex additione & inclinatione ad quos vergunt nominandi sunt non ex natura propria cum Lunaris semper rutilus sit, Solaris flauus, Arearum varius, Virgarum rutilus cum varietate quadam. Similiter & in nubibus eadem hora deliquij ratio spectanda est coloris (Hæ autem solæ veros referunt colores & verè tales sunt) quædam enim nigra verè seu fusca, quædam candida, quædam flaua, quædam varia, quædam rutila.

## TEXTVS LII.

Nam si nigra siue liuida esse vi-

deantur, significant ea quæ de Saturn. natura exposuimus. Candidus color Iouialis est. Rutilus Martius. Flauus Veneris. Varius Mercurij. Quod si coloris proprietas per tota luminum corpora, aut etiam loca se diffuderit, plurimis regionis partibus futura decernit, sin quacunque à parte apparuerit illis partibus in quas se proprietas illa inclinabit.

Tria docet ex hoc, primum vt ex colore Planeta qui dominatur dignosci possit. Neque ratio quærenda est huius præterquam in Venere. Nam Iuppiter candidus est & purus, ideò etiam candidum significat colorem & à candore significatur cum illoque conuenit. Similiter de Marte & Saturno qui fuscus quoquomodo est. Mercurius varium propter naturæ suæ varietatem, non propter colorem proprium significat. Sed Venus flauum obtinet non quia flaua sit, sed quoniam humidum habet à colore concoctum: sicut in auro videre licet. Secundum est de quantitate, quia si totum occupat, toti parti per eclipfem significata contingit: si parti parti: Hoc autem contingit secundum vim dominantis Planetæ: Nam si plenè dominetur tunc continget hoc toti: si parum, parua parti: si mediocriter, mediocri parti. Tertium est in qua parte erunt: Et dicit quod erunt in parte in qua continget mutatio illa coloris luminis: Vtpote si eclipfis significet super Italiam & mutatio luminis sit in parte Notapeliotis, id est, media inter austrum & orientem significabit illud super Apuliam & Neapolim. Quòd si fuerit mutatio illa in

| Tabula Solaris eclipfis |                            |
|-------------------------|----------------------------|
| G.                      | Solis longitudinis à nodo. |
| 1                       | Nigrum pressum             |
| 2                       | Nigrum obscurum            |
| 3                       | Nigrum fuscum              |
| 4                       | Fuscum in croceo.          |
| 5                       | Fuscum clarum              |
| 6                       | Fuscum Rubrum              |
| 7                       | Rufum                      |
| 8                       | Rufum                      |
| 9                       | Rufum glaucum              |
| 10                      | Rubrum glaucum             |
| 11                      | Croceum                    |
| 12                      | Croceum album.             |

Borolybico, id est inter septentrionem & occidentem, continget illud Mediolanensibus, qui ea in parte sit: sunt respectu Italiæ. Quòd si ad orientem, septentrionemque ad Venetos: atque ita de aliis.

Verum dubitabis & iure merito quomodo colores eclipfium fiant à dominantibus erraticis, cum constet ex tabulis Alponfi & Linnerij eos potius in Sole fieri per distantiam à nodo, seu capite vel Cauda draconis: Et in Luna iuxta distantiam ab Apogeo sui parui orbis tamen etiam à latitudine ab eclyptica, vt patet in duabus tabellis subiectis, ne quic-



quam haic operi deesset. Quidam ob id solent culpae Ptolemæum, seu frustra: Nam primum sciendum quod colores in tabula descripti variantur secundum naturam Planetæ dominantis, veluti Sol à nodo ad primum gradum fit plenè niger. Si tamen Saturnus dominetur fiet ater vt carbo velut quandoque contigit. Si Venus erit aliquantulum flauus Sol, licet sit obscurus. Præterea nihil prohibet aliquid causam habere Mathematicam simul & naturalem. Ita vt intelligamus cum Sol plenè obscuratur, dominatur Saturnus, cum sex partibus à nodo disteterit Saturnus, parum, Mars plurimum dominabitur. Si verò duodecim, Iuppiter cum Venere præerunt eclipfi. Est etiam illud dignum consideratione maxima, quod tabulæ colores luminaris definiunt. Ptolemæus verò de coloribus aëris & qui in arboribus, & terra, & parietibus apparent loquitur, quare cum non necessarium sit eos esse similes, nihil absurdi sequitur. Vidimus enim Lunam planè obscuratam, rubram tamen, & quæ videbantur nigra erant.

### TEXTVS LIV.

Obseruandæ & crinitæ seu in deliquis, siue alio quolibet tempore fulserint in considerationibus vniuersalibus, quales sunt quæ dicuntur trabes, turbæ, dolia ac huiusmodi. Est enim harum naturæ effectio Martiæ ac Mercurialis proprietatis, bellorum, æstus, turbulentia, & eorum quæ ista sequi consuevere.

Crinitas stellas multis modis apparere & turbæ forma & trabium contingit: verum plerunque figuræ hæc potius ignitis ostentis, quæ in cælo apparent conueniunt. Nam tria genera rerum quæ in sublimi videntur Ptolemæus in hoc capite complexus est: primum est eorum quæ videntur & non sunt, vt aëreæ & Virgæ. Nam nulla substantia penitus constans. Secundum eorum quæ substantiam habent: Velut trabes, iacula, hæc enim accensis vaporibus verè sunt, vt prima ex collisione visus: velut & Iris. Tertium genus est eorum, quæ media sunt, vt Cometæ. Nam horum naturam mediam inter corpoream & imaginariam esse censendum est: Ptolemæus verò illam adnumeravit ignibus iuxta opinionem antiquorum: Existimans in elementari regione eam fieri, cum nos declarauerimus fieri in cælo. Sed vt res magis distincta agatur primum à stellis transcurrentibus atque ignitis facibus quæ in aëre apparent, initium ducamus.

Has igitur volantes sydera, alij repentina, alij traiectiones, alij incensas stellas, vel deciduas, vel transcurrentes, vel repentinis ignes vocare. Commune est omnibus siccitatem asferre, & quæ ex illa sequuntur, scilicet ariditatem, paucitatem aquarum, mortem piscium, sterilitatem, ventos, prælia. Proprie autem ventos, ea-

que ex parte ex qua mouentur. Quod si ex pluribus erunt diuersi venti. Quod si detrimenta velis scire vbi futura sint, locum ad quem tendunt considerabis: Ibi enim

Tabula Lunaris eclipfis.

| Latitudo<br>Distantia ab<br>Apogeo |       |                  |
|------------------------------------|-------|------------------|
| m.                                 | G. r. |                  |
| 10                                 | 180   | Nigrum pressum   |
|                                    | 210   |                  |
|                                    | 150   | Nigra            |
| 20                                 | 240   | Nigrum viride    |
|                                    | 0     |                  |
| 30                                 | 270   | Nigrum subrubrum |
|                                    | 90    |                  |
| 40                                 | 300   | Glaucum pallens  |
|                                    | 60    | Quod est Griseum |
| 50                                 |       | Grisea pallida   |
| 60                                 | 330   |                  |
|                                    | 30    | Grisea alba      |
| 90                                 |       | Ruffa            |

erunt & prælia, & seditiones, & venti, & sterilitates, & morbi acuti. Atque hæc vbi in eclipfibus contigerint procul dubio euenient. Vbi autem præter illas non ita: nisi magnæ & crebræ fuerint. Quod verò existis ueniet (Nam non omnia expectanda sunt) ex Cometarum ratione discere licebit. Hoc differunt traiectiones hæc & repentini ignes à Cometis, quod breuiores effectus significant, & minores, & celerius ingruentes quam Cometæ. Semper tamen hæc quia à Marte & Mercurio fiunt malum significabunt: nisi vni soli per quem forsan, vel seditio excitabitur, vel ipse bello prouinciam deuastabit. Ob id igitur cum eius naturæ sint, æstum magnum significabunt. Sunt enim naturæ Martiæ quia igneæ: & Mercurii, propter motus celeritatem & iaculationem.

Similiter & Cometæ à Marte & Mercurio fiunt, quoniam & ipsæ velociter mouentur & igneum quippiam præ se ferunt Vocant autem eas crinitas qui conuertit à nobilibus, cum Græca lectio Cometas habeat, quod est commune nomen: nam Cometarum tria sunt genera: vnum quidem quod comam habet circum circa, vocaturque cometes: secundum quod barbata appellatur, cum in vnam partem tantum crines feruntur: tertium quod caudata quoniam caudam habeat. Immensum autem & celerrimum est incrementum omnium harum: vt quæ pedales primo videantur, inde intra paucorum dierum spatio quartam totam Zodiaci occupent. Durant incerto temporis spacio vt quædam etiam per annum vt Iosephi tempore supra Hierosolymam, excidium illi portendens, affulsit: Velut & Iosephus ipse testatur. Longissimum tamen earum tempus uix (nisi pro miraculo) sex menses excedit: plerunque



plerumque autem finitur ante trigessimam diem : nunquam ante septimam. Motus illius triplex : vnus ab oriente in occidentem, alter ab occidente in orientem, tertius diuersus veluti ab occidente in meridiem vel à septentrione in occidentem. Generatur autem frequentius in septentrione & maximè in candida via à tropicis citra : fiunt tamen & quandoque sub æquinoctiali & etiam iuxta tropicum hyemalem, atque alibi : Verum vt dixi frequentius circa septentriones, quàm in parte tres ego in tribus annis vidi. Nocte videntur pulherrimè sub crepusculis, non item de die non nisi potenti modo. Plures posse videri constat simul vt Caroli Martelli atate mense Ianuario duo visi sunt intra quatuordecim dies, quorum alter Solem præcedebat, alter sequebatur caudis versis Aquilonem spectantibus : fuit is annus septingentesimus vigesimus sextus. Duo quoque anno millesimo trecentesimo trigesimo septimo, apparuerunt simul, nec breui tempore : cum duos menses socii simul impleuerint. Differunt Cometes à iaculis, quod vt dixi in longius Cometes effectus suos extendunt quàm iacula, & per se etiam, quod non eclipfis tempore videantur, plurimum possunt. Nemini autem dubium est quod si cum eclipsi contingant, quin geminatis viribus plurima & assidua mala producant. Vnde iacula & repentinæ stellæ nisi crebræ fuerint vt dixi, aut magnæ valde, aut in die conspicuæ non sine deliquio, quicquam effatu dignum significare poterunt. Et quamquam omnes Cometæ à Marte & Mercurio producantur, habent tamen aliquid etiam cum aliis Planetis commune, quod à coloribus non secus ac eclipfis discernitur. Nam qui fuscus est participem habet Saturnum, qui exactè candidus, Iouius est, qui exactè rutilus, Martius, qui flauus, Venerius, qui totus varius, in illo vis Mercurij dominatur. Constat enim obseruatum fuisse quandoque Cometæ etiam aliarum Planetarum, quàm Martis & Mercurij motum retinuisse, quem admodum Iouianus Pontanus enarrat dicens : Cometæ tenui primum capite, comæque admodum breui à nobis conspectus est : qui mox miræ magnitudinis factus, ab ortu in septentrionem cœpit deflectere, nunc citato motu, nunc remisso, Et quoad Mars, Saturnusque regrederentur, ipse aduersus, coma progrediente ferebatur, donec ad arctos peruenit : Vnde cum primum Saturnus, & Mars recto cursu pergere cœperunt, in occasum interflexit, tanta celeritate, vt die vno triginta gradus emensus sit, atque vbi ad Arietem & Taurum commeauit videri desit. Ille dies plurimos fulsit, & qui initio breuior visus fuit, aded creuit, vt quinquaginta gradus, atque etiam amplius occupauerit. Feruntur autem velocissimè quandoque mirisque modis, caudamque contorquent : Sed sufficiat tam velocis motus, quàm etiam conuersionis caudæ, præclarum vnum exemplum subiunxisse. Verum antea forsan quispiam quæret in quo caudæ, & crines ab ipso Cometa differant ? Respondemus caudâ atque crines tenuiores esse sub-

stantia atque rariotes, vt nisi præ magnitudine videri queant. Verum sydus ipsum densum est, ac faciliè præ luminis magnitudine videtur. Sed ad exemplum reuertor, id desumptum est ex Iacobi Ziglieri monumentis, qui ea à Ioannis Regio Montani obseruationibus desumpsit. Obseruatio autem talis est atque series verborum Regio Montani : Idibus Ianuariis anno Domini millesimo quadringentesimo supra quintum & septuagesimum : Visus est nobis Cometa sub Libra cum stellis Virginis : cuius caput tardi erat motus donec propinquum esset spicæ : nunc incendebat per crura Bootis versus eius sinistram. A qua discedendo, die vno naturali portionem circuli magni quadraginta graduum descripsit. Vbi cum esset in medio Cancri, maximè distabat ab orbe signorum sexaginta septem gradibus, & tunc inter duos polos zodiaci & æquinoctialis ibat, vsque ad intermedia pedum Cephæi : deinde per pectus Cassiopeæ super Andromedæ ventrem. Post gradiendo per longitudinem Piscis septentrionalis vbi valdè remittebatur motus eius propinquabat zodiaco, transiens ipsum iuxta medium Arietis, donec cum stellis Ceti occasus Heliacus illum nobis occultauit in vltimis diebus Februarij. Hoc motu suo proprio, circuli magni portionem descripsit, quo in septentrionem, & cum hoc contra signorum successionem ferebatur à Libra in Arietem, in fine & principio tardè monebatur, in medio vero apparitionis velocissimè : Vno die ferè per quatuor signa à fine Virginis in principium vsque Geminorum. Cauda vero eius minus mobilis continuè respiciendo stellas Geminorum, eas circuibat : nunquam ab eis per totum apparitionis tempus deuians. Ideoque in prima emerfione, ad occidentem illa protendebat : quoniam illic stellæ Geminorum putabantur. In fine vero Cometa sub Ariete locato propter Solis vicinitatem, nisi in occidente apparuit, cauda orientem versus protensa, quia in hoc situ stellæ Geminorum ponebantur, In medio vero apparitionis caudam vertebat ad meridiem, illic tunc erant stellæ Geminorum contingebatque tunc nocte eadem, vt statim post Solis occasum cauda orientem respiceret. Appropinquante medio noctis respexit meridiem : post medium noctis vero occidentem. Ante Solis exortum indicabat locum septentrionis. Hæc caudæ diuersitas in situ ex motu diurno oriebatur : qui semper est ex consequentia primi mobilis ab oriente in occidentem. Motu autem proprio extremitas caudæ quamuis tardius quàm caput Cometæ, semper tamen etiam ad occidentem contra signorum successionem describens parallelum, à principio Libræ vsque ad medium Tauri mouebatur : Vadens sub pedibus Vulturis per Vrsam maiorem propinquando Perseo : per quem circa Pleiades ad Caudam Arietis ibat ferè in medio Tauri. Vnde patet tam Caput, quàm Caudam Cometæ versus occidentem, & nunquam versus orientem iuisse : non solum motu diurno, sed etiam proprio. Hæc igitur de motu & illarum



Lib. 4.  
Cap. 1.

rum onuerfione dicta fufficiant. Quantum verò ad fubftantiam earum pertinet, dictum eft in libris de Subtilitate & primo de Varietate rerum. Quo verò ad fignificata communia dicit quod fignificat bella & conftitutiones mobiles: poteft referri & ad aërem, & ad leditiones & ad vtrumque. Namque & alia fignificant vtpote ficcitatem atque inde fertilitatem. Velut in illo Cometa qui fubfecutus eft coniunctionem magnam in Cancro, factam anno millefimo quingentefimo quarto vt Auguftinus Nyphus refert, quam Cometes confequuta eft anno 1506. Illum igitur biennio poft tanta ficcitas in Insubria eft, vt à mense Ianuarii in Nouembrem nulla penitus pluuia deciderit in ea regione. Itaque & hæc omnia & ventos præcipuè & pestem fignificat & Principum mortes. Nam tales effectus à Martis & Mercurij miftione fieri folent. Fiunt etiam aquæ & imbres copiofi, quandoque tum mutationes Principum & Hærefes, & Legum novarum inftitutiones, & multa alia. Sed de imbris (Reliqua enim nota funt) caufa eft magnitudo caloris qui trahens multos vapores eos non poteft diffolvere: declaratum eft autem à nobis hoc in libris de Subtilitate. Sed de modis futurorum quatuor illa erant obferuanda, fcilicet vt & locos fciamus, & genus affectuum, & tempus, & qualitatem propriam affectionis.

Narrat author ignotus magiftrum fuum cum trabe ignea vifa fuiffet, dixiffe cafum portendi in lignis: fuccessiveque naufragia multa ob bellum nauale. Alium quendam prædixiffe ex huiusmodi cœli fignis, quæ imminerent & quando defitura forent.

### TEXTVS LIIII.

Cæterum loca in quibus hæc euentura fint designantur, cum à figniferi partibus in quibus collectæ illæ ftellæ fuerint, tum de crinitæfigurationis inclinatione. Per ipsam quidem collectionis quafi faciem & formam, futurorum species & genus cui effectio expectanda fit, deprehendetur. Verum de tempore durationis, intensione euentuum. Habitus illorum (fcilicet crinitæ & loci eius) erga Solem ea declarant. Nam cum fuerint matutinæ, diuque fulferint, celeritatis, fin vespertinæ, tarditatis, fignificatio futura eft.

Declarat quatuor illa, genus, speciem, locum, & tempus. De loco inquit fumitur à figno in quo fuerit & ab inclinatione ipsius Caudæ, fcilicet verfus quam regionem tendat. Locus autem Cometes dignofci facile poteft planifphærio: Vtpote fi fit in Ariete, erit in Britannia vel Germania, & quia Britannia differt à Germania, infpiciendo quo tendat Cauda fciamus, an fit Britannia an Germania Nam fi Cometes fuerit Australi-

or Britannia & Germania, & Caudam inflexerit ad dextram, fignificabit Roruffiam, fi ad finiftram parum fignificabit Frifiā: fed fi multum Britanniam. Quo verò ad tempus euentus & magnitudinem effectus, docet illam ex duobus comprehendere, ex diuturnitate temporis quo fulget, & habitu ad Solem: Nam fi diu fulgent, diuturnus erit effectus: Si matutinæ celer: Si parum, brevis: Si vespertinæ, tardè. Quo verò ad genus effectus dicit faciem & formam Cometæ infpiciendam, circa quod notandum eft in Cometa obferuanda effe decem, magnitudinem, colorem, splendorem, formam, diuturnitatem, fitum, locum, habitum ad Solem, & fitum orbis. Magnitudo fignificat effectus futuri claritatem & vehementiam. Color autem fignificat naturam Planetæ dominantis, vt fi fuerit fubobfcurus fignificat declarata in Saturno vtpote tabes & morbos longos, terramotus, inopiam, niues. Iam verò colores quibus tribuantur Planetis diximus. Habet autem, vt dixi femper hoc præceptum Cometes à deliquio diftinctum, vt Martis ac Mercurij furentium damna fignificet. Itaque & Iouis bona quædam immifta habebit: Veluti ventos falutares pluribus atque fecundos. Verum & cum hoc diffidia facerdotum in religione Chriftiana, prælia, non diuturna bella, abfcessus & febres acutas. Talem fuiffe eum qui vifus eft anno millefimo quingentefimo trigesimo tertio, in Ariete fub feptentrionali parte Galaxiæ credendum eft. Nam Iupiter legem Chriftianam, Aries Britanniam, Mars & Mercurius fignificauerunt diffidium, & permutationem, quæ facta eft poft triennium in tota illa pronincia: iubente Rege illorum Henrico VIII. Fuerat autem Cometes ipfa, diuturnus à fine Iunij ad initium Septembris. Martius autem Cometa immodicas ficcitates parit, bella fœuiffima, & pestem acerbiffimam. Venerus autem attonitos morbos, Paralyfes, Febres violentas, Hæreticos, feditiones Principes, & qui plurimum lingua valeant apud populum, feditiones quoque in religione Mahumetana: nam illa, vt dixi Marti & Veneri fubiicitur. Mercurialis fulgura tonitrua, terramotus, ventos graues, fœuas tempeftates, nouas artes & inuentiones omnes tamen humano generi perniciofas fignificat. Splendor fignificat efficaces actiones & quas plurimi fponfe fequentur. Ideo Regibus aliena occupantibus & feditionis & hærefiarchis vtilis. Locus autem multa fignificat, & locum in terra, feu proninciam, feu regionem, feu ciuitatem: vt de Ariete in exemplo dictum eft. Secundo quo loco illi dominantur, vt fi in Leone fuerit Sol illius effectum adiunabit, splendescereque faciet. Semper autem hoc auxilium ad malum tendit totius populi vel gentis ratione: in bello tamen & hærefi, & feditione aliquem illustrabit. Tertio latitudinem à fignifero: Hæc locum proprium declarabit vt fupra, Germaniam vel Britanniam, vel Italianam. Quarto cum qua erratica fuerit vel in cuius oppofito, facile enim erit intelli-



gere ex hoc cuius naturæ sit. Quinto cum qua fixa collocata fuerit, eadem enim est ratio quæ de Planetis: Veluti si cum corde Leonis significabit bellum ambitionis causa. Sexto qua in parte cœli fuerit Quibus enim in oriente exitum vitæ, quibus in cœli medio Regni Regis atque potentia. Septimo in cuius angulo ceciderit. Veluti narrat Haly quod apparuit Cometes in angulo coniunctionis, in qua in cepit Regnum filiorum Abez, obiit ergo anno illo Abez Anezir. Solum istud dubium est, quis locus debeat ascribi Cometæ cum ob velocitatem motus & magnitudinem nullum proprium habere videatur. Verum quo ad magnitudinem non dubia res est: quando quidem neque crines, neque cauda quo ad locum sint considerandæ: ipsum verò corpus paruum & exiguum certum sibi determinat locum. Sed quo ad motus rationem attinet spectare decet, velut in eclipis medium tempus ad vnguem: atque in ita ratione quo tunc loco sit observare: observentur & initia & finis quæ cum difficilima sint, ob id Ptolemæus (non quod parvi res esset momenti Cometes aut mediocris, sed ne magnitudine rei lectorem in desperationem adducere velle videretur (paucis verbis illius historiam absolvit. Octavo locus quo ad figuras Octavi orbi consideranda est. Nam similia à similibus afficiuntur: Velut in Argo naufragia magna classium decernit, aut fluviorum ariditatem. Forma autem quoniam quæ gladiis assimilantur civitatum destructionem significant: est enim propriè Martis. Quæ verò similis columnæ Iouis, ea Principes & Reges occidit. Quæ verò crinita, parva, versicolor, lucida & bene caudata, Mercurij est, ideoque ventorum & seditionum & hæresis prænuncia. Nigra verò breui cauda, crinibus nullis, Saturni est, & sterilitatem, diuturnaque bella & lepram ac talia significat. Porro quæ lucida est & vultu quasi humano, flava & breui cauda (raro visa) Veneris est, & post longas discordias gratum Principem significat. Diuturnitas verò magnitudinem effectum portendit, atque illorum diuturnitatem, & stabilem in perturbatione statum. Situs autem partem illam declarat terræ ad quam Caudæ acumen respicit. Motus verò & unde effectus venturus sit & progressus illius celeritatem aut tarditatem significabit. Veluti si Cometes ex oriente feratur in septentrionem tardo motu: sensim quidem ex orientis partibus proveniet, aut pestis, aut Lex, vel Princeps qui Boreales nationes conturbabit ac devastabit. Sic crinita quæ in angulo orientis apparuit & ad ortum ferebatur magna velocitate Georgij Trapezuntij ætate, Thamyrim Parthorum Regem Taburlanum vocatum significavit, qui in oriente ortus Asiam celeri cursu devastavit: in Europamque transiturus morte eius quem Regno proprio præfectum reliquerat in Parthiam reuersus est. Motus igitur, celeritas & tarditas, & ex qua parte & in quam partem considerandæ sunt. Feruntur

enim quædam contrario ordine signorum, ut quæ anno 1533. ex Geminis in Taurum & ex Tauro in Arietem. Aliæ verò ordine signorum, aliæ permixto motu in latitudinem, aliæ secundum altitudinem simpliciter, aliæ aliis modis ut par est rem, quæ (ut diximus) triplici motu moveatur. Semper autem videntur, quæ contra ordinem signorum feruntur, mutationes legum significare: quod motus is primi cœli sit: atque ob id à Deo vel supremo rectore: Leges autem permissione Dei sunt. Habitus verò ad Solem declarat ipsius effectus initium: Nam si orientalis extiterit Cometes, breui initium est habiturus effectus: si occidentalis tardè. Et hæc quidam in genere, in specie verò quantum temporis requiratur, Ptolemæus non dixit: sed vere cum rara sit res Cometes, si diu duraverit in multos annos extendere effectum suum potest. Initium tamen ut eclipis tot mensibus potest differri quot sunt horæ inæquales quibus Cometes ab oriente distat. Ratio autem ista perpulchrè superius declarata est. Hoc unum interest, quod semina quandoque eorum quæ per Cometam significantur, diutius proferuntur. Veluti cum Servator noster natus est, Cometes apparuit in oriente, quem Magi viderunt, atque ob id ad ipsum adorandum venerunt: Hanc stellam vocaverunt tum communi nomine, quod Cometes stellæ vocentur, tum quod pulcherrima esset atque his similis, quæ in nocte lucent. Hæc seditionem & turbas, quæ per fidem Christi promulgandam succedere, pronunciauit: tot exilia, tot Martyres, inde Regnum pacis constituendum atque salutis. Cuius quidem author atque Rex Christus in ipso Cometæ fulgore natus est, quod Cometes in oriente apparuerit: Verum tamen effectus ipsius, scilicet prædicatio, legis promulgatio, seditio populi, conturbatio, persecutiones, exilia, mortes, bella, regna nomine Christiano inchoata, vix post triginta annos initium habuere, & ad hanc usque diem perseverant. Ita contraria ratione exitialis Cometa anno Christi 1260. in oriente apparuit usque ad medium cœli, si credere fas est, crines extendens, duravitque perpetuis sex mensibus ferme, nec prius evanuit, quam Urbanus Gallus Pontifex à viuis excessit: post cuius obitum Carolus cum exercitu Gallis movit, & superato Manfredi regnum Neapolitanum occupavit. Biennio post Pœni in Hispaniam traiecerunt, magnasque clades ibidem intulerunt, quanquam pulsi postea & cæsi. Per quæ tempora magni tumultus in Ethruria concitati fuerunt. Quidnam sequatur. Anno à Cometa tertio, Banducar, vel ut habet Paulus Aemilius Gallicarum rerum scriptor exquisitus, Bandodachar Babyloniorum atque Assyriorum Rex, Armeniam cum ingentibus copiis inuasit, Antiochiam expugnauit, & gravissimas cædes Christianorum edidit. Anno à Cometa exortu quarto, Conradinus Suevus victus, captusque à Carolo prouinciæ Comite, & Siciliæ, Hierosolymorumque, ut idem scribit

Æmilius;




Æmilius, Rege nuncupato, securi percussus interiit. Anno quinto Ludonicus Gallorum Rex, in Aphricam traiciens, Carthagine, vel ut alij tradunt, Tuneta vi capta, mortem, alui profluvio correptus, obiit, magna parte exercitus fame & peste ablumpta. Cuius interitu cognito, Carolus Pœnorum Regem ad tributa quotannis pendenda coëgit. Anno sexto Scythæ (quos hodie Tartaros vocant) Armenis opem ferentes, Assyriis seu Sarracenis victis, fugatisque Asiam liberaverunt, eamque Christianorum concessu, diu tenuerunt. Itaque meta temporis effectus non nisi ut Ptolemæus describit præfigi debet, atque sic ex duratione & magnitudine coniectari potest. Sed sunt qui motum Cometarum ita interpretantur: si ad Austrum tendant pluias significant: si ad Aquilonem, siccitatem: si ad ortum pestem, & maxima mala: si ad occidentem optimam anni constitutionem & temperatam. Ita censuit Porphyrius Philosophus egregius, sed ut existimo deceptus ex hoc, ut dixi, quod Cometa contra signorum ordinem procedens mutationem legis significat: Ergo qui ab oriente in occidentem tendit, significat mutationem legis, nam ille contra ordinem signorum fertur. Cum ergo illud solum significat, contingit ut sit temperatus annus, non tamen temperamentum anni significat: sed contingere potest etiam ut cum cum intemperie anni contingat, & maxime quod ut dixi effectus Cometæ in multos annos extenditur. Quod verò de reliquis partibus dicit etiam illud verum est & rationem habet naturalem. Similiter & Cometam cauda respicere stellas aliquas, seu erraticas, veluti dictum est de Cometa illo Regio Montani qui semper stellas Geminorum observabat minimè ab furdum videri debet, quodque vires illius fortiautur aut illarum. Tunc enim maxima siccitas fontium fuit, & Henricus Rex Angliæ cum filio Eduardo interemptus est. Constat autem Geminorum stellas ferme omnes & maxime præcipuas naturæ esse Martis & Saturni, præter Apollinem qui Mercurij est. Similiter & Turcæ Pannoniam sunt deprædati. Quanquam Antonius Mizaldus Mons lucianus, ex quo historiam hanc desumpsimus nescio quo pacto dum hæc scribit non sibi constat: modo ad annum 1475. modo 1272. Cometis visionem transferens. Cæterum ut ad institutum reuertar, finiuntur effectus Cometarum trifariam, aut per se finita vi, quemadmodum contingit in omnibus causis naturalibus: Aut alio Cometa superueniente, qui vel contraria sit natura, vel vi sua aliud agendo euertat prioris decreta. Tertiò eclypsis aliqua vel coniunctio natura contraria in contrariis Cometæ locis fiat. Porro quod ad singularia attinet eadem est ratio quæ in eclypsis. Nam si in loco decreto Cometæ subiecto quis habeat vitæ significatorem, aut ascendens, periclitatur de vita: Si verò cœli cor, alijs

quidem euertit dignitatem & statum, alijs verò constituit, prout natura loci & genitura fuerit. At verò in his qui nuper nascuntur, alia ratio est. Quicumque enim nascuntur cum Cometa in ascendente, vel omnino non viuunt, vel si viuunt, egregij & magni viri euadunt. Similiter si quis nascatur Cometa Medium cœli possidente, maximus profecto erit. Motus enim validi circa fortunam illius semper erunt & felices, quoniam omnia fauorem trahunt ab initiis suis. Quod si moriantur qui sic constitutum habent Cometem, non ob id moriuntur quoniam Cometem sic habeant, sed ex alia causa. Non si autem qui oriente Cometa nascuntur: plurima enim ex his moriuntur ut dixi, quoniam validum motum nascentes sustinere nequeunt: quod sustineant, manci aut debiles euadunt: non secus ac qui maleficas in ascendente habuerint: qui verò omnino euaserint ab omni calamitate validi sunt, & efficaces, ac prompti, & omnino ad maxima negocia nati, quibus etiam principatus contingunt: motum enim validum habent. Quod verò ad situm orbis attinet, diligenter observandum est tempus medium ipsius Cometæ, aut initium vel tempus maximi motus, & qui dominus fuerit loci Cometæ & succedentis anguli, si ordine signorum moueatur: aut antecedentis si contra ordinem signorum: Is erit figuræ & Cometæ dominus & futurorum significator. Horum omnium igitur causa Cometæ qui ab Haly describitur historia quasi pro exemplo subiiciemus. Inquit ille.

Volo narrare ostentum quod vidi dum iuuenis essem atque studerem: apparuit Cometes cuius pars solida erat rotundæ figuræ, triploque maior Venere, cuius claritate totus orbis illustrabatur, eratque Lux eius quantum si quarta pars Lunæ luceret. Cuius locus fuit in oriente in occidentem, ita ut velocius procedendo ferretur contra signorum ordinem, donec peruenit ad quintam decimam partem Virginis. Cum verò primum incepit apparere situs cœli talis fuit qualis hic describitur. Successit autem inter Mauros discordia maxima, inde prælia & cædes, & ciuitatum ac magnarum regionum depopulationes, & siccitas aëris & annonæ penuria, indeque pestilentia maxima, ut mors, tum peste, tum fame, tum bello fuerit innumerabilium hominum. Excitatusque est hæreticus siue rebellis) Nam ut Ioannes Leo affirmat, rebelles in Aphrica in titulo legis seditiones mouent ac populum ad se trahunt dicentes Mahometem sic & sic velle adorari, atque eo modo tyrannidem nulli crudelitatis generi parcentes, ut etiam filios ex vtero viuentium extraherent) qui Regem Mechæ & Hyetob maximis cladibus affecti. Hoc igitur de Hæreticorum natura ascripsimus, ut intelligeres quantum mali sub vno verbo hæritici comprehendere Haly voluerit. Aliqua etiam de hoc Regio Montanus, & Antonius Mizaldus Luterianus scripsere, sed inferiora Arabibus,



quorum scientia rerum fuit. Atque ea ratione maximè damnandi qui illos tam impudenter insectantur, nisi quod illi præstare



voluerint, ipsi re ipsa præstent. At verò qui solum in eos inuehuntur ut aliqui esse videantur, nonne illud Horatianum manes Arabum iuste obiciunt:

*Tu cum sis quod ego, & fortassis nequior,  
ultrò  
Insectere velut melior, verbisque deco-  
ris  
Obuoluas vitium: Quid si me stultior  
ipse  
Quingentis empto drachmis deprende-  
ris?*

Sed iam ad propositum reuertamur (Quandoquidem maxima laus fuerit) Haly Rodoan ea scripsisse temporibus illis infelicibus, linguaque tam rudi, quæ nostri cum tanta copia librorum, tam felici æuo, nec imitari nedum æquare potuerunt. Secundum observatione dignum est thematis in eclypsi atque in Cometis cœlestis erectionis exemplum: cum quatuor tantum cardinibus locoque initiorum quartæ & decimæ, cordis & imi cœli dispositio, non solum iuxta Arabum consuetudinem, sed etiam Ptolemaei, locorumque Planetarum quonam pacto in themate disponi debeant pateat. Tertium est quod initium ipsius Cometæ potius quàm medium, aut finem observauit, non quidem simpliciter, sed cum primùm apparuit. Quartum quod Cometem hora qua erigit ascendens infra terram ponit, cum tamen non possit tunc videri. Id factum subtilissima ratione atque notabili. Nam cum certum illius initium vix sciri possit, idè primam Solis cum Luna conjunctionem observauit, quæ post Cometæ ortum fuit: Tempore autem eius conjunctionis contingit ut Cometæ ipse sub terra lateret. Itaque in aliis ita faciendum iure meritò aliquis censebit: Si tamen verum initium habeatur, illud observare etiam oportet. Quintum est circa significata, hæc autem quod ad legem Mahumetanorum pertinerent Haly manifestè declarat, quod lex sua à Scorpionis signo initium habuerit, id-

Tom. V.

que diligenter animaduersum. Deinde quod hic omnia mala decernerentur & maxima omnia: maxima quidem propter syderis magnitudinem, diuturnitatem & splendorem. Quod verò omnia malorum genera, quia tota erat de natura Saturni, Martis & Mercurij. Primum quod stellæ quæ circa locum crinitæ erant in Scorpione eo tempore omnes de natura erant Martis atque Mercurij. Deinde quod crinita esset in domo Martis & proxima illi per sex partes. Quarto quod Mars ipse esset in domo propria. Quinto & sexto quod vterque scilicet crinita & Mars essent in angulo hora interlunij. Septimo quod (ut declaratum est) Scorpio sit pessimum signum omnium eorum quæ sunt in cœlo. Octavo quod Mars erat in finibus Mercurij. Nono quod trigonus tam crinitæ, quàm loci Martis, Marti subiicitur. Decimo quod Saturnus proiciebat radios ante locum interlunij & ante locum crinitæ, & in angulo erat ascendens infortunatus in Leone. Vndecimo quod crinita accedebat ad Saturnum, & Saturnus ad crinitam, unde erat maxima applicatio & mutua per quadratum. Duodecimo quod crinita nata sit in oppositione loci interlunij ad vnguem & in tempore etiam ipsius interlunij, ex quo declarabatur maximus effectus & diuturnus, qui debebat succedere: Ideoque durauit per multos annos calamitas illa. Tertiodecimo quia cōiunctio facta est in cardine illius regionis respectu ciuitatis principalis, quæ erat Alforat in Ægypto. Quartumdecimum est quod dominus finis conjunctionis fuit Mercurius & ipse quoque valde potens iuxta cœli cor. Quintodecimo quod Cometæ progrediebatur contra ordinem signorum, & hoc ut dixi significat hæreses & legum turbas, quibus nullæ sunt crudeliore: cum in omnibus malis aliis homines sciant se mala facere, sed in seditionibus legum & hæresibus, & bellis propter diuersas leges suscitatis, homines cum sauiant in infantes & puerulos, viros cruciatibus & igne perimant, captiuos in seruitutem abducant, agros deuastent, ciuitates incendio diruant, alij putant se Deo obsequium præstare, alij simulant. His igitur tot modis probus Haly nobis insinua-uit quonam pacto & deliquorum & crinitarum locus, tempus, genus, qualitas & magnitudo effectus considerari debeat. Reliquum est ut quarundam crinitarum clariora exempla subiiciam. Cum igitur Xerxes Persarum Rex maximum exercitum comparasset ut in Græciam veniret, apparuit deliquium Solis & crinita ceracias dicta ad instar cornu obliqua, successitque, ut Xerxes Græciam totam deuastauerit: ipse victus à Themistocle naturali prælio, reuersusque est ignominiosè etiam magna parte exercitus terrestris amissa. Temporibus Neronis crinita alia fulsit, inde interfectus ipse, & bella ciuilia tanta crudelitate exarserunt, ut nihil ferme toto orbe multis annis intactum relictum sit. Nam Cometæ admodum fuit diuturnus, quippe qui sex mensibus totis resplenduit. Antequam Ludouicus Germanicus, & Carolus prælio exitiali inter se dimicarent,

T Frater



Frater contra fratrem in Gallia, quo nulum fuit cruentius neque maius, adeoque conciderint Gallorum vires ut nunquam postea plenè potuerint restitui. Cometes inges apparuerunt è quibus vltimus fuit in Aquario, primus in Libra, secundus in Ariete. Quidam volunt diuersis annis sed eodem ordine apparuisse. Temporibus Ioannis XVIII. Pontificis apparuit Cometes terribilis meridiem versus, quem secuta est mors Pontificis ipsius, ingensque fames ac pestis. Ante Constantini mortem Cometes magnus pluribus mensibus apparuit, qui & illius mortem prænuñciauit, & seditiones ac bella & calamitates, quæ toti orbi contigerunt propter diuisionem imperij inter tres filios quos hæredes reliquerat. Vltimo anno Vespasiani Cometes visus est: quem ille (quod iocosus esset) ridebat dicens pertinere ad Regem Parthorum qui comam nutrirer: ipse tamen mortuus est. Inde etiam paulò post mortuo Tito successore nefanda Domitiani tempora. Anno 1165. in Scotia apparuit Cometa ingens cum duobus longissimis radiis ardens, intraque quatuordecim dies Malcolmus, quatuordecim Rex cognomento Virgo ob continentiam, mortuus est. Hoc volui subiicere ut intelligeres diuersas esse formas atque innumerabiles crinitarum: quasdam incuruas ut illa Xerxis, quasdam bifidas ut hæc, atque species alias infinitas quæ describi nequeunt. Anno 1214. mense Martio duo apparuerant Cometa terribiles in Scotia, alter Solem præcedens: alter sequens, quo anno felicissimus & optimus Rex Vuilhelmus cum annos quadraginta nouem regnasset, senio extinctus est anno 1269. Cometes miræ magnitudinis sub meridie (magno pro miraculo certè) pluribus diebus visus est in Scotia. Inde anno 1271. nona Ianuarij ventus aded sæuus exarsit, & cum ingenti tempestate, grandineque insolitæ magnitudinis sauiit, ut rota Scotia deiectis ædificiis, igneque accenso, propter ventos, eumque qui asseruabatur in ædificiis vsus gratia ignem, maxima pars provincie exarserit. Itaque intelligis non prorsus Cometas sequi affectus sensibiles, sed originem ac seminaria. Exarserunt & nostra tempestate anno 1530. Cometes: Florentia in seruitutem redacta est 1531. alius per Cancrum, Leonem, Virginem & Libram discurrens, terræmotus fuit in Lusitania. 1532. alius in Virgine, Libra, Scorpione intra tropicos, vnde Frisij, Bataui, Zeelandi ac Flandri aquarum inundatione submerguntur. Sequenti à fine Iunij vsque ad initium Septembris per Geminos, Taurum & Arietem alius retrocessit, de quo dictum est, terræmotus ac ventus Rheno vicinas regiones circa medium noctis exagitauit: Fames Germanos vexauit. Subsequenti anno, in Polonia tam grauis fuit inundatio aquarum ut Cracouia & Casimyræ lapidei pontes & mœnia cum plurimis ædificiis sint eversa. In Brabantia fortuito igne apud Bredanum noningentæ & sexaginta domus

conflagrarunt. Hæc de Cometis dicta sufficiant, ut pro exemplo his quæ venturæ sunt satisfaciant. Illud solum animaduertes, quod cum ratione non consent aduentus futuri Cometarum, nec eclypses vulgus animaduertat nisi magnas, plurimas ex utroque genere quæ ad rerum notitiam pertinerent, historicorum scriptores præterisse. Nunc verò inuentis Ephemeridibus, deliquia omnia obseruare licet.

*Multiplicatio effectus syderum  
secreta.*

Sciendum est præterea quod si volueris cognoscere res magnas, oportet ut has tres regulas memoriæ mandes: primum raritatem seu tempus, & multiplicabis vnum in aliud si sit exquisitum, & si non in partem illius ratione dierum: & numerus dierum illius effectus. Exemplum si fiat coniunctio Saturni & Iouis in aliquo puncto, & præter id Lunæ ad vnguem in annis viginti, dicamus quod fiat coniunctio Saturni & Iouis, & Lunæ recursus sit in viginti septem diebus & octo horis, tunc multiplicabimus viginti septem & tertiam partem, & fient anni quingenti quadraginta sex & duæ tertiæ, scilicet effectus tempus illius coniunctionis. Sed tamen ab alia coniunctione poterit ante id perturbari, & maximè post dimidium temporis augebitur enim naturaliter effectus vsque ad annos ducentos septuaginta tres cum tertia, & hoc vbi coniunctio omnium trium erat in eodem puncto. Sed ponamus quod Luna distet tunc triginta minutis, accipiemus semidiametrum Lunæ, qui est quindecim minuta & videbimus proportionem distantie ad ipsam semidiametrum, ut demus illi dimidium additionis, quia semidiameter est dimidium distantie, Et si Luna disteterit vno gradu, dabimus quartam partem ut multiplicemus sex dies & viginti horas in viginti annos, & erit tempus effectus anni centum triginta sex: & ita faciemus donec Luna plus disteterit, quàm sit lumen eius quod superius diximus esse partium duodecim & dimidiæ. Et licet hæc ratio non sit omnino exquisita, est tamen sensibilis & veritati proxima, Magnitudo autem Solis est minorum sexdecim, Lunæ decem & septem, Iupiter & Venus quinque & vsque ad sex fermè, Saturni & Martis, quatuor, Mercurij duorum.

Secunda regula est quod effectus multiplicantur in robore iuxta raritatem secundum exquisitam applicationem. Veluti Saturnus habeat quatuor vires, Iupiter quinque, Mars tres, & iungantur simul in eodem puncto: tunc multiplicabimus tres, quatuor, quinque simul, & erit effectus ille sexaginta in robore: scilicet duodecuplus Saturno, & vigintuplus Marti soli. Quod si Mars disteterit per vnum gradum tempore quo coniunguntur Saturnus & Iupiter: tunc multiplicabimus tria minuta semidiametri Martis in tria numerum roboris. Mortis, & fient nouem: Hunc numerum diuidemus



demus per sexaginta numerum minorum distantia Martis à Ioue & Saturno, & exeunt tres vigesima, quas multiplicabimus in viginti numerum roboris coniunctionis Saturni & Iouis, & fient tria, quæ ad des ad viginti & coniunctio illa habebit robur viginti trium, & erit ferme octupla robori Martis, & sextupla robori Saturni, & quintupla robori Iouis, & sic de reliquis. Robur verò vniuscuiusque Planetæ condiscet ex magnitudine illius & tarditate motus: quanto enim maiores sunt Planetæ & motu tardiore mouentur, tanto sunt robustiores in causis generalibus: In propriis autem non ita est. Exemplum, volo scire quantum virium habeat Saturnus in comparatione ad Lunam quoad effectus longitudinem: Video quod Saturnus reuoluitur in annis 29. diebusque 158. & sunt dies XMDCCCL. Hoc duco in semidiametri sui quadratum fiunt dies XCVIMDCCL: Similiter duco circuitum Lunæ in quadratum minorum semidiametri, & fiunt dies VIIIMCCCCIC. cum tertia, diuido vnum per alium, & exeunt duodecim, & tanta est proportio virium Saturni ad vires Lunæ. Idem dico de coniunctionibus quoad effectus longitudinem. Et potest demonstrari vno verbo, quia effectus durant ad reditum, utpote coniunctio Saturni & Iouis, usque ad aliam coniunctionem: & Saturni ingressus in initium Arietis usque ad alium ingressum in initium Arietis. Quia nihil datur inane in natura: Et ideo si effectus non duraret usque ad reditum esset circuitus Mathematicus non naturalis: Et causa sine effectus, & impotentia quadam: Quamobrem proportio circuitus ad circuitum, ut temporis ad tempus, quod erat probandum. Vnusquisque tamen horum circuituum redigitur ad dimidium: nam ab appositione finitur coniunctionis vis, attenditurque ipsa oppositio. His itaque visis manifestum est quod in vtraque regula dictum de duobus Planetis & tribus, tenet etiam in quatuor & quinque, & sex: utpote si iungantur ad vnguem, vel per partes Saturnus, Iuppiter, Mars & Luna, tam quoad magnitudinem effectus, quam temporis multiplicantes tempora & vires illorum, sequentes regulam primam in temporibus & secundam in viribus.

Ex his concluditur quod potentissima coniunctio & maxime diuturna, est capitis Arietis octauæ sphaeræ cum capite Arietis nonæ: quia non fit nisi in XXXVIM. annis. Et in ea coniunctione palam est quod consentiunt omnia signa nonæ sphaeræ, & omnes stellæ octauæ orbis tribuunt vires suas, & omnes Planetæ quia absides illorum mouentur motu octauæ orbis & etiam quia eclipcticæ se iungunt inuicem, ad quam Planetæ tum propter Solis motum, tum propter latitudinis rationem, habent respectum.

Secunda est coniunctio Saturni & Iouis in signo Arietis, id est, circuitus ex Ariete in Arietem, qui fit in 795. annis habita ratione mutationis trigoni.

Tertia est mutatio coniunctionis Saturni & Iouis ex trigono in trigonum, quæ fit in centum nonaginta nouem annis: Et fit secundum ordinem signorum, id est, ex trigono Arietis primo in trigonum secundum Tauri, inde in trigonum Geminorum inde Cancræ, post reuertitur ad primum trigonum.

Quarta est reditus Saturni ad initium Arietis in triginta annis.

Quinta est coniunctio Saturni & Iouis, quæ fit singulis viginti annis.

Sexta est reditus Iouis ad initium Arietis, qui fit in fine duodecim annorum.

Septima est coniunctio Martis & Iouis, quæ fit in viginti septem mensibus.

Octaua coniunctio Solis cum Marte, quæ fit in viginti sex mensibus.

Nona est coniunctio Martis cum Saturno, quæ fit in viginti quinque mensibus.

Decima est circuitus Martis, qui fit in viginti tribus mensibus.

Vndecima est coniunctio Solis cum Ioue, quæ fit singulis quatuordecim mensibus.

Duodecima est coniunctio Solis cum Saturno, quæ fit singulis tredecim mensibus.

Tertiadecima est circuitus Solis, qui fit in duodecim mensibus. Et quod dixi de Sole quo ad proprium circuitum, quoad coniunctionem cum superioribus, intelligitur de Venere & Mercurio. Et similiter quod dicemus de coniunctione Lunæ, cum Sole intelligendum erit de coniunctione Lunæ, cum Venere & Mercurio.

Quartadecima est coniunctio Veneris cum Sole, quæ fit in decem mensibus seu diebus 292.

Quintadecima est coniunctio Mercurij cum Sole, quæ fit in duobus mensibus seu diebus 58.

Sextadecima est coniunctio Lunæ cum Sole, quæ fit in diebus viginti nouem & horis decem, & mensis Lunaris.

Decimaseptima est reuolutio Lunæ, quæ fit in diebus 27. & horis octo.

Decimaoctaua est reditus cuiuscunque Planetæ, vel fixæ, vel loci coniunctionis ad finitorem in ascendente, vel ad circulum medij cœli, qui tantam habet vim, quantum habet ingressus stellæ eiusdem in primum punctum Arietis. Et hoc demonstratur ex tertia regula quæ talis est. Quodlibet astrum tantam sortitur vim per se, quanta est raritas euentus: iam hoc enim demonstratum est superius, & hæc raritas in gradu est semper trecentesima sexagesima pars: igitur si astrum est idem & raritas eadem tantum est habere astrum illud in gradu ascendente quod sit in quolibet die, & vocatur hic circuitus diurnus, quantum est quod illud astrum ingrediatur primum punctum Arietis. Ostendo modo quod sit eadem raritas, qui sicut in vno die manet ille gradus quatuor tantum minutis in ascendente, & Saturnus manet in primo gradu Arietis per vnum mensem ferme.



Et ita licet ingressus Saturni in Arietem non fiat nisi in triginta annis semel & Saturnus in ascendente singulo die semel sit, quia tamen in ascendente non manet nisi momento, id est, quatuor minutis horæ, qui sunt pars trecentesima sexagesima vnius diei, & est totius circuitus, & in primo gradu Arietis per mensem, qui & ipse est trecentesima sexagesima pars circuitus triginta annorum, patet quod tam rarum est habere Saturnum in gradu ascendente, quàm in primo gradu Arietis. Idem potest demonstrari de Luna, & de coniunctione magna capitis Arietis octauæ sphaeræ, cum capite Arietis nonæ: quia licet non fiat nisi in triginta sex millibus annis, quia tamen durat caput Arietis octauæ sphaeræ, in primo gradu Arietis nonæ, & quælibet stella fixa octauæ in certo gradu nonæ, centum annis: patet quod tam rarum est habere caput Arietis in ascendente, siue octauæ, siue nonæ, quantum est quod quis nascatur tempore illius coniunctionis, scilicet capitis octauæ sphaeræ cum capite nonæ in eodem gradu. Et sic de reliquis in quibus habetur ratio circuitus, quia vnus terminus manet fixus. Similiter probō de his in quibus vterque terminus mobilis est: & manifestum est gratia exempli in coniunctione Iouis & Saturni, quod licet fiat in viginti annis solum talis coniunctio, tamen manent iuncti per trecentissimam sexagesimam partem circuitus, id est, per plus quàm viginti dies. Et ita de omnibus aliis. Et eadem est ratio de circuitu & coniunctione corporea respectu vnius ex illis astris in puncto ascendente, vel in puncto cordis cœli. Ex quo sequitur quod etiam coniunctiones omnes seu Planetarum, seu ad fixas, respectu eiusdem spaciij puta vnius gradus vel decem minutorum, vel in eodem minuto ipso, sunt eiusdem virtutis, quantum ad raritatem, & etiam quantum ad vires respectu raritatis. Sed non tamen respectu stellarum quæ iunguntur: quia (vt iam dictum est) plus potest coniunctio Saturni cum Ioue, quàm Martis cum Ioue: & multò plus coniunctio Saturni cum Ioue, quàm Veneris cum Mercurio in eadem distantia, ratione corporum ipsorum. Et ita etiam plus faciet coniunctio Saturni cum Ioue in eodem gradu in quacunque parte natiuitatis, quàm habere Saturnum, vel Iouem solum in gradu ascendente, vel cordis cœli, non raritatis: quantum enim ad hoc sunt æqualis potentia, vt iam demonstratum. Sed ratione ea quod Planetæ iuncti per secundam regulam duplicant vires. Et ex hoc sequitur aliud, quod aliqua coniunctio Veneris & Mercurij, erit longè potentior quàm coniunctio Saturni & Iouis, vel Solis & Lunæ: quia coniunctio Saturni & Iouis, vel Solis & Lunæ, erunt in eodem gradu tantum, & coniunctio Veneris & Mercurij erit corporea. Corpoream coniunctionem voco, quando Planetæ non plus disteterint inter se quàm sit aggregatum semidiametrorum, vt pote quod Venus & Mercurius non distent

inter se plusquam octo minutis in longitudine: Et ita Venus à Luna viginti tribus minutis. Et si talis coniunctio fieret etiam secundum latitudinem, esset longè validior. Latitudo tamen non tantum facit quantum differentia in longitudine, quia distantia in latitudine non impedit, quin ambæ stellæ ferantur in eodem circulo transeunte per polos zodiaci. Et maxima distantia duarum erraticarum quæ esse possit in latitudine est inter Martem & Venerem, quando Mars fuerit in extremo latitudinis Australis, & Venus Borealis: tunc enim distabunt partibus quatuordecim cum dimidio. Secundus modus quo coniunctio Veneris & Mercurij poterit esse maior coniunctione Saturni & Martis (Omitto tunc quod essent cum aliqua stella fixa vel in initio Arietis, & Saturni, & Iouis in fine Virginis, nam istud esset multiplicare coniunctionem & facere triplam) est quod Venus & Mercurius sint in gradu ascendente, & Saturnus & Iupiter sint in fine secundæ domus, gratia exempli: Et hoc ex tertia regula. Tertius modus est quod in vna natiuitate in qua Venus & Mercurius iunguntur, Venus vel Mercurius dominantur ascendenti: in alia vbi iunguntur Saturnus & Iupiter neuter habeat potestatem in ascendente, vel nullam omnino, vt si ascendat decima pars Virginis aut Tauri: vel paruam valde, vt si ascendat decima pars Leonis: Vbi solus Iupiter nihil aliud habet nisi dominum trigoni, & maximè si natiuitas diurna fuerit. Quartus modus est, si dum Venus est iuncta Mercurio sit Cometes in cœlo, aut fiat coniunctio Lunæ cum Sole, & magis si fiat eclipsis, tunc enim etiam quod non aspiat locum (quia in cœlo est veluti in homine, qui totus est transpirabilis vt sententia Hippocratis vtar, omnia ab omnibus afficiuntur quoquomodo) erit coniunctio hæc Veneris & Mercurij, potentior coniunctione Saturni & Iouis, cum qua nihil harum magnarum rerum contingat. Et nota quod magnæ res in cœlo sunt sex: Prima est coniunctio eclipticarum octauæ & noni orbis, & caput Arietis eorum. Hæc enim præstat ordinem vniuersæ machinæ elementari. Secunda est Cometes qui maria & terras, & omnia miscet. Tertia est deliquium luminaris quod plerunque perturbat vnum certum genus determinatum. Quarta est coniunctio Solis & Lunæ, qua reguntur omnia humida: Ideoque maria, Cancrī, Pisces, morbi, ligna cædua, & talia. Quinta est coniunctio Saturni & Iouis quocunque in loco contingat, qua reguntur leges, imperia, regiones. Sexta est coniunctio luminarium cum fixis, quarum Solares ventos regunt, & Lunares maria concutiunt. Forsan dicet aliquis quod duo Planetæ iuncti non multiplicant vires: sed iungunt solum, sicut duo reges fœdere colligati. Sed videmus quod qui habent iunctos Planetas corpore, plurimum possunt, in comparatione eorum tum qui eos iunctos habent tantum in eodem gradu: cum tamen nullum



nullum deberet esset firmè discrimen si in coniunctione nulla vis noua confurgeret, nam qui distarent (cùm virtus singulorum iam per se maneat, tota etiam si nullo modo iungantur) iuncti per vnum gradum idem firmè efficerent, quod corporaliter, quod iam patet esse falsum.

Decimanona est coniunctio Veneris & Mercurij, quæ irregularis dici potest, hæc autem certum non habet circuitum, fiat tamen circuitus eius ex multis coniunctionibus collectus atque diuisus, & vocatur circuitus medius, quinque mensium & trium dierum, vel circiter.

Vigesima est transitus absidum de vno signo in aliud, qui est circiter trium millium annorum: alij dicunt quatuor millium: sed quia sunt quinque absides præter Lunam. Ideo contingit vt non possit fieri quin transitus seu mutatio fiat singulis mille ducentis annis: aut quando seriùs iuxta aliam opinionem in annis mille sexcentis. Et ex hoc facile est intelligere cur literæ tantum habuerint incrementi à centum annis citra, quia iam centum annis mutatus est absis Mercurij ex Virgine in Libram. Et primus punctus Libræ, est punctus valde potens, quia est punctus æquinoctialis. Et significat perturbationes in legibus, vt dictum est. Et similiter à ducentis annis citra facta est permutatio absis Solis & Veneris in primum punctum Cancræ, qui est punctus tropicus, & trigoni sectæ Mahumeticæ: ideo significauit incrementum magnum illius sectæ. Et quia Mars est dominus illius trigoni significauit inuentionem mirabilem & exitialem (& vt more vulgari loquar diabolica) machinarum ignearum, quarum vis similis omnino est fulmini, & forsitan maior, vt existimo. Et quia Luna est domina loci illius, significauit detegendum vniuersum orbem per nauigationes. Et quia Iupiter est dominus altitudinis, significat omnium artium illustrationem, & vitam maximè ciuilem: & inuentionem illam gloriosam Typographicam, qua omnes disciplinæ maximum susceperunt incrementum. Et prima mutatio erit absidis Iouis in primum punctum Libræ, inter sexcentimum & octingentesimum annum, quo tempore incipiet mutatio legum, cui nunquam fuit similis, & confurget vna noua lex, & cum his alia multa. Et hæc pauca placuit adiungere ex libris de Arcanis æternitatis, pro exemplo.

Post hæc consideranda sunt quæ ab Hermete in hac causâ & magis specialiter, vt Haly recitat, sunt in hanc sententiam, cùm malefica seu in genitura alicuius, seu erectione regni, seu in principio ciuitatis, seu in distributione prouinciarum per signa transierit, per altitudinem Planetæ significatoris, & maximè si retrograda fuerit, & eò magis etiam si illi signo fuerit inimica, vt Saturnus Arieti, Mars Libræ, & Tauro, & vterque illorum Cancro, & Mercurius Piscibus, & Sol Libræ, tunc quicumque subiiciuntur illi signo, patientur quip-

Tom. V.

piam, & eò magis cùm Planeta super gradum proprium exaltationis alterius transierit, & si fuerit regnum aut Rex, tunc ministri illius graues erunt subditis & iniusti. Rursus cùm gubernator seu præses Planeta vitæ, vel honoris, vel diuitiarum mutatur de signo in signum hora quâ mutatur erige figuram, & vide quis planeta illum aspiciat. Et si sit gubernator decimæ domus, inspicere quis planeta sit in ea, vel aspiciat eam. Et si sit gubernator loci Solis, vel Lunæ, vel ascendentis, vel partis fortunæ, inspicere quis planeta sit in loco illo, vel aspiciat eum. Et secundum illud iudica de Rege per principium regni, & de ciuitate, & de prouincia, & de priuato homine. Exemplum si cùm Gubernator medijs cœli mutatur de signo in signum, in figura regni & hora, quâ mutatur ipse gubernator sic in septimo loco, & Saturnus in medio cœli aspiciens cùm de quadrato, tum rex ille propter auaritiam & socordiam negligetur à suis subditis, & odio habebitur. Et si debilis fuerit erectio Regni, & processus testimonium præbuerit, fieri poterit, vt insidiæ illi parentur: si non, non erunt nisi verba. Ex quo patet quod ex moribus cuiusque regis, gentis, & priuati facile poteris dignoscere Planetam qui gubernat: si fuerint mores perpetui: Si verò fuerint mores vnius anni, vel aliquot mensium, vel dierum cognosces naturam Planetæ, qui gubernatori miscetur. Nam si fuerit auaritia cum socordia & malignitate erit Saturnus. Et si fuerit auaritia cum socordia & crudelitate erit Mars. Et si fuerit iustitia cum liberalitate & pietate erit Iupiter. Et si fuerit liberalitas cum bonis verbis iocis & conuiuiis erit Venus. Et si fuerit varietas morum & subdola verba, & delectatio picturarum, & artium erit proculdubio Mercurius. Et si fuerit auaritia occulta cum splendore, & magnificentia magna, & ambitione summa cum iustitia erit Sol: & hoc contingit rarò: Et si fuerit ille quasi mercator & humilis, cum plebe totusque negotiosus & varius fungaturque quasi officio suorum magistratum, vel si fuerit priuatus suorum seruorum erit Luna: & hoc etiam contingit rarò. Ex hoc etiam sequitur quod qui habent gubernatores tardi motus fortunam habent æqualem, seu bonam, seu malam: Qui verò velocis motus variam & inconstantem quia sapius mutantur, de signo in signum. Et Planetæ inferiores & veloces in motu, & orientales à Sole & iuxta orientem, & in principiis signorum festinare faciunt euentus & successus rerum, & contrarij retardant, similiter etiam septentrionales nobis iuuant ad celeritatem, Meridionales ad tarditatem contrarium contingit in hoc habitantibus vltra æquinoctialem. In his tamen certus ordo habendus est. Primum igitur est quod Planeta sit orientalis à Sole. Secundum quod sit auctus motu. Tertium quod sit ab ascendente ad medium cœli. Quartum quod sit Planeta velocis motus natura, id est, inferior Sole.

T 3

Quintum



Quintum quod sit in initio signi. Sextum quod sit Borealis & hoc pro festinatione: contrario ordine pro tarditate.

Nota etiam quod Planetæ inferiores sunt boni, pro negociis parvis, & sæpe reuertentibus, & mercibus conuersione hominum, exercitatione artium, quæ quotidie mutant aliquid utpote pro medicis: mali autem pro rebus magnis & stabilibus, ut regno, consilio, iuris administratione, bellica arte pictura sculptura, phastica: Vnde quibus Planetæ inferiores solum dominantur, sed iustitiæ sint administratores eam pro commodo proprio metiuntur. Dico autem pro amicitia muneribus expectatione mutæ gratiæ urbanitate & iocis: & potentia artium: superiores autem Planetæ inepti vicissitudinibus, & parvis negociis, magnis autem & stabilibus utiles, & conuenientes. Inspice etiam in vnoquoque negotio in initio eius & decursu, statum Planetæ secundum naturam dominantis: Veluti si duo Reges pugnent, quorum neque genituram habeas, neque principia regni: quia bellum pertinet ad Martem, inspicere si sit orientalis, vincet Rex cuius regnum & magis versus orientem: Et si occidentalis fuerit Mars ex toto tempore decursus belli erit contrarium. Et similiter si fuerit septentrionalis vincet Rex cuius regnum est magis versus septentrionem. Et si regio vna fuerit magis versus orientem & meridiem altera, & Mars fuerit orientalis & Borealis, erit in eodem tempore fortuna varia. Et si Mars permutet situm in contrarium permutabitur & fortuna illorum Regum. Idem de aliis significatoribus, & quando gubernatores trigoni alicuius vel loci vitæ, vel medijs cœli, id est, honoris vel fratris fortunæ, seu regni, seu regis, seu priuari, seu gentis, seu ciuitatis robusti fuerint & maximè in comparatione loci, tunc talis res erit valida. Et si fuerint debiles & infelices, & maximè maleficæ, tunc in illa re euenient multa inconuenientia. Et rursus scias quod ex deterioribus dispositionibus quæ contingant in significationibus, est quod Saturnus sit oppositus Marti retrogrado, & alter eorum fuerit significator, vel si ambo fuerint iuncti & retrogradi aspicientes significatorem ex opposito, & maximè si significator fuerit occidentalis à Sole, vel sub illius radiis, vel si iungantur significatori sic dispositi, vel illum de quadrato respiciant. Et scias quod natura signorum etiam ostendit mala: nam si significator gentis damnetur in trigono Cancris, erunt inundationes, aut genera lepræ. Et si in trigono Geminorum, erunt latrones, & bella, & forsitan pestis. Mars autem & Mercurius propriè significant latrones in humanis signis, quando simul participant radio vel dominio. Et causa est quia vterque eorum est infidus, promptus, crudelis, vigilans, infelix, & tales sunt latrones: & si fuerit in trigono Tauri, erunt terremotus, vel iactura in armentis. Et si fuerit in trigono Arietis, erit iactura

in frugibus & arboribus propter siccitatem, vel febres acutæ, vel etiam iactura in animalibus & rabies canum, & luporum. Præter has sunt sex regulæ notatæ dignæ, quæ naturæ sunt, & ex sententia Ptolemæi, quarum vna est generalis regula effectuum.

#### *Regula generalis effectuum.*

Effectus omnes significatorum generaliter reducuntur ad tres dispositiones, naturam significatoris bonam vel malam, aut mediam ad debilitatem, vel robur ad qualitatem, quod sit felix vel infelix. Ita ut optimi effectus fiant, cum benefica fuerit robustissima felicissima: pessimi cum malefica fuerit robustissima infelicissima. Media cognoscere ex his.

#### *Regula de successibus.*

In genitarris priuatis & initijs ciuitatum & erectionibus regnorum, & qualitibus temporum sunt duo genera dominationis successio & participatio. Participatio est cum duo Planetæ dominantur in eodem loco & neuter eorum est debilissimus, & tunc contingit idem quod duobus in eodem magistratu administrantibus, quia vterque participat in actionibus: veluti in genitura nostra Venus est domina domus, & finis, & secunda domina trigoni: Luna verò domina altitudinis, & prima domina trigoni & aspiciat ascendens. Ideò qualitas erit composita perfectè & bene mixta ex natura Veneris & Lunæ, sed successiones fiunt, quoties solum vnus potest præesse illi effectuum, vel etiam si duo possint præesse vnus propter debilitatem redditur imabilis: Tunc contingit sicut in duobus qui pugnant de aliquo magistratu, tunc quicumque succumbit ex illis nihil penitus retinet dignitatis, etiam si in mille suffragiis caderet, vno solo ab altero, & præter id victor conatur omnia facere contrario modo, ei qui victus est. Exemplum primi modi in nostra genitura Luna succedit Soli, in vita post ascendens, quia Sol est nimis debilis, ideò Sol nihil penitus significat in vita quia ex toto excedit à dominio. Et si Sol perueniret ad centum pessimas directiones nihil penitus offenderet in vita, & quando Luna peruenit ad oppositum radiorum Solis, radij Solis quasi interfecerunt ex pestilenti febre, & bubone, aliisque dispositionibus succedentibus prauis. Exemplum aliud sit significator Iupiter honoris, & dominus decimi loci, & in reuolutione sit sub radiis Solis: & ita amittit significationem & non redit ad secundum significatorem, sed ad signum decimæ. Dico igitur quod eo anno experietur mirabiles mutationes in honore iuxta Planetas ambulantes in illo signo. Exemplum secundi in tertia genitura dominus loci Lunæ erat Mercurius inde Luna, Mercurius est debilissimus sub Sole, ideò res redit ad Lunam, & quæ significan



significantur per Lunam erunt de natura Lunæ in totum absque vlla significatione Mercurij: Et similiter in eadem Mercurius erat primus significator loci Iouis, & Martis, & Saturnus secundus. Cum verò Mercurius sit debilissimus tota res redit ad Saturnum, & tamen abest vt fiat aliquid cum participatione Mercurij, quod Saturnus omnia ministrabit absque vlla participatione Mercurij, & vt ita quasi dicam in contemptum.

#### *Regula de Planetis combustis.*

Cum Planeta fuerit sub Sole, Sol ipse disponit loco illius Planetæ seruata qualitate eius, exemplum in tertia genitura Sol significat pro Mercurio eadem quæ Mercurius: puta si volueris cognoscere ingenium eius, considera dispositionem Solis, qui est in Ariete. Et ideo potens ac felix & significat amorem ad disciplinas, eruditionem, splendorem in negociis.

#### *Regula de iniuriis regnorum.*

Aberrant Astrologi qui initia regnorum sumunt ab electione solenni, quæ fit cum pompa & est voluntaria, ideo nunquam diuinant. Nam cum ille iam habeat potestatem regiam & electio illa non addit, nisi pompam, re verò est inanis, oportet quod cum constitutio astrorum sit similis rei à qua sumitur, quod talis constitutio electionis regni nihil significet: tum quia est merè voluntaris: tum quia est sumpta à tempore in quo nullam acquirit potestatem veram, sed solum speciem quandam potestatis: ob id igitur si regnum sit per successionem capitis in ipsa hora acceptionis, id est, mortis regis præcedentis. Si verò sit per electionem ab ipsa hora in qua primum consenserunt, & non ab ipsa pompa, vel caremoniis quia pompa, vel caremoniæ postquam iam electus est suffragiis, sunt in arbitrio Regis, ipsa verò electio per suffragia est in arbitrio Dei & cæli eius ministri. Et ab eo tempore sumenda est constitutio cæli pro regno, & ita Pontificibus Maximis eligendis: Si verò regnum acquiratur cum contentione, vt contingit inter fratres, vel sit regnum nouum bello acquisitum, sicut dixi in eclipfibus quod debet sumi constitutio cæli à medio ipsius eclipfis: Ita hic ab initio victoriæ quando omnes iam incipiunt fugere, & si fuerint plures victoriæ sumatur illa postquam vires inimici nunquam amplius refectæ sunt. Et si fuerint ciuitates qua se tueantur aduersus illam ab hora expugnationis illius vel deditionis voluntariæ, postquam nulla repugnavit pro libertate, neque certauit extremo conatu, sed solum vt bonas condiciones acciperet. Plerumque autem contingit vt hoc eueniat in Metropoli non tamen semper. Et quando Metropolis vno tempore acquiritur, & aliæ ciuitates alio tempore: tunc oportet diuersas facere figuras, & quælibet seruit suæ ciuitati. Et similiter si ciui-

tas principalis capta fuerit vno tempore, & arx eius valida alio tempore: tunc regnum illud erit quasi diuisum & oportebit facere plures figuras, & vnaquæque seruiet suo loco. Et hoc est secretum magnum.

#### *Regula de transmutationibus.*

Dico etiam quod caput & cauda draconis cum iunguntur planetis magnas habent vires. Vtpote si Saturnus coniugatur capiti, quia iam locus ille eclypticæ magnam vim recipit à Luna, quæ veniens ad nos bonum affert. Ideò Saturnus benè afficitur à capite & malè cauda, verum quia Saturnus ipse inficit locum sua frigiditate & siccitate, & Luna veniens ad nostram sic per illum. Ideò Luna malè afficitur quando Saturnus fuerit iunctus capiti draconis & deterius quando caudæ. Ita coniunctio capitis draconis cum Saturno iungat decreta Saturni, sed malè afficit Lunam: coniunctio verò Saturni cum cauda inutilis est vtrique, id est, Saturno & Lunæ. Sic coniunctio Iouis cum cauda inutilis est Ioui, utilis verò Lunæ: coniunctio verò Iouis cum capite vnus est vtrique, scilicet Ioui & Lunæ.

#### *Regula de statu temporum.*

In æstate interlunio tempus est calidius, quia Luna nobis proxima est, plenilunio frigidius: quia cum Sol sit nobis proximus: in æstate, in plenilunio Luna illi opposita erit remota à nobis. In hyeme autem plenilunia faciunt tepidiores noctes, quia Luna nobis proxima est, & nouilunia frigidissimas, quia Luna ab est à nobis. Eadem ergo regula erit de omnibus planetis calidis Marte, Venere, Ioue. Contraria de frigidis Saturno atque Mercurio: quando Mercurius naturæ Saturni assimilabitur. Stationes autem planetarum maxime ostendunt eorum vires & rectè obseruauit Io. Vernerus Noricus vir veridicus. Saturnus enim frigiditatem facit, Mars calorem, Iuppiter temperamentum & serenitatem Venus pluias. Cumque Luna ad ascendens nouilunij aut plenilunij peruenerit plerumque mutatur aer iuxta decretum nouilunij, vel plenilunij, similiter cum ascendens directione peruenerit ad Planetam loci nouilunij, vel plenilunij dominum dando par. 13. min. 11. pro vnoquoque die. Ingressus etiam planetarum in signa sui casus tempora mutant. Coitus quoque plurium & maximè cum fixis similis, aut contrariæ naturæ tempore mutat. Et maximè cum Luna ad illos peruenerit corpore vel aspectu. Cumque tales coitus in plenilunia, aut nouilunia incidunt erunt autem validiores. Minus firmum est quod tamen sapius obseruatum, verum inuenit Venerem, & Martem, & Solem, cum partem Cardinis occidentalis hora æquinoctij ingrediuntur, maximas aeris mutationes afferre pro suæ naturæ qualitate. Lunam quoque idem facere quoties planetæ occurrunt occiduum æquinoctij cardinem peragranti.



Nunc verò reuertor ad propositum, & dico quod hoc est illud quod dixit Ptolemæus superius quod erat relinquendum gnauitati Astrologi. Oportet enim talia diligenter considerare. Animaduertendum etiam quod reditus Solis ad eandem stellam fixam singulo


anno fermè faceret annum integrum trecentorum sexaginta quinque dierum & sex horarum. Veluti nunc ad primam stellam quæ est in signo Piscium, faceret semper æquinoctium Vernum, quia annus fermè tantum retroactus est, quantū stellæ fixæ processerunt.





SERVATORIS  
Genesis.

**E**Rat tempore Christi æquinoctium Venum vigesima tertia die Martij: Plinius posuit (cui credendum est, ex observationibus vt verisimile est Soligenis, iussu C. Iulij Cæsaris) vigesima quinta die Martij: & Brumam vigesima quinta die Decembris: nunc autem est æquinoctium Venum decima die Martij, ita vt Sol fermè quindecim diebus anticipauerit. Fixæ autem decemno- uem partibus processisse videntur, ita vt parum à natiuitate Christi vsque nunc differant dies anni, in quibus Sol iungebatur stellis fixis tempore Christi, & etiam tempore nostro, vt sint fermè quinque dies differentia, in quibus nostro tempore Sol posterius occurrit stellæ eidem, quàm tempore Christi. Exemplum, Nonis Ianuarij, id est, quinta die Ianuarij scriptum inuenitur apud Ptolemæum: Fiducula exoritur, Aquila occidit, Delphinus totus emergit, ventorumque fit concursus: dicemus, quod ista contingent circiter decimam Ianuarij & infra videbis, suo loco. Et si sumeremus motum medium fixarum, quo procedit in cxxxvi annis parte vna conueniret ad vnguem: Antea enim erat velocior. Ex his tandem deuenio ad id, quod est pro exemplo maximo omnium eorum quæ dicta sunt: Et est Genesis Domini nostri Iesu Christi, in qua tot videbis & tanta mirabilia, vt indices, quod etsi naturalibus rationibus solum insitendum esset, Christi natiuitatem fuisse admirabilem, naturamque illi tribuisse quantum concursu omnium cælorum excogitari poterat, & naturaliter legem nostram esse legem pietatis, iustitiæ, fidei, simplicitatis, charitatis, optimæque institutam: nullumque habituram finem, nisi post reditum eclipticarum, in quo fiet nouus status vniversi. Nec tamen me velle credas dicere, quod vel diuinitas in Christo, vel miracula eius, vel virtus sanctitas, vel legis promulgatio ab astris pen-



| Motus latitudines |          |          |
|-------------------|----------|----------|
| ♄                 | Retrog.  | MA 1. 4  |
| ♃                 | Medioc.  | SA 1. 31 |
| ♂                 | Medioc.  | SA 0. 31 |
| ♁                 | Velox    |          |
| ♂                 | Velox    | MA 1. 50 |
| ♂                 | Velocif. | MA 2. 0  |
| ♂                 | Velox    | SD 4. 22 |

deant: Sed, sicut natura illum ornauit optimo tem-

peramento, pulchritudine corporis, sanitate perpetua, gravitate intuitus, quæ omnia fermè ex Iosephi in de bello Iudaico testimonio colliguntur, sic etiam Deus optimus & gloriosus optima constitutione astrorum atque admirabili, genesis illius adornauit: Quod si frustra esse talem constitutionem voluisset, duorum alterum contigisset: aut vt non omnino tam constanter diem & horam natiuitatis illius Ecclesia obseruaret, imò & horæ momentum: Et vt hæc omnia per tot secula innotescerent adedò diligenter: vel non adedò omnia fuissent in illius genitura singularia, magnifica, gloriosa, & tanto concursu digna: tum verò omnibus quæ successerunt de vitæ sanctitate, de morum gravitate, de sapientia, de persecutione, de lege optima promulganda, de maiestate & concursu populorum, de morte denique ac mortis tempore, adedò congruentia, vt nil exactius posset excogitari. Hac igitur fiducia, quod diuina mens velit alicuius propositi causa hanc tantam rem euulgandam (quam iam viginti annis atque amplius cum struxissem, non ausus sum ob religionem edere) duxi. Neque in numerum coarandam tantam luminis maiestatem censui: sed opporunè hic inferendam putari, quod res maximæ atque generalissimæ hic traderentur: Nulla verò illustrior toto orbe fuit quàm Christianæ legis promulgatio (omitto nunc diuinitatem) siue ad legis magnitudinem, quæ totum orbem complexa est, siue diuturnitatem, vt quæ iam mille quingentis viginti annis persenerat, sed quod aduersus Cæsares orbis dominos (vix credas) vulgata sit, seu quod omnibus maius est, quod aduersus vitia: Vt ne gloriantur qui laxatis habenis liberioris vitæ, suum dogma latius breui diffuderunt: Sic enim Mahumetes, sic reliqui. Facile enim est homines iam magno nixu naturæ procacis in vitia delabentes, etiam vncino adiecto secum trahere. At aduersus naturæ inclinationem humanamque leuitatem & aniditatem pugnare, hoc solum diuinum est, atque Dei munus. Itaque vt ad genesis reuertar, in illius ascendente quinque sunt maxima, rarissima, atque præcipua. Primum est coniunctio ipsa capitum Libræ octauæ & noni orbis tam in sectione eclipticarum cum æquinoctij circulo: quàm etiam, quod caput Arietis parui circuli octauæ spheræ in vna esset longitudine cum capite Arietis, quod est centrum parui circuli ipsius nonæ præsens, non dico quæ præferit (nam Christi tempore ad vnguem celebrata fuit) hæc autem vt demonstratum est primum, illustrissima est concursu tot stellarum clarissimarum octauæ orbis, & effectum suum in annos triginta, sex mille, vt superius docuimus, ad minus extendit. Secundum est Cometes ipsius fulgentissimi præsentia, quæ conturbationem in toto orbe & nomen clarissimum declarabat. Tertium erat Iupiter, qui suauitatem morum & probitatem & mansuetudinem cum eloquentia & sapientia maxima declarabat. Itaque factum est cum in ascendente esset, vt anno duodecimo in templo disputauerit. Iupiter enim ibi ante tempus dat sapientiam. Iam, ne antea procedamus, Iupiter præstabat gratiam & eloquentiam, & suauitatem morum: hanc Cometes per omnes populos velut fulgur repente diuulgabat: Suprema verò coniunctio in animis hominum ita stabiliebat, vt neque per turpissimam mortem quæ contingit, neque per edicta principum memoria eius qui illum cognouerant, posset euelli. Quartum fuit spica Virginis, stella magnitudinis primæ & naturæ Veneris, ac parum Martis, quæ antè ascendens fuit partibus solum tribus.



tribus, tum ob par. 2. Australis latitudinis, tum quia verum æquinoctij punctum ascendebat, idè eloquentiam & gratiam apud gentes præstabat, naturalemque futurorum cognitionem. Licet enim aliis diuina resideret, attamen quod supra humanitatem sapientiæ est in humanis ex Veneris fulgentissimo sydere, stellisque ex eius naturâ clarioribus habetur. Quintum erat punctus autumnalis æquinoctij, nam, vt dixi, paululum vel momento temporis ante noctis medium natus est, quod etiam ex directione Lunæ ad occidentis angulum dignoscitur. Itaque ob id necesse fuit Tropicum æstiuum esse in cœli medio, atque ob id, Ptolemæo teste, ad legem promulgandam aptissimum. Ibi etiam erat insignis stella, Hercules vocata, magnitudinis secundæ, naturæ Martis, quæ tot nobiles morti fortissimè obiciendos declarabat: Tot martyres egregios, tot ordines militum Ioannis, Iacobi, Michaëlis, Petri, Paulique Teutoniorum, Ensisferorum, aliorumque. Ex occasu verò vnum, scilicet magna coniunctio, quæ in Arietis tertia parte anno ante Seruatoris natiuitatem sexto celebrata est, cum primum Saturnus ac Iupiter in trigono Cancris iungerentur: Eaque iuxta Arietis capita vtriusque spheræ, quæ ad vnguem, vt dixi, in angulo fuerant occidentis. Hoc igitur octauum est insigne huius Genesis, quo decernebatur mors publica atque famosa ob capitum Arietum coniunctionem, Principumque mandato & ob populi seditionem propter Saturni, Iouisque coniunctionem. Significabat & à morte promulgandam legem, quia capitum Arietum coniunctio erat in ipsa occidentis linea. Duo alia erant insignia ex cœli imo: Solis præsentia indicans mortem præclaram, & à morte nomen clarissimum: Mercurius quoque ibi præsens, & cum Sole, & ascendens respiciens ingenium & dexteritatem maximam, ac solertiam in rebus agendis declarauit. Adèd vt Euangelium referat turbas in responsis eius mirari solitas, quæ constat non à diuina sapientia (quæ nullo tali indiget auxilio) sed ab humana profecta esse. Atque hæc illa sunt decem singularia, atque rarissima huius genituræ: quorum concursu penè diuino, effigies quædam tam mirabilium operum, quæ ab æterna serie constituta erant, præmonstrata est. Nunc verò consentientia dicamus, Mercurius in apice parui circuli velocissimus & cum Sole, & in angulo, & dominus ascendentis ex parte, & in quadrato Iouis & Martis præstitit ingenium acerrimum, & prudentiam maximam. Cum Iupiter esset in opposito Martis, & Mars in domo sua in occidente, contradictiones, æmulationes, insidias, grauissimæque pericula decernebant. Sol in imo Cœli inimicus ascendenti cum Mercurio, & in quadrato Martis Regiam potentiam insensam demonstrabat. Atque id tam ab initio, vt Herodes infantes occiderit, existimans eum inter illos esse. Quia verò Luna significatrix vitæ erat, Sole & Sorte sub terra constitutis, & ipsa sub initio 34. anni ad occidentis lineam perueniebat in conuersa directione, isque locus solus in hoc casu occidit, significauit eo tempore moriturum: Cùmque ibi esset Mars Lunæ & ascendenti hostis, crudeliter & violenter periturum: Cùmque ibi essent radii Iouis oppositi mandato Iudicis: cùmque Solis quadrati, etiam Regiæ potestatis consensu: Cùmque ibi coniunctio spherarum, & magna seditione populorum & consensu gentis. Vnde illa vox plebis, Crucifige, Crucifige. Solem autem radiis suis mortem publicam decernere palam est, Saturni carpentum in ascen-

dente, quod altitudinem, trigonum & finem ibi possideret, efficit illum mœstem & taciturnum. Adèd vt Iosephus dicat visum sæpius flere, ridere nunquam. Sed & ob id grandior ætate videbatur: spiritus enim tristis exsiccat ossa. Vnde Iudæi existimabant illum quadragesimum annum excessisse, cùm dixerint, Nondum quinquaginta annos habes, & Abraham vidisti? Idem cum Venere faciebat maculosum in facie, vt Iosephus refert, dicens, lentiginosus in facie. Quod si à Deo omnia fuissent profecta, quorsum erat lentiginosum creari? absoluta enim sunt omnia, quæ à Deo proficiuntur. Sed vt famescere, sitire, lassari, dolere, propter plagas, mori ob resolutionem caloris naturalis: ita etiam ob Saturni & Veneris dominium maculosum nasci, & quæcunque alia vt cæteri homines, perpeti, naturaliter contigit: præter hoc vnum, quod est ex virgine nasci. Incolunitas corporis & pulchritudo ob Saturni & Veneris dominorum horoscopi, trigonam radiationem ad ipsum horoscopum, Iouisque præsentiam in illo contigit. Cùmque sors esset sub terra in finibus Saturni desolata, significauit paupertatem. Vnde de seipso dixit: Filius hominis non habet vbi reclinet caput suum. Luna & Mars in occidentis angulo in signo terrestri perpetuas quasi peregrinationes, & per terram ostendunt. Infans delatus in Ægyptum & reuersus totam penè prædicationem in itinere peregit. Luna propinqua Pleiadibus tumultus & turbas populorum significabat, & non absque contradictione & periculo, cùm stellæ illæ ex natura etiam Martis sint, & ob Iouis, Martis ac Solis hostiles vicissim radios. Vnde illud Simeonis in Euangelio: Hic est positus in signum, cui contradiceretur. Cùmque Saturnus esset in nono loco; atque retrogradus, significauit studium euertere legis, in qua natus erat: Nemo autem legem evertit, nisi qui nouam condero vult. Cùm verò illud diuinitus faceret, naturaliter tamen hoc studium Saturni stella declarabat: Intentumque perpetuè in opere faciebat. Cùm verò coniunctiones capitum celebrarentur in ascendente & occidente, significauit & ab initio statim & in fine sæculi obseruandam legem iustitiæ, quæ magis etiam circa finem ob Iouis & Saturni coniunctionem iuxta angulum occidentis celebratam. Hoc est, quod dixit: Cùm venerit filius hominis, putasne inuenturum fidem in terra? In medio verò sæculi pessimè homines legem obseruabunt. Nam ibi maximum discrimen est inter Eclipticas: Suntque ibi radij hostiles Solis, Iouis, Mercurij & Martis, quod indicat Regum metu ob Solem, Sacerdotum improbitate ob Iouem, impiorum persuasionem ob Mercurium, violentia & bellis ob Martem, euenturum. Itaque videant hi, qui artem veram esse negant, an nos tempus mutauerimus: An astrorum locum malè supputauerimus: An quicquam in decretorum recitatione à Ptolemæi sententia varianerimus? Quid id igitur reliquum est, nisi vt dicant Ptolemæum qui ne forsan vnquam hanc Genesin cognouit, vt arti fidem faceret, totum hunc librum ad eius exemplar confinxisse? Quò quid stultius dici, aut absurdius excogitari possit, non intelligo.



## CAPVT X.

## TEXTVS LV.

## De Nouilunio.

**D**emonstrata iam ratione vniuersalis considerationis regionum ac urbium, sequitur quædam subtilior exquisitio, eorum, inquam, quæ singulis anni temporibus euentura sint, cuius tractatio quandam desiderat de nouilunio ( vt vocatur anni ) dispositionem.

Cum declarasset omnia illa quæ pertinebant ad res generales, quæ sunt quasi præter naturam in præfenti capite, aggreditur secundam partem principalem, quæ est de propriis qualitatibus vniuersiusque partis anni. Quam tractationem procedente subtiliorem appellat, quoniam ( vt diximus mutatio temporum ex ventis contigit: Ventorum ratio, causa, origo; accidentia, qualitates tam obstrusa sunt, tam variæ, mutabiles incertæ, vt Aristoteles alioquin maximus naturæ indagator, nihil aliud proferre ausus sit, quàm quòd ventus sit exhalatio calida & sicca: Quòd an planè omnino verum sit, meritò quisque possit dubitare. Quòd verò sequitur ex hoc arduum atque difficillimum est, quòd Gallarata pluit atque Cardani media via serenum est, cum tamen vix mille passibus distent hæc duo oppida. Quænam igitur erit ars aut coniectura tam subtilis, qua discrimen hoc causas illius in tam paruo spatio, quod vicem puncti gerit, seu ad cœli ambitum visibilem, seu ad terræ superficiem conferatur assequi possit. Torfit me diu hoc argumentum atque vt existimo Ptolemæum etiam, propter quod coactus fuerit illa verba addere (sequitur quædam subtilior exquisitio) nec ullum maius argumentum Astrologo obiici posse, dubium non est. Sed si medicina ea re inornata curare non possit, non propter id ars contemnenda est. Nulla enim ars quantumcunque egregia, omnia complecti potest atque assequi, multa omittit Medicina, multa desunt in Geometria, plurima in Musica, neque Gramatici, neque Rhetores, neque Dialectici artes suas perfectas habent. Quid dicam de Peripatetica Philosophia, quæ ne vnius fermè problematis exquisitam rationem naturalem hucusque docebat. Atque ea de causa hæc pars in Astrologia mæca est, quæ de vêtis agit atque imbris, quòd in ipsa Philosophia naturali causæ ventorum atque ortus à quibus imbres proveniunt non solum omnino incertæ sint, sed ne vnus Peripateticus quidem vel tentare ausus sit, cum tamen ingentia volumina nugis suis repleant, digladiantes inuicem, non ex ipsis rebus argumenta sumentes: Sed verba Aristotelis tanquam Dei venerantes: Et vt propheta ancipitia, vel vt ineruditi Astrologi perplexa & plures habentia contrarios sensus quàm verba, non

secus ac ouillam pellem quantum volunt distrahunt, atque quo libet distorquent. Nec hæc mea est accusatio sed Galeni. Vtinam verò vel ipse scripsisset, vel qui solus meritò probandus est inter peripateticos Galenoque atque nobis admirabilis videtur, quæ scripsit de ventis Theophrastus, inuenirentur. Præstabit igitur forsan ( Neque enim aliter pars hæc Astrologiæ intelligi potest vilo modo ) quæ nos in libris de Varietate rerum scripsimus de ventis, diligenter perlegere. Cum igitur de nouilunio, id est, *neoplusia* ( Quæ autem sit inferius declarabitur ) quæstionem proposuisset, quæ differant audiamus dicentem.

## TEXTVS LVI.

Quod igitur illud principium capi oporteat à reuersione Solis in omni ambitu illius, ac eum locum vnde abierat ipsa res docet cum effectione ipsa tum etiam nomine. Quale autem principium in circulo constitui simpliciter possit, omnem etiam cogitationem fugere videtur. In illo tamen circulo qui describitur per media signa, probabilia sola principia sumpserimus, eorum punctorum quæ æquinoctialis & coluri signant, hoc est, bina æquinoctialia & bina tropica. Sed rursus & hic dubitatio alicui forte oriatur, quo nam ex his quatuor vt principe rectè vtatur. Atque est de simplici quidem & circulari natura horum nullum vt vnius principij præcipuum. Scriptores tamen harum rerum vno quopiam vsi sunt alio sanè alius cui quisque principium pro ratione & sensu naturæ ascriberet. Etenim singula hæc membra eximium quoque quiddam habent cur principium & nouum annum sibi iure vendicare videantur. Nam æquinoctij verni proprium, vt tum longiores dies noctibus fiant, humiditatisque, hoc est, tempus. Humiditatis autem natura potissimum vt ante quoque diximus, in exordiis genituræ regnat. Solstitium longissimum diem edit, & Ægyptiis inundationem Nili, ac ortum Caniculæ significat. In autumnali æquinoctio cadit tempus condendarum frugum, & quasi de nouo principio aliarum semina terræ mandantur. Bruma diem incipit diminutum producere. Sed conuenientius mihi ac naturalis videtur, ad annuas inspectiones quatuor principia constituere, obseruatis & præcedentibus coniunctionibus Solis & Lunæ, cum interlunij, tum plenilunij, atque



atque in primis defectiuis. Atque ita de Arietis principio iudicium facere de statu Veris. De Æstate à Cancro. De Autumno à Libra De. Hyeme à Capricorno.

Proponit tres dubitationes : prima est quomodo in circulo possit inueniri principium. Secunda dato quod detur : an vnum, an plura : & si plura quæ potiora sint. Tertia ubi dentur cum motus Solis sit tardus, quomodo possit inueniri momentum in quo Sol illud, aut illa ingreditur. Et ita respondet singulis quæstionibus per ea, quæ sunt magis verisimilia. Et ita licet coniungat solutiones duarum primarum dubitationum simul, tamen dubitationes inter se sunt distinctæ. Ergo in solutione vtriusque laborat Ptolemæus ad declarandum quod oporteat quatuor principia, pro quatuor anni temporibus obseruare : Illud intelligens quod cum via Solis circulo constet non potest vnus punctus habere vim supra totum annum : quia alia puncta & ipsa habent vires cum sint saltem quatuor principalia : vocat autem *repletur* non interlunium, vt iste exposuit, sed noui mensis initium, seu nouum mensem, quasi dicat nouum principium anni. Consultit igitur adductis rationibus pro singulis partibus, vt pro verè. Inspectamus primum ipsa puncta quatuor regia tanquam initia mutationum temporum, sed non statim verum post dies magis nam neque robur æstatis apud nos incipit decima die Iunij, nec hyemis duodecima Decembris, nec Ver decima Martij, sed maximus calor apud nos est circa 20. Iulij. 40. diebus fermè post Solstitium, tum quia feruor incipit in ipsa imagine quietis Solis quæ sit in primo puncto Cancri quod est solstitium æstiuum, & actio illa augetur tanquam ex principio licet Sol recedat, quoniam incrementum est ex principio & locus non repugnat calori, quia in consimili, scilicet per totidem dies ante solstitium adhuc calor videbat. Et ex hoc apparet ratio principij in Astrologia ex quo idem contingit in coniunctionibus Solis, cum canicula & cum Marte in æstate, & cum Saturno in hyeme, vnde visus est eriare ille qui prædixit hoc anno 1558. futurum maximum calorem circa finem Iunij, credo ob coniunctiones Solis, & Martis in se primo, inde cum Procyone non tamen errauit nisi in paucis diebus, debuerat enim transferre hoc ad 10. Iulij, quod & enenit ob causas dictas. Deinde consideremus coniunctionem vel oppositionem quæ primo præit ingressum Solis in primum punctum Arietis, & pro æstate Cancri, & pro autumno Libræ : & pro hyeme Capricorni : Et maximè si coniunctio illa fuerit cum eclypsi Solis, vel oppositio cum eclypsi Lunæ. Et idè accipit coniunctionem vel oppositionem, quia vtraque potest esse causa alicuius eclypsis. Et omne quod est potentia tale, est etiam principium agendi, & reicit quadratas radiationes in hoc quia non possunt esse causa alicuius deliquij. Iubet-

autem considerare coniunctionem vel oppositionem, quia possumus cum exquisitè sci-ant, erigere thema cœli, & cum hoc etiam considerare ingressum ipsius Solis punctum illum æquinoctium aut solstitiale. Sed quia tempus illud non habetur adèd exquisitè, non possumus erigere thema cœli : Sed sufficiet disponere Planetas in locis & videre aspectus : Sicut fiant duæ figuræ pro Verno tempore, & duæ pro Æstate, duæ pro Autumno, & duæ pro Hyeme : Et sic erunt octo figuræ : quarum quatuor erunt perfectæ cum situ Planetarum & erectione domorum. Et sunt illæ coniunctionum vel oppositionum luminarium, quæ proximè magis antecedunt ingressum Solis in punctum cardinale. Voco puncta cardinalia initium (vt dixi) Arietis Cancri, Libræ & Capricorni. Et quatuor figuræ imperfectæ in quibus solum est situs Planetarum, & sunt sumptæ ab ingressu Solis in illa quatuor dicta puncta cardinalia.

Sed si fuerit eclypsis Lunæ ante ingressum Solis in punctum cardinale, & inter eclypsim & ingressum Solis fuerit coniunctio luminarium sine eclypsi, vel si fuerit eclypsis Solis in hyeme, inter ipsam autem & ingressum Solis in primum punctum Arietis, media sit alia coniunctio vel oppositio : quid dicendum erit. Respondeo quod eclypsis primo erit considerata, quia si potest super totum annum vt visum est, multò magis super Ver solum, aut Æstatem, aut Autumnum, aut hyemem cui proximior erit. Figura igitur eclypsis primum locum obtinet statim sequentis temporis & in parte anni etiam in qua effectum suum ostensura est : In reliquis autè partibus anni obtinet vltimū locum nisi sit eclypsis valida. Secundum locum obtinet figura ingressus Solis in punctum cardinale quod ad robur, sed non quod ad cognitionem. Tertium locum, quod ad robur, obtinet figura interlunij vel plenilunij proximioris ingressui Solis in punctum cardinale.

His visis ponamus quod in Vere sint signa multi humidi, significabit putredinem fructuum & paucitatem illorum & abundantiam herbarum inutilium. Et si fuerint signa caloris arbores cito emittent folia & florebut cito & fructus verni, vt fraga & cerasa erunt tempestini : & si nō colligantur ante maturitatem præcipue cerasa vermes parient : & apparebunt rosæ ante tempus non multum odoratæ & erunt omnia similia moribus temporum nostrorum, id est, composita ad speciem potius, quàm ad ipsam rem : Erit igitur Ver formosum & inutile. Quod si præter id sint signa frigoris & siccitatis : in fine veris cadet pruina iuxta plenilunium, & erunt paucissimi fructus eo anno, vini fermè nihil. Quod si Ver futurum sit siccum pauci erunt fructus & boni & penuria frumen. Quod si Ver fuerit frigidum fructus erunt serotini. Æstas verò si multis abundauerit pluuiis, fructus æstini putrescent, & non erit copia frumenti, multique morbi erunt. Si verò sit siccior, erit penuria frumenti, fructus æstini erunt salubres, Pisces morientur, morbi acutissimi. Si verò calidior erunt & morbi mul-  
ti,



ti, & multa copia fructuum æst uorum. Si frigidior incolumis annus, fructus ferocini.

Autumnus humidior, putrefacit uvas, vinaque facit quæ vere peruertuntur. Si sit vltima parte humidior, sequenti anno erit penuria frumenti. Si ficcior in prima parte eo anno penuria erit milij. Si calidior, erit morbosus atque omnino malus. Si frigidior, autum naliū fructuum fiet iactura in quantitate, sapore, & gratia.

Hyems frigida & sicca laudabilis est, frigidissima occidit arbores maxime, quæ cœlo calido gaudent: Ideoque in primis punicam, malum, inde ficum & persicum, & super omnia malum medicam cuiuscunque generis: dico citria, arancia, limonia, & si magis sciat vitem & oliuam, cerasa & chrysomela. Calida verò & humida hyems insalubris & segetibus inimica. Omnis præterea immoderata intemperies mala & peruersio temporum etiam mala, & æqualitas illorum. Ventorum quoque multitudo noxia fructibus est, paucitas segetibus, tranquillitas totius anni de pestilentia suspecta est. Hæc igitur, cognitis primis qualitatibus, prædicere oportet Astrologum.

Quomodo autem primas qualitates cognoscere queat ex tribus illis figuris, aut saltem duabus si deliquium nullum adsit regulam tradidit Ptolemæus dum de deliquiis loqueretur. Inspice igitur quoniam Planeta inspiciant Solem ingredientem locum cardinalem, & ubi Luna sit: nam si propinqua sit Soli & infra terram, ficcior erit constitutio: Et si remota & super terram, humidior: Et si commista Ioui, aer serenus erit, temperatus & clarus: Si Veneri: humidissimus, & pluuiosus. Venus enim pluuiarum mater est. Eadem ratione videbis & fixas quæ Lunæ commiscuntur. Postremo & dominos loci Lunæ considerabis: Quod si cardinem sequentem ingressum potueris habere exquisitè non prætermittes. In interlunio autem vel plenilunio ipsum omnino considerabis etiam ut dictum est in deliquiis. Ex hoc patet quod deliquia, quæ sunt in signis bicorporeis sunt maximè consideranda: tum quia omnia præter pisces sunt humanæ formæ, tum quia sunt ante ingressum Solis in punctum principale.

### TEXTVS LVII.

Nam ipse quidem Sol vniuersales temporum constitutiones & modos facit, vnde & penitus imperiti Mathematicum futura prænoscent. Sed & proprietates signorum ad significationem ventorum & generalium naturarum assumenda.

Docet nos duos, primum quod Sol iuxta naturam stellarum quibus applicat generales facit constitutiones: ut pote quod cum iungitur Caniculæ commouet maria & maximos æstus parit, & multos morbos, & hoc semper, & similiter cum Vergiliæ oriuntur,

flat Auster: oriuntur autem mense Maij: Cum verò exoritur Orion flat Aquilo: oriuntur autem post Caniculam die sequenti mense Iulij: mense verò Februarj cum Fidicula occidere incipit: Fauoniū flat, confirmatur autem zona Orionis emergente, inde terra aperitur & pullulare incipit. Hæc igitur inquit Ptolemæus norunt cognoscere (etiam si Mathematica carent quod & superius in primo libro docuerat) nautæ atque etiam prædicere. Similiter & agricolæ ventorum & statuum cœli habent cognitionem, quoniam à Sole pendet talis generalis mutatio.

Propterea consulo, ut quilibet qui velit de futuris pronunciare statibus temporum anni, obseruet tribus vel quatuor annis exortus syderum & occasus singulis diebus, & præter id diligenter ventos, & cœli status in sua regione: & in quibus concordant statusque ipsi consistunt, adnotet, tabulamque faciat toti anno inferuentem exemplo deducto à Ptolemæo qui talem obseruationem non omisit, quæ ad nos peruenit diligentia Nicolai Leonici, qui illam in Latinum vertit sermonem, impressaque habetur cum P. Ouidij Fastis à Colinæo Lutetiæ, opus sanè perquam elegans: Sed cum tam publicum esset frustra hic adiiciendum duxi. Ptolemæus autem ad sitam vrbs Alexandrinæ illum construxit. Quamobrem cum nulli alii vrbi inferuaret, sola methode utilis ille liber est, ut sibi quisque talem fabricare possit. Nam ut facilius quisque ex illo Ptolemæi ad suæ vrbs verticem & consuetudinem traducere possit, obseruet primum præter æquinoctia & solstitia, & nostro tempore ita disponuntur æquinoctium vernum die decima Martij, solstitium æstiuum vndecima Iunij, æquinoctium autumnale tercia decima Septembris, bruma vndecima Decembris, congressus Solis ad stellas, ut dixi sit fermè quinque dieb. post eam diem, quam scripsit Ptolemæus. Exemplum zona Orionis emergit nonis Februarij, id est, quinta die, ut Ptolemæus ponit, eo in libello adiiciens turbidus est aer Fauonij flatu. Primum igitur accepta sphaera in qua stellæ descriptæ sunt locis suis diligentissimè, animaduertes quando cingulus Orionis orietur. Id verò erit circa decimam Februarij ut dixi, id est, quinque diebus post obseruationem Ptolemæi (Nam regula non tenet ad vnguem in omnibus propter diuersitatem altitudinis poli.) Obseruabis etiam quisnam ventus spiret: qui profectò nobis est Fauonius etiam: Nam in astorum ortu & occasu semper concordabunt obseruationes nostræ cum obseruationibus Ptolemæi, paruo discrimine temporis excepto: de ventis autem & cœli statibus etiam plerumque. Scripserat de hoc Franciscus Sirigatus, sed non satis experiri potui, an exortus illi veri essent, atque occasus iuxta finitoris nostri rationem secundum quam conscripsit librum, sed omnino partem obseruationis temporum non attigit. Quamobrem si ea vera esset tantò minus deesset. Fuerat consilium mihi hanc ad librum istum traducere, quæ Ptolemæi erat emendatam atque perfectam



perfectam, sed cum considerarem soli posse conuenire vni regioni, atque neque illi perpetuo nec diu, sed solum quantum ad vsum vitæ vnius hominis sufficiat, æquum non duxi tam inuiti labore chartas implere. Nam quod ad exemplum attinet atque inuentiōnem, sufficit libellus ille Ptolemæi iam omnibus vulgatus, magna certè vtilitate humani generis. Consulo igitur vt quisque sibi qui velit mutationes temporum cognoscere pro sua ætate atque regione libellum similem sibi fabricet.

Secundum est quod non solum fixas obseruare oportet, quibus Sol congregitur, sed etiam signorum ipsorum naturas, veluti quod Aries sit humidus, calidusque parumper, & mobilis æquinoctij signum Verni, atque talia eiusmodi quæ ad signa noni orbis pertinent. Dixit autem ventorum & generalium naturarum, quoniam non solum propter stellas venti mouentur, sed propter naturam etiam locorum signiferi.

## TEXTVS LVIII.

Temporalium autem mutationum incrementa & diminutiones indicabunt vniuersaliter quidem vicinæ prædictis punctis coniunctiones, & erga has stellarum errantium configurationes, particulariter verò in vnoquoque signo interlunia & plenilunia, itemque stellarum transitus, quam mensuram inspectionem nominare liceat.

Intendit duo, primum quæ possint constitutionem ingressus Solis generaliter augere, vel minuire, puta calorem qui decernitur à Sole quando ingreditur primum punctum Cancrī, & dicit quod erunt coniunctiones (supple præcedentes talia puncta) & errantium stellarum configurationes, & per coniunctionem intelligit etiam oppositionem. Dixit autem hoc propter duo: Primum vt intelligeremus quod oportet etiam in coniunctionibus ipsis vel oppositionibus Solis & Lunæ præcedentibus ingressum Solis in puncta cardinalia etiam considerare configurationem reliquorum Planetarum, quod dicere prius omiserat. Secundum, vt intelligeremus differentiam coniunctionum, vel oppositionum præcedentium ingressum à coniunctionibus & oppositionibus luminarium sequentibus ingressum, & est duplex: Vna quia in præcedentibus oportet vnā tantum considerare coniunctionem vel oppositionem, in sequentibus omnes coniunctiones vel oppositiones. Secunda est quia coniunctio præcedens vel oppositio (proximiorē autem, vt dictum est semper intelligo) supra totam quartam anni significat, quæ verò sequuntur coniunctiones & oppositiones (& hoc est, secundum principale) singulorum mensium significationem habent. Ex quibus colligo quod coniunctio vel oppositio, quæ

præcedit ingressum Solis in punctum cardinalem, duo genera effectus habet, proprium & generale: proprius est vsque ad tempus ingressus Solis in punctum cardinalem: generalis ab ingressu Solis in eundem punctum. Exemplum: sit coniunctio Solis cum Luna secunda die Martij: æquinoctium Vernalis decima die: solstitium æstiuum, vt dixi vndecima die Iunij: tunc proprius effectus illius coniunctionis extenditur à secunda die Martij ad decimam eiusdem: generalis autem à decima Martij ad vndecimam Iunij. Quod verò dixit (stellarum transitus) explicabit inferius, ibi videbis à nobis expositum. Cæterum quod dixerat prius oportere Solis congressum cum stellis fixis seu signis octauī orbis ac signis zodiaci obseruare, hoc in sequenti capite qualiter fieri debeat, docet.

Cap. 12.

## CAPVT XI.

## TEXTVS LIX.

*De particulari natura signorum in tempestatibus.*

**A**D hæc teneri debent particulariter proprietates naturales signorum ad annuas constitutiones, nec non singularum stellarum, quas nos supra exposuimus, accommodatis errantibus & similis modi inerrantibus ad aëris & ventorum, tum temporum anni familiaritates. Restat nunc particulares signorum naturas exponere.

Tria proponit de proprietate temporis dignoscenda: Primum est cognitio stellarum erraticarum, quo ad naturam propriam quam descripsit supra: Secundum est natura ipsarum inerrantium quam in primo libro descripsit: horum vtrunque dicit esse explicatum, si modo illa quæ dicta sunt ad aëris, ventorum & partium anni naturam accommodentur. Gratia exempli, Saturnus dominatur in Vere: Ver est humidum valdè, calidum parum, plurimum ventosum: significabit igitur Saturnus cum sit valdè frigidus, parum siccus, minimè flatuosus: Ver quidem egregiè frigidum, non tamen siccum, sed parum humidum, parumque flatuosum, non tamen omnino absque flatibus. Quod si dominetur in æstate non iam frigidam æstatem, sed temperatam faciet, siccā immoderatè, penitusque tranquillā. Similiter nosse oportet qualitatem regionis: nam in Scotia minuet ventos Saturnus, frigiditatem verò aëris faciet: In Aethiopia frigidum non faciet aërem, faciet tamen tranquillū. Per familiaritatem aëris igitur intelligit regionum diuersitatem, & etiam qualem quisque aërem progignat, nebulosum, pluuiosum, frigidum, siccum, humidum, calidum, turbulentum, clarum, crassum, tenuem, molestum, salubrem, grauem: quales

Cap. 8.  
Cap. 8.

quæ



que ventos Saturnus Orientales, Mars Occidentales, Iupiter Boreales, Venus Australes. Idem dicit declaratum fuisse de fixis: utpote stella de natura Saturni, opera Saturni faciet: quæ verò de natura Saturni est & Martis excabit quidem vehementissimè, ceterorum citra molestiam calefacient aut refrigerabunt. Tertium verò quod declarandum supererat, est ut signorum naturæ, seu signa sumantur pro spatiis zodiaci in nono orbe, seu pro figuris quæ in octavo orbe constitutæ sunt per stellas, quas palam est multum à signis zodiaci recessisse: aded ut totus ferme Aries octavi orbis sit, in Tauro noni orbis: & Tauri magna pars in Geminis.

## TEXTVS LX.

Arietis igitur signum generaliter est propter significationem æquinoctialem tonitruosum, & grandinosum. Particulariter verò hæc & intenduntur, & remittuntur de proprietate inerrantium stellarum, quæ in illo nunc inveniuntur. Priores illius partes imbres & ventos cient, mediæ temperatæ, extremæ, æstuosæ & pestilentes sunt. Septentrionales spaciū æstuans corrumpensque, australe glaciōsum & frigidiusculum.

Tauri signum præ se fert generaliter utrunque modum & est subcalidum, sed particulariter priora ubique Vergiliæ visuntur, turbulenta, ventosa, & nebulosa habet. Media humectantia & frigida. Sequentia ubique succulæ conspiciuntur, ignea fulminum ac fulguram efficientia. Septentrionalia temperata, australia instabilia ac incerta.

Signum Gemini, vniuersaliter est temperationis efficiens, particulariter verò primoribus in partibus humidum ac corrumpens. Mediis temperatum. Posterioribus mistum ac incertum. Septentrionalibus ventos cient & terras concutit. Australibus aridum & æstuosum.

Signum Cancri generaliter serenitatis & æstatis effectiōnem sortitum est, sed particulariter in principio sui, & iuxta præsepe suffocat & terras quatit, caliginemque offundit. Medium temperatum, in fine ventosum. Tam Septentrionali, quàm Australi in spacio igneum corrumpens, æstuosum.

Leonis signum, in vniuersum æstuat ac suffocat, particulariter verò habet principium suffocans ac pestilens. Medium temperatum. Finem sic-

Tom. V.

cum corrumpens. A septentrione instabile est & igneum ab austro humidum.

Virginis signum, in vniuersum humidum est, ac tonitruosum, sed particulariter incipiens calidiūsculum ac corrumpens. In medio temperatum, desinens aquosum. Septentrionale ventosum, Australe temperatum.

Chelæ signum sunt generaliter varium ac mutabile, verum particulariter primis in partibus ac mediis temperatum, vltimis aquosum. Septentrionem versus ventosum. Ad austrum siccum ac pestilens.

Signum Scorpionis vniuersaliter est tonitruosum ac igneum, sed particulariter priores partes ninguat. Mediæ temperatæ sunt, posteriores turbulentæ, septentrionales æstuant, australes humectant.

Signum Sagittarij in genere ventosum, particulariter in principio sui humidum, medio temperatum, calce igneum est. Ad septentrionem vergens ventosum, ad austrum humidum & variabile.

Signum Capricorni generaliter humidum est, in prioribus partibus æstuans & corrumpens, mediis temperatum, posterioribus pluuiosum, tam septentrionalibus quàm australibus humidum ac corrumpens.

Aquarij signum in genere est frigidum & aquosum, sed particulariter prima habet humida, media temperata, extrema ventosa, septentrionalia æstuantia, australia niuosa.

Signum Piscis vniuersaliter frigidum est & ventosum, partes autem priores quidem temperatas, medias verò humiditas, posteriores æstuentes. Septentrionalis situs ventosus, Australis aquosus est.

Tres diuisiones Ptolemæus insinuat: Prima est signi, ut simpliciter sumitur in nono orbe & ab omnibus separatum stellis: Secunda, ut ipsum signum noni orbis diuidit in tres partes, principium, medium & finem: Tertia, ut diuiditur in partem Borealem & Australem signum vnumquodque. Oportet autem ostendere quod in principio vniuscuiusque signi intelligat de signis noni orbis, quia dicit de Ariete quod est tonitruosum & grandinosum: & similiter illa verba (Tauri signum præ se fert generaliter utrunque modum) per ea verba (utrunque modum) intelligit tonitruosum & grandinosum,

V

quæ



Cap. 8.

quæ non essent necessaria, vbi per Arietem intelligeret signum octauæ orbis, seu figuram illam, quæ describitur à stellis. Item quia dicit se velle loqui de signis in principio capriculi, & cum dicit signa, simpliciter intelligit de signis noni orbis. Sed quod in aliis diuisionibus intelligat de figuris octauæ orbis videtur: quia stellæ quæ sunt in filo septentrionali Piscis, vt dixit in primo libro, sunt de natura Iouis & Saturni, & illæ iam erant tempore Ptolemæi in principio Arietis nonæ sphaeræ, igitur prima pars Arietis nonæ sphaeræ debuerat dici pluuiosa, vel temperata, & non quod imbres & ventos pariat, quod propriè conuenit stellis solum Mercurij, & Veneris, & Saturni & Iouis. Rursus stellæ quæ erant tempore Ptolemæi, vsque ad medium Libræ erant ex figura Virginis iuxta quadrilaterum de natura Martis nonnullæ, & tamen ponit hic eas temperatas: Igitur si partes illæ Libræ sunt temperatæ, non possunt referri ad stellæ Virginis, sed ipsius Libræ in iugo quas dicit esse de natura Iouis & Mercurij. Præterea non fuisse doctrina hæc perpetua, sed mutabilis secundum tempora: quoniam constat quod Ptolemæus nouit optimè stellæ fixas moueri. Sed vtunque sit certum est, quod cum parum differrent tempore Ptolemæi signa octauæ sphaeræ à signis nonæ, & ipse has facultates tribuat his signis propter stellæ, quod melius est intelligere, proprietates partium initij medij, & finis Borealium & Australium, de figuris noni quàm octauæ orbis à stellis descriptis. Vt sit sensus exempli gratia, in signo Arietis hoc modo:

Arietis signum noni orbis quod triginta gradibus continetur, cum sit signum æquinoctium tonitruosum est & grandinosum totum: Verum quod ad partes attinet, qualitates hæc augentur, ac minuantur iuxta stellæ quæ in eo sunt. Quoniam priores partes propter stellæ quæ ibi nunc inueniuntur imbres & ventos faciunt. Stellæ enim quæ ibi sunt naturam signi imitantur, eique effectum per se faciunt: Mediæ verò temperatæ, quoniam ibi sunt stellæ de natura Veneris: Extremæ æstuosæ atque pestilentes, quoniam ibi stellæ Martiæ sunt. Septentrionale autem spaciū ætuans est & morbosum, quoniam stellæ quæ ibi sunt ex figura Arietis, sunt de natura Martis, quæ verò sunt in spacio australi, de natura Saturni sunt. Ideo spaciū illud glaciolum est & frigidiusculum. Verum dubitabit aliquis quomodo dixerit glaciolum & frigidiusculum, cum glacies à maximo frigore fiat? Intelligit igitur frigidiusculum altero duorum modorum, vel ratione quantitatis temporis, quia parum durat tale frigus, & licet congeletur glacies tamen sit solum tempore noctis. Vel quia glacies illa non tam à frigore congelatur ob eius magnitudinem, quàm quod sit frigus siccum & propter vicissitudinem frigoris & caloris facilius congeletur: sicut & aqua calida ob eandem causam facilius frigida congelatur.

Mirum videri poterit quod succulæ Ptolemæi tempore in vltima parte Tauri etiam

essent: cum etiam nunc ibidem duæ ex his sunt, & vna in initio Geminorum, nam alia sunt extra signiferam & sunt Martiæ naturæ, sed haud absurdum est vt describuntur fuisse plerasque in vltima parte Tauri vltra vigesimam partem, aliquas ad vigesimam positas: dictamque vltimam vbi succulæ essent, non quod succulæ in vltima essent parte: Et merito fulmina hæc efficiunt: nam naturam stellarum simul cum natura signorum hic considerat. Estque hic locus, quo damnati igne comburuntur. Et qui in eo nascuntur furibundi siue violenti inconsulti & atroces. Innuit autem Ptolemæus transferenda esse significata hæc per loca signiferi, iuxta stellarum situm tempore illo. Vult atque nostra initium Tauri particeps est, & simile his, quæ dixit Ptolemæus tempore suo de medio Arietis, nec simpliciter id agendum, sed habita ratione sphaeræ ob inclinationes & latitudines, ob motum strepidationis. Et ideo error exiguus esse potest.

Notandum etiam circa hoc, quod Sol maximè, inde Luna calorem & frigus variant Sol præcipuè tribus modis, primum, vt coniungitur stellis in Leone quidem calidissimis, in Cauda Capricorni & vertebis Aquarij, quæ sunt ex natura Saturni, & Mercurij, & nunc sunt inter 19. & 22. partem Aquarij. Et si cui iungantur Mercurio, aut Lunæ, aut domino ascendenti aut sint in ascendente, manifestum sentit detrimentum in partes per locum, illud aut sydus significat. Et cum Sol fuerit cum eis hebetabunt illius lumen & mundum insigniter refrigerabunt. Et hoc durat per tres aut quatuor dies, tot enim diebus peragrat quatuor illas stellæ. Secundus modus est cum oritur astrum vtpote Canicula pro calore, fidicula pro frigore: Sed tamen Sol distat ab eis, quia videtur & durat diebus multis, sed est minus validus ob distantiam. Tertius est etiam imbecillior & est ortus, vespertinus, vel quouis occasus.

## CAPVT XII.

## TEXTVS LXI.

*De particulari tempestatum  
consideratione.*

His igitur expositis sequitur percursorio particularium significationum, quæ talis sit. Vna est ratio generalis respectu quadrantum signiferi, qua, vt diximus, obseruanda sunt, proximè antecedentia æquinoctiales ac tropicas significationes, interlunia ac plenilunia, horumque vtrorumlibet in vnoquoque proposito climate cardines tanquam genituræ tempore constituendi, tum cognoscendæ dominatrices stellæ cum inrerluniorum, tum pleniluniorum loci, & sequentium

hunc



hunc cardinum sicut, supra in deliquiorum doctrina exposuimus, atque ita vniuersalia de proprietate quadrantum exquirere, sed intentione remissiones de dominantium stellarum natura, cuiusque modi ac constitutionis effectum illam habeant, perdiscere oportet.

Cum declarasset signorum nonæ sphaeræ virtutes & simpliciter, & prout in eis stellæ fixæ constituebantur Ptolemæi tempore, itemque totius signi cuiusque, & partium, principij, medij & finis: non quod per principium exquisitè intelligat decem primos gradus, & per medium decem sequentes gradus, & per finem decem ultimos gradus: Nam si ita fuisset Ptolemæus declarasset, cum vno verbo magnam potuisset afferre lucem. Sed neque verum erat cum in quibusdam stellæ principij signi ad medium vique perueniant ferme in aliis medij vsque ad vigesimam quintam partem, atque ita de fine qui quandoque plus, quandoque minus extenditur, Sed & necessarium erat vt ob inanitatem partes aliquæ, vel principij vel medij, vel finis, non ipsius partis qualitates, sed potius totius cum nullæ ibi essent stellæ, retinerent. In aliis verò stellæ adeo sunt confusæ atque inuicem propinquæ, vt octauus gradus gratia exempli, & septimus naturæ magis sit medij signi, quàm principij, ob id per principium intelligere oportet primam signi partem: Inde illi partes propinquas vsque ad aliquot: & per medium quintam decimam & sextam decimam partem, & illi propinquas vsque ad aliquot ultra citraque: per finem verò ultimam partem signi & aliquot præcedentes proximiores, vtpote modò quatuor aut quinque, modò octo vel novem, modò duodecim. Accedebat quod & si Ptolemæi tempore signa potuissent in denas, ac denas, & denas partes æqualiter diuidi, cum Ptolemæus intelligeret fixas ac perpetuo moueri, non porerat hanc regulam distributionis signorum tres æquales partes vllò modo imitandam nobis proponere: Poterit autem nostris temporibus sic imitari, si inspicimus in cuiuscunque signi prima parte quintadecima & trigesima, quænam stellæ & cuius naturæ sint ibi vel proximiores, & secundum illarum naturam pronunciare de principio medio atque fine: quod si alitèsecus diuersarum stellarum sint naturæ, etiam mistio quædam ex illis pronuncianda erit: quoniam pacto autem id faciendum sit (aliòquin difficile opus (facile intelliges: si accepto libro Magnæ compositionis Ptolemæi videris stellæ, quæ tunc erant in principio Arietis medio & fine, atque ita de aliis signis, quomodo ex natura Planetarum ad naturas temporum ipse traducat: considerat autem maiores & illustriores semper, & ex his iudicium facit: quibus bene intellectis, illarum locum nostro tempore considera, & cui maximè propinquæ fuerint ex principio medio, vel fine alicuius signi tale illud pronuncia, scilicet

Tom. V.

principium vel medium, vel finem. Hoc autem eo commodius quia Ptolemæus quæ de partibus pronunciat signorum non simpliciter, sed comparatiuè profert. Veluti cum dicit Leonis signum in vniuersum æstuat ac suffocat propriè verò principium habet magis suffocans ac pestilens, namque ibi stellæ sunt naturæ Saturni & Martis, Saturnique & Mercurij, & Martis splendida, medium verò temperatius, quod stellæ ibi sint naturæ Saturni & Veneris. tum verò Veneris simpliciter & parum Mercurij, finis autem scior atque exitialis propter stellæ, quæ sunt in capite Virginis & in ala Boreali, quæ sunt de natura Mercurij & parum Martis, & quæ est in vola posteriore Leonis naturæ est Saturni & Veneris: vnde constat temperies illius, quod ad stellæ ex natura Saturni, Martis & Veneris. Manifestum est autem talis naturæ in qua Mercurius primò dominatur, inde Mars, inde Saturnus & Venus exitialis est. Si ergo pronuntiandum erat de Leone tempore Ptolemæi, ita dicendum fuisset: Leonis initium æstuat ac maximè suffocat, atque pestilens est: Medium verò & ipsum calidum est, sed non adeo æstuat, non nihil etiam suffocat: Verum finis incendio, & siccitate adeo suffocat, vt exitialis sit: sed si ita dixisset miscendo naturam signi cum natura stellarum non potuisset doctrina Ptolemæi nostris temporibus inferuire, atque aliis futuris intermediisque. Ob id igitur comparatiuè illa dicta sunt: Veluti cum dicit (temperatum medium in Leone) intelligit quod æstuat ac suffocat, non tamen plus insto quàm natura totius signi ferat. Quod si voluisset simpliciter significare eam partem esse temperatam, oportuisset, vt dixisset medium frigidius est atque humidius, vt quantum naturæ signi excedebat in æstu & suffocatione, tantum natura stellarum loci in frigidando & humectando æquaret intemperiem. At dices cum temperatum dixit, nihil ergo minuit ex æstu & suffocatione. Respondeo, quod exiguum, non tamen multum, sicut si tepidam aquam feruenti immiscuerit æquis portionibus, non fiet temperata nec temperatæ proxima. Veruntamen non nihil minuet de feruore: ita in aliis mistiones diligenter oportet considerare, atque quasi ad trutinam metiri atque expendere. Eadem ratione de partibus latitudinis quod comparatiuè protulerit, patet in Tauro cum dixit totum esse subcalidum, & postmodum dicit septentrionalia esse temperata, & clarius in signo Scorpionis, quod dicit esse igneum & australia humectare: Comparatiuè igitur intelligendum est, sic quod stellæ quæ erant tempore Ptolemæi in signo Virginis in latitudine Australi humectabant. Sed dices, est magna dubitatio quia ponit signum Geminorum temperatum, & Tauri subcalidum ratione signi & non stellarum, & tamen Taurus est remotior ab æstate, & ab æstiuo solstitio, quàm sit Gemini. Nota quod hic est pulchra sententia quoniam Taurus est signum fixum, & inter temperata: Gemini est commue, & inter temperata: plus vult quod

V. 2

facit



facit quoquomodo natura fixa quàm propinquitatis puncti æstiu tropici: & hoc est quia signis fixis omnibus dat quandam naturæ proprietatem: idè Tauro non dare mitiorem, quàm quod esset sub calidum, Leoni, dat quod æstuet & suffocet, Scorpioni quod sit tonitruosum & igneum, Aquario quod sit frigidum & aquosum, nullis aliis signis dat adèd vehementes qualitates: Circa quod dignum est consideratione, quod has omnes qualitates de signis ac partibus eorum declarauit in comparatione ad Solem, quando est in eis, vel quia Sol non habet latitudinem quando inungitur stellis, quæ sint illius latitudinis: Veluti Sol quando erit in Scorpione & inungetur stellæ australi signis Scorpionis (De his tamen dico quæ in signo Scorpionis erant tempore Ptolemæi) humectabitur aër: Itaque traducit has proprietates (veluti fecit in aliis) à Solis præsentia in illis inuentas ad reliquorum Planetarum præsentiam in illis. Exemplum, fiat interlunium antecedens ingressum Solis in Brumam, ascèdente gratia exempli Aquario, atque ibi Saturnus sit in primis partibus Aquarij cum latitudine Australi, tunc ego componam sic iudicium: Hyems tota naturaliter est frigida & humida, & hoc est quod dicit in textu (vniuersalia de proprietate quadrantum exquirere) (Sed hæc hyems inter alias cum Saturnus prædominatur sequenti angulo, sitque in Aquario in prima parte & Australis erit solito humidior atque niuosa. Hoc verò maximè erit quia scriptum est quod totum Aquarij signum in genere est frigidum & aquosum, & idè partes illius hyemis quæ erunt minus frigida erunt adèd frigida, vt pars frigidissima communis hyemis pars autem frigidissima huius hyemis erit lōgè frigidior aliis & intolerabilis. Inde quia dicit quod prima pars Aquarij est humida, erit hæc hyems humidissima tripliciter cum ratione generali, quia hyems tum propter totum signum Aquarij, quod est aquosum: tum propter primam partem ipsius Aquarij quæ est humida, & similiter quia est in parte australi Saturnus erit niuosa quadruplici causa, tribus iam dictis, & hac quarta propria: additur etiam quinta, quia Saturnus est dominator, & ipse est frigidissimus & significator niuium: & ita talis hyems erit adèd frigida & humida, & niuosa vt non fuerit talis iam multis annis & præsertim si interlunium fuerit à decimanona parte Sagittarij vsque ad vigesimam quintam, scilicet in finibus Saturni: & hic effectus etiam multò maior erit, quia Saturnus non solum est dominus sequentis anguli, sed est etiam in ipso, & in domo propria, vt nihil ad robur addi possit: & hoc exemplum intelligatur in tempore Ptolemæi & non in isto: quia tam natura partium signi in longitudine quàm etiam in latitudine variata est, quia stellæ quæ erant in Aquario tempore Ptolemæi à medio vsque in finem ingressæ sunt Pisces: & quæ erant à medio Capricorni ad finem eius ingressæ sunt Aquarium: & ita necesse est facere hanc aliam secundam tabulæ cuius titulus sit de qualitate tempestatum ex

natura signorum, partiumque illorum tam in longitudine, quàm in latitudine: Circa quod notandum est quod non solum oportet considerare stellas, quæ sunt in signis Zodiaci Ariete, Tauro, Gemini, &c. Sed etiam quæ sunt in aliis signis quæ sunt extra Zodiacum: Puta in vr̄sa maiori minori-que, in Capheo, in Boote in Perseo, in Orione, in Cane, in Hydra, in Fera, Corona Australi, Argo, & omnibus aliis, has omnes stellas descripsit Ptolemæus & naturas earum & loca in signis, & latitudines, & magnitudines, & reliqua necessaria, vt pote nebulosas, nam hæ faciunt tempus nebulosum. Constituere igitur oportet tabulam cum illo titulo. quæ erit pro ætate nostra, & si rectè fiat durabit fermè vsque ad trecentos annos, paucis in singulis sæculis mutatis. Nunc tractat de propria consideratione temporum, & dicit quod idem faciendum est, quod in deliquiis te docuit, referendo plenilunia deliquiis Lunæ, & interlunia deliquiis Solis. Et scias quod si hæc fiant sub terra, sequentem sub terra angulum accipere oportet.

### TEXTVS LXII.

Altera ratio est menstrua, qua consideranda sunt in singulis similiter signis interlunia, & plenilunia hoc solo obseruato, si interlunium fortè antecesserit proximè punctum tropicum aut æquinoctiale, vt interluniis illo toto quadrante vtamur, sin plenilunium, vt pleniluniis. Considerandi & cardines & vtriusque loci dominatrices stellæ, inque primis applicationes, defluxionesque errantium stellarum, earundemque proprietates, nec non & locorum, quosque ventos, quæque stella ac quæque signorum partes in quibus illæ fuerint, commoueat. Præterea in qua ventum latitudine sua inclinet Lunæ in obliquitate eclypticæ, de quibus omnibus notatis potioribus, mensium generales status ac ventos præcognoscere poterimus.

Mirabile fuisse Ptolemæi ingenium, vel ex capite de trigonis patet, vel ex hoc: propter quod hæc vltima pars libri solum descripta est, velut & reliquum præcipue propter caput de modis futurorum. Sed ea pars non adèd in vnum cogitur vt postrema hæc. Nam in præsentī capite quinque facit. Primum quidem declarauit propriam naturam cuiusque partis anni generaliter, quæ sumitur ex præcedente interlunio vel plenilunio, ipsum ingressum Solis in punctum cardinale. In secunda quæ præsens est qualitatem cuiusque mensis ex interlunij, aut pleniluniis sequentibus ingressum Solis in punctum cardinale. In tertia docet cognoscere naturam temporis



temporis quartæ partis cuiuslibet mensi, quæ communiter paulò potest excedere dies octo, neque tamen minor esse potest septem diebus, ita ut inter septimam & octavam diem fermè finiatur: & hoc non solum ex interluniis & oppositionibus, sed etiam quadratis accipitur: huius partis initium est ibi (Tertia ratio) In quarta docet cognoscere quocumque die qualitatem aëris ibi (Verum horum) ex illustrium stellarum ortu vel occasu. In quinta docet illud idem cognoscere per horas singulas ex luminarium itinere per cardines ibi (Idem iudicandum (atque ita elegantissimo modo usus à generalissimis ad maximè propria pervenit. Animaduertendum igitur quod quædam sunt generalia præcepta, quædam verò propria unicuique parti. Propria quidem sunt singulis partibus quæ determinant quantitatem temporis tempestatis, qualia sunt quæ in singulis partibus declarat Ptolemæus, & nos iam ea in hoc commento, dum partes distinguemus textus, attingimus. Generalia autem hæc solum in parte declarat, quæ quidem & huic parti, & præcedenti, tribusque sequentibus fermè ex æquo inferunt, talia autem sunt duorum generum: quædam pertinent ad subiectum & quædam ad qualitatem. Quæ pertinent ad subiectum sunt tria: Primum continet duo, scilicet locum interlunij, vel plenilunij pro mense sequentis ingressum Solis in punctum cardinale: vel si pro tota quarta anni interlunij, vel plenilunij antecedentis, ut dictum est, vel si pro quarta mensis considerabitur locus luminaris, id est, Lunæ & etiam Solis tempore coniunctionis, vel oppositionis, vel quadratæ radiationis illam quartam partem mensis inchoantis. Secundum est angulus sequens locum luminaris tempore interlunij, vel plenilunij, vel quadratæ radiationis luminarium. Secundum pertinentens ad subiectum, sunt stellæ dominantes in utrisque locis dictis, scilicet luminaris & cardinis sequentis. Et per stellas dominantes intellige quæ utrique loco simul dominantur. Quod si nulla talis haberi possit primum eligemus dominantem maximè in loco luminaris, deinde maximè in loco cardinis. Tertium sunt stellæ applicantes & defluentes ipsi luminari, vel ab ipso. Circa qualitatem verò futurorum quinque observanda declarat, quæ cum maximè generalissima sint, tam in quarta anni, quam etiam in mensibus, & quartis mensium & diebus, & partibus diei diligentissimè erunt consideranda. Primum est natura loci cardinis & luminaris: utpote si sit mobile, fixum, commune, vernale vel æstivum: & quale signum sit, & qualis pars sit signi in longitudine vel latitudine. Hæc autem in præcedenti capite declarata sunt. Secundum est natura stellarum dominantium in cardine & loco luminaris vel applicantium, vel defluentium ab altero illorum locorum, nam loca illa tales stellæ afficiunt. Porro natura illarum stellarum superius iam declarata est. Tertium quos ventos stellæ commoveant, Saturnus orientales, Mars Occidentales, Iuppiter Boreales, Venus Meridionales,


Mercurius omnes adiuuat. Quartum sunt signorum partes in quibus Planetæ illi fuerint: nam Aries Leo & Sagittarius ventum movent inter septentrionem & occidentem: Taurus, Virgo & Capricornus inter orientem & meridiem: Gemini, Libra & Aquarius inter orientem & septentrionem: Cancer, Scorpio & Pisces inter occidentem & meridiem. Unde egregiè falluntur qui hos trigonos vel orientales, vel occidentales vel septentrionales, vel meridionales appellare nituntur: cum nihil minus sint, sed medij inter has regiones: Similiter ex latitudine talium stellarum in signis Boreali vel Australi. Id coniectari licet quod ad ventos attinet: veluti hoc anno præsentis die duodecima Augusti cū celebrata est, coniunctio Iovis & Mercurij in decima octava parte Leonis, uterque erat septentrionalis, ascendens, idè cum Iuppiter moveat ventos Boreales & Mercurius augeat omnes ventos, significabat ventos validos Boreales: Sed quia erant in Leone poterat facere aliquam inclinationem ad occidentem, verum quia uterque erat Borealis fuit modica, vel nulla inclinatio ad occidentem. Atque ita fuerunt validissimi venti ex ea cœli regione, adèd ut vias transire non possemus. Quintum est Lunæ inclinatio ad Boream vel Austrum in latitudine. Hæc igitur sunt generalia quæ in hoc textu declarantur. Cæterum propria huic parti sunt quod mensis lunaris quilibet temporis naturam sequitur, quæ ab ipso interlunio, vel plenilunio illum inchoante decernitur. Et quod ex his duobus, scilicet interlunio, vel plenilunio oportet illud eligere quod est simile ei à quo totius quartæ naturam didicisti. Ita quod si interlunium præcessit ingressum Solis in punctum cardinale, omnes menses illius quartæ ab interlunio inchoandi erunt. Si autem ingressum Solis in punctum cardinale proximius præcedat plenilunium, omnes menses illius quartæ anni ab ipsis plenilunijs sequentibus inchoandi erunt, neglectis novilunijs pro mensium ratione.

Verum ut ad omnia hæc pateat intellectus figuram descripsi, quæ ventos omnes, scilicet triginta duos notiores, quique nautis deferunt soli, contineret. Et quanquam in aliquibus nomina variant, attamen res ipsas potius quam nomina considerare oportet. Ita ut dicamus quod generaliter ventus Septentrionalis est frigidus & siccus serenitatis author: nec solum Septentrio, sed qui propè sunt ad Borrhapiotè & Borrholybicū usque. Contra Notus calidus, humidus, gravis, atque morbosus, pluviosus: nec solum ipse, sed quicumque sunt inter ipsum & Notapeliotem & Notolybicum. Discrimen tamen est iuxta propinquitatem illorum ad principalem ventum. Principales autem sunt quatuor, Septentrio, Notus Subsolanus, & Zephyrus, qui & Fauonius dicitur. Post hos robore sūt proximiores Boreæ & Noto, scilicet Vpaquilo, & Mesocircius, Mesolibanotus, & Mesophœnix. Verum quia non tam subtiliter scriptores rimati sunt naturas & nomina singulorum ventorum, idèd notiores & proximos



mos his qui tamen & ipsi robusti sunt pro illis subiecere, id est, Aquilonem, Circium, Phœnicem, & Libanotum. Nobilitate tamen post primos quatuor ponentur Ptole-

maici venti, id est, Notapeliotes, Notolybicus, Borrhapeliotes & Borrholybicus. Ventus autem orientalis & occidentalis non eandem seruant regulam, quàm Septentrio ar-



que Notus. Nam orientem versus Subsolanus calidus est, & siccus & serenus: Fauonius autem ex toto contrarius huic est. Regula enim est quod venti validi omnes refrigerant, & exiccant & serenitatem pariunt, imbecilles calefaciunt & humectant, pluuias quoque gignunt. Cum igitur nobis Septentrio sit propinquissimus & natura, & situ refrigerabit, exiccabit, & serenitatem maximam pariet. Est enim robustissimus omnium ventorum apud nos. Post hunc est Auster in parando pluuias, quod natura sit calidus, & humidus, & pluuiosus, situ quoque multum distans, ob idque maximè pluuias parit. Inde est ventus Zephyrus, qui quauis natura sit frigidus, & humidus, & pluuiosus, quia tamen valde proximus est Italiæ in frigidat quidem, sed non humectat, verum exicat & serenitatem parit. Vnde poeta Italicus inquit:

*Zephyro spirat el' bel temporimena.*

Hoc Latine sonat:

*Zephyrus aspirat redeunt iam tempora clara.*

At orientalis cum calidus sit, & siccus atque serenus in oriente apud nos calefacit quidem, verum non exicat, sed humectat, & pluuias facit, quoniam procul abest. Itaque expedit non solum scire naturas ventorum generaliter, sed ex observationibus quid, & quantum unusquisque possit ea in regione in qua de temporis natura iudicium facere deliberas. Quamobrem omnium ventorum figuram apposui. Cumque sexdecim tantum, qui nomen habebant, ascripsissem, fortè fortuna aderat Guglielmus Casanatus Medicus, vir egregius & mihi amicissimus, quem honoris causa nomino, qui tabellam conscripserat maxima diligentia, omnes quotquot erant, scilicet triginta duos ventos continentem, placuit itaque & nostræ addere sexdecim illos

intermedios ut verior doctrina fieret. Nominibusque additis ad usum qui talis est ea parauit.

Describe igitur figuram huic consimilem in sublimi loco domus, & in medio illius colloca volubile flabellum: Ita verò facias ut singulae partes figuræ singulas cœli correspondentes respiciant. Deinde observa flabellum super quam lineam cadet singulo die, naturamque temporis & qualitatem, quam ventus ille in regione tua producit, in aduersa linea flabelli colloca sub proprio vento. Veluti si flabellum super lineam Libanoti extendatur, fiatque serenitas magna cum frigore describes in aduersa linea, quæ est Aquilonis venti serenitas magna cum frigore. Nec te fallere poterit si singulorum ventorum ter, vel quater effectus obseruaueris, quod facile in vno anno fiet. Sed caue ne multorum ventorum effectus pro vnius tantum ascribas. Sic enim fiet ut Boream ali-

|                                     |
|-------------------------------------|
| Serenum purum frigidum.             |
| Serenum purum temperatum            |
| Serenum frigidum                    |
| Serenum temperatum                  |
| Serenum purum calidum               |
| Serenum calidum                     |
| Nebulosum frigidum                  |
| Nebulosum temperatum                |
| Nebulosum calidum                   |
| Pluuiosum frigidum                  |
| Pluuiosum temperatum                |
| Pluuiosum calidum                   |
| Imbres cum frigore                  |
| Imbres cum temperamento             |
| Imbres cum calore                   |
| Grando & tempestas cum frigore      |
| Grando & tempestas cum temperamento |
| Grando & tempestas cum calore       |
| Nix.                                |

quando pluuiosum esse existimes. Porro qualitates temporum sunt vna de viginti, quas



quas à latere vides. Quod si tempora sint inconstantia (raro quidem ex vno vento, id contingit ex pluribus) diligenter adnotandum seorsum: vt tandem noueris non solum effectus ventorum simplices, sed & compositos. De his autem in libris de Rerum Varietate dictum est. Quo vero ad vsum spectat Astrologi, in figuris ita facere decet: Sit gratia exempli Iupiter significator solus, & in Geminis cum latitudine Boreali, & ascenden: tunc significabit ventum Septentrionem. Quod si fuerit cum parua latitudine & orientalis significabit Vpaquilonem. Quod si cum hoc esset descendens, significaret Aquilonem. Quod si esset iuxta eclipicam descendens cum radio Saturni, significabit Mesaquilonem. Quod si sit Meridionalis descendens cum radio Saturni, vel sit in Geminis vbi cadit cum radio Saturni, vel suas vires, cum Saturno æquet in Libra, & Iupiter sit Borealis ascendens, Saturnus vero in primo statu orientis, tunc facient Borrhapeliotem. Quod si duo sint domini Saturnus puta cardinis sequentis Iupiter loci luminaris, vterque autem validissimus, tunc stabunt duo venti Boreas & Subsolanus.

### TEXTVS LXIII.

Tertia ratio est subtilioris cuiusdam obseruationis intensio ac remissionum. In hanc cadunt configurationes Solis ac Lunæ particulares, non solum interlunij & plenilunij, sed etiam horum mediæ, id est, quadratæ. Vbi animaduertendum ante tres ferè dies omnium tempestatum significationes existere solere, aut etiam post tres nonnunquam, exæquati itineris Lunaris erga Solem cadunt: & singulorum istorum status, neque istorum modo, sed etiam aliarum figurarum vt sexangulæ ac triquetra, itemque aspectus stellarum erratum, nam de harum natura consequenter mutationis proprietas deprehenditur, respondens aspicientium stellarum & signorum erga circundans nos cælum ac ventos, familiaritati.

Declarat quo nam pacto licet quartarum mensis status intelligere: mensis enim Lunaris si à coniunctione incipiat, coniunctionem in principio habet, à status septem vel octo dierum proximè sequentium habetur, eodem modo quo totius mensis natura ab eius initio deprehenditur. Inde succedit quadrata radiatio quæ vocatur crescens, cuius ratione septem vel octo dies proximi gubernantur, non secus ac primi: nisi quod in his etiam figura coniunctionis, quæ præcessit obseruanda est tanquam toti mensi generalis. Post sequitur oppositio quæ & ipsa septem vel octo sequentes dies gubernat. Eodem modo & vltima quarta quæ vocatur decrescens: septem vel octo dies habent sin-

gulæ: figuram & reliqua eodem modo consideranda vt in præcedenti commento. Et hæc sunt clara. Deinde dicit (Ante tres ferè dies omnium tempestatum significationes existere solent, quandoque etiam ultra tres exæquati itineris Lunaris erga Solem cadunt) Hic difficillimus est punctus qui sit in toto hoc volumine: Sententia tamen esse videtur, quod Luna latitat sub Sole, quia Sol quindecim partibus ante & quindecim post æquinoctialis circulo regit & illuminat vt sint gradus triginta, atque ita abscondit Lunam. Verum propter obliquitatem Zodiaci cum Luna fuerit in signis breuium descensionum, illis triginta gradibus ex æquinoctiali circulo correfpondebunt circiter quadraginta: non enim tota ascensio consideranda est, quæ correfpondet triginta partibus æquinoctialis, nam sic etiam in climate Ptolemæi excederet quinquaginta partes. Cum igitur Luna velox motu fuerit pertransibit istos quadraginta gradus ante tertiam diem, adeo vt si fuerit in signis longarum descensionum, quandoque duobus diebus integris lateat: Quod si fuerit tarda motu & in summitate epicycli, & signis breuium descensionum, non videbitur nisi quarta die. Hoc est igitur quod dixit (Lunam erga Solem habere tres dies, quandoque minus exæquati itineris) Luna igitur vires retinet istorum trium dierum in producendis tempestatibus. Atque hic vnus est sensus, vt sic legatur litera: Luna quandoque vsque ad tres dies producit signa tempestatum & etiam ultra tres dies, vt (post) aduerbium, quod *ultra* Græcè scribitur (ultra) interpretemur. Alius sensus isto dilucidior est vt intelligamus sic: Luna in quacunque quarta mensis, dicamus per exemplum quod duodecima Augusti huius anni 1552. ineat quadratam radiationem cum Sole decrescentem, & tunc cum nullo Planeta congregiatur, sed diè quartadecima quæ est tertia à diè quadratæ radiationis cum Sole ineat coniunctionem Martis, qui est in secunda parte Cancræ, & manifestum est quod talis coniunctio si fieret dum Luna est in quadrato Solis quod significaret pluuias & nebulas toto illo tempore, igitur etiam nunc significabit talem effectum, Veruntamen non adeo complebitur is, vt si esset coniunctio eadem hora. Neque apparebit adeo euidenter, nisi postquam Luna Marti congressa fuerit, id est, post quartam decimam diem. Similiter Luna diè vndecima fuerat in quadrato Iouis, qui est in Leone cum latitudine Boreali: Idem significat ventos Boreales. Et hoc tamen intelligendum est quando Iupiter, vel Mars hora quadratæ radiationis aliquam vim habuerint vel in loco Lunæ, vel in cardine sequente. Et hæc vis Lunæ contingit, quia ipsa Luna, vt dictum est, manet tribus diebus abscondita sub radiis Solis.

Deinde dicit (Et singulorum istorum status) Id est, status proprie, qui sit quarta diè ante congressum Lunæ cum Sole, siue per coniunctionem, siue oppositionem, seu quadratum: & status qui sit, quando congregitur quadrata radiatione, vel opposita, vel cor-



portio ipso: & status qui fit quarta die post congressum. Et hic sensus est verus & geminus duabus conditionibus seruatis. Prima, quod accipiat dies illa ad vnguem quanta ante vel post, & non aliqua intermedia. Secunda quod semper accipiat antecedens quarta, non tamen semper consequens. Quandoque tamen vtraque consequens accipitur & antecedens. Et quod iste sensus sit verus, ostendo primo autoritate Plinij, qui dicit veteres obseruasse quartam Lunam à congressu Solis, atque secundum illam iudicasse. Et ratio quia Luna post tres dies quadraginta quinque gradibus distat à Sole: Ergo intelligenda est figura octagona, quam non ausus est. Ptolemæus appellare aspectum: quia etsi à congressu Solis obtineat partem cum toto consentientem, attamen non in aliis locis, sicut fit de trigono, sextili & quadrato. Volo dicere si Luna decimanona die Augusti coniungatur Soli in sexta parte Virginis præsentis anno die vigesima secunda, id est, quarta die post, distabit quadraginta quinque partibus à Sole, & quadraginta etiam: modo quadraginta est nona pars totius circuli, & quadragintaquinque octaua pars totius circuli: Ergo à quadraginti partibus vsque ad quadraginta quinque Luna erit in primis radiis Solis. Et quia dum erat coniuncta Soli non poterat ostendere aliquem effectum, & nunc primum concreditur Soli, & nouum lumen habet: Igitur quarta Luna ostendit quid factura sit toto eo mense. Nam in quarta Luna exacti sunt tres dies integri, atque ita distabit à quadraginta partibus, vsque ad quadraginta quinque. Hæc igitur est secunda ratio quæ ostendit hunc fuisse sensum Ptolemæi. Nam duo reliqui sensus artificio carent, ideoque Ptolemæo indigni sunt. Quia tamen numerus, 40. bis repetitus, facit 80. qui non est pars integra totius circuli: & similiter 45. ter repetita, facit 135. qui neque est pars totius circuli integra, idè distantia hæc non habet vires aspectus. Nam reliqui aspectus semper geminati, vel triplicati faciunt aspectum vel coniunctionem: duplicatus enim quadratus facit oppositionem, triplicatus facit alium quadratum. quadruplicatus facit coniunctionem. Duplicatus sextilis facit trigonum, triplicatus oppositionem, quadruplicatus alium trigonum, quincuplicatus facit alium sextilem, & ita de aliis. Quia tamen illi radij seu portio illa circuli à 40. partibus ad 45. magnam habet vim circa coniunctionem propter regulam sæpius adductam de potentia: retinet etiam vim ante oppositionem & post: & similiter ante quadratas radiationes & post. Verum Ptolemæus existimauit præcedentem distantiam frequentius vires habere: quia in futurum extenditur: quæ sequitur potius spectat ad sequentem congressum. Veluti, si vt dixi, duodecima die Augusti Luna quarto aspectu congrediat Soli, nona dies habet rationem ad quartam mensis sequentis, quæ est præcedentis coniunctionis, vel oppositionis Lunæ, cum Sole ad quartam anni sequentem. Sequens verò distantia, id est, quintadecima

dies non poterit significare super præcedens tempus, sed potius significabit supra sequentem coniunctionem. Sed dices nonne poterit significare super tres dies sequentes vsque ad coniunctionem Solis? Respondeo quod non: quia mens Ptolemæi est quod imperfectum habeat rationem potentia & non possit deduci ad effectum, nisi à perfecto, id est, à sequente radiatione. Sed dices quare ergo dicit quod conuenit aliquando etiam obseruare sequentem distantiam seu quartam diem? Respondeo quod vbi in illa quarta die contingat aliqua potens coniunctio, quæ vim det illi potentia, vt deducatur ad actum, tunc erit consideranda non quidem pro tempore præcedente, sed pro illis tribus, vel quatuor diebus succedentibus, vsque ad coniunctionem, oppositionem vel quadratum. Verum, vt dixi, quarta dies succedens post coniunctionem Solis, cum Luna vim habet magna duplici peculiari ratione: tum quia primum apparet: non quod antea non apparuerit: tertia enim die semper quando tardius videri solet, quandoque etiam celerius: sed quod iam tum nouo lumine lucet. Secunda ratio quæ validior est, quoniam ea die, scilicet quarta, bis distat in decem horis, aut paulò plus à Sole parte integra totius circuli, scilicet 40. gradibus deinde 45.

His visis iubet ergo Ptolemæus nos quinque considerare pro quarta mensis cognoscenda: Primum congressum Solis cum Luna, qui fit in initio illius quartæ & qui illi dat initium: Secundum diem quartam ante: & in hoc oportet intelligere duo illa puncta, scilicet quando Luna ad vnguem distat partibus quadraginta & partibus quadragintaquinque & tunc videre situm ipsius ad reliquos Planetas & locum & latitudinem, ex imò etiam ascendens: Tertium, vt consideretur aspectus trigonus Solis cum Luna vel sextilis qui cadit in illa quarta: nam in omni quarta mensis, necesse est, vt cadat vnus trigonus, vel vnus sextilis in ea: & non possunt cadere vnquam duo ex his in vna sola quarta. Ille ergo trigonus seu sextilis, si fuerit debilis & solus, & non significabit nisi super reliquos dies, qui sunt vsque ad initium succedentis quartæ. Sed si Luna fuerit in cardine supra terram, vel orientis saltem, aut fuerit cum radiis, vel corpore alterius Planetæ, maximè qui loco dominetur, vim retinebit si sit trigonus decem diebus sequentibus, si sextilis tantum quinque: Quartum est, vt quandoque consideretur quarta dies sequens: & hoc in duobus casibus, vel cum coniunctio fuerit initium quartæ mensis, vel cum talis quarta dies habuerit aliquam coniunctionem vel oppositionem validam, quæ adiunget vim ipsius Lunæ: Quintum, vt considerentur aspectus & coniunctiones reliquorum Planetarum inter se, qui contingunt in ea quarta mensis: Et etiam cum Luna: Et in his omnibus considerare naturam stellarum illarum quos ventos & quam temporum naturam in illo cælo seu regione afferre soleant: Similiter illud idem à signorum natura perquirere oportet.



oportet. Nam vt diximus primum iuxta naturam trigonorum, deinde etiam iuxta latitudinis partem, & similiter quo ad qualitatem aëris iuxta naturam signorum & partium eorum superius declaratam.

Circa hæc notanda sunt quædam, singula ex singulis: Primum quod præter ventos adductos sunt alia genera ventorum singulæ, alia quidem generaliter & sunt quinque. Typhon, id est, vibratus qui torrentium modo descendit: agitaturque circumuolans & paleas & stragula. Est & Ecnephas qui impulsu deorsum frangit & pondere aggrauat. locum ex loco mutans, rapida vertigine naues mergens: Idem illi ipso percussus correpta secum in cælum refert, forbetque in excelsum, Est qui cum fragore erumpit cuncta prosternens, vocaturque Turbo. Est & qui cuncta comburit igneam habens vim, vocaturque Prester. Quintus est Aura, quæ leniter flat. Proprii verò vt Atheniensibus Sciron: Narbonensi Prouinciz Circius: In Ponto Cæcias nubes trahit atque ita de aliis. Sunt & venti proprii quibusdam temporibus aut locis, veluti Etesia & Ornithia ab Aquilone, vel Septentrione & Fauonij. Præstat igitur scire quod Etesia Aquilones sunt, quæ quadraginta diebus perflant, incipiuntque octo diebus ante exortum Caniculæ. Post hos Austri frequentes ad exortum Arcturi. Post quem Corus flat. Fauonius autem Ver aperit, Plinij tempore nona die Februarij inchoabat, circiter nouem diebus perseverat.

Secundum est quod in omnibus congressibus Lunæ cum Sole obseruare oportet locum Lunæ, accidentia & qualitates principaliter, deinde Solis, præter quàm in coniunctione in qua Solis conditio primum spectanda est, deinde Lunæ. Obseruato etiam quis robustior fuerit, scilicet in cardine supra terram, nam illum magis considerabis.

Tertium est circa congressus Planetarum, recetiores obseruant quod & nos didicimus Saturnum cum Ioue iunctum secundum qualitatem stellarum & signorum multis diebus aërem afficere, serenitate vel pluuia, vel ventis, & minimum luminarium aspectus consenserint. Quodque dico de coniunctione idem de oppositione statuo, sed minus: post de quadrato, inde trigono: ultimo de sextili, atque idem de sequentibus. Saturni & Martis coniunctionibus diebus agit ante & post secundum qualitatem signorum: proprium est grandines facere si reliqua iuuent. Saturni cum Sole coniunctio, opposito vel quadrata radiatio paucis diebus frigidum aërem facit & persæpe grandines. Saturni & Veneris coniunctio facit imbres & frigora propriè. Semper tamen intellige iuxta qualitatem signorum. Saturni & Mercurij coniunctio secundum qualitatem signorum. Iouis & Martis coniunctio secundum qualitatem signorum & stellarum: propriè verò cum pluuia significat tonitrua addit & fulmina & fulgetra. Iouis & Solis coniunctio flatus ventorum parit, pulchramque serenitatem. Iouis & Veneris coniunctio serenitatem parit in aqueis leues & mites pluuia.

Iouis & Lunæ coniunctio, secundum qualitatem signorum facit, per se tamen serena est, ventosque parit.

Mars cum Sole coniunctus secundum signorum qualitatem facit: Sed cum vehementia: ita quod in aqueis facit imbres, tonitrua & fulgura. Martis & Mercurij coniunctio secundum qualitatem signorum facit: propriè tamen ventos cum impetu. Vterque enim illorum Planetarum impetuosus est. Martis & Lunæ coniunctio, iuxta qualitatem signorum facit, & stellam cui postmodum applicat. Commune enim est hoc Lunæ semper, per se tamen facit nubes rubras.

Solis & Veneris coniunctio propriè humidum tempus significat. Dixit Auerroës in Metheoris quod parit pluuia, cum sub illo latitauerit, reliqua secundum naturæ signorum qualitatem. Solis & Mercurij coniunctio, generaliter vt reliqua, propriè tamen ventos parit. Solis & Lunæ, vt dictum est, congressus diligenter considerandi sunt: neque enim vnum significant.

Veneris & Mercurij coniunctio, vt reliqui, propriè tamen faciunt imbres. Veneris & Lunæ coniunctio facit propriè imbres cum frigore.

Mercurij cum Luna coniunctio secundum qualitatem signorum. Notandum præterea quod magnæ mutationes aëris non fiunt, nisi adsit vnus superiorum saltem in coniunctione vel aspectu. Sed si Sol cum inferioribus vel ipsi inferiores inter se conueniant sine fixis magnis, aut parum, aut non diu qualitatem aëris mutant, nisi in congressibus Solis & Lunæ vt dictum est, ista contingant.

Sunt præter eas coniunctiones illæ quæ vocantur portarum aperitones, & sunt tres: Saturni & Solis coniunctio: Secunda est Iouis & Mercurij: Tertia Martis & Veneris. Dicit autem apertio portarum quia maximus & euidentissimus fit effectus: Saturni quidem & Solis in aëre turbido & frigido: Iouis & Mercurij in ventis: Martis & Veneris in imbris & fulgure. Vnaquæque autem fit tribus modis, vel quia iunguntur inuicem hi Planetæ, opponuntur, vel sunt in quadrata radiatione, & hæc est minor, & mista, & habet tres gradus, oppositionem quæ validissima est, inde coniunctionem, post quadratum. Secundus modus est cum Luna applicatur superiori separata ab inferiore coniunctione oppositione vel quadrato, & tunc tempus naturam mutat maximè, & secundum naturam superioris & maximè si superior, & inferior se aspiciant. Exemplum Sol aspiciat Saturnum de quadrato applicando illi, vt pote quod Sol sit in vigesima septima parte Scorpionis, & Saturnus in vigesima nona Aquarij, & Luna sit in vigesima septima parte Leonis, tunc fiet apertio portarum maxima ex Sole in Saturnum, & fiet tempus nebulosum & frigidum in locis vbi Luna erit in cardine. Et si fieret in signis aqueis adduceret magnos imbres, & præsertim si Saturnus dominaretur cardini hora quadratæ radiationi. Quod si Luna deflueret à Saturno ad Solem, minor esset illa mutatio



ratio aëris, & breuior, & post turbulentiam lequeretur claritas, & ita de aliis.

Quartum est quod ex prima expositione textus Ptolæmei dignoscitur, quod Plinius dicebat (Lunam quandoque die interlunij videri & hoc contingere solum quando ipsa fuerit in Ariete) Quia Aries longissimas habet descensiones: Si igitur Luna sit velox motu poterit attingere quindecim gradus in suo cursu ferme in vna die: quare quatuordecim partibus distabit à Sole. Quod si cum hoc habeat maximam latitudinem, quæ est quinque graduum, distabit à Sole quindecim gradibus, & in æquinoctiali aliquanto plus propter rectam descensionem, quare vesperi videri poterit. Videtur enim quandoque post quattuordecimum gradum distantia à Sole, quod minimum est spaciū in quo videri possit. Idem Plinius docuit sua ætate Vespasiano & Tiro tertio consulibus visum bis deliquium in duodecim diebus, quod vix omnino fieri potest, sed errorem esse existimo in dierum numero: nam constat quod tantum spaciū Luna peragrarè non potuerit, quantum est ab oppositione ad coniunctionem, seu à coniunctione ad oppositionem in duodecim diebus: nisi hoc modo intelligatur, quod gratia exempli, exoriente Sole decima septima Septembris, facta fuerit eclip̄sis Solis (Diem enim Romani ab exoritu Solis inchoabant) & quod vigesima nona ante diluculum trigesima diei visa sit eclip̄sis Lunæ: Nam sic erunt tredecim dies re, nomine autem duodecim. Imò plusquam tredecim dies propter noctis elongationem. Circa secundum sensum est, ratio Galeni sumpta de diebus criticis in tertio dierum criticorum. Verum quia talis ratio reiecta fuit à nobis, illam dimittimus. Illud quod maiori consideratione dignum est quod Luna latitet tribus diebus, etiam per tres differt opus suum aut accelerat, quo in casu multi qui quarta die ante nouilunium ægrotant persape moriuntur, aut diuturno morbo laborant.

Sextum est quod ex tertio sensu verborum Ptolæmei elicitur: & est ratio dierum criticorum salutis aut mortis, longitudinis aut breuitatis morbi, prauitatis, aut facilitatis, eius: & hæc talis est. Prima hora & momento qua quis ægrotat statue figuram octo laterum, vt vides in exemplo, & cuilibet domui dabis quadraginta quinque partes, & videbis locos & aspectus Planetarum ad initia domorum: inde cum Luna peruenerit ad initium secundæ domus, statues ascendens, vt prius, & ita videbis res mirabiles comparando secundam, & tertiam & quartam figuram, vsque ad octo ipsi primæ figuræ. Velut in tribus exemplis, quæ subiiciam, quorum primum est vnus qui ægrotauit & sanatus est, alter ægrotauit & obiit, tertius vulneratus est vulnere quod mortale non videbatur ab initio, & tamen obiit.


Igitur Ioannes Antonius de Campionibus, ætatis annorum circiter triginta ex itinere ægrotauit, primum quidem, vt visus est, leuiter vsque ad quartam diem quod Luna esset in sextili Veneris, & Venus illam reci-

peret. Nam Venus illam reciperet. Nam Venus erat in suis dignitatibus. Quod enim recipiat Planeta Planetam non sufficit vt alter in alterius sit dignitatibus, nam sic in omni figura multi reciperentur Planetæ, sed quod præter id dominus loci illum bene dispositus aspiciat, vel mutuo sint in dignitatibus, seque aspiciant, vel quod benigno aspectu se aspiciant, licet eorum alter sit male affectus. Quod verò seruari deberet ostendebat Luna validissima in Tauro in sextili Veneris dominæ loci magnitudinem morbi, quod esset prope combustionem radiis destituta & lumine. Et quia Luna erat cursu valde tarda, morbus non est visus accipere incrementum, remorante etiam vt dixi Veneri. Quamobrem Lunæ motum singulis diebus adicere oportet, vt sciamus quo loco sit vnaquaque die, & qualis etiam singulis diebus sit in eius motus. In Mercurio autem adicere oportet motum in prima die & quarta, & septima, & vndecima, decimaquarta, decima septima, & vigesima, quoniam & ipse multum quandoque paucis in diebus cursum suum variat. Etsi oporteat vltra vigesimam extendere facias per dies criticos, qui sunt vigesimus quartus, vigesimus septimus, trigessimus primus, trigessimus quartus, trigessimus septimus & quadragesimus. Similiter & reliquorum quinque Planetarum motum adiiciens præsentem: Sufficiet enim ob parvam varietatem quæ in tam paucis diebus contingit. Atque hæc omnia nos perfecimus, vt vides non solum in exemplo hoc, sed & duobus sequentibus. Igitur vt ad rem reuertar, Luna attingit partem vigesimam quintam Geminorum in diebus tribus horis decem octo ferme ob motus tarditatem, vnde protracta est quarta dies, tunc verò occurrit Iouis & Martis sextili in Leone, & cum stellis humidis, idè factum est incendium magnum & turbulentia in vrina, quæ ob protensam quartam diem visa sunt habere initium in quinta. In septima verò cum nondum peruenisset ad nonagesimum gradum distantia ob motus tarditatem, sed ad Leonis initium tantum deterrimè se habuit, quoniam nulli beneficæ occurrit: Similiter in octaua & nona morbus augebatur, quia tunc Ioui & Marti iunctis iungebatur, & quia erant inter humidæ stellas sudauit. Calor enim cum humido sudorem creat, & vrinam multam quam reddidit. In vndecima sudauit, fuit tamen cum magno labore, nam Luna oppositum Saturni superauit, sed ei successit sextilis Veneris. Duodecima ægrè se habere visus est, quia multum delirauit. Sed tamen ob Veneris sextilem vrinæ concoctæ apparuere. Decimatertia ob Mercurij quadratum nihilo deterius se habuit, quia erat motus iam ad salutem, sed nec melius ob Mercurium, decimaquarta sudauit iterum melius se habuit. In ea non potuit solui morbus, quia Luna non peragraverunt nisi partes 174. minuta 22. Et oportuit extendi morbum ad decima septimam vsque. In decimaquarta tamen occurrit Luna sextili Iouis & Martis, & quadrato Veneris, idè sudauit decima septima, liber euasit cum iam Luna



Luna oppositum loci superasset, & trino Veneris applicuisset.

Hic alter verò Lunam ab initio habuit in quadrato Veneris ex intemperie cibi & po-




Motus Planetarum diurni.

|   |    |    |
|---|----|----|
| ♄ | 0. | 4  |
| ♃ | 0. | 5  |
| ♂ | 0. | 29 |
| ♂ | 0. | 58 |
| ♂ | 0. | 59 |
| ♂ | 1. | 44 |
| ♂ | 1. | 40 |
| ♂ | 1. | 35 |
| ♂ | 1. | 30 |
| ♂ | 1. | 17 |
| ♂ | 1. | 5  |
| ♂ | 0. | 51 |

| Lunæ motus ad dies | 10    | 11    | 12    | 13    | 14    | 15    | 16    | 17   |
|--------------------|-------|-------|-------|-------|-------|-------|-------|------|
|                    | 12.8  | 12.3  | 12.0  | 11.52 | 11.43 | 11.41 | 11.42 | 12.0 |
|                    | 18    | 19    | 20    | 21    | 22    | 23    | 24    |      |
|                    | 12.30 | 12.52 | 13.5  | 13.17 | 13.29 | 14.0  | 14.18 |      |
|                    | 25    | 26    | 27    | 28    | 29    | 30    |       |      |
|                    | 14.39 | 14.33 | 14.42 | 14.50 | 14.56 | 14.46 |       |      |

tus agrotavit. Celeriter grauatus est ob motum Lunæ velocem. In septima deterius valde se habuit, nam Luna erat cum cauda & vacua à Iouis aspectu ibat ad oppositum Veneris, & tunc Sol Saturni quadrato affligebatur. Octava leuari visus est fluente è naribus sanguine, sed tamen virtus cecidit ob Veneris oppositum. Nona aliquantulum respirare visus est ob trinum Solis. Decima

fuit loco vndecimæ cum ad angulum, id est, Piscis initium peruenisset ad oppositum Iouis & Martis. In vndecima par erat illum morti cum ad Saturni coniunctionem hora decima ad Solis quadratum hora decima octava post meridiem peruenisset. Mortuus est quinta Iunij, hora tertia ante meridiem. Et fuit initium decimæ quartæ. Et Luna peruenerat ad oppositum loci sui ad vnguem.



Motus Planetarum diurni.

|   |    |    |       |
|---|----|----|-------|
| ♄ | o. | 3  |       |
| ♃ | o. | 7  |       |
| ♂ | o. | 31 |       |
| ♂ | o. | 58 |       |
| ♂ | o. | 53 |       |
| ♂ | I. | 20 |       |
| ♂ | I. | 5  |       |
| ♂ | o. | 15 |       |
| ♂ | o. | 27 |       |
| ♂ | o. | 5  |       |
| ♂ | o. | 18 | Retr. |
| ♂ | o. | 38 | Retr. |

| Lunæ motus ad dies | 23    | 24    | 25    | 26    |
|--------------------|-------|-------|-------|-------|
|                    | 14.49 | 14.46 | 14.44 | 14.40 |
|                    | 27    | 28    | 29    | 30    |
|                    | 14.35 | 14.26 | 14.4  | 13.37 |
|                    | 1     | 2     | 3     | 4     |
|                    | 13.16 | 13.5  | 12.44 | 12.16 |
|                    | 5     | 6     | 7     | 8     |
|                    | 11.55 | 11.41 | 11.40 | 11.47 |


Hic alter affinis meus erat, & vir sexagenarius cum vulneratus est, Luna à Marte separabatur, & Mars cum Capite erat, & Lu-

na cum Cauda & applicabat Saturno, & Iouis infelicitis opposito, non tamen statim grauatus est, quia Lunæ ibat ad sextilem Mercurij



curij & vulnus erat brachij trāsfoſſio. Quarta grauatus eſt propter Solis quadratum, caruit tamen febre, quia nulla malefica oppugnabat, ob id uſque ad decimam adeo leuatus eſt, ut ſurgeret. In vndecima grauatus eſt hora noctis tertia, cum Luna ad oppoſitum Solis tenderet. Hic autem erat anæreta dominus, ſi quidem oppoſiti loci Lunæ: Et poſt Luna ad Mercurij oppoſitum ibat. Febre igitur & ſanguinis profluuium correptus eſt 14. die, quæ fuit ſecunda Ianuarij hora diei tertia, cum Luna corpore Marti iunge-

batur expirauit. In omnibus hiſ ſi bene animaduertis exitus fuit iuxta conditionem Lunæ ab initio morbi bonam aut malam. Quod ſi rationem hanc criticorum dierum ad diuiſionem circuli totius in triquetras, & nonangulas figuras deducas, videbis rationem quartæ diei, quæ eſt, cum Luna peragrauerit partes 40. tunc peruenit ad radium nonangulum, hoc autem fit in diebus tribus perfectis, ſed ſi Luna velox curſu fuerit intra tres dies. Septima autem cum ad 90. partes, vel cum ad 80. has autem in ſex diebus per-



| Motus diur. |    |         |
|-------------|----|---------|
| ♄           | 0. | 5       |
| ♄           | 0. | 2 Retr. |
| ♄           | 0. | 7 Retr. |
| ♄           | 1. | 1       |
| ♄           | 1. | 15      |
| ♄           | 1. | 47      |
| ♄           | 1. | 49      |
| ♄           | 1. | 50      |
| ♄           | 1. | 50      |
| ♄           | 1. | 50      |

| Lunæ motus ad dies | 19    | 20    | 21    | 22    | 23    |
|--------------------|-------|-------|-------|-------|-------|
|                    | 13.42 | 13.22 | 13.9  | 12.57 | 12.45 |
|                    | 24    | 25    | 26    | 27    | 28    |
|                    | 12.12 | 11.45 | 11.38 | 11.37 | 11.53 |
|                    | 29    | 30    | 31.   | 1     | 1     |
|                    | 11.55 | 12.2  | 12.7  | 12.15 | 12.24 |

fectis peragrat cum velox fuerit curſu, & ob id criſis in ſexta ſemper mala eſt, quia fit ex Lunæ curſu veloci, cum peruenit ad 80. partem à loco in quo erat, ſed pars 80. non aduerſatur loco primo, igitur criſis tunc erit mala. In ſeptima autem poteſt eſſe bona & mala, quia poteſt fieri ex tardo motu Lunæ ad octogefimam partem, & tunc erit bona. In decimaquarta fit cum Luna vadit ad oppoſitum loci in quo erat in initio morbi, ideo per ſe bona. Non enim poteſt fieri ob nonangulam figuram, quia 150. partes, & 200. nimis diſtant à peregrinatione Lunæ in 14. diebus, ſeu Luna fuerit tarda, ſeu velox. Cum verò decimaquarta dies fiat in diebus 13. horis 16. dies 20. dupliciter poteſt conſurgere, vel additis ſemꝰ circulo 90. partibus, & Luna ſit velox motu, & tunc criſis erit bona, vel additis 80. & Luna ſit velox ſeu tarda, incidit in vigefimam diem, & tunc criſis erit mala. Solum verò additis 90. partibus, & Luna tarda cadit criſis in vigefimam primam, ideo criſis in 20. eſt longe frequentior criſis in vigefima prima, ſed criſis in vigefima prima eſt ſecurior. Aliam tamen cauſam in medicis commendationibus adduximus. In 14. enim vel vigefima prima, niſi incidat malus aſpectus, valde ſeruantur ægri, quoniam locus ille aduerſatur loco initij morbi. In peſtilentibus autem cum raro natura rectè operatur, raro fit criſis in vigefima. Criſis igitur in ſex-

ta valida & ſemper mala: in ſeptima valida & anceps: in vigefima valida & frequens, ſed plerumque mala: in vigefima prima rara, ſed bona: in decimaquarta frequens valida & bona. In decima tertia mala.

#### TEXTVS LXIV.

Verum horum ipſorum particularium modorum, diurnæ intenſiones remiſſionesue, exiſtunt potiſſimum ubi inerrantium ſtellarum eæ, quæ maximè illuſtres ſunt, matutinis aut veſpertinis, ortuſque aut occaſus ſui fulgoribus erga Solem conſpicuæ fuerint, nam conuertunt particularem ſtatum illæ plerumque ad modum naturarum ſuarum.

Docet in hac quarta parte dignoſcere qualitates dierum ſingulorum obſeruando ſtellas fixas maximè illuſtres cælo, quas quidem tum ex libro Magnæ compoſitionis, tum ex libello Ptolemæi de Ortu ſiderum, de quo ſuperius diximus (teſtaturque ignotus expoſitor Ptolemæum talem ſcripiſſe librum, ut iam non dubium ſit illum eſſe Ptolemæi) Eas excipies: Exemplum in Aprili menſe tertio nonas Aprilis, id eſt, tertia Vergiliæ occidunt veſpertino: tempore autem Ptolemæi Sol erat circa duodecimam partem Arietis, Vergiliæ verò



verò circa quintam Tauri, quare occidente Sole illico post crepusculum quod durat, donec descendant sexdecim, aut decemmodò partes cœli Vergiliæ occidunt vespertino, id est, illæ quæ iam prius videbantur occidente Sole post occasum eius, nunc primum Sole appropinquante incipiunt latere, ideoque immutant statum aëris, cum aër priuatur tali lumine iam solito illarum stellarum, vocaturque hic occasus vespertinus, scilicet quando in occidente, quæ prius solebant videri Solis lumine adumbratæ, desinunt apparere: Tunc igitur fiat Africus sequenti die. Hoc exemplum dedi de Vergiliis ut intelligeres non solum de vna stella magna sensum esse Ptolemæi interpretandum, verum etiam de pluribus, quæ valde sint propinquæ inuicem, ut sunt Vergiliæ, Succulæ, Cingulus Orionis, Asini. Aliud exemplum: inquit quod nonis Maij exoriebantur Vergiliæ ortu matutino, id est, quod Vergiliæ incipiunt apparere ante Solis exortum propter Solem recedentem: Nam Nonis Maij, id est, septima Maij, Sol erat circa quintamdecimam partem Tauri, Vergiliæ, ut dictum est, circa quintam partem Tauri, ideo illa quæ plus habet latitudinis incipit apparere. Circa quod notandum est, quod quâdo sunt plures stellæ, exortus intelligitur cum vna earum primo incipit videri: occasus autem cum prima illarum qualifcunque sit abscondi inceperit: ita quod ortus intelligitur de prima quæ apparet, & occasus de prima quæ absconditur. Ex quo patet quod plus distant stellæ à Sole quando absconduntur si sint plures, quàm quando oriuntur. In occasu enim Vergiliæ distabant à Sole partibus viginti tribus vel paulò minus, in ortu distabant decem partibus à Sole. Et causa tota est, ut dixi, quia exortus, & occasus capiuntur à diuersis stellis: exortus à prima quæ apparet, occasus à prima quæ occultatur. Et quia pars finitoris occidua contraria est orientali, ideo his duabus causis contingit varietas. Secundum considerandum est, quod talis ortus, & talis occasus in pluribus stellis durat per plures dies, scilicet à prima, quæ oritur ad vltimam earum durat ortus: & similiter occasus à prima quæ occidit ad vltimam: & perseverat talis effectus plerumque non solum toto tempore intermedio, sed in ortu etiam per aliquot dies, postquam omnes apparere cœperint. Sed in occasu est alia ratio, quia non durat effectus nisi ab occasu primæ ad occasum vltimæ: Vbi autem omnes occiderint sequenti die cessat effectus: Si verò sit vna stella tantum illustris puta Arcturus vel Canicula, tunc ortus fit in vna die, sed effectus durat pluribus diebus: adeò ut Caniculæ ortus duret triginta diebus, & secundum aliquos quadraginta, Arcturi verò octo vel decem. Occasus verò contingit in vna die, & effectus etiam finitur eadem die, & hoc est tertium. Quartum est, quod ortus & occasus vnus, & eiusdem stellæ non sunt in æquali distantiâ à Sole, sed est magna varietas tum propter obliquitatem vel reëitudinem signorum, tum propter latitudinem Australem vel Borealem: nam latitudo Borealis facit ut oriantur matutino celerius & vespertino ortu. Australis autem facit ad occasum tam vespertinum, quàm etiam matutinum: Ergo Boreales stellæ utpote Arcturus oritur utroque ortu in minore distantia à Sole quàm occidat: Canicula contra-

Tom. V.

rio modo. Quintum considerandum est quod licet ortus stellarum insignium per plures dies durent & effectus earum, mutatio tamen de qua loquitur hic Ptolemæus non fit nisi in prima die ortus, sicut etiam in occasu fit mutatio status aëris die illa solum. Sextum notandum est quod ortus & occasus earundem stellarum non sunt apud omnes gentes eisdem temporibus propter diuersam poli altitudinem & varium finitorum, propter quam causam & etiam propter motum stellarum fixarum ostensum est superius necessarium esse facere vnâ tabulam totius anni ortus & occasus siderum tam vespertini, quam matutini pro sua regione & ætate. Circa quam etiam animaduertendum ne bis sextus annus errorem vnus diei, faciat: hoc enim prætermisum fuit, nec admonueramus dum de tabula facienda loqueremur. Septimum est, quod ortus & occasus eorundem siderum non solum in diuersis regionibus diuersa operantur propter naturam ventorum, & qualitatem aëris & situm, sed etiam diuersis temporibus valde distantibus, utpote tempore Ptolemæi & nostro propter varietatem situs stellarum: Et etiam diuersis temporibus propinquis, puta anno præterito & præsentis propter diuersam naturam aëris: quia iidem venti præcedente aëre sicco faciunt serenitatem, & præcedente humido faciunt pluuias. Et etiam quia quidam venti parum spirantes serenitatem pariunt multum pluuias: ut Cæcias & Corus: quidam contrario modo parum spirantes adducunt nubes & pluuiam, diu spirantes depellunt eas & serenitatem faciunt. Octauum notandum est quod exortus maiorem faciunt mutationem, quàm occasus: & matutini comparati vespertinis sunt validiores: ita ut sint quatuor ordines ortus matutinus, qui est validissimus, ortus vespertinus secundo loco, occasus matutinus tertio, occasus vespertinus quarto: Et ideo nil mirum est si Ptolemæus in libello illo, quando scripsit tertio nonas Aprilis Vergiliæ occidunt, vespertino nihil ascripsit, sed sequenti diei fiat Africus: qui effectus ille cum sit debilissimus, quia fiat ab occasu vespertino, differtur in sequentem diem. Sed nonis Maij cum scripsit Vergiliæ oriuntur matutino, quia ortus matutinus erat validissimus, adscripsit eadem die: & spirat Fauonius. Nonum notandum quod isti quatuor modi eo ordine sibi succedunt ut si ponatur primus occasus vespertinus, inde sequitur post ortus matutinus, deinde hunc sequitur occasus matutinus, & post hunc ortus vespertinus, inde res redit ad occasum vespertinum. Decimum, est quod stellæ fixæ exoriuntur in parua distantia à Sole plusquam Luna propter tres causas, vel propter luminis claritatem & vigorem sicut Mercurius, qui apparet in distantia septem partium à Sole cum sit valde parvus tamen, propter claritatem luminis. Luna verò nisi post quatuordecim partes, causa etiam est quia ut demonstratum est in naturalibus à nobis, omnes stellæ tam erraticæ, quàm inerrantes lucent lumine proprio: Sed Luna lucet lumine Solis, & quamuis lucet etiam proprio lumine, illud tamen lumen est valde hebes, & ideo Luna occultatur à Sole in maiore distantia, quàm vllum aliud astrum: quia luceat lumine Solis maximè & propinqua Soli, cum sit illo inferior excipit lumen à superiori

X

parte



parte, & ita non potest videri à nobis. Secunda causa quare stellæ fixæ maximæ videantur in magna propinquitate Solis, est altitudo ipsarum stellarum magna, qua fit vt lumen earum minus præpediatur à Sole. Tertia est latitudo magna quarundam earum vt Arcturi & Caniculæ, quæ quamuis non tantum faciat quantum longitudo, quia circulus latitudinis multum conuenit, cum finitore, aded vt aliqua stella possit distare vigintiquinque partibus & plus ab ipso Sole, & tamen simul exorietur cum Sole, & sic obscurabitur à Sole, quod fieri non potest de vigintiquinque partibus distantia à Sole in longitudine: nihilominus magna distantia in latitudine facit, vt plerunque stella valde propinqua Soli secundum longitudinem appareat ante ortum Solis: & hoc contingit nobis, vt dixi in latitudine Boreali tam in ortu matutino, quam vespertino. Hæc tam diffusè volui explicare, quia erant valde necessaria non solum intellectu qualitatibus aeris, sed etiam pro genituris ipsis: multum enim refert quod quis nascatur ipsa die exortus matutini vel vespertini, ipsa stella quæ exoritur cardinem orientis, vel occidentis, aut meridiei possidete. Nunc ad exempla reuertor. Matutinus occasus intelligitur cum Sole exoriente stella occidit, veluti Pridie Idus Octobris, id est, die duodecima eiusdem, Vergiliæ occidunt matutino, id est, Sole exoriente ipsæ occidunt. Erat enim eo tempore æquinoctium autumnale vndecimo calendas Octobris, id est, die vigesima prima Septembris. Sol igitur erat in Libræ parte vigesima prima, dum igitur Sol descenderet vigesima prima Arietis ascendeat. Cum verò Vergiliæ essent in quinta parte Tauri ipsæ erant supra horizontem, seu finitorem, atque statim occidebant, itaque vocabatur occasus matutinus Vergiliarum.

Sed notandum quod duplex est occasus quo ad hunc sensum, scilicet Chronicus & Heliacus, vt superius dictum est, ex quorum malo intellectu tanta confusio orta est, vt ne Oedipus se possit explicare, si quis velit verbis Plinij, qui purus fuit Grammaticus: adherere. Nam mos est grammaticorum audacissimè de rebus non intellectis penitus scribere, Bene dicta ab aliis, errata & confusa simul, vt ita dicam, confarcinare, Vnde fit tanta conturbatio, vt si quis illorum verbis attendere velit, nunquam se explicet. Ided Plinio vtamur pro historia Romanarum rerum, explicandis quærebis Latino sermone, quibus in vrbibus non parum præstitisse viderur, plusque præstitisset si vel diligentior fuisset in scribendo vel verustas sinceriores illius libros ad nos transmississet. Ergo vt ad rem redeam, exoriri dicitur astrum Heliacè, quando matutino exoritur ante Solem, & hic modus nobilissimus est. Secundo Chronicè quando Sole occidente in oriente emergit, vt Vergiliæ tertio Idus, id est, nona die Nouembris: nam tunc cum Sol esset circa decimam nonam Scorpij partem ipso occidente emergunt, ex aduersa parte in oriente Vergiliæ, quæ sunt in quinta parte Tauri, seu potius erant Ptolemæi tempore, vt dictum est. Tertius modus est occasus Chronicus, cum Sol accedit ad astrum occidens & occultans ipsum. Occasus verò Heliacus est, cum ante Solem exorientem ex aduersa parte astrum occidit. Exempla igitur horum habentur, vespertini occasus Vergiliarum Chro-

nici tertia die Aprilis: ortus matutini Heliaci Vergiliarum septima die Maij: exortus vespertini earundem Chronicè vndecima die Nouembris: occasus autem Heliaci, seu matutini 12. die Octobris. Mutatio temporis ea hora cum Sol, aut Luna, aut stella oriens, seu occidens. Heliace matutino, aut vespertino ortu ad anguli apicem properat, ipsumque attingit.

### TEXTVS LXV.

Idem iudicandum vsu venire, vbi lumina iter per cardines fecerint. Talem enim ad habitum illorum horariæ remissiones ac intensiones tempestatum sese conuertunt, sicut secundum Lunæ æstus maris ac redundationes, itemque mutationes ventorum præcipuè per tales cardinationes fulgorum tales consueuere esse, ad quales ipsa se Luna latitudine sua inclinauerit.

Hic docet cognoscere partes ipsius diei ex itinere Solis vel Lunæ, quando Sol, vel Luna sunt in cardine: Sed magis de Luna quia mutat & augeat dispositionem temporis argumento sumpto ab æstu maris, qui crescit ex oriente Luna, dumque illa in medio cœli est maximè augetur. Eodem modo dicit ventos à Luna augeri ea ex parte ad quam Luna ipsa inclinauerit. Quamuis enim Sol & ipse ventos mutet, attamen ad eam partem mutare solet, ad quam Luna ipsa inclinat: dico ad ventos meridionales, si Luna fuerit in parte meridionali latitudinis suæ, & Boreales sic fuerit in parte Boreali. Et nota quod ventos meridionales & septentrionales intelligere oportet, non Notum aut Septentrionem, sed per meridionales omnes illos ventos, qui continentur à Subsolano ad Zephyrum in parte superiore figuræ vbi venti describuntur: Et per Boreales eos omnes qui in medietate inferiore figuræ continentur, ita vt figura ipsa in duas partes diuidatur, superiorem & inferiorem, superiores venti meridionales dicantur, inferiores Boreales. Itaque cum dicimus Lunā mouere vêtos Boreales, intelligimus aliquè ex inferioribus: Si verò meridionales aliquè ex superioribus. Nā constat quod Sol ex se vice versa mouet vêtos orientales in oriente, & occidentales in occidente: Similiter intelligendo per ventos orientales eos, qui sunt in parte sinistra, per occidentales verò eos qui sunt in parte dextra ipsius figuræ. Itaque per has duas combinationes venti singuli ad horaria tempora, & distribuuntur & augentur aut minuuntur. Quod verò dicat fulgorum cardinationes, nihil te moueat, cū Græcè scribatur *καρδιαι*. Centra enim luminarium obseruari iubet, non solum ipsa luminaria insinuans nobis horarias mutationes, quæ vel momento finiuntur, exquisita indigere scientia.

Sciendum est Iouem esse patrem serenitatis: Venerem pluuiarum: atque ided si coniungantur, tempora sequi iuxta naturam illius, qui ex eis superior fuerit. Superiorem intelligo in coniunctionibus sex modis: Primum qui plus potestatis habuerit in loco coniunctionis, magisque conuenerit cum stellis quæ iuxta posite sunt: Secundum qui maiorem habuerit potestatem



statem in cardine sequenti: Tertium qui veloci-  
ter motu fuerit: Quartum qui fuerit proximior  
absidi sui eccentrici: Quintum qui latitudinem  
habuerit magis Borealem: Sextum qui maiorem  
habuerit potestatem in loco luminarium, quæ  
supra terram extiterint. Solem verò & Satur-  
num qualitarum aëris calidi & frigidi dominos  
esse constat: Solem scilicet caliditatis, Satur-  
num verò frigiditatis. Iouem quoque & Mer-  
curium esse dominos ventorum, Martem esse  
dominum imbrum, quæ cum tonitru eueniunt  
tempestatum, fulgurum, grandinum & cor-  
ruscationum. Lunam omnia hæc ad inferiora  
deferre.

## TEXTVS LXVI.

Vbiq̃ue autem hoc tenendum est,  
priorem ac posteriorem, generalem &  
primariæ subiectionis causam, sequi ve-  
rò eam quæ sit particularium acciden-  
tium, sed tum efficaciam firmam in pri-  
mis ac validam esse, cum generalis na-  
turæ dominatrices stellæ illis quarum  
fuerit particularis curatio, aspectu ac  
configuratione sese coniunxerint.

Sensus huius partis textus est, quod semper  
debemus obseruare primum generalissima, quæ  
maximas habent vires, vt deliquia & crinitas:  
inde minus vniuersalia, quæ sunt significata  
quartæ anni: inde propria mensis: inde quartæ  
mensis: inde diei: inde horarum: Et quod quanto  
generaliora, tanto efficaciora. Sed dices, igitur  
semper effectus consequenter secundum gene-  
raliores significationes: & minus generales so-  
lum augebunt aut minuent: Respondeo quod  
generaliores semper sunt validiores minus ge-  
neralibus, duabus seruatis conditionibus. Prima  
quod generalis sit ad eò perfectu in suo genere  
& magna sicut propria, velut magna eclip-  
sis comparata coniunctioni Solis & Lunæ potenti  
aut parua eclip-  
sis coniunctioni Solis & Lunæ  
debili, & ita de aliis: Secunda, vt sit sola propria  
significatio: nam duæ minus generales conue-  
nientes sumus plus possunt, quam vna genera-  
lior. Dicit deinde, quod vbi plures significatio-  
nes conuenerint, tunc certissimum erit iudicium  
& maximè si significatores iidem fuerint.

## CAPVT XIII.

## TEXTVS LXVII.

*De obseruandis Meteoris, id est, facie cæli.*

**P**rofuerit & imparticularium signi-  
ficationum præuisionibus notasse  
iuxta Solem, Lunam, ac stellas apparen-  
tia visa. Ac Solem quidem intuebimur  
orientem in iudicio tempestatis diurnæ,  
nocturnæ verò occidentem. Sed diur-  
nioris configurationem cum Lunæ il-  
lius, nam singulæ figuræ tempestatem,  
qualis vsque ad proximam futura sit de-  
clarare consueuerunt. Si igitur pura luce  
& expers caliginis, varietatis, nubium,  
Sol oriatur aut occidet serenam tempe-  
statem pollicetur, in varietate autem or-  
bis cumque hic flammeus, rubentesve

*Tom. V.*

ciaculari radios videbitur, siue illi direc-  
ti, seu refracti appareant, itemque cum  
illas Solares nubes, quæ parelia dicuntur  
vnà à parte informarit, nubiumque fi-  
guras subrubras, radios in longum ten-  
dentes circum sese habuerit, vehemen-  
tes tum flatus significantur, pro iis angu-  
lis quos respexerint visa illa. Niger au-  
t luridus, in ortu occasuue, si nubibus  
quoque inuoluetur, aut area vnà à parte  
cingetur, aut Solares illæ nubes vtrinque  
aderunt, necnon radij sub pallidi, aut ni-  
gri, minatur hyemes atque imbres.

Res cognitionis temporum per se difficilli-  
ma est, tum maximè, quod à ventis hæc varietas  
oritur: hi autem minimis spaciis mutant nubes  
& differentia stadij serenum cælum à pluuioso  
distinguitur: ob id Ptolemæus nil intentatum in  
hac causa relinquere voluit. Generales enim res  
non solum temporum, sed bellorum, pestis, terræ-  
motuum, penuriæ sunt difficillimæ, variæ ancipi-  
tes, & quæ non nisi obscure dignoscuntur. Ea de  
causa hoc caput, & alia ex antecedentibus, qua-  
si non ex arte hic adiecit.

Diuiditur igitur caput in octo partes: Primum  
ponit signa à Sole, deinde à Luna, deinde à stel-  
lis, quarto à crinitis, quinto ab ignibus, sexto à  
nubibus, septimo ab his quæ solum videntur &  
non sunt, vt irides, areæ, pareliæ, octauo conclu-  
dit. Addidit autem hoc Ptolemæus capitulum, vt  
intelligeremus in singulis diebus ac noctibus  
quid futurum sit, & honos qui adimitur Astro-  
logo iniuste propter artis difficultatem, non au-  
tem inconstantiam, aut vitium vllum aliud, hæc  
ex parte sortiatur. Deinde etiam quod diuinitio  
hæc per astra quoquomodo est & per superiora  
de qua si cui libeat copiosius legere, legat apud  
Plinium. Sensus igitur huius est si velis pro die  
tantum scire naturam aëris, inspicere Solem exo-  
rientem. Si verò pro nocte tantum, inspicere So-  
lem occidentem: Si verò statum longioris tem-  
poris, inspicere statum in hora in qua Sol Lunæ  
per radios, aut per corpus iungitur. Nam vsque  
ad sequentem cum Luna configurationem sig-  
nificatio illa iuuat. Igitur si Sol oriatur vel occi-  
dat quatuor consideranda sunt, color, puritas,  
nubes, & radij. Puritas & in colore, & in nubi-  
bus, & in obscuritate, significat serenitatem. Ra-  
dij verò & nubes, subrubræ, & refractiones  
quales sunt areæ, & virgæ significant ventos ex  
ea parte in qua talia apparent. Subpallida, nigra  
& obscura, imbres & hyemes.

## TEXTVS LXVIII.

Lunam obseruabimus in itinere suo  
dierum trium ante vel post interlunia  
ac plenilunia, & medium tempus quo  
erga Solem quadratur. Nam tenui, pura-  
que luce nitens, sique nihil illam circun-  
det, serenitatem spondet: sin tenui ru-  
beat luce, sique totus perspicuus sit orbis  
illius etiam qua parte non illustratur, &  
tremere videatur, ventos maximè decli-  
nationis suæ ciet: nigra, pallida, spissa,  
hyemes, ac imbres minatur. Non negli-  
getur animaduersio quoque arearum,

X 4

qua



quæ Lunam interdum cingunt. Nam si vna fuerit pura, paulatimque euanescat serenitatem, sin duæ aut tres hyemes significant, atque has cum ventorum turbulentia subrubræ, quasque perruptæ. Cum niuib. si caliginosæ ac spissæ: Si luridæ ac nigræ & laceræ, tam cum his, quam cum illis, eoque etiam vehementiores significant illas, quo ipsæ maiores fuerint.

Quod proposuerat in præcedenti capitulo de obseruatione Lunæ, hic declarat, scilicet, vt obseruentur tres dies ante interlunium & post interlunium. Et similiter in oppositione & in quadrato aspectu, ita vt obseruentur sex dies pro quacunque configuratione cum Sole. Et si tenui luce & clara fuerit, & nihil eam circundet, puram serenitatem, id est, sine ventis, nebulis & pluuia significat. Si verò adfuerit varietas vel tenui rubeat luce, vel totus orbis illius, id est, limbus luceat etiam ea parte, qua non illustratur, tremereque videatur, ventos significat. Et ita nigra, pallida, & obscura imbres ac hyemes: aded vt si eadem ratio Solis ac Lunæ. Circa areas verò si vna fuerit & paulatim euanescat, significat serenitatem. Si verò duæ sint aut tres significat hyemes: quod si cum hoc rufæ fuerint, ac quasi laceratæ hyemes & magnos ventos. Caliginosæ ac spissæ, hyemes ac niues, laceræ verò nigræ, aut luridæ vtrunque significant. Scire etiam decet, quod Luna habet quinque præcipuos status ad Solem comparata, falcata in vtroque sextili, dimidia, in vtroque quadrato, gibbosa in vtroque trigono, plena in opposito, & silens in coitu, habes & alias facies intermedias.

Dubitatur quia si assumas septem dies pro quacunque configuratione Solis ac Lunæ, cum sint quattuor in vno mense, assumemus viginti & octo dies, pro diiudicandis triginta quod erit absurdum in tanta Lunæ varietate. Propterea dicendum est quod Ptolemæus fuit inuentor participationis, & in Musica & in aliis, & maximus obseruator sicut & nos, naturæ subtilis & humidi pinguis: quædam enim sunt generalissima, & non aded omnibus cognita, quæ si obseruentur magnam afferunt vtilitatem. Igitur, vt dixi participatio ipsa vna ex his. Vocatur autem participatio, quia si gratia exempli fiat coniunctio Lunæ cum Sole in die vigesima Augusti, iubet obseruari à decima septima vsque ad vigesimam tertiam. Sit igitur quadrata radiatio eorundem die vigesima septima: iubet ergo per tēpus quod est à die decima septima vsque ad vigesimam tertiam cognosci tempus à vigesima die ad vigesimam septimam & ita non iidem dies obseruantur, qui etiam cognoscuntur, sed bene participant. Vtpote à vigesima die ad vigesimam tertiam. Decursus enim ille prior in Luna signum est decursus tempestatis sequentis, quia causa prior est effectui.

### TEXTVS LXIX.


Errantibus ac inerrantium splendidis circumfusæ Areæ de proprietate coloris sui portendunt ea quæ naturæ ferunt stellarum. Inerrantium etiam quasi tur-

bulas aspiciemus, quo illæ colore quaque magnitudine videantur. Nam si splendiores, grandioresque solito appareant, quacunque in plaga cœli luxerint, ab illa ventos concitabunt. Quin etiam nebulosi giri qui dicuntur, vt in præsepi & alibi propriè si sereno cœlo aut exiles sint, visumque fugiant, aut perdensæ esse videantur, nimbos, puri verò ac vibrati turbulentiam ventorum portendunt. Iam si stellarum earum quæ vtrunque ad præsepe cernuntur a sinorum appellatione, vna quæ septentrionalis sit non appareat, flabit Aquilo, si verò altera australis non appareat, flabit Auster.

Hæc est tertia pars in qua primùm præsupponit quod quandoque contingit, scilicet areas stellis circumduci: Harum igitur color & natura stellæ significant quod venturum est. De natura stellæ & coloribus superius doctrinam habuisti, sed tamen eam non simpliciter, sed quo ad tempestates attinet considerabis: nam nigra & liuida Saturnia sunt, tempestateque & ventos significant orientales: Rutila & Martia turbulenta, tempora cum tonitru & fulguribus significant. Quod si composita sit natura, vtpote circa stellam de natura Iouis, area de natura Martis videatur: iuxta naturam coniunctionis Iouis & Martis significabis. Porro de coniunctionibus Planetarum superius dictum est. Sunt etiam circuli singulis stellis, id est. Limbi Græca lectio habet κατὰ πλῆθος ἐγγὺς ὄντων ἀστροειρημένων, id est, quæ sunt secundum ambitum inuis contentæ spissitatis. De nebulosis, vt Pleiades & Hyades, reliqua textus declarat. In hoc enim toto opere constanter obseruatum est, vt si conuersionem textus corruptam viderem (Quod plerisque in locis contingit) sola emendatione contentus fuero: Si obscurus fuerit textus, ne vel vnum (Et) in expositum permittere volui. Si textus ipse per vnum multa significare voluerit, quæ defecerant omnia adieci. Verùm vbi textus ipse perfectus fuit atque clarus, ne vel vnum verbum addere volui, nisi forsan ad causæ expositionem: vnde admonitum Lectorem piū velim, vt omnino id semper obseruet, quod textum ipsius Ptolemæi cum ipso commentario cōiungat legendo, & ex his quasi vnū corpus efficiat. Igitur vt ad rē reuertar, causam exponamus quare gratia exēpli Borealis Asinus, qui in tertia parte Leonis est nostro tempore, latitudinem verò habet Borealem trium partium detracta tertia vnus partis, si non videatur ventos efficiat Boreales. Id verò contingit, quoniam vt in primo de Rerum Varietate libro scripsimus: Ventus sit eliso vapore à regione frigida versus nos. Cum verò stella illa non videatur indicio est vaporem ibi adesse congregatum, qui elisus ventos ex ea parte significabit. Sed dices cum Borealis Asinus non solum nostri comparatione, verùm etiam Ægyptiorum Australis sit quo ad declinationē, cum ab ea parte eligitur ventus semper Australis erit, non autem Borealis. Ad hoc respondemus vaporem illum aded esse humilem, vt Borealis significet partem eam, quæ nostro oculo obducitur extēdi ad Boreā, atque ita ab ea parte excitari



excitari ventos Nam si extenderetur etiam ad austrum australem Asinum occuparet : modo cum non occupet , signum est exhalationem ad boream extendi : quoniam stellæ illæ cum parvæ sint , & obscuræ & & pauci luminis , à quacunque minima exhalatione absconduntur. Eadem ratione igitur



tur ubi stellas aliquas non videris ex parvis, alias verò parvas eis proximas videris , à contraria parte illius parvæ quam vides ventum expectabis. Gratia exempli sint duæ stellulæ quarum una sit posita inter septentrionem & orientem, nec videatur , alia verò orientior & in eodem situ quoad Septentrionem quæ videatur, tunc habebimus Corum ventum. Quia enim occidentalis ex his non videtur occidentalis est ventus : Quia verò in æqualisitu ad Boream posita videtur, Borealis regio pura erit. Ventus igitur plane occidentalis erit , & ad Boream declinabit : quia regio Borealis tametsi pura sit non tamen exquisitissimè. Nam iam supposuimus stellam illam, quæ absconditur esse Borealem. Ventus igitur occidentalis est declinans ad Boream paululum : Talis verò, ut dictum est Borus. Ut verò res tam utilis dignoscatur & quæ dicta sunt de stellis, quarum altera videtur, altera non, cum tamen ambæ propinquæ sint, atque parvæ figuram subiecti. Manifestum est autem quod ubi remotior sola non videatur aut neutra illarum, ventum oportet expectare ex ea parte in qua stella obscurata sita est : Sicut etiam si splendidior solito atque grandior appareret.

Ex his manifestum glomos stellarum circa eclipticam & etiam procul idem posse quod splendidas in eisdem locis : sed in mutatione temporum diuturniores , & turbulentiores in fortuna magis populares & minus solidas. Quosdam ultra magnitudinem proprietate effectum illustres ut etiam in animalibus & gemmis videmus.

### TEXTVS LXX.

Præterea quæ certis temporibus in cœlo se ostendunt & ostenta dicuntur, eorum crinita sydera semper squalorem, ventosque prænunciant, eo quidem vehementiores, quod pluribus in partibus & ipsorum corpora grandiora fuerint. Divisiones & iaculationes stellarum si ab vno angulo prorumpant, inde quoque ventum emittunt. Sin occurrent inter se, ventorumque prælia suscitant. Sin verò de quatuor plagis ruant hyemes varias

Tom. V.

ferunt, atque etiam fulmina, onitrua, & quæ alia huiusmodi sunt.

Ut in generalibus prædictionibus usus est eclipsis atque crinitis stellis ita in speciali & brevis temporis cōstitutione diiudicanda observari iubet specialia Soli signa, quæ certiora sunt longè illis generalibus atque nautis perspecta, adèd ut pro miraculo habeantur, cui natura tam in reliquis cognita esset Astrologia. Per squalores igitur intelligit siccitates pravas quibus Planetarum folia siccantur aut flaccescunt.

### TEXTVS LXXI.

Nubes in quibuscunque finibus conspectæ assimiles floccis lanæ, nunquam hymes afferunt.

Intendit per hyemes non tempus hyemis, sed pluvias cum frigore : causa est, ut Haly benè dicit, vapor humidus valde crassus & copiosus : nam flocci illi crassitiem ac spissitatem ostendunt. Et hæc sufficiunt pro sexta parte textus declaranda : Nunc sequitur septima.

### TEXTVS LXXII.

Sed arcus quocunque tempore extiterit, si serenum sit, hyems, sin hyemet, serenitas expectanda.

Causa huius est, ut bene Haly inquit, quia arcus cœlestis sit à nube rorida sparsa : Si igitur succedat serenitati : signum est, quod aer humectatur & crassescit. Idèd significat hyemes, id est, imbres magnos. Si verò succedat imbris : Cum hi fiant à densis nubibus & denso aëre cœlestis arcus, significat utrumque iam rarefcere. Od id Moyses scripsit Deū posuisse Iridem in signum fœderis ipsius, cum humano genere : nam cum Iris fiat, ut diximus, à nube rorida atque disgregata, nec inundationes, nec squalores succedere possunt.

Præter hæc explanator ignotus, addit quædam alia signa spectare oportet orientem Solem pro die, occidentem pro nocte : Si ergo circulum purum habuerit, & sine nubibus aer fuerit, serenitatem indicat. Si verò obducitur nubibus atris aut fuscis pluvias, si rubris præsertim flammeis, aut variis parte qua apparent, ventos indicat. Luna verò etiam in plures dies significatum extendit. Si tenuis puro cœlo appareat serenitatem prædicat, rubra ventos : atra cum nubibus pluvias, si quasi globus ei hæreat ea parte expecta ventos intra duas horas. Et si globus densus fuerit forsan, tempestas succedet, certius si ab oppositis partibus apparuerint. Similiter & areæ & Halones circa Solem una sæpè videntur tum & circa stellas tam erraticas, quam inerrantes : & significatum ex natura astri & colore circuli, aut parellæ deduces. Plerumque autem hæc & capræ saltantes ventos significant. Et obscura ventos validos aut tempestates protendunt, ut crinitæ, præsentem & diuturnam siccitatem. Si verò tres aut quatuor areæ circa Lunam sint, ut quandoque contingit multiplicior

X. 3. erig



erit vetus : Et constitutio iuxta faciem cœli & Phœnomena. Velut si nigra in autumnō, vel hyeme frigus nunciat & niues.

## TEXTVS LXXIII.

Vt autem hæc concludantur, sciendum generalia visa aëris certis temporibus eadem portendere, quæ sunt in superioribus de suis quæque accidentibus explicata. Atque hætenus placuit de generali inspectione vni-

uersalium, atque particularium signorum breuiter differere. Quod superest, Genitales præcognitiones, sicut & ordo postulat, nunc deinceps exequemur.

Concludit in hoc quod significata horum quæ in cœlo videntur super tempora singularia, scilicet propria & paucorum dierum sunt similia in natura & dispositione, significatis eorundem superius explicatis, dum de coloribus deliquorum loquemur.



## LIBER TERTIVS.

*Ad Reuerendissimum D. IOANNEM HAMVLTHONVM,  
Sancti Andrea Archiepiscopum, Legatum, &c.*

## PRÆFATIO.



ACTENVS de generalibus iudiciis tractatum est: Nunc verò de genituris, quod principale, ut diximus, fuerat intentum, tractandum est. Quarit Haly quod superfluum est, cur Ptolemæus, scilicet, non tractet de electionibus & interrogationibus. Cum interrogationes omnino sint sortilegæ atque indignæ, non solum viro Christiano, sed viro bono. Similiter electiones plus inuenta sunt causa auaritiæ Astrologorum, quam quod quicquam conferant in utilitatem eligentis. Et si quippiam modo continent veritatis, illud aded est tam exiguum atque abstrusum, ut dignum arte non videatur. Ars enim est de eidentibus & quæ commodè parari possunt. Horum cum neutrum sit in his, non est ars de illis. Velut nec de imaginibus faciendis in nubibus, tanquam in speculo, quæ cum fieri possint, ad artem tamen nullam spectant, cum sint maxima difficultatis, & nullius propemodum utilitatis. Vnde facile est intelligere, tum ob hæc, tum ob diuersas de eisdem rebus sententias, quæ à Ptolemæo in his libris referuntur, & ab authore Centiloquij, non esse authorem Centiloquij ipsum Ptolemæum. Verum quod maius est argumentum in oppositum est Proæmium Centiloquij, in quo de Syro meminit & de his libris: Sed huius rationem reddit Galenus dicens: Olim Reges ut instruerent bibliothecas magno pretio emendo illustrium virorum scripta, causam dedisse ut sua veteribus attribuerent. Quod verò obiicitur ab aliquibus, constitutiones generales facere, ut singularium geniturarum superflua videantur, tum quia constitutiones generales propriam vniuscuiusque vincunt, tum etiam quod eodem modo liceat de propriis iudicare: atque id probat Ptolemæus trifariam in Proæmio sequenti ubi dicit (Quæ operando & quæ contemplando) id est, quod modus operandi astrorum & contemplatio est eadem tam in vniuersalibus, quam in singularibus, idque trifariam ratione causa, id est, quia omnia contingunt per Solis ac Lunæ, ac cæterorum syderum motus, ac constitutiones, lumenque, tum etiam traiectiones in aëre: nam ista eadem sunt causa ad vnguem effectuum in provinciis & ciuitatibus, & in genituris singulariorum hominum (Secundo medium est idem, scilicet continens ipsum: Tertium est idem genus effectuum, puta calor, frigus, detrimentum ab aquis, detrimentum ab hominibus, detrimentum à feris, serpentibus, aliis) Respondet ergo Ptolemæus quod differunt in ratione principij, quia in generalibus accipimus duplex principium, vnum à cœlo utpote eclipsim, aliud ab inferioribus, velut quod hæc provincia huic signo subiecta sit, vel hæc ciuitas talem originem habuerit: Sed in singularibus solum principium ab inferioribus



bus sumimus, id est, ab illius proprio ortu. Ex quo colligitur regula quam dixi superius, quod eclipsis superueniens alicui geniturae ubicunque cadat nihil penitus nocet, nisi in quantum nocet illi regioni & civitati: alter sequeretur quod etiam singularia haberent duo principia, scilicet superius & inferius. Per superius intelligit defectus luminarium & vehementes stellarum occurriones, id est, superiorum magnas coniunctiones & luminarium cum fixis. Quibus manifestum sit responsum ad primam dubitationem, scilicet quod generales constitutiones deberent sufficere ad pradicendum de singulis hominibus: non enim sufficiunt propter duas causas: prima quia generales constitutiones non semper significant supra singulos, quia non semper conveniunt cum loco in quo habitat ille homo. Deinde etiam quod conveniant non sunt, quandoque adeo vehementes, ut possint ex toto evertere proprium illius principium genethliacum, ac omnino disponere illum secundum naturam dispositionis generalis. Veluti si aliqua dispositio generalis significet studiosos, non tamen ille fiet studiosus cui à natura odio sunt bonae litterae & quasi exosa.

## CAPUT I.

Quod est Proœmium.

## TEXTVS I.

**E**xplicata à nobis in prioribus communium euentuum cōsideratione, nimirum, quæ & natura præcedit, & plurimum valet in peculiarium, prout vniuscuiusque cōditio requirit, casuum decretis, quàm quidem præscientiæ partem Genethliacam dicimus, existimare convenit utriusque generis vnam, eandemque vim esse, qua operando, qua contemplando. Enimvero tam generatim multis quàm singulis peculiariter accidentium effectrix est errantium stellarum, Solisque ac Lunæ motio, mutationis autem subiectarum hisce rerum præcognitio, erudita est secundum conformes cœlestium corporum per circumfusum nobis cœlum traiectiones accepta observatio, nisi quatenus generalis illa cœlestium efficientia latius patet ac seipsa contenta est: partibus vero non ita. Nec vero initia utrarumque, vnde sumentes cœlestium constitutionem, quæ per figurarum commistiones significantur prævidere nitimur, eadem esse putabimus, sed generalium effectuum complura (neque enim vnum habemus vniuersorum) eaque non ab inferioribus semper accipienda, sed à superioribus etiam, causaque euentuum inferentibus. Ferè enim in iis omnibus ex defectibus luminum euentioribus & vehementibus stellarum occurrionibus considerationem instituimus. Singulis vero hominibus peculiariter contin-

gentium & vnum statuimus exordium & plura: Vnum videlicet ipsius concretionis humanæ. Complura vero ea quæ deinceps primo isti initio succrescunt. Sed hic antiquius habetur vnum illud initium, cum reliqua tanquam subiecta sibi perficiat.

## COMMENTARIVS.

**D**eclarat rationes dictas in præcedenti proœmio, sed concludit initium vnum esse principale quod est à genitura: reliqua autem quæ illi succrescunt, scilicet directiones, diuisiones ætatum per Planetas, progressionem de quibus in fine huius tractat.

## TEXTVS II.

Quæ cum ita habent à primo initio accipiuntur, quæ vniuersim nato conveniunt, à reliquis autem quæ labentibus temporibus euenient leuiora grauioræ iuxta temporum succedentium, quam dicemus distributionem.

Sensus est initium illud, id est, Genethliaca constitutio significat, quæ vniuersim conveniunt nato, utpote, si erit ingeniosus, honoratus, pulcher gratus, dives: reliqua vero tria quæ diximus, directio, diuisio & progressio significant incrementa & decrementa horum. Memineris tamen diuitias & honores (quoniam filij earum participes sunt) natiuitate filiorum & morte immutari, item coniugiis. At in coniugiis (ut dictum est) non solennitas illa & pompa animaduertenda est, sed primus punctus consensus eorum qui possunt.

## TEXTVS III.

Cum vero sit humanæ genituræ temporale aliquod exordium, natura quidem ipsius foetus, potentia vero,



& ut contingit cum foetus enitendo in lucem editur, si constet de rationis tempore, ita ut illud vel casu, vel observatione correptum sit, illud sane sequi conuenit ad corporis, animique peculiare conditiones coniectandas, considerando cuiusmodi sit effectuum, quæ tunc temporis sit astrorum constitutio. Semel enim in initio cum pro ratione circumfusi cœli suam qualitatem semen induit, licet succedentibus temporibus corporatura diuersa fiat, cum tamen propriam tantum materiam natura augete sibi conciliat, magis imitatur primum illum statum suum & peculiarem priusque impressam confirmationem. Verum enimvero, quando illud initium (ut ferè euenire solet) ignoratur, à partu necessario accipiendum est, quod & ipsum maximum est, & hoc solo à priori superatur, quod per illud etiam quæ ante partum contingunt præscire liceat: Ac profectò si quis illud initium appellauerit, hoc verò quasi post principium magnitudinem huius tempore quidem inferiorem, æqualem verò atque adeò perfectiorem potentia constituerit, ut propemodum non abs re illa seminis humani, hæc verò hominis appellari possit generatio. Si quidem multa etiam tunc infanti accrescunt, quæ prius cum in utero materna esset illi non aderant, atque hæc peculiaria humanæ naturæ, corporisque configuratio, licet ibi nihil videatur nouæ qualitatis in partu accedere, hoc acquirit, ut iuxta cœli circumfusi constitutionem in lucem edatur, quum natura post maturitatem foetus ad conuenientem situm, similemque illi quo primum informari cœpit partum urgeat, ut merito & huius generis effectuum existimare conueniat significationem esse, quæ in partu contingit astrorum constitutionem, non ut effectricem omnino sanè, sed quæ necessario simillimam efficiendi vim potentia complexa sit.

Duplex statuit initium humani corporis: primam generationem & natiuitatem, generationem, præfert ipsi natiuitati. Et quia aliquis posset dicere generatio foetus multis diebus durat imò mensibus? Respondet quod in illo momento sancitur quando citur quicquid futurum est. Et ob id quicquid accedit simile redditur priori. Quod facile ex-

plo demonstrari potest in feminibus quæ plantantur, quæ si calida sint quicquid accedit calidum sit, & simile in substantia & reliquis. Sed quia tale principium est ignotum, idè suscipimus primum principium quod est natiuitas, quod dicit licet minus significet quo ad tempus, quàm principium genituræ, quia natiuitas ipsa significat ab ortu usque ad mortem, genitura verò significat à tempore generationis usque ad mortem, & ita nouem menses plus, attamen natiuitas perfectior est generatione, quia generatio est foetus generantia, & ortus seminis humani. Natiuitas verò est ortus ipsius hominis: quanto igitur perfectior est homo semine & imperfecto foetu, tanto natiuitas est perfectior generatione. Quod autem ita sit ostendit, quia licet non fiat noua generatio post partum, neque accedat aliquid corporeum in partu, multa tamen accedat quæ prius non habebat, quorum primum est respiratio cerebri per nares & palatum: secundum respiratio per pulmones & asperam arteriam & os: tertium est assumptio nutrimenti per os quæ omnia dum infans est in utero sunt per venas & arterias umbilici: quartum est eiectio vrinæ per virgam, quæ & ipsa sit dum infans est in utero per meatum medium inter venas & arterias: quintum est excretio fecum quæ nulla sit dum infans est in utero, ita ut aliqui nati sint sine ano: sextum est uti sensibus exterioribus. Et hæc omnia contingunt statim ab ortu: Quædam etiam statim post ortum: quorum primum est vigilare & dormire, quanquam hoc sit incertum an fiat etiam dum foetus est in utero. Secundum est ridere & plorare: tamen aliqui crediti sint plorasse in utero matris pro ostento: pauciores ridere maiore etiam ostento. Quinimò etiam pro ostento habitum est Zoroastrum Magiæ iuuentorem statim cum natus esset risisse: Tertium est usus sensuum interiorum: Quartum sunt motus membrorum perfecti ut ambulare: Quintum est iudicium sensuum exteriorum: Sextum est sermo. Sunt etiam quædam symptomata, ut tussire, sternutare, singultire, titillationem sentire, quæ pro octauo possunt poni: Nonum est variatio vocis, exaltatio, depressio: Decimum Veneris usus: Undecimum ortus quarundam rerum, ut pilorum, capillorum, dentium: quanquam etiam aliqui nascantur cum capillis, ut ego & filij mei: Duodecimum est generare alium, quanquam multis aliquibus id contingere affirmant, ut etiam in utero matrum foetus alios gignant in semetipsis: Et horum partem Haly in commentario assignat. Ex quo colligitur quod Ptolemæus non credit natiuitates agere tanquam signa, sed solum tanquam causas, in qua re multi decepti sunt. Nam si existimaret natiuitatem posse significare super præcedentia, nihil magis conueniebat, quàm ut super illos nouem menses generationis vim haberet, quod cum neget Ptolemæus, manifestum est natiuitatem non esse signum in aliquibus, sed causam tantum. Dicit enim Ptolemæus hoc in textu (Hoc solo differt genitura à natiuitate quod per genituram præscire non



non licet, quæ ante partum contigerint) Sunt autem fortuna corporis temperamentum, ingenium, & casus, ac morbi. Hoc autem mente retine quia plurimum facit ad intellectum sequentium. Dicit deinde quia aliquis posset dubitare, quomodo natiuitas possit significare super corpus cum non sit causa illius (quippe iam iam perfectum est) quod natiuitas est similis generationi, quia natura emittit fœrum in ea constitutione cœli quæ simillima est constitutioni generationis. Porro quæ similitudo sit hæc Ptolem. non dixit. Haly dixit, quod prima similitudo est quia Sol est in septimo signo, vel in nono, vel in decimo, vel in vndecimo in tempore natiuitatis ab eo in quo erat tempore generationis. Veluti si in generatione fuit in Aquario Sol, nascetur necessario infans si viuere debet postquam Sol fuerit in Leone, vel Libra, vel Scorpione, vel Sagittario. Et quia Leonem Aquarius respicit de opposito, idè natus septimestris cum difficultate viuere potest: viuere tamen. Si verò post Solem in Scorpione erit in quadrato sui loci prioris: Et ita natus decimo mense etiam poterit viuere, sed aliqua cum difficultate. Si verò Sol sit post Sagittarium respiciet locum de sextilis & nascetur vndecimo mense, idè poterit viuere, sed cum difficultate quia radius sextilis est debilis. Verum si nascatur Sole Libram inspirante, nascetur validus quo ad rationem signorum, & nascetur in nono mense, quia Libra respicit Aquarium trigono radio. Si verò nascatur dum Sol est in Virgine, nascetur octauo mense: Cum igitur Virgo non respicit Aquarium non poterit natus eo mense viuere. Contingit tamen aliquos viuere natos in octauo mense, quando Sol fuerit è principio in Piscibus. vel Virgine, vel Geminis, vel Sagittario hora generationis, deinde tempore natiuitatis sit in octauo signo quod respicit aut imperat, vel obedit iuxta numerum graduum. Exemplum, aliquis nascitur cum Sol est in vigesima parte Libræ, ideo quod oportuit, si generatus fuit dum Sol erat in Piscibus, quod esset in vndecima parte Piscium: quia vndecima pars Piscium intuetur vigesimam Libræ. Breuiter igitur concludendo in aspicientibus signis intelligitur, quod transierit Sol talem aspectum & durat per vnum mensem post. Exemplum, si Sol sit in vigesima parte Capricorni, septimus mensis incipit dum Sol est in vigesima parte Cancræ, & durat donec Sol peruenerit ad vigesimam partem Leonis, à vigesima parte Leonis, vsque ad vigesimam Virginis est octauus mensis, in quo non potest nasci quod viuatur, quia nullus est aspectus, qui præcesserit per triginta gradus nisi contingat quod duo illi gradus se intueantur, quemadmodum in exemplo iam dato. Cum verò Sol fuerit in vigesima parte Virginis, incipiet nonus mensis quia iam peruenit ad trigonum suum, & durat vsque quo Sol perueniat ad vigesimam partem Libræ: tunc verò peruenit ad quadratum suum, & ita incipit decimus mensis: & eodem modo de vndecimo qui finitur cum Sol est in vigesima parte Sagit-

tarij. Et quia vigesima pars Sagittarij non aspiciat vigesimam Capricorni, non poterit nasci infans duodecimo mense, vt viuatur, nisi in vna sol adie, quado Sol esset in signo & gradu aspiciente. Veluti hora genitura in vndecimo gradu Capricorni, hora natiuitatis in vigesimo Sagittarij. Viuacissimi igitur secundum hanc rationem sunt nati nono mense, inde decimo, inde vndecimo, inde septimo: minimè nati octauo & etiam longè minus duodecimo. Quæ ratio Astronomica cum concordet experimento manifestum est quod est vera: Secunda concordia est à Luna & est Hermetis, vt etiam recitat Haly hic in commento: Ex qua patet quod etiam iudicio Haly Centiloquium sit Hermetis & non Ptolemæi, & si postmodum, illud exponendo Haly mutauerit sententiam. Dicit ergo Hermes, Luna tempore natiuitatis est in signo quod ascendebat tempore generationis: & ascendens tempore natiuitatis, est idem signum vel eius oppositum in quo Luna erat tempore generationis. Dixit Haly se hoc frequentius expertum esse, verum licet non semper. Sed animaduerte quod Haly aliter interpretatur verba Hermetis, quia habuit falsam conuersionem: Tertia concordia est nostra, & est quod sufficit post Solis concordiam, vt Luna vel aliquis alius Planeta dominus coniunctionis, vel oppositionis præcedentis generationem perficiat circuitum, vel commutetur cum altero luminarium, vel per directionem perueniat ad locum luminaris, vel quod frequenter contingit quod Mars perueniat ad locum oppositum, in quo erat in genitura: quia Mars propriè significat partum, quia partus fit cum maximo dolore & acerbissimo, & multa effusione sanguinis, & periculo mortis matris, quæ omnia sunt opera Martis. Et tales partus plerumque sunt laboriosi, sicut quando ego natus fui. Quod si vel iam dies partus sit constituta, scilicet conuersionis fœtus in utero, quod cum generatione conuenit, consurget quarta ratio quæ etiam tenet in partu violento: quando aliqua mulier parit propter lapsum corporis in terram, vel percussione, vel timorem, vel nimiam defatigationem, vel ieiunium, vel medicamentum, vel si infans excisus fuerit, poterit viuere seruatis tribus rationibus, numeri mensium per Solem, vt dictum est, & numeri dierum per Lunæ reditus applicationes & deflexiones, & numeri horarum diei per id, quod ascendat talis numerus signi, vel sit in medio cœli, qualis est numerus signi in quo est Planeta, qui dominatur loco coniunctionis aut oppositionis luminarium natiuitatem præcedentis. Quod si seruari non poterit, quia tam præceptum sit ortus infantis propter casum & violentiam externam, aut excisio non in id tempus incidat, tunc viuere non poterit. Ex quo patet quod etiam tales partus naturales sunt, & non voluntarij. Et partus excisi, tempus durat ab hora in qua moritur mater, vsque ad momentum in quo excinditur infans quando primum incipit trahere spiritum.



## TEXTVS IV.

Cum autem propositum nobis sit hanc etiam partem non omittere, ad eum quem initio huius operis exposuimus ratiocinando modum quatenus talem praescientiam consequi liceat, veterem quidem praedictionem consuetudinem, quae mixtura constat astrorum omnium aut plurimorum, cum multiplex sit & prope modum infinita ratio, si quis accurate eam exequi velit, magisque eorum quae naturaliter contemplando singulatim inueniuntur, quam quae praecipis comprehendendi vniuersim possent, declinabimus quod ut minimum utilitatis, ita difficultatis plurimum adferat. Rationes verò eas per quas singulorum generum decreta praudentur, & peculiare, adeoque manifestiores citra vnumquodque efficiendi vires, quam poterimus consentaneae naturalique conuenienter investigationi exponemus. Praesigentes certa circumfusi caeli loca, ad quae vniuersi humani casus, tanquam scopum quo collimare oportet, referendi veniunt. Deinde his locis secundum corporum dominantium conciliationem effectrices vires quasi, sagittas eo coniiciendas accommodantes, temperandi, miscendique illud quod ex diuersarum naturarum coniunctione decernitur, modum relinqueamus, tanquam perito Sagittario perquirentium industriae.

Proponit duos modos procedendi: Vnum qui est per compositionem, & erat Aegyptiis familiaris: & nunc Arabibus, veluti dicendo: si Saturnus fuerit in Scorpione in sexta, & Iuppiter in Piscibus in vndecima, velut in secunda figura, significat prudentem animo & agram corpore: dicit Ptolemaeus iste modus est infinitus, & verissime dicit, ut in primo libro ostensum est: si tamen posset describi esset longè facilius: Secundus modus constat ex simplicibus, ex quibus sunt compositi, & iste est facilis & utilis. Exemplum, si quis dicat, si Saturnus fuerit dispositor morum faciet tardum, maleuolum, inuidum, grauem. Si verò sit Mercurius, faciet celerem, acutum, varium. Ex his sequitur, quod si fuerit Saturnus cum Mercurio faciet dolosum, quia Mercurius praestat varietatem & instabilitatem, Saturnus inuidiam, auaritiam: Item talis erit mediocrius inter tardum & velocem, quia Mercurius significat velocem & Saturnus tardum. & ita in aliis. Et quia, ut diximus in qualibet genitura sunt omnes stellae Planetarum signa,

& deinceps totum caelum, idè quis merito posset dubitare & dicere quomodo seligam ista singularia. Respondet ad hoc declinando Ptolemaeus, & dicit quod oportet in vnaquaque genitura seligere quendam locum in caelo pro vita, pro honoribus, & ad illa loca comparare totum reliquum caelum, & iuxta illam comparisonem iudicare. Exemplum: In secunda genitura: Sol significat vitam, idè vigesima quarta pars Aquarii, in qua est Sol, erit comperanda toti caelo: Et quia Mars ibi respicit de quadrato, & Saturnus ibi habet domum & trigonum, idè significat debilem vitam: Et quia distat solum tribus partibus à Martis quadrato, significat quod iuxta tertium annum natiuitatis habuit aliquam laesionem vel morbum: Et nisi esset quod Iuppiter est dominus finis, non potuisset viuere vsque nunc. Et similiter comparatur Mercurio domino secundi trigono, & Lunae, quia praecessit oppositio in vigesima prima parte Leonis & tunc Luna erat cum corde Leonis, & Sol erat supra terram tempore oppositionis. Et ita considerabo trigessimam partem Sagittarii pro diuitiis, comparande ei totum caelum.

## TEXTVS V.

Primum verò dicemus de iis, quae solent in genere considerari in partus exordio, sicut ordo, consequutioque monet, à quo exordia omnia, natura colligi possunt, accipere licet. Nonnihil tamen conducentibus, si quis curiosior esse velit ad fasa illa, quae circa concretionem peculiariter, & ipsum status momentum occurrunt eadem considerandi ratione, acceptis conditionibus.

Proponit ordinem dicendorum, initium sumens ab iis, quae sunt circa partum, ut parentibus, fratribus, sexu, geminis, monstros, his qui non aluntur, & certo ascendente, id est quid verè ascendat: Et hoc est, primum in consideratione. Omnia verò considerata circa partum sunt septem, ut clarum est & nos addemus octauum necessarium, sine quo nihil potest sciri, & ponemus illud in digressionem sequentis commentii. Et quia Ptolemaeus proposuerat duo principia, scilicet genituram & natiuitatem, & praeposuit principium natiuitatis nobilitate & consideratione, merito quis posset dubitare & dicere, cum sint duo principia, licet genitura non sit tanti momenti, quare non tractauit etiam de illa. Respondet ergo Ptolemaeus, quod si quis curiosior esse velit, poterit considerare etiam momentum geniturae eisdem rationibus, quibus & traduntur regulae natiuitatis.



## CAPVT II.

## TEXTVS VI.

*De parte Horoscopi.*

**Q**Vandoquidem sæpenumero etiam id, quod primum ac præcipuum est momentum, videlicet horæ natalitiæ, in dubium vocatur, cum sola ferè Astrolaborum horoscopiorum inspectio prudenter obseruantibus partus momentum prodat, reliqua verò quibus plurimi vtuntur horologia, non rarò, à vero aberrare possent, solaria quidem ob situum ac gnomonum accidentem peruersionem, aquatica verò tum ob laticum naturam diuersis de causis, tum fortuita cohibitione & inæqualitate facile à veritate declinant: necessarium fuerit tradere, quemadmodum quis partem signiferi inueniat, quæ tum in ortu debeat constitui, iuxta naturæ consentaneam rationem, proposita illa quæ secundum datam proximè horam ex ascensionum doctrina inuenta est.

Accipiemus igitur eam quæ proximè partum antecessit coniungationem, siue illa interlunij fuerit, siue plenilunij, & obseruantes diligenter in interlunio quidem vtriusque luminaris, plenilunio verò eius quod supra terram extiterit partem, quæ nam stellæ partus tempore gubernent, quæ quidem ratio in his quinque consistit, triangulo videlicet & domicilio, altitudine: termino, & irradiatione, seu configuratione, hoc est, cum vnum aut plura horum, aut etiam vniuersa quæ sitis locus erga potituram dominatione stellam obtinet. Si igitur vnum his omnibus aut pluribus instructum reperiemus, quàm ille partem occupat, eius signi in quo versatur, tum quando fœtus in lucem editur, quota sit animaduertemus: totam enim oriri iudicabimus eius signi, quod ascensionum regula proximum huic deprehensum est. Quod si duo, pluresve ad principatum aspirant, cuius partilis locus partis tempore vicinior numero fuerit, illi, qui iuxta ascensiones in ortu existit, huius partium numero vtetur. At si duo pluresve in hac propinquitate pares sunt, is qui potiore habet ratio-

nem tum angulorum, tum etiam conditionis prærogatiua, præferendus erit. Verum sanè vbi huius dominationis partium distantia maior inuenitur à posito horoscopo, quàm à medijs cœli cardine, tum eodem partium numero ad constituendum medijs cœli angulum vtentes, secundum eius ductum reliquos cardines figurabimus.

Sensus talis est, vt cognoscas ascendens tempore natiuitatis, accipe Planetam qui dominatur in loco coniunctionis luminarium præcedentis natiuitatem, vel si proximior fuerit oppositio eorum natiuitati, accipe Planetam qui dominatur loco luminaris quod tempore oppositionis est supra terram: Et si vnum esset in orientis linea alterum occidentis, accipe orientalem, & considera in quo gradu sui sit signi, & considera medium cœli & ascendens, & cuius numerus fuerit proximior numero illi, statues illum angulum sub eo numero signi, reliquum verò cum tota figura iuxta rationem duodecim domorum. Et si plures essent domini accipe illum qui plures habet dignitates ex quinque hora natiuitatis in loco aded vt sint duo, quæ distinguunt luminaris locum in oppositione, & accipit illum qui est supra terram oppositionis tempore non natiuitatis: & dominum loci potiore hora natiuitatis non coniunctionis, aut oppositionis: & hoc quia mutatur quandoque trigoni dominus primus & irradiatio. Vt si coniunctio, vel oppositio tempore quo fit, fuerit in Leone, in nocte, ita, quod Luna sit, ibi & hora natiuitatis Iuppiter aspiciet locum illum, accipiemus eum, secus si respiceremus ad horam coniunctionis, aut oppositionis acciperemus Solem, qui ibi dominatur & aspiciet cum Iuppiter non aspiciat, sed quia hora natiuitatis contrarium accidit, accipere oportet Iovem.

Exemplum in secunda genitura datum mihi tempus fuit quod vides, & ascendit secunda pars Geminorum: Et quia tempus non erat sumptum per Astrolabium (nam vbi tempus habeatur per Astrolabium, dicit Ptolemæus debes fabricare figuram iuxta illud, sicut est tempus natiuitatis filiorum meorum, & non debes quærere aliud) considero quod oppositio Solis, & Lunæ præcessit genituram: Et quia Sol erat supra terram tempore oppositionis in vigesima prima parte Aquarij: Vbi Saturnus habet carpentum, est enim dominus domus & trigoni, & Saturnus est in tertia parte Scorpionis: & hic numerus est proximior numero ascendens, qui est 2. quàm medijs cœli, qui est 24. Ideò statuam ascendens Geminorum partes 2. mi. 18. Et similiter in prima genitura coniunctio præcessit natiuitatem circa vigesimam partem Libræ, vbi Saturnus habet carpentum & solium, & quia decimus septimus gradus numero proximior est, 21. Tauri, qui est medijs cœli, quàm 1. Virginis, qui est ascendens, ponam decimam



decimam septimam partem Tauri in medio cœli, & cadet vigesima nona pars Leonis in ascendente: & istud est verissimum. Deinde dicit quod ubi sint duo domini vel plures, qui paritate numerorum certent & propinquitatem cum angulis quod frequenter contingere potest, debemus accipere angulum secundum numerum signi in quo est Planeta potentior. Velut in nona genesi coniunctio Solis & Lunæ fuit in decima parte Libræ, ubi Saturnus habet carpentum, altitudinem & trigonum, & respicit locum, Venus etiam carpentum domum & fines. Mercurius trigonum primum, quod natiuitas nocturna sit: Saturnus igitur habet primam dignitatem, Venus secundam, Mercurius tertiam: Venus est valde remota à similitudine numeri angulorum, accipiemus igitur Saturnum, qui est potentior & statuemus ascendens iuxta illud, licet Mercurius sit proximior ascendenti Saturno. Et quia Saturnus licet numero sit proximior ascendenti, quàm medio cœli quod ad numerum, quod ad situm tamen est valde proximior imo cœli, quàm ascendenti, & numerus Mercurij numero ascendentis, statuemus in imo cœli Saturnum cum partibus 15. mi. 32. ꝑ. Idem Ptolemæus admonet in hoc utendum iudicio magno, spectando dignitatem Planetæ, propinquitatem numeri, & omnia conferendo, verisimiliorem eligere.

Intelligit ergo propinquitatem quod ad numerum graduum, non quo ad situm, id est, quod sit propinquior Planeta angulo ascendentis, quàm medij cœli, ut manifestè apparet in exemplo primæ genituræ, ubi Saturnus est in prima domo & propinquus ascendenti. Et tamen non sumimus numerum signi ascendentis secundum illum, sed numerum signi medij cœli, qui est proximior illi. Item nota quod non vult Ptolemæus ponere regulam illam de duobus Planetis, vel pluribus in æquali propinquitatem ad numerum angulorum, quia præsupponit exquisitissimam æqualitatem differentiarum, sed ut facias comparationem potentiarum Planetæ ad propinquitatem. Gratia exempli sit medium cœli 19. Capricorni, ascendens 7. Tauri, sicut in nostra genitura, dominus loci coniunctionis præcedentis robustior Mercurius, inde Luna & Venus, inde Mars: ponamus igitur quod Mars esset in quinto gradu Geminorum, & Mercurius in tertia decima parte Libræ, tunc licet Mercurius longè plus possit quàm Mars, quia tamen numerus Martis est longè proximior numero ascendentis, quàm numerus Mercurij numero medij cœli, ego statuam potius quintum gradum Tauri in ascendente, quàm tertiumdecimum Capricorni in medij cœli. Rursus ponatur Mars in quinto Geminorum, & Mercurius vigesimotertio gradu Libræ, tunc ponam potius 23. gradum Capricorni in medio cœli, quàm quintam partem Tauri in ascendente, licet numerus Martis sit proximior numero ascendentis, quàm numerus Mercurij numero medij cœli: quia potestas Mercurij comparata ad distantiam quatuor graduum, maiorem habet proportionem,

quàm potestas Martis (intellige in loco coniunctionis luminarium) ad distantiam duorum graduum. Memineris etiam quod ubi propinquitatem sit eiusdem rationis, tunc melius est accipere medium seu proximior in medio. Veluti in exemplo dato, si Mercurius esset in quarto, gradu Libræ, & Mars in quinto Geminorum, tunc melius esset ponere quintam partem Tauri in ascendente, quàm quartam. Sed ubi esset distantia contraria, ut in exemplo priori, melius est potentior Planeta observare, quàm propinquitatem numerorum.

Ex hoc patet quod modi habendi verum ascendens sunt tres, primus est, ut per Astrolabium habeatur, & hic est firmissimus. Dicit Haly quod Astrolabium inventum fuit ab Abraham tempore Salomonis, vel ab Astor, unde Astrolabium quasi Astoris linea. Lab enim lineam significat Arabicè, sed Astrolabium dicitur ad ἀστρολάβιον, quod est capiens astra. Secundus modus est ex directionibus effectuum, qui consequuntur: hunc prætermisit Ptolemæus qui præsupponit natiuitatem proximam esse, imò nec quicquam scire Astrologum de nato an masculus, an fœmina, an vivus, an mortuus, nedum ut sciat, qui illi contigerint. Nos verò non curamus nisi ut quæ prædicantur vera sint. Vtraque via defendi potest: Sed Ptolemæus præsupponit quod quilibet debeat uti omnibus auxiliis quibus potest ad tuendum honorem suum, veritatemque indagandam. Ob id si effectuum aliquem habeas, Ptolemæus vult pro principali illum observes, dirigasque & iuxta illud genituram constituas. Verum non ad exactam graduum constitutionem hoc facit, quoniam plerumque, ut videbitur propter processum tempus variatur. Tertius modus est quem nuper descripsimus, ut ex domino coniunctionis, vel oppositionis loci Solis & Lunæ proximè procedentis, inquiratur.

Iuxta hoc sequitur difficillima & longa & maximè necessaria dubitatio, quæ duo habet capita, & est, cuius causa iam nihil usque ad hanc diem, nisi à paucis, illustre in hac scientia apparuit. Est autem talis, ut à primo capite initium ducam, scilicet quomodo possit hæc ratio de numero signi Planetæ dominantis in loco luminariū esse vera: nam si est vera generaliter, non esset bonum uti Astrolabio: si verò non est vera generaliter, ut Ptolemæus fateri videtur, scilicet ut verum ascendens sumptum per observationem Astrolabij concordet cum ascendente invento per hanc viam numerorum, homo habebit duo ascendentia, & duo decreta stellarum. Gratia exempli: In prima genitura ponamus quod Rex illius pater iusserit observari ascendens per Astrolabium, & quod sit primus gradus Virginis, dederitque illam genituram alicui egregio Astrologo iudicandam iuxta viam Ptolemæi, hanc verò ministri ipsius Regis mihi, qui nesciens eam esse Astrolabio sumptam, reduxi per hanc regulam Ptolemæi ad metam 29. partis Leonis ascendentis: Itaque secundum Ptolemæum fient duo iudicia distincta, genere, qualitate, magni



magnitudine, & tempore futurorum, omnino distincta de eodem, quod esse non potest, ut vera sint ambo. Secunda difficultas est, quoniam homo non nascitur in vno momento, ut videtur præsupponere Ptolemæus: sed primum, vertitur in vtero utque tunc non potest amplius reuerti, nec manere in vtero. Secundum frangit tunicam qua circumcingitur. Tertio prodit capite, si tamen secundum naturam nascatur. Quarto prodit totus. Quinto & ultimo abscinditur umbilicus aut inter nascendum frangitur: quæ quinque actiones nunquam minus claudunt temporis à primo ad ultimam tribus horis, plerumque autem plus vna die, nonnunquam tribus diebus, ut quando nos nati sumus, & quandoque etiam plus. Vel igitur omnia habebunt vim vel vnum tantum: Si omnia quomodo poterimus habere aliquid certi. Si vnum tantum unde illud debemus sumere. Si enim sumamus à natiuitate quando exit caput, nondum totus ortus est. Si verò cum totus ortus est, illud videtur voluntarium, cum sit arbitrio obstetricum. Si verò à spacio inter ortum capitis & totius, illud aliquando prolixum est, ut dixit: Propterea dico primo quod ortus infantis est secundum certum tempus, in quo toto tempore acquirit vim ab astris. Et quod sit verum, videmus in omnibus operationibus & casibus, qui contingunt homini, quod sic contingit: Si moritur primo ægrotat, deinde fit mala crisis, vel cadit virtus, & post viuet aliquando etiam duobus vel tribus diebus, post amittit sensum, & adhuc viuit quandoque per tres vel quatuor horas, & plus, ultimo moritur. Et similiter quando aliquis occiditur, primum fit coniuratio ab inimicis, inde aggrediuntur ipsum, deinde vulnerant, deinde ubi vulnus primum non sit mortale, vulnerant ipsum mortali vulnere, inde etiam poterit viuere aliquot diebus, tandem moritur. Similiter de itinere, de lucro, de habendo magistratum, & de omnibus aliis. Statuendum est igitur in natiuitate tempus quoddam latitudinem habens id est, certam magnitudinem, cuius sunt tria momenta principalia: Primum quod est principium: & secundum quod est principale, quod nolo appellare medium, quia nolo, ut decipiaris credens, quod si æqualiter distans ab extremis cum quandoque sit valde proximum principio vel fini: neque quod sit vnum tantum, cum quandoque sint plura principalia in eadem actione, sicut videbis in exemplo capitali de itineribus: Tertium momentum principale est finis eiusdem temporis. His visis dico quod totum tempus natiuitatis habet vires in singulis operationibus, ita quod principium significat de principio, medium de medio, seu mediis, & finis de fine: & ita quælibet pars temporis habet suum proprium significatum in omnibus actionibus. Sed principium significat de initio ipsius rei quando prima deliberatio de tali re: Est autem duplex primum respectu agentium, secundum recipientium. Exemplum, est aliquis qui deliberat ducere aliquam in uxorem, quando

Tom. V

ille deliberat, tunc est principium perfectum respectu deliberantis, & imperfectum respectu mulieris quam debet accipere. Cum verò mulier ipsa assentitur, est principium perfectum respectu ipsius mulieris. Secundum verò principale momentum est illud tempus in quo homo amplius non potest se retrahere nec recuperare si sit malum, nec amittere si sit bonum. Et sint plura in eadem re quæ non possint mutari, utpote si quis habeat sententiam quæ transierit in iudicatum in possessorio, quamuis illi etiam pendeat à petitorio, attamen illa causa habet duo capita principalia. Et generaliter illud dicitur principale quod est perfectum, & non potest amplius ex se mutari. Finis verò est quando res actu perficitur. Exemplum in morituro, quando incipit ægrotare est principium, cum fit crisis mala tunc principale, cum verò moritur, tunc est finis. Et in itinere cum deliberat ire, est principium, cum accedit ad locum ipsum tunc est medium seu principale, cum reuertitur est finis. Et in lucro cum mouentur prima verba est principium, cum numerata est pecunia, est principale seu medium, cum asportauit rem, est finis. Cum aliqui deliberant hominem occidere, est principium pro illo qui occiditur, cum lætaliter vulneratur est principale. Principium in vnaquaque re consistit plus in voluntate quam in effectu, medium in effectu superante voluntatem, finis in solo effectu & illius perfectione. Determinatis his dico quod principium natiuitatis, & medium & finis debent sumi à principali operatione quam nascendo acquirit, hæc autem est respiratio. Principium igitur nascendi est cum incipit respirare: punctus verò principalis natiuitatis cum ita respirat, ut iam posset per se viuere: finis verò cum iam tantum attraxit aeris, ut sponte cessent respirare & moueri umbilici arteriæ. Et ita patet ratio secundi quæsitæ. Patet etiam quod hoc totum tempus est breue & exiguum. Ex hoc patet solutio primi quæsitæ & est quod tempus principale natiuitatis semper est illud, quod debet obseruari per Astrolabium. Tempus verò quod docet Ptolemæus inuenire ratione numerorum, hic aliquando est idem cum principali, & tunc prognostica Astrologi sunt verissima: quandoque est idem cum principio & tunc significat principia rerum & voluntatem, ad quæ plerumque sequitur effectus non tamen semper. Aliquando autem tempus hoc concidit cum fine natiuitatis, & tunc significat qualitatem finis rei: Veluti in nostra genitura si ponatur vndecima pars Tauri ascendens propter locum Martis Lunæ, qui sunt in vndecima parte signorum & sunt domini loci coniunctionis luminarium, & etiam Mercurius principalis dominus erit propinquus numero medij cæli valde: Tunc habebimus finem omnium negotiorum nostrorum & casuum qualis futurus sit. Ex hoc sequuntur duo: Primum quod illi quibus ascendit numerus consimilis numero inuenti per viam Ptolemæi, vel saltem valde proximus, tales habent principia media & fines, valde similia, & conformia:

Y quibus



quibus verò ascendens verum plurimum distat ab ascendente quæsito per viam numerorum, in his principia rerum & media, & fines erunt valde dissimilia, & maximè si multum disteterint, vt in nostra genitura: Tales enim videbuntur quandoque esse in cœlo & statim, decidunt in eadem causa: rursus quandoque videntur esse demersi in profundo & dissituti spe omni, & statim præter omnium spem quasi cœlesti quodam auxilio emergunt. Causa est quia principia sunt dissimilia mediis & media finibus. Secundum est quia iuxta Ptolemæi sententiam oportet vtrunque principium considerare, scilicet verum & naturale: Verum appello quod est inuentum per Astrolabium. Et si dicas non potui habere per Astrolabium tale principium. Respondeo habeas illud per consensum plurium directionum quas veras experimento inueneris, sicut ego in mea genitura feci. Quod si dicas, quare appellas naturale ascendens quod est inuentum per rationem illam numerorum, cum rationem numerorum Ptolemæus in sequenti capite reprober. Dico quod Ptolemæus intelligit consensum inter dominum loci luminarium & ascendens, vel medium cœli tempore genituræ: qui consensus fit per trigonum vt declaratum est, vt inter decimum gradum Arietis, & decimum Leonis: vel si non potest, per exagonum qui est dimidius trigoni vt ex decimo Arietis, in decimum Geminorum: vel si non potest, per dimidium exagoni quod est spatium triginta graduum & per composita ex illis, vt inter decimum Arietis, & decimum Tauri, vel Cancræ, vel Virginis, vel Libræ: Et generaliter intelligit figuram duodecim laterum æqualium in eclyptica, quæ vt manifestum est cadit semper in similes gradus signorum. Et si dicas cur ergo talem figuram non recepit in numero aspectuum. Respondeo quod talis figura non est subiciens ad operationem aliquam sensibilem, sed bene ad hoc, vt habeat principium naturale nascendi, quia tale principium consistit in quadam sola potentia & in quadam permissione, seu consensu, cui sufficit figura duodecim laterum, quæ tamen non sufficit ad actiones. Rursus si dicas quare non ergo nascuntur omnes ascendentes talibus gradibus naturalibus, seu correspondentibus numero mediæ cœli, vel ascendens cum numero gradus Planetæ dominantis in loco coniunctionis vel oppositionis luminarium. Respondeo quod istud contingit vel propter fatum aliquid aliud intendente natura, vel propter natiuitatem patris & matris, directiones & progressionem, & maximè matris: vel quia Planetæ dominator est debilis, vt mihi Mercurius, qui parum aut nihil potest, nec in Tauro, nec in Capricorno, nec etiam in signis oppositis, & est retrogradus, & in sexto loco, vel dicas quod naturale principium, & verum sunt semper distincta parum aut multum, & quod naturale semper sumitur à principio respirationis, & principale à perfecta respiratione, quando iam fœtus non posset amplius viuere in vtero, & istud verifi-

milius est. Cum igitur Ptolemæus non possit habere secundum principium & principale accipit imperfectum & primum: Et hoc quia sunt partes totius temporis natiuitatis, & secundum hanc viam ascendens nostrum esset vigesimaquarta pars Arietis, dico de naturali, quia ascendens naturale semper præcedit, verum, & naturale, & verum ascendens est sexta pars Tauri, & decem minuta, & tertium ascendens quod vocatur finis, esset duodecima pars Tauri, & totum tempus natiuitatis est minutorum 39. id est, duæ terciæ fermè vnius horæ. Et per hoc facies in omnibus aliis genituris: sciendo quo tempus principales illud est verè, quod comprehenditur inter ascendens naturale & finem.

His visis, vt rem ipsam concludam iuxta sententiam Ptolemæi, & veritatem rei, & id quod cum omnibus concordat: dico quod mens Ptolemæi est, quod vis cœli diffundatur tempore ortus per longum spatium, & non in momento vilo, quoniam sunt plura initia, quæ temporibus non exiguis differunt. Primum tempus est cum fœtus conuertitur capite inferius: Secundum cum aperituros vteri, & tunc incipit respirare: & quodque prius exit sanguis antequam conuertatur infans, & vtroque modo intercedit spatium horarum, & aliquando dierum, & conuersio fœtus est magis secundum naturam, quàm apertionis vteri, & post est progressus capitis, & non potest distare per multas horas à conuersione & apertione oris vteri in eo qui superfuturus est: & cum respirat ore & umbilico. Vltimum tempus & est quartum, est cum totus prodierit è vulua matris: & hoc durat quandoque per vnam diem. Tempus autem quo absolvitur à matre & definit respirare per illam quoniam est voluntarium non est ex illis. Principale igitur est exitus & capitis, & totius, & quod est inter illa. Et si velles addere tempus totum quo vterus manet apertus esset nimis longum. Et si prætermittatur tempus quo conuertitur prætermitemus quod est secundum naturam. Idè oportebit accipere illud in quo conuertitur si sciamus: inde in quo prodit caput, demum in quo oritur cum toto eo quod intercipitur: & si longum erit & superuixerit: erit vita illius plena incommodis multis, & qualis ortus talis vita, & qui statim oritur absque impedimento protrahit vitam, aut ruit ad finem in neutro diu colluctatus. Reliquæ verò geneses etiam medio comprehenso tempore diiudicantur, cumque hoc fieri non possit, ob multiplicem missionem eorum, vitæ fato potius agi, quàm syderum vi videtur, apices cum sunt illæ tres exitus capitis & totius, qui principalis est nisi omnia contrà operentur. Cum verò hoc ipsum ignotum fuerit Ptolemæus venatur tempus illud, quod domino gradus coniugationis in angulo propè posito habetur, quàm simili numero, si nō quadrato aut trigono, aut sextili aspiciat, aut intueatur, vel obediat illi: hoc enim tempus pro apice erit: nam reliqua penè eadem erunt. Multa etiam manebunt vt planetarum aspectus atque inter eos directiones, si exiguum fuerit interuallū, licebit postmodū successe



successu temporis verum momentum Cori-  
phei inuenire. Hæc igitur mens est Ptole-  
mei, vt saltem tria tempora, & decursus in-  
ter illa examinentur. Variant autem pluri-  
mum in hoc inter se geneses, vt validæ di-  
gnosci possint, quoniam apices plurimum  
possunt, intermedia fermè nihil, quæ verò  
sunt imbecilles, multis casibus aguntur: &  
fato subiici videntur, vt quamquam magnis  
casibus subiiciantur, nihil tamen tale sperare  
potuerit, vt de exitu Philippi Regis Macedo-  
niæ, patris Alexandri cuius etiam vitæ tota  
eiusmodi fuit, quæ perpetuis successibus &  
continuata serie potius augetur, quàm eui-  
dentibus impressionibus, atque felicitatibus.  
Cuius oppositum fermè contingit in eius fi-  
lio, sunt igitur quatuor genera geniturarum:  
Validæ prudentium mistæ, & debiliorum fa-  
tuorumque, seu prorsus imbecillium sumpta:  
duo solum ex hac differentia apicū ad inter-  
media tempora.

## CAPVT III.

## TEXTVS VII.

*Diuisio præcipiendorum.*

**H**is ita definitis, si quis ordinis se-  
ctandi gratia ea, quæ in genituris  
vniuersum spectanda sunt diuidat, in-  
ueniat sanè inter ea, quæ natura com-  
prehendi possunt, quædam ante ge-  
nituram sita esse, cuiusmodi est de  
parentibus tractatio, quædam verò  
& præcedere, & sequi, vt cum de  
fratribus & sororibus solliciti sumus,  
quædam circa ipsam genituram ver-  
sari, quæ varia sunt, neque vno capite  
comprehendi possunt. postremò ve-  
rò quæ eam sequuntur, & hæc mul-  
ticem habent tractationem. Est verò  
inter ea quæ circa genituram versan-  
tur de masculino & foeminino partu,  
de geminis aut pluribus, de monstris  
& de iis, qui antequam nutrantur  
extinguuntur. Inter ea quæ genitu-  
ram sequuntur est de vitæ spacio tra-  
ctatio, haud quaquam illi connexa,  
quæ de his qui nutritionem non con-  
sequuntur, instituitur: deinde, de for-  
ma, de morbis & vitiis corporis, post  
de animi statu, deque eius morbis,  
deinceps de possessionibus, de digni-  
tatibus, post hæc verò de opificij ge-  
nere, mox de coniugio, deque libe-  
rorum procreatione & de societate,  
deque mutua beneuolentia amico-  
rum, hinc de peregrinatione, ac po-  
stremo de mortis genere: quæ qui-  
dem tractatio, cum natura & poten-

Tom V.

tia conueniat, eum ea quæ vitæ de  
spacio agit, ordine tamen meritò his  
omnibus subiicitur. Ac de vnoquo-  
que horum generum in capita enar-  
rationem instituemus, ipsam indaga-  
tionis institutionem cum nudis effe-  
ctricibus viribus, vt diximus expo-  
nentes.

Quatuor proponit tractanda, vnum de præ-  
cedentibus natiuitatem, & hoc habet vnum  
caput, scilicet de parentibus, quod tamen  
diuiditur in duo, scilicet in tractationem de  
patre & matre. Secundum de iis quæ partim  
præcedunt natiuitatem & partim sequun-  
tur & habet vnum caput tantum, scilicet  
de fratribus & de sororibus, potest autem  
diuidi in duo sicut præcedens. Tertium  
quod est de iis, quæ contingunt circa nati-  
uitatem, & continet quatuor capita primum  
de sexu, secundum de geminis, tertium de  
monstris, quartum de iis qui non nutriuntur.  
Quartum principale est de iis, quæ con-  
tingunt post natiuitatem, & continet per  
se tredecim capita: primum de vitæ, secun-  
dum de forma, tertium de morbis & vitiis  
corporis, quartum de qualitate animi, quin-  
tum de vitiis & morbis animi, sextum de di-  
uitiis, septimum de honoribus & dignitatibus,  
octauum de exercitatione seu arte, nonum  
de coniugio, decimum de libetis, vndeci-  
mum de amicis & inimicis, duodecimum de  
peregrinatione (nam serui inter species ami-  
corum numerantur) tertiumdecimum de mor-  
te: hoc debuit sequi caput primum de vitæ,  
sed quia mors est finis omnium, ponitur vlti-  
mo loco. Adijcitur post hæc capitulum ge-  
nerale conueniens omnibus de triplici diui-  
sione temporum, ita vt sint in vniuersum  
capita viginti, quæ consideranda sunt in  
qualibet genitura.

## TEXTVS VIII.

Quæque multi curiosè & petulan-  
ter nugati sunt, neque ullam veri si-  
militudinem præ se ferentia ad ea,  
quæ naturæ non conuenienter dicta  
sunt, relegabimus: quæ verò natura  
deprehendi possunt, non per sortes  
& numeros, quibus à natura rationes  
nullæ inditæ sunt, sed ad ipsam figu-  
rationum cum familiaribus locis in-  
spectione collimantes deprehendemus.

Reprehendit sophisticam Astrologicam sui  
temporis, quæ etiam per Arabes multos  
perducta est ad nostra tempora, & illorum  
etiam nugæ, qui nunc mentiuntur Astrolo-  
giam fictis figuris, & numeris, de quibus in  
procemio huius libri diximus: Similiter &  
docet Astrologiam non procedere per signa,  
sed per causas cum à priore semper procé-  
dat: Vnde interrogationes vanæ sunt. Sub  
hoc etiam comprehendi debent artifices,

Y 2

qui



qui difficillimam artem, parua scientia, minore iudicio, labore penè nullo tractando, vituperant: vnde tam malè audit.

### TEXTVS IX.

Sanè in vniuersum in omnibus, ne singulis capitibus idem dicamus, primum quidem oportet inuestigare locum signiferi familiaritate coniunctum generi quæstionis, quemadmodum verbi gratia: De opificij genere locum signiferi in cœli medio constitutum, aut de parte Solis. Deinde contemplari stellas, quæ dominium ius exercendi in hæc loca habeant, secundum eos, quos prædiximus quinque modos: & siquidem vna omnibus modis præfuerit, in illam conferre omnem eius euentus decernendi iurisdictionem: sin duæ trësve, in eas quæ suffragiorum numero præstant. Posthæc verò vt quale tandem futurum sit, quod decernitur coniectemus videre, & naturas ipsorum dominorum, & signorum in quibus ipsi præcipuâque loca reperiuntur: ad magnitudinem decretorum spectare, vtrum sint valentes tam secundum mundi, quàm genituræ statum, an contra. Validissimi quidem sunt pro mundi situ, cum in domesticis, aut etiam in propriis sunt locis, & rursus cum orientales sunt, auctique numeris: Pro genituræ verò situ cum in angulis aut succedentibus locis dispatiantur, maximè primis: dico autem ortus, mediique cœli loca. Imbecillissimi verò, iuxta mundi situm, quando in alienis locis, siue non domesticis & occidentales, aut retrogradi fuerint, sed pro genituræ statu cum ab angulis cadunt. Ad tempus verò decreti vniuersim cognoscendum, vtrum matutini sint, an, vespertini, tam ad Solem, quàm ad horoscopus comparati, quandoquidem antecedentes vtrumque horum quadrantes, iisque oppositos matutinos dicimus, reliquos verò sequentes, vespertinos. Et in angulis reperiantur, an succedentibus: Nam matutini cum sunt aut in angulis constituti, suam citius vim exerunt: vespertini verò aut succedentibus, tardius.

Quinque proponit quæ in quolibet quæsito sunt consideranda: Primum est, vt inueniamus locum qui quæsito præsit. Exemplum in textu habes. Secundum dominos qui loco

præsunt. Sunt autem quinque trianguli, domicilij, altitudinis, finis & aspectus, seu configurationis, vt in præcedenti capite docet. De ordine tamen illorum non est habenda ratio iuxta ibi descripta, sed in his, quæ ad vitam spectant plus potest domus in dignitatibus, & magistratibus altitudo, in fortuna & amicis, & populari quadam gloria trigonus, in rebus singularibus & propriis finis. Tertium est, vt consideremus qualitatem futurorum, vtpote si erit felix, an infelix, si in pecunia, vel agris. Quartum de magnitudine ipsius effectus & vnde sumenda sit. Quintum de tempore in quo illa contingere debent. Hæc autem cum quatuor illis conueniunt, quæ superius descripta sunt in secundo libro de vniuersalibus prædictionibus, quantum ad tempus & qualitatem: Hic verò adduntur quantitas locus cœli & dispositores, ibi vtrumque sumitur, scilicet locus & dispositores à loco eclypsis, & succedenti cardine, vel in fixis etiam antecedenti. Magnitudo autem effectus ibi coniungitur cum tempore. Sed locus affectus hic non desideratur cum debeat esse vbi erit natus: neque genus cum sit in ipso nato & ita coincidunt.

Et si quidem vna) Quomodo vna stella potest vni loco omnibus modis præesse cum in sola Virgine Mercurius habeat altitudinem & domum: ibi verò trigonum non habeat: in reliquis signis altitudo à domo differt? Respondeo omnibus modis præesse intelligit, vt si Mars sit in initio Scorpionis, vbi est eius domus trigonus, finis altitudinem ibi non habet, sed nec alius Planeta.

Post hæc verò) Genus rei significatæ, vtpote diuitiæ qualitibus distinguuntur, pecunia, mercibus, agris, domibus, donis, redditibus præmiis, multæ, pauca: hæc omnia à dominis, scilicet intelligendo etiam qui aspiciunt locum, & qui dominis commiscuntur: & signis in quibus sunt significatores. Signorum nomine omnes figuræ etiam octauæ cœli veniunt & noni etiam.

Ad magnitudinem decretorum) Robur Planetarum ex quatuor rebus sumit in comparatione, ad mundum, ad genituram, ad Solem & per se. In comparatione ad mundum quod sint in hoc, vel in illo loco seu signo. In familiaribus & magnis vbi potestatem habent, vt Marti Virgo est familiaris, Ioui Libra. In Piscibus verò Mars habet dignitatem: In Leone Iupiter & magis in Cancro. In comparatione ad genitum, quod sint in angulis præcipuè nobilioribus: Ascendente & cœli culmine, vel succedentibus. In comparatione ad Solem, quod sint orientales. Per se: quod sint numero aucti, id est, veloces. Nam cum Planeta est velox vocata æquatio, medio motui additur, idè tunc Planeta auctus numero dicitur. Diminutus cum aufertur. Quod si ablata æquatio etiam medio motu maior fuerit retrogradus dicitur Planeta. Ob id cum in Sole & Luna nunquam æquatio medium motum excedere possit, luminaria quidem motu tarda dici & esse possunt retrograda nunquam.

Celeritatem effectus ex tribus venatur, ex  
sum



situ significatorum, quo ad cœli quadrantes ab horoscopo ad cœli medium, & ab occasu ad cœli inum exitus præstant celeres, in aliis duobus quadrantibus tardos. Ex situ significatorum in partibus sui quadrantis in angulo enim celeres, in cadenti tardos, in succedendi medios significabunt. Ex situ quo ad Solem, nam à loco Solis ad 90. partes ante, & ab eiusdem opposito ad totidem partes ante dicuntur matutini Planetæ, in aliis quartis vespertini. Velut mihi Sol est in partibus 10. mi. 37. Libræ, Planetæ à partibus 10. mi. 37. Cancrî ad partes 10. minuta 37. Libræ & à partibus 10. minutis 37. Capricorni, usque ad partes 10. mi. 37. Arietis dicuntur esse in quadrantibus matutinis à Sole: In reliquis autem vespertinis. Notandum quod orientale & occidentale aliud est in Planetis à matutino & vespertino: Orientale propriè est à coniunctione Solis ad oppositionem occidentale ab oppositione Planetæ, cum Sole ad coniunctionem. Matutini, ut dixi in superioribus & Luna à coniunctione, & ab oppositione ad radium quadratum cum Sole. Vespertini à quadrato cum Sole ad coniunctionem vel oppositionem. Aliquando à coniunctione vel oppositione ad stationes matutini dicuntur, à stationibus autem ad coniunctionem, vel oppositionem vespertini. In inferioribus autem aliter res se habet, quia nunquam ad Solis oppositionem veniunt. Hoc autem suo loco declarabitur.

## CAPVT IV.

## TEXTVS X.

*De Parentibus.*

**Q**Uæ igitur iam dicta est singulorum contemplandorum ratio, quam insequi in omnibus oportet, sic se habet. Accingamur nunc iuxta propositam seriem à prima, quæ de parentibus habetur tractatione. Sol igitur & Saturnus patri natura familiares sunt, Luna, Venusque matri. Pro quorum statu tum inter se mutuo, tum erga alios de rebus parentum opinandum est. Fortunas enim & opes ex luminum satellitio deprehendere oportet. Circundata namque beneficis eiusdemque conditionis sideribus, siue in iisdem signis, siue in proximis, illustrem & luminosum parentibus statum decernunt, maxime quando Solem matutinæ cingunt stellæ, Lunam vespertinæ, eæque bene affectæ.

Quoniam litteræ sententiæ satis aperta est, ideo quædam solum expositionis loco adiungam notatu digna: quorum primum est

*Tom. V.*

quod natiuitates filiorum significant super parentes suos, & fratres, & filios, eadem ratione quæ est quod cum parentes habeant virtutem generandi semper, non tamen semper generant, sed solum cum tempus in quo conueniunt vtriusque genituræ fuerit simile. Similiter & de natiuitate non nascitur infans nisi cum natiuitas conuenierit parentum natiuitati. Igitur ex natiuitate filij cognoscuntur dispositiones parentum maxime. Et hoc est primum. Similiter ex natiuitatibus parentum cognoscuntur qualitates filiorum conuersa ratione, & hoc est secundum. Et quia natiuitates filiorum sunt similes parentibus, ut dictum est. Igitur natiuitates fratrum inter se habebunt similitudinem. Sed tamen minorem quam cum parentibus ipsis, vel propriis filiis: Et ita significabunt statum fratrum. Et hoc est tertium (Intelligo autem cum fratribus sorores) Rursus quia astra significant, ut causæ & non ut signa, ut sæpius ostendi, significabitur status parentum non præcedens natiuitatem filij, sed solum subsequens. Idem dico de fratribus. Et hoc est quod Haly dixit in commento natiuitates filiorum, significant statum parentum, qui succedet post natiuitatem illorum, non autem qui præcessit. Et ita significabit de fratribus maioribus quid succedet illis post natiuitatem suam: De minoribus autem generaliter. Et hoc est quartum: Ex quo sequitur quintum, quod cum nascitur filius in vna domo, mutatur status parentum & fratrum, & sororum in melius vel in deterius. Sextum ex his colligitur: Et est quod status parentum sequitur genituram propriam parentum, deinde post natiuitatem primogeniti, propriam natiuitatem & primogeniti: deinde post natiuitatem secundo geniti componetur parentis ex propria natiuitate, & primo geniti & secundo geniti: Et ita status deinceps quotquot fuerint filij, vel filiæ. Septimum ex hoc sequitur, quod status filiorum componetur ex natiuitatibus propriis parentum, atque fratrum ac sororum. Octauum quod est ordo in his, natiuitas parentum in infantia habet primum locum, deinde natiuitas propria, deinde natiuitates fratrum multo minus: post quartum verò annum quibusdam post septimum, aliis à quarto decimo, nonnullis à vigesimo natiuitas filij habet primum locum, inde parentum, post fratrum. Nonum quod parentum natiuitates primum obtinent locum pro seipsis: deinde succedit natiuitas primogeniti: & succedentium sunt debiliores si sint pares inter se: quia quandoque contingit quod natiuitas vltimogeniti sit validior omnibus & clarior, ut Iosephi inter filios Iacob. Decimum quod natiuitates parentum etiam inter se significant mutuo tantum quantum natiuitas primogeniti. Et hoc post coniunctionem illorum, de vita dico, & sanitate, & honoribus, quiete, moribus, opibus mariti, significat. Et cum dico significat, dico agit, & est causa, genitura vxoris & viceversa. Vndecimum quod mater significat magis supra infantiam filiorum, & mores corporeos & corpus ipsum: sed



pater super adultam ætatem, & qualitates animi & fortunas eorum. Duodecimum quod maximi momenti, quod mors vniuscuiusque vel separatio è domo facta secundum leges velut emancipatio & dinortium, extinguunt significata pertinentia illis, qui cum eis coniunctio erat: Et illi reuertuntur ad proprias natiuitates & statum earum.

Principale aliud est quod Planeta orientales à Sole sunt robustiores, quia Sol, qui illos obumbrabat relinquit illos splendidos. Et absque (vt ita dicam) suspitione redditus Solis ad eos. Similiter occidentales à Luna sunt in læto statu & pulchro, quia expectant Lunam venientem ad eos sicut quando aliquis expectat amicum ex longinquo venientem, & apparat domum & exornat eam.

Principale tertium est quod Planeta dicitur obsessus quando est inter duos alios, & eò magis si sit in dignitatibus eorum. Exaltatus autem super alium quando fuerit occidentalis & ponderosus, vtpote si Saturnus sit in vigesimo gradu Libræ & Sol, in principio Libræ, & hoc fit quadrifariam: Deterius primum cum Saturnus fuerit in angulo, & Sol extra angulum. Secundo cum Saturnus fuerit in dignitatibus propriis, & Sol in dignitate Saturni. Tertio cum fuerit Saturnus in quadrato aspectu Solis, vel Saturnus fuerit in imperante, & Sol in obediente; Veluti Saturnus in decima parte Arietis sit, & Sol in vigesima Piscium. Quarto si Saturnus ascendat ad absidem eccentrici sui & maximè Sole descendente à proprio abside. Dicitur autem Planeta superior, quando est occidentalis eleuatus supra Solem vel Lunam, quia Sol vel Luna in tali statu semper vadunt ad illum Planetam, & nunquam superior Planeta vadit ad eos: & sicut homo, qui expectat alios domi videtur in illa causa saltem nobilior his, qui vadunt ad domum eius. Ita Planeta superior cum fuerit occidentalis dicitur eleuatus super alium & maximè, si fuerit vna illarum quatuor conditionum vel plures ex eis.

Vt autem clarius, & per Methodum de hac re agam, quæ tanti est momenti vt sit secunda ex his, quarum intellectu futura prædicere licet, noscere oportet significatorem qualiscunque sit discernere rem: verum melius aut deterius vt primum simpliciter ad hoc aptus. Maleficæ enim nihil præstant boni liberaliter, aut si natura diffideant, vt Saturnus in prole & coniugio: Iuppiter in rapina, Venus in castitate, Mars in continentia, Luna in perseuerantia, Sol vt occultè agatur. Post est robur significatoris, vt sit in suis dignitatibus in aspectu luminum fœlici: Orientalis à Sole, Occidentalis à Luna, dicemus in die supra terram, in nocte infra nocturnus contra, in abside eccentrici sui vel propè, propè etiam absidem parui orbis, sicque auctus dicetur lumine & motu, ab vndecimo loco ad nonum præcipuè in apice, vel in vertice horoscopi. Cum verò non omnis aspectus ei malus sit, oportet non omnem Planetam, qui illum respicit eleuari supra eum: neque qui supra ipsum eleuatur quicquam boni afferre potest ea in causa seu fœ-

lix, seu infœlix, seu bonus, seu malus: est enim alter quasi in eius seruitute ergo eleuatur, qui præsidet illi & annectitur. Secus quicunque Planeta omnibus præsidet locis omnibus in causis, infelicem faceret nisi in quibus ipse esset significator. Annectitur ergo ei decem modis coniunctione oppositione, duobus quadratis totidem trigonis breuib; ac sextilibus longis, tum signo imperantis, aut æqualium ascensionum pro magnitudine Planetæ eleuati: vt Solis quidem 15. Lunæ 12. Iouis 11. Veneris 8. Saturni 9. Martis 7. Mercurij 6. ante ac retro: Vt in nobis Luna eleuatur quamuis in obediente, quia alterior est, supra Iouem, Venerem, Mercurium, paululum etiam supra Solem imbuta Martis hostilibus radiis dissoluitque illorum decreta. Et si in angulo esset magis hoc faceret, sed alia postmodum bona præstaret: ita vides cur nil possit esse ex quaque parte beatum. Cum ergo annectitur, inspicere oportet quantò magis potens fuerit, & natura prauus eò magis officii, & quantò validior erit nexus, at de hoc ordinem patefecimus, tum etiam naturam simplicem, aut propositæ rei repugnantem. Porro robur primum est vt dominetur loco, post vt sit in altiore cœli parte, deinde vt sit in angulo, dein in propriis dignitatibus, post vt sit in elatiore parte eccentrici, post in elatiore parui orbis: inde in suis dignitatibus, demum in luminarium aspectu, & in consimili statu diurni atque nocturni quemadmodum dictum est. Plurimum etiam refert, an à malefica, aut benefica lumen excipiat, aut inerranti huiusmodi iungatur ad augendam prauitatem atque minuendam. Quòd si non annectatur totus tamen sit in illius potestate significator, impiedetur quidem ad vires non tamen frustrabitur semper: semper tamen cum difficultate peraget, præsertim si malefica & potens fuerit quæ præest. Specialiter autem considerare oportet in quo differt eleuari atque foueri. Circa idem enim versari ambo necesse est: Vt supra Iouem Luna non propriè eleuatur, sed mutuo se fouent, quia fertilis brevis est, & commutatio dignitatum, Luna verò ad Mercurium, & Mercurius ad Lunam eleuatur, altero alterum vicissim impediente. Venus autem super Lunam eleuatur prohibetque mala, Luna quoque supra Venerem verum imbecilli modo.

Principale aliud quod Ptolemæus deinceps in omnibus decemnouem quæsitis intelligit tres status, optimum, pessimum & medium. Et similiter in magnitudine, robustissimum, debilissimum & medium. Et similiter in tempore (Sunt enim hæc tria, quæ docuit in præcedenti capitulo esse in singulis quæsitis considerata) celerrimè, vt in pueritia: tardissimè, vt in vltimo senio: mediocriter, vt consuetudine. Ex quibus vult intelligi duo: Primum vt declarato vno, quandoque intelligamus, reliqua duo breuitatis causa: quandoque declarat duo & oportet subintelligere tertium: quandoque declarat omnia membra: Velut magis instruat, vt in principiis fieri solet sicut & in hoc capitulo: Vel quando res est magni momenti.



momenti. Secundum ut intelligamus media omnia, quæ possunt cadere inter illa extrema, quæ sunt infinita: Velut in ætatibus, præter infantiam & vltimum senium, quæ sunt extremæ, & consistentiam quæ est verè media: Sunt aliæ mediæ plures in genere: Velut ante consistentiam, pueritia, adolescentia, iuuentus: post autem primum senium & quælibet etiam istarum ætatum in partes diuiditur multas. Vult ergo ut ex naturali coniectura non solum illas tres principales assequamur, sed omnes alias intermedias. Idem dico de magnitudine & qualitate, scilicet quod per duo extrema, & medium docet nos coniectari omnia media, quæ sunt infinita.

Principale quintum est, quod unicuique parenti assignat duos significatores Solem & Saturnum patri & Lunam & Venerem matri. Ex quo fit magna confusio dum vult declarare statum amborum parentum simul, quia ingrediuntur quatuor Planetæ. Idè ego declarando solum dicam de patre, & quod dictum erit de patre, idem intelligatur de matre, accipiendo dicta de Sole in patre, ut sint dicta de Luna in matre: Et quæ de Saturno in patre, sint dicta de Venerem in matre, adhibitis solum duabus distinctionibus: Prima quod Sol in die & Luna in nocte gaudeat: & Saturnus in nocte, & Venus in die: Secunda ut in Sole orientales præferantur: In Luna autem præferantur occidentales.

Principale sextum est quod eligit duos Planetas unicuique parenti, quia cum parentes generant sunt in ætate virili & valida, idè non decet, ut habeant vnum significatorem tantum, ne si ille malè afficiatur, parens malè habeat: maximè cum ipsi infanti, aut quinque significatores vitæ assignari soleant. Imò neque Ptolemæus aut declarare de morte parentis etiam ambobus significatoribus malè affectis.

Principale septimum in dignitate semper Ptolemæus considerat luminare, in vita autem robustiorem ex duobus significatoribus. in erigenda autem figura Planetam congruentem tempori, ut pote locum Solis de die, & Saturni de nocte. Et ita iuxta tres causas diuersas, facit tres ordines electionis: quod etiam obseruat in quæstis propriis nato: nam pro dignitate semper quærit Solem, vel Lunam pro vita potentiorum ex significatoribus, pro qualitate corporis, quod fortuito oblicitur, id est, horoscopus semper.

Principale octauum est, quod considerat quatuor status in vnoquoque parente, primus est concordia ipsorum significatorum inter se, utpote in patre Saturni & Solis, & hic est optimus. Secundus est concordia vnius significatoris cum beneficiis. Tertius est status ipsius significatoris per se, ut in angulo in carpento suo, vel saltem ubi habeat dignitatem. Quartus est si maleficæ super significatorem eleuentur.

Nonum principale est quod per concordiam intelligit trigonum & sextilem: coniunctio autem est in numero concordia cum fuerit cum beneficiis, vel si fuerit etiam

inter significatores ipsos, ut Solem & Saturnum. Caliditas enim vnius temperat frigiditatem alterius, & frigiditas caliditatem. Et iudicium de coniunctione est etiam in intuentibus & imperantibus: Discordia verò est semper in opposito aspectu, inde quadrato: Coniunctio verò & intuentia & imperantia, cum fuerint cum maleficis, quæ non fuerint significatores, & maximè si malefica fuerit domina loci oppositi significatoris: Sed si domina fuerit loci significatoris non erit tam infausta coniunctio, vel intuitus obedientia.

Decimum principale sequitur ex præcedentibus, & est obseruatione dignissimum, & est quod quotienscunque in aliqua genitura infantis masculi, vel fœminæ Sol aspiciat Lunam de quadrato vel opposito: vel Saturnus Venerem aut Lunam eodem modo: tunc parentes illius infantis odiose habebunt. Et peius est inter Solem & Lunam, inde inter Saturnum & Venerem vltimum inter Saturnum & Lunam, & deterius erit si sint in angulis. Ex hoc sequitur, quod expositio Ptolemæi per partes ut fieri solet, & facit Haly in quibusdam locis, non satisfacit, sed oportet totum simul distinguere capitulum, sicut nos hic fecimus. Nunc ad ipsius textus expositionem deuenio.

Inspicere oportet in natiuitate patris si Solem antecedunt stellæ, tum erit optimum. Si verò non antecedant, sed sequantur erit & bonus status. Idè circa hoc obseruare oportet quinque. Primum ut luminare habeat satellitium, id est, planetas propinquos ad triginta gradus. Secundum ut conforme sit, id est, in angulis. Tertium ut in comparatione ad luminare, ut sint orientales, à Sole si sint satellitium Solis, & occidentale à Luna, si sint pro satellitio Lunæ. Quartum ut sint beneficæ, vel mediæ, vel amicæ saltem ut Saturnus Soli vel si Mars coniungatur Ioui, vel Veneri. Quintum ut sint in locis, in quibus gaudent. Ex hoc sequitur quod filius fortunam & dignitatem cum consequatur plerumque & statum patris, idè conuenienter hæc eadem assignant pro significatione dignitatis ipsius nati, ut infra videbitur.

Lib. 4 cap. 3.

## TEXTVS XI.

Si verò Saturni quoque & Veneris stellam contingat orientalem esse in propria persona, aut in anglis felicitatem insignem intelligere oportet, iuxta peculiarem vtriusque parentis rationem. Contra si luminaria cursu inania sint & satellitio destituta, humilem & obscuram parentum vitam significant, & maximè quando Venus Saturnusue non sat pulchrè videntur siti. Si satellites quidem non desint, sint tamen diuersæ sectæ, ut cum Mars ad Solem fertur, Saturnus ad Lunam, aut si non sint feliciter sitæ beneficæ etiam secundum



fectæ cognitionem , mediocris & inconstans parentum status ostenditur.

Declarauit duos status primos illustrem & magnificum : hic declarat tres postremos: Tertius qui est mediocris , est tamen insignis & ipse , cum solus Saturnus excefferit Solem in primo suo orientis statu. Ex quo & primo statu simul iunctis fit status illustrissimus , scilicet cum Iupiter , Venus , Saturnus & Mercurius in primo statu orientis Solem præcesserint. Quartus status est cum quæ præcedunt beneficæ Solem , malè afficiuntur , cadentes ab angulis aut combustæ , aut si Mars benè dispositus præcedat , tunc erit mediocris status & inconstans : quia erit mistus ex bono & malo , scilicet malefica natura sua nocebit , & vt bene disposita iuuabit : contrario modo benefica malè disposita. Quintus status est cum Solem nullæ circundant stellæ : Et hic est pessimus & significat patrem omnino abiectæ & sordidæ fortunæ. Quod verò bis adiicitur de Venere , referendum est ad matrem : Et vt sit occidentalis à Luna. Ita quod si Sol & Saturnus ambo fuerint in angulis erit bonum pro patre : & similiter si Venus orientalis à Sole fuerit in angulo cum Luna , erit valde bonum pro matre.

Quod verò dixit cursu infantiæ exponit se , id est , satellitico destituta , non est autem necesse quod radiis hoc etiam in Sole magis refert , nam cum habuerit Planetas occidentales , dicitur cursu vacuus , etiam quod ad illos tendat , contra si sint orientales non fertur ad illos , sed recedit ab eis , nec tamen dicitur cursu vacuus , sub hoc sensu præsentis loci.

## TEXTVS XII.

Si fors fortunæ de qua post dicemus , conuenit in genitura cum Solis Lunæue satellitibus fortunatis per manus tradentur liberis , salua parentum bona , sin minus , aut si repugnat , & luminarium laterones , aut nulli sunt , aut malefici , inutiles erunt liberis parentum possessiones , atque adeò noxiæ.

Pars fortunæ seu fors diuitias significat apud Ptolemæum : si ipsa fuerit in quadrato , vel opposito maleficarum Solem circundantium , pater non relinquet hæreditatem filio : aut nihil habebit quod relinquat : aut erit cum magnis litibus. Et si pars fortunæ fuerit sub Sole , natus paruum gaudium habebit de paterna hæreditate. Non sic erit si pars fortunæ fuerit sub Luna : habebit enim hæreditatem maternam & illa gaudebit. Reliqua textus nota sunt.

## TEXTVS XIII.

Longæuitas autem eorum aliunde

deprehenditur. Patri nimirum , si Iupiter aut Venus quouis modo Soli configurantur aut Saturno : Siue & ipse Saturnus conuenienter Soli configuratur coniunctione radiisue sexangularibus aut triangularibus , siquidem illi potentes fuerint , longa vita decernitur : si imbecilles , non ita : neque tamen continuo breuis. Cum verò Illud vsu non venit , sed Martis sydus supra Solem , aut Saturnum attollitur , iisue succedit , aut si ipse iterum Saturnus cum Sole non conuenit , sed vel ex opposito loco , vel tetragono aspicit , decedentes ab angulis , valetudinarios tantum patres efficiunt breuis autem vitæ aut vitioso corpore cum angulares sunt , aut angulis succedunt , ac vitam sanè breuiem in primoribus duobus angulis , ascendente nimirum & cœli fastigio locisue succedentibus , vitiosos verò in reliquis occidente nimirum & cœli parte infima. Mars igitur Solem intuitus ad eum quem diximus modum subito interimit , aut vitium oculis iniicit , Saturnum verò feriens febrili rigore , vitisue per sectiones & vstiones inuoluit. Saturnus quoque malè affectus erga Solem , morti parernæ viam per morbos sternit , turbationesque ex humoris copia proficiscentes adducit. Quod ad matrem attinet , si Iupiter quocunque modo cum Luna & Venere committitur , aut ipsa Veneris stella cum Luna concordat hexagonis radiis , aut trigonis , illiue coniuncta fortes cum sint , longæuam matrem significant. Si verò Mars Lunam aut Venerem intuetur quadrangularibus aut oppositis radiis , aut succedens , siue Saturnus hoc modo Lunam solam si minuti cursu fuerint ceciderintue , rursus aduersus tantum casibus morbisue implicant , aut et cursu aut angulares breuis vitæ & vitiosas decernunt matres. Breuis quidem vitæ in orientalibus angulis aut succedentibus , vitiosas verò in occidentalibus. Enimverò Mars Lunam ita intuitus orientalem mortes matribus repentinas , vitiaque oculorum adducit , occidentale verò , mortes ex abortionibus aut similibus , vitiaque per sectiones & vstiones. Venerem aspiciens , mortē per successiones maturat , abditisque in locis nascentia vitia , obtenebrationes & repētinos humorū decursus. Saturnus verò Lunam

inadians,



irradians, mortes, morbosque affert, cum orientalis ea est per febriles rigores, cum occidentalis per vteri affectiones & corrosiones. Animaduertere quoque vnà oportet, vt vitiorum, morborum & mortis genera distinctius eliciamus, signorum in quibus stellæ significatrices reperiuntur natiuas, peculiareque vires, de quibus oportunius in iis, quæ circa genituram contingunt dicemus.

Hoc est secundum in quo docetur vitæ longitudo, si vel Soli, vel Saturno conjunctione, trigono, vel sextili, Iupiter vel Venus validi associantur. Secundus status est si associantur, sed non sint validi, erit enim anceps iudicium & plerumque vita longa, sed debilis. Tertius si non associantur omnino, nec tamen necessariò vita erit brevis. Sed si Mars supra Solem aut Saturnum eleuatur, aut si Saturnus Solem de quadrato aut opposito respiciat: tunc enim si malefica fuerit in decima, vel prima, vel vndecima, vel secunda, significabit breuem vitam, si in quarta, vel septima, vel cadentibus valetudinarios solum decernit. Et hoc declarat per tres modos, quando Mars exaltatur supra Solem, & quando Mars exaltatur supra Saturnum, & quando Saturnus aduersatur Soli. Et hoc pro natura signorum, quæ declarabitur in fine quarti libri. In matre verò loco Iouis & Veneris, qui possunt conciliari Soli vel Saturno, ponit Iouem, qui potest conciliari Veneri vel Lunæ, vel Venerem, quæ Lunæ conciliatur. Est verò aliud discrimen quia Saturnus vel Mars destitutam Lunam, vel Venerem oppugnantes breuem vitam significant, cum fuerint in eisdem angulis, decima, vel prima vel succedentibus. Sed ita tamen vt sint aucti cursu: Sed si fuerint diminuti cursu seu tardi, vel in aliis locis solum significant morbos: vnde colligitur quod si fuerint tardi cursu, & in cadentibus locis non valetudinarias efficient, id est, quæ perpetuò feruè affligantur morbis, sed solum ad vices frequentius ægrotabunt.


### TEXTVS XIII.

Amplius obseruare conuenit die maximè Solem & Venerem, nocte Saturnum & Lunam. Quod reliquum est in diligentiori euentuum exploratione conueniens sanè ac proximum erit patris, aut matris locum, qui se pro tempore obtulerit, tanquam orientem ponere, cæteraque quasi proposita parentum genitura, iuxta eas quas deinceps trademus de præcipuis generibus rerum & euentuum inductiones deprehendere. Meminisse autem & in his, & in cæteris oportet constitutionis contemplantibus vniufve modi sint, an diuersi, con-

trariarumve effectuum illi, qui dominium locorū quæstionis obtinent, qui pluribus affluant ad vnumquodque negocium spectantium virium suffragiis, vt rei significandæ præsent, vt eorum naturæ conuenienter iudicemus. Aut æquilibria cum sunt suffragia, si vnà fuerint imperantes, id quod ex diuersarum naturarum mixtura conflatur, prudenter ratiocinabimur.

Sententia est quod oportet significatorem tempori congruentem ponere in ascendente, scilicet Solem de die, vel Saturnum de nocte, & collocare figuram & Planetas velut vides in exemplo octauæ figuræ ex qua extraximus figuram patris, prout vides. Dicit ergo, oportet vt postmodum illam iudices, velut alias genituras ad vnguem considerando illos qui præsent, quia sub vno quatuor generum. Aut enim sunt concordēs in significando: Et tunc oportebit statuere secundum naturam vincentis & excessum, super contrarium significatorem. Aut æqualiter possunt, & tunc nihil decernunt. Aut alternatim significant: de quo dicit in sequenti textu. Ex quo sequitur quod Ptolemæus mira arte vsus sit in hoc libro, qui tanta breuitate satisfacit omnibus quæsitis copiosè, nam si bene animaduertatis, factis duabus figuris altera pro patre, altera pro matre, bis vtitur toto libro ad diiudicandum illas. Ita de fratribus filiisque. Manifestum erit igitur ex hoc primum cur filij patri similes extant plerumque, scilicet cum Sol in centro horoscopi fuerit in diurna genitura, aut Saturnus in nocturna. Eodem modo filia matri similis cum Luna in nocturna genitura, aut Venus in diurna in centro horoscopi fuerint, tunc enim erit vtriusque genituræ figura eadem & fortuna, & reliqua pene similia.

Fratres inter se similes erunt, cum significatores fuerint in communibus signis seu bicorporeis, nam plures habebunt eundem significatorem, & eandem figuram cœli.





dente posito eadem figura plura pluribus filiis, qui inter se fratres erunt seruiet.

Nepotes auis erunt similes, quando significator patris iunctus fuerit significatori filij: Et similiter de auia & nepte. Sed in his idem continget si Venus de die aut Luna de nocte, filiarum fuerit significatrix. Posita enim alterutra in ascendente figura illa matri filiae nati seruiet: vnde neptis auiae similis erit.

Filij fratrum patrui aut filiae amitis similes erunt, cum genethliaca figura eius, qui vni pater est, alteri frater, eundem habuerit fratris & filij significatorem. Aut non eundem, sed coniunctos licet diuersos. Et hæc semper à natiuitate illius intelligenda sunt.

Cæterum vt ad patris genesis reuertar, dubitabit aliquis quomodo possit fratris significator in ascendente poni cum non sit: Et cum aderit vel iam adfuit loci Planetarum saltem Lunæ sensibiliter sunt mutati: Sed illud contingit quod quemadmodum materia in materia posita est: ita & formæ & causæ nati, & parentis sunt alteræ in alteris posita, absque temporis vlla successione. Manifestum est autem quod cum esset nocturna genitura Saturnus in ascendente poni debuit: quo constituto significatur pater à natiuitate nostra debilis, pauper ob sortem pessimè collocatam, & implicitus. Direxit igitur Lunam, quæ erat aphæta & peruenit in 23. annis ad Solis oppositum: Et ascendens ad quadratum eiusdem: & quia erat senex octuagenarius, mortuus est. Et nisi fuissent radij trigoni Veneris & Mercurij ad ascendens non tam diu distulisset mortem, quia figura est debilis. Et si comparaueris hanc figuram propriæ genituræ parentis inferius sub octaua genitura exponendæ parum videbis varietatis: Nisi quod in illa videbis statum iuuentutis & senectutis, hic tantum senectutis, quia solum temporis quo superuixit post meam natiuitatem. Et ex hoc patet quod figuræ per talem extractionem commutantur in longè melius quandoque aut deterius. Et ideo contingit quod filius clarissimus potest habere patrem ignobilem, & egregius pater filium nebulo-

nem. In hoc considerandum est, quod maiorem longe vim habet primo geniti genesis, inde secundi filij atque ita deinceps. Et si primus pareat non prorsus significatum illius extinguitur, sed manet magna ex parte, ita tamen, vt viuentibus, quoad actiones vitæ cedat, scilicet diuitiarum amicorum itinerum: sed & ad animi lætitiā, tristitiā & etiam morbos: quod ad vitæ longitūdinem tamen primogeniti decreta manent, & quoad gloriam. Qua enim ratione mortis eius signa disposita sine eadem, & vt possit continuari decreta superstitum parentum, aut fratrum, aut filiorum, partita tamen temporum ratione, quemadmodum in propriis singulorum genituris. Vnde primogeniti genesis magna vis vnicuique est ad parentum, & fratrum fortunam declarandam. E quo diutius superstites tamen fu erint, eo maiorem vim etiam seruabunt, ad statum con-

iunctorum indicandum. Alla verò sunt decreta post mortem alia viuentium, vt & in actionibus temporis quoque decursu perpetuò debilitantur.

Et nota quod præceptum Ptolemæi, quo in vna genitura vtitur vigesies toto suo libro ne cogatur repetere: ita vt vna genitura si ritè fiat sit longè maioris laboris, & maior duplo quàm totus liber Ptolemæi. Seruaturn est etiam à me in explicando Ptolemæum, quia licet commentaria sint longè maiora libro Ptolemæi, ita quod totus hic liber cum textu Ptolemæi complet vnum corpus absque repetitione. Vt si quis velit per eum facere genituram, necesse est, vt totum bene perlegerit, intellexerit & mente teneat, aliter milles errabit. Quia vnusquisque textus & commentum seruit in centum locis: Velut doctrina hic de patre, præcepta, figura, modus extrahendi eam, indigent toto hoc libro: Et seruiunt matri, fratribus & filiis, &c.

## TEXTVS XV.

Si verò destiterint seorsim vnicuique peculiaria tempora gubernandorum decretorum tribuemus, priora orientalibus, occidentalibus posteriora. Verum enim verò initio necesse est quæstionis loco conforme esse id, quod efficere possit quidquam circa eum sydus. Alioqui fieri omnino non potest, vt aliquid præstet quod cum principio non conuenit.

Quia quæstio est de Planetis circumdantibus Solem vel Lunam & possunt esse circumdantes commixti, id est, propè: Et tunc id contingit tribus modis explicatis in superiore commento: Vel erunt separati & tunc vnusquisque faciet effectum suum completè, nec vnus impediet alterum: etiam quod sint contrariæ naturæ, sed diuersis temporibus: orientales celeriter, occidentales tardè. Et quia dicit quod operabuntur suo tempore, adiicit si tamen habuerint quod debeant operari, id est, quod non præueniantur ab aliis vt exponit Haly: puta si orientales decernerent mortem, occidentales felicitatem, aut orientales exilium cum paupertate, & occidentales postmodum diuitias. Difficile enim est in senio miserum fieri diuitem.

## TEXTVS XVI.

At sanè temporis quo decreta sese produnt, ratio non ex primaria dominatione pendet, sed ex ea, quæ dominantis stellæ reperitur ad Solem & cardines collocatione.

Docet tempus rerum successurarum parentibus non esse sumendum à Solis statu vel Saturni, sed à dominis loci Solis, vel Saturni in



in genitura patris, gratia exempli, cum fuerint matutini vel vespertini à Sole, vel angulis, vt superius expositum est. Ex hoc exemplo superius posito habes quod genitura certius aliquando habentur à genituræ filiorum, quàm à proprio tempore: quia ascendens sumitur à loco Planetæ, qui tardè mouetur, non tamen possunt esse efficaciores, quamuis sint certiores.

Dico etiam quod hoc caput & tria sequentia capita, scilicet de fratribus, de masculinis, geminis & monstris licet in Ægypto vbi erat Ptolemæus propter propinquitatem ad circulum zodiaci & locum erraticarum magnam habeant efficaciam: In regionibus tamen nostris & quæ plurimum à tropico Cæci distant in nostra medietate parum habent efficaciæ & veritatem quasi vmbrailem: aded vt si quis fidere velit multum, magnos sit commissurus errores. Quod animaduertens Ptolemæus in sequenti capite, admonet de fratribus maximè, quia debilissima significatio est horum, ne artis metam excedamus. Ego verò rursus admoneo, vt neque in his, neque parentibus, neque filiis, neque sexu, neque numero, neque monstris simus in prædicendo animosi. Sed tamen si quid fieri securius potest, licet de parentibus per natiuitates filiorum prædicere & maximè primogeniti & vltimi. Cæterum quod ad sexum, numerum & monstra, id magis ad generationis principium, quam ad natiuitatem prædicere pertinet. Atque, id est, de quo Ptolemæus in initio huius libri nos admonuit.

In anorum autem consideratione erecta patris figura, vt te docuit in fratribus per exemplum de matre docebit, alterum significatorem patris accipies. Magis autem effectæ ætati conuenit Saturnus, cuius conditionem ad stellas considera. De statu verò non Solem, nisi ex parte, sed medium cœli ipso significatore in ascendente constituto, dominumque eius. Vnde in nocturna genitura similior erit auus patri quàm in diurna: cum patri Sol, ano Saturnus præficiatur. Et suas quod genesi, mortui parum aut nihil significat: vt neque de mortuis eorum, qui viuunt.

## CAPVT V.

## TEXTVS XVII.

*De fratribus & sororibus.*

**Q**Uæ ad parentes igitur pertinere videntur ex his, quæ iam dicta sunt manifesta propè sunt. De fratribus verò, si quis & hoc generatim inquirat, nec vltra quàm fieri possit, numerum quoque accuratè & singulatim exploret, conuenientius sanè id acceperit de iis solis, qui eadem

matre geniti sunt, ex eo qui cœli medium occupat significati loco in matris figura, quæ interdum à Venere noctu, à Luna accipitur, cum hic quæstioni de prolibus matris destinatus sit, futurus etiam index eorum, quæ de fratribus oportet. Cum igitur beneficæ cum hoc loco configurantur, amplum fratrum prouentum pronunciabimus, pro ipsarum stellarum multitudine, iudicium instituentes, & vtrum in signis reperiantur vniformibus, an duplicibus. At si maleficæ supra hæc loca attollantur, aut iis opponantur, paucitatem fratrum significant, maximè si & Solem complexæ fuerint. Quæ dissidentia si in angulos cadat maximè horoscopo, Saturnus quidem primogenitos, primouè educandos curat. Mars verò, reliquorum morte fratrum paucitatem adducit. Si largitores fratrum Planetæ sat pulchrè quantum ad mundi situm attinet collocati videntur, splendidos, clarosque promitti existimandum est, si contra humiles & obscuros. Si superant largitores aut ad eos feruntur malefici, breuis etiam vitæ: ac mares quidem ab his, qui masculini sunt pro mundi situ, fœminas à fœmininis. Rursus priores natu, qui orientales sunt, occidentales verò posteriores. Ad hæc si fratrum authores conuenienter configurati sunt Planetæ dominanti signo fratrum, beneuolentiam mutuam, animosque fraternos tribuunt, si parti quoque fortunæ, vitæ, fortunarumque communicationem. Si in signis extiterint nulla necessitudine coniunctis, aut contrarium dictis acciderit, contentiosos & inuidos, atque omnino sibi mutuo insidiantes. Quod reliquum est, si quis de singulis curiosam indagationem instituat, is tanquam horoscopum ponens largitoris Planetæ locum, reliqua non secus ac in genituris perquirat.

Quàm altus sit sensus Ptolemæi, qui non animaduertit non intelliget: mulier si filium debet parere nouem mensibus indiget: Vnde Poëta:


*Matris longa decem tulerunt fastidia menses.*

Propterea valde exiguus est numerus veterinorum, si ad patrimos filios comparentur. Vnde etiam terini Luna vel Venere indigent cum patrimi etiam à Sole & Saturno significantur, quoniam hi nullo labore, sed vno iuctu generantur: aded vt plerique etiam patri



patri ignoti sint. Itaque cum innumeri sint & incerti de illis ars Astronomica esse non potest. Assumit igitur Planetam significatorem matris tempori congruentem tanquam causam quod prolem generet: matris autem proles frater vterinus est aut soror nati. Medium verò cœli quod particeps sit omnium rerum magnarum, quæ nato iunguntur. Porro talem significatorem qui tempori congruit Haiz Arabes vocant.

Iuxta ergo decreta tradita de parentum genesi inuenienda superius, si sit diurna ge-



nitura, ponemus Venerem pro loco ascendens, si nocturna Lunam, & erigemus figuram dodecim domorum ut dictum est, iuxta tui loci tabulas. Exemplum ponamus in octava genitura, quale vides in figura ibi matris, cum Saturnus sit in opposito medij cœli, occidit omnes fratres, tum sorores. Et videbatur quod superesse possit vna filia ex sextili Lunæ, in Capricorno, sed mortua est in peste, & ideo non apparuit iudicij futuri. Vel die quod vndecimus locus non dat filias, sed solus decimus, itaque reducemus figuram illam ad hanc magis explicatam, in qua vides multos significari filios, & filias Lunam, duas filias Iouem, vnum Venerem, & Mercurium singulos & ita fuerunt quinque: & nullus supervixit ob causam dictam.

Si igitur cum significatore Planeta Iupiter aut Venus configurantur, multos natus habebit fratres: Et si ipsi fuerint in bicorporeis duplicabunt numerum: nam qui nullum aut vnum tantum, aut duos habuerit fratres vterinos, artificiosa coniectura deprehendere licet: supra hunc numerum quod plures habeat aut valde multos, dicere sufficit: ne inaniter perscrutando, vanus habearis. Regula enim vna generalis est, mater prolifica in vtero non habens, cum viro prolifico concumbens, hora congruente natiuitati vtriusque per viam progressus signorum in annis, mensibus, diebus & horis, generat, seu concipit. Ex quo patet quod fecunda mulier semel in anno si nihil desit parere potest. Vir autem quingentos cum quingentis mulieribus fecundis oportuno tempore concumbens, vno in anno posset generare. Patrius quidam è Besuntino Senatu novem in vno mense filios habuisse confessus est, dum simul apud Ioannem Casanatum Medicum Hispanum pranderemus. Ab ancillis quatuor, à nutricibus alios totidem, vnum ab vxore. Igitur bicorporea signa multiplicant fratres, non exactè duplicant. Quod si malefica maxime Soli commixta alterum ex lo-

cis damnauerint, natos occidunt fratres: Saturnus & in oriente nati maiores: Si Mars & in occidente minores. Largitores fratrum vocat beneficas, quorum status statum fratrum significat: sicut & malefica quæ exaltantur supra significatores beneficas. Mares & fœminas à situ mundi diiudicabis, tam in significatoribus, quam in impredientibus. Ut orientalis masculos, occidentalis fœminas significet. Nati maiores orientales erga Solem, minores occidentales. Consensus verò illorum habetur, si benefica largitrix cum domino loci matris, id est, Lunæ vel Veneris consenserit: dissensionem si dissenserint: vel etiam sint naturarum diuersarum, nec consenserint. Cohabitabunt si omnes hi cum sorte, id est, fortunæ parte conueniant. Reliqua ex figura habebimus ponendo beneficam, quæ fratres largitur in loco ascendens. Quod si plures fuerint benefica, plures figuras eriges pro diuersis fratribus. Illud observando, quod si dominus ascendens nati, vel ascendens fuerint in opposito, vel quadrato significatoris fratrum, fratres odio natum habebunt. Similiter si fuerit malefica quæ domina loci fratrum, id est, significatoris fuerit & ipsa eleuata super dominum ascendens aut Solem, frater vel fratres natum parupendent. Memento autem quod Mercurius inter beneficas & maleficas collocatur.

## CAPVT VI.

### TEXTVS XVIII.

*De partu masculino & fœminino.*

**P**ost absolutam à nobis de fratribus tractationem, proximum est ea quæ circa genituram consistunt, ac primum masculini, fœminique partus considerationem aggredi. Pendet verò illa non ab vno quopiam & simplici principio, sed ab vtroque luminari & horoscopo ab iisque astris, quæ ad hæc loca rationem aliquam adepta sunt, maxime quidem satus ipsius tempore, planius verò cum fœtus enitendo in lucem editur: omnino autem obseruandum est vtrum tria prædicta loca, iisque dominantes stellæ, vel omnes vel plures masculinæ sint, ad marium, scilicet productionem, quemadmodum ad fœminarum procreationem fœmininæ, atque ita demum pronuntiandum. Masculina verò & fœminina loca, stellarum iudicabimus secundum rationem nobis in Canone tabularum initio huius operis traditam, à signorum in quibus sunt & ipsarum stellarum natura & ab eo quem erga mundi cardines



cardines habent situ. Nam orientales cum sunt, masculascunt: effœminantur occidentales. Præter hæc ex familiaritate quam habent erga Solem. Nam matutini cum sunt, rursus masculascunt: Euirantur autem vespertini. E quibus omnibus vtrius tandē generis superatio sit, coniectare oportet.

Tria obseruare docet pro sexu, Solem, Lunam & ascendens. Et quinque modis hæc tria, dominantescque stellas: Si licet natura Planetæ masculina, vel fœminina eius situ in mundo & erga Solem, orientalia masculina, occidentalia fœminina natura signi & natura stellarum, quæ in eo loco sunt, stellæ Saturni masculinæ, Veneris grãtia exempli fœmininæ, Mercarij vel Saturni, & Veneris ancipites vel neutræ, in quadrante orientali ab horoscopo ad cœli medium, & ab occasu ad inum masculinæ, in aliis fœmininæ erraticæ fiunt. Hæc autem dicit firmiora sunt si generationis tempore considerentur, clariora tempore natiuitatis. Sed tamen quod dixi superius, memoria teneas.

Commen. 6.

## CAPVT VII.

### TEXTVS XIX.

*De partu geminorum.*

**I**N gemellorum quoque plurimum procreatione decernenda, iisdem duobus nimirum luminari vtrique & horoscopo credendum est. Incidere enim solet hic euentus circa commixturas, quando in duobus tribusue his locis duum corporum signa reperiuntur, maximè cum stellæ iis imperitantes eodem spectant, vt quædam in bicorporibus, quædam binæ pluresue vna sitæ sint. Si quando & in bicorporibus fuerint dominantia loca & pluribus stellis configurata, plures duobus nasci contingit, quorum multitudinem à numero significatoris Planetæ colligimus. Genus autem ab astris cum Sole & Luna, & horoscopo configuratis pro masculino aut fœminino partu, quemadmodum ante diximus. Quando verò huiusmodi constitutio vnà cum luminariibus complectitur horoscopi angulum, sed eius loco medij cœli culmen, hæc matres geminos, vt plurimum aut plures concipiunt. Peculiariter tribus quidem maribus donant, vt in Anactorum genitura simul prædictis locis in bicorporibus configurati, Saturnus, Iupiter, Mars. Tribus verò fœmellis in gratiarum genitura Venus & Luna, cum Mercurio effœmi-

Tom. V.

nato. Duos verò mares & fœminam vnā largiuntur in Dioscurorum genitura, Saturnus, Iupiter, Venus, duas fœmellas, vnāque marem: in Cereris, Cores & Dionysij, Venus, Luna, Mars. In quibus ferè accidere solet quod non ad frugem perueniant, quæ nata sunt, quodque non sine insignibus quibusdam corporis notis producantur, & amplius eueniant locis selecta quædā & inopinata, propter illorū casuū veluti euidentiā quandam.

Duo nos docet Ptolemæus & multitudinem filiorum, qui vnā nasci possunt, quorum numerus est incertus, adeo vt Haly sex vnā alias etiam duodecim natos significet: Et numerum eorum qui simul vnā nati, possunt viuere. Atque in hoc melius Ptolemæus ipsis Iurisconsultis sentit, qui nescio quafalsa Hippocratis autoritate decepti, quinque simul natos superuiuere posse existimant. Atque iuxta hanc rationem grandæ mulieri partes ex hæreditate defuncti mariti asseruant. Ita vt si duos filios maritus ex prima vxore reliquerit, filij illi ex hæreditatis fructibus duas tantum partes ex septem partibus accipiant vxor grauida relicta quinque. Quanto simplicius & verius Ptolemæus censet, mulierem non plures tribus, qui supersint parere posse: Quod si plures pariat, omnes moriuntur: quoniam naturæ humanæ conditionem iam mulier præterit. Non memini me legisse apud quenquam fide dignum authorem, quod enixa plures quam tres seruatus sit aliquis. De omnibus certè quod seruiuntur fieri non potest: Quod verò è pluribus vnus vel duo seruiuntur, quamquam non legerim, neque viderim, fieri tamen non posse certò dicere nolim. Hæc de multiplici partu Ptolemæi, atque mea sententia est. Verum de tribus sæpe contingit, vt in Romana historia trigeminorum Curiatorum & Horatorum. Et ego memini me vidisse trigeminos bis: semel quidem tres masculos nobili genere natos Italos: rursus tres puellas Mediolanenses nuper natas sub aduentu Cæsaris.

De causa verò horum dicit Ptolemæus: sumitur à Sole, Luna, atque ascendente: Velut in præcedenti capitulo, & fuerint duo saltem ex his cum dispositioribus in bicorporeis signis, vel duo ex his, & dispositores in eodem signo vnā iuncti, quamuis non in bicorporeo, erunt duo qui nascentur. Quod si præter id duobus significatoribus, omnibusque dispositioribus in bicorporeis positus, alij Planetæ dispositioribus commisceantur, erunt plures quam duo. Quod si loco ascendentis medium cœli in bicorporeo sit, eiusque dominus, tantundem refert, quantum si ascendens esset cum suo domino, partus erit multiplex nihilominus. Dico multum confert in his matrum consuetudinem agnoscere, quæ plures parere soleant. Id trifariam fit vel sensu cognita matre, quæ multos aliquando peperit: vel habita genitura matris:

Z

vel



Cap. 6.

vel cum in filiorum genitura medium cœli atque eius dominus in b corporeo signo fuerint. Ex quo colligitur quod decima domus aliquam cum matre significationem habet iuxta Ptolemæum. Ex quo quidam inum cœli patri etiam tribuunt, sed falsò: neque enim statim sequitur si decima matri conveniat, quod quarta quæ sub terra est conveniat patri. Neque decimam nisi hoc verbo & in hac causa Ptolemæus matri tribuit, id est, in filiorum numero. Vtunque sit, cum de matre tractavit ubi locus erat, medijs cœli, nullo modo penitus meminit. Decima igitur domus filiorum erit significatrix, quod etiam in quarto libro docet. Caterum vt ad propositum reuertar sexus illorum cognoscitur ex præcedenti capitulo ubi de sexu agitur, non autem ex capite de fratribus: quia gemini & trigemini plus habent aliquid quam simpliciter fratres, sed quasi vnus sunt natus, tum ob similitudinem corporum & morum, & quod plerique ex his eisdem affectibus in eisdem ferme temporibus subiiciantur, quod sæpe observatum est. Habent gemelli quod caui sunt dorso, osque sacrum intus retrahitur, quod præcipuum signum est illos dignoscendi, sicut & septimestres quod ungues habeant imperfectos cutimque haud expolitam. Quod verò dixit de trigeminis masculis subiici Saturno, Ioui & Marti Anaëtorum fratrum exemplo quorum duo cum essent pessimi referentes naturam Saturni & Martis, tertius erat optimus, Iouialisque. Tres verò cum fuerint fœminæ sub Venere, Mercurio & Luna natæ erunt, probatque exemplo trigeminarum gratiarum, quæ vno partu editæ suauissimis moribus & formosissimo corpore fuerunt: ideoque nomen gratiarum meruere. Si verò duo masculi atque vna fœmina nascantur, Saturnus & Iupiter & Venus dominabuntur, exemplo Dioscurorum id est, Castoris & Pollucis, & Helenæ, quorum Castor fuit optimus, Pollux pessimus vir, Helena formosissima: hi tres vno partu editi à Latona retulerunt naturam Saturni, Iouis & Veneris. Si verò ex trigeminis duæ sint fœminæ, tertius masculus: vt Dionysius, Ceres, & Cores, vno partu editi, masculus Marti subiicietur, fœminarum altera Veneri, altera Lunæ: Nam Dionysius egregius fuit Dux, quique Indiam subegit: Ceres autem pulchra: Cores laboriosa. Quod verò aliter distribui non possint si viuere debeant, manifestum est de tribus masculis, atque tribus fœminis. De duabus verò fœminis & masculino id contingit, quia Mars natura proximior est Veneri & Lunæ, quam Saturnus vel Iupiter. Est enim Mars velocior motu & nocturnus. De duobus verò masculis, & vna fœmina accipere oportet Saturnum & Iouem, tanquam robustissimos si viuere debeant, qui difficillimè viuunt: Venus verò similior est Saturno & Ioui, quam Luna, quia tardior motu. Et quanquam sic etiam nascantur, qui supersunt vel omnino non adolescunt omnes, vel non sine insignibus quibusdam corporis notis, aut statim post natiuitatem quædam rara & inopinata illis eueniunt,

propter nimiam permissionem, atque vt ita dicam confusionem Planetarum. Et præcipue vt bene dicit Haly, quia in natiuitatibus trium masculorum prædominantur duæ maleficæ, in natiuitatibus autem trium fœminarum humida qualitas vincit, & calor imbecillus est. In cæteris est repugnantia: in duobus masculis & fœmina, Saturni & Veneris: frigiditasque multum prædominatur in duabus fœminis & masculino, Mars, Lunæ regnat. Itaque rarò viuunt etiam qui sic trigemini nascuntur. Plus tamen facit repugnantia ad interitum, quam exuperantia qualitatum: Vnde qui diuerso simul sexu nascuntur, seu duo fuerint, seu tres, rariùs viuunt omnes, quam si omnes fuerint simul masculi vel simul fœminæ.

## CAPVT VIII.

## TEXTVS XX.

*De Monstris.*

NEQUE à prædictis alienus est, qui de monstris sermo instituitur. Primum enim in huiusmodi lumina quidem ab angulis decidentia, & horoscopo nulla familiaritate coniuncta, anguli verò ipsi à maleficis occupati reperiuntur. Cum igitur talis quædam occurrit constitutio, quandoquidem illa sæpenumerò etiam in abiectis & infelicibus licet neutiquam monstrosis genituris incidit, è uestigio inspicere oportet præter lapsam proximè coniunctionem, aut oppositionem luminarium, eiusque & genituræ gubernatorem. Si enim genituræ eorum, Lunæque & horoscopi loca, vel vniuersa, vel complura nulla necessitudine cohærent, cum prædictæ coniunctionis aut oppositionis loco, id quod nascitur contortum & inuolutum esse significatur. Si igitur his sic habentibus luminaria in quadrupedibus, aut feralibus signis inueniuntur, quoque angulis insidentes Planetæ malefici non humanum esse portenditur quod procreatum est. Si beneficorum nullus seu maleficorum quispiam luminaribus testificetur, prorsus ab humana forma alienum, & quod ferarum agrestem, maleficamque naturam referat. Si Iupiter aut Venus animantium diis consecratorum vt canum, felium, simiarum & id genus reliquorum. Si Mercurius, vsui humano deuotum, vt auium, porcorum, caprarum, bouum & his similibus. Si in humanis signis luminaria deprehensa sunt,

reliquis



reliquis sic habentibus, humana sunt quoque, quæ generantur monstra, formaque peculiarem in modum perplexa, cuius ratio & modus ex signorum formis colligitur, in quibus quæ luminaria & centra occupaerunt maleficæ stellæ deprehenduntur. Si igitur & sic nullus beneficorum testificetur alicui prædictorum locorum muti fœtus producuntur, & re vera monstrosi. Si Iupiter aut Venus in honore & in pretio habebitur, quicquid fuerit portentis cuiusmodi quiddam circa Hermaphroditas, & quos Harpocratiacos dicimus, alioque eius generis contingere solet. Si & Mercurius præter hæc oraculorum & somniorum interpretes creat, & qui hinc victum quarerent, solus vero mutos & surdos, ingeniosos tamen & vafros.


Declarat nobis monstrorum natiuitates, quæ ut dixi magis pendent à generatione, quam à natiuitate: quia tamen natiuitas est similis generationi, idè & natiuitates indicant monstra. Quod verò dicit Ptolemæus, est natiuitates monstrorum similes esse his, qui non nutriuntur. Monstra enim rarissime nutriuntur: Si tamen nutriantur (quia formam habeant humanam) rarissime viuunt: quædam tamen viuunt, quæ parum à natura humana sunt permutata. Velut dicit Haly vidisse quosdam natos sine pedibus, alios sine manibus, quosdam sine auribus: audiuisse de alio qui nullam habebat membrum præter duo foramina vnum per quod fuggebat cibum, aliud per quod mittebat excrementa: Et quod diuinabat multa nutu illa significans. Et de his sunt Hermaphroditi Græce (Androgini Latine) & Harpocratiaci, id est, optimorum raptor. Androgini quidem ab initio mari mergebantur Romana lege aruspicum, post cœpere in delitiis haberi, quod utroque sexu luxuria nephariorum simul potiri viderentur. Tales igitur quibus Iupiter & Venus, & Mercurius fauent viuunt: ob idque diuinant quoniam extincta luce luminarium, vis Iouis, Mercurij & Veneris magis relucet. Si igitur monstra esse debent Solis & Lunæ, vim extinguere necesse est: Et maleficas dominari in angulis. At si hæc contigerint mori necesse est, nisi à Ioue, & Venere, & Mercurio adiuentur. Sed his dominantibus & maleficis in angulis constitutis, necesse est eos malorum esse morum, qui sic nati sunt: Et futurorum diuinares. Aliqui etiam præsentium quos Harpocratiacos Haly existima appellari, id est, tales quibus res repente veræ in mentem veniunt, statimque proferunt. Velut narrat ipse de quodam Aegyptiano cui in mentem venit Regem Concini mortuum esse, dixitque & inuentum est ea hora illum Regem mortuum fuisse. Et narrat de quodam Porphyrio viro Aegyptio maximo

Tom. V.

Mago & præcantatore, qui res faciebat admirabiles, dicitque has artes notas fuisse in Cina Indiæ regione, quæ nunc notissima est Lusitanorum navigatione: Et ita est. Inde aduehitur radix, quæ Cina vocatur: alij vocant Chinam.

His visis Ptolemæus duodocet, primum formam natiuitatis monstrorum, quæ constat in tribus rebus: prima quod luminaria cadant ab angulis nulla familiaritate iuncta horoscopo, id est, in duodecimo vel sexto loco: poterit & adijci octauus, & tertius. Secunda ut maleficæ sint in angulis & maxime ascendente & medio cœli. Tertia ut dominus loci coniunctionis vel oppositionis præcedentis natiuitatem, neque ascendenti, neque loco Lunæ, neque domino genituræ aliqua familiaritate iungatur, tunc erit monstrum. Quod si beneficæ non testificentur erit abiectum: si verò auxilientur erit in honore, ubi forma humana constiterit. Formam verò seu humanam, seu aliam præstabunt, signa in quibus erunt luminaria, & hoc est secundum. Quod verò dicit (mutos & surdos) legi potest iuxta Arabes mutos, & sine dentibus vtraque lectio verò bene habet.

Ut verò clarissimum huius rei & monstri habeatur exemplum, subiicio hanc genituram. Natum est in Anglia dum ibi essem in villa vocata Mioletonstori VIIII. M. passum distante ab inclyta Academia Oxoniensi, fuitque post humum. Pater vocabatur Ioannes Kemmer. Ita enim Anglicè scribitur. Erant duæ puellæ ad vmbilicū commissæ, quæ in vnum coierant quasi recta altera alteri inserta, venter ventri, dorsum dorso, vnus vmbilicus, vna vulua, vnus anus, qui inter crura sinistra, atque nates positus erat. Itaque sinistra crura locum suum seruabant: Velut cum pueri sedentes collidunt. Dextra verò crus & pes alter alteri commixtus in vnum coire. Itaque pes ille nouem habuit digitos. Primus duobus diebus lac suggere noluerunt à matre ob partus laborem, nutriti lacte vaccæ, tertia suxerunt à matre, dormiebat quandoque altera, reliqua vigilante, quod ab vmbilico supra vnaquæque sua membra seorsum retineret.



Itaque vixit vna ad decimamoctauam Augusti, reliqua ad 19. Longitudo pollicum 20. latitudo autem 6. Hoc igitur fuit monstrum & genitum, & post humum, & quod non vixit

Z 2 licet



licet fuerit nutritum. Causa Geminorum fuit ascendens bicorporeum & dominus eius commixtus alteri. Quod monstrum fuerit, facit Luna cum nodo & Iupiter dominus trigoni coniunctionis cum nodo, & Sol in sextili Marti, ex longa ascensione secundum signa & locum, (nora bene) & in angulo, & Saturnus eleuatus super omnes Planetas, ad cuius oppositum tendit Sol. Idem etiam parum debuit viuere hoc monstrum. Præterea Mars qui damnat, & est in angulo ascendens & Mercurius ascendentis dominus, erant in capitibus & nodis suis. Idem satis promptè de vitis compositionis pronunciare poteris cum significatores ac malefica nodis iuncti sunt.

## CAPVT IX.

## TEXTVS XXI.

*De his qui non nutriuntur.*

**C**Um reliquum sit ex iis, quæ circa ipsam genituram spectantur, de his qui non nutriuntur dicere intelligere oportet, hanc quæstionem interdum annexam esse illi, quæ de vitæ spatio agit, est enim vtriusque quod quæritur idem genus, aliquando separatam esse, eò quod ipsius inuestigationis vis diuersa sit. Viuendi enim spatium in iis consideratur, qui tempus aliquod tulerunt, hoc est, non minoribus vna Solis circuitione. Tempus enim propriè hoc vnus anni accipitur, potentia verò etiam minus est illo, menses videlicet, ac dies, & horæ, sed quæ de illis, qui non nutriuntur suscipitur quæstio, in eos tantum cadit qui ob malitiæ abundantiam minoribus temporibus decedunt. Vnde illa quidem magis variam habet pertractationem, hæc verò simpliciore.


Hucusque præter tractationem de parentibus licet sint gloriosa Astrologo, non tamen adeò vtilia sunt, neque tamen ipsa tractatio de parentibus vel fratribus adeò firma est, vt de propriis effectibus à genitura sumptis. Nam monstra, sexus & numerus sensu dignoscuntur, idem non indiget, vt quærantur certa incertis modis ab Astrologo: nec etiam talia sunt, per se, sed solum vt natiuitas assimilatur genituræ, quæ causa est talium effectuum. Hoc verò quod hic docetur maxime quæri solet, & adeò efficaciter, vt cum ego implicitus aliis negotiis quibusdam nolens satisfacere perpetuas incurrerim inimicitias, eorum qui putant magistratum, aut diuicias illos dignos efficere, vt qui virtute præditi sint illis inseruire debeant: quod videant illam turbam nebalonum Astro-

logorum, tum etiam aliorum artificum, qui sine scientia, sine iudicio, sine diligentia, sine labore, plenos falsis opinionibus ac fabulis vtrò se illorum in seruitutemingere. Hic itaque præter tractationem de parentibus & de fratribus incipit solida natiuitatum explicatio atque vtilissima, cuius initium est ab his qui non viuunt. Dicit ergo Ptolemæus ij qui non viuunt duorum sunt generum, quidam enim non accipiunt nutrimentum: sed statim moriuntur antequam lac sugant, quorum tractatio est simplicissima, quia vnus sunt tantum modi: alij verò sunt qui nutriuntur, non tamen dicuntur viuere, quia non pertranseunt primum annum. Et tales sunt multorum modorum, quidam enim viuunt per aliquot horas, sed non implent diem, quidam per aliquot dies, sed non implent mensem, quidam per aliquot menses, sed non implent annum. Igitur viuere dicuntur solum infantes, qui annum excedunt.

## TEXTVS XXII.

Omnino igitur si in angulis sit alterum luminarium & vnus maleficorum illi congregiatur siue etiam opponatur, idque partiliter & secundum figuram æquicruriam, nullo beneficorum interim affulgente, & gubernator luminarium in maleficorum locis detineatur, ali non poterit quod natum est.

Exponit tres casus in quibus natus non nutritur: quorum primus est quod luminare sit in angulo, & malefica in illius coniunctione, aut oppositione pergradum & in figura æquicruria, id est, quod in coniunctione latitudo sit eadem & in oppositione Solis sit in Ecliptica, & in oppositione Lunæ habeat contrariam latitudinem. Vtpote quod si Luna sit in decimo gradu Arietis cum tribus gradibus latitudinis Borealis, Saturnus vel Mars sit in decimo gradu



Libræ, cum tribus gradibus latitudinis Australis, tunc enim malefica & Luna, & locus ecliptica, malefica & Lunæ facient duos triangulos æquicrurio & æquales, quorum vnum latus erit quarta eclipticæ, aliud erit quarta circuli magni transeuntis per centra Lunæ & maleficæ: Et hæc est figura æquicruria, prout in figura vides. Aliter posset dici æquicruria, quando latitudo ex eadem



eadem parte æqualis esset, quia arcus à polis zodiaci sunt æquales. Deinde oportet quod nulla benefica respiciat aliquem illorum, scilicet nec luminare nec maleficam: & quod luminarium dispositor sit in locis maleficorum & ita sunt quinque conditiones. Prima luminaria in angulo, secunda malefica in gradu illius vel opposito, tertia latitudo eadem in coniunctione contraria in oppositione, quarta quod benefica non adsit quinta dispositor luminarium, vel dispositores in locis maleficarum. Causa autem huius est, quoniam homo non potest vivere cum tam magno infortunio vnius luminaris: at infortunium non potest esse tam magnum in luminari, nisi malefica sit in angulo: sed malefica non potest esse in angulo opposita, vel coniuncta luminari per gradum nisi luminare & ipsum sit in angulo, quare ut tam graue sit infortunium necesse est; ut luminare sit in angulo. Et manifestum est quod quanto erit proximus lineæ finitoris tanto erit certius. Secundus casus est hic.

## TEXTVS XXIII.

Ad hæc non superuiuet natus, & si non iuxta figuram æquicruriam hoc accidit, sed è propinquo applicant maleficorum radij ad luminum loca, duæque maleficæ, vel alteri, vel vtrique noceant, aut secundum successionem, aut oppositionem partiliter alteri luminari altera, aut si vna quidem ex opposito, altera successione obsit, minimè diuturnum erit quod producitur, cum prauitatis magnitudo demoliatur quicquid ad vitæ diuturnitatem succedentis maleficæ distantia facere videbatur. Insigniter verò obest per successionem, ut Soli Mars, ita Lunæ Saturnus, contra per oppositionem, aut eleuationem Soli Saturnus maximè incommodat, Mars Lunæ, potissimum si eadem possident cum gubernatoribus luminarium & horoscopi loca.

Si non iuxta longitudinem eandem, id est, non per gradum aut non per latitudinem noceant, sed ex propinquo tantum, ita tamen ut secundum eundem gradum malefica, succedat eidem luminari oppositione vel coniunctione, aut si vnum luminare offendat malefica ex eodem gradu, reliqua malefica succedat reliquo luminari, sint verò luminaria, in angulis tunc & reliqua, quæ dicta sunt de beneficiis & dispositore luminarium non nutrietur infans: quoniam interualli auxilium tollunt radij maleficæ alterius. Docet autem quod in successione Mars est deterior Soli interficiens propter nimiam caliditatem, & Saturnus succedens Lunæ propter frigiditatem, Contra in oppositione quia maior sit à contrarietate actio

Tom. V.

Mars, Lunæ, & Saturni Soli. Idem in eleuatione, id est, cum superiores euadunt maleficæ luminaribus, & maximè si possideant hæc maleficæ loca eadem, id est, iuncta sint gubernatoribus luminarium & horoscopi.

## TEXTVS XXIV.

Si verò duæ accidant oppositiones luminarium in angulis agentium, & maleficorum secundum figuram æquicruriam mortuus, aut semiuiuus infans educitur.

Hic est tertius casus quando vtrunque luminare in angulis fuerit in opposito maleficarum in figura æquicruria, hoc est, in eodem gradu secundum longitudinem & oppositæ latitudinis, tunc infans extraheatur semi-mortuus potius quàm semiuiuus. Idem continget vbi vna malefica opponatur vtrique per figuram æquicruriam luminari: cum luminaria in eadem parte iuncta in angulo fuerint. Vel si malefica iungatur per gradum in longitudine & latitudine; alteri verò opponatur per figuram æquicruriam: maximè si Mars Soli iungatur & opponatur Lunæ, aut Saturnus iungatur Lunæ, & opponatur Soli, omnes hi casus à Ptolemæo intelliguntur. Sed quia in his quinque casibus semper quinque conditiones præsupponuntur, idè cum inter illas vna sit quod benefica nulla se interponat, subiungit.

## TEXTVS XXV.

His ita constitutis si defluere luminaria contingat ab aliquo benefico- rum, aut aliqui illi configurati, ita ut radij in partes præcedentes iaciantur, superuiuet infans pro numero partium interiectarum interluminare & radios malefici proximè, totidem videlicet mensibus, vel diebus, vel horis etiam, pro magnitudine prauitatis & maleficarum stellarum vi.

Cum igitur luminaria non exquisitè tetigerint maleficas, sed aliquot partibus distiterint, ita quod benefica aliqua fuerit ante ipsum luminare, vel radios proiecerit ante ipsum luminare, tunc infans poterit vivere tot horis, vel diebus, vel mensibus, quot fuerint partes inter luminare & maleficam, vel eius radios oppositos. Et causa est quia luminare sit tanto robustius propter beneficam, ut non statim moriatur infans. Et hoc de horis, vel diebus & mensibus contingit secundum robur maleficæ, quæ est post luminare & alterius, quæ reliquo luminari coniungitur vel opponitur. Similiter inspicendum est robur beneficæ, & quàm propinqua sit ipsi luminari, tantò enim plus viuet. Remota enim benefica dabit horas, tangens luminare menses, propinqua dies. Et similiter malefica valde potes & coniuncta,

Z 3 &amp;



& quod benefica iuuet horas tantum dabit, debilis menses, mediocri dies. Quod si uolueris partus violenti exemplum habere, habes primam genituram in fine libri: Nam Rex hic natus est matre pereunte, extractusque ab utero.

### TEXTVS XXVI.

Verum enimuero si maleficarum radij ad præcedentia feruntur loca, beneficarum ad sequentia, quod in lucem editum est conualescet ac uiuet.

Expedita parte in commento præcedenti atque textu eorum, qui nutriuntur sed non uiuunt, antea uero eorum qui neque uiuunt, nec nutriuntur, in hoc præsentis textu, qui est tertiæ partis principalis huius capitis initium tractat de his qui uiuunt & nutriuntur, sed tamen infelicitate nutriuntur: quales referunt historiæ Romulum & Remum, & Oedipum, & alios infinitos, qui nunc deferuntur ad loca quæ uocant hospitalia: olim incerti infantes feris deuorandi exponerentur, quæ uerissima historia est. Abrogata fuit consuetudo tam impia propter Romulum & Remum (ut dixi expositos) à Romanis. Plures uero etiam sponte ægrè uiuunt. Hi omnes sunt quibus luminare est in angulo, & malefici corpus aut radij ante luminare, benefici autem post Gratia exempli ascendat prima pars Arietis atque in ea Mars: Sol uero in secunda parte: Jupiter uero in tertia parte Sagittarij, trigono respicit partem sequentem Solis, tunc talis infans patietur nascendo, sed tamen superuiuet.

### TEXTVS XXVII.

Ac rursus si quidem maleficæ supra configuratas in genitali constitutione beneuolas stellas euehantur, uiuet in pœnam & subiectionem, si contra hæ extollantur supra illas expositum aliis parentibus subiicietur. At si beneficorum quispiam vel cooritur, vel applicat Lunæ: maleficorum uero occidit aliquis, ab ipsis parentibus in libertatem redditum, filiorum loco enutrietur.

Nunc proponit, quinam bene tractabuntur, & qui male: habet autem duplicem sensum: primus est, quod postquam si debet nutriri, oportet ut benefica extollatur, seu sit posterior malefica, vel quod eadem malefica sit potentior eadem benefica, quia in dignitatibus suis: Et ita benefica potentior, quia malefica sit in dignitatibus beneficæ: Et hic est primus sensus. Secundus est quod alia malefica sit potentior, vel debilius reliqua benefica, quæ non est cum luminari: Et hoc etiam consonat: Sed ex his colligitur. Tertius sensus uerior quod utraque benefica, utriusque maleficæ comparetur

secundum quatuor modos eleuationis iam dictos. Et si vincant beneficæ recipietur ab aliis pro filio & enutrietur, tamen erit seruus. Si uero maleficæ nutrietur in pœnam & seruitutem non pro filio, sed ut catuli proiecti. Et hic mos antiquis erat notissimus: nunc propter legem Christianam omnia quoquomodo mitiora facta sunt: Ideo interpretanda sunt hæc iuxta proportionem eorum, qui ab hospitalibus educandi sumuntur. Si igitur inquit ex istis, qui pro filiis nutriuntur malefica occidat & benefica oriatur, vel Luna illi applicet, nunc educabitur uerè pro filio, vel filia instructus disciplinis & bene uestitus. Et ego memini me uidisse quendam sumptum ab hospitali educandum, qui creuit & factus est hæres domini in magnam hæreditatem, & dum ego essem puer uidi illum diuitem equitantem superbe per urbem nostram. Alium scio qui educatur uxore decipiente maritum, vel etiam marito conscio & decipiente consanguineos in maximam hæreditatem, cum sit filius pauperulæ mulieris & miseræ.

### TEXTVS XXVIII.

Eodem modo in plurimum genituris utendum est. Si quidem ad occasum deuoluitur quodpiam eorum, quæ duobus pluribusue modis configurantur astrorum seminiuum est & mutilum, & carnis ueluti frustum id quod producit. Ac si supra illud euehantur maleficæ nutriri non poterit, & diuturnum non erit ob id quod procreatum est.

Postquam docuit de uno tantum nato, hic declarat de pluribus, qui nascuntur. Et quia cum plures nascuntur, facilius est ut moriantur. Ideo ne quis crederet, ne in geminis ac trigeminis magis quod requirantur illæ quinque conditiones, docet quod duæ sufficiunt ad hoc ut moriatur, nam si astrorum unum quæ ascendenti & duobus luminaribus imperitant, quodque necesse est alteri luminarium configurari si debeant esse gemelli, vel plures ut supra uisum est, fuerit in occidente, quod nascetur erit oblatum ac seminiuum. Quod si præter id etiam malefica super eundem Planetam eleuetur, quod nascitur non nutrietur. Et ita in geminis pauci seruantur & ægrè, in trigeminis rarius & difficiliter, in pluribus autem aut omnino nunquam, aut uix unquam, ut supra dictum est.

## CAPVT X.

### TEXTVS XXIX.

*De uita spatio.*

**I**Nter ea quæ secundum genituram leueniunt, primo loco de uitæ diuturnitate



turnitate differendum erit. Quandoquidem veterum de more ridiculum est singillatim ad illum omnia futura referre, qui ad horum tempora vitam prorogare non potest. Neque verò simpliciter, neque leuiter huius rei consideratio instituitur, sed à præcipuorum locorum domino multipliciter captanda est. Est autem maxime nobis, naturæque conueniens hic modus, omnino enim pendet ex apheticorum locorum, iisque dominantium deprehensione amplius locorum & astrorum interimentium. Diudicatur igitur horū vnumquodque hoc pacto

Quia iam tractauit de his, qui non nutriuntur, nunc tractat de iis, qui nutriuntur: Et de diuturnitate vitæ illorum, quia frustra quereretur de coniugio, & filiis, & qualitate illorum, in eo, qui moriturus sit in pueritia, absurdus verò scriberetur hæc quod antiqui faciebant ridiculosè satis. Veluti si quis scribat hic natus ducet uxorem in senio formosam & diuitem, quia Venus est occidentalis iuncta Ioui in vtriusque dignitate, habebitque prolem pulcherrimam. Et ita de diuitiis, de amicis, de magistratu comparando in senio, deinde vltimo subiungat (post longa scripta perplexa dubia qualia solent facere Astrologi nostri temporis plena contradictionibus & obscuritate) quod morietur in prima iuuenta, non ne strenuè hic nebulo suâ declarabit stultitiam. Ptolemæus igitur docet quod primo querenda est quantitas vitæ, deinde adiciendi casus, qui intra terminum illum vitæ continentur, cæteri omnes relinquendi. Quomodo autem debeat longitudo vitæ præseiri docet ex tribus, loco Apherico, id est, ab ἀφῆρ, quod est dimissio, & illius dominis, & tertio Anæreticis, id est, interficientibus, ab ἀνὰ ρῆτις, quod est occido, ἀνὰ ρῆτις occisor. Sic dicti etiam Aphætæ quasi dimissio, vt ex loco intelligatur afflatu quodam dimitti, quasi linea, quæ vitam mensuret, vt à Parcís olim antiqui fabulantur, Cloto, Lachesi, interficiens erat Atropos. Latine excursor propriè, quoniam ἀφῆρ, vt dixi, solum in bonam partem trahitur. Promissor autem in vtramque partem malus & bonus, & ex malis qui occidit ἀνὰ ρῆτις dicitur, & quanquam fingatur ἀφῆρ, exurere, tamquam è carcere liberatus, vnde etiam Erymum traxit Græcè nihilominus promissor ad Aphetam fertur, vt aliàs dixi. Et tamen Aphæta cum superuenit effectum producit, vt natus emergat aut obruatur.

## CAPVT XI.

## TEXTVS XXX.

## De locis Apheticis.

Primum sanè existimandum est esse Aphetica loca, in quibus omnino reperiri necesse est eum, qui velit vitæ gubernandæ iurisdictione potiri, vt circa horoscopum à quinque partibus, prius supra finitorem emergentibus vsque ad 25. reliquas succedentes, & qui has tricenas dextris hexagonis radiis contingit, qui boni dæmonis locus dicitur, & qui tetragonis nimirum cœli supra terram fastigium, & qui trigonis qui Deus appellatur, & qui oppositis is nimirum, qui in occasum prouoluitur, Præfertur cæteris cœli culmen, proximè qui circa ortum est, deinde qui cœli fastigio succedit, post qui circa occasum existit, tandem qui medium cœlum præcedit. Omne enim quod subterraneum est meritò posthabendum est, in præclara adeo imperij genere, eo tantum excepto, quod cum horoscopo in lucem prodit. Ex iis etiam, quæ supra terram exant, neque illum locum, qui nullo familiaritatis vinculo cum ascendente cohereret accipere conuenit, qui Argos, id est, piger Græcis dicitur, neque eum, qui prius exortus erat, qui mali dæmonis appellatur, quoniam astorum ibi commorantium in terram effluxus cum etiam ab angulo præcipitetur, turbat ac veluti abolet, quæ ex terræ humoribus nascitur fumosa tenebricositas, qua de causa suis neque coloribus, neque magnitudinibus apparent. Deinde Aphetas, siue vitæ gubernatores, accipere oportet non quosuis, sed præcipua genituræ loca, Solis nimirum & Lunæ, horoscopum, partē fortunæ, & horū gubernatores.

Tria proponit: primum qui possint esse vitæ gubernatores, & sunt quinque qui esse possunt, Sol, Luna, Ascendens, pars fortunæ, & dominus horum locorum. Secundum, sunt loca in quibus positi Aphætæ possunt decernere vitam: Et sunt quinque per ordinem: primus est medium cœli, secundus est ascendens, tertius est vndecima domus seu locus bonæ fortunæ, quartus est septima domus, quintus & vltimus qui omnibus est debilior est nona domus, quam Deum vocat. In his igitur si inueniatur vnus ex



illius quinque significatoribus erit Apheta, id est, decernet annos vitæ & robur eius: reliquæ septem domus sunt inutiles. Manifestum est igitur quod poterunt esse plures Aphetæ simul, & plerunque contingit, ut in prima, & secunda, & tertia, & quarta genituris, quandoque vnus tantum, licet raro in his qui adolefcunt. Tertium est mensura domus, & pro exemplo capiamus decimam: dicit Ptolemæus quod illa tenet quinque gradus ante initium, & viginti quinque post initium, & intelligit de gradibus æquinoctialis. Veluti gratia exempli, in octaua genitura medium cœli habet rectam ascensionem partium 289. minutorum 57. volo scire, vbi vigesima quinta pars finiatur. Scio quod quilibet quinque gradus occupant tertiam horæ partem, igitur vigesimus quintus gradus æquinoctialis distat hora vna, & duabus tertijs à cœli medio. Quære igitur gradum prope quartam partem Aquarij inuentam per regulam trium, dicendo, si triginta gradus æquinoctialis, qui sunt inter decimam & vndecimam faciunt decem nouē ex eclyptica, quid facient viginquinque æquinoctialis. & facient quindecim ex eclyptica, quia medio cœli numerati finiuntur in quartam partem Aquarij. Huius igitur horaria tempora sunt vndecim & duæ tertiæ: duc in horam vnā & duas tertias, & sunt partes decemnouem, minua 26. adde ad partes 289. mi. 47. sunt partes 309. mi. 13. quibus respondent partes septem Aquarij quod conuenit. Conuerso modo procedendo inuenies septimam partem Aquarij, iuxta Ptolemæi sententiam distare à medio cœli partibus viginti quinque æquinoctialibus. Quamuis parum differret ab hoc iuxta Monteregij tabulas. Eodem quoque modo faciemus vbi voluerimus inuenire viginti quinque gradus vndecimæ: nam vigesimus quintus gradus illius domus distat horis tribus, & duabus tertijs, ab angulo medijs cœli. Et ita in quinque gradibus anterioribus. Raro etiam accidit, ut Apheta sit circa finem domus, ita quod oporteat uti hac supputatione. Sed ego eam apposui ut necessariam ad sciendum quocunque anno quisque Apheta perueniat. Nam eodem modo ad vnguem operari licet.

Notandum quod decima domus extenditur vsque ad vndecimam, & vndecima vsque ad duodecimam, scilicet per triginta gradus æquinoctialis. Verum Ptolemæus non vult, quod illi quinque gradus vltimi licet habeant vim, attamen habeant eam tam magnam, ut significator vitæ ibi possit dare vitam & esse Apheta.

Notandum secundo quod vbi domus idonea succedit domui idoneæ, illi quinque gradus vltimi non sunt auferendi: quia licet non sint boni ratione domus cuius sunt pars, sunt tamen boni ratione domus sequentis. Exemplum, quinque gradus vltimi nonæ, licet non sint boni pro nona, sunt tamen boni, quia sunt pars decimæ domus sequentis. Et quinque gradus vltimi decimæ, licet non sint boni pro decima, sunt boni pro vndecima domo quæ sequitur. Et ita possumus

considerare nonam & decimam absque deductione illorum quinque graduum. Solum ergo erunt detrahendi à prima, septima, & vndecima, quia domus quæ has sequuntur, quæ sunt secunda, octaua & duodecima non sunt Apheticæ.

Notandum quod Ptolemæus præfert decimam horoscopo in causa vitæ Dorotheus horoscopum. Vtrumque prauum est discrimen in hoc, nam vbi ambo oportebit eligere validiorem iuxta ordinem quem subiiciet: raro enim admodum accidet ut sint exquisitæ partes viribus, & vnus in decimo loco alter in horoscopo, & tunc eligemus etiam vtrumque, & etiam videbimus cui magis faueat experimentum: aded ut hæc difficultas parum incommodi sit allatura: sed quia dixerat partem fortunæ, seu sortem esse vnum ex locis Apheticis, illam docet in capite sequenti inuenire.

## CAPVT XII.

### TEXTVS XXXI.


*De Sortie siue Parie fortunæ.*

**F**ortunæ quidem partem colligimus vbique nocte, non secus ac die, ex numero partium interceptarum inter Solem & Lunam, si totidem partes ab ascendente signo iuxta signorum consecutionem abiiciamus, quo tunc sanè euaserit supputatio, eam signi partem, eumque locum dicimus, fortunæ sortem continere, ut quam rationem siue configurationem habet Sol ad orientalem finitoris partem, eam habeat & Luna ad partem fortunæ, & sit veluti Lunaris quidem horoscopus. Verum & illud videre oportet vtrum luminum altero magis in consequentia feratur. Nam si Luna, numerum partium ab horoscopo reliciendarum pro sorte fortunæ habenda, relicere veluti consequentia signa versus oportet. Si verò in præcedentia magis Sole fetur Luna, versus præcedentia.

Intendit quod debemus detrahere locum Solis à loco Lunæ, & quod relinquitur de signis, gradibus & minutis addere ascendenti, & vbi cadit est locus partis fortunæ. Exemplum in quarta genitura locus Solis est signa tria, gradus tres, minuta 52. locus lunæ est signa signa 0. gradus 18. minuta 9. detraho signa 3. gradus signis 3. 52. ex 0. gradibus 18. minutis 9. addita vna reuolutione integra, id est, signis 12. quia aliter deductio fieri nequit, relinquuntur signa 9. gradus 14. minuta 17. quibus addo signa 7. gradus 26. pro ascendente & sunt signa 17. gradus 10. minuta 17. Et quia excedunt



cedunt vnam reuolutionem abiicio illam, id est, 12. signa & relinquuntur signa quinque partes decem, minuta 17. quæ si numerentur ab initio Arietis finiuntur in partibus 10. minutis 17. Virginis: Et ibi est pars fortunæ quartæ genituræ. Dicit igitur Ptolemæus quod quantum distat Sol ab ascendente, tantum Luna à parte fortunæ. Et similiter si Luna est à coniunctione ad oppositionem tunc Luna sequitur Solem, & pars fortunæ semper erit sub terra, & sequetur ascendens: quod si Luna transferit oppositionem ipsa antecedit Solem, & ita pars fortunæ antecedit ascendens, & erit semper supra terram. Causa igitur huius est hæc



sit Sol in A, Luna in B, & ducta fuerit A C. linea à Sole ad ascendens, & à Luna B D æqualis A C, tunc erit ex monstratis in tertio elementorum Euclidis arcus B D æqualis A C detracto communi A D relinquetur A B, æqualis C D. Cum igitur addiderimus differentiam Lunæ à Sole ascendenti confurget locus Sortis, qui est locus ubi radius Lunæ à Sole refractus æqualis radio eius quo ascendens illuminat reflectitur. Sors igitur fit addita distantia Lunæ à Sole ipsi ascendenti. Hæc igitur est ratio Sortis, quæ in aliis Planetis non tenet, quoniam non sunt luminaria, & non reflectunt lumen Solis.

Verum & illud videre oportet (Hunc locum melius esset sic legere: Verum & illud animaduertere decet vtrum luminum, altero magis in consequentia feratur, quia si Luna numerum partium pro Sorte habenda ab horoscopo in consequentia reicere oportet. Si verò Sol in in procedentia & sensus est clarus, ante oppositionem, partes inter Solem & Lunam adiiciendæ sunt horoscopo: post oppositionem pars inter Lunam & Solem sunt auferendæ ab horoscopo, ne cogatur plus semicirculo addere, quia luminaria nunquam possunt plus distare semicirculo. Et ideo cum res reducat ad idem melius fuisset illa verba non apponere. Et forsitan non sunt Ptolemæi.

### CAPVT XIII. TEXTVS XXXII.

*Quos eligere conueniat vitæ  
gubernatores.*

**P**Ræferendus sanè est in diurnis genituris Sol si in Apheticis locis

expertus fuerit, si minus Luna, si neque hæc, illi qui plura obtinent ad dominandum suffragia & Solis loco, & proximè elapsæ coniunctioni ac horoscopo, hoc est cum suffragiorum quinque genera sunt, is qui tria ad vnum horum locorum aut plura possidet. Postremo si neque hoc usu venit, horoscopum præferimus. Noctu verò quidem Lunam consulimus, deinde Solem, postqui maiorem habet suffragiorum copiam ad Lunæ locum moderandum, præcedentis quoque oppositionis ac partis fortunæ, si minus, si coniunctio luminarium præcesserit, horoscopum accipimus, at si oppositio, partem fortunæ. Si neque hoc licebit horoscopus vitæ transigendæ præerit. Si verò & ambo luminaria & propriæ conditionis gubernator in locis Apheticis fuerint, id quod maioris dominij fuerit seligendum est. Tunc demum gubernatorem vtrisque luminibus anteferimus, quando honorificentiores occupat locum & ad vtrasque conditiones gubernandi haber.

Tres facit ordines, primum de die præferendo Solem si in loco fuerit Aphetico, ex quinque domibus dictis superius & pari conditione semper intelligas: inde Lunam si Sol aptus non fuerit: inde si Luna apta non est, gubernatorem accipiemus, qui tres ex quinque dignitatibus habuerit in tribus locis, scilicet loco Solis, loco coniunctionis præcedentis, & loco ascendens: & sit gubernator ille in loco Aphetico: Et si h'c aptus non est relinquetur ascendens. Secundus ordo est, in nocte accipiemus primo Lunam si erit in loco Aphetico, & si non, Solem si fuerit in illis viginti quinque gradus, qui sequuntur ascendens, si non, accipiemus gubernatorem, qui habeat tres ex quinque dignitatibus in tribus locis, scilicet loco Lunæ, loco oppositionis luminarium præcedentis natiuitatem, & loco partis fortunæ, si talis gubernator fuerit in loco Aphetico: Quod si non, si coniunctio præcessit natiuitatem accipies ascendens, quia Sol fauet ascendenti: si oppositio, accipe partem fortunæ, si sit in loco Aphetico: si non, accipe rursus ascendens. Tertius ordo est quod si sint tres principales Aphetæ, scilicet Sol & Luna, & gubernator locorum prædictorum in locis Apheticis, tunc præpones ex Sole & Luna illum, qui fuerit potentior: Gratia exempli, si de die Luna sit in decima, & Sol sit in nona, præpones Lunam Soli, & si Luna esset in decima, & Sol in vndecima, tunc erunt fermè pares, præpone igitur illum ex his, qui fuerit in maiore dignitate: quod si parua fuerit differentia, vide si cui illorum dominus loci coniungatur, vel cum benigno aspectu respiciat: Similiter si de nocte Luna esset



esset in nona, vel in septima, præferes Solem illi, si sit in ascendente, & maximè si fuerit iuxta gradum ascendentis, vel in dignitate sua, dum modo sit intra viginti quinque gradus dictos. Et in his casibus indigemus magna coniectura & indicio bono: & maximè, quia ut dixi Apheta, quantumcunque potens cum cadit ab altero, nullam retinet vim, nisi sit ascendens: quia est quasi quadam mutatio & non communis administratio. Gubernator verò debet præferri luminaribus quando duas habuerit conditiones: prima quod ipse fuerit in meliore loco Aphetico quàm luminaria: secunda quod habeat tres ex quinque dignitatibus, in loco Solis & coniunctionis præcedentis natiuitatem & ascendentis: & item tres alias in tribus aliis Locis, scilicet Lunæ & loco oppositionis luminarium præcedentis natiuitatem & loco partis fortunæ. Et tunc dicitur gubernator vtriusque temporis, sicut in natiuitate mea est Mercurius. Est enim dominus domus & altitudinis loci coniunctionis, & primus dominus trigoni Solis: Et rursus dominus domus & altitudinis loci oppositionis: Et dominus primus trigoni partis fortunæ. Tam coniunctio enim quàm oppositio præcedens natiuitatem meam fuit facta in Virgine, & locus Solis, & partis fortunæ fuit in Libra.

Dubitat explanator, quia in aliqua genitura nocturna in qua præcessit oppositio, ubi moderator, & pars fortunæ essent sub terra, posset deesse locus Apheticus. Respondet quod si præcessit coniunctio in nocturna genesi, ascendens pro Apheta non deest: si oppositio Sors necessario cadit noctu: super terram igitur erit Apheta. Non enim indiget certa domo, ut nec horoscopus cum sit ascendens Lunæ.

Circa hæc notanda sunt tria: Primum quod iam dictum est, sed repeto ob vehementem vtilitatem, scilicet quod per quinque dignitates intelligit domum altitudinem, duplicem trigoni dominum, & finem ac configurationem, ut supra dixit. Secundum, quod si in natiuitate diurna præcedat oppositio luminarium proximior, tamen debemus accipere locum coniunctionis, quia Sol est potentior Luna. Et similiter in nocturna, quàmvis coniunctio sit proximior natiuitati oppositione, debemus accipere locum oppositionis, quia Luna fauet oppositioni cum in coniunctione nullam habeat potestatem. Et hoc non tamen ausus fuisset dicere, nisi colligeretur à Ptolemæo in textu. Tertium quod locus oppositionis etiam in hoc casu est locus luminaris, quod invenitur supra terram tempore ipsius oppositionis, & hoc est, quia Sol propter suam magnam potentiam non patitur sibi eripi priuilegium suum, quod est quod in diurna oppositione, nisi sit in gradu occidentis, locus eius debet præferri loco Lunæ.

Arabes significatorem vitæ adesse necessarium existimant, nec sufficere solū Aphetam. Vocant autem hunc significatorem Alocodes. Cum verò eligunt qui potestatem aliquam habent in loco Aphetæ, ipsum respiciat: Innituntur autem septem rationibus.

Prima est, quod non deceat naturalis vitæ terminos esse fortuitos: sed si sumantur ab Aphetæ solum directione erunt fortuitæ, quia ab incurfu cum Anæreta. Præterea quod multi euadunt à concursu Aphetæ, cum Anæreta, & ita videtur incerta mortis ratio hoc modo: Contra alij ante incurfum pereunt. Posset etiam aliquis viuere annis prope 225. posita prima parte Leonis ascendente, sub altitudine poli partium 60. & benefica respiciente, primum abscissionis locum: frigidissimis etiam regionibus plus viuerent, quam temperatis, quod & rationi philosophorum & experimento repugnat. Ptolemæus quoque in capite de finibus commemorat numerum annorum maiorum, qui quorsum essent, si nulli vsui essent viles. Nec vlli vsui viles esse possunt, nisi vitæ decretis ac termino. Præterea cum videamus & familias quasdam non excedere certum vitæ spacium, ut de quibusdam vicecomitibus, qui quinquagesimum annum non attingunt. Verum Ptolemæus innixus est firmissimis experimentis ac rationi. Igitur ad primam dicimus & naturalem vitam finem habere fortuitum. Naturali morte pereunt solum cum Apheta ad suum quadratum peruenierit: atque hic est vltimus vitæ naturalis terminus in vnaquaque regione. Ad secundum non concordant processus nec ingressus, ut suo loco ostenderit. Ad tertium qui debilem Aphetam & naturaliter etiam debiles ex finium malorum concursu cum processibus, ex Antisciiis (commune, hoc est nomen intuentibus, & imperantibus ac obedientibus.) Ex occurfu fixarum maleficarum vel in eadem longitudine, vel etiam in eodem circulo positionis, si ex familia aut gente valde brevis vitæ sint pereunt. Quod etiam vltimo argumento satis facit. Ad quartum fieri potest, legiturque de duobus quodam Ioanne de temporibus & alio. Cum autem tot sint necessaria vix nisi in multis seculis contingit. Ad quintum verum est ratione Periodi non roboris naturæ. Quo fit à lenitoribus Anæretis intercepti minus iuuant, quàm qui intemperata habitant regione. Quod si temperata iuxta Polos posset inueniri, ut de Hiperboreis fabulantur argumentum concluderet. Ad sextum assumpsit hoc Ptolemæus ad confirmandam rationem finium, quam intendebat. Nam & ex falso verum sequitur: licet autem ad hominem sermonem habenti. Præterea numerus ille in Saturno satisfecit, ei reuolutionum numero quem vocauit Ptolemæus restitutionem. In Ioue restitutionis Martis, quod malefica esset & maior numerum dederunt. Marti autem inæqualitatis solum Iouis facta commutatione. Sed non addito numero reuolutionum quod malefica esset, quasi res hominum voluntate agatur, non Dei imperio illum fraudarunt. Ut in capite de finibus visum est. Sed ut ad rem reuertar, quod decepit Arabes, est quoniam si dominus Aphetæ potens locum ipsum præcipue bono aspectu aspiciat Aphetam robustiorem reddit: atque idem etiam vitam & robustiorem, & longiorem præstat, quod nec Ptolemæus, nec nos negauerimus, modo non res ad certum numerum



merum annorum traducatur, Sed ad id quod Anaretas facile sibi occurrentes possit superare, aut non superare. Hoc autem & ipse iubet circumspicit in capite sequenti.

## CAPVT XIV.

## TEXTVS XXXIII.

*Quanam sint vitæ moderandæ rationes.*

**C**um vitæ moderandæ principes indicauerimus, amplius quoque moderationis duos esse modos intelligamus, eum qui consequentia signa versus instituitur, quàm actinobiliam, id est, radiorum proiectum dicimus, quando in orientalibus locis, nimirum à cœli culmine, & ascendente interceptis, vitæ gubernator inuentus fuerit, & eum qui non solum consequentia versus, sed & in præcedentia signa peragitur, quam horinæam dicunt, cū in locis à culmine declinantibus reperitur.

Duos statuit dirigendi modos, alterum, qui fit dum significator vitæ fuerit à medio cœli vsque ad finem primæ domus, qui est secundum ordinem signorum, & secundum ascensiones ipsius Aphetæ. Et in hac locus Anareta ducitur ad locum Aphetæ, secundum consequentiam signorum. Secundus modus est, quando significator fuerit inter cor cœli, & septimum locum, velut in genitura primogeniti mei, in qua Luna est Apheta, & tunc fit duplex directio, dicit Ptolemæus, vna quæ est eadem cum prima dicta, & est secundum successionem signorum ipsius Anaretæ, ad ipsam Aphetam secundum ascensionem Aphetæ. Et ita hæc directio est generalis omnibus Aphetis, ubicunque constituti sint ab angulo occidentis, vsque ad finem primæ domus, sed tamen discrimen est, quod à medio cœlo vsque ad finem, primæ domus directio fit, secundum ascensionem Aphetæ, ab occidente autem vsque ad medium cœli iuxta descensiones Aphetæ, quæ sunt æquales ascensionibus arcus oppositi. Secunda verò directio est propria significatori constituto inter decimam & septimam. Et hoc fit contra successionem signorum, quia Apheta ducitur ad Anaretam secundum ascensiones ipsius Anaretæ. Exemplum in figura primogeniti nostra Luna Apheta deducitur, ad occidens per descensiones ipsius occidentis: Et idem in primo quadriennio fuit in periculo mortis & relictus, quasi mortuus.

## TEXTVS XXXIV.

His ita constitutis interemptoriæ sunt partes secundum eam, quæ ver-

sus præcedentia signa fit, moderationem occidentalis finitoris: sola eo quod dominum vitæ labefacter.

Docet in conuersa directione esse tantum vnum Anaretam, id est, occidentalis angulum. Et hoc est, proprium illi secundum: nam primum fuit, vt Apheta dirigeretur ad Anaretam, per descensiones Anaretæ, id est, occidentis non igitur Saturnus aut Mars, vel alia stella ante Aphetam posita occidere potest. Nunc subiicit tertium proprium quod est.

## TEXTVS XXXV.

Sydera verò occurrentium aut testificantium partes adimunt, vel adiiciunt annos, iis qui à vitæ moderatore colligebantur, vsque ad occasum illius & non interimunt quod non in locum Apheticum hæc impingant, sed contra. Ac adiiciunt sanè benefici, malefici adimunt. Mercurius vti solet, eorum se attemperat moribus, cum quibus corpore, vel radiis committitur.

Sydera igitur aut radij interpositi inter locum Apheticum, & occidentem non occidunt, quia dicit talia non impingunt in locum Apheticum, id est non mouentur versus locum Apheticum, sed potius Apheta ad Anaretam. Ex quo patet illud, quod alias dixi in Ephemeridum supplemento, scilicet quod in directione directa Anareta deducitur ad Apheticum locum, non autem Apheta ad Anaretam. Qui locus est, vt dixi in Aphete in nono orbe fixus. Anaretæ autem mobilis ascendensque ad Apheticum locum secundum signorum successionem. Veluti in tertia genitura ascendens est locus Apheticus: septima quod Aquarij est leuis Anareta, septima Piscium est Anareta potens: dicemus non quod ascendens: perueniat ad septimam partem Aquarij in annis 40. vel ad septimam Piscium in annis 57. sed quod septima Aquarij, & septima Piscium in dictis temporibus perueniat ad ascendens. Dicit ergo Ptolemæus quod radij vel Planetæ, qui sunt ante Aphetam in occidente non occidunt, sed si fuerint benefici, addunt annos, menses & dies, retardando descensum Aphetæ ad gradum occidentis. Et si fuerint malefici detrahunt annos, menses & dies, accelerando descensum Aphetæ ad gradum occidentis. Quantum autem addant, vel minuant, declarat in sequenti textu dicens.

## TEXTVS XXXVI.

Numerus autem temporis adiecti ablatiue colligitur ex partium vniuscuiusque situ. Quot. n. fuerint horaria tempora vnicuiusque partis interdiu diurna, nocturna noctu, tot significantur



ficantur anni, qui sanè numerus cum in ortu fuerit, integer seruandus est, & secundum discessus ab ortu proportionem attenuandus, donec ad occasum in nihilum abeat.

Vbi paulò, tempestiuor esset tertia figura Luna fuisset Apheta: quia fuisset in gradibus ante nonam, qui pro nona accipiuntur. Sic igitur ita ut Luna sit Apheta, quandoquidem in exemplis non curamus de veritate, sed claritate dicendorum. Vides igitur quod radij intercidunt, inter Lunam & gradum occidentis, primum quidem trigoni Saturni, qui nihil addunt, neque minuunt, quia sunt radij amici maleficæ: Velut neque sexiles Martis: Rursus neque radij Solis, Veneris aut Mercurij, quia omnes sunt naturæ mediæ, & etiam quia quantum adiment radij quadrati, tantum adiciunt trigoni: cum ambo cadant inter Lunam & occidentem. En vides iam octo radios, qui tamen nihil faciunt interciderè inter Lunam & gradum occidentis. Relinquuntur ergo soli radij sexiles Iouis qui addunt, quantum verò addant exemplo docendum est, nisi enim exemplo docuerimus in re difficillima nihil peragetur. Dicit igitur cape partem horariam loci Iouis nocturnam, non quia natiuitas nocturna sit, sed quia Planeta cuius sunt radij, id est, Iupiter est sub terra: Si autem esset supra terram, caperes partem horariam diurnam. Hanc igitur sic habebis in tabula quantitatis dierum, quæ maximè necessaria est huic negotio, sub altitudine poli quadraginta octo graduum, inuenies arcum semidiurnum tertiæ decimæ partis geminorum, horum septem, minutorum quadraginta nouem, cuius residuum ad duodecim, est arcus seminocturnus, scilicet horarum quatuor, minutorum vndecim, qui quæritur, hanc multiplica per duo cum dimidio (Et est ac si reduces horas in minuta multiplicando per 60. & diuidendo per 24. productum ex sex horis, qui est numerus arcus semidiurni, vel seminocturni quatuor numerum minutorum horæ, in quibus vnus gradus ascendit (& sunt gradus 10. minuta 28. Et hæc sunt horaria tempora. Vide igitur quantum Iuppiter distet à gradu occidentis & patet ex modo, qui inferius tradetur, quod distat fermè per horam, Multiplica igitur numerum horarum distantiae, id est, 1. in gradus 10. minuta 30. sunt rursus gradus 10. min. 30. diuide per 12. semper 1. numerum horarum temporalium arcus nocturni si Planeta, qui radios proicit sit sub terra, vel diurni sit supra terram & exhibunt minuta 53. vnus gradus: quibus dando quinque minuta pro quolibet mense fient menses decem, dies decem octo addendi temporis directionis Lunæ ad gradum occidentis.

Nota quod horaria tempora variantur trifariam, ratione puncti eclypticæ, quia Virginis sunt, longiora Libræ, media Scorpionis breuiora. Secundus est ratione regionum, quia horæ temporales initij Geminorum in

nostra regione continent vnā horam æqualem & quatuordecim minuta: Londini autem horam vnā æqualem & 21. mi. Tertius modus est diurnæ & nocturnæ quia hora temporalis initij Geminorum diurna continet, vt dixi horam vnā, & quatuordecim minuta ex æqualibus: nocturna verò initij Geminorum solum continet minuta 46. horæ æqualis: Horaria igitur tempora vocantur numerus graduum æquinoctialis & minutorum, qui ascendunt in quacunque hora temporali. Arcus autem diurnus seu tempus diurnum alicuius puncti est, tempus in quo ascendit arcus contentus inter illum punctum, & oppositum secundum successionem signorum. Veluti arcus diurnus seu tempus diurnum initij Cancræ est, tempus in quo ascendunt Cancræ, Leo, Virgo, Libræ, Scorpio, Sagittarius. Nocturnum verò tempus seu nocturnus arcus dicitur, in quo ascendit arcus interceptus inter punctum illum. Velut arcus nocturnus quintadecimæ partis Cancræ est, in quo ascendit arcus contentus inter quintadecimam partem Cancræ, secundum successionem signorum, id est vltimi quindecim gradus Capricorni totus Aquarius, Pisces, Aries, Taurus, Gemini, & primi quindecim gradus Cancræ. Horum igitur arcum duodecima pars est, idem quod tempora horaria illius ascendentis, quæ tamen quocunque transgrediatur punctum illud, nomen retinent apud Ptolemæum. Ex quo patet quod si arcus diurnus, seu tempus diurnum alicuius puncti est prolixum, quod signa, quæ succedunt illi puncto tardè ascendunt, & reliqua quæ antecedunt illum punctum iuxta ordinem signorum celeriter ascendunt. Quod si tempus diurnum fuerit breue, erit contrario modo. Similiter si nocturnum fuerit breue, erit sicut de diurno longo: & si nocturnum fuerit longum, erit sicut de diurno breui.

Igitur cum hæc sit radix totius artis atque in ea sub obscurè locutus sit Ptolemæus, conandum est eruere illius veram opinionem quam vt venemur quatuor supponere oportet: primum quod velit directiones fieri, per semicirculos positionis, à Monteregio dictos, qui per communem interiectionem Horizontis & Meridiani ducuntur, hoc igitur expresse dicit. Secundum est quod distantiam loci à Meridiano vocat, arcum æquinoctij interiacentem Meridianum regionis, & Meridianum dictum per punctum eclypticæ & hoc etiam fatetur, & explicat Regiomontanus. Tercium est quod præsupponit posito initio Arietis in Ascendente vel occidente, quod ipsum semper distet sex horis à meridiano, quia anguli tantum inter se distant. Quod si exemplum fuisset de alio puncto significatoris, quam initio Arietis & Libræ, vbi eclyptica tangit æquinoctialem, nulla nobis relicta fuisset difficultas, sed quia exempla sunt de hoc puncto laboramus, vt possit quadrupliciter hora temporalis distantiae intelligi ascensio recta, & maximè, quia tantum tempus correspondet motui per punctum medij cæli, velut idem dicit, descendit in arcus ab initio Arietis, ad

Problem.  
16.

decimam



decimam octauam Tauri, ad vnguem in tribus horis. Sed sic intelligendo non descendet occasum vsque in sex horis quodlibet punctum: Sed gratia exempli initium Tauri in horis 6. mi. 46. idem modus ille non congruit, & vt breuiter dicam modus Ptolemæi conuenit, cum circulis positionis & etiam satisfacit parti horariæ sumendæ, & distantia à cœli medio, & est vnus ac simplicissimus, nec est vt sumas horaria tempora ascendentis, nam in quarto exemplo posita part. 18. Tauri in cœli medio ascenderet sub altitudine poli, part. 31. Ægyptj, scilicet pars 22. Leonis cuius horaria tempora ibidem sunt, par. 26. min. 15. igitur 45. par. distantia rectæ non perficerent tres horas temporales, sicut dicit in littera.

Propterea dico quod modus vnus est, & simplex quem ostendam infra in Tabula, accipe arcum semidiurnum præcursoris seu significatoris, & differentiam rectam eiusdem à cœli medio, & quota pars erit differentia illa arcus semidiurni tota pars erit distantia præcursoris à cœli medio sex horarum, & eam detrahe à sex horis, si præcursor fuerit inter horoscopum, & cœli medium, aut adde sex horis, si præcursor fuerit inter cœli medium & occasum, & quod fiet, erit distantia ab ascendente pro addenda portione, aut detrahenda annorum. Velut volo scire quantum Luna distet horis temporalibus ab ascendente, & à cœli medio in octaua generis arcus diurnus 12. partis Piscium est, part. 166. min. 14. igitur semidiurnus est, par. 83. mi. 7. Distantia recta Lunæ à cœli medio est, par. 53. mi. 23. Capiò dimidium & est par. 41. min. 33. relinquuntur, par. 11. min. 50. Capiò quartam partem par. 41. mi. 33. & sunt par. 10. mi. 23. supersunt igitur par. 1. mi. 27. Capiò rursus octauam partem, par. 10. minut. 23. quæ est par. 1. mi. 18. & adhuc supersunt mi. 9. quæ sunt ferme nona pars, par. 1. min. 18. iunctæ hæ omnes partes conficiunt, par. 53. min. 43. distantia rectæ Lunæ à cœli medio. Sumo ergo dimidium sex horarum & sunt horæ tres: harum sumo quartam partem & sunt min. 45. Horum sumo octauam partem, quæ est mi. 5. sec. 37. Horum demum sumo nonam partem, scilicet sec. 37. & iungo si-

|                               |
|-------------------------------|
| Par. 83. min. 7.              |
| Dimid. Par. 41. min. 33.      |
| Quar. Par. 10. min. 23.       |
| Oct. part. 1. min. 18.        |
| Non. Par. 0. min. 9.          |
| Par. 53. min. 23.             |
| Dim. Hor. 3. min. 0.          |
| Quar. Hor. 0. min. 45.        |
| Oct. Hor. 0. min. 5. sec. 37. |
| Non. Hor. 0. min. 0. sec. 37. |
| Hor. 3. min. 51.              |

mul omnia, habeo tandem distantia à cœli medio hor. 3. mi. 51. Hanc seruo, similiter detraho ex horis sex, quia Luna est inter horoscopum & cœli medium, & relinquuntur hor. 2. mi. 9. proportionem addenda, vel minuenda, vbi opus esset simili prorsus modo operareris, vbi præcursor esset inter cœli medium & occidens.

Vt ergo ad Ptolemæi operationem deuenia-

Tom. V.

mus in dirigendo seruat regulam similiter generalem, ducit enim semper horas temporales distantia loci antecedentis, seu præcursoris, seu Aphætæ, aut significatoris à cœli medio in horaria tempora promissoris, & quod conflatum, tum detrahit ex differentia rectæ ascensionis promissoris à cœli medio, vbi vterque scilicet præcursor & promissor, sunt in parte à cœli medio ad cœli inum per horoscopum: aut detrahit illam promissoris à cœli medio, ab hoc conflatu vbi vterque fuerit à cœli medio, ad cœli inum in parte occidentis. Et hoc est quod tacuit & residuum est numerus partium directionis. Vel iungit simul vt in quarto exemplo vbi significator fuerit occidua, vltra cœli medium, & promissor in orientali ante cœli medium. Exemplum volo dirigere Lunā ad Iouem horaria tempora Iouis, id est, quartæ partis Tauri (suppono enim quæ dicta sūt in octaua generis) sunt par. 17. min. 8. duco in xor. 3. mi. 51. Et vt facilius agas duc per hor. 4. sunt par. 68. mi. 32. deinde habes 9. min. detrahenda: & idem pro 4. mi. detrahes quintam decimam partem par. 17. mi. 8. & sunt par. 1. mi. 8. sec. 30. & pro aliis 4. mi. horæ tantundem, & pro mi. vno, quod superest quartam partem par. 1. mi. 8. & est mi. 17. iunge fient par. 2. mi. 34. quæ auferto à par. 68. mi. 32. relinquuntur par. 65. mi. 58. auferas igitur has à differentia recta Iouis & medijs cœli, quæ est par. 101. mi. 26. relinquuntur par. 35. mi. 28.

|                          |
|--------------------------|
| Par. 17. min. 8.         |
| Hor. 3. min. 51.         |
| Par. 68. min. 32.        |
| Par. 1. min. 8. sec. 30. |
| Par. 1. min. 8. sec. 40. |
| Par. 0. min. 17.         |
| Par. 2. min. 34.         |
| Par. 65. min. 58.        |
| Par. 101. min. 26.       |
| Par. 35. min. 28.        |

Modus autem Moteregij est huiusmodi per circulū positionis. Accipe primū declinationē loci præcursoris ex tabula generali declinationū, & differentia ascensionis rectæ à cœli medio loci, eiusdem in tabula ascensionū rectarū inde ingredi tabulā positionū sub altitudine poli Borealis, ad altitudinē tuæ regionis, & à sinistra quære numerū declinationis tui loci inlinea descēdēte, si locus datus est infra terrā, & declinatio Borealis, vel supra terrā & declinatio Australis, aut in linea ascēdēte (sūt enim duplicata tabulæ sub quacunque altitudine poli,) si locus est supra terrā cū Boreali declinatione, aut infra terrā cū Australi, & supra inuenies eleuationē poli supra circulū positionis. Et si adsint minuta quæres cum quadruplici comparatione, vt habeas eleuationē illā exactā ad minut. vsque qua habita diriges, ad illū significatōre omnes promissores per ascēssiones obliquas, illius altitudinis inuētæ, perinde ac tuus significator esset in horizōte regionis, quæ talē haberet altitudinem. Exēplū volo scire, quantum eleuetur polus Borealis supra Lunæ circulū positionis, in priore exemplo supposita altitudine poli Borealis, par. 44. min. 20. inuenio illius declinationem absque latitudine, par. 7. minut. 46. Distantiam autem ascensionis rectæ à cœli medio

A a par. 53.



par. 53. mi. 43. Et quia Luna est supra terram & declinatio Australis, quæro in linea descendente à sinistra par. 7. & à dextra à directo eius par. 53. mi. 23. cum quadruplici introitu & in superiore parte tabulæ elevationem poli maiorem, quàm 40. partium in sexta parte vnius partis. Vt sit par. 40. mi. 10. Dirigo ergo omnes significantes ad Lunam per tabulam ascensionum obliquarum, par. 40. mi. 10. altitudinis poli & perueniet ad Iouem, gratia exempli, in par. 33. m. 7. Quare hic modus non videtur ad vnguem esse idem cum illo Ptolemæi.

Modus tamen Ptolemæi vt dixi est, facilis in operando, & clarus, & habet evidentem rationem. Sumpto enim puncto vtpote Luna in duodecima parte Piscium, si constituitur in ascendente palam est, quod in medio cœli erit, par. 11. Sagittarij: igitur ascensio recta illius loci est, par. 260. mi. 12. Cum verò eò peruenit 12. par. Piscium: tunc ibi erit pars æquinoctij, quæ illi correspondet ex recta ascensione, par. 343. mi. 15. igitur dum duodecima pars Piscium, ascendit ab horoscopo ad cœli medium, ascendunt ex æquinoctij circulo par. 83. mi. 13. quæ sunt differentia. Cum ergo Luna gratia exempli est, in aliquo situ ita quod medium cœli sit 19. pars Capricorni palam est, quod tunc est etiam ibi pars ex æquinoctij circulo ei correspondens puta pars 321. mi. 27. igitur iam ascenderunt ad cœli medium, par. 61. mi. 15. Cum ergo par. 61. mi. 15. sint gratia exempli, totius ascensus ab horoscopo ad cœli medium, qui est par. 83. mi. ferme tres, quartæ partes, igitur Luna peragra ab horoscopo ad eum locum quartam partem, semicirculi sui diurni, id est, vnam horam cum dimidia: ergo non oportet ad inueniendas horas temporales distantia loci à cœli medio querere horaria tempora, nec ascendentis, tum nec promissoris, sed significatoris, seu potius arcum semidiurnum, & distantiam eiusdem loci per ascensionem rectam à cœli medio.

Quia tamen alia est ratio loci, alia directionum, & partis adiiciendæ, vel adimendæ, idè pro constitutione domorum antiquo more (& quia diuisio illa est facta iuxta motum naturalem, scilicet per circulos transeuntes per polos mundi, quorum motu variantur ipse domus) obseruandum primo est quod idem est, si addideris ascensioni rectæ medij cœli sexcuplum temporum horariorum ascendentis, & totius ascensionis, tanquam rectæ sumpseris punctum eclyptica correspondens in tabula ascensionum rectarum. Id enim punctum erit ascendens: Vel si partes 90. id est, sexcuplum horariorum temporum æqualium, addideris ascensioni rectæ medij cœli & totius, tanquam obliquæ ascensionis inueneris punctum eclypticæ in tua regione, illi respondeas. Nam id erit ascendens propositum, idè commutantur & hoc supra declaratum est. Ex quo etiam præter quod medium cœli tantum distat per ascensiones ab oriente, quantum per descensiones ab occasu.

Vt ergo habeas hanc rationem antiquo

modo collocandi signiferi in circulis horizonti correspondentibus: diuide distantiam rectam à cœli medio significatoris per horaria tempora ascendentis, & quod exit est numerus horarum & minutorum distantia tertij modi. Velut volo distantiam Lunæ in octaua genesi à cœli medio, distantia à cœli medio recta, est par. 53. mi. 23. quam diuido per horaria tempora ascendentis, quæ fuerunt par. 17. mi. 22. exeunt horæ tres mi. quinque & ita Luna est quasi in medio vndecimæ domus, & vitæ significatrix, & hoc magis respondet experimento, quàm quod sit in duodecima iuxta circulos positionis ob causas duas dictas, scilicet motum cœli & regionis nostræ distantiam à signifero. Et si velis distantiam Lunæ ab ascendente, detrahe horas tres, minuta quinque à sex horis, relinquuntur hor. 2. mi. 55. distantia quæsitæ. Et similiter si voluero distantiam, Saturni ab ascendente in eadem genesi, accipio descensionem rectam puncti oppositi eius, quæ est partium 160. mi. 42. quàm minuo ab ascensione recta medij cœli relinquitur, part. 29. mi. 3. quæ diuido per horaria tempora occidentis, quia est in parte occidentali, & sunt par. 13. mi. 40. prodeunt hor. 2. min. 17. distantia à meridiano, quare ab occidente subtrahit hor. 2. mi. 17. ab horis sex distabit hor. 3. mi. 43. idem habebis si ascensionem rectam Saturni dempseris ab ascensione imi cœli relinquentur par. 29. mi. 3. quæ diuisa per par. 13. mi. 40. horaria tempora nocturna ascendentis, quia Saturnus est sub terra prodeunt, hor. 2. mi. 17. vt prius & distantia ab horosc. hor. 3. mi. 43. In quarto modo perages ad vnguem, vt in 3. diuidendo per horaria tempora significatoris, diurna nocturna orientalia, occidentalia loco horoscopi.

### TEXTVS XXXVII.

Secundum eam quæ in sequentia signa fit moderationem interficiunt loca maleficorum Saturni & Martis, siue corpore ipso, siue radiis vndelibet tetragonis, aut oppositis occurrant.

Perfecta expositione conuersæ directionis nunc aggreditur directam & exponit, quæ omnino occidant per se, licet nec illa tamen semper, & sunt sex, Saturni corpus & Saturni oppositum, Martis corpus, & Martis oppositum, & Saturni & Martis quadrata. Deinde subiungit etiam de quibusdam, quæ non per se interimunt generaliter.

### TEXTVS XXXVIII.

Aliquando verò è signis dicto eorum audientibus, aut aspicientibus secundum æquipollentiam: Tetragonus quoque Aphetico loco radius interimit, si est iuxta signorum consecutionem. Aliquando è signis longarum ascensionum iam deprauatus hexagonus, quemadmodum è signo breuium ascensionum trigonus.

Docet



Docet modo Anæretas qui non per se occidunt generaliter, sed tantum cum aliqua conditione, & sunt nouem. Primus & validior ex his est radius quadratus sinister ipsius Aphetæ, id est, qui procedit secundum successionem signorum. Cuius exemplum visum est in genitura Pauli tertij Pontificis satis manifeste. Nam in Scotia & Anglia ubi ascendat initium Aquarij, sitque Aphetæ, radij quadrati sinistri cadunt in initium Tauri, quod deductum ad ascendens ad illud peruenit anno 40. in nostra verò regione in anno 52. Ne forsan credas longissimè hanc directionem semper protrahi: Causa huius est locorum natura contraria. Quodque iam ab initio repugnabant hi loci, vt etiam de inuentibus ac imperantibus locis dicemus. Vnde manifestum est quod si trigonus malefica quadrato ab initio Aphetam respicientis occurrerit, Aphetæ, certius interimet ipso quadrato per se. Et similiter trigonus opposito aspicientis Aphetam maleficæ. Et rursus sextilis quadrato respicientis.

Demum dicit quod trigoni etiam maleficarum quando fuerint per signa breuium ascensionum, vtpote quod Saturnus sit in Geminis, & trigonus eius cadat in Aquarium tunc poterit interficere. Sic etiam ex Cancro in Pisces: Velut si Saturnus sit in sextadecima parte Piscium, radij trigoni eius cadent in sextadecimam partem Cancræ. Et ita cum in nostra regione differentia ascensionum sextadecimæ partis Cancræ, & sextadecimæ partis Piscium sit nonaginta partes ex æquinoctiali, talis trigonus æquipollebit quadrato iuxta motum primi mobilis, & ex consequenti occidet. Ex quo patet quod intelligit de trigono cuius, ascensiones sint nonaginta gradus, Similiter & de hexagono, qui amplectatur arcum quadrati, sed hoc non potest accidere in nostris regionibus, multo minus Ptolemæi, sed in Germania frequenter.

Ex his sequitur primo quod Ptolemæus accipit aspectus Planetarum ex consimili gradu & minuto, in consimilem gradum & minutum absque ascensionibus mixtis: Aliter trigonus breuium ascensionum, vel quadratus longarum non interficere. Oportet autem quod istud eueniat in parte orientali, ubi signa breuium ascensionum celeriter ascendunt, & longarum tardè.

Item nota quod Ptolemæus fingit duos aspectus vnum in æquinoctiali, & alium in Zodiaco, & nunquam miscet illos. Et hæc est causa quod ipse dicit vndecimam semper respicere primam de sextili: Et medium cæli primam de quadrato & initium nonæ primam ex trigono: & tamen contingit in altitudine poli quadraginta octo graduum ascendente, quinta parte Geminorum quintam partem Aquarij esse in medio cæli, & ita horoscopus aspicere medium cælum trigono radio ad vnguem. Idem dico de sexta parte Geminorum ascendente. Rursus in eadem altitudine ascendente tertia parte Capricorni, initio nono domus erit tertia Libræ, & ita horoscopus aspiciet nonam de quadrato. Igitur Ptolemæus vult quod

Tom. V.

fingamus duodecim signa in æquinoctiali, sicut etiam in Zodiaco: & demus triginta gradus cuilibet domui ex ipso æquinoctiali, & tunc vera erunt ambo illa: primum, quod dicit Ptolemæus, quod prima respicit vndecimam de sextili semper, & decimam de quadrato, & nonam trigono, & nonnunquam respicit duodecimam domum neque octauam. Secundum quod dicit Firmicus, quod si ascendens sit in Ariete, medium cæli erit in Capricorno, & occasus in Libra & imum cæli in Cancro. Et similiter si ascendat Gemini, mediū cæli erit in Piscibus in Sagittario, & imum cæli in Virgine: Et hoc erit verum semper & vbi que gentium de signis æquinoctialis, non Zodiaci.

Ergo vt ad rem reuertar: dico quod respectus ipsi ad vnguem in ecliptica sum debent, cum verò inter illa duo puncta tantum clauditur per circulos positionis ex æquinoctiali, quod referat partem alterius aspectus, tunc oportebit vtriusque aspectus naturam considerare, & iuxta vincentem iudicare: Et hoc quantum ad vitam, & reliqua, quia omnia gubernantur à duobus motibus, quia vnus est ab occidente in orientem iuxta mensuram eclipticæ, quia illa velocissimè mouetur, quoniam æquidistat à polis: Et alter est ab oriente in occidentem cum mensura sumitur, ab æquinoctiali eadem ratione: nā & æquinoctialis velocissimè mouetur:

#### TEXTVS XXXIX.

Et cum Luna vitæ moderationem iniit, Solis quoque locus interimit.

Contingit hoc vt inferius exponit, quotienscunque sub radiis Solis aliquis maleficus sine benefico extiterit, vel si Sol malefici radiis imbuatur. Velut princeps malo consultore vtens, nocet non per se. Fieri tamen potest, vt Sol solus etiam perdat, quando Sol in contrario loco fuerit. Corpus enim eius immoderatè calidum est, radij autem non interficiunt.

#### TEXTVS XL.

Valent enim iuxta hanc vitæ moderationem, hi occurfus ad perdendū aut seruandum, posteaquem in ipsum moderatoris locum feruntur, Non tamen semper existimandum est & in vniuersum interficiendi vim habere hæc loca, sed cū malè affecta fuerint: Impediuntur enim si in benefici aliquis terminum incidunt, & si beneficorum aliquis radium eò eiacularur tetragonum aut trigonum, aut oppositum sanè ad ipsam partem interemptricem, siue ad partes proximè sequentes, in Ioue non vltra duodenas, in Venere non supra octonas. Ac si corpus vtrunque dum est, & quod occurrat, & quod moderatur, non

Aa 2 fit



fit eadem vtriusque latitudo. Quando igitur duo aut plura fuerint vtriusque, quæque iuvent, quæque interimant, videndum penes, quæ victoria sit, idque & secundum numerum, & secundum virtutem. Secundum numerum quando, scilicet euidenter plura fuerint hæc illis. Secundum virtutem si viuentium, aut interficientium stellarum, hæc quidem in domesticis locis inueniuntur, illæ verò non, maximè cum hæc quidem orientales sunt, illæ verò occidentales. Omnino verò earum quæ radiis obrutæ sunt nullam accipere conuenit, nec ad interficiendi, nec ad commodandi operam nisi quod cum Luna vitæ moderatrix est, ipse quoque Solis locus interficit, quando malefici alicuius congressu oppressus, à beneficorum nemine iuuatur, aut liberatur.

Postquam docuit quæ per se generaliter, quæque per se, sed non generaliter, quæque neque per se nec generaliter, occidunt, ostendit modo quando occidunt & quando non. Tria enim non sunt impedimenta quare non occidunt: vel quia Anæreta sit in termino benefica, vel quia benefica proiciat radios quoscunque seu trigonos, seu oppositos, vel quadratos, vel sextiles, vel ibi sit corpore post Anæretam, ita tamen ut Iuppiter corpore, vel radiis non plus distet duodecim gradibus & Venus octo: Hæc enim sunt quantitates luminum horum Planetarum, ut in primo libro ostensum est. Quia quamuis Iuppiter diametro visibili non sit maior Venere, qui tamen ista operatio sit per radios in octauo orbe quàm Venus: Ideò maius est lumen Iouis quàm Veneris. Similiter si latitudo diuersa sit Anæretæ cum Apheta: Vtpote quod Apheta sit in parte Boreali, & Anæreta in parte Australi: hæc tria scilicet impediunt. Nec tamen dicit semper impediunt, quia fieri potest ut malefica sit potentior, vel auxilio alterius maleficæ, vel etiam per se: Et ideò oportet dicit comparare hæc testimonia plus possunt quàm duo, & duo quàm vnum: Et hoc est per se clarum. De virtute, quia ille est in dignitatibus suis & orientalis, & liber à radiis Solis, plus potest occidentali peregrino, vel eò qui est sub radiis Solis. Ita quod intelligas dicit Planetam, qui sit sub radiis Solis nihil penitus iuuare, neque obesse, nisi in vno solo casu quando Luna fuerit Apheta, & malefica fuerit sub radiis Solis, tunc ipsa est causa, ut radij Solis interficiant, cum radij Solis ad Lunam peruenerint. Et per contrarium noluit intelligi, quod si benefica ponatur loco maleficæ Sole, tunc radij Solis non interficient.

## TEXTVS XLI.

At verò annorum numerus quem interstitia illa reddunt, quæ inter vitæ moderatorem & interfectorem interiiciuntur, non simpliciter sanè, neque ut se obtulerit accipiendus est, sicut plurimi tradiderunt, ex ascensionis temporibus semper vnus cuiusque partis, nisi tunc demum cum ipsa oriens cœli pars vitæ gubernatoris adepta est, aut quippiam proximè illi cooriens. Vna verò ex omnibus ratio reliqua est iis, qui naturæ consentaneam considerationem instituunt, videre quot æquinoctialibus temporibus sequentis corporis, aut irradiationis locus in præcedentem secundum ipsam genituram, peruadat, eò quod æquinoctialia tempora æqualiter transeunt, & finitorem & meridianum, ad quos locorum similitudines accipiuntur, & valet, vnumquodque huiusmodi tempus vnà in Solis conuersionem.


Quando igitur in ipso orientali finitore fuerit vitæ moderator, & præcedens locus, ascensionis tempora partium interiectarum vsque ad occurrantem conuenit accipere, tot enim temporibus æquinoctialibus interfector in vitæ gubernatoribus locum, hoc est, in orientalem finitorem fertur. Quando verò in meridie repertus fuerit, rectæ sphaeræ ascensiones quantis vnaquæque sectio meridianum parambulat. Cum autem in occidentali finitore versatur, quantis singulæ intercapedinis partes occidunt, hoc est, quantis oppositæ illis oriuntur. Cum autem præcedens locus in his tribus limitibus non reperitur, sed medio inter hos intervallo, non amplius dictarum ascensionum aut descensionum, aut cœli culminationum tempora sequentia loca ad easdem cum præcedentibus sedes perferunt, sed diuersa. Similis sanè & idem locus est, qui similem eisdemque in partibus situm habet, & ad finitorem, & ad meridianum: Illud verò proximè accidit eis, quæ sub eodè semicirculo sunt ex eorum genere, qui describuntur per sectiones finitoris & meridiani: quorū singuli iuxta eandem positionem horā proximè æqualē efficiunt, cumque circunducitur circa dictas sectiones in eundē situm inciditur cumque finitore & meridiano



meridiano, transitus verò signiferi, tempora inæqualia utrobique efficit. eodem modo etiam iuxta aliarum distantiarum situs per inæqualia illis tempora transitiones conficit.

In dirigendo Apheta, potest esse vel in ipso horoscopo ad vnguem, vel in ipso cœli medio ad vnguem, vel in ipso gradu occidentis, vel in loco intermedio, inter duos ex his angulis: utpote vel inter occidentem & medium cœli, vel inter cœli medium & horoscopus, vel inter horoscopus & imum cœli, ubilibet sit inter duos angulos duobus modis id contingere potest: vel quod Anæreta sit inter duos eisdem angulos, velut in prima genitura posita Venere Apheta, locus Anæretæ est corpus Mercurij, & ambo Planetæ sunt inter horoscopus & imum cœli: Vel Anæreta est ultra angulum, velut in tertia figura si Luna esset Apheta, tunc Anæreta esset corpus Saturni, & Luna esset inter occidentem & medium cœli, & Saturnus inter medium cœli & ascendens. In omnibus igitur his est vnus modus dirigendi: Et est vt fiat circuli positionis transeuntem per locum Aphetæ, deducendo Anæretam vsque ad illum, & numerando partes æquinoctialis, quæ in ista deductione transuerunt circulum ipsum positionis, & numero illi adde septuagesimam secundam partem semper, cuius non meminit Ptolemæus, cum eam superius in primo libro nobis insinuaauerit. Numerus igitur collectus graduum erit numerus annorum vitæ & pro minutis, quæ erunt ultra gradus dabis sex dies, & duas horas pro quolibet minuto. Quando igitur Apheta fuerit in circulo positionis horoscopi, tunc erit in horizonte in parte orientali: & fiet directio per gradus ascensionis tuæ regionis. Si verò Apheta fuerit in medio cœli: erit circulus positionis circulus meridei, & fiet directio per ascensiones rectas. Si verò Apheta fuerit in occidente erit circulus positionis finitor in parte occidentis, fietque directio per ascensiones obliquas illius regionis, quæ sunt eadem ad vnguem: cum ascensionibus obliquis puncti oppositi. Si verò Apheta fuerit inter istos locos, seu angulos faciemus directiones per semicirculum positionis transeuntem per locum Aphetæ. Et si semicirculus positionis fuerit orientalis, faciemus per ascensiones ipsius circuli: si occidentalis, per descensiones, quæ sunt eadem ascensionibus puncti oppositi. Sed hic mentem apponere decet, quia si Anæreta fuerit inter eisdem angulos, inter quos est Apheta, vt in nativitate primogeniti mei, quando Saturnus & Mars deducuntur ad Lunam, tunc tota directio fiet secundum descensionem Aphetæ, id est, Lunæ: vel si Luna esset in parte orientali fieret iuxta ascensionem ipsius Aphetæ. Verum quando Apheta est ante cœli medium & Anæreta post eundem angulum, qui sequitur Aphetam, vt in tertia genitura posita Luna Apheta (quæ vtinam esset) esset Saturnus Anæreta, tunc in hoc

casu Ptolemæus dirigit medium cœli ad Aphetam, id est, Lunam per ascensiones ipsius Aphetæ, utpote Lunæ. Deinde dirigit Anæretam ad angulum medium, utpote cœli medium per ascensiones ipsius anguli, quæ



Communis interfectio.

sunt ascensiones rectæ, & has duas ascensiones iungit & numerus, qui confurgit addita septuagesima secunda parte (hoc enim semper intelligitur, & intelligi volo etiam si non addatur, non addam autem in posterum breuitatis causa) est numerus annorum, mensium & dierum vitæ illius. Si autem Apheta sit ante ascendens, Anæreta post directio tota fit per ascensiones Aphetæ, quia non variatur ascensio in descensionem, vt in priore. Ideo huius exemplum non dedit Ptolemæus.

Pro quo notandum est, quod circulus qui transit per verticem nostrum & polos mundi vocatur meridianus, & hic secatur æquinoctialem ad angulos rectos: Et hic est primus circulus positionis: Secundus est finitor cuius vertex est quasi polus, & licet hic secet æquinoctialem in partes æquales, non tamen ad angulos rectos, nisi sit finitor in Sphæra recta. Hic igitur finitor obliquus secatur meridianum tantò inferius polo mundi, quantò vertex distat ab æquinoctiali. Cum igitur polus mundi semper distet ab æquinoctiali nonaginta partibus, erit vt communis interfectio meridiani, & finitoris cum sit infra polum mundi, vt dixi, multò plus distet ab æquinoctiali per partem superiorem, quam per partem inferiorem: adeo vt Mediolani vbi A, id est, vertex distat ab æquinoctiali partibus 44. & tertia communis interfectio meridiani & finitoris distet in parte superiore gradibus 134. & tertia, & ex inferiore partibus 45. & duabus tertiis tantum. Et licet finitor non secet æquinoctialem ad angulos rectos, sed, vt dixi, inclinatur ad partem inferiorem, attamen qui secatur à meridiano ad angulos rectos finitor ipse, ideò isti duo circuli, scilicet finitor & meridianus diuidunt æquinoctialem in quatuor partes æquales: ita quod à meridie ad ascendens sunt semper nonaginta partes ex æquinoctiali: Et ita ab oriente ad imum cœli: Et ab imo cœli ad occidentem: Et a b



occidente ad medium cœli, semper sunt nonaginta partes, ut dixi æquales ex æquinoctiali. Inter hos igitur duos circulos, scilicet finitorem & meridianum, qui & ipsi positionis sunt, sed ramen propria habent nomina, omnes semicirculi ducti ab intersectione communi, ad intersectionem communem vocantur semicirculi positionis. Et si sunt inter orientem & meridiem sunt ascensionum: Et si inter meridiem & occidentem, descensionum: & qui supra terram diurni: & qui infra terram, nocturni. Et qui transferunt per triginta gradus distantes à finitorem vel meridiano, appellantur semicirculi positionis domorum, & sunt octo. Qui igitur transit triginta partibus distans à medio cœli versus orientem, seu duabus horis, est semicirculus positionis undecimæ domus. Qui verò ab oriente distat duabus horis, seu triginta gradibus versus meridiei circulum est semicirculus duodecimæ domus. Et ita qui distat ab ascendente versus imum cœli tantundem est semicirculus secundæ domus: & qui distat ab imo cœli versus orientem tantundem est semicirculus tertiæ domus: Et qui distat ab imo cœli secundum successiorem signorum partibus triginta æquinoctialis seu horis duabus, semicirculus est quintæ domus atque ita de aliis.

Quomodo autem fiant directiones, si quis scire velit quatuor sunt modi: primus est per spheram solidam, quem Ptolemæus insinuat, & hic est optimus, sed duas habet difficultates, primam habendi spheram exactam, secundam conservandi eam: si tamen habeatur infernit omni loco & omni figuræ. Secundus est per Astrolabium hic est optimus, facta tabula conuenienti regioni tuæ. Sed non seruit omnibus regionibus nec tam exacte: ideo Ptolemæus non meminit eius. Tertius est per tabulas exactissimas Ioannis de Regio monte, qui ætate nostra laborem hunc illustrem & difficillimum suscepit. Sed si conficiendi difficultas operandi difficultatem leuasset: Aut operandi difficultas parem laboribus utilitatem afferret: Certè omnino illis vti præstaret. Quartus est per tabulas in quibus primum præsupponit nos habere tabulam ascensionum rectarum & quantitatis dierum: hisceque contentus est. Hocque quia breues sint & facile habeantur.

Licet etiam per has tabulas conficere Tabulam ascendentis & mediæ cœli hoc modo: Quære ascensionem rectam ascendentis propositi, & eiusdem arcum semidiurnum, quem per 15. multiplicabis, & quod producitur detrahe ab ascensione recta inuenta: Et ei quod relinquitur quære gradum & minutum correspondentem in tabula ascensionum rectarum, & is punctus erit in medio cœli, dum propositus punctus erit in ascendente. Exemplum, sit ascendens decimaquinta pars Sagittarij perfecta, eius recta ascensio est Part. 253. mi. 42. Arcus semidiurnus in regione nostra hor. 4. mi. 25. Duc per 15. fiunt Par. 60. mi. 375. quæ in partes deducta faciunt Par. 6. mi. 15. Productum igitur est Par. 66. mi. 15. hæc detracta à Par. 253. mi. 42. relinquunt Par. 187. min. 27. Quibus res-

pondet Par. 8. mi. 6. Libræ in tabula ascensionum rectarum. Dum igitur ascendunt partes 15. Sagittarij perfectæ, in cœli medio sunt partes 8. mi. 6. Libræ. Ex hoc igitur poteris facere tabulam in quacunque regione in cuiuscunque gradus cœli mediæ ascendens correspondens cognoscatur, & versa vice.

## TEXTVS XLII.

Vna tandem nobis erit institutio, cuius opera, siue orientalem, siue meridianum, siue occidentalem, siue quemcunque alium situm habet locus præcedens, id quod responderet temporibus prætergredientibus loci sequentis deprehenderetur. Cum enim acceperimus culminantem signiferi partem: Et amplius præcedentem & insequentem: Primum contemplantur præcedentis situm quot horis temporalibus distet à meridiano, numerantes, quæ inter illum & cœli medium intersint, siue supra terram, siue subtus in recta sphaera ascensionum: Et diuidentes in multitudinem horariorum temporum ipsius partis præcedentis, siquidem supra terram fuerit diurnorum, sin minus nocturnorum. Et quoniam quæ eiusdem temporalibus horis distat à meridiano signiferi partes, sub eodemque continentur prædictorum semicirculorum, spectare oportebit post quot æquinoctialia tempora sequens locus partibus horis distabit à meridiano eodem, quas postquam collegerimus, videbimus quot secundum eum, qui prioris partis erat situm, æquinoctialibus temporalibus abest pars sequens à medio cœlo, per ascensiones iterum in recta sphaera collectas. Et quotquot æquales horas reddit locus præcedens, multiplicantes in multitudinem horariorum temporum partis sequentis, si quidem ad cœli medium comparatio fiat diurnorum, si verò ad cœli imum nocturnorum, cum exorta ex superatione vtriusque distantæ tempora acceperimus, quæstorum annorum multitudo innotescet.

Ascendentis par. 17. mi. 22 diuide par. 53. mi. 23. per par. 17. mi. 23. exeunt horæ 3. mi. 5. distantia loci Lunæ à cœli medio, sed de hoc actum est supra, & inferius etiam dicemus. Et hic modus est etiam aptus ad fabricandas domos more antiquo, cum undecima & tertia differant, à cœli medio horis duabus duodecima, & secunda quatuor intelligendo per cœli medium etiam imum.



## TEXTVS XLIII.

*Exemplum.*

Vt euidentius fiat quod diximus, ponatur præcedens locus initium Arietis: Verbi gratia, sequens Geminorum principium, regio verò ubi maximus dies est horarum quatuordecim. Horaria igitur magnitudo initij Geminorum est temporum æquinoctialium septendecim & 8. scrupulorum proximè & oriatur primum initium Arietis, ita ut M. C. occupet initium Capricorni, & diffideat à cæli fastigio Geminorum principium 148. 47. Cum igitur Arietis initium distet à meridiano horis temporalibus senis, has ducentes in 17. 8. quæ sunt tempora horariæ magnitudinis principij Geminorum, quandoquidem à cæli culmine est temporum 148. distantia habebimus & huius distantie tempora 102. 48. post superationis huius tempora 46. locus sequens in præcedente fertur. Tot verò sunt etiam ascensionis tempora proximè Arietis & Tauri, posteaquam locus Apheticus in horoscopo ponitur. Ponatur similiter M. C. occupare initium Arietis, ut absit secundum primam positionem principium Geminorum à cæli culmine temporibus æquinoctialibus 58. Quoniam igitur ex secunda positione oportet cæli medium occupare locum Apheticum, habebimus prioris distantie excessum illum ipsum, nimirum 58. temporum, quibus rursus eo quod in medio cælo sit locus Apheticus, meridianum prætergreditur Aries & Taurus. Rursus occidat ad eundem modum principium Aries, ut medium cælum occupet initium Cancræ. Distet verò à cæli culmine initium Geminorum præcedentia versus temporibus æquinoctialibus 32. 16. Quoniam igitur sex iterum horis temporalibus abest à meridiano Arietis initium versus occasum, si septies decies eas sumperimus, habebimus 102. 48. tempora, quibus aberit à meridiano Geminorum exordium quando occidit. Aberrat verò & iuxta primum situm versus eandem partem temporibus 32. 17. In temporibus igitur supra terram 70. 32. in occasum fertur. In quibus etiam descendunt Aries & Taurus. Oriuntur verò his opposita

signa Libra & Scorpius. Ponatur igitur in nullo angulorum initium Arietis. Distet verò, verbi gratia, versus præcedentia à meridie horis temporalibus tribus, ut medium cælum teneat Tauri pars decima octaua. Distat verò iuxta primum situm principium Geminorum à cæli fastigio versus sequentia temporibus æquinoctialibus. tredecim. Si igitur rursus 17. 8. tempora in tres horas multiplicauerimus, distabit etiam iuxta secundum situm Geminorum principium à linea medij cæli versus antecedentia temporibus 51. 24. Omnia verò tempora constituentur 64. 24. Absoluerat autem per suam motionem, cum oriretur locus Apheticus tempora 46 cum cæli medietatem occuparet tempora 58. in occasu 70. 32. Differt igitur iuxta situm intra medium cælum & occasum, collectus temporum numerus ab utroque aliorum. Fit enim temporum 64. Differt autem pro ratione excessus trium horarum, quandoquidem in integris secundum angulos acceptis quadrantibus duodecim temporum, erit ab abscessu verò trium horarum sex temporum: Postquam verò eadem ferè ratio in omnibus seruetur, fieri potest, ut ad eundem modum simpliciori via ingrediamur. Rursus enim cum in ortu est pars anterior, ascensionibus utemur inter eam & sequentem interceptis, cum in cæli medio est iisdem recta Sphæra desumptis, cum in occasu descensionibus. Quando verò mediis horum interstitiis, ut exempli gratia, in prædicta distantia Arietis primum accipiemus tempora, quæ sese offerunt utriusque anguli proximi. Inueniemus autem cum post medij cæli lineam supra terram posuerimus initium Arietis, inter culminantem & occidentem angulum, intercidentia tempora 64. proximè usque ad initium Geminorum, Culminationum verò 58. obituum 70. Deinde discamus (ut prædictum est) quot horis temporalibus distet anterior locus ab alterutro angulorum Quotacunque enim hæc pars fuerit horarum temporalium quadratis sex tota parte superationis, utriusque per angulos delationis auferemus, adiciemusque angulo vnde comparisonem accepimus. Ut quoniam prædictorum terminorum excessus est temporum duodecim



decim ponebatur verò ab esse anterior locus, ab utroque angulorum horis æqualibus temporalibus tribus, quæ semissem reddunt, sex accipientes verò & 12. temporum semissem, & adicientes ad 58. aut a 70. auferentes inueniemus superationem 64. temporum. Si verò duabus temporalibus horis abesset ab alterutro angulorum, quæ trientem constituunt sex horarum. Trientem quoque superationis temporum 12. nimirum 4. siquidem duarum horarum distantia à medio cœlo ponebantur, adiecerimus fanè temporibus 58. Si verò ab occasu sub duxerimus à 70. sic igitur nobis temporum interiectionum magnitudo conuenienter rationi inuestiganda est.

Exempla de hoc attulit Ptolemæus in littera sex duo simplicitia, cum excursor fuerit in oriente & occidente, & vnum in medio cœli, quod deseruit, imo alterum cum fuerit inter decimum & septimum, & promissor, inter decimum & horoscopus. Et deseruit cum excursor fuerit inter ascendens, & inum cœli, & promissor, inter inum cœli & occidens. Superest igitur vt ponam reliqua quatuor omnia à Ptolemæo & comprehenduntur sub duobus vno, cum excursor fuerit inter ascendens & cœli medium, & deseruit ei, quando fuerit inter occidens & inum cœli aliud, cum excursor fuerit inter

cœli medium, & occasum, & ibidem etiam promissor, & deseruit ascendenti, & imo cœli. Ptolemæus ergo distantiam horarum temporalium præsupponit cognitam, quæ in medio cœli non est necessaria in ascendente & occasu semper est sex horarum, sed in aliis locis superius modum te docui.

Concludendo igitur vel tu vis partem distributionis additionum, vel detractionum & eam habes diuisa distantia arcus semidiurni loci, per distantiam loci rectam à cœli medio. Vel tu vis diuisionem domorum antiquo more vel nouo, & hoc etiam docuimus supra, Vel vis dirigere. Et hoc etiam ostensum est supra per inuentionem horarum temporalium quibus locus præcedens distat à cœli medio: quia ergo diuiso arcu semidiurno, præcursoris, seu Aphetæ per distantiam rectam illius à cœli medio, exeunt horæ temporales, quæ ductæ in horaria tempora promissoris, producant illud quod est detrahendum, aut à quo est detrahendum, aut iungendum, vt habeamus distantiam rectam à cœli medio per tempora promissoris, & quod fit, diuiseris per horaria tempora præcursoris, idem prodibit, quod ductis horariis temporibus ipsius promissoris in horas temporales significatoris ponatur distantia, significatoris à cœli medio a b numerus horarum temporalium distantia significatoris à cœli medio e horaria tempora, significatoris d horaria tempora promissoris e, productum ex b in d, quia ergo b in d fit e, ex a in d fit f, erit a ad b, vt f ad e, sed a continet b in e, vt demonstrabo, igitur f continet e in c, ergo diuiso producti arcus a in horaria tempora, promissoris per e horaria

a Distantia signif. à cœli med.  
b Numerus horarum temporal.  
distant. signif. à cœli med.  
c Horaria tempora signif.

g Arcus semidiurn. signif.  
d Horaria tempor. promiss.  
e Productum ex b in d.  
f Productum ex a in d.

tempora significatoris prodibit, quantum ductis horis temporalibus significatoris in horaria tempora promissoris quod erat probandum. Ostendo modo quod ex b in c producat a, nam sit g arcus semidiurnus, significatoris eritque proportio g ad a, velut sex horarum ad b, aliter b non esset numerus horarum temporalium puncti dati: igitur permutando g ad sex horas, vt a ad b, sed proportio g ad sex horas est e, quia arcus semidiurnus ex sexcuplum horariorum temporum, eiusdem puncti ergo proportio a ad b est e, ergo est diffinitione proportionis ex b in e, fit a quod erat demonstrandum.

Reducitur ergo res ad priorem regulam vt ducamus distantiam significatoris à cœli medio per horaria tempora promissoris, & quod producit diuidamus per horaria tempora significatoris, & prouentum detrahemus ex differentia ascensionis rectæ promissoris à cœli medio, si significator & promissor fuerint in parte orientali: aut detrahemus distantiam promissoris à cœli medio, à producto, si ambo fuerint in parte occidentali, & promissor in orientali. Quidam

autem conati sunt tradere hunc modum, & non intelligunt ipsum cum dicant Monteregium, & Ptolemæum diuidere domos per circulos ductos, per polos Mundi, cum illos diuidant per circulos, qui transeunt per communem interfectionem horizontis & Meridiani, atque vtinam non ita intellexerint doctrinam Copernici. Idem nescio quantum fidei possimus tribuere illis Ephemeridibus. Iuxta hoc igitur posui pro octaua generis triplicem directionem Lunæ ad loca quibus obuiat, scilicet ad oppositum. Solis in 10. 37. ♀, ad sextilem, Saturni in 21. 18. ♀ ad oppositum ♀ & ♀ in 235. ♀ ad corpus Iouis 3. 26. ♂, ad corpus Martis in 11. 19. ♀ ad Saturni corpus in 21. 28. ♀. Post quod fertur per inatiam etiam si vita perduraret.

Horum igitur causa licet non possimus primum modum absque tabulis positionum) sed illæ breues sunt, quia ad vnam elevationem poli regionis satisfacere possent) & absque tabulis generaliter ascensionum rectarum ab initio, vsque ad poli tui elevationem negocium peragi possit duas has Tabellas tanquam necessarias valde in vnoquoque trium



tium modorum adieci tum maximè, quod per breues sint. Et secunda specialis est Mediolani, & Bononiæ satisfaciens. Consuluerim autem vt postquam exactissima est ratio tabularum, vt deducta ex tabulis primi Mobilis ratione cõficias ad tuam poli eleuationem exactas ad minuta, & secunda tabulam de-

lius, & sine confusione peragatur negotium circuli positionis pro horizonte, & sub eadem altitudine sumere differentiam ascensionum significatoris & promissoris, sicut etiam facit Monteregeus, & res redit ad idem cum modo Ptolemæi. Sed est securior à lapsu in errorem. Contingunt enim quandoque in huiusmodi errores & maximi.

| Directiones Luna octauæ genesis. |              |              |        |
|----------------------------------|--------------|--------------|--------|
| Primi modi                       | Secundi modi | Tertij modi. |        |
| G. M.                            | G. M.        | G. M.        |        |
| Ad * oppos.                      | 19. 20       | 31. 42       | 19. 53 |
| Ad ♄ Sext.                       | 24. 44       | 39. 42       | 27. 27 |
| Ad ♀ oppos.                      | 25. 47       | 40. 52       | 28. 31 |
| Ad ♀                             | 33. 6        | 48. 46       | 35. 20 |
| Ad ♂                             | 64. 32       | 81. 50       | 67. 41 |
| Ad ♄                             | 74. 37       | 92. 17       | 77. 48 |

clinationum, generalem tabulam positionum sub tua altitudine per gradus & minuta, diligenter habita tabula ascensionum rectarum & obliquarum, ab vno gradu ad gradum, ac partem eleuationis poli tui supra horizontem: Et Tabulam eadem diligentia confectam horariorum temporum per gradus minuta, & secunda non per horas & minuta: Demum ascendens similiter ad vnguem inuentum. Hi enim quinque poteris exactissima iudicia facere ac antiquis, quæ prædicantur paria. Huic succedit ratio instrumenti magni diuisi in 3600. partes, vt exacta etiam notitia haberi possit. Cum hoc enim & genesis horoscopo diligenter habito fermè idem consequeris, sed maxima est difficultas in conficiendo exactum, cum minima differentia sensibilem errorem pariat: post est instrumentum armillis simile, quod valde vtile est, magnum & exacte elaboratum. Verum obnoxium errori si vel minimum flectatur ob concussionem. Sphæra autem solida in hoc negotio inutilis est, tum ob pondus, quo necesse est circulos esse latos, & flectitur, & neque possumus operari quicquam ad amissum, sed sibi facessit negotium, est tamen vtilis ad stellas, quæ magnam habent latitudinem & in inspicendo, quæ non animaduerti in pleno neque ex tabulis possunt: demum vbi latè calculo aberres, vt quandoque contingit, tunc experientia te Sphæra contemplatio admonet tabulæ etiam quæ circumferuntur, vt videbis cum omnia contingant ex congressu errores vnus partis, aut dimidiæ admittunt, ex quibus totum peruertitur negotium.

Exemplum autem secundum sit veluti si vellem dirigere Martem, aut eius oppositus in octaua genesis. Et in parte occidentali seu descendente pariet, quod oportet accipere horaria tempora occidentis, aut nocturna orientis, & redit ad idem in secundo, & tertio modo, similiter in primo, sed pro eleuatione poli circuli positionis in eiusmodi quadrantibus Monteregeus te docet, abundè, idèd cum operatio postmodum sit eadem fermè, nisi quod oportet accipere vt faci-

| Tabula ascensionum. |       |       |       |        |        |        |
|---------------------|-------|-------|-------|--------|--------|--------|
|                     | ♈     | ♉     | ♊     | ♋      | ♌      | ♍      |
|                     | ♎     | ♏     | ♐     | ♑      | ♒      | ♓      |
| G.                  | G. M. | G. M. | G. M. | G. M.  | G. M.  | G. M.  |
| 1                   | 0 55  | 28 50 | 58 50 | 91 6   | 123 15 | 155 4  |
| 2                   | 1 50  | 29 48 | 59 53 | 92 11  | 124 17 | 154 1  |
| 3                   | 2 45  | 30 46 | 60 56 | 93 17  | 125 19 | 154 58 |
| 4                   | 3 40  | 31 44 | 61 59 | 94 22  | 126 21 | 155 55 |
| 5                   | 4 35  | 32 42 | 63 2  | 95 28  | 127 23 | 156 52 |
| 6                   | 5 30  | 33 40 | 64 5  | 96 33  | 128 24 | 157 48 |
| 7                   | 6 25  | 34 38 | 65 9  | 97 38  | 129 26 | 158 45 |
| 8                   | 7 20  | 35 36 | 66 13 | 98 43  | 130 27 | 159 41 |
| 9                   | 8 16  | 36 35 | 68 17 | 99 48  | 131 29 | 160 37 |
| 10                  | 9 11  | 37 34 | 68 21 | 100 53 | 132 29 | 161 33 |
| 11                  | 10 6  | 38 33 | 69 26 | 101 58 | 133 29 | 162 29 |
| 12                  | 11 1  | 39 32 | 70 29 | 103 3  | 134 30 | 163 25 |
| 13                  | 11 57 | 40 31 | 71 33 | 104 8  | 135 30 | 164 21 |
| 14                  | 12 52 | 41 30 | 72 37 | 105 13 | 136 30 | 165 17 |
| 15                  | 13 47 | 42 30 | 73 42 | 106 18 | 137 30 | 166 12 |
| 16                  | 14 43 | 43 30 | 74 47 | 107 22 | 138 29 | 167 8  |
| 17                  | 15 49 | 44 30 | 75 52 | 108 27 | 139 29 | 168 3  |
| 18                  | 16 35 | 45 30 | 76 57 | 109 31 | 140 28 | 168 59 |
| 19                  | 17 31 | 46 31 | 78 2  | 110 35 | 141 27 | 169 54 |
| 20                  | 18 27 | 47 31 | 79 7  | 111 39 | 142 26 | 170 49 |
| 21                  | 19 23 | 48 32 | 80 12 | 112 43 | 143 25 | 171 44 |
| 22                  | 20 19 | 49 33 | 81 17 | 113 47 | 144 24 | 172 40 |
| 23                  | 21 15 | 50 34 | 82 22 | 114 51 | 145 22 | 173 35 |
| 24                  | 22 12 | 51 36 | 83 27 | 115 55 | 146 20 | 174 30 |
| 25                  | 23 9  | 52 37 | 84 33 | 116 58 | 147 18 | 175 25 |
| 26                  | 24 5  | 53 39 | 85 38 | 118 1  | 148 16 | 176 20 |
| 27                  | 25 2  | 54 41 | 86 43 | 119 4  | 149 14 | 177 15 |
| 28                  | 25 59 | 55 43 | 87 49 | 120 7  | 150 12 | 178 10 |
| 29                  | 26 56 | 56 45 | 88 54 | 121 10 | 151 10 | 179 5  |
| 30                  | 27 53 | 57 47 | 90 0  | 122 13 | 152 7  | 180 0  |

Modus autem conficiendi hanc tabulam est, vt sub eleuatione poli tui queras arcum diurnum dati puncti, vt Monteregeus docet, & est ascensio obliqua inter punctum datum & suum oppositum, sicut nocturnus est obliqua ascensio, inter punctum oppositum & punctum datum, & dimidium eius est arcus semidiurnus, aut seminocturnus, & duodecima pars horaria tempora diurna aut nocturna loci. Velut volo horaria tempora initij Arietis in altitudine poli 31. part. video quod differentia ascensionum inter initium Arietis & Libræ, sub altitudine poli 31. partium est par. 180. igitur arcus semidiurnus est, part. 90. & horaria tempora par. 15. min. 0. Item volo horaria tempora 12. par. Piscium, sub altitudine partium 44. minut. 20. Inuenio ascensionem obliquam



quam 12. par. Piscium, par. 350. min. 18. &  
12. par. Virgine, par. 156. mi. 32. igitur arcus

*Tabula horariorum temporum.*

|                       |
|-----------------------|
| poli   44   20   Ele. |
| G.   G.   M.   G.     |
| 1   15   0   30       |
| 3   15   12   27      |
| 6   15   24   24      |
| 9   15   36   21      |
| 12   15   47   18     |
| 15   15   58   15     |
| 18   16   9   12      |
| 21   16   21   9      |
| 24   16   32   6      |
| 27   16   43   3      |
| 30   16   54   0      |
| 3   17   5   27       |
| 6   17   15   24      |
| 9   17   25   21      |
| 12   17   35   18     |
| 15   17   45   15     |
| 18   17   55   12     |
| 21   18   5   9       |
| 24   18   14   6      |
| 27   18   22   3      |
| 30   18   30   0      |
| 3   18   38   27      |
| 6   18   44   24      |
| 9   18   50   21      |
| 12   18   55   18     |
| 15   19   0   15      |
| 18   19   4   12      |
| 21   19   8   9       |
| 24   19   10   6      |
| 27   19   10   3      |
| 30   19   11   0      |

diurnus est, par. 166. min. 14. & horarium  
tempus duodecima pars eius par. 13. mi. 51.

#### TEXTVS XLIV.

Discernemus verò deinceps in  
vnaquaque prædictarum occurratio-  
num aut obituum iuxta ordinem ab  
iis, qui temporis brevissimi sunt, ac-  
ceptum & interemptrices, & scalares,  
quæque alias per traiectiones eue-  
niunt, prout inficitur occurfus aut iu-  
uat, ad eum quem diximus mo-  
dum, & pro singulorum occursum  
temporali exitu. Afflictis enim simul  
& locis, & in exitu annorum reuolu-

tione stellarum inficiente, præcipua  
loca, mortem certam expectare o-  
portet. At si alterutrum horum hu-  
manæ naturæ laboranti succurrat, as-  
fultus magnos & graues, utroque ve-  
rò iuante, languores tantum aut  
damna & deportationes temporales,  
horum peculiari ratione accepta ab  
occurrantium locorum ad genituræ  
negotia, necessitudine.

Docet duo, primum de interficientibus,  
secundum de climatericis, id est, qui in-  
qualiter, ac quasi repente afficiunt vitam:  
quia quandoque iuuantur per traiectiones  
aut læduntur, seu per occurfus, quemadmo-  
dum superius dictum est. Nam tales finienti-  
bus etiam annis per reuolutionem stellarum  
in progressionem, ut in quarto libro habebi-  
tur: Si ab utroque lædantur, mors certa est.  
Si verò vnum iuuet, alterum lædat, (Hoc  
autem prætermittit) dubium est de vita. Sed  
idè prætermisit, quia est ac si nihil iuaret,  
aut læderet. Si verò vnum iuuet reliquum  
non iuuet, neque lædat, erunt magni insul-  
tus & graues: non dico pericula tantum, sed  
cum periculis læsiones. Si verò utrumque iu-  
net, pro morte erunt morbi, pro paupertate  
iacturæ pecuniarum, pro supplicio exilia, pro  
iactura existimationis peregrinationes, iuxta  
peculiarem rationem locorum occurrentium  
ipsi significatori. Hæc autem sunt adiecta  
ob tres causas: prima, ut doceret promisso-  
res semper aliquid præstare non semper om-  
nia, quæ pollicentur, quando, & quomodo  
& cur. Secunda, ut ostenderet artem esse in-  
finitam, & quæ iudicio, & coniectura ac  
existimatione solum perfici posset. Tertia,  
ut declararet hoc caput non solum inferuire  
vitæ, cui nuncupatum est, sed etiam omni-  
bus causis, scilicet dignitati, diuitiis, itine-  
ribus, atque aliis omnibus quæsitis. Exem-  
plum habes locuplex in nostra genitura, quo  
potes multum te adiuvare: anno trigesimo-  
sexto ætatis, Saturnus pervenit ad ascen-  
dens, & erat in proprio trigono, & finibus,  
& inimicus ascendenti, idè debuit omnino  
interficere: Verum quia radij Veneris & Mer-  
curij cadebant, post illum gradu vno cum di-  
midio, & Venus erat amica ascendenti, car-  
pentum habens in illo, & Mercurius in na-  
tura Veneris dominus trigoni loci in quo est  
& loci Saturni, & ascendens robustum prop-  
ter Iouis præsentiam, & quasi geminatum  
Apheta, cum radiis Lunæ sextilibus, & ip-  
sa domina ascendenti & in proprio trigono,  
non interfecit, sed dedit fluxum vitæ non  
innoluntarium, sed potius multitudinem tan-  
tum, à qua perfecte nunquam potui libera-  
ri. Et ne credas me nugari, quandoque per-  
ficerat per aliquot dies ad multitudinem vi-  
ciarum ferme centum, nec tamen læsus, nec  
factus macilentus ob hoc: Et manifestum est  
quod sit à frigiditate. Et medicus absurdus  
Astrologiæ imperitus, solum videns primam  
indicationem, curando me cum frigidis, ut  
quidam consulebant, interfecisset. Et causa  
quare



quare tot Planetæ auxiliares non potuerunt liberare, est quia Luna est debilis in duodecima, Iuppiter retrogradus, peregrinus, dominus octauæ loci & ascendens secundum longitudinem, Venus & Mercurius debilissimi in sexto loco, & vespertini de nocte & quasi sub radiis, & Mercurius præter id retrogradus. Et hoc exemplum, si bene animaduertis, docet te infinita. Et ego vtor exemplis in mea genitura & filiorum tantum, cum plurimæ aliæ sint illustrissimæ, quia ubi de directionibus agendum est, exquisitissima temporis notitia opus est, ne artificis error in aliis arti tribueretur.

Notandum quod ex hoc textu Ptolemæus insinuat ipsummet punctum concursus radij Anæretæ, vel corporis eius cum Aphetæ esse obseruandum, & in eo fieri effectum. Quia dicit quod si processus, aut ingressus, non conueniat non interficit: Ergo non expectat congressum in operando, sed statim operatur. Attamen dico quod post etiam & ante operatur cum processus conuenierit, & quandoque interficit, cum in ipsa hora congressus non interfecerit. Vnde duo magni morbi sibi inuicem succedentes paruo intervallo indicant mortem in secundo: quia indicant, vel quod concursus præterit, sed à processu impeditus prius post adiutus & ita interficit, vel adiutus congressus in primo morbo, sed non perfectus, in secundo perfectus interficit. Et ita punctus ipse aliquid semper operatur: non negat Ptolemæus propter hoc quod in sequentibus verbis, & in ultimo capite operis dicit, concursum quamuis imperfectum, adiutum processu, perficere opus.

Afflictis enim simul locis) Insinuat nobis Ptolemæus quod Aphetæ non prorsus exicent suam vim, sed sunt aliquando adeo potentes ut nesciat quis sit præferendus, velut si in nocturna genesi, Sol sit in ascendente Luna in septimo vel vndecimo, vel nono loco, in signo masculino, & si in diurna Sol fuerit in fine, vndecimæ aut septimæ, etiam Luna in apice decimæ in Cancro, tunc dubitamus quemnam debeamus constituere Aphetam. Et intelligit quod quandoque ambos considerare oporteat. Et quandoque natus cum habuerit Aphetam principalem debilem afflicto grauiter ascendente moritur. Et ego non obij ex transitu Martis, aut Saturni super ascendens, quia Luna verè in via Ptolemæi est, Aphet aut ostendam suo loco. Vnde dissoluitur dubitatio non leuis, quia aliquis posset dicere: sequeretur ex hoc dogmate quod natiuitas facta robustior significaret mortem ob id. Exemplum sit alicui Sol in nono loco, & post cum radij Martis ex Scorpione, & Saturni ex Aquario per sex partes, ascendens autem si liberum ab his, tunc natus morietur in pueritia, & si Sol decidat, in octauum viuet vsque ad senectam, quia erit ascendens Aphetæ & liberum. Et hoc videtur absurdum, quoniam afflicto Sole nihilominus remanet ascendens liberum. Quod si per se poterat tueri vitam illius, tanto magis etiam cū alio.

Ideo respondeo quod si Soli dum decidit in octauum aduersentur maleficæ, adeo morietur aut obcæcabitur, licet ascendens non affligatur, quia est luminare temporis. Et similiter cadit dubitatio cum maleficæ fuerint, cum Sole in vndecimo loco, & Luna in ascendente, & in loco ubi dominatur: Velut Ludouico Ferrario alumno nostro Sol fuit, in vndecimo loco, cum Saturno & Marte in Aquario, quasi iunctus & Luna in ascendente in Tauro. Et ideo poterat sciri, quod habitus esset vitam miseram & grauib. morbis conflctatam: & ita fuit, & mortuus est 43. anno, cum semper fermè fuerit variis casibus conflctatam, & perpetuo morbo teneretur.

### TEXTVS XLV.

Nihi, verò prohibet interdum disidentibus iis penes quos interimendius esse oportet occursum singulos æstimantes, aut iis maxime vti, qui ad exitum euentuum & ad ea, quæ post censequutura sunt, comparati esse videntur aut omnium pro virium magnitudine valentium. obseruationem instituere, eorum vehementiam & imbecillitatem iisdem rationibus coniectantes.

Causam subiectarum nostrarum geniturarum diximus esse exactam notitiam illorum: nec consensus illarum inter se tum paternæ, tum etiam auitæ parum facit. Itaque & illud adiecimus, peculiarem necessitudinem locorum obuiantium ad genituræ loca esse obseruandam. Veluti si qui inuat, aut necet parti fortunæ imperet, erit id ob diuitias: Quod si iterum loco erit, detrimentum in itinere si noceat: Si autem inuet, ex transmutatione aëris vel itinere ad balneas Rutilus si ascendi dominetur, inuetque, ipse industria & animi fortitudine euadet: si noceat, despondebit animum, voletque quomodo mori. Quod etsi per se rarum sit, frequenter tamen contingit ob alias causas: Velut desperationem, iram, timorem, luctum. Adiciunt alij quod Iuppiter auxilia significat per medicos in morbis, & in violentis à magistratibus. Venus verò in violentis ab amicis gratia, largitionibus: In morbis autem diuinam quandam & certè incognitam sanationis rationem pollicetur: Velut per somnia, præcantationes, fortuitosque quosdam casus. Cui etiam opinioni Ptolemæus consentit.

Cæterum quod ad textum præsentem attinet, si duo vel tres Anæretæ simul obuiant, morietur certè. Sed vnde mors duo dicit obseruanda Ptolemæus, & tertium insinuat, Primum est, ut à robustiore sumas indicationem, veluti radij oppositi corpore sunt potentiores: corpus radiis quadratis: sinistri radij quadrati potentiores dextris: quoniam in sinistris Planeta imitatur eum, qui se toto corpore iniicit in ictum, in dextris qui se



se trahit. Similiter stantes & in angulis robustiores sunt motis & cadentibus : & directi retrogradus , & aucti motu tardè semoventibus , & dignitatem habentes in loco ubi manent , & ubi radios proiciunt , quàm si in altero locorū vel ambobus sint peregrini : & ascendentes , & absidem magis quàm descendentes : & commixti aliis Planetis , vel fixis , quàm solitarij : & propè eclypticam quàm remoti : & Boreales quàm australes : & orientales occidentalibus : & supra terram iis , qui infrà terram : & diurni de die nocturnique , de nocte quàm contrariis modo : & in masculinis signis quàm foeminis : & iuxta quatuor pūcta cardinalia maximè Vernalium & Aestiuum , quàm in aliis locis , & in fixis signis , quàm mobilibus vel communibus : & generaliter Saturnus validior est interfector , quàm Mars , & in morbis maximè. Secundum est quod debemus præponere eum , qui consentit cum aliis , veluti si Saturnus & Mars sint Anæretæ , Saturnus significat mortem per morbum , Mars violentam , Sol verò significat publicam : Vel Mercurius latronem & furem , vel Iuppiter iudicium & damnationem à iustis viris , tunc dicemus quod morietur morte violenta , & non ex morbo , Et si incidant in eadem tempora Saturnus significabit morbum succedentem cruciatibus tormentorum , & tristitiæ ac mœrori animi , & squalori ac pectori carceris. Tertium quod insinuat Ptolemæus est , quod si aliqua calamitas publica accedat utpote strages in prælio , naufragium , pestis , morietur ex illa Anæretæ afflictione , quæ illi magis calamitati congrua fuerit.

## CAPVT XV.

## TEXTVS XLVI.

*De forma & temperatura corporis.*

**E**Narrata à nobis de vitæ spatio pertractatione , dicamus secuti præscriptam ab initio seriem , de forma & corporis de lineatione. Quandoquidem quæ corporis sunt natura ante animam finguntur , corpus cum sit densius , cognatas ferè habet peculiarum suarum commissionum apparitiones. Anima non nisi post & paulatim infusas sibi à prima origine dotes in lucem profert. Quæ verò extra nos sunt , succedenti magis deinceps tempore aduentant. Obseruare igitur vniuersum oportet orientalem finitoris partem & succedentes aut gubernadæ eius ius possidentes errores , sicut diximus. Partim verò & Lunam similiter. Nam ex horum loco-

rum iisque imperantium informandi natia vi & horum temperatura , amplius ex coascendentium ipsius fixarum stellarum deliniatione , ea quæ ad corpus fingendum spectant colliguntur , ita tamen ut primas tribuamus stellis penes quas dominandi ius est , secundas ipsorum locorum peculiari naturæ. Primum igitur si quis illud singulari & simplici via prosequatur , hunc habebit modum.

Dicit tria sunt de quibus sermo habendus est : corporis effigies , animi qualitatem & fortunæ casus. Corporis effigies statim apparet , ut homo natus est , animi qualitates aliquanto post , tardius fortunæ casus. Igitur primum de corporis effigie tractandum est. Hæc igitur sumitur ab octo rebus per ordinem. Prima est dominus ascendens. Et secunda dominus loci Lunæ. Tertia locus ascendens ab horizonte vsque in finem domus : Veluti si ascendat in prima genitura vigesima nona pars Leonis , capiemus Solem pro parte minore , sed Mercurium pro maiore , quia plus est de signo Virginis longè quàm Leonis. Quarta est locus Lunæ. Quinta stellæ coascendentes domino ascendens. Sexta stellæ coascendentes domino loci Lunæ. Septima stellæ coascendentes ascendenti. Octaua stellæ coascendentes domino loco Lunæ. Ista igitur sic se habent per ordinem , ita tamen ut multum faciat linea finitoris , sicut & in dominis coascendentes per centrum stellæ : quia remotio per vnum gradum non dat dimidium effectus : Et per duos gradus quartem partem. Volo dicere quod si aliquis Planeta sit in linea finitoris & alius sit prope vnam gradum domino ascendens , quamuis dominus ascendens sit in primo ordine , & ascendens in tertio , tamen plus poterit stella , quæ est in finitore , illa quæ est cum domino eius. Neque esset inconueniens quod ascendens præferetur domino loci Lunæ : quia textus Græcus habet *ὡς μέρους τῆς τοῦ ὡς αὐτοῦ* non *κατὰ μέρος* , Et mihi placet hæc opinio. Ut-  
cunque sit , si vni Planetæ plura ex his contingant plura etiam posse consentaneum est , velut in octaua genitura Venus , Luna , & Iuppiter multiplices habent potestates singuli. Iuppiter est in finitore & est dominus loci Lunæ : Venus domina loci Lunæ ascendens solium habent in vtroque : Luna per se significat , dominaque est ascendens & ipsum sextili aspectu respicit. Planetæ autem qui commiscetur illis sunt Veneri quidem Mercurius propter coniunctionem , & Saturni radij trigoni. Lunæ verò Mars propter quadratum & caput Persei. Nam coascendere re dicuntur quotiescunque fuerint in eodem semicirculo positionis superius declarato Hoc autem si velit inuenire per planispharium licebit melius etiam per sphaeram solidam. Non verò quin per tabulas Ioannis Monteregij id peragas : Et sunt exactiores instrumentis ,



strumentis, nisi instrumenta sint magna valde, tamen vsus tabularum est tædiolosus, laboriosus, & periculosus de errore: Et maxime quia Monteregius malè fecit in hoc quod non apposuit rationem operationum, quàm videmus in tabulis Alphonsi: adeò, vt nisi sit peritissimus Mathematicus, oportet vt perpetuò inhæreat regulæ & tabulæ Monteregij, quod ipse studiosè fecit, vt homines essent serui libri eius: Vnde iuste à patre meo reprehendebatur. Nam homo sit obnoxius errori trifariam: Primum si tabula aliqua in parte mendosa sit: Secundum si finisrè aliquo modo regulam intelligas, quod facillè euenit inter tot varietates latitudinis Borealis, Australis, ascensionis rectè, obliquæ, arcus nocturni vel diurni, totius vel medietatis in medietate, descendente, vel ascendente super terram, vel infra terram: ob id meo iudicio optima est sphaera solida magnam, vel planisphaerium magnum & adamussim ex ære factum. Nos tamen aliquando si licebit (Est autem brevis res vrpote duorum filiorum) rationem harum tabularum explicabimus. Nunc autem sufficiat monuisse lectorem, qui his cum ratione vt voluerit, vt quemadmodum fabricatæ sint intelligat. Intelliget autem alioquin iam exercitatus tamen, si tabularum eiusdem Monteregij de primo mobili regulas, seu propositiones diligenter fuerit assequutus. Cæterum vt ad rem reuertar, in præsentī negotio postquam res per circulos positionis agitur & corpulenta est, corpusque Planetæ aut stellæ non virtus sola requiritur, non minor vtique habenda est latitudinis ratio, quàm longitudinis, quòd peculiare fermè est huic negotio de forma corporis habenda atque proprium.

Verùm dubitabit aliquis, nonne consideranda erunt in hoc regio, & ciuitas, & victus ratio, atque parentum forma: nam videmus plerunque filios esse parentibus similes qualis est filia mihi: alios autem vt natu maior meus ad vnguem similis patri meo? Respondeo quod de patria & ciuitate, & modo viuendi Ptolemæus superius in primo libro satisfecit, quia cum hic dicet quod Saturnus facit nigrum si sit occidentalis, intelligemus de Germano quod non erit niger, sed obscurior aliis. Et Iupiter orientalis facit Æthiops splendidiore & nitidiore carne, non albos. Et ita omnia quæ subiunguntur intelligi debent, & referri ad homines, qui eisdem muris circumambiuntur. Porro quod ad parentes attinet & auos, & patruos, & fratres, quoniam iam genituras consentire necesse demonstratum est. Illud verò in quo consentiunt etiam in ipsa genitura comprehenditur, si vniuersam illam explicauerimus. Explicabimus & partem qua natus suis maioribus, aut fratribus assimilatur. Adeò vt illa similitudo tanquam pars in toto contineatur. Quòd si quis parentes agnoscat priusquam iudicium fecerit, nihil plus habebit, quàm vt quod intellectu concepit melius exprimendo ac sensui propius veriora dicere videatur, ac non nati formam descripsisse quod Astrologi proprium est, sed de-

Tom. V.

pinxisse potius quod Physionomi officium est. Sed quod ad effigiem attinet, quæ ex laboribus mutatur, vt in rusticis, vel ex arte, vt in ferrariis fabris, vel ex vitæ miseria, vt in pauperibus, vel ex morbo, vel ex casibus, non est hic sermo: quanquam de casibus sequenti capite dicturi sumus. Illud quoque non est prætermittendum omnino, vt quæ hic de parentibus, & de maioribus, tum de patria ac ciuitate, ac consuetudine obseruanda esse diximus, aut omittenda vt non necessaria, sed solum vtilitatis causa consideranda pro effigie corporis inquirenda, eadem ad vnguem etiam de qualitatibus animi dicta esse intelligantur.

## TEXTVS XLVII.

Nam inter stellas sanè Saturnus quum orientalis est, flauos commodeque habentes procreat, capillis nigris, crispo capite, oculis magnis & statura moderata: Temperatura verò humidior & frigidior. Occidentalis verò cum est, nigros & macilentos, & paruos, capillo simplici, tenues aliquantulum moderata statura, nigris oculis, temperatura verò frigidiori & sicciori.

Iouis autem sydus locis prædictis imperans, orientale, albos cum quadam coloris commendatione, capillitio mediocri, nigris oculis, & bene magnos, forma venerabili, temperatura verò magis declinante ad calorem & humorem. Occidentalis verò cum est, albo quidem calore, sed indecenti: item capillis rigidis, aut recaluastris etiam & caluos, statura mediocri, temperatura verò humidior.

Martis sydus orientale, rubescens efficit & bonæ staturæ, ac valentes, oculis cæcis, hirsutos, capillamento mediocri, temperatura calidiori & sicciori. Occidentalis verò rubentes omnino, statura mediocri, exiguo capite, sub tenues, flauis capillis, rigidos, constitutione verò corporis sicca.

Ventris similia iis efficit, quæ Iupiter, nisi quod elegantiora, & plausibilia, muliebremque magis habitum decentia omnia habitiora, succulentiora, ac denique teneriora. Peculiariter verò oculos dat decenter sub lucidos.

Mercurius orientalis flauescens, statura temperata & conformi, oculis exiguis, capillamento mediocri, temperatura magis ad calidam accedente. Occidentalis verò cum est, flauos, rara, & tenui corporis contextura, oculis, cauis, caprinis pedibus, subrubescens,

B b



befcentes, constitutione corporis sic-  
cior.

Quod dixit *αἰρόποδας* intelligere debemus  
tenuis pedes & obliquos, aliquid cum  
tibia tenui quales sunt capris. Credo tamen  
potius legendum *αἰρόπας* ab oculorum si-  
militudine cum capris: unde morbus oculo-  
rum sic vocatus, quod hi qui tali morbo  
laborant caprillos habeant oculos. Estque  
id rationi & experimento consonum: sunt  
enim Mercuriales caprillis oculis. Cæterum  
non solum simpliciter hæc scire decet, sed  
composita observatione: Velut quod si Sa-  
gittarius ascendat, Iuppiter verò sit in Ge-  
minis in septimo loco, corpulentos facit &  
præpingues. Nam Sagittarius primo facit  
latis crassos: & Iupiter plus, tum maximè  
in angulo & ascendens respiciens, & in Ge-  
minis signo humano, & vernali, & dupli-  
cis corporis, & ubi Iupiter cadit: sic nos  
maximam corpulentiam observauimus. Facit  
& hæc constitutio desides, & desidia corpu-  
lentiam, & corpulentia desidiam, atque  
ita vides quàm pulchrum sit in his philoso-  
phari. Animaduertendum quod hæc & re-  
liqua, quæ dicuntur maximè intelliguntur  
in ætate status, id est, à trigésimo vsque ad  
quadragésimum annum. In cæteris verò  
ætatibus relucet indicia harum constitutio-  
num, Sed si fuerint euidentiora indicium est  
constitutionem esse validam.

### TEXTVS XLVIII.

Opitulantur autem unicuique ho-  
rum configurati. Sol quidem ad for-  
mam decentiorem producendam &  
habitationem.

Luna verò maximè in separatione  
vniuersim ad maiorem conformita-  
tem, & robur ac temperaturam viui-  
diorem. Particulatim verò habita ra-  
tione illuminationis sicut in princi-  
pio huius operis recensuimus.

Per principium huius operis intelligit ca-  
put de configurationibus erga Solem: Luna  
igitur in prima quadra, corpus facit humi-  
dum valde & calidum parum, atque ita de  
aliis. Et hæc propriè significat. Generaliter  
autem in separatione Arabes interpretantur:  
Ego malim intelligere ab ipso significatore  
formæ corporis. Facit magis commensura-  
tum, temperatum, atque viuidius, robu-  
stiusque.

### TEXTVS XLIX.

Rursus in genere cum matutinæ  
sunt stellæ & apparentes, ingentia  
efficiunt corpora, cumque in prima  
statione fuerint, valida, ac firmis late-  
ribus: Præeuntes verò, immoderata,  
& cum secundo constituerint imbe-  
cilliora: Occidens vero dignitate pror-

sus nulla, & vitiorum sæcunda.

Quinque ponit status trium superiorum  
orientalis validissimus, facit ingentia cor-  
pora: in prima statione, valida: dum retro-  
cedunt, malè temperata: idè incommensu-  
rata, lego: in secunda statione profus imbe-  
cilla: post verò penitus morbosa, & sine vlla  
bona qualitate. Veneris verò & Mercurij  
status non hi sunt, sed ex his intelliguntur.  
Non tamen adèd manifestas habent differen-  
tias, vt superiorum status inter se differunt:  
Quoniam inferiores magis inconstantes sunt,  
& neque synceras habent constitutiones:  
nam cum primum in oriente ante Solem ap-  
parent, aut retrocedunt, aut ad Solem ipsum  
accedunt: Ita validi vndeque esse non  
possunt.

### TEXTVS L.

Accum loca quoque ipsa ad con-  
figurationes maximè informationū,  
& temperaturas, vt diximus, condu-  
cant, in genere rursus, qui à verno  
æquinoctio & æstiuo conuersione in-  
tercipitur quadrans, coloris graria ef-  
ficat, staturosos, valentes, oculis niti-  
dis, magis ad humidam, calidamque  
temperaturam accedentes. Qui ve-  
rò inter æstiuam conuersionem &  
autumnale æquinoctium compre-  
henditur, colore medio, conformi  
statura, valentes, oculis nigris, hirsu-  
tos, capillis crispis, calidiores & siccio-  
res: Qui inter autumnale æquino-  
ctium & conuersionem hybernæ in-  
tercipitur, flauos, graciles, maculosos,  
raræ corporis contexturæ, capilla-  
menti mediocris, decentibus oculis,  
frigidiores & sicciores. Qui à bruma-  
li Solstitio & Verno æquinoctio con-  
tinetur, nigros statura conformi, ca-  
pillis rigidis, subtenues, temperatura  
frigida & humida.

Hoc est quartum, à quo effigies corporis.  
Igitur de signis ascendentibus & loci Lunæ,  
& in quibus domini horum duorum locorum  
constituuntur intelligendum est. Principali-  
ter quidem de signis ascendentis, deinde Lu-  
næ, post significatoris aut significatorum.  
Pertinet autem ad signa noni orbis, seu si-  
gna ecliptricæ æqualia, quorum initium est  
à verna sectione. Per colorem gratum in-  
telligit roseum, per medium rubrum, per  
nigrum autem *μελιχρος*, non atrum, sed fus-  
cum, qui fit calore naturali in profundo cor-  
poris delitescente: Sub quo etiam liuidus in-  
telligitur.

### TEXTVS LI.

Particulatim verò humanæ qui-  
dem figuræ constellationes, tum intra  
signife



## CAPVT XVI.

## TEXTVS LII.

*De vitiis & morbis corporis.*

signiferum, quàm extra comprehensæ conformia & temperata corpora producant. Quæ verò alterius sunt figuræ, deformant ea quidem iuxta suam vniuscuiusque formam hominis corporaturam. Et quodammodo similia iis euadunt membra, vel magnitudine & paruitate, vel robore & teneritudine, & conformitate Magnitudine, vt verbi gratia, Leo, & Virgo & Sagittarius. Paruitate, vt Pisces, Cancer & Capricornus. Rursus, vt Arietis, Capricorni & Leonis, priora quidem & superiora ad valentiorum corporis constitutionem faciunt, inferiora & posteriora ad infirmiorum: Ita contra Sagittarij, Scorpij & Geminorum, anteriora quidem ad imbecilliorum temperaturam iuuant, posteriora verò ad robustiorum. Similiter Virgo, Libra & Sagittarius, conformitatem adducunt & moderationem. Scorpius verò & Pisces, & Capricornus minus sibi constantem temperaturam, & incommensuratum. Et in alijs similiter, quæ quidem omnia contemplant & commiscentes, propriam & exactam temperaturam rationem assequemur.

Primum signum sumpsit à natura Planetarum: Secundum à missione luminarium & habitu eorum: Tertium ab habitu Planetarum ad Solem. Quartum à signis Zodiaci nonæ sphaeræ de quibus in præcedenti textu. Et hæc magnis circa temperiem & quæ ab ea proueniunt, Quintum, quod est præsens, est de compositione & forma corporis, non de temperatura: Et sumitur à signis octauæ orbis, quæ constituuntur à situ stellarum. Propterea si quis causam velut intelligere eorum, quæ hic dicuntur à Ptolemæo & generaliter de cunctis signis octauæ orbis, quæ in Zodiaco sunt pronunciare, habeat sphaeram solidam, aut in plano depicta signa cum stellis, quæ in eo sunt, videbit, velut apud Higinum, quod priora Arietis sunt magis suffulta syderibus, quàm posteriora, & cur Scorpij posteriora sint validiora eadem ratione. Frequentia enim stellarum facit robur: commensurata illarum dispositio decentem formam: distantia in longitudine magna staturam in: staturam in latitudine crassum corpus. Subiungit author ignotus Martem efficere superiores partes tenuiores Geminos, sed ego Pisces reor pedes magnos, & aliquando agrippas obseruauit aut quater Iouem, in Geminis, in septimo loco ascendente Sagittario, tam uasta efficere corpora, vt vix inuenirentur equi, qui eos ferre possent.

*Tom. V.*

**C**um proxima his sit de vitiis & morbis corporis disceptatio, ea nobis primum explicanda est. Et hic eos qui generalem inuestigationem spectant, respicere oportet ad finitoris duos, orientalem, scilicet & occidentalem. Maximè verò ad occidentalem, quodque ipsum antecedit, quod quidem nulla necessitudine cum horoscopo coniunctum est: obseruare etiam maleficas stellas conuenit, quomodo affectæ ad ipsum fuerint. Si enim ad partes succedentes iis, quæ iam dicta sunt constituerint, corpore aut radiis tetragonis, oppositisue, siue vitæque maleficæ, siue harum altera, vitia & morbos corporis nato infligunt. Idque potissimum, quando luminarium vel alterum, vel vtrumque in angulis, ita vt diximus, situm est, vt vel vna sint, vel ex aduerso. Tunc enim non solum si succedat maleficorum quispiam, verum etiam si præcedat luminaria, ipse centrum obtinens potest vitium morbumue inferre, pro ratione locorum finitoris & signiferi, proque natura ipsorum, vel maleficorum, vel affectorum syderum, iisque configuratorum.

In quo differat vitium à morbo inferius declarat his verbis (Separata enim sunt hæc duo, ac vitium quidem semel infligitur, nec constantes dolores adfert morbos verò, vel continuos, vel reciprocos (id est, vitia sunt, vt cæcitas, surditas, clauditas: inflicta enim semel dolorem afferunt, inde postea nequaquam: morbi autem in hoc veniunt omnes, quod dum adsunt dolorem afferunt, sed duorum tamen sunt generum, quidam enim sunt reciproci, vt asthma, comitalis, podagra, qui vt abscedunt, redeunt: morbi verò non reciproci sunt, vt febres & morbi laterales. Vitia præterea fermè sunt inseparabilia, sed minus affligunt, morbi contra natura sua sunt separabiles, licet reciproci medij quasi natura sint inter simplices morbos & vitia. Lapis in vesica quamuis perpetuò affigat: morbus tamen est potius quàm vitium. Sed vt dixi, quasi medium est. quinque igitur proponit in hoc textu, quibus ego tria alia ex ratione & obseruatione addo. Primum est quasi materia & sunt tres loci, septima, in de prima, deinde sexta domus (ordine illas refero) adiicioque quod obsequi aui, rationique est magis consentaneum,

B b 2 primam



primam & septimam vitia, sextam, morbos efficere. Secundum quod habet rationem causæ agentis maleficæ in his locis positæ, seu oppositis, seu quadratis succedentes, id est, maximè prope & post illarum initia (vt in secunda figura Saturnus) significant vitia vel morbos. Mars quoque in eadem figura idem significat: quia licet sit prope finem sextæ domus: quoniam tamen septima deterior est sexta, idè nihil minus significat tota sexta domus, quàm eius initium. Regula hæc enim declarata est superius dum de locis Apheticis ageremus. Quod cum duo loci coniuncti habent eandem significationem, pars vltima vnius, quæ alteri committitur eandem ferè habet vim & aliquando maiorem, si validiori in ea causa committatur, quàm initium. Tertium, quod rem facit euidentem & auget (Nam pauci sūt, qui aliquibus vitiis vel morbis non detineantur iuxta poëticum illud: Quisque suos patitur manes) (scilicet constitutio maleficæ in angulo cum luminari, vel in opposito eius, vel quadrato: tunc enim vel vitia facit, vel morbos graues, & inseparabiles si solum in sexto loco sit: Velut in secunda genitura, Mars in sexto loco est, radiisque quadratis Solem in medio cæli perit, radiisque ipsi succedunt Soli non illum antecedunt. Hic aliud adiiciendum quod obseruauimus, maleficas in sexta domo positas, plus longè efficere, quàm radiis locum afficientes. Quartum, quod in hoc statu sola vna malefica etiam antecedens potest morbum inferre dummodo malefica sit in angulo ad vnguem, hoc est, esse secundum centrum. Quintum, quod tales pestilentia contingunt pro natura trium principalium, seu potius quatuor, scilicet loci mundi, puta primæ vel septimæ domus, medij cæli, vel imi, duodecimi vel sexti loci, & pro natura signiferi duplici scilicet à configuratione stellarum & locis respectu punctorum cardinalium, vt sæpius diximus, & maximè in capite præcedenti: Et à natura maleficæ, & affecti syderis & natura stellarum illis configuratarum. Propterea difficile est inuenire morbum simplicem, aut vitium propter tot causas, quæ principalibus commiscuntur. Tertium est, quod nos adiicimus plurimum referre, si domini locorum ad corpus pertinentium, id est, ascendentis vel loci Lunæ, vel ipsa Luna in iis locis malè afficiantur à maleficis extra positis, aut si maleficæ in his positæ illas alibi constitutas malè afficiant: Dico autem septimam & sextam domum. Nam prima rationem habet patientis loci, id est, eius qui afficitur potius, quàm qui afficiat alium. Quamuis contingat etiam maleficas ibi positas nocere propter luminarium ab illis iacturam.

### TEXTVS LIII.

Partes enim vniuscuiusque signorum loco horizontis affecto circumfusa, significabunt corporis partem laboraturam, & vtrum vitium futurum sit, an morbus, an potius vtrum-

que: astrorum verò naturæ, horum euentuum genera & causas aperiunt. Nam ex potissimis hominis partibus Saturnus præest auditui dextro, vesicæ, spleni, pituitæ, & ossibus.

Iuppiter, tactui, pulmone, arteriis & semini.

Mars, auditum sinistrum possidet, renes venas ac pudenda.

Sol, visui imperat & cerebro, cordi, nervis & deinde dextris omnibus.

Venus, in olfactum, hepar, & carnem dominium exercet.

Mercurius, sermonem gubernat, & menti, rationique præsidet, linguæ etiam, felli & sedi.

Luna, gustui, & gulæ, stomacho, ventri, vuluæ, & sinistris omnibus.

Videtur in his verbis quadam contradictio, quoniam primo dicit quod partes signorum significant partes corporis laborantes: & etiam an sint vitia, vel morbi, vel vtrumque, & post modum dicit istud de Planetis: Nam docet, quod Planetæ significant ipsas partes & non signa. hoc ad Haly dat vnā responsionem bonam, dicens, quod intelligit Ptolemæus per partes signorum, quæ sunt in horizonte, id est, in septimæ vel primæ initio fines seu terminos. Velut in secunda natiuitate Iuppiter est dominus termini septimæ domus, & Iuppiter significat pulmonem & arterias idè morbus erit in pulmone. Et similiter in secunda natiuitate exemplari Haly, Sol afficitur à Marte & Cauda, & Sol significat nervos, idè habuit læsionem in nervis: & habebat pedem sicut bestia. Sed hæc responsio quamuis bona sit, non videtur satisfacere verbis Ptolemæi: quia Græcè habet καὶ ἡ ἀστέρα φύσει καὶ τὸ κακόντων, καὶ καὶ κακὰ φέρων, id est, & astrorum natura malè effectorum & malè afficientium. Vnde videtur aliud velle, per (Et) coniunctionem significare Planetas aliud partes signorum, seu terminos, qui vim Planetarum significarent. Præterea ipse exponit etiam de Sole & Luna, partesque illis tribuit, sed Sol & Luna non habent terminos, qui sint partes signorum, sed tota comprehendunt signa, sed Ptolemæus intelligit per corporis partem in signis partes exteriores, ita vt Aries capiti, Taurus collo, Gemini brachiis, Cancer pectori, Leo à furcula pectoris vsque ad vmbilicum, Virgo ventrem inferiorem, Libra nates, Scorpio pudenda, Sagittarius coxas, Capricornus genua, Aquarius tibias, Pisces pedes. Per membra autem à Planetis significata intelligit interiora & humores. Quantum verò ad distributionem ipsorum, quia Ptolemæus non fuit Medicus, melius erit iuxta rationem & experimentum, ita partes corporis Planetis attribuere.

Saturnus præest auditui dextro, vesicæ, spleni, ossibus, malancholiæ & pituitæ crudæ non naturali, carthilaginibus & ligamentis.

Iuppiter tactui, pulmone, sanguini, iecori & carni.

Mars



Mars auditui sinistro, renibus, felli, bili atque intestinis, & fedi.

Sol oculo dextro & cordi, & arteriis, sanguinique in eis contento.

Venus olfactui, gustui, semini & vasis feminariis, pudendis utrinque sexus, ventriculo.

Mercurius nervis, menti, rationi, memoriae, digitis, spiritui.

Luna cerebro, & oculo sinistro, & pituita naturali, & quando est plena luminibus, significat pituitam multam inspidam, & dulcem: Et si commisceatur Saturno acidam, quia multa difficile fit falsa aut amara: sed vacua luminibus paucam. Idem si Marti commisceatur facile amarescit vel fit falsa, Paucum enim à leui causa inficitur.

Similiter notandum est quod membra pleraque à duobus vel tribus Planetis gubernantur: Vt cerebrum ratione substantiae à Luna ratione tot arteriarum à Sole, ratione spiritus & facultatum à Mercurio.

Explanator ignotus non male tribuit membra iuxta temperamentum: velut pulmonem, quod sit aëreus Ioui, & ea ratione carni & tactui. Sed iecori & sanguini quod sit temperatus.

Quod verò dixit vitia simul & morbos, sunt velut carcinomata & fistulae.

#### TEXTVS LIV.

Solent verò vitia plerunque accidere, cum orientales sunt maleficae, morbi è diuerso quando sunt occidentales. Separata enim sunt haec duo, ac vitium quidem semel infligitur, nec constantes dolores affert, morbos verò, vel continuos, vel reciprocos.

Malus quanto potentior est tanto deterior: Orientalis autem potentior est occidentali, idem malefica orientalis dat vitia, occidentalis autem morbos. Bene autem docet Haly Ptolemæum per haec verba insinuare omne genus roboris & comparisonem in illis superius descriptam.

#### TEXTVS LV.

Quantum ad accuratiorem minutionum euentuum observationem attinet, sunt peculiariora quaedam his considerandis schemata, ab euentibus crebris ex similibus configurationibus originem habentibus, annotata & collecta. Orbitates enim portentuntur, alterius quidem oculi, quando Luna solitaria in praefatis angulis reperitur, aut cum Sole congregiens, aut ei ex aduersum posita: Et cum in alterutra reliquarum ergo Solem configurationum, applicatur nebulosarum stellarum alicui in signifero conuersantium, ut iis quae in Cancri constellatione sunt, aut Pleiadi, aciei

Tom. V.

quoque sagittae Sagittarij, & aculeo Scorpionis partibusque Leonis circa Berenices crinem, item vnae Aquarij. Amplius quando Mars aut Saturnus ad Lunam in angulis sitam, & occidentalem ipsi orientales ascenderint, aut hi ipsi in centrīs constituti, Solem antecesserint. Si verò ambobus luminibus, siue in eodem signo, siue ex opposito, sicut diximus sitis configurerentur, matutini quidem ad Solem comparati, ad Lunam verò vespertini utriusque oculo minitantur. Mars quidem à plaga, aut pulsatione, ferro aut visione, cœcitatem inducit, & si Mercurio conciliatus est in palæstris & gymnasiis, aut ab hominum malorum incurfibus. Saturnus verò per suffusionem, frigus, glaucomata, & his similia.

Tradita ratione generali, docet domo singularia. Et primo circa nobilissimam partem corporis, & operationem, id est, visum. Et explicat quatuor modos, seu potius tres, nam quartus est compositus ex secundo & tertio. Et primus modus est quadruplex: Primus est, ut Luna sit sola in ascendente vel septima domo, & applicet vni stellae nebulosae signiferi. Et numerat sex Pleiades Afinos, cuspidem Sagittarij, aculeum Scorpionis, vnam Aquarij, & quae in Leone sunt iuxta crinem Berenices. Circa quod notandum est, quod quatuor sunt loci facientes vitia in oculis: Primus est nebulosarum stellarum: Secundus Lactae viae: Tertius stellarum, quae sunt naturae Solis & Martis, vel Lunae & Martis: Quartus stellarum occultarum. Praeterea scias quod etiam in aliis angulis quandoque sunt cœcitates, ut in figura subiecta patet. Nam cum dictum esset mihi, vidissemque puellam cœcam ambobus oculis praedixi necessarium esse, ut Luna multum affligeretur, oblata figura apparuit Luna cadens & combusta in angulo cum Ioue cadente combusto, & in angulo, & cum Mercurio, & cum stella occulta ex Zodiaco, & Iupiter erat in cauda sua, & Venus etiam impedita, & Saturnus in centro imi caeli dominus loci luminarium, & Iouis, & cum tribus stellis de natura Martis & Lunae, quarum vna etiam est nebulosa, & omnes Planetae in via Lactea & sub terra: idem cœcitas erit incurabilis, quae incepit à paralyti quarto anno cœcitaris, & processit ex dilatione pupillae: Idem erit brevis vitae etiam, vel saltem morbosa toto tempore vitae suae. Sūt enim beneficae impeditae, & ambobus luminaria impedita, & omnia in angulis & sub terra, & Saturnus dominus omnium in centro imi & caeli cum nodo. Est autem ex gente illustri. Secundus modus est quod Luna sit in quadrato dextro vel sinistro. Solis cum his omnibus & est peior. Tertius modus est si his stantibus Luna sit in opposito Solis: Et manifestum est, quod est adhuc secundo deterior. Quartus si fuerit coniuncta

Bb


3

Soli



Soli cum his, scilicet, ut sit in vno illorum angulorum, & vadat ad vnam stellam ex his applicando, & hic est pessimus.

Secundus modus principalis, quando Luna fuerit in altero istorum angulorum post Martem, vel Saturnum & eisdem angulis.



Tertius modus quando loco Lunae fuerit Sol, & ante ipsum Saturnus, vel Mars in angulo, tunc significatur ex quocunque horum trium modorum cecitas in altero oculorum. Nota quod per centra intelligit, ut aliàs dixi cuspides angulorum, ut non intelligas fines ipsorum angulorum. Nam angulum vocat *γωνίαν*, anguli autem summitatem *ἀκρόγων* Græcè Ptolemaeus.

Circa secundum modum potest esse triplex sensus: Primus est, ut Luna sit post maleficam, sicut etiam Sol: Venus ascendat primus gradus Arietis, & Mars sit in tertio gradu, & Luna in quinto, vel sexto eiusdem: Et hoc modo legit Haly: Et sic non differt à modo Solis. Sed non videtur verisimile, quia Ptolemaeus facit differentiam inter modum Solis & modum Lunae. Et etiam quia in verbis sequentibus dicit quod maleficae debent esse matutinae ad Solem, & vespertinae ad Lunam: At sic essent matutinae etiam in comparatione ad Lunam. Præterea quomodo possunt ascendere ad Lunam, nam neque motu diurno, cum antecedant ipsam Lunam, nec proprio cum Luna sit velocior illis? Secundus sensus est, ut gratia exempli, Luna sit in decimo gradu Arietis in occidente: Sit autem gradus occidentis, quartus Arietis: Et Mars sit in oriente, in duodecimo gradu Libræ: Tunc Luna erit occidentalis à malefica, & tamen malefica ascendet motu diurno ad ipsius Lunae oppositum: quia Luna est propior angulo, quam malefica. Et iste modus posset esse verus, quia stat cum litera & veritate rei. Tertius sensus est ut legatur Litera hoc modo (Amplius quando Mars aut Saturnus ad Lunam in angulis situm, & orientalem ipsi occidentales ascenderint) utpote quod Luna sit in primo gradu Libræ, & ascendat vigesima octava pars Virginis, & Mars sit in tertio vel quarto gradu Libræ: Tunc Mars ascendit ad locum Lunae motu diurno: & posset etiam dici orientalis in comparatione ad Lunam non mutando literam: quia posteriora sunt propinquiora oriēti

quàm anteriora. Veluti si ascendat decima pars Arietis, sexta pars est propinquior orienti: Et dicitur magis orientalis quàm quarta pars: Et quarta quàm prima. Sed hoc modo oporteret capere orientale sub alio significato. Quidquid sit, intellectus literæ Ptolemaei debet capi sub tertio, vel secundo sensu, & non sub primo: quia etiam sub his duobus sensibus ultimus respondet experimento & rationi. Ratio autem talis est, ponamus Solem in primo gradu Arietis, Martem in vigesima octava parte Piscium, & Lunam in vigesima sexta eiusdem. Tunc dico quod Mars ascendit ad Lunam motu diurno, quia proprio non posset eam attingere: Et Luna motu proprio vadit ad Martem. Et ita fit duplex mutuus concursus, quomobrem Luna damnatur. Rursus Mars damnatur Solem, quia Sol motu diurno fertur ad locum Martis, & ita damnatur ab ipso. Et si dicas quare requiritur dispar ratio in Luna, & Sole respectu motus diurni: Nam in Lunæ motu diurno malefica fertur ad Lunam, & in Sole Sol fertur ad maleficam? Respondeo quod cum motus ab occidente in orientem sit quædam retardatio motus diurni, sic fit quædam collisio: quia Luna motu proprio mouetur ad maleficam, & malefica ad Lunam motu diurno, & idè breuiore tempore sibi occurrunt, quare etiam maiore concursu, quasi colliduntur. In Sole autem cum Sol sit potentissimus non potest offendi, nisi à potente Planeta: Sed superiores occidentales & prope Solem maximè sunt debilissimi: Igitur si debent inferre cecitatem, oportet sint orientales ipsæ maleficae à Sole.

Quartus modus est quando uterque oculus damnatur, oportet autem ambo luminaria esse in centro eodem vel oppositis, Reliqua sunt clara, sicut etiam illud quod Saturnus faciat ista per morbos & sensum: Nam est frigidus & infert sua mala paulatim: Mars calidus, & idè violenter & repente:

### TEXTVS · LVI.

Rursus quando Venus constituitur in aliquo prædictorum angulorum maximè in occasu cum Saturno congregiens, aut ei configurata, aut loca mutuo cum eo permutans, & supra eam Martis sydyus attollitur, aut ex opposito ferit, maribus quidem sobolem negat, foeminis verò abortiones decernit, crudos partus ac foetus laceros, maximè in Cácro, Virgine, & Capricorno, ac si Luna in ortu Marti se applicat. Quod si Mercurius Veneri hoc modo configuretur cum Saturno, & rursus Mars supra eam elatus sit, aut ex aduersum respiciat eunuchi aut hermaphroditi, & quorum genitales meatus concreti sunt in lucem producantur. His ita habentibus cum etiam Sol configu-

ratur



ratur & luminaria, vnâque Venus, masculina sunt, & Luna occidentalis, & ad eam maleficæ per proximè sequentes partes ascendant, mares quidem euirati nascuntur, & testium vitiis afflicti, præcipuè in Ariete & Libra: foeminae verò, iufrugiferæ & steriles. Aliquando neque ab oculorum vitiis liberi sunt, qui ita nascuntur.

Exponit secundum singulare magnum quod ad sterilitatem pertinet, cuius sensus est: Si Venus fuerit in oriente vel occidente, sed magis in occidente, & Saturnus fuerit cum ea vel in illius aspectu quadrato, vel opposito, vel commutet dignitatem, vt si Saturnus sit in Tauro, & Venus in Capricorno, & Mars super Venerem eleuetur, vel opponatur, significat vt in textu. Quid autem sit eleuari visum est superius.

Secundus casus est deterior, vbi omnibus his positis Mercurius, Veneri iungitur aut respicit, aut locum commutat. Quæ sequuntur clara sunt.

Tertius casus est, cum his omnibus positis luminaria configurantur, Veneri vno trium modorum dictorum in Saturno, & Mercurio, & Luna fuerit occidentalis, & ad eam ascendant maleficæ quod est super eam eleuari: Tunc hoc erit pessimum, & simul patientur, & in membris genitalibus, & in oculis. Manifestum est enim quod talis constitutio ratione luminarium offendit oculos & ratione Veneris genitalia. Itaque vtrumque complectitur detrimentum.

Notandum quod vt benè dicit Haly, si hæ constitutiones fuerint valde potentes, erunt post natiuitatem. Tempus autem cognoscetur ex quinque, robore constitutionis, quod facit celeriores euentum, situ Planetarum ad mundum, & Solem, progressionibus, directionibus & diuisionibus ætatum, cum natura Planetæ vitium significantis congruentibus.

### TEXTVS LVII.

Impedita lingua sunt & blæsa, ac balbutiente, quotquot Saturnum & Mercurium habent, in prædictis angulis congregantes cum Sole, maximè quando occidentalis etiam est Mercurius, & ambo cum Luna configurantur. His verò forte adiunctus Mars, soluere plerunque solet linguæ inuolutionem, posteaquam Luna illi obuiam fit.

Hic est textus, qui hæreticos in Astrologia ad fidem deducere posset, vnde mira sunt Prognostica.

Sed nec omnia hæc, quæ sequuntur duo vitiorum genera solum eueniunt cum maleficæ & significatores in angulis fuerint, sed etiam si in sexto loco omnes vel alter eorum, id est, malefica vel significator ex sexto loco

alterum respexerit quocunque aspectu, vel etiam si extra locum. Malefica ipsa ipsi sexto loco dominetur: Erunt tamen leniora. Et inter hæc sextilis vix sentitur, sicut oppositio pessima est. Et hæc si in signis congruentibus fiant erunt deteriora: Velut in mutis signis pro læsione linguæ. Sunt autem muta signa Cancer, Scorpio, Pisces, rauca verò quadrupedum veluti Arietis, Tauri & reliquorum. Exemplum habes in genitura filij mei ultimi inferius.

### TEXTVS LVIII.

Rursus si vellumina ad maleficos in centrīs hærentes ascenderit, aut ex opposito ab ipsis impedita fuerint, maximeque Luna in nodis siue flexuris constituta, aut in signis obnoxiiis, nimirum Ariete, Tauro, Cancro, Scorpio, & Capricorno, vitia corporis eueniunt, gibbi, scilicet aut claudicationes, & luxationes, siquidem cum ipsis luminaribus fuerint maleficæ ab ineunte ætate & horæ partus. Sin autem in cœli fastigio fuerint, & supra luminaria eleuentur, eque regione ponantur, à grauibz periculis, nimirum præcipationibus, aut latronum incursionibus atque quadrupedum. Si Mars hoc pacto elatus est ab igne, aut vulneribus tumultuosè illatis, aut latrociniis. Si Saturnus ex præcipationibus, naufragio, artuum contractionibus.

Declarat quartum magnum vitium, claudes, gibbos, contortos, qui omnes sunt maximè propter nodos, cum in ascendente, vel aliis angulis fuerint: maleficis adiuvantibus: sunt enim impressiones magnæ cum ipsæ ad apices angulorum cum luminaribus ascenderint. Sed si in eadem parte etiam fuerint constituti, vitia erunt à natiuitate. Declarat etiam quod maleficæ in Medio cœli declarant talia accidentia contingere per terribiles casus quos declarat in textu. Sunt autem loci prauī Caput, & deterior Cauda, & nodi Planetarum proportionē respondentes Capiti & Caudæ, id est, sectiones vbi Planetæ eclypticam transire eundo ad meridiem & Boream: & quædam signa detruncata, quæ sunt Aries, Taurus & reliqua, quæ in textu ponuntur.

Inquit Haly ego prædixi gibbositatem, quæ durauit duodecim mensibus in natiuitate, in qua Luna erat iuncta cum Marte & capite Draconis in duodecima domo, qui erant in quadrato aspectu Solis cum Ioue, qui in tertia erant. Et temporis quantitas tot mensium quorū est numerus annorum reuolutionis Iouis: quia Iuppiter sub Solis radiis positus erat. Ego verò obseruauī frequenter Caudam maximè cum Luna, & per sæpe cum aliis Planetis in angulis constitutam obliquos quoquomodo efficere. Itaque diligenter in-



ſpiciendum cum nodos Planetis iunctos in angulis inueneris.

### TEXTVS LIX.

Verum enim verò vitia vt plurimum eueniunt in ſignis tropicis & æquinoctialibus Luna verſante. In verno quidem ſigno, potiſſimum ex vitiligine: In æſtuo ex impetigine. In autumnali ex lepra: In hyberno ex lentigine, & id genus aliis,

Hoc eſt quintum vitium, quod ad cutim pertinet ſolum & carnes, & leuius eſt catēris. Eſt autem clara textus ſententia, modo per lepram intelligas ſquamofam ſcabiem & profundam, non elephantiaſim. Significare poteſt & dominus aſcendentis damnatus hoc modo in autumnali ſigno, quemadmodum in noſtra genitera. Proportionem autem reſpondent morbi temporibus. Leuiſſima eſt vitiligo, quæ ſolam cutem ſœdatur: grauior impetigo, quæ colorem pilorum mutat, profundius in carne hæret: deterior lepra autumnō reſpondens, pruritus enim adducit.

### TEXTVS LX.

Morbi verò accidere plerunque ſolent, quando in prædictis conſtitutionibus malefici conſigurantur modo contrario, videlicet veſpertini cum Sole, cum Luna matutini. In genere verò Saturnus ventres frigidos efficit, ſuperuacuis humoribus plenos, pituitoſos, deſluxibus obnoxios, tenues, valetudinarios, diſentericos, tuſſientes & ægrè ſordes tuſſi eiicientes, colicos, leproſos, amplius ſcæminas ex vtero laborantes. Mars ſanguinem expuentes, atra bile detentos, anhelos propter affectum pulmonem, ſcabiſoſos, & qui nunquam non vel in ſciſſuris, vel uſtulationibus, aut teſtioribus corporis partibus laborent, fiſtulis nimirum, ſanguinis effluxibus, aduſtionibus etiam ac ſuccenſis, depaſcentibusque vlceribus. Fœminas amplius præter hæc abortibus, aut fœtus mutuli & inchoati enixibus & corroſionibus ſolet inuoluere.

Debilioribus conſtitutionibus ſunt morbi) Ideoque cum maleficæ ante Lunam, (refugit enim Luna ob proprii motus celeritatem: vel poſt Solem (debiles enim ſunt) peculiariſſime verò Saturnus morbus facit longos frigidos, & ea membra afficit, quæ ſunt exanguia, & quæ tamen officio addicta ſunt, veluti ventriculū. Pulmones verò ob deſſationes, quia cerebrum lædit. Et vt vna regula omnia comprehendam, Iupiter & Venus Veri aſſimilatur, & temperatæ conſtitutioni,

Mars ſæſtati, Saturnus Hyemi, Mercurius Autumnō. Vide igitur quinam morbi æſtate & hyeme vigeant, & tales vnicuique maleficæ tribues, quæ illi temporī aſſimiletur.

### TEXTVS LXI.

Peculiares etiam aſtrorum conſiguratorum naturæ ad corporis partes peculiaria, quædam in morborum generibus efficiunt. Iuuat autem ad malorum vehementiam Mercurius. Saturni enim frigus intendit ei conciliatus, magiſque conſtanti motione incitat pituitæ deſluxus, & humoris turbam, præcipuè circa pectus, ventriculū ac guttur. Marti operam nauat exiccando, vt in vlceribus ex denudatione & ſiccitate prouenientibus, incruſtatis apoſtematis, igni ſacro, lichenibus feris, ſiue ex nigra bile orientibus, comitali, lepra & his aſſinibus.

Lichenes, ſeras, vocat graues impetigines & forſan elephantiaſim. Mercurius enim in vniuerſum omnium ſex Planetarum naturam inducit: Et vt facilius mala eueniunt quàm bona, ita ad morbos promptior. Proprie autem impetum addit materierum fluxui propter morus facilitatem & tenuitatem ſubſtantiæ luminis. Et frequenter agitationem & perpetuam mutationem in morbis, quæ plurimum affligit: vt etiam in vexatione, hoc autem accidit ab illo ob multiplices illius motus.

### TEXTVS LXII.

Similiter iuxta ſignorum variationes, eorum videlicet, quæ in angulis eſt dictis figurationibus circumfunduntur, accidunt quædam morbis propria. Cancer enim in primis, & Capricornus, Piſcesque & omnino quæ terreſtribus ſunt, & aquaticis ſimilia ſigna, vlcerum depaſcentium, ac ſerpentium calamitates inſigunt, impetiginem, ſcrophularum, fiſtularum, lepræ & his ſimilium. Sagittarius verò & Gemini comitalem. Et quæ in poſtremis partibus ſignorum reperiuntur aſtra, extremis artibus morbos & vitia inferunt, per humorum, ſcilicet deſluxus, vnde lepræ, & vniuerſim podagræ, & chiragræ oriuntur.

Hic ponit proprietates ſignorum octauis orbis, quæ deſcribuntur per ſtellas, ſicut prius ibi (Verumenimverò vitia) proprietates ſignorum noni orbis. Itaque Cancer, Capricornus & Piſces faciunt depaſcentia vlcera, &



& morbos iuxta cutim, tum quia animalia hæc naturæ sunt Mercurij, tum quia hærendo comedunt. Sagittarius verò & gemini comitalem propter naturam Iouis, & Mercurij mistam: Et etiam quia, vt dixi, Mercurius dominatur rationi & neruis, quæ ambo in comitali morbo afficiuntur. Illud verò de corporis partibus pulcherrimum est & consideratione dignum, quod non à signis noni orbis, sed octauæ indicia accipit: Vnde multi decipiuntur: Cuius exemplum demonstrabo in figura filij mei natu minoris.

## TEXTVS LXIII.

His igitur ita constitutis si nullus beneficorum configurabitur, maleficis morborum authoribus, aut luminibus angulos occupantibus, insanabilia & grauiora erunt, siue vitia, siue morbi. Idem coniectandum est, si configurati quidem sunt benefici, sed à maleficis suppositi in potestate constitutis. Si verò ipsæ beneficæ stellæ iuxta præcipuas configurationes positæ, supergrediuntur supra maleficas, quæ morbis, vitiisque occasionem dabant, tunc vitia decentia erunt, minimoque dehonestamento, morbi mediocres, beneque tractabiles, & nonnunquam facile curabiles, quando videlicet beneficæ stellæ, orientales sunt. Ac Iupiter quidem humanis auxiliis per opes & dignitates tegere vitia solet, morbosque mitigare. Cùm Mercurio etiam medicamentis & Medicorum consiliis: Veneris stella deorum prædictionibus & oraculis vitia quodammodo elegantia plausibiliaque efficit, morbos diuinitus petitis curationibus mitigabiles: At si illi Saturnus congressus sit, non sine ignominiosa poena & vulgò nota, aliisque id genus. Si Mercurius non sine subsidio & lucro ad ipsum ægrotum ex morbis & vitiis reddituro.

Septem facit, tria pro vitiis, tria pro morbis, & vnum commune quod ad causam agentem pertinet. Cùm enim vitia sint insanabilia, morbi verò insanabiles, sufficit in vitiis vt tegantur, & honestiora reddantur. Morbi verò vt curentur conuenit: teguntur verò & curantur validioribus auxiliis, vt etiam validioribus causis fiunt deteriores. Itaque ab orientalibus stellis maiores procedunt utilitates & à beneficiis auxilia, velut à maleficis detrimenta. Ergo si nullæ sint beneficæ, nec morbi, nec vitia minus mitescunt: Si autem beneficæ supplantantur à maleficis, vt pote quod sint in illarum dignitatibus, sci-

licet maleficarum, beneficæ sub terra sint, & in cadentibus locis, auxiliabuntur quidem, sed valdè parum. Si verò beneficæ fuerint potentiores, maximèque si sint orientales, morbos quidem curabunt, vitia verò regent. Reliqua sunt manifesta, nisi quod Mercurius cum per se sanare non possit, multum tamen Iouem & Venerem si bene sit dispositus, iuuat. De morbis quidem Ptolemæus fatetur, quod diuino prætextu, Astrorum autem auxilio, curentur: De vitiis nequaquam. Quamobrem Christi & Sanctorum miracula non infringit. His enim vitia curabantur non morbi, nisi de focu Petri, quæ febris curata est: Sed id inter mira non miracula refertur.

## CAPVT XVII.

## TEXTVS LXIV.

*De qualitate animi.*

DE iis igitur quæ corpori eueniunt sit hoc veluti simulachrum quoddam considerationis. Eorum verò quæ ad animæ qualitatem pertinent, intellectus quidem & rationis contemplatio à Mercurij constitutione accipienda vbique est, morum verò & hebetiorum animæ actionum & à ratione secretarum, à luminaribus corpulentioribus, nimirum à Luna & astris illius, vel separationi, vel applicationi configuratis.

Differentiam rationis & intellectus si velis habere, quoniam ea ad Mercurium spectant, ab hebetioribus animæ qualitatibus, quæ à Mercurio pendent quales sunt prudentia, constantia, vrbinitas, simplicitas, comitas, musicæ petita, curiositas, diligentia, granitas, austeritas, pietas, superbia, liberalitas nitor, parcitas, inuidia, lætitia, impudentia, superstitio, morum compositio, facilitas, promptitudo, ineptia, patientia, fides, & talia multa, considerare oportet mores illorum in quibus maximum est discrimen constitutionis Mercurij & Lunæ. Et rursus eas in quibus Mercurius multum Lunam exuperat, & versa vice in quibus Luna multum Mercurium vincit, tum verò in quibus vtrique pares atque potentes, demum vbi vtrique pares atque imbecilles. Exposui autem plurima exempla in libris Astronomicis, Trapezuntij, Phil'elphi, Alciati, Petrarchæ, Facij Cardani parris mei, Corbetæ atque aliorum. Verùm in omnibus duo memineris obseruare: Vnum scilicet ne Planetam ipsum, sed locum eius, id est, non tam Mercurium & Lunam, quam loci illius dominos obserues. Alterum vt hos locos & dominos ad ascendens ipsum conferas. Atque ne omninò in incerto vageris & vt præsentia magis



magis spectes, duas pro exemplo subiei. Harum altera sexta est suppositarum in fine geniturarum, ubi Luna in Sagittario est, & cum Scorpij corde & in Solis quadrato, & Veneris sextili, licet occidua, tamen his gaudet: at Mercurius contra combustus in aqueo signo cadens à domo, & exaltatione in Iouis quadrato. Itaque literarum penitus ignarus ad summam peruenit auctoritatem, fortuna, ut dici solet virtutem comitante. At contra in duodecima genesi Mercurius iuxta anguli apicem, cum Venere à Solè liber & matutinus trigono radio Iouem aspiciens, illumque recipiens in suo trigono. Luna verò combusta cadens ab altitudine, ad Solem iens, in fine anguli, cum Australi nodo absque beneficæ testimonio vndequaue infelix: Quid aliud decernebat, quàm in agendis vtrum minimè, ut ita dicam, aliis similem, sed ineptum. Vnde illi in iuuentute misera vita, in senectute morboſa, tota verò calamitosa, plena periculis & persecutionibus. At eruditio tanta ut etiam ipsis æmulus foret admirationi: Et mundum sanè ac seculum hoc nostrum illustravit. Et ne quid ad maximum discrimen horum duorum syderum, in genitura hac deesset, vnicus loci Lunæ dominus in vilissimo totius schematis loco fuit: Dominorum autem loci Mercurij vterque in centrīs angulorum, alter ascendentis reliquus occidentis, ut sic tota vita eruditione illustrissimus haberetur. Nec semiculorum quorundam more desipere. Verum enim verò qui vltimum corpusculi illius labefactati spiritum dies clausit, idem vidit in summo sapientiæ culmine animum constantem atque illæsum.

Scire etiam decet Mercurium cum Soli iungitur aptos ad negocia efficere, quoniam tria sunt, quæ negocia ad effectum, ut ducantur, faciunt, ut secreto tractentur, & cum auctoritate horum vtrumque facit Mercurius sub Sole, quia nec videtur & Solis vi fulcitur, quasi prope regem tertium est, ut prudenter id contingit ex aliis: at distans plusquam 20. partibus maximè verò 24. omnino ineptos, nam palàm & nullam cum auctoritate, vnde infelices sunt in actionibus & plerumque pro fatuis habentur ostentantes se, nam Mercurius tam procul videtur, & à Solis quasi patrociniò recedit, iidem ad eruditionem aptiores, quoniam animum liberiores eruditio requirit, vnde raro in vtroque quisque præstat, sed quando cautiore ed imperitior, & quando petitor ed incautiore. Considerare etiam oportet si recedat Mercurius aut accedat, semper autem melius est generaliter, ut cum longius distiterit accedat cum iusto propior Soli fuerit recedat. Nam processu ætatis tales proficiunt ea parte, qua peccant: nec tamen destituuntur, ab eo quod iam possident. Quibus ergo mediocriter aliter ab altero distat ad omnia apti sunt: sed in nulla parte tamen euadunt singulares. Considerare etiam oportet reliqua ab ortu & occasu directione retrocessu commistione ac illius statu, sed priora multiplici experimento comprobauimus.

Meminisse autem vbique oportet inerrantium stellarum de quibus superius egimus. Et si cum Planetis sint aut in locis principalibus, aut in positionis circulo cum dominis locorum Lunæ, aut Mercurij. Quodque ibi prætermisum est, scilicet an statum habeant, quæ sic constitutæ sunt stellæ: Voco autem statum cum eadem die in centrīs inueniuntur cum Sole, vel etiam Luna, voco centra lineas angulorum. Contingit verò hoc septem tantum modis vtiliter primus est cum stella videatur ante ortum Solis in oriente, vel si post ipsum constituta videri possit ab occasu. Secundus ut statim ante ortum Solis videatur stella in cœli medio, vel etiam si oriente Sole (at hoc debilius est) licet non videatur stella cœli centrum ad vnguem occupet. Tertius ut antè Solem orientem stella occidat statim, vel si simul quod minus est. Quartus, ut oriente Sole stella imum cœli obtineat ad vnguem. Quintus cum Sole imum cœli occupante oritur ad vnguem vel occidit. Sextus cum occidente Sole stella cœli medium occupat, vel statim ab occasu, quod melius est. Septimus si occidente Sole stella ad vnguem imum cœli occupet. Hi modi non coincidunt, neque tamen plures imaginari posse non possunt, qui non coincidunt. Nam cum ad statum diei referantur & ad potentiam, alij esse non possunt. Quod si actū id contingat, ut scilicet Sol & stella in centrīs angulorum sint, erit hoc potentius ac firmitus. Cæterum & illud pro sententia Ptolemæi percipienda ac exemplis intelligendis obseruandum est, quod per animæ rationalis qualitatis intelligere debemus imaginatricem virtutem, memoriam, rationem, atque intellectum. Verum ne Ptolemæi sententiam à nostra alienam esse credas, intellige Lunam cerebrum significare, atque eas vires, quæ magis ex sensibus pendent, & illis sunt propiores. Mercurius verò significat spiritum cerebri. Ut ergo quilibet Planeta suos habet effectus & animi qualitates, siquidem Saturnus perseverantiam & pertinaciam. Iupiter probitatem & simplicitatem. Mars fortitudinem & iram, vnde crudelitas. Sol gloriæ amorem & ambitionem seu superbiam. Venus amorem & luxum. Mercurius prudentiam & vassiciem. Luna promptitudinem & instabilitatem. Hæ diuersis in partibus corporis fundamentum habent, utpotè corde, iecore: non tamen ad actum deducuntur nisi cerebrum, & spiritus animalis hos effectus suscipiendo exerceat. At cerebrum, ut dixi, Lunæ: Spiritus animalis Mercurio subiicitur: Quamobrem locum Mercurij, & Lunæ in omnibus affectibus animi considerare oportet. Non tamen in singulis affectibus hi erunt principales, sed ut dixi, alios Planetas considerare decet. Velut in grauioribus doctrinis Saturnum, & Iouem in eloquentia. Venerem in decore & maiestate, & glorioſis facinoribus Solem.

Dubitatur quonam pacto Mercurius poterit dici male affectus, cum in Alciari genesi peregrinus & Marti innotus sit, in secunda genesi combustus, in octaua vespertinus retrogra



retrogradus & sub radiis, nec tamen vllus horum eruditionis fuit expers: Quinimo & in sexta genesi non deest ingenium, promptum, sagax, & illustre: Ptolemaeus, vt dixi, non à Mercurij dispositione ingenij qualitatem venatur, sed domini loci illius. Quòd si modo lædatur, facit hoc in signis aqueis præcipuè Piscibus, Saturnique radiis infelicitibus afflicti. Nec tunc præter eruditionem, quæ ex literarum studiis habetur quicquam negat. Nam retrocessum & combustionem ob consuetudinem non timet. Nec aliud præstat retrocessus nisi ingenij tarditatem, vt celeritas promptitudinem. Combustus verò studia disciplinarum negat, eloquentiam & historiarum cognitionem non prohibet. Itaque omnia potius ad loci dominum quàm ad ipsum Mercurium sunt referenda: Pati etiam parum videtur ob proprii luminis claritatem & siccitatem: Vt contra Luna, quod Solis lumine plurimum splendeat & humida sit, multum videtur affici. Eos verò qui ita afficiuntur stultos solemus vocare, quod à communi vsu deuiant. Vbi verò Mercurius malè afficitur solum hebetes appellamus: at hebetudo parui æstimatur, cum frequens res sit. Quanquam viderim etiam non afflicta Luna, sed solo Mercurio: verum egregiè à Sole & malefica præcipuè Saturno stultos factos esse. Ob id etiam contingit quod cum Mercurius ingenio præsit, Luna moribus, plerosque stultos afflicta potius Luna quàm Mercurio fieri, cum tamen contrarium potius contingere deberet. Sed, vt dixi afflicta Luna nati à communi consuetudine declinant, & ob id stulti iudicantur. Mercurio autem laborante ingenium fit obtutum, segne, & turbulentum: hoc tamen cum non adèò sit conspicuum hominibus, verè stultos facit, non tamen ita videri.

#### TEXTVS LXV.

Cum verò multiplices sint animæ motionum & variæ formæ, merito sanè & hanc considerationem non simpliciter, & temerè instituerimus, sed per multam ac variam observationem. Ac signorum quidem qui Mercurium & Lunam, & dominium in eos exercentia sydera circumstant, differentiæ multum momenti adferunt ad peculiare animorum dotes, & rationem habentium ad prædictorum astorum genus, configurationes ad Solem & angulos, ac denique peculiaris vniuscuiusque syderis ad animæ affectiones procreandas natura.

Quod iam dixi constans est: scilicet non Lunam, non Mercurium inspiciendos esse, sed eorum locos: hic verò declarat quomodo istud sit obseruandum, atque id ex quinque. Primum est locus ipse tam Mercurij,

quam Lunæ: Secundum est dominus illorum locorum: Tertium est constitutio colligatorum, vt ita dicam Planetarum cum illis locis, vel cum dominis eorum habitus ad Solem: Quartum habitus eorundem ad angulos: Quintum & vltimum peculiaris cuiusque syderis respicientis, vel coniuncti illis locis proprietas ac natura ad animæ qualitatem declarandam. Quæ omnia singillatim exponet.

Circa quòd notandum est, quòd vt dicebat Ha'y in commento, si Mercurius sit robustior Luna, anima rationalis vincet sensitivam: & maximè si Mercurius sit in signis longarum Ascensionum, & Luna in signis breuium. Dico ego addendum esse, quod sit Mercurius in signis imperantibus, Luna in obedientibus, tunc enim omnibus numeris rationalis anima sensibili imperabit: contrariis causis sensibilis imperat rationali: atque id est, longè frequentius, adèò vt si videas in illis genituris iam adductis quantumvis sapientissimorum virorum, in omnibus ferè præterquam Erasmi & patris nostri Luna Mercurio dominatur. In nostra verò vehementius, quàm vellem: ob id enim odio habemur, quod cum aliis non sentimus. Causa autem cur tot homines sensibus pareant, tam pauci rationi, à Ptolemaeo exposita est: Quia Mercurius rationi, Luna animæ sensitivæ præest: at Luna plerunque validior est Mercurio, propter duas causas. Prima quia longè maior est corpore & validior lumine. Secunda, quia Mercurius propter parvam distantiam loci eius à Sole semper plerunque est sub radiis eius.

Ex his liquet Planetas in centro ascendentis, vel iuxta maximas circa animi affectus vires habere. Etenim vix fieri potest, quin in Mercurij loco, aut Lunæ aliquam habeant potestatem: Qua ascendenti communicata simul & ob anguli robor maximè animum afficiunt. Saturnus igitur cautos, Iupiter eruditos, Mars efficaces, Sol graues, Venus fœcundos, Mercurius promptos, Luna comes facit.

#### TEXTVS LXVI.

Signa igitur mobilia, vt generatim dicamus, publicolas mentes generant, ciuiliū, forensiumque negotiorum cupiditas: Amplius, ambitiosos, diuinis vacantes, ingeniosos, agiles, indagatores, inuentotes, benè coniectantes, refutatores, diuinatores, Bicorporea vero signa, varios, mutabiles, indociles, leues, permutationis avidos, neuiquam simplices, sed versipelles, amatores, musicæ studiosos, negligentes, obuios, ad poenitendum pronos. Fixa, æqui obseruantes, ab assentatione alienos, constantes, firmos, intelligentes, tolerant, laboriosos, rigidos, continentes,



illatæ iniuriæ memores , cœpti operis persecutores , contentiosos , ambitiosos , seditiosos , cupidos , perfractos , non faciliè flexibiles.

Locorum ipsorum naturam iam incipit declarare. Scientia & inuentio à mobilitate quadam ingenij proueniunt. Idè mobilia signa ad linguas præcipuè discendas sunt aptiora. Communia ad conuersationem, quia homines sunt natura fallaces. Fixa ad magna opera, & ad regnandum, nam tales decet esse graues & minimè mutabiles.

#### TEXTVS LXVII.

Configurationum quæ orientales sunt, & apud horoscopum, maximè quæ in propria persona: Liberos simplices & præfractos, fortes, ingeniosos, & acutos, apertosque faciunt.

Hoc est tertium & quartum: stellæ quæ sunt orientales & maximè cum primam emergunt à terra, vt nobis Iupiter, quia sunt potentes, faciunt liberos & suis viribus confidentes. Eligit autè ex orientalibus in mundo solum quod est horoscopo proximum, vt in sequenti ex stationibus tantum primam. Comparat autem orientalem statum, quo ad Solem exortui supra terram: Sicut in sequenti stationem primam, stellæ medium cœli possidenti.

#### TEXTVS LXVIII.

Matutinæ verò stationes & cœli culminationes: Ratiocinatores, constantes, magnanimos, memores, cœpta vigentes, immobiles, fortes, fraudis expertes, prudentes, inflexibiles, crudos, censores, negotiosos, scelerum vindices, scientiis idoneos.

Hic comparat stationem primam in qua adhuc Planeta est orientalis ( loquendo de superioribus ) ipsi cœli medio: nam vtrobique vt superius visum est Planeta vltimum robur acquirit. Sic in sequentibus angulum occidentis, vespertinamque visionem simul confert dicens.

#### TEXTVS LXIX.

Ortus verò stellarum in noctis exordio, & occasus: Instabiles, flexibiles, infirmos laboris impatientes, faciliè concitabiles, humiles, viles, timidos, dubios, timidè audaces, obtusos, iactabundos, tardos.

Hic bifariam posset intelligi ortum stellarum in noctis exordio: scilicet cum in oriente emergunt oppositæ Solis, vel cum in occidente illum sequuntur: sed intelligit tantum

de stellis tertij status, id est, quæ Solis oppositionem iam superauerunt. Hæ igitur occasui in mundo comparantur vtrique debiles: Debiliores tamen ratione Solis quàm anguli occidentis. Idè animam pessimè affectam nunciant. Neque tamen credas quod hic situs aliis in causis, adè debilis sit. Sed in animæ qualitibus validissimus exigitur.

#### TEXTVS LXX.

Vespertinæ stationes, & subterraneæ culminationes: amplius in Mercurio & Venere die quidem vespertini obitus, noctu verò matutini: Ingeniosos, & sapientes, non nimis memores, neque laborum, aut patientes, aut cupidos, occultorum perscrutatores, & inuisarum rerum indagatores, vt magicarum, mysteriorum, sublimium, mechanicarum, fabrilium, operum mirabilium architectos, rerum cœlestium & philosophiæ studiosos, aruspices diuinatores ex somniis, & his affines.

Hæc est quarta comparatio in qua imum cœli confertur vespertinæ stationi, id est, secundæ in qua superiores dirigi incipiunt. Et est status mediocris, quia stationes natura sua sunt validæ, sed secunda est debilior prima. Huic igitur comparatur status inferiorum, scilicet Veneris & Mercurij. In die vespertinum obitum in nocte verò matutinum, scilicet occasum: pro quarum intellectu tabulam hanc subieci ex decimotertio Magnæ compositionis, qua possis scire quando inferiores maximè tum superiores etiam videri possint, aut occultentur. Plurimum enim hoc interest cum Planeta exiens è radiis Solis sit in optimo statu, occultatus verò omnibus viribus careat.

Ortum igitur matutinum intelligit cum stella oritur ante Solem. Ortum vespertinum, cum stella Sole velocior, vt Venus & Mercurius relicto Sole apparent post illius Occasum. Occasum matutinum cum stella Sole velocior, quæ ante Solem apparere mane solebat absconditur, quoniam velocitate sua Solem comprehendit. Occasum vespertinum cum stella Sole tardior, à Sole superueniente occultatur. Manifestum est igitur ex hoc quod fixæ & superiores non possunt habere, nisi duos status, scilicet occasum vespertinum, ortumque matutinum. Rursus inferiores cum habeant quatuor status ob motum, qui quandoque velocior est motu Solis, ea ratione qua tardiores sunt habent ortum matutinum & occasum vespertinum, sed vt velociores Sole habent ortum vespertinum, & occasum matutinum. Primi igitur & communes superioribus sunt cum retrocedunt, aut Sole sunt tardiores: reliqui duo similes Lunæ sunt ortus vespertinus & occasus matutinus.

Pro



Pro Tabulæ igitur intellectu gratia exempli, dicamus quod Venus in initio Libræ (nam Tabula de hoc intelligitur, scilicet initiis signorum ut Ptolemæus testatur) habeat grad. 17. minut. 43. in occasu vespertino, & in ortu grad. 7. min. 49. solum: dices quæ differentia? Dico quod Venus dum tarda est, & versus Solem tendit cum est proxima Soli 17. grad. 43. minut. quia Libra obliquè descendit & ipsa est in parte inferiore epicycli occultatus. Dum verò iuncta Soli in superiore epicycli parte illum superat velocitate motus, sub grad. 7. minut. 53. apparet. Hoc autem maximè etiam contingit ob latitudinem.

Igitur Ptolemæus in hoc textu, quoad in-

feriores duos mediocres status, proponit vnum vespertinum obitum, qui fit cum Planeta, ut dixi, tardior motu est, & matutinum occasum, qui fit cum Planeta est velocior. Sed tarditatem diè compensat cum Planeta est supra terram, velocitatem nocte cum fit sub terra, ut Planetæ status fiat mediocri.

Rursus in utroque observat, ut stella ex occasu nullum recipiat detrimentum: De die orta post Solem etiam si non Sol illi propinquus esset videri nihilo secius poterat: De nocte ante Solem occidens etiam si Sol ab ea abesset non poterat videri: is igitur status medius erat. Quatuor igitur status sunt

Tabula Ortus, & Occasus Planetarum.

|      | Saturni                                                                                                                              | Iouis    | Martis   | Veneris  | Mercurii | Cu       | Vij      |
|------|--------------------------------------------------------------------------------------------------------------------------------------|----------|----------|----------|----------|----------|----------|
| Sig. | ♄                                                                                                                                    | ♅        | ♂        | ♀        | ☿        | ♁        | ♂        |
| na.  | G. m. G.                                                                                                                             | G. m. G. | G. m. G. | G. m. G. | G. m. G. | G. m. G. | G. m. G. |
| ♈    | 23   1   11   28   20   10   10   19   21   12   11   40   3   0   4   9   5   10   10   28   23   58   9   53   9   58   23   38    |          |          |          |          |          |          |
| ♉    | 21   57   11   44   19   6   10   29   20   8   11   48   6   16   4   16   5   9   40   22   15   10   15   10   4   22   19        |          |          |          |          |          |          |
| ♊    | 17   52   12   26   15   51   11   10   17   21   12   30   9   19   5   17   5   12   7   36   18   0   11   47   10   18   16   44 |          |          |          |          |          |          |
| ♋    | 14   2   14   2   12   48   12   46   11   33   14   33   9   50   8   23   5   36   5   59   14   4   15   34   12   22   12   30   |          |          |          |          |          |          |
| ♌    | 11   34   15   34   10   31   14   31   12   38   17   15   8   2   13   3   6   16   5   5   11   25   19   59   13   43   10   29  |          |          |          |          |          |          |
| ♍    | 10   53   16   53   10   1   16   13   11   46   20   5   6   38   18   2   7   22   4   54   10   21   23   13   18   1   9   59    |          |          |          |          |          |          |
| ♎    | 10   48   17   6   9   57   16   34   11   38   21   1   5   14   17   43   7   53   4   54   9   15   25   12   22   49   10   0    |          |          |          |          |          |          |
| ♏    | 10   53   16   53   10   41   16   11   12   48   20   19   5   28   13   47   8   20   4   55   9   44   22   1   20   1   10   19  |          |          |          |          |          |          |
| ♐    | 11   31   15   34   10   40   14   31   12   34   17   32   4   39   8   1   7   49   5   16   9   25   17   25   18   11   11   19  |          |          |          |          |          |          |
| ♑    | 14   2   14   2   12   46   12   48   12   45   14   45   2   42   4   8   6   55   6   35   9   36   12   10   16   54   14   5     |          |          |          |          |          |          |
| ♒    | 17   52   12   26   15   51   11   10   14   35   12   39   0   30   3   16   5   51   8   33   21   27   9   50   11   10   17   50 |          |          |          |          |          |          |
| ♓    | 21   57   11   41   19   6   10   29   16   25   11   49   0   24   3   38   5   22   10   16   19   15   9   43   10   11   21   46 |          |          |          |          |          |          |

inferiorum quorum pessimus est: Die Occidentalis matutinus, & nocte Occidentalis vespertinus: nam cum apparerent, apparere desierunt. Orientalis verò vespertinus in die, & Orientalis matutinus in nocte, frustrantur suo opere: tamen sunt in expecta-

tione. Optimus igitur est in die Orientalis matutinus, & in nocte Orientalis vespertinus. Et quo Orientalis matutinus propter ascensum superat Orientalem vespertinum descendentem, tantum ab eo superatur cum Orientalis vespertinus sit velox motu, matutinus,

Cc autem



autem tardus. Ex his igitur ad mentem Ptolemæi facile est deprehendere status inferiorum

*Status inferiorum.*

Die Orientalis matutinus.  
Nocte Orientalis matutinus.  
Die Orientalis vespertinus.  
Nocte Orientalis vespertinus.  
Die Occidentalis matutinus.  
Nocte Occidentalis matutinus.  
Die Occidentalis vespertinus.  
Nocte Occidentalis vespertinus.

Planetarum: non tamen adeo, ut dixi superius, distinctos, ut sunt superiorum.

TEXTVS LXXI.

Quando verò in propriis aut domesticis locis fuerint astra, quæ separatim animis formandis præsumt, quæ admodum in principio huius operis discreuimus, illustria & non impedita, suis viribus suffulta & lucrosa decernunt sua omnia, potissimè cum ipsa astra utrique loco dominantur, nimirum Mercurio qualitercunque configurata, à Luna separantur, aut ad eam se applicant. Sin aliter sunt sita & in locis alienis, quæ ex sua natura peculiariter animis imprimunt obscura, occulta & inchoata sunt.

Et hoc pertinet ad secundum genus, si quidem dominantium stellarum, quod quidem tria continet. Primum, ut talia sydera sint in propriis locis, velut domo, altitudine, trigono: vel in domesticis, velut masculinus in masculino signo, & diurnus in die: Tunc omnia quæ decernunt illustria sunt, non impedita, valida & lucrosa: sic quod qualitates animi sunt primum illustres, id est, valde manifestæ, deinde non impeditæ, id est, non hæsitantes, neque contrariis permixtæ affectibus & validæ, id est, firmæ: & quæ non mutantur & lucrosæ, quia cum illa animi libertate felix erit. Vix enim fieri potest, ut damnosa bonitas perseverare possit: Ut verò perseveret convenit, ut ingenuitas illa sit cum utilitate: sicut videmus in mercatoribus qui ob fidem plurima tractant, indeque fiunt diuites. Homines enim singuli querunt bonos, quamvis ipsi velint esse mali. Similiter & iurisperiti ob iustitiæ opinionem ad magnos honores ascendunt. Tertium est quod hæc omnia erunt maiora, imò maxima si his duabus conditionibus tres aliæ adiiciantur, scilicet quod dominantur utrique loco principali, quod commisceantur Mercurio, scilicet vel commutatione dignitatum, vel mixture radiorum, vel ut sint in eadem longitudine, vel in eodem circulo positionis, vel in intuentibus, vel in imperantibus & obedientibus, vel quod tertius Planeta faciat translationem luminis ab uno ad alterum, vel quod Planeta ille sit iunctus, vel in eodem

circulo positionis cum stella naturæ Mercurij: Istitis enim octo modis commisceri dicuntur Planetæ: Vltimò quod idem Planeta Lunam ad se venientem excipiat, vel Luna defluat ab eo. Quod si dominantis Planetæ fuerint in oppositis duarum primarum conditionum, id est, nec in propriis, nec familiaribus, erunt contraria pro illustribus obscura & occulta, pro non impeditis impedita & inchoata tantum, debilia quoque pro validis & damnosa ἀπελωτά & ἀσθενήτα καὶ ἀδύνατα, id est, imperfecta & infelicia subsidivse carentia.

Notandum quod cum maximè considerentur tria hæc ascendens, Mercurius, Luna, atque hic consensus robor natura dominantium, & conditio illorum. Consensus efficit ut omnia compræ sint, ubi non colligentur, ut stultitiæ opinionem præbeant, & si nonnulli excellent in sua arte, alij non, parum valeant in civilibus negociis quod autem bene dispositi sint ad robor ingenij & prudentiæ pertinet. Natura dominantium mores declarat stupidi, inertes, avari, crudeles, benigni, mansueti, lenti, iracundi. Dispositio illorum effectus, qui consequuntur & fortunam ac talia. Unde etiam cunctari possumus fortunam eorum. Quis enim etiam ex rebus ipsis non intelligat malè peritum, ignavum, stultum, ac improbum & iracundum. Beneficas ergo præesse persæpe non expedit, sed maleficas potentes, & orientales, ac lætans commistos beneficis. In potentibus autem beneficas cum luminarium auxilio.

TEXTVS LXXII.

Quæ verò ab iis, qui his dominantur, aut elati sunt supra ea proficiscuntur valida, & his quibus insunt noxia sunt omnia, ut qui propter maleficarum stellarum commoda diuersoria mali sunt, dominantibus ipsis stellis facile ad nocendum aliis, ac sine suo periculo, nec impediti, nec sine gloria, & lucro concitantur. Superatis autem his ab iis, quæ sunt alterius sectæ, siue familiæ non impunè aliis insultatur, & animaduersionem facile incurrunt. Contra qui propter beneficarum stellarum ad prædicta loca familiaritatem boni & æqui sunt, si nullæ supra eas elatæ sint, gaudebunt & bene audient ob ea, quæ in alios conferunt beneficia, nec à quoquam contumelia afficiuntur, sed utilis & fecunda erit sua ipsis probitas. Deuictis verò his à stellis contrariis, qui sua mansuetudine & humanitate in aliorum sugillationem & contemptum vim, contumeliamque incurrunt.

Superius quadrariam efferri Planetam super Planetam declarauimus: manifestum est



est autem quod facilius imperant, & dominantur debilibus Planetis, & his qui extra proprias sunt dignitates, & in dissimilibus locis. Dicit igitur eleuari Planetam aliquem super dominum aut dominos qualitarum animæ, & præcipue cum ille dominus, aut domini fuerit imbecillis & extra proprios locos aut consimiles, semper est malum. Et hoc sic probat: Si Planeta qui dominatur loco Lunæ & Mercurij fuerit maleficus significabit improbum, & qui aliis noceat quidem, sed tamen si nullus alius Planeta super ipsum eleuetur, hoc non solum ei erit impunè, sed etiam cum lucro & gloria. Ergo in hoc casu bonum est nullum Planetam super dispositotorem maleficum eleuari: quod si eleuetur, ille quidem erit improbus, aliisque malefaciet, sed malefactorum pœnas dabit: eritque sine lucro & gloria talis improbitas. Quod si dispositio beneficus fuerit, nec alius Planeta super ipsum eleuetur, probus erit ille natus, & probitas illa gaudium, & gloriam, & vtilitatem afferet: Sed si Planeta alius eleuetur super ipsum modo non sit benefica concors, erit quidem probus, sed probitas illa iacturam illi afferet, & contumeliam ac iniurias patietur ab aliis: Et ob id etiam contemnetur & paripendetur. Omnia autem hæc, ut dixi, eò maiora erunt, quò Planeta dispositio fuerit imbecillior.

Animaduertendum quod si benefica eleuetur supra maleficam dispositricem, seu dominam morum & qualitarum animæ, ille dabit pœnas per iudicium & condemnatus à iudicibus: Et erit infamis apud omnes probos. Sed si malefica sit domina morum & super eum malefica alia eleuetur, tunc ille à malis præcipue opprimetur, vel violentes, vel etiam falsis accusationibus, vel veris etiam, sed iniuste tamen ab illis. Vtpotè si fuerint & ipsi flagitij participes, & criminis conscij & coniurati. Ita quod semper in tali accusatione aliquid odij potius & sceleris, quàm amor iustitiæ, vel boni & æqui. Similiter si benefica præficiatur moribus, & malefica super ipsam eleuetur, contemnetur ab improbis, & calumnias ingerent in illum falsas, non tamen damnabitur iudicio, imò potius à bonis defendetur. Sicut in nostra natiuitate in qua illud omnino miraculosum fuit nullius ab improbis pati calumniam, & ne semel quidem publice accusari, nedum accusatum condemnari, quod meræ essent calumniæ. Id effecit, ut Mediolani ob probitatem principum, qui falsas accusationes non solum negligunt, sed talionis pœna rependunt, ut nemo cum tot inimicis, cum tot falsis apud populum insimulationibus, quibus ad annum vsque quadragesimum septimum laborauimus, ausus sit nos iudicio tentare præterquam nebulo pessimus, qui nos de natalitiis propter inuidiam & auaritiam apud collegium medicorum, ne non reciperet spurium me natum esse, dicens accusauit, atque id tutò, quoniam collegium illud ius non habet vlciscendi periueros neque scelestos, sed solum reiiciendi illos, qui aliqua in conditione deficiunt.

Itaque solum sufficit mihi, ut irrita fuerit eius accusatio, quanquam multis annis me extra collegium detinuerint. At qui me detinuit maius peccatum habebat: ob idque miris modis vita tota excruciatum, demum & morte per desperationem multatus, sine ullo solatio vitæ & multo minore spe æternæ consolationis, non minus impietate in Deum, quàm scelere apud homines iamdiu cruciatur in inferno. Si verò benefica moribus præfecta alia benefica contraria natura super eam eleuetur, veluti si Iuppiter dominus sit morum in Capricorno ubi cadit, in septimoque loco. Venerem excipiat ex opposito, quæ in Cancro sit, atque in paucioribus gradibus, ipsa verò erit prope absidem, sitque diurna genitura vel nocturna nihil refert, tunc talis cum Iuppiter futurus sit retrogradus, etiam ob Solis distantiam, erit adèd in sua probitate deiectus, & ab omnibus in alienam trahetur sententiam, ut omnino pro inuiti ab ipsis bonis etiam habeatur. Quemadmodum apud Papienses D. Ioannes Petrus de Curre Iurisconsultus quem cum nemo iure improbitatis accusare possit, tamen adèd bonus est & simplex, ut ab omnibus (quamuis integerrimis viris) omnino negligatur: interdictumque illi sit publice paucis iam ante annis ne quenquam laurea decoraret. Quod in flagitiosissimo eriam turpissimum esset: sed tam enervis bonitas cum Reipublicæ adèd officeret, ad hæc præcepta publicos coëgit magistratus, ne vnus dedecus vniuersam sceleret academiam. Foran diceret hoc ex imperitia illi contigisse: nequaquam: sed ob viri simplicem bonitatem. Neque enim adèd imperitus est, ut alem infamiam mereatur, & multi apud homines ob calliditatem non solum nihil tale passi sunt, sed à vulgo maximo in honore habentur: cum non solum imperitiores illo sint, verum valde plus & sine comparatione. Hæc volui subiicere ut sententiam Ptolemæi optimè intelligeres.

### TEXTVS LXXIII.

Hæc igitur est in genere sumpta harum rerum consideratio, nunc singularia ab astrorum propria natura secundum eorum dominum pendentia, dei nceps summatim percurramus quoad commissionem & contempnaturam eorum, quæ vniuersum deprehendi possunt, assequamur.

Saturnus igitur solus gubernationem animæ nactus, dominusque Mercurij & Lunæ, si bene situs fuerit respectu orbis & angulorum, efficit nimium corporis sui ac vitæ studiosos, rigidis sententiis, profundis meditationibus, austeros, suæ pertinaciter sententiæ adfixos, laboriosos, imperiosos, scelerum seueros vindices, superuacaneis intectos, auaros,

C 6 1 violentos.



violentos, thesauros coaceruantes, inuidos Contra obscuro loco positus, sordidos, præparcos, abiectos, suis sententiis innixos, innidos, timidos, solitarios, maledicos, lugubri semper habitu, impudentes, superuitiosos, laboriosos, suorum liberorum & necessariorum negligentes, domosticis suis insidiantes, tristes, valetudinis suæ rationem nullam habentes. Si verò Ioui sit prædicto modo conciliatus & honorato loco constitutus, bonos, reuerentes maiorum natu, compositos, benè sentientes, allis commodantes, impigros, exacti iudicij, quæstuosos, magnanimos, liberales, temerè nihil inceptantes, familiæ suæ studiosos, mites, prudentes, patientes, philosophos. Si secus ineptos, furioso, formidulosos, supersticiosos, sacra versantes, incantatores, suspicaces, liberorum suorum osiores, amicis destitutos, abditis locis latentes, infidos, ineptè elegantiam affectantes, virulentos, dissimulantes, imbecilles, ambitiosos, ad pœnitudinem pronos, fatuos, ac proinde tollerantes malorum & iniuriarum. Marti verò prædicto modo conciliatus, in prospera constitutione, reddit homines citra delectum multa inceptantes, ore libero, laboriosos, turbulentos, timidè audaces, rigidos, immisericordes, fastidientes aliorum, asperos, bellaces, temerarios, seditiosos, fraudulentos, insidiatores, implacabili ira, perturbationibus inhiantes, tyrannicos, cupidos, Reipub. aduersantes, contentiosos, illatæ iniuriæ memores, funditus improbos, vehementes, intolerabiles, tumidos & inflatos, importunos, gloriosos, infectos, iniquos: impunitos, ab omni humanitate alienos, immobiles, pluribus sese negotiis implicant, agiles tamè & artificij idoneos, intuitos & omnino lucrosos. Si verò infeliciter situs est, raptores, latrones falsarios, flagitiosos; turpilucro incumbentes, incompositos à liberis & necessariis abhorrentes, contumeliosos, insidiatores, fures, periuros, crudeles, nefarios, maleficos, homicidas, incantatores, impios, sacrilegos, sepulchrorum effossiores, ac planè improbos. Veneri conciliatus, prospereque constitutus, efficit homines ingenio à mulieribus abhorrenti, ad senes verò

propenso, solitarios, inamœnos in cōuictu, ac ambitione remotos formasa natiuo odio declinantes, inuenustos, inuidos, austeros, alienos à congressu, & conuictu, suis sententiis innixos, vates, religiosos, mysteriorum & oraculorum cupidos, sacrificos, diuinos, venerabiles, & verecundos, pihilosophos, fideles in conuictu, stabiles, continent, ratiocinandi vi præditos, cautos, ad indignationem pronos, in reuxoria suspicaces & Zelotypos. Si infeliciter situs est, lasciuos, incontinentes, obscenos, sine deliberatione plerunque agentes, impuros in congressu, immundos, sceminarum dolis expositos, ac maximè domesticarum, audaces, prorsus infames, procliues in Venerem, pulchra declinantes, obtrectatores, maledicos, temulentos, obsequiosos, nefariè in coeundo affectos, non in eo tantum, qui naturæ consentaneus est, verum etiam præter naturam seniorum, ac vilium hominum, ac deinceps bestiarum lege vetitos congressus appetentes, impios, Deorum irrisores, mysteriorum, sacrorumque prophatores, infidos calumniatores, nihil non tentantes. Mercurio conciliatus, honorato loco positus curiosos efficit, sciscitandi auidos, iuris indagatores, rerum medicarum studiosos, arcanorum & eorum, quæ vulgò efferre religio est non expertes, miraculorum architectos, captiosos, in diem viuentes, agiles, procuratores, solertes, acutos, amarulentos, diligentes, sobrios, industrios, lucrosos. Contra infeliciter situs, nugoñes, iniuriæ illatæ memores, duri, animis, laboriosos, suorum osiores, inuidos, tristes, noctiuagos, insidiatores, proditores, immisericordes, fures, magos, incantatores, machinatores, mala fide in negotiis versantes, offensatores, facileque impingentes.

Iouis verò sydus quando solum gubernationē animi nanciscitur infelici situ, efficit magnanimos, gratiosos, pios, reuerentes, hilares, humanos, magnificos, liberos, iustos, misericordes, affabiles, excogitandi vi præditos, liberorum & affinium studiosos, principatui & regno idoneos. Diuerso modo positum, similia veluti simulachra iam dictorum animis imprimit, obscurius & humiliter  
omni



omni, aut pro magnificentia, prodigalitate. pro pietate, superstitionem: pro verecundia, timiditatem: pro veneratione, multitudinis existimationem tantum: pro humanitate, fatuitatem: pro amore pulchrarum rerum, luxuriam, seu voluptatis nimium desiderium: pro prudentia magna, cunctationem: pro libertate, respondendi, & quibusvis sine discrimine obloquendi assuetudinem: & id genus cetera.

Marti verò conciliatus honorata collatione asperos producit, pugnares, militari ingenio, & ad res procreandas idoneos, dominos, nemini parentes, audaces, sponte se periculis obiectante, negotiosos, ore libero, ad reprehendendum pronos, cœpta prosequentes, contentiosos, primatum nusquam non affectantes, prudentes, insidiantes, vincendi studiosos, magnanimos, ambitiosos, animosos, omne iudicandi arbitrium sibi sumentes, & hæc omnia feliciter. Si aduersa fuerit Iouis constitutio contumeliosos, siue discrimine vnicuique manus iniicientes, crudeles, irreconciliabiles, seditiosos, contentiosos, peruicaces, calumniatores, insolentes, cupidos, raptores, variabiles, leues, & quos crebro actorum poenitet, temerarios, inconstantes, infidos, multo iudicio, cognitione nulla, turbulentos, insidiosos, faciles ad verbara, querulos, prodigos, nugaces, enormes & inconstantes.

Veneri conciliatus Iuppiter felici situ, puros, voluptuarios, pulchrorum amantes, artificiosos, sciendi cupidos, musicos, cantores, leues, fraudi expositos, beneficos, argutos, minimè malos, pios, & deorum cultores, certaminum studiosos, prudentes, amatores, venustos, sed non sine maiestate quadam splendidos, gnaros, liberales, literarum studiosos, iudicio præditos, modestos ac honestos, erga rem veneream, contentiosos, æqui amantes, & honoris cupientes, ambitiosos, & vt vno verbo dicam, decenter & eleganter probos. Si minus feliciter situs est, delitiis operam omnem nauantes, effœminatos, saltatores, muliebri & euirato, animo, sumptuosos, amatores, segnes, somnolentos, in venerem pronos, adulteros, ornatui nimis indulgentes, molles,

Tom. V.

ignauos, prodigos, ad cauillandum propensus, prope fatuos, affectuum impulsus non coërcentes, cultum & muliebrem elegantiam affectantes, muliebribus sententiis, sacris insistentes lenones, mysteriorum indagatores, fidos sanè & non improbos, gratiosos & affabiles, iucundo conuictu, & in occurrationibus liberiores.

Mercurio verò felici statu conciliatus, literarum cupidos & linguarum, geometriæ amantes, mathematicos, artifices, concionatores, ingeniosos, sapientes, bonos, dapiles, ciuiles & politicos, beneficos, quibus tuto aliquid mandetur, benè moratos, liberales, & qui turba delectentur, calidos, lucrosos, veluti principatu ingentos, pios, deorum amantes, mira in tractando dexteritate præditos, pios erga liberos, & parentes, & necessarios, familiæ studiosos, eruditos, philosophos. in existimatione ob hæc constitutos. Si secus, fatuos, nugonos, in errorem proclives, contemptibiles, furore diuinatorio correptos, sacrificos, vaniloquos, amarulentos, simulant sapientiam, stultos, superbos, commentores, incantatores, incompositos, multa scientes & memoriæ tenacis, ad docendum habiles, minimèque impuris cogitationibus obnoxios.

Martis sydus quando solum animi formandi munus nasciscitur in situ felici, generosos facit, animoque ad principatum propenso, diuitiarum cupidos, versipelles, fortes, multis sese periculis exponentes, temerarios, nulli parentes, sine discrimine inter homines agentes, peruicaces, acutos, audaces, fastidientes aliorum, tyrannicos, ad pugnam proclives, iracundos, ad exercitum ductandum idoneos. Si aliter, crudeles, contumeliosos, sanguinis profundendi & tumultus concitandi cupidos, prodigos, vociferatores, percussores, temerarios, temulentos, raptores, infestos, immisericordes, perturbationibus obnoxios, furiosos, familiæ & domesticorum negligentes, impios.

Veneri conciliatus, in prospero situ amabiles, benèque tractabiles sociorum studiosos, suauiter conuiuentes, lætos, lusu deditos, simplices & apertos, modestos, saltatores, amatores, liberorum amantes, imitatores,

Ce 3 volu



voluptuarios, cultum corporis non spernentes, in venerea vitia pronos & salaces, sed sine incommodo aut damno, quique vitia sua tegere norint, prouidos, reprehensionem & iudiciū, siue censuram aliorum non incurrentes, iuuenum amatores, masculorū æquē ac fœminarum, sumptuosos, iracundos, & Zelotypos. Si secus se habet, natos facit oculis emissitiis, segnes, procliues ad venerea, omnium securos, cauillatores, adulteros, contumeliosos, mendaces, astutos, corruptores domesticorum, & aliorum, utque festiuos ad satisfaciendum cupiditatibus, ita faciliē satiabiles mulierum, ac virginum constupratores, crebro se periculis obiectantes, callidos, immoderatos, insidiatores, periuros, faciles ad lapsum, & dementiam interdum etiam seipsum ornare gestiētes, audaces, peruersos, & insolenter petulantes.

Mercurio conciliatus situ fœlici vehementes reddit in dicendo, militares strenuos, agiles, indespectos, versipelles, habiles, sophistas, laboriosos, veteratores, lingua promptos, ad inuadendum faciles, dolosos, inconstantes, ex insidiis hominem adorientes, malis artibus imbutos, ingeniosos, deceptores, simulatores, insidiatores, malē moratos, curiosos, malorum amantes, prosperē tamen agentes, & cum æqualibus, & similibus faciliē, iucundēque conuersantes, amicē recipientes, ac omnino ut inimicis incommodantes, ita amicos prouehentes. Si aliter situs est, decoctores, alienorum vsurpatores, crudeles, periculis se exponentes, audaces, & quos non rarō actorum pœniteat, faciles ad verbera, immoderati motus, mendaces, fures, impios, periuros, irruptores, seditiosos, incendiarios, histriones, infestos, latrones, sepulchrorum effossos, truculentos, falsarios, mala fide rem tractantes, incantatores, magos, veneficos, homicidas.

Venus sola animi gubernaculo præsidens, honorifico loca sita, blandos, bonos, voluptuarios, omnibus expositos, cordatos, puros, saltandi studiosos, affectatores, lætos, laboris fugientes, artium amantes, decentes, deorum mirē reuerentes, habiles, in somniis felices, pio affectu erga liberos & necessarios, beneficos mi-

sericordes, liberales, lucrosos, ac denique Venereos. Sin aliter, ignauos, amatores, effœminatos, muliebres, timidos, præcipitabundos, in rem Veneream procliues, neque infames, neque claros sed obscuros & latentes.

Mercurio conciliata felici situ, reddit ad opificia manuarum prompto, animo philosophico & scientiis apto, ingeniosos, opifices, poëtas, elegantes, bene moratos, voluptuarios, delicatos, lætos, sapientiæ amantes, amicis amicos, pios, prudentes, varia machinantes, meditabundos, aptos mente, gaudentes officio, celeritē, atque ad eō libenter discētes, idque sine magistri opera, æmulatores optimorum, affectantes eorum, quæ pulchra sunt, ore honesto, gratiarum affatim plenos, sermone amabili, moribus moderatis, probos, arena delectatos & palestra, iudicandi acumine non destitutos, magnificos. Quantum ad Venerea pertinet à mulierum consuetudine abstinentes, ad puorum congressus propensiores & Zelotypos. Si secus irruptores, machinatores, ore impudico, nunc harum, nunc illarum partium, peruersis sententiis, deceptores, perturbatores, mendaces, calumniatores, periuros, penitus peruersos, insidiatores, in-compositos, inhospitales, falsarios, mulierum constupratores & puorum. Amplius cultui corporis deditos, molles, infames, quique in ore sint omni populo, omnibus se immiscētes, interdum rectē iudicantes, interdum secus, turpia perpetrantes, & pro vario affectionum motu vnumquēque contumelia afficientes.

Mercurius sine collega animum gubernans feliciter situs, solertes, ingeniosos, mentis vi præditos, multarum rerum peritia instructos, ad inueniendum idoneos, experientes, beneratiociantes, coniectando scopum ferē attingentes, naturæ rerū peritos. bonæ indolis, imitatores, beneficos, contemplandi vi præditos, mathematicos, arcanorum conscios & prosperē hæc omnia. Si aliter positus est, vafros, impræmeditados, obliuiosos, impetuosos, leues variabiles, ineptē elegantiam affectantes, insipientes, faciliē per errorem pecantes, mendaces, nullo discrimine vtentes, inconstantes infidos, alienis imminentes



res, iniustos & omnino mente labili  
& in errores seductili.

Notandum primo quod Ptolemæus semper in omnibus causis præterquam in Aphetis tria proponit & considerat, scilicet quod est, in quo est, & quod præest. Quod est, ferme quia iam est, parum aut nihil afficitur, seu bene, seu malè se habeat. Quod præest, summā habet autoritatē. In quo est, mediocrē. Exemplum in causa qualitatem animæ Mercurius & Luna sunt, quod est, id est, subiectum & res ipsa. Et idē Ptolemæus parum curat: curat tamen aliquantisper an sint combusti, an validi, an Mercurius retrogradus, an orientalis, &c. Aliquid etiam facit: nam Mercurius velocissimus efficit maximè inconstantes, retrogradus hæsitantes, sub radiis absconditus, ut mihi, tractantes obscuriora & inutilia: Lucens autem quæ sunt in communi usu & utiliora: orientalis liberior: occidentalis dissimulator. Planeta verò qui præest maximam habet potestatem: Velut in genitura nostra Venus proculdubio primo, inde Saturnus, & Mercurius, & Iupiter, & Luna, & Mars. Sed id in quo est, est locus Mercurij & Lunæ, qui plus habet potestatis quàm Mercurius vel Luna, minus tamen quàm Venus, gratia exempli, seu dominus loci.

Notandum secundo quod vnum est generale in omnibus his tribus, scilicet substantiis, dominis & locis, ut inter se configurentur amico aspectu, vel alia ratione convenienti: Et hoc est optimum quod possit esse: ita ut Luna Mercurio & dominis loci configuretur, fiatque commutatio dignitatem & etiam inter dominos.

Tertium est quod in dominis quando soli sunt considerat, quod sint bene dispositi, quod ad orbem, id est, quo ad angulos: nam de signifero & Sole, & comparatione ad alios Planetas superius locutus est. De conciliatione autem Solis ac Lunæ inferius loquitur. Hæc igitur quartum & quintum membrum superius adductum continent. Nam illa in quibus Planeta tam benè quàm malè dispositus convenit, ad substantiam Planetæ pertinent: & idē ad quintum membrum: in quibus verò dissident ad Planetæ situm in comparatione ad angulos, seu ad mundum, & est quartum membrum.

Rursus in mixtionibus oportet considerare maximè duo, primum in convenientibus quis superet aut superetur: Veluti si Saturnus cum Venere sit mixtus, & Venus dominetur magis quàm Saturnus, & potentior etiam illo sit, tunc considera decreta Veneris separata, scilicet quando sola dominatur, & illa augebis: quæ verò sunt propria Saturno, minues. Alia verò quæ non sunt propria nec Saturno, nec Veneri, manent non adē variata.

In eisdem considera mixtionem ex tribus & quatuor Planetis satis diuersam à natura singularium. Considera etiam duas combinationes quas relinquit, nam fieri potest, ut tam primus quàm secundus dominus sint bene constituti, vel ambo malè, & has duas

ponit: fieri etiam potest, ut primus sit bene positus, & secundus male: vel contrario modo, & has relinquit.

Rursus quando sunt duo domini, vel ambo possunt esse participes in ambobus locis ferme æqualiter, & hoc est melius: vel ut unus dominetur plenè in loco Lunæ, & alter in loco Mercurij, & tunc istud est deterius, quia nisi Mercurius Lunæ configuretur tales erunt, valde incompoti in actionibus suis. Sunt igitur tres status, scilicet quando vnus solus Planeta vtrique loco simul dominatur, & hic facit mores sibi vndecunque consentientes, tam in bono, quàm in malo. Secundus est cum duo, vel plures Planetæ in ambobus locis dominantur: & tales habebunt mores mixtos, non tamen varios in diuersis temporibus, sed eosdem semper. Tertius est cum ille qui habet dignitatem in loco Mercurij, non habet in loco Lunæ, & ille qui habet dignitatem in loco Lunæ, non habet in loco Mercurij: & talis status, ut dixi, facit mores valde varios, inconstantes & incompotitos.

Nota etiam quod Planeta dicitur solus dominari qualitatibus animi trifariam, vel quia non commixtus aliis solus in ambobus locis plenè dominatur, velut si Luna & Mercurius orientales, Luna sub radiis latitante, Mercurio verò splendente sub Solis ortum in finibus Mercurij, Venere etiam latitante sub Sole, celebraretur coniunctio Lunæ ac Mercurij in Virgine, tunc Mercurius esset solus dispositio. Et generaliter hic modus fit quando Planeta latitant sub Sole, & relinquitur vnus solus, dominus illorum locorum. Secundus modus est cum Planeta vnus solum dominatur in vtroque loco, & licet alij Planetæ vires maximas habeant singuli in singulis locis, nullus tamen habet vim in vtroque loco simul, tunc qui vim habet in vtroque loco simul, is est solus dominator, si alij non commisceantur illi, nec sint in ascendente iuxta centrum. Tertius modus est cum Planeta vnus dominantur in vtroque loco, nec deest alius qui etiam dominetur in vtroque loco, sed tamen parum dominatur, utpote si sit solum secundus dominus trigoni vel finis, alius autem habeat carpentum in vtroque loco, tunc ille alius, qui habet carpentum in vtroque loco, dicitur solus dominus qualitatum animi. Et reliquis non exhibebit nisi vmbra quandam morum.

Notandum vltimò quod licet Sol & Luna possint sortiri dominum in vtroque loco, scilicet Lunæ & Mercurij, & significare qualitates animi, quia tamen significant solum qualitates animi valde communes, ut declaravi in præcedenti libro, idē oportet accipere alium Planetam pro domino qualitatum animi. Quod si deesset quod raro tamen contingit (non enim fieri potest nisi omnes ferme Planetæ lateant sub radiis Solis in Ariete, vel Leone, vel Sagittario, vel in Tauro, Cancro & Virgine, Scorpione, Capricorno & Piscibus Luna extra radios Solis posita) tunc talis homo erit omnino rudis, agrestis, & simplex, quales fuisse refertur aureo sæculo.



## TEXTVS LXXIV.

Cum his ita constitutis, conferenda etiam erit Lunæ constitutio. Nam si in flexuris extiterit austrini & borei limitis, cooperatur ad mentis animique naturam, quod efficiat omnia variabiliora, & indolem plurimum machinatricem, ac denique inconstantiorem. In nodis verò, acutiorem, magisque industriam & agiliorem. Amplius ascendens & aucta lumine, nobiliorem, illustriorem, ac solidiorem, liberiorémque: Si minuta lumine aut Solis iubare oppressa est, tardiores, hebetiores, & ad pœnitundinem propensiores, obscuriores & rectiores quoque. Sol etiam ad partes vocatur quocunque tandem modo animæ gubernatori conciliatus infelici constitutioni, eoquod omnia reddat æquiora, rectiora, perfectioraque & plus dignitatis siue maiestatis præ se ferentia, magis denique pia. Infelicitate situs, neque hospitio receptus, humiliora, difficiliora, minus præ se dignitatis, minus maiestatis ferentia, simpliciora, seueriora, magisque cruda, intractabiliora, atque omnino correctu asperiora.

Hæc est comparatio luminarium ad qualitates animi, sed diuersa, in Sole enim requiritur quod gubernatori concilietur, in Luna verò cum dominetur qualitatibus animi per se, hoc non est necessarium: sed si præter id contingat, adhuc erit validius. Igitur considerat duos status oppositos, quorum primus est quod sit in ventre Draconis, vel in extremitatibus: Ventrem Draconis voco ubi maximam habet latitudinem Borealem vel Australem: Et cum ibi mutet motum suum, nam si sit ascendens sit descendens, & si descendat, paulò post ascendit: Et est valde remota à via Solis, idè significat debilitatem cerebri & rationis: Quamobrem varietatem inconstantiæ & dolum. Talia enim ab imbecillitate intellectus proueniunt. Est enim sapientis dictum omnis malus ignorans. Si verò in extremitatibus fuerit Draconis seu nodis: seu Capite vel Cauda, significat acutum intellectum & industriam ob robur: sed quia transmutatur de vna parte in aliam, id est, à septentrione in meridiem, vel à meridie in septentrionem. Et ibi multum acquirit de latitudine plus, quam in omnibus aliis locis, adèd ut in vna die superet quandoque gradum vnum cum quarta parte latitudinis, idè facit agiles & promptissimos ingenio. Promptissimi enim sunt responsis quicunque Mercarium habent velocissimum & orientem, id est, qui non lateat: tardissimi qui retrogradum & latentem ut ego habeo in genitura mea. Promptissimi

verò ingenio & consilio quicunque habent Lunam in nodis. Promptissimi verò ad negotia & actiones quicunque Martem habent in primo orientis statu & in angulo. Promptissimi ad musicam & iocos, d'eteriaque scurarum quicunque Venerem sic habent dispositam, ut de Marte dixi. Per hæc igitur habes reliquos status Lunæ, ut fuerit proximior nodis & ventri Draconis. Et quia Luna in nodis, ut superius visum est plerumque significat gibos vel claudos, & corpore læsos, & ibidem posita promptos & acuro ingenio, idè tales gibbi & claudi, & strabi sunt prompti, & fallaces, & maxime quia hoc plerumque contingit ex commistione Lunæ cum maleficis: idè bene dictum est in prouerbio: Cave à signatis à Deo. Secundus verò status Lunæ est, quod sit aucta lumine & ascendens, vel contrario modo. Quid intelligat per auctam lumine facile est assequi, quoniam intelligit quando est iuxta oppositionem: tunc enim plus habet luminis quod remittat in terram, licet in veritate minus habeat luminis in se, quando magis est oppositioni Solis propinquior. Scriptum enim est in Opticis, quæ pater meus Facius Cardanus emendauit, quod quando Sol propinquior Lunæ fuerit illius maiorem partem illuminat, validioribusque radiis. Sed quid intelligat per ascendentem, non adèd clarum est: Ego autem omnibus quinque modis quibus ascendere dici potest Luna intelligerem. Primus est ut ascendat in latitudine, id est, quod veniat à meridie versus septentrionem. Secundus quod ascendat in mundo generaliter, id est, ab ascendente usque ad cœli Medium, & à septimo loco usque ad imum cœli. Tertius quod ascendat, id est, sit in angulo: tunc enim semper ascendit ad centrum, seu lineam quæ initium anguli describit. Quartus ut ascendat ad Apogeeum epicycli, id est, moueatur versus ipsum, non quod in ipso sit: quia tunc tardior est motu. Quintus quod ad eccentrici absidem ascendat, atque hunc modum (si modo vnum tantum Ptolemæus intellexit) veriorum esse existimo, quia is est status Lunæ à prima quadra ad oppositionem: tunc enim plena est iam luminibus & in singulas horas magis augetur, donec ad perfectam venerit oppositionem, & ascendit versus absidem eccentrici, quia dum Luna est in media quadratura (liceat mihi claro potius & vsitato vocabulo uti quam Latino) semper ipsa est in opposito absidis eccentrici sui seu perigeo. Cum verò iuncta Soli vel opposita illi est in apogea eccentrici: concluditur igitur quod Luna est in optimo statu à prima quadra ad oppositionem, & maxime in quatuor ultimis diebus, qui sunt ante oppositionem. Tunc enim habet quatuor condiciones: Prima est quod abundat lumine copioso: Secunda est quod lumen augetur in dies & horas: Tertia quod superauit longitudinem mediam, & est in parte superiore eccentrici: Quarta & vltima quod in dies & horas magis ascendit in ipso eccentrico ad ipsius apogeeum, quare est optimè disposita. Per contrarium igitur pessimè erit disposita in vltima quadra, quæ



quæ est ad coniunctionem & maximè in quatuor ultimis diebus, qui sunt proximiores ante coniunctionem ipsi coniunctioni. Seu quatuor proximè antecedentes coniunctionem: hi enim sunt pessimi quatuor contrariis rationibus dictis inter omnes dies totius mensis lunaris. Iuxta hoc ergo ordinabuntur quatuor status luminæ. Primus est & perfectissimus à prima quadra vsque ad oppositionem, & maximè quatuor dies ultimi illius. Secundus est quatuor dies primi post oppositionem, & quatuor ultimi ante primam quadram. Tertius est quatuor ultimorum ante secundam quadram, & tres primi post Lunæ visionem à coniunctione, id est, tres primi primæ quadræ incipiendo à tempore in quo incipit apparere. Quartus est ab ultima quadra ad coniunctionem, cuius deterior pars, ut dixi, sunt ultimi quatuor dies. Et ita si bene animaduertis verè sunt sex status potius, quàm quatuor iuxta Ptolemæi sententiam.

Circa quod notanda est vna regula palcherrima & generalissima, omnes Planetæ iuxta Apogeu eccentrici, & epicycli sunt puriores & meliores, non tamen robustiores: sed in opposito sunt robustiores & deteriores, præter Lunam ratione epicycli, quæ in opposito ab sidis illius non solum est robustior, sed etiam melior & purior: Est enim naturæ magis elementaris cæteris Planetis. Ideò cum sit velocior motu ibi & gaudeat, quasi natura elementari, & sit proximior terræ est robustior & melior: Cæteri verò Planetæ sunt robustiores, quantò terræ propinquiores: quia omne agens naturale tantò validius agit, quantò proximius est passo. Gaudent tamen & sunt puriores, & feliciores, & meliores, quantò magis appropinquant apogei suorum eccentricorum & epicyclorum, quia magis appropinquant primæ Sphæræ, quæ est perfectio omnium.

Circa Solis decreta textus est clarus. Quod verò de Lunæ nodis pro Luna dictum est, intelligi vult Ptolemæus in aliis Planetis cum suis nodis: Et similiter de ventibus.

## CAPVT XVIII.

## TEXTVS LXXV.

*De vitis & morbis animi.*

**Q**Vando quidem post animæ explicatam peculiarem naturam, proximè sequitur de præcipuis eius affectionibus seu morbis tractatio: In genere igitur rursus obseruare expedit Mercurium & Lunam, quo pacto habeant se ad inuicem, adque angulos, & malefaciendum idoneas stellas. Ut si ipsi inter se inconiuncti sunt, & apud orientalem finitorem à maleficis, aut malè affectis stellis supploduntur, aut circundantur, aut ex opposito feriuntur, multorum animi

morborem auctores sunt, quorum temperatio & mistura, ex præcognitis syderum his locis conciliatorem propriis conditionibus intelligenda est. Bona inquit pars mediocrium & minutorum animi morborum explicata in præcedentibus est, & potest eorum intentio, aut remissio ex eorum auctoribus maleficis stellis colligi.

Iam verò quid polliceantur astra, quæ sub radiis latent ex his manifestum est, nam non penitus nihil, velut Arabes existimant, sed in casu vitæ, ut superius visum est nihil possunt, nec nocendo, nec iuvando: in animi autem qualitatibus aliquid posse videntur: Faciunt enim hebetiores & ad pœnitentiam propensos: consilij quoque obscuri & tecti, aptique ad occulta tractanda. In filiis autem negat Planeta, qui sub radiis est. Igitur ex iis regula colligitur triplex hoc modo: Planeta sub radiis Solis in maximis rebus, utpote vitæ, vel occidendi, vel filiorum, nihil præstat, neque potest. In cæteris autem quæ ad actiones pertinent nihil ferre, sed in his quæ iam sunt debiles significat effectus ut in qualitatibus animi & corporis. In corporis tamen temperatura & qualitatibus significat adustionem, similiter & in morbis. Præcipue autem Mars.

Quod verò ad præsentis textus expositionem attinet facilis est intellectus, nam tria iubet considerare locum Lunæ & Mercurij, angulos, & maleficas: Cum igitur ambo illa, scilicet Mercurius & Luna inconiuncta opprimuntur, in angulo à maleficis & maximè in orientali, deinde in occidentali, post in sexto loco, morbos animi significant, & maximè si vna malefica duos locos oppresserit, aut duæ maleficæ vnum, aut duæ duos, vel coniunctione, vel oppositione, vel quia circudent, vel quadrato quod est vitium & minus malum.

## TEXTVS LXXVI.

Verum enimverò quæ insigni intervallo à mediocritate dissident, eam videlicet aut superantia, aut non attingentia, ac veluti morbosa ex omni parte, ac secundum vniuersam mentis constitutionem, hanc habent velut in tabula explicatam summatim considerationem. Epileptici plerumque fiunt, quotquot Luna & Mercurio nulla familiaritate cohererentibus, in orientali finitore, Saturnum perdit, Martem verò noctu sustinent, intuentem prædictam figurationem. Furiosi verò, quando præter ea quæ dicta sunt, è diuerso Saturnus nocte, Mars die, figurationi dominatur, potissimum in Cancro, Virgine aut Piscibus. Dæmonio plecti nascuntur & Lunatici, quando



quando sic constitutæ maleficæ Lunam præhendunt ad Solis radios properantem, Saturnus quidem cum Sole congregientem, Mars verò oppositam, maximè in Sagittario & Piscibus.

Oseruandus est ordo quoniam comitiales minus affici existimat, furiosos deteriores, dæmoniacos pessimos. In comitalibus igitur tres conditiones requiruntur: quòd Luna & Mercurius non simul configurentur: secunda quòd Saturnus de die, vel Mars de nocte sint in ascendente: tertia quòd malefica, quæ est in ascendente, vel aspiciat Mercurium & Lunam, vel eleuetur super illos, vel dominetur locis eorum. Manifestum est autem quòd cum Mars sit nocturnus, & Saturnus diurnus, minus malè agunt, quàm Saturnus de nocte & Mars de die. Nam Saturnus de nocte immensam generat frigiditatem, & Mars de die caliditatem: Ideò solum facta commutatione habemus per tres easdem conditiones signa stultitiæ: quæ tamen augentur per Cancrum, Virginem & Pisces: quia talia signa, scilicet Cancer & Virgo significant studiosissimos, quia in Virgine geminatur virtus Mercurij, ob domum & altitudinem, & Mercurius significant animam rationalem, vt dictum est, & Cancer est domus Lunæ & altitudo Iouis, & Luna significat animam imaginantem & sensibilem, & Iupiter significat cultum, & ideò Cancer significat eos, qui excolunt propriè animam, & studiosos disciplinarum & rerum publicarum, sicut Virgo potius rerum artificiosarum & minoris vtilitatis. Cum igitur corruptio accidit in his signis significat stultitiam: sicut studiosi frequentius & magis insaniunt, quàm cæteri. Et etiam quia ista signa non sunt fixa, neque sanguinea, quæ duo maximè à stultitia remota sunt. Similiter etiam Pisces, quia cum sit domus & exaltatio beneficarum, corruptio quæ accidit in illo est maior, & maximè quia Pisces sunt signum stultum & absque sensu. Et ideò furor qui contingit à Piscibus non est eiusdem rationis cum furore, qui contingit à Cancro & Virgine: quia à Piscibus contingit quidam stupor & amentia, à Cancro verò & Virgine insania, & furor verus. Causa verò cur hi, qui boni sunt magis insant & frequentius, tum studiosi, visa est in problematibus nostris. Dæmoniaci verò, cum sit deterior affectio, indigent quarta conditione, scilicet quòd Luna sub radios Solis vadat ad coniunctionem, vel ad oppositionem. Si ad coniunctionem, cum sit frigida deterius affligatur à Saturno, qui frigidissimus est. Si verò ad oppositionem cum calida sit deterius affligitur à Marte. Mars enim calidissimus, simile autem simili innectum facit furorem. Quòd verò à Piscibus & Sagittario magis causa est, quia dæmoniaci sibi duplices esse videntur. Hæc autem signa bicorporea sunt & ratione etiam carent, cum sint opposita signis in quibus dominatur Mercurius. Iupiter quoque videtur corrupta natu-

ra eius adinuare hanc dispositionem, vt inferius videbitur: hoc autem facit vt existimo propter simplicitatem, & fatuitatem quam propriè significat cum malè dispositus est: & quia diuinationes etiam ostendit, & sanguinem mouet, & religionis author est. Hic autem morbus maximè à religionis opinione ortum habet, nam philosophi negant.

### TEXTVS LXXVII.

Solæ igitur maleficæ prædictum admodum victoriam schematis nanciscētes immedicabiles reddunt, quos diximus morbos fertos tamen, neque passim in populum fama dispersos. Si verò conciliatis Ioue & Venere maleficæ in occidentalibus partibus sint, beneficæ verò beneficis locis & angulis sitæ, medicabilia quidem, sed illustria nimis hæc vitia constituunt ac veluti publica exempla. Iupiter enim Medicorum opera sanabilia significat: Venus oraculis & deorum subsidiis.

Tria genera casuum declarat. Primum est quando simpliciter luminaria à maleficis opprimuntur absque alio auxilio: istud iam declaratum est. Secundum cum maleficæ sunt in occidentali angulo, & benefici in orientali, vel in medio cœli. Hoc autem hic declarat. Tertium cum maleficæ sunt in orientali angulo & beneficæ in occidentali, de quo in sequenti textu. Nunc igitur proponit quod erunt illustria, sicut & in sequenti casu propter beneficas. In primo autem erunt magis occulta hæc vitia. Sanatio enim propter eos, qui sanauerunt palam facit persæpe morbos, qui latebant. Quòd verò (Fertos) dixit quasi occultos & latentes, ac à ferendo secum, vt puto, qui vertit Ptolemæum sic appellauit.

### TEXTVS LXXVIII.

At si contra maleficæ in orientali angulo consistunt, beneficis ad occasum reiectis, incurabilia iuxta ac illustria, maximeque omnibus in vulgata. Epilepticis continuitatem morbi afferunt, vociferationes, & mortis sæpe terrores iniiciunt. Ad insaniam & stuporem adiiciunt, in domesticos incoercitam licentiam, denudationem crebram & blasphemias, hisque cognata. Ad dæmonoplexiam aut cerebri auiditatem, bacchantium consuetudinem, occulta passim prodendi morem, verberationes & his similia exempla. Peculiariter verò ex locis, quæ figurationem comprehendunt, Solis & Martis loca, ad insaniam effici-



cacia in primis sunt. Iouis & Mercurij ad comitiales. Veneris ad numinis adflatus & archanorum reuelationes. Saturni & Lunæ ad humorum copiam, ac dæmonoplexias, id est, dæmonum vexationes.

In primo genere, de quo superius dictum est, nec illustria, nec sanabilia, nec insanabilia vitia portenduntur: In secundo illustria & sanabilia: In tertio quod pessimum est, quia maleficæ sunt in oriente, atque idè validæ, beneficæ verò in occidente, atque idè debiles, illustria & insanabilia non solum facit, sed singulis morbis aliquid addit vt in textu. Præterea quatuor facit combinationes quarum tres singulæ augent morbos singulos: Solis & Martis insaniam, Iouis & Mercurij comitalem, Saturni & Lunæ dæmoniacos: Quarta quæ est Veneris configuratio ad diuinationes, & archanorum reuelationes communis duobus morbis vltimis insaniam scilicet, & dæmoniacis: nam comitiales non diuinant. Caterum Sol & Mars insaniam augent, furoresque ac clamores & verbera, ob vehementem caliditatem cum siccitate iunctam. Saturnus verò & Luna dæmoniacos ob frigiditatem magnam, copiamque humoris crudi. Vnde talis morbus in vilibus potius, quàm in nobilibus, & in fœminis quàm masculis sæuit. Iupiter verò & Mercurius comitalem morbum magis excitant: quod cum ille sacer dicatur ob occulta quadam proprietate oriri videtur, & diuina ira sicut etiam recitat Hippocrates. Idè magis conuenit iste morbus Ioui & Mercurio: nam Iupiter diuinitatem quandam significat, & Mercurius occultas causas. Mercurius quidem, quia ferè semper latet sub Sole & propter varietatem motus: Iupiter verò diuinitatem refert propter beneficentiam & probitatem: Hæc enim duo propriè Deo conuenire videntur.

#### TEXTVS LXXIX.

Hi sunt ferè morbi, qui circa vniuersam agentis animæ constitutionem eueniunt, & ex his figurationibus colliguntur. Quæ ad eius partis, quæ affectionibus percellitur naturam pertinent, è potissimo genere æstimata videntur, maximè circa masculini, aut fœminini sexus excessum, ac defectum iuxta vtriusque naturam versari. Iudicantur verò simili cum prædictis ratione, nimirum cum Luna Solem in Mercurij locum surrogantes, & Martis cum Venere ad illos configurationem.

Hi sunt, qui dicti sunt morbi rationalis animæ, nunc verò de his tractat, qui ad animam pertinent inferiorem, ita tamen, vt non credas hos solos esse morbos, aut vitia, quæ ad eam animam pertineant, sed etiam

gulam, iram, ac reliquas animi perturbationes: sed tamen de his solum tractat, quæ vehementiores sunt. Circa quod notandum est quod amor, & ira sunt affectus maximi, qui animum perturbent: quoniam epicycli horum Planetarum maximi sunt, & iuxta magnitudinem eorum sunt affectus vehementes: Veneris quidem maximus omnium est, quæ mobrem amor plurimum potest, & homines obcæcat, inde Martis, vnde furor & ira. Quod igitur de amore Ptolemæus dicit pro Venere, idem de ira intelligendum est pro Marte, de timore, & auaritia pro Saturno: est enim auaritia timor quidam, Iupiter quoque facit, vt ita dicam nimis probos. Et ita per vnā regulam propriam de Venere quo ad amorem, Ptolemæus ostendit nobis quinque regulas, quæ omnes affectus animi sub se continent. Igitur dicit quod si pro Mercurio substituamus Solem, & ita pro Mercurio, & Luna obseruauerimus Solem & Lunam: Et pro Saturno & Marte, Venerem & Martem, ita vt pro Saturno, Venerem obseruemus, affectus animæ quæ procellitur, id est, sensitiuæ, & quæ intellectu subiacet, circa amorem & concubitum desiderium intelligemus.

Itaque hic non levis dubitatio incidit: Cur sit quod vitia animi superioris, vt comitialis, insaniam, dæmonium vbique inueniantur, generaliterque stellarum concursibus subiaceant: Et apud omnes gentes astrorum decretis subiiciantur: non sic concubitus nefarij: nam apud Germanos, Christumque colentes vixunt inuenias, qui puerorum concubitu delectentur: etiam si palam illud astra decernant? At verò apud Ægyptios Mahumeticque cultores etiam si non id palam atque constanter astra decernant, nihilo secius facillè his vitiis detinentur. Dico igitur causam esse quoniam anima sensibilis rationali subiicitur, idcirco talia vitia legibus subiacent: stultitia verò & dæmonium, & comitialis morbus cum vitia sint animæ rationalis, subiacent ipsis astris, nec ab vlla vi possunt auerti, cum suprema vis ipsius hominis concussa sit & afflictæ. Quamobrem de prioribus quidem vitiis velut, & de corporeis, quod animæ rationali non subiacent absolute pronunciabis: de his autem quæ hic describuntur, quæque ad Venerem pertinent, non similiter, sed alia quidem non omnino enenient, alia verò aliter, quoniam legibus & consuetudinibus obediunt: Apud Germanos gratia exempli, puerorum concubitor propriis manibus se polluet aut cum alio talia patrat vel cum ancillis, vilibusque personis concumbent. Et vt breuiter rem absolnam, morem gentis in talibus nouisse necessarium est.

#### TEXTVS LXXX.

His ita oculis expositis, si lumina sola in masculinis signis sunt, mares naturam masculinam superant, fœminæ ad virilem nimium indolem, naturamque transeunt.

Luminaria



Luminaria sola faciunt affectus aut masculinos, aut foemininos nimis, cum ambo fuerint in signis eiusdem generis, scilicet masculinis ambobus, aut ambobus foemininis: sed hoc discrimen non graue erit. Si verò Sol in masculino, Luna in foeminino signo fuerint: hoc erit exactè secundum naturam. Si autem contrario modo, scilicet Sol in foeminino, Luna in masculino signo, tunc erunt similes naturalibus hominibus, non tamen adèd exquisitè tales: sed & quandoque magis masculi quàm oporteat, quandoque magis effoeminati, & hoc si Mars in masculino signo fuerit, Venus verò in foeminino.

#### TEXTVS LXXXI.

Si verò Mars quoque & Venus, siue vterque siue alteruter masculini fuerint, viri ad conuenientes naturæ congressus proclives admodum fiunt, adulteri, incoercibiles, nunquam non accincti ad turpem & illegitimam commiscendorum corporum voluptatem. Foeminæ verò coitus præter naturam instituti appetentes euadunt, salaces, oculis emissitiis, & quas tribades appellant, virilia sibi munia sumentes. Et si quidem sola Veneris stella mascula fuerit, clancularia hæc & latentia vitia significat. Sin etiam Martis, aperta: vt legitimarum vxorum loco habeant nonnunquam quibus cum commiscantur.

Per illegitimam Venerem intelligit stuprum, adulterium, incestum, & concubitum cum pueris, ac cum foeminis alieno modo, non tamen ipsi erunt extra naturam, id est, concubitum patientes. Foeminæ verò potius qualitate, quàm quantitate peccabunt, masculino modo se commiscantes: quæ vitia quandoque apud monasticas seu sacratas virgines regnare solent: sicut & masculorum concubitus apud monachos, non quidem omnes, absit, sed apud eos, illasque tantum quique non sponte, sed decepti, deceptæue, aut à parentibus compulsi, compulsaue, vi intruduntur. Piget me talia dicere, sed veritas me compellit. Cæterum quod ad textum attinet, Venus sola si delinquat cum luminaribus, quia benefica est minora mala facit, atque idèd latentia & occulta: sed si Mars misceatur præter id quod malefica est, clamorusetiam est & petulans, & inuercundus: ob id omnia spontè detegit. Maiora etiam prædicans quàm fuerint, turpitudinem omnem & flagitium non solum dedecori non esse existimans, sed laudi & gloriæ. At verò si inimicus fuerit facit ab inimicis accusari & æmulis: Reliqua nota sunt.

#### TEXTVS LXXXII.

E diuerso cum luminaria in prædictafiguratione in locis foemininis inueniuntur, foeminæ in iis, quæ sibi

natura conueniunt modum sciunt, viri præter naturam ad foeminarum molitiam & eurationem propendunt. Cum ad hæc Venus quoque foeminina est, foeminæ proclives in Venerem, adulteræ & salaces fiunt, vneremque operam & inconuenientes potissimum sexui suo congressus, neque vlllo tempore, neque hominum vlli recusantes, turpe aut illegitimum sit, nihil pensi habentes. Viri verò molles & ad naturæ ignotas coitiones præcipites & concitatos, quique muliebres sibi partes congregiundo vendicant, occultè id sanè & testè. At si Martis quoque stella effoeminata fuerit, apertè ac liberè, & urbana prorsus fronte, quæ diximus exercebunt, meretriciâ illâ & publicè prostitutoriū turpè & execrabile personā induti, vsque ad cōmunē populi indignationē & deuotionem infames.

Duobus verbis res constat, quatuor hi significatores, Sol, Luna, Mars, Venus, in similibus sexui nati signis immoderatam in quantitate libidinem efficiunt: non tamen inconuenientia, aut contraria sexui nati efficiunt. In contrariis verò sexui nati signis immoderantiam libidinis, in quantitate non adèd augent, verum ad contrarias sexui proprio commissiones incitant. Eo fit vt neque tribades tam frequenter cum puellis agere desiderent, nec pueri pati venerea sicut mulieres, aut sicut viri agere. Intelligenda quoque sunt ea, quæ hic dicuntur de perfecta ætate: nam vt dixi, puellæ, puerique per sæpe in violentas dominas, aut dominos incidunt, à quibus flagrorum maximè metu, tum simplicitatis causa, alij etiam avaritiæ multa nefanda perpetiuntur absque astrorum indicatione, nisi subtili coniectura potius, quàm hac generali regula id deprehendere velis. Hoc autem discriminis interest, quod si astra consenserint iam adulti facti & liberi, & compotes sui in eisdem vitiis perseverant: Si verò absque astrorum generali decreto hæc contingant, vbi adoleuerint & compotes fuerint sui, ab his vitiis abstinebunt. Docet enim Aristoteles in Moralibus hæc vitia maximè à pueritia contrahi, cum contigerit improbis dominis seruire. Et quæ cum cruciatu sunt diurna consuetudine transire in voluptatem: quæ tamen non succedet si astra non consenserint. Verum Ptolemæus de sua ætate, regione & lege intelligit: in quibus proclives magis etiam erant absque seruitute, violentiaque nec illa indigebant: Veluti & nunc Tuneti vt narrat Ioan. Leo in Africana historia, vbi mulieres passim, puerique nulla violentia, sed modica solus pecunia se prostituunt. Vt contra apud nos non eadem licentia in masculis. Verum in foeminis magis apud Anglos & Gallos, quàm apud Italos atque alia ex ratione.

#### TEXTVS



## TEXTVS LXX XIII.

Conferunt etiam orientales & matutinaefigurationes Martis, & Veneris, ut hæc omnia viriliora sint & illustriora, notioraque, occidentales autem & vespertinae muliebria magis & tecta. Haud dissimiliter Saturnus his accedens, ut sint insolentiora, & impuriora hæc omnia, & cum maiori turpitudine, ac dedecore coniuncta. Iupiter verò ut decentiora, verecundia quadam velata & tutiora. Denique Mercurius hæc reddit vulgò notiora, agilia, milleque modis varia, & cautius instituta.

Tres facit contrarias contemplationes orientalis ad occidentale: & orientalis significat actus masculinos, & ob id etiam maiorem imprudentiam: nam & masculi foeminae sunt impudentiores: & in Problematibus scriptum est cur pati magis, quam agere turpius ducatur: faterique magis verecundentur: causa ex Astrologia clara est, quoniam orientales stellæ agere significant & palam, occidentales autem occultè atque pati. Secunda comparatio est Saturni & Iouis: Saturnus facit omnia fœda & turpia: & impura, non tamen adeò palam ut Mars, quia Saturnus frigidus est, Mars vero calidus. Iupiter autem omnia moderatiora reddit cum sit vndeque utilis & beneficus. Tertia comparatio est Mercurij, qui propter tot multiplices orbes, tamquam varios motus & humilitatem naturæ, abscondit, detegit, miscet, variat omnia: & nisi metus adesset factis palam facere. Inuenit etiam mille modos inusuratos libidinum: eorum propriè author, qui olim Spintrix vocabantur.

Sub prædictis autem comprehenditur amor, ut minor affectus stultitiæ à Venere, & ira à Marte, & signa amatoria sunt Aries, Taurus, Leo & Virgo. His imbecilliora Libra & Sagittarius dicit explanator. Iracunda Aries & Leo, & Sagittarius, & Cancer, & Capricornus. Cancris autem ira levis & facilis.

Circa quod notandæ sunt duæ regulæ, quarum prima est Haly, scilicet quod omnes regulæ dictæ de morbis corporis aut vitiis, seu morbis aut vitiis animi, seu sanitate vtriusque, seu de vita, filiis, honoribus, diuitiis, atque aliis rebus, intelliguntur eodem modo in progressionibus seruatis tribus conditionibus. Prima est ut non repugnet natiuitati talis effectus omnino. Secunda ut directio significet talem effectum generaliter. Tertia ut adsit in progressionem propria significa-

tio talis effectus: tunc in illa progressionem eueniet res significata, quæ raro tamen erit perpetua. Exemplum, in nostrâ genitura non est repugnantia lucris: anno 51. peruenit Iupiter ad quadratum Solis & trinum Lunæ, & Sors ipsa per directionem etiam ad sextilem Solis, & oppositum Martis, & quadratum Lunæ, & significabat generaliter itinera propter ascendens, & bonum in rebus ad fortunam pertinentibus: eodem igitur anno Luna fuit prope Ionem, & Iuppiter in trigono Veneris, & Mars in quadrato Lunæ. Præstitit igitur iter illud prolixum & honoratum in quo fui cum Regibus & Principibus, & accepi multa dona ab eis: & propter quadratum Martis, & directionem ad oppositum eius partis fortunæ: Et quia Luna in natiuitate est in quadrato Martis, significat pericula ab aquis & ab hominibus, & maxime quia Luna est cum capite Gorgonis in vno circulo. Aliud exemplum: aliquis non habet indicia quod non possit esse dæmoniacus, contingit quod per directionem Solis aut Lunæ, aut ascendens significatur morbus eo anno: in illo anno Luna cadit in septimam professionis opposita Soli, & Mars eleuatur supra illam in eodem angulo: Tunc ille fiet dæmoniacus eodem anno & posset etiam mori ex illo morbo & sanari iuxta magnitudinem detrimenti. Quod si natiuitas repugnaret & reliqua maneat, incidet in magnum morbum illi affinem, ut conuulsionem vel iram. Si verò natiuitas non repugnet, sed directio desit, significans generaliter bonum, vel malum, tunc apparebit aliquid, sed erit exiguum. Si verò directio generaliter significet & genitura non repugnet, progressio autem sit contraria, vel reuolutio, erit sicut dictum est superius. Memineris etiam quod cum directio & progressio in vnum contra natiuitatem consenserint, apparebunt eo anno quædam vmbra talis effectus est, non autem ipse effectus, qui per directionem & reuolutionem significabatur.

Secunda regula in sciendo quemcunque effectum, dirige semper significatores positos à Ptolemæo in tali causa. Veluti volo scire statum animæ, dirige Lunam & Mercurium pro rationali, & Solem, Lunam pro inferiore anima, & primos duos ad Saturnum & Martem, & secundos ad Martem, & Venerem. Et ita pro morbis corporis Solem, Lunam & ascendens ad maleficas: Recordando quod Mercurius persæpe cum ab initio fuerit in aspectu inimico significatorum, aut dominus loci oppositi eorum, aut in aspectu amico maleficarum, aut dominus loci earum, aut ipsæ maleficæ dominæ loci eius, tunc ipse habet vim maleficæ. Et hæc regula de directionibus ad vnguem etiam est intelligenda de progressionibus.





## LIBER QVARTVS.

## DE IVDICIIS ASTRORV M.

## CAPVT I.

*Quod est Proæmium.*

## TEXTVS I.

**V**Æ igitur genituram præcedunt illive connexa sunt, amplius ea quoque, quæ eam comitantur, cuiusmodi sunt vniuersæ animi & corporis constitutionis propria, hæc ferè sunt, quæ diximus. Eorum verò quæ aliunde accedunt & deinceps explicandorum primus est, de opibus & dignitate, existimatio neque nati sermo. Cohæret enim ut rerum possessio iis, quæ corpori propria sunt, ita honoris, quæ ad animum pertinet.

## COMMENTARIVS.

**Q**uatuor proposuerat superius tractanda: scilicet genituram antecedentia, ut parentes, & connexa ut sexum, ac numerum, concomitantiaque ut vitam, formam, mores, & de his omnibus tractauit simul & de his, quæ & præcedere possunt, & sequi velut de fratribus, nunc reliquum est, ut de his, quæ sequi tantum solent: verumtamen & de hac diuisione aliàs dictum est, dum doceremus ex Ptolemæo quadruplicem tractationem principiorum, vniuersalium, connexorum & succedentium, quæ ferè ad fortunam pertinent. Nam de primis tribus dictum iam est, de quarto autem in hoc libro iam dicemus.

Hic Haly docet oportere philosophum esse, qui rectè velit indicare, generaliaque præcepta cognoscere, atque intelligere diligenter, aliter operam omnem frustrari. Idque rectè omnino dictum. Nec decere quenquam dubiis verbis polliceri aut prædicere, sed clarè atque perspicue & singulariter, quæ futura sunt. Itaque & generalia scire oportet, & in philosophia eruditissimum esse, nec hæc sufficient, nisi duo alia etiam cognouerimus, quorum primum est de consuetudinibus propriis gentium atque hominum, velut de ira Germanorum, Parthorum feritate, mercatorum bonis verbis, artificum mendaciis, talibusque innumeris. Secundum est ut sciamus quomodo homines generalibus effectibus subiiciantur: Nam multi occiduntur absque signis violentæ mortis: multi iuuenes moriuntur, qui ad senium peruenire

debuerant: multi ditantur absque diuitiarum signis. Ut verò huius vltimi exemplum afferamus, nam de aliis supra locuti sumus, & de omnibus malis, dicamus de hoc velut, & de honoribus & magistratibus, atque aliis bonis quod certum est amicos non decerni ita à genitura, ut quis eos ab initio, qui futuri sint & quales dignoscere queat, constat autem quod amici principes & diuitias, & honores, & magistratus afferunt: Igitur contingit quod ex amicitia (quæ ex genitura deprehendi qualis futura sit non potest) homo natiuitate satis humili ad magnos status perueniet. Sicut contingit de Maximiliano Stampa, qui cum haberet infelicem genituram, quia tamen inter illam genituram Francisci secundæ Sfortiæ Ducis Mediolani fuit commutatio, factus est ditissimus, honoratus & potentissimus, in aliis rebus tamen infelicissimus, quia genitura talis erat & non fuit in aliis commutata. Et similiter quarta genitura, licet sit per se foelix, eò tamen est felicior quò ascendens suum, & fortunæ partem alternatim cum parte & ascendente primæ commutat. Rursus genitura Ludouici Ferrarij per se egregia est, quoniam tamen Lunæ locus illi est, nobis ascendenti proximus, & Iouis loco, adiutus est à nobis. Et hoc est in quo plus habet Fatum, quàm Astrologia. Hæc autem commutatio cum Principibus pars est & similis ei, quæ est cum generalibus constitutionibus. Nota igitur quod si generales constitutiones debiles fuerint, exaltabuntur solum, qui bonas habent genituras & commutant loca principalia. Si verò validiores qui commutant, nec repugnantem bonis habent genituram. Si adhuc validiores, qui præclares habent genituras & commutant in processibus. Si verò adhuc fuerint potentiores, qui bonas genituras habent omnes, etiam si non commutant. Vltimo cum fuerint validissimæ constitutiones omnes eius loci exaltabuntur, ut in Mecha propter Mahumeti aduentum. Ita in cladibus & pestilentis, omnes moriuntur quando constitutiones validæ fuerint admodum, quibus solum ascendens absque auxilio Aphetæ fuerit, etiam si nullo modo cum constitutione concordauerint. Hæc igitur causa est cur, qui infelices habent genituras, modo non sint violentæ & biothanatæ, debent adherere Principi, nam si concordauerint poterunt esse felices, si non concordauerint, nihilominus non sunt deteriore conditione cum etiam si non adhæsisent infelices futuri erant. Contrario igitur modo, qui solum ascendens Aphetam habent, omnes calamitates generales vitare debent. Quod autem dixit (Eorum verò) declarat ordinem dicenol



dicendorum hoc argumento : sicut tractatio de corpore præcedit tractationem , de animi qualitatibus , ut superius visum est , ita tractatio , de opibus tractationem , de honore : nam ita se habent opes ad corpus , sicut honor ad animum. Sicut enim opes exornant corpus , ita honores animum.

## CAPUT II.

## TEXTVS II.

*De nati fortunis.*

**Q**Væ igitur possessionis sunt, à Sorte, siue parte fortunæ petenda, sunt tantum illa ob quam Solis à Luna distantiam ab horoscopo abicimus, tam in diurnis, quam nocturnis genituris, propter eas quas, ubi de vitæ spatio egimus, causas attulimus.

Nulla res mortalibus tam in præcio vel olim fuit, vel nunc est, quàm opes. Vnde Astrologi non magis aliam ob causam consuluntur. Siquidem nil aliud verum esse bonum putant, & idè de ea diligentius tractandum est, non solum ob id, quod in præcio habeatur, & quod professoribus maximè utilis sit, sed quod difficillima. Cum igitur in omni prædictione necesse sit causas esse similes effectibus, opes autem vario modo proueniant. Multiplicem primo causam etiam in astris inuenire oportet. Aliæ ergo hæreditario iure ex lege habentur : ut patris opes, quibus nulla primum causa ex astris debetur. Aliæ ex hæreditate & voluntate testatoris. Tertio loco sunt, quæ ad honores & magistratus consequuntur, quæ & ipsæ proximæ sunt necessariis, & paternis, & securiores his, quæ ex voluntaria hæreditate proueniunt. Quarto sunt quæ ex arte vel mercibus assiduitate longa colliguntur, in quas fortuna multum potest. Quinto quæ ex consensu genituræ cum his, qui armis vel sacerdoti euehantur. Quot enim videas nulla virtute vel industria vili progenie, qui tamen dominorum aut amicorum ingentibus successibus opes maximas sunt consequuti? Ut horum non queas numerum referre Sexto sunt casus ut thesauri inventio, nuptiæ, depositum. Atque hæc sunt præcipua. Diuidemus ergo diuitias in simpliciter necessarias, in necessarias ex supposito, in proximas necessariis : in laboriosas & fortuitas. Necessariæ simpliciter à parentibus habentur, in quibus sufficit ut Astrorum omnino non aduersentur. Et supposito necessariæ sunt, ut dixi, quæ ex administrationibus parantur, proximè necessariis, quæ ab amicis habentur, aut coniunctis orbis, aut qui ad maximam fortunam, & principatum euecti sunt. Laboriosæ ex artibus, & mercatura in quibus perpetua quidem successio desyderatur ad congregandas opes. Fortuita, ut dixi, sunt inuentiones thesaurorum,

Tom. V.


ruina urbis stulta mulier, stultus socius. Cum ergo necessariis simpliciter, ut dixi, sufficiat non habere ab dicationis signa : in necessariis ex supposito solum requiruntur causæ administrationes. In aliis tantò plus exigimus ex astris, quantò naturalis connexio debelior est. Iuxta hoc ergo omne immoderatum bonum diuitias significat. Et coniunctio quidem Iouis, cum Luna, & Venere, vel Capitis Draconis loco vnus eorum propriè ex amicitia principum, aut orbium egregias opes significat. Et Sol in occidente per magistratus, nam in oriente fouet vitam, & Venus in cœli medio per amicorum gratiam, & artem ac venustatem. Et Luna in ascendente per continuos successus facitque negociis accommodatos. Cum verò mutuis se radiis erraticæ & ex angulis inxerint tum mutuis potestatibus terribiles hoc reddit illos, ut quibus principatus quidam concedatur : atque ita per vim quandam hi sibi opes parant. Si verò Saturnus aut Mars, aut Mercurius in ascendente facie fuerint constituti per latrocinia, ac scelera, ac fraudes abundè ditabuntur. Sin autem loca commutent Sors, Iuppiter, aut Luna, Sol ascendens, atque huiusmodi cum noua factione, aut principe nouo per illorum felicem fortunam ditabuntur pauperes fient, ob aduersam fortunam, Iupiter etiam in locis diuitias significantibus eas præstat per varios casus, atque successus.

Quæ autem sunt loca huiusmodi, non facile est diiudicare seu vnus sit, seu plures, & si vnus quis sit, afferamus autem exempla ingentis fortunæ nostri temporis Alexandrum primo Medicen, qui ex priuato statu Florentiæ patriæ suæ dominium obtinuit, inde eò occiso anno 25. cum Luna ad quadratum Martis in cœli medio, & potentis Solisque oppositum in septimo loco peruenisset, ( sed hoc extra eam ) Alter aliquanto maior successit duabus Italiæ regionibus principalibus subiectis Florentiæ & Senonum : qui iamdiu regnat cum neutri, neque arma, neque legitima successio affuerit, sed fortunæ quædam & paucorum ciuium fauore. Ptolemæus ergo existimauit mobiles rei & illustres, ac post vitam primæ illustre, ac notabile debere esse principium, mirabileque : quare hoc munus Sorti delegauit. Hanc sic statuit, ut quemadmodum ante Solem defertur ascendens, quod etsi non constituit, sed regio potius illuminat, & illustrat ita Luna, quasi reflexo radio locum sibi antecedentem sub æquali distantia præfinit. Finge ergo Solem, ac Lunam in signifero non moueri, sed solo motu ab ortu in occasum, & nunc esse in oriente ambos, ferrique ad vndecimtum locum, variabitur sanè orientis locus successione signorum, ibi tamen semper erit Sors cum ipso horoscopo : rursus ergo quilibet eorum motu proprio feratur, & Luna quidem celerius remeabit versus orientem, quàm Sol ob id ascendens, & ipsum quasi remeabit post se tantundem, quantò Luna celerius Sole, hic ergo locus semper ad aspectum Lunæ feretur, ut ascendens Solis quare illustissimus ac varius semper : Hunc

Dd 2 ergo



ergo opibus demandari Ptolemæus credidit, quoniam post vitam nihil nobis magis vtile necessarium eo modum est, aut honestum, vt quasi sint alia vita, quàm opes. Quot viuunt sine filiis, fratribus, parentibus vxore,




Reditus anni 1531. hor. 9. min. 44.

|   |   |       |   |   |       |
|---|---|-------|---|---|-------|
| ♈ | ♉ | 27.38 | ♊ | ♋ | 6.29  |
| ♌ | ♍ | 28.38 | ♎ | ♏ | 52.32 |
| ♐ | ♑ | 8.2   | ♒ | ♓ | 13.24 |
| ♈ | ♉ | 24.30 | ♊ | ♋ | 22.56 |
| ♌ | ♍ | 29.57 | ♎ | ♏ | 20.2  |

Cæli Med. ♐ 20.2

seruis, eruditione vlla, vel arte extra patriam sine are, aut opibus qualibuscunque viui non potest. At etiam illæ maximè illustrant hominem, maximèque mutantur, & res familiarissima sunt: Soli ergo & Lunæ, qui vitam nostram gubnant, & qui illustrissimi sunt in cælo, & quibus publica omnia commendata sunt, & eo modo vt nullibi consistent, sed variè omnino mutantur Sors, & opum dominium sunt concedita.



Reditus anni 1536. hor. 13. min. 56.

|   |   |       |   |   |       |
|---|---|-------|---|---|-------|
| ♈ | ♉ | 0.3   | ♊ | ♋ | 0.0   |
| ♌ | ♍ | 14.31 | ♎ | ♏ | 16.40 |
| ♐ | ♑ | 21.1  | ♒ | ♓ | 0.9   |
| ♈ | ♉ | 12.10 | ♊ | ♋ | 26.40 |
| ♌ | ♍ | 29.43 | ♎ | ♏ | 22.6  |

Cæli Med. ♋ 22.6

Alij verò cum secunda domus primæ succedat, & vt vndecima amicos, qui honoribus, magistratibus, arti, potentiaque per decimam significatis postposita est, ita par est

quod primum vitæ succedit tot causis succedenti ad vitam & corpus, scilicet secundæ domui concedi. Adde quod in singulis rebus, quæ longè magis simplices sunt multos significantores Ptolemæus constituit, & vt ad minus duos diurnum, atque nocturnum, vitæ quidem multiplices, vt palàm est parentibus Solem, aut Saturnum, vel Venerem, cum Luna fratribus Iouem, Venerem, Lunam, atque ita de aliis hac in causa, quæ tamen multiplex est solum vnum protectorem assignare absurdum videtur. Quod si Sors impedita sit? vbi mihi cui sub radiis est, nec tamen multa lucra defuere. Et si tam recepissem oblata, quæ alij anxij quærent essem plenè ditissimus. Sed Ptolemæus vt dices, ex vno loco plures dominos facit non locum ipsum vbi sit considerat, vt infra videbimus, adeò vt in octaua genitura exemplari non septimam partem Libræ, vbi est Sors ad vigesimam tertiam considerat, vbi est Venus, & Venerem ipsam, & Saturnum propter exaltationem, & Mercurium prius dominum, & trigoni principalem. At cum isti diuersis modis se habeant, etiam variè affici posse hominem verisimile est: Sed,

*Cecidit in Scyllam volens vitare Carybdim.*

Dicent cum enim omnes fortunæ concederint, quomodo omnes domini affici poterunt. Et si Saturnus ac Mercurius domini sint, & ambo sub Solis radiis, aliquando vt omnibus fermè semel, aut bis in vita euenire necesse est, omnia singulis, vel saltem peribunt. Quid absurdius cum multi perpetuò cursu maximè, qui per virtutem, aut hæreditatem, aut gratiam Principum, vel magistratus ad opes maximas per continua incrementa ferantur? Sed & ipse Ptolemæus inquit infra: A fortunæ Sorte pro possessionibus, sed forsan exponi poterit, vt non locum nouum, sed dominos loci noui consideremus, vt si sors per directionem conueniat ex Piscibus in Arietem, & sexto loco in septimum vbi sint Solis radij ex Leone hoc nihil referre velit Ptolemæus. Sed quod ex dominis Ioue & Venere, Solem in posterum & Martem consideremus. Et si Saturnus ibi inueniatur nihil vocat, sed si Soli, aut Marti aduersetur. Sed clarius ante, vt refugere non possit. Si verò & pars fortunæ in signis peregrinandi authoribus extiterit vitam omnem, & conuersationes actionesque vniuersas in peregrinationibus exequetur. At mihi & illud de dominio potius, quam loco intelligendum videtur. Vt in figura filij mei minoris Sors ipse est in decimo loco, & sub Sole, nec peregrinationem significat, ipse tamen à pueritia perpetuis iam octo annis peregrinatur, quod Mercurius sortis dominus in nono loco sit peregrinus, & inter Pleiadas. Ob hæc igitur atque similia malè valde audit in fortuitis hæc disciplina maximè ob præcedentes genituras.

Tentandum est igitur vt veritatem rei aperiamus: dico ergo fortunæ partem primò esse considerandam, quæ sit in angulo, vel supra terram maximè in vndecimo vel nono loco, ab ipsa accipiemus significationem: Si autem fuerit sub terra præcipuè in tertio vel sexto loco, vel eius dominus principalis,

vel



vel si duo sint cum exaltationi finis, aut trigonus coniungitur impeditus & sub Solis radiis, primum locum obtinebit secunda domus, atque eius dominus dominiuē non prorsus neglecto sortis domino. At cum Sors salua est, minimum quid potest ipsa secunda domus: quā Ptolemæus ob id prorsus refugere, non potest quod sub terra sit, cum sortem ipsam quando sub terra fuerit respiciat. Verum plerunque Sors validior est natura, quā secunda domus primum ob amborum luminarium, & præcipuē Lunæ considerationem, secundum quod Sors non semper sub terram. Et ideo si sit casu imbecillis efficitur secunda domus sub terra semper est, ideoque natura est inualida. Idem duo quod semper secunda domus ab angulo absit Sors possit abesse, & fortuito extra ipsum reperitur. Ob hæc omnia Ptolemæus secundam domum posthabuit sorti, non tamen omnino neglexit. Experimentum est ratum cum illa venit præferenda, contingit tamen ut in nostra genitura exponemus,

Nunc autem ad principale redeamus, secunda domus raro dat diuitias magnas, cum sit secundo loco: at Sors illustres dare potest, in prima igitur harum Sors optimè collocata est. Sed Ptolemæus videtur non curare hoc, quoniam ad actionem locus non facit, sed ad dominum refert. Equidem iuxta signiferum ut in Ægypto ob propinquitatem opera solum errantium inspectare, oportet, at apud nos, qui plurimum ab illis distamus locum obseruare necesse est. Fortan & aliquid facit quod loci, & Planetæ ut Caput, & Venus, Luna, quæ loco complicantur sub eodem domino sint, ut res redeat ad idem. Verum duo obstant. Primum quod si non eodem in signo essent, nihil prodesse, contra quod esset dominus plurimum locorum, non pertinentium ad sortem. Secundum quod non liceret eundem planetam esse malè affectum in vna causa, in alia autem bene quod fateri sapius conuenit. Sed ad rē redeo difficile est coniectari locum nihil prodesse ad causam quandoquidem in fine libri nouos ingressus obseruare iubeat in loca Aphetica: an ergo proderunt aut nocebunt fortuita, quæ ab initio sunt copulata nihil proderunt aut nocebunt: id ergo tanquam clarum omisit hoc de dominis ut significantius in memoriam reuocauit. Cum ergo adeo validus esset sortis locus opus non habemus secundo domo, quanquam & in illa Iupiter sit loci, & iam dominus, & cum Mercurio sortis domino, ut quocunque te vertas felicissima sit, & in idem redeat. Ipse præterea locus sortis & dominus, qui & loci noni causam ostendit tantæ felicitatis, scilicet Pontificis potentiam. Ut autem videamus quomodo tractanda sit ratio sortis 19. anno Sors redibat ad Taurum in opposito Martis, ut nihil ex progressu nisi malum sperare oporteret. At per directionem peruenit ad Veneris sextiles radios hoc bonum, sed tantæ felicitati minimè comparandum cum Venus in duodecimo loco sit, & locus radiorum Veneri inimicus radiusque debilis. At cum nouam sortem anni quærimus

Tem. V.

ipsa Sors fuit in Geminis, in trigono Mercurij domini sui, & Iouis ac Lunæ, qui in trigono erant Mercurij & ipsi in loco sortis radicis. Et ipse natus è familia, quæ licet citra arma sapius dominatione vrbis potita est. Sed quia regnum est dirigemus etiam Solem, qui peruenit ad trigonum Martis potentis, & per bellum, & vim dedit regnum. Sicut paulò post cum ascendens peruenit ad radios Martis quadratos, cum Sole infelici occidit ipsum.

Videamus modo sequentem, quæ conuenit ad vnguem cum priore, sed Sors est iuncta cum Venere, & Mercurio, & omnia sunt in angulo, & non potuisset dare nouum regnum, sed ratione propinquitatis ad priorem habuit, tum quia geneses ambæ concordabant, cum genesi Caro Quinti Cæsaris, & sol pertinet ad Venerem eo anno, & ita consecutus est regnum. Et verisimile est etiam quod ciuitas Florentiæ conueniat cum Scorpione aut Capricorno. Nam etsi Gaucicus statuatur eam sub Ariete, tamen origines vilium incertæ sunt: ipsæ verò indiligens admodum ut nil ei credendum sit, cum Andream Alciatum notissimum omnibus virum mortuum tradat, anno 1546 Ferrariæ, cum obierit Ianuario mense ni fallor anni 1549. in propria domo Papiæ: cum ergo ea die primum è Modiolano reuersus essem. Vtunque sit, videntur ex experimento geneses hæ, cum ciuitatis originē conuenire.

### TEXTVS III.

Videre igitur oportebit eos, qui signi hac ratione inuenti gubernationem sibi vendicant, ut valeant, an commodis & familiaribus in locis sint sicut in principio differuimus. Amplius consulendæ sunt stellæ, quæ eius configuratæ sunt, aut supra eos euectæ eiusdem sectæ, aut contrariæ.

Non ut in animi qualitatibus semper stellæ, quæ supra dominos loci eleuantur refugit, sed solum cum contrariæ fuerint, quæ supra illos eleuantur. Causa est quia in animi qualitatibus immoderata omnia mala sunt, ut nimia bonitas aut improbitas: non sic in diuitiis, quia nullus excessus nocet. Oportet igitur & dominos loci, & qui supra eos eleuantur bene disponi, atque inuicem consentire. Quamobrem si eleuentur stellæ, quæ consentiant cum dominis Sortis etiam melius est, quā si solæ sint, quæ dominantur. Et ob id raro contingit, ut præclaro ingenio & liberali euadant ditissimi. In locis commodis igitur à Sole, à mundo atque familiaribus. Ut orientales à Sole in angulis, vel saltem secundo vel vndecimo loco, quod hi succedant alteri nobiliorum angulorum, alterum aspiciant amico aspectu in domo, altitudine vel alia propria dignitate.

### TEXTVS IV.

Si validi sunt ij, quæ fortunæ Sortem

D d 3 tem



tem gubernant, diuites efficiunt, maxime si à luminibus testimonio familiaritatis corroborentur.

Diuitiæ splendorem magnum afferunt apud mortales, & ob hoc indigent, & iuantur testimonio luminarium, non sic filiorum multitudo aut ingenium. Status igitur diuitiarum ex quinque rebus habetur. Prima ut domini loci Sortis sint à Sole orientales. Secunda, ut in angulorum centris: Tertia ut in propriis dignitatibus: Quarta Planetæ, qui super ipsos eleuantur cum eis concordent: Quinta, ut domini loci Sortis cum Sole, vel Luna conueniant. De conuenientia autem superius qualis sit, & quot modis fiat dictum est. Planetæ igitur dominantes Sorti in angulis maiores dant diuitias, quam in propriis dignitatibus: Sed eò minus stabiles, quò celerius ex angulo Planeta exit, quam à propriis dignitatibus, etiam si finis extiterit. Loquitur autem hic propriè de diuitiis omnibus præterquam paternis: nam illæ in ceris regionibus ad filios necessariò deueniunt maxime natu maiores: & præcipuè Feuda vocata, ut arces. Quid si ubi primogenitus Feudis succedit, ut in Gallia, & Scotia natu maior habeat dominos Solis oppressos, secundus autem natu vel tertius illustres, & à luminarium consortio etiam firmiores factos: Dicemus legem humanam plus posse, quam cœlestem in talibus, velut contraria ratione in his, quæ ad animum & corpus pertinent, cœlestem plus humana. Nihilominus primogenitus Feudi redditus pignori semper habebit datos, contra alter redditibus aliunde acquisitis affluet. Antequam tamen primogeniti conditionem superet aut æquet, non paruo tempore indigebit quantumvis felicissime natus. Nam & lex primo genitorum ad generales pertinet constitutiones.

Sortem igitur sub Solis radiis latere parum, aut nihil refert ad malum, sicut & cum Luna esse ad bonum, dominum autem plurimum, sub Sole tamen propriè, si bene fuerit constituta publica præmia & Regum dona pollicetur: sicut in Solis quadratis, & magis oppositis iacturam, & amissionem bonorum ob fiscum. Similiter sub Luna cum Sol in ascendente fuerit vitam robustam, & incrementa patrimonij ex contractione cum hominibus decernit. Et si in trigono Lunæ, aut sextili fuerit bene collocata, & per rationes publicas. Velut in opposito eius aut quadrato in signis non familiaribus iacturas ex contractionibus publicis & conductione. Sol enim administrationes & magistratus significat, Luna eos qui conducunt opera publica. Idem verò, & certis continget si loco Sortis illius domini ita fuerint collocati: Sed dices Ptolemæus vult quod dirigamus Sortem pro habentis euentibus diuitiarum, hic omnia tribuit dominis Sortis & non loco? Respondeo, oportet intelligere ipsum per ipsummet. Cum vult, ut dirigamus Sortem ostendit debere tamen considerare dominos illius principaliter non locum ex hoc capitulo: Cum hic dicit consideran-

dos esse dominos, ostendit ex capite ultimo quarti libri, habendam esse ipsius loci considerationem. Vnde qui occurrunt in directione etiam radiis quadratis, aut oppositis, ut ibi docet sunt administratores loci. Attamen si ab initio fuerunt contrarij puta domini loci oppositi nocent. Qui verò nocent ab initio, utpote si Sors sit in Scorpione, & Sol in Tauro paribus gradibus Sol non nocet Sortis & hoc bene nota, sed est illi inimicus, ita ut cum directione, vel processu, vel per ingressum denenerit dominium Sortis ad Solem bona deuoluentur ad fiscum. Non ergo Sol nocet Sorte, quia ab initio radiis oppositis illam afficiat: sed quia cum radiis oppositis illam afficiat, ubi ad illum deuenerit dominium offendet illam, non quæ est in radice, sed directione vel processu, aut ingressu. Hoc autem tantum interest, quod si Sors afficeretur perpetuò, paupertas & detrimenta significarentur, sicut si domini male afficerentur. Non affecta autem Sorte sic, sed solum inimicis Planetis in occurrencebus detrimenta solum eueniunt non semper. Idem de beneficiis.

Eadem verò regula, ut dixi, in processibus tener. Sed etsi secundum locum & locum considerabis, multumque illis tribuas, non errabis. Aliter me nihil lucratum omnino fuisset necesse, cum tamen non tam parum sum lucratus, quam parum mihi ex lucro superfuit. Si igitur ad partem fortunæ respicias Venus, Mercurius & Saturnus in octaua genitura illi dominantur. Qui cum sint concordēs & in propriis locis, & absque maleficarum testimonio stabiles, & nunquam defuturas opes decernunt. Quia tamen absque testimonio luminarium, & in cadentibus locis omnes, paucas & minus quam mediocres. Et ita semper fuit.

## TEXTVS V.

Verum Saturnus diuitias largitur per ædificia, nauigationes, agriculturam. Iupiter per ea, quæ ipsi concedita sunt, per præfecturas, per sacerdotia. Mars per militiam & exercitus ductionem. Venus amicorum & foeminarum donis, & beneficiis. Mercurius per eloquentiam & negotiationem. Peculiariter autem Saturnus fortunarum Sorti conciliatus, si cum Ioue configuratus fuerit, hæreditates donat, maxime quando in supernatibus angulis hoc acciderit Ioue occidente in bicorni signo, aut applicationem ad Luam habente, tunc enim ad liberorum procreationem deducti alienorum hæredes scribuntur.

Quòd per se significant clarum est. Cum verò nihil sit quod adeò & repente, & multum diuites reddat homines, quam hæreditates, ob id causam huius tam conspicua rei,



rei, & ab hominibus desiderata docere voluit. Magnarum igitur opum & tardè venientium, ac cum multis difficultatibus, duos Planetas maximè diuitiarum significatores causas esse docuit & tardos: hi sunt Saturnus & Iupiter. Et quia per hæreditatem bonum hæredi, & malum morienti aduenit, Saturnus pro malefica, Iupiter pro benefico assumendus est, & hæc est prima conditi. Secunda quod ambo sint in angulis superioribus: quia hæreditates sunt res magnæ & conspicuæ præsertim integræ & locupletum, ideo vt sint magnæ indigent locis potentibus quales sunt anguli, & conspicuæ indigent angulis supra terram, qui sunt cœli medium & occidens. Occidens propter mortem eius, qui hæreditatem relinquit, cœli medium ob magnam felicitatem. In occidente Iouem, in cœli medio Saturnum constituit. Hæc enim est ars Ptolemæi, vt commutationem & participationem maximè obseruaret. Cum enim hoc ex concordia Saturni & Iouis prouenire deberet, oportet vt alter alteri cedat mutuo, vt etiam mortales in consiliis facere solent. Quod si omnino in talibus angulis non essent, sed puta in vndecimo loco pro cœli corde: legata pro integris hæreditatibus, & in nono minora etiam significaret: idem in octavo pro accidente. Id verò ad secundum pertinet necessarium. Tertium est, vt Iupiter in signo sit communi, vel Luna illi applicet, vel ab eo separetur. Hoc enim significat duo in vnum cœuentia: Fit autem multis modis: vnum: Enarrat consuetum Lacedæmoniorum tempore, vir infœcundus diligebat iuuenem, qui cum propria vxore concumberet, itaque filius natus duos habebat patres, legitimum non naturalem maritum matris. Et naturalem non legitimum, iuuenem à quo erat procreatus. Mortuo legitimo, naturalis cum filio succedebat. Alius modus hoc tempore honestior: frater permittit fratri vt vxorem ducat, filique & ipse maiori in hæreditatem tum lege, tum consensu succedunt. Alius modus duo contrahunt fraternitatem & eorum altero mortuo, alter succedit. Vt Mediolani Marcus Antonio, Iacobo Baldouino, quos ambos nouimus. De aliis forsan etiam intelligit, qui adulterini filij à matribus coniugi supponuntur. Eodem modo alias mixtiones interpretaberis. E quibus est quod Saturnus, Marti commixtus eos facit Chyrurgos optimos, si bene dispositi sint, & eorum alter opificio præfectus.

## TEXTVS VI.

Ac si quidem stellæ eiusdem sectæ cum ipsis gubernatoribus, gubernationis testimonia ipsæ contulerint possessiones illabefactatas conseruant. Si verò stellæ contrariæ sectæ eleuantur supra loca dominium exerceant, aut iis succedunt labefactionem significant futuram bonorum.

Istud totum declaratum est superius. Si enim dominis opum maleficæ felices concor-

dent: rapinis assiduus opes angebuntur. Si discordent à latronibus, furibus & publicanis diripientur. Si fortunæ causæ discordent iudiciis peribunt. Si auxiliabuntur iudiciis & fide angebuntur. Proprium autem est Marti & Veneri disperdere opes. Mars per rixas & Iudos, & venationes, ac dilapidationes: Venus ob luxum, scorta, delitias, incuriam, vestes & talia. Saturnus Marte, & Mercurio facit Alchymistas. Qui tandem in moneta adulterinæ fabricatores transeunt: plerunque pœnas dantes. Et scias quod Saturnus solus propriè paupertatis imò mendicitatis auctor est: vnde Iupiter non solum diuitiarum, sed opum & affluentiarum.

## TEXTVS VII.

Cuius euentus tempus in genere accipere licet ex stellarum id efficientium ad angulos, & succedentia loca annutu.

Annunt siue innunt tempus generale stellatum tam dominarum, quam super eas eleuatarum constitutiones ad angulos. In angulis in iuuentute, in centris statim: in succedentibus media ætate: in cadentibus serò & in senectute. Vnde etiam in cadentibus habentes fortunarum significatores non omnino de diuitiis desperare debent: Verum cum etiam hæc ætas sit brevis & inepta laboribus, in paucis admodum id contingit, & etiam plerunque parum. Itaque pauci sunt, qui si ad summam senectutem perueniant, non videant variam in diuitiis fortunam. Idem verò dices de occidentalibus quartis & orientalibus mundi. Et rursus de earum situ in comparatione ad Solem. Manifestum verò est quod pro propriis temporibus in Sorte profectionem, & directionem obseruare conuenit, vt infra docebit, non dominum illius: ita vt generalia tempora dominis, propria locis ipsi s tribuantur.

Sed dices quonam pacto aliquis ex sceleribus diues fiet: cum neque beneficæ scelera significant, nec maleficæ bene dispositæ: Sed velut cum Saturno Mercurius Architecturam, & cum Marte fabrilem excellentem. Malè autem dispositus maleficus miseriam nuntiat: nullus igitur locus diuitiis ex flagitiis comparandis relinquetur, cum tamen plerimi sic ditentur etiam in immensum: Vt illud luuenalis.

*Criminibus debent hortos prætoria mensas,  
Argentum vetus & stantem extra pocula caprum.*

Nostra autem ætate non minus, quam antiqua sunt frequentes. Respondeo maleficas potentes & bene dispositas hoc facere. Nec artem significant, nisi dominæ sint opificij. Cum verò multitudo opum paratur, necesse est, vt dictum est, de hæreditate, beneficam maximè autem Venerem fauere, etiam si scelere id fiat: Nam malefica scelus, Venus autem acquisitionem opum significat. Quod si nulla adsit benefica, maleficæ verò opificium non significant, & sint



extra proprias dignitates, validæ tamen in angulis, tunc puro scelere & à legibus verito diuitias parabunt. Quamobrem tales diuitiæ rarissimè perseverant, diuturnæve sunt. Ut cum furto, latrocinio, moneta adulterina, falsis testamentis, paratur res. Duobus verò modis res scelere paratur, & non à legibus punito, velut scenore, iniustitia, seplasia, aliisque in tertio de sapientia, technis, dictis: vel cum maleficæ opificio non præsidentes fuerint validæ, & bene affectæ, sine fortunarum testimonio: vel cum validæ fuerint, & malæ dispositæ cum testimonio fortunarum. Maximè verò opes parabuntur si validæ & bene dispositæ fuerint maleficæ, cum favore beneficarum. Maximè autem in diuitiarum acquisitione concursus, & in genitura, & in temporibus observare expedit.

Hæc igitur de opibus, quæ fortuna & variis casibus parantur: at locus, qui ex arte, aut peritia aliqua opes parandas declarat, est cui imperat significator artis, & maximè si ibi dominetur, & si illum cum potestate respiciat luminare temporis. Velut in nostra genesi par. 6. mi. 57. m, & est coequalis, & vocantur intuentia vel obedientia, est enim in opposito Lunæ dominæ trigoni: & ita de aliis aspectibus. Quod verò accedat trigonus Iouis, bonum est & utile non tamen illi potestatem dat.

## CAPUT III.

## TEXTVS VIII.

*De Fortuna honoris & dignitatis.*

**Q**Uæ ad dignitatem & ad hanc beatitatis partem pertinent, à luminarium statu, & satellitum astorum accipimus, observantes eorum familiaritates, nam si in masculinis signis fuerint, ambo lumina & in angulis, siue alterum horum maximè conditionarium, & stipatim quinque erroribus erga Solem quidem matutinis, vespertinis verò erga Lunam, reges erunt qui nascuntur.

Septem genera status hominum, quasi extrema inuicem, quod maximè distent declarat: per ea reliqua omnia, quæ infinita sunt intermedia nobis insinuans. Nec comparando loquitur, sed simpliciter, ita quod etiam filius rustici hanc hæctus genesim modo vivat ad regnum perveniet. Ut autem intelligamus veritatem huius rei, debes scire quod luminare in masculinis signis simul esse contingit secundum distributionem singulis quatuor hominibus, & cum hoc habere Venerem, & Mercurium orientalem singulis 16. hominibus. Sed de Saturno ut sit in primo statu cum habeat quinque status singulis 80. hominibus. Sed igitur ut habeat tres superiores in primo statu singulis 2.

M. hominibus continget. Ut verò sit in angulis continget ex 6. millibus vni. Igitur per statum Regium intelligit statum eius, qui præsit 3. millibus hominum. Nam cum de Luna, vel Sole loquatur ad dimidium numeri reducitur. Intelligit ergo per reges regulos, more antiquorum & Arabum, qui Reges faciunt atque appellant unius oppidi dominos. Qualis sine numero sunt nunc in Africa & India.

Itaque Ptolemæus hoc in negotio maximè observat rerum ipsarum rationem. Cum enim sub eadem non solum Saturni & Iouis coniunctione, sed etiam Solis & Lunæ innumeri nascantur, quorum varia est fortuna, rem hanc ad momentum transulit. Nam qui in angulis sunt Planetæ plurimum possunt, quod res hæc brevissimo tempore duret. Eoque magis quo in validioribus angulis, scilicet ascendente & medio cæli: Et in eorum centris. Hoc autem ut rarissimum est, & in immensum augetur, & excrefcit donec ascendente luminari in ipsomet fuerit centro, non ita facile quenquam ad regnum magnum admittit. Ergo Ptolemæus hic per angulos simpliciter intellectos etiam Regulos decerni proponit. Quod si non in angulis solum, sed etiam in ceteris eorum fuerint ambo luminaria, tunc de magnis regibus intelliget. Atque ita sermo hic de primo statu omnium regum, qui tamen non sunt supremi, ut Rex Gallorum, aut Hispaniarum, vel Turca, vel Anglorum, vel Pannoniæ, & multo minus de Cæsare qualis est noster, est intelligendus. Pro regis nomine autem hic, si Principem dicas iuxta consuetudinem nostri sæculi, clarius rem percipies. Erunt ergo tales Reges, ut Comes Flandriæ, Dux Austriæ, Dux Mediolani. Rex Bohemiæ solius, & hi inter maximos huius status, ut etiam Rex Aragonum, Dux Florentiæ. Inter mediocres autem Reges huius status, Dux Ferrariæ, Dux Mantuæ. Inter minores, Princeps Bisignanæ, Princepsque Salerni, Dux Parmæ. Inter minimos autem comes Ugubij, Marchio Istonij. Iam igitur habes quid per Reges Ptolemæus intelligat, & quomodo: nunc modo causam sententiæ illius exponamus. Luminaria in hoc casu observat quod dignitates Regiæ omni hominum generi imperent: non sicut alij Planetæ sic & luminaria certo hominum generi præsent, sed generaliter omnibus. Nam Saturnus infimæ plebi, Iupiter diuitibus & magistratibus, Mars militibus, & artificibus durioribus, Venus mulieribus & mollioribus artificibus, Mercurius studiosis. Quod verò in masculinis signis sint hoc facit ut efficaciores, & promptiores ad negotia obeunda evadant. Quo etiam docemur nihil tam facere ad honores & dignitatem retinendam quantum efficacia, & promptitudo in negotiis. Hæc autem ut ad regnum utilia sunt, non tamen in aliis rebus adeo. Nam primum malos mores in Veneris præstat plenus que hæc constitutio, si modo Venus astipuletur, ut superius visum est. Facit & aliorum contemptores, & plerunque boni & æqui. Et nil curantes nisi quod



quod ad magnitudinem sui status faciat, & explendum desiderium. Sunt enim tales immodici semper in cupiditatibus, & actionibus suis. Nocet etiam quo ad vitam Lunæ constitutio in signo masculino. Ita nihil est ex quaque parte beatum: multò minus Principum vita. De orientalibus verò Planetis à Sole, occidentalibus à Luna, rationem superius declarauimus. Similiter & de angulis. Ergo si in Regis filij genitura, quæ dicta sunt contingant, non solum Rex, sed maximus euadet Rex, & regnum suum tanquam ad id munus natus, summa cum facilitate tractabit.

### TEXTVS IX.

At si satellites Planetæ vel in angulis ipsi fuerint, vel ad superiorem cœli cardinem configurati, magnam decernunt & stabilem potentiam, orbisque imperium: quæ quidem maior erit felicitas, si hæ configurationes dextræ fuerint.

Si per orbis imperium intelligas totius orbis, absurdum hoc erit, quandoquidem ne ullus vnquam toti orbi imperauit: neque fieri posse, vt quisquam imperet in libris de Æternitatis arcanis demonstratum est: Sed nec de maiore parte, vt Cæsaris, aut Alexandri Magni, cum constitutiones hæ, quas hic Ptolemæus proponit frequentes sint, tales autem principes rarissimi. Quodd igitur antea diximus de regibus paruis, hic de magnis est intelligendum. Scilicet vt hæ constitutio Regem mundi, id est, qui titulos ferat totius aut maioris partis orbis significet. Quales, vt dixi, Cæsar, Turcarum Princeps, Æthiopum Rex, Rex Scytharum nostro tempore magnus Cham dictus, Rex Gallorum, Rex Anglorum, Persarum Rex Sophi appellatus, Cambaia etiam aliisque toto orbe celebres. Si tamen luminaria in centrīs præter id horum sint angulorum, fient tunc Reges maioris partis orbis, vt olim fuit Augustus.

Illud etiam animaduertere decet, quod Ptolemæi tempore Romani Imperatores orbis hoc modo erant principes, sed hoc à generali constitutione imperij Romani ortum trahebat. Quo fit vt verisimile sit Ptolemæum vidisse genituram Augusti & Tiberij, quam habuerat Thrasibulus Mathematicus, & C. Caligulæ, & Neronis, & Claudij, & Domitiani. His enim omnibus ab Astrologis prædictum fuerat imperaturos. Fuerant autem hi proximi ætati Ptolemæi & paulò ante illum. Credendum est igitur Ptolemæum obseruasse in illis hoc commune, quod dixit. Similiter & forsan in genituris regum Persarum Xerxis, Artaxerxis, tum Aegyptiorum Ptolemæorum, atque etiam Mithridatis Antiochiæ, & forsan Alexandri Magni. Non tamen absolutè de mundi regibus pronuntiaffet sola ratione absque experimento fretus. Fuit enim Ptolemæus magnus supputator, & temporum, & motuum astrorum, iamque condiderat libros

Magnæ compositionis, vt in Proœmio huius libri apparet. Itaque dictum hoc de mundi regibus tamen ad centra angulorum tum ad constitutionem generalem illius ætatis referendum erit. Poterit enim iam maximum imperium in vnum coisse, & hereditario iure transferri in successores, & tunc erit difficillimum alteri, qui ex ea familia non sit hoc obtinere. Poterit rursus non coisse imperium in vnum vt Nini tempore, & tunc erit difficilè, perfecit tamen hoc Ninus Assyriorum Rex, vt regnum maximè partis orbis occuparet. Sicut Alexander Magnus Persarum, quod iam vni familiæ tributum erat: licet Darius ille, quem Alexander vicit non fuerit è stirpe Xerxis, vel Artaxerxis. Vnde difficilius fuit Alexandro imperium illud occupare, quam Nino: nam à generali constitutione sub qua Persarum Imperium coaluerat, Alexander prohibebatur. Difficillimum autem est generalem constitutionem à priuati genesi, vt in secundo libro superius docuimus, superari. Quandoque autem imperium coaluit in vnum, nulla certa familia dominante, vt Romanum post extinctum Neronem, qui Iuliorum vltimus fuit, & tunc longè facilius est ex genesi imperium orbis assequi, vt Nerva, Traianus, Galba, Otto, Vitellius, Seuerus Alexander, Seuerus Afer, Maximinus, multique alij.

Sed iure meritò dices, cum eodem momento tot in orbe nascentur, multi erunt totius orbis domini, quodd & experimento, & rationi repugnat. Imò neque vnquam visum est duos, vel tres ad vnguem vnius ætatis, vel simul, vel altero alteri succedente maxima regna occupasse. Quod tamen necessarium esset vbi vera essent, quæ à Ptolemæo dicuntur. Respondeo quodd natura ordini vniuersi prouidit, raroque tales primum eueniunt constitutiones: Et eorum qui nascuntur tunc pauci supersunt, quod superius declaratum sit, eos qui in centrīs habent luminaria plerumque non nutriri, aut oblaesos esse vitis que cum animi, tum corporis detineri. Vnde prohibentur à maximis non solum negociis sed sæpius etiam à mediocribus ac minimis. In eadem etiam regione non contingit fermè duos eodem momento nasci. Neque ego in vita vidi duos, qui eodem horæ momento nati essent, nedum postmodum duos tam claris gentibus. Plurimi etiam ab infantia pereunt propter parentum, vt videmus, geneses. Eorum verò qui tandem supersunt eodem momento geniti ob natalium discrimen, alij quidem momento obtinent regnum, vt Seueri Afri tempore Albinus, & Fescenius Niger: Et Galieni tyranni triginta, quorum quilibet nomen Cæsaris vsurpauit: Alij verò non per se assequuntur imperium, sed vices eorum qui possident, gerunt.

Quo verò ad textus explicationem attinet, difficilè videtur intelligere Planetas esse à Sole orientales, & in angulo cum Sole, & sub radiis non esse, nisi Sol in ipsius anguli extremo fuerit, quod vix verisimile videtur, cum tunc non validus esset, sed imbecillis. Respondeo quod primo hoc in occidentibus Planetis à Luna nullam habent difficultatem:

Rursus



Rursus si iisdem in alio angulo præcedente fuerint, ut Sol in ascendente, satellites in cœli medio. Tertio contingere potest cum ipsi cœli medium respiciunt ex secundo loco vel tertio, Sol autem fuerit in imo cœli, vel satellites in duodecimo, Sol in ascendente. Neque vetat quin in regionibus finitoris obliquioris Sol sit validus in angulo, & in eodem vel quinque gradibus anterioribus: Planetæ & fixæ (nam & de his quando fuerint nobiles intelligimus) appareant orientales in primo statu, & validissimæ, tamen maximè ob latitudinem. Quæ autem sint validissimæ docuimus in libris astronimicis. Neque etiam vetat quin quando Planetæ sub Sole fuerint, licet sui ratione sint imbecillissimi viribus omnibus Soli traditis, regnum decernere non possint. Nam Sol vel Luna, ut initio huius capitis docuimus, regnorum possunt esse authores, non alij Planetæ.

Cur autem dextros radios sinistris præponerit, non est ut putat Haly, quod generaliter sint validiores, cum superius sit declaratum inter Planetas radium dextrum esse imbecilliolem. Sed hic cum loquatur de aspectu Planetarum ad cœli medium, ad quam deferitur non proprio motu, sed firmamenti, constat dextrum sinistro esse validiorem: cum de radiis loquimur Planetarum ad domos, cum verò ad Planetas, vel fixas sinistri sunt præponendi. Superius dictum est, quod radij dextri contra successionem signorum tendunt, ut ex Tauro in Pisces, sinistri secundum, ut ex Tauro in Cancrum. Cum igitur motu primi mobilis Planeta, qui est in Tauro in prima, vadat Piscium locum in vndecima, patet propositum. Vnde liquet Ptolemæum velle quod Planetæ in hoc casu validiores sint in duodecimo loco, quàm octavo, in primo, quam in septimo, in secundo, quam in sexto, in tertio, quam in quinto. Ex his enim locis cœli medium respicere contingit, licet non vbique gentium, nec semper.

### TEXTVS X.

Si verò aliis ita habentibus solus, Sol in masculino, Luna verò in foemino signo, & angulare alterum lumen solum extiterit, duces tantum nascuntur vitæ, necisque domini. Si ad hæc ne laterones quidem Planetæ angulares fuerint, neque cum angulis, aut configurati, magni tantummodo & natalium splendore conspici, aut præfecturis, aut exercituum ductationibus, minimè verò ducatibus illustres. At si luminaria quidem in cardinibus non sint, cardinales tamen satellites Planetæ extiterint, aut cum angulis configurati, in illustrioribus quidem dignitatibus non constituentur, in ciuilibus tamen hi promotionibus, & in sui generis vitæ

mediocritate excellent. Si neque stipatrices stellæ cum angulis coniunguntur, obscuros homines & nullis honoribus promouentur. Extremæ verò abiecti & infelicibus animis nascuntur, quibus neutrum luminare in cardinibus, neque in masculino signo reperitur, neque stipatur à beneficis.

Declaratis duobus statibus principalibus, quorum præcedens est sublimis, & potentissimus nunc declarat quinque alios status. Nec in vlla alia causa tam diligens fuit Ptolemæus, quam vitæ & hac. Vitæ quidem quod ea sit omnium aliorum fundamentum: & etiam quod pulcherrimum de Astrologo exemplum præbeat. Honorum verò quod illis omnia bona succedant, diuitiæ, amici, gloria, coniugia nobilium, inde, infertiles fuerint, præclara soboles. Denique post corporis incolumitatem felicitas in humanis gloriæ comes est. Et quanquam Aristides & Phocion, & Camillus, & Cincinnatus, & Fabritius, & Scipio maior, & alij multi honores adepti sint maximos, cum summa paupertate: constat tamen potuisse illos si voluissent omnino diuites esse. Phocion enim magna auri talenta, quæ salua autoritate accipere poterat, oblata ab Alexandro spreuit. Sic cuique horum occasio affulsit diuitiarum, sed illi gloriosius duxerunt tantos magistratus gerere in summa paupertate, quàm cum diuitiis. Non solum ob raritatem, sed quod hoc esset certum testimonium ingentis virtutis datos honores pauperrimis, & singularis innocentie pauperes abdicasse se à magistratibus summis. Tertius modus à secundo differt quod vnum tantum luminare habet in angulo, ac in masculino signo. Memineris verò, ut dixi, hic loqui Ptolemæum de his, qui propria virtute emerferunt: Vt Franciscus Sfortia primus, Castrutius, Iacobus Trulcius, Hieronymus Moronus, Iacobus Medices, omnes præter secundum ciues nostri. Non de his qui concordia cum potentibus genituris creuerunt, ut Cosmas, Florentiæ Princeps, qui partim successionem partim consensu genituræ suæ, cum Cæsaris genitura adeptus est regnum. Et Maximilianus Stampa consensu genituræ, ut diximus, cum genitura Francisci Sfortiæ secundi iam Principis Mediolani. Itaque te iterum monuisse volui quemadmodum de diuitiis feci: aliter vel in magnos incideres errores, vel falsò Ptolemæum damnare. Sicut enim contingit mori in magna clade multos, quorum genituræ longam vitam pollicentur. Et direpta vrbe euadere pauperes, qui dominos Sortis in cœli medio habent, Ita in constitutione communi genti, quæ recipit principes ex vna familia, contingit ex eadem causa, quæ est consensus genituræ, cum nonnulli illa constellatione non simplex, ut quidam crederent & egregiè rursus deciperentur, sed deductus per perpetuos concursus directionum, & progressionum ac reuolutionum



num in quibus continua successione fit commutatio locorum principalium, fieri quosdam principes, quorum genitura vix mediocri fortuna sufficere viderent. His igitur hoc contingit, ut si filij egregijs genituris suffulti succedant, regnum non minus, quam virtute partum roboratur & agetur. Si verò filij genitura patris genitura similis est, eisdem artibus regnum retinetur quibus partum est, non tamen augetur. Quoniam iam deductio illa cum generali constitutione interrupta est. Si autem filij genitura discors sit parenti, ut Dionysij iunioris olim cum Dionysij parentis, & filiorum Pysistrati cum patre, & filij Periclis cum patre, & nostra ætate Ferdinandi filij, cum Alphonso patre Rege Apulia & Neapolis, & Ludouici Sfortia cum Francisci primi patris, semper regnum illud corruet, & filius eo priuabitur, etiam si pater non consensu, sed virtute parauerit. Quamobrem cum plurimi sunt filij, si Regnum habenti meliorem genituram, & magis concordem cum genitura parentis, & hora in qua regnum adeptus est pater, re ut alias dixi & potestatem non caremonis, tunc regnum illud proculdubio in illa famalia seruabitur. Et hoc est quod Ottomannorum familia tandem seruat regnum illasum, quod fortiori & promptiori, atque efficaciori pater filio relinquit. Id autem ex experimento dignoscit. Sunt etiam qui dicant peritos astrorum consulere. Nam ea gens, ut par est, astra diligenter obseruat ut audio. Quicquid sit si ea regula seruetur, regna nec transferentur, nec desinent. Quod si plures habeat pater filios, & primus adeptus regnum minus congruentem genituram regno habuerit, & minus efficacem (nam ut dixi clarum est sententiam Ptolemæi esse regnum efficacia constare) secundo aut tertio filio, tunc nisi concordent genitura efficacioris, cum principis fratris genitura, regnum illud proculdubio euertetur. Idem tutissimum regnum est in quo hæres regni est filius efficacior, seu qui habet genituram, ut dixi, cum illis tribus conditionibus, congruentem, scilicet primi Regis genitura, primæ horæ qua regno potitus est, & luminaria in signis masculinis & angulis, cum Planetis aliis orientalibus à Sole, vel occidentalibus à Luna, in angulis, vel cœli medium respicientibus. Et hæc omnia ut etiam Haly aduertit Ptolemæus inclusi in tertio libro in his verbis (Et plurimum valet in peculiari prout vniuersumque conditio requirit casuum decretis) Et in secundo rursus ibi (Iam cum necesse sit summi imbecilliores naturas valentioribus, &c.)

Quartus ergo status est (ut ad ordinem redeam) cum vnum luminare est in signo masculino, & in angulo, aliud in fœminino & extra angulum. Idem ferme esset, sed paulò debilius, si quod est in fœminino signo esset in angulo, & quod est in masculino extra. Ex hoc patet causa quod effœminati, ut Sardanapalus, & Pathici, ut Heliogabalus, non sunt omnino idonei regno, quia tales habent ambo, luminaria in fœmininis signis, ut in precedenti capite visum est. Et ego

cognoui principem muliebria patientem, & certè viuis quod raro contingit, regno exitus est. Et hoc est verum de regno quod solum propriis viribus, non alia autoritate, suffultum sit. Ex hoc etiam manifestum est, cur plus possit ad amissionem regni effœminata conditio morum, quam auaritia vel crudelitas. Ut etiam nostra ætate in quibusdam vnum est.

Quintus status ad vnguem ad primam pertinet genituram, vbi nec Sol, nec Luna in angulo est, Saturnus tamen & Iupiter, & Venus in angulis. Hi ergo non nouum adipiscuntur regnum, sed suam conditionem à parentibus relictam retinebunt, sutor, sutoriam, eques equestrem, Senator Senatoriam, Rex Regiam: Et in sui generis mediocritate excellent inter compares, scilicet sutor inter sutores diuitis & auctoritate præualebit: Rex inter reges sapientia, diuitis, apparatu rei bellicæ, obedientia, regnique amplificatione.

Sextus status est eorum, quod ad honores non sunt apti, sed in suo genera sunt obsecuri: atque quodammodo incogniti. Contingit hic cum neque luminaria, nec stipatrices stellæ in cardinibus fuerint. Tales enim omnino abiecti & humiles sunt inter suæ conditionis, ut dixi homines. Nec ex duodecim exemplaribus genituris ni fallor vllam excipere nossem huic congruentem statui præter nostram. Status enim vniuersumque describentur. Ex quo liquet non debere homines desperare, maiora quam pro astris expectentur, cum Ptolemæus hos status ad hominum existimationem ac cœcæ fortunæ referat, non ad eam quæ ex virtute oritur, gloriam tum etiam honores. Itaque cum ego repugnantibus astris nomen quidem inter eruditos essem consecutus, non tamen mihi pro tot laboribus, vel semel eligi ad vllum officium inter collegas collegij contigit: nec apud aliquem principem in aliquo esse gradu, cum tamen tot nebulones dignitates apud illos sint consecuti: Et qui omnino non solum imperiti sint & habeantur, sed etiam in opere infelices. Ut contra de nobis cuius doctrinam non solum fatentur, sed opera admirantur, & tamen consuetudinem, mirum certè dictu, non solum negligunt, sed abhorrent. Ita liceat nobis astrorum vim non solum fateri, sed admirari. Si ad causas inferiores referas, vix queas inuenire. Sunt malevoli, sunt inuidi: nemini defunt obtrectatores, & qui verè habeant illis quod obiciant, cum mihi non possint. Sunt aliis amici & qui laudarent, at nec mihi defuerunt. Quid igitur? ex astris hoc est. Quo factum est, ut æquo animo ista viderim semper tulerim: intelligens nec vitio, meo, nec aliorum crimine ista contingere, sed superum voluntate. Sed iam ad septimum statum transeamus.

Hic adeo miser est, ut etiam si in potentis viri filium incidat, eum adeo deprimat, ut omnino abiectus sit. Atque ideo ad vnguem primo & secundo contrarius, qui etiam mendicorum filios euehere possunt. Constat autem hæc status ex tribus. Primum horum est,

ut



ut utrumque luminare ab angulis cadat. Hoc præcipue ad corpus pertinet: tales enim plerunque morboſi ſunt & debiles: & præſertim ſi in ſexto vel duodecimo loco fuerint. Vnde ob hoc & ad labores inhabiles, & contempti habentur. Hoc verò & nobis nocuit cum minus firma valitudine nec ſeruire Principibus poſſem, quibus boni ſpecies plus placet quàm bonum: & obſequium quàm artis excellentia. Facit etiam eos qui in aſſidua peregrinatione verſentur & exules, quod etiam ex ſtimationi obest. Secundum ut luminaria ſint in ſignis fœmininis. Hoc animum deiicit à magnarum rerum cogitatione nec finit provincias magnas aggredi, redditque inefficaces, quo vitio ad gerenda negotia magna nihil eſt deterius. Facit etiam contemptos nec tales ut ab his aliquid magni iure poſſis expectare. Tertium ut luminaria à nullis ſtipentur beneficiis, aut concordibus ſyderibus. Facit hoc ut ab omnibus deſerantur & contemnantur, amicorum omnium præſidio deſtituti. pertinet hoc igitur ad fortunæ bona. Cum igitur tales ex prima conditione bonis corporis careant: Ex ſecunda autem animi bonis: Ex tertia etiam fortunæ, meritò hi in extremo miſeriarum ſunt collocati. Suſpiciet etiam quandoque ad ſeptimi ſtatus conſtitutionem extrema quædam animi aut corporis calamitas, aut cæcitas innata, reſolutio totius corporis, aut linguæ, amentia, aut immoderata peruerſitas cum timiditate. Habes igitur ſeptimi ſtatus non ſolum conditiones, ſed & cauſas. Ita egregia aliqua animi conditio, ab extremis exiſtimationis ſtatibus aliquot, contraria ratione, liberat. Quod facile, ſi ut oportet non tantum verba Ptolemæi, ſed etiam cauſam & rationem illorum diligenter perſcrutatus fueris, intelliges. Vnde etiam educatio plurimum poteſt in corrigendis, ac leniendis aſtrorum decretis: modo non tantum illi tribuas ut ex vno extremo in aliud poſſe transferre ſperes. Verùm animi innata virtus, cum educatione plus ſatis poteſt. Et licet non verè, ſpecie tamen quadam ad contrarios extremos ſtatus, & quaſi per umbram nonnunquam transferre ſolet. Non tamen tales ſunt iuxta hos ſtatus duo digna animaduerſione diſigenti notanda ſunt, quorum alterum eſt, quod luminaria ſignificant ipſam dignitatem & ſtatum: laterones autem eos, qui illus ſtatui, atque exiſtimationi ſuffragantur. Qui ſi in angulis fuerint potentes erunt, alibi debiles pro loci conditione: benefica, fide, malefica, inconstantes & quædoque infida. Alterū quod quilibet ſtatus comparandus eſt ſtatui parentum hora natiuitatis, & ei qui per leges neceſſario ad filium ipſum poſt illorum obitum deuoluitur.

## TEXTVS XI.

Hæc igitur in genere propoſitæ conſiderationis deſcriptio dignitatum, veluti excellentiam quandam conſtituit. Mediocres verò conſtitutiones, quæ infinitæ ſunt, coniectati

oportet de forma ipſa tum luminum, tum ſtipationis ipſorum propria variatione, deque ſatellitij dominio.

Generales conſtitutiones, tanquam terminos propriis ſinibus diſtinctos intelligit. Ut non ſint excellentes hi termini per ſe ſinguli, ſed ut ſpatiis manifeſtis ac magnis diſtinguantur. Sed mediæ conſtitutiones ſunt inter hos fines, inter quos cum ſint ſeptem termini erunt ſex ſpatia, quorum vnumquodque egregiam & manifeſtam habet latitudinem. Hi igitur intermedij ſtatus ex tribus cognoscuntur: Primus eſt modus, quo luminaria ſunt diſpoſita in centro anguli, in medio, in fine, in initio ſuccedentis medio fine, in cadentis initio, vel medio in decimo, vel ſeptimo loco, infra terram vel ſupra: Quodque ſint in dignitatibus ſuis, Sol in igneis, Luna in aqueis, vel contrario modo Luna ſupra terram maximè nocte vel infra: Luna in maſculino, Sol in fœminino, vel contrario modo: quæ ordines non mutant, ſed in eodem ordine eleuant, aut deprimunt, Secundus eſt ex qualitate ſatellitij beneficarum vel maleficarum, concordantium, aut contrariarum in ſuis dignitatibus, aut caſibus potentium, vel debilium multarum aut pauciorum, dominantium locis lumarium, vel imitatarum congruentium ſitu & tempore, vel diſſidentium. Tertius eſt, qui decernit qualitatem, & cauſam exiſtimationis: Et hic ſumitur à domino ſigni ſatellitij. Præponatur carpentum, inde qui reſpicit locum & dominatur in loco poſt dominus domus ſi nullus aſpiciat locum ſatellitij ex dominis nec ibi carpentum habeat. Quod ſi dominus domus ſub radiis Solis fuerit, dominum trigoni in honoribus, domino altitudinis iuxta Ptolemæi ſententiam præponemus. Vltimo loco eſt dominus finis. Atque ita ubi plures dominarentur, atque reſpicerent, ordo ſtatuentus eſt.

## TEXTVS XII.

Nam hoc ſi conſtiterit circa beneficas, eiſdemque conditionis ſtellas maior ipſis dignitatibus authoritas, & conſtantia accreſcit. Si verò circa contrarios, aut maleficos humiliora, & incertiora omnia.

Satellitij dominus ſi ſit benefica & concordet cum ſatellitibus eſt primus, ac ſimiſſimus ſtatus. Inde ſi concordet non ſit autem benefica. Tertius cum benefica, quæ non concordet. Quartus ſi benefica diſcordet. Quintus ſi malefica non concordet. Vltimus & peſſimus, cum malefica diſcordans dominabitur. Tunc enim omnia bona peruerteret & turbabit, mala augebit.

Quærere igitur oportet ſecundum regulas datas, qui ſit robuſtior & ex experientia velut in noſtra geneſi Venus, aut Mercurius, aut Saturnus ſunt, ſatellitij Domini potius quam Iuppiter. Iuppiter tamen, vel quia ſit in



in angulo, vel alia ratione deprehenditur omnes dignitates præstare. Hoc enim experimento cerè constat: sic etiam temporaneas dignitates, & potestates largitur suis temporibus, de quibus locutus non est Ptolemæus: sunt tamen necessaria: nam Marius humili loco & fortuna natus, septies consul, non paucioribus tribus duxit exercitus. Vnde ergo hæc varietas: an quia valida potestates amisso satellitio procedant dominisque varij generis, quæ autem artis excellentiam sequuntur, ut in eruditis Iurisconsultis, & Architectis, vel Grammaticis transitum significatorum non luminarium ad corpora, vel radios beneficarum, aut luminarium: qui cursus ac recursus in huiusmodi viris eò frequentius accedit, quò eiusmodi dignitates sunt leuiiores, & natura mutabiles.

## TEXTVS XIII.

Futuræ dignitatis genus de stipantium astrorum peculiari natura coniecturabimus. Quandoquidem Saturnus satellitij præfecturam nactus ex opum cupiditate, & reconditis diuitiis, potentiam conciliat. Iupiter verò & Venus gratia donis, præmiis ac magnificentia. Mars expeditionibus, victoriis, subditorum terrore. Mercurius intelligentia, eruditione, cura, ordineque suarum rerum.

Verbum *δορυφορέων* & *κυρεῖν τῆς ἀρυστίας ἔχειν* magnam attulit ambiguitatem. Videtur enim à stipantium natura sumendum genus causæ dignitatis: Inde insequentibus verbis potius à natura domini satellitij. Illud etiam difficillimum videtur, ut à natura satellitij, quæ pluribus conuenit necessario, atque diuersis: Quoniam non potest esse satellitium nisi plures sint Planetæ luminaria circumdantes. Nec causa dignitatis à pluribus sumenda est, sed ab vno plerumque. Haly ob id more Arabum, & etiam quia iure merito hoc omnes torquere posset verè exposuit omnia concilians digniorem in satellitio, qui etiam illi præsit: Sed sæpe accidit ut qui præsit è satellitio non sit. Ob id igitur recipiendâ Haly sententiam existimo, ut qui præest è satellitio eligatur. Si nullus præsit: potentior in satellitio. Vltimo si omnes debiles extiterint: dominus satellitij. Vel si dominus satellitij sit, alter verò in eo potentissimus, vterque habendus erit. Exemplum in secunda genesi (nam ut bene Firmicus dixit Imperatorum & Regum geneses quoquomodo astris non adeò subiiciuntur: Et verè, quoniam etiam Regni initio subiacent, non tantum propriè genitura: Idcirco fit ut de Regibus circa corpora & animos prædictio extendatur. Rex verò magnus augere potest & minnere existimationem, mutare non potest, quæ cum regno ipso coniuncta sit. Quanquam, ut dixi, ea maxima futura sit etiam præter regni ordinem, quia tamen non adeò conspicua est genesis vis in regibus propter regni maximam illustrationem eâ silentio, nunc transmittito) Satellites sunt

Tom. V.

Iupiter, Mercurius, Venus, ex his Venus præficatur, nam est sublimis & in suo trigono orientalis marutina, Mercurius occidentalis vespertinus, & Iupiter in vltimo statu. Sed & Venus præest loco Iouis. In prima Saturnus est proximior Soli, Venus centro, vtrunque sumendū existimarem, æqui fermè auctoritate. In tertiæ satellitio præest Sol, Mars, Iupiter, Mars Ioui commiscetur. Sol autem cum præsit illustrem facit natalibus, hoc est communi ratione. Ita intelligendum est quod Ptolemæus prætermisit. Nam si Luna præsit erunt velut cursores, ac tales qui vulgari commitate omnibus noti sunt.

Animaduertendum est diligenter hic non de gloria, & dignitate loqui nisi ea, quæ à fortuna conceditur, nam consequens cuiusque artis excellentiam non in potestate fortunæ est; maximè quæ ad eruditionem sequitur: illa enim cum sit in nostra potestate non ex astris habetur. Veruntamen est nomen quoddam solum, aut ad summum negocia illi committuntur, quæ ab excellentia peritiæ eius artis pendent. Et ita non repugnat in vltimo statu gloriæ hominem esse notissimum ob artis maximam peritiā toti orbi. Sunt ergo tria artis peritiæ, artis exercitatio, nomen ex arte, primum ex astris pendet, sed non ex hoc capite: secundum ex astris, & pendet ex hoc capite: tertium ex astris, sed peritiā artis, quæ ex astris tamen oritur. Verum si artis peritiæ, quæ hic dicuntur foeliciter adsint, gloria illius conduplicabitur. Et omnes illius opera vtuntur: Est etiam artis peritiā, quæ ad exercitationem peruenit, & tota in nobis non est, cui astra dominantur. Vnde quoties audies ille longè peritior est, & artem melius intelligit, sed tamen curari malo à meo medico & defendi ab aduocato. Solum ergo peritiā, quæ in nobis est, & nomen quid paritur ex ea non sunt sub hoc capite. Ex hoc apparet, quod qui adeò præstare debent in disciplinis maximè contemplatiuis ut sunt Arithmetica, Geometria, Musica, Astrologia, Philosophia, vtraque optica ponderum Magia, Theologia, oportet ut habeant luminaria cadentia, & sine absque significatore artis, aliter per celebritatem nominis distraherentur. Et tamen oportet ut habeant planetas concatenatos per bonos aspectus, & in dignitatibus suis, præsertim ♄, ♀, ☿, vel ♃, aliter deficerent eius necessaria.

CAPVT IV.  
TEXTVS XIV.

De actionibus seu opificio natæ.

Q Vis verò opificij moderationi præsideat è duobus colligitur: Sole nimirum & signo quòd coeli fastigium obtinet. Videre enim oportebit stellam, quæ matutino primo radios Solis exit. Et eam quæ coeli culmini conciliatur, maximè quando Lunæ se applicat Et si idē Planeta vtroque iure potitur hoc solo vtendum. Sic si vtrunque neuter habet eo qui alterū habet,

E e

contentum



contentum esse oportet. Si verò vnus proximè apparuerit, & alter medio cœli, aut Lunæ conciliatus sit vterque in consilium adhibendus est. Primas tamen partes tribuemus ei, qui plura ad dominandum suffragia adeptus est. Quemadmodum in prioribus diximus. At si nullus reperitur huic muneri idoneus, nec manē visus, neque in cœli culmine constitutus dominum medij cœli accipiemus vt officium, aut exercitium, studiumque nati cui vacare consuevit, quando scilicet commodum est cognoscamus. Solent enim ex huiusmodi constitutione ociosi plerūque pronasci: Hac igitur ratione inuestigauimus, quænam stella actionibus, opificioque nati formando idonea sit.

Quinque partibus seu modis ars constat. Primus est notitia artis ipsius, secundum nomen ex hac notitia horum neutrum pendet ex hoc capite: sed secundum ex primo: cognita enim subtiliter arte necesse est nomen illius increbescere. Consequuntur enim se: Primum autem ex ingenio & patientia, quæ potius per Mercurij, & Saturni statum habentur, quàm alia ratione: reliqua tria sunt artis exercitatio, concursus hominum, multorum & potentium ad illum ob artem & fructus, qui ex arte colligitur hæc tria ex hoc capite colliguntur, quia ex quadam fortuna & naturali inclinatione pendent, cum corporis facili, & apta tractatione. Quocirca in his illustrem conuenit esse statum stellæ, quæ opificium decernit, quo homines vitam ducunt, existimationem retinent, & totum vitæ tempus in eo consumunt. Quod in nulla alia humana actione, aut adiuncto inueniri potest. Illustres autem stellæ status magis esse non possunt, quàm si nuper ante Solem oriatur para, & sincera iam substantia, & omnibus conspicua, aut si cœli medium teneant. Quo fit vt talibus opificium assignetur. Vt quod magis moueat hominem ad studium illud. Quare stellæ, quæ sub radiis latent studia non opificia decernunt. Tales verò non adedò inclarent quamuis ea in disciplina celebres Mathematici, naturales Grammatici, & qui scribendo noua comminiscuntur, vt solent pictores, sculptores, medici & prioribus longè viliores. Quamobrem distinguere hic oportet. Nam si debeat, quis nomine exercitationis multum inclarescere, & simul scire necesse est, vt Planetam vnum opificij auctoritatem habeat sub Solis radiis, alterum in primo ortu. Velut in quarta genitura Iupiter est in primo ortu, Mercurius autem sub radiis, vt ex tabula ortus & occasus adiecta videre licet. Qui verò Planetam sub radiis tantum constitutum habent erunt nec videbuntur. Quod si in cœli medio, vel primo ortu auctor opificij extiterit, videbuntur quidem nec erunt. Cuius rei exemplum ponere su-

perfluum existimo, cum nullibi copia horum desit. Et si vnquam aliàs, nunc etiam magis, vbi verissimum est illud Horatij:

*Scribimus indocti, doctique poemata passim.*

Verum si nullus Planeta sub radiis optimè collocatus fuerit, nec etiam in primo ortu, aut cœli culmine, nec sciet ille prorsus quicquam, nec exercebit. Ptolemæus igitur quatuor ordines eligendi officij dominum proponit: Primus cum idem fuerit Planeta radios Solis exiens, qui & in cœli culmine: Et eò magis si etiam Lunæ se applicuerit. Secundus cum vnus tantum Planeta, vel Solis radios exierit, vel in cœli medio fuerit: Ille enim efficax erit & solus eligendus, quia solus est. Tertius est cum diuersi Planetæ, diuersas ex his tribus habuerint conditiones, velut quod vnus primum de sub radiis Solis exeat, secundus sit in cœli medio, à tertio Luna defluat (Hoc enim est Lunæ illum se applicare) omnes eligemus: potentior tamen est primus, inde secundus, demum tertius vltimus est: Sed videndum est etiam ex his, qui in loco medij cœli, & Lunæ præter id plures habuerit dignitates, atque is præponendus est omnibus. Quartus est cum nec primo oriens Planeta est, nec in cœli medio, tunc enim eum, qui plus in eodem cœli medio potestatis habet accipiemus. Ex quo patet quod eum à Luna separatur Ptolemæus contemnit, quasi præponitque vicem gerentem eius, qui est in vertice (is est, qui cœli medio dominatur) ei à quo Luna separatur. Admonet autem nos quod tales quibus nec Planeta radios Solis exuit primum, nec in cœli est medio, plerumque vacui sunt ab exercitatione, Solis intenti studiis aut delitiis. At dices, Reges officiis & artibus carent, hi verò plus aliis vt in præcedenti capite visum est, Planetas primò orientes in angulis habent? Respondeo quod oportet per officia & artes intelligere publicam actionem qua minus Reges carent, quàm alij. Quidam enim administrant ius vt Claudius Imperator: Quidam exercent se corpore & pugna, vt Maximinus: Quidam Musica, vt Nero: Quidam machinis conficiendis rei bellicæ, vt C. Cæsar: Quidam ociosi, vt Domitianus: Quidam pictura, vt Alphonsus Rex Aragonum: Quidam torno, vt Hercules Ferrariæ Princeps: Alij studiis, vt Antoninus Philosophus. Igitur exponit qui sint ociosi. Oportet autem consentientes artes dignitati tribuere. Ob id enim caput de dignitate statim sublequitur caput de opificio. Hic igitur sunt, quæ opificium & quantitatem eius significant & genus. Memento autem eum dici esse in matutino ortu, qui non plus distat à Sole triginta partibus, & antecedit illum, & videtur. Et si plures fuerint, eliges propiorem Soli, modò optimè cernatur. propriam autem quandam fortunam sic describit.

#### TEXTVS XV.

Quales verò futuræ eæ sint ex propria trium stellarum Martis & Veneris  
&



& Mercurij, signorumque in quibus vagantur censendum est. Mercurius enim opificium gubernans, ut ita per exemplū dicam, scribas efficit, grammaticos, à rationibus, doctores, mercatores, nummularios, vates, astrologos, sacrificos, ac omnino in litteris & interpretatione vel in datis & acceptis occupatos. Et si illi Satur. suffragatur alienorum bonorum moderatores, somniorum interpretes, in templis desidentes, ibique vaticiniis, veluti furore diuinitus sint correpti victitantes. Si Iupiter, legumlatores, rhetores, sophistas cum magnatibus conuersantes.

Venus quando actiones regit efficit homines odoribus florum, aut vnguentorum, vino, coloribus, tinctura, aut aromatibus, aliisque id genus operam nauantes. Qui videlicet vnguenta vendat, texant corollas, hospites recipiant, mercatores pharmacopolas, textores, qui aromata distrahant atque pigmenta, pictores, vestitarios. Si illi Saturnus suffragatur mercatores rerum ad voluptatem fruitionem & ornatum pertinentium. Incantatores verò & veneficos, lenones, & hinc victum quæritantes. Si Iupiter, athletas, victores in certamine, honoratos, mulierum opera euectos. Mars verò cum Sole configuratus ignibus operantes efficit: coquos videlicet, fusores, vstulatores, aramentarios, fabros. Si sol abest forte: Per ferrum operantes ut nauium compactores, fabros agricolas, lapidas quinque lapideas, structuras ædificent, gemmarios, lignorum fissores horumque ministros. Et si Saturnus ipsi suffragatur, nautas & qui sentinam exhauriunt, cloacarum expurgatores, milites, coquos, qui balneis & lotionibus præsent. Si Iupiter, milites, calones, publicanos, hospites, publicos, portitores, victimarum cæsores

Omnis ars quadam cum felicitate tractatur, nec tarditate tanta indiget, ut Iouis aut Saturni circuitus peragatur. Ob id à qualitate opificij decernenda, duo superiores Saturnus & Iupiter exploduntur. Sed & luminaria tum ob nobilitatem, tum ob communem naturam in secundo huius aperte explicauimus. Cum igitur quatuor Planetas è septem exemeris, iure merito tribus solis Planetis opificij qualitas est ascribenda. Hi sunt qui reliqui sūt, scilicet Mars, Venus, & Merc.

Opificiorum autem genera tria sunt, laboriosa, industriosa, volupuosa & delicata.

Tom. V.

Laboriosa soli Marti conuenire poterat, qui est Planeta superior & magnæ molis & rudis. Ideo etiam à talibus opificiis sumuntur boni milites. Mercurius ob paruitatem. Venus ob molliem non poterat præesse agricolis, aut fabris ferrariis. Industriosus Mercurius præest: & maximè his quæ ad animam solum pertinent ut supputare, metiri, persuadere, mederi, disputare, & si quæ sunt affinia his, lenique labore perficiuntur: ut scribere, & docere. Hæc enim corpore licet perficiantur, maximam tamen partem in anima repositam habent. Mercurius verò animæ præest, ut visum fuit. Quæ verò mollia sunt, & delectant, Veneris sunt opera.

Rursus quia in opificiis est substantia, & quantitas, quæ determinatur à Planeta, ut dictum est primum exeunte Solis radios, aut cœli medium possidente. Est etiam qualitas quæ ab vno horum trium decernitur, contingit, ut quilibet Planeta ex his tribus commisceatur alteri, vel idem sit, & qualitatibus, & quantitatis significator, atque substantia. Voco substantiam, quod quis velit opificium exercere. Relinquitur igitur ut si solus non præsit, ut alteri commisceatur non ex dictis tribus, nam mixtum fiet opificium aut multiplex. igitur Saturno & Ioui poterunt solum commisceri. Cum igitur sint tres significatores, & quilibet solus aut cum Saturno, vel Ioui possit misceri, erunt nouem modi: Inde vnus cum Sol, & Mars miscetur, fient igitur modi decem simplicium opificiorum, qui positi sunt in textu. Nouem verò compositos infra explicabit, ut sint in vniuersum 19. modi. Vnum præterea Ptolemæus infinuauit inter simplices, sed non explicauit, quem Haly exposuit, cum Venus ita apte Lunæ sicut Marti Sol misceatur.

Dixit igitur in quadam genesi Venus fuit opificij significatrix in Libra, quæ est propria domus & exaltatio, ac trigonus Saturni. Et Venus iuncta fuit Lunæ debili, & ibat ad Saturni sextiles radios in fine signi & sexto loco. Quia igitur erat Venus, significauit texturam rerum pictarum, & ob Lunam lotionem talium, & ob Saturnum, & domus casum vilium. Et ita texebat & laudabat res pictas viles, & parui pretij. Eodem modo duos alios in compositis intelligere expedit, ut sint 11. simplicita opificia, totidem composita. Et postmodum mixta erunt tria alia simplicita, ut Mars, Saturnus, & Iupiter, & totidem composita, ut sint omnia 28. 14. simplicita, & 14. composita. Et post mixta ex tribus qualitatibus, scilicet Marte, Venere, Mercurio, Solis, aut cum Saturno, vel Ioue, vel utroque. Et ita quatuor modis. Ut sint modi in vniuersum 32.

Quomodo autem misceantur, non dixit. Et Haly causam errandi dedit, quia ponit principalem significatorum vnum ex tribus, scilicet Marcum, aut Venerem, aut Mercurium, inde commiscere videtur Saturnum, vel Lunam ut in exemplo: Sed neque Ptolemæus voluit, nec Haly dixit. Primus significator est generalis, ut mihi Mars, & in quarta genesi Iupiter & euidentius. Inde videre oportet quis ex tribus Planetis dictis alius

E e 2 commisca



commiscatur principali : in nostra etiam si nullus commisceretur, Mars esset significator quia est vnus è tribus illis, tamen miscetur Soli, Lunæ, Mercurio & Ioui. Iuppiter enim finis est dominus : Finis autem hac in causa plurimum est observandus : quia est proprius & multum potest. Et in quarta Iupiter, Soli & omnino Mercurio commiscetur. Atque ita in aliis.

Mercurius cum Saturno facit alienorum bonorum procuratores : & qui emunt etiam pro dominis : Seruilia enim hæc & ad opes pertinent, quæ Saturno conueniunt, & tamen cum industria & supputatione. Somniorum interpretes ob Saturnum, qui in anterioribus studet. Vnde etiam senes somniis plus operam dant. Desidebant olim in templis vanatici. Saturnus enim mendaciorum author, præsertim Mercurio commixtus, hoc autem genus vatim fallacissimum, mendacissimum & inane. Hæc monstra & superstitiones cum multis aliis perniciosas, sancta lex nostra sustulit. Venus per se hospites significat, versantur in popinis, sunt blandi & bonorum morum. Veneficium præstat mixtio Saturni cum Venere, si quid aliud. Sunt enim timidi ambo hi Planetæ, & suspitione pleni, præsertim occidentales. Idè quod vi non audent aggrediuntur dolo. Incantatoribus Saturnus fucum & mendacia subministrat, Venus quid occultum, & vt eis credatur facit, & vt prodesse possint. Lenones, seruire & infame est officium ob Saturnum, cum mulieribus versantur ob Venerem, ob id impudentissimum, spurcissimumque hominum genus. Athletæ corporis, robore eximio pollent, & honorabantur olim : Ceterum præter robur corporis eximium, nihil in anima boni. Idè ab ambarum beneficarum mixtione proueniunt. Indulgent autem tales genio mirum in modum. Martem abesse oportet cum non essent sanguinolenti, nec crudeles, nec pro vita certarent, sed desides, & luxui dediti, pugnabant honoris causa. Iuppiter robur illud egregium, Venus honores illos inanes, vterque voluptuariam vitam præstabat. Exoleuit hoc genus hominum tam inutile. Mars gemmarios illos solum significat, qui magnis laboribus trufatiles versantrotas. Qui scalpūt ad Mercurium, & Venerem cum Marte pertinent. Vt enim labor non est exiguus & assiduus opus est Martis : vt egregia industria indiget, ad Mercurium pertinet : vt in pulchro & pretioso subiecto varias, & formosas mentitur imagines, ad Venerem. Cum Saturno non coqueos carniū, sed aquarium in balneis. Calones facit Iuppiter Marti commixtus, malè dispositus. Sicut in omnibus duas differentias intelligere oportet & medium. Velut Saturnus cum Marte malè dispositus cloacarum expurgatores, bene chyrurgos : nam vtrinque foedam rem tractant : illi laniarum tetrimenta, hi saniem & pus. Sed hi cum honore & lucro magno, illi cum exiguo & omnino inhonorati. Calones igitur militum partes sunt. Benè dispositus igitur milites fecit. Cauponas etiam sicut & Venus, sed non adèd gratiosos. Venus enim ho-

spites significat (qui olim habebantur & nunc etiam apud Scotos solum) benignos : Emunt peregrini quod volunt, illi obsonant, panem & vinum tribuunt, confidentque simul in mensa cum hospite, commode magno peregrinantium. Ob id hospitis nomen olim gratum & sanctum, quod violare nephias erat. Cauponas omnia tribuunt, pecunias exigunt. Genus hominum pessimum, & infame.

## TEXTVS XVI.

Rursus si duo sint, qui actionibus præsent atque viuendi instituto, vt Venus & Mercurius, negotiosum reddunt in cantilenis, musicisque instrumentis, concentu, carmine. Ac potissimum cum loca sua mutua permutant : Efficiunt enim cytharædos, mimos, mangones quique organa musica fabricent, fides trançant, saltatores, textores, qui etiam ex cera conficiant imagines, pictores. Quod si Saturnus rursus ipsi astipuletur, quod diximus, & muliebres ad hæc mundos distrahentes. Si verò Iuppiter, caudidos & à rationibus primos, Reipublicæ operam nauantes, puerorum magistros, multitudine præfectos.

Mars cum Mercurio simul imperium adepti officiorum, statuarios efficiunt, armorum opifices, sacrorum monumentorum, fusores, luctatores medicos, chyrurgos, delatores, falsarios, maleficos, scalptores. Saturno verò illis adiecto, carnifices, alienarum vestium direptores, raptores, latrones, abactores, malis artibus victum quærentes. Ioue autem loco Saturni, industrios, & agiles, vehementes, curiosos, aliena opera subeuntes, & inde victitantes.

Si autem Venus, & Mars officiis moderandis præficiantur, tintores, vnguentariosque producant, qui æs, plumbum, argentum, & aurum tractent & fundant, agricolas, pyrrhicam saltantes, medicamentarios, medicos. Si illis Saturnus suffragetur sacrorum animalium curatores, vespillones, funerum designatores, quique nannias præcinant, diuinos, & vbi arcana sacrorum luctus, & mactationes fiunt, versantes. Si Iuppiter, homines in sacris versantes, augures, sacrificos, scæminarum cœtui præfectos, nuptiarum & connubiorum interpretes, & ex his viuentes, voluptuarios iuxta ac temerarios, & proinde periculis obiectos.

Simplicibus opificiis declaratis addit nunc mixtos



mixtos, Mercurius, ut dixi, significat in dultriam & Venus labores lenes. Ut verò Venus clarius extiterit, musicos facit, si occidat, poetas aut saltatores, vel textores: Mimi & scurræ, & comædiarum actores, scænicique viri omnes ex eodem genere sunt. Mangones olim erant, qui pueros expoliebant, ut ob formam ad flagitium venales haberentur. Cytharædorum nomine omnes, qui instrumentis pulsant intelligit. Textores, pictores, plastici, & qui quomodo fingunt ad hoc genus pertinent, si leui labore id agant. Saturnus illis adiectus facit vestium muliebrium mercatores: nam Saturnus laboris levis quippiam addit. Iupiter facit ludî magistros, imperium enim quoddam & sapientiam declarat, quæ sunt ludî literarij magistris communia. Vnde referunt iuniorem Dionysium, relicta tyrannide, ne tæderet vitæ, ut quomodo imperium exerceret, Corinthi aperuisse ludum. Eadem ratione præficit etiam multitudini. Marte autem Mercurio mixto cum malefica mediæ iungatur, sunt plerumque mali, eoque magis si Saturnus se illis addiderit. Non sunt autem hæc artes, cum artes omnes aliquid boni contineant, hi verò authores omnes mali sunt. Medicos igitur & statuarios efficiunt bene dispositi, & in locis beneficarum positi. Sic & fabros atque alios. Iupiter iunctus his loco Saturni vehementes efficit, quia tres Planetæ sunt omnes calidi masculini, duoque ex his robusti. Mars autem Veneri mixtus cum altera stella malefica sit, altera benefica, facit eos medicos, qui pharmamiscunt, quos nos vocamus aromatarios. Vnde facile si his Saturnus misceatur in veneficos degenerant. Et sua sponte etiam tales mali sunt. Quoniam Martis & Veneris natura dissimilis est, nec aptè miscentur. Olim cum sacrificarentur boues & alia animalia sacra talia vocabantur: nunc verò desierunt. Mixtio etiam Saturni, cum Venere facit diuinatores, & ut supra visum est vetitis & damnosis artibus deditos. Cum Ioue autem cum duæ beneficæ vincant felices faciunt satis, vnde augures & sacrificos. Nullum enim genus hominum magis observatum, aut felicius extitit in quavis lege sacerdotibus. Hi igitur à Ioue, Venere ac Marte significantur. De Ioue quidem ac Venere causa clara est, & quod diuitias, & reuerentiam, & securitatem, & opinionem diuinitatis significant: vnde male fecerunt, qui Saturnum illis miscuerunt, vnde paupertas & contemptus, quamobrem nullus ordo talis perpetuus, sed omnes eo diuturniores quo potentiores: Nam in talium constitutione beneficæ plurimum potuerunt. Sed de Marte causa est sacrificium, & mactatio animalium, & nunc loco eorum curant funera hominum,

Quod verò dixit loca sua mutuò permittant, tanti ponderis est hæc ratio, ut sine illa nihil in Astrologia veri possit haberi. Quamobrem regula hæc declaranda est, cuius cognitione profunda artis mysteria declarantur. Sciendum est igitur Planetas cum se inuicem aspiciunt, aut iungantur necessario esse ambos in propriis potestatibus, aut in

Tom. V.

communibus, seu trigonis, aut in mutuis dignitatibus, tuncque recipere se inuicem dicuntur, aut peregrinos, aut in casibus propriis, aut mutuis, aut in communibus casibus: quod est esse trigonis diuersis. Erunt igitur hi modi simplices & similes septem. Exemplum horum in propriis erunt Mars in Ariete, Iupiter in Cancro. In communibus Mars & Luna in Piscibus. Mutuò se recipient Luna in Virgine, Mercurius in Cancro. Peregrini ambo, Mars in Geminis, Luna in Leone. In casibus ambo, Mars in Libra, Iupiter in Geminis. In casibus mutuis, Luna in Piscibus, Mercurius in Capricorno. In dissidentibus trigonis, Mars in Geminis, Saturnus in Virgine. Dissimiles autem sunt 21. modis, velut quod vnus si in proprio loco alter in opposito, velut Mercurius in Geminis, Saturnus in Leone. Sunt igitur modi simplices 28. Compositi autem simplices decem ut in propriis & communibus: Velut Sol in Ariete, & Iupiter in Sagittario. In propriis recipientibus, ut Iupiter & Luna in Cancro. In communibus recipientibus, ut Sol in Sagittario, Iupiter in Leone. In propriis & mutuò cadentibus, ut Luna in Cancro, Mars in Scorpione. In propriis dissidentibus, ut Mars in Ariete, Iupiter in Cancro. In dissidentibus & mutuis, ut Luna in Ariete, Sol in Cancro. Sunt præterea compositorum dissimilium modi 30. tres pro vnoquoque simplici: nam vnus aut alter deficit aut commutant. Veluti si ambo sint in propriis locis, vnus autem recipiat: ut Ioue in Cancro, Luna in Tauro positus, vel si ambo mutuò se recipiant, vnus autem proprio loco, ut Ioue in Tauro, Luna in Cancro, vel si vnus recipiat, alter in proprio sit loco, velut Iupiter in Piscibus, Luna in Sagittario. Erunt igitur modi compositi similes 10. dissimiles 30. Simples similes 7. dissimiles 21. Horum itaque summa est 68. præter decompositos qui vix numerari quæunt, ut Sol in Leone, Iupiter in Ariete, nam sunt in communibus ambo, & vnus etiam in propriis, & alter est receptus. Similiter Iupiter in Piscibus, Luna in Virgine: vnus est in communibus, alter in propriis, & alter etiam in alterius casu. Ita decompositus est modus Martis in Piscibus, Veneris in Cancro: Et Mercurij in Scorpione, Lunæ in Virgine. His ita expositis, ut scias horum decreta per capita, animaduertere debes quod Planetæ in propriis locis validi sunt. Et si vnus tantum sit alium superat & vincit. Et si in propriis locis se inimico aspectu intueantur, aut mutuò casu sint, inuictum malum erit hoc. In casibus suis Planetæ debiles sunt. Sed si alter eorum solum in casu extiterit, qui erit in casu resistit & impedit alium, etiam si ab illo recipiatur. Velut si Venus ex Cancro, Martem in Tauro positum respiciat, Mars Veneris decretis resistet. Quod si mutuò se recipiant erunt firmi & expediti in decreto suo. Sed si vnus tantum recipiatur, qui recipitur fonebitur à recipiente, sed tamen obediet illi. Et erit receptus, velut seruus in domo domini sui. Sed si vnus sit in alterius casu, velut Sol in Tauro, Mars in Virgine Mars impedit Solem,

Ee 3

Solem,



Solem, & Sol Martem, sed non tantum. Planetæ in communibus significant consensum, & præter id populi favorem: Vt quasi res illa ab omnibus ad quos pertinet negotium illud, comprobetur. Si Planetæ sint in mutuo casu, erunt hostes, idè vix consequetur quippiam boni per alterutrum eorum promissi. Si Planetæ sint in diuersis trigonis, discrepabunt media ad consequendum talem finem. Et iudicia hominum de eo erunt diuersa. Si solum vnus Planeta est in suo trigono, alius autem non, claudicabit res promissa, quia non vndique eadem habebit estimationem apud eos ad quos pertinet Peregrini difficultatem perficiendi, vel assequendi intentum arguunt. Atque ita de aliis. Exemplum in prima genitura, Venus est in communi dignitate & in suo casu, Saturnus peregrinus. Casus igitur proprius facit vt operationes Veneris sint debiliores, & hoc est bonum, quia non erit adeo lasciuia & voluptatibus deditus. Erit etiam satis hilaris, mansuetus, & blandus, quia Venus vincit Saturnū ex trigoni dignitate. Quia tamen Venus cadit, & Saturnus est peregrinus, impediuntur aliquot promissa Veneris, & difficulter perficientur quædam promissa Saturni.

Dicit igitur Ptolemæus, quod si in mutuis fuerint dignitatibus, tunc euidenter, & firmiter suos effectus ostendent, & claros (intelligit) futuros eos in talibus artibus.

### TEXTVS XVII.

Conferunt etiam signorum propriæ vires, in quibus gubernatores actionum & opificiorum Planetæ existerint, non nihil ad operationum officiorumque variationem. Nam humanæ figuræ signa & operationes, & opificia, quæ arte, scientiaque constant, & ad hominum vsus instituta sunt, conducunt. Quadrupedia verò ad res metallicas, negociationes, ædificationes, artesque fabriles. Tropica & æquinoctialia ad res translatitias, ad interpretationes, ad rem geometricam, rusticam ac medicam. Terrestria & aquatilia, ad res aquaticas ac humidas, ad herbariam ac naualem. Amplius ad res funebres, ad salsamenta, ad piscatum.

Lib. 3.  
com. 9.

Duo esse de quibus Apotelesmatum liber tractat, superius docuimus: Scilicet quod significat, & quod significatur. Quod significat, bifariam diuiditur: vel ratione substantiæ, & ita in quatuor, erraticas, inerrantes, figuras octauæ orbis, & spacia noni. Vel ratione modi, & ita trifariam: in id quod significat, & id in quo est, & quod præest. Quod verò significatur, in tria diuiditur vt superius visum est: Qualitatem, quantitatem, & tempus. Additur verò modus ex secundo libro. Vt igitur hic habeatur ratio dictorum, sciendum quod absolutis duobus primis

Lib. 3.  
com. 9.  
Text. 25.

significatoribus, aggreditur tertium, scilicet loca noni orbis, nam de his signis loquitur, quæ spacio 30. graduum distinguuntur. Acquirunt tamen vim quandam iuxta similitudinem loci cum figuris, quæ illis suberant tempore magnæ coniunctionis caput, Arietis & Libræ octauæ & nonæ spheræ tempore Christi: Hoc autem fuit parum ante Ptolemæum. De humanæ quidem figuræ signis parua est dubitatio, cum humanos affectus, & studia circa homines significant. Quadrupedia humanæ naturæ sunt propiora cæteris, vt quæ sensum habeant integrum: idè mechanicas significant. Sicut humana liberales. Ex mechanicis quatuor magis necessarias demonstrat, metallicam, fabrilem, ædificationem, negatiationem, sine quibus humana vita omnino constare non posset. Ex his tamen tropica & æquinoctialia sunt duo, Aries & Capricornus: vnum est humanum Libra, aliud Aqueum, Cancer, medium quasi significant inter liberales artes, & mechanicas, vt medicinam, geometriam, interpretationes, rem rusticam. Harum enim omnium initium est contemplatio, finis mechanicas. Terrestria & aquatilia significant, quæ sequuntur. Sed nihil vetat quadrupedia significare mechanicas artes, terrestria tamen quæ sunt Taurus & Capricornus, vt talia sunt etiam res aquaticas & humidas. Vel dic *τὴν ἀπορροήν*, id est, fera & quasi humi repentia: Velut colubres & Scorpio. Nam & Arabes fera legunt, nos propius humi repentia. Quod verò dixit herbariam, quia herba ab humida terra nascuntur. Naualis & ipsa ad aquas pertinet. Similiter & piscatio. Salsamento quoque humido, atque in humidis sunt. Sal enim aqua quædam congelata est, & in eam resoluitur. Deinde si non ad illa signa pertineret, quia olim & nunc mortui, & vestimenta, & lecti illorum, lauari solent.

Notandum circa hoc quod Ptolemæus diuisit artes in quatuor contemplativas, quæ debentur signis regis, tropicis, scilicet & æquinoctialibus. Morales, quæ sunt practicae, & ad humana hæc signa pertinent: vt magistratus, irrisprudentia, docere pueros, & mores instituere. Expolientes, quæ expoliunt opera naturæ: vt metallica, negociatio, ædificatio, fabrilis. Et hæc quadrupedibus conueniunt signis. Et quæ opera naturæ imitantur vt herbaria. Et hæc ad aquatica signa pertinent. Sed omissis duobus primis membris diuisionis, quæ bene se habent, dicemus cum Galeno in libro de constitutione artis medicinæ, quod artes quædam faciunt, vel resarciunt, vt metallica, ædificatoria, & hæc ad quadrupedia pertinent: quædā facta à natura acquirere docet: vt venatio, piscatio, aucupium, lignorum excisio, lapidum & metallorum inuentio, & hæc ad aquatica animalia, & serpentes taliaque pertinent.

### TEXTVS XVIII.

Rursus si Luna propositum locum gubernet, à congressu cum Sole properans cum Mercurio, in Tauro, Cancro



Cancro & Capricorno, vates facit, sacrificos, per peluim diuinantes. In Sagittario & Piscibus ex mortuis vaticinantes, & dæmonum prouocatores. In Virgine & Scorpione Magos, Astrologos futurorum consultos præscita edoctos. In Libra, Ariete & Leone diuinitus furore correptos, ex somniis coniectantes, coniuros, id est, adiuratores.

*Ἐξοριστὰς.* Coniuros vertit. seu eos dicas, quibusdam verbis expellere dæmones è corporibus hominum proficere. Additis etiam nonnunquam fuffumigiis & notis occultis, tum amuletis, scilicet his, quæ collo suspendi solent. Intentio verò eius est docere quod Luna est causa diuinationis, cum quatuor habuerit conditiones: Prima vt exeat Solis radios appareat iam tum: Secunda vt ad Mercurium vadat. Manifestum est autem occidentalem oportere esse Mercurium: Tertia vt Luna præsit cæli medio, vel loco Planetæ opificium significantis. Haly solum de cæli medio intelligit, & non de loco Planetæ præfecti officio: Quarta vt sint in signis conuenientibus: Nec ex his putat aliquod non esse præter Geminos & Aquarium. Igitur Lunam esse diuinationum parentem experimento didicimus. Et licet in genitura Caroli quinti Cæsaris hoc non significet, id contingit quod corpore non loco sit in ascendente: Idèò fortunam, non minores significet. Cur verò author sit diuinationis multæ sunt causæ: Est enim multiformis, & vi continens omnium stellarum vires, & noctis temporis præst: Et per se phanaticos significat. Nec verò solum cum hæc omnia affuerint diuinationis causa est, sed & si vnum ex his etiam deficiat. In Tauro igitur propriè facit vates, quia Venus occultam diuinationem facit, & in Tauro Venus & Luna gaudent. In Cancro quod aqueum sit signum, per aquam: in eo autem Luna & Iupiter dominantur, à beneficiis autem diuinationo procedit. In Capricorno verò quod Luna ibi trigonum habeat & Venus, & opponatur Cancro: Sed quia in Capricorno, Saturnus & Mars dominantur, significat immolationem, vnde aruspices. Ptolemæi autem tempore hæc experimento comprobantur, quod frequens esset hoc genus hominum. In Sagittario & Piscibus, vt patri meo, necromanticos. Hoc experimento primo compertum est. Deinde vis Iouis cum naturæ Mercurij aduersetur, facit vt Mercurius ibi deiectus sit, & contrarium naturæ humanæ significet. Quare mortuos & dæmones. Sunt etiam signa bicorporea, ideoque duplicem mentem significant: hoc autem quomodo dæmones & mortuos referat, in libris de Rerum Varietate, de Subtilitate, deque Animi immortalitate demonstratum est. Rursus in Virgine quod ibi Mercurius solum habeat, & Luna gaudeat, nobiliorem scientiam diuinandi significant Planetæ. Hæc autem Astrologia & Magia est,

vt alias docuimus. Sed in Scorpione quod Luna, & Venus ibi trigonum habeant, & Scorpio, Tauro, vbi Luna & Venus dominantur, opponatur. Ignobilissimum igitur diuinandi modum decernunt, vt de Capricorno, & Cancro diximus. Hic autem est vt futura sciant, & prædicant solo quodam animi instinctu. Tales enim pro stultis habentur, cum sine ratione loquantur. Cum etiam plerumque fallantur. Vt de quodam carpentari o paucis ante annis phanatico contigit. Qui si alium habuisset dominum præter Cæsarem mitissimum principem, poterat meritis plecti. Audax & phanaticus, & seditiosus sine ratione: demum successu rerum falsus omnino. Tales igitur Scorpij signum decernit. Diuinant tamen quandoque vt dixi, propter vim Lunæ & Veneris in eo & opposito signo. Sed in Libra facit eos, qui ex somniis diuinant propter vim Saturni & Veneris contrariam. In Ariete autem furore correptos ob vim Martis: Sicut in Leone exorcistes ob Solis potentiam, quæ natura Lunæ aduersatur. Idèò Luna dæmonis, Sol exorcistæ vim habet. Manifestum est igitur ex his, omnia hæc esse secundum naturam.

### TEXTVS XIX.

Hæc igitur via qualitatem, naturamque actionum, exercitiorumque ex horum commistura colligere oportet. Modum verò eorum & amplitudinem ex astrorum gubernantium vi. Nam orientalia cum sunt aut in angulis opificia sua autoritate, & fama minimè caritura pronunciant: occidentalia verò, aut à centrīs delapsa, hæc sub alterius manu, imperioque forè. Superata etiam à beneficiis magna significant opera, illustria, lucrosa, inculpabilia, venusta: A maleficis verò, vilia, obscura, minimè frugifera, vtque in quibus error commissus sit. Impedit verò Saturnus tarditate & tepiditate: Mars calore nimio, temeritate, importunaque diuulgatione. Vterque autem ob vastationes seu euerfiones.

Verbum *τεπειν ἀνασεία*: Gogaua vertit vastationes seu euerfiones, Arabes habent multa mala tota vita sua. Qui sensus est magis ad rem literæ Græcæ conueniens, legatur autem (vterque) verbum coniunctim: id est, si Saturnus & Mars impediant.

Postquam igitur declarauit naturam opificij & substantiam de quibus dictum est superius, modum hic subiungit, duplicem, vnum qui consequitur naturam opificij, quod verè artifex sit inelytus aut vulgaris, & hic sumitur à duabus qualitatibus Planetæ opificium gubernantis. scilicet quod sit orientalis & iuxta alicuius anguli lineam, aut in altero



horum deficiat vel utroque : ut sint quatuor modi , duo extremi , totidem medij . Sed quid per alia gubernantia intelligat , an tres illos tantum dominos qualitatis , an omnes , substantiae scilicet , an eos qui locis horum dominantur , quemadmodum in aliis causis distinguere solet dubium est : Aliis certe in causis quod solum essent tria genera . Quod est , in quo est , & quod praestest , nullam habebat dubitationem . Annectimus autem semper ei quod praestest , & quod est , & in quo est , commune id quod super ipsum eleuatur , hac igitur in causa quinque erunt , quoniam dupliciter dicitur id quod est , commune , scilicet & proprium : commune verò quod eleuatur & supereminet totidem modis dicitur , scilicet quadrupliciter . Sed de communi solum loquitur ibi (superata etiam) relinquitur igitur ut de propriis intelligat . Haec autem , ut dixi , trifariam accipi possunt , at non videtur de dominis substantiae opificij intelligere , cum illa iam supponat in angulo esse coeli medij , vel orientalia à Sole , quare non oportuit distinguere de illorum statu orientali , vel occidentali , in centrīs vel ab his delapsis : Relinquitur igitur ut intelligat de dominis qualitatis , quos etiam praestest dominis substantiae declarauimus .

Quando igitur Mars , vel Venus , vel Mercurius ille ex his , qui aspectu vel potestate loco Planetarum medio in coeli posito , vel primo orienti , id est , nouissimè ante Solem praestest orientalis à Sole fuerit (intellige vel occidentalis à Luna) vel in anguli centro , erit ille egregius in suo opere verè : opposito modo contrarium decernunt . Hi verò qui super hos eleuantur Planetarum fortunam opificij declarant . Vnde manifestum est multos esse egregios in arte , qui tamen non lucrifaciunt , nec sunt illustres , nec carent reprehensione , iusta non dico , sed vulgari : Tales igitur venustate carent tamen inclyti . Alij contra nihil scientes , gloriosi & venustè opus tractantes , & apud populum cum laude artem , diuitias ex ea acquirunt . Necessè est autem in omnibus quandam esse venustatem ad vulgarem opinionem . Et haec si desit vili ars & artifex extimatur . Hoc autem discrimen exiguum est in artibus , quae industriae parum habent ut cerdonibus , maximum autem ubi plurimum est industriae : velut in medicina , nam in ea imperitissimus maximè consequitur per se laudem , negligitur peritissimus , ut Galenus conqueritur . Saturnus igitur si quis alius Planeta impedit omnes artes , omnes disciplinas , & studia , si eleuetur super dominum opificij Orientalis quidem fructum eius tollit , occidentalis omnino inhabiles , desperantes & à discendo abhorrentes . Quod ego etiam obseruavi . Ita ut quidam , quibus Saturnus eleuabatur supra significatorem , officij omnino coacti potius ferrent verbera , quam quod discere vellent . Deterior autem Saturnus est in septimo loco , inde in ascendente , inde in decimo , ultimo in imo coeli : Mars verò in decimo , inde in septimo , post ascendente , inde imo coeli . Atque hic ordo est in omnibus ferme causis . His igitur absolutis ad tempus declarandum accedit dicens .

## TEXTVS XX.

Tempus augmenti & decrementi in genere coniectandum est ex astris horum accidentium authoribus , eorum videlicet ad orientalem , & occidentalem angulum inclinatione .

Orientalis angulus significat initium vitae , occidentalis finem , coeli medium vitae ipsius constitutionem robustiorem utpote à 30. ad 40. annum aut circa . Hoc autem in capite de temporibus euentuum exquisitè ostentum est . Huic autem capiti congruit pars tractationis de animi vitiis ac morbis , veluti sequentis etiam capitis vltimae parti dum de illicitis agit congressibus sequentia .

Ex his omnibus colligitur dari quatuor Lib. 2. com. 6. genitura geniturarum : bonas , quae bonae videantur , ut cum luminaria & benefica in Lib. 3. tex. 76. angulis fuerint . Bonas quae male videantur , Lib. 3. a. text. 80. ad finem. ut cum Planetarum ab angulis decidunt benefica tamen eleuatur super omnes . Velut in nostra genesi ubi Sol , Luna , Satur. Venus , Mercurius , decidunt non solum à centrīs angulorum , sed ab angulis ipsis , Mars quoque debilis est : Sed Iupiter super omnes eleuatur : vnde finem in omnibus rebus bonum decernit , cum difficultate tamen maxima quod sit retrogradus , & bona ipsa tenuia , quia est peregrinus : Qui si esset in primo statu & suis dignitatibus , egregia bona praestaret , cum tamen genesis egregiè mala videatur . Si Luna cum elenetur supra Martem offensas , & umbras periculorum decernit , cum tamen sit cum capite Gorgonis in eodem circulo . Quae si cum illo constituta in quadrato Martis esset sub terra in loco Martis , Mars autem in loco Lunae supra terram quamuis ab angulo cadens , capitis detractionem pollicetur omnino , atque praestaret . Tantum interest nouisse quis Planetarum in congressibus superior sit . At male , quae male videntur , sunt in quibus omnes Planetarum cadunt mutuisque radiationibus aduersis se conficiunt . Caterum male quae bonae existimantur , in quibus luminaria sunt in angulis , ceterique Planetarum , sed malefica omnibus imperat locis illorum praeposita , aut super omnes eleuatur . Deterius si vtrunque contingat . Pessimum si vtraque malefica , utroque modo praeposita sit . Atque haec in omni genere euentuum .

In temporibus autem dignoscendis oportet significatoris opificij directionem , aut dominium inspicere , velut in nostra genesi . Mars significabat artem medendi , ubi peruenit ad tertiam partem Canceri , in anni 25. & ubi erant trigoni radij Lunae , per septem annos continuos addixit medicinae arti , erat etiam finis loci Martis , & rursus à 41. ad 56. cum Mars praefuit tempori . Et rursus parum anni 57. & 58. cum Mars peruenit ad quadratum Iouis : Demum dum peruenit ad 40. partem Leonis , ubi sunt eius & Solis radij sextiles , declarauit curam , principatum , & fuit illa Cardinalis Moroni . Et manifestum est quod nil aliud superest , nam illa ad Saturni , & Veneris , ac Mercurij sextilem est , in aetate decrepita loco syluestri , licet ibi sit



cor Leonis, nec credo peruenturum ad eam ætatem, & radij sunt imbecilles. Non est ergo spes vlla ratione artis medicæ, sed obseruare oportet quando Mars erit orientalis, à Sole in dignitatibus propriis, & aspectu beneficarum velut anno 1567. sed erit res exigua. Anno 1569. & anno 1571. si vixerit, anno 1573. Maximè aut 1575 sed vt dixi omnia minima. In pluribus aut infelix 1566.68.70.72. 74. sed 73. mediocris. Munus autem profitendi à Venere, Mercurio & Saturno pendet. Sed neque in hoc post eam septem annorum conditionem, & est sextilis Lunæ, & quadratum Solis quicquam superest. Reliquum igitur est vt supersit conditio aliqua cum principe. Vtunque sit fidere oportet potius acquisitis à 70. anno supra. Et hoc est vtilitas Astrologiæ.

## CAPVT V.

## TEXTVS XXI.

*De coniugio.*

**P**roximum est his, vt de coniugio agamus. In legitima igitur viri cum fœmina coniunctione ita coniectandum est. Si de viris agitur ad Lunam respiciemus vt affecta sit. Primum quidem quando in orientalibus quadrantibus reperitur, viris in adolescentia matrimonium decernit. Aut post ætatem consistentem iuuenulam ducet mulierem. Si in occidentalibus tardè contracturum matrimonium, aut tempestiuè quidem, sed cum vetula. At si radiis oppressa fuerit, Saturnoque configurata, prorsus vxore carebit.

partes ex quibus domus componitur, inquit, Haly Boerhij autoritate, quatuor sunt: Diuitiæ, vxor, filij, ac serui. Cum igitur de propriis omnibus iam tractauerit, de quibus ab initio proposuerat, reliquumque esset, vt de coniunctis ageret, egerit autem de diuitiis, relinquitur tractatio de vxore, inde filijs atque seruis. Quibus peractis ad quædam transit propria quidem corpori & animæ, que tamen quasi extra naturam ac fortuita, vt itinera & Mars: inde de temporibus agit. Pro his autem omnibus atque aliis notanda est regula generalis.

*Regula iudiciorum.*

Cum tibi proposita fuerit genitura, considera hæc septem principalia. Primum locos & Planetas congruentes vnique rei. Velut pro vxore Lunam, pro diuitiis Sortem. Pro animi qualitatibus Lunam & Mercurium. Secundum potentiores Planetas secundum substantiam: Et sunt hoc ordine Sol

primus, inde Luna, Iuppiter, Saturnus, Mars, Venus, & Mercurius. Tertium illum qui dominatur locis principalioribus, hunc vocant Arabes Almuten genituræ. Quartum potentiorē, id est: propiorem centro anguli nobilioris. Quintum an qui dominatur, aut potentior est sit benefica, vel malefica. Sextum dispositionem illorum in mundo, id est quod ad Solem & proprium eccentrici Apogeeum: item quoad Lunam & latitudinem, & in quo loco sit, scilicet vbi dominetur, vel in Solio, vel loco peregrino, aut casu. Septimum commixtionem cum Planetis, quibus modis fiat, & qui qualesque sint. Quibus consideratis diligenter vide Planetam aut Planetas, qui super alios eleuantur secundum quatuor modos superius declaratos, & si talis Planeta est beneficus, & bene dispositus secundum mundum, & potestatem in loco habet super quem eleuatur, tunc hoc est optimum & gloriosum in hac causa vel causis. Quod si maleficus sit contrariæ qualitatis aut loci, & bene dispositum secundum mundum, hoc est pessimum in hac causa, vel causis declaratis à natura Planetarum super quos eleuatur. Quod si beneficus aut maleficus sit malè dispositus secundum mundum, maleficus minus nocebit, beneficus autem minus iuuabit. Quod si maleficus dominatur in loco super quem eleuatur: erunt magis perpetua & frequentia damna, quæ inferret, minora tamen: Sed si aduersetur erunt maiora & frequentia. Si peregrinus magna quidem, sed non adeo frequentia. Gratia exempli si qui maleficam habeat eleuatam super dominum opificij, & loco illi præsit, ille negligetur in ea arte & contemnetur: Si sit peregrinus maleficus comparatione loci super quem eleuatur habebit nonnihil eximationis & vtilitatis, non tamen magnæ, & multa illi contingent infortunia. Si autem locus super quem eleuatur malefica fuerit casus eius: tunc rara quidem, sed maxima contingent infortunia: Existimationem tamen retinebit & lucrum consequetur. Hæc autem minuuntur & augentur mixtione. Exaltatio & potestas secundum genituram, id est, appropinquatio centrīs angulorum semper suspecta est in maleficis non ita secundum mundum, id est, eccentrico vel ratione loci vbi dominetur, vel latitudinis aut ratione Solis, aut Lunæ. Ergo si idem Planeta super omnes eleuetur, ille erit fœlix aut infœlix in omnibus, nisi ratione temporum. Nā in his cōtingit varietas propter diuersas comparationes.

His uisis cum res coniugij maxima sit & communis, alteri luminarium ascribi necessario debet propter secundum modum regulæ prædictæ. Sed cum Sol significet masculos, & masculus masculo coniugio copulari non possit, oportet vt in masculorum coniugijs Lunam consideremus, vt in fœminarum Solem. In his verò prius tempus considerat, quoniam oportet coniugium celebrari, quam vt determinetur de qualitate eius, qui vel quæ coniugio copulatur. Trifariam igitur contingit hoc esse, aut vt copuletur in iuuentute, aut senectute, aut nunquam. Hæc autem



autem regulæ non tenent ubi plures vxores simul haberi possunt, vt apud Christianos: Nec ubi nepharium est non nubere, vt apud Iudæos: Sed in quibus omnino liberum est vtrunque, vt olim apud gentes omnes, & nunc apud eos, qui se vocant Euangelicos. Ad alios tamen adhibita solerti ratione applicari poterunt: Vt quod Mahumetanus cœlebs erit cum omnino Luna damnata fuerit: aut Christianus nubet, cum ab vtroque Planeta libera fuerit. Luna quibus modis orientalis, aut occidentalis dicatur, visum est superius. Et inferius etiam docebit.

Notandum etiam quod Saturni impedimenta in actionibus naturalibus sunt frigiditas, in propriis segnities, in communibus auaritia. Martis autem impedimenta in communibus ira, in propriis festinatio inconsulta in naturalibus autem non per se impedit. Atque hæc contingunt cum supra alios eleuantur.

### TEXTVS XXII.

Ad hæc si in signo vnus figuræ, aut vni alicui stellarum applicans si reperiata fuerit vno coniugio contentum esse demonstrat. Si verò in bicorpori, aut multiformi signo, aut pluribus stellis in eodem signo applicet, sæpius coniugium iterabit.

Tempore explicato, numerum decernit: Sensus est, vna vxor habebitur, cum Luna in signo fuerit vnus figuræ, seu vni applicet Planeta, seu nulli. Plures, cum vel in signo bicorporeo, vel multiformi vni seu applicet pluribus, aut nulli, sed etiam Planeta, aut signo figuræ vnus, pluribus fuerit Luna in Planetis, aut saltem duobus, autem applicet quæ significantur vxores. Hic duæ aut plus. de notanda & dubitationes. aut contingunt

Notandum quod pro numero Planetarum habebimus numerum vxorum, vt si in bicorporeo signo sit. Et duobus applicet Planetis, tres habebit vxores: & si quatuor applicet Planetis, & sit in signo vnus figuræ, quatuor vxores decernit. Notandum rursus applicationem esse debere ex eodem signo, non Luna signum commutante. Dubitationes autem quas reliquit tres sunt.

Prima si in signo duorum corporum vni tantum Planeta applicet, duas ne an vnâ vxorem significabit. Respondeo quod licet ex primis verbis vna videatur significari, in sequentibus tamen docet quod duæ. Igitur debet numerus Planetarum adungi numero figurarum signi, & ab hoc aggregato detrahi vnitas si detrahi possit: Et relinquitur numerus vxorum. Sed si nulli sint Planetae numerus figurarum signi docet numerum vxorum. Si verò adsit vnus Planeta cui Luna applicet, non auget numerum decretum à signo, sed facit vt firmiter numerus ille custodiat.

Secunda dubitatio est, an applicatio illa ex eodem signo sit intelligenda corpore tan-

tum an etiam aspectu. Viderur Haly sensisse de vtroque. Et non solum de Planetis, sed fixis cum fuerint in eadem longitudine & latitudine. Et breuiter dico quod numerus est incertus: Sed coniectura sic assequemur. Considerabimus primo an vnâ, aut plures vxores sit habiturus: Item quo tempore an in iuuentute, an senectute. Facilius enim plures habebit, qui in iuuentute, quam senectute copulabitur. Tercio vitæ longitudinem mariti & etiam vxoris. Quarto stellas quibus corpore Luna applicat in eodem signo, seu errantes, seu non, dummodo corpore illis iungatur. Illas etiam errantes quibus applicet radio exquisitissime, maxime si fuerit quadratus radius, & Planeta ille Lunam recipiat.

Tertia dubitatio est an verba illa, aut multiformi, debeant legi alternatim, aut vt sint præcedentium expositiui. Velut dicamus multiformi, id est, bicorpori, aut multiformi, id est, multiplicis corporis, ac plurium quàm duorum: Et videtur quod intelligit de vero multiformi, quia fuisset occasio decipiendi. Ergo ita intelligit etiam de signis extra Zodiacum, quandoquidem quæ intra illud sunt, sunt tantum bicorporea. Multiplicia igitur sunt velut Centaurus, & Auriga, Bootes, Hercules. atque Hydra.

### TEXTVS XXIII.

Cæterum si astra quibus Luna applicat, seu loci propinquitate, seu testimonio, fuerint bona, bonas vxores ducet: Si mala, malas. Nam si Saturno applicuerit, erunt laboriosæ & tetricæ: Si Ioui, venerabiles & familiam gubernantes: Si Marti, audaces & rebelles: Si Veneri, formosæ, gratiosæ, hilares: Si Mercurio, sagaces, & acumine præditæ. Amplius Venus cum Saturno, Ioue aut Mercurio, victui quæritado viles, coniugis amantes & liberorum: cum Marte, animosæ, instabiles, variabiles.

Quid de profunda vetustatis caligine talia vindicarunt, certè egregia laude digni sunt. Estque boni viri officium vertendo sensum pro sensu reddere, etiam si falsissimus sit. Ob id tamen expositor ea lege non tenetur, sed quæ admodum absurda sunt vitare debet. Licet igitur legatur

Quod est amplius Venus cum Ioue, vel Saturnus cum Mercurio, nos tamē quia nullū hæc habent verba sensu, congruenti oratione vertimus vt in textu habetur. Hoc etiam in explicatione maritorum, dum Venerem aliis rursus comparat Planetis, perspicuum est. Sed de Luna agat, quid attinet vt Venerem comparet. Nisi esset quod Venus in coniugibus vtrunque multa placat, etiam si inuicem dissideant natura. Ob id igitur astrum cui Luna applicat aut Sol, coniugis propriam naturam ostendit: Cui verò Venus naturam



naturam illius ut ad coniugem se habebit. Multi enim boni natura sunt, aut bonæ, cum coniuge tamen mali aut malæ. Aliqui etiam licet pauci vel aliquæ mali malæve natura sunt, cum coniuge tamen quiete viuunt, seu ob Veneris dilectionem, seu morum similitudinem.

Declaratur autem ex hoc textu quod applicationem etiam radio admittit dummodo testimonium præbeat. Præbet autem si in loco dominetur. Mulierem autem bonam intellige ut hominem pictum, non simpliciter, sed cum adiectione. Manifestum est autem, & hoc gentibus contingere. Nam apud Belgas viri quiescunt, mulieres negotia tractant. Apud hos igitur & horum similes Saturnus Lunæ ab initio consuetudinis commixtus fuit. Neque verò dubium est tam beneficas, quam maleficas iuxta status diuersos magnum discrimen etiam in eodem astro efficere. De astris autem agit hic quemadmodum diximus, non tantum de Planetis.

#### TEXTVS XXIV.

In mulierum autem coniugio spectare oportet Solem. Is enim reperiuntur in quadrantibus orientalibus, eas significat vel in prima adolescentia nuptui dari: vel post ætatem consistentem, cum adolescente matrimonium contrahere. In occidentalibus verò tardè nubentes, aut maturè, sed cum seniculo. Et in signo vnius formæ, aut cum Planeta vno matutino deprehensus, semel tantum nubentes: in multiformi aut pluribus matutinis configuratus, sæpe coniugium iterantes. Ac si Saturnus hoc modo Sole configuratus sit compositos maritos habebunt, ac commodos & industrios. Si Iupiter, venerabiles & magnanimos. Si Mars, immorigeros, strenuos, à liberis & vxore alienos. Si Venus, iucundos & formosos. Si Mercurius, victui consulentes & agiles. Venus autem cum Saturno ignauos facit, & Venereis frigidus. Cum Marte calidos, ad congressum procliuēs, adulteros. Cum Mercurio liberorum amantes.

Si omnia quæ in hoc capite dicta sunt, de vxoribus ex Lunæ statu in tribus proximis sectionibus, ad maritos referantur, ex Solis statu in mulierum genituris, plana erit sententia. Hoc solum interest, quod in Sole matutinos Planetas considerat loco vespertinorum à Luna. Nam & in Luna, & Sole considerat Planetas quibus applicant, an matutini sint, an vespertini, seu quo ad Solem, seu quo ad genitum ipsam. Præterea eadem ambo etiam de Luna animaduertit. Ex hoc alius dissoluitur scrupulus, nam cum Saturnum dixerit in Lunæ applicatione significare

eos, qui vxorem non ducunt, postmodum subiecerit, Lunam illi applicantem significare maritos frugi, intellexit Saturnum solum efficere cœibes, cum Luna fuerit sub Solis radiis in mulieribus, quemadmodum in viris cum fuerit à Sole occidentalis: aliter coniugium minimè impedit. Cur verò prætereat coniunctionem Veneris cum Ioue in maritorum qualitate decernenda cum in vxorum non præterierit, causa est quoniam liquet ex dictis illos futuros bonos, moderatos & modestos: cum docuerit Saturni, & Martis vires hac in causa quasi esse contrarias.

#### TEXTVS XXV.

Orientales quadrantes hoc loco accipimus, cum de Sole agimus antecedentes, & signum signiferi ascendens & occidens. Cum de Luna à nouilunio, & plenilunio eò vsque vbi Luna diuidua est. Occidentales autem his oppositos.

Commune omnibus Planetis est, ut quod est ab initio cœli medijs vsque ad orientem; Et ab initio imi cœli, vsque ad occidentem pro orientalibus Occidentales intelligit his oppositas. Et ut magis talibus initijs proximæ stellæ fuerint, eò magis orientales erunt. Sicut contraria ratione in occidentalibus. In comparatione autem eorum ad Solem tam à coniunctione ad oppositionem Solis, quam ab illius oppositione ad coniunctionem, vniuersum vitæ statum censet contineri. A coniunctione quidem postquam peracta est humidum recens infantis, donec omnino in oppositione sit totum absolutum. Et rursus ab oppositione humidissimam infantis naturam, quæ in senio exarescit ut sub coniunctione instante, Planeta. Ob id igitur primæ, quartæ, & à nonilunio, & à plenilunio significant dimidium primum ætatis vsque ad 35. annos, vel circa: reliquæ vltimum dimidium. Non intelligo nunc de dimidio exacto numeri annorum: Sed per primam ætatem eam quæ augetur, per secundam quæ minuitur. Sicut & in his quemadmodum, & in Sole dictum est ratio habenda sit partium vtriusque, penes maiorem & minorem distantiam Lunæ à Sole. In inferioribus autem cum ad oppositionem non perueniant, tota etiam vita à coniunctione ad coniunctionem cum Sole continetur. Verum quæ sit dum Planeta est retrogradus oppositionis in superioribus vicem gerit. Vera coniunctio est cum Planeta est velocissimus. Cum igitur à coniunctione radios Solis exit, infantiam & pueritiam refert, facitque ad discedendum promptos. Cum in maxima elongatione, validos & robustos, atque perfectos. Cum redeunt ad Solem & iuxta illum sunt, senibus assimilantur, idè prudentes sunt. Cum sub Sole nullum statum habent, sed toros se Soli dedunt. Tales maximè humana ob id sapiunt. Porro ut dictum est totus status, qui est à coniunctione quæ sit dum



dum Planeta retrocedit, alio statu prioris coniunctionis deterior est. Innuit ergo duos status, quo ad mundum communem omnibus Planetis, & quoad Solem communem omnibus Planetis Præter Solem.

*Regula prima.*

Notandum quod in voluntariis quædam ita decernuntur, ut omnino quasi necessaria videantur. Velut si quis habeat Lunam in Cancro, in cœli medio Liberam à Sole, & Saturnum in tertia domo, ille proculdubio nubet. Rursus si Luna sit in septimo loco sub radiis Solis in Leone cum Saturno, pronuntiabis illum proculdubio vxore cariturum. Atque in his voluntarium quasi in necessitatem Fati transit. Ita ut viderim quosdam tempore, quo vxorem ducturi erant adedè rapi ad hunc effectum, ut de nulla alia re cogitarent. In aliis intermediis, qui longè plures sunt, his, caue ne tibi contingat quod olim Apollini. Tenebat quidam, tentaturus oraculum, sub digitis caput passeruli, ipsum autem in manu abditum, interrogans Apollinem, an quod in manu teneret viuum esset, an non? Respondit dæmon uti volueris, intelligens ipsum, qui interrogabat utrovis modo respondisset ostensurum oppositum. Ita in talibus decet Astrologum imitari oraculum, nec velle se sapientiorum illo ostendentem, artem ipsam proderè, sed in manifestis tantum eidentibus, aut quæ à voluntate non pendent clarè & determinata sententia respondere. Ita ego interroganti in simili causa amico nostro Andrea Vessalio respondere non erubui.

*Regula secunda.*

Rursus nec illud credendum est, solum eos vxore carituros, qui Lunam sub radiis coniunctam, aut configuratam Saturno habent: Neque etiam omnes. Sufficiet enim quandoque Saturni coniunctio malè dispositi absque Sole: quandoque Luna sub radiis proxima visioni in Cancro, quamvis Saturno configurata admittet vxorem. Consideranda etiam est familia: in nostra nemo, solis sacerdotibus exceptis, qui ad legitimam perueniret ætatem, vxore caruit. Cum etiam sacerdotes valdè pauci fuerint, neque ullus tamen monachus. Quod igitur de Medicis Galenus pronuntiavit, id nos, & magis necessario dicemus de Astrologis: Scilicet oportere illos sse eruditos & natura prudentes. Cum autè hoc in omnibus, id maximè in his veritatè habes, quæ à voluntate libera pendet.

TEXTVS XXVI.

Omnino verò constantes & diurni conuictus permanent, quando in vtriusque coniugis genitura luminaria contigerit configurata esse concorditer: Hoc est quando inter se ipsa triquetra, aut hexagona radiatione

se respexerint. Et maximè cum hac mutua receptio accesserit. Multoque magis quando quæ viro Luna est, fœminæ Sol fuerit. Dirimuntur verò leui occasione matrimonia, aut coniugum animi dissident, cum prædictæ luminarium conditione), vel in signis incōiunctis acciderint: vel sint ex opposito, aut quadrato.

Miram artem regulamque nobis his in verbis insinuat Ptolemæus, quam plerique ignorantes, dubitant de Astrologiæ scientiæ veritate. Dicunt enim si regula incidit in caput vnus, illumque interficit, quomodo fieri potest, ut hoc in genitura illius cernatur, cum casu regula tunc ceciderit. Rursus qui veneno à coniuge interimitur, quomodo potuit præciri, cum factum non sit ipse, sed coniugis: Propterea Ptolemæus nobis in hoc secundo hic insinuat esse Fatum, atque concursum quendam quem Astrologus nescit: & si nouit, tantum casu nouit. Idemque de amicis atque inimicis. Consensus igitur atque dissensio non ex propria genitura sciri poterunt, sed ex consensu geniturarum mariti atque vxoris. Sed talis consensus à Fato pendet: Neque ut dixi, electio temporis quicquam proficit, quoniam ex primo animi motu, non ex electione sumenda est. Quod si quis vxorem eligat videtur forsan aliquid proficere: Sed rarissimè contingit, ut genitura & reliqua conueniant: fiatque eligendo imparem Astrologus ridiculus. Dicit enim solet. Si bene vis nubere, nube pari. In aliis verò casibus, Anæreta similis est hosti, qui hominem occidere decreuit, ubi hoc animo firmavit occasionem expectat: Ea oblata perficit quod decreuerat. At dices ergo non exquisitè momentum mortis sciri potest? Respondeo quod non in omnibus: Veruntamen in plerisque concursus causarum externarum coincidit cum concursu causarum Anæretæ, quæ sunt potissima, directio, progressio, & loci Planetarum.

Apponit autem tres gradus concordiæ: Primus cum Sol in viro, & Sol, vel Luna in fœmina, aut Luna in vtriusque, fuerint in locis se respicientibus trigono, vel hexagono aspectu. Secundus cum in viro Luna, in vxore Sol, eodem modo disponuntur. Tertius, si cum hoc alter alterum recipiat. Dirimuntur matrimonia re ut apud Iudæos, & Mahumetanos, vel solum animo, & ut dicunt tori separatione & cohabitatione, ut apud Christianos, cum luminaria fuerint in signis quadrato, vel opposito se respicientibus, aut etiam inconiuncta signa vidisti in primo libro. Hæc verò & ad amicos transferri possunt.

TEXTVS XXVII.

Deinde si concordēs luminum configurationes, beneficæ stellæ aspexerint, iucundos, blandos, & viles, conuictus significant. Si maleficæ: contentiosos, inuerecundos, inuidos.

*Simili*



Similiter in discordi statu luminarium, beneficæ iis suffragantes, non penitus conuictum rescindi permittunt, sed redintegrant, placant, & conseruant coniugale illud blandum, & natura nobis inditam in comparem propensionem. Maleficæ autem non sine contumelia, & execratione conuictus perturbant & demoliuntur. Si quidem Mercurius cum eis solus extiterit, vociferationibus, impropriis, & accusationibus inuoluit. Si Venus, adulteriis, incantationibus & his similibus.

Quatuor status explicat coniugum: primus cum luminaria vtriusque geniturae consenserint, & beneficæ illa aspexerint, maxime eleuatæ & receptæ, & hic est optimus. Pessimus cum luminaria dissenserint, & maleficæ supra illa eleuantur. Duo sunt mali status medij, scilicet cum luminaria quidem consentiunt, sed maleficæ respiciunt & prædominantur, & hi viuunt absque suspitione diuortij, sed tamen in perpetua contentione & miseria. Alter status medius est cum luminaria dissentiunt, cum aspectu beneficarum, & tunc de diuortio agitur attamen reconciliantur, & quietius prioribus viuunt. Pessimo statui, atque etiam duobus medijs Mercurius commixtus, cum si author sermonum & linguæ significatu, idè merito adiungit aliis malis vociferationis & reliqua. Venus maleficis commixta iam exiit beneficæ naturam, & vicem agit sacchari cum veneno miscetur, ob id igitur causam dissidij ostendit, adulterium, incantationem, & talia. Intelligit per adulterium non solum vxoris, sed etiam quandoque rarius concubitus viri cum aliena: seu sit incestus, seu concumbat cum pueris, & ita de alijs. Et postquam locutus est de legitimo coniugio, loquitur modo de quadam cohabitatione flagitiosa, quæ multis modis fit.

### TEXTVS XXVIII.

Quæ verò alio quouis pacto coniugia contrahuntur reicienda sunt in vtrovis genere in astrum Veneris, & Martem, ac Saturnum. Congredientibus enim illis cum luminibus, cum familiaribus, necessariis atque affinibus siue consanguineis conuictus decernuntur. prout Venus erga alterutrum affecta fuerit. Si enim erga Martem cum coniuge iuvene, quandoquidem in mutuis signorum trigonis alternatas habent altitudines: Erga Saturnum autem cum seniore: nam in mutuis trigonis rursus vicissim domus possident. Vnde Venus cum Marte planè amatorias affectiones producit. Quibus si Mercurij stella accedat

Tom. V.

non sine diuulgatione. In promiscuis & familiaribus signis Capricorno, & Piscibus fratrum, & cognatorum coniugationes decernuntur. Et Luna si in virorum genituris ad hæc accurrat, significat cum duabus sororibus, aut consanguineis congressum. Si verò in mulierum generali constitutione Sol, duobus fratribus aut cognatis.

Vt Luna & Sol coniugia legitima significant, ita Venus conuictus, qui ex amore procedunt. Quocirca nil mirum plus scorta diligi plerumque sex vxoribus, aut maritis. Amor enim scortorum à Venere est, quæ immodicam decernit cupiditatem, coniugum à luminaribus, quæ vt docui superius communem vitam significant. Venus igitur maleficis commixta conuictus declarat illegitimos & absurdos: quoniam ipsa cum vtraque illarum cōmutat dignitates. Venus enim in Piscibus altitudinem habet, Pisces autem Martis trigonus, & Mars in Capricorno vicissim, Venus autem domina trigoni Capricorni, Venus rursus habet domum in Libra, Libra autem Saturni trigonus, Saturni autem domus Capricornus, qui est trigonus Veneris: Igitur commutatio hæc vicissim concordiam significat atque conuictum. Maleficarum autem natura nihil legitimum. Ob id maleficæ commixtæ luminaribus & Veneri talia monstra decernunt. Luminaribus autem solum, vt dixi, vxores aut maritos prauos: soli quoque Veneri concubitus absurdos non conuictus, vt superius visum est, dum de animi vitiis loqueremur. Quamobrem caput illud vidisse pro his, quæ hic dicuntur, multum præstat.

### TEXTVS XXIX.

Cum Saturno rursus Venus fortè reperta, omnino lenes & stabiles hos conuictus efficit: accedente verò Mercurio vtilis, concurrente Marte instabiles significantur, noxij, nec sine mutua inuidia, & æmulatione.

Ex duobus natura contrariis fit melius vnus per sape, cum substantia dissident, vt ex lateribus & luto. Non lateres inuicem coeunt, non firmiter lutum. Saturnus quoque & Venus in eodem signo gaudent, scilicet Libra. Mercurij quoque cum Venere mixtio vtilis est, cum Marte autem Venus inutiliter miscetur, quod solos concubitus vterque decernit. Caterum vterque à constantia, à prudentia, moderatione, eruditione, fide, iustitia, ac bonis moribus alienus est: nisi quod Venus suauitatem affert. Ob id igitur mixtio Martis & Veneris omnino inutilis. Sed neque aliæ probantur, cum Saturno enim Venus mixta, licet conuictum firmum reddam, omnia tamen sordida erunt, & cum Mercurio puerilia. Prius igitur docuit naturam coniuuentium, hic modum, posterius

F f autem,



autem scilicet in sequenti, ætatis rationem, dicens.

### TEXTVS XXX.

Ac si illis concorditer configuratus fuerit, cum æqualibus matrimonium contracturum. Si tamen orientior ipsis fuerit, cum adolescentioribus: at si occidentior, cum proeclioribus.

Intelligit comparisonem Veneris ad masculas, cum enim fuerit illis commixta non potest esse orientalis si illi sint occidentales, nec occidentalis si illi orientales. Vel igitur illis iuncta est vna & tunc copulabitur cœquali ætate, vel orientior, & sic minori, vel occidentior, & sic seniori.

### TEXTVS XXXI.

Si verò in promiscuis signis sint Venus & Saturnus, scilicet Capricorno aut Libra, cum affinis congressurum. In horoscopum & cœli culmen quando dicta configuratio incidit, Lunaque concurrerit, viros facit cum matribus, matrumve sororibus, aut nouercis rem habere: fœminas cum filiis, aut filiorum fratribus, aut filiarum maritis.

Signa communia Veneri & Marti, diximus esse Capricornum & Pisces: nam in Piscibus Venus habet altitudinem, Mars trigonum, in Capricorno autem Venus trigonum, Mars altitudinem. Similiter Capricornus & Libra communia sunt Veneri atque Saturno. Venus in Libra habet domum, Saturnus trigonum: in Capricorno Venus trigonum, Saturnus domum. In his igitur significantur congressus affinium. Quod si his accesserit ut alter in Capricorno in ascendente, reliquus in cœli medio in Libra, aut ambo in altero illorum signorum, in vna harum domorum, Luna quoque affuerit, quæ matres & filios significat, tunc hos congressus nephandos omnino pollicetur. Decima matres, & prima ipsos natos, aut natas significat. Impelluntur autem ad hæc licitos concubitus abhorrentes. Familiare autem hoc fuit Persis,

### TEXTVS XXXII.

Sol si concurrat & maximè cum occidentales fuerint Planetæ, matres cum filiabus rem habentes, aut filiarum sororibus, aut filiorum vxoribus: Fœminas verò cum patribus, aut patris, aut vitrico.

Ut Luna matres, sic Sol patres, ut superius visum est. Et ut Luna filios matribus, ita Sol filias patribus significat, hoc in casu tantum. Ideò conuersio duplex utrinque

Solis cum Luna, & masculorum cum fœminis. Fratres filiorum priuignos intelligebat in præcedenti textu, velut in præsentī sorores filiarum priuignas ex vxore, ut in præcedenti priuignos ex marito. Nam priuignus ex vxore vitricoinutilis est, ut priuigna ex marito nouerca. Credendum est autem multa experimenta Ptolemæum in talibus habuisse, postquam in describendo ea tam diligens fuit. Sunt autem quasi monstra morum, & iuris gentium, aut ciuilis, sicut alia superius dicta natura. Ob id ad artis confirmationem scripta.

### TEXTVS XXXIII.

Quando prædictæfigurationes in signis vnus generis non extiterint, in fœmininis autem locis & personis, efficiunt omnino ad venerea propensos & accinctos, & tam ad agendum, quam patiendum omni ratione paratos. In quibusdam etiam figuris flagitiose obscenos ut in prioribus posterioribusque partibus Arietis, & Scutula: in posterioribus Leonis, & facie Capricorni.

Per genus non intelligit masculinum, aut fœmininum sexum, quia repugnaret sequentibus verbis. Sed intellexit opposita, quæ solum sunt similia in sexu & contraria in natura. Item quæ in sextili à contrariis Planetis dominantur, ut Capricornus à Saturno & Marte, & Pisces à Ioue & Venere: Item Cancer & Virgo, & rursus Virgo & Capricornus, & sint ambo fœminina signa, ut dixi (Et personæ) Per personas non intelligit natos, nam dicit ad venerea patiendā, & vult ergo ut sint occidentales, & fœmininis Planetis vniti, & in quartis occidentalibus à cœli medio ad occasum, & ab imo ad ascendens. De partibus signorum intellige octauī nō noni orbis. Obscenos intelligit, irruimatores, fellatores, masturbatores, spiritias. Et ut ferunt de quodam nostro ciue, qui cum puero concubuit, prædicando, irrumando & in auribus, ut ille fatebatur. Plurimum autem veteres tribuebant figuris octauī orbis, quas recentiores obseruare desierunt, cum tamen multum possint.

### TEXTVS XXXIV.

Verum si hæc figuratio in duobus prioribus angulis inuenitur orientali nimirum, & medijs cœli, prorsus deregat hæc flagitia, & in publicum profert: In posterioribus duobus occidentis nimirum & cœli imi spadones efficit, & eunuchos steriles, genitalibus meatibus concretos.

Orientales anguli magis declarant facta, sed occidentales, & inum cœli cum sint debiliores



liores magis lædunt, & ob hæc nata detrimenta in aliis. Vtpote ascendens significabit cicatricem in facie: cœli inum claudicationem altera manifestior & fœdior, reliqua damnosior: ita in flagitiis. Deterius est esse eunuchum natum absque testiculis, esse castratum ab homine, scilicet spadonem, vel habentem virilia & esse sterilem, quia meatus seminis sint concreti, quàm talia vitia & flagitia circa venerea divulgari. Infamia enim talium tempore transit, apud multos non creditur, ab aliquibus pro licentia accipitur, multi dissimulant metu, alij similitudine peccati: Sed si non sint in angulis quid erit? dico standum erit decretis præcedentis textus. Erunt enim flagitia absque magna infamia & læsione membrorum genitalium. Aliter frustra proposuisset generalem significationem.

## TEXTVS XXXV.

Mars autem accedens mares abscissis genitalibus, fœminas quas tribades vocant, atque omnino prium quiddam in venereis habentes.

Si Mars constitutioni declarata in duobus præcedentibus testibus accesserit violenta, hæc decernit causam in masculis ex ferro; in fœmininis verò tribades, & masculinos mores indutes significat. Quasdam obstruatas, vt fuit olim vxor Paxini Varadei bibliopola:

## TEXTVS XXXVI.

Quæ verò sit hominum in congregando, viris affectio & natura à Marte colligitur. Is enim à Saturno & Venere separatus, adiutus verò à Iovis suffragiis verecundos, & puros efficit in re Venerea explenda, & naturalem tantum vsum spectantes. Cum solo Saturno forte repettus, pigros, frigidos. Ioui autem ac Veneri configuratus, agiles & cupidos, temperantes tamen & se refrenantes infamiam fugientes. Cum sola Venere absente tam Ioue, quàm Saturno, segnes, ignavos, vndeque voluptatem captantes.

Quatuor Comparationes facit, Martis cum Ioue, Saturno & Venere, Solis item cum Ioue & Venere simul. Sed vltima quàm facit cum sola Venere tam apud Arabes quàm Græcos legitur hoc modo (Cum sola Veneri aut Ioue absente Saturno) sed nos satis mentem Ptolemæi perspectam habemus. Mars igitur efficaciam concubitus significat, quia vt visum est in præcedenti libro Mars præest pudoris. Sed nos volumus quod renibus, vnde sit tensio membri: Et appetitus concumbendi. Ided qualis Mars, talis affectio.

Tom. V.

Dato enim quod membro virili præesset, non decerneret de qualitate concubitus. Sed vis illa ratione & experimento Veneri tribuenda est. Quod verò dicit ignavos & segnes non ad Venerem credas (sunt enim promptissimi ad eam) sed ad negotia: Et luxui ex toto dediti, & inutiles. Sed verò Ioui, & Luna Veneri, quasi similis est.

## TEXTVS XXXVII.

Et si hic quidem Planeta vespertinus est, ille matutinus, natus tam marium, quàm fœminarum congressu capietur, non tamen supra modum erga vtrumque sexum affectus. Si ambo vespertini sunt ad fœminarum concubitum solum erunt proclives. Atque adeo vt si fœminina sint signa ipsi subagitantur. Si matutinus vterque puerorum tantum concubitu flagrantes. Quod si signa masculina cum hoc fuerint, in masculis nullum ætatis discrimen habebunt.

Quis dubitare potest hoc in textu, quin priori de Venere sola Marti congregiente, locutus sit. Si igitur vterque sit orientalis significat solum subagitare masculos, quia orientales Planetæ vt visum est masculini sunt. Quod si præter id sint in signis masculinis, adeo masculos amabunt, vt nec ætatem puerilem requirant. Superius declarauit hanc propensionem ex luminarium locis & Marte ac Venere, sed non commixtis, hic ex mixtione Martis cum Venere, absque luminarium testimonio. Si verò ambo sint occidentales ad fœminas erunt proclives. Sed si cum hoc erunt ambo in signis fœmininis etiam absque luminarium testimonio, ob mixtionem non solum effœminatos, sed eos qui maritos etiam ducent significabunt. Antiquitus hoc vitium viguit nam Nero nupsit Doriphoro: Est & illud Martialis pulchrum, *Barbatus rigido nupsit Callistratus Afro,*

*Qua ratione viro nubere virgo solet.*

*Præluxere faces: Velarunt flaminea vultus,*

*Nec tua defuerunt verba Thalasse tibi.*

*Dos etiam dicta est, nondum tibi Roma videtur,*

*Hoc satis: expectas nunquid & vt pariat?*

Idem Nero loco coniugis Sporum puerum habuit, & Domitianus Earinum. Hoc igitur maius est etiam, quàm quod dixit in capite de animi vitiis ac morbis. Nam coniugum loco sunt talia scorta. Quod verò dixit (Non tamen supra modum erga vtrumque sexum affectus) Est figura dicendi cum omnis concubitus, masculinus sit supra modum & contra legem. Nec quod quis diligat tantum fœmineum sexum concubitus causa, debet dici supra modum erga fœmineum sexum affectus. Quasi moderatum sit vtrumque sexum hac causa diligere. Sed vult intelligi sub hac sententia verba illa, quæ breuitatis causa ita scripsit (Sed neutrum sexum afflictim amabunt) Hic est sensus. Vt intelliga-

F f 2

cum



tum omnibus absque discrimine rem veneream exercituros. Quod maximè militibus convenit ob furorem, petulantiam, & licentiam peccandi, tum etiam necessitatem.

## TEXTVS XXXVIII.

Ac si Venus occidentalior est: cum vilibus hominibus seruis, aut alienigenis congregientes. Si Mars, cum eminentioribus se ac dominis viri.

Supple congregientur. Nam Mars in genitura virum, Venus fœminam significat. Planetæ orientiores, nobiliores significant, quia robustiores & in meliore statu: occidentaliores & viliores. Si igitur Venus est occidentalior Marte, coibit cum ignobilioribus se fœminis vir: si orientior, cum nobilioribus.

## TEXTVS XXXIX.

In fœminarum verò genituris Venus consulenda est: Ea enim Ioui, aut Mercurio configurata, prudenter pureque venerea tractantes. At absente Ioue, Mercurio configurata, proclives quidem & venereorum cupidas, cautas tamen, & paulò pigriores, plerumque etiam turpitudinem fugientes. Marti, soli configurata aut congressa, salaces & ad venerea concitatas. Segniores si his Iouis stella accesserit.

Quemadmodum Mars quod masculinus sit opus congressus in masculis gubernat, ita Venus in fœmininis. Igitur cum Ioue moderationem præbet ob integritatem & prudentiam: cum Mercurio vero ob verecundiam & astutiam. Propterea subiunxit (At absente Ioue) Quasi dicat solus Mercurius non tam puras & modestas facit ut Iuppiter, nisi etiam legas (Ea enim Ioui & Mercurio) pro (Ea enim Ioui aut Mercurio) Id est igitur quod solus Mercurius facit malas, sed ita ut solum cupiant videri non esse bonæ, cum Iuppiter facit bonas. Quod dixit (Paulò pigriores) intelligit ad cupiditatem non solum cautas, sed ob cautionem pigriores. Plerumque etiam turpitudinem fugiunt, non quia oderint, sed quia sunt aded cautæ, ut nec velint se credere ei cum quo concumbunt, ne quandoque illis possit obicere. Nam cautio ad externos refertur. Hæ verò aded sunt cautæ, ut nec amatori, nec coniugi se credere velint in obscœnis agendis, tamen illa ut plerumque fœminarum mos est avidè expectant. De Marte hæc dubium est, seu iuncta, seu aspiciens, vel in vno circulo. vel magno, vel parvo, seu imperantibus aut intuentibus, aut positionis circulo. Sed Iuppiter hæc omnia mitigat bene positus: aut si sit debiliior, saltem regit.

## TEXTVS XL.

Ac si Mars sub radiis extiterit: cum seruis congregientes obscurioribus & alienigenis: Sin autem Venus sub radiis latuerit: cum superioribus aut dominis meretricum, aut adulterarum consuetudinem miscébuntur.

Mars masculinum significat, si fuerit igitur sub radiis & Venus libera, mulieri viliori se coniungetur, ided seruis aut obscurioribus, aut aduenis, nam hi civium numero non habentur. Contra Venus sub radiis, Mars liber, significant virum fœmina nobiliorem, ideoque commisceri dominis aut superioribus. In fœminarum igitur genituris radiorum Solis ratio habenda est, ad Martem & Venerem: Sed in virorum quis sit orientior horum Planetarum.

## TEXTVS XLI.

Si in locis aut figuris fœmininis fuerint Planetæ, ad patiendum solum proclives: Si verò masculinis, etiam ad agendum.

Turpia committunt mulieres etiam patiundo, ut quæ admittunt viros aliis in partibus quam deceat. Hoc tamen fœmineum totum est: Sed si Planetæ in masculinis fuerint figuris, tam in zodiaco quàm extra, vel locis (qui nam sint, dicti sunt) tribades erunt, superequitabunt viros, & manibus illos pollui cogent.

## TEXTVS XLII.

Saturni stella prædictis figuratibus conciliata si & ille effœminatus fuerit insolentis, ac pudendæ libidinis author est. Si orientalis & virilis vituperio, & reprehensionibus ob venerea flagitia obnoxios. Iouis benigno sydere rursus quod solet ad decentiorem harum affectionum formam iuvante, Mercuri ad celebriorem divulgationem & reprehensionem.

Cum iam mala est constitutio libidinum significatrix, adueniens Saturnus fœmininus libidinem auget: aded ut non solum flagitiosa, sed & fœda committantur. Sed virilis, id est, orientalis auget ob claritatem, famam scelerum. Ex quo declaratur quod effœminatum existimat, cum occidentalis extiterit. Atque hæc per se clara. Verum quid continget ubi Saturnus Marti in virorum genituris: aut Veneri in mulierum cum Ioue positus, aut bene saltem constitutus congregietur. In virorum quidem hæc dubie semper aliquid frigiditatis, & ob id dedecoris ostendit. In mulierum verò genituris Saturnus, cum in Venere positus impedimenta circa venerea



venerea & exiguam cocundi voluntatem affert. Illud omnino non praterendum quod ratio & experimentum docet: Quanquam Saturnus præcipue hæc, impedimenta afferat, si in virorum genituris Marti, in foeminarum Veneri commiscetur, etiam si contrario modo contingat impedimentum nõ leue: Viris quidem Veneris, foeminis Martis commixtus (Iouis benigno) Iuppiter & Mercurius conueniunt, quia æqualiter à Sole distant, sed vario tamen modo: nam vt modo Iuppiter est temperatus, ita Mercurius ancipitis naturæ. Ita eadem ratione Mars & Venus, propinquissimi enim Soli sunt etiam calidissimi: Et vterque maxima versatur epicyclo. Sed tamen Venus humida & benefica, Mars siccus & maleficus. Pari ratione Saturnus & Luna conueniunt, quod vterque à Sole maximè distat, vterque ob id etiam frigidissimus: Sed tamen Lunæ frigiditas pinguis, vt ita dicam, & humida, & benefica, Saturni tabifica, sterilis & malefica. Iuppiter igitur omnia hæc mala mitigat, præstatque consensum mutuum, & ob id etiam regit. Est enim constans Planeta atque beneficus. At Mercurius inconstans, quod quatuor habeat apogæi æquantes & linguæ præest, vnde omnia detegit, & in publicum prodit, cum infamia & metu legum. Nec non cum minoribus suppliciis, vt quendam vidimus coria deaurantem, qui quod cum muliere anu etiam præpostera Venere vsus esset, circumductus per urbem flagellis cedebatur.

## CAPVT VI.

## TEXTVS XLIII.

*De Filiis.*

**C**um coniugij locum proximè sequatur liberorum, considerare oportebat Planetas cœli fastigio, aut succedenti loco, qui est bonidæmonis, coniunctos aut configuratos: Sin minus eos qui locis oppositis: Lunam etiam & Iouem, & Venerem pro filiorum largitoribus assumere, sicut Solem, & Martem, & Saturnum pro orbitatis authoribus. Mercurium prout configuratus illis fuerit promiscuum: Et largitorem cum fuerit orientalis, & recusantem, cum fuerit occidentalis.

Hoc est tertia domus pars, quam Ptolemæus considerat. Atque in ea velut in cæteris illud animaduersione dignum, quod omnia participant inuicem, velut & in rebus ipsis. Quales enim pater ac mater plerunque filij etiam tales. Et qualis filius tales parentes, non autem ex toto similes, sed in parte. Id etiam in diuitiis, honoribus atque aliis, vt quemadmodum inquit Anaxagoras, omnia in omnibus sita sint, atque cõmixta. Igitur in

*Tom. V.*

filiis habendis decimus locus, qui etiam matri tribuitur est considerandus. Ille idem tribuitur etiam fratribus atque sororibus. Quicunque igitur fratres habent multos, & matrem robustam etiã natura filios habent plures & sospites, sicut & contra habentibus contrarium euenit. Non tamen generaliter hoc euenit, sed qui paucos habuerit fratres vt Iacob multos poterit habere filios: Duodecim enim suscepit. Et qui multos habui fratres, sine filiis mori poterit vt Absalon. Luna igitur sorores, matres, filios, vxores, ingenium, moresque significat. Et quandoque etiam alia. Cum Ioue quidem & Venere filios, Sed sorores quidem cum duodecimo loco, matrem cum Venere, vxores per se, ingenium cum Mercurio, mores cum ascendente & domino loci proprij. Si igitur communis significator validus extiterit alius imbecillis, erunt similia quæ per illum significantur: Si autem contra dissimilia. Gratiã exempli dictum est, quodd Luna significat filios cum Ioue & Venere, cum decimo autem loco sorores. Si igitur Luna validissima sit, decimus verò locus & Iuppiter ac Venus imbecilles, erunt pauci filij atque sorores. At verò si infœlix Luna. Decimus verò locus validus, Iuppiter & Venus debiles, multas habebit sorores, paucos filios, sicut contra si Iuppiter & Venus decimo loco fuerint potentiores: Quodd & in præsentī loco alia ratione ostendit: cum enim *II.* locus particeps sit *IO.* *II.* etiam obseruat in dandis filiis. Duo igitur proponit, Planetas datores, & loca in quibus dant. Datores Iuppiter, Venus, Luna, humidi omnes: Saturnus, Mars & Sol, orbitatis authores atque omnes sicci præter Solem, qui calissimus est. In ipsis igitur locis decimo, aut vndecimo largitores dant, vt orbitatis authores negant. Magis tamen in decimo, quam vndecimo propter regulam probabilem, quod omnia principalia potentiora sunt his, quæ talia sunt ob illa. Sed si non sint in illis configurati ambobus non vni tantum dant, vt in primo loco, qui respicit decimum de quadrato, vndecimum de sextili: & in secundo loco, qui decimum de trino respicit & vndecimo de quadrato. Aliter si ad vnum tantum locum referas omnes genitura pollicebuntur filios simul & orbitatem. Nam omnis domus aut decimæ, *II.* configuratur. Quodd si neque Planeta vllus in primo aut secundo loco fuerit, neq; etiam in septimo loco, vel octauo videntur est, an in quinto, vel quarto loco sint: Hi enim decimo & vndecimo opponuntur: Hi igitur dabunt vel prohibebunt. Obseruatum etiam est, quantum locum præcipuam in hoc habere virtutem, adeo vt Arabes illum tantum obseruari iubeant. Sed nos Ptolemæum sequimur, multum tamen experientia loco illi tribuentes. Quod autem dixit (Mercurius prout configuratus & reliqua) duo nos docet: alterum quod Planetæ orientales potius significant filios quam occidentales: Et occidentales orbitatis magis sunt causæ, quam orientales. Dico quoad Solem & hoc magis: Et quo ad mundum dum, sed hoc minus. Reliquum est vt intelligamus

Ff 3 Mercu



Mercurium etiam dare filios : Qui cum sit Planeta ingenij largitor facit ingeniosos , & maximè cum Soli propinquus extiterit , tunc enim facit etiam probos. Tales igitur cum Mercurius sit Planeta per se imbecillis , & sub Solis etiam radiis vitam non habet. Ob hoc solet dici quod Poëta , immodicis brevis est ætas & rara senectus. Et vulgus hoc nouit quod cum puerum vident ingeniosum valdè , illius vitæ timent. Causa igitur est quoniam tales sunt à Mercurio. Viuunt tamen aliqui ex his vel quia Mercurius robustus est, aut quia benefica iungitur erraticæ , vel fixæ , vel à benefica erratica fouetur. Hoc autem quod hic declarat commune est in genitura viris ac mulieribus. Propriè autem loquitur de filiis , qui ex coniugio suscipiuntur in masculorum natiuitatibus : Cum aliorum adeò incertus sit numerus , vt quidam centum filios susceperint. Sufficit igitur in his docere , qui sint prolifici aut steriles. Numerus autem incertus est , & ex reuolutionibus annorum nati habetur.

## TEXTVS XLIV.

Largitores igitur ita à siti simpliciter , ac solitarij vnicum filium decernunt. In bicorporeis autem & foemininis , item in foecundis signis , vt Cancro , Scorpione , ac Piscibus duas aut plures. Et dum masculini sunt ob signa masculina , & ad Solem configurationem marem : effoeminati vero foeminam.

Duo nos docet numerum & sexum his verbis quorum vtrunque à duobus sumitur : imò primum potius & secundum à tribus. Numerus igitur primum à numero Planetarum solitarij vnum & paucos , cum aliis iuncti plures : Signa vnius corporis vnum , bicorporea duos , vel plures : Et hoc à forma signi. A qualitate , foecunda plures aut duos saltem , sterilia vt Leo , Virgo vnum. Sexus à sexu Planetæ : Iupiter masculos , Venus foeminas pollicetur. A signi in quo est sexus : Et ab habitu Planetæ ad Solem orientales masculos , occidentales foeminas.

## TEXTVS XLV.

Superati à maleficis , aut in sterilibus signis reperti puta Leone , Virgine , largiuntur quidem , sed non sat pulchrè , nec constanter , nec diuturnas proles. Sol autem & maleficæ obtinentes imperium in dicta loca , si in signis masculinis , aut sterilibus fuerint eisque benefica suffragantur concedunt quidem , sed valetudinarios , vitiis corporis impeditos , ac brevis vitæ.

Declarat quartum membrum diuisionis.

Nam omnes qui nascuntur , aut omnino exarent sobole , orbique sunt , aut habent exiguum , aut multam , aut imbecillem , & morituram. Orbos dixit , cum in locis filiorum Planetæ violenti fuerint , multa cum sobole , cum plures filiorum largitores , vel in signis bicorporeis , aut foecundis , pauca cum in sterilibus : nunc declarat quibus modis debilis , aut brevis vitæ soboles procreetur. Duobus modis id contingere affirmat , vel cum beneficis , maleficæ dominantur , idque non tam malum , nam robusti natura multis conflantur aduersis , vel cum dominantibus maleficis in locis filiorum suffragantibus beneficis nascuntur filij vitæ fundamento interiore carentes : vtpote ab infœlici & contrario sydere geniti. Hi igitur vt par est omnino sunt imbecilles & brevis vitæ.

## TEXTVS XLVI.

Quando vtraque conditio rationem habet ad signa prolifica datorum liberorum reiectiones significantur : aut omnium , aut multorum , aut paucorum , pro imperio suffragantium vtriusque Planetarum : quos vel plures , vel potentiores , vel orientiores , vel dignioribus angulis sitos , vel elatos supra cæteros , vel angulis succedentes inuenerimus.

Hoc est quintum membrum cum largitores filiorum fuerint in locis debitis , & in signis foecundis & eis dominantur maleficæ , sed suffragantur eis benefica , & sunt malefica , & benefica in signis foecundis , tunc abdicant filios. Non enim possunt occidere , quia sunt in foecundis signis. Et intelligit per vtramque conditionem quod maleficæ dominantur , & benefica suffragantur.

Vt sit vna regula talis , si largitores sunt in locis filiorum , & benefica dominantur , tunc si in sterilibus sunt largitores vnum significant filium , in bicorporeis duos , in foecundis plures ac hospites. Si verò Sol & maleficæ sint in locis filiorum , negant filios. Quod si largitores sint in locis filiorum , maleficæ autem & Sol dominantur in signis sterilibus , vel masculinis cum suffragio beneficarum , aut si largitores superentur à maleficis breui superfuturam prolem dant. In hoc casu vltimo moriuntur in infantia , in præcedente morbo non transeunt iuuentutem aut parum. Si autem loco sterilium signorum fuerint maleficæ & benefica suffragantes in foecundis , facient abdicari.

Quod verò dixit ( omnium aut multorum , &c. ) Intelligit quod si vni largitori malefica , dominetur alteri benefica , habebunt filij hi diuersos exitus vt patet. Et iubet observari multitudinem largitorum & impediendum , & suffragantium , & robur , & statum quoad Solem , & quoad mundum.

## TEXTVS



## TEXTVS XLVII.

Si igitur dictorum signorum dominatores orientales fuerint, atque in propriis locis, claros & illustres liberos dant. Si occidentales & in locis sectæ alterius, humiles, viles & obscuros.

Non à largitoribus, sed à dominatoribus fortunam sumit. Vt enim dominatores sunt extra & alieni à largitoribus, ita fortuna filiorum alia est à filiis.

## TEXTVS XLVIII.

Et si conueniunt cum horoscopo & parte fortunæ, amabiles, parentibus, venustos, gratiosos, bonis parentem hæreditario iure fruantes. Si inconiuncti ex aduerso siti, rebelles, odiosos, noxios, nec parentum bonis succedentes.

Explicauit antea quæ ad essentiam filiorum pertinebant, numerum, robur, vitæ diuturnitatem: in præcedenti textu fortunam: hic habitum ad parentes: Sicut in sequenti inter se. Quid intelligat per verbum conueniunt, sequenti oratione intelligitur, cum priori opponatur. Conuenire igitur vocat vt sint in eodem signo, vel aspiciente, trigono vel sextili, vel in obedientibus & imperantibus, vel in aspicientibus sese. Quod etiam in sequenti textu clarius erit. Sic non conuenire dicuntur, quando in oppositis signis, aut inconiunctis fuerint. In quadratis declarabitur quod medio modo se habebunt, modo enim conuenient modo dissident. Quid autem sit maius oppositio an coniuncta signa, hæc quidem minus conueniunt illa magis dissident. Propterea deteriora in filiis sunt opposita signa, quo ad verbera & odium, inconiuncta quo ad abdicaciones & priuationes hæreditatis. Ita melior est trigonus aspicientibus se signis, aut imperantibus & odientibus. Cumque plura signa vni conueniat quam disconueniant, (nam Arieti gratia exempli conueniunt Gemini, Aquarius, Leo, Sagittarius, Virgo & Pisces: Media sunt Cancer & Capricornus: disconueniunt tantum Libra, Taurus & Scorpio.) manifestum est in genere plures filios parentibus esse acceptos, quam odiosos. Ex gradibus contingit oppositum, ita raro fit vt ad vnguem filij parentibus conueniant.

Quod verò dixit amabiles, venustos, & gratiosos: intellige parentibus, non simpliciter: est enim illorum fucata quædam gratia & bonitas, cum malis parentibus conueniunt. Nam probitas illorum pendet ex genitura propria. Cum tamen placent parentibus sunt obedientes, nec ex toto mali, plures etiam boni. Hoc est quod probantur filij parentibus obsequentes. Signum enim est conuenire dominos largitorum, seu locorum

in quibus sunt largitores cum horoscopo & fortunæ loco. Contrarium in odientibus. Cum verò accipit fortunæ partem, intelligit quod conueniunt in rem familiarem, hoc autem parentibus gratum, sicut conuenientia cum horoscopo est ex animo. Et scias quod leges locorum multum possunt & mores hominum: generaliter tamen filij parentibus grati sunt lege naturæ. Hoc autem est quia conueniunt, vt diximus genituræ parentum cum genituris filiorum. Et Haly hoc docuit his verbis. Aspexi pro filiis, & inueni Iouem in decima, in tertia parte Capricorni iunctum quasi Saturno, & Lunam aspicientem & significauit quod haberem filios & filias & potius filias quam filios, quia Iuppiter & Luna erant in signo fœminino. Et quod non viuerent, quia Saturnus erat Ioui iunctus in decimo loco. Et quia Iuppiter erat orientalis significauit vnum filium & duas filias, & omnes obiitunt. Erat autem gradus ascendens masculi circa gradum Saturni in mea natiuitate & propter hoc mortuus est cito. Et erat gradus ascendens vnius fœminæ in Piscibus, in sextili Iouis & trino Lunæ meæ natiuitatis, & Sol significator vitæ in Capricorno. Alterius quoque fœminæ ascendens fuit in Capricorno. Et hoc est mirabile, quoniam manifestum est quod natiuitate concordant inuicem, vt etiam illi quorum sunt natiuitates. Et singularia iunguntur generalibus, vt prouinciæ legi & ciuitati ac familiæ. Illud idem ostendi superius in genituris meorum filiorum. Ex quo patet quod plus possunt significatores in genituris, quam concordia, Nam in natiuitate Haly erant significatores mali pro vitâ filiorum & concordia cum puellæ primæ genitura, quæ tamen mortua est: in nostra contigit oppositum, nam filius primus & filia habent horoscopum in opposito loco duarum maleficarum, & filius Lunam iuxta locum Saturni, & fœmina Lunam in loco propinquo quadrato Martis: Et minor natu, Solem in loco Martis mihi, Lunam in quadrato Martis, ascendens in quadrato Saturni & Martis, & tamen, licet ægrè, super vixerunt. Quia loca filiorum erant salua in mea genitura, & genitura erant satis potentes per se & mediocres. Et cum hoc contingit, filij erunt morbofi, tamen superuinent. Quod si genitura sint malæ & concordent inuicem, tunc viuent sani aliquandiu, inde repente moriuntur.

Vxor tamen mea ter abortiuit, ex perfectis autem natis nullus mortuus est, Cum hoc contingit, significat patris genituram pro filiis bonam esse, matris autem perniciosam. Nam cum filij sunt coniuncti matri, & genitura sua est mala pro illis, pereunt. Cum autem liberati sunt à ventre matris, plus potest patris & ipsius filij propria genitura, idèd superuere possunt: Sunt tamen necessariò debiles. Et ita per contrarium si patris genitura pro filiis mala sit, matris autem bona: non abortiunt matres, sed nati filij cito pereunt. Quod si filij & patris genitura vitales non sint pro filio i pso, mater verò imbecillis, ab ortu perit mater & filius. Si autem mater genituram habeat pro filiis con-



stantem, ex naturali partu perit filius. Atque ita de aliis.

## TEXTVS XLIX.

Sic quando mutuam habent inter se figurationem concordēs donant fraternis animis mutuas operas tradentes. Si inconiuncti sunt aut oppositi, inimicitiarum cupidos & mutuo sibi insidiantes.

Conuenire vult non largitores inter se, sed dominos locorum cum ipsis. locis mutuo: Id est, dominos largitoris vnus cum largitore alterius. Et similiter dominos largitorum inter se. Conuenire igitur dominos largitoris vnus fratris, cum largitore alterius, est veluti si dominus largitoris vnus conueniat cum horoscopo alterius. Quandoquidem largitores in noua figura erigenda vicem horoscopi obtineant. Exemplum in nostra genitura, largitor duorum filiorum natu maiorem est Iupiter, cuius loci dominus est, Venus & Luna. Largi-

| Largit. |            | Domini. |
|---------|------------|---------|
| Iupiter | X Venus    | Luna    |
| Venus   | X Saturnus | Venus   |

tor filij natu minoris Venus, loci dominus Saturnus & Venus. Cum igitur comparaueris Iouem Saturno & Veneri, & Venerem Veneri & Lunæ, inuenies dominos largitorum largitoribus conuenire. Conuenire dicuntur Planetæ quadriam, vel natura vt Sol Saturno, vterque enim modestus est: vel qualitate, vt Sol Marti, vterque enim calidus est masculinus, vel loco, si vnus sit in alterius dignitate, vel aspectu amico, cum sunt trigono, aut sextili iuncti. Quia tamen Saturnus & Venus sunt in Geminis, & Libra, qui sunt Tauro inconiuncti, non erit extrema necessitudo inter eos. Hic enim maxime considerat duos extremos modos, vt validiores.

Quod si præter id, quod signa largitorum & dominorum sint inconiuncta aut opposita inter se, aut mutuo maleficæ, & Sol sine angulis maxime, alienæ maleficæ iungantur, vel cum stellis naturæ Solis, aut Mars cum stellis naturæ Lunæ, tunc erunt odia exitiaria. Vnde Papinius de Polynice, & Eteocle Oedipi filiis:

*Dum videt hæc dicens gressus admonit & arma.*

*Ceu templis decus, & patria laturus ouanti. Arma etiam spoliare cupit: Nondum ille peractis.*

*Manibus ultricæque animam seruabat in iras. Vtque superstantem pronumque in pectora sensit,*

*Erigit occultè ferrum, vitæque labantis.*

*Reliquias tennes suppleuit: & ensẽ*

*Iam latus frater fratris sub corde reliquit.*

*Ille autem viuus ne? Et adhuc manet ira superstes.*

*Perfide? Nec sedes vnquam merituere quietas.*

*I mecum ad manes. I illic quoque pacta reposcam,*

*Si modo Agenorei stat Gnosia iudicis vna,*

*Qua Reges punire datur. Nec plura locutus.*

*Concidit. Et totis fratrem grauis obruit armis,*

*Ite truces anima, funestaque tætaræ lato,*

*Polluite: & cunctas Erebi consumite penas.*

Sed vt ab antiquis exemplis recedamus, vidimus nos nobilem securi percussus ex familia Gribellorum, quem ferebant tres proprios fratres occidisse, cum de duobus satis constaret. Dixit autem non inimicos, sed inimicitiarum cupidos: Tales enim ob conuictum videntur potius inimicitiarum causas querere, quam habere, cum ex paruis rebus sibi succenseant. Rarè enim manere inimicitias insinuat, cum fratres inimicos esse, res sit, quasi absurda & naturæ repugnans.

## TEXTVS L.

Quæ minutiora sunt iterum quispian coniectabit vsus singulorum, qui liberos pollicentur astrorum horoscopo, ex reliquâ collocatione non secus, ac in genitura considerationem in genere instituens.

Statues vnumquemque locum largitoris pro horoscopo, & reliquos Planetas in domibus iuxta horoscopi naturam inuentis collocabis, indicabisque de illis vt superius docui de parentibus. Ex quo patet quod Sors debet accipi à nono ascendente loco largitoris, non ab ascendente patris. Nam aliter omnium filiorum esset eadem diuitiarum conditio. Præstat autem scire diligenter in filiorum causa Sortis conditionem, quod ab ea proficiatur conuersatio omnis atque vitæ ratio.

Ex hoc patet quod multos habentes solpites filios sunt generaliter felices. Nam habent beneficæ in locis potentibus nec impeditas. Rarè etiam dum multi sunt filij inter se exitiales inimicitias exercere solent, quoniam non possunt esse tot nisi significatores sint in concordibus signis, & humidis absque victoria maleficarum. Signa enim quæ odia pariunt sunt fixa, & maxime Leo & Aquarius: Hæc etiam sterilia sunt. Inde Gemini, Virgo, Scorpio & Aries: nam in his beneficæ non dominantur. Omnia autem sterilia plus moderato, præter Scorpionem.

Vt autem videas, quæ dixit Ptolemæus vera esse, subiungo duas geneses, quarum alterius natus ad hanc vsque diem ex eadem vxore 6. suscepit filios solpites, alterius 16. viuuntque vtrique parentes nobiles, nec senes. Qui sex habet alios est habiturus. Alius nobilis 15. habet, huic tres superiores sunt in Cancro. Cætera ignoro: Dubitatione dignum est, cum nò possint esse plures quatuor largi



largitoribus filiorum, quomodo possint oriri tot filij? Respondeo quodd fit multiplicatio per signa bicorporea & per congeminationem, veluti. planeta vnus in bicorporeo duos, duo quatuor, & tres octo. Iupiter

etiam & Mercurius duos per se quasi significat. Ideo qui habent multos filios, congeminant Planetas vt in natiuitate Geminorum. Et quibus plures nascuntur filij, iisdem etiam saepe Gemini.

|           |   |       | 16 filiorum                       |   |       |
|-----------|---|-------|-----------------------------------|---|-------|
|           |   |       | 1500. die 29. Maij, hor. 14. Hor. |   |       |
| Cœli Med. | ☿ | 6     | Cœli Med.                         | ♈ | 11    |
| Ascendens | ♌ | 5     | Ascendens                         | ♌ | 21    |
| Sol       | ♌ | 9 9   | Sol                               | ♌ | 16 54 |
| Luna      | ☿ | 7 56  | Luna                              | ☿ | 1 11  |
| Saturnus  | ♄ | 5 17  | Saturnus                          | ♄ | 29 11 |
| Iupiter   | ♃ | 28 44 | Iupiter                           | ♃ | 26 29 |
| Mars      | ♂ | 26 33 | Mars                              | ♂ | 21 16 |
| Venus     | ♀ | 23    | Venus                             | ♀ | 21 40 |
| Mercurius | ☿ | 22    | Mercurius                         | ☿ | 11 10 |
| Caput     | ♌ | 4 17  | Caput                             | ♌ | 7 11  |

Sed dices saltem, qui comprehenduntur sub vno largitore eandem fortunam habebunt? Iidem enim loci & domini. Sed dico quod diuersis temporibus significabunt, & ratione huius erunt valde diuersi. Quod si tempora non varientur, respondeo quod hæc est causa cur gemelli plerunque sunt similes corpore, moribus & casibus. Et illa in quibus differunt sunt valde pauci, nec possunt dignosci ex genituris parentum, sed propriis.

Vltimò dubitatur cur non dixerit Ptolemæus quicquam de tempore filiorum suscipiendorum? Dico quod hoc docuit in vltimo capite huius cum dixit (A cœli fastigio liberorum procreationes) vult quod ex directione cœli medij quotiescunque peruenit ad largitores vel eorum radios, significatur filius. Sed nota triplicem differentiam: Prima, pro generatione oportet, vt solum processus & ingressus parentum inter se concurrant. Anno 1534. cum cœli medium peruenisset ad trigonum Veneris, & Mercurij, & Iupiter per ingressum esset in 23. parte Capricorni cœli medio radices, & in loco Veneris, & Mercurij radices, Mercurius & Mars, genita est puella, quæ sequenti anno nata est. Secunda differentia, in prolificis genituris vbi cœli medium peruenit ad corpus, vel radios prolifici, absque impedimento singulis annis nascetur filius, aut filia. Tertia differentia, in his qui non sunt valde prolifici, cœli medium applicans radiis largitoris tunc dabit filium, aut filiam cum largitoris locus per processum applicuerit loco directionis in cœli Medio, vel vndecimo loco, & alius largitor oppositum locum per ingressum possidebit. Ita vt sint quatuor loci radij largitoris in cœli medio, vel vndecimo loco, idem locus ad quem directio peruenit cœli medij, idem locus ad quem vnus ex largitoribus, imò persæpe ipsiusmet processus peruenit: Et locus idem vel oppositus ad quem peruenit idem largitor, vel alius per ingressum. Ex quo patet, quod dixi, quod in prolificis propter mixtiones multorum Planetarum, ac radiorum cum sint in similibus partibus numero necessariò contingit, vt fermè singulo anno largitorum loci per processum ad loca filiorum perueniant. Concordia verò genituræ filij cum restitu-

tionem anni patris, est quod Luna persæpe in filij genitura est, in sui opposito restitutionis anni ipsius patris, vel loci largitoris.

## CAPVT VII.

### TEXTVS LI.

*De amicis & inimicis.*

**B**eneuolarum igitur affectionum & contrariarum, quarum has quidem medias, & diurnas appellamus amicitias, seu inimicitias, illas verò minores & temporaneas societates, aut contentiones examinatio nobis sit hæc. Quando igitur quæ ex his præcipua sunt, & maxima inquirimus, obseruare oportet in vtraque genitura præcipua loca, Solis, videlicet & Lunæ, & horoscopus, partemque fortunæ. Nam si in eadem signa inciderint, aut loca mutuo permutauerint, aut omnia, aut plura, maximè quando vtriusque horoscopi 17. partibus inuicem disteterint, amicitias constituunt synceras & insolubiles, nec vllis offensionibus expositas. Si in coniuncta sint, aut mutuo opposita inimicitias maximas & diuturnas: Si neutrum accadat, sed tantum in locis configuratis extiterint, si hexagonis, aut trigonis minores amicitias, si quadratis minores conciliant inimicitias: vt interdum in amicitia occurrant silentium, & si multas quando maleficæ hæc configurationes transeunt, in contentionibus reconciliationes, & beneuolentiæ vicissitudines, per beneficorum ad configurationes ingressum.

Ita superi malè perdant eos, qui rebus vanis



nis ob lucrum vel ambitionē, aut derisionem intendentes, nouas & inutiles dierum observationes nobis tradiderunt, cum satis sit vel minimæ parti rerum vtiliū satisfecisse. Qualis hæc tractatio amicitia & inimicitia, quas non ex propria sola genesi Ptolemæus venatur, sed ex concursu cum aliorum genituris. Inquit enim respiciens ad id, quod iam antea diximus (res humanas, vel natura, vel vtilitate, vel conuersatione stare) si luminaria, vel horoscopi, aut fortunæ pars in eisdem signis fuerint, & maximè 17. partibus hand magis distantes, qui terminus est radiorum Solis, & etiam Crepusculi matutini, aut loca commutauerint stabiles & inconcussas, ac diuturnas amicitias pollicentur, *μειορς*, id est, medias, scripsit artificiosè quod nemo sincerè amat, sed amare videtur. At pro *μειορς*, *μεγαλς* scribendum, id est, magnas vt legit Haly. Si verò loca horum principalium in coniunctis signis, aut oppositis fuerint alter alteri, erunt inimicitia stabiles & diuturnæ. Quod si in locis configuratis minora vtraque erunt, diuturna tamen. Nam præsupponit generaliter eas futuras amicitias aut inimicitias perpetuas, quæ nobis à natiuitate sint ingentæ. Velut & breues, quæ ex processu locorum & Planetarum inuicem concurrentium contingunt (Silentium) cum vnus alterum non alloquetur: Simultas cum tacitè se inuicem oppugnant, & contradicunt insidiantes sibi, non in vita, sed in diminutione authoritatis (Per beneficorum ad configurationes ingressum) Puta in genitura Sol vni sit in Libra, alteri in Cancro: Iupiter ingrediatur Libram, & Venus Cancrum, tunc illi reconciliabuntur. Sed sic iure dices omnibus erunt inimici & amici perpetui? Non tamen ita est vt quibuscumque malis mendicis aut miseris, velut de Timone fertur, euenit. Verum causa est quod in horum genituris loca sint opposita, aut inconiuncta. Erunt autem opposita his, quibus Luna in opposito Solis extiterit, nam his fortunæ pars etiam ascendenti opponetur: itaque quicumque loco habebit principalia, cum vno horum concordantia, habebit cum reliquis contraria, aut inconiuncta.

Sed nunquid eadem iisdem, vt Sol Soli, Luna Lunæ? An sufficit vnum horum cum vno iunctum coniunctum habere, aut dissidem? videtur quod eundem oporteat esse ob duas causas, prima quod non essent eodem iuncti amicitia genere, sed diuerso: Secunda quod quilibet nimis numerosos amicos haberet ac inimicos: Si locorum diuersorum coniunctio, aut disunctio sufficeret.

Sed vel sic quilibet etiam plures haberet, aut amicos veros & perpetuos, aut exitiales hostes quam videamus? Respondeo quod oportet primo concurrere patriam, & consuetudinem, & familiarum consensum, & fortunam, & congressus Planetarum à quibus vt nouæ creantur, quæ iam non erant amicitia, ita iam factæ dirimuntur his congressibus.

Veruntamen Ptolemæus non hoc vult docere nos hic, quinam sint, quibus plures sunt amici, vel inimici, aut pauci, aut si con-

stantes, aut inconstantes: sed iam præsupponit personas ipsas, vult autem inquirere an illæ sint amicæ nato, vel inimicæ, aut dolosæ, in amicitia constantes, aut inconstantes. At verò generaliter id nouit quod prudentes, fortes, potentes, nobiles, opulenti plures, & meliores, & magis constantes, ac potentiores habent amicos vt contra, qui omnibus his carent. Et patientia plurimum cum possit ad amicitiam, ex huiusmodi cognoscere oportet. Non igitur ex astris hoc generaliter petendum est, sed quomodocumque conueniat, aut non conueniat.

## TEXTVS LII.

Cum amicitiarum & inimiciarum genera tria sint, aut enim ex instituto & electione libera, ita in se inuicem affecti homines sunt, aut vsus necessitatisque gratia, aut denique voluptatis iniuriæve causa, quando omnia aut plura ex dictis inter se familiariter conueniunt, ex omnibus his speciebus amicitia conflata est, quemadmodum quando dissident, odium. Quando sola luminarium loca ex dilectu libero, quod est beneuolentiæ genus optimum & firmissimum, sicut contra odium acerrimum & cui credere nihil oporteat. Sic si fortunæ fortes conueniant vsus necessitatisque gratia contrahitur. Quando horoscopi, voluptatis & contumeliæ.

Clarius Aristoteles hæc describit, dicens, amicitia genera tria sunt propter honestum, vtile & voluptatem: ab honesto, vt viri fortes, qui se diligunt, aut sapientes, aut ex naturali quadam inclinatione, aut quia sit prudens vterque, aut morum, vel artis præsertim excellentium similitudine: sic inter Apellem, & Protogenem pictores intercessit amicitia: Et in administratione reipublicæ. Hoc genus à concursu Solis cum Sole, & Lunæ cum Luna fit, vel vicissim commutatis locis. A Sole inquam propter honestum magis, à Luna autem naturalis potius amicitia gignitur. Odium similiter ex horum contrarietate, vel quia alter alterius gloriæ inuidet, vel naturali quadam inimicitia dissident. Fiunt autem in his lætales inimicitia & odia internicia, quib. dicit Ptolemæus nihil credere oporteat, scilicet, etiam si consentur induciæ, aut pax simulata sequatur. Propter vtile, mercatores inuicem, iurisperiti, cognitores, aromatarij & tonsores cum medicis, magistratus cum Principibus, procuratores, dispensatoresque cum nobilibus, milites cum ducibus, serui, Proxenetæ, vectores idque generis. Ex odio verò quicumque impediunt hæc, aut inimicis interueniendo lucrum impediunt. Atque in hoc genere sunt artifices artis, vt Hesiodus inquit, figulus odit figulum, hi tales ex parte fortunæ, seu Sorte in vtraque genitura accipi debent.

Ex



Ex voluptate, quæ sit ex concubitu prima est: Inde à luxu potationibus & conuiujs, item à ludo, à musica, mimi, histriones, aretalogi, coqui, & eius generis, vel ab iniuria vt maledici, fuffrones inuidi, detractores. contemptores, irrisores, delatores, accusatores, infimulatores, & qui scōmatibus alienam lædunt existimationem. Hi omnes ab horoscoporum configuratione decernuntur. Cum verò multa ex his conueniant, erit multiplex & firmior amicitia: Si disconueniunt maius odium & inexplicabile. Si autem quædam conueniant, quædam diffideant erit amicitia & odium simul. Sicut contingit qui habent serua-desides, quos amant ob consuetudinem diuturnam, & odio habent ob vitia. Porro longa cohabitatio ad genus amicitia primū, scilicet ob naturæ consensum, referri debet.

## TEXTVS LIII.

Obseruare autem conuenit locorum configuratorum suppositiones, stellarumque ad hæc aspectus. In quibus enim genituris inciderit configurationis superatio, siue in idem signum, siue in proximè succedens, illis præcipuæ partes in amicitia tribuendæ sunt, aut odio. In quibus verò fuerit aspectus stellarum meliorum illis ex amicitia vberiores fructus, ex inimicitia damna grauiora decernuntur.

Duo verba βελτίων, quod est meliorum & καδυστέρησις, quod vertit suppositiones magnam difficultatem, atque obscuritatem in Ptolemæi verbis pariunt. Hoc idem verbum vltimum superationem dum reperitur vertit. Sensus igitur est: duo sunt obseruanda in his, quæ ad amicitiam, aut inimicitiam pertinent: loca illa principalia, quæ quatuor esse diximus, & inter illa videndum quod sit potentius ex concordantibus locis, aut pugnantibus, seu in eodem signo, seu respectu sequentis, tunc ille erit causa amicitia, vel odij principalis. Exemplum, in octaua & nona genitura Luna est in eodem loco & significat amicitiam ob præstantiam. In eodem signo Casanato sunt radij Mercurij felices, tum Mars ac Veneris & Sors: Mihi infelices Martis, & felices Iouis, idè significatur quod principalis causa amicitia & vtilitatis erit potius atque fuit Casanato erga me, quàm mihi erga Casanatum. Quod autem dixit (vel in sequenti signo) dixit ob hoc quod per directionem locus principalis ad illud signum peruenit tempore iuuentutis, quo maximè prodesse possunt amicitia. Si igitur tale signum felix fuerit, quod ad principale peruenit locum, cum peruenierit ille erit utilis alteri & principalis causa amicitia. Idè plerumque ob id contingit quod, qui quærunt amicitiam alicuius illi sunt vtiliores, quàm is cuius quæritur amicitia ei à quo quærita fuit. Secundum obseruandum est quod beneficia

respicientes locum principalem in amicitia, decernunt vtilitatem maiorem ab altero in cuius genitura non aspiciunt locum talem. Et hoc est quia locus ille est, cum fauore beneficia vni, alteri non: In inimicitia accidit contrarium. Nam qui habet beneficam aspicientem, & magis obnoxius contumelia, quia est magis pacificus, idè dicebat ille: Dat veniam coruis vexat censura columbas. Hoc autem magis erit euidentius, cum in inimicitia benefica fuerit debilis, in amicitia autem potens.

## TEXTVS LIV.

In temporaneis autem societatibus & contentionibus animum aduertere oportebit ad motiones syderum in vtraque genitura: Hoc est quies syderum temporibus sydera vnius genitura ad loca syderum alterius promoueat. Hoc enim modo contingunt amicitia & inimicitia imbecilliores & ex parte: Quæ tamdiu durare solent donec separentur. Interdum verò consueque donec superueniens aliud sydus, decretum illud interrumpat.

Tria genera amicitiarum innuit: vnum quod est firmum & ab ineunte ætate, quod ex concursu locorum principalium contingit in genitura: Secundum quod est infirmum, nec omnino perpetuum, contingit autem dum Planetæ mutuo loca alterius ingressi fuerint. Puta si ego habeo Iouem in quarta parte Tauri, & alius Martem in tertia parte Sagittarij, decima die Aprilis 1556. contraheremus amicitiam: Quia tunc Iuppiter ingreditur tertiam partem Sagittarij, & Mars Tauri. Idem etiam fiet vbi duo Planetæ mei ingrediantur loca alterius simul. Hoc autem magis in annuis conuersionibus, licet hoc non dixerit Ptolemæus. Tercium genus est maximum quod Ptolemæus censuit ex his duobus esse manifestum: cum scilicet ambo hæc concurrunt, & quod in genituris loca principalia conueniunt, & sunt mutui ingressus Planetarum: Tunc enim maximæ res ab his patrantur in hoc casu. Manifestum est autem quod & euentus docet, ex Ptolemæi verbis, amicitias esse plerumque fortuitas. Cum verò tempus harum amicitiarum & inimicitiarum) Nam quod de vno dixi de altero intelligi volo) duret donec separentur: Separatio autem fit, vt dictum est in distantia 17. partium, & hoc vtrò citroque, quas Saturnus quandoque vix toto triennio superat, manifestum est diuturniores amicitias temporaneas intra hoc tempus finire, similiter & inimicitias. Quæ autem excedunt, aliquid habent cum genitura. Saturnum quoque diuturniorum amicitiarum & inimicitiarum esse parentem. Post hæc quæ à Ioue. Breuissimè à Luna. Quæ verò ex concursu horoscoporum, intra paucas horas finiuntur: idè earum non meminit Ptolemæus.

## TEXTVS



## TEXTVS LV.

Saturnus igitur & Iuppiter subeuntes mutua loca, amicitias gignunt perconspiraciones: agriculturam, aut hæreditarias successiones. Saturnus, & Mars per rixas, infidias, easque vltroneas. Saturnus & Venus coniunctionem per affinitates citò labescentem & euanescentem. Saturnus & Mercurius, affinitates & conuictus conciliant per largitiones, munera, mercatura, aut arcanorum communicationem. Iuppiter verò & Mars dignitatum, & gubernationis causa. Iuppiter & Venus hominum publica munera, eaque sacra obeuntium, cultus, scilicet diuini, oraculorum & his similium. Iuppiter & Mercurius conuersationes differendi, discendiue & philosophandi causa instituit. Mars & Venus amorum, adulteriorum aut ocij ignaui gratia, instabiles tamen, & non rectissimè institutas. Mars verò & Mercurius inimicitias, & vociferationes, & lites, literarum & pharmacorum occasione. Venus autem & Mercurius conuictus ob artis eiusdem studium, aut canendi, aut literarum communicationem, aut fœminarum causa.

In omnibus his vna est regula generalis, quod societas esse debet eorum causa, quæ utrique Planetæ conueniunt. Saturnus & Mars cum Venere parum conuenientes amicitias instabiles reddunt. Mars & Mercurius vix admittit amicitias. ut Iuppiter & Venus inimicitias.

## TEXTVS LVI.

Magnitudinem igitur & paruitatem, intentionem & remissionem, societatum, aut contentionum, ex comprehensorum locorum ad præcipua quatuor loca comparatione iudicare oportet, nam in angulis, aut fortibus fortunæ, aut circa luminaria si occurrant, euidentes significant, & vehemētes affectiones mutuas. Sin ab his destiterint obscuras. Commoditatem verò aut incommoditatem illis ex societate maiorem, ex astro-  
rum inspectantium prædicta loca ad bene maleue faciendum propensione.

Duo in hac parte docet magnitudinem ac firmitatem societatis ex Planetarum permutantium propinquitatem ad loca quatuor princi-

palia Solis, Lunæ, horoscopi & Sortis. Pro ascendente verò etiam reliquos angulos docuit comprehendere quod ibi Planetæ maximam vim habeant. Secundum est damnum aut utilitas ex amicitia, vel inimicitia, & hæc contingunt ex beneficiis, aut maleficis Planetas commutantes insipientibus. Hoc autem sæpe declaratum est.

Notandum quod in hoc casu inimicitia sunt ex commutatione ad loca opposita, sicut amicitia ad mutua, utpote si quis habeat Martem in quinta parte Geminorum, & ego Iouem in quarta parte Tauri, & contingat eodem tempore Iouem in mea genesi ingredi quintam partem Sagittarij, & Martem quartam partem Scorpii, orietur inimicitia ex eo tempore inter nos. Quandoque etiam ex commutatio propriorum, ut Martis cum Mercurio ob naturalem inimicitiam Planetarum. Sunt enim contrariæ penitus naturæ. Mars enim nihil vult rationi obsequendo, Mercurius cuncta: Mercurius dolo, Mars vi agit Vterque siccus, vterque malus.

Notandum præterea quod Venus est propriè significatrix dilectionis, & Saturnus odij. Si igitur contingat in vna genesi vnum ex quatuor locis principalibus esse in dignitatibus, & alter habeat in eodem gradu Venerem, se mutuo. Et magis ille, qui habebit locum principalem diligit, eum qui habebit Venerem, quam diligetur. Exemplum, ego habeo Lunam in duodecima parte Piscium, in dignitate Veneris, quicumque igitur habebit Venerem in eodem gradu, valde prope, erit mihi amicus intimus. Et ego plus eum diligam, quam ille me. Per oppositum, si quis habeat oppositum alicuius ex locis principalibus in dignitatibus Saturni, & alter in tali opposita parte Saturnum, inimicitia sagient capitales. Exemplum, si quis habeat Sortem in sexta parte Arietis, quicumque habuerit Saturnum circa sextam partem Libræ, erit inimicus magnus alteri, qui habuit Sortem in opposito loco in Ariete. Et primum est nobis cognitum ratione & experimento: huius autem secundi ratio est pariter manifesta.

## CAPVT VIII.

## TEXTVS LVII.

*De Seruis.*

**D**E seruis & eorum erga dominos animo beneuolo, aut maleuolo ex signo mali genij iudicandi modum accipimus, & ex iis qui locum hunc signiferi intuentur, tam secundum genituram ipsam, quam secundum accessus, aut oppositiones. Maxime ut gubernatores huius partis signiferi conuenienter præcipuis genituræ locis, aut repugnantur configurati fuerint.

Hæc



Hæc est quarta domus pars serui. Nil autem refert, seu seruos, seu famulos dicas, hoc enim discrimen à legis instituto pendet. Vtrumque autem quod ad astra pertinet ratio eadem est. Serui enim olim in dominorum potestate erant, nunc famulis vtimur quibus libera est conditio & solam operam seruam præstant. Par autem erat horum naturam ex mali genij loco accipi. Cum enim principales partes domus sint dominus, vxor filij, serui, & res ipsa: Dominum significat horoscopus, & illius existimationem Sol, Luna vxorem, 10. & 11. filios, Sors rem seu opes, reliquum est igitur vt seruos 12. significet. Nam Ptolemæus accipit quicquid est à cœli medio, vsque ad horoscopi finem pro cœli parte validiore, quod in his Planetæ non secus, quam Sol dum ad nos accedit ascendant nostri habita ratione. Sunt igitur domus quatuor 10. 11. 12. 1. Et præter has Solem, Lunam & Sortem. Itaque principalia loca sunt septem. Par autem erat locum seruorum præponi loco amicorum: Et ita fert rerum conditio. Sed quia serui sunt ignobilissimi, secutus existimationem communem, primum de amicis egit antequam de seruis. Hoc verò vult vt per præcedens caput etiam seruorum conditionem intelligamus. Et per ea quæ ibi dicta sunt cognoscamus de seruis, qui nobis erunt diuturni, aut temporales, itaque sententia textus hæc est.

Seruorum conditio & erga dominos affectus habetur ex duodecimæ domus signo, aut signis & locis, qui hunc aspiciunt: præcipue verò sexto, inde octauo atque secundo tam secundum ipsam genituram, id est, Planetas ibi hora natiuitatis constitutos, quam etiam Planetas, qui hæc loca ingrediuntur. Vtpote si Mars ingreditur signum sextæ domus, habebit eo tempore seruum infidum & malum. Si Iupiter signum duodecimæ, habebit seruum, aut famulum fidelem, bonum & frugi. Si Venus, gratum amabilem & iucundum. Et si gubernatores huius duodecimi loci fuerint in præcipuis locis genituræ, serui domino imperabunt. Si in deiectionis, negligenter ab illo. Si in septimo loco, aut in opposito domini horoscopi, ipsi aduersabuntur. Si in opposito Solis detrahent existimationi eius, & ita de aliis.

Cum verò Principum serui etiam amicorum loco habeantur, & quorum loci principales conuenientes, vt Sortis, vel horoscopi eleuantur super alium hi dominantur amico, vel signum subsequens, necesse est inter tot seruos, & amicos Principis vnum inueniri cuius nutu omnia agantur. Et ita quilibet Princeps vnus ex familiaribus consilio agitur. Is vt fuerit prudens, aut felix, aut contrario modo fortunam Principis circumagat. Et quia hæc fortuna plerumque ex fixis stellis pender, ideo tales plerumque sunt ambitiosi, immoderati & malorum morum. Quibus si erraticæ non subscribant prauus plerumque exitus succedit. Illud etiam obseruari eos, qui Libram habebant in ascendente sponte inferuire mihi, quod Libra signum sit sextæ domus, & in eo beneficæ. Per idem si seruus in horoscopo habeat signum

decimæ domini, imperabit domino. Hoc tamen nondum obseruari.

## CAPVT IX. TEXTVS LVIII.

### De Peregrinatione.

**Q**Væ verò ad peregrinationem spectant colligimus ex luminum amborum erga angulos statu, magis verò Lunæ.

Par erat motum illum & habitationem sequi luminarium statum ob illorum potentiam. Tum maxime quod ex peregrinationibus conditio, & existimatio hominis persæpe mutatur. Proposuit autem Lunam, quia ipsa significat qualitates animi naturales, vt inconstantiam, desiderium nouas regiones videndi & talia. In angulis luminaria sunt quasi firma, in cadentibus velut homo cum pede vno super Sphæra stans, nam non potest sic diu quiescere.

## TEXTVS LIX.

Occidens enim hæc aut ab angulis decidua, peregrinationes, locorumque mutationes indicat, quod propemodum, etiam Mars aliquando præstat, siue occidens & ipse, siue ab angulo, qui vertici incumbit decidens, quando luminaribus ex opposito, aut quadrangulo loco situs est.

Planetæ in occidente parum videntur, & ob id etiam semper, quæ diu non videatur significant, hominesque aut brevis vitæ, aut peregrinantes diu vitamque procul à patria agentes: nam & qui moriuntur, & qui in aliena morantur regione non videntur ab amicis & ciuibus. Luna igitur in septimo loco, vel etiam Mars mortem in iuuentute significant, aut peregrinationem. Quia, vt dixi, peregrinatio est mortis vicaria: Significant & mortem repentnam, Mars quidem ob propriam naturam, quæ violentam mortem affert, violenta autem mors plerumque etiam repentina est, Luna quod in eo centro subito abscondatur. Violentas igitur & repentinas mortes male collocati hi Planetæ in hoc angulo significant: vbi bene, moram extra patriam diuturnam. Sed in cadentibus ab angulis cum locus ille non occidat, quemadmodum septimus, vt supra docuimus, nunquam mortem miniatur, sed peregrinationes, nec adeo perferentem absentiam, vt in septimo loco significant. Septimus enim locus angulus est. Assumit autem in Marte ex decedentibus tamen, qui sunt quatuor 12. 9. 6. & 3. solum nonum, quod hi qui sub terra sunt non possint tantum promouere animum vt ad peregrinandum inducant. Tertius tamen locus (quia vt sæpe dictum



dictum est apud Ptolemaum oppositorum eadem est ratio, ut supra visum est 12. & 6. ad seruos, quamuis 6. supra morbos, 10. & 4. itemque 11. & 5. ad filios, horoscopi ad moram in patria, occidentis ad peregrinationes) significat breuia itinera 12. cum seruos significet, ut dictum est, non assumitur. Solum igitur septimus & quasi ad moram extra patriam, nonis ad longas peregrinationes: Tertius ad breues sunt assumendi. Et in his Sol, Luna, & Mars Sol quia significat hominis totum statum & estimationem, Luna quia animam & valde velociter mouetur, & Mars quia praest animi impetui. Non tamen id potest nisi luminarium alteri ex opposito, vel quadrato configureretur. Par enim est disiectum, aut amicum illis non agitare mentem. Est autem peregrinatio à quodam mentis aestu: quem vel sublata causa, vel voluptate inuisendi nouas regiones, leuamus: vel si inuiti peregrinemur ut in exilio, aestum illum augemus.

## TEXTVS LX.

Si verò & pars fortunæ in signis peregrinandi authoribus extiterit, vitam omnem & conuersationes, actionesque vniuersas in peregrinatione exequentur.

Quatuor loca principalia esse docuimus Solis, Lunæ, Sortis, horoscopi, horoscopus non potest esse in septimo, vel nono loco, relinquitur ut assumamus Sortem. Si igitur Sors cum Luna, vel Marte sic posito, ut diximus fuerit in septimo loco, vel nono, cum Sors, cum Luna se habeat, ut horoscopus ad Solem, perpetua itinera, aut moram extra patriam declarabit. Erit autem hoc diuinarum causa.

## TEXTVS LXI.

Benefici igitur hæc loca intuentes, esse succedentes, honorificas præstant & lucrosas perfectiones, reditusque celeres & expeditos. Malefici contra laboriosas, damnosas, & periculis obnoxias, & impeditos reditus, nusquam tamen omittere conuenit temperandi decreti rationem, secundum auctoritatem vniuscuiusque inspectantium, quemadmodum in prioribus differuimus.

Loca sunt Lunæ, vel Solis, vel Martis, vel Sortis, cum in septima, vel nona, vel tertia domo fuerint, ut dictum est. Sed quod dicit (Nusquam tamen &c.) Arabica Haly translatio clarior est, scilicet, quod hæc omnia temperamentum sortiuntur ex stellis, quæ his aspicientibus commiscentur. Hic textus videtur velle intelligere robur, aut debilitatem succedentium, seu aspicientium, non Planetas aut stellas, quæ aspicientibus commiscentur. Est enim *καὶ συνπαύειν*, iuxta vi-

ctoriam & excessum, scilicet, ut dixi, aspicientium vel succedentium inter se. Succedentes enim stellæ ut in textu, multum faciunt. Id est ut superius quæ in signo sunt subsequente.

## TEXTVS LXII.

Ferè autem ad orientalium quadrantum directis locis, si luminaria reperta fuerint versus ortum, & meridiem itinera instituuntur. In occidentalem verò, aut in ipso occasu, septentrionem versus & occidentem.

Dubiratur quomodo in orientalibus quadrantibus possint esse luminaria in hoc casu, cum solum in septimo & nono loco itinera significant, qui partes sunt quadrantis occidui? Deinde quomodo solum luminaria accipit cum sint quatuor, ut visum est superius itineris significantes Sol, Luna, Sors, & Mars? Ad hoc facile respondemus dicentes Solem & Lunam esse principales, & sub eorum ratione intelligi debere Sortem & Martem. Vel quod hi duo significantes statum luminarium sequuntur. Ad aliud dicimus etiam 12. locum in Luna & Sole itinera significare: ut superius docuit: non tamen in Marte. Eadem ratione & tertium. Quadrantes orientales sunt, ut visum est ab horoscopo ad angulum cæli medij, & ab occasu ad angulum imi cæli: occidentales ab imi cæli linea ad horoscopi initium, & à cæli Medij initio ad occasum. In orientalibus igitur ad ortum & meridiem, in occidentalibus & in ipso occasu (ut intelligamus occasum, licet sit angulus & superius à decidentibus locis separatam tamen sub generali quadrantis ratione comprehendi) ad occidentem & septentrionem. De oriente & occidente clara per se est ratio, sed de septentrione & meridie non ita. Dico igitur quod septentrionem orienti adiunxit, & meridiem occidenti, quoniam cum Planeta est supra horizontem, seu finitorem, ascendens est in oriente, & ascendit ad locum meridiei: igitur isti duo loci sunt affines. Et similiter cum descendit à linea medij cæli peruenit ad occidentem, & quia tunc est in occidente manifesta, igitur ut orienti succedit meridies, ita occidenti septentrio: igitur quadrantes occidentales habent rationem occidentis & septentrionis. Debet autem legi disiectum hoc modo: si quadrantibus orientalibus ad orientem vel meridiem, si in occidentalibus ad occidentem vel septentrionem. Aliter nullus iret ex Italia in Hispanias, quia sunt posita ad occidentem & meridiem, nec ex Gallia in Germaniam, quia posita sunt ad septentrionem orientalem.

Sunt præter hæc consideranda in Luna, & Marte latitudines, & ascensus ac descensus, Borealis latitudo iter ad Boream, item Planetæ ascendentes significant, ut descendentes vel habentes latitudinem Australem ad Austrum. Sed Ptolemaus non posuit regulam, nisi omnibus quatuor significatoribus communem,



communem, Sol autem & Sors ascensu, & latitudine omni carent.

## TEXTVS LXIII.

Ac si vnus figuræ sint, quæ itineribus causam dant, signa siue illa ipsa, siue gubernatores horum Planetæ, rarius & non nisi quando commodum est iter, significat. Si verò duum corporum aut formarum, continuum multoque tempore.

Hoc clarius est, quàm quod mereatur expositionem: nam Sol aut Luna, aut Sors, aut Mars, quicumque itineris significator extiterit, & domini loci eius in quo est significator, si fuerint in Geminis, Virgine, Sagittario, vel Piscibus, iter diuturnum & continuum significant: In aliis verò signis rarius, & non nisi commodum.

## TEXTVS LXIV.

Iuppiter igitur & Venus domini constituti locorum & luminum, quæ perfectionem significant, non solum periculis nullis expositas, sed placidas etiam peregrinationes decernunt, aut enim à præfectis earum regionum, aut amicorum causa legari proficiscuntur, fauet aëris constitutio, & sine indigentia opibus affluunt. His si Mercurius accedat sæpe numero propter iam dictam felicitatem aduimenta, & dona accumulatur. At verò Saturnus & Mars luminaria occupantur maximè si mutuo sibi opponantur, inutilia hæc omnia & periculis inuoluta ingentibus: in humidis reperti signis, per difficiles nimirum nauigationes & naufragia, aut per inuia desertaque loca: in fixis verò per præcipitia & tempestates ventorum. In tropicis & æquinoctialibus per inopiam rerum necessariorum, & affectu valetudinē: in humanæ figuræ signis per latrocinia, & insidias, & regum violentiam: in terrestribus, per ferarum inuasionem aut terræ concussionem. Mercurio accedente per ea, quæ in sublimi fiunt, & accusationes periculosas, verò per reptilium, aliorumque venenatorum ictus.

Hic vt in sequenti capite docebit non solum Zodiaci signa, sed quæ extra illum sunt intelligit. Humida signa à proprietate accipit, non à quadrantibus: Erunt igitur vt Cancer, & Pisces, & Scorpio. Humidum enim inutile continent & aquas significant. Sic Delphin & Argo, extra signiferum. Fixa sunt

Tom. V.

quatuor, vt docuimus Taurus, Leo, Scorpis, Aquarius. Sed cur fixa significant præcipitia & ventos, humida verò deserta. Humida cum significant mare, & lacus & flumina, & hæc non habitantur, inquit Haly, similitudine quadam significant omnia loca deserta. Fixa significant terram & rupes, & idè præcipitia & ruinas: Et venti sunt causa ruinæ. In signis tropicis & æquinoctialibus, quæ sunt Aries, Cancer, Liber & Capricornus, quia hæc mutant aërem faciunt morbos, & corrumpunt aquas, idè significant inopiam necessariorum. Experimur enim quod signa æquinoctialia corrumpunt aërem, & tropica maximè faciunt abundantiam, aut penuriam aquarum à quorum utroque sit sterilitas frugum & fructuum. De signis humanis clara est causa: Quæ sint, dictum est in primo libro. Extra Zodiacum tamen sunt Perseus, Auriga, Cephæus, Andromeda, & alia etiam, vt in supplemento videre potes. Vel apud Ptolemæum, vel in Sphæra. Terrestria sunt, quæ terram gradiuntur, vt Aries, Taurus, Leo, Scorpio, Sagittarius Capricornus, & extra Zodiacum serpentes, magnus scilicet, & opylus, & lepus, & canes. Idè significant feras insultantes, & quia in terra perpetuo manent etiam terræ concussione. Sed Mercurius accedens per tempestates aut fulgura, quia ipse est ventorum author: Et per accusationes, hæc enim sermone fiunt, Mercurius autem est sermonis author (Et per reptilium aliorumque venenatorum ictus) id est, cum fuerit in signis ferarum: feras enim minores significat Mercurius, quæ non nocent homini nisi veneno, idè cum damna significat, venenosa etiam animalia significat, cum paruis tantum præsit non magnis.

## TEXTVS LXV.

Peculiaris horum decretorum ratio, quæ vtilia, quæque noxia sint, ex differentia eius quod causam dat, locorumque causam compræhendentium, opificiorum & possessionis, valetudinis & dignitatis, iuxta horum, quæ prima est præcipuaque constitutionem accipienda est,

Si velis scire propriam causam iacturæ, aut vtilitatis, vide locum, qui est causa itineris: utpote in nostra genitura omnia quatuor dant causam itineris Sol, Luna, Sors & Mars. Sol propter honorem quandoque ob partem, Luna ob desiderium videndi regiones, & propter uxorem, aut matrem, Sors ob lucrum, Mars ob negocia & maximè bellica, & res graues. Dabo igitur exemplum de Marte, vt intelligas de aliis. Mars fuit dominus loci decimi, & ipsum aspexit Sol, & fuit in dignitatibus Mercurij, qui est sub qualitate & conditione Veneris ex toto, cum sit in domo illius applicans mutuo congressu illi, & ei iuncta. Significat igitur duo magna itinera, alterum occasione discendæ eruditionis, & fuit Patavium, & ad Saccêse oppidum,

Gg 2

in



in quo sex annis perpetuis artem medicam exercui: Et hoc significabatur à Marte commixto, Veneri & Mercurio: Reliquum à Marte commixto Soli occasione medendi principem, & hoc fuit in Scotiam, vt suo loco docebimus. Sensus igitur textus est: Si velis scire differentiam & naturam propriam euentuum bonorum, & malorum in itineribus, scies ex duobus, ex causa itineris, seu illius proprio significatore, seu significatoribus si plures fuerint, & locorum qui configurantur huic principali loco, aut si non sint qui configurentur, qui imperent: Si enim comprehendunt & principalis dominus, aut configuratus siue vno verbo ex his, qui comprehendunt principalior, seu principales causam demonstrabit secundum significatum suum. Nam si dominabitur Sorti, erit causa opum: si loco Solis, causa dignitatis: si Medio cœli, causa artis propriæ. Idem continget si aspiciat tales significatores, licet non dominetur illis. Et quia contingere potest vt sint plures comprehendentes locum itineris, qui habebunt diuersa significata, dicit assume ex his principalior, id est, qui magis illum locum habet in sua potestate, vel propter exactiorem aspectum, vel quia maiorem in loco illo habeat dignitatem.

## TEXTVS LXVI.

Temporum verò quibus maximè significationes apparent ex figuracione incurfus temporum succedentium. Et hæc quidem hætenus explicata sunt.

Intelligit tempora esse sumenda ex directionibus, quæ explicata sunt hætenus, id est, in capite de vita. In his considerandi sunt incurfus, scilicet quo tempore eueniant. Nam cum sint duæ generales temporum venandorum rationes, directio & situs significatorum, respectu mundi & Solis. Itinerum tempora ex situ respectu mundi non licet inuenire, cum plerunque significatores, vt visum est sint in occidentali parte, scilicet septima, vel nona domo. Perit igitur & ratio sumpta à situ quoad Solem: relinquitur igitur sola directio. Incurfus loci sunt, loci dominorum locorum principalium, & loci alij principales. Et tunc oportet obseruare, qui Planetæ ea loca aspiciant, vt in capite dicto. Propterea dixit (Et hæc quidem hætenus explicata sunt) Id est, non solum incurfus tempora te docui, sed quæ cum illis incurfibus sunt consideranda. Illud ex hoc nobis fit manifestum, plurimos significatores plurima itinera significare, quoniam sæpius significatores per directiones ascendenti occurrunt. Contrarium continget cum significatores pauci fuerint:

Solum dubium relinquitur cur nonus locus cum sit cadens, tamen vehementem affectum significet erga itinera: Videretur enim quod imbecillis locus nihil magnum possit promittere. Ided alius hæc quæstio est repetenda: Nam anguli sunt robusti, vel quia

nullum faciunt angulum, cum regione vt horoscopus & occidens: Vel quia rectum, vt cœli Medium & Imum. Rursus loca alta plus inflant quàm humilia, exemplo lapidum qui iaciuntur: nam vt ex altiore loco ita vehementius percutiunt. Et ided 11. domus 10. & 9. plus possunt, quàm 8. vel imum cœli quandoque plus quàm 7. Quæverò succedunt domus adhuc multum possunt, quia ad angulos motu firmamenti stellæ & signa, quæ in eis sunt accedunt. Sed quæ ab angulis cadunt, partem quod angulum minimum faciunt, vt 12. supra regionem tropici hyemalis instar, & ad imitationem cum Sol ibi minimum possit, partem quod finiant potestatem anguli vt mors in animalibus, & finis magistratus parum possunt. Nonus tamen locus quod sublimis sit non solum in itineribus, sed etiam in vita potest, & plusquam octauus, quamuis ille succedat angulo & hic cadat. Locus igitur hic validus est, & solum decimi comparatione debilis est. Itaque Planetæ non possunt quod in decimo loco, & homo agit, quæ sunt minora decretis à cœli medio, & itineri accingitur. Propterea qui iter agunt omnia alia negocia relinquunt. Erga nona domus valida est, sed in nullo quod à decima possit significari.

## CAPVT X.

## TEXTVS LXVII.

*De Morte.*

Cum reliqua sit ex omnibus de mortis genere contemplatio, primum ex iis, quæ de vitæ spacio docuimus, constare oportet: Vtrum secundum radiorum ductationem interemptio, an secundum dominantis syderis occasum accidet. Nam si iuxta radiorum ductum & occurstationem eueniat interfectio; locum occurfus in consilium adhibere pro mortis genere coniectando oportet. Si verò iuxta occasum, illum ipsum occasus locum. Quales enim fuerint siue ij, qui dicta loca sequuntur, aut si nulli sequantur, qui primi aliorum ad ea feruntur, tales nimirum è vita decessus futuros opinandum est, quorum natiuis significationibus, vt varietatem illam euentuum complectamur, configuratorum astrorum, locorumque interemptiorum peculiare significationes coniungemus, tam pro signiferi, quàm finium natura.

Sententia hæc talis est: considera locum Anæretam, qui per directionem Aphetæ occurrens mortem indicat, vt superius declara



declaratum est, siue is sit Planeta, seu locus occidentis: & quales fuerint Planetæ ordine signorum illis succedentes aut si nulli sint tales, qui antecedunt, proximus, & hi genus mortis principaliter decernunt. Post naturam loci interimentis & Planetas, qui loco succedenti, aut antecedenti si succedens desit configurantur. Et etiam iuxta naturam signorum ipsorum tum finium in quibus principales mortis significatores inueniuntur: Exemplum in septima genitura Apheta fuit Luna, Anæreta 22. pars Libræ aspiciens nonam Piscium, qui est locus Saturni. Dicemus igitur quod mors erit principaliter ex natura Mercurij, qui succedit loco interficienti, & hoc est primum & principale. Secundum est locus interimens pars 22. scilicet Libræ: Deinde Planetas qui configurantur Mercurio, & est Luna, quæ est in imperanti cum eo & in Anæreta considerat naturam signi & finium. Natura signi ad locum pertinet, finium autem ad Planetas. Velut in exemplo dato loci sunt 22. pars Libræ, & 24. eiusdem & 2. pars Virginis. Et in loco Anæretæ considerabimus naturam Libræ, & naturam Mercurij domini illius finis. Non considerat Planetas configuratos Anæretæ, quoniam idem esset author mortis & modi semper: at hoc non est verum, igitur Anæreta alius est à significatore qualitatis mortis: Et est pulchra ratio, & efficax. Nec considerat dominos signorum, quia cum mors sit res quædam propria potius competit proprio domino loci, id est, finis, quam signi, id est, domus, aut exaltationis, aut multominus trigoni. Nec considerat locum succedentem, aut aspicientem, quia est debilis cum quatuor habeat significatores ante se. Quorum primus est locus succedens, seu Planeta vel radij eius, vel fixa aut antecedens, qui fertur ad Anæretam motu proprio Planetæ iuxta signorum ordinem. Secundus dominus finis Anæretæ. Tertius signum Anæretæ. Quartus Planeta vel est stella configurata loco succedenti, aut antecedenti significanti mortis qualitatem. Et hos significatores omnes vocabimus Piothanatos, id est, qualitatem mortis decernentes.

Considerare decet in morte Planetas, qui loco promissoris configurantur per partem, & maxime si præsentis sint, & beneficæ præsentis, liberant ab exitio: Sin autem inimicæ aut contrariæ natura loci, & alienæ ab horoscopo, & eius domino mortis genus magis deprauant.

### TEXTVS LXVIII.

Saturnus igitur morti præfectus, obitus efficit post diuturnos morbos, & tabes, & humorum deflexus, & febres, per lienis aquæ intercutis, colicas, vteriue affectiones, & quotquot ex frigoris multitudine constant. Iupiter verò ab angina & peripneumonia, apoplexia, & conuulsionibus, capitisque doloribus, & stomachi,

Tom. V.

& quotquot à pulmonis peruersa constitutione proueniunt. Mars à febribus continuis & tertianis, & repentinis plagis, & renum affectionibus, sanguinisque excretionibus & defluxu, abortionibus & partu, sacro igne, & pestilentibus morbis, quique per inflammationem & feruorem eueniunt. Venus per stomachi, & hepatis affectiones, impetigines, & dysenteriam mortem infert. Amplius verò per vlcera, pustulas, & fistulas, & adhibita pharmaca, ac denique quotquot humore nimium increfcente, aut corrupto nascuntur. Mercurius per insaniam & amentiam, & ex atrabilis copia proficiscentes lapsus, per quæ comitiales morbos, & tusses, & crebras expuitiones, & quotquot siccitate copiosa, & corrupta constant.

Textus hic per se clarus est, sed tamen quædam intelligere oportet. Primum quod hæc natura Planetarum conuenit, & succedenti loco Anæretæ seu antecedenti, & domino finis Anæretæ aspicienti succedentem locum Anæretæ.

Considerandum etiam quod longè plures morbi esse possunt, sed per genera hic ponuntur: Saturnus frigidos, melancholicos, erudos & ideò longos, & qui cum liene communicant. Iupiter sanguineos, & qui cum iecore, & pulmone consentiunt. Mars à bile calidiore & febres, & qui cum felis vesica participant. Venus à pituita & humido, & qui cum ventriculo rem habent. Mercurius mixtos, varios, in constantes, occultos, & qui cum cerebro patiente fiunt.

Præterea hæc omnia ita intelligenda sunt, ut discrimen membrorum animaduertas superius positum, ubi de Planetarum significatis super membra agitur.

Est etiam considerandum hic Ptolemæum agere de morbis, qui ad mitem mortis genus hominem agunt principaliter, inde etiam ad alia genera mortis posset traduci, sed non ex intento. Rursus cum constet Iouem, & Venerem non esse Anæretas, non loquitur hic de Anæretis, ut dixi, sed de præsidentibus fini Anæretæ, vel succedentibus illi, aut aspicientibus succedentia loca. Et si quis dicat cur ergo non connumerauit luminaria cum ipsa possint succedere, & præ esse Anæretæ vel aspicere succedentem locum? Respondeo quod luminaria non significant ullam qualitatem propriam, ut visum est in secundo libro, sed solum mortem illustrem, & claram de qua in sequenti textu agit.

### TEXTVS LXIX.

Miti igitur hoc moriendi genere è vita discedimus, cum mortis authores in propriis domesticis

G g 3 ve



suæ naturæ suæ conuenientibus locis reperiuntur à nullo superati, qui maligniorē illustrioremque exitum reddere possit. Violenta verò atque conspicua morte decedimus, cum aut vterque maleficus imperat interemptorio loco, aut per congressum, aut per radios quadrangulos oppositos: aut alteruter eorum amboū Solem, aut Lunam aut vtrunque luminare malefico affecerint: vbi mortis quidem malitiam ab eorum congressu constitui putabimus.

Quatuor mortis genera intelligis, mitissimum cum quis absque violentia, & strepitu quasi naturaliter morbo aliquo decedit, de quo in superiore textu tractauit. Et ob id dixit (Miti igitur hoc moriendi genere) non miti igitur moriendi genere, vt doceret, nos per (hoc) verbum quod in superiore textu de naturali quasi & miti morte egerat. Hoc igitur contingit cum Piothanati non superabuntur neque dominio nec radiis quadratis, vel oppositis à contrariis stelis maleficis, nec etiam luminaria ambo. Hoc verò non ita percipitur sicut si intelligamus quot modis violenta mors fiat. Hoc verò nūc docebimus.

Secundum mortis genus est violentorum, primum cum vterque maleficus, vel Mercurius sub alterius vice imperat Piothanato primo illi aduersus & inimicus, aut iungitur illi, aut eum quadrato, vel opposito pulsatur radio, hostili natura non amica, scilicet quod non sit dominus loci: Et tunc si mors violenta, sed non publica tamen. Intellige non amica cum iungitur, non cum aspicit. Nam cum malefico aspectu respicit, etiam si dominetur loco, interficit crudeliter.

Tertium est violentum & publicum, cum malefica vna ambo luminaria, vel Piothanatum & luminare, vel duæ maleficæ luminare vnum, vel singulæ singulum, vel vna malefica Piothanatum altera luminare pulsauerit: vt fiant quinque modi. Et cum dico pulsauerit, intelligo vel quod dominetur, nec aspiciat bono aspectu, nec iuncta sit, & quod eleuetur super eum locum quem pulsatur: vel quod aspiciat ex quadrato, vel opposito & sit superior. Ita vt tres conditiones in primo modo, & duæ in secundo intelligantur generalium, quorum alteruter semper est necessarius vnicuique ex quinque modis significantibus tertium mortis genus, quod est violentorum secundum.

Quartum genus, violentorum autem tertium est, cum corpora eorum exponuntur dilaceranda auibus & canibus, de quo dicemus in fine capituli. Et circa has tres vltimas mortis violentæ differentias obseruare, oportet morem regionum & legum, in quibus mors contingit. In Gallia enim plerique exponuntur, in Italia non ita: Apud Germanos etiam, & Turcas crudeliora sunt mortis publicæ genera pro eisdemmet peccatis, quam apud Gallos, aut Italos. Modi etiam alij aliis in locis occidendi: in Anglia, Gallia

& Italia frequens laqueus, apud Germanos rota, apud Turcas palus. Sunt etiam conditiones hominum considerandæ, nam principes raro nisi securi percipiuntur, non laqueus, multò minus rota vel palus adhibetur. Miserorum hæc sunt supplicia, potius fortunæ quàm sceleri debita. Namque si ad scelera respicias, multi sunt Principes quibus si iure æquo res ageretur, non mille pali, aut rotæ, aut ignes sufficerent, & tamen vix etiam simplici morte mulctantur.

## TEXTVS LXX.

Magnitudinem verò à luminum testificatione. Genus verò ab astrorum reliquorum intuitu & signis, quæ à maleficis occupantur.

Luminaria faciunt, vt dixi, claras mortes & illustres, scilicet publicas, & quæ in conuentibus hominum celebrantur: Et hæc est, magnitudo, vt dixi.

Genus dicit (rursus) quia genera mortis mitis iam explicauerat ex astrorum reliquorum intuitu, scilicet ad Piothanatum, vel locum luminaris, vel maleficas alterutrum respicientes. Et similiter ex signis, imò potius figuris tam intra zodiacum, quàm extra in quibus Piothanatos, vel luminare male affectum, vel male afficiens malefica inneniuntur. Et nota quod magis si in angis extiterint maleficæ hoc faciunt, vel si luminaria, vel Piothanati in cadentibus fuerint. Nam cum in cadentibus fuerint luminaria & Piothanati, facilius super ea maleficæ eleuantur. Cum verò cadentes Planetæ vt in prior capitulo & maximè luminaria, moram in alienis regionibus nato significant, eò sit vt longè plures in aliena patria, quam in propria morti publicæ exponantur.

## TEXTVS LXXI.

Enimuerò Saturnus Solem quadrangularibus radiis præter conditionem ferens, in fixis quidem à multitudine obrutos, aut strangulatos suffocatosue curat, ita si occidat, Lunæque succedat. In feralibus verò signis, à feris interimendos, ac si Iupiter suffragetur, & ipse maleficio imbutus, in locis publicis, aut celebribus, interdum ad bestias damnatos. In occasu vtrius luminarium oppositus, in carceribus vitam finientes. Configuratus Mercurio, potissimè si id circa serpentes, qui in sphaera sunt, aut terrestria signa eueniat, à morsu venenatorum morientes, his verò si Venus accedat veneficiis & foëminarum dolis. Quod si in Virgine, & Piscibus, aut aquaticis signis Lunæ configurantur in aquis suffocandos, circa Argo



nauem etiam naufragiis succumbentes. In tropicis Soli congregiendi, aut oppressos, aut Marte vice Solis, à ruina oppositos, quod si cœli medium obtineat, ac alto præcipitandos.

Ne quid intactum relinquamus tota hæc particula, quæ ex his verbis habet initium) violenta verò atque conspicua (transferri potest, ut intelligamus Planetas, qui eleuantur maleficos non super Piothanatum primum, ibi est, succedentem loco interficienti, sed supre ipsummet locum interficientem. Inter has expositiones, quæ si verior exemplo præclaro 11. genituræ inferius edocebimus. Nunc ad textus interpretationem accedam.

Inquit igitur (præter conditionem (quia oportet interemptorio loco, id est, Piothanato infestum esse, hoc enim superius visum est. Seu loco interficienti propriè qui sensus magis arridet, seu succedenti, aut antecedenti. Proponit igitur 11. casus, qui quasi per tabulam subiciuntur. Dixit quadrangularibus radiis, ut intelligamus de oppositis multò magis intelligendum esse. De trigonis aut hexagonis nequaquam.

1 Saturnus Soli in fixis, lapidationem, aut suffocationem igne vel aqua.

2 Saturnus Soli in ferialibus, à feris dilaniandos.

3 Saturnus Soli cum Ione imperante Anæretæ, vel quadrato respiciens Saturnum, expositos publicè feris.

4 Saturnus Soli, aut Marti in tropicis iunctus oppositus, ruina opprimendos.

5 Saturnus Soli, aut Marti in tropicis iunctus, aut oppositus in cœli medio, ab alto præcipitandos.

6 Saturnus Mercurio iunctus oppositus, aut ex quadrato in serpentibus, aut terrestribus, venenatorum ictu.

7 Saturnus Mercurio, ut est & Veneri congregiendi, ex beneficio, & furinarum dolis.

8 Saturnus occidens & Lunam sequens Arabes legunt præcedens, suffocatos igne vel aqua.

9 Saturnus Lunæ in aqueis signis, aut Virgine configuratus, aquis suffocandos.

10 Saturnus Lunæ in Argo configuratus naufragio mergendos.

11 Saturnus in occidente seu Soli, seu Lunæ oppositus, mortem in carceribus nuntiat.

Nunc verò subiicienda sunt, quæ ad amplificationem prædictionis & textus pertinent. Nam verisimile non est primum solum his modis violentam mortem Saturnum inferre: nec etiam omnes, qui istis modis moriuntur sic necessario Saturnum habere collocatum. Tria igitur requiruntur ut Saturnus sic occidat. primum ut infestus sit loco mortis, aut domino eius: Secundum ut sit in quadrato, vel opposito luminaris, aut Mercurij saltem, ita tamen ut Mercurius sit dominus loci mortis. Tertium non est generale, sed tamen ut plerumque sit in occidente, ne angulo cœli medij.

Observandum, quod Saturnus maximè

offendit in occidente, quia occidens habet vim septentrionis ut visum est: frigidum & lætiferum, & hæc est natura Saturni: idè nullo in loco Saturnus tantum offendit quantum in occidente: Sicut nullo in loco Mars quantum in medio cœli: hic enim locus meridiei vicem gerit & est calidus, & siccus, & natura Martis similiter est calida & sicca idè ibi furit Mars, & maximè quia est in sublimi. Idè hac ratione par est Iouis vim in oriente confirmari & quasi ibi Planetam illum gaudere.

Observandum etiam est cum dicit congressum intelligi debere coniunctionem, quadratum, aut oppositionem, sicut exposui in sexto modo, ubi textus dicit (configuratus Mercurio) pro eodem autem accipio congressi & configurari. Sed præter id intelligitur quod sint etiam in inuentibus gradibus, non dico signis, aut imperantibus, & obedientibus, & maximè quod Saturnus sit in imperante, alius Planeta, qui afficitur in obediēte. Et si nō sit gradus exquisitus, sit valde propè, ut in septima genitura Saturnus aspiciat Mercurium. Sed uterque est secundum naturam loci mortis, qui est in Libra.

Tertio diligenter aduertendum, quod alia est ratio mortis naturalis, alia violenta: in morte naturali sicut contingit ei, qui famem patitur, aut venenum iam sumpsit, ipsa perficitur statim, ut causæ interimentes Aphetæ occurrunt, cum consensu tamen exitus annorum & reuolutionis stellarum, ut superius habuimus. At in violenta morte contingit secus, sed fit ut in eo, qui vult aliquem occidere, expectat centies occasionem, quæ eum euenit, inuadit & occidit: & quando non occidit, sed vulnerat tantum, quandoque etiam ille effugit. In astrum quod debet perimere violenter, est paratum in omnem occasionem, idè infligit pericula, & metus in eo genere sapius, antequam occidat. Fuit paucis ante annis tabellio quidam, qui bis suffocationis periculum incurrit, ubi cum plures alij essent nemo periculum subierat, tertio post aliquot annos suffocatus est, ubi etiam multi transierant, imò seruus suus ante eum & absque damno & periculo. Ita homo potest faciliter fati genus præsentire cum viderit pericula manifesta in eo & damna etiā. Caueat tamè quia idè significator multa genera mortis significat, quæ nobis videntur valde diuersa, & tamen inter se sunt affinia, ut strangulatio, suffocatio in aquis, & à ruina. Item ruina & casus ab alto multum differre videntur, & tamen sunt affinia, sicut etiam cum his ictus à machina procul. Similiter venenum, morsus canis rabidi, & veneficium inter se. Et item casus ab equo, & ab alto, & morsus canis inter se, non tamen casus ab alto & venenum. Et ita oportet bene considerare affinitatem horum generum mortis, quæ etiam mutatur ut dixi, iuxta relictus Planetarum & fines annorum.

Ex hoc patet quod illi, qui dicunt si Saturnus fuerit in tali loco talique signo in opposito talis Planetæ, ut Alubathar & Haly Abenragel, & alij Arabes, natus morietur ex tali, vel tali morte, vel honores habebit,



aut diuitias, aut contumeliam patietur, nihil dicunt: quia oportet ut adsit radix, scilicet ut Planeta ille dominetur loco significanti talem rem, de qua pronuntias.

Veruntamen est quod Saturnus in occidente, vel Mars in medio cœli congregiendi aliquo quinque modorum, aut eleuatur super luminare, vel Planetam, adducit magna inconuenientia propter tres causas: Prima est quod vix fieri potest quod ille Planeta cui malefica congregitur, non habeat aliquod dominium ut ita loquar, in illa genitura & ita inficit, & euertit quod ab illo significatur: Secunda quia in directionibus occurrit quandoque locus significator opposito loco, vel quadrato talis Planetæ & ita offenditur res significata per significatorem illum: Tertia quia Planetæ superuenientes & natiuitates filiorum, & parentum, & talia ut vxoris, cum occurrunt, & potissimum inimicorum, & amicorum, euertunt multa significata, & inducunt lites & discordias.

Amplificatio verò contingit, quia in primo modo etiam fiet capitis amputatio, quæ est loco suspensionis: Et ictus machinæ, & sagittis configi, & in cruce poni olim, quæ cōsuetudo abolita est ob Seruatoris reuerentiam. In tertio modo cum abolutus sit hic mos Romanorum, & Barbarorum, & merito non solum ob crudelitatem, sed etiam quia non par est humanam naturam ferinæ subiici, etiam in damnatis. Sed loco eius erunt vltima supplicia lacerari à quatuor equis, qui mos adhuc in Gallia viget: insui rotæ, ut apud Belgas & Germanos: infigi palo ut apud Turcas. In secundo est cadere ab equo, morderi à rabidis canibus & lupis, licet non dilacerentur. In quarto modo est etiam ictus machinæ, casus arboris, ut contigit fratri Petrimartyris Publicani, & qui sub terra viui sepeliuntur, & qui casu obruuntur. In quinto casus in foueam, ex equo, ex curru. In sexto acu pungi, ut multos sic vidi perire, vulnerari ense imbuto lætali veneno. In septimo comedere cicutam casu, vel apium Sardonicum amentes & lymphatici. In octauo cadere in puteum, in foueam, obrui cœno, obrui nimbis nocte superueniente, ut in fuga quandoque contingit. Suffocari in domo nona, ex fumo carbonum, à nutrice. In nono propter vini etiam copiam hausti. In decimo in cymba, super ponte, in pugna nauali. In vndecimo mori in carcere pedore, & squalore, vel præcipitio, vel veneno, vel in edia, vel in imo turris, vel ob tormenta, vel ob metum. In exilio proscriptum, relegatū, ad insulas desertas vel in solitudine.


Amplificatio à causis est quod ille cui pater suspendio periit sufficit, ut habeat Saturnum malè dispositum in occidente Solem aspicientem, etiam si non sit in signo fixo. Vel quod sit in signo fixo ibi & succedat Soli. Et ille qui habuerit Saturnum in quadrato Solis, & Lunæ coniuكتورum, licet non si in occidente, sed tamen sit gratia exempli in loco inimico, utpote in Capricorno vbi Luna cadit, & Sol, ac Luna in Ariete vbi cadit Saturnus, in carcere morietur. Sicut contigit

Erancisco Gadio, cui Saturnus in Capricorno fuit in sexta, & aspexit Solem & Lunam in nona coniunctos in Ariete. Iudicabis etiam ex fixis quandoque loco maleficarum, cum fuerint naturæ earum & valde magnæ, scilicet à prima magnitudine vsque ad tertiã.

Ideo dico quod oportet considerare conditionem nati, quia ut dixi, magni viri haud facile suppliciis horrendis plectuntur, & plerumque veneno, vel occultè in carcere, vel ad summum capitis amputatione. Considera etiam locum in quo morietur, & genera suppliciorum consueta illi ciuitati, aut regioni, & mores etiam nati, & ita satis propè rem iudicabis.

Vt autem melius rem intelligas de morte violente, quæ decernitur à Saturno, & est communior, scilicet suffocatio ab aquis, apposui genituram certam Leonharti Casanti Besuntini fratris eius, cuius est nona genitura exemplaris in fine libri posita. Fuit autem nobilis filius medici egregij Ioannis Casanati Hispani, & ut dixi, frater medici Guilielmi Casanati. Igitur in fine anni

*Suffocati aqua natando.*



*Motus latitudinis.*

|   |         |   |   |   |    |
|---|---------|---|---|---|----|
| ♄ | Stans   | M | D | 2 | 13 |
| ♄ | Vel.    | S | A | 0 | 53 |
| ♄ | Tar.    | M | A | 5 | 52 |
| ♄ | Tar.    |   |   |   |    |
| ♄ | Tardif. | M | A | 5 | 13 |
| ♄ | Retr.   | M | A | 3 | 34 |
| ♄ | Med.    | M | D | 4 | 42 |

29. cum esset extra patriam natando voluptatis tantum causa, interijt. Causa mortis est quoniam solus horoscopus fuit Apheta, & erat quadratus radius Saturni sub Ioue infelici: Et eo anno peruenit ad horoscopus in Virgine, quæ ut vidisti in textu submerisionem significat, ut etiam in tertio Ptolemæi exemplo: Mercurius igitur fuit dominus primi Piothanati, id est, secundæ partis Virginis & secundi, id est, loci Iouis. Fuit igitur Iuppiter infelix cadens ab altitudine & Mercurius dominus locorum mortis in sextili Lunæ, ex signis longarum ascensionem, & Saturnus in prima statione vbi plurimum mali infert. Stans etiam Planeta multa



multa mala facit, & nunquam cessat impedimenta afferre, cursu auctus magna. Sol quoque fuit cum Cauda Leonis stella procellosa. Finis anni præcedentis mortem, habuit Saturnum 28.45. ♄, Iuam 7.12. ☿, Martem 18.19. ♀, Venus 16.54. ♀, Mercurium 5.12. ☿, Lunam 25.42. ☾, Sol in loco genituræ, Caput draconis erit in 23.11. ♄, Iupiter igitur ad oppositum loci proprii peruenierat, & ascendens ad 13. partem ♄ ubi Saturnus erat. Animaduertendum est etiam quod in geniturâ Mars, Venus, Mercurius, & Luna magnam & ferè eandem habuerant latitudinem meridionalem. Hora autem qua mortuus est inter sextam & septimam, à meridie diei 15. Iulij extra patriam. Planetarum loca: Saturnus 12.7. ♄, Iupiter 19.51. ♃, Mars 6.18. ♀, Sol 2.15. ☿, Venus 16.52. ♀, Merc. 3.18. ☿, Luna 6.50. ☾, Caput 6.19. ♄, Saturnus igitur fuit in loco processus Solis eo anno. Et Sol iunctus Mercurio domino loci interficientis. Et Luna iuxta oppositum Saturni radice. Ex quo patet veritas dictorum Ptolemæi, sed oportet ut altissime eruantur.

## TEXTVS LXXII.

Martis verò stella Soli præter conditionem, aut Lunæ infensa tetragonis oppositisve radiis, in signis humanæ figuræ in seditionibus, aut bellis interficiendos tradit, aut sibi ipsi qui manus inferant: sceminarum verò opera interimendos quando Venus illi testificatur. Quando verò Mercurius, à piratis aut latronibus, aut maleficis hominibus. In mutilatis & imperfectis signis, aut circa caput Medusæ, decollandos aut mutilandos. In Scorpione, & Centauro vstionibus sectionibusve, aut medicorum reuulsionibus è vita decessuros significant. In cœli medio imoue crucibus affligendos maximè circa Cepheum & Andromedam. In occasu horoscopo oppositus viuos comburendos: in quadrupedibus verò ruina, aut distractione vitam cum morte commutantes. Quod si & hic Iupiter testificetur simul prauitatem indutus, illustri rursus mortis genere decedunt, condemnatione nimirum, & ira principum ac regum.

In hac parte ponit nouem status à Marte quos illustrioris doctrinæ gratia hic subiicio.

1 Mars Soli vel Lunæ tetragonis, aut oppositis radiis configuratus in signis humanis, seditione, belloue, aut propria manu.

2 Mars alterutri eorum vt supra in humanis cum testimonio Veneris, sceminarum causa occidendos.

3 Mars vt supra in humanis cum Mercurij testimonio, à latronibus, vel piratis, vel maleficis.

4 Mars vt supra in mutilatis vt iuxta caput Medusæ, mutilandos, aut capite plectendos.

5 Mars vt supra in Scorpione, vel Sagittario vstionibus, sectionibus aut medicorum reuulsionibus.

6 Mars vt supra in cœli medio vel imo crucibus affligendos, maximè circa Cepheum & Andromedam.

7 Mars vt supra in occasu, viuos comburendos.

8 Mars vt supra in occasu, in quadrupedibus distractos, aut ruina oppressos.

9 Mars vt supra si ei malè dispositus Iupiter testificetur, illustri mortis genere perituros denuntiat, ob iram Principis, aut Regis.


Vsq̃ue ad quartum modum præsupponitur, quod Mars sit in signo humano: & causa effectuum cum à similitudine sumpta sit clara est. In quinto Scorpins, & Sagittarius sunt signa sicca, & autumnalia & malefica. Medicorum quædam salutis causa parantur, quæ tamen malè cedente auxilio, pernitiem afferunt. Nero etiam medicos vocabat, qui secarent venas, vt perirent. In sexto modo crux & suspendium è sublimi fiunt, ob id Mars in cœli medio & imo hæc significat, vt & rotarum supplicium, quod damnati suspensis rotis in aëre pendeant. Et supplicium Turcarum quod sit cum ferris vncinis quibus pendent damnati in aëre. In septimo existimarem non simpliciter in occasu, sed in Scorpione vel Sagittario, gratia exempli, nam & in Leone. Non enim sine signorum discrimine exquisita supplicia significari possunt, cum hæc inquisitio sit artificiosa. In octauo clara est ratio distractionis cum ab equis, qui inter quadrupedes numerantur fieri soleat. Sed de ruina causa est, quia quadrupedia, vt dixi, terrestria etiam vocantur quod terræ incumbant, ruina verò est terrenorum vt lapidum & cementorum. In quocunque autem modo si Iouis testimonium iungatur, vt quod sit simul dominus cum Marte, vel quod Marti configuretur, vel sit in eodem positionis circulo, significat mortem ob iram Principis, aut Regis, quæ semper est illustris ob mandatum Regis vel Principis, plerumque etiam crudelis. Horum causa genituram subiicio, quam habui à præclaro viro Gemma Phrysiene dico, & Mathematico egregio, dum Louanij essem.

Hic de hæresi accusatus iuxta annū 1537. eripuit se periculo, & exulauit, postmodum anno 1547. obiecit se apparitoribus sponte, vnde captus & morti adiudicatus, dum viuos cremaretur, constans perstitit.

Constat quod Sol erant significatar vitæ, etiam quod fuisset in nona vel procul ab initio decimæ, & quod in annis 37. peruenit corpus Saturni inimici Soli, quia erat in opposito altitudinis eius, ad Solem. Et quod Saturno Anæretæ succedebant radij quadrati Iouis infelicitis in Capricorno. Est autem Capricor



Capricornus signum mutilatum, ut etiam Taurus & Virgo, unde talia significant mortes truces, & cum diuisione corporis, & amputatione membrorum vel vitione. Et quod Luna erat infœlix in 12. loco & in Libra: Et quod Solem aspexit Mars de quadrato ex propria domo, & in angulo, & domus erat signum fixum, & alienum à Sole. Et fuit cum Marte nodus, qui significat dilacerationem corporis, idè necessarium erat, ut occursu Saturni interficeret. Occasus autem fuit ex rebus legis, propter Saturnum. Et Mars fuit iuxta tres stellas lucidas, frontis Scorpionis locum regalem, & cum aliqua earum etiam in imo circulo positionis, & sunt de natura Martis, & parum Saturni.



*Motus latitudinis.*

|   |       |   |   |   |    |
|---|-------|---|---|---|----|
| H | Vel.  | S | D | 2 | 6  |
| ☿ | Retr. | M | D | 0 | 13 |
| ♂ | Vel.  | M | A | 1 | 35 |
| ✳ | Tar.  |   |   |   |    |
| ♀ | Med.  | M | A | 2 | 37 |
| ♂ | Retr. | M | D | 3 | 47 |
| ♂ | Tar.  | M | A | 1 | 47 |

Ex quo patet quod Ptolemæi sententia est vera, nam Mars est in Scorpione & Scorpio significat combustionem. Et tamen oportet intelligere rem subtiliter, nam Mars hic non est in occidente, nec damnat Piothanatum: & ita videtur quod desint duæ conditiones, & tamen sit combustus viuus. Idè, ut dixi, oportet animaduertere, quod Ptolemæus docuit, & in sequenti capite, docebit, quod oportet ipsam artem perfectè cognoscere. Et istud non potest doceri, nisi ei qui diu & efficaci studio in libro suo versatus fuerit. Nam loco harum duarum conditionum deficientium, sunt aliæ quinque, quæ non erant necessariae, & tamen augent effectum. Prima Luna in 12. loco, quæ significat malam famam & multos hostes gratuitos, infœlix in signo masculino, & finibus Martis. Secunda Iupiter retrogradus, & cadens altitudine, quadrato radio Saturnum Anæretam malè afficiens. Hic indicabat indices infensos. Tertia erat locus Solis in Leone & cœli culmine, quod significat magnas calamitates ut alias docuimus, & Leo significat ignem. Quarta tres stellæ regie iuxta

Martem ex illius natura, quæ significant viuum comburendum. Quinta erat nodus cum Marte malè affecto, qui significat diros cruciatus, & lacerandum corpus illius.

Dico igitur quod obseruari nodos cum maleficis, & propriè cum Marte ubi ipse sit significator mortis, vel alius cum quo sit nodus, mortem cum laceratione membrorum significare. Et similiter cum luminariis. Ob hæc igitur quæcunque dicta sunt de vitiis, & morbis corporis superius, huc transferenda sunt. Ita tamen ut cum conditionibus propositis intelligantur.

### TEXTVS LXXIII

Coniuncti verò mutuo malefici atque ita oppositi in aliqua dictarum constitutionum, plus faciunt ad mortis malitiam, quæ cuiusmodi potissimum euasura sit ex principe interemptorij loci gubernatore cognoscitur multis concurrentibus, & in genere, & in magnitudine acerbatis, quando vterque ad interfectoria loca rationem aliquam habet. Tales verò etiam sepultura orbari deferuntur, absuntur autem à feris aut auibus, quando in signis eiusmodi figurarum malefici reperiuntur, nec vllus beneficis supra terram existit, qui interemptricibus locis occurrat.

Virtus geminata multo plus habet roboris. Malefici igitur iuncti & luminare ac Anæretam oppugnantes duplicatis viribus agunt: Ob id magnitudo hæc cum sit conspicua, nec tamen facile homo multis mortis generibus possit mori, reliquū est ut qualitatem mortis in hoc casu ex domino loci interemptorij præuideamus. Nam tria Ptolemæus præsupponit interemptorem, qui radiis vel corpore Aphetæ aduersatur, & hic iuxta directionem tempus mortis ostendit. Oppugnantem locum interemptorium maleficam, & hæc seu hæc si ambæ sint ut hic supponitur, ostendunt quod violenta mors futura sit, & dominum loci interimentis, qui quasi iudex declarat qualitatem mortis, quæ potius pertinebat ad maleficam si vna tantum extitisset, quæ locum Anæretæ loci oppugnaret. Hoc autem dicit tantum verum est cum maleficæ non solum plures fuerint, quæ oppugnent locum mortis, sed etiam viribus pares. Aliter mors erit iuxta decretum superioris vi maleficæ. Tales igitur ob magnitudinem prauis influxus, deferuntur in patibulis, si nulla benefica supra terram auxilietur, nam tunc auferuntur post tempus & sepulturæ traduntur. Quod si benefica non adsit, & maleficæ fuerint in signis quadrupedum vel auium, denorabuntur corpora à similibus animalibus. Pari ratione si in Piscium signis & mors ex naufragio absque



absque benefica supra terram aspiciente, à Piscibus deuorabitur.

## TEXTVS LXXIV.

Peregræ moriuntur quorum interempricia loca occupantes Planeta ab angulis deciderint. Maximè cum Luna etiam accurrit, aut tetragonis oppositis radiis dicta loca intuetur.

De morte tria quærentur, tempus & hoc habetur in capite de vita: Qualitas, & hæc in hoc capite superius edocta est: Et locus, qui in præfenti textu docetur. Dicit igitur quoddam hi moriuntur in aliena patria quorum Planeta succedentes loco Anæretæ, vel domini secundi Piothanati fuerint in cadentibus locis. Et maximè cum locum Anæretæ & Piothanati Luna occupauerit quadratis, aut oppositis radiis. Circa quod notandum quod ego in hoc toto capite per Anæretam non Planetam interficientem intelligo, sed locum in quo radij interficientes cadunt. Gratia exempli si locus mortis fuerit mihi decima Cancræ, in quam cadunt radij trigoni Lunæ, & quadrati Solis, & intuitus Saturni, tunc hic non appellabo Anæretam Saturnum aut Solem, sed voco Anæretam decimam partem Cancræ. Et ubi extenderetur ad initium Leonis ubi sunt radij quadrati Iouis, non voco hic ut superius in Capite de vita Anæretam Ionem, sed Leonis initium.

Demonstratio verò huius textus sic habetur: quo tempore Anæreta peruenit ad Aphetam homo moritur: Quo tempore luminaria vel Sors, vel ascendens occupantur à Planetis ab angulo decidentibus, ut in præcedenti capite, homo extra patriam moratur: Sed in quibus Planeta ab angulis decidentes occupant loca interemptoria, in his eodem tempore locus interemptorius ad Aphetam peruenit, & Planeta ab angulo decedens ad principalem significatorem, igitur quò tempore moritur, eodem tempore erit extra patriam. Et ita extra patriam morietur. Significat & Planeta occupans locum interemptorium, locum mortis. Qui cum ab angulo decidat, significat fore extra patriam.

Sed ut diligentius res habeatur, innuit Ptolemæus quod debeas præfinire primo tempus mortis. Quo habito vide eo tempore significatores itineris si indicent iter: si non, morietur in patria: Si sic, vide ad quam regionem erit iter, & quàm diurnum, & coniectabit tamen ex arte tum ex locis, qui sunt in eo itinere celebrioribus, & etiam iuxta statum, seu existimationem hominis ubi inuenietur ea hora, & habebis locum mortis. Inde considera an mors erit naturalis, an violenta tantum, an etiam publica. Si naturalis, poterit mori in villa & in vrbe, sed hoc significant testimonia luminarium cum loco interemptorio: nam si affuerint, morietur in vrbe, & si sint Solis erit mors in metropoli regionis, quia erit cum funere splendido, & hoc non potest ita bene fieri in parua vrbe, ut in principali, & multò minus in villa. Si

verò fuerint signa mortis violentæ, non tamen publicæ, erit mors in itinere aut villa, non in vrbe, quia non tam facile absque mandato publico homines in vrbibus vexantur, sicut extra à latronibus. Considerabis etiam si sit iter per aquas, naufragio peribit. Quoddam si luminarium testimonium adsit, erit à piratis. Si verò sit mors publica decreta, considera causam & mores hominis, & genera supplicij consueta illi regioni, & coniectaberis qua morte sit periturus. Hæc non tam subieci propter hoc quod hic tractatur, sed ut sit exemplum in omnibus, quæ prædicere cupis, ut de magistratu, contentione, itinere, & talibus.

Secundo ut intelligas quod nulla est via prædicendi præter hanc, quam hic tradidit Ptolemæus. Et quod illi qui conantur redigere prædictiones ad capita, ut Arabes, Firmicus, & Pontanus, & alij recentiores facilitati studentes, agunt velut si quis volens domum ædificare omnia tigna in vno loco per ordinem disponat, alio tabulas omnes, alio totam calcem, alio sabulum, alio lapides, & alio clauos & vincula ferrea, alio tegulas, tunc is videbitur sanè pulchram rem fecisse & ordinem seruasse, ille tamen ad domum ædificandam nihil profus: Ita qui describunt, Saturnus in tali loco hoc significat, & Iuppiter hoc aliud, nihil ad prædictionem conferunt, sed omnia sunt vana: Sed oportet scire radicem commixtionis, omnium tempus, modum, ordinem, locum: ita oportet scire commiscere significata in singulis. Saturnus enim in Ariete in ascendente quandoque significabit statum corporis, quandoque animi mores, & quandoque vitæ spatium, quandoque fortunam, quandoque amicos, statum vxoris, dignitatis, filiorum, qualitatem mortis, peregrinationes, &c. Et si quis dixerit ego ordinaui tabulas inter se, & clauos ac vectes, lapides & reliqua, & non facta est domus, igitur ars construendæ domus nulla est. nōne prorsus ridebitur non solum ab ædificatore, sed etiam ab ipso vulgo, ita si tu dicas libri Astrologorum passim mentiuntur dicentes, quod si Saturnus fuerit aut Iuppiter in tali signo, aspectu, domo, &c. nato talia, vel talia contingant, cum quandoque contingant quandoque non, igitur ars prædicendi per astra vana est. Nōne & tu dignus es risu sicut & prior.

At dices hæc via est valde difficilis. Quid miraris o bone vir: hic est enim liber Dei optimi maximique, scilicet cælum: Et est sicut liber minutissimis scriptus literis, in quo aliqui aliqua legunt, ut Ptolemæus & nos, qui illum interpretati sumus ad vnguem ne vel vna syllaba præterita, aliqui parum valde, alij etiam minus, quidam minimum & plurimi nihil. Vel quia seducuntur studio desiderij, vel quia non sunt periti in philosophia, vel quia carent iudicio profundo, vel quia non sciunt principia Theoricæ Astrologiæ, motus, & magnitudines, situm, &c. vel quia non sunt studiosi in hoc libro quantum oportet, vel quia non planè illi adhibent fidem, aut quia decepti sunt à genitura falsa,

aut



aut quia etiam in vera non omnia contingunt sicut prædicebatur. Quia ut bene dixit Auerroës, contingunt monstra in omni arte, vel quia non sunt experti longa exercitatione circa minutiora & propria suæ regionis. Quæ cum parua sint, videntur tamen hominem in magnos errores ducere. Cum hic tradantur solum generalia omnibus regionibus. Perfecta venenum est in propria regione, in Aegypto suavis est & tuto manditur. Ita vna stella oriens Mediolani ex inerrantibus habebit effectum quendam mirabilem, quem non habebit dum oritur in Germania. Vel quia non exquisitè supputare norunt, aut vtuntur instrumentis non exactis, vel carent illis. Ergo horum necessariorum, quæ sunt nouem, nihil deesse oportet.

Vt autem vnum pro omnibus sufficiat, exemplum, dixit Pontanus, Firmicum sequutus, Grammaticus Grammaticum, & imperitus artis imperitiorem: Dominus genitura est dominus signi succedentis loco Lunæ, seu signo in quo Luna est dum homo nascitur, quod ita per absurdum est, (licet conetur friuola transplantationis similitudine, confirmare, (vt nihil possit esse absurdus. Et quamuis videatur habere quædam Ptolemæi dicta, vt in capite de Particulari tempestatum consideratione, vbi dicit obseruandum esse tempus post tres dies: Videtur enim inuenire quod Luna tunc sit in sequenti signo: Et in capite de forma Nati, vbi dicit succedentes orientali parti & etiam Lunæ erroneos obseruandos: Et in capite de Amicis, vbi docet obseruandum signum sequens. Sed hæc omnia nos exposuimus quomodo sint intelligenda, & quod ad Lunæ signum sequens non pertinent. Ostendo igitur quod opinio illa est falsa, mala, impudens: Nam cum homo habeat mutationem manifestam in ortu, oportet vt vis sit in signo in quo est Luna, aliter esset principium à tempore in quo non est aliqua mutatio. Deinde non conuenit quod Luna faciat duos oppositos effectus: vt mihi cui Luna est in Piscibus huic succedit Aries contrariæ naturæ comparisonem dominorum. Et ille cui Luna est in Geminis signo calido, humido, humano, inde succedit Cancer signum mutum siccum, & ab humanitate alienum. Et ego essem naturæ Martis, cum nihil minus. Ira verò est quia Luna est in trigono Martis, & in eius quadrato. Adeo quod si regula illa esset vera, necessarium foret, vt essem totus ex natura Martis. Rursus vis illa in genitura est actu, vel potentia: Si actu, esset Luna in signo sequenti: si potentia, magis esset concors quilibet signum cum sequenti, quam cum tertio, vel quinto signo, vel septimo, quod est contra omnem rationem naturalem.

Itaque ob talia reiiciemus omnino librum centiloquij attributum falsò Ptolemæo, cum dissideat adeo ab illius sententia, vt nihil magis. Primò facit scientiam naturalem sortilegam, dum interrogationibus subscribit. Deinde regulas facit absolutas, quas omnino vitat Ptolemæus: Et est ac si faceret tabulas simplices pro motu Planetarum, cum necesse sit illum haberi ex medio motu,

& æquatione, quæ provenit iuxta quantitatem vocati centri, ed quod ad illud omnia referuntur. Et etiam quia sumitur ex Apogeo, vt circulus ex centro: Et Apogæam etiam variatur. Præterea habet singularia multa repugnantia his, quæ dixit in his libris, imò ferè omnia. Idè manifestum est quod liber non est Ptolemæi, sed alicuius, qui quæsiuit lucrum esurientibus Astrologis, cum infamia & ruina totius artis. Repugnat legi Christianæ, repugnat bonis moribus, nihil habet conueniens cum doctrina Ptolemæi. Et quid mea retulisset si fuisset utilis arti saltem, quamuis etiam non fuisset Ptolemæi, quin illum exposuissem, cum vix sit 18. pars huius libri. Quare dico cauendum esse ab omnibus aliis libris, nisi quis velit legere commentaria Haly, & Firmicum ob linguæ candorem, memoriam veritatis. Sed tamen nunquam recedat ab hac profunditate sententiæ Ptolemæi: alter seipsum & totam artem vituperabit.

Vt verò ad rem de morte reuertar: qui moriuntur ex morbo contracto, ex casu equi, vt Galeaz Capra, & qui ex timore & similibus causis, habent maleficas, vt in morte violèta dominantes succedenti loco aut assencientes, &c. Sed procul: morte: idè talis mors est media inter naturalem & violentam. Qui etiam moriuntur ex medici errore, moriuntur ex occulta violenta morte, & idè absque luminariū testimonio. Cognoscitur mors naturalis, & quæ ab interemptorio loco solum procedit, quia tales subito prostrantur, nec videtur aliquid prodesse, sed recta ad mortem tendunt. Vbi quandam videris luctam, tunc est ex genere violentæ mortis, vel propter errorem ægri, vel medici, vel astantium, vel eorum venenum, vel timorem magnū conceptum, vel collisionem, & talia. Hi igitur qui quasi recta moriuntur, & cadit virtus statim, & nullum auxilium iuuat, & subito grauantur, quibus Apheta est debilis, & in loco alieno à natura sua, absque testimonio beneficæ, vel maleficæ, in loco interemptorio, sed solum succedit, aut antecedit. Si verò Apheta validus fuerit, aut successerit malefica contrariæ qualitatis, sit mors difficilis vel violenta.

Si verò luminaria testificentur absque maleficis loco qualitatis mortis, erit mors splendida, naturalis. Naturalis igitur quietæ & plendidæ habes duo exempla pulcherrima ab Erasmo, in dialogo cui titulus est Funus.

## C A P V T X I.

### T E X T V S L X X V.

#### *De temporum diuisione.*

**E**Narrata à nobis summatim in singulis generibus contemplandi ratione, ad eas vsque tantum, quæ sicut in initio proposuimus vniuersaliū partiū sunt tractationes Reliquū sanè fuerit



fuerit ad eundem modum, quæ etiam in temporibus distinguendis videre oportet, adiacere idque & naturæ consentaneæ, & nostræ particulari, quam proposuimus explanationi.

Hoc caput est perfectio artis, & vtilissima ac præstantissima totius operis pars. Si enim cognouero me futurum diuitem, inde pauperem, hoc est infelicissimum: Si post paupertatem, diuitem, felicissimum: si semper diuitem mediocre. Igitur cognoscere me futurum diuitem nihil est, nisi cognoscere tempus quando ero. Et ita de morte atque aliis. In eo igitur declara primum vnum generale, quod est.

### TEXTVS LXXVI.

Omnino igitur in vniuersis geniturarum capitibus propositum nobis est prius quoddam & antiquius, veluti Fatum, aut ipsi regioni peculiare cui reliqua quæ in genituris singularem explorantur subiungere oportet: quemadmodum quæ ad corporis formam & animorum constitutiones attingunt, morum item & consuetudinum dissidentia. Itaque par est naturæ obsequentem iudicem primas ubique potioresque causas comprehendere, ut ne quemadmodum in genituris præfari solent Æthiopem, verbi gratia, candidum aut leuibus capillis: Germanum verò aut Gallum nigrum faciat & crispum. Aut hos quidem mites & literarum artiumque studiosos, Græcos verò immanes & ineruditos, neque contra mores ac leges Italo decernat sororis matrimonium, cum hoc apud Ægyptos, aut Ægyptio matris, cum apud Persas fas sit. Prorsus igitur proponere oportet vniuersalis Fati rationem, deinde singula àucta minutaue accomodare.

Quod proposuerat in præcedenti textu nunc docet, scilicet ut naturæ rerum, id est, rebus ipsis, quæ natura constant, consuetudine, legibus, accommodata doceat. Simul etiam particulari rerum explanationi, id est, ut hoc caput omnibus aliis inferuiat: doceatque quando uxorem ducet, quando amicitias iniet, quando suscipiet filios, itinera agat, atque ita de aliis omnibus. Quare hoc agat est manifestum, docuimusque antea. Sed cur consentanea naturæ videtur frustra repetere, nam hoc superius in primo libro declarauit: Nec decet in tanta breuitate præter solitum quicquam repetere. Id igitur non solum vtiliter, sed etiam necessario factum est. Cum enim singulæ non sint nisi

Tom. V.

moderatio generalium, ut visum est, ita de diuisionibus temporum polliceri nequeunt quod in genesi non promittitur. Hoc docuit quia plerumque necessarium esset in multis annorum circuitibus, & multis genituris quædam magnifica contingere, quibus elati magna prædicamus, quæ tamen non euenient. Monet igitur nos omnia tam mala, quam bona ad genesim esse referenda. Cuius exemplum præclarum habebis in nostra genesi, ubi directiones & reuolutiones egregiæ admodum, quod in aliis maximum decreuissent, mihi etiam maximum pro genituræ qualitate, præstiterunt. Ita contraria ratione in magnifica genesi, aut infelicissima, minima quæque magnos effectus, iuxta rationem genituræ, pariunt. Secunda causa est propter superuenientes constitutiones generales belli, pestis, naufragij: in quibus homo malum experietur, quo tempore bonum expectabat, iuxta diuisionem temporum. Tertiam causam (quia alias duas superius explicauerat in secundo, & tercio libro) subnectit.

### TEXTVS LXXVII.

Ita quoque in temporibus partientis ætatem, in vnoquoque decreto quid cuique conueniat prima ratio habenda est, ne ex vulgari & simplici exploratione per inscitiam prædicamus puero nuptias, virilesque operationes, & decrepito seni liberorum procreationem, aut hisce iuueniliora: Sed in vniuersum, quæ de temporum partitione tradentur, prout ætas postulare videbitur, interpretabimur.

Hæc est tertia causa erroris quam ponit Ptolemæus, & est propria diuisionibus temporum, ut non prædicamus, nisi consentanea ætatibus. Ergo in vniuersum tribus modis in diuisionibus temporum aberramus iudicando, vel quando res non conuenit ætati, vel genituræ, vel casui seu generali constellationi. In omnibus tamen cum fuerit significatum hoc valde potens, eueniet aliquid aut umbra talis rei: aded quod in quibusdam casibus cum reuolutiones bonæ multæ sibi succedunt, & inuicem consentientes, in rebus fortunæ multum faciunt, ut in diuitiis, honoribus, & amicis. In lædendo etiam bonam valerudinem: non tamen possunt in rebus animi, vel corporis magnam mutationem facere.

Quod si res non bene cadant (inquit Hally) cum illud prævideris ex syderibus, poteris æquius tollerare, & promissa etiam augere: & ita in vtroque casu non parum iuuat præscire futura quo tempore ventura sint. Et quicumque, dicit, magis est studiosus veritatis, quam diuitiarum aut honoris, poterit magnum fructum ex tali scientia colligere, & etiam res in melius mutare.

In vniuersum igitur oportet considerare constitutiones generales, veluti si quis iturus sit ad bellum ex diuisione: Et bellum futurum sit

Hh

fit



fit exitiale valde, ex minima occasione iudicabimus, quod morietur in illa expeditione. Et similiter transitori, gratia exempli, ex Gallia in Angliam tempore tempestatis suffocantur ob tempestatem, quæ est generalis clades in certa parte maris, si plures naues submergantur. Et quæ euadunt, euadunt ob constitutionem naus & naucleri bonam. Sed si contingat casu illam nauim tantum perire multis euadentibus, tunc hoc erit ex praua constitutione naus & gubernatoris eius, non ex calamitate vniuersali. Et constitutiones generales fortuitæ vincuntur à specialibus, & maximæ bonæ à magis, sed quæ sunt secundum naturam vincunt eas. Vnde decrepitas potest ducere vxorem, non tamen generare filium, & si significetur forsan filius, vel filia illi generabunt nepotem.

### TEXTVS LXXVIII.

Est enim accessus vnus, idemque in omnibus ad ea, quæ pro temporis vicissitudine vniuscuiusque naturæ humanæ conueniunt, qui ex similitudine, & ordine accipitur septem stellarum errantium, initio sumpto à prima ætate & à vicinissimo nobis orbe, nimirum Lunæ, vt extrema in vltimum desinant, quem Saturni nominamus. Ac reuera naturam respondentis sibi erronis, affectionemque vnaquaque ætas refert, quæ obseruare conuenit, vt inde summariam temporum constitutionem colligamus, ac singularia deinceps discrimina ex geniturarum peculiaribus decretis, inueniamus.

Quatuor diuisiones temporis vitæ humanæ in hoc capite proponit: primam in septem ætates, quæ in præsentī textu initium habet. Secundam per directiones, quæ fit in partes finibus correspondentes cuius initium est ibi (Sint igitur) Tertia per annos & menses, ac dies ex signorum commutationibus ibi (Annos verò reitantes) Quarta in partes instabiles magnitudine & initio per ingressus Planetarum in præcipua loca: Eius initium est ibi (Respicendum etiam).

Dicit igitur pro hac prima parte, quod diuisio per septem ætates in omnibus hominibus est eadem ad vnguem, nec penes illam inter homines est aliquod discrimen: omnibus enim hominibus primi quatuor anni Lunæ dedicantur, & decem proximi, sequentes Mercurio, & octo succedentes Veneri: Et ita de aliis. Deinde dicit quod seruatur ordo in astris, qui & in ætatibus, quia primo occurrit Luna, inde Mercurius, post Venus, Sol, Mars Iupiter, Saturnus. Demum adicit quod vnaquaque ætas habet conuenientia Planetæ dominantis: vt primi quatuor anni Lunæ significata retinent, abundantiam humidi, subita incrementa, variam & inconstantem valetudinem, &

ita de reliquis Planetis ætates gubernantibus.

In quolibet igitur Planeta ætatem gubernantes, illa duo vltima explicat: scilicet quod ordo eius est ascendendo, velut ordo ætatis sibi correspondentis. Et quod natura ætatis conuenit naturæ Planetæ ætatem gubernantis. Additur vltimò causa numeri annorum. Scilicet cur Luna regat quatuor annis, Mercurius decem, Venus octo: Et ita de aliis. Et semper hæc causa sumitur à tempore motus Planetæ, vel in paruo circulo, vel in eccentrico, vel in elongatione à Luna. Et inquit.

### TEXTVS LXXIX.

Nam ad primores ferè quatuor annos pro sui quadriennij numero, infantilem ætatem Luna gubernans efficit in illa corpusculi humiditatem & imbecillitatem, itemque subita incrementa, alimonix liquiditatem valitudinis inconstantiam, & in mente inchoata & inemendata omnia, quæ singula respondent iis, quæ Lunares effectiones censentur.

Proximum decennium quo puerilis ætas compræhenditur, moderatur, qui proximum Lunæ orbem obtinet, Mercurius, pro viginti annorum suorum dimidiatio numero, incipit animum ad intelligentiam, rationemque componere, ac veluti fingere, disciplinarumque semina, & elementa inferere, morum studiorumque peculiare conditiones patefacere, animosque doctrina, & institutione primisque ex exercitiis excitare.

Veneris verò stella adolescentem tertiamque ætatem sortita sequenti octennio, quod illi iuxta circuitus sui spatium tribuitur, seminales meatus mouere incipit, ac implere, & ad venereos congressus stimulare, quo maximè tempore infania quadam, & intemperantia agitantur, miseroque cupidine efferuescunt, & in errore ac cæcitate apertis etiā oculis versantur.

Quartam ætatem & mediam iuuenilem, videlicet gubernans, medijs orbis dominus Sol, annis vnde viginti, dominium sui iuris vsu animo concedit, rei etiam familiaris & estimationis cupiditatem iniicit, vt & vitæ suæ modum habere desideret, & puerili vanitate & inconstantia, peccatisque amotis, sese ad iuris, pudoris & honestatis amorem recipere.

Post Solem Mars virilem ætatem sibi vendicat, quintus scilicet, pro circuitus sui spatio annis quinque & decem,



decem, hic vitæ tristitiam, & malitiam adducit, curis ac doloribus animum simul & corpus afficit, sensum nimirum iam instillans, & cogitationem ætatis deflorescentis, & instigandas memorabile aliquod inceptorum operum, ante obitum laboriosè perficiendum.

Iupiter deinceps senilem ætatem nactus, iuxta peculiarem circuitus rationem annis duodecim laboriosum illud & turbulentum, ac periculis expositum viuendi genus declinare paulatim iubet, & decentius officiosus, quietiusque capeffere. Amplius nihil præcipitanter agere, alios admonere & consolari, honoris tunc maximè, & laudis, & liberalitatis studiosus esse cum pudore & grauitate.

Extrema verò Saturni stella extremam & confectam ætatem fortita est vsque ad id quod superest vitæ, cum refrixerint ac impeditæ sunt corporis animique moriones ac vires, & in concitatoribus cupiditatibus, & voluptatibus natura languida, neruis destituitur, vita iam conuulsa misera, & infirma exposita offensis, & ad omnes morosa promotus, ac virium ignauia.

Reuolutio Lunæ in paruo circulo completur in quatuor annis, & vocatur, motus inæqualitatis vt habetur in quarto Magnæ compositionis à Ptolemæo: Et non desunt, nisi pars vna & 52. minuta ad complementum integre reuolutionis. Et est quod si Luna sit nunc in summitate epicycli, hinc ad quatuor annos non deerit quippiam notatu dignum, quin sit in summitate epicycli: idè anni Lunæ in ætatibus sunt quatuor & primi, quia ipsa est, quæ primo occurrit ascendenti ab elementis ad supremum cælum. Mercurius similiter, (vt in nono Magnæ compositionis habetur) in annis 20. reuertitur ad eundem locum epicycli, vt non desit nisi pars vna, & minuta sex ad perfectum circum. Igitur anni inæqualitatis sunt 20. Sed quia est Planeta debilis valde non regit nisi pro medietate, & sunt anni decem. Venus vt ibidem habetur, in octo annis reuertitur ad locum proprium, nec est differentia, nisi 12. minutorum in paruo circulo: igitur quoad motum inæqualitatis res clara est in tribus inferioribus. Mars similiter, vt ibi habetur, in annis quindecim ad proprium locum in epicyclo reuertitur: Est tamen differentia partium 7. minutorum 7. Sed hæc in circulo signorum vix faciunt differentiam vnius partis, plerumque autem vix mediæ partis. In Ioue & Saturno aliam rationem secutus est. In Ioue reuolutionem in circulo magno, quod sit Planeta potens, magnus valde & tardus. In Saturno reliquum vitæ, quia licet regat solum triginta annos, nihilominus quicquid superest supra illos triginta annos adeo est

Tom. V.

manum & debile, vt ad vitandam confusio- nem, Saturno tribui possit. Maximè quod rarissimi excedunt illos triginta annos, qui terminantur ad 98. vitæ nostræ. Et etiam quia actiones, quæ vltra id tempus contingunt, nullius sunt existimationis. Reliquum solum est, vt videamus cur Sol habeat 19. annos? Et clarum est quod non possumus illi dare annos reditus in paruo circulo, cum illo careat. Nec in eccentrico, essent enim vel vnus vel quatuor quod non conuenit tam potenti Planetæ: Propterea damus illis annos comparationis ad Lunam, in 19. annis, enim Luna videtur ad idem redire fermè & in circulo signorum, & in comparatione ad Solem: ita quod si hoc anno in calendis Iunij, sit Luna in 28. parte Aquarij, & distet à Sole secundum ordinem signorum partibus 248. In calendis Iunij 1572. erit, & in calendis Iunij 1534. propè fuit hunc locum & distantiam à Sole. Quia igitur Sol cum nullo Planeta magis communicat, quàm cum Luna, dederunt illi annos reditus eius in comparatione ad Lunam.

|   |    |
|---|----|
| ♄ | 4  |
| ♃ | 14 |
| ♂ | 22 |
| ♂ | 41 |
| ♂ | 56 |
| ♂ | 68 |

h. Vsque in finem.

Et in his omnibus mens Ptolemæi est, quod quo ad ætates, cum sit quasi vis epicycli, aut eccentrici non astra, parum aut nihil refert quod hi Planetæ sint benè vrl malè dispositi. Ita quod ego qui habeo feliciter positum Iouem, & malè positam Lunam, non propter hoc est, necesse vt anni, qui erunt à 56. ad 68. qui sunt sub Ioue sint meliores annis quatuor primis qui fuerunt Lunæ. Hoc autem in præcedenti textu docuit. Nihil igitur superest præ huius textus explicatione, quam vt annos hos in tabula à latere collocemus, & doceamus similia speranda in ætatibus, qualia à Planetis eas decernentibus. Veluti in senio morbos longos.

#### TEXTVS LXXX.

Sint igitur hæ temporum singulares inclinationes iuxta naturæ generalem & communem statum in hunc modum expositæ: particulares verò ex genitura inquisitiones, quemadmodum prius proposuimus, iterum ac summam à præcipuis progressionibus constituemus, idque ab omnibus, non veluti in vitæ spatio perquirendo ab vna tantum, sed ab horoscopo pro his, quæ corpori euentunt, & peregrinationibus, à fortunæ sorte pro possessionibus, à Luna, pro animi morbis & coniugio, à Sole pro dignitate & gloria. A cæli fastigio ad reliquas & partiliores vitæ rationes, nimirum actiones, amicitias, liberorum procreationes cognoscendas.

H h 2 Hoc



Hoc sanè pacto iisdem temporibus non idem erit beneficis horum dominus. cum multa ferè eueniant sub iisdem temporibus contraria, vt, si cui morte necessarij hæreditas accrescat, aut aliquis lecto decumbens dignitatem consequatur, & per motionem aut priuatos liberos suscipiat, quæque eiusmodi accidere solent.

Neque enim eadem est ratio corporis & animi, fortunarum & dignitatis, & familiarium bonorum aut malorum, vt necesse sit ex omni parte felicem aliquem aut infelicem esse. Sed acciderit fortasse & illud, quo tempore planè beati aut calamitosi sumus, quando in omnibus aut pluribus Apheticis moderationibus conueniunt occurrantur beneficorum omnino, aut contra maleficorum, id quod raro vsu venit propter humanæ naturæ imbecillitatem ad extrema vtraque perferenda: quam ita comparatam esse apparet, vt tempesturam postulet bonorum & malorum. Loca igitur Aphetica ad hunc modum discernimus.

Sol significat gloriam & dignitates, vt magistratus, & reliqua.

Luna verò animam & illius conditiones, ac vxores.

Ascendens, & quæ cum corpore fiunt, veluti peregrinationes.

Sors diuitias cuiuscunque generis.

Cœli Medium filios, actiones, & amicitias.

De omnibus clarum est, quia sunt propria significata, nisi de peregrinationibus ab ascendente, & de amicis à cœli medio: Nam vt visum est ista videntur ab aliis significari, vt à Sole, Luna, Sortéque. Respondeo quod aliud est subiectum in peregrinatione & est ascendens, aliud causæ & sunt Sol, Luna, Mars &c. Cum igitur per directiones subiectum causæ iungitur sequetur effectus. De cœli medio dico quod amici non sunt amici homini, sed fortunæ & dignitati plerunque: Propterea sumit illos à cœli medio. Qui tamen sunt ab ascendente, id est, voluptatis causa debent etiam ab ascendente sumi. Præterea in capite proprio sumit amicos, & inimicos ex comparatione geniturarum inuicem, sed hic sumit tempus solum à genitura nati.

Circa peregrinationes, Haly aliam reddebat causam, dicens, quod sumuntur ab angulo occidentis, quia verò occidentis descensiones sunt æquales ascendentes ascensionibus, idè dixit ab ascendente sumi debere peregrinationis tempora. Atque ex hoc infert non solum hæc quinque loca debere dirigi, sed singularum domorum initia & loca omnium Planetarum. Sed in hoc non est sequutus Ptolemæum, qui tantum hæc quinque loca dirigenda consulit & merito. Nam hæc sunt subiecta omnium bonorum & parium

domus. Bona enim quædam animi, quædam corporis, alia fortunæ. Bona animi à Luna decernuntur, corporis autem ab ascendente: Fortunæ principalissima à Sole gloria & dignitates, mediocria à Sorte, minima à cœli medio. Rursus coniunctorum vt filiorum, & vxoris à cœli medio & à Luna, igitur cum nihil deficiat sufficiet hæc loca direxisse. Quod si dicas adesse præterea parentes, seruos, fratres, qui non continentur sub his: Respondeo quod vel vis quærere de statu illorum, & in hoc Ptolemæus iubet te erigere figuram priusquam dirigas, & tunc diriges etiam in illis ascendens Solem, Lunam, Sortem, & medium cœli: Vel vis quærere an habebit: vt in filiis & sufficiet absque directionibus quærere significata, in capitibus propriis vt superius te docuit Ptolemæus. Ex quo patet quod quando dirigit cœli medium pro filiis, solum dirigit ad sciendum quo tempore filios habebit, non pro statu filiorum dignoscendo.

Præterea illa ratio septimi loci non conueniret cœli fastigio pro amicis. Sed causa erroris fuit, quia non discernunt subiectum à forma & causa. Causæ enim possunt esse plures & omnes Planetæ diuersorum effectuum: subiecta tamen non possunt esse nisi hæc quinque, quæ causis illis occurrere per directiones solent.

Quod autem dixit (Hoc sanè pacto) intelligit quod quinque positis subiectis non est necesse, vt omnium euentuum sit vnus dominus. Sed idem poterit esse felix eodem tempore in coniugio, & infelix in filio: Vt legitur de Catilina, qui vt haberet vxorem diuitem, veneno proprium sustulit. Et ita eadem domus fuit funesta morte filij, & læta tædis coniugalibus. Hoc etiam eo magis quod causæ & promissores respectu eiusdem subiecti possunt esse plures: Vt in Luna pro anima quæremus dominos loci: Et pro coniugio Planetas ad quos vadit. In animæ qualitatibus habitum eius eum ascendente, & Mercurio in coniugio cum Venere: Et ita de aliis.

Subiungit vltimo naturam humanam non posse perferre, nec multa mala simul ingruentia, nec multa bona: Innuens hunc ordinem quem tradidit ordini rerum congruere: Vt in vniuersum regulam generalem tradendi artem ostenderit, scilicet congruentem rebus ipsis & euentibus.

Notandum diligentissimè quod hæc sunt significata perpetua horum quinque locorum principalium. Sunt præterea alia vt significatorum velut vitiorum, aut morborum, quia omne tale ab initio per directionem ad actum peruenit. Velut si Luna à Marte obsesta cum stella nebulosa significat cæcitatem ab ortu per directionem Lunæ sic dispositæ, Mars occurrens cæcitatem ex eo tempore vsque ad vitæ finem producet. Quod verò ita sit, liquet, nam in capite de Vita, cum Apheta, inquit, occurrerit maleficis, & non consenserint Planetarum reuolutiones, aut non omnino fuerint validi Anæta, morbi magni significatur. At constat non semper ascendens Apheta esse, imò rarius.

Igitur



Igitur vult singula, quæ significant generaliter in natiuitate directa propriè super illud significare: Et hoc est quod innuit superius per ea verba. Prorsus igitur proponere oportet vniuersalis. Fati rationem, deinde singula, &c. Et ibi: Primas vbiq̃ue potioresq̃ue causas.

## TEXTVS LXXXI.

Occursantes verò non solum interemptores quemadmodum vbi de vitæ spatio quæritur, sed vniuersos accipere oportet, atque ita non corpore tantum, aut radiis oppositis quadrangularibusve obuiantes, verum etiam trinis ac sextilibus.

Hoc est secundum quod docet, scilicet post subiecta, quæ sunt quinque promissores. Hi sunt, dicit, qui occurrunt corpore, aut radiis quibuscumq̃ue. Sed nota quod ex his quidam sunt principales, & sunt qui ab initio conueniunt cum loco qui dirigitur, velut Mercurius cum Luna in causa qualitatum animæ, similiter domini loci. Similiter qui locum aspiciunt aliquo radio, vel sunt in inuentibus, vel obedientibus, aut imperantibus. Non principales sunt, qui occurrunt, sed ab initio nihil habent commune. Dicit autem suscipiendos in aliis causis à vita omnes etiam qui amici sunt. Nam in vita tamen aliquid inuent beneficæ occursantes, nihilominus non sunt dignæ consideratione, nisi quæ interficiunt, prometienda vitæ longitudine: Idè in aliis causis omnes occurrentes consideramus. Circa hoc notandum est, quod sunt tria genera subiectorum, seu significatorum, secundum naturam, vt horoscopus corporis, Sol dignitatis: quædam electionis, & sunt Aphetæ, qui semper sunt vnus ex quinque: sed variantur iuxta potestatem maiorem aut minorem. Nam Luna in 11. loco Apheta est. Si tamen Sol in 10. definit esse Apheta: quædam verò per commutationem, velut Saturnus in nocturna genitura, dum ponitur in ascendente in figura patris, sit Apheta.

Mota tamen erat difficultas de Mercurio, qui cum significet rationalem animam deberet esse vnus ex significatoribus, & ita essent sex? Respondeo quod effectus Mercurij in mutationibus temporum non sunt euidenter, nisi cum homo infanit. Hoc autem rarò contingit, & rarius sine detrimento Lunæ: Idè est prætermisus à Ptolemaeo. Si tamen quis velit illum dirigere, non prohibetur. De cæteris quod non possint esse significatores, nisi, vt dictum est, in erectione nouæ figuræ, quæ à priore extracta sit, satis abundè docuimus, & causam etiam cur non possint esse, adiecimus.

## TEXTVS LXXXII.

Ac primùm sanè tempus in singulis moderationibus illi dabitur, qui

Tom. V.

Apheticum locum corpore occupat vel radiis. Quòd si nullus fuerit, asciscemus proxime antecedentem ad eum vsque, qui proximè succedentem aspiciat partem, deinde hoc vtemur vsque ad proximum, atque in aliis similiter, assumentes in gubernandi communicationem terminorum dominos Planetas. Atque iterum partibus interiectis annos tribuimus secundum eam, quæ ab ascendente summitur moderationem, tot videlicet, quot sunt eius regionis ascensionum tempora. A cœli Medio, quot sunt tempora cœli culminationum, à reliquis verò quod ratione propinquitatis ad angulos, ascensionum aut descensionum, culminationumve tempora accipimus, sicut cum de vitæ spatio ageremus, definiuimus. Hunc igitur ad modum generales temporum arbitros creabimus.

Tria in præsentī textu docet, primum quis nam sit promissor, seu dispositio cuiusque partis, ab Apheta incipientis (Nunc Apheta vocat quemcunque significatorem ex illis quinque ab *apem*, quæ est dimissio) Et dicit si in loco Aphetæ sit Planeta, vel radius Planetæ, ille erit promissor, largitor & dominus eorum, quæ ab illa parte decernuntur. Si non sit ibi Planeta aliquis nec radius, accipies eum Planetam, qui ante eum locum est, vel cuius radij ante sunt. Exemplum, mihi oritur septima pars Tauri, vbi nullus est Planeta, nec radius, ante tamen, id est in quarta parte Tauri est Iupiter, idè dico quod Iupiter gubernat vitam à septima parte Tauri, vsque ad duodecimam vbi sunt radij sextiles Lunæ. Postmodum ab ea parte vsque in finem Tauri, cum nullus Planeta succedat nec radius, gubernat Luna. Quod si nullus Planeta, nec radius sit ante locum Apheticum, gubernabit solus dominus finis, vt postea docebitur. Quòd si rursus sint duo Planetæ, ante vel radij duo vel Planeta vnus, & radius alterius, tunc proximiorẽ Aphetæ pro gubernatore eligemus. Quòd si ambo sint in eodem gradu eligemas vtrumque prælato, tamen eo qui corpore ibi præsens est ei, qui radios mittit. Radiorum quoque diuersitatem inspicere oportet: & naturæ similitudinem aut repugnantiam. Maleficus enim & naturæ loci repugnans, & ex aduerso positus gubernabit quidem, sed vt tyrannus & dominus iniquus: Contra beneficis & loco congruens, & corpore præsens, aut radiis amicis locum aspiciens, gubernabit vt Rex, vt pater. Quòd si multum distet, qui succedit Planeta, vt in nostra genitura à sextilibus radiis Lunæ, qui in 12. partem perueniunt Tauri, vsque ad 12. Geminorum, vbi est corpus Martis, & rursus radij Lunæ quadrati intercedunt partes 30. aut saltem 29. vsque ad 11. Geminorum vbi cadunt radij trigoni Solis, tunc Luna nihilominus gubernabit

H h 3



gubernabit omnes illos gradus, usque ad 11. Geminorum: ubi tunc Luna desinente, Sol gubernabit, inde paulò post Martis gubernationi Luna commiscebitur, quia radij illius trigoni Martis corpori succedunt. Sed ut dixi, quia in eodem gradu sunt, & corpus validius est radio, miscebimus Martis & Lunæ gubernationem simul, donec ad corpus Saturni directio peruenit. Interim autem gubernatio Martis & Lunæ, Solis, aliquid commiscebitur propter magnam Solarium radiorum propinquitatem. A duodecima igitur Tauri parte ad 11. Geminorum, ut dixi, gubernabit Luna. Sed variè eas partes. Nam à duodecima Tauri usque ad 24. plus poterit Luna, quàm dominus finis, quia tanta est magnitudo Lunaris luminis, & quantò plenior fuerit eo maior. A 24. in finem Tauri, cum Luna in Tauro altitudinem habeat, æquales ferè erunt vires Lunæ, cum domino finis illius partis. Ab initio autem Geminorum ad 11. illius partem propter longinquitatem radiorum sextilium, & mutationem signi ubi Luna nullam habet potestatem finis dominus maiorem habebit vim quam Luna. Ita hoc exemplo reliqua intelliges.

Secundum est quod dominus finis semper debet assumi, ut socius cum gubernatore, qui corpore vel radiis dominationem suscepit. Ratio quare non dominum domus, aut altitudinis, aut trigoni accipiat, sed solius finis, clara est, quia oportet naturam dominij congruere naturæ rei & temporis, cum igitur tempus diuidatur in minutiores partes congruunt his domini finium non alij.

Tertium est quod docet quantum temporis his partibus correspondeat: Et dicit tantum quantum sunt ascensiones propriæ illius loci sumptæ iuxta modum declaratum in capite de Vita. Circa quod notandum est, quod licet gubernator si ante Aphetam utpote in octaua genitura Iupiterante ascendens, tamen directio debet inchoari à loco Aphetæ, & non à loco gubernatoris. Et ita dabimus primum annum septimæ parti Tauri, ubi est horoscopus, & non quartæ ubi est Iupiter qui est gubernator.

Quod si quis dicat cur est quod pleraque tamen ex his ante tempus adueniunt, ut etiam ante nouilunium mortes ægrorum & pluuia, & ita de aliis? Causa est quincuplex, prima quia subiectum est, quandoque ita præparatum ut effectus accidat ante perfectionem causæ. Veluti quidam ægri sunt ita debiles, ut non possint expectare perfectam Lunæ coniunctionem. Et aer est quandoque ita humidus, ut ante coniunctionem perfectam pluat. Ita dico de directionibus exitum aut felicitatem pollicentibus: quoniam quandoque ante exactum occursum promissoris perficiuntur. Secunda causa est robur maximum quandoque directionis vel coniunctionis: Ut de igne magno, qui etiam accendit ea quæ procul sunt, nec ipsum tangunt. Tertia est societas aliarum coniunctionum, vel occursum, vel ingressum, atque aliarum causarum, quæ effectum ante tempus accelerant. Quarta est media coniunctio & aduentus corporis Planetæ ad locum ante centrum, vel

luminis ante corpus. Quinta est constitutio generalis superius dicta. Veluti Planeta velox natura, motu auctus, orientalis à Sole, & in mundo. Contrariis ad vnguem causis effectus post directionem differuntur.

## TEXTVS LXXXIII.

Annuos verò reicientes annorum multitudinem ab incunte ætate à singulis Apheticis locis iuxta ordinem signorum singulorum eum assumentes, qui signo dominatur, in quo substiteremus. Idipsum in mensibus præstabimus adiicientes iterum à mense natali præteritorum mensium numerum, à locis annui dominij secundum ordinem signorum, dies viginti octo. Ita dies etiam à natali abiiciemus, à menstruis locis pro vno signo dies duos & trientem.

Hæc est tertia temporum diuisio in annos & annorum partes, quam ponit Ptolemæus capiendò in singulis Apheticis primo in triginta gradus, & eum qui signo dominatur faciemus dominum eius anni. Et si fuerint duo signa, iuxta partes eorum. Gratia exempli horoscopus est mihi 7. pars Tauri, primus annus habebit à 7. parte Tauri ad 7. Geminorum. Et ita primis 9. mensibus, & 18. diebus præerunt Luna & Venus pro partibus 24. Tauri, residuum anni gubernabit Mercurius pro sex partibus initij Geminorum. Sequenti anno gubernabit Mercurius menses nouem, dies 18. reliquum Luna cum Ioue. Tercio anno Iupiter & Luna menses 9. dies 18. reliquum Sol, nam procedet à partibus 7. Cancræ, ad 7. Leonis. Ita perfectis 12. signis 13. anno reuertetur res ad iniuriam & Venerem cum Luna. & 7. partem Tauri usque ad 7. Geminorum: & hic circuitus durat usque in finem vitæ, ex singulis quinque Aphetis.

Similiter ab eodem principio anni dicamus gratia exempli, quinquagesimi primi nostri incipientis cum profectio peruenisset ad 7. partem Cancræ diuidit totum annum in 13. partes æquales, quibus præficit totidem signa & dominos, & hoc ut procedendo 13. signis sequenti anno peruenitur ad signum sequens tam in anno, quàm mense. Exemplum, ut dixi, anni quinquagesimi primi signum annum est Cancer, idem est signum primi mensis: Leo secundi: Virgo tertij: Libra quarti: Scorpio quinti: Sagittarius sexti: Capricornus septimi, Aquarius octauus: Pisces noni: Aries decimi: Taurus vndecimi: Gemini duodecimi: Cancer tertij decimi: Leo quartidecimi, qui & initium est sequentis anni. Et ita vides menstruam processionem ex vno in aliud signum detulisse annum dominatum per vnum signum. Cum ergo diuidatur annus in 12. menses sit, ut vnus mensis dies contineat 28. & horas duas, & minuta 17. Sed Ptolemæus prætermittit horas



horas & minuta, quia parum erroris adducere poterant: & etiam quia facile occurrebant construenti tabulas.

Eadem ratione diuidendo mensem dierum 28. per tredecim partes, prodeunt, dies duo & sextans, ferme. Sed textus dicit triens non sextans. Græcus codex habet *ἡμισυ*, quod est dimidium, & non trientem aut sextantem. Haly vidit hunc errorem & putat legendum sextantem. Si sequamur eum, qui vertit, esset ut 28. dies diuiderentur per duodecim signa tantum, & ita exirent dies duo cum triente. Tertia opinio est quod diuisio per menses sit in 12. & totidem signa, & tunc prodibunt 30. dies pro mense. Et rursus mensis per 12. signa diuisus habebit dies duos & dimidium ut Græca litera habet. Ita oportet à textu Ptolemæi abicere illa verba (Dies vigintiocto) & forsan sunt additi ab aliquo qui suo modo illum interpretatus est. Hoc igitur habet difficultatis tertia expositio. Secunda verò non seruat eundem ordinem, quia ex signorum mensium ordine constat ordo signorum annuorum: Sed non ex ordine signorum dierum constabit, ordo signorum menstruorum. In prima oporteret pro *ἡμισυ* legere *ἑκταύρο* quod est sextans, at hoc multum differt. Similis dubitatio emergit cur reuolutiones annorum in his non potius secutus sit, quæ sunt iuxta ordinem rerum ipsarum & causarum quàm hos processus. Idèd dico quod fuerunt tres causæ huius, prima quia iste debuit assimilari directionibus, èd quod sit diuisionis temporum modus quidam: igitur etiam debuit fieri per processus, non per reuolutiones. Secunda quia debuit hic processus esse æqualis, ille verò qui sit per reuolutiones magnam recipit inæqualitatem, idèd non est conueniens. Nam propter ascensiones regionis ascendens, quandoque transibit ex Virgine solum in Libram, & quandoque ex Aquario in Cancrum. Tertia quia in his tribus diuisionibus temporum obseruat semper ordinem Planetarum, ut omnes Planetæ ad gubernationem aliquo modo assumantur. In prima diuisione per ætates secundum ordinem quo mundum constituunt. In secunda iuxta ordinem finium. Hic iuxta ordinem signorum. Si procederet per reuolutiones nullus esset ordo in Planetis, sed idem Planeta sæpius, aliquis nunquam assumeretur in circuitibus duodecim annorum & mensium, & in vno mense. Præterea reuolutio fit cum motu processus absque motu. At Ptolemæus in vita non obseruat nisi duos motus, primum cum homo nascitur & constituitur figura principalis, & secundum superuenientem de quo loquetur, in quarta diuisione temporum, igitur reuolutio non potest esse principalis causa diuisionis temporum in tertio modo. Et si quis obiiciat ut ex nostris libris editis, olim exempla quibus confirmantur reuolutiones, respondeo si sanè intelligantur illa pertinere ad quartam diuisionem, de qua in sequenti textu agitur. Ptolemæus verò adhuc duas alias diuisiones proposuit secundam & tertiam, vltra illam & potentiores illa, igitur hæc via est melior ut sequamur quadruplicem temporum diuisio-

nem, quam vnam aut duas tantum, ut nos fecimus dum scriberemus libros de Iudiciis astrorum. Et causa fuit quod nos desperabamus ob expositorum inopiam, & difficultatem textus Ptolemæi, & confusionem maximam in arte scribentium, assequi illius sententiam. Modo cum assecutissimus eam auxilio diuino exactissimè & præter omnem spem, eam tradimus etiam aliis perfectissimè. Et èd melius acquiescendum illi est, quod existimandum sit Ptolemæum, ut ipse testatus est superius, accepisse exempla & opinionem hanc ab Ægyptiis, qui, ut testatus Diodorus Siculus in secundo Rerum antiquarum, ex peritia astrorum solebant futura prædicere. Credendum etiam illa egregia Thrasybuli Mathematici, de Tiberio Sullæ eius filij, de Caligula, & Nerone, Ascleptarionis, de Domitiano, & de seipso, non fuisse ignota Ptolemæo viro diligentissimo & locupletissimo: Quod si nota fuerint haud dubiè illorum viam secutum esse necesse est, quæ adèd evidentibus prædictionibus fuerit confirmata. Quamobrem & illa hæc quam tradit non aliena esse debet ab ea. Impudentis enim ac scelesti viri fuisset vnum scire & aliud scribere. Quinimò etiam qui secuti & egregias prædictiones ediderunt, ut de Gordiano Imperatore nescio quis, & de Iacobo Picinino, Franciscus Maria Ferrariensis, & de Paulo tertio Pontifice maximo Paris Ceresarius Mantuanus, hanc viam secuti sunt, cum nulla alia esset in vsu ante nos: & etiam Ptolemæi ut par est studiosi essent. Vnde constat nos etiam his inniti debere, quæ hic ordine certo à Ptolemæo traduntur: Illud intelligentes quod post subiungit Ptolemæus, eo ordine quo diuisiones ponuntur, eo etiam robur significationum accipi debere. Ita ut certissima sint, quæ dominis ætatum decernuntur suis temporibus. Certa admodum etiam quæ à dominis directionum & finium significantur. Certa etiam quæ à dominis processuum annualium, & mensium atque dierum. Demum minus firma quæ ab ingressibus Planetarum in loca congruentia, aut dissidentia promittuntur. Et tamen ea adèd valida esse ut his solis nos confisi, multas præclaras ad hanc diem in genituris prædictiones ediderimus. Quid igitur Ptolemæum hac in parte sequenti euenturum sit facile intelligis.

Verum dices, Ptolemæus quidem has diuisiones qualiter fieri debeant edocuit: significata quoque primæ, quæ per ætates fit tanquam manifestioris, & quibus minus opus esset ob facilitatem declarauit: Sed de his duabus, scilicet secunda & tertia diuisione, non est locutus. Respondeo quod ex præcedentibus cognoscuntur. Sunt autem quinque si rectè colligantur, ex quibus euentus dignoscere licet. Primum est quod directio aut profectio perueniat ad beneficam, aut maleficam, aut mediam, & sumitur hoc à natura Planetæ: quemadmodum in vita & in decretis generalibus maleficæ offendunt, beneficæ inuuant: ita in processibus & directionibus. Non tamen directio tantum quantum generalis & natalis constitutio: & minus processus quàm directio. Secundum est constitutio Pla-



netæ hora qua suscipit dominium quod sit orientalis, à Sole auctus lumine & motu, in suis dignitatibus bene configuratus Lunæ & beneficis, hæc enim bonum, contraria malum significant. Tertium quod Planeta, qui dominium recipit in natali figura sit amicus, & propitius illi causæ, hoc enim bonum. Sicut si sit dominus oppositi Aphetæ, aut oppositus domino Aphetæ malum. Quartum quod talis dominus processus, vel directionis hora genituræ fuerit foelix. Quintum & ultimum quod obseruemus in toto decursu dominij sui cum occurreret beneficis, aut configurabitur Aphetæ natiuitatis, aut ipse erit potens, causa illa iuuabitur: cum fuerit in coniunctis debilitabitur: & similiter cum erit sub radiis Solis, aut retrocedet, aut oppressus à maleficis, aut cadens. Haly verò credit quod Ptolemæus sponte hæc occultauerit: Sed non solum inuidiosum est, verum etiam stultum, tradere artem & illius præcipuam partem occultare. Deinde ea tradere, per quæ intelligantur scripta ab illo, & fiat quasi aliena laus.

Circa hos tres modos diuisionis diligenter obseruandum, Ptolemæum vitasse confusionem, & dominos processuum, & directionum obseruasse, & non solum ipsa loca, & locum Apheticum principalem hora genituræ. Exemplum, vt dixi, anno quinquagesimo secundo horoscopus peruenit ad Cancrum, Tauri pars septima est Apheta, & dominos considerat septimæ partis, non Tauri, sed Cancri, Lunam & Iouem principaliter: post dominos loci genituræ, id est, septimæ partis Tauri, & locum processus, id est, septimam partem Cancri. Ita vt in diuisionibus temporum, seu per processus, seu per directiones, cum sint quatuor, locus natalitius, dominus loci natalitij, locus processus, dominus loci processus: primam auctoritatem sortitur dominus loci processus, secundam locus natalitius, tertiam dominus loci natalitij, locus autem processus quarto loco habetur. Et hæc pro intellectu non solum præcedentium, sed & sequentium. Verum dices nonne sufficiebat Ptolemæo dicere, quod tota figura singulo anno per vnum signum procedebat, quasi per viam reuolutionis, ita vt figura reuolutioni similis erigeretur? Respondeo quod non, ob duas causas: prima ob inæqualitatem domorum: Secunda quia non vult quod procedant, nisi illa quinque loca principalia, non omnia,

#### TEXTVS LXXXIV.

Respicendum etiam est ad ingressus in præcipua potissimum loca, neque enim parum momenti habent in temporum decretis maximè Saturni generalium, Iouis annuorum Martis & Solis, Veneris & Mercurij mensurorum, Lunæ diurnorum.

Hæc est quarta temporum diuisio, quæ quasi fortuita est, cum Planetæ ingrediuntur præcipua loca, id est, illa quinque dicta:

nam eorum significatum tamdiu durat, quantum Planeta ille integrum signum permeare potest. Ob id Saturnus generalem habet temporum partem id est duos annos & dimidium & quandoque tres, quia tantundem in vno signo manere potest. Et hæc est causa quod pauca infelicitates diutius durant: & maximè pestis, quamvis à deliquiis significatio principalis sumatur. Eadem ratione Iupiter habet annos, anno enim manet in singulo signo. Mars, Sol, Venus & Mercurius menses: nam Mars non implet spatium duorum mensium in vno signo generaliter, ad summum quandoque octo mensium: reliqui tres vno mense signum ex ordine peragunt, idè præponuntur hi quatuor Planetæ mensibus. Eadem ratione Luna cum in vno signo paulò plus duobus diebus maneat, dierum spacio præest. Hæc igitur est ratio distributionis fortuitæ temporum iuxta ingressus, & deambulationes Planetarum in quinque locis principalioribus, & per loca principaliora, non intelligit natiuitatis, sed ad quæ perueniunt per annuos, vel mensuratos processus.

#### TEXTVS LXXXV.

Ac quemadmodum generalium temporum arbitri potiores sunt ad decretum absoluendum, ita particularium conducunt, aut reluctant, per conuenientia & aduersitate naturæ suæ, transitus verò augmenta, & decrementa euentuum adducunt.

Comparat inuicem hæc tria: generalium temporum dispositores, & propriorum & transitus: Nam generales dispositores plus possunt in absoluendo effectum: Domini verò propriorum conducunt, scilicet plurimum, aut reluctantur: transitus autem tantum augent, aut minuunt.

Notandum quod licet hi reditus semper aliquid tamen longè plus faciunt in finibus annorum, quàm in alia parte anni. Et ita de mense & diebus. Et plus in initio anni quam mensis, & mensis quam dierum, per signum significatorum: vt capite de vitæ spatio superius visum est.

Notandum rursus quod mutationes signorum in annis concordant, cum reuolutione Solis & motu Iouis. Et menses dierum 28. horarum duarum minutorum 17. cum reuolutione Lunæ. Est enim medius inter mensem reuolutionis Lunæ, qui est dierum 27. cum tertia & mensem coniunctionis Lunæ cum Sole, qui est dierum 29. cum dimidio. Et signorum spatium quod continet dies duos & sextantem, vt dictum est, cum spacio quo Luna in signo vno permanet.

#### TEXTVS LXXXVI.

Nam summariam qualitatis rationem & temporum prorogationem Apheticus locus, & generalium temporum



porum arbiter, vnâ cum finium domino designat, quod familiare est vnum quodque sydus, iis in gēitura o-  
cis quorum ab initio gubernationem sortitum est. Sed bono ne sint an malo eorum, qui temporibus præsunt naturali, & mista propensione ad bene maleue faciendum colligitur, & eorum familiaritate, aut inimicitia, quam ab initio susceperunt.

Quinque erant ab initio proposita, quæ nobis euentus prædicerent: Scilicet constitutio genethliaca & quadruplex diuisio temporum: quarum prima quæ per ætates fit cum sit omnibus communis, & per se clara omittitur, reliqua duo prima in præsentī textu edocet, scilicet generalem constitutionem & tempus, à directione sumptum. Cum verò tria fermè in qualibet re supponantur, vt in secundo libro docuit, genus rei, tempus & qualitas: Veluti in coniugio hæc tria quæ-  
runtur an nubet, quando nubet, an fœlix erit coniugium. Et ita de aliis præterquam de morte. Sed & in illa mortis author quæritur. Verum mors per Apheram non decernitur, sed Anæretam. Inquit igitur genus rei decernitur per locum Apheticum: Prorogationis tempus, id est, quousque procrastinabitur generalis arbiter temporis, id est, promissor in directione. Speciatim autem dans finis: hoc autem in secunda diuisione est explicatum. (Eo quod) Subdit causam quare assumendus sit Apheticus locus cum finium domino, scilicet succedentium, & temporum generalium arbitro, quia dicit, licet Apheticus locus sit per directiones mutatus, tamen semper participat cum domino temporis illius. Exemplum, quando directio signi Geminorum peruenierat ad horoscopus, tunc dispositiones horoscopi (& fuit in iuuentute) erant mixtæ ex natura finium in Geminis & Martis, gratia, exempli, & Saturni natura qui ibi erant & Tauri quod fuit ab initio in ascendente. Quod verò dixit (Naturali & mista) Intelligit quod tria debemus considerare in temporum significatoribus, naturalem dispositionem benefici, vel malefici mixtam, id est statum eius tunc, & cum quibus commiscetur: Et idem hora natiuitatis.

Notandum quod ex hoc colligitur vna regula pulchra, scilicet quod effectus promissus per directionem, non potest differre, nisi per tot annos quot sunt hi, qui respondent numero partium finis, quæ super sunt post radius Iouis peruenit ad ascendens, & fines directionis locum. Exemplum, per directionem in fine annorum quinquaginta sextilis Martis in Cancro sunt, ab initio eius vsque ad initium septimæ partis, radij verò sextiles Iouis cadebant in quartam partem Cancrī, & Iuppiter fuit dominus loci Lunæ iter significantis, & iuxta cadebant radij quadrati Solis, & trigoni Lunæ, & omnes iter significarunt. Dico igitur punctum itineris est quarta pars Cancrī, tamen vbicunque con-

tingat concordia progressus signorum ab initio Cancrī, vsque ad initium septimæ partis Cancrī, ibi erit itineris significatio. Ponamus igitur quod in eo statu ascendant, cum primis sex partibus Cancrī partes quinque, minuta 18. quibus respondent anni quinque cum triente. Cum igitur ex directione debuisset contingere in fine anni quarti horum, qui fuit quinquagesimi mei finis, & ita contingit ad vnguem, tamen potuit contingere per annos quatuor ante vel sexdecim etiam menses post tempus in quo contigit: Quia tantum extendebantur fines Martis ante, & post punctum in quem cadunt radij promissoris. Et hoc est quod voluit Ptolemaeus.

## TEXTVS LXXXVII.

Quibus verò temporibus magis elucescet decreti vis significatur ab annuorum, & menstruorum signorum cum obnoxiiis locis configuratione, & secundum ingressus astrorum & Solis, Lunæque radiationes ad annua, & menstrua signa. Nam si conuenienter se habent cum locis affectis ab initio in genitura accepto, & secundum in ambulationes conuenienter illis configurantur pro re proposita, bonum. Si inconuenienter & præter conditionem opposita quidem, aut quadrangula figura in transitibus, maiorum authores sunt, aliter verò configurata, non ita.

Reliqua duo membra diuisionis temporum, quæ ad propria tempora pertinent, id est, ad annum, mensem, diem & horam effectus, vt de Domitiano aliàs retulimus, in præsentī textu declarat: Dicens quod tale tempus dignoscitur ex duobus, scilicet annuorum, & menstruorum intellige tu & diurnorum signorum, id est quæ habentur in tertia temporum diuisione, & superius declarata sunt à nobis, ad obnoxia loca intelligit bona & mala, non mala tantum: pro obnoxiiis locis maleficarum & beneficarum, & luminarium, & Sortis, & cœli Medij, & ascendens intelligit loca. Sed tamen in his tribus vltimis radijs non tantum possunt, vt in ipsis Planetis. Nam si gratia exempli, agatur de comparatione ad ascendens in octaua genitura inconiuncta illi signa sunt Gemini, Sagittarius, Aries & Libra: Quoties ergo profectio ad aliquod horum signorum peruenit, nusquam afficietur, in trigonis & hexagonis signis bene se habebit. In oppositis & quadratis malè. In malis autem vt pote cum mihi Saturnus & Mars Geminos possideant, & Gemini, & Virgo, & Pisces, qui sunt in quadrato, & Sagittarius, qui est in opposito, malum afferent: Leo autem & Aries, qui sunt in sextili, & Libra & Aquarius, qui sunt in trigono non nocebant. Hoc est quod dixit (Aliter autem configurata non ita)



ita.) Non prætereundum puto quod ignotus explanator, nos in hac causa docet, scilicet temporum annuorum, & partium illorum significata, propriè pendere ex tribus, scilicet significatoribus promissoribus, & finium dominis. Atque hæc de processibus annorum, mensium, & dierum.

Quod ad ingressus verò attinet, vult ingressus Planetarum configurari bene si bonum debent significare, & malum, si malè. Exemplum, si anno quinquagesimo primo ascendens peruenit ad Cancrum, & Saturnum fuisset in Capricorno, omnia mihi aduersa contigissent. Si autem ibi fuisset Iuppiter, optimè: id est, si fuisset in Cancro. Et ita inspicere oportet ubi erant luminaria, quorum alterum in Libra, & idè aduersabatur: reliquum in Leone iunctum Ioui in secundo loco. Et hoc inuit in causa diuitiarum & incolumitatis corporis. Et hoc semper verum est, sed magis in initiis annorum & mensium, vt aliàs dixi.

Et circa hoc est notandum quod ego obseruari sapius, & est quod si in initio anni, idè de mense dico (loca principalia per ingressus, & maxime Luna cadant in locis maleficarum in genitura, vel fiat reditus quasi per circuitum malus, tunc eueniet eo anno mors, vel infortunium ex genere significati loci principalis, quem Luna aut Planeta alius significator constituit. Velut in genitura Io. Pauli Sfortiæ, Luna fuit inter Pleiadas, & Iuppiter iunctus Marti in Sagittario, & peruenit ad annum in quo Luna fuit rursus inter Pleiadas & Iuppiter iunctus Marti, in Aquario in quadrato Lunæ, & mortuus est eo anno. Et similiter in genitura Francisci Sfortiæ secundi videbis, exemplum, casus Lunæ in loco maleficæ eo anno quo mortuus est. Et hæc omnia intellexit Ptolemæus sub ingressibus astrorum in loca obnoxia à natiuitate, & loca Aphetica annua aut menstrua, vel diurna processus.

Sed dices igitur ex hoc sequitur quod singulis duodecim annis homo ad eadem perueniet. Ita quod si quis habuerit morbum in tertio anno habebit, in 15. & 27 & 51. & si quis habuit dignitatem anno 50 habebit, & 62. & 38. habuisse oportuit, itemque 26. Et sic de aliis quod non solum falsum, sed & absurdum esse videtur. Hoc tamen ita contingere necesse est, si admittamus omnia loca principalia singulis duodecim annis ad eadem signa non solum sed & signorum partes reuerti: Et quod vt se habuerint hæc signa ad loca natiuitatis bona malaue, congruentia aut dissidentia, ita bona aut mala sequi. At hoc certum est singulis etiam duodecim annis reuertentibus locis principalibus ad eademmet signa, eodem modo illa configurari ad loca genitura: Ptolemæus verò concedit omnia hæc, igitur necessarium erit euenire, vt dixi, eadem stas quibuscunque temporibus. Propter hoc Arabes hac in causa Ptolemæum deseruere, alia commentis absurda & falsa. Vt verò ratio Ptolemæi perspicacissima intelligatur: Sciendum hoc, quod omnia quæ hic fiunt, à cælorum motibus & constitutione pendent: Et

quod, vt superius dictum est, omnia quæ in cælo inæqualia esse videntur ad æqualitatem referuntur, igitur cum reuolutio Solis inæqualis sit, non poterit euentus rerum in annis ad illam referri, sed ad directiones & processus per signa. Ex hac tamen æqualitate, quæ est raditus ad signa eadem singulis 12. annis, & comparatione ad genethlica loca confurgit magna diuersitas. Videndum Si quis loca processuum compararet locis directionum protinus confurgeret diuersitatis in circuitibus 12. annorum. Sed non est. Consentaneum hoc rationi, quia esset multiplex diuersitas. Dico igitur quod Ptolemæus vult quod ad hoc vt sequatur effectus vt primum significetur à significatore generali in natiuitate, qui illum venturum esse promittat. Inde per directiones & ætates venabimur tempus. Et si contigerit sub illo tempore directionis ætatis, & finis congruentium processui, quem Arabes vocant Alynthiam, peruenire ad signum congruens, eo anno sequetur effectus validus, & absque impedimento, & maxime si Planeta cum hoc, loca hæc processuum ingressi, fuerint fauentes significato: vel etiam Sol, aut Luna solum respexerint. Quod si nullo possint esse talia signa, quæ faueant huic causæ, vt pote quod in bono impediatur à maleficis ibi positis, aut respicientibus quadrato opposito vel aspectu: Vel in malo impediatur à beneficiis illis positis, aut aspicientibus trigono, vel sextili aspectu: tunc oportebit querere magna diligentia opportunius signum in ea causa. Quod si eo inuento Planeta contrarij significati ibi ingrediantur, vel etiam Sol aspiat, aut Luna ex opposito, vel quadrato aspectu, tunc impediatur negocium illud quamdiu Planeta ille locum eum corpore, aut radiis obsidebit. Ex hoc patet quod hinc ad 12. annos res talis non reuertetur, quia directio necessario erit mutata & forsan ætas: & dato quod ista omnia reuenterentur ad idè, non idem effectus reuenteretur post 12. annos: quia ingressus Planetarum, & luminarium variatur, igitur & effectus. Nam si idem numeros per duos diuersos multiplicetur, aut addatur duobus diuersis numeris, necessario cõflabuntur duo numeri diuersi magis, quam si duo & duo numeri ex toto diuersi iungantur, aut multiplicentur, vt in multiplicationes 3. & 8. & 4. & 6. in additione 3. & 8. & 4. & 7. nam multiplicando 3. in 8. vel 4. in 6. vtrobique fit 24. & addendo 3. & 8. & 4. & 7. fit 11. vtrobique. Sed manente vno numero, idem nunquam proneniet. Igitur Ptolemæi inuentio effectui respondet. In his tamen circuitibus contingunt persæpe quædam similia, sed propter varietatem initiorum, ætatum, & successuum quæ ex ingressibus pendent, diuersa omnino existimabuntur. Manifestum est etiam ex his quod initia annorum quippiam simile cum finibus habebunt. Et scias quod in hoc textu, & alio superius explicato, tota fermè non solum ars, sed & artis exstimatio, & difficultas, recondita sunt.



## TEXTVS LXXXVIII.

Ac si iidem & temporum, & introituum domini fuerint Planetæ, illustri fit & minimè mediocris decreti natura, siue illud bono, siue malo fuerit. Multo verò magis cum non solum temporis quod gubernant nomine causarum generi præsumunt, verum ab initio secundum genituram.

Quòd in rebus manifestis diffusius loquatur Ptolemæus, quàm in obscuris, plurimi admirari solent cum non intelligant in obscuris non potuisse, vel hanc obscuritatem sermonis effugere, vel immensam longitudinem, cum mediocris prolixitas maiorem breuitate obscuritatem paritura esset. Nam quibusdam membris diuisionis explicatis, alia & peculiari ratione, quàm tota rei substantia maior longè confusio emerisset. Duo igitur capita rerum attingit, quorum quodlibet habet duos modos: primum in præsentem textum, & est cum domini ingressum, id est, signorum in quæ Planetæ ingrediuntur, aut finium fuerint, id cum dominis signorum processus in singulis causis, puta vel vitæ, vel diuitiarum, vel animi: Et multò magis intelligit si sint eadem signa, tunc sequentur illustres non solum evidentes effectus. Alter modus maior est hoc, cum præter dominium loci ingressus & processus, fuerint etiam domini illius significati in genitura, id est, loci Aphetæ rem eam significantis. Et de hoc habes exemplum clarissimum in genitura octaua anno 51. nam Luna significauit iter, & ascendens peruenit per processum ad sextam partem Cancræ, & per directionem ad quartam partem Cancræ: quibus ambobus locis Luna præest. Idèò significauit iter magnum & diurnum.

Vt verò in eiusmodi rationem quandam certam inuenias id, quod sæpe expertus sum, te docebo, animaduerte singulos dies fœlices, aut infœlices, & ex qua causa, tum verò quisnam Planeta, aut locus affligatur, & tum in illa causa toto anno præcipuè, obseruabis inueniesque, cum validus fuerit eo anno, ac fœlix, prosperè res procedere si infortunatus, & imbecillis infœliciter. Eoque magis cum in genesi eidem negotio præfuerit, nec velit minima quæque timere, aut obseruare, sed evidentes tantum excessus, sed & in causis præcipuis. Vnaquæque enim genitura tria aut quatuor habet obseruatione digna. Velut in genesi Alexandri Medices, de qua superius egimus, quis poterit loci Sortis ad fœlicitatem & Marris, tum ad seipsum, tum ad Solem configurationis pro violento exitu obliuisci, & 28. Leonis partem non obseruare. Tum verò secundo loco eos, qui afficiunt, communem autem vtrisque sydus atque locus.

## TEXTVS LXXXIX.

Omnino verò beati aut miseri sunt, quibus, vel vnus locus ab omnibus, aut pluribus Aphetibus occupatur, aut si hæ differant, eadem tempora omnes plurimasve obuiationes similiter beneficas, aut maleficas complexa sunt.

Hoc secundum caput illustre ob concursum: Et hoc similiter habet duos modos quorum primus est quod quando quatuor ex quinque Aphetis superius dictis, scilicet Sol, Luna, Sors, ascendens, vel loco ascendens cœli Medium, in eadem parte vnus signi fuerint, tunc tali nato aduenient omnia bona simul aut mala. Et hoc est validissimum. Similis huic sed paulò imbecillior est, quando singuli Aphetæ sua loca seorsum habuerint, sed casu euenit vt eodem tempore omnes, aut saltem maxima pars obuiat malis radiis ac maleficis: Aut simul omnes, aut maxima pars beneficas, tunc illi nato euenient simul plura bona aut mala. Velut contingit Iob (quanquam illud fuit supra naturam) vt breui diuitiis omnibus, & filiis, & sanitate priuatus fuerit. Et his quibus domus corruens vitam cum bovis, & familia tota aufert. Patet igitur quod in primis duobus modis declarat rem illustrem magnitudine, sed in vno tantum genere: Insequentibus autem illustrera non propter rei magnitudinem, vt in reliquis præcedentibus, sed concursu multorum bonorum aut malorum.

## TEXTVS XC.

Hic igitur nobis est temporum contemplandorum modus, genera verò decretorum suis temporibus euenientium congerere hoc loco omitemus, ob illum quem nobis scopum proposuimus cum astrorum efficientia generatim perspecta, partilioribus euentibus accommodari iusta ratione possit, si Mathematici causam eruditè cum ea quæ ex temperatura nascitur, comparemus.

Si memor es eorum, quæ in secundo libro scripsit, in futuris quæri solent quatuor, locus, tempus, genus & modus. Verùm intertio docuimus genus in publicis rebus admodum in genituris priuatorum transferri oportere. Ita vt sit sensus, quæ verò speciatim vnicuique homini tempore directionis, & processum, & ingressum decernantur, omittam scribere, quod iam sit per se notum, quia ex decretis generalibus iam superius his quatuor libris descriptis pateant, modo has considerationes Mathematicas cum his, quæ ex temperatura vniuscuiusque oriuntur,



oriuntur, comparemus. Sed dices nonne etiam temperatura habetur ratione Mathematica, ut superius visum est? Respondeo quod licet hæc temperatura etiam ex astris haberi possit, nihilominus non tam exquisitè, ut Ptolemæus suadeat ut cum rem præ manibus habere possis, altius eam exquiras: nec quicquam habeas tutum cui inniti possis. Consultit igitur ut sensibus percepta compares his, quæ à genesi ac dependentibus ex illa decernuntur: Utarisque commodè his quæ notissima iam habes in omni prædictione.

Iam ergo explicuimus dicta Ptolemæi docuimusque, quæ ad dignoscenda, futura quantum homini licuit pertinent. Reliquum est ut Deo gratias omnium bonorum auctori agamus. Nec pigebit ea adicere, quæ quamquam suprà dicta sint, non tamen adeò ordinatim, neque perfectè, scilicet quod ad rectè prædicendum septem maximè sunt necessaria: primum ut genesim habeas quam exactissimam, & si fieri potest aliquibus experimentis comprobata, quod si non propriis, quia nuper natus sit fieri non potest, ut vel ex nascendi modo, aut casibus parentum, aut fratrum id non conicias. Aduertes etiam ut docet Ptolemæus hic fortunam & ingenium. Secundum ut tabulas exactissimas habeas declinationum cum rectarum ascensionum, &

obliquarum ab vno altitudinis gradu usque ad regionis tuæ gradum ac minutum altitudinis, necnon iuxta eadem horariorum temporum atque positionum ex tabulis primi mobilis fabricatas, nam cum his & Ephemeridibus Prutenicis, & Sphæra solida ob stellas fixas consequens intentum. Tertiū ut præter generalia quæ sita contentus sis quatuor aut quinque insignioribus euentibus, nec putes tibi acta diurna ibi conscripta habere. Quartū ut sæligas concordie ratione loca bonæ, malæque fortunæ, tam vitæ quam diuitiarū, & honorū, itinerum, vxoriæ rei ac filiorū. Tum verò existima futura euidenter cum directiones his locis, & plurimis (nā plurima simul euenire necessarium semper est) cum processibus, atque redditibus concordabunt. Quintum ut scias quæ negligenda aliter non solum in errores, sed in desperationem ex confusione peruenies. Sextum ut vtilium quæ principalia, & an vnum, aut alterum, aut ambo, aut quando vnum, quando alterum, hoc enim maximè necessarium. Septimum in quibus maximè contingant dubitationes: & sunt quinque domorum diuisio antiqua, & noua directio per meridianos iuxta proportionis, aut circulos positionis reditus, an processus significatorum electio. Et loci mutati, aut mutati ingressibus comparati.







# D E SEPTEM ERRATICIS STELLIS LIBER.

## D E SATVRNO.

**S**ATVRNVS altissima Errantium stellarum est, proximâque stellato orbi, inditio est quod tardissimè omnium monetur, & quod eum proximus fuerit alteri Erraticæ oculus deprehendit ipsum esse illa altiozem. Minor est aspectu quauis alia præter Mercurium: unde, cum sit superior aliis vt dixi, à quauis obumbrari potest etiam præterquam à Mercurio. Potest etiam intercepti alio modo, non admissis radiis solaribus, seu per Iouem, seu Martem, nam Venus, Mercurius & Luna: id efficere non possunt cum cum sint parui & nimis ab eo distantes, vt vmbra illorum ad eum non pertingat. Est autem coloris plumbei & obtusioris luminis quouis alio Planeta. Id contingit partim natura propria, partim ob raritatem substantiæ eius. Maximus enim est omnium erraticarum exceptis Sole ac Ioue, vt cuius corpus globum terræ & aquæ contineat (vt ferunt) nonagesies sexiesque. Dimetries autem illius ad dimetientem globi terræ & aquæ quadruplus cum septunce, vt scilicet quinquagintaquinque ad duodecim. Alij dicunt dimetientis ad dimetientem esse tantum quadruplum cum dimidio, corporis verò vt XC I. ad vnum. Circuitus eius sit in annis XXIX. diebus CLVII. horis XXII. Minutias non apponimus, cum quod ad finem nostrum nihil referant, cum quia vix sciri possunt. Resoluit pariter in parua Sphæra in anno vno & diebus XIIII. spatium ob id retrocessus quamuis ad vnguem definire non liceat est prope dies CXI. Cum enim circa absidem retrocedit sunt dies fermè CXLV. cum circa oppositum CXXXIII. Est autem absidis illius in Sagittarij partibus XIIII. minutis XXXIX. Dico autem quod Sol & Saturnus propè absides suos sint: hoc enim facit ad longum retrocessum, Solis quidem quia Saturnus mouetur tardè in Sphæra sua. Saturni verò quam in eccentrico, contra in perigæo si sit vterque Planeta sui eccentrici, celeriter retrocessus absoluetur. Latitudo eius

*Tom. V.*

meridiana maxima est partium III. minutiarum II. cum fuerit Borealis. Australis autem partium III. minutiarum V. Omnes enim erraticæ præter luminaria & Venerem magis inclinantur, in latitudinibus ad Meridiem, quàm ad Septentrionem, Venus & Luna æqualiter. Sol autem ne vtroque Ecliptica discedit, locus quo secatur Ecliptica ad nos veniens nostra æstate est pars IX. Leonis: quo transit ad meridiem circa Capricorni finem. Venter Borealis circa finem Libræ, venter Australis, circa Tauri initium. Transitus à meridie in septentrionem, & à septentrione in meridiem fit à tredecim annis ad quindecim: ideoque superiores videntur, sicut & Luna motum latitudinis habere fermè similem & æqualem motum quem cum longitudine habent. Videntur etiam capita eorundem velut, & in Luna motu contra ordinem signorum, quo fit vt celerius redeant, quàm sit tempus circuitus. Domus illius Capricornus & Aquarius oppositæ domibus luminarium. Altitudo signum totum Libræ, sed præcipuè pars eius XXI. Trigonus Gemorum Libræ & Aquarij, quod in eo sint, domus eius & altitudo opponaturque trigono Solis, quo circa & carpentum eius est in Aquario toto. Ibi enim domus & trigonus, natura illius humida, fines autem vt in tabula scribuntur. Fertur gaudere in duodecimo loco, scilicet vt interpretor quod ibi sit supra terram, & ab angulis procul, nec sublimis, nec in malefica domo qualis est octaua. Horum igitur omnium causa vt sub oculis represententur, melius & etiam si error in littera accideret, vt melius possit corrigi eamque in tabula sic exposui,

## S A T V R N V S n.

Circuitus magnus, An. 29. D. 157. H. 22.  
Circuitus parvus, An 1. D. 13.  
Retrocessus tempus, D. 140.  
Latitudo Max. Merid. est 3. M. 5. Bor. Gr. 3, Min. 2.  
Caput ♄ 6. 11. Cauda, ♄ à Gr. 20. ad 30.  
Venter Bor. ☾ finis. Aust. ☽ initium.  
Transitus latitud. ab annis 13. ad 14.

Ii Domus



Domus ♃ & ♁ Altitud. ♄ 21. Gr. & to-  
ra.

Trigonus ♀, ♁, ♁, Carpen. totus. ♁.  
Et primifex Gr. ♄. fines.

| Sig. | Gr.          |  | Sig. | Gr.          |  | Sig. | Gr.          |  | Sig. | Gr.          |
|------|--------------|--|------|--------------|--|------|--------------|--|------|--------------|
| ♄    | à 26. ad 30. |  | ♄    | à 23. ad 27. |  | ♀    | à 25. ad 30. |  | ♁    | à 27. ad 30. |
| ♁    | à 12. ad 18. |  | ♄    | à 29. ad 30. |  | ♄    | pri. 6.      |  | ♄    | à 25. ad 30. |
| ♄    | à 22. ad 26. |  | ♃    | à 22. ad 25. |  | ♁    | à 26. ad 30. |  | ♄    | à 29. ad 30. |

Gaudium eius X I I. Domus.

Notandum circa hos fines quod secutus sum opinionem Ægyptiorum, qui alios vollet legat in Ptolemæo supra. Numerus etiam debet intelligi in utroque termino, ut cum in Tauro à 23. Gr. ad 27. Gr. intelligo, quod & vigesimus tertius & vigesimus septimus gradus sint Saturni, & eadem ratio habebitur in singulis Erraticis, aliis cum fines eorum ascribentur. Præterea ut cognoscamus absidem Sphærarum in omnibus planetis exceptis luminaribus, & ubi iunguntur cum Sole, & sunt velocissimi. Sed inferiores duo Venus & Mercurius, & reliqui etiam scilicet superiores cum velocissimè retrocedunt sunt in opposito Solis tunc. Inferiores autem Soli coniuncti sunt, cum sunt in abside. Luna verò est dissimilis verisque nam ut dixi superiores sunt, solum in abside, cum sunt, soli iuncti & velocissimè moventur, Luna cum est soli iuncta vel in eius opposito,

Natura eius est calida, & humida quoniam Astra omnia eiusmodi sunt, ut ostendimus in Physicis, verum calor eius non est tantus ut possit conservare diu hominem, sed convenit naturæ planetarum, & idèd cum fuerit bene dispositus iuvat ad sationem, ablaqueationem, insitionemque arborum, quod si esset ut dicunt, frigidus & siccus obesset etiam illis, cum omnis vita consistat per calidum & humidum. Cum ergo fuerit calidior & humidior, tantò erit magis propitius naturæ humanæ, & aliorum animalium sanguineorum. An verò tueatur animalia exanguia? dico quod sic præcipuè sicca, nam & illa indigent tutelariis astris, & quod nam conveniet illis præter Saturnum? nam Luna proculdubio tueatur pisces & ranas, & Cancros & similia exanguia. Sol autem sanguinea, tum Erraticæ naturæ mediæ & Iupiter, & Venus, & Mercurius orientalis facient utriusque. Cum ergo inter animalia exanguia, qua sicca sunt veneno sint prædita, ut demonstraui in libris de Subtilitate. Erunt omnia genera serpentum, qui non sunt calidissima, ut vipera, Scorpio, aranei sub eius dominio, quæ autem erunt calidissima ut regula Armenus, & eiusmodi sub Marte. Et postquam præest omni planetarum generi inerit author non illis venenali ter omnes plantæ essent venenosæ, sed commictus Marti calidorum venenorum ut Napelli, & Euphorbij, & Mercurio malè disposito frigidorum, velut cicatæ & aconiti, nam & Mercurius ad caliditatem vergere potest, ipse verò malè dispositus (sicut Sol & Iupiter malos homines) gignit plantas

foetidas & pravas, ut cotilem & solanum insanum, & si misceatur Lunæ sic parit herbas quæ oriuntur in aquis, & sunt gravis odoris, ac parum salubres, & mixtus Veneri producit nymphæam, cuius flos maximè luteus bene olet, auersatur tamen Veneri, & facit steriles: permixtus autem Soli aut Ioui aut Veneri, aut Mercurio bene disposito, & ipse boni status generat rosas, lilia, spicam, roremmarinum, violas purpureas. Has propriè cum Luna, bug'ossam, betam, mala medica omnis generis, præest etiam metallicis & maximè occidentalis: & idèd cum Sole aurum, cum Luna argentum, per se plumbum nigrum, cum Ioue æris genera, cum Venere plumbum album, cum Marte ferrum, cum Mercurio reliqua metallica inter quæ venena plura connumerantur.

Cum ergo calidus sit & humidus, sed minus quam humanæ naturæ expediat, primum illud terminandum est, an adueniens ad nos seu per transitum æquinoctij circuli, seu per latitudinem augeat calorem & humidum, comparatione habita ad humanum genus, cuius causa & contemplatione hæc quærimus, an potius minuat? an vnum augeat, aliud minuat? & quomodo? Et hæc quæstio non est generalis, sed pro calore convenit Soli Saturno & Lunæ, & pro humido Saturno & Marti, & pro utroque Saturno & Mercurio occidentali. Secunda quæstio est quia constat quod Mars & Sol, imò etiam Iupiter & Mercurius exsiccant, quomodo id efficere possunt cum sint humidi? neque enim idem est de humido, quod de calore. Calidus enim planeta potest refrigerare minus calefaciendo, sed non potest siccare minus humectando, & non convenit quæstio nisi planetis supradictis, non Veneri nec Lunæ quia nunquam siccant. Tertia est an erratica magis agat in abside epicycli atque eccentrici, an in opposito. Et non intelligo nunc cum est ibi coniuncta soli sed propè, & ratione solius altitudinis. Quarta est an erratica magis agat dum retrocedit, aut dum stat, aut velocissimè movetur? nam certum est quod extremis debentur validissimæ operationes, aut imbecillissimæ. Quinta an erratica magis excalefaciat, an exsiccet soli coniuncta an per se? Idem dico de humectatione & refrigeratione? Et hæc tres quæstiones sunt communes omnibus erraticis. Sexta est quas qualitates acquirat stella in abside vel opposito eccentrici, vel Sphæraulæ, & est communis omnibus erraticis, nisi quod Sol supponitur carere Sphæraulæ. Septima est an plauera



planeta motu ad Boream, vel ad Austrum efficiatur, calidior an frigidior, siccior an humidior? Octava an planeta malus sit deterior in suis dignitatibus an oppositis locis, nam constat quod in altero horum est extremum, non cum est in neutro horum. Inde ex hoc liquebit an malefica loci quem impeditura est, dum loco præest, plus obsit quam si aduersetur, aut omnino nec dominetur, nec contraria natura sit seu potestate.

Initium igitur omnium an Solis exemplo accipere oportet: licet enim diuersa natura sit & quædam habeat, quædam autem non habeat, nihilominus modus actionis perspicuus est. Primum quod ubi erectior ad capita nostra seu per proprium motum, seu per diurnum eò est efficacior in operando. Secundum quod à conuersiore potentior videtur, quam usque ad illam velut post tropicum æstiuum in calore & post meridiem dum est in nono loco qua cum accedit ad initium Cancræ, aut ascendit ad culmen cœli & similiter ad brumam, & post noctis medium magis augetur frigus quam dum ad ea loca accedit. Tertium est quod mutatio fit dum velocius mouetur iuxta declinationis rationem, ideoque circa vtrumque æquinoctium. Vernali quidem pullulant plantæ omnes & quæ non sunt oriuntur, velut herbarum caducæ. Et consideremus quod si applicetur ferrum calidum ferro ignito, calidum calidius redditur, ignitum extinguitur. Eriam si quis quærat quod ab illa caliditas inducitur per ferrum? iure merito dubitabit, & tamen res sic se habet. Dicemus ergo quod si Saturnus non esset in cœlo, aer retineret caliditatem, quam habet à Sole & aliis astris, & si esset sub polo Antartico nihil obesset, aut valde parum, & si sub circulo Antartico & sub cronico Capricorni etiam magis: ergo quanto plus appropinquabit nobis, utpote sub circo Cancræ adhuc magis: ergo in motu ad nos refrigerat, & hoc non potest ratione caloris additi, sed quia constringit aërem, nec recipiat calorem Solis. Et hæc mutatio erit euidentis & maxima post tropicos, sed in æquinoctiis maior mutationis varietas erit. Et ut in Sole post tropicum Capricorni inualefcit frigus, ita ubi ab illo discesserit vel à ventre meridionali, id est, post initium Tauri frigus mitescet. Et siccat Sol cum peruenit ad æquinoctij circulum, arbores frondescunt & florent, & herbarum oriuntur, & animalia turgent in Venerem, & hominum natura robustior euadit & exhilaratur, & morbi longi mitescunt, ita è diuerso cum Saturnus peruenit ad Arietis initium, vel ad nodum Borealem (sed hoc est minus) scilicet ad Leonis initium frigus augebitur, arbores mittent frondes, herbarum interibunt, animalia & homines tristabuntur, & tempus fiet inæquale. At verò si Sol perueniat ad æstiuum circulum, tunc flores in herbis fient, fructus in arboribus calor augebitur, nox fiet brevissima: ita cum Saturnus ad Cancrum peruenit frigus augebitur, plantarum moriuntur

*Tom. V.*

aut foliis priuabuntur, & dies reddentur tum etiam noctes obscuriores. Quod si dicas igitur Saturnus non est amicus plantis cum aduentu suo noceat eis. Dico quod peculiari ratione prodest illis, ut tum impedit operationem agentis naturalis id est, caloris Solis, prohibet mutationem. Sicut Sol est bonus & utilis, putrefacit tamen quæ alioquin essent bonæ ut contra frigus inimicum naturæ conseruat tum Pisces in Germania ad annos, ut de Stofsi manifestè videmus. Ut ergo Sol ad Libram descendit omnia tristantur, fiunt tempora inæqualia, morbi læthales aut longi: ita in discessu Saturni seu per Libram, seu per Capricornum ob latitudinem omnia in melius commutantur, & tempus fit æqualius.

De humido verò est alia ratio: velut enim Sol Oriens humectat quia radiis rectis illud tangit quorum proprium est humectare, & gignere, Occidens autem siccat quoniam illud irradiat lumine reflexo, ut in naturalibus commentariis ostendi, & caloris ignei est omnia interimere & destruere, ita reliqui omnes Planetæ humectant Orientales, & radiis rectis, ut si ascendat ad Orientem, & sint orientales à Sole. Ideò Saturnus & Mars, & Sol, & Mercurius non solum reliquæ erraticæ humectant. Saturnus tamen & Mercurius occidentalis refrigerando siccat: sicut aqua dum sit glacies, & corium dum gelascit siccantur: contraria ratione Sol & Mars, & Mercurius orientalis imò etiam Iuppiter ipse post tempus siccat. Venus autem & Luna nunquam, quia sunt longè humidiores, quam calidæ, ideò cum per quantamcunque moram non possint calefacere hominem ultra mediocre illius temperamentum, igitur nunquam poterunt exsiccare. Reliqui cum sint calidi possunt calefacere, & calor sit ac conseruatur per motum: igitur per longam calefactionem motu aucto succedet siccitas, & ob id Iuppiter quamuis humidus parit serenitates. Sed in Sole & Marte, & Mercurio etiam absque diuturna mora paritur siccitas. Demonstratum est enim quod radij refracti exsiccant, cum ergo tales planetæ fuerint occidentales in mundo, & etiam à Sole exsiccabunt. Ipsi tamen primis suis radiis humectant, velut cum statim prodierint è Solis radiis, & fuerint in cardine Orientis aut paulò antè, & magis Mars quam Saturnus. Et ideò quamuis utroque modo exsiccatio sit per accidens in erraticis humectatio per se, plus tamen potest id quod est per accidens quam id quod est per se, cum accidens fuerit, quasi coniunctum modo agendi, ut caliditas ex lotionem aquæ frigidæ & nigredo in cornu. Ex quauius ergo occasione Saturnus & Mars siccant, & Sol ob caloris vehementiam: unde etiam foetuum generationi aduersatur. Iuppiter non procedit nisi ad serenitatem, eò quod in calore vix excedit temperamentum.

Tertia quæstio videtur difficilis, quia planeta quanto est altior eò remotior atque id minus agere posse videtur, & Sol in abside videtur etiam minus calefacere. At si actio astrorum

*li 2* est



est vibratio quædam & eiectio dubium non est, quin ictus non sit maior ex longinquo, & etiam stella tum est potentior: Accidit enim magis ad orbem & si sit prope absidem parui orbis est aucta motum. Est & alia dubitatio, quoniam ac in libro de Proportionibus demonstraui, nihil est eccentricum in mundo, igitur quæstio prorsus nulla erit, Omissa hac quæstione quoniam non sumimus fundamentum ex supposito, dico quod in abside epicycli erratica mouetur velocius præterquam in Luna, eccentrici autem tardius, & videmus quod impressio caloris est minor & temperatior, idè & in cæteris. Siccitas enim augetur post æstiuum solstitium. Ioannes Elchuidus Anglius tribus Ptolemæo quod voluerit ut in abside Planetæ plus mutent aërem & idem dicit Linconiensis, & quod Luna bis est in abside tempore coniunctionis, & oppositionis cum Sole, & cum mare magis crescit, in quadratis autem est in opposito, & tunc mare parum crescit, & vocant nautæ aquam mortant. Sed istud videtur sequi luminis Lunæ magnitudinem. Et cum Planeta est in abside, absque dubio est potens magis, non tamen calefacit, aut refrigerat magis, imò est temperatus iuxta naturam suam. Elchuidus autem seu Eltheuidus, vult quod quilibet Planeta dum ascendit à longitudine magna ad Apogæum sit magis naturæ suæ similis, Saturnus frigidior & siccior, Iuppiter calidior & humidior. Mars autem calior & siccior. Sed hoc contingit ei quoniam non potuit comparare planetam Lunæ iuxta Solem. Ipsa enim discedens à Sole est calida & humida, & post ad oppositionem vsque calida & sicca, inde frigida & sicca, demum cum accedit ad eum frigida & humida. Cum ergo non liceret comparare planetam ad Apogæum eo modo, quia lumen per accessionem, ad illum parum aut nihil variatur, coactus est comparare iuxta qualitates quoniam videmus quod Sol auget calorem vsque ad Apogæum, sed non siccitatem, neque etiam calorem ut pòst: & hoc contingit ei fortuitò, quia idem est fermè locus Apogæi & tropici Cancræ. Idè dico quod ex ascensu minuitur qualitas & impressio sit maior propter tarditatem etiam motus in eccentrico, in epicyclo autem cum velocius moueatur maiorem efficit varietatem. Causa igitur erroris prima fuit hæc: altera est quoniam non distinxerunt inter mutationem & incrementum qualitatis. Sol enim cum est in initio Arietis mouetur bifariam velocius & tertio modo mediocriter, motu quidem diurno velocissimè, quia per circulum magnum, in declinationem Borealem seu Australem velocissimè, nam in singulos dies penè minutiis primis viginti sex. Motu autem proprio quasi æqualiter cum sit prope mediam longitudinem, idè calorem parum auget, maximam tamen efficit varietatem in generatione omnium, & non potest dicere quod ob calorem, quoniam etiam si frigus sit, pillulant tamen arbores intra se, adueniente postmodum calore, fundunt ger-

mina, eadem de seminibus, ut ventos corpora hominum mutat. Idem ergo dicendum est de motu, qui si augetur sit mutatio maior si non, non: cum ergo qualitates sequantur robur planetæ & rectitudinem, & varietas motus, & sint tres causæ diuersæ, oportet etiam inuenire effectum tertium, & est quod elatus planeta sit temperatior, humilis magis remotus à temperamento: descendens amittit ascendens acquirit temperamentum. Rursus subtilius distinguendo colligendoque ea quæ iam proposuimus, dico quod planeta quanto natura altior & tardior, eò potentior & syncerior in abside eccentrici velut Saturnus, Ioue, Iuppiter, Marte, contra inferiores tres, quo humiliores, eo robustiores quoniam eius eorum est comparatiua ut superiorum absoluta, velut magnus ignis ex se potens, paruius autem ob propinquitatem, ut & si parum crescat, elongetur autem paulò magis minus multo agat. Inferiores ergo alti in eccentrico & superiores in Perigæo imbecilliores sunt, & actiones efficiuntur mistas non synceras. Et hoc est quia superiores natura sunt alti & tardi motu, & ita in Apogæo sunt altiores & tardiores, & inferiores celeres, & humiles natura, & in Perigæo humiliores, & etiam cereriores excepea Luna in hoc, & in contrariis locis contrario modo se habent. In propriis autem locis perficiuntur propria opera, & idè vocantur, tunc potentiores quoniam calor ille, puta Iouis est alterius generis quam Veneris, & licet sit imbecillior in Apogæo, tamen melior est, est aptior ad generationem illius rei, puta hominis aut palmæ, aut elephantis, aut honoris quam in Perigæo, licet tardius illud opus perficiet. Erit ergo in Apogæo superior planeta & quanto altior potentior, quo ad perfectionem operis & syncerior imbecillior, tumquod tempus quia qualitas est temperatissima sed minor. Inferiores autem gaudens in Perigæo eccentrici præter Lunam quæ mutat naturam: Et hoc quoniam celerius syncerior & absolutius opus suum perficiunt Manifestum est ergo quod Sol ut medius ita etiam in hoc medius est & vtriusque particeps.

Quartæ quæstionis dubitatio magna ex parte pendet ex tertia, cum enim planeta omnis dum est retrogradus, sit in imò sui epicycli, sit sit calidus erit calidissimus, & si humidus humidissimus, & sicut pruina in manu velociter mota aut glacies vix sentiuntur, tardè magis: immota magno efficiuntur cruciatu ob vehementem impressionem, ita dico de planetis qui velocissimè mouentur, nam qualitatem quidem remittunt, calidam præcipuè frigidam, atque humidam, nam de sicca forsitan non est simile, & mouent ventos. Cum enim motus ille velox sit secundum Philosophum qui breui tempore magnum locum pertransit, necesse est ut magna mutatio contingat facta etiam magna mutatione locorū Dubiū modo est an stantes, an retrogradi magis excalefaciant, an siccet, aut refrigerent, & si vera est ratio prior, oportet ut in quocūque genere qualitatis planeta qui stat, auget impressionem



sionem: videtur tamen Mars magis calefacere & Venus humectare retrograda quam stans. An quia retrocessus sit longè diuturnior, quam quies. Hæc forsan quod planeta qui retrocedit cum sit semper prope Perigæum magis imprimat ob propinquitatem. Et quamvis hoc sit figmentum, ut dictum est, fieri tamen potest, ut sit aliquid quod pro portione ei respondeat. Ptolemæus in primo Apotelesmatum ex tribus sumit robur ex configuratione cum Sole à loco in suo orbe, & à comparatione loci iuxta motum diurnum, à Solis configuratione ut sint orientales à Sole, & hoc intelligitur ut primum videri cœperint: augetur tamen hic effectus usque eo donec optimè videri cœperint: & tum manent usque quo tardior fiat velocissimo motu, nam quod amittunt ob distantiam & motus remissionem, compensant mora supra locum in statu illo, id est, dum oriuntur usque quo Sol oriatur, nam tunc amittunt vim. Et idèd si inveniuntur in ipso statu, id est, ut Sol sit infra orientem & ipsi supra adhuc, hoc est validius, & brevi effectum producit in ipso nato vel parentem eius, aut in mundo. Et quoniam planetæ celerius videntur, ut Iuppiter Marte, Mars Saturno, idèd etiam maior aliquanto distantia requiritur in Saturno, quam in Luna Ioue & Venere, quos tamen abscondit ad 15. gradus adèd quod initium roboris. Saturni erit post 17. partem distantia à Sole. Et ad hoc facit ratio regionis & ascensio recta vel obliqua signi in quo est, quod habeat latitudinem magnam aut parvam, aut nullam & locus in eccentrico, & confirmatur eius vis absque dubio & augetur usque ad 20. partes. Et dicitur orientalis propriè eum statim exit radios Solis. Et verè scilicet robustissimus ad 20. partibus usque ad 45. quia tunc optimè cernitur, & est in alio signo à Sole & velocissimè movetur, communiter autem usque ad primam stationem. Sed comparatione ad suum orbem ut intendatur motus, id est, sit maior non quod in dies augetur. Istud enim esse non potest ut sit Orientalis à Sole & motus intendatur, imò neque in inferioribus. Dum enim est orientalis remouetur ab abside epicycli igitur movetur tardius. Maximus itaque motus Saturni est, cum est cum Sole & est minorum 8. in singulos dies: sed tunc latitat sub eius radiis, cum autem disteterit per 17. partes, adhuc movebitur per septem minuta cum dodrante fermè & usque ad 60. partes movebitur plus 5. minutis in die. Cum ergo motus seu naturalis sit minorum 2. maximus 8. erit medius in incremento 5. minuta, quoties ergo exceßerit illa dicitur intendi motu non quod augeatur in dies, sed quia tum est motus supra dimidium incrementi. Habebit ergo septem status usque ad stationes imbecillissimum sub Sole valde imbecillum orientalis à 17. partibus. ad 20. valissimum, à 20. partibus, ad 45. validum, à 45. gradibus, ad 40. mediocrem, à 60. gradu distantia, à Sole ad 83. vel circa cum movetur in singulos dies 2. minutis tan-

Tom. V.

tum aut non multo plus, debilem valde ad 37. parte ad 104. vel propè inde mediocrem rursus in statione, sed ad modum breuem. At à statione prima ad retrocessus medium seu oppositionem in superioribus imbecillum valde, post autem etiam malum, validior aliquanto, sed malus in statione secunda, & eo validior contraria ratione quo accedit ad Solem atque peior, ut à 45. gradu, ad 20. maximè, possit & maximè ostendat, demum sit innocens, quia ut ita dicam vis eius emoritur à 20. ad 17. partem nullas habet vires, & quas habet innocendo per Solem experitur. Dubitabit quispiam autem quomodo velocior motu potentior sit, cum minus imprimat ut sæpè diximus. Sed hoc ad mutationem & occultas actiones non manifestas qualitates referri ut dixi debet. Quod verò de angulis & altitudine in comparatione ad locum restabat adèd per se manifestum est, atque ibidem declaratum nulla indigeat adiectione. Saturnus igitur atque alij planetæ in primis stationibus iuvant sapientiam, quoniam consilium autem quiete. Dum autem velociter moventur robustiores dicuntur, quoniam ad omnes actiones sunt efficaciores. Actiones enim motu constant, idèd aliqui consilio non actione valent alij contra, alij utroque, alij neutro: nam retrograda erraticæ neque consilio, neque actione accommodatæ sunt, nisi si quid diinitus agendum est. Contraria enim sapientiæ diuina aliquo modo humanæ, atque in dæmoniis & occultis rerum naturæ perscrutandis. Habent enim vim quandam quasi à communi diuersam, in cæteris non nisi calamitates, impedimenta, moras & difficultates significant, atque promouent. In qualitatibus tamen manifestis plurimum possunt quia radios Solis plurimos ad nos tunc remittunt velut & Luna manifestè in illius oppositione.

Quam verò qualitatem erratica Soli iuncta augeat aut minuat, nunc querendum est. Eschuidus vult primum quod Planetæ omnes cum fuerint valde iuncti Soli, ut non distent ab eius centro plus 16. minutis, ita ut sint sub eius corpore tunc totam exhibent cum ipsi Soli, & ita Saturnus & Mars plurimum obsunt, Iuppiter & Venus iuvant, Luna partim iuvat, partim absentia sua obest & ob naturam Soli contrariam Mercurius ut se habuerit, sed extra corpus Solis boni Planetæ & mali debilitantur, idèd talis coniunctio nocet Ioui, & Veneri, & Lunæ: minus malos reddit Saturnum & Martem. Tertio dicit quod in similibus qualitatibus non multum afficiuntur, sed potius confirmantur ut Iuppiter in calore Saturnus, in siccitate Mars in utroque. Dico ergo quod quæ dicemus de frigiditate Saturni in minuendo calore Solis, eadem erunt intelligenda de humido Veneris in minuenda siccitate eiusdem, & de Saturni siccitate in augendo, siccitatem Solis, & caliditate Iouis, & in Marte de utraque qualitate. Considerandum est igitur postquam Saturnus & propè Solem, & procul mi-

li 3

nuit



nuit calore illius, in aëre, sed diuersa ratione: nam dum propè est minuit impediendo actionem Solis. Procul autem in minuendo impressionem ex parte passi, vt res reducat ad hoc: an glacies pedis magnitudine, si non dissolueretur ab igne sex pedum plus impediret, caliditatem ignis, prope ignem constituta, an procul. Et manifestum est quod per totum aërem, vbique sub Sole, sed tamen minori impedimento quam faceret extra radios. Extra radios autem plus impedit vbi est potens: Ergo dicamus quod in octauo vel sexto loco plus impedit sub radiis, quàm liber, & magis refrigerat in nono vel decimo, vel ascendente, plus liber quam sub radiis. Et ita dico de Septentrionali ac Boreali, quo ad declinationem & latitudinem. Nota etiam regulam generalem quod planetæ motu diurno mouentur à parte in qua sunt, motu per signisefum ab opposita.

Quas verò qualitates acquirat seu augeat, aut minuat stella prope absidem, aut eius oppositum tam in eccentrico quam epicyclo coniectabimur, ex hoc quod inferiores omnes, scilicet, etiam Luna quando magis accedunt ad Apogæum, seu eccentrici, seu epicycli, eo sunt calidiores & sicciores, sed in epicyclo sicciores, quoniam magis appropinquant Soli, in eccentrico autem calidiores. Contraria ratione humiliores cum in Perigæo atque frigidiores, & epuli quidem humidiores, quoniam in Apogæo sicciores. At quia Venus & Mercurius tum sub Sole sunt, idè non humidiores, sed sicciores euadunt, non tamen idè calidiores. Luna verò humidior multò fit, cum in abside epicycli fuerit, Soli opposita ob distantiam & luminis multitudinem viribus, tamen occultè humidior est, in quadris maximè prima, imò tum ad summum humidi incrementum peruenit, cum sit in Perigæis. Saturnus verò & reliqui superiores in Perigæo sunt, Soli propinquiore in eccentrico: ergo tantò calidiores & sicciores, humidiores & frigidiores, sed nò adè cum lumine implicantur, in epicyclo sunt enim in opposito Solis. At in Apogæis, eccentrici quidem humidiores & frigidiores ob distantiam maiorem à Sole: in epicyclis autem sicciores ob propinquitatem & directum situm, non tamen adè calidi ob motus celeritatem & altitudinem. In motu autem qui ad latitudinem consideremus, quòd ea quæ secundum vnam rectam lineam mouentur, magis incalescunt & siccantur, adè vt accendant sape ignem. Et Venus quidem quæ maximè temperata est, multum in latitudinem mouetur, scilicet, partibus vtrinque septem cum tertia Iuppiter duabus paulò plus vterque tamen in vtramque partem æqualiter fermè recedit. Sed Mars Australior non parum quàm Borealis. Videtur igitur planeta in motu ad latera, fieri qualis & Venus eiusmodi ad nos, & Borealis quidem frigidior, & siccior Australis, aut calidior & humidior, & cum multum discedit à Solis via maximè inæqualis. Si verò ad vnam partem magis, adhuc inæqua-

lior vt Venus Lunæ, Luna Mercurio, Mercurius Saturno, Saturnus Ioui, qui omnium est æqualis maximè erraticarum præter Solem, vt Mars maximè inæqualis, & ad calidum declinans, quia multò magis fertur ad Austrum quam ad Boream. Non est autem Auster eo modo humidus vt in ventis, quoniam semper manet sub Zona torrida, aut maxima ex parte. Venus autem Australis per mare transit, antequam ad nos veniat, antea autem siccus est. Cumque Planetæ ad nos venientes calefaciant & humectent, ad Austrum verò tendentes vt par est illos ficare, ita par esset vt refrigerarent, non autem humectarent. Sed calor hic & frigus, & humidum dicuntur secundum manifestam vim, non autem vt ad naturalem calorem comparantur. Sol enim vt accedit ad nos vim viuificam augeat, vt recedit à tropico statim quamuis calorem augeat maturaret fructus, & fruges corpora tamen debilitantur, & loco generationis interitus sequuntur, & licet maturescant fructus in arboribus, non tamen florent & folia siccantur. Ergo calor hic tendentium ad Austrum erraticarum manifestum est ad generationem autem minimè salutaris & idoneus. Sed quemadmodum recessu in signiferi circulo cuncta tristantur & languet, aliena vt homines in Saturno ob siccitatem propria vt Planete etiam magis velut ob siccitatem & destituta defensore sydere.

An verò Planeta sit deterior in propriis locis, an dominus, an oppositi loci potius cum malus fuerit: idque propositum est octauo loco. Dicemus itaque quod si Saturnus fuerit in Aquario & Luna, in Leone maximè oberit: primum quoniam malefica quo potentior est magis obest, potentior autem est Saturnus in Aquario quàm Capricorno, & in Capricorno quàm Geminis, & in Geminis quàm in Virgine, & in Virgine quàm Leone: cum maximè quoniam naturæ eius commiscetur, domino loci quem tum possidet. Si igitur bonum polliceatur aut sit significator dubium non est quin præstet esse validum quàm imbecillum. Sin autem obsuturus & alioquin potens magis oberit in contrariis locis ob inæqualitatem naturæ, si imbecillis minus obseruare etiam oportet in quorum potestate si beneficarum minus oberit, si maleficarum & secus potens etiam magis oberit, quàm si in propriis locis sit. Semper autem plus oberit cum contrarij loci dominus fuerit, quoniam non mitefcit. Si ergo Iuppiter in Aquario sit, & Saturnus in Leone bifariam minus oberit, & quod minus possit, & quod propositus sit ipsi loco idè etiam omnibus stellis qua in eodem inueniuntur: hæc omnia si singillatim considerauerit, inde in vnum coniungas rectè poteris diiudicare, quoniam non oportet confundere, Potestas enim aucta sæper ad nocendum reddit efficacior, proprius autem locus aut radius efficit, vt minus velit efficere, quod verò alter ei dominetur minuit illius potestatem, & ei qui dominatur accessionem facit, vnde illius naturam contemplari oportet.



tet. Demum si loco dominetur quem hostiliter aspicit quandoque in contrario loco est & quandoque non, & si in contrario loco aut aspicit loci dominum & tunc oportet considerare sit potentior, cum vterque in alterius sit potestate. Si verò alius deterius est, impedit enim hostiliter illum cui ob locum dominatur. Saturnus igitur natura masculinus est, atque domius, maleficus potius quam beneficus, actionesque si non impedit, retardat, unde in consulendo bonus est, nisi quod timidior est, quam par sit, convenit studiosis, & inventatoribus rerum, & doctis: illa enim perseverantia indigent. Et

eo, quia hora XXII. abscondit se. Fuit autem filius pauperis & habitabat iuxta se-

| Reditus. |   |     | Casus |   |       |
|----------|---|-----|-------|---|-------|
| ♄        | ♂ | 17  | ♂     | ♂ | 16    |
| ♅        | ♂ | 13  | ♅     | ♂ | 14    |
| ♆        | ♂ | 26  | ♆     | ♂ | 2     |
| ♇        | ♂ | 5 6 | ♇     | ♂ | 12 33 |
| ♈        | ♂ | 11  | ♈     | ♂ | 20    |
| ♉        | ♂ | 16  | ♉     | ♂ | 9     |
| ♊        | ♂ | 30  | ♊     | ♂ | 6     |
| ♋        | ♂ | 12  | ♋     | ♂ | 12    |

| Maximi. | Maiores. | Medij. | Minores. |
|---------|----------|--------|----------|
| 265.    | 57.      | 43.    | 30.      |

occultationem, & ut clanculum fiant, eius anni feruntur ut à latere descripsimus fœdus est ob inertiam, & impotentiam similis naturæ tamen timidus, suspiciosus, sordidus, laboriosus, sed inefficax, prudens tamen Soli & Lunæ aduersatur, sed Solem solum impedit, Lunam verò etiam evertit, & præcipue vacuam luminibus, & magis illi iunctus, quam in opposito, quæ omnia contrario modo in Marte se habent ad luminaria comparato. Aded verò scuit, ut si quando illi iunctus fuerit, ad insaniam extremam perducatur. Narrabo autem, quodd mihi contigerit anno M. D. XLVIII. die vigesima quinta, Maij hora XIII. eram cum Hieremia Somaripa Laudensi discipulo meo, qui postmodum evasit in egregium Medicum, qui negabat Astrologiam esse veram, cum forte fortuna quidam nunciauit iuvenem se suspendisse, cum ergo queramus quisnam sit, ex hoc intelliges artem esse veram: nam si ita est oportet Lunam vacuum esse damnatam à Saturno, quæsumus ferme ostiatim donec domum illius inuenimus, quod factum Hieremias tanquam parum decorum mihi reprehendebat, præstiti ego in proposito, sciscitatusque à patre non haberet tempus natiuitatis, ille quamvis in luctu attulit librum obsoletum, in quo erat tempus descriptum, quale in figuræ medio vides: statim pagillari postulato illud exscripsi, attulique domum comitante Hieremia, ibi ergo figuram, ostendo illam ne vel vngue quidem differre ab his quæ præposueram, aded ut ille admiraretur. Et quamvis Iuppiter trigono opitularetur Lunæ, ipse tamen erat inimicus, & ascendenti, & loco Lunæ, & retrogradus, & cum Arcturo. Omnes etiam Martis quadrato, & Mercurius cum vigiliis operatur insaniam. Cum ergo Mercurius ad quadratum Martis pervenisset, & ascendens ad quadratum Solis se suspendit. Erant autem erraticæ in reditu anni & loca principalia, cum in hora qua se suspendit, fuit autem XXI V. Maij, M.D.XLVIII. hora XX. horologij, hoc modo.

In reditu Mercurius fuit in loco Saturni infelicitis, & prope Lunam, & Luna in opposito Martis per ingressum. Hora casus Luna applicuit Saturno, & forsan fuit cum

rum. Memento autem quod in casus hora Sol ibat, ad locum infelicem ab vtraque malefica & à Luna.

Dico præterea quod Saturnus maxime est infelix in septimo loco & duobus circumstantib. cum scilicet 6. & 8. in 6. quia est oppositus in gaudio suo. In octavo quia est locus tenebrarum, in septimo quia cum sit vitæ inimicus, est in loco ubi eam oppugnat ex aduerso & è directo. Et Saturnus est deterius in cadentibus ab angulis, quia significat morbos insanabiles, ut Mars in angulis violentas mortes, & ut Saturnus ad septimam ita Mars ad decimam. Sunt vtrique in pessimo loco, & ut Mars in septimo, ita Saturnus in decimo. Hic enim impedimenta maxima affert ille pericula magna, non tamen semper perdunt. Et Almanfor existimavit quod malefica quæ aspicit significatorem, ut vtar verbo vtitato cum fuerit retrograda, & cadens à sua dignitate in loco in quo est & peregrina, nam potest cadere à loco & non esse peregrina, ut Mars in Cancro, & in loco contrario suæ naturæ efficit morbos insanabiles. Et non est contrarium his quæ dicta sunt, nam non efficit insanabiles quia cadens & peregrina, sed quoniam si esset in angulo, & dignitatibus suis interficeret, nunc minus nocet. Et hoc est verius de Saturno quàm Marte, & retrocessus dubio procul addit ad prauitatem. Et cuidam nobili Genuesi Saturnus fuit in Virgine, & in undecimo loco in opposito Solis, & factus est surdus in iuuentute ex vtraque aure, & mansit surdus toto tempore vitæ suæ.

Dico etiam quod si Saturnus dominetur eo modo quo Ptolemæus docet, ut de Ioue infra declarabimus, fueritque in Ariete & cum latitudine boreali, significat calorem vehementem & noxium, si etiam fuerit eo modo in Scorpione significat illud idem, & etiam in Geminis, sed cum latitudine Australi. In Piscibus autem quomodo vis calorem significat, & in Cancro ventos calidos, speciatim autem, Saturnus cum fuerit in Ariete erit mors in iuuenibus, cedes, & bellum, & præcipue in tempore meridiei, & orientalis flatus ventorum multus cum aspera commixtione aëris & accidat vehementer calor, & corruptio in aëre cum diminutione annonæ. Et si fuerit latitudo eius septentrionalis significat vehementiam caloris, & parum boni, & si fuerit meridionalis significat vehementiam frigoris, & nimium gelu, & multum roris. Et Haly in quodam tractatu



quem composuit de essentia planetarum, de subradiis planetarum dicit: Saturnus in Ariete sub radiis facit pluias & nebulas multas, in hominibus quoque facit morbos ex destillatione. Cum autem fuerit vespertinus facit ventos frigidissimos, & cum matutinus bonam commixtionem ostendit, cum quiescit tonitrua & fulgura significat. Et secundum Albumasarum cum fuerit Saturnus æquidistans Tauro significat multas cædes, & morbos, & debilitatem seminum niues & pluias assiduas: vehemens frigus & mutationem aeris à suo calore & corruptionum messiam. Et si fuerit latitudo eius septentrionalis significat bonam commixtionem aeris, & si fuerit meridionalis significat paucam temperantiam aeris. Et dicit Haly Saturnus in Tauro sub radiis bonam commixtionem & bonum tempus significat. Vespertinus autem siccitates, matutinus autem orientalis bonam conditionem & sanitatem: stans autem umbrosus & tenebrosus efficitur. Et secundum Albumas. si fuerit retrogradus significat cogitatus qui aduenient Regibus & mortem hominis excellentissimi, & præcipue in meridie cum diminutione reddituum. Item dicit Albu. quod Saturnus cum fuerit æquidistans signo Geminorum significat multam mortem in hominibus. Multas niues & vehementiam aquæductus propter eas assiduum flatum ventorum & multitudinem pluuiarum & corruptionem agriculturæ. Et si fuerit latitudo eius septentrionalis significat terræmotus, & ventos validos, & si fuerit meridionalis significat siccitatem aeris vehementiam caloris & paucitatem pluuiarum. Et dicit Haly Saturnus in Geminis sub radiis siccus est prorsus: vespertinus aridus etiam, matutinus bonæ temperaturæ, stans morbos facit: Et dicit Albu. cum fuerit illic retrogradus significat reges dissipare census suos. Et dicit Albumas. cum Saturnus fuerit æquidistans Cancro significat ægritudines in hominibus propter flatum & destillationes tussis, & plures ægritudines in senibus & abundantiam sanguinis, & significat multas pluias & gelu & aquas. Et si fuerit latitudo eius septentrionalis significat inuolutionem rerum, & inæqualitatem earum & si fuerit meridionalis significat multas pluias. Et dicit Haly Saturnus in Cancro sub radiis obscuros dies facit, & validos ventos & procellas in mari: vespertinus mare aptum reddit ad nauigandum, matutinus vel orientalis erit bonus & bonæ temperaturæ stans infirmitates diuturnas hominibus inducit. Et secundum Albu. si fuerit illi retrogradus significat mortem quorundam nobilium. Et dicit Albumas. Saturnus si fuerit æquidistans signo Leonis significat multas infirmitates venire mulieribus, & febres tertianas & quartanas & mortem earundem, & multa bella & præcipue in parte oriente in cessantem flatum ventorum calidorum paucitatem pluuiarum vehementis siccitatis & forte succedet interitus hominum. Et si fuerit latitudo eius septentrionalis significat inuolutiones rerum & inæqualitatem earum, & si fuerit meridionalis significat multitudinem pluuiarum. Et

dicat Haly Saturnus sub radiis in Leone destillationes significat, turbationes ex copia humidi, & in aëre siccitatem: vespertinus ariditatem facit: matutinus siue orientalis bonam temperaturam & salubrem annum. Stans autem siccitatem efficit: Et secundum Albu. si fuerit illic retrogradus significat corruptionem aeris, & mortalitatem & vehementiam ventorum & calidorum in diebus ventosis. Et dicit Albumas. cum fuerit æquidistans signo Virginis significat corruptionem aeris & mediocritatem pluuiarum. Et si fuerit latitudo eius septentrionalis significat bonam aeris commixtionem, & si fuerit meridionalis significat illud idem. Et dicit Haly quod Saturnus in Virgine sub radiis nocens est, & infirmitates hominibus infert: Vespertinus difficultates aeris, matutinus siccitates. Stans morbos hominibus infert. Et secundum Albumas. si fuerit illic retrogradus significat populum esse implacabilem regi suo. Et dicit Albu. cum Saturnus fuerit æquidistans Libræ accident hominibus dolores cordium, & ventrum & magnitudines febrium cum incessante flatu ventorum, dierum calidorum venenosorum & bonam commixtionem aeris, sed paucitatem panis & vini. Et si fuerit latitudo eius septentrionalis significat multum flatum ventorum, & fortem: si fuerit meridionalis, significat mortem & morbos in hominibus. Dicit Haly Saturnus in Libra sub radiis infirmitates occultas infert: Vespertinus inæqualitatem aeris, matutinus frigidus & siccos ventos. Stans autem quartanas febres inducit. Et secundum Albu. si illic fuerit retrogradus significat multas ægritudines hominum longas, & præcipue in ore & auribus, & intemperie corporum. Et dicit Albu. Saturnus cum fuerit æquidistans Scorpioni, significat æqualitatem temperaturæ corporum hominum & mortem in his & præcipue iuuenibus & multiplicatur in senibus ægritudines, cum vehementia frigoris hyemis & nubibus destruentibus messes. Et si fuerit latitudo eius septentrionalis, significat vehementiam caloris: & si fuerit meridionalis significat multitudinem pluuiarum & humidi. Et dicit Haly, Saturnus in Scorpione sub radiis, frigidum aërem facit: Vespertinus tamen congelationem, matutinus ventorum frigidorum & septentrionalium est significator, stans facit obscuros dies. Et secundum Albumasarum. si fuerit illic retrogradus significat multos rumores terribiles & siccitatem aeris cum conturbatione hominum. Et dicit Albu. Saturnus cum fuerit æquidistans Sagittario, accident hominibus bubones cum vehementia dolorum oculorum, cædes in oriente, angustia mulierum, locusta & mors in aëre, cum bona aeris commixtione. Et si fuerit eius latitudo septentrionalis, signat flatum ventorum. Et si fuerit meridionalis, significat stabilitatem paucam rerum & velocitatem permutationis eorum. Et dicit Haly, Saturnus in Sagittario sub radiis, pluias & nebulas significat: Vespertinus siccitatem, matutinus frigiditatem & congelationem: Stans infirmitatem hominibus facit. Et secundum



dum Albumas. si fuerit illic retrogradus, significat penuriam annonæ. Et dicit Albumas. Saturnus cum fuerit æquidistans Capricorno, significat destructionem maximam rerum præparatarum, multitudinem pluviarum cum terræmotibus, cerruptionem agriculturæ & redditus hæreditatum: propter multas aquas & copiam humidi. Et si fuerit latitudo eius septentrionalis significat multam niuem & multum gulu & vehementiam frigoris, superabundantiam quoque humidi. Et si fuerit latitudo eius meridionalis, significat hoc idem. Et dicit Haly, Saturnus in Capricorno sub radiis, Boreales ventos cum obscuritate aëris: Vespertinus frigiditatem, matutinus frigidum Boream: stans verò obscuros dies facit. Et secundum Albumas. si fuerit illic retrogradus, significat multam conturbationem hominum & rumores cum dissipatione pecuniarum, & erunt homines misericordes. Et dicit Albumas. Saturnus cum fuerit æquidistans Aquario significat mortem in hominibus multis, cum multitudine pluviarum & inundationum assiduum flatum ventorum, terræmotus, panis & vinis detrimentum. Et si fuerit eius latitudo septentrionalis, significat destructionem arborum. Et si fuerit meridionalis, significat multitudinem nubium, & pluuiarum. Et dicit Haly, Saturnus in Aquario sub radiis, hyemen facit duram: Vespertinus tumorem in mari & fluminibus, Matutinus pluuiam & hyemalem aërem, stans frigus & glaciem. Et si fuerit retrogradus, illic significat niues cadere & vehementiam frigoris. Et dicit Albumas, Saturnus cum fuerit æquidistans signo Piscium, significat mortem in hominibus, perturbationem inter eos, vehementiam caloris & frigoris temporibus suis, paucos redditus & fructus. Et si fuerit latitudo eius septentrionalis, significat multitudinem flatu ventorum. Et si fuerit meridionalis, significat multitudinem pluviarum & augmentum fluminum. Et dicit Haly, Saturnus in Piscibus sub radiis, significat niues: Vespertinus est pluuiatus, Matutinus bonam commixtionem facit: Stans inæqualitatem significat. Et secundum Albumas. si fuerit illic retrogradus, significat mortem nobilium.

Si autem eleuetur super alium planetarum, utpote super Iouem (dixi autem quod Planeta super planetam dicitur, eleuari cum respicitur se seu iunguntur, seu sunt intuentibus se, seu Saturnus fuerit in imperante Iupiter in obediente secundum quantitatem graduum luminis quod est in Saturno, ut dixi in commentariis partium decem, & cum hoc Iupiter super quem debet eleuari Saturnus, non sit in propriis dignitatibus, tunc quadrifariam dicitur eleuari, vel si Saturnus dominetur loco Iouis, & eo magis si sit in propriis dignitatibus, vel ratione motus primi, ut sit in loco sublimi, ut in nono, decimo & vndecimo, vel in angulo, Iupiter autem cadenti aut humili, vel ratione Solis quod sit orientalis, vel ratione suorum orbium quod sit iuxta absidem. Eccentrici vel auctus lumine, & motu ut superius declaravi, ut sint quatuor sed

priores duo validiores, & duæ conditiones necessariæ. Est enim quandoque respiciunt, & non tamen eleuatur vna erratica super aliam aut mutuo, aut parum, aut Apheta eleuatur super eum qui respicit: & tunc si parum eleuetur perinde est ac si nihil: si eleuantur mutuo etiã mutuo impediunt se, sed concorditer ubi malus si qui eleuatur, secus erit bonum: si autem Apheta eleuetur, super promissorem erit optimum & robustior erit. Si enim malefica fuerit impedit, quidem, sed postmodum gloriosius obtinebit, & maiorem consequetur siccitatem. Constat sanè in natura genesi cum sint sex erraticarum aspectus, nullam tamen ex eis super alteram eleuari.) fueritque in Ariete erit siccitas multa, pluuiæ pauca, pauca annonæ & messis multa. Si verò in Tauro erit siccitas nimia aëris in pluribus climatibus, cum augmento messis. Si verò in Gemini erit paucitas pluuiarum & aquarum, cum multis bestiis aquæ, ranæ & similia. Si verò in Cancro erit paucitas pluuiarum, & aquarum multæ belluæ aquæ & ranæ, & similia multi latrones. Si verò in Leone erit mors inter homines: lupi paucitas, pluuiarum cum siccitate & superfluitate aquarum marium. Si verò in Libra erunt multæ ægriitudines ex tussibus, & multo labore, & pluuiæ multa. Si verò in Scorpione, erit mors hominum & abundantia, & serpentum, & scorpionum cum paucitate pluuiæ, cum multo flatu ventorum. Si verò in Sagittario, erunt infortunia in pluribus climatibus: multa bella in Babylonia, & mors Regis eius, & rumores terribiles. Si verò in Capricorno, alini cariores erunt, & oues morientur: paucitas humorem & diminutio aquæ fluminum. Si verò in Aquario, erunt angustia hominum & siccitas fluminum. Si verò in Pisce, erit mors in pluribus climatibus, paucitas Piscium multæ, paruæ aues ut passares, multæ locustæ cum superfluitate pluuiarum, vinum & aquarum. Si autem super Martem in Ariete erunt multæ ægriitudines, multi venti calidi cum turbatione aëris, & multo puluere. Si verò in Tauro, erit siccitas nimia, cum fame & morte hominum: frigus vehemens cum mora eius. Si verò in Gemini erunt inimici, & infortunia in multis terris, locustæ flatu calidi, paucitas rerum. Si verò in Cancro erunt inimicitia inter homines, multæ locustæ, superflua pluuiæ, & quæ diu durabunt. Si verò in Leone, erunt magni venti, calidi tempore suo, & paucitas annonæ & messis. Si verò in Virgine erit destructio magnæ partis terræ, cum vehementi & durabili frigore, præcipuè temporibus conuenientibus, cum impedimento arborum. Si verò in Libra, erit odium inter Reges, temperantia aëris cum paucitate frigoris. Si verò in Scorpione erit destructio nimia in pluribus climatibus, cum siccitate aëris. Si verò in Sagittario, erunt bella inter reges, mors in quibusdam climatibus, cum multis ventis calidis tempore suo. Si verò in Capricorno erit, valor animorum, vehemens frigus & longum. Si verò in Aquario erit vehementia frigorum & calorum tempore suo. Si verò in Pisce, erunt multi



multi Pisces, & aues parua cum vehementia caloris aëris, & multis pluuiis, & tonitruis, & fulguribus. Si autem super Solem in Ariete erit superfluitas pluuiarum, cum ventis mediocribus. Si verò in Tauro, erunt multa bella inter Reges, paucitas rerum & annonæ, cum siccitate aëris. Si verò in Gemini, erit vehementia caloris. Si verò in Cancro, erit mors in pluribus climatibus cum siccitate aëris. Si verò in Leone, erunt multæ locustæ, superflua pluuiæ, sed non irritabiles. Si verò in Virgine, erit siccitas aëris. Si verò in Libra, erit siccitas multa, & fames in pluribus terris, cum superfluitate pluuiæ tempore suo, & mors puerorum. Si verò in Scorpione, erit multa mors in pluribus climatibus, cum vehementi calore tempore suo. Si verò in Sagittario, erit mors bestiarum & guerræ in pluribus climatibus, ventus assiduus, cum paucitate messis. Si verò in Capricorno, erit siccitas aëris. Si verò in Aquario, erit mors mulierum, cum siccitate aëris. Si verò in Pisce, erit siccitas aëris. Si autem super Venerem in Ariete, erit renouatio Regis, bella & mors in hominibus, cum mediocritate pluuiarum. Si verò in Tauro, erit mors mulierum, & paucitas pluuiarum. Si verò in Gemini, erit mors mulierum, & paucitas pluuiarum. Si verò in Cancro multi morientur, & aër erit æstuosus, & squalidus ac ficeus. Si verò in Leone, erunt destillationes, & difficultates spirandi, & suffocans aër. Si verò in Virgine, erit copia pluuiarum & humidi. Si verò in Libra, bonum est humano generi, licet futuræ sint locustæ, cum paucitate pluuiarum. Si verò in Scorpione, erunt magnæ ægrotudines hominum, in pluribus regionibus, cum paucitate humidi. Si verò in Sagittario, erit mors mulierum Regum, cum paucitate pluuiarum, & bono esse messis. Si verò in Capricorno, erunt pauca aqua, pauca pluuiæ, maria etiam minuentur, asinorum præcium crescet. Si verò in Aquario, erit timor mortis siue Regis, cum paucitate humidi. Si verò in Pisce, erit mors prægnantium, cum superfluitate pluuiarum, cum multis tonitruis, & cum magno frigore.

Si autem super Mercurium in Ariete erit, multitudino bellorum & mortalitas, pluuiæ superflua, & ventus mediocris. Si verò in Tauro, significat illud idem super Venerem, cum multis inundationibus, & charitate annonæ. Si verò in Gemini, erit mediocritas ventorum salubrium, & vtilium ac fecundorum. Si verò in Cancro: erit mors in pluribus climatibus ex magnis febribus, cum paucitate pluuiarum, & mediocritate caloris. Si verò in Leone, erit mors, in hominibus suffocationes, cum vehementi frigore tempore suo. Si verò in Virgine, erunt pluuiæ superflua, & multæ inundationes, cum multo frigore. Si verò in Libra, erit multa siccitas & fames in pluribus climatibus, cum superfluo & assiduo flatu ventorum. Si verò in Scorpione, erit mors in pluribus climatibus, cum paucitate pluuiarum & multis aquis. Si verò in Sagittario, erit mors bestiarum guerræ multæ, ventus multus, cum

paucitate messis. Si verò in Capricorno, erunt multæ pluuiæ, & multi vermes, & multum frigus. Si verò in Aquario, erunt Bubones Carbunculi & pestis, pluuiæ multæ, cum frigore, & tonitruis eorum. Si verò in Pisce, erit multitudo auium & piscium, cum inundatione fluminum, & aër humidus, & tenebrosus.

Si autem super Lunam in Ariete, erunt bella, multa superflua pluuiæ, sed tamen vtilis. Si verò in Tauro, erunt paucitas pluuiarum & aquarum, & paucitas annonæ. Si verò in Gemini, erit paucitas pluuiarum. Si verò in Cancro erit mors in pluribus climatibus, cum magnis febribus, & cum paucitate pluuiarum, & aquarum. Si verò in Leone, erit suffocatio aëris, cum multitudine locustarum, & fecundis pluuiis, & abundantibus. Si verò in Virgine, erunt multæ pluuiæ, & similia. Si verò in Libra, erit multa siccitas, & fames in pluribus regionibus, licet aër sit bonus ac temperatus. Si verò in Scorpione, erit paucitas pluuiarum, & aquarum. Si verò in Sagittario, erit mors in pecudibus, pluuiæ humidum abundans, cum penuria segetum. Si in Capricorno erit paucitas humidi, & aquarum. Si in Aquario, erit oppressio in terra Armeniæ, cum paucitate pluuiarum & aquarum. Si verò in Pisce, erit paucitas aquarum.

Præter hæc addenda sunt, quæ ex Ptolemaeo sumuntur dum de regionibus agit: & de proprietatibus Planetarum. Colligemus & ea quæ dicit de forma corporis, & animi qualitatibus. Et similiter quibusnam præsit, utpote patri, & aui, & refert etiam seruos, & senes. Præstet homini ab initio anni LXIX. usque in finem, vitæ etenim temperatura hominis tunc est fermè similis temperaturæ Planetæ refrigerato & siccato corpore. Et idè si fuerit orientalis, cum & in locis in quibus gaudet, & angulo aut succedenti elenatus, ut etiam in nono loco atque in aspectu amico Solis, aut Iouis, aut Veneris, aut Mercurij orientalis, valde aut Lunæ plenæ luminibus producet ænum firmum cum admiratione. Ex membris autem ut in tertio Apotelesmatum habetur, atque hæc dicta sunt de singulis Planetis, nunc verò de defluxu & applicatione agamus.

Defluxiones omnes & applicationes quamuis ad singulos planetas referri possunt tamen ad solam nunc Lunam traducuntur: inde etiam vice Lunæ, ut post dicemus ad Mercurium fiunt, ergo defluxiones Lunæ à Saturno quinque ad ceteros planetas singulæ, & vna in inane totidem quoque applicationes, scilicet, cum ab aliis planetis veniens, aut ex inani Saturno ipsi applicuerit, siue ergo in vniuersum duodecim. Voco autem defluxionem à Saturno quoties Luna ab illo discedens, nec plus distans signo ab eo, id est, ut sit in eodem signo, vel si sit in alio non remotior decem gradibus, quantum est lumen eius inde applicat alteri, cum in eodem signo fuerit, aut sub illius radiis si in sequenti, & vtraque harum cum sit bifariam, bifariam quoque diuiditur, scilicet à corpore vel radio, & ad corpus seu radium. Et vacua

Lib. 1. Tex.

16.

Tex. 45.

eiusdem.

Lib. 3. Tex.

47.

Tex. 73.

eiusdem.

Tex. 53.

cum



cum vel defluit ab alio, & non inueniens radium, neque planetam toto sequenti signo si adhuc sub radiis eius est in illo, aut si iam exit & aliud est ingressa signum, nullum aliud cui obiet inuenerit. Quod si Luna iam exit è radiis Saturni in Ariete: in Tauro autem occurrit alteri planetæ, tunc si neque sub radiis illius est, per inanè dicitur ferri, in eodem namque signo, namque inanis dici potest, seu sub radiis sit, seu non, modò inter duas planetas constiterit. Cùm ergo iam radios vnus exierit & aliud signum ingrediens non occurrent alteri, vacua est cursu: potest ergo esse vacua applicatione, defluxione & vtroque modo. Si in signo in quo est Luna Planeta, vel eius radius affuerit necessario applicat aut defluit. Respectu planetæ qui in alio signo est applicare aut defluere, dici non potest, nisi cum illius planetæ radij ad communem signorum terminum pertingunt. Dicimus etiam gradus intuentes & imperantes, seu obedientes esse eiusdem generis, & eisdem limitibus definiri quibus etiam corpora eorum aut radij.

A Saturno igitur defluens Luna, si se Iouis stellæ coniunxerit: vel ad Iouem feratur, si crescens fuerit faciet locupletes, copiosos datos, nobiles magnis populis, vel magnis ciuitatibus propositos: aliis hæreditates maximas, aliis thesauros, aliis maxima dona largitur. Si verò fuerit minuta luminibus nihil tale decernit: sed facit procuratores, curatores aut quib. priuatarum rerum tuitio tradatur, & qui peregrinis negotiationibus immorentur, aut gubernatores, aut naucleiros, aut vectigalium conductores reddit: & quorum actus circa aquam vis conditionem exercent, vt ex istis artibus parua illis substantia conferatur. A Saturno defluens Luna ad Martem si plena luminibus, valetudines & vitia decernit, & prima inuenture facit inserire. Si verò minuta luminibus matri longè ac maximè ægritudinis tormenta decernit, & quibusdam facit eam viciis obligari, Sed & malè mortis eidem matri discrimen impingitur, & assiduè vomens sanguinem pereat, & ipsos facit qui nati fuerint miseræ orbitatis languoribus fatigati, aut parentes eorum perpetua dissensione dissociari: sed & paternam & maternam substantiam varia lautatione dilapidat, & assidua illis vulnera ferri infligit, & tales decernit ægritudines vt curandi gratia opus sit, faciet etiam absconfarum artium, assiduos labores, aut longè ægritudinis laboribus demersos vitæ munus implere, aut biothanatos variis generibus interire: aut enim submersi fluentibus, aut incensi deperiunt, aut laqueo se suspendunt, aut gladio se extinguunt. Si à Saturno defluens Luna feratur ad Solem maxima infortunia, & maximas decernit calamitates. Facit enim insanos, lunaticos, caducos, hydropicos, elephantiacos. Sed hæc infortunia pertinaci assiduitate perpetuat vsque ad vltimum diem vitæ, vt istis calamitatis laqueis implicentur. Si Saturno defluens Luna Veneris se stella coniungat, si crescens fuerit, faciet magnos nobiles & potentes, felices, locupletes, & diuites, & magnæ

quidem potestatis, sæuos, lipidinosos, & qui ex istis graui pulsantur infamia. Si verò fuerit minuta luminibus prauas amorum decernit illecebras, aut impuris, & impudicis facit libidinibus implicari, aut turpes actus assidua continuatione decernit. Sed nihilominus facit hos eosdem quærentes, & habentes maximas substantiæ facultates, & quibus penuriarum præsidio, & felicitas, & potestas maxima comparetur. Si à Saturno defluens Luna Mercurij se stellæ coniunxerit, si crescens fuerit, facit obscuros, & absconfos, & tacitos secretarum, & illicitarum literarum conscios, aut cælestibus religionibus occupatos, aut peritis computationibus interpretantes fiderum cursus: facit etiam negotiationibus præpositos, vel liberalium artium publicos magistros: facit oratores eloquentiæ splendore fulgentes, aut medicos cunctorum testimoniis adornatos. Si verò fuerit minuta luminibus, aut sonum vocis impedit, aut aures obtundit, sed & corpus eorum qui sic habuerint misera fatigatione destillat, facit melancholicos, ictericos, spleneticos, phthysicos, hydropicos, pleumaticos, & angustio meatu, cum acerbo doloris incommodo collectum vesicæ emitti humorem.

Quòd si à Saturno separetur Luna, & in inane feratur, facit omni morbo destitutos, melancholicos, suspiriosos, plenos, calidos, hæmorrhoidarum incommodo laborantes, tristes, timidos, parui iudicij, solidarios, cogitabundos, simplices, vanos, dolores, imbecilles, fatuos ab vxoris & filiorum amore alienos, destillationibus cuiuscunque generis obnoxios, pauperes, tardos, ignauos, sordidos, qui exiguis rebus moueantur, fœdos, rudes, agrestes, præter omnia contumaces. Maximè autem ante senectam hæc videntur grauiora, nam in ea non adeo videntur, à communi consuetudine alieni esse. Minuuntur ac fermè commutantur hæc mala, si Saturno stella in optimo fuerit statu & Luna ipsa luminibus plena, pro fortilegis & inanibus necromanticis, præstigitores efficiet. Cùm tamen etiam crescens, & plena luminibus fuerit, patrimonium dilapidat, aut à parentibus seiungit, aut morte illos subtrahit, peregrinationibusque longis implicat. Sin autem vacua peculiariter omnia morborum genera efficit, quæ frigore possunt procreari, propriæque circa ventrem ventriculumque, & artus dolores graues, grauiter spirantes atque spleneticos.

Semper autem etiam in eleuationibus erraticarum, & in defluxibus, & applicationibus, & quibuscunque aliis, quæ aliquid decernunt per consensum duarum erraticarum, siue etiam per se erraticæ aliquid significant illud absque deceptione vlla est obseruandum, vt si planetæ in angulis fuerint, maxima detrimenta afferant, mortes publicas, aut inter tormenta cædes Principum damnationes, excidia domorum, necem filiorum, & quæcunque ab hominibus inter maxima mala connumerantur. Si verò in succedentibus mediocria mortem, priuationem honorum, in perpetuum exilia, carcerem, tormenta, multas graues, & publica dedecora



dedecora. Si in cadentibus minima mala, morbos, iniurias, infamiam, calumniam publicam, dedecoraque non tamen publicè illata fugas, impedimenta, populares rumores, contemptus, repulsas, insectationes, licet longas, timores, contumelias, vexationes, dolos domesticorum, furta, supplicationes in bonis eadem ratio observanda est. Si enim in angulis erraticæ fuerint: magistratus perpetuos, imperia diuturna, aut sæpe repetita, gloriam conspicuam, honores, opes ingentes, sobolem claram, vitam longam & solpitem, vires integras, concubitus promptos, & cum illustribus fœminis gaudiaque præclara. In succedentibus magistratus diuturnos, sæpe repetitos, collegiorum cooptationem perpetuam, & iuxta conditionem hominis famam magnam, honores, inter ciues opes, sobolem honestam. Vitam aut longam, sed non adedò firmam, aut firmam, non adedò longam gaudia, concubitus cum mediocribus omniaque stabilia, & cum facilitate, aut si cum labore, cum egregia victoria. Sed si in cadentibus, erunt omnia misera, aut interrupta, aut neglecta ab hominibus. Primum quidem circa honores laudabitur & negligetur, aut homines illius opera videntur & vituperabunt. Ex dignitatibus fungetur necessariis, in aliis nil magnum, simul & diuturnum. Continuetur in magistratu, & observabitur in priuata vita, non erunt facta nomini, aut nomen factis correspondentia, brevis vitæ si salubris, aut mediocris, si morbosæ, aut si longe morbis insanabilibus subiectæ perpetuo, si profitebitur & discipulos habuerit stipendium erit exiguum, si magnum stipendium, pauci discipuli. Si fuerit Iuriconsultus, aut plures causas tractabit, sed exiguo lucro, aut si magno exiguas, filios aut paucos, aut imbecilles vel miseros, si fuerint plures, gaudia interrupta, nihil splendidum prorsus & honoratum. Si pro erudito habeatur, & scripserit non tamen populari fama laudabitur pro meritis, vixque quicquam rotundum emittet, sed semper aliquid deerit. Quoddam etsi splendide stellæ erraticis in hoc casu associantur in eadem causa ad magna quidem perueniet, sed non perseveravit in illis, pleraque etiam erunt magis in spe, vel in potestate sua, quam in possessione, & ut vno verbo omnia complectar, tales aut erunt mediocres in omnibus, aut si excedere, & excellere voluerint, erit vita illorum fluctuabunda, modo in summo, modo in imo: quoniam illorum constitutio cœlestis, non patitur magnum aliquid, quod amplexentur possint continere.

Si à Ioue defluens Luna ad Saturnum feratur, & sit crescens, vel plena luminibus, faciet ab extraneis adoptari, vel ipsos alienæ sobolis patres, aut minorum tutores, vel procuratores, alij expositos vel subtractos filios, post multum temporis spatium inuenire coguntur, erunt aquosis semper atque humidis actibus implicati, aut assiduis peregrinationibus errantes, aut peregrinarum mercium gratia nauigantes, ut ex ista conuersatione vitæ illis præsidia quaerantur. Si verò minuta luminibus à Ioue defluens, ad Satur-

num feratur, aut exponi faciet, aut onus seruitutis imponit, aut infortunium miseræ captiuitatis indicit, aut alia vitia, aut valetudines facit, ut omnis vita eorum graui acerbitate confecta citò finem incurrat, quoddam si nocturna fuerit genitura & Luna minuta luminibus, à Ioue defluens ad Saturnum feratur, facit quolibet genere biothanatos interire. A Marte defluens Luna si plena, vel crescens ad Saturnum feratur, faciet tardos, pigros, & qui ad nullos actus possint proficere, & qui nihil ex his quæ desiderant consequantur. Matrem verò aut viduam reddit, aut vitiis, aut valetudinibus implicatam: sed hanc eandem malæ mortis finem pertinet, ipsorum patrimonium assiduis lacerationibus dissipat, facit eos etiam variis vitiis implicari. Si verò deficiens lumine & à Marte defluens ad Saturnum feratur fames, ægritudines, valitudinesque decernit, fecit lunaticos, hæmopticos, claudos, paralyticos, gibberosos, ogigos, eroncos, aut si nihil horum fuerit, facit biothanatos. Quorundam verò matres aut patres pro signorum qualitate, aut vitiis oppressos ut perimit, aut facit biothanatos interire. A Sole Luna defluens feratur, & sit diurna genitura patrimonium dissipat, parentes diuidit, & ipsis miseræ orbitatis indicit incommoda, sed processu temporis maximam ipsis decernit substantiæ facultatem, & magnarum felicitatum tribuit augmenta, & multorum fundorum dominia largitur. Si verò per noctem decidens Luna ad Saturnum feratur, orbitates decernit, & patrimonia minuit, & malarum peregrinationum decernit incommoda, facit etiam graua vitia, & graues valetudines, aut periculorum grauium, & violentorum casibus implicari.

Si à Venere defluens Luna ad Saturnum feratur, si sit crescens, aut plena luminibus, & sit nocturna genitura, aut prouectæ ætatis dabit uxorem, aut publicam mulierem, ad consortium thori genialis adducit, aut ex affinibus aliquam sortitur uxorem, ut præsidio coniugis, honoris principem locum & incrementa seruitutis, & promotionis insignia consequatur. Si verò à Venere minuta defluens Luna in diurna genitura ad Saturnum feratur, facit pessimis, libidinum, cupiditatibus & vitiosis voluptatibus deditos, & qui ex libidinosis actibus crebra pulsantur infamia, erunt sanè turpes, erratici & serui li defectione miseri: Locatores meretricum, aut certè lenones. Si verò mulieris sit ista genitura, erit publica meretrix, & quæ vitæ subsidium in publico constituta loco pudoris iactura quaerat corporis. Si verò à Venere defluens Luna in nocturna genitura feratur, minuta luminibus ad Saturnum aut steriles, aut eunuchos, aut archigallos, aut hermophroditos faciet, aut certè tales; qui muliebria pati miseræ libidinis cogatur ardore, erunt sanè oligochronij, aut biothanati. Si verò à Venere defluens Luna minuta luminibus, per diem ad Saturnum feratur, faciet vitiosos, & debiles, & quos malignus semper humor infestet, circa aquam tamen dabit actus: sed qui miseris laborum  
conji



continuationibus defatigatur : aut enim ex aliis puteis , quotidiano opere aquam leuare coguntur , aut iubentur assidue lacunas , cloacasque purgare , aut erunt hortulani , sed miseri , aut nautæ , aut aquarij , aut piscatores , aut vinatores , sed hos actus signorum frequenter qualitas mutata dabit. Faciet enim bubulcos armentarios , equarios , pastores , & qui iumentorum stabula purgare , vel mundare iubeantur , sepulchrorum etiam plerumque facit custodes , aut pollinctores facit , qui sepeliendorum hominum curam cunctorum indicio consensuque suscipiant : sed hæc pro locorum vel signorum varietate decernit , de qua varietate etiam in aliis apotelesmatibus plenissime diximus.

Si à Mercurio defluens Luna plena lumine ad Saturnum feratur , & sit diurna genitura , aut balbos facit semper , aut surdos , aut verba eorum tardo sono vocis impediuntur. Habebunt autem actus , aut ex rationibus , aut ex magisteriis , aut ex negotiationibus , aut ex peregrinationibus , aut ex verborum interpretationibus , & qui secreta cœlestia semper insinuant : alij verò carceris custodiarum curam tuitionemque suscipiunt , aut ex istis actibus vitæ illis subsidia quærantur. Si verò per noctem à Mercurio defluens Luna plena lumine ad Saturnum feratur , faciet circa aquam semper assidue laboribus fatigari , operarios sempiternis laboribus , deditos , & qui corpus suum ad opus aliquod locare consueverint laboriosis humeris , ac dorso vitæ subsidia quærentes , alios in custodia constituit , alios intrudit in carcerem , alios publicis iudiciis opponit , alios damnari , alios squalore carceris , & publicarum custodiarum oppressos fortibus coinquinatos ac deformes facit interire : præsertim si in maleolarum stellarum signis fiat ista coniunctio.

Si verò à Mercurio defluens Luna minuta lumine ad Saturnum feratur , facit mendicos , pauperes , panis obritos , & miseræ egestatis calamitate demersos , alios seruile in templis facit , alios vagari compellit , facit plerumque lunaticos , aut sacrarum valedudinum vitia decernit , facit caducos , & misera commotione dementes. Si verò à Mercurio per noctem defluens Luna minuta lumine ad Saturnum feratur , aut exponit , facit aut squalorem miseræ seruitutis imponit , aut onus acerbæ captiuitatis incidit , etiam maximas valitudines , aut vitia decernit , aut in prima ætate temporis perimit , aut facit aliqua ratione damnari , quod si nihil horum fecerit facit biothanatos interire.

Si autem plena luminibus & inanis Saturno se applicet Luna , matri viduitatem , & mulierum assiduos dolores decernit , ipsos facit in templorum conuersationibus detineri , & patrimonium eorum variis lacerationibus dissipari : sed rursus procedente temporis cursu proprio labore aliam facit sibi patrimonij substantiam quærere.

Si verò deficiens & minuta lumine Saturno iungat , parentes faciet , aut degeneret , aut seruos , aut miseræ infelicitatis squalore demersos , quorundam autem matres , aut debilitas premet , aut certè faciet biotha-

Tom. V.

natos , interire ipsis in annis minoribus constitutis. Sed & ipsos facit aut vitiosos debiles , aut oligochronios , aut malo quodam exitu intereuntes , præsertim si in ista coniunctione in necessariis genituræ locis fuerit inuenta , & si in horoscopo , partili ratione iungatur.

Dico ergo quod Saturnus benè dispositus , significat diuitias ob quinque causas. Prima quia significat domos & fundos in quibus maximæ diuitiæ consistunt.

Secundò quia decernit labores , & præcipue agriculturam ex qua diuitiæ , opes comparari solent.

Tertiò quoniam significat parcitatem & auaritiam , ex qua cumulari solent diuitiæ. Soli enim auari euadunt diuites.

Quartò quia efficit dolores & rapaces , horum autem est congregare pecunias & augere eas atque d cari.

*Criminibus debent hortos Prætoria mensas.*

Argentum vetus , dicebat ille : Demum significat mortuos , ex quibus solent aduenire hereditates quibus promptissime dicantur homines , ac valde , vt nulla via facilior & frequentior.

Præterea Saturnus horoscopi dominus facit , homines prudentes inuidos , ambitiosos , taciturnos , macilentos , pallidos , turpes , varos & labia magna , dentes malè positos , & plerumque os foetidum , pectoris angusti maliciosos , infidos , pauci e bi , multi potus , cantos & verè timidos quærilos , odiosos , non multum erga uxorem affectos , minus circa filios , & cum ceteris auaros , tum maximè erga illos , scœnori & agriculturæ operam dant , & circa aquas libenter versantur. Capillos habent asperos , & pilosi sunt , calor etiam illorum & cutis fuscus. Pro aliis semper malos pro se ipsis etiam sæpè cum plerumque sint infelices , contempti & male audiant. In anglis constitutus facit primos nasci , sed in septimo subiectos violentis casibus efficit , & improbos in decimo honores , & bona retardat ultra XXX. primos annos , in quarto loco deuastat omnia stabilia boria , nocturnus auget mala , bona minuit. In ascendente deterior est , aliis ob vitia propria. In secundo loco , aut octauo magna detrimenta affert multosque labores , & ab inuidia proteretur. Verum in octauo deterior est pro morte spem tamen affert hæreditatum , si Ioui aut Veneri compliceur. In tertio loco noxius est fratribus , in nono author est sapientiæ sed fucata & superstitiosa. In 10. & vndecimo negat gaudia & filiis plurimum obest. In sexto decernit morbos insanabiles , non solum corporis , sed & animi. In duodecimo improbitatem summam , & quandoque ob id vincula , minus tamen malus nato eo in loco habetur.

Per se solus tamen quantumvis benè dispositus boni nil significat , nisi malorum priuationem , & hoc satis est in humana vita , significat ergo constantiam quoniam animi motus inquietos prohibet. Et significat labores , quia non gaudet voluptatibus neque otio tametsi natura sit iners : & facit diuites , dum amet luxuriam , prodigalitatem

KK

&



& timer de paupertati, & facit prudentes, nec hoc verè: sed quia continent iram & voluptatem. Et eius facultas ac potestas erat, qualis Romanis tribunis olim: qui nil decernere poterunt, sed solum intercedere, impedire, prohibere, vt credere fas sit eo regnante, illud magistratus genus à Plebe ipsa fuisse constitutum. Ineptus est ergo proflus ad hæc quatuor, gaudia Venerea generationem, & celeritatem negotiorum, vnde horam nam qui potest esse significator. Est autem ponderosus planeta & grauis. Et eius vis est magna, quia vibrat quasi ex alto, præcipuè cum fuerit in abside eccentrici: & est erratica confusio erroris fœditatis, & occultorum domina. Et motus eius proprius tantum spatij superat, quantum Luna quoniam propositio ambitus cœli eius ad ambitum cœli Lunæ est, fermè qualis temporis ad tempus. Et cum fuerit malè dispositus, & potens, & inimicus est sentina malorum, & doctrina quàm tradimus in hoc libro est diffinitiuæ: compositiuam autem & resolutionem docimus in commentariis præteritis, tum etiam aliis.

### DE IOVE

**I**uppiter secunda errantium stellarum, atque sub Saturno posita iisdem rationibus depræhenditur, de quibus supra dictum est, maximus est aspectu præter dico luminaria Veneremque, à qua tamen parum vincitur, duo ex planetis, nam ex inerrantibus dubio procul vincitur à Syrio Clara enim & fulgentia sydera in nostro hemisphærio sunt, Sol primum, deinde Luna, post vterque Canis, & Iuppiter, & Venus. Referunt in parte australi præter hæc sex, tres esse insignis magnitudinis, atque his maiores, quæ apud nos videntur, non tamen splendidiores, neque admodum nitidos, & vt sic cum ad præsentem tractationem, minimè sint necessaria prætermittenda duxi. Liquet autem quod nulla ratione obumbrari potest, nisi à Sole & Luna, cum Venere, sed non sit vt quemadmodum Luna eclipsetur, sed vt Sol, id est, non lumine destituatur, sed nobis tantum interceptus appareat. Est verò lumine plenus clarus ac nitidus, tanquam similis Veneri vt nisi quis Astrologus sit, vix vnum ab altero distinguere queat. Vnde datam illius substantiam esse reor puramque & quasi ex natura Solis maximus præterea errantium, Sole excepto quippe cuius globus centies & octies terræ, & aquæ machinam contineat. Dimetiens ergo dimetiente maior quadrupla & dodrante. Alij dicuntur nonagies sexi-

es tantum, vt sit dimetientis Iouis ad globi dimetientem quadrupla cum septunce, sit trifariam potentior est Saturno corporis magnitudine propinquitate atque luminis & Sphæræ densitate circuitus eius in annis vndecim, diebusque trecentis, & vndecim horisque viginti tribus, quo fit vt cum definiat dies quinquaginta tres, & horæ septem, ad perfectum circuitum, in duodecim annis necessaio antecedit, partibus quatuor, cum triente motusque diurnus sit, propè quinque minutorum. Reuoluitur autem parua Sphæra in vno anno & triginta quatuor diebus. Spatium verò retrocessus vt dixi vix definire licet, est tamen propè centum viginti dies, absis illius in Virginis viginti tribus partibus, & quinquaginta tribus minutis, quo fit vt cum circa illum fuerit diebus circiter centum viginti septem retrocedat, cum verò in opposito circiter centum sexdecim, aut paulò minus. Dictum est autem de his in Saturno, verum latitudo australis quidem partium est duarum, minutorum octo, Borealis partium duarum, & minutorum quatuor, vt videatur circulus eius potius ad Austrum, quàm ad Boream indicatus, quod commune est etiam aliis vt supra declaratum est. Caput eius circa vigesimam sextam partem Canceri. Cauda verò iuxta vigesimam sextam, Capricorni circuitus latitudinis pene duodecim annorum. Domus illius Sagittarius & Pisces, altitudo Cancer totus, præcipuè quintadecima pars. Latitudinis Borealis venter, seu vbi maxima est latitudo circiter quintam partem, Scorpj Australis iuxta vigesimam quintam partem Arietis. Trigonum eius Arietis, Leo, Sagittarius, cum tamen in aqueo domum vnam habeat & altitudinem, sed quia plurimum conuenit cum Sole, non ita tamen cum Marte Trigonum illud sortitum est, ob id carpentum eius in Sagittario est. Fertur gaudere in vndecimo loco, fines autem quales à latere descripsimus.

### I V P I T E R ♃.

Circuitus magnus, An. 11. D. 311. H. 25.  
Circuitus parvus, An. 1. D. 34.  
Retrocessus tempus, D. 120.  
Latitudo Max. Merid. Gr. 2. M. 8. Bor. Gr. 2. Min. 4.  
Caput in ♄ partibus 26. Cauda, in ♏ partibus 26. Borealis venter ♏, 5. Aust. vent. ♏, 25.  
Transitus latitudinis, annorum 12. fermè.  
Domus ♏ & ♏ Altitud. ♏ 15.  
Trigonum ♏, ♏, ♃.  
Carpentum ♃, & à 20. ad 26 ♏. fines.

| Sig. | Gr.      |  | Sig. | Gr.          |  | Sig. | Gr.          |  | Sig. | Gr.          |
|------|----------|--|------|--------------|--|------|--------------|--|------|--------------|
| ♏    | Pri. 6.  |  | ♏    | à 14. ad 22. |  | ♏    | à 7. ad 12.  |  | ♏    | à 20. ad 26. |
| ♏    | Pri. 6.  |  | ♏    | à 18. ad 21. |  | ♏    | à 15. ad 21. |  | ♏    | à 20. ad 24. |
| ♃    | Pri. 12. |  | ♏    | à 8. ad 14.  |  | ♏    | à 14. ad 20. |  | ♏    | à 13. ad 16. |

Natura eius est calida & humida, simpliciter, in comdaratione autem ad humanum

genus temperata, non quod ipse sequantur temperamentum hominis. Quid enim absurdus



absurdius excogitari posset, sed quod humana natura ad illius instar temperamentum sortita sit: unde animalibus exanguibus exitio est, & plantis, quæ natura frigida & sicca sunt. Nam quædam Plantæ ut in naturalibus à nobis dictum est, sunt similes naturæ hominis adunguem: sicut & animalia, verum hoc solo differunt, quod non refracta sunt in eis elementa. Et ea ratione significabit plantas odoratas & temperamento proximas, elephantem inter animalia: ille enim est mitis longæque vitæ prudens & magnus. Ex metallis æs, sed de his nihil certum afferro, quæ verò ad quæstiones generales pertinent superius visa sunt. Dubio procul enim est quoddam sit author serenitatis & temperiei, & claritatis aëris, & adueniens ad nos, seu per longitudinis motum, seu latitudinis, seu cum dominatur tranquillitatem serenitatem, puritatemque aëris decernit, sed & ventos, qui ea in regione temperiem procreant, atque salubritatem, eius anni maximi sunt 427. maiores 79. medij 52. minimi 12. color candidus est, lumen eius seu radij ad duodecim gradus extenduntur.

Iupiter igitur natura masculinis atque diurnis actiones humanas bene dirigit consilijque boni author est, beneficus, in omnibus prebens vitam firmam incolumitatem, patientiam, ad labores munditiam, lucra, honores, magistratus, amicitiam Principum, decora, administrationum, gratiam, inter ciues securitatem, lætitiā, iucunditatem, amicos, filios, vxores probas: opes quā multas, gratiam, religionem, ceremonias, in exercitu principatum, fidos, seruos, & ancillas, celeritatem, in absoluerdo, iocos, conuiuia, gemmas, vasa, argentea & aurea, optimus est quanto potentior. Differt in hoc à Venere quoniam in Ioue, quæ ad voluptatem & iunditatem pertinent omnia moderata efficit.

Cum igitur Iupiter fuerit dominus loci in prima mutatione, ex trigono in trigonum, quæ accidit post nongentos sexaginta annos & proponunt orbem magnum annorum 3958. scilicet reditus mutationis quatuor trigonorum. Cum enim trigonus ut dixi mutetur in 989. seu in quadruplo redibit coniunctio orbium, & Iupiter si fuerit in Ariete, significat vehementiam caloris. In principio quartæ autumnalis, & eò magis cum fuerit latitudo eius septentrionalis. Et cum fuerit Iupiter in Tauro, aggrauabitur calor in quarta autumnali. Item cum fuerit in Cancro, erit similiter multus calor in quarta autumnali. Et si fuerit ibidem latitudo eius septentrionalis, significat vehementiam caloris & multitudinem ventorum calidorum venenosorum. Item cum fuerit in Virgine, significat vehementiam caloris in quarta autumnali. Item cum fuerit in Libra, significat calorem in fine quartæ hyemalis, iuxta ver. Item cum fuerit in Scorpione, & fuerit eius latitudo septentrionalis, significat vehementiam caloris. Item cum fuerit in Sagittario aut Piscibus, significat idem scilicet vehementiam caloris in quarta æstivali. Atque hic notanda sunt duo primum

Tom.V.

quæ sint diuisiones annorum, & sunt duplices generales in temporibus, & sunt reditus quidam, & speciales quæ sunt in suas partes & plerumque in quatuor. Primus ergo reditus appellatur annus magnus, & est 36000. annorum, & redeunt Astra inerrantia ad primum locum, & eius partes sunt, dimidium in 18000. & quartæ 9000. Secundus est coniunctionis orbium, & est reditus Saturni, & Iouis coniunctorum ad principium Arietis, & fit in annis 3958. & est quadruplum circuitus maximæ coniunctionis, quæ fit in initio Arietis per Saturnum & Iouem, & differunt coniunctio orbium, & coniunctio maxima, quia coniunctio orbium fit ferme circa idem punctum, & etiam quod est euidentius initium sumit à principio Arietis: in coniunctione autem maxima fit mutatio ad trigonum igneum aliquando in alio signo, quam in Ariete, & credo quod alius esset appellare coniunctionem orbium triplum coniunctionis maximæ, id est, annos 2970. quia in eo tempore redit coniunctio Saturni & Iouis, ad trigonum igneum & principium Arietis ex signo aëreo, primum quod ad Arietem patet, quia sunt tria signa, ergo post tres reuolutiones maximæ coniunctionis redibit, ad idem signum, quod autem ad initium patet, quia exit ex fine Cancræ, aliter non exiret si non iam esset in fine. Ergo non poterit peruenire nisi ad principium Arietis, & non ultra, & hæc sunt regulæ directæ à Dialectica per Mathematicam habemus, ergo iam annum magnum, & eius partes coniunctionem orbium, & maximam coniunctionem cuius partes sunt, coniunctiones maiores scilicet, transmutationes ex trigono in trigonum, post ducentos quadraginta annos, & post has habemus coniunctionem magnam, quæ fit singulis viginti annis permutando signum, & hoc est quintum, & sextum est coniunctio media Saturni & Martis. Septimum est coniunctio maior, scilicet Iouis, & Martis, octauum est eclipsis Solis, Nonam est eclipsis Lunæ, decimum est coniunctio luminarium, & hominum horum, præsertim coniunctionis maioris mediæ minoris eclipsium & coniunctionis luminarium, & anni magni est diuisio per quartas. Remanet modo ut doceamus secundum scilicet, dominum in his & eum qui eleuatur, & dominus est duplex vnus loci coniunctionis, aut luminaris affecti, si sit Luna, aut in anno magno si posset sciri, cum redit ad initium Arietis, sed hoc est impossibile. Et secundus dominus est anguli subsequents, in eo tempore & hoc non possumus scire, neque in anno magno, neque in coniunctione orbium, nec maxima, neque in maiore, nec magna, nec media, nec minore, sed solum in reliquis tribus scilicet, in deliquiis luminarium, & in coniunctione eorum atque illarum partibus, & ita in oppositione & quadratis solum. Et propter hoc quærimus in tempore palmarum septem maximæ dominum loci coniunctionis, & eum qui superior est ex his qui coniunguntur, aded ut in deliquiis, & in coniunctionibus luminarium consideremus, tria primum illum qui eleuatur

Kk 2 supra



supra reliquos plānetas, secundū dominum loci deliquij, aut coniunctionis, aut oppositionis, aut quadrati. Tertium dominum anguli succedentis & inter hos maiores vires habet tertium, deinde secundum, deinde primum, in reliquis autem septem primis considerabimus, solum duos & præcipue in, secundo, tertio, quarto, quinto, sexto & septimo. Primum quis eleuetur super alium, hic enim habet longè magis robur, deinde dominum loci, & in domino loci primas vires habet dominus finis, & post ipsum dominus trigoni, post altitudinis demum domus, at si sit carpentum sine fine erunt duo domini, principales dominus carpenti & dominus finis. Demum quis eleuetur super alium, & erit ille qui est prior absidi sui eccentrici ex illis duobus qui coniunguntur, & si vnus esset dominus, finis esset potentior, non tamen idem est de aliis dignitatibus. Nam quo ad mundum, & quod sit orientalis illa sunt paria vel parum differunt. Tertia conditio est quod ille qui est, in latitudine Boreali dicitur, superior ei qui est in australi. Quarta & vltima est quod ille qui est velocior cursu est, potentior tardiore, & hic planeta stante, & stans retrogrado, hæc differentia tametsi pusilla sit in coniunctionibus superiorum inter se, magna tamen esse potest in coniunctionibus trium superiorum, cum tribus inferioribus, & trium inferiorum inter se. Quæ autem huc spectant debent accipi vt à ptolemæo scripta sunt. Iupiter ergo cum fuerit æquidistans signo Arietis, significat sanitatem corporum hominum, & forte erunt multi planctus & infirmitates, & dolores capitis, & magis in quarta autumnali, & significat vehementiam caloris, in principio eius, & in fine eius vehementiam frigoris, in quarta hyemali, pluuias multas, & inundationes, & humiditates, argumentum quoque panis, & plantationes arborum & vinearum. Et cum fuerit latitudo eius septentrionalis, significat vehementiam caloris, & multitudinem ventorum, calidorum, venenosorum. Et cum fuerit meridionalis, significat vehementem aëris frigiditatem. Et dicit Haly, quod Iupiter in Ariete sub radiis facit pluuias. Vespertinus autem nebulas spargit: Matutinus seu orientalis serenum aërem. Stationarius verò efficit tonitrua, & abundantiam fructuum seni. Et secundum Albumasarem, si fuerint illic retrogradus, significat nocumentum in omnibus rebus super quas significat Iupiter. Et dicit Albumasar, Iupiter cum fuerit æquidistans signo Tauri, mortem nobilium, dolores etiam oculorum paucitatem auium, vehemens frigus & nocens, multas pluuias, terræmotus in initio quartæ hyemalis, & multas nives in medio eius: Eritque quarta æstivalis temperata, & forte augmentabitur calor, & siccitas, in quarta autumnali cum multitudine panis & vini, cum diminutione arborum, & erit angustia, & aduersitas nauigantium in mari. Et si fuerit eius latitudo septentrionalis, significat bonam aëris commixtionem. Si fuerit meridionalis, significat permixtionem, commixtionis eius, & paucam æqua-

litatem eius. Dicit Haly, Iupiter in Tauro, sub radiis mediocritatem anni significat: Vespertinus hymbres, Matutinus vel orientalis abundantiam fructuum & pascuæ. Et secundum Albumas. si fuerit illic retrogradus, significat commotionem inimicorum super Reges. Et dicit Albu. Iupiter cum fuerit æquidistans signo Geminorum, significat hominibus multos dolores oculorum, & præcipue pueris, & mulieribus, & multum mortem in eis, & mortem in bestiis, & erit quarta autumnalis temperata, & paucum nocumentum eius, assiduum, flatum ventorum occidentalium, augmentum panis & vini, & præcipue in parte occidentali, & forte erit diminutio messis, & pluuiarum, & tamen cum hoc incrementum aquarum fontium. Et si fuerit latitudo eius septentrionalis, significat flatum ventorum & temperantiam eorum. Et si fuerit meridionalis, significat æstatem valde calidam, & multitudinem ventorum, calidorum, & venenosorum, & siccitatem aëris. Et dicit Haly, Iupiter in Geminis sub radiis bonam commixtionem significat, & vespertinus sanitatem, & matutinus vel orientalis. Secundum Albumasarem, significat multas pluuias, & vehementiam frigoris. Et secundum Haly, cum fuerit ibidem firmus, sanitatem deducit. Et secundum Albumas. si fuerit illic retrogradus, significat multos rumores, & terribiles & bellum. Et dicit Albuma. Si Iupiter fuerit æquidistans signo Cancris, significat morborum multitudinem in hominibus, & forte sanabuntur in quarta autumnali, cum multo calore & vehementi frigore, & præcipue versus orientem, & multitudinem pluuiarum, & nebularum, & nium in quarta hyemali. Et si fuerit latitudo eius septentrionalis, significat vehementiam caloris, & multitudinem ventorum & venenosorum: Et si fuerit meridionalis, significat illud idem. Dicit Haly, Iupiter sub radiis in Cancro, tranquillum mare significat, & abundantiam Piscium: vespertinus bonam commixtionem, matutinus seu orientalis bonam conditionem, & sanitatem significat, Stationarius significat facilitatem in rebus. Et secundum Albumas. Iupiter cum fuerit illic retrogradus, significat contristationes regni ex parte aliquorum nobilium. Et dicit Albu. Iupiter cum fuerit æquidistans signo Leonis, significat ferociam Regnum, & dolores accidere hominibus ventos validos, & multas pluuias, & multum frigus in quarta autumnali, paucitatem calorum in quarta æstivali, & vehementiam frigoris in medio eius cum augmento fontium. Et si fuerit latitudo eius septentrionalis, significat multitudinem flatuum ventorum. Et si fuerit meridionalis, significat aërem humidum. Et dicit Haly, Iupiter in Leone sub radiis, admirabiles ventos significat: Vespertinus bonam commixtionem, matutinus vel orientalis felicitatem ostendit: stans verò diminutionem infirmitatum facit. Et secundum Albu. Iupiter cum fuerit æquidistans signo Virginis, accidet hominibus dolor capitis, dolor epatis, & erit annus vehemens



vehemens super pragnantes, cum temperantia aëris in quarta vernali, & bonitate aëris quartæ æstivalis, & vehementia in quarta autumnali, significat multas pluias, & nives, & vehementia frigoris in quarta hyemali. Et si fuerit latitudo eius septentrionalis, significat bonam aëris commixtionem. Et si fuerit meridionalis, significat temperantiam pluviarum, & vtilitatem earum. Et dicit Haly, Iupiter in Virgine sub radiis, significat abundantiam rerum: Vespertinus bonam commixtionem, matutinus significat infirmitatem: Stans significat bonam sanitatem & omne gaudium. Et secundum Album. si fuerit illic retrogradus, paucitatem pluviarum, cum bonitate, & temperantia aëris ostendit. Et dicit Album. Iupiter cum fuerit æquidistans signo Libræ, significat mortem boum, & temperantiam aëris veris, & declinationem eius ad frigiditatem, & in quarta æstivali, significat pluias destruentes panem, cum multitudine tonitruorum, & coruscationum, & multas nives, in principio quartæ hyemalis, vsque ad mediam eius cum caliditate aëris in fine ipsius. Et si fuerit eius latitudo septentrionalis, significat assiduum ventorum flatum cum vtilitate corporum. Et si fuerit meridionalis, significat multos dolores, venturos hominibus, & præcipue in oculis & corde. Et dicit Haly, Iupiter sub radiis in Libra, significat aëris bonam complexionem: vespertinus significat sanitatem, matutinus infirmitatem expellit, stans bonum tempus facit & firmat. Et secundum Album. cum fuerit illic retrogradus, significat infirmitates capitis, & infortunia pragnantium, & pluuiam multam, in principio hyemis & medietas eius mista, cum flatu ventorum, cum temperantia quartæ vernalis, & multas herbas in quarta æstivali cum diminutione aquarum. Et dicit Album. Iupiter cum fuerit æquidistans Scorpioni, significat sanitatem corporum hominum, cum multis pluuiis destruendis in omnibus partibus, & vehementiam frigoris in principio quartæ vernalis, vsque ad medietatem eius: deinde superaddet & condensabitur aër, & multiplicabuntur nebulae, cum vtilitate vinearum, & agriculturæ, & bona plantatione arborum. Et si fuerit latitudo eius septentrionalis, significat vehementiam caloris: & si fuerit meridionalis, significat humidum aërem. Et dicit Haly, Iupiter in Scorpione sub radiis, frigidam pluuiam significat: vespertinus bonam temperaturam, matutinus bonum tempus, augmentum Piscium, stans tranquillitatem & quietem. Et secundum Album. si fuerit illic retrogradus, significat paucitatem pluviarum, cum multis ventis proficuis. Et dicit Album. Iupiter cum fuerit æquidistans Sagittario, significat multos morbos capitis, & præcipue in quarta autumnali, & mortem in bestiis, & præcipue in bobus, multas pluias, frigus mediocre in principio hyemis, & magnitudinem illius in medio ipsius, & nives, & destructionem panis & fructuum, cum vehementia caloris in quarta æstivali, & perseverantia ventorum orientalium. Et si fue-

Tom.V.

rit latitudo eius septentrionalis, significat flatum ventorum, & iuuamentum eorum. Et cum fuerit meridionalis, erit valde utilis hominibus. Dicit Haly, Iupiter in Sagittario sub radiis bonam conuersationem, & bonam conditionem significat: Vespertinus pluias multas, Matutinus serenum, stans utilis est hominibus in hominibus. Et secundum Album. cum fuerit illic retrogradus, significat iustitiam regum, cum gaudio plebis, cum multitudine pluviarum, & bonam temperantiam aëris æstatis, & multas herbas. Et dicit Album. Iupiter cum fuerit æquidistans Capricorno, significat mortem nobilium & sanitatem corporum hominum, multas pluias, ventos assiduos in quarta vernali, cum paucitate caloris in quarta æstivali multitudinem ventorum orientalium, cum diminutione fructuum, panis & vini paucitatem & copia humidi. Et dicit Haly, Iupiter in Capricorno, sub radiis humidum aërem significat: Vespertinus pluuiam, matutinus tranquillitatem in mari & in fluminibus, stans aquarum multitudinem significat. Et secundum Album. si fuerit illic retrogradus, significat commixtiones, quæ aduenient regibus & plebi. Et dicit Album. Iupiter cum fuerit æquidistans, significat mortem nobilium, & multos dolores hominibus, & præcipue iuuenibus, mortem auium, & luporum, multitudinem pluviarum & niuium, cum vehementia frigoris in quarta vernali, & exit quarta æstivalis multorum ventorum, & orientalium præcipue, & multiplicabuntur pluuiæ, & venti in quarta autumnali, & erit initium hyemis pluviarum multarum, & multorum ventorum & humidi, cum destructione panis, in hora qualitatibus, vel complementi arborum & vinearum, cum multitudine submersione in mari: & si fuerit latitudo eius septentrionalis, significat siccitatem aëris: & si fuerit meridionalis, significat multas nebulas. Et dicit Haly, Iupiter in Aquario, sub radiis temperiem significat, vespertinus multam pluuiam: matutinus multas infirmitates. Stans confert ad incrementum omnium rerum & efficit pluias. Et secundum Album. si fuerit illic retrogradus, nocet regibus & morbos in eis efficit. Dico eiusmodi sunt remota, & sunt ex eis propter quæ Astrologia inaniter existimantur à naturis. Idem etiam dicit, quod Iupiter cum fuerit æquidistans Piscibus, significat multa damna hominibus, & præcipue iuuenibus, & mulieribus dolores, etiam in parentibus, ventos frigidos, assiduosque in quarta vernali, & vehementiam caloris in quarta æstivali, bonam aëris commixtionem in quarta autumnali: pluviarum, quoque niuium copiam, in quarta hyemali multos ventos, in medio eius & nives in fine eius cum hoc quod pluuiæ corrumpent arbores, & messes, & præcipue vineas & olivas. Et cum fuerit latitudo eius septentrionalis, significat flatum ventorum, & iuuamentum eorum: & si fuerit meridionalis, significat multitudinem pluviarum cum augmento fluminum. Et dicit Haly. Iupiter in Piscibus sub radiis, facit augmentum piscium:

K k

vesperi



vespertinus bonam complexionem, maturi-  
nus tranquillitatem in mari & fluminibus:  
Stans bonam & temperatam pluuiam signi-  
ficat. Et secundum Albumas. si fuerit illic  
retrogradus, significat res futuras, deterio-  
res, & fructus, & carnes.

Si autem Iupiter eleuetur super alium pla-  
netam, eo modo, quo in Saturno diximus,  
si quidem supra Saturnum & fuerit in Arie-  
te, erit exaltatio regis super populum, pau-  
ci inimici, eius rumores terribiles, menda-  
cia, fecunditas aeris, venti tempestati in  
messe, & profectus in eis. Si vero fuerit in  
Tauro, erit multa caedes, & mors inter re-  
ges, destructio multorum climatum, fecun-  
ditatem mulierum, & pluuiarum paucitatem  
aerem, tamen humidum multam messem. Si  
vero in Gemini erit mors multorum magno-  
rum virorum, & nocumentum in pluribus  
terris: cum aere humidior. Si vero fuerit  
in Cancro erit siccitas magna in Armenia,  
fecunda messis, fructus vberes in quibus-  
dam terris, cum flatu ventorum humidiorum.  
Si vero in Leone, erit mors regum, &  
potentium, & multorum hominum: odium  
inter eos, bonitas aeris & ventorum, cum  
fecunditate messium. Si vero fuerit in Vir-  
gine, erunt multa bella, & morbi, & mors in  
hominibus aer siccior, & ventus & prouen-  
tus copiosus seminum. Si vero fuerit in Li-  
bra, erunt bella & multae caedes, cum destru-  
ctione quarundam regionum, multa siccitas  
pluuiarum, & pulchrum esse messis. Si vero fue-  
rit in Scorpione, erunt seditiones & discor-  
diae in pluribus climatibus, combustio in eis  
cum superfluitate pluuiarum. Si vero in Sa-  
gittario, erunt multa bella inimicitiae, &  
odia inter homines cum multis pluuiis, &  
temperantia aeris. Si vero in Capricorno,  
abundabunt lupi, & ferae, & etiam locustae  
aer siccior, messis copiae. Si vero in Aqua-  
rio, erit fertilitas multarum regionum, cum  
multis niuibibus, & aquis, & inundationibus  
hominum, & salute eorum. Si vero fuerit in  
Pisces, erit siccitas multa, pisces & paru-  
aues cum superfluis pluuiis. Si autem supra Mar-  
tem & fuerit in Ariete, erunt multae infirmi-  
tates, & dolores cum magno frigore. Si vero  
fuerit in Tauro, erit destructio in pluribus re-  
gionibus, multa nix in tempore congruenti. Si  
vero fuerit in Ariete, destructio graminis in  
viridariis cum siccitate. Si vero fuerit in  
Cancro, erit mors inimicorum regis, multi  
latrones, copia magna latronum, aquae mul-  
tae cum augmento Tigris & Euphratis, &  
magnorum fluminum iuxta partem in qua  
fuerit constitutus. Si vero fuerit in Leone,  
erit mors inimicorum & principum, cum ve-  
hementia frigoris. Si vero fuerit in Virgine,  
erit destructio census mercatorum, & boni-  
tas rerum, venti multi temporibus congruen-  
tibus. Si vero fuerit in Libra, latrones ca-  
pient census mercatorum, & multae nubes.  
Si vero fuerit in Scorpione, erit mors in filiis  
regum, cum fertilitate regionis, & paucitate  
pluuiarum. Si vero fuerit in Sagittario, erit  
mors plurium nobilium combustiones, cum  
multo frigore tempore suo. Si vero fuerit in  
Capricorno, erit mors luporum, vermium,

mors auium, aquaticum, cum multis nebulis,  
pluuibus & aquis. Si vero fuerit in Aquario,  
erit bellum & gaudium illud, & letitia cum  
paucitate pluuiarum & aquarum. Si vero fue-  
rit in Pisces, erunt multa miracula, & paucior  
in hominibus, cum salute postea caliditas ae-  
ris & siccitas.

Si autem supra Solem & fuerit in Ariete,  
abundabunt pluuiarum fecundae. Si vero fuerit  
in Tauro, erit siccitas aeris, cum multis ven-  
tis calidis. Si vero in Gemini, erit siccitas  
aeris. Si vero in Cancro, hominum multitu-  
do peribit, miracula in terra, flumina com-  
mode se habebunt. Si vero in Leone, erunt  
pluuiarum salutes earum. Si vero in Virgine,  
erit siccitas aeris, cum paucitate pluuiarum.  
Si vero fuerit in Libra, erit siccitas aeris ni-  
mia. Si vero in Scorpione, erit siccitas aeris.  
Si vero in Sagittario, erunt multae pluuiarum,  
& inuatio earum. Si vero in Capricorno, erit  
temperantia aeris. Si vero in Aquario, erit  
siccitas aeris, & aeris obscuritas, & aqua-  
rum excessus, unde quaque erit copia pis-  
cium & paruorum auium. Si vero fuerit in  
Pisces, erit siccitas aeris.

Si autem supra Venerem & fuerit in A-  
riete, erunt multa infortunia, infirmitates &  
mors, cum terramotu in pluribus partibus.  
Si vero fuerint in Tauro, aer erit humidus &  
Europa multa damna patietur. Si vero in Ge-  
minis, erit mors praegnantium, pauca pluuiarum  
cum multis messibus. Si vero in Cancro, erit  
copia humidi cum salute messium. Si vero in  
Leone, pleraque vrbes & regiones pace,  
& fecunditate gaudebunt, erunt tamen ter-  
ramotus. Si vero in Virgine, erunt multi lu-  
pi, & pauca pluuiarum. Si vero in Libra, erunt  
bella, & terramotus, & proficiet messis. Si  
vero in Scorpione, bella & caedes, ac sedi-  
tiones abundabunt. Si vero in Sagittario,  
erunt multa praelia & caedes terramotus,  
cum frugum tamen copia. Si vero in Ca-  
pricornio, erit annus bonus, mors auium, &  
bouum, & piscium, & auium paruorum,  
& terramotus cum paucitate pluuiarum. Si  
vero in Aquario, erunt pauci dolores in plu-  
ribus regionibus, cum multis aquis & aere  
obscuris. Si vero fuerit in Pisces, erit om-  
nino salus ciuium, mors praegnantium, pi-  
ces multi, multae aues, & aquarum incre-  
mentum.

Si autem super Mercurium & fuerit in A-  
riete, erit mors militum, multae pluuiarum, ven-  
tus assiduus, & utilis tonitrua & corruscationes.  
Si vero fuerit in Tauro, erit salus ho-  
minum, & copia alimentorum, cum multis  
pluuibus & paucis aquis. Si vero fuerit in Ge-  
minis, erit ventus calidus. Si vero in Cancro  
erunt infestationes seruorum, ad reges men-  
dacia, & dilunia, destructio quorundam cli-  
matum, pluuiarum multa, cum paucis nubibus &  
tonitruis, impedimentum in paruis. Si vero  
in Leone, erunt multae pluuiarum, venti & toni-  
trua, corruscationes, terramotus, cum paucis  
nocumento & destructione. Si vero fuerit  
in Virgine, erit multa superfluitas, & ven-  
tus assiduus. Si vero fuerit in Libra, erit sa-  
lus in pluribus regionibus, & consecratio bo-  
norum, & ventus assiduus. Si vero fuerit in  
Scorpio



Scorpione, erunt multa bella, & multæ tristitiæ, & pluuia superflua tempore suo. Si verò in Sagittario, erit pluuia & ventus superfluus, multa tonitrua & corruscationes, niues viles, & temporibus conuenientibus, aderunt tamen terræ motus etiam. Si verò fuerit in Capricorno, erunt multi vates, vehemens frigus destruens, pluuia superflua cum augmento messium. Si verò fuerit in Aquario, Rex superabit inimicos suos, multi terræ motus, & nubes, & pluiæ & frigus. Si verò fuerit in Pisce, erunt multi pisces, & parua aues, pluuia multa & frigus vehemens.

Si autem super Lunam & fuerit in Aetere, erit fertilitas anni cum multis pluuiis. Si verò in Tauro, erit multa fertilitas, & salus hominum, cum mediocritate pluuiarum. Si verò fuerit in Gemini, erit superfluitas aquarum & pluuiarum. Si verò fuerit in Cancro, erit pauca pluuia & humiditas. Si verò fuerit in Leone, erit prosperitas aëris. Si verò in Virgine, erit superfluitas pluuiarum. Si verò fuerit in Libra, erit pauca humiditas, & siccitas aëris. Si verò fuerit in Scorpione, erit pauca aqua & pluuia. Si verò in Sagittario, erit constitutio humida mediocriter. Si verò fuerit in Capricorno, erit humida valde & abundantia aquarum. Si verò fuerit in Aquario, erit humida constitutio. Si verò fuerit in Pisce pluuia pauca.

Manifestum est autem quod velut in Saturno, quæ proportionem respondent, ipsi Ioui vsque ad defluxiones addere oportet. Si igitur Luna à Ioue defluens feratur, ad Martem & si nocturna genitura, & crescens Luna sit, Martis societati iungatur, facit magnos potentes, ciuitates vel regiones maximas suis viribus obtinentes: sed cum sollicitudinibus, & cum periculis istius decernit potentia potestatem, non erunt tamen hi sine vitio ac valetudine: sed existant tales qui facile cuncta patiantur, præsertim si in principalibus genitura locis Mars fuerit inuentus quod si in deiectis locis Marte constituto, sic ad eum Luna feratur, ignitas artes decernit, sed & ipsos facit humiles, & abiectos, & valetudines, & vitia, & malo mortis discrimina frequenti ratione decernit. Si verò per diem Luna à Ioue defluat crescens, & stellæ se Martis associauerint faciet expositos, seruos miseros, onere mendicitatis oppressos, vitiis ac valetudinibus implicatos, & quorum seruitus captiuitati sit similis, & qui vitam violenta morte deperdent. Si verò Luna deficiens in nocturna genitura à Ioue defluat, & feratur ad Martem claros faciet, & si Mars in principalibus genitura locis fuerit inuentus, & Luna minuta luminibus in nocturna genitura à Ioue defluens feratur ad Martem, faciet iudices, duces, & quibus summum potestatis credatur imperium. Quod si in deiectis genitura locis Mars fuerit inuentus, & si sic vt diximus ad eum feratur, Luna faciet milites athletas, aut qui ex igne & ferro quærant, sibi vitæ subsidia, aut medicos chirurgicos facit. Si verò per diem deficiens Luna & à Ioue defluens feratur, ad Martem paternum & maternum patri-

monium dissipat, & parentes in prima ætate eius perimens onus extremæ mendicitatis imponit, aliis vitium acerbi doloris infligit, facit interdum seruos, interdum captiuos, plerumque biothanatos, præsertim si succurrente Luna Mars in cardinibus genitura fuerit inuentus, vel si in anaphoris, vel cataphoris sit, tunc enim quæ diximus, erunt cum his locis constituta Marti Luna societate si coniunxerit. Si à Ioue Luna defluens feratur, ad Solem paternum & maternum patrimonium varia dilaceratione dissipat ipsos à parentibus alienabit, aut in longinqua peregrinatione constituet, alios exules, alios fugitiuos facit, aliis seruitutem, aliis onus captiuitates imponit, præsertim cum in domo Saturni, vel Martis Sol, vel Luna fuerit inuenta. Si à Ioue Luna defluens adferatur ad Venerem, si sit crescens vel plena luminibus, facit parentes nobili potestatis auctoritate præfulgidos, & qui fuerint maximam potentiam consecuti sed alienati à suis tunc qui natus fuerit cogitur, & citò eum orbatum parentibus facit: sed nihilominus etiam ipsi potentiam gloriam, nobilitatemque decernit, sed hæc omnia post processu largitur ætatis: & ab vxoribus maximè felicitatis decernit augmentum, facit etiam ipsos venustos, gratos, lepidos, & quibus ex gratia, vel venustate potestas maxima comparetur. Si verò à Ioue defluens ad Venerem feratur minuta luminibus, & sit in principalibus, vel necessariis genitura locis infinita felicitatis incrementa decernit, & erit nimium foelix, in cuiuscunque genitura sic fuerit inuenta decernit enim honores potentias, fasces prætextas, & magnificæ potestatis insignia, & quibus à parentibus hoc dignitatis meritum confertur, & in primo ætatis gradu positus potentissimæ dignitatis ornamenta decernit, & vxori, mulieribus diuitiarum & felicitatis, facit incrementa conferri. Si à Ioue defluens Luna ad Mercurium feratur plena luminibus, facit tetricos, iudices, bonos, benignos gloriosos. Erant enim aut exactores fiscalium præstantiorum, aut religionibus propositi, aut iuris interpretes, ex quibus occasionibus maxima illis felicitas, & diuitiæ magis conferantur, vt ipsa felicitas per omne vitæ spatium perseueret. Si verò minuta lumine à Ioue defluens feratur ad Mercurium ex literis vel ex disciplina aliqua, aut ex horreis, & ex negotiationibus faciet vitæ substantiam vel subsidia querentes, & quidam hæreditates aliquas consequuntur, alij inuenient, alij commendatas sibi res abnegant, vt ex ista perfidia patrimonij sibi præsidia comparent. A Ioue defluens Luna si ad nullum feratur, & per vacuum cursus suos dirigat, si sit plena luminibus, faciet ex sua perfectione peregrinos, & pauperes, & qui processu temporis omnia felicitatis ornamenta deperdant. Si verò sit minuta luminibus, expositos captiuos, & quos vita seruitutis onere deprimatur, & quidam erunt vitiis valetudinibusque implicati, alios oligochronios facit. Rursus si Luna Iouis applicuerint stellæ, & crescens lumine ei se societate coniunxerit, vel ad Iouem feratur, faciet felices, gloriosos,



diuites, multorum & magnorum fundorum, & latissimarum possessionum dominos, sed sic habentes etiam futura prædicunt, aut propria animi diuinitate, aut deorum monitu, aut exoraculis, aut cuiusdam venerabili disciplina. Si tamen in ista coniunctione Lunam positam de quadrato, vel diametro Martis stella non viderit, minuentur hæc omnia in maximo vitæ discrimine. Si verò ista coniunctione fuerit minuta luminibus, faciet adoptari, vel expositos antea, postea parentibus reddi, per semetipsos sibi patrimonium quærentes, & reddit tales qui gradatim, & processu temporis crescant, & qui habeant alicuius gloriæ potestatem, sed hæc tunc complentur, si sic Lunam positam Mars, de diametro vel de quadrato non viderit; quod si sic Lunam positam Mars qua diximus respexerit radiatione, faciet expositos sempiterno seruitutis onere reprimi, aut ab ancilla matre, aut debiles faciet procreari, aut ipsi certè sunt parte quadam corporis debiles, & miseros infelicitatis onere prægrauati, præsertim si istam coniunctionem Mars in diurna genitura respexerit, vel Saturnus in nocturna, sed Saturnus tunc cum minuta deficiet Luna.

Si à Marte defluens Luna plena vel crescens lumine ad Iouem feratur, in opportunis genituræ locis facit duces, ducentes exercitum, potentes, imperiosos qui sint omni ratione terribiles, & qui prouincias ciuitatesque potentia suæ potestate possideant, erunt sanè diuites, locupletes, pecuniosi, & qui omnia quæque volunt facillimis rationibus consequuntur, & qui sint in omnium certaminum conflictatione victores. Si verò sit minuta lumine, & sit à Marte defluens ad Iouem feratur, faciet publicis quibusdam certaminibus destinatos, sed qui semper præconio bonitatis ornentur, aut, gloriosos milites facit, & his assidua felicitatis incrementa decernit, & hos eisdem crebris honorum promotionibus latè patriæ, & variis facit generibus gloriosos latentia tamen vitia infligit, & frequentibus faciet vilitudinibus implicari. A Sole defluens Luna si feratur ad Iouem, & si diurna genitura à parentibus fortunæ, & felicitatis largitur insignia, quidam regiones aut ciuitates maximas obtinebunt: erunt tamen ultra modum beneficio felicitatis ornati. Si verò per noctem à Sole defluens ad Iouem feratur, faciet semetipsos sibi feculatum substantiam comparantes, & qui sint assiduis peregrinationibus dediti: sed hoc in prima iuuentute decipit, in processu tamen temporis ætatis gloriæ commendationes bonas, & idoneas decernit sibi subsidij facultates. Si à Venere defluens Luna ad Iouem feratur, faciet magnos, potentes, & nobiles, & ciuitatibus præpositos: quosdam verò facit præsidio mulierum, subleuari, erunt sanè grati, venusti amatores mulierum, & qui venustatis gratia omnia quæ desiderant consequantur. Si verò defluens à Venere minuta lumine ad Iouem feratur, de mulieribus dabit subsidia facultatum, & reddit tales quibus à prima ætate parentibus felicitatis,

& gloriæ, gratia conferatur, aliis hæreditates dabit, aliis lucra maxima inuenire compulit, aut in templis honorata decernit officia. Si à Mercurio defluens Luna ad Iouem feratur, facit magnos, potentes, quibus Imperatorum literæ ac secreta credantur, aut qui regias opes, regiosque thesauros, fidei tutatione custodiant, & qui in regia domo iubendi, vel disponendi habeant potestatem facit, plerumque magistros nunciosque Regum: sed & neocoros aut prophetas, facit aut Principes sacerdotum, aut ex istis honoribus, aut ex his occasionebus maxima illis felicitatis conferantur insignia, aut vt ex his actibus potentium, diuitiarum, incrementa conquérant. Si verò à Mercurio defluens minuta lumine Luna ad Iouem feratur, aut rationibus præponit, aut ferioris, negationibus facit esse præpositos, aut facit actores, & talis quibus publica vel fiscalia instrumenta credantur, aut ponderibus publicis, aut fiscalibus facit priuatarum litium iudices, aut ex his actibus maxima facultatum incrementa decernit, & felicitatis largitur insignia, aliis hæreditates, alios res depositas, & absconditas inuenire compellit, apud alios res commendatæ remanent, & apud eos sine fraudis vitio perseuerant, vt in istis rebus gloria, & substantiæ illis magna felicitas comparetur.

Peculiariter autem Iuppiter significat sacerdotes, viros iustos iudices, magistratus, nam reges propriè decernit Sol, & Luna populum, & missionem vtriusque Sol cum Luna. Et significat omne bonum quod est in vita, quia omne bonum consistit in moderatione, & ipse significat temperamentum, & moderationem quia est remotus ab omni excessu, & idè significat virtutes, quoniam virtutes sunt mediæ inter vitia, vt Poëta ille dicebat,

*Virtus est medium vitiorum vtrinq; redactū.*

Et sanitatē quoniam sanitas consistit in bona temperie, & consilium ac prudentiam, quia illa consistunt circa bonam temperiem affectuum, & etiam quia est moderati motus vnde neque impetu res agit, vt Mars, & Mercurius, neque adèd segniter vt occasio prætereat vt Saturnus. Et etiam potens magnus & densi luminis, & grandis aspectu. Et est patiens quia sapiens, & etiam quoniam potest ferre labores, & reliqua incommoda. Et præbet opes, quoniam efficit patientem laborum, prudentem, blandum, & fidum vt ei credatur. Et significat ætatem à 56. anno ad 68. & vxores quia significat prolem, & commodam vitam, hæc autem habetur cum vxore proba, & antiqui eius nomine præposuerunt Deum cunctis quoniam viuet. Et quando significat pluias vt cum Venere, aut Luna significat tranquillas, significat etiam cibi amatorem, & bonum colorem, efficit autem nobilem, gloriosum, honestum, ornatum lætum, simplicem, beneficium, moderatum, in verbis minimè fœtidum in ambulando quietum ac lentum non præcipitis incessus. Carnosam haud multum pinguem coniuiui delectatur.



Si malè dispositus fuerit erunt vitia similia virtutibus, belluo, adulator, segnis, feret iniurias & dedecora, prodigus. In ascendente diurnus præbet magnam potestatem, nocturnus primum inter fratres vt sit nascatur, -aut alios occidendo. In secundo multum opibus fauēt, adeo vt sacerdotia aut hæreditates impartiantur. In quarto loco bonam fortunam cum Principibus præstat, tum etiam magistratus, die quidem quod diurnus fit, noctu quod cum Sole: nam in tertio lenibus itineribus atque frequentibus vitam recreat, sed & fratres aut coniunctos bonos, & iucundos præbet. In quinto noctu paulò minus quam in vndecimo interdum præbet felicitatem naturæ congruentem: nam moderatam vim habent hi loci, & orientales sunt atque puri. In angulis enim quandoque magis vincitur à natura loci quam vincat, in cadentibus debilitatur à natura loci, in occidentalibus quadrantibus, non adeo gaudet, quare vndecimus & quintus locus maximè propitij sunt, illi velut, & Veneri ea ratione in sexto loco, de die aut duodecimo de nocte, nisi Sol ipsam non latentem sequatur, hos quidem per calumniam à iudicibus damnari, facit illos morbis & seruitute atque laboribus implicare: estque sanè eorum genesis ac si tam benigno sydere prorsus destituta foret. In septimo si in Geminis fuerit corporis molem immodicam præstat. Cæterum felicem reddit & bonæ conuersationis ac lætæ, opes autem in senecta magis præstat. Sed in octauo eadem penè quæ in secundo pòllicetur, lites tamen & contentiones adiicit, præcipuè in nocturna genitura. In nono autem loco præbet sacerdotia pauperibus, sacerdotum patrocina, & in locis proprii somnia vera, in contrariis falsa. Et præsertim noctu vnde etiam supersticiosos efficit decimo in loco eadem fermè: sed illustriora si non nocturnus fuerit quæ in quarto, & certè cum publica negotiæ præbet, & ex negotiis vtilitatem. Hæc autem omnia efficaciora in omnibus cum præfuerint locis, & vt etiam præfuerint distinguendum.

## DE MARTE.

Sunt præter hæc in superioribus planetis duæ comparationes, ad Solem quarum vna est, quod dum planetæ centrum epicycli est, sub centro Solis ipsa stella est in abside media sui epicycli. Altera quam vocant Periodicam restitutionem, est quoniam Sol quot ambit circulos signiferi totos cum modica portione, tot stellæ in suo epicyclo additis reuolutionibus in Eccentrico. Igitur Saturnus in quinquaginta septem reuolutionibus, epicycli in duabus eccentrici peractis, & portiuncula vtriusque in annis 59. die vno, horis 18. qui dies & horæ partes sunt temporis, quibus Saturnus superat 57. integras reuolutiones, vt Sol in 59. reuolutionibus die vno, horis 18. tanto plus progrediatur in integris reuolutionibus, quantum est motus in vna die, & horis 18. Et similiter Iupiter in annis 71. diebus 4. & deinceps deficientibus perficit 65. reuolutiones in epicyclo, sex in eccentrico, & Sol loco suo totidem reuolutionibus deficientibus diebus & parte diei supra scripta. Similiter & Mars in 37. reuolutionibus epicycli, & 42. eccentrici progrediatur, quantum Sol in 79. annis, diebus tribus & sexagesimis 13. scilicet, per tres gradus & decem minuta. Sed & Venus in octo annis quinque, facit reuolutiones in epicyclo diebus 2. & sexagesimis 18. deficientibus octies redit ad suum locum in eccentrico cum restitutio, hæc re constet non numero, cum sint 13. reuolutiones collectæ, non octo, sed tamen reditus idem, quoniam tantum deficit ex reuolutione in epicyclo, ex quinta perfecta quantum Soli ad vltimam reuolutionem complendam in eccentrico. Similiter in Mercurio sunt 145. reuolutionibus die vno & 31. in epicyclo reditus, fit cum 46. reuolutionibus in eccentrico in 46. annis & die vno, in Sole in totidem annis qui 46. perficit reuolutiones & vnum gradum. Quorum causa duas Tabellas exposuimus, quarum vna ostendit loca reuolutionum, & tempora vt à latere vides in prima.

| Epicyc.        | D.           | H.M.eccent. | Eccen. | D.H.M. |
|----------------|--------------|-------------|--------|--------|
| ♄ 57 1 18 0 2  | ♄ 59 1 18 0  |             |        |        |
| ♃ 64 360 4 0 6 | ♃ 70 360 4 0 |             |        |        |
| ♂ 37 3 4 0 42  | ♂ 79 3 4 0   |             |        |        |
| ♀ 4 362 18 0 8 | ♀ 7 362 18 0 |             |        |        |
| ♁ 145 1 1 0 46 | ♁ 46 1 1 0   |             |        |        |

In secunda constat in superioribus quod motus in eccentrico, & epicyclo in singulis diebus, cuiuslibet Planetæ medij iuncti æquatur, & perficiuntur medium motum Solis in die. Appellabimus igitur hos annos, scilicet restitutionum solatium, velut in Saturno 59. in Ioue 71. in Marte 79. In Venere octo, in Mercurio 46. in quibus Planetæ remeant ad idem velut in nostra genitura 24. die Septembris anni 1501. Saturnus fuit in Gr. 31. min. 28. Geminorum retrogradus, sed

secundum prutenicas tabulas in gradibus 20. minutis 45. Idè anno 1560. die 26. Septembris erit in eodem loco in principio retrocessus, ergo eadem fermè euenient, quæ ad Saturnum pertinebunt, in anno 1560. quæ in anno primo 1561. quæ in anno secundo, & secundum menses, & dies, & in anno 1568. quæ in anno 1509. vtpote morbi longus, sed alterius, & qualitatis, & magnitudinis propter comparationem Saturni ad reliquos planetas, & si quis hanc proprietatem



tem animaduertat, videbit eam esse magnæ considerationis, & in Mercurio idem continger, anno 1547. & ut in anno 1520. ita in anno 1567. Contuli autem me ad gymnasium, & in anno 1521. cæpi profiteri, &

ita in anno 1568. augebitur glória nominis, & ita in anno 1525. Præpositus sui scholaribus. Ideò in anno 1571. si vixero erit mihi quædam potestas cum honore sed parum utilis. Venus autem singulis octo annis redit

| G. M. 2. 3. G. M. 2. 3. |   |   |    |    |    |   |          | Gr. M. 2. 3. |   |    |      |
|-------------------------|---|---|----|----|----|---|----------|--------------|---|----|------|
|                         | Π | 0 | 2  | 0  | 33 | 0 | 57 743   |              | 0 | 59 | 8 16 |
|                         | ♂ | 0 | 4  | 59 | 14 | 0 | 54 9 2   |              | 0 | 69 | 8 16 |
|                         | ♂ | 0 | 31 | 20 | 36 | 0 | 27 41 40 |              | 0 | 59 | 8 16 |
| In Eccentrico.          |   |   |    |    |    |   |          | In orbe suo. |   |    |      |
| In Epicyclo.            |   |   |    |    |    |   |          |              |   |    |      |

fermè ad idem, & ita in anno 1551. perexi in Scotiam, anno 1559. contuli me ad Gymnasium, anno 1543. perexi Bergamum, ac ibi fui per aliquot dies, & in omnibus fuere lucra satis manifesta. Fui enim addictus muneri profitendi, tum primum & anno 1519. contuli me in Gymnasium ut studerem, & anno 1511. aufugi Papiam ex Patria cum matre propter metum Heluetiorum, & anno 1527. contuli me Patauium ex Saccenſi oppido, & anno 1535. fui ascriptus inter Professores Papiæ, sed non recepi conditionem, tamenſi Senatus tribus mensibus expectauit, an vellem mutare propositum, adeò pertinaciter hæſerat in ſententia, sed ego detentus fui metu belli imminentis, anno etiam 1503. (intelligo ſemper inchoantem, tum etiam ſinem habentem in ſequenti) redij in patriam ni fallor, nam lætatus fuit extra patriam, & eo uſque educatus, hæc igitur non fortuito contigerunt, neque ſolum quia Venus eſſet in reditu anni in eodem loco & in eodem ſtatu, ſed quia ſinguli dies reſpondent ſingulis diebus, per totum annum ea conditione ut ſupra, & quod Venus eſt domina loci aſcendentis non ſolum, ſed loci Lunæ, loci partis fortunæ, loci Solis, loci medijs cœli, loci coniunctionis præcedentis natiuitatem & loci proprij. Sed in Ioue & Marte, quoniam tempus eſt, nimis longum comparatione vitæ humanæ, ideò iſta debetur referri ad reliqua indicia velut urbium aut regnorum, & ſimiliter illud idem oſtendemus in Luna in ſingulis decem nouem annis, ut ſint reditus obſeruandi per ſingulos octo annos quouis tempore conferendo ad præterita, & in comparatione ad ſingulos dies, vel valde prope ſcilicet, non ultra quatuor & ſingulis decem nouem annis, & 46. & 59. Ex quo patet quod cum medijs motus planetarum ſic ſumpti ſint æquales motui medio Solis, ergo ex communi animi ſententia erunt, etiam inter ſe inuicem æquales.

Cum ergo hac reſtitutio ſit à die natiuitatis, & toto anno perſeueret per ſingulos dies, ut dies diei correfpondeat, palam eſt eam eſſe potentiffimam maximè in domino genitura, quem Arabes Almutem vocant, ut mihi in Venere: poſt in domino aſcendentis, inde loci luminarium & medijs cœli poſt partis fortunæ. Et eſt generalis omnibus erraticis præterquam Mercurio ut ſic cauſa diuerſæ ſint effectuum. Et in Sole non eſt niſi per ſe,

ita ut ſit cauſa reſtitutionis aliorum, & ut poſſint reſicere eoſdem effectus aut ſimiles. Ideò reducentes ad quinque circuitus deſcriptis ex hoc numero Sole, ut qui per ſe nil efficiat, ſed ſit ſolum cauſa aliorum ut poſſint, & debeant hoc facere: neque res parua eſt, aut mediocris reliquos quatuor planetas toto anno per ſingulos dies, eundem ſeruare habitum ad Solem, quem habuerunt in anno prioris circuitus: & dempro Mercurio ut dixi, qui caret hac reſtitutione per circuitum. Iupiter verò & ſi habeat reſtitutionem quia tamen eſt longior pro vita humana, quam ut poſſit conferre quinque: nam ut patet in tabula eſt annorum 64. & ideò eſſet proſus comparare decrepitem infantem, ob id data eſt ei reſtitutio non quo ad Solem, ſed quoad profectionem aſcendentis, ut ſingulo & partibus illius, ſic prope locum in quo erat in præcedenti anno, & in quo fuerat ab initio tempore natiuitatis, & hoc efficit ut homo eiſdem anni temporibus non ſolum ob Solem, ſed etiam Iouem eodem modo quaſi ſe habeat lætus triſtis alacer ſegnus. Et in circuitu poſtmodum duodecim annorum non ſolum ad eundem locum orbis, ſed etiam ſigniferi reddit. Ut ſi mihi fuit in natiuitate, in prima & in initio Tauri in principio, ſecundi anni erit etiam in prima, ſed in Geminis, & in principio tertij in prima & in Cancro, ſed ibi etiam erit profeſſio aſcendentis, ſcilicet in Geminis, in ſecundo anno, & in Cancro in tertio, & in ſecundo menſe tertij anni erit in Leone, in tertio menſe in Virgine. Et ibi erit profeſſio aſcendentis, & ita erit perpetuo mihi in aſcendente, alteri in ſecunda, alij in octaua, ſemper ſingulis annis, & menſibus anni, & diebus menſis, & etiam horis, & eſt mirabile, & res magnæ considerationis. Sed in capite duodecim annorum non ſolum erit in eadem domo & Mundi ſitu, ſed ſigno eodem, & hoc per totum annum, & menſes, & dies anni correfpondentes, & ita menſis Auguſti 1568. habebit magnam ſimilitudinem, cum menſe Auguſti anni 1556. & ſiniſ menſis, ut hodie tertio Calendas ſeptembris, cum illa die, non tamen erit ſimilitudo in hijs qui non ſignificant per Iouem, velut anno 1509. menſe Auguſti laborabam in extremis, non tamen illud ſignificabat, imò non proſus anno 1521. menſe Auguſti. Et in medio menſis ſeptembris anno 1555. laborabam morbo, non tamen ſignificauit quod menſe ſeptembris 1567. deberem



berem ægrotate, quia morbus non significat per Iouem, multo minus significabatur in mea genesi per illum: Et ita de aliis, Circuitus ergo est solum de re significata, & tractione non exitu. Hæc igitur est via inueniendi circuitus singulorum bonorum, atque malorum per significatores, & vicissim inueniendi significatores per circuitus. Velut mihi in anno 26. contingit promoueri ad Lauream Medicinæ, in 29. cooptari in collegium Medicorum in 31. accersiri ad curationem Pontificis B. Andreae, & in 62. eligi in Professore Medicinæ à Bononiensi Senatu, ex quibus quatuor fuit lucrum innumerorum aureorum, imò totius pecuniæ ex arte parte & circuitus est per 12. annum. Et licet inuenerim anno. 51. in Scotiam electio tamen Medici, & litteræ transmissæ sunt, anno 50. meo ut ratio constet. Ergo tum Iupiter & ascendens fuerunt in Geminis, in secundo loco ubi radij trigoni Solis. Et Veneris etiam & Mercurij, & quadrati Lunæ, & corpore Martis, & Saturni dominorum medij cœli, ideoque ex his tria fuerunt, extra patriam & cum itinere. Et similiter anno 33. ætatis reliqui munus medendi. Plebis sacci & non lucratus sum Gallaræ toto anno 30. aureos, anno 45. omissi, munus profitendi Papiæ, & ita amissi circiter 220. coronatos, & estimationis multum, & anno 57. filius meus natus maior duxit uxorem indotatam, & erexit totum patrimonium meum ex hoc facto. Et ita anno 69. priuabor & contra, contra omnem spem, rationem & consuetudinem, ne credas hoc naturali coniectura me scribere profitendi medicinam munere, & lucro 1400. coronatorum in singulos annos ob Iouem ergo hæc sunt, qui cum ascendente prouenit ad Capricorni initium ubi sunt radij quadrati Solis, & Veneris, & Mercurij, & Sextiles Lunæ inimicæ, & radij trigoni Iouis cadunt, ante & antequam redeat annus, & Iupiter ad locum, & etiam sunt infelices, cum tam Iupiter, quàm Luna cadunt in Capricorno. Et quia Capricornus est signum medij cœli, & medium cœli cadit, in ea diuisione significat tamen exercitationem modicam, aliquando cum iactura ut anno 1534. aliquando cum lucro

insigni ut in sequentibus omnibus 1546. 1562. 1570. Est ergo Mars tertius in ordine planetarum descendendo naturalibus, & siccus ardens maleficus nocturnus masculinus aspecta minor omnibus planetis præter Saturnum, & Mercurium ruber, fuscus cuius proportio corporis ad corpus terræ, & aquæ est velut quindecim ad octo, atque ideo dimetientis ad dimetientem fermè sexquiquarta. Vnde liquet quod altitudo Solis exigua est in cōparatione ad altitudinē Saturni, quæ ferè est ut 13. ad vnā quandoquidem Mars, cum sit eam prauus Saturnum magnitudine superare videatur, cum Saturni dimetiens quadruplus sit cum septunce, neque igitur mirum est si tam prauus habeatur, cum proportio dimetientium sit minor sub tripla ad eam, quæ est altitudinis. Nihilominus lumen eius lumine Saturni minus est, est enim duntaxat partium 7. minorum 30. Anni maximi eius 284. magni, 61. minimi, 15. circuitus in eccentrico, annus vnus, 321. dies, horæ 22. circuitus in paruo circulo anni duo & 50. dies lumen partes 7. minuta 30. absis in 15. parte, & minuto 28. Leonis latitudo australis maxima part. 7. min. 7. Borealis autem par. 4. min. 21. altitudo eius in 28. parte Capricorni dominus est, & tam de die, quàm de nocte primus erigoni aquei, vnde liquet carpentum eius esse Scorpionis signum: tum verò primos septem gradus, in Cancro autem primi septem gradibus licet, in toto signo deliciatur magnam vim habet, ut propriè efficiet naufragia termini retrocessus à 72. diebus vsque ad 82. caput eius circa 16. partem Geminorum & cauda circa 16. Sagittarij. Verum in hoc consulere oportet ephemerides propter velocitatem varietatis horum velut etiam de ventre est, tamen venter Borealis anno 1570. in octaua parte Virginis mirum, tamen quoties reflectatur, & reciprocet modo in septentrionem, modo in meridiem, & quàm longissimis spacijs temporum perueniat ad ventrem maximè meridionalis latitudinis, quàm diximus esse boreale, multo maiorem, gaudet in sexto loco, cum sit nocturnus & Saturnus, altera malefica in duodecimo gaudeat morbos tamen & ibi per se generat.

| Sig. | Gr.           |  | Sig. | Gr.          |  | Sig. | Gr.          |  | Sig. | Gr.          |
|------|---------------|--|------|--------------|--|------|--------------|--|------|--------------|
| ♊    | à 21. ad 25.4 |  | ♋    | à 28. ad 30. |  | ♌    | à 18. ad 24. |  | ♍    | pri 7.       |
| ♎    | à 25. ad 30.  |  | ♏    | à 22. ad 28. |  | ♐    | à 29. ad 30. |  | ♑    | pri. 7.      |
| ♒    | à 27. ad 30.  |  | ♓    | à 26. ad 30. |  | ♈    | à 21. ad 25. |  | ♉    | à 20. ad 28. |

Propriè Lunam plenam luminibus ex opposito si exceperit, facit furiosos, ut Saturnus vacuæ si iungatur fatuos, & Soli male iungitur, ut Saturnus eidem infelicitate opponitur, & Mars Venere gaudet, ac ei quasi spontè cædit, ut Saturnus Ioui, & Saturnus Lunæ plenæ oppositus parum nocet, & Mars vacuæ si iunctus fuerit.

Mars ubi dominus fuerit orbis magni, & in Geminis calidum aërem, & quietum, si tum fuerit vespertinus efficit calidissimum, quia occidente Sole calorem retinet, & ita

non permittit refrigerari aërem, & idem dico de Venere, quia facit pluuias, & Saturnus frigus, & ideo dies in æstate, cum sic Mars se habuerit, erunt calidissimi, quia noctes non frigerabuntur, & erunt æstuosæ, & ergo magis dies. Sed si in Gemini steterit calidus, & siccus, & ideo in natura genesi (omnia enim ad idem referenda sunt) significat calidam, & siccam intemperiem membrorum quibus Mars dominatur. Et similiter si steterit aut retrocedat in Cancro, & latitudinem habuerit borealem, significat calorem,



calorem vehementem. Et in Leone cum fuerit sub radiis Solis, sed ita distingue si omnino latuerit Solis calor accendetur, velut ignis in quo sit ferrum candens. Est enim calidior alio. si autem orientalis propè visionem fuerit, ab aurora ea or incipiet & totus dies erit valde calidus, nox tam n erit frigida, verum si orientali proximus visioni noctes non refrigerabuntur.

Mars fuerit dominus eodem modo quo de Ioue dictum est, & fuerit æquidistans signo Arietis, & hoc est quod dicimus in Ariete significat interfectionem accidere in partibus orientis, & multitudinem dolorum oculorum, & multos ventos, cum paucitate pluuiarum, & si fuerit eius latitudo septentrionalis, significat siccitatem aeris, & si fuerit meridiana significat temperantiam aeris. Et dicit Haly, tractans de essentia planetarum sub radiis, quod Mars in Ariete sub radiis, serenum significat. Sed vespertinus contrarium, matutinus vel orientalis turbationem temporis, stationarius fulgura, & tonitrua significat. Et secundum Albumasem si fuerit illic retrogradus significat, multos dolores, & multa nocumenta aduenire. Et dicit Albumas. Vbi supra Mars cum fuerit æquidistans signo Tauri, significat interfectionem inter eius partis septentrionalis, & meridiei multos dolores, cum mortis mulierum conjugatarum, & militiam rerum venerearum mortem, & bouum, & multitudinem ciuium, & abundantiam pluuiarum & vehementiam tonitruorum, & corrusionum, & nebularum, & paucitatem victus, & abundantiam aquarum, & si fuerit latitudo eius septentrionalis, significat multas infirmitates variolarum. Et si fuerit meridiana, significat molitiam commixtionis aeris. Et dicit Haly, Mars in Tauro sub radiis tempus sine vento facit, vespertinus rerum, matutinus siue orientalis ventos mouet, stationarius deficcit aerem. Et secundum Albumas. cum fuerit illic retrogradus, significat nocumentum aduenire bestiis, cum morte eorum. Et dicit Albumas. Mars cum fuerit æquidistans signo Geminorum, significat multos dolores aurium in hominibus, & variolas, & morbillos, & interfectionem in septentrione, cum multo latrocinio, & erunt nocumenta hominibus, præter tonitrua & corrusionem, vehementia frigora. Et si fuerit eius latitudo septentrionalis significat multitudinem terræmotuum, & si fuerit meridiana significat caliditatem aeris, & quietem eius. Et dicit Haly, si Veneris Mars sub radiis, infirmitatem significat hominibus: vespertinus est calidissimus, matutinus vel orientalis contrarietatem in hominibus operatur: stationarius calidus & siccus efficitur. Et dicit Albumas. cum fuerit illic retrogradus significat multas ægritudines variolarum, morbillorum. Et dicit Albu. Mars cum fuerit æquidistans Cancro, significat interfectionem in parte orientali, vel occidentali, & multiplicentur in hominibus ægritudines, & infirmitates pectorum, & quotidianæ, & tertianæ febres, & dolores gutturis & cadent inter Principes contrarietates, & erit pauci-

tas pluuiarum cum vehementia caloris. Et si fuerit latitudo eius septentrionalis significat caliditatem aeris, & si fuerit meridiana significat illud idem. Et dicit Haly, Mars in Cancro sub radiis combustionem, vespertinus infirmitates, matutinus lites inter homines: Stationarius caliditatem & siccitatem significat. Et dicit Albumas. cum fuerit illic retrogradus significat corruptionem aeris, & vehementia caloris cum flatu ventorum venenosorum. Et dicit Albumas. Mars cum fuerit æquidistans signo Leonis, significat bella in parte orientis cum expansione mortis, & præcipue puerorum pro nimio dolore ventris, & significat charistiam in bestiis, & paucitatem pluuiarum, & panis, & præcipue in parte orientis. Et si fuerit latitudo eius septentrionalis significat flatum ventorum ex ferocitate venenosorum, & si fuerit meridionalis significat siccitatem aeris. Et dicit Haly, Mars in Leone sub radiis infirmitates Imperatoris significat, vespertinus ardorem, matutinus vel orientalis extinctionem eius significat, stationarius significat infirmitatem. Et secundum Albumas. si fuerit retrogradus significat, quod cadet invidia & odium inter Romanos. Et dicit Albumas. Mars cum fuerit æquidistans Virgini significat multas infirmitates oculorum, & multam interfectionem, effusionem sanguinis in parte meridiei, & mortem mulierum, cum destructione aeris, & eius siccitate, & multis terræmotibus, & multitudine panis & vini. Et si fuerit latitudo eius septentrionalis significat paucas pluuias. Et cum fuerit latitudo meridionalis significat malitiam complexionis aeris. Et dicit Haly, Mars in Virgine sub radiis infirmitates in hominibus facit vespertinus suffocationem, matutinus lites & contentiones facit, stationarius siccitatem aeris ostendit. Et si fuerit illic retrogradus significat siccitatem aeris. Et dicit Albumas. Mars cum fuerit æquidistans Libra, significat salutem & bonum in hominibus, & erunt multi latrones, & timores, & rumores, terribilis mors, & infortunia in hominibus propter bubones, & specialiter in parte meridiei, cum paucitate pluuiarum nebularum, ventorum. Et si fuerit latitudo eius septentrionalis significat multitudinem ventorum, incessanter, & si fuerit meridionalis significat temperantiam aeris. Et dixit Haly, Mars in Libra sub radiis siccum aerem facit, vespertinus pluuiosum, matutinus turbationem & tonitrua facit: stationarius vero aridus & siccus. Et secundum Albumas. si illic fuerit retrogradus significat mortem subitam quorundam nobilium hominum. Et dicit Albumas. Mars cum fuerit æquidistans Scorpioni significat multos dolores, ardorem in hominibus, & bubones, & ægritudines & præcipue in iuuenibus, & illud erit in septentrione, cum multis latronibus, erit frigus vehemens, in quarta autumnali, & hyemali & æstiuale, cum multa siccitate aeris, & nocebit panis, vino, arboribus & m. ssibus. Et si fuerit eius latitudo septentrionalis, significat multam siccitatem & paucitatem pluuiarum, & si fuerit meridionalis significat temperantiam



tiam aëris. Et dicit Haly, Mars in Scorpione sub radiis tranquillitatem in mari significat: vespertinus & matutinus significat ventos, stationarius significat tranquillitatem & quietem facit. Et secundum Albumas. si fuerit illic retrogradus significat infirmitatem accidere regi, propinquitatem perditionis. Et dicit Albumas. Mars cum fuerit æquidistans Sagittario, erit mors in parte occidentis, cum multa interfectione, & cum ægreditudinibus, & vehementi tussi, & doloribus oculorum, & erit quarta vernalis, mali aëris corruptentis, cum paucitate pluiarum, & multiplicabitur frigus in quarta hyemali, & exinde erit corruptio annonæ, scilicet panis & vini, vel cum multis plantarum plantationibus. Et si fuerit eius latitudo septentrionalis significat multum flatum ventorum, cum siccitate & pauca humiditate eorum, & si fuerit meridionalis significat altercationem quarundam rerum & conuersionem earum. Et dicit Haly, Mars in Sagittario sub radiis sine humiditate, vespertinus infirmitates & pestilentias. Matutinus vel orientalis vehementiam caloris significat, stationarius verò malum & infortunium. Et secundum Albumas. si fuerit retrogradus significat malum, & infortunium, & malum aduenire militibus regis. Et secundum Albumas. Mars cum fuerit æquidistans Capricorno, significat multam mortem, & multa infortunia ex parte meridiei, & præcipue in iuuenibus, & mulieribus paucitatem pluuiæ, & siccitatem aëris, cum multis redditibus hæreditarum & præcitate fructuum. Et si fuerit eius latitudo septentrionalis, significat destructionem commixtionis aëris, & si fuerit meridionalis significat illud idem.

Et dicit Haly, Mars in Capricorno sub radiis nutrit, vespertinus bonam commixtionem, matutinus dies hyemales per loca facit, stationarius tranquillitatem & perfectionem inducit. Et secundum Albumas. si fuerit illic retrogradus significat mortem nobilium, cum cogitationibus, & mæroribus hominum & multas pluuias. Et dicit Albumas. Mars cum fuerit æquidistans Aquario, significat mortem regum orientis, cum multis infortuniis hominum, & superabundantiam pluuiarum & casu niuium, & asperam commixtionem aëris, & cum multitudine panis & vini, & cum multo bono, & paucitate eorū in parte orientis. Et si fuerit eius latitudo septentrionalis, significat siccitatem aëris, & si fuerit meridionalis significat illud idem.

Et dicit Haly, Mars in Aquario sub radiis, significat ariditatem, vespertinus absentiam ventorum, matutinus motionem eorum, stationarius nocumentum in mari. Et secundum Albumas. si fuerit illic retrogradus, significat malam inobedientiam plebis erga regem. Et dicit Albumas. Mars cum fuerit æquidistans piscibus, seu signo piscium, significat interfectionem multam inter reges, & magnates, & amissionem regni, & dignitatum eorum, febres tertianas & quotidianas in parte meridiei, & occidenti charistia bestiarum, & abundantiam pluuiarum & niuium, cum bona aëris commixtione. Et si fuerit eius

latitudo septentrionalis significat multos ventos, & si fuerit meridionalis significat multas pluuias. Et dicit Haly, Mars in Piscibus sub radiis raritatem piscium significat, vespertinus ariditatem, matutinus fulgura & tonitrua, stationarius inæqualitatem in corporibus & in rebus significat. Et secundum Albumas. si fuerit illic retrogradus significat permutationem & accidentia accidere hominibus, & paucum complementum eius in quo speratur ex operibus & rebus.

Si Mars super Saturnum eleuetur & sit in Ariete, erunt multi venti, & pluuiæ, bonus aër æstatis. Si fuerit in Tauro, erit mortalitas, siccitas & combustio in hominibus, & terræmotus. Si verò fuerit in Gemini, erunt multa bella, multæ ægreditudines, & mors in eis, pluuiæ tonitrua & coruscationes. Si verò fuerit in Cancro, erunt multi inimici in gentibus, multæ locustæ, pluuiæ mediocres & pauca aqua. Si verò fuerit in Leone, erit magna siccitas, cum forti vento, & multo puluere. Si verò fuerit in Virgine, erit magnus calor, & frigus magnum temporibus suis, corruptio locustarum, & plures redditus fructuum. Si verò fuerit in Libra, erit pugna inter reges, mors quarundam mulierum regum, multitudo herbarum & pluuiæ pauca. Si verò fuerit in Scorpione, erunt bella, & destructio in pluribus climatibus, locustæ nocivæ in messibus pluuiæ, tonitrua, & coruscationes. Si verò fuerit in Sagittario, erunt multæ ægreditudines, in pluribus climatibus, ventus incessans, cum multo puluere, & utilitate annonæ. Si verò fuerit in Capricorno, erit multitudo asinorum, & ouium cum vehementia caloris, & frigoris tempore conuenienti, & cum durabilitate eorum. Si verò fuerit in Aquario, erunt paucae aquæ, cum multis pluuiis. Si verò fuerit in Pisce, erunt infortunia, in pluribus climatibus, & multi pisces, & paræ aues, pluuiæ superflue, tonitrua & coruscationes.

Si verò super Iouem & fuerit in Ariete, erit mors in hominibus pluuiæ pauca. Si verò fuerit in Tauro, erit destructio civitatum, mors quorundam magnatum multæ pluuiæ, coruscationes & tonitrua. Si verò fuerit in Gemini, erit nimia mors in hominibus. Si verò fuerit in Cancro, erunt bella, depredationes, & combustiones in multis terris, cum multis pluuiis, & augmento Tigris & Euphratis, multæ inundationes tempore suo. Si verò fuerit in Leone, erit pluuiæ pauca, detrimentum aquarum in puteis, & in aliis locis. Si verò fuerit in Virgine, erit combustio cum superflua pluuiæ coruscatione, & tonitruo, & augmento aquarum fluviorum. Si verò fuerit in Libra, erunt rumores & odia inter homines malitia mercatorum, cum multis tonitruis pluuiis, & coruscationibus. Si verò fuerit in Scorpione, erit mors in pluribus climatibus pauca pluuiæ, & detrimenta aquarum fluminum & Piscium. Si verò fuerit in Sagittario, erit mors diuitum, cum pauca pluuiæ. Si verò fuerit in Capricorno, erunt multa capti in pluribus climatibus mors animi, pluuiæ pauca, vehemens frigus, cum paucitate aquarum &



fluminum. Si verò fuerit in Aquario, erit mediocritas aquarum incrementum plantarum. Si verò fuerit in Pisce, erit gaudium in multis regionibus, reges interficere sese, dominantium mulierum super viros, pluvia superflua, & corruscationes.

Si verò super Solem & fuerit in Ariete, erunt bella iniuriæ, mendacia, iudicatio hominum: calor paucus, bona complexio, quartæ æstivali, multæ corruscationes, & venti. Si verò fuerit in Tauro, erit multus calor & siccitas aëris. Si verò fuerit in Gemini, erit caliditas & siccitas aëris. Si verò fuerit in Cancro, erit siccitas aëris, & vehementia caloris. Si verò in Leone, erunt multæ corruscationes. Si verò fuerit in Virgine, erit siccitas aëris, & humiditas pauca. Si verò fuerit in Libra, erit temperantia aëris declinans ad calorem, & siccitatem, multum frigus, & ventorum fortitudinem arbores eradicantium. Si verò fuerit in Scorpione, erit siccitas aëris & eius caliditas. Si verò fuerit in Sagittario, erunt multæ corruscationes. Si verò fuerit in Capricorno, erit siccitas aëris. Si verò fuerit in Aquario, erit vehemens calor. Si verò fuerit in Pisce, erit siccitas aëris.

Si verò super Venerem & fuerit in Ariete, erunt bella, mors, bubones, combustiones, multa horribilia prosperitas mulierum, imprægnatarum, cum peste ex siccitate aëris. Si vero fuerit in Tauro, erit mors, ægri tudines, mulieres parient filias, magnus calor, in quarta æstivali. Si vero fuerit in Gemini erit contrarietas virorum cum mulieribus, mors imprægnantium paucitas rerum & humiditatis. Si vero fuerit in Cancro, erit mors mulierum imprægnantium pauca humiditas, cum vehemēti calore. Si vero fuerit in Leone, erunt combustiones, infortunia, constitutiones, mendacia, terribiles, rumores, in pluribus terris, cum locustis, & pluvia pauca. Si verò fuerit in Virgine, erit mors regum, & puerorum ex mulieribus, & multis altercationibus locustæ, & vehemens calor. Si vero fuerit in Libra, erit nocumentum & combustio cum pauca pluvia. Si vero fuerit in Scorpione, erit mors mulierum, regum, humiditas pauca. Si verò in Sagittario, erit superfluitas pluviarum. Si verò fuerit in Capricorno, erit abortus prægnantium cum euasione mulierum, mors ouium vehemens calor tempore suo. Si verò fuerit in Aquario, erunt pugnae, angustiae & locustæ in multis regionibus. siccitas, & charistia annonæ, pluvia pauca cum diminutione aquarum. Si vero fuerit in Pisce, erit prosperitas multarum regionum, & homines multum vti bene adorantibus, multi pisces, & parua aues.

Si autem super Mercurium & fuerit in Ariete, erunt bella multa cum paucitate pluviarum, & imbrium vehemens calor paucitas aquæ fontium. Si vero in Tauro, erit destructio in pluribus climatibus, multæ pluiæ, & nubes, vehemens frigus in quarta autumnali, & hyemali. Si vero fuerit in Gemini, erit mors filiorum, Regum bella, interfectio ones, pauciores, destructio ecclesiarum & census, pluvia pauca & multus census. Si ve-

ro fuerit in Cancro, erit interfectio filiorum regum. bella & destructiones multorum regnorum, destructio palliorum regum, vehemens calor tempore suo. Si vero fuerit in Virgine, erit effusio sanguinis destructio multarum terrarum, cædes magnatum, multitudo latronum, & iniuriarum seruorum erga dominos, delectatio sapientum, multum annonæ. Si vero fuerit in Libra, erit mors filiorum regum orientalium, bellorum occidentalium, paucitas pecorum, destructio ecclesiarum, pluvia pauca, nebulae, tonitruum, paucitas aquæ in fluminibus. Si vero fuerit in Scorpione, erit mors hominum, & bouum, & ventus incessans. Si vero in Sagittario, erunt interfectiones & effusio sanguinis, multæ rapinae & dolores hominum, multæ nubes & pluiæ. Si vero fuerit in Capricorno, erunt in hominibus, multæ causæ infirmitatis, mors, bella, capti charistia asinorum, mors ouium, paucitas auium, & florum in principio, quartæ vernalis, multæ in fine niues. Si vero fuerit in Aquario, erunt bella, captatio & mors in pluribus climatibus, multi lupi, pauci boves, pluiæ humiditatis, & aquæ paucitas charistia annonæ. Si verò fuerit in Pisce, erit dispositio regis à regno, multa incommoda cum bellis, impedimentum medicis interfectio multa animatorum fertilitas in parte occidentis pluuias super aquæ flumine charistia annonæ.

Si autem super Lunam & fuerit in Ariete, erunt multa bella & captiones, mors nimia lupi, charistia quadrupedum cum humiditate pauca. Si vero fuerit in Tauro, erunt multa bella, in pluribus climatibus, & mors renouatio regnorum lupi, cum precio bestiarum. Si vero fuerit in Gemini, erit mors regum, multa cædes, & bellum in pluribus climatibus, siccitas aëris, humiditas pauca. Si vero fuerit in Cancro, erit mors regum, & bella, & captiones, in pluribus climatibus, & mors lupi charistia ouium, humiditas pauca & siccitas aëris. Si vero fuerit in Leone, erunt bella, interfectiones in pluribus climatibus, multi lupi, charistia bouum, & camelorum, & huiusmodi animalium, siccitas aëris, & pauca humiditas. Si vero fuerit in Virgine, erit pluvia superflua cum multis humiditatibus. Si vero in Libra, erit paucitas animalium trahentium onera cum multitudine inimicorum. Si vero fuerit in Scorpione, erunt bella, & captiones in pluribus climatibus, rapacitas luporum & valor bestiarum onerum, & tonitrua, & corruscationes. Si vero fuerit in Sagittario, erit paucitas pluviarum. Si vero fuerit in Capricorno, erit discordia nobilium, expensæ, pecuniarum earum multa bella in pluribus climatibus capti, & mors lupi, caristia bouum, & asinorum paucitas pluiæ & aquæ. Si vero fuerit in Aquario, erit pluvia pauca. Si vero fuerit in Pisce, erit mors hominum præcipue regum nobiliumque, lupi multi, & pauci boves, & huiusmodi animalia cum pauca pluvia.

Defluxus autem Lunæ ab eo sic accipienda erunt, si à Marte feratur ad Solem maxima vitia valetudineque decernit, & breuitatem temporis tribuit: & facit biothanatos interire



interire, & generaliter maxima decernit infelicitatis in commoda, quosdam verò sic posita facit in extra aëris, & in peregrinis finibus interire. Si à Marte defluens Luna feratur ad Venerem, & sic crescens, vel plena luminibus facit adulteros libidinosos, amatores & Veneris semper cupiditatibus deditos, frequentibus periculis casibus implicatos, exercebunt autem artes pigmentorum, & aromatum, aut lapidum, & margaritarum, & sunt frequenter ex ista Lunæ societate tinctorum, metalli & cuiusdam comertia tractabunt & sunt pro signorum, & locorum qualitate caupones, ut ea que ad victum vel potum sunt, necessaria fomosis, & publicis mercimoniis præparent. Si verò à Marte defluens minuta luminibus, sic feratur ad Venerem efficaces, beatos, felices faciet: sed diuites his sanè mulieres sollicitarunt, & auferunt locupletes, sed in alieni viris vxores ex quibus comparabuntur illis maxima felicitatis insignia, nam per has mulieres honestantur maximo dignitatis ornatu: præsertim si sic nocturna genitura sit, faciet laboriosos & variis operibus inherentes, & qui ob res venereas frequenti pulsantur infamia, & quos semper promiscuæ libidinis nota sollicitent. Si à Marte defluens Luna ad Mercurium feratur, plena lumine in nocturna genitura milites faciet, & athletas gloriosos interdum alios publicis, & gloriosis officiis præponi, sed erunt maligni malitiosi, & quorum cupiditas ad omne facinus per dies singulos crescat. Erunt enim aut carnifices, aut spiculatorum, & quibus deferendi licentia publica committatur autoritas. Si verò per diem ista se Luna societate coniungat, & sit plena lumine decernit, miseræ damnationis incommoda, ut sententiam iudices subite cogantur, & fiant ex ista damnatione biothanati. Si verò minuta lumine in diurna genitura, à Marte defluens ad Mercurium feratur infinitis immersum cupiditatibus decernit, facit enim crassatores, latrones, sed qui in isto deprehendit facinora seuera iudicantis animaduersione plectantur, alij præmuntur cadentium ruina rectorum, alios à rectæ vitæ cursu mittit ad insanias. Si verò minuta lumine fuerit in nocturna genitura, faciet carceris præpositos, custodiarumque custodes, & qui ex hoc officio patrimonij sui substantiam comparent: erunt sanè amatores nauium, & athletarum, & qui quadrupedia animalia assiduis officiis prosequantur, habebunt sanè vitia & assiduis periculis incommodis decernunt. Si à Marte defluens Luna ad nullum feratur, sed per vacuum cursus suos dirigat, & sit plena luminibus patrimonium dissipat, & parentes in primo ætatis gradu perimit, aut vitium aliquod, aut malæ mortis discrimen impinget: ipsos verò aut ex altis præcipitant locis, aut à quadrupedibus pericula, aut maxima illis vitia valitudinesque decernit, alios facit publica morte biothanatos. Si verò minuta lumine à Marte defluens ad nullum feratur, aut à genere suo alienari, & separati facit, & patrimonia eorum variis lacerationib. dissipat, aut dat

Tom. V.

laboriosas artes, & circa semper ferrumque versantur, aut miseros milites facit.

Si etiam Luna Martis applicuerit stellæ, & crescens lumine Martis se societate coniunxerit, vel ad Martem feretur, & sit nocturna, facit calidos, periculosos, violentos, sed qui frequentibus soleant rationib. decipi, & quorum vita sit maximis periculis mancipata efficaces, tum & omnia complentes, aut armis dedicatos, aut athleticis certaminibus deputatos præsertim, si in primis genituræ locis fuerint constituti erunt, tum vitio laborantes, matres verò eorum aut debilitas ante perimit, aut facit biothanatos interire. Si verò diurna fuerit genitura, & sic se Marte Luna coniunxerit omni faciet partes corporis amputatos aliorum oculis nocet, aliorum stomachum, latentium, vitiorum, continuationem Luna debilitat: quosdam oligochronios, biothanatos facit. Sed hæc omnia secundum propriam naturam signorum facit atque decernit, & secundum cardinum diuersos exitus, & secundum anaphoras cardinum, & secundum ea signa, quæ aliena esse ab horoscopocietatibus diximus, decretorum diuersa varietas inuenitur. In his enim signis quæ alimenta esse societatum horosco: dixi, id est, in sexto ab horosco, vel in duodecimo loco. Si crescens lumine Luna, se Marti coniunxerit matrimonium minuit, parentes separat, vel interemptis parentibus orbitatis, faciet miseris fatigari. Aliorum corpus ferri laceratione conciditur, aliis talia nascuntur vulnera, ut nulla redi quæant, nisi ignitis sanati canteris, largitur autem artes, quæ aut ignem tractent semper, aut ferrum, alios milites facit, sed qui sempiterno onere militiæ decernantur. In quinto verò loco vel in vndecimo si ab horosc. vel in secundo, vel in octauo, vel in horosc. constituta. Si per diem ad Martem feratur Luna vitia laterum, & paruum vitæ spacium decernit, & biothanatos facit. Si verò fuerit in nocturna genitura, & minuta luminibus ad Martem feratur, & his scilicet, in quibus docuimus locis, magnos, potentes, terribiles, efficaces facit, qui maximas ciuitates potestatis alicuius licentia subiungunt: præsertim si in primis cardinibus genituræ, sic fuerit inuenta. Si verò per diem principalibus genituræ locis, sic fuerit inuenta paternam substantiam dissipat, scilicet & parentes ipsos debilitat, aut biothanata morte perimit, artifices autem publicos, aut milites facit, sed valetudinibus, aut vitiis implicatos, aut frequenter maxima pericula, & violentæ mortis decernit exitum. A Sole si defluens Luna feratur ad Martem, & sit diurna genitura, parentes eius celeri morte prosternt, ut sic ipse orbitatis onere deprimatur, pereunt autem parentes ex ista coniunctione frequenter biothanati, & ipsis qui nati fuerint decernit, vitiosas, luminum cecitates, aut facit eos amputata parte corporis debiles, aut in prima eos perimit ætate, vel si nihil horum fecerit, facit biothanatos interire. Si verò per noctem à Sole defluens Luna feratur ad Martem, facit violentos crudeles, & qui periculosa semper facinora

Ll 2

committant,



committant, aut facit vitiis, & valitudinibus implicatos: actus tamen publicos militiae decernit, aut athletas, facit gloriosos pariter, & praesertim si Mars & Luna in necessariis geniturae locis fuerint inuenti. Si vero in deiectis locis fuerit, ista coniunctio sine alicuius bonae stellae testimonio patrimonium minuit, orbari parentibus facit, humiliat vitam, vitia valetudinesque decernit, aut certe biothanatos facit interim: actus vero ex igne, aut ex ferro, aut ex metallo facit, aut tales certe qui sempiterni laboris continuationibus deterantur.

Si à Venere defluens ad Martem feratur, in diurna genitura, & sit Luna crescens vel plena luminibus amoris, alicuius instinctu, miseræ calamitatis decernit exitia, & ob hoc graue periculorum discrimen indicit, ut ad custodiam carceris, & ad damnationis crimen accedant, & qui propter hoc biothanata, morte depereant, alios facit expoliari, alios subiugari, alios facit misero onere captiuitatis adduci pro locorum scilicet potestate. Si vero à Venere defluens Luna in nocturna genitura, feratur ad Martem, facit homines potentes, & terribiles, qui regiones maximas suis virtutibus ac potestate subiungant: praesertim si in horoscopo, vel quinto ab horoscopi signo, aut Mars fuerit, aut Luna, nam si in cæteris locis fuerit, ista coniunctio, aut artificiosos facit, aut athletas, aut milites, sed qui assiduis periculorum casibus implicentur. Si vero à Venere defluens minuta lumine in diurna genitura, feratur ad Martem patrimonium misera, laceratione dilapidat, & ipsos facit deiecta humilitate miseros, & vitia valetudinesque decernit, alios facit exules, alios in fugam vertit, alios onus seruitutis imponit, alios in primo vitæ cursu perimit, facitque plerumque biothanatos, mulierum causa, vel propter amoris alicuius illecebras: ob hoc enim insidias pericula damnationesque decernit. Si à Venere defluens Luna feratur ad Solem parentes acerba dissensione dissociat, & ipsis onus diræ orbitatis indicit patrimonij, & vitæ decernit angustias, impuros facit, & qui miseris amorum amplexibus implicentur: sed cum primum iuuentutis tempus exierint, processu temporis augmenta patrimonij, & quicquid desiderauerint facile consequantur.

A Mercurio defluens Luna, si feratur ad Martem in diurna genitura, & sit Luna crescens, vel plena luminibus, facit irreligiosos, periurios, fallaces, & quorum malitia ad omne facinus per dies singulos erunt, effractores, fures, & qui templa sacrilego furore semper explicant, erunt latrones, homicidæ, & ad neces hominum semper armati, sed in his comprehensi facinoribus custodiæ vinculis carcerisque traduntur, & gladio senera iudicis animaduersione plestantur, aut à quolibet genere ob hæc facinora biothanata, morte depereunt. Si vero sit nocturna genitura, & à Mercurio defluens Luna plena, vel crescens feratur ad Martem, facit duces, ac tribunos milites, sed terribiles & tyrannicis potestatibus sublenatos, vel desen-

fores, aut praefides ciuitatum, aut qui nunquam iustarum potestatum licentia perferrent, & quia vario genere semper offendant, quorum alij vertantur in fugam, alij in exitum danrur, alij biothanati intereunt: praesertim si in principalibus geniturae locis Mars & Luna fuerint inuenti. Si vero in deiectis geniturae locis à Mercurio defluens, Luna in nocturnis geniturae locis plena lumine, feratur ad Martem paricidalium scelerum facinora decernit: aut enim filios paricidali perimunt, furoris amentia, aut illos ad fraternas neces furor, praepostera cupiditatis impingit, aut parentibus paricidale infertur exitium, aut affines suos iugulant, aut auersi conjugales affectus genialentorum sanguine laniare coniugis pollunt, aut omnifariam vario furorum instinctu, paricidali grassantur insania, sed hæc pro locorum ac signorum varietate decernuntur, mors vero eorum violenta erit semper & afflictæ: aut enim propter seruos, aut propter personam in custodiam redactas, aut propter damnatos homines graue illis periculorum discrimen infertur, & propter hoc damnati publica morte depereunt. Si vero minuta lumine in diurna genitura, à Mercurio defluens feratur ad Martem, facit falsarios maleficos, & effractores, fures, aut latronum conscios, aut receptores, ex quibus criminibus, aut in custodia constituntur, aut seuera animaduersione damnantur, alij sunt publici carnifices, & quibus publice animaduersionis officia credantur, aut exceptores personalium causarum sunt, ut officia pertractent, ut adiutores sunt, huiusmodi hominum damnatorum, aut carceris publici sunt, ex ista coniunctione custodes. Si vero minuta lumine à Mercurio defluens, Luna feratur ad Martem in nocturna genitura, aut milites, custodes armorum, aut athletas, aut quibusdam certaminibus destinabit efficaces, terribiles, famosos, & quorum officium ad omnium celeberrimorum notitiam, ore perueniat, quod si in horoscopo vel quinto, ab horoscopi loco Mars, vel Luna constituta fuerit, ista coniunctio faciet eos violentos, quodam genere mortis extinguere. In cæteris enim geniturae locis vitia valetudines pericula, & laboriosos actus, & assiduas vigilias, aut violentæ quædam decernit, sed hæc omnia sicut frequenter diximus, ex signorum diuersitate variantur. In signis enim tropicis constituto Marte, si à Sole vel à Mercurio defluens, Luna in maleuolarum stellarum signis constituta, feratur ad Martem per diametrum vel quadrat, aut si sit illi vicina, aut partili societate coniunxerit, faciet pellarios, corarios, callicarios, coquos, fernarios, ex igne vel ferro artes suas officiaque complentes. Si vero in Veneris signis ista coniunctio fuerit, facit linteones, tinctorum, plarias, aut tabernarios. Si vero in Mercurij aut Martis domo fuerit, ista coniunctio, amatores annorum, aut palestræ facit, & publicorum negotiorum officia tractantes. Si vero in domo Martis fuerit ista coniunctio, tribunos, duces, ac magnarum legionum praepositos, aut ciuitatum vel prouinciarum praefides facit.



facit. Si verò in domo Saturni, fuerit ista coniunctio, graui, & misera, vel scelera decernit officia: aut enim tortores, aut carnifices, aut delatores facit, aut bestiarum venatores, & marfos tales, qui aspides venari consueuerunt, agrestium pecorum vel bestiarum magistros faciet, alios piscatores, aut aucupes, alios ex puteis altissimis assiduo labore aquas leuare compellit: alios agrestium locorum vel hortorum operarios facit, alios naucleros, naupecos vel gubernatotes, alios fructores, alios lapidarios, alios pollinctores facit, aut per ipsos sepulturae semper officia tractantes. Si verò in domo Martis fuerit ista coniunctio, multiplici genere decreta variantur.

Mars igitur ruber est, seu quod aëri quippiam eius substantia admistum habeat, seu quod peruiua sit eius substantia, & ob id radiis Solis illustrata, ut ignis refert, quandam speciem, nec mirum sit cum scintillet: non enim ob distantiam cum propior sit Ioue, multosque magis Saturno: sed quod igneum est scintillat, aut forsan scintillandi modus alius est: alio enim modo scintillat quod ignis formam refert, alio modo quod moueri videtur. Anni quibus praestit sunt ab 41. ad 56. annis, scilicet quindecim anni enim minoribus singuli praesunt, planetarum praeter Mercurium, quia sunt nimis multi. Ea enim aetas est multi laboris decrescens, tum etiam in qua quod malefica regat multi pereant. Efficit autem inunctos & qui nullis rationibus subigantur, immobiles, contentiosos, audaces, periculosos, violentos, quique facile rationibus falsis decipiantur; multum cibum facile concoquunt fortes aequales, corpore malae conuersationis, rubris, capillis, oculis, sanguinolentis, imperiosos, quique sibi vindicent potestatem artes, ex igne exercentes, inuidos, rapaces, contumeliosos, crudeles, libidinosos, circa uxorem & filios, tum etiam amicos, parum propensos, admodumque iracundos, & qui facile in furorem vertantur. Vnde pulchre poetae finxerunt. Herculem occidisse filios atque uxorem: talis enim eius natura est, pessime in septimo & decimo loco collocatur, ubi Solem aut Lunam luminibus plenam exceperit, tum maxime in propriis locis constitutus aut luminarium. Sic enim publica damnatione perdit aut exustos ignibus necari, aut excruciatos lacerari, aut cum minimum nocet à latronibus multis confodi vulneribus, atque id in diurnis genituris, nam in nocturnis mitior est. In horoscopo autem Mars si fuerit inuentus, facit de die calidos, audaces, furiosos, peregrinos, & prodigos, ut postmodum nec iis indigeant instabiles, quoque mendaces, & prauorum morum. In quarto haec eadem, sed & de filiis aduersatur, sobolemque denegat, facit etiam mulieribus obnoxios, & praecipue malis laboriosos quoque & variis morbis afflictos facit, & insanos, & lunaticos, & carcere saepe detinebuntur, aut in seruitutem rediguntur. Deteriora etiam in septimo loco, facit enim homicidas, sceleratos, proditores, tortores, carnifices, cum Iupiter aut Venus auxilio fuerint. Quod si horoscopus non in Mar-

*Tom. V.*

tis dignitatibus constiterit violentam quidem mortem tollit brevis tum vitae facit. Ibi autem proprie significat eos quorum corpora publice lacerentur, rotis inferuntur, ignibus torrentur & absumuntur, & qui in carcere tormentis necantur. Sed in decimo horum loco facit, inefficaces, proscriptos, exules, relegatos, fugas, plerumque mortem in peregrinis locis parumque honestam. Sed si foeminae sint signa erunt omnia in omnibus locis mitiora, nisi sit Scorpius, & si noctu, &c. Verum quandoque noctu in horoscopo, vel caeli medio si Iupiter, aut Venus aut Mercurius, in quorum dignitatibus fuerit, faueant, praestat magnam potestatem, per Iouem collatam à Principibus per Venerem populi fauore, per Mercurium industria, dolo, eloquentia quadam. In succedentibus autem locis similia haec erunt, tum mala, tum bona, atque eiusdem ferme generis, sed minora, & violenta nisi in octauo, nam & ibi facit violentam mortem, si luminaria in angulis fuerint, cum ad eum directione peruenierint, maxime si locus aduersetur ut in Tauro, Cancro, librave, hoc vi hominum. Taurus quadrupedibus, aut ruina, Cancer aqua, facit & caecitates: praestat miseriam, calamitates timores turbulenta omnia, & impedita, tristitiamque ac confusionem. In secundo aëstus animi inopiam omnium, & impedimenta plurima, tum verò extra patriam forsan meliorem fortunam orientalis auget haec. Sed ut dixi nocturnus, & in foeminino signo minora mala facit, cum tamen nihil boni in his locis significare possit. In quinto autem atque vndecimo adhuc haec minora erunt, verum & patrimonium dilapidabit. Si tamen in foeminino signo atque nocturnis adhuc haec minora erunt mala, nonnunquam etiam bona periculosa autem est qualiscunque Martis mistio, cum Sole aut crescente Luna, si fortunarum aliqua quasi sequestra non interuenierit: velut & Saturni cum Luna fuerit vacua. Melior tamen est in vndecimo loco quam quinto. In tertio autem vel nono efficit parum pios & Deorum cultores, in tertio etiam conscios facinorum oculorum, ut in nono superstitionis plerumque, sed in cæteris satis felices, tum quod in his locis parum obsit, tum quia eorum decretis congruentia significat, ut itinera peregrinationes, labores & similia, sed in sexto ac duodecimo loco morbos significat, aliquando etiam vitia ut gibbositatem claudicationem. Verum in duodecimo deterior est, namque insidias struit à seruis facitque ut illi, & contemnant & lædant. Spargunt de illis infames voces, & ipse variis mentis aëstibus detinebitur, & etiam ab ancillis detrimenta patietur, & vitam ducere seruilem cogatur. Erunt tamen haec minora quanquam superius dicta sunt affecerint. Potestas beneficarum genitura nocturna signum foemininum.

## DE SOLE.

**S**ol quasi Solus merito dictus quippe qui non solum cuncta astra magnitudine, Et 3 quod



quod ad aspectum nocturnum attinet indicat, sed etiam pleraque quæ in orbe octavo posita sunt, non tamen omnia. Syrius enim cum longè altior sit, quàm ipso aspectu est minor, Sole maior est non parum. Est autem Syrius maxima stellarum lucidarum, quæ in cœlo visuntur, nam non lucidarum tres sunt, canopi, circa anatarcticum polum, quorum vnus etiam videtur in Alexandria. Quocirca dubitare expedit, cur cum cœlum à perspectissimo & sapientissimo conditore factum sit, seu ab æterno, seu aliquando, seu omnino ipsa per se sit æternum, quod tamen esse non potest, quia corpus, quomodo tam inordinatum, & imperfectum esse videatur, Luna quidem maculas habet inde lactea via tota, quasi nubilosa & nubilosa in cœlo stellæ, & hebetis luminis quales asini in Cancro sunt, & obscuriores aliæ, & canopi de quibus dictum est, tum verò ordo nullus, neque altitudinis, neque distantia inter ipsas stellæ, non triangulum perfectum, non quadrangulum, nedum circulum, aut rectam lineam, aut verum piscem, aut auem, aut animal aliud quadrupes, aut serpentem, aut hominem vnquam delineare possis ad vnguem. Sed si quid coneris effingere, vel mutilum, vel obtortum, & omnino informe videatur. Aries tam refert Arietem quàm quisuis alium vllum, Taurus medius est, & tam refert Taurum quàm acruum castanearum in cinere fortuito positarum humiles, altæ, magnæ, parvæ, paucæ, multæ, lucidæ, obscuræ, nulla forma, nullaque figura conspicuæ, vt quisuis alius quemadmodum dixi potius, quàm Taurum referant. Ergo non ob hæc probabilia argumenta existimare oportet, quicquam potuisse deficere, aut primam causam, seu mundi animam illius ministram in vilo potuisse delinquere. Constat enim haud dubiè omnium erraticarum consensum quendam esse cum motu Solis, quem si Ptolemaeus acumine ingenij singulari, non deprehendisset, diceremus motus illos inter se coniunctos esse. Eadem ratione ita debemus statuere, de his quorum causæ nondum à nobis deprehensæ sunt, aliud suppositum statuere oportet, scilicet ordinem esse in perfectione nec necessarium esse, vt quod minus perfectum est, imperfectum habeatur. Imperfectum enim trifariam dicitur, & semper comparatiuè vel perfectionis ratione, sicque simpliciter absurdè dicitur: nam omnia sic imperfecta dicerentur, comparatione summi boni quod solum perfectum est: vel comparatione speciei, vel generis vt talpa vermibus. Et Æsopus inter homines, hac ergo ratione speciei, non est in cœlestibus, nisi vt sunt partes in materia, materia autem diuersa est, quoniam sic expediebat, ratione generis erat planè necessarium, atque hoc modo dico nullam stellam esse nubilosam, nisi comparatione ad oculum nostrum: inter se tamen vnā altera illustriorem esse, vt foret mundus corpore, vt imago perfecta incorporei quantum fieri posset. Figuram autem esse rem non propriam, sed comparatione ad naturam esse ordine optimo dispositas, vt non debeamus ob nostram ignorantiam

susplicari malum de diis, vt faciant Peripatetici, qui cum omnia se scire profiteantur, orbem tenebris ignorantia obscurarunt. Ita veritas apud homines tot habet hostes, vt nihil sciamus. Sunt primū Philosophi hi qui toties depreheni in errore non cessant impudenter, non pro scientia neque amore Aristotelis sed pro pecunia, & ambitione contendere, sunt Principes multi, & milites, & imperiti omnes, & alij etiam quorum studium non aliud est, quàm opprimere veritatem. Sed illa tamen scintilla perpetuò in hunc mortalem, & corporeum mundum ex immortalis & incorporei. Ergo fidere debemus, & illi alacriter inherere cogitantes, quantula portio minimæ sit fallacis, huius humani orbis ad infinitum veracem incorporeum, & immortalem tum etiam cœlestem. Dico ergo quod spacia & magnitudines stellarum disposita sunt, pulcherrimè quo ad conditionem naturæ non figuram fortuitam, quæ nulli est vsui, neque est principium operationis. Homo enim non habet figuram illam, quam habet vt placeat oculis nostris, sed vt commodam operationibus suis. Vnde ob consuetudinem post modum placet oculis nostris. Et hæc est causa erroris, nō enim homo formosus est quia huius figuræ, sed quia qui optimè se habent, huius figuræ sunt, & talib. assimilatur, quos ob consuetudinem probamus, quæ consuetudo à multitudine eorum pendet, sic & Canopi in cœlo clariores sunt, quàm apud nos Sol, non tamen quantum Canicula, aut Sol in cœlo. Videtur autem cœlum stellarum esse Sole ab ipsa terra decies & octies remotius, & ob id multi contingunt errores circa visionem astrorum.

Sed iam de ipso Sole agamus eius diameter est quincuplex, cum semisse à globi terræ diametrum, hoc enim demonstratum est à Ptolemæo, sed & corpus ad corpus 166. pauloque maius triente, altitudo verò à terra 1120. ad semidiametrum terræ sicut Lunæ, quinquages semel altitudinis ergo Solis à terra, ad Lunæ altitudinem vices semel, cuius lumen densum, purum, efficax, nitidum sub omnia astra, quæ nobis cognita sint. De motu eius variè circumferuntur, quod autem proximum est veritati, est quod circumfertur in diebus 365. horis quinque minutis 56. iuxta Copernicum, iuxta alios circiter 48. tantum semperque inambulat, sub ecliptica linea, absis eius in Cancro prima parte ex 41. minuto latitudinem nullam habet, ergo anni eius maximi 1462. maiores 120 medij 39. minimi 19. quocirca etiam custodit florem iuuentutis, in qua vires corporis maximè valent, & animi, incipitque à 23. vsque ad 41. nihil enim perfectius hac ætate robusta incolumis virtute decora florida, domus aëris vnica Leo, in quo & carpentum altitudo 19. par Arietis, totusque Aries carpentum, aliud trigonus igneus, in quo die primas partes obtinet, scilicet Aries, Leo, Sagittarius, fines nullos obtinet, & nullum epicyclum, nunquam retrocedit, ob id calidus vehementer temperatus in humido, & sicco, neque calor eius noxius est, si non refrangantur



frangantur radij vt videmus in cauis, speculis, masculinus atque diurnus vt qui dici author sit. Reges significat & potestates, tum magistratus, & honores facit homines, plenos fidei, sapientes humanos, compositos, religiosos, parentū amatores, efficaces, dignos quibus honor habeatur, pudicos sed non admodum vxoribus, & filiis gratos, aut iucundos, ambitiosos, puros, mundos, nitidos, gemmis ac vestitu, sumptuoso gaudentes, in sermone raros, facie leonina, capillo flauo, moderatos, atque ob id in pueritia pulchros, & gratiosos, post consistendi tempus, tamen corpulentos, alios tamen efficit exiles, & attenuatos gratos principibusque & iustos in iudiciis, non multo cibo gaudentes. Cumque dominus fuerit orbis magni, eo modo quo dictum est de Marte aut coniunctus domino orbis magni, efficiet calores magnos, & maximè in Leonis signo, & quantum ad mutationem signorum, cum læditur operatio eius, aut fuerit malè dispositus, vel maleficæ eleuentur super eum erit iactura in hominibus, & maximè regibus, & magistratibus, & in terra nascentibus, tum etiam in animalibus & maximè iuxta naturam signi in humanis, affligentur magis homines, & in aquis, & terreis & quadrupedibus, quadrupedia, & cū multum afficitur significat pestilentiam, vel aquarum abundantiam & præsentia eius significat, calores, & oppositum frigora, & quadrata eius mutationes, & est author vitæ omnium sanguineorum & omnium planetarum, quæ non in vmbrosis locis facile oriuntur, & planetæ qui ei iunguntur vim propriam amittunt, & creditur quod qui non distant à centro eius plus sexdecim minutis, quia diameter eius 32. minutorum, vt sint in corde eius quod plurimum possint, sed hoc est vanum, imbuunt tamen vires illorum manifestè & potenter, & planeta cū exit radios eius, & apparet oculis nostris, & stellæ etiam fixæ magnas vires habent, & mundum mutant, & iuuant natos, aut ob sunt plurimum, siue ex oriente appareant, seu in occasu vespertino, vt Luna semper & Mercurius, & Venus sæpe, & ipse renouat annum, & mutat quatuor tempora ad eius similitudinem, ac per portionem significata, cæterorum planetarum sunt referenda, & in æquinoctiis variatur multum tempus propter magnum incrementum declinationis, & insolitis propter longam stationem in eodem situ, cum qualitate iam potenti, & propter longitudinem nimiam dierum, aut noctium, & Sol propriè significat omnia publica, quæ proficiuntur à lege, vel à natura, vt sunt mores ciuiles, & naturales actiones & significat læsiones, circa oculos & ex igne.

Cum verò eleuetur supra Saturnum & fuerit in Ariete, erunt multæ pluuiæ, multæ messes, cum prosperitate vtrunque & fortasse minuentur herbæ. Si verò fuerit in Tauro, erit multa fames in hominibus, & augmentum fructificationes arborum, cum humiditate aëris. Si verò fuerit in Gemini, erit bonitas aëris & temperantia pluuiarum. Si verò fuerit in Cancro, erit diminutio aquarum, & mediocritas pluuiarum. Si verò fue-

rit in Leone, erunt multæ locustæ augmentum herbarum, cum superfluitate pluuiarum & humiditate. Si verò fuerit in Virgine, erunt pluuiæ & mediocritas earum. Si verò fuerit in Libra, erunt pugna inter Reges, mors mulierum, multi inimici, multitudo herbarum, cum superfluitate pluuiarum. Si verò fuerit in Scorpione, erunt bella inter reges, multi bubones, & mors in hominibus, multa humiditas in horizonte. Si verò fuerit in Sagittario, erunt bella inter reges, superfluitas pluuiarum. Si verò fuerit in Capricorno, erunt multæ infirmitates, & mors in hominibus cum multis pluuiis. Si verò fuerit in Aquario, erit humiditas horizontis. Si verò fuerit in Pisce, erit humiditas aëris.

Si autem super Iouem & fuerit in Ariete, erunt pluuiæ pauca. Si verò fuerit in Tauro, erit humiditas aëris. Si verò fuerit in Gemini, erit humiditas aëris. Si verò fuerit in Cancro, erit humiditas aëris & rorores eius. Si verò fuerit in Leone, erit pluuiæ pauca in pluribus terris. Si verò fuerit in Virgine, erunt pluuiæ temperatæ. Si verò fuerit in Scorpione, erit humiditas aëris. Si verò fuerit in Sagittario, erit siccitas aëris, & mors in pluribus climatibus. Si verò fuerit in Capricorno, erit humiditas horizontis. Si verò fuerit in Aquario erit humiditas aëris. Si verò fuerit in Piscibus, erit humiditas aëris.

Si autem super Martem & fuerit in Ariete, erunt multa pugna, & vindicta hominum calor magnus in quarta æstuali, multæ coruscationes, venti validi, Si verò fuerit in Tauro, erit humiditas aëris. Si verò fuerit in Gemini, erit multa cades hominum, & querelæ & vindictæ eorum inter se. Si verò fuerit in Cancro, erunt multæ pluuiæ. Si verò fuerit in Leone, erunt pauca pluuiæ. Si verò fuerit in Virgine, erunt humiditates multæ. Si verò fuerit in Libra, erit iniuria, mundana bella, vindicta in hominibus inuicem, humiditas aëris, & vehemens calor tempore suo. Si verò fuerit in Scorpione, erit humiditas aëris horizontis. Si verò fuerit in Sagittario, erit malum esse nobilium, cum superfluitate pluuiarum. Si verò fuerit in Capricorno, erit humiditas horizontis. Si verò fuerit in Aquario, erit humiditas aëris. Si verò fuerit in Pisce, erunt superflue pluuiæ, tonitrua & coruscationes.

Si autem super Venerem & fuerit in Ariete, erit siccitas aëris. Si verò fuerit in Tauro, erit siccitas aëris. Si verò fuerit in Gemini, erit humiditas pauca. Si verò fuerit in Cancro, erit siccitas aëris. Si verò fuerit in Leone, erunt multæ pluuiæ. Si verò fuerit in Virgine, erit superfluitas pluuiarum. Si verò fuerit in Libra, erit multa nebula, & pauca pluuiæ, cum superfluitate pluuiarum. Si verò fuerit in Scorpione, erunt pauca pluuiæ. Si verò fuerit in Sagittario, erit siccitas aëris. Si verò fuerit in Capricorno, erit siccitas aëris. Si verò fuerit in Aquario, erit siccitas aëris. Si verò fuerit in Pisce, erit siccitas aëris.

Si autem super Mercurium & fuerit in Ariete, erunt multæ pluuiæ, ventris incessans. Si verò fuerit in Tauro, erit bellum in-



ter ciues venti multi, pauca pluuia, detrimentum herbarum, inundationes fluminum, Si verò fuerit in Gemini, erunt venti & multitudo ventorum, calidorum, venenosorum. Si verò in Cancro, erit multa mors hominū, cum superfluitate pluuiarum, & vehemēti calore tempore suo, pauca aqua, & corruptio fluminum Si verò fuerit in Leone, erit minima mors in hominibus, cum vehemēti calore & durabilitate eius. Si verò fuerit in Virgine, erit apparitio scientiæ & sapientiæ, cum paucitate humiditatis eius. Si verò fuerit in Libra, erunt detrimenta scriptorum & villicorum. Si verò in Scorpione, erit humiditas superflua. Si verò in Sagittario, erit mors, quorundam regum, destructio ciuitatum, quæ sunt super littora maris, pluuia superflua, ventus multus. Si verò fuerit in Capricorno, erit pluuia mediocris, inundationes mediocres. Si verò fuerit in Aquario, erit pluuia incessans, prosperitas reddituum, & inundationes fluminum Si verò fuerit in Pisce, erunt multa volatilia, & pisces, inundationes fluminum, humiditates mediocres.

Si aut super Lunam & fuerit in Ariete, erunt corruscationes, tonitrua & fulmina. Si verò in Tauro, erit humiditas pauca. Si verò in Gemini, erit paucitas aquarum. Si verò in Cancro, erit humiditas pauca. Si verò in Leone, erit paucitas humiditatum. Si verò in Virgine, erit humiditas pauca. Si verò in Libra, erit aduentus nunciorum, cum multis rumoribus, terribilibus, & bona complexio aeris. Si verò fuerit in Scorpione, erit aquarum & pluuiarum paucitas. Si verò in Sagittario, erit humiditas pauca. Si verò in Capricorno, erit humiditas pauca. Si verò in Aquario, erunt tonitrua corruscationes & fulmina. Si verò fuerit in Pisce, erit humiditas, multa tonitrua, & corruscationes.

Si à Sole defluens Luna feratur ad Venerem, & sic diurna genitura, faciet steriles, & qui sobolem generare non possint, & qui difficile coniugabilibus compulentur affectibus, aut enim steriles, aut anus aut ancillas, & ipsas nihilominus steriles vxores ducunt, ac puerorum turpes, ac miseros coitus sedantur, ex qua causa filiorum illis soboles in perpetuum denegetur, erunt sanè pro posteris amorum vitiis obligati, aut imparis, aut turpibus cupiditatibus dediti, seruilibus semper studiis, & seruilibus artibus occupati. facultates nimias comparantes, & per semetipsos vitæ sibi subsidia maxima quærentes, & qui felicitatis augmenta processu temporis consequantur. Si verò per noctem à Sole defluens Luna feratur ad Venerem multas decernit vxores, facit communes gratos, acceptos, & magnos actus, & magnis actibus se immiscentes, & magnas decernit facultates, erunt nobiles gloriæ splendore fulgentes, facit autē imperiosos, potentes, diuites, & quibus maxima felicitas cōferatur: præsertim si nullum Deorum Saturnus quadrata, vel diamentra radiatione pulsauerit, tunc autem hæ felicitates, & hi honores decernuntur, si in necessariis genituræ locis fuerit ista coniunctio. Si à Sole defluens Luna ad

Mercurium feratur, & sic diurna genitura, facit inuita & in actibus periculosos, & moribus malis, & sacrilego semper errore præposteros, & diuinitatem negantes: sed hic etiam commendatas res sibi abnegant.

Si verò per noctē à Sole defluens Luna ad Mercuriū feratur, facit publicos tabelliones, ex quibus literis quærant, vitæ subsidia, erunt tamen ex hoc studio in suis ciuitatibus ornatī, & qui omnibus eiusdem negocij vires, cum eorum iudiciis præferanter, frequenter tamen si eos Iuppiter trigonica radiatione respexit curam ciuitatis eutionemque suscipiunt: erunt autem difficilium literarum, aut Sophiæ cuiusdam inuētores, aut celestibus religionibus dediti, & quibus diuinitatis secreta credantur, aut absconsarum, aut illicitarum literarum actibus inhærescunt, alij absconsas res inueniunt, aliis conferunt hæreditas, si tamen alieni ab his fuerint Mars, Iuppiter & Saturnus.

Sol in parte horoscopi constitutus difficiles fratres dabit, in masculino autem signo constitutus in domo sua, aut in altitudine sua, & benivolæ stellæ radiatione coniunctis, benivolis protectus, magnæ nobilitatis larbitur insignia. Si verò malivolæ stellæ Sole in horoscopo. constitutio propè radiis accedat oculorum aciem, ex maxima parte desiderat. Sed quare diximus, cum maximas decernere felicitates omnia debemus specialiter explicare, cum Saturno in horosc. cardine partiliter constitutus, in his in quibus diximus partibus, per diem imperatores fauet ac Reges, quod si ius eius leniter, fuerit impedita consulares, faciet proconsulares, & dat ordinarios consulatus. Si verò Mars sic Solem positum, sicut diximus aspexerit, vel si cum eo positus fuerit cum maxima inuidia & cum magnis periculis, & impedimentis, & magnis pugnis, aut difficultatibus ducatus, imperia, potestatesque decernit. Si verò Sole in horosc. per diem in his quibus diximus signis partiliter constitutio, alium Iuppiter cardinem genituro possederit: Mars verò in medio cœli fuerit partiliter inuentus, in masculino scilicet signo, Luna etiam in aliquo sit genituræ cardine plena lumine vel in aphoris cardinum, cum qui natus fuerit toto orbi faciet imperare, aut in tali potestatis administratione constitutus potestas eius: licet non sit dominus ac Rex, per totius orbis tamen spatia dirigatur.

Si verò Mars in medio cœli fuerit, vel in occasu sic Sole & Ioue, sicut diximus constitutus. Luna verò cum Marte vel in medio cœli, fuerit inuenta pleno scilicet lumine, vel in octauo genituræ loco eos, qui si nati fuerint Duces, aut Reges, aut administratores biothanatos facit, aut aliqua ratione captos mala, faciet morte prosterni: secundum naturam scilicet signorum atque substantiæ, faciet autem interdum depositū, ab honoribus suis, ab omni potestate deiici. Sed & si Mars cum Luna non fuerit, sic sicut diximus coniunctus, & Solus in cardinibus genituræ fuerit inuentus, vel in cataphoris, vel in anaphoris eorum Sole in horoscopo, sicut antè diximus constituto nihilominus, qui nati fuerint Duces,



Duces, vel Reges, vel administratores, captiuos, biothanatos faciet, vel cum summo dedecore à sua potestate deponi. Sed et si Sol in parte horoscopi fuerit inuentus. Si Saturnus pariter medio coeli possederit, simili modo reges, duces & potentissimos administratores facit. Si sic Sole posito ac Saturno, Mars in secundo ab horoscopo, vel in octauo fuerit inuentus, & Luna plena luminibus in aliis cardinibus fuerit inuenta, vel in secundo ab horoscopo loco, vel in octauo cum Marte, eos qui nati fuerint Reges, vel Duces, vel administratores, biothanatos facit, & exules & captiuos.

Si verò Sol Solus in parte horoscopi, fuerit inuentus in quibus diximus signis; hoc enim te meminisse conuenit, & Mars in anaphora Lunæ fuerit inuentus. Luna in ceteris cardinibus vel in anaphoris cardinum constituta, eos qui nati fuerint Reges, vel Duces, vel administratores, simili modo biothanatos faciet, vel cogit eos isto honore priuari. Si verò Sol in parte horoscopi fuerit inuentus, & Luna in ceteris cardinibus genitura, vel in anaphoris, vel in cataphoris cardinum fuerit inuenta, & Mars se nulla illis radiatione coniunxerit. Si verò Iouis stella, aut cum Sole in parte horoscopi constituta, aut in ceteris cardinibus inuenta, vel in anaphoris, vel in cataphoris cardinum, hi qui nati fuerint reges, totius orbis gubernacula possidebunt, euerterentes alias ciuitates, alias subleuantes. Si verò sic positus Mars, Solem, Lunam, Iouemque, respexerit, aut cum ipsis positus, aut in cardinibus inuentus, aut in anaphoris, aut in cataphoris cardinum constitutus, malas mortes faciet his quibus diximus. Sed & vitia & valetudines decernit, secundum naturam signorum, & secundum has corporis partes, quas diximus signis esse diuisas valetudines, & vitia decernuntur, & casus mortium. Si verò sic his omnibus collocatis sicut diximus, Saturnus in anaphoris eorum, vel in cataphoris cardinum fuerit inuentus, imperium quidem tantum quantum diximus non habebunt, nihilominus tamen maximos potentia viros, ac famosos iudices faciet, aut magnarum legionum propositos, aut tribunos: sed efficaces, terribiles, sed non perseverantes, in his dignitatibus ac potestatibus, sed ut captiuos eos faciet, aut in exilium agi aut facit biothanatos interire. Placitè verò Sol in signo horoscopo constitutus faciet ingenuos nobiles, sed placitè Sole in signo horoscopo constituto. Si Iupiter & Venus, & Mercurius in ceteris genituræ cardinibus fuerint constituti: magnos viros faciet, & quibus parentibus maxima bonorum foelicitas comparetur, & qui à prima ætate in rebus bonis ac prosperis crescant: ita ut sint semper ab incurfu paupertatis alieni. Sed sic omnes positos hos Saturnus de trigono respexerit, vel de hexagono, vel etiam si pariter fuerit constitutus perpetua foelicitas illis decernitur. Sed si sic omnes positos, id est Solem in signo horoscopo Iouem, Venerem, Mercurium, in cardinibus, Saturni verò in trigono, vel exagono, aut loco cum ipsis con-

stitutum, Mars hac ratione respexerit: autem cum ipsis constitutus, aut hos omnes de quadrato respexerit, aut de diametro, & huic stellarum commixtioni coniunxerit, faciet maximos iudices, potentes, habentes vitam, & necis potestatem, sed fures, rapaces, & qui res alienas antro rapiunt, cupiditatis instincta. Sed nihilominus hos eos post maximam deprecationem, vel post maximas rapinas, vel post immensa facinora, exules facit aut biothanatos. Si verò Sol nocte in horoscopi signo fuerit, inuentus sordidiores genere facit procerari. Quod si per noctem Solem in horoscopo constitutus Saturnus, aut Mars respexerint, per quadratum, aut per diametrum, aut similiter cum eo fuerint, & ille se illis quacunque radiatione coniunxerit, maiores quidem fratres perimit. Sed & ipsius vitæ atque omnem patrimonij substantia, etiam actus omnes prouersione dissipat. Sed semper in omnibus cardinibus genituræ, sed constitutus maiores fratres omnes debilitabit, aut qui sic habuerit inter omnes fratres primum facit nasci. In secundo loco Sol ab horoscopo constitutus, faciet ipsos semper patrimonia quærentes, & omni vita suantes, ac bonos: sed hos eisdem languidos facit, & parua vitæ, & variis faciet contrarietatibus impediri, & qui semper sint in vita sua varia, terroris, trepidatione solliciti.

Si verò in hoc loco constitutus Sol, cum Venus, ac Iupiter bona radiatione respexerint vel de trigono, vel de exagono, vel cum ipso fuerit, collocati bonorum aliquid repentinum dabit, & felicitatis incrementa non modica. Nam iacentes homines & abiectos, ad publicum faciet incremento dignitatis adduci, sed hoc ei magno labore, & cum maximo impedimento decernit, & cum matrimonij iactum voluntaria. Vnde quicquam sic Solem habuerit constitutum, nihil appetat, ad nullam rem adeat cum sciat se sic posito Sole in omnibus actibus impediri. In tertio loco Sol ab horoscopo constitutus, patrum malam mortem decernit, & ipsos qui sic eam habuerint inualidos faciet, sed in consiliis bonos ac graues faciet, aut procuratores ciuitatum, aut rationes publicas tractantes, aut fisco præpositos, aut fisci patronos: si bona se ei Iupiter, & Mercurius radiatione coniunxerit, sed uxorem ac filios tardius consequenter. Si verò in tertio genitura loco positus sit, in domo sua vel in domo Iouis, vel in domo Veneris, vel in domo Mercurij, vel in altitudine sua, vel in altitudinis Iouis, vel Veneris, vel Mercurij, facit religiosos deorum cultores, qui simulacra deorum, & per se facta religiosi conuersationibus dedecent, & qui fabricationibus templorum iussu principum, vel iudicum præsent. In aliis verò signis sicut diximus positus, facit in templis ignobilia officia, aut seruale aliquod ministerium. Si verò in tertio loco ab horoscopo constituto Sole Saturnus, aut Mars aliqua se ei radiatione coniunxerint, vel si cum eo fuerint, faciet periuros, perfidos, & crebris ab hoc denotationibus miseros, ganeones, & qui sordida, & absconsa loca semper sectantur, & qui contra diuinitatem irreli-giosa proferrant



rant verba, sed assiduis animi fatigationibus æstuant. In quarto loco Sol ab horosc. constitutus, si in loco positus Martis & Saturni aliqua fuerit radiatione pulsatus, patri primo mortem decernit, & generis totius euerfionem, atque patrimonij facit totius labem. Ipsi verò qui sic eum habuerint interpellationes, & molestias plurimas, & contrarietates, & impedimenta ex maxima parte decernit. Sol bonam senectutem faciet, ita ut in hac ætate constituto lucra maxima conferuntur: sed erit circa affectus vxoris instabilis. In quinto loco Sol ab horosc. constitutus faciet amabiles, honoratos, qui omnia faciliè consequantur, & quibus cuncta amicorum præsidio conferantur. Sed si sic Sole posito præsens in eodem signo, se Veneris stella locauerit, vel de exagono coniunxerit coronarum largitur insignia, & prætextarum veste decorabit, sed & à populo honores, qui sic Solem habuerint maximas conferuntur. Quod si maliuolæ stellæ cum Sole in eodem loco fuerint, nihil mali poterant decernere, nec perpetrare propter loci naturalem bonitatem, sed solum filiis nocebit. Si verò in eo loco Solis fuerit inuentus, minoris erunt hæ quas diximus felicitatis, & sic nocebit filiis, & indicat perpetuas orbitates, aut ex cane filiorum maxima doloris tormenta patiat. In sexto loco Sol ab horosc. constitutus multa mala decernit, semper nocebit, & graues ac longas ægrotudines faciet. Quod si sic Mars in horosc. fuerit inuentus, actus quidem publicos faciet: sed infligit ei frequenter vulnera ex ferro, patrem autem faciet, aut mala morte interire, aut cito mori, aut aliqua ratione damnari: sed & omnem substantiam variis faciet generibus deperire. In sexto loco Sole posito. si in decimo ab horoscopo loco, id est, in medio cœli nulla stella fuerit inuenta. Nam si in sexto loco constituto quacunque stella decimum locum, id est, medium cœlum possederit, faciet locupletes, diuites, affluentes, & quibus paterna successione maxima felicitas comparatur. Si verò in sexto loco Sole posito, nulla in medio cœli stella fuerit constituta. Iupiter verò & Venus, cum eodem Sole in sexto fuerint inuenti, quicquid malorum decretum fuerit mitigatur, & tota infelicitatis impeditur improbitas. In septimo loco Sol ab horosc. constitutus, maxima vita, & valetudines decernit: præterea si sic Solem positum Mars & Saturnus aliqua radiatione respexerint, vel si cum eo fuerint collocati: secundum enim naturam maliuolæ stellæ, quæ cum ipso fuerint collocatæ, indicit vitia & ægrotudines, si Mars, caliditas & ignitas. Quod si Luna cum eo vel in septimo loco Sole constituto Luna in horosc. vel in medio cœli partiliter, fuerit collocata magnos, potentes, nobiles faciet, & quibus committantur maximè potestates: præsertim si fuerit in domo sua, aut in valetudine sua, aut in domo Iouis constitutus, & si locus fortunæ partiliter, & corporum diligenter inuentus, in aliquo cardine fuerit collocatus. Si verò sic Sole & Luna constitutus, sic etiam fortuna loco collocato. Iupiter aliquam genituræ cardinem tenuerit

imperatores, reges faciet, sed bonos beniuolos, faciet etiam duces, potentes & administratores, fortes, temperatos, efficaces, provincias & ciuitates subiungentes. Quod si his omnibus Sole, scilicet, & Luna, & Ioue, & loco fortunæ sicut diximus, positus Mars, & Saturnus, in secundo aut in octauo ab horosc. loco fuerint constituti amiserint imperia, & ex honoribus, aut administrationibus suis, cum dignitatis iactura depouuntur, & aut ab inimicis gentibus, aut ab aduersariis, atque æmulis opprimuntur: faciet etiam ut ipsi sibi manibus suis inferent mortem, sed & captiuos facit, hos eosdem est aut exules. Si verò in septimo loco genitura, vel in quocunque alio cardine collocato Sole, & Mercurius se in eodem loco positus iunxerit, vel matutinus, vel vespertinus literatos faciet, qui maximam ac variam literarum sententiam consequantur. Si verò sic Soli ac Mercurio positus Saturnus se coniunxerit, maliciosos faciet, maleuolos, pessimos, & qui velint difficilium literarum notitiam habere, vel qui easdem literas ipsas difficiles faciant. Si verò per noctem fuerint inuenti Sol, & Mercurius, & Saturnus lapidarios faciet, aut pollicitores, aut funerarios, aut quibus sepulchrorum cura, aut custodia mandetur, faciet etiam armentarios, bubulcos, pastores, equorum domitores, equarumque pastores, porcarios & his similia, secundum naturam potestatemque signorum. Et si in nocturna genitura Sole, & Saturni constitutis septimo loco, sed & Mercurius, & Venus eodem fuerint inuenti, vel in duodecimo, vel in sexto & Saturnus constitutus cum ipsis fuerit, eunuchos faciet, & mulieres viragines, & quæ se nunquam virili coitu iungant, vel si se aliquando viro coniunxerint nunquam concepturus, aut editus partum. Si verò sic his positus Mars se aliqua radiatione coniunxerit & cum ipsis fuerit inuentus hermaphroditas faciet, in quibus duplex se natura coniungat. Quod si in his omnibus constitutis Luna se aliqua radiatione coniunxerit, vel si cum ipsis fuerit inuenta, archigallos facient, & qui virilia propriis sibi amputent manibus facient etiam lenones, & qui meretrices velint procurationibus suis elocare. Sed in sexto loco cum Sole constituto, hæc eadem faciant si nulla stella in medio cœli constituta, istius malitiæ soluerit atrocitatem. Nam si qua in medio cœli fuerit inuenta his omnibus sic inuentis in sexto loco constitutis omnia, quia diximus mitigantur.

In secundo verò loco genituræ vel in quinto, vel in vndecimo, si Mercurius cum Saturno fuerit inuentus, Sole cum his in eodem loco constituto maliciosos facit, maliuolos, pessimos, in omnibus actibus faciet, aut aduocatos, aut iurisperitos, aut scribas, aut exceptores, aut ortorum præpositos, aut aquarum distributores. Quod si sic his positus in his, in quibus diximus locis Mars se aliqua societate coniunxerit, vel si cum his fuerit inuentus erunt homicidiis, publicis præpositi, & exceptores earum sententiarum, quæ de hominum captibus præferantur, aut carnicularij, aut commentarienses, sed quibus



quibus cura committatur, aut clauicularij, aut carceris custodes, & quibus publicarum catenarum vincula committantur, aut prepositi carnificum, aut carnifices, & qui damnatos homines flagellis lacerare consueverint, & cetera his similia. Si verò his omnibus sicut diximus in his constitutus, Iuppiter & Venus aliqua se radiatione coniunxerint, vel si cum his fuerint inuenti, nihil quidem eorum facient quæ ante diximus: nulla enim Sole decernunt, cum Ioue verò & Venere, sacerdotios faciet, uictimarios, & qui sacris præsent, vel qui pecora sacra, aut sacris aut religionibus destinata pascunt, vel qui in templis aliquo funguntur officio, aut qui de templis maxima munera consequantur. Sed hæc omnes stellæ quas diximus, etiam in duodecimo loco partiliter constitutæ hæc eadem simili ratione decernunt, sed hi ipsi homines tardiores, sed & his omnibus in quibus fuerunt collocati, & glorias habebunt & principatum. Sed in undecimo loco constituti homines si alia stella, sicut ante diximus in medio cœli fuerit inuenta, hæc eadem simili ratione decernunt. Quod si in septimo genituræ loco, vel in quocumque alio cardine, solus Sol cum Marte fuerit inuentus, vel in 2. genituræ loco, vel in 5. vel in 8. vel in 11. dabit ex igne & ferro, & quæ ex aliqua duritia fabricentur. Sed in cardinibus Sol & Mars, pariter constituti perpetua hæc artificia decernunt, In octauo Sol ab horoscopo constitutus patrem citò faciet interire. Si verò cum eo Mars aut Saturnus fuerint inuenti, aut de diametro ei oppositi aut de quadrato coniuncti, facient alienos deliros, ac cardiacos, aut frenaticos: sed secundum naturam signorum hæc valetudinum vitia decernuntur. Si verò in octauo loco posito Sole in diametro Luna fuerit constituta, nondum soluta coniunctione, sed plena lumine, sed & si cum de synodiaca in octauo loco fuerit inuenta. Saturnus verò & Mars per diametrum, vel simili constituti pariter, vel si se illis quadrata radiatione coniunxerint, valetudines, & debilitates maximas faciunt. Nam caput malitiosis humoribus onerant, & ex humorum statua perseneratione qui circa caput collecti fuerint, facient caducos & lunaticos, aut assidua interceptione deficere, faciunt etiam aliena uerba proferre, humores aliorum grani iactura debilitant: aliis maculas, lepras, neptegines: phthisim, hydropem, alios elephanticos, faciunt, alios claudos, alios gibbosos, alios paraliticos, aliorum maximas partes amputent corporis: Sed hæc secundum differentias signorum, atque naturam omnium decernuntur. Nam similia faciunt in secundo in ab horoscopo loco, & in 8. & in 12. & in 8. sicut diximus constituti. Quod si sic omnibus sicut diximus, positis Iuppiter & Venus aliqua radiatione se coniunxerint, vel simul cum ipsis positi, vel si trigonia eos radiatione respexerint, vel si Luna se coniunxerint hæc omnes valetudines quas diximus, tales erunt ut mederi & curari possint: sed si sic beniuolis stellis collocatis Iouem scilicet, Venerem maliuola stella coniunctionem

Lunæ uenientis exciperit: vitium quidem, atque ægrotudo perpetua erit. Sed & diuinitatis alicuius prouidentia valetudinis accerbitas mitigatur. Quod si his omnibus sicut diximus collocatis Mercurij se coniunxerint stella, aut cum ipsis posita, aut in exagono collocata valetudines istas quas diximus, aut remedio aliquo, aut cantationibus compescet, aut mitigabit, aut ob neferiam his remediis, ab incurfu valetudinum liberentur, præsertim si Luna, Ioui se crescens, aut Veneri imminuta luminum coniunxerint. Quod si in ista stellarum dispositione quam exposuimus, Luna semper Mercurij stellæ se coniunxerint, & ut cum eodem collocato beneuolis stellis vel de trigono, vel de exagono radiata fuerit ad deos confugiant, & illic manebunt ab ipsis remedia postulant. Quod si Luna se Mercurij stellæ coniunxerint, sic Sole Saturno & Marte, sicut diximus, positis, Iuppiter verò & Venus in aduersis & delectis locis fuerint inuenti, insanos, lunaticos, & dæmoniacos faciunt, & qui ex his vitiis perpetuis calamitatibus implicentur, ita ut biothanata morte deperant. In nono loco Sol ab horoscopo constitutus fabricatores facit, vel cultores deorum, Diuinorum simulacrorum, vel ornatores deorum, vel fabricatores templorum, aut hymnologos, & qui laudes deorum, cum iactantia & ostentatione decantent. Ex quibus rebus gloriam & honores habebunt faciant autem si Sol positis patrem felicem: Sed & ipsi & patri eius varias vitæ mutationes multiplicesque decernit & si beniuola stella sic Sole posito in anaphora medio cœli fuerit inuenta, & in peregrinis locis constitutus augmenta felicitatis maxima consequentur.

Si verò in hoc loco maliuola stella fuerit inuenta, multa incommoda in peregrinatione patietur, & peregrè cum dolore morietur. In decimo loco Sol ab horoscopo constitutus partiliter in diurna genitura, id est, in medio cœli in domo sua, aut in domo Iouis, aut in ea parte in qua exaltatur, faciet Reges, quibus à patre tradatur imperium, aut duces quibus hoc honoris simili modo paternis tractatus honoribus conferatur, aut administrationes, aut consules & proconsules, sed quibus hoc ex parte dignitatis moritò deferatur.

Quod si sic Sole posito Mars alium genituræ possederit cardinem, regna, ducatus administratus, consularis, proconsularis, per pericula, & per pugnas, sed per inuidiam consequentur. Quod si Sol in medio cœli in his signis in quibus diximus partiliter fuerit inuentus, Mars verò in occasu, id est, in septimo genituræ loco fuerit constitutus, & Luna in alio cardine genituræ plena luminibus Martem respexerint, id est, aut in horoscopo posita, aut in medio cœli facit eum, qui natus fuerit siue Rex, siue Dux, siue consul, siue proconsul, siue administrator, exulem, captiuum.

Sed & Sol sicut diximus in medio cœli si fuerit collocatus, Mars verò in secundo horoscopi loco, vel in nono fuerit constitutus, & Luna per diametrum vel per quadratum

Martis



Martis exceperit radios, vel cum ipso pleno fuerit lumine constituta, similimodo hos eosdem quos diximus, biathanatos, exules captivos facit. Quod si sic Sole sicut diximus posito Mars alienus ab his locis fuerit quæ diximus. Iuppiter verò in cardinibus fuerit inuentus, aut in cataphoris & Luna aliquem genituræ possederit, cardinem plenamque se luminibus Iouis radiationibus coniunxerit, hos eosdem reges, aut diues faciet, potestatem suam per spatium totius orbis extendere.

Placitè verò Sol in eo signo constitutus in quo est medium cœli patentes faciet honestos: præsertim si sic Solem positum, beniuola stella aliqua radiatione respexerit. Adminutuntur autem hæc, si sic positum Solem malinolum fidus impediatur, sed generaliter Sol in omnibus cardinibus partiliter, cum Mercurio constitutus, litteratos faciet, doctos & varis literarum studiis oratores, vnde variis actus, & maxima quedam decernitur disciplina. Erunt autem illi qui sic habuerint Solem & Mercurium, si se illis coniuncta stella coniunxerit, literarum gratia & magisterij cum regibus constituti. Sed hæc etiam Mercurius facit si longè à radiis Solis fuerit inuentus, & si sic eum positum in inuia Martis ac Saturni, Iuppiter & Venus bona radiatione respexerint. In vndecimo loco Sol ab horosc. constitutus, felices facit, nobiles, & quorum patres maximo honoris splendore decorantur, sed processu temporis augmenta felicitatis, & dignitatis accipient. Hæc autem maiora erunt omnia si sic positum Solem Iuppiter, aut simul cum eo collocatus, aut trigonica radiatione respexerit, aut si Venus cum ipso matutina fuerit inuenta, aut si exagono matutina respexerit. Nam hæc omnes dignitates amicorum illis gratia conferantur. Si verò Sol in vndecimo loco genituræ fuerit inuentus, & malinola stellæ cum ipso fuerint, aut aliqua illi radiatione coniuncta, nihil quidem actibus, neque laboribus impedierit, sed solum filiorum loco acerbi decreti persenerantia nocent. In duodecimo loco Sol ab horoscopi, constitutus ignobiles, ac frequenter seruos, captivos faciet, & patris etiam mortem, & totius patrimonij iacturam decernit, etiam vitam & ægritudines graues: sed & si beniuola stella cum Sole in eodem loco fuerit inuenta, nihilominus maximas ignobilitates faciet. Si verò malinola stella in hoc cum Sole fuerit inueta perpetuas ægritudines maxima decernit, vitia, & perpetuas & seruitutes.

A Sole defluens Luna si ad nullum deferatur, sed peruacuum cursus suos dirigat pauperes faciet, infelices, peregrinos, erraticos, & qui seruilibus semper actibus immorentur alios ad actus affectantes quod aggressi fuerint, vario facit genere desperationis amittere, sed processu temporis huius infortunij genus mitigatur, & præsidium calamitatum ex aliqua parte miserum mutatur, exitium deposito paupertatis onere paruum illis vitæ subsidium comparatur & aliquos actus affectare compelluntur. Si à Venere defluens Luna feratur ad Solem parentes acerba dissensione dissociat, vt ipsas onus dira orbi-

tatis indicit, patrimonij & vitæ decernit angustias impuros facit, & qui miseris amoris amplexibus implicentur, sed cum primum iuuentutis tempus exierint processu temporis augmenta patrimonij, & quicquid desiderauerint facile consequantur.

Si à Mercurio defluens Luna ad Solem feratur, aut mente captos, aut lingua impeditos, aut surdos efficit, aut pauperes, & miseris egestatis squalore depressos erraticos semperque peregrinos, & qui nunquam sedem domiciliumque constituent, sed hæc infortunia processu temporis temperantur, expleto tempore iuuentutis parua illis variis actibus vitæ præsidia quæruntur. Si Luna feratur ad Solem & ei se partiliter radiatione coniungat, in qualicumque schemate faciet, periculosos, miseros, deiectos à miseris facultatibus omni vitæ humili conuersationis deiectione prostratos, interdum facit spatios, & qui assiduus valetudinum vitiis contrahantur, alios facit caducos, aliis alienationum decernit incommoda, aliis plerumque decernit insanias. Proprie autem huiusmodi hominibus ceteri obsequi naturali quodam instinctu non dedignantur, fauet autem sensibus & homines minime superstitiosos efficit, verum solidi iudicij.

#### DE VENERE.

**A**N Venus supra Solem sit seu Mercurius, an infra à multis dubitatum est, sed & nos, an sit vnum omnium cœlum, & aliqua ratione scilicet Solis, Veneris & Mercurij à nobis, vt pro nunc in discussum relinquitur: illud satis sit, & pro constanti habeatur, ita horum trium vnum esse motum, nunquam ex infinito etiam annorum cursu, quicquam adiciendum sit, vni eorum, quod non alteri aut detrahendum. Est igitur circuitus eius annus, paruus autem in anno vno, & 219. diebus, anni eius maximi 41. maiores 82. medij 42. minores 8. absis idem qui Solis in prima scilicet parte & quadragesimo minuto, Cancris domus eius Tauris, & Libra altitudo vigesima septima pars, Piscium carpentum in Tauro & Piscibus, die noctu autem, vtroque autem tempore octo primis partibus & in Piscium duodecim, primis trigoni duo sunt Principalis, & 12. In his enim signis in die primas obtinet partes noctu, postremas alter est 12, 19, & 10, in hoc in die postremas obtinet partes, seu secundam auctoritatem noctu nullam maxima eius latitudo, cum Borealis, quam Australis est septem partium, & 22. minut. caput eius, nunc est circa quintam partem Leonis, anno 1568. quarta die Augusti, Cauda verò circiter nonam partem, Sagittarij circa vndecimam Nouembris, eiusdem anni, quare cum motus eius, cum frequenter varietur non est vt locum perfiniamus, sed velut in Mercurio, & Luna quæramus cum in Ephemeridibus, velut & vtrunque ventrem, sapius tamen reflectitur transitque ex meridie in septentrionem, & vicissim ex septentrione in meridiem, multisque



que annis circumagitur antequam perueniat ad alterutrum : existimo autem non in capitibus & cauda, sed vt verisimilius est in ventribus vim maximam esse ergo cum Soli nullam habent latitudinem, neque Borealem, neque Australem, sed perpetuò sub eclyptica deferatur, maxima latitudo est Veneris vt dictum est in vtramque partem post Martis,

deinde Lunæ reliquorum omnium minor videntur, tamen qui Copernicum secuti sunt, minorem Veneri quamque dicta est in vtramque partem statuere. Latitudinem in Marte enim summam sex partium, & minorum in Venere sex partium, & 22. minorum in Mercurio quatuor partium & 5. minorum, quibus constitutis cum de Sole nulla

| Sig. | Gr.          |  | Sig. | Gr.          |  | Sig. | Gr.          |  | Sig. | Gr.         |
|------|--------------|--|------|--------------|--|------|--------------|--|------|-------------|
| ☿    | à 7. ad 12.  |  | ♄    | pri 8.       |  | ♂    | à 13. ad 17. |  | ♁    | à 8. ad 17. |
| ♂    | à 7. ad 11.  |  | ♊    | à 8. ad 17.  |  | ♋    | à 22. ad 28. |  | ♌    | à 8. ad 11. |
| ♌    | à 13. ad 17. |  | ♍    | à 13. ad 21. |  | ♎    | à 8. ad 13.  |  | ♏    | pri 12.     |

fit de Luna, quod quinque sit partium de Saturno, & Ioue paruum sit discrimen, Veneris ventrem Borealem statuemus circa 24. partem Piscium, anno domini 1563. circiter septimam diem Martij, exquisitius autem post annos octo, scilicet 1571. iuxta 21. partē Piscium, quinta die Martij, venter autem Australis circa 24. partem Libræ, anno 1556. circa septimam diem Octobris & similiter in anno 1546. circa eandem partem sub fine Septembris, facta est maximè Australis, non tamen quantum prius idem contigit, anno Domini 1548 prima die Octobris, dum Venus esset in vigesima quinta parte Libræ maxima eius distantia à Sole est circiter partium quinquaginta duarum, plerumque tamen quinquagesimam non attingit dies retrocessus, circiter dies quadraginta lumen eius partium 8. meritò verò veluti admodum felici syderi duos trigonos tribuit Ptolomæus eius forma eximia est, vt quæ certis in locis etiam Iouem magnitudine superet, verè tamen est solum vigesima octaua pars globi terræ & aquæ, scilicet vt dimentiens eius sit, tertia pars dimentientis globi candida est admodum, & lucida quod indicium est, seu recipiat lumen à Sole quod esse non potest, esset enim falcata semper, velut Luna cum Soli propior est, seu ex imo reluceat, vnde etiam vires illi eximiæ sunt, præcipua verò claritatis luminis eius argumenta duo sunt, sunt, primum quod vmbra efficiat velut Luna, & maximè è cubiculis inspecta obscuris, sed & sola in die quandoque videtur, & nos vtrumque experimentum vidimus, refert etiam dantes illam dum parti obscuræ Lunæ superesset vitam dum lucidè occultatam quod argumentum, non tam esset claritatis luminis eius, quam maximæ raritatis corporis Lunæ, quod ratio ipsa non patitur, & quanquam nos alias id admisisse propter viri auctoritatem visi simus. Nequaquam tamen esse potest, finge enim Lunam non esse densiorem nebula adhuc non poterit tanta cum crassitudine parua esse Veneris lumini, alterum igitur duorum si ille non deceptus est, aut non ei data verba sunt, scilicet vt vel ex diuersitate aspectus deceptus fuerit, cum Venus altior Luna supponatur quasi ei immineret nondum interposito Lunæ corpore, & maximè ob latitudinem Veneris Borealem videretur, vel concedente aspectus diuersitate, licet in eadem longitudi-

Tom.V.

ne latitudineque, vel vt latitudo id poteretur, ex aspectus autem diuersitate interposita lucidiore parte, Luna obumbraretur. Quod si omnino sic visam Venerem è regione corporis Lunæ, quod est alterum propositum fateamur, Venerem sub Luna positam dicere oportet, quod tamen per absurdum est, namque Venerem esse super Solem non nulli confessi sunt: planetā aliquem Luna inferiorem esse nemo ad hanc vsque diē dicere ausus est, adeò vt si quisquam nunc etiā verè dicere posset, nemo in fidem sit adhibiturus. Hæc igitur si domina fuerit horoscopi in ipso nato eadem præstabit in corpore, & illius forma, quæ in omnibus negotiis, atque euētibz præstitura esset, vbi toti figura præesset, scilicet locis omnibus principalibus, ergo per se facit homines iucundos aliisque gratos, venustos, libidinosos, pios, iustos, fidos, candido corpore, oculis pulchris, ac fulgentibus humidisque, & qui facile ad fletum inclinentur, vnde etiam misericordes sunt, capillis pulchris, roseo, colore faciei, paucis cibo, multo potu gaudetur, nobiles, mundos, mansuetos, & qui plurimum musica delectentur, sed & gemmis, & figuris pulchris, atque odoribus: deiecta verò facit pictores, tinctores, muscos, verum si multum fauet, & Mercurius habeat felicem præclaros, officit oratores, in principalibus autem locis, & cum Ioue, aut Sole, aut Marte, consentiens magistratus, præfecturas, legationes, regulos etiam duces belli, & regum vice prouinciis præfectos, aureisque insulis ornatos facit, præbet etiam fœcunditatem, & sobolem, veruntamen si malè afficiatur, vitia citra pudenda efficit, cum Marte mutilationes, & hemorrhoidas, cum Saturno vlcere sordida, & ad Veneros actus impotentiam, cum Mercurio ramices & herniam. Gaudet vt dixi in quinto & in septimo loco, cum Sol fuerit in Occidentis angulo, aut propè ea tamen lege, vt Sole statim decumbente ipsa occidentalis videatur, tum enim in die est & vices Lunæ gerit, & nocturna simul eadem tamen fermè patitur, quæ Luna iuncta maleficis, aut opposita orientalis, & in die Marti iuncta, occidentalis verò & in hoc te Saturno opposita maxima detrimenta affert, quorū maior pars ex vitiis animi atque flagitiis originem ducit. Igitur in horoscopo constituta per noctem facit elegantes, admodum in moribus eloquentes amicos, Regum & Principum, & quibus

M m quibus



quibus magna negotia credantur. At verò in septimo foelicem reddit senectutem, & occasione mulierum etiam bona decernit, minora tamen in die, nisi eo modo, quo diximus fuerit constituta. In decimo autem loco & præcipuè orientalis grandem gloriam, atque fortunam, usque ad regnum habenas præstare potest, & per Solem quidem regum voluntate, & consuetudinibus occultis, & gratia priuata. Marti verò per exercituum præfecturas atque victorias, Ioui per opinionem prudentiæ, sanctitatis per electiones, ac dignitates collatas, in quarto verò loco diuitias præbet, & morigeras vxores, veruntamen si vel minimum inficiatur, vitia præbet circa libidines, & iacere omnia cogit, ob flagitiorum cupiditatem, efficitque steriles, & nihilominus cum his omnibus gratos principibus, sed similis conditionis hominibus: in secundo autem loco facit homines satis elegantes, & veruntamen concubinarum amatores, & sordidæ, Veneris ingeniosos tamen & iucundos artifices, quorum opera gratiam quandam retineant: eadem ratione, in octauo vxores cum difficultate præstat, & aut vitiatas, aut viduas, aut degeneres, vel steriles, vel deformes, & omnino aliqua labe notatas, prodest tamen ad hæreditates habendas: in vndecimo iucundam afficit iuuentam, sed postmodum fluxilem exhibet in sequenti ætate fortunam quemadmodum est eorum, qui vel in pueritia per formam, vel in adolescentia per musicam in delitiis vivere, non tamen prorsus à quadam gratia illos expoliatur, sed & in quinta similia largitur, & quandoque maiora quoniam nocturna est, verum oportet eo in statu Lunam supra terram esse, atque potestatem exhibet etiam in his locis filios persæpe, sed vel nothos, vel neglectos, vel nimis fluxa vita: in tertio verò loco si cum Ioue, aut Luna, aut Mercurio bene posito commercij aliquid habuerit, præstat ex sacris & opinione, bonæ vitæ emolumenta, at cum Saturno & Marte, si consenserit eisdem causis, miseram ducent vitam, aut in aliquas graues calamitates incident: in nono verò loco maiora hæc erunt, mala minora, bona erunt autem dæmoniacy, fatidici, interpretes somniorum, vani, superstitionibus dediti, quod si cum Saturno vel Marte congregiatur igne, vel laqueo pœnas dabunt, steriles, sordidæ. Veneris & filiorum quos habuerint minimè amatores, criminibus etiam obicit, eiusmodi viros, & falsis accusatoribus: at si bene constituta fuerit Ioue, Saturno, Mercurio propitiis, aut duobus ex his saltem eos efficiet, qui magna negotia tractabunt, præerunt sacerdotiis, occulta intelligent, per somnia diuinabunt, non aliis quidem, sed sibi ipsis, aut principibus quibus cari erunt, & vt ad vnguem, alij in cacodæmone, ita hi in eudæmone vitam constitutam habere videbuntur, erunt autem diuites & potentes: in sexto verò loco ignobiles dat vxores, aut omnino nata aliqua fœdas, morbos etiam circa pudenda, erunt autem foelices in arte, qui sic nati fuerint, idque proprium quod si in duodecimo eadem ratione infœlicia, ac difficilia exhibet connubia, quædam verò il-

legitima lucra, non sine infamiæ labe, per impuram libidinem præbere solet, in castu adulterio atque deterioribus causis.

Si Luna feratur ad Venerem, & Venus partiliter radios Lunæ venientis exceperit, si & crescens Luna se conjunctioni Veneris applicuerit, faciet parentes nobiles, & maximæ potestatis, potentia subleuatos, sed qui nati fuerint à parentum affectibus separatis, citò onus, miseræ orbitatis, indicit, erunt sanè noti semper & nobiles, & qui semper in omni actu proficiant, & qui omnia quæ desiderant facile consequantur, & qui potentia maximis honoribus fulgeant, plena vetustatibus & gratiæ, sed omnia incrementa processu temporis consequantur.

Si verò Luna deficiens sic feratur ad Venerem magnos actus, honores maximos, & magnæ potestatis decernit insignia, & quibus à potentibus, & à prima ætate magnæ foelicitatis conferantur augmenta, sed hoc facit assiduus infirmari rumoribus. Sed & semper Luna in omni ortu suæ figuratione, si feratur ad Venerem, facit præposteris annorum vitiis, implicatos, & qui ob hoc assiduus pulsantur infamiis, impuros, libidinosos, & circa amores mulierum, & modica semper cupiditate flagrant, & quos ad nefarios, coitus, iniusta cupiditas, semper incendit: aut enim sorores suas semper stuprant, aut sororum filias, aut vxores filiorum, aut vxores priuilegiarum, aut cum nouercis suis coeunt, aut concubinas patrum latente cupiditate corrumpunt, aut patris per illos similis irrogatur iniuria: præsertim si istam conjunctionem Mars de diametro respexerit. Nam si sit diurna genitura & Luna in cardinibus genituræ posita sic feratur ad Venerem, Mars verò in occasu, vel in medio cœli fuerit inuentus, ob hoc facinora, quæ diximus gladio facit interire. Si verò in mulieris genitura, sic Luna feratur ad Venerem, erit inuido stridore semper impatiens, & quæ ad promiscuas libidines, prauis cupiditatibus erigatur, & quæ incæstarum, & illicitarum cupidinum vota concipiat, & impuris semper libidinum cupiditatibus æstuet: aut enim cum fratribus, aut cum filiis coit, aut cum filiis fratrum, aut patruelis suos, illecebris suis captos, ad genialis iniuriam, thori priuignos, præpostero adducit cupiditatis ardore, aut affines suos sibi stupro agnitos iungit, alias viragines facit, præsertim si in tropicis, vel in erraticis signis, vel in duplicibus, vel in squamosis Venus constituta, si ad eam Luna sicut diximus, pergat ipsa quoque in signis similibus constituta, sed hæc fortiori concitatur ardore: si istum cursum Lunæ Mars, vel Saturnus quadrata, vel diametra ratione respexerit, vel si Venus iisdem cæperit radiationibus intueri fortiora, hæc autem mala si Venerem, vel Lunam in Saturni, vel Martis domo sic, sicut diximus, constitutas sine opportuno testimonio Iouis, Mars vel Saturnus quadrata, vel diametra radiatione respexerit, & sit plena luminibus. Si verò à Mercurio defluens Luna plena luminibus feratur, ad Venerem aut aromatum pigmentarios facit, aut colorum, aut medicamentorum, aut preciosorum lapidum



lapidum repertores, aut speciosas tunicas arte sua facientes, aut organarios, aut pantomimos, aut qui se ad omne genus salutationis affectent, aut qui alios dulci voce delectent, sed mediocres in vita, & qui neque abundant facultate, nec necessariorum angustia deprimantur; sed his ipsis augmenta facultatum processu temporis conferantur, in venereo coitu intemperantes facit, & vitij quibusdam semper implicatos, & qui assiduis ob hæc pullentur infamiis.

Si verò minuta luminibus in nocturna genitura, à Mercurio defluens feratur ad Venerem, diuites, potentes, imperiosos magnos, & quibus regionum, vel ciuitatum maximarum eicicio credatur: præsertim si liberata à Solis radiis Luna in horoscopi loco fuerit inuenta, & si Venus simili modo à Solis radiis liberata in his, in quibus diximus locis cursum Lunæ venientis exceperit. Si verò in cæteris genituræ locis fuerit, ista coniunctio, honestos, multa negocia, agentes faciet, & qui propriis viribus patrimonij sibi substantiam quarant. Si verò per diem minuta lumine ad Venerem feratur, in medio cœli, vel in decimo ab horoscopi loco fuerit, ista coniunctio, sacri certaminis, palmæ, coronasque largitur, aut sacris certaminibus, facit esse præpositos, aut templorum fabricatores, aut simulacrorum consecratores facit, aut certè neocores, aut Principes sacerdotum, aut magna in templis officia tractantes. Si verò in cæteris genituræ locis fuerit, ista coniunctio mediocres in facultatibus facit, & qui artes metallicas exercere consueverunt, facit plerumque coriarios, aut qui aromata, mercari consueverunt, facit etiam eos pollitores præciosarum gemmarum, vel qui gemmis ex vario pigmentorum genere, aliam speciem coloris appingant, aut tornatores, sculptores simulachrorum, aut fabricatores efficiet, aut in templis sacra carmina, præcantantes, aut tibicinis templorum faciet, & qui habent rerum cœlestium notionem, vel qui sciunt secreta cœlestia, vel qui res absconditas, & abditas facili ratione perdiscant, vt ex his occasionibus vitæ illius subsidia quarantur.

A Venere defluens Luna si feratur, ad Mercurium si sit crescens, vel plena luminibus defensores, vel procuratores, facit nobilium foeminarum, & qui mulierum præsidio ordinem aliquem promotionis accipiant, erunt autem & tinctores, vel margaritarij, aut armorum inuentores, musici frequenter inclyti, & medici, aut athletarum principes, & magistri, sed libidinosi, & assiduis amorum cupiditatibus subditi, grati tamen & circa Venereos coitus amabiles. Si verò à Venere defluens minuta lumine ad Mercurium feratur vitia, impuritates, valetudinesque decernit: actus verò varios multiplicisque facit, aut oratores, aut tortores, aut plastas, aut sculptores faciet, aut pigmentarios, aut colorum repertores, aut pharmacopolas, aut popinarios facit, & qui alienarum voluptatum, & delectationum curam sollicitudinemque sustineant.

A Venere defluens Luna crescens lumine

Tom. V.

si ad nullum feratur, sed per vacuum cursus suos dirigat faciet passiuos in coitu, & qui nunquam in vxorum amoribus perseverent, sed qui semper incæstis delectantur amplexibus: sed hos eosdem facit nudos, pauperes, & qui humeros suos laboribus subiicientes, quotidianæ quærent vitæ subsidia. Si verò sit minuta luminibus vitiosos, turpes, pauperes, & assiduo facit onere, miseriarum prægrauatos, aut artibus & actibus inhonestis applicat semper & miseris.

Circa generalia verò Venus cum domina orbis magni fuerit, & in Ariete, vel Cancro, vel Leone, vel Piscibus, calorem aëris significat, sed & in Leone sub radiis Solis aëris æstum ostendit, in Aquario verò vespertina calorem, & ventos decernit, insuper Venus, cum mundo præfuerit significat, gaudia, honores, principatus, & festa, & pompas, coniugia filiorum multitudinem, diuitias, munditiam, actus Venereos, sed neque fædos, neque turpes, & aërem clarum æqualem, cum ventis tempestatis, & humidis incundos dies ac serenos, roridas noctes, incrementa plantarum, multitudinem segetis, & fructuum herbarum agrestium paruum prouentum, non serpentes, non animalia venenosa, neque abominanda, neque plantæ maleficæ, neque lethales aquæ fluviorum clara, & abundantes, si in ea alluione tamen piscium multitudo optima, quæque abundabunt arbores, herbae & flores, adorati panni præciosi, & gemmae, & vestes pulchræ, & omnia decora, iucunda, grata, vtilia, sanitas magna, & morbi quicumque fuerint breues, leues, mites, & pluuia sine tonitribus, & fulguribus, aquis abundantes & largæ, sed breues, & quas serenitas exquisita subsequatur. Et si ipsa fuerit æquidistans signo Arietis significat, siccitatem cum diminutione pluuiarum, & incessantem flatum ventorum, & bonam commixtionem aëris, & si fuerit latitudo eius septentrionalis significat, caliditatem aëris, & si fuerit meridiana, significat vehementiam frigoris, & quando elongatur ab auge, scilicet Solis, significat motionem exercitus. Et dicit Haly, de tempore pluviarum in tractatu de externa sub radiis, quod Venus in Ariete sub radiis significat, vehementiam venti, vespertina ventum significat, matutina seu orientalis tonitrua & pluuias. Et secundum Albumas. si fuerit retrograda significat, multa tonitrua, & coruscationes, fortes, grandines, & tempestates. Et dicit Albumas. Venus cum fuerit æquidistans à Tauro, significat multitudinem nubium, & pluuiarum, & tonitruum, & coruscationum, cum siccitate aëris. Et si fuerit latitudo eius septentrionalis significat, bonam aëris commixtionem, & si fuerit meridionalis significat illud idem, & quando elongatur ab auge sua significat apparentia boni & salutis in hominibus. Et dicit Haly, Venus in Tauro sub radiis tonitrua significat: vespertina serenum aerem, matutini vel orientalis bonam conditionem, ac velocitatem significat. Et secundum Albumas. Venus cum fuerit retrograda, grandines, cum vehementia tonitruorum, & coruscationum significat. Et dicit Albu. Venus cum fuerit æqui-

M m 2

distans



distans signo Geminorum, significat humiditatem aëris, & corruptionem eius, & si fuerit eius latitudo septentrionalis, significat flatum ventorum: & si fuerit meridionalis significat siccitatem aëris. Et quando elongatur in longitudine sua longiori, scilicet à Sole significat, infortunium in magnatibus, & angustias, & tristitias. Et dicit Haly, quod Venus in Geminis sub radiis nimis desiccatur, vespertina & ventosa, matutina vel orientalis bonum tempus significat. Et secundum Albumas. si fuerit illic retrograda significat caliditatem, & siccitatem, & siccitatem aëris. Et dicit Albumas. Venus cum fuerit æquidistans signo Cancræ, significat bonam commixtionem aëris, multum flatum ventorum: & si fuerit eius latitudo septentrionalis significat vehementiam caloris, & si fuerit meridiana significat illud idem. Et quando elongatur a longitudine sua longiori, scilicet à Sole, significat detrimentum aduenire regibus, & nobilibus, cum motu exercitum. Et dicit Haly, Venus in Cancro sub radiis temperiem absque vento, Vespertina bonam complexionem, matutina siue orientalis serenum facit. Et secundum Albumas. si fuerit illic retrograda significat detrimentum, quorundam mulierum regum. Et dicit Albumas. Venus cum fuerit æquidistans Leoni, significat multas infirmitates per variolam, & calorem aëris, cum paucis flatu venti, & forsan erit aëris complexio bona. Et si fuerit eius latitudo septentrionalis significat ventum, & caliditatem eius, & si fuerit meridionalis significat bonam aëris commixtionem. Et quando elongatur à longitudine sua longiori, scilicet à Sole significat quod consequentur reges, aut quædam mulieres eorum detrimenta. Et dicit Haly, Venus in Leone sub radiis ardorem facit, Vespertina iumentorum infrenites, matutina bonam complexionem facit. Et secundum Albumas. si fuerit illic retrograda significat angustiam euenire regibus, & cogitatus, & tristitiam. Et dicit Albu. cum Venus fuerit æquidistans Virgini, significat aëris commixtionem, & forte declinabit ad frigus & siccitatem. Et si fuerit eius latitudo septentrionalis significat bonam complexionem aëris, & si fuerit meridionalis significat illud idem. Et si elongatur in longitudine sua longiori, scilicet à Sole significat, mortem nobilium, cum multis infirmitatibus hominum. Et dicit Haly, Venus in Virgine sub radiis, significat siccitatem, vespertina bonam complexionem, matutina humiditatem præstat. Et secundum Albumas. si fuerit illic retrograda significat ægrotudines mulierum, Et dicit Albu. Venus cum fuerit æquidistans Libræ, significat sanitatem hominum, cum bona complexione aëris, & frigiditate eius, & superabundantia. Et si fuerit latitudo eius septentrionalis significat ventos siccos, & si fuerit meridionalis significat infirmitates, ex parte morbili. Et si elongatur in longitudine sua longiori, scilicet à Sole significat, mortem mulierum regum, conturbationes, & rumores terribiles, in hominibus. Et dicit Haly, Venus cum fuerit in Libra sub radiis humida erit, & vespertina bene complexio nata

matutina erit humectans. Et secundum Albumas. si fuerit illic retrograda, significat detrimentum aduenire mulieribus regum. Et dicit Albumas. Venus cum fuerit æquidistans Scorpione, significat vehementiam frigoris, & multum ventum, & forte erit bona complexio aëris. Et si fuerit latitudo septentrionalis significat siccitatem aëris, & si fuerit meridionalis significat multitudinem pluuiarum, & cum elongatur in longitudine sua longiori à Sole, significat detrimentum nobilium, & effusionem sanguinis. Et dicit Haly, Venus in Scorpione sub radiis sine pluuiæ est, vespertina pluuiosa: matutina & multarum pluuiarum. Et secundum Albumas. si fuerit illic retrograda significat commotionem, cum multis rumoribus terribilibus. Et dicit Albumas. Venus cum fuerit Sagittario, æquidistans significat bonam complexionem aëris, & aliquando donabit ad superfluitatem humiditatis, & aliquando ad superfluum siccitatem. Et si fuerit septentr. significat incessantem flatum ventorum, & si fuerit meridionalis significat aëris alterationem, & humiditatem eius. Et quando elongatur à longitudine sua longiori, scilicet à Sole aduenient, Regibus ægrotudines. Et dicit Haly, Venus in Sagittario sub radiis pluuiosa erit, vespertina ventosa & frigida: Matutinam bonam conditionem significat. Et secundum Albumas. si fuerit illic retrograda significat inuidiam regum. Et dicit Albumas. Venus cum fuerit æquidistans Capricorno, significat multam mortem, cum multitudine pluuiarum, & fontium, & cum bona complexione aëris. Et si fuerit eius latitudo septentrionalis significat multos ventos, & si fuerit meridionalis significat multas pluuias. Et quando elongatur à longitudine sua longiori, scilicet à Sole significat detrimentum quibusdam nobilibus præcipue senibus. Et dicit Haly, Venus in Capricorno sub radiis gelida est, vespertina frigida, matutina pluuiosa. Et secundum Albumas. si fuerit illic retrograda significat tristitiam, angustiam hominum. Et dicit Albumas. Venus cum fuerit æquidistans Aquario significat bonam aëris complexionem, multum ventum, cum multitudine pluuiarum & nebularum. Et si fuerit latitudo septentrionalis significat siccitatem, & paucitatem pluuiæ, & cum fuerit meridionalis significat multas angustias. Et quando elongatur à longitudine sua longiori, scilicet à Sole significat multas inundationes, & redundationes fontium, & accedit nauibus submersio in mari. Et dicit Haly, Venus cum fuerit in Aquario, sub radiis sit nebulosa, vespertina, calida & ventosa, matutina pluuiosa & caliginosa. Et secundum Albumas. si fuerit illic retrograda significat ægrotudines hominum propter humiditatem. Et dicit Albumas. Venus cum fuerit æquidistans piscibus significat vehementiam caloris, cum vehementi humiditate, & forte erit bona complexio aëris. Et si fuerit eius latitudo septentrionalis significat ventorum flatum incessantem, & si fuerit meridionalis significat multas pluuias. Et quando elongatur à longitudine sua longiori, scilicet à Sole



Sole significat detrimentum diuitum, & nobilium. Et dicit Haly, Venus in piscibus sub radiis serenum tempus significat, vespertina aquosa, & ventosa, matutina bonam complexionem significat, & gramina, & fructus nutrit bonum. Et secundum Albumas. si fuerit illic retrograda significat, conturbationes, susurraciones, & rumores, terribiles, & tristitias, & timores contingere hominibus.

De sublimitate autem sic se habet, si Venus eleuetur super Saturnum, & fuerit in Ariete, significabit ventos Boreales assiduos, & multas aquas. Si vero in Tauro erunt, infortunia, siccitates, & charistia in multis climatibus, pluuia multa & paucitas annonæ. Si vero in Gemini nihil sic significat. Si vero in Cancro, erit prosperitas pluuiarum, locustas multum destruere segetes. Si vero in Leone nihil significat. Si vero fuerit in Virgine, mors in hominibus, pluuia, & humiditas reparans earum. Si vero in Libra, erit pugna regum inter se, multæ herbæ cum multis pluuiis, & humiditatibus, & vento mediocri. Si vero in Scorpione, erit mors mulierum regum, cum pauca pluuia, & bonitate messium. Si vero in Sagittario, erit mors in reptilibus, & muscæ cum multis pluuiis. Si vero fuerit in Capricorno nihil significat hic. Si vero in Aquario erunt ægritudines hominum ex tussibus, multæ aquæ, cum mediocritate fluminum. Si vero in Piscibus, erit vehemens frigus, pluuia superflua, multæ coruscationes & tonitrua.

Si vero eleuetur super Iouem & fuerit in Ariete, erit pugna & his multa inter viros, & mulieres suas, cum pluuiis multis augmentum, fluminum magnorum, vt Tigris & Euphratis. Si vero fuerit in Tauro, erunt multæ commisiones in omnibus regionibus, & infirmitates, potentia mulierum super virum, & pauca temperantia suorum. Si vero in Gemini, erit esse mediocre mulierum prægnatarum, tenebrosus aer cum multitudine humiditatum, & pluuiarum. Si vero fuerit in Cancro, erit mors Regum, & magnarum cum pluuia, humida, superflua, diminutio aquæ maris. Si vero fuerit in Leone, erit mors Regum, quorundam feruor inimicorum super reges, quosdam cum pugna, & morte quorundam ciuium. Si vero fuerit in Virgine, erit mors in pluribus regionibus, pluuia multa, semina cum paucitate aquarum maris. Si vero in Libra, erit prosperitas mercationum, multæ febres, ægritudines melancholiæ, & charistia annonæ, & destructio messis, & pluuiæ multæ. Si vero fuerit in Scorpione, erunt angustia quorundam Regum, mors in pluribus climatibus, cum pluuia multa. Si vero in Sagittario, erunt mendacia multa, terribiles rumores & pugna cum morte iuuenum, & superfluitate aquarum, & augmentum Tigris & Euphratis. Si vero in Capricorno erunt pestilentia, & casus in hominibus, mors in omnibus, pluuia pauca tempore suo paucitate annonæ. Si vero in Aquario, Reges interficient filios suos, siccitas in pluribus regionibus, cum pauca pluuia, & detrimento aquarum, cum paucitate annonæ. Si vero fuerit in Pisce,

Tom. V.

erunt bella & mors mulierum, detrimentum volatiliū, cum multis humiditatibus & messibus.

Si vero eleuetur super Martem & fuerit in Ariete, erunt ægritudines & præcipue febres, in omni terra magna pugna hominum combustione, in pluribus terris cum multis pluuiis & tonitruis. Si vero in Tauro, erit dominatio virorum, & destructio mulierum, multationem plurium exercituum, pugna in multis terris, multæ aquæ & pluuia superflua. Si vero fuerit in Gemini, erit odium & lis inter plures homines, mors mulierum & multæ pluuiæ. Si vero in Cancro, erit mors & cædes filiorum regum, mors Regis, maxima destructio plurium regionum, & combustiones in terris, multæ locustæ cum humiditate, & superfluitate inundationum. Si vero fuerit in Leone, erit nimia inimicitia, & odium inter homines, cum multis pluuiis tonitruis & coruscationibus. Si vero in Virgine, erit pugna regum, & interfectio mulierum, & commisiones, & nocturnum in pluribus regionibus, superflua pluuia cum vehemēti calore. Si vero fuerit in Libra, erit mors quarundam mulierum regum, multa bella cum humore superfluo. Si vero in Scorpione, erit mors filiorum regum, cum pluuiis superfluis. Si vero fuerit in Sagittario, erit superfluitas aquarum, & pluuiarum multi rores. Si vero in Capricorno, erunt multæ combustiones, & multæ rebelliones cum pluuia superflua. Si vero fuerit in Aquario, erit nimia combustio in pluribus regionibus pluuia, cum multis locustis. Si vero in Piscibus, erit multa mors in hominibus, multa pluuia, & aqua superflua.

Si vero eleuetur supra Solem & fuerit in Ariete, erunt tonitrua, coruscationes, multæ pluuiæ. Si vero in Tauro, erit mors mulierum, temperantia pluuiarum & ventorum. Si vero in Gemini, erit humiditas aeris. Si vero fuerit in Cancro, erit multa pluuia. Si vero in Leone, erit rectificatio aeris & venti calidi. Si vero in Virgine, erit pluuia superflua. Si vero in Libra, erit humiditas multa & superfluitas pluuiarum. Si vero in Scorpione, erit pluuia superflua. Si vero fuerit in Sagittario, erit humiditas multa. Si vero in Capricorno, erit multa humiditas & vehemens frigus. Si vero in Aquario, erit humiditas. Si vero fuerit in Piscibus, erit humiditas.

Si vero eleuetur supra Mercurium & fuerit in Ariete, erunt nubes & ventus mediocris. Si vero in Tauro, erit multa mors & instabilitas hominum, & commissio inter eos paucitas pluuiarum, tonitruum, coruscationum & annonæ. Si vero fuerit in Gemini, erit salus & gaudium, in multis terris, & augmentum possessionum, multæ causæ virorum contra mulieres, pluuia pauca, multa tonitrua, coruscationes & superflua inundationes. Si vero in Cancro erunt multæ pluuiæ, & nubes, coruscationes, tonitrua & magnus calor in tempore suo. Si vero fuerit in Leone, erunt multæ ægritudines militum, & nobilium ex cursibus, & mors, ex si potest mulierū, pluuia pauca, calor, vehemens tonitrua, & coruscationes tempore suo. Si vero in

Mm 3

Virgi



Virgine, erit scientia & sapientia multa, cum multis pluuiis, ac tonitruis coruscationibus, & augmentum fluminum, Si verò in Libra, erunt bella & depradationes, pluuiæ superflua, multæ aquæ, & inundationes fluminum. Si verò fuerit in Scorpione, captio pecorum, in pluribus terris multæ pugnae, pluuiæ superflua, tonitrua, & coruscationes superflua, terræ motus, & multa inundatio aquarum. Si verò in Sagittario, erunt multa bella in ciuitatibus, & regionibus, & melancholia in hominibus, superflua & tonitrua. Si verò fuerit in Capricorno, erit victoria inter Reges, latrones & pauores, in pluribus terris charistia asinorum, & camelorum, frigus vehemens tempore suo, pluuiæ pauca, pestes & tonitrua. Si vero fuerit in Aquario, erunt Guerræ & pluuiæ mediocres, cum tonitruis & coruscationibus. Si vero in Piscibus, erit prosperitas hominum, & iustitia indicantium, cum multis vaticinationibus.

Si verò eleuetur super Lunam & fuerit in Ariete, erit pluuiæ, & humiditas multa. Si vero in Tauro erit humiditas, & res pauca. Si vero fuerit in Gemini erit humiditas pauca. Si vero in Cancro, erunt multæ pluuiæ & superflua humiditates. Si vero fuerit in Leone, erit pluuiæ & humiditas pauca. Si vero in Virgine, erit pluuiæ superflua, & multa humiditas. Si vero fuerit in Libra, erit temperantia aëris, & pluuiæ pauca. Si vero in Scorpione, erit humiditas & pluuiæ. Si vero fuerit in Sagittario, erit humiditas multa. Si vero in Capricorno, erit humiditates pauca. Si vero in Aquario, erit generatio humiditatum. Si vero fuerit in Piscibus, erit tranquillitas aëris, pisces multi, & parua aues, multa pluuiæ, tonitrua, coruscationes & humiditates.

### DE MERCVRIO.

Cum Venus & Mercurius adeo parui sint, tum verò Mercurius etiam ad oculum, adeò vt propter propinquitatem Solis, etiam vix dimidio anni videri soleat, verè autem sit minima stellarum tam errantium, quod dubium non est tamen inerrantium, cum si tam parua essent, & adeò Soli starent videri omnino non possent. Est enim proportio eius ad globum terræ, vt sit eius 22. mi. pars scilicet, vt dimetientis terræ & aquæ globi ad Mercurij dimetientem sit viginti octupla, & tamen propinquissimi Lunæ conspiciantur, vt etiam Iupiter, imò melius cernantur, nec quicquam depereat luminis sub ipsa Luna, cui Mercurius iunctus est fermè, cum ipsa in duplici Apogeo, ille verò trifariam in perigeo sit constitutus,

vt pene se tanguant, constat in eis Solis vim substantiam, ac lucem esse, quasi vt dixi partes illius sint, quæ cum circumambiant certè interantium adeò illi loco proxima tamen maxima, tamque linea altior tam plenè cernitur, quin magis hebetetur, nam de Cane maiore experiri non licet, cum adeò semper à Luna ob latitudinem ad meridiem distet. Sunt igitur Venus & Mercurius, quasi duæ partes & semina Solis non solum comites illius, atque idè tam efficaces atque potentes. Sed Venus maior solidior atque benignior, quippe Mercurius tamen fulgidus sit, & nigrus plumbi erat vt ita dicam, nec candidus est, vt Venus de luce tamen nihil remittit, ob id Venus tota benigna hilaris, liberalis, plena firmaque est. Mercurius verò varius vaser mutabilis, sed acutus animæ & rationi magis videtur, accommodatus cuius anni maximi seruetur 450. maiores 76. medij 48. minores 20. circuitus vt dixi idem, cum Sole & Venere parui tamen circuli dies 116. Retrocessus autem tempus dies circiter 24. Absis in prima partis Libræ minuto 55. vt computant latitudinem Australem, aliquanto maiorem referunt Borealem, siquidem hanc partium 4. minutorum 5. illam partium 4. minutorum 13. caput & caudam, atque ideo etiam ventrem discere oportet ex Ephemeridibus propter illorum veloces mutationes tempus transitus, à 40. circiter diebus 55. quoniam è varia multum ob frequentem retrocessum, cum enim celeriter mouentur etiam citò transit eclipticam mutatque latitudinem raro 40. diem, & paucis diebus superans, nonnunquam in 36. parum à Sole recedit, cum ad summum 26. partibus nonnunquam antequam fuerit accidentalior 20. partibus retrocedit, & antequam sit orientior iisdem progreditur, vt appropinquet Soli magis quo fit vt ob id frequenter retrocedat. Ideoque à retrocessu parum læditur vt à radiis Solis ob siccitatem multum contra Venus à retrocessu multum ob magnitudinem retrocessus, & amplitudinem parui circuli à Solis radiis parum quòd valde humida natura sit. Domus Mercurij, Gemini & Virgo, idem signum & præcipue pars 8. eius pro altitudine habentur. Vnde ibi carpentum, sed nescio qua ratione fines ad 7. vsque partem tantum extendant, altitudinem in sequenti statuunt, omnino in primis septem partibus Virginis plurimum potest, quòd vbi domus altitudo & fines sint. Trigonum  $\Pi$ ,  $\Omega$  &  $\approx$ , vnde illi carpentum aliud in Geminis ob trigonum, maximè autem in initio vbi sunt fines illius prout in Tabula descriptos, vides in trigono tamen suo in die postremas obtinet partes ob

| Sig.       | Gr.          |  | Sig.          | Gr.         |  | Sig.      | Gr.         |  | Sig.     | Gr.          |
|------------|--------------|--|---------------|-------------|--|-----------|-------------|--|----------|--------------|
| $\nabla$   | à 13. ad 20. |  | $\gamma$      | à 9. ad 14. |  | $\Pi$     | pri 6.      |  | $\Theta$ | à 14. ad 19. |
| $\Omega$   | à 19. ad 24. |  | $\mu$         | pri. 7.     |  | $\Omega$  | à 7. ad 14. |  | $\mu$    | à 12. ad 19. |
| $\ddagger$ | à 18. ad 12. |  | $\mathcal{P}$ | pri 7.      |  | $\approx$ | pri. 7.     |  | $\times$ | à 17. ad 19. |

Saturnum, sed in nocte primus habetur. Regit vitæ nostræ tempus quocunque est à

quinto anno ad quartum decimum, qua in ætate pueri & ad mores ac disciplinas instituunt



instituantur, cum verò sint tria genera errantium, stellarum, beneficæ, maleficæ, & Principales, quæ sunt Sol, & Luna, Mercurius vicem singularum subit, & priorum quidem manifestum est, at luminarium Luna Solis vicem subit ob lumen, & ipse Lunæ ob motus varietatem. Id verò accidit cum Sol & Luna, prorsus viribus exuti fuerint maximeque sub terra. Mercurius autem iuxta longitudes medius. Veluti si Luna iuncta fuerit Soli sub terra, & in tertio aut sexto loco, aut iuxta finem secundæ, vel quintæ domus & Mercurius orientalis in primo cardine, aut occidentalis in septimo. Et similiter si emergerit ex oriente cum Sol fuerit in secundo loco, & tamen Lunam quouis loco sub terra fuerit, nam etiam si sit in prima debilis erit, quia statim ferrur ad Solem. Quibus autem sic Mercurius vices luminarium agit videbitur mirabilis ingenij, sed alienorum morum à communi usu & plerumque erit infelix, cumque fuerit cum pleiadibus, aut hyadibus, aut Orionis cingulo, non erit immunis à stultitia, & habebit ingenium mentemque turbidam, cumque homo ratione præsit animalibus cæteris, qui Mercurium habuerit locique eius dominum non parum consecutum sicut boni malique, etiam si vniuersos alios planetas contrario affectu maxime autem alios bene dispositos nihil ei, aut valde parum profuturos lumen eius ad 7. partes circumquaque extenditur. Igitur planeta hic si ascendenti præpositus fuerit efficit corpus modicum, gracile faciem pallidam, oculis parvis & pulchris puerile quid referentibus medicis cibi, atque potus negotiatione gaudentes sollicitos parcos dinitiarum congregandarum cupidos haud luxuriosos, vel libidinosos armatos, sed non sumptuosos rebus suis intentos diligentes. Facile autem hi si male afficiatur corripit solent comitali morbo infania lunaticique efficiuntur, morbisque contagiosis corripuntur impetigines, vitiliginæ, elephantiasæ, lepras, dæmonia vocata perpetiuntur, inanibusque artibus operam dant necromantiæ diuinationi, neque veræ, neque legitimæ, chymicæ & à communi lege seorsum deuiant miras fabulas sibi confingentes, alias sibi narratas credunt, alias ipsi narrant, semper in chymeris, & vanis cogitationibus versantur, libenterque audiunt commenta de dæmoniis ac spectris. Hic subit me admiratio cum Ptolemæus huiusmodi effigies, & delineamenta corporum dominis ascendenti tribuat, ex corporum autem qualitate studia & ingenium, atque mores ipsi proueniant, cum ingenium & mores à dominis locorum Luna, ac Mercurij aspiciat quasi tria sint principia in nobis dominus horoscopi, tanquam corporis loci Mercurij, tanquam rationalis animæ, & loci Lunæ tanquam sensilis ac naturalis. Propterea consensum in hoc respicit horum locorum & meritò, sed illud dubitatione dignum, si quis natus sit cuius horoscopo, ut nunc diximus, Mercurius præficiatur an aliquid tum significet. Videtur enim mirabile quod is eiusmodi merum non sit particeps, quod si sit non ut ipse, neque enim præfectus est loco proprio ut supponitur, ne-

que ut præficiatur ascendenti. Hic enim nihil virium habet in hac re, habet autem & ratio id docet, quoniam corpus mercuriale habet, nisi inconnexa, si physionomia, & experientia id attestantur.

Præterea dicit Apponensis ex Firmico Mercurius si dominus genitura fuerit, faciet cordatos, ingeniosos, ingenij boni modestos, & arcana artium scire cupientes. Quod si Veneri conciliatus sit & in propriis dignitatibus faciet etiam Poetas & Oratores. In Luna autem domibus facundos, & familiare sermone multitudini gratos. Si verò in Saturni dignitatibus Veneri, vel Ioui conciliatus faciet, religionibus deditos, sacris præpositos, Mathematicos, quoque Astrologos, iustos, pios, erga coniunctos, & amicos, fidos & propensos nihilominus parcos. Sed si his etiam Mars interponatur, dat magistratus & administrationes. Sed si à Saturno in nocturna præcipue genitura pulsetur, insidias accusationes popularem inuidiam, & pericula decernit. Verum si Mars in septimo loco super excellat maxime ex propriis in alienas dignitates super eleuetur, ei Lunaque simul luminibus plenam excorperit. Publicè comburetur aut suspendetur. Dicemus ergo dominum ascendenti tantum posse super mores, & ingenium quantum corporis natura illud significare potest, ut preparatio, & ut res coniuncta, ut sint tria loca Ascendens, locus Lunæ & Mercurij, & hæc proprie significant cum suis dominis qualitates corporis morum & ingenij, sed diuersa ratione bifariam, prima quoniam in ascendente cum domino eius, sumitur locus quia locus principalis, & stellæ quæ sunt in eo sunt, in tertio ordine significatorum, qui non significant nisi ut sunt ibi, in reliquis duobus locis dominus, & Luna, vel Mercurius, quia sunt principales, & non locus ipse, qui dependet à planeta qui ibi est. Secunda quod corpus præparat animæ, utpote acumen memoria habitam potentiam, quæ plurimum refert nec conuertitur. Et ideo à Mercurij loco neque à Mercurio nihil prorsus habemus supra corpus, nec à Luna ut morum significatrice, sed ut est particeps ascendenti in significando statu corporis. Neque est mens alta Ptolemæi & vera. Dicemus ergo in nostra genitura primus significator est, Venus & Luna, ut ascendenti dominantur, & Luna per se ut corporis statum significat aded ut plus quasi possit Luna quam Venus. Secundus significator ascendens & est Taurus, & Pisces in quo Luna non ut ascendenti domina, sed ut corpori per se præficiatur, ideo in hoc secundo significatore si quis animaduertat conuersa ratio obseruanda est ascendenti, ut præbet vim Veneri, ut causa & loci Lunæ, ut recepit quasi symptoma vim ab ipsa Luna. Tertius est planetarum qui sunt in ascendente, ut Iuppiter vel errantium, velut syderis Arietis stellæ, & figura, & quæ commiscantur Veneri, & quæ commisceretur etiam Luna, & loco eius per corpus non per radios, & ita obseruabimus Iouem, qui est in ascendente & Mercurium, qui est cum Venere. Locum autem



Veneris nequaquam, nec Martem quia licet per radios pulset Lunam, significare potest super vitia corporis, aut breuem vitam non super figuram naturalem.

Mercurius ergo in angulorum quouis potissimum ob robur loci & etiam quia ascendens, vt dixi super mores & ingenium significat, & tunc etiam dominus loci ascendentis, & Mercurij necessario vnus est, facit geometrus, & similes à rationibus, à libellis, à secretis, & oratores, causidicos, aduocatos à Saturno amico, Sole vt sit ab eo orientalis, à Ioue administrationes recipit, velut etiam à Venere. Diurnus ad actiones nocturnas ad contemplationem melior. Sed si Mars cum his aut sine his quadrato radio, aut opposito, aut etiam sextili, sed ex hostili loco, & superior efficiet, vt omnia hæc ad malum dirignatur, & sint scelerum magistri, vt etiam maximis calamitatibus opprimantur. Idem etiam de trigono velut si Mars fuerit in Piscibus, Mercurius in Cancro, aut si Mars in Sagittario, Mercurius in Libra. Ad hæc duo enim exempla oppositissima etiam aliorum radiationes aptabis, tum quod trigonus est, per signa breuium ascensionum & textilis longarum, & in vtroque casu alteruter est opposito dignitatis alterius: & noctu quidem magis affligunt mala, hæc in die sunt euidentiora noctu malignior spiritus, die scelera grauiora. Hæc eadem in decimo loco, sed si non præsit ascendenti eadem circa fortunam, non tamen tanta circa mores, aut sapientia, aut probitas, aut flagitia è diuerso, atque malignitas. Tum verò multò plus potest orientalis quam occidentalis, & à Ioue in diurna genitura, magis in nocturna à Venere ubicunque fuerit, velut etiam à Sole & Luna iunatur, & in nocturno magis læditur à Saturno, vt qui à temperamento magis recedat, vt à Marte in diurna si radiis quemadmodum dixi per se, aut non per se pulsetur inimicis. In quarto igitur eadem, sed occulta magis, & minora etiam vt accusatores, delatores, carceris custodes, fodinarum præfectos, rusticos, sapientes, chymicos, necromanticos, vt in patentioribus concionatores, & sacerdotiis, ac potestate ecclesiastica ornatos, aut afflictos prout ratio prædictorum postulat. In septimo autem locutus ibi omnes planeta inualidi affligatur. Nam Saturnus & Mars pessimè collocantur, ob id quod oppositis radiis ascendens pulsetur, Luna & Mercurius quia occidunt, Venus etiam nisi valde sit occidentis gradui iuncta (tunc enim quasi particeps solaris vis cuius vt dixi, est pars bona significat, circa vxoriam si in propriis fuerit dignitatibus, & tamen vel sic facit luxuriæ, & voluptati atque ignauia perpetuò implicito, & ineffaces turbida semper mente, ob assiduam cogitationem libidinum) efficit multa mala æstuant virginum & puerorum cupiditatibus infames coniuges, latrones & etiam propriarum vxorum. Et hæc per se afflictus autem à Marte vel Saturno phisicos, exules, fugitinos, laqueo vitam finientes, & generaliter breuiis vitæ atque miserrimæ, si quid autè ibi omnino planeta potentes præstant boni sero præstant.

Sed & mali serius mala, sed non adeò. Nocturnus etiam minora incommoda decernit, est enim occidentalis idè morbos vitiorum loco significat. In succedentibus autem domibus pro natura suorum angulorum minora, tum bona, quam mala decernit. In secundo tamen loco cum ad horoscopus non pertineat contemptores studiorum, & literarum & omnium animi bonorum facit: idque longè magis orientalis Manifestum est autem quod huiusmodi nati mali erunt, tum quia omnis ignorans malus, tum quia iudicij peruersi. Pariter in octauo malitiosi stultique ob antecedentem septimum angulum, pari ratione in vndecimo melior, quam in quinto & iuxta rationem anguli. In reliquis autem domibus cum cadant duos obseruanda sunt, & in hoc, & in planetis alij quod mistam habent naturam quasi æqualiter ex subsequenti angulo ob propinquitatem, & ex antecedenti ob motum, quo ad illum, & secundum illum fertur, & quod tamen in vtroque sunt imbecilles, tum ratione loci, tum ratione repugnantium, qualitatem angulorum inter quos sunt, & à quibus circumdantur. In tertio igitur & duodecimo loco orientalis meliora præbet, vt in nono ac sexto occidentali: atque in sexto & duodecimo nocturnus, in tertio & nono diurnus aptior est, & magis bonus, malus autem minus. Si etenim id duodecimo fuerit loco, & occidentalis, erit etiam diurna genitura, itaque nihil efficacis significat, sed obscuram rationem, cogitatione malitiosas & rudes. Considerare autem expedit domorum proprietates, velut medicus in sexto optimus erit. Fortunam enim prudentiamque maximam præbet in eo negotio, in peregrinationibus & cursoribus. In tertio pro familia, in duodecimo pro peritia legis in nono. Gaudet autem vt dixi, in primo loco, & maximè in his quinque gradibus, qui ex duodecimo sumpti ad primum referuntur, & quanto propior orienti fuerit, modo totus emerferit & propriè cum sub eclyptica est: oportet autem orientalem esse atque videri, tunc enim ingentia bona præstat, & non pro ratione differentiæ metiri oportet effectus, neque enim idem in omnibus, sed in hoc omnia in vnum conueniunt, tales autem conspirationes in vnum quæ pro proprietatibus sunt scire oportet. Hi enim & bello ad regnum, ex sacerdotio ad principatum, atque ita in singulis, vtpote per Iouem ad summas opes, ope sola ingenij perueniunt.

Cum verò tres inferiores sæpius coniungantur, tum inter se, tamen cæteris planetis maximè autem Luna, quæ in vno anno plusquam octuaginta peragit coniunctiones, in singulis autem mensibus, saltem sex, Mercurius longè pauciores facit: si tamen circuitus Mercurij qui in vno anno perficitur ad Lunæ circuitum, qui in viginti septem diebus, cum triente compareretur, multò plures perficit Mercurius, quam Luna ob frequentes retrocessus. iungitur enim in suo circuitu Mercurius cæteris planetis vicies & quater, aut circa à quo numero si dempseris 13. Lunæ coniunctiones, supererunt adhuc 11.



ut bis saltem singulis eorum copuletur. Veruntamen Soli & Veneri sapius, reliquis tribus tantum semel in vno circuitu, qui proximus est quantitati anni iungatur. Horum causa de illius coniunctione, tanquam frequenti cum ceteris erraticis, agendum est, nam de Luna superius actum est, nunc verò quod ad Mercurium attinet Lunam ei comparabimus. Si igitur à Mercurio defluens Luna ad nullum feratur, & per vacuum cursus suos dirigat, & sit plena luminibus, faciet Grammaticos & Oratores, Medicos, Musicos, & qui commutatione solertiæ testium sciant syderum cursus, aut sœnoris, aut negotiationis officia tractantes, ex quibus occasionibus gloriam & substantiam de processu temporis consequuntur. Si verò fuerit minuta luminibus, ab humoribus vicia decernit, ut ex aquis graue periculorum discrimen indicit, aliorum mentibus nocet, aliorum obligat linguas, aliorum auribus nocet, sed hos omnes faciet alienos à literis, facit alios vaticinari: sed in templis alios ad templorum custodias sempiternas addicit, alios ministros facit, seruosque templorum. Si Luna ad Mercurium feratur, & ei se cursus sui radiatione coniungat, & sit plena luminibus, faciet cordatos, ingeniosos, oratores, summæ eloquentiæ, fulgentes: præsertim si Mercurius in opportunis genituræ locis in signis suis, vel in partibus suis fuerit inuentus, & cum Iupiter trigonica radiatione respexerit: tunc enim literarum merito & eloquentiæ splendore maxima illis conferentur insignia. Hi enim populi leues animo sunt, & turbulentos seditionibus concitados, eloquentiæ suæ potestate compescunt, & furentes animos, & perditii furoris indignationibus concitados orationis suæ possint licentia mitigare, scient computos, scient musicam palæstricam semper exercebunt, & cœlestium ac diuinarum disputationum secreta cognoscent, ex quibus occasionibus gloriæ substantia, & maximus illis decernitur principatus. Si verò ad Mercurium sic positum tali testimonio Iouis feratur Luna, faciet rationibus præponi, fisci semper aut populi, vel certè tales reddit quibus res deposita, vel à peregrinis rationibus credantur, faciet etiam his pecuniarum actus assiduis conuersationibus credi. Si verò deficiens Luna ad Mercurium feratur, faciet malignos, malitiosos, sceleratos, instabiles, cupiditatis errore dubios, & qui omnia consilia multiplicent, erratica semper dubitatione suspendat, & qui actus suos assidua commutatione conuertant, & qui res sibi creditas abnegant, vel abscondas publicare desiderant, & qui commissa sibi consilia publicent, his delationibus deferant, imposteris malitiosa semper cupiditate fallentes, aut qui cum effractoribus, aut cum furibus conscientiam iungant, vel certè ipsi erunt fures, aut effractores, erunt sanè corpore debiles, languidi, vitiosi, & quos semper malitiosis humoribus ægritudo comparata debilitet.

Circa verò principales & proprias coniunctiones, trium inferiorum duo esse observanda dixi, & tertium quòd Soli, Veneri & Mercurio conuenit. Propterea singula per exem-

plum in Mercurio explicabo, primum igitur est natura planetæ, cui iungitur per se, vel comparata ad Mercurium, per se beneficis bonum, maleficis malum, cum Sole exurit, cum Luna ob fœlicitatem motuum mentis multa mala significat, tamen non est infœlix nato hæc coniunctio, sed potius his qui cum illo negocia tractant, per comparationem quoniam Mercurius nulli bene iungitur: laminaribus quidem & maleficis propter cuius dictas ac notas, sed beneficis etiam non quoniam domus eius sunt oppositæ domibus Iouis, & altitudo sua Veneris altitudinis. Et idè iunctus Veneri dat amores fœdos, puerorum & rerum, & puerilium, & parui momenti, & musicæ nimium: & Ioui loco iustitiæ inducit amorem ambitionis, & rectam auaritiæ, & loco prudentiæ calliditatem. Inuat tamen maximè ut dicemus, secundum quod obseruare debemus est, ut consentiant naturæ, & idè cum nullo magis conueniat, quàm cum Saturno, quoniam conueniunt in trigono aëreo ♄, ♅, & ♆, & vterque habet ibi dignitates proprias Mercurius domum, Saturnus domum, & etiam altitudinem, & ita vterque captat. Ergo in his signis si fiat coniunctio ita, ut in ♄ fiat in finibus Saturni, aut in Libra, vel Aquario in finibus Mercurij erit potens, non tamen bona, nisi in illa causa puta sapientiæ: in ceteris nimis obumbrat talis coniunctio vires aliorum planetarum, optima quæ sunt in Tauro, nam hoc signum est ex trigono domorum vtriusque scilicet, Virginis & Capricorni, & non est casus alicuius eorum. Et similiter locus in cœlo velut in angulis succedentibus & cadentibus, & in prima pertinet plurimum ad corpus & animum, in decima ad fortunam & dignitatem. In quarta ad diuitias, in septima ad coniugem & inimicos, & hæc duo ut dixi, conueniunt etiam Lunæ, sed tertium est magis patens, & proprium Veneri & Mercurio, & est ut consideres: gratia exempli Mercurium, quoniam habet quinque status, vnum quando est sub Sole, & tunc nihil potest aut facit, & reliqui quatuor diuiduntur, quia vel est in superiore parte partui circuli vel inferiore, & in vtroque orientalis à Sole aut occidentalis, & hoc dignoscitur quia sic oritur, ante Solem est orientalis, à Sole si occidit post Solem, est occidentalis. Si ergo est orientalis à Sole, vel occidentalis & motu auctus est in suprema epicycli parte, si tardus motu, aut retrogradus in inferiore. Considera etiam quod ab initio quartæ, per primam vsque ad culmen, decimæ tota illa medietas ascendit, à culmine decimæ, ad initium quartæ procedendo per septimam tota illa medietas descendit. Igitur his intellectis si Mercurius est orientalis à Sole, seu supra, seu infra, & in medietate ascendente est bonum & similiter, si in medietate occidentali à Sole, & in mundo bonum, sed non adèd: malum autem si occidentalis à Sole, & in medietate cœli ascendente pessimum, si à Sole fuerit orientalis, & in medietate cœli descendente, & hoc est primum. Secundum Si Mercurius fuerit orientalis: & in suprema parte tunc cum sit velocissimus omnium præ-



ter Lunam, si Lunæ iungitur est malum, quia Luna tendit ad combustionem in cæteris, cum Sol eos superavit, ergo erunt ambo orientales, & aucti cursu, ergo erit optimum. Erit enim ille alter planeta quasi purgatus: sin autem in inferiore, & iam occurrit per motum tardum & retrocedendo, siquidem Lunæ idem dicendum est: præparat enim ad combustionem & est status pessimus, in aliis iam necessario superavit antea illum, igitur non est secunda coniunctio & est imbecillior prima, & quasi umbra primæ. Ille tamen planeta est purus & validus, sit sit aliquis ex superioribus (nam de Venere idem vt dixi statuendum est, quod de Mercurio) erit ergo bona & debilis. At si sit in parte occidentali & superiori erit valida, quia est velox motu & altus, sed mala quia ille alter planeta post hoc occurret. Soli idem est impurus & debilis, erit ergo mala & potens: sed si fuerit in parte inferiore necesse est, vt iam occurrerit antè illi planetæ, cum erat in parte superiore, & vt sit planeta ille imbecillis & impurus, & erit secunda coniunctio, mala quidem sed imbecillis & quasi imago primæ. Velut in nostra Genesi Mercurius retrocedendo iungitur Veneri, seu potius Venus Mercurio, & ipsa velocis motus, Mercurius autem retrogradus quare ipse erat in parte inferiore epicycli, & illa in superiore: cum essent ergo ambo occidentales, erat potens comparatione Mercurij, quia potenti iungebatur vt sit prima coniunctio, nam quæ præcesserat fuerat in Leone, dum essent ambo orientales à Sole, & inter vnā & aliam, & dicitur prima coniunctio orientalis, & est debilis comparatione ad Mercurium, fuit autem Venus valde potentior, quia ibi habuit etiam finem præter altitudinem. Mercurius autem trigonum sed principalem. Idem talis coniunctio fuit bona ob hoc, & etiam quia inferiores non sunt imprimi, nisi cum sunt sub radiis Solis, non cum redeunt ad Solem. Venus tamen fuit purior quia recedebat à Sole, sicut si fuisset orientalis & tarda cursu, tunc enim est in inferiore parte epicycli & pura. Mercurius autem non fuit exquisitè purus, sed in superioribus planetis, cum iunguntur vt Mercurio, aut Veneri sit aliquando reciprocatio ex occidentali prima, ad orientalem secundam & maximè in Martem ob velocitatem motus ipsius velut anno 1573. ex 23. Aprilis in 21. parte Tauri, ad 15. Iulij, in 13. parte Cancræ, ex orientali autem coniunctione non potest fieri, quoniam Sol cum Mercurio tantum progrediuntur, vt per retrocessum non possit redire ad coniunctionem, ergo raro duæ coniunctiones & nunquam tres esse possunt. In Ione etiam & Saturno difficilius: oportet autem esse valde occidentalem planetam, vt possit interim donec Sol accedit, ad ipsa Mercurius retrogredi. Pingamus Solem etiam in initio V Mercurio in 25. parte Arietis, & ibidem Ionem, aut Saturnum regredietur, Mercurius versus Solem, & iungetur illi in 23. diebus, eo autem in tempore Sol progredietur 23. partibus: igitur ista coniunctio fiet, in 23. parte Arietis aut circa. Saturnus autem & Iupiter, cum

sint maximè directi, erunt vltra 26. partem Arietis. Saturnus parum Iupiter multum. Cum ergo Mercurius sit velocior Ione, & multo magis Saturno congregietur, iterum illis dum est orientior Sole, quia iam Sol superavit illos. Manifestum est igitur quod Solis coniunctio, cum Mercurio necessario interponitur inter vnā coniunctionem & aliam, & quod secunda multis modis est validior prima. Et cum sit rarior euentus, est maioris significationis, raras enim causas rari affectus subsequi solent. Coniunctio autem Lunæ cum Mercurio, vel Venere occidentali est validior, quàm orientali, quia Luna gaudet semper, vt sit Occidentalis à Sole. Venus autem & Mercurius, etiam aliquando gaudent, cum sunt in superiori parte epicycli: idem in hoc considerata sunt reliqua, quæ faciunt ad bonum statum, aut malum, nam iuxta illud erit bona, vel mala, & valida etiam ratione Lunæ semper, ratione autem Veneris aut Mercurij, si fuerint in superiore parte epicycli, id est, aucti motu, secus imbecillis, liquet autem ex hoc ferme contrarias esse comparationes Mercurij, & Veneri inter se, & ad superiores, & etiam ad Lunam vt sint tres modi.

His constitutis dicamus quod si Mercurius & Saturnus in horoscopo coniunguntur, in diurna genitura absconsores pecuniarum, faciunt aduocatos, aut iurisperitos, aut scribas sed languidos & qui cito deficiant. Si verò per noctem in hoc loco fuerint constituti, seruos aut captiuos ex liberis facient, & tradent eos potentibus viris captiuitatis causa seruituros. Si verò in fœminino signo in horoscopo, scilicet Saturnus & Mercurius, partiliter in nocturna genitura fuerint inuenti, facient eunuchos, vel viros sine semine, qui coire non possint, turpes, infames, impudicos, cinædos. In secundo loco ab horoscopo Mercurius cum Saturno partiliter constitutus in diurna genitura faciet herbarios, medicos, & per quos hominibus sanitas compareretur, sed diuites etiam & famulos in actibus suis, erunt autem pro qualitate signorum frequentes oratores, aut potentum virorum. Si verò per noctem in hoc loco fuerint inuenti, facient mendicos, nudos, infanos, aut templorum seruos, frequenter etiam facient accusari, & in custodia constitui, lugubres tamen semper & sine filiis, & aliqua corporis parte debiles, aut quibusdam vitiis implicatos. In tertio loco ab horoscopo Mercurius cum Saturno partiliter constitutus, faciet vnatores, aquas ex altis puteis leuantes, hortulanos, actores modicarum villarum, aut pollinctores, & funerarios, aut custodes mortuorum cadauerum, aut sepulchrorum faciet ianitores. In quarto loco Saturnus & Mercurius partiliter constituti, id est, in medio cæli faciet illicitarum & absconso- rum artium magistros, aut earum conscios, & qui quotidianam vitam ex malis artibus querant. Sed quidam sic habentes Mercurium cum Saturno, aut in custodia erunt, aut aliqua ratione damnantur, sed omnes actus secundum naturam qualitatemque signorum, & secundum rationem certarum stellarum inueniunt



inueniuntur. In quinto loco ab horoscopo Saturnus & Mercurius, partiliter constituti facient, eos qui si nati fuerint frequenter mutare, domicilia & annonæ, aut frumento rum aut locorum quorundam præpositos, aut gemmarum, aut margaritarum, aut aromatum, aut metallorum præpositos, facient etiam & sacrorum cultores. In sexto loco & in duodecimo ab horoscopi loco, Mercurius & Saturnus partiliter constituti, eadem simili ratione decernunt. Si enim per dies in his locis fuerint inuenti, multarum doctrinarum scios facient, absconfarum artium doctrina pollentes, & qui omnia quæ in rebus humanis sunt velut scire, aut malitiosos sanè & inuidos, & qui vitiis, aut vitiis implicentur. Per noctem verò in sexto & in duodecimo genitura loco partiliter constituti facient fallarum literarum auctores, sceleratos, maliciosos, maliuolos, maleficos, & qui semper maximis malis, & necessitatibus implicentur. Sed in his locis suppositos Mercurium & Saturnum siue per diem, siue per noctem, Mars aliqua radiatione respexerit, aut per quadratum, aut per diametrum, siue euitabili malo implicatos, homines publicæ mortis faciet animaduersione puniri. In septimo loco ab horoscopo, id est, in occasu Mercurius & Saturnus, partiliter constituti hæredes mulierum, & magnarum facultatum desiderij, æstuant facient, atque amatores mulierum. Si verò per noctem in hoc loco fuerint inuenti, in omni conuersatione vitæ miseros facient, qui maximis debitis obligantur, vitiosos tamen ac debiles, erunt autem maligni, malitiosi, quidam tamen accusati in custodia publica constituuntur. In octauo loco ab horoscopo Mercurius cum Saturno partiliter constitutus, processu temporis patrimonij & honoris augmenta decernit, alij verò mortis alienæ causa patrimonij consequuntur, valetudo tamen illis erit, aut de vesicæ calculo, aut de ventris vitio per noctem. Per noctem verò in hoc loco partiliter constituti, pauperes, proscriplos, languidos, aut ruginosos facient, quibus humores facient ex damno repetendos. Si Luna minuta luminibus ad Saturnum feratur, aut ad Martem plena. In nono loco ab horoscopo Mercurius cum Saturno partiliter constitutus prophetas, aut vestitores diuinorum simulachrorum, aut baiulos diuinarum cæremoniarum facit. In decimo ab horosc. loco Mercurius cum Saturno partiliter constitutus, id est, in medio cæli alienorum patrimoniorum hæredes faciet, aut maximarum rerum inuentores, erunt interdum scribæ, aut actores, aut maximorum virorum procuratores, sed si sic eos positos & stella fortuna eos viderit, diuino ingenio faciet oratores, vel oratorum artium magistros, aut Grammaticos, aut his omnibus potestatibus, alicuius auctoritate præpositos, aut magistros studiorum, aut magistros censuali cœlestis rescutari, alij computos exercent, alij difficultum literarum aut inuentores, aut magistri erunt. In vndecimo loco genitura Saturnus & Mercurius, ab horoscopo partiliter constituti, hæc decernunt, quæ illos

in quinto loco decernere diximus. In duodecimo loco genitura Mercurius & Saturnus ab horoscopo partiliter constituti, quid decernant sextus genitura, locus manifestus explicauit.

Mercurius cum Ioue partiliter in horoscopo constitutus in diurna genitura, faciet claros, gloriosos, ciuitatibus præpositos, aut maximarum ciuitatum decem primos iuridicos, & qui prouinciis, aut ciuitatibus iura restituant, sed qui iustis semper gaudeant causis. Si verò per noctem sic fuerint inuenti procuratores, aut actores, aut negotiorum præpositos: sed magnorum ac potentium viorum niterdum facit scribas, rationibus, mensis, apothecis, negotiationibus præpositos, argutos verò ingeniosos, & quibus ex bonitate ingenio felicitas maxima conferatur. In secundo Mercurius & Iuppiter partiliter ab horoscopo constituti, in diurna genitura facient hæredes alieni patrimonij ab extraneis adoptatos, fundorum multorum, & depositarum specierum dominos, & quibus processu temporis augmenta felicitatis maxima conferantur. Si verò per noctem in hoc loco partiliter fuerint inuenti stultiores facient, & quibus non sit, perpetua felicitas, & quos vitæ cursus sapissime ratione decipiat. In tertio loco ab horoscopo Iuppiter & Mercurius partiliter constituti magos facient, sed præclara semper bonitate pollentes, hymnalogos, aut deorum baiulos, aut custodes templorum, aut qui religionibus homines incitent, & conferent, & qui deorum monitu futura prænoscant, aut sacris certaminibus facient præpositos: hæc in nono loco ab horoscopo Iuppiter & Mercurius decernunt, partiliter constituti. In quarto loco ab horoscopo Mercurius & Iuppiter partiliter constituti, ex inuento cantuali & organi, facient aut curatores, aut tutores minorum, sed qui mulierum curam tutionemque suscipient. Quid verò quædam casu inuenient, alij latentium thesaurorum vias norunt, ex quibus maxima illis felicitas comparatur. In quinto loco ab horosc. Mercurius & Iuppiter partiliter constituti, & per diem, & per noctem eadem simili ratione decernunt. Plures enim potestates processu temporis conferuntur, erunt autem in omnibus actibus feliciores, & quid volunt facile consequantur: hæc eadē in vndecimo genitura loco pariter constituti decernunt. In sexto loco ab horoscopo Mercurius & Iuppiter partiliter constituti, per noctem & per diem, eadem simili ratione decernunt, si in matutino ortu fuerint inuenti, facient enim in omnibus negotiis faciles rationales, aut causis aliquibus, vel certaminibus discussionibusque, aut rationibus, aut negotiationibus, aut quibusdam religionibus præpositos, aut ex eorum redditibus facultates habebunt maximas: præsertim si sic his collocatis in decimo ab horoscopi loco aliqua stella fuerit constituta. Sed si Luna sic feratur, vt his se sua radiatione coniungent, & in decimo ab horoscopi loco constituta, erunt diuites, affluentes multarum pecuniarum, aut multi auri domini, & qui possessionum fructus maximos consequantur



sequantur felices. Beati & qui regum actus sua intercessione disponant, exactores regiarum annonarum, vel pecuniarum fiscalium, provinciarum civitatibusque prepositi. Si vero diurna genitura ex sexto loco Ioue & Mercurio constitutis nulla stella in decimo ab horoscopi loco fuerit, inuenta mediocres, vitæ patrimonio & actibus faciet. Si vero per noctem sic fuerint inuenti reddunt negotiorum interpretes & piscatores, aut augures, aut sculptores, aut laboriosis semper actibus impeditos, aut servilia officia facientes, aut in talibus partibus positos, quæ grauibz sordibus squalidis, aut fullones, aut coriorum confectores, aut calegarios, aut lauarios, aut his similes. In septimo loco ab horoscopo constitutus partiliter Mercurius cum Ioue, id est, in occasu & per noctem & per diem, eadem simili ratione decernit: facit enim à mulieribus felicitates maximas conferri, & faciet publicis muneribus prepositos, & populorum & civitatum principes, aut decem primos longioris vitæ, & bonæ senectutis, & bonis consiliis ac moribus, qui bonas res desiderant semper, sed in nocturnis genituris minuunt, si sic Mercurium positum cum Ioue Saturnum de diametro, vel de quadrato respexerit, vel si cum ipsis fuerit inuentus. In octavo loco ab horoscopo, Mercurius & Iuppiter partiliter constituti in diurna genitura, si fuerint intenti mediocres in vita facient, & qui ex quibusdam inuentionibus vitæ sibi præsidia comparent. Quorundam enim infamant iuuentutem, sed processu temporis mediocriter substantiæ incrementa decernunt. Si vero per noctem in hoc loco fuerint inuenti, aut inveniunt aliquid unde habeant maximum vitæ subsidium, aut hæreditas illi non modica conferretur, & processu temporis maximis felicitatibus subleuantur, vitiosos tamen tempore & languidos facient. In nono loco Mercurius & Iuppiter constituti, hæc decernunt, quoniam tertio loco genituræ constituti decernunt. In decimo loco ab horoscopo Mercurius & Iuppiter constituti partiliter, magnos actus, & magnas administrationes, & magnas decernunt potestates pro mensura genituræ. In undecimo loco ab horoscopo Mercurius & Iuppiter constituti hæc decernunt, quæ decernere illos in quinta diximus loco. In duodecimo ab horoscopi loco Mercurius & Iuppiter partiliter constituti, si Mercurius matutinus exiterit, facit scribas Regis, aut Senatus, aut notarios & exceptores principum, aut civitates maximas tuebuntur, sed qui magna & frequenter offendant, & qui nouissimo vitæ tempore infelicitatis onere prægraentur, aut qui biathanata morte depereant, si sic positi in nocturna genitura, in diurna etiam genitura, quantumcunque in his actibus & in his officiis perseverant, & non frequenter offendunt. Vespertinus vero in hoc loco cum Ioue constitutus tardiores actus, & sinistram fatum dabunt, quidam vero popularibus actibus, aut laboriosis implicabuntur.

Si in parte horoscopi Mercurius & Mars partiliter fuerint constituti, in diurna scilicet genitura, anaphoricos, cardiacos fauent, & oligochronios, & infelices, aut occasione mulierum, aut ex amoris illecebris, aut absconsis scripturis, aut de maleficiis, aut de falso damnari eos facient, & facient biathanatos interire. Si vero per noctem in hoc loco partiliter fuerint inuenti, facient magnos magnarum religionum prepositos, duces, aut prænuncios, aut protectores, aut felices imperatorum, administratores maximos, quibus ex euentu pugnarum maxima felicitas conferatur. Si vero sic per noctem positos Mercurium & Martem Saturnus de quadrato, vel de diametro respexerit, faciet periculosos & qui sapissimè decipiantur, nam in omnibus impediuntur actibus. Sic enim constitutus Saturnus inertes, & sine arte faciet homines, & qui omni felicitatis onere prægraentur. In secundo loco ab horoscopo Mercurius cum Marte partiliter constitutus, in diurna genitura, natus exponi faciunt & si nutriti fuerint, faciunt aliqua ratione fugitivos, facient frequenter exules interdum etiam captiuos faciunt, plerosque ex proscriptione, enudari quosdam tamen ex grauibz valitudinibus, aut fortibus vitiis implicant, alios biathanatos facient si Lunam plenam radiauerint. Per noctem vero si sic fuerint inuenti, facient malæ mentis malignos, obscuros, timidos & audaces, & qui in omnibus actibus decipiantur, sed actus eorum faciunt multiplices. Erunt enim aut publicani aut vestigaliarii, aut curiosi quoddam mente insanos, aut frenaticos facit. In tertio ab horoscopo loco Mercurius & Mars partiliter constituti facient, aut ex segnicia, aut ex feriatis actibus vitæ habere substantiam: erunt autem tales ut futura prædicant, & qui semper conuersentur in templis, sed omnibus qui negociantur terribiles, & si nihil sciant, vel si nihil agant existunt, & qui processu temporis habeant felicitatis augmenta. In quarto loco ab horoscopo Mercurius cum Marte, id est, in medio cæli partiliter constitutus pigros, humiles, in omnibus actibus, & in omni fortuna faciet, & cum affinis assidue exercebunt inimicitias, ut per ipsos parentibus, vel affinis maximè semper inferantur insidiæ: erunt etiam fidei insores, & ex hac re maximis periculis quassabunt, & ad humilitatem paupertatemque deuenient. Quid cum illis contigerit illicitarum quarundam artium auctores erunt, vel sequestres, vel conscii in quibusdam comprehensi maximis periculis laqueis implicantur, & damnationis animaduersionum plectantur. Alij in his calamitatibus constituti, magnæ ac longæ ægritudines inuersionibus opprimuntur: præsertim si Lunam sic positi de diametro, vel de quadrato viderint. Si in quarto genituræ loco Mercurius, & Mars & Luna per noctem fuerint inuenti, facient prepositos, tribunos, duces, potentes, administratores, sed biathanata morte percuties. In quinto loco ab horoscopo Mercurius & Mars partiliter constituti, fortes viriles, athletas, inuictos in omnibus certaminibus reddunt,



reddunt, sed qui ad varia loca domicilij gratia conferantur, & quibus de publico, aut de fisco iunctus, & annonæ maxima conferatur, sed in omni certamine superiores & terribiles aduersariis suis faciunt. In sexto loco & in 12. ab horosc. Mars & Mercurius partiliter constituti, hæc eadem similitudine decernunt. Nam si per diem in his locis fuerint constituti, valetudines & vitia maxima decernunt, faciunt autem & in custodia constituti, & carceris habere notitiam, & ex quacunque accusatione damnari: aut enim appetuntur, aut deferuntur, aut falsis criminum conventionibus oblegantur, à seruis enim & per seruos, aut seruilibus hominibus, aut ab his qui sunt criminis alicuius causa in custodia constituti appetuntur, aut deferuntur, & cum maximis tormentis, & cum maxima violentia & atrocitate depereunt: præsertim si in his constituti, loci Lunam plena ex aliqua parte prospexerint. Si verò per noctem in sexto vel 12. ab horosc. loco Mercurius cum Marte fuerit constitutus, facit multis debitis, aut multo vsurarum onere implicatos, & æstus animi vel interceptiones facient, reddūt etiam pigros in omnibus actibus, & decernunt maximas accusationes & graues inuidias, sed quæ vt à seruis, aut propter seruos patiantur, alij ctuatiore erunt seruorum, vt eos aut fame, aut plagis, aut tormentis, aut assiduis operum exactionibus defatigent. In actibus verò nunquam perseuerabunt qui in his locis Mercurium cum Marte habuerint constitutum, qui ab vno actu ad alium actum transferunt. In septimo loco ab horoscopo, id est, in occasu Mercurius cum Marte partiliter constitutus, si per diem in hoc loco partiliter fuerit inuentus, eos qui sic eam habuerint, mulierem aut vxorem suam manu propria interficere compellunt, aut propter mulierem, aut propter vxorem, aut propter amoris, cuiusdam præposteras cupiditates, semetipsos, aut alios interficient, aut propter talem aliquod amissum facient, in publica custodia, aut in carcere constituti, & ex ista accusatione damnari: sed generaliter quicumque missus est, Martem habuerint homicidia, & mortes in ipso pro signorum qualitate complentur, aut enim carassatores erunt, aut latrones, aut sicarii, aut piratæ, aut his similes & in his facinoribus comprehensi per seruatus sententiæ animaduersione plectuntur. In nocturna verò genitura sic positi, facient eos mulieribus iniustis actibus circumscribi, aut virginibus iungi, & ab his filios suscipere, & semper magnis vitiis inuolui. In octauo ab horosc. Mercurius cum Marte partiliter constitutus, si per diem sic fuerit inuentus, faciet nihil tale, sed nihil est eis quæ cupiunt consequi possunt & periculosos, & qui omne patrimonium funditus amittant. Quidam verò erunt insani ac furiosi, alij in custodia coniiciuntur, aut damnabuntur, & finiunt frequenter ratione biothanati. Si verò per noctem in hoc loco fuerint inuenti, de malis partibus, vel de malis officiis facultates sibi aliquas comparabunt, & per dies singulos malis ac nefa-

Tom. V.

riis actibus crescent: erunt fures, aut effraetores, aut qui commendatas sibi res, aut fidei suæ creditas, obstinatis soleant, cupiditatibus obnegare, aut nefariorum facinorum inuectores vel executores: faciunt enim aut tortores, aut carnifices, aut proditores suorum, & ex istis artibus fortunarum ac facultatum sibi maximas substantias comparantes, sed mors eis cum violentia, aut cum quibusdam tormentis grauibz proueniet, aut moriuntur grauis insanix vitio laborantes. In nono loco ab horosc. Mercurius cum Marte partiliter constitutus, iniustos, irreligiosos, periuros faciet, sed cum isto mentis errore nihilominus ministros deorum, sed & hos ipsos deos quibus seruiunt spoliantes atque nudantes, qui templorum dominos ad prædam suam sociant: sed hæc maximè faciunt, si longè à radiis Solis inuenti fuerint, aut in suis inuicem signis, aut in suis inuicem partibus, aut in domo Solis arte hæc erunt. Si sic eis positus Luna, sed de quadrato, vel de diametro coniunxerit plena luminibus. In decimo loco ab horoscopo Mars & Mercurius partiliter constituti miseros, & inefficaces homines faciunt, delectabuntur autem assiduis navigationibus & amatores erunt palestrarum, & qui vitam suam potentibus viris, aut regibus cuiusdam vitij vendant. Erunt cum macula ac vicio secundum qualitatem substantiamque signorum, sed semper Mercurius cum Marte partiliter constitutus in actibus publicis, aut in administrationibus, aut in occupationibus constituit, sed nunquam in ipsis actibus longa temporum continuatione perseuerabunt: aut enim impediti aut accusati admoueuntur, & frequenter iudiciis applicabuntur, & falsis interdum accusationibus opprimuntur, ex quibus infortunis ita eorum patrimonia dissipantur, vt grani onere vsurarum quatiantur, sed & sponfione, aut fideiussione aliqua grauibz damnorum, vel condemnationum generibus opprimuntur. Si verò Iupiter Mercurio ac Marti partiliter positus aliqua se testimonij societate coniunxerit, aut si cum ipsis partiliter fuerit inuentus, magnos in omnibus actibus faciet, quibus multa negocia credantur, & qui simili modo & amittant substantiam pariter & quærunt. Si verò his Venus aliqua se radiatione coniunxerit, vel si cum ipsis pariter fuerit inuenta, faciet exactores imperatorum, qui annuas fiscalium præstationes repetunt, discursores rationales, & qui magna negocia tractare consueverunt. Sed Mercurius cum Marte diuersa & multiplicis actuum, aut administrationum genera decernit, nam varietas hæc peruenit secundum qualitatem substantiamque signorum. In Mercurij enim domo vel in Mercurij partibus constituti, faciunt amatores palestræ, vel athletas publicis certaminibus destinatos. In Martis verò signis aut in partibus constituti, pugnaces, armatores, armorum milites, venatores, libenter nutrientes feras vel ferarum præpositos, nuncios vel veridarios Regū reddunt. In domo verò Veneris aut in partibus constituti, faciunt linteones, textores, tunicarū, plumararios,

N n

tinctores,



tingtores, aromata, aut gemmas, aut margaritas al qua ratione tractantes.

In Iouis verò domo vel in partibus constituti, præpositos, tribunos, regiones aut ciuitates aliquas obtinentes. In domo Saturni vel in partibus constituti, scelerata ac facinorosa officia tractantes, facient enim tortores, carnifices, interfectores, delatores, proditores.

In Solis verò & Lunæ domo errarios, feramentarios, statuarios, pelliones, coriorum confectores, ab igne aut ferro vitæ subsidia quærentes. Immutatio enim signorum diuersorum negociorum actus decernit.

In vndecimo loco Mercurius cum Marte ab horosc. partiliter constitutus, faciet perire semper in pugna, alios amatores palastræ faciet, alios armorum, sed fortes & consiliis, & qui ex omnibus actibus felices semper processus accipiunt. In duodecimo loco ab horosc. Mercurius & Mars constituti, maxima infortuniorum, & maxima calamitatis exitia decernunt. Nam qui sic Martem & Mercurium habuerint falsi crimen incurrunt, aut omnibus facinoribus malæ conscientiae societate iunguntur, aut debitorum graui fœnore semper oppressi, cum iactura pudoris ad publica iudicia pertrahuntur, vt prauo cupiditatis ardore, si & religiosa fidei commertia polluentes, commendatas res abnegare conantur, vt ex ista perfidia, vel ex præcedentibus criminibus publicè contra illos sententiæ discriminè iniungat.

Mercurius cum Sole per diem partiliter constitutus in horosc. faciet reges, duces, potentes. Si verò in hoc loco fuerint partiliter inuenti, parum degenerem & ignobilem faciunt, erunt autem in artibus publicis, sed absconsis & miseris, secundum naturam qualitatemque signorum. In secundo loco ab horosc. sed cum Mercurio partiliter constitutus, augmentum patrimonij decernit, & aliquorum actuum principatum. In tertio loco ab horosc. Sol & Mercurius constituti faciunt haruspices, somniorum interpretes, Medicos diuinos, augures, Astrologos, Mathematicos, & qui semper futura prædicant, sed quorum ars atque institutum ad omnium notitiam præferatur. In quarto loco ab horosc. id est in medio cœli partiliter Mercurius cum Sole constitutus, faciet ignobiles, & absconfarum aut illicitarum artium peritos, sed honestos & graues. Quum si sic positi fuerint in quarto loco genituræ considerandum est, maximè in quo sint signo constituti, & qui sit eius signi dominus, periculorum est enim maximè si hi taliter positi in Saturni domo fuerint inuenti.

In quinto loco Sol cum Mercurio ab horosc. constitutus partiliter faciet nobiles, & qui omnia facile perficiant, sed periculosos, & qui non habeant perpetuam felicitatem, & qui multos facili ratione decipiant. In sexto loco ab horosc. Mercurius cum Sole partiliter constitutus, laboriosos, pigros faciet, & quorum patres nesciuntur, orbos parentibus, tardos in actibus, & qui nihil consequi possint, si nulla stella in decimo ab ho-

rosc. loco fuerit inuenta. Si vero in decimo loco ab horosc. stella aliqua fuerit inuenta, diuitiarum ingenuitatis, & gloriæ insignia conferuntur, præsertim si beniuola stella in decimo loco fuerit inuenta. In septimo loco ab horoscopo Mercurius cum Sole partiliter constitutus, id est, in occasu: si per diem in hoc loco fuerit inuentus, faciet eis qui sic nati fuerint maximas res potestatesque committi, sed ipsos biathanata morte faciet intire. Si verò per noctem in hoc loco partiliter fuerit constitutus, faciet multa perpeti mala, laborantes, & quotidiano opere alimenta quærentes, & malis semper ac sordidis actibus occupatos. Erunt enim vetes aut sordidæ, aut squalidæ, aut graui odore, ex quibus artibus vigiliæ perpetuæ ab operationibus exigantur, quales sunt confectores coriorum, fullones, lanarij, pictores, coqui, & his similes, ipsos tamen facit othomaticos, & prima ætate vitiosos. In octauo loco ab horosc. Mercurius cum Sole partiliter constitutus faciet homines debiles, vitiosos, & qui facili ratione decipiantur, sed in hoc loco constituti, biathanatam mortem faciunt, & decernunt frequenter insanias. In nono loco ab horosc. Mercurius cum Sole partiliter constitutus, faciet exorcistas & qui laborantes domorum incussione homines remediis liberent, vt his artibus maxima illis vitæ substantia conferatur.

In decimo loco ab horosc. id est, in medio cœli cum Sole Mercurius partiliter constitutus, in his quibus gaudet signis, vel in quibus exaltatur, per diem totius orbis dominos faciet, at multis & maximis prouinciis potestatis, meritò propositos, præsertim si Iupiter eis bonum testimonium commodarit. In vndecimo loco ab horoscopo Mercurius cum Sole partiliter constitutus, in processu ætatis felicitatis augmenta decernit. In vndecimo loco ab horoscopo Mercurius cum Sole partiliter constitutus, pauperes, infelices seruos facit, & qui semper in peregrinatione depereant.

Mercurius & Venus in horosc. partiliter constituti, in diurna genitura faciet scutarios, & protectores imperatorum, vel qui proprio ex cubitu, saltem principis seruant, aut qui per pecunias, & thesauros regios suis inuentur dispositionibus gubernare, & quibus huiusmodi admirationum officia credantur: faciet enim musicos, chóricos, & qui musicos modos facient, aut certè publicos magistratus, aut oratores, aut Grammaticos, aut legum inuentores, aut qui in numeris præsent. Si verò per noctem in horosc. partiliter fuerint inuenti, faciunt acutos, ingeniosos, & qui omnia quæcunque agere voluerint facile consequantur. Erunt autem aut coronati, aut propositi sacerdotibus, aut sacrorum simulacrorum baiuli, & qui processu temporis augmenta dignitatis accipiant. Facient autem cuiusdam harmoniæ peritos, aut literis regis præpositos, sed quorum oratio ac sermo plenus sit leporis & gratiæ. In secundo ab horosc. loco Mercurius & Venus partiliter constituti in diurna genitura, facient multa negotia tractantes,



& qui in nobilibus actibus occupentur, sed in ipsis diutius perseverantes amēnos, & gratos in vita operibus, ac moribus vitiosos, tamen ac libidinosos. Si verò matutini in hoc loco fuerit inuenti, facient per semetipsos patrimonium quærentes, felices litteratos, disciplinam aliquam musicamque tractantes lætos, & honestos, gratiæque splendore fulgentes. Si verò in nocturna genitura vespertinus in hoc loco cum Venere fuerit inuentus, magnas decernit facultates, & processu temporum maximarum felicitatum. Erit enim princeps ciuitatum, erunt legibus præpositi, & quibus maximarum prouinciarum cura mandetur, alij inveniunt aliquod vnde initia felicitatis accipiunt, aliis hæreditates maxime conferuntur.

In tertio loco ab horosc. Mercurius & Venus partiliter constituti, facient in sacris certaminibus esse victores, aut sacerdotes, aut prophetas, aut vestitores deorum, aut in templis maxima tractantes officia, aut præpositos sacerdotibus, aut sacris ceremoniis principes, aut legatos boni, aut institutionibus moribus, & quibus desideria sua secunda ciuitas credat. In quarto loco ab horosc. Mercurius & Venus partiliter constituti, absconfarum literarum facient, peritos, magos, philosophos, & cœlestia spe tractantes, aut qui laborantes homines curent, & qui hominibus quibus genere prodesse consueverunt. Matutinus verò cum Venere in hoc loco positus, à seruitute ad libertatem venire faciet, & ab ignobilitate ad splendorem nobilitatemque perducit, sed miserarum mulierum, aut seruiliū, aut anum, aut virginum tuitionem defensionemque suscipient, & qui propter has, actus varij generis appetant, actibus verò institutis, & negotiis, & negotiationibus occupatos faciet, secundum substantiam qualitatemque signorum. In quinto loco ab horosc. Mercurius cum Venere partiliter inuentus, maximas facultates processu temporis decernit, simili modo facultatum largitur insignia, & qui à mulieribus, vel ab vxoribus dona maxima, vel præmia consequantur, & qui potentibus viris notitia iungantur. In sexto loco ab horosc. Mercurius cum Venere partiliter inuentus, in diurna genitura de rationibus, vel de negotiationibus, aut de computo, aut de disciplina, aut de deorum redditu decernit, substantiæ facultates: præsertim si sic in sexto loco constitutus aliqua stella, in decimo genituræ loco fuerit inuenta, sed vxorem difficile consequentur: Nam erunt libidinosi & ex ista re quodammodo infames. In nocturna verò genitura si matutinus in hoc loco cum Venere fuerit inuentus ancillas, aut viduas, aut meretrices, matrimonij sibi gratia copulabunt. Actus verò habebunt laboriosos & seruiles, & circa aquam: si nulla stella sic his positus, in decimo ab horoscopi loco fuerit inuenta, quod si fuerit faciet proprio labore multa quærentes. Erunt enim peregrini negociatores, gubernatores nauclerij, & fabricatores auri. Vespertinus verò in hoc loco si cum Venere fuerit inuentus, cordatos, ingeniosos, musicos

Tom. V.

vel organicos faciet, aut tinctores colorum, aut aromatum, aut gemmarum, aut margaritarum mercatores faciet, quosdam muro-polas, vel pigmentorum medicinalium inuentores, faciet sic positus frequenter præpositos metallorum, vt ex his actibus maxima illis subsidia facultatum conferantur.

In septimo ab horoscopi loco Mercurius & Venus partiliter constituti absconfarum valitudinum vitia decernunt, faciunt enim aut hepaticos, aut phreneticos, aut melancholicos, & his similes valetudines, sed ab vxoris affectu semper alienos, & vsque ad vltimum vitæ tempus infames. Si verò per noctem in hoc loco cum Venere fuerit inuentus à mulieribus, vel ab vxoribus maxima illis diuitiarum substantia conferetur, & qui gradum processu ætatis grandes honores, & maxime felicitatis insignia consequantur, præsertim si non eos sic positos Mars & Saturnus ex aliqua parte respexerint, sed specialiter Saturnus. Nam si fuerint illis sic positus, Mars & Saturnus aliqua radiatione coniuncti, hæc quæ diximus in contrarium vertunt. In octauo loco ab horosc. Mercurius & Venus partiliter constituti, vespertini in diurna genitura inefficaces apocopos reddunt, & qui nihil agere possint, faciunt etiam laboriosis semper negociis implicatos, erunt vitiosi animo & corpore, & qui nuptias difficile consequantur, erunt steriles & qui sobolem generare non possint, moriuntur autem spatiosi, aut corroici, aut apoplectici aut phrenetici. Per noctem verò in hoc loco partiliter inuenti alieni patrimonij faciet hæredes, aut alienarum facultatum sollicitudinem gerentes, sed bonos, benignos patresfamilias & quibus à mulieribus vel ab vxoribus plurima conferantur, alij quidem inueniunt quod illis ad omne vitæ subsidium sufficiat, & habebunt mortem repentinam, & sine dolore atque tormento. Matutinus verò cum Venere in hoc loco constitutus multa discens, & omnia scientes perficiet, & inuentores etiam & quicquid volunt facile consequantur: sed qui processu ætatis patrimonij augmenta percipiant.

In nono ab horoscopi loco Mercurius & Venus partiliter constituti vagantes mulieres dabit vxores, sed & ipsos artus lauari & magnificari facient, & quibus ex templorum officijs vitæ præsidia quærantur, faciunt enim aut sacerdotes, aut hos qui in templis constituti futura prædicant, aut auspices, aut Astrologos, aut augures, aut magos, aut qui omnia explicare consueverunt.

In decimo ab horoscopi loco Mercurius cum Venere constitutus publicos actus faciet, qui à populo aut ciuitatibus honorentur, sed qui de vxoris actibus infamia contrahant. Matutinus verò in hoc loco cum Venere constitutus modorum musicorum inuentores faciet, scilicet scenicos & publicis spectaculis destinatos: circa nuptias verò infelices, aut enim meretrices publicas aut scenicas, aut infames vxores habebunt, quidam & amatores puerorum erunt, & multarum libidinum vitiosis implicari voluptatibus.

In vndecimo loco ab horoscopo Mercurius

N n 2 87



& Venus constituti, facient mulierum negotia tractantes, & quibus mulierum substantia credantur, ut ex isto actu maxima illis patrimonij substantia conferantur, sed postea in contrarietatibus aut in iacturis maximis constituentur.

In duodecimo ab horoscopi loco Mercurius cum Venere constitutus, si per diem sic fuerit inuentus, amatores faciet & ex amorum vitio laborantes perspicuos tamen & omnibus notos in his vitiis deferri, tamen propter hoc compellit ex ista damnatione damnari faciet biathanatos interire propter hæc animi vitia, quæ diximus. Si vero per noctem in hoc loco fuerint inuenti à mulieribus indignis multas faciet persecutiones, aut qui meretricem amoris instinctu comparare cogantur: mediante verò, & qui his actibus multiplicibus iusticiis occupati esse videantur, sed qui frequenter ab instituto decident, & qui ab actibus ac negociis, aut à facultatibus suis frequenter soleant in rationibus decipi.

Quod ad generalia aut significata quæ attinet in Ariete, Cancro, Leone & Virgine calorem adauget, sed non valde hoc potest facere, nisi Marti misceatur aut sit combustus. Et in Aquario vespertinus idem facit, & in Cancro cum latitudine Boreali indicat ventos calidos, Et si non sit cum Marte & fuerit in radiis eius puta quod Mars fuerit, in decima parte Leonis, & Mercurius in duodecima Aquarii: & si non in loco imperanti & similibus velut etiam in eius dignitatibus, & Mercurium proprium cum per se fuerit est siccitas. Et cum fuerit æquidistans Arietis signo, significat multam mortem mulierum & iuuenum: paucitatem piscium cum multo flatu ventorum sortium & siccorum, & multas nebulas cum vehementia caloris, & multitudine aquarum & præcipue in parte occidentis, & cum paucitate annonæ, & panis & vini. Et si fuerit eius latitudo septentrionalis, significat corruptionem aeris: & si fuerit meridiana, significat commixtionem aeris, & quando elongatur à longitudine sua longiori, id est à Sole significat interfectionem in hominibus, & mortem quorundam nobilium.

Et dicit Haly, Mercurius in Ariete sub radiis tempestuosus est, vespertinus benè complexionatus: matutinus vel orientalis significat mundum aërem. Et secundum Albumas. si fuerit illi retrogradus significat infirmitatem aduenire, ex morbilis & variolis. Et dicit Albumas. Mercurius cum fuerit æquidistans Tauro, significat interfectiones inter orientales & occidentales, & multos oculorum dolores, in parte orientis, & multam mortem nobilium ex ruris, & vehementia caloris, cum incessanti flatu ventorum, & bona aeris commixtione, & erit destructio panis & vini cum multis aquis. Et si fuerit eius latitudo septentrionalis, significat mediam commixtionem aeris, & si fuerit meridionalis significat permissionem aeris. Et quando elongatur à longitudine sua longiori à Sole, significat mortem bonum. Et dicit Haly, Mercurius cum in Tauro sub ra-

diis, tempestuosus, & vmbrosus, vespertinus bonæ complexionis, matutinus vel orientalis roridus & mundus. Et secundum Albumas. si fuerit illic retrogradus significat bonam aeris complexionem. Et dicit Albumas. Mercurius cum fuerit æquidistans Geminis, significat eadem aduenire inter orientales & septentrionales, mortem nobilium & aliorum hominum, multitudinem bubonum, & bonam aeris complexionem cum multitudine vini. Et si fuerit eius latitudo septentrionalis significat ventos, & caliditatem eorum, & si fuerit meridionalis significat siccitatem aeris. Et quando elongatur in longitudine sua longiori à Sole, significat mortem præpositorum & scriptorum sublimatorum, & multas mortalitates hominum, cum ægreditudinibus morbillorum. Et dicit Haly, Mercurius in Geminis sub radiis, ventos excitat in mari & in terra, vespertinus desiccatur, matutinus bonam commixtionem significat. Et secundum Albumas. si fuerit illic retrogradus, significat vtilitatem in hominibus & rebus suis. Et dicit Albumas. cum fuerit æquidistans Cancro, significat interfectionem ex parte septentrionis, aut ex parte Orientis, & occidentis, & mortem hominum, & dolores vlcetum & morbillorum, cum multitudine ventorum & frigiditate aeris, cum paucitate annonæ, & destructione arborum & fructuum, & præcipue in occidente. Et si fuerit latitudo eius septentrionalis, significat ventos calidos, & si fuerit meridionalis, significat illud idem. Et quando elongatur in longitudine sua longiori à Sole, significat rumores terribiles, & perturbationes in hominibus. Et dicit Haly, Mercurius in Cancro sub radiis, significat elevationem viarum maris, vespertinus tranquillitatem facit, matutinus bonam complexionem & sanitatem inducit. Et secundum Albumas. cum fuerit illic retrogradus non attribuitur ei aliqua significatio. Et dicit Albumas. Mercurius cum fuerit æquidistans Leoni, significat multas infirmitates ex tussi, & dolores ventris, & vesicæ, & multam mortem præcipue in parte occidentali, & cum casu nobilium & significat paucitatem commixtionis aeris, & vehementiam caloris, & paucitatem pluiæ, & destructionem arborum & fructuum, & seminum, & cum paucitate annonæ. Et si fuerit eius latitudo septentrionalis, significat flatum ventorum & caliditatem eorum, & si fuerit meridionalis, significat bonam complexionem aeris. Et quando elongatur in longitudine sua longiori à Sole, significat mortem quorundam magnatum. Et dicit Haly, Mercurius in Leone, sub radiis in occidente ventum inducit, vespertinus suffocationes facit, & matutinus serenum significat. Et secundum Albumas. si fuerit illic retrogradus significat multas tristitias, quas consequentur homines cum permixtionibus. Et dicit Albumas. Mercurius cum fuerit æquidistans Virgini, significat multos oculorum dolores & infirmitatem in parte meridiei, & superabundantiam pluiarum, & vehementiam ventorum calidorum & forte significat bonam commix-



commiffionem aëris & multitudinem annonæ. Et fi fuerit eius latitudo feptentrionalis, fignificat ficcitatem aëris. Et fi fuerit meridionalis, fignificat bonam aëris permiffionem. Et quando elongatur in longitudine fua longiori, fcilicet à Sole, fignificat cafum nobilium & mortem in hominibus. Et dicit Haly, Mercurius fi fuerit in Virgine fub radiis, procellas calidas fignificat, vefpertinus ficcitatem, matutinus eft humidus, & benè complexionatus. Et fecundùm Albumaf. cum fuerit illic retrogradus, fignificat multos rumores terribiles. Et dicit Albumaf. cum fuerit æquidiftans Libræ, fignificat multitudinem ventorum, & fortitudinem eorum, & paucitatem annonæ & humiditatem aëris. Et fi fuerit eius latitudo feptentrionalis, fignificat paucitatem humiditatis & multas nebulas, & fi fuerit meridionalis, fignificat deffruccionem commiffionis aëris. Et quando elongatur in longitudine fua longiori, fcilicet à Sole, fignificat permiffiones aduenire plebi. Et dicit Haly, Mercurius in Libræ fub radiis, fignificat fortiffimos cōtrarios vêtos, vefpertinus eft benè cōplexionatus, matutinus fēper huui dus eft & vtilis. Et dicit Albumaf. cum fuerit retrogradus, fignificat permiffiones aduenire plebi & fortè minabūtur quibufdā de caufis.

Et dicit Albumaf. Mercurius cum fuerit æquidiftans Scorpioni, fignificat multas cades in parte occidentis & feptentrionalis, & niues cum abundantia pluuiarum, vehemens frigus & quietudinem aëris, cum bona commiffione aëris. Et fi fuerit latitudinem aëris. Et fi fuerit meridionalis, tundo eius feptentrionalis, fignificat ficcitatem bonam commiffionem. Et quando elongatur à longitudine fua longiori, fcilicet à Sole fignificat rumores malos & terribiles & fortè cadem. Et dicit Haly, Mercurius in Scorpione fub radiis tempeftuosus eft, vefpertinus fine pluuia, matutinus pluuiosus. Et fecundùm Albumaf. fi fuerit illic retrogradus, fignificat permiffionem aduenientem militibus. Et dicit Albumaf. Mercurius cum fuerit æquidiftans Sagittario, fignificat prosperitatem regum infortuna & bella fieri in parte occidentis inter eos & meridionales, & paucitatem pluuiarum & niues cadere, cum bona aëris commiffione, & erit paucitas panis & abundantia vini. Et fi fuerit eius latitudo feptentrionalis, fignificat ventos calidos, & fi fuerit meridionalis, fignificat altercationem aëris & bonam commixtionem eius. Et quando elongatur in longitudine fua longiori, fcilicet à Sole, fignificat mortem aliquorum regum & diuitum. Et dicit Haly, Mercurius in Sagittario fub radiis multam pluuiam fignificat vefpertinus fine humiditate, matutinus bonam conditionem & fanitatem fignificat. Et fecundùm Albumaf. fi fuerit illic retrogradus fignificat infortuna in parte montium.

Et dicit Albumaf. Mercurius cum fuerit æquidiftans Capricorno, fignificat eadem malam in oriente ægritudinem & mortem puerorum, & multas pluuias, & deffruccionem commiffionis aëris, & ipfum

declinare ad ficcitatem, multos ventos orientales, multum mel cum multitudine annonæ. Et fi fuerit eius latitudo feptentrionalis, fignificat bonam aëris commiffionem, & fi fuerit meridionalis, fignificat illud idem. Et cum elongatur in longitudine fua longiori, fcilicet à Sole, fignificat mortalitatem & mortem mulierum & nobilium. Et dicit Haly, Mercurius in Capricorno fub radiis fēper eft pluuiosus. Et fecundùm Albumaf. fi fuerit illa retrogradus, fignificat laudabile equitantibus mari.

Et dicit Albumaf. Mercurius cum fuerit æquidiftans Aquario, fignificat multitudinem locustarum, cum bona commiffione aëris & cum multo flatu ventorum. Et fi fuerit latitudo eius feptentrionalis, fignificat ficcitatem aëris, & fi fuerit meridionalis, fignificat multas nubes fteriles. Et quando elongatur in longitudine fua longiori, fcilicet à Sole, fignificat mortem fenum & nobilium.

Et dicit Haly, Mercurius in Aquario fub radiis niufus eft, vefpertinus calidus & turbulentus, matutinus pluuiosus, Et fecundùm Albumaf. fi fuerit illic retrogradus, fignificat multas infirmitates aduenire hominibus. Et dicit Albumaf. Mercurius cum fuerit æquidiftans Piscibus, fignificat mortem in meridiei parte multitudinem vermium & pifcium, cum multo flatu ventorum & fratre eorum, cum bona aëris commiffione & fortè declinabit ad ficcitatem cum multis aquis. Et fi fuerit eius latitudo feptentrionalis, fignificat incessantem flatum ventorum humidorum, & fi fuerit meridionalis, fignificat mediam commiffionem aëris. Et quando elongatur à longitudine fua longiori, fcilicet à Sole, fignificat multam nauium fubmersionem in mari & fluminibus. Et dicit Haly, Mercurius in Piscibus fub radiis tempeftuosus & pluuiosus eft, vefpertinus bonam cōplexionē, matutinus tranquillitatem & cōplexionē bonā oftendit. Et fecundùm Albumaf. fi fuerit illic retrogradus, fignificat nocumētum aduenire nobilibus & vafallis regum.

Præterea Mercurius fi fuper Saturnum in Ariete eleuetur, fignificat illud idem quod Venus fuper Saturnum. Si verò fuerit in Tauro, erunt oppreffiones cum vehemēti frigore. Si verò fuerit in Gemini, nihil fignificat hic. Si verò in Cancro, erit pluuiæ pauca. Si verò fuerit in Leone, erit mors hominum nimia ficcitas & locustæ pluuiæ mediocris, multæ aquæ & venti. Si verò fuerit in Virgine, erit vehemens frigoris cum inundationibus fluminum. Si verò fuerit in Libræ, erit impedimentum inter Reges & magnates, pluuiæ fupérflua mediocritas annonæ & meffium, ventus mediocris. Si verò in Scorpione, erit bellum inter Reges, & bubones, & mors plurium animalium, pluuiæ fupérflua & mortalitas magna. Si verò fuerit in Sagittario, erunt bella inter Reges pluuiæ mediocres, aquæ multa & ventus incessans. Si verò fuerit in Capricorno, erit mors mulierum regum, apparentia bubonum in quadrupedibus, pluuiæ multa, ventus incessans & detrimentum herbarum. Si verò fuerit in Aquario, erit pluuiæ fupérflua,



multum gelu , augmentum aquarum , fluminum , pauca tonitrua , eorum corruscationes & augmentum messium. Si verò fuerit in Piscibus , erit paucitas volatiliū , detrimentum aquarum , ventus incessans , & pluuia superflua.

Si verò eleuetur super Iouem & fuerit in Ariete , erit temperantia pluuiarum & aquarum , cum vento incessante. Si verò fuerit in Tauro , erunt multa bella , cum multis humiditatibus , & flatu ventorum. Si verò fuerit in Geminis , erit contrarietas inter Reges , plures homines & interfectio. Si verò fuerit in Cancro , erunt miracula in pluribus climatibus , mulieres se bene custodiri , dispersio vaticinatorum pugna , cum multa pluuia & augmento aquarum fluminum. Si verò fuerit in Leone , in parte Orientis & in terra Babylonis , erunt multa bella & multi venti. Si verò fuerit in Virgine , erit multitudo sapientum , pluuia superflua , paucitas seminum , & herbarum & multæ inundationes. Si verò fuerit in Libra , erit mors Regum , multi latrones , interfectio mercatorum ab eis timor in multis climatibus siccitas , cum ventis calidis. Si verò fuerit in Scorpione , erit timor & bella in plurib. climatibus , & orientales pugnare cum septentrionalibus ventus incessans. Si verò fuerit in Sagittario , erit pugna multa , timor , interfectiones , & combustiones domorum religiosarum , multæ pluuiæ , inundationes , cum destructionibus regionum. Si verò in Capricorno , erunt bella & dispositiones , quorundam Regum à sedibus , scandalum in pluribus regionibus , bubones mors in animalibus , vehemens pluuia , frigus , terræ motus fulmina , Si verò fuerit in Aquario , erit interfectio quorundam Regum & filiorum eorum , siccitas & multa pluuia , frigus , superfluitas magna fluminum terræmotus & boni redditus. Si verò fuerit in Piscibus , erit interfectio quorundam Regum & filiorum suorum , terræmotus , siccitas & fames in quibusdam terris , cum pluuiis & ventis multis , & magnis inundationibus.

Si verò eleuetur super Marrem & fuerit in Ariete , erit pugna & destructio maior partis occidentis , ægrotudines ex demoniis & febrib. & tussibus , pluuiæ mediocres , paucitas nubium vehemens calor , aqua pauca fontium , pauca messis. Si verò fuerit in Tauro , erit timor vehemens in diuersis regionibus , pugna , destructio , impedimentum , mors in hominibus præcipue in viris. Si verò fuerit in Geminis , erunt bella , nocumenta , mors multa ouium , pluuia pauca . & frigus vehemens. Si verò fuerit in Cancro , erit mors hominum , cum vehemēti terræ motu & calore. Si verò fuerit in Leone , erit pugna in multis terris , & præcipue inter orient. & occident. cum multa effusione sanguinis inimicorum regum , multa detrimenta in pluribus regionibus , humiditas , pluuia superflua cum terræmotu. Si verò fuerit in Virgine , erit timor in maiori parte regionum , & charistia vaticinantium , aquæ fluminum mediocres , cum temperantia earum. Si verò fuerit in Libra , erit multa nebu-

la , multa pluuia superflua , terræmotus , fulmina in principio temporis ei conuenientis paucitas in fine. Si verò fuerit in Scorpione , erunt bella , locustæ , corruptiones in eis , cum multis nebulis & pluuiis , & calore vehementi temporibus suis. Si verò fuerit in Sagittario , erit nimia mors ciuium occidentalium , locustæ superflua , pluuiæ & venti destructio reddituum. Si verò fuerit in Capricorno , nihil his significat. Si verò fuerit in Aquario , erit multa humiditas , mors in hominibus , & combustiones plurium regionum , charistia asinorum , pluuia superflua , multi ventus , & multæ messes. Si verò fuerit in Piscibus , erit multa mors hominum , pluuia superflua & bella , interfectiones , multæ hæreses , valor asinorum , multa messis , superfluitas ventorum & pluuiarum , mors ouium.

Si verò eleuetur super Solem & fuerit in Ariete , erit temperantia fluuiorum , cum mediocri augmento aquarum. Si verò fuerit in Tauro , erit mors mulierum , pluuia , ventus temperatus. Si verò in Geminis , erit siccitas multa in pluribus climatibus , paucae aues & beluæ , aquæ cum pluuia pauca & siccitate aëris. Si verò fuerit in Cancro , erit vehemens calor. Si verò fuerit in Leone , erit mors in ambulantiis , multæ locustæ cum ventis calidis. Si verò fuerit in Virgine , erunt multi redditus , multæ locustæ , multus ventus , multa pluuia. Si verò fuerit in Libra , erit ventus incessans , humiditas superflua. Si verò in Scorpione , erit pluuia superflua , & ventus incessans. Si verò fuerit in Sagittario , erit odium inter homines , venti & pluuia superflua , humiditas multa. Si verò in Capricorno , erunt bubones in quadrupedibus , pluuia superflua , ventus incessans. Si verò fuerit in Aquario , erunt bella & pluuia superflua , ventus incessans. Si verò fuerit in Piscibus , erunt bella & interfectiones regum , paucitas volatiliū & piscium , pluuia superflua , ventus incessans.

Si verò eleuetur super Venerem & fuerit in Ariete , erit pugna , multæ nubes & pluuiæ , & proficuum messium. Si verò fuerit in Tauro , erit bellum , humiditas multa , & forte temperabitur aër ventus incessans. Si verò in Geminis , erit bellum & odium in pluribus terris , multa mors imprægnantium , flumina multa cum superfluitate aquarum. Si verò fuerit in Cancro , erit nimia mors , & præcipue in , prægnantibus lippa & pestis in hominibus , bella , destructio legum & ecclesiarum , cum multis humiditatibus & nebulis. Si verò fuerit in Leone , erit mors in pluribus climatibus , sanguinis effusio , cum multis latronibus , prosperitas aëris , mediocris calor tempore suo. Si verò fuerit in Virgine , erit casus quorundam Regum à sedibus suis , bella & rumores terribiles in hominibus. Si verò fuerit in Libra , erunt bella , mors & flumina in pluribus climatibus , & pluuia superflua & aliquando temperata. Si verò fuerit in Scorpione , erunt bella & multitudo latronum , dispersio , militum , inter orientales & meridionales , multitudo ventorum & pluuiæ superflua. Si verò fuerit in Sagittario ,



sagittario, erunt bella in pluribus climatibus, multiplicabuntur infortunia, angustia, mors, cum pluvia, & vento temperato. Si verò fuerit in Capricorno, erit captivitas & mors in pluribus terris, abortus & mors Regum, frigus vehemens, & multa nebula, pluvia, casus, & mors peregrinorū & diluvia. Si verò fuerit in Aquario, erit bellum, pluvia superflua, multa tonitrua, corruscationes, inundationes, detrimentum messium. Si verò in Piscibus, erit bellum, mors in quarta hyemali in hominibus, pluvia superflua & ventus incessans.

Si verò eleuetur super Lunam & fuerit in Ariete, erunt multa pluvia, multi venti, & multa aqua. Si verò fuerit in Tauro, erit bellum in pluribus terris, cum multis pluviiis & inundationibus fluminum. Si verò fuerit in Geminis, erit siccitas multa in pluribus climatibus, paucitas piscium, cum flatu ventorum. Si verò fuerit in Cancro, erit humiditas aquarum & augmentum. Si verò fuerit in Leone, erit nimia mors in hominibus, locustæ & ventus incessans. Si verò fuerit in Virgine, erit ventus incessans. Si verò fuerit in Libra, significat meliorationem esse pluviarum. Si verò fuerit in Scorpione, erit mors nimia mulierum pluvia superflua, cum multo flatu ventorum. Si verò fuerit in Sagittario, erit dissidium inter homines, & pluvia superflua. Si verò fuerit in Capricorno, erit humiditas multa, inundationes & pluvia. Si verò fuerit in Aquario, erit bellum, pluvia pauca, & ventus incessans. Si verò fuerit in Piscibus, erit bellum, detrimentum aquarum, & humiditas pauca.

#### DE LVNA

**V**Ltimo loco Luna succedit quantumvis ut dixi, Veneris visio in illius obscuriore parte dubitationem aliquam de ordine eius reliquerit, sed ut dixi ratio aspectus, cum propè fuerint, declarat Venerem Lunam altiore esse positam loco, præterea enim motus velocitas, cum observatum sit, altiora quæque sydera tardius ex occidente in orientem moveri. At constat Lunam cum in viginti septem diebus, septem horis, quadraginta tribus, minutis, percurrat orbem signorum, eademque in totidem diebus, horis 13, minutis 8, parum peragret circulum: constat nunquam neque in orbe signorum, neque in parvo circulo tardius moveri, quam quivis alter planeta cum velocissime movetur. Magnitudo verò eius ad oculum comparata, cum maxime prope terram fuerit, æqualis Soli est, tuncque solum temporis momento prorsus obscurare Solem potest, secus semper minor & ob id nunquam aliàs ne vel sic amplius momento ipsum obumbrare potest, ut ait Ptolemæus. Quocirca dimetiens est partis propè mediæ, id est, minorum 30. eaque causa nomen luminaris sola, cum sola promeruit, scilicet ob magnitudinem aspectus. Cum præterea vel duo Canopi simul iuncti illius magnitudinem implere nequeant, habet & hoc peculiare, secun-

dum quod luminaris nomen meruit, ut sola in die quantumvis clara modò longius distet à Sole videatur. Tertium quòd lux eius adeò clara, densa & multa, sit ut in nocte non secus quam in die Sol radij eius per angusta foramina, columnæ instar videantur, umbramque efficiat manifestam, eademque efficiat ut homines negocia sua peragere possint, maxime cum plena luminibus fuerit. Quartum quòd in signis sit vultus illius imagine, cuius causam in libro Proportionum docuimus: licet præterea si non sit in coitu semper in nocte, atque dum est in opposito per totam, atque amplius fermè per horam. Gratia exempli sit: Sol initio Arietis cum occidit. Luna verò in initio Libræ illucescit, ergo ab occidente Sole usque ad orientem. Orietur autem Sol cum initio Arietis & occidente eodem: Luna verò tum erit in quarta decima parte Libræ, quæ antequam occidat, Luna rursus perficiet ipsam quartam decimam partem, adeò ut post ortum Solis per horam fermè & aliquando plus, ut cum fuerit in Aquario, Piscibus, Ariete & Tauro occidat. Habet igitur tres fermè dies quibus tota nocte luceat, seu quæto seu tæto tempore, quantum est noctis spaciū, scilicet diem plenilunij proximè antecedentem & consequentem, sed in sequente prius nox incipit quàm ipsa videatur, potentior igitur est Luna in diebus antecedentibus plenilunium, quàm sequentibus, habita similitudinis ratione, scilicet ut proximus proximo, tertius tertio, atque decimus decimo comparetur. In singulis igitur diebus plenilunium antecedentibus noctis parte aliqua lucet, scilicet ab initio, licet non tota nocte, post plenilunium autem postrema noctis parte, licet non ab initio. Habent etiam facies diuersas, sola hæc inter sydera plena quadrata falcata, cum est prope Solem, eaque parte luceat semper, quæ Solem respicit ante novilunium orientali post novilunium occidentali. Vera autem illius magnitudo est, ut sit globi terræ trigesima nona pars. Dimetiens ergo minor proportio quam septem ad duo est, tamen prope valde, scilicet, ut posita diametro globi septem partium, Lunæ erit duarum cum decima fermè, quare ut septuaginta ad viginta unum, & est etiam proxima ei, quæ est circumferentiæ circuli ad sua dimetiētem. Dimetiens ergo globi terræ & aquæ si circumduceretur Lunæ circumambiret ad vinguem. Anni eius maximi feruntur 520. maiores 108. minores 25. medij 39. certum est quòd in decem novem annis prope locum, in quo fuerat, eadem die atque hora fermè reddat, ut vix discrimen sit trium partium & est insigne. Quo fit ut unicuique mortali quædam similia post 19. annos sint expectanda, velut ego anno 1543. discessi è patria, fugiens bellicos tumultus anno 1562. fugi è patria illius aspectum iniisum non sustinens, anno 1544. muneri profitendi Medicinam Papiæ addictus sum, anno 1563. eidem in septem annos Bononiæ pari ratione. Præterea Lunæ peculiare est ut in superiore parte feratur ab oriente in occidentem, contra ordinem signorum, in inferiore autem iuxta e-



rundem ordinem, ab occidente in orientem, neque ipsa, neque Sole vnquam retrocedit, quod commune est atque peculiare luminaribus, vt possit appellare octauum commune. Latitudo eius tam Borealis, quam Australis est quinque partium ad vnguem & singulo mense peragrat, vtrunque ventrem & caput, & caudam. Monetur autem circulus latitudinis per tria ferme, minuta singulo die, & aliquando plus contra ordinem signorum, adeo vt in decem octo annis & 223. diebus, qui sunt ferme nouem menses, & ideo dodrans circumagat totum orbem signorum, eo fit vt decimus annus rursus quid constitutum habeat cum singulis hominibus, sed maximè causa his, quibus Luna potens est. Anni ergo reditus primum sunt, per circuitum decem nouem, & propter Saturnum trigessimus, qui comparatur primo, & quinquagesimus nonus, trigesimo, & sexagesimus trigesimo primo, atque secundo, atque ita deinceps nec non duodecimus propter reditum Iouis, atque iterum octauus propter Venerem, deinde singulorum annorum partes sibi inuicem respondent, sicut etiam in anno, vnde quidam mense Iulij alij Aprilis & eisdem penè diebus ægrotant, tristantur, negotiis implicantur, & similiter considerata tunc opposita loca. Contingunt enim in mediis circuitibus maximè potentes, & contrariæ prioribus actiones, vt sit exemplum in anno 22. facta observatione, plura quidem mihi similia contingent in trigesimo quarto propter Iouem & redditum locorum principalium atque insigniorum ad suum, puncta eadem & in 61. ob Saturnum, etiam in 51. ob Lunam bifariam, vt dictum est. Demum in 30. ob Venerem rursus contraria his in 26. ob oppositum Veneris in 28. ob oppositum Iouis in 37. ob oppositum Saturni. Non est autem idem in Luna ob causam dictam, atque enim peruenit prope oppositum suum in decimo anno, quoniam non est medium numero imparis. Iuxta hoc ergo, comparatione habita, anni ad annos sequentes, septem erunt consideratione digni. Quatuor similes tresque dissimiles lumen eius ad 12. partes circum circa extenditur, absis similiter ab oriente in occidentem in vno mense circumagitur, & ratione vt tantum recedat à Sole occidentem versus, quantum Luna à Sole versus orientem, ita fit vt tardius moueatur, absis ad occidentem, quam Luna ad orientem quantum est motus Solis. Sitque Luna bis in mense in sua abside scilicet, hora mediæ coniunctionis & mediæ oppositionis eius cum Sole & similiter bis in opposito eius, cum fuerit iuxta medias longitudes à Sole, id est, in quadratis, dextra atque sinistra. Quo fit vt Luna ea opereatur, quæ in capite de Saturno dicta sunt, cum planeta fuerit in opposito absidis eccentrici sui. Regit autem Luna tempus quod est à natiuitate, & vsque ad primos quatuor annos, ac meritò: mollissima enim sunt tunc corpora & humidissima & imbecillima, quo fit vt tutore indigeant potenti atque luminoso, vt calor eorum à cœlesti lumine foueatur. Verum quia tam facile ac repente mutatur,

delitescit, emergit, ideo in ea ætate accidunt multa præter spem, & vt repente moriantur, & spe salutis destituti breui conualescent, atque multa talia eiusmodi domus eius Cancer, & exaltatio tertia pars Tauri, trigonos habet duos velut & Venus ambosque nocturnos Tauri, Virginis & Capricorni, vbi in nocte primas possidet partes, in die secundas, inde secundas habet in Cancro, Scorpione & Piscibus, primas nunquam, sed & noctu tantum vt dixi: vnde primum carpentum eius est in Tauro in nocte, secundum autem in Tauro de die & in Cancro de nocte gaudet, & in tertio loco feminina est nocturna plebi præest, & his qui versantur circa aquas, & aquis ipsis, & quæ in eis degunt, maximè autem Canceris, & astacis, quorum corpora mutationem Lunæ sequuntur, & præ est mari, & æstus illius sequitur Lunæ motum, & dominatur his, qui sunt in aqua sicut Sol dominatur aëri, & quæ in aëre sunt, & maximè corporeis, præ est quoque cursoribus, natura verò calida est, & humida, & humidior quidem natura humana, cum verò non adeo calida sit, commodo frigida appellatur quo & Saturnus. Tres enim planetæ frigidi sunt Saturnus maximè, inde Mercurius occidentalis, post Luna, & Luna quidem gradu frigida est & vacua lumine. Mercurius verò frigidior est natura, sed mutabilis in contrarium tam lumine quam etiam natura, verum vt dixi mutabilis est, in vtroque Luna verò lumine tantum. Luna præterea defert omnes influxus & significata stellarum tam errantium, quam inerrantium ad hæc inferiora, vnde cum ipsa bene disposita fuerit dimidium ferme totius secreti obtinet, circa ea quæ leuiores sunt, parum conuenit cum Marte & cum Sole amica Veneri & Ioui, mediocris cum Saturno & Mercurio, vbi à coitu Solis discefferit calida est & humida, post illius quadratum calida & sicca, ab oppositione frigida & sicca, vsque ad quadratum ab eo, & coniunctionem frigida & humida præest, præterea manifestè cerebro & quosdam morbos peculiares in eo decernit, præsertim committiales, lunaticos & mobiles in opinionibus, & quam variis delectantur, & qui peregrinari cupiunt proprie significat.

Si ergo domina genitura fuerit & bene collocata, facit homines magno corpore, & bene composito, stabiles honoratos, ordinatos, honestos, multo cibo, & paucio potu gaudentes, nihilominus aquosis locis, & itineribus, & vitæ varietate, & habitatione extra patriam, proprie autem significat morbos cutaneos, & serpentes, vt lepram, & impetiginem, & oculorum detrimenta, & cum malè disposita fuerit, affligit vxores, & filios ingratos, minimè officiosos, publica laborantes infamia.

Si Luna feratur in vacuo per vacuum, nec alicui stellæ radiatione coniungat, nec cardines beniuolum sydus obsidet, faciet pauperes, deiectos, & qui ab omnibus sint necessariis destituti, & quibus quotidianæ vitæ subsidia denegentur, & qui ad sustinendam vitam, semper aliena præsidia desiderant, & qui paupertatis angustiam, misera mendicatione



tione sustineant. Erunt autē à parentibus infamiis inferiores, corpus verò eorum debile, languidum, & assidua macie confectum, impugnantur malignis humoribus, & assiduo tumore vulnerum fatigabuntur, sed illis intra cūtem malignus humor semper illabitur, articulis obligatus: præsertim si per vacuum currens, quam Græci cenodromen dicunt, ad Saturnum vel Martem quadrata, vel diame-tra radiatione pulset, vel si per vacuum currens, tertio natalis die à Marte vel Saturno, eadem quæ diximus radiatione fuerit pulsata, vel si maliuolæ stellæ, in cardinibus fuerint constitutæ. Verū si sic currens, id est, per vacuum benignolarum stellarum, fuerit radiatione coniuncta in prima ætate vacuos faciet semper & nudos, & assiduis faciet laboribus fatigari, & miseriarum assiduis rationibus quatit: maximis sudoribus, & maximis laboribus præsidia quærentes, & cum vicinos eos felicitatibus fecerit, à summo gradu caduca rursus facit deiectione delabi, & interdum vsque ad summum perductos, non patitur plenam apprehendere felicitatem.

Per vacua enim signa cursus suos dirigentes, primam ætatem facit miseris, ac variis infortuniorum casibus applicati, sed cū animū & corpus graui infortuniorum continuatione quassauerit, & multis inuentum periculis fregerit, & hac atque illac misera peregrinatione pertraxerit, tūc multorum bonorum, & maximè felicitatis decernit augmenta, vt quantum primo ætatis infortunio fuerit derogatum, tantum posteriori ætati felicitatis conferatur.

Si verò per vacuum currens Saturno, & postea se Marti coniunxerit, infelices, lunaticos, caducos faciet, & qui prima ætate vsque ad nouissimam, vario infelicitatis genere deprimantur, faciet pauperes, miseros, destitutos, & quorum corpus sit, malè pendentibus nudum, custodes sepulchrorum, & qui perpetua carceris poena claudantur.

Explicatis coniunctionibus Lunæ, & diligenti significatione monstratis ad aliam interpretationem transferatur oratio, ipsius scilicet, Lunæ, ne quid à nobis in tam subtilibus disputationibus prætermisum esse videatur. Præsertim cū tota vitæ substantia ex istius numinis cursibus colligatur.

Luna præterea in constitutionibus generalibus calorem non significat, nisi cum eleuata fuerit super Mercurium in Leone. Istud autem non est per se, nam quædam inueniuntur, quorum ratio non facile est perspicua. Velut de Saturno, qui cum sit frigidus, eleuatur tum super Martem in Ariete, vel Geminis, vel Leone, vel Sagittario, aut Aquario, significat ventos calidos, & calorem etiam magnum, sed & in Piscibus calorem sine ventis. Et ita super Solem in Geminis, atque Scorpione, sed tempore suo, & super Venerem in Cancro. Sic Iuppiter super Martem in Piscibus calorem & siccitatem. Et super Mercurium in Geminis ventos calidos: vt supra eundem Mars si fuerit in Virgine, vel etiam Capricorno, tempore suo scilicet. Et Mars in Cancro & Aquario supra Solem, longè maiorem calorem, quam

in Ariete vel in Libra. Idem supra Venerem in toto trigono terreo, & in Cancro magnos calores efficit. Sed in Tauro & Capricorno tempore suo, id est, in ætate & initio Autumni: in Cancro autem & Virgine, dum ibi fuerit.

Mars in Ariete & Leone, significat calorem magnum tempore suo, in Cancro dum ibi fuerit. In Ariete aut Sol super Martem, vel in Libra, calorem magnum, tempore suo: Velut & supra Mercurium in Cancro, vel Leone, quanquam parum differat tempus eleuationis ab Æstate. In Geminis autem multitudinem ventorum calidorum.

Venus autem Martem in Virgine, calorem valde auget super Solem in Leone, ventos efficit calidos, & super Mercurium in Cancro, calorem magnum in Æstate, quod etiam significat, in Leone & Scorpione, Mercurius super Solem in Cancro, vehementiam caloris in Leone, ventos calidos, at si ibidem fuerit validum calorem tempore suo, ista ergo contingunt, vel propter stellas, quæ ibi sunt natura ætate, sed non est perpetuum partim, ob quandam antiparistatim, sicut cum comparatur Saturnus, Marti vel Soli præcipue. Sed & Veneri, & Mercurio per accedens, vel propter naturam missionis.

Luna præterea (vt ad propositum reuertar) eum fuerit in Ariete, cum sola fuerit dominatrix, & fuerit eius significatio propriè super speciem humanam, significat cædes, inter Reges, & vulgum, & multa mala in hominibus, & latrones, multas angustias aduenientes regibus, propter inobedientiam militum, eorum eis multis gueris, & multum impedimentum ex lupis: bestiis verò quibus homines vtuntur eadem mors, & detrimentum. In aëre verò significat multas pluuias, & multas humiditates, & in aquis significat, multas inundationes, sed commissetur eius significatio: cum signo Arietis quam dos est æquidistans ei, significat inundationes fluminum, & diminutionem annonæ. Et si fuerit æquidistans Tauro, significat multas tristitias, & siccitatem, & dolores, & nocumentum aduenire hominibus, & multas pluuias, & vehementiam frigoris, & diminutionem annonæ, panis & potus, & fructuum. Et si fuerit æquidistans signo Geminarum, significat multas mortalitates, in hominibus, & aegritudines, & bubones, cum superfluitate pluuiarum, & cum destructione in vino.

Et si fuerit æquidistans Cancro, accident motus, & itinera regibus, & erit siccitas, & fames in hominibus cum paucitate pluuiarum. Et si fuerit æquidistans Leoni, significat renouationem regni, & permurabitur Rex, de regione ad regionem, cum prosperitate esse plebis, cum eo multam bestiarum venditionem, & magnum præmium earum, & prosperam dispositionem fructuum.

Et si æquidistans Virgini, significat salutem hominum, & aliorum, cum vtilitate bestiarum, & multitudine pluuiarum, & annonæ, & potus, & messium, & fructuum. Et si fuerit æquidistans Libra, significat eadem,



dem, cadere in regionibus, & permixtionem in regibus, & mortem, & tristitiam, quæ aduenient hominibus, multum bellum, & locustas, diminutionem vini, cum detrimento annonæ.

Et si fuerit æquidistans Scorpioni, significat multas contrarietates, & commixtiones, & ægritudines, & morrem, & flagitationes, & bella in hominibus, cum paucitate aquæ fontium, Et si fuerit æquidistans, Sagittario significat excellentiam regum, & prosperitatem nobilium, & detrimenta aduenientia, viris religiosi ægritudines, & cædem, & detrimentum animalium, & præcipuè animum, & detur multum annonæ, & destruentur redditus hæreditatis. Et si fuerit æquidistans Capricorno, significat utilitatem annonæ, & prosperitatem potus & victualium. Et si fuerit æquidistans Aquario, significat mortalitatem hominibus, multitudinem locustarum, & detrimentum redditus fructus arationis. Et si fuerit æquidistans signo Piscium, significat ægritudines euenire hominibus, & eos euadere ab eis destructionem nauium, & multitudinem pluuiarum, cum utilitate annonæ. Auctor verò nouem indicum in prima parte versus, finem ponit plura notabilia de significationibus Lunæ, quæ scilicet, significationes eius concernunt quæstiones & interuetera dicit vnum notabile, & est dictum eius. Messa. dicit enim sic Luna quia plus stellis omnibus affiniore terræ deseruit ad indicandum, & ex sui similitudine inuenitur utilior. Vides enim quod vniuersa mundanorum generatio germinantium, & humanæ propaginis serius à modico incipit, plus hoc congruum suscipit incrementum debitum, nouissimè sic inceptum finem, nec aliter de Luna datur intelligi prospera, namque & foelix vniuersa in sui prosperitate conseruat, corrupta corrumpit. In fortunis verò applicans contrarium iudicat. Item Luna propriam respiciens domum, & bene locata, negotiis effectum tribuit, & fortunam significat, & si malè collocetur contrariū significat.

Præterea Luna si super Saturnum eleuetur & fuerit in Ariete, erit mors, in quibusdam terris, & pluuiæ pauca. Si verò fuerit in Tauro, erit abortus prægnantium, paucitas messis, multæ pluuiæ. Si verò fuerit in Geminis, erunt multi milites, & pluuiæ superflua. Si verò fuerit in Cancro, erit abortus prægnantium, paucitas messis, pluuiæ superflua, humiditas multa. Si verò fuerit in Leone, erit abortus imprægnantium, pluuiæ multa, humiditas, & ventus. Si verò fuerit in Virgine, erit pluuiæ superflua, & multa humiditas. Si verò fuerit in Libra, erit mors, imprægnantium, humiditas superflua, & multæ messes. Si verò fuerit in Scorpione, erunt bella inter Reges, bubones, mors in pluribus bestiis, cum multis humiditatibus. Si verò fuerit in Sagittario, erit pugna inter Reges, & pluuiæ superflua. Si verò fuerit in Capricorno, erit humiditas multa, & superflua aquarum. Si verò fuerit in Aquario, erunt constructiones multæ, humiditas, & aquæ. Si verò fuerit in Piscibus, erit abortus imprægnantium, paucitas messis, plu-

uia superflua, & multæ humiditates. Si verò eleuetur super Iouem & fuerit in Ariete, erunt venti inuamentum eorum pluuiæ temperata, & ægritudines hominum. Si verò fuerit in Tauro, erit pugna, siccitas & pestis, in multis terris, pluuiæ & aquæ multæ. Si verò fuerit in Geminis, erit humiditas multas. Si verò in Cancro, erunt multi rores. Si verò fuerit in Leone, erunt multi rores. Si verò in Virgine, erit bellum & mors in multis terris inter Reges, pluuiæ superflua, multæ aquæ, & aliquando siccitates. Si verò fuerit in Libra, erit humiditas superflua. Si verò in Scorpione, erit pluuiæ superflua, multæ aquæ. Si verò fuerit in Sagittario, erit humiditas multa & superfluitas aquarum. Si verò fuerit in Capricorno, erunt multæ aquæ, & superfluitates. Si verò fuerit in Aquario, erit humilitas multa. Si verò in Piscibus, erit superfluitas aquarum, & pluuiarum.

Si verò eleuetur super Martem & fuerit in Ariete, erit humiditas multa. Si verò fuerit in Tauro, erit humiditas, & frigiditas multa. Si verò fuerit in Geminis, erit pluuiæ superflua, & humiditas. Si verò in Cancro, erit pluuiæ multa. Si verò fuerit in Leone, erit altercatio, & diuersitas aeris. Si verò fuerit in Virgine, erit humiditas multa. Si verò in Libra, erunt multæ aquæ, & humiditates. Si verò fuerit in Scorpione, erunt tonitrua coruscationes, & fulmina. Si verò in Sagittario, ciues orientales interficient occidentales mors, locustæ, & aquæ, & humiditas multa. Si verò fuerit in Capricorno, erunt multæ aquæ, & inundationes. Si verò in Aquario, erit humiditas superflua. Si verò fuerit in Piscibus, erit humiditas multa.

Si verò eleuetur super Solem & fuerit in Ariete, erunt pluuiæ, & tonitrua, & fulgura. Si verò fuerit in Tauro, erit pluuiæ pauca. Si verò in Geminis, erit humiditas pauca. Si verò fuerit in Cancro, erit humiditas pauca. Si verò fuerit in Leone, erit humiditas superflua, & multæ aquæ. Si verò in Virgine, erit humiditas multa, & multæ aquæ. Si verò fuerit in Libra, erit pluuiæ superflua, & paucitas aquarum. Si verò fuerit in Scorpione, erit pluuiæ superflua, & paucitas aquarum. Si verò fuerit in Sagittario, erit aqua superflua, & multa humiditas. Si verò in Capricorno, erit humiditas superflua. Si verò in Aquario, erunt coruscationes, & tonitrua. Si verò fuerit in Piscibus, erit multa humiditas, & coruscationes.

Si verò eleuetur super Venerem & fuerit in Ariete, erit ventus meridianus incessans, humiditas multa, & præcipuè in quarta æstuali. Si verò in Tauro, erit bellum, & mors regum, cum multis latronibus: abortus imprægnantium, præcium asinorum, mors bouum, tonitrua, coruscationes, paucitas messium, & seminum. Si verò fuerit in Geminis, erit flatu ventorū. Si verò in Cancro, erit humiditas multa. Si verò fuerit in Leone, erit pluuiæ, & humiditas. Si verò fuerit in Virgine, erit pugna inter ciues, pauperes, & latrones, abortus prægnantium, charistia asinorum, mors bouum, multa, humiditas aquæ paucitas,



paucitas messis & seminum. Si verò in Libra, erit prosperitas pluviarum, & humiditas multa. Si verò in Scorpione, erit pluvia superflua, & multa humiditas. Si verò fuerit in Sagittario, erit humiditas, & pluvia. Si verò fuerit in Capricorno, erunt belia, multi latrones, & abortus prægnantium, dispersio asinorum, mors bouum, siccitas & paucitas seminum, & messium. Si verò fuerit in Aquario, erit pluvia superflua, & multæ corruscationes. Si verò in Piscibus, erit pluvia, & humiditas superflua.

Si verò eleuetur super Mercurium & fuerit in Ariete, erit pluvia multa, & ventus incessans. Si verò fuerit in Tauro, erunt multæ natiuitates hominum, detrimentum herbarum, cum mediocritate pluviarum. Si verò fuerit in Geminis, erit pluvia temperata, & flatus ventorum. Si verò fuerit in Cancro, erit siccitas, fluminum mediocris, & ventus incessans. Si verò in Leone, erit mors hominum, humiditas pauca, ventus incessans, vehemens calor. Si verò fuerit in Virgine, erit pluvia, & humiditas mediocris. Si verò fuerit in Libra, erunt multæ humiditates, & inundationes. Si verò fuerit in Scorpione, erit pluvia superflua, multæ inundationes, apparitio stellarum communium in horizonte. Si verò fuerit in Sagittario, erit mors quorundam Regum, & ciuitatum, quæ sunt super littus maris aquæ & humiditas. Si verò in Capricorno, erit siccitas horizontis, & pluvia pauca. Si verò fuerit in Aquario, erit pugna inter quosdam ciues, & ventus incessans. Si verò fuerit in Piscibus, erit multitudo volatilium, & piscium, pluvia superflua & inundatio fluminum.

Luna præterea & quicuius alius planeta, significat secundum naturam propriam, velut Luna mutationes celeres, incrementa magna, varietatem euentuum, res ad speciem, plebeios, id est viles, pauperes, & imperitos, & foeminas, & pueros, & res parui momenti, & verba multa, & inconstantiam opinionum, & instabilitatem fortunæ, & tumultus. Et ita Sol cuncta diuersa ab his, vt res ordinata, diuturnas splendoras, à nobilibus, tractatas stabiles, tacitas. Et Saturnus, seniles, seniles, cum timore sordidas, occultas, difficiles, laboriosas, contemptum, tractantium infelices, quæstuosas, sed pauca tamen cum lucro, dolis plenas & inuidia, lentas, diuturnas, Veneris contrà fortunatas, lætas, sine suspitione, magni incrementi spontaneas. Et si idem planeta omnibus locis principalibus præfuerit, pluries finem suum natus cōsequetur, quia omnes illius actiones, ad idem tendent, & erunt vnius generis. Et cum erit fortunatus in vna re, erit fortunatus in omnibus, & similiter cum erit infortunatus in breui spatio, innumera infortuniorum genera experietur. Et si cui diuersæ præfuerint, non erit adeò efficax, & erit inferior illo, cui vnus tantum licet, habeat genesim foeliciorum, sed videbitur prudentior illo, quoniam erit similior cæteris: nam paucissimi sunt quibus præsit, vnus planeta omnibus locis principalibus & oportet etiam quod sit benefica, aliter esset miserrimus.

## DE COMETIS.

Cometæ sunt ex natura erraticarum & conueniunt in hoc, quod magnitudo earum sit comparata magnitudini regionis semper, & persæpe habitabilis, si diu durauerit, diu supra terram manserit, euident sit, & fulgeat multum maximas mutationes significat, & semper maximas calamitates: sed calamitas vnius est fortuna alteri, idè aliquando creditum est, quod bonum significare possint, & semper significant siccitates immodicas, & calores nimios, ex quibus vel tum, vel post succedunt pluiæ magnæ, & inundationes aquarum. Et quia exurunt humidum cum sint naturæ igneæ, perimunt Reges & tyrannos, & Principes, & sapientes, & lautè viuentes, & idè magnam partem hominum qui in pretio habentur, & quia torrent humores, idè efficiunt in plebe magnas cogitationes ex quibus sequuntur facta incredibilia. Et multi corripiuntur melancholia & fiunt alieni à communi more viuendi. Vnde oriuntur seditiones & facta horrenda, & sectæ, omnes Cometæ mouentur motu diurno ab oriente in occidentem, & ab occidente in orientem, aut conuerso modo tanquam essent retrogradi. Et in latitudinem absque norma, vt motus eius sit adeò magnus & velox quandoque, vt ratione definiri non queat. Et significant maxime originem & culmen mali in loco ad quem cauda tendit. Et formæ ac figura varia est, & numerantur nouem præcipuæ: Vera & est valde longus & tenuis forma illius, & comitatur Solem, & est horribilis, & est mistus ex natura Saturni & Mercurij, & corrumpit fructus, & segetes, & interficit nobiles etiam ac Principes.

Cœnaculum est valde magnum, longum & latum, quasi quadrilaterum, & est naturæ Lunæ, & significat afflictionem generalem, & sine discrimine magnam plebis consumptionem seditionesque.

Pertica est longa valde & magis quam Vera, & minus lata cœnaculo. Et isti tres habent stellam in capite inde crines ex aduerso Solis, sed pertica habet crinem crassum, densum, rotundum, & significat paucitatem aquarum & sterilitatem. Si præterea fuerit cum Saturno morientur plebeij & senes, præsertim si cum Ioue reges & sacerdotes principales: cum Marte, bella magna & cædes fortium virorum: cum Sole reges primarij: cum Venere, siccitas & sterilitas maxima: cum Mercurio morientur sapientes, & dantes operam rationibus, & qui sunt à secretis: cum Luna plebs, & est naturæ Martis & Solis, vel Mercurij.

Miles habet sydus magnum vt Luna pro capite radiorum, & solet peragrarare signiferum totum, & significat sectas & opiniones, & est naturæ Veneris, & significat etiam magnas siccitates, & significat foemineum genus, & adolescentes, & sterilitatem.

Asconas est parvus, cœruleus, cum cauda longa, naturæ Mercurij, & significat bella, & mortes principum, & significat morbos

acutos



acutos, etiam prodictiones & tyrannides, ac mala tempora, velut proscriptiones & similia.

Aurora seu matutina est rubra, & habet rubram caudam longam, sed non quantum asconas & est naturæ Martis, & significat æstus & ariditatem squalores, famem, bella, incendia, & maxime in regionibus calidioribus.

Argentum est caloris argenti puri, fulgidi, adeo ut vix oculus illius sustineat intuitum, & est naturæ Iouis, & significat mutationem regni & vitæ, quæ licet bona sit, sunt tamen cum multa perturbatione, & quantum sit ex se significat abundantiam frugum, & necessariorum, & temperamentum aeris, & illius salubritatem.

Nigra est naturæ Saturni, & est color eius caruleus, & significat pestem, & cædes, & mortem multorum.

Rosa autem est magna, & est instar faciei hominis mistæ ex aureo & argenteo colore, & significat mortes nobilium, & potentiorum, & mutationem in melius & est naturæ Solis. Et quando Cometes apparuerint cum eclypsi magna Solis præcipue significat successus admirabiles.

Et significata Cometarum sumuntur à magnitudine à vi sionis horis, à diurnitate à figura (quæ iam dicta sunt) à splendore & vigore, à loco motu à situ & aspectu à conjunctione, causa, errantibus & inerrantibus stellis, à tempore & à fixe & de situ atque aspectu iam dictum est. Et tempus quidè trifariam diuiditur anni, ut in Autumno pestem, in æstate bella magis significat, in Vene sterilitatem, in hyeme super aquas & siccitatem (licet & æstinè etiam significat super hoc (& super hæreses. Et si accidunt ut dixi hora eclypsis plus significant & plerunque exitium gentis, regni vel imperij, aut legis euerfionem: Et in tempore magnarum conjunctionum, tunc enim diurna mala erunt subsidia, & mala, generalia & magis exitialia. Et diximus etiam quod si diu apparuerint & ad tempus etiam pertinent hora matutina, & occasus. Et hic significat mala in occidente & minus euidentia, ut morbos sterilitatem terræ motus inundationes: ante ortum Solis autem bella imperiorum mutationes & legum, & res magis insignes, quæ ad principes etiam pertinent. Idem dico de splendore & vigore, nam effectus erunt magis perspicui, & efficaces, & in personis nobilioribus, & de rebus magis dignis vel ut honoribus, vita, potentia, religione, à magnitudine magni, & ut dixi maiorem partem terræ habitabilis occupabunt, ut contra si parui fuerint. Et à loco iuxta signa, vel extra Zodiacum: partem. n. significabunt, & si in angulis, & quibus fuerint & quibus cadent parum aut nihil sentient. Et ideo à magnis plurimi afficientur: participabunt enim angulorum natura in vnaquaque regione, at conjunctiones stellarum & loca signiferi, & tempus conjunctionis etiam aliarum stellarum inter se ostendent naturam effectus, & si sint extra Zodiacum non erunt generales orbi quia planetæ non opitulantur eis. Et si sint magni ibi terrebunt orbem & concutient, sed nō

obtinebunt. Et cum euauerint magnitudine & vigore significant rem non perpetuam, & si magnitudo deficit vigor manet, diutius durabunt effectus, & si diu durauerint quasi æquales & non desinunt, sed absconduntur vel sub terra & erunt maiores adhuc & diuturniores effectus, sed maximi & perpetui, si sub Sole tanquam reddituri: & repente etiam si desinant, & motus celeritas incrementi velocitatem ostendit.

#### DE FIXARVM STELLARVM qualitate.

Ostendam autem per exemplum significata fixarum non omnium, sed trium tantum præcipuarum, & quarum observatio fuit; in præsentī anno & ex his vna est, hircus primæ magnitudinis naturæ Martis & Mercurij, in auriga cum latitudine Boreali par. 22. min. 30. & contigit, ut die 26. Maij fieret conjunctio Solis & Lunæ, sex horis post meridiem in 15. par. Geminorum unde Sol & Luna fuerint, in septima domo, unde cum sit stella pluuiosa abundarunt pluuiæ per duodecim dies, adeo ut magnam iacturam fecerint, videreturque tempus hybernium & erat tempus frigidum, quia ibi erat Mercurius loci dominus, & Saturnus in Virgine radiis quadratis illum pulsabat, & fuerunt sine tonitruis & fuit res mira eo tempore, & Saturnus tunc fuit in principio suæ directionis, scilicet tardus motu & Borealis descendens. Luna verò fuit meridionalis, descendens, cum ergo istud tempus permanisset vsque ad triduum ante oppositionem sequentem luminarium, & facta fuisset oppositio in tempore sereno die 9. Iunij, factum est, ut die duodecima eiusdem cum Sol primo ingressus est Cancrum, ut Venus opponeretur Ioui. Erat autem Venus in tertia parte Geminorum cum lampade quam aliqui vocant Palicium, & ponitur naturæ Martis, & cumque sit non est hic locus disputandi cuius naturæ sit, sufficiat scire quod & ipsa pluuiosa est, cum latitudine meridiana partium 5. Iuppiter autem fuit in tertia parte Sagittarij, cum stella secundæ magnitudinis, quæ dicitur cor Scorpij, latitudinis quatuor partium, naturæ Iouis & Martis, & è Sole ex insignibus stellis in cælo, & maxime contentis in Zodiaco sunt oppositæ. Sunt autem ambæ nostra ætate paulo post tertiam partem sui signi, adeo ut non differant vel vno minuto, ita sunt ad vnguem oppositæ, & cum Iuppiter erat septentrionalis descendens, & Venus meridionalis ascendens, tantundem ferme ad vnguem, adeo ut esset exquisitissima oppositio, & cum motibus contrariis & fuit res mirabilis: & si quis rectè consideret sunt sex, magnæ habitudines, & principales. Prima est conjunctio Veneris cum lampade secunda est oppositio Veneris cum Ioue, tertia oppositio Veneris cum corde Scorpij, quarta oppositio lampadis cum Ioue, quinta oppositio lampadis cum corde Scorpij quamuis illa sit perpetua. Sexta est conjunctio cum corde Scorpij,

secundæ



cordis Scorpij significabat apertionem portarum. Oppositio verò fixarum non habet vim primum nouam, cum sit æterna, neque etiam possunt imprimere rationem effatu dignam in hæc inferiora, nisi per congressum planetarum, velut neque illi, nisi per Solem, aut Lunam, aut valde parum: vix tamen illa fixarum est valde magna, & mala. Coniunctio verò Iouis, & oppositio cum ipsis fixis stellis, & in loco cui dominabatur, potius significasset serenitatē, quàm pluias nisi fuisset retrogradus. Permanserunt igitur tempora illa non solum pluuiosa feruē per mensem cum dimidio, sed tota feruē æstas fuit nubifera, aded vt nescires vnquam quando pluere non deberet. Nihil aliud autem testat, nisi vt genesim (pro exemplo prædictorum) quam his diebus conscripsi pro nobili viro, subiiciam, quæ eiusmodi est. Nam & cū Venus in initio Leonis, ad Iouis trigonum rediisset, die penultima Iulij eiusdem anni, & Iupiter fuisset prope suam stellam, quoniam retrocedendo ad primam partem Sagittarij peruenerat, & iam steterat, & progredi vel modicum cœperat, tempus nubilosum cœpit, cum leui pluuia iuxta montium cacumina, & spirauit Cæcias, & post diem validior, fuitque Iupiter Borealis descendens, Venus autem Meridionalis ascendens, penē in suo capite, coniunctio igitur in orientis parte.

LATITVDINES.

(1533, die 8. Julij, hor. 21.  
mi. 3. post merid.

Altitudo Poli 44. 20.

M. D. R.

|                                   |   |    |    |              |
|-----------------------------------|---|----|----|--------------|
| Apheta pa-<br>tris & ma-<br>tris. | △ | Π  | 19 | vsque ad 30. |
|                                   | △ | Ω  | 19 | vsque ad 30. |
|                                   | △ | my | 8  | vsque ad 11. |
|                                   | △ | mo | 19 | vsque ad 30. |
|                                   | △ | μ  | 19 | vsque ad 30. |
|                                   | □ | mp | 8  | vsque ad 11. |
|                                   | □ | ϑ  | 8  | vsque ad 21. |

♀ velox. longit. Med.  
 ♀ Ret. lon. M. Tertius in fig.  
 ♂ velox. longit. Med.  
 ♂ Tardus apog. sec. in fig.  
 ♀ velox. Apog.  
 ♀ Tar. lon. M. Prim. in fig.  
 ♂ Tardus, prope lon. Me-  
 diam.

00

Loca







## DE PARTIBVS, NVMERO, sexu, naturali forma & nutritione.

**H**Æc omnia iam nota sunt ex visis, præterquam de parentibus causam reddere expedit. luminaria salua à maleficis, maxime ob Venerem, & etiam remota ab angulis, & dominus ascendens orientalis, & masculinus, & luminaria in signo vnus corporis. Sol cum Saturno infœlici imbecillum patri vitam significat, & cum peruenit ad quadratum Martis, mortuus est ex dissectione lapidis in vesica, & aliquid significauerunt Saturnus & Venus, vt dixi, cum Sole de hoc, & opportuisset videre figuras aliorum fratrum maxime primi & vltimi. Mater verò quæ per Venerem significatur, & ipsa imbecillis vt liquet & Luna cadit in octauo loco cum nodo australi.

### De fratribus.

Plures illi sunt fratres vt ex constitutione apparet, & mediocris inter illos, & cum illis concors, & vnus clarior, qui per Solem dominum 19. partis Arietis significatur.

### De spatio vite.

Apheta Sol & ascendens, vbique Mars multiplici ratione Anæreta, in 24. annis in 47. in 36. & 65.

### De corporis forma & corp. vitiiis.

Erit crispis capillis, magnus flauus, & ascendens & vix euadet, quin vitium in sinistro oculo patietur, ob Lunam in apice sextæ, nisi sit tardior.

### De Animi qualitatibus.

Luna Mercurium irradiat ipse Dominus ascendens & potens præsent locis. Iuppiter, Luna, Saturnus, ideo ingenij qualitates, & studiorum, & morum elegantiam ostendunt, hacque in parte præclarus erit, amabit occulta & diuinationem. Erit in quibusdam adeo pertinax etiam leuibus vt mirum aliis videatur in reliquis probandus.

### De opibus & quodam singulari.

Erit non solum diues, sed diuitiis clarus ob Solis statum, & Iouis ob concedita & præfecturas, ac sacerdotia & successiones, quas optiones vocant adierunt & hæreditates. Atque hæc si eiusmodi fuerit genesis, sed tum timendum est maxime à 58. anno, cum 19. partem Arietis Luna peruenerit, & cum ibi dominus ascendens reditus fuerit, ne in melancholiam decidat. Quod si contraxerit hoc malo haud erunt opes illustres, sed vix mediocres, quoniam domini earum erunt, Venus atque Luna cadens sub terra & solitaria altera infœlix. Tardior verò hora

vel quarta parte, Lunam, ad Pisces sortem ad Tauri signum Iouem, in casus locum ab angulo deducit. Ita nihil ex quaque parte beatum. Si ante quartam horæ manebit, hic idem status.

### De honore & statu.

Plusquam mediocris propter erroneas orientales à Sole & in angulo, non tamen valde illustis ob Solem, qui est in signo fœminino, nec in angulo, Luna verò etiam ab illo cadit & solitaria est, si paulò tardior multiplicatione, quo ad hanc partem melior esset vt liquet, non nihil habebit religionis ratione.

### De munere.

Mercurius est significator, & ideo intelliget pleraque, nec à studiis disciplinarum abhorrebit. Erit ei aliquid cum publicis administrationibus, & naualibus, & bellicis expeditionibus, & cum causis sacerdotum, & etiam de chymica aut machinis se introriet.

### De coniugio.

Luna satis impedita cadens sub terra solitaria, non valde prouum ad coniugium decernit, quod nullum erit, aut vnum, nec satis ornatum atque incundum. Mulieres tamen amabit, sed neque pro dignitate, aut non pro ætate.

### De filiis.

Filios habebit aut ægrè, aut si plures, quorum pars maxima in infantia ex conuulsione interitura sit. Videtur tamen eius facultas ad vnum vt ex eis peruentura: habiturus autem est potius fœminas quam mares.

### De amicis & inimicis.

Opes, dignitates mores & iudicium tum casus, præbent amicos. Plures igitur, ob priores quatuor causas est habiturus. De quinta causa Ptolemæus diseruit. Fidos etiam satis vt hæc tempora patiuntur. Habebit & Principem inimicum sub amici forma, à quo detrimenta circa fortunas patietur. Sed amicitiam cum sacerdotum principibus contrahet.

### De peregrinationibus.

Multas suscipiet peregrinationes ob Lunæ casum, non tamen valde longas, aut non diuturnas, in septimo enim loco & nono, neque Sol, neque Luna, neque Mars. Et ob inclinationem Lunæ & Martis, ad meridiem potius & orientem, quam occidentem, vel Boream erunt. Tempora 46. & 64. annus et erit propensus ad illa.



*De morte.*

**C**onsideranda loca 8. pars Virginis, & 8. pars Scorpij, anni 47. & 65. In omnibus Anæreta est Mars domini, Mercurius aut Mars, neque enim refert quis sit Apheta ad mortis qualitatem significandam. Amplius cum non sint commisti luminaribus, non significant publicam, cum non in angulis violentam, sed tamen à quopiam violento originem sumet, maxime illa 65, anni si ad eum vita extendetur. Erit autem acuta omnino, quoniam Mars est Anæreta & velox. Et si etiam dominus loci eo velocior, nam si contingit ut anno 47. obeat varia erit, & erunt defluxiones acres, & inferior pars ventris affligetur, & erit etiam circa collum affectus & circa pectus. Et oportebit tum reditus considerare, nam 47. anno Sol ad Taurum, Luna ad initium Capricorni ascendens ad Cancrum perueniet: at si Saturnus 48. ascendens perueniet ad Leonem. atque in eo erunt radij Martis & Saturni, & Veneris, scilicet in Virgine, & Sol ad Geminos, & conflictabitur à Saturni & Veneris loco, & Luna ad initium Aquarij, ibique quadrati radij Martis, & ideo si ingressus in huiusmodi loca fuerint erit aptior. Si verò eligamus annum 65. Sol quidem perueniet ad Scorpium, Luna ad Cancrum, & ascendens ad Capricornum, erunt ergo in eo omnia tuta: at si accipimus 63. perueniet ascendens ad Sagittarium, & transibit super opposita loca Mercurij, & Veneris atque Saturni, & Sol ad Libræ partem 26. & transibit super opposita Scorpij, & Luna ad Geminos in opposito Iouis, & ideo hic erit periculosior sequente iuxta reditus.

*De temporum diuisione.*

Alia est generalis, & est quòd ab ortu ad quartum annu non bene se habuit, Luna enim

afflicta est, à 14. ad 22. etiam male: Venus enim infelix est omnino, à 41. ad 56. deterius. Mars enim in octauo loco, & infelix, timores & labores, & impedimenta vndeque incutiet. Verum contraria ratione à quarto ad 14. bene ob Mercurium, & à 22. ad 41. optimè ob Solem, deget bene etiam à 56. ad 68. quo tempore non aberit, à spe satis euidenti sacerdotij. A 68. autem supra si excederet 64. annum, nihilominus ingruentes morbos, & tædia parum foelix vita erit, namque Saturnus natura malus, & cadens & combustus

Iuxta diuisionem autem temporum propriam Mercurius, significat latitiam & negocia, & 20. anno meliora euaserunt, aut circa (neque enim tempus perscriptum est, tum ob rationem dictam, tum ob tempus minimè exactum) & anno 45. & 64. Ut contra anno 56. plena mens curis & solitudine.

Cœli autem medium, significat dignitates, quæ ex negotiatione proueniunt, velut inter cedonis, cerdo si magistratu obtineat, aut contemnatur, aut prohibeatur à munere in anno 20. & 33. & 39. credos & 63. aut contra elidetur 31.

Solis autem commune ad vitam atque honores eos, qui casu adueniunt, seu nouas dignitates proprius annus 26. aduersus 58. 47. ad honores propitius aduersus vitæ, & forsan etiam secus si reditus non consenserint.

Ascendens in vita semper coramunicat, mali sunt anni 36. & 65. & qui his propè coniuncti sunt, ut etiam dixi.

Luna verò ob itinera & quotidiana negocia, fausta annis 23. 26. sed magis sub 33. infelix ut antea 58. foelix 68. sed incertum an attingere possit, incertius an tempus quod antea præfatus sum exactum sit.

Sors autem ob diuitias dirigenda fuit, prospera annis 23. 33. 64. vtile damnum, seu damnosa foelicitas, est enim ad oppositum Iouis, loco illi infesti.





# LIBER

## DE IUDICIIS GENITVRARVM.

### CAPVT I.

*De Planetis in singulis domibus, & de  
vi ac natura applicationis, ac  
separationis.*



**S**ATVRNVS solertiam significat, Iupiter prudentiam, ambo animum magis regunt, Mars robur corporis, & Sol agilitatem, ambo corpori dominantur, Venus gratiam circa mores, Mercurius actiones, Luna famam & diuitias, & sic fortuna maxime ab his inferioribus tribus regitur. Cum itaque prima domus significet corpus & animam, si ibi fuerit Iupiter, vel Saturnus, animum grauem habebunt, & ad magna intendentem, optimum in principibus, malum in priuatis. si Solem & Martem, erunt robusti corpore, & vita, sed Sol vere fouet vitam, Mars secundum speciem tantum si ibi fuerit Mercurius, vel Venus, in agendis gratiam optimum in priuatis, malum in principibus. Docebo enim infra, quod Saturnus & Iupiter fortunam administrant, cui ambo hi fuerint infelices, vix habebit aliquid in vitia sua, dignum laboribus suis.

Vt verò prima hoc significat, tanquam ex principio, & secunda fructum vitæ declarat, idest diuitias, & tertia, ea quæ sunt ad illas itinera & labores, sic decima significat statum vitæ, vt prima, vitam igitur vndecima quæ sequuntur ad vitæ statum, scilicet amicos & gaudia, & duodecima quæ ad hæc sunt, siquidem labores, tristitias, hæc enim quasi necessaria sunt, ad statum vitæ continendum aut parandum. Sic septima significat mortem & genus, & octaua hæreditates & funus, & qualitatem cadaveris post mortem, vnde etiam ex ea, in coniecturam qualitatis mortis deuenimus, quamuis hoc non proprie significet, significat septima mortem, quia opponitur primæ, quæ significat vitam, ideo etiam hostes, & inimicos, & vxorem, omnia enim nato opponuntur. Nona igitur ea significat, quorum causa hæc sunt, itinera & legem, nam homines propter mortem de lege cogitant, & iter suscipiunt propter votum, aut contentionem nam itinera diuitiarum causa, tertia significat, quæ primæ & secundæ inferuit. Sed quarta significat, quæ post nos sunt, igitur & prædia, & domos, & famam significat, & partem, vt rem antiquiorem, quare quinta significabit filios, & sexta significabit ærumnas, morbos, bestias, seruos, quæ omnia, in poste-

rum propagandi causa vel nomen, vel genus nobis aut necessaria sunt, aut nobis nolentibus eueniunt, antecedit etiam morbus mortem, vt sexta septimam. Sed quia domus quæ ab angulo remouentur, paruum vim habent, si sub terra sint, ideo tertiam & quintam maxima ex parte negligimus, alias consideramus.

Ergo Saturnus in decima, ærumnas & labores semper significat, & quanto apici propinquior, eo grauius affligit. Dicitur autem stella esse in apice domus, quæ illi coascendens, non plus tribus partibus distat ad anteriorem locum, aut quinque post. Planeta autem per quinque partes ante, vim retinet, post vsque ad 25. Dat igitur omnia ibi Saturnus cum difficultate. In vndecima dat amicos infidos, & segnes, paruumque voluptatem. In duodecima dat carceres, hostes occultos, pericula magna.

In prima autem domo, facit laboriosos, segnes, tristes, contumaces, fratrum primum efficit, vel aliorum morte, non pulchrum. Prima ætate, multas ærumnas præstat, in secunda indigere facit, etiam propriis alimentis diffidentem, rebus in quibusdam avarum, & generaliter infortunatum, in tertia vero sycophantas, hereticos, & malos affines, aut cum illis litigare cogit.

In quarta autem, fundorum custodem, & infidam fortunam, in quinta filios debilitat, quosdam etiam necat, in sexta graues & diuturnos morbos, ac quasi inseparabiles, nec non pericula, ac carceris vim minatur.

In septima Archicim, hæmorrhoidasque facit, malum animum, malos hostes. In octaua, auaros, sceneratores, mali animi. In nona, magnos philosophos, denique maximos decetores, facit etiam Sacerdotes & hereticos.

Iupiter in ascendente bonos, beneuolos, fidosque facit, ac ipse primus inter fratres erit, aut ab his honos ei deferetur. In secunda autem diuitias & omne felicitatis genus, in tertia mitigat labores, & vitam tranquillam affert.

In quarta autem auget patrimonium. In quinta felicem dat vitam, & filios, & amicos, minora tamen hæc sunt, quam in vndecima. In sexta verò morbos denegat, aut leues præstat, nisi fuerit dominus ascendentis, iumenta, & equos, & seruos auget, & meliora reddit.

In septima felix senium, & diuitias tunc. In octauo mortem quietam, & hæreditates, in nona Christianis sacerdotia pollicetur, versomnia, & sacrorum scientiam, honoresque multos decernit ac magnos.



In decimo loco, ætate media felices facit, & quibusdam in rebus principatum obtinere, in duodecima autem domo, inimicorum frangit incommoda.

Mars in prima, facit violentos, robustos, fortes, & qui signum ex ictu in facie contrahant, prodigos etiam, & libidinem suam explentes. In secunda dissipat patrimonium, ad egestatem reducit, periculis obicit. In tertia multa itinera ac labores: tum etiam impium, in omnibus autem his locis facit lusorem, & deorum contemptorem, & laboriosum.

In quarta patrimonium dissipat, pedum vitia facit, reditus minuit, facit & caducos, & insanos, ac miseros. Melius in quinto loco degit, nam filios, licet malos, decernit, & voluptates. In sexto vero morbos repentinos, & syderationem, infidos seruos.

In septimo malos mores & animum, & hostes, & vxores violentas, laboriosos, homicidas, conscios multorum scelerum. In octauo, angustias animi, æstum, turbas, finemque acerbum. In nono, sacrilegos, mendaces, impios, peregrinantes. Sed circa gloriam non est incommodus, honores namque non tam decernit, quam admittit.

In decima domo, si fuerit Mars, potentiam præstat immensam, pro sui generis conditione, sed totam iuuentam innumeris periculis atque laboribus vexat, raroque si ad senectam perueniunt, multa etiam inopinato ferentes incommoda, mortemque ut plurimum violentam. Sed in vndecima, felix est, cum nihil noceat, & tamen amicos non omnino fidos præstat. In duodecima autem infidos seruos, carceres, infamiam, debilitatque corpus aliquo periculo, incidentique infortunio. Semper autem Mars in his, in quibus non est proprius significator, egregie nocet, si tamen temperetur à bonis, magna etiam dona decernit.

Sol in prima, validam decernit vitam, oculos albescere facit, Iustos, & dignitatem suam retinentes. In secunda diuitias dissipat, magnificis apparatus. In tertia, religiosos, & affinis pro speritatem, & securam itinera.

In quarta, patri auxiliatur, & gloriam post obitum præstat. Sed in quinta, filios negat, datos tamen seruat. In sexta morbos plurimos efficit, & cordis debilitatem, honoribus infensus.

In septima nobiles dat vxores, potentes inimicos, vitæ finem clarum, & ob id antea vitam, bona fortuna illustrat. In octaua autem, patri breuem vitam, plerumque decernit, ipsi nato morbos & detrimenta corporis infligit. In nona facit Sacerdotes, religiosos, prædicendi vim præstat.

In decima potestatem magnam declarat, atque etiam in iuuenta. In vndecima amicos regum, & claros ac fidos viros. Sed in duodecima, carceres, tristitiam, inimicos, debilitatem corporis, aliis seruientes.

Venus in prima, facit pulchros, lepore sermonis gratos, sed vitis non paucis implicat, aut enim cinados, aut pædicones, aut adulteros facit, sed cum his vitis, ingenij diuini-

tatem quandam largitur. In secunda diuitias, & gratiam, & voluptates præstat. In tertia fidos, dissimulantes tamen, & qui secessibus gaudeant, forores donat. In quarta, auget patrimonium, reditus, gloriam. In quinta filiis auxiliatur, bonos, multos, sospites, dat etiam gaudia. In sexta autem ignobiles dat vxores, nec vnquam viris morigeras.

In septima, facit impuros, obnoxios vitis, atque ob id tarde vxores ducentes, ac per sæpe etiam ob ea steriles. In octaua, dat vxorem viduam, degenerem, sterilem, vel deformem, aut nullam. Semper tamen in septima, octaua vel nona, Venus felicem præstat senectutem, præter vxorum incommoda. In nona, facit diuinos, sacerdotes magnos, præstat somnia verissima.

Illud decet animaduvertere, nonam cum tertia, sextam cum duodecima, quintam cum vndecima semper sic conuenire, ut quæcunque in vno loco planeta decernit, licet minus, in opposito etiam positus pollicetur ergo tertia, secunda, prima in pueritia: duodecima, vndecima, decima in iuuentute: nona, octaua, & septima in senio. Sed & in his ordo, nam tertia, infantiam, secunda pueritiam, prima decernit adolescentiam.

In decima felicem iuuentam, ac segnem fortunam, tamen bonam, vnde plerique in senio miseri degunt. In vndecima hæc eadem, ut dictum est, sed minus. At in duodecima, turpibus ancillarum, meretricumque nuptiis alligat, eosque facit, qui fædis amoribus, non aliter quam fratre amisso, discruciantur.

Mercurius in prima, facit ad omnia habile ingenium, & qui commode cum hominibus versari sciunt. In secunda, malis omnibus modis, sibi incrementum substantiæ quærentes. In tertia itinera præbet, varios in lege sua, cultuque Dei, & diuinatores artibus.

In quarta variis turbat patrimonium successibus, occultarum scientiarum intellectum largitur, inde etiam obscurarum literarum interpretes. In quinta negociatores facit, qui tamen libenter conquiescant, bonæ spei. At in sexta, rationem turbat, laboriosos facit, vilibus rebus incumbentes.

In septima studium præposterum decernit, vxores vitiatas, inimicorum astutia multa damna patietur. In octaua facit stultos, tardos, malitiosos. In nona, dialecticos, rationales, mathematicos, diuinos, varia versantes.

In decima, facit in arte sua mirabiles. In vndecima verò circa voluptates studiosos, nitidos. In duodecima, eos qui mala re bene versentur, ingenium vero ad latrocinia, ad decipiendum, ad insidias commodum, quod idem præstat, quibusque planeta dominus ascendentis, in eo loco positus fuerit, quamuis sic posito ascendentis domino, frequenter contingat dare pœnas.

Luna, in prima domo si fuerit inuenta, mobiles ingenio, & instabiles facit, in fixis proditores, in mobilibus leues ac ridiculos, quam ego differentiam generaliter intelligi volo, quotiens planeta inconstantiam significat,



significat, nam & hoc Mercurius facit, cum velocissime mouetur, facit & bene semper fortunatos Luna in ascendente, sicut in secunda patrimonium fluctibus versat innumeris, non aliter quam pro facierum illius multitudine in tertia vero bonam facit educationem infantis, itinera multa.

In quarta fundos paternos vexat varietate sua, aquarum indicat possessionem, matrem ac patrem, diuersis rationibus turbat. In quinta multam prolem. In sexta, miseros, laboriosos, calamitosos, seruiles.

In septima tarde dat uxorem, & infinitis vexat tum periculis, tum incommodis. In octaua facit repente mori, quod illi commune cum septima est, mergit autem aquis libenter in octaua existens. In nona facit diuinos, sed quasi insanos, longa præstat itinera, mutatque legem quandoque.

In decima autem, turbatam ac fluctuantem dat iuuentam, variamque fortunam. In vndecima autem prolem, amicosque auget, sed non firmos dat, vnde etiam qui in quinta vel vndecima Lunam habent, multos filios fortiuntur, sed de paucis gaudium percipiunt, in duodecima tristitiam, mœrorem, breuem vitam.

Cum à planeta in planetam Luna defluerit, initio quidem, eius à quo defluit, opera & actus demonstrat, in fine autem eius ad quem defertur, velut in decimanona genitura Luna à Marte ad Saturnum fertur, initio quidem actus & opera iræ, & audaciæ, & temeritatis ac inconsulta ostendit. Successu callida, consulta, & plena doli. Vnde inimici occasione vtentes impræmeditatum aggrediuntur, cum iam præmeditato, nulla fallendi spes supersit.

Si autem à planeta in vacuum feratur, illius vires quidem ostendit, sed inefficaces effectus, quod si à nullo defluat ad aliquem tamen feratur, inanis quidem ac liber ab initio, sed in fine actuum planetæ ostendit ad quem defertur semina, vtrinque autem vacua inefficax est, ac rem re, negotium negotio permutans, quæ autem diximus de recessu & applicatione, in reliquis erraticis intelligi volo.

## C A P V T II.

### De Alfridariis.

**A**lfridaria, experimento & ratione constans, anni septem primi Lunæ, tunc corpus molle, & conuulsioni paratum, licet princeps dicat ad quintum vsque tantum. Septem sequentes vsque ad quartumdecimum, Mercurij, tunc fit agilis, & rationis capax. Septem alij ad vigesimum primum, Veneris, tunc fit formosus, & Veneris potens. Septem alij vsque ad XXVIII. Solis, crescere desinit, ob siccitatem, honoris agit curam, robur crescit. Septem alij ad XXXV. Martis tunc ad labores audaciamque vertitur, statumque roboris assequitur. Septem alij, Iouis, vsque ad XLII. tunc consilium, sapientia, & cura rei familiaris superuenit. Septem alij ad XLIX. vs-

que, sunt Saturni, tunc solitudine, & timore, & auaritia vexantur homines post reuertitur ad Lunam, vsque ad LVI. & incipiunt repuerascere. Vnde attonitus morbus maxime à XLII. ad LVI. annum aduenit, Luna vel Saturno dominante. Et qui in genitura felicem habet Planetam, feliciter agit, dum sub illius custodia anni labuntur, melius vero, si per reuolutiones recte se habuerit, vt in decimanona genitura, à XLII. ad XLIX. mediocriter sub Saturno, à XXXV. ad XLII. bene sub Ioue, à XLIX. ad LVI. male sub Luna. Harum igitur Alfridariarum, si genitura diurna sit, primus annus Soli, secundus Veneri, tertius Mercurio, sicque descendendo, vt vltimus Martis sit: Si autem nocturna, primus Lunæ, secundus Mercurio, atque sic ascendendo, donec Saturnus vltimus sit, dedicatur. Quamobrem vltimi climacterici, semper sunt infortunarum. Saturni in nocturna, Martis in diurna, vt septimus, decimusquartus, vigesimus primus, & alij deinceps. Vnde fit vt quinquagesimus sextus in nocturnis genituris propter frigiditatem Saturni duplicatam, & sexagesimus tertius, in diurnis, ob siccitatem Mercurij & Martis, vtroque subscribente iam ætate frigida & sicca, maxime periculosi sunt. Si tamen Saturnus in nocturna, aut Mars in diurna dominantur principalibus vitæ locis, nunquam melius se habebunt, quam his temporibus. Si autem quis moritur in climacterico Saturni frigida aliqua causa comes est morbi, etiam si calidus sit. Qui in climacterico Martis, causa aliqua calida, vnde plerumque in his acuta in diurnam versa. In aliis, ex diurna, cui acuta coniuncta est, moriuntur. Cum vero ambo domini, generalis & proprius, bene dispositi fuerint, natus bene viuet, etiam si directio mala occurrat, & quæ mortem significet, poterit enim anno integro produci vita. Sunt autem bene dispositi, vel genituræ tempore, vel reuolutionis. Directio autem non immutat planetas, sed solum loca eorum, plurimum autem potest in vita, valitudine, honoribus, ducenda vxore, & filiis procreandis, & in moribus, minimum autem in diuitiis. Alfridariæ igitur ingenij, sunt à septimo ad vigesimum octauum annum, medij tamen à decimoquarto ad vigesimum primum sunt debiliores, quia Veneris, & est tempus voluptatum. Alfridaria honoris, à vigesimo primo ad vigesimum octauum annum, cum tunc etiam vitæ obliuiscatur, laborum autem à vigesimo primo ad trigessimum quintum. Sed generationis filiorum à vigesimo octauo ad quadagesimum secundum, & hoc intellexit Plato sub obscuris verbis. Alfridaria diuitiarum, à trigesimo quinto ad quadagesimum nonum, tunc enim Iupiter ac Saturnus dominantur, à quadagesimo secundo autem ad quadagesimum nonum, est propriæ astutiæ & consilij. Post autem omnes retinent, vt dixi, aliquid puerilis, nam à quadagesimo nono ad quinquagesimum sextum nimis incipit timere, & laborare propter negotia, cum tamen minus sit aptus, & persæpe minus indigeat, à quinquagesimo sexto ad sexagesimum tertium fit nimis sollicitus, à sexagesimo tertio ad



septuagesimum incipit negligere facta sua, & conatur imitari iuvenilem ætatem, sui immemor, unde plerunque fit ridiculus à septuagesimo ad septuagesimum septimum incipit frustra confidere, de vitæ longitudine, cum sit iam proximior morti, & auget annos futuros & præteritos verbis, & gloriatur de peractis, & queritur se contemni à septuagesimo septimo ad octuagesimum quartum incipit aperte delirare, propter Martis naturam ab octuagesimo quarto ad nonagesimum primum fit ponderosus, & grauis, inutilis ad omnia, præterquam lingua à nonagesimo primo ad nonagesimum octauum iam fit frigidus, despectus & immobilis, carens iudicio & memoria. Nec credas quod dicit Haly, quod tunc renascantur dentes, cum ossa sint siccissima naturaliter, vt Galenus ostendit, verum aliquibus in pueritia tertio renascuntur, si contingat casu, osse illaso, nouiter renatum dentem excidere. Igitur à nonagesimo octauo anno supra non est aliquid dignum consideratione, sed homo viuit vt planta quasi, nec mutatio vitæ in eo apparet ad mortem vsque.

## CAPVT III.

## De proprietatibus stellarum.

**D**iximus aliàs in primo libro, paucarum stellarum vires, tum maxime insigniorum, hic autem vt de reliquis loquamur, tempus est. Itaque stellæ, quæ iuxta finem Sagittarij, tres, magnitudinis tertie, iuxta sagittam eius, velin ipsa, maximam habent vim, vt procreent homicidas. Si tamen bene constituentur, faciunt & duces & tribunos & iudices, omnes tamen mortis alienæ patratores, sed male, satellites, apparitores, carnifices, latrones. Si autem cum Sole, etiam in magnis viris regna decernunt, si autem illi humili loco sint, dignitates minores, regia, sortientur, proximus locus est, vt cum Luna, sed iaculo, quicumque sic habuerint, morientur, inde cum Ioue socientur, post cum Venere, cum Marte ancipites effectus, & graues produunt, post cum Mercurio, cum Saturno vero magna ferme semper infortunia decernunt. Hoc autem generale est ferme omnibus fixis: nisi aliqua peculiari ratione cum erraticis conueniant, aut illis repugnent.


Stellæ maximæ & lucidæ, honores & dignitates præstant, mediocres & minus lucidæ, diuitias, parua ingenium, si lucidæ sint vt enim magnum lumen nos impedit à studiis sic & sydera magna, nunquam ingenium perspicuum decernunt. Habetur etiam hoc ex erraticarum natura: nam Soli tribuimus potentiam, Ioui diuitias, Mercurio minimo planetarum sed splendido, ingenium.

Ambæ igitur caniculæ, decernunt regiam potestatem, locus in quo est virginis spica, & est pars decima septima libræ, cum ibi etiam sit æcturus in Boote, excellentem significat diuitiarum affluentiam, & quæ in ri-

ctu Capricorni, ingenium præclarum, sunt enim minima & plures, unde locus regius: & sunt splendidæ, & de natura Saturni ac Veneris. Si igitur hæ Mercurio, caniculæ Soli, spica Ioui copulentur, bene agitur, si autem hæ Soli, caniculæ Mercurio, adeo parum iuant, vt quandoque obesse videantur.

Et simiiter Stella tertie magnitudinis, quæ est in 11. parte Sagittarij, significat excellens ingenium, est enim de natura Saturni & Veneris ipsa, & iam vidisti hoc etiam inter Planetas, vt explicari in nostra genitura. Sed fixæ ostendunt hoc magis, & ego dabo tibi exemplum in hac genitura.

Hic humillimis ortus parentibus, vocatur Nicolaus, cum tamen exisset patriam, vocauit se Constantium, & sic pro Constantio agnoscitur Mediolani. Bononiæ autem pro Nicolao, eius familia de Symis. Frater eius de quo diximus in genitura trigesima quarta occisum fuisse à fulgure, dominus ascendentis erat Mercurius, cum ophiulci dextro genu



& Luna fuit cum cauda, ideo cum per inopiam vsque ad vigesimum octauum annum literas non didicisset, tantum valuit ingenio, vt literas humaniores mediocriter didicerit. Factusque Geometra, Arithmeticus, sed longe magis Astrologus inclytus, vt docuerit eas artes publice Mediolani, per aliquot annos & hoc facit Mercurij dispositio, cum stellula ipso existente domini ascendentis, ipse autem credebat, quod ascenderet ei sexta pars cancri, quia oblesi erant, & magni, & prominentes, sed hoc facit Luna inter pleiades, vt dixi: & Sol in constellatione capuli Sagittarij, vt etiam declarauit in quadragesima septima genitura, & ideo amisit quasi visum, imò amitteret omnino oculum antequam moriatur. Ideo vides quod nostræ regulæ sunt verissimæ alij vero nugæ agunt. Mars autem in trino Lunæ, & ipsa vt dixi cum cauda, dant ingenium acutum in condendis astronomicis instrumentis, & in hoc fuit valde mirabilis, & quia Sol fuit in illa constellatione, habuit vim vt faceret ipsum publice docere, quamuis non esset doctor: & quia erat humilis fortunæ, & Luna habuit potestatem in ascendente, & Sol non fuit in aspectu fortunarum, significauit, quod non perseveraret in hoc, nec in vlla alia conditione, quæ ad dignitatem attineat, & quia Luna erat in duodecimæ finibus



bus in trino Martis significat vagabundum, permutantem genus vitæ, malam existimationem & in vitæ toto decursu infinita inconuenientia. Et debilitas huius genituræ est, quod caret aspectibus omnibus, nisi trino iam dicto, & natalium humilitas. Stellæ de natura Mercurij, & maxime quæ in pede geminorum, immensam gratiam & leporem, si cum Venere iungantur præstant. brachium finistrum antecedentis gemini, & genum finistrum sequentis gemini, si cum Venere fuerint, hominem omni libidinis vitio implicent, deorsum Leonis cum Mercurio iunctum, præclarum studiis facit, est enim naturæ Saturni & Veneris.

Dexter humerus Orionis, & dexter humerus aurigæ, cum Ioue, magnam felicitàtem, cum Sole, illustre nomen, cum Saturno, magnam diligentiam & sedulitatem præstant.

Vultur volans, cum Luna, magnam præstat felicitàtem. Sol cum ceruice Leonis, vel alia naturæ Saturni, vel Saturnus cum Spicæ & Boote, magnum significant infortunium: in eo genere, in quo ipsi Planetæ aduersantur, ut si vitæ, in vita: si diuitiis, in eis, nam præter id quod Saturnus per se malus est, plurimum tamen Soli aduersatur.

Stellæ de natura Mercurij & Veneris potentes, ut lucida coronæ cum domino ascendente, venenum minantur, idem cor Scorpij, & cauda eius quæ est in decima septima parte Sagittarij.

Caput Serpentarij cum Luna, vel domino ascendente, violentam decernit mortem, & malum animum ac insidum.

Stellæ de natura Iouis & Martis, in humili fortuna cum Sole, aut de natura Veneris & Mercurij cum Sole, in principe, magna declarant detrimenta, illum enim præcipitem agent, hunc humilibus studiis, aut luxibus implicatum, magnis subiicient incommodis.

Fomahant splendidissima aquarij & reliquæ de natura Veneris & Mercurij, post illam, æternam memoriam donant.

Quæ sunt in collo Tauri, cum Venere vel Sole, suauis eloquium præstant, & gratiam condendi carmina, & auctoritatem augent.

Venus cum Scorpij corde, facit muscos præclaros, aut poëtas, idem cum syderibus quæ sunt de natura Iouis & Martis insignibus.

Luna cum capite Algol, Biothanatos facit, idem cum dextro latere Persei, cum pede vel cingulo Orionis, vel cum luminosiore lancis borealis, vel cum crure vel dorso Pegasi, vel iuncta corpore cum sequente de duabus quæ sunt in cauda Capricorni.

Stellæ de natura Mercurij vel Martis vel Lunæ, cum Sole, auferunt dignitates & gloriam, Iouis & Veneris augent.

Stellæ de natura Mercurij, vel Mercurij & Martis, vel Mercurij & Saturni, cum Marte, augent illius mala decreta.

Mercurius cum stellis de natura Saturni & Iouis, prudentes & cogitabundos facit.

Luna, si cum stellis quæ in collo Capricorni & iuxta illius caudam fuerit, repentina mortem nunciat.

Eadem cum luminosiore lancis meridiona-

lis, mortem ex sanguinis, profluvio denunciat, eadem stella in occasu, facit hemorrhagiam.

Luna cum stellis quæ sunt in aqua Aquarij, & sunt à quarta piscium parte ad decimam, vel cum alia constellatione de natura Saturni, facit stultos.

Cingulus Orionis cum Sole, damnat oculum, idem cum Luna. Sed si planetæ ipsi dominantur ascendenti, priuat ex toto altero eorum.

Stellæ extra formam Scorpij, & in pede Ophiulci, si cum domino ascendente fuerint, & ipse cum Sole: publicè lacerabitur corpus eius, ipse vero erit moribus inconstans, & proditor.

Stellæ quæ proditores faciunt, sunt Martis & Lunæ vel Martis & Saturni, vel Martis & Mercurij, vel Saturni & Mercurij.

## C A P V T IV.

### De Directionibus.

PRO directione cordis cœli, & eorum quæ in illo sunt, sume differentiam significatoris & promissoris, in tabula ascensionum rectarum. Pro directione ascendente & eorum quæ in illo sunt, sume differentiam Significatoris & Promissoris in tabula obliquarum ascensionum. Si vero fuerit Significator inter cœli medium, idest cor cœli & ascendens, sume illius differentiam à corde cœli, in tabula ascensionum rectarum, quam diuide per differentiam ascensionis rectæ, medijs cœli & ascendente, quod exit, est pars horarum, inde detrahe ascensionem rectam significatoris, à recta promissoris, obliquam ex obliqua, & harum differentiam duc in partem horarum, quod exit, adde differentiam ascensionum significatoris & promissoris rectarum. Si talis differentia est minor differentia ascensionis obliquarum, vel minue si sit maior, & quod relinquitur, est directio quæ sita. Quod si Significator est inter ascendens & cœli imum, minue obliquam ascendente ascensionem, ex obliqua medijs cœli imi, idest anguli quartæ domus, & cum eo quod exit, diuide differentiam ascensionum obliquarum ascendente & significatoris, quod exit, est pars horarum, inde detrahe obliquam ascensionem significatoris ex obliqua promissoris, & rectam ex recta, & differentiam harum multiplica per partem horariam, quod exit, adde differentiam obliquarum ascensionum significatoris & promissoris, si talis differentia est minor differentia rectarum eorundem, vel minue, si maior, & quod colligitur, est differentia quæ sita, seu directio. Si vero significator fuerit ab angulo quartæ ad angulum decimæ, vbi cunque fuerit, siue in ipso angulo quartæ, seu in quarta vel quinta vel sexta vel septima aut octaua aut nona, operatio tua erit ad vnguem per puncta opposita significatori & promissori. Exemplum. Volo dirigere sextilem Iouis dextrum decimanonæ genituræ, qui est in partibus 3. min. 27. piscium, cum australi latitudine, idest partis ad cor cœli,



cœli, accipio rectam ascensionem sine latitudine par. 18. min. 46. Capricorni, quæ est par. 290. min. 20. quam minuo ex recta loci trini, inuenta sub latitudine, 1. par. australis, quæ est par. 335. min. 46. relinquuntur par. 45. min. 26. & sunt anni 46. mensis 1. dies 1. nam cuilibet parti cœli correspondent annus unus dies 5. hor. 8. Et ita in annis 23. & 24. peruenit trinus Solis & Martis, ad cœli medium, & fui rector Gymnasij primo, post Doctorem, & in annis 34. trinus Veneris & Mercurij perueni ad eum locum medij cœli, & habui Collegij societatem.

Exemplum secundum. Volo locum Martis, ad ascendens & Ionem dirigere, ascensio ascendens obliqua est par. 19. min. 46. loci Martis sine latitudine (quia pro vita nolo computare) par. 46. min. 29. differentia par. 26. min. 43. anni 27. completi, quo tempore habui acutam febrem.

Exemplum tertium. Volo dirigere Martem ad Lunam vitæ significatricem. Recta ascensio cœli medij, par. 290. min. 35. nam pro horarum partibus non curamus minutias ingressus, recta Lunæ par. 343. min. 9. differentia, par. 52. min. 34. diuide per par. 103. min. 15. differentiam rectorum medij cœli & ascendens ascensionum, exit mi. 30.

| Rectæ   |         |
|---------|---------|
| Martis  | Lunæ    |
| 69.49.  | — 343.9 |
|         | 86.40.  |
| Obliquæ |         |
| 46.34.  | 350.8.  |
|         | 56.26.  |
| 130.14. |         |

fec. 30. partes horarum, loci Lunæ, idest quanta portio hæc est 60. min. tanta est distantia loci Lunæ à cœli medio, ipsius distantia ascendens à cœli medio per partes ipsius æquinoctialis, sume igitur differentiam ascensionum rectorum Martis, & Lunæ & obliquarum, ut a latere vides, harum differentiarum differentia est par. 30. mi. 14. duc in partem horarum, exeunt par. 15. mi. 20. quas minuo ex differentia rectorum, quæ maior est, relinquitur directio quæsitæ par. 71. min. 16. anni 72. &c. Et cum peruenit quadrata radiatio Saturni ad Lunam in annis 8. & erat reuolutio pessima, fui relictus pro mortuo, & cum sextilis Saturni ad eandem, in initio anni 30. fui tabificus, & durauit morbus per duos annos, donec oppositum Veneris & Mercurij ad illam peruenit.

Exemplum quartum, dirigam trinum signum Lunæ in par. 11. min. 42. cancri, cum boreali latitudine par. 2. min. 10. ad Martis corpus, differentia obliquarum ascensionum Martis & ascendens, par. 26. mi. 43. differentia obliquarum imi cœli & ascendens, par. 66. min. 46. facta diuisione, prodeunt min. 24. partes horarum, differentia autem ascensionum Martis & trini Lunæ rectorum, par. 33. mi. 8. obliquarum, par. 28. mi. 32. differentia harum, par. 4. mi. 36. ducta in 24. mi. exeunt, par. 1. min. 50. addita par. 28. mi. 32.

quia obliqua est minor, quam recta, sunt par. 30. mi. 22. anni 30. menses 9. dies 24. quo tempore duxi uxorem, id est anno 1532. die 18. Iulij, & sic apparet quod ad vnguem inferuiunt, in mensibus etiam & diebus.

Exemplum quintum, dirigatur oppositum Iouis ad Venerem, in medietate cadente, dirigemus locum Iouis ad oppositum Veneris, qui est par. 23. mi. 3. Artetis cum latitudine Australi, par. 9. mi. 52. & habebimus quæsitum.

Et ex hoc habebimus circulum positionis cuiuslibet Stellæ, nam quare eius veram ascensionem, modo priori habito, & quare in qua poli elevatione hoc idem accideret, & habebis circulum positionis illius. Exemplum in eadem genitura, ascensio recta Lunæ fuit par. 343. mi. 9. obliqua par. 350. mi. 8. partes horarum Lunæ inuenta min. 30. sec. 30. due in differentiam, quæ est par. 7. min. 0. sunt par. 3. mi. 33. quas adde par. 343. mi. 9. sunt partes 346. mi. 42. Propria Lunæ ascensio in eo loco, quæro igitur in qua poli elevatione, partes 346. min. 42. correspondent partibus 11. mi. 42. piscium, & inuenio quod in elevatione poli 26. partium, igitur dico quod super circulum Lunæ polus eleuatur par. 26. In stella autem quæ magnam habeat latitudinem est difficilius, tamen pro hoc Monteregius consulatur in problemate 20. de directionibus.

Et ex hoc tertio habemus, ad quem locum perueniat quilibet annus. Exemplum. Volo scire quænam signiferi pars ad Lunam in annis 45. perueniat, tu scis quod anni 45. sunt par. 44. mi. 20. Has igitur addo propriæ ascensionis Lunæ, quæ fuit par. 346. mi. 42. sunt par. 31. mi. 2. quibus sub elevatione poli positionis circuli Lunæ correspondent part. 11. mi. 3. Tauri, iuxta caput draconis, & eodem modo eueniet, si conuersa ratione operatus fueris, nam cum par. 11. min. 3. Tauri ad Lunam deduxeris, fient par. 44. mi. 34. quare nos volumus par. 44. mi. 20. detrahemus igitur par. 0. mi. 14. differentia, & relinquuntur par. 10. min. 50. Tauri, vel circa, non enim tantam subtilitatem curamus. Causa differentia est, quia eleuatio poli cum qua operati sumus in prima operatione, est par. 45. & in secunda est par. 44. & etiam polus eleuatur super circulum positionis Lunæ par. 16. min. 30. & nos supposuimus eleuationem poli par. 26. solum, quia non curamus.

Cumque significator aliam partem possederit latitudinis à promissore, vel ex eadem parte fuerit, sed maiorem aut æqualem habuerit latitudinem cum promissore, minor effectus apparebit directionis, quia corpus ad corpus nunquam perueniet.

Cumque significator & promissor fuerint à decima ad septimam, dirigemus etiam iuxta Ptolemæi sententiam promissorem ad significatorem iuxta horarum partes & ascensiones ipsius promissoris.



## CAPUT V.

*De significatis directionum, & modo.*

**D**iriges Saturnum pro mundi mutationibus, & alios planetas, dando cuique parti, quantum Saturnus in vna die peragrat, id est mi. 2. sec. 1. annum vnum. In vita hominis, vt dixi, vnicuique parti annum vnum & dies quinque, & octo horas.

Cum vero agitur de vita scias quod locus stellæ in ecliptica significat mortem, locus autem stellæ latitudine adiecta significat causam morbi vel mortis. Et ideo aliqui morbi durant per annos plures & hoc si causa mortis à Sole decernatur, aliter totidem menses, vel partes mensis, si à Luna. Et causa huius est, quia vita constat in omnibus animantibus per Solem, & Sol semper sub ecliptica mouetur. Quod si locus eclipticæ fuerit ante locum corporis planetæ, vt in australi latitudine, tunc causa mortis erit à loco in ecliptica, & mors à centro planetæ, & hoc declaravi in libris aliis, quia hic esset longum dicere causam huius diuersitatis.

Ex hoc patet, quod Sol semper significat cum fuerit occisor, repentinam mortem, & etiam stellæ quæ sunt sub ecliptica, & omnes radij quadrati, nam & ipsi in illam semper incidunt.

Rursus cum reuolutio Lunæ directionem peregerit, dabis singulis par. 13. mi. 10. diem vnum, aut mensem vnum lunarem dierum 27. horarum 8. vel coniunctionis dierum 29. horarum 10.

Et eodem modo in directione Iouis, dabis vnicuique parti annos 12. ferme, vt in regnis, & imperiis & religione, & vrbibus: in regnis tamen & imperiis, Mars maiorem vim possidet.

In omnibus aliis rebus à vita, computa latitudinem in dirigendo pro tempore habendo. Considera etiam, quod effectus quilibet eo euidentior est, seu in vita seu in aliis, & eo celerius perficitur, quo stellæ eclipticæ proximior fuerit.

Directiones quæ Alfridariæ concordant, effectus suos producant, aliæ autem non, nam infanti directio eueniens filij generandi, nulum talem producit effectum, sed forsan aliquid proportionale impossibile tamen est elidi omnes directiones, plurimas & optimas sepe contingit, nam aliæ infantibus, aliæ senibus, aliæ ægrotantibus, aliæ captis vel aliter impeditis eueniunt, quot hominibus prouinciæ honeste oblatae sunt, eò tempore, quo morbo detenti, renuere illas sunt coacti igitur omnes facere conuenit directiones, quæ citra mortis tempus venturum effectum indicant. primam igitur pro vita perficere necesse est.

Loca ad quæ diriguntur sunt decem, septem planetarum, ascendens, cordis cœli, & coniunctionis vel oppositionis quæ genituram proxime anteceffit. Loca quæ diriguntur sunt 8. Loca septem Planetarum, totidem opposita, septem dextræ radiationes qua-

dratæ, septem trigonæ, septem sextiles, totidem etiam sinistræ quadratæ, trigonæ, sextiles, quisque etiam planeta locum suum spectat in quo vel eclipticam secuit, ad boream veniens, vel ad austrum recedens. Hæc caput & cauda draconis dicuntur, validissima Luna, post Veneris, post Mercurij post Iouis, inde Martis & Saturni.

Cum planetæ corpore vel radiis colligantur, vel in angulis fuerint, effectus suos producant, etiam in prima ætate. Si verò quis viuat vsque ad mediam ætatem, experietur effectus Planetarum, non solum in angulis sed in succedentibus existentium. Si vero senex vixerit, etiam existentium in cadentibus domibus, planetarum vim experietur.

Fixæ autem effectus obscuros producant, nisi cum planetis iungantur, aut saltem illorum illustrentur radiis. Validissimus planetarum est Luna, nam earum effectus cum illis iungitur. Prima ætate demonstrat, post Venus, inde Mercurius, celerius his præter Lunam, Sol, serò tamen. Mars tarde, Iupiter tardius, Saturnus extremo senio. Caue tamen, quoniam in propriis significatis, Planetæ illico quasi suos effectus ostendunt, vt si Ioui cauda cigni iungatur, in diuitiis & filiis celerem, in aliis causis, quæ ad Iouem non proprie pertinent, tardum euentum producant.

Diximus promissores, qui sunt inter septimum & vndecimum locum, duobus modis dirigi, & per ascensiones significatoris & promissoris, igitur hæ directiones quasi solum dimidiam vim habent.

Cum volueris habere rectum iudicium in his, omnes propinqui temporis directiones considera, velut si cui contingat directio quæ significet prodicionem, alia carcerem, alia mortem, alia infamiam: dic quod prodicionis accusatus, plectetur morte publica. Sed si ordo non seruetur, vt si directio mortis præcedat directionem prodicionis, & carceris: tunc duplex erit iudicium, vnum quod morietur ante hæc: aliud, quod quasi simul hæc euenient. Si autem mortis publicæ appareat directio, causæ autem non videantur, tunc si debile erit, non perficietur, Si validum, perficietur causa iuncta, velut si sit Saturnus occisor ex Leone in decima, erit insidiis alicuius senis præpotentis.

Dispositores præterea seu domini locorum significatorum, augent in promissis, & minuant in abscisionibus, si locum significatoris aspiciant. Domini loci promissorum, si significatorem vel eius locum aspiciant, vel ipsum promissorem, qualecunque sit significatum, ipsum augent. Si locum ad quem directio peruenit, adhuc magis. Si locum promissoris, non promissorem, qui ab initio est genituræ tempore, nihil iuant. Significator per reuolutionem rediens ad suum locum, hora directionis minuit abscisionem, auget promissa, promissor si ibi cadat, semper auget. Reliqui planetæ iuant, si boni sint, & maxime in loco ad quem peruenit directio. Si planeta iunctus fixæ, in loco promissoris ab initio existenti, aliquo anno fuerit, directionis effectum ad finem perduceret, vt si  
abscisqz







Et quia Luna significat statum & famam, & Mars respicit eam ex Virgine, cadam ab aliqua dignitate. Et ita præter omnium spem, dimissus sum ab officio legendi Papiæ, hoc anno quamvis omnia fecissem, quibus deberem illis, si grati fuissent vel si omnino viuerent gratus esse, hoc autem fuit, quia ego volebam pecunias præsentaneas, quas illi dare non poterant, ita apparet, quod hoc fuit causa mea, nam Mars est dominus ascendentis.

Et quia Mercurius & Iupiter in genitura sunt significatores substantiæ, & promissor est Venus, & hi tres sunt in trino ac sextili, hoc anno aliquid inchoabo, quod erit causa lucri non mediocris, & de hoc ego nullam video viam, sed quia ut dixi, significator peruenit ad locum promissoris, & Venus respicit ipsum de sextili, ideo non frustrabitur hoc, nisi præueniat inconueniens, tum maxime ob cor Leonis.

Et quia Iupiter cadit in opposito Saturni genituræ, patiar magnam iacturam in diuitiis, occasione rerum quæ à Saturno pendent.

Et quia Mars respicit Iouem quadrato aspectu, adhuc magis fiet iactura in pecuniis, per manus hominum: & habebō contrarietates, quibus non sunt passus in vita mea similes. Et significatur iter extra patriam, quia Mars est dominus ascendentis, & peregrinus, & in trino Lunæ.

Et quia Saturnus respicit Solem, & recipit eum, ideo à senioribus & studiosis defendar, & in honore habebor.

Cum igitur Planeta existens in malo alterius aspectu, & non recipiens eum, venerit ad aspectum malum, clara est expositio, si autem ad bonum, non receptus, ut hic, Luna ad Martem, nihil boni expecta. Si autem fuerit etiam receptus, erit ut inimicus reconciliatus, tunc igitur trinus potens, aut sextilis non receptus, occidere aut in exilium mittere potest. At si illi se aspiciant in genitura bono aspectu, in reuolutione malo, & fuerit alter ab altero receptus, magnum bonum pollicentur. Si autem non recipiant, amboque boni extiterint, vel saltem amici, tunc adhuc iunabunt. Si autem inimici nec recepti, tunc nocebunt in eo genere.

Recipit Planeta, cum promissor à significatore, non autem cum significator à promissore recipitur: nam prima semper utilis est, secunda auget tam malum, quam etiam bonum.

Planetas autem diximus duplici modo significare, vel secundum naturam, ut Sol vitam, Iupiter diuitias: vel secundum dominium, ut si Leo ascendat, Iupiter carceres significat, de hoc & de primo generaliter locuti sumus, nunc singillatim permutationes Planetarum explicandæ sunt. Addemus autem hic propria, primo significata domorum, & planetarum, ut quisque conicere possit, quid quisque significet.

Cor cœli gloriam, magistratus, famam, honores, matrem, Decima, artem, industriam, filios, & filias.

Ascendens, animam, corpus, & quod ex his constat, vitam scilicet. Occidens mortem,

Tom.V.

hostes apertos, vxorem.

Imi cœli cor, patrem, sepulturam, & gloriam, quæ à morte est.

Vndecima, amicos & gaudia.

Duodecima inimicos occultos, tristitiam, carceres.

Nona itinera, & religionem, & dignitates.

Octaua quæ post mortem sunt, carceres, exilia propriè, & tristitiam.

Locus coniunctionis vel oppositionis vinculum animæ cum corpore.

Saturnus, carceres, mortem, hostes occultos, morbos longos, patrem.

Iupiter, diuitias, legem, filios, fratres, magistratus, amicos.

Mars, hostes apertos, contentionem, morbos acutos, artem, itinera, fratres.

Sol, vitam, gloriam, patrem, magistratus.

Venus, vxorem, & concubinas, & filias, & sorores, matrem, voluptatem.

Mercurius, animam, artem.

Luna, vitam, vxores, concubinas, sorores, animam, corpus, matrem, itinera.

Observare decet in significatore, Planetam aut locum in mundo, non autem in ecliptica, in promissore autem locum in ecliptica, non autem corpus Planetæ, nec locum in mundo, nisi cum promissor significatori commiscetur. Exemplum in nostra decimanona genitura vitæ significator est Luna, absisor autem est Saturnus. Observabimus igitur corpus Lunæ non duodecimam partem Piscium, & loca quatuor Saturni, non autem Saturnum pro vita.

Caput nihil significat per se, cum alio augmentum & subtilitatem, & mitigat mala. Cauda auget mala, & significat diminutionem & subtilitatem.

Ne existimes quod promissor solus occidat aut perficiat, nam quandoque produceretur effectus in longum, sed radij dispositoris perficiunt negotium ipsum. Velut in trigesima nona genitura Iupiter damnat ascendens, quia cadit in Virgine, & in loco in quo est, & respicit Martem quadrato aspectu, anno tamen in quo mortuus est, non peruenit directio ascendentis ad radios Iouis, sed Lunæ, quæ erat domina loci Iouis. Et aliquando occidit etiam radius infortunæ, quamvis non sit promissor, nec dispositior, aut dominus loci promissoris, ut in vigesima quinta genitura. Iupiter & Saturnus erant promissores, occisus est tamen eo anno, quo ascendens peruenit ad radios Martis oppositos & quadratos Mercurij.

Et in hoc scire debes robur significatoris vitæ, aut alterius rei, ut in vita dixi, & si fuerit robustus significator, non occidet nisi promissor, & si mediocris, occidet dispositior loci promissoris, vel planeta cuius loco promissor præest, & si fuerit debilissimus, occidet aut perficiet opus, quicumque malus Planetæ radius. Et quod scripsi in directione, intellige in reuolutione eodem modo, nam propter ipsam hæc scripsi. Significatore igitur valido existente, non abscindetur à reuolutione vlla, nisi directio associata fuerit, & nec à directione, si reuolutio

P p

non



non consentiat, & ideo vides mortes has repentinas, amissiones bonorum, & exilia, procedere maxime in his, qui habent significantes debiles.

Est etiam duplex significator, abscisor & auxiliator, auxiliator celerius & facilius perficit, quo significator potentior, fuerit, abscisor quo debilior, ut in nostra genitura vitæ auxiliator est Iupiter, abscisor autem Saturnus. Et quia Luna euasit radios Saturni, non moriar per directionem Lunæ, sed ascendentis, aut propter malam reuolutionem, aut capitis congressum: nam hoc censet Ptolemæus, sed non est generaliter verum, imo nec magna ex parte, aut propter stellam de natura abscisoris, idest Saturni, Velut cum obuauerit capiti Algol, seu Gorgonis in 20. parte Tauri, vel dextro lateri Persei in vigesimaquinta parte eiusdem, & in Planetis. Quod de corporibus dixi, etiam de radiis intelligo.

Hucusque generaliter locutus sum, nec aliquis sine his poterit quicquam vere prædicere, nunc ad singularia veniamus.

Saturnus, Iupiter, & Mars, significant fortunam & statum rerum, Sol dignitatem & auctoritatem, Venus & Mercurius conuersationem cum hominibus, Luna actiones, hæc si Ioui copuletur moderatas faciet, si Saturno nimis tardas ac lentas & segnes, si Soli occultas, si Marti præcipientes, si Veneri iucundas & gratas, si Mercurio industria plenas, si motu velox, postquam cœperit, celeriter perficiet, si tarda tarde. Cum igitur ad hæc loca peruenierit Luna in reuolutione, tales affectus præstabit. In loco etiam Saturni, facit vitam laboriosam intentum aquis ducendis & ædificationibus. Si autem Iouis, diuitias & honores & potentum gratiam ac filios, si Martis, ad rapinam, ad itinera & labores ac pericula, raro autem Luna ad locum Saturni venit, quin tristem faciat animam & vitæ periculum non adiciat, raro & ad Martis citra vitæ discrimen, cum autem ad Solis, occultis intentum facit, & publica tractare negotia. Sic armiger publicum stipendium merebitur, diues in magistratu constituetur, conducet construenda subsellia prætorij lignarius faber. Si ad locum Mercurij, totus rationibus erit intentus, si ad locum Veneris cum mulieribus negotia tractabit, & erit hilaris. Si ad proprium locum, ea quæ ab initio significauit perficiet. Mercurius eadem ratione ad proprium locum reuersus, quæ ab initio significauerat magna ex parte perficiet, quod & in aliis dictum intelligi volo, ad Solis autem coniunctionem mirum in modum ledit, nam combustionem multum reformidat ob siccitatem, retrogradationem minimè, illi sæpius assuetus. E diuerso Venus retrogradatione plurimum læditur, ob circuli in quo reuoluitur magnitudinem, combustionem autem minus timet aliis planetis omnibus, humida enim est. Cum igitur Soli congregitur, gratiam apud principes præstat & ab illis comoda, cum Saturni Venus occupat locum, omnibus deliciis vacabit, & fœdo coitu

coinquinabitur, cum Iouis pulchra diligit, & pro adeptis diuitiis gaudebit, cum Martis erit valde salax, & malorum morum, venationibus & aucupio delectabitur, cum Mercurij, delectabitur rationibus: & forsitan pueris, provt genitura fuerit, & etiam ludis, cum Lunæ, oblectabitur itineribus, mulieribus, negotiis, piscatu, Mercurius autem cum in locum Veneris concesserit, industriam pro mulieribus collocabit, & rebus etiam inutilibus. Cum in Martis, in venatione studium suum occupabit, & in artibus operariis, in ludo, exercitatione latrocinio, pugna. Cum in locum Iouis, gratia diuitiarum & honorum. Cum in locum Saturni, gratia ædificandi, furandi, decipiendi, venena fabricandi studium consumet. In locum Lunæ, gratia itinerum, negociationis, mulierum.

At paulo euidentiora erunt hæc quæ sequuntur, cum Luna in locorum duorum planetarum in genitura iunctorum, vel radio altero alterum se aspiciente peruenierit, vel si duo simul in reuolutione, in tertij locū cœant. Velut mixtio quæ ex Saturno, Ioue & Luna, prudentiam & auctoritatem in administratione reipublicæ præstat: si bene omnes fuerint collocati, hoc enim in omnibus suppositum esse volo. Quod si in locum Iouis & Martis Luna concesserit, consilium & ad res gerendas potestatem, audaciam, & promptitudinem. Quod si ad locum Solis & Iouis, idest in eius opposito vel quadrato bene constituta, tunc quod decretum est in genitura boni, magna ex parte perficietur, alloquetur principes, magistratus inibit, opes acquireret. Si Veneri & Saturno, ad decipiendum erit aptissimus, mulierum etiam causa forsitan habebit hæreditatem: vel agris & ædificiis redditus & voluptatem. Si Marti & Veneri, ad scelera promptior erit, & ad venationes ac ludos. Si Ioui atque Veneri, gaudia, lucra, prudentiam, humanitatem, moderationem, fœlicitatem denique omnem. At ab initio Antonium Pium cognomento sic habuisse in genesi credendum est. Vt Phocam, & Antonium Ciceronis inimicum, Martem, Lunam, Venerem. Et Platonem quicquid fabuletur Firmicus, Lunam cum Mercurio ac Ioue mutuo sibi blandientibus, vt cum Iupiter in Virgine, Mercurius in Sagittario, aut Piscibus esset, docui enim, omnes Planetas, præcipue Lunam Veneremque, in Virgine infortunium pati, sed tamen Iupiter, cum & ipse non parum male afficiatur, suauiloquentiam tamen præstat admirabilem. Sed iam ad institutum reuertor, cum Mars in Solis locum venerit in reuolutione, occidet aut occidetur, hoc enim proprium illius est. Si autem non fuerint signa mortis violentæ, fueritque dispositio, morbo ex vsta bile ad mortem vsque laborabit, & si fuerint ambo in igneo signo cum fixa mala vel radiis malis etiam Iouis, ignis detrimenta sentiet.

Omnis etiam erraticæ, quæ in radios Solis inciderit, significatum ab initio per erraticam non leuem iacturam patietur. Vnde si Iupiter dominus decimæ domus ab initio fuerit,



fuerit, & in radios Solis impingat in reuolutione, honor & substantia, eo anno periclitabitur, minus tamen malum, vt dixi, in Venere est.

Mars cum ad locum Iouis venerit, quæcunque per ipsum ab initio decreta fuerint, in melius immutabuntur. Si ad locum Veneris, hoc optimum est pro his, quæ per Martem in ea genitura significantur, sed nimium Veneri incumbet, & flagitiosa perpetrabit. Si vero ad locum Mercurij venerit, ludet libenter, erit mendax, & artificijs incumbet. Si autem ad Saturni locum, erunt negotia eius impedita, piger & debilis in suis operationibus. Et si ad locum Lunæ, erunt ei itinera & negotia infinita, & cum mulieribus multa tractabit.

Cumque aliquis Planeta ad locum Martis vel Saturni peruenerit, nec cum illo concordia iunctus ab initio fuerit, in eo significato res quæ significatur detrimentum non leue patietur, maius quidem, si in angulo in genitura: minus, si in reuolutione.

Iupiter cum ad locum suum redierit in aetate & natura potentis filios generare generabit. Si vero ad locum Saturni minime, sed erit auarus. Si ad locum Martis, profundet & disperget. Si ad locum Veneris, voluptatem & gaudia assequetur. Si ad locum Mercurij erit sapientior, & in negotijs sagax, & etiam utetur maiore hominum familiaritate. Si ad locum Lunæ, filiorum incrementum & bonorum indicat & tractationem substantiæ.

Saturnus cum ad locum Iouis peruenerit, fundi redditum præstabit uberiorem, & ipse lætior erit. Cum ad locum Lunæ, & ipse dispositor vitæ, vel ascendentis dominus, vix euadet iacturam à casu, vel præfocatione, vel morbo frigido. Si ad locum Martis, erit viuax, iracundus, rapax, meditans praua. Si ad locum Veneris, erit dissimilis sibi, & videbitur insanire. Si ad locum Mercurij, erit industrius, ingeniosus, & si fuerit senex à melancholia vexabitur.

Planeta si capiti vel caudæ iungantur, plus operantur, quam si ad locum illorum perueniant, quem hora genituræ possidebant, generaliter tamen caput augmentum, cauda detrimenta significat. Superiores etiam capite gaudent, à cauda minus læduntur, inferiores, minus à capite iuuantur, & plurimum à cauda læduntur. Sol si in caudam incidat, detrimentum in vita, & honore significat.

Quicunque felices sunt, planetas habent in consimilibus signorum partibus, aut cum fixis potentibus, ob hoc necesse est, cum in radios illorum noxios inciderit significator, vt magnum detrimentum patiat, cum validarum causarum non obscuri sint effectus. Sic illud non est verum, quod fixæ præbeant magnas felicitates, male terminantes, nam solum id est, quod qui ad magnos ex infimo statu honores ascendunt, planetas potentes habeant necesse est, à quibus cum læduntur, leuiter lædi non possunt.

Quicunque etiam felices sunt, aut eruditi, cum Planetas habeant in eisdem partibus, vt ea in re polleant, vacuum relinquentibus illis genituram, necesse est vt etiam aliis in

causis minus valeant. Ob hæc fiet, vt aliqui ab initio quasi stupidi, euadant solertes, nam directionibus ac reuolutionibus Planetae sparguntur.

Planeta cum ad locum coniunctionis luminarium peruenerit, quæ genituram præcessit, debilius operantur, quam si ad locum Lunæ venissent.

Ascendens cum ad Saturnum, Iouemue peruenerit, vel illi tunc in eo fuerint, dum anni initium est, erit res composita ex significato Saturni vel Iouis & dispositionis eorum, & significationis eorundem, vt quæ hæc in anima & corpore, sic in honoribus & statu per cor cæli.

Sol in septima significat inimicos potentes. Saturnus in octaua tristitiam ex mortuis, & si Saturnus fuerit dominus ascendentis & cadat in duodecima cum radijs malis Solis, erit in carceribus. Si Luna cum Saturno vel Marte & nodo in sexta fuerit, luxabuntur ossa.

Planeta si in locum vacuum ceciderit, significatum eius in eodem statu manebit, in quo fuit illo anno, in quo etiam vacuum fuit, vnde si iam pluribus annis perseverat, in significato etiam perseverabit. Si autem ab anno præcedente tantum, vel duobus citra, auferretur id quod de nouo illi aduenit.

Planeta si in fixam incidit cum radijs Planetae, idem præstat quod fecisset, si ab initio fixa à Planeta fuisset illustrata, sed per annum solum. Vnde qui genituram malam habet, impossibile est, vt ei bona fortuna diu blandiatur, at per annos aliquot non est impossibile, sed facile quis percipiet, quoniam pacto violenter hoc illi quasi contingat. Ex fortuna etiam licet de genitura certam facere coniecturam. Qui vero diu bona fortuna vsi, in pessimam repente decidunt, atque in ea perseverant: hi sunt qui mala simul ac bona decreta ab initio genituræ sortiuntur, quibuslibet ex his suum tempus sortientibus. At qui ab initio leni fortuna humilique diu agitantur, demum vsque ad mortem perseverant felices, hi sunt quibus genituræ felices quidem sunt, sed à significatoribus promissores plurimum absunt, vt Agathocli contigit. Si vero fixa, cui planeta occurrit, non iungitur radijs alterius planetae, erit quasi umbra significati.

Si dominus dispositionis temporis, seu Alfridariæ generalis, ac singularis, fuerit dispositor alicuius rei, vnusque, malum, aut bonum ingens apparebit. Raro autem bona fortuna apparet in honoribus & diuitiis, nisi à Sole supra, id est à 21. ad 49. annum.

Luna cum velox fuerit motu, bonam significat rationem, & bene eligere, & velocem in operationibus.

Sol honores confirmat: atque sic de partibus animi, corporis, fortunæ, & eorum qui ad naturam attinent.

Planetae cum ad nodos proprios peruenerint, vitæ mutationem significant.



## CAPVT VII.

*De aspectibus & coniunctionibus quomodo sumi debeant.*

**A** Spectus oppositus, fit ad oppositum signum, sub eadem parte in longitudine, & in totidem partibus latitudinis in parte contraria, velut in decimanona genitura, oppositum Lunæ est in partibus 11. mi. 42. Virginis cum boreali latitudine par. 4. mi. 20. & oppositus Veneris radius est in partibus 23. mi. 3. Arietis cum latitudine australi par. 0. mi. 52. Signa autem sic opponuntur.

Prima Tabula  
oppositionum.

|   |   |   |   |   |   |
|---|---|---|---|---|---|
| ♈ | ♉ | ♊ | ♋ | ♌ | ♍ |
| ♎ | ♏ | ♐ | ♑ | ♒ | ♓ |

Quadratus autem aspectus, est per 90. partes eclipticæ ante & retro, & in ipsa ecliptica absque latitudine, velut aspectus Lunæ in eadem genitura quadratus, est in part. 11. mi. 42. Sagittarij sine latitudine, & vocatur dexter, quia est anterior, & alter quadratus est in par. 11. mi. 42. ♏ sine latitudine, & vocatur sinister, quia est secundum successionem signorum, & vterque caret latitudine.

*Secunda Tabula Signorum se quadrato respicientium.*

|   |   |   |   |   |   |
|---|---|---|---|---|---|
| ♈ | ♉ | ♊ | ♋ | ♌ | ♍ |
| ♎ | ♏ | ♐ | ♑ | ♒ | ♓ |
| ♈ | ♉ | ♊ | ♋ | ♌ | ♍ |
| ♎ | ♏ | ♐ | ♑ | ♒ | ♓ |

*Quarta Tabula signorum, se Sextili aspicientium.*

|   |   |   |   |   |   |
|---|---|---|---|---|---|
| ♈ | ♉ | ♊ | ♋ | ♌ | ♍ |
| ♎ | ♏ | ♐ | ♑ | ♒ | ♓ |
| ♈ | ♉ | ♊ | ♋ | ♌ | ♍ |
| ♎ | ♏ | ♐ | ♑ | ♒ | ♓ |

*Quinta Tabula additionis pro Sextili, diminutionis pro trino.*

| Latitudo<br>planetæ. |  | Distantia<br>minuenda. |
|----------------------|--|------------------------|
| par. mi.             |  | mi.                    |
| 0 30                 |  | 0                      |
| 1 0                  |  | 0                      |
| 1 30                 |  | 1                      |
| 2 0                  |  | 1                      |
| 2 30                 |  | 1                      |
| 3 0                  |  | 2                      |
| 3 30                 |  | 3                      |
| 4 0                  |  | 4                      |
| 4 30                 |  | 5                      |
| 5 0                  |  | 6                      |
| 5 30                 |  | 7                      |
| 6 0                  |  | 8                      |
| 6 30                 |  | 10                     |
| 7 0                  |  | 11                     |
| 7 30                 |  | 13                     |
| 8 0                  |  | 15                     |

Idem facies sine tabula, additis vel detractis 60. partibus ex ecliptica, & insuper minutiis tabulæ, iuxta partes latitudinis.

Exemplum. Sextilis sinister Lunæ, cadit in

Trinus autem est, addendo partes 120. exceptis quibusdam minutiis, quas describemus in tabula sequenti, & est dexter anterior, & sinister secundum successionem signorum, & in vtroque latitudo, est medietas latitudinis planetæ, in parte contraria. Velut trinus Lunæ, dexter in eadem genitura est in par. 11. minu. 37. ♎, cum boreali latitudine par. 2. minut. 20. & sinister est in par. 11. minut. 37. ♏, cum boreali latitudine, par. 2. minut. 20. quæ est dimidium latitudinis Lunæ in parte contraria.

Tertia Tabula Signorum se trino respicientium.

|   |   |   |   |   |   |
|---|---|---|---|---|---|
| ♈ | ♉ | ♊ | ♋ | ♌ | ♍ |
| ♎ | ♏ | ♐ | ♑ | ♒ | ♓ |
| ♈ | ♉ | ♊ | ♋ | ♌ | ♍ |
| ♎ | ♏ | ♐ | ♑ | ♒ | ♓ |

Per has tabulas & sequentes, absque computo colliges similem partem in suo signo respiciente, diminuendo pro trino secundum latitudinem planetæ, minuta in tabula vltima: & ponendo in opposito aspectu, ut dictum est totidem partes latitudinis, in parte opposita, & pro quadrato sine latitudine, & pro trino dimidium latitudinis in parte opposita, prout dictum est.

Sed pro sextili, accipies consimilem partem in signo sextili sinistro quidem secundum successionem signorum, aut dextro in parte anteriore, addendo minuta contenta in tabula præcedente, pro partibus latitudinis stellæ, pro latitudine autem sumes dimidium in parte eadem boreali, si borealis, australi, si australis.

partibus 11. mi. 47. Tauri, addendo 5. minuta ex tabula priore, quæ correspondent partibus 4. mi. 30. latitudinis Lunæ & latitudo aspectus erit par. 2. min. 20. borealis, id est, dimidium latitudinis Lunæ ex eadem parte, sed dexter sextilis Lunæ, erit in partibus 11. mi. 47. Capricorni, cum Latitudine boreali par. 2. mi. 20.

Et scias quod vires aspectuum sunt, velut labor flectendi balistam, nam coniunctio, vel aspectus ex duabus partibus, est decuplus illi, qui fit cum distantia 10. partium & qui ex eadem parte, decuplus ei qui fit cum distantia duarum partium, & qui per sex minuta, decuplus ei, qui fit per distantiam ferme vnius partis, vnde maximi euentus.

## CAPVT VIII.

*De vitiis nati.*

**S**cias, quodd multa fiunt casu potius, quam natura. Puella enim aut puer in manibus violenti domini, aut militis, prostituunt se absque animi vitio vlllo, & talis cognitio ex genitura non habetur: sed ex directionibus, & reuolutionibus, cum infinita illa tot rerum considera



consideratione, quam vix quisquam explicare audeat.

Impudici igitur solum dicuntur hi, qui sponte prostituunt se, ut puellæ frequenter, pueri rarissime, in quo etiam oportet leges & regionem spectare, nam antiquo tempore cum liceret, & apud Mahumetis legem, plures inuenti sunt masculi impudici, rari autem apud Iudæos & Christianos, metus enim legis assuefacit auos & parentes ac filios, ut abstineant ab his, unde etiam violenta longo tractu temporis in naturam transeunt. Sic & in Germania hoc est omnino monstrum, minus in Italia, quamuis omnes sint Christiani, adulteria etiam negliguntur apud Italos, multo etiam magis apud Gallos unde minima coniectura ex astris in Gallia significabit adulteram, maior in Italia erit necessaria, maior etiam in Germania & Hispania. Quo ad euentus autem, oportet inspicere diuitias & potentiam, nam pauperes, impudici impudiceque fiunt, metu quandoque, persæpe necessitate.

In patiendi igitur, considera tres planetas, Venerem, Lunam, cum fuerit in forma Veneris, & Mercurium, cum fuerit effœminatus, voco autem Mercurium effœminatum, cum in signo fœminino, in domo Veneris, cum meridionalis, cum in infima parte parui circuli, & Taurus, Libra, Capricornus, & Pisces, diuersis causis hæc significant. Taurus quia signum fœmineum, & in eo ambo planetæ fœminini gaudent. Libra quia domus Veneris, exaltatio Saturni & pudenda significat. Capricornus quia signum fœmineum, & ambæ infortunæ in eo gaudent.

Dico, Venus in Capricorno in ascendente fuit, in duabus genituris masculorum, & illi dum pueri essent ambo, non aliter quam fœminæ venerea pati desiderabant, nec vidi signum in hoc validius. Pisces autem significat, quia est exaltatio Veneris, signum fœmininum, & valde frigidum & humidum.

Et vbi Venus in Capricorno hoc non significabit, ut apud Germanos & Scythas, significabit adulteros, in Italia autem significat vtrumque, suo tempore.

Sed in agendo, inspicere Martem Saturnum & Venerem, ut enim se commiscuerint, faciunt adulteros, pædicones, & incestos, adiuvat hoc Mercurius, & per se facit cum in forma Saturni & Martis fuerit. Mars ad adulteria & incestua magis procliues facit: Saturnus autem ad puerorum concubitus. Mercurius secundum naturam planetæ cui assimilatur. Commutantur tamen hæc ex situ, velut Saturnus cum in fœmineo signo fuerit cum Venere, & in summo parui circuli, facit adulteros & incestuosos. Mars autem cum in Aquario, Librae, cum Venere, in infima parte parui circuli, facit concubitum appetere puerorum. Sola Venus in Scorpione si dominetur ascendenti, efficere potest cinædos.

Quod si Mars, Saturnus, Venus, Mercuriusque misceantur in Tauro, Libra, Scorpione, Capricorno, Aquarioue, aut Piscibus

Tom. V.

facit homines iam adultos, patientes muliebria, à pueritia etiam longe magis, adulteros, incestos, masturbantes se, spintrias, & omni libidinis infamia deturpatos. In his autem plus coniunctio, post oppositio facit, inde quadratus, parum trigonus & sextilis. Sol autem & Iupiter, hæc regunt, minuuntque mala, & aliquando tollunt, prout robustiores fuerint. Domus quæ iuuant sunt prima, septima, sexta & octaua.

Cumque Saturnus auctior fuerit, erit pecuniæ causa & auaritiæ, & cum dolo. Cum autem Mars, violentiæ & ardoris.

## CAPVT IX.

### De vita nati.

**I**N vita nati, quo ad nutritionem, oportet inspicere genituras parentum, & reuolutiones eorum, & dominos trigoni ascendentis, & iudicare. Post hæc eligemus Solem semper: si sit in prima, septima, decima, nona, vndecimaue, in Ariete vel Leone, aliquo ex planetis dominantibus respiciente, & si non respicit alius planeta, præferemus Lunam in prima, nona, vndecima, decima, septima in Tauro vel Cancro, respicientem alium planetam dominatorem. Et inter domos robustior est in hoc significato, ut apparet, prima inde septima, inde decima, inde nona, inde vndecima, aliqui tamen, quos aliàs secuti sumus, decimam septimam in hoc præferunt. oportet etiam considerare, quod Sol in initio nonæ est robustior quam in fine decimæ vel septimæ, & sic de aliis.

Quod si Sol sit in Ariete, vel Leone, in locis prædictis, nullo respiciente, Luna autem in dictis locis, in fœminino signo non cadens & respiciat dominum loci, præferemus eam proculdubio, vbi par sit locus. Scias tamen, quod nullus planeta combustus, potest esse vitæ significator: comburantur tres superiores, & Luna vsque ad dimidium signi, id est partes 15. ultra citraque Solem, inde Venus & Mercurius ad nouem.

Quod si nullus dominorum respiciat Sole vel Lunam, ipsi tamen fuerint vel alter eorum in suis signis, eligemus illum, ut Lunam in Tauro. Et in negotio vitæ semper considerabimus Solem, etiam si cadat in Libra & sit in sexta domo, non tamen erit significator, & in paribus conditionibus, præferemus illum Lunæ, tam in die quam in nocte. Et si nullus eorum respiciat dominum loci, nec sit in sua dignitate, sit tamen aliquis eorum in aliqua quinque prædictarum domorum, erit significator.

Quod si in his non fuerit luminare, tunc dominus locorum Solis Lunæ, ascendentis & coniunctionis vel oppositionis, id est loci luminaris hora oppositionis supra terram existentis, si eum dominus loci respiciat, & ipse sit in aliqua dictarum domorum, erit significator, & si dominus loci non respiciat dominum quatuor locorum, quamuis sit in prima vel aliis quatuor domibus, & aliquis respiciat ascendens ex dominis, erit ascendens significator.

P p 3 Et



Et si dispositor sit in aliqua distarum domorum, & tam ipse quàm ascendens sine aspectu, accipiemus significatorem ipsum omnium quatuor locorum. Sed si dispositor sit extra illas quinque domos, accipiemus ascendens. Cumque vitæ significator dominus fuerit loci aspicientis planetæ, tunc hoc erit optimum, & longe melius, quam si dominus loci significatoris, ipsam significatorem aspiciat.

## CAPVT X.

*De diuitiis nati.*

**S**aturnus, significat hæreditates & labores. Iupiter, diuitias omnes. Mars, quæ mala parantur via, & laboribus, cum industria, ynde artes operarios. Sol, principum dona. Venus, dotes & meretricios quæstus, & amicorum dona. Mercurius, quæ ex industria artium & mercatura proueniunt, differt à Marte, quia ille significat artis labores. Luna, quæ ex negotiis proueniunt, & quæ ex aquis, & quæ ex planetis, quibus commiscetur, & quæ causa etiam vxorum, & in hoc cum Venere conuenit, & proprie quæ ex vitæ genere, idest propria exercitatione nati proueniunt.

Cumque apparet significatio, sine qua non possunt esse diuitiæ, vt regnum, & magistratus & sacerdotium, tunc prædices illas vt cum luminaria fixis fortunatis copulantur.

Cum igitur Iupiter fuerit in Ariete, & Sol in Cancro, in eisdem partibus, erit natus ditissimus, nam Sol Iouem recipit & Iupiter Solem, & hoc erit ex principibus, vel publico exercitio. Cum vero Iupiter fuerit in Ariete, & Sol in Sagittario, in æquis partibus, hoc idem accidet, & similiter, cum Sol fuerit in Sagittario, & Iupiter in Leone, eodem modo, & cum Iupiter in Libra, & Saturnus in Cancro. Est igitur prima vis mutui dominij. Secunda, vt significator aspicientem planetam recipiat, absque casu illius. Tertia, vt cadat qui recipitur à significatore, & illum respiciat, vt si (vt diximus) Iupiter sit in Libra & Saturnus in Cancro.

Secundus modus est vt Luna copuletur fixæ, cuius vis non sit aliena à Ioue, & Ioui ipsi congrediatur, vel ad ipsum lumen deferat.

Tertius est, vt caput Ioui aut significatori iungatur. Ad reliqua mediocria locus Iouis & situs quandoque sufficiunt.

## CAPVT XI.

*De gloria & honore nati post obitum.*

**C**onsidera fixas in cardinibus, in loco Solis & Lunæ, & aliorum Planetarum, quæ autem longissime extendunt gloriam, sunt quæ cum Sole, & quæ in quarta, nam illæ gloriam nominis inter viuos claritate splendoris efficiunt: hæ monumentis operum & literarum. Cæli mediū à Sole secundū possidet locū

cum Luna, Saturnus post inum cæli. Iupiter famam ex diuitiis, vt Gorgia Leontino, vel ex iustitia, vt Aristidi, vel ex probitate, vt Socrati. Sol ex potentia, magistratu, honoribus gestis. Luna ex bona fortuna. Saturnus ex industria laboribus. Mars ex gestis fortibus. Mercurius ex ingenio, memoria, qualis recensetur Pyrrhi legatus. Venus ex forma vt Nireus Splendophorus.

Quicumque igitur decreta habuerit alicuius eminentis vitij, aut virtutis, aut felicitatis, aut bonorum corporis, is famam pro rei magnitudine consequetur, septima vero famam ex morte facit, vt Comati latroni accidit, qui aliàs esset incognitus, qui in ascendente, ob vitæ longitudinem, aut incolumitatem, aut morum leporem, atque etiam his contraria.

Quibus infortunæ in octaua cum fixis malis fuerit, vel oppositum significatoris locum aspexerint, illudetur eius cadaueri, & ob id famam consequetur, vt Sysameni. Cui autem fortunæ, maxime Venus, cum præclaris syderibus in eisdem, corpora illorum pro diuorum colentur, vt Cleomeni contigit.

Quibuscunque fortunæ mediocris, vel humilioris existentibus, nihil horum contingit, celeriter eorum memoria, ab obitu enanescet. Vbi fixæ adsunt multiplicantur secula, vbi congressus erraticarum solus, vno seculo, quamuis præclara finiuntur. Multa etiam seruantur consensu imperij, legum, vrbium, & societatum, oportet igitur genituras cum illorum initiis consentire.

Funus & sepulchrum honorabitur, cum octauo loco nobiles planetæ præfuerint.

## CAPVT XII.

*De moribus nati.*

**D**iximus in capite decimo octauo libri primi vim planetarum: hic volumus declarare vires animæ, & etiam mores, quamuis Ptolemæus hæc duò separet, vnunt tamen ex alio oritur.

Saturnus igitur significat memoriam, & patientiam. Iupiter consilium, iudicium prudentiam.

Mars audaciam, acumen, promptitudinem, iram.

Sol gravitatem, moderationem, continentiam, & fastum.

Venus voluptatem, & concupiscentiam.

Mercurius ingenium, & imaginationem.

Luna rationem, & quem vocant discursum.

His cognitæ virtutes corrumpuntur aut minuntur. Corruptio nunquam accidet, nisi ex stella alia vel radiis suis. Diminutio autem nunquam per stellas, nec per alios radios. Sed inspicere oportet locum in quo est, domum, & situm, nam si fuerit Planeta in cadente domo, vt duodecima, & in opposito domus suæ, motu & lumine diminutus, talis virtus erit in eo debilis, valida, si in horum contrariis. At corruptio fit per aliorum planetarum




planetarum radio. Velut in nostra genitura decimanona. Mars corrumpit rationem & discursum, & facit præcipitem & iracundum, non tamen priuat aut minuit ipsam. Saturnus in trino Veneris & Mercurij, facit bonam memoriam, acutum ingenium, & magnum studij amorem, nam vt dixi, Venus significat delectationem in his quæ fiunt. Ob id, quia sunt iuncti corpore, ista delectatio est nimia, & ideo nimius amor studij & concupiscentia, tamen magis, quia est Venus ascendens domina, impediuerunt me à diuitiis & honoribus istis vulgatis, & sic in aliis iudicabis.

## CAPVT XIII.

*De parentibus & filiis & vxoribus & concubinis nati.*

**M** Vlti de parentibus tractauerunt, mihi autem visum est, id quod magis esset scitu necessarium, esse prætermisum, & est, an filius qui natus est, si coniugis matris ac legitimus. Si igitur Mars Lunam de nocte, vel Venerem in die pulsauerit, matrem significat impudicam. Vide igitur, an significator patris, idest dominus quartæ fuerit alterius qualitatibus quam pater: tunc scias, quod ille non est filius eius, cuius creditur, nec coniugis, & exemplum habes hic.

Hic vides quod dominus quartæ domus,



erat Mars in opposito Lunæ, & sextili Veneris, quæ erat in opposito Saturni, quare mater fuit impudica, & pater miles. Sed coniunx erat mercator, igitur non erat coniugis filius.

Et quia erat Saturnus in sexta, in trino Martis, & in signo sicco, Significauit nato calculum & morbum sempiternum, qui remansit ei, exciso è vesica calculo, Cumque Mars sit cum oculo Tauri in opposito Lunæ, dissipabit substantiam.

In filiis verò, considera Iouem, Venerem, Lunam & Mercurium, & Martem, & coniugium, & potentiam ad Venerem, & quintam, & decimam, & dominos earum. Vxores declarat septima domus, & Venus & Luna, sed concubinas, cum habuerint cōgressū cū infortunis, & similiter in lege nostra, cum

fuerint plures vna, vt in bicorporeis, vel ipse fuerit Sacerdos. cum verò dominus septimæ est in fortuna, vel domina temporis cum infortuna, vel in loco eius, erit vxor mala.

In omnibus autem, quod dictum esse volo, iunge testimonia, & iudica ex superabundanti.

## CAPVT XIV.

*De itineribus nati, & significatis aspectuum.*

**I** Nspice nonam ac tertiam, & Martem ac Lunam, sed tertia itinera breuia significat. & si ascendit Aries, aut Capricornus, erit hoc initium itinerum ambo enim nobilia, in quibus Mars dominatur. Et si fuerint peregrini dominus ascendens, & Luna, ac Mars erit hoc validius, & maxime, cum alter eorum, vel ambo in nona fuerint, post in tertia, sexta, & duodecima.

Cumque planetæ fuerint in igneis aut terreis, erunt itinera per terram, cum in aqueis, per aquas, cum in aereis, mixta. Cumque fuerint in trino aspectu & alligati, foelicitatem consequetur ex his, cum in opposito vel quadrato pericula, cum non se aspiciunt, infructuosa erunt. Exemplum foelicissimæ habes in septuagesima quarta figura.

Manifestum est igitur, cur aliqui extrâ patriam gloriose viuunt, qui in patria prius humiles erant: nam cum eorum qui extra patriam degunt, nulla sit planetarum in propriis locis necessitas: si iam hoc auferatur, bonis manentibus radiationibus, foelices erunt, nam domicilia, aut exaltationes non sunt necessaria.

Opposita radiatio, tumultus excitat, optima tamen in vita, in fortunis verò si boni sint planetæ, atque recepti, bona etiam inter fortunas, si non recipiunt, sed vi extorquendam potentiam significant. Coniunctio consensu, proxima ab oppositione est quadrata. Si autem inter fortunam ac infortunam, aut inter duos, qui medij habeantur, fuerit oppositio, aut quadratus, nec recipiat vnus alterum, magna mala decernit, si inter infortunam ac fortunam peius adhuc si infortuna fortunæ sit inimica, peius etiam si inter infortunam & medium. pessimum omnium si inter infortunas sic fuerit. Medij sunt, Sol, Luna, Mercurius. In coniunctionibus vim vtriusque diligenter expende, tamen concordiam solus Sol in ea aliorum decreta immutat, & abscondit, & minuit.

Trinus ad ingenium multum confert, bonusque, minus sextilis, nisi ex validiore loco velut specula in fortuna aspiciat.

## CAPVT XV.

*De morbis nati.*

**O** Porter scire, quæ membra ex similibus ac dissimilibus, vnaquæque erratica possideat



fideat, aut damnare possit.

Saturnus habet ossa & ligamenta, & ideo etiam dentes, quamobrem male positus illorum casum significat, ut in quarta & septuagesima septima genitura.

Iupiter carnem & adipem.

Mars nervos membranasque omnes.

Sol spiritum vitæ, cuius sedes est in corde.

Venus medullam & humidum secundum & semen, ideo infœcundos & impotentes ad Venerem & hæcticos male posita significat.

Mercurius spiritum cerebri & arterias.

Luna sanguinem & humores.

Ex compositis autem.

Saturnus habet splenem, & pedes, sed intestina, & vésicam, & ventriculum peculiari quadam ratione, ut nervosa omnia damnat.

Iupiter epar & crurâ.

Mars fe' & brachia habet. Sed peculiari ratione corrumpit humores. Sol cor & oculos.

Venus genitalia membra vtriusque sexus possidet, & gulam.

Mercurius pectus & membranas quæ in eo sunt, & pulmonem, auditum & linguam.

Luna cerebrum & ventriculum & oculos. loco Solis.

Valida hæc sunt membra, quibus erraticæ significatrices validæ sunt: debilia quibus debilia, vitiata quibus aliæ erraticæ adversantur, unde quibus multæ sunt radiationes, multæ vires animi, ut in duodecimo capitulo dictum est, & multæ corporis partes validæ sunt. Genitura igitur in qua planetæ radiationibus sunt colligat valida dicitur, in qua non debilis & infirma, quamvis etiam prosperam indicet fortunam.

Infortunæ in angulis, mortem, detractiones, infamiamque dant: in succedentibus, fortunarum damna, seu opum: in cadentibus morbos spontinos, aut casu quodam, & detrimenta corporis, ex his pessima sexta, inde duodecima, cauda multa mala auget. Dominus ascendentis si in his etiam fuerit, malos morbos nuntiât.

## C A P V T XVI.

### *De industria & exercitatione nati.*

**D**ifficillima certè omnium hæc est questio, ut quæ coniectura non certa ratione deprehendatur, in primis tamen considerâ Martem ac Mercurium, & decimæ dominum non mediæ cœli. Considera vero quibus in locis sint, ac signis, quibusque planetis misceantur. Dixit Ptolemæus qui nec in decima domo planetam habuerit, nec in prima sui apparitione, ab exercitatione suæ artis magna ex parte vacabit. Ignea quidem signa circa ignem, ut terrea circa terram: aquea circa aquas, aërea circa mundos versantur: humana circa homines, belluina circa belluas, piscium circa ea quæ neutrius sunt generis. Rursus luminaribus mixta nobiles, fortunis autem proximas, infortunis ignobiles ferunt. Condiscere etiam oportet patris conditionem: Quis enim recte dicat tutorem futurum filium

regis, etiam si regno excidat? Quis etiam dator sit artis, condiscere debemus, nam Mars operarias, Mercurius quæ magis sermone constant præstat. Consideranda etiam sunt quæ succedunt, nam si diuitiæ immensæ appareant, difficile est existimare illum non lucrosæ arti incumbere, tum etiam operariū ipsum esse. Mercurij autem significatum est mercatura, Iuris prudentia, Medicina, Musica quæ cantu constat. Navigandi, tum divinand, ac numerandi, & Geometriæ. Si dominus exercitationis sit cadens à dignitate & mundo, ac solitarius: vel si solum sit combustus, arte carebit, ob impotentiam, vel ea quam didicit, ut inutili, non utetur. Quod si illo bene disposito, Bebenia vel regia Soli iuncta, aut Ioui, fœlicem statum decreuerit: artem relinquet, ob fortunæ successum, & opum abundantiam. Exemplum in 99. genitura habes. Sol etenim & Mars domini cœli mediæ, sunt ambo in dignitatibus Iouis, in aspectu alter Lunæ, alter Iouis & Saturni, Ioue cum capite in humanis existente, dant igitur nobilem artem circa homines. Sed quia Sol in mundo cadit, non potuerunt dare militarem. Sic in quinquagesima septima figura Mars cœli mediæ dominus, cum Ioæ, Luna, Sole, fecit aurifabrum.

## C A P V T XVII.

### *De amicitia & odio nati.*

**A**micitia duplex, alia quidem apparens, & hæc necessario consequitur potentiam & opes, nam nec sine illis hæc, nec sine hac illa stare possunt, at quod hic quærimus est, an fide amici consent, an prosint, detrimenta etiam ab hostibus sunt pensanda. Cum igitur loci fortunarum Lunæ ac Solis commutantur, tunc certa est fida societas, ut cuidam contigit, qui Venerem in parte, ubi Lunam ego habeo, collocatam habuit. Quod si Mercurius ac Luna, vel Sol ac Luna, vices commutent, aut Sol ac Mercurius, minus integra erit hæc benevolentia. At si Saturnus & Iupiter, vel Venus & Mars, erunt odia etiam amicitia mixta. Sed Iupiter cum Saturno, iungit auaritiæ causa. Mars cum Venere flagitij. Si verò Saturnus aut Mars, Soli, Mercurio, aut Lunæ alterius genituræ opponantur, detrimenta alter alteri inferet, Sed deterior animo est, cui infortunæ dominantur, ex æquo autem odium est, ubi Saturnus Marti opponitur alterius genituræ, ac maximum. Sed non semper, quandoque enim, imò frequentissime alter alterum neque novit, oportet igitur ut commune aliquid habeant: ut eclipsim, initium cogendi exercitus, familiam. Ob hæc inter notos, cædes frequentior, imò voluntaria omnis, vel inter notos, vel eorum causa fit. Cum vero fortunarum loca inuicem in diuersis genituris sunt opposita, pugnabunt mutuo lucro, ut aduocati, & mercatores, & medici. Si autem infortunæ coierint diuersarum geniturarum, erunt amici sibi inuicem in malo opere, unde etiam tales ut plurimum infidi.



infidi. Abundant amicis, quibus fortunæ sunt in vndecima vel quinta, vel etiam in decima, vel septima, vel ascendente, vel nona ultimo. Sic inimicis, quibus in duodecimo loco vel in angulis infortunæ. Luna cum in vndecima fuerit aut Sol, notum pluribus non amicum faciunt, Luna plebi, Sol potentibus. Dominus vndecimi loci significat amicorum naturam, tum vero planeta qui domino ascendente copulatur, inimicorum dominus septimæ & duodecimæ.

## CAPVT XVIII.

*De forma corporis nati.*

**F**ormæ filiorum sunt ex formis progenitorum quod vero ex astris pendet, sic se habet. Aries, Taurus, Gemini, candidos faciunt, sed Aries paruum, pulchrum, certaminis amatorem, acuti ingenij. Taurus tumido pectore, spaciola fronte, quasi prominentibus angulis, collo tereti, pedum verices altiores. Cancer, Leo, Virgo, rubeos & proeusta ætate citrinos. Sed Virgo prompto ingenio, magno corpore. Libra Scorpio Sagittarius subnigros, sed Libra inconstantes, versutos, pertinaces, Sagittarius dolosos. Capricornus, Aquarius, Pisces iam nigrum colorem efficiunt. Verum Capricornus, paruum & mutabilem, ac fœdum, tum etiam maleficum. Aquarius tacitos, laboriosos, auaros, & qui cum hominibus optime versari sciant. Pisces, paruum, mediocrem, in affectibus non mutabilem, non pertinacem dicemus & de hoc inferius.

Obesi sunt & præpingues, quibus planetæ in humidis, præcipue Iupiter in Libra, Sol in Cancro, eo vero magis, si Iupiter Lunam, Veneremque aspiciat, Mercurius aliorum planetarum figuris assimilatur. Mars & Saturnus Iouem aspicientes, macilentum efficiunt ex siccoribus signis, vt etiam Philatam Coum pœtam talem fuisse sit existimandum.

Magni sunt ascendentes signis procera magnitudine, eoque magis si planetæ in summo sui parui circuli fuerint cum, vero tales fiant, cur lenti in negotiis oblongi? in septuagesima quinta genitura, puer vndecim annos natus, procerus erat adeo vt quartumdecimum agere videretur, vterque dominus ascendente, in summo parui circuli.

Pulchros facit mares Iupiter, Venus feminas. Sed & mares muliebri tamen magis pulchritudine, post Mercurius ac Luna, sed illa sine Ioue vel Venere ascendente domina esse non potest. Sol, & Saturnus adhuc magis turpes efficiunt gracilibus cruribus. Infortunæ in ascendente, vitia in facie imprimunt, Sol & Luna malè positi, oculos fœdant.

## CAPVT XIX.

*De potentia nati & fama eius.*

**C**um Sol in ascendente cum regia, vel magna fixa de natura fortunæ fuerit in signo masculino, & Iupiter vel Venus in secunda domo, impossibile est, cum Venus vel Iupiter, ad locum Solis peruenerint, consentiente Alfridaria, natum magnam pro conditione sua dignitatem non adipisci. Eadem hæc erunt, si Sol eodem modo in decima existente, Iupiter aut Venus in vndecimo loco fuerint.

Si cui Sol in corde cœli cum Venere fuerit in Sagittario, Iupiter autem in Leone, & Mars in Ariete, in eisdem partibus, vel sic existentibus: Luna loco Iouis in Leone fuerit, etiam Ioue non ibi existente: aut si Venus Martem aut Ionem quadrata radiatione ex parte eadem aspexerit, Sole Ioue & Marte sic constitutis, vel si sic existentibus omnibus, præter Veneris situm, Sol aut Iupiter cum regia aliqua, ex XV. signiferi, aut ex ordine Bebeniarum quæ sunt primæ magnitudinis, vel si Sol eodem modo in Leone vel etiam Ariete, Iupiter etiam & Mars in reliquis signis, Ariete, Leone, Sagittario eisdem in partibus, vel etiam iuncti, sed non cum Sole, hic etiam si rustici fuerit filius, aut vixerit, rex proculdubio fiet: sunt autem hi triginta modi quos superius enarraui.

Sunt & alij his inferiores, cum Sol, Luna, Iupiter, in trigono, eisdem in partibus fuerint. Sol autem in cœli medio & in igneo signo Sagittarij, & Iupiter in Leone vel Ariete, Venere vel Bebenia vel regia vt supra constitutis. Quod si Sol in Cancro, Luna in piscibus, Iupiter in Scorpione vel piscibus fuerint, eodem modo vt diximus, regnum etiam proculdubio pollicentur.

Proxima huic est constellatio, cum Iupiter, Venus, Lunaque aut Iupiter, Venus, caputque vel Iupiter. Luna, caputque in ariete, Leone, Sagittario, Cancro, Piscibusque in corde cœli, eadem in parte coeuerint, quæ vero recedunt ab his decuplo plus tertius à secundo, quàm secundus à primo distat.

## CAPVT XX.

*De morte nati.*

**C**onsule septimam domum & octauam pro violenta, & abscessore vite, & dissipatores. Luna in septima in Tauro, cruentam mortem ac violentam ostendit. Item in eo loco in quocunque signo in opposito Saturni vel Martis, vel quadrato vel cum illis posita, quod si pluribus partibus distat, pericula ostendit. In Virgine & in septima posita, si cum stella de natura Martis, occidetur, si Saturni ruina vel laqueo suffocabitur. Si Saturni & Veneris, veneno peribit. Si Luna, aquis mergetur. Vnde in vigesima  
fexta



sexta genitura, generis mortis Hali rationem assignare nesciuit. Oppositus enim locus planetarum ostendit non solum primæ mortis qualitatem, Fixæ etiam in loco anguli septimæ & figuræ cœli, vt aliàs dixi, sunt inspiciendæ.


Planeta qui interficit, est vel qui radios mittit hostiles ad locum vitæ, nec receptus, nec recipiens, estque infortuna, atque hic simul dat & aufert, vel qui aspiciet locum sequentem malo aspectu vltra corpus significatoris, velut si Mars sit in decima septima parte Scorpj & Sol in prima Tauri, nam radij Solis vsque 16. solum extenduntur, vel qui est naturæ contrariæ significatori ex propria substantia, vel ratione loci. Primo modo. Saturnus abscindit supra Solem, & Lunam, & Martem, & Venerem, & Mercurium. Supra Iouem autem non semper, & Mars abscindit supra Saturnum, & Iouem, & Mercurium, & Lunam & Iupiter supra Saturnum, quandoque & supra Venerem, & Lunam quandoque, & supra Martem, & Mercurium, semper nisi in coniunctione, idest corpore, & supra Solem nunquam, & ita Venus supra Lunam, & Saturnum, & Mercurium, & validior modus est oppositio, inde quadratus & coniunctio, inde sextilis. Trinus autem raro occidit, & Sol abscindit Lunam, & stellæ fixæ de natura infortunarum abscindunt, cum radius alicuius planetæ super eas ceciderit.

Ratione autem loci est, vt Venus in Scorpione abscindit ascendens in Ariete.

## CAPVT XXI.

*Quid eclipses significant, & coniunctiones magna in genituris.*

**A**ccidit mihi in anno 1539. vt Sol eclipsim pateretur in parte propinqua ascendentis, idest in octaua parte Tauri, & fuit etiam tunc Venus ascendentis nostri domina in Saturni opposito, & fuit obscuratus Sol ex tribus quartis diametri, & erat in nostra domo: & Astrologi disceptabant, quia hoc mihi celere denuntiaret mortem, &



iam præterierunt sex anni & viuo, nec vquam melius me habui & si dicas, quod Lu-

na est mihi significatrix vitæ, non ascendens, cur saltem in corpore non sum passus ali- quod incommodum.

Viuit etiam nunc puella, cuius est hæc genitura, & tamen Sol eclipsim incurrit post sex horas ab hora natiuitatis, & cum hoc Luna fuit cum cauda, in sextili Saturni, & Sol cum Mercurio, ipso existente domino ascendentis, domino loci luminarium, & combusto, & etiam Mars Solem damnabat.

Præterea quibuscunque Sol & Luna sunt vitæ dispositores, cum frequenter hi planetæ incurrant deliquium, nunquam quisquam horum vltra tres vel quatuor annos viueret, quin pateretur infortunium in vita magnum, aut quod non moreretur. Quamobrem patet, deliquia mortem in ascendente minime significare idem autem dico de magnis coniunctionibus.

Ergo vt ad me nihil pertinet, quod pestis sit in Gallia, si ego vitam agam in Italia, sic deliquia non iacturam significant, aut coniunctiones, nisi cum in regione calamitatem effecerint fueritque genitura initio calamitatis concors, nam vt quæ foruito eueniunt nobis, nihil attinent, sic etiam de deliquiis ac coniunctionibus quæ obiter per annum eueniunt. Ostendit & eclipsis anni 1539. in nostra genitura, nec si cadat in loco qui ad significatorem iam peruenit, nihil nocere: erat enim quarta pars Tauri, quæ ad locum Lunæ tunc peruenerat: vt necessarium fuisset, vel saltem grauiter ægrotare. Multas alias eclipses hoc modo obseruauimus nihil efficere. Sed neque tempus in causa esse potest, cum secundum Ptolemaum sextum annum ad summum non posset excedere.

Ergo eclipses & coniunctiones magnæ nihil operantur, nisi vt causæ generales: vnde plus nocent his qui cum effectus initio cum vrbe & provincia concordant, quàm his quibus in Horoscopo aut loco vitæ ceciderint.

Si tamen hora ipsa reuolutionis annuæ, dominum ascendentis infestum habuerint, esse potest, vt mali aliquid minentur.

Quod si hoc in eclipsibus & magnis coniunctionibus, quid in aliis debet, quæ ab his virtute ac viribus superantur?

Est tamen aliquis modus, quo hæc & illa in genituris significant. Sed nunc nostrum tantum est propositum docere, Ptolemæi regulas minime veras esse, Quinimo vt Luna quandoque iungitur Soli, innumeros à morbo ægros liberans, vt frequenter sum expertus sic etiam eclipses tam Solis quàm Lunæ, minime semper malum prænunciant.

Erat autem tunc reuolutio nostra, cum eclipsis incidit, hæc.

|                   |                    |
|-------------------|--------------------|
| Ascendens 10.48 ♊ | Mercurius 19. 17 ♄ |
| Cor cœli 5. ♋     | Luna 26. 57. ♌     |
| Iupiter 25.56. ♃  | Venus 13.18. ♀     |
| Saturnus 26.1. ♄  | Cauda 15. 58. ♏    |
| Sol 10. 37. ♌     | Mars 22. 5. ♋      |

Si luminare vitæ, eclipsetur in loco promissoris mortis nocebit egregie.



## CAPVT XXII.

*Quomodo operum initia à genitura ipsa pendeant, & an electio aliquid proficiat.*

**C**Aeterum, initia operum non illico in genitura apparent, sed per ipsas directiones. Vt in trigesima genitura, non eam potentiam decernunt caput & Venus in septimo loco, sed cum Sol eis proximus esset, maxime cum Martis quadrato, & prius Solis oppositum ad ascendens peruenisset, unde iter, quemadmodum res ex rebus, sic euentus ex euentibus nascuntur & fiunt, nam & in omnibus ob id sapienter egisse iuuat, cum causæ sint hæc naturales, nunc enim fatum relinquo. Igitur difficilis hæc est scientia etiam nobis, qui eam inuenimus, quatuor de causis. Prima, quoniam ob multitudinem negotiorum vni non possumus esse intenti, nec etiam illam eligere facile, quæ sit excellentioris conditionis. Secunda, quoniam non est facile eligere ex significatoribus, quid proprie decernat, nam iam pluribus annis sicut in quinquagesima genitura, aliquid magnum vt in tua pollicebamur & sperabamus, quale autem hoc futurum sit, planè fateor me vix assequi posse. Tertia vero, quæ maxima est, ea est, quòd congressus rerum perpendere non possumus, præcessit enim primo trini Solis ad Lunam accessus, tum illico oppositi Solis ad ascendens iter significans. Post hæc autem, simul Mercurij ad Solis corpus, auctorem dignitatis decernentis, erant autè simul & reliqua paulo post cor cœlestis Solis attigit, & Martè Solis quadratus. Itaque iam peracta te facile est causas & etiam naturales inuenire: ante difficillimum. nam nisi fiant congressus, non perficiuntur res. congressus autem temporum rationem præsupponunt. At longissimus est hic labor, tum magis, me, aliis in rebus, & si non dignioribus, attamen mihi necessariis intento. hæc enim ars plurimum & negociis, vt quisquam hic scripta assequatur, postulat. Quarta, quæ omnibus aliis adhuc difficilior est causa: quòd quantitatem rerum attingere non possumus, atque in hac omnes ferè laborant artifices, qui coniectura vtuntur, vt medici, nautæ, imperatores exercituum, veterinarij, tamen eo magis, quòd non minus in hac arte, quàm in his, accidunt diuersitates ex regionibus, & ciuitatibus, & legibus, & temporibus. Neque enim eadem ad vnguem significant fixæ, vel erraticæ, vel cœli partes, quæ Romanorum temporibus. nam nec in eisdem erraticæ locis sunt, nec æquali motu mouentur, nec erraticas eodem modo excipiunt: aliæ enim latitudinem erraticæ, aliæ longitudinem variam suscipiunt. Hæc eadem in erraticis motis absidibus, & signiferj rursus alia natura est. nam calidæ & vehementes stellæ, quæ aliàs in Leone erant, nunc sunt in Virgine, unde vtræque signa temporaria. Ergo rerum initia à genitura pendent tribus modis, vel ab ipsa, vel à directione vel à reuolutione. hæc verò generalibus

causis comparari debent. Cæterum electio in his aliquid facit: sed quis sciet eligere. indicat tamen ratio & insitio prodesse electionem: in rebus tamen voluntariis parum prodest, & difficillima est: cum tamen ad genituras respicimus, faustis temporibus. idest annis, magna aggredi bonum est. non enim semper astra quantum necesse est impellunt. dierum autem ac horarum electio absurdissima est nisi in naturalibus diligenter perpenſa Lunæ ratione quandoquidem nec eo perfectionis deuenimus, vt dierum decreta possimus attingere. dedimus tamen modum, sed labor vtilitatem plerumque superat. At video quid sis dicturus: si Sol mihi dignitatem decernit iter ingressuro, at non ego iter ingrediar, nonne vana est hæc naturalis causa. Respondeo, vbicumque fuero Sol me digne vt excipiar faciet, magis autem alibi quàm hic. sed potest frustra perfectio operis non operatio.

## CAPVT XXIII.

*De pestilentia, bello, & naufragio, quomodo ad genituras comparantur.*

**H**Abent decreta generalia suas vires, alia enim pestem, alia bellum, alia inundationes declarant: nam ostensum est à nobis, quòd cum planetæ superiores in aqueis signis coeunt, tunc artes maxime vigent, quia imperia, vbi autem imperia, & belli gloria, ibi artes ad fastigium deducuntur, tum maxime, quòd in eo trigono Iupiter Mars & Venus dominantur. Alia autem est ratio generalium, alia singularium. nam Mercurius artes significat, sed magis, quæ ad contemplationem attinent. Sed Mars operarias ad summum euehit, cum recte fuerit collocatus dominatur & in igneo trigono, sed immoderantia caloris & siccitatis, ad legum promulgationem magis extenditur: dominatur & in terreis, sed ibi siccitas nimis prædominatur, vt vero cuiuscunque genitura cum trigono suo consentit, sic homo redditur omnibus illustrior. Sed iam ad ea quæ proposuimus veniamus, cum pestis, bellum, vel naufragium, originem à syderibus accipit communis sit constellatio, seu syderum congressus, rapit autem eos cum quibus conuenit regione. nam belli quod apud Italos celebratur, Indi & Aethiopes omnino sunt expertes. deinde itinere, neque enim fieri potest, vt Romanus Romæ existens, Cannensi clade cadat. necessarium est autem, vt signa itineris conueniant. Sed non semper itineris signa apparent: nam ex ordine illo ab initio fuit. erat enim eques aut legionarius miles. Rursus violentia causæ generalis, tum singularis genitura sunt comparandæ. Vis autem generalis, singulari, æqualance, præferri debet. Quis enim vitæ significator proderit illi, qui in naui est, quæ in medio periclitatur mari. ob hoc aduersus fatum nulla prudentia, aduersus syderum decreta, magna, frequenter prodest. At dices, nonne eadem igitur & singularibus



singularibus casibus ratio: si enim in domum quæ ruere debuit, diutius fatus est ea nocte, quæ ruit, proculdubio singularis illi fuit ratio, & tamen eam vitare etiam potuit. Respondemus, illum qui sic se habet, cum ad evidens periculum non fertur, nec consilio rapi ac compelli tunc ex astris, atque hoc in genitura vel reuolutione apparere. Sed quid de illo qui in latrones incidit, in mali aeris regionem equidem commensurare oportebit in hoc genitura decreta, & reuolutiones, cum & mala regio causa sit communis, incidere autem in latrones fortuitum est. Sufficit igitur ad hoc, ut quis in clade cadat ut signum aliquod habeat violentæ mortis, & si minime tunc esset moriturus, in peste morbi, in naufragio aquæ: quod autem extra hæc est, ad fati attinet rationem, & incomprehensibile est. Temerarij autem super his diiudicant, & artem ipsam infamem reddunt. Sed eadem ratione verum rarius, bona contingunt ex generalibus causis, quæ nusquam in genitura apparent. Qui igitur totam posset assequi artem, posset & omnia prædicere. Sed non licet, cum tot habeamus artes præ manibus, longe faciliores, quarum minimam tamen partem assequimur: ut medicinæ, bellicæ rei, & rusticæ, & nauigandi, tum philosophiæ decreta & naturales causas: hæc autem etiam his obscuriores sunt.

Naufragium facit Saturnus, & Mars, & fixæ de horum natura, cum Lunæ sociantur, vel dominum ascendens pulsant, faciunt & eclipses, & magnæ coniunctiones, unde plures erunt pestes, eclipses etiam, & cometæ. clades cometæ denunciant & Mars dominator, quibus nascentibus Cometa in loco principali fuerit, magna euenient.

#### CAPVT XXIV.

*De diuinatione per somnia, & reliqua,  
& de natura signorum.*

**S**Vnt proprietates in signis & Planetis ad diuersa. unde qui habuerit Lunam in Sagittario vel Piscibus diuinabit etiam sine arte. Luna etiam coniuncta Ioui vel Mercurio, diuinationem ex arte promittit, cui pisces aut Sagittarius in nono loco fuerint, ille somnia habebit vera, maxime si Iupiter fuerit in Horoscopo. & si loco Iouis fuerit Saturnus & in nona Capricornus vel Aquarius, videbit quidem multa, sed falsa. post Iouem Venus facit diuinare, tum etiam Sol maxime.

Aries si ascendat, facit operariis artibus deditum, mutabilis consilij, fornosum. Taurus laboriosum constantē, & plerumque ferro vel veneno morietur. Gemini fraudulentum, & disciplinarum amatorem. Cancer studiosum, si iuxta medium inconstantem, atque ideo in suis rebus imperfectum. Leo fortem, & tristi facie, crudelem. Virgo deditum disciplinis, rapacem crudelem. Libra varium, in eo enim dominantur duo planetæ contrariæ naturæ. Saturnus & Ve-

nus, aliquando venereis & iocis, aliquando feriis totus incumbet, contemptorem discipularum, memorem, & ob id ad linguarum scientiam aptum, in hoc tamen conuenit cum Ariete: signa enim æquinoctia, ad linguas, fixa ad disciplinas sunt aptiora. Scorpio malorum morum. Sagittarius audaces, libenter arma tractantes. Capricornus fulco colore semper, & salaces, versutos, & minimè harum amatores. Aquarius fuscus & fœdi concubitus. Pisces duplicis animi, blesos hæc cadem sed minus faciunt, si vel Luna vel dominus ascendens in eis fuerint.

#### CAPVT XXV.

*De scientia mensis, diei, & horæ  
futurorum.*

**I**N hoc considera, ut dixi, exquisitissime reuolutionem primo, Secundo directionem usque ad dies. Tertio directionem reuolutionis, Quarto consistentiam planetæ in loco, Quinto domini loci consistentiam, Sexto Astridaria, Septimo & ultimo distantiam temporis inter ingressum Solis in punctum significatoris, ad locum qui occidit ex significatoris loco, ut alias dictum est. De reuolutionibus autem & directionibus iam superius dictum est, & per exempla explicatum: reuolutionis etiam directio eodem modo agitur, ut directio generalis, sed partibus inuentis dabis diem & tertiam horæ partem, nam differentia, erroris causa non est.

Exemplum autem quarti est, quod si Saturnus mihi inimicus in vita permeauerit ascendens, idest à 6. partibus Tauri ad 6. geminorum, male afficiet corpus meum, sed longe deterius cum ad 11. partem piscium peruenit, qui est vitæ dator, & cum fuerit in Aquario & Libra, augebit honores, quia Aquarius est decima domus & Libra locus Veneris & Mercurij & Solis, & Iupiter in Aquario eodem modo.

Exemplum autem quinti modi est, ut Venus domina ascendens, quoties fuerit in Scorpione, male me afficiet, & quoties Luna ceciderit in geminis, semper male me habeo, ibi enim sunt hostes vitæ.

Exemplum sexti iam habuisti, sed septimi est in quadragesima septima genitura. Sol in natiuitate, significauit pontificiam dignitatem, in reuolutione etiam: & promissor fuit Iupiter, & distantia horum per partes æquales erat 91. significauit igitur, quod post 91. diem, ab ingressu loci significatoris hoc fieret, sed cum significator esset ipse met Sol, ideo nonagesima prima die à reuolutione hoc fuit, potuisset & significare nonagesima prima die ab ingressu Solis in 27. partem piscium, sed hoc rarius contingit, habent tamen omnes reuolutiones hæc duo tempora. Si vero significator non est Sol, ut in vigesima sexta genitura, nam ibi est Luna: & occisor locus Iouis & quadratum Martis,








| Signa.      |              | Partes. |    | Partes. |    | Signa. |           |
|-------------|--------------|---------|----|---------|----|--------|-----------|
| Aries       | Virgo.       | 1       | 30 | 8       | 23 | Aries  | Pisces.   |
| Taurus      | Leo.         | 2       | 29 | 9       | 22 | Taurus | Aquarius. |
| Gemini      | Cancer.      | 3       | 28 | 10      | 21 | Gemini | Capricor. |
| Libra       | Pisces.      | 4       | 27 | 11      | 20 | Cancer | Sagittar. |
| Scorpius    | Aquarius.    | 5       | 26 | 12      | 19 | Leo    | Scorpio.  |
| Sagittarius | Capricornus. | 6       | 25 | 13      | 18 | Virgo  | Libra.    |
|             |              | 7       | 24 | 14      | 17 |        |           |
|             |              |         |    | 15      | 16 |        |           |

In secunda Tabula posui Signa tantum, nam partes primæ tabulæ, etiam inferuiunt secundæ tabulæ. Exemplum primæ tabulæ habes in trigesima quinta genitura. Ascendens est in secunda parte Piscium. Cauda in vigesima nona Libræ. Video igitur quod Libra correspondet Piscibus, secunda pars vi-

gesimæ nonæ, igitur erunt in Antiscio, & Antiscium Iouis in decimanona genitura, est vigesima septima pars Leonis. Sed exemplum secundi modi est in quinquagesima quarta genitura, nam Sol est in vigesima quinta parte Libræ, & Venus in quinta Virginis, igitur fuerunt in Antiscio secundo modo.



Ratio vero domorum quasi sumpta est eodem modo. nam cum Sol maximas in Leone vires habeat, & Luna in Cancro qui Soli succedat in dignitate, proximas Cancro & Leoni occupat Mercurius, inde Venus, & sic habita distantia signorum æqualitate, usque ad Saturnum, qui vtrique luminarium opponitur domibus, sicut etiam natura. Cadunt autem Planetæ in oppositis domorum, ut Iupiter in Geminis, Luna in Capricorno.

Sed post domum, maxima virtus est exaltationis, exaltatur Sol in Ariete, nam prima est illius virtus, cum ad nos venit in hoc signo. Succedens verò Luna accipit, Venus & Mercurius acceperunt proxima, Pisces & Geminos, Sed Mercurius non potuit accipere Pisces, quia opponuntur domui suæ. Cancrum accipit Iupiter, Mars Capricornum, ut Ioui opponeretur, & sic Saturnus Libram, ut Soli.

Exaltationes.

|          |         |           |         |        |         |            |
|----------|---------|-----------|---------|--------|---------|------------|
| Saturnus | Iupiter | Mars      | Venus   | Sol    | Luna    | Mercurius. |
| Libra.   | Cancer. | Capricor. | Pisces. | Aries. | Taurus. | Gemini.    |

Communis tamen opinio est de Mercurio, eo quod gaudeat in Virgine. Sed hoc non est adeo rationi nostræ consentaneum. Mars non potuit accipere Aquarium, quia nimis remouetur ab illius natura. Trigoni autem hac ratione constant, tribus quibuslibet signis ex eadem natura. Da-

mus primum dominum exaltationi, secundum domino domus, & similiter tertium, quia igitur in igneo trigono, Arietis, Leonis & Sagittarij, Sol possidet exaltationem, ideo primus dominus est Sol, Secundus est Iupiter dominus Sagittarij, Mars tertius, quia Aries iam dederat vires Soli.

|             |         |           |           |          |              |
|-------------|---------|-----------|-----------|----------|--------------|
| Aries       | Igneus  | Primus    | Secundus  | Tertius  | In die nocte |
| Leo         |         | Sol       | Iupiter   | Mars     |              |
| Sagittarius |         | Iupiter   | Sol       | Mars     |              |
| Taurus      | Terreus | Venus     | Mercurius | Saturnus | die nocte    |
| Virgo       |         | Luna      | Mars      | Saturnus |              |
| Capricornus |         |           |           |          |              |
| Gemini      | Æreus   | Saturnus  | Mercurius | Venus    | die nocte    |
| Libra       |         | Mercurius | Saturnus  | Venus    |              |
| Aquarius    |         |           |           |          |              |
| Cancer      | Aqueus  | Iupiter   | Venus     | Mars     | die nocte    |
| Scorpio     |         | Venus     | Iupiter   | Luna     |              |
| Pisces      |         |           |           |          |              |

Hæc autem ratio trigonum firmissima est & emendata. Terminorum



*Terminorum vero ratio, alia longe est nobis, ac aliis. Antiqui enim sic terminos definiunt.*

|   |    |   |    |   |   |   |   |   |   |   |
|---|----|---|----|---|---|---|---|---|---|---|
| ♈ | 6  | ♈ | 6  | ♀ | 8 | ♈ | 5 | ♂ | 5 | h |
| ♉ | 8  | ♀ | 6  | ♈ | 8 | ♈ | 5 | h | 3 | ♂ |
| ♊ | 6  | ♀ | 6  | ♈ | 5 | ♀ | 7 | ♂ | 6 | h |
| ♋ | 7  | ♂ | 6  | ♀ | 6 | ♈ | 7 | ♈ | 4 | h |
| ♌ | 6  | ♈ | 5  | ♀ | 7 | h | 6 | ♈ | 6 | ♂ |
| ♍ | 7  | ♈ | 10 | ♀ | 4 | ♈ | 7 | ♂ | 2 | h |
| ♎ | 6  | h | 8  | ♈ | 7 | ♈ | 7 | ♀ | 2 | ♂ |
| ♏ | 7  | ♂ | 4  | ♀ | 8 | ♈ | 5 | ♈ | 6 | h |
| ♐ | 12 | ♈ | 5  | ♀ | 4 | ♈ | 5 | h | 4 | ♂ |
| ♑ | 7  | ♈ | 7  | ♈ | 8 | ♀ | 4 | h | 4 | ♂ |
| ♒ | 7  | ♈ | 6  | ♀ | 7 | ♈ | 5 | ♂ | 5 | h |
| ♓ | 12 | ♀ | 4  | ♈ | 3 | ♈ | 9 | ♂ | 2 | h |

Pro domibus habentur hæc carmina.

*Est Aries Martis, & acuta Scorpio partis,  
Libram cum Tauro, Venus ambit purior auro.  
Occupat Erigonem Stilbon geminumque La-  
conem.  
Atque Ioui dona Pisces simul atque Chirona.  
Est tibi Saturne, domus Agoceronis &  
urna.  
Cesserunt soli, Cancer Luna, Leo Soli.*

Exaltationes autem his.

*Sol oue, Luna bone, Saturnus lance lenatur.  
In Caneroque tonans, in te Capricorne gra-  
diuus.  
Stilbonem sua virgo lenat, Piscesque Dio-  
nem.  
Et caput erigitur Ledeæ prole Draconis.*

Triplicitates vero sic.

*Sole dies, Ioue nox regitur, Mars tempus  
vivumque.  
Marte dies, Luna nox, semper Stilbon ha-  
betur.  
Saturnus Stilbon quinta, & Iupiter Venus ac  
Mars.*

Carminibus sic memoriæ commen-  
dantur termini.

**Ari.** Sex Iouis, & Veneris, Stilbonis bis  
quater, inde  
Pirois est quinque, Sat tibi quinque dabit.  
**Tau.** Octo Venus, sex Stilbon habet, ium Iu-  
piter octo.  
Sat quinque exposcit, Mars tria bella  
pede.  
**Gem.** Bis tria Mercurio, & regi, sed quinque  
Dioni.  
Mars septem numerat, bis tria prima  
loci.  
**Can.** Belliger est septem, sex mater, doctus eos-  
dem.  
Septem sunt regi, Sat quater ille senex.  
**Leo.** Sex regi numera, sed quinta & quinque  
tenebit.  
Tom. V.

*Sat septem, docto sex, quoque bellige-  
ro.*

**Vir.** Stilbon dat septem, bis quinque mater  
amoris.

*Quarta Ioui, bello septima, Satque  
duo.*

**Lib.** Sex Sat Lira mouet, Stilboni bis qua-  
ter illi.

*Et regi, & quinta septima, Marsque  
duo.*

**Scor.** Mars septem, Venerique quater, Stil-  
bonis & octo.

*Quinque adsunt regi, sat ibi sexta  
dies.*

**Sagit.** Annus rex est, quinque Venus, Stilbon  
quater ille.

*Sat quinque, & Marti bis duo signa  
dabis.*

**Capric.** Septem Stilboni, & regi, & Venus  
octo diebus.

*Sat quater, & Mars est nobilis ille  
tibi.*

**Aqua.** Docto sunt septem, Veneri sex, septima  
regi.

*Mars quinque, annumerat, tot quoque  
prima dies.*

**Pisces.** Biffennis quinta, & Regi quater, &  
tribus Hermes.

*Mars nonum annumerat, Sat duo signa  
sibi.*

Qui igitur sic distribuunt, cōguntur Soli  
dare sex signa ab initio Arietis, vsque ad Li-  
bræ initium, reliqua sex signa Lunæ. At  
hoc est absouum, vt quarta pars Tauri sit si-  
mul finis Veneris & Solis, sunt etiam, abs-  
que ratione. Nam non decet ea habere domi-  
cilia, exaltationes, trigonum, & carere ter-  
minis ac finibus propriis. Hæc igitur est ratio  
nostra, septem partes dantur domino exalta-  
tionis, post sex domino domus, & si fuerit  
trigoni etiam dominus 7. post domino trigo-  
ni primo quinque, & secundo quatuor, in-  
de quatuor Soli in masculino, primo, de-  
inde Lunæ contrario modo in fœminino,  
inde tres, domino sequentis signi. Vltimas  
autem partes infortunæ, non habenti digni-  
tatem in loco, nisi sit planeta aliquis cadens



in eo signo ab exaltatione , nam tunc infortuna habebit penultimas tres partes , & planeta cadens vltimas. Si tamen erratica, quæ cadit ab exaltatione , habeat in eodem signo vim trigoni , vt Mars in Cancro , retinebit

penultimum suum locum. Si vero pars aliqua deficiat , detrahimus eam à partibus, quas possidet planeta , qui finem signi fortitur. Sol autem & Luna nunquam finem signi fortiuntur.

Termini secundum rationem nostram.

|   |   |   |   |   |   |   |   |   |   |   |   |   |   |   |   |   |   |
|---|---|---|---|---|---|---|---|---|---|---|---|---|---|---|---|---|---|
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |
| ♈ | ♌ | ♍ | ♎ | ♏ | ♐ | ♑ | ♒ | ♓ | ♈ | ♌ | ♍ | ♎ | ♏ | ♐ | ♑ | ♒ | ♓ |

C A P V T XXVIII.

De significato virium planetarum.

Domus & exaltatio, primas vires habent, quas significemus numero 6. trigonus autem pro domino primo, si sit tam de die quam de nocte, quatuor habet vires, vt Iupiter in Ariete. Si solum de die & genitura sit diurna, tres habet vires, in nocte nullam, vel vnam tantum, idem dicas de nocturno in diurna genitura. Sed secundus dominus, si communis sit die ac nocte, duas habet vires, si autem non sit communis, diurnus de die, & nocturnus de nocte, duas habet vires, contrario autem modo nullas. Tertius si communis fuerit, duas habet vires, si autem diurnus, vel nocturnus, in die quidem diurnus vnam, in nocte nocturnus vnam : contrario modo, nullam, termini dominus, semper duas.

Differentia inter dominum domus & exaltationis etiam est, quia effectus domini exaltationis clarior, domus autem perennior. Differentia inter dominos trigoni & termini est, quod dominus termini clariores facit effectus trigoni diuturniores. Igitur trigoni ad finem, vt domus ad exaltationem. Vltimi termini debiliores sunt, ac post primi & in vnoquoque termino postrema pars debilior, inde prima, mediæ autem validissima.

Et vt Planeta gaudet in dignitatibus suis, sic contristatur in oppositis, in trigonis tamē & sinibushoc adeo est leue, vt lateat, quare inre merito opposita horum Astrologi non curauerunt. Oppositionem signorum vbi de ra-

diationibus tractauimus habuisti. Fines terminorum, natura sequentium participant, vt decima sexta pars + de natura ). Participant & naturam stellarum fixarum in eis existentium & radorum erraticarum, qui in ipsos cadunt terminos.

Signa etiā se oderunt, maxime Leo & Scorpio, post Sagittarius & Pisces, vltimo Aries & Cancer. Sagittarij tamen cum Piscibus occultiores est inimicitia, quia ambo signa sunt bicorporea, & domus Iouis. Omnes etiam planetæ gaudent in Cancro præter Saturnū. Luna habet ibi domum, Iupiter exaltationem, Martis quamuis in eo cadat, & Solis frangitur siccitas & calor immensus. Venus habet trigonum, & gaudet in domo amicorum. Mercurius est in sextili domus suæ. Saturnus autem ibi vehementer tristatur, & malos morbos facit.

In Virgine autem omnes se male habent, præter Mercurium, tum quia volunt recedere à nobis, Planetæ ad austrum, tum quia Solis, Saturni, & Martis siccitas augetur in immensum. Iupiter & Venus in ea cadunt, & Luna est in domo inimici ♄. Sed planetæ omnes, præter Mercurium, duplici illa ratione gaudent in Piscibus, veniunt enim ad nos, & fortunæ in his sedem habent, & Saturni Martis ac Solis siccitas frangitur, & Luna est in trigono suo, & in domo amicorum.

Sunt & amiciciæ planetarum inter se, tum odia, non quidem quod stella stellam odio habeat, vt homo hominem, aut quod altera alteram viciet, vt elementa, sed quæ contrarios effectus, cum sibi obuiant, pariunt.

| Amicus est | Amiciciæ. |         |        |         |       |         |        |
|------------|-----------|---------|--------|---------|-------|---------|--------|
|            | Saturnus  | Iupiter | Mars   | Sol     | Venus | Mercur. | Luna   |
|            | Ioui      | Saturno | Veneri | Saturno | Ioui  | Saturno | Ioui   |
|            | Soli      | Soli    | ri     | no Ioui | Marti | Soli    | Veneri |
|            | Mercurio. | Veneri  |        | neri    | Lunæ  |         | ri.    |



|      |          |         |            |         |        |           |      |
|------|----------|---------|------------|---------|--------|-----------|------|
|      | Odia.    |         |            |         |        |           |      |
| Odit | Saturnus | Iupiter | Mars om-   | Sol     | Venus  | Mercurius | Luna |
|      | Martem   | Martem  | nes præter | Mar-    | Satur- | Iouem     | So-  |
|      | Vene-    | Mercu-  | Vene-      | tem Lu- | num.   | Mar-      | lem. |
|      | rem.     | rium.   | rem.       | nam.    |        | tem.      |      |

Reliqui Planetæ sunt indifferentes, vt Saturnus cum Luna.

Planetæ in domibus suis, significant eum qui à suis magni æstimabitur, amatorem quietis in patria, & felicem.

In exaltatione, honores aduenientes, gloriam, tam à propriis, quàm ab alienis: hominem quasi indifferentem.

In trigono suo, custodientem suam, quietum, amatorem rerum mediocrium.

In finibus, suis, hominem variæ fortunæ. & permutantem statum sæpe. Cum enim planeta vitam significans redierit, vita erit incolumis, cum autem ad inimicorum terminos processerit, erit infelix idem de honoribus & diuitiis.

Planetæ peregrini, homini præstant, si bene dispositi fuerint, melius extra patriam, quàm in patria: si male, nullibi.

Cadentes à domo, peregrinationes, & exilia, & inconstantiam, ab exaltatione autem, hominem qui multa in honore suscipiat in commoda, deiectum, & de quo homines non curent.

In summo parui vel eccentrici circuli, ambitiosos, audaces. & omnia contemnentes. In imo autem, prouidos, timidos, & viles.

Retrogradi superiores, præstant pertinationem, si omnes sic fuerint, adeo erunt pertinaces, vt pro fatuis aut stolidis habeantur. Maxime igitur pertinax est, cui ascendens, & locus Lunæ est in Capricorno, & magis in Aquario, & tres superiores retrogradi.

Faciunt & hi sic positi, nunquam à contentionibus explicitum, cum difficultate maxima negotia ad finem perducentem, tandem desperantem.

Venus & Mercurius retrogradi, fallaces, anxios, curiosos, de semetipsis diffidentes, sollicitos, negligentes actiones proprias, semper autem respicere oportet cui præsent, alij vitæ, alij negotiationi.

Signa etiam per se naturam rerum disponunt, Aries vitam, Libra diuitias, Taurus labores, Scorpius animi sollicitudinem & deceptionem, Gemini industriam, Sagittarius audaciam & promptitudinem, Cancer negotiationem & patrimonia, Capricornus re-

gnum & dignitatem. Leo vires & tolerantiam, Aquarius perseverantiam & partorum retentionem, Virgo finem laborum & abolitionem operum, Pisces delicias & voluptatē.

Antiscia prima significant concordiam absque similitudine aliqua: Antiscia secunda similitudinem & non concordiam.

Planetæ accedentes, dant vim suam alteri: vnde in nostra geitura Mercurius Veneri, & Venus Mercurio vires præstat.

Planeta transferens lumen ab altero ad alterum, est, quoties celerioris motus aliquis separatur à planeta tardioris motus ad alterum applicans, vt in vigesima quarta genitura. Sol transfert lumen Martis ad Iouem, & tunc significatur, quod ea quæ significantur à Marte, sunt gratia eorum quæ à Ioue significantur idest, quod committebat adulterium causa diuitiarum, vt ornata videretur, nam hoc Sol significat.

Si vero antequam obuiet alteri, retrocedat, impedimentum & poenitentiam significat.

Si autem ille alius effugiat, vt in vigesima secunda genitura, Sol deferebat vim Saturni & Martis ad Venerem, sed Venus est celerior Sole, significat quod appetet rem, quam nunquam complebit, & ita fuit, nam ante matrimonium diu tractatum, occisus est.

Si vero alter planeta retrogradando illi leuiori occurrat, antequam perueniat ad illum quem petebat, aut alteri leuiori se occurrat, quod in vnum transferre voluit, in alium cogetur.

Si vero ab vno separatns leuiori applicate nititur, sed non perficit, vt in quadragesima sexta genitura, Mercurius sextiles radios Veneris, ad Lunam transferre conatur, cum tamen leuior sit Luna, ideo significat, quod multa quæret in talibus negotiis, quæ non solum non assequetur, sed erunt impossibilia, & sic de aliis.

Sol in Cancro in angulo aliquo præter quartam, vitæ longitudinem auget, vt supra partis annos, si à maleficis non impediatur, aut casu aliquo præripiatur, viuat.





# LIBER


## De exemplis centum geniturarum.

### P R O O E M I V M.

**N**E C tenere, aut leui ex causa, harum geniturarum ullam subiungimus, cum unaquaque aliquid admiratione dignum habuerit. In eis tamen, quæ priuatorum sunt hominum, non erit difficile, tum uniuersam illorum vitam describere, tum etiam quod vera scripserimus persuadere. In Principum dispositionibus exponendis, longè maius arduum negotium erit differendi, maximum vero persuadendi: tum quia Principes, ex regnorum significatoribus, maximam suæ fortune vicissitudinem habent, qui nullum proprie illorum genitura testimonium exhibent: tum etiam quod maledicere uiuentibus eis sine periculo, laudare sine adulationis suspitione, non possumus: nec si omnino hæc malis & infortuniis vacent, facile quisquam credat. Quidam uero Principum corpora, animumque in totum à cælestibus causis absoluunt, quemadmodum Firmicus. Licuit sanè hu, qui etiam deos ipsos appellauere, ob vanam superstitionem: nobis autem, qui veram colimus pietatem, quique nihil in astris superstitiosum, sed tanquam naturales causas obseruamus, minime licet. Sed ut calore, frigore, doloribus omnes homines sine discrimine vexantur: sic non negamus Principum corpora animosque mutari uolenter, & leniter ad bonum malumque deflecti.

Sequitur figura exempli primi geniturarum.

I.



Latitudines Planetarum.

|          |   |    |         |           |   |    |         |
|----------|---|----|---------|-----------|---|----|---------|
| Saturnus | 2 | 12 | Sep. D. | Venus     | 1 | 30 | Mer. A. |
| Iupiter  | 1 | 3  | Sep. D. | Mercurius | 1 | 34 | Sep. A. |
| Mars     | 0 | 11 | Sep. A. | Luna      | 4 | 53 | Sep. A. |

Cum Ioue stellæ paruæ, naturæ Saturni & Veneris.

Cum Marte stellæ paruæ geminorum, naturæ Saturni, & sunt 5.

Cum Venere stellæ pedis geminorum, magnitudinis terciæ, naturæ Mercurij parum Veneris.

Cum Mercurio & ascendente parua stellæ, naturæ Saturni & Mercurij.

Cum ascendente, id est, iuxta finitorem visus, coascendit minor canis.

Cū imo cæli spica virginis, naturæ Veneris, parum Mercurij: & arcturus in Boote, naturæ Iouis, magnitudinis primæ.

Multa in hoc viro præclaro, egregia fuere.

Primum carminum suauitas elegans, quæ per uniuersum orbem celebratur. Præstat hoc Iupiter in domo Mercurij, in quadrato Veneris, existentis cum pede gemini, naturæ Mercurij, & parum Veneris: & ipsa fuit similiter in trino Lunæ, & ipsa erat intercepta à radiis Iouis oppositis. Et ideo suauiloquentiam præstat hæc constitutio, quæ maiorem præstare non potest.

Secundum est, profunditas sensuum cum studio maximo. Præstitit hoc Mercurius in ascendente gradu iuxta Solem, in sextili Saturni, quod in amplissimum auxit coascendens minor canis bebenia, naturæ Mercurij. Atque eo modo authoritatem cum doctrina & eloquentia coniunxit.

Tertium est, perpetua manens ac indefessa gloria, ut etiam in Hispanicam linguam transferit. Ostendit hoc spica virginis in cæli imo constituta.


Quantum



Quartum est, coelibatus & orbitas: nam decimam Sol aspiciat de quadrato, & Mercurius ex angulo, fortis uterque quintam Sol & Mercurius de trino equidem, sed ex sterili signo, Iupiter de quadrato in sterili existens, Saturnus de sextili non in fecundo signo. Habuit igitur filium, quem Iupiter significavit infortunatus, qui brevis superuixit.

Quintum est, significatio Mercurij linguarum pluralitatem dantis, percalluit enim latinam linguam, ac graecam: semper enim Mercurius fortis pluralitatem dat linguarum, maxime cum Soli propinquus extiterit. Sol etiam in Oriente, longam vitam decernit. Iupiter autem in secunda, religionem, hoc etiam plerumque facit.

I I.



Cum Ioue fuit quasi aldebaran.

Cum Marte stellæ tres paræ, naturæ Saturni, parum Mercurij.

Cum Sole iuba ceti, magnitudinis quartæ, naturæ Saturni, & cuspis cornu arietis, magnitudinis tertie, naturæ Saturni & Martis.

Cum Mercurio australis post linum piscium parua, naturæ Saturni ac Iouis.

Cum Luna stellæ ex aqua aquarij, naturæ Saturni, parum Iouis.

Cum ascendente stella, naturæ Iouis, & Saturni, magnitudinis tertie: & Soli & Martis, magnitudinis quartæ, & fuit ibi vultur cadens in lira magnitu. primæ, naturæ Veneris & Mercurij.

Cum corde cœli fuit spica Virginis, & arcturus in boote, naturæ Veneris & Mercurij, & Iouis regales: verum distabant ad sequentia, parte vna & media fere.

Plurima in hoc viro & bona & mala fuisse.

Primum, cum Venus, ascendens de trino respiciat. Venus vero in tauro dominetur, blanda verba, eloquentiam, & gratiam apud homines præstat hæc constitutio.

Secundum est, diuersarum linguarum non vulgaris peritia, plurimarum scientiarum cognitio. Præstat hoc indubie Luna in quadrato Iouis cum Aldebaran existentis, & stella cum Mercurio de natura Saturni & Iouis.

Tertium fuit, exilium quasi perpetuum:

quod Mars ascendens dominus, combustus cum lino piscium significabat, Luna aspiciente ascendens.

Quartum, fortuna in quinta, plures exhibet filios, Luna respiciente ex signo multorum filiorum.

Quintum fuit, nominis magnitudo. Præstat hoc spica virginis & Bootes in cœli medio, & vultur cadens in ascendente.

Sextum, plurima, si quisquam alius, volumina è græco vertit, mediocri eloquentia latina, quoniam eo tempore Latinæ literæ adhuc frugebant, & ipse Græcus natione, vir plurimum fellis & mellis habens: nam ut clarum est, infortunæ Soli, Mercurio, ascendenteque prædominabantur. Poggius & Iacobus Cremonensis, græcarum litterarum ignari, iubente Nicolao pontifice, plurimas illius translationes, supposititio nomine occupare. Vir vagus, subdolos, melliteis verbis, robustus, vafer, inconstans, laboriosus multiscius, longæuus.

I I I.



Latitudines Planetarum.

|          |   |    |         |       |   |    |         |
|----------|---|----|---------|-------|---|----|---------|
| Saturnus | 1 | 50 | Sep. D. | Mars  | 0 | 13 | Sep. A. |
| Iupiter  | 0 | 30 | Sep. A. | Venus | 3 | 40 | Mer. A. |
| Mars     | 0 | 9  | Mer. D. | Luna  | 2 | 11 | Sep. A. |

Cum Ioue vola leonis, magn. quartæ, naturæ Iouis & Martis.

Cum Marte, stella magnitudinis quartæ, naturæ Martis, & Apollo secundæ magnitudinis, naturæ Mercurij.

Cum Venere stellæ tertie & quartæ magnitudinis, formæ geminorum, naturæ Saturni & Martis, & cum ea etiam est canis ardens, naturæ Iouis, & parum Martis.

Cum ascendente stellæ naturæ Saturni & Mercurij, ambæ paræ, ex forma Cancri.

Non pauca in hoc viro adnotatione digna fuisse.

Primum fuit longitudo vitæ, cum 83 excederit annos. Præstat hoc Sol fortis in ascendente cum Ioue.

Secundum fuit, doctrina suo tempore non contemnenda, græca latinæque. Hoc indicabat Mercurius in virgine, in Saturni qua-

Qq 4 drato



drato, & Veneris sextili: & Mars cum Apolline, naturæ Mercurij.

Cumque Venus in cancro foret, in duodecima, cum Marte in sextili Mercurij, Mercurio etiam in quadrato Saturni, & ipsa cum cane ardente, & stellis naturæ Saturni & Martis, non obscure declarabat hominem omni libidine flagrare: unde & ob puerorum concubitus, & mulierum raptum infamis habitur, ab inimicis publice laceffitus, multa etiam incommoda perpeffus est. Quid enim flagitij addi poterat, si Venus vtrique infortunæ & Mercurio iungebatur. Malum etiam ingenium & seditiosum ostendit.

At quia cor Scorpij, secundum gradum erat in imo cæli, & Aldebaran in medio, id est, in decimæ initio, clarum hominem literis, etiam post fata demonstrat. Aspicit autem loca Mercurius & Venus, trino ac sextili vicissim, nec homini obfuit, nisi temporum calamitas, quibus bonæ perierant literæ.

Nam Sol cum Ioue iunctus, in sextili Saturni, & dominus ascendens indicavit studiosum, laboriosum, severum, agrestem, ac præter vitia Catonianam quandam asperitatem præferentem, superbum, cogitabundum, ac memoria insigni præditum, incolumem.


Saturnus etiam in Sagittario, in trino ascendens, indicavit vulnus in facie.

Iupiter combustus & Mercurius in quadrato Saturni, dat inopiam, labores. Venus sola fauet, unde plurimas duxit vxores, primam rapit. Significabat autem occasionem victus, Mercurius in secunda, in domo propria.

Luna in quinta, filios promittebat, Saturnus malos.

Illud verò non parum animaduvertere conuenit, quod in hac & prima & sequente genitura videre licet, Martem in cancro, in duodecima, aliquam cum doctrina & eruditione habere significationem, inimicosque debilitare. Sunt autem virorum cruditorum signa 4. Taurus, Cancer, Leo, & Aquarius: raro autem aliud ascendit signum, si regula in Trapezuntio exceptionem etiaitur.

I V.



Saturnus cum pede boreali cancri, naturæ Saturni Mercurique magnitudinis quintæ.

Iupiter cum stella extra formam cancri, naturæ Saturni & Mercurij, magnitudinis quartæ.

Mars cum stella, magnit. 4. naturæ Mercurij, parum Veneris.

Sol cum asino magnitudinis quaræ, naturæ Martis & Solis.

Venus cum eadem, cum qua Saturnus.

Ascendens cum Apolline, naturæ Mercurij, magni: secundæ.

Coascendit etiam Orionis cingulus, naturæ Saturni & Iouis, quo nihil validius.

Cor cæli cum ventre piscis, quartæ magnitudinis, naturæ Mercurij & Iouis.

Imum cæli cum facie virginis, magnitudinis quintæ, naturæ Mercurij, parum Martis.

Sed nec præsens genitura pauca habet præcipua.

Primum est, ætatis longitudo, quam ostendit Sol in ascendente, in leone, & cum Ioue. Venus etiam & Saturnus in ascendente, augent robur vitæ, plurimos tamen præstat malos affectus. Vixit igitur annis 79. completis.

Secundum est, immensus studendi amor: nihil enim aliud faciebat. Dat hoc cingulus Orionis coascendens, & Saturnus addit patientiam & labores. Apollo dat ingenium, & similiter cingulus Orionis, sed pigrum: insignem tamen memoriam. Et ita fuit iuris vtriusque doctor, Medicus & Mathematicus.

Tertium fuit, occultarum doctrinarum notitia. Necromantiæ peritia tanta, ut omnes ætatis nostræ superauerit. Humidissimo cerebro. Præstat Saturnus in ascendente, & Luna in sexta, in sagittario, in trino Mercurij. Publice credebatur spiritum familiarem habere, quod & ipse fatebatur ingenue.

Quartum est, quod amisit omnes dentes in 58. anno, deinde vixit 21 annis sine vlllo dente. Et fuit debilis visus, quia Solem infortunabat asinus cum eo existens, & Luna erat in sexta in via lactea: quare oculi ambo erant vitati, & erant albi & parui, & ingenium aliquantulum etiam turbidum. Saturnus autem cadens in cancro, signo humido combustus, abstulit dentes: & forte stella existens cum Saturno, addidit malitiam.

Quintum est, quod bis bibit venenum, quod nescio an vnquam cuiquam hoc contigerit. Hoc significat Saturnus infortunatus, cum Venere sub infortunata, quia sub radiis Solis iungitur in fortunæ infortunatæ, primum habuit annorum 23. secundum anno 50. & primum fuit Arsenicum, sublimatū & secundum erat venenum terminatum. Et cum eo alij sumpserunt, qui perierunt, & ipsa euasit: remansit autem tremor cordis, qui durauit 56. annis. & hoc videtur contra Galeni experimentum cum vixerit valde senex, sed non est.


Sextum est, quod fuit vir integritate incomparabili, alter quidem Cato, liber in dicendo, iustissimus osor vitiorum: & hoc est, quia Luna



Luna erat in domo Iouis, in trino Mercurij existentis in domo Solis, & Luna erat domina ascendentis, & Iupiter cum Sole in propria domo & prima.

Sepitimum, quod erat timidus & aggreſtis neglector rerum, minime amator ſuorum, ſed quaſi vir omnino rigidus. Præſtat hoc Saturnus combuſtus in aſcendente.

V.



**I**upiter cum ala virginis, naturæ Mercurij, parum, magnitudinis terciæ.

Mars cum luminosiore lanceis borealis, magnitudinis ſecundæ, naturæ Saturni, & parum Martis: & cum præcedente lancea aſtrali, magnitudinis quartæ Mercurij & Martis.

Sol cum dextro humero Orionis, magnitudinis primæ: & cum dextro humero aurigæ, magnitudinis ſecundæ, ambabus naturæ Martis & Mercurij.

Venus cum duabus ſtellis de natura Saturni, & quaſi cum dextro Orionis humero, quantum ad aſcenſionem, naturæ Martis & Mercurij, magnitudinis primæ.

Luna cum eiſdem, cum quibus Mars.

Aſcendens cum Apolline, magnitudinis ſecundæ, naturæ Mercurij: & cum eo aſcendit cingulus Orionis, de natura Saturni & Iouis, ſtellæ tres, magnitudinis ſecundæ glomeratæ.

Imum cœli cum ala virginis, naturæ Mercurij, parum Martis, magnitudinis terciæ.

Fuerunt in hoc viro præcipua hæc.


Primum ſingularis doctrinæ cupido, ac in ſtudio perſeuerantia, in quibus, ob ſtellas quæ ad exortum feruntur, cum præcedente, veluti fato quodam, ita deſiderio ingenti communicant: at Venus in ipſo horoſcopo conſtituta, & Martis radiis ac Lunæ amicis ſulta, orandi ſtudio auxit, eloquentiam ſacundiamque addidit, vt inter celeberrimos noſtri temporis Oratores haberetur. Nam cancer ſemper linguæ impedimentum affert, Mars tamen & Venus hoc ſuſtulerunt quin etiam blandam ſermonis gratiam contulere: verum, vt ex orationibus ſuis videro licet, lachrymabile mœſtumque ſemper aliquid continere videntur, cum virtus cinguli Orionis trium Planetarum vim ſuperet.

Secundum fuit nominis claritas, Principum familiaritas, ordo Senatorius. Hæc præſtant luminaria cum ſtellis inſignis magnitudinis iuncta, Sol quidem cum humeris Aurigæ & Orionis Luna cum ſplendidiore lanceis, quod non tantum quam habuerat dignitatem promiferant, ſed in futurum tempus longe maiorem, ſi ſuperuiſſet. Saturnus autem iuxta cœli cor, tardos honores oſtendit.

Tertium fuit, eruditio græca latinaque tanta, vt illud primum neſcires, Græcus eſſet an Latinus. Multa artium diuerſarum doctrina, iuriſque peritia accedebat. Apollo Venusque in horoſcopo hoc præſtant, Lunaque in Veneris trino conſtituta cum ſtellis egregiis.

Mortuus eſt violentiſſima hæmoptoi, quoniam Luna damnata in Scorpione cum Marte fuerat, eiſque radij quadrati in Leone. Sol vero cadens, diſpoſitionem vitæ aſcendenti reliquerat, itaque dilata mors eſt, per Veneris annos 8. nam trigefimo quinto directionis anno, ruptum eſt vas in pulmone in fine quadrageſimi ſecundi obiit. Eo autem anno Saturnus gradum reuertentis anni occupauerat. Stellæ autem ex lance Marti & Lunæ copulatæ, violentiſſimum morbum effecerunt. Maniſtum eſt etiam ex his quæ dicuntur, quod longæuus eſſe non poterat, Marte, Saturno, Luna, aſcendens cum Veneris reſpicientibus, cum luminaria debilia eſſent, nec vllus locorum vitæ diſpoſitor adeſſet.

VI.



Saturnus cum præcedente flexus piſcium, magnitudinis quartæ, naturæ Saturni, & parum Mercurij.

Iupiter cum dextro Orionis humero, magnitudinis primæ, naturæ Martis & Mercurij & cum dextro aurigæ humero, magnitudinis ſecundæ, naturæ præcedentis: corpore autem iunctus ſummitati clauæ Orionis, magnitudinis quintæ, naturæ Iouis & Saturni: atque quartæ ſtellæ adiacentium cornu boreali tauri, magnitudinis quintæ, naturæ Martis, in via acæa.

Martis eſt inter Vergilias, ſunt autem naturæ Martis & Lunæ.

Luna eſt cum cauda arietis, magnitudinis quartæ,



quartæ , naturæ Veneris.


In Occidentis angulo est regulus, vbi & Iouis sextilis.

Et si nihil aliud esset egregium in Pontifice, hoc solum, ipsum est egregium maximumque, fuisse Pontificem, quod ex priuata conditione ad regnum, & ex mediocri dignitate ad summam gloriam ascenderit, vel industria, vel virtute, vel fortuna, quodcunque horum fuerit, maximum esse necesse est. Verum non solum in adipiscendo fortunatissimus, sed & in administrando sapientissimus, & reipub. Christianæ utilissimus habitus est. Carolo enim Quinto contra Turcas pugnanti, auxilio semper fuit.

Nec minus in priuata vita laudandus, comis, Græcis & Latinis literis non mediocriter eruditus, mathematicarum non expers, ac reliquarum doctrinarum non ignarus. In victu parcus, laborum patiens, vt nec amplius vel â priuato iuvene iure exposceres.

Præstat sapientiam Mercurius, in trino  
 Ionis optime collocatus, adipiscendæ digni-  
 tati, favit Leonis cor, in Occidente in Io-  
 nis sextili, cum ad cæli medium peruenit in  
 annis 67. Verum vltimam fortitudinem ha-  
 bet hæc genitura, eo quod Iupiter cum  
 quatuor stellis, quarum duæ insignis sunt  
 magnitudinis, optime collocatur. Passus est  
 pericula non parua, ob Martem infortuna-  
 tum, qui in quadrato est ascendentis. Lon-  
 gæum etiam ostendit hæc positio.

VII.



**I** Vpiter cum aquarij tertia aquarij, magnitudinis quartæ, naturæ Saturni, parum Iouis.

Mars cum latere dextro persei, magnitudinis secundæ, naturæ Saturni & Iouis, in initio lacteæ viæ.

Sol cum dorso Pegasi, magnitudinis secundæ, naturæ Martis & Mercurij: & cum ventre piscis, naturæ Iouis & Mercurij, magnitudinis quartæ.

Mercurius cum alia ventris piscis, magnitudinis & naturæ præcedentis.

Luna cum vulture, magnitudinis secundæ,  
naturæ Iouis & Martis, in initio viæ lacteæ

Ascendens est cum duabus stellis, naturæ Veneris & Saturni, magnitudinis quintæ. Coacendit etiam crus Pegasi, magnitudinis secundæ, naturæ Martis & Mercurij.

Cor cæli cum fronte Scorpij, regius locus  
est, naturæ Martis & Saturni, magnitudinis  
tertiæ, ac spica virginis ad cæli medium po-  
sita est.

Existimo principem hunc, si non ad tollendam immanium Turcarum rabiem, ad compescendam saltem fuisse progenitum: nam cum & in cœli medio & in corde cœli, & in ascendente, & cum Marte, Sole, ac Luna, regię stellæ aut insignes sint constitutæ: constat nil maius ad priuatam vitam accedere potuisse, nam de publicis, regnorum initia habere oportuisset, recte iudicaturum. Robusto igitur ac salubri agilique corpore fuit, nisi quodd Luna in horoscopo humiditatem auget, facitque infirmiores supernas partes. Prudenti consilio, laborum patientissimus, linguarum plurium gnarus, in præliis victor, in pace fortunatissimus ac sapiens, in periculis audax. Indiæ magnam partem iamdudum incognitæ suo adiecit imperio. Insubriam expugnauit, & Africæ partem. Terrori Turcis fuit, ut nec eum, quanquam cum ingenti exercitu essent, expectare ausi sint. Gallorum regem Pontificemque non solum vicit, captiuosque habuit. Huius tempore penè totus orbis, cuius maior pars longe latuerat, cognita est: datæ leges Antipodibus. Aetate ferrea hac, ut nil tertius, ita nil mirabilius, miseras tamen seculi gloriosi Principis magnitudo, clementia, felicitas, prudentiaque flexêre. Utinam nobis Philopœmen sit: ad extremum enim cum deducta sint ingenia, artes, industriæ, orbis cognitio, librorum multitudo, Principis summa cum virtute fortuna, verendum est, ne vltimos conatus natura effinxerit.

Causa autem ex suiipfius genitura, tantæ fortunæ, secundum causas naturales est: quoniam Sol, Iupiter, Venus & Mercurius in aqueo signo sunt coniunctionis trigoni nunc prædominantis, ibidem etiam cæli cor est constitutum.

Secunda est, Luna in ascendente cum vul-  
ture volante, & Iupiter in secunda : in his  
enim locis, & non in aliis, maxima bona  
pollicentur. Non enim erit pauper, cui Iupi-  
ter in secunda : nec malam experietur fortu-  
nam, cui Luna in ascendente.

Tertia est, quoniam cœli cor in regia  
Scorpionis stellarum glomeratione constat,  
antecedentibus radiis amicis Solis cum dorso  
Pegasi. Iouis Lunæ, Mercurij, Veneris au-  
tem sequentibus, quo nihil melius potest  
excogitari.


Veruntamen, etsi (dixi) hæc faucant gloriae suæ, nihil minus non ex astris genituræ tanta felicitas procedere potest, sed illa æterna ac constituta diuinæ mentis series qua secundum successionem in maximos mundi ordines statuta lex est, germinauit.

Crus Pegasi coascendens, agilitatem corporis præstat.



Mars cum dextro latere Persei, præstat fortitudinem & tollerantiam, ac corporis robur. Habet autem stella hæc ad imum cœli posita, quoniam pluribus omnino periculis sponte exponetur.

## VIII.






Imum cœli fuit cum stellis extra formam tauri, naturæ Martis.

X.

Et si minus felix exitus huius Principis fuerit, angustumque regnum, quoniam tamen & virtutum amator insignis, & genitoris nostri fautor fuit, ea causa breui oratione quæ huic contigerint, perstringam.

Admirantur quidam felicem genituram infelici exitu terminatam, & prudentiam deſtantur, quæ tam infaustum finem habuerit. Saturnus etenim genituræ dominus in octano, cum Venere & ala virginis, plurima decernit mala: in libra autem in propria domo, nam iam ſuprà diximus incongruam fore mixtionem Saturni & Veneris, præſertim in octano loco. Stellæ vero, quæ iuxta cum erant, prodeſſe non potuerunt, quoniam poſteriores fuerant partibus duabus. Cumque eſſet Sol in Leone, à ſeptimo exidens, quo in loco Franciſcus pater, qui regnum acquiſuit, in cancro habuerat, & ipſe ad reguli complexum trinum Martis excipiens, qui in ariete fuit, Iupiter vero in piſcibus in aſcendente. Saturnus in libra exaltabatur, & Venus in eadem domina conſtituta, paternum regnum reſtituendum fore tot teſtimoniis confirmatum eſt: verum non hic ita felix vt pater, licet & ipſe in ſexto loco Solem habuerit, quoniam non in aqueo ſigno fuit. Sola Luna popularem auram promittebat. Iam igitur, felicitatis regni adepti, conſiliiſque ratio aperta eſt: nam & Mercurius cum cauda moleſtiam animi auget, Iupiter autem in horoſcopo blandam conuerſationem, longævamque ſatis vitam, nec omnino imbecille corpus pollicetur, quamvis aliquando longa ægritudine fuerit detentus.


Cum vero nullæ fixæ ſtellæ potentioribus hærent planetis, ſolaque ceruix leonis præ naturæ Soli eſſet coniuncta, regulus autem eſſet poſterior, regnum vero ipſum ad alienum eſſet tranſiturum. (Nam Franciſci Sfortiæ, qui illud acquiſerat, Sol non fuit in angulo conſtitutus, nec regiæ copulatus, quorum vtrunque, vel poſtremum ſaltem expetebatur) abrumpi ius regni hæreditarium in ſecunda ſucceſſione ſignificabant. Aderat & trigonus aqueus, huic minime fauens, præſertim cum Sol & Saturnus abeſſent, cœlique medium atque imum, ac Luna infelicibus ſyderibus iungerentur. Quamobrem in anno 46. exactæ reſtitutionis, aſcendente tauri ſine, cum Iupiter ad Solis quadratum in taurum decimæ domus perueniſſet, atque ibidem Saturnus ad anteriores partes conſtitutus. Cœli vero cor ad Martis quadratos radios. Iupiter autem tunc cadens erat in octava in capricorno, caudæque iunctus. Mercurius vero & Mars cum Sole poſiti, viciffim vrgebant vrgebanturque. Oſtendit hæc conſtitutio maxima perpeſſurum. Ruente igitur regno, bello ſpoliatus, fraude captus eo anno eſt: mortuus autem in carcere, vt fama etiam veneni, quinquageſimo quarto ætatis anno, cum ſeptem annis miſeram in lattoniis traxiſſet vitam.




Decus eloquentiæ, os Romanum, cor leonis in horoſcopo, Solem, caudam, Mercurium, Venerem, ac Martem cum eo habet: inde ſacundia & autoritas ſumma decernebatur. Eadem ſermè Petrarchæ affuerunt. Illi nihil deſtrat, huic nihil adici poteſt. Cauda cum Sole domino horoſcopi, acutum ac verſutum, ſemper autem, violentum decernit finem. Adiuvat decreta Saturnus Iupiterque in ſcorpione triplicitatis ſigno, in qua tunc magna coniunctio celebrabatur. Sic Arpinas ille municeps, Rex quidam Romæ erat: quod & inimici eius paſſim & palàm ei obieiebant. Martis in aſcendente radius, Saturno & Ioni hoſtilis, violentæ mortis decreta confirmat, ſed auget poteſtatem: quia Mars ſcorpioni, & Iupiter leoni dominatur, trigoni cauſa. Porro Luna cauſa mulierum decernit incommoda, & non ſatis ab initio firmam valetudinem: nam vitæ longitudinem decernit Sol in leone in horoſcopo. Horum omnium cauſa, tantus fuit eloquentia, eruditione, prudentia, ac potentia, miſeroque ſine trucidatus, amputata etiam illa manu, quæ tot ſui monumenta nobis reliquit: caput vero eius in roſtris, in quibus tanta cum glória totiens populum Romanum moderabatur, in ſuique vertebat admirationem, fortunæ ludibrio, & Marci Antonij ſcelere poſitum eſt. Et quamvis nos minime lateat forſitan hoc tempus certum haud eſſe poſſe, quod ante Cæſaris fuerit emendationem, cuius Macrobius meminit: haud tamen de Sole, cauda, Mercurioque ac Marte, & Venere: quod in leone, tum Saturno & Ioue, quod in ſcorpione, dubitari poteſt. Paucorum dierum error eſſe poteſt, quod & veriſimile exiſtimemus, haud Lunam eo loco poſitam. Verum nos rationem temporis ſumus ſecuti, quam omnes, & præcipue Plutarchus, tradiderunt. De aſcendentis etiam ratione nulla eſt ambiguitas: ſolus igitur locus Lunæ haud exploratus relinquetur.



XI.



XII.




**H**Anc veram genituram Lutheri, non eam quæ sub anno 1484. publicè circumfertur, esse scito. Nec tanto negotio minor genitura debetur, aut tali genituræ minor euentus. Existimo autem non intelligentes huius artis fundamenta, eam corrupisse: nam nec illa robore huic æqualis est, nec si damnare velis, deest hic quod possis accusare. Nam Mars, Venus Iupiter que, iuxta virginis spicæ coeunt ad cœli imum ad vnguem, vt ex horum conspiratione regia quædam potestas decernatur, sine sceptro: sunt enim erraticæ sub terra. Porro quoddam religionem pertineat, iam sapius aded dictum est, propter spicam virginis, vt repetere pigeat. Incredibile igitur quantum augmenti breui tempore habuerit hoc dogma: nam Germaniæ maximam partem adegit, Angliam totam, multasque alias regiones, cum adhuc viuat, nec vlla est provincia ab huius sectatoribus immunis, præter Hispanias. Feruet mundus huius schismate, quod, quia Martem admixtum habet & caudam, soluitur in seipso: infinitaque redit capita, vt si nihil aliud errorem conuincat, multitudo ipsa opinionum ostendere tamen possit, cum veritas vna tantum sit, plurimos necessariò aberrare. Porro firmitatem dogmatis Sol & Saturnus cum lance meridionali, in loco futuræ coniunctionis magnæ ostendunt, cum diu trigonus ille iam dominaretur. At Luna iuxta ascendens, longitudinem decernit vitæ: verum cum Soli Saturnus adiungatur, pro tanto rerum motu, nullam dignitatem præstat. Obiit 17 Februarij, hora 14. minu. 30. post meridiem, Eislebij vbi natus erat.

**A**D te igitur primum venio ô Erasme, nostrorum temporum magnum decus Cicerone tanto minor, quanto Romanum imperium Germania maius, quantoque Italus Barbaro, ad eloquentiam natura pronior est, & quanto facilius est in genuina lingua quam alienigena eloquentem evadere. Vicisti tamen cœli improbitatem eloquij suavitatem, multarumque scientia linguarum, plusque tibi barbaries debet, quam nocuerit. Affulsit cum Mercurio Venereque virginis spica, Lunaque cû nodo acumẽ ingenij, & perpetuum fortunæ augmentum, quod sæpius testatus sumus quoniam in horoscopo sit, præstabat. Hos omnes Iupiter ex nona, trigona radiatione benigne fovebat cadens, & ex duplici signo. Vnde quamvis sacris imbutus, non pro virtute dignitates est consecutus, sed linguarum multitudinem, vt septenarij numeri perfectionem impleverit, scripturæ sacræ amplam cognitionem. Porro & Mars ipse Iovem offendit, & morbos etiam in sexto loco reuertentes facit: calculo enim frequenter vexabatur. Saturnus in septimo non parva pericula, plurimasque insidias inimicorum: Luna cum cauda & cum Sole posita, nam minus duabus partibus distat, negat filios, & uxorem, quoniam etiam secreta quædam cum in scorpione sit, non probat, causam vero calculi etiam auget. Vixit annis LXX. & in hoc felix, vt nec ad studium tempus deesset, nec ad ineptias & ludibria superabundaret.


Ego non aliam tanto viro, si detur facultas etiam eligendi magis opportunam genituram inueniam, namque radii vtriusque infortuna Sol, Luna, Mercurius & Venus liberi sunt: at Venerem in horoscopo spicæ virginis iunctam esse, insignis cuiusdam in dicendo leporis, in tractando dexteritatis est argumentum, cum etiâ præter id non paruum in fortuna præbeat augmentum. Mortuus est, cū Venus figuræ dominæ & vitæ, ad Iouis oppositum Martisque quadratum peruenit. Nec tamen omnis qui talem habuerit genitram, Erasmo æqualis erit, sed plures (quod aliàs diximus) præter hæc revolutiones prosperas, quemadmodum Erasmo, succedere necessarium erit.



## XIII.



## XIV.




**N**E ego etiam nostrum cinem vel inuidia prætermittam, ut illud mihi obiici possit, *Ὁ ἀρχαῖος δαυαὶ δαυα ἴ.* Et potuit tamen hic iure prætermitti, cum scripserit fallacem hanc esse artem, atque publicè puniendam, fretus quibusdam legibus tunc seueris atque iustis, quòd orbis horum nebulonum imperitia impleatur, qui sine sciētia, sine studio, sine iudicio, vel auaricia vel spe etiam Imperia in discrimē mittunt, falsas promulgantes prædictiones. Has vñs irritas fecit, quod temporibus succedētibz apparuerit, hanc disciplinā, si quis ea dexterè vtatur, magno commodo humano generi accessisse: sed hæc forsitan *παρρησια*. Ideo ad primum reuertamur institutum, cum enim propositum foret, eos qui aliquid laude dignum in publicum ediderint, his exemplis tantum inferere. Quanquam haud me lateat, aliquos fore è nostra vrbe, qui sic omni virtute omnique splendore ornati sunt, ut non minimum hic commodum essent allaturi, si adiicerentur, Alciati tamen genituram hic solum posui, quòd citra suspicionem *κολακίας* fieri posset: multa enim viuens edidit lectu digna, cum vix alij à fato id impetrare potuerint, tum inter tot barbarorum expositorum congeriem candorem Latinæ linguæ retinuit & aliam insuper græcam adiecit. Decertat vnus candore eloquij cum Budæo non solum, verum cum Erasmo, & si nostro iudicio acquiescendum esset, felici Marte. Porro grauitate longe præstantior, facile id est, si epistolæ epistolis, orationes orationibus conferas. Quare ne iniuria huic operi adiunxerim hanc genituram, cuius excessam hanc virtutem Venus in horoscopo posita trigonoque Lunæ ac Saturni mutuo vtrisque cum ea, in humanis signis, Luna vero etiam cum virginis spica posita decernunt. Porro Saturni quadrata radiatio, ad Martem Mercuriumque ac caudam simul iunctos intenta, ingenium quidem acre præstat, reliqua non probat, ut si ex angulo foter, violentæ mortis discrimen immiteret. Sed & sic etiam obstat Iouis ex angulo fortis sextilis, atque ut video, omnia dilucida sunt.

**P**roximum studiis autoritate magnitudinēque stipendij hunc adiecimus. Hic lingua & eloquentia aded inferior, ut quasi barbarus. Quis enim illi conferetur dicendi suauitate, qui vel Lunam vel ascendens, vel dominum genituræ cum virginis spica habuerit. Melliflua ex hoc sydere facundia profuit. Cum Seruator exoriretur, Iouem & virginis spicam in ascendens gradu habuit, non quòd illarum opera indigeret, qui stellas ipsas condiderat, sed nec ieiunio nec precibus indiguit, qui Deus esset, optima tamen quæque nullo causarum ordine permutato sumpsit. Sic & temperaturam & formam, ut his commodè vteretur, non quòd hæc illi esset necessaria, ut amētissimus quidā qui illū aqua supersterisse ob corporis æqualitatem mentiebatur, imò potius insaniebat: nam & Petrus ille Piscator fluctibus haud mergebatur. Digredior à proposito, sed potius rapior extra orationis limites, tanta est seculi nostri labes. Alij aded attingunt naturalium causarum vires, ut ad monstruosas interpretationes Astronomiam retrahant. Alij quod humanum est, diuinum etiam esse volunt, confunduntque hominis ac Dei munera.

Incerta est hora genituræ huius, dies minime: igitur quod clarum est exponemus. Luna cum Mercurio iuncta in humano signo, tum cum Sole & Marte in Saturni domo ingenium, memoriam, patientiam, ad disciplinas aded illustres præstant, ut superaddi nihil ad decreta possit. Auger decreta Fomahart cum Mercurio, & Luna & Mars Solque cum cygni cauda, rara syderum conspiratio, rarus euentus. Philosophus, medicus maximis in arte perfunctus honoribus, magna rerum scientia. Galeni disciplinam commorientem excitauit. Porro de moribus cuiusquam dicere nominatim, inuidiosum fuerit, aut suspitione plenum.



X V.



**N**on impares sumus antiquis, si absit inuidia. Hic enim non solum ob rei euentum, sed etiam ob diligentem genituræ obseruationem mihi dignus visus est, vt inter singularis doctrinæ viros, etsi Barbarus, adnumeraretur.

Exposuit Galeni artem paruum, Ptolemæique libros quatuor iudiciorum, quæ opera exant, in linguam nostram cōuersa. Existimo & reliqua, nam cum plura edidit, in propria lingua superesse. Magnus pro ætate sua Astronomus, Philosophus, Medicus. Ostendit viri excellentiam omnium erraticarū constitutio super terram, Lunæque cum Ioue sextilis, cum ille in cœli medio esset, cum stella cui nomen inditum est vultur cadens in horoscopi habens potestatem, & ex summo cœli vertice ipsam cum Sole aspiciens. Sapientia igitur à Sole, fortuna à Ioue declaratur, ab vtrisque autem vita. Porro quod Iupiter in capricorno cadat, cadetque Sol Lunam in scorpione cadentem in octaua quadrata radiatione respiciat, declarat impossibile fore, quin multa in vita sua incommoda passus sit: quæ tamen, quod maxima ex parte ignota sint, aut noluerit referre, nescimus. Fit autem, vt hic magnam fortunæ partem in iuuentute media sit consecutus. Fuit autem propter Veneris constitutionem, quæ cum Saturno est, & in Martis, sextili, profligatæ libidinis.

X V I.


*Baptista Carmelitani poeta.*

**E**st aliud antiquæ imitationis exemplum in Baptista Carmelitano, qui vt patria, sic arte Virgilium est consecutus. Vincitur ab illo fateor, cum præter linguæ Latinæ nunc detimenta, hic nullum inuenerit Augustum. Cum enim plurimum auxilij literis boni Principes ferant, vatibus etiam sunt necessarij, quod carmina proueniant animo deducta sereno, cum reliquæ disciplinæ studio magis ac diligentia pareant.

Habuit igitur hic cum regulo Martem in Lunæ trino, vtroque in Iouis sextili existente: tum vero in Mercurij quadrato, qui cum Venere erat. Igitur Mercurius cum in domo Veneris sit, & illi iunctus, Poetam procul-


*Tom. V.*

dubio facit, obscurum tamen, nisi adicietur Mars, fouet tot illustratus auxiliis, sed quod maius est, caput Ioui iungitur: ipse autem cum Saturno ascendens respicit. Cum autem Iupiter capiti iunctus fuerit, poetæ proculdubio faciet, tum maxima si Veneris aut Mercurij testimonio confirmetur: erat autem Iupiter cum Orionis constellatione, hoc enim



enim nomine stellarum multitudinem intelligimus eius figuræ, quæ tamen in signifero omnes contineantur. Luna in horoscopo constituta, longæuam semper decernit vitam, & animum vario mentis ardore æstuantem. Cum vero Venus & Mercurius cum capite Algol constituti sint, in quadrato Martis, violentæ mortis periculum indicit. Per hæc omnia igitur transiens, ad extremam senectutem charus Principibus peruenit, innumeraque sui laboris monumenta reliquit: quorum præsentia viuens gaudebat, nunc autem illorum testimonio post obitum per multa secula fama extendetur

X V I I.



**P**ræcedentis memoria genituræ effecit, vt Francisci de Canona nostri ciuis haud obliuisceremur.


Hic tam clarus testudine fuit Musicus, vt charus etiam foret multis Principibus, tum Pontificibus, Leoni, Clementi Paulo. Traxit:

R r 2 in



in sui admirationem cunctos iam non solum sui æui, sed præcedentium Musicos vincens vnus qui doceret cogitationem arte posse superari. Multis muneribus auctus ex paupertate euasit. In vulgari causa singularem gloriam affecutus, præstat hoc illi Iupiter cum scorpï cordē in horoscopo, in Solis Mercurii quadrato, cum tam Iupiter quam Mercurius in suo sint domicilio: at vero Sol & Mercurius Lunam, & ipsam in tauro existentem trigona radiatione respiciunt. At Venus in nona cum regulo, & in Saturni trino, non solum apud Principes gratiam, verum etiam causa bonorum quæ ad religionem pertinent, rem propriam augendam pollicentur. Huic olim cum genituram mihi ostendisset, annum selegi, quo & dignitatem & præmium esset consecutus, nec frustra tam firmis præceptis & tam claris adeo genituræ argumentis. Hac vix meliorem possem, quod ad erraticas pertinet, se ligere genituram, maximeque pro fortunam in qua natus est, felicem enim esse reor si modò ascendens transitum super Martis corpus, quadratumque Saturni à quo non longe abest, ferre poterit.


## XVIII.



**H**χίρα αὐτῆς ἡ πλοχὴ, πλείον πῶτο βέβληκε τῷ βαλλόντων εἰς τὸ χαροφιλάνιον, non de fortuna, sed de voto seruato loquitur. Admiratione digni sunt, quicunque ultra vires aliquid audent. Tonfor, mendicus, literarum ignarus, Physiognomiam ac Chiromantiam eo studio aggreditur, vt librum vulgarem ediderit latina lingua, & suæ ætati foret admirationi. Nam præter reliqua, moriens, tabellam fertur reliquisse X L V. virorum, qui biothanati essent morituri, quod & ipse testatur: nec præter duos qui adhuc supersunt, ex tam numerosa turba, ab eo mortis genere quenquam euasisse. Res prorsus miraculo digna, si maior de illō non vulgata esset. Ferunt enim multarum artium diuinatarum scientia, mortis & genus & diem præuidisse. Armasse se, cum nesciret quem haberet inimicum. Eadem tamen die, qua sibi metuebat, claua ictus, occidit: quod offendisset Bētiolos vrbs dominos, prædicens eos breui regno pulsandos, quod & euenit. Nec solum plebi, sed & eruditis clarus habitus est, cum in opus suum illius ætatis philosophorum facile prin-

ceps Achillinus præfationem, nec partem ediderit. Mortuus est anno 1504. ætatis 37. Violentæ mortis argumentum est Luna, in septimo loco constituta, ascendenti inimica, & cum capite Algol, & Iupiter inter vergilias in eodem septimo ab ascendente peregrinus. semper enim Luna in septimo loco constituta, mortem subitam, & inopinatam, vel omnino graues affert infelicitates, quod pluribus exemplum genituris confirmari videbis. Cæterum quod ad eruditionem pertinet, Mercurius est in aquarii constellatione, de Saturni natura, in Martis domini genituræ radio sextili cum capite, & in quarta. Mortuus vero est, cum Luna ad Mercurij pervenit quadratum, & ascendens ad Martis corpus. Mercurij autem radij ante ascendens & Martis, ostendebant cuius naturæ, & qualium morum esset. Sol, caput, & Saturnus in quinta, filios negabant, nec coniugium, nisi iam sene eo expectandum, est autem capricornus Mercurij trigonus.

## XIX.



*Locus coniunctionis luminarium natiuitatem præcedentis 28.48. Virginis.*

Saturnus est cum dextro humero Orionis magnitudinis primæ, & cum dextro humero aurigæ magnitudinis secundæ, ambabus de natura Martis & Mercurij, & cum stellula de natura Martis.

Sol cum vltima alæ sinistræ virginis, magnitudinis quartæ, naturæ Mercurij & parum Veneris.

|           |    |    |   |     |
|-----------|----|----|---|-----|
| Saturnus  | M. | D. | 1 | 40. |
| Iupiter   | M. | D. | 2 | 0.  |
| Mars      | M. | A. | 0 | 36. |
| Venus     | S. | D. | 0 | 52. |
| Mercurius | M. | A. | 2 | 36. |
| Luna      | M. | A. | 4 | 20. |

**Q**uanquam magnorum exemplo virorum, Hieronymi, Virgilij, Dantis, qui se tacite illustribus hominibus non verari sunt adnumerare, tueri me possem, non tamen tam hæc vltima est inter egregias, quam inter eas quæ maximas infelicitates decernunt, prima. Itaque cum quidam huius artis non expertes eam vidissent, meam esse posse negarunt.



negarunt, argumento sumpto, quod nec vita quæ hucusque fungor, nec ullius dignitatis vestigium inuenirent. Quamobrem ne ut amici illi, sic & tu in diiudicando fallaris, cum hæc vna exquisitissima atque omni diligentia à me fabricata, tum successu rerum ad vnguem confirmata sit. Primo animaduertere decet, Iouis corpus propter latitudinem in horoscopi linea exquiritur esse: ipse vero corpus naturamque ac mores significat, vitam etiam cum dominus loci Lunæ sit, & loci Solis, Terminum enim (ut vocant) ibi possidet. Ipse autem cum capite iunctus est, & in eadem linea cum Fornahant stella, post longas in cunctis deturbationes victoria n pollicetur, naturam odio omnes malos irreconciliabili prosequentem, pertinacem: parentes, affines, patriam, amicos, ac me ipsum si contigat peccare, insita contrarietate auersantem, Nam & in tauro duæ fortunæ gaudent, & ipsum est signum foemininum. Hoc primum decretum vndiquaque bonum.

Alterum ex Venere domina ascendentis sumitur. Hæc iuncta exquiritur Mercurio longitudine, in humano signo, & domo propria in lactea via, cum stella naturæ Veneris & Mercurij in trino Saturni, profundam cogitationem, studium, diligentiam, summamque laboris patientiam præstat: obscuros tamen effectus, qui ab his proueniunt, efficit, quod in sexto loco sit, ingeniumque turbidum propter lacteam viam, falsamque memoriam, quamuis magnam, infirmumque

corpus: & reliqua quæ & si bona non sunt, hucusque tamen non queant improbari.

Tertium est, Solis constitutio cum Marte. Hic male positus, cadens, in sextoque loco dignitates omnes & gloriam in perpetuum negat, quæ ab administratione procedit. Contra Martem, fouet cordis cœli dominum, quare non dignitatibus priuat, quæ iure carent imperandi: nec ulli possum esse Principi in precio, nisi qui Ecclesiasticam habuerit dignitatem.

Quartum est, Lunæ, constitutio in quadrato infortunarum, & ipsa cum capite Algol in vno circulo, & num aquarij constellatione de natura Saturni, ipseque Mars in vno circulo cum Aldebaran.

Hoc tam sano occurso neque deterius quicquam potest esse vel excogitari: imbecillum ventriculum, imbecille cerebrum, insidias inimicos, iacturam rerum, insectationes, innumeraque cum extremis periculis mala coniungit, & apud populum falsis notis famam inurit. Luna enim sola vniuscuiusque genitura dimidium.

Vt vero hæc genitura, sit pro exemplo aliarum omnium, tam pro structura quam pro iudicio, sic collocabimus, Primo ea quæ sunt ad iudicium necessaria. Elegissem certe libentius alienam, cum difficillimum sit de seipso recte loqui posse. Sed cum hæc solum mihi vere cognita sit, laborauerimque in ea annis plusquam triginta, ob id malui periculo meo etiam, ut soleo, studiosis satisfacere: disponam igitur primo horas decem significatorum hoc modo.

*Horæ Planetarum & locorum  
principales.*

|          | Mi.        | sec.    | Mi.     | sec. |
|----------|------------|---------|---------|------|
| ♂        | 32         | 0       | 34      | 0    |
| ♂        | 58         | 40      | 59      | 0    |
| ♂        | 23         | 24      | 24      | 0    |
| op. ♀    | 46         | 14      |         |      |
| op. ♀    | 53         | 0       | 53      | 1    |
| op. ♀    | 53         | 0       | 52      | 20   |
| ♂        | 30         | 5       | 31      | 42   |
| op. con- | 39         | 58      | cum la- |      |
| iunctio- | Sine lati- | tudine. | tudine. |      |
| num.     |            |         |         |      |

*Elevationes circulorum positionis secundum viam nostram naturalem.*

| Par. | Mi. | Partes | Mi. |
|------|-----|--------|-----|
| ♂    | 25  | 40     | 24  |
| ♂    | 44  | 0      | 44  |
| ♂    | 31  | 55     | 31  |
| ♂    | 39  | 0      | 31  |
| ♂    | 41  | 30     | 41  |
| ♂    | 41  | 33     | 41  |
| ♂    | 26  | 30     | 27  |

Cor & Imum cum latitudine.  
Cœli o. o.  
Coniunct. 32. 30.  
Ascendens 44. 20.  
Sine latit.

*Eorundem propria  
ascensiones.*

| Mi. | sec. | Mi.              | sec. |
|-----|------|------------------|------|
| 68  | 50   | 70               | 42   |
| 18  | 24   | 21               | 15   |
| 55  | 3    | 55               | 36   |
| 186 | 21   |                  |      |
| 193 | 16   | 194              | 20   |
| 193 | 18   | 189              | 47   |
| 346 | 46   | 351              | 18   |
| 290 | 20   | cum latitudine.  |      |
| 86  | 14   |                  |      |
| 19  | 47   |                  |      |
| 33  | 50   |                  |      |
| 179 | 13   |                  |      |
|     |      | Sine latitudine. |      |

*Loci ad quos perueniunt decem  
significatores anno præsentis  
qui est 44. perfectus.*

| Sig.        | Par. | Sig.                | Par.    |
|-------------|------|---------------------|---------|
| ♂           | 1    | ♂                   | 3       |
| ♂           | 28   | ♂                   | 1       |
| ♂           | 23   | ♂                   | 23. ♀ ♀ |
| ♂           | 12   | ♂                   | ♂ ♀ ♀   |
| ♂           | 21   | ♂                   | ♂ ♀ ♀   |
| ♂           | 21   | ♂                   | ♂ ♀ ♀   |
| ♂           | 12   | ♂                   | 18      |
| Cor         |      | corpora Planetarum. |         |
| Cœli X      | 3    | ♂                   |         |
| Ascen. ♀    | 29   |                     |         |
| Coniunct. ♀ | 30   |                     |         |
|             |      | loci Planetarum.    |         |



Pro habenda eleuatione poli super locum extra eclipticam iuxta nostram sententiam: vide quæ pars eclipticæ ascendat cum illa propria ascensione loci, sub parte horarum loci. Inde vide in qua poli eleuatione illius partis eclipticæ illa sit obliqua ascensio.

*De Vita.*

**H**is recte & ad vnguem dispositis cœpi inspicere de vita, & consideraui primo de nutritione, & eius prima pars erat Lunæ, & ipsa pulsabatur hostilibus radiis Martis, & significauit periculum etiam nascendo, & in primis diebus, & sic natus sum mortuus, & per vim extractus ex vtero matris, & in primis mensibus mortuo nutritio intra horas xxiv. correptus sum & ipse peste. Secundus autem dominus, fuit Venus in sexta, in trino Saturni, & quasi combusta, idest debilis, & iuncta Mercurio, & significauit hydropem, & morbos quorum non fuit numerus. Tertio consideraui pro tertia parte nutritionis Martem, & ipse erat in quadrato Lunæ & trino Solis infortunati, & significauit etiam febres acutas, & alios morbos. Et quia Ascendens erat liberum, & cum Ione & in sextili Lunæ, significauit quod possem, non quod deberem euadere, & ita hoc solum sciuissem prædicere, ante euentum de morbis, & quod possem euadere: exitus tamen erat valde incertus. Post hæc Luna erat vitæ significatrix, & etiam corporis, duplici causa, tum per essentiam, tum quia dominabatur ascendenti. Ideo direxi ad illam, & peruenit in octo annis quadratus sinister Saturni ad eam, & quia erat etiam in piscibus, & reuolutio mala valde, significabat mortem, & ita laboraui per mensem fluxu ventris, vsque ad id, vt medici omnes pro deplorato me haberent, tandem euasi nutu diuino, natura tamen robusta erat, quia Luna erat potens, & illustrata radiis Iouis & Martis, dominorum loci sui: & ipsa recipiebat Iouem in Tauro, & erat in signo fœmineo simili suæ temperaturæ, in finibus fortunarum omni modo, termini, trigoni, domus, & exaltationis, supra terram multum eleuata de nocte, cursu velocissima. Direxi postmodum quadratum Martis & oppositum Solis ad eam, & anno 21. laboraui peste. Direxi post hæc sextilem Saturni ad illam, & peruenit ad eam in annis 29. & tunc passus sum destillationem per septem menses continuos anno 1530. in fine, & expui saniei immensam quantitatem: & tunc præter spem etiam sum liberatus. Oppositio etiam Veneris & Mercurij ad hoc idem faciebat. Post hoc direxi ad eam caput draconis, & peruenit ad illam vt clarum est, in fine huius anni, & mihi videtur, cum sit caput, nec sit ibi stella potens mala, sed radij sextiles Lunæ & in tauro quod multum non debeat nocere. Ptolemæus tamen cum inter significatorem & promissorem medium est ascendens vel angulus occidentis, dirigit ad ascendens promissorem, & ascendens ad significatorem, deinde iungit hæc ambo, vt dixi alias, & hoc habet ma-

gnam rationem & profundissimam, sed ego non sequor, secundum igitur illam rationem peruenisset caput ad Lunam in 43. annis iam, idest anno præterito. Inde direxi Martem ad Lunam, & perueniet secundum Ptolemæi opinionem in annis 69. & quibusdam mensibus, sed secundum viam nostram perueniet in annis 72. iuxta finem. Postmodum direxi ad ascendens Martem, & peruenit ad ipsum in initio 27. anni, & tunc laboraui morbo acuto per septem dies, febre siquidem, & euasi, & tunc etiam ibi erant radij Solis trigoni & quadrati Lunæ, & post deduxi Saturni locum ad ascendens, & peruenit ad ipsum in annis 36. & fuit anno 1538. & timui ne morerer, & non apparuit ægritudo qua decumberem, sed sola copia vrinæ, quæ excedebat generaliter xxx. vncias singulas nocte, & cogebar quater surgere ad mingendum, & erat sine ardore, & ego intelligens causam auxiliatus sum cum calidis, & protinus cessauit multitudo, vt nullo modo cogar surgere de nocte, attamen remansit semper maior quantitas vrinæ quam prius solerem emittere, & quamuis propter trinum Veneris, qui succedit corpori Saturni, res semper cesserit in melius, nunquam tamen ex toto liberabor, tum maxime quia pater meus mortuus est cum vrinæ profluo, & præter has nullas sum expertus in vita mea ægritudines, ita quod ab octauo anno vsque nunc non sum expertus alium morbum quàm febrem illam acutam, quæ quauis septem diebus me oppresserit, solum tamen tribus in lecto decubui, & pestem quæ soluta est tertio die: in aliis duobus morbis nunquam decubui. Postmodum direxi quadratum Solis dextrum ad ascendens, & perueniet ad ipsum in 58. anno, & tunc infirmabor cum periculo, & erit febris mala, & post dirigam, si euasero, quadratum Veneris & Mercurij ad ascendens, & perueniet in 72. annis vt alia. Hi igitur sunt termini naturalium morborum & mortis, violenti autem sunt à domino ascendens, cum occurrerit quadrato Lunæ, opposito Martis, opposito Saturni, sextili Solis. In cæteris nisi reuolutio obstiterit ero tutus. Si tamen ego à generalibus periculis abstinero, clade, peste, naufragio.

*De parentibus.*

**D**irexi pro patre ad Saturnum trigonum Lunæ, & quadratum Solis, & peruenit ad par. 11. mi. 42. cancri, in annis 23. & in fine, & sic ille mortuus est anno 1524. die 28. Augusti. Pro matre autem, quia significantes eius diuturniorem, quam patris, vitam ostendebant, direxi corpus Iouis domini quartæ domus, quæ opponitur decimæ matris significatrici, ad Lunam, & peruenit in fine annorum 36. & sic mortua est anno 1537. die 26. Iulij, cum esset iam septuagenaria. Et quamuis ira sit, attamen in patre & matre, adhuc consulere oporteret proprias parentum genituras. Et ego non feci in vita mea nisi vnam prædictionem anno 1523. domino Christophoro Gallarato, cui Mediolanensi, & post abij, & cum post multos reuerterer, occurrit mihi,



mihi, & admirans frater eius dixit, certe magnum exemplum vidi, quia mater nostra mortua est, eo anno, ad vnguem, & tempore & morbo, quibus illam perituram scripta genesis fratris mei edocet iam tot ante annis. Et licet ita sit, non solum in his, sed etiam in filiis, & vita vxoris, consulerem vt ad firmiorem pronuntiationem, propriæ illorum genituræ inspiciantur. Non enim video, quomodo genitura mea possit agere in fratres meos, parentes, coniugem, filios, & si non est per viam causæ, sed solum signi, iam nos egredimur metas naturalis philosophiæ, secundum quas nobis est propositum artem constituere: aliquid tamen, imò multum faciunt per viam causæ, modum autem longum esset explicare. Sed video, quid protinus sis dicturus, si Luna significat matrem & vitam, vt in nostra genesis, igitur fermè in omnibus filius moreretur, cum pater aut mater moreretur, nam & in diurnis genituris Sol patrem significat, & plerumque etiam vitam nati. Hoc autem rarissime accidit, imò si accidit, fit à causis generalibus, vt peste, clade, ruina, fame. Dico igitur quoddam læduntur tales, sed quia auxiliator patris, gratia exempli, est propria genitura, & filij ascendens & dominus ascendens, ideo in his casibus contingit filium sine patre mori, & patrem sine filio: comparantur etiam ad diuersas considerationes, vt vides, nam Iupiter est abscessor respectu matris, cum occurrat Lunæ, & respectu mei confirmat vitam, & addit robur, quia est amicus Lunæ, & est hoc, sicut in hominibus duo fratres litigant inter se, de paterna hereditate, & in litigio cum communi sororio, nec conueniunt inter se, nec dissident, & in eade affinis vindicanda, sunt summè concordēs, & in ludo altercantur: & sic iidem duo homines, quatuor, & longe plures, inter se affectus habent diuersorum comparatione. Ideo scias lector, quoddam hæc sola ars, est adeo sublimis, quoddam vt illa gemmariorum nunquam plenè tradi potest. Sed præter ea quæ scribuntur in hoc libro, indiget homo singulari quodam lumine magna & longa experiētia, animo veritatis studiosissimo.

## De Vxore.


**D**irexi ad Lunam dominam ascendens oppositum Veneris, & peruenit ad eam in 31. annis, & similiter trinus Lunæ in duodecima parte cancri ad Martem dominum septimæ, & peruenit ad eam in annis 31. mensibus 9. diebus 24. & eomet die vxorem duxi, cum tamen nihil vnquam de hoc cogitasset.

## De fratribus.


**I**upiter facit nasci primum inter fratres, ideo priores omnes extincti sunt tum magis, quoddam Luna domina tertiæ erat, in quadrato Martis, & Mars fratrum significator peregrinus, & cum Saturno, in trino Solis, poteram tamen adhuc habere, sed peste extincti sunt vnà omnes, me primum agente annum. Ideo ista significatio probabilis erat.

## De filiis.

**D**ominus quintæ est Mercurius, & iungitur Veneri, & significat filios masculos debiles, quia est in libra, & in sexta & Iupiter & Luna se respicientes in femininis signis feminas longe robustiores, & masculos debilitabat Saturnus, & ego ponam pro monstro genituras filiorum.



Ascendens primogeniti, est inter oppositas partes infortunatum in mea genitura. Luna in loco Saturni, Saturnus in quadrato Veneris & Mercurij. Causa vitæ est Iupiter, dominus ascendens in trino Solis, hic quam multa lucrabitur, & disperdet. Nam Sol est cum oculo tauri, in trino Iouis, Sed Iupiter est cū cauda in opposito Martis accedens.




In hac vero, locus Martis, & ascendens est vnus cum præcedente, sed omnes planetæ cadunt. Sed in puella non refert, sicut in viro, vt aliàs dixi, omnia enim feminarum, ex aliena, nō propria pendent fortuna. Venus est vitæ significatrix, & Luna est in eius sextili.

Et rursus in hac tertia pueri, apparet quoddam ascendens est locus oppositus Lunæ, & quadratus Martis, & Luna fuit in loco eodem in quo fuit in mea genitura, & quamuis in prima infantia parte conuulsus sit propter Lunam, & Mars pro secunda parte combustus, qui induxit morbos ex aduersione per totum corpus, quos nec vir sustinisset, euasit tamen, nam Venus fuit Alfridariæ domina, & Iupiter aspexit Martem trino aspectu. Ex hoc manifestum est, quoddam filiorum genituræ.



ra immutant parentum fortunam, nam Sol hic, & in prima genitura, decrevit famam



& honores, plusquam ante, cum omnino tanquam non essem antea haberer.

#### De diuitiis.

**P**ost vitam desiderantur diuitiæ, & Mercurius est dispositor, & cum Venere, & impossibile est vt desit propter hoc, sed cum sit in libra, facile acquirit. Mars in secunda, & Saturnus faciunt, vt nunquam possim esse diues, proximus sum, aut iam sum in ipsa iactura patrimonij, nam oppositum Saturni peruenit ad Mercurium, & post duos annos aderit ipsorum sextilis aspectus, & tunc melius habebō. Iupiter in sextili Lunæ, mutuo se recipientibus, aliquid, sed exiguum tribuit.

#### De arte.

**D**ecima domus, est in septima aquarij parte habens initium, & significat Saturnus exercitium cum Mercurio, & quia est in humanis, & Mars etiam, erit circa homines, & quia Saturnus est cum fixis, & Mars est in trino Solis, & Mercurius, & dominus ascendens, & Sol in sexta, significant nobile, & circa agros, tum vero magis, quia pater medicus erat, & sic vel nolente patre medicus factus sum. Manifestum est autem, quod ero felix in arte admodum, quia Saturnus est optime positus, quo ad fixas & erraticas, nec tamen magni nominis, vsque ad tempus, quia Saturnus & Mercurius & Mars cadunt ab angulis, sunt retrogradi, nec in primis potestatibus.

#### De fama & potentia.

**F**ama in vita potentiam sequitur: Mars est dominus cordis cœli, & in trino Solis, ideo in vita habebō modicam famam, & minorem potentiam, despicient me potentes, quia Sol est cadens, apud tamen eos, qui luminarium casu dignitates possident, aliquid ero, sed à morte, cum canis minor sit in imo cœli, percrescet magis. Est enim ibi quadratus radius Veneris & Mercurij, in hoc tamen adhuc non erit magna

Sed Saturnus cum stellis bebenis famam angebit & per secula seruabit. In medio, id est, corde cœli est vultur volans, nature Iouis & Martis, & dat aliquid. Directiones honorum, sunt in annis 23. & 24. 33. 35. 46. 53. & 62. 67.

#### De moribus.

**I**upiter & Venus & Luna & Mercurius & Saturnus & Mars disponunt mores, ideo sunt permixti, prævalent tamen Venus, Iupiter, & Luna.


#### De forma.

**I**upiter & Venus dant formam, & Luna etiam. Ideo propter Martem habeo vestigium in fronte: nam quadrato respicit Lunam, cætera conueniunt.

#### De Morte.

**M**ars est dominus septimæ, & in angulo eius malefica, ideo erit non sine sanguinis mentione, violenti enim aliquid sapit, Luna etiam est in circulo capitis Gorgonis vt dixi aliàs. Saturnus tamen est abscisor, sed & ipse cum fixis claris. Reliqua autem superius iam explicauimus.

X X.




**N**ostrarum memoria calamitatum nos impulit, vt virum hunc describeremus, quo neminem infeliciorem, si ad corpus respicimus, diiudicare possum. Iam enim eo podagra laborat genere, annis ferme 30. vt tophis omnes habeat excussos artus, ac velut lapis, totus immobilis præter linguam. Huic malo causas dederunt omnes erraticæ, cum ascendente in aqueis signis. Marsque in quarto loco in piscibus, Saturni & Mercurij radiis imbutus: Non enim solum omnis, qui erraticas omnes, & ascendens in signis eiusdem qualitatis habuerit, perpetua torquetur valetudine, sed & si ascendens tantum, & luminaria, cum dominis locorum, eodem infortunio vexabitur. In aqueis concursu pituitæ, in terreis melancholia, in igneis furore & herpete, in æreis sanguinis abundantia.



Sol hic cum cauda constitutus, iuncturas loco eiicit, horoscopo proximus: at si Sol dominus esset horoscopi, corpus vel foedo ulcere, vel violento casu, vel publica animaduersione laceraret. Religionem ostendunt Sol & Luna ab angulo cadentes, claritatem nominis Luna in cancro fortis, in Solis trigono, facitque ut *ἡρωικὴ* habeatur. Mercurius item cum lancis luminosiore & Saturno in Martis trigono, studium & eruditionem non vulgarem præstant, quod Mars dominus sit horoscopi. Nodus cum Sole & ascendente acutissimum præstat ingenium, non fallaci regula: vitæ diurnitatem Luna in cancro in trino Solis in ascendente existentis, signa humida memoria non pollent: contra sicca, siquidem memoria tenax in sicco fit. Ex hoc palam est, etiam si Mirandula renuiscat, non dubiam esse Astrologiam, nisi quis minutim concidens, velut in auri experimēto ea prosequi curet, quæ ambigua & casui subiecta, & sensui pene abscondita sunt.

## X X I.



**S**tudij & fortunæ paritas ab illo ad hunc me reuocat, ut huius horrendam casum describeremus, quem effugere minime poterat, cum Luna, ut iam dixi, in septimo loco, cum nodo, ab utraque in fortuna pulsetur, ipsa infortunata existente, illis autem iuxta cor cœli positus, addebat periculum Venus figuræ domina, Sole candens, & ipsa ab utraque infortuna quadrato pulsata radio. Quamobrem & illi ab Antonio Castiloneo regio Medico, annis ante fermè triginta iure merito prædictum fuerat, quod absque vxore & filiis moreretur, quod & euenit.

Anno itaque ætatis XLVIII. & hora noctis prima, diei XI. Augsti, cum ex more per ciuitatem obequitaret, furiosus quidam currentem premens equum, illi occurrit, totaque vi æque illum & mulam excussit, tanto impetu, ut diu pro mortuo, iacuit. Inde sublatus, excussa cruris vertebra, duobus superuixit annis, perpetuo morbo detentus. Inde mali propinquitate, ardore vrinæ vexatus, crudelem mortis exitum habuit. Erat autem reuoluentis anni ascendens, leonis pars 12. & in eo caput. Mars ad locum suum

redierat, Luna ad eius oppositum, scilicet ad locum Saturni genituræ, Sol etiam ut ab initio, à Marte quadrata radiatione vexabatur, & ab utroque Luna aspectu inimico, Mercurius in ascendens opposito. Hora casus, locus Veneris ascendebat, qui utriusque infortunæ locus quadratus est, ut ab initio dictum est. Locus etiam oppositus cadæmon erat in Occidente, in quo tunc Luna Marti iuncta, Sol in Lunæ loco genituræ, & in opposito loci Mercurij reuolutionis, Iupiter dominus ascendens in opposito loci Saturni reuolutionis.

Vir hic alioquin hac calamitate indignus, studiosus, eruditusque. Bellum quod suo tempore acciderat in Insulæ finibus, eleganter scripsit & edidit: aliaque etiam eius monumenta extant. Caput in ascendente ingenium, tum Mercurius & Venus in horoscopo, & Luna in trino infortunarum iuxta regulum. At vero Mercurius ipse dominus trigoni est ascendens, cum stellis de natura Saturni. Venus autem in suo gaudio, hæc damna distulit tandem cum in ascendente foret. Gaudet Saturnus in libra, Iupiter in cancro, Mars in capricorno, Sol in ariete, Venus in piscibus, Mercurius in sua virgine, Luna in tauro: igitur in horis vel domorum oppositis signis, quas prius exposuimus, contristantur & viribus cadunt.

## X X I I.




**N**on virtutis, sed infortunij similitudo, ad hunc ab illo nos vocat. Huic Luna in septimo in Martis domicilio infortunata cum nodo, atrocem ac violentum absque vlla dubitatione declarat interitum. Sol vero & ipse à Saturno infortunium patitur, utroque Venerem quæ in scorpione cadit vexante: at hoc etiam periculum veneni ostendit, quod vix effugit. Hos omnes Mars à Saturni domo quadrato pulsatur. Protinus igitur ferro laceratus debuit interire: sed distulit Iupiter, fouens Mercurium trigono cum Iupiter in piscibus sit: Mercurius vero ascendens dominus denuò fouet ascendens. Igitur est manifestum, hæc differri debere, donec Luna ad quadratum Martis, & oppositum Veneris ac Solis & Saturni perueniret. Tunc etiam repente causa mulieris interire debuit, & factum est, ut à fratre puellæ, in



in cuius amore parum prudenter se gesserat, non immerito sit occisus: percussus enim in pectore, ne verbo quidem emissio expiravit, tot multiplicibus infortuniis Luna vexabatur. Fuit autem hoc anno ætatis XXV. cum Luna in reuolutione in quadrato Solis, Veneris, & Mercurij ad Martem iret, Mars vero in loco Mercurij, Genitura ascendens sexta Leonis pars, in quam Martis radij oppositi, & Solis ac Veneris & Saturni quadrati in genitura cadunt. Locus cacodæmonis, velut in nostra cacodæmonis locus, pars est vndecima virginis, & secundus ab illo 21. eiusdem. Hora qua occisus est, anno 1537. hora noctis prima, diei vigesimæ Iulij, tunc Sol in eadem parte sexta Leonis erat, in cacodæmone ascendens, locus oppositus Saturno reuolutionis, scilicet piscium pars prima: ascendens etiam reuolutiones in quadrato Solis, Veneris, & Mercurij erat, quod illi in scorpione, in quo & Mars, iuncti essent.

Definant igitur in tam clara luce dialogiſ-  
mis inanibus intendere , & ſecundum noſtra  
præcepta diiudicent affectus proprios, & am-  
bigua decreta relinquentes , videbunt pror-  
ſus Medicinæ aut nauigandi arti ſecuritate  
prædicendi Aſtronomiam nulla ex parte in-  
feriorem.

X XIII.



**E**Adem nobilitas, par euentus, hunc illi subiicit. Et hic Luna in septimo loco constituta, infœlix in Mercurij quadrato, qui hostis est ascendentis, posita est. Mars etiam, ascendens & angulum Occidentis pulsatur, ex supremo loco. In septimo etiam tauri stella clara, quæ pro sinistro oculo ponitur, violentam mortem tam palam pronunciat, vt iam vel asino deterior sit, qui hæc non intelligat: tum etiam cum cor scorpionis in horoscopo sit, crudelem, iracundum, temerarium, inconsultumque fuisse necesse est, aspicientibus ascendens, Marte, & Sole, tum etiam Luna & Mercurio,

Anno-igitur 1536. die Februarij 23. scopleto (vt dicunt) iſtus, ſubito interiit. Tunc aſcendens ad Solis quadratum peruenerat per directionem: ſic & Luna fermè ad Saturni quadratum. Anni reuolutio habuit Martem in cœli medio in octaua cancri par-


te, ascendens pars septima libræ in Martis quadrato. Luna denuò in septimo loco in 19. arietis parte, qui locus Saturni loco genituræ è directo oppositus est. Saturnus vero tunc Lunam trigono pulsavit aspectu, ex 21. leonis parte. Venus ascendentis reuolutionis domina cadebat in scorpione in Martis trino, nulla fortuna Lunam, Solem, Venerem ascendensue fouente.

Domitiano Imperatorileo ascendit, Luna in septimo in aquario cum Marte, & in Saturni quadrato, qui cœli medium possidebat, posita fuit, vt ex hoc immensa crudelitas, & certa mortis violentia, & corporis forma decerneretur.

X X I V.

*Veronica.*

**P**Epercimur pudori familiæ , ne huius no-  
men adiceremus , in pari consensu fati,  
verum impari causa subiungentes , cum ob  
impudicitiam à coniuge fuerit iugulara. Mer-  
curius infœlix in piscibus, Lunam in duode-  
cimo infœlicem , quadrata pulsatur radiatione,  
Solem vero Mars fortis ex superiore loco.  
Quis negare potest iuxta cor cœli eo existen-  
te , futuram non dubie biothanatam ? quam-  
uisque sic habuerit mulier : at cauda cum as-  
cendente , & Venus in capricorno , meretrici-  
cem malam & ipsa in ascendente , proculdi-  
bio facit , Martis vero sextilis, impudicitiam  
palam detegit, ipsamque ad omne scelus  
promptam. Cum igitur Luna ad Saturni  
quadratum peruenit , à marito occisa , mul-  
torum iam malorum pœnas dedit , & pluri-  
marum quas iam passam fuisset antea neces-  
sario conuenit , finem inuenit calamita-  
tum.




X X V.

*Baptista Pagani.*

**N**obilitas & causa eadem mortis fecit, ut  
hunc mulieri præcedenti subiungerem.  
Igitur cum dominus horoscopi Saturnus ca-  
dat in cancro, iungaturque Ioui ascendentis  
inimico, domino vero septimi, qui ferè sem-  
per dominus est mortis, atque in Veneris  
quadrato uterque: ipsa verò in Martis domi-  
cilio,




cilio , & cadens, tum Sol iuxta caput Algol, & in quadrato Martis in septimo existentis Mercurius , hæc omnia ostendebant , quod omnino impossibile esset , vt non ferro peri-



ret, cum vel duo ex his testimoniis hoc in-  
dubie ostendat. Anno igitur 23. cum ascen-  
dens ad Martis oppositum & Mercurij qua-  
dratum simul applicuisset, & in reuolutione  
cauda in ascendente esset, ipsumque ascen-  
dens ex signo septimi, cancro infortunato,  
& Luna in parte 22. arietis iuxta Saturnum  
reuolutionis, & locum Veneris genituræ,  
quadratumque Saturni & Iouis, Iupiter vero  
Mercurio iunctus, atque cum eo combustus  
(nam qui plus à Sole ex his distabat, partes  
3. non impleuerat). Hac tanta syderum ad-  
uersus eum conspiratione, Marteque cum  
Aldebaran stella in 12. loco constituto, de-  
prehensus in lecto nocte media, cum ea  
quam vnice deperibat, à marito illius cum  
ipsa vxore nudus vterque magnis vulneribus  
occisus est, iacuitque vsque ad diem, cum is  
qui eum occiderat nobilis esset: fuit autem  
hoc iuxta diem 26. Iulij 1526.

Porro hic iuuenis miser, subnigro erat colore: tales enim omnes, qui sub capricorno nostris in regionibus exoriuntur, etiam si Venus cum eo fuerit. Comptis moribus, Musicæ deditus, ob aspectum Veneris cum Saturno & cum ascendente, callidus, non multum ad literas propensus, ornatus, salax.

X X V I.



**L**Una damnata in scorpione, in Martis & Iouis sextili, Ioue cadente, & cum dor-

fo leonis & asino existente, ipsa vero Luna cum luminosiore lancia, stella malefica & frigida, indicavit de violenta morte, & secundum principia nostra, quod esset quasi insanus: & quia scorpio est aqueum signum, Iupiter cadit in virgine, & sextilis æquiparatur quadrato ex signis longarum ascensionum, indicat quod in aqua, vel ex aqua, esset futura mors eius.

Hæc Hali, sed non firma sunt. Indicium certum est, quod Sol erat infortunatus, & dominus genituræ cadens, & Iupiter damnatus triplici infortunio, & Luna deinde ab illo: & quia Venus est domina ascendentis & octavæ, mortem significat voluntariam.

*Revolutio 25.*

|           |    |    |           |
|-----------|----|----|-----------|
| Ascendens | 24 |    | Leonis.   |
| Mercurius | 2  | 52 | Virginis. |
| Luna      | 3  | 0  | Virginis. |
| Jupiter   | 11 | 14 | Virginis. |
| Sol       | 29 | 34 | Virginis. |
| Venus     | 11 | 2  | Libræ.    |
| Mars      | 14 | 48 | Tauri.    |
| Saturnus  | 2  | 19 | Cancr.    |


Cum igitur Planeta in 25. reuolutione esset, vt vides, & Solis eclipsis in 2. parte leonis, quæ est quadrata secunda partis scorpij, & Mars in 2. parte tauri, tunc opposito loci Lunæ, in reuolutione autem Luna iungeretur Mercurio in ascendente, in loco Iouis & Martis infortunatorum, Saturno infortunato ambos respiciente ex cancro, Ioue etiam infortunato, in loco Saturni genitura, Luna ad ipsum eunte, ascendente vero per directionem, & Mercurio ad Saturni sextilem deducto, iratus matri ob puellam, ex ponte in aquas se præcipitauit, & suffocatus est.

Dico ego, nisi fuisset stella, quæ dicitur luminosior lancis, cum Luna, & in reuolutione dorsum leonis, stellæ maleficæ valde, & validæ non accidisset hoc, quia Luna erat in ascendente, & ideo reddidit causam non causam. Hora autem qua præcipitem se dedit, ascendens fuit locus Martis in radice, & Lunæ in reuolutione, & Iupiter denudè infortunatus in ascendente, in opposito Mercurij, in septimo loco infortunati. Fuit etiam Iupiter retrogradus, & in quadrato Saturni qui erat in cæli medio, Mercurium similiter ascendentis dominum aspiciens quadrato aspectu. Sol etiam in 7. loco in opposito Martis, in radice, & Saturni. Luna vero Marti iuncta cadenti in cancro, & in quadrato Veneris infortunatæ in ariete in 8 loco. Nam sic se habebant: Ascendens 4. virg. Iupiter 23. 11. virg. retrog. Sol 6. 26. piscium. Mercurius 24. 17. piscium. Venus 20. 49. arietis. Saturnus 23. 46. gemi. Luna 19. 47. cancri. Mars 21. 27. cancri.

A tam



## XXVII.



Comitæ Gaiazij.


**A** Tam violentis mortis generibus, defle-  
ctens in paulo mitiora, quamvis inopi-  
nata, visum est, vt Comitæ Gaiazij strenui  
viri genituram describeremus. Hic anno vi-  
tæ XXXII. mense Maij cum cœnasset lu-  
culenter, intra 4. noctis horam extinctus est  
prorsus. Res mira etiam in fene, nedum in  
iuuene. Veruntamen nec malo viuendi vsui,  
nec syderum vi quicquam est impossibile.  
Ostendit liquidò hoc Saturnus in decimo lo-  
co, cum capite draconis quadrata radiatio-  
ne, Solem, Mercurium, & Martem dam-  
nans: vicissim etiam Mercurius & Mars do-  
minum ascendens lædunt. Quo igitur an-  
no ascendens ad locum Mercurij combusti  
peruenit, mortuus est. Animaduerte quòd  
hoc in casu Mercurius dispositus, quia com-  
bustus, non potest significare vitam, nec  
Sol in signo fœminino tot damnatus infortu-  
niis, nec Luna in duodecimo loco, in mas-  
culino signo: ascendens igitur vitæ signifi-  
cator est.

## XXVIII.

Ducis Bourbonij.


**V**T ille à Cæsare, sic à rege Gallorum hic  
desciuit. Eo iustior huic causa, quo illi  
moderator desciscendi modus. Mors dissi-  
milis, vtrique tamen inopinata. Iam quo-  
tiens repetam, etiam si rex fuërit atque san-  
ctissimus, infortunas autem oppositas in se-  
ptimo & primo loco, vel in 7. iunctas ha-  
buerit, violenta morte peribit. Auxit tamen  
malum, quòd ambæ cum nodis erant, &  
Mars in cancro infortunatus: vnde etiam eo  
ictu dissipatum est corpus. In mundo autem  
infortunis in angelo existentibus, cadebant  
Iupiter, Sol, Venus, & Luna: verum &  
Venus cadebant à domo etiam, atque melio-  
re. Ob hæc spoliatus, regno profugus, tor-  
mento bellico ictus, continuo mortuus est eo  
anno, quò Luna ad Mercurij oppositum  
peruenit. Vixit vsque eò propter Iouem  
fortem, & Lunam. In signis arte militari  
(vt manifestum est ex genitura) vt vix quic-  
quam addi possit: nisi quòd fœlix esse non

pöterat. Iupiter fuit in Saturni termino &  
opposito Lunæ, & Luna in opposito eius in



Martis termino, & Sol in aquarij constella-  
tione de Saturni natura, & cum eo exorieba-  
tur caput Algol: & tamen hæc, quo ad reg-  
num, non sunt causæ potentes, quoniam ne-  
cessè fuit, vt erectio regni tunc terminaretur,  
& nos nescimus eam.

## XXIX.




**I**Am quoties repetam, Lunam damnatam,  
violentæ, vel repentinæ mortis indicium  
ostendere, Infortunas in angulis ascendens  
& septimi. Hic vtrunque habet. Omitto  
quòd etiam Saturnus in quarta domo positus  
est: dominus etiam genituræ alter combus-  
tus, alter à Martis quadrato ex angulo se-  
ptimi damnatus. Porro Luna in coitu Solis,  
Venere etiam damnata ab infortuna indicat  
furtiuo concubitu genitum illegitimumque:  
tum magis, quòd Iupiter damnatur in capri-  
cornio, vnde diuitias tollit, significat homi-  
nem versutum & bene institutum, quoniam  
cauda in ascendente, & radij, ibi Iouis, Solis,  
Lunæ, Mercurij fœlices.

Ictu igitur bellici termenti cras totum  
ablatum, mortem illi protinus peperit: ad-  
iuuabat hoc malum quadrata radiatio Sat-  
urni & ascendens, & Mercurius dominus eius  
cum capite Algol, & luminare vtrunque  
cum stellis arietis de natura Martis. Anno au-  
tem 36. quo mortuus est, Sol ad quadratum  
Martis peruenit, & Mars est cum cauda piscis  
de



de natura Saturni, & fuit vtraque infortuna eo anno in angulo, Mars in 7. & Saturnus in ascendente.

XXX.




Iacobi Triultij.

**A**ffinitatis vinculo transimus ad proxima quæque, etsi tamen molesta minus. Hic enim pater præcedentis, longe meliore fortuna usus est. Vixit annis LXXV. patriæ nostræ magnum decus, rarusque inter huius ætatis belli duces, inclutusque victoriis plurimis: etiam familiam adauxit proprio splendore. Sol Venus ac caput iuncti, in angulo, in sextili Iouis & Martis, in signo triplicitatis, Ioue trino aspectu, Martem respiciente, maximam pollicentur fortunam, auget eam luna ascendens in 2. & in angulo primæ cum cauda vero posita solertiam, qua cunctis fuit admirabilis. Præstat Mercurius item fortis & in angulo & in dōmo, & ascendens dominus inter radios fœlices, vnde quæque omnia prospera, magnamque animi securitatem affert. Fuit & caput cum Venere iuxta Herculem, cum Venere etiam Apollo in eodem gradu, nec quicquam damnari potest, quadrato Saturni & Martis duntaxat excepto.

Illud animadvertere dignum est, nullum signum bellicosiores efficere sagittario, horum est enim proprium arma tractare. Cum vero, quod sæpius dictum est, nec piget repetere, tres fortunæ in vna genitura iunguntur, magnum pollicentur bonum. Hic autem cum stellis etiam quinque sunt, & in angulo & cum radiis fœlicibus, ut si vel non credas Astronomiæ, hæc sola genitura, nisi omnino asinus sis, te doceat artem non esse inanem, verum suppositos artificum loco impostores, e quibus etiam vnus impudenter libri emendationem de optica facultate, à patre meo multis laboribus confectam, sibi vendicauit, quanquam etiam paterna tot iam annis typis excusa & publica foret.

Tom. V.

XXXI.



**M**inor certè quàm præcedentis gloria ciuis nostri, sed tamen & ipsa rara. Qui si arma tractasset, poterat forsan nulla ex parte illo inferior videri. Nam quod ad Principum amicitiam, ad tractandam pacem, ad quærendam belli occasionem, nemo promptior, nemo aptior: varia tamen fortuna iactatus, exul, in magistratu, in fuga, præfectus in carcere, modò omnia, modò nihil. Fuit etiam quandoque religiosus, inde ducta vxore numerosam sobolem procreauit: demonstrat hoc Luna in quinto loco: Ingenij vim Veneri iunctus Mercurius in aquarij constellatione, de natura Saturni. Podagram & repentinam mortem Saturnus, Mars, Mercurius dominus ascendentis, & Venus in aqueis signis. Idem ut bene collocati & dispositi, cum sit triplicitas nunc magnæ coniunctionis, ostendunt gratiam apud Principes. Porro infortunæ in sublimi & cadentes, carceres, repentinam mortem, non tamen violentam, ostendunt gratiam apud Reges, potestatemque magnam, quandoque etiam supremam. Iupiter à Mercurio & Venere sextili illustratis, tum etiam Saturno, Venerem ac Mercurium trino denuò respiciente, tum Luna Solem sextili. De est ad claritatem potentia, quod nec in angulis fortunæ, nec Luna est supra terram, impugnat ac infirmat regiam quasi potestatem, Saturni ad Solem ex loco supremo quadratum, & vterque Iouem cadentem oppugnans quadrato ac opposito. Inualidum ad bella reddit vtriusque infortunæ casus in cancro, & dominus ascendentis cadens in sexta, & ab vtraque dignitate etiam Planetæ fœminino in fœmineo signo iunctus, ascendente fœmineo signo. Talia tantaque ad tam variam fortunam declarandam necessaria fuerunt.

XXXII.

Philippi Archinti.

**T**am vero genituram libens volensque præteream, quum in explicanda tua animi virtute adulationis suspicionem effugere non possim, apud ignotos. Qui tamen aut nostri simplicitatem animi, aut tuarum laudum expertes non sunt, vir amplissime,

S s me








ipsum damnat. Cum igitur Venus peruenit ad Mercurium, & Luna ad Solem in annis 14 completis, & erat cum Mercurio stella corporaliter de natura Solis & Martis, & in reuolutione Mars fuit in loco Saturni opposito sui, & Saturnus in angulo quartæ in opposito Veneris cum cauda existentis, & Luna in par. 29. mi. 36. aquarij, in quadrato Veneris & Saturni, & Venus cadebat in scorpione, omnes in infortunarum terminis. Ideo conuenit, vt eo anno ictus fulmine protinus interiret: & in hoc animaduerte, quodd Venus Saturnum oppugnat in reuolutione, è contra in genitura. Fuit etiam hoc in Veneris Alfridaria planetæ debilioris in tota genitura.


XXXV.



Iam ne vides, quodd Mars, qui dominus est virilitatis, in fœminino signo, & in angulo occidentis, est cum Luna constitutus, Venus ascendentis domina in Scorpione cadit. Iam hoc dubitabilem rationem non habet, nisi quia Iupiter in quadrato eius existens, prodesse posset, sed debilis & in Saturni domo. Manifestum est autem quodd mala morte absque dubio morietur: nondum mortuus est, sed in extremis tamen fuit periculis: Mores mali necessario, sed tamen liberi, quia Saturnus abest. Morietur ex reuolutione non sola directione, quia genitura caret malis radiationibus. Hic etiam ignotis pecunia copiam sui faciebat. paratus tum ad dignitates, vt dictum est ex nostris principiis, omnes tamen leues, quia Iuppiter & Venus ambo infœliciter positi, & in vita sua accidunt infinita inconuenientia, pessimeque audiet: nam Luna in 7. loco posita etiam cum Marte est, & per hæc omnia pertransiit, nec vnquam tot infortunis finem inueniet, eruditus tamen & ex ecclesiæ bonis viuit. Nam Luna infœlix, & Venus cadens, & in nona, omni libidinis vitio flagrabit.

Tom. V.


XXXVI.



Baptista Bergomensis.

Nimaduerte, quodd in genituris, in quibus nondum mihi exploratus erat error loci Saturni & Martis, quod eas olim sic statuissem, emendatum non inuenies, tum magis propter celeritatem, & quia res non magni momenti est, vbi non intercipiatur Planeta. Hic igitur dæmoniacus erat, nam parentes primo eius infania laborabant, & Iupiter ex gradu fermè erat in Saturni opposito, & vtrunque luminare cadebat ab angulo, & Luna plena luminibus opposita Marti, & sub terra. Conuenit igitur vt haberet dæmonium furiosum, & quia Mercurius fuit in ascendente in sextili Veneris, & cum spica virginis, prædicebat futura, reuelabat abscondita, & in eo genere erat gratus hominibus. Cum vero peruenisset ad annum decimumquartum, mortuus est ex reuolutione, quia erat ei dispositio vitæ præter Mercurium, & in directione, later me causa mortis eius, seu quodd oporteat diligentius considerare, seu quodd iam sit ex occulto mihi principio, seu quodd ascendentis hora paululum euariet.

XXXVII.



Iam hic infœlix Comes vinculis ob infaniam detinetur, nec referre causam in genitura, vel quodd talis morbus sit infanabilis,

Ss 2








moribus ac fortunæ Neronis , qui scuitia in fratrem , vxorem , matrem , in omnes denique , urbem incendio , corpus stupris , animum flagitiis , omnia cruenta nece foedauit. Animo trepidus etiam ad ipsa facinora , valetudine firmus , anno 18. Imperium orbis matris fraude adeptus, 32 ætatis, scelere proprio cum vita simul amisit , manum timore publicæ pœnæ inferre sibi compulsus.

XLI.




**E**Adem terra ferax frugum , etiam venena alit. Nullæ vrbes , Roma , nostraque pietate virorum insigniores extiterunt , nullæ immaniores belluas educarunt , è quibus vna fuit monstrosa hæc scuititiæ calamitas. Et ipse enim annos natus duodecim , regnum accepit hæreditarium firmumque : nam Saturnus cum corde leonis erat. Ibi cum etiam pueros canibus edendos exponeret , inuisus etiam terræ , inuenit ciuem fortem , qui eum in templo occideret , fugaque salutem , vnus ex multis tyrannicidis , quasi diuino iudicio , assequeretur. Martis & Solis oppositio ex angulo hoc ostendit & Luna cum cauda & scorpij infortunata , quoad vitam. Cum igitur Luna & ascendens in annis 24. ad Solis quadratum peruenerunt , occisus est , & in resolutione Mercurius fuit cum cauda , & Sol cum Ioue , & Luna cum Saturno in quadrato Saturni.

*Hora resolutionis.*

|           |       |           |
|-----------|-------|-----------|
| Ascendens | 5     | Leonis.   |
| Saturnus  | 26 36 | Tauri.    |
| Luna      | 25 29 | Tauri.    |
| Mercurius | 10 17 | Virginis. |
| Cauda     | 13 16 | Virginis. |
| Sol       | 23 0  | Virginis. |
| Iupiter   | 22 47 | Virginis. |
| Mars      | 22 42 | Cancr.    |
| Venus     | 19 29 | Leonis.   |

XLII.



**H**ic fratre minus crudelis fuit : non enim illi prima sagittarij pars , sed vltima potius scorpij exoriebatur , cuius termini dominus est Saturnus. In tam insigni enim crudelitate non potuit Luna & ascendens esse simul in domo Iouis atque termino , quamuis Lunam cor scorpij ad maximam scuitiam & Iouem Mercurius trahat. Huic vero Iupiter liber , & in solis Saturnique sextili , tantum à crudelitate minuit , quantum potentia superaddidit : quod & Luna in ascendente confirmat , nec successu res caruit.


Nullus fœlicior aut potentior dux Mediolani , sæpius victor : tres Reges vnâ captiuos aliquando habuit. Verum cum Mercurius in virgine à Sole Saturnoque , tum etiam Venere cadente infortunaretur , stultitia laborauit , quod etiam Luna in quadrato Solis & Saturni & Martis opposito decernit. Fortunæ igitur munera reiciens , in maxima incommoda delapsus est , non paruis etiam acceptis detrimentis. Demum cum Luna sic ab vtrique infortuna oppugnetur , tum à Sole , effecit vt vxorem capite multauit publice , rem raram aque penè in Principe prodigiosam.

Veniant nunc qui Astronomiam negant , & moliantur responsa in tam euidentibus hominum miraculis , aut putent sumptas ex annalibus publicis genituras à me confictas esse , vel erraticas arte aptasse ementitis locis , tam bellè in vniuersum vita genitura decretis conuenit.

Regnavit annis 36. vixit annis 54. mortuus est die tertiâ Augusti anno 1447. In resolutione Luna fuit in quadrato Saturni , & Mars in quadrato Iouis domini ascendens ad vnguem vterque , erantque Saturnus & Venus in octavo loco. Saturnus in leone , Iupiter virgine , Luna in 12. parte scorpij , Mars in 12. parte sagittarij , & tunc Sol peruenit directione ad hoc , vt sextilis Mercurij infœlicis caderet super eum in domo Martis & termino Saturni , & sextilis ipse erat ex signis longarum ascensionum , & Sol in genitura cadens & infortunatus à Saturno , vt longæ vitæ esse non posset , nam Lunam cadentem Mars etiam premit.




## XLIII.



**I**am ne quoties repetam, regna ex genituris non sunt: hoc enim maximum mortalibus præmium, aliis imperare, neminem sibi. Verum & hoc supremum, tamen à genituris est. Venus cum regulo in Iouis sextili, & Iupiter in suo termino, significat mulierum causa magnum fortunæ beneficium. Martis quadratum non obstat, quod Venus eo in loco domina sit trigoni. Mars iuxta cœli cor in Mercurij trino in sextili Saturni, cum permutatione potestatis, ostendit in bello peritiam maximam. Mercurius item in quadrato Iouis cum mutua potestatis permutatione idem ostendit, sed & in moderatione magnam prudentiam. Saturnus in opposito Mercurij, & in Iouis quadrato maximas difficultates infidumque decernit ingenium, Saturnus in ascendente administrationes, astum, laboris supremam patientiam. Fuit etiam Luna quasi cum scorpionis corde, Regnum igitur quasi hæreditario iure accepit, bello acquisiuit. In pace moderatus Princeps, quod Mercurius ascendenti dominetur: Qui enim Mercurium in angulo Occidentis habuerit ascendenti dominantem, erit in negotiis suis valde prudens: & quod in hoc est verisimilius, existimandum est, 18. partem capricorni iam ascendisse, in qua Mercurius ultra trigonum terminum possidet. Mars etiam filiorum pollicetur multitudinem, in signo aqueo, in aspectu Veneris & Mercurij. Et ego fatebor ingenuè veritatem: potest enim esse error, ut sit genitura tardior die vna in eadem hora, quia tunc Luna cadit in sextilem Iouis, & trinum Veneris ad vnguem. Vixit annis 64. mortuus hydropse 8. die Martij 1466. cum iam ascendens ad Iouis oppositum & Mercurij quadratum pervenisset, & in revolutione Luna esset sub Sole, Marti in 5. loco existenti directè opposita.

## XLIV.



**L**una ab infortunato Ioue opposito, & à Martis quadrato infortunata est, quo ad vitam: ipsa etiam cum cauda mortem decernit violentam, quoniam qui oppugnant in angulo sunt. Cæterum Mars fortis, Iupiter cum Draconis capite, Luna in ascendente, regnum inter fratres illi vniadindicant. Est autem genitura hæc paternæ simillima, nam Luna iuxta Luna Martis, ad angulum cordis cœli positio eadem, Mercurij locus iuxta patris ascendens: contra Martis locus patris, huic ascendit, mores aperti sunt Luna domina noni loci, religionis contemptorem ostendit, cum cauda deceptorem. Mars dominus ascendens sic positus, in principe omnia mala atque facinora patranda decernit, fuissetque deterior, si diutius vixisset. Mortuus est ætate Neronis, cui moribus etiam non valde dissimilis, verum populari iustitia longè melior. Cum à sacerdote de mortis genere ac de ætate admonitus esset, beneficij loco habuit, illum fame necare.

Cum igitur ascendens ad Martis quadratum & Iouis oppositionem, Luna vero Mercurio per directionem in trino Martis existenti applicuisset, annis perfectis 32. & in revolutione locus Lunæ & ascendens, locus Martis in genitura, & Iouis quadratum ac Lunæ, trinusque Martis esset, tum Mars ipse cum nodo in pluribus partibus quàm Luna in ascendente: at ascendens dominus cum Venere in Saturni domo combustus, atque directè Saturno oppositus, in altiore loco existenti, Sole vero infortunato, conuenit ut tunc occideretur. Tredecim igitur vulneribus die 26. Decembris, in æde sacra à tribus coniuratis ciuibus, qui diu antea conspirauerant, magna ciuitatis iactura confossus est, nam malus homo & sapiens Princeps.


## XLV.

*Francisci Sfortiæ Mediolani ducis.*

**H**ic filius fratris præcedentis fuit, cuius pater in carcere obiit, ut in IX genitura ostendimus. Trinus Lunæ, Veneris, Mercurij, Iouisque decimæ domini, trinus etiam Saturni & Martis, recuperationem regni paterni



legis ostendit, nec reuertetur, fixa enim adiacet. Luna etiam in septimo loco in Solis quadrato, Saturno Venerem sic positam respiciente, & Iouem Marte dominum septimi, diuortium, & multa circa vxores inconuenientia declarant, vt etiam illarum vnam capite mulctauerit. Saturnus in Mercurij opposito, quoniam Mercurius in supremo loco est, multas aduersus illum insidias moliri faciet: tum etiam quia Mars in quadrato Iouis infortunati est, apertas seditiones. Nunquam regno priuabitur, & si priuabitur, non toto, nec diu: nam inter ambo luminaria quadrata radiatio cum mutuo consensu est ex cardinalibus signis, promptum & ferocem eum esse necesse est, violentis vero casibus, si hæc est genitura, necessario subiicietur. Inclytus vir, vt ex stellarum positione apparet. Sol cum Apolline est, regiumque plane animum magnitudine decernit, violentia plusquam regium, Chronocratorem Solem habet. Nemo plures experietur in regno turbas.





nus in 4. loco iuncti fuerunt eo anno in capricorno, & Luna in eorum trino in tauro in 9. loco, in cuius quadrato iuncti coierunt Sol, Saturnus, Mars in aquario: & fuit hoc auxilio praeexistentium religioni, & denuò etiam priuatus est, propter quadratum illud, & ad mortem infirmatus, sanatus etiam, ac regno restitutus, anno ætatis 32. in quo ascendens ad Martis oppositum peruenit. Cum autem ascendens ad 25. partem tauri peruenit, ob Solis quadratum obiit, tunc in reuolutione locus Martis ascendit, & Luna fuit in loco Saturni, & Mars dominus ascendentis in opposito Saturni, & Iupiter cum Venere combustus.

XLVII.

*Leonis Pontificis decimi.*

**H**ic cum haberet Lunam in sexto loco inter fuculas, & Solem in constellatione capuli sagittarij, simili Orionis cingulo, in lactea via, fuit penè cæcus: & quia Saturnuserat in octauo loco in Iouis opposito, significantur carceres & inopia magna: & quia Venus est in ascendente in sagittario, significat multa circa mores, tum gratiam dicendi & mansuetudinem. Sol vero existens in ea constellatione trium fixarum, cum peruenit ad Iouem locus, & Iouis quadratum ad cæli medium quod est cor, dedit pontificiam maximam dignitatem, & hoc cum radicibus nostris concordat. Fuit autem electio eius 10. Martij anni 1513. hora 23. minut. 15. præcesserat vero 37. reuolutio, erantque Planetæ (vt in sequenti tabella vides) in reuolutione & electione.



**H**Ac genitura, vbi bona nulla melior,  
vbi mala nulla deterior: nam quodd Venus in 9. loco cum Aldebaran posita cum  
cauda, & in sextili Mercurij est, mutationem

*In revolutione.*

|           |    |    |            |
|-----------|----|----|------------|
| Ascendens | 21 |    | Scorpij.   |
| Saturnus  | 10 | 44 | Scorpij.   |
|           |    | ss | 4. Iupiter |



|           |    |    |          |
|-----------|----|----|----------|
| Jupiter   | 28 | 12 | Piscium. |
| Mars      | 9  | 24 | Piscium. |
| Sol       | 27 | 27 | Sagitta. |
| Venus     | 10 | 28 | Capric.  |
| Mercurius | 6  | 34 | Sagitta. |
| Luna      | 5  | 22 | Capric.  |
| Caput     | 4  | 50 | Libra.   |

*In electione.*

|           |    |    |           |
|-----------|----|----|-----------|
| Ascendens | 22 |    | Virginis. |
| Saturnus  | 13 | 23 | Scorpij.  |
| Iupiter   | 13 | 1  | Arietis.  |
| Mars      | 12 | 15 | Tauri.    |
| Sol       | 29 | 48 | Piscium.  |
| Venus     | 3  | 28 | Tauri.    |
| Mercurius | 12 | 10 | Piscium.  |
| Luna      | 11 | 20 | Tauri     |
| Caput     | 0  | 0  | Librae.   |

Fundamentum revolutionis est, quod Sol per directionem pervenit ad locum Iovis, & in revolutione Iupiter est in quadrato Solis, ambobus existentibus in domo Iovis, & stirps ipsa Leonis ex apris ad eam dignitatem, nobilis & Italica, & Luna ibat ad Venerem existentem in loco Mercurij, qui est trinus Martis: & tunc sextilis Saturni & Martis, & hora electionis: Vides manifestam commutationem: nam Sol pervenit ad Iovis locum, & Luna erat iuncta Marti, qui est dispositio figuræ, & Mars in sextili Mercurij, ab initio amici, uterque autem in opposito Saturni, qui etiam erat in Mercurij trino.


XLVIII.

*Julij Secundi Pontificis.*

**M**Ores hic vides expressos. Scorpius ascendit, ubi duæ insignis illæ fixæ de natura Saturni, Mercurij, Martis, cauda in ascendente, & Luna in aspectu eius infortunata, dominus ascendentis Mars cum Venere, & in geminis, & in octavo loco, si potes addere addas, quo minus mirum est, ipsum æternis bellis initium dedisse: dumque & hoc absque pecunia facere molitur, in Christianorum Reges, ea semina discordiarum seuit, quibus non solum populi, sed & ipsi Reges periclitantur: Heu heu hominum mentes, regum consilia, pastorum benignitatem, qui nec præsentia ferunt, nec futura prævident, nec præteritorum oblivisci possunt: Sed iam ad causam tantæ dignitatis veniamus.


Nonnulla forsan hic ex syderibus, sed  
alia ex diuino indicio, vt per hunc multorum  
scelera punirentur: nam ex ipso ruina Ro-  
manæ ecclesiæ orta. Italiæ, Christianorum  
denique omnium, inde sectæ, amissaque ex  
parte, Petri sublimis illa dignitas inter Apo-  
stolos, qua vnus cæteris à Christo prælatus  
est, non hunc incerta successio excusat.  
Sic Christi sanguis, sic lex diuina humano  
concessa beneficio, vt per vos, per quos ser-  
uari oues oporteret lanientur? membraque  
illa Christi sparsa cruore iaceant deterius

quàm in cruce ; ibi volens , & ab infciis , &  
multorum beneficio , paucis horis pendebat,  
vos hic discriptum tam diu non restituitis.  
Sed tamen & huius calamitatis publicæ aliqua  
causa quærenda est. Ea fuit Solis positio inter  
canem ardentem & Apollinem. Veneris vero  
& Martis cum dextro Orionis humero &



dextro Aurigæ, & hæc quidem de natura Martis & Mercurij, reliquæ duæ de natura Iouis, ut quatuor insignes fixæ ei fauerint, quæque iuxta ascendens, & cor leonis in cæli medietullo, & cum Saturno Procyon stellæ octo insignes, quatuor primæ magnitudinis, quatuorque secundæ. Quid mirum hunc stirpe quamquam ignobili ad summum fastigium euectum fuisse, tanto syderum consensu, sed & experrus schisma est, & quamvis nulla virtute insignis, tamen vir ad mores temporum collatus, atque qui deteriores etiam reliquerit successores.

X L I X.




**S**ol in septimo loco fortunam quæ ex prudentia oritur præstat, Luna in ascendente magnam felicitatem: quia verò cum Saturno iuncta est, & ad Iovis trinum vadit, separans se à Saturno & in signo igneo, ostendit maximum consilium ac prudentissimum, quòd si Iovis radij absissent, æqualem tantæ prudentiæ stultitiam. Nunc vides quantum referat immutatio, quæ poterat esse stultissimi, si soli Saturno applicasset, sic posita sapientissimi est, Sol autem fuit iuxta virginis spicam per duas cœli partes,








LII.



**E**T hic maximo periculo natus, vix vixit, nam toto primo mense conuellebatur. Primo quidem septimestris fuit, vnoque pede prius emisso, inde obstericis industria agrippa natus, & cum mola: nam vtræque infortunæ in angulo & oppositæ, & cum eis Mercurius dominus loci Lunæ, vterque autem dominus ascendentis cadens, Iupiterque etiam combustus: Quæ obrem pro monstro vixit, quia Luna est in trino Iouis & Veneris. Apparet autem ex radicibus nostris, quod in re hæreditaria & mulierum causa, & pecuniaria, erit bene fortunatus, imo valde è contra in valetudine & vita, nam periculis etiam externis periclitabitur.


LIII.



**C**Ur hic posthumus sit, non satis intelligo: nulla enim, præter hanc, genitura posthumi ad me peruenit. Habebit aliquod egregium bonum, vt ex radicibus nostris apparet. Nam Venus iuncta Ioui, & Luna in ascendente cum scorpij corde. Periculis tamen magnis subiicietur propter Lunæ cum infortunis aspectum. Saturno Marti opposito cædæmonis locus ambiguus: nam vbi quadrata infortunarum, ibi Iouis & Veneris amica radiatio. Loca infortunarum sunt in aspectu amico Lunæ, locus oppositus Lunæ est sub Sole. Plura igitur ei accident, à quibus pecuniarum beneficio seruabitur, non tamen forsitan omnia. Hunc iam hæreditate


omnium affinium in eum collata stellarum beneficium sensit: reliqua sunt manifesta.

LIV.



**L**Vna cum cauda in quadrato Saturni & Mercurij, significat ingenium, memoriā, & vitam breuem: quia Sol cadit in libra. Et quia Venus cadit in virgine, & Luna est infortunata, significat natum ex incestu: nam matres spuriorum necessario sunt impudicæ. Et ad causam mortis plurimum facit dominus ascendentis sub terra in opposito Mercurij & Saturni, & in quadrato Lunæ infortunatæ. Vixit igitur annis 10. cum non esset quod nutritionem impeditet.

LV.




**I**oan. Antonius Castiloneus, ciuis noster, regiusque medicus, & vir insignis, cum hanc vidisset genituram, dixit puerum hunc nutriri non posse, quoniam Luna sub terra erat, & ambæ fortunæ in 8. loco cadentes in virgine, & dominus ascendentis cadens & combustus, & cum Mercurio infortunato cum cauda. In prima igitur reuolutione cum Luna esset in quadrato Martis & Veneris, & in loco Martis in radice, & ascendens locus quadratus Iouis & Veneris infortunatorum in genitura, & dominus ascendentis combustus & Saturno iunctus per corpus, qui & ipse combustus erat. conuenit vt eo anno moreretur 9. die Nouembris 1507.

LVI.




## LVI.



**C**um Luna esset infortunata in duodecima, ibique Saturnus, Venus, & caput. Saturnus autem cadens Martem & ipsum cadentem infortunio afficiebat: vterque autem Mercurium horoscopi dominum & sub terra existentem male affecit. Erat autem Mercurius etiam in quadrato Iouis infortunati. Quamobrem Sol solus vitæ defensor relinquitur, & hic est in trino Iouis, sed infortunati. Sol vero non est temporis dominus, & infortunatur in virgine, & locus ille est Ioui inimicus. Quia igitur Sol sub terra fuit, diu vivere non potuit, sed tabescens miro morbi genere tenebatur, ut illud incertum esset. Quid admiratione dignius, an talem morbum posse ei ætati superuenire, an tantam morbi magnitudinem infantulam posse perferre? Mortua est igitur anno tertio ætatis suæ.


## LVII.



**S**ymon Mantegatius aurifex, qui in iuventa mortuus est tabe, cum haberet omnes Planetas sub terra. Vitæ largitor est ascendens. Sol damnatur à Marte, & Mars à Sole & vterque damnat Iovem de quadrato, quia Sol cadit in aquario, vbi est Iupiter. Mars etiam damnat Lunam, & ipsa infortunatur in aquario: ascendens vero infortunatur à Saturno per quadratum. Igitur oportet ut sit brevis vitæ: sed quia Mercurius est saluus, propterea dirigemus eum

ad corpus Martis & quadratum Lunæ, & tunc morietur, quamvis à natiuitate propter quadratum Saturni & Veneris inimicæ ascendenti fuerit tabificus. Mortuus est igitur anno XXI. completo, & hora reuolutionis mortis fuit Luna sub Sole combusta infortunata in octaua parte scorpionis, & Iupiter combustus in 24. parte eiusdem: & quod peius est, vterque proprio motu iungitur Soli, nam Luna est velocior Sole, & Sol Ioue. Et Saturnus solus fuit supra terram in sextili longarum ascensionem cum Ioue & in virgine, vbi Iupiter & Saturnus infortunantur: Mars fuit cum capite, valde ei proximus, & Venus domina ascendentis, cecidit in initio scorpionis, loco malefico, etiam propter Martis terminum. Et erat particularis Alfridaria Lunæ, & ipsa in reuolutione damnata, & vniuersalis Solis, & ipse in genitura infortunatus. Ideo mortuus est 1509. die 17. Februarij mane, & tunc Iupiter erat iuxta locum Saturni in genitura, Saturnus iuxta locum ascendentis, & Luna iuncta Mercurio in 15. parte aquarij, vbi erat in genitura, qui est locus quadrati Solis & Martis, Mercurius vero tunc dominus 7. loci, in quo erat ipse Saturnus, ascendente parte postrema piscium, in qua Mars erat.

## LVIII.



**H**ic puer anno 1539. cum annum nonum expleuisset, publicè in gymnasio Patauino disputauit, perorauit: & extra eius oratio typis excussa. Callet etiam linguas pro ætate, plus quàm sperari debeat. Nec omnino mirum, cum viderim puellam septem annos natam, coram Pontifice Paulo, sine vlllo labore, sine studio, latinè loqui. Huius tamen propter scientias etiam admirabilior genitura, quam cum pro anno & die certam habeamus, minime tamen horam certam assequi potuimus, scientes solum eum ante ortum Solis natum. Effecit igitur, ut ex effectu, horoscopus constitueremus, in cuius trino est Iupiter, Saturnusque in terrea triplicitate, alter etiam in alterius trino. Luna in Martis opposito, dans acrimoniam, quia discedit, & Mars in loco gaudet, domus enim sua. Tum vero Mercurius Veneri iungitur in constellatione capricorni, de natura Iouis, Saturni, & Mercurij. Vtrumque



Vtrumque autem necesse est, vel esse in ascendente, vel ascendens respicere. Vnde cum signum etiam terrenum sit, erit hæc scientia valde præcox, dominante siccitate: & quia Iupiter damnatur in virgine, & Luna est in opposito Martis, & Sol cadit in aquario, successu ætatis habebit multa inconuenientia. Quod si cum hoc ascendit capricornus (est enim signum terrenum) impossibile est vt non eueniat illi detrimentum, secundum regulas superius datas. Et si hæc constellatio fuisset in alia triplicitate, maxima bona polliceretur, ita maxima, vt penè incredibilia: esset enim excessus idem in comparatione ad perfectam ætatem, quo nunc pueros suæ ætatis antecellit.


## LIX.

*Mulieris qua veneno periit.*

**S**eptimus locus, & dominus eius, & Sol, sunt in signo bicorporeo, ideo significantur duo coniuges.

Et quia dominus quinti loci masculinus, in masculino signo & in sextili Iouis, & iunctus Veneri, & vterque in 11. loco, indicat multos filios masculos. Suscepit igitur filios nouem, solpites masculos, Saturni autem casus iuuat ad hoc vt sint solpites.

Cumque Mercurius sit occisor, & ipse cum cauda, & in sextili Saturni, indicat mortem violentam veneni causa, tum magis quod Saturnus est in scorpione. Mortua est igitur anno 50. ætatis sumpto veneno ab inimicis suis. Tum igitur Sol peruenit ad corpus Saturni, & sextilem Mercurij cum cauda existentis in scorpione, & loco peregrino, & ascendens cum Luna infortunata




cecidit in quadrato Saturni eleuati in corde cœli, & cum capite draconis existentis. Ideo cum dominus ascendens esset infortunatus, mortua est eo anno, vt diximus.

## LX.

*Venetiarum ædificatio.*

**N**on admodum magnam fidem his habere necessarium est, cum pleraque in eis

falsa sint & commentitia. Si quis tamen mihi hanc cœli constitutionem pro vrbis origine ostendat, hæc dicam vociferans. Et spica virginis in imo cœli cum Saturno forti, diuturnum regnum & stabile pollicentur. Mars in quarto loco secundum vim cadens, in bello plerumque infelices ostendit. Mercurius




in octauo loco Ioui iunctus in piscibus, quod in eis maxime infortunetur, ad literas aptos minime faciet, quod & magno miraculo consecutum est. Ab eius enim ædificatione vir maximus in re literaria vsque ad hanc diem non exitit, nisi viuentibus faueamus: etsi tamen Sadoletus & Barbarus, inter egrogios viros concinitate linguæ possint adnumerari, ambo nostræ ætatis viri. Luna in Iouis quadrato & Martis trino, tum etiam in Mercurij trino multa pollicetur, sensus & rationis constantiam, legum custodiam, audaciam etiam in periculis, ac pro aristocratia celeritatem. Sol in nona, religionis conseruationem. Quia vero Sol in cœli corde exaltatus, erit nomen eorum insigne ac gloriosum: multa tamen à proditoribus damna patientur, quia Saturnus in Solis opposito est. Sunt autem maximi virtutum æstimatores, ac ad publicam vtilitatem paratissimi, qua in laude à nulla Italiæ vrbe superantur. hoc autem longe melius ac præstantius eruditione. Facit hoc Luna & Iupiter domini ascendens, Mercurio per radios vel corpus iuncti. Cacodæmone carent, ideo numero perfecto reuolutionum terminabuntur. Proximiior tamen locus cacodæmoni, & à quo magna detrimenta patientur, initium cancri est, ibi radij Solis & Saturni quadrati, nec conuenientes signo, & in 12. loco. Igitur prælio nauali superabuntur, proditione etiam adiecta.

Mars



recuperabit, donec vterque manserit sub radiis Iouis, id est per annos 24. Saturni, &

LXI.




**M**ars in Iouis trigono non conueniens, & Luna in opposito Veneris in Scorpione, multa detrimeta bellorū causa ostendit, atque in his aliquando infœlices, & multam sobolem mulieribusque deditos nimis, atque ea causa infortunatos. Porro Mercurius in domo propria, in Saturni trigono, ipso in aquario existente, diuina prorsus ingenia, tum etiam ad artes præstantissima. In cæteris valde diffita est hæc cœli constitutio, quam vix verisimilem esse crediderim. Homines misericordes, laboriosi, ingenio magno præditi, minime concordēs, publicæque vtilitatis custodes. Populus simplex, ac levis, benefici tamen ac ciuiles. Vrbs ipsa talis est, quæ si optime regatur, nulli alteri veniat postponenda, nec vlla alia eruditorum maiorem copiam virorum nec insigniorum edidit, vel fortiorum. Iacet tamen suo olim intestino iactata malo, quo & Roma, iam gentium domina, & ipsa exteris seruire cogitur. Eudæmonis locus vnus Saturni, alter Mercurij, tertius Iouis. Cacodæmon octaua leonis pars, alter scorpionis, pars vigesima prima. Quadratum Solis ac Iouis, non ex conuenientibus signis, seruire alienis cogit.

LXII.

*Florentia instauration.*


**C**iuitas hæc Martem habet cadentem, unde non multum bello proficere potest. Ostensum est autem Mercurium in piscibus damnari, vnde ad literas non adeo vt Mediolanenses apti. Diu libertatem retinuit, nuper amisit: causam in libro de Arcanis æternitatis aperuimus. Luna etiam à Saturno & Sole infortunata. Saturnus in cœli medietate & domo propria & mobili signo, mutationes multas à seipsis ostendit, seditionesque. Cum igitur Saturnus & cœli medium peruenerunt ad Iouis quadratum hostilem, in vltima parte capricorni, amisit vrbs libertatem in 26. anno Saturni, nec

*Tom. V.*



fic de aliis. Diuides igitur tempus ædificationis vrbs per annos 29. menses 6. seu annos 29. menses 5. dies 11. si ad vnguem magis vis operari, & numerum exeuntem tanquam partes æquales adde propriæ ascensionis significatoris, & vide vbi terminatur locus in Zodiaco. Exemplum habes in sequenti reuolutione, etiam pro genituris.

LXIII.



**M**anifestum est, quod Mercurius in ascendente in quadrato Lunæ amico dat bonam rationem, si hæc est figura. Luna vero in trino Veneris, facit generaliter studiosos venereorum, & mulieres formosas, ac etiam viros. Mars vero in Solis opposito, & in septimo loco, malos mores, pluresque mala morte terminari, amatores armorum, quia est in sagittario. Saturnus eum cauda non permittit, vt exaltentur super alias vrbes, nec exaltabuntur: quia tamen est in libra, custodiunt quandam libertatis speciem.

*Tr. LXIV*




## LXIV.



**H**uius extant volumina plurima, gratia plena, in sacra pagina, namque Saturnus & Venus cum spica virginis fuerunt. Sæpius autem dictum est, hanc stellam nostræ religioni præsidere, ut causam naturalem, quæ cum Ione etiam in Seruatoris genitura horoscopus occupabat. Mercurius in corde Solis fuit, Solque in septima. Studium igitur & eruditionem ostendit: nam Sol ascendenti dominatur. Ipse vero infortunatus, ut non posset ad dignitates pervenire. Cumque Luna à Marte in cœli medio & in capricorno infortunetur, tum etiam à Saturno mortem proculdubio publicam & ex igne decernit. Combustus igitur Florentiæ est.

Quis ad vnguem melius hæc quæ acta sunt exprimat: ut res ipsa, ficta quasi, credi posset: nisi quatuor has extremas Georgius Ioachimus noster, iam perfecte libello misisset, quas adiungi curauimus. At vero manifestum est, quod hæc genitura multis redundabat calamitatibus, etiam præter exitum animique vitiis, quamvis naturam, consilium partim texerit, partim emendarit.

## LXV.



**E**N eius, qui per calumniam Astrologiam infectatus est, genituram, verum non absque ratione. Luna in Saturni & Mercurij

quadrato, cum ipsa atque Saturnus in domibus ac fixis signis sint, ipseque Saturnus genituræ dominus, profundissimam memoriam acreque ingenium ad studia, incorruptamque perseverantiam decernunt. Tum vero quia Luna in octavo loco erat, erat turbidum ingenium: & quia radiatio quadrata est, iudicium tollit. Manifestum est autem luce clarius, quod diuitias spargeret, nam Mars in secundo loco: non tamen deficiente crumena, nam Sol in eius trino, & ipse in domo sua. At quia ambo in triplicitate aquea, nomen decernunt gloriosum. Deiectum vero animum, & à generis origine alienum, faciunt cadentes omnes Planetæ ab angulis, præter Iouem, qui in capricorno cadit. Necessè vero est, & brevis vitæ hominem fore, cum sola Luna, quæ super terram est, à Saturni & Mercurij radiis, tum etiam Martis impedita, vitam admittat: quæ nisi Solis sextili foueretur, atque in tauro domo sua esset, mortem in infantia decreuisset. Vixit igitur annis XXXIII. cum eius obitum Astrologus eodem anno prædixisset, qui etiam aduersus illum scripsit.

## LXVI.




**H**ic Germanus maximus vir fuit, Luna, Sole, Saturnoque in trigono constitutis, omnibus autem in domibus Saturni ac Mercurij, cum Mercurius ipse etiam in domo sua fuerit, ac cum tauri sinistro oculo, at Saturnus etiam cum spica virginis: quo fit ut cum ab angulis abessent, potestatem quidem nullam aut dignitatem, nomen tamen insigne ei dederint. Cum vero ♄ peregrinus in signo fœminino fuerit, ac cadens, pauper cum hac tam insigni gloria necessario semper fuit, Neciam fuit iuxta Fomahant. Mercurius autem ipse in Martis sextili, acutissimum illud decernit ingenium, quo multa nobis monumenta suæ reliquit industriæ.

## LXVII.



LXVII.



**I**Am non desino dicere, cuncta necessitate quadam euenire, dum enim de adiiciendis genituris cogitarem. Forte fortuna Georgius Iochimus in Italiam ex Germania venit, vir humanus & in Mathematicis haud mediocriter eruditus. Sed in primis, primo more officiosus, ac syncerus, hic clariorum virorum genituras, quas secum habebat, mihi obtulit vltro. Vessalij, Ioannis Monteregij, Cornelij Agrippæ, Politiani, Iacobi, Mycilli, Oslandri, quarum aliquot addidi huic operi ad centenarium explendum, dubias enim omnes reieci. Vt igitur ad rem ipsam veniam, prius dicenda sunt aliqua de viro isto. Natus est hic pauper, simulans autem multa se scire, quæ tantum à longe salutauerat, temporum improbitate. Factus inreconsultus ad scribæ Regij fastigium ascendit, hoc ostendit Iupiter in quadrato Solis, & quia vterque cadebat ab exaltatione, & erat in mobili signo, & etiâ ab angulo, significat, quod esset hoc extra patriam, cum modica vtilitate, & quod tandem caderet ab illa dignitate, saltem re, si dignitas esset natura perpetua. Sicut accidit cuidam doctore, qui prohibitus est publice, vestibis præcisus doctoris facultate in perpetuum vti.

Et quia Iupiter aspexit ascendens de trino significauit comitatem, & vrbaneitatem, vsque ad scurrilitatem, quia cadebat à loco suo, & etiam ab ascendente, cum esset oppositum suæ domus.

Et quia ascendens fuit virginis initium, & ipse Mercurius dominus domus, exaltationis, trigoni, ac ibi etiam stella de natura Mercurij & Veneris, significat, quod esset totus mercurialis, vt dicunt, id est ingeniosus, varius, mutabilis, mendax, subdolos, studiis deditus, & ita composuit librum de occulta philosophia, in quo congeffit mille nugæ, nulla penitus re vera existente, & meretur talis liber comburi: cum seducat homines, tum argumento, tum viri nomine illo inani: scripsit & alia quædam, inter quæ de ignibus, sed non vidi, alia autem opuscula ad amicos nostros peruenerunt.

Et quia cauda fuit in gradu ascendens, significauit ingenium acutissimum, vaferrum, non tamen aptum ad disciplinas, maledicum, & mali animi, & ideo scripsit de nati-

uitate scientiarum, in quo præter argumenti nequitiam, ostendit etiam suam ignorantiam, dum tractat quæ nescit, placet tamen multis, vt asinis paleæ.

Et quia Iupiter cadit, & pulsatur radiis Solis infortunati, & Sol in secunda, significauit, quod moreretur in paupertate, & sic mortuus est in miseria.

Et quia Luna erat in trino Veneris, & sextili Martis, significauit hæreditatem, & diuitias causa mulierum, & nescio an habuerit illas, significant etiam, cum omnes sint peregrini, & in terreis signis, & domini trigoni ascendens, itinera multa per terram.

Et quia Saturnus & Mars sunt in angulis, & Mars est in cœli medio significat carcerem & tormenta, & mortem publicam. Et ita fuit captus, vt hæreticus, ob causam in ascendente, & mansit plusquam per annum in carceribus, inde exiuit, quia Mars flectitur à sextili Lunæ & Veneris, & non aderat aspectus malus, & ipse erat doctor, & magni nominis, & ita oportet, vt in his consideret astrologus, quæ dicta sunt in capitulo tertij libri de hac re, & hoc accidit, cum ascendens peruenit ad quadratum Iouis: & mortuus est, cum peruenit ad sextilem Saturni, qui erat hostis ascendens.

Et quia Saturnus respexit ascendens de quadrato, non potuit esse pulcher, nec bonus omnino, nisi quia vtrumque mitigatur à trino Iouis.

Et quia Saturnus respexit Solem sextil aspectu, indicat, quod haberet etiam fundos, & honores, & dignitates, & in quibusdam rebus perseverantiam, & quod futurus esset illustris mundo.

Et quia Sol est in quadrato Iouis, significat potestatem aliquam, & ideo fuit Iuris consultus, & cum magistratu.

Et quia caput fuit in occidente, significat mortem ex genere strangulationis aut veneni.

Et quia Mars fuit cum dextro humero Orionis, significauit quia erant de natura Martis, & Mercurij, quod faceret quædam sua manu, sicut faber, & quod esset industrius & magni ingenij in hoc.


Et quia Mars erat potens, & respiciens Venerem, & Mercurium, significat, quod esset incontinens circa mulieres & quia Saturnus erat in angulo, significauit labores, & Mars etiam malos mores.

Et quia cor cœli fuit 24. pars Tauri, & radij Lunæ, & Veneris, dominantium ante illud, significat quod vis, & initium suæ potentia esset à mulieribus.

Et quia Luna erat in octaua in ariete, significabat, quod delectaretur animalibus quadrupedibus, plusquam deceret.




## LXVIII



**Q**uia Luna est in quadrato Martis in duodecima, habebitur pro infano, & sic perseveravit usque nunc operatio hæc. Quia Venus ascendens est domina, in quadrato Saturni, significat morbum inseparabilem, ex genere Phthisis & hecticæ: & sic fuit deploratus ter aut quater, & fuit empicus, & quia Mars respicit Mercurium foeliciter ex parte utriusque vel saltem Mercurij, significat ingenium acutum. Et quia Iupiter est in secunda, significat diuitias, & sanitatem tandem, & quia Sol est in septima, per angulum & lineam, significat dignitatem, factus est medicus principis. Igitur & nunc est, tum magis augeat fortunam Lunæ cum Ioue sextilis, & Mars in tertia in trino Mercurij, significat itinera, in quibus ditabitur.


## LXIX



**S**ol, Luna, Mercurius respexerunt ascendens benigno aspectu, & ideo significant vitæ diuturnitatem, & quia Luna Mercurio iuncta est, significat ingenium, & rationem bonam, & maxime, quia Mars respexit illos sextili radio, & caput in cœli medio, dat primum locum in sua arte, est autem arithmeticus optimus, & hortationibus suis induxit me, ad edendum ea quæ edidi, & Mars in septimo loco, cum fuisset patria direpta, significavit vulnera, vnum in pede quo claudicat, aliud in facie: Iupiter in opposito Veneris lucrum significat. Erit autem valde longævus, & Sa-

turnus in ascendente declarat mores, parcitatem, tollerantiam, nam est in finibus suis.

## LXX.



**H**ic cum habeat Mercurium in corde cœli nostræ genituræ, & Lunam & Martem, & ascendens, in loco Veneris & Mercurij nostræ genituræ, rursusque Iouem in loco Solis nostræ amicitiam naturalem significat, etn iure collegij prohibeamur.

Iupiter in quadrato Solis, significat consilium, & audaciam in suo genere, his cadentibus tamen, humilem effectum. Mercurius in quadrato Martis, Lunæ, & ascendens, ingenium & imaginationem, nec habebit filios, nam Saturnus est in quinta, & Sol in quadrato Iouis, quamvis speret habere: & quia Sol est in sextili Saturni, significat, quod habebit memoriam, & patientiam, & Solis aspectus cum Ioue & Saturno, effecerunt quod præter omnium expectationem, doctor medicus evasit, quamvis humanioribus literis fermè careat. Luna cum Marte peregrinis in ascendente, homicidium & exilium minantur, & per hæc omnia transiit.

## LXXI.




**H**ic, cum Saturnus & cauda Solem damnet, rursus Sol damnatus Saturnum, ambo cadentes, & peregrini, post humum nunciant, erit autem difficili ob hæc etiā aditum ad honores, nisi religionis. Luna vero in cœli medio cadens, in sextili Solis & Iouis, in trino existentium



existentium inuicem, dat honores ex rebus variantibus, non firmis, eritque instabilis consilij, quia ascendens & Luna, sunt in signis mobilibus, & Mercurius etiam.


Coniunctio autem Veneris cum Mercurio, ingenium dant, & quia dominus ascendentis est cum cauda, erit fallax, & vix euadet ne corpus eius ab inimicis dilaceretur, vitæ dator est Luna. Paucis ab hinc annis, dum esset puellus, cecidit in puteum, & præter spem euasit. Saturnus in tertia fratres denegat.

## LXXII.



**L**Vna in Eudemone Francisci Sfortia, ducis Mediolani, cuius est posita genitura 45. & Iupiter in quadrato ad vnguem Solis, in angulo existentis, & cum mutua beneuolentia, & Luna in prima, & Mercurius soli iunctus, hæc diuitias maximas, honores, legationes, potentiam, magistratus rationemque firmam, & illustrem præstant. Caput cum Saturno domino ascendentis, cæcum valde, & consilio recto ostendit. Venus & Mars in octauo, multa facit circa venerea, est autem Mars proximus trino Saturni. Et Sol est cum afinis, ideo oculorum detrimenta significat.

## LXXIII.




**H**ic literis Græcis ac Latinis eruditus, magnam in ciuitate habuit auctoritatem, vir iracundus, sed non adeo malus, pro temporum conditione præstat hoc Luna iun-

Tom. V.


cta Ioui, & Venus capiti Draconis, cum sint domini ascendentis, eadem Venus in sexta cum nodo, in aqueo signo, podagra enodes facit articulos. Luna cum corde leonis, quod illi prædixi, perpetuam dat gladij potestatem, & quia Luna iuit ad Solis quadratum, & Iupiter cum Saturno in opposito, significat ingentia pericula, & inimicos, & quia Iupiter est cum Luna, & stellis de natura pluuiarum, significat diuitias ex aquis, & significat etiam multitudinem filiorum, habuit enim xiiij. filios. Mortuus est igitur in dignitate, annis 52 perfectis, 29. Octobris in vespere, & tunc erant Planetæ sic. Sol 16. w. Luna 11. m. Saturnus 12. ♄. Iupiter 2. ♃. Mars 17. ♂. Venus 1. ♀. Mercurius 28. w. retrog. Caput Draconis 28. ♄. Anareta igitur Mercurius, & Saturnus quadrato respiciens Lunam. Luna in loco Martis genitura, mors ex morbo laterali, & longa ægitudine.

## LXXIV.



**C**um omnes planetæ sint in diuersis signis, omnes tamen sunt in trina radiatione. Mercurius & Venus cum Saturno & Marte, & omnes hi cum Luna, & rursus Sol cum Ioue, ideo ex pauperrimo euasit ditissimus, cum dignitate & potentia. Principibus Regibusque notissimus, peregit itinera multa, quia Luna est peregrina, in nona domo.

## LXXV.




**H**ic maximus est, & prælongus pro ætate, causa pertinaciæ est Saturnus, do-

T t 3 minus




minus ascendens infortunatus, combustus, & Venerem dominam ascendens ac combustam premens, tum Lunam cadentem peregrinam quadrata radiatione ex sublimi. Sicque pater à puero loris, nec verbum poterat extorquere, vagus erat etiam, & à patre fugiens. Saturnus & Venus in summitate parvorum circulorum ante ætatem, corporis adiciunt magnitudinem. Manifestum est quòd erit maxime infortunatus, & vix evadet, qui biothanatus moriatur, Sinistri etiam oculi patietur offensam.

LXXVI.




**H**ic omnes stellæ sunt supra terram nisi Sol, sæpe vulneratus, vtraque enim ascendens domina, in domo Martis, altera illi iuncta, altera cadens, & in inimicorum domo. Cum autem omnes hi cum Marte sint in Mercurij sextili, ingenium & eloquentiam quantum ad ius habet. Luna in duodecima peregrina, in trino Saturni in octava existentis, & ipsa domina ascendens, carceres minatur. Fuit autem in eis non semel: quandoque etiam ad perpetuos damnatus. Sol in ascendente robustam vitam. Iupiter in quadrato Mercurij, ambobus in domo existentibus propria, auget eloquentiam & consilium, sed repugnantem sententiam communi sententiæ præstat, inde hæreticus iudicatus, infamiam, carceres, & vitæ pericula acerba subiit, non solum in sacra pagina, sed in omnibus disciplinis (plures enim caller) inauditas & absurdas excogitavit opiniones. Mars figuræ dominus, stella cum Mercurio de natura Martis, vix ignis periculum effugiet, absurda venerè laborasse necessarium est, nam Venus in masculino signo, in domo Martis, cadens, & in sextili Mercurij.

LXXVII.



**L**ocus ascendentis, aspectusque Saturni  
ac Solis, studiosum faciunt. Saturnus  
combustus in aqueo signo, humore calido  
elidit omnes dentes. Mercurius in trino Lu-  
næ, cum cauda existentis, ingenium acutum,  
memoriam quam vocant reminiscenciam, &  
admirabilem præstat rationem, itaque Latine  
Græceque apprimè eruditus, iam prima in-  
uenta vtramque linguam Mediolani publice  
professus est profiteturque, multa etiam quæ  
vidi conscripsit, sed dno tantum edita volu-  
mina, vir certe mirabilis. Mars & Sol mu-  
tuo se trigona radiatione, ac ascendens, as-  
picientes illustrem reddent hominem famæ,  
nam trigonum aqueum possident. Mars  
desert radios Solis ad Iouem, vnde etiam  
dignitates habebit & sacerdotia, tum multos  
hostes occultos, erit mutabilis opinionis &  
inconstans, veneno morietur, aut dilaceratio-  
ne ab hominibus, quia cauda est cum Luna in  
octaua, & erit mors eius ambigua apud mul-  
tos, quoniam de causa dubitabant. Satur-  
nus enim sub radiis Solis est, erit audax, di-  
uitias congregabit, rursusque disperdet, plu-  
rima itinera & longa suscipiet, & extra pa-  
triam morabitur.

LXXVIII.




**H**ic primo fuit ( vt vocant ) frater, idelt  
Monachus : post explorator in Gallo-  
rum castris : post præfectus sacerdotibus  
( œconominum vocant ) magna est authoritas  
post cecidit à dignitate , inde accusatus , ca-  
ptus, in cauea positus : & pro spectaculo, ac  
ludibrio




Indubrio populo expositus, lingua lignis constricta, demum post nouem aut decem menses enasit, exilio damnatus. Hæc omnia facit Mars in sublimi positus, ascendens ad absidem, in signo fixo, cum asino, de natura Martis & Solis, in quadrato Solis & ascendentis & trino Lunæ. Iupiterque in quadrato Saturni cum capite existentis significat omnino periculum violentæ mortis, sed quia sunt sub terra, non est adeo euident, trinus Iouis & Lunæ dat dignitates, sed Iupiter cadit. Ascendebant stellæ in horoscopo naturæ Martis & Mercurij, & radij Martis ibi, & supra Lunam, ideo maledicentissimum mortalium effecerunt, & si quis recte consideret, hæc figura non habet nisi violentiam, & malos aspectus erraticarum.

## LXXIX



Iupiter in virgine quod etiam in prima genitura ostendimus, & in ascendente dat, mellissimum scribendi modum, quod iuuat non parum Saturni trigona radiatio. Scripsit multa, epistolas Asulanos de lingua materna seu Italica, bonus Poëta. Mars auget hoc in sextili vtriusque existens, fuit ab epistolis Leonis Pontificis maximi. Luna in trino Solis potentis maximam fortunam affert. Nullus malus aspectus. Luna etiam ad trigonum ibat Mercurij, vnde longam vitam foelicem, ac cardinalatus decernit dignitatem quamvis sero. Absunt regie ab erraticis.


## LXXX.



O mnes planetæ hic præter Saturnum supra terram dici possunt. Caput, Iupiter,

& Venus, iuncti, secundum decreta nostra, vt aliàs diximus, necessario ingentem aliquam foelicitatem decernunt, factus est Cardinalis, anno ætatis suæ peracto 49. cum Solis sextilis ad cor cœli peruenit, & ad Iouem illius loci dominum Solis corpus. Vnde pater quàm clara sint nostra præcepta, si quis aliis relictis, ea candidè sequi velit, nam ad duplicatum eudemonia Solis atque Saturni trinus peruenit, eodemque anno in reuolutione, versa vice. Iupiter ad Solem eadem in parte, Spica Virginis in ascendente leporem & sapientiam præstant, scientiam etiam eorum quæ ad religionem pertinent Christianam. Sed nec hoc scimus, an exquisitè in horoscopi linea sit. Cum Luna est stella exigua de natura Veneris & Mercurij, & est iuxta dorsum leonis, alia eiusdem naturæ & tertie magnitudinis cum Ioue & Venere, quæ valde potens est. Cum Sole regia quæ vocatur luminosior, lancis borealis de natura Mercurij & Martis, & est ductoria quam vocant magna, adest & trigona radiatio Saturni cum Sole, ideo illustrissima est hæc genitura.

## LXXXI.



Vna in prima apparitione iuncta Mercurio ingenium acutissimum præstat, in Saturni quadrato, cogitationes melancholicas, & tamen prudentiam singularem, nam Saturnus erat in capricorno. Sol & Luna in nona, fecerunt eum ex ordine canonicorum regularium. Iupiter in corde cœli, fecit eum apud illos tantæ potentie, vt Rex appellaretur, & fuit noster amicus etiam ex hoc. Nam locus ille est mihi locus Iouis & ascendens. Iuuit dignitates Sol in gaudio suo existens. Saturnus in sexta, & in quadrato Lunæ & Mercurij, molestas & longas indicat ægritudines, cum Iupiter ad Martis quadratum peruenisset in annis 52. captus est à suis, & ad perpetuos carceres damnatus, in quibus etiam nunc est. Ostendit hoc Mars & Venus in octaua in sextili Saturni,









laboribus & difficultatibus plenam, nam maximi superiores sunt in cœli medio & retrogradi.

LXXXVI.



**H**ic dum in domo mea maneret, agenti quartum decimum annum, prædixi, quod breui vel amitteret oculum sinistrum, vel magnum periculum passurus, intra xvij menses aduenit illi phlegmon in palpebra sinistra, adeo ut ferme oculus sit periclitatus, causa prædictionis, fuit Luna infortunata in septima, in quadrato Saturni, existentis in sublimi. Sed quia est mutuum domicilium, nam Luna exaltatur in tauro, & aquarius est domus Saturni, & Iupiter est quasi in opposito, ideo post longum tempus euasit, oculo minime vitato, & quia Iupiter est in ascendente, in trino quasi Martis, erit robustus & agilis, nec deficietur victu, & quia Mercurius & Luna sunt in sexta, pulsari à Saturno incommoda ferme perpetua decernit, ob quæ nomen eius præterij habebit hereditatem, & erit fidelis etiam & probus, & manifestum est quod vita sua erit plena laboribus, & erit satis longæuus, armisque ac certaminibus delectabitur, in quibus pericula & damna subibit, & extra patriam per tempus longum viuet, hæc tamen non adeo certum.


LXXXVII.



**H**ic ex Astronomia sacerdotium est consecutus. Luna in trino Mercurij, &

in sextili Veneris hoc præstant, ingeniumque non mediocre in his. Saturnus in quadrato ascendentis dat acumen & cogitationem, & morbos ex pituita, & melancholicas cogitationes. Mars cum corde scorpij, præstat audaciam, & etiam pericula, & terrores cum Saturni situ, Semper enim Saturnus in cœli medio, hominem obiicit periculis. Venus in ascendente dat melliflua verba, quia est in signo, in quo cadit & muto. Cauda cum Ioue est, & significat aliquando laborasse inopia, & detrimenta etiam in pecuniis, & quia Sol & Luna sunt cadentes, religionem significant, hominemque sacris additum. Locus Solis illi est, qui & mihi, vitæ largitor Venus: quæ quia est in ascendente, vitam præstat diuturnam. Sacerdotium dedit Saturnus cum regulo existens, idem facit ut lentus necessario sit in suis negociis, ac à multis in veneratione habitus:

LXXXVIII.




**S**i hæc sua est genitura quam mihi dedit, nunquam ab optima fortuna destituetur, nam Sol cum oculo tauri sinistro, in trino Lunæ, est quæ est in ascendente. Mercurius etiam in quadrato ascendentis, & Iupiter cum capite, in sextili Martis, nullus denique malus aspectus, tres etiam planetæ in cœli medio. Ego hercle si optarem, talem eligerem, nam & Mercurius est cum Auriga, stella primæ magnitudinis, naturæ Martis & Mercurij. Saturnus & Venus cum dextris humeris aurigæ, & Orionis, altera primæ, altera secundæ magnitudinis, naturæ Martis & Mercurij. Iupiter etiam inter pleiadas, quare talem genituram, pondus ingentis felicitatis consequatur. Habet sanè filios multos, præclaras animi dotes, potentiam, felicitatem, prudentiam singularem, nihil deest præter corporis incolumitatem, & ut hominem se esse meminerit.

LXXXIX.




LXXXIX.



Q uamuis hic Mercurius in domo sua, & in rino Iouis sit, & iuxta oculum Tauri, & Caput etiam in ipso gradu ascendentis, non tamen hæc operum magnitudini, industria, ingenioque tanti viri satisfacere possunt, nec Saturni quadratum cum Sole & Marte, istud significare potest. Quinto Mars & Sol & Luna in octava, in quadrato Saturni, vitam denegassent. Sed hæc monstrosa est, vt etiam in reliquis rebus naturalibus contingit monstrosa quædam videre. Vel hoc facit Luna existens cum Orionis cingulo ferme per partem ipsam, studium igitur hic & ingenium apparent: cætera ex revolutionibus pendent. Sed cur de hoc miramur, cum Monteregeius multa sibi ex aliorum laboribus ascripserit. Tabulæ directionum magna ex parte sunt ipsius Ioannis de Blanchinis Itali, extant apud me locupletiores, illas Monteregeium vidisse constat, cum de aspectibus loquitur. Epitoma est Madiolanensis cuiusdam, antequam etiam Purbachius Monteregei magister nasceretur, Libri de triangulis sphericis inuentio est tota Hebræi Hispani. Ephemerides inventæ sunt antequam nasceretur, habui enim Ephemeridem anni 1412.


## XC.



**S**Cias quod Mercurius est cum cane mino-  
re, & Mars cœli medij dominus cum Re-

gulo, & Iupiter est cum capite, in sextili Saturni cum concordia: quare significat ingentes diuitias, cingulus Orionis significat studium & perseuerantiam. Mercurius cum cane, ingenium varium, dolosum, & prudens, felix etiam ob Venerem. Luna est cum stella naturæ Martis, & damnat oculum finistrum, & quia Mars est in opposito Iouis, & trino Saturni, & cum corde leonis & cauda, significat ingentem in arte famam & dolosum virum tamen Græcarum inscium, nihil in arte habens dignum, ob quam tantam gloriam adeptus sit, atque eam ob causam magis admirabilem, quod mediocriter eruditus, maximam de se opinionem, apud principes etiam præstiterit, hoc fixæ & Iupiter dant.


XCI.



**L**Vna est cum sequente dñarum conti-  
guarum ventris capricorni, de natura  
Martis & Mercurij. Iupiter cum dextra ver-  
tebra aquarij, natura Saturni & Mercurij.  
Sol & Mars cum stellis, de natura Saturni,  
Mercurius cum corde leonis. Saturnus iuxta  
spicam virginis. Igitur secundum princi-  
pia nostra, Mars cum Sole decernit iracun-  
diam, & homicidia, & quia est in septima,  
violentam decernit mortem, tum maxime,  
quia Saturnus est in cœli medio. Et quia Lu-  
na est in trino Saturni, in eius domo, signi-  
ficat diuinatorem, & artibus vanis deditum.  
Et quia Venus & Mercurius sunt cum corde  
leonis, & in opposito Iouis, erit famosus in  
illa arte, & habebit hæreditatem proculdu-  
bio satis bonam, & quia Luna est in aquario  
peregrina, & dominus ascendentis iunctus  
domino nonæ domus, itinera longa & mul-  
ta, & exilia subibit, & quia Mars domi-  
nus primæ est cum Sole, vulnera patietur,  
viuit.

## XCII.






**H**Æc genitura clarum decernit hominem, cum habeat omnes erraticas primo supra terram, & Iouem in cœli corde ad vnguem. Et humilitas natalium non admodum ex genitura cognoscitur, secundum nostra præcepta. Indicat tamen eam Solis constitutio, cadentis omni modo, & cum cauda. Et eadem cauda obscurat, ne insignis alioqui figura, magistratus & potestatem decernat. Sol enim vitalem significat facultatem, honores ac potentiam, & patrem, quæ omnia infirma reddit illius in eo statu constitutio. Ergo scientiam theologiæ, & Mathematicarum, & linguarum Latinæ, Græcæ, ac Hebraicæ, præstant Mercurius cum capite serpentarij, quod naturam refert illi similem, stellula quoque clara de natura Saturni ex signifero, patientiam addit. Et hoc confirmat locus, qui sub Ioue est, Ioue potenti existente. Etenim Iupiter tria per se concedit, ut sæpius dictum est, Diuitias, cum potens fuerit, & in radiis scelerum syderum, ut cum in sexta in Piscibus, vel Leone. Potentiam quæ ad religionem pertinet, cum in nono vel tertio loco fuerit. Scientiam, cum iuxta apicem, ut in cœli medio, & in horoscopo, in Tauro vel Capricorno. Quare cum in cœli corde sit, & in nono loco, & in Lunæ aspectu ac Martis, diuitias religionis causa, & scientiam linguarum decernit. Anger disciplinas vultur volans. Dictum est enim, Stellæ, quæ in eadem parte sunt, sed non coascendunt, naturam quidem largiuntur, sed non fortunam. Est verò & alter aphorismus, Cum Iupiter ceciderit, & dominus loci validus extiterit, natus quidem pauper ab initio existens successu temporis ditabitur, est enim Mars loci dominus, in domo sua, in angulo, Iouem sextili aspectu respiciens. Hic etiam adnotanda est præcipua reflexio, translatioque radorum, Iouis, Veneris, Lunæque ad Martem, ut omnia quadam in violentia constituta esse videantur. Omnia autem mitigat translatio luminis manifesta. Venus enim & Iupiter, lumen Marti validiori deferunt, nam Mars & in angulo est, & in proprio loco, huius autem lumen vicissim transfert Luna ad Iouem loci Lunæ dominum, quamobrem necesse est, ut inter suos tacitam quandam poten-

tiam obtineat. Scriptum est enim à nobis, cum natura molitur magni aliquid ad potentiam, significatorem in linea cordis cœli collocat, si ad eruditionem, in linea horizontis, si vero ad contentionem in septimo loco. Habet autem cor cœli, & septimus locus, planetam proprium, ille dignitatis, atque hic contentionum. Cumque hic ascendentis sit hostis, non paucis insidiis, mendaciis, & calumniis, non occulta etiam vi, per totam vitam expetetur ab inimicis, sed frustra: detectæ enim insidiæ iniuriæ & calumniæ, inimicis in dedecus, detrimentum, & perniciem, propter Martem, ver-gunt, ipsi verò, propter ascendens forte & Lunam, Venerem atque Iouem, ad gratiam & gloriam conferunt. Item, cum Luna Iouem mutua receptione radiauerit, affluentem præstat bonis vitam, ac diuturnos successus. Vocaturque fortuna sua, hominis privilegium. At vero Iupiter in cœli cardine, & Venus, & Luna, ascendens respicientes, faciunt splendidum, liberalem, mansuetum, eloquio præstantissimum, blandum, atque comem, gratiisque ornatum. Cumque Luna sit vitæ significatrix, & ascendens, mutuisque sese foueant aspectibus, ascendente & Luna validissimis existentibus non est possibile, ut moriatur iuxta nostra præcepta, nisi altero significatorum excusso, atque tunc superueniet morbus familiaris, aut assiduus, quales lithiasis, podagra, & mala habitudo, Scriptum est enim: Cum Saturnus in sexto aut duodecimo loco fuerit, aut carceres, aut morbum perpetuum denunciat. Morbum quidem, cum minime affecerit Lunam: aut ascendentis dominum, fueritque in locis mollioribus, ut in Tauro, in gaudio Lunæ, quæ in illius exaltatur initio. Et ala Pegasi, prope Saturnum, ut à nobis dictum est in Aphorismis, insignem facit memoriam. Venus autem in signo humano, atque in decano, Musices peritum, ac propter radios Martis, instrumentis musicis delectatum Mars enim, ad instrumenta iuuat. Luna in vndecimo loco in piscibus, & Iupiter in cœli corde, & Venus in decima, dant filios & filias. Sed generaliter sceleriores erunt filii, quia Iupiter cadit in capricorno, & domini loci eius, sunt in signis scelerioribus, & Venus & Luna, Ioue sunt robustiores. Mercurius in octauo loco, facit turbidum ingenium, attamen acutum. Martis genus erit ex humida causa, & in pectore, quia oppositum Solis, & trigonus Martis, sunt in cancro, & septimus locus, & Luna in humidis signis, & quia Mars est in septima, non erit sine sanguinis mentione, ut in morbo laterali. Concordia in nostra genitura, est propter ascendentis propinquitatem, & quia Saturnus illi est, ubi mihi Iupiter & Luna in eodem signo, & Iupiter in corde cœli.




## XCIII.



**H**ic in dissectione corporum admirabilis, antiquisque merito comparandus, opus prima inventa scripsit, sanè adeo egregium, ut negotium penè totum absoluerit, celebris in vita, iam nunc Cæsaris medicus, & post fata etiam celebris futurus. Si genitura hæc sua est, ad amissim omnia conveniunt, nam Mars in quadrato Lunæ potentis in octava, studium & agilitatem manuum præstat. Mercurius in trino Iouis, & Venus in quadrato, ingenium mirabile, & facundiam pro artis conditione, imo supra eam, decernunt. Est enim medicus insignis Luna in opposito Solis, memoriam & scientiam, & multos dat hostes, clarum etiam facit: quia nocturna est genitura Saturnus cum corde Scorpij, in sextili Mercurij, ingenium profundum, memoriam, studium. Spica Virginis in corde cœli, gloriam ex arte, quantam quisque alius decet etiam animadvertere Martem aspicere Solem in sua exaltatione existentem, tum Lunam in suo esse domicilio, hæc gratiam apud Principes decernunt, illud solum deest, quod nullus Planeta horoscopi locum possidet, iuxta decreta nostra.


## XCIV.



**H**ic Regnum habuit in corde cœli, & ob id clarissimus fuit temporibus suis. Saturnus in ascendente, pertinaciam cum draconis capite dedit in studendo, unde clarus orator, melissus poeta, eloquentissimus scri-


ptor enasit, ut cum Plinio secundo Cæcilio, epistolis suis feliciter decertet. Mars dominus ascendens, cum Ione, in septima, scilicet ac perpetuam moram extra patriam decernit. Mercurius optime positus erat in trino ascendente, & sextili domini illius, Luna etiam in sextili Iouis, in trinoque Solis. Sol etiam in sextili Iouis, & Luna in trino Saturni, omnesque in aqueis signis, gloriam quantam quisque alius, & in vita, & post mortem, donec magna coniunctio in aqueis signis, præstant, gratiaque illum apud Principes euehant, mirum tamen est, si articulari morbo non laboravit. Mortuus est anno 1509. die 24. Septembris.

## XCV.



**S**cribit hic multa, maxime de re metrica, nam Luna est in trino Veneris, cum Sole existentis, & Venus fuit in sextili Saturni, & hoc præbet patientiam magnam, & Mercurius in ascendente, facit diligere disciplinas, tamen magis, quia est in sextili Martis, & habet scientiam linguæ Græcæ: multaque in latinum vertit è Græco, maxime dialogos Luciani, & est vir valde diligens, & Venus in ascendente, decernit hominem blandum cum eloquij suavitatem, & sextilis Saturni temperat hoc.

## XCVI.




**Q**uia Iupiter, & Venus, & Mercurius, sunt iuxta cor cœli, significant ratione doctrinarum & scientiæ, magnum nomen, & quia



quia sunt in loco peregrino, hoc erit extra patriam, & maxime quia Iupiter est in pona, & quia sunt in loco cœli medi mei, & Luna iuxta locum Iouis, & ascendens nostræ genituræ, Sol etiam, & Saturnus, & Mars, in loco trigonæ radiationis Veneris, Mercurij, & Saturni, in nostra genitura, significavit, quod hoc foret causa nostra, omnes enim Planetæ sui correspondent planetis nostræ genituræ, & quia Luna est illi in ascendente in Tauro, erit robustæ naturæ, & quia Sol est cum ambabus infortuniis, accident ei magnæ calamitates aliquando ex quibus in maximo erit vitæ discrimine, fortunarum, & honoris, generaliter tamen fœlix & magni nominis. Natus igitur Bononiæ, ano adhuc superstite Mediolanensi, anno 14. perfecto Mediolanum quadam fortuna, literarum, ignarus venit, & nobiscum manens, cum nihil ei esset sic effecit vt 18. anno publice arithmeticam profiteri cœperit, inde Architecturam, Geographiam, Astrologiam sic est affecutus, vt existimem hoc æuo, quo 25. expleuit annum, nec in his, nec in Mathematicis, parem habere. Græcas etiam & Latinas literas egregie affecutus est. Ostendent hoc illius monumenta, si non violento aliquo casu, cui maxime, vt dixi, subiectus est præripiatur.

XCVII.




Hanc genituram ego posui, quia est exemplum Schonerij, qui nuper edidit librum in hac arte.

Dico igitur, quod Sol in trino Martis, significat inuictum bello, & quia Luna erat in scorpione damnata, passus est infamiam, quod esset minus prudens, cum tamen nullus alius princeps, melius successoribus suis perpexerit, hoc præstat Iupiter in ascendente retrogradus, & quia cadebat eo in loco, significat, quod esset liberalis, & ob hoc inops inter principes, vicit infinitis in præliis hostes. Cautus, prudens, liberalis. Sed non deducebat negotia ad finem, nulla enim est radiatio præter dictam, vnde est figura debilis. Sol vitæ dator procul dubio, vixit annis 60. Anareta radius Lunæ oppositus.

Tom. V.

XCVIII.



Hanc genituram interpretabimur à Firmico positam, morem Galeni in medicina secuti, qui antiquorum historiam recipit, atque ex ea artem ac præcepta elicit: ne quisquam illud ei possit oblicere, quod experimenta præceptis consequentia elegerit, non præcepta experimentis, est autem hæc sola, quæ à Firmico tradatur satis exquisita: apparet autem hanc fuisse sui temporis: reliquas Platonis, Paridis, ac cæterorum omnino confictas: in quibus etiam quod esse non potest, Mercurius à Sole plus integro signo abest, quate illi notam non fuisse erraticarum legem, non motuum rationem, palam est vnde nec his partes apposuit. Inde cum solum Iouem Soli iunctum in opposito Saturni dixisset in Virgine existentis: cæteraque huiusmodi quidam erexit cœli schema planè falsum, nam cum in Tauro Venerem collocet, & Mercurium in Aquario in consimilibus partibus: duo simul admittit impossibilia: alterum, quod Venerem in quadrato Mercurij ponit, quod lex syderum non patitur: alterum quod Venerem plus duobus integris signis à Sole remouet, aut Mercurium plus vno signo, quorum neutrum in æternum vnquam contingere potest. At si Venus in Ariete ponatur, nihil erit quod repugnet nisi litera. Si autem in paucioribus partibus Tauri, tunc & litera stare poterit, & decretum erit verisimilius. Sic vt verba illa (Mars in Aquario, Venus in Tauro, Mercurius in Aquario, iisdem cum Martis partibus) ad Venerem non referantur. Malui igitur sic explicare.

His positis inquit, Pater huius genituræ, post geminum consulatum in exilium pulsus est, ipse vero cuius hæc genitura erat, ob adulterij crimen in exilium datus, post exilio exemptus, Campaniæ primum præfuit, post præfectus Achaïæ creatus, inde etiam Asiæ, postremo omnium Senatorum suffragiis vrbs præfectus factus est.

Quod ad patrem attinet, hoc solum habemus, quoniam ex decretis nostris Saturnus in opposito Iouis & Solis fuit, & supra illos eleuatus, quod fuerit vir inclytus, & quia Iupiter erat in domo sua, quod lege puniretur, missus est autem in exilium, quia vir potēs & magnus.

Sed Venus ascendens respiciens, potens, & illi inimica, & ipse sub Marte genitus, adulteria & omne genus nefariæ libidinis significat.

V v



# 502 De exemplis centum genitur.

significat, at tunc adulteria, non reliqua stupra puniebantur.

Mars vero Mercurio iunctus, in Saturni domo, significabant virum promptum, audacem, industrium, quibus artibus euectus est.

Quia vero Saturnus ex opposito Solem & Iouem pulsat, honoribus privari & fortunis declarat, in iuuentute autem ob criminis causam.


Verum Iupiter Soli iunctus, in domo sua, Luna ad amborum trigonum accedente, ingentem fortunam, gloriam, magnos successus decernit, quia partilis est hæc constitutio, id est in eisdem ad vnguem partibus, ut saepius dictum est, præsertim quod Luna est in Cancro.

|           |        |                |
|-----------|--------|----------------|
| Saturnus  | 24     | Librae         |
| Iupiter   | 30     | Leonis retrog. |
| Mars      | 9.     | Aquarij        |
| Venus     | 13     | Scorpij        |
| Mercurius | 3.     | Capricorni     |
| Sol       | 29.7.  | Sagittarij     |
| Luna      | 17.30. | Tauri          |
| Ascendens | 19     | Cancri         |

Iupiter igitur hostis pulsauit Solem trina radiatione & Luna fuit in opposito Veneris, & Luna domina ascendens, & Mars in septima, & cum hoc peruenit ascendens ad Iouem infortunio affectum.

Et non est homo intelligens in hac arte, qui perspecta hac genitura, non indicaret hunc aliquod magnum facinus perpetraturum, passurumque detrimentum magnum ea ætate, nihilominus quod patrem esset occisurus, hoc dicere non posset adeo constanter. Et ideo recte ille apud Quintilianum declamat, ad tantam scientiam tamque firmam ac exquisitam non posse astrologum peruenire.

XCIX.



**H**ic cum obiurgantem patrem interfecisset, anno 1541. mense Februarij, capite mulctatus est, Saturnum enim damnauit Mars, infortunia affectus, cum esset cadens, & Iupiter dominus primæ & quartæ combustus, damnabat Solem, & damnabatur, & erat dominus loci, ideo ytriue patris significatores maximo afficiebantur infortunio, & fuerunt cum Sole & Ioue regie stellæ tres, omnes de natura Martis.

Et ad hoc facit, quod caput & cor Scorpij, & radij Saturni & Martis, ascendens damnabant, ideo significauerunt malos mores hominis, & mortem violentam.

Accidit ei hoc anno 1541. mense Februarij, id est 31. reuolutione completa, & tunc planetæ fuerunt in reuolutione sic.

C.



**H**ic eximius Graphicus fuit, qui etiam monumenta suæ artis literis mandauit. Fuit autem Luna cum Nodo cum Sole atque in Iouis quadrato: vero Sol cum Venere, & in Martis sextili. Porro Venus, Sol, Luna in constellatione insigni sex stellarum, quarum quatuor in Orione fulgent, duæ in Auriga, atque ex his tres magnitudinis primæ, reliquæ secundæ, ut toto cælo nullus illustrior locus habeatur: ergo harum stellarum vis maxima, tum errati carum erit. Cæterum, quod ad picturam magis quam ad literas aut aliam artem res ista pertineat, vel ex syderum natura, vel regionis qualitate explorare conuenit. Mortuus est anno 1528.





# LIBER DVODECIM GENITVRARVM,

PRÆTEREA ET MVLTÀ, QVÆ AD INTERROGATIONES  
& electiones pertinent superaddita. Et exemplum eclipsis,  
quam consecuta est grauissima pestis.

## PRÆFATIO.

**I**N priori parte Operis descripta est sententia Ptolemai, scientiæque ipsa tradita, quantum ab homine fieri potest: ut si quid omnino desit in librum de Iudiciis denuò edendum coniiciatur. Quæ autem hîc non tam absoluta sunt, hæc sunt: Cognitio totius cæli ocularis, stellarum & situs. Emendatio quorundam quæ deesse videntur ad exactam cognitionem locorum & motuum Saturni, Martis atque Mercurij. Accommodata descriptio significationum syderum in Europa, & præsertim in Italia. Tabula syderum quæ circa signiferum & quæ regia vocantur, etiam extra cum magnitudine, viribus, locis, ascensione recta, & obliqua. Tractatus de mundi rebus generalibus, cum hæc pars paulò tenuius à Ptolemaeo tradita sit, quàm pro tanto negotio expediret Tabula quadam necessaria pro quibusdam operationibus. Et cum his modus componendi instrumentum dirigendi exactissimum, & pro quacunque altitudine, & pro quacunque stellarum latitudine, & pro quibuscunque circulis positionum. Quadam raro euenientium causa & præcepta. Exempla non tam diligenter considerata, sed longè plura, utpote CC. geniturarum cum diuersis omnino casibus & mirabilibus, quadam etiam ad menses, dies & horas supputata. Hic verò duodecim, ut polliciti sumus Geneses selegimus admiratione dignas, illustres euentibus & casibus, diligentissimè supputatas, quorum vita nobis satis perspecta fuit. Harum septem sunt viuentium, quatuor olim mortuorum: una quæ cæpta fuit dum viueret, nunc interim cum ederet mortui adolescentuli Regis Anglici Edoardi Sexti, quæ non solum fortuna quod Rex magnus fuerit, sed virtute, atque casu fortunam superare nedum æquare potest.


## GENITVRA I.

*Serenissimi Anglorum Regis Edoardi  
Sexti.*

**N**E te longa circuitione lector torqueam, miranda huius genesis subiicere incipio. Primum est natiuitas ipsa per se admirabilis, nam excisus ex ytero materno fuit: ipsa mater parum ut par erat superuixit. Præstabat enim ut reor hunc puerum non nasci, aut natum & educatum superuivere diutius. Aderant enim illi gratiæ. Linguas enim multas adhuc puer callebat: Latinam, Anglicam patriam, Gallicam, non expers, ut audio Græcæ, Italianæ & Hispanicæ, & fors aliarum. Non illi dialectica deerat, non naturalis philosophiæ principia, non musica. Humanitas mortalitatis nostræ imago, grauitas Regiæ Maiestatis, indoles tanto Principe digna. In vniversum magno miraculo humanarum rerum tanti ingenij & tantæ expectationis puer educabatur. Non hæc Rhetoricè exornata veritatem excedunt, sed sunt minora. Ut verò harum geniturarum rationem reddam, Regiæ natalis exemplum primam habes. Quæ virtute ad mag-

Tom. V.

nos honores ac Principis fastum educta est, sextam habes. Quæ ad Regiam dignitatem, sed cum sacerdotio decimam. Quæ non adepta est, sed attigit, septimam. Quæ aliena fortuna vndecimam, simul & violenti exitus. Quæ vlti-



mi fermè status est octaua. Amicitia non sperata nona. Egregij status publici virtute & eruditione nō mediocri quinta. Sicut pari ratione gratiæ Regiæ & maioris status quarta.

V V 2

Ad



Ad maxima negotia accommodati & corporis formæ rara tertia. Eius qui ex humilimo statu ad maximum per solam eruditionem ascendit duodecima. Laboriosissimi morbi & præter id dexteritatis singularis secunda. Præterea si fortitudinem spectare libet, videas secundam & sextam. Si efficaciam sextam ac septimam. Apponam & coniugalis amoris & bene fortunati coniugij insigne ac rarum exemplum. Multa præterea, quæ ad interrogationes & electiones pertinent, superaddam. Et exemplum eclipsis quam consecuta est gravissima pestis.

Ex hac verò genesi sex maximè notatu digna habebis. Primum quidem ordinem constituendi principia cuiuscunque considerationis astronomicæ. Secundum matris mortem subitam & infantis ex utero excisi rarissimum exemplum. Tertium fortunæ Regiæ tam paternæ, quam propriæ hæreditario iure acquisitæ argumentum: ut intelligamus de his non verificari Ptolemæi dicta. Quartum de causa singularis eruditionis. Quintum de vita, quod non semper à principalis aphetæ incursum interruptitur. Sextum de vi Fati, quæ quædam scire, alia pronuntiare prohibemur. Quod ad primum attinet, sic negotium instituemus, in primo Planeta cuncta ad memoriam renovantes: In aliis postmodum solum quæ sunt propria, ut in exemplo.

Saturnus igitur hac in genesi iuxta Ptolemæi sententiam est potentissimus: à Sole enim primum habet statum, auctus enim lumine & motu orientalis, & in angulo licet iuxta finem nocturnus tamen: latitudinem habet Septent. Ascen. Par. 1. mi. 36. cum Borealiore Capitis Virginis quintæ magnitudinis de natura Mercurij & parum Martis. Aliquid præterea affine habet cum Cauda Leonis primæ magnitudinis naturæ Saturni ac Veneris. Ipse communis dominus est locorum luminarium, in signo calido & sicco secundum substantiam, frigido & sicco secundum qualitatem. Commune est hoc signum bicorporeum humanum: domus & altitudo Mercurij, trigonus Lunæ & Veneris, in Iouis finibus, in loco humido secundum qualitatem. Iupiter trigono applicat illi ob retrocessum aliter separans se: Venus autem corpore utroque modo se illi applicat. Distantia à cœli medio Par. 119. mi. 22. Hor. Temp. par. 16. mi. 12. Signum fœmineum & nocturnum atque infelix: Nam in eo ambæ beneficæ cadunt: Et dum Sol in eo est, folia arborum cadere incipiunt.

Iupiter debilissimus inter primam stationem & oppositionem Solis retrocedens in tertio statu: calidus & sicco quod ad substantiam, & calidus quoad qualitatem, Occidentalis & nocturnus in signo fixo, calido, humido secundum substantiam, frigido & sicco secundum qualitatem: fœminino nocturno, in carpentis Veneris & Lunæ, & finibus propriis, locus Martis est intuens. Australis descendens Par. 1. minut. 47. cum Capite Gorgonis secundæ magnitudinis naturæ Saturni & Iouis: Mars quadrato eius applicat mutuo, Luna ab eius trigono discedit. Discedit & natura, à Saturni ac Veneris trigono, verum casu mutuo illis applicat, in cœ-

li mediij apice. Coascendit medio loco eius & cœli mediij humerus dexter Persei, magnitudinis primæ naturæ Saturni & Iouis. Succedunt illi Pleiades naturæ Martis & Lunæ. Distantia recta à cœli medio Par. 2. mi. 21. Hor. Tem. Par. 19. mi. 12.

Mars dominus est Sortis & loci Mercurij. Idem quadrato Ioui mutuo applicat & Mercurium venientem expectat. In secundo statu est Orientalis calidus & humidus secundum substantiam, sicco secundum qualitatem. In cadenti ab angulo, in carpento Solis, in Iouis trigono, in Mercurij finibus: In diurno & masculino signo calido & sicco substantia atque qualitate, fixo & valido, intuens, ut dixi, Iouem. Commixtus duabus stellis quartæ magnitudinis propriæ naturæ, atque Saturni. Latitudinem habet Borealem, ascendentem Par. 1. mi. 2. Dif. Rect. Par. 84. quod 28. Hor. Temp. Par. 19. mi. 20.

Sol dominus loci Martis undeque debilis est, nisi quod in signo est masculino: Nam cadit ab altitudine ab angulo, mediocri motu, nocturnus, in domo Veneris, carpento Saturni, trigono Mercurij, finibus Martis, qualitate humidus: In signo frigido & sicco secundum substantiam, calido & humido secundum qualitatem, mobili & æquinoctio. Dif. Rect. Par. 157. mi. 32. Hor. Temp. Par. 12. mi. 28.

Venus dominaloci Solis, Iouis & cœli mediij, non dicitur applicare Ioui, quia Saturnus intercipit: Applicat verò Saturno. In domo altitudine & finibus Mercurij. In trigono Lunæ proprioque. In tertio est statu matutinæ Occidentalis, est enim cursu velox. Cum stella est quartæ magnitudinis naturæ Veneris & Mercurij. Ipsa latitudinem habet Meridianam ascendentem Par. 0. mi. 20. Cauda Leonis primæ magnitudinis naturæ Saturni & Veneris inter ipsam & Saturnum posita est. Frigida & sicca secundum substantiam, humida secundum qualitatem. In casu proprio ab altitudine in signo Saturni & in angulo. Dif. Rect. Par. 114. min. 30. Hor. Temp. Par. 16. min. 37.

Mercurius in primo statu vespertino Orientali licet nondum oriatur. Est enim velocissimus in domo trigono & finibus Martis, sed & Luna secundum possidet trigonum: Cum luminosiore lancis Meridionalis secundæ magnitudinis naturæ propriæ & Martis. Applicans Marti quadrato & Lunam venientem quadrato excipiens, calidus & humidus secundum substantiam, humidus secundum qualitatem. In signo fœminino fixo, nocturno, frigido & sicco secundum substantiam, frigido & humido secundum qualitatem. Pessimus & veneficus. In mundo debilis. Dominus Horoscopi loci Saturni atque Veneris, nocturnus: latitudinem habet Meridionalem descendentem. Par. 1. mi. 20. Dif. Rect. Par. 164. mi. 54. Hor. Tem. Par. 11. mi. 50.

Luna in fine quintæ domus, & à Solis quadrato discedens ad oppositumque Martis tendens (Quod in prima constitutione à me prætermisum est) in absidis opposito. In casu suo, in domo & finibus Saturni, in altitudine Martis, in proprio deinde Veneris trigono calida



& humida æqualiter secundum substantiam, frigido secundum qualitatem, domina cœli medij & loci Iouis: In signo mobili fœminino nocturno, frigido & humido secundum substantiam, frigido & sicco secundum qualitatem. Latitudinem habens Meridionalem descendentem Par. 4. min. 28. Differ. Rec. Par. 72. minut. 21. loci oppositi Hor. Tempus. Par. 20. mi. 10.

Cœli autem medium in felicissimo est signo & optimo. Cæterum quæ dicta sunt de Iouis loco, de hoc eodem dicta intelligantur.

Ascendens est penultima Leonis pars. Cæterum signum Virginis totum fermè horoscopus possidet. Quæ dicta sunt de signo. Finis Martis ei obedit, locus Mercurij, Radij quoque illius, sextiles ibi & trigoni Iouis & Saturni, & Veneris præsentia, & stellæ quæ cum illis. Hæ autem dictæ sunt. Differentia recta Par. 104. mi. 32. Hor Tempus. Par. 17. mi. 45.

Sors est in domo & trigono Martis, inde Lunæ & finibus Saturni, in signo eodem cum Mercurio, ibi requiras qualitates, in sextili Lunæ & iuxta anguli finem, loci oppositi, Differ. Rect. Par. 11. mi. 0. Hor Tempus. Par. 20. mi. 2.

#### *De vero tempore geniturae.*

Saturnus fuit dominus loci nouilunij, & ipse fuit in decimaseptima parte signi, ideo etiam cœli medium. Præterea anno decimo quo Lunæ trigonus ad cœli culmen peruenit conturbatio in regno facta est. Alij deduxerunt cœli medium ad trigonum Lunæ pro regno adipiscendo. Et ita posuerunt secundam partem Virginis in horoscopo, sed non est iuxta Ptolemæi sententiam. Atque hæc de initiis quæ præponenda sunt in genituris, nam de ordine Capitulorum non est hic locus cum ad perfectam ætatem haud peruenerit. Absoluimus igitur primum.

#### *De utroque parente.*

Patris significator est Saturnus, vtramque beneficam ex angulo recipiens, vnde optimè dispositus videtur. Sol verò cum dirigitur ad Martis infelicitis quadratum in annis nouem, significabat mortem ex hydrope, quia erat radius ex loco infelici Veneri in locum infelicem cum Saturni mixtione: & ex signis longarum ascensionum atque ex prima in quartam. Erant enim Veneris radij sextilis infelices. Atque ita multipliciter Sol eo tempore afflictus est. Antea autem cum peruenit ad Mercurium, significauit expeditionem bellicam contra Regem Gallorum factam, simul cum exitu extra patriam. Et hæc ut dixi in primo genitæ nativitate fuissent conspicua.

Marris autem vtrique significatrix damnata est, Luna cadens in Capricorno in dignitatibus maleficarum, cadens ab angulo sub terra in quadrato Solis infelicitis iens ad oppositum Martis, significauit mortem imminentem, & aliquam dilacerationem ex ferro, neque beneficarum vlla Lunam aspicebat, Venus quoque in suo casu cui succedebat Sa-

*Tom. V.*

turnus & illi applicabat, significauit deesse suppetias. Sed cum Sol infelix in quadrato Lunæ esset, non diligere vxores patrem declarabat. Habuit enim pater sex vxores, & ex his duas repudiavit, quæ legitimæ erant, duas capite propter adulterium puniuit, tertiam in partu execto infante amisit. Rara historia, sed tamen hæc nostra ætatē tota peracta sunt. Habes igitur secundum consideratione dignum.

#### *De fratribus atque sororibus.*

Luna multipliciter afflictæ, & cœli medium in trino Saturni, qui est in sterili signo, declarauit nullum fratrem, aut sororem ex eadem matre, nam paternos non curat Ptolemæus, tamen paternas sorores duas superstitas esse constet.

#### *De sexu, numero, perfectione, nutritione.*

Quia ista iam nota sunt, nolim hanc ostentationem sequi. Quia tamen Saturnus est in horoscopo & vtrique dominus trigoni eius debilis secundum substantiam, & signum horoscopi non valde vitale, significauit debilem vitam in pueritia: Est vestigium in facie quod mors immatura præuenit. Fuit de cætero formosus ob ætatem & parentes qui pulchri fuerunt, & Venerem in ascendente, vnicus & sine labe etiam nutritus.

#### *De duobus præcipuis in hac genesis considerandis.*

Duo maxima mala habet hæc genesis & rara certè, Primum quod ambo luminaria sunt in casu suo: & inuicem quadrato radio disuncta, & Venus etiam in casu, & Iupiter debilis & peregrinus. Secundum quod etiam est deterius, est quod omnia loca præcipua sunt in dignitatibus maleficarum, & maleficæ fermè super omnia eleuantur. Saturnus tamen à Ioue multum mitigatur, sed Mars nimium sæuit, in quadrato enim Mercurij, & duodecimo loco Solem & Lunam venientem quadrato excipit, in signo fixo & sæuo, quo fit ut patrem, & matrem & ipsum fuerit interempturus. Sed diuersis modis patrem commixtus Veneri & Saturno, ideo hydrope, ut dixi. Matrem Soli commixtus, ideo repente. Ipsum solus congeminatus, ut suo loco videbitur. Cum igitur ex primo omnia loca optima luminaria & beneficæ ambæ etiam Sors sint impedita & in casu. Ex secundo omnia in potestate maleficarum, misero huic adolescentulo multa & magna inconuenientia accidere necesse erat. Quæ tum tamen ob Iouis situm mitiganda tandem, & in melius mutanda decernebatur, præter ea, quæ ad vitam pertinebant, nam in ea ut videre licet beneficæ nullas afferebant suppetias. Si vixisset sero tamen hæreditario iure regnum non parum erat aucturus.



*De forma corporis.*

Ordo dicendorum, & historia subsecutæ rei postulant, ne cogar eadem bis dicere, ut caput de vita ultimum faciam, nec omnino præter rationem, nam ut vita omnia præcedit, atque ob id præponi eius caput debet, ita mors omnia subsequitur, atque ita postponit: Cum igitur mors vitæ coniuncta sit, ut vitæ ratione cunctis præponi poterat, ita mortis convenienter postponi. Fuit igitur statura infra mediocrem paululum, candido vultu, oculis cæcis, gravitate aspectus, decorus & formosus. Vitiis potius, quam morbis corporis subiectus, quod maleficæ à Sole essent Orientales: Habuit igitur spatulam paulo ampliorem, hæc aut ad monstruosam formam non pertinent, etsi à natiuitate contracta. Quæ verò non perpetuo manent morbi dicuntur, ut cæcitas, surditas ad tempus, nec ex aphetarum directionibus pendet. Febres autem & morbi generales & graues fiunt ex aphetarum directione valida aut debiliore, cum processibus atque ingressibus.

*De diuitiis.*

Sors malè posita est & in maleficarum potestate, & Mars malè quoque positus est: Et significat dilapidationem patrimonij. Luna tamen adiuvat sextili debili, quoniâ infelix est. Sed Sol in Libra cum regnum sit sub Ariete seditiones denuntiat, ut etiâ Pleiades in cœli medio. Successibus tamen tēporum cum Saturnus Veneri iungatur, felicitates interpolis vicissitudinibus.

*De amicis, inimicis & servis.*

Amicos & inimicos non ex propria cuiusque genesi agnosci posse docuimus. Attamen loci illi quatuor principales considerandi. Ex Leone & Aquario tamen præcipuè sumendi, quia hæc signa sunt inconiuncta ascendenti & Lunæ, maximè si Virginis initium in ascendente ponatur, & quia Mars est in horum altero, in alterius autem oppositi. Qui verò Lunam habent in Cancro aut Piscibus hi omnino fidelissimi. Præterea iuxta nostra principia maleficæ in locis oppositis, aut in coniunctis & ad maleficas aliquando faciūt odisse. Amici voluptatis causa ex Virgine & fine Leonis. Ex Libra & Scorpionis initio, item Capricorno & initio Aquarij vtilis, sed ab his non prioribus prodetur. Ex Scorpione in fine propter sortem & initium Sagittarij. Inimici igitur relinquuntur ex Leonis & Aquarij prima medietate, ut dictum est, & Piscium secunda medietate, propter locum Saturni & horoscopi.

*De itineribus.*

Itinera conficiet non longa ad Austrum & Boream ob latitudines, & magis ad Orientem propter Martis & Lunæ situm, quam ad Occidentem. Situm tamen regionis considerare expedit in Rege & conuersionis necessi-

tatem. Et cum Luna cadat in quadrupede & Mars à Mercurio affligatur offensiones suo tempore à quadrupedibus significabit.

*De honoribus & dignitate.*

Rex hic genesim habuit quinti status, & tamen hæreditario iure adeptus est regnum. Patet ergo ea quæ dicta sunt à Ptolemæo de fortuna honoris & dignitatis ad patris statum in comparatione esse intelligenda, nec tenere in iure hæreditario, sed velut in sacerdotij ordinibus, in his enim maximè verentur, quæ à Ptolemæo scripta sunt, atque similibus. Fiunt Pontifices priuatis & humilibus viris atque plebeis. Ex hoc igitur habes tertium insigne.

*De animi qualitatibus.*

Dominus loci Lunæ & Mercurij communis est Luna. Proprij & efficaces Saturnus & Mars. Saturnus fuit in ascendente & in domo Mercurij, & Mars recepit Mercurium. Fuit in hoc monstrificus puellus, hic linguas iam septem, ut audio, perdidicerat, Propriam, Gallicā, & Latinam exactè tenebat. Dialecticæ non expers, & ad omnia docilis. Cum illo congressus decimū quintum adhuc agebat annum, interrogauit (Latine non minus, quam ego politè & promptè loquebatur) quid continat libri tui de Rerum varietate rari. Hos enim nomini M. S. dedicaueram. Tū ego Cometarū primū causam diu frustra quæsitā in primo capite ostendo. Quænam, inquit ille. Concursum, ego aio luminis, erraticorum syderum. At Rex quomodo cū diuersis motibus astra moueantur, non statim dissipatur aut mouetur illorum motu. At ego mouetur equidem, sed longè celerius illis ob diuersitatem aspectus, velut in crystallo & Sole cū iris in pariete relucet. Parua enim mutatio magnam facit loci differentiam. At Rex: & quonā pacto absque subiecto illud fieri potest, iridi enim paries subiectū. Tū ego velut in lactea via, & luminū reflexione, cū plures candelæ propè accensæ medium quoddam lucidū & candidum efficiunt. Itaque ex vngue Leonem, ut dici solet. Fuit hic in maxima omnium aut bonorū, aut eruditorum expectatione, ob ingenuitatem atque suauitatem morum. Prius cœperat fauere artibus quam nosceret, & noscere antequam uti posset. Conatus quidā humanæ conditionis quem non solum Anglia, sed orbis ereptū immaturè deffere debet. Plurimum educationi debueramus, plus ereptum est hominum dolo fraudēne. O quàm benè dixerat ille:

*Immodicis brevis est ætas & rara senectus.*

Specimen virtutis exhibere potuit, non exemplum.

*Flete nefas magnum, sed toto flebitis orbe.*

*Mortales: vester corrui omnes honor.*

*Nam Regum decus, & iuuenum flos, spesque bonorum.*

*Deliria seculi & gloria gentis erat.*

*Dignus Apollineis lacrymis, doctæque Minervæ.*

*Flosculus, heu miserè concidis ante diem. Te tumulto dabimus Musæ, supremæque stentres.*

*Munera*



*Munera, Melpomene tristia fata canet.*

Vbi grauitas regia requirebatur, senem vidisses, vt blandus erat & comis ætatem referebat. Cheli pulsabat, publicis negotiis admouebatur, liberalis animo, atque in his partem æmulabatur. Qui dum nimium bonus esse studuit, malus videri poterat. Sed à filio aberat suspitio criminis, indoles philosophiæ studiis exulta fuit. Cæterum quod ad astra attinet Mercurius in statu vespertino ascendens respexit cui dominabatur, & adhuc sub radiis erat, Mars autem & Saturnus Orientalis & robusti, maximeque Saturnus, ac bene dispositi, animam liberam reddunt. Hoc autem est quartum insigne.

## De vita spatio

De vitæ verò spatio vltimo dicendum est, quoniam vt præfati sumus cum morte cõiunctum est. Dicam autem quæ primo scripseram, vt etiam in præcedentibus quorum extat apud Regios exemplar. Vita debilis omnino erit: nam luminaria infra terram sunt, & Venus quæ in ascendente est, infelix est, & Saturnus illi succendit, ascendens quoque ex signis minimè vitalibus. Saturnus tamen aut Venus apheeta est.

## Quæ post consideravi de eodem.

Deduxi post modum oppositum Martis ad Lunam, vt præcipit Ptolemæus, & fuit distantia Par. 13. Min. 4. quo tempore imminabant insidiæ à seruis propriis & periculum vitæ. Eodem tempore peruenit Sol ad

| <i>Oppositi Lune.</i> |    |    |    |
|-----------------------|----|----|----|
| 72                    | 21 | 20 | 10 |
| 84                    | 28 | 19 | 20 |

quadratum Martis, hoc modo in annis 14. completis paulò plus. Hoc igitur tempore

| <i>Oppositi Solis.</i> |    |    |    |
|------------------------|----|----|----|
| 22                     | 28 | 17 | 32 |
| 38                     | 4  | 18 | 32 |

expresse imminabat periculum amissionis etiam regni, rebellionis causa. Consului igitur processus & ingressus anni 16. & fuerunt, vt vides. Et manifestum est quod non poterat euadere, quia eodem tempore Sol

|           | Process. | Dir.          | Ingressus |
|-----------|----------|---------------|-----------|
| Sol       | 28.6     | ♂ 12          | ♂ 28.6. ♀ |
| Luna      | 28.44    | ♀ 10.16.      | ♂ 8.4 ♀   |
| Ascendens | 29       | ♂ Saturn. 27. | 44 ♀      |
| Cœli med. | 17       | ♂ Iupiter 28  | 45 ♀      |
| Sors      | 29.38    | ♂ Mars 3.     | 48 ♀      |
|           |          | ♀ Venus 0     | 3 ♀       |
|           |          | ♂ Mercur. 18  | 18 ♀      |
|           |          | ♂ Caput 14    | 17 ♀      |

peruenit per processum ad locum Lunæ inimicæ in radice, & vicissim Luna ad oppositum Solis inimici. Et per directionem, vt

dictum est Sol ad quadratum Martis sub Sextili longo Saturni. Et Luna ad oppositum Martis, & in ingressu ad locum Martis & ibi Mars vt nil euidentius. Bifariam enim Sol directione & processu afficiebatur, & Luna quadrifariam, trifariam à Marte directione, corpore, & radice, Sol etiam à Marte. Cum igitur Mars esset anæreta, significabat mortem cum sanguinis profusio & feruore maximo. Sic igitur misellus ille adolescentulus suorum prodicione interceptus obiit. Anno ætatis 15. mensibus 8. diebus 28. expletis. Scilicet anno Domini 1553. die 6. Iulij, ex febre tabifica cum æstu, fluente per os sanguine.

Ex quo patet, quod non debemus pronuntiare de vitæ spatio in debilibus genituris, nisi prius consultis directionibus omnibus apheetarum, processibus, & ingressibus. Et nisi esset quod ego in prognostico quod illis dederam ad hæc me reseruassem, iure poterant de me conqueri. Sed maior huius fuit causa, quam statim subiiciam: Hoc igitur est quintum.


## Fatum.

Ecce fatum, consumpseram in condendo prognostico horas circiter C. solitus Apheetas omnes dirigere, si mediam horam adiecisssem, poteram & Solem, & Lunam dirigere, quibus directis, vt clarum est, periculum è vestigio apparuisset. Non confusus directioni, statim ad processus & ingressus venissem, tunc res ipsa patuisset, mortis periculum, neque enim tantus sum, vt audeam dicere certam mortem (quanquam & illa tutò posset cum tot testimoniis vnà consentientibus pronunciari) proditio, tumultus, regni translatio, & cætera quæ sequuntur: Nam naturæ bonitate cogebar prædicere. Inde qui merus, suspensiones Regi? At mihi certè maxima pericula incumbabant. Cogebar sententiam meam dicere. Qui terrores, quæ voces, alij inanem & stultum prædicassent, alij pecunia ab aliquo Principe corruptum dolo agere, vt aliquem euerterem, aut Regis mentem alienarem, alij spe corradenda pecuniæ ista commentum. Vnde mihi auxilium, aut spes vlla inter gentes ignotas, quæ nec suis parcent, præsertim Rege adhuc puero, qui nec seipsum nedum me tutari valuisse? Cum maximè credulam pueri mentem, hi in quorum potestate erat & quibus mens patrandi facinus, insensam mihi facillè reddidissent. Itaque certum erat non redire in patriam, & si optimè res cessisset, cum quo præmio tanti periculi & perturbationis animi. Memini me legisse duos exitum prædixisse Principibus, Ascleraronem Domitiano, qui statim præmium tulit veræ prædictionis, mortem: Et sacerdotem Duci Galeazio Sfortiæ & ipsum verè, qui in carcerem coniectus fameque crudelissimè enectus est, cum aliquot diebus vitam lotij proprii potu protraxisset. Forsan & Rex periculum vitasset, vel quia proditor metu rem distulisset, vel alia via. At mihi ex innata synceritate & quod miserum adolescentem



amarem, fortisque eius misererem, certum erat etiam cum manifesto vitæ discrimine omnia patefacere. Quamvis futurum crederem, ut me irriderent. Ergo volentibus factis, nec singularis huius artis cognitio prodesset Regi potuit: nec bonitas atque simplicitas ingenij mihi obesse. Simili providentia servatus sum cum in Scotia usque ad Aprilem præsentis anni manere debuisssem, hortante atque rogante te Antistes optime. Certum enim est si mansissem simili ratione in reditu, qui contigisset tempore, quo iam Rex morbo laborabat, in casses incisurum. Itaque pro duplici periculo à quo servatus sum gratias omnipotenti Deo ago. Potuisssem sanè more quorundam astrologorum fingere me nonnisse, quæ ventura essent, tacuisssem ob timorem, facile hoc erat in re tam conspicua, sed tantum ab fuit, ut vel de hoc cogitarem, quantò minus ut præviderim. Prævidebam certè, sed alia ratione, cum omnia in vnius potestate esse cernerem, puerum arces, thesaurum, senatum, classem. Filios enim quibus præ esse non poterat, præfecerat: atque eius cuius patrem Regis pater capite mulctauerat, ipse verò duobus maternis patruis vicissim damnatis atque capite mulctatis interuerterat omnia, ut non magis odio, quam metu in Regis necem conspirare cogeretur. Cumque omnibus silentibus præ metu (multos enim iudicio quos liberat damnauit) patritiorum plebsque distributis ecclesiæ bonis sibi cõciliafset, ut omnia vnius arbitrio agerentur, atque eius iure Regis inimicissimi, commota mihi nausea, misertusque Regiæ conditionis, melior vates natali prudentia, quam artis huius peritia, statim discessi, ominatus simul ingens malum, ac territus.

Verum postquam huius Regis mentionem feci, patris eius schema subiicere placuit: in quo tria maxima cernere licet. Primum quod ut dixi, cum sex vxores duxisset, duas repudiavit, totidem capite mulctauit. Fuit Venus cum Cauda & Lampade stella naturæ




Martis: & Luna in occiduo cardine in Martis dignitatibus. Mars verò in Virgine infelici signo & quadrato Iouis infelicitis. Mutauit præterea legem ob hanc causam Pontifici Maximo succensens. Id contigit ob Veneris situm, & ea quæ illi adhærere diximus,

Oportuit & aliquid habere cum constellatione sectam significante. Et aliquas eclipses præcessisse, quæ longum esset persequi. (Ex his duobus cum aliis causis factum est quod Antistes Lexouienfis mihi narrabat Belunij, scilicet ut biennio antequàm periret inuenta sint LXXXII. millia hominum, iudicio, & carnifice sub hoc Rege, qui tamen vix vnius insulæ dominus est, petiisse. Ut parum mirari liceat, Imperatores Romanos totius orbis dominos & Eθνicos fuisse, cum pauci illorum in tanto imperio hunc numerum excesserint.) Præter hæc fuit ditissimus Rex propter Sortis & Iouis situm, cuius opulentia partem maximam absumpsit ob quadratum Martis inimici. Iupiter enim cadit tam in Virgine, quàm in Geminis. Fuit etiam munificus, liberalis, & splendidissimus, nec à Musarum cultu alienus. Qui forsitan si Thomam Morum non occidisset virum bonum, eruditum & (ut reor) infontem, & excusari poterat, & semini suo causas tantarum calamitatum non reliquisset. Discite vos Reges sacratis parcere Musis. Si enim bonis non sit securitas, frustra quisqam bonus esse velit.

## GENITURA II.

*Illustrissimi Archiepiscopi B. Andrea  
Scoti Ioannis Amulthonis.*

Non hic Encomium virtutis tuæ scribere propositum est, sed exempla magnifica, ob id constantiæ, summæ prudentiæ & humanitatis ac patientiæ iconem habent lectores, tum morbi fermè inexpugnabilis. Simul & testimonium peritiæ nostræ in hac arte, & veritatis ipsius artis. Aequalia enim sunt causas ex effectibus prædicere & ex causis effectus: licet hoc maius videatur. Cum



enim Gulielmus Casanatus morbi vim ac pertinaciam mihi exposuisset (atque is nunc viuus medicus insignis, cuius genesim inferius exponam, dixi oportere illi Saturnum esse in sexto loco, & Lunam tam propriè, ut per directionem iuxta tempus quo morbus cœperat illi applicaret. Itaque post aliquot dies habito tempore, vtrumque verum inuentum est.

*Retulitque*



Retulique id Cel. tuæ, Antistes maxime, non sine admiratione. Quod si partam gloriam, id est, iam certam fauciare non extimuissem, ausus fuisset adicere quod in Scorpione, quia

solum id signū fixum inter aquea. Morbus autem ex pituita & plus quam inexpugnabilis. Sed tacui hoc, contentus potius mediocri gloria, sed tuta, quam maxima atque dubia.

| Motus     |                      | Latitud.  |   |   | Stellæ fixæ |                          |      |       |     |
|-----------|----------------------|-----------|---|---|-------------|--------------------------|------|-------|-----|
|           |                      | Coascend. |   |   | Dex.        | Hum.                     | Aur. | ♂ & ♀ |     |
| Sol       | Velox                |           |   |   |             |                          |      |       |     |
| Luna.     | Tardiff.             | M         | A | 3 | 17          |                          |      |       |     |
| Saturnus  | Pa. Stat.            | S         | A | 2 | 40          | cum *                    | 3e   | M     | ♂ ♀ |
| Iupiter   | Velociff.            | M         | A | 0 | 54          |                          |      |       |     |
| Mars      | Velox                | S         | D | 0 | 48          | cum *                    | 4e   | M     | h ♀ |
| Venus     | Tarda                | S         | D | 4 | 40          |                          |      |       |     |
| Mercurius | Velociff.            | M         | A | 1 | 15          |                          |      |       |     |
| Cæl. M.   | Cum stellis naturæ * | parum     |   |   | ♀           | Coascend. Ala Peg. ♂ & ♀ |      |       |     |
| Ascendens | Lampadias naturæ ♂   |           |   |   |             |                          |      |       |     |
| Sors      |                      |           |   |   |             |                          |      |       |     |

Non in omnibus omnia præstamus, sed perfectio ex multis colligenda est. Prædixi & hoc Calanato cum Lunam in parte 26. Virginis inuenissem in Ephemeride perpetuo errorem esse in illius loco. Nam oportere existimaui quo anno illa inspirandi difficultate correpta est Cel. T. Fuit autem 31. Lunam ad Saturnum peruenire, atque ita euenit. Erat autem Saturnus quadrifariā pessimè affectus in sexto loco in casu Lunæ, in signo fixo & malefico & cum inerrante malefica. Præterea in signo aqueo & stās, ut nihil durius vel cogitatione ad morbi prauitatem addi posset. Eodem etiam anno Sol peruenit ad Leonem signum, in quod cadunt radij inimici Solis, Mercurij & Martis atque Saturni. Et ibi plures stellæ naturæ humidæ & frigidæ. Nulli præterea radij beneficarum, quare Leo est signum infelicitissimum. Et significat cor & pectus: Et ob id cum Sol Leonem ingreditur à medio Iulij ad medium Augusti, pessimè afficitur. Sol enim ex potentia ad actum educit promissa.

Quo ad radicem, Sol est Aphæta in Aquario afflictus à Marte quadrato & à Mercurio. Et ideo direxi ipsum ad Saturni oppositum & in annis 48. perueniet ad ipsum, quo tempore vix euadet. Et aderit periculum veneni, & cordis passio. Et hoc si euaserit 1554. in cuius initio, & est 43. ætatis, Luna combusta erit iuncta Marti & Mercurio, in dignitatibus maleficarum. Processus hi \* 24 ♄, Ascendens 2 ♀, Luna 9 X, Cæli medium 27. ☿, Sors 17. ♀. Solis igitur locus ab opposito Lunæ, & Martis, & Mercurij in reditu affligitur.

## *De difficilimo suppositionum modo in propriis temporibus decernendis.*

Videtur autem illius anni periculosus tempus à die 20. hor. post meridiem 10. mi. 30. mensis Iulij usque ad 14. diem, hor. 21. mensis Septembris. Hoc autem distinguere magno labore & diligentia indiget, cum sit difficilior cognitione anni, quæ satis clara est propter quinque causas. Prima est quod in annis directio exquisita non errat, in mensibus & diebus non satisfacit, tum quia locus erraticarum in minutis non est exploratus, tum etiam quia tabulæ in tot supputationibus aliquid erroris minimi continent.

Secunda quia processus annui simplices sunt, & primi & ad loca directionem Aphetarum, quæ sunt eadem locis corporum aut radiis Anæretarum. In mensibus verò est dubium an ad loca processuum & ingressuum reditus anni, an radices sint comparandi. In annis præterea quod maximum est initium, seu causa effectus, & perfectio & finis ferè semper ob anni prolixitatem in idem incidit, non in mensibus aut diebus. Videntur tamen obseruasse finem Ascleptarion & Franciscus Maria Ferrariensis Horum enim duorum tantum memoria extat tam exquisitissimæ cognitionis. Sed in his quoniam voluntaria erant, finis non differt à perfectione, sed tantum à causa. Quarta est quoniam concausæ exteriores, ut in creando Pontifice prioris mors in eundem annum facilius coincidunt quam mensem & multò minus diem. Vltima quia circuitus in anno semper complentur, aut saltem medietates, in mensibus non ita, nec est certum quid præponere debeamus ex multis, utpote oppositionem integræ restitutioni. Hæ autem persæpè ambæ in eodem anno continentur. Ex hoc habetur quod ad inuenienda tempora propria necessaria sunt quinque primum directio exquisitissima, quia contingunt promissa circa tempus exactæ directionis ferè semper. Secundum est ingressus Solis in locum Anæretæ cum obseruatione distantie. Tertium processus deteriores in comparatione ad processum anni, seu radicem, & est locus Anæretæ, seu promissoris ad quem directione pertingit significator. Quartum reditus domini loci & maximè finis per integros circuitus, aut ad locum sibi oppositum. Quintum ingressus & congressus Planetarum in loca principalia figuræ. Veluti primus circuitus Saturni est augmenti in corpore, secundus status, tertius declinationis. Iouis primus circuitus est incrementi, secundus status incrementi, tertius declinationis incrementi. Quartus honoris & sapientiæ initium continet, quintus statum, sextus declarationem.

Redeo ad institutum, Venus potens & Luna decernunt matri longam vitam, patri non ita, cum Sol à Marte affligatur, & Saturnus in sexto loco debilis & stans sit.

Circa mores optimi sunt decreti à Saturno, Ioni & Mercurio commixto. Mercurius à Saturno obfessus ex signo mutuo impedimentum



mentum in lingua significat. Cæterum animo Cæsareo & planè inuicto. Splendidissimumque statum ob sydera fixa in ascendente & cœli medio constituta.

Luna in opposito Iouis ad trigonum Veneris pergens multas adducit felicitates, sed tamen plenas anxietatis & periculi.

Causa concordiae cum octaua genesi & amoris erga nos quintuplex est. Vbi Celsitas tua habet, Caput, ego Venerem & Mercurium, vbi Venerem, ego Cœli medium, vbi Iouem, ego Lunam & in opposito Lunæ Cel. tuæ. Vbi Saturnum, ego in opposito Iouem & ascendens, quod causam amicitiae significat, scilicet oppugnandi morbum. Anno 1551. quo amicitiam inij Sors mea directione fermè peruenit ad locum Sortis Celsitatis T. vt omnibus liquet.


GENITVRA III.

*Illustriss. Principis Badolphi Claudij  
Laualli.*

**E**T fortuna & ingenio, & moribus, & corporis forma genesis hæc admirabilis est. Vir est procerus, iuxta magnitudine satis maior, obæsus & crassus. Cumque hac forma ingeniosus, mathematicarum non ignarus, civilis, magnificus, comis. In rebus etiam agendis callidus, prudens, impiger. Quique multum suo Regi sua sagacitate contulit. Causa amicitiae cum Rege suo est locus Solis idem. Et locus Veneris huic, est ascendens fermè Regi. Legatus est Regis Gallorum apud Regem Anglorum. Sæpius præfatus sum omnia, quæ dicuntur intelligi debere, si non repugnauerint constitutiones generales: Terræmotus, naufragium, bellum, pestis, annonæ penuria, seditio, lex nova.

*Stellæ splendide.*

Cum Saturno coascendit Scorpij cor naturæ Iouis & Martis cum Marte stellula quarta magnitudinis naturæ ♂, Venus cum Ala



Pegasi magnitudinis secundæ naturæ Martis  
& Mercurij. Mercurius cum splendida in lino  
Piscium magnitudinis quartæ naturæ Saturni  
parum Mercurij. Luna cum ceruice Leonis

naturæ Saturni , parumque Mercurij co-  
ascendit , & fermè cum dextro humero Per-  
sei naturæ Saturni & Iouis. Ascendens in  
initio Lactææ viæ. Cœli medium cum ex-  
trema caudæ Viræ maioris naturæ , Veneris  
& Lunæ. Occidens autem descendit cum ca-  
pite Medusæ naturæ Saturni , & Iouis & est  
cum dextro humero Aurigæ naturæ Martis,  
& Mercurij. Sors cum splendidis quæ in Ar-  
go naturæ Saturni & Iouis. Dicemus autem  
significata expositis his prius quæ ad dire-  
ctiones pertinent.

*De parentibus*

Luna in quadrato maleficarum & Venus cadens & retrograda breuem vitam & debilem matri portenderunt. Saturnus in opposito Martis & Sol cadens ab angulo, patri

|           | Differentia |    | Recta | Hor. |    | Temp. |
|-----------|-------------|----|-------|------|----|-------|
|           | G           | M  |       | G    | M  |       |
| Cœli Med. | 211         | 15 |       |      |    |       |
| Afcendens | 61          | 7  |       | 10   | 15 |       |
| For. Pars | 19          | 35 | op.   | 11   | 55 | op.   |
| Saturnus  | 43          | 12 |       | 10   | 40 |       |
| Iupiter   | 48          | 35 | op.   | 10   | 30 | op.   |
| Mars      | 44          | 16 | op.   | 10   | 40 | op.   |
| Sol       | 172         | 48 |       | 13   | 55 |       |
| Ventus    | 159         | 53 |       | 14   | 54 |       |
| Mercurius | 172         | 9  |       | 14   | 5  |       |
| Luna      | 43          | 40 | An.   | 16   | 45 |       |

difficultates & morbos ac tristitias significabant. Quia tamen Saturno in horoscopo posito Luna fit Apheta in nona & Sol cadit in angulo, superuixit annis 34. Vixit autem 68. Quod vitæ spatium in Gallia prolixum est.

*De fratribus & sororibus.*

Iupiter aspiciens Lunam vnum decernit fratrem. Sorores quoque tres quia occidentalis oppositione. Et Luna etiam & vterque in signo bicorporeo. Plerique ob maleficas ante illum moriuntur.

*De sexu, numero perfectione  
& nutritione.*

Luna male affecta in primis quatuor annis detrimenta significavit. Sol liber & malefica cadentes nutritionem securam. Reliqua ut alias dixi potius ex generatione pendent. Ascendens Luna & dominus ascendentis in bicorporeis, Geminos nasci, aut eum qui natus sit duorum vicem corporis magnitudine indicabant.


*De vita & morte.*

Non est exquisitè tempus notum: Ideò neque ruto de annis pronunciare licet. Ascendens est Apheta. Mors violenti aliquid habebit cum mœrore & prohibita transpiratione, & forsan cum sanguinis effusione. Ideò caueat diligenter.



## De corporis forma.

Iupiter dominus ascendentis in Geminis signo duplici & calido, humido, substantia & qualitate. Et Lunæ loci dominus in signo vernali & Iupiter, Luna & dominus loci eius omnes in apogeis proceritatem maximam cum pinguedine & crassitie, immoderata non solum, sed etiam morbosa declarant. Sunt autem tria signa, quæ sunt similia substantia & qualitate Gemini, Leo & Pisces, toridem dissidentia Taurus, Cancer & Libra. Velut Libra est frigidum & siccum substantia, et calidum ac humidum qualitate. Latitudo pectoris à Geminorum forma oritur. Sed ut artis ipsius veritas ostendatur Friderici Ducis Saxonie schema natalitium subiicio, qui adeo



obæsus et crassus est, ut vix ab vllo equo ferri queat. Et ipsi idem locus Sagittarij ascendit. Et Iupiter iuxta vtrumque apogeu in Geminis ex opposito respicit horoscopum. Similiter & Saturnus & Venus in suprema epicycli parte. Captus fuit hic Dux à Cæsare nostro Carolo V. quoniam Luna infelix fuit in quadrato Saturni infelicitis cadentis & sub Sole & in septimo loco.

## De morbis & vitijs corporis.

Mars in sexto loco & Iupiter ibi infelix dominus ascendentis & in Saturni opposito, & quadrato Lunæ, fluxiones à capite calidas, frigidas, dolorum renum colicos, spirandi difficultatem, inexplicabiles decernunt.

## De animi qualitatibus, vitiis & morbis.

Luna in domo, altitudine & finibus Mer-

curij facit delectari mathematicis, liberalibusque studiis. Mercurius sub Sole in sextili Iouis facit magnanimum, liberalem, generosum, magnificum, splendidum. Luna quoque facit ingeniosum & prudentem. Aspectus maleficarum infligunt, ut dixi, mala corpori, faciuntque iracundum, subdolum, trucem, atque ad omnia paratum, non tamen sponte hæc facientem, vitia nulla dignoscuntur.

## De diuitijs.

Res diuitiarum erit fluctuans, diues tamen erit. Multis autem causis res peribit. Ut sunt itinera, dona, conuiuia, seruorum furta, naufragium, mors equorum, venatio, ornatus.

## De honoribus, magistratu, gratia Regum.

Ob Solis & Lunæ situm habebit plurimos magistratus recurrentes aut secundi ordinis, non ita ad primos paratus. Attamen graciosus maximè suo Regi ac sponte erit. Vtrisque locus Solis idem: Ascendens in trigono ascendenti, Sors in Sortis trigono. Circa finem vitæ maximam potentiam adipiscetur: Et tunc non minus anxius fluctuabit

## De uxore & filijs

In vtroque horum erit infelix ob Lunam pessimè affectam. Vnam vxorem habuit breuius vitæ.

## De opificio.

Erit cupidus secretarum rerum, delectabitur pulchris rebus, gemmis vestibus, picturis, imaginibus: Et liberalibus disciplinis, nec tamen quicquam horum ob nobilitatem exercebit.

## De itineribus

Nulla in re aut felicio, aut aptior quàm in itineribus, legationibus & expeditionibus, in quibus & pericula & calumnias patietur ob inuidiam. Ad maximas tamen administrationes pertinet. Complectitur autem hæc genesis contraria quædam simul, velut bonam temperiem & vitam morbosam. Orbitatem cum sit vxoratus, obesum habitum & ingenium acre: benefacere & calumniam pati.



GENITVRA IV.

*Illustrissimi Ioannis Cheki à Secretis Anglorum Regis.*

| Differentiæ | Rectæ         | Hor.  | Tem.                                                  | Stellæ insignes. |
|-------------|---------------|-------|-------------------------------------------------------|------------------|
| Saturnus    | 52 56 P.      | 20 37 |                                                       |                  |
| Jupiter     | 112 39 A.     | 20 30 | cum Lampadia ♂.                                       |                  |
| Mars        | 41 54 A.op.19 | 27    | cum stellula ♂.                                       |                  |
| Sol         | 79 31 A.      | 21 23 |                                                       |                  |
| Venus       | 73 20 A.      | 21 17 |                                                       |                  |
| Mercurius   | 88 11 A.op.21 | 5     | fertur cum Procione nat. ♀. Cap. Medusæ naturæ h & ♀. |                  |
| Luna        | 23 9 P.op.16  | 37    |                                                       |                  |
| Med.C.      | 173 35        |       | cum stel. h & ♂. Item ♀. P. ♂.                        |                  |
| Ascendens   | 61 6 P.       | 10 10 | cum tribus stel. ♂. P. h.                             |                  |
| Occidens    | occidit       |       | cum Lampadia ♂. Et Hum. Orionis ♂ & ♀.                |                  |
| Sors        | 11 0 A.       | 17 0  | cum dorso Leonis fertur naturæ h & ♀.                 |                  |

**C**ontingerunt ei hæc insignia anno 1540. die septima. Septem laboravit acuta febre. Anno 1552. die quinta Maij Peripneumonia. Anno 1544. die decima Iunij, in Regium præceptorem electus est. Anno 1549. die vñdecima Ianuarij à pristino honore fermè decidit. Anno 1547. die vñdecima Maij vxorem duxit.

Ut circa hæc aliquid dicam, in fine 30. anni ergo electus est in regium præceptorem: Trigonus Mercurij cadit in Par. 25. min. 47. Libræ: cuius recta ascensio est Par. 203. min. 54. ab hac detrahe Par. 29. min. 35. pro annis 30. fermè completis, relinquuntur Par. 174. mi. 19. ascensionis rectæ: quibus respondent in signifero Par. 23. min. 48. mp. & hoc est Cœli medium, verum nisi error sit in loco Mercurij, qui ex obseruationibus contingere solet: Aut processus distulerit aut præoccupauerit. Erat autem Mercurius Orientalis matutinus, quia retrocedebat licet non appareret, & in domo ac trigono suo & Lunæ, amico radio commixtus, & in locum sui trigoni. Et quia processus eius anni fuit in


ascendente. Et hic adest mixtio Solis ob Regis consuetudinem.

*Pericula quibus modis decernantur.*

Dixit quod anno 1549. die vndecima Ianuarij fermè excidit ab officio. Distabat enim Sol à cœli medio horis temporalibus quatuor fermè, ideo 36. anno peruenit ad Martis oppositum. Et tunc processus Solis fuit ad quartam partem Tauri in quadrato Martis & opposito Saturni. De his periculis, ratio manifesta est, & de periculo mortis in morbo, quia præter periculum adest pars infortuniij, ideo significantur ab eisdem causis debilioribus, seu cum auxilio beneficiarum. Sed de puris periculis puta casu lapidis propè magna est dubitatio: Si enim causa carent, nihil erunt, videntur autem aliquid esse, & quasi intendi ab astris, sed non perficit vt effectus. Si habent causæ illi nullus respondebit effectus. Sed effectus proculdubio fiunt à causis perfectis non impeditis: imperfecti effectus fiunt à causis imperfectis aut impeditis. Vbi non adest periculum, nec effectus, nulla ibi causa est, igitur pericula absque effectu cum sint imagines effectuum fiunt à similibus causis quæ non sunt causæ. Hæc autem bifariam, aut cum directiones, vel processus fiunt in contrariis latitudinibus, vel cum loco Aphetæ dirigitur dominus loci Aphetæ: Ipse enim significat timores & animi affectus, in periculis vero adsunt timores. Propriè igitur fiunt pericula absque effectibus cum Anæretæ habent contrariam latitudinem Aphetis. Idem dico de bonorum expectatione.

Morbi autem qui successerunt fuerunt ex directionibus ascendentis, quod solum est Aphera ad trigonum Lunæ inimicæ ascendenti, & ex signis breuinum ascensionum & oppositum Mercurij ad vnguem. Vineret iuxta sexagesimum primum annum donec ascendens impingat in radios sextiles sinistros Saturni, qui dextris sunt validiores. Et hoc si per processus & ingressus licuerit, vitæque publicas calamitates. Ascendens solum cum Aphera sit, debile est, inque maleficarum potestate.

Cæterum vt in vita mala est hæc genesis,  
ita



Aquarium alium Mercurij trigonum. Et similiter mensis, & initium signi etiam fuit impeditum à Saturni quadrato, ideò dilata est hæc provincia ad finem anni. Et ea die Sol superaverat locum Mercurij, & Mercurius locum Solis. Et Luna locum Cœli medij & ibat ad Mercurij trigonum. Et Iupiter fuit in loco Saturni radices & Saturnus in



ita contraria ratione in honoribus adipiscendis ac diuitiis, atque amicis comparandis felix. Insignis etiam eruditione, ingenio, prudentia. Qualitates animi Mercurius cum Luna sextili copulatus & loci proprii dominus, præbet amicos, diuitias & honores, Iupiter in primo statu cum Lampadia ante Solem, & Sol cum Venere & Mercurio. Dabit & Luna, & Iupiter filios pauciores etiam filias. Erunt autem inclyti, sed debiles tamen.

Forma corporis est gracili, flaua, masculosa, rariore cute, capillis mediocribus, oculis decentibus, cæcisque. Statura proceræ, hirsutus, rubescens satis ob Solem, pulcher, incommensuratus tamen, & anterioribus debilior, sicci temperamentis, sed in actiuis qualitatibus temperati. Caluescet cito ob id, canescetque celerius. Morietur ex morbo longo ab humore frigido cum dolore partium inferiorum, cerebro etiam causam defluxus præbente. Opificium quasi magistratus & Regis instructio à Ioue discernuntur, qui in Mercurij est dignitatus, domo, finibus, triangulo. Cum vero in occasu adsit Lampadias secundum latitudinem simul etiam occidat humerus Orionis sinister, erit vltima ætas cum magistratu quidem & potestate, sed onerosa & laboribus, periculis atque anxietatibus grauis. Cum Sorte Leonis dorsum, hæreditates causa mulierum significat. Cum Mercurio caput Medusæ (de circulo positionis nunc loquor, vt etiam de Sorte) significat sacerdotium & in legis administratione potestatem. Est enim de natura Saturni & Iouis. Cum eodem Procione quod naturæ sit Mercurij facit hominem studiosum disciplinarum & negotiis tractandis habilem. Erit autem talis vt maximè loco & tempore accommodare se norit. Et vltimum splendoris ac gloriæ humanæ consequentur, opinionemque sapientiæ quasi diuinæ nisi à communibus constitutionibus impediatur. Quas etiam modo euaserit maximus fiet. Coniungem tantum vnā habebit quod Luna vni tantum Planetæ copuletur. Eritque pro regione prudens & ingeniosa, quia Mercurius est qui copulatur, & bene constitutus. Itinera plura, sed breuia & comoda peraget. Erit in vniuersum officiosus, grauis, liberalis, sapiens, humanus, Anglicæque gloria gentis. Apud quem diuersatus cum fastum omnem cum gloriam consultè compresserim, vt agnoscerem non agnoscerem, quod veræ felicitatis est, contemni aut negligi minimè potuit. In vniuersum cum violenti quippiam habeat Iupiter sic constitutus. Extremum malum in communi periculo patietur. Nec patietur maximum periculum absque multorum malo.

#### GENITVRA V.

*Illustriss. Præsidis Senatus Lutetiani  
Ranconeti.*

**N**on nisi illustres geneses hic collocandas pollicitus sum. In his duabus virtus  
*Tom. V.*

peperit dignitatem. Nam hic Præses grauitatem habet cum humanitate mira iunctam: Eruditionem cum vsu rerum. Officiosus, eruditorum amans, vt alius quisque. Et cum mediocri re familiari tantum, tamen librorum habet selectorum, vt Epaphroditum à libellis imitari videatur. Debueram per Galliam transire, sed vt video fata plurimum non



solum Regis Anglici ac meum obstabant. Auide me expectabat hic mihi admodum addictus. Adeo se humaniter gessit erga me, vt illius miserabilem memoriam deferere non sustineam. Nolebat genesim suam huic libro inseri seu ab aliis monitus, seu quod non videret præsentem fortunæ respondentem. Cereum erat illi metuendum magnum infortunium ob Martis cum Ioue radios oppositos, & Saturnum peregrinum in culmine cæli & luminaria in casu suo, & sub terra monuissim huiusmodi viris cautè agendum: non quod tantum metuerem illi infortunium, neque enim tum adeo præferebam, sed quod intelligerem finem futurum violentum. Pericissimus fuit Græcæ linguæ, tum Latinæ: extant ad me litteræ. Multos suscepit filios: multique ex illis in pueritia obiit, accusatus demum quod propriam filiam grauidam reddidisset, tum aliis ex causis, atque in vincula ductus, obiit variò rumore: quidam dixerunt sibi desperatione ignominia, & exitus conscisse mortem, alij ob dignitatem qua functus fuerat in carcere strangulatum: alij publicè, sed noctu & habitu mutato traditum ignibus. Id verisimile est contigisse cum Luna peruenit ad Martem in opposito Iouis constitutum. Et tum ascendens prope quadratum vtriusque in Scorpione ascendente septima parte Libræ cum multo tempestinior fuerit genesis, sed eò traducta adulatione, vt spica Virginis esset in horoscopi parte. Obiit vt reor 48. anno, aut 49. vt ex hoc de ascendente quisque certior fieri possit. Vir ob singulares alias animi dotes hoc sine indignus.

Vxorem & filios illustres hæc genesis pollicetur propter situm Iouis, Mars tamen aliquot occidit: Erunt autem feroces. Iuxta etiam decimum sextum annum ob Saturni quadratum, iacturam corporis passum oportet.

Xx

Ob




Ob Saturni statum & Iouis cum Marte oppositionem, omnia illi cum difficultate euenient.

far? nonne patriam prodidit? Quid Sylla cum suis proscriptionibus, ut Dictator euaderet? Quid Marius? Quid Franciscus Sfortia primus? Nonne eos prodidit à quibus

## GENITURA VI.

*Ioan. Iacobus Medices Principis.*

Socraticum est & viri probi officium, etiam si malè ob aliquid audieris, nec virtutis studia deferere, nec à magnorum virorum laudibus abstinere. Nemo in patria sua meipso deterius acceptus est. Solum defuit iudicium publicum, quod dissimulatione vitauit. Non enim Christo miracula, non Socrati integritas, non beneficia in rempublicam Scipioni, ad mortem vitandam contra inuidiam profuerunt. Postquam deserunt vitiorum obiecta, ipsa virtus mihi vitio vertitur. Conspiraciones & vulgata opinio apud improbum vulgus potentior ipsis operibus. Itaque cum tot è patritiis nostris laudaris, ne vnus gratias egerit: Externorum ne vnus sola gratiarum actione contentus fuerit, poteram ab huius etiam mentione abstinere. Sed vicit magnitudo virtutis eius, & recti apud me obseruantia fortunæ meæ apud proprios ciues improbitatem. Stet igitur factorum memorabilium memoria, quæ licet à scelere ortum habuerit, cum tam egregia virtute tamen continuata fuit, ut scelus hoc in virtutis speciem transierit. Stipabat Hieronymi Moroni latus, ab eo addictus est ad necem illustris viri Hestoris vicecomitis, peracto facinore amandatur in arcem Musi, ea mente, ut regendi facinoris causa, & ipse cum aliis complicibus interficeretur. Cumque nesciret litteras, aperit tamen epistolam, à socio legi iubet, intelligit se asseruandum & quorsum, sublato sigillo alias fieri curat, quibus imperatur, ut præfectus arce commissæ ei, statim se Mediolanum conferat. Inde inductis lociis, ita strenuè eam tutatus est modo aduersus Noricos, modo Mediolani Ducem, modo Casaris præfectos, ut summi Ducis, strenuissimi militis, maximi Imperatoris nomen & opinionem mernerit. Inde multis præliis victor Casari reconciliatus, Prorex in Boëmia



in exercitus ducem electus fuerat? Nemo ad primos gradus dignitatis ascendere, nisi duce scelere potuit. Ianitor hic est primus, quem si virtus & fortuna sequantur ad Principatus via patet: Si alterutra deferat, ad pœnas poscuntur. Sed hic minimo scelere virtute summa rem egit. Etiam pietatis officia non neglexit. Ut quæ patrauit mala necessitate potius, quam voluntate fecisse videatur. Mars igitur in ascendente velox & coascendens dextro humero Aurigæ naturæ Martis, & Mercurij, & in sextili Solis, & Mercurij quadrato Veneris, trigono Iouis, Iupiter quoque dominus loci Lunæ, & Mercurij, faciunt promptum, fortem, sagacem, magnanimum. Cumque omnes Planetæ sint aucti motu, significant expeditum in negociis non hesitantem. Cum verò supra terram etiam omnes, illustrem & omnibus cognitum. Ex his duobus maxima felicitas designatur. Luna cum corde Scorpij & in opposito absidis facit violentum, terribilem, crudelem, rapacem, incredibilia audentem, dolosum, ambitiosum, suis viribus confidentem. Et quia est in quadrato Mercurij erit prudentissimus. Cumque in vltima quadra in occidente in Solis quadrato in sextili Veneris, & Venus in cœli medio coniugium serotinum cum muliere prædiuite & ex Principum prosapia, cum qua tamen parum conueniet.

Cumque Venus in cœli medio sit in dignitatibus Saturni, & in Martis quadrato. Multa & magna circa actus Venereos significantur cum læsione genitalium ex ferro. Atque hoc, ut audio, illi contigit, & reliqua etiam in suspitione fuerunt.

Aphetam vix pronuntiare audeam, Sol in finibus duodecimæ in fœminino, Luna octauæ in masculino signo, dicemus ascendens esse cum auxilio reliquorum aut Sortem etiam. Diuitiarum autem ratio constet cum Venus & Luna potentes sint, Iupiterque in imo circulo cum lucida Australis coronæ. Saturnus cadens in duodecimo loco, & Mars cadens dominam ascendens quadrato respiciens carceres & vulnera

| Motus             | Stellæ inerrantes                 |
|-------------------|-----------------------------------|
| Sol Velox         |                                   |
| Luna Velox        | cum corde Scorpij                 |
| Saturn. Velox     |                                   |
| Iupiter Velox     | coascendit lucidæ coronæ Aust.    |
| Mars Velox        | coascendit Dex. Hum. Aurigæ.      |
| Venus Velox       | cum tribus stellis Par. Mar. Mer. |
| Mercur. Velociss. | coascendit Alæ Pegasi.            |

creatus est. Demum aliis expeditionibus interfuit, non sine maxima autoritate, & rerum gestarum gloriâ.

Obiiciet forsan quispiam scelus primum, sed quis è priuato in principatum absque scelere euectus est? Quid egit C. Iulius Cæ-



vulnera significatunt, quæ omnia passus est & euasit. Carcer fuit cum ascendens ad radios Saturni sextiles peruenit: Ex quo Genitura verificari potest.

Honores, potentiam, magistratus, & principatum semper retinebit, ob astro- rum non solum consensum, sed virtutem. Dignitates enim sudore & præstantia ac- quisitæ, non nisi cum morte relinquuntur.

Pro quo sciendum est quod triplex est exaltatio, à virtute, & præstantia, & hæc fit ab aspectibus erraticarum, à fortuna & casu, & hæc fit à situ Planetarum in an- gulis & in comparatione ad Solem, à pru- dentia & consensu, & hæc fit à Planetarum dominio in locis in quibus sunt. Iuuantur hæc omnia à fixis & aliis dispositionibus: Sed hæc tria sunt principalia, nec plura sunt, aut excogitari queunt.

Est etiam illud consideratione dignum, quod omnes Planetæ sunt in initiis signorum præter Saturnum, & ob id etiam plerique in finibus beneficarum. Quo factum est, vt pericula & insidias euaserit, & alacrior ad negotia semper fuerit.

Mors erit cum Luna ad Saturni quadra- tum peruenerit iuxta 61. annum ex longo morbo, obiit autem 19. ni fallor acuto mor- bo, sed diu tamen antea conflictatus. Peric- ulum vitæ & homicidiū, & perturbatio fuit cum Luna conuersa directione simul ad Oc- cidentis lineam & Martis oppositum perue- nit.

*Scientia mensis & diei in vno quoque negotio.*

Annum ex directione & processu, ingres- suque vt dixi habebis. Mensem autem & diem cum Sol super locum Planetæ inter- ficientis transiit in mense congruenti: Aut Luna super locum directionis: Aut sig- nificatores per circulos compleros ad sua loca aut semicirculos ad opposita redie- rint. Vel cum significatores ad promiss- forum, aut promissores ad significatorum loca redierint. Vel cum duæ causæ concu- rrentes in vnum fuerint. Vt iter, honor, lucrum: Ex itinere honor, ex honore lu- crum. Vidisti exemplum in quarta genesi cum adeptus est prouinciam docendi Re- gem, quod Sol super locum promissoris transiit: Et in octaua videbis in diuturno iti- nere.

Quod si reditus Solis ad loca conueni- entia non solum in propriis genituris, sed locis communibus nihil faceret ad effectum perfectionem, non iisdem anni tem- poribus plerique recurrentibus annis in mor- bos inciderent: Nec plures morerentur men- se Augusto quam Maio.


GENITURA VII.

*Cardinalis Sfondrati.*

I Nter duas amicissimorum geneses no- stram collocare libuit, à quarum altera

Tom. V.

initium status nostri cœpit, ab altera sus- cepimus incrementum. Sed non ob ami- citiam tantum, verum ob insignes casus po- tius illam interposuimus. Hic primum priuatæ conditionis vir, Patauij anno tri- gesimo Ius ciuile cœpit profiteri non me- diocri cum laude. Post paucis admodum annis à Franciscò Sfortia Mediolani Prin- cipe in Senatum asciscitur. Nubit, pro- creatque masculos filios duos octimestres, qui quamuis ægrè superuixere, fœminas quatuor, atque hi omnes adhuc supersunt.



Mortuo Principe, cum rem possideret Cæ- sar, inter eos qui consilij sunt secretioris eli- gitur. 46. anno vxore mortua, præficitur Se- narum custodiæ, ibi mansit 18. mensibus maxima cum laude: quod apparuit succeden- tibus magistratibus, cum nemo sine nota rem administrauerint, alij etiam cum vituperatio- ne. Anno 49. Romam pergit, fitque Epis- copus, inde statim Archiepiscopus, inde Cardinalis. Sub fine anni 1549. moritur Pontifex Paulus tertius, certatur de eligendo Pontifice, parum abfuit quin in locum de- mortui crearetur. Fuitque hoc anno 56. æta- tis sub initio. In fine eiusdem ætate, scilicet succedente seu longo morbo, seu tædio, seu, vt quidam volunt, veneno tabifico, ex- tinctus est. Nonne hæc historia admirabilis est & rara?

Fuit procera statura, & liberali forma, obcesus & rubicundus, comis, elegans, læ- tus, sapiens admodum & eruditus. In nego- cijs præterea cautus, prudens, promptus, & efficax. Ludo & cum grandi pecunia de- lectabatur. Iracundus & aliquantulum præ- ceptus. Fato credebatur & Sortibus Vergilia- nis, quas sapius veras se expertum testa- batur. Maiores sui non diuturnæ vitæ fue- runt, sed circa eandem ætatem obiēre. Ob quæ minus cautus & diligens circa vitam fuit. Nunc singula disquiramus. Sol igitur cum luminosiore lancis meridionalis & in trigono Saturni & coniunctio illa Ve- neris, Iouis & Capitis, significabant quan- doque futurum maximum in religione & sacerdotio, multiplicisque dignitates. Cum igitur Sol peruenit ad secundam par- tem Capricorni, vbi erant radij quadrati

Xx 2 Iouis,



Iouis, & Veneris, & Lunæ trigoni, & Saturni sextiles, factus est Cardinalis anno ætatis 52. Et quia erant multi Planetæ propinqui situ secundum numerum graduum ideo habuit omnia magno cum successu: Eodem fermè tempore cœli medium peruenit ad Solis sextilem, & Iupiter dominus cœli medij ad Solis corpus, ideo tam multiplicem felicitatem significauit. Ex hoc patet quod multiplex felicitas significat subsequenter inanitatem & calamitatem. Quia multiplex felicitas breui temporis spatio indicat occursum locorum principalium beneficis radiis & corporibus, quibus exhaustis succedit inanitas: Inde cum sint in similibus habitudinibus significatores ad promissores, verendum est, vt simul occurrerunt amicis radiis, occurrant & simul hostilibus. Et si quis dicat quomodo erunt hi qui perpetuas & multiplices habent felicitates? Respondeo quod hi habent validam radicem: Et in his sufficiunt processus & ingressus absque directionibus. Sed in hanc cum nihil maximi vsque ad 46. annum ei aduenisset, tam frequens dignitatum successio necessariò fiebat ex concursu directionum, quare suspicione ea felicitas carere non debuit.

In initio eiusdem 49. anni, vt Sol Ioui directione commiscebatur, ita Iupiter ad locum Solis per ingressum deuenit.

Spica Virginis in ascendente præstat leporem magnum in dicendo & scientiam eorum, quæ ad nostræ religionis sacra, arcanaque pertinent.

Luna fuit cum stella exigua iuxta Leonis dorsum naturæ Veneris & Mercurij, gratiamque præstat & sapientiam in administrandis negotiis.

Cum Ioue autem & Venere stella eiusdem naturæ cum supra scripta tertiæ magnitudinis valde potens, vnde si supernixisset, donec ad trinum Iouis peruenisset Sol, Pontifex creatus fuisset. Alias quoque dignitates esset consecutus.


Concordia nostræ genituræ cum sua fuit, quia Mercurius fuit in Eudæmone meo, vbi Venus, Mercurius & trigoni radij, Saturni & ascendens suum iuxta locum Solis.

Corporis proceritas & obæstas fuit propter Venerem cum Ioue iunctam, & Venus erat ascendens domina, & Iupiter in abside, & vterque in signo calido & humido.

*Declaratio annorum, mensum, dierum, horarum, per exemplum.*

Cum hoc opus perfecissem, contigit II. mensis Augusti, vt fabrum lignarium qui præ tristitia ægrotaret curarem. Cumque causas tristitiæ percunctarer inueni nudius tertius filium bimum vnicum cecidisse ex tabulato, confestimque distractum & mortuum. Existimari oportere aliquid in genescariis esse, quod hic nulla generalis calamitas causa esse posset. Habito tempore diligenter & erecta figura, de causa & anno

statim constitit, Luna discedens ab opposito Martis, Saturno retrogrado applicabat domino octauæ loci & in octaua. Et Sol Apheta cum Mercurio in Capite suo



sub ecliptica maturino occidentali & domino octauæ loci. Beneficæ ab utroque luminari omnino remotæ, & maleficæ cum Luna in signis fixis. Et ideo significabant mortem per casum & ruinam, & ita vtrunque fuit. Dissoluta enim tabula & auulsa simul collapsus est. Habes causam.

Annus erat tertius aut quartus ex directione, sed seu Saturnus esset paulo magis retro, seu Luna ante, omnino in tertio anno in initio fuit processus loci Solis Aphetæ ad locum Martis & oppositum Saturni & Lunæ. Ex quo Sol à Saturno & Luna affligebatur. Et tunc Luna fuit infelix in Scorpionis initio & Mars in 29. Leonis, & Iupiter in 27. eiusdem Lunæ locum oppugnantes in radice. Habes igitur annum.

Mensis & dies habentur simul cum Sol, Luna & Mercurius, Sol in 26. Luna 27. Mercurius in 25. Leonis parte fuerunt. Die 9. Augusti anni tertij, scilicet 1553. Quod si Sole ibi transeunte non adfuissent Mercurius & Luna, oportuisset expectare congressum Lunæ & auxilium maleficarum. Sed hic casus claram habet causam. Habes mensem & diem. Hora fuit quinta exacta à meridie, initium mensis fuit die 19. hor. 12. Iulij completis: residuum igitur ad diem & horam, casus dies 20. hor. 17. Ascendens dierum die 8. Augusti. hor. 1. mi. 8. ante meridiem, locus ♂ & ♀, ☿, ♄ vncti, & ingressus ad oppositum Saturni & Lunæ radice peruenierat. Ascendens autem processus horæ locus ipsemet Lunæ & Saturni tot modis infelix. Oportet enim pro hora considerare maximè ascendens, quia solum ascendens etiam in singulas horas mutatur. Hora igitur casus Sol, Luna, & Mercurius in illius opposito erant. Habes, igitur horam. Ex hisque omnibus evidens veritatis artis argumentum, secretumque maximum. Quod si libeat habere etiam momentum, habebis & illud eadem ratione. Solis enim locus in oppositum Lunæ, id est, Leonis partem 20. per processum commutatus fuit.




GENESIS VIII.

*Hieronymi Cardani Medici & expositoris huius operis.*

**P**ollicitus fueram solum illustres hic positurum genituras, quod etiam hucusque præstiti. Verum quod nostram adiiciamus meritò nos quisquam leuitatis accusabit: Cum non fortuna tantum à qua nos longè absumus illustres, sed etiam casuum varietate qua nulli nostra secunda est, describere propositum fueris. Nec si talis non esset adhuc omittenda foret, quoniam ad amissim adeo perspecta est, ut simile exemplum non facile inuenire queas. Comprobata etiam est editione præcedente cum iam decennio exacto multa publicè prædicta successerint, eorum quæ non essent præuisa nihil. Adeò verò quæ tota vita euenerunt huic figuræ exactè congruunt, ut historiam potius quàm prædictionem & ex stellis decretum subiecisse videar. Itaque ut ab omnibus præcedentibus fortuna superatur, eò omnibus illis casuum varietate admirabilior est. Primum quidem ex patre sene & qui nullos alios liberos dicitur antè nos procreasse. Deinde per vim ex vtero cum iam triduo in partu laboraret mater, ut illa seruaretur pro mortuo extractus sum. Reuiuixi lauacro vini. Capillatus antequam natus, inditium ærumnarum mecum tuli. Ater enim capillus prælongus ac crassior nascenti mihi fuit, ut mater ipsa narrabat. Prima infantia pestem sensi maximum malorum inde aquam intercutem: demum octauo aano dysenteria ad mortem deductus, præter spem seruatus sum. Ab eo tempore cum nunquam vel vnam diem valetudine firmus, & sine dolore duxerim, nihilominus per 44. annos sequentes vix toto triduo, & semel tantum in lecto morbo oppressus decubui. Totque labores ac difficultates passus, anno exacto iam penè quinquagesimo secundo robustior quàm in pueritia, vel iuuenta vnquam fuerim. Frigidus vsque ad 30. annum ex toto, abinde salax effectus præter omnem spem multos procreavi filios. Nulli enim aduersa minus nocuerunt, aut secunda profuere. Nec cuiquam mortalium, ut existimo tot inasperato aut bona, aut mala aduenire. Adeò ut nihil optatum præter medicinæ lauream & cooptationem in collegium Medicorum, atque eam nonnisi cum omnino desperata esset consecutus sum. Aspernanti verò reliqui honores vltro delasi: Primus profidenti locus in academia, Primus locus apud Reges vocant Archiatron, familiaritas & amicitia Principum plurium, honores à ciuitibus publici, memoria nostri multis eruditorum virorum momentis celebrata: Quæ omnia multò minus quæsitæ, quàm recepta. Solum profitendi munus suscipere potius coactus sum, quam sponte susceperim. At contra quorundam quæ diligentius quæsiuissem, atque his longè minorum repulsam passus sum. O quoties visus in profundo miseria-

*Tom. V.*

rum, me communi, solabar, cum subito unde non sperabam auxilium effulsit. Quoties ab amicis desertus ac proditus, ab incognitis adiutus sum? Quoties magna mala ingens bonum peperere mihi: Ut contraria ratione ex magnis bonis ingentes mihi ortæ sunt calamitates. Cum in iuuentute insanum me prædicarent, occasionem scribendi & gloriæ, quantulacunque est, præbuerunt. Et nunc quot me colunt, qui non solum contemnebant, sed egregie oderant. Toties per calumniam accusatus, nunquam tamen exilij aut carceris pœna intentata est, cum tamen penè crucifigendum concives mei, quibus nihil veritate ipsa grauius est ac voce libera, clamarent. Simili felicitate vsus cum inter tot inimicos & inuidos, nemo vnquam lædere me potuerit. Et vbi naturalis præsentia defuit, euidenter per somnium monitus non semel maxima pericula euasi. Nec qui intenterunt inulti vnquam euasere. Toties etiam edoctus quæ conscribere debueram singulari curæ cuiusdam potentioris fuisse persuaderi possem. Diuitiarum & gloriæ contemptor fui: Et quæ alij fugiunt, adeò non horruì, ut quod vix credi potest, credi tamen debet, quoniam nunquam me mentitum esse memini, inter acerbissimos podagræ dolores quod solum mihi restat malum, voluptatem ex dolore capiam. Quod quomodo contingat nescio, nisi quod per sæpe dissecta carne cum vngue policis finitri finire solitus etiam eam corporis molestiam, quæ me quotidie affligebat, voluptate & ibi ex ardore percepta. In ecstasim quotiens volo transeo, nec mutato vultu, nec moto corpore, sed quodam interiore nescio, quo ad imperium voluntatis commoto aut transmutato. Cumque in intentio-



ne multarum rerum felix fuerim, plura scripsi quam legi, docui quàm didici. Iuuatus à numine non obscure: cui etiam omnia tribuo. Denique fuit tam atrox malum ætati nostræ, turpe patriæ graue, publica, mors optimi ac generosi filij, in qua maius est, etiam tulisse me, & tanta post conscripsisse, mutasse regionem & celebriorem factum eo infortunio, quò reliqui omnes breui conciderunt. Hinc tot edita plura scripta, multò plura inuenta.



inuenta. Hæc omnia si colligas, digniorem ad exemplum facere genituram possunt, quam Cræsi diuitiæ. Non enim felicitatis imaginem quærimus, sed earum rerum quæ maximæ unicuique contigere, seu bonæ, seu malæ. In quorum genere multa sunt hic inde in nostra genitura. Sunt & alia permulta admiratione digna, quæ in explicatione genesis scribentur.

*Stella inerrantes in locis principalibus.*

Iupiter ob latitudinem ascendit cum ho-

*In hac figura sequutus sum diuisionem domorum antiquam, propter causas superius adductas.*

| Motus                                                  | Latitudines |   | Differentiæ |    | Rectæ   | Hor. | Tem. |     |    |    |
|--------------------------------------------------------|-------------|---|-------------|----|---------|------|------|-----|----|----|
| ♄ Retrog.                                              | M           | D | 1           | 40 | ♄       | 150  | 57   | 19  | 5  |    |
| ♅ Retrog.                                              | M           | D | 2           | 0  | ♅       | 101  | 26   | 17  | 5  |    |
| ♂ Tardus                                               | M           | A | 0           | 36 | ♂       | 140  | 0    | 18  | 53 |    |
| * Velox                                                |             |   |             |    | *       | 80   | 0    | op. | 15 | 40 |
| ♀ Velox                                                | S           | D | 0           | 52 | ♀       | 91   | 37   | op. | 16 | 30 |
| ♂ Retrog.                                              | M           | A | 2           | 36 | ♂       | 91   | 33   | op. | 16 | 30 |
| ♄ Velox                                                | M           | A | 4           | 20 | ♄       | 53   | 23   | 13  | 5  |    |
| Coniunctionis luminarium natiuitatem præcedentis locus |             |   |             |    | Coel.M. | 289  | 45   | 0   | 0  |    |
|                                                        |             |   |             |    | Ascen.  | 104  | 5    | 17  | 15 |    |
| 28.48.49.                                              |             |   |             |    | Sors    | 77   | 4    | op. | 15 | 30 |

Luna ferme cum Capite Medusæ magnitudinis secundæ naturæ Saturni & Iouis in circulo positionis.

Mercurius in imo circulo positionis cum stellula de natura sua & Veneris.

Saturnus cum dextro humero Orionis magnitudinis primæ, & cum dextro humero Aurigæ magnitudinis secundæ, ambabus naturæ Martis & Mercurij. Et cum stellula de natura Martis.

Fuit etiam conceptionis tempus cognitum iuxta dictum matris, & fuit anno 1500. die 28. Decembris, horis 11. mi. 30. à meridie & tunc cælum sic se habuit.

|             |    |    |   |
|-------------|----|----|---|
| Cæli medium | 10 | ♄  |   |
| Ascendens   | 8  | ♄  |   |
| ♄           | 0  | 26 | ♄ |
| ♅           | 24 | 1  | ♅ |
| ♂           | 14 | 0  | ♂ |
| ✳           | 17 | 27 | ♂ |
| ♀           | 0  | 18 | ♂ |
| ♄           | 26 | 0  | ♂ |
| ♅           | 3  | 42 | ♅ |
| Sors        | 24 | 23 | ♂ |

Dies fuere 270. ad vnguem, de hora non admodum certus sum, locus Lunæ hic fuit locus Iouis, & ascendens cum nasceretur, & Venus in Saturni aspectu erat. Et Mars in opposito loci sui in natiuitate. Et forsan horoscopus fuit locus Solis hora natiuitatis, & pars fortunæ rursus sub Solis radiis.

*De parentibus.*

Superius explicauimus patris genisim è nostra extractam, non est, vt præter morem quicquam repetam. Obiit longo senio 28. Augusti 1524. prout ex directione Lunæ ibi

rosco po ferme, & lucida fusionis. Aquarij magnitudinis primæ naturæ Veneris & Mercurij.

Cum corde cæli est Vultur volans secundæ magnitudinis naturæ Iouis & Martis.

In occidente luminosior lancis Meridionalis secundæ magnitudinis naturæ Mercurij Martis.

In imo cæli ferme Canis minor seu Procyon magnitudinis primæ naturæ Mercurij.

Sol cum vltima alæ sinistræ Virginis magnitudinis quartæ naturæ Mercurij & parum Veneris.

liquet, ad Solis oppositum. Annum ex processibus, & mensem ac dies venaberis. Cæterum cum Saturnus esset in trigono Veneris, significauit longam vitam pro ætate in qua iam erat constitutus. Et similiter quia fuit in suis dignitatibus, & quia Mercurius erat in Saturni trigono, & ipse Saturnus in Mercurij dignitatibus, significauit ingeniosum. Et Mars in trino Solis dignitatem cum parua vtilitate, nam Mars erat peregrinus & quasi stans, & Sol ab altitudine cadens. Cum verò Luna illi esset in cæli medio sub radiis Martis quadratis, significauit labores multos irritos, quibus conflictatus est, & vitam debilem. Cumque Sors esset infelix, significauit pauperiem & labores. Et per hæc omnia transiit. Verum quia propriam illius genituram habeo, ideo illam maioris claritatis gratia subiiciam.

*Stella inerrantes in prae-  
cipuis locis.*

Ascendens cum Apolline magnitudinis secundæ naturæ Mercurij, & cingulus Orionis coascendit naturæ Saturnæ & Iouis.

Sol cum Asino magnitudinis quartæ naturæ Solis & Martis.

Saturnus cum pede boreali Cancræ magnitudinis quintæ naturæ Saturni & Mercurij.

Iupiter cum stella extra formam Cancræ magnitudinis quartæ naturæ Saturni & Mercurij.


Mars cum stella magnitudinis quartæ naturæ Mercurij & parum Veneris.

Venus cum eadem, cum qua etiam Saturnus.

Insignis pietas me admonet, vt eius hæc obliuiscar. Præsertim quod hæc genitura multa



multa præclara habet, & eius cognitio ad nostræ intelligentiam non parum faciat.



Quia Sol fuit vitæ significator & cum Iove, & Venere, & in Leone, idè habuit robustam & incolumem vitam. Vixit donec Martis quadrato Sol occurrit in Libra, vbi vterque cadit in finibus Saturni: annis 79, expletis mortuus est 28. Augusti 1524. Idè decrepitis, facilè à Martis quadrato superatus morte lenta. Saturnus enim finis ad quem ascendens peruenit dominus erat, & Saturnus sub radiis Solis erat. Patri quoque eius diuturni vita significabatur ob Solem, superuixit annis 27, vixit autem 86. Matri non ita, quia Luna & Venus erant infelices. Ex quo patet quod propria vnum significat & vitam robustam, nostra aliud & debilem: & tamen concordant, quia genitus ego fui illo. 56, annum agente & paulò post amisit dentes.

Et quia Sol fuit cum Asino & Luna infelix in sexto loco in via Lactea, habuit oculos albos vt felis, & paruos lucentes in nocte, non procul videbat, attamen vidit absque perspiciliis. Quia verò Saturnus fuit combustus & in Cancro, significauit amissionem omnium dentium: superuixit tamen annis 21. ab hoc casu. Et forsitan quod stellula illa cum Saturno aut Asinus cum Sole aliquid contulit ad calamitatem. Cæterum pulcher, nam ascendenti & Lunæ loco præficiebatur Iupiter & Luna. Idè fuit candidus, rubens, carnosus, moderatus.

Et quia Venus erat infelix cum Sole & Saturno, ideo anni 23. bibit Auripigmentum album, vocant Arsenicum. Et anno 59. venenum tabificum, & euasit, amisit tamen, vt dixi, omnes dentes, quia ex priore veneno quo socij omnes perièrè concussi sunt omnes dent es, & semper postmodum fuèrè inualidi. Cæterum sanus, vt dixi, nisi quòd deerat subiectus perpetuò cordis palpitioni.

Et quia Luna fuit in via Lactea, fuit paululum turbido & hebeti ingenio. Sed quia Luna Mercurium trigono radio aspiciebat & fuerunt ambo in Iouis dignitatibus, fuit eruditus Mathematicus, Iurisconsultus, medicinæ non imperitus, occultarum disciplinarum maximus professor, adè, vt familiarem spiritum tenere fateretur. Hoc contigit quia Luna erat in sexto loco in Sagittario.

Fuit præterea humidi cerebri ob Lunæ imbecillitatem, & debilis ventriculi ob Veneriam cum Saturno congressum, & maxime in Cancro.

Quod ad mores attinet, Iupiter dominabatur loco Lunæ & Mercurij, nam Sol non recipit dominatum: Et quia Iupiter erat cum Sole & in domo eius debilissimus, significauit virum integræ bonitatis atque iustissimum, abiectum tamen & animi deiectionem. Sed cum Sol esset cum Saturno infelici, fecit timidum, agrestem, neglectorem rerum, anticipem in omnibus rebus, nihil perficientem, seruilis animi, rigidum, suos negligentem. Et quoniam Sol recipit dominatum ob Iouis debilitatem, fecit publicarum rerum cupidum, & qui res generales & negotia Principum scire cuperet. Ob id etiam læuerum & veracem. Et quia Iupiter dominabatur, faciebat studiosum, & Saturnus cum Venere facit amatorem laborum, attamen pigrum, cum vterque sit cum Sole. Sed cingulus Orionis horoscopo coascendens, & Apollo in eo fecerunt, vt laborem studiorum absque incommodo perferre posset. Et ita fuit studiosissimus, si quis vnquam mortalium: Et certè dicam bona venia cum exiguo fructu pro tantis laboribus. Diuitias exiguas comparauit, quia Sortis dominus erat Iupiter Soli commixtus, sed sub radiis atque occidentalis: nihilominus vterque eorum trigono radio respexit ascendens. In iuuentute igitur aliquid parauit. In senectute autem relicta aduocatione & iudicandi officio, solumque profitendo intentus, iuxta decreta geniturae meæ seruauit solum, quæ parauerat, quod per genituram meam quæ pauperiem indicabat, exequutus est. Siquidem vt visum desolata Sors patris in Scorpione, cuius dominus erat Mars, & ipse peregrinus in trigono Solis peregrini, nihil reliquum fecit ad lucrum, nisi exiguum stipendium publicum, quod à Sole decernabatur. Ita vides quomodo dissimilia ad similitudinem reducantur. Pari ratione patris genitura propria est quarti status, quo factum est, vt in iuuenta esset vitæ, necisque dominus, cum esset procurator filci (omnia enim ad consuetudinem loci sunt referenda) sed post natiuitatem fuit sexti status, amotus ab omni officio & dignitate in posterum, præterquam à profitendi munere. Ita vides concordiam vndique. Vxorem vix duxit ob Lunam afflictam, & eam in senectute, quod Luna esset in occiduo quadrante secundo post coniunctionem & in fine eius, ideoque in senectute. Significauit & conuietum perpetuum ob Venerem cum Saturno positam. Sed & vnicam, nam solum Mercurium Luna aspexit, nulli alij applicans, & à nullo recedens. Sed quò ad filios occupati erant, Iupiter & Luna quæ filias duas dabant. Venus ergo orientalis & masculino Planetæ coniuncta, & cœli Medio configurata locique domina filium promisit. Et vix victurum ob Saturnum succedentem, iuuabatur tamen locus etiam à Lunæ quadrato, quæ succedebat Saturno & in loco dignitatem habuit. Alios habuisse filios qui obierint ipsa genitura demonstrat, me solo diu post etiam illius



mortem superstit. Concordia verò inter genituras fuit, quoniam locus quadrato Iouis in vndecima fuit mihi ascendens, & locus trinus Veneris in cœli Medio iuxta locum Lunæ mihi, & Venus largitrix filiorum denuo Saturno configurata. Atque hæc de patris genitura. Pro matre autem posui, quia na-



tiuitas nocturna erat, Lunam pro ascendentis loco. Et fit Sol vitæ significator, & iuxta 20. annum conuersa directione peruenit ad occidens, & Lunæ oppositum, & Martis quadratum, & correpta fuit sapius hysterica passione ad mortem vsque. Demum direxi rectè Solem ad Martis oppositum, & peruenit ad eum in fine 36. annorum, & tunc mortua est. Et quia Mars respexit ascendens, & Lunam quadrato aspectu, significauit ipsam esse iracundam & in facie lædendam, & ita bis læsa est, primùm, dum puella esset præciso exmento antiace pestilenti. Deinde igne fortuito dum agerem ego 16 annum: Et Saturnus fuit imo cœli, & Sol in angulo cum Venere & Mercurio, & significauit maiorem estimationem illi quàm patri. Et quia est mulier non amplius me extendo, nisi quod fuit ingeniosa, sapiens, liberalis, proba.

#### *De fratribus & sororibus.*

Mater igitur morbosa ob Martis quadratum, qui cum esset stans, non potuit occidere: Iouis verò sextilis longæuam ostendit: At Venus Saturno per trigonum configurata patri vitam longam decernit, non tamen adeo ut matri, quod Venus per se robustior est Saturno. Luna verò & cœli medium quod alter locus à Ioue, alter à Venere & Mercurio respiceretur, fratres duos & sororem vnā ex eadem matre significabant. Erat mihi frater Thomas annorum 13. soror Catharina annorum octo, frater eius Io. Ambrosius annorum trium ex priore coniuge Antonio Alberio: hi omnes post annum spatium dierum 40 perierunt, quod illorum genesis cum generali pestis, quæ tunc sæuiebat constellatione, consentiret. Hoc ut existimo matris causa, nam & ego peste afflictus sum, Et mater ipsa cum puella esset eodem morbo correpta fuit. Debiles autem erant, tam qui à Luna, quàm qui à cœli medio significabatur, & ob id omnes periēre, non tamen tā debiles,

ut circa generalem calamitatem non superuixissent. Alius præterea ex utroque parente genitus frater, qui nascendo periit.

#### *De sexu.*

In ascendente fuit Planeta masculinus, & Luna in quarta masculina, & Sol in signo masculino, & quarta masculina & Iupiter orientalis: idè inclinabat hæc genesis potius ad sexum masculinū, quàm fœmininum. Præsertim quod Venus domina cōmunis omnium locorum, & quæ colligit suffraga, est in signo masculino, in quarta masculina iuncta, & in aspectu planetarum masculinorum.

#### *De numero.*

Loca tria dicta principalia fuerint maiore ex parte in signis vnus figuræ, non fuit commissio corporum in bicorporeis, necesse igitur fuit vnum esse.

#### *De specie.*

Non fuisse monstruosum clarum est, cum nulla malefica sit in angulo.

#### *De educatione.*

Educari cum difficultate ostendit Luna sub radiis maleficarum, & ambo luminaria ab angulis decidentia. Quia tamen benefica in principio & vero tempore, est in angulo, & Luna in fine exit è duodecimo loco, & luminaria sunt in finibus & dignitatibus beneficarum, & nulla malefica fuit in angulo, quamuis ex vtero violenter extractus, quamuis semimortuus, quamuis peste intra paucos menses correptus, euasi tamen satis leuiter, tamen si idem Mars, qui Lunam principaliter afflixerat, supra Solem eleuaretur.

#### *De vita spacio.*

Luna, ut dixi, est in vndecimæ domus medio in suo trigono plena luminibus, idè est apheta, nec considerem in hoc: sed ex duobus claris indiciis octauo anno cum applicuit radiis quadratis Saturni penè perij: cum autem ascendens applicuit ad corpora Martis & Saturni peregrinorum & retrogradorum, & nullam in horoscopo habentium dignitatem, & cum radiis Lunæ quadratis, & Solis infortunati non apparuerunt, nisi pericula mera, cum tamen etiam esset annus maximè pestilens. Et hoc ideo contigit, quia ascendens non erat apheta, & Luna erat tum Libera, & forsitan reditus fuerunt validi, idè patet causa periculorum irritorum, cum affligunt apheta, non primus & ille se benè habet. Et ob id errarunt omnes Astrologi in diiudicando de vita mea, & ego cum illis, & quærebam nugas, utpote quod essem è genere diuinentium, cum causa esset manifesta. Et hic error fuit causa magnorum malorum mihi: idè præstat nescire, quā nō rectè intelligere artes. Et si quis dicat quid Luna nocuit, quia erat domina ascendentis, non quia Apheta.

Dico



Dico quod nō potuissē superuivere adeo afflicto ascendēte. Est ergo domina ascendētis, & eam aspiciunt Iupiter & Mars domini loci, & ipsa etiam loci domina, & prāter id in diuisione vndecimae domus, atque in eius medio facta iuxta rationem motus diurni, quae est

vera non circulorum positionis, qui sunt imaginarij, & solum subserviāt directioni, & non statui Planetarum, nec sunt de natura orizontis, nam hic circulus est verus circulus, & habet vim naturalem, quia stella primum effundit radios ad terram illius regionis.

| Direct. Me. Cœ. | Direct. Solis. | Direct. Ascen. | Direct. Lun. duplic. | Direct. Sortis | Direct. Sortis |
|-----------------|----------------|----------------|----------------------|----------------|----------------|
| G.M.            | G.M.           | G.M.           | G.M.                 | G.M.           | G.M.           |
| ♄ 16.1          | ♂ 0.5          | ♂ 3.7          | ♂ 6.20               | ♂ 7.20         | ♂ Cor. 1.49    |
| ♂ 23.6          | ♂ 6.3          | ♂ 25.11        | ♂ 17.20              | ♂ 31.42        | ♂ 1.54         |
| ♂ 24.5          | ♂ Cor. 7.6     | ♂ Cor. 16.7    | ♂ 24.44              | ♂ 39.42        | ♂ 7.52         |
| ♂ 34.6          | ♂ 13.3         | ♂ 27.0         | ♂ 25.47              | ♂ 40.52        | ♂ Cor. 8.55    |
| ♂ 36.2          | ♂ 18.38        | ♂ Cor. 36.5    | ♂ Cor. 33.6          | ♂ 48.46        | ♂ 14.52        |
| ♂ 46.1          | ♂ 40.45        | ♂ 38.1         | ♂ & 8                | ♂ 20.7         | ♂ 20.7         |
| ♂ 53.8          | ♂ 41.24        | ♂ 49.4         | ♂ Prop. 64.32        | ♂ 81.50        | ♂ Prop. 40.45  |
| ♂ Cor. 54.1     | ♂ 41.45        | ♂ Prop. 52.6   | ♂ Cor. 47.37         | ♂ 92.7         | ♂ 72.2         |
| ♂ Prop. 60.4    | ♂ 51.5         | ♂ 57.10        |                      |                |                |
| ♂ 63.2          | ♂ 52.46        | ♂ 59.0         |                      |                |                |
| ♂ 65.0          | ♂ 62.56        | ♂ 73.5         |                      |                |                |
|                 | ♂ &            |                |                      |                |                |
|                 | ♂ 70.13        |                |                      |                |                |

Quo tempore Saturni quadrati radices peruenit ad Lunam in fine octauī anni, & fuerunt planetæ, vt vides afflicto vtroque luminari maximè Luna & Venere etiam cadente, quæ fuit genituræ domina, febre &


|         |         |   |
|---------|---------|---|
| ♂ 10.37 | ♂ 4.33  | ♂ |
| ♂ 4.23  | ♂ 10.44 | ♂ |
| ♂ 19.39 | ♂ 12.25 | ♂ |
| ♂ 10.18 | ♂       | ♂ |

dysenteria laboraui, mirumque fuit quod descendentiū ex materno auo Iacobo Micherio, qui fuerunt plusquam viginti, omnes alij interierunt. Antea mense primo ex mala Lunæ constitutione, & crassante peste correptus sum ab ea, mortuis cæteris fratribus atque sorore: similiter anno quarto ascite correptus, ob lactationem infœlicem, etiam præter spem euasi. Anno 21. laboraui rursus peste. Anno 25. in fine octaua die Septembris (erat autem finis anni,) lusi & amisi pecuniæ non modicum, sequenti die vulneraui patritium Venerum, cum in illius domo essem cum puero, & illi duo famuli, & ianua domus oclusa, cumque illi vellent inultionem domini reuellere sarissas non potuerunt: & ita timore apertis ianuis, me nil sperantem tale dimiserunt. Post hora secunda noctis, dum timeo publicam potestatem, & ex scapha in nauim ascendere prospero, cecidi in mare Venetiis: eram autem armatus lorica subtus, & natandi infcius, tamen arrepto transstro seruatus sum præter spem rursus à nautis: tam enim corpus Martis & Lunæ quadratum ad ascendens peruenerunt. Et planetæ hora reditus anni sic se habuerunt, locus

|         |         |   |
|---------|---------|---|
| ♂ 10.37 | ♂ 15.19 | ♂ |
| ♂ 21.9  | ♂ 24.44 | ♂ |
| ♂ 1.24  | ♂ 21.27 | ♂ |
| ♂ 14.25 | ♂ 11.40 | ♂ |
| ♂ 10.37 | ♂ 28.3  | ♂ |
| ♂ 17.19 | ♂ 12.54 | ♂ |
| ♂ 15.20 | ♂ 0.52  | ♂ |
| ♂ 6.23  | ♂ 20.43 | ♂ |

infœlix 12. ♀, & tunc Mars fuit in eius op-

posito, idem in quadrato Lunæ radices & processus. Anno 27. duplici tertiana laboraui, fuerunt autem Planetæ in eo tempore vt vides. Post vbi Saturnus ad ascendens peruenit, laboraui profluuiū vrinæ, vt ad centum vncias vsque quotidie mingerem. Sed & ex hoc conualui, fuit autem initium anno 36. sed nunquam tamen integrè restitutus sum. Anno 54. cum ascendens peruenisset ad nonam partem Cancrī, quæ se respicit cum loco Saturni ægrotavi, quotidiana febre ad 40. dies vsque cum magno discrimine vitæ. Prædixeram futurum anno 56. Perueniet ergo ad quadratum Veneris & Mercurij in annis 72. vnde directiones obseruare oportet, vt Cæsarius faciebat.



Latitud

|   |    |    |       |
|---|----|----|-------|
| ♂ | S. | D. | 2. 38 |
| ♂ | M. | A. | 0. 15 |
| ♂ | M. | A. | 0. 1  |
| ♂ | S. | D. | 1. 30 |
| ♂ | S. | D. | 2. 18 |
| ♂ | S. | A. | 0. 14 |

Ne quid etiam deesset consyderationi, subieci thema eclypsis solaris, quæ incidit in partem ascendentis mei anno ætatis meæ 38. cum iuberent Astrologi mihi timere. Nec tamen quicquam passus sum eo, nec sequentibus



tibus annis, ut dixi, quia eclypsis illa malefica non erat, nec nostræ ciuitati congruebat, nec in ascendens processus incidit, quod erat sexta pars Geminorum. Inquit enim Ptolemæus, obserua ingressus in loca processus, & Aphetarum mutationes in loca obnoxia natiuitatis.

Animaduertendum etiam, quod morbus octauæ anni fuit adeo sæuus, ut post illum relictus sit sudor perpetuus singulis noctibus vniuersi corporis, usque ad 36. annum, & tunc mutatus est in vrinæ profluuium, ideo fuit quasi naturalis, & minori cum periculo, sed etiam difficilius sanationis. Et sicut Luna octauo anno peruenit ad □ ♄ 36. ascendens ad ♄. commutata ratione, ita ex sudore nocturno transiit in profluuium vrinæ.

Ex hoc patet, quod hi qui ante nos scripserunt, nugati sunt omnes, Ptolemæo vno artis inuentore dumtaxat excepto. Neque enim illum primò intellexerunt, nec exempla tradidere, per quæ, quod ita esset dicere auderemus, ut nostra, quæ 25. antea anno edita testantur.

#### *De forma corporis & temperie.*

Luna fuit domina ascendentis, illud etiam aspiciens: Venus præterea secundo loco domina ascendentis & Loci Lunæ: Iupiter verò dominus loci Lunæ & in ascendente: Quartum locum habet Taurus ascendens signum: Quintum, sunt stellæ naturæ Martis, & Veneris in ascendente: Sextum, locus Lunæ signum Piscium: Et septimum, Mars eum locum aspiciens. Luna igitur dat corpus vegetum, moderatum, humidum secundum substantiam & aliquantulum calidum & viuendum, ac quasi florens. Aspectus Martis addit bilem aliquam, & colorem rubicundiorum, & promptitudinem, & patientiam ad labores, & iram aliquam. Iupiter & Venus concordant naturæ, sed Venus orientalis est, licet vespertina. Iupiter verò occidentalis à coniunctione, ob id facit album cum coloris commendatione non tamen magna: capillos mediocres, flatuos, temperie humidiorum. Circa magnitudinem, quod mater parua esset, pater mediocris, nec significantes in apogeis, aliquantulum ad paruitatem declinaui. Quod etiam natus sim parentibus senibus, fui minus pulcher & validus. Mater enim cum me genuit 37. pater 56. annum agebant. Et ob hoc etiam, & quia nodus erat in ascendente, fui maximè in ambulando aliquantulum incuruus collo, non humeris, etiam à pueritia ut senes. Cum verò signum esset vernale, & Iupiter ac Venus domini cum Luna plena luminibus, significantes temperaturam sanguineam, & illius superfluum quantitatem. Taurus autem facit frontem prominentem à lateribus. Et quia Mars aspiciat Solem & Lunam, & ipsa luminaria cadunt ab angulis, & sunt remota à fixis magnis, ideo significabant oculos paruos, ac quasi perpetuo conuiuentes: Et hoc etiam erat à patre, sicut quod non haberem visum validum, ut longè prospicerem, acutè tamen valde, & sine perspicillis ut pater. Sed

ille candidos, ego glaucos habeo. In cæteris adeo moderatus, ut cum multi cælare, fingere, pingerèque me summa industria conati sint, post multos labores, temporisque haud exiguum sumptum, operam luserint. Naturale vestigium præter lenticulæ vestigium in palpebra sinistra, quasi occultum nullum habeo.

#### *De corporis vitiis ac de morbis.*

Cum nulla maleficarum in angulo sit, nec luminarium aliquod, maxima illa vitia abesse significabunt, tum maximè, quia nec in sexto loco sunt. Sed cum in sexto loco Venus & Mercurius, & Sol sint, Venerem Saturnus aspiciat, Lunam Mars, & Saturnus post radios proiicit, profecto mediocria vitia decernunt & morbos plures. Primum igitur ob locum Lunæ & radios Saturni succedentes, laboravi perpetuo defluuium pituitæ insipidæ à cerebro ad ventriculum, & hoc etiam ab utroque parente hæreditarium fuit. Secundum fuit sudor ille nocturnus, qui inchoauit octauo anno cum Saturni radij quadrati Lunæ occurrerunt. Erant autem radij dextri. Inde huius loco vrinæ profluuium usque in finem vitæ. Tertium fuit scabies toti corpori communis, quæ cœpit anno 24. cum ascendens ingressum fuit radios Solis & corpus Martis subiuit, ubi etiam erant radij quadrati Lunæ. Durauit annis 27. Anno 51. liberatus sum ab ea cum ascendens ad sextiles Iouis radios peruenit in Cancro. Hoc vitium significauit Luna partim Martis radiis Sole in Libra imbutis afflicta, partim Venus in sexto loco Mercurio exusto corpore copulata. Eadem coniunctio peperit quartum & quintum vitium scilicet hemorrhoidas, hæ fluxerunt perpetuo ad annum 28. demum post non, nisi per longa interualla. Et frigiditatem qua detentus fui à 21. anno ad 31. absque spe salutis, nam Venus cum Mercurio à Saturno affligebatur in Libra in sexto loco. Solutus sum cum eadem directione ad Martis oppositum & Solis sextilem, & Lunæ quadratum peruenit. Sextum vitium fuit tremor cordis à patre hæreditarius ob Solem etiam in sexta infelicem usque ad annum 27. ætatis meæ: secreto inuento in perpetuum liber euasi cum ascendens Solis trigonos radios superauit. Accedente conflictabar, id est, postquam ad initium Geminorum ascendens peruenerat. Septimum vitium fuit podagra quam Luna in Piscibus à Marte pulsata, quadratis radiis minabatur. Eo tempore cœpit quo & Luna sextili proprio per directionem iuncta est. Distulit tamen donec ascendens ad Sagittarij signum peruenerat, & Luna ad Libram: hæc enim multis modis infausta esse superius docuimus. Cœpit igitur anno 44. ætatis meæ, qui etiam primus fuit discessus & habitationis extra patriam. Die natalitio inchoantis anni Saturnus & Iupiter coierant in 29. parte Scorpij: Luna cadebat in ♄, & Venus ac Mercurius combusti in Libra, Mars & ipse in Capricorno ad quem Luna ibat iter, & morbum secum adferens.

Cum



Cum verò cœperit eo anno quo ascendens signo Cancrī applicuit, eo solum anno cessavit, quo ascendens Iouis sextili applicuit: manifestum est igitur in posterum me nunquam eo morbo penitus liberandum cum usque in finem vitæ ascendens per Cancrum eat. Usque tamen ad 59 annum gravius laborabo, quod ascendens ad Lunæ radios tendat imbutæ maleficarum radiis. Ita contraria ratione mitius à 59 ad 61. quod ascendens sit sub finibus Iouis, à 61 ad 69. transmutabitur in ramices, aut calculum, quod & accidit iam, quoniam Mercurius ibi fines habet. De octavo vitio & causa illius, scilicet oculorum imbecillitate, dictum iam est. Notum vitium est lingua blæsa ob Saturnum retrogradum, Mercurium aspicientem licet trigono, tum maximè quod pater hoc vitio laboraret. Imminuitur malum Veneris præsentia & nixu ac diligentia summa atque arte: Nam vinculum linguæ ter aut quater etiam adultus incidi. Palam est autem hæc maiora esse morbis, ob continuitatem, quæ à Planetis in sexto loco positis & à maleficarum aspectu ad Lunam in duodecimo loco positam ac imbecillem provenit: Minora tamen vitiis ob parvitatem, cum nec lumina, nec maleficæ in angulis posita sint. Patior etiam in sinistro oculo lachrymam, quæ eo anno cœpit quo & podagra. Anno 64. April. 4. Nonas cum exiliisset è curru laesus tum in facie, sed leniter, graviter autem in humero dextro gravissimè in armulari dextræ manus, aded ut syderatus manserim. Luna venerat in initio anni ad locum Martis, per processum locum illum respiciebat, Sol cum Marte, infelices ipsa erat inter Pleiadas, ipsa hora Luna, fuit in loco progressus Martis, in anni principio mensis, septimus ascendens processus, aquarii signum Lunæ loci sagittarius. Mars in ascendente & Luna, in eius opposito in Leone, omnia peregrina infortunata, sed leuiter, neque enim ab initio in angulo fuerant, aut instabilibus signis. Erat tamen in prima statione, ascendens dici sagittarii locus, per processum oppositus Marti.

#### *De animi qualitatibus.*

Oblata erat occasio non levis commodi, atque usus his, qui hac disciplina delectantur, cum nulla exquiritur tam aut certa, aut tam diligenter observata genitura unquam fuerit. Nullius præterea animus mores, occulta facta, tam mihi exploratè esse poterant, quam mei ipsius cogitationes, cupiditates, & desideria, impetusque primi animi: Sed ut dici solet, nihil est ex quaque parte beatum: Si claustra animi non vni tantum, quod multis graue visum est, refero, non amicis solum, quod nulli penè syncerè faciunt, sed omnibus quæ cogitavi quæ occulta esse omni industria volui, si laudare meipsum aggredior, si vituperare, quam parum à præclara infamia, stultitiæque abero. Si tacuero quid utilitatis afferam studiosis disciplinæ: Vincat igitur veritatis amor & publica utilitas, nec tam turpe mihi sit meipsum laudasse, aut vituperasse, quam decorum ob veritatis & sa-

pienitiæ studium me liuidorum calumniis, & vulgi infanientis vocibus exposuisse. Nec tam turpe est semetipsum laudare, quàm iucundum, quod iuste id facere possim: videant igitur an falso me laudauerim. Quod si vitia fatear, quid mirantur, nonne homo sum? Et quàm humanius est agnouisse, quàm dissimulasse. Dissimulata teguntur, agnita fateamur & fugimus. Vincat igitur veritatis amor dulcissimus: Et illius cognitio suauissima omnem infamiae timorem, & calumniæ suspicionem. Et quamuis mores nostri sint (alia nō nobis propria) ut nec laudare citra iactantiā, nec vituperare citra amentiam posse videamur, nos hic non de moribus philosophia & educatione acquisitis sermonē habemus, verum naturalibus ac talibus quorum non puduerit Socratem dici stupidum, imperitum & intemperantem esse. Alia enim est naturalis affectio, alia studiorum & disciplinæ, qua mores vniuscuiusque instituuntur. Ne verò procœmium tractatione maius sit, ad rem venio. Venus est loci Lunæ ac Mercurij domina & Mercurio multum, Saturno mediocriter, commixta. Facit igitur ad manuum opificia aptum, animo philosophico & scientiis accommodato, ingeniosum, elegantem, bene moratum, voluptuarium, lætum, piū, fidum sapientiæ amatorem, meditabundum, varia machinantem, mente præstanti, ad discendum prouum, ad officia promptum præstanda, æmulatorem optimorum, inuentorem rerum novarum, & absque magistri opera proficientem, moribus moderatis, curiosum rerum medicarum, studiosum miraculorum, architectum, captiosum, dolosum, amarulentum, arcanorum gnarum, sobrium, industriusum, laboriosum, diligentem, solertem in diem viuentem nugacem, religionis contemptorem, iniuriæ illatæ memorem, inuidum, tristem, insidiatorem, proditorem, magum, incantatorem, frequentibus calamitatibus obnoxium, suorum oforem, turpi libidini deditum, solitarium, inamœnum, austerum, spontè etiam diuinantem, Zelotypum, lasciuum, obscœnum, maledicum, obsequiosum, senum conuersatione se delectantem, varium, ancipitem, impurum & dolis mulierum obnoxium, calumniatorem, & omnino incognitum propter naturæ & morum repugnantiam etiam his, cum quibus assidue versor. Cum verò luminaria absint, abest illud etiam Græcè dictum τοῦ ἀπέναντι. Luna quoque luminibus aucta, nobiliorem, solidiorem, & illustriorem animum decernit, atque ob id cuncta mitigat: Et quoniam nulla stella supra Venerem eleuatur.

Quod ad vires autem ingenij attinet, rursus Venus Saturno commiscetur, atque Mercurio: Saturnus in Mercurij & propriis dignitatibus est, vnde Venereorum assiduam cogitationem præstat, ut nunquam quiescam. Dat & constantiam in agendis. Iupiter in ascendente proficit non parum, tolerantiam addens, vnde illa magna moles scriptorum emerfit. Cum verò sint tantum tres dispositores animi qualitatū, singuli & in propriis & communibus sunt dignitatibus, quod non  
leue



leue est. Cum verò decident omnes angulis, sero omnia hæc apparitura nuntiat, & minora quam sint, cuius contrarium est in aliis. Fructus quoque horum studiorum exiguos dant, dederunt, dabuntque pro tantorum laborum magnitudine. Vnum adiciam quod etiam ex astris mihi datum est, ut scilicet gratus sim his, qui mihi benefecerunt. Ad eò verò veritatis amator, ut à decimoquarto anno supra mendacium medixisse non meminerim: Saturni præterea retrocessus facit perpetuo cogitandum, mansuetum, fallacem, dissimulatorem, sed vitia philosophia correxit, cogitationem studia auxerunt: pertinacem quoque ac misericordem, cum Martis & Solis vis omnis absit: Deiectum maximè, quod pari ratione Soli & Ioui nulla in hoc sit autoritas. Cupiditatem etiam, & iniicit hæc constitutio omnium occultarum artium, quas aut percepi, aut ut falsas neglexi, velut chymiam & necromantiam, & veneficam simili ratione, cum omnes Planetæ animosi adsint, Iupiter, Mars, Sol, fui timidus & suspicione plenus, rerum exigui momenti, viliumque sectator mimus. Nihil enim grande hi Planetæ significant, præsertim sic constituti. Vilem præterea & abiectum occidentales significatores timidum, suspiciosum & vilibus. ac fœdis se delectantem efficiunt, sedulus & diligens, ob id supra omnes mortales, nam & hæc qualitates remissioris animi partes sunt. Venus etiam potens facit delectari gemmis, lapidibusque præciosis, sculptis & picturis, & Musica, ut dixi supra modum. Eadem iuncta Mercurio, maximam in filios dilectionem præstat, ut in secundo libro docuimus, Mars verò in quadrato, Lunæ in quibusdam rebus facit inconsultum & iracundum, & inopinatè res tractantem atque in his causis, vnde quaque infœlix seu & cum iactura existimationis & rei. Emuli enim hoc vitium agnoscetes, aliquando me captarunt, alioquin videtur tempus decipiuntque potui. Facit & hoc aleæ studiosum. Cum verò Mercurius in lacteo circulo positus sit, & cum stellula, ex natura propria & Veneris, in signo humano & retrogradus ingenium optimum & profundissimum, tardum, tamen turbicum. Præstant etiam conuersationem gratam. Radij quoque trigoni Saturni, cum stellis illius tribus positi, retrogradique memoriam exiguam, admodum & fallacem, minimeque promptam, sed longam & stabilem, rerum quidem verborum propè nullam decernunt: atque hæc sunt, quæ exuperant cætera studiis, & nixu & Philosophia iminuta, ac quasi abolita euannere. In vniuersum cum omnes Planetæ ob commistionem moribus nostris imperent, eo fit, ut quanto diutius tractes, eò minus qualis sim agnoscam.

#### *De vitiis ac morbis animi.*

Vitia nulla animi fuerunt, nisi immoderata cupiditas sciendi, quæ à dominis qualitatum animæ proficiscitur. Eratque paternum vitium, ut pecunias & honores scientiæ causa semper contempserim. Et veritatis studio,

commodorum proprium sæpe oblitus sim, cogitatio quoque assidua Venereorum perpetuo me torfit, & quod factò implere non licuit, aut fecisse potentem puduit, cogitatione assidua mentitus sum voluptatem, Musicam quoque dilexi nimis. Et ut vno verbo omnia complectar, immodicus in omnibus rebus fui, quas dilexi, odi in iustitiam, supra omnia & à crudelitate, fui semper alienus, quamuis Saturni vis obstaret. Causa autem libidinosæ cognitionis est Venus, Saturno ac Mercurio complicata, & Mars utriusque luminari. Quod verò circa actiones naturales essem, absque reprehensione indicat luminarium constitutio secundum naturam, alterius scilicet in signo masculino, alterius in fœminino.

#### *De diuitiis*

Inspexi sortem & ipsa fuit impedita in sexto loco, sub radiis Solis, & id eò accepi secundam domum, & eius fuit dominus Mercurius solus, id eò significauit omnem causam lucri pendere ex scientia & industria, & quia latebat, & erat retrogradus, significauit mendicitatem ex se. Sed quia reddebat vim Veneris inualidæ, quæ est in domo & finibus suis, significauit magna lucra: & eam inuabat Saturnus ex trigono carpenti dominus quia Mercurius, qui est principalis, est infelix, id eò cum maximis lucris & occasionibus, incredibilibus, semper ego pauper, & si capiamus dominos sortis, ad idem res redit: sed tunc principalis esset Saturnus, non Mercurius quod minus conuenit. Causa autem lucri anni, si fuit quod Iupiter, Venus & Mercurius, peruenierunt ad proprium sectilem, & Iupiter erat in carpento suo, ut apparet, dum itinera inferius expono. Et cum Mercurius & Venus peruenierunt ad tertiam partem, & ubi erant radij trigoni Iouis adeptus sum munus profitendi Bononiæ,

|   |   |     |     |
|---|---|-----|-----|
| ✳ | ♄ | 10. | 39. |
| ☉ | ♅ | 29. | 16. |
| ♃ | ♄ | 18. | 36. |
| ♅ | ♄ | 4.  | 42. |
| ♂ | ♄ | 2.  | 1.  |
| ♂ | ♄ | 14. | 42. |
| ♂ | ♄ | 25. | 28. |

bis in eodem anno muneri præpositus, & ideo annus ille fuit insignis, & fuit 62. & fuerunt loca, ut vides ascens. ex processu II 7. ubi animaduertendum quod Iupiter fuit in opposito loci, & in Sextili suo temporis natiuitatis. In septima annis, Venus & Mercurius, ab hoc perueniunt ad quadratum Solis & Lunæ sextilem, Ideo contingit mutatio, & est locus in finibus Iouis. In fine anni 64. die 23. Augusti, accepi donum ab Illustriss. Cardinali Morono, ob valitudinem recuperatam. Nam in principio anni Venus & Mercurius, redierunt ad loca sua. Et per directionem ferantur, inter radios fœlices & ea die Venus fuit iuncta Ioui in 18. parte Virginis, & prope fortunam donorum, Sol & Mercurius, & omnia ad ynguem cum arte concordia



concordauerint. Generaliter autem Mars, in natuitate secundo loco positus, omnia disperdit, per aleam in iuuentute, & per malos famulos in senectute. Et scias quod cum principalis dominus, alicuius rei defert vim, alteri quantumvis beneficè, nullum promissum est ratum, nisi cum ambo, qui præfecti sunt negotio fuerint concordēs, & ob id rariores sunt euentus boni, velut in genesi, nostra Venus & Mercurius ambo sunt necessarij ad diuitias præstandas.

## *De honore, dignitatibus, & gratia principum.*

Hucusque non solum vera, sed & omnibus. consentanea diximus. Quæ verò nunc subiiciuntur, licet vera sint, ita tamen aliena à decretis astrorum esse videntur, ut multi negarint genituram, quam exposui, meam esse. Inter quos est Hieronymus Cutica, vir non ineruditus in arte: constat enim meam genesim esse sexti gradus: at meus non adeò humilis est. Videamus ergo, si quid ultra sextum statum, cuius est genitura sim consequutus, certè non: nam, ut dixi, aliàs neque inter collegas, gradum aliquam, quod tamen mirum est, sed non mirum si quis genesim consideret obtinui, solus trigonus Martis domini cœli medij, cum sole aliquam inanem magistraturam, circa artem pollicebatur, que certè obtinui. Anno igitur 24. cum cœli medium ad Solis trigonum peruenisset, electus sunt Rector Gymnasij Patauini. Tunc cœli medium ad 19. Sagittarij partem peruenerat, itaque tribunal etiā illi magistratuierexi, cumque sequenti anno cœli medium ad Martis trigonum peruenisset, doctor factus sum Patauij in Medicina, reluctante collegio. Omnes enim loci principales ad radicem peruenierant, & Luna infelix in cœli medio erat, in quadrato Mercurij & Veneris, qui per ingressum ad locum radicis, fermè peruenierant.

Contingit ut eodem tempore fermè solet fors, id est, anno 43. ad proprium sextilem peruenirent, & tunc propè Luna quoque ad proprium sextilem peruenit, & cœli medium ad Iouis quasi sextilem, significarunt igitur dignitatem ex arte cum lucro extra patriam. Dignitatem ob Solem ex arte ob cœli medium cum lucro ob sortem extra patriam, Ob Lunam anno igitur 43. post reditum à Senis ac Florentia, Medicinam publicè cœpi profiteri honesto stipendio, tam verò inopinato, ut quandoque cogitarem mecum, an dormire: sine amicis non quærens omnia, præter medicinam scire, creditus, cum tot æmulis nunquam aliàs vel Dialecticam, aut Philosophiam professus. Eo anno, ut par erat omnes aphetæ, ad contraria loca peruenierunt, non tamen eò delata est electio, sed solum effectus, ut attendendus sit 42. annus etiam. Anno igitur 42. locus Solis peruenit ad locum Lunæ & Luna per ingressum ad oppositum Solis & Sextilem Martis, cœli medium ad locum Saturni, & trigonum Veneris & Mercurij, & Iupiter corpore quod optimum fuit, in hac causa Soli iunctus erat.

*Tom. V.*

Annus 43. non ita fauebat, quoniam omnia absurda erant. Atque ita etiam res omnino infelicitè cessit, extra Academiam sine auditore inexpertus. Vicerunt tamen astra, quoniam ut vidisti applicabant, non defluebant aphetæ. Perseueraui igitur ad annum usque. 50. scilicet perfectum. Nec statim extra patriam profectus, sed sequenti anno id est. 44.

Cæterum amicitiam arctam cum nullo principe, nisi sacerdote iam decem atque amplius annis prædixeram, in libro cui titulus est supplementum Ephemeridam. Hic autem cum, ut dixi, iam ab hinc annis decem additus sit ea verba habet. Cæterum nulli principi gratus esse potero, nisi qui ecclesiasticam habuerit dignitatem, & in prædictione anni 1548. cuius supra memini eidem sententiæ inhærens, sed quia Sol est infelix, ero quasi in contemptu Principum, ad illorum tamen perueniam notitiam, non tanquam aulicus, sed aliorum medio. Item cum sacerdotio insignibus copulabor aliquando, dico primas partes tenentibus: quod quamvis fermè ad hanc diem consequi potuerim, hora tamen ut dici solet nondum venerat. Causam huius liquet esse Solis infelicitatem, & Iouis in angulo potentiam: nam Iupiter propriè antistes significat. Id verò licet etiam videre in secunda genesi præsentem collata: at de hoc ubi de amicis tractabo, diffusius loquar.

Vultur volans in cœli medio, procyon in imo, & luminosior lancis in occidente, & clara fusionis aquæ cum Ioue ad ascendens, aliquid faciunt ad nominis celebritatem. Sed cum ex arte & industria hæc sint, exactam potius sequuntur erraticarum configurationem, quam genius sequitur: genius nunquam deserit nominis celebritas, sed hæc viderint alij.

In vniuersum senectus erit illustris, sed ærumnosa propter inerrantem splendidam, in occidente naturæ ♂ & ♀.

Quid verò Luna significet mihi in loco Saturni volui videre, & inveni quod in 37. reuolutione, Planetæ erant ut vides. Eo anno

|         |   |         |
|---------|---|---------|
| Sol.    | ♌ | 16. 37. |
| Luna    | ♊ | 20. 42. |
| Saturn. | ♄ | 14. 53. |
| Iupiter | ♃ | 20. 27. |
| Mars    | ♂ | 1. 17.  |
| Mercur. | ♂ | 5. 14.  |
| Caput   | ♊ | 5. 19.  |

passus sum nouem diebus tremorem cordis usque ad mortis timorem, cum iam pluribus annis cessasset. Sumpto medicamento ex gemmis vomui venenum, genitum in corpore. Erat enim bilis æruginosa. Non nocuit amplius, quia directio nulla obstabat, nisi quod ascendens erat sub Saturno: at hoc, ut dixi peperit fluxum vrinæ. Et processus redierat ad radicem & Lunam quod plus est Venus, ex Sextili aspiciebat. Eo etiam anno quoniam Venus domina loci Solis erat in quadrato Iouis, mutuoque se recipiebant, & Mars in Sextili Solis ab eo re-

Y y ceptus



ceptus. Et Venus iuxta cor Leonis in Sexili Lunæ, & ipsa, vt dixi, domina loci Solis, idè congressus sum cum Pontifice prima Maij. 1538. Et miraberis quoniam Sol fuit, ea hora in parte & minuto Iouis in initio anni, id est, in par. 10. minut. 27. Tauri & Mars in parte eadem loci Veneris, id est, in 25. parte Leonis & Luna in pars. 28. min. 20. II vbi erat in initio anni, & caput in 23. 44. id est, in loco Iouis. Et hoc tamen demonstratur imbecillitas ingressuum, quia cum nec directio, nec processus facerent ex magna spe, in inanem omnino euentum res transiit.

Ex his etiam patet, quod honores non ita facile mutantur, vt diuitiæ, valetudo, amici, & reliqua: quia in singulis annis Sol ad proprium locum cadit, idè parum mutat conditionem, quam ab initio radice sortitus est.

Præterea vides, quod nisi concurrant multæ directiones processus & ingressus, aut genitura valida sit, nil insigne subsequi solet. Ex omnibus enim ad honores pertinentibus, nihil fuit magni, præter possessionem publicam. Videbis & aliud in capite de opificio & tertium in capite de itineribus, & in omnibus his est mira concordia directionum, processuum, & ingressuum, & in nullis aliis, vt nemo nisi amens possit iam de his dubitare.

Ex his etiam liquet quod Ptolomæus per illa verba, (propter humanæ naturæ imbecillitatem.) intelligit etiam aliud, quam significare videbatur, scilicet quod natiuitas imbecillis quandoque, licet raro, vt ibi testatur & inferius, clarius concursu multorum in idem tempus, præsertim idem significantium post valida reddi, & magnos sortiri effectus. Et per contrarium valida genesis dispersis per diuersa tempora directionibus, processibus, & ingressibus ultra quam credi debeat, debilitari. Desinant igitur mirari nostram genituram, quæ multos præstare potest honores, tamen perpetuum decerni non potest. Superest modò solum, vt doceam, qualiter suas quocunque tempore etiam inter medio quo loci principales, quos quinque esse docuimus per directionem applicent. Exemplo sumpto à Luna, cuius locum volo scire, pro annis quatuor descriptis.

#### De opificio.

Mirum videtur de honore, sed maius miraculum est de opificio: nulla est stelli in cœli Medio, nulla in pmo orientis statu, & tamen assidue exercui artem. Sed verò Mars est dominus opificij, quoniam licet non sit in cœli Medio, nec in primo orientis statu, est tamen dominus, cœli Medij & primus ex superioribus, ac inferioribus quod antecedit Solem. Et loco est in trigono Solis, & applicat Sol illi, non defuit, vnde est intra terminos, est in domo, trigonoque Mercurij in finibus Iouis, ab eo etiam statim Luna defuit. Significauit igitur artem & nobilem, ob fines & luminarium testi-

monium, & præsertim quod pater fuit Iurifconsultus. Nihilò secius, quia non aderant conditiones à Ptolomæo scriptæ, plus quam decies fuit interruptum exercitium, & intermissum legendo, peregrinando, litigando, ludendo, scribendo, ac etiam ex inuidia medicorum maledicentium. Accusarunt me infantiæ, ignorantia, instabilitatis, improbitatis, flagitiosæ vitæ adeò multipliciter, vt multitudine accusationum potius lenarer, quam opprimerer. Quis enim mortalium vnquam tam malus esse potuit, præsertim cum nihil mali facerem, nisi quod odissem illos vt improbos. Vt ad rem reuertar, modo negotia, modo otium, modò impotentia interpellarunt ne non solita ægorum frequentia, vt alij, exerceam artem: in posterum atas ipsa interpellabit. Anno 19 cum in gymnasium me contuli fata quippiam magni ex astrorum constitutione polliceri videbantur: Sic enim

|         |   |    |    |
|---------|---|----|----|
| Sol     | ♌ | 10 | 37 |
| Luna    | ♌ | 24 | 2  |
| Iup.    | ♌ | 26 | 27 |
| Mercur. | ♌ | 28 | 7  |
| Mars    | ♌ | 28 | 45 |
| Cauda   | ♍ | 23 | 33 |
| Venus   | ♍ | 25 | 36 |
| Saturn. | ♄ | 15 | 11 |

erant Planetæ in initio reditus. Omnes igitur præter Venerem fuerunt iuxta locum Eudemonis, qui mihi est ♌ pars 24 cum ibi sit Venus & Mercurius cum trigono Saturni absque malefici impedimento vilo, Processus erat ad opposita loca qui mutationem fortunæ declarabat. Eo anno exiui à patria, & cœpi libertatem experiri. Singulis reditibus ad opposita loca magna mutatio mihi in statu vitæ contingit. 7. anno cœpi patri inferuire, totus ille decursus fuit ærumnosus, mutauimus domum etiam habitationis. 19. vt dixi, in gymnasium me contuli, bona fuit mutatio. 31. anno uxorem duxi, altera seruitus præsertim studioso. 43. cœpi, vt dixi, profiteri medicinam: utilis seruitus, incunda mihi & honorifica: Nunc 58. annus me expectat.

|         |   |    |    |
|---------|---|----|----|
| Sol     | ♌ | 10 | 37 |
| Luna    | ♍ | 7  | 14 |
| Satur.  | ♄ | 9  | 21 |
| Iupiter | ♃ | 22 | 22 |
| Mars    | ♌ | 23 | 22 |
| Venus   | ♍ | 1  | 40 |
| Mercur. | ♌ | 20 | 56 |

Pòst anno. 34. cum cœli Medium ad Saturnitrium peruenisset, redij in patriam, habui munus profitendi mathematicas, concordiam cum collegio: erant autem ingressus qui maximè fauebant vt vides. Sed quia Mars cadit in Libra, & Iupiter in Capricorno, & maleficarum dona præsertim Saturni, sunt specie non re, idè illa bona mihi omnia fuere exitio & calamitati fermè. Processus non iuuabant nisi per ingressum, nam cœli Medium erat in 19. parte Libræ, & ibi fuit Mars & Mercurius, & Iupiter fuit in quadrato



quadrato eorum, & in cœli Medio radices, sed hoc leue est.

Audi nunc rem miram anno 37. cœli Medium peruenit ad trigonum Veneris & Mercurij in 24. parte Aquarij, & non potuit aliquid facere, quia processus non auxiliabatur, sed solum præparauit media ad consequendum collegium, à cuius ingressu iam detinebar octo & amplius annis pluribus sentententiis seu decretis collegij iam in iudicatum elapsis. Senatu causam perpetuò ad illos remittente: Et quod maius est, conuentione per me facta cum collegio, qua iuribus meis illi cesseram renuntiaueramque. Igitur hoc anno primum mortuus est is qui aduersum me pessimè egerat, in gratiam principis Istonij perueni: amicitiam cum Sfondrato, cuius genesim supra vidisti, contraxi: Lucas Cruceius vir iustus spontè, & fratris Francisci Crucei suafu etiam iustior, in locum demortui hostis subrogatus est: Eo tamen anno, vt dixi, ob processus nihil peragi potuit. Sequenti anno qui fuit 38. cœli medium ad 19. Aquarij partem peruenit, quo etiam per directionem, & vbi radij Veneris & Mercurij trigoni, sed obstabant trigoni radij Saturni qui ante erant, hi conuentionem factam significabant. Obstabant etiam radij quadrati Martis. Porro Planetæ in initio anni se habebant, vt

|           |   |    |    |
|-----------|---|----|----|
| Sol       | ♌ | 10 | 37 |
| Luna      | ♌ | 26 | 57 |
| Saturnus  | ♄ | 26 | 1  |
| Iupiter   | ♃ | 25 | 55 |
| Mars      | ♂ | 22 | 5  |
| Venus     | ♀ | 13 | 18 |
| Mercurius | ♿ | 19 | 13 |
| Cauda     | ♄ | 15 | 58 |

vides. Luna & Iupiter locum processus cœli Medij, & Mercurius, & inter se trigono radio respiciebant. Absfuit Saturnus omnino. Vides igitur veram concordiam euentuum cum dictis Ptolemæi. Quia verò res ardua erat, & difficillima, dilata est ad vltimum mensem anni, cum processus mensurus peruenit rursus ad Aquarij signum, & in eo comprehendebatur, vt & in annuo locus Lunæ & sextilis Iouis. Neque hoc sufficit, sed etiam dies fuit in quo processus ad 19. Aquarij partem peruenerat. Eo die, qui fuit 28. Augusti 1539. Luna fuit in loco radices, & loco etiam processus, nam omnes tres processus anni, mensis & diei incipiunt à 19. parte Aquarij, & extenduntur ad 19. Piscium, & fuit eadem die oppositio luminarium. Et hoc mirabile quod omnia quæ mihi contigerunt magna, electio in rectorem 2. Augusti 1525. coniugium, doctoratus, ingressus in collegium, multaque alia semper contigerunt mihi in ipsa positione Lunæ. Et hoc causam certam habet apud me occultam & difficilem. Nec credas quod ego de his cogitarem, imò ignorabam hoc penitus. Quinetiam ille mihi perfidus hostis, cum aliquid sciret ex arte, in prima societate collegij, quæ contigit anno 1535. dixit elegi huius societatis tempus

dum Luna est in Aquario signo fixo, vt tibi faueam, ne hoc pactum vnquam disrumpi possit. Ita aiebat vir dolorum: sed occulta sunt iudicia diuina: cum enim quod simulabat de societate in fauorem, esset è directo contrarium, quia per illud pactum priuabar debito mihi collegio, elegit locum mihi propitium ad habendum collegium, nesciens quod pars vltima Aquarij erat mihi maximè propitia. Et ob hoc soleo dicere, quod electiones propter duas causas feruè plus nocent, quam iuuent.

Hac igitur cum genesi cum fidem & integritatem omnes, cum quibus morabar admirarentur, pudorem maledicendi æmulis iniecti. Quod ad insaniam attinet, si ego insano, aut insaniui vnquam, vos qui me accusatis, vestram ostendite sapientiam. Ego infirmus natus corpore, pauper, temporibus quibus perpetuo bella viguere, nullo affinium fretus auxilio, aduersante collegio, nullis insidiis succubui, nulli violentiæ, omnes gradus, quos medicus habere potest aut habui, aut oblatos recusavi, meos erexi, inculpatus vixi. In omni certamine victor, iudicio omnium. Adeò fauente cœlo, vt multi apertè fassi sint cum decertarent, se omnium oblitos esse. Nulli Principi blanditus non solum fui, sed & egregiè aduersatus. Multorum libris passim infertus, incolumi valetudine, & satis longa vita, si 56. annum licuerit excedere, inuentione multarum nouarum & magnarum rerum felicissimus: exercitatione artis & successibus, vt eadem gloria primo mihi comparauerit inuidiam, inde extinxerit. In vniuersum, Saturnus cum stellis nobilibus est causa magnitudinis nominis in arte: Quia dans formam dat quæ sequuntur ad eam. Vt dans excellentiam artis, dat etiam formam ex illa. Adiuuerunt decreta honoris, diuitiarum, authoritatis in opificio, geneses filiorum faustæ, vt alias ostendimus, & infusus ostensuri.

#### De coniugio.

Luna fuit occidentalis quo ad Solem, orientalis quo ad angulos, idè significauit coniugium in media ætate. Non opus est directione in hac causa iuxta Ptolemæi sententiam, sed cum loca principalia in ætate media peruenierunt ad suum oppositum. Id contigit anno ætatis 31. Eo anno Luna venit propè locum radices in opposito Veneris. Venus fuit in loco processus Lunæ at Venus domina ascendens. Eo etiam anno Mars fuit in opposito Iouis & in fine Arietis, & Saturnus iuxta locum radices in fine Geminorum in sextili Martis & trino Iouis. Mars autem retrogradus, & dominus ascendens processus. Exactus erat circuitus Saturni, qui solet impedire coniugium. Et hoc nota: nam qui ante 30. annum nubunt, magnam habent significationem, coniugij, & plerunque sapius nubunt, de viris dico: in fœminis quæcunque ante 15. annum: is est terminus dimidij circuitus. Et hæc vt plurimum nubunt, plus quàm semel. Ita ego collegium ingressus sum exactis ad vnguem



15. annis à morte patris, nam ex bisexto suppletur dies qui deficit, & supersunt duo dies alij. Patris autem genius hac in causa obstabat mihi. Et hoc est quod dixit Aristoteles, vitam & reliqua animantium certis syderum circuitibus constare. Verum ut ad rem reuertar, eo anno Mars septimi loci dominus peruenit ad Lunæ radios trigonos. Mars igitur significat personam meam in causa coniugij, quia septimi loci dominus, & Luna vxoris. Tam parum autem absuit ab hoc congressu, ut ne vnus dies: sed hæc præter Ptolemæi sententiam. Ad illius placita reuertor, Luna fuit in bicorporeo signo, & Ioui atque Marti configurata, idè debuit significare duas vxores. Et certè significasset, nisi quod Luna pergit ad Saturnum, & Saturnus commiscetur nimis Veneri quæ est domina ascendentis: idè prohibet secundam, non tamen potuit prohibere primam, de secunda etiam parum absuit. Eodem igitur modo quo 7. annus 19.31.43.55. plerunque significant vitæ mutationem, eodem modo 8.20.32.44.56.68. perniciem & exitium si maleficæ sint in secundo, vel octauo loco, aut quinto, vel vndecimo, nam ascendens ad octauæ signum perpetuo his annis per processum deuoluitur. Vbi minus affligat, significat morbos, itinera & corporis incommoda: In quibus nihil aduenit, in his beneficæ ibi sunt constitutæ, aut illarum radij trigoni ad hunc octauum locum perueniunt, aut anni directio ascendentis & Lunæ omnino felix est, & à noxa aliena. Hanc reor fuisse causam quod vidi quatuor iuuenes omnes patribus vnico ex legitimis anno 20. mortuos fuisse. Et certè is annus magno periculo generaliter non vacat. 56. autem longè maiore quo Scipio & Virgilius, & multi clarissimi viri obiire. Nam eo anno redit ascendens & Luna ad 8. signum, cui non configurantur: & idè est proportio eius ad ægrotantes, quasi sicut octimestris ad parientes: nisi quod tota malitia octani mensis dispergitur in plures annos 8.20.32. & reliquos, vnde vis tantò minor euadit. Ætas verò tunc est iam effæta, & hic annus est vltimus custodiæ Martis: vnde non secus effundit Mars iram suam eo anno, quam improbi milites, cum coguntur relinquere hospitium illis assignatum: Ob id cum contingat numerum illum per septem posse diuidi, frustra crediderunt annos, quos vocant climatericos à numero climatum, quæ sunt septem, id est, qui possunt per septem diuidi, ut 7.14.21. & tales esse exitiales. Hoc enim est alienum à mente Ptolemæi, & à ratione. Et ratio demonstrans hoc, est quia idem sub eadem forma non potest habere, nisi vnā & eandem administrationem: Sed planetæ simpliciter habent diuisionem illam ætatum à Ptolemæo, positam igitur simpliciter nullam aliam habere possunt. Secunda quam habent vocatur possessio radiorum, vel corporis. Tertia dominij vel locorum distributio. Quarta possessio radiorum vel corporis noua seu superueniens. Et similitudinem horum euentuum singulis 12. annis, ut dixi, con-

firmat Iupiter rediens ad idem signum. Et sicut homo per reditum Solis singulo anno æstatis calorem, hyemis frigus, Martij ventos, Maij incunditatem, quæ sunt manifesta, quoniam Sol & ipse manifestus est mundo, ita singulis duodecim annis homo per reditum Iouis ad eundem locum paulò serius, aut citius in diebus experitur quid occulti simile, velut reditus Iouis occultior est reditu Solis.

Reuertendo igitur ad propositum, cum Luna esset Marti configurata, significauit vxorem animosam, peruiacem, & indomitam. Et quia erat in dignitatibus beneficarum, mitem & ingeniosam, & mediocriter pulchram. Cum verò esset in Piscibus, & in aspectu Planetarum masculorum, fecundam masculorum. Abortiuit igitur tres masculos, duos perfectè partu, & vnā puellam edidit. Tempus igitur est, ut de his loquar: nam de consensu inter nos loqui non possum, cum illius genituram non habeam. Vixit autem mecum 15. annis, & in tanto tempore Mars dominus septimi loci peruenit à radiis trigonis Lunæ, qui ut dixi, significabant diem ipsam coniugij scilicet annos 30. menses 6. dies 24. ad radios quadratos Veneris & Mercurij. Sed hoc non dixit Ptolemæus.

#### *De filiis.*


Iupiter, Venus & Luna sunt largitores communes, sed Luna non respicit decimum locum, nec vndecimum: Ob id cum etiam cadat ab angulo, nullos dabit filios. Iupiter proicit radios in decimam iuxta finem, in quartam Aquarij partem vbi sunt propè radij trigoni Solis & Martis, & etiam quia quadrata radiatione ex æquinoctiali respicit apicem decimæ domus, quia est in signis brevium ascensionum, idè significat primum filium natu masculum, nam omnes Planetæ & signa sunt masculina, & cum natus est, fuit Iupiter in initio Aquarij, vbi erant radij quadrati eius in ea mea genesi in decimo loco. Sicut etiam mihi Iupiter & ascendens fuerunt iuxta locum, vbi erant radij quadrati Iouis in 11. initio in natiuitate patris. Vide quàm bellè congruit. Et sicut mihi Iupiter cum illo gradu, qui fuit nodus Tauri, fuit in ascendente, ita in filio meo Iupiter, fuit ascendentis dominus. Secundum filium largitur Iupiter radio sexili in Piscibus sub Luna, & idè quia Iupiter erat in signo fœminino, & radij eius in signo fœminino & sub Luna, idè secundus filius fuit fœmina. Et idè Luna fuit in quarto gradu Piscium, vbi cadunt radij sextiles Iouis. Sed quia vel sic debilis erat constitutio loci filiæ, cum esset in fine vndecimæ domus, idè adiuit eam trigonus Veneris in fine 11. domus, & cecidit in Aquario, & ibi fuit Iupiter propè 29. parte Aquarij in natiuitate filiæ. Et quia in natiuitate filij significator fuit in decimo loco & ibi radij Solis & Martis significarunt robustum & morbosum, & ita in infantia fuit in maximo mortis discrimine. Sed puella cum habeat




beat significatorem in fine vndecimæ, sed in signo prolifico & auxilio Lunæ præfente sine maleficis, ideò significabatur, quod esset imbecillis & incolumis in infantia. Et ita fuit erat enim adeò exilis vt super futuram non speraremus, adeò sana, vt nunquam peritura videretur. Veneris verò radij trigoni cadebant in 24. partem Aquarij, quadrati verò in 24. Capricorni: hi in cœli Medio, illi in 11. loco. Qui in 11. locum ceciderunt erant debiles, & Venus debilis, fuerunt auxilio filiar. Qui vero ceciderunt, in Medio cœli cum Venus esset orientalis extra Solis radios significarunt filium. Et licet Venus esset fœminina, & signum in quod dirigebantur radij fœmininum, quia tamen ipsa erat in signo masculino, & commixta Mercurio, et Saturno valde significauit masculum. Sed cum Venus esset multum debilis in sexto loco, indiguit auxilio Iouis, tum præcipuè quod radij Iouis in Piscibus decernebant duos filios ob signum quod est duorum corporum: Et ita natus est filius & masculus. Sed quia, vt dixi, Venus erat imbecillis & radij Iouis sextiles imbecilles loco, ideò natus est imbecillis & morbosus. Superuixit tamen, quia pars 24. Capricorni est immunis à radiis maleficarum. Nisi quod ibi imperat Mars. Ex hoc patet quod omnes filij mei sunt à Ioue, primus ex loco quadrato, & est ibi in natiuitate eius. Secundus ex sextili in quarta parte Piscium, & est ibi Luna in eius natiuitate. Itē quia quarta pars Tauri, in qua etiā inuenitur sunt ex his quæ imperant & obediunt. Tertius ex radiis rursus sextilibus, quia est bicorporeum signum, & in secundo, & in tertio, quia radij sextiles sunt debiles, & etiam quia cadunt in locum debilem, ideò auxiliatur Venus cum Mercurio & Luna, sed fœminæ magis Luna, masculo autem magis Venus. Fuit ergo primus hic ab infantia oppressus multis morbis, & sæpius relictus pro mortuo, quia luminaria erant destituta omni præsidio, & Lunæ succedebat Mercurius inde infortunat: sola Venus tuebat ascendens, remansit surdus ex aure dextra. Erat paruus potius, quàm magnus, inclinato corpore aliquantulum: oculis albis, paruis, semper mobilibus: facie candida, rubra, digitum secundum à paruo pedis cum medio iunctum habuit, cùm Sol peruenit ad Mercurium lauream in medicina suscepit. Erat bonus musicus cum cœli medium peruenit ad Iouis quadratum, Ioue Solem respiciente omnibus parum benè fortunatis anno vigesimoquarto, in collegium optatus est. In ipsa coopratione vxorem duxit me inscio parum pudicam, & sine vlla dote. Inde paterna domo extrusus, vt poteram illi suppetias ferebam, sed nihil habens & alæ admodum deditus ob Iouem in opposito Martis & Mercurij nimiam potentiam qui in finibus Martis erat, & ipsa sors mala, sors cum Saturnus & Mars ambo infelices in eo dominarentur, & quia in opposito erant secundæ domus, et nec præsidium ex ea speraretur, & Mars supra Iouem cum Saturno elenatus ad extremam miseriam illum adigebant: vnquam futurus erat diues, etiam si superuixisset vt constat: tamen ex arte lucrabat, & pro conditione splendide vestiebatur.

Tom. V.

Ex vxore filiam, filiolumque sustulit, puerulus vix euasit, cuius genescim subscripsimus, puella mortua est in infantia prima. Sed non eandem fortunam mihi pollicebatur, namque Saturno in ascendente posito Sol cum



aldebaram fuit in trino Iouis, fuit autem figura qualis hic post suam depicta est. Vnde cum Sol si in trino Iouis, & cum Venere significat longam vitam, & ita iam excessi 33. annum ab illius natiuitate, & pro conditione felix, sed tamen post viginti annos ægrotaturum alioquin non est anarata vsque ad Saturni corpus. Sors quoque optimā constituta cum capite Draconis in fine primæ domus conuenit, & maximè cum secunda in sextili Veneris ipsius dominus Sol, vt dixi




bene constitutus, vt dignitates decernere potuerit multas pro conditione mea. Nihil erat quod damnari posset præter Martem ascendenti proximum, sed reliqua erant nimis valida.

Iuxta finem 26. anni Luna Aphetarum vna, & imbecillis per circulum positionis, qui transit per sectionem, & corpus Lunæ, quasi retrocedente cœlo, vt in conuersa directione fieri solet, peruenit ad sextiles radios Martis, ita vt ipsa vix esset exuta, imò nō exuta Solis radiis, vel sub ipsis. Et Mercurius alter Apheta eodem anno ad Saturnum applicuit, itaque sanis adolescentis alterius famuli, iussit vt venenum vxori in puerperio exhiberetur. Et quanquam pœnituerit antè, nec

YY 3 ex



ex eo mortua sit, quia tamen brevi mortua est Nona Aprilis anni 1560. per mediam noctem, me incio capite mulctatus est. Ecce vides quomodo natiuitas vna possit esse pessima pro nato, & optima pro aliis, vt parentibus, fratribus, aut filiis. Etenim & si vixisset, futura esset vita illius plena difficultatibus, cum tamen prima fronte (vt dici solet) bona videretur. Consideraui præterea anni ipsius reditum, qui fuit violentissime: alij enim



cum malefaciunt euadant, ipse cum tantum voluerit perire. In eo igitur Luna fuit iterum in septimo loco peregrina in opposito Iouis, qui cum esset in domo sua, erat Lunæ inimicus, Mercurius etiam cum Venere in quadrato Lunæ ac Iouis, Mars verò in opposito omnium, aut quadrato, & in angulo decimi loci eleuatus super omnes, & violentam omnino mortem effugere non posset. Ex quo patet quod reditus sunt euidentiores progressibus. Nam iuxta progressus fuisset ascendens 15. pars Capricorni, & omnes Planetae, & maxime Mars & Venus, & Mercurius omnium malorum autores fuissent extra angulum. Luna autem cum fuerit velocissima significauit præceps consilium: bona pro exequutoriis, mala pro principalibus: inconsulte enim agunt omnia. Publica mors decernebatur à reditu: quia Luna domina temporis erat supra terram, & Mars in cœli medio, & Iupiter significat iudices infensos cum esset horoscopo non coniunctus: Ex directione quia Luna erat prope Solem, qui erat cum oculo Tauri. Et idem addebat scilicet ille inclytus senatus regius, & quidam proposuerint esse concremandum, qui nil merebatur cum vxor palam fateretur illi, & coram matre præsertim impudicam se esse, & puellam quæ nata erat, ex adultero esse conceptam: unde iratus iuuenis hoc tentauit, non ipse sed famulus. Captus fuit 17. Februarij cum Luna ad oppositum Saturni peruenisset, & ipsa infelix in Scorpione, sed hoc non sufficit, licet ille locus Saturni fuerit mortis locus, nam semel eo anno Luna ad eundem locum redierat. Accessit ergo quod initium mensis processit die 22. & hor. 8. exactis Ianuarij, cum Luna fuit in 17. parte Sagittarij in loco Martis: idem placita data est pridie, quam captus sit in mane. At de morte hand dubium est,

quod peruenit mensis ad Sagittarium Martij, Die 18. hora 12. Et Saturnus in initio mensis peruenit ad locum Solis, & hora mortis Mars ad eundem. Direxi etiam ascendens ad 29. partem Tauri, & peruenit ad illud in diebus 278. in quo captus fuit, & in diebus 53. peruenit ad locum Saturni interfectoris. Et idem directionis locus declarat non solum mortem, sed tempora & modum mortis: & reditus causas & negociationes, & exitum sola constitutio reditus talis, significasset inuria, contentiones, rixas, pericula & forsan vulnera, & etiam morte si Aphetarum vnus fuisset afflicto: vel directione appropinquasset: publicam mortem decernere non poterat.

Interim iam susceperat filiolum, & cum Venus significaret matrem, & esset proxima quadrato Martis, significauit mortem, nam Mars erat eleuatus supra Venerem, & Lunam, & fuit trigonus breuium ascensionum, & Luna afflicta erat radiis oppositis Saturni, & cum corde Scorpij de natura Martis. De patre significabat breuem vitam, Sol enim erat in angulo occidentis in casu suo. Extraxi ergo genesim patris eius ex genesi filij, posuique Solem in horoscopo, & Luna facta est Apheta: idem significauit mortem imminuentem, eisdem de causis, quibus in matre significauit: quoniam verò Luna erat eleuata supra Martem & Saturnum, & iam à Saturno euadebat, propè fuit vt seruaretur, nisi fuisset in opposito loci Solis, patris ideoque in loco infortunato, & fuit etiam cum illa stella, quæ parum utilis est, in omni casu. Et manifestum est, quod est figura miserabilis pro patre: Sol desertus infelix: Saturnus in tertio loco, peregrinus Solitarius cum sit & significator patris, & dominus loci Solis & ascendens. Luna cum sorte peregrina, ab vtraque infortuna, pulsata hostilibus radiis beneficæ, ab angulis remotæ, & ab aspectibus salutaribus.



Extraxi etiam meam genesim ex nepotis genesi, & necesse fuit ponere Saturnum, qui auos significat pro significatore, (ita mihi liceat dicere breuitatis causa,) quem posui in ascendente & Luna, Saturni fuit, propè oppositum ascendens, & ita tertio anno mutavi patriam cum honore & lucro, & Sol fuit in cœli medio vitæ significator, licet debilis remotus, tamen ab infortunatis, & manifestum est quod Mercurius est anarata, si non omnino radij quadrati Saturni. Et quoniam Sors, & Iuppiter, & Caput Draconis fuit simul, & in piscibus, habeo satis felicem vitam cum gaudio & lucro propter amicos, quod hucusque verissimum fuit. Erit ergo vita imbecillis, etiam præter ætatem, sed remota ab omni violentia & insidiis. Deterius quod sit in ea, est Luna in septimo loco, & in trino Martis super eam eleuatur: & hoc si esset in principali genitura, significaret periculum filia propriæ, aut filio, aut vtrique, cum sit in bicorporeo, sed non potest vtrunque, quia est trigonus, & mutat naturam ex situ, & quadrati Saturni cum Mercurio, non adeo grane mihi, quā per Mercurium significatur, cum ad Saturnum ille accedat.

Tertium




Tertium est quadratum Veneris & Martis. Et quia Luna est ascendentis domina in voluntario exilio, iam explevit vices suas: & quia omnes erraticæ sunt supra terram, ut in natiuitate mea erant, infra significant vitam priori contrariam, imbecilliores ta-

& etiam morborum occultorum & longorum: & etiam incommoda in oculo sinistro, circa mores erit pertinax valde ob Saturnum dominum loci Mercurij, & præceps ac loquax ob Martis, cum Luna aspectum & stellam, ut dixi quæ Scorpij cor vocatur. Opes habebit & causa religionis etiam ali-



men quàm viuentis filio: cum tunc essent Iupiter, Mars, Sors, Caput Draconis in angulis. Vides etiam similitudinem genituræ, Ioannis Baptistæ, cum mea magnam, & pueruli cum Ioannis Baptista: inde illius cum mea minorem, & sextilem Martis cum Sole loco trigoni in natiuitate mea, & ascendens suum in quadrato mei: & Venerem in quadrato Martis, loco Lunæ in mea genitura.



Nunc verò dicamus de illius vita, quæ erat imbecillis, nam Luna est sub terra peregrina, cum radiis, infortunatum extra angulum, cum stella de natura Martis, Sors est impudica à Saturno, quod ad vitam attinet: in reliquis non est mala & significat, opes suas futuras ex auro. Et etiam impeditur, per se & quo ad vitam magis à radiis hostilibus: Mercurij etiam ascendens satis robustum ob radios Solis & Martis, Sol est vitæ significator, sed habet graues hostes.

Mercurium primo in annis 22. sed hoc parum, post Saturni quadratum in annis 25. ex quo forsan redimetur pecunia, inde ob ascendens ad Mercurij oppositum in annis 27. & ob Saturni quadratum in annis 30. concludendo quod ab annis 22. ad 30. circiter, maxima pericula violentæ mortis patietur,

quid possidebit. Estque hac in parte longè felicior patris sui & filij mei: ad triginta annos, valde impeditus erit & laboriosus: postquam tamen ego interiero, si trigesimum annum superauerit, ut etiam longè mitiore fortuna. Ab aquis semper caueatur. Luna enim valde male posita est. Mulierum etiam causa magna detrimenta patietur, & pericula longè maiora, habebit caueat semper dum Luna erit in Leone vel Aquario iuxta illorum fines. Ab ira se contineat, & à loquacitate: Vxores autem concubinas habebit: eritque potens in Venere & filias multas, tum filios etiam procreabit, sed masculi maiore cum difficultate viuent. Venus artem significat, ut forsan medicinæ operam det propter Martis societatem: quod si fecerit, erit satis felix & famosus in arte, erit gratus principibus, & satis bonus socius, & veneratione dignus videbitur. Anno 1567. die 12. Octobris, Dominica hora quarta, ferme post meridiem vulnus accepit in capite ex regulæ casu, usque ad os, & fuit in vitæ magno discrimine, fuerunt Planetæ hora resolutionis, & hora casus, Luna fuit in loco Mercurij in genesi, unde clarum est locum illum parum propitium ei futurum. Casus autem fuit cum Sol peruenit ad Martis sextilem in Occidente, & Mercurius in anni reditu ad locum proprium: & fuit maximum periculum, cum non adesset aliquid propitij præter Dei benignitatem. Et verum ascendens est quinta pars Leonis, ut ex hac directione manifestum sit. In hac genesi maleficæ, supra beneficas eleuantur, idè bene cœpta sæpe malè terminabuntur. Saturnus eleuatus difficile dabit inuentum: Luna cum splendida cordis Scorpij dignitates, & si ad ætatem peruenerit filios plures & illustres. Mars in Veneris quadrato infelices amores. Et reditus ad opposita loca, malus 20.33. annus, & sic deinceps, in quibus erit felix ratione bonorum, & ex causa Sacerdotij aut Sacerdotum, propter Iouem cum capite Draconis.




conis. Erit tamen malo ingenio ob dominium maleficarum omnium in eo loco. Verum ut dixi in huiusmodi homo dominus sui est: in aliis etiam multum potest.

|                    |   |   |     |    |
|--------------------|---|---|-----|----|
| hora reuolutionis. | ♄ | ♊ | 10. | 34 |
|                    | ♅ | ♋ | 20. | 0  |
|                    | ♆ | ♌ | 13. | 1  |
|                    | ♇ | ♍ | 8.  | 19 |
|                    | ♈ | ♎ | 23. | 10 |
|                    | ♉ | ♏ | 0.  | 43 |
|                    | ♊ | ♐ | 24. | 23 |

Filij autem nati minoris genesis habet Iouem fermè in loco Veneris & Mercurij mihi Lunæ, quoque idem mihi & illi. Vbi etiam radij Iouis Sextilis: Præterea illi Mars in loco Saturni mihi, & Sol illi in loco Martis.

|              |   |   |     |    |
|--------------|---|---|-----|----|
| I hora casus | ♄ | ♊ | 28. | 8  |
|              | ♅ | ♋ | 26. | 46 |
|              | ♆ | ♌ | 22. | 30 |
|              | ♇ | ♍ | 15. | 17 |
|              | ♈ | ♎ | 27. | 35 |
|              | ♉ | ♏ | 14. | 52 |
|              | ♊ | ♐ | 11. | 42 |

Vnde ex his mutuam dilectionem significabunt. Iupiter cum non potuisset peruenire ad 24. partem Capricorni, quia numerus annorum non patiebatur ad locum Veneris peruenire. Fuit & illi Sors sub Solis radiis, & ante illum. Sol verò illi mihi in trino Solis, & Sors fortis, & ascendens ascendentis. Cum verò vidisset hanc genesis, Nicolaus Constantius simus Bononiensis, Astrologus



egregius dixit statim custodiendum puerum qui si superuiveret, omnes suæ gentis esset superaturus. Versari tamen in periculo, ne non esset mutus ob Saturni oppositionem cum Mercurio, sed iam Mercurius celer euaserat, itaque usque ad quintum annum mutus extitit, inde soluta lingua promptè loquitur. Sol igitur est vitæ dominus, & mirum est quod in ocurso Martis non læserit illum, sed à me id accidit, ex ira vehementi: ego tamen paulò antè ægrotaui, ad mortem ex Solis, ad Martem applicatione: sed in ipsa infantia multis modis ad mortem usque conuulsus, & conflictatus est ob Lunæ quadratos radios,


qui post Solem ipsum sunt. Mars non occidit, quia sub radiis & ob trigonum Iouis, Luna in septimo loco, peregrina pericula ex aquis decernit, quæ subiit bis, adeò ut esset sine spe: tum etiam violentæ mortis ex ferro à quibus etiam non abfuit cauere oportet. Eadem vagabundum reddit: atque ita est ab anno 14. nunquam se continuit, sed per Italiam perpetuò peregrinatur, cumque Luna conueniat cum Saturno, Sole & Marte, erit alienus ab vxorio affectu. Pericula ex calumniis & veneno subibit: existimo tamen euasuram. Erit consilij præcipitis, instantisque, sed tandem in melius commutabitur: & licet nunc ut furiosus videatur, tandem tamen fiet elegans & sagacissimus, nam locis Mercurij & Lunæ præfunt benefica. Filios etiam suscipiet maximè fœminas: ob Lunam & Venerem: nam Iouis radij in locum cadunt, qui sub Sole est. Sors digna, non est ut eligatur, pro fortunarum domina cum & ipsa lateat: ob id secunda domus in qua est Iupiter, præponenda est: & tum maximè quod Iupiter est in ea. Habebit igitur diuitias hæreditarias & Vxoribus causa, aut amicorum donis. Ludo & inanibus experimentis eos dissipabit, & forsan etiam ædificando, licet absolum videatur. Cerebri morbis multum tentabitur, sex mensibus etiam dum infans esset febre laborauit.

Præterea ut ad rem reuertas, principalem in reditu anni, quo genitus est primus filius. Venus per processum, fuit in 24. parte, & Iupiter per ingressum in 25. parte Scorpj. Anno autem quo natus est, scilicet 33. ætatis meæ. Venus fuit per processum in 24. parte Geminorum, & Iupiter per ingressum in 22. Sagittarij. Et ascendens nati inter locum ipsius genitura, & natiuitatis: Et Luna fuit in reditu natiuitatis, in loco Veneris, radicis & in natiuitate filij, Luna & Mercurius, dominus loci Solis in loco processus Veneris reditus, & opposito Iouis in reditu per ingressum.

In tertij autem filij anno generationis, Venus applicuit per processum ad 24. partem Aquarij, in cœli Medio, & per ingressum ad locum proprium in radice, & in reditu natiuitatis, Venus fuit in trino loco Iouis, radius & iuxta locum processus eius in generatione. Ascendens autem fuit inter locum Iouis, in generatione & Veneris in reditu natiuitatis: & Iupiter in opposito loci, Lunæ hora restitutionis anni. Et quo ad directionem pro duobus primis filiis. Luna peruenit ad corpus Iouis & cœli medium ad trinum Veneris & Mercurij. In natiuitate autem filij minoris Luna peruenit ad Sextilem proprium, & cœli Medium ad Sextilem Iouis. Manifestum est autem quod post ex directionibus, non est amplius spes de aliis filiis. Et quod omnibus filiis idem est dominus ascendentis, qui & longior in mea genesi, ut primis duobus Iupiter, ultimo Mercurius. Subiciamus ergo genesis nostram, ex filio scilicet, ultimo in qua Luna est vitæ domina, & cum ea pars fortunæ, & idèd iuxta annum 20. nati, & est annus 1562. significat mutationem loci cum honore



re & utilitate ob quadratos radios Veneris, & incrementum in arte ob Mercurium Orientalem. Et Saturnus significat mihi morbum, quendam perpetuum quem patior & eo modo quo significat, sed tamen parum molestum. Et cum ascendens peruenit ad illius trinos radios vix euadam, quia sunt è loco malefico, & in locum illi hostilem, & concordat tempus cum aliis. Et significat amicos bonos, & plures, & vitam hilarem, & opes multis modis paran-




das iuxta tamen genituram propriam. Nam fortunæ Iupiter & Venus præficiuntur, qui salui sunt. Sed de hoc satis modo adiciamus genituram filiarum.

Hæc nata est cum branchocete otii magnitudine ob Venerem cum cauda compositam, vt mater mea multum dolebat ob hoc, sine vilo tamen auxilio fermè totum enauit. Significator vitæ est ascendens aut omnino Venus, quæ debilem habent potestatem, in loco Solis & coniunctionis, & de sine ascendentis incertum est. Vt cumque sit tota res ad hæc duo referenda est. Vita fuit ob hæc incolumis, nupta est satis diuiti viro, sed sterilis euasit, ob tam multiplicem erraticarum pugnam. Nam Iupiter est in opposito Saturni, & in quadrato Solis & Mercurij, qui sunt in quadrato eiusdem Saturni: Mars respicit Solem & Solem trigono aspectu. Cum ergo extraxissem meam genesim ex præcedenti filiarum inueni, quod Luna illius conuenit cum nostra. Sed in figura extracta fuit fermè in angulo: Et significator vitæ fuit Mars, qui in Solis & ascendentis, & coniunctionis loco sex habuit, non eas tantum principales dignitates: cum etiam in loco Lunæ & partis fortunæ dominantur. Et ideo cum esset in nona domo, cum radiis Solis amicis solum obstabat radius quadratus Mercurij, qui post viginti annos morbum illum attulit anni 1555. febre quadraginta dierum. Post 16. autem annos est corpus Saturni cum opposito Iouis, & res redit ad idem cum aliis: & quia Iupiter, Sors, & Luna sunt propè, valde significant incrementa bonæ fortunæ. Et Venus in Secunda, quia vt dixi, Sors non est potens: secunda ergo cum salua sit, & in ea Venus domina loci, Sortis & Lunæ, ideo multa lucra denuntiat in posterum.

Quod ad reliqua attinet honores, & dignitatem nihil malè, nec bene, sed oppositio Saturni & Iouis diurnam contentionem, illam significabat, quæ cum collegio extitit: admissus tamen sum ob ius. Nam munus profitendi à filio natu minore, decernebatur anno enim 1543. Maij 25. natus est: profiteri ergo medicinam cœpi, eodem anno Calendis Nouembris. Inde potes cognoscere genituras filiorum mutare status parentum.

Fuerunt ergo status nouem, vsque ad præsentem diem, primus ab anno 1524. mistus ex genesi patris primò, inde matris, inde mea. Secundus est ab anno 1524. sub initio Septembris, ad annum 1534. Maij, 14. mistus ex mea & materna genesi.




Sed in fine fuit interpolatus à genesi etiam vxoris, qui cœpit anno 1532. æstate media. Tertius fuit ab anno 1534. ad 1535: sub initium Nouembris mistus ex statu genesi mea, & matris, & filij natu maioris & vxoris. Quartus fuit ab initio Nouembris 1535. ad 26. Iulij 1537. mistus ex mea genesi, & filij natu maioris, & filiarum, & matris, & vxoris. Quintus fuit à 26. die Iulij 1537. ad 1543. Maij diem 25. mistus ex genesi mea, & filij maioris, & puellæ & vxoris. Sextus fuit 25. Maij 1543. ad 22. Iulij 1547. mistus ex genesi mea, & trium filiorum, & vxoris. Septimus fuit à 22. Iulij 1547. ad 21. Ianuarij 1560. mistus ex genesi mea & trium filiorum. In hoc fuit etiam tempus, quo Brandoria nurus fuit nupta filio annorum duorum, & mensium trium: & quo Diaregina etiam puella nata est, & superuixit mensibus quindecim. Octauus cœpit à 21. Ianuarij 1560 ad 9. Aprilis eiusdem anni mistus ex genesi mea trium filiorum & nepotis. Nonus, in quo sum nunc est, mistus ex meo genesi, & pueri vltimi, & filiarum & nepotis. Non diuisi tempus septimum, quia nuptiæ illæ & ortus puellæ, parum mouebant statum meum, & si mouerent neque præposui filiam minori natu filio, quia iam nupta est iam diu, & exiit domum. Adeo vt nunc status meus componatur ex propria genesi & filij minoris & nepotis fermè. Primus fuit totus ærumnosus: secundus fuit laboriosus, & extra patriam cum summa paupertate. In tertio redij in patriam honores adeptus



# 534 Liber XII. geniturarum.


adeptus sum, quietus vixi. In quarto vixi tritior, & cum periculis & pauperior. In quinto anxius, & cum multa contentione. In sexto latus admodum & diuor. In septimo



lucratus sum longè plus & quietus vixi, nisi circa finem. In octauo totus in contentione, tristitia, impensis. In nono liberior auctus honoribus & lucro, sed in contentionibus, quæ tamen paulatim cessarunt, cum ex octauo initium sortitæ sunt. Extraxi etiam genesim reliquorum filiorum ex mea, velut præcipit Ptolemæus, & fuit hæc communis vtrique, & tamen diuersa significat, quia diuersi sunt domini: velut Mercurius est debilior Venere, & idè puella erit longè felicior masculo. Et ita dico cum idem Planeta plures significat filios, iuxta loca quæ respicit.


## De amicis, inimicis, & familiaribus.

Tres mihi fuere amici singulares, quorum geneses subiiciam, quod perpetui fuerint. Primus temporibus calamitosus magno auxilio fuit Octauianus Scotus Modecienfis. Nec aliud conuenit, nisi quod locus Lunæ mihi est, locus Veneris illi: Et locus Iouis illi est locus donorum mihi: Et in Al-




ciato qui mihi amicissimus fuit, & cui vitam me debere sentio. Lunæ locus illi est proximus, loco Lunæ mihi. Idem ad vnguem videbis in nona genitura Casanati. Constat modo quod innumeri plura habent loca, quæ

commutant, & tamen non fuerunt amici. Hoc ergo sufficit, quod locus amicitiae est, vt dicit ex his: & cum hoc est ex vndecima, sed dices in Octauiano Scoto fuit ex duodecima potius. Dico quod Luna fuit etiam domina ascendentis mihi, sicut & Venus domina figuræ, cum sit domina loci luminarium ascendentis sortis proprii loci, & loci Iouis & Mercurij, & medij cæli. Idè vtiles & amicos ex hoc dignoscis. Locus autem vndecimus erat aridus, ideo paucos significauit amicos. Sed neque inimicos vltos præcipuos, nisi eos, qui filium persecuti sunt. Amici autem ex natura Solis, vel par-



tis Fortunæ porpter locum & Martis aspectum, & ex Aquario ob Saturnum parum fiderunt. Ex Tauro credo habuisse & probos, sed cum ad dignitatem, & opes nihil prodesse, non curauit vt haberem genesim. Amici etiam amicorum multum iuuerunt. Velut Cardinalis Alciatus est mihi iunctus per Lunam, alius modo habebit sortem suam ab initio Aquarij, is causa sua fauebit mihi, ac si amicus esset.



Expertus etiam sum, quod locus oppositus, scilicet, pars 12. Virginis amicos bonos & vtiles mihi ed parauit, exemplum habes in quatuor primis genituris propositis, sed familiares paucos habui bonos aut fidos, & hoc quia Luna, quæ erat in duodecima radiis quadratis à Marte pulsatur, idè significat violentes, petulantes, stultos, rapaces,



ces, inconstantes, ac libidinosos, & loquaces, optimi ex Leone causam habebis infra.

## De itineribus.

Itinerum necessarium non est, ut reddam rationem, solum duorum, quæ feci vnus, scilicet quod peregi anno 51. quo iui

|                     | Directiones. | Processus. | Ingressus.   |
|---------------------|--------------|------------|--------------|
| Cæl.med.            | X            | 7.26 X     | 18.15        |
| Ascen.              | ☿            | 4. 0 ☿     | 6.10         |
| Sors                | ↑            | 19. 0 ↑    | 7.15         |
| Sol                 | ↑            | 21. 0 ↑    | 10.37 10.39  |
| Luna                | ☾            | 26. 0 ☾    | 11.42 3.6    |
| Processus<br>Mentis | Cæl.med.     | ☿          | 18.15        |
|                     | Ascen.       | ☿          | 6.10         |
|                     | Sors         | ☿          | 8.15         |
|                     | Sol          | ☿          | 10.37 X 14.4 |
|                     | Luna         | X          | 11.42 X 0.9  |

in Scotiam, & fuerunt in anni redditu antequam irem, id est, anno 1551. hoc modo loca principalia. In hac vide hoc admirabile quod quinque locorum principalium directiones cum processibus concordant, permansi ergo extra patriam diebus 335. & inuasi Germaniam vtramque Rhetiam, Galliam & Angliam, vocatus à Principe Amulthon ad curam, ut antea dixi. In hora quoque discessus, processus, & ingressus fuerunt, quales vides primi quidem, quales à nativitate hoc indicabant, & ingressus conformes promissis, nam Sol superauerat locum Lunæ, & Luna erat rursus iuxta locum processus. Accessit huic mirabili consensui aliud non minus, quod eodem anno cæli medium Archiepiscopi Amulthonis peruenit ad octauam partem Piscium locum Lunæ, mihi & Iouis illi & oppositum Lunæ suæ: de qua re iam verba feci dum de amicis agerem: Et scias quod locus Mercurij forsam est alius, quoniam genesis non est supputata iuxta tabulas Copernici, sed aliorum: forsam enim fuit in 21. parte Libræ, non enim potest esse procul à Venere.

Secundum iter fuit cum exij à patria non amplius reuersurus, tunc Iupiter peruenit ad 12. partem ☿, vbi erat Lunæ trigonus, & propè quadratum Solis. Et Venus domina genituræ cum Mercurio ad trinum Tauri in 4. parte Capricorni, & ascendens per processum peruenit ad 7. partem Geminorum, vbi erant radij Lunæ quadrati, & Mars peregrinus, & Sol in opposito suæ altitudinis, & Iupiter peregrinus in ascendente, & peruenit ad 4. Cancr. Ut ipse fuerit dominus negotij, nam cum Planeta est peregrinus in ascendente inclinatur ut exeat patriam. Et si sit fortuna, & perueniat ad locum in quo potestatem habeat, hæc commutatio felix est: si contra damnosa.

Ex hac patet quod quælibet genitura habet locos quosdam peculiare, in quibus congregantur plura, quæ faciunt ad vnum effectum: velut pro itineribus à quarta parte Cancr. duodecimam sunt radij trigoni Lunæ & eius dominum, sextilis Iouis

& eius dominum quadratique Solis, & peculiariter in nona Saturni obediens locus. Et ita à quarta ad duodecimam Capricorni pro diuitiis & lucris, & à quarta parte Piscium ad duodecimam pro amicitia, & quarta parte Virginis ad duodecimam pro lucro. Et hoc quia octaua pars vtriusque signi concordat cum loco Veneris & Mercurij: & in illas cadunt Lunæ lumen, & Martis, & Iouis trigoni erat sextilis. Et in Leone & Aquario pro dignitatibus iuxta partem vtriusque à Sole & Marte, & iuxta vigesimam à Venere, Mercurio & Saturno. Et hac paruum vim habent, nisi cum directiones eorundem Planetarum, qui ad ea loca radios mittunt eo peruenerint. Et hanc credo fuisse causam partium, quas Arabes sequebantur, velut in exemplo videbant quod ex ingressu Iouis ad initium Cancr. sequitur iter: & statuebant Cancr. initium partem itineris, & considerabant, quod Cancr. initium distat ab ascendente gradibus circiter 54. querebant ergo quis Planeta à Planeta tantum distet, & inueniebant quod Iupiter distat à Luna partibus 52. statuebant ergo regulam vanam: pars itineris est ut sumas distantiam Iouis, vel domini loci Lunæ, à Luna & eam addas ascendenti: cum tamen hoc solum verum sit cum domini loci Lunæ, & itineris ibi cum Luna radios proiecerint, & locus principalis ex sex, aut dominus loci & rei significata eo tempore, non alio ad locum illum peruenerint: Et ita dico de vira, idè hos locos collusiones seu consensus & principales appellauimus, & plerumque sunt geminati hi loci in quauis causa ipsi scilicet & sui oppositi.

## De Morte.

Mors erit dum 24. Cancr. occurrerit ascendenti, vbi sunt radij quadrati Veneris & Mercurij sine auxilio, & hoc contingeret in annis 72. mensib. 2. diebus 12. & esset anno 1573. die 5. Decemb. Quamuis alia ratione non extendatur vltra 23. Iulij anni 1571. nam tum ascendens processus peruenit ad locum Lunæ infelicem, & in reditu anni Luna ad 24. Capricorni anaræta: ibi enim sunt radij sinistri Veneris, Mercurij que. Constat etiam de mense: nam secunda Iulij peruenit, ascendens ad Capricornum: Et ex sexta parte 24. per dominationem iterum ad Arietem in diebus 21. & ita terminabitur in 23. Et verisimile est quod initium ducet, & morbi aut vigor ipsa secunda, vel tertia die mensis. Quoniam erit morbus longus frigidus ob Saturni radios, quibus Venus cum Mercurio est imbuta: & varius erit ac multis ex causis ob Venerem cum Mercurio, cum ipse Mercurius solus faciat morbos compositos, tum quia multiplices habet mutationes: tum quia motus eius sunt valde anormali & celeres, & de hoc dixi etiam in tertio Paralipomenon iuxta Fati rationem.

Temporaria



Temporum diuifio.

De hoc fuperius actum eft , cum anno 51. afcendens ad Iouis radios perueniffet Luna ad Iouem , & vtrumque ad fextilem & atas perfecta authoritate potens , nec vicibus defecta & Mars in Solis radiis trigonis , qui medij cœli & temporis dominus erat per radios Lunæ quadratos felicitatem ex principibus itineris caufa fignificauit. Et fi iter non fufcepiffe impedimenta à vilibus perfonis fufculta fuiffent. Ille tamen annus ob caufas dictas fi Mars non fit in felix , vel 39. eadem ratione fi Sol quibufdam 63. aut 62. fi Iupiter magnas felicitates adducere folet.

Exemplum examinis vnius anni.

Melius eft vt eligamus præteritum quàm futurum , quia non cooptamus oftentationem , fed vtilitati legentium confulimus : Nemo autem melius prædicet futura , quàm narra- bit præterita : & accipiamus euidentiffimum , & idèd annum illum in quo facta eft com- mutatio vitæ tota , & extra patriam viuere decreui , exiens ex illa bis , ergo eodem an- no elatus fum ad munus legendi : primo cum fipendio 521. coronatorum , inde 700. fa- ctusque Bononiensis ciuis , & immunitas da- ta. Ergo erexi figuram anni 62. iuxta Pto- lemæum , & fuit afcendens Gemini & eius

dominus Mercurius in dōmo & altitudine fua , & in ocafū matutino idèd apparebat. Fuit ergo validus & fignificauit fanitatem corporis non obftante ætate afflictionibus iti- nere diuturno per aquam , mutatione regio- nis , & quod maius eft morbis vagantibus per totam Italiam , ex quo innumeri abfum- pti funt eo anno. Et fimiliter inſpexi domi- num decimi loci , qui fuit Saturnus cum Mercurio , & fuit cadens. Idèd fignificauit deiectionem in arte , & ita omnes me fugie- bant. Poftmodum conuerfus ad directiones , inueni quod afcendens peruenit ad trigonum radium Lunæ & quadratum Solis , & figni- ficat iter caufa honoris. Iupiter ergo qui erat in afcendente , peruenit per directio- nem , & ingreffum in locum iterum fub trino Lunæ , quadrato Solis , & proprio fex- tili , & fignificauit mutationem certam pa- triæ cum honore , dignitate & lucro , quæ à genitura per fe fumpta non poterant intelli- gi : Et fimiliter Veneris & Mercurij directio , quia Venus eft domina loci Solis , & Sol infir- mus , & cadens peruenit ad locum fortunatum dignitatum , vbi pariter funt radij iidem , fed locus eft fupra terram , quia dignitates funt nobiliores itineribus , & res magis confpicuæ : & fecum fuit Mercurius dominus fecundi lo- ci , & locus diuitiarum eft oppofitus pariter lo- co Lunæ in his , in quibus Lunæ amicos fignificat , & quibus folent ab amicis diuitiæ &

Anni 1562. Reditus.

|             |               |           |           |
|-------------|---------------|-----------|-----------|
| Pr. ♃ 11.42 | ♄ 1.18.       | ♂ 12      | ♂ 12      |
|             | ♂ 18.15       | ♂ 4 ad    | ♂ 4 ad    |
|             | ♂ 11.42.      | ♂ 12 LOH  | ♂ 12 LOH  |
|             | D.Cæ.M. X 19. | ♂ 69.24   | ♂ 69.24   |
|             |               | V. Im.    | V. Im.    |
|             |               | ♂ 11.2a A | ♂ 11.2a A |
|             |               | ♂ 22 * 1a | ♂ 22 * 1a |
|             |               | OHA 2     | OHA 2     |
|             |               | ♂ my 12   | ♂ my 12   |
|             |               | I. L.     | I. L.     |
|             |               | ♂ 12      | ♂ 12      |
|             |               | VO        | VO        |
|             |               | ♂ 4 ad    | ♂ 4 ad    |
|             |               | 12 OH     | 12 OH     |
|             |               | ♂ 24 V    | ♂ 24 V    |
|             |               | ♂ 12      | ♂ 12      |
|             |               | 2a H      | 2a H      |
|             |               | ♂ 23      | ♂ 23      |
|             |               | 1a H      | 1a H      |

|        |        |             |             |
|--------|--------|-------------|-------------|
| ♂ 6.10 | ♂ 6.10 | ♂ 14.22     | ♂ 14.22     |
| ♂ 7    | ♂ 7    | Pr. * 10.37 | Pr. * 10.37 |
|        |        | Pr. * 7.15  | Pr. * 7.15  |
|        |        | ♂ my 25.28  | ♂ my 25.28  |
|        |        | ♂ 2.1       | ♂ 2.1       |
|        |        | ♂ 10.37     | ♂ 10.37     |

|          |          |         |         |
|----------|----------|---------|---------|
| ♂ 4.42   | ♂ 4.42   | ♂ 18.30 | ♂ 18.30 |
| D.Afc.12 | D.Afc.12 | ♂ 18.15 | ♂ 18.15 |
| ♂ 18.30  | ♂ 18.30  | ♂ 18.15 | ♂ 18.15 |

|         |         |         |         |
|---------|---------|---------|---------|
| ♂ 18.15 | ♂ 18.15 | ♂ 18.15 | ♂ 18.15 |
| ♂ 18.15 | ♂ 18.15 | ♂ 18.15 | ♂ 18.15 |
| ♂ 18.15 | ♂ 18.15 | ♂ 18.15 | ♂ 18.15 |

munera tradi : Et Luna fimiliter fuit fupra terram , nobiliores enim funt amici diuitiis. Et etiam quia Luna fignificabat caufam , locus enim oppofitus nihil eft , nifi propter aſtrum ,

igitur locus Lunæ fignificat amicos , qui dant diuitias , aut fi fint infra terram fignificabit amicos , qui diuitiis comparati funt , aut com- parabuntur. Idèd pro præfenti non fignificauit lucrum ,



lucrum, sed iacturam: quia pars fortunæ peruenit ad fines infortunarum, & ita nihil lucratus sum, aut minus quam vnquam alias illo anno, sed de iam partis multum addidi. Et etiam in posterum non est bona pro lucro. Magistratus qui fortunæ præstant, sunt cum Sol ipse, vel dominus loci coit radiis cum Ioue. In hac verò est stipendium, quia Mercurius fuit dominus secundæ domus, & trigoni partis fortunæ principi palis. Proponam ergo tempora euentuum insigniorum. Ergo omnino dum directio domini honoris esset ad locum iam honoribus destitutum, significabatur honoris cerra possessio, quam adiunxit, vt tumque Sol ad trigonum Iouis, sed de mense dico quod cum fortunata loca essent sub primis triginta gradibus, ergo prima conuentio fuit intra primos 28. dies cum

Missio senatus Med. 8. Octob. 1562.

Electio prima Bon. 14. Septemb.

Electio secunda 9. Octob.

Conuentio 15. Octob. 1562.

Electio tertia 3. April. 1563.

horis duobus. Et quia domini horum locorum erat Iupiter & Luna, idè secunda electio Bononiensium & missio à senatu Mediolanensi fuerunt in eadem die cum Luna fuit in quinta parte Piscium in trigono Iouis: Et manifestum est quod perfectio dierum peruenit ad Sagittarium in cuius fine est initium Capricorni loci fortunati, sed conuentio die Luna fuit in opposito Veneris, & in Geminis signo mensis, & perfectio diurna dierum peruenerat ad sextam partem Piscium: fuit enim vesperi, & Iupiter respexit locum trigono, sed in tertia electione, cum fuerit facta 19. die, palam est quod in septimo mense: & fuit ascendens sexta pars Sagittarij, in quo includebatur quarta pars Capricorni locus fortunatus, cuius initium est 11. dies Martij versus & ad idem: Luna tunc fuit in 26. parte Leonis, & à principio reditus anni, & hoc est, quia locus ille etiam est fortunatus, vt etiam oppositos ob radios Saturni, Veneris, & Mercurij. Item decima Leonis & Aquarij, sed sunt imbecilliores licet amici, quia Planetæ qui respiciunt, sunt omnes in cadentibus locis, & parum validi, & etiam quia sunt vacui à directionibus, & ad solos superiores deuenit medium cœli, sed in iuuenta. Locus autem Lunæ fuit agens & patiens, sed neque ad illum poterat peruenire quicquam. Soli ergo loci reliqui tres validi sunt, cum ad eos, qui in Leone sunt nullus Planeta per directionem feratur, sed solum per ingressus: ostensum est autem quod validi loci sunt, in quos radij & directiones, & ingressus eorundem Planetarum conueniunt, vt etiam in genesi Ioan. Baptistæ filij nostri, declarauimus. Adiunxit etiam hoc decretum, Iupiter dominus temporum, scilicet à 56. anno ad 68. adeò vt ad syndromen perfectam concurrant quinque aspectus multorum Planetarum, in vnum locum, directio alicuius eorum illo tempore: ingressus eorundem in locum illum progressus ascendens, aut loci principalis pertinentis ad illam causam, &

quod Planeta ille sit dominus illius temporis, & in aliquibus nutiuitatibus tres causæ, ex his plus putant, quàm quinque & aliquando duæ causæ, producunt effectum sed ratio vna sola non potest, nisi in generali constitutione: vel pestilentia & in submersione nauis. Tunc enim ille se morti tradit. Idè in talibus non errat Astrologia, sed videtur errare. Habet enim causam itineris, tunc & licet non habeat syndromen, habet tamen vnā causam vel in genesi, vel in directione, vel in reditu, vel in diuisione, vel processu mortis. Et si non habet non morietur, sed euadet intra paucos, vel etiam solus. Et præcipue si habeat contrarium signum, in vno ex quinque, & beneficium in octaua. Idè à 41. anno ad 56. & à 68. ingredi in nauim est periculorum quia iam natus subiicitur maleficæ per diuisionem temporum, sed secus ab vna causa sola quantumuis efficaci, homo non potest consequi effectum, aliter sequeretur in ipso ortu, quoniam cum est validissima: ergo non potest differri effectus, idè essent, & non essent. Et hoc accidit solum in his qui mortui nascuntur. Ex hoc etiam sequitur, quod qui habent Planetas in paribus gradibus signorum, etiam si non se aspiciant magnos euentus experiuntur, & maxime si diu vixerint, nam habent causam syndromes, præcipuam & rariorem iam paratam. Vnde vel breui, vel saltem post tempus in illam incidunt. Direxi etiam Planetas ad locum fortunarum in Leonem, vt viderem, an aliquid possent. Et Marti quidem ac Saturno obstabat, quod non sunt luminaria, nec præfecti principalium: Soli autem & Veneri ac Mercurio, quod directio est contra ordinem signorum. Locus ergo cancri fuit bonus, quia extenditur à 4. parte, ad 12. & seruit ætati mediæ. Omnes tamen loci fortunati maxime 22. pars Leonis seruiunt ingressibus & processibus, non tamen per se efficere possent magnam rem, quia carent secunda conditione, & etiam quia duo loci ex Leone sunt sub terra. Reliquum est solum cum omnia plana sint, vt tacite interrogationi respondeam, & est quod dices vbi mors filij in tua genesi. Respondeo quod significator fuit Iupiter, & cum peruenerit ad Martem in quadrato Lunæ interfecit, quia non erat idem ille & mihi: Iupiter enim est auxiliator ascendenti, & in illo est principalis. Et publicam ob luminaria, & illi non mihi, quia Mars aduersatur Ioui, cum sint vicissim in opposito domorum vnus alterius, non autem ascendenti, cui tamen amicum non est. Et tunc Luna mihi domina loci in reditu anni, fuit in opposito Martis, qui erat in Capricorno, & ipsa in cancro, & Iupiter in Piscibus, & idè ex dictis mihi significauit reditum ad munus profitendi, quod omiseram per octo annos, & illi mortem violentam.

zz

Consideratio








Post hæc inspexi aliorum annorum succedentium figuras, & non inueni aliquid notatu dignum, nisi in anno 1569. verum quia nunc agitur initium 1568. addidi figuram anni huius scilicet 1567. & succedentis, & post annum 1569. nihil est noui infigne, etiam si non essem adeo senex. Ergo reditus præsentis figuræ est huiusmodi, inueni ergo Lunæ ingressum

propinquum Saturni loco, in natiuitate & directione adhuc Marti propinquam, & Lunæ iterum processum propè Saturni ingressum, & Saturnus respicit Lunam quadrato radio. Et hæc significat mororem, & morbum longum, ac prauam dispositionem, & hucusque tamen cum sit mensis Februarij, nihil tale expertus sum, nisi ob vulnus nepotis,

*Anni 1568. Reditus.*



In anno autem 1568. inchoante, cum hæc sit figura, non inuenio aliquid noui, neque enim aduentus Saturni ad locum Solis multum facit, tum quia locus Solis non est principalis, tum quia Saturnus est robustus, & in sua dignitate, & est corpus, & non est promissor: Lunæ quoque directio multo plus nocet & si esset ad oppositum Martis, in natiuitate, quam quod sit in loco illius. Quia tamen est in septimo loco, & inter corpora maleficarum totum, hoc tempus medium mille periculis, & incommodis obnoxium, erit tamen minus hoc ipso, quam cæteris annis sequentibus, propter Iouem in ascendente. Et scias quod directio durat, per longum tempus & interim expectantur processus & ingressus quolibet anno, mense, die, hora, momento, & difficile est euadere, quin homo incidat in laqueum, in puncto tamen ipso esset efficacissima, ut si aliquid conueniat, quicquid expectari potest sequatur. Aded verò in hac exquisita directione consili sunt, ut Paridem Ceresarium palam sit, ea contentum fuisse. I. Maria Ferrariensis visus processibus etiam tribuisse mortem comitis Iacobi Picinini ad horam definierit, quod sola directione facere non licet, vexabor tamen eo anno podagra & tristitia.

Circa hæc ergo nota, quod in euentibus primus locus debetur promissore, qui fuerit significatori configuratus iuxta naturam significati: ut trigono in iuuando, oppositione in nocendo, ut mihi Mars cum Luna ad casus. Aduertendū quod licet Lunæ radij occupent

duodecim gradus, non tamen Saturnus dicitur configuratus Lunæ, neque Luna sub radiis Saturni, quia ipsius lumen non extenditur ultra decem partes, sed tamen Luna dicitur Saturno configurata & Saturnus sub radiis Lunæ. Et ided potest esse ista commutatio, & non vicissim, & hoc multum refert, sed & si promissor ad nocendum sit, plus potest oppositio quam corpus aut quadratum eius, illa verò ferme paria sunt inter se: In iuuando autem corpus & trigonus plus possunt Sextili: inter se autem penè paria sunt luminaria, tamen corpore plus iuuant, aut nocent quam radio. Ita tamen ut Solis corpus impediatur reliquos Planetas, sed locorum vim valde adaugent. Qui etiam iuuat, plus iuuat cum significatoris loco, & ab initio & tum præest: qui nocet cum non præest, & cum contraria nostra fuerit. Iuuant etiam plus Mundo elati: at in sublimibus locis, & in angulis, & in apice suorum paruorum circulorum, cum enim velocissime moventur, & sunt prope Solem: contra minus & cum retrogradiuntur, & tunc superiores sunt prope Solis oppositum, & cum fuerit prope eccentricorum apogeos, quos hic à latere vides: contra minus humiles atque deiectiones tam in bonis, quam in malis, sed & beneficæ, ut semper benefaciunt, & maleficæ malè, Saturnus tamen plus obest vitæ & honoribus, Mars opibus & inimicitia. Ita Iupiter plus prodest, opibus ac potentia, atque honoribus, Venus vitæ voluptatibus, filiorum procreationi, Saturnus plus illis obest, Mars deteriores Saturno,



Iupiter meliores Venere Anareta, præterea & in quavis causa, qui detrimenta maximè affert, tribus simplicibus modis fit, atque

*Apogea Planetarum.*

|             |   |       |
|-------------|---|-------|
| Sol. & ven. | ♄ | 1.41  |
| Saturni.    | ♄ | 13.39 |
| Iouis       | ♃ | 23.53 |
| Martis      | ♂ | 15.28 |
| Mercurij    | ♂ | 0.55  |

*Luna cum est in coniunctione, vel oppositione Solis, & cum antem est in quadrato, est in perigeo.*

in omnibus exigitur, ut sit potens, & quod nullam in promissoribus loco obtineat potestatem. Primus ut sit malefica: Secundus ut sit medius natura, sed radio hostili, seu per se, seu ratione ascensionis æquinoctij aspiat locum significatoris: Cum enim directione ad alios radios hostiles deuenit, seu hostilibus æquivalentes, aut corpore ipso occidit: ut si ex opposito ad quadratum, aut ex quadrato ad oppositum aut corpus peruenit. Tertius modus cum medius etiam natura domina fuerit, loci oppositi significatoris, aut loci quadrati, qui vtraque ratione discordet, velut Cancer ab Ariete: Gemini à Virgine. Adiunat autem hæc præcipuè in aliis causis, & ad impediendum, contraria natura: ut Solis & Saturni, Lunæ & Martis, Veneris & Mercurij: nam quando Venus sicissima est, & Mercurius cum humidissimus, cum vterque est temperatus: Iupiter autem cum sit temperatus omnibus, & nulli contrarius est. Inde dignosces cum similes fuerint, aut maximè contrarij. Vnde quatuor ex his composito modi euadunt. Si verò duo altrini simplices modi in annum consenserint, etiam benefica euadet malefica. Ut si Sol sit in initio Virginis, Iupiter in initio Piscium, ubi per discensiones locus

Solis conuersa ratione ad Geminorum initium peruenerit, fueritque Aphæra Solis locus damnabitur à Iudicibus poena capitali: Directio autem conuersa fit, velut in Ptolomæi exemplo, si initium Arietis, quod est in octana duxeris ad medium cœli, quod est 18. pars Tauri per ascensiones ipsius Medij cœli, id est, rectas, consurgent enim partes 45. non autem 51. ut in directa descendente, quæ proponitur à Ptolomæo. Quares ergo circulum positionis promissoris vice circuli positionis loci significatoris. Plus præterea potest directio processu, & cum eo quam ingressus: ingressus per se progressu potentior est. Et ut in processu significator veniat ad locum promissoris, scilicet ubi tunc etiam fuerit, & ab initio quam contrario modo. Velut directio Solis peruenit ad decimam partem Capricorni in succedente reditu, ubi sunt radij eius, quadrati & Lunæ Sextiles & Iouis trigoni, (& non est hoc ut in vita, quadratus enim locus significatoris, destruit significatorem, in honoribus autem & opibus non est idem) cum ergo processus peruenit loci Solis, & est principalis ob gradum sicut in anno 1562. Iouis, cum esset in quarta parte Capricorni aut Lunæ, & est secundus ob propinquitatem ad illius radios, trigonos ac dominium, aut Iouis qui est tertio loco, sed est duplicatus, nam processu & corpore redit ad idem, tunc continget quod expectabatur maximè, quia ut vides Sol & Luna reditu respiciunt locum. Et significant impedimentum durum ob Saturnum. Sed ut dixi est dominus loci directionis, & ob hoc minus nocet, & est sub radiis Solis totus, idè is qui impedire conabitur, erit totus in potestate eius qui fauebit negotio.

Et propter hoc in præsentis reditu, anni 1569. & erit annus meus 69. & in anno 1570. complebitur quicquid à me erit in tota vita deinceps expectandum. Dico ergo quod ubi reditus & processus, peruenissent

*Anni 1569. Reditus.*

|              |  |                |  |             |  |          |  |
|--------------|--|----------------|--|-------------|--|----------|--|
| Pr. ♄ 11.41. |  | ♄ 16.14        |  | ♄ 24.39     |  | ♄ 5.53   |  |
| ♄ 5.7.       |  | ♄ 18.15        |  | ♄ 29.25     |  | ♄ 10.37  |  |
| ♄ 6.10.      |  | ♄ 12.36        |  | ♄ 27.25     |  | ♄ 12.36  |  |
| D * 7        |  | D. Ascen. ♄ 20 |  | D. 3.10     |  | D. 18.15 |  |
| D * 10       |  | ♄ 6.10         |  | D. 10.37    |  | D. 11.42 |  |
| D ♀ 17       |  | Pr. ♀ 23       |  | D. 16       |  | D. 27    |  |
|              |  | D. 16          |  | Pr. * 10.37 |  | D. 27    |  |
|              |  | Pr. * 7.25     |  | Pr. * 7.25  |  |          |  |

ad Solem, vel Iouem, vel Lunam, qui sunt significatores, & fuisset conuersum, parum, aut nihil profecissent, sicut vides, de Sole cum partem fortunæ, qui perueniunt ad lo-

cum Martis & infortunij minoris locum, quoniam non conueniunt, & est solus processus, idè erit aliqua iactura in re, sed non magna eo anno, sic autem multum pos-








*De Parentibus.*

Saturnus est in angulo imi cœli recipiens Solem & in domo sua, cui Luna sextili applicat, Sol in ascendente cum Ioue, idèd patri.



tri longam vitam decernit. Cùmque Sol sit cum famulatio multo, sed occidentali, ipse erit quinti status à nativitate filij, fuitque. Luna respicit Venerem, sed Venus ab angulo cadit, Luna succedit, idèd etiam matri longa vita, sed tamen brevior, quàm patri decernitur. Luna etiam est in suo trigono & à Venere recepta & in trigono Mercurij.

*De fratribus & sororibus.*

Luna & cœli medium significant multos fratres & sorores, cum sint in signis fecundissimis, Cancro, Piscibusque. Ambo hæc loca damnat Saturnus excipiens Lunam venientem ex Capricorno & cœli Medium oppositis radiis pulsans atque hostilibus. Saturnus enim Cancro aduersatur: Sol quoque cœli Medium quadratis radiis respicit, Jupiter sub radiis nullum masculum superfuturum, nec fœminam, nisi vnam, quæ à Venere decernitur, cuius radij trigoni cadunt in septimam Leonis partem, idèd erit virago. Lunæ enim radij oppositi nimis procul à cœli Medio cadunt, & à Saturni & Mercurij radiis impediuntur.

*De sexu.*

Signum ascendens & Sol, & dominus loci ascendens & erroneus in ascendente omnes masculus.

*De numero.*

Omnes significantes sunt in signo vnius corporis præter Lunam, & sine commixtione, idèd vnum significant: Et sine mola ac talibus.

*De perfectione formæ.*

Sol est cum benefica in ascendente, nec malefica succedit, sed præerunt radij, idèd non erit vlla ex parte monstruosus. Sed sine macula.

*De nutritione.*

Mars succedit Soli & Saturnus radiis quadratis vexat ascendens ideo significat impedimenta in vita dum infans fuit. Evasis tamen quia Sol est cum benefica in ipso horoscopo.

*De genitura vera.*

Si ponatur Saturnus in angulo ascendens 12. Libræ pars. Si verò 16. Libræ videbitur genesis naturalis. Nam Saturnus carpentum habet in loco conjunctionis luminarium. Sed hoc solæ directiones & euentus rerum distinguere possunt.

*De vita.*

Sol absque dubio Apheta est. Significat vitam robustam cum sit in centro horoscopi, cum sit in centro horoscopi, & cum benefica. Propter casum autem & Libræ qualitates, & Iouis exustionem significat morbos cutis, & ex adustione procedentes. Sunt autem lepra, scabies, gallicus morbus, & tales. Mars quoque succedens adauget mala. Morietur anno 66. Si à calamitatibus publicis cauerit. Tunc enim Sol Lunæ quadrato in Sagittario occurrit. Aliter nunquam deest occasio: Primum iuxta 24. annum submersionis: & antea febris ardentis trigonis Lunæ, corpus Martis, inde etiam iuxta 28. cum ad Mercurium rixæ iacturæ honoris. Ab ascendente autem iuxta 28. annum rixæ peregrinationis acutæ febris, & iuxta 50. submersionis. Mortem quidem evadere poterit, periculum non. Vel erit suffocatio ex morbo, vt asthma vel attonitus. Generaliter autem si non violenta morte moriatur erit satis longæuus.

*De corporis formæ.*

Planetæ occidentales faciunt parvos & erit obesus, valde proprium Iouis in Libra & Geminis, pulcher, validus. Forma est ex Venere, Saturno, Ioue, Mercurio, hic dat agilitatem. Sol omnia decora reddit, addit & gratiam ac gravitatem, & patri aliquantulum similem reddit. Cumque sit notus, non cadit suspitio quod omittam timore erroris.

*De vitiis & morbis corporis.*

Beneficia est in horoscopo, idèd cum neque in sexto, nec septimo, nec primo loco sit malefica vitiis carebit. Nodus etiam abest, solum Saturnus in imo cœli aliquid circa pedes posset facere. Morbos iam diximus: erunt plerumque febres putridæ. Sol, Jupiter, Libra, calida & humida. Sed quia superat calor, longè minus vexabitur.

*De animi qualitatibus.*

Mars est dominus locorum Lunæ & Mercurij, inde Venus & Luna ipsa, ultimo Jupiter. Hæc autem descripta sunt suis locis.

Mars



Mars est debilis & occidentalis utroque modo. Venus occidentalis & ipsa, sed matutina cum sit aucta motu. Erit valde callidus & supra quam existiment homines: nam Mercurius alligatur Lunæ trigono, ob id promptissimus & fortis, & audax, & boni ingenij.

## *De animi vitiis.*

Carebit vitiis animi, quoniam non eleuantur maleficæ super dominos qualitates animi, & Mercurius Lunam respicit, & neuter est in angulo. Quia tamen Mars est in nodo, mutabit opiniones, & erit præceps aliquando. Et credo quod ipse prudentia sua omnia etiam hæc in melius vertet. Erit Veneri abundè deditus non nefandæ. Et fudis etiam delectabitur. Sæpius etiam ocio. Sæpius etiam bonus socius, comptus, ornatus, luxus, & voluptatibus deditus. Tempus inuenire noscet.

## *De diuitiis.*

Sors est sub Luna & in beneficarum dignitatibus in quadrato Veneris & trigono Martis. Acquisita per artem & ex donis, conuiuiis & voluptatibus maxima ex parte consumet. Lucrabitur autem plurimum. Et maximè iuxta senectutem, id est, post quinquagesimum annum. Et generaliter multis modis lucrando erit felix. Et anni boni erunt maximè 32.33.44.45.56. & 57. & hoc si ingressus non repugnauerint. Rursus magnam occasionem felicitatis habebit cum ad 7. Arietis partem peruenerit anno scilicet quinquagesimo, & ante scilicet 43. Et si ingressus fauebunt erit maxima, si repugnabunt mediocris si neutri magna. Undique etiam diuersis annis causas inueniet.

## *De honoribus.*

Sol est in angulo & signo masculino atque ibi latrones: Est igitur tertij aut quarti status. Tertij, debilis iuxta Ptolemæi verba, iuxta sententiam quarti, sed non validi. Erit proculdubio gratus principibus, sed illis ut cunque non satisfaciet ut volet. Cæterum magnanimus, splendidus, liberalis, honorum appetens. Ex ira & ludo detrimenta accipiet. Nec ex corde amabitur ab illis. Ipse tamen eos magis in potestate habebit, quam hi eum: nam Sol est in dignitatibus Saturni & Veneris. Aliquando dignitates habebit, quamuis medico rarum

## *De opificio.*

Rursus insurgent Astrologi æmuli, ubi opificium, ubi Planeta orientalis, aut in cœli Medio? Præterea dico quod Iupiter & Mars, & Luna opificij domini sunt, & quia conueniunt cum tertio statu, significant medicinam. Et quia sunt occidentales, nec in cœli Medio, aliquando se ab exercitio sponte remouebit. Et in tempore quo illi vacabit, fieri non potest, ut vlllo modo sit assiduus.

Quare non errat is, sed qui malè eam intelligunt. Manifestum est autem quod minus assiduè, quam ego illam exercebit. Divinabit certo modo, aulicus erit, & multa ac magna tractans negotia, plus illis, quam medicinæ intentus erit.

## *De coniugio.*

Luna est in quadrantibus partim occidentalibus, partim orientalibus, significat media ætate vxores. Est in bicorporeo & pluribus complicata: vnde habebit etiam concubinas cum vxore. Quædam erunt ingeniosæ quæ à Mercurio, quædam iucundæ, quæ à Venere, aliæ contumaces quæ à Marte. Carent testimonio Solis, Iouis & Saturni. Quod de multitudine dixit Ptolemæus vxorum, loquitur ubi diuortium, aut vxorum pluralitas admittitur.

## *De filiis.*

Erit prolificus (quamuis iam exegerit annos 33. & nondum habeat nisi filiam vnâ) & scæminarum potius quam masculorum. Multi tamen non superuiuent de filiis ac filiabus. Quod si Saturnus esse in imo cœli, ut videtur, nullus aut vix vnus, aut vna superesset. Sol enim præter id infelix cœli Medium quadrato radio grauiter afficit. In vniuersum pauci supererunt.

## *De amicis.*

Mira res est amicorum, & ut dixi, hic apposita est hæc genitura ob exemplum, sed cum nostra concordat, ut Ptolemæus dixit Lunæ locus cum Lunæ loco, & Solis locus cum Solis loco, & ubi est locus Solis illi, ibi est Venus & Mercurius etiam mihi, & dominus ascendentis utriusque est vnus, scilicet Venus, & illius ascendens signum mihi sextæ domus, & pars fortunæ illi, sub Luna mihi, & cœli Medium atque imum cum cœli Medio, & imo vicissim in genituris nostris commutantur: multa denique inter loca principalia contrarietas. Ascendens etiam eius proximum est loco Solis mihi. Cum secunda autem, ut dixit, conuenit ratione serui, Luna huic est in opposito Lunæ domini sui ad vnguem & propè Iouem illi. Et Saturni locus hic, locus Veneris illi. Et ascendens signum sextæ domus secundæ genituræ. Ex quo videor ego Archiepiscopo conciliatus per ipsum Casanatum. Quo ad curam, ego videor ex astris melius sentire, quam Casanatus, quod cum Saturnus sit causa morbi in secunda genesi, locus oppositus significat sanationem. At ego ibi, id est, in tertia parte Tauri habeo Iouem, ipse Casanatus Martem propè locum non in opposito. Scripsit tamen, ut aliàs dixi, libellum de cura huius morbi disertè certe & facundè, & subtiliter magno ordine, ut quisque mirari possit illius diligentiam.



*De itineribus.*

Rurfus hic insurget æmulus astrologiæ, ubi signa itinerum, ubi signa tam diuturnæ moræ extra patriam? Nam hic luminare. non Mars, non Sors cadunt ad angulo. Sed audi ô bone vir? Duo mediocria faciunt vnum magnum, & tria vnum maximum. Luna est peregrina, & in fine quinti loci, hanc aspicit Mars, & Saturnus est in imo cœli, & ipse est ex gente quæ peregrinatur. & assueta morari extra patriam. Pater enim suus qui adhuc vivit Hispanus est, & vitam agit Besuntij in Burgundia loco remoto valde à propria patria distantia, sed longè plus moribus. Et hoc est, quod dixit Ptolemæus, & quod sæpe reperij, iudicia Astrologi sunt ex astris & ex temperatura. Cum cœli Medium ad quadratum Martis applicuit in 6. Leonis parte significavit discessum è patria, & ex hoc & aliis haberi potest verum genituræ tempus. Ex quo colligitur unicuique contingere multa communia natis propinquo tempore, alia autem propria.

*De morte.*

Mors, ut dixi, erit ex casibus obuiantibus, & iuxta naturam loci cui obuiant Anæretæ. Et scias quod multa contingent huic homini, quæ non sunt scripta hîc, de quibus mirabitur, quæ erunt aliena ab his quæ hic promittuntur propter processus & ingressus, quos si quis voluerit considerare, ætate vna indigebit. Hæc autem quæ hic

scribuntur sunt generalia & firma, quæ cum per ingressus, & processus mutabuntur, ad pristinum tamen statum spontè redibunt.

*De temporum diuisione.*

Loci principales sunt Cancrî pars 18. Libra 12. vel 15. tum etiam 21. Piscium 3 & 10. Et erit notus omnibus Principibus non tamen in ea quam desiderabit existimatione, Sed successu temporis in maxima apud quendam. Et succedent ei quædam magna sui causa, quæ videbuntur inexpectata. Et quibus necessitatis legibus quædam euenire tenentur, iisdem etiam scire, aut scita dicere.

## GENESIS X.

Pauli III. Pont. Max.

AD veritatis inquisitionem miris modis non numen aliquod assiduè aspirantibus inuit, ut non solum magnifica & præclara, sed etiam rarissima, inusitatique euentus exempla proferrem. Nam cum ea priuata vita, exiguaque fortuna ad Regnum ecclesiæ seu sacerdotij prouectus sit, fuit etiam eruditus Græcæ linguæ haud mediocriter, vitæque diuturnioris, prudentissimus, Matheseos non ignarus. Sed quod maximum omnium est, omnia prius illi prædicta sunt, quàm euenierint. Quomodo autem, dicemus inferius.


| Motus      | Latitudines | Differentiæ | Rect. | Hor. | Tem.  |
|------------|-------------|-------------|-------|------|-------|
| * Vel.     |             | 78          | 0     | An.  | 15 42 |
| ☽ Vel.     | S A 4 50    | 23          | 12    | An.  | 12 22 |
| ☿ Vel.     | M A 2 4     | 52          | 29    | An.  | 14 4  |
| ♂ Med.     | M A 0 18    | 13          | 44    |      | 11 22 |
| ♀ Vel.     | S D 0 43    | 17          | 8     | An.  | 12 5  |
| ♂ Vel.     | M D 1 3     | 68          | 10    | An.  | 15 0  |
| ♀ Tard.    | M D 0 23    | 77          | 44    |      | 12 50 |
| Coel. Med. |             | 247         | 17    |      | 11 27 |
| Ascendens  |             | 27          | 44    |      | 12 50 |
| Sors       |             | 48          | 1     | An.  | 13 45 |

*Stelle inerrantes.*

Saturnus cum præcedente flexus Piscium magnitudinis quartæ, naturæ Saturni & parum Mercurij, vnde patet decreta Saturni maximè cum horoscopi dominus sit confirmari memoriam, patientiam, constantiam.

Iupiter cum dextro humero Orionis magnitudinis primæ, naturæ Martis ac Mercurij, & cum dextro Aurigæ humero secundæ magnitudinis, naturæ autem præcedentis. Corpore autem iunctus summmitati clauæ Orionis, magnitudinis quintæ naturæ Saturni & Iouis. Atque quartæ stellæ adiacentium cornu boreali Tauri, magnitudinis quintæ, naturæ Martis & in via Lactea: Augent ergo hæc Iouis robur & significata, diuitias, & honores, & sacerdotia maxima.

Mars inter Vergilias collocatus, Lunamque venientem in sua altitudine expectans,



& in Solis sextili, administrationes maximas, exercituumque potestatem decernit. Cumque in quadrato sit Mercurij, prauitatem morum adiicit.

Luna



Luna est cum Cauda Arietis, magnitudinis quartæ, naturæ Veneris, vnde fortunam bonam auget, & Martis detrimenta minuit.

In occidentis angulo coeunt radij quadrati Martis, oppositi Mercurij, trigoni fermè Saturni, & sextiles Iouis, vbi & Regulus naturæ Iouis & Martis fortunam firmam in senio ostendens ac illustrissimam, sed & prægrandes calamitates: Quæ omnia illi contigerunt summi sacerdotij adeptione, & filij morte violenta.

Itaque occiso Petro Aloysio, vir insignis Ioannes Maona Pisanus à secretis illustrissimi Præsidis prouinciæ, Ducisque Casarei exercitus inuentam epistolam inter arcana occisi Principis huiusmodi nobis obtulit, cum hac etiam inscriptione.

*Copia Capituli literarum Excellentissimi Astronomi D. Paridis de Mantua ad Reuerendissimum Cardinalem Alexandrum Farnesum, nunc Pontificem Maximum tempore obitus Leonis.*

Reuerendissime Domine, vidi & cum summo studio ea, quæ ad me transmisti circa genituram Vest, Reuerendiss. D. & diem natiuitatis quæ fuit 28. Februarij mi. 46. anno Domini. 1468. cuperemus recursum syderum satisfacere desiderio tuæ D. Reuerendiss. in his proximis comitiis: Verum sydera pro nunc non sunt disposita, sed in aliud tempus erunt benigniora. Pollicentur enim assumptionem summam ad gradum Pontificatus anno Domini 1534. Qui erit annus 66. dies 253. hor. 9. mi. 34. ex directione Solis ad trinum Mercurij cum testimonio Iouis & Saturni. At interim non leue periculum in aquis anno 61. mensibus 6. diebus 3. Ex directione Lunæ ad quadratum Saturni. Anno 81. diebus 68. 1549. D. Reuerendiss. grauius se habebit cum magno vitæ discrimine, quæ dies erit 4. vel 5. Maij 1549. ex directione ascendentis, ad suum trinum, qui pro quadrato habetur, eo quia est in signis breuium ascensionum, cum testimonio Saturni domini terminorum illius directionis, & sine auxilio Iouis cum non reperiatur in aspectu quadrato trino vel opposito in ista directione. Posset tamen præsentia Iouis conferre, quod tamen nos non credimus. Hæc ille vir penè diuinus.

*Examen præcedentis prædictionis & totius genitura.*

Primum inscribitur copia Capituli literarum, & non copia literarum, vt intelligamus in his literis etiam alia contenta fuisse, & non solum hoc capitulum. Quæ forsan de aliis rebus erant. Filium autem Pontifices exemplar prædictionis, vt diuinum quoddam oraculum tantum curasse transcribi. (Excellentissimi D. (Hoc epithetum additum fuit ab Anagnosta Petri Aloisij, non ab ipso epistola authore. De Mantua palam est (ex his quæ nos scimus à suo discipulo Euangelista Brasca Mediolanense monacho S. Benedicti

quem postea in gratiam magistri, quod magister mortuus iam esset vocatum à Paulo. III. Pontifice, qui prius Alexander Farnesius vocabatur & à religione, collegioque monachorum exemptum creatum in episcopum) eum fuisse Paridem Cæresarium familiam, qui & patria Mantuanus vocabatur. Hoc autem ad Excellentiam maiorem inditum, vt patriæ solum nomine tanquam non solum inter familiæ homines, sed totius patriæ emereret, agnosceretur. Quod maxime in vsu habere solemus in regionibus longinquis. Vt apud Anglos Mediolanensis Regis, nam familiæ nomen penè ignotum est. Aut dixi, ob viri maximam excellentiam. Ad Reuerendissimum, Palam est quod qui res curant, non possunt aded de sermonis nitore esse solliciti, nam Reuerendissimus haud Latinum est epithetum, vtimur quandoque tamen & nos cum nihil illius loco habeamus. Licet autem tunc nouis epithetis dignitatibus rebus noua indere nomina, tametsi non aded Latina dici possint, maxime apud eos qui non de sermonis elegantia certant, sed rerum veritate. Nunc Pontificem maximum declarat, qui rescriptit tacite causam cur rescripserit, non enim antequam enentus sit secutus rescripserit, sed rei miraculo ductus & succedentium expectatione, iussit filius hæc ex literis ipsis Paridis Cæresarij atque authographo exscribi. Additur tempore obitus Leonis, ne quis crederet epistolam conscriptam tempore, quo iam factus esset Pontifex, & vt longa præuisione res honorabilior haberetur. Nam propè quandoque ex coniecturis licet ventura præcognoscere atque prædicere: Multò antea prædixisse, omni suspitione caret, & diuinitus est.

Reuerendissime domine, licet ex responso petitionem Cardinalis coniectari, quæ quatuor continebat capita. Primum an cum mortuus esset Leo decimus, posset ipse eligi in Pontificem. Nam vbi posset, rem in animo habebat tractandi audacter: vbi non, amicis opera danda erat, nec in cassum repulsa querenda. Ex quo patet quanta ex arte utilitas habeatur. Quamque sapienter Cardinalis arte vsus sit, vt vtrius modo prædictio caderet, non parum illi vsui futura esset. Perspectam quoque artificis excellentiam habuisse non ex hoc, sed ex alijs antea. Secundum quæsitum fuit, si non modo contingeret quando futurum esset. Ex quo patet ab illo sperasse omnino quandoque futurum Pontificem.

Nam non quæsisset aded constanter an tunc esset futurus Pontifex, si non sciuisset quandoque futurum. Nec is addidisset, (verum sydera &c.) nisi aliquando futurum prædixisset, aut saltem ille tunc quæsisset. Tertium quæsitum quæ illi ventura essent interim, selegit autem vnum notabile verum, non vt nostro tempore decem exigua, quorum cum maior pars falsa deprehendatur, illud quod verum est atque succedit, non ex arte esse creditur. Quartum & vltimum, quantum superuicturus esset. Nunc verò singula discutiamus.

Respondet ergo Paris vidisse genesim, & ne obiter crederetur subiicit 28. Febr. anni



1468. non dixit ultimo. Febr. quia annus 1468 est bisextilis. Sed addit mi. 46. Error est in scriptura, hor. mi. 46. ante meridiem legi debet. Sic qui ediderunt, qui dederunt & factum ipse Pontifex mihi approbavit. Brascia illam esse dixit, & quod maximum est directiones omnes congruunt. Mortuus est Leo Octobris mense 1521. prædixit submersiois periculum ante septem annos quam fuerit, electionem ante 12. vitam senis annis 27. audacter extendit, ob quæ nobile hoc præfagium dici inter cætera meretur.

Cuperemus te cursu syderum satisfacere, tanto meliore sensu oratio est, quo barbara dictione contextuque magis. Id est, cum alij astronomi, ut blandiantur interuertant syderum decreta, quæ non sunt in nostra potestate, ego doleo non posse amoliri quod decernunt. Pollicentur enim assumptionem: Primum hoc præsupponit vitæ diuturnitatem, quoniam Sol & ascendens fuerunt Aphetæ, & cum ascendente Mercurius trigoni dominus orientalis, & matutinus, & radij trigoni Iouis ad ascendens, & sextiles Lunæ ad Solem. Et Gauricus dixit se observasse in plus quam mille genituris viuaciores esse illos, quibus Planetæ sunt sub terra, quam supra terram. Et existimat hoc esse contra decreta Ptolemæi, cum non sit. Nam supra terram malefica præsertim cum fuerint radios oppositos transmittunt infra terram, quibus obuii ascendens perimitur. Infra terram corpus malefica non adeo perimit, ut radij oppositi. Ptolemæus loquitur de naturali robore vitæ qui maior est his, qui Planetas maximè luminaria supra terram habent. Constat igitur omnibus rationibus debuisse esse longævum & valde. De dignitate autem Pontificia fuit primū ex nobili familia ex vrbe, ex qua plures fuere Pontifices, quam ex alia. Pontifex enim Romanus est Episcopus in senili ætate in qua maximè solent deligi, ut pluribus satisfiat, multi Cardinales frequenti largitione ditentur. Ipse verò blandus & callidus, & in opinione hominum quod esset aliquando deprehensus morbo attonito & quod esset probus vir. Nec fuit omnino malus si sui generis hominibus conferas. Erat enim, ut dixi, eruditus, eruditus, maximè pauperibus, beneficus, prudens, nec sæuus, nec religionis contemptor. Sed quo ad sydera attinet, fuere quinque notatu digna, Sol in ascendente cum erronibus comitantibus & Mercurio orientali, & Ioue in angulo. Mercurius in optimo statu trigono radio excipiens Iouem in angulo. Sol exceptus à Ioue ex quadrato & in sextili Lunæ potentis. Cæli Medium in Iouis opposito domini sui & trigono Saturni. Cor Leonis in occidente, significans ætatem declinantem maximis honoribus & potestate agendam. Adiuuant hæc radij in occidentem transmissi maximè Mercurij & Iouis, & tot stellæ insignes cum ipso Ioue. Mercurius autem in horoscopo facit sagacissimum. Itaque iam constitutum erat futurum Pontificem, maximè quod ætatis processu meliores genituræ nativorum interitu inefficaces redduntur.

Qui erit annus 66. dies) Ostendit firmiter hæc se prædicere, velut & illud (Non

potes) vide quàm expresse loquatur, non quemadmodum nostræ ætatis lycophantæ forsan, fieri potest, existimo, alia videntur polliceri, nisi esset, & tales meræ nugæ: at ipse dilucide & quod successurum non erat negavit, & quod successurum erat pollicitus est nulla adiecta ambage. Et adiecit annum & dies, ne fortuito prædixisse existimaremus: nam nisi addideris quæ ars erit. Omnia enim ad sic vel non reducuntur. Horum verisimilius persæpe eligere facile est. Deinde dum vivit, semper si tempus non adicias dicere potes futurum esse: cum fuerit mortuus, quis te mendacij coarguet. Ita nebulones hi nunquam reprehendi possunt. Quinimo si nunc decem sint Cardinales seniores, aut alicuius nominis, omnes habebunt suam vatem. Sed qualis vates? impudens: adulator, & proditor. Multos enim spes præcipitat.

Adiecit ergo diem, ut artificiosam indicaret esse coniecturam: incidit autem 253. dies à reditu anni 1534. in 5. Nouembris, sed electus est 13. Octobris. coronatus 2. Nouembris. Intercessit error dierum 23. quibus serius iudicavit. Direxi igitur secundum regulam Ptolemæi & primo cæli inum ad locum trigonum Mercurij, & peruenit ad illum in Par. 14. mi. 42. Et post Solem ad inum cæli & peruenit ad eum in Par. 56. mi. 53. quæ collectæ faciunt Par. 71. mi. 35. Sed simul dirigendo sunt Par. 66. mi. 11. Et hoc consentit sphaeræ. Paris autem Cæresarius habebat tabulas exquisitissimas, ut vidi apud Evangelistam Brascam. Et sunt tabulæ Monteregij directionum ad Romam situm exquisitissime accommodatæ, & absque supputationibus. Mihi autem satisfaceret instrumentum de quo aliàs sæpius dixi sub forma planisphaerii. Hunc modum si addideris his, quæ Ptolemæus scripsit, efficies maiora, quam Ptolemæus ipse. Etenim Ptolemæus modum illum dirigendi posuit pro exemplo. Quamvis ut dixi, discrimen oriatur ex hoc quod Ptolemæus in quarto modo facit directionem compositam, Cæresarius non. Sed Ptolemæus sumit auxilium à processu qui talis fuit, & ingressus, ut hic infra vides. Sed ad oppositum locum deuenit, qui fuit trigonus radius Lunæ & Martis, & quadratus Iouis, & aspiciens Saturnum. Sed quod maximum fuit hæc synodus radiorum celebrabatur in Geminis, & cæli Medium peruenit ad locum illum, ut infra vides. Et Mercurius ad locum radicis in optimo statu & respiciens rursus synodum trigono. Et fuit ibi Mars fauens electioni, quia ab initio recepit Solem sextili radio, & fuit dominus trigoni loci Solis primus, & ipse inter Vergilias significans consensum multitudinis. Cum igitur iunxerit tabulas exquisitas viæ processuum, habebis rem de qua homines mirabuntur. Nihilominus etiam absque illis sufficit.

Et hæc de anni inuentione, sed de mensibus, & diebus non oportet, ut credas, quod eodem modo habeantur in talibus: nam in vita & his quæ naturaliter proueniunt in corpore, & anima bene eadem est ratio. Sed in talibus oportet ut fiat concursus causarum, ut etiam



etiam in libro de Fato diximus. Vtpote quod iam mortuus esset Pontifex alius, nam

|           |   |    |    |   |       |
|-----------|---|----|----|---|-------|
| Cœl. Med. | ☿ | 9  |    |   |       |
| Sol       | ♈ | 18 | 20 | ♋ | 18 20 |
| Luna      | ♊ | 16 | 34 | ♉ | 0 24  |
| Sors      | ☿ | 20 | 53 |   |       |
| Ascendens | ♊ | 22 | 39 |   |       |
|           | ♈ |    |    | ♋ | 20 38 |
|           | ♊ |    |    | ♉ | 24 5  |
|           | ♈ |    |    | ♋ | 19 14 |
|           | ♊ |    |    | ♉ | 4 13  |
|           | ♈ |    |    | ♋ | 20 56 |

duo Pontifices simul esse non possunt. In hoc igitur casu nec melior processus, nec ingressus est eligendus, sed sufficit vt satis concordet. Et quod concursus cum aliis causis conveniat. Et hoc vbi directio non cadat ad vnguem in annum processus optimi.

Sed vbi cadat directio ad vnguem in annum, tunc eligendus est mensis, qui magis concordat ratione processus & directionis, ita quod in hoc casu querenda est exacta directio & processus.

Quod si directio consentiat processui & ingressibus non tamen conveniat concursus causarum, tunc habebit primum locum post illum, puta post Pontificem aut Regem. Et si concursus succedat statim habebit rursus primam dignitatem: si autem multo post plerumque evanescet vis illa, nec habebit, sed in alium transferetur. Idem secundus locus succedente morte principalis statim est signum, quod succedet in principali, quia talis secundus locus significat omnia adfuisse ex parte sui, sed defuisse occasionem. In hac igitur genesi quod ad annum attinuit nihil defuit, nam & transitus ascendentis ad septimum locum vbi erant radij oppositi Solis & Mercurij, & quadrati Lunæ & Martis, & trigoni Iouis, & cor Leonis indicabant dignitatem maximam & auctoritatem, ac factum qualis solet adesse Pontificibus.

Pro mense igitur & die observanda est directio exquisita, vt dixi, vbi in eundem annum coincidat: Secundo processus qui fuit ad nonum mensem: Et quia annus pervenerat ad opposita signa, & oppositio non diuiditur, nisi in trigonum & sextilem convenienter, idem pervenit mensis ad sextilem radicis & trigonum revolutionis anni hoc modo. Et ita Sors ad optimum statum pervenit. Et Luna mensis initio fuit in cœlo Medio radicis.

|           |   |    |    |
|-----------|---|----|----|
| Sol       | ♈ | 18 | 20 |
| Luna      | ♊ | 16 | 34 |
| Cœl. Med. | ☿ | 9  |    |
| Sors      | ♈ | 20 | 53 |
| Ascendens | ♊ | 22 | 39 |

Ex directione Solis. ) Addit causam ne crederetur vaticinari ex dæmone aut inani arte. Assumit Solem, in hoc consentit cum Ptolemæo. Ad trinum Mercurij præfert trinum corpori, & Mercurium Ioui, quia

Mercurius erat in optimo statu in centro horoscopi, orientalis, matutinus, dominus loci proprii & directionis: Ioui omnia in contrarium cedebant. Cum testimonio Iouis & Saturni, Iupiter tamen erat præsens corpore loco directionis, & dominus loci Solis, & cœli Medij. Saturnus aspicebat locum de sextili vbi directio cadebat, & erat dominus trigoni loci.

(At interim.) Voluit confirmare prognosticum ex re eidentissima, scilicet in aquis: nam cum morbi, vulnera, casus, ruina, venenum, accusatio, etiam si prædicantur, leve momentum habent: periculum ab aquis in viro potenti ostendit vim Fati, si prævisum cum tempore non possit vitari: nihil enim facilius, maximè habitantibus mediterranea. Præmonitus igitur si cauere nequeat, magnam declarat Fati necessitatem, Incidit ergo & penè submersus est. Sed tamen vt audio paulò serius quàm prædictum fuerat iuxta annum 65. Seu quod in supputatione error fuerit, seu quod verè anno illo 62. scilicet casus acciderit. Et certè anno 62. Luna erat in initio Scorpij, & ibat ad Saturni oppositum, qui fuit in 13. parte Tauri. Quidam dicunt quod anno præcedente electionem etiam cecidit ex attonito morbo, eo quod Luna passa est deliquium mense Augusti valde proximè horoscopus. Sed nos negas aliorum non curamus. Certum est quod cum satellitio stipatus esset iuxta tempus definitum, cecidit in flumen, in quo penè submersus est. (Ex directione Lunæ ad Saturni quadratum.) Dat causam, non semper hoc facit Luna, sed cum esset Luna iuxta Pleiades & Martem cadentem, significavit periculum violentæ mortis ex humido. Et quia Saturnus erat author, & omnes sub terra, ex casu in aquam.

Anno 81. ) Horoscopi ascensio est par. 337. mi. 59. Ascensio loci trigoni Mercurij, qui est par. 22. mi. 39. ☿ est. par. 59. mi. 10. Differentia igitur est par. 81. mi. 11. Et sunt iuxta illum absque additione septuagesimæ secundæ partis anni 81. menses 2. dies 6. qui si computentur à die natalitio qui fuit 28. Februarij cadunt in 4. aut 5. Maij, habes rationem dictorum. Circa quæ animaduertendum primo quod corpus Saturni non occidit in 31. annis quia Saturnus erat dominus ascendentis, & ascendens robustum præsentia Mercurij, Solis & radiorum trigonorum Iouis. Similiter nec Mars ob robur ascendentis & quia est in signo fœminino. Nec radij quadrati proprii, quia licet cadant super corpus Martis, Luna tamen est ibi vicina, & quadratum ascendentis cum sit breuium ascensionum & terminetur in 55. annum habet vim sextilis: Et huius statim subiungam rationem. Vidi etiam quod Paris Cæresarius facit horoscopus 28. Aquarij par. non 23. alij ponunt par. 24. mi. 48. At hoc quod ad trigonum & quadratum attinet horoscopi & directionem Solis & Planetarum parum refert, quia circuli positionum parum ad modum variantur, & loci remanent iidem. Sed cur trigonus occidit cum vim habeat qua-



drati in ascensionibus, imo nec implet quadratum, quod continet 90. par. Respondeo quod cum agatur de directione & directio fiat per partes æquinoctij quarum natura quadrata est contraria, quia est medietas oppositionis, trigona & sextilis est amica, ideo in directionibus attendere oportet magis naturam consensu & contrarietatis partium æquinoctij, quam signiferi, in aliis causis contrarium oportet observare. Et licet partes 80. non compleant signa tria, nec quadratum aspectum, nihilo minus cadunt in signum oppositæ naturæ. Velut si Aquarius ascendit, in imo cœli est Tauri signam æquinoctialis non Gemini. Et quod sit verum inum cœli semper respicit quadrato aspectu horoscopum. Et hæc suo loco nos declaravimus. Nunc brevis regula opus est: Inspice locum respicientem, & in quem cadunt radij, & si domus se respiciunt sextili aspectu, erit natura radij illius sextilis, si quadrati quadrati, si trigoni trigoni. Eo anno dicit Iupiter non respicit locum directionis, nec quadrato, nec trigono, nec opposito. Intelligit quia in reditu anni 82. licet Iupiter fuerit in 22. parte Arietis, aspectus ille non est validus. Præsentia tamen loci Iovis supple in radice posset aliquid facere, quod non credo. Nota duo circa hoc, primum quod præsentia in loco directionum vel processuum, ut dictum est, debet esse per ingressum non in radice, ut contra Aphetarum ad loca radice comparatio esse debet. Deinde præponit oppositionem corpori, dico quod oppositio Iovis est bona, quia ab initio fuit amicus ascendentis, ipsum trigono radio respiciens. Sed non est melior præsentia eius, quod autem dicit esse meliorem, intellige de præsentia in radice non in ingressu. (Cum testimonio Saturni domini terminorum) Visus est amplecti fines Ægyptiorum, quia iuxta illos posita 28. parte Aquarii ascendente Saturnus est dominus finis & trigoni illius in Geminis. Aut dicendum est quod scripserit terminorum pro termini. Sed prior opinio mihi arridet. Non dixit de ætate decrepita, quamvis maximum esset argumentum, quoniam ut dicebat Galenus, viri præclari non solent adducere in medium, nisi ea quæ paucis nota sunt, abstinere à notissimis.

Hæc vir ille ingenio plus quam humano scripsit. Memini anno 1538. audiuisse Pontificem iactasse quod securus esset de vita usque ad 14. annos expletos ab assumptione dignitatis. Vidi etiam scriptum quoddam, in quo dæmon interrogabatur, quantum superfuturus esset à die dignitatis assumptæ? Respondebatque annis 14. Ita apud illum pro constanti habebatur, non nisi exacta anno 14. obituro. Sunt qui velint Paridem Cæsarium dæmonis auxilio innixum præterdixisse astrorum istam immodicam scientiam, cum etiam audierim à viro fide digno atque fortuna illustri, constituisse in camini Pluteo capita marmorea, quæ eum infortunium immineret, sponte circumverterentur. Sed hæc ut reor adeò mira ab illius excellentia in prædicendo potius sumpsere

originem, ut homines velut antiquitus fabularentur. Peruenisse potius ad illum credendum est Francisci Mariæ Ferrariensis scripta, atque inter cætera mirum illud prognosticum Iacobi Picinini, qui à Rege Neapolis Ferrando Arragonio occisus est, cum annum, mensem, diem & horam illi astrologus prædixisset. Sileant iam Apollinis responsa, nihil tale enim in his memoratur. Trium igitur mirabilium prædictionum, Ascleptariensis de Domitiano, Francisci Mariæ Ferrariensis de Iacobo Picinino Principe, Pandis Cæsarij Mantuani de Alexandro Farnesio, unam reuocasse in examen contentus sum, reliquas si potero perducam in lucem. Cæterum ut ad rem redeam, cum Luna ad locum Iovis peruenisset directione anno 36. filium suscepit nomine Petrum Aloysium Patris virtute longè inferiorem, scilicet eruditione & prudentia, fauebat tamen eruditus, ex quo extant quatuor illustres nepotes. Propter cuius mortem & casum genisum subiicio præcedente non inferiorem admiratione. Ex priuato statim Princeps inde à suis occisus cum in arce tuta esset. Conspiratione omnibus nota præterquam ipsi, ut Fato mortuus videatur. Adsunt præterea duorum principalium inimicorum geneses, & præsertim eius propriæ, qui illum manu sua interfecit. Subieci & genisum primogeniti, ut simul aui patris, ac filij seriem intelligeres, quemadmodum & in nostra, nam & patris mei, & filiorum meorum comparationem habes, & ut hic patri vnicus fuit filius, illi multo filij, sic & ego vnica proles parenti, multos progenui filios. Hic verò fortuna inferior parente fuit, nos autem superiores. Fuit etiam hic qui describeretur immodicus omnino puerorum amator, & patritius infensus. Alioquin moderatum se popularibus exhibuit ac plebi: credo ut securius regnaret.

## GENITURA XI.

*Petri Aloysij Farnesij Principis.*


**A**ssumpto ad Pontificiam dignitatem Alexandro Farnesio, qui vocatus est Paulus Tertius consensu collegij Cardinalium, duæ ciuitates Placentia & Parma olim subiectæ Mediolanensium Principibus & ob ærarij inopiam pignori datæ Pontificibus pro certa pecunia, Petro Aloysio concessæ sunt sub Ducis, ut dici conuenit, titulo. Nouaria quoque pecuniæ causa Pontifici pignori data, Cæsare permittente, illi data est, ut trium simul ciuitatum egregiarum Princeps factus sit. Quod si vel Fata voluissent, vel ipse moderari fortunam sciuisset prudentia & potentia patris, non solum parta conseruare, sed egregiè angere potuisset.

Iupiter




Iupiter cum Apolline magnitudinis secundæ naturæ Mercurij.


Luna iuxta Caput Serpentarij magnitudinis tertiæ naturæ Martis & Mercurij.



Communia his duobus sunt quinque ascendens in signo Leonis quod ambitiosos & truces creat. Venus cum Sorte hoc ad rem nihil utrique tamen causa mulierum, diuitiarum incrementum pollicetur. Quod nescio quomodo contigerit, certum tamen est. Ter-



tium est Mars in casu suo, hoc raro ostendit dignitates in re bellica aut administrationes, ob id qui talia patrant raro assumuntur ad administrationes, natura ipsa rerum cum



astris consentiente. Qui enim talia agunt sibi  
Tom. V.

timent & ob id alieno nomine non gerunt res. Mars etiam in casu suo administrationes negat, idem in angulis & opposito Lunæ. (Est autem hoc vtrique commune & quartum ac quintum) ad homicidia impellit: solus Mars in Lunæ opposito eos nasci facit, qui ad hominum cædem prompti sunt, vt hic in his duobus exemplis vides. Et in genesi Principis cuiusdam, qui ad me pro iudicio 100. coronatos transmiserat, licet mercator mihi 25. subripuerit. Is enim cum Lunam in opposito Martis haberet ex quacunque causa ad hominum cædem prorumpebat, vt sic iam plures adhuc iuuenis iugularit. Occisus est die sabbathi 10. Septembris anni 1547. hora diei, id est, à Solis ortu 5. quæ est 17. horologii & secunda ante meridiem cum pransus esset. Fuit is annus ætatis 44. eo tempore Sol peruenit ad oppositum Saturni in annis 45. completis ex loco tabularum. Habes igitur quod ex hac directione debuit mori, quia Anæreta erat duplex & potens domino loci iunctus. Quodd eo anno, quia processus concordabat directione, Quod violenta morte, quia Anæreta erat in loco contrario naturæ suæ, & duæ maleficæ iunctæ simul & locus Martis impe-rabat loco Solis. Quodque à suis, quia dominus ascendentis erat in loco directionis, & Iupiter qui Anæretæ fauit dominus fuit loci Solis qui fuit Apheta. Quod verò mors violenta esse deberet, alia præter hæc suadebant: Dominus ascendentis in trigono maleficarum & domini loci oppositi, vt intelligeremus bonis atque malis æquè inuisum futurum, Mars imperans Soli loci ratione. Luna infelix & sub radiis à Sole ad Mercurium infelicem defluens. Erat præterea Iupiter alter ascendentis dominus cum maleficis & tres superiores retrocedebant: quod cum contingit, inditium est semper atram bilem prædominari egregiè, vt experimento didici. At verò tres celebrat coniunctiones Iupiter cum Marte ante natiuitatem in 14. parte Cancri, post retrocedens in 9. vltimo directus in 6. Cum Saturno verò iungetur etiam Iupiter in parte Cancri. Cancer autem omnium quæ in cœlo sunt signorum, vt dixi potentissimum. Proximus nobis regium domus Lunæ longarum ascensionum imperans. Eodem anno ascendens peruenit ad Martis sextilem & Pleiades. Mars autem cadit vbi est & in loco directionis retrocedens iunctus Saturno similiter cadenti atque retrocedenti. Atque hæc

Processus mensis.

Sol & Luna

Ascendens & Sors

Cœli Medium

de anno. De mense verò ac die alia ratio est, fuit mensis 11. in anni initio. Saturnus fuit in loco Mercurij radicis & Venus redierat ad locum proprium domina trigoni loci Anaretæ prima. Sicut etiam in precedenti genesi anno, quo creatus est Pontifex dominus trigoni loci promittentis, id est, 23. partis Geminorum primus redierat ad locum radicis. Dixi enim quod in his, quæ per multos celebrantur, dominus trigoni maximam

A A a apud



apud Ptolemaeum obtinet potestatem. Luna  
verò ibat ad quadratum Veneris & sextilem  
Saturni, eratque in illius Carpentio in parte  
16 Libræ. Sed ut ad mensem reuertar fuit  
eius initium die 26. Augusti eiusdem anni, &  
tunc Luna fuit in loco interemptorio, id est,  
loco opposito Saturni & Martis in radice &  
loco Veneris tam in radice, quam in initio  
anni. Pridie quam occideretur celebrata est  
coniunctio Solis & Martis, quæ significat  
ea die initium arctum consilium perficiendi.  
Ea die Luna fuit in Leone, quod pertinet ad  
eos qui interfecerunt, nam fuit inter ambo-  
rum horoscopum. Fuit igitur anni eius pro-

|           |   |    |    |
|-----------|---|----|----|
| Sol       | ☉ | 6  | 58 |
| Luna      | ☾ | 13 | 18 |
| Ascendens | ♈ | 9  |    |
| Sors      | ♈ | 16 |    |
| Cæl. Med. | ☿ | 19 |    |

cessus ut vides. Vides igitur in processu illius anni omnia loca principalia esse afflicta, ut minimè posset euadere. Et quia cœli Medium affligebatur in morte, amissa est maior pars principatus. Ex tribus enim ciuitatibus amisit duas, scilicet Placentiam & Nouariam. Et quia maleficæ erant iunctæ, & dominantes loco interemptorio, & ipsæ male affectæ, corpus enim post cædem fuit etiam contumeliis magnis affectum. De causa autem exactissima, mensis, diei & horæ ob prolixitatem supersedeo. Nunc verò ad illos qui eum occiderunt transferenda est consideratio. Primus, id est, Lando non poterat vllò modo occidere, quia nil tale ex genesi portendebatur, seu quod esset podagrosus, sed Angosciola Saturnum habuit in loco Solis Farnesij ad vnguem, est autem Saturnus, ut dixi, Farnesio Anareta, idè illius manibus occisus est. Fuit hic annus Lando 37. atque idè in processu omnia ad locum radicis redierant, & quæ in genesi significabantur tunc præstare debere ostendebant, cùm esset in ætate Solis. Angosciolæ fuit 32. Actiones directione non indigent, cùm sapius possint iterari, & sint in potestate agentis: sed Solis processibus & ingressibus nihilominus eo anno Lando Luna peruenit directione ad locum Solis inter Pleiadas: quo fit ut etiam cùm luminaria sint malè affecta, Sol in Pleiadas: Luna in opposito Martis, ut vtroque lumine sit valde læsus. Ob id etiam contingit, ut plures ex his qui breuem habent visum sint homicidæ, quoniam hic luminaria à Marte oppugnantur, aut illi vel eius stellis immiscentur. At Saturnus cæcitatæ author est, ideo non ita cæci prompti sunt ad homicidia, præsertim cum facultas desit: Sed malos animos gerunt, suntque quales Saturnus designat, fraudulentæ. Sed ad rem reuertor: ascendens vtriusque est incõiunctum ascendenti Farnesij, & in reditu anni Mars rediit ad proprium locum radicis in quadrato Iouis & Mercurij, Lando Mars in opposito Saturni & Mars in Cancri initio. Sed & Luna in opposita Solis in fine Scorpij: fuit autem Saturnus dominus ascendentis processus Farnesij, Sol quoque Lando & Mars

Angosciolæ inter Pleiades non simplex homicidium, sed coniurationem plurium significabant. Plura dicenda essent, sed cum de principibus agatur, ne verba in malum sensum possint distorqueri, supersedeo.

Caterum cum Iupiter & Venus affligantur in signo aqueo, vel ex aqueo signo a maleficis, podagram insignem iuxta nostra principia significabant. Itaque correptus ea atque contractus, nodosus, atque penitus deformis & immobilis redditus est. Eius quatuor fuere filij, Alexander primus & Raynuntius Cardinales, Octavius Parmæ nunc dominus, atque Horarius Princeps. Primogeniti viri splendidi & insignis genituram causis supradictis subnectere placuit.

| Motus Planetarum |       | Latitudines |   |   |    |
|------------------|-------|-------------|---|---|----|
| Sol              | Vel.  |             |   |   |    |
| Luna             | Tard. | S           | D | 4 | 9  |
| Saturnus         | Tard. | M           | D | 0 | 24 |
| Iupiter          | Vel.  | S           | D | 0 | 50 |
| Mars             | Vel.  | S           | A | 1 | 0  |
| Venus            | Vel.  | S           | D | 1 | 2  |
| Mercuritis       | Retr. | M           | A | 2 | 4  |

Huic ascendens est locus oppositus Iouis  
 patri & Mars iuxta locum proprium. Cum  
 ascendens ad corpus Saturni & oppositum  
 Martis peruenit, ægrotauit ad mortem, is an-  
 nus fuit ætatis 13. Euasit quia Sol Apheta  
 erat. Sol in vtriusque maleficæ quadratis ra-  
 diis violentum exitum vitæ patri decernunt.



qui illi contigit anno ætatis propriæ 27. Sicut  
Venus cum Sole in diurna genesi principa-  
tum. Hoc quidem in congressu per directio-  
nem cum Ioue ipsius Solis anno 24. vt trien-  
nio post cum occurrit radiis Saturni & Mar-  
tis, in Martis domo eadem quæ subsequuta  
est. Præsertim quòd directionis locus, & in  
angulo, & in Scorpione, & in fine signi  
fuit. Nam & si radij amici sint trigoni sex-  
tilesque, vt tamen vides atque te docui, cum  
ex domibus se quadrato respicientibus sint,  
quadratis æquivalent, ob quartam partem æ-  
quinocij intercepta: Et rursus quia, vt alias  
dixi, Sol ab initio ab iisdem maleficis quadratis  
radiis pulsabatur: Ex hoc vides quod in geni-  
turis primogenitorum & vltimorum filiorum  
relucent fata parentum, non in alijs. Vltimus  
enim Raynucius natus est 1530. anno, die au-  
tem



tem 11. Augusti, hor. 14. mi. 42. post meridiem. Et hic habuit Solem cum Marte, non tamen adeo expressè violenta patris mors significabatur ex hac constitutione, ut in primo geniti. Rursus in genesi secundi filij Octavij Ducis, qui longam Parmæ obsidionem perpeffus est, nihil tale inuenies, natus anno 1524. die 9. Octob. hor. 4. mi. 23. post merid. Iouem habet in horoscopo à centro tantum distantem par. 1. mi. 15.

Cæterum ut ad Alexandri genesim reuertar, factus est Cardinalis anno 14. cum cœli Medium ad Iouem peruenit. Quia verò Sol quadratis radiis maleficarum pulsatur, tota illius vita erit plena contentionibus & periculis, ipse alioquin clarus, splendidus, atque inuictus. Non erit abhorrens à Mulis. Sed & liberalis, ac magnificus, magnanimusque. Vexabitur tamen corporis vitio quodam & inopinato casu concidet. Antea tamen ob Iouis situm, à multis euadet infortunis.

Monendus etiam lector es de duobus, quæ ad principalem pertinent genesim, antequam illam penitus absolvam, quod omnes qui de cæde illius conuicti sunt, maximam cum Leonis signo habuere coniunctionem, quod Leo non solum horoscopo Farnesij sit inconiunctum, sed & loco interfectorum, scilicet Cancro & loco in quem directio peruenit, id est, Capricorno, & locis dominorum horoscopi, cum alter sit in Cancro, reliquus in Capricorno.

Alterum quod scire præstat, est eos qui Lunam habent sub radiis Solis à maleficis pulsatum, aut ad infelicem stellam euntem, & eò grauius si ipse Sol sit in Leone, Libra vel Aquario, aut etiam Scorpione in pueritia repente morbis atrocibus extingui, vel si ad perfectam euaserint ætatem malis consiliis pericula perpetui carceris aut violentæ mortis sibi parare. Hoc autem contingit, quoniam Luna cerebrum & consilium significat. Ex cerebro in pueritia conuulsiones, phthises, resolutiones, febres repente, ob abscessus in cerebro occidentes, contingunt. In iuuenta autem facit audere supra vires, quod commixta sit Soli Luna. Sol autem ambitiosus & spiritu elatos significat.

Quod verò ad concordiam geniturarum nepotum cum auis, vides quod huic Sol & Venus sunt in trigono Mercurij, & Iouis auiti, & Iupiter in trigono Solis, quod significabat dignitates ac diuitias (nam Sors prope Iouem erat (ab auo habendas, illumque superfuturum, donec ista posset efficere. In primo geniti autem nostri genesi amba maleficæ in Cancro, ut in patris mei natiuitate. Saturnus aui significator longam illi vitam decreuit, cum esset robustus in domo, & in angulo receptus à Sole, & Venere in illius dignitatibus tum propriis constitutis, superuixit igitur annis 29. Vide etiam similitudinem, quæ inter vtrasque geneses intercedit.

## GENITURA XII.

*D. Erasmi Roterodami Bataui.*

Cum maxima solum exempla referre propositum esset, hoc certè maximum est. Homo natus obscuro patre, conditione vltima, omnes Reges in sui traxit admirationem. Epistolas & munera ab omnibus accepit. Quotannis à multis ex illis stipendium habebat. Ad hunc Pontifices maximi scribebant: Galerum offerebant: natus in miseria, mortuus in opulentia. Morbosus semper, ad decrepitam peruenit ætatem, 70. enim anno mortuus est. Patria barbarissimus, eloquio elegantissimus. Dignus qui inter viuos coleretur & legeretur, tanquam Fato functus. Tot scripsit ut obiter scripta videri possint. Tam diligenter singula, ut sola scripta esse existimentur. Denique Homuncio ille quoad vixit inuictus extitit, tametsi inuidia maxima laboraret. Sed ad rem reuertor: Natus est Erasmus in Roterodamo vrbe exigua Batauorum, nunc Holandia dicitur, ea regio inter Rhenum & Mosam sita. Hinc à sinistra mare, à dextra fluuius Roter, altitudinem habet par. 54. non procul est ab Antuerpia emporio. Igitur Erasmus ea vrbe oriundus cum Saturnum habuerit in occidente in Ariete, calculi dolore ad mortem perpetuò discruciatu est. Cum verò Martem in Piscibus atque in sexto loco podagram breuem, sed frequentius reuertentem, qua conflabatur, passurum denuntiabat.

Luna in Scorpione sub Sole & cum nodo, morbos acerbissimos, quorum origo esset à cerebro. Pericula innumera violentæ mortis, cariturum vxore ac filiis, vitam ducturum humilem, laboraturum infamia grandi, malo consilio vsurum in iuuenta, atque ob id miseram vitam ducturum, vitia etiam quadam secreta circa pudenda denuntiabat.


Venus & Mercurius in horoscopo cum spica & in Iouis trigono scientiam septem linguarum præstiterunt & theologiæ, quibus toti orbi & principibus præsertim notus inclaruit. Dederunt hæc eadem sermonis suauitatem & elegantiam. Fuit Iupiter cum stellis penè eisdem, cum quibus nobis Saturnus. Domini qualitatibus animæ fuerunt Mercurius, Saturnus, Venus, Mars. Vnde etiam prædices apud bibliopolum vno contentus agnoscere diuersabatur. Inde tot illæ faces, stimuli, triumphi, bella manabant. Venus Apheta Saturni trigonus ex signis breuium ascensionum occidit. Ibi fuit sextilis horoscopi ex signis longarum ascensionum.

Porrò quod ad Sortem attinet, ab initio in opposito Saturni retrogradi & infelicitis fuit, mendicitatem non paupertatem ostendens. Deinde cum Mercurius, Iupiter, Venusque domini optimè sint collocati, & cū syderibus inerrantibus, & in occiduis quadrangulis, opes in senectute nuntiant insignes, qualesque fuerunt.

Memineris autem in Venere & Mercurio à Solis vtraque coniunctione ad maximam elongationem orientales dici debere, à ma-



ximis elongationibus in reditu occidentales.  
Vt matutinas ante Solem, vespertinas post.



Hæc autem superius sunt declarata. In mundo igitur omnes occidentales extiterunt non ad Solem. Iouis constitutio cum syderibus inerrantibus facit ad liberorum compositionem. Sunt enim libri monumenta multorum annorum, vti etiam vrbes. Non autem hoc simpliciter, sed cum domino ascendentis

& locorum qualitatis animi configurantur. Qualitatis quidem animi ob inuentionem, ascendentis ob executionem ac labores.

Fuit exigui corporis & macilentus, incundus ob Venerem in ascendente, ac lepidus, ob Saturnum autem occidentalem in Ariete in opposito ascendentis parvus & macilentus. Cunque dominaretur loco Mercurij Saturnus, fuit laborum patientissimus. Iupiter fuit in vno circulo cum Hyrcō magnitudinis primæ naturæ Martis & Mercurij. Non satis convenienti illi.

Causa itinerum multorum quibus extra patriam, & procul perpetuò versatus est, fuerunt Sol & Luna in Martis dignitatibus & si non cadant ab angulis, cadit tamen Mars ipse. Porro tempora felicitatis à 32. anno dum cœli Medium sextili Veneris applicat. Incrementi & sacerdotij à 42. dum Sol opposito Iouis. Nominis alicuius à 25. cum cœli Medium Solis quadrato. Ex hoc constat cum Mars malè affectus sit in hac genitura tum Saturnus, ipse verò non melius se habuerit quàm extrema senectà, & à 47. ad 56. annum, nihil facere ad ætatem diuisionem, vti aliàs dixi, quod illarum domini benè aut malè dispositi sint, sed directiones processus & que ingressus tantum inspicandos.







D E  
INTERROGATIONIBVS  
LIBELLVS.  
P R O O E M I V M.

**C**VM alias saepe interrogationum genus damnauerim, quod fortuitum est, & legi nostra repugnans, multorumque malorum causam prabet, rem autem ipsam necessariam esse conspicerem, quod multi unum quaesitum scire cupiant, non autem omnia, ideo hac pauca à praescriptis non discedendo, subiicere volui. Illud ante omnia docens, hanc partem, ut etiam totum à quo decepta est, & naturalem esse & coniecturalem, ne quisquam plus ramis quam trunco, fidei adhibeat. Initium faciens à Regi vita.

QVÆSITVM I.

*Rex quantum supervicturus sit.*

**D**Ebes habere genesim Regis: & iuxta illam iudicare. Quod si non habeas: momentum inuenies quo cœpit posse imperare. Si enim sit legitimus hæres, horæ quo mortuus est prior Rex, seu pater, seu frater, seu propinquus aliquis: Si autem electione fiat, quo electus est: Et tunc debes erigere figuram. Et eliges ut in genituris, Aphe- tam & diriges, & processus etiam facies, & ingressus singulis annis. Momentum coronationis ne observes: nam in facultate hominis esset facere ut Rex electus esset felicissimus & vitæ longissimæ, quæ potestas maior esset diuinis prophetis. Cum verò Rex sit per prodictionem, plerumque parum durat, quia talia fiunt silente Luna, vel à malefica obsessa, unde regnum non potest esse diuturnum. Quod si non habeas horam primi consensus, quæres hoc à natiuitate filij aut filia primo genitæ, vel patris, aut matris, aut fratris, aut sororis: ut te docui. Et quanto plura habueris testimonia, eò securius feres iudicium. Quod coniecturale erit, firmitus tamen à genitura. Manifestum est etiam quando per vim Regno occupato, debeat sumi initium, quando per electionem, scilicet cum primum consenserint, quod in Pontificum creatione est observandum, quando etiam per successionem.

QVÆSITVM II.

*Regis administratio qualis erit*

**I**nitia sumenda sunt ut in vita, sed propriè ab initio regni non ab vllis genituris neque propria, multo minus coniunctorum. Habito initio Regni considera cœli Medium

Tom. V.

pro Regno & dominum illius, sed pro Rege ascendens, & dominum illius, locus significat corpus & rem, domini consilium & animum. Si dominus ascendens conuenerit cum decimo loco, bene tractabit subditos. Si cum domino cœli Medij amabit magistratus & procures regni. Si dominus cœli Medij in opposito fuerit ascendens, & malefica testis fuerit, procures regni Regem occident. Et si idem contingat cum domino ascendens, descendent à Rege & illi aduersabuntur. Luna quoque administrationem & fortunam significat, & Sol regni cum Rege potestatem & dignitatem. Nam si Sol affligetur corrumpet regnum cum Rege, si Luna, erunt in regno multae inconuenientiae. Undecimus locus ac secundus substantiam Regis & regni significant. Et etiam inservientes ministros nobiliores, humiliores 12 & 13. Generaliter benefica potentes & dominantes in locis luminarium cœli medij & ascendens Sortis ac dominorum eorum felicitatem significant, malefica, damna, contentiones & iniustitiam. Malefica in septimo loco hostes communes Regi ac regno declarant. Regum primi ingressus ostendunt regni signum, quia est illud quod cum omnibus conuenit. Colliges etiam illud ex tractationibus. Si enim bonæ, conueniet. Si non, non. Velut si quis Regum vexet Anglos non erit signum Medij cœli eius, neque Aries, nec Leo, nec Sagittarius.

QVÆSITVM III.

*Reges an sint amici.*

**N**on ut in primo ex genituris propriè, nec ut in secundo quaesito ex initio Regni solū, sed ex utroque coniiciemus. Si igitur in genituris conuenerint loca principalia, ut dictū est erunt amici, & similiter si in initiis regnorum Medij cœli schema tū & domini etiā eorum.

A A a 3

Ex



Ex utroque verò constat convenientia Solis ac Lunæ, & Sortis initiorum. Nam cum regna amica fuerint, erunt & Reges, quamvis priuatis genituris diffideant. Vt Regum Scotiæ cum Galliæ Regibus. Contrariis rationibus dissident. Vt Scotici Reges cum Anglicis. Sors in figuris initiorum sumi debet, ut in priuatis genituris regnorum, constitutio fixa mutat geneses Regum illis etiam contrarias. Sicut etiam Regum geneses aliquid efficaciter decernentes regni. Quæ initia sunt in nocte, Solem tamen habent, Regis & regni significatorem, ut Lunam fortunæ, sed plus in his habet virium administratio, quam autoritas, in diurnis contra.

#### QVÆSITVM IV.

*Regum bellantium inuicem quis erit superior.*

**S**I habes initia regnorum, hoc est optimum. Et si non habes habeas initia in quibus tales Reges regnare cœperunt. Tertio loco est, ut habeas initium deliberationis alterius eorum bellum gerendi. Quarto si omnia desint habeas geneses & illorum, & præfectorum generalium. Vltimo si nullum horum habes à Marte testimonium accipies. Nec est in omnibus eadem ratio. Sed si habes initia vera regnorum deductis cœli Medij, & Solis per directiones locis, tum per congressus & ingressus ad tempus præsens considera, quod illorum ad loca felicia peruenerit, ex illius parte victoria erit. Si verò ambo ad infelicia loca peruenerint, contractis viribus in tertij forsan incident potestatem. Si ambo ad loca felicia peruenerint variabit fortuna, & vtrique fient accessiones, donec ad locum exitialem peruenerit alterum eorum. In initiis autem Regum considera vter Solem potentiorum & Lunam, & Martem habuerit. Et similiter quo duo prima per directiones, & processus, & ingressus peruenerint, apud robustiorem enim victoria stabit, si concors fuerit radix progressibus. Sed si discors considera differentia magnitudinem, nam cuius erit maius discrimen post multas ac varias fortunæ bellicæ mutationes, eius erit victoria. Quod si progressibus in vnum cœant post diuturnum bellum pax subsequetur. A Luna habebis fortunam & administrationem belli. A Marte exitus præliorum. A Sorte commoda & pecuniarum abundantiam aut defectum. A Sole autoritatem & possessionem regni. Si verò habeas deliberationem tantum dabis Medium cœli regno deliberantis, inum inimici, ascendens & dominum eius deliberanti, septimum locum & dominum eius inimico. Et cui fauerint magis Sol, Lunaque & benefica, is erit superior. Propterea bellum fauet deterioribus plerumque, quod si benefica dominetur non supersunt, nisi duæ aliæ benefica, quæ fauere possint, si malefica tres. Habebis & Sortem communem vtrique ut Solem, & Lunam, & Martem. Si verò geneses tantum illorū habeas, factis directionibus & processibus

bus atque ingressibus alterutrius compara loca ad quæ peruenerint, validiora sunt & suæ origini à qua regnum cœptum est magis congruentia, superiora erunt. Quod si ad fines vnius & eiusdem Planetæ peruenerint, qui loca benigno aspectu respiciat, pax sequetur. Quod si nihil horum adsit. considera Martem, qui si sit orientalis à Sole & abside, ut aliàs te docui, orientior Rex superabit, cum contra, occidentior. Si Septentrionalis descendens, vincet Rex Borealiore ad Australiorem domi expectantem accedens, si ascendens vincet Borealiore australiorem venientem expectans. Si Meridionalis ascendens, vincet Australior iens ad Borealiorem domi expectantem, si descendens, Australis domi expectans vincet Borealiorem ad se venientem. Si mutuo sibi occurrant. Si Mars fuerit Septentrionalis descendens, vincet Borealiore. Si Meridionalis ascendens Australior. Aliter anceps erit iudicium. Hæc tamen coniectura leuior est. Si verò plura ex his nota fuerint, veluti initium Regis & deliberationis, confer deliberationis schema schemati initij regni, & si congruit, bonum est & felix bellum. Si inconiuncta sunt loca principalia aut contraria, infaustum pro eo succumbetque aduersario. Præterea considera eclipses præcedentes, & inter medias cui fauent prouinciæ aut aduersantur. Vltimo animaduerte quod bella quædam sunt potius inter Reges, quàm regna, ut inter Italos, alia inter regna potius quàm reges, ut inter Anglos & Scotos. Alia inter vtrumque, ut inter Turcas & Christianos. Et ut sunt ita à propriis initiis maior habetur significatio exitus.

#### QVÆSITVM V.

*Bellum an erit in patria.*

**V**Ideas primo ab eclipsibus, & constitutionibus generalibus, an aliquid exitiale patriæ prætendant. Inde etiam videas generum principis, & quomodo se habeat in directionibus, processibus & ingressibus. Et in comparatione ad alios principes. Et si Princeps aut regnum habeat Martem cum Sole ager multa bella. Si in opposito sustinebit. Si in opposito Lunæ multa seditiones in populo patietur, & erit sanguinarius. Animaduerte etiam prodigia de cœlo ut Cometas, & ostenta, non ut omnia, sed ut effectus similes ab eadem causa procedentes.

#### QVÆSITVM VI.

*In Monomachia, & lite quis victor erit.*

**S**I vtriusque generum habueris conferes Schemata, directiones ac processus cum ingressibus, inuenies etiam causam inimicitia & litis. Videbis etiam in monomachia, quis habeat signum mortis aut vulnere. Plerumque enim & si non semper, tales succumbunt. Vide etiam significatores locorum Solis, qui sint superiores iuxta apogeeum suum in

mono



monomachia, in lite autem locorum Lunæ, nam superior significator superiorem in contentione natum facit. Hæ autem plerunque, non semper.

Quod si vnus tantum habes genesim, vide eo tempore quo Sol & cæli Medium perueniunt. Si enim ad loca beneficorum, honorem significant & ideò victoriam. Si maleficarum, contrarium. Memineris autem, vt dixi, vt non solum directiones, sed & processus & ingressus obserues. In libris autem pro Sole habeto Sortem. Quod si neutram habes genesim, considera momentum quo deliberatio facta est firma, & inconcussa pugna, erigeque figuram, nam illa deliberatio non est vt interrogatio, sed causa naturalis, erecta figura consule eam dando primam & dominum eius deliberanti, septimum locum aduersanti. Cæli medium & dominum eius iudici, Solem, Lunam & Martem ac beneficas communes illis. Victoria enim vt plurimum apud eum erit cui maximè fauebunt. Beneficæ incolumitatem, Sol honorem & palmam, Luna bonam fortunam & populi applausum, Mars fortitudinem & agilitatem ac robur præstat. Sed & si diem pugna, vt primæ deliberationi concordat animaduertas facilius de victoria diiudicare poteris. Caue etiam vt singulas horas illius diei consideres.

### QVÆSITVM VII.

*Tempora qualia erunt?*

**P**RO his oportet te consulere diligenter omnia scripta in secundo libro, & maximè scire ortus syderum & occasus, & ventos, & phænomena, & reliqua.

### QVÆSITVM VIII.


*Annona pretium quale erit?*

**H**OC quæsitum difficile est, sed tamen in tribus regulis constat. Prima est vt consideres deliquia luminarium & prædominantes Planetas & fixas, vt ibi dictum est, vbi de hoc tractatum est. Secunda considera in arboribus germinationem, florem, & maturitatem non exactam. Considera etiam quale tempus vnicuique conueniat, inde ex præcedenti problemate qualitatem cuiusque horum temporum vt futura sit. Si conueniunt erit abundantia, si discrepant sterilitas, si immodicè discrepent, erit maxima penuria illius rei. Docui etiam pro hoc & præcedenti signa in libris de Subtilitate. Vltimò consule an erit bellum in patria iuxta quæsitum quintum, an pestis, vt in succedenti, etenim belli pretia augere solet, pestis minuire. Dices magna negotiatio? Nil mirum, nam nec exiguum præmium propositum est. Sunt autem pares plerunque præmiis labores.

### QVÆSITVM IX.

*Pestis an in patria erit?*

**C**ONSIDERARE oportet eclipses præcedentes intra biennium vel paulò plus. Et vt rem exemplo habeas pono schœma eclipsis, quam maxima pestis anno 1524. subsecuta est. Vt intra trium mensum spacium scilicet à medio Maij ad medium Augusti absumperit in vrbe nostra sola 30. milia hominum, in tota autem prouincia quod Mediolanum Metropolis sit ad 100. millia. Primum igitur videndum cur tam læua pestis extiterit? Mercurius cum Sole infelix in opposito Lunæ, Saturnus cum Luna & in Mercurij opposito, Mars autem vtrumque respiciebat è Scorpione virulento, signo, Aberat Iupiter, aberat Venus, quid deterius posset excogitari non intelligo. Cæterum cur Mediolano conuenerit ascendente Leone? ab



initio deliquij vsque in finem Italiæ minabatur. At hoc non magnum est, cum Ptolemæus signum deliquij obseruet, non ascendens. Deliquij signum igitur Pisces fuisse credendum est aliquo modo Mediolani conueniens, nec quæ præfertur origo est vera. Tunc verò nullibi in Italia peste laborabatur, præterquam in nostra prouincia. Ex quo colligitur modus habendi loca principalia ciuitatum, ex illarum scilicet frequentibus obseruationibus, tam calamitarum, quàm felicitatum. Ex hac enim sola obseruatione habemus quod nostræ ciuitati, aut Sol, aut Luna ascendens fuerunt in 12. parte Piscium, nam exquisitam conuenientiam declarat magnitudo effectus.

De initio vides, quod eclipsis initium distabat ab ascendente quatuor domibus & dimidia: Fuit enim in medio octauæ domus, dando duos menses pro singulis domibus erunt nouem menses, quos si numeraueris ab Augusto, incident in Maij sequentis anni initium. Tempus autem effectus iurauit mensibus tribus, & dimidio iuxta tempus eclipsis, quod fuit horarum trium cum dimidio, ab initio scilicet Maij vsque ad medium Augusti iam exactum.

Verum dices cur magis pestis, quàm bellum,



lum, aut, fames, vel alia calamitas? Respon-  
deo, Sol fuit in humano signo cum Mercu-  
rio, & dominus loci, & antecedens angulus,  
& reliqua quæ digna sunt consideratione.  
Sed & effectus magnitudo cum Mars esset in  
proprio loco significata, non potuit nisi à  
peste procedere. Scorpio etiam veneni &  
februm pestilentialium author est. Nam  
ab annonæ penuria repente non contingit  
in hominibus magna clades: Cum igitur re-  
pente in hominibus, ex veneno clades de-  
nuntiaretur à peste illam provenire necesse  
fuit.

### QVÆSITVM X.

*De navi an infortunium  
patietur?*

**S**æpe hoc dubium in medium adductum  
est, nunc dilucidius explicabitur. Vide  
qua iter factum sit, & quo tempore, qui-  
nam venti, quæ constitutio regnabit: in ea  
maris regione, & iuxta id iudicabis, quod  
ad fortunam tempestatis attinet. Velut &  
in regionibus provinciarum: non eclipses,  
non luminarium coniunctiones, & opposi-  
tiones præteritis, atque alia quæ hic pro his  
consideratione digna sunt. Ut erraticarum  
potestatem & inerrantium præsentiam, &  
exortus atque occasus diurnos syderum. Sed  
pro latronibus genesim domini navis, aut  
eius qui navim suo nomine conduxit habe-  
bis, & diriges Aphetas & Sortem, quæ si in  
loca itineris inciderint, rectè egisti, si non,  
non. Si igitur in loca itinerum incidant, vi-  
de eo tempore per ingressus, & processus si  
beneficæ dominantur, & tunc securitatem  
pollicearis, si maleficarum, aderit periculum.  
Et ita coniectaberis, non firmiter iudicabis.  
Nullum enim quæsitum hoc ipso est magis  
anceps. Verum si his præfidiis carueris, ho-  
ram deliberationis accipe, & iuxta eam iudi-  
cabis. Semper verò maleficæ dominantes, &  
à natura sua non alienæ, sed puræ ventorum  
& maris impetu pericula, quæ rarius per-  
dunt, adducere solent. Aliis autem commix-  
tæ non eiusdem naturæ, aut tantum eleuatæ,  
sed non dominantes, aut dominantes in op-  
positis suarum dignitatum, aut omnino locis  
peregrinis ut in Leone Mars, (ubi nec in eo,  
nec in opposito signo, præter fines, nullam  
habet potestatem) in constanti ætate mala  
violenta afferre solet, & necesse. In ætate au-  
tem puerili & fœmineo sexu, violentiam oc-  
cultiorem, sed non adeò exitialem aut ma-  
nifestam: Ut carceres, stuprum, verbera, ve-  
nenum, servitutem. Et hoc, ut dixi, ubi extra  
propriis fines fuerit. Non obliuiscaris autem  
generalium calamitatum. Ut enim in terra  
bellum, ita in mari piratæ.

### QVÆSITVM XI.

*Iter an erit tutum & utile.*

**Q**uæ in ingressu maris observanda esse  
didicisti, eadem in terrestri dicta existi-  
mato. Et si iter sit per loca latronum & bel-  
lorum, exigua indicatio ex loco ad quem di-  
rectio pervenit, sufficiet. Si ad loca & per lo-  
ca tuta, opus est maiore indicatione. Bene-  
ficæ quoque dominantes & puræ, præstant  
multos comites pauperibus & fidos diuitibus  
familiares, & ob id tutum iter. Sed à male-  
ficis superatæ infidos comites & perniciem,  
ob id atque iacturam. Maleficæ dominantes  
propter solitudinem declarant pericula. Sem-  
per Aphetæ vitæ pericula adducunt, Sors  
autem spoliari decernit & bonorum amissio-  
nem minatur, tam in præsentis quæsitum, quàm  
præcedenti, si in maleficarum potestatem in-  
ciderint aduersantium hæc loca, directione,  
processu, ingressibusque.

### QVÆSITVM XII.

*Æger an sanabitur?*

**S**i quispiam quærat de ægro an sanabitur?  
Vide an in genesi ægri Apheta ad Anæ-  
retam perveniat directione? An processus  
incumbat cum alicuius Aphetæ etiam non  
principalis directione? An Luna in anni  
reditu ad locum peremptorium deveniat, seu  
cum directione non principalis Aphetæ, seu  
cum processu, seu cum debili omnino geni-  
tura: & tunc de morte pronunciabis. Debi-  
lis genesis in qua nullus est Apheta præter  
horoscopum, & ille absque beneficis ea-  
rumve radiis. Et si maleficæ super terram fue-  
rint deterius est, quoniam radij inimici loco  
corporum aduersantur. Quod si genesi careas,  
loco eius initium morbi accipies. Tunc con-  
sidera quæ de hoc, loco suo, scripsimus.

### QVÆSITVM XIII.

*Furtum quis fecerit? an inveniatur?*

**A**deo desipiunt homines, ut res, non à  
veritate, sed pollicitis, æstiment. Nulla  
prorsus est via, ut hoc haberi possit, cum præ-  
ter id multa mala subsequantur. Quidam  
enim ex interrogatione hoc venantur: Sed  
quid habet interrogatio cum re ipsa, quæ  
iam præcessit? Sæpius diximus astra esse cau-  
sas non signa. Sunt corpora, sunt nobilia, sunt  
potentia, & valida.

### QVÆSITVM XIV.

*Electiões an prosint?*

**S**imili ratione quæsitum est an electiões  
prosint? Videtur enim quod prosint, quo-  
niam figuræ quædam aliquid facere videntur  
ad



ad renum dolores & calculum. Præterea in monomachia diximus si dies congruat primæ deliberationi, bonum esse: At constat diem eligi posse. Sed figura vt figura est artificiosa, vim agendi non habet: quomodo igitur electio proderit? Dicemus igitur actionem in substantiam cum electione aliquid posse, non quia figura est, sed quia actio. Seu enim canem seu leonem seu montem ea hora sculpsit, idem erit. Si figuræ confidas, non solum vanus es, sed superstitiosus: Quod & B. Thomas sensisse videtur. In monomachia aliquid facit electio, sed non secundum diem, verum quia ante vel post aduentum directionis aut processus, aut ingressus. Sed & vtriusque ratio habenda est. Est igitur hoc infinitum & incomprehensibile. Vt amissa occasione sapius damna quam vtilitatem asserat. Verum in annis & actionibus naturæ etiam momentaneis magnam asserere potest vtilitatem. Velut si hoc anno, non præcedenti, volo quiescere in patria. Est & hoc difficile propter concursus. Ob id in naturalibus electio manifestè prodest. Vt si quis æstate ferat aut putet, rideatur. In voluntariis si felix sit sequatur naturæ & animi impetum: Si infelix frangat & fugiat: non solum occasionem sed etiam perlepe rem ipsam.

## QVÆSITVM XV.

*De gratia à Principe obtinenda.*

**Q**Varitur an gratia à Principe obtinebitur? Vtpote an exilium ab exilio reuocabitur? an qui est in carceribus liberabitur? magistratus an obtinebitur? Sunt & qui in his horam præstuant eligendam. Omnia hæc, vt dixi, in præcedenti quæsto *oppo* sequi debent si felices sint: si infelices tunc electio iuuat non vt salutaris, sed vt vitans impetum syderum aduersantium. Quæremus igitur in horum genituris, quomodo eo tempore ingressus, directiones & processus se habeant, Sortis pro diuitiis, Solis pro magistratu & Medij cœli, Ascendenti pro exilio & carcere, atque ita in aliis.

## QVÆSITVM XVI.

*De cogitatione, seruo, opificio.*

**E**T si quis desideret videre magnum experimentum, vt sciat quid cogitet Princeps: habitu eius genesi & deducta per directiones, processus & ingressus iuxta annos, menses, dies, horas & momenta, consideret loca Mercurij, & Lunæ, & dominos loci aut eleuatos super locum cuiuslibet eorum: Et erit cogitatio maior anni iuxta anni initium, & ita mensis, diei & horæ. Et vbi concordabunt rami cū trunco, poteris diiudicare, & si discordant, non. Et Saturnus bene dispositus facit cogitare de ædificiis, ducendis aquis, hæreditatibus, & laboribus. Iupiter de honoribus, diuitiis, & magistratu: Mars de itinere, fabrica, & militari dignitate: Venus de donis, volu-

ptatibus, ornamento: Mercurius de artificijs subtilibus, scientia atque doctrina. Saturnus cadens & infelix, de morte, luctu, miseria, desperatione: Iupiter de luxu, misericordia, patientia, & perferendis incommodis: Mars de furtis, ludo, superum contemptu, ferendis discordiis: Venus de infami libidine, ganeis, & scortis: Mercurius de furto canto, deceptione, mendaciis. Quod si Saturnus fuerit potens & malè dispositus, de consiliis, calumniis, oppressione miserorum. Iupiter de ambitu & pompa, & prodigalitate. Mars de cæde, incendio, rapinis, vindicta. Venus de stupris, ebrietatibus, dissipandis bonis. Mercurius de accusationibus venenis, & maledicendo. In seruo, visa illius genesi, vide quomodo conueniat cum domino & loco duodecimo. Si non habes eius genesim, facta directione, duodecimi loci & processu, & ingressu, iuxta illa iudicabis. Pro opificio, eligendo filio, vel alteri: considera qualitatem opificij iuxta naturam Planetæ illud significantis, in genesi filij, & illi eum adhibebis. Quod si genesi careas & locum mutauerit in ea regione mæsurus, considera eodem modo tempore deliberationis transmittendi illum. Et si non, cape tempus aduentus. Et si multos inuenias Planetas eiusdem causæ significatores, seu in seruo, seu opificio, seu cogitatione, miscebis illorum significata. Et ita dices de quæsitis aliis similibus. Et scias quod concordia significatorum in diuersis temporibus, aut modis, docet quod causam inuenisti.

## QVÆSITVM XVII.

*Coniuges an se diligant?*


**C**Um loca luminarium, dicit Ptolemæus, concordauerint & eo magis si sint commutata, vt locus Lunæ viro sit, locus Solis coniungi: tunc se diligant, maxime si beneficæ loca hæc respexerint. Verum dico quod Lunæ oppositio etiam amicitiam asserere solet, Sol autem nunquam. Præterea ascendentis & Sortis conuenientia, ad amicitiam & concordiam plurimum facere solet. Nam si hoc iuter ignotos & masculos facere potest, quanto magis in coniugibus?

Et vt huius rei exemplum rarissimum proponā (nam rarissima solum me propositurum sum testatus) subiungo bifariam exemplum imò trifariam admirabile. Primum quidem narranda est historia breuissimè, deinde colligenda ratio horum. Fuerunt Francisco Gallorum Regi filij tres, Franciscus maior natus ad quem regnum pertinebat, Henricus medius, & Carolus natus ultimus, omnibus viventibus, cum pater potuisset Regij sanguinis uxorem, & cum ampla dote secundo genito dare, dedit suasu Pontificis Clementis, illius neptem (& antequam primogenitus nuptisset, quod & non parum illius nuptiis detrahebat) filia priuati ciuis nec satis nobilis, nam Florentini nobiles vltos inter sese habere negant, quod sapius plebs patritios vrbe expulerit, & quod omnes mercaturam exerceant. Itaque cum Franciscus natus maior casu, vi-

uente




uente patre, dececisset è vinis, aderat & hoc malum, quod Caterina sterilis erat, dinortium pater meditatus, amore sincero coniungis seruata ab innumeris quæ imminabant periculis atque retenta est. Inde suscepta sobole non pauca auxilio herbarum etiam, mortuoque locero, nunc regina viuit & si vnquam charissima coniugi, nec solum Regina, sed Regū mater. Quæ prius sine dote, sine sanguine nupserat, magno miraculo atque multiplici, ita voluentibus Fatis. Nam ex hoc coniugio tanta fax exorta est, cum duo maximi Principes Cæsar & Gallorum Rex simul sanguine iungi nequiverint, vt manifestum sit superos spontè hos disiunxisse, illos coniunxisse.



Supputatas has geneses à Luca Gaurico diligentius, facile est conicere. Facit autem Lunam orientaliorem sex partibus ephemeride, in secunda figura. Sed ad rem deuenio, Luna in Regis genesi sub radiis. Solis iuncta Veneri in quadrato Saturni quem euaserat, humilem vxorem, sed formosam & gratiis plenam indicabat. In genesi priuati, coelibem fecisset. Ipsi verò vxori non Sol, sed locus septimus in quo Luna, Iupiter & spica Virginis in vnum coierant iuxta Ptolemæi decreta, adeò manifestè regem coniugem declarabant, vt nihil magis, quia Luna trigoni Solis domina prima fuit. Diximus talia à trigonis maxime sumenda, quanquam etiam esset altitudinis & carpenti. Constantis autem amoris, quod est secundum ascendens ascendenti, Sol Soli, Venus & Iupiter, tamen in eisdem locis, tamen luminaria respicientes aut iuncti illis & Luna opposito in loco & congruenti scilicet septimo. Nec plura possis optare nec sperare. Saturnus verò in omnium penè quadrato eleuatus ex hoc coniugio quot tristitias, curas atque eas diuturnas, & stabiles, quas interfuisse necesse est, denuntiat.

Quod ad singulares status attinet, cum Luna in reginæ genesi sit iuncta Ioui & spicæ Virginis, quæ est de natura Veneris & Mercurij, significat mulierem planè probam, sapientem, mundam, diligentem, coniugis & filiorum amantem, moribusque nobilibus gratiosam, & decoram. Quòd ad Regem, venior à Fatis quicquam dicere. Sed Iupiter in occidente Regnum decernit cum esset secundò genitus, Erit certè senecta tanto felicior,

quanto etiam plura expertus fuerit. Saturnus sic constitutus vicissitudinem in rebus gerendis maximam pollicetur: Quod si in cœli Medio esset, nec duo quadrati vim suscepissent



sextilis & trigoni, multò firmiora & maiora mala decerneret. Iuxta igitur directiones, processus & ingressus, alternabit fortuna. Quæ & si æqua lance mala cum bonis distribueret, multò tamen magis læderetur malorum recordatione, quam bonorum voluptatem capiet. Porro hanc quantitatem metiri & longissima res est, vt dixi, & extra præsentis negotij propositum, cum obiter hæc, vt dixi, tractauerimus, hic & nunc vetamur à Fatis.

## QVÆSITVM XVIII.

*Coniugum quis prius morietur?*

Eadem ratione si quærat vter coniugum supererit: dices illū cuius vita per genesim in tempus tardius protrahetur. Eadem ratione si vna tantum genitura nota fuerit, videbis quot vxores aut maritos sint habituri, & ex hoc duces coniecturam. Quæ enim tres est maritos habitura si vitam habebit primo & secundo necessario superstes erit. At dices quid certi? nam cum tres habitura sit maritos, non secus potest ante mori, quàm qui in infantia: præscribit enim mors omnibus. Et si dicas ætatem adesse oportet, quæ & ætas tribus maritis erit sufficiens? Viuacibus ne centum anni, brevis vitæ vel vnus annus. Propter id dicimus eos, qui aliena sectantur rerum principia, non habere quod dicant. Nobis satis est huic esse inclinationem ad plures ducendas vxores, alteri ad vnicam. Si tamen incidat vir in viuacem vxorem, nec omnino ad decrepitam perueniat ætatem, vnicam contentus erit: loco verò alterius, locumque cœlo pulsa pellicibus dedit. Si vera neutram genesim habeas, ex primo consensu coniectaberis vtrum luminarium meliore sit conditione, quo ad angulum, & locum, & alias stellas. Diriges quoque vtrumque & ratione inita occursum in temporibus, & magnitudine impedimenti iudicabis quis sit superfuturus.



## QVÆSITVM. XIX

*Prægnans cuius sexus factum habeat?*

**T**utissima via ex ventris inspectione habetur, inquit enim Hippocrates mascululi in dextris, foeminae in sinistris. Quod etiam ex mamillarum differentia dignoscitur. Sed hoc & præcedens signum ut certissimum est, & vix unquam fallit, ita plerisque anceps, cum discrimen hoc tam exiguum sit, ut non nisi longa consuetudine dignosci queat. Estque velut gemmarum notitia. Collocare oportet mulierem supinam ad amussim, & ut in luxatis pedibus exquisitissime laterum comparationem habere. Quæ, ut dixi, cum medicos expertos in luxatis fallat, nihil mirum, si ubi obscurius est discrimen, & experientia longè rarior, homines hæsitent. Contingit tamen, licet vix in viginti prægnantibus vnâ, dextrum latus turgidius, & tamen femellam in utero habere, aut conuerso modo. Idem de mammis. Sed hæc extra artem. Ex arte sunt directio, processus & ingressus in loca masculina pro masculis, in foemina pro foeminis, pro patre aut matre, tutius pro utroque. Aliud si hoc præsidio careas horam conceptionis habeto, erige ascendens, & vide qui Planetæ loco ascendens & Medij cœli dominantur, & qualiter affecti iuxta duplicem modum sexus. Quidam existimant succedentes fratrib. aut sororib. natis, Luna tendente ad nouilunium masculos esse, ad plenilunium foeminas. Melior ratio habetur ex natiuitate fratrum præcedentium, ad quos Luna applicat, si masculini sint natura, signo, quo ad mundum, & quo ad Solem, aut foeminini. Et similiter dominos loci Lunæ, & cœli Medij coniectura accipere oportet, non solum secundum quatuor modos sexum decernentes, sed & magnitudinem illorum, aut intensiorem qualitatis. Exerceri autem prius in his oportet quam iudices, ne damno tibi sit ars non lucro. Solent enim Antuerpiæ & Lugduni mercatores magnas circa hoc deponere pecunias, certandi causa.

## QVÆSITVM. XX.

*Filius an sit eius patris cuius creditur. Et an fama sparsa sit vera?*

**Q**uod ars hæc coniecturalis sit, & hominum comparatione ambigua, sæpe diximus, quo sit ut apud multos talia damno fuerint. Iniicere enim suspicionem filij spurij, adulterij vxoris, neque tutum est, nec sapientis officium. Propterea etiam si ars ad huiusmodi extendatur, haud tutum est ei aut prudentis insistere. Inde enim cædes, suspensiones, veneficia, abiectioesque filiorum exoriuntur. Inuisa fuit mathematica, olim propter hoc, & nunc quoque si talibus studeamus, astrologia. Quamobrem omnis scientia bona non omnis suspitio aut con-

iectura. Hoc igitur vnum est ex his quæ nescire præstat, sed de rumore, ut plurimum iuxta initium existimandum erit, nulla tamen ratio firma de hoc tradi potest, cum non ex illo initio, sed ex consequenti voluntate & genitura illius qui eum profert ac directione, talia exoriantur. Itaque quædam sunt quæ omnino nescire præstat, ut de filiis, quædam quæ nesciri possunt, ut de furto, quædam quæ paruam habent coniecturam, ut de rumore, quædam quæ difficillimam, ut de cogitatione, quædam magnam, ut de Regis vita, quædam exquisitissimam, ut de ægro, quædam optimam extra artem tamen, ut de prægnantium foetu masculino aut foeminino. In quibusdam etiam iuuat electio, ut in figuris ac sigillis. In aliis electio & interrogatio, ut in ludis. Vincunt enim plerique qui Lunam ludendo fronte aspiciunt, & eò magis si felix illa fuerit. In interrogatione autem ultra præscita directionum & processuum atque ingressuum, quando primum congregiuntur, & primum deliberavit si faustum tempus sit directioni, aut congressus deliberationi. Congressus in hoc significat, quoniam non cunctis sit per electionem. Si enim eligatur ab vno aut vni obedientibus nihil prodest. Si autem à contrariis, validus est: quemadmodum & in bello si quis locum aut occasionem in perniciem suam eligat, ab illa frangitur & superatur.

*De electionibus, & in quibus proficiant, & quæ generaliter seruanda.*

Conferunt maximè in naturalibus, aliquid etiam in ludis, ut diximus, facere videntur. Naturalia sunt septem, satio, plantatio, insitio, sectio lignorum, nauigatio, medicamentum purgans, medicatio cum ferro vel igne. Fiunt in rebus naturalibus & coadiuvante natura. Non ut coniugium, lis, educatio, eruditio, & talia. Quatuor in omni electione generaliter obseruanda, artis ratio, utpote ne medicamentum dederis crudo morbo, ne nauiges naui corrupta, ne ludas ignorans ludum, ne seras æstate media: Atque eo modo hyeme nauigatio difficilis in oceano à Calendis Nouembris per totum vsque Martium. Scias etiam & conuenientia arti ex propriis, ut quoniam iuxta littus Africum Augusto ac deinceps procellæ sæuiunt, in quibusdam etiam locis venti orientales certis temporibus, ut tunc absurdè in orientem sis nauigaturus. Scias etiam exortus syderum atque occasus, quid valeant ea in causa & quando contingunt. Præterea conuenientia secundum naturam, utpote quoniam sationes & plantationes, ac insitiones sicco indigent non humido: ludens ne decipiatur, aut alea falsa ludat, aut cogatur falso iudicio.

*De electione, in satione, plantatione & insitione.*

Quocumque in signo Sol positus aut signi parte, in ea regione feliciter id opus admittit, in eodem vicissim ☽, trigono aut sextili Saturno congregiens, maximè à Solis radiis libera, fauet operi. Atque præcipuè in secunda quadra plantare arbores conuenit. Caue autè ne maleficis malè constitutis congregia-

tur.



tur. Marti etiam quocumque modo. Elige etiam ut sit supra terram.

*De lignorum sectione.*

Caduntur silente Luna in coitu cum Sole & sub terra posita : optimè sub nouissima Bruma , deinde sub exortu Canis.

*De navigatione.*

Non congregiatur Luna Marti , nec syderibus illius naturæ. Nec procellosis ut Orion , Arcturus , vterque Canis , Hædi , Hircus. Observandum est autem maximè ne eclipsis , aut coniunctio luminarium , aut oppositio proximè præcedens præfagiat tempestates.

*De medicamentis exhibendis.*

Medicamenta vocare solemus , quæ selectum humorem purgant. In his humida signa & aquea eliguntur , & mobilia , optimum igitur Cancer. Contra sicca & calida , & fixa : pessimum igitur Leo. Et sicci Planetæ & tardi motu : pessimus Saturnus & Mars , post Iupiter & Sol. Optima Venus & Mercurius , & si Luna vacua cursu fuerit (Semper autem de Luna , quæ in signis sit aut Planetis configuretur , est intelligendum.) In ruminantibus Ariete , Tauro & Capricorno solet vomitum excitare. Cum Planetis stantibus , ut cum tardis parum agit , imò minus quam in illis , & cum illis.

*De medicatione per ferrum vel ignem.*

Experimento deprehensum est , quod tales operationes si fiant , Luna signum illud , quod membrum respicit corporis , possidente , non sine evidenti noxa opus id fieri. Præsertim si in sectione Saturno aut vitione Marti societur. Et si malè dispositi sint , non absque periculo.

*De ludo.*

Considera primum impulsus mentis , & si Luna sit in congruentibus , & illis associata vel genitura comparatione , vel per se , vel experimento , ibis : aliter non. Eligere etiam præstat locum Lunam bene fortunatam ascendentem , intuentem.

*De modo seruando in prædicendo.*

Oportet nouem condiciones seruare , ne si sinistrè hac arte utaris , non solum gloriam & vtilitatem nullam afferat , sed etiam damna & pericula magna. Ascletarion , ut dixi , à Domitiano : & alius à Galeazio Sfortia occisi sunt ob prædictionem. Thrasybulus à Tiberio parum abfuit , quin in mare præcipitaretur. Hieronymus Cutica ciuis noster in exilium ob prædictiones à Gallis pulsus. Et si capi potuisset de vita actum fuisset. Gauricus à Bentinolis tortus in eculeo. Id certè ex astris non viderat , quamuis excidium familiae ominaretur , plus ex coniectura rerum quam astrorum. Fuit enim sycophanta egregius. Quoties Roma pulsi , in exiliumque acti omnes diuinatores ? Nobis antea nullo commodo fuit. Vanitatem hominis æmuli prædicabant ex artis infamia. Postmodum non parum commodi attulit nullo ferè detrimento famæ , sed observatis his , quæ nunc subiiciam. Quæ si quis seruauerit , & ipse citra offensam artem exercebit. Nec minore cum gloria ac vtilitate quam medici nostri æui suam artem medicam. Longè enim securio-

res sunt astrologorum prædictiones , qui ex hoc libro seruatis his conditionibus diuinabunt , quàm cognitio medicorum nostri temporis de morbis , adeò diligenter astrologia hic tradita , adeò oscitanter medicina tractatur. Primum igitur ad prædicendum ne accedas , nisi perfectè instructus in his quæ hic traduntur , & illis necessariis ut supra ostensum est. Ut quod cognoscat statim cum Planetæ sunt aucti cursu , quod sunt in superiore parui circuli parte , cum diminuti in inferiore , præter Lunam : Et plura prædicendi tecum experimenta feceris. Secundum , ut in prædicendo amoveas timorem , odium , & amorem. Illa enim etiam nolentem errare faciunt. Tertium ut ne artem profitearis in triuiis , nec coram populo , nec edas quicquam publicum. Tales enim artem & se ipsos infamia aspergunt , etiamsi vera prædicant. Quanto magis ridiculi fiunt cum falsi deprehendantur ? Quartum ne prædices tentanti , nec dubiam habenti genefum , nec sine pretio , nec cum exiguo pretio , nec deridenti artem : Nam vilipenditur in omnibus his ars , daturque errandi occasio , cum leuibus laboribus magna prædicere conamur , & inuentu difficilia. Ego his centum coronatos pro vna genesi perficienda respui. Vide modo an tu me sis exercitior. Quintum ne prædixeris , nisi omnibus diligenter consideratis & bene discussis , ad vnguem vsque. Et ratione habitata conditionis hominis , familiae , regionis , legis , ætatis , ac talium. Sextum , homini improbo & malo ne vlla ratione prædixeris quicquam. Ex his sequitur ut ne ignoto : multo minus Principi sæuo. Septimum , in prædicendo soli illi qui te rogat dixeris , non in populum prædictiones diffunde. Nec de minutis respondebis , sed maximis tantum & evidentibus . & breuiter , non ut impleas folia , nec per ambages , nec contradicentia scribas. Sed purè , nitidè , castè , mundè , breuiter , clarè. Exemplum de hoc habes in decima genesi. Octauum , Principi ne magnum malum firmiter vnquam prædixeris : Sed periculum. Nonum , in omni prædictione adice si non se intruserit periculis communium calamitatum. Et si vita debilis sit , si per processus & ingressus intermedios licuerit. Cæterum ipse astrologus sit prudens , mitis , paucorum verborum , ornatus , vestibus nitidus , grauis , fidus , ac probus , & vnde quaque boni exempli. Nam artem persæpe artifex ornat & decorat. Expedit etiam ob multa non permittere ut quisquam sciat quod propriè genese sit conscius. Conditore autem artis ut Ptolemæo , & nobis ad ostentationem veritatis , artis quædam ex his non sunt necessaria. Sunt etiam quædam his quæ scripta sunt altiora , atque obscuriora , quæ ut diximus , suo loco scribentur. Nam experimento hæc deprehendere licet , quasi his non consentiant ob difficultatem indicij , consentiunt tamen. De sigillis quoque in tertio de rerum varietate scripsimus. Tot igitur & tanta hic docuisse sufficiat.





D E

# REVOLUTIONE

ANNORVM, MENSIVM, ET DIERVM,  
ad dies Criticos, & ad electiones Liber.

P R O O E M I V M.

**U**NGA satis serie à nobis pertractatum est de futurorum generibus & qualitatibus, sed cum distinctio temporum rei veritatem indicet (nam cunctis cuncta conveniunt aut non) fit, ut solum in genere aestimatio collocetur Astrologia. Si temporum determinata conditio auferatur, multa etiam ab eventibus uniuersalibus permutantur, quorum ratio ex singularium genituris omnino non pendet nam non potest unum genus mortis, tot tantisque viris, diuersis regionibus temporibusque ortis, una hora convenire, nisi à quadam uniuersali causa complectantur. Ideo ratio etiam uniuersalium semper habenda est, Eclipses etiam & Coniunctiones siderum, diuersitatem aliquam operantur in uniuersali. Nihil autem est uniuersale, nisi quod conficitur ex singularibus. Cum ergo hæc sint causa præter natalitias figuras, & reuolutiones, non tantum etiam extendantur, si in ipsis etiam contigerint: (quod tamen rarum est) necessarium est super ingressus talium, aliquam seiunctam ab his habere demonstrationem. Ipsas vero reuolutiones, non unius generis diximus esse sed singulum illorum generum distinctè prosequendum. Hanc etiam ob causam dies Criticos explicandos, quæ ratione proueniant, quæ ratione iudicentur. Videtur enim Galenus in ipsis maximam auctoritatem posuisse atque hoc modo facile quisque modum eligendi intelliget, cum promissis speranda ex tempore coequauerit. Eorum autem quæ quaruntur, tria sunt genera: Manifestum, ut in octuagesima genitura dignitates. Obscurum, ut multa contingentia parui momenti, quæ nulla arte assequi licet. Medium, ut artes natorum.

## CAPVT I.

*De modo generali reuolutionum.*

**R**ecta cœli figura, planetas diligenter dispones, sed maxime Lunam, nam Solis in annorum reuolutionibus, & Lunæ, & ascendens, vsque ad minima diligens ratio habenda est, hæc est ratio reuolutionum annorum in paucis annis: nam in pluribus, Solis locum diligenter examinabis, ne te ratio motus augis fallat, vnde plures annos voco, qui 200. excedunt.

Post hæc singulo mense tempus præcise notabis, quo Luna ad eundem punctum peruenit, in quo in reuolutione anni fuit, & hora illa figuram eriges, & planetas collocabis, eruntque in anno, vltra primam anni & mensis primi reuolutionem, reuolutionis 13. sed vltima est imperfecta.

Post hæc, in vnoquoque, loca quadrata per gradus & mi. & secund: obseruabis, & locum oppositum, & cum Luna in locis illis fuerit, erigit figuram, eruntque in vnoquoque mense, à figura mensis, tres aliæ fi-

Tom. V.

gura.

Post hæc obseruabis ascendens illius temporis, in quo Luna est in vno locorum, & eriges quotidie figuram cum illo ascendente, & illud erit ad horam vsque reuersionis Lunæ ad alium punctum in quadratura existentem.

Post hæc in die obseruabis duo, distantiam planetæ vel loci ab occidente, si super terram fuerit, aut ab oriente, si sub terra, & multiplicabis per horas elongationis, & diuide per duodecim, & illud est complementum in hora illa. Secundus modus est, ut locus designatus ponatur in cœli medio, in oriente vel occidente, est enim tunc eius operatio, & differentia prima non est apud me recepta, sed secunda, idem dico de aduentu ad locum planetæ per alium circulum quam sit horizon & meridianus, & iam dixi hoc in directionibus.

Complebitur ergo hoc negotiū cum quinquæ reuolutionibus, & cum natiuitate. Natiuitas ergo per generalia & directiones ostendit tempora, locus Solis ostendit annos: Lunæ menses in quolibet anno: aspectus Lunæ principales hebdomadas. Et sunt quatuor

BBb in



in quolibet mense, gradus ascendens, dies in hebdomada, & sunt pauciores sex figuræ, & plures octo, & mediocres septem, & aduentus partium noni cœli, ad partes decimi ostendit horas & partes horarum, & hoc est comprehendens minutias incomprehensibiles. Igitur figura genituræ principaliter ostendit primi anni nutritionem, & reuolutio anni ostendit principaliter de primo mense, & ita de aliis.

Ex quo sequitur tandem, quod figura genethliaca principaliter ostendit, quod fœtui & matri, cum qua annectitur tunc puer, succedere debeat hora illa, & in momento, & propter hoc raro eueniunt promissa in prima hora alicuius reuolutionis, quia non fit iteratio testimonij rei promissæ, & quando fit illa hora, vel die, tunc videbis necessario & semper, figuram validam in significatione, veluti in figura quinquagesima prima libri centum geniturarum, & in figura nostra, in qua mater & ego penè perieramus.

## C A P V T II.

*Soluit duo quesita.*

**P**rimum igitur considerare oportet, An in his qui ad perfectam perueniunt ætatem, aliquid quod in figura demonstratur frustrari possit? nam in his qui ad perfectam ætatem non deueniunt, clarissimum est plurima frustrari significata: constat enim in pueris cito morituris, etiam significantes filiorum, & nuptiarum, & exercitij adesse, non tamen, quoniam morte præueniuntur, aliquid horum assequi possunt. Pari ratione igitur existimandum est, eos qui ad perfectam deueniunt ætatem, sæpenumero promissis tardioribus frustrari: quod etiam in euentibus naturalibus contingit Multi enim vtero gerentem derelinquunt uxorem, cum spem nascentis filij morientes quid igitur? nunquid causæ illæ frustrabuntur? nequaquam, quia causæ non sunt, nisi in ordine: deficit autem ordo, subiecto deficiente. Significata quidem frustrari non est inconueniens inconuenit autem causas, quæ ordine naturali constitutæ sunt. Si igitur in senio promissa fuerint non in vltima ætate, quod multi credunt expectanda erunt: sic etenim cuilibet sua vltima adest ætas, cum moritur: sed eo tempore, quod generaliter senium dicitur, veluti iuxta sexagesimum annum, frustra igitur quinquagenarius expectabit. Hæc autem scripta sunt, quoniam multos etiam clarissimos viros decipi videbam.

Secundum, quod queritur, est, An cuiuslibet euentus qui per reuolutionem ostenditur, significatum in genitura sit constitutum, an vero reuolutio per se sit sufficiens, aliquid omnino ex nouo condere? Respondemus, in genere quidem esse necessarium, in specie autem nequaquam. Vnde cum cuilibet in genitura, mortis significata sint constituta, non inconuenit quolibet tempore, & mortis genere mori. Cum autem non in omni genitura coniugij significata sint, nulla poterit effi-

cere reuolutio, vt illud eueniat, cuiusue significatum quidem in genitura est constitutum, minimum quidem vestigium sufficiet validæ reuolutioni: debili autem reuolutioni, validæ genituræ iudicatio requiretur. Itaque si quis genituram reuolutionibus comparauerit, cum per æternos motus sit connexio, merito potuit quis dicere, in genitura quacunque ventura sint, perfecte contineri.

Cum autem optimus Astrologus natiuitatem sine reuolutionibus considerauerit, dupliciter contingit ipsum longe falli, ac optimam genituram, pessimam indicare: pessimam vero summis extollere laudibus. Primo, cum optima promissa, vel pessima, ad senilem referunt ætatem, ipse vero occurrente reuolutione, vel directione præuenitur, non habebit ille vestigium eorum, quæ à genitura promissa sunt. Secundum est cum superuenientibus pluribus reuolutionibus, malum conuenitur in bonum vel bonum in malum: Hæc autem in perpetua constituatur memoria.

## C A P V T III.

*Docet differentiam temporum.*

**C**ognitio temporum futurorum, pendet ex tribus cum regula & quartum sine regula, Primum est conditio figuræ in esse genituræ: & habet quatuor condiciones. Prima est conditio naturæ significatoris, quia tardi, significant rem post annos, & aliqui post annum & aliqui post mensem, vnusquisque enim significator, significat rem post suam reuolutionem completam. Ita ergo Saturnus non dat, nisi post 30. annos, & Iupiter post 12. & ita de reliquis, Et hoc cum fuerint significantes, dominatores, & non significantes per se, aut infortunatores.

Secundus modus est, vt sint veloces in cursu, tardi, vel retrogradi, & hoc non significat tempus initij rei, sed postquam initium habuerit, quando finietur: qui ergo habet planetas retrogrados inferiores, tarde finiet quod cito inceperit: qui superiores cursu auctos, cito perficiet, quod tarde cœperit.

Tertium modum, significat conditio planetarum in esse, quo ad mundum, & est, quod decima, vndecima, & duodecima, item prima, secunda, tertia significant cito, & reliquæ tarde, & in his, anguli significant velocitatem maiorem, cadentes tarditatem maiorem. Et ita cum comparaueris decimam nonæ, non erit diuersitas sensibilis, quia nona est velocissima tardarum, & decima tardissima velocium: & ex hoc quinta & sexta sunt valde tardæ, nisi sint in proprio significato.

Quartus modus, est orientalitas à Sole, quæ signant velocitatem, oppositum tarditatem, & hæc sunt firmæ rei vniuersalis condiciones, quantum ad tempora vniuersalia.

Modus temporum exquisitorum veluti iuxta quinquagesimum annum, vel iuxta sexagesimum,



sexagesimum, pendet ex directionibus, & iam diximus de hoc in precedentibus, cum ergo directio significat aliquid in 60. annis, & tempora vniuersalia in senectute, tunc augbitur significatum & confirmabitur. Si verò in iuuentute, tunc illud quod erit in iuuentute, erit paulatim & sparsim, quod vero erit in tempore iuxta sexagesimum annum, erit debile, quia tempora vniuersalia non concordant cum temporibus distinctis ac propriis.

Modus temporis exquisiti, concordat cum reuolutione anni pro anno: & mensis pro mense: & diei pro die: cum ergo concordauerit cum directione, tunc bonum est: cum discordauerit, erit effectus minor, & minus sensibilis in utroque. Si vero reuolutio directioni contraria fuerit, & non fuerit valde potens directio ipsa, non cognoscitur operatio directionis in reuolutione illa, & tempora horarum non possunt auferre significatum diei: nec tempora diei significatum mensis, nec tempus mensis significatum anni, nec tempus anni directionem: nec directio tempus vniuersale. Exemplum, si quis habeat directionem moriendi in 30. anno, & eueniat reuolutio vitæ bona, licet non moriatur in vno mense illius anni bono, moritur in alio, & tantum eliget, donec in vno mense moriatur illius anni, quod si directio fuerit minus valida, non morietur illo anno, sed tantum agrotabit in mense deteriore, & morietur in anno sequente: vel alio in quo reuolutio peior fuerit, quod si reuolutio mala directioni non multum malæ associetur, morietur tamen. Si vero reuolutio bona directioni malæ associetur, euadet pro illa reuolutione & sequentibus, quia directio non multum mala, penetrat tantum ad annum proprium in quo cadit, pessima vero ad multos annos. ante & post, & si contingat reuolutio mala ante, interficit: si non, non euadet tamen à suo anno, in quo attingit ad locum illum.

Et scias, quod planeta damnatus in genitura, non potest fieri bonus in directione: nec malus in directione, potest fieri bonus in reuolutione anni: nec malus in reuolutione anni, potest fieri bonus in reuolutione mensis, & ita de aliis, tantum quod pristinae malitiæ contra operetur, & eam destruat & tollat.

Modus sine regula est, vt superiorum coniunctio vel eclipsis.

#### CAPVT IV.

##### *De distinctione inter dominum genitura & reuolutionis.*

**C**ognitio rerum significatarum per planetas est secundum duos modos: vna est secundum substantiam, reliqua secundum dominium. Exemplum est, quod Sol significat animam vitalem, & cerebrum significat Luna: & epar cum naturali virtute significat ascendens: & horum locorum dispositores quicunque sint, illi sunt secundum ac-

cidens dominatores. Et secundum hoc initia duodecim domorum, vt quæ sunt in primo mobili sunt secundum substantiam: & dominatores & partes eorum sunt secundum accidens. Et res quæ significantur, sunt tres: dispositiones animi, & corporis, & fortunæ, & his dominantur ascendens & dispositio: Luna & dispositio: & Mercurius & dispositio, & Venus ingreditur in genere voluptuoso, non tamen est domina secundum substantiam, tres ergo sunt animæ dispositores secundum substantiam, & tres secundum accidens, res corporis sunt per ascendens & Solem & Lunam, & aliqui addunt locum coniunctionis, & ego non sum de illis. Hi ergo dominantur secundum substantiam, & dispositores eorum secundum accidens. Res autem fortunæ sunt diuitiæ, amici, consanguinei, & honores: & Saturnus cum quarta, & dispositores, dominantur stabilibus, & Iupiter & secunda cum dispositio: & dispositores, dominantur diuitiis propriè vocatis, vt sunt pecuniæ & suppellex: duo ergo sunt significantores secundum substantiam, & duo secundum accidens. In quolibet genere facultatum, Saturnus & Sol significant patris conditiones, & duo significantores eorum. Venus & Iupiter, & vndecima, significant amicos & dispositores eorum: tres ergo sunt domini secundum substantiam, & totidem secundum accidens. Luna Venus & septima, significant uxorem & dispositores eorum similiter, Mars & septima secundum substantiam, significant inimicos, & loca opposita luminarium, & domini ascendens nequaquam, & dispositores sunt domini eorum per accidens. Saturnus & duodecima significant hostes occultos secundum substantiam, & dominatores secundum accidens, quinta & Venus, & Luna, dant filios, & Iupiter, & hoc secundum substantiam: & dispositores horum secundum accidens. Mercurius & sexta dant seruos, & similiter dispositores. Mars, & sexta, & Saturnus, & dispositores, dant infirmitates. Saturnus, & septima, & dispositores, mortem cum abscisore vitæ, & sunt tres secundum substantiam, & totidem secundum accidens. Mars cum nona & Luna, dant itinera & dispositores: Sol, Iupiter & decima, dant dignitates, & dispositores: Luna, Venus & dispositores dant matris fortunam: Luna & Mercurius & tertia, dant fratres & consanguineos: Mars & Luna cum tertia & dispositio: & dispositores, dant itinera parua: ea ergo est ratio dominatorum secundum substantiam.

Tunc est regula generalis hæc, dominator secundum substantiam, semper manet idem, in omnibus reuolutionibus: & dominator secundum accidens, variatur in reuolutionibus ad inuicem, non ab eo quod fuit in genitura.

Secunda, cum domus sit dominator secundum substantiam, semper id quod est in ea, significat qualitatem. Vnde semper Mars in secunda significat aliquam dissipationem, & Iupiter in secunda, aliquam bonam fortunam.

Tertia, comparatio domini secundum substantiam ad dominum secundum accidens, in



tempore illo, & dominorum secundum substantiam inuicem, est iudicium & indicatio pro re illa in tempore illo.

Quarta, proportio dominatoris secundum substantiam, ad dominatorem secundum accidens, est veluti proportio domini agri ad colonum, & fructus existentes in agro, nam licet fructus in veritate sint domini, possessio tamen propria est in colono, nec poterit eis gaudere dominus, nisi vel voluntas vel necessitas cogat colonum, ut domino fructus reddat. Manifestum est ergo, quod quando colonus fuerit potens & malus, impediatur dominus à receptione fructuum: vel quando fuerit debilis valde, & ab aliis impeditus.

Quinta, domini secundum substantiam faciunt impressionem in loco permanentem, non domini secundum accidens. Vnde pars Saturni obseruanda est, & ceterorum planetarum, non quatenus sunt dispositores, sed quatenus sunt significatores secundum substantiam, & ita obseruamus locum Martis, quia est dominus contradictionum & infirmitatum secundum substantiam, & Mercurio inest proprietas, ut fiat in natura dominatorum secundum substantiam, & abscisor est dominus secundum substantiam, ut dictum fuit, & cuspides domorum. Sunt ergo loca decem nouem, sed principalia vndecim.

Sexta regula, dominatorum secundum substantiam loca opposita & quadrata, sunt considerata dupliciter, nam in his qui radios mittunt, proportio talium locorum est consimilis loco mittentis cum quadam proportionem contrarietatis. In his autem qui radios non mittunt, semper est contraria dispositioni loci illius, veluti tertia nonæ, & prima septimæ, & quarta decimæ. In illis vero qui sunt dominatores secundum accidens, iam nulla est intentio, quia non disponunt in loco aliquo. Iupiter ergo in octaua adimit & dat diuitias, Mars vero semper adimit.

Septima, reuolutio non potest super reuolutionem aliquam, quæ non sit pars ipsius, ut reuolutio anni super mensem, & mensis supra dies eiusdem anni, aliter non.

Octaua, Sol est dominator omnium virtutum in toto cælo: & Luna delatrix, vnde Solis mala dispositio in omnibus minuit virtutem & robur: & Lunæ mala dispositio impedit, aut malè dat, aut tardè. Qui ergo ambo luminaria habet impedita, nunquam egregium aliquid nanciscetur, habebit enim omnia quasi vitiata, etiam optimè dispositis aliis planetis.

Nona, cum fuerit dispositor, dominus secundum substantiam in eadem re maximum ab illo planeta in causa illa iudicium habebis, non enim accidit separatio.

## C A P V T V.

### *De permutatione significatorum adinuicem.*

**C**ognitio bonitatis & malitiæ euentus, est ex quatuor conditionibus, prima est ex

dispositione significatoris essentialis, vel accidentalis, in seipso. Secunda ex comparatione ad loca existentia in principio geniturae, & iam dixi quod sunt vndecim. Tertia est ex comparatione ad alios significatores, secundum tempus illud. Quarta est ex dispositione reliquorum planetarum in tempore illo.

Et nota, quod sunt duæ quadraturæ malæ, in vno quoque genere signorum, & ita sunt tres ordines, inter arietem & Cancrum. Inter Libram & Capricornum, secunda, & est deterior, Inter Geminos & Virginem: & inter Sagittarium & Pisces, vltima & est pessima. Inter Leonem & Scorpionem, & inter Aquarium & Taurum, & sunt duæ malæ valde, duæ deteriores & duæ pessimæ, & sunt reliquæ mediocres, & oppositio est longe minus mala in hoc casu, quam quadratum loquendo de comparatione vniusmet Planetæ ad suum aspectum.

Et nota, quod quatuor modis planeta iuuat vel nocet, primus est ex natura propria: vnde fortuna semper iuuat: infortuna nocet, luminaria augent, & declarant, & manifestant, hæ enim sunt tres propriæ operationes Solis & Lunæ Mercurius operatur secundum naturam dispositionis.

Secundus modus est, ex qualitate dispositoris: nam dispositor semper iuuat, & dispositor rei contrariæ nocet, veluti dispositor loci interficientis nocet vitæ, quamuis sit fortuna, & Mars vitæ dispositor iuuat quamuis sit in fortuna.

Tertius modus est ex radiatione, quia quadratus & oppositus habent contrariam dispositionem, Trinus & sextilis amicum, & scias quod Trinus est coniunctio imperfecta. Sextilis vero diminuta, nam operatio trini est operatio coniunctionis, si ergo fiat ex infortunis est malus. Similiter & sextilis, excepto quod sit ex recipientibus: tunc enim est in forma coniunctionis receptæ, & generaliter trinus est coniunctio imperfecta, & sextilis diminuta. Valent ergo qui trinum Saturni laudant, & coniunctionem vituperant, nisi sit cum receptione, & melior est mutua. In quibus etiam casibus coniunctio est laudabilis, & non est differentia in hoc, nisi in duobus, Primo quia trinus est debilior corpore: & ideo non tantum potest nocere secundæ, quod est inter signa similia. & coniunctio est validior, quia non solum in consimili, sed in eodem sit signo. Manifestum est ergo, quod quadratus dispositorum iuuantium viuat: & melius oppositus, vnde etiam ephemerides miscent eorum significata, ut dictum est, in mutationibus temporum. Omnes ergo bonorum aspectus boni, malorum mali. Sed diligenter animaduertere oportet, qui planetæ boni sint, qui mali, est tamen trinus & sextilis melior, quam quadratus vel oppositus. In infortunis maxime: & caue, ne te decipiat fortuna contrariæ dispositionis: aut infortuna dispositrix, & quadratus & oppositio augent malitiam supra corpus, quando sunt malæ radiationes: & minuunt bonum ratione contrarietatis. Intelligence ergo radicem omnium aspectuum ex hoc.


Quartus



Quartus est, quoniam cum dispositor secundum substantiam, fuerit secundum accidens, vel econtra, tunc erit quasi amicus prefectus exercitui contrario, certum est enim quod nocet, sed minus, igitur dispositio per accidens praeualet naturali, pro illo tempore, & ita Iupiter aufert substantiam, & Sol occidit, & Luna similiter, & Saturnus fouet vitam, sed hoc est rarum.

Et scias, quod, ut saepe dictum est, res significatiuae sunt plures, significatores autem pauci, videlicet septem planetae, & duodecim domus, & paucae stellae fixae, dictae in primo libro, qua de causa, Ptolemaeus nonam fusionem imposuit: qua plurima significata dedit vni significatori: & posuit Lunam significantem corpus: deinde animi mores: deinde vitam: & uxorem & matrem, & ancillas & filias, & sorores. Quomodo ergo erit disposita illi, cui in partu moritur uxor, & ipse longae uitae. & filiae eius plures incolumes. & ancilla fugitiua. & mater mortua cito. & corpus salubre. & intellectus inconstans & malus. propter haec igitur in capitulo sequenti ego subiunxi figuram vnam atque alteram reuolutionis trigemiquarti & trigemini quinti anni incipientium: ut intelligas facilitatem iudicandi, in omnibus quae tibi erunt proposita, sine ambiguitate, & sine timore, & sine verbis ancipitibus, & sine confusione, & hoc modo in omnibus iudicabis. Et exemplum tale est quod subiungitur, & est figurae decimanonae nostrae, & vnam pono praeteritam, & aliam quae incipit & futura est, & cum hoc memor sis stellarum insignium, cum planetis existentium,

quisitas malo modo, & ita fuit, & si receptio fuisset ex parte. Iouis, fuisset lucrum, & non mutuum, radij etiam quadrati Veneris, & Saturni sextiles, cadebant super hoc, videlicet super secundam, & ita occasione talium etiam fuit iactura, & quia Mercurius erat in sexta, dominus eius, id est in ea habens potestatem, est enim trigoni dominus, significauit lucrum ex arte mea quia erat cum domino decimae, & ita fuit totum admissum, creuit enim lucrum ex Astrologia & Medicina.



Consideraui postmodum tertiam & Lunam & Martem, & non erat in eis aliquid mali, nisi quod Mercurius erat cum Marte, & significauit, quod ex consanguineis aliquis se intromitteret pro me & dignitate mea, & fuit hoc totum.

Consideraui Saturnum, & quartam, & dispositores, & Saturnus fuit cum capite, & Sol cadens in sextili eius, significauit quod stabilia ægrè starent, & quod auerentur auctione inutili, & ita fuit, parum defuit, ne aliquid venderetur ex eis, propter Solem.

Consideraui quintam & Venerem, quae erat in signo foeminino in ipsa, & Iouem, in signo foeminino in corde cæli. Et hoc totum significauit, quod uxor conciperet filiam, & quia Mercurius & Mars, dispositores locorum, erant in sexta, significauit quod erat debilis in ventre matris, & quod infirmitatem in aluo conceptura esset, & significauit locum, & reliqua, & ita fuit.

Consideraui sextam & Martem in ea, & Venerem dispositricem, & hoc totum significauit impedimentum, & permutationem, & multa alia. Nam Mars est in loco Veneris, cum Mercurio, & Venus cadens in quinta.

Consideraui septimam & Lunam, & Luna fuit potens & in prima, & significauit nocumentum uxori, quia etiam Mars cadebat in sexta cum Mercurio.

Consideraui tandem septimam cum Marte, & fuit vnus & idem significator, Mars cadens in sexta, in quadrato Iouis, &

B B b 3 significauit

## C A P V T VI.

### De exemplis supradictorum.

Consideraui primo pro vita ascendens & Lunam, & inueni, quod ascendens erat ascendens natiuitatis, & Luna dispositrix, & ipsa in ascendente. Ergo ascendens & Luna & dispositores & ascendens natiuitatis vnum & idem sunt. Significauit ergo perfectam sanitatem, Venus etiam erat salua, domina ascendens, & loci Solis, & radij trini Iouis, cadebant in ascendente, & ipse erat dominus octauae, & radij quadrati Saturni similiter, & hoc significauit aliquem timorem cum desperatione quadam, & perfectam sanitatem, & ita fuit.

Consideraui postmodum secundam, & locum Iouis, & dispositores, & quia nullus erat in secunda. Iupiter autem fuit in corde cæli in casu suo, & Mercurius in sexta cum Marte domino loci Iouis, in loco Veneris & Mercurij, id est, coniunctionis illorum hora geniturae, significauit dissipationem substantiae, plus quam aliter, ratione quaerendi dignitatem, & quia Mars respexit Iouem de quadrato cum receptione Martis, & non Iouis, significat mutuum, & res ac-

Tom. V.



significauit, quod hostes aperti deprimuntur timore Principis, & iustorum virorum, & nihil nocerent, & ita fuit.

De octaua nihil consideraui, quia salui erant significatores vitæ.

De nona etiam, & Marte, nihil erat, non enim iungebantur domino ascendenti, nec Lunæ, & Iupiter in quadrato Martis significauit reditum in patriam.


Consideraui Venerem & Lunam, pro matre & ipsi erant in trino, cum receptione, & ideo non significant nocumentum ex hoc, & mater fuit incolumis.

Consideraui Cor cæli, & Solem, & Iouem, & dispositores, & sunt Mars, Saturnus, Venus, maximè autem est Mars cum Saturno, & quia Iupiter erat in corde cæli, & cor cæli idem cum corde cæli genitura, & Mars in sexta de quadrato respexit eos, significauit auctionem plurium dignitatum, quia Mars erat cum Mercurio in loco Veneris in genitura, & ita habui plurima officia eo anno. Et quia erant in cadentibus, nam Sol cadit in libra, & Saturnus in Leone, & Iupiter in Capricorno, & Mars in Libra cadit: & Mars est dominus inimicorum occultorum, significauit, quod hæc omnia essent vitiata & non absoluta, & cum modica gloria, & cum impedimento ex parte inimicorum apertorum & occultorum, Mars enim est dominus septimæ. Cauda etiam minuit dignitates, quæ erant in corde cæli cum Ioue. Et quia Sol, Mars, Mercurius, cor cæli, & Iupiter sunt in significatis mobilibus, significat hoc totum quod meliorem partem amittam, & licet non amiserim, amittam tamen, & retinebo officium tantum quod significatur per Saturnum existentem in trino Solis. Cum ergo tria eo anno habuerim, duo meliora ex illis amittam, & remanebit quod erit inutile, & cum ex ratione naturali nesciam hoc, erit tamen ita.

Consideraui postmodum in amicis dispositorem vndecimæ, & dispositorem loci Iouis, & Mercurium dispositorem loci Veneris, & cum Venus esset in opposito vndecimæ, & Mercurius cum Marte, significauit, quod omnes amici mei erant ficti, & quod prodebant & odiebant me secrete, & aliqui etiam palam, præter amicos significatos à Ioue, & hi erant potentes & legales. Nam Iupiter aspiciebat ascendens de trino, & Venus significauit etiam amicos valde sed impotentes, nam ipsa respiciebat Lunam de trino dominam ascendenti, & ipsamet erat ascendenti domina, & tamen erat cadens, & in opposito vndecimæ.

Consideraui duodecimam & Saturnum pro hostibus occultis: & dominus duodecimæ est Mars ferè ex tota, & ipse est cum Mercurio, significauit quod parum obessent, quia Sol & Mars, & Mercurius erant in sexta, attamen solus Saturnus fons radiis Solis, nocebat valde, quia erat in opposito cordis cæli, & in quadrato ascendenti.

Expositio alterius Reuolutionis,



**D**ixi de reuolutione valde bona respectu genituræ malæ, modo declarabo præsentem reuolutionem, malam ferè in omnibus in conuerso alterius reuolutionis, & successus demonstrabit quod ita erit.

Consideraui primo decimam, Solem & Iouem & dispositores, & sunt Mars, Sol, & Saturnus. Manifestum est ergo, quod Sol in hoc multum potest per nonam regulam quinti capituli, & quia erat in quadrato Martis in duodecima. Ideo cum Sol esset cadens in tertia, & vterque in opposito suæ exaltationis, significauit vltimam depressionem dignitatis & officij, & ita fuit, nunquam enim minus feci in vita mea: quia tamen sic respiciebant, significauit quod dignitas conseruaretur, & reliqua amitterentur. Hoc autem maximè, quia Mars erat in trino Solis in genitura: & quia Saturnus respexit cor cæli de trino, existentis in signo fixo, & Iupiter de sextili: habebam in fine anni aliquod bonum fortuitum ex hoc uon ordinarium. Et quia Saturnus non dominatur medio cæli, sed septimæ, significat quod in totum aperto Marte hoc anno ab inimicis oppugnabor, & erunt partim occulti propter substantiam, & partim aperti propter dominium. Et si hic aspectus fuisset ad Solem, fuisset totum contrarium, imò melior fuisset quadratura hoc modo, quam hic trinus cum medio cæli, & quia ♄ est cum ♂, & Luna in sextili eius, & ipsa domina loci, auferent fraude & dolis aliquid hostes occulti à me consilio cuiusdam & societate, qui se optimum virum profitebitur, & erit hoc indubie.

Ecce vides qualiter Luna nocet Marti & Sol iuuat, cum tanem omnes indicarent contrarium, manebit tamen hoc præcepto principis aut differetur.

Consideraui postmodum substantiam stabilem, & inueni Iouem in opposito Saturni, & Venerem in quadrato, & ipsum cadentem: & quia Venus erat domina imi cæli & similiter Saturnus, erit per nonam regulam quinti capituli, & tertium & quartum modum proficui, & damni sexto capitulo, quod conseruarem etiam stabilia, sed ægre. Iupiter autem in opposito Saturni & quadrato Veneris, & ipse dominus octauæ & duodecimæ



decimæ & quintæ, significat, quod talium occasionem aliquid ex stabilibus damnabitur, & illud oppignorum amittam, quia omnes planetæ, videlicet Saturnus, Venus, & Iupiter, sunt in signis fixis.

Consideraui in quinta domo & Ioue & ♀, & fuit Iupiter in opposito Saturni, & in quadrato Veneris & quintæ: & ambo in signis fixis, & Iupiter dominus octauæ, & hoc significauit quod oriretur filia, & ita orta est, & quod filij male afficerentur, & quod in periculo vitæ ex longo morbo detinentur: quod Deus auertat, & est valde mala pro eis.

Consideraui sextam & Martem, & fuit etiam dispositor & in opposito eius: & ipse fuit in quadrato Solis, & sextili Lunæ: & ideo cum Luna esset domina, significauit febrem, quæ est morbus in virtute vitali, & quia est in capite, significat febrem ventuosam, & quia est in Cancro significat damnum pectori & pulmone maxime, quia Sol est dominus ascendentis cadens damnatus in Libra, & quia est in duodecima, erit res leuis sicut tertiana, quæ est mobilis & varians cum quadam venenositate leui, & durauit parum, quia est in signo mobili, & respectu Lunæ nullum significat malum, & si fuisset in alia domo non opposita, fuisset maius malum valde propter radices positas. Directio autem cum esset ad Iouem, facit vt nihil deterius timere debuerim.

Consideraui post septimam & Martem & dominatores Saturnum & Lunam, & ipsi respiciebant Solem de quadrato, & significat, quod offenderet ab inimicis, & quia Saturnus dominus septimæ est in prima, significat quod erunt quidam ex illis, qui non poterunt nocere mihi, & erunt inimici noui.

Consideraui postmodum significatores vitæ & infortunatæ, & quia Sol dominabatur loco Saturni & Luna loco Martis, significauit quod non esset periculum de vita ratione morbi naturalis, & quia Saturnus est in ascendente in opposito domini triplicitatis existens in Leone, significat tristitiam & oppilationem in epate, & debilitatem ventriculi, & erunt hæc valde leuia, quia multum remouetur ab ascendente, & quia est cum corde leonis dabit tristitiam, timorem, sollicitudinem in corde, & affectum occultum, quem nemo intelliget, Et quia Iupiter dominus octauæ, & Venus sunt in contrario aspectu domini domus inimicorum, morietur aliquis ex inimicis occultis.

Consideraui nonam & Martem, & significauit iterum vnum, nam Luna respiciebat Martem cadentem, & Mars Solem.

Et nota, quod hoc anno directio ascendentis peruenit ad corpus Saturni fermè. Nota etiam quod locus dispositoris significat causam rei: & robur significatoris secundum substantiam, magnitudinem causæ facientis rem: & locus eius locum rei, quæ fiet: & robur dispositoris magnitudinem effectus: & permixtio dispositoris nihil iuuat, cum fuerint dispositores locorum diuersorum, similiter dispositoris cum significatore alio, cuius non est dispositor nihil iuuat, licet sint super eadem re, veluti in secunda figura in causa

vxoris Mercurius est dispositor, quia dominus loci Luna & Saturnus, quia dominus septimæ & aspectus sextilis in hoc casu nihil iuuat, quia sunt dispositores diuersorum locorum, licet in eadem causa. Significatores autem secundum substantiam in eadem causa semper fouent eam, cum sunt colligati: & nota quod significator secundum substantiam est res in potentia, & secundum accidens est in actu, cum ergo dispositores Solis Lunæ & ascendentis omnes fuerint complete damnati, & vitæ significatores salui omnes, morietur tamen omnino, quia vita non est in actu, & quia res in actu non durat: & in potentia durat longo tempore & non permittitur, propter hoc significatores secundum substantiam permanent & alij non permanent, & citius morietur, cuius significatores secundum substantiam salui fuerint, & secundum accidens destructi, quàm secus.

Et nota, cum inueneris in figura vel reuolutione dispositorum vnum supra omnia loca vitæ, ille vel ex toto erit sanus, vel morietur. Causa patet ex præcedentibus vt dictum est: & raro fallit, nam potest fallere vbi ille dispositor habeat plures damnatores debiles, & scias quod tutiores sunt plures dispositores debiles, quàm vnus potens, & tutius est vnum habere vitæ datorem validum, quàm plura debilia, Idem dico in reliquis, nam quod est in potentia, debet esse validum, licet sit vnum, quod vero in actu plura licet debilia: Et hæc duas regulas diligenter nota.

## C A P V T VII.

### *De modo indicandi in mensibus & diebus.*

**A** Nimaduertendum puto hoc, considerationem nocimenti aut iuuamenti esse validiorem secundum tempora vniuersalia, & sunt primi quatuor anni debilitatis, & post quadragesimum secundum annum vsque ad quadragesimum nonum & post sexagesimum tertium.

Ratio autem mensium est, vt consideres reuolutionem anni, & loca infortunata in genitura, & in reuolutione, & sit comparatio mensis ad genituram, & reuolutionem anni, vna & eadem, cum comparatione reuolutionis anni ad genituram, & similiter comparatio diei ad mensem, annum, & genituram, comparatio eademmet, cum comparatione mensis ad annum & genituram. Manifestum est ergo, quod consideratio mensis plura habet quàm anni: & diei quàm mensis: & anni quàm genituræ: erit ergo quo ad hoc difficilius inuentio partium mensis, quàm totius: & diei quàm partium mensis: & ita de reliquis.

Et cum sit, quod comparatio plurium, denotat in nobis maiorem firmitatem, facilius erit ergo cognoscere mensem in anno, quàm annum euentum in genitura, & quartam mensis in mense, quàm mensem in anno, & diem in quarta mensis, quàm omnia reliqua,



pauca ergo consideranti, & laborem vitanti, facilius est genitura, quàm anni reuolutio, & anni quàm mensis, & mensis quàm quartæ, & quartæ quàm diei. In erudito tamen & laborioso erit totum contrarium.

Cumque sit, quod cognitio diei præsupponat cognitionem quartæ, & cognitio quartæ præsupponat cognitionem mensis, & ita vsque ad genituram. Impossibile est, vt quis plus cognoscat diem quàm annum, & quòd habeat maiorem securitatem de quarta mensis, quàm de mense.

Cum igitur ita sit, erit vt optimus Astrologus, facilius inueniat peiorem diem in quarta mensis proposita, quam peiorem quartam mensis in mense proposita, & ita certius cognoscat malam diem in quarta mensis, quam malum annum in tota genitura.

Et scias, quod qui fecerit omnes reuolutiones, à principio natiuitatis vsque in finem sine intermissione: & experientia compererit tria vel quatuor accidentia illius: & veritatem illorum quæsuerit per reuolutionem anni, mensis & diei & horæ: solus ille exacte iudicabit de tota vita illius sine errore, & confusione, & omnis alius deuiabit à recto iudicio, etiam in qualitatibus accidentium, nedum in tempore, per tantum, quantum defecerit ab hoc, quod tibi dixi.

Et scias, quòd damnatio mensis, respectu anni, vel partium mensis respectu mensis, & ita de reliquis, est duplex: Vna quando quod infortunatum est in anno, infortunatur in eodem mense. Secunda est, quando quod est infortunatum in anno, non infortunatur in mense, sed illud quod non permittit omnino infortunari in anno, infortunatur in mense. Et exemplum est primi modi, cadit ascendens reuolutionis in gradu Saturni natiuitatis, ille mensis erit mortis, in quo ascendens erit vnus, ex quatuor punctis damnatis à Saturno in natiuitate, & hic modus est valde potens. Secundus modus est, ascendens cadit vt prius dictum est, sed Sol & Luna in sexta vel tertia, remanet ergo dispositio, ascendens in decima, loci Solis in nona, Lunæ vero in septima, tunc mensis ille erit mortis, in quo damnabitur dominus ascendens, quia ille erat in reuolutione anni robustissimus, & ex quartis illa, in qua damnabitur dispositio loci Lunæ, quia erat secundus in robore, & ex diebus ille, in quo damnabitur dominus loci Solis, qui solus remanserat ad defendendum vitam, & per damnationem, intelligo damnationem vltimam, & non aliter.

Et scias, quod non negatur transitus de genitura ad mensem, vel ad diem, sine anno, & ita in reliquis, cum damnatio fuerit valida, aliter non. Et scias quod in omnibus genituris, reuolutionibus, directionibus, significatiisque eorum, quicquid est sub terra præter angulum primæ, amittit plusquam dimidium virium suarum & significati.

## CAPVT VIII.

*De modo sciendi exitus morborum.*

**M**odus hic est clarus, & aperiens nobis rem aliam, & est, quòd quando homo infirmatur, statuas figuram cum planetis: & si sit ex genere cronicarum, considera Solem, si acutarum Lunam, & considera quomodo iudicares natiuitatē finereuolutione, videlicet an vitæ largitores sint salui, an infortunæ præualeant tertiæ, an dispositores sint cum domino loci mortis, & an dispositio loci mortis præualeat, si enim præualebit morietur: si non erit in maximo discrimine, & tunc considera reliqua: & si dispositio est infortuna, est deterior, & fortuna octauæ dispositrix, est deterior infortuna non disponente, quantum ad applicationem, quantum vero ad ad hostiles radios, est contrarium.

Dominus etiam sextæ considerari debet & angulus occidentis, cumque dispositores sextæ & octauæ fuerint validi, & non applicent illis dispositores vitæ, non est periculum de vita, & applicatio dispositoris vitæ ad dispositorem mortis, est longe deterior, quàm si contrario modo contingat. Considerabis etiam tempora vniuersalia, & directiones, maxime loci Lunæ, vel Solis, secundum quod dixi, & cuilibet istorum associatur ascendens, & dispositio, cum dispositore loci luminaris, significantis qualitatem morbi. Sunt ergo quatuor, quæ semper dirigi debent, & inter hos validioris directio, maiorem facit mutationem.

Modus secundus, & est Galeni, tertio de diebus Criticis, & est adhuc verior: considerabis figuram morbi in comparatione ad genituram, & iudicabis mortem aut vitam ad vnguem, sicut in reuolutione anni, excepto quòd hora morbi certius indicat de morte quàm de salute: & reuolutio anni contrario modo, consule igitur præcedentia.

Post hæc in vtroque modo considera, ab hora initij locum Lunæ, & adde ei 45 gradus, & cum Luna erit in loco illo per minutum, statue figuram, & compara ad primam, & etiam in seipsa consideretur, & regit hæc figura à quarta ad septimam diem, post adde iterum alios 45 gradus, & scies per figuram, statum infirmi à septima ad vndecimam, & ita perficies vsque ad quadragessimam diem.

Et nota, quòd in vna reuolutione Lunæ, sint octo puncta consideranda, validior ex his est oppositus in acutis: in peracutis autem primus quadratus: in perperacutis autem primus punctus initij: & in cronicis acutis secundus quadratus: raro autem in reuersione locus Lunæ, sed reliqua puncta intermedia sunt minoris afflictionis, & dicuntur puncta indicatiua.

Cumque dominus mortis retrocedendo ad dominum ascendens applicat, vel dominus ascendens ad dominum loci mortis per retrogradationem, erit mors valde festina & certa, certior autem atque celerior est: cum dominus



dominus ascendens fuerit directus & mortis retrogradus.

Ex his liquet, cum locus Lunæ, qui in morbo fuit obseruetur, & non qui fuit in natiuitate, cum tamen natiuitatis locum Lunæ cognoscamus: congruum erit, vt in annorum reuolutionibus, locum Lunæ in reuolutione obseruemus: & dirigamus, non eum qui fuit in natiuitate, in reuolutionibus mensium constituendis, est validior locus dominatoris quàm significatoris secundum substantiam. Disponit autem Luna cum Sol ad eundem locum, in quo fuit in natiuitate, peruenerit. Cum ergo ita sit, non iniuria etiam in reuolutionibus ita obseruandum erit.

## CAPVT IX.

*De coniunctionibus & eclipsibus.*

**I**N hoc vna est regula generalis: cum fuerit ascendens natiuitatis vel reuolutionis anni, vel mensis, vel locus Lunæ aut Solis, vel dispositor, in loco coniunctionis, vel eclipsis præcedentis, vel opposito, vel quadrato, cecideritque effectus coniunctionis secundum totum vel partem in tempore illius genituræ vel reuolutionis: tunc apparebit effectus eius in temporis parte, in qua duo tempora conueniunt. Exemplum. Coniungitur Saturnus cum Marte, in quinta parte Aquarij, & sit effectus eius appariturus post annum, durans per sex menses, & in capite 9. mensium à die coniunctionis, cadat reuolutio, cuius ascendens sit quinta pars Leonis, tunc in illo tempore per sex menses erit in discrimine talis coniunctionis: quod si talis reuolutio, per tres menses post coniunctionem inceperit, erit periculum tantum in tribus mensibus vltimis reuolutionis, & non vltra, quia solum in illis conueniunt effectus tempora, cum temporibus reuolutionis.

Eclipses ergo solares, vitam & honores auferunt, pro qualitate roboris earum: & genituræ, & conuenientia: lunares stuporem & infirmitates diuturnas & acutas, & morbos oculorum & mortem, & infortunia magna, ex qualitatibus accidentibus tempore illius effectus. Saturni & Iouis coniunctio, Saturno dominante graues morbos producit, & inopiam, & destructionem omnis boni, at Ioue præualente dat diuitias & honores, & res magnas.

Saturni & Martis coniunctio, omnia destruit, pro qualitate præualentis planetæ, & locorum, in quibus sunt, & reliquarum casarum.

Iouis & Martis coniunctio, Ioue dominante, auget maximam fortunam, dignitates & gloriam: Marte præualente, infirmitates acutas, damna, incendia, rixas, & talia.

Sol cum omnibus malum significat, maxime autem cum infortunis, & plus cum Ioue, quàm cum Venere, & cum Mercurio parum aut nihil.

Reuolutiones annorum, vbi rite fiant mundi, vel ciuitatis, vbi fueris, nocent aut

iuuant: cum tua reuolutio sequens, aut impedita aut fortunata fuerit: per tantum temporis promissio perficiet à tempore reuolutionis tuæ vsque ad sequentem reuolutionem mundi, vel ciuitatis: veluti, fiat reuolutio ciuitatis in decima Martij, & hominis in decima Septembris, & significetur aliquid, illud erit inter decimam Septembris vsque ad decimam Martij sequentis anni.

Cum ergo loca dignitatum, fuerint loca fortunarum ciuitatis, vel mundi, bene erit: si infortunarum, male idem de vitæ significatoribus, excepto quod non occidunt, neque grauer nocent, nisi eclipsis associetur.

Cum plures nauim introierint, tempus introitus semper ad sequentes reuolutiones referatur: malicia autem præcedentis reuolutionis aut bonitas, & causa introitus. Cum ergo reuolutiones dierum fuerint diuersæ, morientur homines illi, diuerso tempore, paruum discrimen in paruo, magnum in magno, infortunio autem nauis quodlibet infortunium etiam horæ sufficit, cauenda ergo sunt semper pericula.

## CAPVT X.

*De proprietatibus planetarum & signorum in reuolutionibus.*

**C**UM dominus ascendens fuerit Sol, inclinabitur ad seueritatem & tristitiam. Si Mars, ad crudelitatem & rapacitatem. Si Iupiter, ad religionem & honores & bonos mores. Si Mercurius, ad sapientiam. Si Venus ad lasciuiam. Si Luna, ad itinera, & erit volubilis opinionis. Si Saturnus, erit timidus & avarus.

Si ascendit Aries, erit in timore mortis violentæ. Si Taurus, ægrotabit ex libidine. Si Gemini, sollicitabitur in secretis perquirendis. Si Cancer, erit amator rerum publicarum, & studiosus, vel laboriosus. Si Leo, tristis & superbus. Si Virgo, erit amator honorum. Si Libra, erit in periculo vitæ, ratione gulæ. Si Scorpio, erit infirmus, ratione cogitationis, & pernicax. Si Sagittarius, sollicitabitur circa ædificationes. Si Capricornus, erit sollicitus pro pecuniis & bonis mobilibus. Si Aquarius, maledicus erit & malus vir. Si pisces, erit superbus valde, idem de Virgine: sed non tantum, & hæc omnia veriora sunt de natiuitatibus.

Si Saturnus cadit in loco proprio, atiget significationem promissi in natiuitate, secundum substantiam, non secundum quod fuit dispositor, nunc autem significat secundum quod est dispositor. Exemplum, Saturnus in natiuitate fuit in sexto Geminorum. Dispositor loci Lunæ & vitæ, modo cadit dispositor septimæ. In reuolutione in sexto gradu Geminorum: auget significata stabilium, & rerum quas significauit secundum substantiam: non tamen confirmabit vitam, sed confirmabit de vxore, quod est significatū dispositionis secundum accedens in reuolutione magis quàm si esset in alio loco. Intelligere ergo



ergo idem de omni reditu planetæ ad locum proprium, ad oppositum, vel quadratum.

Si Saturnus cadit in loco Iouis, stabilia augebuntur, & res significatæ per Saturni substantiam, & melior fiet conditio dispositoris. Si in loco Martis, fiet destructio mobilium, & reliqua per contentiones & malos homines. Si ad locum Veneris, erit in deliciis & oblitus omnis tristitiæ & sine contentione. Si cadit Saturnus in loco Solis, erit ut omnis virtus occultetur, nisi Sol fuerit promissor. Si in loco Mercurij, figitur in studiis & artibus. Si in loco Lunæ, diligit & operabitur in anis, vel rebus vilibus, & pauci momenti. per hæc scitur significatum planetarum in reliquis.

Cum fuerit planeta in angulo, eueniet celeriter & manifeste. cum in cadenti, debiliter & tarde. cum in succedenti, mediocriter.

Inspicies dominatorem communem genituræ, & eum comparabis ad genituram & planetas in reuolutione, & ex ipso significabis.

## C A P V T X I.

### *De singularibus regulis reuolutionum.*

**R**egula prima. Significatio magisteri augetur per proprietatem planetæ & domus significantis ipsam, licet ipsa fuerit cadens, veluti in arte medicinæ, Mars in sexta fouet, cum tamen in omnibus aliis sit malus.

Regula secunda. Planetam infortunam collauda in domo sua existentem & cadentem in mudo: at reliqua elige valida omnibus modis.

Regula tertia, & si sæpe dictum sit, propter utilitatem tamen repetatur, Planeta cum non fuerit malus, obliuiscitur inimicitiarum. & cum non fuerit bonus, amicitiarum, nisi sit reditus ad loca propria sua, vel quadrata vel opposita.

Regula quarta, ex hac inferitur, quod solus Sol obliuiscitur nunquam ex toto suæ dispositionis, similiter & Lunæ, ubi reditus mensium fieret à genitura. hoc autem maxime fiet, cum Sol vel Luna ad eandem domum in qua fuerant in natiuitate, redierint, nam hic in luminaribus est reditus ad locum suum, si Luna hoc modo consideretur.

Regula quinta, O quam valida erit illa reuolutio, in qua Luna & ascendens ad propria redierint loca.

Regula sexta, Consideratio maxima, de qua rogabunt te omnes, est super tribus rebus. Super Sole, & Luna, & domino medij cœli, propter vitam, dignitates, & honores, nam hoc est quod plus desiderant homines scire, cum ergo hæc fuerint infortunia, quid boni sperare poteris.

Regula septima, Cum ceciderit decima in loco Iouis à natiuitate, & dominus decimæ fuerit cadens, vel Sol, tunc habebit bonum, quod non reputabitur bonum, si contrario modo, parum habebit, & maximum videbitur. Ita intellige de omnibus significatoribus secundum substantiam comparatis, ad significatores secundum accidens.

Regula octaua, Cum fuerit Saturnus in oriente, & Iupiter in occidente, habebit minus malum, & minus bonum, quam si fuerint contrario modo melius tamen est habere Saturnum in occidente, & Iouem in oriente, quo ad corpus & animam, quo ad fortunam vero versa vice.

Regula nona, Planetæ mali domibus nocent in quibus sunt, & boni iuuant eas, si in eis sint.

Regula decima, Cum fuerit dominus vitæ in quadrato loci vitæ infortuna, erit robustæ vitæ, attamen habebit impressionem magnam secundum illud, videlicet, Si Saturnus fuerit, habebit frigiditatem magnam & debilitatem concoctricis, Cum vero quoquomodo fuerit infortunatus, occidet, quia omnis planeta cito reuertitur ad naturam propriam.

Regula vndecima, Cum fuerit dominus domus in opposito domus, cadet ille magna ex parte à dispositione significata per illam domum.

Regula duodecima, Natus ille comburetur, ob effeminationem, quando Taurus ascendit, & Venus est in Scorpione. cum Mercurio, & Saturnus in Aquario, & Mars in Leone, & Cauda cum Venere vel caput, quod si etiam Saturnus non respexerit eos, & Marti Sol testificetur, fiet idem. Si vero fuerit Saturnus, Venus & Mercurius, in Libra, cum Cauda vel capite, & eos Mars ex Capricorno vel Ariete respexerit, comburetur. maxime autem, si Marti Sol vel solaris stella testificetur, idem accidet, si Mars in Leone fuerit, eos de sextili respiciens, cum testimonio Solis, ob puerorum concubitu.

Regula tredecima, quod si Mercurius, Venus, & Saturnus, in Libra, vel Scorpio, vel Geminis, vel Aquario, fuerint, sub radiis Solis, vel per se infortunati, vel à Marte, comburentur omnino, nec natus ille foemineum cognoscet concubitum, imo ad hoc erit frigidus.

Regula decimaquarta. Cauda vel Caput cuiuslibet planetæ, cum suis planetæ fuerit cum eo, & ipse interfectus, lacerabitur corpus illius, dummodo significationes violentæ mortis cum hoc fuerint. Caput autem & Cauda Lunæ, hoc idem omnibus planetis operantur, sunt enim vniuersales, illi singulares: validius tamen quilibet nodus cum suo planeta operatur.

Regula decimaquinta, Sol & Iupiter, vel eorum alter, cum in septima fuerint: & Saturnus & Mars, vel alter eorum, in medio cœli, dominum ascendentis vel ascendens violauerint, vel Lunam, morietur publica morte. Si vero infortuna, in septima, loco Solis & Iouis, solummodo occidetur.

Regula decimasexta, Venus in vna causa, mitigat Saturnum in alia eius prauitatem, & similiter de reliquis tribus coniunctionibus, augeat vitia animæ, & minuit infortunia diuitiarum.

Regula decimasextima, Quod quis sciat indicare facilius de vna re, quàm de alia, hoc arguit Astrologiæ veritatem. Et scias, quod filij supposititij, & natiuitates falsæ, turbauerunt iudicia omnium Astrologorum, & tertium quod facilius iudicant difficilius ad cognoscendum, & ita iudicant temporum status esse faciliores.



## CAPVT XII.

*De reuolutione mensium, &  
directionibus annue  
conuersionis.*

**D**irigunt multi partes principales in reuolutionibus annuis, dando singulis par-

tium æqualium diem vnum, a ut paulo plus, & quamuis rationi inniti videatur hoc, propter Solis motum, attamen experimento hæc res non concordat. Ob id etiam considerauimus, quod & Luna ipsa suam directionem habere debet, in comparatione ad Solem, nam sic computantur menses prægnantium, & Martis æstus variatur. Cum igitur Sol multiplicet partem quam in die pertransit, in id

*Tabula directionum secundum Lunam.*

| Menses.     | die       | mes         | Gra. | Dies | Hor. | Minu. |
|-------------|-----------|-------------|------|------|------|-------|
| Ianuarius.  | 31        | 31          | 1    | 2    | 10   | 8     |
| Februarius. | 59        | 60          | 2    | 4    | 20   | 16    |
| Martius.    | 90        | 91          | 3    | 7    | 6    | 24    |
| Aprilis.    | 120       | 121         | 4    | 9    | 16   | 32    |
| Maius.      | 151       | 152         | 5    | 12   | 2    | 40    |
| Iunius.     | 181       | 182         | 6    | 14   | 12   | 48    |
| Iulius.     | 212       | 213         | 7    | 16   | 22   | 56    |
| Augustus.   | 243       | 244         | 8    | 19   | 9    | 4     |
| September.  | 263       | 274         | 9    | 21   | 19   | 20    |
| October.    | 304       | 305         | 10   | 24   | 5    | 12    |
| November.   | 334       | 335         | 20   | 48   | 10   | 40    |
| December.   | 365       | 366         | 30   | 72   | 16   | 0     |
|             | communes. | bisextiles. | 40   | 96   | 21   | 20    |
|             |           |             | 50   | 121  | 2    | 40    |
|             |           |             | 60   | 145  | 8    | 0     |
|             |           |             | 70   | 169  | 13   | 20    |
|             |           |             | 80   | 193  | 18   | 40    |
|             |           |             | 90   | 218  | 0    | 0     |
|             |           |             | 100  | 242  | 5    | 20    |

quod pertransit in anno, ita de Luna fieri par est. Luna igitur redit ad congressum Solis in diebus 29. hor. 12. min. 46. secundum Ptolæmeum. Igitur pro quibuscumque partibus 12. mi. 11. sec. 26. quibus elongatur à Sole in die, reuolutio vna firmamenti peragetur, in par. 12. mi. 11. sec. 26. igitur est vis totius cir-

culi, quem Luna peragit in elongando se à Sole, in diebus 29. hor. 12. mi. 46. Igitur sicut cuilibet parti Solis, datur totus circuitus Solis, ita cuilibet parti Lunæ, id est partibus 12. minut. 11. secun. 26. dabimus dies 29. hor. 12. min. 46. circuitum Lunæ, & secundum hoc constituimus tabulam.

*Tabula profect.\**

*Tab. profect. )*

*Tab. elong. )*

| Men. | Dies | Hor. | Min. | Dies | Hor. | Mi. | Di. | Hor. | Min. |
|------|------|------|------|------|------|-----|-----|------|------|
| 1    | 28   | 2    | 17   | 27   | 7    | 42  | 29  | 12   | 46   |
| 2    | 56   | 4    | 35   | 54   | 15   | 24  | 59  | 1    | 32   |
| 3    | 84   | 6    | 52   | 81   | 23   | 6   | 88  | 14   | 18   |
| 4    | 112  | 9    | 10   | 109  | 6    | 48  | 118 | 3    | 4    |
| 5    | 140  | 11   | 28   | 136  | 14   | 30  | 147 | 15   | 50   |
| 6    | 168  | 13   | 45   | 163  | 22   | 12  | 177 | 4    | 36   |
| 7    | 196  | 16   | 3    | 191  | 5    | 54  | 206 | 17   | 22   |
| 8    | 224  | 18   | 20   | 218  | 13   | 36  | 236 | 6    | 8    |
| 9    | 252  | 20   | 38   | 245  | 21   | 18  | 265 | 18   | 54   |
| 10   | 280  | 22   | 56   | 273  | 5    | 0   | 295 | 7    | 40   |
| 11   | 309  | 1    | 13   | 300  | 12   | 42  | 324 | 20   | 26   |
| 12   | 337  | 3    | 31   | 327  | 20   | 24  | 354 | 9    | 12   |
| 13   | 365  | 5    | 48   | 355  | 4    | 6   | 383 | 21   | 58   |


Exemplum. Igitur in quadragesimaquinta figura, ascendebat in reuolutione quadragesima prima inchoante, pars 16. Scorpij, &

peruenerat ad ascendens Solis infortunati quadratum, in vigesimaquinta parte Tauri, & non erat auxilium. Locus autem in reuolutione










Et cum aggregantur multa infortunia, significant celerem mortem. Cum igitur Luna peruenit ad oppositum Saturni, secunda die Nouembris. hora secunda, noctis exquisitæ, mortuus est. Manifestum est igitur, quod qui abscondit, à natiuitate, à reuolutione anni, à mense, ab hora mortis, est vnus & idem, scilicet Saturnus, Lunam ipsam infortunans.

#### Loci principales hora genituræ.

Ascendens Iupi. Luna, Mars, Venus, Capri. Sol, Merc. Saturn.  
28. 8. 12. 9. 2. 15. m. 1. m. 3. m. 9. m. 0 m. 45. m.



Aliud exemplum, in quo mortuus est ille, cuius fuit figura septuagesima tertia, dum Sol ad quadratum suum, & Mercurij peruenit, in 29. Leonis partem, directione conuersa, & quod occidit in reuolutione, est Mars, Solem de quadrato aspiciens, & Iupiter à Mercurio infortunatus, ad Lunam radios sexiles tendens, cum Venus à Saturno infortunium patiat. Direxi igitur ad Solem oppositum horum, cum essent combusti omnes: & peruenit ad eum octaua pars geminorum, in partibus æqualibus 146. minut. 0. & ideo per tabellam directionum reuolutionum in diebus 353. hor. 15. minut. 28. quibus addo dies reuolutionis 316. minutis horis 5. mi. 14. & habeo adiecto anno bisextili, dies 303. hor. 10. mi. 14. qui terminantur in vigesimam nonam diem Octobris, hor. 10. post meridiem, & sic mortuus est illa die secunda hora noctis, horis scilicet 4. minus his quæ dictæ sunt. Sed iam ad reuolutionem veniamus,

Tom. V.

necesse enim sæpius ægrotasse illum eo anno, cum peruenit Sol ad quadratum Iouis in piscibus, sed ibi non erat dominium Mercurij occisoris in genitura, sed Iouis, & ideo non interfecit. Et si dicas, quomodo 8. pars geminorum potest occidere: dico quod illa, cum peruenit ad locum, virtute Lunæ ei impressa, ubi Sol vitæ vestigium (cum esset illius significator tam in genitura quàm in reuolutione) reliquit, non potest vim eam suscipere. Sed iam manifestum est, quod in ultimo mense lunari mortuus est. Addo igitur ad tempus reuolutionis, quod est dies 315. hor. 18. mi. 46. dies 324. hor. 20. mi. 26. qui sunt proximo minores, dierum 353. hor. 15. mi. 28. quibus debuit mori, & sunt dies 640. hor. 15. mi. 12. à quibus abiecto anno bisextili, relinquuntur dies 274. hor. 15. mi. 12. vnde mensis incipit in calendis Octobris, hor. 15. mi. 12. post meridiem. In hac igitur Luna & ascendens à Venere infortunata, & Saturno infortunatur. Nullus est planeta, præter hos supra terram. Cum igitur Luna rediit ad locum quadratum Saturni, & proprium, die vigesima nona, vt dixi, hora sexta post meridiem, ad vnguem mortuus est.

### CAPVT XIII.

#### De regulis ad hæc scienda necessariis.

Sed hic dubitabit aliquis, quoniam si sic esset, omnes homines in congressibus Lunæ, cum planetis morentur: tum pauci in Solis quorum neutrum est verum: equidem intelligere oportet, non ad planetam, sed ad locum reuerti Lunam in: Saturno autem ac fixis ob motus tarditatem, tum in his, qui prius retro post directe aguntur, accidit: tum etiam si contra: ac in Ioue: dum lente mouetur, locum eundem esse, dum ei Luna applicat, in initio mensis, & cum moritur, in aliis autem non. vnde contingit aliquos Luna vacua cursu existente, mori. Hi vero, quibus contigit vt in initio mensis Luna applicaret directo planetæ: cum autem denuo congregitur retropedanti, iam peracta conjunctione mors sequitur. Quod autem de conjunctione dixi: de omni radiatione dictum esse volo. In Sole autem alia causa est, nam quibuscunque calor deficit naturalis, aut qui debilitati ex priore directione moriuntur, aut qui ex Mercurio vel Venere omnes in radiationibus Solis pereunt: indicio est non ob Solem, cum pauci iuxta horam radiationis moriantur, sed dum Luna abest tribus aut quatuor partibus, quo & si alius planeta ibi radios mittat, hoc etiam Soli tribuitur argumentum est igitur hoc nostræ opinionis, quod in congressibus occidat.

Rursus, cum congressus Solis manifeste immutet, omnis mensis ab eo initium sumet: non autem ab elongatione æquali Lunæ ab ipso Sole. Iam & istud scire decet, immutari corpora in congressibus Solis, sed tamen iudicium tunc sumendum non est, quia illi non est proprium: mutantur tamen plures eadem causa, quæ prius dicta est: debiles, & qui

CCc



à Mercurio quasi semper, à Venere plerumque, ab aliorum radiis quinque, à continente, quod luminarium congressibus immutatur, validius igitur cuique sui mensis initium. Accedit alia dubitatio, nam si elongationibus vim aliquam inesse confitemur, cum tamen sint in categoria eius, quo ad aliud comparatur, nec actionis principia. Ob id enim partes negauimus, at nos elongationis principium naturale admittimus, æqualis enim motus in Luna rationem obseruat ad Solem, tum reliquorum omnium planetarum, vt etiam propinquiora sunt sydera Soli, eo minus erga nos lumen excipitur: in se autem maius, & in superioribus utroque modo, pro luminis autem quantitate agunt. Est & alia causa, quoniam in partibus sumitur geminata hæc elongatio: quæ ad aliud refertur, cum ab ascendente proiciatur. Videtur etiam exemplum hoc vltimum non satis exquisitum, sed à ratione alienum, cum directionem alio modo sumamus. Illud igitur minime prætereundum, eos qui longo aliquo & minime curabili morbo detinentur, omnes etiam sine directione mori solere, vt si podagra, fluxu, tabe, ardore vrinæ, sanguinis sputo, subiiciantur. Directio autem necessaria fuit in aduentu morbi: non autem principalis vitæ significatoris. Quinque enim sunt quæ nunquam ex toto, à vitæ significato absoluuntur, sed semper dirigi debent: Sol, Luna, Ascendens, dispositor, & dominus ascendens, sed tria prima magnam semper vim retinent. Illud etiam non ignorandum, quod quemadmodum in rebus naturalibus adeo debilis est quandoque vitæ significator, vt ad certos annos tantum vitam validam tribuat, succedentibus autem debilibus: & hoc est quod alij annos planetis aspicientibus frustra statuerunt maiores, medios, & minores. Si igitur (gratia exempli) in cœli corde, Luna vitam præstat validissimam, in duodecima non potest, in vndecimæ initio, medium præstat robur, in eius medio, quartam partem virium vitæ. Corroboratur autem ab aspicientibus planetis, atque in his non eclipticæ partes, sed horarum obseruabis, veluti in nostra genitura. Luna à cœli corde 30. minutis distat, 20. mi. possidet duodecima domus: tota distantia igitur vitalis roboris est, 40. mi. habet igitur quartam partem, aut paulo etiam minus, ob initium quinque partium duodecimæ domus, quæ vndecimæ adnumerantur. Recipit autem à Marte, ac Ioue, tantundem ferme, eo magis, quod Mars sola res radios defert. Illud autem non est prætereundum quod diligenter in vltimo exemplo obseruabimus, velut & quotidie videmus in continente validas constitutiones corpora morbo languida enecare, etiam si bonæ sint. Luna enim quæ sano & iuueni vitæ robur & incolumitatem promississet, velut & validum in hyeme frigus, hic languido & iam senescenti mortem adfert. Consideranda etiam sunt, quæ inter promissorem & significatorem sunt media, nam radij infortunarum & inimicorum vitæ, vt domini septimæ, vel loci Saturni, debilitant vitam, & quanquam non proprie occidunt, morbos tamen pariunt,

sic vt aliqua succedente reuolutione, antequam radij perueniant occidentis planetæ ad significatorem, moriuntur. Neque illud etiam negligere oportet, in his quæ sensim occidunt, non expectari quandoque exactum concursum promittentis mortem: sed effectum accelerari, supplente reuolutione. vel debilitate corporis iam contracta, vel radiis malis intermediis, vel concursu malorum cum alio vitæ significatore.

## CAPVT XIV.

*De projectionibus.*

**A**D exactam vero rerum cognitionem futurarum, projectiones diligentissime obseruare oportet. Sunt autem projectiones, quotiescunque planeta tantum ab alio distat, per æquales partes, quantum alius ab alio, vel loco principali. Exemplum habes in genitura octuagesima, nam tantum distat cœli cor, à sextili Solis, quantum Iupiter à Sole. Cum igitur Solis sextilis ad cor cœli peruenit, Sol ad Iouem applicat, vnde dignitas cum opibus habetur. Hæc igitur concordia duorum magna est, trium maior, si in eodem genere fuerint, atque sic deinceps: vnde, cum planeta alteri applicans latrocinium significat, alius autem mortem publicam eodem tempore, iam clare ille plectetur publica morte: si autem post tempus, iam non adeo hoc est firmum. Si autem, quæ vno tempore conueniunt contraria sunt, effectus apparebit leuis. Si autem dissidentia, vt coniugium, & iter, iam aliàs diximus, quid significet. In omnibus igitur Solis ac Lunæ cum radiis planetarum, congressibus, tum etiam ascendens vel Iouis, vel vitæ dispositoris, totidem æquales partes proice secundum horas temporarias locorum principalium ab vnoquoque illorum, & loci qualitatem considera.

Ex hoc satis manifestum est coniunctionem planetarum duabus causis in eadem parte plurimum posse, tum quia illorum vires iungit, tum quia tempora non solum ipsorum, sed & omnium radiorum in vnum conueniunt. Proxima igitur est coniunctioni, oppositio, nam dum planeta vnus parti vni applicat, etiam oppositus oppositæ, & radius oppositus eidem, at hoc non semper, easdem vires habet: quoniam contingit in vna parte esse radium erraticæ, aut fixam, at in opposita minime, quare solum vires tunc retinet aliorum aspectuum, scilicet vt dum planeta applicat loco vni, etiam necessario alterius radij applicant, qui super planetam ceciderunt. Oppositio igitur, coniunctionis quandoque, quandoque quadrati, aut trigoni vires habet, scilicet duplicatas, cum simplex planetæ applicatio, simplices vires habeat. Sed cum planetæ eisdem locis, aut similibus iunguntur, eodem tempore, tunc effectus quidem iungunt, vires nequaquam. Octo igitur vires habet coniunctio, & oppositio, cum coniunctioni assimilatur. Quadrata radiatio, & trigona, & sextilis, & oppositio, cum his  
assimi



assimilatur, quatuor, duos habet concursus in eodem tempore duorum promissorum ad suos significatores eiusdem generis, cum significatores non se inuicem, nec promissores aspexerint simplicem, cum solus soli tunc applicat. Augentur autem hæc decreta, vel minuitur, ratione planetarum, & virium illorum, in suo orbe, vel in mundo, vel in signifero, vel ratione reuolutionis, vel ratione potestatis in loco, vel ratione virium aspectus: nam quadrata radiatio, est validior trigona, vel ratione exquisitæ radiationis in longitudine & latitudine, vel ratione alterius planetæ. Manifestum est igitur, quod in ratione temporum planetæ vel radij erunt iuncti, & tamen distabunt fermè duabus partibus ex ecliptica, vt cum fuerint in occidente, in signis longarum ascensionum, vel in oriente, in signis breuium. Alij autem iuncti non erunt, quoad tempora, sed solum quoad vires, quamuis in eadem sint parte, vt cum in oriente fuerint in signis longarum

aut in occidente, in signis breuium ascensionum. In quibusdam autem, vt dictum est, locus, in aliis centrum planetæ, in aliis corpus etiam, lumen autem præparat & initium præbet effectus successuri. In omni igitur coniunctione planetarum, quæ est in eadem parte, & secundum eadem tempora, magnos & egregios & frequentes effectus in illius vita iuxta hominis conditionem, expectare oportet. Si verò corpore iuncti in eadem parte fuerint, & non secundum eadem tempora, magnus vir erit, sed non adeo egregios actus perficiet. At si tempora concot, non sint autem in eadem parte, magna assequatur, sed ipse non adeo egregius erit. Multum autem iuuat, si directiones in eandem reuolutionem inciderint. Quæ autem de planetis dicta sunt, eodem modo vera erunt si vel cum fixis, aut cum nodis, vel in coelicorde, vel in parte Horoscopi, vel coniunctionis fuerint, eo minora tamen, atque obscuriora, quânto hæc vires planetis inferiores habent.







# DE S V P P L E M E N T O A L M A N A C H , L I B E L L V S .

## CAPVT I.

### *De cognitione Planetarum ad oculum.*



**P**ORTET eum, qui vult stellarum cognitionem aggredi, à Planetarum cognitione inchoare. Horum autem cognitio duplex est: vna, per quam inter se differunt. Prima autem est triplex, nam Planetæ non scintillant, fixæ autem scintillant, aliqua tardius, aliqua frequentius. Secunda, quoniam fixæ inter se se semper eandem seruant habitudinem: Planetæ autem in diuersis noctibus modò vni stellæ sunt propinquiore, modò remotiores. Tertia, quoniam apud eum, qui frequenter eos inspicit, videntur ipsi stellis fixis inferiores, maximè cum sunt propinqui eis, ita vt apud exercitatum non cadat dubitatio, etiam in primo aspectu: fixæ autem ab oculo experti, valde altiores iudicantur.

Inter se autem Planetæ differunt manifeste valde: nam Solem & Lunam nemo nisi amens aut cæcus ignorat.

Venus autem est splendidissima stellarum in cælo existentium, candidissima, & maxima, ita vt & sola stellarum vmbra mittat, & in Lunæ contactu splendidior videatur, nedum vt delitescat, aut vt hebetetur.

Huic Iupiter omnium aliarum stellarum similior est, sed minor est paulò, & minus splendet, nec Solem semper comitatur vt Venus, quæ nunquam à Sole recedit plus 48. gradibus, ante vel retrò. Cognoscuntur etiam ex loco suo, nam viso in Almanach quæ est ex ipsis orientior, vna ab reliqua facilliter dignoscitur. Cognita igitur Venere, cognoscitur Iupiter, qui excellit alias omnes stellas præter Venerem.

Mars rubens micat, & subobscurus est, vnde scintillare quasi videtur plurimum: à Ione & Venere differt, paruitate, robore, & obscuritate.

Saturnus æqualis, est Marti in aspectu: dif-

fert ab eo, quoniam plumbei coloris est, & minus splendidus. Locus etiam est Almanach distinguit vnum ab altero. Est etiam Saturnus altior Marte ad oculum, cum fuerint propinqui.


Mercurius semper Soli propinquus est, non recedens ab eo plus gradibus 28. admodum parvus est, & lucidus, non candidus.

## CAPVT II.

### *Quomodo cognoscatur polus mundi.*

**C**ONuerte faciem versus Septentrionem, relinquens Orientem à dextra, & Occidentem à sinistra, & videbis in vrsa maiore stellas septem, quarum quatuor faciunt quadrilaterum, & tres incuruantur, vt vides, & faciunt caudam: & omnes sunt secundæ magnitudinis, præter borealiorem antecedentem quadrilateri, quam etiam figuraui minorem aliis sex, nam ipsa est tertiæ magnitudinis, & parum minor cæteris, & omnes septem constituunt formam currus cum temone flexo. In directo igitur duarum sequentium, à parte exteriori versus curationem temonis, est stella polaris magnitudinis tertiæ, de natura Saturni & Veneris, distans à vero polo gradibus 4. minut. 9. nunc, & est in grad. 19. mi. 48. geminorum, & est cauda vrsæ minoris, & est ita in directio illarum duarum, vt linea ducta per illas recte procedat ad hanc stellam: quæ quamuis non sit valde magna, attamen quia omnes circumiacentes sunt valde exiguæ, ideo cernitur ibi quasi solitaria. Hæc circumuoluitur circa polum, & appropinquabit ei infra annos 1000, ita vt sit quasi polus. Est autem ei stella quartæ magnitudinis valde propinqua, & hæc est quasi vere polus, non differens ab eo nunc nisi minutis 50. fermè. Hæc igitur stella poli dicitur: prima autem quæ remotior est & maior, appellabitur stella polaris.





## CAPVT III.

*Quomodo cognoscatur polus Zodiaci.*

**P**olus Zodiaci semper est propinquus duabus stellis, quæ sunt in triangulo draconis, sextæ magnitudinis, vix visibilibus. Capias igitur stellam polarem: deinde animaduerte, quæ in vrsa minore iuxta stellam polarem, præter illas septem stellas vrsæ maioris, sunt duæ stellæ secundæ magnitudinis: quarum superior est in directo duarum antecedentium quadrilateri prædicti, quæ sunt iuxta temonem. Per primam igitur quadrilateri versus Septentrionem, & superiorem duarum vrsæ minoris, imaginetur linea recta vsque ad draconem, quæ terminabitur ad duas stellas in eo existentes, se contingentes, & vt dictum est, vix visibiles: & hæ sunt verè polus Zodiaci, ab eo distantes tantum grad. 2. min. 30. nec ab eo recedent vnquam, aut ei appropinquabunt. Ex hac igitur figura constat, quod polus Zodiaci parum plus distat per rectam lineam à borealiore sequentium, quam polaris mundi ab australiore sequentium.

Et nota, quod etiam pes cephei, est in vna linea recta cum polari stelli, & australiore antecedentium quadrilateri, vt vides.

## CAPVT IV.

*De cognitione Zodiaci & coluri solstitialis.*

**C**onuerte dorsum ad stellam polarem Zodiaci, & imaginaberis circulum diuidentem totum cælum, distantem à prædicto polo per medietatem cæli visibilis: & hic est Zodiacus, qui est plenus stellis, & in eo semper ferè videtur aliquis Planeta, & est obliquus ad aspectum, & non est pars cæli copiosior stellis quam Zodiacus. Deinde imaginaberis lineam ductam à polo Zodiaci, per polum mundi, diuidentem totum cælum per æqualia, & considera, quod vel initium cancri est super terram, aut initium capricorni, & hoc necessario, cum sint puncta opposita. Si igitur supra terram est cæcri initium, erit etiā reliqua medietas coluri, quæ est per ini-

*Tem. V.*

tium cancri supra terram: & si initium capricorni, erit etiam reliqua medietas coluri, quæ est per capricornum. Hoc autem facilius cognoscitur, scita hora nocturna (vt infra declarabo) aut ascendente.

Si igitur sit medietas, quæ est per initium cancri, videbis ab orientali parte ipsius coluri, primo capita geminorum magis septentrionalia deinde procedendo versus meridiem ab eadem parte minorem canem siue procion, deinde caniculam, quæ est splendidior canis maioris, nam hæc est meridionalior.

Ab occidentali autem parte coluri, versus septentrionem, apparet primo dexter humerus aurigæ: deinde Orion à capite ad pedes, quasi æquidistans coluro, ita vt caput sit versus septentrionem, & pedes versus austrum. Vltimo, sex stellæ glomeratæ, è quibus duæ sunt magnitudinis secundæ, valde australes, & sunt in naui.

Ab orientali autem parte coluri, qui est per capricornum, primo in parte boreali valde propinqua coluro, apparet vultur cadens stella. Deinde magis distans, & meridionalis est stella, quæ dicitur vultur volans. Vltimo, stella magnitudinis secundæ in genu sagittarij, valde meridionalis, & propter hoc parum manens supra terram.

Ab occidentali autem parte huius coluri, non est aliqua stella insignis magnitudinis.

## CAPVT V.

*De imaginibus cælestibus, & earum nominibus diuersis.*

- 1 Versa maior.
- 2 Versa minor.
- 3 Draco.
- 4 Cepheus.
- 5 Bootes, siue Lanceator, siue vociferans, in quo arcturus.
- 6 Corona borealis.
- 7 Hercules, vel incuruatus, vel qui est in genibus, vel saltator.
- 8 Lira, vel vultur cadens, vel cygnus.
- 9 Anis, vel gallina.
- 10 Cassiopea.
- 11 Perseus, vel deferens caput Argol, in quo caput Argol.
- 12 Auriga, vel agitator, vel alhaiot, in quo capra vel hircus, & (hædi.
- 13 Ophiolus, vel serpentarius.
- 14 Serpens, vel alanguæ.
- 15 Sagitta, vel alhance.
- 16 Aquila.
- 17 Delphin.
- 18 Equus prior, vel præcisio.
- 19 Pegasus, vel equus alatus, vel equus posterior.
- 20 Andromeda.
- 21 Triangulus, vel delta, à Ptolomæo.
- 22 Aries.
- 23 Taurus, in quo fucula, vel hiades, & vergiliæ, vel pleiades.
- 24 Gemini.
- 25 Cancer, in quo asini, & præsepe.
- 26 Leo.
- 27 Virgo.

CCc 3. 28 Libra.



- 28 Libra.
- 29 Scorpio.
- 30 Sagittarius.
- 31 Capricornus.
- 32 Aquarius.
- 33 Pisces.
- 34 Cæus.
- 35 Orion, vel sublimatus.
- 36 Amnis, vel Eridanus
- 37 Lepus.
- 38 Canis, vel Alhabor, in quo canicula.
- 39 Præcanis, siue canis minor, siue Procion.
- 40 Argus, siue naus.
- 41 Hidra.
- 42 Patera, vel vuas.
- 43 Coruus.
- 44 Centaurus.
- 45 Fera, vel lupus.
- 46 Turribulum vel lar.
- 47 Corona australis.
- 48 Piscis australis.

CAPVT VI.

De inueniendo vero loco stellarum cum instrumentis.

E Go Hieronymus Cardanus, die 29. No- uemb. anni 1537. hora vna & media ante ortum Solis æquali, vidi Venerem ferè iunctam in longitudine cum luminosiore lancis meridionalis, fuitque stella australior ferè Venere gra. 1. min. 10. & fuit locus Veneris tunc visibilis gra. 6. mi. 57. scorpij: qua- re cum differentia longitudinis esset ferè min. 30. quibus stella erat orientalis Venere constat locum luminosioris lancis esse verum.

Consideravi hoc idem vndecim aliis con- siderationibus, de quibus dixi in secundo li- bro Astronomicorum iudiciorum. Constat igitur loca stellarum fixarum esse, qualia hic posuimus. Melior autem via cognitionis stellarum fixarum & planetarum, est per lo- cum Lunæ tempore Eclipsis eius totalis: nam tunc quælibet stella, etiam minima, in con- tactu ipsius videtur, sed & hæc concordat. Posui autem hanc considerationem, tanquam faciliorem ad experiendum reliquis.

CAPVT VII.

De Stellis Zodiaci.

| Aries.      |                    |                    |             |                     |                                                            |
|-------------|--------------------|--------------------|-------------|---------------------|------------------------------------------------------------|
| Naturæ.     | Longi- tudo. G.mi. | Latitu- do. P.G.m. | Magni- tud. | Signa octa. sphaeræ | Nomen.                                                     |
| Sa. p. Mer. | 8 38               | B                  | 8 45        | 6                   | Prima in lino piscium.                                     |
|             | 2 38               | B                  | 3 45        | 6                   | Secunda in lino piscium.                                   |
|             | 6 48               | B                  | 2 15        | 4                   | Tertia quæ est splendida in lino pisc.                     |
|             | 9 48               | A                  | 1 10        | 4                   | Quarta quæ est splendida in lino pisc.                     |
|             | 12 8               | A                  | 0           | 6                   | Borealiior duarum iuxta linum piscium.                     |
|             | 12 38              | A                  | 1 0         | 4                   | Quinta quæ est splendida in lino pisc.                     |
|             | 12 58              | A                  | 5 0         | 6                   | Pisces. Australior duarum paruarum iuxta linum piscium.    |
|             | 16 58              | A                  | 2 20        | 4                   |                                                            |
|             | 17 17              | A                  | 4 40        | 4                   | Præcedens de tribus quæ sunt post flexum piscium.          |
|             | 19 48              | B                  | 1 45        | 5                   |                                                            |
| Sat. Iou.   | 20 8               | A                  | 1 40        | 4                   | Media de tribus quæ sunt post flex. pisc.                  |
|             | 20 18              | B                  | 5 20        | 3                   | Australis de tribus quæ sunt post eam quæ in lino boreali. |
|             | 20 18              | B                  | 5 20        | 3                   | In boreali in lino piscium.                                |
| Me. p. Sa.  | 26 8               | B                  | 5 30        | 5                   | Media de tribus quæ sunt post eam quæ in lino boreali.     |
| Mar. Sat.   | 26 18              | B                  | 7 20        | 3                   |                                                            |
| Sat.        | 26 58              | A                  | 4 10        | 4                   |                                                            |
| Taurus.     |                    |                    |             |                     |                                                            |
| Me. p. Sa.  | 1 8                | B                  | 6 0         | 5                   | Aries. Collum arietis.                                     |
| Sat.        | 2 18               | A                  | 6 20        | 4                   |                                                            |
| Mar.        | 6 38               | A                  | 5 0         | 4                   |                                                            |
|             | 7 18               | B                  | 6 0         | 6                   | Præcedens cornu arietis.                                   |
|             | 7 38               | A                  | 1 30        | 5                   | Inba cæti.                                                 |
|             | 9 18               | B                  | 1 30        | 5                   |                                                            |
| Ven.        | 10 58              | B                  | 4 50        | 5                   | Australior in rictu arietis.                               |
|             | 13 28              | B                  | 1 40        | 4                   | Capilli cæti.                                              |
|             | 14 58              | B                  | 2 30        | 4                   | Extremitas posterioris pedis arietis.                      |
|             | 7 18               | B                  | 6 0         | 6                   | Lumbus arietis.                                            |
|             | 7 38               | A                  | 1 30        | 5                   | Poples arietis.                                            |
|             | 9 18               | B                  | 1 30        | 5                   | Posterior cruris arietis.                                  |
|             | 10 58              | B                  | 4 50        | 5                   | Radix caudæ arietis.                                       |
|             | 13 28              | B                  | 1 40        | 4                   | Præcedens in cauda arietis.                                |
|             | 14 58              | B                  | 2 30        | 4                   | Media de tribus in cauda arietis.                          |



| Naturæ.                                                                                   | Long.<br>G.m. | Latitud.<br>P. g. m. | Mag.<br>oc. | Si.<br>oc. | Nomen.                                                       |                         |
|-------------------------------------------------------------------------------------------|---------------|----------------------|-------------|------------|--------------------------------------------------------------|-------------------------|
| Ve. p. Sa.                                                                                | 15 38         | A 7 15               | 4           | Taurus.    | Sequens in abscissione tauri.                                |                         |
|                                                                                           | 15 58         | A 6 0                | 4           |            | Borealiior abscissionis tauri.                               |                         |
|                                                                                           | Ven.          | 16 38                | B 1 50      |            | 4                                                            | Ultima caudæ arietis.   |
| † Lu. Ma.                                                                                 | 21 48         | B 4 30               | 5           |            | Ex virgiliis.                                                |                         |
|                                                                                           | 21 58         | B 3 40               | 5           |            | Ex virgiliis.                                                |                         |
|                                                                                           | 23 18         | B 3 20               | 5           |            | Ex virgiliis.                                                |                         |
| Sa. p. Me.                                                                                | 23 18         | B 5 0                | 5           | Taurus.    | Ex virgiliis.                                                |                         |
|                                                                                           | 26 38         | B 0 40               | 5           |            | Præcedens in collo tauri.                                    |                         |
|                                                                                           | 27 38         | B 5 0                | 5           |            | Australior antecedentium quadrilateri in collo tauri.        |                         |
| † Mar.                                                                                    | 28 8          | B 7 20               | 5           |            | Borealiior antecedentium quadrilateri in collo tauri.        |                         |
|                                                                                           | 28 38         | B 1 0                | 6           |            | Sequens in collo tauri.                                      |                         |
|                                                                                           | 28 38         | A 5 15               | 3           |            | Ex fuculis.                                                  |                         |
|                                                                                           | 29 58         | A 4 15               | 3           |            | Ex fuculis.                                                  |                         |
| Gemini.                                                                                   |               |                      |             |            |                                                              |                         |
| Sa. p. Me.                                                                                | 1 18          | B 4 0                | 5           |            | Australior in aure boreali tauri.                            |                         |
|                                                                                           | 1 18          | B 5 0                | 5           |            | Borealiior sequens quadrilateri in collo tauri.              |                         |
|                                                                                           | 1 28          | A 3 0                | 3           |            | Oculus borealis tauri.                                       |                         |
| Mar.                                                                                      | 1 28          | A 5 50               | 3           |            | Ex fuculis.                                                  |                         |
| Sa. p. Me.                                                                                | 1             | B 7 30               | 5           |            | Borealiior duarum quæ in aure boreali tauri.                 |                         |
| † Mar.                                                                                    | 1 38          | B 3 0                | 5           |            | Australior sequentium quadrilateri in collo tauri.           |                         |
|                                                                                           | 2 18          | A 5 10               | 1           |            | Aldebaram, siue oculus tauri australis.                      |                         |
|                                                                                           | 5 18          | A 4 0                | 4           |            | Radix cornu borealis tauri.                                  |                         |
|                                                                                           | 7 8           | A 4 0                | 4           |            | Radix cornu australis tauri.                                 |                         |
|                                                                                           | 9 38          | A 3 30               | 5           |            | Borealiior in cornu australis tauri.                         |                         |
|                                                                                           | 9 38          | A 2 0                | 5           |            | Extra formam tauri.                                          |                         |
|                                                                                           | 9 58          | A 5 0                | 4           |            | Australior in cornu australi tauri.                          |                         |
|                                                                                           | 10 38         | A 1 45               | 5           |            | Extra formam tauri.                                          |                         |
|                                                                                           | 15 18         | B 5 0                | 4           |            | Extremitas cornu borealis tauri.                             |                         |
|                                                                                           | 15 18         | A 2 0                | 5           |            | Extra formam tauri.                                          |                         |
|                                                                                           | 16 38         | B 0 40               | 5           |            | Prima illarum quæ sunt extra formam sub cornu boreali tauri. |                         |
|                                                                                           | 17 18         | A 2 30               | 3           |            | Cornu australe tauri.                                        |                         |
| Mar. p. Me.                                                                               | 18 38         | B 1 0                | 5           | Taurus.    | Secunda illarum quæ sub cornu boreali tauri.                 |                         |
| Mar.                                                                                      | 18 38         | A 6 20               | 5           |            | Extra formam tauri.                                          |                         |
| Hic in 19. gradu, incipit via lactea, vel combusta, & terminatur ad 30. gradus geminorum. |               |                      |             |            |                                                              |                         |
| Iou. Sat.                                                                                 | 20 38         | B 1 20               | 5           |            | Tertia sequens ex his quæ sunt sub cornu boreali tauri.      |                         |
|                                                                                           | 21 18         | A 3 45               | 5           |            | Summitas clavis orionis.                                     |                         |
| Mar.                                                                                      | 21 58         | B 3 20               | 5           |            | Quarta sequens ex his.                                       |                         |
|                                                                                           | Sat.          | 22 58                | B 1 15      |            | 5                                                            | Quinta sequens ex his.  |
|                                                                                           |               | 23 48                | A 0 40      |            | 4                                                            | Extra formam geminorum. |
| Mer. p. Ve.                                                                               | 24 18         | A 4 15               | 5           | Gemini.    | Sequens in pede geminorum.                                   |                         |
|                                                                                           | Sat.          | 26 8                 | B 5 50      |            | 4                                                            | Extra formam geminorum. |
| Mer. p. Ve.                                                                               | 26 8          | A 1 30               | 4           |            | Poples gemini præcedentis.                                   |                         |
|                                                                                           | 27 8          | A 1 15               | 4           |            | Extremitas pedis præcedentis gemini.                         |                         |



# 580 De Supplemento Almanach.

| Naturæ.    | Lon.<br>G.m. | Latitu.<br>P.G.M. | Mag.<br> | Si.<br>oc. | Nomen.                                            |
|------------|--------------|-------------------|----------|------------|---------------------------------------------------|
| Cance      |              |                   |          |            |                                                   |
|            | 1 38         | A 7 30            | 3        |            | Extremitas finiftri pedis fequentis gemini.       |
| Sat.       | 2 38         | B 1 30            | 3        |            | Siniftrum genu præcedentis gemini.                |
|            | 4 48         | A 1 15            | 5        |            | Extra formam geminorum.                           |
| Mer.p.Ve.  | 5 38         | A 3 30            | 4        |            | Extremitas pedis dextri præcedentis.              |
| Sat. Mar.  | 7 53         | A 2 30            | 3        |            | Siniftrum genu fequentis gemini.                  |
|            | 8 18         | B 7 20            | 4        |            | Brachium finiftrum præcedentisgemini.             |
| Sat. Mar.  | 11 18        | B 2 40            | 1        |            | Dextrum latus fequentis gemini.                   |
|            | 11 18        | A 0 30            | 3        |            | Siniftra axilla fequentis gemini.                 |
| Sat.       | 11 38        | B 5 30            | 4        |            | Occiput præcedentis gemini.                       |
|            | 13 38        | B 4 50            | 4        |            | Humerus eius dexter.                              |
|            | 15 48        | A 4 30            | 5        |            | Extra formam geminorum.                           |
|            | 15 48        | B 3 0             | 5        |            | Siniftrum latus præcedentis gemini.               |
| Mar.       | 15 58        | A 3 20            | 5        |            | Extra formam geminorum.                           |
|            | 16 18        | B 2 40            | 4        |            | Humerus finifter præcedentis gemini.              |
| †          | 16 18        | B 6 15            | 2        |            | Hercules fiue caput fequentis gemi.               |
| Sat.       | 17 58        | A 1 20            | 5        |            | Extra formam geminorum.                           |
|            | 20 18        | A 2 40            | 4        |            | Extra formam geminorum.                           |
| Sat. Mer.  | 22 18        | B 1 0             | 5        | Cancer     | Posterior pes borealis cancri.                    |
|            | 26 48        | A 7 30            | 4        |            | Posterior pes auſtralis cancri.                   |
| Lun. Mar.  | 27 18        | B 1 15            | 4        |            | Borealior præcedentium quadrilateri.              |
|            | 27 38        | A 1 10            | 4        |            | Auſtraliior præcedentium quadrilateri.            |
|            | 29 58        | B 0 20            |          |            | Nebuloſa præſepe.                                 |
| Leo.       |              |                   |          |            |                                                   |
| Mar. Sol.  | 0 58         | A 0 10            | 4        |            | Auſtraliior fequentium quadrilateri.              |
|            | 2 38         | B 2 40            | 4        |            | Aſinus quæ eſt borealior fequentium quadrilateri. |
| Sat. Mar.  | 3 38         | B 4 50            | 5        |            | Extra formam cancri.                              |
| Sat. Mer.  | 6 8          | A 5 30            | 4        |            | Auſtraliior forcicis.                             |
| Sat. Mar.  | 6 38         | B 7 58            | 5        |            | Extra formam Cancr.                               |
|            | 8 48         | A 2 20            | 4        |            | Extra formam cancri.                              |
|            | 10 48        | A 5 40            | 4        |            | Extra formam cancri.                              |
| Iou. Mar.  | 10 48        | B 7 30            | 5        | Leo        | Os leonis.                                        |
|            | 13 48        | A 3 40            | 6        |            | Vola dextra leonis.                               |
|            | 16 58        | A 0 0             | 5        |            | Genu dextrum leonis.                              |
|            | 16 58        | A 4 10            | 4        |            | Vola finiftra leonis.                             |
| Sat. Ven.  | 19 38        | A 0 15            | 5        |            | Cuſpis cordis leonis.                             |
| Sa. p.Mer. | 20 18        | B 4 30            | 3        |            | Collum leonis.                                    |
| † Io. Mar. | 22 8         | B 0 10            | 1        |            | Regulus fiue cor leonis.                          |
|            | 22 8         | A 4 15            | 4        |            | Genu finiftrum leonis.                            |
| Sat. Ven.  | 23 8         | A 1 52            | 4        | Leo        | Pectus leonis.                                    |
| Ve. p.Me.  | 26 3         | B 4 0             | 6        |            | Prior in ventre leonis.                           |
| Sa. p. Ma. | 28 48        | A 4 10            | 4        |            | Maxilla finiftra leonis.                          |
| Virgo.     |              |                   |          |            |                                                   |
| Ve. p. Me. | 1 48         | B 2 20            | 6        |            | Auſtraliior ventris leonis.                       |
|            | 2 38         | B 5 20            | 6        |            | Borealior in ventre leonis.                       |
| Sat. Ven.  | 6 48         | A 0 50            | 5        |            | Extra formam leonis.                              |
|            | 7 8          | B 1 10            | 4        |            | Extra formam leonis.                              |
|            | 7 38         | A 2 30            | 0        |            | Extra formam leonis.                              |
| Ven. Mer.  | 9 58         | B 5 50            | 3        |            | Posterior cruris leonis.                          |
|            | 11 18        | B 1 15            | 4        |            | Posterior poplitis leonis.                        |
|            | 14 18        | A 0 50            | 4        |            | Cubitus leonis.                                   |
| Me. p.Ma.  | 14 58        | B 4 15            | 5        | Virgo.     | Auſtraliior capitis virginis.                     |
|            | 16 38        | B 5 40            | 5        |            | Borealior capitis virginis.                       |
| Sat. Ven.  | 17 8         | A 3 12            | 5        |            | Vola poſterior leonis.                            |
| Me. p.Ma.  | 18 38        | B 0 10            | 5        |            | Extremitas alæ borealis virginis.                 |
|            | 19 48        | B 5 30            | 5        |            | Auſtraliior faciei virginis.                      |
| Me. p. Ve. | 27 53        | B 1 10            | 3        |            | Præcedens quatuor alæ finiftræ virg.              |



| Libra.                                                                                 |              |                   |            |            |                                                           |
|----------------------------------------------------------------------------------------|--------------|-------------------|------------|------------|-----------------------------------------------------------|
| Natura.                                                                                | Lon.<br>G.m. | Latitu.<br>P.G.M. | Mag.<br>S. | Si.<br>oc. | Nomen.                                                    |
| Mar. Mer.                                                                              | 2 48         | B 2 50            | 3          |            | Sequens quatuor alæ sinistra virg.                        |
| Me. p. Ve.                                                                             | 4 18         | A 3 30            | 5          |            | Extra formam virginis.                                    |
| Me. p. Ve.                                                                             | 6 48         | B 2 50            | 5          |            | Sequens quatuor alæ sinistra virgin.                      |
| Mar. Mer.                                                                              | 8 38         | A 3 30            | 5          |            | Extra formam virginis.                                    |
| Me. p. Ve.                                                                             | 10 38        | B 1 40            | 4          |            | Ultima quatuor alæ sinistra virgin.                       |
| Mar. Mer.                                                                              | 11 53        | A 3 20            | 5          |            | Extra formam virginis.                                    |
| Me. Ven.                                                                               | 15 58        | B 3 20            | 5          |            | Borealis antecedentium quadrilateri cruris virginis.      |
| † Ve. p. Mar.                                                                          | 16 18        | A 2 0             | 1          |            | Spica virginis.                                           |
| Mar. Mer.                                                                              | 16 48        | A 7 10            | 6          |            | Extra formam virginis.                                    |
| Mer. Ven.                                                                              | 16 53        | B 0 10            | 6          |            | Australis antecedentium quadrilateri cruris virginis.     |
|                                                                                        | 17 38        | A 3 0             | 5          |            | Australis sequentium quadrilateri cruris virginis.        |
| Me. p. Ve.                                                                             | 19 38        | B 1 30            | 4          |            | Præcedens quadrilateri cruris virg.                       |
| Mer. Ven.                                                                              | 21 18        | A 1 30            | 5          |            | Genu sinistrum virginis.                                  |
| Me. p. Ma.                                                                             | 25 58        | B 7 30            | 4          |            | Media caudæ vestis virginis.                              |
|                                                                                        | 26 58        | B 2 40            | 4          |            | Australior earum.                                         |
|                                                                                        | 29 38        | B 0 30            | 4          |            | Pes sinister virginis.                                    |
| Scorpio.                                                                               |              |                   |            |            |                                                           |
| Mer. Mar.                                                                              | 2 38         | A 7 30            | 3          |            | Extra formam libræ.                                       |
|                                                                                        | 6 38         | B 2 30            | 5          |            | Borealiore lancis meridionalis.                           |
| †                                                                                      | 7 38         | B 0 40            | 2          |            | Luminosior lancis meridionalis.                           |
|                                                                                        | 9 53         | B 1 40            | 4          |            | Media lancis australis.                                   |
|                                                                                        | 10 58        | B 1 15            | 4          |            | Præcedens in lance australi.                              |
|                                                                                        | 17 28        | B 3 45            | 4          |            | Media lancis borealis.                                    |
|                                                                                        | 19 58        | B 0 20            | 5          |            | Extra formam libræ.                                       |
|                                                                                        | 20 48        | A 1 30            | 4          |            | Extra formam libræ.                                       |
|                                                                                        | 22 38        | B 4 30            | 4          |            | Borealiore lancis borealis.                               |
|                                                                                        | 23 8         | B 0 30            | 6          |            | Extra formam libræ.                                       |
|                                                                                        | 28 18        | B 6 40            | 4          |            | Extra formam libræ.                                       |
| Ma. p. Sat.                                                                            | 25 18        | A 1 40            | 3          |            | Lucida sequens frontis scorpij.                           |
| †                                                                                      | 25 18        | A 5 0             | 3          |            | Ultima lucidarum frontis scorpij.                         |
|                                                                                        | 25 58        | B 1 20            | 3          |            | Lucida in fronte scorpij.                                 |
| Sat. Mar.                                                                              | 25 58        | B 0 30            | 4          |            | Australior pedis scorpij.                                 |
| Sat. Mer.                                                                              | 26 38        | B 1 40            | 4          |            | Pes scorpij.                                              |
| Iou. Mar.                                                                              | 28 58        | A 6 30            | 5          |            | Pes alius scorpij.                                        |
| Sa. p. Ve.                                                                             | 29 28        | B 1 40            | 5          |            | Australior de tribus in sinistra tibia Ophiulci.          |
| Sagittarius.                                                                           |              |                   |            |            |                                                           |
| Iou.                                                                                   | 0 18         | A 3 45            | 3          |            | Lucida in corpore scorpij.                                |
|                                                                                        | 0 18         | A 6 40            | 5          |            | Sequens in pede scorpij.                                  |
| Sa. p. Ve.                                                                             | 0 18         | B 3 10            | 5          |            | Media de tribus in sinistra tibia Ophiulci.               |
|                                                                                        | 0            | B 0 45            | 4          |            | Planta pedis Ophiulci.                                    |
|                                                                                        | 1 18         | B 5 20            |            |            | Borealiore de tribus quæ sunt in sinistra tibia Ophiulci. |
|                                                                                        | 1 58         | B 0 40            | 5          |            | Sinister calcaneus Ophiulci.                              |
| † Iou. Ma.                                                                             | 2 18         | A 4 0             | 2          |            | Cor scorpij siue antares.                                 |
|                                                                                        | 4 8          | A 5 13            | 3          |            | Sequens trium lucidarum cordis scorpij.                   |
| Hic in quinto gradu, incipit via lactea, & terminatur ad 15. gradum ipsius sagittarij. |              |                   |            |            |                                                           |
| Sat. p. Ve.                                                                            | 10 48        | B 7 30            | 3          |            | Genu dextrum Ophiulci.                                    |
|                                                                                        | 12 38        | B 2 15            | 4          |            | Præcedens quatuor in dextro pede Ophiulci.                |
|                                                                                        | 13 58        | B 1 30            | 4          |            | Sequens quatuor in dextro Ophiulci pede.                  |
|                                                                                        | 14 38        | B 0               | 4          |            | Sequens tertia pedis Ophiulci.                            |
| Mar. Lun.                                                                              | 15 8         | A 1 10            | 5          |            | Extra formam scorpij.                                     |
| †                                                                                      | 15           | A 6 10            | 5          |            | Extra formam scorpij.                                     |

Sat.



# 582 De Supplemento Almanach.

| Naturæ.                                                                           | Lon.<br>G.m. | Latitu.<br>P.G.M. | Mag.<br>oc. | Si.<br>oc. | Nomen.                                                              |
|-----------------------------------------------------------------------------------|--------------|-------------------|-------------|------------|---------------------------------------------------------------------|
| Sa. p. Ve.                                                                        | 15 28        | B                 | 0 45        | 5          | Vltima de quatuor in pede ophiul.                                   |
|                                                                                   | 16 18        | B                 | 2 15        | 3          | Tibia dextra ophiulci.                                              |
|                                                                                   | 16 48        | B                 | 1 30        | 5          | Calcaneum ophiulci.                                                 |
| Hic in 23. gradu, incipit iterum via lactea, & terminatur ad 4.gradum capricorni. |              |                   |             |            |                                                                     |
| Iou. Mar.                                                                         | 26 18        | B                 | 2 50        | 4          | Sag. Borealior arcus sagittarij.                                    |
|                                                                                   | 27 18        | A                 | 6 30        | 3          |                                                                     |
| † Iou. Ma.                                                                        | 28 38        | B                 | 1 30        | 3          | Australior arcus sagittarij.                                        |
| Mar.Lun.                                                                          | 29 8         | A                 | 6 20        | 3          | Ferru sagittæ sagittarij.                                           |
| Capricornus.                                                                      |              |                   |             |            |                                                                     |
| Iou. Ma r                                                                         | 2 38         | A                 | 3 30        | 4          | Hasta sagittæ sagittarij.                                           |
| Sol. Mar.                                                                         | 4 48         | B                 | 0 45        |            | Nebulosa & bina sagittarij.                                         |
| Iou. Mar.                                                                         | 4 58         | A                 | 3 10        | 3          | Humerus sinister sagittarij.                                        |
| Sol. Mar.                                                                         | 5 18         | B                 | 2 10        | 4          | Præcedens capitis sagittarij.                                       |
| Iou. Sat.                                                                         | 5 58         | A                 | 6 45        | 3          | Vltima quæ est sub axilla sagittarij.                               |
| Sol. Mar.                                                                         | 7 18         | B                 | 1 30        | 4          | Media capiti : sagittarij.                                          |
| Iou. Sat.                                                                         | 7 18         | A                 | 4 30        | 4          | Media scapulæ sagittarij.                                           |
| Sol. Mar.                                                                         | 8 48         | B                 | 2 0         | 4          | Vltima capitis sagittarij.                                          |
| Iou. Sat.                                                                         | 9 38         | A                 | 2 30        | 5          | Scapula sagittarij.                                                 |
| Iou. Mer.                                                                         | 10 58        | B                 | 2 50        | 5          | Australis scapularum sagittarij.                                    |
|                                                                                   | 11 58        | B                 | 4 30        | 4          | Media scapularum sagittarij.                                        |
| Iou. Sat.                                                                         | 12 18        | A                 | 1 50        | 5          | Humeri dextri sagittarij.                                           |
| Iou. Mer.                                                                         | 12 28        | B                 | 6 30        | 4          | Borealis scapularum sagittarij.                                     |
| Iou. Sat.                                                                         | 44 28        | A                 | 2 50        | 4          | Cubitus dexter sagittarij.                                          |
| Iou. Mer.                                                                         | 14 58        | B                 | 5 30        | 6          | Obscura in scapulis sagittarij sequens tres.                        |
| Ve. p. Sat.                                                                       | 16 58        | A                 | 4 50        | 5          | Præcedens borealis lateris de quatuor in radice caudæ eius.         |
| Iou. Mer.                                                                         | 17 18        | B                 | 2 0         | 6          | Australior duarum in sinistra spatula.                              |
| Ve. p. Sat.                                                                       | 18 28        | A                 | 4 50        | 5          | Sequens borealis lateris in radice caudæ sagittarij.                |
|                                                                                   | 18 28        | A                 | 5 50        | 5          | Antecedens australis lateris in radice caudæ eius.                  |
| Iou. Mer.                                                                         | 19 8         | B                 | 5 50        | 5          | Borealior de duabus in sinistra spatula sagittarij.                 |
| Ve. p. Sat.                                                                       | 19 18        | A                 | 6 30        | 5          | Sequens australis lateris in radice caudæ sagittarij.               |
| Mar. Mer.                                                                         | 25 48        | B                 | 0 40        | 5          | Capricor. Præcedens de tribus quæ sunt sub oculo dextro capricorni. |
| ✠ Ve.p.Mar.                                                                       | 26 58        | B                 | 5 0         | 3          |                                                                     |
|                                                                                   | 26 58        | B                 | 7 20        | 3          | Borealis de tribus quæ in sequenti cornu capricorni.                |
|                                                                                   | 27 18        | B                 | 6 40        | 6          | Media de tribus quæ in sequenti cornu capricorni.                   |
| Sat. p.Ve.                                                                        | 28 18        | B                 | 1 45        | 6          | Præcedens reliquarum duarum in rictu capricorni.                    |
| † Ve.p.Ma.                                                                        | 28 28        | B                 | 1 30        | 6          | Sequens earum.                                                      |
| Sat. p. Ve.                                                                       | 28 38        | B                 | 0 45        | 6          | Australis de tribus quæ sunt in rictu capricorni.                   |
| Aquarius.                                                                         |              |                   |             |            |                                                                     |
| Mar. Mer.                                                                         | 0 28         | A                 | 6 30        | 4          | Humerus sinister capricorni.                                        |
|                                                                                   | 1 18         | B                 | 3 50        | 6          | Borealior duarum quæ sunt in collo capricorni.                      |
|                                                                                   | 1 28         | B                 | 0 10        | 5          | Australior earum quæ sunt in collo capricorni.                      |
| † Sat.Iou.                                                                        | 1 28         | A                 | 0 10        | 3          | Antecedens duarum quæ sunt in cauda capricorni.                     |
| Mar.Mer.                                                                          | 6 18         | A                 | 0 0         | 4          | Antecedens duarum quæ sunt in scapula capricorni.                   |
|                                                                                   | 6 18         | A                 | 2 50        | 5          | Borealior duarum quæ sunt in corpore capricorni.                    |
|                                                                                   | 6 18         | A                 | 4 0         | 5          | Australior duarum reliquarum in corpore capricorni.                 |



| Naturæ.     | Long.<br>G.m. | Latitud.<br>P. g. m. | Mag.<br>S. | Si.<br>oc. | Nomen.                                                      |
|-------------|---------------|----------------------|------------|------------|-------------------------------------------------------------|
| Sat. Mer.   | 7 18          | B 5 30               | 3          |            | Quæ in sinistra manu aquarij.                               |
| Mar. Mer.   | 8 18          | A 4 45               | 5          |            | Sequens de tribus quæ sunt in medio corpore capricorni.     |
|             | 9 58          | A 6 0                | 5          |            | Sequens duarum contiguarum quæ sunt sub ventre capricorni.  |
|             | 10 38         | A 9 50               | 4          |            | Sequens duarum quæ sunt in scapula capricorni.              |
|             | 13 28         | A 4 45               | 4          |            | Antecedens earum quæ sunt in cauda capricorni.              |
|             | 14 38         | A 4 30               | 4          |            | Sequens earum quæ sunt in cauda capricorni.                 |
|             | 15 38         | A 6 50               | 4          |            | Præcedens duarum contiguarum sub ventre capricorni.         |
| Sat. Iou.   | 15 58         | A 2 0                | 3          |            | Sequens de duabus quæ sunt apud caudam capricorni.          |
|             | 16 28         | B 3 20               | 4          |            | Antecedens de quatuor quæ sunt in boreali caudæ capricorni. |
|             | 16 58         | B 2 50               | 5          |            | Media ex illis quatuor caudæ capric.                        |
| Sat. Mer.   | 16 58         | B 8 15               | 5          |            | Quæ sub axilla aquarij.                                     |
| Sat. Iou.   | 18 16         | B 0 0                | 5          |            | Australis de illis quatuor caudæ capricorni.                |
|             | 18 18         | B 4 20               | 5          |            | Borealis ex illis quatuor caudæ capricorni.                 |
| Sat. Mer.   | 21 18         | A 1 40               | 4          |            | Australior duarum quæ in sinistra vertebra aquarij.         |
|             | 22 48         | B 0 15               | 6          |            | Borealiior duarum quæ in sinistra vertebra aquarij.         |
| Me. p. Sa.  | 24 18         | A 5 40               | 5          |            | Crus aquarij.                                               |
| Sat. Mer.   | 25 48         | B 3 0                | 4          |            | Dextra vertebra aquarij.                                    |
|             | 26 38         | B 3 10               | 5          |            | Sequens in dextra vertebra aquarij.                         |
|             | 28 18         | A 0 50               | 4          |            | Altera in vertebra dextra aquarij.                          |
| Pisces.     |               |                      |            |            |                                                             |
| Me. p. Sa.  | 0 58          | A 5 0                | 4          |            | Poples aquarij.                                             |
| †           | 1 18          | A 7 30               | 3          |            | Tibia dextra aquarij.                                       |
| Sa. p. Iou. | 4 28          | B 0 10               | 4          |            | Prima in aqua aquarij.                                      |
|             | 4 38          | B 2 0                | 4          |            | Secunda in aqua aquarij.                                    |
|             | 7 18          | A 1 0                | 4          |            | Tertia in aqua aquarij.                                     |
|             | 8 38          | A 3 30               | 4          |            | Quarta in aqua aquarij.                                     |
|             | 0 28          | A 4 10               | 4          |            | Quinta in aqua aquarij.                                     |
|             | 9 38          | A 0 30               | 4          |            | Sexta in aqua aquarij.                                      |
|             | 10 8          | A 1 40               | 4          |            | Septima in aqua aquarij.                                    |
| Mar. p. Ve. | 10 18         | B 7 30               | 4          |            | Dorsum piscis.                                              |
| Mer. p. Sa. | 13 48         | B 7 30               | 4          |            | Craneum piscis.                                             |
| Mer. Iou.   | 15 38         | B 4 30               | 4          |            | Antecedens duarum quæ sunt in ventre piscis.                |
|             | 19 18         | B 3 30               | 4          |            | Sequens duarum quæ in ventre piscis.                        |
| Io. p. Ven. | 20 18         | A 5 30               | 4          |            | Extra formam piscium.                                       |
|             | 20 48         | A 2 40               | 1          |            | Extra formam piscium.                                       |
|             | 21 53         | A 2 30               | 4          |            | Extra formam piscium.                                       |
|             | 21 58         | A 5 30               | 4          |            | Extra formam piscium.                                       |
| Sa. p. Mer. | 25 38         | B 6 20               | 4          |            | Cauda piscis antecedentis.                                  |

Omnes igitur stellæ Zodiaci, quibus Planetæ, iungi possunt corporaliter, sunt 246.



CAPVT VIII.

De Stellis regiis.

Plæ sunt quindecim, & sunt signatæ in præcedenti tabula sub signo †, & ultra

hoc, quæ sunt in Zodiaco, sunt insignes, aut magnitudine, aut multitudine, & sunt partes signorum zodiaci propriæ, & ideo maximos supra omnes cœli stellas effectus ostendunt.

CAPVT IX.

De Stellis insignibus extra zodiacum.

| Naturæ.     | Long. |       | Latitud. |      | Ascen. | Gradus signiferi cum quo oblique ascen- |                                                     |
|-------------|-------|-------|----------|------|--------|-----------------------------------------|-----------------------------------------------------|
|             | Sig.  | g. m. | P. g. m. | Mas. | recta. | Sig. Gr.                                | dunt in latitud. grad. 44. Noimen.                  |
| Mar. Mer.   | ✓     | 1 48  | B 51 30  | 2    | 356 35 | X 4                                     | Ala pegasi.                                         |
|             | ✓     | 7 28  | B 26 0   | 2    | 355 39 | ∞ 6                                     | Vmbilicus pegasi.                                   |
| Sat. Iou.   | ♄     | 19 18 | B 23 0   | 2    | 38 54  | X 8                                     | Caput Algol.                                        |
|             | ♄     | 24 28 | B 30 0   | 2    | 41 36  | ∞ 1                                     | Dextrum latus Persei.                               |
|             | ♄     | 9 28  | A 31 30  | 1    | 72 25  | ♄ 15                                    | Rigel vel Pes Orionis.                              |
| Mar. Mer.   | ♄     | 13 58 | A 17 30  | 2    | 74 47  | ♄ 6                                     | Bellatrix, vel humerus sinister Orionis.            |
|             | ♄     | 14 30 | B 24 30  | 1    | 69 47  | ✓ 1                                     | Hircus in auriga                                    |
| Sat. Iou.   | ♄     | 16 58 | A 50 2   | 2    | 78 8   | ♄ 13                                    | Tres stellæ 2. magn. quæ vocantur cingulus orionis. |
|             |       |       | 62       |      |        |                                         |                                                     |
| Mar. Mer.   | ♄     | 21 39 | A 12 0   | 1    | 81 57  | ♄ 11                                    | Dexter humerus Orionis.                             |
|             | ♄     | 22 28 | B 20 0   | 2    | 80 32  | ✓ 2                                     | Dexter humerus aurigæ.                              |
| Io. p. Mar. | ♄     | 7 18  | A 39 10  | 1    | 96 5   | ♄ 6                                     | Canis ardens, vel canicula.                         |
| Mer.        | ♄     | 12 58 | B 9 30   | 2    | 108 13 | ♄ 4                                     | Caput gemi. anteceden. vel apol.                    |
|             | ♄     | 19 8  | A 16 10  | 1    | 205 8  | ♄ 4                                     | Canis minor, vel Procion.                           |
| Sat. Ven.   | ♄     | 18 38 | A 20 30  | 2    | 137 43 | ♄ 1                                     | Hidra lucida.                                       |
| Sa. p. Me.  | ♄     | 21 48 | B 8 30   | 2    | 147 8  | ♄ 20                                    | Cervix leonis.                                      |
| Sat. Ven.   | ♄     | 3 48  | B 13 40  | 2    | 161 5  | ♄ 28                                    | Dorsum leonis.                                      |
|             | ♄     | 12 8  | B 11 50  | 1    | 160 9  | ♄ 10                                    | Cauda leonis.                                       |
| Iou.        | ♄     | 14 38 | B 31 30  | 1    | 207 17 | ♄ 3                                     | Arcturus in boote.                                  |
| Ven. Mer.   | ♄     | 4 18  | B 44 30  | 2    | 227 44 | ♄ 13                                    | Maior coronæ borealis.                              |
| Sa. p. Mar. | ♄     | 11 48 | B 8 50   | 2    | 121 59 | ♄ 8                                     | Luminosior lancis boreal.                           |
| Mar. Mer.   | ♄     | 14 28 | B 36 0   | 3    | 257 9  | ♄ 20                                    | Caput serpentarij.                                  |
| Ven. Mer.   | ♄     | 6 58  | B 62 0   | 1    | 274 12 | ♄ 4                                     | Vultur cadens in lyra.                              |
| Iou. Mar.   | ♄     | 23 28 | B 29 10  | 2    | 290 32 | ♄ 20                                    | Vultur volans.                                      |
| Ven. Mer.   | ♄     | 19 38 | A 23 0   | 1    | 330 52 | ♄ 8                                     | Formabant in aquario.                               |
|             | ♄     | 28 48 | B 60 0   | 2    | 306 15 | ♄ 18                                    | Cauda cygni                                         |
| Mar.        | X     | 16 18 | B 19 40  | 2    | 339 7  | ♄ 7                                     | Dorsum pegasi.                                      |
|             | X     | 21 48 | B 31 0   | 2    | 339 29 | ♄ 19                                    | Crus pegasi.                                        |

Vbi appositum est hoc signum, || significatur quod hæ stellæ, licet non sint omnino in via lactea, sunt tamen in confinio eius. Vnde omnis stella, quæ est in via lactea, vel eius confinio, facit aliquantulum turbidum intellectum, & multa alia designat. Sunt autem ex magnis, quibus tale signum apponitur, quinque: videlicet cor scorpij, quæ etiam est ex regiis, & quatuor extra zodiacum, ut vides in tabula superscripta.

quare ipsa recedit. Alia, est cauda cygni, habens declinationis grad. 43. min. 43. quare cum hæ accedat: est enim in aquario, & alia recedat. Sequitur ut à natura Martis & Mercurij declinent, ac magis in dies declinabunt. Habent autem hæ stellæ potestatem magnam supra loca, quoniam semel qualibet die supra ciuitatem perpendiculariter insunt.

Cum caput algol peragranit Asiam minorem, & Græciam, in annis ferme 400. destruxit eas prouincias usque ad extremum, & desertas ac oppressas à Mahumethanis reddidit. Nunc autem inuasit Italiam, est enim perpendicularis super Apuliam & Neapolitanum regnum, utinam nobis nihil ferat nocuenti.

Tempore ædificationis Romæ, fuit eis stella verticalis extremum caudæ vrsæ maioris, secundæ magnitudinis, de natura Martis: & ideo dominati sunt orbi propter fortitudinem suam. Cum autem recessit, debilitati

CAPVT X.

De stellis verticalibus.

ET ex his quæ sunt extra zodiacum in tabula, duæ sunt verticales Mediolano, videlicet hircus alhaiot, cuius declinatio est gra. 44. min. 56. Mediolani autem declinatio, ut ego sum expertus, est gra. 44. mi. 20.



debilitati sunt ita, vt solum nomen retineant. Hoc autem fuit etiam ex stellis, quæ illi vrbi superuenerunt, & fuerunt dextrum latus Persei, & caput serpentis.

Et transiit cauda vrsæ super Bizantium, & constituit ibi imperium: deinde super Galliam, & transtulit eo imperium: demum peruenit ad Germanos, & transtulit ad ipsos imperium. Significat enim cauda vrsæ fortitudinem cui non est similis, & nunc est etiam sita super Germaniam.

Et si quis dicat, Igitur existentiam in vno paralelo, erit eadem fortuna, quoniam eadem stella verticalis: dico, quod oportuit in fundatione loci eam stellam tunc fore & in meridie, & cum Sole iunctam, & Solem cum hoc esse fortunatum, & ita fortitudo communicatur toti paralelo, sed imperium vni soli contingit loco. Vnde legimus, quod tempore Romanorum tota Italia erat repleta populis fortissimis, maxime in eodem paralelo, sicut Samnitibus, Veientibus, Fidenatibus, qui ferè erant in eadem poli elevatione. partem autem Italiæ borealiorem, non Italiam, sed Galliam togatam vocabant, nec in fortitudine erat eis similis. Quare per omnia loca transitus stellarum euenient dispositiones populis, in qualitatibus animi significatæ per eas: non tamen desolationes, aut imperia, quoniam stella non per se hoc significat, nisi cum fuerit bene aut male disposita, in tempore ædificationis loci, aut initij transitus.

Qui igitur natus fuerit, stella verticali alicuius loci, cui non dominetur, in cuspide decimæ, vel cum domino decimæ iuncta, dominabitur loco cui ea fuerit verticalis, & tunc fuerit in angulo initij regni. Quod si ciuis oriatur, ea cælum mediante, aut in horoscopo, aut Lunæ, aut domino decimæ iuncta, honorabitur semper ille in ciuitate, & magnus euadet. Tales erunt in ciuitate nostra, quibus oritur Gem. gra. 1. vel Vir. gra. 14.

## CAPVT XI.

*De stellarum magnitudine.*

**S**tellæ magnitudinis primæ, & Venus, & Iupiter, habent diametrum, mi. 8. Saturnus, Mars, & stellæ secundæ magnitudinis, habent diametrum, min. 6. Stellæ magnitudinis tertiæ, habent diametrum, min. 4. Stellæ magnitudinis quartæ, habent diametrum, mi. 3. & tantum habet Mercurius. Stellæ magnitudinis quintæ, habent 2. min. diametri: Et stellæ magnitudinis sextæ, habent mi. 1. diametri. Saturnus etiam, Iupiter & Mars, augentur per mi. 1. in opposito augis: & minuuntur per mi. 1. in auge. Venus autem cum est in auge, habet mi. 7. diametri, & mi. 10. in opposito augis. Sol autem in auge, habet min. 31. & in opposito min. 33. Luna habet in auge min. 31. & in opposito min. 35. & ita maior est Sole cum fuerit in longitudine propiote.

Et antiqui in hoc occultauerunt secretum magnum. Nam cum ascenderit locus cœli, in quo actualiter sit stella Zodiaci, aut ex insignibus extra Zodiacum, tunc locus ille plenus est, & fortis: aliter autem, vacuus & debilis.

Tom. V.

Exemplum posuimus cor Leonis, in gra. 22. min. 8. leonis, & diameter stellæ est mi. 8. quoniam est primæ magnitudinis: vnde corpus eius durabit per mi. 4. antè & retrò. Qui igitur natus fuerit à gra. 22. min. 4. leonis, ad grad. 22. mi. 12. erit natus in gradu pleno: qui autem natus fuerit antè, erit natus in gradu vacuo. & similiter post, donec peruenerit ad gra. 23. min. 6. nam ibi est alia stella. Vnde multo plures vices nascuntur in locis vacuis, quàm in plenis.

Et hoc idem dico, si iungantur corporali-ter Soli vel Lunæ, vel Ioui, vel Mercurio, vel dispositori, vel sint in cœli medio: quod si cum hoc fuerit vna ex quindecim regijs, erit fortius, & oportebit iungere ambos diametros.

Exemplum, sit Luna in gra. 19: min. 25. capricorni, & sit in longitudine media, vbi semidiameter eius est, mi. 16. secun. 30. & in gradibus 19. mi. 8. capricorni, est borealior sinistræ spatulæ sagittarij. Differunt igitur in min. 17. & quia semidiameter Lunæ est min. 16. secun. 30. & semidiameter stellæ magnitudinis quintæ, est min. 1. erit igitur longitudo semidiametrorum min. 17. secun. 30. & hoc est plus minutis distantia qui sunt 17. igitur dicemus quod se tangunt.

Scire autem hos contactus ad vnguem maxime orientium stellarum, aut existentium in cœli medio, non est possibile nisi per experimentum, quia illam subtilitatem non capit instrumentum aliquod vt dixi optime Iohannes Monteregeus in libro directionum primi mobilis.

Et nota quod in viginti septem stellis extra Zodiacum, magis obseruari debet ascensio, quàm gradus longitudinis, quantum ad ascendens.

## CAPVT XII.

*De occultatione.*

**S**ol occultat omnia præter Lunam, & in Sortu admittit Venerem: vt videri possit, donec eleuetur supra terram aliquatiter, & quandoque Venus apparet in meridie, & quidam putant rem magnam hoc fore. Occultat etiam Sol Lunam vsque ad quindecim gradus manifeste, & quandoque vsque ad 20. gradus

Luna occultat fixas omnes ad propinquitatem gra. 1. & eas quæ sunt secundæ magnitudinis, ad gradum 3. nisi in aère valde sereno, & ea vacua existente: reliquas autem à longe nisi in occasu vel ortu.

Planetas autem non occultat: nam Iuppiter & Venus nihil splendoris etiam contactu minuunt, nedum quod occultentur. Saturnus tamen & Mars, non occultantur vnquam ab ea in contactu, hebetantur tamen plurimum. Mercurium autem ultra grad. 2. non occultat omnino: antè autem occultat nisi in aère valde sereno: non potest autem occultare, non ob Mercurij lucem, sed quia Luna, cum ei iungitur, necessario admodum parua videtur.

Venus & Iupiter stellas omnes secundæ magnitudinis inferiores occultant in contactu:

DDd

quæ



quæ autem secundæ sunt magnitudinis, hebetantur plurimum : primæ autem etiam habetiores fiunt, nullo tamen modo minores videntur. Saturnus autem & Mars, iuxta Iouem aut Venerem parum fiunt hebetiores : occultationis nulla omnino suspicio, at nec diminutionis : Mercurius tamen, licet cum Venere aut Ione valde debilis & exiguus videatur, nullo tamen modo disperit. Nullus denique Planeta, Sole excepto, planetam aliam omnino exterminat : Iupiter autem Venus, fixas paruas ad gra. 8. exterminant.

Saturnus & Mars, cum bebeniis siue fixis primæ magnitudinis pugnant, & licet vincantur, non hebetantur tamen. Cum stellis autem secundæ magnitudinis pugnant, & licet lumine clariores videantur, non tamen occultant eas, & vix reddunt hebetiores paulum. Quintæ & sextæ magnitudinis stellæ, iuxta Saturnum & Martem evanescunt : tertiæ autem & quartæ hebetantur.

Mercurius nullas occultat, à nullis occultatur : hebetatur tamen à bebeniis.

Omnium stellarum in nostro climare visibilibus, pulcherrima est canicula, & splendidissima quæ in ore maioris canis est : maxima vero canopus, quæ nunquam nobis apparet, verum ut magnitudine caniculam superat, ita splendore ab illa maximo superatur intervallo.

### CAPVT XIII.

#### *Modus memorandi stellas iam cognitās.*

**V**T cognitam stellam fixam semper memorari possis, has sex differentias considera.

Magnitudine differt stella à stella quoniam quædam primæ sunt magnitudinis & valde magnæ : & quædam secundæ, magnæ quidem, sed non tantum : tertiæ mediocres : quartæ, parvæ : quintæ, minimæ : sextæ, pusillæ.

Colore, quædam enim albæ, quædam pallescentes, quædam buxæ, quædam plumbeæ, quædam aureæ, aliæ rubæ.

Splendore quoniam quædam plurimum, quædam mediocriter, aliæ parum splendent, aliæ nihil omnino, & sunt quasi nebula, etiam quod sint magnæ, & dicuntur nebulosæ.

Configuratione, quædam trigonum, quædam rectam lineam, quædam quadrangulum constituunt. Vnde cingulus Orionis semel cognitus, è memoria nunquam excidet : quoniam tres magnæ ac splendide stellæ, ita in directum iunctæ sunt, ut cinguli referant speciem. Et similiter Hædi, quoniam duæ omnino parvæ stellæ iunctæ sunt, ac quasi vnam longam faciunt stellam. Et Pleiades, à multitudine glomeratæ obliuionem sui non admittunt. Nec polus mundi, cum sit in vna recta linea cum postremis duabus curvis. Scintillatione, quædam enim frequentissime micant, ut Procion : quædam rarissime,

ut Regulus : quædam mediocriter, ut pes & humerus Orionis.

Situ, cum enim propter motus octauæ tarditatem, fixæ semper eodem loco oriantur ac occidunt, cælumque medient toto anno, non erit difficile etiam ex hoc, ubi eas semel noueris, ubi loci memoriam teneas, earum perpetuò reminisci, quo ex loco oriantur, aut cælum medient, aut se condant. Et similiter ex situ earum ad Planetas facilis habebitur cognitio, utpote si Antares sit posterior Saturno 12. gradibus, cognito Saturno, stellam magis orientalem grad. 12. quæ maxime splendet, cor scorpij esse pro certo scies : in planetis autem, propter motus velocitatem, observatio loci, in quo oriuntur aut occidunt, non plenam facit fidem.

Cumque tot rationibus stellam memoriæ commendaueris, impossibile est, nisi omnino asinus fueris, illius obliuisci.

### CAPVT XIV.

#### *Cognitio figurarum zodiaci ad oculum.*

**Q**ui vult hoc facere, habeat Zodiacum pictum cum suis stellis locatis, prout in cælo sunt : aut Higini, aut Arati figuras. Deinde scire conuenit, duas esse in cælo stellas, quarum altera semper supra terram est, eod quod oppositæ sunt : & vna est Aldebaram, reliqua Antares, ambæ regiæ, quas inter ceteras ita cognoscere studebis, ut illic visæ, non dubites eas esse. Deinde assequere zodiacum ex quarto capitulo, quo cognito, procede à stella cognita versus Orientem per signorum ordinem, & cum tabulis superscriptis omnes stellas Zodiaci rimare diligenter, cum nominibus suis, & similiter valde splendidas extra Zodiacum, quas 27. posuimus exceptis 6, vix maioris, & 2. vix minoris, quas in figura superiore descripsimus, & quibusdam paucis quæ in meridionali parte parum supra terram videntur, quas negleximus describere. Post modum iterum ab eadem stella versus Occidentem contrario progredieris modo, donec ad horizontem peruenieris. Ita vnamquamque stellam per conditiones suas memoriæ commendabis, semper lineas à polo Zodiaci imaginando recte ad eas produci. Sic enim qualis sit stella, qualis eius longitudo, ac latitudo cognoscet. Adnotabis autem mente primum clariores : magnitudine, ut caniculam : multitudine, ut pleiades & siculas : paruitate, ut hædos : similitudine, ut asinos : loco, ut scapulam capricorni, quæ in ecliptica præcise est : aut genu dextrum ophiolci, quod in extremo Zodiaci positum, etiam initium viæ lacteæ est : aut nubilosas, ut præsepe : aut dignitate, ut regulum & spicam : aut magnitudine fortitudinis & forma insigni, ut totum Orionem, qui admodum cognitu facilis est, unde Poëta, Orion magni pars maxima cæli. Atque ita in quindecim diebus non erit difficile omnes stellas figuræque cæli perfecte posse cognosci, quandoquidem in totidem diebus, quæ à nobis sunt visibiles, omnes absque dubio videri possunt.



## CAPVT XV.

*Cognitio locorum Planetarum ad oculum.*

**V**erificatione tali stellarum habita, non erit difficile Planetarum incerta loca firmare, veluti cum nostro tempore Saturnus & Mars à loco tabularum differant, sic erunt iustificandi. Aut enim cum instrumento armillarum obseruandum est, vt cum aliqua stella in eadem sit longitudine, & tunc locus stellæ cognitus, erit locus Planetæ incognitus, & cum principiis eisdem tabulas Alfonsi rectificabis. Quod si armillis careas, expectanda erit coniunctio corporalis: Hæc autem longe plus temporis exposcit, non tantum, quia planeta stellæ facilius ac frequentius in longitudine sola copulatur, quam in longitudine ac latitudine, sed quoniam copulatus videri non potest, cum stella euanescat, nisi primæ sit aut secundæ magnitudinis: hæc autem tantum sex sunt in zodiaco. Vnde his daubus causis, talem coniunctionem difficilius obseruare poterimus, præsertim cum talis coniunctio frequenter nubilo contingat tempore, aut sub Solis radiis: Adest & tertia causa, quoniam nisi per continuos dies obseruauerimus, plerumque fallit, cum coniunctionem oculus diiudicet inter stellas frequenter, quæ ferè gradu vno distant. Non igitur coniunctione contentos esse oportet, sed primam obseruare separationem diligenter conuenit: die enim præcedente, primam separationem coniunctionem factam intelligere possumus.

## CAPVT XVI.

*De modo sciendi, quando Planeta iungetur alicui fixæ.*

**S**i locus Planetæ certus habetur, locum fixæ hic in tabula cognosce, ac eius latitudinem: deinde considera in Almanach, quando planeta talem gradum & minutum adipiscetur, quo tempore etiam stella illi coniungetur. In omnibus autem, si latitudo etiam tunc temporis concordet, erit coniunctio corporalis: si discrepet, erit longitudinalis tantum. Hæc autem longitudinalis oculis facilius dignoscitur, dummodo stella videri possit: nam cum ad zodiaci polum respexeris, linea recta ab eo ducta per centrum stellæ, per centrum etiam planetæ necessariò transibit, vnde falli non possumus.

Cumque in omnibus Planetis, visibilis & vera coniunctio idem sint, ac non plus (quod in Mercurio est) min. 10. differant in Luna, tamen talis diuersitas nõ est negligenda, cum ad gra. 1. accedere possit, vnde tunc per tabulas Ptolomæi aut Alphonsi computanda erit. Nam Luna semper, quàm sit australior, vbicunque sit, videtur, ac in Oriente orientior, in Occidente occidentior apparet: vt si in 10. gra. 17. min. gemino-

*Tom. V.*

rum sit, in orientali autem parte videatur in gra. 10. min. 47. geminorum, in occidentali in gra 9. mi. 47. eorundem proculdubio videbitur, semper autem, vt dictum est, plusquam sit meridionalis.

Et similiter cognosces, quando fixa zodiaci radios planetæ ingreditur, oppositos quadratos, trinos, aut sextiles, siue opinionem Monteregij, qui omnes eos in eclipticam terminat, siue Blanchini, qui in omnib. exceptis quadratis, latitudinem obseruare docet, attendere velis: de quibus in 2. Astron. iudiciorum plenius diximus.

Et sit exemplum, volo obseruare corporalem coniunctionem Iouis cum aliqua fixa (nam locus Iouis satis exquiste certus habetur) inuenio eum die præsentis, quæ est 13. Aprilis, anno 1538. in tauri par. 26. mi. 23. cum australi latitudine gra. 0. mi. 46. fermè. Quæro igitur, an vltra gr. 26. mi. 23. tauri, sit aliqua stella, habens australem latitudinem gra. 0. mi. 46. aut paulò minorem? Si quidem Iupiter est ascendens versus Septentrionem, & latitudo minuitur, & non inuenio nisi præsepe in gra. 29. mi. 58. cancri, cum latitudine boreali gr. 0. mi. 20. Quæro igitur locum istum, quando ingreditur Iupiter: & inuenio, quod 8. die Iunij, 1540. & tunc habebit Iupiter borealem latitudinem gra. 0. mi. 26. quare distabit latitudo tantum min. 6. quæ comprehenduntur à semidiamentis Iouis & stellæ. Dico igitur, quod ea die fiet talis coniunctio, in nocte sequente corporalis, & accidet tempus nebulosum, his quibus in angulo fuerit. Nam coniunctio corporalis magnos producit effectus, nec vsque ad tempus illud Iupiter alicui stellæ corporaliter iungetur. Vnde corporales coniunctiones raræ sunt ad motum planetarum cū fixis, præterquàm solius Lunæ: non tantum ob motus velocitatem, sed & semidiametri magnitudinem, vnde & ab ipsa temporum mutationes plurimæ, & magnæ, & frequentur eueniunt.


## CAPVT XVII.

*Modus cognoscendi horas in nocte sine instrumento.*

**S**cias primo, quod ex antecedentibus quatuor descriptæ figuræ, currus maior, quæ etiam australior, cæli medium possidet, ascendente gra. 1. sagittarij: imum autem, ascendente gra. 15. cancri, semper autem videtur. Describatur igitur circulus, quem facit dicta stella, reuoluta in horas 24. circa polum mundi, ab Oriente in Occidentem, & ponatur centrum poli mundi, & oculus est tanquam sub polo mundi in directo, & diuido hunc circulum in horas 24. id est, in 24. partes æquales: quare cum hic circulus sit paralelus æquinoctiali, erunt hæ partes necessariò facientes horam vnā æqualem pro singulis. Et caue, ne oculus te decipiat, nā partes superiores apparent sæper minores quàm sint, & similiter quæ sunt ad imum cæli: quæ autem sunt ad Orientem, & Occidentem, apparent

DDd 2 maiores





maiores quàm sint. Vnde ad oculi conie-

cturam illas minores accipere oportet, quàm vigesimaquarta pars circuli videatur. has vero paulo maiores facere, vt ex illa diminutione, & hac additione, partes vere æquales consurgant.

Tunc scias, quod in Calendis Ianuarij stella illa possidet imum cœli, occidente Sole: quantum igitur disteterit stella ab imo cœli versus Orientem, tot horis noxiam processit. In decima autem die mensis, auferes horam vnā: & in vigesima die mensis horas duas: & in initio mensis Februarij horas tres, & in medio quatuor, ita vt vides in tabula. In medio autem mensis Maij, stella medium cœli possidet, ac tot horis distat, quot fuerint spacia à medio cœli, versus stellam occidentaliorē, vt vides in tabula.

|            |              |                                                     |         |
|------------|--------------|-----------------------------------------------------|---------|
| Ianuarij   | prima        | Sole in occasu existente, stella est in imo cœli.   |         |
| Ianuarij   | decima       | deme                                                | hor. 1  |
| Ianuarij   | vigesima     | deme                                                | hor. 2  |
| Februarij  | prima        | deme                                                | hor. 3  |
| Februarij  | quartadecima | deme                                                | hor. 4  |
| Martij     | prima        | deme                                                | hor. 5  |
| Martij     | decima       | deme                                                | hor. 6  |
| Martij     | vigesima     | deme                                                | hor. 7  |
| Aprilis    | prima        | deme                                                | hor. 8  |
| Aprilis    | decima       | deme                                                | hor. 9  |
| Aprilis    | vigesima     | deme                                                | hor. 10 |
| Maij       | prima        | deme                                                | hor. 11 |
| Maij       | quintadecima | Sole in occasu existente, stella est in medio cœli. |         |
| Iunij      | prima        | deme                                                | hor. 1  |
| Iunij      | quintadecima | deme                                                | hor. 2  |
| Iulij      | prima        | deme                                                | hor. 3  |
| Iulij      | sextadecima  | deme                                                | hor. 4  |
| Augusti    | prima        | deme                                                | hor. 5  |
| Septembris | prima        | deme                                                | hor. 6  |
| Octobris   | prima        | deme                                                | hor. 7  |
| Novembris  | prima        | deme                                                | hor. 8  |
| Novembris  | sextadecima  | deme                                                | hor. 9  |
| Decembris  | prima        | deme                                                | hor. 10 |
| Decembris  | sextadecima  | deme                                                | hor. 11 |

Deinde prima die Ianuarij, sole existente in occasu, iterum stella possidet imum cœli, & reuertitur res ad idem: & si dies proposita non sit, ex his accipe proximiorē, vtpote die decima Iulij auferes hor. 4. quoniam sextadecima Iulij proximior est.

A prima igitur Ianuarij ad primam Maij, omni mensi dabis hor. 3. præterquam Februarij: & à prima Maij ad primam Ianuarij, dabis hor. 2. præterquam Augusto, Septembri, & Octobri, quibus dabis vnā.

Sit autem exemplum, vt res facilius capi possit. Sit in vigesima nocte mensis Iulij stella prædicta in H. notantur igitur à cœli medio hor. 7. à quibus auferes hor. 4. pro sextadecima Iulij: erit igitur hora 3. noctis exacta. Et si similiter in octuadecima Nouembris nocte stella in P. quare cum à cœli medio ad imum cœli sint semper horæ 12. erunt horæ 14. à quibus demptis horis 9. sex-

tadecimæ diei Nouembris, remanent horæ 5. erit igitur hora quinta noctis exacta, & ita semper à Maio ad Ianuarius, computantur horæ à cœli medio per Occidentem. Exemplum à Ianuario ad Maium, sit stella in X. vigesima octaua nocte Ianuarij, erit igitur hora octaua, à qua demptis hor. 3. primæ noctis Februarij, remanebunt horæ 5. Et similiter ponamus, quod quarta nocte Aprilis stella sit in F, computabo semper ab imo cœli ad medium hor. 12. & à cœli medio ad F, hor. 5. erunt igitur horæ 17. quare demptis hor. 8. quartæ noctis Aprilis, remanebunt hor. 9. exactæ noctis. Et ita computantur à Ianuario ad Maium horæ, ab imo cœli versus medium per partem Orientalem. Dimisi autem fractiones vitandi causa laboris, cum præcisionem parvam offerant, & confusionem plurimam: in duabus autem aut tribus noctibus experientiam confirmabis.



## CAPVT XVIII.

*De natura Planetarum.*

**S**aturnus frigidus est maxime orientalis. Siccus maxime occidentalis, malus, tardissimi progressus, terræ motus, niues & pruinas, pestes, annonæ penuriam, seruitutem, labores, desolationem, inuidiam, infirmitates longas, fœtorem, mores malos, ex potestatibus nō absolutā interficiendi & cruciandi, est autē proprius mortis significator.

Iupiter calidior quàm humidior est, calorem auget occidentalis, humiditatem orientalis, bonus, tardi progressus, ventos, & aeris salubritatem ostendit, incolumitatem, quietem, bonos mores, abundantiam victus, ex potestatibus sacerdotum, & quæsturam, proprius religionis, & diuitiarum significator est.

Mars siccior longe quàm calidus, orientalis calorem, occidentalis siccitatem auget, malus, progressus mediocris, fulgura, tempestates & siccitates ostendit, cometes, iram, mortes repentinas, crudelitatem, fœtorem, ex potestatibus tribunatum militum: est autem proprius significator infirmitatum violentarum, vt vulnerum, & contusionum.

Sol calidus valde, in passivis paululum declinat ad siccum, bonus, velocis progressus, serenitatem, & vbertatem, fidem, magnanimitatem, splendorem, iustitiam, bonos mores, redolentiam, proprius vitæ significator est: ex potestatibus indicat regnum, & satrapiam. Et quia iusti Principes à Sole significantur, ideo communiter tales inuicti sunt, & fortunati, ac principatus ille diuturnus: nam tales in Solis dominio positi sunt. Significat etiam iudices & legum administratores.

Venus humida plurimum, maximè orientalis: calida paululum, magis tamen occidentalis: bona, velocis progressus, significat tempora humida, leues pluuias, & vbertatem, ocium, intemperantiam, & modicam sapientiam: ex potestatibus magistratus annonæ, & pinguium censuram: est propria significatrix voluptatum & deliciarum: cum Saturno significat venena, ac libidines turpes.

Mercurius siccus, plus tamen occidentalis, temperatus in actiuis, orientalis tamen modicè calidus, velocis progressus, sed longe velocioris permutationis: cum Saturno summam infidelitatem, cum Sole supremam fidem, cum Marte maximam prodicionem & violentiam. Cum Venere, & Ioue, non bene sociatur: cum Ioue facit aduocatos & patronos, exterius quidem autoritate & moribus graues, ambitione atque summa auaritia vsque ad iniustitiam interius laborantes, & hoc est, quia ambo planetæ duplicatorum sunt corporum, & inimici, cum Venere autem industriosos Musicos, at nihil flagitij prætermittentes; ob hoc tales raro integra vita sunt, aut ad senectutem diuites euadunt: ambo enim planetæ inferiores & leues sunt: dignitates eius sunt, tabellionatus, à secretis, docere pueros: dat grandines & sterili-

Tom. V.

tates, apparitiones igneas: facit male positus lufores, & fures, non est amicus vitæ.

Luna humida vehementer, maxime orientalis, id est post Solem, calida paululum, magis tamen occidentalis: pluuias multas & magnas, & abundantiam aquarum ostendit, fructuum corruptionem, morbos plurimos, & in his insaniam, stuporem, attonitum & comitalem, limphaticos proprie cum Saturno: est velocissimi progressus, amica vitæ, propria significatrix popularitatis, seruitutis, & nō dominationis: auget fortunā maxime, vt cum Ioue posita, plurimas autem cum Marte ostendit infœlicitates, & oculorū passionem.

## CAPVT XIX.

*De natura fixarum ex experientia.*

**C**vi ascenderit cingulus Orionis, is erit doctissimus & studiosissimus. Ascendit autem Gualterio Corbettæ senatori, græcarum & latinarum literarum eruditissimo: & Fatio Cardano, patri meo.

Qui habuerit Lunam cum scorpij corde, erit supra vires audax. In oculis aliquid præter aliorum formā habebit, periculis vitæ pluribus & fortibus subiicietur, euadet magnus.

Cui ascenderint Pleiades cum Luna erit ductor ille plurium, & morietur violenta causa.

Omnis vir, cui ascendit locus plenus ex tauro, leone, vel aquario, erit magnus, & in sua professione inuictus.

Qui habuerit Lunam cum regulo, erit fortis, sapiens, & bene fortunatus in cunctis, & habebit potestatem gladij. Hoc tamen pluribus ex regiis etiam pleiadibus commune est.

Qui habuerit Solem vel Lunam in lactea via, aut cum stella nubilosa, non videbit mortem antequam vitium aliquod in oculis patiatur: inseparabile, si in angulis.

Cui caput Algol infortunatur, accidet capitis periculum: si fortunabitur, acquireret gladij super homines potestatem.

Figuræ in cælo fortes sunt: Orion, Vrsa maior, Canis maior, & Leo, & in temporum mutationibus Aurigam adijciemus.

## CAPVT XX.

*De natura imaginum & stellarum.*

**S**tellæ de natura Saturni bene positæ, stabilitatem & dominium in laboribus: male autem, pernicaciam & labores. Iouis bene positæ, virtutes, diuitias, honores: male, patientiam nimiam, & vecordiam, & spoliationem per luxum. Martis bene positæ, audaciam, centuriones, & primi pilares faciunt: male temeritatem, & latrones. Solis bene positæ, rectitudinem & magnanimitatem, regias dignitates: male, ambitionem, & mortes publicas. Veneris bene positæ, gaudia, amabilitatem, & pietatem: male, cateruam vitiorum, & vilipensionem. Mercurij bene positæ, ingenium, mercaturam, scientias: male, versutiam, dolum, luforem,

D D d 3 furem,



furem, chirographorum falsificatorem. Luna bene posita stellæ rationem, sensum, fauorem popularem: male, stoliditatem, famulos publicanorum.

Stellæ Saturni & Iouis bene posita, studium, sapientiam, & gladij potestatem promittunt: male, studium occidendi furandique decapitationem, aut suspensionem. Iouis & Martis bene posita, ducatos, tribunos militum, audaciam: male autem, latrones, & temeritate sua omnia sibi vindicantes, mortem quidem violentam proculdubio, haud tamen necessariò publicam. Solis & Martis bene posita, reges, & satrapas: male, eos quorum corpora in diebus solennibus cum pompa publicè lacerantur. Martis & Mercurij bene posita, medicos optimos, & aurifices: male autem, adulterinæ monetæ fabricatores. Martis & Lunæ: cursores, & architectos: male, apparitores, & seruos publicos, fossatores & munitores.

Imagines omnes de sui proprietate indicant, vt draco, serpens & scorpio, venenum: canis & leo, crudelitatem: Cassiopea & Andromeda, carceres &c.

## CAPVT XXI.

*Cognitio naturæ stellarum ad oculum.*

**S**tellæ candidissimæ & splendide, Iouis sunt. Splendidissimæ buxæ, Veneriæ. Candidæ pallentes, hebetis luminis, Lunares. Rubæ fusæ, splendida, vel non, Martiales. Claræ splendida valde, modice rubentes, Solares. Plumbeæ omnes splendida, vel non, Saturninæ. Splendida cineræ, aut quasi nutantis coloris, Mercuriales. Obscuræ, Saturni & Lunæ. Nubilosæ omnes & maculosæ, Lunæ & Martis.

## CAPVT XXII.

*Aphorismi indicatorij.*

**I**upiter cum domino secundæ, diuitias notant, nec est ponenda pars aliqua fortunæ Sol, Luna, & ascendens, significat vitam. Saturnus & septima, & abscisor mortem Saturnus & duodecima, carceres, labores, hostes occultos. Mars & septima, contentionem, rixas, & apertos hostes. Sol & decima, gloriam, Vtræque infortunæ & sexta, morbos. Luna & Venus, & septima, vxores & concubinas. Mars, Luna, & nona, itinera. Iupiter & nona, legem. Iupiter & quinta, Venus & decima, filios & filias. Iupiter & vndecima, amicos. Iupiter & Mars, & tertia, fratres. Venus, & Luna, & tertia sorores. Luna, Mercurius, & ascendens, omnem animæ qualitatem. Ascendens & Luna, corporis qualitatem. Sol, Saturnus, & quarta, patrem. Venus & Luna & decima, matrem. Sol, decima, Iupiter & nona, magistratus omnes. Mars &

Mercurius artem. Figura & stella occidens, in tempore genituræ, ita ostendit mortis qualitatem & conditiones, veluti ascendens, & stellæ in eo & formæ ostendunt corporis & animæ & vitæ qualitates, & conditiones. Et hoc fuit secretum antiquorum, per quod mirabile prognosticum Ascletrion de Domitiani morte edidit.

Leges Christianæ & Iudaicæ à Deo sunt, fortuna tamen militantium à superioribus gubernatur. Iudaica, à Saturno, vel eius stella, vel potius vtroque. Christiana, à Ioue & Mercurio. Mahumethi, à Sole & Marte æqualiter dominantibus: vnde iustitiam custodit, verum cum impietate & crudelitate magna. Idololatræ, à Luna & Marte. Soluitur autem vnaquæque lex suo contrario. Saturnum debellat Iupiter autoritate, & Mercurius ratione. Iouem & Mercurium debellat Mars, non audiens rationes, & sapiens contra auctoritatem. Martem & Solem debellant Saturnus & Venus, hæc lasciuia, ille dolis. Martem & Lunam, Sol & Iupiter destruunt auctoritate, dignitate, & veritate. Ob hoc Christiani erigite capita, qui potest capere, capiat.

## CAPVT XXIII.

*Secreta indicandi.*

**I**n omni genitura, est optimus locus, à quo omnis fortuna: & pessimus, à quo omne infortunium pendet. Optimus locus est, decima, vel prima, vel luminare, si his fortuna vel radius propitius, vel ulterius luminaris, vel stella fortunata iungantur, ita vt fortunium duplicetur, atque ita infortunij locus, est geminatum infortunium. Et aliqui habent fortunij locum aut infortunij duplicatum. Triplicatum autem habere, omnino extra naturam: & cuilibet horum tria puncta correspondent alia, consimilis dispositionis principali. Vnum oppositionis, & duo quadratorum concordantia. Igitur horum locorum vni benefacit, aut malefacit. Qui vero fortunam habet in loco infortunæ alterius, infortunabit illum, & non recipiet malum ab illo, quod credebatur Ptolemæus: qui autem fortunam in loco fortunæ habuerit, benefaciet, vnde plures malefactores benefactoribus esse necesse est. Cum autem bonæ fortunæ locus debilis est, non proderunt multum reliqua fortuna: quoniam perit fundamentum, nec similiter alienum obierit infortunium.

## CAPVT XXIV.

*Secretum cæli medij.*

**C**um producta fuerit linea, à polo zodiaci per verticem nostrum, ipsa terminabitur per gradus 90. distans ab ascendente, &



& totidem ab occidente : & talis punctus erit magni roboris , & similiter stellæ quæ in eo fuerint secundum longitudinem , quæ vero in circulo medij cœli , secundum ascensionem considerabuntur.

Exemplum , ascendit 7. gradus tauri , igitur Mediolani cœli medium est gra. 19. capricorni , & aliud cœli medium secundum zodiacum est gra. 7. aquarij. Stellæ igitur , quarum longitudo est in 7. gra. aquarij , vel quæ cœlum mediant cum 19. gra. capricorni , erunt valde potentes : quæ autem ascenderint cum 7. gra. aquarij , aut secundum longitudinem fuerint in 19. gradu capricorni , non erunt dignæ consideratione.

## CAPVT XXV.

*Modus inueniendi artem iudicalem.*

**Q**uam plurimas genituras habere oportet , atque temporum considerationes : ac sic in euentibus planetarum inter se concursus , ac ad fixas obseruare in directionibus reuolutionibusque. Cumque ex eadem configuratione idem effectus prouenerit , sapius statuendum est de congressu illo , aut natura fixarum secundum proprietates illius enentus , vt etiam in reliquis prædicere possumus.

## CAPVT XXVI.

*De temporum natura.*

**C**onsiderabis primo coniunctionem Saturni & Iouis , in quo signo , & cum quibus stellis , & vbi Luna tunc ac Sol fuerint : nam hæc erit dispositio illorum 20. annorum sequentium generalis. Similiter reuersionem Solis ad punctum illius coniunctionis , congressus aut labores : nam vnus anni tempestatem indicabit. Et similiter ingressum Solis in initia Ari. Can. Lib. & Cap. qualesque fuerint radij Planetarum cum Luna , aut corpora fixarum cum ea in longitudine , aut coascendentia in angulo : qualisue fuerit locus luminarium in orbe , talis erit dispositio trium mensium interceptorum , inter punctum & punctum. Post considerabis coniunctionem aut oppositionem luminarium , quæ de illis proximius ingressum Solis in aliquod quatuor prædictorum præcesserit , atque per totam illam anni quartam reliquas coniunctiones , si coniunctio proximior fuit , aut oppositiones , si oppositio : & qualis fuerit status luminaris supra terram oppositionis tempore , aut luminarium ad fixas planetas , & mundum , aut planetarum inter se , talis erit status illius mensis vsque ad reditum. Nam si luminaria in ortu vel occasu fuerint , fortes facient mutationes : si in cœli medio , non mutabunt , aut violententer mutabunt : si à cuspidibus ceciderint , paruas : si ab angulis , leuissimas , aut nullas facient mutationes.

Considerabis etiam congressus aliorum Planetarum inter se , & cum Luna : nam cum Luna ad ea loca peruenerit , aut ad ascendentia , sequetur effectus.

Et similiter scies , quod Saturnus cum Sole & Luna , magnas indicat mutationes , & temporum constitutiones : potissime autem nives , pruina , frigus , tempus turbulentum , calorem in æstate aridum , anxium , non magni. Iupiter cum Mercurio , ventos , & calorem auget , aërem conturbat , & pluuias non generales facit. Mars cum Venere pluuias , tonitrua & corruscationes fortes facit. Hi tres congressus maximas in cœlo agunt mutationes.

Et tempestuosa signa sunt Orion , & Arcturus , & Corona exoriens. Ventosa , Hædi , & Capra , qui sunt in auriga. Pluuiosa , hiades , vnde & nomem habent.

Vergiliarum autem occasus , tempus in sua dispositione , in qua fuit , perseuare facit. Aestiuosa , leonis partes anteriores & duæ caniculæ valde.

Porro ingressum Solis in octauæ signa etiam obseruare conueniet , eorum initia in tabula stellarum Zodiaci indicauimus. Finis autem vnus , alterius est initium : veluti posuimus initium arietis octauæ , in initio 26. graduum arietis nonæ , & finem in 15. fine gradus tauri nonæ , quia ibi proxime initium sumit tauri signum octauæ , vnde 20. gradus zodiaci , arietis signum octauæ ostendit occupasse : medium eius igitur est gradus 6. tauri nonæ. Habes igitur ex tabula ipsa , initia , media , finesque signorum octauæ Sphæræ , ad quæ cum Sol accedit , tales fiunt mutationes.

Arietis priores partes , imbres & ventoscient , mediæ temperatæ , extremæ æstuosæ , & mutationem facientes. Borealia , æstuosa & noxia : australia , temperatiora.

Taurus , priora ybique vergiliæ visuntur , turbulenta , ventosa & nebulosa habet : media humida & satis temperate calida : extrema , vbi & fuculæ , ignea & fulmina cū tempestatibus agentia. Borealia , temperata : australia , instabilia ac incerta.

Gemini priora , humida ac noxia , media temperata , posteriora incerta ac mixta. Borealia flatuosa , & terræmotum agentia : australia , arida ac æstuosa.

Cancris initium suffocat , caliginosum , & terras quatit : ibi præsepe est medium , temperatum : finis , ventosus. Borealis pars & australis , noxia , ignea , æstuosa.

Leonis initium pestilens ac suffocans , medium temperatum , finis siccus & noxius. Septentrionalia , ignea ac instabilia : australia autem humida.

Virginis initium calidiusculum ac noxium , in medio temperatum , in fine aquosum. Borealis pars ventosa , australis temperata.

Libra initio & medio satis temperata , extremis aquosa , Borealibus ventosa , australibus sicca ac pestilens.

Scorpius prioribus frigidum , turbulentum , & nives agens : mediis temperatus , postremis turbulentus. Borealibus calidius ,



# 592 De Supplemento Almanach.

australibus humidius est.

Sagittarius initio humidum, medio temperatum, fine igneum est. Borealia eius ventosa, australia humida & variabilia.

Capricornus prioribus partibus aestuat & nocet, mediis temperatius, postremis pluviosum. Borealibus & australibus humidum ac noxium.

Aquarius initio humidus, medio tempe-

rior, extremis ventosus. Borealibus aestum facit: australibus frigus, turbidum tempus, & nives.

Piscis initia temperata, media humida, posteriora aestuosa. Borealia ventosa, australia aquosa sunt. Ita hæc de signis à Ptolemæo accepimus, quoniam experimentis plura firmavimus: reliqua in libris decem descripsimus.



SYNESIORVM





# SYNESIORVM SOMNIORVM

OMNIS GENERIS INSOMNIA  
EXPLICANTES, LIBRI IV.

CAROLO BONROMEO, CARDINALI,  
*Archiepiscopo Mediolanensi, Legatōque Bononiensi, ac  
Romandiola, Piiq̃ue IV. Pontif. Max. nepoti.*

HIERON. CARDANVS, Mediolanens. Medic. S. P. D.

**H**IVD demiror, CAROLE BONROMEE, aliquos fuisse philosophos, qui omnem humanarum rerum providentiam à Deo sustulerint: quandoquidem ij etiam magnitudinem à corporibus ipsis ademertint, existimantes Solem haud multo maiorem esse quàm nobis videatur. Verùm cum perspicuum sit, sidera, astra, cælum, solem, lunam tantæ esse magnitudinis, ipsum orbem tanta velocitate rapi, ut cogitatione nostra hæc maiora sint: nescio quo pacto fieri possit, ut de tam parva re, qualis est humanum genus, quod in superficie sola terra habitat, ullam Deo esse providentiam, negare audeant. Et qui tantæ molis ac penè infinita rationem exquisitissimam teneat, & ad amissim temperet: hoc solum quod minimum est, ad normam redigere non possit: aut speciosissimum cum sit, negligat. Quapropter stultum sit, atque temerarium omnino, quicquam cogitare factum hæc, seu maximum, seu minimum, quod deorum providentia non antea viderit, & benignitas nobis non significauerit: ob idque eos quos nos Sapientes vocamus, constituit: quorum cura par regibus, amor diuinus etiam erga illos longè maior est. Si quis cogitet humanas res quàm fluida, quàm labiles sint, quamque nullâ solertiâ regi possint, nulla vi contineri, maximam & sapientiæ dignitatem esse intelliget, & necessitatem. Cum tot fuerint atate Alexandri Magni, Troianique, & antè & post, reges potentiores, quorum nulli gloriam sibi tam immortalē peperere, quàm hi duo, quod vnus Aristotelus, alter Plutarchi discipulus fuerit. At Alexander Severus Mammeæ, etiam his illis gloriosior fuit, quod sapientiæ maximè fuerit studiosus: ut contrà Commodos, Caligulas, Vitellios, Caracallas, monstra humani generis, & maiorum suorum virtute solum Imperio dignos, quàm infelices exitus oppressere? Neque potior pars est literarum peritia: verùm sapientiæ studium, atque iustitiæ cultus. Eruditi fuere Tiberius, Claudius: & maximo exitio humani generis nati. Traianus & Severus Alexander parùm periti, magnam lucem mundo tamen præstiterunt: quod bonos, quod sapientes euexerunt, quod studiis fauerunt. Non est cogitandum quali fortunâ nunc utamur, sed quali digni simus, qualemque expectare conueniat: imò etiam qualem possumus subire. Stultum est non metuere aduersa, cum in infidis rebus nostram spem collocauerimus. Regna maxima euertit Deus minimis consiliis: contrà, è priuata conditione multos ob virtutem ad maximum fastigium euexit. Ille solus omnia digito temperat. At mortalibus persuasum est, nostris viribus atque solertiâ omnia subiici. Quapropter minus malum est odisse sapientes & eruditos, quàm contempsisse: hoc enim vitium est cum maxima ambitione atque stultitiâ coniunctum: illud humane impotentia argumentum, aut tyrannis quadam. Non est quod quisquam hanc mortalem nostram conditionem ex præsentibus metiatur, sed quàm perennis si, cogitet. Digna potius miseratione ac fletu, & multo calamitosior quàm belluarum, si sapientiâ ademertis.

At



At si cum potentia sapientiam coniungat, supra mortalem statum euehitur. Itaque hac duo hominibus summa studia esse debent, quamplurimum posse atque scire. Quorum causa Deus multipliciter nos instruxit prudentia, artibus, scientiis, disciplinis, literis, exemplis. At futurorum cognitio esse quid diuinius videbatur, quae non solum scire doceret, sed etiam potentia plurimum faueret: quamobrem eam in cacumine quarundam artium, & quasi pro ornamento earum collocauit, agricultura, medicina, nautica, militaris ac civilis gubernationis. Quid enim speciosius, quam hominem videre velut sacrum quoddam oraculum, recte de futuris pradicentem? seu nauis euasura sit naufragium, seu ager morbum, seu candidatus magistratum obtenturus, aut de tempestate aut alio euentu pradixerit? Verum cum non omnibus hac genera diuinationum satisfacerent, sed solis his, qui disciplinis eiusmodi operam darent: multa quoque genera praecognitionis futurorum generalia indulgit diuina liberalitas, Astrologiam, Phsyionomiam, Chiromantiam, Metoposcopiam: sed cum & haec omnes solum essent eruditorum virorum, placuit & quandam subministrare rationem generalem, quae omnibus & omni tempore mortalibus communis esset: eamque nobis nulla arte subiicere. Verum ne ab omnibus contemneretur tam vulgaris disciplina, eam inuolucris quibusdam atque ambagibus ita implicuit, ut nec contemptoribus despectui atque irrisui, nec inertibus obuia, nec cupientibus ignota esset. Sic ille qui tantam molem, tam obscuras rationes temperauerit, & hanc disciplinam moderatus est, ut nemo superstitiosè eam amplectatur, sed ita de illa statuatur, ut de quauis naturali disciplina atque humana arte. Quod si superstitiosum est praescire futura & homini denegatum, cur licet medicis & nautis atque agricolis, prudentibusque militum ducibus illa praenoscere? Sin modus ipse damnatur, qui solus in sacris literis probatur, quisnam eo magis religiosus erit? At male licet huiusmodi disciplina uti, temerè credere, stultè fidere, perperam interpretari. Quanam ergo alia disciplina hac ratione periculosa non erit? nam & medicus occidere agros, & iuriconsultus iniquè iudicare, & tonsor iugulare homines poterit. At non est (dicent) tam obuia errandi parata via illis, ut sceleri, ad scelus nulli praclusa est via. Satis est non pronam esse ad errandum viam: velut in diuinatione omni, praesertim somniorum, quae per vulgus versatur. Sed falluntur. Omnibus errandi patet via: multiplices ubique sunt anfractus, & nos in obscuro vagamur. Sed est etiam unum aduersus errandi pericula praesidium facile, certumque, quod si quis contemnat, non est quod queratur: si amplectatur, non dolebit. Id verò est, ut cognoscat omnia haec naturalia esse & cauenda & procuranda, non execranda & deploranda ut certa. Si domus fastigium corruat, si canis ululet, naturale est utrumque: sed quali animo excipitur, ita statuendum est. Considera vitam tuam, mores, facta. Sapè haec aut irrita sunt, aut monentis Dei. Si nascatur prunus in domo, expectabis fructus: non tamen semper fructus euenient: aut enim antequam floreat arbor, peribit: aut si durat, non florescet: aut si floruerit, fructus non succedent, velut nostris sycomoris: aut si ediderit, non maturescunt: aut antequam maturuerint, fur abripiet illos. Ita & somnia naturaliter significant, quaecunque significant: multis tamen modis, quae naturaliter significantur, impediri possunt. Enata est superstitio, ob necessitatem atque diuinitatem: quorum unum nos eis adimimus, reliquum ostendimus adimendum esse. Sunt naturalia somniorum significata, & omni necessitate vacua: sed naturalibus causis coniuncta, non superstitioni obnoxia, non diuino quodam peculiari precepto metuenda. Illud semper demiratus sum, quod mihi euenit de profitendi munere Bononia, nedum cogitanti: cum vno somnio sic monitus sum, ut omnino conditionem non essem accepturus: altero tanquam omnino admissurus: ut aliquando existimauerim esse eiusmodi diuinationem tanquam illius qui moneatur non de futuris, sed praesentibus tantum, coniecturam verò ex eis faciat futurorum. Sed cur hoc suspicari cogimur, cum iam palam sit nobis, naturales causas ad futuros euentus coniecturalem facere notitiam. Quapropter cum nihil sit tam bonum, quo non quis malè utendo sibi exitium parare soleat, seu opes, seu potentia, seu gloria, seu sapientia esset: ita nihil tam sinistrum, quo non feliciter uti possimus. Et quemadmodum medici ex venenis alexipharmaca, ex asperis mitia medicamenta componunt: contra alij bona inepsè miscendo, intempestiue admouendo, imprudenter tractando, magna incommoda & sibi, & suis parant: ita è diuerso, somniorum diuinatione quanquam naturali & obscura, atque ancipiti, si quis opportunè utatur, non mediocre ad actiones humanas dirigendas auxilium sibi comparabit. Sin oscitanter, aut per incuriam, aut nimis curiosè, iacturam



ram potius quam utilitatem consequetur. Id ergo totum in prudentia & dextertate utentium constitutum est. Periculosum est fidere coniecturis. Fateor: sed quotusquisque est, qui non omnes suas actiones coniecturâ dirigat? Quamobrem melius est multis simul fidere, & cum iudicio: quam paucis, & temerè, tam firmioribus quam exilibus. Eorum qui somniis fidem adhibuerint, neminem precipitem actum aut vidimus, aut legimus: quemadmodum illorum maxima copia est, qui vel astrologia, vel alterius generis diuinationi operam dederunt, aut nimium in viribus ac potentia aut dolis confisi sunt: vel qui monita somniorum contempserunt. Verum his hac erunt propitia, qui res humanas rectè nouerint tractare, quorum non mediocris est numerus: & aestimare, quorum perquam exiguus est. Magna solertia, magnis animi astibus, magnis fortuna successibus euehimur: moderari fortunam, tueri gloriam, nostram intelligere conditionem, non nisi eius esse potest, qui pro sapientia admiratione in omnibus temperat actiones suas, ducitque optimum quod tutissimum est atque honestissimum. Meditentur mortales, quot secula praterierint, quotque futura expectemus: quot claros homines secum illa inuoluerint, inuoluturaque sint. Solos hos eximet ab interitu, quos sapientum penna defenderit. Cogitent illud Poëta tam clarum:

Ereptum stygiis fluctibus Æacum  
Virtus, & fauor, & lingua potentium  
Vatum diuitibus consecrat Insulis.

Alexandrum Magnum per tot egregia facta celebrem, ac orbis dominam, iam plus Aristotelis fama tuetur, quam sua ipsius facta, aut gesta etsi inclyta fuerint. Ille enim in angusta domo, exul, in Chalcide obiit: hic tot gentium victor & dominus, in aureo & gemmeo throno mortuus sedebat. Fortuna Virtutis ancilla est, non Virtus Fortuna: hac enim in superficie hac exigua terra, breui tempore nobis abblanditur, ut decipiat: illa verò se attollit in cælum, caputque inter astra condit. Fortuna quibuscumque etatibus reges nouos ac duces prestat; Virtus soles quosdam, sed diuersis temporibus nobis concedit. Quamobrem nescio quid infelicius sit, aut conari eos tollere, vel indignis aquare. Latè patet omnis beatorum sedes, angusta est hac mortalitatis conditio. Non est arbitrij mortalium, quenquam ad supremas sedes euehere: hanc facultatem solus sibi delegit altissimus. Obstare, prodere, euertere, concessum est omnibus: ut non sit gloriosum quod commune non solum est cum reliquis animalibus, sed etiam cum plantis, lapidibus atque tegulis. Inconcussa est sapientum fortuna: & quanquam multis externis labefactari videatur, seu luctibus, seu iniuriis, seu contumeliis acerbitateue dolorum: ipsa tamen non tangitur. Sed ut solis species obnubilari potest nobis, illo nihilo secius suum splendorem illustrem retinente: sic & optimorum atque eruditorum virtus, splendore proprio clara, innocentia stabilis, munita firmis geniis, afflata Diuino numine, illustris per ora virum fulget. Quamobrem scite admodum laudatur Socrates à Cicerone: sed non tam scita intelligitur eius sententia, nec quam grauitè eam retulerit, cognoscitur. Id inquam scilicet, quod Socrates, ut eius verbis utar, (quandoquidem non sperem posse melius dicere Cicerone) ita in iudicio capitis pro se dixit, ut non supplex, aut reus, sed ut magister & dominus videretur esse iudicum. Itaque tibi, Vir Amplissime, tanquam ter beato, hoc Opus nuncupare statui: quod & nobilitate generis summa Bonromeorum splendeas, & virtute atque eruditione singula: cum quia te & orantem & docentem ac disputantem, etiam in ipso iuuenta flore, summa cum omnium admiratione audiui: tum verò prudentia amoreque erga studiosos insigni, ac Deorum dono ornatum splendidissimo sacerdotio, simulque propinquitate Pontificis Maximi intelligamus: adeò ut per te sperare liceat firmam còcordiam inter Christianos, maioremque in religionis Christiana cultoribus auctoritatem atque tranquillitatem. Et quæ in aliis pro maxima laude ac decore commemorari possint, in te uno ob summam omnium claritatem locum nullum obtineant: ut qui immortalibus dotibus conspicuus iam sis, mortalibus autem eminentissimus. Vale.





SYNESIORVM  
SOMNIORVM  
LIBER PRIMVS:

Qui est, De generali tractatione & differentia eorum penes visa.

CAPVT I.

*Somnia esse apud omnes gentes, leges ac sapientes accepta: & de eorum usu, ac autoribus.*

**S**omniorum interpretationem velut diuinitus concessam atque utilem, inter cetera verò diuinationem genera admirandam, leges omnes celebrarunt. Nam & in veteri Vestimento Iosephum Iacobi filium, & fratres & parentem & se potentem reddidisse, narrat Moses. Somnio moniti Reges, Herodis vim effugere: translatus Christus in Ægyptum, atque inde etiam domum reductus. Romani etiam hanc observationem non solum ut religiosam coluerunt, sed etiam inter munimenta Imperij posuere. Mahumeti cultores & ipsi somnia obseruant. Sed & philosophi omnes, in aliis dissidentes, in hoc vnū genus diuinandi consensere. Propterea etiam Aristoteles de eo scripsit. Socrates somniis maxima tribuit. Hippocrates, Galenus, ut nulli alij. Omnes viri graues id sensere, immixtam nobis futuorum cognitionem à diis immortalibus. Neminem puduit, se fateri somniorum interpretem, cum alia genera diuinandi aspernarentur, ac etiam irriserint plurimi. Verum ne miscendo falsa veris, & inania vtilibus, atque è re prædicendo, tanquam nulla arte opus sit ad interpretationem, aut etiam falsis vatibus credendo, plura admitterentur in populo flagitia: Moses vulgarem vsum, ut & plerumque aliarum periculosarum rerum, interdixit. Itaque ut nonnisi medicis medendi facultas est, & sacerdotibus diuina tractandi, & legum peritis iudicandi: ita non nisi sapientibus licere debet somnia interpretari. Etenim præter illud quòd nihil apud hos imperitos proficitur ex huiusmodi diuinatione, id etiam accedit, ut ars in contemptum, fallentibus responsis & re per ludibrium tractata, ducatur. Quod etiam euenit & Medicinæ, & Astrologiæ, reliquisque nobilioribus disciplinis, cum à vulgo tractantur. Operæ precium igitur fuerit, artem peritis relinquere: tum ob difficultatem, tum ob nobilitatem. Cauendum etiam est, ne cum Fati observatio hæc pars sit, in Fatum ipsum imprudenter cauendo nos detrudat. Equidem si illius interpretationem non ut Fatum, sed ut rem naturalem, signumque ac coniectu-

ram accipiemus, non solum futuri scientiam adipiscemur, sed vsum etiam, ut nobis prosimus: sin ut rem certam, & quæ mutari non possit, præter id quod vsum nullum habebimus, fallemur etiam in expectatione euentuque ipso: non quòd res ipsa dubia sit, sui natura: sed quoniam nostra cognitio cæcutit, ut maximè, in clarissimis rebus: neque enim magis in luce Solis quàm in vmbra videmus, sed deterius. Atque eo magis, quòd plura sint somniorum genera; scilicet monitorium, suatorium, deterrens: impellens: non autem solum oraculum & vaticinium. Itaque opus est felici naturæ in videndo, solerti ingenio in interpretando, prudentiâ non parua in vtendo eâ diuinatione. Id enim contingit omnibus præcipuis præceptis atque auxiliis, ut ex sinistro vlu homo periclitetur. Et longe magis æger ex rhabbaro quàm prunis: & qui pietatem curat, in maiora incidit pericula errando, quàm qui negligit: omnia enim medicamenta tam sunt periculosa, quàm salutaria. Scripsere autem de his Artemidorus Daldianus, & Nicephorus Gregoras, & Vriſo. Et Salomon Iudæus, non ille rex, sed longè posterior: & Persæ atque Ægyptij, & Scituanchan Indus: & præter ceteros, adhortatus est, non quicquam scripsit in arte, ad illius studium Synesius: ob quem etiam nos Synesiorum somniorum interpretationem appellauimus, quamuis profus nil in arte scripserit: alij verò, præsertim Artemidorus & Iudæus, multa vtilia tradidere. Sed cum methodo carerent, omnia inordinata, plurima confusa, & quæ sic ut iacent, accipiuntur, falsam artem ostendere videbuntur: quædam etiam prorsus falsa. Qua de causa libuit eam attingere, ut quàm diuina sit edocerem, & quàm ardua: admonentes (ut dixi) eos qui legunt, artem ipsam tantum esse periculosam errantibus, quantum utilem rectè eam tenentibus.

CAPVT II.

*De diuisione somniorum, & ordine tractationis.*

**O**mnium somniorum veras, & reliquorum quæ sunt aliquas efficientes causas esse necesse est. Aut igitur causæ illæ corporeæ sūt aut incorporeæ: vtræque etiam aut nouæ, vel antea



Quator igitur necesse est genera esse somniorum, Nouæ corporeæque sunt, cibi, potus: ut caput polypi, caules, cæpe, fabæ, & quæcunque caput petunt, & præcipue atram bilem generantia. Sed iam paratæ, humores sunt: bilis enim flaua, ignes pugnastique decernit: atra, lutum, cœnum, funera, carceres, timorem: sanguis, iocos, amœnaloca, sanguinem, purpuram: pituita, aquas, imbres, niues: est enim frigidissima. Incorporæ autem præcedentes, sunt curæ, cogitationes, res memoriæ mandatæ, timor, spes, lætitia, tristitia, odium, amor. At nouæ sunt, quæ à superiore causa in animam illabuntur. Hoc autem esse, demonstrandum erit: nam de cæteris membris diuisionum omnes adeo conueniunt, ut hoc ipsū vltimū multi sub aliquo priorum trium collocare nitantur.

Quarere autem primum oportet, quæ vniuersi generis sint: atque ideo quæ vera, quæ falsa: nulla enim docent futura, nisi quæ à superiore immittuntur causa, & quæ ab humoribus. sunt. Inde, cur vera sint, docere oportet, quidque veritatis in singulis generibus contineatur. Deinde quæ idola sint, quæ interpretatione indigeant. In uisus etiam singulorum interpretationem explicare oportebit. Subiciemus & modum habendi somnia vera. Adicere oportet etiam, quando sit euentus futurus. Et cum euenerit, quonam pacto ex somnio intelligere poterimus, à somnio id significatum esse. Disputabimus etiam, an liceat decurrere euentibus somniorum: & quomodo possint eiusmodi decreta, & quæ aliis diuinationum generibus præcognoscuntur, mutari aut prohiberi. Denique, cur quidam somnient vera, quidam vix vnquam. Et quando hæc tum ratione atatum, temporum propriorum. Plura alia intermiscere licebit, sed hæc erunt principaliora. Est autem tota tractatio, ut visum est, sumpta vel à differentia rerum visarum, vel à modo videndi, vel differentia somniantium: quamobrem in tres libros diuidere necesse fuit. Quartus autem est selectorum somniorum,

### CAPVT III.

#### De causis insomniorum.

Singulorum igitur generum causæ ita se habent. Eorum qui à cibis sunt, ac potibus, ut in ebrietibus fieri solet, causa est motus, qui fit à vaporibus exhalantibus ab ingestis. At enim visum est in libro de Animi immortalitate, somnum esse quietem spirituum, vigiliam autem motum illorum vehementem: insomnium autem, tremulum quandam illorum & imperfectum motum. Igitur insomnia omnia sunt motis leuiter spiritibus. Vnde dum profundè dormimus, nihil prorsus somniamus. Omnia igitur genera insomniorum in hoc vno leui motu spirituum conueniunt: conueniunt & omnia in materia: est enim singulorum materia, recordatio visorum vel auditorum: namque nulla sunt insomnia, nisi de illis: quocirca si contingat chimæram (gratia exempli) videre per somnū,

Tom. V.

licet non contigerit chimæram vidisse, aut tamen pictam aliquam vidit chimæram, aut qualis esset, audiuit, aut saltem singulas illius partes agnouit, velut leonem & serpentem & capram. Quod si quid etiam alienum viderit homo, ut ignotum quempiam, aut informem plantam, nihil aliud sunt hæc quàm deficiencia, vel transposita: homo enim ignotus nihil aliud est, quàm homo cum perfectè non deprehenditur: indicio est, quod omnes homines, etiam notissimi, dum longius videntur, ignoti sunt. Ex imperfecta igitur cognitione ac transpositione missiōneque visorum, omnia insomnia constare haud dubium est. Vnde si infantes primis diebus somnia videre constaret, haud dubiè immortalitas animi nostri atque descensus ex beatis sedibus demonstrari posset: nam omne insomnium recordatio est, illis verò præsentium nulla potest esse memoria: omnis enim memoria cognitione quadam præcedente fit, illi autè nihil iā cognoscunt eorum quæ sunt apud nos: quæ ergo viderint per somnū, si quid omnino viderint, alibi cognouisse necesse est. Sed redeamus ad insomnia nostra, quæ omnia & in efficiente causa, & in materia conuenire ostensum est. Efficiens enim causa est, motus spirituum moderatus: materia verò, memoria rerum visarum vel integra, vel vitiosa. Porro esse diuersa genera somniorum constat: oportet igitur etiam causas esse diuersas; nam ab iisdem prorsus eadem omnino fiunt. Motus igitur hic moderatus non omnino ita ad amissim intelligi debet, ut hæc moderatio exquisitè sit indiuidua. Verum si motus sit vehementior & perturbator, tamen moderati genere contineatur, fiunt insomnia perturbata, imperfecta atque confusa. Hocque modo duo consurgunt genera eorum: vnum quod à cibis est, estque magis confusum & imperfectum, remissius tamen: à cibis enim ac potibus dum non aded constanter vapores eleuentur ut ab humoribus, fiunt somnia magis imperfecta, mutilataque, sed & magis obscura: quoniam vapor ille pinguior est, præcipue si non desit vinum, quàm ab humoribus: non sunt tamen species aded constantes, nec cum tanto impetu mouent, ut quæ ab humoribus excitantur. Quare somnia ex cibo sunt minus continua, & minus coherencia ac ordinata: magis verò turbulenta & confusa ac varia, quàm quæ ab humoribus fiunt: ut contra quæ ab humoribus, magis constantia, ordinata & coherencia, minus tamen perturbata variaque, & minore impetu, quàm quæ à cibis. Quæ verò cum minore perturbatione fiunt, & clariora sunt, sed quasi composita fiunt, coniunctis pluribus recordationibus: afficiunt autem magis per somnū ob id, per vigiliam autem parum. Cohærent etiā plerunque visis, aut auditis, aut imaginatis pridie, aut paucis antè diebus, aut etiam longo antea tempore. Et tunc seriem quasi rei totius referunt. Quæ autem ordinata sunt, & minimo cum motu spirituum fiunt, lenia, & sine ulla agitatione, à superioribus causis excitantur: plus tamè afficiunt animam, ut ex perfectæ admiratione quadā detineatur.

Cum itaque ex effectibus ad causas singu-

E E e las

ecce quæ modo in mai  
uel mortales, vel  
Immortales  
secunda sentia  
Platonis autem  
nā putat Animam  
esse creatam in glo  
et postea in mundo  
Gommi/et



las procedere liceat, necesse erit in singulis speciebus veritatem inesse. Si enim somnia cum magno motu turbulenta, varia, obscura atque imperfecta, parumque coherentia videantur: dicemus, igitur & cibi præcesserunt, aut potus huiusmodi: contingit autem hoc quinque modis. Aut quoniam hi tales natura sint, ut dixi de polypi capite, canibus capis, ozymo, & coriandro recenti, iunci fructus, solani ferme omnes species, scyoscyamam, mandragora, & vinum crassum & copiosum: generaliter autem omnia quæ somnum prouocant, & quæ atram generant bilem, ut legumina, & præcipue fabæ. Aut ob multitudinem copiamque ingestorum, aut ordinem peruersum, cum multi varique generis cibi eduntur, & potus varij commiscuntur: aut si crudo cibo alius cibus adhuc superaddatur: vel si à cibo assumpto plurimum agitetur. Similiter & in memoratiis, si quid videas magis coherens atque perfectum & ordinatum mediocri cum impetu, & illud verum est somniū, ostenditque huiusmodi res abundare, quales sunt affectus: velut ex ira, cursu, pugna, ignibusque bilem: ex incendiis, cum timore ac furore, & obscuritate, terræmotu, fulgure ac tonitruis, bilem atram: ex fuga, ceno, carceribus, morte, luctu, tenebris, de desperatione, melancholiam: ex inundationibus: fluminibus, pluuiis, tempestatibus grandine, niuib, frigoribus, glacie, paludibus, pituitam: ex partibus, incundis habitationibus, sonis, voluptatibus, deliciis, pulchris picturis, odoribus suauibus, temperatam ac moderatam bonorum humorum quantitatem: ex amplexu mulierum, præparatione ad concubitum, osculis atque blanditiis, seminis copiam: ex sanguinis balneo, rosarum rubentibus, purpura, vinoque sanguinis copiam adesse intelliges. Est autem præcipuum in somniis quæ ab humore fiunt, sæpius redire, & in eodem genere permanere atque consistere: in his verò qui à cibis & potibus, non nisi præcedente causa: in his à memoria fiunt, cum (ut dixi) parum animum mouent, & plerumque mista sunt, præcesseruntque causæ similes: scilicet vehementes affectus, quos diximus esse septem scilicet timorem & spem, lætitiā & tristitiā, iram, odium, & amorem: nam & auaritiā sub amore, spe ac timore continetur, & reliqua omnia talia: inuidia enim vel ad odium, amorem, vel spem reducit, cum fuerit vehemens. Super affectus igitur omnia hæc & memoriā rerum visarum retrò acta illa eadem præesse ostendunt, suntque & ipsa vera.

Propterea omnia hæc ad præsentem non pertinent considerationem, quoniam non futura per se demonstrant, sed præterita solum atque præsentia. Quod etsi quæ ab humoribus fiunt insomnia, morbos præmonstrant, velut docuit Hippocrates, nec non etiam morborum qualitatem: non tamen id per se agunt, sed copiam humorum demonstrando, verisimile est futurum morbum eius generis qualis est humor, maxime vitiosus qui superabundat. De his ergo tribus non est instituta tractatio. Veruntamen ut intelligamus unde somnia illa diuina procedant, vterius

progrediendum in causæ inquisitione trium horum generum tanquam notiorum in Id quæ est, quid moueat has imagines, maxime in somnio memoratiuo: nam in aliis duobus generibus est vapor vel à cibis, vel ab humoribus excitatus. Esse autem imagines (quoniam hæc, ut dictum est, materia sunt omnium somniorum) vel in corpore, vel in anima, vel spiritibus oportet. In corpore quidem simpliciter non esse possunt: quoniam plantæ & multa animalia memoria carent. In spiritibus non tamdiu memoria, velut eorum quæ in pueritia egimus, conservari possent, fluctuante assidue spirituum generatione: præterea in syncope magna ex parte dilaberetur, cum tamen tota illa permanere soleat. Neque etiam in anima: nam perpetua esset, ut etiam vita. Substantia enim animæ talis est. Est ergo memoria duplex: alia quidem ut actus primus, & est in corpore & animato, & cerebro, seu illius parte, indicio est, ex illius affectibus nonnunquam totam deperire: alia verò quæ est dum contemplamur, & est visio imaginis à spiritibus elenata, facta ab anima. Necesse est autem moueri spiritus, vel ut animam moueant, vel ut imaginem illam excitent: nam anima semper est in actu, atque ad contemplandum parata: spiritus autem non ita. Quicquid ergo spiritus intro mouerit, seu vigilando, seu dormiendo, necesse est ut animam cognoscere faciat. Cum ergo & in humoribus & in cibis causa motus perspicua sit, huiusmodi somniorum origo etiam perspicua est: at in his quæ recordatione præteritorum fiunt, cum nihil seipsum mouere possit, considerandum. Ex notis autem hæc ratio deducenda est: cum enim, ut diximus, nisi ex vehementibus affectibus non fiant huiusmodi somnia, fateri necesse est spiritus non perfecte conquiescere in huiusmodi affectibus: cum verò non conquiescant perfecte, non tamen adeo mouentur perpetuo ut excitent imagines: quare omnium horum somni leues atque exiles sunt etiam interim. Deinde velut in igne levis motus sponte, dum calorem excitat, sæpe augetur: ita incallescunt spiritus, & exagitati magis ostendunt proximas plerumque conceptas imagines, atque ita memoratiua somnia fiunt. Quæ ergo à superiore causa contingunt, mouentur ab influxu qui à corporibus contingit cælestibus: atque hic adeo ordinatus est, ut species in anima conuenientes effectui procreando eo ordine moueat, ut similem speciem effectui illi conficiat: velut si quia lapillos, plurimos habeat diuersorum colorum ac magnitudinis: sitque adeo peritus arti, fex, ut quarumcunque rerum imaginem seu hominum seu animalium, aut plantarum in tabula ichnographiam representare norit. Manifestum est autem primum, quod iuxta artificis maiorem peritiā, aut minorem, & iuxta lapillorum magis aut minus congruentem formam, colorem, magnitudinem ac multitudinem, exactius aut minus exactè, nec non iuxta rei quam delineare intendit formam, magis notam & vulgarem aut minus, representabit. Ut sint ergo tria, quæ differentiæ causa sint: constitutio cæli



cœli valida aut imbecillis, res repræsentanda vulgaris aut rara, & imaginum copia & forma apposita ad rem referendam in anima somniantis. Ergo cum hæc tria fuerint exquisitissima, fiet idolum: velut si cognouero hominem illum à quo vulnerari debeo, aut ei per similem, vis cœli per idolum repræsentare poterit: aliter per diuersas similitudines, utpote artis, vestium, nominis, illud idem ostendit: tuncque interpretatione opus erit. Porro causa motus spirituum tunc erit res corporea: corpora enim sunt, licet exilia: ideoque à qualitatibus tantum corporeis, non ab influxibus moueri possunt. Otensum est autem in Medicarum disputationum libro primo, influxus hos incorporeos esse, non tamen sine corporeis qualitatibus ad nos descendere: calor igitur coniunctus influxui, spiritum mouet, & imagines illas influxui congruentes excitat, conficitque imaginem futuræ rei congruentem mirabili certè ac tenui artificio ideoque ordo hic ab humoribus, cibis, affectibusque immoderatis præcedentibus facile impeditur, & longè facilius perturbatur: ubi verò quatuor illa concurrerint quæ dicta sunt, scilicet efficax influxus rei quæ demonstranda est: vulgaris noticia quædam, formæ & imagines in anima seruata, numero, magnitudine ac figurâ accommodatæ rei demonstrandæ, impedimentorum absentia, & quædam vacuitas (ut ita dicam) in anima somniantis, & quinta quædam conditio, nisi res expressa sit idolo, requiritur scilicet interpretandi peritia singularis quædam: nam descripta lapillis, velut plumis Indi bellissimè facere solent, alicuius hominis noti effigie, quidam statim qui sit coniectabuntur: alij tardius, & magna cum ratiocinatione: quidam etsi illum satis nouerint, nunquam tamen in animum inducere poterunt, ut ex illa figura eum hominem recognoscant. Vnde patet, quam naturalis sit hæc cognitio, quantaque vatis sit necessitas: neque melior vates esse potest, quam ipse somnians, si artem norit: quoniam idem imaginem & ichnographiam pulchrè ante oculos depictam habet, & rationem tenet accommodandi singulas partes figuræ visæ, similitudini rerum singularum, quas ipse iam nouit, & hominum & causarum ac negotiorum, vnde facile illi erit multa interpretari, atque in vnum reducere, quæ nemo alius quantumuis perspicax somniorum interpretes dignoscere poterit. Talia igitur somnia vera sunt: & quoniam ostendunt incognita futura maximè, quæque & præsentia etiam, & præterita, quorum scientia ad negotia peragenda utilis esse potest, in pretio sunt: & ob id de illis propriè tractare propositum est.

Gemmarum autem gestatio (nam pleræque ex his alia atque alia insomnia mouent) velut Eumetris: id est, bene moderatus & mensuratus, ad duplex genus reduci debent: quandoque etiam tertium continet. Mouent enim humores qualitatibus suis. Colorum etiam memoria excitat diuersas imagines: sunt etiam quædam quæ spiritum reddunt magis promptum ad excipiendas cœli imagines, conferuntque hæc solæ ad diuinationem: cum

reliquæ non secus ac curæ & prauis corporis habitus, non solum non iuuent, sed etiam impediunt diuinationem: idem verò de aliis lapidibus, & si quid aliud est huiusmodi, dicendum censeo.

Fuere verò qui somniorum causam esse dixerunt demones. Sed videmus plurima obscura esse, quæ si à demonibus immitterentur, talia non essent. Aristoteles autem in collimationem retulit. At si id essent pleraque insomnia idola: quæ enim collimat anima, recto in tuitu inspicit: at somniorum interpretatio plerumque ex obliquo deducitur.

## CAPVT IV.

*Vnde in somniis veritas.*

CVm ergo in prioribus tribus modis veritas somniorum perspicua sit, quanto magis in quarto qui à cœlo originem ducit. Palam est etiam diuina irrita non esse, atque in illis proprietates esse: quemadmodum in Herculeo lapide, atque sonis, aliisque huiusmodi. Experimenta etiam plurima clarorum virorum id comprobarunt: neque, ut dixi, somniorum veritas in dubium reuocatur: sed, an vterius procedendo abdita detegere possint: at quid prohibet, si somnia quæ ab humoribus fiunt, illos esse arguant, atque in corpore dominari, metuendosque morbos ob id, & cuius generis: ut non multo magis ac verius visis imaginibus causarum futurorum euentuum, cædis, proditiõis, paupertatis, ne huiusmodi etiam euentus superuenturos ex illis causis intelligamus. Vnum tantum superest dubitatione dignum, scilicet quonam pacto fiant somnia monitoria, quæ nos cauere infortunium docent, non venturum: quemadmodum Themistocli accidit semel duntaxat: mihi autem etiam sæpius. Existimandum censeo, si illa non sint ex altiore quadam mente, velut demonum (nam nec hanc causam sustulimus, sed non necessariam esse docuimus: illam verò naturalem necessariam esse, & in omnibus, vel saltem pluribus) aut etiam diuina prorsus naturaliter sic constare: constitutis causis inefficacibus, aut etiam ex Fati ordine effectum habentibus, apparent imagines formidabilis rei. Porro de huiusmodi quæstione suo loco sermonem longiorem facturus sum.

Constat igitur verum hoc esse genus somnij, tum ex his, tum quia cum desint aliæ causæ, humorum copia atque ciborum, mentis quoque tranquillitas, & tamen mira ac magna videamus, necesseque sit cuiusque effectus aliquam esse euidentem causam, palam est cœlestem, non aliam ullam esse oportere: atque hanc propriè, & ut principalem, & ut perfectiorem natura intendit: alias verò necessariò. Nam humores & cibos spiritus agitare, & commouere visiones atque insomnia necesse erat. Memoriam quoque præteritorum agitare mentem: & ut inquit poëta,

*Exercent rabidam truculentam insomnia mentem.*

Quare stultum est credere, si etiam in his imperfectis ac vitiosis causis & veritatem &

E E e 2 vilitatem



utilitatem natura collocavit, in tam præstanti origine nobilique genere somniorum non adesse præclaram utilitatem aliquam, & evidentem veritatem.

Præterea nullum genus rerum, non hominum, non animalium, cum ad illorum mores respicis: non plantarum, cum ad generationem earum: nec lapidum, si ad vires animum conuertas: non elementorum, non siderum diuinitatis experts videtur. Itaque cum animalibus, tum maximè hominibus, duo tempora dederit, vigiliæ ac somni: in vigilia, quæ sensilibus mancipata est, tot appareant diuinitatis argumenta, in somno dum quiescit, dum diuinis magis vacat, nullum maius esse quàm in vigilia artificium & argumentum diuinitatis, proximum miraculo esset.

Est etiam illud argumentum insigne veritatis somniorum, quod paulò antè insignes mutationes seu fortunæ seu morum, accidunt insomnia id declarantia: quamuis fortuita sit ea mutatio, aut saltem non meditata. Planè & illud insigne est indicium veritatis illorum, quod quæ hîc à nobis methòdo inuenta sunt, ab his quæ ab aliis experimento sunt tradita, ne lato quidem vngue discrepant: cum fieri non posset, si vera ars non esset, ut adèd ratio experimento congrueret, tam generaliter: atque eo maximè, quod hanc methòdum nos nondum lectis illorum libris conscripsimus. Vbi verò eam extruximus, omnia conuenire deprehensum est. Quis ergo dicat, tot experimentis, totque illorum interpretationib. satisfieri hac vnâ ratione potuisse, ni & ars vera esset, & sic rectè inuenta ratio interpretandi, traditaque? Insomnia etiam multa nobis contingunt de his de quib. non cogitauimus: & tamen adèd ordinata, ut in humores referri non possint: tum præsertim quòd ad actiones potius pertineant, resque alienas ab humorum significato. Vbi etiam extrema qualitate quadà naturæ generis non repugnante participare sensu deprehendimus, id conuenire toti generationi certum est: velut sol calefacit, & hyemem facit, mutatque aërem, & causam præbet generationis ac corruptionis: igitur illud idem facturum est, licet non adèd sentiatur in temporibus mediis. Cum ergo sapientum & egregiorum virorum, & in maximis difficultatibus, & sub morte, & ante prælia, somnia vera esse videamus: existimandum est totum hoc genus verum esse, licet haud adèd videns in humilis conditionis hominibus atque imperitis, minoribusque negotiis. Ergo non ob aliud in dubium reuocatur certa prædictio somniorum, quàm quòd plebs non nouit illa tria prima genera ab hoc quarto distinguere: quod qui facere nescierit, necesse est ei ut omnis somniorum natura fortuita videatur. At qui perfectè distinguere norit, perspicuè intelliget, prædictionem ex somniis huiusmodi totam verissimam esse, ac propè diuinam: quòd hoc argumento planè perspicuum est. Nam cum multi sint, quibus totà vitâ somnia fermè semper vera visa sint, in nullo alio genere fortuitorum neque tamdiu, neque etiam toto anno collimare contigerit fortunâ vel

casu, licet coniectura & solertia non absurdum sit: palam est, somniorum præscita non solum vera, sed à naturali causa, ut plantas reliquaque naturæ opera, ortum habere: unde etiam ὄνειρος somnium è Græcis appellatum est, ab ὄν quod est verum, vel quod est: & εἶπεν loqui. Iam igitur illa distinguere doceamus.

## C A P V T V.

### *De cognitione verorum somniorum.*

Cum omnia quæ ad nos perueniunt, naturaliter ex sensuum cognitione habeantur, tum maximè hæc distinctio ex illis oritur. Ratio tamen plurimum potest atque adiuuat ad huiusmodi cognitionem, tum distinguendo, tum differendo. Sunt autem signa quædam propria, quædam communia, quædam coniecturalia. Propria quidem ab Aneroë duo sunt connumerata: quorum primum in somno, secundum in vigilia dignoscitur. In somno quidem, cum verè videre, vereque audire nos videmur efficaciter, perfectè, distincteque: in vigilia autem, cum anima quasi admirata remanet: hoc enim causæ somnium efficientis robur ac constantiam declarat. Ex communibus ab hominis natura, ætate, actionibus, moribus, consuetudine, tempore, anni constitutione, modo somnij, causa, hora. Naturâ ergo vera vident somnia, qui rariùs somniant: falsa, qui assiduè. Aetate autem, iuuentutis, post senectutis: nam puerorum somnia inconstantia sunt, & plerumque falsa, & de minimis. Quicumque etiam magnis in actionibus versantur, ac negotiis, cibi ac potus contemptores, nec metu nec mœrore turbati, veriora vident: contrariis autem modis effecti, falsa. Eaque de causa principum somnia veriora sunt. Moribus quoque veraces, pij, somnia vera habent. Qui etiam non adèd pij sunt, sed crudeles, verum haud fallaces, vera somnia vident: superstitiosi, minus. Consuetudo quoque, ut in reliquis, tamen in hoc plurimum potest. Qui ergo consueuere somnia vera videre, his etiam plus credendum est qui verò secus, minus. Ex anni etiam temporibus æstas & hyems: quia magis constant, veriora habent somnia: ver autem & autumnus, cum in mutatione quadam consistant, minimè: sic & tranquilla tempora ad veritatem somniorum iuuant: venti autem, irrita: & quantò acriores, èo magis illa reddunt. Somnia præterea breuia & ordinata, veriora sunt: sunt enim euidentiora, & à causa magis constante fiunt: neque enim ab humore vel cibo, vel rerum agendarum meditatione somnia ord. nata fieri possunt, nisi ut meditatus es. Somnia quoque somniis connexa, vera sunt: & quanto diutius eorum disunctio permanere videtur, inde continuari, èd sunt firmitiora. Quæcumque, etiam in ortu Solis, & ante aut post, ad tertiam usque horam, veritatis expertia esse non possunt. Sed & quæ prope meridiem & Solis occasum. Sol enim autor est verarum & constantium rerum ideoque cum prope angulos fuerit,



## CAPVT VI.

*De vtilitate ex cognitione somniorum.*

fuerit, veriores reddit imagines. Quorū etiam genituris Iupiter, & magis longē Venus præfuerit etſi in nono loco fuerit: & cū Luna prop̃ Mercurium fuerit in Ariete, Libra vel Leone, à Sole defluens, & domina loci ſignificantis opificiū, eorū ſomnia fermē ſēper vera erunt: id eſt, paucis ex his quæ ab humoribus vel cibis vel recordatione proficiſcuntur immiſta, atque aded perſpicua & clara, vt veritas illorum planē intelligatur. Ex coniectura autem: quæ ſolicitis ob impendens periculum adueniunt, vera ſunt, quaſi Deus noſtri miſereatur. Et ſi congruant quæſito ad vnguem, aut rebus tractatis. Et terror excutens hominem à lecto, vt Caſari pridie quā occideretur contigit, & conditio quæ adimpletur ſtatim à ſomno, cū præter cogitationem fuerit, verorum ſomniorum & certiffimorum ſunt indicia. Demum caruiſſe cogitationibus, à cibis abſtinuiſſe, nihil iam pridem de priſtina conſuetudine immutaſſe, animo quieto atque pacato eſſe, ſuperueniente immoderata viſione, argumentum eſt verioris ſomnij. At ſi mendax ſit ſomnians, ſi quid pridianæ actionis ſomnio immiſcetur, & obliuio, & eſus ciborum inſomnia mouentium, & croci maximē, irrita reddit ſomnia. Distinguere autem diligenter decet in cogitatione: nam negotio vt congruens ſomnium, vt affectui ſimile, variam habet ſignificationem. Quanto ergo cogitatio lenior eſt, & affectus, res ipla autem quam tractamus, prior ad finem, tantō ſomnia ſunt veriora: contrā verō, magis inania. Velut ſi optem prædium emere, necdum tamen quicquam actum ſit: ſomniem autem emiſſe, irritum eſt: at ſi proponatur de emendo prædium, res vltra proceſſerit: ſomniem autem boues alere, aut à matre ſtipem emendicare, aut panibus impleri: hæc ſignificant, me empturum prædium. Quo circa & illud dubitatione dignum eſt, quod cū directum ſomnium vanum plerumque ſit vt emere, vxorem ducere: idolum autem veriſſimum, vnum ab altero diſtinguere opus: docebitur autem ſuo loco. Sat ſit nunc intellexiſſe, ſomnia quæ obliqua uia & imagine demonſtrantur, & quæ negotio multum, affectui parum congruunt, veriora eſſe: contraria, falſa. Sed & quæ miſcentur vanis actionibus, commercio detegunt falſitatem: vt ſi ſomniem me regem eſſe, inde cum pueris ludere: tametſi enim nihil tam ſit vanum quod ſomnium non deceat, cohærere tamen debent perſonis actiones, cum quibuſcunque etiam nihil neque vigilantibus neque ſomniantibus ſuccedit: & ſi euentus rerum etiam inanes ſunt, vt viſio maris, aut verba, omnia talia in irritum cedunt, vocanturque experta inania: ſicut contraria, experta ſimpliciter. Et ſcias, quod ſomnia ſimplicium virorum & imperitorum plerumque veriora exiſtimantur: quia anima purior eſt, ac minus impedita.

Tom. V.

**E**Rgo vbi ſomnia vera dignoſcere longo vſu & breui temporis ſpacio diceris, non leuem aut vulgarem vtilitatem conſequēris. Quod & ſi interpretando aberrare contingat, minor erit erroris iactura tanto, quanto minus temporis in hac diſciplina atque impenſa exigitur. Verū reliquis in omnibus cæteras huius argumenti artes antecellit: nec enim primō tot libros poſtulat, aut ſcientiam atque notitiam aliarum diſciplinarum: ſed ſufficit vt numerare noris, vt Thrax: grammaticæ peritus, vt miles: philoſophus, vt Hebræus: medicus, vt Sarmata: Theologus, vt Lapo. Non huic obſtat arti pauperies, ſeruitus, vincula, peregrinatio, morbus, exilium, ſexuſ, ætas, præterquam infantia: non humilitas parentum & ſtirpis, non ignavia, non ira regis, vix ſtultitia propria obſta. Nec melius in hac cauſa, quā Syneſius eam laudare norim: inquit enim: Cū tam popularis ſit hæc diuinationis, humaniſſima eſt: quod ſimplex & paratiſſima, maximē philoſopho digna cenſeri debet: quod non violenta, pia: quod demum vbique & ſine ceremoniis eam conſequamur, diuiniſſima eſt: comitatur nos hæc ſcientia peregrinantes, nauigantes, militantes, ruſticantes. Sed neque legibus prohiberi poteſt, aut tyranni minis. Quis enim eſt, qui ſi ſeipſum non prodat ſponte, habeat quo detegi poſſit, aut metuere cogatur? Fuit Mathematica & Necromantia Astrologiaque, tum reliqua diuinationum genera, exitialis autoribus ſuis: hæc ſemper tuta, quod nullo miniſtro, nullo opificio indigeat. Quin ſi quis velit in duas regulas, quas inferius deſcribemus, eam redigere, poſſit. Quod ſi ad quatuor, duab. ſuperadditis erit illuſtrior. Habet & id præ cæteris dignitatis hæc ſola, quod in anima & ab anima cuncta habet, originem dico, nec non ſedem, vnde ſit vt etiam ſola certiffima ſit: & ob id etiam leges nullius diuinationis, quā huius, inter artiſticioſas meminerint. Nullum exemplum inuenies apud Chriſtianos, Iudæos aut Mahumetanos, vel Astrologiæ, vel auſpiciorum, vel aruſpiciæ, vel Phyſiognomiæ, vel alterius, multō minus diuinationis diſciplinæ: ſed ſomniorum ſolū. Antiqui verō idolorum cultores tametſi alia genera diuinandi excoluerunt, hoc tamen ſomniorum, etiam cum habere licuit vt certiffimum, cæteris vſi ſunt, cū ſomnia non liceret habere: neque enim cū volumus per ſomnia diuinare, vt per alias artes, licet: quod ſolū incommodū habetur in hac diſciplina: verū multis è diuerſo commodis compenſatur. Ergo quid diuinius, quā futura naturaliter ſcire? & quod multæ diſciplinæ in paucis habent, ex hac vna habere in omnibus? Medicina de vita & morte, agricultura de prouentu frugum & fructuū, nauigandi ars de tranquillitate & tempeſtatibus, phyſiognomia de moribus prædicere naturaliter poſſūt: Somniorū

E E e 3 diſciplina



disciplina de omnibus. Quocirca & praesentibus & futuris commodius utitur. Praesentibus quidem, & scientia futuri, quae propè diuina est, & ipsa expectatione: nam in bonis, gaudet futurorum spe: in malis, quod tunc non interim premitur. At in futuris plus etià longè utilis est: bona enim auget, & appropinquat: mala persapè auertit, si non minuit: aut saltem lenit, certè tolerabiliora efficit, tum consilio & meditatione, tum quod neque casu (quo solemus fortunam accusare) neque hominum improbitate, (quod acerbum est) neque nostro errore, (quod molestissimum) sed diuina voluntate accidisse cognoscentes, tolerabilem iacturam illam facimus. Equidem ut ad exempla deueniam, omisiis iis etiam quae de Synesio & Iosepho, Sylla & Augusto dicturus sum suo loco: quantum existimas profuisse Caesari somnium, quo de dominatione patriae admonebatur? quantum Septimio Seuero suum, quo Imperio summam adeptus est felicitatem? Quantum Themistocli suum, quo mortem acerbam monitus deuittauit? Nobis sanè plus profuerunt illa, quam astrorum peritia: quamuis astrorum peritia multis annis hanc quam nunc habemus de somniis scientiam praecesserit. Equidem serò nimis ad illam peruenimus, quod à nemine tradita esset. Quae enim ab aliis scripta sunt omnibus ante nos, nec methodo aliqua constant, nec limbum diuinorum somniorum attingunt. Est enim diuina haec scientia prorsus, & claustris profundissimis abdita: nisi si cui Deus velit apertè illam demonstrare. Itaque & hanc, ut alias artes plurimas, inuenire me oportebat, & moneri: sed moneri, cum nescirem, ut artem intelligere suo tempore possem: & nunc non moneri, cum intelligo: desierunt enim somnia maiore ex parte, solaeque imagines apparent fermè, ne nunc vel aliàs decreta Fatorum) arbitror) abrumperentur. At quæres: quoniam pacto à Fato deuicare liceat? utique & hoc ad libros de Fato spectat. Sed cum ea series ut in speculo, ita in nostra anima reluceat, futura & praesentia & praeterita videntur: at praeterita praesentiaque emendari aut corrigi non possunt: futura sic videntur, ut obumbrant nos: velut si quis ictum intendat, videns umbram illam & aberrare, cum hoc potest, & vulnerare: ita etiam umbra Fati & causarum caelestium apparet in anima ipsa, non ictus, sed teli vibrationis, & excussionis. Certè neque magnitudo adest, nec finis, nisi in paucis: velut etiam in humanis casibus: quosdam enim vitare licet, & facile: quosdam difficulter: alios declinare, licet lædatis: in quibusdam succumbere cogaris. Id ergo tibi nunc satisfaciatur, non vulneris imaginem videri in somnis, sed umbram excussi teli, quod & vitare potes plerumque, & rarò deuittatur, seu, quoniam si multo antè videantur, non deprehenduntur, nec sciri possunt qualia sint, nec unde veniant: velut qui in suam necem conspirari intellexit: cum verò propinquus est effectus, dignoscitur sanè periculum, sed circumstantibus vndique hostibus, atque imminetibus, celeritate ac propinquitate illorum, & periculi magnitudine, plerumque

deest consilium, atque obruimur. Idèò euadunt maximè sagaces multo ante, & qui procul inspectis bene consulunt, & qui prompti in ipso periculo celeriter & bene deliberant. Plurimi etiam periclitantur ignorantia interpretationis somniorum, vel negligentia, vel contemptu: Fato, quod ad hoc attinet, (ut dictum est) nulli: quoniam non effectus somniis, sed causae illius etiam in idolis ipsis demonstratur.

Est igitur hæc disciplina in genere coniecturalium, qualis est medicina, agricultura & ars nauigandi: tametsi propius aliqua longius ad scopum accedant. Quod si quis hoc praesidio prudenter utatur, non mediocrem rebus accessionem facturus est. Sin autem imprudenter & temerè, non minorem iacturam, quam etiam infamiam consequetur. Quid enim verius oraculis Delphicis: quae tamen perperam interpretando, maxima quibusdam mala attulere. Sed & medicina, & ars militaris, & natandi, quamuis per se bona sint, multis exitio fuere. Quanto magis in coniecturali genere cautè versari oportet? Si quis tamen, ut dixi, potius dirigat ad actionem, quam ad praedictionem, huiusmodi cognitionem atque interpretationem sapientissimus existimabitur, & felicissimus procuratorum ordine erit. Velut medicus prudens, cum crism instantem agnoscit, non eam praedicat, sed potius à cibo abstinet, & medicamentis ac sectione venæ, ægrum, loco calido collocat. Et nauta, cum imminet procellam animaduertit, vela demittit, anchoras parat, ad portum reducit nauem: vel si non licet, in altum. Et rei rusticae peritus, cum pruina timet, arbores non putat: & si imbres, semina non serit, cauens ne putrescant. Ita non solum bona noscere oportet, sed etiam illorum conuenientem usum condiscere. Neque pœnitebit huius disciplinae: nec in ea tradita damnabis, si omnia *omnia* carueris. Curabis autem ne in vulgus huiusmodi prodeant, sed solum sapientiae amatoribus: nec his qui per vanitatem irrident tanquam sapientes, quae non probant: nèue curiosis, qui multa somnia vident, ac pleraque inania, communicare talia decet. Rectè etiam faciet interpretes, si non sine praemio atque eo non leui, operam suam locabit: quippe praemia artes honestare solent. Felices autem occasionis est, in eos incidere qui rarò somniant, & euidenter: horum enim somnia vera sunt: ut contrà infaustum, qui plurimum & assidue multaque vident somnia nec euidentia, nec cohaerentia, quae etiam fernè omnia vana sunt. velut enim agri, ita animi: illi enim luxuriantes, multas alunt herbas, atque inutiles: ut contrà culti raras, & certo ordine dispositas, omnesque utiles.

## C A P V T VII.

### *De sua cuiusque prouidentia.*

Consultit Synesius, ut quisque sibi peculiarem artem statuat, describendo somnia, quibus diebus horisque euenerint: tum  
quæ



quæ convenientia illis euenerunt, & quibus temporibus: hæc obseruando primùm, vt genera somniorum animaduertamus, & quæ generaliter per illa significantur. Secundò, vt magnitudinem effectus: dicemus enim infra, maximum esse artis principium, magna à paruis scire distinguere. Tertium, vt tempus euentus pernoſcamus. Ex his enim tribus facile erit, euentus somniis illos significantibus accommodare. Dicemus autem propriè de his in tertio libro. Nunc id necessarium existimamus, ob id quod non eadem idem apud omnes significant: tum verò ob propria, quæ videntur. Veluti in generalibus, cum oculus significet scientiam & filios: in eo qui non habet, nec potest suscipere filios, scientiam proculdubio significabit: atque hæc ex arte palam. At verò ex obseruatione, si cui filij sint, tum artem ac scientiam oculus in illo significabit. Specialiter verò, in aliquo nec scientiam omnem, sed (gratia exempli) si quis medicinam exerceat ac doceat, semper doctrinam, non exercitationem; in alio autem contra exercitationem, non doctrinam, perpetuò significabit. Mihi quidem amicus Prosper Marinonus Papiensis semper significauit, munus profitendi in ea urbe: alij autem, etiam si professor sit, non idem significabit. Vnde quæsitum iure, cur non eadem idem omnibus significant? Dictum est superius, quoniam vt qui descripturus est ichnographiam equi, in vno cumulo cogitur vt capillo albo, in alio viridi, in alio caruleo, vt melius totam figuram & quam vult representare similem reddat: ita ex formis imaginibusque in anima sequeatis, idem vni vnum, alteri aliud referet. Quantam verò utilitatem hæc specialis doctrina allatura sit, si vltra generalem adhibeatur atque constituatur, vnicuique clarius esse puto, quam vt à me dicatur.

## CAPVT VIII.

*De cognitione temporum, in quibus futura sunt expectanda.*

**H**orum igitur causa præscire oportet tempus futuræ rei per somnium demonstratæ: hoc autem ex tempore generali, ac speciali natura somnij, & qualitate rei visæ. Primum distinguere oportet somniorum significata: quoniam quædam futura, quædam præterita, quædam præsentia significant. Quæ quidem ante ortum Solis, futura: quæ in ortu Solis, præsentia, instantiaque: quæ verò post, præterita aut præsentia. Præsentia intelligo, quæ eadem die, vel non vltra septimam diem ventura sunt, ita tamen vt origo effectus ab eadem die initium sumat. Aduertendum tamen est, multa esse præterita, præsentiaque, quæ futuri retinent naturam. Velut si quis familiarem admittat in domum, à quo aliquando sit occidendus, poterit hanc necesse vel vt præteritā videre: quia iam causam in domū admisit: vel vt præsentem, quia retinet: vel vt paulò post futuram: quia paulò post vel illud cogitabit, cum eo consilio in domum

non venerit iam, aut socium sibi destinabit, aut aliquid molietur, vt arma parare, quamuis etiam in triennium scelus id dilaturus sit. Somnia ergo cum ad diuinationem pertineant, diuinatione autem sit de naturaliter obscuris, obscura autem naturaliter solum sint ventura, quæ à nullo mortalium, sed à Deo solum verè præcognosci possunt: propterea somnia ad futura referuntur. Est tamen præstantis vatis id agnoscere, an causa iam sit orta, an oriatur. Imò quod verius est, nulla ferme sunt somnia, nisi iam causa orta: neque enim Socrates vidit olorem significantem Platonem, eiusque diuinum ingenium, nisi postquam pater Platonis illum ad Socratem deducere distinauit: ob id nocte antecedente Socrates vidit somnium: quod si ad initium disciplinæ referatur, fuit ante illud: sed si ad initium quo pater illum ei disciplinæ distinauit, fuit post: adeò vt si etiam ad dæmonas somnium referatur, non præuidere illos prorsus futura necesse sit: sed intelligentes quæ tractantur, successumque ex origine cognoscentes, docent quæ futura sunt. Itaque optimi vatis est, vt dixi, intelligere quo in statu causa futuri euentus per somnium demonstrati sit: scilicet an orta nuper, an multò antè, an iam coalita, an verò prope finem: sic enim facile etiam coniectabitur tempus futuri euentus: nec solum id, sed qualitatem effectus, & quæ illum circumstant: vt potè magnitudinem, qualitatem propriam, exitumque rei, & causam, originem atque principium. In quo autem hæc demonstrent, in libris de Subtilitate dictum est. Temporis autem magnitudinem futuri aut præteriti, coniectabimur ex tempore quod imaginamur fluxisse à fine insomnij, ad momentum in quo experrectus est. Significat autem in omni differentia temporis breue aut longum interuallum, quod vltra annum non extenditur: & si soluitur in somnio, ipsa die fiet. Sed si multo ante vel post ortum Solis, causam tunc inchoare significabit, aut tum perficietur aut detegetur. Spatium igitur illud ad totum somnium, velut ad annum referendum erit. Spatium verò ad ortum Solis, post quidem iuxta sex horarum spatium totam præteritam vitam referet: antè, earundem comparatione futuram. Vindemiarum tempore si quis aliquid facere videatur: quoniam præfinitum est, illud in eo tempore faciet, licet tempus in quo videt non sit vindemiarum: idem dico de aliis temporibus constitutis. Quæ etiam videntur, quo tardius futura sunt, & minora sunt, minus euidentem faciunt impressionem: & cum tardius moueantur (siquidem motus rerum, quanto magis distant, eò magis lentius videtur) parum sentiuntur. Quæ verò magna sunt, & breui futura, magnas efficiunt imagines: & quæ bene videntur, & celerem in eis motum diiudicamus: quamobrem hæc citò ventura, illa serò expectabimus. Dico autem celeriter ventura, quæcunque imagines magnas habent, & propinquas, & quæ celeriter mouentur, & nos plus afficiunt: contrarias autem tardè.

¶ Quod verò ad qualitates rerum visarum, manifest



manifestum est quod quæcunque iam inchoata sunt, celerius perficiuntur: atque celerimè, quæ iam proprio cursu prope finem sunt: contrariæ verò, tardè. Et quæcunque naturaliter motu celeri mouentur, iis quæ tardè celerius etiam perficiuntur. Et iuxta etiam naturam somniantis, & ætatem, ac reliqua: vt in opulenti atque potentibus. Et quæcunque suum habent tempus constitutum, vt magistratus annui, & olim etiam ex Romanorum more sub anni initio: quod si somnium appropere videtur, causa solum tunc initium habebit, res ipsa differetur. Quod si somnium serius indicet quod differri non potest, serius obtinebit, etiam præter consuetudinem, vt nonnunquam fieri solet. In vniuersum, somniorum tempora sunt, aut præsens, vel paulò post, aut multò post futurum, aut præteritum, aut statum tempus: annos autem vel menses aut dies dinumerare fas non est, nisi cum verba aut signa peculiariter numeros declarantia accesserint. At sunt qui petant auxilium ex Astrologia: veloces enim euentus, cum Luna celeriter mouetur: commutationem, cum fuerit in signis mobilibus: stabilitatem & tarditatem, in contrariis: similiter coniuncta Saturno & Ioui, tardè: Veneri: & magis Mercurio, celeriter: Marti autem veloci mala velocissimè: tardo autem bona serò. Sed hæc extra artem. Iuxta tamen solstitia immutabilia, & tardè iuxta æquinoctia mutabilia, & celeriter aduenient quæ significantur. Si verò stabilia iuxta æquinoctia videantur, aut mutabilia iuxta solstitia, iam hæc serò, illa cito euenient. Atque hæc ex arte: quoniam solstitia & æquinoctia etiam vulgo per se nota sunt.

Quæcunque etiam in calendis Iannarij, vel in die natalitio sunt, intra annum finiuntur. Et si in calendis mensis, aut in ingressu Solis in signum aliquod, intra mensem vnum. Et si in ipsa die solstitij vel æquinoctij, intra tres menses. Et si in hora oppositionis Lunæ, aut coniunctionis, intra quindecim dies: & si in ortu Solis diei Domini intra septem dies. Et si in initio magistratus, aut ingressus nouæ domus, aut habitationis in externa regione, aut nauis ingressu, vel quocunque alio initio, vt generaliter dicam, ante finem illius negotij effectum suum sortietur. Dies quoque diuini & immutabiles (vt, dies natiuitatis Domini: & trium Regum, qui etiam arcana magna significat: & Salutationis virginis, qui etiam admiranda prædicat somnia) fatalia & magna efficere solent, atque ad anni alterius reditum euentus suos extendunt: eoque toto tempore, & post etiam ad vitæ finem in omnibus quæ eo somnio declarantur negotiis, quæque eo anno ex his inchoarunt (neceffe tamen est, omnia per illud somnium significata eo anno inchoare) maximam efficaciam retinent. Dies autem Resurrectionis, quia mobilis est, eadem significat: sed mutata rerum forma, vt ex vna vitæ ratione in aliam transeat, vel etiam mutationem ipsam docet eo anno futuram, non nouum additum negotium præsentis vitæ. Idem de festis diebus Diuorum patrio-

rum, aut nobis propitiorum, seu antecedant, seu subsequantur.

## CAPVT IX.

## De modo habendi vera somnia.

Cum in omnibus rebus quiddam sit melius ac deterius, & quod conducit ac nocet, necesse est etiam in huiusmodi idem contingere. Quæcunque igitur impedimenta amouent, somnia reddunt veriora. Sunt autem impedimenta alia quidem animi, alia corporis: & quæ prohibent somnia: alia verò quæ illa conturbant. Conturbantur autem ab his, quæ somnia alterius generis ostendunt. Cibi ergo & potus, & Venus immoderata & præter ordinem, & flagitia, & perturbationes animi, atque molestia, & præcipuè vinum, sunt ex his à quibus cauere oportet. Supplicare quoque Deo, vt in quarto de Secretis, oportunum est. Dicuntque tres res plerunque videri: quæ si albæ sunt, bene se habere negotium significant: si nigræ, malè: si partim albæ, partim nigræ, aut meliorum colorum, pro qualitate colorum & dominantium iudicabis. Et deferre gemmas, quæ somnia non impediunt, tranquillitatem tamen animo afferant, & vanitatem explodant, bonum est: velut Adamas, Saphirus, Smaragdus, Amethystus, Hyacinthus. Refert Plinius, Eumetrim gemmam esse filici persimilem, in Bactris natam, quæ capiti supposita, somnia vera ostendat. Ego certè formam talem habeo, & quæ multa ostendat, & læta somnia: vera autem minimè, vt arbitror. Existimant Nicolum (de quo in libro de Gemmis egi) vera ostendere somnia. Sed ab incertis abstinere oportet, vt etiam cibus: quæ enim impediunt, multa sunt, & vbiq; in pròptu: quæ autem inueniunt, rarissima. Quare tutius est, ni modò expertus sis, aut efficax aliqua ratio id suadeat, abstinere. Porro purgare caput elleboro, haud malum est, nec neglegendum. Artemidorus autem existimat nihil agendum, quod ad impetrandum à diis valeat: quandoquidem huiusmodi sint dona gratuita quæ extorqueri non debeant, maximè à diis. Nos autem, cum illorum aut omnium, aut maioris partis causam naturalem esse docuerimus, & procreanda si non veniant, cum opus habemus, absurdum non arbitramur. Et verrere (vt ita dicam) domum: id est corpus ab humoribus ac cibis & potibus atque Venere purum habere, & animum à perturbationibus, bonum esse atque vtile non parum existimamus.

## CAPVT X.

## De generali somniorum distinctione.

Somnia quidem quæ abdita nos docent, alia quidem simpliciter ea ostendunt, vocanturque Idola: alia autem artificiosa coniectura

et hoc uget somnia  
et somnia explanare  
re, id est obscurum  
per magis obscurum.

reprehensio et Vanitate  
aut Impietas et  
superstitione



iecturâ opus habent, vocanturque insomnia, seu visa. Ambo hæc genera licet de iisdem: Idola tamen cum idem per idem demonstrent distinctione opus non habent. Quæ ergo visa dicuntur, octo sunt generum: alia enim de vitæ longitudine ac breuitate docent, atque mortis generibus: alia verò de valetudine: quædam animi affectus præcipuos demonstrent: quinam sint, suo loco docebitur. Quædam ostendunt corporis calamitates fortuitas, luxationem, vulnera, verbera, casum, percussione, ictum, morsum. Quædam alia operationes voluntarias artium exercitationem, concubitum, rixas, peregrinationes, navigationem, conuiuia. Atque hæc quinque in nobis. Extra nos autem: opes primum, & honores ac dignitates: demum filij, parentes, fratres, ac familia tota cum amicis: nec vllum esse quæsitum potest, quod non ad aliquod horum generum pertineat. In vniuersum igitur iam quatuor diuisiones somniorum explicauimus, à causa scilicet quadruplicem: ab humoribus, cibis, memoria præteritorum, & à cælo: à modo repræsentandi idola & visa: temporis differentia, præterita, præsentia, futura: à rebus demonstratis, quam nuper explicauimus.

## CAPVT XI.

### *De generali ratione interpretandi somnia.*

**A**lias ostendimus, omnis doctrinæ bene traditæ commune vnum debere esse principium: nam vt res omnes ab vna defluunt, ordine solum variatæ: ita & in doctrina, ab vnius origine omnia deduci debent: quod si id non fiat, confusa, incerta, difficilis atque imperfecta necessariò erit. Quomodo autem multiplex esse possit, hoc ipso exemplo declarabo: quoniam similia à similibus procedunt, contraria etiam à contrariis necessariò fient: nam à contrariis similia sibi fiunt: vt ab igne ignis & calor, ab aqua frigus & aqua: ignis autem & aqua contraria, igitur & genitus ignis, & genita aqua, & calor & frigus, conuenientia: ergo similia fiunt, non conuenientia, ergo dissimilia. Quæ ergo & regi & iuueni conueniunt, illi bona sunt: & quæ mihi seni & pauperi conueniunt, similiter bona: quæ autem illi, mihi: & quæ mihi, illi mala erunt. Conuenientia igitur mihi bona, rebus autem meis & affectibus & perturbationibus & passionibus mala: nam malè se habentibus contraria, his per quæ malè se habent, conueniunt: similia autem naturæ ipsorum: velut homini pauperi & seni humana & senilia bona sunt: hæc quidem similia conditioni suæ, illa verò naturæ: opes autem, non paupertas, bonæ: siquidem pauperem esse malum est, & non secundum naturam, vt senectus. Conueniens ergo quadrifariam dicitur: naturâ, consuetudine, opinione, & contrarietate: tot modis autem dicemus aduersum. Sunt verò illa à quibus conueniens hoc desumere expedit: natura, sexus, ætas, patria,

maiores, leges, religio, dignitas, opes, filij, valetudo, amici, familia, vxor: ars, existimatio, mores, scientia, consuetudo, fortuna. Tertius modus sumitur à mutatione, seu in melius, seu in deterius fuerit. Porro in duobus primis generibus duæ sunt considerandæ seu similitudinis seu contrarietatis rationes: vna quidem per se, velut quod caput parentes significat, alia ex accidente, & vtrum conueniat: velut saltare seni, quod stultitiam, aut dedecus, aut mortem significat: stultitiam quidem: quia haud conuenit re ipsa dedecus, ob iudicium spectantium: mortem, quia dici solet, Senes cum morte saltare solitos. Diximus enim etiam ex opinione esse interpretanda somnia. Habet autem prima similitudo propriam tractationem, de qua paulo post agemus. De alia autem post, & sub vna regula, aut duabus continetur.

Tripliciter autem vnum ex alio fit: aut vt à simili, suaue à suauis: idque, vt dixi, ad idolum pertinet: aut à contrario, cum ex mutatione fit: vt ex paupere diues, ex ægro sanus: aut vt ex causa: vt ex flore suauitas: his duobus modis somnia referunt. Sed si mutatio non sit, non potest significare contrarium: nam non ex rubro album significari potest: quoniam non est contrarium, vt priuatio: quandoque etiam transposito modo, velut in speculis, dextra sinistra, sinistra dextra euadunt. Quod ergo flores significant tristitiam, ad dextrum & sinistrum, seu transpositionem referendum est: citò enim cadunt atque mutantur, & ad tertium refertur: cantus verò ad secundum genus, scilicet contrarietatem: quod ex rasis pilis, ad causam propriam.

Memineris autem, me tria constituisse capita generalia in hoc libro primo, quæ toti feruiunt arti: idè in omnibus quæsitis ad illa recurrere expedit: hoc autem factum est, ad vitandam repetitionem.

Somnia præterea alia publica, alia priuata: quæ publica, inferius dicentur. Quæ autem publica videntur, & non sunt, eandem rationem subeunt in priuata domo à Principe, Repub. vel maximo magistratu, quam per se significarent: velut terram mugire, si publicum sit somnium, edictum principis coactum significat & admirandum in populum: si priuatum, vel in te tuosque, vel etiam publicum sed ex quo tu solus lædaris.

## CAPVT XII.

### *De partibus hominis, & quæ ad illum spectant.*

**C**orporis humani partes aliæ quidem interiores, aliæ externæ: nec diuidere minutim expedit singulas, vt medici faciunt: sed sufficet pro internis quidem numerasse solum cerebrum, pectus, cor, pulmones, iecur, ventriculum, lienem, fellis vesicam, intestina, renes, vesicam, & vterum. Et sunt duodecim:

Exteriorum duæ sunt differentia generales dextra sinistra, & antè ac retrò. Atque hæc bifariam



bifariam inueniuntur, aut distincta naturâ: velut tempora, oculi, aures; aut solum consideratione: vt in pectore & membro virili, & in naso. Sed tamen nares distinctæ naturâ: ideo nasus hoc habet peculiare consideratione dignum, præter reliquas partes omnes. Sunt etiam additamenta, pili, capilli, barba.

Corporis deinde pars tota exterior diuiditur in sex partes generales, caput, collum, pectus, ventrem: pudenda, atque extrema.

Caput diuiditur in quatuor partes: pilis tectam, faciem, aures, & submentum. Pilis tecta in coronam, verticem, occipitium, & tempora: & sunt quatuor. Aures in tres: foramen, cartilaginem, & carnem pendentem. Facies in nouem: frontem, oculos, nasum, labia, genas, mandibulas, mentum, buccas, os. Et in labiis est superius & inferius.

Oculi in supercilia, cilia, (quamuis ambo ad pilos pertineant) palpebras, & oculos ipsos: vt sunt quatuor partes. Et in palpebris est superior & inferior. Oculus præterea in album, iridem, pupillam, & angulos lachrymales, & hypopia: & sunt quinque.

Nasus duæ partes, exterior & interior nares.

Os in septem: dentes, linguam, palatum, guttur, vucam, ginginas & gulam.

Collum in cervicem vbi spina adest, & guttur, & foveam: & sunt tres.

Pectus in costas & sunt superiores atque inferiores: iugula, alas, furculam, humeros, spatulas & dorsum & sunt septem.

Venter in sex: ilia, lumbi, renes, vmbilicus, hypochondria, præcotidia.

Pudenda sunt tria: vulua, membrum, & culus.

Membrum in quinque diuiditur: mentulam, scrotum, testes, glandem, & pubem.

Vulua in pubem, interstitium, labia & os & sunt quatuor.

Culus in quatuor: caudam, nates, interstitium, & anum.

Extrema in duo brachia, & crura.

Brachia in quinque: cubitum, carpum manum, humeros, & vlnam.

Manus in septem: dorsum volam, digitos, pollicem, indicem, medium, annularem, & articulare.

Digiti in quatuor: musculum, nodum, articulum, & vnguem.

Crura in quatuor: coxam, genu, tibiam, pedem.

Tibia in tria: suram, os, & malleolum.

Pes in plantam & dorsum, & quinque digitos, vt in manu: vt sint septem.

Digiti in tres: vngues, articulos, & nodos.

Præter hæc sunt quæ à nobis excidunt, generaliter nouem: saliuam, muccus, vomitus, stercus, vrina, semen, vermes, sanguis, & humor.

Erunt igitur partes omnes distinctæ forma, & non compositæ, centum vigintinovem. Quod si compositæ addantur, erunt

omnes centum ac sexaginta. Sunt præterea, vt dixi, superiora & inferiora in labiis, & palpebris, & costis: & erunt centum & sexaginta tria. Et præterea dextra atque sinistra in omnibus, præterquam interioribus, atque his quæ excernuntur: vt propriè fiant partes ducentæ ac quinque. Adde etiam pilos atque capillos, & barbam: fient ducentæ octo, aut potius ducentæ & vndecim. Quod si libeat addere duos poplites, & sunt sinuosæ partes genuum, calcaneos, mammillas, fient partes ducentæ decem ac septem insignes. Totidem igitur dicimus esse. Anima verò & ipsa pars est nostri, & nos ipsi: sint igitur ducenta ac decem consideranda: verum quæcunque partes minimæ sunt, vt digitorum, manuum ac pedum nodi, articuli, vngues: non nostræ, sed mundi partes sunt. Loco autem earum erunt, quæ ad nos, vt videbitur.

### CAPVT XIII.

#### *De partibus mundi.*

Portet autem consimiles his, aut paulò ab eis differentes, etiam in mundo inuenire partes: vt sciamus, si qua partium nostrarum detrimentum passura sit, quoniam pacto ex somnio eam deprehendere licebit: ac rursus ex illa partes mundi, eas saltem quæ ad nos pertinent: vt parentes, filij, fratres atque domestici. Et si quid potest, ad patrim, fertilitatemque, ac etiam cælum extendatur. Deus igitur pro anima accipiat: neque enim quicquam magis Deo in nobis anima ipsa assimilatur: post cælum & astra omnia, & quæ manent: nam irides & comete, affectus potius quàm substantias significare possunt: neque enim manent: vt nec tonitrua aut fulgura, aut terræ motus. Sed ab his quæ manent, significata partium sumere oportet. Ignis ergo, aer, aqua, terra, fontes, flumina, lacus, riuus, montes, valles, stagna, mare, proprium (nam oceanus pro aqua quandoque capitur) fontes etiam, scaturigines, paludesque, vrbes, domus, regiones, prata, syluæ, nemora, campi, saltus, deserta, tuguria, vineta, confuta, fora, templa, atria, pulpita, suggesta, rostra, arbores, frutices, arbuta, herbæ, folia, flores, cortices, radices, fructus, rami, trunci, lapides, metalla, gemmæ, metallica: animalia mansueta, fera, serpentina, quadrupedia, anes, pisces, partesque singulorum: demones, mortui, domestici, filij, serui, parentes, fratres ac sorores, vicini, inimici, familiares, agnati, cognati, affines, reges, publicæ personæ, magistratus, machinæ, vasa, vestes, ornamenta, libri, arma, tela, instrumenta cuiuscunque generis, officinæ, tabernæ, apothecæ cauponæ, musici, medici, sacerdotes, obstetrices, artifices singuli: lana, gossipium, fericum, spartum, linum: caro, panis, vinum, legumina, grana: tartarus & inferna, carcer, diui, statuæ, imagines, turres, arces, volæ, columnæ, laquearia, putei, latrina,



nae, naues & earum partes: funes, rotae, quadrigae, scalae, laquei, tegulae, lecti, speluncae, voragine: frena, habena, ephippia: clavi, latrunculi, fritillus, alea, trochus, tubera, fungi, pisces saliti, tortae, & similia.

Similiter & affectus, & quaecunque non manent, affectibus sunt comparandi. Sunt ergo affectus in mundo, quae pertinent ad motum & quietem & ad affectum, quem in nobis generant: & quae non manent. Huiusmodi sunt fulgura, splendores, arcus, voragine, in caelo figmenta, monstra, pluuiae, grandines, voces: ab his tribus generibus affectus in nobis significari solent.

Est tertium genus commune tam substantiis quam affectibus, & est quod repraesentatur naturaliter: ut sermo, pictura, statua, imago: haec enim & de substantiis esse possunt, & de affectibus: quandoquidem naturaliter significant, & omnibus communia sunt: statuae tamen, ut dixi, substantiis magis conueniunt repraesentandis.

Sunt & partes quaedam mundo communes, & homini: velut filij atque vxor, & mundi & hominis partes sunt, atque ideo significant atque significantur.

#### C A P V T XIV.

*De communi ratione comparandi partes mundi ad partes hominis, & partes mundi atque affectus ad hominum affectus.*

**O**Portet primum reminisci praecedentis diuisionis, scilicet quod quae in nobis significantur, tria sunt: partes nostrae, & quae ad nos attinent, ut filij, vxor, & domestici: & affectus: ut opes, morbi, tristitia. Quae autem significant, rursus sunt partes: nec in nobis partes significari possunt, neque quae ad nos, nisi per mundi partes, quae quandoque neque nostrae partes, nec ea quae ad nos: ita mundi partes, quae partes nostras, aut ea quae ad nos significare possunt, trium sunt generum: mundi partes proprie, ut caelum: & ea quae ad nos, ut vxor: vel nostrae partes, ut oculus. Haec autem tria, & praecipue duo vltima, & affectus singularum, ut motus vel quies, color, figura, comparatio affectio, magnitudo, sonus, actio, accubitus, locus, claritas & obscuritas, valetudo, habitus seu ornatus, numerus, tempus, anni vel dies, & mutatio. Et partes mundi inconstantes: ut pluuia, & fulgur, & nix: affectus in nobis, vel in his quae ad nos, significant: ita erunt ergo substantiarum tria genera, imaginum, affectuum autem septem, sed sex maxime. Partium autem mundi quae neque in nobis, neque ad nos, cum ad nos non pertineant, non est significatio: nisi quatenus ad nos pertinere possunt: ut de republica, patria ac regno: nam & horum euentus perspicere licet.

Quaecunque vero non habent ad nos comparisonem, velut caelum & sidera, non commutantur, ut infra videbimus: at quae ad nos pertinent, vel ex nobis sunt, commu-

tant, si partes significatae esse possint: nam ut supra diximus, minimae partes non significantur: ut vnguis, articulus, digiti: sed solum significant: ideo sunt solum mundi partes, non nostrae: atque ideo non commutant. Commutant enim solum nostrae partes propriae, & quae ad nos. Quadrupliciter autem fit commutatio partis in partem: haec autem non admittitur, ut oculi in cor, vel quae ad nos, in eam quae ad nos: ut vxoris in fratrem: sed quae ad nos in partem, & partis in ea quae ad nos: ut oculi in filium, filij in oculum, fratris in brachium, brachij in fratrem.

At quae ad affectum pertinent, commutant in substantiam: velut vxor in artem, ars in vxorem: filius in gaudium, gaudium in filium. At haec commutatio affectus in substantiam, non per se est, sed velut ex accidente: neque enim significat, sed indicat velut causam: filius enim gaudij causa est.

Sunt praeterea, ut dixi, significata ex imaginibus propriis communia substantiis & affectionibus, & partibus nostris, & his quae ad nos: ut vox, scriptum, imago, statua.

Praeterea affectiones omnes quae nobis contingunt, aliae quidem circa corpus, aliae circa animum, aliae autem circa fortunae bonae eueniunt. Et quae circa fortunae bonae, sunt honores, potentia, amici, diuitiae, & similia: & circa corpus, valetudo bona vel mala, deformitas, robur, & similia. Quae autem circa animum, trium sunt generum: affectiones, & haec omnes sunt passivae, ut latari & irasci: & operationes, ut currere, concumbere: & opera, ut fabricare, & generaliter artium exercitatio. Et opera quidem omnia actiua sunt, ut affectiones passivae: sed operationes aliae activae, ut concumbere: aliae passivae, ut verberari.

Quaecunque substantiae ad affectiones referuntur, substantias non significant, verum affectiones ipsas: velut cibi, potus, possessiones, & huiusmodi.

Ex hoc patet, quaedam significare plura: velut equus, ut ex se consideratur, vxorem significare potest: & ut equitatur, fugam: & ut possidetur, diuitias. Quandoque vero ex similitudine actionum, licet sub affectione comprehendatur, substantiam significat: ut in exemplo, equus ut meus est equitatur, & vxor inquitur: & ob similitudinem operationis in concubitu, & equitandi, equus vxorem significat.

Nulla substantia aliena partem vel quae ad nos significare potest: quoniam cum aliena sit, ad nos non pertinet: velut equus, plantae: nec sol aut luna significare possunt: propria enim non sunt, sed omnibus communia: neque affectiones nostras, aut eorum quae ad nos, ut dictum est: reliquum est igitur, ut significant causas affectionum.

Quae ergo ad nos, significantur de substantiis, & partes nostrae non exiguae, & nos ipsi per mundi partes stabiles, quae ad nos solum, & non comparatas affectionibus: & haec communes sunt partibus nostris, & his quae ad nos. Et per partes nostras, quamuis exiguas, quae ad nos: & per ea quae ad nos, partes nostrae. Affectiones vero, per omnia



## 608 Synefiorum Somniorum,

illa septem enarrata. Causæ autem affectionum per partes mundi quascunque, stabiles, communes, proprias, nostras, & etiam quæ ad nos.

Caput ergo significat dominum domus, regemque, sacerdotium, mentem, honores.

Capilli, tegulas domus, ornamentum, decorem, luctus & infortunia graua corporis.

Oculi, filios, gemmas, prudentiâ, & iniurias.

Collum, vxorem: est enim decor & fulcrum domus. Et voluptatem gustus: & robur, ob cernicem.

Brachia, fratres: sunt enim nostri auxiliares. Et domesticos etiam, sed viles.

Manus, artes, & robur.

Tibia, familiares, & amicos humiliores, quorum operâ sustentamur.

Pectus, fortitudinem: intus consilium & arcana.

Cor, parentes: sunt enim origo nostra. Et filios: sunt enim nobis maximè cordi. Et vxorem: eam enim maxime diligimus.

Pulmo, orationem ac sermonem: eo enim hæc fiunt. Et intimum è domesticis, atque charissimum.

Venter, opes: quia ex eo suscipit corpus alimentum, vt ex opibus homines: & filios: quia in eo contenti fuere, maximè venter foeminarum.

Os, pudorem, dignitatem & valetudinem. Dicimus enim, impudenti ore. Et eo existimatio hominis seruatur: eo transeunt, quæ nos seruant, aut perimunt.

Pudenda, filios, honorem, voluptatem, opes, robur, parentes, & scorta quæuis.

Anus, curas & impedimenta: nam eo excrementa exonerantur. Et decora etiam.

Nasus ornamentum & decorem: est enim maximè conspicuus. Nares, famam, odores, perspicacitatem.

Aures, famam & doctrinam.

Dentes, familiam & coniunctos, & robur corporis.

Renes, filios & robur. Digni minuta opera, & fidem.

Dorsum, nepotes & labores, & patros: labores, quoniam eo onera feruntur: nepotes: sunt enim post nos, nec à nobis videntur: patros, quia succedunt capiti.

Vmbilicus, patriam & parentes. Ex his enim nutriti sumus.

Nates, impudentiam & turpitudinem, & seruos, colonosque: sunt enim partes abiectissimæ.

Tergus, senectam, & successura post nos tempora.

Genua, robur, & operationes grauiore.

Cubiti, operationes leuiore.

Suræ, ornamentum & decus, atque tutelam.

Tali, seu malleoli, seruos humiles, domesticos, & eos quorum ope maximè nitimur.

Pedes, fundamentum totius domus, & artem, & opes, & amicos.

Iecur, prædia & redditus, & voluptatem, & artem: & generaliter, vnde lucrum.

Ventriculus, promum domus, vel procuratorem.

Vesica, muliebrem mundum.

Intestina, opes quæ reconditæ sunt.

Lien, risum, gaudiumque: vnde illud poetæ:  
— petulanti splene cachinno.

Cerebrum, consilium, mentem, prudentiam, arcanaque, tum sensum omnem, & disciplinas.

Costæ, satellites, procuratores & mulieres: illa nos tuentur, has diligimus.

Cutis, munimentum & ornamentum.

Supercilia, dignitatem, decorem: ornamenta quoque, & mulieres.

Cilia, pedagogos, & custodes puerorum, & ornatum.

Vngues, tutelam & firmitatem.

Fellis vesica, iram, indignationem, & morbos: solet enim in his efferuescere.

Vterus, filios ac filias.

Vulua, voluptatem turpem.

Barba, auctoritatem, lucrum & læticiam.

Coxæ, significant ancillas, & pueros custodes.

Humeri, familiares maioris auctoritatis, promos & dispensatores.

Humeri articulus, significat proxenetas, & personas, quarum auxilio aliquid perficitur.

Facies, gratiam, & quæ ex ea pendent, aut pertinent: vt iniuriam, odium.

Mentum, fundamentum causamque existimationis, læticiam, lucrum.

Submentum, vxorem, filios ac filias, & generaliter secretius custodita.

Palatum, suauitatem vitæ, & domum ipsam, ac iudicium: tum etiam cocum.

Vnea, seu vuula, sermonem, & nepotes ex fratribus ac sororibus, qui à nobis pendent.

Fauces, vitam, & supplicium: quoniam ibi strangulantur, & caput aufertur.

Fouea, mortem violentam: ibi enim iugulantur homines & animalia: & ornamenta vxoria, ac puellas.

Iugula, robur, & vitæ tutelam, & fratres: prope nos enim sunt.

Furcula, medium in domo: vt qui est ab epistolis, & cocum: quia ventriculi è regione est.

Pollex, significat robur, & ministrorum supremum, & hominem mutilum, & literas.

Index, fidem, religionem, literas, seu scribendi facultatem, indicia rerum.

Medicus digitus, impudentiam, sordidas operationes Hebræorum conuersationem.

Annularis, vxorem, filios, decorem, dignitatem: nihil ad artes.

Auricularis, pueros & infantes, filios, si adsint: minorumque curam.

Palma manus, labores, & summam inopiam, ministrosque simplices.

Dorsum manus, artis intermissionem, & odium, ministrorumque inertiam.

Calcaneus, summum robur, & id in quo homo maximè confidere potest significat.

Poples, magni negotij modum docet, & venerationem: nam eo veneramur potentes.

Nodus quilibet, significat eos, eaque, quæ negotiorum pondus sustinent.

Articulus omnis, significat periculum ob luxationem: extremum iudicium, & quicquid est principale.

Musculus pollicis omnium maximus est: refert autem artificij principium, & summum decorem.



Ilia, filia propriè significant: contermina enim sunt lumbis, & honestiora.

Lumbi, voluptates, & filias etiam, & imbecillitatem, obnoxiumque laboribus atque doloribus.

Præcordia, significant occulta, & quæ cordi sunt, & sapientiam.

Frons, auctoritatem, dignitatem, animum hominis, & affectum erga te.

Tempora, sapientiam, auctoritatem, vitæ tempus, fragilitatem conditionis nostræ.

Vertex capitis, summum vniuscuiusque rei, ac dominum.

Anima, vxorem, filios, amicum singularem, Deum rem maximè amatam, vitam voluntatem.

Occiput, quæ post nos erunt: occulta, periculum amputationis capitis, vbi timoris causa sit.

Corona capitis, regnum, lauream, supplicium, & irrisiionem. Coronari enim, ac turbines damnatis apponi ea in parte solent.

Hypopia, significant exteriores res filiorum, & adhærentia: tum fines voluptatum.

Iris, ornamentum & decorem filiorum, ac voluntatem: ea enim qualitates animi continet.

Pupilla, filios propriè, & operum nostrorum imaginem, & animi qualitatem, gemmas.

Oculi alba, filiorum munimeta, & annulos.

Lachrymales anguli, initia voluptatis in filiis, & animi fenestras.

Genæ, pulchritudinem, honestatem, valetudinem, pudorem, amorem.

Buccæ, impudentiam, irrisiionem, iniuriam, nostrorum tutelam.

Labia, significant verba: quia his profertur: valetudinem: quia eis significatur: decorem, amorem.

Mandibulæ, vtiliores domus ministros, co-cum, pistorem, & domum totam: in eis enim sunt dentes.

Planta pedis, labores, & inopiam summam. In hoc differunt illius partes à partibus manus, quod manus partes leniora damna, & quasi per negligentiam parta & mutabilia significant: pedis autem grauias, violenta, firma. Summa digitorum pedis, vltimum discrimen.

Homo ipse cum in considerationem venit, seipsum aut filios, aut vxorem, aut parentum aliquem refert.

Lingua, orationem, gratiam, existimationem, amorem.

Nomen proprium, est ex his quæ non sunt substantiæ, sed affectus: tamen quia est intimum, significat hominem ipsum, & illius omnia, existimationem, filios, patriam.

Mamillæ descendentes, alimenta, & agros fertiles.

Guttur, tametsi vox, non cibus eò permeet, nihilo secius cibos voluptatemque ex eis refert.

Ætates, significant mutationes & proprietates illarum: vt puericia iniuriam: multis enim modis solet iniuria affici: senectus sapientiam & auctoritatem, imbecillitatemque: infantia, impedimenta omnis generis.

Tom. V.

Porro dextra masculis, sinistra fœminis: superiora dominis & senioribus, inferiora iunioribus & humilioribus, media fratribus & æqualibus ac sociis: anteriora præsentibus, posteriora futuris, si ad cognitionem referantur: aliter anteriora futuris, posteriora præteritis tribuemus.

Quæ verò sequuntur, ad visa vel ex similitudine deducuntur, vel ex operatione, vel ex similitudine operationis, vel ex repugnantia. Similitudine quidem: vt ducere vxorem, & concubinam, aut puerum in deliciis habere, similitudinem habet, cum ille assidue concumbit cum illis: idè vxor non significat quamlibet fœminam, quæ in domo manet, aut puerum, etiam si assidue ac diu manserit cum eis: neque scortum omne, sed scortum assiduū. Dixi de puero, vt intelligeres etiam sexum non obstare similitudini. Ex operatione: equitare significat subigere aliquem, & mutationem consilij. Ex similitudine operationis: vt vxorem ducere, curas & impensas. Et significat etiam in phratriâ ingredi: vtrūque enim perpetuum est. Ex repugnantia: phratrio & senī valde vxorem ducere, mortem significat: neque enim vxorem ducere potest: nec aliquod negocium diuturnum inchoare: quod si non adeo senex sit, poterit negotium inchoare quod non finiet vnquam, sed in eo vsque ad mortem persistet. Et repugnantia quidem triplex est: vel natura: vt diis aliquem verberare: vel re ipsa, vt non esse, vel esse equum: vel ratione conditionis, vt dixi, phratrio nubere. Quædam verò etsi non repugnent, sunt tamen præter propositum: vt agro nabere, conuiuari.

Sunt etiam quoquo modo comparationes partium mundi & hominis, propter generalem vim: velut Deus significat animam, cœlum caput: est enim in superiore parte, & in eo sunt dii secundum communem opinionem: & in capite mens & sensus, & est superius corpore. Tertia, viscera & pedes: viscera quidem: quia omnia è terra alimenta habentur: pedes: quia immobiles sustinent corpus, ita terra videtur cœlum sustinere. Pectus, aërē refert, ob respirationem. Mare, humores & sanguinem.

Quæcunque etiam à pluribus significantur, non eodem modo significatur, sed plerumque adhibita distinctione. Dixi plerumque, ob ea, quæ superius dixi de somniis, quomodo efficiantur. Ergo in plerisque id contingit. Cor, oculi, renes, virga, furculus, significant filium, sed diuersis cum proprietatibus: Cor, sapientem, & patris amatorem: oculus, amabilem, gratiosum, prouidum: renes, laboriosum: genitale, nepotem impudicum, luxu planè perditum: furculus, stupidum, ac quasi inutilem.

Sæpe etiam contingit, vt dixi, quod persona vel res ignota significat eam quæ ad nos, ob affectum nostrum: quia persona quæ ad nos, ad nos comparatur, & habet rationem causæ. Exemplum. Contigit anno M. D. XXXIV. mense Ianuarij, vt viderem hominē cui essent septem filij, eos verberantem, post morientem, magna mei miseratione: idque somnium visum est sæpius repeti, cum tamen interim nequaquam expergiscerer. Poteram

F F f tamen



tamen intelligere somnium, si (vt nunc) artem calluissem: erat enim per se clarum, imò ex idoli specie, Socero enim meo Altobello Bandareno septem erant filij: masculi scilicet tres, Marcus, Aloysius, Iosephus: filiarum quatuor, Lucia vxor mea, Lucretia, Maria, & Bandarena: is ergo illis diebus mortuus erat, præter omnem meam expectationem, vt qui robustus esset, nec excederet annum quadagesimum quartum. Ergo constabat illum esse, qui cum septem filiis esset, & obiisset, & cuius me miseresceret. Verberabat filios, vt qui egentes relicturus esset morte sua. Ergo intra octo dies literas accepi è Saccensi oppido, illum mortuum fuisse 4. calendas Ianuarij. Iisdem diebus vxor mea, & forsan ipsamet nocte qua pater obiit, vtero gerens, Ioannem Baptistam filium, toto somno matrem quasi extinctam plorauit. Persona igitur incognita Altobellum socerum referebat, non ex se, vt intellexisti: quoniam quæ ad nos pertinent, ab aliis: quæ ex mundo, ad nos pertinent, aut ex partibus nostris necessarii referuntur. Sed vt nos dolore & commiseratione afficiebat, causa erat doloris & affectionis: quemadmodum & socer, quem valde diligebam, futurus erat.

Similiter non semel vidi, nato eo filio, patrem meum vltima senectæ pereitem, cuius me miserebat admodum. Hoc somnium, si Fata per misissent filij luctuosam mortem ostendebat: nam patrem mori impossibile erat, qui iam mortuus esset: at Ioan. Baptista filius ad eum illi persimilis totus fuit facie moribusque, vt vix viui vnquam fuerit similior. Cum verò perijt ille indemnatus anno ætatis suæ vigesimo sexto, pater meus si vixisset, tum annum egisset centesimum ac quintumdecimum: unde erat, ac si somnium diceret: Cum pater tuus, si viveret, extremam aget senectam: filius tuus, qui illi similis est, morietur: id est, ante trigessimum annum: nā homini iuxta sacram paginam non licet excedere centesimum & vigesimum vitæ annum: illud ergo idem erat, ac si diceret: Filius tuus patri tuo similis, vt minor natus non posset intelligi, ante trigessimum annum morietur. Qui verò de iis admirantur, quod ego vnus tot & tanta viderim, qualia in his libris de Somniis, & aliis etiam per somnum narraui, quodque tanta etiam per vigiliam contigerint non dormienti: desinant admirari, cum ea quæ post mortem meam eueniunt, videbunt. Neque enim parua res mors eius fuit, aut absque diuino consilio, cum tot improbi elabantur multis modis: adolescens hic, quo nemo melior, damnatus est, nec effugere casses potuit. Erat in illo eruditio non mediocris, simplicitas animi, res nostris temporibus non visa: probitas, mansuetudo, benignitas nimia: inuisus hoc solo, quod esset filius, quodque laudaret me. Inuiderunt superi, vt optimos quosque, illum nobis, & eripuerunt. Dignus, non qui has incoleret nefarias regiones, sed qui cælum habitaret. Sed audi diuinum iudicium. Qui dedit, qui auctor fuit facinoris, qui suasis, qui impulit pecuniæ spe, Antonius quidam: euasit, dimissus est, & adhuc (ni fallor) vivit: fatebatur factum, impudenti excusatione atque tur-

pissima liberatus est. Cōuenerat enim sic cum accusatoribus: si dolos, si fraudes contra filium excogitatas, exercitas, enarrare liceret, & per eos à quibus defendi mea pecunia credebatur, nemo nō ad misericordiam, nemo bonus non ad indignationem moueretur. Quæ postmodum subsecuta sunt, quasi non paruum peccatum esset in filio, quasi parum iudicij acerbitas mihi nota foret, ereptā stipendij parte, non quod pecunia ea non magna me torqueat: sed vt intelligerem quo animo id factum esset, abunde quorundam animos declararunt. Data sunt clam iura defensionis accusatoribus: & quia id nō sufficiebat irritati animi procerum, vt quod iure impetrari non poterat, inconsulta potentiorum irā egtorqueretur. Sic ille clarissimus, nullo peccato, stultitiā non leui, sed non propriā, concessus est odiis antiquis in patrem. At ipse felix, omni ornatus virtute, dignitate, liberaliumque artium notitiā, abinit ad superos: fidem facturum, nihil esse potentius inuidia. Iam enim quippiam ferme absoluerat, aliud etiam maius inchoauerat, ne paternis vestigiis quamuis fluxa inuenta non inhaerere videretur, Quem spes erat, si non eripuissent, patrem longè superaturum: nec paruo emolumento quandoque futurū regi ipsi, si superuixisset. Iam enim specimen dederat, quali animo affectus esset in Hispanos, quorum plurimos qui adhuc superuivunt, à morte liberauerat: atque hæc ex arte. At præter artem quàm multa callebat: nec deerat nisi iudicium, abundabatque impetus ob ætatē. Cæterum id agant, quod volent: nusquam multis seculis parem innocentia & virtute ac sapientia norint habituros. Nec me fallit paterna pietas cum sciam quid dicam: vtinam tam illi scissent, quid facerent.

Sed ad rem redeo. In transpositione significari necessitatem, primò observare oportet: nam si annulus vxorem significat, & ramus filium: ea autem sis ætate, in qua nec suscipere possis filium, aut ducere vxorem velis: transferre significatum ad proximam substantiam aut affectum conueniet. Et rursus, cum non conuenit affectus affectui, vel res rei: vt florens pratum, quod lætitiā significat, in luctu. Et si ea addantur, per quæ aliud declararetur: vt coronari significat dignitatem, aut irrisionem, aut circumueniri aut circundari ob insidias: sed coronari in aula cœlesti, non hæc, sed mortem cum funere sumptuoso & laude significat. Et si tibi significatum præfixeris illud, vel nunquam significabit: esset enim somnium ad memoriam pertinens, non visio: qui ergo plus cupit, persape minus habet. Nam per se annulus vxorem decernit: si id tecum statuas, & somnium de eo sic velis interpretari, quiduis aliud potius significabit.

Præterea illud diligenter considerandum, in vnoquoque viso multa inesse generalia, & sub quocunque generali multa comprehendendi: velut mons magnus, sublimis, immobilis, durus: est enim lapideus, insensibilis, difficilis: arduus enim est ascensus. Multa igitur habet generalia significata: at sub singulis significatis generalibus plura continentur. Sub magnitudine enim potentia, opes, gloria, sapientia, militaris auctoritas, multorum conspiratio,

*Post Cardani obitum  
quæ ad Montem  
appertuerunt? aut  
mira uelut gela  
facta sunt?*



conspiratio, inuitabilia, fama. Sublimia sunt, dignitates, amicitia regia, gloria, suspendi: vides quantum vnum ab altero differt. Rursus omnia hæc ad filium pertinere possunt: iugulatur, iugularis in illo: moritur, morieris in illo: cruciatur, cruciaris in illo: exaltatur, gloria tua est. Et eodem modo nomen, omen, species transfertur: quoniam in eodem communi continentur: vt alius ad hominem patientem, laboriosum, è familia: in iis enim tribus ambo conueniunt.

Propterea transitus fit vel ob multitudinem similitudinum & generalium, in quibus conueniunt, vel propter magnum consensum in vno generali: vt inter Deum & regem: nihil enim tam conuenit splendore dignitatis atque potentiae: & inter solem & regem: nihil enim tam illustre vt Sol, nec etiam vt rex. Conueniunt etiam & transmutantur propter ea quæ iunguntur in somno: vt opprimi à monte, non ad immersionem, sed hominem transferri potest: vterque magnus, vterque opprimit. Sic & ratione somniantis. Iugulat hominem: studiosus est, non armis deditus: superior euadet in disputatione: libro alicuius opus edito confutabit: videt se in carceribus detentum excruciaris: studiis tridiosis adeò incumbet, vt vitam sibi acerbam esse putet. Sic etiam in vocibus fiet transpositio. Sed de hoc, suo loco dicetur.

In vniuersum ergo, tota ars coniectoris in hoc vno consistit, vt plura colligat generalia, atque consideres cuinam vni rei conueniant, cum conditionibus suis: atque ea res erit, quam somnium ostendit.

Considerandum est etiam, quòd somnia illa (vt vno verbo dicam) congruentia, quæ naturæ, legi, consuetudini, arti, nomini ac temporis congruunt, & (vt generalius dicam, ac breuissimè) his quæ illi insunt secundum naturam, & non vi comparata, bona esse & felicia: quæ contrà, mala: quæ neutro modo, mediocria, vel quæ ad alios pertinent.

Eorum autem quæ ad mundi partes proprias, aut communes, non in nobis, neque ad nos pertinent, significata, hic scribere non est necessarium, sed suo loco explicabuntur: nihil enim horum inseparabile est, veluti hominis partes: quam ob rem de illis dicere necessarium non est, ne repetere cogamur: verum potius modum inuestigandi significata docere oportet. Vbi primum somnium videris aliquod, illud considera, an è genere demonstratiuorum sit: id est, quod ad occulta declaranda pertineat: seu cœleste, seu diuinum malueris appellare. Deinde, cognito quod ex huiusmodi sit genere, cognosces cuius temporis sit significatiuum. Et si multò post futuri, ipsum scribe cum anno, mense, die, hora, qua somnasti: omnesque conditiones illius, moram, affectusque. Sin autem præteriti, aut præsentis, aut paulò post futuri, ipsum adhuc recenti memoriâ scribe, sed non in libro: nisi velis post ad alium vsum, quod scripsisti, cum euentu seruare. Ergo eo scripto, statim cogita an sit in initio anni, vel die natali tuo, vel quo infortunium ingens passus fueris, aut splendido aliquo munere seu virtutis causa seu fortunæ decoratus:

Tom. V.

plerumque enim similis euentus erit expectandus. Et si dies illa finem imponat vel magistratui, vel tum decreueris primum mutare sedem, aut vitæ rationem, aut ducere uxorem, aut natus tibi sit filius, aut finem labori alicui vel ærumnæ imposueris: tunc quidem si tempora sint, ad tempus referendum erit: sin autem mutatio, ad mutationem cum tempore: ita vt tempus initij anni, & plerumque natalis etiam diei, non vltra annum extendas. Quod si anno non finiatur, expecta illud tanquam perpetuum, aut valde diu permanfurum. Et si in initio mensis, aut ingressus Solis in signum aliquod, aut in coitu aut oppositione Lunæ, aut in solstitijs aut æquinocitijs, coniectaberis tempus in quo somnij euentus futurus sit. Ex quo tum natura visionis, & rerum quas tractasti, quæque initium sumpserunt illis temporibus, aut iamprimum inchoatæ sunt, aut quorum iamprimum celebritas peracta est, aut quæ imminet, aut quas iam tractare cœpisti, aut quæ intra triduum sine cogitatione etiam initium sument (hæ autem vt fortuitæ & imminentes maxime spectandæ sunt, seu seruum aut famulum in domum receperis, seu inimicitias cum aliquo exercere cœperis, seu amicitiam nouam inieris, seu quicquam obiter magni deliberaueris) ex his tribus inquam coniectaberis quid significet. Atque è tribus duo iam explicabimus: tempus scilicet, & res impendentes, quas tamen diiudicabis tu naturali prudentia. Tertium est natura visionis, quam sic aggredere. Primum considera, an sit idolum: & si est, rem habes explicatam. Sin autem sit visio, quære quid significet substantiam: id verò (vt dictum est) vel ex partibus, vel ex his quæ ad te pertinent simpliciter, velut uxore, filiis, familiaribus, affinibus: ita vt memineris hæc tantum partes significare, vt contrà partes tuæ ea quæ ad te: neque assumes partes exiguas ad significandum. Vel erit quod significat pars mundi quæ ad te pertinet, vt domus tua, arbor tua, ager, planities in domo tua, equus vel bos tuus. Inuento subiecto ad quod somnium pertinet, quod solum potest esse vel pars tua, vel aliquid ad te, quæres affectionem, quam sic etiam coniectaberis. Si præsentis temporis est somniū, & affectio parua, erit somnium de re parua: at contra si sit de præterito vel multo post futuro, & affectio in somno & vigilia magna, maximus erit effectus. Quæcunque enim procul multum imprimunt, maxima sunt, & validissima. Inde genus affectus requires: hoc autem præcipue ex duobus, animi affectus natura, & qualitate rerum quæ videntur. Affectus mali sunt prorsus, timor, tristitia & misericordia: boni autem, lætitia & spes alacris, ac voluptas, seu voluptuosa possessio: indifferentia, ira, odium, amor. Admiratio autem est propria rebus inexpectatis, aut magnis. Ex rerum autem natura quæcunque bona sunt, & bene se habent, & congruentia, bona sunt. Quæcunque mala sunt, & tibi aduersantur, malum ex malo significant: velut à leone, vel serpente etiam magis, vulnerari. Quæcunque mala non congruentia patiuntur, velut serpentem exuri videre, aut languere:

FFF 2

malis



*De generalibus regulis somnia  
interpretandi.*

malis quidem mala sunt : bonis verò malorum remissionem ostendunt. Mala autem in bonis , si somniantes mali sint , nihil absurdum : si autem boni , deterius : generaliter tamen vtrisque impedimenta in bonis significant. Cognitio affectus genere , & magnitudine : si parvus sit , poteris negligere , sufficiat scire : si autem magnus , genera singula quære , & sub eis species , & coniectare ex omnibus an prima significata conueniant. Si aliquid repugnat vel ratione visionis , vel personæ , vel ratione rei visæ , alia quæres significata , permutando : donec ad id peruenias , in quo omnia consentiunt. Quod si ex observationibus proprium habes alicuius rei significatum , illo utere : semper enim difficillimū est prima inuenire , & somnij originem. In omnibus tamen non admodum arduum est , bonum à malo dignoscere , præterquam in somniis mortem significantibus : nam ob opiniones diuersas , mors inter mala & bona , sed non ex æquo : & inter magna & parua , idque quasi ex æquo refertur : pauci etiam sibi mortem prædici volunt : ob id somnia eiusmodi non tam facile interpretantur. Et melius ab aliis , quam ab ipsis qui somnium viderint , & ad quos pertinet : nam possumus etiam mortem amici præuidere. Somnium quod Socrati & Cæsari vltimum est , mortem prænunciās , vtrumque leue fuit : Socrati quidem verè : Cæsari vero , quasi à diis merito irrideretur , quod cum pessimus esset mortalium , ob stultam de diuinis honoribus etiam viuenti tributis conceptam persuasionem , diuum se fieri posse existimauerit : nihilo secius fores cubiculi sponte patuisse , non pro ostento exiguæ rei , sed maximè potiùs miraculo , sumendum est. At Caligulæ vt maximi mali indicium fuit somnium , quod illius necem præcessit. Memineris etiam duplicis illius significati vniuscuiusque rei boni ac mali , vt iuxta significatum somnij illud sumas. Considera etiam generalia omnia bona vel mala significata , prout genus est insomnij : similitudinem quoque substantiæ , operationem , similitudinem operationis , & repugnantiam. Demum inspicere affectus singulos in initio huius capitis enarratos , & sunt sexdecim. Demum voces ac verba , picturas , statuas , si per eas quid significetur : sæpe enim ex illis inuaberis. Indicium verò est rectè affectu interpretationis , quadam animi quies , & omnia consentientia.

Quod si contingat personam deesse , semper ad somniantem refertur. Atque hæc causa est , cur cognita per somnium personæ , in vigilia incognita , semper ad somniantem referuntur : cum enim (vt dixi) partes mundi propriæ quæ non ad nos , ad ea quæ ad nos referri non possunt , & cognita sint in somno , ad nos necessariò referuntur. Vbi ergo substantia quæ personam quæ ad nos significare possit , non adsit , subiicietur persona somniantis. Nulla pars communis mundi potest significare substantiam propriam , neque affectionis causam : nec aliqua propria communem , nisi cum propria illa partes fuerint illius communis , vt ciuis patriam.

Somnia monitoria hominibus probis accidunt. Plerumque sunt autem probi , qui diligunt iustitiam : ea enim est omnium virtutum mater : & qui iustus est , pius etiam est , liberalis , gratus , innocens. Quinque sunt affectus animi , maximi : Timor , spes , admiratio , tristitia , atque lætitia : cumque in magnitudine ordinem seruant , quo descripti sunt : post quos sunt , odium atque amor. Somnia non minùs de præsentibus & præteritis sunt , quam etiam de futuris : sed futura euentus detegit : occulta autem non ita deteguntur nisi casu. Vnumquodque somnium ad sua generalia deducendum est , & ex eo plura declarabuntur. Velut video montem in me ruentem : mons magna res est : magna sunt magistratus , viri potentes : ruunt , qui cadunt , qui succumbunt , qui iniuriam patiuntur , qui dignitate priuantur : atque ex huiusmodi in coniecturam deuenire poteris. Res contra naturam in bene se habentibus , malæ & infidæ : pessimè se habentibus & miseris , si ad bonum vergant , bonæ & fidæ : malè tantum habentibus , bonæ , sed non fidæ. Omne somnium , etiam pessimum , cum iuxta votum fuerit , bonum esse potest : vt si quis vindictam quærens , solem cruentum viderit. Omnia rara eadem significant per somnium , quæ etiam dum verè apparent. Et omnia quæ sola sunt , vt sol , luna , vxor apud Christianos , cum plura videntur , significant lites , confusionem , discordias , timorem. Et si plura in vnum redacta videantur , periculum , inopiam auxiliorum , aut conspersionem multitudinis. Magnitudo rei visæ , & affectus & actionis , magnitudini euentus generaliter respondent. Rem videre vt prorsus se habet , nihil significat , sed memoriæ est. Mores etiam hominum spectare oportet : malis enim credere non oportet , maximè bona suadentibus , & quæcunque dissimilia : vt si bonus mala suadeat. Animaduertere decet maximè successum in somnij , & quomodo ex vno in aliud transferatur , demum finem. Repetenda etiam est sapius tota tractatio : velut quæ diximus de nobis translata ad filios , eadem nobis contingit si quis de parente tuo viderit : velut erui oculum patri tuo , tuam aut fratris tui mortem prædicit. Omnis res quæ exitum habere non potest , priuationem eius actionis portendit : vt sororem in matrimonium ducere , cœlibatum : non enim licet sororem sibi matrimonio iungere : vnde est vt in proverbio : Cum mala pepererit. Pleraque visa per somnium duo habent significata , vnum bonum , aliud malum : velut Astrologi de stellis benè aut malè constitutis dicunt : vnde erroris causa tam frequens : vt tres habere oculos , & prudentiam significat , felicemque successum : aut opus prudentia fore , quod malè res sit successura. Plerumque etiam cum somnia mutationem significant , significatum conie



16 coniectabimur ex eo ad quod prona est muta-  
tio: vt pauperi non nisi ad opes, quod ad sub-  
stantiam attinet, proclius est mutatio. Som-  
17 nia de rebus charissimis raro bona sunt, quod  
cum magno affectu fiant: at in his mali, vt  
visum est, bonos superant: at mali animi  
affectus non nisi ab aduersis, non à secundis  
18 procedunt. Cum pluribus magnum aliquid  
significatur, malum est: bonum enim pluri-  
bus ingens euenire non potest: at calamitas,  
vt in peste, & ruina domus, sæpe pluribus  
summa contingit. Maximum in cunctis est,  
19 cognoscere magnitudinem significati som-  
niorum, vt etiam reliquarum rerum &  
actionum. Observandum est discrimen rei  
20 secundum naturam, ab eo quod vel lege vel  
consuetudine constat: vt amoris in filium na-  
turalem, adoptiuum aut amicum. Somnia so-  
lent ex generalibus in propria transire: vt  
21 medicus, medicum tuum significet: & con-  
trà medicus tuus, medicum non tuum. Re-  
ciprocatio in somno, valde necessaria est  
22 plerumque: vt quem non noris, existimes  
eum cui tu sis ignotus: qui bene fecerit, cui  
23 tu benefacies. Eorum autem quæ ad perso-  
nam nostram referri nequeunt, non est re-  
24 ciprocatio: vt deorum, aut mortuorum. Som-  
nia quædam plura per pauca, quædam con-  
trà: alia plura per plura, alia pauca per pau-  
ca significant: velut nomen amittere, signi-  
ficat vitam, opes, dignitatem, familiamque  
amittere: hoc est, per pauca plura significa-  
ri: quod si plures gentes, quas non habeas,  
amisisse videaris, rem exiguam amissurum  
25 ostendit. Amittere quæ non habes, cum alia  
habeas quæ amittere possis, paruum iactu-  
26 ram portendit. Incognitus effectus futurus,  
& indeterminatus, nullo somnio significari  
solet: quoniam natura nihil frustra agit.  
Omnia necessaria vsui peruersa, nihil boni  
27 vnquam significare possunt. Extrema ma-  
28 la non significant extremum malum, nisi  
per idolum: quoniam nullum malum extre-  
mum solet eidem bis contingere. At si ido-  
29 lum fuerit, nihil habet confictum secum.  
Exiguarum rerum visio, & discrimen mag-  
30 num, nihil portendere solet. Similes perso-  
31 næ in somniantem verti possunt: id est, illum  
significare: at ille non potest alios. Nullum  
32 imperfectum bonum est: vt tonderi ex diui-  
dio, lauari. Quatuor sunt ad quæ somnia  
transferuntur: natura rei, historia, fabula,  
& casus aliquis qui tibi ex eadem re contige-  
rit: velut si mortuo tibi videaris solem sequi,  
suspensum significat: referunt enim, suspen-  
sos faciem semper ad solem conuertere.  
Omnia somnia maiorem habent efficaciam  
33 in iam inchoatis & præparatis: vt suspensum  
in vincto vel etiam fure. Construere ple-  
34 rumque bonum est, diruere malum. Ex fu-  
turis non succedentibus, super præsentia ar-  
35 gumentum quandoque sumere licet: velut,  
si cui amicus lætus videatur: postridie autem  
infortunium accidat somnianti, perinde est  
36 ac si diceret somnium illud, is tuus non erat  
amicus: hoc enim ostendere volui. Eorum  
etiam quæ significant, si aliquid ad hominem  
pertinet, mutua est reciprocatio: vt si oculus  
significat filium, & oculus effossus filij mor-

Tom. V.

tem, filius significabit oculum, & filij mors  
oculum effossam. Quatuor præterea sunt quæ 37  
omnem rem possibilem reddunt: Aetas flo-  
rens, origo nobilis, semina iacta ex opibus  
ac virtute, & rei qualitas communis vt sacer- 38  
dotium. Quod si ineptus sit ad significatam  
felicitatem, tantundem in contrarium decli-  
nabit: vt plebeio inepto regalis pompa su-  
spensum significat: nam & qui ad suppli-  
cium ducuntur, satellitibus circundantur. 39  
Cum plura idem significant, omnia tamen  
diuersis modis significant: velut oculi signifi-  
cant filios pulchros, cor prudentes, mem-  
brum virile prorsus infames & libidinosos,  
renes laboriosos: germina ignauos, sed ad  
propagationem vtilis & fecundos. Quæcun- 40  
quæ talia sunt vt nihil boni possit eis accide-  
re, semper mala prænunciant: vt dentes. 41  
Quæcunque extrema sunt, minora mala sig-  
nificant: quoniam visio & interpretatio à ve-  
ra representatione differt, & ab idolo. Som- 42  
nij proprium est, nil nobis notum significa-  
re. Somnia de principibus, & illorum etiam  
somnia, semper ferme idola sunt. Nihil oli- 44  
dum in suis videre, aut scdum, vel miserum,  
bonum est. In omnibus actus potentia maior 45  
est: velut acia edere dolores significat: esse 46  
vt edantur, dolorum periculum. Mendacibus  
quoque infida somnia apparere solent. Intem- 47  
pestiua tempestiue si adesse videantur, com-  
mutationem malorum in bona significant:  
velut si vere appareant vix, quæ autumnus  
tamen tempore esse videantur. Vt contra  
tempestiua intempestiue, commutationem  
bonorum in mala: velut si autumno videan-  
tur vix, quæ tamen vere adesse videantur.  
Tempestiua tempestiue, bona augent: vt in- 48  
tempestiua intempestiue mala. Rursus quæ  
videntur: alia quidem quæ sunt tanquam  
sint: vt si equum habeam, illum tamen amit-  
tere videar, aut equitare, hoc certum habet  
significatum: aut ex eo quod non est, & vi-  
detur: vt si videar equum habere quem non  
habeam, inde amittere vel equitare: aut ex  
eo quod est, & non videtur: vt si equo care-  
re videar. & inde alium emere: hoc autem  
& imbecille & parum veram habet signifi-  
cationem, sed quæ longa indiget interpreta-  
tione, atque ex abditis repetita. At secundus  
modus est efficax, sed minus planus, vt etiam  
de tertio dixi: medius ergo inter illos.

Quæcunque significant aliquid, si non 49  
omnia eiusdem generis significant, ad vnum  
genus contrahuntur, simile proprietati natu-  
ræ: velut aues significant futura, & non om-  
nia significabunt: ergo celeriter ventura, non  
tardè: nam inter omnia animalia aues ce-  
lerissime mouentur. Ita etiam ignis significat  
ardores, pugnas, non omnes, sed eas pro-  
priè quæ ex minimis in immensum crescunt.  
Ignis enim statim crescit in magnitudinem  
immensam. Maximum præceptum artis est, 50  
scire transire per eadem genera, vt ex extre-  
mis media dignoscamus: velut amarus sa-  
por proculdubio mortem significat, cum ma-  
gnus fuerit: quid modò decernat medio-  
cris, aut parvus, si quis deducere norit, pau-  
cis ferme totam artem deprehendet: nam  
extrema in omnibus per se quasi nota sunt.

Fff 3 Quæcunque



- 51 Quaecunque communia vel consequentia sunt considerare tantum oportet, cum vel excesserint, aut animum mouent: ut numerus, magnitudo, motus vel quies, figuræ: ut si pygmeum videas, aut giganteum.
- 52 Aduertendum diligenter est, somnia quædam non simpliciter verâ significare, sed secundum opinionem vulgarem, aut existimationem somniantis: atque ita significant verum: quoniam illud verum somnians arbitrabitur: vocanturque huiusmodi somnia imaginum. Funt autem ex permissione affectus animi; & influxu cœlesti: cuius exemplum
- 53 habebis in quarto libro †. Fide dignos dicimus deos, & proprios diuos etiam, & parentes, nisi irati sint: & amicos, & omnino veraces. Et plerumque etiam reges, & sacerdotes bonos. Cum idem pluribus significari potest: significatur autem insueto modo, proprietas significantis rei est consideranda: velut patriam possidere, pluribus modis significari potest: si per matris concubitus tyrannicè occupabit, tyrannidem exercebit, & infelicitè peribit, ut incestu matris dignus. Somnia omnia contra leges, infamiam prædicunt. Quaecunque celeriter proueniunt, ut
- 55 perfcus, sus, celerem effectum nunciant: quæ verò tardè, ut cupressus, elephas, tardè. Quæ longa, ut pertica, pinus, cameli, homines proceri, longanimes & tardos: breuia, ut pumiliones, lichen, malus punica, festinationem. Quæ lata, diu proferuntur: quæ angusta, breui absoluuntur. Quæ graua, ut aurum & plumbum, cum difficultate: quæ lenia, facilè. Quæ celeriter crescunt, & parum durant, talia etiam negotia & initia talia
- 57 significant, ut contrà, quæ serò proueniunt. Quod fieri persæpe consuevit vere, in somnis pro generali ratione obseruandum est, ni aliud obstat: velut si cui fugiat equus, intelligatur significatum pro equo fugiente, qui non pereat. Omnia familiaria pro extrema causa sunt interpretanda: ut loqui pro petere: neque enim cogimur ad hanc actionem, nisi huius causa, cum sit actio familiarissima.
- 59 Quaecunque ex duobus constant, re & affectione secundum similitudinem, ex utroque sunt iudicanda: velut edere ceruum, ex edo, quod est lucrari, vel indigere: & ceruo, quod est timido, fugaci, vel navi: idque est lucrari nauigatione, vel alio modo periculoso. Cum conditio repugnat, aut repetitur, ad aliud significatum est transferenda interpretatio, velut esurire, indigentiam edendi significat: Edere rursus, indigentiam & lucrum: at indigentiam indigentia præposterè dicimus: quare significabit vehemens lucri desiderium.
- 61 Cauendum est diligentissimè, quod in oraculis sapius euenire consuevit, ne loco vnius rei, puta affectionis, locus sit intelligendus: ut κέραιου lingua Cypriorum significat carcerem, cum sit Caria vrbs, dolium & tegula. Conditio necessaria semper præsupponitur, etiamsi in somno non appareat: ut capi pro torqueri. Cum transmutatur res, affectio manet: ut oculi ferrei, si filios significant, robustos & fortes.

## CAPVT XVII.

## De Diis.

**D**Ij iuxta hanc considerationem partes mundi sunt, generales atque communes, & causas generales significant. In eis tria considerare oportet, quæ illis verè insunt: & sunt, potestas, & sapientia, veritas, bonitas, iustitia, infinitas, æternitas. Quæ tribuuntur, misericordia, pietas: quæ exhibentur, veneratio: iuxtaque hæc facilè visa illorum interpretabimur. Siquidem audire aliquid ab illis, verum est quod dicitur: sunt enim veritas: ab illis verberari, mortem significat: quis enim mortalium verbera ab infinito robore præter mortem feret? Si miseret tui, iustè extrema patieris: quorsum enim misereri, si iuuare potest, nisi quia merita patieris, ut iustè succurrere tibi non possit? Iungere Deo dextram, est mori: nam immortalitati iungi, nisi per mortem, non possumus. Audire ab illo verba obscura, malum est, si enim bona significarent, nollet nos latere, est enim bonus, & ita, ut nil prauitatis immisum habeat. Quod si obliuiscaris dictorum, quæ erunt in summa spe aut timore, non euenient. Si videris facientes quæ esse possunt, euenient, sin autem quæ esse non possunt, euenient insperato, quæ nunquam speraueras. Sed hæc possunt etiam esse bona, ex verbis autem obscuris, insperata mala. Si verba obscura aliquis interpretetur fide dignus, erunt iuxta interpretationem. Qui sunt fide digni, iam vidisti. Si minentur, plectetur infortunio magno, si ut spiritus videantur, secreta intelliget. Si eos venerabitur, latitiâ afficietur. Si in domum quampiam cum illis ingrediaris & egrediaris, morieris breui, si non egrediaris, ad extremum periculum ex morbo deuenies. Si non egrediaris, sed in limine subsistat, longo morbo vexabitur. Deus regem significat. A Deo damnari, est à rege iustè damnari, à Deo aliquid impetrare, est à rege obtinere illud, aut simile. Si mulier Deum in maiestate viderit, vir suus facta sua requireret. Hoc magis de diuo, quàm de Deo: & etiam de utroque non per se, sed significat per se maximum mulieris timorem. Excussus à Deo: morietur, & stirps suâ dignitate priuabitur. Visio Dei, & cultus etiam magis, mutationem ad meliorem vitam, & scientiam arcanorum significat. Qui Dei vocem ex aure excipit, arcana intelliget, aut omnino vitam aget piam. Sociari illis tacitis, mortem significat: si loquantur, verba sunt obseruanda. Deorum cultum mutare, significat in principe vexationem populi: in nobili, ruinam opum & existimationis: in plebeio homine, deceptionem & testimonium falsum: in muliere, adulterium. Diuis supplicare cum solitudine, calamitatem magnam aut metam nunciat. Deos spernere, magnam felicitatem aut calamitatem prædicat: in utrisque enim solemus deos contemnere: in felicitate quidem obliui, in calamitate desperantes & irati. Diui diuis aut deis, aut dei deis

Cap. 15. regula 53.



deis sacrificantes, admiranda prænunciat: & hæresim, & mutationem magnam rerum, Deus præterea pontificem significat: minores Dei, diuque sacerdotes. Dij plorantes aut irati, maxima mala publica decernunt, & vitam principum detestandam.

## CAPVT XVII.

*De diuīs.*

**D**iuī eadem quæ dei significant, sed minora, minusque bona: at mala non minora. Deos minores loco eorum idololatræ colebant. In duobus distinguuntur à diis, unde tertium oritur. Primum quidem, quodd peculiarem diuum colimus, non autem deum, est enim omnibus communis. Præterea, quodd diuos habemus etiam negotiis præfatos: ut medicis ac ægris, Colman & Damianum, militibus, Georgium: philosophis, Dionysium Areopagitam: pontificibus, Petrum: concionatoribus, Paulum: eruditis, Hieronymum, Augustinum. In aduersis martyrum desideramus constantiam: in tranquillitate, Ioannem apostolum: in felicitate, Syluestrum pontificem, Aloisiumque regem, & tres Magos, quos etiam pro sapientia colere solemus. In vincendis aduersis, Ambrosium: pro prudentia, B. Antonium: pro bona fama, Eremitas: pro innocentia, virgines suspicimus. Quodd si Romanis laudi datum est, ut prophanos maiores colerent: si supra humanam virtutem Dei amore insignes, cur digni non erunt veneratione? Si suspicimus in multis errantem contra pietatem Auerroem, & tot alios, cur his sanctis viris non deferemus honorem? illos non imitabimur? atque in diuersis donis fautores non optabimus? Et Mariæ Christi matri ego quandoque supplicavi in desperata causa bis, & obtinui perfectè in vna: in alia, ut non vexarer. Si reges suorum adulatorum: id est, falsorum amicorum precibus mouentur, etiam Deum votis proborum, nedum illorum qui aduersus statuas pro Deo viuentē ad mortem pugnauerunt, indulgere multa consentaneum est. Apud hos ergo qui diuos hos colunt, deferri à propitio, aut illum sibi iratum videre, est ruinam imminuentem capiti suo naturaliter (vt dixi) prædici. In vnoquoque diuō spectanda est virtus, quā dum vivebat inter mortales fulsit, & pro qua à te colitur: ita propitium tibi vel infaustum euentū somniū declarabit. Semper autē accipere à diuis quæ illis propria sunt, bonum: auferri autem, malum ac dirum. Accipere medicamentum ægro si videatur, aut medico propinare ex manu diui medici (sunt autem multi) ipsumque quale sit cognoscente qui videt, verè sumpto postmodum medicamento omnes sanitati restitutos accepi. Diui quos colimus, si non congruè se habere, sed tristes aut inornati videantur, timores & damna & impietatem prædicunt. Ob id de ornatu externo dicam: prius monendo, vt caueat lector, ne huiusmodi malè interpretando, in aliquid sinistri incidat: nam nolo

ego sapere, plusquam oportet sapere, nec à maiorum meorum decretis vel teruncium discedere vel aberrare. Diui ornati & læti, quicquid optas dant, & omnem tristitiam auferunt: infirmos sanant, vinctos soluunt, exules reducunt, seruos liberant: litigantibus & pugnaturis victoriam, prægnantibus faustam & supernicturam sobolem, iuxta diui sexum pollicentur, miseros solantur. Fædati diui, insperata mala portendunt. Alieno habitu induti, & irati vel tristes, damnum ab homine illius gentis, cuius est habitus, portendunt. Diuos inter se pugnantes videre, contentiones regum & bella significat.

## CAPVT XVIII.

*De statuis & imaginibus deorum & diuorum.*

**S**tatuæ ergo deorum atque diuorum, eadem penè quæ dei diuque, apud imperitam plebam significant: apud alios verò, multo minora. In quibuldam tamen adeò vtilis sunt, vt etiam dij diuque: velut in diuitiis, honoribusque: quod hæc non sint veterum deorum dona, quamuis vulgus longè aliter sentiat. Itaque & vltio & similia, nisi is de quo vltionem sumere volumus, diis inuisus ob improbitatem dici possit, ad statuas magis quàm ad deos pertinet. Imagines pictæ statuis sunt valde inferiores, eadem autem significant. Porro statuas deorum moueri, aut imagines, hoc à diuinitate seiuinctum cum sit, significat admirabile quid, nec contemnendum, euenturum: admirabile, quia lignum, lapisue, aut pictura: non contemnendum, ob dei representationem. Deferri quoque statuas deorum ad locum insuetum, est cultum aliquem obliterari, aut nonas induci cærimonias. Porro statuam Dei in caput cadere, est lædi à sacerdote, aut vexari: statuæ enim deorum ac diuorum, sunt illius sacerdotes. Siquis ergo videat statuam, gratiæ exempli, D. Laurentij in caput suum cadere, sed non vulnerari: coniectabitur sacerdotem aliquem illius diui, aut etiam D. Stephani (adeò somnia idem referre abhorrent, vt semper fermè & in substantiis & affectibus simile pro simili ostendant) infamiā eum aspersurum.

## CAPVT XIX.

*De demonibus & heroibus.*

**D**æmones pro cacodæmonibus intelligere oportet. Significant autem fures, hostes: & si propitij videantur, diuitias. Sed nudi, infelicitatem. Sæpe nostrum genium vnus refert: ideoque tristis aut malè affectus, malum portendit: lætus autem, bonam fortunam: cum dæmonibus pugnare, magnas animi perturbationes declarat. Dæmones, satellites & lictores ostendunt. In propria forma si videris, vera illorum responsa resse credas:



credas : secus autem , falsa. Dæmones etiam affectus nostros significant , & prauos dominos. Iuxta verò legem nostram , & verè , dæmones sunt dii maiorum nostrorum : atque idè Æsculapium iratum aut tristem , aut abeuntem videre , est infirmari : infirmo autem mortem denunciat. Neptunus & Thetis , naufragium : Mercurius , omnia infelici cum successu : Saturnus vincula : Mars eadem : Iupiter iudicium publicum quo damnaberis : Minerva infelicitatem , & ignorantiam , frustrationemque laboris in discendo. Vulcanus periculum per ignem , & labores , & membri alicuius læsionem aut priuationem : Momus , irrisiōem : Hercules paupertatem , ærumnas , insaniam , voluntariam mortem. Bacchus temulentiam , irrisiōem , & damna à mulieribus. Orpheus mortem vxoris , odium mulierum propter amorem puerorum. Apollo mortem , & indignationem , tristitiamque. Malis præterea dæmones fausti vtiliores sunt , quàm bonis : infensi verò malis plus nocent , quàm bonis. Dæ minora bona ac mala decernunt. Dæmones videre pugnautes , potentium virorum & malorum contentiones significabit.

Heroës maiora significant , & meliora , quàm dæmones , & ad virtutes magis hortantur : & in pugna & lite meliores sunt , ac magis fausti , quàm dæmones : in reuelando verò secreta , inutiles sunt : irati magis nocent. Hoc ex numero sunt , Achilles , Hector , Ajax , Orlandus , Rinaldus , & quicquid supra humanas vires fabulosa celebrat antiquitas. Quo in genere etiam sunt gigantes , Alexander , Mithridates. Heroum significata clariora sunt quàm dæmonum , propter illorum exitus cognitos. Sunt etiam inter hos , reges : vt Alexander Magnus , & Carolus Magnus , & Cæsar dictator atque Augustus. Iuxta verò exitum illorum & vitam , quod ad negotium attinet , iudicabis. Et heroës malè induti , & minantes , significant latrones.

Statuas verò & imagines eodem modo vt in diuis accipies : bonas atque felices , bonorum atque feliciū : contrariorum , sub contrario significato.

## C A P V T XX.

*De sedibus beatis , campis Elysiis , Tartaro & pœna temporaria.*

**P**aradisus significat sapientiam , dignitatem , pietatem , honestam voluptatem. Dignitatem quidem : quoniam qui ibi sunt , ab hominibus coluntur : voluptatem : quoniam ibi sunt felices. Sapientiam : quia quæ ibi sunt , ea dignoscuntur non sensibus. Eò demitti quenquam in terras , siquidem liber fuerit , optimum regem : sin autem catenatus , felicissimum , sed crudelem significat tyrannum. Ibidem quoque esse , in collegium sacerdotum ascisci prænunciat.

Ex tartaro aliquem ascendere cum gladio , vel insulis , aut magistratus insignibus , vel cum gladio nudo , vel à Plutonis sede , est ty-

rannum oriturum crudelem , qui tamen infelicem habebit exitum. Tartara significant mœrorem , confusionem & turbationem , sic & temperariam pœnam. Idem & Elysijs campi : sed pœnam non significant , nec mœrorem , aut saltem non magnum. Viuere in huiusmodi locis , est flagitiosam vitam ducere : cruciari in illis , est detegi in flagitio. Spectare solum , significat tristitiam. Ad inferos descendere , nec reuerti , proximum idolo est : aut enim morietur , aut in carcerem perpetuum trudetur : atque in hoc genere sunt triformes , vel omni ex fortuna concidet : vel tam longam suscipiet peregrinationem , vt nomen eius non audiat. Si verò redeat , negotiosis malum est : nam inferis nullum est negotium. Bonum autem est latere volentibus : locus enim talis est : curiosis , arcana enim detegit : thesauros etiam quandoque promittit. Bonum est & timentibus : inferi enim timoris sunt expertes : & mœrentibus : sunt enim etiam sine cura : aliis verò morbos longos , peregrinationes , carcerem , turbationes , oppressiones , molestias graues. Significat & superstitiosam vitam , inanem inquisitionem rerum , quæ sine fructu sunt. Si certo loco Tartara videntur esse , ibi tu vel tui affligentur , aut flagitia admittent. Loca obscura ac tenebrosa , mala omnibus , nisi his qui latere omnino volunt : nam cæteris negotia nunquam finem habitura , cum tristitia & errore ac desperatione , significant. Tartara iudicibus iniustas sententias , mulieribus adulterium præfagiunt : atque hæc omnia generalia sunt.

## C A P V T XXI.

*De mortuis.*

**M**ortui personas nostras significare non possunt , vt reliqua quæ sunt propria : non enim sunt : nec res publicas , nisi quatenus sunt partes ciuitatis : relinquitur igitur , vt affectus solos decernant. Sunt autem trium generum : aut mortui verè , aut viuentes , aut mortui qui viuere videntur. Et horum quidam sunt soli , quidam plures : & quidam noti , & quidam ignoti : & quidam qui reuiuiscere videntur , & quidam mori , & quidam rursus mori. De verè ergo mortuis ita censendum est.

Si quis vocari se à mortuo , cuius vocem agnoscit , audiat , nec illum videat , morietur. Mortuus enim verè , seu sciat mortuum esse , seu non , mortem repræsentat. Si tamen prænomen solum audiat , notus pro dormiente subiici poterit : quod tamen rarè accidit. Tribus in casibus mortui mortem præfagiunt : si vocent , cognoscaturque vox , nec videatur qui vocat : quoniam non vocat nisi vt ad illum accedas , non vt colloquatur tecum : nec potes nisi moriendo ad mortuum accedere. Secundus est , eum is cum illo in locum occultum seu ignotum , nec reuerteris : quomodo enim cum mortuo manere potes , nisi moriaris ? Tertius modus est , cum aliquid illi deperis ,



deris: neque enim mortuo quicquā dare possumus, nisi vitam. In primo casu etiam continetur, si infideas equo cum mortuo, vel duobus equis albis, & curras cum eo, vel etiam solum eas in partes ignotas. Et si vocanti, pollicearis iturum. In secundo casu, maius erit si te ducat manu, & in locum tenebrosum. In tertio casu, si ille tibi eripiat, & non des: & eripiat cibum aut vestem, omnia hæc morbos & mortem prænunciant: sed si deficiat aliquid, significant morbos eò usque ut deploratus præter spem conualescas. Et si sint mortui violenta morte, mortem eiusdem generis significabunt. Lethale etiam est, si argentum vel gemmam auferat mortuus: sed gemma ad filium vel uxorem potius pertinet. Si dederint aliquid, bonum est: luctum enim omne fermè ex mortuis, propriè autem ex fundis illud significant. Si nihil egerint, talis erit fortuna tua, qualis illius animus & facta dum viveret erga te. Si mortuo sociatus fueris, pedes ponendo in illius vestigiis, vel illum insectatus es: vel insectaberis (hoc enim est ex proprietate verbi) vel vitam illius imitaberis. Mortui verè, si reuiuiscere videantur, desperata res in spem redibit, aut homo in melius vitam commutabit. Sed si iterum mori videantur, redibunt eadem ad idem, nec amplius mutabuntur, vel tibi similis morietur. Si mortuus vestes tuas accipiat, & induat illas, inde exuat, morieris: nam idem cum solitus sis facere, & in eisdem quod ille fecit, morieris & tu sicut ille. Vel dic aliud: induisti corpus ut ille, & exues ut ille: idè morieris. Si mortuum tanges, infirmaberis: quoniam qui mortem tangit, est infirmus: vel quia timorem mortis habebis: mortuus enim, ut dixi, mortem significat. Vives tamen diu: quoniam euasisti. Si mortuus tibi notus verbis blandiatur, aut maledicat, talis eris tu factis erga suos necessarios vel coniunctos. Si ignotus, rem facies pro qua letaberis, aut pœnitebit. Mortuis dicata nec dare, etiam accipere bonum est: non enim id fiet sine proprio vitæ periculo. Similiter nec degustare quicquam in mortuorum cœnis, aut eorum quæ pro illorum anima dantur: illa enim mortem, hæc mortem aut extremam significant paupertatem: damus enim talia mendicis. Si mortui corpus in locum detuleris incognitum, infirmaberis: si non reuertaris, morieris. Qui à mortuo noto per vim trahitur ad locum incognitum, morbo violento corripietur: quod si superabitur, morietur: si se retrahat, iam deploratus euadet. Qui mortuum dormientem videt, morietur miti morte. Qui à mortuo aliquid petit, à superiore affligetur. Qui mortuum dolore aliqua in parte sui corporis videt, aliquis per illam partem significatus malè afficietur, aut peccabit, aut ipsemet ægotans in eadem parte corporis morbum patietur, aut eadem parte peccabis. Semper melius est videre amicos mortuos, quàm inimicos: nam & bona significabunt, aut mitiora mala: unde parentes videre, minus malum est omnibus aliis mortuis, si mortui verè sint. Qui mortuum videt tristem, deformem, pannisque laceris, sibi caueat ab infortunio: nam

si notus est, dolet de tua calamitate futura: si ignotus, hæc deformitas & squalor in personam tuam recidet. Si mortui aliquo in loco resurgere videantur, somnians vel aliquis è suis in loco eodem patrauit flagitium, aut patrabit: ex quo à superioribus punietur, aut renunciabitur contrario affectu, què sensit ex ea resurrectione, quandoque tamen non designat locum, sed solum euentum. Et nonnunquam difficile negotium significat: & si iam fuerit tale negotium, finem sortietur. Semper autem mortuorum resurrectio insperata prædicit. Significat & casum ex firma spe: est enim & hoc admirabile, victos liberat: & qui extra periculum esse videntur, supplicio afficit: hoc tamen rarum. Si qui resurgit, notus est: somnians nunquam dum viuet, eo voto potietur: nemo enim dum viuit, sperare potest videre mortuum resurgentem. Quod si sperat, sperat in fine temporum: mors autem vnicuique aduenit in fine temporum: ideo non licebit vnquam sperare: & cum sperabit, sciat, se ex eo somnio esse morti proximum. Mortuorum qualiscunque resurrectio, & præsertim generalis, confusionem maximam declarat: quæ enim futura esset conturbatio in mundo, si mortui resurgerent, vnoquoque sua repetente?

Interest hoc inter mortuos, qui mortui esse videntur, & qui viuere, quod qui mortui esse videntur, veriora significant, & maiore cum periculo ac mentis perturbatione, ob timorem. Si ægro videatur, vel alicui è suis de illo, iungi cum mortuo, vel cum illo concumbere videatur etiam mortuus, morietur ex morbo magno & manifesto, sine spe salutis: & si viuere videatur, morietur nihilominus, sed cum spe salutis, ex morbo qui magnus non videbitur: si autem cum viuente, quem mortuum esse existimet, præter spem euadet. Mortui etiam sub viuentium specie, dolos, & homines improbos pro bonis habitos ostendunt: ut mortui autem, palam improbos.

Viuu sub mortuorum specie, vitam flagitiosam significant: talisque eris tu, si tibi mortuus esse videaris: vel latebis, aut phratrui ingredieris. Significat & exilium, & connubium. Mortuus si iaceas inter mortuos, cum facinorosis hominibus vitam duces: si viuus inter mortuos, inter tales habitabis, sed non coinquinaberis. Si qui viuunt, mortui videantur, & cogniti, desinent te amare vel odisse: sin autem incogniti, à pluribus decipieris & in vanum implorabis auxilium. Funus tuum celebrari, magnum honorem significat: sed si resurgat, antequam efferaris, illud excides præter spem: si postquam elatus, eris is honor etiam cum magna admiratione. Si in sepulchrum mortuus condi videaris, propter malè facta in carcerem truderis, aut infamiâ graui aspergeris: si viuus: iniuste.



## CAPVT XXII.

*De cælo, sole, luna stellis.*

**C**œlum significat, eam sit pars communis, quicquid nos ambit: patriam ergo, regionem & fortunam. Sol autem, præsidem provinciam, & senatus etiam, & prætorem, propter autoritatem necis: luna fortunam, & sortem, & iudices qui de fortunis iudicant, & uxorem præsidis. Stellæ autem, omnes congregationes & collegia ciuitatis: & sacerdotum etiam. Inerrantes etiam populum significant: unde casus stellarum in mare, populi ruinam prædicit, Stellas transferre, potentiam & autoritatem apud populum declarat. Oportet etiam in stellis figuras considerare: canis enim, iram populi: corona, honores ab illo delatos: Andromeda, vincula: atque ita de auriga, leone, Perseo serpente, atque aliis. Planetæ etiam significant senatores & iudices: quia sol præsidem & prætorem significare potest. Stellæ autem lucidiores, tibi vel aliis fortunam splendidiorum significant. Luna quoque senatorem significat. Cœlum astraque omnia si tecum loqui videantur, magnos effectus portendunt, & plerumque calamitosos: & si te verberent, occident: magnitudo enim eorum ac robur mortalitati comparata, sunt sine proportionem. Si sol sanguineus domui tuæ imminet, à præside provinciam vel senatus vel rege damnabitur aliquis è domo tua, capitali iudicio: & si niger fuerit, erit cum hoc exitium ille domui aut familiæ. Et si stella cadat in domum tuam quasi ignis, & extingatur, iudicio affligèris. Et si quis è domo tua ascendat in cœlum, & in solem vel astrum conuertatur, fiet aliquis è tuis sanator aut prætor, aut in iudicem eligetur. Sol purus ex oriente surgens gloriam laboresque & principum acta significat, recta tamen & firma: cursus enim secundum naturam est. Turbidus & obscurus semper malus. Ex occidente si surgat, inanes spes, dolos, metus res non firmas portendit. Miseris tamen utilis est, & his maxime quorum salus desperata est: occulta tamen reuelat. Occidere Solem ex orientis parte, omnibus ex æquo malum est, quod ad negotium attinet: id tamen malum quandoque tibi auxilio esse poterit. Sol obscurus, latere volentibus bonus, similiter & timentibus: minus enim exurit: cæteris malus. Et cruentus omnibus possimus, nisi si quis vindictam expectat. Si evanescat, mortem denunciat, vel cæcitatem: hi enim solem videre non possunt. Si à meridie vel à septentrione oriatur, medius est inter orientem & occidentem. In cubile incumbens, orbis aliquando filios promittit: est enim autor omnium: aliis filiorum interitum, diuitias, morbos, prout affectus fuerit, decernit. Solem in domo videre, aut incendium, aut magnum malum, aut filium regem futurum demonstrat. Solem dare aliquid, periculum nunciat: auferre, perniciem. Splendor Solis in domo, rem bonam, non magnam significat: est enim res consue-

ta. Cum sole colloqui idem est ac si cum rege. Imaginem in sole vel luna videre, est filium, si pater sit, aut filiam, si mater, nascituram: nam verum speculum est sol & luna: & imago patris filius, & matris filia. Stellæ significant etiam stirpem venturam, quod pars earum videatur, magna pars lateat. Stellas furari, studiosis bonum est: secreta enim magna inuenient: cæteris sacrilegium & pœnas minatur: diuinæ enim sunt stellæ. Stellæ sub tecto mortem domini nunciant, aut domus desolationem. In vniuersum, vbi senatus decernit, sol significat aut regem, aut præsidem provinciam aut senatus: luna verò, si rex adsit, præsidem provinciam, vel prætorem, vel senatorem: vbi verò prætor decernit, sol prætorem, luna iudicem refert. Et ita erronei, senatores si rex non adsit: si adsit, aulicos repræsentant. Stella in sepulchrum cadens, interitum illustis viri significat. Si in caput alicuius ceciderit, populus de illo magna loquetur.

In cælo esse puro, arcanorum significat scientiam. At illud ascendere difficultates & mœrores: est enim res laboriosa, & plena periculi. Et quanto altius ascenderit, eo deterius. Domum in cælo habere, lethiferum est: nisi quis sæpe somniauerit: tunc enim illustribus factis celebrabitur. In aemum verti, & ad cœlum ascendere, est ad reipublicæ administrationem admitti. Cum aue loqui, quæ ex cælo venerit, est supplicationes tuas esse exauditas: huiusmodi enim viuis loco nunciorum sunt.

## CAPVT XXIII.

*De Aere, ventis, mete, cometa, pareliis, inani, nebulis.*

**A**ër insensibilis est, communis, ac permanens: ventus sensibilis, sed non manens, substantia tamen. Iris & reliqua communia & sensibilia, sed quæ non manent, nec sunt substantiæ. Aër si videatur, incredibilia significat. Aër significat cor & pectus: quoniam eo talia aluntur, & quoniam perpetuo mouentur. Aër religionem significat, diuinus enim est, & perspicuus, nec videtur. Aër quoque viram significat: eo enim ad illam semper egemus. Contritum aërem & nubilosum videre, est in religione turbas aut morbos cieri: clarus aër omnia perspicua & tuta, ac sine dolo significat. Aër turbidus, metum, & actionum impedimenta: obscurus autem, actionibus prorsus aduersatur, metusque ac terrores parit.

Venti significant seditiones, bella, ruinam populorum, & potentium nuncios. Si euertunt arbores, proceres euertentur: si herbæ, populus: si arces, reges: si domus, nobiles: si templa, sacerdotes. Si puluerem aduehant, contristabitur: si æstus, anxietatem: si frigus, inopiam. Si placida aura, nuncijs adueniet bonus. Si vento feratur, peregrinabitur ad eandem partem, pro ratione velocitatis eius & temporis quo ferri videbitur, & pro



pro qualitate itineris & affectus animi : per segetes, nec proterens, nec excutens, abundantiam : si dispergit aut proterit, annonæ caritatem : si contra te, impedimenta : si euntem te quasi adiuvet, felicem successum : si pulverem ubique spargat & aduehat, obtenebretque visum, pestem : si adedò terribilis si vt vix consistere queas, persecutionem maximam patieris.

Iris significat quid diuinum, ob colores & formam, & mutationem fortunæ speciosa magis quam vtilia, & delectationem absque fructu. Vtilior à dextra tua, ac solis contrà deterior. Aversa autem supra caput, infratendentibus cuspidibus est. Iris quoque principes ostendit fœminas : rotunda, regnum nouum, sed non diuturnum : nigra, magnas calamitates & strages.

Pareliæ significant fœminas : id est, illarum affectiones & causas : neque enim, vt dixi, quidquam de his quæ ad te : speciosa, sed non vtilia, nec cum vitæ periculo : significant & res magis insuetas : & propriè hæ & irides peregrinas res & causas significant.

Cometes significat metus, stupores, facta regum, publicas mutationes, & à publicis vexationes. Significat autem pericula & damna ab externo homine, & nouo magistratu, & nouum hæresarcham.

Inane autem & vorago in cœlo, significat mala in religione, & metus magnos videnti : & atram bilem, ac malas cogitationes.

Nebulæ albæ : felicitatem, itinera læta, famam : fulvæ, turbationes : caliginosæ, anxietates & itinera decernunt, nigra & obscuræ, timores aut tempestates. Domum aut sedem in nubibus habere, est vana spe & lætitiâ gaudere, aut mortem proximam esse. Sed si ibi sit, aut gloriosam vitam, si talis sit : aut vanam iactantiam & existimationem prædicat.

#### CAPVT XXIV.

*De aqua, mari, lacubus, paludibus, stagnis, fluminibus, fontibus, riuis, piscinis, puteis, cisternis, pluuiâ.*

**F**lumina significant decursum vitæ nostræ similem illis. Et idedò bibere totum flumen, mortem proximam indicat. Studiosi tamen, sapientiam propè diuinam. Quale flumen, talis vita, aut sapientia. In flumine esse, nec posse exire, maxima mala & oppressiones, præferim à potentibus viris, decernit. Si flumen diruat domum, aut rapiat prædium, potens vir familiam aut bona illius persum dabit. Flumen è domo diuitis exiens, potestatem in populo significat : pauperis, vxorem aut filiam prostituendam. Lacus idem quod flumina significant, sed sine impetu : nec ergo vitam adedò inconstantem, nec potentium injuriam, sed maiora damna etiam in vita. Significant etiam vberem sapientiam. Et piscositas esse aquas, bonum omnibus est, & malum auerruncat.

Pluuiâ cuius aqua clara est, portendit fe-

licitatem : & si bibatur, sanitatem : turbida autem, molestias : & si bibatur, morbum : à cœlo enim descendere videtur, à quo mala & bona nobis adueniunt. Pluuiâ etiam mutationem fortunæ significat, calamitositas bona, beatitudinem. Significat & pluuiâ gratiam à Deo. Pluuiâ in domo cum extra serenum tempus extiterit, speratis contrarios prædicat euentus.

Cisterna, quod defecatum ferat aquam, & homini salutarem, bonum omen est. Estque velut morbosus hominibus salubris : ita calamitositas auxilium quoddam familiare prænunciat : & fortunæ mutationem præsidio humano, & consilio bono. Quod si corrupta sit, omnia cadent in contrarium. Cisternam expurgare, est ab antiquo errore resipiscere ac liberari. Significat & delicias, ac securitatem, defossasque pecunias.

Torrentes, prauos & violentos significant iudices, & inclementes etiam dominos : sed illos, quia parum durant : hos, qui finem tamen breui habituri sint. Malum est videre torrentes : quia periculum & timorem ostendunt : sed si aliquid diruant, damna. Differunt torrentes à fluminibus, quod torrentes nunquam bonum significant, & eorum iactura spem habet reparationis : contraria in fluminibus.

Aquæ omne genus, secundum naturam bonum : si exsiccecur locus vnde manare videbatur, inopiam ostendit, & infelicitates. Aqua turbida in domum tuam fluens, incendium prædicat : clara, hominis potentis aduentum. Aqua è muris domus erumpens, molestiam atque tristitiam significat : quod si in vase colligatur, molestia illa maior erit. Sed si siccecur effluxus ille aquæ, à molestia euadet. Quod si per canalem aqua defluat in domum, diuitias acquireret vnde non sperabat. Si aqua clara in domum influat, diuitias etiam portendit : si utroque modo. id est per canalem, & clara, maiores diuitias. Aquam in cribro ferre, est pecuniam credere viro infido. Et si effundatur, amittet illam, Aquam ex vrceo fracto non effundi, mortem matris significat : mater enim senex est, & vrceus pertusus. Si verò ex vrceo integro effundatur, contraria ratione sequetur mors filii. In aqua suam imaginem videre, breuem ostendit vitam : instabilis enim est aqua. Sed si aquam inuenerit, fortunabitur.

Riuuli, gratiam, lætas occasiones, lucra hi enim hæc omnia præstare solet.

Paludes, impedimenta & moras, & peregrinantibus pericula, exilibus longum exilium. Stagna turbida, pericula occulta portendunt : clara, vitam segnem & voluptates : neque enim loco mouentur.

Piscina sine piscibus, defectum rerum, quas possidere se arbitratur, significat : cum piscibus autem, prouentum abundantiam.

Mare, religionem, reges & populos : quale tibi videbitur, tales erunt, seu tranquillum seu agitatum. Mari si mergaris : cum meretrice iungèris : mare enim multa monstrat. Maris imago malum genium, proprium & inenitabile exitium ostendit : est enim ad-

uersum



uersum hominibus, periculis, terroribus ac tempestatibus plenum. Mare videre leuiter vndosum & purpureum, bonum est: tempestuosum enim metus, pericula, damnaque significat: tranquillum autem, negotiationes impedit. Mare significat crura, brachia, humores.

Puteus, diuitias significat: sed si aqua turbida sit, molestias. Si siccatus fuerit, ruinam somniantis, atque totius domus prædicit. Puteum in agro fodere, nec aquam inuenire, cum malis versabitur, & poenas dabit: sed si aquam inuenerit, fortunabitur.

Aqua si terram obruat, fiatque quem vocant cataclysmum, bella significat: sed si omnino tota terra tecta aquis videatur, hæresis spargetur, aut morbus vulgaris, luesque per vniuersum orbem: ex quorum altero cædes & bella vndique & inopia frugum erit. Si autem priuatum somnium, eadem ex illo.

## C A P V T XXV.

### *De igne, fulgure, & tonitru.*

**I**gnis supra caput, qui te lædat, exitium proximum significat: sed si flamma sit nec lædat, gloriam non mediocrem. Fornax flagrans, significat peregrinationem. Si domus tota conflagrasse videatur, inde ruderia frigent, iam proxima est miseria & egestas: sed si pulchrior ex ædificato rursus videatur, nec id omnino bonum est: fieri enim potest ut opes tuæ in alium transeant, qui eis melius vtatur. Si in domo tua magnus sit accensus ignis, in magno versaris periculo: insignis enim diu differre suum opus non potest. Itaque iacturam etiam significat. Verum si mediocris sit flamma, splendidaque, honorem & latiam. Ignis fortuiti bella, sterilitatem, terrores, dolores animi intolerabiles, seditiones etiam & tumultus, qua parte euenerint. Si autem in caput decident, supplicium somnianti, vel illius patri vel filio significant. Ignis domesticus, & quæcunque ex illo, bona, si ritè splendeant: velut candelæ, lucernæ, lampades, facies. Morientia & extincta, mortem prædicunt. Differt actus à perfecta re: quoddam hæc omnino venturum significant, & minorem animi molestiam: actus autem, maximos æstus animi: & forsan effectus non sequetur. Facies ardentes hoc habent præcipuum, quoddam amorem significant. Ignem magnum & odoratum adorare, si princeps sit, victoriæ signum: si malè olentem, cladem in priuato: ex hoc succumbet, ex illo exaltabitur. Candela vna accensa iuxta, aut duæ, vna à capite altera à pedibus, exitium proximum significant: & similiter, si plures in corte vel templo: si in templo etiam ad coniunctos transferri potest: candelæ accensæ plures cum risu, mortem vxoris, & alterius nuptias significant: candelæ accensæ circa triclinium, ludos & gaudia significant: candelæ extinctæ, & lampades, ac lucernæ seu extinctæ seu accensæ, luctus, moerore tristitiamque prænunciant:

lucernæ etiam diuiti paupertatem præagiunt: focus extinctus exiliū, aut paupertatē declarat.

Fulgura & tonitrua, mutationem status significant. Tonitruum est edictum principis graue: terret enim populos: fulgura sine tonitru, inanes metus significant. Fulmina quæ aliquid diruunt, euerfionem domus significant, & autoritatis: si flammam accendant, gloriam: quoniam à Ioue creduntur emitti. Sed si vtrumque videatur, erit gloria luctuosa. Si propè cadant, discessum ex illo loco portendunt: si ante pedes, mortem: progredi enim antea amplius non posse significant. Si super pedes, pauperes illustrat, diuites destruit: filios habentibus, mortem illorum minatur, & forsan orbitatem: exarescunt enim germina plantarum fulmine percussarum. Et generaliter, ictus fulminis mutationem status ostendit. Sed deterius est totum ici, aut iacentem. Ferri fulmine lectum, annulum, oculum, aut eiusmodi, mortem significari per illa significat: ut filij, vel vxoris. Fulgur cum tonitru, iram principis, edictum & iacturam ab illo significat. Sedentem in regia sede, aut in magistratu quem non geris, auspiciatum est: sed si gerat, priuabitur illo magna vi. Tonitrua pugnantia, verbosas contentiones significant. Si tamen fulgura non desint, populi aut reges magnis contentionibus bella gerent.

## C A P V T XXVI.

### *De niue, grandine, pruina & glacie.*

**G**randines significant ruinam, bella & damna certa. Si cadant, maiora damna in hominibus & quadrupedibus: si ceciderint, iuxta damni qualitatem in prouentu iudicabis.

Nix pauca, abundantiam: multa autem, turbationes, metus, & inimicos, velut & tempestates. Indigentiam quoque significat. Extra hyemem, impedimenta & inopiam: sed si tempus non hyemis videatur, erit cum spe & breue damnum.

Pruina, paupertatem & impedimenta, & frugum ac fructuum damna significat: & magis quàm nix, eisdemque rationibus: sed impedimenta minora, damna maiora.

Tempestates significant negotia multa & vitâ laboriosâ, & metus magnos: iuxta ea quæ illis iunguntur, fulgura, tonitrua, grandines.

Glacies inopiam magnam, & tristitiam ac dolores: nam & glacies vulnerat, & tangendo lædit hominem. Significat etiam gemitus & lachrymas. At forsan de his atque huiusmodi iure dubitabis, quomodo hoc ad publicum pertinere possit: semper enim calamitates contingerent. At de his in capite de Dignitate loquemur: nunc ita satis sit distinguere. Quæcunque videntur à somniantē, ad illum pertinent: ad publicum pertinere non possunt, nisi talia sint ut ad illum nequeant pertinere, nisi superueniente publica calamitate: neque id semper, sed in opulentis etiam propria damna significat.

## C A P V T



CAPVT XXVII.

*De terra, & terra motu.*

**T**erra significat viscera : quia ex his trahitur alimentum. Et matrem & patriam : est enim mater omnium, & educatrix, & rursus patria communis. Cum terra loqui, longam vitam significat : quæcumque autem audieris, vera esse existimato. Opes autem ingentes hoc somnium pollicetur : quoddam terra sint omnes opes. Ob id Pluto fingitur diuitiarum Deus.

Terra trifariam tibi offerri potest : vel ut moles tota, vel ut Deus, vel ut pars : ut tota quidem rectè significat, propter ea quæ dicta sunt : ut verò pars aliqua ad eam regionem pertinet : unde sepulchrum ibi aut moram in illo loco significat. Ut Deus autem, etiam fortunata est. Magnum est omne somnium terræ, quod cum voce coniunctum est : quoniam admirationem ingentem parit : admiratio, veritatis somnij indicium est : vox est visceribus terræ, ad mortem vel ad luctum vel diuitias pertinet.

Terræ motus, principis edictum significat. Differt à tonitru : quoniam terræmotus est cum iactura tributis & vectigalibus : tonitru est minax, sed non cum iactura subditorum. Tremere terram, infelicitatis, suspicionis, atque timoris signum est. Mugire terram, ostentum & malum est, calamitatemque nunciat. Quoddam si in domo tua solum audiatur, deterius est. Significat & hoc principis aut senatus edictum in te. Terra si bene oleat, fama bona de te passim spargetur. Terra si fœceat vermibus, animalibus, germinetve herbas noxias, omnia iuxta rationem eorum sunt interpretanda. Si terra in cœlo esse videatur, ad publicumque pertinere possit, iustus princeps demonstrabitur : si autem priuatæ conditionis homo videat, ius consequetur unde non sperabat, aut ipse impius erit. Terra si diuidatur, fiatque barathrum seu specus ingens, significat mortem potentis viri, & pestem animalium : & si valde magnum fuerit, erit pernicies regioni. Et in hoc casu sufficit minimum indicium, ut ad Remp. pertineat. Terra si colorem mutet, ad caput de coloribus deuenies. Si sapes in terra percipias, si quidem alienos & malos, mali homines & morbi erunt : si autem boni, boni : sed si eduliorum, aut illius edulij abundantiam, quasi repleta terra, & si dum floret, significabit : aut maximam penuriam, cum post, alterutrum verò, nondum apparente villo signo.

CAPVT XXVIII.

*De montibus, collibus, vallibus, pratis, campis, nemoribus, desertis.*

**M**ontes significant viros potentes, negotia ardua : sed & miseram vitam, quam  
Tom. V.

uis securam. Si arenosus sit, aut niueus, potestatem magnam prælagit, quæ breui in nihilum deducetur. Montes etiam reges si magni sint, & populos si alti sint, potentes : si humiles, minus, decernunt : semper autem metus & labores, & ob altitudinem & lapides ex quibus constant, & latronum insidias. Montem nouiter oriri, significat virum potentem & grauem reipublicæ oriturum. Montes si pugnent, pugnabunt duo viri potentes : iactura autem, iuxta rationem eorum quæ perire videntur. Si magna animalia peribunt, patricij : si parua, populi : si fruges & fructus agri, ipsi & domus euertentur.

Colles eadem significant quæ montes, sed minora & molliora : quoniam plerumque terrei sunt. Significant & amœnas negotiationes, si vireant plantis. Et vitam inæqualem prædicunt. Omnia præterea talia quæ amœnitatem referunt, ut colles, saltus, vireta, horti, fluij, fontes, palatia, operationes bonas referunt : translatis ex passionibus, & sunt bene affici ac lætari ad bene agere, vitamque secundum virtutem.

Valles significant dolos, deceptiones, oppressiones : quoniam à montibus circumdantur : & propriè populos : qualis vallis, talis populus. Significant & colonos in domo.

Prata significant voluptates, delicias, gratiam, iucunditatem felicem vitam.

Campi significant opulentiam, & homines diuites : in his autem oportet, ut in prioribus, obseruare tempora : nam si floreat prata, optimum est : sin autem herba alta & densa, vtilitatem cum minore voluptate : sed si squalida & arida sit, infortunia & calamitates : ita & campi, si cum aristis fuerint, nihil melius : abundantiam enim omnium necessariorum significant : sin autem non adsint aristæ, sed sola seges, erunt hæc minora, & serò contingunt : si deserti & squalidi, omnia in quibus spes erat, euertentur. Similiter valles floridæ & amœnæ cum riuis & fontibus, gratiam cum populo, omniaque secunda & læta promittunt. Idem dico de collibus ac montibus. Hæc intersunt inter montes & colles ac valles tum campos ac prata, quoddam quæcumque per se bona sunt, si rectè se habeant, perfectam felicitatem declarant : si peruersæ, perfectam infelicitatem. Sed quæ per se bona non sunt, si bona sint, minorem declarant felicitatem : si mala, minorem etiam infelicitatem, veluti montes aridi, ac colles. Rursus media, ut valles, & etiam nemora, medio modo se habent inter optima pessimaque. Verum si contingat quæ mala sunt aduersari, tunc deteriora sunt quàm bona : velut casus montis, vel è monte, maiorem ruinam significat, quàm campi aut prati ruina, vel si videatur aduersum te surgere. Seges quoque in melius mutata : ut si aurea sit, vel prati herba, & generaliter quicquid demeti solet, optima est : & si contrà vertatur in serpentes vel herbas prauas, aut spicula, vel in stipulas, mala significant : primum quidem inimicos loco auxiliatorum, & perniciosos significant : secundum, impedimenta : tertium contentiones, rixas, dolores : quartum, inopiam.

Nemora & sylvæ significant labores, propter



pter itinerum difficultates, & excisionem lignorum: timores, ob latronum suspicionem & obscuritatem: fugam, quoniam latebras præbent: lucrum laboriosum, propter venationes, & lignorum collectionem, insidias, ob facilitatem, & loci qualitatem: viros nobiles, propter magnitudinem arborum, agrestes etiam & rusticos, propter naturam loci. Commune præterea est campis & agris, vineis, lucis, sylvis, significare artem lucrosam, amicum utilem, & piscinas, è quibus non levis utilitas habeatur. Constitutum omne in sterilitatis tempore videre, ubertatem prouentuum significat: tempore autem abundantiae, sterilitatem & penuriam eorundem.

Solitudo significat paupertatem, vitam miseram & periculosa, exilium graue, & etiam mortem: & solitudo omnibus mala est, quoniam humana naturæ aduersatur solum: bona est timentibus ab inimicis: ibi enim non adeo periculum imminet. Bona est etiam studiosis: quoniam est iuxta illorum finem. Et solitudo pauperibus miseriam significat, diuitibus deferi ab amicis: uxorem habenti, & filios, illorum mortem. Oportet autem in ea diligenter considerare hominis statum, & solitudinis qualitatem: nam si omnino squalida sit & ficca, pessima est: sin autem fontes adsint, & herbae desint, tamen animalia & homines, studium literarum & contemplationem prædicat: si homines non adsint, animalia tamen adsint mansueta, & qualia cerui, capreoli, otium & vitam tranquillam significat. Sin domestica animalia, & quæ loquantur, aut lemures, vitam monasticam. Sin leones atque serpentes ac huiusmodi ferae, fiet latro. Considerare etiam oportet animi affectum: nam si tristatur, desertum iri ab omnibus significat: si cum voluptate ibi degit, ipse sponte à negotiis se abdicabit. Omne solitudinis genus ægro & victo pro crimine capitali mortem prædicat. Sed qualis solitudo, talis mors: levis, acerbæ. Solitudo in qua fit domuncula, etiam mortem prædicat: sed si vnus adsit socius aut puer, studia literaria significat. Puer quid significet, suo loco dicitur: sed in solitudine quicumque fuerit, Genius tuus est: is si puer est, iucundam vitam, sed sine autoritate & lucro: si senex, cum autoritate, sed tristem ac lugubrem: si mulier, fortunam tuam: si passis crinibus, exitialis: si iuuenis pulcher, autoritatem & opes & voluptatem. Et solitudo mortis tempus significat: quoniam qui moritur, solus moritur, etiam si cum exercitu Xerxis vniuerso pereat.

## C A P V T XXIX.

*De gemmis, lapidibus, metallis, atque figuris.*

**L**apides iacti, iurgia significant: nam & offendunt, & in irritum cadunt, ut etiam iurgia. Lapidibus impeti, est malè audire, & infamiâ aspergi. Et iactus lapidum, peregrinationem significat. Dixit Artemidorus actum lapidum à turba solis tibicinibus, qui

ex populo quæstum faciunt, utilem esse. Sed si non iaciantur lapides, impedita & cogitationes prædicunt: illa quidem, quia ambulantes impedimentum afferunt: has, quoniam ad structuram sunt idonei: tale est fabulum, & calx, cementum etiam. Sed & sepulchrum nobile prædicunt. Et lapides magni referunt homines corde duos, crudeles, rusticos, ingratos, iuxta locum ubi visi fuerint.

Gemmae significant filios & filias propter charitatem: amasias, propter delectationem: libros, ob pulchritudinem: dies quoque felices. Albæ, delicias, iucunditatem diuinam, sapientiam, simplicitatem animi. Crystallus autem ob precium vile, libros raros & pulchros. Auræ, inuidiam cum honore, & æmulationem cum potentia. Rubræ, lucra periculosa aut cum sanguine: virides, spem, amicos, uxorem probam. Cæruleæ, studium, sapientiam, dignitates, Rubiginosæ, robur & mœrorem lætitiæ mistum. Nigræ, studium, lætam tristitiam velut hæreditatem: vinosæ, suauitatem & læticiam. Gemmae significant rara & insperata bona: significant & sapientes, probos ac innocentes: & propriè sacerdotes, sacerdotia, existimationem in religione, & cultum Dei. Significant & hilaritatem non solum ob naturam, sed vulgare, nomen: nam Gemmeum vocamus hominem, & gemmiscere (ut ita dicam) seu ut vulgari linguâ *Gioire*, lætari, iubilare, cum ornatu gratiaque eximia. Gemmae autem magni pretij, significant libros de rebus secretis, aut raros, aut non significant: & gemmae referunt sermones diuinos: Margaritæ verò etiam præter religionem, significant sapientiam: idè eas calcare, malum est. Et hyacinthus specialiter læticiam & fortitudinem significat: & sapphirus diuinitatem, & smaragdus abundantiam & opes, ob pretij magnitudinem: & quoniam plantas, è quibus omnia trahuntur, refert. Adamas, ob duriciem, victoriam: amethystus autè, tranquillitatem: carbunculus verò, honores, propter purpureum colorem. Et si frangantur talia, euerterentur.

Aurum significat timorem ob pretium: & insidias etiâ, & difficultates, ob pòdus & impedimenta, irâ etiâ & tristitiam, & honores.

Argentum verò eadem significat, & tumultus ob sonum: non est irâ & tristitiæ significatiuum, nec tam grauium impedimentorum qualium aurum, quia lenius: honores etiam minus prædicat: anxietatem & turbas multas: quoniam magnâ multitudine eius opus est ad negotia: omnia quæ aurum significat, per argentum etiam significantur, sed minora.

Plumbum significat impedimenta, onera, difficultates, labores, tristitiam, desperationem: album, morbos cum dolore, ob stridorem: nigrum, sine dolore & lethales. Inuidiam etiam prælagit.

Æs significat vulnera & verbera cum dolore: stridet enim ut plumbum album: & eo utebantur olim pro armis, loco chalybis. Sed & omnia emulgat: quoniam maximum edit sonum. Nummi zrei rimam aut litem ostendunt. Æs Cyprium, seu factitium seu

natiuum:



natum: quoniam melius sonat, & non adeo splendet, famam rei potius quam rem significat: idem tormenta bellica, nolas, valaque refert: dolum etiam magis quam as aliud significat: crudelitatem vero minus.

Ferrum comedere, est superare potentem, diu vivere, & esse robustum: Ferrum splendidum, significat alacritatem & fiduciam: rubiginosum vero, timorem & diffidentiam.

Argentum vitium significat morbos, proprie ab effectu, & maxime imbecillitatem: potentium promissa graua & fallacia: dolos & insidias, quia vile est, & argento assimilatur: & etiam quia illicitum, adulteratam pecuniam splendere facit. Et proprie proditorem suorum: corrumpit enim omnia metalla. Magnam etiam mutationem fortunæ ex leuissima causa: quia ruit.

Orichalcum, hominem inanem, deceptorum, vanum, ventosum: quoniam ipsum æmulatur aurum, ut plumbum album argentum. Fucum & dolum significat, sed maiorem quam plumbum album.

Sulphur infamiam magnam denotat: quoniam maxime foetet. Significat & homines foedos: quia illis pro cura est. Significat & causam rixæ & furoris: quia accendit ignem.

Auripigmentum significat fallacem: nihil enim ei commune cum nomine, id est, auro: tristitiam, labores, iram, ob colorem: perniciem & morbos: quia venenum est, ob colorem.

Cotricula, incitationis, adhortationis, lætitiæ, sine auxilio tamen, signum est. Lydius lapis exploratoris, & eius qui fraudes detegit. Lapis herculeus, amorem, stultitiam, vanas cogitationes, admirandos euentus, navigationem. Silex, hominem rudem, asperum, durum, incomptum: marmor, durum, inuidum, sed comptum. Gemmæ non pretiosæ, ut achates, carneoli, & similes, artifices significant satis iucundos, non tamen egregios, nisi picturâ insigni præditi sint. Coralius significat navigationem, aut conturbationem rerum tuarum. Lapilli diuersorum colorum, sed nullius pretij, significant promissa pulchra, spes inanes, homines populares & iucundos: verba grata, sine effectu aliquo.

Lapides præterea magnos cadentes videre è cælo, publicam significat calamitatem: sed si vnus tantum fuerit, erit calamitas quæ non multum durabit. Sed si cadendo lapis ille confringatur, viri potentis & prauis auctoritas confringetur. Sed si terra tota saxosa sit, erit penuria frugum, aut miles alienus opprimet habitatores.

Si gemmæ aut metalla incognita videantur proflare venalia, homines incogniti auctoritatem in populo habebunt. Sed si in domo tua tantum sint, seruius eiusmodi hominibus cum lucro, si acceperis: sine lucro, si solum tractaueris.

Sunt etiam spectandæ figuræ in gemmis, quæ apparent seu cælata seu sculptæ. Et cælata quidem significant occulta negotia, sculptæ autem manifesta: pictura autem, breuis temporis. Et si verba quidem aut literæ

Tom. V.

inscriptæ sint, erunt, ut suo loco dicemus, interpretanda. Sin vero figuræ, quæ quidem cælata contrario modo quam sculptæ, ut iacent. Est tertium genus discriminis inter cælatas & sculptas, quod illæ futurum semper, hæ factum iam ostendunt, & in literis ac dictionibus contrario modo sunt interpretandæ. Contrario quidem modo dico, si Roma scriptum sit, amor: quia amor aliquid significat: at si gaudium, quia muiduag nullum habet significatum, tristitiam interpretaberis, gaudio contrariam.

Ergo si sculptus sit geminus accipiter, nuptias significabit, miramque concordiam. Scarabeus sordidum, sterilem, puerorum amatorem, ab omni conuersatione abhorrentem. Cynocephalus, maledicum & iracundum: luna inuersa mensis spatium. Animi fortitudinem leo, tum robur: timorem autem lepus, & molitiam. Epistola, secretam: liber, rem antiquam: tonitru, quod sculpi non potest, somnus admittit, litem aut contentionem, vel reprehensionem procul venientem. Phoenix, rem fabulosam & admirandam, senem decrepitum iuuenemque ornatissimum demonstrat: significat & longam peregrinationem. Lingua exerta, male licentiam: excoriata, potum veneni. Ros eruditionem, cor amorem, canis fidem & societatem & custodiam, ignis rem in extremo positam, piscis excordem & malignum. hircus patientiam, musca importunum: ciconia amuletum, & temporis mutationem: araneus dolosum, mus furem, columba libidinosum, homo præciso capite desperationem negotij: serpens fraudulentum, malignum & impotentem: draco autem, crudelem & superbum: crocodilus exitium prauum, & raptorem, & multorum improborum filiorum patrem significat. Pudendum in manu, castitatem: fumus, ignem ac cæcitatem: index digitus, promissa iam: ceruus, longæuum, & mœchæ publicæ coniugem: noctua, mortem: hirundo, vitæ mutationem: & si tempesta est, tranquillitatem aëris. Turtur sola, cœlibem: cum socia, iniquam conditionem. Orcus, fiscum: mula, sterilem vel nothum. Olor, poetam, diuinum virum aut syncerum. Equus mortuus, extinctas vires, auctoritatem, facultatem: vespertilio, furem & insidiatorem, timidumque ac miserum refert. Cæcitatem talpa commonstrat: Fiber eum qui male vitit rebus suis: leo simiam deuorans, ægri salutem: simia, adulatorem, & artificem rectè imitantem: laqueus, occultum & ingens periculum: hominem improbum ni futurum innoxium, taurus suo genu vel columnæ alligatus: vrsa cum catulis, furiosum rabie: catuli autem deformes, homines significant: & si nuper nati videantur, rem in melius commutandam. Bonis moribus præditum elephas ostendit: pessimis, hyæna: potentem, sed imbellem ac fugacem, cerua: longam & extremam senectam, cornix moriens: Feles caudam mouens, (sed & hoc ex his quæ somnus præter fidem potest ostendere) proditorem: ceruus autem cum tibicine vel citharista, etiam exitialem significat, Pardalis, blandum & improbum, insidumque: excubantæ,



& de sui salute vel communi etiam sollicitum, grus vigilans: Venerem præposteram, perdicem bini: inopem senectam, avis quæcunque rapax cum rostro oblongo. Miluus, eum qui ætate deterior & infelicior euadit: gibbonum camelus, sagacem & imprudentem rana: ea etiam propriè podagram significat, & vocis raucedinem: omnium consuetudinem aspernantem, & nothos etiam, anguilla. Torpedo visa, pessimum est somnium in obeundis actionibus. Polypus, nemini parcentem, & voracem: idem etiam aliena, deine sua dissipantem. Cautin periculis, sepia: fecundum passer, & salacem etiam: fecundum, & mala morte perituram, sus: pinna, fumarij maximè, instabilem: lyra, cum sodalibus conuenientem: struthiocamelus, inuicta superantem, & desperata conficientem. Manus humana, apte negotium tractandum, ac successurum. Apis, mel conficiens, regem iucundè imperantem. Crux, grauius toleranda: papaueris caput, vbertatem: sinistra compressa, auaritiā: dextra expansa, liberalitatem. Falco, negotium actutum finire. Rota, humanarum rerum vicissitudinem & mutationem. Panooua deuorans, perperam facti poenitentiam. Hæc itaque seu plastice metallo expressa, seu picta in lapide vel muro, sculpta in gemma, ita significant: cælata autem, contrario (vt dixi) modo. Pro reliquis singula capita, vt in Somniis, consule. Quapropter in cunctis somniis tria hæc capita considerare debes: præsens scilicet, & vltimum huius libri, & quintum decimum rursus præsentis libri. Hoc autem præcipuum id habet, vt ob solidam nobilemque materiam perpetuum vigorem retineat. Sed quoniam ficta sunt, opinionem sæpe pro re prælagit.

## CAPVT XXX.

## De plantis.

**P**alma significat victoriā, & hominem vnde quaque absolutum: est enim arbor longæua, ferens fructum bonum, & qui diu durat: exhibet & multiplices vsus, decora, perpetua virens fronde. Nux significat avarum, & deceptorem: malè enim olet, & idè malorum morum. Plantæ sine trunco, homines & actiones viles significant. Herba, res non diuturnas ostendunt: singulis enim annis mutantur. Arbores solidæ & erectæ, spinosæ, latrones, & viros contumaces, potentes & fortes: quæ autem flectuntur, vt nouellæ & vitis & hedera, molles & tractabiles, sed quandoque fallaces. Cortex etiam crassus & durus potentiam hominis declarat: frondes autem, ornatum & venustatem. Fructus arborum, pecunias significant: hæ enim sunt fructus laborum & cogitationum: quocirca arbores ipsæ, labores, negctia & cogitationes significabunt. Ex arbore cadere, est è spe excelsa decidere. Arbores in domo nasci, in auspiciatum est: minus quod portendat

mali est, vt significet alienos in tuam familiam inferi, vel recepi in contubernium. Edè deteriora hæc, quò magis turpes aut fœdæ & magnæ fuerint: non enim nascitur arbor huiusmodi, nisi desoleretur locus. Idè prauæ sunt sambucus, & vrtica, & caprificus & vitex: in horto plantæ bonæ, & in sylua: & quantò pulchriores & vtiliores, & magis fragrantæ fuerint. Et fracta arbor morbum domestico prænunciat: & si fuerit palma vel arbor vnica, quæ verè in domo sit. domino domus, & grauem. Et casus foliorum ex plantis super dormientem, insidias & dolos confingi aduersus illum significat. Et plantæ absquè radice, cogitationes vanas significant, & homines parua fidei & vtilitatis: negocia & infantes si tum nascantur, breui interituros. Et arbor etiam significat mulierem fecundam è consanguineis: idè in scendere arborum, vel illius fructus dulces edere, parari significat incesstum. Et seges cum spicis in agro læta die, omnia bona & lucra ac spes pollicetur: contraria, contrario modo. Et triticum est optimum, inde siligo & hordeum: sed legumina sic luxuriantia, licet bonum significant, cum magno labore tamen: nam difficulter coquuntur. Vitis, alludente vocabulo, vitam significat: viuax enim est: rami, vitæ partes: fructus autem, felicitas & deliciæ. Malum est, si vitis ipsa in labruscam degeneret: tunc enim felicitas & voluptas præteritæ vitæ in dolorem & tristitiam mutabitur: fructus pecuniam significat, folia ornamentum & voluptatem: exhilarant enim animum. Vitis luxurians, amplificationem familiæ significat. Exarescens vitis & exilis facta, morbum longum portendit. Plantæ exorientes è corpore toto, mortem portendunt: è terra enim oriri solent. Si autem è certa parte, eius partis interitum, aut eius qui per illam partem significatur. Quæ diu viuunt plantæ, sera promissa, & effectus diu duraturos portendunt: contra, quæ parum viuunt. Quæ fructum edunt suauem, opera hominibus vtilia & iucunda: quæ insuauem, vt quercus, sibi soli vtilia, non aliis: quæ nullum nullius vsus, aut steriles homines declarant. Quæ rursus excelsæ famulos & cognitos: humiles, sordidos & abiectos. Itaque si qua mulier persicum parere visa fuerit, iuuenem egregijs moribus, sed brevis vitæ pariet: si quercum, rusticis, & diuturnæ vitæ, attamen cognitum multis: olea ægris perniciosa est, laurus salutaris, & dignitatem prænunciat. Spinosa, duræ & asperæ, vt rubus, berberis, rosa, paliurus, ad securitatem bonæ sunt: ex eis enim fiunt sæpes, linum, sparthum, Græca salix, & quæcunque ad vincendum apta, amicitia copulandæ idonea, metuenti carcerem infauista. Quæ perpetuò virent, stabilem statum significant: cupressus luctum, palma victoriā, myrtus amorem, laurus læticiam præstant. Quæcunque coronariæ habentur, honores significant, iuxta plantæ naturam: sunt autem olea laurus, myrtus, quercus, apium, cupressus, gramen. Quæ ad ferta, vt flores ferè omnes, & poma rosea, ad lætitiā spectant.

Vitis

*Non est vana  
a futili -*



Vitis & spica, deorum sunt coronæ, significantque prosperos successus. Quercus hominē opulentū, olea mulierē diuitē prædicat. Quæ solitaria sunt, tristitiam significant, & deseri ab omnibus: vt contra hortenses, gaudia & societates, lenoniasque actiones ac vitam. Quæcunque fructus incundos afferunt, & lucra decernunt, vt steriles inopiam: Quæ bene olent, vt rosa, viola purpurea, garyophyllus, ephemeris, lilium, bonam famam & nomen pollicentur, tum iusta facta: contrarium, contraria. Arbores viles & speciosæ florentes, & cum læta fronde aut frustibus, bona significant. Adianton sicum iter portendit. Crocus fortunam propriè mutat: nec vlla planta aut aliud desperatis rebus tam auxilium affert. At prauæ, rhododaphne, buxus, taxus, læta: malum aridæ, aut mali viri casum: aut bonam nobis significant fortunam, ni nos ipsi Macrino Imperatori similes simus. Ictæ fulmine plantæ, euerfionem familiæ aut domus aut hominis ostendunt. Si è fulmine ardeant, præclara facta decernunt. Plantæ & animalia cum homines & actiones significant, in hoc differunt: quod animalia significant actiones: plantæ autem opera ipsa. Animalia ostendunt homines iuxta mores, & breues actiones: sed plantæ significant homines simplices, aut simpliciter iuxta opera naturæ, sed firma, velut propagationes & stirpem: vnde & stirpem, plantam appellare solemus. Plantæ præterea ornatum quendam, & ordinem & decorem personarum decernunt, ad eodē vt etiam ad reges procedant, propter ornatum, decorem, & odoris fragrantiam: nihil horum animalia. Nuces & auellana, & quæ fructus pariunt qui antequam edantur, confringuntur,urbationes & tristitias portendunt: præsertim autem nux, à nocendo dicta. Sic & nucis planta odiosa est, propter umbram, & idē impedimentum significat: vt cupressus funera, ob antiquam morem: fraga, cerasa, persica, & quæ parū durant, breues voluptates: sic & mora, ficus, vuis planē quasi similes: cotonea, pyra, punica, & quæcunque seruantur diu, voluptatem firmam & vtilitatem pronunciant. Quælibet arbor talem somniantis progeniem ostendit, qualis ipsa est.

Morus arbor prudentiam significat, & lucrum: quia bombyces alit, & fructum fert etiam. Quercus diuinitatem: quia sacra Apollini: tum etiam diuinationem. Platanus pulchritudinem & quietem: nulla enim planta speciosior, nec umbra melior: lotos autem, obliuionem malorum, tranquillitatem. Spinosa plantæ omnibus ad securitatem bonæ sunt, & fraudulentis viris & cauponibus, & lictoribus, & publicanis, & prædonibus, & tenuibus mercatoribus, vt laniis & textoribus: cæteris autem malè: quoniam negotia implicanc, & ad finem perducere non patiuntur.

Sunt qui plantas ita distinguant, & rectè: Cupressus, formosam aut principalem mulierem: vitis, uxorem aut concubinam fecundam: punica, nobilem opulentum, duræ ceruicis: nux diuitem auarum: malus, mu-

liorem iucundam, & lætam: vt oliua, virum huiusmodi. Cedrus, nobilem, potentem, & bonæ famæ. Gossipij arbor, pauperem, non tamen multum. Quercus, hilarem & honoratum. Spinosa plantæ inimicos significant. Auellere ramum ab iis vt vestem liberes, victoriam ex inimico significat. Cucurbita, & quæcunque valde crescunt, nec sunt arbores, inanem & ventosum hominem ostendunt. Quæ longam vitam decernunt, sunt: palma, olea, vitis, & quercus: has videre in domo suâ creuisse, vitam longam significat, quia diu viuunt: quietam, quia non mouentur arbores: potentiam, quia fructuosa & proceræ satis: oliua tamen minus. Sed oriri videre, aut nuper ortas, aliquem è tuis eiusmodi futurum prædicat. Ficus propriè vitam nostram representat, tum quia dulces fert fructus: breui, id est, vt est hominis vita viuit, facile moritur: folia habet grandia, similia spei & expectationibus hominum: lac acre gerit: vt sunt verba hominum, multâ asperitate condita, licet lactea videantur. Ficum ergo videre est, vitam suam, qualis futura sit, præuidere. Multis qui ficus plantauerunt, contigit vt eodem anno perirent quo & arbor. Plantæ insitum esse, siquidem floreat, est palo per supplicium insigi: si non floreat, & maximè si sicca, rotæ infereris.

### C A P V T XXXI.

*De his quæ ex plantis colliguntur, fructibus, floribus, succis.*

**F**RUCTUS arborum pecunias significant: hæ enim fructus sunt laborum, vt dictum est: & etiam pecuniam: acerbi autem, vitam molestia plenam. Cum fructus omnes in nuces & poma distinguantur, omnes fructus infausti sunt poma, ex nominis ambiguitate, mala enim dicuntur: nux autem à nocendo dicta. Itaque non nisi in paucis iis qui Latinam norant linguam, felicem exitum portendit. Idiotis autem non ita: quoniam Latina nomina non norunt. Fructus omnes crocei, si colligantur, morbos significant: & magis si edantur: pessima etiam ex fructibus oliuæ sunt. Excipitur tamen fructus mali medicæ. Fructus colligere suo tempore, lucrum significat, iuxta arboris aut herbæ qualitatem. Nobilissima est palma, inde olea, vitis, quercus, nux pinea: abies, nux pontica. Fraga autem, & insana poma, ab humilibus personis. Extra tempus hæc mala sunt, & labores ac curas propter tales homines significant. Fraga etiam animi æstus magnos: insana poma, etiam insaniam prædicunt. Sed & fructus omnes breuem referunt voluptatem, propter etymū tamen nominis boni sunt: opera inchoantibus, absolutionē eorū promittunt. Pepones maturi morbos, acerbi sanitatem prædicunt: cucumeres, insperatas diuitias, & eodē maiores quod ipsi fuerint minores. Fructus intempestiui verbera, calamitates, luctus prædicunt: hos enim fructus sanientis



fortunæ appellare solemus. Vnum præcipuum fructus habent, & obseruatione dignum, quod bonis & rectè viuentibus bona pollicentur: malis autem mala. Et idèd flagitiose viuenti, colligere fructus valde malum: Habent autem tres gradus: si videantur in arbore, si colligantur, si edantur: at collectos videre, vel ad alios pertinet, vel non adèd malum. Habent & damni secum significatum nuces, & quæ collisa strepitum edunt, dolores & gemitus significant: acerbi & amari mortem, rubri sanguinis effusionem: qui esui non sunt apti, paupertatem: nigri, luctus: crocei, dolores: cærulei, fraudem: liuidi, calumniam. Fructus decedentes ex arbore, nec maturescentes, interpestiuam mortem prædicunt.

Oleum gratiam significat, & infelicibus vtile somnium est: vinctis enim libertatem prædicat, quod eo seræ aperiantur: ægris sanitatem, afflictis lætitiā ostendit.

Lachrymæ arborum, fletum & planctus significant, tum & vulnera: nam lauciatis arboribus maximè prodeunt: lachrymæ ex quercu, vel simili, damnationem infantis & egregij viri.

Flores dixi significare voluptatem & iucunditatem, sed breuem: naturæ causæ & modus est, quod iuxta arborem & colorem & qualitatem odoris & pulchritudinis. Nam qui viuus est, longiorem & maiorem prædicat: qui languet, cadentem & in fine voluptatem: qui odoratus est, ex laude, gloria, bona fama: qui viridis est, & cæruleus, ob spem bonam: qui rubet, ob alacritatem & potentiam: qui candidus est, ob sapientiam & innocentiam: aureus verò ob honores principis gratiam. Ex arbore verò iuxta ea, quæ dicta sunt, frondes significant hilaritatem, si secundum naturam fuerint: tum verba. Sed si sint ex nobili arbore & excelsa, significant homines: non est vt Homerum & Horatium adducam in medium: frondes sparsæ, rumores significant: folia autem herbarum & germina, pro cibis habentur: quod si esui non sint, verba & famem plebis significant.

Pappi significant inanes cogitationes: mali in bonis in mali.

Succi omnes arborum, seu, fructuum, seu herbarum, idem fermè quod sanguis animalium significant: sed & illa quæ post mortem habentur opera, hæreditates: vim etiam fructus aut plantæ retinent: & ab odoribus, saporibusque sunt expendendi: significant pecunias & opes generaliter: vinum significat furorem, & sanguinis effusionem: succi crocei & lac, mali sunt: quia præter naturam plantarum esse videntur: crocei, labores & curas graues significant: lac autem, deceptiones: minus malum, si ex consuetudine ferre id genus planta accipi videantur: Quod si fluat, facile superabit, aut superabitur: sin autem exprimatur, per vim, & magna cum difficultate.

## CAPVT XXXII.

*De plantarum materia.*

**L**igna non significant quæ ad nos, nec quæ in nobis: quoniam non viuunt, & tamen vixere: sed affectus & affectuum causas: quatuor enim esse, suprâ docuimus, quæ in somniis demonstrantur: materiam ergo significant actionum & negotiorum, sicut ipsa sunt materia artificiorum. Sicut ergo pereunte arbore ligna manent: ita homine pereunte, qui per arborem significatur, hæreditas superest: nam cadauer nulli vsui est: ad famam verò aut libros referri non potest: quoniam hæc vitâ participant. Igitur ligna possidere tuæ arboris, est hæreditatem quæ ad te perueniat, acquirere: alienæ autem arboris, alienam: magnam pro magno, paruum pro paruo, totam pro stipite & trabe, partem pro ligno & ramo: videre, absque lite, sicut: post longum tempus. Ligna verò plura ad hoc referri non possunt: nam non conuenit simul plures consequi hæreditates: nec vlla debet ratio esse tam efficax, vt experimento aduersetur, cogatque prædicere quæ nunquam aut vnquam eueniunt. Referunt ergo ligna vsu proprium, scilicet ignis nutritionem. Ignis autem in domo seu focus, vitam & tuam & tuorum, & comoda & decorem refert: horum igitur materiam, ligna. Erunt ergo ligna redditus & lucra, iuxta conditionem hominis. Si ligna desint, omne genus incommodi patietur, ob inopiam necessariorum aut vilium ministrorum. Si arserint, peribunt necessaria à domino frustra absumpta. Ligna elaborata significant viles ministros, vt calones, coquos, ancillas, industrios & necessarios decori administrationis domus. Radices, significant senes inutiles. Folia, pueros & infantes domesticos: & si non adsint, verba: & si sicca, verba olim dicta. Sicut enim ex foliis facile suscitatur ignis, ita ex verbis: lachrymæ verò, vt etiam resina, referunt fomenta vitæ: & hoc parum, cum inutiles sint foco: verum magis discordiarum alimenta, ob infamiam: quia fœtent: & morbos exteriores, quoniam his conferre solent. Et lucra sordida ac vilia, ob vsu ad naues & plumbea vasa.

## CAPVT XXXIII.

*De animalium generali diuisione.*

**G**enerales animalium diuisiones seu differentie maximè sunt sexdecim: Magnitudo, forma, color, natura, mores, operatio, proprietas, vox, consuetudo, amor: vite, cibus, docilitas, tempus dedicatio, & habitatio. Magnitudo potentiâ hominis significat: mores autem, mores. Color varius, deceptionem: reliqui, pro sua natura. Describentur enim singuli loco suo. Formæ, operationes naturales significant: oportet autem singula horum in consideratione esse, vt superius dixi: velut si cogitauero



cogitauero de lepore, quod habet crura posteriora longiora, significat curforem aut fugam meditantem: forma enim est principium operationis. Operatio, ut foueas fodere, & aratrum trahere. Mores, circa vsum, industriam, labores, & patientiam: velut equus, qui quasi est infatigabilis, versus iracundus: venena, aut quæ venenata sunt, insidias, atroces hostes. Et si parua sint, ut phalangia, homines specie contemptibiles, factis verendos: ut contra elephantes, cameli, boues, onocrotali, struthiocameli, homines specie terribiles, factis mites: quod etiam de negotiis est interpretandum. Proprietas consequens ad mores & actionem, ut lupo & aquila, latrones apertos, vulpes & miluus insidiatores. Muta, infausta omnia, quasi naturæ humanæ repugnantia: horrendæ vocis, timores; lætæ, ut hinnitus equorum, & philomenæ cantus, alacritatem illi, voluptatem & delicias hi. Cibus cadauerum, ut vultur, coruus, hyæna, mortem: stercoris vrpupa, sordem. Solitaria præterea, ut niger passer, infaustæ sunt: & quæ in solitudinibus habitant, eo deteriores, quod plures. Iugales autem, ut turtur, si sola sit, luctum prædicit, sociata lætitiā: contra lupo, & qui aduersantur hominibus. Gregalia verò, actiones, conuersationem & in negotiis publicis: si bene affecta sint, bona. Quod ad mansuetudinem attinet, dicemus suo loco. Quæ amant, lasciuos homines, versutos, incontinentes ac scelestos: ut perdix & ælurus, significant. Nocturna omnia mala & inauspicata, ut vesperilio, bubo, & lupo: & vlula pessima, ob vocem etiam. Dociles, edoctæ, bonæ: ut picca, psittacus: indoctæ, curas ac tædia longa: velut accidit talia animalia erudentibus. Habitatio, ut pisces marini, insulanos aut in littore degentes: vrsi Germani, mures alpinii montium incolæ. Dedicatio: ut serpens salutem, quia Æsculapio sacer: formosa gratiam & venustatem, ut pavo & psittacus. Graculi, sturni & locustæ, quæ magnā multitudine aduolant omnia, significant tempestates. Quæ agminatim, ut grues & ciconiæ, hostes: ordinem enim seruant. Nocturna autem animalia fures, adulteros, pecuniæque adulterinæ fabricatores, Hirundo & mus, domesticos parum fidos significant, aut inconstantes: mus enim fures, hirundo inconstantes. Masculina præterea ad fortitudinem & robur ac fidem meliora sunt: fœminina verò ad mansuetudinem.

Diuiduntur præterea generaliter in exanguia & sanguinea. Exanguia omnia mala, propriâ ratione: quoniam homo exanguis non est, nisi cum obierit. Exanguia diuiduntur in parua & magna: in ea quæ repunt, & ambulant, & natant, ac volant. Sanguineorum solum sunt tres differentiæ: quæ ambulant, volant, natant. Serpentes etsi sanguinem habeant, modicum tamen habent: sanguinea etsi quædam parua sint, ut mures, non est paruitas magna. Quæ repunt omnia fermè veneno prædita sunt: ob id ergo, & formam & naturam, & quia sunt muta, maxime homini aduersantur: post

minuta animalia, valde: ea enim cum putredine generentur, fœda sunt, & inuisa homini: formicæ tametsi ex ouis generentur: quia tamen omnino mutæ, tum pisces ob eandem causam, maxime si parui sint, maiorum sunt præfagia. Pisces præterea præteritum, quadrupedia præsens, & quæ imminet aues futurum ostendunt.

## CAPVT XXXIV.

### *De animalibus minutis.*

**F**ormicæ significant plebem: & si sint alata, significant etiam nobiliores. Et si circa corpus versentur, mortem: quoniam sunt filia terre, fridæ & nigra. Mihi autem videntur etiam molestam vitam significare: quoniam tales sunt ut molestæ sint, nec posse nisi in corpus ingradientur, mortem significare, ob paruitatem. Agricolis prouentum frugum: omnibus, lucella multa portendunt. Si, gratia exempli, ex domo aliqua in tuam deferant, ille domus dominus causa erit tibi luri. Sin autem ex ea domo in tuam aurem, nasum, os, anum ingradientur, mortis. Pediculos multos videre supra se, vincula, vel morbum longum, aut paupertatem, aut triremes significat: ex talibus enim occasionibus abundant hæc animalia. Quod si, dum talia patitur, expergiscitur, huiusmodi in calamitatibus vitam finiet. At si conetur eicere & occidere, forsan aliquando seruiabitur. Et si somnium fuerit in initio anni vel vitæ mutatione, vel assumpto magistratu, ex illo originem ducet calamitas, & perpetuo ac diu perseverabit: sed si tempore quodam à circuitu remoto, ut fatale esse non possit incidat, breui ex ea miseria morietur. Et si paruos pediculos videat, capereque se & occidere existimet, valde bonum est, à molestiis enim omnibus se liberabit. Cimices, tædia vxoris aut concubinæ gratiā, tum fœda crimina & mores, tum scorta significant: palam est autem, quod ab huiusmodi liberari tædiis optimum est, & saluberrimum. Pulices significant molestias magnas, non perpetuas: nam hyeme spontè desinunt. Quamobrem & muscæ idem, sed molestiores, magisque fœdæ: & inuitabiles: non tamen deteriores: quoniam nocte cessant, & dormire hominem non prohibent ut pulices. Culices acrioris sunt molestiæ, & quasi perniciosi: & significant dolores, tristitiā, damna, & infamiam: quoniam bombos mittunt acriter mordent, & nocte sæuiunt. Cauponibus & vini mercatoribus musciliones vini corruptionem prædicunt: nam vina vitata sequuntur: significant autem pessimos viros: omnia autem talia iniuriam decernunt. Apes homines iustos referunt: ob id ab iis lædi, damnari est iudicio: significant etiam viles homines, sed viles. Crabones & vespæ, damnari iniusto iudicio: assimilantur enim apibus, sed malefica sunt animalia: verum crabones capitale iudicium significant, & infamiam: bombum enim magnum mittunt, &



ex iis fœdis calamitatibus soli etiam multum nocent, & pungendo novem perimunt hominem: ideo propriè iniusta supplicia iudicum sententiâ decernenda significant: vespæ autem non occidunt, sed damnant tamen ad tritremes, ad carceres, in pecunia. Horum animalium solam multitudinem vereri oportet: pauca enim parum obesse, præterquam in crabronibus, asylis & vespis, constat: nam hæc vel sola plurimum nocent: cum tamen plura erunt, magis timendum est somniant. Omnia etiam huiusmodi animalia fures significant, & etiam apes. Vermes significant conuictores, & domesticos prauos, infidos & damnosos: quos si eiicere quoquo modo videatur, cognoscet eiusmodi homines, & à se abiget. Vermes paruos innascei, mortem, aut illius membri significat corruptionem: talibus enim inoriuntur. Cicadæ muscos viros & blaterones significant: ægris sitim: ob id enim clamant: & mortem: non enim cibum accipiunt. Bombyces significant lucrum, cum magno labore & artificio: sic enim sericum suum conficiunt. Papilioes adulatoribus comparantur: formam enim mutant ex crucis, & inutiles sunt: visu tamen delectant. Picti ex iis significant scurras & mimos, eiusmodique homines. Locustæ infidos, instabiles & damnosos homines significant. Grylli autem, adulatores & muscos, hominesque suauibus moribus, inutiles tamen. Scarabei improbos, fœdos & flagitiosos: fœtent enim, & stercorea versant.

Omnia animalia parua abominationem significant: quoniam etsi ovis generentur, vt formicæ: cui tamen non sunt. Et aliena à natura humana, ob nimiam dissimilitudinem, præsertim quoddam muta sint: licet culex bombum mittat: vnum etiam ex his aut duo contemni possunt, nisi ad comparisonem trahantur: nam musca etsi ob paruitatem contemni mereatur, si tamen sub equi ventre videatur, vel deglutiri, magnos effectus nunciat, ortum ex minimis causis habentes: non solum quoddam effectum ipsorum ratio deprehendatur, vt vomitus, aut quoddam calcitret sed quoddam parua hæc miraculi cuiusdam causa introduci videantur: velut puellus facundus, puella eleganter loquens Latinâ linguâ at miraculum esse non potest, nisi magnum aliquid pariat. Multa verò vt contemni non debent, ita miraculi nullam afferunt coniecturam.

Animalia inuisa tibi si per somnum videas quare animalium historiam, quoddam si ex somnio agnouisse videris, (quod etiam in omnibus quæ videntur obseruare decet) idolum esse somnium docent: quare reliqua pars quæ ad visionem pertinet, & vera est omnino, & ex animalis proprietate deducenda. Sed etsi non congruat peculiaris structura, aut mores considerandi sint: nec quicquam magni est expectandum ex his, neque etiam timendum nisi venepi opera effinxerit. Quoddam si nec horum quicquam deprehendatur, si pauca sint, contemni debent: si multa, molestiam ex rebus variis non vnius generis significant: quæ enim non deprehenduntur, va-

ria esse existimari debent, aliter deprehenderentur. In multitudine ergo non cognosci, varietatis argumentum est: dum enim multa atque diuersa nobis occurrunt, omnium obliuiscimur, dum omnia inspicimus.

Cicadæ significant rusticos: quia ibi degunt, & sub sole: sed & nungaces homines: quoniam assidue clamant. Et cum aliquid horum animalium ad hominem refertur, nihil boni significare potest: formica enim cæca esse creditur, reliqua omnia præter apes breuius admodum vitæ: sed apes sordidas esse ferunt locustæ verò sterilitatem, si agminatim insideant: si volent, periculum: si solæ aut paucae, iuxta colores indicandæ sunt: virides spem inanem, pallidæ timorem. Buprestis & cantharides, venenum: & vermis in ruta natus, & ardore ruinæ, & vlcera significat: vermis cornutus seu *uapens*, qui à semine innascitur, magnus licet sit, meretricem significat, ob fœditatem: & quod inutilis sit, quamuis pulcher. Sunt etiam iuxta proprietates interpretanda huiusmodi: omne enim animal quod formam mutat (cuiusmodi hoc eructæ, bombyces) si volent, senium significant si sub forma vermis, non papilionum: hunc non moriturum, nisi prius mutato genere vitæ: significant autem religiosam vitam ex sordida: quoddam volent, & nihil edant. Grylli autem muscos, sed sordidos & ignauos, præsertim iuxta focum habitantes.

## CAPVT XXXV.

*De animalibus quæ repunt.*

**A**Nimalia declarant sensiles actiones, & quæ ad vitam pertinent? motum enim & ipsa habent, & sensum. Quæ repunt, dolos & insidias: talia enim naturæ sunt: tum res contemptas & fœdas. Et quæ gregatim incedunt, vt formicæ, crabrones: aut etiam multa sunt, vt muscæ & culices, multitudinis persecutionem declarant, & inimicorum coniurationem. Serpentes, implacabiles hostes, & damna perpetua. Est autem generale, vt magnitudo animalis & rei visæ, vel hominis vel affectionis magnitudinem ostendat. Sed actio declarat modum & qualitatem ipsius affectionis, cum sit: perturbatio verò, quantitatem iacturæ quam accipies. Exemplum habebis in nostris somniis. Draco autem significat regem malum, & principem tyrannum: quoniam propter alas nemo illius vim euadere posse speret: ostendit ergo superbiam, iram & potestatem. Significat & ducem hostilis exercitus, & præsidem prouinciæ, & tenatus malum: vt leo bonum: nam ex proprietatibus fabulosis draconis est, quoddam in circuitu eius exurit omnes herbas & sata. Idem etiam significat sterilitatem, & bellum: ergo & tunc ducem exercitus talia patrantis significare poterit: nec refert quoddam vana res sit draco. Nam ficta monstra trium sunt generum: alia quidem, quæ prorsus non posse esse intelliguntur: & horum est propria significatio, vt sphinx, de qua dicemus inferius: alia sunt secundum naturam, sed quæ



in numero variant à propria forma: & horum quædam esse possunt non ratione speciei, sed aliquando, vt puer cum duobus capitibus: alia non, vt puer cum lapideo capite: hoc enim omnino esse non potest, cum repugnantia includat. Tertium genus est figmentum, quod tanquam fuerit, receptum est: quoniam adhuc dubitatur an fuerit, situe: vt de dracone, phœnice & gryphis: talia ergo quasi verè sint animalia, propriam omnino retinent significationem, nisi quoddam admirabile futurum id quod pollicentur, decernunt. Significat & draco ergo amissionem omnium bonorum, propter desolationem, quam circum se facit. Sed non significat venenum in potu, nec cibo, nisi esset à principe: serpens autem significat. Et significat draco morsum canis rabidi, qui est perniciosissimus inter venena, & quasi princeps, vt etiam draco inter serpentes. Et significant oculi draconis, & caput eius, si quis acquirere sibi huiusmodi videatur, cognitionem secreti nobilis, aut acquisitionem pretiosæ rei: quoniam creditur draco in oculis & capite habere gemmas. Et ideo etiam acquirere caput ranæ terrestris seu bufonis, significat liberationem à dolore renum, à veneno, & à morbo incognito: nam lapidem gestat in capite huiusmodi animal, ad hæc satis expertum. Basiliscus ergo siue regulus, præsentaneam & repentinam significat mortem, & amissionem bonorum: & idèd supplicium capitis. Et si procul astat, vel in vertice turris ciuitatis, vel in foro, bello vel peste, vel sterilitate aut inundatione, regio tua tota vastabitur: & si propè, cogitabis atrocissima atque nefanda, & eris causa magnorum malorum, vel ille cui propius astiterit: & significat regem, vel regis filium, ob paruitatem: sed tamen pessimus, & qui regnum suum destruet. Significat serpens magistratum & diuturnam vitam: quia senectam exiit: & annum spatium, propter circulum quem facit: & sapientem, propter illius calliditatem. Significat & thesauros: quia custos eorum creditur: circumplicatus, aut perterrefaciens, morbos, & ægris mortem & vincula. Vipera argentum significat, & mulieres opulentas, propter rubiginem, & candorem solitudinemque: & si mordeat, & si circumplicata sit, maiores diuitias: nihilominus viperam videre in notæ mulieris sinu, quam illa abscondat, siquidem lætetur, ab inimico tuo eam mulierem stuprandam docet: si timeat & tristetur, si grauida sit, abortiet: si non, ægrotabit.

Generaliter feræ & serpentes inimicos designant, & hostes: sed feræ apertos, & qui placari possint, serpentes autem, magis occultos, & insidiatores, atque implacabiles. Similiter aues & pisces, externos homines significant: in alieno enim elemento viuunt: sed aues iucundos ob pulchritudinem: & gratos, ob modulationem: nobilesque, ob decorem: vt etiam mercatores, ob frequentem accessum ac discessum, Pisces autem intractabiles & insidiatores, atque hostes: denotant eim eos qui ad illos accedunt, modò audeant, omnes præter vnum delphinem:

qui nobilem aduenam, sed superbum significat, & parum tractabilem: sine voce enim fermè sunt. Significat serpens rhetorem, propter linguæ volubilitatem: sacerdotem, quia Aesculapio sacer est: vatem; quia Apollini: scelestum, est enim improbis moribus: ac prudentem, feruntur enim tales esse in sacris literis. Præterea capite plectendum: in capite enim cædi solet vt occidatur: & fugitiuū, latebræ enim quærit: & resolutum: quoniam corpore non pedibus ambulat. Idem ergo est pedibus vt non posse, atque illis carere: cum ergo careat, eos qui etsi habeant, vt non possunt, significat. Draco etiam fulgure & tonitru pullus, principem significat è dominatu pellendum.

## C A P V T XXXVI.

### *De piscibus.*

**P**iscium diuersitas à magnitudine, forma, cute, vel quod cutis formam subit, multitudine, nomine loquere habetur. Significant res præteritas, quod muti sint: obliuione enim præterita in silentium transeunt. Parui pisces tristitiam significant, lucri loco: etenim piscatores solent iis captis tristari. Pisces varij coloris, significant ægris venenum, sanis dolos & insidias: ruffi, ægris febres vehementes, improbis & captiuis tormenta. Nigri, & qui atramentum spargunt, mortem, absentiam ac luctum significant. Fœcundi, vbertatem & copiam. Qui exuunt corticem, vt cancri, mutationem fortunæ: exuunt autem crustati omnes. Qui ossibus carent, imbecillitatem ac debilitatem significant: velut polypi, loligines, & huiusmodi: qui etiam colorem mutant: idèd deceptores, & fugam, & latitationem decernunt. Cartilaginei, rotundi, negotia irrita significant: quia è manibus capti elabuntur, vt anguilla, murena, serpens. Plani autem, vt pastinaca, squatina, pericula decernunt: sunt enim admodum sæui. Qui viuunt in aquis & in terra, vt vituli, gammari, aut volant, vt hirundo & miluius, peregrinationem & vitæ mutationem decernunt. Squamosi, quorum maximus est numerus, significant homines dolosos & audaces. Purpura, & quæ in vsum alium veniunt quàm edendi, vt cetacea, significant proculdubio negotiationem & lucrum. Multitudo piscium mala est: quoniam negotia plurima quæ extricari nequeant, declarant. Pisces mortui, spes concidisse ostendunt. Caro piscis magni in domum delata, mortem domestici tui portendit. Piscis qualiscunque captus, & in domum deductus, potentem virum te superaturum ostendit: aut euasurum incolumen à desperato negotio. Pisces fluminum omnia minora, tam bona quàm mala decernunt: qui verò in torrentibus, breuis vitæ homines, & spes breues: nō enim diu in illis pisces viuere possunt. Pisces in terra res insperatas, & nō naturales decernunt. Sed in lapidibus, præter id etiam duras & graues. Pisces significant, vt dixi, toto genere



genere præterita, spes irritas, & negotia corporea parum enim menti vel sensibus pollent pisces. Pisces significant homines ob id stupidos ac viles: præsertim autem stagnorum. A nomine verò testacei pisces, homines admodum rudes & segnes significant. Et carcerē, quoniam sunt immobiles. A nomine, *ὡς ῥα βεῖ*, taurum, scarabæum etiam, & nauculam. Vocatur Latine locusta *κογχυλίας*, seu concha, gemmam & purpuram. Et *ὡς ῥα*, ostrea. Purpurum, & ostro pictum, & exilium, propter *ὡς ῥα πῆσιμον*: & morbos & carceres, quia inclusa testæ, & iacent: *ὡς ῥα πῆσιμον* seu ceryces, nuncium bonum, præmium, legationem, caducem: *ὡς ῥα πῆσιμον* perfectum, habentem (ut dici solet) tres oculos. Torpedo autem, propter proprietatem resolutionem propriè declarat, & attonitum morbum, & exinde mortem. Sicut piscis quem Stophim vocant, & è genere dicunt afellorum, captiuo denunciat amputationem capitis: sine capite enim venduntur. Et ranæ etiam lacerationem corporis: venduntur enim decoriatae, & sine capite. Generaliter pisces omnibus qui ex sermone lucrum faciunt, mali sunt: quoniam voce careant pisces. Plerique ex iis etiam pamphagi sunt, & maximè gammari: ideoque voraces homines, & nunquam satis domitos declarant. Gammari etiam significant pauperes, ob despectum, & improbos: quoniam nulli parcent. Pisces etiam communi ratione decernunt mortuorum res, hæreditates, & negotia ex defunctis originem ducunt. Pisces loquentes audire, est ministris uti inutilibus: namque cum tot sint animalia quæ vocem habent, importunum est pisces obici nobis qui loquantur, cum nec vocem emittere soleant. Pisces respirantes, ut cetæ & delphines, significant deceptores homines, ac etiam exteros: cum enim naturam habeant quadrupedum, in mari tamen degunt. Pisces monstrosi, iuxta formam aut naturam quæ illis tribui solet, moresque, sunt iudicandi. Pisces parui, saliti, tabem & iacturam significant: quoniam à sale colliquantur atque siccantur. Acus autem, quoniam cum muria condiuntur, & sarda, nouarum rerum desiderium prædicunt, ac deliciosam vitam. Pisces candidi nihil mali prædicunt, & homines simplices. Pisces edere, morbos significat: cum omnis esus etiam aliarum rerum malus sit. Pisces aurei coloris, dolores ac tristitiam nunciant. Pisces, ut dictum est superius, non nisi cibi causa bonum omen asferre in somniis possunt: excipiuntur, qui respirant: nam hi vocem habent, & non omnino pisces sunt. Significant autem omnes hi, ut delphines, balenæ, orcales, principes: hi enim boni videntur, & mali sunt: alij boni cum sint, mali videntur. Quatenus enim magni (ut dixi) principatum ostendunt, quatenus respirant, humanitatem præse ferunt: quatenus in aqua degunt, ferè & inhumani. Tribus autem exemplis omnium naturam explicabo. Balena mansuetum principem declarat: piscibus enim non vescitur: contra orcas sæuum & truculentum: edit enim pisces, & intractabilis est. Delphin autem quales nunc plerique sunt, in suos nimio plus obsequen-

tes, in alios sæui ac truces, specie tamen generosos.

## CAPVT XXXVII.

## De auibus.

**A**Ves, ut dixi, futurum cum significant paulò post tamen futurum, non serò significant: futurum inquam: quoniam tempus præsens iam lapsum est, cum cogitamus: præteritum autem iam diu: non tamen decet aues significare futuras res omnes: oporteret enim illas rursus distinguere, in paulò post futuras, in tardè futuras, in post longum tempus futuras: hoc autem naturæ rei iam alienæ non conuenit: considerare igitur oportet genus, speciem, numerum, locum, actionem & accubationem. Genus quadruplex, magnum, parum, rapax, mite, agreste domesticum, commune & nocturnum. Species autem sunt absque numero: dicemus autem generaliter interpretandi modum in singulis. Numerus ab vno vsque centum, significationem habet propriam: rarò tamen ultra duodecim numerus deprehenditur, sed multitudo dicitur. Locus, terra, aqua, mons, arbor, specus, domus. Actio, ambulare, volare, natare, quiescere, fugere, insequi, nidum construere, garrire, canere. Accubatio, antè, post, dextra, sinistra, supra, à dextra in sinistram ferri, & ita de aliis. Numerus significat rerum multitudinem, ut filiorum: aut temporis, ut dierum, mensium & annorum: & aliquis significat perfectionem, ut septem & tria & lex diuersis rationibus. Colores ita & generaliter significant, candidus boni ominis, niger infausi, cinereus tristis, varius mutabilis, rubeus iræ & vindictæ, viridis lætitiæ & spei: caruleus magna, sed diuersa significat: croceus & aureus, tormenta & anxietates: fuscus, dolorem animi & turbationem: rubiginosus, tædium & sauitiam. In omnibus autem semper inauspicatus est cineris color, quod cinerea referat, & parum semper lucis in se contineat: ob id ferrugineus etiam deterior, non solum quod rubiginem rem inauspicatam præferat, sed quod cinereo etiam minus habeat lucis. Aues nocturnæ omnes, præter vespertilionem, quod hæc sola animal pariat, infausæ sunt, præsertim prægnantibus. Aues canoræ significant delicias: rapaces lucris idoneæ sunt, pulchræ potentes: pingues, opulentos: clamantes, periculum ingens instare: quietæ, impedimentum negociorum: volantes, actiones assiduas: comedentes, spei incrementum: egerentes, diminutionem. Mortua auis mortuam spem. Magnitudo, similis est negotij magnitudini. Nocturnæ & corui, & quæ ex eo genere, ferales sunt, aut sædum hominem ostendunt. Inauspicatum & contra naturam, valde malum est, ut ingressus auium agrestium in domum: contra naturam & auspiciatum, bonum, ut auem agrestem venire in sinum tuum. Auis rapax si domum ingrediatur, deprædabuntur homines improbi

*Vir ad Terenda tempus  
ad inepit natu.  
quid munit si in Hs  
logia iudicaria fuerit  
deprenderet.*



facultates tuas, ac dissipabunt. Auis timida, ut columbus & passer, mala est: sed mitis, nec timida, ut pavo & color, honores, quietem, & vitam iucundam: rapaces, anxiam, sed honores & diuitias significat. Accipiter significat sacerdotium, aquila regnum, aut militarem dignitatem: pulli auium significant spes inchoatas, & tedium. Aues alligatae, significant impeditam spem: sed in cauea constitutae, securam. Philomela, musicum poetam, vel deceptorem: hirundo, garrulum: utraque parum auspicatae, ob id quod multis subiacent periculis. Eadem & sturni, & coturnices: quia gregatim incedunt, locumque mutant. Icterus, spem diuulsam redintegranda, propter fabulam: aurum etiam, ob colorem. Si fugiat, amissionem occasionis lucri. Ficedula, parasitum. Noctua si pugnat, dolore & tristitia afficitur: si comedit, fiscus occupabit de bonis somniantis: si clamat, damnum & vituperationem significat: si superuolat, carcerem aut morbum: si post domui infederit tuam, morieris, si alterius domui, aliquis ex ea morietur. Aues incognitae quomodo sint interpretandae, velut & obscura alia, infra declarabitur. Dextra celeritatem & felicitatem, sinistra tarditatem & calamitatem: ante, praesentia & ante oculos: post, quae audies, non videbis, significant.

Coturnix, quam qualeam vocamus, contentionem, pugnam, dissidia, discessum, vitamque breuem significat: peiores si plures sint, & in agris: una autem, magnum quid non decernit. Hirundo significat extra tempussum, (nam dum apparet, minus eadem significat) iuxta proprietates suas: nam cum mane canat, & homines ad labores excitet, homines laboriosos, diligentes, fidelesque, aut uxores ostendit: ut verò verno tempore aduenit, felicitatem futurorum temporum promittit: discedens autem, calamitatem. Ut verò nobiscum habitat, nec tamen mansuecit, domesticum aliquem intractabilem, & qui tandem abiturus sit, demonstrat. In oculorum autem morbis utilissima est. Et musicum etiam familiarem, quod concinne canat, ostendit. Passeres denique iniuriam significant ab amicis: columbae, utilissimos familiares. Cornices, homines bilingues: & si canant, nuncium malum potius quam bonum. Grues, pauperes: ciconiae, diuites: aquilae indomitae, Principes: domitae, & accipitres, nobiles: ab iis enim tractantur.

Coruus & vultur mortem significant: sed vultur regnum etiam, quod maior sit, & reges multos occidant: nec crocit ut coruus: reges autem sunt taciturniores. Mulier quaedam cum tres coruos vidisset, quorum unus dixit ei: Ego te exuiam faciam terque eam circumuolassent & abiissent, nonam post diem obiit. Significant & corui vespiliones, sepultores, coriarios, sordidos: vultures autem, exules, potentes: quoniam ex aquilarum sunt genere. Coruus & cornix interpretes significant: quoniam vocem variant.

Aues naturae mediae sunt inter quadrupedia & pisces: nam pisces & generatione & elemento ab hominibus differunt, quadru-

pedia neutro, aues sola generatione: ideo aues minus conueniunt cum hominibus, quam quadrupedia: ob id etiam maiora mala & minora bona decernunt quadrupedibus: contra verò si ad pisces comparentur: quia tam in cantu placent, quod ad voluptates attinet, plus placent etiam quadrupedibus. Aues si oua foueant, egregias & firmas spes pollicentur, si secundum (ut semper intelligi debere dixi) se habuerint. Et si pullos eduxerint, longè melius: & si etiam educauerint, iam res absoluta erit. Et si pulli alij educantur, non est prorsus malum: sed si mitiores, & maiores & pulchriores, euentus spem superabit.

Cardueles significant delicias ex rebus minutis ac variis: palumbi, dolores & gemitus ob vocem. Onocrotalus significat hominem opulentum, & clamoroso, ob glugliem quam magnam habet, & piscibus plenam. Struthiocamelus militem equestrem, fortem & ornatum.

Ardea tristitiam, ob inaccessa ad quae peruenire non potest, & pugnas assiduas: cum genere enim vniuerso rapacium pugnat. Regulus, dignitatem & titulos, sine utilitate. Alauda timores, pauores, solitudines: ob colorem, & morem. Galerita, vagabundum, musicum, & infelicem. Olor, poetam, philosophum, diuitem hominem. Olor in lacu, felicitatem: in arido, miseriam portendit. Phasianus, diuitem, ornatum, sed timidum ac simplicem: quod si sileat, mortem propinquam nunciat alicui innocenti ac simplici. Picus Martius, insuperabilium spem facit: diuinamque fortunam quandam. Pica hoc habet generale cum omnibus auibus caudam praelongam habentibus, ut decorem augeat, & bonum finem praedicat. In hominibus autem significandis aliam obtinet vim: nam superbum & fastuosum, ceterum inutilem garrulumque solum ostendit.

Aues praeterea fabulosae, ut phoenix: inanes expectationes: & homines vanos significant. Monstruosae verò, euentus inexpectatos, & admirabiles: quod genus (ut dixi) auium per se expectationes significet. Sed misti generis, (ut referunt de indica aue, quae pedem habet accipitris alterum anatis vitam ancipitem & mores non constantes praedicunt. Quae verò aliena à natura agunt, siquidem non succedente effectui, non conuenientia facturo frustrationem exitus nunciant: quod si succedat, velut aue oua in aqua incubante, bonam fortunam, paruum prudentiam.

Milvus omnia in deterius abitura nunciat, & miseram senectutem. Sed & omnes aues in fatali somnio inauspicatae sunt: nam paruae nihil magnum significare possunt, magnae & rapaces fame in senio consuecunt: domesticae seruiunt & occiduntur ante senium, solitariae, nec rapaces, quod nimis frequentibus periculis obiciantur, extremam senectam referre non possunt: optimae sunt in hoc casu magnae, gregales, nec rapaces: & inter has ciconia & anser, ac cornix: haec ob vitam diuturnitatem: ciconia quod diuina habeatur ac pia, & apud multas gentes cautum sit

*Somnia haec tantum  
Plinio ut Vlysi Aduro:  
vanis auibus potius  
sint.*



sit ne lædatur : anser ob facilitatem victus, robur, & vitæ diuturnitatem. Phœnicopterus & porphyrio raræ aues & nobiles & pulchræ, sapientes & ornatos diuitesque significant, sed prior nobiliores.

## CAPV T XXXVIII.

*De quadrupedibus.*

**Q**uadrupedia cum, vt dixi, præsentia significant, iuxta formam, mores corporis, structuram & colorem significant. Similia homini, vt simiæ & cercopitheci & huiusmodi, dolos significant, & fictos amicos. Quæcunque audiuntur loqui de quadrupedibus aut piscibus, vel etiam auiibus sermonis expertibus, vt de gallis, admiranda facta præmonstrant : & iuxta naturam animalis. Animal quod verè in domo tua habeas, si loqui uideatur, infaustum est : significat enim mutationem tuæ familiæ. Nec oportet verba simpliciter interpretari, sed & si clara sint nomine ipso animalis secum intellecto : aliter quid prohibuisset à Deo vel homine audiri, si simpliciter essent intelligenda? Animaduertendum etiam, quòd catena contineri solent, vt sciuri & venatici canes, & equi : tum verò qui in foveis habitant, vt vulpes & cuniculi, carcerem & vincula minantur : tum præcipuè, si catenata videantur : magis tamen in domesticis & amicis, quàm in seipso, hæc futura demonstrant. Ceruus instabilem, timidum & eum cuius vxor mœchatur, significat. Nauim quoque, ob velocitatem, & in eis temonem, malos, vela quibus aguntur. Qui se ceruum esse putat, & cœlebs est, diu in timore & solitudine viuet. Qui alit cerui pullum, cum puero vel ancilla concumbet, iuxta pulli sexum. Et si Iudæus edat carnem cerui vel capreoli, admittet contraria suæ legi. Qui cornua cerui inuenerit, lucrabitur, sed non multum : aut dura res ei occurret : idem de cornibus capreoli. Insidere ceruo, est timide omnia agere. Hirci & capræ, sed ibicæ magis, potentes homines, sed ex æquo stultos & pertinaces ostendunt. In omnibus animalibus pingua meliora macilentis : & fera, si mansueta sint, bonum magis significant, quàm mansueta efferata : mihi tamen magis placent mansueta natura & specie, nisi in placandis hostibus : animalia omnia commoda homini, caudata & robusta, & bene ornata videre, bonum est : contra, malum. Currere in equo, semper malum : est enim cum periculo : sed agitare equum, bonum est : & quantò ille leuior, tantò melius. In animali commodo esse, & illum exercere non pro natura, vt equitare canem, inopiam necessariorum in negotio significat.

Caput animalis, & cor, significant aliquis societatis dominum, aut qui plurimum possit in illa. Pugna animalium cum homine, significat iurgia & maledicta : quoniam non plus illi nocere poterunt, quàm animalia

homini. Si tamen sint vt elephantes & dracones, ac tauri, & quæcunque corporea mole insignia sunt, negotium aut hominem cui impar sit somnians, ostendunt : idèd cauendum est. Nullum animal significat hominem sapientem : quoniam omnia carent ratione : excipiuntur tamen, quæ diuinitatem præ se ferunt : hæc autem sunt, columba & agnus, ob innocentiam : ciconia, ob pietatem : aquila, quòd sublimius volet : pavo, ob pulchritudinem : psittacus, ob docilitatem : olor, quòd in obitu dulciter canere existimetur : vultur, quòd auguriis præsit, & nullum animal occidat, sed mortuis tantum vescatur. Oportet autem considerare mores & rem tractatam. Porci, regiam quærentibus gratiam aduersantur : sunt enim abiecti, & foedi : similiter & occulta tractantibus. Cuniculi & vulpes, arcana quærentibus idonei sunt : profundas enim foveas effodiunt. Meles significat eum qui te decipit : quod claudus à natura esse credatur : vnde dici solet in prouerbio : claudicat negotio. Talpa super terram veniens, finem rei ostendit : tunc enim moritur : idèd etiam sibi parare exitium docet.

Lupus hostem significat nam nobis aduersatur malum ; est enim fur, & obsidet vias : principem ; nam in Italia ferarum est maxima : erunt ergo actiones somniantis contra illum, quales contra lupum. Equitare lupum, est improbum & potentem virum in potestate tua habere : confodere autem est, superare. Lupus annum significat, vt Artemidorus ait : nam lycabantes Græcè vocatur : & etiam, quia in transitu fluminis singuli, vt dies anni vnus post alterum procedunt : & quoniâ oues omnes occidit, annus autem dies singulos absunit. Vrsus hostem significat iracundum, stultum, robustum, agrestem, voracem : eos etiam qui segregati ab aliis viuunt : hyeme enim latent : significat etiam rediuiuas inimicitias, & reditum, ob sidus vrsæ vtrumque, quod nunquam absconditur.

Leo significat principem, & virum fortem & magnanimum, quasi è directo contrarium vrsi : nec in alio conueniunt nisi in potentia, crudelitate & iracundia. Sed leo superbum, vrsus vilem significat. Significat & rursus diuitem, vt & pingua omnia animalia : mus alpinus, sus, glis. Si leo te morfu apprehenderit, fortunis tuis princeps te spoliabit : si vnguibus lacerauerit, coget effundere te in irritum opes tuas : si te prostrauerit : honorem ac dignitatem eripiet : si dentes excusserit, consanguineos tuos occidet. Si tu leonem occideris, eiusque carnes degustaueris, ditaberis principis pecunia, sed magno tædio periculo & labore : neque enim tutum est, nec facile, conficere leonem : nec illius caro suavis est gustu. Peculiare est leoni, si dentibus te momorderit, ab ea iactura nunquam restaurari : quoniam vulgatum sit talia vulnera non sanescere. Qui viscera leonis edit, aut ditabitur à principe, aut princeps ei arcana committeret. Qui pellem leonis gestauerit, principis autoritate fovebitur. Leonis catuli, sunt filij principis. Qui leonis vngues habet, à militibus principis protegetur. Leo fœmina cum catulis, felicitatem filiis & vxori



ri portendit. Vulpes dolosum inimicum ostendit : & significat deformitatem, & vitia cutis, & dolorem ventris, si videatur somnians ab illa infestari. Simia autem significat deceptor, scyphantham, furem eximium, & adulatorem propriè, Multela maior furem domesticum, & vulpes furem communè. Lepus omnia infaustra significat, & mortem etiam. Cynocephalus & cercopithecus, quod & simia : sed morbum etiam propriè significant sacrum, seu comitiale. A per tempestates, sterilitatem, ab effectu: hostem clamor, mulierem impudicam, submersionem nauigantibus decernit: nam & arbores euertit, & rostrum defodit sub terram, dum edit. Sed & elephas nauigantibus omnino incommodus est, & submersionem significat & foeminam scelestam. Lynceus & pardalis & panthera, nobiles & ornatos inimicos, fraudulentosque significant. Animalia fera & incognita, aduenam, inimicum. Sciuri, mimos, scyphanthas, scurras, moriones, saltatores, prestigiatores, funambulos. Crocodilus, piratam aut homicidam, nequam etiam ac vecordem significat. Vinerra & ichneumon, dolosos homines & maleficos ostendunt, qui nec beneuoli nec fidi vnquam esse possint.

C A P V T XXXIX.

*De animalibus feris & cicuribus.*

**H**Oc caput ab aliis distinximus, ob duas causas: primum, vt intelligeremus animalia sex esse generum: alia natura & vsu fera: & illa significant hostes naturæ & voluntate: alia fera naturæ, sed mansuefacta: & illa significant inimicos naturaliter, & veteres etiam hostes, sed casu aliquo reconciliatos: alia verò mansuecta naturæ, sed facta fera: & significant coniunctos à nobis abalienatos: alia verò mansuecta naturaliter, & talia etiam per somnum visa: & hæc significant mites, & amicos & coniunctos: alia sunt è genere misto, vt sues, anates & anseres: & hæc si videantur efferata, mala sunt: & si mansuecta, bona. Et semper efferata naturæ, vsu mansuefacta, melius est videre, quàm mansuecta efferata, quod ad signum attinet. Oportet etiam considerare naturam: nam praua valde, & non valida, mansuefacta videre, vt araneum, scorpionem, viperam: & fallacia, vt vulpem: non valde bonum est: valida verò & generosa, vt leonem & elephantem, & onagrum, & bomastum, & oricem, valde bonum. Contrà efferata quantò imbecilliora, & naturæ minùs mansuecta, minus malum, præterquam in canibus, Oues feras videre, valde malum: capras & anates, minimè. In vniuersum, cicures amicum: agrestes autem aduenam aut incontrectabilem virum ostendunt.

Alia causa est, vt aliquot animalia exciperemus, ne capita de Auibibus & animalibus quadrupedibus adeò proluxa & tædiosa redderentur. Quæ ergo animalia mansuecta sunt, alia quidem toto genere (vt gallinæ, oues,

*Tom. V.*

pauones & canes) alia non toto genere: boues, equi, asini, muli, cum his capræ, anates, anseres, sues, columbi, feles: & non mansuecta, quæ tamen nobiscum habitant: mures, multelæ, vrbaanæ & hirundines. Externa, elephantæ, camelos, gallipatos, qui maxime mansueti sunt. Hæc igitur viginti genera hic tractabimus, vt fiant tractationes animalium reliquorum breuiores.

Aries ergo ducem militum significat: nam illius oues mactantur, vt milites solent: significat & vxorem mœcham: & eadem hæc duo significat hircus: licet hircus magis significet vxorem mœcham: aries autem magis ducem exercitus. Quidam somniavit arietem equitare, & in cornua procumbere: responsum fuit ab interpretibus somniorum, ducturum vxorem, quæ mœcharetur. Fortè fortunatum de coniugio agebatur: duxit, adhibuit diligentem custodiam: proba inuenta est, periit: aliam breui superinduxit, remisit custodiam, somnij vanitatem arguens: ex quo illa contempti somnij pœnas à viro exegit, impudicissima facta. Significat & aries potentem virum, cum dignitate & auctoritate. Si autem excoriatus in domum alicuius deferatur, significat alicuius ex illa domo interitum. Quodlibet animal solidorum cornuum, vt aries, capra, ceruus, stolidum significat. Oues tondere, morbos significat: nigras verò, etiam mortem ex illo morbo. Aliter significant lucra ex mercibus & artibus, & puerorum institutores. Omnia animalia vtili homini videre sana, robusta, pingua, pulchra, bene caudata, bonum: contraria verò, malum. Agni infantes atque pueros, vt etiam hædi, referunt. Agnos pascere, est dolere atque tristari. Agnam aut ouem in macello vt carnes vendantur videre, est diuortium in iudicio facere, aut aliquam è suis mulieribus publicè prostituere. Hircus & capra, eadem quæ aries & ouis significant, sed mores deteriores, & sine vtilitate. In vinea si pascantur, eius bona depopulanda & dilapidanda. Significant etiam tædia, diuitiarum causa: & albæ vtiliores, quamuis non multum: rubeæ autem, lites: nigræ verò, mortem aut mortuos cum ignominia ostendunt. Gallinæ vtilis, familiares significant: gallus autem, eum qui familiæ præest. Columba verò adhuc vtiliores familiares, quàm gallinæ, & mites. Anser, famulam vel ancillam frugi. Qui comedit anserem pinguem, commodum habebit ex famulo bono. Et si alarum pennas auellat, aut deplumet illum, castigabit eum: sed si denudet, vituperabit ipsum. Anas eadem, sed minora significat: & magis verbosum famulum vel ancillam, & minùs vtilem. Anser est vtilior verè: quia maioris roboris & prudentiæ famulum significat, & qui maioribus negotiis præerit: Gallina magis sollicitum, in minoribus tamen negotiis: columba magis mansuetum: & qui perducit res ad finem, magis anas est omnibus inferior.

Pauones, honores, ob pulchritudinem: & pretium, lucrum: quia pennæ etiam sunt venales: & iucundum amicum, nobilemque significant.

H H h



gnificant, ambitiosum tamen, & superbum, & clamorū: fidum quoque defensorem, sed iracundum & vagum. Et significant viros potentes & insignes magistratu vel sacerdotio. Pavo volans, opulenti viri iter significat: propriè enim hæc avis opulentos significat, sicut hirundo garrulos & instabiles: sed de ea superius actum est.

Canes referunt fidos amicos tibi, si è tuis sint: vel inimicis tuis, si aliorum: albi sinceros, rubri sæuos & iracundos, nigri maleficos, varij dolosos, molossi potentes & aperte aggredientes, melitei blandos & verbosos: virides vel coloris infuerti, admirabiles, & incognitis moribus: rabidi, violentos admodum & perniciosos, sed non diu mansuros: vlulatus canum luctum significat, latratus maledicta: lacerari vestes, infamiam aut damnum cum iniuria: mordere, vulnera aut accusationem: lac illorum, infortunia & timores, ut etiam hostilium: carnes autem, opes. Quæ enim ratione ab aliis detrahuntur, & nobis parantur, incrementum significant: odorarij, solertes & placidos: venatici, celeres & crudeles: domestici, custodes, & erga nos blandos: aucupes, obediētes & peritos: molossi, pugnaces, fortes, robustos.

Sues deformitatem, ingluviem, ignaniam, mortem sanam portendunt. Sus tamen cornutus potentem inimicum ostendit: caput suis ablatum sibi videri, donum reiectum, vel tædium, vel tædij finem: Maiales, homines solum ad mortem destinatos, & Epicureos significant: utrique tamen quæstores & thesaurarios, si nobis debeat fiscus, referre possunt: & in domo procuratorem. Porcus autem puerum refert voluptarium. Scrofa prædium significat: si peperit, vile pro numero fœtum: si prægnans, bonum prouentum. Aper tempestates & sterilitatem, ab effectu: hostem clamorū, & mulierem impudicam, & nauigantibus submersiōem: quoniam arbores euertit, & rostrum sub terram defodit. Quæcunque animalia ex agrestibus deriuantur, ferinos homines & alienos significant, etiam quæ mansueta sunt. Agrestia autem ex illis, homines feros, qui mansuescere possunt. Quæcunque autem non habent agreste ex eodem genere, ut gallina & canis, semper domesticos referunt. Gallipau, aduenas longinquos & externos nunc significant. Domesticos post hæc fidos, & mansuetos: ventosos tamen, & inconstantes, blandos & iracundos, ob mores atque mutationem: viles magis pavonibus, sed non adeo opulentos homines significant: & non securam utilitatem: quoniam facile pereunt. Significant etiam versutos & versipelles.

Elephantes, morbos malos & inuictos, græua facta & periculosa, agris mortem, nauigantibus submersiōem, tarditatem etiam negotiorum: mortuus, tædium sine damno. Ob id ad actiones omnia sunt referenda: nam si nos deferat, & magis mulierem, mortem prælagit. Ex aduerso autem significando, hominem eum sapientem; potentem, gratum, benignum, opulentum, pium, nobilem, deformem tamen, sed cum dignitate qua-

dam: & significat propriè principem bonum.

Mures, famulos, sed fures tamen, significant: melius tamen est videre ludentes, & hilares: nam huiusmodi aut non defraudant, sed solum edendo & bibendo & potando assidue rem domesticam minuunt: aut valde parum minuunt. Significant & lites, quæ sensim arrodunt hominem: & inutiles domesticos. Mustelæ urbanae, furem domesticum & proditorem: sed tamen qui vitæ non insidietur, eum tamen qui te depauperare possit.

Camelus tædium, mœrorem, calamitatem, mortem, & homines malos significat. Propriè verò statum principalem, ob magnitudinem: longum iter, ob celeritatem: grauem morbum, ob pondera quæ gerit, & auxilia egregia & multa, quæ ab illo desumi solent. Camela significat mulierem pessimam, & deformem. Ex camela filium suscipere, est deformem ex deformi, improbum ex improba generare: deformitatem enim in omnibus significat. Sed & patientiam ad labores, & victus continentiam, & longam vitam. Senes propriè camelus significat. Eluri, fures, proditores, amatores, varios agilesque homines significant: & captiones, custodem etiam domus referunt: & qui cum furetur egregie, alios tamen furari prohibeat: non tamen vitæ insidiatorem significat.

Bos si pede percutere videatur, potens vir te lædet: sed si cornu etiam, grauius erit. Bos cum tribus cornibus, regionem à potenti viro subigendam significat. Boues dormientes, vel etiam solum iacentes, morbum aut calamitatem decernunt. Boues alacres, fœcundos & vberes reditus: cum pluribus cornibus, dissidia: cum magnis autem, prosperitatem in prouentibus & robore villicorum, familiæ & propriæ personæ: cum ut dictum est, animalia pingua bona sint: optimum tamen in boue est pinguedo, ob multiplicem usum.

Asini, statum opum propriè significant: illæ enim incommoda sustinent. Oportet verò & caudam illorum considerare: est enim finis animalis. Cadere ergo ex asino paupertatem ostendit: est enim ac si dicas, à bonis suis excidisse. Asinus labores, impedimenta, molestias, contemptum, frustrari voto significat: casus etiam ex eo morbum significat, propter problema Aristotelis. Asinus etiam ancillam vel famulum refert. Asinum disrumpi, paupertatem perpetuam: asini cauda deformis, deformem inopiâ senectam: amputata, miseriam prædicat. Asinus calcitrans, vel famuli contumaciam, vel difficultates in exigendis redditibus prædicat.

Mulum aut mulam equitare, lentum negotiatorem, parumque fidum, tutum tamen, significat, & aptum negotiis: nam molliter incedit hoc animal, & raro cadit. Muli nullis deteriores, quam his quibus sunt asturcones: significant enim, in posterum illis omnia difficiliora, & minus alacre eorum fortunam: præterea significant sterilitatem, cœlibatum, morbum genitalium membrorum, diuortium ob naturam non aptam ad coniugium, labores



labores etiam multos & magnos ob pondera quæ ferunt : & longam vitam : quia diutius parentibus vivere solent. Mula quoque vxorem & ancillam significat : quoniam mulabus mollior insidere solemus : ita curæ harum. Quamobrem naturam earum spectare oportet : albæ enim, formosæ : nigræ, viles : mediæ, callidæ sunt. Muli semper significant impotentiam explendi votum suum. Mulam qui videtur amittere, si non habet, tædio liberabitur : si habet, damno afficietur. Mula si parere videatur, abominandum factum significat : misero autem, admirabile. Onagri bonam fortunam, celeremque adeptionem eorum, quæ desiderantur, prædicunt : ob motus velocitatem. Si videaris mulam vel mulum alienum equitare, & descendendo fugiat ad dominum suum, liberaberis à molestia quam subieras, principali eam subeunte : si verò ad alium fugiat, liberaberis casu. Muli etiam spurios significant filios : ideo bonum est ei qui non habere se existimat, si modò esse possit vt ignorans susceperit.

Equi cursores parati, morbum & mortem prænunciant : hic enim cursus propriè vitæ nostræ. Equus existimationem, robur, facultatem, agilitatem, fortunam hominis : cauda autem, præcipuè ea ratione quæ de asino assignata est, decernit : nam non nisi generosis equis perpulcha esse solet. Equus calcitrosus turbulentam, mansuetus tranquillam, robus bonam, æger malam, speciosus nobilem, deformis humilem, securus in ambulando tutam, cespitans caducam fortunam significat : ornatus, splendidum statum demonstrat. Ex equo descendere, bono aliquo fortunæ se spontè abdicare significat : cadere autem, per vim priuari, sed non sine spe recuperandi. Sed equum amittere, sine spe etiam recuperandi, quod valde malum est : cadere autem cum ipso equo, & lædi, est ex toto corruere cum fortuna sua, & detrimento vitæ. Si id contingat currente equo, culpâ suâ id accidet. Albus color mortem & pericula decernit, quòd procul videatur : vitam tamen hilarem decernit : niger, opulentam fortunam : ruber, contentiones & molestias. Asturconem equitare, est vitam felicem ducere, & negotia iuxta vota succedere.

## CAPVT XL.

*De materia & excrementis animalium, pellibus, pilis, cornibus, ungulis, stercore & vrina.*

**S**Tercus animalium & vrina generaliter smala sunt, & significant res abominandas : quoniam habent quibus commodè utamur. Fimus tamen equinus bonus est agricolis & chymistis : quoniam illis vtilitatem aut commodum affert : vrina verò cum nulli sit vsui, ad pecunias eius qui ad nos aut causæ referenda est : significat etiam exolutionem cutarum, pro natura animalis hominem subuicentis.

Pellis verò insigne est animalis, vt vexillum hominum ac militum. Pellem leonis in-

*Tom. V.*

uenire, vel lucrari, vel quouis modo habere, significat victoriam de potenti viro : at pardalis aut pantheræ, de subdolo & versipelli : hyenæ, de pernicioso insidiatore : lupi, hominis atrocis : cerui, inconstantis & fugacis : leporis, timidi : vulpis, cauti, atque ita de aliis. Pellem autem animalis induere, est mores illius induere, aut subire conditionem, aut cogi : velut pellem draconis, est fieri superbum, arrogantem, crudelem, auarum : aut timeri ab omnibus, aut vitari ab omnibus, & persecutionem pati. Excoriare verò pellem, siquidem ad domesticos referri possit, bonum est : illorum enim vitia emendabit : at si ad alios, victor erit, illosque suo robore exuet.

Pili autem, ad fortunam solùm referuntur : vnde pilis suillis nihil est deterius. Cum ignominia crudeliter mactabitur, quicumque somniauerit se tales pilos habere, si solemne somnium fuerit : aliter contemnetur, & ipse suillis moribus vtetur, vorax, sordidus & despectus. Pilis asini labores, leporis mortem breui & crudelem : parum enim viuit, & à canibus viua lacerari solet. Pilis leonis, erit formidabilis : lana onis, occidetur à suis, & spoliabitur fortunis. At verò pilos videre, sed non innatos sibi, significat opera facturum similia : velut asini pili rem ingratam, & haud ciuilem : suis autem sordidam vulpis, fraudulentam.

Plumæ verò pilorum instar sunt, sed decorem & spes significant : vnde etiam fabula de pauonis plumis, & cornu. Plumæ pauonis ambitiosum & inanem, aquilæ ferocem & rapacem : psittaci nugatorem, sed speciosum & modestum : picæ autem maledicum, & contemptum : accipitris instabilem & crudelem, lepidum tamen : corni sordidum, nugacem, & omnibus inuisum.

Vngulæ & cornua eodem modo se habent, vt etiam vngues rapacium : arma enim significant. Equus sine vngulis, & bos sine cornibus, exarmatum hostem aut auxiliatorem declarant. Ebur autem propter opera, nobilitatem significat : vngulas equi seorsum inuenire bonum est, si ad inimicum referatur : si enim inuenisti, ille non habet : vngues etiam & cornua, & rostra & vngulæ, si ad principes referantur, arces significant. Rostrum tamen aliud etiam significat, scilicet pecunias illius, & opes : quoniam, vt rostrum, sunt vitæ necessaria. Ex vngulis aut rostro facta esse manubria gladiatorum, aut alia artificia, est conuersam esse vim ad industriam. Calcaria gallorum, dignitatem hominis referunt. Plurimum creuisse pilos in animali, est pecuniosum illum esse, & ob id tutiorem : at creuisse rostra, vngues, & similia, est præparatum esse ad pugnam : at commutata esse quæ vni conueniunt in aliud, vt cornua equis, solidæ vngulæ bobus, est potentiam plurimam ob imprudentiam reddi inutilem.

Pellem, pilos, cornua, vngues, sterces, ac generaliter singula, commutari in naturam animali haud conuenientem : vt si sint aurea, vel ferrea, vel lutea, vel creata, ligneave aut lapidea : nihil horum bonum, nisi in ferrum, ob duritiem : vel in aurum, argentumve

HHh 2

tune



tunc enim robur illius in pecunia futurum existimabis.

## CAPVT XLI.

De hominum generalibus  
differentiis.

**G**enerales hominum differentiae aut sumuntur à specie, aut à partibus ex quibus componitur. A specie, vel à regione, vel religione, vel lingua, vel perfectione, vel proprietatibus, quae cum perfectione sunt, euariant tamen, ut obesus, pinguis, magnus, pulcher, candidus, robustus. A perfectione, claudus surdus, caecus, monstrosus. Dissimilia omnia, cum non ad idolum referuntur: si simplicia sint, ut regio, negotium & hominem valde diuersum significant. Si lingua, impeditum: si religione, cum contentione & insoejabile. Imperfectum verò omne absurdum. Surdus, inexorabilem, mutus, mendacem: caecus, ineptum, contemptoremque tui: neque enim caeci quenkam honore afficiunt: claudi, deceptorem, tardum: gibbi, dolosos: strabi, perfidos. Aetates, sexus, magnitudo, omnia extrema & inconcinna mala.

Quae verò ad hominem pertinent, sunt corpus & anima, & facultates atque operationes. De anima quidem dictum est: corpus verò, fundamentum atque vehiculum indicat. Facultates autem, potentiam, dignitatem, opes, & omnia quibus homo iuuatur: at functiones operum perfectionem, & absolutas res significant. Sunt autem partes generales, principales: caput, pro dignitate & potentia & sapientia: cor, pro vita, filiis, amore: iecur, pro opibus: virga, pro existimatione, & efficacia in negotiis: pedes, pro fundamento omnium: venae, nervi, arteriae, & vasa, pro his quae inseruiunt: venae, unde colligitur pecunia, & quae seruatur: nervi, omnes auxiliatores potentiae: ossa, unde robur & consanguinei: arteriae, animum & efficaciam.

## CAPVT XLII.

## De propriis partibus hominis.

**C**apilli & pili significant diuitias, cognitos, vestes: & faciliter fluunt & cadunt, crescunt & renascuntur in Principe, tum subditos. Dentes, significant totam familiam: & qui non sine sanguine cadunt aut vitiantur, coniunctos: qui sine, amicos aut familiares tantum. Diuiduntur multifariam: dextri masculos, sinistri foeminas, superiores masculos & maiores, inferiores foeminas & natu minores: anteriores, iuniores: posteriores, natu grandiores: oculares: id est, qui & canini, propriè filios significant. Si ergo anterior dens sine sanguine cadat, morietur filius amici tui. Dolor quoque significat coniunctos & amicos valde: si sine dolore, familiares, clientes, domesticorum quempiam. Dentes omnes cecidisse, aut perdi-

tionem familiae, aut exilium, aut longissimam vitam nunciat: valde senibus enim omnes tandem cadunt dentes. Multae manus opificibus & probis viris bonum, flagitiosis vincula significant: ut etiam pili ex articulo manus enati. Pili è palma nati, otium portendunt. Plures digiti, operariis rerum subtilium bonum, reliquis vulnera: nam ad illa chirurgi multis digitis indigent. Dextra manus, quae parantur, bona significat: sinistra, quae parta sunt: paucitas digitorum, impedimenta & opera imperfecta significat. Pectus, arcana significat. In eo vulnerari, iuuenibus amorem, senibus malum nuncium praedicat. Diuidi pectus, & aperiri, arcana detegenda nunciat. Plures habere pedes, morbos longos vel caecitatem significat: nam iis indigent caeci, & huiusmodi casibus afflicti. Aquam è pedibus fluere, significat hydropem, aut damnationem ad triremes. Sed pedes amburi, omnium euerfionem praefagit, filiorum, opum, domesticorum. Caput habere egregij alicuius animalis, significat maiora negotia quam pro viribus aggressurum: equi autem, aut asini, labores magnos: canis, maximam sollicitudinem: bouis, caprae, ovis, capite plectendum nunciat: & similiter suillum, sed hoc flagitia etiam significat: omnia enim haec animalia malleo occiduntur, aut iugulantur. Hoc etiam significabunt cornua in capite enata. Viscera omnia extracta videre, patefieri arcana nunciat, aut perniciem omnium domesticorum & filiorum. Intus verò sua viscera inspicere, bonum est ei qui suis meruit: securi enim erunt: aliis metum & dolorem inuenit. Crura significant consanguineos. Cui crus abscissum videbitur, consanguineus eius in longinquas regiones ibit, nec amplius reuertetur: aut in arte sua maximum patietur detrimentum. Cui impinguabitur, discescet ipse, aut consanguineus potens fiet. Cui crus fit aureum, nobilitabitur in arte, vel eius consanguineus potens fiet: si ferreum, erit inuictus, aut consanguineus gloriam ex fortitudine adipiscetur: si vitreum, diffidet in arte sua, vel consanguineus in magno periculo erit: cui crus extenuabitur, vilescet opinione in sua arte, aut consanguineus euertetur è potentia vel dignitate. Cui crus depilabitur, amittet fautores suos, aut consanguineos. Cui tibia, loco cruris, eadem de facultatibus dicenda erunt quae in crure de arte diximus. Et ita de aliis. Dentes agris si cadere videntur, salutem significant: si tamen omnes exciderint, mortem. Si dentes inaequales enadant, aut homo sibi videatur modicum sanguinem spuere, seditionem in domo portendit: illud quidem ratione, hoc obseruatione frequenti cognitum. Dentes ferrei crudelitatem significant, & robur vitae, & inopiam: dura enim inopes mandere coguntur. Aurei autem, magnificum apparatus: eburnei, contemptum: sed utriusque parum boni significant. Lingua tumefacta, ob sermonem iacturam passurum significat: resoluta, & magis si ablata sit, miseriam: nam pauperes hiscere non audent: aut carceres, vel impedimenta plurima decernit. Pilos in lingua habere, mortem, aut morbos, aut impedimenta magna praedicat.

vidiula sub:  
litay? bahu  
Anatomig m  
ta



prædicit. Significat & maledicentiam. Idem eademque omnia significant pili in quavis parte oris enati : & nigri, velociorem euentum horum rubris, & rubri albis. Casus pilorum significat timorem vehementem, venenum aut luem : ex his enim pili vniuersi cadere solent. Refert Scirnacum, quod cum Serimachij : id est, Serim doctori quidam dixisset, vidisse per somnum, excidisse pilos omnes præterquam genitalium : respondisse, id significare calamitatem in omnibus, præterquam mulieribus : quæ & euenit. Alteri verò, cum dixisset, visum sibi pilos crurium crenisse, quos sibi forcipe præcideret, paupertatem & ruinam prædixisse. Barba longa, si compta fuerit, auctoritatem & lucrum significat : sed si inornata fuerit, morbos & squalorem. Pili narium, tedium & molestiam à principe, vel potentiore. Quod si eos euellat, liberabitur, sed non sine labore, dolore atque iactura. Significant etiam infamiam hi pili.

Magnitudo capitis, significat potentiam : manuum, felicitatem familiarium : vetricis, opulentiam : pedum, vitæ longitudinem : contraria, contraria : atque hæc, si diu permanere videantur, & citra morbum : cum morbo verò cuiusmodi erunt, sed non sine molestia : colli magnitudo, robur vitæ. Magnitudo pectoris, consilium & prudentiam : oclusum atque impeditum os sic habere vt deuorare non possit, mortem nunciat repentinam. Oculos habere magnos, bonum & decorum, ac filiis vtile. Oculo primari est filium amittere : tres habere oculos, est augeri filio vno, vel nepote ex filio : si ætas non admittat, sed is vel vnus eorum qui iam sunt, breui morientur : quoniam præter naturam est habere plus quam duos oculos. Paulò antè quam nasceretur nepos ex filio, vidi in speculo me habere tres oculos, inde quatuor : paulò post natus est nepos, & statim mortua est neptis, eius soror, & filius : & ita duo loco vnus periere, vt somnium ostenderat : at ego antea intelligere non poteram, Nasus ad decorem magis quam ad opus pertinet : quia hominibus paruum vsum præstat. Idèd nasus auctoritatem significat. Naso carere, lethale, præsertim ægro : nam caluariæ eo carent. Duplicem habere, dissidium inter domesticos : est enim res nostra. Nasus etiam religionis cultum notat : Oculi etiam parentes significant : per illos enim lucem videmus & fratres : ob similitudinem : & religionem : quia ea prospicimus vitam. Cyclopem factum esse, declarat hæresim patefactam : aut magnum aliud dedecus, vel etiam in parentibus vel filiis vel fratre. Et certè oculi pietatem, qualis sit, declarant. Mandibulæ duæ significat totam domum : inferior, minores & minus nobiles : & superior, maiores, aut nobiliores : ita vt inferior significet, nobiles iuniores, & ignobiles seniores : superior verò, maiores natu nobiles, ignobiles verò iuniores : ab inferiore etiam, propter dentes anteriores. Conuulsam ergo esse maxillam vnâ aut ambas, ruinam domus totius aut partis significat : at si solum luxata sit, erit tota domus in dissidio, & penuria rerum domestici ac

demus laborabunt. Corruptam esse maxillam, & putrefactâ, valde malû est : aut enim peribunt, aut vitiis corrupti euertent domû.

Ozæna in naso morbus est seu polypus, infamiam grandem significat : non solum de se male, sed magis de suis familiaribus atque coniunctis audiet. Nasi verò partem amputatam, dedecus maximum, & publicum : auris autem, magis tectum significat.

Mandibulas circa morbum intumuisse, significat, familiæ sine vtilitate, imò potius cum incommodo incrementum. At nasus si crenisse videatur cum proportionem & decore, auctoritatem significat : at si turpiter, comoda re malè vsurum, & deformes prædicat actiones.

Pectus habere amplum, sed decens, multam significat prudentiam : at indecens si fuerit, multorum flagitiorum conscientiam. Pectoris morbo ægrotare, est imprudenter se gerere. Tussi vexari, est conari se exonerare malefactorum conscientia : impediri respirationem, est impediri ab actionibus, quas facere decreueras. Pectus ferreum factum esse, siquidem aptè, moueatur, bonum est, & significat prudentiam & fortitudinem : lapideum & immobile, inopiam omnis consilij & auxilij, vt quò te veritas nescias : iuxta illud : Cum temarmoreum fecimus. Pectus vitreum, stultitiam, vitæ periculum, deiecta consilia : aureum verò, ei qui habet, ob grauitatem damnum & curas nimias affert : iustitia tamen & probitate insignem demonstrat.

Lingua ferrea, significat acumen in dicendo, & inuictum in perorando : aurea, eloquentiam cum grauitate, si aptè moueri videatur : aliter ineptum & superbum : lapidea, inutilis prorsus est.

Partes omnes significant secundum propriam operationem, vt crus ambulandi : & pes sustinendi : & secundum proportionem ad totum : vt caput, dominum domus, & parentes : & iuxta substantiæ naturam in patiendi facili aut difficulter : velut ossa firmitatem, caro morbos prænunciat. Et adeps, personam inutilem in domo. Et omnia quæ personas viles significant, facilius transeunt in significatum affectus.

Buecas habere inflatas, est iniuriam egregiam & manifestam pati. Testes timidos habere, est grauem curam habere pro filiis, aut vxore, vel concubina. Membrum virile in immensum creuisse, est filium patri non leuem, & cum infamia exhibere. Si attem langueat, deterius est : nam patri robur deerit, & filius ipse ignauus & omnino deses erit.

Humerum habere aureum, est potestatem habere insignem : eburneum verò, potestatem ex virtute partam. Adamantinum, significat regnum : est enim humerus robur actionum, & locus qui ornari solet : luteum, cretæmque habere, omnibus malum est admodum : vitreum, magistratum habenti periculum amissionis dignitatis, non habenti casus status : & si ciuis sit, ne inter ciues habeatur.

Cornua habere animalis quod iugulari soleat, significat periturum supplicio capitali : nam hi qui sic, moriuntur vt boues vel capræ vel oues. Ramos vt arborem emittere,

HHh 3 est



est filios stolidos generare. Brachia habere lignea vel lapidea, est vinctum esse, aut resolutum: ferrea verò, aut amputata esse, aut inimicitias subire capitales, aut triremes, vel laborem maximum. Eadem fermè de cruribus, vel ad domesticos referatur. Sed ad significatum proprium tunc transferendum est. Sic si voluisset dicere Artemidorus, non malè dixisset, cum ait non esse ænigmata somniis immiscenda: aliter rudis viri dictum esset, & eius qui non solum ignorat multa, sed viam præcludere nititur ulteriori inuentioni.

Membris destitui, semper malum est: quia non solum functionem, sed etiam facultatem aufert. Tribus in casibus bonum est: vel cum excessum aded magnum significat, vt omnino ad rem redire non possit: vt si magistro ludi literarij somnium eueniat, quo lingua sublata videatur, fiatque à secretis regis: neque enim potest ob dignitatem ludimagister amplius esse. Vel quoniam malè exercetur: vt carnifici vel furi amputatæ manus videantur: nam emendando vitium hæc impotentia utilis est: vel significando perpetuitatem cessationis, non impotentiam: vt futuri hæreditas opulenta eueniens, amputatione manuum significata. Multitudo verò membrorum vel ad necessitatem reducitur, & tunc mala est: vel ad impedimentum, & tunc non aded mala: aut ad operationem, & tunc bona est, vnde multa capita dissidium in regendo significare possunt: aut quod est non esse muneri sufficiens, & hoc etiam deterius: vel in consulendo affuturum auxilium alterum tanquam ipsummet, aut alium ducem in auxilium venturum, & hoc est bonum.

### C A P V T XLIII.

#### *De affectionibus.*

**A**ffectiones dico, omnes quæ sine exteriori sunt mutatione. Sunt autem cogitare, intelligere, memorari, imaginari, timere, sperare, lætari, tristari, amare, odisse: inuidere, irasci, misereri, cupere, spernere, dolere, & voluptate affici, calere, frigere, famescere, sitire, dormituri, micturire, cacaturire, & similia. Omnia hæc primum supra causam suam significant. Timor iram principis, inimicos potentes, litem, grauem morbum. Spes, iucundum initium, læticia, causas suas, velut nuptias suas aut fratris aut filij, aut ortum filij. Mæror, luctum, aut pecuniæ amissionem: quoniam proximæ idolo sunt huiusmodi visiones.

Tristari ergo ob nulam causam, idolum est, & veram tristitiam significat, sicut etiam irasci: quoniam commutare non potest.

Amare, est dolere: quoniam amor genus quoddam est doloris: & obamare & amari, quæ dictiones quasi eadem sunt: propriè autem amare, amissionem significat: amissa enim semper magis amamus, præsertim nuper, quàm quæ possidemus.

Odisse eadem ratione, quæ de tristitia dicta est, si nesciamus quid sit quod odio ha-

beamus, nec cur, verum ostendit odium. Verum si odio videamur aliquem per somnum prosequi, qui in vigilia ignotus sit, errasse nos, nosque ipsos odio dignos esse ostendit: ideoque nil mirum si iuste nos odimus: odisse notum, damnum & iniuriam ab eodem significat: sic enim meritò illum oderimus.

Lætari, vt dixi, absque causa, læticiam significat: & ided supra causam aliquam reflectitur: at lætari ob pecuniam, gratia exempli, mærores, ob causas quas pecunia inuenta declarat: vnde duplex, in omnibus consideratio. Exempli causa, cum lætari ob aliquid proponatur, (aliter, vt dixi, species idoli est causam læticiæ eam esse oportet, vt pecuniarum inuentionem: at lætari, quia inuentam existimas pecuniam: at inuenta non est: falsa igitur est causa læticiæ: tristitia igitur causa est alia per vigiliam. Contrarium enim læticiæ est tristitia, & iam causa læticiæ falsa deprehenditur & supponitur: causa igitur erit tristitiæ: & quoniam læticia falsa & vera tristitia convertuntur, & in idem incidunt, etiam causa falsa læticiæ cum causa veræ tristitiæ coincidet, quæ est inuentio pecuniarum. Qua ergo ratione pecuniarum inuentio læticiam significabat, opposita significabit tristitiam: habebimus ergo ex hoc somnio duas inuentiones tristitiæ ob læticiam, & causarum tristitiæ ob causas læticiæ, in pecunia inuenta, vtpote posse explere vota quæcunque etiam erunt, destitui spe explendorum votorum: & quæ propriæ sunt pecuniæ, vt labor in parando, & sollicitudo in custodiendo, & anxietas in distribuendo, vt satisfacere possis cupiditatibus tuis. Præter hæc sunt causæ, quæ etiam per somnum adici solent in inuentione, vt ne quis viderit: aut quod ferre non possit, timeatque ne quis alijs superueniens eum detegat: aut per vim eripiat, aut etiam occidat. Sic ergo habes tres causas, quare affectus cum causa: quia causas tripliciter in contrarium vergit: tum quia non adest, tum quia ipsa per se etiam contrario affectui aliqua ex parte assimilatur, tum quia in adiscendo contrarium mouet affectum, illum significat non quem in somno experimur: & causas esse ex triplici genere à causa sumenda. Voluptate igitur affici, iuxta ea quæ dicta sunt significat dolere: vt dolere, voluptate affici. Verum hæc corporea sunt, & ided ambigua: verumque enim per vtrumque significatur. Et voluptas quidem: quoniam causam coniunctam habet, ex genere idoli est: sic etiam dolor. Et si remaneant soluto somno, pro idolis habentur.

Misereri, vt suo loco dabimus exemplum, luctum significat: & malum somnium est: quoniam non potest ad contrarium verti: est enim in medio: sola extrema convertuntur.

Irasci contrarium est misericordiæ: significat, iniuriam accepturum. Significat & inuidiam: quoniam ex inuidia ad iram homo prorumpit: est enim inuidia levis ira: idem significat indignari: ergo omnia hæc exaltationem inimicorum, iniusta facta, mærorem atque tristitiam significant. Cum verò huiusmodi affectus in anima sint, ad ea quæ

*in my. argu-  
tur suo ma-  
lari. u. u.  
in e. h. s. u.  
u. u. u.*



quæ per animam significantur accommodari debent. Velut ira, ad vxoris iustum dolorem, vel amici singularis. Significat & morbum qui vitam conturbat, vt ira animam.

Inuidere est, felicitatem in proximis videre, seu amici sint, seu inimici: Et rursus inuidere, est cupere: vt cupere inuidere. Significat etiam dolorem & animi & corporis: & hæc eadem transferuntur ad filios & vxorem. Sed & amissionem portendit opum, libertatis, sanitatis: ob hoc enim inuident mortales.

Cupere & spernere quandoque, cum extranea fuerint, in contrarium transeunt, vt vnum pro altero accipiatur. Cupere propriè amissionem rei, quæ non potest redimi, significat: & ob id luctum inuidere, est pro honoribus & facultatibus. Et cupere equum, est cupere honorem, & contemnere pari ratione. Et cupere asinum, est cupere opes: sed cupere visum restitui, est priuari filiis: cupere mulam, aut artem propriam posse exercere, est vxore priuari: cupere animam restitui, est filium aut vxorem perdere: Cupere honores, est equum desiderare. Cupere opes, est ventris morbo velle sanari.

Sperare atque timere ex æquo, cum sint affectuum princeps, vnum in aliud conuertitur: & ambo dolorem significant: sed spes longè deterior est quàm timor, & maxime si rei amissæ sit. Inanis est omnis somnij affectus: vnde vanam spem significat. Timor tamen magnus, vt loco suo dicetur, exitij signum est: aded vt timor ad exitium, spes ad luctum magis pertineat.

Intelligere, cum sit res prope animam, plerumque ad idolum pertinet. Multi multa per somnum didicere, vt de Hasen refertur. Et ego aliqua, quamuis exilia, didici. Est autem intellectus prima seu perfectissima animæ operatio: & ided intelligere significat Dei venerationem & pietatem. Sapientia enim & Dei cultus se mutuo referunt.

Memoriæ mandare, est colligere minutim: & minutim colligere, memoriæ mandare. Et discere quæ iam didicisti, inanem & superfluam curam. Et memorari eorum quæ didicisti, est ordinare quæ iam habes. Et recordari ad præterita pertinet: & est operam dare historiæ. Et significat monumentum & sepulchrum, memoria, à communi nomine *μνημα*: & intelligentiam, & diuinam sapientiam, ac poësim, à *μνημοσύνη* & animi tristitiam ac dolorem, à *μνημία*, quod est tristis incedo. Et hæc omnes significationes à rei ipsius natura, non solum è nominum similitudine pendet: nam qui recordantur, quasi tristes degunt.

Cogitare & ratiocinari, hominis proprium est: & significat multitudinem & magnitudinem curarum atque negotiorum. Est etiam, opera omnia mentis exercere: & vt memoria est præteritorum, ita cogitatio præsentium, imaginari futurorum. Significat deliberare, indicare, dubitare, insidias parare, machinari, esse sollicitum in metu, in periculo: & promptitudinem, ac esse præparatum ad negotia.

Imaginari, significat præparationem ad futura & imminencia, & graues curas, quibus cogimur imaginari exitum. Sed & fingere aliquid: tum omne genus effingendi, picturam, plasticem, scripturam, cælare, texereque.

Quicumque affectus desiderium ostendunt, earundem actionum, de quibus dicemus indigentiam, quatenus ergo bonæ sunt, significant: vt esurire, paupertatem, & lucri cupiditatem: edere & enim est lucrari. Omnium horum maximi sunt, misericordia, & post metus causa exclamare, & magis si surgere cogat. Et quicumque in vigiliam vsque extenduntur, præter eos qui cum desiderio sunt: nam hi si etiam vigilantibus nobis permanent, affectum indicant esse naturalem, & non visionem. Animi affectus corporis morbos, & etiam eorum qui ad nos affectus significare solent.

## C A P V T XLIV.

### De actionibus & passionibus.

**A**ctiones, vt dixi, sunt quæcunque extra mentem exteduntur, nec tamen operantur certa, ratione: ne artes includamus. Prudentia quidem non propriè operatur, sed agere docet. Opera igitur alia sunt sensus, alia actiones, alia passionibus. Non est hic locus de nominibus disputandi: satis est, quod per actiones volo intelligi, quicquid homo agit, aut patitur, quod possit ab alio videri, vel sentiri: non tamen sit artis exercitatio, vt fabrilis, aut citharistia. Primum ergo erunt opera quinque sensuum. Deinde motuum: & hæc diuiduntur in actiones & passionibus. Et plura quæ ad actiones pertinent, habent suas passionibus: vt verberare & verberari, vulnerare & vulnerari. Quædam non habent vt currere: sed quædam, quod in alio est, ad seipsum transferunt: vt ridere & irrideri, plorare & plorari. At non dicimus currere & curri: hoc enim præterquam quod est præter linguam Latinam, est etiam inusitatum. Ergo distinguamus euidentiora illa etiam per species distinguentes in tractatione: velut verberari baculo, lapide, flagello, virgâ: erunt igitur, videre, audire, olfacere, gustare, edere, bibere, vomere, mingere, egerere, tangere, concumbere, ridere, titillare, plorare, lamentari, suspirare, loqui, clamare, singultire, percutere, vulnerare, ambulare, currere, psallere, salire, equitare, luctari, venari, piscari, aucupari, canere sine arte, tussire, pandiculari, eructare, pedere, natare, sternutare, dormire, vigilare, respirare, pulsus arteriarum percipere. Præterea suspendi, interfici, lacerari, capite plecti, verberari ab equo, torqueri, orare, supplicare, mentiri, oscitare: sedere, stare, stertere, sudare, à canibus lacerari, pugnare, volare, ludere, propriè mori, resurgere, decipi, fraudare, litigare ægrotare, veretrum tendi, parere, acquirere, amittere, spoliari, vi exuere vestes, atque induere: honorari, contemni, irrideri, sibilare, exhibitari, fugere, persequi, ascendere

HHh 4 descendere,



descendere, increpare, secare, comere, tremere, dentibus stridere, iacere, lauari, fricari, inungi, testamentum condere, furari, latrocinari, fodere, vehere, blandiri, adulari, tondere oves, ornari, cibosque præparare.

Titillare ergo est, mœrore afficere: quoniam lætitiā & risum gignit, & vim infert. Cū quadam nocte curarem infantem, visum est mihi quod titillarem eum, & ipse me vicissim: intellexi morituram, ex hoc somnio: manē igitur sequenti mortuus est.

Osculari, significat beneficium conferre: sed si Veneris causa, beneficium recipere. Quidam ergo cū somniasset, scortum ignotum formosum veneris causa dissuaniari, & cū mihi id narrasset, respondi, ab ignoto breui vtilitatem habiturum: quod ille vix credere poterat. Eadem die aduenit ignotus, qui illi multa pollicitus, præter omnem spem magnam partem eorum, non tamen omnia præstitit. Quia enim concubitus admittit, actum exhibet: actus autem ad beneficium refertur: quia cum voluptate fit.

Verberari & conculcari, sunt & sine dolore, & plagis, & cum alterutro & cum utroque. Conculcari contumeliosius est, sed sine plagis fit, & sine dolore, vel cum paruo: plurimum autem differt quā conditione fit, nobilis aut senex: sed hoc suo loco dicitur. Conculcari ab amico, bonum non est. Verberari, est admoneri: & cum plagis, erit cum vtilitate: vel illius causa sumptum facies: at ab inimico, citra dolorem & plagas significat iniuriam, infamiam & dedecus: si cum plagis, damnum: si cum dolore aderit, tristitia & anxietas maxima. Considera etiam imminetia: nam si homicidij reus sis, ab amico monitus, euades periculum: aut captus pro capitali supplicio, in exilium mitteris. Quod si nec amicus sit, nec inimicus qui verberat, sed notus, tamen læderis, iuxta rationem hominis & faciei: aut inuaberis à persona cognita, aut amico, sed non amici officio fungente: aut læderis ab inimico, sed non ita ut timuisses. Ab incognito autem si vereris, tractationem incognitorum consule. Quod si cognitus homo ille partim amicus, partim te læserit aliās aut maledixerit iuxta qualitatem vtramque pro magnitudine iudica. Sceptro à rege verberari, est ab illo beneficium recipere.

Inungi, morbum grauem significat: & si oleum redolet, gratiam apud principem & populum ex bonis operibus: si grauius oleat infamiam & indignationem: In facinorosis tormenta, in pluribus sacerdotum: in his qui ex regia stirpe sunt, regnum: vnguntur enim sacerdotes & reges: & qui vnguntur, vinciuntur, ut etiam flagitiosi capti.

Volare, spem significat. Et volare pedibus antè extensis, ut ego soleo, præposteram, & animi curam anxiam: Volare ad cælum vsque, vel ad nubes, nec redire, mortem proximam cum laude. Volare ac tectorum culmina, spem de re quæ possit haberi: aut præbiturum admirationem. Volare, nec habere alas, rem incognā, nec diurnā. Volare &

cadere, valde malum est: amittet enim certa pro incertis. Volare, & baculo ferreo inniti, est spem tuam à potenti viro foueri. Diu & in longum volare, est iter facere pro volatus ratione.

Salu perpetuo se in altum attollere, est magnis conatibus ac laboribus parum aut nil proficere. Salire verò super montem, & cum agilitate, significat prosperos successus.

Vulnerari, est laborare ac dolore: quod si sanguis in terram effundatur, est operam & oleum perdere: sed si super vestes, lucrabitur. Si in vtrumque, lucrabitur, sed non tantum. Vulnera sicca mala sunt, quod contra naturam sint: idè inopiam necessariorum significant. Vulnerari, verberari etiam, & conculcari, iuxta conditionem illorum à quibus hæc pateris, interpretari debent. Martha Motta quoties somniabat à medico se verberari, medicamentum sumebat ab eo ex quo lædebatur: erat enim ille asinus.

Concubitus significat voluptatem propter delectationem, vtilitatem propter coniunctionem & tædij solutionem significat & beneficium, propter id quod semen suum effundit. Coire cum vidua nota, est consequi partem hæreditatis illius, vel alterius, vel ab illius hæredibus: cum ignota autem, suo labore alteri pecuniam parare. Quod cum cuidam casu qui id somniauerat exposuissem, essetque lusor, rogantibus ut laderet, recusauit, seu ob somnij perplexam interpretationem, seu quod pecunias non haberet. Dum ergo astans quidam rogaret, ut de sua pecunia luderet, lusit, & vicit pro illo grandem pecuniam. Et ita dum vitare vult somnij prædictionem, impleuit. Cum masculo concumbere, est rem absurdam, & cum periculo facere. Et si semen emittere videatur, ob id in capitis discrimen vocabitur: propter hominymiam verbi corrumpi, quod & putrescere, & semen emittere significat. Qui cum mortuo concumbit, si noto, illius hæredibus feret auxilium: si ignoto, inimicum superabit. Qui cum infante concumbit noto, nec emittat semen, ægrotabit infans ille: si emittat, etiam morietur. Si autem ignoro, auxilium feret impotenti, aut damnum, absurdā ratione. Cum diuis coire, est breui mortem oppetere, aut religioni se adiacere. Cum mortuo etiam concumbere, per sepe mortis propinquæ signum est. Cum vxore, amica, vel pulchra muliere concumbere, tædij solutionem, beneficium, gratiam amicitiamque, significat: concumbere cum pulchro puero, significat actionem specie pulchram & iucundam, verum periculolam, inutilem & infamem: ut sunt poetica studia, chymica, ac similia: sed cum deformi, vel viro, vel anu, enormes. Seipsum inire, est tormenta pati maxima: vel negotiorum significat confusionem, aut cum coniunctis commisceri. Misceri meretrici, ridiculum est, & paruum sumptum cum voluptate significat: at misceri in lupanari, nec exire posse, mortem prædicat. Velle concumbere, nec posse, est frustrari voto. Iniri omnibus absurdum factum & contemptum significat: est enim succumbere.



cumbere. Deterius, à vili persona. Inire domesticos bonum est: voluptatem enim ex rebus suis ac fructibus earum capiet. Inire diuitem & seniore, lucrum significat: pauperem & iuniorem, iacturam. Masturbari, significat familiarem inire: cum manu: id est, ministra nostra voluptatem capimus. Masturbare alium, si ille filios habeat, & hic aptus sit, fiet pedagogus filiorum eius. At cum raro contingat ut omnia adsint, turpe obsequium alij præstabit. Narrat Artemidorus, quod cum quidam vidisset sibi ab hero virilia duci, alligatus columnæ fuit & ab eo flagellatus vehementer est: nam pro semine sanguis, & pro voluptate dolor significabatur. Inire coniunctos, factum absurdum, odio plenum, turpitudinemque ac contemptum significat. Solum patri pauperi diuitem inire filiam, bonum: ab ea enim alitur: quamvis factum hoc vituperatione non carebit: sed pietate excusatur. Inimicos inire, bonum, aut enim illos superabit, aut cum illis reconciliabitur, hoc tamen propter legem, cum quadam infamiae nota erit. Cum matre viua concumbere etiam bonum est: nam naturam propitiam significat, & agris salutare est. Coire cum minus amicis aut familiaribus, est illos in domum recipere: sic enim cum illis coimus, vel fœdus cum eis contrahemus. Coitus omnis auersus, præsertim cum muliere, significat illius ad somniantem odium: est enim auersari somniantem.

Seipsum fellare, mortem propriam filiorum, amicorum, vxoris, & paupertatem summam ostendit. Dæmonem inire, aut astra, mortem præfigit: iniri autem à Dæmone, sapientiam, ab astro potentiam significat. Animalia rationis expertia inire, siquidem muta sint & sine voce, similiter mortuam plantam aut animal mortuum, aut lapidem vel terram, lethale est. Inire animal venenatum, est venenato populo perire: idem significat, ab huiusmodi iniri. Inire animal vocale, sed inutile, dedecus, anxietatem, pericula, atque eò maiora, quò magis ab humana natura recesserit, significat. At vacas inire, oues, capras, asinas, camelas, sues, equas, est fructum ex eiusmodi animalibus capere: quamvis suum inire omnino tutum non sit. Inire plantam, est ex illa fructum capere: at iniri à planta, mortiferum est. Inire animalia mascula, est offendi ab illis. Cum fera concumbere, est improbo fauere: nam actus ille ad vtilitatem refertur.

Testamentum condere, est arcana fateri, torqueri, grauiter ægrotare, longum iter suscipere, vitare vitæ institutum: pauperi tamen valde bonum, quod tales condere testamentum sine opibus non possint: idè lucrum magnum significat. Sic seruo, exuli, damnatoque.

Furto amittere aliquid, est re charâ priuari. Cum semel somniassem amisisse omnia bona, inde inuenisse omnia præter gemmas & monilia, cum nihil tamen huiusmodi haberem: sequenti die aufugit puer, cuius sermonis elegantia mirum in modum delecta-

bar: post mensēque adduxit patrualem suum alterum puerum, sed ei non erat lepor sermonis: & hoc indicabat somnium ad vnguem: amiseram enim rem nullius pretij, cum mihi (ut dixi) gemmæ non essent.

Mori, est religionem ingredi, consilium mutare, legem abiurare in qua natus es, fœdari.

Foueam fodere sibi, aut fodi spectare, est domum exadificare. Vium trudere aliquem in foueam, est causam præbere ut in carcerem tradatur, aut impediatur in suo negotio.

Scalpere, decipere: scapi, decipi: nonnunquam expleturum insanum vorum exiguæ rei nunciat.

Suspendi, exilium, damnationem ad triremes, gloriamque magnam prædicit. Si tu vel notus per somnium suspendi videaris, negotium tuum diutius protrahitur: si ignotus, præferetur tibi aliquis, cuius causa dolore afficeris. Gloriam enim cum magna anxietate significat suspendium.

Capite plecti, propriè exilium: alterutrum horum liberationem à cura, seruitute, carcere, morbo, exilioque significat: mortuis enim nihil horum esse potest.

Natare, semper morbum significat: fit enim cum labore: sudorem & pituitam refert, fitque cum metu: sed longè deterius est in aqua turbida, in stagno, vestitum, loco & tempore absurdo: infortunium enim, præter morbum, prædicit: neque enim quisquam cum vestibus natat, nisi vel inimicos fugiens, vel periculum ingens, vel si in aquam ceciderit.

Balneari indutum vestibus, morbum significat: quod ægri sic balneum ingrediantur: si verò aqua in balneo desit, irritos significat labores. Maximè hoc erit in his quæ ex multitudinis arbitrio pendent. Balneum quoque nostris temporibus prædicit morbos, fœdum, habitum, labores, tedium: non enim aliter ad illud accedere solemus.

Saltare solum, amentiae signum est: nauiganti tempestatem, propter inconcinnum motum: ægro dedirium, cæteris facta impudentia ac stulta.

Nolam pulsare, auctoritatem apud populum significat.

Cacare in locis publicis, conspectum illius loci prohibet, Seipsum autem stercore conspurcare, aut lectum, est ob facta turpia odiosum & contemptum reddere: nec non ægrotare grauiter: huiusmodi enim graniter ægrotantibus accidere solent: in templo autem, fœdus, & magis abominandum: iramque deorum & impietatem somniantis significat. In locis occultis & consuetis id agere, leuamen curarum: & soluere æs alienum, & liberare se à graui onere, & occultè aliquid patrare: cacare inter caligas, est expensas coactas facere.

Pugna si cum vno committatur, litem aut coniugium significat. Victor si videaris, in iudicium vocaberis. Quod si vxorem pugna significet, fitque hostis iuuenis, & bene armatus, & ornatus, dnces formosam: si se-cus, deformem. Si eques sit cum quo pugnas,

erit

*bonu omen sagriste.*



erit generosa, dives sed stulta : arma autem, illius conditionem ostendent.

Talis ludere : consuetis & pueris lätitiam portendit : aliis vacationem & molestias.

Latrunculis ludere, qui nescit, lucrum ex dolo, vel litem.

Furari, est mentiri, decipere, periculis se exponere, voluptatem illicitam capere : bonum est valde secretarum rerum studiosis. Melius etiam, si sacrilegium committere videantur : bonum est hoc etiam valde sacerdotibus : locupletabuntur enim : & vatibus, nam diuinabunt.

Mentiri, malum est : nisi his qui solent ex mendacio quæstum facere, ut causidicis & proxenētis, aliisque huiusmodi. Mentiri autem suis, longè deterius : non enim nisi magnum ob periculum illis mentiri solemus, aut post magnam iacturam. Considerandum autem maximè de qua re mentiaris : nam periculum in ea, vel consimili erit.

Vehiculo subingatum esse equi instar, morbum, seruitutem, laborem etiam potentibus prædici : at contra ferri vehiculo ab hominibus ducto potentiam. Sed si vehiculum ferunt illi, non trahant, mortem significabit : quoniam mortui solùm nostra ætate feruntur : aut saltem podagram inexpugnabilem.

Videre, est agere, scire, voluptatem capere, cupere & actionem ex alio ad se conuertere : ut velut videre ludentem latrunculis, est dolo & fraude subripi pecunias : quoniam, ut dictum est, ludere eo ludo eum qui nescit, significat lucrum ex deceptione, visu ergo actio illa transit contra te. Ita videre aliquem furari, est sibi mendacio imponi : vel etiam priuari chara re : filio, amico, domestico.

Adulari, deiectionem animi & sortem aduersam significat.

Coronari loco non conuenienti, dedecus significat : circa tales autem etiam mortem : quod mortuis ornari hæ partes soleant, maximè ex oliuæ frondibus, aut apio vel hederæ.

Tondere oues, lucrum significat si ritè tondeat.

Olfacere, est benedicere aut maledicere de aliquo, aut de seipso hoc audire : & hoc iuxta odoris qualitatem bonam aut malam, talis erit fama. Et est etiam tentare aliquid.

Audire, est pati, ferre, timere, sperare, expectare : & significat mutationem affectus, & dare operam sapientiæ, & prudenter se gerere : non dicitur autem in consueta operatione, qualis est hæc actio vel passio, nisi hoc agere animaduertat somnians : aliter semper videndi, & plerumque audiendi interpretatio, cuiuslibet somnio adiicienda esset.

Gustare, est dolores & cruciatus, corporis maximè, sed etiam animi subire.

Mingere, est exsoluere se cura & onere : multa habet communia & similia cum egerendi operatione, sed leuiores & minores : significat & concubitum, ob similitudinem. Et egerere & mingere expensas necessarias ostendunt : sed egerere maiores, ac quasi ex auro, propter colorem & soliditatem, & paucitatem. Mingere quasi argenteas, ob

contrarias causas : egestio enim pecuniam & turpia lucra ostendit semper : at mictio seu vrina pecuniam, & nonnunquam verba probrosa.

Vomitum, poenitentiam facti, restitutionem acceptorum, molestasque expensas.

Canere sine arte, irrisiōnem, ac ex ea tristitiam significat.

Multa verò sunt quæ mutuam transitionem significant : ut adulterari, est clientem decipere, beneficium facere, vel periurium, adulterinam conficere pecuniam, falsis tabulis subscribere, aut eas facere : horum vnum quoque in aliud transit. Significat & venari, & aucupari, & hæc ipsum.

Arborem abscindere, est è necessariis aliquem occidere, vel spem amittere de re concepta. Deterius est, cum autumnus hoc somnium acciderit, & cum folia : præsertim si per somnum folia decidere videantur. Arborem autem plantare, est inchoare nouum opus, vel aliquem in domum notum contubernalem recipere.

Edere, est indigentia satisfacere : indigent ægri, pauperes, iuncti, & generaliter calamitosi : idè huiusmodi significat. Sed edere inconsumpta, deterius etiam est : verum tamen edere hominis carnes, significat illum superare, & quasi vi pecunia illius potiri. Est etiam faustum, edere carnes leonum & serpentum : nam edere est superare, & leo virum potentem aut saltem fortem significat : & serpentum : per dolum & scelus potentiam sibi magnam parere, atque admiranda patrare.

Bibere, hoc idem significat : sed indigentiam vehementiorem, & casum fortuitum, qui moram non patitur. Et explere desiderium vehemens, & potiri re valde optata.

Lachrymari, risum significat : quoniam effectus per turbationem sequitur : & finis lachrymarum est risus : quia doloris est lätitia, lachrymæ autem dolorem finiunt : ita.

Ridere, lachrymas & luctum prædicit : finis enim lätitiæ est risus : post lätitiam autem sequitur tristitia, ex qua luctus aut lachrymæ, & suspiria, atque huiusmodi.

Irasci autem, non ita facilè explicari potest, sed effectus potius sunt inquirendi. Qui enim irascitur, aut secum, execraturque diuos, aut increpat, aut verberat. Verberare igitur, est voluptatem explere. Et si amat quam verberat, illa potietur. Eam verò quam potiris verberare, ob id absurdum : frustratur enim hoc significato. Significat ergo alià simili potiri : si non, planè irasci. Seipsum interficere, est sibi similem, aut mori : hi enim persæpe (ut dici solet) mortis causam præbent, vel nimium cupiditatibus indulgendo, vel medicis non obtemperando.

Quæcunque commutant, ut lachrymæ & risus, & verberare, si in vigilia usque perueniant (ut, dum de Idolo loquimur, dicemus) in idoli naturam & significatum transeunt. Cum tamen quidam amicus noster ad vigiliam usque plorasset, nunciatum est, vxorem illi filium masculum peperisse : ipsum quoque in causa quadam adeptum quod sperabat : ea tamen bona, neque fida, neque

tuta,



tuta, sed in malum conuertenda, ob ea quæ diximus, scire oportet.

Lamentari & suspirare, eadem quæ fletus: sed in hoc ab eo differunt, quod fletus est fortium etiam, lamentari mollium, suspirare etiam fortissimorum ac sapientum: ob id lamentationes mortem & grauiora mala indicant, suspiria quandoque solam amissionem bonorum vel exilium: considerare ergo oportet somniantis dignitatem & animum.

Tangere & attrectare, amorem aut emptionem significat: facile est autem ex occasione distinguere. Significat & maledicere: ut tangi, maledici de illo. Inchoare, experiri.

Clamare significat magnum infortunium, auxilium etiam implorare propter periculum imminens. Significat & dolores ac cruciatus, & stultitiam propriam vel suorum. Si cum letitia fiat, & risu non est malum: risus enim & actiones hæ, cum fuerint accidentia aliarum, actionum, non semper transeunt in contrariam significationem: sed quandoque idem referunt: significat ergo risum, iocum, iter placidum, conuiuium si adsit alacritas mentis.

Singultire, morbos significat: est enim accidens morborum: agris mortem portendit: ceteris luctum, aut mortis metum imminentem: nam ex longo fletu homines singultiunt.

Loqui, ubi id tantum animaduertas, est petere aliquid, est enim familiaris actio. Sic &

Ambulare eadem ratione, rei necessariae operam dare. Sed si celeriter, iam non est operatio familiaris: idem significat ingruentem sollicitudinem. Ab affectu ergo vel calamitatem, vel spem bonæ fortunæ interpretaberis: molliter autem ambulare, voluptati operam dare.

Currere verò, significat stultam operationem, ingruentem necessitatem, præcipientes actiones, & cogitationes non consideratas. Sed in equo currere, mortem, præsertim albo, propter tres causas: mortis similitudinem: mors enim celerrimè adueniat, ut iuxta illud Senecæ: Properat cursu vita citato. Et ob periculum mortis, currente equo: & quod mors albo equo insidens pingatur. Psallere parum differt à saltare: sed est ita diuinis operam dare, ut negligat humana, & ob id in contemptu sit. Significat & eā causa phratriam ingredi.

Luctari est grauem pugnam subire, seu litem seu inimicitias exercendo. Et significat robustam valetudinem, periculosam tamen. Significat & mori, unde Ineluctabile fatum: nos enim luctamur cum morte: sed cum præsens aduenerit, semper succumbimus: alias euadimus.

Piscari, aucupari, venari, est homines decipere, insidias struere, & pugnare cum spe victoriæ, & sine periculo vitæ: nisi sit venatio vrsorum, leonum, pantherarum, aprorum. Piscari autem, magis lucrum & lites significat: aucupium, futuras spes & plerumque inanes, ac voluptatem: venatio, præsentem negotiationem, & cum labore magno mistam lucro, honore ac voluptate:

sed ad honorem magis. spectat. Qualitas animalium docet, contra quos pugnabis: ea autem multis capitibus superius est declarata. Veneri animalia domestica, est iniustam exercere contentionem, ac suos fraudare.

Tussire, est morbi signum: & significat lucrum non rectè factum. Solent enim edentes properè, & loquentes, in tussim incidere. Edere autem, est acquirere. Tussire est ergo, ex importuna acquisitione molestiam pati, & dedecus subire.

Eructare, est verba effutire turpia sine ratione, & quæ vituperationem atque abominationem afferant.

Pedere cum malo odore, est efficere rem dignam infamiâ, & eam spontè publicare. Sine odore malo, est infamari absque propria culpa, & sine facto turpi: sed solum ob inania verba, & perperam emissâ. Significat & dolores ventris: nam qui sic laborant, pedere solent. Significat & cruciatus magnos, ac metus ob congruentia.

Pandiculari, significat otium, tedium, & carcerem breuem, & auditurum molesta.

Sternutate, prædicit capitis morbos, euentus inexpectatos, omen & signum à Deo offensam ex auditu calumniæ, quam diluet: ideo liberationem à calumniâ.

Dormire quid significet, longius est quam ut hoc loco referri debeat. Vigilare quoque deceptionem significat ab alio, & incumbere periculosa, vel magna:

Respirare, laboris magni aut periculi aut longæ anxietatis liberationem significat. Magna respiratione uti, mortis semper periculum ostendit: aut hominem vanis expectationibus inanique oppleri. Valde periculosum est, sic respirare: impediri autem, vincis aut scelestis laqueum aut securim, aliis submersionis periculum prædicit.

Pulsus cordis & arteriarum percipere, est ægrotare: horum enim pulsus explorantur: aliis est, ad principis secreta admitti. Quibusdam, consilia hominum inquirere: aliis, arcana naturæ.

Interfici est liberari ab omnibus curis. Lacerari ab animalibus, siquidem non interfecerint, maledictis improborum discerperis: si sanguis fluat, etiam in iudicium vocaberis. Si occideris, per violentas calumnias tandem à cura liberaberis: aut in exilium, si fontem te senseris, mitteris, sed lenissimum: quia tale esse oportet, ut lenior sis ibi cura, quam domi in contentione.

Equi calce perenti, est, ut de bono dictum est: sed hoc erit, à viro strenuo, & ab armis non alieno, iniuria atque damno affici: si sanguis fluat, etiam iacturam rei patieris.

Torqueri, est orare in suggestu: & orare, torqueri. Supplicare, est vinci ac succumbere. Lacerari à carnifice, est opes ex litibus dilapidari, vel gloriam consequi.

Menitiri, est fraudare, furari, irridere: & irridere, mentiri: & irrideri, mendacio falli, vel suspici, atque admiratione dignum videri.

Oscitare, idem quod pandiculari, sed minus. Significat & veneris desiderium, & incommodum corporis aut animi, vel vtriusque.

Sudare,

*Interpretatio Angli-  
cana*



Sudare, laborem & morbum, & metum. Sedere, laborem, sed minorem: aut longam expectationem. Stare verò, breuem vel paratum oportere esse ad ingruentem occasionem ideo significat instantem necessitatem. Stertere, ocium, & grauem morbum.

Pugnare, litem Ludere, seu iocari, pugnare: pugnare ergo etiam iocari significat, vt apud Poëtam, cum dicit:

*Pugnabat tunica se tamen illa tegi.*

Resurgere, est omnia confundere, decipere, ad priorem vitam reuerti. Aegrotare, est impediri à negociis, depauperari magistratum, & honores adipisci: nam ad hos accedunt homines.

Litigare, est pugnare, decipere, turbari. Amittere, est desiderio torqueri: & pro re personam.

Acquirere verò, est onerari, molestias subire, implere desiderium. Spoliari vi, est vim pati, & grandine ac pruina pauperem reddi, item exauctorari. Exuere autem vestes, est ob voluptatem negociis valedicere. Significat & exuere, curis oppresso molestiarum leuamen. Et exuere vestem solitam, non animo vestiendi, mortem: vt alibi dictum est: spoliari autem per vim, occidi significat: & etiam à negociis & exercitatione artis impediri: induere vestes quid portendat, alibi dictum est.

Parere, duo significat: egregium factum, & rem magnam: aut rem diu meditatam ad effectum finemque perducere, estque optimum somnium, maximè magna molientibus: vt contrà vtero gerere, molestiam, impedimenta, pericula, tædia, metusque significat. Parere tamen rem absurdam, non infantem, tantò deterius est, quantò res ipsa à natura abscondita est.

Veretrum tendi, ad actionem propriam & filiorum refertur. Propriam robur, vitæ alacritatem, desiderium vxoris, fœlicitatem, & amorem, gnauitatem in negociis: filiorum, significat eorundem luxum & contumaciam.

Honorari, contemni & exsibilari, sic se habent. Pauperibus honorari calamitatem significat: nam in luctu, morbis, carcere, tormentis, casibusque malis honorari, vel admiratione digni haberi solent. Diuitibus, honorari bonas actiones significat, aut calamitatem, quandoque tamen magistratum: quoniam idolum non est, sed idolo tamen simile. Quod verocōtemni significat exsibilari, grauius ac euidentius portendit: vt exsibilari sit palam, & per summum contemptum sperni: exsibilare autem contrarium est quod exsibilari. Contemni ergo est, carere omni calamitate, & tranquillitate ocioque studere: tum etiam longo morbo detineri, abdicare se à patria, & amicis spoliari ac coniunctis. Proprie verò est iniuste premi.

Ascendere, difficultatem, descendere, facilitatem: ascendere dignitatem & incrementum, descendere contrarium significat. Persequi, est odio habere: calumniari, vincere. Fugere, contraria horum significat. Fugere sine metu, est vitare aliquid frustra: nam operatio talis est.

Increpare, est imperare seuerè, odioque habere: nam plus ostendit somnium, quàm audeat vigilia.

Tremere, significat incertam operandi rationem. Dentibus verò stridere, metum magnam, aut iram, aut indignationem, quæ est speccies iræ.

Comere differt ab ornari: quoniam in ornatu res ipsæ pulchræ & preciosæ adhiberi solent: ideo comere est fallere, studio leui operam dare, consumere tempus incassum: ornari autem, potentiam aut irrisionem præfigit, vt supra de Coronatione.

Iacere, ignaniam timorem, mortem, dolorem, desperationemque ostendit.

Fricari, palpari, alios ei blandiri, tormenta adhiberi facinorosis (ob dolores enim fricari homines solent) aegrotare concumbere. Blandiri, idem ferè quod adulari. Significat & humilitatem & vexationem, tum spem: sperantes enim blandiuntur.

Emerere, est permutare, mutuari, deliberare, ebrium esse, & attonitum: Emerere res necessarias & viles, cum voluptate, bonum inuitum autem, significat impensas coactas: inuitiles verò & non necessarias, prodigalitatem: at contrà vendere inuitum, depauperare se si res sint viles vel necessariae libenter, res non necessarias, est ditari: non necessarias inuitum, est à vita deliciosa ad quaestuariam transire. Emerere etiam est, beneficii amicum parare, si res quæ emittuntur rem signisficare possit: vendere autem, ob rem obtinendam illum amittere.

## CAPVT XLV.

### *De Sensilibus omnibus.*

**S**ensilia omnia pluribus, vt supra visum est, differentiis distinguuntur: vt quæ actu vel potentia talia sunt, aut magna vel parua: nobis verò præter hæc quæ generalibus regulis subiiciuntur, sufficere tres adhibere distinctiones: quarum prima est, quoniam quædam sunt sensilia gustus, quædam tactus, quædam visus, quædam auditus, alia olfactus. Secunda autem ad ordinem pertinet: nam quo ordine distinguuntur, eo etiam ordine sunt efficaciora: atque illud tam in generibus, quàm in speciebus: quod etiam vbi que, quoad poterimus, obseruabimus: talia tamen sic intelliguntur, vt paria sint magnitudine. Tertia, quod sensilium alia solum nobis proposita sunt, alia possidentur etiam à nobis. Memineris etiam regulæ illius generalis: quod alia possidentur, & possideri non videntur: alia etiam videntur: & alia videntur, licet non possideantur.

Saporum igitur species quatuor sunt: iucundi, tristes, misti, ac sine affectu. Iucundi sunt, dulcis & pinguis: tristes, amarus & acerbus: misti, salus, acidus, austerus, astringens acrisque: sine affectu autem, insipidus. Mistorum quidam ad iucundum declinant: austerus primum, inde salus, post acidus & acris, quasi qui medius est inter suaves,



nes, insuavesque: ubi enim paululum declinaverit ad magnitudinem, vehementer lædit: astringens verò ad asperitatem prorsus declinat, & rarò ab amaro seiungitur. Amarus igitur sapor, & acerbus, si excellant, mortem significat: amarus quidem, quia mortem amarum solemus appellare: acerbus, ob eandem causam, & quia etiam stupefacit dentes, & edere prohibet: mortuus autem stupor inest, & non possunt edere quicquam. At si neuter excellat, mortem significare non potest, quòd mors sit malum excellens. Mediocris igitur mortem coniunctorum, aut iniuriam, aut amissionem opum: parvus autem, dolorem animi prædicit. Acris, dolores corporis & luctum significant: exprimere enim lachrymas solent, ut cape & sinapis: homines autem maxime ex his duobus ad lachrymas excitantur. Sed acetum ex acris & acido mistum est, & familiare: ideoque dolores utiles, & labores, quorum finis iucundus sit, decernit. Acris autem, amara: ut piper rubrum, quod in siliquis habetur, mortem per acerbissimos dolores nunciat: quod etiam efficit sinapis, quæ præter saporem acrem amara est, si cruda sit: cocta autem, vel condita, dolores, & animi etiam curas significat. Dulcis autem sapor dolorem corporis significat, ab effectu: dulcia enim dolores provocare solent: voluptatem etiam: dulcis enim voluptas. Spem quoque, dolorem, morbos, propter usum dulcium in illis. Acidus verò, ut acris, levis: significat & venerem: quia brevem voluptatem. Austerns, significat labores iucundos, iuxta illud poetæ:

*Leuiter austerum studio suadente laborem.*

Significat & vina & fructus, propter similitudinem: nam propriè austerus in nullo fructu inuenitur. Astringens significat dolores, frigus, metum. Salsus prudentiam, voluptatem, res diurnas & antiquas, maledicta: nam talia Sales etiam, verbi affinitate nuncupare solemus. Prudentiam verò, quoniam salis plurimum prudenter dicta habere dicimus. Pinguis sapor, modò morbum significat, modò voracitatem, modò quæ à cibis, præcipuè carnibus, significantur. Inspidus, stultitiam, vanitatem.

Sensilium tactus calor moderatus, omnia prospera significat, & prudentiam, ob nominis similitudinem, & celeritatem in negotiis. Exuberans autem, dolores ob actiones, & animi æstum. Frigus impedimentum omnium, & amissionem, torporem ac diffidentiam.

Gravia significant labores, curas, iniuriam, & quæcunque pati hominem graue ducimus, præterea luctus, morbos, inopiam: adeò ut aurum & hoc significare possit, impedimenta etiam, & senectutem: stabile tamen bonum, atque etiam prudentiam, cum arriperit.

Sphæra ex auro vel plumbo, pessimam sortem prædicit: nam gravitatis omnia mala retinet, nec tamen stabilis est: similiter & cylindrus: sed non adeò.

Leuia verò instabilitatem, breuem usum rerum, celeritatem tamen præstant, & facilem acquisitionem.

Aspera dolores, cruciatus, morbos, inopiam:

*Tom. V.*

omnia enim similia aspera appellare solemus: sicut contra leuia: quæque in miseria bona sunt uinctis, exulibus, ægris, peregrinantibus seruiantibus: prægnantibus, pauperibus, labori addictis. Dura præcipuè paupertati ac seruituti accommodantur, post hæc cæteris malis quibuscunque Molliæ verò, lenibus per similia: hoc interest inter illa, quòd molliæ bona sunt verè, & ab aliis commodum proficiscitur: lenia autem, à propria patientia, & quodam casu. Quæ liquida sunt, & hument, inconstantia omnia sunt: sicca autem, opportuna visibus: arida autem & cariosa, senium & inopiam, & labores significant irritos. Mulierem tangere formosam, aut puellam aut puerum, his qui illis assuerunt magnam voluptatem aut commodum aut spem significant. Dolere aliqua in parte corporis, est id quod per illam partem significatur flagitiose se gerere, aut damnum ali-quod pati.

Oculorum sensilia sunt lux & tenebræ, colores, figuræ magnitudo, motus: lux, lumenque omnibus latere cupientibus mala sunt: ægris etiam mortem significant, propter consuetudinem: factus enim cum multis luminibus celebrari solet: unde etiam Augusti

*Κρίσει δ' ὁ τύμβον εἰσὶν ὁ πυρὸς μύρον,*

*Ὅρας φάεσσι καὶ σφάλαρ πυρὸς μύρον.*

In reliquis causis lux multa pietatem significat: nam dii cum multa luce aduenire solent. Estque dictum illud: *Facite ut opera vestra coram hominibus luceant.* Significant & sapientiam: illuminatam enim mentem dicimus, quæ multa cognoscit ac videt. At etiam honores ac dignitates prædicit: tales, qui eas habent, illustres & illustrati vocantur.

Viuctis libertatem: nam dum uincti sunt iacent in obscuro. Præterea opificibus bona est, qui artes cum ea commodius exercent. Nimia lux quandoque cæcitatem ostendit: nam hoc efficere solet quandoque Tenebræ malæ omnibus, præterquam his quibus opus est ne prodantur, nam & ægris mortem prænunciant: mortui enim haud vident. Impedimentum etiam afferunt omnibus operationibus, & vincula maleficis præsertim significant. Significant & propriè timorem & desperationem, malaque opera. Albus color ac splendidus, ut niuis, lætitiæ, alacritatem, quietem, diuinam, fausta, pulchra, honores, sacerdotia. Pallidus, mortuos, Niger, timores tristitiæ, luctum, iram, infortunia. Si autem decens sit, gravitatem, decorem, pudorem & dignitatem. Fuscus, dolorem animi, & turbationem. Viridis splendidus, spem, lætitiæ, castitatem, honestatem. Splendoris expers, venena, dolos, tristitiæ diffimulatam. Cæruleus splendidus, magna atque pueris, magistratus, diuinitatem, & gravitatem, consilia: obscurus, dolores, machinationes, dolos, venena. Purpureus, iram, molestiam sanguinis effusionem, ambitionem, superbiam, potentiam & dignitatem, crudelitatemque, maxime subobscurus.

Cinereus, tristitiæ, fletus, dolores, desperationem. Rubiginosus, mororem, sanitiæ. Varius, mutabilem, dolosum, impudicum. Croceus, stultum, impudentem,

*III*

*fallacem.*



fallacem, granem: in quibusdam rebus opulē-  
tiam quoque significat: tormenta etiam, an-  
xietatesque; Aureus, aut dignitatem, aut stulti-  
tiam, impudentiam, tormenta. anxietates, Fi-  
guræ autem rotundæ, capacitatem, securita-  
tem, & inconstātiā. Quadratæ, stabilitatem,  
Triangulæ, dolores & inopiam. Inconcinnæ,  
omnibus in causis malæ: & stultas operatio-  
nes significant. Oblongæ & quadratæ, vt  
mensæ, tarda negotia. Motus, inconstan-  
tiam euentuum, & fallaces exitus. Quies au-  
tem, cupientibus statum mutare, aut aliquid  
agere, mala: tum etiam his quibus non ex-  
pedit, vt agris, fernis, vinētis, felicibus  
fausta. Magnitudo, magnis & potentibus vi-  
ris, & in magnis negotiis bona: aliis mala, &  
significat spem inanem, difficultates & op-  
pressiones. Parua, omnibus mala, aut non bo-  
na. Picturæ, prata, locaque amœna, bonas  
operationes, & eiusmodi vt quis de eis volu-  
ptatem capiat, significant: Contrā fœda, tur-  
pia & desolata.

Auditus autem sunt, strepitus & cantus,  
sonique: nam verba aliquid plus significant.  
Audire, est pati: videre autem, agere. Gustare,  
& tangere, & olfacere, commune est. Vocem  
audire iucundam & suauem, & neminem vi-  
dere, gaudium significat: & forsan cum inimi-  
cis reconciliabitur, aut illos oppressos intel-  
liget. Eadem significabuntur, si ipse eam vo-  
cem emittat canendo, pulsando: sed si in  
iucunda sit, audiet malos nuncios vel de re-  
bus suis, vel propter quæ metuere cogatur.  
Si vocem audiat exilem, dolos contra ipsum  
significabit: si ipse emittat, impedimenta pa-  
tietur in suis negotiis. Si audiat suauiter ca-  
nentes, videaturque, mala & infortunia, &  
querelas amicorum, & nuncios de rebus tri-  
stibus audiet. Sed & si ipse vnus ex his fuerit  
qui canat, & ipse eiulabit, ac suspiria edet ac  
gemitus.

Tonitrua & strepitus horrendi, noua quæ  
illum terrebunt, & tristitia afficient, audiet.  
Fletus si audiat, luctum videbit. Si suspiria,  
gemitus & eiulatus, contingent aduersa ami-  
cis suis, aut coniunctis intimis, aut sibi. Si  
risum audiat, audiet querentes & tristes, &  
ipse dolebit illorum causa. Si audierit voces  
animalium, iuxta illorum significata suo loco  
dicta iudicabis.

Odores significant propriè laudem, aut in-  
famiam: sicut soni noua, & nuncios. Odores  
ergo boni, laudem significant: & quanto  
fuerint maiores, & iucundiores: mali autem,  
vituperationem & infamiam, tantò maiorem  
etiam, quantò fuerint tetiores. Et quantò in  
plures sparsus odor videbitur, tantò hæc laus  
aut infamia vulgata magis erit apud popu-  
lum. Odores etiam & gratiam & odium si-  
gnificant: nam odores bonos, gratos appel-  
lare solemus: mali odores odium significant.  
Præterea odores magni, occulta detegenda  
significant: si boni, cum laude: si mali, cum  
vituperatione.

## CAPVT LXVI.

*De verbis auditis, aut  
scriptis.*

**Q**uæ audiuntur, minùs certa sunt, sed  
celerius perficiuntur. Scripta verò cer-  
tiora, sed seriùs perficiuntur, & impulsore in-  
digent. Vtraque differentia eadem distinguun-  
tur: alia enim intelliguntur, alia non. Quæ in-  
telliguntur, quandoque sic significat vt ver-  
ba sonant, quandoque aliud: quæ nihil (vt  
dici solet) ad rhombum: ad aliud significatum  
est transferenda. Sunt etiam tres differentie  
eorum quæ audiunt, aut scripta videntur: Im-  
peratiua, vel significatiua, significatiua alia  
interrogant, alia docent: vnumquodque ab  
amicis, inimicis, cognitis & incognitis. Ami-  
corum ad te, & inimicorum ad proprios  
monita, vt sunt, interpretari debent. Syl-  
la cum C. Marium mortuum vidisset, fi-  
lium admonentem, ne sequenti die pugna-  
ret, funestum enim esse diem nomini suo: pu-  
gnauit, ac vicit. Prædictiones verò non ita  
se habent: sed amicorum quidem ad nos ve-  
ræ, inimicorum ad quemuis falsæ sunt, aut  
saltem suspectæ, etiam si ad inimicos. Inimi-  
corum monitis ad nos credere non debemus.  
Quæ intelliguntur, sed non conueniunt im-  
minentibus, per allegoriam sunt interpretan-  
da. Innumeri sunt modi, sed ex proximis ac  
similibus conuenientibusque translatio dedu-  
cenda est. Obscura verò verba, si propria  
sunt, non etymo solùm, sed fortuna illius, &  
erga te affectu sunt exponenda: velut victor,  
qui victus fuit: & philotheus, vitā impius,  
contrariam recipiunt significationem. Et no-  
minibus quibusuis communia sunt inuersio:  
vt, Amor, Roma: distinctio in literas, vt pu-  
gnaturo CVM. Cras victus morieris: & in  
syllabas: vt, Amor Ante morieris: & immu-  
tatā littera, vt mors pro fors: & commuta-  
to ordine, vt Linia pro Iulia: & syllabis com-  
mutatis, vt eo, pro pereo. Et litterā additā  
vel detractā, vt victor pro victo, & mos pro  
mors: oportet verò aut simplicem esse &  
facilem: aut si artificiosa sit, totius esse ora-  
tionis. Maxima verò mutatio est ex dictio-  
nibus ad numeros, & ex numeris ad dictio-  
nes. Similiter ex ratione initij dictionum: ve-  
lut quidam cum vidisset has tres literas *SM*,  
mortuus est, Iudaico bello in Cyreno. *ἡ δὲ λέξις*,  
*ἡ δὲ λέξις* *ἡ δὲ λέξις*. Hoc autem plerumque  
contingit, cum ordo quidam seruari potest.  
Ab incognitis, & magis ab inimicis, audire  
mirandas prædictiones, ironice dictum puta:  
sed & à cognitis, non amicis: eos autem  
parum amicos esse intelliges. Quæcunque  
autem ab his, qui neque amici sunt, neque  
inimici, audiuntur, & ad actiones pertinent,  
ad interrogationem sunt referenda. Quòd si  
narratio sit, ad famam rei seu veram seu ina-  
nem traducere oportet. Nauaræ, medici, agri-  
colæ, physiognomi, metoposcopi, chiroman-  
tici, astrologi, somniorum interpretes, quæ  
futura dixerint, pro veris habenda sunt: natu-  
ralis enim eorum est diuinitas: quæ reliqui va-  
tes



mania & falsa putato : vanis enim artibus operam dant : quanquam aliter Artemidorus de hoc sentiat.

Sed & in his delectum habere expedit : plus enim Accio Nauio , quanquam auguri : & Spurinæ , tametsi aruspici , quàm Themisoni medico credendum est.

Literæ infavstæ sunt , quæ in singulis linguis initium sunt infavstarum dictionum : vt apud Latinos D, Dolor, Dolus, Deficio : M, Malum, Metus, Mors : T, Tormenta : C, Carcer, Cruciatus.

Favstæ, F, Felix, Favstum : B, Bonum, Beatum (at dices, D etiam diuitias) M, magistratum : V, vulnus, vlcus, vitam significat. Sed quæ propria sunt , si speranda sunt , intelligi coniectura possunt : hæc generalia sunt significata. Apud Græcos Θ, *Θαμβέω*, Paveo, stupeo : *Θάλασσα*, Mors. K, *Κακός*, improbus, afflicus , & maximè ob geminationem. *Κ*, bonum significat : quoniam adiuncta dictionibus , eas ad favstam significationem traducit. Quod si qui profert, amicus est, aut inimicus, facile est non solum nota , sed obscura intelligere : nam amici lætus vultus , & inimici tristis , bona esse indicant & favsta : infavsta & tristia , si contrà. Et rursus omnium voces, miserentis, supplicantis, exclamantis, malæ sunt : nam & inimicos moveri atrocitate calamitatis , nihil mirum est.

Mulier quædam cum mamma laboraret, somnauit se ab ouicula exfugi : intellecto somnio mammae herbam sic vocatam ( quæ Græcè arnoglossa dicitur superposuit , & sanata est : imperitum enim somnium esse haud dubium erat , non significatiuum.

Numeros autem Indicè sic scribes , vt per dena mutato situ , in proximum locum ad sinistram multiplicentur : vt 2 duo, 22 viginti duo, 222 ducèta viginti duo. Notæ simplices :

|       |        |      |         |         |         |
|-------|--------|------|---------|---------|---------|
| 0     | 1      | 2    | 3       | 4       | 5       |
| Nihil | vnum   | duo  | tria    | quatuor | quinque |
| 6     | 7      | 8    | 9       |         |         |
| sex   | septem | octo | noeuem. |         |         |

Romanorum autem numeratio quinque constat regulis , totidemque notis quibus ad centum vsque numeramus. 1, vnum. v, quinque x, decem L quinquaginta. c, centum. Secunda regula : Repetendo literas augetur numerus vt, ccc trecenta, xxx triginta. Tertia regula : Virgula superaddita, numerus ille totidem millia significat : vt , vj. sex millia ccx. ducenta decem millia : Et additis duabus virgulis , fiunt totidem millies millia : velut clij, bis ac centies quinquagies millia millium. Quarta regula : c post positum ad 1 : id est , à dextera positum, facit quingenta, & bis quinque millia, & ter quinquaginta millia, & ita perpetuò crescit ad decuplum : si verò etiam à sinistra anteponantur , millia significat , & augetur per decuplum.

|         |          |           |            |             |              |
|---------|----------|-----------|------------|-------------|--------------|
| 10      | 100      | 1000      | 10000      | 100000      | 1000000      |
| 500     | 5000     | 50000     | 500000     | 5000000     | 50000000     |
| 1000000 | 10000000 | 100000000 | 1000000000 | 10000000000 | 100000000000 |

Vnde natus error, vt Paulus Manutius docet scribendi D literam pro quingentis : cum debeat scribi 10, non clausa, & ita, ∞ & Θ, & M, pro mille, cum sic 100 scribi debeat.

Tom. V.

Quinta regula: Nota notæ maiori anteposita, minuit. Vt in exemplis : IV quatuor, L quinquaginta nouem, X C nonaginta, LI C quingenta quinquaginta.

Græci quoque duos post primas literas numerandi modos habent : namque toto alphabeto quibusdam etiam interpositis notis, primam numerationem absoluunt sic :

|     |     |      |    |     |     |     |     |     |     |    |    |    |    |
|-----|-----|------|----|-----|-----|-----|-----|-----|-----|----|----|----|----|
| α   | β   | γ    | δ  | ε   | ς   | ζ   | η   | θ   | ι   | κ  | λ  | μ  | ν  |
| 1   | 2   | 3    | 4  | 5   | 6   | 7   | 8   | 9   | 10  | 20 | 30 | 40 | 50 |
| ξ   | ο   | π    | ρ  | σ   | τ   | υ   | φ   | χ   |     |    |    |    |    |
| 60  | 70  | 80   | 90 | 100 | 200 | 300 | 400 | 500 | 600 |    |    |    |    |
| ↓   | ω   |      |    |     |     |     |     |     |     |    |    |    |    |
| 700 | 800 | 900. |    |     |     |     |     |     |     |    |    |    |    |

Primus autem modus sit virgula tenui supposita, quæ totidem millia significat : duplex, millena millium.

|        |        |              |       |       |        |
|--------|--------|--------------|-------|-------|--------|
| α'     | β'     | ς'           | Ι'    | Κ'    | ρ'     |
| 1000   | 2000   | 6000         | 10000 | 20000 | 100000 |
| γ''    | β'''   | υ' σ υ ζ     |       |       |        |
| 900000 | 300000 | 22006400257. |       |       |        |

Modus alius numerandi apud illos prolixior longè est isto. Si ergo audias sexdecim , vel scriptum videas, ad numeros transfer, sit XVI ex hoc componitur VIX, quod significat adepturum quod speras, magna cum difficultate.

Quatuor etiam propriè hoc ipsum significat : nam VIX quatuor significat, & sex : nam VXi sunt sex. Et rursus quatuordecim XI V. omnes enim componunt VIX , licet mutato ordine. Decem septem significat mortem : nam sic scribitur apud Latinos XVII, ex quibus nulla dictio significatiua potest componi præterquam VIXI. Sic VIXI & VIX, numeros hos significabunt. Et L V X, significat quinquagintaquinque propriè : impropriè verò, sexagintaquinque, trigintaquinque, quinquagintaquinque. Et ratione eadem hi numeri, vincto liberationem significabunt : atque id habent hæc dictiones & numeri, quod verumque simul significant : in totidem enim diebus aut mensibus hoc futurum ostendunt. Ita luxi : id est, fletui , eadem ratione sexaginta sex, aut quadraginta sex propriè, & reliquos etiam numeros significabit. Significat ergo mœrorum finem in tanto tempore.

Numeri præterea natura sua tam apud Græcos & Hebræos, aliosque omnes , quàm Latinos , proprias habent vires. Vnum absolutum & desertum : Duo, confusionem & repugnantiam : Tria, perfectissimum, & in eo genere posituum , comparatiuum , superlatiuum. Quatuor, decens, venustum, congruens : sed tamen in genere imperfecto : est enim quadratus binarij. Octo autem, firmitatem in instabili genere , cum sit solidus binarij. Nouem, eadem ratione perfectam concinnitatem , vt viginti septem perfectam securitatem & in stabili genere : sex & viginti octo, perfectionem in actionibus, sed sex absolutiorem viginti octo in maioribus negociis declarat. Decem finem notat, vt centum , & qui ex eo componuntur sexdecim summam in pulchritudine perfectionem decernit : sit enim ex quatuor in se ducto. Omnes numeri vno differentes à perfectis , voto frustrari in eodem genere cum prope finem fuerint, significant : etsi deficient, vt quinque & quindécim ac viginti sex, ob inopiam & impotentiam.

III 2 Et



Et si exuperent, vt septem, vndecim, vigin-  
tinouem, ob errores. Centum quoque, & mil-  
le, significant dominationem. Et numeri vs-  
que ad centum, significant annos: vsque ad  
triginta, dies: ad viginquatuor, horas: ad  
duodecim autem menses.

Præterea numeri qui vna litera scribi so-  
lent cum o repetito, magna negotia paruis  
laboribus perfici indicant: vt decem, centum,  
mille: & quo maiores etiam, maiora. Si vo-  
rò similis numerus deficiat, qualis est quo sig-  
nificatur, in irritum cedit; vt nouem, decem  
octo, nonagintanouem, centum nonaginta  
octo: nam si ex 200 auferas 2, nihil rema-  
net: at centum nonaginta octo, est duo mi-  
nus ducentis, & ita 2997 irritum significat  
negotium: est enim 3, minus 3000, ablato 3  
ex 3000, relinquuntur 000, quæ nihil signi-  
ficant. Eadem dicemus de numeris digitorum  
complicatione significatis.

Artemidorus autem quadrifariam nume-  
ros computat. Eos quidem qui negotio con-  
uenire possunt ex literarum significato, iuxta  
ordinem supra descriptum. His autem ma-  
iores, ex significato numero per seriem natu-  
ralem superaucto, vt à latere vides. Ergo  
δύο, quod duo, tria significat: & τεῖς, sex: &  
εἴς, quod est septem, viginotio significare

δύο. 2. 1 | 3  
τεῖς. 3. 2. 1 | 6  
τεσσαρά. 43. 2. 1 | 10

deberet: sed quia εἴς significat ordi-  
nem sexagintaquinque ideoque habet pro-  
prium significatum infra centum, ideo exci-  
pitur primum significatum seu ordo, & signi-  
ficabit εἴς viginotio tantum: & πρὶν ergo signifi-  
cabit triginta, & ἐννέα trigintanouem. Δύς ex  
propria literarum natura significat triginta: &  
ideo εἴς, quod est sexagintaquinque, & τεῖς,  
quod est triginta, proprias retinent signifi-  
cationes, nec in serie naturali numerorum  
colligenda computari debent. Hoc tamen mo-  
do δέκα significaret quadraginta nouem, sci-  
licet pro naturali serie numerorum. Quare  
post decem addit quadragintanouem singu-  
lis: vt δύο significabat tria, δώδεκα signifi-  
cabit quinquaginta, δεκατεῖς quinquaginta  
quinque, δεκαεννέα octingenta octo.

Post in εἴς & τετράκοντα, quod est vigin-  
ti & triginta, aliam quoque init rationem. Ac-  
cipit enim numerum quidem significatum, &  
ei addit quadraginta nouem: & ita εἴς sig-  
nificabit sexaginta nouem, & τετράκοντα nona-  
gintanouem, colligens scilicet triginta per  
τετράκοντα significatum: & ei addens priorem  
numerum proximiorum, non δέκα, sed εἴς &  
(vt dictum est) septuagintanouem, & fiet nona-  
ginta nouem. Et quia δέκα etiam triginta sig-  
nificabat, quilibet horum numerorum com-  
positus ex δέκα poterit sic componi, vt δύο  
δέκα triginta tria, δεκατεῖς triginta sex, δεκαεννέα  
sexaginta nouem, εἴς quinquaginta, τετράκοντα  
autem octuaginta. Quartam rationem inuit in  
his numeris, qui hac seruata ratione centesi-  
mum excedunt: vt πεσάρκοντα, quod vel C X  
X I X, vel saltem CXX significaret, cum  
nō sit verisimile tamdiu victurum hominem:

ideo numerabimus elementa, & erunt duo-  
decim, & ideo significabit duodecim. Et quia  
duodecim litera est M, & M significat qua-  
draginta, qui etiam significatur per πεσάρ-  
κοντα, ideo relinquimus ei etiam significatum  
quadragesima, vt significet duodecim & qua-  
draginta vnum scilicet ex his, vel alte-  
rum. Ab hoc reliquos dinumerat: veluti  
πεντήκοντα tredecim, vel N, quod est quinqu-  
aginta: & breuiter numerum significatum per  
dictionem, ita vt sit idem, vel tantum maior  
duodecim, quot denariis maior est quadra-  
ginta: ita constitutis pro πεσάρκοντα duode-  
cim, aut quadragesima pro singulis ordinibus  
vel vnitas ad duodecim, vel denarius nume-  
rus ad quadragesima adiciatur.

Aliam quoque obseruat rationem non ab-  
similem nostræ iam dictæ in Latinis litteris,  
sed generaliorē: quod, vt dictum est sin-  
gulæ literæ apud Græcos aliquem numerum  
significent: ergo ρ bonum nuncium, pede-  
stre iter, aliter manendum, animalium bo-  
nam tractationem, vincula: nam ρ cum cen-  
tum significet, significat dictiones quæ eum  
numerum possunt efficere, scilicet ἀρκεῖν ἐν  
ἀρχῇ, πρὶν, μὲν, πρὸς, ἔτι.

Refert Artemidorus, quod cum quidam  
naucerus per somnium sibi videretur inter-  
rogasse hominem, an Romam peruenturus  
esset: & ille respondisset, quod est non,  
ille existimabat non peruenturum, & perue-  
nit in quadringentis septuaginta diebus, qui  
numerus per ρ significatur, vt superius vi-  
sum.

In vniuersum tamen verba occulta mala  
sunt, nec absimilia verbis inimicorum, quæ  
solent, cum exaudiri metuunt, quibusuis mo-  
dis obscurari clam loquendo, susurrando, alie-  
na lingua vtendo. Ideo etiam verba tam sub-  
missa voce audire vt ea percipere non possis,  
exitium luctus, fraudeque prædicit. Nam  
amici in luctu ac multis grauioribus mustant:  
inimici, cum decipere volunt, clam loquuntur.  
Quod amicis sit is qui dicit & ridet,  
minus malum est: non tamen bonum, sed non  
decoram actionem tuam significat.

## C A P V T XLVII.

De cibis, carne & oue.

Cibos non minutim distinguere oportet,  
vt inter betam & blitum, quemadmo-  
dum Artemidorus facit: stultum enim est ar-  
bitrari, ex horum differentia, quæ exigua  
est, & exiguarum rerum, magna euentuum  
discrimina consequi posse sperare: nisi certis  
in causis, de quibus dicemus. Sunt autem à  
substantia primum ex animalibus magni mo-  
menti: inde ex arboribus inter plantas, tum  
panes, ob assiduum vsum. Maioris enim mo-  
menti sunt quæ in vsum sunt frequenti, ob ma-  
gnam mutationem rei consuetæ: & quoniam  
ex vsum diuturno multum possunt, vt etiam  
in ipsis rebus videmus. In omnibus au-  
tem differentia ex septem principiis sumen-  
da est: Fama rei, proprietate, nominis  
etymo,



etymo, comparatione ad præsentem statum, sapore, odore, & colore. Quæcunque igitur odore magno prædita, detegunt occulta, & famam spargunt: quæ si grato atque iucundo odore sint, gratiam pariunt, & laudem: si graui odium & infamiam. Apium, mortem ægris significat, & quæcunque amara sunt: aliis autem dolorem animi intolerabilem. Si autem naturaliter significant, morbos præfagiunt. Fungi, venenum, insidias, falsasque blanditias. Quæ ventrem turbant, seditionem in domo decernunt: & extra domum, litem cum creditoribus. Tuberæ, inuentionem secretorum significant: non enim è terra prominent. Fungi etiam & muscus omnia detegi promittunt: nihil enim ex eis sub terra latet: omnia vilia, generalibus rationibus magna significare possunt: oportet tamen vel speciali quadam ratione singularia esse, vel in generibus ea consideratione obtinere principatum. Brassica, hominem ex magna familia, haud tamen nobili aut multiplicis vsus significat. Quæque magnæ sunt, & insipidæ, vt cucurbita & althea vocata, inanem & vanum hominem declarant. Idem etiam de spe, timoreque. Legumina, negotia dura, & homines intractabiles. Faba inauspicata est: quoniam animal tetrum concipit, & sanguinem generat, & oculum habere videtur, & Pythagoricis est vetita, nec ulli sacrificio adhibetur, nec utilis est proli. Quæcunque à pauperibus mandantur panis loco: paupertatem significant: siligo nostræ, milium, loba, zea, fursur, panicum. Fructus omnes breuem significant voluptatem: nominis tamen ratione boni sunt, & opera absolui promittunt. Sal, salsaque, prudentiam & voluptatem ac diuinitatem, sed sterilitatem significant. Sal enim satum non parit quicquam. Radices, occulta significant, laborem & difficultatem. Carnes ferorum animalium, & magnorum, robur, fortitudinem, sed improbitatem significant. Et si alia deuorent, iniustitiam: si non edant alienas carnes: elephantorum & taurorum, ab iniustitia aberunt. Carnes paruorum animalium, imbecillitatem: sed si edant alia animalia, erunt fortes & improbi: sin autem vt ouium & capreoli, iusti, sed timidi. Carnes suillæ bonæ sunt: quoniam in vsu maximo sunt. At ericij histricis carnes, insidias, maledicta & cruciatus significant. Panes autem puri & mundi pauperibus morbos diuitibus iucundam vitam significant: at sordidi & viles, pauperibus vitam sine sollicitudine, diuitibus desperationem. Placentæ autem, voluptatem significant: at si magnæ sint, & pulchræ, festiuitatem & latitiam. Cum caseo tamen, & caseus ipse, dolos & insidias: cum melle, adulationem, & vinci à voluptate: quæ fermento carent, negotia dura & grauia significant. Panem calidum edere, opes cum tædio: frigidum, cum quiete significat. Saccharum cum pane edere, bonam fortunam & opes prædicit: sed & sine pane. Cinamomum, diuitias, dignitatem, pulchritudinem, felicitatem. Nux myristica, vtilitatem ab aduena, etiam si non edantur. Oua perdicum, opes à muliere

Tom. V.

nobili & honesta. Oliuæ, cappares, intinctus, morbos significant: quoniam ægris præcipuè exhiberi solent. Carnes crudas aut pisces edere, malum est, significatque abominationem, difficultatem, & plerumque amissionem propriæ rei. Carnes ignoti viri edere, bonum est: locupletabitur enim ex alieno: noti autem extremam significat necessitatem. Filij etiam, vel fratris deterius: nisi partes eas edere videatur, ex quibus filius victum sibi parat: tunc enim à filio pater aletur. Carnes parentum edere, mortem eorum significat: vnde illius facultatibus aletur. Pisces edere, victoriam contra inimicos ostendit: erunt autem tales, vt magnitudo piscium docebit. Delphines autem edere, locupletari significat ex morte amici. Mergos, laros, anates, anseresve edere, aut videre, nauigantibus naufragium significat: reliquis vtilitatem à voracibus aut fœneratoribus viris: ova edere, tedium: eduntur enim maxima cum cura. Butyrum, prosperitatem, lucrum & suauitatem nunciat. Placentæ cum butyro, vitam segnem & voluptuosam, & tamen lucrosam decernit. Et butyrum propriè significat sacerdotium, & maximè cum melle iunctum. Oua significant pecuniam, præsertim reconditam: & opera inchoata: & spes ova ponere, est operi sollicitudine, & premi curarum multitudine, spe lucri egregij. Si tamen citò prodeant pulli incolumes, res aliquot parui momenti, non sine assiduo studio ad optatum finem deduces.

Ciborum præterea triplex est differentia: alij enim cibi sunt, & tanquam cibi non sint habentur: alij cum cibi non sint, habentur pro cibis: cibi etiam alij non præparati, alij præparati, sed non appositi: alij iam incipiunt deuorari, alij deuorati. Præter id etiam cibi aliqui experuntur, aliqui auersantur alij neutro modo. Qui experuntur, desideria infructuosa lucri significant: quos auersantur ægri per somnum, mortem: aut si consueti sint, noxam docent. Qui non experuntur, nec odio habentur, naturam & significatum cibi propriè retinent. Cibos non præparatos habere, dilationem significat: edere, aut præposteram actionem, si paucus sit: aut abundans luerum, si sit copiosus. Cibum etiam edere, laborem plusquam fructum ostendit: deuorasse bonum est, si bona significat: lapides, ligna, res fœdas pro cibis habere, molestias graues præparatas sibi intelligere debet. Quod si partes sint eduliorum, vt coria, ossa, excrementa, inopiam. Cibos diuisos in mensa, & panem similiter, vinctis, certè aliis etiam, supplicium portendit. Ranas quoque paratas videre, lacerari in frustra. Quod ab hoc periculo absit, podagram significabit: viperas edere, luem aliquam, aut venenum mortiferum portendit.



## CAPVT XLVIII.

*De omni potu, tum lacte & sanguine.*

**L**Ac ferarum bibere, siquidem ex genere rapacium sint, lucrum significat iniustum. Si rapaces non sint, ab aliis expilari: nam lac bibere animalis, & eò magis sugere, est ex eodem esse genere: at animalia rapacia ut aliorum carnes deuorant, ita non rapacia fiunt esca aliis. Caninum autem ut supra dixi, si bibatur, etiam maiorem calamitatem ac timorem, vel si sugatur, nunciat: quoniam homini nulla ratione conuenit: & canis animal est homini subiectum, Lac generaliter bibere: quoniam dulce est, dolores: & proprie: quoniam ægris exhiberi solet, morbos. Haurire sanguinem, bonum est, & significat pecunias & opes: venas etiam eo plenas esse, bonum: sed effundi, malum: fluente sanguine lætari, est gratas expensas facere: ut amicis donare, vel ædificare.

Vinum bibere, significat securitatem & hilaritatem. Ebrium fieri, solutionem curarum: bonum est timentibus tormenta: neque enim adhibebuntur: ægris tamen mortem: sensum enim aufert: negocium acturis malum: peruersè enim ager omnia: item vinctis malum: detegent enim delicta. Et ubi de honore agitur, aut prudentia, valde malum est: Aqua verò solitudinem multam & inopiam significat: Ob paupertatem enim vel custodiam sui aquam bibere solemus. Sed & morbum significat aqua potus. Aquam verò multam bibere, significat indigentiam maximam, sine ope.

Vinum aqua miscere pro potu, est studium adhibere, & temperare animum & operationes. Vina autem insueta bibere, ut cerasorum dulcium & acidorum, pomorum, & pyrorum, & mororum, propriam habet significationem, pro saporis primùm differentia: deinde generaliter aut inopiam, quæ acerbata sunt: quæ verò statim corrumpuntur, ut cerasorum, luxum significant. Sed & pro ratione plantarum. Specialiter autem sic potus vini pyrorum, à rusticis & agrestibus auxilium significat: cerasorum, à delicatis & luxui deditis iuuamen vel emolumentum: è fragis ab humilibus & pauperibus: pomorum, à malis & potentibus: è moris, à sapientibus atque prudentibus: à persicis, ab amarulentis viris, ac tristibus, ob qualitatem foliorum: è punica malo, à perfidis & aduenis: è coroneo, ab artificibus & laboriosis hominibus: è prunis syluestribus, ab hominibus astutis, vafis, velocibus, solitariis. A fructibus autem non vinosis, est existimare se iuari & emolumentum habere, & non habere, sed defraudari.

Zethum autem, quamuis aspiratione abundet, quæstionem significat: & idè si boni saporis & odoris videatur, quæstionem in alio exercendam significat: & si in sanguinem verti, vel venter intumescere, ditabitur ex inuentione secreti, vel detecto thesauro, vel intellecto arcano. Sed si forteat, si acris sit sapor, valde vel acerbus vel amarus, per tor-

menta de ipso qui tale poculum bibere videbitur, habendam quæstionem significatur.

Sanguinem leonis bibere, est per vim ditari: lupi autem per rapinam vulpis, per furtum: simiaque per dolum: felis, per insidias, fictas que blanditias: canis, per adulationem: draconis, per scelus & tyrannidem: gruis, vel ciconia, vel anseris syluestris, per mercaturam. Sed & sanguis ciconia, potum veneni significat: vespertilionis, ex domus vel arcis custodia: tauri venenum bibere, aut ditari ex prouentu agrorum: sic etiam ouis, ex artificio. Sanguinem viperæ bibere, significat conatū ad lucrandum per omne dolum: sed non lucrari, tamen aut quid minimum.

Lac auium bibere, est inani spe lactari, & similiter serpentum, sed præter id improba valde: verum piscium lac habentium, est rara fortuna uti: lac autem piscium lac non habentium bibere, est alimentis destitui, & ad vltimam inopiam per blandimenta redigi. Canis ergo lac calamitatem significat: quandoque, licet rarè, lucrum per blanditias: sic & reliqua genera: huius autem significatio mala, ob causas dictas efficacior est.

## CAPVT XLIX.

*De piscibus salitis, & sale.*

**P**isces saliti, spem & metum confirmant, exitusque producant. Sed enim diu corpora seruat. Significant etiam poenam nouam pro flagitio antiquo. Sed si incisi sint, ac diuisi, totidem significant vulnera, quot frustra, ipsi qui illos deferre videtur, non autem somnianti: & maxime si edat. Pisces salitos videre, odium antiquum significat: & si parui sint, inopiam. Caro salita, dolorem ex voluptate significat: paratum, si adsit: futurum, si edatur. Fungi saliti auxilium iacturæ atque periculi, periculumque absque emolumento insigni. Sale conditi proprias carnes, est publice lacerari, & frustra suspendi in portis vrbs,

Sal significat sapientiam, prudentiam, diuturnitatem, defensionem. Magnus aceruus salis, dolorem & tristitiam significat. Idem periculosam mercaturam, & commutationem in deterius: quoniam spontè liquefit. Sale multum deuorare, est audire multa maledicta, & pati cogi: Sale in domo liquefcere, significat diminutionem redditum. Furari sale bonum est, significat enim sapientiam discere occultam, & antiqua dogmata. Sal sparsus in domo vel vrbe, domum vel urbem desolandam præmonstrat. Sale in ignem ponere, est ingenium in re ardua exacuere: quod si crepet, erunt tumultus ex hoc: si ardeat & consumatur, evanescet in irritum conatus ille, & cogitatio: Si exiliat, nihil perficietur: si colliquetur, dissoluetur. Sale radices plantarum spargere, est insidiari propinquis suis ad necem, ob hæreditatem. Sale multum mandere, aut edere, est re bona & vtili perperam & male uti. Sal in puteum mittere, est insulsam operationem facere, & vitare pura. Sale sibi totū è domo ablatum videre,



videre, est omnia stultè & sine consilio facere. Domus tota sale plena, significat bonis consiliis defuturas opes & auxilia: & cum voluptuosa vita, defutura necessaria.

Sal significat amicum prudentem, sed iracundum. Qui sal emit, acquirit huiusmodi amicum beneficiis, qui autem vendit, ob contentionem & lucri causa in diffidium cum eo veniet: eadem ratione sal familiarem custodem tuarum rerum significabit. Salem insipidum fieri non stultitiam, sed amentiam prædicit, aut dolo tuo teneri. Aves salem edere, est consilio bono malè uti: aut (ut melius dicam) sagaciter, sed non sapienter agere. Idem prædicit spes pulchras futurorum: sal enim aves necat: ob id etiam sal sic exhibitum, significat mora in consulendo occasionem perituram. Salem edere à potu, vel bibere à salis esu significat contrarias actiones: sed primum etiam præposteras. Sale aspergere lapides, ligna, frondes, est inutiliter operam absumere. Cumulum salis inuenire, est occurrere congregationi sapientum, sed malorum hominum: cibos adeò sallos videri, ut degustari non possint, est ubi sperabat omnia iucunda, ibi inuenire omnia aduersa.

Hali nitrum, significat materiam irarum, rixarum, bellorumque citra infamiam: ideoque ex rebus.

## C A P V T L.

### *De artibus & scientiis.*

**N**omine artium, literarum atque scientiarum, hic intelligo liberalium exercitationem tantum, non opus aliquod, nec discere. Sunt autem hæc ferme: Geometria, Arithmetica, Musica, Astrologia, Astronomia, physiognomia, Metoposcopia, Auspicium, Aruspicium, Chiromantia, Optica, Grammatica, Rhetorica, Dialectica, Somniorum interpretatio, scientia de ponderibus, philosophia naturalis & supernaturalis, Magia, & Geographia, atque Moralis, Iurisprudentiaque.

Aruspiciem factum esse, aut in ea contemplari (habet enim vnaquæque harum duo genera visionum: vnum, si adeptum se putet artem: alterum, si exercere) ei quod habet exercere, si nil aliud adiciatur, *ἀναμνησιν* est: adeptum ergo minus est quam exercere: at exercere actum significat, adeptum autem cupere, aut oblatam occasionem, lanium futurum ostendit, aut metalla in terræ visceribus quæsiturum: hoc enim est, extra inspicere ac diuinare. Quod si nobilior sit, trucidabit aliquem.

Auspicium autem omne genus venationis significat: observant enim hi animalium motus: id est, volatus auium. Significat & Astrologiæ studium: nam & astra quasi volare videntur: & diuinam scientiam. Generaliter autem, vatem quouis modo factum esse, seu per auspicium, seu per medicinam, vel astrologiam, vel per inania commenta: velut geomantiam, pyromantiam, multarum re-

rum scientiam: prædicit tamen curas multas & propriorum & alienorum negociorum. Significat & iter, quod huiusmodi homines peregrinari soleant. Sed vatem consulere, curas & molestias magnas portendit. Quod si vates ille nihil tibi respondere videatur, curæ illæ atque molestiæ diu te vexabunt.

Astrologum factum esse, significat diuinorum ob astra, & magiæ ob occulta contemplationem: sed & deceptum iri, quod huiusmodi homines sæpe decipi soleant, ob artificum tamen imperitiam. Si præterea artifex, significat ocium in arte, & contemptum: sed si nobilis, voluptatem: est enim maxime delectabilis.

Chiromantia si humilis sit, significat lictorem futurum: hi enim manusprehendunt: aut si nobilior fuerit, fures obseruabit. Significat & hoc studium furandi: quærant enim hi quomodo ex manibus sibi lucrum parare possint. Significat & docturum aliquos scribere, aut pulsare.

Geometram factum, prædicit agros aut campos empturum: pauperi, agriculturam exercitaturum, difficilia negotia tractaturum, in quibus mensura exquisita opus sit. Præterea orium & contemplationem, & architecturam exercitaturum: nam & hi, circino utuntur, figurasque depingunt: item plasticem, sculpturam, picturam, & quæcumque artes magna cum mensura exercentur: ut vestitaria, sutoriave.

Arithmetica verò, fœtus & debita persolueda creditoribus, & diuiti paupertatem, & pauperi diuitias & mercaturam. Præterea trapezitam: & si nobilis fuerit, quæsturam, ac similia.

Geographia, nauigationem, itinera, militiam, præfecturam, gratiam principum, negotiationem, astrorum studia.

Astronomia, in pauperibus aut facinorosis triremes, pastorem vitam, & generaliter rusticam, etiam diuitibus, tum militarem: studiosi, Theologiæ studia, nauigationem, Geographiæ operam daturum prædicit: habitationem in montibus, fugam, venationem.

Musica, inania studia, velut chymicæ, necromantiæ: tum Reipub. operam nauaturum: ludum alexæ, artes ornandi: ut annulorum fabricandorum, & vestium: necnon, quæsiturum scire quædam dicta atque arcana ad eum pertinentia: conspersionemque contra illum, nec non & machinarum construendarum artem.

Physiognomia, quæsiturum omnia quæ ad naturam pertinent: tum, philosophiæ naturali & medicinæ operam daturum. Quæsiturum etiam de amicis mores illorum: anatomicam exercitaturum. Significat & amorem, & ornandi artes. Commune est etiam omni diuinandi artii, ut significet dolos, deceptiones vanitatem, infamiam, Dei cultum, & superstitionem, ob hominum vulgatam de his opinionem.

Metoposcopia, seruitutem significat: serui enim & famuli diuinare coguntur ex frontis aspectu desideria dominorum. Idem significat eadem ratione, subire iudicium: significat



& illud, tum & physiognomia de fontibus inquirere,

Iuris prudentia, significat in iudicem eligi, magistratum, potestatem, sapientiae opinionem, morum cultum: flagitia, & scelera ac dolos: tales enim observant iuriconsultos, ut cautiùs si possunt, agant: & laboriosum artem, ac negocium.

Morum disciplina significat sacerdotium, phratrariam, magistratum: tum etiam servitutem: cogantur enim alienis moribus quilibetque vivere: improbo verò carceres, vineto autem iam damnationem perpetuam.

Dialectica, significat studia omnium artium, contentionem & lites, alienam linguam discere, accusari vel accusare.

Rhetorica accusationem actiuam aut passiuam, contentionem & lites concionatorum, & studium rhetoricæ ipsius: commune enim est omnibus his vigintiduabus disciplinis: quoniam ad animum solum pertinent studia illarum, ut *ἀναισθησιόν* conuertatur in idolum: quoniam in nostra potestate est, ex vehementi desiderio discere quam cupis: vehemens autem desiderium, somnium excitat de ea re: ob id somnia hæc, si qua alia omnia, ferè in idola transeunt: præsertim cum sapius redeunt. Suntque omnia auspiciata, & oracula vocantur, quòd pro diuinis habeantur.

Grammaticam ei qui eam nouit, ut etiam reliquæ, sed non adeò, didicisse, discereve, inauspicatum est: significatque reditum ad statum puerilem: propria autem puerorum sunt, verberari, irrideri, iniuria affici, ineptire, desideratis non potiri. Quandoque significat alienam linguam disciturum: quod optimum est in hoc somnio: significat etiam maximos labores & ineptam curam de rebus parui momenti. Alias verò linguas discere, significat noui operis semper aggressionem. Dicemus autem de hoc alibi.

Optica significat studium curiosum admodum, & morbos oculorum, vel eorum curam: tum dolos, & mirabilia atque inexpectata.

Somniorum interpretatio, significat vel vanam operam, vel magna negocia atque pericula: hæc enim ex his quæ consequuntur, illa ob naturam rei, iuxta vulgi opinionem.

Magia significat religionem, superstitionem, infamiam, studia occulta, diuinandi desiderium, vitæ mutationem, studium nouarum rerum, apparatus nouum & multiformem, mendacia, ludos, res vanas atque ridiculas.

Philosophia naturalis prædicat eadem ferè quæ physiognomia: opinionem stultitiæ, & mores à vulgo, ac consuetudinem alienam.

Philosophia supernaturalis significat religionem, astronomiam, insaniam, segregari ab hominum societate.

Ponderum scientia, significat inquisitionem circa res vulgatas, mercaturam, & in arbitrum ac iudicem eligi.

## CAPVT LI.

*De artibus aliquid facientibus, seu opificiis.*

**A**Rtes & negotia consueta & cognita exercere ac perficere, est de rebus suis benè disponere, & felicem in eis successum consequi: at frustrari in eis, est, cum rectè agas, non esse in exitu felicem. Quæ quis non didicit facere, est præter rationem agere: successus erit, pro natura euentus qui insomnis videtur. Res autem in singulis sic se habet.

Arare, serere, fodere, agriculturam exercere, filios optantibus bonum est: nam agri fructus ferunt, & segetes: at cæteris malum & lethiferum, præsertim agris. At metere, colligere fructus & vnas, vinumque exprimere, est negotium differre, voto tamen post tempus potiri. Nauim gubernare, est negotium periculosum & anxium agere: erit autem exitus, qualis i nsomno videtur, malum ligantibus ob terrores. Artemidorus narrat, quod (cum quidam videret se arare, & triticum serere, somniantis vxor & filiis qui extra patriam erant, redierunt,

Fulloniam exercere, malum quod ad vitam attinet: mortui enim lauari solent: in reliquis variat significatum: nam decipere significat & mentiri, & ornare, & lucrum facere. Coria tractare, significat laborem & actiones humiles, & negotia secreta detegi, propter odorem & strepitum.

Medicos videre, aut medicum factum esse omnib. malum est, præterquam agris. In reliquis casib. significat infausos exitus, damna ac infirmas actiones, quæ medico egent.

Aurifabrum esse, maleficium declarat, ob venena quæ tractat, & torquium ac monilium implicationes: significat & tractationem nobilium negotiorum.

Plasticen & sculpturam exercere, cupientibus fallere homines bonum est: nam quæ non sunt, hæc ostendunt, velut & pictura. Differunt in hoc, quod pictura significat effectus subtilioris, & res inexpectatas. Plasticæ autem opera violentiam declarant: nam & igne vtuntur, & mutant dum fundunt substantiam rei. Si verò hæc non significant, celebritatem nominis & famam decernunt: talia enim spectanda populo exponi consueuere.

Ars fabrilis, significat lites, discordias, tumultum, strepitum, negotia dura atque difficilia: nam malleis igne res agitur: multi quoque concurrunt ad has actiones & folles quodam consensu ignem accendunt: significant ergo diuisi & seditionem in domo. Instrumenta quoque quæ minuunt & diuidunt, mala sunt, significantia seditionem & damna. Quæ poliunt & laugant, inimicitias sedant. Quæ dirigunt, secreta & occulta reuelant: aut cadentes actiones & negotia desperata reparant & exsuscitant.



Faber lignarius durum negotium indicat: non tamen adeo ut ferrarius, aut aris. Hic strepitum maximum ostendit, quod nihil magis ære & cupro resonet. Sed cuprum, dolum etiam, propter mistionem: & eadem, propter tormenta bellica quæ ex cupro fabricantur, portendit. Significat enim religionis opera: nam è cupro nolæ fiunt: at lignarius faber nec strepitus, nec contentiorem tantam significat, sed industriam, laborem, & minimarum rerum tractationem: præter scobem multam, quæ iacet.

Literarum studia significant laborem, tædium, & quandoque etiam timorem. Quæ verò didicit, rursus discere, negociationem absurdam, irritam, & parum felicem: nisi si quis filium habere optet, & possit: significat enim suscepturum, & educaturum. Linguam alienam discere, rem tædiosam, laboriosam atque ancipitem prædicit: & tamen cum hoc etiam negotia cum gente illa peraget. Multis huiusmodi somnium uxores ex illa gente portendit, aliis captum iri, & seruire huiusmodi hominibus. Literas legere alienas non posse, est in negociis cum aliis exitum non habere, nec felicem successum: at proprias non posse legere, est in domesticis rebus ac pæmine impellente cæcutire.

Venatio significat insidias, lites, impedimenta, labores, dolos, & quæcunque in venatione occurrunt. Sed & laquei & retia eadem significant. Propterea habere hæc multo melius est videri, quam videre alium habentem: hoc enim pati huiusmodi significat, illud agere. quanquam nec id sine discrimine, labore ac tædio.

Est etiam in artibus discrimen triplex, ratione habitus: ut discere, scire, docere, exercereque ratione ipsarum, & sunt liberales quæ in cognitione consistunt, quæ faciunt, quæ agunt, quæ refarciunt, quæ adipiscuntur: ut de venatoria dictum est: ratione personæ, ut in se vel in alio. Discere artem, est res plena tædij & laboris. Docere idem significat, sed cum honore, illud cum dedecore. Scire autem, est assimilari moribus illorum: velut nautam factum esse, significat diuersis periculis se obiecturum, in incerto vitæ acturum. Exercere, significat voluptatem, aut lucrum. Liberales, significant voluptatem inutilem. Quæ faciunt, lucrum significant: quæ agunt, ut musica, voluptatem & solitudinem. Quæ refarciunt, turpe & vile lucrum, & amissionem honoris: ut medicum factum esse: atque adipiscuntur, lucrum fallax, rarum, cum multo labore: cum voluptate tamen seipsum agere, exercere vel discere, ad se pertinet: in alio hæc videre, si cognitus sit, verè ad illum, causa tamen tua: sed si cognitus sit solum per somnium, ad te, sed differt à teipso in hoc, quod minus senties quod eueniet, nec erit adeo conspicuum: sicut nec, qui per alium mercaturam exercet.

Coquus, significat actionum ordinem, & leporem: & ægrotantibus ardores & inflammationes: & quæ occulta erant, detecta fore, aut detegenda: significat etiam lachry-

mas & conuiuia, ut in nuptiis ac luctu.

Lanio, significat mala sine dolore, & supplicium publicum: & impudentia ac sæua facta: Diuitibus & innocentibus, malus: cædit enim innocentia animalia, diuiditque ac dispergit quod in vnum coierat. Significat & concubitus præter naturam: membra enim sua stercore coinquinat: & quæ natura fecit, dum destruit, contra naturam facere videtur.

Caupo significat magistratum: excipit enim omnes: & dolos, ob mores, & meretriciam artem: huic enim similis est cauponis: multa verba propter pusillum lucrum: & aduentum peregrinorum amicorum, vel etiam incognitorum & peregrinationem.

Omnis ars & artifex mutuo se significant, & ab instrumentis etiam significantur: ideo si quis opificem suæ artis mori sibi videatur, ipse artis exercitatione priuabitur. Si mortuus resurgat artificio destitutus, ipsius exercitationem recuperabit.

Et artes se mutuo significant, ut qui refarcit calceos, medicum, & medicus illum: vterque enim refarcit, ille calceos, hic corpus humanum. Et medicus aduocatum, & aduocatus medicum: vterque enim tuetur hominem.

Artes præterea ex industria & materia constant: Textura significat dolum, & negotia implicita, & consilia occulta, ac perditiones. Fodere, est labi in deterius, ut extruere indignitate, eleuari & augeri auctoritate. Serrascare, est contraria efficere, ac velle. Lana significat ingens lucrum, & continuum: sericum, splendidum, sed non adeo firmum: gossipium, minus quam lana luculentum: pili caprarum, exiguum & laboriosum: linum, cum dolo & implicatum. Pelles animalium, lucrum foedum & turpe, pili porcorum, laborem inutilem, & vanam expectationem. Caudæ equorum, speciosam artem, & negociationem cum exiguo lucro. Aurifabri ars, propter metalla morbos significat. Molitores, significant laborem perpetuum, & vtilem: pistores verò, perpetuum & iucundum: tonsores, significant leuamentum molestiarum: nam leuant capillos & barbam, res molestas, & luctus indicia. Pigmentarij, significant dolos, voluptatem, graues morbos: laborantibus enim his pigmenta adhibentur, ob odoris grauitatem. Significant & principes mulieres, nobiles, meretrices, diuina opera atque sermones. Suere significat dolos & maledicta: ea enim non secus ac acus pungunt homines, Gemmas expolire, est sermone ornato tueri causam suam. Vespilones significant facientes opera pia, & artes veritas, ut fœnus exercere: occultant enim ipsam actionem ut illi corpora humana. Militia significat exilium, labores, contentiones, cessationem à propria arte: quoniam est ars communis. Professoribus piscari infaustum est: nam tales auditores habebit, quales sunt pisces: scilicet mutos.

Libros edere, iis qui ex doctrina victum querunt, bonum est: cæteris mortem repentinam indicat.

Edificare,



Ædificare, est opus aliquod egregium facere, aut liberis generandis operam dare.

Publicanus, significat rei cuiusvis finem: significat & perfectionem ob verbum *πρωτόν*. Significat & publicandam rem occultam, ob nomen. Et itinera, sed vario modo. Forum,urbationes significat: & militare, negociosis ocium: quoniam maior cura minorem soluit, & quoniam non nisi omissis negociis militiæ operam dare consuevimus. Sed ociosis grauiæ & molesta negocia qualia militantibus eueniunt, significat. Aliud genus significati est, ex affectionibus passiuis ad actiuas: velut militare est angere, anxium esse: tales sunt, qui flagitiose viuunt, & operantur.

Nere, vanas spes significat, ob superstitionem, ut ait Cicero. Mortem, si tamen non tu, sed mulier quæpiam incognita id agat: ob fabulam Parcarum. Significat & perseverantiam in opere. Et si lanam neat, iter: si linum aut gossipium, ignominiam. Nec mirum calumniari expositionem à Cicero, cum nullæ artes tum essent in precio, nisi cædes copiosa hominum, & nugæ historiis de Populi Romani voluntate quasi deo. Ob id tamen vitam hominis hæc actio refert, quod imbecillimo filo illa constat.

Ludum literarium aperire atque docere, quomodo vis magistratum declarat. Sed si non aptus sit, excitabit seditiones, aut typographus fiet.

Gladiatorium munus exercere, est diuidere sportulas aut munera in populo, aut præstare giatorem mimum esse.

Tondere, molestias leuare significat. Sed eradi & tonderi, ut neque alia quæ ad passionem significant, contrarium actioni referunt. Eradi ergo capillos infortunium magnum euasurum portendit: nam & ex magnis morbis seruatis, & à magnis fluctibus fieri consuevit, & à seruitute liberatis. Sed & periculum triremium & carceris, & habitum sacerdotis significat: nam his raduntur capilli. Significat ergo fortunæ commutationem qualiscunque in contrarium statum. Sed à tonsore melius est: significatque molestiarum leuamen: à seipso verò, vel ab alio, magnas calamitates, morbos, non tamen mortem: naufragium, sed non submersionem. Vinctis autem tormenta etiam à tonsore portendit. Deradi principem ut sacerdos fiat, stultum factum, ob quod principatu prinabitur, ostendit. Forcipe verò præcidi, paupertatem & miseriam: nam pili eradi consueuerunt, si tonsor operam non neget.

## C A P V T LII.

### De vestibus.

**V**estes dignitatem significant, tum quia cum illæ mutari soleant, tum quia facile per se mutantur. Significant & vxorem: quoniam ab illa homo ornatur, aut vituperatur. Differentias recipit ex parte corporis, ex materia, colore & forma, actuque. Exuere vestes, est dignitate spoliari, quasi voluntaria. Sed exuri, lacerari, est turpiter ac per

vim auferri, Vestis alba, lætitiæ cum felicitate: purpurea, maiorem læticiam cum ira & crudelitate: cærulea, morbos: aurea, dolores & tormenta: viridis bona est, plena spei & voluptatis. Sericæ, honores declarant: lineæ morbos, mortem & paupertatem. Pileus significat liberationem in vincto & seruo. Gal. autem lauream: & laurea ipsa, Poësin & auctoritatem profitendi, & victoriam. Petasus dignitatem non magnam, sed tamen vtilem: Cyrbasia, dignitatem militarem. Diadema, cidaris, regnum, aut potestatem magnam. Causia autem, sacerdotium: & si rubet, summum. Fœminea capitis tegumenta, ut mitra, reticulum, vitra, stultitiam & lasciuam. Carbasus, iter: quoniam eo in itinere uti solemus, Thorax significat dignitatem & magistratum, & vxorem: albus formosam, viridis castam & honestam croceus diuitem & grauem, cæruleus tristem, niger iracundam & crudelem, ruber molestam, varius & aureus impudicam. Interula etiā vxorem significat, & amasia, & secreta cordis. Fœminalia, braccæ, subligaculum, ad vxorem, pudorem, honestatem, obscenasque voluptates pertinent. Caligæ, venatione, & militiam magis etiam significant. Sculponeæ, seruitutem, labores, paupertatem decernunt: ocreæ iter: cothurni & focci, voluptatem & pompam. Calcei, iter pedestre, & morbos, si deponantur: crepidæ, morbos, lasciuam, molliem. Soleæ, dolum & insidias: non enim crepant. Sandalia, & reliqua quibus fœminæ induuntur, molliem, fœdas & indignas actiones, verbaque tum dedecora. Sagum, militiam, aut tristitiam: sed lana grauem militiam, propter villam. Heteromalla & amphimalla, longum iter, aut carcerem, vel seruitutem, aut navigationem, vel paupertatem & miseriam nunciat. Sagum etiam, & vestes exteriores, rubra si sint, iram & cædem significant: si candida, sacerdotium aut quietem: viridia, optimam spem: nigra, dignitatem, pudorem: sed & luctum maximè inornata & longa significant: crocea, impudentiam: aurata, stultitiam, impudentiam, vel regnum & magistratum. Laneæ diuitias, & è gossipio, sed minores: significant & morbos, & molliem. Nocturna capitis velamina, morbos & vulnera. Exteriorum autem toga significat dignitatem: & nostra ætate si promineat à tergore aliquid, & cauda prælonga sit, & nigra, vestis est mortualis & luctus: prætexta autem, insignis decoris ac magistratus. Basilica vel segmentata, quæ cum gemmis intexta est, regnum, aut principatum. Picta vestis significat victoriam, ducem belli, aut mimum vel morionem, aut comœdum, tragœdumve. Polymita pluribus liciis intexta, significat dedecus: sed si pretiosa sit dignitatem non diuturnam. Cyclas, & vestis Melitenensis, byssina & gossipina palla, omnisque alia vestis muliebris, significat delicias, aut stultitiam vel dedecus, aut molliem: semper autem quanto pretiosior, tanto melior aut minus mala. Et si solum tractetur, vel ematur, aut habeatur in domo, significat vxorem, aut amasiam, vel concubinam. Prætexta pulla,



pulla, luctum & luntus omnino significat. Et muliebris omnis vestis pulla, mortem somniantis aut filiorum, aut agnatorum vel affinium decernit. Lacerna & penula, significant iter: sed penula est pauperiorum: scortea verò pedibus peregrinantium. Significat & militiam. Sed lacerna cum cucullo, & cucullus solus, significat solitariam vitam & phratriam. Si verò carulea, vel omnino purpurea sit, sacerdotium nobile & opes magnas decernit. Stola quoque sacerdotalis, apex laniger epomis, sed omnium maximè intertexta cocco, bysso, purpura, hyacintho, & quibus in quotidianis utimur sacrificiis: vestes quoque pontificum olim Romanorum, opulentum denotant sacerdotium. Endromis, contentione aut iter per equos dispositos. Pellicea pulchrae dignitatem, sordida inopiam significant. Domestica vestis quoniam vsui est, nihil significat: in foro autem, impronsum malum, aut vincula: non enim aliter eò sic itur, nisi sit infans. Pallium abstinentiae, continentiae & studij artium signum est. Paludamentum, imperatoris militum, est, & dignitatis, maximè purpureum & gemmatum. Chlamys verò, regiae potestatis. Trabea pulla vel militaris, funus significat: cocco intermixta, sacerdotium nobile: splendida vel intexta, regiae potestatis & victoriae: undulata seu cambailota sine undulis, diuitias in senectute pollicetur: ea enim avari senes maximè delectantur. Ridiculè amictum esse, non solum derisionem, sed improsperos euentus & vituperationem ostendit. Pallia & togae, & quae non amiciuntur (quas Apostolicas vocant) iuxta coloris qualitatem, fidem hominis decernunt: candida ob id optimae sunt, & sinceram fidem declarant: rubra verò, contentiones, rixas & dedecora: non tamen infortunatae sunt: felicissimae virides, morbosae ceruleae: & immunda omnes vestes & lacerae, tædia, curas ac molestias, dedecoraque portendunt: vestis munda, vetusta, liberationem ab antiqua molestia: noua & sordida, nouam molestiam superuenturam significat. Mulieri, cuius maritus erat in exilio, cum visum esset in somnis, prodire in publicum sine veste, praedictum fuit: nunquam visuram illum: maritus enim ornamentum vxoris, velut & vestis.

## CAPVT LIII.

### De ornatu.

**A**nnuli significant fidem, dignitatem, vxorem, secreta: & signatorij hereditatem. Qui accipit anulum signatorium ab aliquo, fiet illius bonorum maiore ex parte haeres: qui alteri dat vt retineat, heredem illum instituet. Annulum non signatorium si amiseris, amittes vxorem, filium vel dignitatem: ita si excidat, nec inuenias: illud autem accidet negligentia tua. Si signatorius excidat, vel sculpta gemma qua signare sis solitus, fies alieni iuris: vt in exilio, carcere, captiuus hostium. Si anulum amiseris, qui

tibi signatorius videatur, non si tamen huiusmodi tibi, decides ex spe hereditatis, aut magistratus quem consequi speraueras. Epistola sigillo signata à principe, dignitatem: ab aliis, secretum, aut negotium. Gemmali annuli si frangantur, infirmabitur filius aut vxor, aut minuetur illius autoritas. Si excidat gemma ex annulo, filius discedet à te in longinquas regiones, nunquam reuersurus, si non inueneris: si serò inueneris, tardè reuersurus: si statim, volet discedere, sed non discedet. Si anulum tibi quis ad os apponat, ab eiusmodi aliquod secretum magni momenti intelliges. Si princeps aut regina annulos plures habuerit in manibus, totidem ei nascentur filij: non enim in eis dignitates aut magistratus significare potest. Annulum si emeris cum gemma, filium habebis, aut vxorē aut dignitatem, pro natura coloris & precij gemmae. Si rubra, fidelis aut fortis: si viridis, sapiens aut amabilis: si carulea, pia vel casta: si aurei coloris, maligna vel fraudulenta: si maculosa, foeda vel infirma, si alba, pura vel ingeniosa: si opaca, humilis, etsi diues aut lucrosa: si preciosa, nobilis & magni nominis. Annulus etiam annum spacium significat: cum enim circuli formam referat, circulum autem sol in anno percurrat, liquet anulum circuitum anni significare. Significat etiam annulus in non habentibus nec filios, nec vxorem, nec dignitatem, parentes: quoniam charissimi sunt, & coniunctissimi, & quoniam eorum nuptiis procreatus est filius. Vnde in filiis nothis hoc non significat. Auricularia significant ornamentum, & media ad intelligendum arcana, secretaque, ac ocium & curiositatem. Sceptrum caduceum accipere, pro eorum comparatione auctoritatem & potestatem significat. Pallium regale, regis vxorem. Corona noua regi significat, filium regni heredem. Coronam regiam accipere, agnato regis regnum: alieno autem, vitae periculum portendit. Cingulus autem aureus, dignitates in iuuentute: argenteus verò, lucrosam iter. Gemmae cum auro è pectoris regione, calamitates & molestias: casus coronae, amissionem omnis dignitatis & decoris, & rei in qua totam spem suam collocauerat. Et cingulus, significat filiam.

Coronae è floribus, suo tempore bonae omnes sunt, praeterquam ex narcisso, apio, cupresso, plantisque noxiis & malè olentibus: omnes enim haec semper sunt malae: ceterae tempestivae laticiam, ocium ac luxum significant: intempestivae verò, ex purpureis violis mortem: ex amarantho, quicquid aduersi patitur, insuperabile erit, nec corrigi poterit, nihil patientibus superuenturum aliquid huiusmodi ostendit. Ex liliis acrosis, produnt quae occulta esse expediret. Ex odoratis herbis, vt amaraco, ozimo, sisymbrio, morbos difficiles & incognitos, exemplo artificij coronae subtiliter elaboratae. Ex palma filios, & olea filias, utraque longaeuos significat. Quercina, myrtea, laurea, honores & victorias: laurea, praeter id sapientiam: quercina palmeae similior est, myrtea oleae utraque imbecillor: olea concordiam, myrtea amorem. Ceterae

malae.



malæ, ægris lethiferæ: nunc ob candelas quæ mortuis accenduntur, olim quoddam nugæ mortem poëtæ appellarent: ratione, quoniam infirma res sit: & quæ cum detrahatur, apum mors sequatur. Non sic melle: cara enim apum domus constat. Coronæ ex metallis, lapide, sulphure, sale, omnes gravitatem & difficultatem negotiorum significant: sed è plumbo pessimæ: è sulphure infamiam etiam ob odorem addunt: è gemmis, auro aut argento, pauperibus & diuitibus sine satellitibus & comitatu egregio, malè metus, insidias, dolos, pericula, quæ par adesse comitatum non habentibus esset, significant: cum comitatu autem, & sine vestibibus ornatis, irrisiōem: cum vtrisque verò, magna bona prænunciant. Ex hedera aut vite, vincula, aut insanum amorem: vinctis verò suspendium, vel securim. Serpens aureus gemmis ornatus, dominium in excellentes & claros viros portendit. Pallium regale ferre, nobili exaltationem primum, inde exitium ostendit.

## CAPVT LIV.

*De armis & machinis.*

**A**Rma ad defensionem, vt galea & scutum, prudentiam & securitatem decernunt: quæ manu tenentur, vt gladius & sarissa, miniētros, robur corporis & opes: quæ extrâ mittuntur, vt sagittæ & pila, auxiliares & verba. Sagittas colligere, significat alicui capitales insidias moliturum. Arcum inuenire, inter suscepturum. Sed si ensē, eumque sibi accingat, dignitatem ipse, velpater vel filius adipiscetur. Nudum ensē, vel aliud armorum genus ab alio accipere, mortem vxoris prædicit. Sed si cum vagina fuerint, solum ægrotabit. Thorax ferreus significat perniciam & crudelitatem. Instrumenta bellica artificiosam rationem vincendi & dilationem declarant. Scutum pulchrè elaboratum, nobilitatem, honores, & operationes dignas, certaminaque decernit.

Colossi fructa aliqua videre, magnam felicitatem portendit, ac surgentes ex disciplina alicuius magni viri atque inclyti famosissimos discipulos: cuiusmodi sub Socrate, Platone, Hippocrate, Alexandro, & Consaluo Cordubensi magnis: iuxta Græcam paræmiā, *κολοσσὲ ταῦτα μεγάλα πρὸς ἄγματα εἰν*: (de Adriano Tyrio Herodes Atticus: refert Adrianus Iunius, vt contrâ contractum colossus videre, mortem viri generosi.

## CAPVT LV.

*De vasis, & reliquis instrumentis domesticis.*

**A**rtificiosæ res ostendunt negocia & homines: homo enim diuini consilij exemplar est: licet ergo ex vnoquoque genere in aliud transire. Generaliter autem artificiosæ res actiones artificiosas significant: id est,

solertiā, & industriam miram in adipiscendo intentum. Scena igitur ærurnas, pericula, iniurias & contentiones significat, si tragedia sit: si comædia, probra, dolos, deceptiones, contumelias & vanitatem. Instrumenta musica, otium, dolorem, luctum. Vasa potoria pulchra, ministros egregios, & præstantes. Lances, paropsides, patinæ, vitæ actum atque cursum: quoniam quæ superueniunt, excipere solent. Lucerna animam, studium, amorem, disciplinam, principemque significat: nam vt lucerna domum illuminat: ita princeps exemplo, moribus suis omnes instruit: iustus, iustos iniustus iniustos efficiens ciues. Animam verò: quoniam vt lumen eius extinguatur: sic anima à corpore faciliè recedit: amorem, in amore enim est quod vrit, vt in lucerna ignis: studio seruit, disciplina eius auxilio paratur: idē vtrūque refert: cui ergo lucerna pulchra & nobilis est, is nobilis euadet sapiētia studiis: nam & nunc lucerna Epicteti celebratur, magno pretio empta. Vasa quæ nulli sunt vsui, personas inutiles ostendunt: moriones, parasitos, mimos, adultores, histriones, musicos. Quibus verò gemmæ & nummi seruantur, vxorem: quod ei charissima custodia recondi consueuerunt, sapientes, sacerdotes bonos, & æconomos significant prudentes. Scrinium autem vbi actorum memoriam & tabulæ publicæ, & epistolæ seruari solent, vitæ nostræ cursum. Quod si fractum fuerit, mortem propinquam declarat. Vasa quæcunque à metallo, vitæ constantiam significant, & iuxta metallorum naturam superius explicatam. Cornea verò infirmiora sunt, & detegi facta somniantis declarant: sigulina autem, imbecilliorē ad sustinendum capacitatem: occultiora tamen negotia, nec adeo illius acta in propatulo futura: vitrea, omnium pessima, fragilem vitam, inconstantiam negotia, omnia publicè acta detecta. Artemidorus testatur frequenti experimento deprehensum, visa vitrea vasa fracta à nauigantibus, naufragium significasse.

Nolæ decernunt congregationem, tumultus & ostentationem. Horologium, actiones: illarum enim initium & finis horologio determinari consueuerunt. Propterea si frangi videatur, confusionem omnium negotiorum significat, vel etiam mortem. Eoque deterius, quod in minora frusta dissipatur: auferri verò intermissionem ab operibus: nam recuperari potest. Cessare autem à motu, est impediri ab his per breue spatium. Mola difficultum negotiorum absolutionem & durorum attritionem ostendit: pistillum refert maritum: mortarium verò vxorem. Spinæ aculei, & spinetum magis, quo vtī solemus ad limum extergendum dolores, tristitias, iniurias, & amorē ob similitudinem referunt. Catena quoque amorem, carcerem, vxorem, impedimēta. Peluis ancillam significat: bibere vel edere in ea, est illā potiri: speculārī in ea, est ex ancilla filios suscipere. Auream verò peluim vel argenteam habere, ancillam in vxorem ducturum significat. Peluis si frangatur, ancilla aut seruus morietur.



prius quædam propria, inde generalem tractabimus rationem. Imago in speculo significat & fratrem & sobolem: utrumque enim assimilatur somnianti, velut & imago: ideo si citò dispereat, aut obnubiletur, parum prosperam eorum fortunam decernit. Nuptias quoque prædicit, & vitæ mutationem. Significat & amicos. Quod si in eo maculæ fuerint, dedecora illorum refert. At generali ratione, cum conuersa omnia ostendat, nec tamen ut cælata effigies, sed similia similibus, ideo de eo subtilius est considerandum. Constat enim primum, quæ dextra sunt nobis, sinistra esse his qui videntur, & versa vice: quæ verò sculpta videntur, cum hac commutatione spectantur: atque cælata, dextra à dextra, & sinistra à sinistra, ut in speculo: sed quæ cælata sunt, dum effigiem in cera referunt, ut sculpta referunt: commutantur igitur cælata, & ob id contrarium significant. In speculo verò absque dubio cum multa commutari soleant, etiam præter naturam quæcunque sic commutant, malum significant: ut videre se cum facie inferiùs conuersa: quæ verò commutant ex natura speculi, neque ut sculpta, neque ut cælata sunt exponenda: sed quod ad rei substantiam attinet, ut videntur: velut, videre faciem mortui, moriturum: duplicatum, filium sibi omnino similem: at videre se coronatum aut vinctum, postquam licuit se talem videre, & non in speculo, contrarium significat, non ipsi rei, sed visioni. Dictum fuit, dum de actionibus loqueremur, quod coronari significat irrideri: ergo coronatum in speculo se videre, honorari prædicit. At dices: Cur (gratiâ exempli) faciem suam ut mortui videre, mortem significat? Quia naturæ consentit hoc somnium: neque enim videre nostram faciem verè in vigilia licet, nisi per speculum.

Catena, uxorem, impedimenta & carceres, duramque seruitutem significat, & vinculum amoris mutui.

## CAPVT LVI.

### *De magistratibus & honoribus.*

**M**agistratus generaliter prudentibus, nobilibus & efficacibus, administrationes & negotia honesta significant: miseris, ni significant: incommodi solutionem, magnum malum portendunt. Priuari solitis muniis aut donis, quæ magistratibus debentur omnibus, malum est, & graue. Præfici annonæ, operam medicinæ dare significat: sed & mortuis idem: quandoquidem multi sunt quod plures occidit, quam seruent. Idem significat sacerdotium: sacerdotes enim mortuos curant. Mutare vestem ob magistratum, & præsertim albis aut aureis vestibus indui, vel pictis, mortem significat: sic enim mortui induuntur. Præfici negotio turbulento, non lucroso, molestias sine vtilitate nunciat. Iudicem esse, illi qui non futurus est, videri, paupertatem, molestiam ab inimicis, & iter agenti periculum à latronibus prædicit. Significat & gratiam apud principem. Iudicem vulnerare, est fauere potentibus & gratiam ab illis consequi. In iudicio aliquem

Tom.V.

premere, est potestatem & ius in aliquem obtinere Rectè iudicare, est gratiam apud principem, odium apud populum promereri.

Magistratus propriè mutationem vitæ significant, curas atque onera: videntur ergo, quemadmodum & pecuniæ, & actiones pleræque, in contrariam transire naturam, si idolum non sit. Eoque magis malum, si (ut dixi) præter rationem eueniat. Dicitur præter rationem, cum inepto contigerit: aut si etiam apto, contraria ratione in ornamentis ac potestate, locoque incogruo. Vix autem pauperi & contempto sine magna iactura aduenire potest: præter reliqua, multis impensas superfluas prædicit: sed scelesto fontique publicæ necem portendit, propter apparatus: nam & turba illum respicit, & satellites circumdant, & loco altiore ac conspicuo sedet, & à carnifice ac consolatoribus seruitus & opera exhibetur. Propterea exules, vincti, nocentes, damnati, huiusmodi somnium admodum reformidare debent.

Prætores igitur esse, significat curas maximas & periculum supplicij, & lictorem, tortorem atque carnificem, non solum ob operationum similitudinem, sed etiam ob verbum *δημόκοινος*, seu *δημόσιος*, vel *δήμιος*, quod significat & popularem factum esse; potest & nauiram significare, qui moderatur naui, ut in populo Prætor. Præses autem, ob verbum *ἐπιστάτης*: præceptorem, magistrumque ludi literarij, & custodem pecuniæ publicæ, & cocum significare potest, item assessorem. Senator verò cantorem, propter verbum *αὐλῳδός*. Curialis sortem subire, concionem congregare. Iudex sacerdotem, sacrae curantem aut custodientem, accusatorem, diuitem, Iuriscōsultus, laudatorem, adulatorem. Lauream consequi, est vincere, in pugna laudari. Quæstor, est collectorem esse halinitri, secretorum indagatorem, custodem furtorum, parochum: lictor verò, est rusticum & agricolam fieri: vinciri enim vites, plantas & animalia: sic & mulionem & agasonem, & carnificem & vespillonem, & lignarium. Ædilis, carceris curatorem, in carcere vinciri, ædificatorem domorum. Atque ita à similitudine muneris & nominis reliqua interpretaberis: illud obseruando quod magistratus perpetui efficiunt somnia fatalia: reliqui verò solum ad certum tempus, non ad vnguem magistratu definitam significationem extendunt.

## CAPVT LVII.

### *De vitæ cursu.*

**O**riri rursus, est vitæ periculum euadere: dicuntur enim qui sic euadunt, denuò renati. Orior quoque, & morior, vnà tantum litterâ cum differant, & opposita sint, vicissim vnum in aliud transit. Significat & morum mutationem: nuper nati enim mores novos induunt. Sed & nasci filium: in filiis enim renascimur. Oriri quoque magnas molestias, quibus infantes afficiuntur, tum seruitutem ostendit. Infelicibus denuò nasci bonum: nam nouam subeunt fortunam. Mul-

KKk

vum



tum autem differunt, denuò nasci, & in fasciis esset, atque infantem: hoc enim non habet emphasim, & denuò nati pueri incommoda tum refert. Infantia morbos & indigentiam præsentem, omniumque rerum ostendit, sed cum spe; senectus extrema eadem ferme omnia, sed sine spe. Vincitum esse in fasciis, & carceres & mortem significat: hi enim linteis amiciuntur, illis manus & crura vinciri solent.

Vitæ decursus secundus, & per consuetas ætates, si sistatur in ætate quam somnians agit, bonum: & significat vitam suauem, molestiisque vacuam. Quod si insigne aliquid videamus, cauere oportet ne bona promalis aut contrà interpretemur. Semper autem vitæ decursum videre, arcani aliquid continet. Quod si vitam videat suam, quasi depictam videat, nec quicquam aliud, periculum est ne tamen multos habeat filios, nihilo secius orbis moriatur. At si etiam sine filiis sit, ordinesque plantarum viderit, quot erunt, tot ex illo prodibunt stirpes. Pueritia etiam timores, vulnera, seruitutemque cum contemptu denunciat. Inuentus pericula, labores, mortem violentam. Si seni videatur quod iuuenis sit, spes renouabitur, validam senectutem geret: sed non adeò honoratam, nec sine metu violentæ mortis. Senectus curas, solitudinem, timorem, desperationem. Canum esse, honorem, & sapientiæ opinionem. Morbificam ducere vitam, existimationem aut paupertatem: ad ægros enim accedimus, non illi ad nos. Ægri etiam plurimis, ac ferè omnibus indigent.

Tempora serena, tranquillitatem: obscura & nebulosa, molestias & metus, turbatamque vitam. Calida, animi æstus atque labores: frigida, penuriam & inopiam: ventosa, cum pugna & contentione: tempestuosa, cum periculis & iactura: caliginosa, cum morbis: nocturna sine stellis, plena terribilibus casibus: cum stellis, inter spes & metus perpetuos. Videri longævum, vitam significat laboriosam & mœstam, tum quia diu viventibus necesse est mala multa contingere, etiam si felicissimus sit Monarcha: tum quia mœstitia tempus angere videtur, ob moram.

Videre aliquem sibi similem conditione, est vitam etiam illi persimilem ducere. Cum aliquando vidissem Curtium medicum legentem Galeni antiquos libros, mirum in modum delectabar: tranquillè enim in paruo conelauo studebat: ostendit, me eandem professurum publicè artem stipendio quali dum his libris studeret: scilicet minore quàm dum esset senex: atque ita contigit: eundem enim locum ad vnguem accepi. Paulò antequàm hæc scriberem, sub fine anni M.D. L X I. visus sum illum viventem videre, sed non profitentem, in domo abdita quadam, lætum satis, & eius ætatis qualis nunc esset si viveret, scilicet annorum LXXXVII, quod interpretari vtile, mihi necesse est.

Vitam in paradiso vivere, est vxore carere: quia orbi & cœlibes sibi beati, sed falsò tamen, esse videntur. Vitam sanam ducere, est in vno vitæ instituto constanter permanere: infirmam, mutare institutum. Incolere

incognitas regiones, est operam dare secretis artibus ac studiis. In somnum meridianum concedere, si non sit fatale, significat desidiam perditurum res suas, neglecturumque negotia. At si fatale sit, morietur in flore ætatis.

Duo sunt quæ maximè vitæ cursum ostendunt: vnum quorum est liber, manuscriptus præsertim, potius quàm impressus: qualis liber & affectus & scripta, talis vita erit: alterum est tela, & hæc magis supra vitæ longitudinem significat, sicut liber supra illius qualitatem. Si inchoata nuper sit, longitudinem illius prædicit: si propè absoluta, mortem propinquam. Erit etiam iuxta materiæ rationem. Ex gossipio, mollis & brevis: ex lana, molesta & honorabilis: ex lino, dura & diuturna: ex serico, fragilis ac nobilis: ex auro, grauis suspicionibus, & laboribus plena.

## CAPVT LVIII.

*De urbibus.*

**V**Rbs significat habitationem, negotia & vitam, nec quisquam nouit ante me significatum. Nouam urbem incolere, & incognitam, est breui perire: alibi enim degunt mortui, nec vbi scitur. Si verò mors non significetur, patriam mutabit, aut artem: hoc enim modo nouam habitationem ingressus videtur: cum aliis enim versatur hominibus, & qui alienæ religioni abhorret. Habet hoc vrbs, quod omnia hæc commoda & libera decernit: cum alia quibus eadem significantur, non eiusmodi sint. Solitaria in vrbe esse, est inuiti negotio vel arti incumbere, vel hæresum sibi propriam quandam fingere. Urbem incolere cum collibus multis, aut montes inhabitare, est discordiam & simultatem potentum subire, ex quibus vita inquieta fit. Urbem populosam & incognitam colere vel ingredi, est multitudine negotiorum opprimi. Si tamen statim exire videatur, ab eiusmodi tadio liberabitur. Oppidum significat omnia minora, sed minore etiam cum commodo & voluptate. In vrbe propria nihil absurdum: in aliena autem subiici inuidiæ, & paucos habere amicos, aut perpetuò peregrinari significat. In insula, est circumdari multitudine periculorum & turbationum, ideoque religiosam vitam ducere: tales enim neque in tumultibus sunt, neque participes fluctuationum: interea tamen viuunt, & quandoque ab iis læduntur.

## CAPVT LIX.

*De domibus.*

**D**omus, continens pro contento: ideo culmen, illius patremfamilias significat: & limen ac porta vxorem: & fenestræ, filios & filias: cors autem, domesticos: sunt enim, & non sunt, in domo, & è domo: & penu, redditus & substantiam: & cubiculum, vxorem



vxorem, filios & filias. Focus autem, artem & amicos: fouent enim hæc familiam. Et domus antiqua, pauperi paupertatem maiorem, diuiti autem diuitias: noua autem contraria portendit. Ruina forniciis aut fastigij portæ domus, mortem vxoris aut filij aut æconomi significat.

Refert tamen Scirnachian Indus, quandam mulierem petiisse à Serim, quid portenderet somnium ruinæ forniciis portæ ianuæque, cuius pars intus, pars extraianuam excidit: cumque ille interrogasset, an coniugem haberet: eaque respondisset: Habere quidem, sed iam diu proculque cum filio abesse, ipsam tantum cum filia domi relictâ: tunc respondisse Serim: Reuersurum coniugem & filium cum vxore ducta: filiam verò collocandam in matrimonium vni, qui eam extra regionem abducatur. Ratio fuit hæc: forniciis calus significauit mutationem totius familiæ: at quia pars ceciderat intra, pars extra, quidam manebant domi, quidam extra domum: & eo modo vt commutarentur vices: igitur necesse fuit, vt qui domi essent, scilicet filia, nuberet, & extra patriâ abduceretur, illi redirêt.

Ascendere per gradus, bonum est felici, malum infelici: & descendere contrario modo. Et domus regia, significat potestatem eiusmodi: crescet enim gratia vel nomine. Et prætoria, auctoritatem: & vilis, paupertatem: & si incolueris ruinofam domum, viues inter timores & metus, & ærumnis affligeris. Domus incognita, & pendens in aëre, significat mortem & animæ postobitum felicitatem, aut bonam famam: & si sub terra sit, morietur & damnabitur. Et inhabitare domum oblitam pice, aut ligneam, significat mortem: nam qui extra patriam sunt, aut potentes, dum paratur funus, arca pice condita seruatur cadaver: omnes autem lignea arca conditi, sepeliri solent. Amplificari domum, est nomen, aut potestatem, aut rem, aut familiam amplificari: hæc enim quatuor per domum significantur. Et ruina columnarum domus, est mors aut exilium fratrum vxoris, procuratoris antiqui rerum & reddituum. Et porta significat dominum domus, & vxorem eius. Et postes, dextra dominum domus, sinistra vxorem: & similiter valvæ. Et cardines, significant salutem: ei enim innituntur tam vir quàm vxor. Et noua ianua, nouam vxorem significat. Et noua domus, nouam fortunam, nouam vitam. Qualis domus, talis fortuna vel vita. Et qui sustinet domum cum labore, vxorem feret malam, aut infelix erit in negotiis. Et paries, est ipsiusmet somniantis robur, quod consistit in sanitate, vel existimatione, vel opibus. Domus gipso oblita, si quis eam inhabitare videatur, per fraudes & dolos viuet. Domus etiam ad urbem, & vrbs ad domum certa ratione refertur. Et verere domum alterius, est lucrari: verri autem propriam, est pecuniis spoliari, aut nuptias celebrari: nam solent verri domus, & pecunia etiam minuitur, & multa foras exportantur.

Apothecæ & tabernæ, significant possessiones & agros. Columnæ etiam domus, filios significant: & borealia iuuenes, sunt enim robustiores: australia senes. Orientalia mascu-

los, occidentalia fœminas significant & sublimia dominos, infima familiam. Et fenestræ multæ malæ sunt: reuelant enim secreta domestica, & parum tutos habitantes & rem declarant, & fundamenta significant amicos & consanguineos. Vestes & repagula & pèsfuli & seræ, securitatem: sed seræ ad fœminas pertinent: clauis fidem & securitatem, si ad sint, & occulta esse quæ esse debent, pollicentur. Et familiares vrbes & domus nunquam mortem significant, nisi ex illis mors ortum habitura sit. Quæcunque ferrea sunt, & adamantina, ac lapidibus durissimis, securitatem portendunt. Et si nihil timentibus talia videantur, duram decernunt vitam. Conflagrare domus partem, dolorem significat ei qui per illam partem significatur: vt si penu, promo. Si verò tota domus ardeat, nec absumatur, timorem irritum domino domus, aut gloriam vel infamiam maximam significat: sed si absumatur, exilium: neque enim exvilibus opus est vsu domus in patria. Si domus tota conflagrasse videatur, inde rudera frigent, iam proxima est miseria & egestas. Si autem rursus pulchrior exædificata videatur, nec id bonum omnino est: fieri enim potest vt opes tuæ in alium transeant, qui eis melius vtatur. Si in domo magnus ignis accensus est, in periculo versaris magno: sed & iacturam significat, si mediocris: splendida flamma, honorem & lætitiâ. Edes pulchræ præfagiunt hominem industrium, auctoritatis incrementum, famam post mortem, & sepulchrum nobile. Esse in domo incognita, nec exitum inuenire, audire tamen loquentes, & qui respondeant, est spem successuram de difficili negotio.

## CAPVT LX.

*De morbis & vulneribus.*

**F**Ebris significat iniusta lucra: vrit enim hominem. Significat & æstum animi, accusare & accusari, & iniuriam pati. Hydrops æs alienum quandoque, & proprias opes. Vulnus in corde iuuenibus & adolescentulis vniuscunque sexus amorem significat, senibus tristitiâ: in manu autem, ob chirographum à somniantem factum: in lingua, ob verba impudenter prolata. Castrari, est sterilem fieri, orbari filiis, voluptatibus interdicti: significat & opima parte bonorum spoliari.

Morbi & vulnera pro ratione membrorum: velut capitis, parentum: oculorum vel cordis aut genitalium filiorum: rachiorum, fratrum: ventris, iacturam opum: crurum & tibiæ, domesticorum. Et vulnera significant, hæc violenta esse: morbi autem, sponte superuentura. Et causa declaratur ex telo, vel homine qui offendit: nam si à coniunctis, erunt ob coniunctos: & si sagitta, erit propter verba: & similiter, si lapide. Sed sagittæ significant verba artificiosa, vt sunt accusationes in iudicio, vel apud dominum: lapides verò, verba obiter prolata. Ense verò vulnerari,



verò vulnerari, est honoris causa, vel tutela. Et resolutio significat vitam segnem, & impotentiam, amissionemque auctoritatis.

Virgo, declarat curas: lapis in vesica, familiam multam sine opibus, aut opes occultas. Vermes interiora exedentes, seruos nequam & infidos. Elephantiasis, miseriam & contemptum, & odium multorum: iecoris vulnus, inopiam: carcinoma, luctum grauem, aut opes reconditas, quæ in dies augentur: scabies, amorem aut iniuriam: appetunt enim hi ambo animum liberare ab ulcere. E vulneri exire cerebrum, aut intestina, est propalari arcana: sed differunt: quoniam si cerebrum, prepalabuntur arcana, quæ ad honorem pertinent: si intestina, quæ ad opes: si cor, quæ ad vitam: si dentes, tui interficientur. Vulnera pedum valde mala sunt, & significant impedimenta omnium actionum & bonorum.

Arteriam præcisam diuiti contemptum, pauperi extremam inopiam. Surdum esse, mendacem significat: si princeps, inexorabilem. Hernia, solitudinem de re turpi. Lapidei testes, vel genitale, herniam. Elephantiasis & lepra, non in domesticis opes inuidiosas ostendunt.

Narrat Artemidorus, quod cum quidam claudus claudum vidisset famulum, inuenit illum potiri amica sua. Morbi corporis, animi vitia pro ratione significant.

Pestis, si publicum sit somnium, bellum, aut in bello victoriam, aut hæresim significat. Sed si priuatum sit somnium, pugnatio victoriam: at aliis fugam, carcerem, exilium, infamiam, egestatem: propriè verò, anathemate damnari.

## CAPVT LXI.

*De morte.*

**M**Ori quid significet, superius generaliter explicatum est: nunc autem specialiter de morte agendum est: neque enim sine magno affectu verè, per somnum autem fit & cum eo, & sine eo: cum maiore, quod in nulla alia re contingit, fieri non potest. Atque etiam de eo quod est mortuum esse, agendum est. Fiunt igitur octo genera: violenta, naturalis, quæ sit, quæ exacta est, quæ cum affectu magno, quæ cum exiguo: vnaqueque species cum magno, & sine magno apparatu. Mori ergo sine affectu, & naturaliter, & sine magno apparatu, est commutare mores ad bonum: si verò cum affectu malo, ad malum. Cum apparatu autem & sine affectu, est sacerdotem fieri, aut monasticam vitam subire. At si cum affectu graui fiat, seruitutem, exilium, morbos impedimentaque significat. At si violenta sit mors, carcerem, triremes, deportari proscribique prædicat. Quod si mors violenta sit, & sine affectu, seruiet quasi coactus, sed cum utilitate. At si cum magno apparatu pereat, & cum leui cruciatu, aut periisse iam videatur, legem mutabit: spontè enim id agit. Leuior est autem omnis mutatio quæ peracta est, quam

quæ sit. Febre mori, est ob animi dolorem mutasse qualitatem vitæ. Fluxu mori, est fœda committere. Hydrope mori, est grauari negotiis, & tractatione pecuniarum. Senio confici, est ad inopiam deuenire: occidi si sit cum sanguinis effusione, est pecunias amittere: illæ enim fluunt: aliàs lucrum significant: nam pecunias parando occidere videmur. Sic si vestes sanguine conspurcentur. Malleo occidi, & nil prorsus sanguinis defluere, valde malum est, significatque opprimi adeò vt ociosus remaneat. Mors mala est negotiatoribus & artificibus valde: quia otium significat: cadendo mori, ob id talibus pessimum.

## CAPVT LXII.

*De sepulchro.*

**S**epulchrum exedificare apud exteros, aut mortem, aut nuptias, aut habitationem in illo loco portendit. Sepulchrum nobile, librum significat egregium, & reconditæ sapientiæ. Sed & maiorum nobilitatem declarat, illustreque aliquod factum: nam monumentum dicitur, quo posteri illustrantur. Sepulchrum apertum esse, mortem domini, vel alicuius ex eius familia prædicat. Sepulchrum floribus exornatum videre, iniustam necem alicuius, & ob inuidiam ad sepulchrum pertinentis, demonstrat. Sepulchrum dirutum videre, est dominos eius in exilium mitti, & extorres esse. Sepulchrum ardere, est famam sepulti inclarescere, vel moriturum aliquem fama dignum, sed si sine flamma, scelesti facta alicuius ad sepulchrum pertinentis portendit. Sepulchrum tuum adornare, est te, vel aliquem è tuis mori, cuius fama nobilitentur posteri. Sepulchrum serpentibus plenum videre, significat maiores illius fuisse scelestos: si cancris, ignauos & fœdos: bufonibus, omnino despiciatos: muribus, fures: laceris, innoxios: draconibus, potentes ac nobiles, lampyridibus, famosos, & cum autoritate in Repub. Sepulchrum, præsertim alienum, carcerem significat. Sepulchrum in formam domus exornatum videre, mortem domini nunciat. Plura sepulchra extruere, multa decernit facta egregia. Sepulchrum venerari, est aliquem è maioribus mori: osculari autem, mortem filij, aut si eruditus, & maxime sine filiis, pulchrum librum conscribere: latere in sepulchro, est flagitium patrare: habitare autem mori. Ex sepulchro eruere thesauros, est librum aliquem reconditæ doctrinæ inuenire, aut secretum aliquod valde vtile perdiscere. Ex terræmotu concidere sepulchrum, est edicto principis exautorari familiam. E sepulchro nasci arborem, est mortuam iam gloriam in ea familia restitui.



CAPVT LXIII.

*De domesticis omnibus.*

**M**ater patriam significat : atque ideo cum matre concumbere, patriam subigere prædicit : quod somnium Cæsari euenit. Causantur quòd Hippia contigerit , frustrato euentu : is fuit Pisistrati filius , patriaque potitus, infelicem sortitus est exitum, quemadmodum & Cæsar. Cum enim patriæ possessio multis modis significari possit, sic exitum infelicem decernit. Vtunque mortuam videre, infaustum est : quoniam ad lachrymas solum, non ad actiones mulieres aptæ sunt. Significat & mater terram : unde sub matre esse, in illiusve ventre, vel cum ea concumbere, vel osculari ab illa, lethiferum est : nisi vt dixi, principibus viris quâdoque concubitus dominium patriæ portenderit. Cum matre etiâ absurdo modo misceri, vt fellari, vel eam irrumare, vel masturbari, vel pedicare, mortem propriam & filiorum, & exitum totius domus significat : vt etiam phœnicissare. Exitiale etiam hoc vxori, & mendici tatis præsagium. In impiis viris nonnunquam nefandas actiones & inaudita scelera significat. Parentes mæstos videre, valde malum est : si te moueant, caueo diligenter. Peius autem est patrem mæstum videre : quia prudentior, & minus mouetur affectibus. Patrem mæstum videre, quandoque iniustas tuas actiones significare potest. Parentes lætos videre, non tam faustum est, quàm tristes infelix augurium : à mortuis enim raro læta expectare oportet : cumque id in omnibus, minus in parentibus, qui non nisi magnis in casibus adesse solent. Si parentum aliquis mortuorum filium à te petet, aut filiam, nec perneges, morietur : si perneges, & qua si iratus abeat, euadet qui vocatus fuit ingens periculum.

Parentem sequi per eadem vestigia, est illius mores ac vitam imitari, aut de illo maledicere. Efferrî parentem, non est malum : liberabitur enim à seruitute : si pater, coacta : si mater, voluntaria : parentes enim dominorum vicem referunt. Quicquid parentes dixerint, verum est : neque enim filios fallere cupiunt. Parentes verberare seu vivos seu mortuos, malum est : nam impedimenta & infamiam significat : nonnunquam verò agnatos aut cognatos turbabit. Vitricus & nouerca, mali sunt : & si irati sint, odium implacabile ostendunt : si blandiantur, vanas spes : nonnunquam exilium significant : aliena enim patria quasi nouercæ loco est, sicut propria parentum. Vnde parentum lacticia exuli reditum significat. Parentes, proprias res nostras significant, ad mores & vitam pertinentes. Magna enim cura est mortuis parentibus de salute nostra ac filiorum nostrorum, tum de moribus : non ita de diuitiis aut honoribus. Absentium parentum visio similis est ei quæ de mortuis habetur, si non ad idolum perineat. Parentes tacitos videre, non lætos, nec mæstos, significat impedimentum explendi desiderium, ob

pudorem & verecundiam : Præsentibus enim illis, solemus ab omnibus turpibus abstinere. Multum etiam refert, quales illi essent dum viuerent : nam si tristes, iracundi, seueri, regidique & parum amantes tui, tristes videre & iratos, minus malum est : si mites, blandi & læti ac beuoli, contrarium. Patruum parentum seueriorum loco sunt : & si tutores aut curatores fuerunt, seruitutem renouari prædicit, cum uiuere & vnâ tecum esse videntur. Si verò extra domum, & peregrinari, nouos luctus : tristes enim esse solemus, cum hi discedunt. Vocari ab illis nec videre, mortis aut magni infortunij signum est : sed si uiuant, ad res gerendas opportunitatem significat. Parentem rursus vt mortuum deplorare si pater sit, agnati : si mater, cognati mortem portendit. Sed & hæreditatem significat : parentum enim morte hæreditas ad nos deuoluitur, & fletus gaudium prædicit. Auius & auia defuncti uiuentibus parentibus, idem significant quod parentes mortui. Mater etiam, à *μητέρα*, consilium & prudentiam : *πάτηρ*, seruatorem, & eum qui calcit, significant. Aui proauique antiquarum rerum tractationem portendunt : succedent autem pro ratione affectuum illorum : & thesauri inuentionem : sunt enim sepulti & incundi : & mortem : non enim aliter cum eis esse possumus, quàm moriendo. Parentes senes ac mortuos viuos videre, & nobis iuniores, est omnia præter sententiam ventura iuxta illorum vultum. Sed si uiuant, & inniores nobis videantur, prærepturum filium habenas illis significat : plerumque tamen faustum, & antiquas spes renouandas.

Frater autem quasi ferè alter, te ipsum, & amicum, & quicquid affine tibi est, significat. Potest & sororem demonstrare, propter affinitatem, *ἀδελφός* : & *ἀδελφή* : & significat rem veram & propriam. Germanum enim esse : id est, fratrem, & verum, non fictum, neque adulterinum, dicimus. Triplex, vt in parentibus, gemina tantum, differentia est : Qui sunt, qui non sunt, qui fuerunt, id est, mortui sunt. Mortuos videre fratres significatum idem habet quod de patre & filio : sed & mater intercedit : quoniam ex utroque parente genitus est tecum, sed si ex vno tantum, minus efficax erit oraculum. Soror fratrem eadem ratione significat : omnia etiam quæ frater, sed minora & mitiora. Soror peculiariter significat separationem & diuisionem, ab etymo nominis sui. Significat mammas & nates : quoniam geminæ sunt, & foemineo sexu differantur : vt etiam suras & manus : frater autem testes, eadem ratione pedes, oculos & brachia : vt ergo afficientur illi, vel vnum eorum, ita & membra hæc, vel vnum ex iis. Et ita pater caput significat, & genitale : nam ipsum generat, vt pater. Mater autem vterum : quia in se concipit : & lignam, quæ foemineo sexu est, & capiti coniuncta paret : cumque fratres & sorores, vt dixi, trifariam videri possint, & singulis modis vini aut mortui, sicut vtrique sex modi : sed præsentis obseruare non decet : nam si sint, somnium est ironicum : quoniam quid attinet scire ab eo qui



præfens est, per somnum, quod longè melius scire possum à vigilante? Propterea ad somniorum genus alterum pertinet, quod ex memoria præcedentium actionum, affectionum, cogitationumque oritur. Si verò absentes, ad idolum. At de idolis quæ per se nota sunt, licet longè rariora, hæc non est tractatio: nam idola & somnia in eodem genere sunt: sed idola, ut diximus, absoluta sunt & perfecta: somnia verò, prognostica imperfecta: ut ergo in gemmis, arboribus, animalibus quadrupedibus, hominibus pro vno perfecto mille sunt imperfecta: ita etiam in somniis: imò ut in rebus neque inter centum millia vnum est cui nihil desit, in quouis genere: quanto minus in somniis, quorum generatio fèrmè prodigiosa est. At mors eorum qui sunt, aut quos non habuisti, proculdubio auxilium singulare tibi defecturum prædicit. Si autem mortui fèrè sint, & tecum loquantur, aut aliquid agant, observandum est quales dum viverent erga te essent: nam hostes nihil boni significant. Si enim minantur, obsunt: si blandiantur, decipiunt. At si, quod plerumque contingit, te non odorant, qualescunque sint, monitis illorum, ni absurda sint parère & credere oportet. At si absurda doceant hi, aut parentes, aut amici, vel filij, quod tamen raro admodum accidit, rei repetitio statuenda est: aliter, cum non sit verisimile defecturos in monitione qui chari sint, aut interpretanda erit, aut deploranda. Persæpè enim non licet amicis manifestare, nisi sub ænigmate: ut Demetrius Mithridati: quæ ventura sunt, nonnunquam significatur ita tacite, ut solum novisse videantur: hoc autem non amicorum est. Rursus siletur nomen rei, & euentus tegitur, cum res necessaria fatis vrgentibus prædicitur. Tumque amici est, mitiore modo id declarare: quamobrem id tutum sic se habet. Itaque videre aut audire ab amicis quæ non intelligere possis, infortunij est signum. Sed quid si læti sint, non enim verisimile est lætari amicorum calamitatibus: tunc ergo futuram rem nunciant bonam, aut non omnino malam: velut mortem, quæ morituro mala videtur, non fratri forsan, aut parenti. Fratres quoque inimicos significant: quoniam partem bonorum auferunt: & iuxta illud:

*Tanta est discordia fratrum.*

Non tamen semper, ut dictum est alias, in omnibus, sed convenienti modo. Ergo sepelire fratrem, est inimicum mortuum videre aut liberari à contentione & lite.

Vxor animam & artem propriè significat, tum ob dilectionem, tum coniunctionem, tum frequentem conversationem. Et cum vxor parit filium, pulchrum opus edet in arte. Nuptias celebrare mortis signum est. Sed si filios habeat, aut filias, aut in vtero, nuptias filiorum portendit: idèò prægnanti bonum est. Nonnunquam celebrare nuptias cum alio, aliæue, diuortium & separationem à coniuge significat. Sunt autem, ut dixi, modi generales, aut cum habeas, videri habere, aut non habere: aut cum mortua si erit, aut cum non habeas: eadem autem est ratio mulieri de ma-

rito, quæ marito de vxore. Exosculari ab vxore, est vtilitatem ex arte capere. Vxor etiam ostendit equum: illi enim incumbimus. Vxores plures habere, est concubinas habere aut Mahumetanum fieri: illi enim plures ducunt vxores, aut pluribus artibus operam dare. Nuptias celebrare significat vsurum amicorum opera ob necessitatem: quod si eis in mensa ministraverit, cum eorum iactura id erit. Quod si cantus & musica modulatio adsit, erunt lachrymæ & suspiria. Attamè si cum lumine candelarum ac cereorum fiat, vel pompam funebrem, aut magistratum significabit. Et si plures vocaverit conuiuias, nec tum adsint, benefaciet pluribus amicis. Quod si in conuiuiis adsint vngueta & odores boni, causa beneficiorum erga amicos laudabitur. Et si vinum dulce illis exhibeat, solabitur & adiuvabit. illos. Et si cū vxore nuperducta concubere non potest, frustrabitur voto suo. Et si mortua vxor resurgere videatur, noua cura per totam vitam eum exagitabit. Et si mortuæ vxori aliam superinducere videatur, erit domus tota in contentione: maxime si ex prima filios suscepit, aut suscepisse visus sit. Et si vxorem non habens, habere videatur, significat nonnunquam auxilium. Et si habens, non habere videatur significat molestiæ aut rei charissimæ ablationem. Vxores plures habere, plurimas molestias ostendit: quoniam vxores plures habere non licet: id verò erit cum infamia. Vxorem dimittere, cum ea diuortium facere, alienari ab ea, est artis exercitationem relinquere. Vxorem ducere aliena forma, aut habere, aut filium, quod ad subiectum attinet, idolum est: forma autem, ut mores, aut fortuna eorum eiusmodi erit: velut vxorem virtutem habere: erit autem sterilis, aut viro dominari volet. Si autè lapidea sit, sensu carebit: si vacca vel scrofa, meretrix. Vxorem ducere, est etiam phratriam ingredi: vtrumque enim perpetuum est, & à nobis separari nequit. Amittere vxorem, est amittere annulum: quoniam vxores annulis donare solemus. Si mortua vxor resurrexisse videatur, inde denudè mori, significat filium aut filiam ex ea susceptam interituram. Quod si filium non suscepisti, nec filiam, res à qua liberatum existimabas, rursus te torquebit, & rursus ab ea liberaberis. Si vxorem habens cœlebs videatur, aut ad idolum referendum erit: aut si artifex sis ditatus, relinquens artem: aut multitudinem amicorum significabit: nam cœlibes à multis coli solent.

Filius significat genitale, cor, oculos, puerum etiam alium. Cum quadam nocte vidissem filium meum quadrinum crenisse in immensam magnitudinem, sequenti die oblatas est mihi puer XII. annorum quoniam puerum XV I. annorum maior. Filius à φίλος Græcè dicitur, quod est amicus: propterea significat amicos, & omnes delicias: & filia, propius φίλῆα, & concordiam, reconciliationem, fauorem studiumque significat. Sed & semen, genituram, coitum, stirpemque propter γένος: & genua etiam, propter affinitatem nominis. Et rursus puerum, iuuenem, ramum, satietatem: propter κόπος: & nigrum ac purum, ob κόπος, graui cum accentu: & famulū, vel impubem pupillum



pupillamue, aut infatē propter παῖς: & partū, à τέκος: & pignus, atque artem, & catulum, τέκνον: & nepotem, & adoptatum, ab ἱός. Ergo tot significare oportet, vel quia nomen illius ab aliena lingua deriuatur, vel quia nomen eius in aliena lingua illa alia significat, vel etiam propter propinquitatem & etymon. Sed etymo utimur in omnibus interpretationibus aut aliarum linguarum, & deductionib. nisi in iis qui illarum linguarum periti sunt: unde hic maternam, Latinam ac Græcam, tanquam magis familiares & communes proposuimus. Eadem autem erit ratio Hebræis & Germanis, ut in sua lingua deducant & ab etymo sumant interpretationem: nam si iuxta interpretis scientiam & linguarum peritiā deduci possent, ad omnes linguas confugere liceret. At linguas esse, fuisse, futurāque infinitas, demonstramus in lib. de Arcanis æternitatis: atque singula singulis demonstrari posse nominib. ut bos aliquando canem significaturus sit. Itaque scientia hæc, scientia non esset: at est & somnia ut gemmæ, quarum quædam sunt veræ, quedam falsæ: ita somniorum genus (ut dixi) totum ex falsis verisque permixtum est. Concumbere cum filio, mortem illius aut abdicationem significat: est enim omnino contra naturam: & corruptionem vocamus seminis emissionem. Si verò semen emitte non videatur, abominanda perpetrabit. Deosculari filiam veneris gratia, benefacere amico impotentiori: neque enim aded absurdum est concumbere cum filia, ut cum filio: nec deosculari amoris causa, ut concumbere: filius autem & filia non solum amorem ex nomine Græco significant, φίλος, sed ex natura ipsa rei: ideo hæc noticia est apud omnes gentes velut actus primus, qui deducitur ad secundum: at noticia nominis Græci aut Latini non est nec in actu primo, nec secundo, nisi apud eum qui didicit illam. Quemadmodum ergo scimus mouere musculos ad quemcunque situm ac motum membri cuiusvis, nec tamen scimus quo faciamus: ita nota naturæ significationem suam retinent in somno: quia à causa naturæ imperante oriuntur, licet non sciamus illa. Quod verò ex nominibus ipsis originem ducunt, nullam habent causam huius originis, nisi voluntatem & consensum hominum, qui cum assidue permutetur, infinitum euadere necesse est: at infiniti nullam esse disciplinam, nulla præcepta, palam est: tamen minus inconstantis: quæ autem secundum naturam, & si plurima sint, ad pauca reduci possunt per ordinem, imò tandem ad vnum, ut in lib. De vno docui. Quæ igitur secundum naturam significant, interpretationem iuxta solertiam non somniantis, sed vatis ipsius sortiuntur. Filij significant curas, ex regula generali tradita, quod quam bonum significant, contrarium etiam significant, si in malam partem accipiantur. Filios inuicem pugnare, est negotium tractare difficillimum, aded ut nescias quod velis: filios ferre humeris, est tolerare illorum improbitatem. Reliqua ex similib. Flentes tamen filios videre, magnum patri denunciat infortunium. Esse sine filiis,

nec tristari, bonum est: nam significat abundantiam omnium rerum.

Agnati significant res ad patrem pertinentes, & ex eo originem ducentes, & cognati à matre, & affines ab vxore: vel fratris aut filiorum, vel patris vxoribus. Neque absurdum est, animas nostras puriores facta coniunctorum cognoscere, cum etiam idem accadat in vigilia: plerique enim norunt suorum negotia melius quam illi ipsi. Sed in somnis alia ratione: ob id enim quoniam animam habent illustriorem, aut puriorem. Superiores in omni genere patruī magni, matertera, patruī, soceri, socrus, potentiores aut seniores amicos ostendunt: ut contra minores, nepotes ex fratribus aut sororibus. Aequales aut, amitini, consobrini, patruales, consoceri. Horum proprium est, de nuru & filio vel genero filiaque aliquid significare. Differunt à parentibus ij omnes, ac filiis: quoniam nihil syncerum significant. Differunt etiam ab amicis, notis, familiarib. atque domesticis: quoniam res significant quæ ex coniunctione sanguinis pendunt: ut lites, diuisionem bonorum, eorumque dispensationem ac distributionem, & comes consanguineos. Bonum est, ac magis propitium, eos videre qui curam tui gesserunt dum viuerent, & qui hereditatis partem tibi reliquerunt, & qui sine filiis obire. Magnum enim videri debet, eum qui filios reliquerit, illorum cura omissa, tui agere. Quod si contingat vel etiā in quibuscunque oportet cōsiderare, quomodo antea erga te affectus fuerit & qualib. morib. ubi habitauerit, & ubi & cum quib. versatus, & quib. in rebus fuerit. Quod si nihil possis conicere, recurre ad nominum interpretationem: velut volens honorem egregium representare, coronæ nomine Græcè, quod eius linguæ non sis imperitus, ostendit: vocatur autē corona Græcè στεφανος: subiicitur huic nomini (exempli gratia) sororius tuus: tu sororium vides: quoniam illum huic nomini anima subiecit: ita nulla facta mentione coronæ, visio sorori ingentem gloriam decernit. Agnati enim causa bonorum mali sunt: quoniam cum huiusmodi litigare solemus causa in honorum boni: at cognati in causa honorum non sunt aded vtilis, magis tamen fauent saluti. Affines verò omnibus in causis sunt meliores. Contrahere cum sorore aut consanguinea matrimonium, cœlibatum significat. Videre se pluribus consanguineis septum, calamitatem magnam nunciat, aut nuptias: in iis enim & luctu & magnis infortuniis solemus à consanguineis circundari. Agnati pauci, aut singuli, lites significant. Agnati significant nasum, oculos, labra, dentes, ossa, nervos: cognati autem, carnem & sanguinem: affines verò, vngues, capillos, quia adnascuntur, item membra genitalia. Consoceri significant magna negotia, & graua, & prudenter tractata. Consanguineos nigra veste indutos, aut alba, moriturum aliquem ex iis significat: & ad te etiam pertinere potest: hoc quidem, quia mortui pauperes sic efferuntur: illud, quia coniuncti sic in luctu induuntur. Eadem aliis lugubribus signis



decernuntur. Actiones consanguineorum seniorum persæpe docent quid opus sit tibi agere: consanguinei omnes significant dentes. Affines etiam, sunt ministri artis. Et concubitus cum affinibus alicuius, significat inimicitias cum illo, atque iniuriam illatam ab eo qui concumbet.

In domesticis eadem ratio, quæ in coniunctis & amicis, habenda est: medium enim possident locum: quod si quid ex memoria præteritorum, quod & in aliis dictum velim, oria-  
tur, proculdubio ad mentis affectum referendum est. Solemus tamen & in iis melius persæpe per somnum quàm per vigiliam prævidere: quòd minus ab affectibus teneamur, & à sensibus distrahamur: unde etiam minimum dolorem per somnum, tanquam rem magnam & gravem, percipimus. Itaque solers anima, quandoque etiam melius per somnum exitum rei: ut minus impedita prævidet, quàm per vigiliam: ut neque hoc secundum genus somniorum sit ex toto vanum, sed tamen non adeò certum ut quartum: tertio sane ferè par. Causa tamen erroris, si qua est (ut homo falsa à veris distinguere queat, & iudicia recta ab erroribus) est, cum aliqua in parte per somnum res maior videtur, aut magis timenda, aut maiore cum spe, utilitate, facilitate, quàm sit: tunc falsum redditur somnij iudicium.

Cæterum de domesticis, ut retulimus, ratio media inter amicos & coniunctos generaliter haberi debet. Specialiter autem sic definiemus. Prodrumus significat anticipationem negotij: hæc autem vel errorem vel celeritatem exitus denunciat. Dispensator significat alienam negotiorum tractationem, cum sollicitudine. Qui est à libellis, significat res secretas & occultas tractaturum. Cubicularij significant morbum & pericula: iis enim utimur, cum malè quoquo modo valeamus. Procurator significat paupertatem: eo enim maxime utimur, cum pecuniis indigemus. Qui à pedibus sunt, iter & inimicitias portendunt. Sine ergo quis in aliena domo se talem factum existimet, quod deterius est, siue suos aliquid agentes videat, eadem significantur. Porro cum ad corpus comparantur, prodromus pedes, dispensator viscera, procurator manus: cubicularij ventriculum, pulmonem, iecur: qui à libellis est, cor, cerebrumque significant. Qui à pedibus sunt, partes exteriores, quæ nos tutantur, Coccyus, dolores & curas: quia ab igne uritur, iuxta Poëticum illud: Cor urunt curæ. Et ex membris palatum & gulam, os & dentes. Calanes autem vesicam & anum, & viles ac turpes humilesque actiones. Famuli qui parant mensam, & laborant, humeros & actiones necessarias. Qui verò voluptatem exhibent, ut aucupes, mimi, scurræ, pueri pudenda. Domestici omnes, pro illorum diuersitate & muniis dentes significant: ut dentes, domesticos.

## CAPUT LXIV.

## De notis.

**A** Mici, curas significant: inimici, pericula & molestias: familiares, labores & iacturas, nonnunquam utilitatem. Amicorum monitis & prædictionibus fidem adhibere debemus, iuxta illorum prudentiam: narrationi autem plenam habere decet. Inimicorum monitis credendum non est, neque historiæ, nec prædictioni: sed duntaxat monitis, quæ suis dicunt. Inimicorum loco significantur omnes nostri animi perturbationes: sensus quoque, & agnati, ut serui, & famuli, ac voluptates ipsæ, & filij in opulentis, & artis eiusdem professores. Amicorum autem loco, æmuli, ratio morbi, paupertas, studia, labores, nummi, prædia. Familiarium, mors, invidi, & qui ex ordine versantur in domo tua. Medici, sacerdos, viciniæ, pistor, geruli. Vnum videre amicum bonum est, auxiliatur enim amicus: plures autem malum: conveniunt enim non nisi in magnis calamitatibus aut nuptiis: hac igitur solum feliciter significare possunt. Plures vnum post alium videre amicos, magnum periculum aut dignitatem ostendit. Vnum videre inimicum, malum: plures autem simul iunctos, bonum. Solent enim congregari in magnis inimici felicitatibus. Familiarium ratio eadem est, quæ & amicorum, sed minus efficax. Amicos discurrerentes videre, periculum præfigit, aut iacturam magnam: inimicos autem, bonum: spem enim tibi magnam futuri boni, aut potentiam declarant.

Amicam videre mulierem, & honestam, hortantem ad virtutem, paupertatem significat, in qua diu manebis. Amicum videre similibus indutum vestibus significat æmulum. Amicum equo insidentem videre, ac illum moderantem, bonum est: ratione enim vteris, & feliciter tibi eveniet. Amicum te prementem videre, est morbo premi, à quo sis evasurus, & quem bene feras. Premi ab inimico, est morbo quem molestè feras detineri, & periclitari de vita. Amicum videre cogitantem, & pallidum, significat studium tuum futurum assiduum circa rem aliquam. Amicus sedens & defatigatus, aut sudore perfusus, laborem significat. Amicum videre in arca, vel occultatum in domo, vel splendidis vestibus ornatum, lucrum & divitias ac nummos significat. Si verò amicum speciebus ornatum, aut pampinis vitium, aut in horreo, prædium utile & fecundum promittit.

Inimicum videre nos prementem, est à perturbatione vinci. Et si lædaris, etiā perturbatione victus admittes aliquid mali. Inimicum videre blandientem, est à sensu deceptum aliquid damni aut periculi pati. Inimicum videre tecum litigantem, aut in speculo illius effigiem inspicere, erit cum agnato litigare. Inimicum videre sibi profus similem, est à filio improbo decipi, vexari aut lædi. Inimicum videre tuis indutum vestibus, aut similibus, est contra aliquem tuæ artis pugnare aut litigare. Inimicum videre sollicitantem



te ad libidinem, aut mactuprantem te, aut foedius aliquid tecum committentem, est propter voluptatem quippiam turpissimè admittere, cuius causa poeniteat te. Inimicum videre ingredientem & egredientem è domo tua, aut epulantem in domo, est pati insidias ac pericula à seruis aut famulis,

Familiarem videre cum falce, aut arcu ac sagittis venientem ad te, nec quicquam dicentem, aut solum vocantem te, mortem proximam significat. Familiarem inspicere macilentum, pallidum, ac oculis lachrymosis, est inuidum aliquem eadem quæ illum agere videris peragere. Familiarem videre visentem te in lecto, aut longa veste indutum, significat medicum tuum. Familiarem videre deum aut diuum aliquem, aut horum habitu, aut sacra tractantem, aut sacra tibi ministrantem, significat sacerdotem. Obserua igitur quid post agat, & talia ab illo patieris. Semper enim aut plerumque in actionibus diuersis illud præ oculis habendum, quod priores significant, quod significatur, & posteriores personæ qualitatem, aut contrà. Velut video familiarem meum panes tractantem, inde auferentem vestem, dicam pistorem infamia me aspersurum. Neque necesse est ut sit ille tuus pistior, sed qualiscunque. Familiarem quoque videre placentas tibi dantem, pistorem significat: at laceris vestibus & pannosum, gerulum.

Amici inimicis permisti, aut amicos inimicos futuros, aut inimicos amicos: aut amicos esse falsos, vel frustra illos pro inimicis haberi significat, aut varium successum inimicos exosculari, maioris inimicitiae indicium est.

Creditorē videre qui à te exigit debitum, mortem significat: ut etiam inferiùs docebo: nam seu Deus quæ mandauit, ut rationem eorum reddas, seu natura corporeum hoc indumentum ambo interitum significant.

Homines quoque noti, nec consanguinei, nec familiares, nec amici nec inimici, nec domestici, sed ut vicini & magistratus, famam publicam nunciant non certò ita esse. Qui nec amicus est, nec inimicus, is ab incognito differt: quoniam in his quæ ad historiam pertinet, fidem habet, sed nec plenam: in monitis autem vel prædictione vim non habet: neque enim prudens quisquam solum tibi cognito rem magnam referendam committit at incognitus, & Denum & vitam, & mortuum & dæmonem & amicum & inimicum, & eum qui nunc incognitus est, aliquando autem fiet cognitus, referre potest: quapropter incogniti & fallere & vera dicere possunt, pro ratione personarum: eorum qui ad te non attinent, verba parum habent fidei: Noti, interrogationis vice habenda est ratio ut, ægrotat frater tuus? Sed iam pro personarum differentia res ipsas distinguamus.

Noti, qui nec amici sunt, nec inimici, nec consanguinei, nec familiares, nec domestici, sunt vicini primùm, inde amici vel inimici tuorum, & inimici reconciliati, & amici qui ab amicitia tua recesserunt, & qui ambiunt tuam amicitiam, & quorum opera

aliquando vsus es, & quia tua opera aliquando vsi sunt, & salutatores, & magistratus, & qui in foro manent, & qui notati sunt ignominia, & qui præclaro facto innotuerunt, & sacerdotes consueti templi, & qui eandem exercent quam tu artem, & coniuncti amicorum aut inimicorum tuorum. Rustici autem nostri pro familiaribus, non pro notis habendi sunt. Vicini ergo res pro fama notas ostendunt. Amici autem tuorum vel inimici eadem quæ amici vel inimici tui, sed non aded certè, ostendunt: aderit autem aliquid etiam medio illorum coniunctorum, & iuxta eorum naturam: ut si fratrem habes parum prudentem, sed leuem, parum aut nihil amicis illius tribuendum erit: sed pro nugis & inani fama, quæ egerit aut dixerit, habenda sunt.

Amici reconciliati, dolum aut adulationem ac vanam spem significant. Amici qui amplius amici non sunt, dissolutionem aliquis rei gratæ atque iucundæ minantur. Qui verò ambiunt tuam amicitiam, ij falsam spem, adulationem, leuemque vtilitatem prædicunt. Ii quorum opera aliquando vsus es, si eos deseruisti, vanam spem & dolum significant: si cum opus est eis vteris vtilitatem raram ostendunt. Qui verò opera tua aliquando vsi sunt, nec te deseruerunt, beneficium in aliquem non satis certa ratione collaturum declarant: si deseruerunt, indignationem. Salutatores, longinquas spes & fabulosam negociationem: unde cauere oportet, ne irridearis. Magistratus, timores periculaque atque anxietatem etiam decernunt, cum noti solum fuerint: nam qui te nouit, nec amicus est, deterior est eo qui te non nouit. Qui in foro manent, rumorem vulgi & publicam infamiam designant. At notati ignominia, malum rerum exitum decernunt: sicut contra præclaris facti noti, egregia cœpta & cogitationes: quæ tamen nisi auxilium ab aliis somniis sortiantur, incassum cadunt. Sacerdotes rem legitimam, & tamen parum faustam decernunt: quoniam plerumque ad calamitatem aduentum vocantur. Qui eandem exercent artem quam tu, inuidiam & insidias notant: quandoque, quæ illis enuent. Coniuncti quoque amicorum & inimicorum tuorum, eadem pene quæ amici vel inimici tuorum coniunctorum. Semper autem tum in his, tum in aliis, habenda est ratio morum personæ illius, ac potentiae, tum imminentium tibi bonorum aut malorum, aut eorum quæ animo conceperis. Coloni, vtilia negocia aut necessaria ostendunt.

Hæc igitur sic dicta sunt, cum aliqua breuissimè tradiderim, ut prolixitati parcerem, præclarisque ingeniis tedium non afferrem: alia autem, qualia hic diffuse: ut non solum intelligerentur hæc, sed & omnia ad eandem normam retracta: ita libros hos & actu breues, & potestate immanes effecimus.



## CAPVT XLV.

*De incognitis*

**I**N cognita personæ duo significant : aut enim animi passiones , aut personas , quæ non nisi perfecto somnio innotescunt : velut si quis filium occideret , inimicum illum esse existimans. Animi ergo perturbationes habentibus sunt incognita , & nos mouent , negotiumque cum illis est non secus ac cum hominibus aliis : & masculi significant perturbationes corporis , & actiua , vt amare , odisse , irasci lætari : fœminæ autem , animam , & affectus passiuos. Anima enim apud Latinos , Græcos , Italos , sub fœminino genere profertur : corpus quasi masculino , quamuis & Græcè & Latine sub neutro articulo varietur. Sunt autem passivæ perturbationes , dolere , tristari , timere , inuidere. Sermones cum incognitis , sunt vmbær rerum , ac spes inanes , atque suspiciones. Verum actiones pro successibus habendæ sunt. Ideo contigit , quod quidam cum adhæssisset Principi , prima nocte quia in illius domum receptus est , visus est interrogare ignotum , quid illi ex huiusmodi seruitute sperandum esset : cui ille , cum Nerone positus es , respondit. Sciscitatus est à me , quid portenderet : respondi , infecta re exibis è domo : interim cum spe vt diteris , & timore ne te occidat , viues : talis enim Nero fuit : nihil autem eorum continget : quoniam responsum est incogniti : cum ergo nec ille te ditaturus sit , nec tu securus viues , necesse est breui amicitiam dirimi. In longo enim tempore aliquid præter suspicionem contingere oportet. Incogniti reges potentisque viri declarant maximos in nobis affectus : ij sunt timor & spes : quibus proxima sunt mœror & læticia : hæc enim sunt eorum quæ sunt , illa eorum etiam quæ esse non possunt , ideo infinita.

Est etiam incognitum futurum , quodcumque præteritum cognitum : quod verò habetur pro indifferenti : id est , de quo nihil tale cogitamus , est præsens. Videre ergo homines incognitos , incognitam urbem , talia erunt vitæ tuæ futuræ spacia , læta , tristia , felicia infelicia , commoda incommoda , laboriosa mollia. Incogniti fructus opera tua , aut eorum compensatio. Nascituri ergo ex te , etiam pro incognitis habendi sunt. Opprimi ab incognitis , est consiliis hominum decipi atque succumbere. Incogniti etiam actiones referre possunt veluti adulterium vxoris , furtum domestici : hæc enim tibi ignota cum sint , sub persona incogniti referuntur. Actiones enim per homines significari possunt : velut est in prouerbio : Res ipsa loquitur.

Obsoleta quoque & vetusta , incognitorum personarum sub specie referuntur. Significat & incognitus eum in quo deciperis , scilicet perfidum amicum , & eum qui cum tibi amicus sit , inimicum esse existimas. Quoniam verò incognitum ad cognitum

semper deducere necessarium est , non solum in genere , sed etiam in specie ( aliter inutilis esset huiusmodi doctrina ) ideo ad sex hæc respicere oportet : formam , habitum , locum , socios , actiones , ac verba quidem declarant persæpe ad quem pertinent , quisve auctor sit : locus maximam vim habet , vt vel eorum quæ ibi gesta sunt , memoria cognoscamus , de quo agitur : actiones etiam multum faciunt ad declarandum quid sit de quo agitur ( tria enim plerumque sunt de quibus quæritur , quis , quid , à quo ) inde forma & habitus docent qualis sit : demum socij. Si enim ex iis aliquis prioribus ex coniecturis agnitus sit , deducet nos in cognitionem principalis. Considera etiam ætatem , sexum , vultum , ac reliqua. Quod si tandem nihil offertur , exitum rei potius significari quàm prohiberi intellige , vt non nisi malum prælagiat.

## CAPVT LXVI.

*De Regibus & Principibus.*

**T**Yranni significant plerumque affectus vtiliores animi , amorem , metum , spem magnam , & ex rebus casum : vxores , filia , sorores , amasias , matres , tyrannorum fortunam , & voluptatem , ac spem etiam , sed inanem. Tyrannus , sed non sub tyranni cognitione , violentum & potentem inimicum ostendit : vt si Phalaridem videam , nec de illo cogitem quod sit tyrannus. Rex autem significat legem , vsum : & si potens sit , regulum quempiam. Deum significare non potest : quia cum illo nobis nihil est : aut si est , ignotum est. Regina , & filia regis , & vxor regis , & amasia , fortunam , sapientiam , legem etiam , & religionem significant : ab omnibus enim iis regimur , sed & Rempublicam : hæc enim Regi intima est , vt quæ diximus mulieres & fœminino sub sexu comprehendi. Regnare sibi videri , mortem publicam etiam nunciat : quoniam cum pompa ducuntur qui sic moriuntur , & à stipatoribus more regum cinguntur. Significat & priuationem affinium : quoniam infociabile est regnum , & occulta reuelat : nam reges in oculis sunt omnium. Bonum est seruo , libertatem enim significat : & philosopho : quoniam liberè viuet. Aegro mortem portendit : nemini enim subiecti sunt mortui. Significat & res publicam pecuniam : quoniam in ea imago apparet. Quidam accipiens ex ore regis duos dentes , duabus sententiis à Rege latis victor euasit. Alius cum videretur centurio à Rege factus , centum epistolas regias accepit. Alius argentei templi præfectus factus videbatur , & factus est dispensator regis pecuniæ.

Cum Pontifice esse , vel Casare , vel Rege , vel principe , significat seruitutem : vt etiam carceres : nam qui huiusmodi seruiunt viris , quasi in seruitute & carcere sunt : carceres tamen non significant blandientes , sed solum seruitutem cum spe. Interest autem inter



inter Pontificem ac Cæsarem, & alios principes : quod Pontificum potentia abest à vitæ periculo : quoniam quatenus sacerdotio præditi sunt, neminem occidere fas est : non tamen adeo securæ sunt expectationes ex illis. Cum tyranno esse, molestiam, timorem, seruitutem, carceres, morbos, paupertatemque significat : omnia enim talia in nos tyrannidem exercent. Cum Pontifice etiam esse, est cum maiore respectu & timore vivere. Significat etiam cultum religionis, & studia pia : talis enim est institutio illius supremæ pietatis. Sacerdotibus Pontifex maximus fortunam illorum significat : quæ talis erit erga illos, quales videbuntur eorum vultus. Principem iratum sibi videre, malum est omnibus, præsertim tamen subditis. Regem dominari, significat securitatem, mori autem, præsidio magno destitui. Regem adorare, est religionem venerari, ac Deum. Rex quoque significat animum nostrum, qui corpus regat, & nobis imperet. Vnde Regem capium videre mortuum in obscuro loco, & inter nebulas, significat mentis casum, & decedere ex sensu. Duos reges videre, oculos semper significat : vnum autem, quandoque vnum : quicquid patietur Rex, patietur & oculus tuus. Quæcunque etiam propria sunt natura, minus verenda sunt : vnde pauperi videre regem, aliquando mortem publicam nunciat : quid enim pauperi cum Rege ? diuiti autem melius est.

Duo præcipue in hoc obseruanda sunt : commutatio, & esse cum illis. Esse quidem non malum est, & ad vultum ac verba eorum respicere oportet, at commutatio sanè periculosa est : quoniam non conuenit priuatis. Optima est iis qui commutare personas solent : nec tamen bona absolute : huiusmodi sunt Poætæ, Comædi, & scenicæ personæ, moriones & mimi. Deterrima est, cum fuerit cum vestibus absonis : supplicium enim capitale significat.

Pontificum, regum, Cæsaris, principum dicta, pro veris habenda sunt. Et si vera sic esse non possunt, interpretatione indigent tali, qualem superius te docui. Propterea cum Rex significet, vt dixi, præcipue quatuor, legem, vsum seu consuetudinem, animum, & regulum quempiam aut supremum magistratum, distinguere oportet iuxta coniunctas affectiones etiam ipsas res : velut si absurda facientem videris regem, hoc ad animum magis tuum pertinet, quàm ad magistratum, legem vel consuetudinem. Quod si violentum aliquid agat, ad consuetudinem vel principem aliquem : quod si vinciri, cogi, iuberi, certa ratione ad legem hoc potius pertinebit. Quod si basiari vel dormire, & quæ ad vtilitatem pertinent, hæc ad principem potius, quàm magistratum, qui raro donare solent.

Hoc habet Rex distinctum à prinato, seu noto seu ignoto, & à lege, cum lex per aliud quàm per regem significatur, vt semper regi parere sit necesse, non recusare, non vincere, non subterfugere. Interest autem inter tyrannum & regem, quod cum vterque sit inenitabilis atque insuperabilis, à tyranno

iniusta, à rege iusta solum imperantur. Et quod rex exorabilis est, & in pœnis mitior : tyrannus autem inexorabilis, non quia semper ita sit, sed quod ob id refertur per tyrannum, vt intelligamus quod proprietatem obseruare nos decet. Est tamen cum actio vitiat naturam : veluti si delicere regem è sede sua videaris, peruioces contra consuetudinem : & percutere conculcareque tyrannum, animi affectum tyrannicum superabis. Et si tyranno irascaris, non obedies affectui : postquam obedieris, pœnitebit. At si velis distinguere iratus tyranno, nec discedens & tristis, pœnitebit facti : at si lætus, aut discesseris conuiciis iactatis, effugies, flagitij actionem. Damnari in iudicio à principe, est vituperari : non adeo enim magnum est, vt à iudice : quoniam non est principis hoc proprium. Priuatas res à principe accipere, & principi proprias dare, vt pallium, coronam, ense, sceptrum, bonum : contra verò, malum.

## CAPVT LXVII.

*De Peregrinatione, navigatione  
& nauis.*

**P**eregrinatio, mors est : peregrinari, mori : & præsertim si nesciat quo vadat, & si cum pluribus videatur esse, cum pluribus morietur, in bello, vel seditione, aut naufragio, vel pestilenti morbo : & hi qui adesse videbuntur, morientur. Navigatio autem vitæ cursum significat, sicut etiam peregrinatio, in quibus mortem non prædicit. Navigatio autem tranquillissimam aut laboriosissimam decernit, peregrinatio medium inter vtrunque. Navigatio præterea pericula maiora peregrinationem significat. In peregrinatione multum refert, cum quibus & quo tempore : nam cum sociis & amicis sereno tempore, bona : contra verò, mala. Si enim fuerint venti, erit periculum à latronibus & seditione : si pluuia, à morbo : si nives, frigus ab inopia necessariorum : si grandis, à latronibus vexabitur, & malos caupones fortietur : si à montibus, dura, laboriosa, & metu plena erit peregrinatio : si lacus, flumina, torrentes, à potentibus viris, populis ac iudicibus.

Nauis malus, dominum domus significat : prora, ministros : puppis, amicos & auxiliares carina, opes & pecunias : vela, fortunam : remones, consilium & prudentiam administrantium : anchoræ, reis securitatem : actores autem impediunt, & in negociis ea in longum valde protrahunt : rudentes, pacta & conuenta : rostra, decus negocij : venti & mare, publica monumenta in litibus, aliis autem in causis principes ac magistratus. Si in nauis fueris, & ignem in ea videris, quacunque parte videris, manè ventos ex eadem expectabis : scopuli, & arenæ cumuli (sed hi minus) pericula in rebus agendis significant. Tum verò remi nautas, si in nauis sint, significant : si non procuratores & ministros. Ministri nauis familiares tuos : Arma, actiones singulas,



singulas, & animi fortitudinem ac promptitudinem. Nauclerus autem, exitum rei ac finem. Navis significat congregationem hominum, maritum & uxorem. Quicquid naui euenire videris, dum in illa te esse existimas, uxori eueniet: quicquid videbitur uxori, eodem modo tibi. Et si uxore careas, filiis: & quicquid de illis nauigantibus videris, vicissim tibi. Quod si etiam filiis careas, loco illorum erit vicinia, collegium, aut amici vel consanguinei, dum modo congregationis speciem referant. Et si congregationi in naui ad te aliquid contingere videatur, tibi illa euenient. Et si navis in sicco videatur vehi, difficultates & impedimenta maxima, ac labores. Qui nauigare videtur, semper erit inter timorem & expectationem: donec significatio somniis absoluta fuerit, fluctuant.

In quibuscunque locis videris esse, nec exitum inuenire, si loca incognita sint, aut publica, aut mortuis dicata, aut cum mortuis fueris, mortem significant. At si coenosa, paludosa, spinosa, labores, damna & morbos. At si vitæ libera, aperta, iucunda, læta fuerint, nec difficiles: incolumitatem, felicitatem, & bona omnia cum alacritate promittunt. Generaliter autem exitum non inuenire, res est omnibus hominibus & in omnibus causis pessima ægrotanti mortem, litiganti oppressionem, iter acturo libertatem, seruo perpetuam aut saltem diuturnam seruitutem: quærenti, aut aliquid expectanti, irritum votum facit.

Peregrinationis differentia sunt ex parte modi: eques, in camelo, in asino, in elephante: pedibus, item ad orientem, occidentem, meridiem, boream: per desertam, culta & vrbes: solum cum socio, cum pluribus sociis. Cum socio, ille est genius tuus, quodcunque fecerit, dixerit, annuerit, deduxerit obseruato. Si quidem ille (ut alias dixi etiam pro ætatis ratione significationem mutat. Cum pluribus sociis, est vitam ac fortunam communem subire. Solum autem, vitam quandam peculiarem sibi seligere. Quocunque etiam peruenieris, siue vrbs sit, seu mons aut flumen, at ibi quiesceris, adnotabis nomen formaque: nam hæc erit vltima pars vitæ, & mors, sed si statim somnus soluatur, mors inopinata erit, iuxta significatum. Si ergo in solitudinem peruenieris, morieris inter studia: si in urbem, inter negotiationes: si in montem, inter duros labores: si in villam, miserè & inops. Si ad flumen, vel in eo casu præripieris impeditus. Si ad mare, magna meditans. Si somnium non de longa, sed breui sit peregrinatione: negocia huiusmodi habebis, & per hæc genera transibis, non tamen in eis morieris. Per desertam si sit iter, erit cum inopia & metu: si per vrbes, cumurbatione & voluptate: per culta, cum securitate: in asino, lucri parui causa: in camelo, magni: in equo, honoris: in elephante, potestatis. Ad orientem cum cogitaueris, cum incremento: ad occidentem, cum diminutionem & inclinationem: ad meridiem: cum debilitate: ad boream, cum robore.

Itinerum, non fatalium somnia quando-

que cogitationes, quandoque negotiationes significant: propterea in itinere medio, aut ante finem interrumpi: est meditata non perfici: quod si iter mutetur, negotiatio quoque mutabitur, aut cogitatio & institutum. In vniuersum itinera cum & cursu vitæ & mutationem ostendant, magnam vim in decretis hominum præ se ferunt. Si finem itineris honor exactus excipiat, aut boni insidens, aut capræ vel oui, vel sui seu arietis, iter ipsum agat, aut torque dum locum attigerit, donetur, aut spectaculum videat in sublimi loco positus, publicè peribit.

At vehi navi secundo flumine, valde tranquillam vitam significat ut contra aduerso, laboriosissimam. In lacu nauigare, multamurbationem & paruum emolumentum prædicat. Nauigare in torrente, est vitam male tutis consiliis fidere. At contra non naui, sed pelui aut ligno flumine secundo vehi, est consilio bene vti, sed deesse necessaria.

Eadem ferme ratio erit equitandi leonem: nam securè viuet: cernum, semper in timore: draconem, ab omnibus timebitur: serpentem, cum difficultate vitam trahet, & sæpius à statu suo excidet. Equitare lupum, vitam ducet inter rapinas: equitare scelerum animalis, viuet ex opere circa mortuos, ut si sit vespilo, aut mortuorum curator, aut in perpetua tristitia & solitudine viuet.

Iter agere insidendo, aui generaliter malum est: quoniam & periculosum iter significat, & negotium non posse diu protrahi ostendit. Grypho tamen insidere, est potestatem regiam pauco tempore obtinere. Insidere anati, anseri, columbo, meticulosissimam vitam est agere: aquilæ verò, tutiorem & honorabilem: falconi & accipitri, minus: cygno, est operam dare potestati, ac disciplinæ quæ de diis tractat.

Sub terra iter agere, est secretis inquirendis tota vita intentum esse, aut obscuram & sordidam vitam ducere. Iter molestè agere, est ægrotare sæpe. Caupona in itinere, auxilia vitæ nostræ & bonos euentus, aut etiam malos significant. Caupones autem, consultores & fautores, & filiorum ortum, ac nuptias, & quæcunque sunt in quibus vita nostra renouari videtur.

## C A P V T LXVIII.

### *De damnatione, exilio & carcere.*

**D**amnari in iudicio, mortem, aut magna mala, atque oppressionem ostendit, damnantur pœna pecuniaria & dedecore, exilio, verberibus, carcere, triremibus, deportati ad metalla, membri priuatione, morte, & morte in tormentis: horum vnum quodque aut simpliciter, aut iam ut ducantur ad pœnam. De singulis ergo dicendum est: generali primò regula tradita, quod simplex damnatio est velut affectio: initium autem pœnæ, est velut actio, actio verò contrarium significat: affectio autem causam, & quasi in idolum transit: neque tamen semper hæc affectio,



affectio, cum causam notam habeat, scilicet iudicis sententiam, idoli vim habet: nec initium actionis, cum sit finis affectus transsit in contrarium: sed cum iam actio ad medium peruenit, velut si damnatus ad laqueum ductus fuerit usque ad scalam. Hæc igitur iuxta quantitatem sunt interpretanda.

Cum igitur ita sit, liquet oportere in huiusmodi euentum ex contrariis semper mistum esse lætitiæ atque tristitiæ. Quid ergo omnia hæc significabunt, quasi secundum vnam rationem? emolumentum quæsitum, & impetratum magna cura, sollicitudine, laboribus, iactura rei, periculis, infamia, incommodis valetudinis, atque huiusmodi. Nihil autem deterius quam damnatum, atque iam ad locum deductum, liberari: hoc enim post sumptus, labores, cæteraque huiusmodi, in cassum reditura omnia, non sine dedecore, significat: atque hæc generaliter.

Speciatim verò, pecuniaria pœna siue multa significat liberationem à cura & sollicitudine, pro magnitudine ipsius pecuniæ: & præponi arario, & inscribi seu ascribi pro magistratu vel munere: & conducere à fisco. Significat & iustum fore, integrum, honorabilem, non solum ab *infamia*, communi nomine: sed quoniam qui mulctantur, ab omnibus conspiciuntur, & iusti efficiuntur absolutione: sed & magnum crimen admissurum nunciat, vel reum agi, ob verbum *diuini*: significat & iacturam quæcumque magnam, cum ad affectus causam refert.

Dedecore verò affici est honorem consequi, & magistratum: tum verò turpia facere, pro turpia pati, misericordia subleuari: est enim affectus & passio in contrario. Et si vincitus in publico sit, erit hoc ex dignitate vel officio publico: tales enim publice alligati sunt. Et si in ornatu & vestibus, dignitate ornabitur.

Exilium significat damnationem capitis, amissionem civitatis, peregrinationem, absolutionem à muneribus, mortem coniunctorum, destructionem familiæ, ruinam domus, uxorem ducere alienigenam: in alia vrbe domum, aut agro prædium suum facere seu acquirere: carcerem etiam, & anathema.

Verbera significant morbos, luctum, commiserationem, lucrum præterea & beneficium. Quod si triremes significent, ad idolum imperfectum attinent. Si ex verberibus sanguis in terram fluat, expensas faciet publica causa.

Carcer verò morbos significat, & quietem à negociis: & si perpetuus sit, mortem significare potest, item studia literarum, vitam solitariam, consanguineorum & amicorum mortem: arcis præfecturam, aulam, magistratum: hi enim custodiuntur: & cancellis fori præfici, & in naui esse: nullus enim firmior carcer: peste quoque detineri.

Triremes navigationem, piscationem, mercaturam, iter longinquum, publica alimenta, artem laboriosam, nec vnquam quiescentem, podagram: alligati enim sunt utrique pedibus: adolescere & augeri, & quæcumque sunt communibus laboribus ut fodere fossas, & aggerem erigere in bello, quævis magis remota.

Tom. V.

Deportari ad metalla, est suos coniunctos mori, ipsumque heredem institui. Mortem etiam significat: quoniam aliud ablegantur vincti, & sub terra manet. Sed & chymisticam artem: & secretorum inveniendorum anxiam curam decernit: præterea amissionem nominis, duram vitam, flagitiosamque cum studio rerum sordidarum. Catenatum autem ibi esse, impedimenta & fœdos amores. Cum pluribus, catena vna vinctum, amorem mutuum causa quæstus sordidi, aut scorti haud insignis.

Damnari ad membri amputationem siquidem manus cessabit ab arte, aut frater morietur, aut separabit se. Et si pes, res suæ reddentur inconstantes cum statu suo: auferturque id in quo maximè fidebat: si oculos, abibit filius, aut morietur. Cum enim priuationem significet, duplici modo ea fit. Et si dente mulctetur, priuabitur parte reddituum. Et si lingua, in lite succumbet, aut voluptate priuabitur, aut auctoritate. Et si ut tondeatur, damnabitur ad triremes, aut fiet sacerdos, aut magistratu priuabitur, si in eo fuerit. Et si testibus, auferentur omnes illius delicæ, vitæque iucunda usque ad mortem, & auctoritas. Et si stigmata imprimantur in facie, fiet notus omnibus, & hoc ob insigne infortunium ac dolorem. Et si aures præciantur, fiet infamis: & à studiis disciplinarum, si eis operam dare consueuerit, impeditur. Et si nasus, hoc est maximum infortunium, nisi semet in solitariam vitam redegerit.

Damnari pœna capitis, deterius est quam villo alio mortis genere: quoniam corpus minuitur, non seruata æqualitate: ideo significat amissionem dignitatis, auctoritatis, potentie, denique libertatis. Ad laqueum, est pendere animo, dignitatem aut ministerium consequi, supereminere aliis, laudari, inuidei. At strangulari in carcere, est prohiberi ne detegat: esse à secretis principis aut magistratus. Exuri autem, est ambitione oppleri, coli pro diuo, extolli ad sidera, magna pecunia ad nomen insigne ascendere.

Rotæ autem inferi, est sublimi loco formiter conspiciendum stare, ministros multos habere: non tamen liber erit: principalibus negociis se immiscebit. Palo transfigi, est inhære lucro & spei, pueris obscœnum. In crate torreretur, est quiescere inter curas opum, & in voluptates eas consummere. Diuidi in frustra, & appendi diuersis in locis, optimum est filios aut fratres multos habenti: illi enim in diuersas regiones migrabunt, constitutis locis, & famosi euadent. Serra diuidi, est paulatim ex vna domo atque familia duas facere: item plures habere seruos, ideo pauperibus bonum est, viuus ut in fovea sepeliatur damnari, est thesauris inuentis aut partis, totum in illorum cura esse, aut in studio arcana alicuius rei, vel impediri prorsus ab actionibus.



## CAPVT LXIX.

*Senarij authoris ignoti, ex Adriano Iunio.*

**A** Dieci hæc carmina, quod aliquid præter ea quæ dicta sunt, continerent: & vt intelligeres, rationes superius traditas omnium quide hac materia rectè senserunt, congruere. Porro non hæc sola significari existimabit, sed apposita præcipua in singulis significata, & quæ frequentius euenire solent.

*Celare noli somnium, quando liquidum est.  
Pigrè moueri, semitam duram facit:  
Actus secundat, somniet si currere.  
Calcere prunas, noxiarum signat grauem.  
Botros edere, notat madorem imbrium.  
Ficus edere, canilla scurrarum notat.  
Molestias signat, vorare dulcia.  
Comesa lactuca, indicat morbum grauem.  
Ona edere, continereque, ostendit mala.  
Si somniet ridebis, angor te premet:  
Sed si fleas, repleberis tunc gaudiis.  
Succendi ad iras, hoc acerbum est somnium.  
Petra insidens stabili, bonam spem contine.  
Muro insidentem, fors secunda te manet.  
Multa grauaberis, super stercore sedens.  
Putoris omen, esse crede molestias.  
Anima inquinamentum notat, cæno infici.  
Cænosa peragrans, sentiet vitium ingeni.  
Fons limpidus, mentem serenam denotat.  
Potare limpidam, bonum omen prædicat.  
Cænosa aquam bibens, agit in angustiis.  
Ebulliens aqua, perduelles nunciat.  
Serenat animum vappidi potus meri:  
Sopit dolores dolio exhaustum merum.  
Vinum bibentem pugna te manet grauis.  
Fluuuius inundans, hostilem incursum notat.  
Æquor serenum nare, faustum est somnium.  
Æquor natare turbidum, angores notat.  
Aurum tenere somniet, voto excides.  
Clauos tenens, ab hoste periculum caue.  
Lactura certa est, passer euolans manu:*

*Tenens columnam, numinis speres opem.  
Votum obrinebis, si manu accipivem premas.  
Accipiter euolans, malum adfert principi.  
Clauos tenere, stabile fœdus indicat.  
Remoram notant flagella torta vitium.  
Se eluere totum, exterminat curas graues.  
Abluere dextram, curarum fascem fugas.  
Eluere plantas, diluit curas graues.  
Latos pedes habere, portendit malum.  
Viam ingredi nolito, succisso pede.  
Inglorius eris, te estulatum somniet.  
Curis eris liber, necem si somniet.  
Volare, successum rei latum notat.  
Præfagiunt pugnas hostiles, basia:  
Aduersa fors portenditur præcipitio.  
Se iacere prorum in fossam, signat tristitia.  
Est mysticum, cælum videre voluer.*

*Aliter:*

*Currentem equi pullum videre, mysticum est.  
Damnum ominare, si columbas videris.  
Visi boues, sinistra portendunt mala.  
Diram augurantur mortui pestem boues.  
Visum cadauer, indicat necem grauem.  
Est ominosa res, atros videre equos.  
Albos equos videre, faustus nuncius.  
Signant periculum ab hoste vesparum agmina.  
Videre lumen, res loco in claro notat.  
Pelagus quietum cernere, est omen bonum.  
Fremitus maris, negociis turbas notat.  
Albens caro, res auspicata est admodum.  
Nigratio cutis, bonum nulli notat.  
Canum latratus, hostium insultus notat.  
Hostile conamen cadet, visa nunc.  
Omen bonum in somno est, amictus candidus.  
At pulla vestis, cura inanem non facit.  
Purpurea vestis, non grauem morbum notat.  
Rubens stola, euentus rerum felicitat.  
Magnam foue spem, regia indutus stola.  
Disrupta vestis, curarum fascem eximit.  
Præcisa zona, celeriter expedit viam.  
Damnum in negociis, coma obrasa indicat.  
Discrimen ingens, crinium casus notat.  
Tentus manu ensis, auguratur prælium.  
Confringere enses, hostium stragis nota est.  
Tonitrua somni nunciorum dicta sunt:  
Qui se senem videt, manet eum dignitas.*





LIBER SECVNDVS  
DE SOMNIIS,  
PROVT PROPRIIS  
differentiis distinguuntur.

CAPVT I.

*Non posse hanc scientiam deduci ad exactam perfectionem, nec debere, ob tres causas: Fati repugnantiam. Exemplum aliarum scientiarum quæ diuinare docent, tum ob id quod est in ipsis de potentia: quia animæ essentia immortalis esse non potest, ratione eorum quæ sunt in actu: quodque tantum abest maximum, quantum minimum. Responsio ad Ciceronis obiecta.*

**N**ON est existimandum, quod multi tamen credunt, eam posse tradi de somniis doctrinam, quæ velut in Geometria aut medicina vel architectura, hominem, ad perfectam, exactam ac propriam cognitionem rei deducere queat: nam neque ratio primum faci id admittit. Si enim quæ ventura sunt, omnino ventura sunt, & perfecta intelligantur antequam ventura sint, duorum alterum euenire necesse erit: aut ut quæ ventura sint, certè non eueniant: aut ut nostra voluntas non libera sit: quorum vtrumque per absurdum est. Nam non futurum esse quod futurum est: & quod liberum est, non esse liberum, omnino ut sic fieri non potest. Deinde quod videamus omnes huiusmodi scientias quæ futura docent, Astrologiam, Physiognomiam, Metoposcopiam, Chiromantiam, non ad vltima peruenire: nec ita definire singula ut naturales solent, aut artifices. Verùm omnes hi circa generalia quædam subsistunt, nec vltra progrediuntur: quoniam progredi nequeunt: nam si Venus benignitatem fortunæ pollicetur, & Mercurius studiorum & sapientiæ causa, cum & studiorum innumera sint genera, & bonæ fortunæ etiam quod Mars Ioui mistus medicinam significaret, adhuc ad hoc ipsum quod quæritur definiendum penè infinitæ differentiæ cognoscendæ relinquuntur: cuiusmodi, qua in urbe, cū quo Principe, qua in medicinæ parte, quando, quantum, ac reliqua huiusmodi. Verùm quod maius est his duobus impedimentum, est ipsa rerum natura, scilicet animæ & visorum, infinita: quæ enim videntur, viderique possunt, infinita sunt. Quomodo igitur infinitum, quantumuis magnis libris ac multis concludetur? At verò anima, ut ad actum refertur, omnif-

Tom.V.

que alia natura præter diuinam, finita est. Ob id aberrat Cicero toto tramite, existimans memoriam hanc tam grandem, ut illi videtur seu ut Hortensij (quæ plurimum in ea valuisse referunt) seu propriam, cum secundam Philippicam recitabat, seu Cyri, quem dicunt totum exercitum singulosque milites (erant autem penè ducenties mille) seu Michridatis, si verum est quod viginti duarum gentium, quas sub imperio suo regebat, linguam teneret: aut Cyneæ, qui vno vel altero die Senatores singulos facie noscere, ac nomine salutare didicit, tum etiam equestris ordinis nobiliores: seu Senecæ, qui de se etiam refert, potuisse firmiore adhuc ætate duo millia nominum discere ac recitare, immortalitatis animi aut infinitæ naturæ esse argumentum: magis quàm Corniui Messalæ, quem referunt etiam proprii oblitum esse nominis. Nihil enim quod commune sit mortalibus, quantumuis excellat infinitæ aut immortalis naturæ argumentum esse potest: tantum abest quod maximum: est quam quod minimum, seu videas ut Lynceus, seu sapias ut Aristoteles, omnia hæc tam absunt ab infinito, quàm quod maximè ab eo distat. Est enim naturæ infinitæ argumentum solum, quod nil cum mortali commune habet, velut esse capacem omnium, seu illa sit memoria Platonica, seu intellectus quidam, seu potestas ad omnia, ut materia illa prima. Neque ergo id quod spectamus, quod magnificimus nos, immortale est: sed immortalitas plerumque abdita est in vilioribus rebus. Anima vilis scarabei sempiterna manet, decus Phidiacæ artis & Apellis citò perit. Potestas est in his inferioribus quæ immortalitatem declarat, & infinitatem, non actus vllus. Verum enim vitæ infinitum actu cognoscant perfectè, ut à nobis differant, an non, ut à Deo, alterius est considerationis. Verùm quod ad hanc pertinet, illud est nihil seipsum cognoscere præter Deum. Vitæ enim seipsas cognoscunt in Deo, sicut homines & animæ in operationibus. Propterea quæ agunt omnia, præter Deum, quasi naturaliter agunt, non velut mens artifex: dico elementa mouentur, finemque suum norunt, quomodo moueantur, ignorant. Plantæ nutriuntur, crescunt, flores & fructus pariunt: quomodo id agant, non norunt: animalia lacertos mouent imprudenter, rectè tamen: quod in nobis ipsis experimur: neque Galenus cum sua anatomia vel vnum musculum ad digitum

LLI 2 ante



antè vel retrò monendum mouere ac dirigere nouit, sed digitum quidem ut vult, monet, ac ex voluntate: musculus autem natura. Ergo vitæ quæcunque sunt, opera cæli dirigunt in nos, aliaque viuientia cuncta: nec hoc ipsum norunt quomodo dirigant. Horum ergo cognitio à Deo emanat, nec quæ recipiunt intelligere possunt, quomodo recipiant. At mens inest illis, ac dæmonibus, hominibusque inest profectò, sed quæ non regit corpora: natura enim corpora regunt, mentes intelligunt. Sicut ergo nos cibos canibus offerimus præparatos, quomodo præparentur à nobis illi non norunt: ita quæcunque futura sunt, non aliqua, sed omnia, silenti animæ per somnium offeruntur: at illa non solum rarò, sed rarissimè ea percipit: vel cibus obruta, vel humoribus obfuscata, vel curis impedita, vel sensilium motu immodico vexata. Itaque non solum infinitam esse naturam somniorum necesse est, sed & tractationem ipsam infinitam: at nullum quod ad singula usque perueniat, infinitum esse potest: non ergo potest tractatio de somniis ad finem vllum deduci, nec limitibus inscribi, nec finem habere: quare ut difficillima sit, necesse est, & cum infinita finitis contineantur, tractationem euadere difficillimam. Comprehendi tamen possunt multis infinita: quia paucis & paucis, vno tantum principio: velut & quæcunque sunt, fuerunt, eruntve, vno principio, scilicet Deo. Sed neque Deo solo tanquam vnico principio, sed in diuersis diuersa sunt principia, potestate quidem infinita, velut hominum homo, & formicarum formica. Cum igitur omnis bona tractatio & à mente proficiscatur, & rebus ipsis sit accommodata: mens autem potestate sit infinita, infinitus & numerus rerum necesse est bonam tractationem ita esse ordinatam, ut plures sensus sub eisdem verbis contineas. Omnis autem huiusmodi difficillima est. Quamobrem omnis bona tractatio contemplans, quo melior, necessario eo difficilior. Verum quæ de rebus ipsis agendis est, & facilis esse potest, & perfecta: quod rerum nostrarum quæ actione constant, nulla sit infinita. Sed quoniam non solum rebus ipsis, sed etiam legentibus, & legentibus simul atque scribentibus, in quouis scribendi genere aliquid condonari potest, propterea ex multis constat præceptis omnis oratio: legentes enim claritatem exposcunt: ornatus autem & ordo tam legenti quam scribenti necessarius est: quod doceant scribentes, delectant legentes: in omni eo quod scribitur quatuor hæc desiderabuntur: difficultas ob infinitatem, claritas, ordo, & ornatus. Horum primum solum ad diuinationem pertinet: reliqua admodum non illi congruunt, ut ei etiam repugnent. Ordo quippe apud nos est eorum quæ numero constant: nam apud Deum est omnium, & infinitorum: at numerata non possunt esse infinita. Itaque difficile est omnibus satisfacere: nam hanc infinitatem soli philosophi amant, quia soli intelligunt: sed non omnes, verum clariores: at cæteri oderunt, ut contrarium claritati. Tractationem autem claram in his, quæ ad contemplationem per-

tinent, ut diuinitatis expertem, ut absurdam, ac proprio carentem neruo, philosophi aspernantur: at rhetores magnificiunt quicquid dilucidum est, perspicuum, ornatum, atque ordinatum. Sed neque curant eam vim probandi, quam demonstrationem Latini, Græci *ἀποδείξις* vocant: philosophi autem, ut nil aliud. Quamobrem quæ Cicero scribit in huiusmodi rebus, indigna omni fide sunt: cum idem esse existimauerit, acutè de huiusmodi, doctèque differere, & ornate: neque enim idem sunt, imò, ut dixi pugnantia: quoniam quæ clarè dicuntur, nec tam subtiliter, nec ut se habent dici possunt: ornatus autem claritatem postulat. Assuetus enim ille multitudinem persuasionem fallere, hoc non contendit ut ita esse demonstraret, sed ut homines in suam sententiam trahat: quæ quanto elegantiora sunt: sunt autem plurimum (plurimum enim valuit dicendi arte) eò sunt deteriora, ac simillima veneno quod in melle conditum est: dum enim suauitate delectat, fallit, & fallendo enecat: inde illud omnino intolerabile, quod còcludit in fine libri de Diuinatione, non disceptasse de his quod in aliquam partem inclinaret, sed ut suspensam mentem atque opinionem in huiusmodi faceret. O præclarum philosophum, qui nil aliud agit tam longa disputatione, quam ut incertos reddat. Præstabat fefellisse, quam dubios reddidisse. Quid tanto dispendio temporis lucratus sum aliud, quam quod antea habueram, ut incertus essem? At bellè egimus, laborare ut ignoremus? at non poterat, etiam si clarus fuisset philosophus, de his rectè differere, quæ inuicem coniuncta sunt: nisi ut, quemadmodum Archimedes in suo libro de Sphæra & Cylindro, rem totam per *ἀποδείξις* perpetuas deduxisset: sicut & Aristoteles, & nos à primis principiis, licet paucis eorum ab illo discrepamus. Verum causa erroris, & falso somniorum diuinationem, insectandi, fuit omnino, quod ille testatur se nescire distinguere genus totum somniorum ab his speciebus quæ veræ sunt: quo non factò, & nos iam pridem confessi sumus, non posse inueniri causam vllam ac regulam veritatis in illis. Ergo quod ad hoc attinet, parum à Ciceronis opinione discrepamus. Si enim ille potuisset inueniri in quo falsa à veris seiungeret, volebat acquiescere eorum diuinationi: at cum non posset, damnauit vniuersum genus. Sed iam audiamus Ciceronem de hoc disputantem, atque inuictum nimis ambitiosè in hanc causam: quippe suo more sibi nimium detulit.

Primum igitur illud vulgatissimum affert in omne diuinationis genus, atque admodum pertritum: Si fato ventura constant, nihil proderit diuinatio, & præcognitio hæc maiorum etiam nos torquebit: si non, ergo nulla erit de futuris scientia: quia non esse possunt. Quid si ego vno verbo respondeam vtrique interrogationi? ostendamque dimissa captione, vtroque modo scientiam diuinandi vtilem esse? Nam si fatum non est, sed necessarium est, (gratia exempli) ex causis constitutis, me duci in carcerem, præmonitus somniò non ducar: quæ captio, quæ insanix sunt, negare



negare vtile non fuisse hoc somnium, quod me monuit: quid differt somnium ab eo qui conscius consiliorum me admonet: an ego illi dicam, cum aliquid repetet ex me, Nihil profecisti, quoniam non debui capi? O pulchrum responsum. Quid egit ille cum sua Sertilia, dum de coniuratione admoneretur? an indignam premio illam indicabat? cur tanta exploratoribus, non illi solum dederat? an non melius est moneri à diis ex somniis, quam à vili scorto: ab impudico exploratore? quæ furæ, quæ amentia sunt hæc? Narrabo inferius, quoniam pacto ex somnio, cum desperassem collegij medicorum ingressum, eum solum assecutus: num ero ingratus erga Deum post factum, ut ille fuit de Marij somnio? quod ut præsens amplexus est, atque vtile sibi existimavit: ubi reductus est ab exilio, irrisit Dei, non dico Deorum (foras enim illud non adeo impium fuisset) providentiam. Facinorosis nauigantibus is similis videtur: qui cum è tempestate emerferint, vota abiurant erga superos habita: sed hi aliquanto minore cum impietate, utpote metu ac periculo extorta: at gratuita hæc munera quis nisi ingratus non repender? Itaque meruit, quod etiam queritur, nunquam amplius moneri, tam ingratus. Utinam ego, qui gratiam de hoc habui, pro filio quod expectabam monitus essem: non certe periisset. Sed quod in Cicerone aduenit ob improbitatem vitæ, idem euenit Socrati à suo Genio ob gloriam nominis eius: nam qui illum in leuioribus casibus admonuerat, ab impendenti periculo vitæ non retraxit. At foras, quod non negarim, & Ciceroni & Socrati & mihi eadem causa fuit: scilicet peccata: nam admoniti, non quantum debuimus, respicimus. Sed Socrates, licet non contempserit, dubitavit: ego non pro beneficio accepto gratus fui: Cicero autem, cum etiam esset augur, contempsit: non solum beneficium acceptum, sed auto rem irrisit: autor enim somniorum verorum, ut dixi, solus est Deus, infinita illa sua sapientia. Quamobrem rectè instituit Moses, ut enim vnum ac solum coleremus.

Sed fac ut Fato fiant omnia, ita tamen constat hic ordo, ut quoniam capi non debui, somnio monitus sim: ita quoniam non debui euadere nisi beneficio noctis, cuius tamen aduentus necessarius est, Deo non debebo qui noctem constituit? at hoc magis: cum sit peculiare beneficium: noctis autem generale. Denique quod antea optamus scire, pro quo eramus vota persolaturi, cur impetrata contemnemus? Adiciere autem libet ad rem multum, ad hominem parum opportuna Iosephi verba, in tertio libro Iudaici belli. Vbi autem hostilis multitudinis minas comperit Iosephus, nocturna somnia reminiscitur: quibus ei Deus & futuras Iudæorum clades, & quæ Romanis essent euentura Principibus ostendit: erat enim interpretandis somniis idoneus, & coniectari quæ ambigüe diuinitus ostenderentur norat. Et infra, cum Vespasianum alloquitur, inquit: Iotapatenis post diem quadagesimum septimum excidium prædixi, quodque viuus in custodia à

Romanis asseruaretur: quæ cum Vespasianus vera comperisset: fidem habuit polliciti imperij, de quo idem Iosephus somnio edoctus eum monuerat. Itaque hic solutus carenis, felicem pro conditione gentis vitam duxit, principalem locum apud Imperatorem obtinens. Sic Sylla dictator felix, si hac in vita quisquam hoc nomine dignus esse potest somniorum monitu sapius adiutus, adeo ut nihil potius duceret. Sic Augustus: quis enim eo felicior? Et Synesius ipse ex hac disciplina se maximos gradus adeptum, maxima vitasse pericula testatur. Atque id meritò, quandoquidem solum hoc diuinandi genus (ut iam diximus) gratuitum sit, & à Deo immissum: cetera, quasi violenta extorquere nitantur, quod Deus patefacere nolit. Itaque hoc quasi donum est: illa autem ut vt subrepta furto, aut extorta improba pernicacia, aut vi quadam ablata. Vide modò quantum intersit inter munera, & furta aut rapinas. Sed inquit, à Deo non sunt immissa. Deus primum non hæc tam vilia curat: raro mittuntur, non mitterentur improbis ac contemnentibus: cum opus est, non possunt impetrari: at Deus liberalis largitor est. Nescit modum quo Deus immittit, immittit ut Solem ac pluias, super probos, improbos, contemptores & gratos: verum illi qui contemunt, suo malo plectuntur. Sic cuncta ordinavit: ut cum futura sint, in animam euenit sui imaginem imprimant. Sinimilis illi cibis, potibus, venere, curis seipsos ne recipiant impederint, num hac in parte Deus cuiquam denegauit munus? an ille potius sua causa id præuertit? quod si etiam quibusdam id denegat, an tenetur? Quod gratuitum est, cuilibet, dare potest. Quod si extremis in casibus defecit, ut mihi in filio, an iustam ob id causam conquerendi de Deo habeo? Primum qui scit non obtulisse occasionem, eam me non arripuisse? Sed fac non dederit: an ei qui ducem dona dedit, quod non omnia dedit irascatur? quæ nugæ quæ intemperies? Obicit deinde, nil frustra à Deo fieri. Cur tot somnia vana, ut tam patica in usum veniant? cur tot pluiæ in irritum cadunt? cur tot soles? Ordo diuinus est per se stabilis, semper utilis: materia fluxu & inconstantia plurima depereunt: quot lepores occiduntur? quàm pauci leones? plures tamen esse lepores quàm leones constar: alia est providentia Dei in immortalibus, alia in his inferioribus. Pulchrum fuit, & foras necessarium, cum Fati serie hanc somniorum providentiam conferere, quantacunque pars eius fructus deperiret. Præstantum enim vel sic exemplorum referti sunt libri. Superest ars, admiratio, & cultus diuini imago, parsque non levis apud sapientes: quid vulgus agat bonorum expers, malorum impatiens, non curat: quot gemmas sub terra recondit, cuiusui, ut pauca in manus hominum veniant? Subiicit inde, cur non in vigilia hoc effecit? Primum quis es tu, qui à Deo expostulas? an solus quæteris pro tanta, quam tibi dono dedit, facunda? num tu exactor es rationū mearum vermicule fœde? at perturbata essent omnia, essent omnia plena miraculis: iam non esset hic ordo naturalis, sed superflua curiositas. Potes habere, si



vigilia, temperantia & continentia. At quid opus est interprete? ait: poterat clarè omnia ostendere. Imò ostendit, vt dixi, nostrum est vitium, qui nebulam offundimus. Eiusdem rationis sunt, quæ interpretantur & idola. Cur non rogas, quare tot flores frustra casuros, & in fructum non transiuros effecit? Cur in Italia sycomoro immensam multitudinem florum dedit, fructum prorsus nullum? Repugnat materia, dicis: at hîc & materia & hominum facta repugnant. Pòst addit: Si omnia sunt à Deo, cur, falsa plura: si non omnia, cur miscuit se iis nugis & nebulis? O præclarum philosophum. Solis radios emisit, nebulae oriuntur à terra: an quicquam ad mortalia mitti ex alto potest, quod mortali confusio non se immisceat? an præstitit non mittere? Sed quomodo distinguemus: vt solem à nebulis, vt priuationem ab habitu, vt impedimentum à facultate & opere, vt contrarium à contrario? Demum se conuertit ad irrisiōem, cum Deos circumuolitare circa grabatos dicit: vt in stertentes visa immittant. Quis non videt, non veritatem hîc quæsisse, sed hominum opinionem, famam sapientiæ? quandoquidem videtur velle obtinere, non disceptare de causa ista, scilicet an per somnium fieri diuinitas possit. Ergo generalis est ratio somnia immittendi, quam nos præpedimus & eadem veritatis forsam ratio. Cum verò in mortalibus nihil commune sit nisi principium, vt cor in animalibus, neque enim nascitur homo ex qualibet re, sed ex viro muliereque: nec fruges in paludibus, nec in sicco pisces, nec flores in ficu aut quercu, nec quouis tempore: ita necesse est quasdam horum causas generales, in hominibus scilicet, insomniorum esse. Etenim Garamantes referunt nunquam somniare: quidam fermè nihil quod verum sit, in tota vita vident. Et quamuis multis continentia abstinentiaque multum profutura sint ad insomnia videntia, & vera etiam insomnia, nihilominus quidam sunt qui nec vnquam visuri sunt somnia, etiam si Zenone sint continentiores. Quin etiam multi philosophi non solum ob institutum, sed etiam paupertatem, tum verò sacerdotes nostra ætate, vt quos vocant Capucini, miram obseruant victus ac venerorum obseruantiam: nec tamen mira vident somnia, sed plura ac vana: quamobrem & si necesse sit eos qui visuri sint, moderatos esse in victu, non tamen ex moderatione contingunt insomnia ac oracula. Quin etiam Pythiam illam virginem non in cibis continentem admodum fuisse legimus, sed virginem solum, & Deo illi sacratam. Et vt sapientia & generatio non ex immodica abstinentia proficiunt, sed hæc potius sunt quorundam hominum & naturarum munera, ad quæ iuuat tamen continentia & temperantia: ita & somniorum ratio. Vis ergo hæc generalis est vaticinandi per somnia, sed tamen circumscripta certis naturæ legibus, velut generandi, discendi literas, felicitatis, bene, beatæque viuendi: & quamuis notum sit omnium non esse, non tamen notum est quorum sit: non prudentium solum, aut eruditorum, aut innocentium: plerunque

tamen eorum qui magna tractant, & qui diuturna felicitate fruuntur: hi enim aut soli fermè talia vident, aut soli recte seligunt: quandoquidem (vt dixi) non possumus diuinare neglecta electione, maximūque in hoc negotio argumētū adipiscendi intēti sit recte seligere.

Illud autem mirum, & imperitiæ crassæ argumentum, tam ineptè dictum quàm eleganter à Cicerone: Animi cum sustinentur membris & corpore & sensibus, omnia certiora cerunt, cogitant, sentiunt: cum autem hæc subtracta sunt, desertusque animus languore corporis, tum agitur ipse per sese, itaque in eo versantur & formæ & actiones, & multa audiri, multa dici videntur. Speciosa quidam verba, & Cicerone digna: sed quæ nullum contineant sensum, nisi apud philosophiæ prorsus imperitos: plures enim longè errores quàm sententiæ, pauciores paulò minus quàm verba: ita contingit omnibus, qui à populo & vulgo blandiente transeunt ad doctrinas altiores & sapientiam tractandam. Sed de his hætenus. Vnum ergo quod ab initio proposueramus, statuendum erit: eam Synesij obseruationem negociosam fore, & infinitam, nec tamen pro tanto labore utilem. Sed magis dandam operam, vt quemadmodum Gemmarij solent veras ab adulterinis gemmas vno intuitu dignoscere, sic & nos vera somnia à vanis secernere valeamus: quod cum fuerimus adepti, ad genus rei transeundum erit: quod non adeo arduum est inuenire, quàm scire eligere quæ generis sint diuini, & quæ tumultuosa.

Est sanè somniorum genus verum in hominibus præstantibus, quique magnam fortunam consecuti sunt, aut consecuturi: & in initiis operum, & cum nascituri sunt, simile quid vident parentes: & tempora sunt curarum & magnorum periculorum, vnde maximè sub morte visa vera apparent. Cum ergo & in magnis curis aliquando, & magnis periculis longè frequentius talia appareant, pericula verò curæ, non curas pericula sequantur, verisimilie est, ab iisdem (vt dictum est, diceturque) causis vtrūque procedere. Quamobrem cum non possint curæ periculorum esse causæ, sed pericula potius curarum: erit, vt somnia ipsa proficiantur ex cœlestibus constitutionibus. Et quemadmodum ad figuram imprimendam necesse est solidam esse materiam (nam non in aqua, nec luto bene imprimitur) & ictus esse vehementes: ita in somniis concipiendis oportet vehementem esse motum constitutionis cœlestis, animamque non degenerem, sed leuem ac solidam, vt excipere possit vestigia formarum.

Sed adhuc vrget Cicero: Mirum est, quod ab ea die, nec antea, vllum somnium diuinum aliud viderim, si modò diuinum illud fuit. Causa est non obscura, multitudo cogitationum: voluit enim cines omnes qui in aliqua essent existimatione, è facie cognoscere: familias & cognationes, amicitias, odia, causasque scire: prædia præterea, domos, villas, censum, pecuniasque in sænore collocatas; singulorum: studiis incubuit non solum Rhetoricæ, Latinæque ac Græcæ linguæ, tū historicarum,



historiarum, sed etiam philosophiæ, causas agere, longisque orationibus ciuium facta defendere aut oppugnare: quare vix locus erat inter tot imagines fingendi insomnij: tum verò dolor, cum vidit, multa excusserrat: & causa calamitatis maxima illi videbatur, certè non leuis fuit: potuit ergo semel videre, nec ampliùs. Ergo quatuor videntur esse causæ multa insomnia vera videndi: Anima præstans ac solida, nitidaque vt speculum (quare qui talia vident, omnes memores sunt, & plerunque acri ingenio præditi) motus vehemens (vnde in periculis maximis & initiis magnorum operum, vel dum mutanda fortuna est, vel in ipso ortu, frequentius conspiciuntur) Vacatio à studiis (vnde mihi cessationem aduenisse existimo somniorum anno quadragesimo tertio, quod primum tunc ei muneri delegatus fuerim: ita Socrates potuit videre, dum in carceribus otiosus vel inuitè viueret: & Sylla ac Cæsar magis quàm Hortensius aut Cicero, & Eudemus magis quàm Aristoteles) Temperantia præterea & continentia, omnium bonorum parentes.

Quamobrem illud diligenter animaduertendum quod dixit Hippocrates: Quæcunque præter naturam accidunt, vehementiora sunt: ita insomnia diuina, quæ aduersantibus horum quatuor quibusdam sunt: velut si à multa lucubratione, aut cibo potuque ac libidine: vel in summa animi relaxatione: vel quæ his adueniunt qui non præstanti animo sunt, hæc omnia cum ab vrgentibus causis fiant: necessariò sunt efficacissima, verissimaque. Sed adhuc redarguit nos Cicero cum suo Antiphonte: Curiori qui in curru vehi videbatur, cum alij victoriam prædixissent, quòd victores in Olympiis coronari & curru vehi solerent: Antiphon dixit: Vincendum à pluribus quòd eum qui in curru sit quatuor equi (à totidem enim vehebatur currus) præcedere soleant. Atque ita duo alia refert exempla. Sed malignè causam hanc, non ex æquo iudicio infectatur: neque enim solum hoc videri potuit, vehi scilicet curru: sed neque ex hoc solo, si contingat, rarò tamen eueniet, iudicare oportebit, sed reliqua respicere, quæ simul videntur.

Sciendum tamen, esse tria genera somniorum quæ diuinitus immissa videntur: significatiuum, monitorium, & deceptorium. Huiusmodi duorum primorum exempla plurima in quarto libro habebis. Verùm deceptorium contingit, (non vt illud Amilcaris, cum somniasset intra Syracusas cœnare, cœnauit quidem, non victor, vt existimabat, sed captus: vnde ambiguum dici potuit: & si prudens fuisset, deuitare licuit) cum homo contrarium videt ad vnguem eius quod subsequitur: velut si certaturus in Olympia, vidisset se coronari, & inde in certamine vltimus esset: nam nec immeritò id contingere potest: admiramur enim victores qui coronantur, & victos qui vltimi omnibus cessere: nec scio exemplum vllum huius rei illustre, præterquam Pompeij, cum in Pharsalica pugna victus est: præcedenti enim nocte somniauerat, sibi in theatro Romæ vni-

uersum populum Romanum plaudere: inde exornare spoliis Veneris templum: quod somnium victoriæ signum erat: non eius pugna, in qua non solum victus succubuit, sed paulò post ex ea fugiens occisus est dolo Achillis Egyptij, stirpsque tota eius excisa est. Quamobrem & horum causam inuenire expedit, ac dignoscere quænam sint huiusmodi somnia: neque enim verisimile est, Deum generaliter ac quasi secundum naturam talia immittentem in huiusmodi viris, tam raris exemplis, tentare illos decipere: tum maxime, quod non ex somnio ad pugnam adactus est, sed hostis vasticia & suorum improbitate. Certum est enim huiusmodi somnia non fallere nisi certaturos seu in acie, seu in nomachia, aut honoris causa: nam aliis contigisse huiusmodi exempla nec legisse, nec audisse me memini. Quò sit, vt existimem huiusmodi somnia contingere ob nimiam mentis intentionem, dum cupidè aliquid desideramus. Et ob id aliqua in hoc casu tutiora sunt: velut illud Syllæ, cum C. Marij filio dimicaturi, quando vidit patrem monentem filium ne sequenti die prælium committeret: esse enim eam nomini suo infaustam: plus fuit, quàm si vidisset admonentem vt pugnaret. Hoc verò cum monitorium esset, adhuc euidentius est quàm si vidisset se in curru triumphantem vehi: at hoc etiam minus fuisset, quàm si se pugnasse ac vicisse somniasset: obliquitas enim illa diuini oraculi argumentum quoddam est, vt nimia explicatio & claritas suspecta, ne non somnium obuenerit nimia sollicitudine & volutatione imaginum præcedentis diei. Ergo in huiusmodi totum somnij decursum considerare expedit, cæteraque signa ac coniecturas considerare, præsertim alacritatem animi proprij, tum militum & equorum. Sed hæc extra artem. Illud ex arte, quod etsi obliquè somnium votis faueat, videndum est diligenter vt aliquid sit quod ad actionem futuram pertineat: vt sanguine respersum esse: aut cum exercitu Cæsaris fame premeretur, videri exercitum suum fame vrgeri: aut in pompa milites Cæsaris præcedere, suos autem sequi (nam victi vincti in triumpho antea agebantur) vel puluerulentum esse. At vidit exornari templum Veneris, hoc potius pugnam decernebat infaustam, quandoquidem hostis originem suam referebat ad Venerem & ob id Pompeius suspectum habuit hoc somnium. Semper tamen signa ex contrariis desumpta operationibus, principali præterita, inauspicata sunt. Quanquam de hoc Pompeij somnio à Plutarcho adducto satis addubitem, quod Cicero, cui hoc recens maxime factum fuit, non illud prætermisisse videri potuit, quòd ad suam confirmandam opinionem plurimum faceret. Sed seu sit, seu non, quæ diximus, certam habent rationem.

Ergo somniorum disciplina omnium diuinationum certè præstantissima est, præsertim cum non, vt in omnibus aliis, liceat quasi ludere, ac ridiculam facere. Etenim in sortibus toties repetunt & mutant, vt pro mala bonam extorqueant, in extis tot victimas cædebant, vt vel inuitis (vt ita dicam) Diis



litarent: in Astrologia tot comminiscuntur interpretationes, tot anse in diuersa vertendi, vt nunquam mala genitura, nunquam certum sit periculum, nec certa salus. Sola scientia somniorum non patitur has conuersiones & deliramenta.

Igitur omni vitio vacat hæc ars? Non certe: nihi tale apud nos: habet ipsa impedimentum non leue: quod rarissime, nec cum volumus, immittuntur: vnde eorum vsus, velut præclariorū gemmarum, raritate, nimia nos fatigat & torquet. Expectanda sunt pauca in tota vita. Et quibus frequenter eueniunt, vilescunt, ac vi illa illustri destituuntur: sunt enim magnarum rerum prænuntia, atque vtinam tam ad manus essent, quam reliquæ ditinationes: nihil certius, nihil pulchrius, nihil vtilius aut delectabilius videri posset.

## C A P V T II.

### *De somniis obscuris.*

**O**bscura somnia fiunt vel ratione imperfectiōis nimie varietatis, vel ob res ipsas natura incognitas, vel ob magnam dissimilitudinem cum statu prætenti, vel ob fabulosa. Ad caput igitur communium regularum recurrere oportet. Exemplum. Quidam vidit leporem factum esse filium suum: primò quidem timidum, & velocem in cursu, pronūciabit: vel si iam sit adultus: tunc enim nullo modo somnium conuenit: nam si talis non sit, non erit verum: si sit, erit de manifestis vt cadat ex morbo comitiali, vel lapide vesicæ curabitur: scribunt enim medici, leporem totum combustum, lapidem frangere, & coagulum illius curare comitiales. Rursus puer sit, nec vllō tali morbo laboret: catamitum futurum existimabimus: fabulose enim dici solet, nec vulgatum est, hoc animal vtroque sexu vti. Si verò quis chimæram videat, vel centaurum, & huiusmodi fabulosa, à nomine, à forma, à significato, à fabula: à nomine: vt Sphinx à *σφιζω*, constringo, amplexor, arceo: item à fabula: perniciem enim attulit Thebanis, atque exitium. Sic etiam errorem & perplexitatem denotat: à forma vt chimæra capite leonino, ventre & dorso capræ, cauda & posteriore draconis parte: mons est Lyciæ, cuius cacumen ardet, & leonibus abundat, media pascuis, infima serpentibus. Ergo durum initium, & terribile: in mediō negocij spes, & omnia mitiora: finem claudet dolus & insidiæ, & veneficium forsan: à significato, vt illud:

*Necnon & Tyion, Terra omniparētis alumnū.*

*Cernere erat, per tota nouem cū ingera corpus Porrigitur*

Constat enim voluptatem significari, seu libidinem: periclitandum ergo ob libidinem docet. Velut & Cētauros, magistratus significare ex forma discimus, atque significato: parte enim prima placidi, posteriore feri sunt. Significatū etiā cētaurorū est multitudinis incōditiæ. Differt nomē à significato: per nomen,

intelligo etymon ipsius: per significatum autem, id cuius causa finxerunt eam fabulam: cuiusmodi innumera habentur exempla apud Phornutum & Palæphatum. Mulier cum sibi visa esset hippocentaurum peperisse, duos vno partu filios edidit, propter duo corpora quæ habere finguntur: & ambo perire, quòd animal huiusmodi esse non possit. Alia somniauit, se expleuisse omnes Herculis labores, & igne absumpta periit: sic enim mortuum esse, poëtæ fabulantur: nec ipsa huiusmodi laborum capax erat. Viro autem præstanti, idem somnium ingentem gloriam significare posset. Quod si fabulosa prorsus hystoria fuit simile quid somnians sperabit sed frustrò venturum. Dracones in homine conuersi, heroas significant: & similiter lamæ, nugaces præstigiatores: leones, viros feros: ita mores retinent prioris formæ: & admirabiles casus significat. Ex causis etiam maximis ac præcipuis, inuitabilibus fermè, obscurorum somniorum, est mistio rerum peractarum, memoria illas representante: vel etiam desideratarum adèd vt partem à parte segregare difficillimum sit. Cum enim anima spe, metu, voluptate, tristitiaque per sensus perturbetur: licet ipsa nec doleat, nec lætetur: perturbantur tamen visiones à sensibus, ac si in ea hi affectus sint, atque id est quod maximè impedit somniorum interpretationē. Oportet autem separare memorata à visis: aliter irrita erit omnis consideratio: hoc autem assuescere oportet sensim facere, adhibita maxima diligentia: velut aliis in rebus difficillimis. Vt verò separe, cogita quæ maximè mouerunt animum tuum præsentibus proximis diebus vt luctus, timor, spes magna, gaudium, lætitia, victa lis, iniuria, odium: atque segrega quod in eo est. Si frater aut parens, aut filius repræsentetur in somno, qui paulò antè perierit, vehementiam affectus & victam animam significabit. Et si etiam te moneat, haud tutum erit illis quæ dicit credere, cum à nimia perturbatione animi procedant. Sed tamen si expressa sint, negligere non oportet. Quod verò vnum ab alio separat, est ordo. Vix enim fieri potest vt tam ordinata sint quæ ex duobus generibus constant, quam quæ sunt vnius tantum generis. Eximere autem oportet superaddita, & iis fidere quæ animam in admiratione magna relinquunt.

Ex causis etiam obscuritatis somniorum est: quoniam homines existimant omnibus somniis magnas res significari: quia ad quædam magnæ res sequuntur. Sunt autem res magnæ: è bonis, hereditas, lucrum ingens, inuentio thesauri, ortus filij, sacerdotium pingue, amicus singularis & potens, amicitia principis, magistratus: è malis, mors illius vel filij, fratrisue, aut parentis, exilium, carcer, amissio facultatum, odium principis, amissio membri, morbus diuturnus, inimicitia cum potentibus diuturna: ex indifferentibus atque ancipitis exitus vxor, lis, honor, societas, iter, mutatio loci, seruus, edificatio. In omnibus ergo magnis somniis mentem dirigit ad aliquid huiusmodi: vnde cum nihil tale expectare possit, ambigit in interpretatione somnium



somniumque obscurum redditur. Exemplum in feriis habebis. Causa autem cur somniis minima declararentur, est animæ illustris vigor, & quoniam non eadem sunt magna apud nos & apud Deos. Propterea antiqui obseruabant somnia circa magnas actiones: ut prælum, ingressum in prouinciam. Sunt enim (præter fatalia) de imminetibus: quoniam, ut diximus, à causis imminetium mouentur: atque ob id similia ipsis euentibus: non ergo nisi rarò, etiam ex magnis somniis magna expectare oportet.

CAPVT III.

*De somniis obliuiosis.*

**O**bliuio in somniis contingit vel ob leuem impressionem, vel velocem motum, vel conturbationem. Conturbatio fit, superuenientibus aliis insomniis, & quandoque sine illis. Quæ euenit ob alia insomnia, fit ob multitudinem negotiorum, aut ob animæ sensum nimis exquisitum. Egregium exemplum habetur apud Danielelem, in sacra pagina. Itaque non omnia somnia obliuiosa nullius sunt significati: sed solum ea quæ vel ob conturbationem sunt, aut quorum penitus obliuiscimur: quæ quidem exiguum faciunt impressionem, serò eueniunt: quæ autem ob velocitatem non imprimunt, valde cito. Discrimen inter illa dignoscitur: quoniam in his quæ parum imprimunt pauca videmus: in velocibus autem multa, sic ut ex vno in aliud transgredi videamur. Porro conandum est, ut maiorem partem in memoriam reuocemus. Quæ enim pars facilius in memoriam reuocatur, ea etiam euidentiore & celeriore sortitur effectum: itaque operam dare oportet, ut quæ visa sunt, ad memoriam reducantur. Ergo ubi partem reuocaueris præcipuam, illa erit explicanda: bonum est autem, scribere quæ vidisti, & per singulas partes conuenientia memoriam reducere: hoc præbet intellectus agens: ut ubi attigerit, oblita statim ad memoriam reuocet: ostensum enim est hoc in Theonosto.

Quæ verò somnia obliuiosa, visa sunt, deinde denuò ad memoriam redeunt, ob id hoc illis euenit, quòd impressio quæ impedita fuit à vaporibus, aut delituit ob leuitatem, cessantibus, vaporibus velut nube quadam emicuit, aut ab intellectu agente excitata est. Horum igitur somniorum effectus serò euenire consueuerunt. Plerumque autem somnia huiusmodi ad res non proprias pertinent: velut opes, amicos, & coniunctos: quoniam quæ extra nos sunt, non solent nos aded movere, ut quæ sunt propria nobis: eadem autem est ratio imaginum & rerum. Ita quæcunque per huiusmodi somnia significantur, ad alios quasi transferenda sunt: aut leniter ac serò nos attingere solent.

Præcipuum habent aliud obliuiosa somnia, quod omnia sunt vera: nam cum ab intellectu ad memoriam reducantur, naturam retinent æternæ memoriæ, quæ in nobis est: æterna autem memoria tantum verorum

est: igitur obliuiosa somnia verorum sunt, & non pertinentium ad nos, & tardè venturorum.

Ea verò somnia quorum statim à somnio experrecti recordamur, paulò post autem obliuiscimur, leuium sunt, & tardè venturorum. Potest etiam id somnium ex humoribus oriri: eiusmodi enim somnia plerumque ex his sunt: quam obrem & morbos etiam præcipue significant: hi verò minus, ad præsentem tractationem.

CAPVT IV.

*De somniis imperfectis.*

**I**mperfecta somnia quatuor sunt generum: alia quidem, in quibus somnium non perficitur, sed homo expergiscitur: alia, in quibus in aliud transit: alia, cum finitur desinitque somniare, non dormire: alia demum, in quibus homo non recordatur totius somnij: recordatur tamen somnium perfectum vidisse. Palàm autem est, hoc ex genere esse obliuiosi. Tertium verò genus ab initio noctis aduenire solet, ideoque ex cibis ac potibus originem ducit. Cum enim dormire incipiunt homines, halitus qui ex cibo ascendunt, cum non possint statim animi spiritum sistere, imagines ostendunt: inde grauo spiritu conquiescunt, ac nihil vident.

Dubitabit autem aliquis, quomodo, si non perfecte firmato spiritu necesse est insomnia videri, quicumque in somnum incidunt, somnia non vident? Et rursus, cur Garamantes nusquam somnient, ut Plinius refert? Mihi quidem in his quæ iam ratione constant, nunquam moris fuit contrariorum experimentorum causam asserre, cur ita esse possint: nisi prius quòd ita sit compertum habuero. Verum ad id quod prius adductum est: respondeo tam celeri motu homines in somnum delabi, ut deprehendi non possint. Illa initia somniorum: quandoquidem etiam iam inchoata ex memoria oblitterentur. Præterea somnia videntur, ex quiete ad motum translato spiritu, non contra: causa est, quòd motus ille paruus latet sub magno & concitato: at in somno, veluti per noctem iam silentibus omnibus, quiuus exiguus motus deprehenditur.

Reliquum est igitur, ut de duobus aliis generibus somniorum imperfectorum dicamus. Eorum rursus quod in aliud somnium relabitur, ad somnia composita pertinet: ergo de illis suo loco agendum erit, non hic. Quæ ergo imperfecta sunt, sunt in quibus expergiscimur: nec refert an casu, an natura id contingat: quoniam (ut dixi) naturale est quod videtur in omnibus, vel in pluribus. Præterea si Fato constant, eadem causa impediatur, & fortuito & natura impediatur, scilicet infinita & omnipotente: id est, ordine ipsius Fati. Quamobrem ubi id contigerit, considerandum an ex magnorum somniorum genere sit (hoc autem suo loco docebitur) an non: si non, negligere potes: in tanta enim



copia magnorum & perfectorum somniorum, parui atque imperfecti curam habere, nimis diligentis viri est. At si magnum sit, cauere oportet valde: quoniam id refert, quasi amicus monere te velit, volueritve, sed non potuerit. Pleraque igitur somnia huiusmodi mala sunt, atque verenda. Conandum est autem, ut diligenti coniectura expleantur, vel ex partibus ipsius, quas iam memoria tenes: vel etiam auxilio præcedentium somniorum, vel ex rebus imminetibus, vel succedentibus insomniis. Porro aliquid etiam conferent, quæ inferius dicam de compositis somniis.

Est verò ex imperfecti somnij genere illud, cum aliquid in somno petere volumus, & ante petitionem expergiscimur. Et rursus cum petimus, & statim ante responsum euigilamus. Et cum non soluitur somnus, sed ille minimè quæsitis respondet. Demum, cum respondet, sed responsi non recordamur, sed solius quæsit. Igitur primum significat, actionem ex eo genere non inchoatam: secundum inchoatam non consensuros eos ad quos pertinet, illisque inuitis: tertium, omnino repugnaturus, irritumque negotium futurum: quartum, ambiguum euentu & ex genere obliuioforum somniorum est.

## CAPVT V.

*De Somniis, in quibus euigilare videmur.*

**S**omnium in quo dormire videmur, impedimentum & vacationem à negotiis ostendit: omnibus enim actionibus dormire impedimentum affert: sed tormenta timentis, bonum: qui enim dormiunt, haud sentiunt. Dormire in via, templo, sepulchro, aut inter mortuos, mortem portendit: hoc tamen vltimum vitam ganeonis inter ganeones ducturum prædicit. In via dormire, etiam mortem repentinam prædicit. In templo, etiam auxilium diuinum, & seruari præter spem. Cognoscere se somniare, mentis vigorem ostendit, quo cognoscit: mens etiam per somnum nec decipitur, cum alij decipi solent. Signant & veritatem visorum: nihil enim tam verè videri potest à dormiente, quàm dormire se.

Euigilare verò, est decipi ab aliquo, in quo maximè confidis: vel in errorem alium, cum ab vno fueris liberatus, decidere: aut quæ tum videntur, vera esse: ut in comparatione ad somnum. Vera vigilia errorem detegit eorum quæ vera fuisse existimauimus: ita falsa vigilia falsam ostendit tum visorum tum alias auditorum interpretationem. Euigilare in somno etiam illud ostendit, quod dici solet: Noli dormire, te ipsum expergiscito: signant ergo periculum ingens, aut imminentem deceptionem. Modus est ergo somnij hoc, non somnium, sed illud quod præcessit. Videre ergo se experrectum, admonet ut animaduertas quæ videris: nam ea referunt negotiationem in qua dolus latet. Quandoque

etiam ad negotia simpliciter diurna refertur, cum quod somniamus, obliuioni mandauimus. Vigilare inter dormiendum, quasdam curas excellentes habere, aut habiturum esse ostendit. Si euigilare nos existimemus, ac rursus dormire negotium intricatum significat. Cum enim somnium in se reflectitur, nihil refert an semel an sæpenuerò accadat. Euigilata insomnia generaliter dolos, detecta quæ occulta erant, & deceptionem ostendunt. Eueniunt autem ob cognitionem imperfectam: nam alterius generis sunt, quæ mox subiungemus.

Sunt qui in somno dormire se intelligunt, estque id exemplum quasi eorum quæ sunt à morte: igitur somniantem dormire se intelligere, veritatem somnij partim significat, partim tollit: nam quæ vigilantes vident mentis, non necessariò vera sunt, imò rarò collimant: at sic intelligere non possumus nisi pura anima: partim igitur hoc somnium verum est, partim autem non. Quinque enim sunt ordines mentis nostræ, ut ab operatione intelligendi comparatur: vel enim cognoscimus vigilantes, vel dormire nos intelligimus, vel vigilare dormientes nos existimamus aut omnino somniamus, aut profundè dormimus. Hæc autem si ex causa distinguantur, perfectè intelligentur. Anima primum somnia vera videt: quoniam ex leuissimo motu spirituum à mente iuuatur: neque enim cum magno motu futura prospicere potest, neque omnino sine motu intelligere: cum ergo exiguum motum habet, in vigilia quidem non intelligit, aliis præpedita validioribus motibus in somno autem intelligit: quanto igitur motus leuior est, tanto exquisitiùs quascunque minimas cognoscimus differentias futurorum. Qui ergo vigilat, & qui profundè dormiunt, non prævident futuras: vigilantes enim impediuntur à sensibus nouisque sensibus rerum: profundè dormientes nihil vident: qui verò intelligunt se somniare, vigiliæ proximiores sunt, cum sensibile cognoscant. Est autem eadem ratio habitus atque priuationis: motum igitur validiorem habent in spiritibus: quare non adeò prævidere possunt futura. Duorum igitur qui per somnum concipiant se dormire, aut dormiisse, hi quidem quod vigilare se putant, falsa habent somnia, & deceptionem tum tunc, tum in actis atque agendis significant: illi verò obscura ac valde dubia, quemadmodum sunt spes vigilantium. Proprium tamen est quoddam horum, ac omnibus generale qui se somniare ac dormire intelligunt, leuem habere somnum, & valde perspicaces sensus interiores, menteque valida præditos: & quanto frequentius id contigerit: contingunt autem, licet rarò, mistiones etiam horum: ut cum dormire se intelligunt, deinde euigilare falso videntur: tunc ergo liberata anima ab errore, rursus in errorem incidit: nam qui somniant, omnes vigilare sibi videntur, at hoc non cogitant: qui vero se euigilare putant, hoc ampliùs habent quod dormisse se existimant.



## CAPVT VI.

*De mediis somniis.*

**S**unt quædam somnia ex ecstasis genere: Scum homini quædam videntur, nec satis nouit an vigilans an per somnum talia viderit. Quinimo post multos menses recordatur, & dubitat an sit res facta verè, an visa per insomnium. Et in quibuldam non potest certior reddi, nisi quia cognoscit rem non potuisse esse. Et tunc etiam imaginatur se legisse, vel pictam historiam vidisse. Nonnunquam deuenit post longam citationem in veritatis cogitationem, cognoscitque somnium fuisse per syngrapha & alias coniecturas, vocaturque vigilia somnifera: cui ad vnguem contrarius est somnus vigiliæ: idest, cum homo per somnum intelligit se dormire: hoc autem est vigilare. Est & tertium genus, etiam medium: audit somnum, & expergiscitur, & videtur iterum eundem somnum aut reliquum orationis intelligere. Et maius hoc est, si idem videre videatur. Ergo audire se vocari à mortuo, cognito hoc modo, significat breui moriturum. Si autem vocem non agnoscit, erit in magno vitæ discrimine, aut maximam animæ anxietatem patietur. Sed si qui vocare videtur, viuunt, procul abest à periculo vitæ: sed tamen admonetur de eo, vel de magna cura quam subibit causa vnus qui vocanti similis est prænomine, vel arte, vel amicitia, aut huiusmodi. Est & quartum genus medij somnij, vigilia ipsa, cum homo ante lucem, post eam dormire consuetus, expergiscitur: quod mihi semper magna mala & curas graves significauit. Estque medium insomnium: quia malum prædicit, & tristes euentus: non tamen speciem illorum declarat: vt ergo terribilis illa species in somno venturi mali, se ostendens per somnum anima quæta, cuius sit generis se prodit: ita hæc cum magna sit, & terribilis, hominem à somno iam obrutum cibo, cum nihil potest percipere, exturbat, nec amplius somnum obrepere sinit. Mihi sanè semper (vt dixi, nisi bis, cuius causam ignoro) nuncia fuit rerum tristium atque lugubrium nouissimè hac nocte præcedenti, scilicet quæ nonas Iulij præcessit, Anni M. D. L. X. I. experrectus ante diem plusquam per tres horas, cum nox per se brevis sit, nec in somnum vlla arte redire cum licuerit, dubitabam malum, me aliquid auditurum noni: neque non vt antea, certò sperare poteram, quod ex octuaginta vicibus bis (vt dixi) me hoc fefelleret. Itaque dum suspensus sequenti die manerem, & incertus eorum quæ contigissent, manè primum literas accepi, quibus intellexi, Piscariæ principem negasse se concessurum quod ex pacto iam mihi à ministris regis debebatur: eaque de causa munus proficendi, tum ob iacturam, tum dedecus, omittere cogebar. Dum domum ad prandium redeo, nunciatur, nepotem infantulum ex filio, morbo periculossimo laborare. Post prandium, cum inuiserem præfectum vrbs, alter eius genere admo-

net me de quodam amico, quod ab alio, quem amicum existimabat, in existimatione grauius laderetur. Id ego mei muneris esse putans, fide silentij accepta idem renuncio: ille statim iræ impatiens, ac forsan de mea fide dubius, genero ipsi cuncta aperit: ita postmodum & ab illo, & ab eo de cuius maledictis agebatur, in discrimen magnum vocor: quod etiam si euadam, neutrius tamen perpetuam offensam vitare licebit. Vesperis eiusdem diei, quodam (vt reor) malo fato me urgente, puerum anagnosten, maximè mihi gratum, atque tum vnicum qui fide erga me esset integrate familiaribus, cum cæteri parum probi essent (credo ob aduersam fortunam, casusque graues, quibus ab omnibus desertus videbar) paulum absuit ne iniuste (cum, tamen eodem malo fato ille iustam de se suspicionis eius causam impellente dedisset) furti damnam: unde ille, quod quàm parum absuit, meritò iratus abiret, quodque mihi reliquum esset boni totum euerteret.

## CAPVT VII.

*De somniis meridianis.*

**E**st verò illud consideratione dignum, an somnia meridiana possint esse perfecta: nam vt quæ media nocte adueniunt, propter cœnæ propinquitatem vana habentur: ita & quæ meridie ipsa: nam prandio proximiora sunt, quàm illa cœnæ. Videntur etiam somnia efficacissima, quæ in magnis Solis mutationibus adueniunt: quales in illius ortu & occasu: in altero enim lux ex tenebris, in altero tenebræ ex luce fiunt: quapropter somnia maximè circa ortum & occasum Solis vigent. Meridie autem mutatio exigua sit, sed qualitates vigent: ob id meridiana somnia ob hæc vana existimantur. Sed cum etiam quæ media nocte accidunt, non omnino falsa sint, nec id de diurnis existimandum est: multo etiam minus de meridianis ipsis. At ea solum animaduertere oportet, quæ (vt dixi) multum animam mouent, & pura sunt, ordinata atque perfecta. Tamen enim parua mutatio contingat, & ob id in paruis spatiis, ob paruitatem spaciij sit insensibilis, velut vngi vel fricari: aut in magnis ob paruitatem qualitatis, vt cum videntur verberari, aut currere, aut habere duo capita, non constanti somnio, cum tamen fuerit purum, ordinatum, perfectum, animamque ipsam admiratione atque stupore tum tacito perculerit, aut spe impleuerit: necesse est vt mutatio magna facta sit, non ob Solis situm, sed animæ nostræ liberationem: quapropter somnia huiusmodi etiam vera sunt, nisi sint (vt dixi) imperfecta, obscura, vel inordinata, vel impura & leuia. In ipsa autem meridie sunt efficaciora quàm in cæteris partibus, eadem ratione quæ dicta est in Astronomicis expositionibus. Itaque memini me legisse, quosdam in meridie de incumbensibus admonitos, quorum alij dum cauerent, effugere periculum, alij dum contempserunt, oppressi sunt.

Somnia



Somnia tamen quæ post ortum Solis paulò contingunt, veriora sunt meridianis: quæ autem ante occasum, aut statim post, imbecillia sunt. An verò debiliora meridianis, quandoquidem de eis non habeam experimentum, determinare non ausim. Satis sit, si quæ dixi affuerint, posse esse efficacia: aut scias, quod Meridies ostendit multa somnia & distincta, & præcipuè æstiva, plusquam faciat nox longè: & præsertim, si quis post fructus & casum diu dormiat.

## CAP V T VIII.

*De Ecstasi & tremore.*

**Q**UÆ quidem per ecstasim videntur, idem habent significatum cum idolis, & visionibus evidentibus: nec tam propè abesse solent ab idolis huiusmodi, quòd efficaces habeant causas, quæ quasi in vigilia mouere animum possint. Etenim in ecstasim multis modis delabuntur homines: aut per syncope, aut animi deliquium, aut etiam propriè abducto sensu omni externo, absque alia causa id verò contingit consuetis plerumquè, & nimio affectu alicuius rei laborantibus. Verum dices: Si sensus exteriores detinentur, interiores manent in ecstasi, in quo illa à somno differt: nam & in somno eadem contingunt: neque dicere possumus, manere motum in ecstasi: nam etsi maneat, etiam in somno manifestissimè manet.

Dicendum est ergo, eos qui ecstasim patiuntur, omnia audire, non autem videre: atque in hoc à somno differt: nam in somno discreta vox non intelligitur, sonus tamen dormientem mouet aliter non excitaretur: in ecstasi autem etiam vox ipsa intelligitur, sed quasi sonus auræ & procul veniens: in vigilia autem tota vox percipitur, cum sensu atque significato vocis.

Ergo ex hoc perspicuum est, auditus sensum tenuiorem esse quàm visus: siquidem internis sensibus qui in somno manent, auditus magis quàm visus assimilatur.

Etenim ecstasis medium est inter vigiliam & somnum, sicut somnus inter mortem & vigiliam seu vitam. Et in ecstasi ipsa sopitur visus, non auditus, nisi (vt dixi) ex parte. Plenius etiam in somno visus, quam auditus: nam delato lumine magno, tametsi apertis (vt multi facere solent) dormiat oculis, non expergiscitur. Auditus ergo tenuior est, & magis diuinus, quàm visus. Ob id etiam cæci multi, prudentes: non ita surdi. Cum ergo visa in vigilia, certiora sint visis per somnum, erunt etiam visa in ecstasi (quæ vigiliæ propior est quàm somnus) certiora insomniis: & eadem ratione clariora & euidentiora. Quòd si somnus idola profert, quanto frequentius ecstasis. Et vt vigiliæ propria sunt semper idola, somno visa familiariora idolis: ita ecstasi idola familiariora visionibus atque imaginationibus quibuscumque. Quemadmodum autem est via quædam somnum conciliandi: ita etiam ecstasim.

Quæreret autem quispiam non immeritò,

cur in somnum naturaliter & singulis diebus decidamus omnes: tam pauci, atque pauci illi tam rarò, decidant in ecstasim: adeò vt ob raritatem, & visorum euidentiam, plerique arbitrentur: Deorum esse monita quæ videntur per ecstasim, aut audiuntur: alij verò etiam fingunt talia esse.

Igitur causam esse reor, quòd difficilius sit circa medium consistere, quàm extrema: vnde etiam virtus: quia circa medium est, in ea consistere difficillimum sit: itaque non nisi per morbum in ecstasi consistunt homines, aut ex animi robore, aut proprietate. Ego ecstasim (vt alias dixi) cum volo, patior: sed in ea tandiu consistere nequeo, donec aliquid videam, nisi postquam modum videndi imagines illas dæmonum instar inueni. An verò in ecstasi (vocant aliqui phanaticos, huiusmodi homines, *δυναστεύοντες* melius Dionysius, sed nec sub illo sensu propriè cum diuina contemplantur: neque ergo est is mentis raptus, nec stultitia aut infania, nec furor sacerdotum Cybeles deæ: sed (vt dixi) naturalis status in medio somni atque vigiliæ, in quem ex doloribus etiam maximis sæpe numero incidunt homines) liceat videre quicquam, ac simul audire, verè dubium est. Sed non, dum audiunt hæc, vident, verum cum non audiunt.

Igitur planè somnus est? Non equidem: inturbantur enim voce, si audiant quicquam: vident autem cum non audiunt, audire tamen possunt: cum qui dormiunt, nec audiunt, nec possint audire. In hoc ergo conueniunt somniantes, & ecstasi deprehensi, quod vtrique silentibus sensibus omnibus, & omnibus etiam (excepto auditu) vinctis, talia vident: sed ecstasi deprehensi audire possunt, qui dormiunt non possunt.

Cum verò in ecstasi minus soluta sit anima à sensibus, & ob id magis quam in somno præpedita, oportet si videre aliquid debent, adeò illam purgatam esse, ac tenuis sensus, vt etiam alligata eatenus corpori ab imaginibus illis, moueatur: imagines autem illas vehementius mouere: quare per ecstasim visa, vera sunt, & præsentia.

Porro ecstasim efficere ex intenta cogitatione licet: tum etiam aliis modis. Diuinam autem non adeò facile: cogitationi enim intenta anima quomodo alia videbit?

Atque vt hoc nobis cum aliis commune est: ita proprium, sentire me prorsus vigilante cubiculum tremere, manetque diu id symptoma.

Cum verò anno præterito bis, circa initium anni, iam die adulta, me cubante euenisset: statui, si rediret, animaduertere causam: nam cum surrexissem, quieuerat iterum cubante cum rediisset, animaduerti esse spiritum leuem, qui non in corde, neque circum, sed paulo inferius palpitabat. Sed cum tremor ille à nullo perceptus foret (dico cubiculi) id rescire non licuit, quia tum nemo aderat præsens. Vt ergo spiritus circumuoluti in cerebro, circumuerti quæ exterius sunt demonstrant: ita sub corde, tremorem illum circumstantium. Itaque desij timere, quòd morbi loco esset, non ostendi. At cum plures sentiant,



fentiunt, nec tamen extra cubiculum, ostenti, & non levis, loco habendum est. Verum ad eandem causam in illis etiam referri potest: ut una causa sit communis.

Si igitur illa ex astris sit, ut cum pluribus simul aduenit, verisimile est portentum esse, & plusquam somnium naturale tamen, & ut somnium luctuosum, calamitosumque.

Observavi, cum iam annus ab utroque excesserit, an aliquid portenderet: timui enim meis. Sed Dei gratia, seruari sunt omnes: periit solum Gugliermus familiaris, adolescens valde mihi charus. Existimo tamen metus & sollicitudines significare: tamen si naturali ex causa pendeat: quandoquidem causa illa generalis, non propria fuerit.

## CAPVT IX.

### *De seipso duplicato.*

**D**vo fiunt cum anima separatur à corpore, idcirco mortis est signum. Est & signum morbi in ipsis ægrotantibus, nec tum aliud quicquam significat: quoniam visum non est, sed turbulentia animi, ob vapores morbosos. Significat & in sanis uxorem, vel amicam, quæ te vehementer diligant: & fratrem optimum, est enim ferè alter: & optimum amicum, & filium tibi simillimum. Et decepturum te aliquem: nam qui decipit, duplicem se exhibet: vnum apud se, alium apud eum, quem decipit. Significat & anticipem consilij: nam qui sic sunt, quasi duo sunt in vno. Oportet igitur occasionem præsentem considerare, & iuxta illam iudicare.

Potest & significare hominem tuo prænomine appellatum, ludente imagine, & grauius ad leuia transferente. Et tum diligenter animaduertere oportet, maximè si aliàs tibi fuerit ignotus: namque ab eo mali aliquid aut boni insignis habebis: tales enim sumus erga nos ipsos, ut vel vehementer nobis simus utiles, studio vel errore perniciosi: id ergo decernit hoc, illum nobis aded esse similem, ut sub nostra persona significetur.

Animaduertere autem oportet: quoniam pacto alter ab altero ex ea duplicatione aliter atque aliter affectus sit: nam nisi aliquid fuerit discrimen, morbosum est. Sin autem fuerit, caue ne aliquem tibi simillimum aut coniunctissimum lædas, aut ab illo lædaris.

In hoc autem genere sunt etiam somnia, quæ supra cogitationem sunt: veluti est, in duobus locis simul esse, aliquid esse ac non esse, ac huiusmodi: quæ mens in somno concipit: dum vigilat, cogitare non potest.

Atque hæc quidem omnia vanas cogitationes, spes inanes, admiranda quædam initia, sed sine fructu portendunt: & persæpe etiam perniciem, unde sperari nulla ratione poterat: & morbos & anceps consilium, ac inextricabilia negotia.

*Tom. V.*

## CAPVT X.

### *De expositione somnij in somno.*

**D**emitor maximè, illos qui de una tantum re scribunt, aded esse imprudentes, ut pleraque capita, & maximè vtilia prætermittant: in quibusdam autem aded sunt prolixi, quæ tamen ad rem multum non faciunt, ut tedium pariant. Velut Artemidorus Daldianus, qui huius ferè princeps disciplinæ habetur, circa differentiam ciborum, quæ minima quasi est omnium quæ in somnis considerari possunt, singula quæque distinguit: at verò in generibus ipsis quæ omnia maximi sunt momenti, quam multa prætermittit: velut hoc caput, & Tercij libri nostri partem maximam. Neque id factum ab eo est, quod solum comperita experimento tradiderit: tunc enim laudandus esset: sed constat, doctrinam ex resolutione illum facere conatum, sed non potuisse scopum attingere. Prætermisit & idem multa quæ à nobis in Primo libro tractantur: Secundum quoque totum. Neque in Quinti libri sui, qui Quarto nostro assimilatur ea attingit, per quæ fides somniorum confirmaretur. Ergo somnia hæc specularia vocantur: quoniam si quis speculum iuxta ponat, videbit in speculi alterius effigie, quæ in alio conspicitur speculo, imaginem propriæ faciei, aut alterius cuiuspiam rei.

Exponam autem infra duo exempla, vnius quidem in quo erat vestigium specularis somnij, alterius quod prorsus erat speculare, non solum enigilatum: & de enigilatis supra sermonem habuimus.

Videntur autem tria representationum genera. Primum, cum videmus rem, discernimusque qualis sit: ut mortuum, quod mortuus sit, licet loquatur: non tamen eo peruenit mens, ut quod esse non potest, dum vider, somniare se intelligat.

Secundum, cum cognoscit se somniare ob id, quod id videt, tale non posse esse verè cognoscit.

Tertium, cum id superaddit, ut interpretationem audire somnij videatur: quamvis in hoc fallatur, quod tum cum audit, vigilare se existimet.

Igitur in somniis specularibus, primum quod maximè somnium est, considerare oportet, atque in eo versari iuxta regulas passim conscriptas. Quod si appareat expositio somnij, illam rursus comparare oportet ad ea quæ tum apparent: nam si ea expositio à diuo, aut sacerdote, aut sapiente aliquo fiat, Idoli rationem habebit. Sin autem ab incognito, vel amico quopiam, sed imperito: quæ ab incognito sit, si specie liberali sit, idolo proxima erit: sin autem improba, & viri pravi, per oppositum erit interpretanda. Demum si à muliere, vel viro cognito vulgari, non tamen amico, ad simulachrum referenda erit. Ea igitur quæ expositione adduntur, palam est, addenda esse somnio: velut si videro me esse aliqua in vrbe, iuxta illa quæ

M M m ibi



ibi videro somnium interpretari oportet : at cum nomen ipsum ei additur, & nominis interpretationem iuxta ea quæ dicta sunt, addere oportet. Omnia quæ dicta sunt, in perspicuo esse intelligo. præter vnum: idest, cur addatur nomen illud ab alio: nec à seipso, vt reliqua, concipitur. Contigit id propter personæ naturam, quæ in considerationem venit: ergo in huiusmodi etiam habenda est ratio personarum, vt dicemus inferius.

Ergo in somniis specularibus id diligenter obseruandum, quod velut effigies vltima minus videtur: & in iride tertiam reflexionem videri negant: ita quæ succedunt primo somnio, sunt obscuriora præcedentibus: quo fit, vt etiam minus certa sint. Videntur ergo insita illa in profundiore somno: quoniam impressa firmiter non poterant obliterari: sed superueniente noua imagine, superinducitur velut cortex alius: & quod prius visum erat, obscurius redditur, sed additis nouis rationibus, facilius tamen suscipit interpretationem: vnde eiusmodi somnia semper imperfectam retinent expositionem, & inæqualem multiplicemque naturam. Fieri autem potest, quod aliquid proprium retineant: certè robustæ mentis signum sunt: vt etiam iris, quæ aliam remittit, necessariò valdè conspicua est. Diversis etiam somniorum & imaginum & subiectorum substantiis constant.

## C A P V T X I.

### *De somniis terribilibus.*

Somnia terribilia ex rebus ipsis fiunt: si quis in prandio edat sanguinem nigræ ouis, aut agnæ, cum sale, dormieritque paulò post in pellibus nuper mactatæ eiusdem atque aliarum furuarum pecudum, nodum bene siccatis, somnia videbit terribilia: præsertim si pridie ieiunauerit, edatque cum sanguine illo in prandio tria folia solani viridis, eius quod erucae similia habet decem aut duodecim stipitibus, à radice concaua alba cubito longa & crassa surgentibus, in quorum vertice nucleus quasi oliuæ fructui similis, sed pilosus extat, flore nigro, fructu corymbi, quali in hedera. sed paulò maiore ac molliore (quamuis vsus maior sit radicis) capiti verò supponatur filicis magni frustum cauum, nigro ac cinereo colore distincti, atque splendentis: huiusmodi enim est Necyomantia Homeri, poetico & antiquo sub velamine ab illo descripta. Forasan & radix herbæ quam Veneti vocant *Beladona*, loco solani faciet: aut fructus ille spinosi mali. At verò meliora & certa euadent, si horum loco panem cum amygdalis recentibus, & sale saccharoque edat, ouium albis pellibus incumbat, caseumque ouis edat, aut sanguinem candidæ ouis: similiter in prandio: lætiora enim & puriora somnia euadent: capiti quoque candidum filicem substernat.

Cæterum si non ex cibo terribilia se influent somnia, proculdubio magnorum impendentium malorum signa sunt: nam si etiam ex humoribus accendant, furem aut

melancholiam significant: aliter autem mortes, luctus, carceres, tormenta, exilia, longos morbos, insidias, iras principum, infamiam, iniurias inultas, persecutiones graues & diuturnas, mendicitatem, & mille alia quæcunque possunt excogitari mala portendunt. Sunt autem terrorum plura genera: pessima hominem excutit e lecto: perniciofa enim semper sunt: inde, quæ surgere cogunt: post, quæ clamare. Quæ ad nihil horum impellunt, non adeò vnde quaque sunt exitia. Sunt autem deteriora, in quibus nihil certum cognoscitur, aut in quibus quod futurum est, perspicitur tanquam idolum: vt se à latronibus vel ab aliquo alio occidi. Quæ autem à mari, fluminibus, terræ motu belluis, igne, fulgure, grandine, supplicio impendente, minus mala sunt: illa enim plerumque humorum exuberantium præter rationem sunt affectus: hoc vltimum verò vnum propriam habet significationem, quæ suo loco dicta est.

Filio Violantæ Marinonæ, matronæ nobilis, duodecim annos agentis, antequam crudeliter à familiari, cui pueri cura demandata erat, occideretur, multis diebus apparuit somnium, quo occidi videbatur, & cum clamore expergisebatur.

Terribilium somniorum sexdecim sunt differentia: alia enim fiunt propter montes & ruinas, alia à fulgure, alia à terræ motu, alia à casu, alia à naufragio, alia à supplicio publico, alia à latronibus vel aliis hominibus, alia à feris, alia à serpentibus, alia ab obscuritate, alia à die iudicii, alia ab incerta causa, alia à morte, alia à peste, alia à fuga, alia à monstris. Harum omnium, casus & ruina semper maximè malum significant. Incertus quoque terror malus est, sed non adeò. Naufragium etiam malum est, & iacturam significat, turbas & tumultus. Terræ motus, publicum supplicium, & mors, fuga, & monstra, & obscuritas non semper malum portendunt. Dies iudicii significat iustitiā in loco illo in quo apparet iudiciū illud & finem curarum & negotij. Monstra, significant hominem notum sub ignoti ratione. Obscuritas autem, errorem, timorem atque ignorantiam. Fuga hominum bellum portendit, & pestem, & calamitates publicas: non tamen necesse est vt somnians ex his lædatur. Serpentum ac ferarum timor ingens, si non lædant, malum non portendunt, sed periculum tantum. Si autem te aggrediantur, etiam si non lædant, modò in pugna somnium soluitur, malum significant.

Omnia præterea somnia quæ perpetuam significant conjunctionem, aut separationem, & quæ ad ea quæ ad funus pertinent, & quæ ad pompam, & quæ ad mutationem vitæ (de quibus suo loco dicetur) periculum indicant, & suspitione non vacant. Sicut & vehi in animali magno, maximè elephante, & præcipuè mulierem, tum ob naturam rei, tum quia feretro elephas assimilatur. Et si quis monte deferri videatur, dupliciter periculum portendit: & magnitudinis ratione, & naturæ repugnantia. Sic discessus in longinquas terras, & vale & salue suis intimis: domus in cælo, in nubibus, sub terra: liberari, cum non sis seruus: exire è carcere, cum in eo non sis: nubere



nubere senem, diuortium celebrare cœlibem esse in utero matris: concumbere cum mortuis, mastrubari, fellare: dare vestes, argentum, cibos illis: in tenebras ingredi cum eis, nec exire: deferri ab illis, nauigare, concedere vestes proprias, quas induat & exuat, terribile est, atque mortiferum. Velut & cum diis iungi, verberari ab illis, colloqui cum mari, ebibere totum vnum flumen, conflagrare vel ruere domus culmen, amputari vel conflagrare pedes, hiatus sepulchri paterni, oculis ambobus aut naso carere, aut etiam capite: ossa mandata sua cernere, lugubrem habitum suorum videre: matrem sibi incumbere, pascere minuta animalia, tanquam abeuntem lachrymas fundere: vocari se à dæmone, aut mortuo cognito, nec eum videre, sed agnoscere cuius sit vox: domum sacerdotibus aut luminibus plenam videre, claudi in arca, frumentum aut plantas à corpore oriri: mures, fornicas, in os vel aures ingredi: liberum ab omni sollicitudine esse cum coniunctis tuis mortui celebrare nuptias, lethalia valde sunt. Magistratum, quem ciui non liceat gerere, aut dignitatem muliebrem adeptum esse, vel è collegio alienæ urbis, quod ciuibz illius urbis tantum concedatur, etiam mortis signum est. In cauponam & lupanar incognita ingredi, nec egredi, aut ad Tartara descendere cum hoc proprium mortuis sit, & sub terra, illa verò sint communia loca, mortem significant. Vestem ex ea materia ex qua tegi solet feretrum, induere: talia agere, pati, priuari, quibus solent cadavera aut mortui priuari, agere, pati, omnia funesta sunt. Præterea luteum testaceum factum esse: aut etiam testaceum, verti in immortale aut immortalem esse factum mortale rursus. Cere somnium propter plura terribile est, & lethiferum: cere enim cum ex aluearibus detrahitur, apes pereunt. Cera alba funera decorantur. Mortuis omnia languent, velut quæ cerea sunt: imagines quoque cereæ solent templis appendi, cum quis magnum euasit infortunium. Cera utimur in vlceribus quibus, cumque, tum doloribus, ac similibus. Vestes induere ligneas aut lapideas, lethiferum rursus est. Focum apud externos ædificare, sibi extruere sepulchrum, atque adornare: domum ignotam ingredi, in qua plurimæ sint officinæ, cuius habitatores mortuos esse intelligas, mortem portendit.

Terribilia somnia sunt, quæcunque ingens aliquod malum prænunciare solent. Sunt autem mala ingentia, mors tum propria, tum coniunctissimorum: vincula perpetua, vt deportatio: morbus aliquis insanabilis, & sædus, vel sæuus, vt elephantiasis, carcinoma, lapis vesicæ, & pauperi hernia, & amissio visus aut auditus: tum extrema inopia: reliqua omnia à forti viro ferri non solum possunt, sed debent: vno adiecto, quod omnibus deterius est, licet feratur, insania scilicet.

Aliqua verò terribilia dicuntur insomnia, ab effectu non significato: qualia sunt, si quis se inter dæmones aut mortuos videat, à quibus terreatur: hæc enim somnia nihil terribile significant: quoniam substantiam definitam non habent, sed quoddam apud multos huius-

modi opinio inanis habeatur, scilicet vel quoddam sint, aut quoddam lædere possint. Et similiter terror rerum quæ non perficiuntur: vt si mons cadere videatur, non tamen cadat, aut in alium locum decidat atque ita de fulmine: hæc quidem pericula, non damna significant: illa verò, inanes aggressiones ac metus. Quæcunque verò ex his à quibus timere non debemus, videntur terribilia, siquidem à parentibus iustisque viris, flagitia nostra denunciant: si autem à filiis, aut improbis parentibus, quibus tamen dum viuerent, chari eramus, errores nostros, qui nobis damnum ingens sint allaturi, ostendunt.

Omnia acris, & præcipue allia, cœpe, sinapis, & siliqua rubra, luctus & lachrymas decernunt. Hæc quidem (dices) superius enarrasti: sed tamen si lachrymas, si suspiria, si terrores excutiant, longè deteriora erunt, & firmitus habebunt significatum. Miserabilis quoque disunctio à te, luctuosa est, si vel parens, aut filius, aut frater vxorve à te discedat. Quod filius & vxor vale sibi inuicem dicant, tu autem desistas, hunc discessum si quidem primus luctus signum non edat, ille solus morietur: si autem edat, ambo morientur ex hoc somnio: velut contingit Timagoræ & Meleti, qui vna nocte perire. Et communis luctus significatio est, videre coniuncti etiam lachrymas, aut gemitum, suspiriaue: affici verò eo dolore, veluti si cui videatur cum terrore vxorē lachrymas effundere, morietur communis filius: & si ipse afficiatur adhuc, filius morietur: nam non lachrymas effundit: quia non vt illa quod futurum est, nouit. Sed si omnino non afficiatur, aut non morietur filius: aut morietur filius quidem, sed iniunctus non matre: luctum significant, quæcunque consueta sunt genti: atque in his mores potius quam rem spectare oportet. Alij barbam nutriunt, vt Itali: alij radunt, at olim Græci: alij cineres super caput spargunt, vt Hebræi. Suas ipsius carnes edere, aut etiam mordere, luctuosum est. At si cui ex domesticis aut domino domus, nouæ portæ in domo ipsa videantur, dominus domus morietur. Quod si præter id, etiam intus videamur claudi, ea mors exitium toti familiæ afferet.

Porro in igne esse, vel glacie, lectos multos videre, ac etiā per illos ambulare, & super eis nec non vnguenta parata, æstus animi ac corporis significat, & calamitates: non tamen adeo, vt luctus acerbis: si tamen cum miseratione, sint ac terroribus, nonnunquam etiam luctu, seniores erunt. Volutari in ceno, iacere in fimo, linteo detergi post sudorem, aut sulare sanguinem, præsertim toto corpore, maximas ostendit calamitates: sæpe verò quæ detergit causam calamitatis. Mæstus, & multo silentio videre obrutos amicos atque coniunctos, magna declarat infortunia. Idem, sed non adeo magnum est, si viderit inimicos lætos, ridentes, congaudentes, Deos, aut propitium diuum audire dicentem: Væ tibi, aut tristem & lacerum, vel quasi exarmatum videre, miseras sine auxilio aliquo portendit. Coniugium cum dæmone, cum tartarea furia, cum serpente, tum magis concubitus, et si pestifer sit, saltare cum sceleto, cerebrum



in domum admittere, funesta, prodigiosa, horrendaque sunt, furereque semper. Præterea obcæcare, obsurdescere dentes omnes cadere, ruere ex alto, brachia amittere, aboleri nomen tuum, si non exilium hoc significet, maiora certè mala portendunt. Vngues aut pilos omnes cadere, maximos saltem, terrores indicat, & imbecillitatem omnium operationum, magnamque omnium bonorum imminutionem. Cyclopi visio inauspicata est: & illius antrum apertum, & tragediarum representatio, formidolosa sunt, & ruina pulchri ac nobilis ædificij. Sacrificare cacodæmonibus aut diis inferis, luctus aut mortem prænunciat. Si cui vel regi vel privato videatur auferri dimidium eius quod possideat, primum quidem ab inimicis spoliabitur bonis: inde etiam paulò post morietur: nam ut dici solet, dimidium est plusquam totum. Omnia in domo etiam conuersa videre, ut puteum, latrinam, vasa culinæ, vinaria: euerfionem bonorum omnium, dico opum, actionum, & amicitiarum significat. Refert Scirnacham Indus, quendam adesse Serim illius magistrum, interpretemque somniorum, ac dixisse: vidi me equitare equum præstantem, & cum ambulassem mille passus, illum sustuli humeris, ac detuli tantundem: cui Serim dixit: Quando hoc vidisti? tum ille: Sub aurora: cui Serim: Breui in prælio occideris. Quæcunque etiam magno cum strepitu & absque lumine fiunt, aut sub terra reconduntur altius, mala significare solent.

Quæ verò miserabilem inopiam portendunt, sunt cum gemitu aut terrore, sed hoc rarius: aut cum lachrymis, quod frequentius est. Si quis segetes suas ab alieno demeti videat, fructus colligi sibi eradi omnes pilos, atque barbam tōderi, vestibus spoliari, si detrahi sanguis, si quicquid est in quo maximam spem collocavit, si frigus, & niues, tum verò grādines & pruina, dupliciter inopiam significare solent: & ob frigus, & quod fructus ac fata destruere soleant. Tum verò sordidus panis, & fursureus, & fractæ arcæ, & aqua pro vino in doliis & in mensa, & murum atque araneorum abundantia, & culcitra antiqua & obsoleta, & lectus sordidus: omnia hæc summam pauperiem denunciant. Sed & collo victum esse, si voluntariè, amicis aut adulatoribus sua largietur: si per vim, auferetur litibus, aut ab inimicis, & omnino per vim: ut à principe magistratibus: nam victi, ut liberentur, omnia dare solent. Venter quoque vacuus paupertatem nunciat: & si flatu plenus sit, diues tamen existimabitur. Et si vulnus insanabile accepisse videatur, breui omnibus bonis spoliabitur. Ex propriis autem signis paupertatis, atque causa potentioris viri est, cum tu vel domus tua vel ager abducitur à flumine vel torrente. Sed si mergi & aqua obrui videatur aliquid horum, impensis propriis & à creditoribus spoliaberis.

Nihil tam simile est paupertati extremæ, quam morbus: qui enim ab alterutro horum premuntur, pariter multis indigent, alieno imperio parere coguntur, frigus & æstus patiuntur, tristantur, aliorum auxilio opus habent: quod destinarunt, efficere nequeunt,

tum multa alia. In vniuersum somnia terribilia plerunque mala sunt: atque eiusdem generis malum portendunt, quale est causa terrores: Et si cum miseratione sint, luctuosa sunt. Et si perseverent cum ignota, causa insaniam denunciant. Et somnia mortuorum & ignotorum hominum, sunt eius significatiua.

## CAP V T XII.

*De somniis magnis.*

**S**omnia magna trifariam adueniunt: aut ex actionibus nostris, aut tempore, aut euentibus. Actionibus quidè nostris, ut potissimum cum inierimus magistratum, aut decreuerimus aliquod magnum opus inchoare, vel cum mutauerimus regionem. Et generaliter in omnibus initiis, vel sub initiis magnarum mutationum: & præcipuè cum quis in templo magno, Deo & diuo loci sacrificauerit, ibi moram ducturus. Ex tempore, in initio anni scilicet, calendis Ianuariis, in die proprio natalitio, primo die lunæ: sed hoc rarò extenditur ultra mensem, quod promittitur: & similiter in Calendis mensis: vel si quid videatur die aliqua, qua quis inierit magistratum, aut dignitate ornatus sit, aut parentes aut filium aut fratrem aut uxorem amiserit, aut infortunium aliquod passus fuerit. Ex successu, cum quis videns præclarum somnium, ex inspirato aliud quid ei succedit magnum bonum, malumve: velut si quis videat se decutere capita multorum papanerum in horto, aut viuis sepeliri, inde præficiatur vrbi: primus quidem, multos homines ex eo magistratu, etiam præter consuetum occidet: secundus, in carcere terro & sub terra diu manebit.

Dicuntur autem magna somnia, quæ ex tribus vnum significant: scilicet aut mortem, aut generis vitæ mutationem: aut moneant nos de aliquo impendenti malo magno, vel bono, quod diuturnum erit, non tamen perpetuum: velut si quis in carcere, vel ager toto biennio futurus sit. Et si etiam perpetuum sit, non tamen multa significet, erit magnum, & non fatale. Omne enim fatale somnium magnum est, sed non omne magnum est fatale. Si quis ergo moneatur de uxore impudica quam duxerit, filio improbo quem susceperit, vel suscepturus sit, aut paupertate aut exilio, seu finem hæc sint habitura, sen non, magna dicuntur. Et si moneat, nec sequatur effectus, magnum tamen erit somnium. Et plerunque gratum hominem Deo ac pium esse significat. Quod si improbus moneatur, vel ad maius & crudelius supplicium reservatur, vel illud contingit causa publici commodi aut vltionis: ut in Sylla & C. Cæsare dictatore. Ergo de equo, de leui morbo, de cubiculo patruo, vel amico, non propriè dicitur somnium magnum: sed de nobis, atque intimis.

Quæ autem significant, sunt Dij, Diui, Heroës, Dæmones, Statuæ, Astra, Cælum, Elementa integra, Fulmen, vxor, oculi, cor, pedes, domus, fastigium, mortui intimi, voces etiam ex his: tamen à rege & à parentibus perceptæ. Ex impressione facta stabili, & ut diu



diu imago illa somnij ante oculos obseruetur tanquam nuper visa. Ex affectus etiam magnitudine, cum anima quasi admirata remanet. Et ex affectibus magnis, si aliquis in ea relinquitur. Solent autem magna somnia plus mouere affectum Fatalibus: tum quod sint vnius tantum generis: tum quæ non sunt exitialia, magis videntur afficere animam, cum exitialibus magis succumbat: vt etiam in morbis videmus.

## CAPVT XIII.

*De somniis fatalibus.*

**F**atalia ergo ex horum genere sunt, sed ad mortem vsque extenduntur, & cursum totius vitæ, non vnum infortunium, aut felicitatis genus vnum decernunt: nec monent Fatalia vt vitentur, sed impellunt potius. Plurimum autem refert an somnium Fatale sit, & ad vltimam horam extendatur: etiam si non Fatale sit, sed vnius tantum generis boni aut mali, modò ad mortem vsque perueniat. Nam vt in libris de vtilitate ex aduersis capienda docuimus, duo sunt genera importunæ mortis, vel infelicem mori ac pauperem cum filiis, vel cum filiis stultis: aut felicem sine illis, ac etiam sine nepotibus, quosve ne diligas, aut si sint inuites: modicum ergo tempus quod finiat, vel felicitatem, vel infelicitatem, aut statum vitæ, multum conducit aut obest: vnde Fatalia & perpetua à magnis scire distinguere, quæ non ad vitæ finem perueniunt, plurimum interest.

Et quamuis, vt dixi, non aliis signis aut causis quàm magna distinguantur, & eisdem temporibus accidere soleant: nihilominus natalitiis diebus decimioni, & trigesimo octauo anni, & quinquagesimo septimi, quod humilissimi conuersionibus astrorum status priori assimiletur plurimum præcedenti, plus tribuendum est. Et velut, si anno quadragesimo secundo muneris profitendi addictus fui, anno sexagesimo secundo natali die, vel die consimili electioni somnium aliquod videro, magnum erit. Sed quinquagesimo septimo peracto, fatale: nisi septuagesimum sextum excessero.

Sunt autem Fatalium somniorum tria genera. Primum, cum solus exitus demonstratur: vt Philippo, quod quadriga periturus esset: sed id pro oraculo habitum. Secundum cum vitæ processus, vt Cæsari Dictatori patriæ dominatio, ex matris concubitu. Tertium, quod exactissimum est, cum vtrumque: vt Septimio Seuero Imperatori: nam & quod imperaturus esset, & quo animo moriturus, per somnium vidit. Solent autem Fatalia somnia ex idolorum genere esse: quod à causa fiant validissima. At dices, exitij somnium fatale non videtur, si nec morbi ad interitum terminantis. Respondeo, quod cum exitium multò ante præmonstratur, variante interim vitæ genere, videtur in illo exitio quicquid est inter medium, cognitum fuisse: ac velut Poëta ille dicebat:

Tom. V.

*Nascentes morimur, finisque ab origine pendet.*

At secus est, si quis ante morbum statim se morbo laboraturum, ex quo diem sit obiturus, intelligat: nihil præter morbum, & vitam cum morbo agendam, somnium illud præmonstrasse videtur: ideo magnum est, propter exitium: fatale non est: quia vitæ nullum decursum ostendit, nisi morbum.

Conueniunt & Fatalia parentibus pro filiis, vt de Aftyage memorant: quod tamen (vt Xenophon, qui prætermisisse videtur tantam rem) fabulosum existimo: ex manu enim aui Cyrus (vt dici solet) regnum accepit: constat sanè, in ortu filiorum parentes fatalia de illis somnia vidisse: velut de Scanderbego Epirotarum rege, quem referunt, cum in vtero adhuc esset, matrem imaginatam fuisse parere serpentem, qui totam Epeirum tegeret, caputque in Turcicam regionem extenderet, Turcæque denoraret: caudam Venerias vsque deduceret. Sunt & alia, sed propria, partim aliena. Guglielmus Ruffus, Guglielmi Normanni primi Angliæ regis filius, per somnium vidit, abruptas sibi brachiorum venas sanguinem mittere. Solidarius autem vir imaginatus est, eundem regem à Christi statua percipi. Itaque cum hoc somnium alius quidam narraret, qui aderant, eorum vnus cachinum iustulerat: is fuit, qui in venatione regem fortuito, dum feram occidere nititur, peremit: ac quod maius ost, euasit: vt diuino miraculo, & ab innito rex occideretur, & illi impune esset, ne non diuino iudicio interemptum quis posset dubitare.

Sed & prioris Guglielmi felicitatem mater, quamuis concubina, non legitima vxor esset principis, præuidit. Hæricus quoque Rex Angliæ eius nominis primus, somnio monitus est, vt à flagitiis abstinere: idque fatalis quoddam aliud genus insomnij fuit. At Richardi etiam Tertij regis eiusdem gentis fatale somnium ostendit, quod male ob flagitia esset periturus.

In vniuersum, genus vitæ fatalia somnia demonstrat: nostra quidem tria alibi narrauimus: ob id repetere non decet. Sunt etiam fatalia, quæcumque cum miraculo coniuncta sunt: vt somnium illius qui nucem se in manu habere somniauit: & experrectus, cum antea non habere se deprehendit: quod ei exitiale fuit. Similiter & de Galba: quo adeptus est imperium. Et somnia magistratum perpetuorum fatalia sunt, etsi magnum aliquid non significant: neque hoc necessarium, nisi quoniam fatale omne somnium (vt dixi) necessariò magnum est, cum ad vitæ finem extendatur.

## CAPVT XIV.

*De somniis repetitis.*

**R**epetuntur somnia eadem nocte sæpe, & interposita quandoque etiam vigilia. Et sunt somnia quæ pluribus noctibus repetun-

M M m 3 tur.



tur Quæ ergo eadem nocte, & antequam expergiscamur redeunt, plerumque ad humores pertinent. Si tum nihil enarient, & de rebus sint ad humorem non pertinentibus, rem præteritam nuper ostendunt. Si verò interim homo expergiscitur, die sequenti succedent, iuxta temporum tamen rationem dictam. Quæ ex genere sunt idolorum, si mortem significant, vel quodcunque aliud, omnino euenient, & statim: sin autem visio-num, & repetant, quæ mortem significare solent, non significabunt: nam mors non sapius redire solet: visio verò aliud significat, quàm ostendit. In cælum ergo ascendere, vel habere ibi domum, etsi mortem significet, hoc tamen sapius videre, non mortem, sed gloriosum factum, aut in Republica dignitatem prædicat.

Quæ verò longa post tempora repetunt, non secus ac nostra negotia, quamuis eadem, diuersa tamen significant, sed quasi sub eadem similitudine. Velut puero, iniuria aliquem afficere, est verberari: nam iniuria creditur affectus ab eo, qui puerum verberat. At iuueni significat, offendi ab illo: nam hos iniuria afficere conamur. Seni, stultè se gesturum erga illum, denunciat: nam senex cum sit imbellis, & suis incommodis satis oneratus, stultè facit, cum quærit odij causas.

Similiter puero basiar, pati turpia significat: quoniam huiusmodi oscula præcedere solent: viris autem, & præsertim artificibus, lucra: nam amant, qui lucrum exhibent: senibus irrisionem; absurdum enim est, & non seriò dignum, senem osculari. Somnium ter repetitum pro oraculo habendum est, vel etiamsi res constet, quædam verò aduentitia solum varientur.

Somnia repetita si frequentent, aut post longum tempus repetantur, non procul esse quod significant scias. Sin autem per cerra quædam spacia recurrant, nec singularem emphasin vltimum retineat, futurum insigne aliquid, sed nondum instare declarant. Somnia repetita aut repetitos effectus nunciant: velut Phratrio Gaspari, cum volare se somniaret, ægrotabat: aut si nõ repetatur effectus, & nihil succedat, magnum aliquid est expectandum: cum enim redit gerulus sæpe, aut cumuli multi sunt, aut magnus necessariò aceruis.

Somnia repetita in quibus recordamur aliorum actiones nostras potius quàm casus, sed insignes prænunciant. Multos idem somnium videre, veritatis argumentum est: Sed cauere oportet, ne (vt Claudius Cæsar à Messalina & Narcisso) deludamur. Somnia monitoria perseverantia, magnam fortunam & grandes progressus significant. Somnium repetitum, sed quasi contrarium, cœptum negotium euerti debere significat. Si non contrarium sit, sed exitum valde habeat dissimilem, pro diuersis significatis interpretandum erit. Præsertim autem in prægnantibus repetitionem animaduertere oportet. In infantibus etiam, ac pueris, seu per ipsos, seu per parentes si sapius eadem videantur, magnam habet efficaciam. In senibus verò repetita somnia aut mortem, aut sacerdotium,

aut, si pecunias habeat, emptionem domus vel fundi significat, quando nil aliud insigne factum contingere possit. Quandoque etiam in cruda senectâ mutationem patriæ ostendunt. Serotina enim tanquam fines, magnis iudiciis prænunciari solent.

Somnia repetita parum ad hanc tractationem spectant: quoniam plerumque idola sunt, vel ex memoria præteritarum actionum contingunt. Propterea vulnerari, in carcerem trudi, cruciari, cædi, iniuria affici, vel etiam ab homine noto, idem significant quod per somnium prædicatur: nec aliunde petenda est interpretatio, cum sæpe repetierit.

## C A P V T XV.

### *De somniis consuetis.*

Consueta somnia sunt, quæ non solum sæpè, sed sæpe & sapius adueniunt homini: & in hoc à repetitis differunt. Rarè hæc aliud significant quàm humorum dominium, aut naturalem animi inclinationem; & ob id nec illa negligere oportet. Velut mihi tria fuere consuetas, sed duo quidem tota ætate, vnum autem in pueritia. In pueritia quidem, videbam gallum, inde loquentem humana voce audiebam: & dæmonem imaginatus, parum aberat ne ex lecto me deicerem, nisi matris & amitæ cura, inter quas cubabam, detentus essem: surgebam enim, & nonnunquam clamabam. Id indicabat, sanguinem tenuem & atrum cor petentem, & ex corde ad cerebrum delatum.

Secundum erat, quod videbar plerumque in templo diui Laurentij, nonnunquam Diui Stephani, videre tartara plena animarum, quæ in tormentis essent: & in ipso ambitu templi ossa mortuorum plurima, & strues etiam, quemadmodum aliquibus templis vetustis spectari solent. Tartara autem in profundissimo barathro, iuxta templum. Indicat illud, curas graues, & tristitiæ causas, quæ ob philosophiam in vigilia attingere animum non possunt, vexant in somnis illam præsidio destitutam. Tertium est, de volatu in pueritia quidem nonnunquam tamen aliàs, post autem sola iactatione crurum & pedum: & ideo sublimis non esse solet, sed ad summum usque domorum culmina. Significat corpus mundum à granioribus humoribus, & appetitum indefessum noua inueniendi, & gloriam ac nomen parandi: sic ergo solum naturalem affectum decernit, non aliud. Ex his tamen naturam hominis perdiscere licet.

Est & quartum genus, quod mihi non obuenit, quod versatur circa actiones: vt in facinorosis, qui terrentur in somno, & significat mores & vitam hominis: non enim nisi sceleratis talia accidere solent.

Quintum genus est, cum aliquis magnam fortunam adepturus est, aduenit genus somnij ad illam actionem excitans: seu bellicam gloriam, seu studia, seu religionis cultum. Estque quasi genij proprii imago quædam, seu bona, seu mala. Consuetas videre operationes, qualescunque sunt, omnino nullum habet significatum



significatum. Et si videat, ad somnia irrita transferendum est. Si verò immutatas valde, ut si medicus videat se clysteria imponere, vel sanguinem mittere, quæ ad tonsoris officia pertinent, aut venenum pro medicamento propinare, significat mutationem præsentis fortunæ, & varium euentum, & expectationem euerſam: cogitur ad insuetam normam transire.

Et somnia quæcunque quamuis parua, in magnis viris magna euadunt, & maximè his qui virtute vel vitio fama inclaruerunt: at contra magna in humilibus, sordidis, ignavis, vel abiectis, parua omnino euadunt, & maximè si bonam fortunam polliceantur: nam mali euentus cuique præsto sunt, boni non ita: & maximè (ut dixi) humilibus & ignavis.

## CAPVT XVI.

*De somniis compositis.*

**M**eminisse decet genera esse quatuor somniorum: *αἰμυροειδὲς*, cibarium, ex humoribus, & visionem: & quomodo distinguantur scire oportet.

Rursus somniorum diuinorum tres insuper esse differentias: Imperatiui, interrogatiui, & docentis. Alia est diuisio, in perfecta & imperfecta. Quædam rursus pertinent ad affectus, quædam ad actiones vel passiones, & quædam ad opera. Rursus somniorum quædam significant generalia, quædam propria. Et iterum, quædam generaliter significant, ut terror, commiseratio: & quædam specialiter, ut terror ob leonem, casum montis, casum è muro.

Sunt etiam perspicua, obscura, obliuiosa, confusa. Alia etiam consueta, iterata: alia idola, alia visiones, alia ecstasies & media. Sunt etiam ordinata & interturbata: & continua & fracta atque diuisa.

Sunt præterea distinctiones ex affectibus animi, læta tristitia, iucunda graui, efficacia remissa, tranquilla, cum agitatione, cum spe, cum metu, cum commiseratione. Quædam longa, alia breuia: alia conuenientia personæ, alia incongrua: quædam verisimilia, quædam absurda: quædam quorum partes coherent, quædam quorum admodum discrepant: quædam etiam magna, alia parui momenti: quædam obliuiosa, quædam quæ admirationem in animo relinquunt, & illi diu impressa insident. Quædam præterea res ostendunt, quædam imagines rerum: quædam auditam orationem, & quædam scriptam. Permiscentur etiam simul eodem tempore, quandoque solum inunguntur.

Scire autem oportet vnumquodque genus seorsum agnoscere. Porro genera inter se distinguere docuimus superius: paulò post verò, etiam idola à visionibus. Sed & plures alias ex his differentias suis locis retulimus. Imperatiuum somnium, seu quod nos admonet, ab aliis duobus generibus dignoscitur, quod circa mediocritatem verlatus.

Neque enim in eo sol, luna, stellæ, leones: nihil terribile præter Deos, diuos, dæmonas, mortuos, & quæcunque humana forma pingi solent, in illis videmus.

Verum mista somnia genere eodem modo distinguuntur inter se, quo etiam dignoscuntur: quanquam hoc facilius sit ob continuitatem & similitudinem. Velut ergo prius diapason noscere discimus post diapente, inde diatessaron, demum diatriton & diaecton: ita & maxima primum somniorum discrimina post minima. Ita & cum sculpere aut pingere vel celare discimus, primum crassiore modo membra maiora distinguimus, demum vsque ad minimas partes deuenimus. Si ergo diuersi generis somniorum vnum alteri succedat, irrita fiunt, nisi sint connexa. Ex tumultu enim animæ & spirituum accidunt. At quæ in diuersis generibus sunt, sed connexa, ut cum ex actione ad actionem transimus, facilius percipiuntur.

Proponamus quod homini videatur, asinum alienum equitare, inde descendere, inde asinus fugiat ad dominum suum: si quidem amicus ille fuerit à laboriosa administratione priuaberis, sed molesta: si inimicus, à lite quam cum illo habes, & forsan ipse fiet victor in ea causa. Somnia igitur mista in eodem genere, differunt à mistis ex pluribus generibus: quoniam quæ sunt in eodem genere, sunt difficiliora, & obscuriora, & efficaciora, cum sint ab vno impulsu: quæ verò mutant genus, non sunt adeò diuturna: quoniam non indicant successionem, sed conditiones insomnij. Rursus, somnium mistum ex pluribus eiusdem generis, ut potè actionibus, vel tribus vniuersalibus, ut specialibus, constat vel consilio tantum, vul fortuna, quibus ambobus omnes res humanæ aguntur: consilium quidem & error ad actiones pertinent, fortuna ad rem. Somnium etiam ex pluribus eiusdem generis rebus mistum, magis congruit homini ipsi, & somnianti: & corpori, sed quod est vnius generis, aliis & coniunctis & animæ affectionibus. Melius autem est, in malis somniis confestim consulere interpretationem, ad vitanda mala: sed in bonis ne curaueris scire, ob id quod somnium tunc portendit spem & scientiam, & initium rei, non autem rem. Si autem somnium sit de gloria, de sapientia, de sanitate, statim debes quærere interpretationem: plurimum enim proderit ad effectum rei perfectè celeriter ac facile consequendum. Ita in omnibus calamitosis, & quæ sunt eorum quæ in tua sint potestate, aut in quibus consilium plurimum valeat, utile est scire quid significet somnium: sed si sit de re fortuita, tunc debes omittere interpretationem, donec res iam in tuto sit, ubi sit: postmodum quærere significatum, ut possis te dirigere ad augendum illud, exornandumque.

Mistio in eodem genere, sæpe significat vnius interitum: velut oculos habere in auribus, significat cæcitatem: audit enim, quæ videre vellet: nasus in oculis, amissionem olfactus: & aures in oculis, auditus. Sic etiam nasus in ore, olfactus amissionem:



gustu enim odorem probabit : at os in oculis , non idem significare potest , nisi quod gustus sensum quis amittere potest : & ego vidi in Augusto Corbete : ita in auribus , audiet qualis sit ab aliis cibis & potus. Attamen & os in oculis alio modo significare potest : scilicet , visurum charum amicum : amicus enim iucundus est , iuxta illud Horatii :

*Nil ego prætulerim iucundo sanus amico.*

Quod autem iucundum dici solet , est , quod gustum delectat : oculi itidem in ore , nil iuxta primam interpretationem significare possunt : neque enim licet cæco ore , quemadmodum auribus , de omnibus certior fieri : ob id significat prudentia in sermone opus esse : nam os quæ solum offeruntur , tractat : oculi autem longè prospiciunt. Quod si oculi illi ænei sint , vel plumbei , vel cretei , verbis ex suis intelligat detrimentum & infamiam accepturum. Si manus in oculis sint , aut segnis erit , & quæ facere debebit , inspiciet , aut consilio magna peraget.

Est etiam in eodem genere utrumque contrarium : ut dies & nox , calor & frigus , læticia & tristitia , turpe pulchrum , dolor voluptas , diuitiæ paupertas : omne igitur contrarium contrarium significat : quia significat quod futurum est : id autem fiet : quod autem fit , ex eo quod non est , fit : igitur contrarium contrarii index est. Et rursus , quia in somnio res videntur ut in speculo , in speculo autem apparent dextra sinistra , & sinistra dextra , & quæ sursum quandoque deorsum : & si speculum planum non sit , difforma , maiora minora , conuersa curua , & alterius coloris : ita & in somno. At quia vnumquodque sit à suo simili , apparent necessariò similia : sic enim imagines sunt rebus futuris , à quibus sunt , seu ab earum causis : similes.

Præterea si fierent à contrariis quibuscunque fierent ab infinitis contrariis , ut nihil incertius. Dicendum est ergo , quod sunt à similibus generaliter , seu maxima ex parte : aliter homo diues , albus , magnus ac sapiens , fiet ex rubicundo , paruo , stulto , paupere : quo nihil esset incertius.

Dicemus ergo , quod contrarium sit solum ex contrario ea in parte , qua fit : ut diues ex paupere , non albus ex rubicundo : non enim fit albus , sed est albus : ideo non est necesse ut appareat rubicundus aut niger in somno. Ex his autem in quibus contrarium ex contrario fit ( quod solum est mistum in eodè genere , cum ( ut dixi ) partim tunc necessariò fiat ex similibus & vno contrario , ut sciamus quidnam sit , aut omnino ex similibus , & est simplex illud , distinguendò dignoscemus : quæcunque enim perfecta sunt in suo genere , contrarium significant : ut dolor , voluptas , pecuniæ , filij : non enim idem significare possunt : idolum enim esset : idolum autem omnes rationes rei secum coniunctas habet : significant igitur contrarium. Imperfecta autem significant pro sui ratione : non enim contrarium habent , quoniam actionibus carent : ut iucundus odor famam , aues & flores voluptatem & iucunditatem , colere agrum diuitias : ex cultu enim agrorum fructus colliguntur , ex quibus diuitiæ comparantur. Hæc

ergo est ratio somniorum simplicium , & mistorum eiusdem generis exactissima. Porro mistio in eodè genere tot modis contingit , quot sunt species etiam in eodem genere , & etiam iuxta priuationes , ut cæcitatibus & oculorum : contingunt autem mistiones , ob debilitatem animæ separantis causas futurorum.

## C A P V T XVII.

### *De somniis perfectis.*

Perfectum dupliciter dicitur : aut ut imperfecto opponitur & sic tot modis dicitur , quot modis imperfectum. Aut si pro perfecto absolute intelligatur , omne genus perfectionis complecti debet , secundum quod imperfectum dici potest. Si verò simpliciter & per excellentiam dicatur , duplex adhuc est : aliud in idolorum genere , aliud visionum. Perfectum igitur somnium est , quod eò usque deducitur , ut ad finem propositum perueniat , nec commutatur , nec homo vilius partis obliuiscitur , nec quicquam impertinens admistum habet , tametsi multa varia interposita habeat : & licet assimiletur fabulæ & incredibilia contineat , tamen iuxta rationem quandam , & ut Horatius inquit.

*Atque ita mentitur , sic verus falsa remiscens ,*

*Primo ne medium , medio ne discrepet iunum.*

Est quincuplex licentia mentiendi. Ac primum comœdiæ , tragœdiæque cum quæ esse potuerunt , non tamen fuerunt , extolluntur ac poliuntur. Est fabula , qua præsertim poetæ videntur , cum quæ esse non possunt , ea ratione traduntur ut humanis actionibus moribusque assimilentur. Est pictoribus aliquanto maior libertas , ut etiam extra morem aliquid referant. Somniis verò perfectis vna tantum licentia non permittitur , scilicet ut incongrui sint connexus : velut si peluim loquentem audiant : ex ea autem prodeat fumus , ex quo cælum ardeat , hoc maius est quam ut à pictore fingi debeat , somnio tamen conuenit : quoniam in eodem subiecto perstat : at si , ubi peluim videris loquentem , inde asinum videas cacantem , & homines pugnantem : hæc quidem somnium admittit , sed perfectum non est : quoniam quæ videntur , non cohererent. Oportet ergo absolui finem somnianti desideratum , non obliuisci visorem , & per conuenientia illud progredi. Est igitur triplex ratio somnij perfecti , quod ad partes & numerum attinet. Ex essentia autem illius est , ut dilucidè omnia perspiciantur in somno , atque ordinatè , sic ut eadem non redeant , tanquam connexa prioribus redeant. Ex effectu verò , ut animam post somnum admiratione plenam relinquant. At perfectum admodum est , cum personæ & imminentibus perpulchrè congruit : velut si erudito cuiuspiam videatur quod sepultus sit , & sepulchrum fulgure tangatur , flammaque ex hoc emicet , quæ ad cælum usque tendat , ille eo somnio inter mortales celebris fiet. Nam sepultum sibi videri , libros refert , qui nomen authoris retinent : atque intus abditam mentem fulgure percuti



percuti sepulchrum, est monumenta illius: id est, libros, Iouis dextera, in qua & virtus reposita est, & fortuna fingitur, euehi ad cælum, id est, supra mortales omnes: quæ enim in cælo sunt, altiora sunt mortalibus omnibus, & perennia, & cunctis perspicua. Huiusce generis congruentium, non dico de significato, plura ego vidi, quæ suo loco referam.

Sed & illud quod Artemidorus narrat, de eo qui patrem suum comburi vidit, tamen ipse somnians mortuus est, ad hoc pertinet: vritur enim patris mens in filij obitu.

Dices, quomodo interpretari hoc poterat? quoniam flamma & aqua feruens maxima mala nunciant: hæc lachrymas calidissimas, illa flagrantiam: erat autem pater qui nil tale mereretur, & amans filij: propterea, ut dixi, personæ huic, non illi, somnium perfectum erit.

Quæ autem sunt de incumbenibus, velut illud quod à me recitabitur de serpente viso maximo, atque illud etiam de Alexandro magno, & hæc maxime perfecta esse solent nisi sint *ἀναμνηστικά*. Proprium autem verorum somniorum est, ut verissima sint, & plerumque ob perfectionem facile intelliguntur. Et fatalia omnia sunt ex hoc genere, & magna etiam somnia ferme semper. Et idolorum pauca sunt perfecta, ratione partium: nam immista habent somnia diuersi generis, & obscura, & sæpenumero carent debitis partibus ut enim in sigillis, cum quis profundius imprimit, aut non æqualiter imaginem, aut non totam exprimit: sed nec levis omnino impressio utilis est, sed media. Et cum sint tres modi in idolo imperfectionis, ratione partium defectus, obscuritas, genus aliud: perfectum nihil horum habet, sed ratione effectus & essentia idolum semper perfectum est. Ratione autem personæ & imminentium, quandoque perfectum est, quandoque imperfectum: cum autem perfectum fuerit, oraculum dicitur. Anamnastica autem minime perfecta esse solent, ut in tractatione de idolo docebimus. Proprium autem vitium anamnesticonum est collisio, & ex collisione concisio: cum enim ex memoria fiant, succurrentibus alia causa quam diuina imaginibus, priores absolui nequeunt: unde perfectum nullum anamnesticum est. Sed neque cibaliū, ob eandem causam. Pauca ex humoribus, & raro perfecta euadunt: & quæ huiusmodi sunt, temperamentum & sanitatem plerumque denunciant.

Porro perfectionis somniorum causæ sunt, vis diuina potens, anima præparata ac valida, & absentia omnis impedimenti: cum verò ita sit, necesse est omne somnium perfectum aliquid magni significare. Et si tardè euentus successurus sit, statim tamen inchoabit: quare magnum effectum, cuius tam longa erit series, significare necesse est. Si verò somnij partes quædam absolutæ, quædam non videantur, velut in picturis, interpretari oportet: multa enim ex eo principio serò ventura portendit. Et senes & pueri raro perfecta somnia vident.

Quædam etiam somnia sunt eorum quæ supra mentem humanam sunt, velut aliquid simul esse ac non esse: quæ ex genere sunt eorum, quæ perfecta sunt: dictum est autem de his loco suo.

## CAPVT XVIII.

## De idolis.

**I**dola, somnia sunt, quæ rem ut se habet, ostendunt. Ea verò solum apud quosdam, & vulgus præcipue, somnia esse existimantur: atque idè etiam immista à Diis, aut dæmonibus: sed res neque ita se habet neque ex ipsa docet. Quippe Iosephus in Pharaone, per vaccas pingues, non vaccas, sed annorum vbertatem interpretatus est: idè etiā in thore, ac socio, per ænigma, non simpliciter visa exposuit. Tum verò huiusmodi somnia neque à Deo, neque à dæmonibus immitti, his argumentis perspicuum est: nam tam visionum quam idolorum illi causæ essent: cur ergo opus illis esset ut occultarent, quod docere vellent? præsertim tot ambagibus? An non possunt, cum volunt, huiusmodi, si libet, clarè docere? aut si possunt, malunt nos obscuris istis imaginibus inuoluere, tanquam nobis inuideant quod spontè largiuntur. Præterea omnia hæc idola permista sunt visionibus, ut nullum idolum videre liceat purum, sed in omnibus aliquid deficiat, aut peruersum est, aut obscurum. Velut si præuidero (quod mihi sanè non semel obigit) occursum amici, quem iam diu non vidi: video autem sequenti die, atque amplexor, velut visus eram amplexari: eodemque illi loco (quod etiam contigit) occurro quo visus sum illi occurrere: non tamen socium video per somnium, ut in vigilia erat, atque ita deficit aliquid: aut video alio habitu, vel vultu, ut pro lato tristem, aut contrā, sicque iam peruertitur somnij imago: aut quædam, imò plura per somnium prætermissa & obscura, quæ in vigilia videntur. Atque hæc ab his quæ deficiunt, aut defecisse videntur plurimum differunt: quia quæ defecisse videntur, iam per somnum non aderant: quæ autem non adesse visa sunt, & tamen in vigilia aderant, sic deficere videntur, tanquam non deprehensa sint ne animaduersa. Cur ergo, si Deorū hoc opus est, aut dæmonū, non perfectum est idolum, & absolutum? an qui possunt præuidere exitia regnorū tot antea seculis in quibus tot comprehenduntur, tot sunt necessarij successus: hominem qui in caupone iam delitescit, quomodo vestitus sit deprehendere non poterant? Sed neque decens est, Deos curare, an hinc amicus meus penula an feltrio, albōne an rubro sit circumdatus: atque id etiam non solum curare, sed palam velle significare. Demum, quod clarissimum est huiusce rei argumentum, pleraque idola visioni permista sunt, ut superius in illo exemplo soceri mei ostendi. Quod enim ei essent septem filij, quod interiret, quodque illius mortis me miseresceret, idolum



lum planè totum hoc erat : quòd verò verberaret filios , vt illorum iacturam sua morte significaret , quodque vir ignotus pro socero subiiceretur , id totum ad visionem , non idolum pertinebat. Palàm est igitur , somnia hæc inuicem permisceri. Velut ergo si videas in planta eadem pruna viridia , alia colossena , non diuersarum specierum illa existimabis , sed vnus , quòd eandem habeant originem : longè verò euidentius , si plures spectes fructus , partim virides , partim colossenos : quis dubitat visiones atque idola non vnus esse naturæ , & ab eadem causa proficisci : visionum itaque verissimarum argumentum est , cum idolo iunctæ sunt. Est autem modus vnus præcipuus , cum rem ignotam ex somno discimus vt animal , quòd neque vidimus nunquam , nec de eo audiimus , aut legimus , & eius modi est tunc actio vel proprietas : visio est non dubia.

Verùm dices , cur non à Diis vel dæmonibus somnia hæc haberi poterunt , clara est ratio. Velut enim stultum est , cum ratio nos doceat , quomodo in fame vtendum sit pane , in siti aqua vel vino : & qui secus agunt , à Deoque specialiter obtinere volunt , quæ ille nobis generaliter modico labore habere & obtinere docuit , spe destituti sua malè mulctantur : ita stultum est , credere somnia nobis à diis aut dæmonibus immitti , quorum tota seges naturalis est , & nobis ampliter concessa. Est enim perinde ac si quis triticum non sereret , sed è cælo demitti expectaret. Non negauerim , in quibusdam huiusmodi idola à Diis velut & in defectu artis medicæ sanationes , immitti : quale illud : Surge , & tolle puerum , & vade in Aegyptum : sunt enim qui animam pueri quarant. Sed miracula sunt , & extra artis considerationem , sicut & sanationes illæ , & reliqua huiusce generis.

Ergo idola , vt dixi , rarò pura sunt , quin aliquid habeant visionis admistum : contingit autem hoc in omnibus naturæ operibus : euidenter in metallicis lapidibus , ac fructibus , vt non tota sint absoluta & perfecta , sed parte aliqua non absoluta , aut magis impura : quamobrem cum natura idolum perficere semper intendat , vt fructum maturum ac perfectum , contingit ex materiæ defectu & contumacia : vt visionis pars annectatur quæ in idolum transire non potuit : persæpe vt etiam tota fiat visio. Vt ergo idolum à visione distinguamus , quando ambo ( vt dixi ) eiusdem sint speciei , distinguanturque tanquam imperfectum à perfecto , quæ pars est nobilior ac melior visionis : aut vt purum ab impuro , quòd sordidius est ac minus nobile , hac ratione agendum est.

Idolum semper est rei quæ esse potest ac consuevit visio , plerunque impossibilium aut absurdorum. Idolum præterea , vt perfectius ac efficacius , mentem magis mouet , estque purum : visio autem non adeò hominem in admirationem trahit , & aliquid semper minus conueniens solidis euentibus admistum habet. Verùm idolum à visione distinguere perquam facile est vt quòd totum secundum naturam sit , illa non : At quòd est ,

difficilius est , vt illud à somniis quæ ex memoria sunt præteritorum ( ἀναμνηστικὰ Græci vocant : nos eo nomine caremus , quasi memoratiua diceremus ) distinguere sciamus. Idolum ergo admirationem parit , ἀναμνηστικὸν autem terrorem atque dolorem : quia hi affectus , aut si de re læta sit somnium , contrarij cum memoria eius rei necessariò coniuncti sunt. Ex antecedentibus etiam dignoscere vnum ab altero licebit : nam in anamnestico affectus , sermones , cogitationes de eadem re præcessere : in idolo non , aut omnia leuia. Quòd verò maximum est hac in causa : quoniam nihil maius est quàm inter hæc duo scire distinguere ( adeò vt multi ob id crediderint somnia omnia talia , esse huiusmodi : id est , vt à memoria cogitationum præteritarum , non ab alia causa seu naturali proficiantur : & ille cecinerit ob id.

*Somnia ne cures : nam mens humana quod optat.*

*In somnis vigilem per somnum videt idipsum.*

abrogareque omnem à somniis fidem tentauerit ) obseruandum est hoc vnum , in idolo esse aliquid semper fermè coniunctum imperfectum ex visionis genere , & in anamnestico vix deesse inconcinnum aliquid & absurdum : quæ si adsint , facile est intelligere in quo genere sit somnium illud.

Præterea in idolo partes sunt distinctæ admodum , & perfectæ , & est prolixum sine reuolutione : anamnesticum autem est cum motu concitato , cum partibus parùm bene distinctis , & breue , vel cum reditu ad eadem : sit ex his etiam , vt idolum magnam habeat admirationem , eamque euigilatis nobis retineat : non ita , vt dixi , anamnesticon. Apparent etiam idola plerunque sub aurora , & colores ac species rerum illustres habent , cuiusdamque diuinitatis participes , & voces perbreues & appositas : anamnestica autem ante auroram , colores vix sentiuntur , aut intensi sunt potius quàm pellucidi , facies concitatæ ac motus , voces nullæ aut perturbatæ vel incompositæ , aut cum longis sermonibus. Et vt generaliter dicam , idola habent omnia pura , discreta ac pulchra , etiamsi atrocia significant cum motibus appositis , aut quæta sunt omnino : anamnestica impura , turbata , inuoluta , obscura , cum impetu & reuolutione. Illud sanè mirum est , vt vitro vilissimo magis adulterantur gemmæ , quàm aliis gemmis : ita voluisse naturam , vt anamnestica somnia , quæ omnium sunt vilissima , idolis nobilissimis in eo genere maximè assimilarentur.

Duo præterea sunt specialia , quorum alterum si adsit , idolum esse declarat omnino quòd visum est , non visionem , nec ἀναμνηστικόν : vnum , si somnium vsque in vigiliam extendantur , vt lachrymæ vel risus : hoc autem , vt palàm est , bifariam contingere potest : vel vt fletus , quòd maximum est : vel vt effectus , scilicet lachrymæ , quòd non omnino adeo acerbum est. Alterum , cum affectus est sine obiecto : vt odisse , & nescire quem.





# LIBER TERTIVS

## DE SOMNIIS.

### CAPVT I.

#### *De necessitate vatis.*



OMNIORVM quatuor genera superius esse docuimus: atque in quarto genere idolum collocauimus, cuius causa accerere vatem non est necessarium. Verum cum multæ sint causæ obscuritatis in interpretando, vtque hæc ad quinque genera reducantur, necesse est persæpe vatis auxilio uti, qui non solum causam obscuritatis somniorum intelligat, sed postmodum illa explicare norit.

Perpulchrum autem existimauero, has singillatim causas explicare, postquam somnij historia magis intelligitur: atque hic propriè locus est huic narrationi. Ergo causæ obscuritatis somniorum aut sunt ob impressionem leuem à causis factam, cum res parua est, aut multo antè significatur: vel ob speciem in anima paucas, nec satis accommodatas effectui demonstrando, atque ichnographiæ depingendæ, vel ob ipsam animam satis ineptam huic negotio, rudem, & disciplina carentem, aut missionem generationem aliorum somniorum maximè ἀσάμηντον, unde pauca habentur pura somnia: vel ob imperfectionem, quæ contingit dum homo ex somnio soluitur ante illius absolutam visionem. Ex quibus contingunt etiam tria genera imperfecti insomnij, velut in gemmis ac plâris: primum, cum pars pura nitida est, & perfecta: alia pars vel est obscura, vel prorsus non adest: vel est ex eodem genere, sed imperfecta: vt in adianto adest radícula, surculus, quorum nullus est vsus, sed solum foliorum: eiusdem tamen naturæ sunt omnia. Oportet igitur in his quæ admittum habent aliquid generis alterius, non solum prorsus ea segregare, quæ ad genus somnij cibarij, aut ex humore aut ex memoria & affectibus præcedentibus profecti, sed ex toto abiicere, quod autem purum est interpretari: in eo verò quod partes habet imperfectas, eiusdem tamen generis, annexas illas distinguere atque interpretari seorsum singulas (nam non parum ad veritatis & principalis cognitionem conferent auxilij) quæ verò imperfecta sunt somnia, vt antea diximus, perficere conari. Considerare autem in omnibus oportet quæ superius descripta sunt.

At verò ad hæc omnia vates non parum commodi afferet. Primum quidem, quòd ab affectu vacuus sit: qui solet & spem accendere, & timorem augere, contrarium quoque efficere: Deinde, quòd promptior sit exercitatione ad inueniendâ (vt dixi) generalia vniuscuiusque rei tum affectus, cum idola comparando elicere subiectum somnij: at-

que ita duos hos motus perfectius peraget, atque celerius. Inde quòd, vt magis expertus, & qui rem hanc quotidie tractat, multa intelliget experientia, circa quæ alius diu hæsitabit: multa circuncidet, quædam interrogabit, quæ alius non animaduertēs, aut perperam animaduertens, nunquam se poterit explicare. Ille etiam velut in moribus, legibus, consuetudinibus, physiognomia, lineis manuum ac frontis, morborum modis quædam obseruabit, somniis huius vrbs & regionis peculiaris & consueta, quæ ex libris disci non possunt. Demum quòd is à cælestibus influxibus ad collimandum adiuuatur: ab eisdem enim astris, quibus ad artem hanc inclinata est voluntas, ab eisdem etiam facultas exercendi illam fouetur, & incrementa non exigua accipit. Circa etiam generales conditiones quæ ad errorem impellunt, non adeò præteriendo illas aberrat. Melius temporum differentias nouit, & aeris statum vt reliqua animaduertit. In vniuersum, vnde quaque melior est quàm si quis interpretetur sua somnia: vel si nulla ratione, quòd non intentus huic cognitioni, non corrumpit ipsa somnia. Dum enim homo huic arti operam dat, multa versando, timendo, sperandoque, vana incurrit ex mentis agitatione somnia.

Duobus tamen præstat proprii somnij interpretatio, ei quæ vatis vel cum experientia aliquid didicit, quod consuerum est certam rem omnino significare: vel cum non cuncta refert, seu ob pudorem, seu quia non meminit, seu (vt in criminibus) non tutum est narrare quo in statu res suæ sint.

His itaque difficultatibus sic statuo occurrendum. Quisque autem in hoc libro traditam diligenter teneat: forsan, quod plerumque accidet, nec vates ipse artem huiusmodi tenebit: inde somnio vati enarrato, illius accipiat interpretationem; eam ad normam eorum, quæ hic tradita sunt, examinet, & perfectam habebit interpretationem. Illud moneo accuratè, ne vnquam interpretationi confidat, donec omnia conuenire in somnio deprehenderit. Ne verò ex interpretandi scientia obturbentur somnia, discat artem totam, vt eam, quemadmodum docui, in sua principia redigere norit: & tunc ab illius studio & cogitatione se abstrahat, eaque solum cum opus erit, vtatur: affectusque omnes circa euentus segreget & abdicet, prudentiamque exerceat.

Cæterum & ob id etiam vatem consulere præstat, ne ad omnia somnia explicanda recurrat, ex quo & ars vilescit: & dum successu fallitur, seu quod non eueniant, quæ tum non sunt euentura, seu fallatur (quoniam parua cum sint, & magna existimet, illa non agnoscit: aut etiam, vt fieri solet, omnino non animaduertit) damnat artem, & eisdem omnem indignè ab ea abrogat, & in posse



posterum evidentibus (quæ maximè sunt obseruanda) non dat operam. Atque in eundem etiam errorem incidit, dum sine vate errorem aliquem non animaduertens, atque ideo deceptum se putans, fidem abrogat (vt dixi) arti ipsi. Quædam enim talia sunt, vt non omnino apud aliquem significant quicquam eorum quæ hîc scripta sunt, licet simile & sub ratione generali comprehensum: hoc enim necessarium: ille verò dum hoc non animaduertit, existimans non hîc exempla generalium significatorum, prout fecimus: descripta esse (nam ipsa significata omnia describere, infiniti operis fuisset) aberrat, & in eodem errore perpetuò manens: quia varis auxilio non vitur, à quo facillè causa erroris, ac eiusmodi proprietates hominum facillè ob consuetudinem cognoscuntur, in desperationem deuenit veritatis ipsius artis. Etenim hoc ipsum etiam magnum est, imò quasi maximum, totum arti se dedere, nil aliud facere, nil aliud cogitare, quod vates ipsi faciunt: vocant autem huiusmodi somniorum interpretes Βελζουδαιτες, seu Βελζουδαιτες, & Ονειροκριτικὸς, & Ονειροπλάτης.

Inter causas igitur necessitatis varis cum reposita sint, consideratio præcipuè dignitatis hominis: tum conditionis, & morum & fortunæ, & vitæ, & artis & filiorum seu orbitatis, tum naturæ, sexus, ætatis, valetudinis, mutationisque, quia alia aliis significant, propterea de his dicendum erit.

## C A P V T II.

### *De dignitate seu hominis statu.*

**I**N omnibus quæ hîc tum infra aut superius scripta sunt, animaduerte, primum an habeat quod somniat: an habeat aliquid ei simile, sed non illud: aut omnino non habeat. Et si habet: an sit melius quod habere videtur, quam quod verè habet, an secus. In omnibus autem, seu habeat, seu non, an congruant personæ dignitati, ætati, moribus, loco, tempori, legi, & consuetudini: & quomodo ex his afficiatur animus, quid alij sentire videantur, quis demum rei finis: meliora enim, grata, speciosa, congruentia, cum fine laudabili: contraria verò, mala: veluti deferri opulentum, & in magistratu, cum applausu per vibem, incrementum potentiæ & dignitatis significat: pauperi autem & seni, publicam mortem: non enim aliter possunt multi de illo admirari. Consolatio potentibus quidem pro iniuria est: miseris autem solatium affert: namque somnij hoc proprium est, vt quæ nota nobis sunt, non significet, verum tantum ignota, seu præsentia seu præterita, tuncque admirabilius: seu futura, quod frequentius est. Ob id cum ego patrem vidissem me viginti annis specie iuniorem, admirabar. (fuit autem septimo Idus Octobris præsentis anni M. D. L. XI) vnde cum rem incredibilem significaret, iam verò coniectura affectus essem. Senatium velle me profiteri (id autem incredibile) quia tum id suspicabar, somnium ad hoc pertinere non

existimaui: sed huic admirabili paradoxo aliud etiam maius successurum prædixi: quamuis hoc admirabilius sit, quod quomodo euenire possit non video. Itaque consolari felicem absurdum est: aut enim infelix fiet, aut absurdi quippiam ei qui consolatur, continget. Dixi ei qui consolatur, non somniant: nam si consolari videatur quis amicum aut fratrem, calamitas illi eueniet: oportet tamen meminisse qualis sit persona, quæ consolatur: nam si fide indignus sit, timere adeò non debemus.

Somnia de principibus: & eo magis principum ipsorum, Idola sunt ferè semper, & id significant quod ostendunt, nisi admodum videantur factu difficilia: tunc verò ex proximo sunt interpretanda. Somnia dignitatum & magistratuum, ad suum tempus referenda sunt, non ad præsens: velut ab initio anni creantur vrbis prætores, annonæ præfecti, & viarum, atque huiusmodi: & senatores, ex morte aliorum: ideo tempus illud prædicere atque expectare oportet. Si princeps aut vxor eius annulos in digitis habuerint, totidem illis filios significant, quod annuli sunt: quoniam magistratus vel honores non possunt significare.

Cum terra loqui, principibus victoriam significat, quod si eorum qui audiuit, recorderetur, felix erit toto tempore vitæ suæ. Principi si videatur, venenatum potum aut cibum sumere, ex quo capilli decidant, inimicos dolo superabit: sed si priuatis extiterit, ad maximam inopiam necessarium omnium deueniet. Sacerdotem cum vestibus, quas ferre in pompa solent, aut principem ingredi in locum non consuetum, significat ruinam totius illius regionis: atque hæc etiam priuatis viris contingent.

Principi si videatur eradicare arbores aliquas, nobiles aliquot euertet. Si verò arbores illæ spontè cadant, morientur nobiles illi, non principis facto. Quod si ab imo arborum surculi exurgant, augebitur populus suus. Omnes quoque vestes tenues infortunium significant priuatis, principibus autem felicitatem: crassæ autem contrario modo.

Cum vir potens aut princeps accendit multas candelas & cereos, maximè magnos, in domo sua congregabit homines sapientes & illustres. Et si videatur lucerna quæ domum totam illustret, conflagrare tota simul, dignitatis hoc significat incrementum, sed paulò post periturum. Et equi proprii sella, significat principi regnum suum: eodem ergo modo afficietur. Princeps si videatur Solem in manu habere, significat captiuum habiturum principem. Si hoc nobili videatur, erit rebellis: si priuata personæ, soluetur curarum molestia. Stellas venerari, aut ante illas flere, gratiam aut beneficium obtinendum à principibus significat. Principi tapeta si videantur explicari, bonum nuncium significat. Sin autem corrupti fuerint, & laceri, breuem vitam. Sin vetusti, solum speratæ rei finem bonum adepturum significabunt. At in priuatis personis euentus eosdem expectare oportet. Priuato ægro odores boni & musica salutem significant, Principi autem mortem: quoniam talia in Principum exequiis solent adhiberi, non autem



antem in priuatis. Pompa insignis Principi agrotanti mortem ostendit, priuato autem liberandum ex morbo, & ( vt dixi ) publicam mortem.

In dignitate constituto nihil fermè deterius est, quàm in nubibus sedere: nam homini ibi diu esse concessum non est: locustique periculosus ac præceps: ideo ruinam omnium, & breui portendit. Qui autem sic ruere non possunt, eadem cum ruina: nã qui occiduntur, magnam famam hoc pacto apud homines relinquunt: quæ nebulis similis est. At si in rotæ summo se viderit, fortunam quidem habebit aduersam, non tamen aded exitiale est: in felici esse sub imo rotæ, contraria ratione valde bonum.

Plurimum refert, si quis verberari se somniet, qua conditione sit, & à quo verberetur: nam vt nobilior est qui verberat, ita quod verberatur, deterius est: is autem qui verberat, vt nobilior est, maius malum, sed & bonum significare potest: humilis parum mali, boni nihil potest significare. A magistratu verberari, non per satellites, citra infamiam, feretur sententia contra illum, & damno efficietur. Et si amicus sit, erit vtile etiam hoc, & citra damnum.

Quæ somnia ex communibus, cælo, elementis, vrbibus, tempestatibus, ventis & similibus adueniunt, Principibus, magistratibus aut designatis, vel sacerdotibus, vel artificibus circa publicam comparisonem, vt medicis pro peste, si personarum quarumlibet perturbatio videatur: vel diuina priuato homini, de homine certo, publica sunt.

### C A P V T III.

#### *De moribus.*

**M**Ores ad prædictionem multum conducunt, non solum eorum qui somniant, sed qui in somniis videntur. Somniantium quidem quæ ad supplicia & iras deorum attinent, verissima sunt in improbis: secus autem in probis, per contrariam rationem ac declinationem aliter interpretationem deducere oportet. Probis omnibus & oppressis ac infelicibus Herculem videre auxilium, aut illius statuam, bonum est: iniustis autem & improbis omnibus, malum: sed & accipere aliquid ornamentorum eius, vel aliquo diuo nostro, vitam & ærumnas illius à quo accipimus significando, malum est. Eruditis & peregrinantibus Mercurius, & qui apud nos docti habentur diuicacis & insontibus, qui solitariam vitam egerunt. Fortunam videre, similes casus significat, quales sunt illius actiones: in rota, super sphaera, bonum est miseris, malum felicibus. Dæmonem ferre, crucem significat malo viro: probo autem, feræ periculum demonstrat. Quicumque pueros amant, si quid videant circa eos, perinde est ac si alij idem contingat circa vxorem concubinam, aut aliam mulierem. Verum si id videatur alieno à puerorum amoribus, rem insuetam, anxium negotium, infamiam metum ac damna significat. Gulosis conui-

*Tom. V.*

uia & comestiones nihil significant: sunt enim illis ob memoriam actionum, & studium: aliis morbos & curas: cum enim humilissimi agimus, cura detinemur.

Semper autem mores somnium habent simile aut dissimile, aut contrarium, & simile quidem, ac contrarium, in quibusdam cum ad actionem pertinent, idem significant, scilicet in affectibus: velut parasito, impleri & esurire: ad effectum enim pertinent. At verò vbi mores actum non decernunt, sed actionis priuationem, vt abstinentia, continentia ac probitas, quæ similia sunt, ad affectus quidem traduci possunt: velut qui habet vxorem, & eam solam diligit, cum ea si sibi concumbere videatur, affectum quoquo modo significare potest: at si adulterium perpetrare, aut incestum, aut cum puero concumbere, aut cum quadrupede, ad affectum traduci non potest, qui nullus est, sed significat & actionem, & affectum moribus contrarium ex actione provenientem: ac eò maiorem, quo res à naturali ordine & consuetudine illius fuerit remotior: vt in exemplo de concubitu diximus, iuxta ordinem exempli.

Quòd si mores illi non à natura & consuetudine sint alieni, non tamen in vicio consistant: vt castum esse, vel solitarium, vel opum contemptorem. Et in eisdem perseverare, velut in aliis, nihil magnum significat: at tractare auidè pecunias, suauari fratrem, ducere vxorem, effectus quidem non malos significabit, illi tamen curas graues: atque ob id irritos metus, ac forsan morores.

Quæcunque verò, vt diximus, à sine consequuntur, ea tertiam subeunt rationem, atque ad finem ipsum retrahenda sunt: velut furibus manus plures habere, significat vincula, contentiosis autem & pugnacibus, vulnera: artificibus, pulchra opera, & felicem artis successum: probis & mansuetis, amicos quorum opera fungi poterit velut seipso. Illud etiam considerare oportet, quod mores aliqui contra leges sunt: atque hi insaufum magis exitum habent, his quorum actiones à legibus non puniuntur: ideo non omnino fidendum: in aliis securior est actio, etsi praua sit.

### C A P V T IV.

#### *De conditione.*

**P**Edicæ seruis auctoritatem, & fidem habendam, à qua tamen ingrati excident, non paruum ostendunt: nam victi, magni aestimari solent. Seruo mors heri significat libertatem, si seruus ille administrationem bonorum illius non habet: neque enim mortuis heri vlli demonstrantur. At si habeat administrationem, auferetur ab illo: mortui enim nihil administrant. Mactari aut sacrificari publice, seruis bonum est: sed & liberis, at non tantum: nam seruis auctoritatem addit, quod ad publicum attinet, & libertatem mors: idem tamen contingit si à feris dilanietur. Secus, si in pelui se ipsum videat, ipsam seruitutem,

NN n



tutem, qualis futura sit, intelliget. Seruis caput amputari, libertatem significat, aut heri mortem: aliis alia. Seruum ab hero occidi, libertatem significat: ab alio autem libero viro, est subleuari à cura ac molestia: à seruo verò, inimicitias cum illo geret. Ignem in olla ex carbonibus accendere, libero seruitutem prædicit Principis: seruo autē, actiones circa illam. Quod si prunas extinguant, dominum prodent illi. Et seruus Principis si comederit prunas, felicitatem consequetur à domino: liber autem, à Principe. Et ciuis, significat fortunæ bonæ reliquias quasdam.

His autem qui in vniculis sunt, tria somniorum genera considerata sunt: quæ supplicium significant, quæ tormenta, quæ liberationem. His igitur applausus populi bonus non est, cum crimen, de quo quæritur, fuerit capitale: nam supplicium significat. At insania & ebrietas, cum omnibus in causis aliis malæ sunt, in hoc prosperum declarant euentum: insani enim quolibet vagantur, ideo solutionem vinculorum significant: ebrii autem doloris non solum, sed etiam curarum sunt expertes.

Pompæ similiter publicæ periculum portendunt, etiam si religiosæ sint: nam de more mactandos sacerdotes comitantur, & imagines venerabiles. Oleum significat liberationem: & eò magis, si seræ inungi videantur. Mortiferum bibere medicamentum, vel lacerari à fera, supplicium decernit. A tonfore, tormenta significat. Et carcere exire, & qui in illo est significat diuturnam captiuitatem: tales enim diu de hoc cogitant. Et somnium est cogitationis, non effectus, sed ei qui in carcere non est, mortem.

Exilibus quoque alia, alia significant: dicuntur enim exules capite diminuti. Exilij autem quatuor sunt species. Simplex, cum, modò in patria non sis, liberè quouis ire licet. Relegatus ad locum certum mittitur, sed absque custodia. Deportatus verò, cum à custodia ac vinctus eò deducitur, & sæpe ad pœnam, ad triremes, ad fodienda metala: relegatus semper sine pœna. Proscriptus verò dicitur qui ad mortem damnatus est à iudice, sed euasit illius potestatem. Sunt ex eo genere, quorum neci sunt addita præmia.

Porro de deportatis non agam, cum genus sit carceris, atque atrocis: de eo enim diximus. Qui verò liberi sunt, & damnati, pro natura exilij somnium interpretari debent. Verum in hoc differunt relegati, & in libero exilio, à vinctis: quod tuti sunt à periculo vitæ, nisi ei spontè se exponant, tum etiam à pœna omni: deportati verò, à periculo vitæ, non à pœna: proscripti cum vinctis commune habent periculum, sed tamen effugere possunt, si velint: maximè hi, quibus addita non sunt præmia fidei. Alii ergo somnia solum ad reditum spectant. & etiam deportatis ad liberationem: proscriptis autem ad vtrunque, scilicet necem atque liberationem: capti enim statim solent supplicio affici: sed quibus præmia mortis capiti imminet, iisdem tria genera interpretationem spectanda

atque considerata erunt: publici supplicij, eadē, atque liberationis. Si somnio quo exilium significatum est, conditio annectatur, quæ perpetuasse non possit, liberabitur: velut pendere in eculeo: hoc enim finem sibi postulat. Aut si somnium somnio exilij contrarium superueniat: velut si cum, antequam exularet, caput sibi amputari uidit, postea somniet sibi restitutum caput: aut si in mare cecidisse, atque in imo esse, antequam iret in exilium, inde se emergere à mari, dum est in exilio: quod de flumine Ciceroni visum est. Et si absque hoc exuere vestem rubram quod rubra exilij indicium sit Apparatus quoque itineris, ut in patria exilium quandoque significat, ita exuli reditum per se pollicetur. Et renasci, & domum fulmine ici, quod exilium portendit in exilio. Si domas sit quam in exilio habitas eaque percuti videatur, reuocationem ab exilio significat. Et exuli ciconia, græces, hirundines, sine ante exilium, siue in exilio, reditum promittunt. Si herba in corte quam habitas domus oritur, reditum in patriam significat: sicut fulmen & herba eodem modo in domo patria, exuli exitum portendunt. Et proscripto omnia somnia quæ necem significant, aut mortem, licet leuiter, supplicium aut necem eidem significabunt. Et somnia vinculorum & carceris, proscripto supplicium significabunt: quasi amicum ille mihi voluerit supplicium ostendere: veluti exomologesi suadent pro admonitione supplicij. Et somnia omnia latæ de patria, & in patria, dum homo est in exilio, mala sunt: quoniam eius longitudinem portendunt. Et parētes videre latos, maximè matrem, exuli reditum, aliis alia significat: quandoque etiam infansum.

## C A P V T V.

### *De fortuna, seu opibus.*

**S**ordidis & agricolis animalium stercus bonum est, cæteris damna & tristitias significat. Homo diues si supra caput alicuius stercus demittat, illi opes suas impartiet: pauper autem sit sit, contemnet illum. Diuiti flumen se à domo exire videatur, bonum est, & potestatem atque auctoritatem in populo habiturum decernit: pauperi autem, uxorem aut filiam prostitutam. Gallus æconomum in diuitis domo, in pauperis autem dominum ipsum significat. Dilaniari à veris diuiti malum est: significat enim opes illius dilapidandas: pauperi autem diuitias: carnibus enim suis multos alit. Deum factum videri, opulentis etiam potentiam addit, pauperibus verò incrementa bonorum. Et si indutus diuino habitu videatur, apparebit potens ac diues: talis tamen haud erit. Suas carnes edere, quæstum pauperi significat: diuiti autem inopiam & expensas: sicut etiam stercus suum edere, suamque propriam vrinam bibere. Scilla potentibus & opulentis terrores & curas significat, agricolis sterilitatem, miseris ambigua: nonnunquam etiā miseriam eorū soluit, nonnun



ta & cruciatus, adiicit lachrymasque.

Excubiæ & nocturnæ festiuitates pauperibus ac meretricibus bonæ sunt: diuitias enim significant, & tristitiam solvunt: Diuitibus autem turbationes & diuulgationes, absque tristitia tamen: quoniam in huiusmodi bacchationibus etiam homines inebriantur. Vomitus autem pauperibus. bonus est, qualiscunque rei sit: illi enim non perderent, nisi haberent: opulenti autem damna & detrimenta significat: & quanto melioris rei fuerit, ut sanguinis, eò maiora decernit. Vanum proponi, aut vanundari, pauperibus, seruis, atque mala fortuna ventibus, bonam mutationem status ostendit: ob id autem opulenti atque potentibus felicibusque, diuersa ratione omnino malum. Vanundari autem maius est, quàm vanum proponi: & iter agere, quàm velle iter agere, semper enim actus maior est voluntate: idem tamen significant. Vanundatum autem esse, peregrinasse iter, nuptias celebrasse, an maius sit quàm agere hæc: ita distinguimus: Quorum finis est aliquid factum, maius est finem consecutum esse, quàm quærere vel consequi, ut nupsisse quàm nubere, & domum edificasse quàm ædificare: potest enim non id agere, nec perficere: qui ergo perfecit, plus aliquid peregit quàm qui facit. Sed si non maneat aliquid, ut pulsare, canere: maius est agere, quàm egisse. In balneo depilari, diuitibus valde malum: multa enim amittent: pauperibus bonum: soluetur enim molestiis. Pauperi, ferri ab hominibus ornatum, & in pompa, tamen laudari ac suspici mortem significat: diuiti autem, factum egregium.

Quæ prædia significant, sunt iecur, horrea, fontes, coronæ spicæ, aut ex pampinis, scrofa pariens, boves ac bubulci, rastra, currus, torcular, sarculum, ligo, & talia, cum plura fuerint, & varij generis.

Omne quod amissionem significat, ut naufragio, furto, aut à latronibus spoliari, diuitibus charis priuari significat, pauperibus vero diuitias acquirere: neque enim amittere posset, si iam non haberet quod amitteret.

## CAPVT VI.

*De vxorem habente, sacerdote & cælibe.*

**S**acerdotibus (quoniam apud nos cælibes omnes sunt, nec vxorem ducere possunt) quæ videntur, quasi ad iam habentes vxores referuntur. Considerandæ ergo sunt actiones eorum, quales esse possint. Quæcunque igitur vxorem significare possunt, in illis circa sacerdotium & famam sunt intelligenda: adheret enim sacerdotium sacerdoti, ut vxor coniugi. Si ergo locupletem sibi videatur vxorem ducere alio sacerdotio pinguiore ornabitur. Si vxor perire videatur, sacerdotio priuabitur: si infirmabitur, litigabit pro sacerdotio. Quæ autem non referuntur ad vxorem, sed communia sunt, partim ad vxorem trahi possunt, & sic eodem modo interpretanda sunt: ut suscipere vel educare filios,

*Tom. V.*

est in spem successionis sacerdotij aliquem aut aliquos inducere. Quæ verò omnino nihil cum vxoria re simile habent, velut hominem occidere, videntur indifferentia.

Rursus cælebs ab utroque differt. Et ideo cælibi vxorem ducere non est absurdum: diuortium celebrare absurdum: contra sacerdoti diuortium, aut vxorem habenti, non absurdum: ille enim sacerdotium renuntiabit, hic ab vxore se abdicabit: ducere autem vxorem, absurdum utrique: uterque enim turpia & nefanda committeret.

## CAPVT VII.

*De orbo & filios habente.*

**Q**uæcunque orbo videntur, quæ non nisi filios habent conuenire possent, ad charissima & desideria referri debent: & rursus ad vana vota, ac spes irritas. Ergo si cui orbo filius perire videatur, oculum amittet, aut fratrem, aut patrem, aut dentem. At si ornari filium videat, irridetur quod aliquid speret, quod vel habere non possit, vel etiam supra conditionem suam sit. Si cui habenti filios ea quæ orbo conuenirent, videantur, non eadem est ratio: sed periculum est, ne ad eam orbitatem deueniat: aliter autem bonæ & egregiam fortunam significat.

Habenti filios fulmine percuti, dirum: orbitatem enim exemplo plantarum inducit. Sacerdoti impietatem, orbis & eruditæ claritatem nominis decernit. At si domus columna icta fuerit fulmine, habenti filios eripietur morte vnus, sacerdos de sacerdotio periclitabitur, orbo peribit aliquis valde utilis ad domus conseruationem. Quæcunque damna filiis significant orbis, ea in causa necesse est ut in irritum cedant. Horum tamen quædam malum, quædam bonum illis significant: quæcunque enim commutantur, ut in fratres, parentes, vxores, malum illis filiorum loco portendunt. Ex aliis autem quæ non commutantur, splendida & generosa, bonum: humilia omnia, oblecta, inordinata, deficienti, malum. Alæ si pilis nudentur, filiabus inopiam significant: quoniam alæ propriè filias referunt: At non habenti filios, ancillas ostendunt: has ægrotaturas, aut è domo eiciendas portendit somnium: hoc enim est pauperiores fieri: sic enim his quæ habent, præfidiis spoliabuntur. Pedicæ in orbo significant filios, in carente vxore vxorem: in habente utrunque negocia graui, à quibus vix vnquam explicabitur.

Osculari membrum proprium, habenti filium extra domum, reditum significat: habenti in domo morbum: non habenti, habiturum: atque ita vides quam variet significatum.

## CAPVT VIII.

*De artificio.*

**A**rtium quadruplex genus est: aut enim agunt, aut acquirunt, aut faciunt, reficiunt

N n n 2



ciuntve. Agunt, citharistia quæ equos regere docet, & mimorum: nam vel exprimunt aliquid nouum, vel referunt, vel docent: in quo genere est etiam, docere loqui aues. Quæ reficiunt, vt medicina veterinaria: differuntque ratione subiectorum. Facientium aliquid aliæ etiam materiam efficiunt ipsam, vt plastices, aliæ præparant, & formam præbent, vt pistoris & farciminum & lanæ: aliæ verò solum faciunt: hæ versantur circa lapides, metalla, ligna, & carnes: vnde lanij, tum verò pistores. Agricultura autem est ex reficientium genere: nautica ad agentes pertinet: sutoria, textaria, & vestium fabricatio, quæ composita est. Acquisitiuæ celebriores sunt quinque: venatoria, piscatoria, aucupium, metallozeutica, & lithozeutica: vitri verò ars ad plasticen refertur. Architectura ad facientes pertinet. Cauponum autem & commotica, circa præparationem tantum, vt etiam coci: Fullonia ad plasticen: militia verò ad actionem: quamuis finis sit acquisitio persæpe: erunt itaque artes sic distinctæ, quas mechanicas vocant, principales numero triginta & vna. Harum itaque ratio sic definiri debet.

Manibus quoniam modo impediri, omnibus artificibus pessimum est, etiam cursoribus, quorum opus est vt nautarum. Similiter quæcunque significant contemptum, solitudinem, & finis frustrationem, & inopiam: quandoquidem artium finis est opus, artificis verò lucrum. Specialiter autem his, qui agunt leuia somnia, & quæ ad multitudinem pertinent, vt irrideri à populo, acclamari, lapidibus impeti, bonum est. Grauias, seria, lenta omnia, mala: præterquam in militia & nautica: hæ enim grania & seria admittunt: lenta autem mala sunt: magisque nautis atque cursoribus. Quæ præter rationem sunt, & infirma ac fœda, nec congruentia, omnibus artibus aduersantur, præterquam his quæ reficiunt, veterinariæ medicinæ, agriculturæ. At in agricultura dominis hoc non est bonum, sed solum his qui operam suam aliis locant. Quæ materiam faciunt, & plastices omne genus, seu metalla, seu vitrum, aliudve fusile liquecat, vt sulphur, seu vt ex lineis contritis vetustis linteis ignis, significationes faustas habent: vt etiam quæ concresecunt eo, velut laterum structura. Sic fullonia, & reliquæ. Quæ verò præparant & adornant, cauponis coci, commotica, pistoris lanæ, farciminum, fausta somnia sunt, leuia, iucundaque: nam hic est finis iucunditas: leuia verò: quoniam nec gravatè munia hæc fieri postulant: nec quæ tractantur, præter lanam, diuturnam moram admittunt.

Quæcunque faciunt, vt fabrilis, atque huiusmodi grauias & seria, & robur significantia, somnia libenter admittunt: leuia autem mala sunt in huiusmodi, & cessationem & imperfectionem & procrastinationem atque contemptum indicant.

Sutoria quoque, textoria etiam, & huiusmodi, velut nere, compaginare, leuibus non gaudent somniis, sed celeritatem maximè significantibus: sed neque grauias his congruunt.

Architectura, quoniam sæpe impensis do-

mini agitur, procrastinationem significantibus non læditur: sed si conduxerint ædificij structuram, maximè eis aduersantur huiusmodi somnia. Cæterum in hac, grauias somnia vtilissima sunt.

Artibus acquisitiuæ ea congruunt somnia quæ inuentionem præfagiunt, & quæ conformia sunt idolo rei: vt metallorum & lapidum inuentioni, quæ aliis infasta esse solent, commigrare ad inferos, fodere, defodi viuum, ruere domos: nam ruentibus domibus, palam multa detegenda, quæ latent. Sic mergi in aqua, si idolum non sit, auspiciatissimum piscatoribus: & à feris circumdari atque terri, venatoribus. At contrà magistratum habere, conuiuari, saltare, mori, ebrium esse, & quæcunque ocium significant, aut aliud negocium, velut militia, quæ omnibus artificibus aduersatur: & quæcunque artes artibus opponuntur, vt fabrilis piscatoria, & lauandi pannos: & plastice, lanio: omnes mala sunt. Et quæ inopiam significant ubi ars circa preciosas res versetur, & opulentiam circa vilia, & quæ contrarias actiones & affectiones continent, velut carbonario & fabro vestes pulchræ mundæque, & cloacas expurganti vnguenta: omnia hæc absurda, infeliciaque sunt. Considerare quoque decet proprias cuiusque artis rationes iuxta materiam artificij, modum operandi, & vt se habeat ad paucos vel multos, vel populum: & etiam qualis sit ipse artifex, vulgaris an elegans, & præstans ac celebris. Conuenientia & significantia, quæ conueniunt, bona sunt: contraria verò alterutro modo, mala: diximus autem, in quibus quæ videntur absorta, nihilominus fausta sunt.

## CAPVT IX.

### *De natura proprietate.*

**S**omniantis naturam diligenter considerare expedit: nam quibusdam vana fermè somnia eueniunt: velut iis qui mendaces sunt: nam par est eos illa videre & audire, quæ sunt cogitationibus suis congruentia: ob id veracibus veriora somnia apparent. Secundum est: quoniam hominibus quibusdam somnia omnia ad certos euentus magis diriguntur. Quod est eo mirabilius: quoniam quandoque ad illa diriguntur, quæ non tamen sæpe eis eueniunt: velut quibusdam vnas comedere lucrum significat, tametsi parum toto anno lucrentur: aliis verberari à medico, medicinam accipere. Est tertium, quod quibusdam somnia felicia sunt, quæ aliis sunt calamitosa: & hoc ex natura somniantis. In vniuersum, qui melancholici sunt, plura somniant: & si animi abiecti omnia vana: sin præstantis, vera. Pituitosi inania ob id habent somnia, biliosi vera: sed omnium constantiores, qui æquali sunt temperamento.

Rursus quibusdam somnia non sunt vera, nisi certo cum signo, quibusdam autem generaliter. Optimum autem est causas horum noscere, non solum quod certius sciatur quæ per causas, sed quoniam illis notis licet ampliare numerum somniorum: cum ex diuersa missione semper diuersa procedant.

Secundum



C A P V T X.

*De ætate.*

Secundum igitur sic se habet: quoniam operatio illa etiam rarior sit, attamen maxime ei cordi est: sed & res quæ videtur, aut familiaris est, aut in magna existimatione, ut una per aliam significetur. Qui vero animas habent minus impeditas & validas, ac magis exercitas, idola cernunt: segnes & in inefficaces magnis cum ambagibus, medijs medio modo.

Rursus quod somnium plurius vni faustum sit, alteri calamitosum, ob hæc accidit: nam primum quæ somnia mutationem significant, ea miseris bona sunt: beatis autem graviora. Et quæcunque sunt iuxta exercitationem & votum & mores, bona: contra, mala: bonis ergo, aliena re uti, paupertatem significat: non enim nisi commodatæ boni alienis utuntur: at malis lucrum: quoniam vix illi habent qui credant eis. Quibus confestim euentus succedunt, ijs natura mobilis est, atque moræ impatiens: contra serotini sunt, cum de rebus magnis, in quibus necesse est finem negocij multum distare à principio. Itaque principium rei parum ferme semper à somnio tempore distat: finis autem, plurimum. Sed si etiam principium distet, non tamen causa aut mutatio morum. Cum vero somnia quibusdam vera signum aliquod coniunctum habent, necesse est cogitationes eorum efficaces esse. Et ut in actionibus nostris, quas efficere omnino volumus, signum quoddam efficimus: ita & in somniis. Natura vero tantum potest, ut etiam in fortuitis quidam frequenter, & supra fidem atque expectationem diuinent: contingit hoc (ut dixi) ex intenta actione. Porro actio intenta est vel ob robur agentis, vel ob ipsam exercitationem. Sunt etiam homines qui sæpe vident somnia vera, & sunt melancholici & à ciuilibus negocijs segregati, & similibus morum, & in cibo moderati: sunt & qui raro videant, ijs contrarij. Sunt qui videant purissima, & idola rerum: sunt qui obscurissima, & quæ artificiosa indigent interpretatione, quorum animi sapientiæ studiis incumbunt. Sunt qui facilia, ut simplices & rudes viri, quorum etiam est videre idola: sed idola adueniunt, cum res omnino futura est, nec visio obest euentui. Sunt qui parua quæque vident maximis insomniis, quorum animi solliciti sunt, & actiones leues: alijs augentur quæ visa sunt per somnum, contrario modo se habentes. Quibusdam recta est quasi interpretatio, quibusdam conuersa, ut mala per bona, & bona per mala significantur illis. Sunt quibus statim quæ visa sunt, perficiantur, sunt quibus serò. Sunt qui multa admodum somnia vident, quorum numero ambigua redditur observatio: sunt qui pauca valde, & quasi solum cum opus est. Sunt quibus clara, & quæ facile memoria continentur: alijs obscura, & obliuiosa. Sunt qui bonorum, sunt qui malorum futurorum tantum euentum præagiunt, alij utrorumque: & horum quidam pariter, alij hæc magis quam illa. Sunt quibus quædam peculiariora sunt spectra, & peculiare etiam aliquid semper significantia: sunt quibus diuersa semper semperque significantur variantia: in quibus prædicere difficile est: quod accidit ijs qui versatili sunt ingenio, cum prædictio forsitan euertatur.

*Tom. V.*

**I**uuenis si se infantem videat in cunis, resolutionem breui patietur: neque enim aliter fieri, ut infans, potest. Si vero ferre, morietur: animam enim emittere tanquam factum: si in vero sit matris, breui morietur: & eodem in tempore, quod ad partum superesse imaginatur: in aliam enim vitam demigraturum se sentit. In cunis esse fasciis vinctum, artifice vacationem ab opere, pauperi non defutura alimenta, diuiti malum: nam sua alieno arbitrio administrare cogetur, nec familiaris suæ poterit imperare. Seruo gratiam domini, sed seruitutem diuturnam habenti uxorem, diuortium, aut filium: negociatori & pugnaturo nullum potest obuenire somnium deterius: iacet enim infans fasciis vinctus imbellis: ægro mortem portendit: institis enim vincuntur mortui, ac linteis.

Infantem loqui, admirandum factum nunciat: oportet autem quæ dixerit, tanquam vera observare.

Senem in cunis sic esse, si non resolutionem significet, bonum est: ad extremam enim venturum ætatem nunciat: nam tales ut infantes sunt: ideo somnium est consequens, & minimè extortum, quale esse debet quod verissimum est. Puer si senem se videat, morietur: adolescens autem graniter ægrotabit. Et idem, si videat quis de filio. Senex vel iuuenis si puer euadat, dignitatis iacturam faciet.

Plurimum refert ætas in his qui verberari se somniant: nam puer & adolescens nihil mali patientur: eoque magis, si à parentum aliquo, vel patris vel magistro, nam corrigentur: at senes vapulare, malum: significatque iniuriam passuros, atque dolorem.

C A P V T XI.

*De sexu.*

**F**œmina significat imperfectionem omnem: & actiones decoras, sed non generosas. Si tamen sit pulchra, significat veritatem: fœda & humilis, infamiam: impudica, audaciam, impudentiam, dedecus: fucata, dolum technam: irata & compta, iniuriam: blandiens & ornata, bonam fortunam: laceris vestibus, paupertatem & miseriam: pallida & mœsta, inuidiam. Fœmina significat vestem quoniam vestis significat fœminam. In fœminam verti, magistratibus amissionem administrationis: infelicibus bonum: mitius enim agent. Significat fœmina negocia male ordinata, & cōfusa, importuna, & quæ exitum non habent: iuxta prouerbum:

*Fœmina fœmineum non bene finit opus.*

Anus robusta, significat fortunam propriam & antiquam: iuuenis, vel puella, nouam fortunam. Fœmina significat dolum, vafriam, impudenter facta, contentionem, lites iurgia. Significat & equum & carpentum, & agrum: quoniam foditur: & sterilis sterilem, & fœcunda

N n n 3 fœcundum



fecundum. Et significat maximè irrita desideria. Significat & delicias, & voluptates, & facta turpia. Significat & filios, ac filias magis. Androgyni confusionem, dolum, horrendos successus, & inexpectata ac monstrosa facta. Et felicibus malum, infelicibus bonum. Et mutatio in androgynum, propriè significat genitalium morbum. Et mutatio ex masculo in feminam, pro negotiis vtilibus mala, pro periculis & in malis ac metu bona: ex femina in masculum, contrario modo. Vtraque presentis status mutationem & infamiam prædicit. Vtero gerens si somnauerit ipsa, vel maritus pro ea, parere ciconiam masculum, adolescet infans, & parentes senescent, & filius eos alet: si viperam, breui mater morietur: si araneum, natus occidet parentes.

## CAPVT XII.

*De valetudine.*

**O**ptimum in ægrotante sanitatis signum est, videre leonem simiam edentem. Asphodelus ægrotantibus morbo periculoso, mortem prædicit: quod apud inferos herba hæc abundare dicatur. Simili modo malua. Creditor, si exigat ab ægrotante, periculum indicat: si æger persolvere videatur morietur: natura enim creditorem refert. Deus quoque pietatis & iustitiæ seruata aut neglecta rationem exigit: ideo somnium hoc improbis parum conuenit: lanij agris mortem & dura prædicunt, ob similitudinem. Somnia omnia lethi significatiua, mortem certius in agris portendunt. Somnia omnia læta in agro mortem significant, ob nominis affinitatem lethi cum læto: & quoniam non fit transitus repente ad secundum ordinem, æger non potest lætari nisi iam adepta sanitate: ergo somnium non debet transgredi ad lætitiā. Ægrotare agro tanti iam: id est, incipere cum iam ægrotet, solutionem morbi significat: neque enim conuenit bis ægrotare eodem morbo. Ægrotare eodem morbo, in morbis gradus & ordines habentibus, est ex vno in alium transire, velut si quis lippitudine laboraret, & somniet se lippitudine laborare, euadet cæcus: nam ex lippitudine in cæcitatem naturalis est transitus. Et ita si vulneratus somniet se vulneratum esse, nec sit *ἀσπληνιστὸν*, transibit in vlcus. Et si habens vlcus pati vlcus, transibit in Chironium & fistulam. Et apium, cupressus, agris sunt lethifera. Quæcunque agris salutaria sunt, sanis morbos significant, velut sudare, liberari à morbo: sed hoc etiam significat liberandum à cura graui. Nouis vestibus indui, supplicare Deo ob recuperatam valetudinem, medicum discedere: qui enim liberabitur, cum non laboret? At contrā quæ sani faciunt, si æger facere videatur, sanitatem prædicit. Memineris etiam, quod agri tria habent somniorum genera: salutis, mortis, & neutrius: sani autem tantum vnum, ægrotandi: neque enim habent sanitatis futuræ.

## CAPVT XIII.

*De mutatione.*

**E**st igitur mutatio bona plerumque miseris: felicibus autem mala. Miseris ergo propriè mutatio in melius conuenit. Et quæ potest antè, & quæ sinistra dextra, & quæ deorsum sunt si ascendant, & quæ cum spe lætitiæ ac promptitudine omnia videntur in melius: & quæ fera sunt si fiant mansueta, & quæ inutilia vtilia, & quæ muta vocalia, & quæ stulta sapientia, & quæ mutila integra, & quæ nuda vestita, seu natura, seu arte: & quæ secundum naturam, vt ex puero iuuenis: & quæ in nobiliorem statum, vt è femina vir. Sed si iuuenis senex fiat, aut contrā, dubitatio est: in horum enim altero ordo naturæ desideratur, in altero mutatio in melius. In his tria sunt consideranda. Primum, quoniam mutationum aliæ sunt prorsus contra naturam, vt nullo modo vnquam contingere possint, vt à mortuis resurgere, vel regredi in ætatibus: alio modo, cum quandoque sunt, velut ex femina fieri masculum. Secundum, quod mutatio aut est in re solum, aut etiam intelligitur: in re solum, vt cum mortuum patrem video viuum, intelligitur autem, cum scio esse mortuum, & video ipsum resurgere. Tertium est, quod mutatio est vel ex re in rem, vt in ætatibus: vel non ex re in rem, sed ex priuatione in rem, vt cum simius loquitur. Si ergo hæc tria simul sint præter naturam, vt quod videam patrem meum resurgentem, aut me ex sene factum iuuenem, plus potest mutatio contra naturam ad significandum deterius, quàm ipse finis vt sit in melius.

Sed cum defecerit vna conditio, tunc erit bona, & in melius, cum turbatione tamen multa. Mutatio in Deos, astra, reges, bona est: sed præcipuè priores duæ, modò perfecta sit.

Refert Artemidorus, quod quidam cum vidisset se in Solem mutatum, & per forum ambulare cum radiis vndecim, dux exercitus factus post vndecim menses in ipso magistratu interijt. Quoniam enim magnum aliquid (vt dixi) mutatio in astra significat, si non absolutum sit, magnos errores, casus, lapsusque significat: vt potius ob defectum videri possit somnium, quàm ob ipsum principale significatum. Omnia somnia quæ nouum aliquid & diuturnum significant, si idem bonum fuerit, ad vitæ mutationem in melius pertinent: non tamen vitæ mutationem omnia significant: quoniam per vitæ mutationem intelligimus, cum maxima pars actionum & status nostri permutatur. Sunt autem præcipua, quo ad hoc, tria: opes, valetudo, filij: nam fermè humana omnia ad hæc reducuntur. Qui opes habet, habet amicos, honores, potentiam, &c. Vrsæ catulus nuper natus, propriè commutationem in melius significat.

Mutatio in deterius est triplex. Aut secundum rem, vt cum solitus videaris equitare equum, & equitas capram. Vel cum res ipsa deterior sit, vt equus ex iuvene senex factus.

Aut



Aut ratione comparationis: ut cum solitus ingredi frigidam æstate, ingreditur hyeme: nam hoc significat inopiam, & diminutionem reddituum & lucri: quoniam eo quod fuit voluptati, nunc intempestivè utitur, ob inopiam: nam diuitibus par est esse balnea pro ratione temporis, calida hyeme, frigida æstate. Et etiam frigus per se, ut visum est supra semper significat egestatem. Quod si quis videat se esse in balneo calidæ in æstate, postquam usus erat eo per hyemem, aut significabit inopiam, licet non adeo magnam: aut affligetur ab his à quibus iniuri deberet, velut à filiis: vel importunè utetur actionibus suis. Et mutatio rerum in deterius, vel usus, significat corruptionem illius: velut si quis frumentum videatur exhibere equis.

Quidam cum vidisset pratum virens, inde aridum factum, interrogavit Serim quid portenderet: respondit, malignam somniantis naturam. Fungi, piper, ozimum & sinapis, pisces, mutationem diuersis causis in deterius significant: nam fungi perniciosi sunt, & facile corrumpuntur: eadem ratione pisces mortui, licet non sint adeo lethiferi: cocti enim perdunt homines, & crudi putrescunt celeriter. Sinapis, quod acris sit, exulceret, lacrimasque excitet, infortunia & morbos prædicat. Piper, quod acre sit, sed bene oleat, pugnas & dolores prædicat. Ozimum vexationes, molestias usque ad desperationem præstat: quoniam acris est, & odorata, sed inutilis: crediturque scorpiones generare, hostes & insidiatores hominum. Raphanus autem quia malè olet, significat mala consilia, dolosque & prauos homines. Ideo etiam eiusmodi radicem transplantare, vitam prauam in posterum ducere significat. Sed & pastinacæ malæ sunt, & morbos ac graues citras ostendunt: quoniam difficulter concoquantur. Adeo verò prauæ sunt, ut si coctæ comedi videantur, mortem breui credant portendere: sed ut mihi videtur, solum morbum grauem.

Quæ mutant in deterius, sunt descensus scalarum, retrocessus à loco quieto amœnoque, pedum vel fundamentorum læsio: miluus, à proprietate: lupi, mures erodentes, casus ex alto, senes decrepiti, mulier crinibus expassis, rota fortunæ cum felix fueris, ipsa fortuna irata, vel genius tristis: homines qui ex felicitate in miseriam deciderunt: homines historia vel visu cogniti, qui ex optimo statu in pessimum deciderunt, velut Priamus, Oedipus, Dido, fons aquæ pulcher siccatus, arbor generosa euerfa. Astaci etiam: quia retrocedunt: bufo ingens, quod credatur infauistam ubi innenitur domum reddere. Talpæ emergentes à terra, aut multos cumulos & magnos terræ suffodientes: multæ aranæ tela in domo textæ: quicquid conuersum turpe habetur: velut currus ducens boues, mulier virum subagrans: lepus canem persequens, ornamenta domus fulmine icta atque confRACTA, membrum virile amputatum, aut oculi effosis, inimicus potens in domo tua cum honore exceptus. Omnis ruina, nisi rei malæ vel suspectæ, & omnis ædificatio & fabrica

rei quæ damnum perpetuum afferre soleat, velut torrentis, & fornaces laterum, mutationem in deterius ostendunt. Et beatis generaliter, quæ commutant, sunt tristitia: velut eradi, renasci, mori, habitu nouo uti, urbem domumve nouam inhabitare, in scæminam verti, repuerascere, pluuia, casus fulminis super pedes. Omnibus maximè proprium commutationis in deterius signum est, miluus auis assistens, vel superuolans: vel si tu ipse in eam auem conuersus sis, quod deterrimum est: adeo enim mala erit commutatio, ut aliquando fame pereas.

Quatuor quidem sunt genera signorum mutationum: alia semper bona, quæ in melius semper mutant: alia mala, quæ semper in deterius: alia dubia, quæ felices evertunt, infelices subleuant: alia augmenti, quæ incrementum semper significant, augmentque præsentem fortunam, qualiscunque sit: ut scalarum ascensus, & cucurbitæ, heliotropiumque herba. Sed omnium quæ mutationem vitæ significant, nihil maius est morte: si quidem mors commutat vitæ genus, cum mortui nihil habeant commune cum viuis: quanto magis commutare possunt vitæ genus: post, monastica vita, exilium: pluuia verò, leuiem mutationem vitæ, significat, & in vna tantum causa. Et scias quod utroque modo id prædicunt, seu fiant, seu facta sint: ut mori, mortuum esse: pluere, pluissèue. Sed actus significat mutationem cum anxietate: res autem peracta sine illa, sed quasi sensim ad eam traductum. Quæ commutant malam fortunam in bonam & bonam in malam, semper & propriè sunt: crocus, & herba Alexandrina, sed non adeo, ut usus.

#### CAPVT XIV.

*De nobilitate maiorum, successionem posterorum, & fama post mortem.*

**N**ON coniunxissem hæc quæ videntur esse in diuerso genere (si quidem nobilitas maiorum videtur solum significare, non significari, ut quæ sit notior quam ut per somnium innotescere debeat: successorum autem fortuna & fama post mortem significari, non significare potest) nisi mutuo hæc sibi responderent: quippe nobiles & reges successores videre (ni idolum sit quod videtur) declarat famam post mortem: hoc enim ad id consequitur: aut aliquid inuenturum, quo ex nobili stirpe descendisse manifestum sit: aut si id non eueniat, ita tamen esse. Sunt enim aliqua quæ ita declarantur per somnia, ut aliter, non tamen nota sint. Et quædam docent rem ipsam, ut demonstrationes problematum aut contemplationum mathematicarum, aut proprietatum rerum: & quædam docent modum inueniendi quæ quæruntur: & quædam simpliciter rem docent, ut homini relinquatur dubia de re visa opinio. Omnia enim hæc ex principiis somniorum apparent,



quæ suprà docuimus. Generalissima enim effectuum principia & præcedentium sic mouent animam (nam hoc ostendere oportuum non solum hic est, sed ad totius tractationis cognitionem necessarium) quoniam si periit tibi absenti frater iam octo diebus, necesse est vinculum fratris abruptum esse in causa, quemadmodum etiam in effectū: at impedita anima prioribus octo diebus non sensit, hac die sentit, liberata impedimentis omnibus: ob id talia sonania maximè obrepunt vacuis mentibus.

Sic & si auus meus, vel proauus, aut alius ex maioribus aliquando strenuo facinore nobilitatus sit, aut flagitioso damnatus, & tamen causa ut coniuncta est mihi (nam illi coniuncta fuit) perpetuò mouet, sed ob exilem sensum non videt anima eo usque, donec liberata prorsus omni cura, & per certos circuitus obuia recurrens ad causam qui maiorem meum affecit: scintillas quasdam & vestigia imprimit eius effectus, qui tum fuit usque ad certa tempora: nam nihil mortale infinitum esse potest: & si etiam esset, obnerteretur à tot motibus maioribus & euentibus intermediis. Ergo videre nobiles maiores, versa vice declarat stirpem nobilem futuram, aut gloriam post mortem: hæc enim etiam, ut clarum est, se consequuntur. Et similiter famam sparsam de se bonam vel malam, tales fuisse maiores, aut futuros posteros tuos declarat: omnia enim hæc sibi inuicem rectè & ad amussim respondent. Quædam verò vnum sibi determinant, cum defecerit stirps aut famæ spes, ut in valde pauperibus, damnatis, seruis, habitantibus in locis longinquis à propria patria, in solitudine: at maiores nulli deesse possunt: quocirca loco filiorum, si filij defuerint, fama subingreditur: & loco famæ, si famam ille non possit consequi, filij: atque hic primus est modus, propter quem etiam quæ significandi ratione coniuncta erat, coniunximus.

Secundus modus est ex propriis: nam funus & sepulchrum significant famam: sepulchra maiorum & stemmata & imagines maiorum, nobilitatem: virilia & viscera, descendentes. Sed distinguere singula oportet: nam funus famam breuem significat, sepulchrum autem perennem.

Quinque autem modis sepulchrum præcipuè afficitur: si fulmen in illud incidat, & conflagrare videatur: vel enim magnā famam somnianti, vel posteros suos magnos futuros pollicetur: si verò diffricat ac dissipet, contrarium propè minatur.

Si aperiatur sepulchrum, apparebunt facta somniantis post eius obitum, qualiacunque fuerint: & si fuerit homo qui scripserit, scripta eius illustrabuntur. Si statua quæpiam pulchra aut fœda super sepulchrum constituta videatur, aut diuturnos honores, aut aliquem ex sua stirpe magnum futurum ac gloriosum denunciat. Si resurgere mortui videantur ex suo sepulchro, vel libri occulti publicabuntur, vel exurget aliquis ex stirpe qui familiam & genus nobilitabit: vel gloria illius reuiuiscet. Exornari quoque sepulchrum,

famam post mortem significat, aut aliquem à familia illustrem obitum declarat. Similiter sepulchra maiorum si fulgure tacta ardere videantur, inclytum facinus perpetrabit somnians, vel ea arcta affinitate iunctus, vel descendendum aliquis. Et si aperiatur, morietur fermè tota familia.

Et quandoque detecta maiorum sepulchra, declarant aliqua in lucem proditura, per quæ nobilitas illorum detegetur magis, & illucescet mortalibus. Et viscera propriè significant filios, genitalia filios & descendentes: renes autem posteros magis quam filios. Ex his igitur arbores animaliaque oriri, tales significat eos, qui successuri sunt: sed arbores ad potentiam & statum pertinent, animalia autem ad mores: plantæ enim crescunt plurimum, sed mores non habent: animalia moribus prædita sunt, sed non differunt multum.

Quæ etiam à tergo sunt, posteros: sed nisi aliquo modo coniuncti videantur, alienos eiusdem ordinis aut dignitatis significant: à latere, potentes: ante autem, maiores, quasi conuerso ordine.

Quartus modus, à renouatione solum habetur: quæ enim post multos Solis circuitus contingere videntur, ad posteros pertinent: & similiter quæ post Solis occasum: ut contra, quæ antea per multos circuitus eiusdem, aut illius exortum, maiores nostros significant. Et similiter quæ ad domus ruinam, aut nouam reparationem. Et furculi arborum, posteros: & arbores vetustæ, maiores significant, & alia similia in iis. Et pater filium, patruus filium ex fratre, auus nepotem, frater autem nepotem ex fratre, pronepos proauum, proauia pronepotem ex filia aut nepte, aut proneptem, atque ita conuerso semper ordine significant. Et generaliter, ubi adest con-significatio temporum.

## CAPVT XV.

*De oraculis: & quod vigilantes diuinare possumus.*

Cæterum absoluta somniorum historia, de oraculis agendum est: etenim parem in vtrisque rationem esse, verisimile est. At cum in somniis anima non sit adeò sensibus impedita, melius vacare potest futurorum diuinationi, fatique imaginibus: cum enim non tunc solum, sed semper, neque noctu, sed interdiu, & quacumque hora circumferantur imagines futurorum, veluti in rota quadam, eadem in anima ipsa relucet semper, sed spiritu occupato à nobis non animaduertuntur. Idque indicium est, animam esse principium nostri corporis, non autem vim: neque enim à sensibus impediretur, sed incitaretur. Oportet ergo eos solum oraculis intendere, quibus natura concessum est per somnum multa & præclara & euidentius cernere: nam si cum soluta impedimentis natura per somnum id non possunt, aut omnino rarò, & non perfectè: qua ratione, dum vacant



vacant sensilibus, id sperare consequi possunt? Adiuuanda quoque hæc operatio erit ea in parte qua anima obsidetur, tantum illi auxilij impertiendo, quantum est id quod illi ex vigiliæ actionibus deperit: oportet etiam, quæ impediunt, quatenus licet amouere. Ea sunt autem motus omnes, tam interiores quàm externi, sensuum: quos nec concitare decet, nec exercere. At verò animæ impedimenta quæ iam parata sunt ellebori purgatione, abstinentiaque ciborum ac potuum minuantur. Anima verò ipsa iisdem, & lapidibus, sed suffumigiis propriè ad hæc adiuuatur. Abstinentia igitur vini plurimum prodest, & ciborum qui caput turbant: qualia sunt, omnia quæ acria sunt, aut difficilè concoquantur, & atram generantia bilem, & quæ venerem excitant: hæc autem bifariam plurimum obsunt, & imaginationes mouendo, & quod veneris vsus corpus & animam turbat, impuramque illam reddit. Quocirca in hoc opere eligebatur Phytionissa virgo, quod & ob puritatem, & ob sexus mitiorem naturam anima non perturbaretur: apparebat enim, dum impleteretur Deo: idest, spiritu illo terræ, perturbari totam, ac similem effici ebriæ. Vnde poëta:

— *Non vultus, non color vnus,*

*Non compta mansere coma: sed pectus anbelum,*

*Et rabie fera corda tument: maiorque videri.*

*Nec mortale sonans, afflata est numine quando,*

*Iam propiore Dei. —*

Quid ergo fiet, si iam temulenta fuerit anima cum corpore, seu in gestis, si animi perturbationibus? quamobrem & certis cibus ac potibus, & certis horis, & parcè etiam utroque opus est uti: gemmas verò gestare, quæ animum tranquilliant ac serenant, cuiusmodi sunt smaragdus, hyacinthus, sapphirus, & topazius. Sunt etiam qui lapides aliquos à proprietate id posse contendunt, ut oculum hyenæ, & oculum Indicæ restudinis (vocant chelonium) si sub lingua detineantur. Ego non tam sub lingua, quàm è regione cordis id efficere posse crediderim, si modò id possunt: nam aliquos eiusmodi natura lapides esse reor, raros tamen specie, ac ex his etiam rarissimos qui id possint: ut videmus inter lapides herculeos, qui magnum trahant ferri frustum: tum verò id diu gestatos, nec nisi in quibusdam (ut dixi) hominibus. Ob id pauci id tentarunt. Sed quod euenit, potiùs, felici id quadam euenit fortuna. Magis nota & efficaciora sunt suffumigia, ut dixi: ex his, fontium quorundam aquæ, ut quæ in Bœotia iuxta Trophonium. Sed nihil certius specubus, in quibus ex halitu terræ longè magis diuersæ species vigilantibus obuersantur, quàm somniantibus sine illis: atque id Aristoteles retulit in libro de Oraculis, Plutarchusque. Sic in Delo, virgo vaticinabatur, Trophonium verò antrum etiam validius afficiebat epota aqua ingredientes: quoniam omnes videbant. Idque in religionem à falsis sacerdotibus, seu etiam ignorantia naturalium causarum, versum est. Neque cre-

das idola offerri, & planta responsa, sed ambigua, & in somniis prorsus simillima. Quamobrem huc eam retraxi tractationem, quòd eodem modo iisdemque præceptis eorum interpretatio constet.

Liquet ergo, & puris hominibus & virginibus, simplicibusque viris aut feminis, sobriis atque abstemiis, huiusmodi potius apparere, quàm reliquis: quosdamque sponte in hanc diuinationem deuenire, & quibus quidam tantum, semel, quidam bis, alij perpetuò diuinant: facile enim abrupitur hæc facultas, difficilè retinetur. Sic mulieres quædam vnum pariunt filium tota vita, deinceps steriles. Hoc quæsisse Adrianum, & impetrasse, fama constans est, occiso etiam adamato adolescente Antinoo: non tam, ut reor, diuinandi cupiditate, quàm ut de manibus certior fieret. Quo desiderio, sed importuniore: & minus consulto, antea flagrasse Nerone, haud dubium est. Sed frustra opera sunt naturæ omnia: perperam manes sic quærimus, perperam prohibemus. Suffumigio odorato, si arte quærenda sunt oracula, ex vilissima materia simplici atque cœlesti facere solum ea oportet. Quodcumque autem tum euenerit, seu in mente carmen, seu cogitatio aut visio aut incitatio, pro responso habenda sunt: raro enim non per ambages, quemadmodum & Pythiæ, sed pura idola representari solent. Id quoque huic melius quàm illi, ob naturam ad diuinationem propensam: neque enim credendum est, virgines illas, quæ Pythiæ vice fungebantur, æquè aptas ei muneri omnes fuisse. Ideoque & oraculorum authoritas modò augebatur, modò minuebatur, iuxta vatum præstantiam: itaque & alios consulere in proprio negotio quandoque melius est, quàm à seipso petere id munus: quod etiam non sine concussionem mentis, & agitatione totius corporis fit. Vnde phanaticos hos homines, & tum & in posterum appellare solemus: quasi semi-insanos. Cæterum illud forsan te torquebit, quoniam pacto ad imminencia me parabo, ut vel Dodoneæ, vel Ammonis aut Delphici oraculi responsa impetrare possim: tamen præcipuè conuenientia voto, & congruentia expectationi — tum maximè ab alieno? Somnia enim offeruntur non de his quæ volumus, aut quæ nostris necessitatibus satisfaciunt, sed qualia fortuna obiecerit, etiam si verissima sint.

Nec Oracula ipsa semper interrogatis respondebant. Romanus ille (si modò vera sunt quæ Lucanus refert) dum quæreret de belli exitu, responsum de obitu proprio in Eubœa insula accepit. Ergo diuinamus ob id, quòd ex omnibus quæ obiciuntur, tum etiam maximè instantibus rebus, spiritus affectu incitatus mouet conuenientes imagines. Sic enim primum videmus hominem in turba, quem quærimus: de alio vero, cum difficilior sit causam reddere, ob id non adeo fidimus alieno ut proprio oraculo. Antea vero homines ad huiusmodi diuinationem non se conferebant, veriti ne per dæmones fierent: alij, non esse eam putantes. Verum & diuinatio est, & naturalis: sed non in vulgus propaganda.



landa. Profanata enim quæ mystica & arcana erant, desierunt esse miracula: quæ solum puris, & ab omni iniustitia mundis, quique omnia ob sapientiam contempserint, nec opes curauerint, videri solent. Quamobrem neque Peripateticis ob improbitatem, nec Platoniceis, aut simplicibus hominibus ob imperitiam talia conceduntur. Natura verò quidam simplices & rustici, tamen ob certi generis ciborum usum assiduam, de quibuscunque diuinare solent. Quanquam peculiare sit omni diuinationum generi, solum de quibusdam, non de omnibus diuinare: Neque enim parum est, Elysia claustra naturalibus viribus quasi violenter reuerasse. Ob id Deo Opt. Maximoque hymnum canamus, qui per mortalia effecit, vt ad immortalium notitiam accederemus.

## CAPVT XVI.

*De usu somniorum.*

**F**inis somniorum, vsus est: finis autem, propter, quem omnia fiunt. Vsus igitur, pars nobilissima est somniorum. Quæcunque igitur per somnia prænoscentur, aut præsentia, aut præterita, aut futura sunt: & præterita aut præsentia mutari nequeunt, ob id scire illa tantum expedit: sciemus igitur, si supra coniecturam somniorum, diligentiam in indagando adhibuerimus. At verò ita existimare oportet, tanquam hoc ipsum nos retrahat, non impellat (Socratis demonij instar ad aliquid. Veluti video per somnum, famulum me decipere: non illum abdicabo: sed non committam vt ita me possit decipere, vt nequeam animaduertere: sed solum committam ea illi negotia, in quibus si fraudauerit, deprehendi certo queat.

At futurorum quædam sunt, quæ ad actiones nostras pertinent: quædam verò ad euentus, vt ægrotare, mori: ac rursus quædam bona ex his, quædam mala, quædam magna, alia parua, alia mediocria. In paruis seu bonis seu malis, observare sufficiat: in mediocribus autem, & magnis, si bona sunt, coadiuvanda sunt, si quid potes: sed non nisi vt naturali coniectura præuisa. Ergo verè si videris morbum venturum, purgaberis, abstinebis à cibis, potibus, venere, curis, laboribus superfluis. Si mortem timeas, cuncta tanquam moriturus ordinabis: non tamen illud dices aliis, nec ab honestis actionibus te subtrahes.

Sunt qui codicillis ventura describunt, quemadmodum credo fecisse Adrianum: si euenerit, aut ostendant, aut videnda relinquunt: si non euenerit, exurunt illos. Quæ curiositas parum à me laudatur: non enim quicquam tale ego ago. Bonum est sapere, non videri sapere. Qui in friuolis studium adhibent, necessaria & honesta sapius prætermittunt. Studendum autem maximè est, ne fugiendo fatum, fatum impleas: quare obrem sic enitere, vt in suspitione versari potius videaris, quam timere, aut negligere. Porro in his quæ ad actiones tuas per-

tinent, maiori consilio opus est. Cum autem quædam promissa legitima, quædam indifferentia, quædam flagitiosa: atque in adipiscendo triplex singulorum modus, similiter legitimus, violentus & flagitiosus: legitimo, in legitimis & indifferentibus, cum spe somnij insistere debemus: in flagitiosis, leniter, si prauo studio satisfacere volueris: secus, desistere melius est. Flagitioso ac violento, in flagitiosis quantacunque spes in somniis affulgeat, adipiscendi modo opera danda non est. Honesto verò violenter: flagitioso autem modo etiam studebimus cum eadem spe: nam hinc periculum se obicit, aut scelus: illinc finis honestus, & non mediocris spes. In indifferentibus autem, vt lucra, honores, qui tibi non debentur, nec negari tamen iuste possunt, violenter insistere possumus: modò consentiant vndique somnia, immunemque à periculo polliceantur: secus, non: nam huiusmodi spes multos fefellit: consecuti enim quod quærebant, aliis ex causis vehementer afflicti sunt.

Præter reliqua autem studendum est diligenter, ne te iactes: non enim solum versaris in periculo, ne irridearis, & vt levis videaris, sed etiam ne frustreris exitu: nam publicata spe propalantur actiones tuæ, quibus illi occurrunt. Eademque celeritate ac leuitate, qua euulgantur, etiam euanescent sperata.

Memineris enim dictis illius aurei Senecæ, nihil tam certum esse in futuris quibusuis, quam nihil certum esse: & artem esse de futuris, & coniecturalem: & homines nil, vel mediocriter assequi.

Verum quidam irridunt hæc, dicentes: Nos non ex somniis, sed actionibus ipsis humanis, felicem fortunam pendere arbitramur: quandoquidem ex illis eam consequi perspicimus: nosque contemptis huiusmodi, beati facti sumus, & ad summam potentiam euecti. Ergo & his respondere dignum est.

Causæ hæc naturales sunt: quas seu negligas, seu magnificias, eueniunt tamen effectus: atque iidem somnia vident: quæ si negligas, quod dono superum accepisti, tua solertia adeptum te existimas, vnde etiam deterior euadis. Incautus vero, & tui nimium confidens, opprimeris: nec vllius qui solum mortalibus actionibus atque solertiæ vaficieique confidit, beata vita est, ob impietatem: nec in stirpe, tam necessaria parte salutis prætermissa, diuturna potentia. Iudicio est, quod omnes qui diuturnam dominationem obtinere, huiusmodi disciplinam maximè obseruarunt: reliquorum incrementa fortuita, vita tumultuosa, breui in nihilum redigitur.

Cum vero somnia, pleraque maiora repræsentare soleant, illud diligenter cauendum, ne consilium placeat repentinum, tum ob id, tum quod nox omnia maiora facit: fallacia enim sunt, quæ per somnium videntur: deinde etiam, quæ nobis vigilantibus nocte consilia capimus, vt non pauci ex hoc præcipitati sint in negotiis: vt enim per silentium vox, vt in tenebris lux, longè maiora videntur: ita quæ per noctem aut speramus, aut timemus. Sed neque his quæ in vigilia primum placent, & nobis ipsis solis, & maximè dum spe aut timore



more vel ira concitatur: fallacia enim rursus sunt, tametsi non adeo quam quæ per tenebras excogitauimus, *quæ* enim persæpe, etiamsi non alia perturbatione decipimur.

Quartus ergo est, cum prudentibus, & eius negotij expertis atque amicis omnia narramus ex fide, eisque iudicium rei permittimus. Hi enim nec amore, nec odio, nec spe, nec metu impediuntur. Hoc sanè iudicium est optimum omnium, præter illud quod proximè in ipso enentu rei habetur, ubi & euentus & casus perspiciuntur, tum reliqua omnia quæ adiuvant & impediunt: ob id qui promptissimi sunt in consiliis capiendis, persæpè magna deuitant infortunia: & melius consulunt rebus ipsis prudentibus, qui multò antè rem coniectura, sed imperfectè sunt affecti.

Sed vt ad rem reuertar, cautum oportet esse hominem in iudicando, singulaque diligenter expendere: velut si cui videantur se esse damnatum ad laqueum, nec tamen ducatur: ibidem explicauit, damnationem hanc, quia non ducitur, similem esse veræ damnationi, quo ad affectum: sin autem ducatur, felicitatem magnam portendere: hoc est, magnam super alios exaltationem. Quomodo igitur hæc? Dico, quòd in huiusmodi casu cupiet maximè exaltari: & ob id, cum sibi alios prelatos videat, maximo animi angore discruciabitur.

Alius rursus se existimat concionari ad populum, inde excipi ab eodem cum applausu: paulò post eligi in rem, & cum pompa reduci domum. Hic aliquando capietur: hæc enim est conditio necessaria inde torquebitur: hoc enim est concionari: ibi & fatebitur delicta: si enim cum applausu à quæstoribus excipitur: post damnatus ad supplicium: hoc enim est in regem eligi: deducetur domum: id est, ad mortem: hic omnia plana esse video, præter vnum: quoniam dices, Qui de crimine interrogantur, non coram populo quæri solent. Verùm somnium, vt dixi in primo libro, conditionem propriam in specie facit generalem, tametsi repugnet. Cum ergo in publico, dum torquentur, accurrat populus in disquisitione, iudices & filci procuratores & quæstiores populi & turbæ vicem subeunt.

Quòd si paululum in pluribus variare soleant somnia, illud obseruabis, & ubi maximum est discrimen ac minimum, adnotabis in duobus generibus tanquam oppositis: vt-pote si maximè aberrat in homine, minimè verò in minutis animalibus, in animalibus magnis & domesticis multum aberrabit, transferesque significatum ad propinqua significato ab homine: & post in animalibus magnis, feris: post in paruis, sed mansuetis, inde in piscibus. At verò in plantis atque lapidibus ac elementis pones ea omnia, quasi

ab aduersa circuli parte, sic vt minimum maximo coniungatur, scilicet elementa homini proxima, inde metalla, lapides & plantas, quas constitues proximas paruis animalibus, & ita translatò significato inuenies quæsitum. Sit, vt quoties somnies de homine noto, qui (vt dixi) famam significat, vt verbereris: iam hæc est passio, & plusquam affectus: ubi somnies de cimicibus, qui concubinæ tædia notant, ab vxore molestia afficeris: tum verò constitues, totam eam medietatem quæ est à minutis animalibus ad hominem, cum incremento reliqua minues significata. Equus ergo qui significat existimationem & robur, significabit dignitatem & magistratum: arbor verò contra, quæ te aut tuos significare solet, animalia tua referet, vt equum aut bonem vel ministros: atque ita de aliis. Non fit autem comparatio æqualis, nec quo ad medietatem, neque in excessu, sed est similis duobus circulis, quorum vnus alio includatur, diuersa centra habentibus. Sed neque interualla hæc æqualia sunt inter se, sed ferè semper magnitudine dissimilia, ratione verò eadem.

Est etiam in somniis ea obseruanda ratio, quæ omni diuinationum generi communis est: scilicet vt similia similibus comparentur: inde quæ adduntur, rursus similia, donec ad dissimilia perueniamus, quæ in similibus maiorem quàm in dissimilibus prorsus nulla est. Ponamus, exempli gratia, quòd patri & filio diuitibus, & ambobus iurisperitis, patria quidem eueniant somnia, de equitatione & equis similibus: at in hoc differant, quòd pater in locum obscurum: filius autem pellucidum perueniant. Erunt hæc in somnia similia in pluribus existimatione, vitæ cursu, qualitate ministrorum & artium & studiorum: hac manente in omnibus similitudine, quæ ex loco lucido & obscuro non peruertitur: superueniente tamen illa differentia, pater quidem infamis morietur, filius gloriosus, quod maximum est discrimen: quia inæqualia quantò magis exquisitè æqualibus iunguntur, eò certius inæqualitatem efficiunt. At ponamus, quòd cauponi cuidam somnium idem, quale filio contigit, sed in suo sedenti accidat. Caupo ille, patri illi nil simile habebit, cum non conueniant: in fine tamen plus conueniet cum patre, quàm filius: morietur enim infamis, luxque illa & splendor illius turpitudinem & ignauiam detegeret, vt in Iurisperito obscuritas nomen illius obfuscabat. Ex dissimilibus ergo similia magis, dum componuntur, quàm ex dissimilibus & similibus euenire possunt: cæterum nil simile. Oportet autem similia seorsum obseruare, quoniam dissimilibus non vitiantur: quamuis mista postmodum similitudinis cuiusdam speciem efficiant.





## LIBER QVARTVS DE EXEMPLIS.

### CAPVT I.

*In quo utilia sint somniorum exempla, &  
illorum ratione.*

**D** VORVM cū sint generum somnia, alia quidem quæ rem ipsam declarant, idola vocata, quorum maxima pars oratione & auditu, non visu constat: horum quidem vnica ratio erit confirmare opinionem de illis: alia verò, quæ ex naturæ similitudine, aut fortuita quadam ratione vsque humanæ coniuncta, verisimilem exhibent de se coniecturam, in quibus non solum somniorum veritas confirmatur, sed etiam interpretandi modus ac solertia declaratur: cuius causa plurima talia Artemidorus Daldianus, qui & de chiromantia & auspiciis tractauit, vltimo suo libro, quem huic negotio destinauerat, conscripsit. Neque enim artis singularia tam bene doceri possunt rationibus atque regulis, quàm exemplis: quoniam in exemplis relucet coniectoris seu interpretis præstantia, quam maximis laudibus effert Aristoteles. Vt enim aqua mota imperfectæ imagines rerum apparent, quas qui intente & cum iudicio intuitus fuerit, poterit dignoscere: & quo motus minor fuerit, quiescente omnes videre possunt & agnoscere: ita coniector quæ occulta sunt, ob imperfectionem interpretatur: ob id iudicio vt præstat acerrimo, & versatili quàm maximè ingenio sit, opus est. Atque hæc de interpretis qualitates veræ sunt.

Sed & id necessarium est, vt natura ad hoc paratus sit: cū enim omnes homines seligant ex infinitis, quæ significari possunt, multa: necesse est aliquem esse qui pleraque vera seligat, vt alium qui nihil: atque id etiam sine astrorum aliquo auxilio: namque res ipsa postulat hoc, vt postquam cunctotum est diuersa electio, vt quidam sint qui vera solum sorte quadam fermè seligant, atque hi optimi erunt interpretes: nec hoc in collimationem aut causam aliquam manifestiorem reducere oportet, sed in ipsius naturæ rerum necessitatem.

Cæterum exemplum illud de imagine in aqua, Aristotelis, non sanè, quanquam tanti Philosophi, rationem docet, cur somnia vnum per aliud significant: quandoquidem non sunt somnia secundi & tertij modi idolorum partes, sed aliud omnino genere. Velut nix paupertatem & inopiam significat: frigent enim homines ob niuem, & nihil oritur in terra dum à niue tegitur, nec quicquam colligitur. Quid tamen niui cū inopia?

Propterea primum illud videndum, cuius causa hunc vltimum librum confecimus, an in somniis aliqua sit veritas: & an ars vlla possit de eis constitui.

Videtur autem, multas ob rationes, quòd non. Primum quidem, quod neque omnibus vera videntur somnia, nec vlli tota vita: ars autem vtrumque habet, & disciplina, vt omnes possint, si velint, ea vt, & aliquis sit qui eam perfectè norit. Deinde non videtur ratio, quod à Deo immittantur, qui solum seipso contentus est, & de quo dubium est an serias res hominum curet, nedum vt velit tam frivolis adhibere auxilium: multa autem talia in somniis videri solent, sine quibus etiam homo rectè esse potest: vt amissio modicæ pecuniæ, fuga pueri familiaris amici mors aut dilecti catuli.

Præterea si Deus immitteret somnia, vtique probis (non dicam sapientibus) immitteret, quemadmodum inquit Aristoteles. Scriptum enim rectè est: Qui abscondisti à prudentibus, & reuelasti ea paruulis: & quoniam quos simplices Aristoteles appellat, hi sunt verè sapientes, iuxta illud: Nos stulti vitam illorum reputabamus insaniam, & vitam eorum sine honore: illi autem annunciauere opera Dei, & facta illius intellexerant. Solis, non autem improbis: hoc verò secus habet: nam non minus improbi futura prævident, quàm probi: vt de Sylla, Caligula, Augusto, Domitiano, aliis monstris horrendis sauitiæ, ambitionis, libidinis & auaritiæ.

Accedit, quod maximum est in hac causa, quod si non arte constant, fortuita sunt. Et huius causa, & quod ita docet experimentum minima pars talium quæ non ad naturam referuntur: vt bilis, repletionis, doloris, vera est. At in omnibus fortuitis aliqua vera esse, & iuxta opinionem enenire deprehenduntur: velut aleæ iactu, & sortibus: non igitur maior est veritas aut fiducia vel ars in somniorum providentia, quàm in huiusmodi: at huiusmodi nullam habent fidem aut securitatem, nec vlli vsui sunt, aut esse possunt: itaque contemptibile necesse est esse huiusmodi diuinationis genus.

Ergo videndum, an sit aliqua ars? Et certè si ad totum genus somniorum res hæc referatur, ars omnino nulla est: sed si ad euentia & perfectæ, quorum maxima pars sortitur effectum, erit de illis ars atque scientia: plurima enim horum vera sunt, taliumque aliqua notitia: veluti sanationum nulla est scientia: quoniam plurimi casu sanantur: sanationum autem quæ à medicis fiunt, ars aliqua est, & certa ratio.

Et rursus, tempestatum fortuitarum nulla est certa prædictio: earum verò quæ ad asellorum nebulosum ortum, certa est prædictio: at in puris fortuitis sortibus talorum iactu, non possumus genus verorum à non veris segregare: neque sunt euentia alia, alia obscura, perfectæ, & imperfectæ, efficacia & remissa: quocirca talia omnino, vt etiam Geomantia, Hydromantia, Pyromantia, atque huiusmodi



fortuita sunt pura, & nulli scientiæ subiiciuntur, neque arti. Quæ igitur præsciri possunt, nec ad consilium nostrum pertinent (namque illa prudentium ex acumine pendent) duorum sunt generum: alia quidem, quæ ex naturalibus causis pendent, quorum duplex est præcognitio: ex causis ut cum florentem in messem eclipsis magna Solis inciderit, erit penuria frugum: aut ex signis: ut in Physiognomia, sed magis in Metoposcopia, Chiromantiaque atque huiusmodi, est certa in se notitia: nos tamen quoniam raro perfectâ tenemus artem, sæpe in prædicendo fallimur. Alia verò sunt, in quibus discernere licet euidentiâ, efficacia ac perfectâ, à tumultuosis & casu factis: atque horum genus nulla arte constat: pars tamen quæ sæpe veritatem ostendit, arti cuiuspiam, sed non ad eam constanti ut priora subiicitur.

Primum igitur in his segregare euidentiâ, & quæ arti subiiciuntur, ab aliis oportet: hoc autem iam docuimus. Deinde quærere, cur quibusdam vera appareant somnia, quibusdam non. Et unde illis veritas: inde etiâ, quomodo ad aliud transimus rei genus. Velut cum (ut diximus) ex niue inopiamprehendimus. Oportet autem ordine doctrinæ ut in cæteris omnibus, ex manifestis hæc deducere.

Primum quod neque bonis neque malis, neque sapientibus neque stultis, nec eruditis nec imperitis, semper accidant, aut nunquam, experientia docet. Cibo autem & vino oppletis non accidere, perspicuum est: quoniam vel omnino quiescente spiritu nihil vident, dum dormiunt: vel, veluti ex stagno orta caligine obumbratur anima. Itaque hoc opus est animæ quiescentis, quæ non impedita, curis, sensibus aut motionibus, nec crapula leuissima sensilia percipit: velut cum minimum sibilum tibiæ somnū imaginatur, & subdulcis pituitæ casum mellis esum, ut Aristoteles dicit. Hoc autem quod relucet, aut in ipso fati ordine constitutum est, aut in ipsius hominis deliberatione, aut in serie facti, aut à dæmone subministrante, vel cælo. Ex cælo autem, verisimillimum est: est enim causa omnium, & Astrologi multa prædicunt, & in quibusdam est, quibusdam non. Imprimis autem magnum aliquid: quoniam quod imprimit, tale est.

Porro velut facilius est cognoscere procul corpus quàm animal, & animal quàm hominem, & hominem quàm Socratem: anima quæ procul videt, videt magnum aliquid, & oppressionem: generalia enim sunt: cum verò vel somno obturbata, vel curis non libera, vel immobilis & sensus hebetis, non potest percipere, sub magno hominem subiicit casu, montem aut mare aut flumen coniecto autem pro his hominem subiicit, atque ita opprimendum à potenti viro significat. Periculum est ergo his, ne idolum sit: ut si à mari obrui videatur, ne vel à potenti viro opprimatur, vel etiam mari ipso verè submergatur: idque idolum erit. Sapientis igitur coniectoris erit, ad generalia se conferre: ut monte cadente, ad magnitudinem & offensam se recipiat: quod si clarius videat, videbit hominem nobilem, non tamen quis sit, dignoscet: quod sit sensus animæ vigeat multū, nec interturbetur, sitque vis cæli magna, co-

gnoscat etiam illum. Demum si omnia conueniant, quid etiam sit acturus intelliget. Idolum igitur etiam cum reliquis modis vnum genere est: sed ut procul videns, plantam esse credit quod homo est: quia non mouetur, & tamen idem videt rem longam, rectam, minime latam: ita eiusdem naturæ est imago idoli & somnij secundi aut tertij modi. Aristoteles ergo non rectè assimilât hanc speciem, illi quæ in aqua mobili apparet: sed ei quod procul aut propè videtur. Semper autem omnia propter sensum sibi coniunctum generali imaginari aliquid vnum subiicit sensile, ut motem, mare, flumen, arborem, animal, prout illi celerius occurrit, vel etiam ex adiuncta alia generali conditione: ut si velociter moueatur, fluminis ab alto casum: velut etiam in puerilibus interrogationibus, cum alter alterum interrogat de re magna, quæ currit: vnus respondet flumen, alius cælum, alius potentem virum dicit. Liquet autem, quod responsa auribus per somnum percepta, puriora sunt visis, quod auris non excipiat simulachra rerum materialium. Hoc autem modo etiam ex halitu terræ vatem in Delphis præuidisse per generalia futura, existimandum est: quemadmodum & in somniis unde responsa caligine inuoluta, vera tamen semper, seu dæmon sit qui præuideat, seu non. Ergo cum fabrilis ars, & cerdonis, clauem aut calcem semper faciat, in quocumque fuerit homine, faciles enim sunt: somniorum autem diuinatio & vatum vera sit non nisi (quod etiam in medicina & aliis difficilibus artibus accidit) in excellentibus interpretibus: aliis autem ob incertam aut incuriam mentientibus: ob id fabrilis & cerdonis artes esse existimantur: somniorum autem non, sed nugæ ac gerræ. Trium igitur quasitorum propositorum ratio conspicua est. Sed id clarum, in bellis eadem ratio apparere vera somnia, tamen illorum non sit prouidentia.

## CAPVT II.

*De exemplis alienis in primo genere, idolorum scilicet.*

**N**Octe quæ eadem Iulij Cæsaris præcessit, Calpurnia illius vxor imaginata est, collabi fastigium domus, maritumque in illius gremio confodi. Prima autem pars somnij ad secundum modum significandi pertinet: nam fastigium domus patremfamilias significat.

Augustus cum æger esset in castris, monitus à Philippo medico, qui per somnium illum viderat in tabernaculo ab hostibus opprimi, alio se contulit. Sequenti die M. Bruti milites victores ingressi tabernaculum, lecticam eius multis vulneribus confoderant, existimantes illum ibi esse. Quæ spes hostibus, qui Deos haberent aduersas partes mouentes?

Narrat Plinius vigesimoquinto Naturalis historiæ libro, vir ab omni superstitione alienissimus, historiâ huiusmodi: Nuper cuiusdam militantis in prætorio mater vidit in quiete,



ut radicem sylvestris rosæ (quam cynorhodon vocant) blanditam sibi aspectu, pridie in fruteto mitteret filio bibendam. In Lacedæmonia res gerebatur, Hispaniæ proxima parte: casuque accidit, ut milite à morfu canis incipiente aquas expauescere, superueniret epistola orantis ut pareret religioni: seruatusque est ex insperato, & postea quisquis auxilium simile tentauit.

Galenus quoque somnia inter hæc admiranda recensere operæ pretium fuerit, præcipuè autem tria fuere Patris repetita, quibus admonebatur, ut filiū medicinæ traderet. Aliud, quo ut scriberet de videndi ratione, cuius meminit in libris de Vsu partium: velut alterius in Methodo, & de librorum propriorum ordine. Tertium magis dignum miraculo, cum bis per somnum monitus ut arteriam secaret, quæ inter pollicem & indicem est, idque agens liberatus sit à diuturno dolore, quo infestabatur ea in parte qua septo transuerso iecur iungitur: idque in libri de Sectione venæ sine testatus est. Magno certè exemplo, quod tantus vir in medicina eam adhibuerit somnio fidem, ut in seipso periculum vitæ subierit, in arte propria. Deinde probitatem admiror, ut quod potuerit solertia ingenij sibi inuentum ascribere, Deo cui debebatur, reddiderit. Dignus vel hoc solo vir immortalitate nominis, & librorum suorum.

Annibal vir sacrilegus, nedum superstitiosus, cum columnam auream in templo Iunonis Lacinia auferre destinasset, perterebrauit primum, ne non inaurata esset, non aurea: inuenit ergo auream. Sed nocte sequenti comminata est per somnum illi Iuno reliquo oculo eum excæcaturam: quo timore territus, non solum columnam non auulsi, sed aurum quod terebrando exemerat, in bucule formam reductum, columnæ superposuit.

P. Decius, ille Q. F. qui primus è Deciis consul fuit, cum esset tribunus mil. M. Valerius & A. Cornelio consulibus, à Samnitibusque premeretur noster exercitus, cum pericula præliorum iniret audacius, monereturque ut cautior esset, dixit (quod extat in Annalibus) sibi in somniis visum esse, cum in mediis hostibus versaretur, occidere cum maxima gloria & tum quidam incolumis, exercitum obsidione liberauit. Post triennium autem, cum consul esset: deuouit se, & in aciem Latinorum irrupit armatus: quo eius facto superati sunt, & deleti Latini. Cuius mors ita gloriosa fuit, ut eandem concupisceret filius.

Aristoteles quoque scribit, Eudemum Cyprum familiarem suum, iter in Macedoniam facientem, Pheras venisse, quæ erat vrbs in Thessalia, tum admodum nobilis: ab Alexandro autem tyranno crudeli dominatu premebatur: in eo igitur oppido ita grauiter ægrum Eudemum fuisse, ut omnes medici diffiderent. Ei visum esse in quiete, egregia facie iuuenem dicere, fore ut breui conualesceret: paucisque diebus interitum Alexandrum tyrannum: ipsum autem Eudemum quinquennio post domum esse reditum: atque ita quidem prima statim scribit Aristoteles consecuta, & conualuisse Eudemum, & ab vxoris fratri-

bus interfectum tyrannum: quinto autem anno exeunte, cum esset spes ex illo somnio, in Cyprum illum ex Sicilia esse reditum, præliantem eum ad Syracusas occidisse: ex quo ita illud somnium esse interpretatum, ut cum animus Eudemi ex corpore excesserit, tum domum reuertisse videatur.

Simile quid de Sophocle, qui cum ex æde Herculis patera aurea grauis surrepta esset, in somniis vidit ipsum Deum dicentem, qui id fecisset: quod semel ille iterumque neglexit: ubi idem sæpius ascendit, in Areopagum detulit rem. Areopagita iubent eum comprehendere, qui à Sophocle erat nominatus: is quaestione adhibita, confessus est, pateramque retulit: quo facto, sanum illud Indicis Herculis nominatum est.

Cum bello Latino ludi votiui maximi primum fierent, ciuitas ad arma repente est excitata. Itaque ludis intermissis, instauratiui constituti sunt: qui antequam fierent, cumque iam populus confedisset, seruus per circum cum virgis caderetur, furcam ferens ductus est. Exin cuidam rustico Romano dormienti visus est venire qui diceret, præultorem sibi non placuisse ludis: idque ab eodem iussum esse eum Senatui nunciare: illum non ausum iterum esse idem iussum, & monitum ne vim suam experiri vellet: ne tum quidem esse ausum. Exin filium eius esse mortuum: eandem in somniis admonitionem fuisse tertiam: tum illum etiam debilem factum, rem ad amicos detulisse, quorum de sententia lenticula in curiam esse delatum: cumque senatui somnium enarrauisset, pedibus suis saluum reuertisse: itaque somnio comprobato à Senatu, ludos illos iterum instauratos, memoriae proditum est.

Caius Gracchus multis dixit, ut scriptum apud eundem Cælium est, sibi in somniis Quæsturam petenti, Tiberium fratrum visum esse dicere, quàm vellet cunctaretur: tamen eodem sibi leto, quo ipse interesset, esse pereundum: hoc ante quam Tribunus plebis Gracchus factus esset, & se audisse scribit Cælius, & dixisse multis: quo somnio quid inueniri potest certius?

Simonides poëta cum ignotum quendam proiectum mortuum vidisset, eumque humanisset, haberetque in animo nauem conscendere, moneri visus est ne id faceret: ab eo quem sepultura affecerat, si nauigasset, eum naufragio esse periturum: itaque Simonidem redisse, perisse ceteros qui tum nauigassent.

Cum duo quidam Arcades familiares iter vna facerent, & Megaram venissent, alterum ad cauponem diuertisse, ad hospitem alterum: qui ut cœnati quiescerent, concubia nocte visum esse in somniis ei qui erat in hospitio, illum alterum orare ut subueniret, quod sibi à caupone interitus pareretur: eum primo perterritum somnio surrexisse: dein cum se collegisset, idque visum pro nihilo habendum esse duxisset, recubuisse: tum ei dormienti eundem illum visum esse rogare, ut quoniam sibi viuo non subuenisset, mortem suam ne inultam esse pateretur: se interfectum, in plaustrum à caupone esse coniectum, & supra sterus iniectum: petere, ut manè ad portam adesset,



adesset, priusquam plaustrum ex oppido exiret: hoc verò eū somnio commotum, bubulco mane praesto ad portam fuisse: quāvisse ex eo, quid esset in plastro? illum perterritum fugisse, mortuum erutum esse cauponem repa-tesacta pœnas dedisse.

Mauritio imperatori visus est Christus in somnis, dicens: An vis in hac vita, an post, flagitiorum tuorum pœnas luere? cui Mauritus: Hac in vita potius. Tum Christus: Et lues: nam imperio & vita tu tuique filij ac vxor spoliabimini, imperiūque Phocæ tradetur. Manè Phoca nobili quodam accito, ab eo metu liberatus est: cū rogasset, an alius eo nomine in exercitu esset? Respondit qui vocatus fuerat, esse quendam infimæ fortis, quæ neglexit Mauritius: ab eoque omnia eueniunt, quæ per somnium ventura audierat.

Varunianus incola Sindoniensis Pannoniæ agri, cū natum nullum infantem educare posset, cū vxor rursus grauida esset, in somnis responsum accepit, vt natum infantem appellaret Iouinianum. Paruit pater, superuixit puer, & factus etiam est Imperator.

Ptolemæus primus olim Alexandri satelles, cū Alexandriam muro cingeret, vidit per somnum egregium forma iuuenem, monentem vt effigiem illius ex Ponto adueheret, eique templum dedicaret: futurum vt felix regnum esset, inde vidit eundem iuuenem, multo cum igne in cœlum ascendere. Interrogat igitur Timotheum Atheniensem, ex Eumolpidarum genere: qui ex negociatoribus retulit intellexisse, esse in Sinope vrbe templum vetustum, cū statua Iouis Ditis. Verum Ptolemæus cum magis deliciis vacaret quàm religioni, contempsit illum remittere: quare denuò imago illa per quietem terribilis & cum minis illa apparuit. Misit igitur Ptolemæus legatos ad Apollinem, sciscitatum quis esset? respondit Apollo clarè, esse eius patrem. Misit itaque ad regem cū pluribus muneribus, petiit statuam: verum Scydrothemides per tres annos distulit hoc, verba dāns, ne ciues offenderet. Vnde iterum illi visus est iuuenis idem fortuna terribili, & minitatus exitium, grauiter illum morbo affecit. Rex ergo delatus in concionem, & de somnio Ptolemæi & de suo monens eos, de morbo etiam periculoso quæstus, reclamantibus ciuibz inuidere Ptolemæum vrbi suæ: tandem delata statua in nauem legati Ptolemæi triduo post Alexandriam peruenit, superatis millibus passuum penè mille. Templum pro magnitudine illi extructū, in loco cui nomen Racotis.

Ioanni Mariæ Mauroceno patricio Veneto, amico nostro, cū in Dalmatia prætor esset, visus est alter fratrum, quem plurimum diligebat, nomine Donatus illum complecti, atque vale dicere, quod ex humanis excederet: eum Ioannes Maria cum aliquantulum profecutus esset flens, experrectus est totus lachrymis perfusus: expauitque, fratri qui Venetiis erat timens: tertia die è domo alatae literæ sunt, quibus significabatur, Donatum ea nocte, ea hora excessisse, cum triduo tamen ex febre pestilenti decubisset. Hoc ille mihi non semel, nec siccis oculis narravit.

Tom. V.

Ludouico Madio, Patritio nostro, miles erat incubiculo dormiens: is nocte quadā exclamabat in somnis. Dominus rogat, quid haberet? respondit: Visum sibi vulnus magnum in capite accepisse, ac morti proximum, ob id cum metu experrectum. Dominus, qui eum diligebat, iubet ne è domo discedat. Socij interim die sequente ad hostes visendos ire destinant: immemor ille somnij, exit cum illis: hostes adsunt: fugiunt socij, ipse discisso capite occiditur.

Alexander ab Alexandro, qui dies conscripsit Geniales, refert Marinum alumnū suum vidisse per quietem, matris suæ funus celebrari: idque cum lachrymis multis & gemitu: experrectus cū id narrasset, annotato die, post aliquot dies literas acceperunt, pridie eius diei quā nox ea antecessat, matrem illius quam incolumem existimabant obiisse. Idem affirmabat cognouisse se Iunianum Maximum, municipem suum, solertem adeo fuisse somniorum interpretem, vt & gloriam non leuē prædicendo clarè quæ portenderentur, consecutus fuerit: & multos ab imminetibus periculis seruauit.

Glaphyra Archelai coniux, Alexandrum coniugem priorem mortuum vidit per quietem, exprobrantem secundas nuptias: monentemque quod breui secum illam esset ab ducturus. Breui itaque periit.

M. Antonius Taurillus, Guastalle dominus somnio monitus, quo se submergi videbatur, decreuerat à natatione ea die abstinere: sed oblitus somnij, ad natationem cū r ediisset, submersus est.

Vxor Georgij Stachini medici, ex municipio Gallarate amici mei, sed qui (vt reor) parū pie vixerat, iam paucis antè diebus mortuo coniuge, relicta ex eo infante, vidit illum dicentem, velle secum filiam: cū illa sæpius instanti pernegasset, tandem visus est coniux dicere: fac vt vis, puellam apud me esse volo: atque intra decem dies incerta causa puella obiit.

Signifer quidam notus per quietem vidit, se magnis cruciatibus cum sociis ac ducibus torqueri: id cū narrasset manè illis, ab eis irrisus est. Eodem manè inuitati omnes sunt ad conuiuium à præfecto Petro quodam Hispano: adiere omnes præter hunc, qui clam ducibus dilapsus est: à prandio omnes coniecti sunt in carcerem: vbi disquisitione hacta per tormenta Duces ipsi latronum, vnusque è priuatis militibus, publicè lacerati sunt: reliqua turba spoliata ac dimissa est.

Herodi Antipatri filio, cum Phasellum fratrem de insidiis suspectum haberet, per somnum monitus est, illum periisse: quod & verum fuit: occisus enim est ab Antigono, die quæ somnium illud præcesserat.

Nicocles, cū ei duos filios Aristotimus Eliensium tyrannus occidisset, vidit per quietem, illorum alterum dicentem, ne somno operam daret: futurum enim vt sequenti die princeps ciuitatis efficeretur: qua spe incitatus surrexit: & adortus tyrannum, eum occidit: quo beneficio, à ciuibz Princeps constitutus est cinitatis.

Thomas Sarzanus, cū ob mortem Car-

O o o 2 dinalis



dinalis sanctæ crucis mœreret, per somnum vidit cardinalis animam, quæ illam consolata est dicens, sibi bene esse: adiecit &, breui illum Pontificem. futurum. Paulò post in Episcopum Bononiæ electus, ac missus in Germaniam pro legato: dum Mediolano transit, Francisco Philelpho somnium enarrauit. Et paulò post Pontifex creatus, Nicolai Quinti nomen assumpsit.

Augustinus, cui etiam præter sanctitatem, plena fides adhiberi potest, duo narrat inter reliqua somnia admiranda. Primum, quod cum quidam mortuo nuper vexaretur, tanquam de pecunia quam pater illi ex chirographo debuisset, dum mœstus viveret, ex hac causa nocte quadam umbram patris vidit, quæ illum admonuit de persoluta pecunia, & ubi chirographum esset repositum. Cum surrexisset, inuenit chirographum loco eo quem umbra paterna docuerat, liberatusque est ab iniusto petito ore.

Alterum adhuc magis mirum. Præstantius, vir quidam, à Philosopho petierat dubitationem quandam solui: quod ille pernegauit. Nocte sequente, tamen vigilaret Præstantius, videt sibi Philosophum assistere, ac dubitationem soluere, moxque abire. Cum die sequenti obuiam Præstantius eundem habuisset Philosophum, rogat, Cur cum pridie rogatus noluisset soluere illam questionem, in tempesta nocte non rogatus, & venisset ad se, dubitationem aperuisset. Cui Philosophus, Non equidem ego adueni, sed somnians visus sum tibi hoc officium præstare.

Filius Dantis Aldigeri, mortuo patre, librum quendam illius cum quæsisset, nec inueniret, mirum in modum tristitia afficiebatur. Ei nocte quadam pater in somnis apparuit, ostendit locum in quo liber latebat. Experrectus ille, ibi quæsiuit librum, atque inuenit, ut eo auxilio ad posteros perueniret.

Ante pugnam ad Philippos, Thessalo cuidam militi visus est Iulius Cæsar per quietem dicens: Nuncia Octauio, pugnaturum illum feliciter: & ut recipiat aliquid ex his secum, quæ ergo dum Dictator essem, gestare solitus eram. Parui Octavius, annulumque recepit quo signare epistolas Cæsar consueuerat: gestauit quæ non solum ante victoriam, sed etiam parua frequenter. Ego tamen huiusmodi somniis qui per alienos fiunt, & fauent Principibus, non fido: pluraque ficta spe lucris, & quæ etiam falsa deprehendantur: esse conicio.

Pridie quam Henricus Galliarum rex eo vulnere oculi fauciaretur, Margarita eius vxor) ut referunt) per somnium vidit, marito oculum effossum, ille tamen Fati necessitate urgente, neglexit: monitum & recusantem concurrere equitem, non semel coegit: itaque dum concurrat, lancea fracta, ligni frusto tenui, quod rudus quidam vocant, in oculo ictus grauitur: paucisque post diebus eo vulnere interijt.

Cælio Rhodigino annum agente vigesimum secundum, Antonio Boldi patricio Veneto Septimum Plinij librum interpretante, cum Estrapeli dictione torqueretur, quam tamen aliquando expositam viderat apud

autorem, sed neque illius, multo minus loci meminerat: proxima nocte quietem videt & librum, & paginam, & paginæ partem experrectus, inuenit ad vnguem sic esse.

### C A P V T III.

*De exemplis alienis in secundo & tertio genere significandi.*

Iulius Cæsar, qui postmodum rerum potius est, cum apud statuum Alexandri magni diu ingemisset, quasi ea ætate nihil adhuc insigne edidisset, qua Alexander imperium orbis adeptus erat: somniauit sequenti nocte, stuprum matre se intulisse: ostento confusus, rem detulit ad interpretes: qui responderunt, significari sibi mundi seu terræ imperium: terra enim omnium est parens quam sibi subiectam viderat. Quis dubitat, tanquam rem sibi debitam, somnium hoc ad occupandam monarchiam non parum contulisse: ut euident sit, & ad vitanda pericula, & ad consequendam gloriam, vtilem esse somniorum interpretationem: quod si omnino nos dii sic fallere volunt, non possumus illorum manus effugere.

Idem nocte ea quæ eadem antecessit, visus sibi est inter nubes volitare, interdum cum Ioue manus iungere. Significauit hoc ex tertio significato mortem illius: nam à morte consecratus est inter deos, habuitque sacerdotes, ut cum Ioue magnus iunxisse videretur: ut non tam mortem, quam successurum in regnum filium eius, etiam hoc somnium significauerit.

Accia Octauij mater, cum eum vterò generet, somniauit viscera eius ad sidera deferri, explicarique per omnem terrarum & cæli ambitum. Viscera quidem filium, quem in visceribus continebat significabant, cuius potentia in terris usque ad diuinitatis opinionem explicata est.

Octavius quoque pater Augusti somniauit, ex Acciæ vterò iubar exortum Solis. ita inter homines eius ætatis facta Augusti resplendere, ut Solis iubar in mundo. Idem, ubi Libero patri barbarico more sacrificasset, visus est sequenti nocte videre filium mortali specie ampliorem cum fulmine & scepro, exuiisque Iouis opt. max. ac radiata corona super laureatum currum, bisseis equis eximio candore illum trahentibus.

Quintus Catullus post dedicatum Capitolium, duabus continuis noctibus somniauit. Prima, Iouem opt. max. prætextatis compluribus circa aram ludentibus, vnum secreuisset, atque in eius sinum Reipublicæ signum, quod manu gestaret, reposuisse. In sequenti verò, animaduertisse se in gremio Iouis Capitolini eundem puerum: quam cum detrahi iussisset, prohibitum monitu Dei, quod ad tutelam Reipublicæ educaretur: ac die proximo obitum sibi habuisse eum, qui postmodum Augustus ob imperium auctum vocatus est: cumque incognitum aliàs haberet, non sine admiratione contuitus, simillimum dixit puero de quo somniasset. Quidam prius somnium catuli



catuli aliter exponunt, quasi Iupiter compluribus prætectatis tutorem à se poscentibus, vnum ex eis demonstrasset, ad quem omnia desideria sua referrent: eiusque osculum delibatum, digitis ad os suum retulisset. Parum hæc absunt à primo genere: quia tamen ad defensionem Reipublicæ hoc trahi poterat, ad secundum genus transtulimus.

Marcus Cicero Caium Cæsarem in Capitolium profectus, somnium pristinae noctis familiaribus fortè enarrabat. Puerum facie liberali, demissum cælo, catena aurea ad fores Capitolij constitisse, eique Iouem flagellum tradidisse: deinde repente Augusto, qui tum puer erat, & eum auunculus adhuc plerisque ignotum Cæsar ad sacrificandum acciuerat, affirmavit ipsum esse, cuius imago secundum quietem sibi obuersata sit.

Tiberius Cæsar supremo natali die somniavit, Apollinem Temenitem & amplitudinis & artis eximiae aduectum Syracusis, vt in bibliotheca noui tēpli poneretur, dicentē, non posse se ab ipso dedicari. Fuit natalis illa dies: quoniā non statim, sed eo anno solum periit.

Quidam Cassius nomine somniavit, se Ioui taurum immolasse: cum sequenti die Olympij Iouis statua tantum cachinnum ediderit, vt machinis labefactis opifices diffugerint. Sic Cassius Chærea alius, qui tribunus erat, C. Caligulam Imperatorem paulò post interfecit.

Idem C. Caligula pridie quàm periret, somnio vidit, se consistere in cælo iuxta Iouis filium: impulsūque à Deo dextri pedis pollice, atque in terras præcipitatum. Hoc non intelliget verè, qui non historiam nouerit perfecte. Nam Caligula solus viuis voluit adorari: idè iuxta solum Iouis ea ratione, quam in secundo somnio explicauimus, visus est esse: propulsus autem in terram, cædem: quia viuis eo honore carere non poterat, & non referendum inter diuos, significauit.

Idem quoque solitus erat videre somnia terribilia, inter quæ Pelagi imaginem secum colloquentem: quod indicabat, vitam plenam metu, molestiis, periculis, & perquam breuem: non enim Plutonium aut rem mortuam alloqui licet, nisi obierit ipse.

Nero, occisa matre (nam Claudius nihil vidit, quod solum crapulæ & vino ac libidini deditus esset) vidit per quietem, nauem sibi regenti extortum gubernaculum, trahique se ab Octauia vxore in arctissimas tenebras. Et modò penarum fornicarum multitudine oppleri, modò à simulachris gentium ad Pompeij theatrum dedicaturum circui, arcerique progressu. Asturconem, quo maximè latabatur, posteriore corporis parte in simiæ speciem transfiguratum, ac tantum capite integro hinnitus reddere canoros. Quinque hæc fuere somnia: licet ob breuitatem prima duo ita coniunxerit, vt vnum esse videantur. Occisa matre, autoritas regendi imperij extorquebatur sensim, donec viuis eo exutus sit. Secundum de Octauia multò post accidit, cum illam occidisset: itaque & ipsum ferro interitum significabat: quoniam ab ea quæ ferro perierat, in tenebras duceretur: id est, ad mortem. Effinguntur eim mortui in te-

nebris esse, quòd oculis careant.

Pennatæ formicæ, populi significabant seditionem. Verum quod à simulachris gentium prohiberetur, cum Pompeij factio significaretur infensa Cæsarem nomini, etiam alias gentes illum deserturas declarabat: inter quas fuere Galli primi. Demum illud de Asturcone in simiam mutato milites eum deserturos significauit, solum nomine imperatorio relicto. Potuit & hoc aliud, alioque modo significare, tertio scilicet, quòd ob ignorantiam consuetudinis illius aui intercidit.

Galba virili toga sumpta, somniavit. Fortunam dicentem stare se ante fores defessam: & nisi ocyus reciperetur, obuio cuique prædæ futuram. Vtque enigilauit, aperto atrio simulachrum deæ ænæ cubitali maius iuxta limen inuenit. Fatale fuit, sumpta virili toga. Posset ad Idolum referri, sed imperij possessionem significabat: nec est ad miraculum referendum: omnis enim loco & casu quodam simulachrum illud ibidem constiterat, ex cuius occasione somnium originem duxit.

Idem, antequam interficeretur, somniavit speciem Fortunæ, quærentis fraudatum se dono destinato, minantisque erepturam & ipsam quæ dedisset. Monile enim margaritis gemmisque confectum, ad ornandam fortunam suam Tusculanam, secretum Veneri Capitolinæ tanquam augustiore loco positurus dedicauit. Poterat ad primum genus referri: sed quoniam statua loquitur (cædes haud denunciatur) ad secundum translatū est.

Vespasiano (nam neque Othoni nec Vitellio inter poninas & scorta quicquam insigne videri potuit) in Achaia degeni, visum est, nunciari initium felicitatis futurum, cum Neroni dens exemptus esset. Postera autem die progressus in atrium, dentem medicus, quem Neroni exemerat, ostendit.

Nero quoque vltimis diebus monitus est, vt thesam Iouis opt. max. è sacrario in domum Vespasiani, circumque deduceret. Quasi innueret, quanquam tribus interpositis imperatoribus, futurum vt ibi culmem Imperij, id est, in illorum familia conuiesceret.

Prælagium autem annorum Imperij cum filiis, Vespasianus hoc somnio habuit. Videbatur enim ei statera in media vestibuli parte domus palatinæ posita, examine æquo: vt quæ in altera Claudius & Nero starent, in altera ipse cum filiis. Nero etenim & Claudius pariter quatuordecim annis, ac in vniuersum viginti octo: Vespasianus ipse quatuordecim annis imperium tenuit, tantundemque filii.

Domitianus, illius filius, paulò antè quàm occideretur, somniavit, Mineruam, quam superstitiosè colebat, excedere ex illius sacrario, negantem, se vltra eum tueri posse, quod exarmata esset à Ioue. Porro Tito nec imperium decernens somnium euenit, quod accipiebat hæreditariò, natu maior altero fratre: nec mortis, quæ quieta fuit. Sed & inter somnia, imò euidentissima numerari possunt, in Domitiano, quod nocte necè præcedente, circa mediu eius, ita exterritus sit, vt è lecto profluerit:

Ipse idem Domitianus paulò antè quàm occideretur, somniavit, gibbum aureum sibi ponere ceruicem enatum: quod somnium succedentis



dentis seculi felicitatem declarauit, ob Principum qui imperarunt præstantiam.

Socratis somnium, quo præuidit diuinitatem (vt ita dicam) Platonis: oblatum enim olorem vidit, qui caput ad astra tollens dulce canebat, pridie quam ei Platonem obtulerit pater. Idque iure: quia Apollini hæc ales sacra est, & oratorem ac suauiloquentiam declarabat, ob dulcedinem cantus: diuinitatem verò, quòd Apollini dicatus sit, & quòd caput ad astra tolleret. Verum non magis diuinum puto alia ratione fuisse, Platonem, quam quòd aded gratus fuerit in Socratem, non solum verò magistrum, sed in condiscipulos plerosque, quos laboribus suis æternitati consecrauit.

Idem Socrates ea nocte, cui perendie mors iniusta illata est, vidit pulchram mulierem, & iucundi aspectus, albis vestibus indutam, dicentem:

*ἡ μακρὴν ἀγέλην φθίλω ἐείβορον ἴκω.*

Id est:

*Tertia hinc die Phthiam peruenies latiglabam.*

Carmen enim est, & ided numerorum lege alligatum. Cum verò victus esset, & procul, tam breui tempore, non poterat nisi mortuus ad Apollinem, cui sacer erat, peruenire: ostendit id somnium non mortem solum, sed immortalem famam, qua funguntur qui ad oraculum perueniunt. Alludit verbo *φθίλω*, ad *φθίδωμαι*, quod est perdo, ob collisionem, *φθίλω* & *φθίλω* deficiens, moriens: & ad *φθίλω* corrumpto, seu potius *φθίλωμαι*, amphibologia hæc continentur, vt dixi. Quo somnio etiam si verum omnino fuit, quod haud dubie ille narrabat, de melioris vitæ expectatione admonebatur.

Ulyssis admirabilis tanto, quo minus certum ob veritatem & Græcam vanitatem, visum: sapius enim sibi videbatur intueri simulachrum specie eleganti, atque inter humanam & diuinam media: à quo, cum summa vi niteretur illud amplecti, responsum est humana voce, sceleratam huiusmodi esse conjunctionem: quippe eiusdem sanguinis & originis, vnum alterius opera interituum. Percontanti, & vltius rem per somnium requirenti, diligentiusque inuestiganti, signo quodam è mari exorto imperante, disiungi videbatur alter ab altero. Cum ad coniectores rem retulisset, omnes in hoc consenserunt, cauendum sibi à filio: relegauit itaque Telemachum, quem solum se habere existimabat filium, in Cephalleniam insulam, custodibus etiam additis: sed à Telegono altero filio, quem ex Circe susceperat (ideoque diuina specie simulachrum videbatur, quòd Circes dea esset) per imprudentiam interemptus est.

Sed neque quod Hippocrates scripsit, contemnendum videtur: apponam autem illius verba: Cogitans ac sollicitus de Democrito, illa ipsa nocte dormiens, sub ipsius auroræ initium somnium mihi oblatum habui, ex quo puto nihil valde periculosi fore. Mirabiliter enim expergefactus sum. Videbar mihi videre Æsculapium ipsum coram, & iam ad ipsas Abderitarum portas aderam. Æsculapius

autem, non vt imagines eum aliàs ostendunt, mitis ac blandus apparebat, sed habitu concitato, & aspectu horrendo. Sequebantur autem ipsum dracones reptilium generis immanes, longum tractum ducentes, & horribile quiddam velut in desertis ac saltibus subfidentes. Sequebantur & socij, pyxides medicamentarias propè obsignatas gestantes. Deinde porrexit mihi manum deus: quam vbi libentissime apprehendissem, rogabam vt simul mecum pergeret, & ne me in medendo destitueret. Verum is: Nihil, inquit, in præsens me opus habes, sed hæc immortalium ac mortalium communis dea te peregrinum deducet. Et edo conuersus, video mulierem pulchram ac magnam, simpliciter ornatam, splendidam, cuius oculorum circuli puro lumine micabant vt stellarum fulgorem putares. Et deus quidem disparuit. Mulier verò illa apprehensum me manu, lento gradu benigniter per urbem ducebat. Et vbi prope domum essemus, in qua hospitium mihi paratum esse putabam, velut spectrum disparuit, hoc saltem dicens: Cras te apud Democritum deprehendam. Cum verò iam se illa conuerteret: Rogo, inquam, optima femina quænam es, & quo nomine vocari debes: Veritas, inquit illa. Cæterum quam accedentem vides (& derepente altera quædam mihi apparuit) neque ipsa mala videtur: audacior autem aspectu, & concitior: Opinio, inquit, appellatur, & habitat apud Abderitas. Ego igitur vbi de somno surrexissem, mihi ipsi somnium interpretatus sum, quòd non indigeret medico Democritus, quando sanè ipse medendi deus discessisset, velut qui medendi occasionem & materiam non haberet. Sed ipsa quidem veritas, quòd Democritus sanus sit apud Democritum manet: Opinio verò, quòd Democritus ægrotet, reuera apud Abderitas habitat. Atque hæc vera esse, mi Philopœmen, credo: & sunt sanè. Et non contemno somnia, maxime vbi etiam ordinem conseruant. Ea verò ita esse, experimento deprehensum est.

Philistus, vir doctus & diligens, & Dionysij maioris ætate florens, scribit, matrem ipsam Dionysij, dum illum in vtero haberet, somniasse, se Satyricum peperisse. Quod cum ad Galleoras somniorum in Sicilia interpretes illa detulisset, responderunt: Eum quem paritura foret, clarissimum Græciæ futurum, diuturna cum fortuna. Est enim Satyrus humana forma, & omnibus admirabilis. Sed si adiecissent (quod puto adiecisse illos, sed tyranni metu suppressum) futurum scelestum tyrannum, à moribus satyrici: iam artis dignitati consultum esset. Inde illud ex Galeno, in libro Quòd animal sit quod in vtero continetur, adscribamus. Mulieres, dum vtero ferunt infantes, videre per quietem sapius illorum Fortunam, Cypselimque & Periclem ex vtero coepisse esse formidabiles Græciæ. Ita videtur purissimus tunc animus, è coelo delapsus nuper, præuidere, atque parentibus futura ostendere.

Phalaridis mater in somnis vidit simulachra deorum, quæ ipsa in domo consecrarat, atque in his Mercurij statuam in terram ex patera sanguinem fundere: qui cum terram attigisset, sic refernescere videbatur, vt tota domus



domus sanguine redundaret. Quid hoc aliud, quàm illius crudelitatem, ob sanguinem effervescentem, & tyrannidem? quoniam id ex significatione simulachri Mercurij ortum haberet.

Cyrus cum per somnum videret Solem in terra lucentem, conatus est manibus eum apprehendere: sed ille elapsus est: hoc autem cum tentasset frustra, responderunt magi, triginta annis regnatum. Sol quidem regem ostendit: verum si triennio regnum decrevisset, non erat cur hoc videret: neque enim insignis rex, & quasi vnus, quemadmodum Sol est, tam brevi spacio euadere potuisset. Cessit experimento: quadragesimo enim ætatis anno regnare cœpit, septuagesimo periit.

Annibal cum Saguntum cœpisset, visus est in somniis à Ioue in deorum concilium vocari: quò cum venisset, Iouem imperasse ut Italiæ bellum inferret: ducemque ei vnum ex concilio datum: quo illum videntem, cum exercitu progredi cœpisse: tum ei ducem illum præcepisse, ne respiceret: illum autem id diutius facere non potuisse, elatumque cupiditate respexisse, tum visam belluam vastam & immanem, circumplectam serpentibus, quacunque incederet, omnia arbuta, virgulta, tecta peruertere: & eum admiratum quæsisse de deo, Quid nam illud esset, tale monstrum? & deum respondisse, vastitatem esse Italiæ: præcepisseque ut pergeret protinus: quid retro atque à tergo fieret, ne laboraret.

M. Cicero cum exularet in villa quadam campi Atinatis, noctis magnam partem vigilauerat: demum sub luce arctè & grauiter dormire cœpit. Et quanquam iter instaret, iusserat silentium fieri, nec voluit ut excitaretur. Cum autem hora secunda diei ferè esset, experrectus somnium narrauisse huiusmodi: Visus est sibi, cum in locis mœstis solus maneret, C. Marium cum fascibus Laureatis quæsisse ex illo, quid tristis esset? tum Ciceronem respondisse, quòd vi pulsus esset ex sua patria: tum Marium dextram illius prehensisse, bonoque animo cum esse iussisset, licetori tradidisse, ut eum in suum monumentum deduceret: adiecisseque, in eo Ciceronis salutem futuram. Tum ubi à somnio experrectus est, exclamauit Cicero: Reditus mihi celer & gloriosus paratus est, multumque eo somnio delector: nec fecerit vel vngue somnium: siquidem paucis post mensibus Senatusconsultum in æde cui titulus erat Monumentum Marij, factum est, quo reuocaretur domum Cicero, omnibus quæ sublata erant liberaliter & ex abundanti restitutis. Nam & rectè Marius cum fascibus, qui post exilium factus est consul, rediitque in patriam gloriosus, & monumentum illud cum mortem non decerneret, quòd non eius familia esset Cicero, & intra Urbem ad fortuitum sepulchrum Ciceronis referri non posset, ædem significauit illius. Vnde Cicero, suo more de seipso plusquam decuit semper magnificè sentiens, dicit, hoc somnio nihil potuisse esse diuinus.

Q. Cicero eodem tempore in Asia cum es-

set, præessetque provinciæ, vidit per quietem M. Ciceronem fratrem equo ad ripam fluminis magni deuectum, delapsumque in illud nusquam comparuisse: tum verò Q. ut par erat, contremuisse. Sed paulò post ex altera fluminis parte M. videt lætum exire: inde mutuo complexu sibi inuicem gratulantur. Consultis à somno interpretibus, quanquam significato satis perspicuo, responsum est de omnibus perinde ac euenerunt. Flumen enim concionem inimicam populi à quo damnatus est, & obrutus, significabat: sed emerfit, paulum differens ab idolo significati specie, restitutus omnibus bonis quæ illi perierant.

Augustino Lauizario Comensi amico meo contigit, ut videret se in tempestuoso mari in naucula solum esse. Erant venti, turbines, & aer obscurus adeò, ut ferè de salute desperaret: applicuit arbori, pendebarque ab illa: sed sublata naucula, nihil plus spei supererat. Interrogauit me, quid somnium significaret? Respondit: Quòd semper anxius esset victurus, nec vnquam voti compos fieret. Sed plus aliquid significabat, scilicet mutaturum vitæ genus, & ex vna molestia magis præsentem in desperationem casurum. Vixit autem plusquam viginti annis, sed pluribus molestiis oppressus.

Pater meus Facius Cardanus, anno salutis M. C C C C. L V I. sæuiente peste Mediolani, nocte quadam per quietem vidit (angelum vocant) Genium è cœlo descendentem, cæruleo colore indutum, grandibus passibus: non enim illi erant alæ: itaque imaginabatur pater per somnum, interitum portendi illi, quem Genius is vocaret: propterea in speluncam proximam se abdidit, foliaque arborum superinduxit, adeò ut latitaret: interim ille cum descendisset, patrem meum vocauit nomine: pater latuit, nec respondit: tum Genius, ubi ter vocasset, dixit: Venire non vult: abiitque. Experrectus à somnio, existimauit grande sibi imminere ea die periculum: quamobrem iussit ianuam domus clauæ claudi, nec quenquam omnino eo inscio admitti: sed tamen ancillæ clauem reliquit. Illa dum pater intentè studeret, præcepti immemor, Ioannem Scorpionum Fabrum in domum admisit: is superueniens patri inopinanti, afflauit eum pestifero contagio: aufugerat enim clam per tegulas è demo, in qua vndecim eo morbo perierant. Sed pater quodam medicamento, quod aduersus pestem paratum habemus, munitus euasit: quod, specuillo latere potuisse, in somnio significatum est: Nec scio, an somnium magis salutis quàm periculi causa dici debeat.

Matri meæ Claræ Micheriæ, anno M. D. I. Decembri mense (tum ergo trimestris eram) ex priore coniuge Antonio Albero duo supererant filij, Thomas ætatis annorum tredecim, Catelina nouem, quatuor alij obierant: nocte quadam videt pulpitem deductum ex altera in alteram cœli partem, Beatamque Mariam virginem per pulpitem transire, quatuor filios antè ducentem, qui iam mortui erant, duos qui supererant eam sequi: euigilata, interpretabatur filios qui supererant,



obituros breui. Sed ea nocte, cum eos interrogaret, in morbum incidisse comperit, ex quo ambo intra octo dies absumpti sunt: sauebat enim pestis in ciuitate.

Rinaldus Vilanona medicus refert, quandam vidisse sapiens per quietem, felem nigrum minimum digitum mordentem: is intra paucos dies eo in digito correptus est carcinomate, ex quo interiit.

Referunt Laodicen somniasse, se ex Apolline concepisse, donoque annulum cum anchoræ effigie ab illo accepisse: dumque hoc Seleuco coniugi Assyriæ regi refert, huiusmodi annulum in lecto inuenere, & inde cognitum, eam concepisse ex ea nocte. Nato infanti, in coxa rursus anchoræ vestigium apparuit. Sed & qui descenderunt ex eo simile signum simili in loco habuerunt: res miraculo quam somnia propior.

Augustum referunt somnio monitum, certa die singulo anno stipem emendicare solitum: altero, quod quæri visus esset Iupiter, abduci cultores, tintinabula in æde Iouis Tonantis adiecit. Non rectè intellecto somnio utroque: nam mendicum orbi imperatorum prædixerat, & abducendos quasi clam cultores à Christo Deo & domino significabatur.

Seuero Afro, qui regnavit feliciter, & extrema senectæ mortuus est, Imperium Romanum tribus somniis declaratum est: vno, cum fugeret lupam: nam Romulus, qui primus Romæ regnavit, lupam suxisse fertur. Indecum vidisset equum excussisse Pertinacem, seque illi phaleratum exhibere ut ascenderet: in quem ille vno saltu cum ascendisset, quæque veheretur excipi à populo magno plausu iudicabat, locum Pertinacis occupaturum: quod & euenit: vnde statuam cum huiusmodi somnio ex ære dedicauit. Antea quoque viderat sibi in gemmato curru ad cælum quatuor ab aquilis vehi, præeunte humana forma, sed longè augustiore: audiuitque proferri octuaginta nonem annos: inde in cælo diu iacuit in æneo circulo: cumque cadere vereretur, à Ioue accersitus, inter duos Antoninos est collocatus. Vehi ad cælum, imperium est parare: Imperatores enim pro diis colebantur. Vi illud nam aquilæ vexilla significabant militaria. Forma quæ præibat, fortuna, supra humanum fastigium: nam & præter imperium adeptum, antea inuictos Persas Parthosque superauit. Octuaginta anni, de quibus audiuit, spacium vitæ: tantum enim vixit. Circulus æneus in quo diu iacuit, crudelitatem declarabat, quæ penè ab imperio deiectus, aut saltem non in bonorum aut imperatorum numero habitus est. Collocatum inter duos Antoninos, si modò hoc vidit, casus, quo vrna sua inter illorum urnas posita est, longo post tempore impleuit: aut ob succedentium imperantium socordiam & improbitatem, ut ille inter optimos Imperatores numeraretur.

Cinna, Cæsaris Dictatoris amicus, eo interfecto somniavit, se à Cæsare ad cœnam inuitatum, relegatumque ab eodem in vastum, inanem & obscurum locum: quo somnioterritus, cum etiam febre laboraret, decreuit non exire domum: verum dum funeris

pompa ducitur immemor propositi, prodit in publicum: plebs similitudine nominis ducta, quod inna Calius inter coniuratos nominaretur, hunc innocentem occidit.

C. Fannius scripserat tres libros aduersus vitam Neronis: is visus est in lectulo recumbere vestitus, ac (ut sæpe solebat) studentis similis aduentasseque Neronem, ac libros è scrinio sustulisse: diligenterque primum, inde secundum ac tertium reuoluisse: inde nullo dicto verbo, sed clauso opere abiisse: intellexit Fannius, cum decreuisset etiam alios his adiecere, finem & operis & vitæ factum esse: atque ita paulò post obiit.

Sylla Dictator viso per somnum dæmone, à quo se vocari auduit, statim, etsi valeret, conuocatis amicis, mane scripsit quæta potuit celeritate, testamenti tabulas, atque obsignauit: præfatus, instare mortem. Sequenti nocte eum febris corripuit, ex qua paucis diebus periit. Sunt tamen qui dicant, morbo pediculari consumptum. Valer. Max. qui & somnium narrat, alibi refert, ex nimia ira cum municipe, sanguine reiecto obiisse.

Hipparcho Pisistrati filio, Athenarum tyranno, quidam visus est dicere per somnium.

*Intoleranda Leo tolerans, tolerans animo agro,*

*Nemo viris pœnas iniustis iure rependet.*

Instabat Panathæonorum festum vrbs celebrare, quo voluit ad interpretem mittere: inde neglexit, & pompam emisit. in qua ab Harmodio & Aristogitone occisus est. Idem antea paucis diebus visus est à Venere sanguine, quem in phiala habebat, aspergi: nam Harmodius & Aristogiton coniurati, vnus alterum in deliciis habuit.

Pausanias Laconum rex, cum Cleonice vi constuprasset, inde ad illum reuertentem puellam, suspicatus dolum etiam perperam occidisset, videbat eam per quietem assidue dicentem:

*Ad sis indicio, mala res iniuria valde est.*

Cumque ob tædium Heracleam nauigasset, ad animarum expiationem: audiuit rursus phasma desitum, cum in patriam rediisset: rediit itaque statimque obiit: sicque phasma cessit.

Adrianus cum somniasset, potum soporiferum à patre accepisse: paulò post obiit. Sopor enim mors est: ut Diogenes, cum quærent quid ageret: dormierat enim: respondit, frater forem inuisit, pater autem Deus.

Themistocles cum apud Persas moraretur, exul à domo, sed ibi quatuor vrbiū dominus, vidit meridiano somnio, Deorum matrem illi dicentem: Vita caput leonis, ne ipse in leonem incurras, atque ob id mihi filiam tuam Imosiptolemam consecrabis. Experrectus, cum destinasset ad leonis urbem se conferre, via quæ dicebatur Leophoron, destitit à proposito: vnde paulò post detectæ sunt insidiæ, eum ibi expectantis Epixies, superioris Phrygiæ præfecti: qui & ob id comprehensus, pœnas dedit infecti facinoris. I nunc, & aggredere huiusmodi homines: constabat vitandum periculum, præmium reposcente dæmone.

Cum quidam suscipere lauream desperasset ob imperitiam, frater illius somniavit, se annulum paternum amisisse: cumque diu quæsisset



quæssisset, tandem in spelunca inuenisse, longoque baculo illum exemisse. Cum mihi somnium narrasset, respondi: fratrem suum haud dubiè lauream consecuturum, auxilio viri procere staturæ: quod cum ad vnguem confirmasset, euentus pro re prodigio simili habita est.

Amicus alius noster, & ipse satis imperitus, suscepturus lauream, & ob imperitiam totus perterritus & tremens, nocte quæ certamen antecessit, visus est cum sociis per sacra ambulare cum canibus, ad venandum: interim aduenere latrones, qui socios omnes præter unum, qui amicus illis videbatur, coeperunt: ipsum verò somniantem inter segetes latitantem non viderunt, quamvis à propriis canibus detegi formidaret. Venit ad me anxius manè: respondi, bono eum debere esse animo. Latrones, esse errandi pericula: canes venatici à quibus detegi timebat, argumenta atque examen: amicus ille latronum ego eram, intrepidus aduersus errores: seges in qua latitabat, res memoriæ commendata. Atque iuxta expositionem magna ipsius admiratione euasit.

Cum aliquando sacerdotem curarem, isque penè sanitati restitutus esset, vidit pompam sacerdotum duci, atque inter primos esse: erat enim inter suos primarius. Porro pompæ dux erat Pontifex, qui proximis annis diem obierat: cum verò Pontifex ille non veniret, somnians qui vexillum ferebat, pœnitentia ductus, ipsum alteri tradidit inclinante iam Sole, atque discessit. Vbi hoc narrasset, mihi dixi non obscurum esse somnium. Pompa illa mortis erat, cuius dux eiusdem erat ordinis, & mortuus. Cum ille vexillum reddidisset, & abiisset, pœnituisse (ut ita dicam) mori: alterum qui vexillum susceperat, ex eodem ordine breui moriturum, qui eiusdem esset patriæ & dignitatis, atque ad vnguem ita euenit: qui enim locum eius obtinuerat, præcedenti anno cum esset sanus, in quinquaginta diebus obiit: & ipse inter sacerdotes è primariis, & eiusdem patriæ.

Alexander magnus cum Tyrum Phœniciae urbem iam diu obsideret, vidit per quietem, Herculem, quem diu aduocauerat, è mœnibus urbis manum porrigentem, atque intra urbem trahentem eum. Paucis post diebus rursus vidit Satyrum propè applaudentem & iocabundum: sed cum vellet capere, resiliabat, frustrabaturque eum: tandem cum diu delusisset eum, exoratus in eius manus venit. Sequenti die cum vates consulisset, responderunt, haud dubiè obsessæ vrbe potiturum. Nam Sa vult dicere tua, & Tyrus nomen urbis: quare Satyrus, tua Tyrus.

Plures etiam principum Tyriorum per somnum viderunt Apollinem, quem summa in veneratione habebat vrbes, dicentem, se velle ad Alexandrum ire, quod ciuitatis mores illi displicerent. Vnde eius statuam cæthenis & clauis aureis basi vinxerunt, illum appellantes Apollinem Alexandrinum transfugam. Ostentare adhuc post quingentos annos ferebantur Tyrii fontem, apud quem Alexander somnium Satyri vidit. Itaque

capta est vrbs, & eterfa.

Varoniano (de quo supra egimus) cum visum esset, Iouinianum imperatorem, se autem consulem factum: idque duobus amicis iam communicasset: mortuo Iuliano, qui tum imperabat, Iouinianus quidem in imperium successit: ipse verò cum se consulem fieri speraret, repente extinctus est: factus autem consul Varonianus, ex Iouiniano illius nepos, illiusque nominis est similitudine.

Iustus Romanus in Piceno vidit, purpuram è genitalibus suis oriri: intellexit Constantius, qui tum imperabat, & somnium, & somnij interpretationem: purpura enim gestamen erat imperatorum peculiare: qua de causa, ne obesse posset, illum sustulit. Superfuit Iustina puella, pudicitia & forma insigni, quam visam in balneo Seuera Augusta ita collaudauit coram Valentiniano iuniore, ut eam (lata lege, ut Imperatoribus duas liceret vxores ducere) Seueræ superinduxerit coniugem: ita amicta est purpurea veste, iuxta somnij fidem.

Rustica mulier narrabat vxori pastoris regij, visum per somnium se peperisse lunam, quæ totam Britanniam illustrabat: pepererat autem puellam, quam vxor regij pastoris, quæ filium regis lactauerat, apud se recepit, & educavit: huius amore captus filius regis, cum adoleuisset, duxit vxorem: ex quibus natus est Echelstanus, regum Britannorum virtute & fortuna illustrissimus. Somnium non tam egregiæ fortunæ nuncium, quam dux & adhortator ac fautor.

Ecelinus Romanus patricius vxorem duxit Adaledam, ex comitum Rabidorum Montanorum familia. Prima nocte visus est collem, in quo Romanum oppidum situm erat, ad cælum usque exurgere atque attolli: inde liquescere, & (ut nix solet) prorsus in nihilum redigi. Quod somnium par fortuna filiorum secuta est: nam Ecelinus prænomine patris natu maior, ex modica fortuna parentum adeptus est Veronam, Vincentiam, Patavium, Feltrium, Ciuidalem, Marchiæque Tarnisinae regionem. Albericus iunior frater Tarnisium ipsum, multaue alia loca occupat. Verum aliquot post annis Ecelinus amisso regno, vulneratus & captus, iuxta Soncinum obiit: & Albericus amisso Tarnisio, in arcem B. Zenonis se recepit: vbi à suis proditus, sex filios coram se occidi vidit: vxorem margaritam cum duabus puellis comburi: ipse per varia tormentorum genera excarnificatus infestum spiritum reddidit: atque ita tota stirps, ut pater præuiderat, cum potentia extincta est.

Xenophonti cum in exercitu esset Græcorum, eique cum omnibus ob improbitatem perfidiamque barbarorum maximum vitæ periculum immineret, leniter dormienti, visum est paternam domum cum tonitru è cælo tactam, omnique ex parte totam subito corrumpere. E priuato igitur statu dux belli inter alios electus est: demum etiam solus & per multa pericula atque labores, incolumem domum deduxit exercitum. Ditatus præterea senectutem duxit lætam, & diues: sed pro exule



exule habitus est. Tonitru quidem significabat multas verbosas altercationes, nomenque magnum longius à patria clarum, pericula quoque & mutationem status. Fulgur autem, illustria facta, & iram Reipubl. Atheniensis, qua damnatus est in exilium, nec non pericula à regibus. Sed domum totam cornuscasse lumine, est factis egregiis notum fieri omnibus, familiamque suam claram reddere.

Venit quidam ad Hyburiū Hebneum interpretē somniorū, & dixit: Somniaui quod haberem grana hordei in manu, & inieci ea in os, & denoravi: cui interpretes dixit: Bene sit tibi. Cum verò abisset, interrogavit circumstantes, an aliquis illum cognosceret: respondit unus eorum: Ego novi, & scio ubi habitat. Dixit ergo interpretes: Observate illum: quia brevi morietur: consumpsit enim suum alimentum. Itaque mortuus est ille intra quatuor dies. Solent enim homines, cum absumpserint omnia alimenta, etiam vesci granis duris: & hoc, quia illi hordeum erat pro pane conficiendo. Apud nos autem hoc esset verum de tritico, non hordeo: sed solum hoc significaret morbum. Grana enim huiusmodi cruda si edantur, iuxta Hippocratem in libro de veteri medicina, morbos longos procreare solent.

Cimoni Miltiadis filio expeditionem in Aegyptios paranti, visa est canis adlatrare, & inter latrandum hoc protulisse carmen:

*I, mihi, reque meis catulis facturus amicum.*

Asciophilus Possidonius mortem ille ex hoc interpretatus est: nam canis hostis est: vox media inter latrandum regem Medorum, qui imperium Græcis & Barbaris mistum habebat: amicum illi fieri, erat mori: nulla enim re magis hosti gratificari possumus, quam propria nostri ipsius morte, si inciderit. Cum igitur suis catulis: id est, Aegyptiis facturus esset, ac sibi amicum, mori in Aegypto) ut contigit) illum oportuit. At si clatior, & non adeo abstrusus fuisset sensus, ab itinere se continuisset, nec periisset.

Procuratori collegij medicorum, de quo in somniis meis infra mentionem habeo, quoties somniaret se videre matrem mœstam, sequenti die ægrotabat. Idque iure merito: nam filius cum sit charissimus matri, illus mœror significat filio calamitatem, non adeo patri: nam patres non solent mœrere pro morbis filiorum, nisi lethales sint: constantes enim animo magis sunt viri mulieribus. Erat autem alioquin natura morbosus, sed hoc somnium multis annis perseveravit.

Quidam cum vidisset sibi membrum tensum, & in apice partium foramen, quæsit à me quid significaret. Respondi, dedecus: nam tendi virgam, significat dignitatem: foramen autem in dignitate, dedecus. Eadem die incidit in magnas contentiones, adeo ut se spoliandum dignitate existimarem, & præter spem euasit.

Quidam eques, ut Matthæus Ferrarius Gradi narrat, quoties edere se somniaret, die sequenti sentiebat calculi dolores. Et si res duræ concoctionis videretur edere, in multos dies dolor ille extendebatur. Et merito: de-

gustare enim dicimus dolores pariter ac cibos.

Vidi hominem, qui quoties lucrari deberet, nocte præcedente somniabat se edere vuas albas: nam albæ vuæ vberem fructum laboris & facilem portendunt, nigraë exiguum & cum tædio: & huiusmodi consuetudo duravit ferme duodecim annis, inde evanuit.

Senecæ referunt, qua nocte ei datus est Nero ad erudiendum, visum esse, se Caligulæ præcipere. Itaque Nero sæuitia visus est avunculum Caligulam imitari: quanquam longè melior fuerit. Diuturnitate enim imperij dici potuit funera tot Romæ intulisse, quot ille, licet non adeo crudeli exitio.

Dominico Confalonerio, à Candia oppido sacerdoti, seni nunc, sed olim contigit, dum adhuc iuuenis esset, ut videret domum suam corruere. Is autem inspexit Salomonis librum de Somniis, intellexitque mortem prænunciari suam, vel alicuius è principioribus domus: paulò post advenit literæ, quibus monebatur, ut fratrem languentem inviseret, dumque se accingit itineri, nuntius advenit, illum mortuum esse admonens: supputanti horas, eadem hora qua somnium vidit, mortuum esse fratrem animadvertit. Quibus exemplis dignoscere possumus, esse id potius præsentientis potentia vim, quam passionem ab aliena anima quæ discedit.

Valentiano Imperatori pridie quam obiret, cum tamen nondum ægrotaret (repentina enim morte absumptus est) apparuit vxor eius pulla veste induta, capillis expansis procul astans: quæ indicabat, fortunam priorem cum luctu illum deseruisse.

Polycrates Samius tyrannus felicissimus cum esset, filia eius per somnium aliquando vidit parentem in sublimi pendentem, quem Iupiter lauabat: Sol verò vngebat: paulò post victus est ab Orete, atque cruci affixus: itaque contigit ut à pluvia lauaretur, & à Sole vngeretur: liquefacta enim pinguedine, vinctus videbatur. Huiusmodi autem somniorum antiquissimorum vnum hoc tantum posui exemplum, quod parum illis habeam fidei.

Amici Ptolemæi Cerauni, qui Seleucum Macedonem interfecerat, viderunt eum rapi in iudicium à vulturibus, lupisque iudicanribus damnatum, & carnes eius distribui passim: itaque evenit, ut paulò post victus à Galatis, atque occisus sit: eiusque cadaver discriptum sit à vulturibus ac lupis, propter hostium sæuitiam.

Diogeni nauclero visum est, proram sibi perdidisse, & prorata ipsius mortuus est. Alij contra in Mileto visum est, proratam efferre ac sepelire, & navis proram perdidit: atque id est exemplum mutui significati, de quo superius egimus.

Alexandro philosopho visum est, quod morti esset adiudicatus: & excusationibus prætentis, vix à cruce liberatus est. Cumque nil tale metueret: ut qui solum philosophiæ studiis incumberet, sequenti die cum Cynico alio philosopho in contentionem venit: fusteque percussus in capite, vix mortem euasit.

Diagnostæ



uxor cum videretur sibi barbam dimidiam habere, à coniuge separata vixit: nam si plenam habuisset barbam, vidua facta esset. Nec obstat dimidij somnij ratio, qua vanum promissum decernitur: ut in Cilice hæreditatem sperante: nam dimidum somnium aliud est, & imperfectum, à somnio de medieta-te rei, quæ tamen perfectum somnium red-dit.

## CAPVT IV.

*De exemplis propriis.*

**A**Nno M. D. L. X. I. visum est mihi in nocte quæ Maij Calendas præcessit, vo-cari ut Bonromeum Cardinalem Romam euntem comitari vellem: sed iam tum non videbatur Cardinalis: visus est Antistes Aricim-boldus, qui olim Academiæ præerat, mor-tuusque erat, ut liceret petenti concessisse: videbatur autem dies Iouis, quæ palmarum festum præcedit: idque mecum dicebam: So-lum vnius lectionis iacturam facturus sum. Itaque constanter ire secum decreueram. Ex-perfectus iam orto Sole iterum somno corre-ptus sum: incidi in idem visum. Sed cum illum domi expectarem, nec veniret hora iam tar-da, existimabam abiisse sine me: cum ignotus, nunc verò mihi notus: Non par est, inquit, ut ille ad te veniat, sed ut tu ad illum: expe-ctari puto te: tum ego: Vera refers, accin-gebar itaque ut adirem: interim videbatur Cardinalis, ut est, esse, comitatumque du-cere centum & quinquaginta hominum: di-cebam ergo mecum: Non vnà esse poterimus in caupona. Sed tamen permansi in propo-sito, ut irem. Tædebat autem, quòd pluerè vi-deretur: dixi itaque: Ocreas emere oportet: nullas enim habebam, & verè. Sed pigebat emere, & videbar vix posse inuenire aptas mihi: deinde cogitabam, quòd non re-è impetrassem discedendi veniam, sed quòd à Præside oporteret impetrare: demum, quòd si empturus essem ocreas: verisimile non esset illum interim non discessurum. Multis ergo rationibus perturbatus, & impensæ ratione habita, & periculi, ne non exciderem à pro-fitendi munere, manere proposui sicque som-no solutus sum. Intra duos dies venere è Ro-ma epistolæ, quibus admonebar, Cardina-lem Bonromeum à Pontifice Bononiæ Lega-tum agere, ut ab ea republ. aduocaret ad profitendum: Ignotus ille, Franciscus Alcia-tus erat, Iurisconsultus, vir omni laude di-gnus, qui causæ huic fauebat. Sed somnium declarabat, post magnam spem irritam omni-no fore. Eaque omnia ad vnguè mirabili suc-cessu euenerè. Hoc solum superest, quòd non video quomodo irritum possit esse negotium, quod iam publica fide coaluit.

Cum essem in Saccensi oppido, anno M. D. X. X. V. I. I. somniaui me laborare vomica pectoris, cum recimone: nihil minus time-bam. Sequenti anno redij in patriam, vbi ex laboribus, sudore, fatigatione, pluiæ casu, tristitia, vigiliis, incida in tussim, & em-

pyema ex putrida pituita cum recimone: & per nouem menses ita laboraui, ut prorsus de salute desperarem: non tamen fuit vo-mica.

Reditum in patriam, in cogitationem, & quoniam mihi pulchrè nota esset, quisque referre potest: sed quod Saccense oppidum & Gallaretum multo antea viderim, quàm eò ad artem exercendam me conferrem, dum quiescerem, quasi pro miraculo mihi habendum videtur: sed & exitum eorum ingressuum satis apertè ex somniis conieci.

Anno M. D. X. X. X. V. I. I. Die secunda Octobris, hora secunda ante Solis exortum, vidi Prosperum Marinonum, qui amicus mihi fuerat singularis, obieratque præcedenti anno hilarem, & cum purpureo pallio. Eum appropinquantem & cupientem exosculari me, interrogavi, an sciret se mortuum esse: cum affirmasset, admisi ad osculum: atque ita ille me in ore osculatus est. Interrogavi, an meminisset qui fuerit: respondit, meminisse. An dolor est in morte: aio: dum peracta est, nondum moritur, respondit: ita ut de cru-ciatu animæ id interpretarer. Qualis: ut in acuta febre. An vinere vellet: dixi. Nequa-quam, respondit ille. Ergo mors somno si-millima? Non dixit. Conantem amplius disce-re, pluraque intorrogare volentem, destituit, tristemque reliquit. Prosper Marinonus, Pa-piæ urbem significabat: erat enim eius ciuis. Mortuus vitæ mutationem: Amicus, & oscu-lum, honorem, vtilitatem, voluptatem, at-que ita legendi munus quod post annos se-ptem adeptus sum. Interrogationes, de omit-tendo munere cogitationem declarabant. Dis-cessus me inuito, aliquando eo munere cari-turum.

Anno M. D. X. X. X. I. X. V. Calendas Fe-bruarias, cum non possem cooptari in collo-gium medicorum, causaque esset iam iu-gulata: vidi per quietem, dum illucesceret, Alexandrum magnum in venatione sine armis volentem leonem occidere: prohibebat Ep-hestion: tandem in hoc consenserunt, ut Alexander conficeret leonem, sed clauum ha-beret Ephestion: statim autem supervenit in-gentis magnitudinis leo, cuius os Alexander apprehensum, in diuersa conuellere niteba-tur: visusque est primum profecisse: sed pau-lò post leo compressis mandibulis, Alexan-dri manus interceperat: quod Ephestion ani-maduertens, illisa leonis capiti claua, proster-ni eum vno ictu contigit, atque Alexandrum liberari. Significauit Alexander, de causa agi quæ iam diu periisse videbatur: idem principis istonij autoritatem, aut Sfondrati Senatoris. Ephestionem existimo Lucam fuisse Crucei-um, medicum, amicum Sfondrati. Mirum autem est, vnde mihi hoc somnium obuene-rit, qui nec imaginem Alexandri, nec Ephes-tionis vnquam antea vidiissem. Profuit hoc somnium non mediocriter, ad consequen-dam victoriam causæ, quam profligatam exi-stimaueram.

Omissis tribus illis fatalibus somniis, quæ in libro De Libris propriis descripsi, tum etiam De vtilitate capienda ex aduersis, scili-cet de aditu in cælum & paradysum terre-stem,



strem, ascensuque in collem vitiferum, reliqua hic subiiciam insigniora: inter quæ illud visum anno M.D.XXXVIIII. die V. Marij, cum stellam ardentem à cælo in cortem meam decidisse, per quietem viderem, quæ statim extincta est. Gratiam hoc declarabat principis, sed parùm duraturam. Contigit autem vt mense Septembris inirem amicitiam Principis Istoni: sed & extincta est non multò post, vt somnium declarabat. Dicebam autem dum somniarem, hoc mihi somnium impendentem mortem denunciare: ita soluta amicitia, magna autoritatis meæ iactura facta est.

Eodem anno vidi xvij. Calendas Decembris, cœlem stellatum: sed videbatur deesse Mercurius: hunc paulò post vidi maximè splendens inter multas alias stellas, longè maiores, sed nullo ordine positas. Deinde à sinistra vidi stellas circiter quindecim, certè non pauciores, se inuicem tangentes, quasi filum referrent: aderant & stellæ pellucidæ, quæ imaginem pulchræ rosæ effingebant: quarum aspectu delectabar, audiui etiam vocem dicentis: Expecta congressum Lunæ cum Mercurio.

Cælum erat, Medicorum collegium: nam tempore morborum, vt nocte stellæ, observantur. Ego qui non receptus eram, Mercurij absentia declarabar. Et quod recipiendus essem: quoniam paulò post visus sum illud videre. Inter maiores stellas: quoniam non habiturus essem magnam autoritatem in eo collegio, multis tum mihi prælatis maioris nominis. Series illa tot stellarum, ex vna progenie multos non incorrupta serie in id collegium ingressuros. Rosa illa digniorem consensum, qui me inuaturus essent: congressus Mercurij cum Luna, aduentum Principis Istoni significauit expectandum.

Anno M. D. XL Quarto idus Februarij, existimabam me in lecto esse, supra verò splendens Solem nigrum totum: ac radiis splendidis quidem, sed scriptorio atramento nigrioribus. Videbatur autem mihi dies ea esse sexta Aprilis, proximè futuri, qua Sol eclipsim verè passurus erat: cernebam & stellas nocte quasi micantes, de quo non leuiter admirabar. Somno solutus, exitiale mihi somnium esse intellexi: non tamen quid portenderet, interpretari potui: non enim eò perfectionis deueneram, nec Fata id admittebant. Sol eclipsim patiens, mortem filij iam in collegium coaptati significabat: vnde non nisi post multos annos id accidere poterat. Cuius eclipsidis id est, mortis ratione, stellæ: id est, vulgares medici, qui alioqui obscuro futuri erant, apparerent, & nomen aliquod adipiscerentur: quòd verò sextam diem Aprilis imaginarer, interitum hunc verum, non mortem aut discessum vel exilium futurum significabat.

Non pigebit, quod de Alciato aliàs narraui, ad confirmandam fidem soniorum, velut euidentissimum hic adiciere. Anno M. D. XLVIIII. ni fallor, mense Octobri, vidi per quietem, in cubiculo iuxta lectum sedentem Andream Alciatum, virum & mihi familiarem, & monumentis literarum quæ reli-

quit insignem, in cathedra caput habentem manui innixum (cubitus autem spōdæ cathedræ incumbere) mœstum. Vilus est mihi videre me, sed nulla signa ostendit. Erat ei lectus à sinistra, nec quisquam in eo: candida omnia, & tenfa ambiebat, quæ prospectum illi impendebat, ne quæ post lectum à pedibus erant, videre posset: ipse enim prope cervical sedebat. Ego interim mecum meditabar, quid causæ esset quod tam mœstus esset, meque vidisse dissimulasset: cum interim à pedibus, lecti mihi à dextra egregium forma iuuenem video, cæruleis indutum vestibus, ac mirum in modum nitidis. Cui ego. Quid habet hic quod tam mœstus decumbit in cubitum? tum ille: Vides? en breui futurum est vt eo carituri sitis, nec inter viuos ampliùs sit: at ego vehementer dolebam, sicque somno solutus sum: at ille intra tres menses obiit, cum ego priùs multis somnium narraffem: publicè etiam præfatus, maximam virum breui moriturum.

Sed neque pigebit, quod alibi etiam scripsi, repetere. Anno M. D. XLVIIII. Iunio mense, cum mihi tum essent duo filij, Io. Baptista atque Aldus, videbar cum natu maiore solum esse: dolebamque vehementer, & mei miserebat: solutus somno hora diei fermè secunda cogitarem quid mihi tale somnium minaretur, aduenit ancilla Hieronyma Ciceræ tristis, & formidine plena, nuncians filium minorem maximo esse in vitæ periculo. Febrem siquidem adesse, & oculum sinistrum conuulsum. Surgo trepidus, & somnio & admonitione ancillæ: inuenio laborantem febre non leui, & resolutam palpebram sinistri oculi, non oculum. Itaque primum extimui, & an quicquam agerem, mecum reuelabam: tandem constanti animo omnem diligentiam adhibui, vt sanaretur, sanatusque est: viuitque, somnij beneficio, quod aliter non tam promptè ei occurrissim morbo: monitorium namque fuit, vt apparet.

Nocte quæ præcessit 3 Idus Nouembris, anni M. D. XXXIX. vidi per quietem, ventriculum cibo plenum extractum, inde positum: dolebam tamen dicens: Nunquam tam bonus erit ad coctiones vt antea erat. Sequenti die anagnostæ mei omnes digiti sinistræ manus præcisi sunt, non tamen sic vt aliquis eorum excideret: hoc significabat repositio illius. Quod verò officio manus defungi non potuit, significabatur ex eo quod dixi, nunquam futurum æquè validum ventriculum meum. Et ventriculus significabat familiarem: continetur enim intra corpus, vt familiaris qui in domo alitur: & est exanguis: quia mihi sanguine coniunctus non erat.

Conscribam autem admirabile somnium, non nisi nunc me hæc scribente intellectum, quo omnia quæ mihi contigerunt, significabantur, si intelligere potuissem: idque exemplum erit clarissimum somnij specularis, quod (vt superius docuit) admiratione & subtilitate interpretationis reliqua omnia genera antecellit. Sed præstat primum scire quo in statu res meæ essent, cum hæc somniarem: nam aliter commodè interpretationem docere nō potero. Annus erat Salutis. MDXLIIV. cum



cum sub diluculo sexti Idus Ianuarias ( tum verò mihi erant tres filij, maiorque natu decimum agebat annum : minimus eo natus anno, quo Mediolani tum primum medicinam profiteri aggressus sum ) per quietem visus sum videre Prosperum Marionum, cuius superius mentionem feci, & quamvis quòd mortuus esset non ignorarem, manum ut mihi tangeret orani: id etiam subiiciens, quamvis mortuus sis : quo ille dicto me auersabatur : nihilominus præstanti in proposito, tacta manu acquieuit, atque abiit. Nunc sequebatur filius meus, me reclamante, natu maior: cumque ille non acquiesceret, cum pluribus illum sequens, in domus solitariæ vestibulo illæsum inueni, sed Prosperum haudquaquam. Statim visus expergisci sum ab incerta re, quæ mihi pone cervical esset: imaginabar autem vigilare, ac quæ videram quasi per somnium visa reputare, gaudereque quod neque mihi neque filio mortui visio mali quicquam minaretur. Videbatur & mihi caput erigenti lumen per fenestram ingressum, admonere ut ad profitendum surgerem : tum verò magis properabam, ut terrorem quem ex re, quæ capiti pone videbatur, conceperam, excuterem : dumque aliam fenestram inspicere studeo, scilicet cogniturus an & lumen ea ingrediatur, video ostium apertum : vnde admiratione ductus, ac terrore, videbar ad illud arrepto baculo ire: cum ecce mortem in ipso ostio adstare video: statimque mecum reputans exitiale esse portentum, ni mortem propulsarem baculo, illam ferire aditor : at illa fugiens, dum eam sequeretur, in aliam domum confugisse videbatur, atque in cloacam se condi : vnde non iam mihi periculum aliquod significari conieciebam, sed eo in loco iacere cadaver : atque de eo eruendo iam cogitabam. Cum interim secundo visus sum expergisci, dormiens verè tamen ut prius. Nihil autem ex priore somnio relictum erat, nisi quòd eo viso, ea in cloaca iacere cadaver, significari ex somnio existimabam, denuoque ut surgerem accingebar. Sed ecce video catulum nigrum pilosum sub lecto, qui ludens mihi caligas eriperat. Ergo dicebam mecum : Quis hunc catulum domesticum hinc conclusit : nam nullus mihi heri catulus erat : & bene actum est, quòd non sum experrectus ante lucem, ne non videns, & hunc strepitum audiens perterrerer. Dumque hæc mecum voluto, tum demum verè sum experrectus.

Ergo Prosper Marionus Papiæ Academicam referebat: erat enim Papiensis, & scholaris. Quod verò mortuus, ut erat, videretur, significabat spem mortuam Papiam veniendi : quòd iam quinque prope annis eam oblatam conditionem respuissem. Aegrè ille obtulit manum. Senatus, quod primò renue-ram, quasi inuitus dedit. Manum amplexus est, locum obtinui eo anno. Filius sequebatur illum, venturum in Academiam in tertio regressu meo periturum significauit : atque ita euenit : anno enim M.D. XLV. abstinui à profitendi munere. Regressus sum secundo, anno M.D. XLVI. destiti anno M.D. LI. redij anno M.D. LIX. tuncque mortuus est

Tom. V.

filius, sub initio anni M.D. L X. quem constat, nisi tertio rediissem Papiam, non periturum, saltem eo mortis genere. Id ergo significauit ingressus illius in solitariam domum, cum ego vestibulum cum sociis solum attigerim. Prohibebat autem prius intelligere ( nam non fuissent ) hæcque de somnio speculati, & triplici ordine. Vnde id maximè euidentis, quòd maximè somnium est, siquidem primum : reliqua sensim minus euidentem retinent significationem.

Venio ad secundum. Surgere nitebar, ad exercitationem reuerti cupiebam : mors in ostio erat, fugavi eam còpositis libris de Subtilitate & de Rerum varietate, tum aliis in secundo reditu : erat enim mors nominis, de qua in fatali somnio, æterna futura eam monumenta ostendens. Cloaca in quam mors se abdidit, latitaturum aliquid ad mortem vsque meam, quod aduersetur nominis mei immortalitati : atque id apud sordidos, & fluctuantes homines. Et hæc de secundo,

Tertius ordo est brevis, aut quia breuitatem temporis significat, aut quoniam deregì non vult quæ sunt post hæc. Canis ergo niger, pilosus, cum tertio Papiam redij, fortuna in domo erat, & est : aut significat hostem domesticum : non tamen ex eo damnum magnum, sed metum, & voluptatem, & lulum. Palàm est autem, vltro prohibitum me scire nec si à munere descinero, amplius rediturum : videor extrà munus frustra querentem obiturum, ob id quod Prosperum non inueni : euenturumque forsan causa filij, maioris, quem sequebar. Verum quod in tertio somnio videretur non iam mortem, sed cadaver in cloaca latitare, significabat, ante mortem liberandum me metu omni vero, libereque libros meos legendos, non tamen suspitione metus : atque inter conatus periturum, ut eruam cadaver. Ipsum cadaver, quicquid occasionem præbere potest malæ opinionis legentibus, quæ corrigere nò potero. Res quæ in secundo somnio à capite pone stans deterrebat, fuit desiderium conscribendi libros: quod à somno: id est, vita ciuili me exsuscitauit, ut surgens propulsarem mortem in ostio stantem.

Visus sum aliquando interrogare quendam per quietem, mihi incognitum, de vitæ meæ cursu: atque illum dixisse. Finis tuus erit qualis Caroli Telæ. Visus postmodum mori sum graui cum tormento, atque ingredi profundissimas tenebras. Hunc Carolum semel tantum videram, erantque ei duo filij : nothus maior, quem ego illi esse nesciebam : & minor, tum valde paruus : excessit è vita, his duobus & vxore superstibus, cum totus esset podagra confectus : damnatusque capite à iudicibus, quòd principalem pecuniam interuertisset: sed redempta damnatione pecunia annu agens circiter quinquagesimum, absolutus, ex febre & podagra interiit, filiosque satis diuites reliquit. Vbi ergo eum obisse vidi, non poteram imaginari, quomodo mors mea cum illius morte conueniret, nam ego iam illo ætate decem annis maior sum : quamobrem de illa non est intelligendum, sed solum quòd duobus cum filiis superstibus,

P P p quorum



quorum natu maior multis annis minorem anteibit, eruntque ex duabus matribus. Quare somnium indicauit tacite mutationem, quæ facta est. Mortuo enim filio maiore, infans relictus ex alia matre natus, quam natu minor filius: quod eo exemplo significatum est, quod maior & minor ex duabus matribus sunt: idque ego tum interpretari non poteram, cum ambos filios ex uxore eadem suscepissem. Nothus autem maior natu esse videbatur, quod qui ex eo superstes est filiulus, non est filius, sed nepos: idem non verus filius. Et nihil refert quod hic commutentur personæ: quia etsi nepos sit qui natu minor est, illi autem maior: recta tamen est similitudo: quoniam nepos patris sui, qui maior natu fuit, personam habet. Ostensum est autem hoc ex regula Dialectica commutationum: neque enim necesse ut sint iisdem, sed ut in speculis commutata certa ratione, ut neque de tempore dictum est: nec quod ego infante nepote, ut ille, minore natu filio inteream necesse est. Sed bene videtur significasse, me superstitem filiae, nullo ex ea nepote suscepto futurum, quod ei nihil horum morienti fuerit. Et quod podagra, quæ iam tum mihi levis coeperat, conflictaret. Damnatio verò capitis pecunia commutata in illo, quemadmodum in somniis solet, damnationem filij, in quo pater damnatus est, mutata persona significauit. Vnde etiam felicitas bona, quæ damnatis perire solent: ei ergo ob id comparatus, vir ignotus (ut dixi) verax & obscurum somnium docet: nam diuinum responsum: quoniam dii ignoti sunt nobis: eorum autem dicta verissima, sed obscura: neque enim ignoti occulta referare solent, sed valde familiares & amici. Quod verò magno cum tormento mori visus sim, aliud genus vitæ ingressurum me decernit, plenum difficultatis & sollicitudinis, quamadmodum accidit tenebris circumfusis.

Anno M.D.XXXVIII. cum in spem erectus essem patrociniij Pauli III. Pont. Max. vrgentibus me omnibus incommodis, vidi per quietem, paonem in gremio non satis quietum, inde paulò post auolasse: statimque phasianum cum pullo excepsisse, tam quiete ibidem commorantes, ut maximam ex hoc somno voluptatem caperem. Cum diu mansisset, expectatus intellexi spem Pontificis inanem esse, quamuis magnorum virorum pollicitis lactarer: aliam suboriri minorem, sed quam essem consecuturus: itaque cum primum surrexi, ad Ioan. Bapt. Specianum capitalium criminum præfectum, virum & eruditum & studiosum amicum, veni: tum Io. Iacobum Raynoldum, qui nunc Auonæ præfectus est: quorum auxilio ea ipsa die Alphonsi Istonij principi in amicitia insinuatus sum: à quo & pecunias accepi, & multis modis iuuatus sum, & in collegium illius patrociniio receptus: & multo plura habiturus, si ego tum tam prudens fuisset, quam ille beneficus ac liberalis. Sed Fata obstabant. Hoc est sextum somnium, ex quo consecutus sum utilitatem: nam fatali primo, ad scribendum compellus sum: secundo hoc, ad habendam principis amicitiam inductus: tertio, de Alexandro, ad aggrediendum causam collegij, tot

aduersis sententiis concussam: quarto, ad seruandam vitam filij natu minoris: duobus vltimis, tametsi sæpius repetitis, ad conscribendum libros de Subtilitate, & de Rerum varietate.

Quadam nocte cum viderer esse in curia principali vrbs, atque tum adesse aues omnis generis, inter cæteras aderant duo pauones, quorum aspectu delectabar: cum interim vnus statim auolessset, alterum in elatrata ferrea quiescentem multi lapidibus incesserent, ego in sinum recepi: sed languescere, ac renouescere videbatur. Sequenti die ad parientem filiam Antonij Lenæ principis Asculi vocatus, antequam accederem (erat enim Modætiæ) obiit: hæc fuit panis, quæ statim auolauit: paulò post ad infantem natum ductus sum, quem multi morbi, lapidum loco, ad mortem ferre duxerant: itaque aliquoties dum alleuatus esset, ac rursum decidisset, intra paucos dies & ipse obiit. Fuit autem anno M.D. XXXV.

Anno M.D. XXXVI. diluculo diei Dominici, visus sum edere ouum struthiocameli, in mensa Præfecti eiusdem criminum capitalium. Solutus somno, intellexi illius hortatu pecuniam mihi debitam à contumaci creditore, ea hebdomada habiturum: habuique vltima ipsa die, scilicet sabbathi: nam Dominica dies prima est hebdomadæ: & ouum illius anis concoctu contumacissimum, ipsa verò anis magna, potens ac nobilis, qualitatem debitoris declarabat.

Quadam nocte visus sum habere ficedulam maiorem (sunt qui icteridem appellant) in manibus, quæ tamen aufugisse visa est etiam: denuò capta, in caueam conclusa est. Sequenti quidam obtulit pecunias iniqua conditione, quas ego etiam monitu somnij renui: at ille cum abiisset, reditus præter somnium, nullam spem reliquerat: rediit ipsa die, & optima sub conditione eas accepi. Aues enim spes, commoda & iucunda, ut etiam pecunias & lucra significant: & pro ratione earum, magnæ & pulchræ, principes, & splendida lucra & dona: hæc autem parua erat, & humilis.

Quadam nocte cum vidissem multa pulchra frustra crysalli in ripa fluminis, lætus colligebam ea: manè quidam libros pulcherrimos obtulit, adeò vili precio, ut dono accepisse existimare possem: sic enim, quasi inuenissem. Libri autem vilis sunt precij inter merces, velut & crysallus inter gemmas.

Prostitebar Papiæ: cum mensis Ianuarij sub initio anni M.D. XLV. per quietem visus sum esse in patria cum Prospero Marinono: abstinebamque ab illius colloquio, quod gnarus essem mortuum esse: id ille animaduertens, equum album ascendit: ego ratus indignum ut insalutatus abiret, cum iturus Romam videretur, in ponte portæ eius quæ Romam ducit, dixi: Et quando te videbo ille subridens ait, Mense octobris: tum ego Quo? nam hic proximus esse posset, & intra annos etiam viginti quinque: est autem incertus nimis terminus: at ille subridens, cum socio



focio qui mihi è facie notus non erat, abiit. Itaque vt sapius dixi, Prosper Marinonus abiens, cum ego essem in possessione profitendi, amissum eo anno id munus declarauit: quod & euenit. Sequentis enim anni, iuxta illius verba, mense Octobri eidem muneri sum restitutus. Discessus eius Romam versus, aut me hoc relicto munere iturum Romanum significat, aut (quod vix credo) Romanum hominem mihi successurum.

Quadam nocte vidi quendam qui iam mihi fuerat inimicus, conantem vulnerare me: & dum protego memet manibus, vulneratus sum in eis: cum expectatus, confiderans quod ille mihi erat reconciliatus, causa dissidij sublata, & quod tum mihi autoritas creuerat, vt non impune fuisset illi tum talia aggredi, erat Petrus Franciscus Belzoiosij dominus, vir nobilitate & potentia clarus, non poteram somnium interpretari. Ea die occurri homini qui vulnera acceperat ab inimico, sub amicitiae specie: hoc significauit reconciliatus amicus: & inter reliqua vulnera manum ei præciderat, & hoc ad somnium. Virum illum aliquo modo, ex declaratis in præcedente libro, mecum conuenire oportuit.

Erat mihi amicus anno M.D. XXXVIII. Io. Petrus Bossius medicus: quo in exilium acto ab aliis medicis, ego domum eandem illius loco conduxeram: quem video quadam nocte mandato Senatus, medicisque vrgentibus damnatum, vt defricta pelle ad os vsque, dextro supererat supercilio, glutino tenaci annecteretur tabella lignea supra palmi longitudine, quam secum deferre perpetuo cogebatur: plerisque admirantibus, aliis autem miserantibus fortunam viri, aliis iridentibus & insultantibus. Itaque cum expectarem vt ex vrbe discederet, gluten molliret, auelleret tabulam: nihil horum fecit: sed æquo animo ferens, per urbem incedebat: sic deformatus, solitaque munia exercebat, expectatus, cum ea esset dies, in qua periturus eram à Xenodochij præfectis curam pædrotrophij, in cuius possessione iam eram: intellexi mihi non leuem iniuriam ab his faciendam, & dedecus me graue subiturum, vt abstinere à petitione decreuissem. Sed tamen tantum nefas sperare non potui: vt qui longè maiorem vtilitatem, quam esset præmium loci, eis præstitissem. Petij, repulsam tuli, magno cum rubore: vt etiam qui iniusta petere non erubescerem. Itaque in oculos, vt dici solet, res acta est: tuli tum æquo animo, quod ad gloriam meam præbuit fundamentum: quoniam ille nec discessit, nec commotus est. Senatus, collegium præfectorum ostendebat: ego medicus illius, qui & repulsus fuerat, & in cuius domum fueram ingressus, personam sustinebam.

Cum vidissem nocte quadam medicum qui eodem anno obierat, in lecto meo quasi morientem: atque ego vt explorarem an ita esset, illius artus arctius constringerem: visusque esset verè mortuus: accidit vt intra quatuor dies ad amicum qui apoplecticus conciderat, vocarer: cuius artus, vt tentarem si viveret, constrinxi, carnes vellicau: atque intra

Tom. V.

totidem horas extinctus est, quot medicus ille superuixisse per somnium videbatur. Amici ambo mihi erant vnici: alter sub alterius persona designabatur, & lethi genus idem ex actione mea.

Nocte quadam mortuum patrem sequi videbar passibus æqualibus, qui me ad domum mortui iam tabellionis duxit. Paucis post diebus questus sum de actis quibusdam patris, apud eundem tabellionem olim, eodemque in loco.

Nocte quadam visus sum occurrere duobus viris, quibus vix vnquam occurrere solitus eram: & cœpta dissertatione, magnum exortum mihi negotium: manè statim vni illorum occurri, qui de alio vix sibi noto dum verba habet, ambo eidem, ex insperato (vt reor) occurrimus: inde exortum est negotium tadio plenum: tum necesse fuit animam esse valde liberam.

Cum dimidium bibliothecæ cecidisse visum esset, in quo libri omnes erant præter medicos (hi enim in parte quæ steterat, seruati videbantur) alumnus meus Ludovicus Ferrarius, omni in literarum genere eruditus præterquam in medicina, multa incommoda passus est, coactusque est studia literarum aliquanto tempore intermittere: idè illius calamitatem, non meam significauit: cum vterque in eadem domo, eisdem studiis in-cumberemus, solis medicis seiuncti eramus.

Anno M.D. XXXIX. xvi. calendas Iulij, vidi patrem meum togatum, vt solebat, incedere, ostendentem mihi magnam quantitatem librorum diuersarum formarum: atque inter illos vnum elegantem, variarum linguarum notis scriptum: iussisseque vt verbum hoc legerem *ἐμῶν*. Cumque proferrem, dixit caue ne legendum sit *ἐμῶν*: respondi, Nequaquam, sed sic sonat: tum ille, cum acquiescere visus esset, dixit: satis est, volui te monere: quoniam hoc ad te pertinet. Composita erat dictio ex *ἐμῶν*, quod est qualiter, seu velut: & *ἐμῶν*, seu *ἐμῶν*, seu *ἐμῶν*: id est, vnus, aut similis, vel simul, vnà cum, vel æqualis: quod est omnino similis, mihi scilicet. Nam tertio calendas Septembris in collegium medicorum cooptatus sum magno labore, vt ille fuerat in collegium Iurisconsultorum. Professus sum postmodum medicinam, ille leges professus fuerat ad extremum vsque vitæ: ille parùm ad collegium ibat, pertæsus (vt audiui) quorundam: ego non ob id, sed Papiæ moram ducens, prohibeor sapius adire: multò verò etiam rariùs, ob filij ingrati necem.

Quinto Idus Octobris, eiusdem anni, cum essem receptus (vt dixi) in collegium, videbar esse inter socios, expectabamusque vt pyrgum ludendi deferrent: interim verò iridem, quæ apparuerat, aliis ostendebam: quæ euanescente, alia visa est, quæ fastigium domus vertice tangebatur, cornibus autem terram: hanc vt ostendissem aliis, tangere cupiebam: sed non sum ausus: dum verò auersus, tutò me tangere posse confido, euauisse & ipsam animaduerti. Socij autem erant medici, cum quibus artem exercere distinaueram. Iris, profitendi munus aliàs (vt dixi) mihi oblatum,

P P P 2 nec



nec receptum. Secunda iris idem quod cum vertice mihi æquaretur, oblatam in parra occasionem significabat, quam recepi. Sed cum è domo tangere vellem, non audebam: timidus enim ad id negotium accessi. Sed securior, auersus scilicet, medendi exercitationi intentus: at illa evanuit, translata in pristinum locum Academia: quod perinde erat, ac si diceret: Si profiteri volueris, & patriam & medendi exercitationem relinquo oportet.

Anno M.D. X L. vij. Idus Februarij: vidi per quietem, bubonem, auem violenter in sinum traxisse, illique tres pennas ad scribendum aptas auulsisse. Videbatur & quidam phratrius, mihi notus, in carcerem iniuste coniectus, ac malè habitus demum tota facie discissa dimissus. Eadem die occurrit mihi Ioan. Petrus Bossius medicus, ab aliis medicis (vt dixi) olim eiectus: hic ergo, vt bubo ab aliis aibus prohibebatur palam exercere medicinam. Phratrius etiam, coniectus in carcerem: nam in carcerem detrusus fuerat à medicis, qui ratione artis communis erant quasi illi phratrij: discissa facies, ostendebat exitum infaustum: venerat enim vt ad medendum admitteretur, sed rursus eiectus fuit turpius quàm prius. Pennæ illæ quas exceperam, erant clientes, qui ad me, illius consilio, postquam ipse artem exercere prohibetur, se contulerunt.

Anno M.D. X L I I I. in calendis Ianuariis, visus sum sepulchrum marmoreum antiquum, literis vetustioribus inscriptum, quibus mirum in modum delectarer, inuisere: aderant & Hieronymus Cardanus alter medicus, & Ludovicus Ferrarius Mathematicus, ex amicis. Eo anno conscripsi libros de Sapientia, refertos multis antiquorum dictis. Sepulchrum enim etiam alio nomine monumentum appellatur: dicuntur & libri monumenta. Et literæ antiquæ, autoritates veterum ac testimonia. Sed & sepulchri imago, parum probandos eos libros: pauci enim solent, nisi per ocium, sepulchra quantumvis pulchra spectare. Socij illi, vulgandum opus declarabant. Sed quod in Calendis Ianuariis hoc viderim, eodem anno inchoandos & absoluendos significauit.

Anno M.D. X L V. xi. Calendas Augusti, sub Solis ortum videbar mulam equitare, pallio indutus, cum Hieronymo Cardano & ipso mulam equitante, sed togato: occurrisse autem nobis tres rusticos, quorum lotiis visis, quadraginta asses ille lucratus est: me autem spreuerunt. Indicauit hoc, me extra patriam moram ducturum, ob pallium: illum mei loco successurum, ob societatem & habitum: plebem tamen potius curaturum, ob rusticos: multos tamen agros ad eum concursuros: quia tres erant rustici, non vnus: & sufficienter lucraturum, ob numerum assium: habiturumque pharmacopolas amicos: nam ad eos ille diuerterat, ego non accessi.

Anno M.D. X L V I I. xvi. calendas Septembris, vidi Ioan. Baptistam Specianum, capitalium criminum præfectum olim, sed tum mortuum paulò antè, qui me manu apprehendit: sed ego cogitans quòd mortuus esset, eam statim subduxi: interrogavi autem

dicens: Quandoquidem tu mortuus es, & ego dormio, dic mihi aliquid de ea vita, qua vbi tu es fruuntur: tum ille: Nihil superest, cuius oppositum tu credis. Inde eo euanescente, supervenit iuuenis macilentus, pallidus, facie longa, veste scholastica longa, pellicea intus, extrà coloris cinerei: hunc & ipsum mortuum in cognitumque interrogo, quid mihi futurum sit: respondit: Dicere nolo: nam nimis tristeris: cui ego: Moriturus sum? inquam. Non respondit ille. Quid ergo? A mulo seu mula lædèris: ceterum abhinc magna & facilia lucra semper tibi supeditabunt. Quo nomine appellaris? Hieronymus Frige. Ioann. Baptista ille filius nomine conveniens, non mihi superfuturus, vt rebar. Hic meus genius horridus & aridus senectæ, non quidem inopia (hoc enim excepit) sed animi angore: nam nomen & persona incognita me esse declarabant. Mulus ἀρρομύχῃς: id est, sterilis & orbis: nam sic muli obeunt, sine prole: vel ἡμιονος magis propriè, à mulo vel mula: ἡμιονος autem vtrumque significat: & dimidium ex hoc, ab ἡμιον, quasi dimidio in sobole frustratus & mancus. Qua parte, non sine alterius securitate, prima somnij pars præmonstrauerat. Quasi diceret: orbatus, aut fermè horridus ac ficans, scilicet sine spe generandi, pauens & frigore horrens: nam hæc omnia genij cognomine, & mei ipsius significabantur: præter tuam fidem demigrabis ad mortuos. Atque ex illa die, quam quid significaretur non præcepissem, nunquam sine magna suspitione, nec latus vixi. Quòd si dixisset, A mulo, non adiciendo seu mula, plenam significasset orbitatem: non ἡμιονος enim nomine explicari poterat, sed solum ἀρρομύχῃς. Iuuenis autem pallidus, & reliqua contraria habitui meo, præter longam faciem (talis enim mihi est) decrepitam ætatem significare videntur. Etenim decrepiti, quanquam antea bona habitu, macilenti & pallidi efficiuntur.

Annum agebam (ni fallor) decimum nonum, aut vigesimum, cum quadam nocte vidi simiam loquentem dixique: Quæ miraculo loquiture odè spiritu, futura præcire potest. Dixi ergo, Quantum supervicturus sum? tum illa statim respondit: Quatuor annis; at ego: Non plus; cui illa: Non, erat autem ex demonstratis quadraginta octo, quatuor anni Iouis non ante lxvij igitur obiturus, sed paulo (vt reor) excessurus: vel ex literarum supputatione, eliso primo v, quod non sentitur in pronuntiatione, septuaginta septem, aut vt suprà, quòd vix victurus essem, ostendit.

Anno M.D. L. iij. nonas Maij, ab hora nona ad vndecimam somno correptus, vidi (erat autem dies Dominica) me alteram duxisse uxorem, obicereque iam mortuæ. quòd quietius cum hac viderem at illa tristis tacebat tum paulò post hæc nova vxor evanuit: multa verò cum prima, quam mortuam esse cognoscebam, & quorum postquam expectatus fui, recordabar, & nunc etiam tandem petiit vt quinque sacrificia instaurarem, secundum pro illa inde tetigit me volentem, & frustum chartæ fronti agglutinavit, quod



quod paulo post excidit : hæc autem ferebam inuitus ( quod mortuam scirem ) ne irata discederet. Demum etiam mihi astare visa est mater , quæ decem annis ante vxorem obiecit , sed ego viuam arbitrabar : atque inter illam & vxorem , Ioan. Baptistam filium esse video , verum quasi septennem , non vt erat sexdecim annorum : metuens ergo ne à matre sua abduceretur , quod mortua mihi videretur , meam rogabam matrem vt illum abduceret : quod sæpius orans , non obtinui : ab vxore impetraui , ne illum tangeret : iussitque me bono esse animo : tandem mater perpulit illum mea per ponticulum.

Hoc somnium ex his est quæ pauca per plura declarant. Significabat ergo , conuersum me ad studia & voluptates : nam & eadem nocte somniaueram , visis Alciati carminibus quibusdam , me carmina pangere. Vnde noua vxor , anima erat studiosa , relicta filiorum cura , cui operam dabam. Quinque sacrificia , primum matri , secundum ipsi vxori , tertium Ioan. Bapt. qui apud eam sedebat , quartum ad me pertinere videbatur , quintum nõ exprefsit : ordinem ergo , quo morituri essent reliqui , ex duobus primis ostendit.

Anno M.D.L V I I I. vij. Idus Ianuarias , videbar sub diluculo esse iuxta portam Ticiensem : atque ibi audire : Ducerésne , alter alteri dicebat , vxorem cum sex millibus libris : ego , vt audirem , irrisuionis causa , quod nuper filius ille meus nunc felix indotatam duxisset , dictum credidi : at ille negauit. Visus autem sum oporare statim , vt in somnium esset , vt erat : & in aliud , quod & euenit , comutaretur. Itaque statim visus sum cum puero domestico & mula ascendere peruiam latam & accliuem , spacio vnus horæ cum dimidio , in urbem perpulchram mihi ignotam , tamen in qua plurima erant palatia. Sciscitatus , quod nomen vrbi : mulier quædam , Bacheta respondit : mirabar , quod cum Italicè loqueretur , nunquam hoc nomen ( cum tamen necesse esset splendidam esse urbem ) aliàs audissem. Subiunxit quoque ea mulier , dicens : Non esse nisi quinque palatia in vrbe , mihi contendenti longè plura vidisse : erant enim plusquam viginti , atque inter cætera vnum eximæ pulchritudinis , atque auratum. Tum verò puer cum mula subduxisse se videbatur : & cum abduxisse mulam existimarem , nihilo secius vocanti respondit : sed vbi esset , videre non poteram , interposito ædificio. Tum somno solutus videbar , narrareque somnium cognito , quem tamen à somno incognitum fuisse constat : admirarique quæ nam esset illa ciuitas , & quale nomen : ille mihi , Neapolis est. Quid ego , inquam , Bachetæ cū Neapolitū ille : Hoc tibi nūc interpretandū relinquo. Statimque sōno solutus sum : & admiratione plenus , quantū vnquā aliàs ex quouis sōnio viso.

Ergo à notissimis incipiamus. Ex dedecore infauti matrimonij : quoniam tunc interpretari non poteram , quod tamen tempestiue oblatum fuerat ( omittere autem omnino eam considerationem , somnium indicauit , quod ex verbo auditō in eam vitam tam arduam me conieci ) significauit me vitæ genus ingressurum valde difficile , tum quia via erat

accliuis , tum quia diuturna equitatio , tum quia mulam loco equi ( nam duos tum habebam asturcones , mulam nullam ) inscenderam. Erat ergo via illa , exercitatio medica , in qua per annum cum dimidio ( id significabat hora & dimidia ) ad summum profeceram : ductus in nouam urbem , munus quidem legendi , quod mense Augusti sequentis anni obuenit , priuatus sum mula : id est omni tædio exercitationis totum me conscribēdis libris tradens : cuius tamen pigebat ob mortalem ambirionem , & lucrum : quæ duo mala vix exuere possumus. Palatia illa totidem volumina ante mortem edenda , mihi quidem vt domino gloriosa , aliis vt spectatoribus voluptuosa , significabant. Nouissimum illud aureum , existimo esse Theonoston. Cæterum me mulier illa , quinque tantum esse monens : Posteritas , quæ solum quinque ex his ( quæ sint illa , nescio ) probabit. Quod puer cum mula non discesserit , significat & voluntatem & occasionem incertam , exercendi denuo artem , esse relictam : nec prorsus exuisse eam curam : quod forsitan eueniet , contemplatione euehendi filij natu minoris : seu forsitan spes ipsa sola relicta : non tamen defuturam occasionem , responsum pueri docet. Bacheta verò , vulgari nomine virga Latine dicitur : quasi quod multis ictibus concidendus essem : quod euenit , podagra doloribus , ramice ( cui tamen statim occurri , ne in scrotum descenderet ) scabie mala , morbis minutulis , domesticorum contumacia , fraude , minoris filij ( qui solus mihi relictus est ) erroribus : vt nullo incommodi genere vacauerim ad hanc vsque diem , quæ est V I I. Idus Maias. Seu Græce expresseris *μδπαρρα* , quasi tabesco , flacesco , aut *διδυος* , quasi gemitus , vlulatus , fletus : seu *ἐνοτάλη* ad tabulam referatur damiatorum , ob inuidiam , & filij instam necem : seu *Π'αλδης* , palmæ ramum quasi virgam : aut quoniam virga vulgari nomine demonstrationem significat : ita solum de significatione actiua atque passiva distinguere oportet. Sed cur Neapolis : cum non nouum fuerit hoc scribendi munus , à *Νεά* & *πολις* : id est , noua multa & magna , non nouè aduerbialiter , inuenturum.

Quæ autem audiui per somnium , fuerunt Tamant : alia vice , autè mihi legenda oblata hæc : Commentatoris miseria miserta misericordia. Anno autem M.D. X L. nonis Februarij , cum duobus phratriis concinere hæc visus sum. Sex diebus adhuc eris in tormentis. Vltimo autem verbo modulationem miram succinere. Tamant , vt visum est infortunium repentinum & magnum significat. T. enim litera malè sonans est , & muta , & dura , & quæ non significant : vt dum de Geniis loqueremur , inexpectata significant : quod postmodum ex illa repetitione , Commentatoris miseria miserta misericordia : quod Græci significant eo , vnum duo tria , positium , comparatiuum , superlatiuum , Latini summum malum & miserabile. Illud quoque , Sex adhuc diebus eris in tormentis , numero perfecto ad vitæ exitum significauit : aut ab eo anno interitū vel natiuitatem nepotis. Verum singula etiam exquisitius , & maxime Tamant , habent significatum.



Sed Deus vetuit ultra nunc progredi. Et quamvis Tamant significet bis mille sexcentum septuaginta, melius tamen est prætermittere aliquid coniecturæ, quàm lenitatis suspitione aspergi.

M.D. L X I. die Ascensionis, vidi me equitare prægrandem mulam. Inde iam orto sole, mulierem nudam super meum caput ridendo cacantem, ac mingentem. Cum igitur nulla mihi sit mula, sed asturco parvus: significat, quod in primo somnio dictum est, à Republica & in vrbe magna laboriosum & vtile, sed non pro dignitate mea, suscepturum negocium: à quo (vt video) parum absum: non tam forsitan illorum culpa, quàm horum & mea mala fortuna, quæ me non finit, nec patitur, vt in patria vel tuto vel honestè esse possim. Et quanquam displiceat somnij indignitas, placet tamen quod vitam pollicetur. Hæc tam admiranda sunt, vt quis vix credere queat.

Sed quid dicturus esses, si legeres quæ nuper acciderunt in huiusmodi descripta tertio Paralipomenon? Cæterum non habere rationem recti, æqui, dignitatis, eruditionis, publicæ utilitatis, sed homines votis suis favere, maximè in Republica, minus tamen apud reges, quotidie reprehendi solet, nunquam emendari. Causa perspicua est. Viri præclari nulli blandiri sciunt, dedignantur rogare, polliceri nolunt: ita cum iis semper deterius agitur. Ita expedit mihi fugere honestè potius, quàm in periculo manere. Vbi in tuto fuero, non deerit mihi Deus, neque virtus etiam, in tam turpi fædo & profligato seculo: brevis conductio, & inusitata, vt qui stipem promuscidi elephantum præbent. Sic fortuna me adegit, non flexit.

Cum aliquando videret esse apud caudicum meum (litigabam enim verè) sensi me morderi in tibia, inuenique mutem esse: cœpi, & occidi: accurrerunt autem innumeri alij mures, partim mordentes, partim titillantes: quos cum occiderem, multo tamen plures accurrere sentiebam: nouissimè cum quendam satis prægrandem occidissèm, ab omnibus liberatus sum. Intellexi, per mures declarari eos cum quibus litigabam: hi enim mordent, sed non occidunt: vt nec mures id facere possunt: vltimò igitur, post multa, vnus interitu liberandum: quod & euenit: nam paulò post extincto procuratore collegij medicorum, mihi infensissimo, in ipsum collegium receptus sum: ex quo cessauit multitudo illa me inquietantium, quos contentio cum illis excitabat: atque ita perfectè & ad vnguem verum euasit. Comprehendit autem somnium etiam præteritam molestiam, ex quo futuram liberationem significabat. Accidit autem hoc in fine anni, à die somnij, causis ex astrorum circuitibus supra narratis.

Anno M.D. XXXVII, ante ver, vidi matrem meam à pedibus lecti stantem, ac spondæ ipsius lectuli sic vt tota extare videretur insidentem, coccinea talari tunica astricta indutam, de more, cum domesticis negociis incumberet: valde lucentibus oculis, vocantem me vt secum irem. Cui ego: Cur ita? nonne mortua es? respondit: Certè. Cur ergo me

tecum venire vis, cum id non possim aliter quam si peream? tum illa: Ita melius tibi erit, & quietius viues: hoc ego cum pernegarem, illa acrius ac sapius instaret, tandem irata abire visa est. Dignum fuit vt diligenter adnotaretur somnium, vt quod mihi primum vitæ periculum denuntiaret: quod paulò post scilicet succedente ætate aduenit. Nonem enim totis diebus perpetuis continua cordis palpitatione oppressus, tandem vomitu senbilis prassinæ, seu epoti iam alicuius veneni, quasi præter spem sum liberatus.

Vitæ etiam genus non satis secundum virtutem, quod tum sequebar, improbare illa visa est. Vnde & oculi tam splendidi, quales iratis esse solent, vt quod mores meos & institutum improbaret, visa est habere. Demum ærumnas illas tam graues, tam diuturnas, quas tamen non adeò magnas esse intellexi, vt vita mortem potiore esse ducerem: nisi cum post viginti & vnum annos, casu illo nefando publicæ cædis filij percussus sum. Nunc verò filia sterili, nepote ex primo genito infante, filio non satis in spem educato, aut longiore sanè, illud dicere visa est: Cum morieris, maiore non cum spe posteritatis morieris, quàm si nunc pereas: etenim nunc supererunt duo tantum infantes: cum morieris, & duo tantum in longam spem stirpis tibi etiam supererunt: vt nihilo meliore spe eius voluptatis tum sis, quàm nunc, periturus: at interim flagitia nulla esses admitturus, nec adeò crudeles casus tuorum visurus atque experturus, quales si vixeris subibis. Sed & adeò constanter perneganti, diuturna vita demonstrabatur: vt constanter rogante illa calamitates illas mihi haud dubiè expectandas intelligerè. Quo fit, vt etiam in posterum nec felicem vitam mihi possim polliceri.

Diluculum antè per duas horas, quod serò venturum significat, diei vigesima tertia Iunij, M.D. L X I. vidi me velle balneum frigidi fontis, loco amœno & abstruso, in quod ætate ingredi solerem, hyeme intrare. Ergo hoc significat, tandem futurum vt redditus imminuerentur, latitumque id modestè: quoniam abditus esse viderer: nec ob id iacturam passurum: tum quia ingressus non essem, tum quia loco an ceno essem.

Anno M.D. L X I. vi. Idus Iulij, in meridie, sed tamen post esum fructuum & casei pauci ouilli, vidi me esse apud Senatorem, quasi defensorum causam meam detractionis stipendij centum coronatorum aureorum: at ille ubi vel duo verba audisset, iratus cœpit mihi asperius respondere. Deinde cum repeterem suauiter pauca ad excusationem, totus ira concitus, mihi collū manu torquebat, tergusque cubito premebat: cum ego rogarem humiliter vt me sinneret, vt ignosceret: ille ardentius ac enixius cubito pressit, vt de vita dubitarem, ac ne per domesticos deterius verberibus me haberet: tandem fatigatus, me totum contusum reliquit, & è cubiculo expulit. Cum ego timens ne caput lapide illideret, à superioribus fenestris non audebam exire: itaque nec exire tutum, nec manere securum cum



cum existimarem, dolore longè maiore, quàm alias ex filij morte concepì, premebar. Recordor somniasse, me duci ad supplicium, minore satis animi cruciatu atque tristitia. Dicebam mecum: Heu mihi, cum publicè hoc resciscerent homines, quomodo licebit mihi è domo prodire? Si non accuso illum, inulta manebit tanta iniuria: si accuso, detegetur quoddam forsan illud pudebit reuelare: deinde qua ultione Senatus mihi infensus, vnus eorum aduersum me volet iniurias vlscisci, quas forsan etiam ex omnium consensu intulit? Nec prouinciae praeses hoc curare volet, vt contra Senatorem mea causa agat: cum nec id possit. Cum verò sic mecum disputarem, seniculus primum, à quo nihil: deinde adolescens cum ense ad me venit, quem filium illius esse existimabam: metuique, ne me noua iniuria oneraret: sed neuter nocuit, amboque tanquam nil actum esset, hoc dissimularunt: interim visus sum egredi tutus è domo: & dum in via essem, occurri phratrioni, illius valde amico atque domestico, quem ego non noram, sed ex suis verbis cōiectabar: cogitabam igitur, vt apud illum quærerem. Dixi autem: Quid, etiamsi poeniteat, boni mihi reddere potest pro tanta iniuria? Deinde adeo iratus est, vt forsan denuò aduersus me irritetur: interim tandem somnio hoc molestissimo solutus sum.

Ergo Senator hic, Senatum refert. Et cum esset vnus è praefectis Academiae, res Academiae significabat. Itaque cum literis regis adempti essent, vt dixi, centum coronati, quos à praefide prouinciae vt mihi iure debitos spectarem reddi: significat, non reddendos: nam si redderet, Senatus tergus meum: id est, senectam meam cum occulto meo dedecore non premeret: cumque per amicos auxilium peterem, verbis asperis eum vsurum: nam Senator ille vnus est ex his qui filium damnauit: talis ergo Senatus, qualis illius erga me affectus. Significauit & metum deteriorum: sed cum nec dolor nec plagae adfuerint, ea iniuria contenti erunt. Quod enim non auderem egredi significat me non ausurum dimittere munus profitendi, dum deteriora metuo: sicque mansurum in eorum potestate. Demum quod tandem exierim, significat me à metu, non dedecore liberandum: cogitaturumque, vt per amicos, sed parum mihi deuinctos, dedecus id frustra leniam. Quod dolore maiore angerer, quàm ex filij morte, etiam id contigit: cum hoc facto illum iniuria periisse cedere cogar.

Die sequenti cum similiter prandissem, ab antemeridiana hora ad horam quartam post meridiem, spatio penè horarum sex, duo vidi mirabilia somnia: quorum primum fuit, quod viderer esse adolescens, atque ea de causa valde laetus: deinde cum apud maximum regem essem, ille me iactante patientiam meam ac incorruptam fidem, tacito quodam consensu inter illius pueros vnum me recepit: atque interim ego illi maximè inter omnes perpetuò assistebar, visusque est credere verbis meis, ac fidere. Cum iam securum & laetum (videbar enim praeter id sanatus à morbis & malis affectibus, quibus verè premebar, at-

que, vt ita dicam, adolescentiae primae cum omni robore & ad ferenda quaeque incommoda patientia restitutus) amasia regis me atrectare visa est lascinius: at ego dissimulans, vbi me opportunè subtraxissem, recitavi id aniculae cuidam, cui plurimum fidebam, per somnum tantum agnitae. Deinde coepi more plurimum, ac multo magis timere mihi, dicens: si reuelauero, rex me occidet: si non reuelauero, illa cum aliis hoc agent, detecta tandem, me deteget: atque qui tam fidus haberi volui proditor domini habebor. Si adolescenti obsecundè, inter tot oculos latere non potero, si non obsecundem, ipsa apud me facto iam confessa crimen, nollet habere testem sui flagitij. Itaque vtrovis modo & mihi pereundum est: & fides mea incorrupta, tanquam improba & fallax, in omnium ore detestanda erit: heu mihi, quam inuictis vinculis foris mea mala me circumdedit. Paulo post visus sum esse eiusdem nescio, an alterius potius principis medicus: tum verò dum in aula essem, vocari à paupercula muliere: ad quam cum diuertissem, exiguae spe pecuniae, puerum à pedibus vnicum, & equum aut mulam (non sat memoria teneo) reliquisse videbar: vt me frustra quæreretur, & ego illum. De hac muliere cum principe verba habens, excusansque quod ob pietatem illam inuississem, somno solutus sum. Itaque amasia regis, religio est, cuius nomine tentatur, in solitudine ero non mediocri: haud tamen laedat. Rex ipse, vsus: vt ad medendi consuetudinem rediens, ea cogar ferre quae iuuenis: atque hac conditione satis honestè acceptus viuam. Id verò declarauit somnium secundum, quod primi loco interpretis habetur. Paucos inuisam casu: videbar enim vnus regis curae additus: plebei tamen multi concurrent, quos non recepturus sum. Manifestum est autem, quod hoc continget post biennium: ergo interim viuam, & valebo. Nam si sine restauratione professurus sum, ex somnio prior res in annum producit M.D.LXIII.

Anno M.D.LXXIX. die xvij. Februarij, somniabam me esse in Pontificis curia, adesseque duos lupos domesticos, quorum minor cum aduersum me innermem venisset, apprehenso ore ac diducto fatigatus abiit: maiorem verò, cum post illum me esset aggressus, gladio paruo, quem mecum habere videbar, ingulaui. Significauit, ex ratione lupi, eodem anno duos aduersarios me superaturum: vnum qui senior erat, vi repulsurum: alium fatigatum amicorum precibus, Bernabouem Cruceium medicum, innoxium redditurum: idque ad vnguem ita euenit.

Anno M.D.LXXVI. cum adhuc collegium mihi aduersaretur, aestatis tempore medebam in domo Comitum (ea est dignitas Longobardicae dominationis) Camilli Bonromei: vbi cum multa rectè egissem: quoniam non solueret, & ego pauper essem, decreni ab ea domo me subtrahere: itaque cum id egissem, contigit vt post paucos dies (vide Farorum vim) ante portam illius obequitans transirem. Vxorque eius, nomine Corona, ex familia Samaliorum, astabat in porta praeter morem: vix enim toto anno bis aut ter hoc



agere consueuerat. Vbi me vidit, dissimulans meum discessum, vocauit me ad ancillam ægrotantem: ita quasi inuitus introiui, malaque fortuna mea postridie illa sanata est: ego tamen non ampliùs redire decreueram. Sequenti die, aut sanè non magis quàm triduo post, video serpentem ingentem diluculo per somnum distentum super terram prope me, à quo deuorari timebam: & quamuis ille quiesceret, solumque me aspiceret, ego tamen adeò territus sum, mihi que timebam, vt euigilaerim. Intellexi planè maximum mihi impendere vitæ periculum, quòd si & illud potuisssem animaduertere, serpentem ipsum esse insigne familiæ Bonromeorum, quinimo etiam in pariete domus atque intra passim depictū, periculum deuitasssem. Sed, vt dixi, sapiùs ea eo ordine constant, quæ ventura sunt, vt tantum detegatur, quantum, ne obuiam iri possit solum Fatis, sufficiat. Anxius ergo, vnde mihi periculum impenderet (impendere autem tam certò noram, quàm si in eo iam essem, ob somnij claritatem summam) expectabam. A prandio cum exissem, reuenterque domum, obuiam venit mater, vxorque, monentes vt quàm celerrimè ad Comitum illum me conferrem, ægrotare filium eius (erat autem è pluribus vnicus relictus, septimum agens annum) cæpi cogitare de proposito, & quòd iam illi, cum me deseruissse curam domus animaduertissent, nihilo secius nihil nec darent nec offerrent: memineram somnia matutini: sed vrgentibus mulieribus adeò mihi charis, nec cogitante me quod ille inter insignia serpentem gestaret, nec de domus pictura, accedo: & puerum leuiter febrere, vt mihi videbatur, animaduertere. Verùm in quarta pulsatione animaduerto, pulsus ex toto conuiescere: atque id per continuos circuitus: vnde magnū malum suspicabar: quòd tamen mortem certam portenderet non intelligebam: neque enim iam libri de Pulsuum præsagiis, qui id docent, Galeni in Latinum sermonem conuersi erant: nec ego tantum profeceram tunc, vt hoc possem ex illis intelligere: interim ergo procedente in deterius morbo vsque ad tertiam diem, cum mater de filio sciscitaretur, ego omnis doli fallaciæque ignarus, respondebam: videri puerum cum exigua febre, nec grauius ægrotare: esse tamen in quarta pulsatione perpetuam quietem in carpo, quæ me suspensum detineret: latitare quippiam suspicari. Cum verò illa sapius quid hoc prætenderet, interrogasset: Ego me nescire (quod parum prudenter, tametsi ingenuè, responsum, solum mihi obsuit, tanquam imperitiam propriam fatenti) dixi.

Itaque tertia die manè cum & à matre admonitus, & me ipso id percipiente, signa vermium euidentissima, & maximè in spiritu animaduertentem, conscripsi medicamentum valde quidem expertum, & quod mihi gloriam sapè, pueris multis in Saccensi oppido salutem attulerat, Diaro cum turpeto vocatum in officinis: verùm quod apud inuidos & æmulos calumniæ subiici posset, quòd scamonium turpetumque reciperet. Iamque famulus chirographum in manibus habebat,

iam ibat ad pharmacopolam (vera testor) cum me cura quadam subiicit, dicebamque mecum: Quid si signum hoc pulsus mortem significaret, & mortuum æmuli dicant medicamenti potione: Quid si hoc repente contingeret, & nedum medicamento eiecto pereat? Parum hi se me amare ostendunt: pauper sum: collegio medicorum inuisus: magna laboro inuidia: nullis sum affinitatibus fultus: perseuerabam tamen in proposito, adeò medicamentum illud mala quadam fortuna perpetuò fidem integram, quam de illo habebam, seruauerat. Ita nihil tam felix homini contingere potest, quod vel imprudentia vel sinistra fortuna in tuam perniciem vertere non possit: hoc enim medicamentum tam salutare ægris, mihi tam gloriosum, quàm parum absuit quàm me perdiderit? Verùm somnij recordatus, dixi: futurum est omnino, vt in maximo periculo vitæ sis: quis scit, num hoc dato medicamento iste puerulus pereat? nulla amplius occasio tibi superesse viderat tanti periculi, præter hanc: hanc ergo deuotare certum est: his omnibus cogitatione reuolutis, tanquam fulminis ictu quodam, reuoco famulum: dico deesse quippiam: chirographum recipio, & abscondo: alium conscribo: ex oricis scobe, smaragdo, hyacinthis & margaritis conficio medicamentum: exhibetur ante vesperam: redeo, inuenio vomuisse medicamentum vocatos tres: primarios vrbis medicos: repræhendisse patrem pueri, quòd relictis tot præclaris amicis, opera mea vtatur: esse me inexpertum artis, puerum in magno vitæ discrimine. Cum tamen medicamentum quod dari iusseram, diligenter considerassent, conuenire responderunt: iusseruntque denuò dari, quod solum mihi profuit: nam mane sequenti ante diè ad me miserunt: corripuerat enim puerum conuulsio valida, ex qua periit intra septem horas: ille autem mihi imperauerat, ne discederem: parui ego timore potius quàm voluntate, & ne maiorem suspicionem peccati facerem. Vbi periit, tentabam me subducere, nec poteram: pater postulabat (detinebatur enim summa vi ab amicis) vt copia illi fieret filium inuiscendi: tandem mulierum auxilio, me sine læsione, sineque iniuria subduxi: iam enim patrem ipsum multis morbis, præcipuè à quodam insanabili, vt alij rebantur medici, curaueram. Si tamen primum medicamentum quod scripseram, dedissem, nec somnio paruisssem haud dubiè eo impetu periissem: eo tamen factum est, vt me apud nobiles vbique laceraret, certi beneficii immemor, incertæ iacturæ constantissimè tenax. Id verò quantum obfuerit gloriæ ex artis exercitatione parandæ, ac nomini & lucro, quisque intelligere potest: quàm diu enim vixit ille (vixit autem post annis circiter duodecim) tota nobilitas vt amentem fugiebat, & peius angue hoc solo casu oderat. Quod tamen non factum est ob id, vt manifestè declararunt subsequencia tempora, scilicet vt abiectus viuerem: sed (vt in secundo Fabularum libro doctui) illustis per omnia secula, fama mea celebraretur. Nam nec sine hoc casu totum me studiis, quanquam vellem, tradere poteram: nec cum eo casu absque somnij



fomnij monitu, enadere mortem licuit. Ob hocque solum somnium, hoc Opus conscripsi. Et quamvis alias scripsisse etiam ipsum meminerim: quia tamen (vt dixi) illius causa solum hos confeci libros, indignum esse ratus sum, ipsum hic prætermittere, quod conscribendi operis causa fuisset. Ergo si nihil aliud commodi hæc doctrina somniorum interpretandorum attulisset, an non hoc sufficere debet, quodd viginti quinque hi anni, quibus iam superuixi, quicquidve in posterum superuiuum, filiique geniti, totque libri conscripti, fama que perennis, hinc somnio debentur?

Nocte quadam somniaui, videre me, atque alterum Hieronymum Cardanum medicum (cuius auus, & meus pater, ex fratribus geniti erant) cum thorace holoserico rubro ac purpureo, cum veste undulata: sed undulata mea exterius altera tunica ex laneo panno, vili, cinerei coloris, confuta super erat. Indicauit hoc, pariter nos collegium adepturos, ad senectutem peruenturos, opes (non magnas licet) paraturos: mihi tamen plurimas euenturas miseria: color enim ille paupertatis est, aut calamitosus: quæ omnia plusquam cupere euenere.

Nocte sequente diem Dominicam, circa ortu Solis, XXV. diei Augusti. M.D.LXI. vidi mulierem in domo fabri ferrarij, assueti (vt tamen mihi videbatur) catulas castrare, sed ignoti etiam tum: & eam mulierem mulier alia, domino eius quæ castrabatur, castrauit: quod filios conciperet, & abortiret. Castrauit à latere sinistro, accensa lucerna, me vidente: nec visa est profundè vulnus demisisse, sed in summa superficie: videbaturque admodum pinguis, vt mirarer, cum in vultu macilenta esset: nec eximit testem: vnde dixi: Cur testem non eximis? at illa respondit: Satis est, videbis quod nunquam concipiet: nec perfecit opus in dextro latere, sed tantum inchoauit. Ars fabrilis, significat strepitum & seditionem in domo: castrare, est voluptatem amputare, vt visum est in superioribus. Fœmina significat virum malorum morum, vt in tertio libro.

Paulò post vidi ramum pruni (quem masculum vocabant) ex India delatum (affirmantes apud nos tamen esse pruna fœminina) florentem, & cum folijs persimilem plantæ visci. Dicebam ergo: Plantate hunc ramum, aliter peribit: at illi existimabant, sic fructum editurum: inde ex fructu nucleus plantaris, prolem suscipere sperabant. Quod si plantaretur ramus, periturum fore. Dicebam ego: Tempus opportunum est mensis Decembris, qui etsi frigidus sit, terra tamen concipit. Vilus sum persuadere: non tamen vidi ramum plantari. Hoc somnium significabat, me præcepturum aliquid vtile præfecto vrbi, quem tum curabam: illum tamen non facturum: me rationem adducturum, quia ille cum conuinci videretur, non tamen obtemperaturum. Ex hoc (cum nemo aliorum incommoda sentiat) iratus mihi, discessum denegauit petenti. Sed & somniū esse ex præteritorum memoria mistum & causam antecedentis iuxta regulas datas. Euenit ergo ipsa die quod somnium præmonstrauit: & reliqua omnia intra quindecim dies, quæ ex utroque significabatur, peracta sunt. Pruni etiam nomine: quoniam pruna carbonem accensos significat, ardorem & æstum animi de-

clarabat. Et pruni etiam nomine materna lingua, vt arbor & fructus, ita etiam ictus noxius & grauis: vnde iacturam significabat. Quoniā verò ramus erat, & nondum fructum pepere- rat, multiplicis dedecoris & iacturæ periculum significauit: & quod in longum tempus tenderetur: nihil tamen certi, quoniam radice caruit. Masculi autem differentia, grauius damnam portendit.

Paucis post diebus videbar esse cum duobus sociis in domo mihi ignota: & illi tamen mihi noti, à somno incogniti: dumque in superiore essemus cubiculo (erant autem socij, iuuenes dedecori, compti, atque alter eorum solo thorace laneo indutus) superuenit dominus domus, & ipse iuuenis, qui (vt videbatur) nouerat suam vxorem iuuenem, sed non admodum, apud nos esse. Et vt ingressus est, me & eo qui pallio indutus erat quiescentibus, alter elapsus ex ostio, per quod ingressus est se præcipitem ex altissima fenestra dedit: at dominus domus cursim per scalas educto ense, sequebatur illum: ego cum existimarem totum confractum illum, qui non saltu se præcipitem dederat, sed circumuolutum quomodocunque se proiecerat, vidi discessisse. Duos post dies visus est is equo insidens, obuiam factus, interrogari à me, & quod nō læsus esset, & quod solus ambularet admirante: respondisseque, non timuisse nisi tum. Se autem cum præcipitem dedisset, sic seruasse casus rationem, vt non offenderetur, solūque in pede paululum læsum. Ego tamen mirabar, cur vxorē illius hoc facto infamasset: videbar illi timere. Hoc mihi significat atrox malum: quod atrociori denitandum, non citra omnium admirationem curabo.

Antequam autem Mediolanum venissem, per duos dies visus sum in curia ambulare super lectos, maximo cum labore & difficultate. Eram petiturus pecunias, mihi promissas ibi. Significat ergo, quod facile esse existimaram, futurum difficillimum: atque vtinā tam clara essent omnia somnia: non enim indigeremus his libris.

Nocte quæ præcessit diem ortus mei, anni M.D.LXI. scilicet, VIII. Calendas Octobris, filius meus qui solus mihi superest, natu scilicet minor, vidit per quietem, fecisse placentam cum butyro, quæ in marmor cōuersa est: ipseque iussit, vt ex templo, quod valde propè est domui nostræ, referretur in templum D. Michaelis, quod è regione est domus, ac propius. Hoc somnium mortem filio minaretur, nisi ipse adiuuasset: nam marmor edi non potest: quia ergo inuit, delatumque est in templum, in quo, quamvis propè sit, sepeliri non solent maiores nostri: ideo credendum est significare, factum molliter durius illi cessurum. Cætera nunc non vacat interpretari.

Adiuuabit hanc interpretationē somnium meum, quo eadem nocte, imò ipsa iam die procedente, vidi me inuenisse in limine domus cuiusdam, per somnum notæ, gemmam magnam, magnitudine calcei, ac quasi forma viridi circumdatam, perspicuā valde, vt crystal- lus esse consuevit: sed qua parte perspicua erat, viridi colore non erat circumdata: in spem itaque magnæ opulentia erectus videbar. Redij ad locum, videre volens an aliud frustum ibi relictum esset, & inueni fœminam crepidam valde



valde pulchra, cuius ima pars & postrema eodem lapide constabat. Vnde mecum reputabam, dicens: hæc inuentio à furto parum abest: vnde nisi esset quoddam in manibus gero Eumetrim (qui quàm diu à me gestatur, varia & grata, iucundaque somnia commonstrat: & si ter expergiscar in vna nocte, totidem video somnia) dicerem hoc somnium præcedenti coniunctum, nuptias significare filij optimas: & concepturam vxorem, sed foetum non superuicturum. Verùm palam est irrita esse somnia omnia mea, postquam hanc gemmam fero: fero autem ob læta somnia: sic enim diutius est lætum vivere, somnij tempore iucunditate fruis atque dimidium ferme reliquum vitæ, quoddam nobis in posterum eripitur, somno hilaribus visis recuperare. Sed & ob omen: quandoquidem Eumetris, quod bene moderatum significat: fortuna autem à me electus est, cum nec nominis nec etymii recordarer: idèd pro omine accepi. Fieri etiam potest tum comparatione ad naturam filij, vt somnium illud inane ostenderit, nec tamen quicquam significet dignum animaduersione.

XIII. Calendas Nouembris huius anni M. D. LXI. visus sum inuenisse iuxta latrinam, in muri foramine satis amplo & recondito penitus, sex aureos coronatos: paulò post quatuor alios, dupli ponderis: demum etiam quatuor manicas aureas, satis graues, cum verutis palmi longitudine peracutis: erant autem manicae in annulorum formam rotundæ, quas ob mucrones iunctos vix recondere poteram, idque me grauitè angebat, & ne deprehenderer timebam: tandem abdidisse omnia, atque seruasse visus sum. Ausugerat à me his diebus scitulus puer, cuius consuetudine, quod etiam fide præstaret, & lætus esset, inter tot aduersa delectabar non parum: fuerat enim ab improbo famulo ad fugam pellectus. Cum verò id alumnus eius rescuisset, ad reditum illum hortabatur. Ea igitur erat dies, qua reditum se pollicitus fuerat. Hæc adieci, vt intelligant lectores potuisse ea per idolum referri potius, vtpote curas, animi anxietatem, impedimenta apertè, quam per aurum occultè: tum anima impedita arduis negociis, huiusmodi non recipit. Quia ergo omnia hic ad aurum referuntur, significata illius omnia colligere oportet: curas magnas, sollicitudines ob pretium, impedimenta ob pondus, tristitiam ob pallorem. Reuersus est ergo eadem die, vt significabat somnium: inde multa verba: tandem mansit apud me. Ergo aurei sex primum significarunt sex soles: nam die lunæ reuersus puer, sabbatho sequente aufugit filius qui mihi vnicus est: ita renouata cura est, sed longè maior. Mucrones illi dolorem significabant: paucos enim post dies mortuus est alumnus meus mihi charissimus, Guglielmus Cataneus, quem ex Anglia abduxeram. Periere ea in causa aurei quadraginta ferme: filij fuga plusquam vigin-tita vnde quaque pecunia perit, molestiæque plurimæ & absque fine consecutæ. Erat autem somnium mistum re, licet simplex visio videretur: Volui hoc descripsisse, vt intelligeres, quomodo leuia magnis misceantur, vt vnum somnium, cum de pluribus sit, videatur.

Noctè sequente filij fugam, somnium vidi fœdum, sed admodum clarum ex quo intellexi,

filium in potestatem meam rediturum, & meliorem factum, ac famosum: sed non retenturum me illum securè, propter imbecillitatem operationis. Et somnium hoc mirum in modum disconuenit cogitationibus meis: sed si non futurum esset, non visum fuisset: non enim eueniunt somnia: quia videantur, sed quia futura sunt, idcirco se nobis offerunt. Quis hic non videt somniorum vim? nam si ob memoriam aut affectum contigisset, poterat per filium, non per aliud quippiam, significari euentus rei.

Cum anno M. D. L. VII. somniassem, me audire harmoniam suauissimam atque celestem, adèd vt etiam illius memoria recrearer: expectatus, statim inueni principium illud: Cur homines ex febribus alij necessariò moriantur, alij non; cui quæsto iam prope vigin-tiquinque annis inueniendo incubueram. Eo ergo inuento, statim manè cœpi conscribere librum illum pulcherrimum Artis parvæ mendendi, quem post quatuor annos, postquam eum plusquam vices aut transcripsissem, aut transcribi curassem, absolui: in quo tota prorsus medicina continetur. Sic ex harmonia, diuina sapientia portendebatur.

Demum illud adiiciam, quoddam trium librorum qui per somnum mihi demonstrati sunt, summam cœpi voluptatem. Primus fuit, de Subilitate: secundus, Micropresbycon, de quibus aliàs abundè dixi: Tertius, sapius mihi oblatu est: videbam magnitudinem, sed cum quærerem apud bibliopolam, apud quem videram, non inueniebam: videbatur enim vendidisse illum: titulum oblitus eram legere, sed de omnibus agere videbatur: tanto igitur desiderio detinebar habendi, vt expectatus non possem conuiescere: cogitabam mecum, quis talis liber esse posset: tandem, dum perlego forte fortuna Cœlij Calcagnini librum X. ni fallor, Calendas Ianuarij M. D. L. XII. quem iam pridem emeram: hoc somnium significabat, quod non apud bibliopolam esset, sed apud me illum esse animaduerti. Dices, hic ne tam præstans liber est: minimè: argumenta sanè pulcherrima sunt, sed non præstat in enarratione quod pollicetur in titulo. Paulum enim differt à puro grammatico: sed causam vidisti in primo libro. Forsan etiam & sub hoc, & sub libro Micropresbycon, arcanum aliquid mihi fatale latet. Vnum est, voluisse ob pudorum suppressere, quædam parui momenti magnis affectibus quandoque per somnium ostendi, signota tametsi & incerta causa. Mihi tamen his diebus magno ille liber vsui fuit.

Reliquum est, vt celebri somnio, quod mihi XI. Calendas Februarij anni C I O. I O. L. XII. visum est, doceam, quod maximè impedimento est somniorum interpretationi: scilicet ἀναμνηστικὸν à visione separare: nam nihil est quod magis impediatur huiusmodi interpretationem, fallacemque hanc disciplinam ostendat, quàm huiusmodi mistio, quæ & frequentissima est, & (vt dixi) maximo impedimento interpretationi atque prædictioni. Paucissima enim somnia videri solent, in quibus aliquid ex memoria præteritorum non adsit immistum, quo totum somnium fœdatur: non solum prædicendi ratione perturbata, sed quod homines cum eâ partem videant esse ex memoria præteritorum,



teritorum, & in quolibet somnio, quantamcunque partem & persæpe maximam esse eiusmodi, existimant totam somniorum materiam ex ea constare.

Contigit itaque, ut tunc viderem me, quotquot annulos haberem, præter duos, unum quæ semper gestare solitus sum, hyacinthum, alium qui gemmam habebat rubram & oblongam parui precij, ut mihi videbatur (nam hunc non habebam, neque huic similem) tradidisse Hispano mercatori, cuiusdam gemmarij etiam per somnum mihi ignoti, suasu nec illum pecunias numerasse: imò mihi videbar non dedisse, sed gemmarius ille id constanter affirmabat, tertia ante die tradidisse ac vendidisse: narrabatque ille venditionis rationem talem, quam ille lucrosam & bona conditione factâ contendebat: scilicet ut intra biennium pretium redderet: duosque se obligasse in solidum, nullo tum interveniente scripto, aurique pretium esse (nescio quid) aiebat Quadraginta & tredecim pro centum: atque hoc tantâ opimum, mirum in modum pretium laudabat, ac extollebat. Emptorum horum alterum dicebat esse textorem sericeorum pannorum: reliqui non meminit, neque ego qui esset scire videbar: cumque ego quærerem, tantquam his vendidissem qui versuram ob inopiam facere possent: aiebat ille, prædiutem eum esse textorem. Rursus cum diceret auri pretium illum redditurum, quærebam de gemmis ille aiebat, etiam gemmarum, quanti valerent. Ego verò dicebam, quasdam esse gemmas, quas ego pluris satis emissem, quam æstimarentur: atque inter cæteras Seleniten emisse quindecim aureis coronatis aiebam, cum ille diceret in æstimatione non pluris esse tribus: cum autem quæreretur de hoc, dixit: Quid sua refert, quod tu pluris emere volueris? satis est ei, quod det pretium æstimationis, & quod valeat: pigebat autem graviter hoc fecisse, quod hominibus ignotis sine syngrapha, deinde tam procul habitantibus, ut cogere si illi fidem non servassent, usque in Hispaniam ire ad litigandum, & omnia alia negotia relinquere, aut amittere prorsus rem & pretium: deinde quòd me ob modicum lucrum, & adeò incertum, spoliasset tot gemmis raris, quas tota vita conquiesceram: quæ tamen si venderentur, parvam summam constare possent pecuniarum, ac longè minorem quàm ea esset quàm emendo erogassem: itaque cū quærerem cum illo, quòd eius opera tantum errorem admissem: respondebat nihil, nisi me id egisse non coactū, sed ab illo tantum persuasum, qui existimasset id è re mea esse. Ego autem hoc

solo consolabar, quòd factum non patarem, sperabamque ac dicebam inuenturum in arca cum aperirem: neque enim recordabar ad arcam accessisse, vel unquam eduxisse annulos meos: ille tamen constanter affirmabat, me dedisse; nec apud me esse. Itaque rogaui prænomen illius quod esset: ille primum suspensus, gravatè dicere videbatur: tandem dixit, Stephanum se vocari. Interrogaui postmodum de nomine, & illud etiam difficiliter exponere videbatur: tandem dixit, de Mes. est autè vrbs, quæ paucis antè annis obsidione gravi cincta à Cæsare, defendente rege Gallorum capi non potuit. Demum interrogaui, ubi Mediolani maneret: ibi enim esse videbar: negavit se domum habere stabilem, sed huc illucque vagari: tandem dixit, se è regione cuiusdam monasterij virginum, nomenque retulit, habitaturum: sed ego non memini nominis: dicebat autem, in via gemmariorum semper inuenies: quo responso, cum id ita esse considerem, consolari videbar tum maximè, quòd gemmas adhuc apud me esse existimabam. Interim verò (nec id recordor) videbar in summa domus parte habere quosdam lectos, & pullum elephantem vinctum, atque feram aliam insignem pelle varia, qualis est pardalis: verum qualis esset, non recordor, nec quod nomen: ab ea tamen cauebam, nec fidebam. Elephantem autem pane oblato mansuetum expertus sum, de quo magnam voluptatem capiebam: aiebat autem ambos Hieronyma ancilla vetus, quæ nunc alibi moratur hæcque orto sole. Pridie à cæna de gemmis loquuti sumus, ut hoc totum esset ἀναμνηστικόν. Significat tamen, parum abfuturum, ne conditionem quandam insanam recipiam aliquatisper lucrosiorem spe, ea quæ est præsens, sed in qua sint multa pericula, & multa impedimenta, præsertim ornandorum librorum: hi enim sunt gemmæ: annulorum autem aurum, redditus, ob quæ pœniteas, præsertim quod nec securum erit illud præmium. Manifestum est autem, quod hoc erit prorsus in manibus meis ut faciam, propter spem quam retinui, quod irritum esset hoc negotium, & quòd annuli adhuc apud me essent. Erit ergo mei arbitrij, deliberare à quo somnium ut palam est, me dehortatur. Belluæ illæ quid significant, ancillæ veteris interpositio planè declarat: cum enim pulli essent, ambæ duos adolescentes, elephas quidem filium, fera anagnostam ob elegantiam studiorum & peritiæ musicæ insignem & variegatam, reliquæque ex ea historia decernuntur, significat Nomen & Prænomen medio regi: id est, principi serviendum docet, si recepero, cum tamen nihil habeam.



## ENCOMIUM ASTROLOGIÆ.

**S**I qua est humanis visibus ars necessaria, discipline utilis, aut contemplatio incunda, vel diuina sapientia, Astrologia certe non solum talis est, verum etiam omnium aliarum, tum artium, tum scientiarum, quæ harum laudum sunt participes, præstantissima: quippe cum sola, & ante alias omnes, astrorum primo cursus, dignitates, tempora, atque hinc Deos ipsos etiam esse docuerit. Etenim, ne longius à religione digrediar, Moses ipse, Iudaica conditor legis, quo nemo apud Græcos Romanosve antiquior est, festos dies omnes ab æquinoctiis & nouiluniis constituit: eos autem septenario omnes distinxit, ut numero & ordine Errones imitarentur. Cæli

vero



vero motus ac tempora ita diligenter obseruauit, ut cum reliquæ gentes Diis propter astra cultum impenderint, ipse (quod magis conuenit) astris diuino verbo auctoritatem dederit. Curiosius vero Græci atque Ægyptij, tum Phœnices, non tamen maiore ueneratione, astrorum disciplinam sunt profecuti. Nempe eos, qui illam inuenerant anxerantque, uiuentes quidem pro regibus habuerunt, mortuos coluerunt pro Diis: ut sic omni studio & illorum operam & dignitatem meritis prosequerentur honoribus. Vtique de multis aliquos recenseam, nonne Trimegistus ille primo talis apud Ægyptios fuit? Berosus apud Chaldaeos? Orpheus, cuius & lyra inter astra relata fingitur, quod mundi concentum referret: septem distincta chordis, totidem erraticarum numero. Inde Phaëton, quod Solis cursum explorasset, Endymion Luna, Atlas stellarum ac signiferi, Dedalus ille, quem volare finxerunt, atque Icarus, qui cum patriam disciplinam non perfectè adeptus esset, in mare ignorantia præcipitatus fertur. Sic Pasipha, & Phryxus Athamantis filius, ac Bellorophon, tum Atreus ac Thyestes, cum singuli singula inuenissent, & regno apud veteres digni visi sunt & diuinitate. Sic ille Tyresias, quem uatem celebrant antiquitas Astrologus insignis fuit, ob hocque dictus sexum permutasse, quod stellarum quasdam masculinas, quasdam dixerit femininas. Quid verò aliud argonauticam illam expeditionem aurei velleris significasse credimus, quam multorum Regum certamen in exquirendo æquinoctij momento, cum Sol arietem ingreditur. Nam & antiqui historici, & sacra pagina referunt, olim consuetudinem fuisse, ut Reges questionibus certarent, victusque victori aurea præmia persolueret. Quid etiam existimas Homerum ac Virgilium sensisse, cum ubique Deos illos altercantes aut pugnantes hos quidem pro Græcis aut Troianis, illos vero pro Turno Aeneaque? quàm quod stellarum hæc quidem huic parti, alia autem diuersa fauerent. Inde tot concursus conciliaque Deorum. Perabsurdum enim est, credere Deos tanquam homines hac factiuisse: absurdius etiam, cum hac illi scriberent, nullum prorsus sensum sub tot verbis latere voluisse, sed tanquam Chimeram, nullo vsui omnibus suis membris, inani quodam studio à tam clavis poetis fabulam fabricatam. Itaque cum Aeneæ Venerem, quod pulcherrimus esset, cum Turno Iunonem, id est, fortunam, ac Lunam, cum Hæctori Apollinem, quod fortis esset ac iustus: seu Solem fauere dixerunt, non aliud quam genium, seu sydus, quod unicuique dum oritur dominatur, sub fabula velamento intellexerunt. At Heronum genium ex virtute, & Erronum naturam, quæ illi similis erat venabantur: nam Appollinem & Iouem Saturnumque, Martem ac Mercurium, tum Venerem ac Lunam, reges fuisse credendum est, qui cursus harum stellarum vimque earum inuenerint. Sic Castorem, sic Pollucem, sic Arcturum, sic Andromedam celebrarunt, nomina illorum stellis quas inuenerant tribuentes, stellarum vero immortalitatem hominibus.

Verum ut etiam ad minus antiqua veniam, Legumlatores omnes huius artis præcepta obseruauere. Inter quos Licurgus grauiissimus Laconum, inter reliquas mandauit leges, ne ante plenilunium milites ad bellum exirent. Alij circa sacra magis eam obseruauere, ut Romani: quæ tunc enim erant Kalendarum, etiam ingressus Solis, in signorum initia erant. Athenienses etiam Græcorum sapientissimi, Berosus Græco, qui Platonis socius in Heliopoli fuit, ob veridica oracula, aeneam statuam cum aurea lingua in foro dedicauerunt. Omitto Thrasylbulum, qui maxima adeo apud Tiberium in ueneratione fuit, ut nihil non ex sententia illius ageret: conscius secretorum arcanorumque custos, atque is unus cui ille pareret, qui ceteris omnibus mortalibus imperabat. Quam nec pater eius Augustus, aut neglexisse, aut ignorasse dici potest, cum nummum nota Capricorni sub quo tam feliciter se natum esse cognouerat, signari voluerit.

Et quanquam maiora de alijs etiam referre possem, festinandum tamen est ad eorum finem, in quibus finis nullus queat inueniri, solumque id admonendum, Cum Iudeos primo, inde Æthiopes, post Ægyptios, qui syderum etiam obseruatione ab animalibus abstinerint, (cum non illa, ut vulgus existimabat, sed stellas sub ea figura venerarentur) inde Afros, Babyloniosque, atque Phœnices, tum Græcos, atque Italos (nam & Saturnus in Italia regnauit) inuentores atque obseruatores sui habuerit, tum in his Reges atque diuites prope homines, quid aliud existimandum, quàm eam quoddam munus esse Deorum, atque præcipuum mortalibus concessum? Nempe cum præterita Historicos extollant, præsentia Reges, futura Diis relictæ erant. Sed nec huius boni mortales expertes esse voluerunt, huiusque artis beneficio nos participes fieri curauere: ut illos tantum sapientes esse reor, qui eam disciplinam edocti sunt. De quibus dicat Sophocles: εἰς δὲ σφραγίδας θεοῦ τιλοῦσι. Quomodo enim eos amare non possunt, quos tam diuino munere donauerint: aut quomodo verè dici poterunt sapientes, qui diuinum nihil à Deo sint consecuti? Caterum, cum hoc nectâr sit, hæc Deorum ambrosia, cur non merito etiam felicissimi erunt, qui vel hoc poculi genus aut cibi degustauerint? Quamobrem necesse est Astrologiam omni alia disciplina & incundiorem & diuiniorem esse. At vero etiam utiliorem fore quis dubitat? cum & futura si prospera sint sequi doceat, si aduersa vel vitare vel æquius ferre: nam quæ diu quisque ante præuiderit, lenius feret, etiam si minuiere nequeat. Porro quam incunda sit futurorum scientia, ac quàm supra dici queat gratissima, ostendit tum etiam præteritorum, tum præsentium cognitio: quæ adeo nos oblectat (quanquam hæc inutilis sit) ut nihil horum causa non prætermittamus. At futurorum scientia, cum etiam sit necessaria, & voluptatem & utilitatem tantam, quantam nemo vel cogitatione assequi poterit, inesse necesse est. Igitur quod Ptolemaeo adscribitur, cuiuslibet huius artis studioso merito conuenire existimo, etenim secum dicit:

Οἱ δ' ὅτι θνατὸς ἐγὼ καὶ ἐφ' ἁμέρας ἀλλ' ὅταν ἄστρον  
μασθῶ πυκνὸς ἀμφιδρόμους ἑλικας,  
οὐκ ἐπ' ἐπιφανὸς ποτὶ γαίης, ἀλλὰ παρ' ἀπὸ  
τῶν διωτρεφῶς πῦρ πλάμας ἀμβροσίης.

F I N I S.